





IIA-1A










DECURIAE
ANNORUM SECUNDÆ
MISCELLANEORUM
MEDICO-PHYSICORUM
Sive
EPHEMERIDUM
GERMANICARUM
ANNUS SEXTUS.

REAR VIEW
OF THE
MISSISSIPPIAN
PERIOD
BY
J. M. R. L. D. M.
CHICAGO
A. R. N. S. S. S. S. S.





MISCELLANEA CURIOSA
SIVE
EPHEMERIDUM
MEDICO-PHYSICARUM
GERMANICARUM
ACADEMIÆ
IMPERIALIS
LEOPOLDINÆ
NATURÆ CURIOSORUM

DECURIÆ II.
ANNUS SEXTUS,
Anni M.DC.LXXXVII.

Continens
Celeberrimorum Virorum,
Tum Medicorum, tum aliorum Eruditorum in Germaniâ
& extra Eam

OBSERVATIONES
MEDICO-PHYSICO-CHYMICO-MATHE-
MATICAS,

Cum
APPENDICE,

cui annexa est
D. GOTHOF. SAMUELIS POLISH, Myrrhologia.

NORIMBERGÆ,

Sumptibus WOLFGANGI MAURITII ENDTERI.
Anno M. DC. LXXXVIII.

THE UNIVERSITY OF CHICAGO

LIBRARY

PHYSICS

GENERAL

ACADEMIC

1911

THE UNIVERSITY OF CHICAGO

LIBRARY

PHYSICS

GENERAL

ACADEMIC

1911

THE UNIVERSITY OF CHICAGO

LIBRARY

PHYSICS

GENERAL


ACADEMIC

THE UNIVERSITY OF CHICAGO

LIBRARY

PHYSICS

53:) o (: 80



POTENTISSIMO

Atque

INVICTISSIMO

IMPERATORI

LEOPOLDO,

SEMPER AUGUSTO,

PIO, JUSTO, FELICI;

ROMANORUM, GERMANIÆ,

HUNGARIÆ, BOHEMIÆ, DALMATIÆ,

CROATIÆ & SCLAVONIÆ

REGI,

ARCHIDUCI AUSTRIÆ

&c. &c. &c.

Turcarum Debellatori magnanimo,

Musarum Tutori munificentissimo.

Et

ET Belli & Pacis jungendo sagaciter artes,
erigis æternum, CÆSAR, utrinq; decus.
Utque Getæ victor, sic fautor Apollinis audis:
hic donis; armis vincitur ille TUIS.
Castalidum sub TE rident impensius arva,
nec nisi Barbâries ad TUA sceptrâ gemit.
Bellator largis post prælia sæva brabeis;
incedit Clarius torque beatus homo.
Prædicat hæc miles phaleratus munera: laudat
prociduo *noster lætior ordo* genu:
erigitur grato plausu, stimulatur ad ausus
mentis solertes docta subinde cohors,
solicitat pro TE Superum, LEOPOLDE! fa-
vorem,

& TIBI cognatos, AUSTRIA DIVA! Deos:
*Aurea qui ferro distriâto secula condit,
vivere plura orbi secula dignus erit!*
*Hunc servate diu! Musas si vultis habere,
ut quondam letas, Numina leta! genas!*
*Arma pii cingat Victoria CÆSARIS: Hostis
dum ferus Austriaco victus ab orbe cadat!*
*Hostibus excisis succrescat laurea palmæ!
Palma sacri pugni; Laurea frontis honor.*

Sic iterato vovent subjectissimi

Academici Naturæ Curiosî,

POTEN-

♂ :) o (: ♀

POTENTISSIMO

^{Atq;}
SERENISSIMO
REGI

^{Ac}
DOMINO

DN. JOSEPHO

^{Utriusq;}
HUNGARIÆ REGI
ARCHIDUCI AUSTRIÆ &c.
Domino nostro Clementissimo !

POTENTISSIME ^{atq;} SERENISSIME REX,
DOMINE CLEMENTISSIME!



Parguntur ad pedes MAJESTATIS TUÆ
flores, quos *Academici curiosi*, è florife-
ris rerum *naturalium* saltibus, larga
manu, eodem anno decerpserunt, quo
frons TUA *Augustissima* Regio utriusque Hungariæ

Dec. II. *Annus VI.*

(b)

diade-

diademate, ad pristinum decus victoriarum laudibus, efflorescentis, decorata præfloruit. Probe quidem memores, cum aliquo munere ad Tui Regni auspicatissima initia sibi accedendum esse; ubi autem tanto dignum fastigio invenirent, oppido quam nescii: nisi hi flores ipsi, sub *Austriaci* coeli clementia enati, ad TE, *Rex Clementissime*, adspirare, cumque Sponsa illa suspirare visi essent: *Veni Auster, & persfla hortum meum!* Evadit enim eos consecuturos amoenissimam non temere remur, si *Auster*, si *Austriacus* divinum vertice odorem spirans, flores nostros animaverit: ab omnibus, benigne in librum hunc introspectum iri confidimus, si nomen ejus ad hunc paxillum suspendere licuerit: Non enim potest non magni fieri omnibus, cujus tutamen & patrocinium **REX TANTUS** suscipere dignatus est. **REX**, inquam, cujus flos juventæ jucundissimos ingenii & virtutis odores latissime spargit: cujus sermones, in tantilla ætate, non nisi divinum & Austriaco dignum spirant: cujus cogitata omnia ad stuporem in tantam **MAJESTATEM** verecunde intuentium prorumpunt.

punt. Hanc indolem, hos mores, turbatus hucusque Hungariæ status requirere visus, consultissimo proposito TE sibi REGEM exoptavit: quo placidos adhuc animos aut facilitate flecteres & AMORE; aut hostilium moliminum, molem gravitate plecteres & TIMORE. Talis igitur cum sis, Amorem quorumvis & Reverentiam TIBI usque adeo conciliasti, ut, qui Tuo se submiserunt præsidio, merito ab omnibus etiam amari, imò suspici debeant. Quare admitte, REX POTENTISSIME, hunc etiam, quo TE perfundimus florum nimbum, & à carpentibus invidiæ Aquilonibus, *Clementissime Auster*, hoc defende florilegium. Indulge, cum armorum non solum, sed & librorum suppellectili consulis, aliquem musei crescentis angulum Æsculapio nostro, qui, quemadmodum præclare secum actum existimavit, si JOSEPHI, si tanti nominis, titulum operi suo præscribit, ita se in coloniam velut Tuam transcribere nullus dubitavit: ita sub gratia Tua perennare sperat: ita TIBI regnorum barbarorum accessionem,

frequentem, imperium beatissimum, vigorem,
corporis sacratissimi constantissimum apprecatur;
imprecatur autem hostium TUORUM regnis
omne morborum satellitium, excepta podagra,
quo fugiant. Ita TE, *Rex Potentissime*, Deus
defendat, augeat, servet, Regno, Orbi Christia-
no &

MAJESTATIS TUÆ
REGIÆ

humillimis devotissimisq.

Præsidi & Collegis cæteris Acade-
miæ S. R. I. Naturæ Curiosis.

CATA-



CATALOGUS

S. R. I. Academiae Naturae Curiosorum Collegarum omnium, cum Nominibus, Agnominibus, tempore receptionis.

Ordo Receptionis.	Nomina.	Agnomina.	Locus.	Annus Receptionis.
1.	Johann. Laurentius Bausch, Schvvinf. Acad. Nat. Cur. Fundator & Præses I.	Jafon.	Phys. Svvinf.	1652.
2.	Johan. Mich. Fehr, Kittinga-Francus, Acad. Nat. Cur. Præses II.	Argonauta.	Phys. Svvinf.	— —
3.	Georgius Balthaf. Metzger, Svvinf.	Americus.	P. P. Tübing.	— —
4.	Georgius Balthaf. Wolfart, Svvinf.	Alceus.	Pract. Svvinf.	— —
5.	Christophorus Keiling, Islebiens.	Æfon. I.	Phys. ibid.	— —
6.	Valent. Andr. Mollenbrock, Erfurt.	Pegasus	P. P. ibid.	— —
7.	Gregorius Horstius, Ulm.	— — —	Phys. ibid.	— —
8.	Joh. Pfautz, Ulm.	— — —	Med. ibid.	— —
9.	Conrad, Theodor. Lüncker, Marpurg.	— — —	P. P. ibid.	— —
10.	David Wilhelmi, Bacharac.	— — —	Phys. & P. P. Bern.	— —

Ordo Rece- ptionis.	Nomina.	Agnomina.	Locus.	Annus Rece- ptionis.
11.	Andr. Wolffius, Jenens.	— — —	Phys. Smalcald.	1653.
12.	Joh. Martin. Uhlius, Svvinf.	— — —	P. P. Sleusing.	— —
13.	Alb. Conr. Langenauer, Uf- fenheim.	— — —	Phys. Wei- dens.	— —
14.	Nic. Balth. Merz, Herbipol.	— — —	P. P. ibid.	1654.
15.	Joh. Dan. Horstius, Gießens.	Phoenix I.	Arch. Francof.	1655.
16.	Johan. Adam. Stöer, Herbi- pol.	— — —	P. P. ibid.	1656.
17.	Phil. Jac. Sachs, Uratisl. A.N. C. Adjunct.	Phosphorus I.	Phys. ibid.	1658.
18.	Joh. Deutschlender, Frau- stad.	— — —	Archiat. Polon.	1661.
19.	Leonh. Urfinus, Norimberg.	Zephyrus I.	P. P. Lips.	— —
20.	Elias Schmidt, Haslac. A. N. C. Adjunct.	Phaëton.	Phys. Svvinf.	— —
21.	Joh. Andr. Grabe, Mülhus.	Cephalus.	Phys. Erfurt.	— —
22.	Joh. Jac. Sauer, Palatin.	— — —	Phys. Herbip.	— —
23.	Joh. Phil. Deisler, Svvinf.	— — —	Phys. Sulan.	— —
24.	Joh. Jac. Wittig, Erfurt.	— — —	P. P. ibid.	— —
25.	Georg. Christoph. Petri, Erf- furt.	Achilles.	P. P. Erf. Arch. Mog.	1662.
26.	Jacobus à Typsma, Harlem. Frisius.	— — —	Phys. Leo- vverd.	1663.
27.	Hieron. Conr. Virdungus ab Hartung. Marpurg.	Melissus.	P. P. Herbip.	1664.
28.	Paulus Amman, Uratisl.	Dryander.	P. P. Lips.	— —
29.	Joh. Dan. Major, Uratisl. A. N. C. Adjunct.	Hesperus.	P. P. Chilo- nienf.	— —
30.	Christ. Frid. Garm. Martisb.	Pollux.	Phys. Chemn.	1668.
31.	Jerem. Rhoetius, Arnstad.	Castor.	Phys. ibid.	— —
32.	Johan. Rud. Camerarius, Tü- bing.	Hector.	P. P. & Phys. ibid.	— —
33.	Heinr. Vollgnad, Uratisl. A. N. C. Adjunct.	Sirus I.	Phys. ibid.	1669.3. Jan.

Ordo Rece- ptionis.	Nomina.	Agnomina.	Locus.	Annus Rece- ptionis.
34.	Joh. Joenifius, Uratisl. A. N. C. Adj.	Arcturus.	Phys. ibid.	— —
35.	Joh. Christian. Mackius, Co- burg.	— — —	Phys. Schne- berg.	— —
36.	Michael Ettmüller, Lips.	— — —	Fac. Med. Af- fess. Lips.	1670.
37.	Joh. Ferd. Hertod à Toden- feld, Morav.	Orpheus.	Phys. Brunn.	— —
38.	Joh. Georg. Greifselius, Vien- nenf.	— — —	P. P. ibid.	— —
39.	Georg. Sebast. Jungius: Vien- nenf. A. N. C. Adj.	Podalirius I.	Arch. Cæsar.	— —
40.	Salom. Braunius, Chit. Holf.	— — —	Phys. Biberac.	1672.
41.	Paulus de Sorbait, Belga.	Machaon I.	Arch. Cæsar.	— —
42.	Gottlieb Georg. Schramm, Frauenstad.	— — —	Phys. ibid.	— —
43.	Melchior Friebe, Friedlant. Silef.	Cleander.	Phys. Præfess. Hayn.	— —
44.	Georg. Wolffg. Wedelius, Lusat. A. N. C. Adj.	Hercules.	P. P. Jenenf.	— —
45.	Joh. Scultetus, Norimb. A. N. C. Adjunct.	Perseus I.	Phys. ibid.	— —
46.	Georg. Francus, Naumb.	Argus I.	P. P. Heidelb.	— —
47.	Joach. Georg. Elsner, Uratis- lav.	— — —	Phys. ibid.	1673.
48.	Gottfr. Schubert, Uratislav.	— — —	Phys. Breg.	— —
49.	Gottfr. Christ. Winckler, Breg.	— — —	Phys. ibid.	— —
50.	Christian. Adolph. Balduin. Dobela Mifn.	Hermes I.	Præf. Hayn.	— —
51.	Matthias Tilingius, Jevera- Frif.	Zephyrus II.	P. P. Rinthel.	1674.
52.	Salom. Reifselius, Hirschberg.	Amphion.	Phys. Worm.	— —
53.	Joh. Sigm. Elsholz, Berlin.	— — —	Arch. Brand.	— —

Ordo

Ordo Rece- ptionis.	Nomina.	Agnomina.	Locus.	Annus Rece- ptionis.
54.	Caspar. Theophil. Bierling, Lips.	— — —	Phys. Magd.	— —
55.	Ehrnfried Hagendorn, Gör- litz.	Pegasus II.	Arch. Sax. Gör- lic.	— —
56.	Dn. Christian. August. L. B. à Friesen.	Jason II.	— — —	1675.
57.	Christian. Mentzelius, Für- stenvvald.	Apollo.	Arch. Brand.	— —
58.	Caspar. Marchius, Stettino- Pomer.	— — —	Med. ibid.	— —
59.	Christian. Francisc. Paullini, Isnacens.	Arion I.	Phys. ibid.	— —
60.	Joh. Laurent. Fehr, Svinf.	— — —	Phys. ibid.	— —
61.	Joh. Petr. Prückelius, Ratisb.	— — —	Phys. ibid.	— —
62.	Joh. Georg. Trumpfius, Gos- lar.	— — —	Phys. ibid.	1676.
63.	Gothofr. Scultetus, Uratisl.	Ægineta I.	Phys. ibid.	— —
64.	Georg. Hieron. Welfsch, Au- gust.	Nestor I.	Med. ibid.	— —
65.	Rudolph. Wilhelm. Kraus, Naumb.	Tiphys.	P. P. Jenens.	— —
66.	Georg. Abrah. Merclin. No- rimb.	Chiron.	Phys. ibid.	— —
67.	Gabriel Clauderus, Alten- burg.	Theseus I.	Arch. Alten- burg.	1677.
68.	Benjamin Scharff, Sonders- hus.	Bias I.	Arch. Schwar- zenb.	— —
69.	Georg. Casp. Kirchmayer, —	Phosphorus II.	P. P. Witteb.	— —
70.	Joh. Burg, Uratislav.	Mesue.	Phys. ibid.	— —
71.	Gothofr. Samuel Pollisius, Francof. ad Viadr.	— — —	Phys. ibid.	— —
72.	Luc. Schröck, Jun. August. A. N. C. Adjunct, & Direct. Ephem.	Celsus.	Phys. ibid.	— —

Ordo Rece- ptionis.	Nomina.	Agnomina.	Locus.	Annus Rece- ptionis.
73.	Dn. Dieteric. de Marvvitz, Eq. Hierosol.	Ulysses.	— — —	— —
74.	Joh. Nicol. Pechlinus, Lugd. Batav.	Telamon.	— — —	1678.
75.	Johann. Jac. Waldschmidt, Wetter.	Priamus.	P.P. Marburg.	— —
76.	Dn. Henr. L. B. à Friesen.	Atlas.	— — —	— —
77.	Joh. Christoph. Adlungius, Erff.	Ajax.	P.P. ibid.	— —
78.	Joh. Georg. Volckamer, No- rimb. A. N. C. Præses III.	Helianthus I.	Phys. ibid.	— —
79.	Joh. Sieboldus, Gothanus.	Laomedon.	Arch. Magdeb.	— —
80.	Laurent. Gifeler, Sen. Brun- svic.	Hippocrates I.	Phys. ibid.	— —
81.	Andreas Cleyerus, — —	Dioscorides.	Proto-med. Bat. Orient.	— —
82.	Joh. Frid. Allmacher, Meisen- heim. A. N. C. Adj.	Zethes.	Arch. & Phys. Francof.	1679.
83.	Tobias Czaschelius, — —	Æsculapius I.	Arch. Cæsar.	— —
84.	Joh. Georg. Sartorius, Bam- berg.	Calais.	Phys. ibid.	— —
85.	Johannes Christian. Tralles, Siles.	Avenzoar.	Phys. Uratisl.	— —
86.	Jacob. Wolfius, Numburg.	Socrates.	Med. Jenens.	— —
87.	Carol. Patinus, Paris. Gallus.	Galenus I.	P.P. Patavin.	— —
88.	Günth. Christoph. Schelham- mer, Jenens.	Theophrastus.	P.P. Helmstad.	— —
89.	Joh. Pfeiffer, Geran.	Musa.	Arch. Ruthen.	1680.
90.	Joh. Ludov. Hannemannus, Fris Orient.	Nestor II.	P.P. Chilon.	— —
91.	Joh. Dolæus, Hafs,	Andromachus	Arch. Hasso- Cassel.	— —
92.	Sebast. Scheffer, Francof. A. N. C. Adjunct.	Perseus II.	Phys. Francof.	1681.

Ordo Rece- ptionis.	Nomina.	Agnomina.	Locus.	Annus Rece- ptionis.
93.	Hier. Ambr. Langenmantel, August.	Solon.	Patrit. & Ca- non. ibid.	— —
94.	Joh. Jac. Harder, Basil.	Pæon.	P. P. Basil.	— —
95.	Joh. Dan. Widdt.	Afclepiades.	Arch. Trev.	— —
96.	Joh. Conr. Peyer, Scaphuf.	Pythagoras.	Phyf. Scaphuf.	— —
97.	Joh. Paul. Wurffbain, Nori- berg. A. N. C. Adjunct.	Hermes II.	Phyf. Norib.	— —
98.	Georg. Eberh. Rumph, — —	Plinius.	Hift. in Amb.	— —
99.	Joh. Petr. Albrecht, Hildesh.	Castor II.	Phyf. Hildes.	— —
100.	Joh. de Muralto, Tigurin.	Aretæus.	Phyf. Tigurin.	— —
101.	Henricus Scretæ, — —	Nicander.	Phyf. Scaphuf.	1682.
102.	Joh. Adam Limprecht, Ura- tislav.	Fabius.	Phyf. Uratisl.	— —
103.	Gerard. Blasius. — —	Podalirius II.	P. P. Amstelod.	— —
104.	Joh. Jac. Döbelius, Gedanenf.	Hippocrat. II.	P. P. Rostoch.	— —
105.	Emanuel König, Basil.	Avicenna.	P. P. Basil.	— —
106.	Mart. Joh. Haesbart, Cliv.	Rhases.	P. — —	— —
107.	Joh. Georg. Hieronymi, — —	Aëtius.	Phyf. Guelph.	— —
108.	Joh. Georg. Landbeck, Hoën- loic.	Serapio I.	Pract. Kitting.	— —
109.	Carolus Ohmb, Uratislav.	Syrius II.	Phyf. ibid.	— —
110.	Jacob. Schmidius, — —	Podalirius III.	Arch. Anhalt.	— —
111.	Jacob. Weizius, — —	Æson II.	Arch. Goth.	— —
112.	Joh. Matth. Faber, August.	Plato.	Phyf. Heilbr.	1683.
113.	Adamus à Levenvald, Au- striac.	Æsculapius II.	Med. Com. Styr.	— —
114.	Joh. Jac. Weberski, Dantisc.	Ægineta II.	— — —	— —
115.	Johannes Georg. Sommer, Schvvarzenb.	Machaon II.	Arch. Schwar- zenb.	— —
116.	Rosin. Lentilius, Hoënloic.	Oribasius.	Phyf. Nordl.	— —
117.	Mart. Christoph. Metzger, Vienn.	Phoenix II.	Phyf. Ratisb.	— —
118.	Mich. Bernh. Valentini, Gief- sens.	Thessalus.	Prof. Gief.	— —

Ordo Rece- ptionis.	Nomina.	Agnomina.	Locus.	Annus Rece- ptionis.
119.	Georgius Hannæus, Othin. Danus.	Diomedes.	Pract. ibid.	1684.
120.	Joh. Dan. Dorstenius, — —	Averrhoës.	P.P. Marburg.	— —
121.	Joh. Maur. Hoffmann, Jun. Altdorff.	Heliodorus.	P.P. ibid.	— —
122.	Joh. Conr. Rappius, Hoënl.	Serapio II.	Phys. Rotenb.	— —
123.	Theodor. Christoph. Krug, Hersfeld.	Mercurius.	Phys. Schmal- cald.	— —
124.	Joh. Zachar. Fürst, — —	Æolus.	Arch. Trevir.	— —
125.	Christoph. Helvigius, — —	Galenus II.	P.P. Gryphisw.	— —
126.	Daniel Bscherer, Norib.	Philadelphus.	Phys. ibid.	— —
127.	Samuel Ledelius, Grünberg.	Theseus II.	Phys. ibid.	— —
128.	Jac. Aug. Hünervolff, Arnst.	Actuarius.	Phys. ibid.	1685.
129.	Eberh. Gœckelius, Ulmens.	Alector.	Phys. Ulmens	— —
130.	Georg. Benj. Gloxin, Colmar.	Serenus.	Phys. Colmar.	— —
131.	Dn. de Sanzey, Eq. aur.	Bias II.	Arch. Colon.	— —
132.	Joh. Dan. Geyer, — —	Dædalus.	Phys. in Præf. Alz. Palat.	— —
133.	Daniel Crüger, Stargard, Po- mer.	Argus II.	Med. Elect. Po- mer. cit.	— —
134.	Joh. Jacob. Wepfer, — —	Machaon. III.	Arch. Scaphus.	— —
135.	Joh. Conr. Brunner, Dieffen- hof.	Herophilus.	P. P. Heidel- berg.	— —
136.	Theod. Zvvinger, Basil.	Aristoteles I.	P. P. Basil.	— —
137.	Frid. Ferd. Illmer. de War- tenberg.	Democritus.	Arch. Cæsar.	— —
138.	Joh. Georg. Volckamer, Jun. Noriberg.	Helianthus II.	Phys. ibid.	— —
139.	Johan. Benedictus Gründel, Glac. Silef.	Coelius Aure- lianus.	Phys. Stiriz.	— —
140.	Just. Frid. Dillenius, — —	Achates.	Phys. Darmst.	— —
141.	Joh. Eschenbach, — —	Scribonius Largus.	Phys. Jenens.	— —
142.	Joh. Luc. Rhiemius, — —	Myrepsus.	Phys. Coburg.	— —

Ordo Rece- ptionis.	Nomina.	Agnomina.	Locus.	Annus Rece- ptionis.
143.	Joh. Theodor. Moeren. Colon	Phœbus.	P. P. Mogunt.	— —
144.	Hermannus Grabe, Lubec.	Palamedes.	Phys. Hadersl.	— —
145.	Andreas Ernius, — —	Zephyrus III.	Phys. & P. P. Hanov.	— —
146.	Phil. Jac. Hartmannus, Stral- fund.	Aristoteles II.	P. P. Regiomon.	— —
147.	Alard. Mauric. Eggerdes, —	Euclides.	P. P. Treviren.	1686.
148.	Joh. Ignat. Muschel de Mo- schau,	Erastratus.	Phys. Glacen.	— —
149.	Joh. Jac. Henrici, Argentor.	Arion II.	Phys. ibid.	— —
150.	Petr. Chirac, Congensis Gall.	Orion.	P. P. Monspel.	— —
151.	Joh. Acoluthus, Uratislav.	Cassius Jatro- sophista.	Phys. ibid.	— —
152.	Mich. Frid. Lochner, Fürth. Norib.	Periander.	Phys. Norib.	— —
153.	Joh. Henr. Schmid. — —	— — —	Pract. Svvinf.	— —
154.	Joh. Jac. Martini.	Plato II.	Med. El. Palat.	1687.
155.	Daniel Nebel.	Achilles II.	Med. Heydelb.	— —
156.	Joh. Herm. Dulken.	Socrates II.	Arch. Bipont.	— —
157.	Rudolf, Jac. Camerarius.	Hector II.	Prof. Tub. extr.	1688.
158.	Jacobus Grandius.	Seneca.	Pract. Venet.	— —
159.	Sigism. Ledelius.	Hercules II.	Adv. Schwidn.	— —





CATALOGUS ALPHABETICUS

Excellentissimorum VIRO RUM

Qui pro augendo Sexto hoc Secundæ Ephemeridum Physico-Medicarum Decuriæ Anno, Observationes communicârunt.

1. D. JOHANNES ACOLUTHUS *Physicus Vratislaviensis, Academicus Curiosus.*
2. D. JOH. PETRUS ALBRECHT, *Physicus Hildesheimensis, Academicus Curiosus.*
3. D. SYLVIVS SAMUEL ANDORN, *Physicus Sangallensis Ordinarius.*
4. D. JOH. BÖHM ALEMANNUS, *Medicus Venetus.*
5. D. JOH. CONRADUS BRUNNERUS, *Universitatis Heidelbergensis P. P. Academicus Curiosus.*
6. D. DANIEL BSCHERER, *Physicus Norimbergensis, Academicus Curiosus.*
7. D. JOH. BURGIUS, *Physicus Vratislaviensis, Academicus Curiosus.*
8. D. RUDOLPHUS JACOBUS CAMERARIUS, *Physicus & Prof. Extraord. Friburgensis, hortiꝑ Medici Inspector.*
9. D. THEODORUS CAROLI, *Physicus Leomontanus.*
10. D. GABRIEL CLAUDERUS, *Archiater Electoralis & Ducalis Saxonicus, Academicus Curiosus.*

11. D. FRIDERICUS WILHELMUS CLAUDER, *Præcticus Altenburg.*
12. D. ANDREAS CLEYERUS, *Societatis Batavo-Ind. Orientalis Proto-Medicus, Academicus Curiosus.*
13. D. DANIEL CRÜGER, *Archiater Electoralis Brandenburg. & Regiminis Electoralis Pomeraniæ citerioris Medicus, Academicus Curiosus.*
14. D. JOH. DOLÆUS, *Consiliarius & Archiater Hasso-Cassellanus, Academicus Curiosus.*
15. D. ALARDUS MAURITIUS EGGERDES, *Universitatis Electoralis Trevirensis P.P. Academicus Curiosus.*
16. D. JOH. LAURENTIUS FEHR, *Physicus Svinfurt. Academicus Curiosus.*
17. D. GEORGIUS FRANCUS, *Electoralis Universitatis Heidelbergensis, Procancellarius, & P.P. aliquot S.R. Imp. Electorum & Principum Archiater, & Imperialis Academiae Leopoldina Naturæ Curiosorum Adjunctus d. Argus.*
18. D. JOH. CHRISTIANUS FROMMANN, *Medicus Ducalis & Provincialis, nec non Illustrissimi Gymnasii, quod Coburgi est, Prof. Publ.*
19. D. JOH. DANIEL GEYER, *Sereniss. Elect. Palatini Physicus Ordin. Præsidi Fridericiburgi & Manheim. Academicus Curiosus.*
20. D. EBERHARDUS GOCKELIUS, *Archiater Würtembergico-Weiltingensis & Physicus Ord. Illmensis, Academicus Curiosus.*
21. D. CHRISTIANUS LUDOVICUS GOCKELIUS, *Physicus Hersbrucco-Noricus.*
22. D. ERNESTUS SIGISMUNDUS GRASSIUS, *Physicus Javera-Silesius,*

23. D. JOH.

23. D. JOH. BENEDICTUS GRÜNDEL, *Inclyt. Styriae Statum Physicus, ac Marburgi Practicus, Academicus Curiosus.*
24. D. EHRENFRIED HAGENDORN, *Archiater Electoralis Saxonicus, & hoc tempore Medicus Görlicenf. Academicus Curiosus.*
25. D. GEORGIUS HANNÆUS, *Practicus Otthiniensis in Dania, Academicus Curiosus.*
26. D. JOH. LDOVICUS HANNEMANNUS, *P.P. Chiloniensis, Academicus Curiosus.*
27. D. JOH. JACOBUS HARDERUS, *Prof. Publ. Basileenfis, Serenifs. Principis Durlacenfis Archiater, Academicus Curiosus.*
28. D. GEORGIUS HEINTKE, *Physicus Windsheimenfis.*
29. D. JOH. MAURITIUS HOFFMANNUS, *Academiae Altdorffinae P.P. Academicus Curiosus.*
30. Dn. JACOBUS AUGUSTINUS HÜNERWOLFF, *Med. Licent. & Physicus Arnstadienfis, Academicus Curiosus.*
31. D. PAULUS JALON, *Medicus Metenfis.*
32. D. EMANUEL KÖNIG, *Medicus Basileenfis, Academicus Curiosus.*
33. D. ADAMUS à LEBENWALD, *Com. Pal. Caesar. Inclyt. Ducatus Styriae Consiliarius & Medicus, Academicus Curiosus.*
34. D. SAMUEL LEDELIUS, *Medicus antehac Grünbergenfis inferioris Silefie, nunc Physicus Provincialis Ducatus Görlicenfis, Academicus Curiosus.*
35. D. SIGISMUNDUS LEDELIUS, *Advocatus Ordin. Ducatus Schvuidnicenfis & Jaurövienfis.*
36. Dn. ROSINUS LENTILIUS, *Med. Licent. Physicus Nordlingenfis Ordinarius, Academicus Curiosus.*

37. D. MICHAEL FRIDERICUS LOCHNERUS, *Physicus Norimbergensis Ord. Academicus Curiosus.*
38. D. JOH. JACOBUS MARTINI, *Medicus Elect. Heidelb. Academicus Curiosus.*
39. D. JOH. JACOBUS CONRADUS MEYER, *Med. Scaphusanus.*
40. D. CHRISTIANUS MENTZELIUS, *Sereniss. Elect. Brandenb. Consiliar. & Archiater, Acad. Curiosus.*
41. D. GEORGIUS ABRAHAMUS MERCKLINUS, *Reverendiss. & Sereniss. Princ. Supremi Magistri Teutonic. Ordin. Consiliar. Medicus & Reipubl. Norimb. Physicus Ordinarius. Academicus Curiosus.*
42. D. CAROLUS JOSEPHUS MÜLLERUS, *Physicus Ordin. Tugii-Helvetiorum.*
43. D. CAROLUS OHMB, *Physicus Vratislaviensis, Academicus Curiosus.*
44. D. CAROLUS PATINUS, *Eques Divi Marci, Doctor Medicus Parisiensis, & in Archilyceo Patavino Primarius Chirurgiae Professor, Academicus Curiosus.*
45. D. JOH. CONRADUS PEYERUS, *Poliater Scaphusanus, Academicus Curiosus.*
46. D. LUCAS ANTONIUS PORTIUS, *Neapolitanus, Medicus Viennensis.*
47. D. SALOMON REISELIUS, *Sereniss. Duc. Würtembergici Consiliarius & Archiater Stutgardii, Academicus Curiosus.*
48. D. JOHANNES RICHIER, *Physicus Ord. Sereniss. Electoris Palatini Alzeja.*
49. Rev. P. DN. CAROLUS RISERUS, *Ordinis S. Benedicti in Monasterio Renovienfi Helvetia.*

50. D. PETRUS ROMMEL, *Physicus Ulmenfis.*
51. D. JOH. BAPTISTA SCARAMUCCIA, *Medicus Primarius Sanogallie in Italia.*
52. D. GÜNTHERUS CHRISTOPHORUS SCHELHAMMER, *Universitatis Helmstadiensis Prof. Publ. Academicus Curiosus.*
53. D. LUCAS SCHRÖCKIUS, *Luc. Fil. Medicus & Comes Palatinus Casareus Nobilis, Physicus Augustanus, Academiae Imperialis Leopoldinae Naturae Curiosorum Adjunctus, & Ephemeridum Director. d. Celsus.*
54. D. GOTTOFREDUS SCHULTZ, *Physicus Vratislaviensis, Academicus Curiosus.*
55. D. JOHANNES LA SERRE, *Gallus, Practicus Cassellanus Ordinarius.*
56. D. JOH. GEORGIUS SOMMER, *Archiatr Arnstadio-Schwarzenburgicus, Academicus Curiosus.*
57. D. MICHAEL BERNHARDUS VALENTINI, *P.P. Giefsensis, Academicus Curiosus.*
58. D. PHILIPPVS WILHELMVS VIRDVNG ab HARTVNG, *Medicus Herbipolensis.*
59. D. JOHANNES GEORGIVS VOLCKAMERVS, *Pater, Sacr. Casarea Majestatis Medicus, & S. Palatii Lateranensis Comes Nobilis, Collegii Medici Norimbergensis Senior Primarius, & Academiae Imperialis Leopoldinae Naturae Curiosorum PRÆSES d. Helianthus I.*
60. D. JOH. GEORGIVS VOLCKAMERVS, *filius, Physicus Norimbergensis, Academicus Curiosus.*
61. D. JOHANNES JACOBUS WALDSCHMIDT, *Archiatr & Prof. Publ. Primarius Marpurgensis, Academicus Curiosus.*

62. D. GEORGIUS WOLFGANGUS WEDEL, *Confi-
liarius & Archiater Ducalis Saxonicus, & Univer-
sitatis Jenensis Professor Publicus, Academiae Im-
perialis Leopoldinae Naturae Curiosorum Adjunctus
d. Hercules.*
63. D. JOHANNES JACOBUS WEPFERUS, *Archiater
Scaphusanus.*
64. D. JOHANNES PAULUS WURFFBAIN, *Physicus No-
rimbergensis Ordinarius, Academiae Imperialis Leopoldinae Naturae Curiosorum Adjunctus d. Hermes II.*
65. D. THEODORUS ZWINGER, *Prof. Publ. Basileensis,
Academicus Curiosus.*



CATALOGUS OBSERVATIONUM

Decadis II. Anni VI. Ephemeridum Nat. Cur.

D. CHRISTIANI MENTZELII.

- | | |
|---------------------------|--------|
| 1. De Ætite filiceo raro. | pag. 1 |
| 2. De Chelonitide. | 3 |
| 3. De Conchite ætitoide. | 5 |

Dn. LIC. ROSINI LENTILII.

- | | |
|---|----|
| 4. Calendarium sauciatorum perpetuum. | 6 |
| 5. De differentia inter fermentationem & effervescenciam. | 14 |
| 6. Ullegmonica curiosa. | 19 |

D. JOH. GEORG. SOMMERI.

- | | |
|---|----|
| 7. Differentia lactis puerperæ & lactantis annuæ. | 25 |
| 8. Lotii nigror ex assumptis. | 27 |
| 9. Modus cinnabarim antimonii in majori copia impetrandi. | 30 |

D. JOH. PETRI ALBRECHTII.

- | | |
|---|----|
| 10. De insigni cerebri suppurati quantitate ex naribus fluente. | 32 |
| 11. De intestino colo mirum in modum à flatibus distento, hydropem ascitem mentiente, deq; liene sphacelato & corrupto. | 34 |
| 12. De sternutatione exitiali. | 38 |
| 13. De foetu nigro à matre pulvere pyrio adusta excluso. | 39 |
| 14. De imaginatione gravidarum. | 40 |
| 15. De foetu in utero materno singultiente. | 42 |
| 16. De cura doloris ischiadici. | 43 |

(d) 2

17. De

17. De mira palpitatione cordis. p. 44
 18. De homine pro dæmoniaco habito sapâ vomitoriâ Sylvii curato,
 deq; recto antimonialibus utendi modo. 46

D. LUCÆ ANTONII PORTII.

19. De cancri fluvialis partibus genitalibus. 48

D. JOHANNIS ACOLUTHI.

20. De potu vini in malignis. 67
 21. De vomitu sanguinis horrendo. 68
 22. Pædarrhocace. 71
 23. Delirium grave, cum impotentia, sponfi, ex fascino. 75

D. SAMUELIS LEDELI.

24. De noxa à nimio pulverum usu. 77
 25. De loquela amissa feliciter restituta. 78
 26. De usu aquæ ligni fraxinæ. 79
 27. De tremore artuum quotidiano à terrore. 81
 28. De lenimine podagræ. 82
 29. De noxa vini Hispanici. 83

D. JOHANNIS LAURENTII FEHRII.

30. Imaginatio fortis in gravidis foetui plurimum noxia. 84

D. JOH. LUDOVICI HANNEMANNI.

31. Vermes cum urina excreti. 85
 32. Calculus ex hypochondrii finistri ulcere excretus. 86
 33. Bulimus à vermibus. 88

D. SYLV. SAM. ANHORNII.

34. Anatome virginis ventre tumido laborantis. 89

D. CAROLI PATINI.

35. De struma in dorso. 92
 36. De fistula lachrymali. 95

D. EMA.

D. EMANUEL KÖNIG.

37. Amuletum è cranio hominis violentâ morte extincti, adversus
atrophiâ paralyticorum. p. 96
38. Pomum helleboratum certum remedium adversus contumacissi-
mam febrem quartanam. 99
39. Post nuclei cerasi crustâ lapideâ obducti è pectore excretionem re-
juvenescencia. 100

D. DANIEL CRÜGER.

40. De Quartana. 102
41. De Epilepsia. 105
42. Podagra ad interiora recurrens. 111
43. Magna imaginationis vis in anate. 113
44. De Arcano contra calculum Timæi. 113
45. Desperata Diarrhœa curata. 114

D. CHRISTIANI MENTZELI.

46. De Ætici aliquot varietatibus. 116

D. SALOMONIS REISELI.

47. Ulvæ membranæ in oculo textura. 118

D. CHRISTIANI MENTZELI.

48. De cicadis & aliis insectis canoris, & primò de cicada Bononiensi. 119

D. ANDRÆ GLEYERL.

49. De cicadis Indicis. 124

D. CHRISTIANI MENTZELI.

50. De blatta glocitante & noctuis quibusdam insectis. 125
51. De muscis formiciformibus & aliis insectis catervatim volantibus. 128

D. ANDRÆ GLEYERL.

52. De planta Japanica Vingafana. 130

53. De duabus plantis aquaticis Japan. Koebe & Falsofana. p. 130
54. De Canſchy & Fiewa, Japanenſium arboribus. 131

D. JOH. LAURENTII FEHRIL.

55. Sectio herniæ *apud dedit* in viro facta letalis. 133
56. Sectiones herniarum in pueris & viro methodicè institutæ salutares. 134

D. JOHANNIS BÖHM.

57. Columba monstroſa. 137

D. JOHANNIS BURG.

58. De erroribus naturæ in formatione foetuum humanorum notabilibus. 138

D. SAMUELIS LEDELII.

59. De infantis à partu difficili quasi emortui, in vitam restitutione. 145
60. De jusculo è branca urſina. 146
61. De variolis foetus in utero materno. 147
62. De morbo ſalivâ inducto. 149
63. De corolla è rore marino confecta, diu vegeta. 151
64. De foetu monstroſo. 152
65. De anſere maſtatô locô ſanguinis album liquorem ſtillante. 154
66. De aqua ligni fraxini. 155

D. THEODORI CAROLI.

67. Luxatio tibiæ funeſta. 155

D. MICH. BERNH. VALENTINI.

68. De calculo in veſicula ſeminali. 158
69. Cephalalgia crudelis ex turgescencia menſtruorum. 158
70. Hydrophthalia puncturâ acus curata. 159
71. Hypopium ſimiliter curatum. 160
72. Cancer oculi. 160

D. JOH.

D. JOH. JACOBI MARTINI.

73. Anatome hydropicorum. p. 161
74. Abscessus cerebri. 163

D. JOHANNIS DOLÆI.

75. De lapide vesicæ figuram infantis mentiente. 164
76. De via lactis extraordinaria in foemina. 165

D. JOHANNIS LA SERRE.

77. Cordis vulnera non sunt semper letalia. 166
78. Succus hyoscyami internè usurpati effectus. 168
79. Cœcitas certâ anni tempestate invadens. 169

D. GEORGII FRANCI.

80. Abortus septem hebdomadum cum gemina mola pingui. 170
81. Ex fistula pedis gangrenosa in cœco mors. 172
82. Dysenteria cum morbillis & convulsionibus letalis. 173
83. Vir menstruus. 174

D. JOH. DANIELIS GEYERI.

84. De cadavere in antiquo sepulchreto reperto, unâ cum urnis sepulchralibus. 175
85. De variis ossibus lapidefactis animantium ac gigantum. 176
86. De hepate gallinæ macilentæ magno. 177
87. De lumbrico longo. 177

D. GEORG. WOLFG. WEDELI.

88. Phthisis à variolis letalis. 178
89. Usus Lepidii antiscorbuticus *under 6*. 178
90. De spiritu & sale volatili lumbricorum terrestrium antiarthritico. 180
91. De uteri procidentia. 181

Dn. Lic. JAC. AUGUST. HÜNERWOLFI.

92. De curatione maniae per emeticum. 184
93. De

93. De sternutatione enormi ex usu cerevisiæ. p. 184
 94. De virtute stercoreis ovilli. 185

D. ADAMI à LEBENWALD.

95. De Febri maligna in se ipso. 186
 96. De asthmate flatulento post febrem malignam. 188
 97. De hernia varicosa. 188

D. RUDOLPHI JACOBI CAMERARII.

98. De usu baccarum solani racemosi tinctorii Americani pro confectio-
 ctione Alkermes. 189
 99. De ossium excrecentiâ. 193

D. JOH. JACOBI HARDERT.

100. Mingendi difficultas cum urina purulenta. 195
 101. Glandulæ ventriculi scirrhusæ, cum pylori & pancreatis scirrhus
 insigni. 196
 102. Enterocoele ex intestini coli prolapsu. 198
 103. De corpusculis in duodeno conspicuis. 199
 104. De dysenteria post febrem continuam malignam. 200
 105. Anatome Erinacei terrestris. 201

D. PAULI JALONI.

106. Erucæ miranda metamorphosis. 202
 107. Ptyalismus ferè letalis à cingulo mercuriali. 204
 108. Empyema per urinas perfectè judicatum. 205

D. GÜNTHERI CHRISTOPHORI SCHELHAMMERI.

109. Ciconiæ anatome. 206
 110. Flores præter morem proliferi, & fungus exilis discifer. 209
 111. Conchæ cochleæq; recenter observatæ. 212
 112. Alia cochlearum genera, itidem mediterranea aquæ dulcis incolis
 accensenda. 214
 113. Virulentia bufonis. 216

114. Epi-

114. Epilepsia ex ictu in sinciput accepto post octennium gravis. p. 218

D. GEORGII WOLFGANGI WEDELII.

115. De varicibus spontè apertis. 220

D. JOH. JACOBI WEPFERI.

116. Cicutæ aquaticæ noxa. 221
117. Genitalia cervi. 241
118. Lachryma cervi. 243
119. Tumores cum folliculis intra ventres. 244

D. JOH. JACOBI HARDERI.

120. Mesenterii tumor in cervo. 248

Rev. P. Dn. CAROLI RISERI.

121. Eruca digitalis magnitudinis, exquisitissimis coloribus mirè variegata, ejusdemq; observata metamorphosis. 250

D. JOH. LUDOVICI HANNEMANNI.

122. Singularis dentium defectus. 253
123. Surditas curata. 254

D. GEORGII HEINTKE.

124. Possibilitas non tantum movendi, sed & extrahendi foetum unam cum secundinis. 255
125. Bilis examen, quot modis illa saltem exercitii causâ adhuc dubia reddi possit in causâ icteri. 260

D. EBERHARDI GOCKELII.

126. Infans ex fortissima matris imaginatione monstrosa umbilici relaxatione ac intestinorum extra corpus propendentium prolapsu natus. 263
127. Depyro monstroso. 264
128. De ovis Sole signatis. 266

Dec. II. Annus VI.

(e)

129. De

129. De cerasis acidis per quadraginta annos incorruptis servatis. p. 267

D. THEODORI CAROLI.

130. De hæmorrhagia uteri feliciter sanata præter opinionem. 269

D. JOH. JACOBI MEJERI.

131. Pancreatis scirrhus & tumor glandularum mesenterii. 271

D. JOH. CONRADI PEYERI.

132. De glandulis intestinorum & in specie duodeni, ubi simul complexio peculiaris nervorum ostenditur. 273

133. De secretionem & ejus organo in animalibus. 278

D. GEORGII HANNÆI.

134. Sabulum urinarium in microscopio examinatum. 285

135. Asphyxia indemnis. 285

136. Melancholicus sanatus. 286

137. Cæcitas à stramine in nare fracto. 287

138. Gravedo à ribium esu. 288

139. Tartari emetici abusus. 288

140. Mors ex insperato irruens, auspiciò repulsa. 290

D. ERNESTI SIGISMUNDI GRASSII.

141. Panacea Hippiatrica. 292

142. Spinæ dorsi fractæ chirurgia crudelis. 293

D. CAROLI ÖHMB.

143. De flore ferri Stiriaço. 295

D. EHRNFRIDI HAGENDORNII.

144. Quartana pediluvio sanata. 304

145. Nonagenaria menstruata. 305

146. Massa pilularum Ruffi odontalgica. 307

D. JOH.

D. JOH. BENEDICTI GRÜNDELII.

147. Ex casu omnimoda memoriæ abolitio, remanente tamen intellectu in suo vigore. p. 308
 148. Febres intermittentes epidemicæ Anni 1687. 309

D. CHRISTIANI LUDOVICI GÖCKELII.

149. De paralyfi intentata incurabili. 311
 150. De virtute plastica foeminæ in utero gerentis. 312
 151. De excoriatione foetus in utero. 313

D. JOH. JACOBI WALDSCHMIDT.

152. Paracenthesis hydropica. 314
 153. Anatome aquis submersorum. 316
 154. Opii dosis insufficiens nocet. 316
 155. Tumor mammæ scirrhusus. 317

D. GOTTOFREDI SCHULTZII.

156. De eclipsi Solis, quæ contigit Vratislaviæ 1687. d. 11. Maji. 318
 157. De ranunculo viridi arboreo. 320
 158. De cinnabari per præcipitationem viâ humidâ parabili. 322

D. CAROLI JOSEPHI MÜLLERI.

159. Lochiorum immoderata eruptio in puerpera, cui secundinæ vi aliquando fuerunt avulsæ. 323
 160. A dysenteria abortus. 324
 161. Ab intemperato frigida potu in dysenteria spinæ dorsæ contractio & incurvatio. 325
 162. De calculis variis ac inprimis aure excretis. 326
 163. Pituita seu mucus concretus & gelatus instar spermatis ranarum abortu editus, cum grumis sanguinis. 327

D. JOH. MAURITII HOFFMANNI.

164. De partu mendoso hydatidum. 329
 165. De foetu monstroso. 333
 166. De

166. De venâ in carpo sinistro mulieri spontè aperta, aliisq; conjunctis symptomatibus. p. 336
 167. De gangræna pedis dextri. 339
 168. De puellæ ventre Lunæ mutationes imitante. 340

D. PHIL. WILH. VIRDUNG ab HARTUNG.

169. Mors à magno desidendi conatū. 341

D. GABRIELIS CLAUDERI.

170. Baculus betulæ exsiccatus, viti novellæ pro fulcimento admotus, viridem vitis ramusculum è trunci sui medio protrudens. 343
 171. Tritici in agris per artem multiplicatio. 345
 172. Coitus diaboli per 35. annos frequens cum muliere, nulla veneficii opera exercente. 348
 173. Thermoscopium noviter inventum. 351
 174. Compendiosa & subitanea Venæsectio ac similium rectificatio. 353
 175. Thermometrum vivum. 354
 176. Pediculos vivos recens-captos avidè devorans. 355
 177. Candidū de theriacæ ac mithridatii compositione monitum. 358
 178. Miræ herbæ hyoscyamī vires. 360
 179. Tinctura nephritico-hypochondriaca, in præparatione destillatoria rubrō colore statim prodiens. 362
 180. Medicorum è Roma antiqua olim factam expulsionem arti medicæ neutiquam dedecori, sed magno cedere honori, demonstratur. 364
 181. Culter costæ medium transfodiens, vulnere letali. 366
 182. Caprea cornuta. 367
 183. Lepus cornutus. 368
 184. Sputum sanguinis largum & frequens ob pulmones globulo olim transfossos. 369
 185. Tinctura m sulphuris Vitrioli parandi modus. 372
 186. Vomica pulmonis plusquam quadragies sanata in muliere. 373
 187. Vir suffocatione uteri laborare creditus. 375
 188. Fon-

188. Fonticulus à rustico arthritico ex indignatione sibi ipsi factus. p. 377

189. Patrisfamiliâs morituri in arboribus & fructibus præsagium. 378

D. FRID. WILHELMI CLAUDERI.

190. Stupenda pueri recens nati obesitas ex matris gravidæ impressione. 380

191. Erosio intestinorum & abdominis à vermibus, excrementis per alvum non ampliùs excretis. 381

192. Lumbrici lati historia. 383

D. GEORGII FRANCI.

193. Abscessus ossis cribriformis subsequente lethargo, letalis. 384

194. Hydrops pectoris cum abscessibus hepatis & calculo ingenti folliculi fellis. 385

D. JOH. CONRADI BRUNNERI.

195. Experimentum in dysenteria. 387

D. JOHANNIS RICHIER.

196. Frustula tubuli, per quem attrahitur fumus tabaci, in vesica reperiuntur. 393

197. Vitium manus in utero contractum sanatum. 394

198. Omento ab imperito chirurgo sine prævia ligatione abscisso, curatur æger. 395

199. Vesica sanguinis totum os infantis occupans. 396

Dn. ROSINI LENTILII.

200. Ictus bombardæ post tres demùm menses letalis. 397

201. Mira symptomata in vertigine epileptica. 407

202. Pilularum de cynoglossa rarus effectus. 11

D. ALARDI MAURITII EGGERDES.

203. Hepar humanum pondus lb. 27. medicarum excedens. 412

204.	Auditus, capitis vulneribus recuperatus.	p. 413
205.	Mulier absque intestinis vivens.	413
206.	Equus monstrosus.	414
207.	Auricula cordis monstrosa cum arteriæ pulmonalis anevrismate.	415
208.	Scorbutus hominibus brutisq; letalis.	416
209.	Chylus per thoracis vulnus effluens.	417
210.	Mammæ ossæ in virgine, cum pectoris hydrope.	419

D. SIGISMUNDI LEDELII.

211.	Calculus magnus.	420
------	------------------	-----

D. GEORGII WOLFGANGI WEDELII.

212.	De unguento nardino.	422
213.	De morbo insputato.	426
214.	De naturæ ministro Medico.	431

D. MICHAELIS FRIDERICI LOCHNERI.

215.	Lapis Myrmecias falsus cantharidibus gravidus.	436
216.	Araneæ Aphrodisiacæ cuidam delitiæ.	441

Dn. ROSINI LENTILII.

217.	Opiatorum funestus in maligna febre usus.	443
------	---	-----

D. GEORGII ABRAHAMI MERKLINI.

218.	De incertitudine graviditatis & conceptione sine prægresso mensium fluxu facta.	452
219.	De prægrandi totius abdominis intumescencia cum partu felici inopinato.	454
220.	De hydrophobico affectu, sine morfu canis rabidi.	455
221.	De steatomate intra corpus in dextro latere nato.	456

D. DANIELIS BSCHERERI.

222.	De Liene cartilaginoso.	457
------	-------------------------	-----

D. JOH. GEORGII VOLCKAMERI Jun.

223.	Anatomia cervæ.	459
224.	Duellum scorpionis cum araneo.	466

D. PETRI ROMMELII.

225. Capilli cranio infixi. p. 471
 226. Capilli naturâ virides. 473
 227. Qui longos habent pedes, faciliùs purgantur. 475
 228. Tertianâ intermittens scarificatione in paroxysmo sublata. 476
 229. Epilepsia visâ & audita etiam secreta revelans. 477

D. JOH. BAPTISTÆ SCARAMUCCII.

230. De Atrophia hydropica. 478

D. THEODORI ZWINGERI.

231. Mercurii crudi effectus in colica spasmodica à fecum duritie al-
 vum contumaciter obstruente oriunda. 496
 232. Palpitatio cordis diuturna à polypis in utroque cordis ventriculo
 enatis producta, letalis. 522
 233. Caries maxillæ superioris extrusum dentem subsecuta. 528
 234. Anatome Maniaci. 540

D. JOH. CHRISTIANI FROMMANNI.

235. De dolore intestinorum primùm à venenato lacte orto, postea
 quotannis eodem mense recurrente, & demùm baccis juni-
 peri curato. 547

D. JOH. PAULI WURFFBAINII.

236. De Venæsectione spontaneâ in uno subiecto iterata. 549
 237. De maxillæ inferioris basi cariosa sublata, & callô primùm in car-
 tilaginem mox muratô, renatô. 551

D. JOH. GEORGII VOLCKAMERI, Senioris.

238. Tetanus ex balneo. 552
 239. Singularis in balneis ritè adhibitis utilitas. 553

D. LUCÆ SCHRÖCKII, LUC. fil.

240. Ischuria octiduana curata. 556
 241. Ischuria duodecim dierum curata. 558

ADDEN.

ADDENDA.

D. JOH. LUDOVICI HANNEMANNI.

Porismata de luce.

p. 562

D. JOH. De MURALTO.

De fistula lachrymali.

564

D. DANIELIS CRUGERI.

De usu medico cinnabaris.

566

Dn. ROSINI LENTILII.

Calendarium fauciatorum perpetuum.

570

De cura febris tertianæ per terrorem.

570





EPHEMERIDUM
MEDICO-PHYSICARUM
CURIOSARUM
DECURIAE SECUNDÆ
ANNI SEXTI

OBSERVATIO I.
D. CHRISTIANI MENTZELII

De
Lapidibus admirandis & raris

A
SERENISSIMO ET POTENTISSIMO ELE-
CTORE BRANDENBURGICO
FRIDERICO WILHELMO,
MAGNO,

Partim repertis, & primò, de
Aëtite filiceo, raro.



*Recedente Anno Ephemeridum nostrarum observo.
r. 2. & 3. consignavi experimenta quædam ra-
ra, quæ ex relatione Sereniss. Elect. Branden-
burgici, amplissima fide digna, promanarunt:
jam promo forsitan rariora, quorum Sereniss.
Elect. me teste, vel Ipse Inventor est, digna, ut in ater-*

Dec. II. Annus VI.

A



nam

nam Ejus memoriam erudito Orbi scriptis relinquuntur. Anno Salvatoris nostri 1658. cum Sereniss. Elector exercitu satis splendido iret in Holsatiam Gütlandiam &c. ut auxilium adferret Potentiss. Regi Daniæ contra Suecos Daniam obsidentes, atq; re feliciter gestâ cum redux jam in via non tantum in exercitum perlustrando Imperator oculos obverteret; sed etiam in res naturales obvias, & ex vegetabilium & mineralium regnis desumptas: accidit, ut lapillus quidam rotundus prope viam, qui initio globulum tormenti bellici minoris, sive sclopeti majoris speciem ferebat ab Ipso primum conspiceretur. Hunc ex terra sibi allatum cum videret esse lapidem rotundum, motumque ad aures resonare intus animadverteret jussit, illum asservari, atque in locum, ubi diverteret & pernoctaret, afferri, sibi que reddi. In diversorio igitur simul ac descendisset ex equo, in conclavi, allatum sibi lapidem adstantibus mihi que presenti ostendebat, ut nominarem lapillum: cumq; sonitum exquisitum in eo perciperem, cum quateretur lapis, dixi, eum ex genere Aëitarum esse, sed valde rarum, quod ex duro silice constaret, dignumque, ut integer memoriæ causâ asservaretur. Sciendi autem cupidus, quid latitans intus sonitum adeo exquisitum ederet, nolui eum malleo perfringi, sed ipse eum clave majori circumcirca leviter & providè percutiens, feliciori ictu rectâ per medium aperui, sic ut in duas partes hemispharicas dilaberetur, nec micula de eo decederet, adeo ut duæ illæ partes affabrè adhuc iterum reponi & integrum globulum aspectui sese rursus sistere possint. Deprehendentes putaminis silicei culmum straminis grandiore superans. Silex est coloris obscuri, parum diaphanus, ut sunt illi, quos pyritides vocare liceat. Tota lapidis cavitas obducta est limo quodam cretaceo, candidove, continens nucleum sive lapillum ex eadem cretacea, alba materia, sed in superficie adeo artificiosè crispata, ut semen coriandri sive cardamomi majoris,

Actites siliceus
integer.

Fig. 1. p. 3
Actites siliceus in duas
partes fractus cum suo nucleo.


Nucleus ex
emptus creta-
ceus.



Chelonitis rarus
ut superne apparet.

Chelonitidis pars inferior.

Fig. 2.
pag. 4.





Conchitis actitoidis
pars superior.

Conchit: actitoidis
pars inferior.

Conch: actit:
figura lateralis.

Fig. 3.
pag. 6.



ut superius
arenā trans-
paret.

ut inferius.





majoris, saccharô juxta artem conditoriam obductum, eleganter representet. Rarum in hoc aërite nostro hoc puro, quòd cum cæteri aërites putamina nacti sint ex materia ferrea, colore scilicet & splendore ferri conspicua; interdum etiam ochrâ permixta & alia materia, videlicet arenâ multâ, & simili: hic nequidquam talis materiæ ostendet, sed ex mero pyritide siliceo testam obtineat, & ita ad latera cavitatis materiam candidissimam cum suo nucleo exhibeat: quod quidem non adeò rarum, uti prius de putamine, observatum est. De aërite scripsit Schediasma eruditum Præses olim Collegii nostri primus *Joh. Laurentius Bauschius D. & Physicus Suvinsurtensis*; In hoc tractatu congestit aëritis varietates, quæ acquirere poterat ex eruditorum libris; verùm nostri jam descripti, & nonnullorum, quæ inferiùs enumerabo, non meminit. Plura Naturæ, quàm scripturæ vel eruditissimæ liber complectitur. Vid. *Figura I.*

OBSERVATIO II.

D. CHRISTIANI MENTZELII,

De

Chelonitide,

ab Eodem

Sereniss. ac Potentiss. Electore Brandenburgico

FRIDERICO WILHELMO,

MAGNO,

reperro.

Eodem tempore & anno, eâdemque expeditione bellicâ sublatu ex harenosa terra fuit ab Ipso *Seren. Electore* lapillus admirandæ quoque figuræ, quem ob nonnullam cum testudine terrestri similitudinem (si is supernè aspiciatur) nomine Chelonitidis appellare placet.

Et si verò illum quoque Conchiten nominare quis posset, quòd inferiùs conchulam rotundam apertam (cùm intus car-nosa pars, sive animalculum apparet) exhibeat, vel quòd in conchula tali lapis iste genitus & induratus sit, uti figu-ra ex parte monstrat; tamen placet hîc sententiam *Plinii* se-qui, qui libro 27 c. 20. Chelonitidis sic meminit: Sunt & Chelonitides, testudinum similes, ex quibus ad tempestates sedandas (Magi) multa vaticinantur. Et si autem lithogra-phi hujus lapidis ex *Plinio* meminerint; nondum tamen vi-deri licuit apud eos vel accuratior quædam descriptio, vel e-jus imago: consultum itaque duxi exhiberê lapidis hujus mi-randi figurâ, brevem simul depromere descriptionem ejus, videlicet: Chelonites noster magnitudine castaneam nucem mediocrem non excedit, nonnihil est rotundus ex altera parte, vel gibbosus; ex altera verò planior instar testudinis animalis. Gibbosa pars rimas quasdam & in ejus summo & in medio corpore habet: superiores, duas alas ab utroque latere formant, in quarum medio capitulum prominet, duo-bus foraminulis, narium instar formatis, insignitum, sic ut aliquis sibi testudinis capitulum ex testa prominens inde ima-ginare posset. Ab his aliæ procedunt striæ, quarum una per dorsum sive gibbosam eminentiam rectâ tendit, inque ca-vitatem aliquam, striis quoque præditam, desinit. Aversa vel inferior lapidis pars muscoli marini carnem, vel animal-culum id in concha rotunda latens, cùm concha aperitur, refert. Caterùm color lapidis nigrescens est, veluti cotis vel lapidis lydii: nam & metallum attritum æquè ut lydius co-lore & splendore præsentat. Apparent quoque in nostro Chelonitide punctula aurea in inferiori parte, licet obscuriùs, quæ etiam in eo quandoq; dari, *Plinius* testatur, inquit: Eâ (Chelonitide) verò, quæ sit aureis guttis cum scarabæo dejecta in aquam ferventem, tempestates averti.

Videatur Fig. II.

OBSERVATIO III.

D. CHRISTIANI MENTZELII,

De

Conchite Aëtitoide.

L Apillum Conchiten simul & aëtiten referentem admirandæ structuræ produco, eumque hoc loco, quod ex præcedentibus duobus lapidibus constare iisque affinis videatur. Repertor hujus lapidis omnium primus laret. Ante triginta annos habebat eum aurifaber quidam hujus loci, Berolini, jam defunctus, qui illum à vetula quadam commendatum sibi ad quietem infantulis conciliandam, si is sub eorum capitis in cunis collocaretur, acceperat. Nominavit eum vetula germanicè *einen Aëstsem* / id Latinis est; lapis Draconis volantis. Meteorum enim hoc vulgo nostro dicitur *der Aëst*. Credula nimis & hinc supersticiosa anilis ista gens non tantum supra indicatum lapidis usum; sed etiam meteorum istud (ubi sub multam noctem, serenâ stellarum luce, ad ædium caminos, ut solet, id volitare videt) illis ædibus varias opes afferre tanquam rem exploratissimam asserit. Ita mihi narrabat rem hanc aurifaber, cum viveret, à quo lapidem nullis precibus tunc temporis acquirere mihi licebat. Postea verò ab aurifabro acceperat eum *Serenissimi* nostri *Electoris* Cubicularius, *Dn. Sennigius*, Cassellensis, à quo illum jam possideo. Magnitudine hic lapis præcedentem Chelonitidem æquat: figura prope eadem, nisi quòd ex utraque rotundior paulò sit, nec planitiem habeat, sed quales sunt conchæ illæ rotundæ, quæ ab *Aldrovando* striatæ Italis capetundi dicuntur. Cum verò hic lapis non sit striatus in superficie sed glaber, indicium est, eum intra concham vel in ejus cavitate esse formatam: adumbrat enim formam ectypam, in concha dicta acquisitam tanquam in forma entotipa initio, materiâ existente fluidâ, im-

pressam

pressam & successu temporis induratum. Est lapidi insuper ejusmodi quoque capitulum, quale præcedens lapis habet, cum suis alis & rimulis ex adversa parte conspicuis, licet hæc omnia obscuriora appareant, quoniam ex utraque parte crassities strias & rimulas omnes oblitterat & sic concham præfaram exactè præsentat. Caterum, quod admiratione dignum in hoc lapide censetur, est is coloris tenuè flavescens, Electri instar, in totum diaphanus, per quem, si candelæ vel lumini obvertas eum, cavitas trigona formam cordis exprimens, apparet, quæ per dimidiam sui partem repletur pulvere obscurò, ad omnes inclinationes pronò quaquaversum lapidem vertas, in cavitate ista propensè labili: quamvis pulvis hic, concussio lapide, ob sui tenuitatem nequidquam resonet: inde fit, ut speciem quoque ætittæ exhibeat, quia cavus est, & aliquid heterogenei à reliquo corpore ambiente in se continet, quamvis contentum intus non resonet, ut ætites solet. Denique durissimus est lapis, adamantis fermè instar, ad chalybem collisus scintillas elicit absque ullo sui detrimento. *vid. Fig. III.*

OBSERVATIO IV.

DN. ROSINI LENTILII,

Calendarium Sauciatorum perpetuum.

CUm haut ita pridem ad Virum tum genere nobilem, tum virtute & eruditione, vocarer, afflictæ ipsius uti valetudini consulerem, inter alia quiritabatur, se vehementer ex capite dolere, quod equidem novum sibi non esset, siquidem à multis jam annis, in occipite graviter vulneratus, ab ea parte dolorem sentiret, quoties tempestas aliqua sævior instaret, indeque, ut ajebar, *sibi esse Calendarium perpetuum.* Ego tunc imparatus, quod poteram, respondebam, sed, reverso domum, penitus his cogitationibus

nibus atque dexterius immorari libuit, judicium, quamvis quotidiana sint ejus generis exempla, vestigationem tamen hujus *Meteorologii* non esse inter curiosas postremam. Quæ tunc meditatus sum, in chartam conjecta, sequentia eruditis exhibeo. (I.) Principio quidem fatendum est, *maximam aëris, variarumque ejus temperierum, esse in corpora quævis, tum naturalia, tum etiam arte facta, facultatem.* Per aërem autem hic non intelligo substantiam, seu corpus prorsus homogeneum, sed eum, qui per effluviorum oppido variorum, myriades est alteratus, breviter, qualem inspiramus, seu qualis est nobis contiguus. Consideremus hunc secundum primarum qualitatuum tantum vulgatissimum quaternionem. Æstivo sole & artefacta corpora, & naturalia, pro receptivitatis suæ modulo, exsiccantur, uruntur, enervantur, & notabiliter alterantur, puta, trabes ædificiorum, & lignea laxiora quælibet: quæ autem sunt ex metallo conflata, radiorum solarium intuitu fervent, ut manum tangentis vix patiantur: vegetabilia marcescunt, animalia torpent, homo squallet, appetitus dejicitur, præcordiorum anxietates sentiuntur, atque, *dum nos plus satis calescimus, opera nostra frigent, ad quæ sumus pigerrimi.* Frigus hiemale contrarios edic effectus, magis equidem sensibiles in illis locis, in quibus prædominatur, qualia sunt *septentrionalia*: Sic sæpenumero audiavi, immenso gelu etiam contrahi trabes, ut magno cum fragore, exploso quasi sclopeto, hinc inde hiscant; quod quæ erant è metallo molliore, plumbo, stanno, &c. fabricata vasa, rimas egerint: vegetabilia, recedente quasi in radicem succo meticuloso, moriuntur; quin observamus fides in panduris à sui contractione, tempore frigido, contra quasi naturam, altiore sonum edere, quin & fides æneas in instrumentis Musicis, nabliis, quæ clavichordia vocant, intendi sponte, rursusque sponte remittere, postquam aëris inclementia sævire desinit, experimur; In homine figuntur quasi spiritus & retrocedunt, humores crassescunt &c. prorsus,

8
sus, uti videmus in *thermoscopiis* vel expandere semet liquorem, vel densari, pro aëris nunc frigidioris, nunc calidioris, conditione. Quid morborum aëris & calor & frigus, & humiditas & siccitas in corpore nostro valeant excitare, *Senex noster in Aphorismis* docet. Temperatus aër omnium saluberimus in suo quolibet vigore conservat, quæ marcuerant à nimio calore, vegetabilia, & vires & virorem resumunt, & quasi rident, ac nobis arrident, & sic omne nimium vertitur in vitium, quod utiq; latius diduci posset, si id instituti ratio pateretur. (II.) Aër, quum aliquam temperiei mutationem subit, v. gr. dum inflat tonitru, aut pluvia, (hæc enim imminencia cum primis vulnerati præsentiant, magis, quam alia meteora) id fit per motum alterationis, atque, quo major est illa mutatio de contrario in contrarium, eo major ipsius aëris, & magis debet esse sensibilis alteratio: Hæc ipsa verò, cum ejus ratio formalis consistat in particularum seu effluviorum aëris aliorum à se invicem mutuo secessu, aliorum ad se invicem mutua adgregatione, sine fermentatione vel effervescentia aërea (utrum mavis, perinde est) fieri nullo modo potest, siquidem adest, ut adesse debet, effluviorum contrarietas. Sic, e. gr. imminente pluvia, dum ad eam generandam aër, vel dic, Natura, accingitur, quæ hætenus implicata erant effluvia, tum humida tum sicca, tum calida, tum frigida, adde & nitrosa acida, & volatilia alkalia sulphureaque, ita, ut notabilem alterationem sic implicata non pepererint, gubernante sic universali Archeo, Spiritu mundi vel Natura, à se invicem exorto quodam *εγδομω* secessum facere conantur, ita ut (liceat ita loqui) dum efferbuerunt ista contraria effluvia, homogenea congregentur, atque adeo aquea, quasi præcipitentur in pluviam, & hæc gravitate suâ adjuta super terram, atq; ita *pluvia non sit, nisi Magisterium quoddam aëreum*, siquidem summo jure dicitur præcipitari, cum non tam delabatur pondere solo gravata, quam vi quasi decurberetur, ita, ut guttæ, in nimbis cum primis majores,

jores, cum sonitu allidant ad corpora, (sie batschen recht auf der Hand / oder / wo sie hinfallen) & analogiam quandam doloris excitent: contraria vero his effluvia, sicca, ignea, sulphurea, volatilia, alkalia, summum petunt, in ipsa *effervescencia seu fermentatione*, atq; pro sui copia & sulphureitate, nunc cum fragore, ut in tonitru, nunc sine eo. Exemplo vulgari cervisiae rem illustrabo: Cervisia ex motu intestino particularum heterogenearum fermentationem subit, seu effervescenciam, quæ particulae nobis sint loco effluviorum aëris contrariorum: Fex ab illa fermentatione deturbatur & præcipitatur ad fundum, quæ nobis sit pluvia: Gas autem spirituosum volatile exhalat in auras, summa petens, quale diximus esse effluvia calida, volatilia &c. Hoc simile, quamvis sit dissimile, uti sunt & esse debent omnia similia, in suo tamen tertio sic meam satis mentem explicat. Nimirum, *pluvia & tonitru generantur in aëre per quemdam fermentationis motum.* (III.) *Uti fermentatio non fit in instanti, sed successive, donec in fundum, aut feces, aut magisterium præcipitetur; sic & ad hanc aëream fermentationem utiq; tempus requiritur:* hinc illam aëris turgescenciam & motum fermentativum, necesse est, per aliquod tempus, ipsum effectum seu pluvias & tonitru &c. antecedere, & per consequens ista subjecta, quæ hanc aëris alterationem sentiunt, posse tempestatis imminentem mutationem prædicere. Ejusmodi subjecta, cum primis in brutorum genere, sunt plurima. Sic *anser, anates, gallina, hirundines, rana*, sunt harum tempestatum imminentium infallibiles Prophetæ, quod etiam rustici, & melius quidem, quam litterati, norunt. Sed nec excludemus & varia insectorum genera, *tabanos, crabrones, apes, muscas, culices, quin pulices & cimices*, imminente aëris vel tempestatum mutatione, quasi æstro percita, tunc vehementius & circumvolitantia, & discurrentia, & homines juxta atque bruta morficantia: quæ exempla, uti sunt quotidiana, ita minus ulla probatione indi-

gent. Nec vero arbitrandum censeo, ullam aliam subesse causam *G. Ilcinii*, quam, quod Gallus præsentiat successivam Solis appropinquationem ad nostrum hemisphærium, quæ appropinquatio, uti sine insigni atmosphæræ alteratione contingere nequit, si quis augusti illius Planetæ vim & efficaciam consideret, ita cum primis à Gallo primum persentiscitur, ob raram ejus texturam, qua Spiritus ejus animales apti nati sunt, ad quamvis aëris mutationem in motum violentiorem cieri, quod infra explicabitur. Homo equidem & beluæ majores non æquè persentiscunt istas mutationes, ut vel hinc appareat, esse revera animalia, quæ aliquorum sensuum externorum subtilitate homines prævaleant, juxta vulgatum:

Nos aper auditu præcellit, aranea tactu,

Vultur odoratu, lynx visu, simia gustu.

Tametsi propterea veritatem horum versuum defendere per omnia nolim. Attamen & nos homines, quum etiam sani & nusquam vulnerati sumus, possumus haut raro imminuentem tempestatem prædicere, *ex peculiari aëris aestu, & nimium quantum molesto, qui præcedere solet*; tunc enim, dicimus: *Es ist sehr geschwülstig / daß einem angst und bange ist.* Nonnunquam in æstate Sol non adeo clarum nobis impertitur splendorem, attamen æstus ille specificè quasi nobis molestus est, qui, si non testis est magnæ, & quidem fermentativæ alterationis in aëre, non video, de illa testari quid valeat. Hiemali tempore, qui olim frigoris injuriis multum fuerunt expositi homines, in pedum præcipuè calcaneis (ubi quippe est maxima cutis subtilitas & tenuitas) titillationis molestissimæ sensum quendam experiuntur, undè infallibiliter prædicunt, aut intendi proximè gelu, aut sane remissurum esse. (IV.) Suspikor autem hanc aëris alterationem ita corporibus animalium communicari: Effluvia fermentationis aëreæ, tum per cutis poros illabentia, tum per inspirationem

nem attracta, sanguini & spiritibus cumprimis, utpote magis mobilibus, (in perfectioribus quidem brutis, animalibus magis, in insectis verò, analogis impetum facientibus,) eandem vim fermentativam communicare & imprimere, qua mediante spiritus animales, vel analogi, cientur in modum fornicationis & intestinum, disparatum, ut *Legre* loquar, à motu eorum communi; & quidem, quo sunt mobiliiores & subtiliores spiritus, concitatiores, ita ut spirituum atomi, quasi æstro percita, circum sese continuo repant, haut aliter, quam ubi radiis Solis per fenestram lucentibus, videmus pulvisculos intra & circum sese motitari: quæ effluvia aërea, quandoquidem cumprimis nitrosa sunt, eo sunt aptiora spiritus animales, *ceu de armoniacali quasi Natura*, inquietare, quod per naturam rerum vix aliter se habere potest. Quo itaque est rarior & totius animalis, & præcipuè cutis textura, quo est nervosior, eo promptius in extrema cute sentitur interna ista spirituum alteratio, & quidem in partibus debilibus & sensibilibus non sine pruritu, qui nimium protrahitur vel auctus, fit dolor. Sic, quoniam insectorum, pulicum, cimicum, muscarum, est oppido rara textura, non tantum ista effluvia promptius ea subintrant, sed etiam eorum spiritus percipient, ut remulenta quasi & furiosa, in reliqua animalia morfu ferantur suo. Sic, quia rarioris texturæ sunt volatilia quævis, alterationem istam persentiscentes, vociferando, pro sua quodlibet natura, (quod etiam de *ranks* verum;) præsignificant non tantum imminentem tempestatem, verum etiam indicant quasi, contigisse sibi aliquid præter naturæ ordinem. (V.) Quod autem in specie sauciati sint ejusmodi Propheta, illud profecto alicunde deducendum non est, quam à vulnerum & contusionum cicatricibus & callis, tam interioribus, quam exterioribus. Omnia corpora, quorum unitas est soluta, rursus coadunantur mediante callo, quin & ipsa mineralia. Omnis generis Fabri, si instrumenta aut ænea, aut argentea, aut aurea rupta sarcire volunt, nunquam id (ex-

cepta refusione) dabunt effectum, sine illa operatione, quam vocant *löten* / hæc autem callum inducit commissuris, qui lima demum est auferendus. Rursum, saucientur arbores aut plantæ, ita, ut ne sit exitialis plaga, vulneris latera se rursus callo mediante jungunt, quod non tantum in arborum insitione, sed etiam in corticum aut cucurbitarum, incisione, luce meridiana clarius existit. De animalibus dubitare vetat experientia. Id tantum hac recensione volo, *nullum corpus naturale, cujus est semel unitas soluta, rursus integrari, ni fiat illud mediante callo.* Videamus igitur, quid sit callus, & unde generetur in corporibus viventibus? Recurrendum hic est quadamtenus ad nutritionem viventium; Igitur in plantarum genere est succus quidam aquosus, verum balsamicus & roscidus, qui quaquaversum diditur, & arbores juxta ac herbas nutrit, ut juxta dimensiones omnes augeantur; iterum in animalibus est liquor quidam, itidem roscidus & balsamicus, *gluten Arabibus* vocatur, qui est quasi defecatissimus balsamus arterialis, per quem intelligo sanguinem & serum, quorum ultimum magis ad alimentationem concurrat materialiter, sanguis autem formaliter, characterem quasi vitalem & sigillum, una cum animali spiritu, qui huc per sane multum contribuit, sero miti, balsamico & coagulabili imprimens, ut ita *ros ille glutinosus* partibus adsimilari queat. Liquor iste balsamicus & materia proxima nutritionis *Paracelso & Helmontio synovia* vocatur, estq; secundum *Nostrum Herculem, Physiol. Med. Sect. 3, c. 4.* mucilago quædam pellucida, glarealis aqua, seminale gluten, & articulorum transparens semen nutritium, qualis vitulo mactato, amputatis pedibus è tibiis stillat; qualis instar albuminis ovorum, in vulneribus potissimum articulorum, quotidie vulnus circumspicere observatur, sub ichoris serosi titulo vulgo: verbo, nil aliud est, quam substantificus partium succus, à sero alimentari gelascente ortus. Hic itaque intra porositates partium adsumptus, in earum alimentum cedit, & substantiam

tiam suam cum substantia partis quasi *cambit*, unde hoc casu ab *Arabibus cambium* est dictus; & est de natura quasi mercuriali, rotus nerveus, & quasi κατ' ἐξοχὴν animalis, adeoq; vehementer sensibilis & tener: Hinc, ubi soluta est unitas vel intra corpus, vel extra, balsamicus iste liquor ex naturæ instituto continuo allabens, ob mutatum pororum situm, & quia quasi limites certos & præfixos, ob solutam unitatem, non reperit, hærescens in superficie vulneris callum efficit vel cicatricem, & ipse hic succus mercurialis continuo deinde ad partes istas delatus, remoram quandam & impedimentum sentit, sic, ut nunquam ibi nutritio recto naturæ ordine per omnia procedat. Pars autem corporis cicatricosa quævis, præ aliis ob istum liquorem est valde sensilis, quod quilibet cicatricosus in seipso sentit, oborto in cicatricibus pruritu, ob eundem balsamum nimium subtilem, & multum de animali spiritu participantem; hinc aptæ redduntur cicatrices, ad quamvis tum aëris externi, tum spirituum internorum, animalium præcipuè sibi contiguorum, alterationem facillime persentiendam. Huc autem facit, ejusmodi partem, sicut alias quasvis, allui semper, & quidem nutrimento sibi magis homogeneo, i. e. *Mercuriali balsamico*. Hinc oborta aëris fermentatione supra memorata, imminente aut pluvia, aut tonitru, ab illa parte, qua callus est, (nunquam per callum intelligo densitatem cutis à nimio labore contractam.) Sensus alterationis longe promptius percipitur, tum per externam allisionem, tum per internam spirituum animalium agitationem, quam partes callosæ, ob teneritudinem & ἰσχυρότητα, non semper lubentes accipiunt, sed frequenter molestissime & cum dolore afficiuntur, qua interna fermentatione dolorifica, partes adjacentes etiam sanguineæ, in consensum ebullitionis trahuntur, unde dolor, ex cujus doloris præsentia, imminentem tempestatem præagire licet: Hinc *Calendarium Sauciatorum perpetuum*.

OBSERVATIO V.
DN. ROSINI LENTILII,

De

Differentia inter fermentationem & effervescentiam.

QUandoquidem tum in observatione antecedente, tum reliquis meis, mentio saepenumero confusa fiat *fermentationis & effervescentiae*, mirum alicui videri posset, cogitatur fortasse, me non satis capere, quid subsit inter hos Naturæ motus differentiae, cum essentialiter illos differre, Viri longe celeberrimi & statuerint, & etiamnum statuunt: hinc operæ pretium esse duxi, brevi hac deductione planum facere, quidnam de differentia illa censeam, *quam esse tantum accidentalem, non essentialem*, ob ea suspicor, quæ proxime sequuntur. Rem potissimum habemus cum celeberrimo Sylvio, qui in *disp. Med. I. Coroll. I. Effervescentia, inquit, ex spiritu acidi & Salis lixiviosi, aliusve subjecti cujusvis, fixum Salem concludentis concursu orta, toto cælo differt à fermentatione*: Hujus namq. finis est, partium misti, ad faciliorem sui segregationem dispositio, per salini earundem vinculi dissolutionem; illius autem, spiritus acidi cum lixivioso Sale coagulatio, aliove subjecto concentratio, adeoque cum ipsis conjunctio. Verum, si accuratius rem introspeciamus, præter accidentalem differentiam fortasse reperiemus nihil. Quoad enim *effervescentia* nomen, illud primo, minus aptum videtur, ad exprimendam rei naturam. Equidem, si ab *Ety-mologia* seu notatione nominis, æque demonstrativa, atque probabilis esset consequentia, opponerem tum *effervescentias frigidas* (quas aliquis contradictionem implicitam dixerit) tum *ebullitiones quaslibet*, e. gr. aquæ ad ignem ferventis: Ut enim illis, seu frigidis, propterea nomen *effervescentia* non competere videtur, quia nullus in iis est calor:

ita

ita in his nullus est acidi cum lixivioso concursus. Adnotavit enim recte *Excell. noster Hercules* in *Pharm.* in *A. F. R. l. 1 S. 2. c. 5.* *effervescentia* nomen etiam de quavis enormi contrarietate valere, uti id, exemplo calcis vivæ, cui aqua affunditur vulgatissimum sit, & notissimum. Convenire vero hanc vulgarem ebullitionem, cum *effervescentia*, ipsis sensibus notum est, eodem enim modo ebullit spiritus Vitrioli, Marti v. gr. affusus, ac calcis vivæ aquæ affusa, licet diversa hinc producta, ob adjecta alia, fiant & emergant. Hinc *Excell. Sylvius* cancellis angustioribus includit *effervescentiam*, quando eam tantum existimat, ubi spiritus acidus & nitrum lixiviosum concurrunt: Siquidem *contrarietas est fundamentum effervescentia*, non acidum & alkali. Cum autem aptius nomen vix reperire liceat, retineamus tantisper *effervescentiam*, dummodo ad quamvis ebullitionem applicetur. Quemadmodum igitur lucta particularum contrariarum, sive ea sit intestina magis, seu aperto tumultu hostilis, fundamentum est *effervescentia*; ita in centro hanc cum *fermentatione* convenire, haut est difficile conceptu: siquidem & *fermentationis* lucta, licet intestina magis, nil aliud est, quam concursus particularum contrariarum, unde, sumto hoc medio termino, facile Syllogismus exsurgit. Licet autem finis, ratione scopi, quem Chemicus in operando sibi præfixit, forte sit in *fermentatione* & *effervescentia* diversus, ad mentem *Sylvii*; finis attamen earundem *Physicus*, est utrarumque idem, nempe hic, ut fixum separetur à volatili, solutis utrinque compedibus. Nam, quis credat naturam in *effervescentia* cupere particularum contrariarum unionem, cum tamen sint contrariæ, & hanc ipsam contrarietatem tumultu suo demonstrent? immo, quia e. gr. in confusione spiritus Vitrioli & limaturæ ferri oritur insignis *effervescentia*, potius ego crediderim, particularas volatiles, à fixis, utpote, quæ sese invicem, ex naturali inimicitia, vehementer averfantur, abitum in auras, per luctam istam, ceu fugam adornantes, meditari, relictis carceribus fi-

xis terrestribus & aquosis, quibus erant implicatae, quæ coagulantur in fundo : quamvis in ista fuga & tumultu, non tantum particulæ volatiles aliquas fixas secum in auras, ceu captivas, abripere possint, sed & fixæ non omnes volatiles è suis amplexibus dimittant, sed mutua quasi virium attritione denique conquiescant una, in tertium aliquod neutrum mutatae; haut secus, dum in praelio per fugam hostes ab hostibus separantur, alii transfossi concidunt, & seposito quasi odio amicis ac inimicis juxta mixti jacent. Illud volo: Fermentationis & effervescentia finis naturalis est, particularum mixti volatilium quæ violenter quasi detenta erant, à suis compedibus liberatio: hinc non essentialiter sed accidentaliter differunt. Contingit nempe effervescentia, quoties particulæ commissæ minus implicantur terrestribus & aquosis, sed congressus fit purior, & nunc est cum frigore, nunc calore conjuncta: Illud fit, quando cum sale volatili puro, non oleoso, spiritus acidi congregiuntur. vid. Sylv. Prax. Med. l. 1. c. 14. & Tack. Phos. 2. p. m. 67. 69. e. gr. ubi sal urinæ volatile confunditur cum spiritu salis comm. (quæ duo cum fuligine constituunt sal armoniacum) aut cum spiritu vitrioli: excitatur quidem pugna & motus particularum, verum, cum intenso frigore: Hoc autem fit, cum spiritus acidus committitur cum sale vol. oleoso pingui, ut in spiritu nitri cum spiritu vini, vel butyro antimonii cum spiritu nitri. Fermentatio autem existit, quando ob nimiam implicationem particularum volatilium cum terreis & aqueis, spiritus tam prope & nude se tangere nequeunt, sed longa quasi manu, per luctam magis intestinam, è carceribus elapsæ, auffugiunt. Sic nobis exemplo cervisæ coctura: Gas illud spirituosum, à fermentatione exhalans, totas ædes graveolentia complet: Hæ sunt particulæ volatiles: terrestriores autem præcipitantur ad fundum, & sunt quasi magisterium, feces, dictum: In medio manent aquosæ, & sunt ipsa cervisia; Omnia tamen adhuc virtute salium prægnantia. Et hæc est differentia inter fermentationem & ef-

& effervescentiam. Certe coagula illa, ab effervescentiis exorta, & vulgo enixa salia vocata, nil aliud esse videntur, quam feces quasi suorum principiorum, quod liquet è virium deperditione, quas longe inferiores possident enixa, quàm spiritus & salia singulatim ante effervescentiam secum impermixta, dum interea reliqui spiritus puriores seu magis volatiles, gliscente praelio, in auras evolarunt, qui in fermentatione à vinculis, quibus intimius innexi sunt, & quibus solvendis una fermentatio impar est, diutius retinentur. Sic, exemplo Kergeri de ferment. p. 106. aciditas spiritus Vitrioli, & acrimonia olei Tartari, si per confusionem fermentescant, utrimque infringuntur & obtunduntur, ut ex prognato Tartaro Vitriolato ultra 3j. adsumere possimus, cum ex Vitrioli stagmate, aut oleo Tartari vix aliquot guttas, non sine acoris fastidio adsumamus: Immo, sub titulo salis balsamici purgantis, aliquos Tartarum Vitriolatum ad 3ß. intra horæ spatium propinare, noster Hercules de compos. Medicam. extemp. Sect. I. cap. 14. notat. Sic in præparatione bezoardici mineralis, quamvis butyrum Antimonii magnam acrimoniam habeat, & spiritui quoque nitri sua sit corrodendi facultas, absoluta tamen horum commissorum effervescentia, ita hoc omnem acrimoniam amittit, ut præstans evadat sudoriferum. Sennert. Conf. & diss. c. 16. p. 266. Idem observatur in Antimonio diaphoretico, Mercurio vitæ & variis ex Antimonio paratis. Confer huc etiam notabilem deperditionem ponderis, in ejusmodi coagulis. Nil autem inde concluditur aliud, quam partes illas spirituosas per effervescentiam maxima sui parte avolasse, tamen si partem aliquam, à terrestrioribus particulis concentratam, in coagulo delitescere, etiam non sit negandum. Eodem planè modo in vulgari fermentatione natura procedit, dissoluto vinculo, quo volatilia ligata erant, hisq; maxima sui parte in auras erumpentibus, partim autem sub nomine fecum (quæ nil aliud sunt, quam magisteria) fundum

petentibus, aut, pro re nata, vasorum superficiem lambentibus: nam & feces non sunt adeo viribus cassæ, quin suis etiam turgent spiritibus, non secus, atque ex *effervescentiis* orta coagula, quod liquet ex spiritu fecum vini, vel cervisiæ. Quod autem *fermentatio* vulgaris non in instanti, uti *effervescencia*, procedat & absolvatur, sed majori apparatu indigeat, id orane, quod jam memoratum, acceptum ferendum impuritati copiarumque *velutaceorum*, quibus, si impedita forent, salia effervescencia, non effervescerent, sed fermentarentur. Nec obstat, quod in *fermentatione* vulgari requiratur fermentum; id enim (1.) non semper requiritur, (2.) non est de essentia *fermentationis*, sed ejus tantum accidentalis causa. Vid. Kerger. Sect. 2. cap. 1. Hinc apud plerosque Auctores Chymicos hæc duo nomina subinde indifferiminatim sumpta legas, aperto indicio, tacite illos horum convenientiam, atque, ut ita loquar, identitatem subinuisse. Quemadmodum igitur *fermentationis* nomen magis competit rebus, multis portionibus terrestribus & excrementitiis implexis, ita *effervescencia* terminus convenit magis salibus purioribus & rebus spirituosiss. Hinc rectissime Excell. Bruno Dogm. Med. gen. pag. 200. inquit: Quemadmodum species vitii sanguinis in nimio motu recte dicitur *fermentatio* nimia, ita spiritus vitalis nimio motui accurate tribui posset nomen nimiae *effervescencia*. Non itaque peccabit, qui Synonymice his utetur terminis, nec etiam peccabit, qui, distinctionis gratia, *fermentationi* *effervescencia* subalternabit, modo consentiamus, eas non essentialiter differre.

Fig: 2 p. 11.



Fig: 1. p. 10.




Fig: 5.
p. 48.



Fig: 4. p. 19.




Fig: 3. p. 13.



Fig: 7. p. 70.



Jan. 6. 1792.

OBSERVATIO VI.
DN. ROSINI LENTILII,
Ulegnomica Curiosa

IN divinationum & prælagiorum generibus non ultimum sane locum sibi vendicant *Cheirromantia* & *Physiognomia*. De illa satius foret omnino tacere, quam multa dicere, siquidem in tota rerum Natura nil æq; mihi videtur tum à veritate, tum omni sana ratione absortum, quam illud quidem divinandi genus, quocum tamen sibi multi mirifice placent. Quinimmo & Antiquitatis elogio istæ fabulæ superbire conantur, siquidem *Platonem*, *Ptolomæum*, *Hali*, *Albumasarem*, *Barlaam* &c. hujus mysterii, si Dis placet, Magistros faciunt; *Plinium* quoque hujus mentionem fecisse gloriantur. Cum autem nihil propemodum, quam experientiam, (quæ tamen rarissime isthanc artem comitatur, & si forte comiteretur, id casu fit) loco fulciminis afferre queant hujus Patroni, ab aliis propterea exagitati, rationes scilicet etiam commenti sunt valde suaves, quarum primipilaris est illa: *Deus & Natura nil faciunt frustra!* Heic sane semet reperisse non autumant, quod pueri in faba. Sed elegans est omninò consequentia: *Deus & Natura nihil faciunt frustra, ergo lineæ manus prælagiunt!* Quasi vero non possint aliis usibus esse destinatæ? Quæris, quisnam est illarum linearum usus? Resp. ut eo promptius manus possit in pugnum contrahi: Si respondeam, omnino me usum ignorare, Tu propterea non viceris: non enim, ubi verus rei usus ignoratur, ibi licet alium quemdam ex cerebello comminisci. Sunt illæ lineæ cardinales à plicatione pugnorum, quos infans in utero materno facit, nec est necesse, ut præcise in omnibus subjectis sint eadem; quod enim alia sit longa, alia curta, alia vario modo intersecta, id casu fit, nec ullo Naturæ consilio, quemadmodum in vegetabilium foliis oppido &

numero interdum & aliis accidentibus fibræ variant. Sed & simiæ gaudent iisdem lineis, quod ego non semel fui conspiciatus, ut de anseribus, anatibus, quin plerisque volatilibus, quæ pro pedum flexuris ejusmodi lineas ostendunt, taceam: numquid & his fortunæ sunt in istis lineis scriptæ? & si non, cur solus homo hac gaudet prærogativa? fortasse prælagiunt ejus lineæ ex potentia obedientiali, ut *Metaphysici* ajunt? Sed illa est vel respectu Dei, vel hominum: Illius respectu id non fit, quia Deus hodie consuevit agere, non tam per potentiam suam absolutam, quam ordinariam; nec hujus respectu, quia homini tanta potestas in suas manus data non est, quæ, si data esset, in faustas potius, quam ominis mali, lineas illas mutaret: Certe, heic nulla naturalis est potentia. Et, quis non lubentius credat, in usum corporis humani potius, quam divinationis, has lineas esse fabricatas? Quin ex rugis vetularum non divinamus? Similium enim esse rationem eandem, *Topica* docet; Si diversitatis ulla habenda est ratio, næ iste rugæ in diversis subjectis etiam sunt diversissimæ: Ego senectutem ex illis divinarem. Væ autem rusticis, & qui manuum arduo labore victum quærant, his enim desideratas lineas callus obliteravit, ut ita propheta miseri destituantur. Suaviores autem sunt illi, qui ex *Aristotele Cheiromantia* fundamenta hauriunt. Sic enim *Stagirita*: Humana manus à natura facta, tanquam *instrumentorum instrumentum*, & *organorum organon* in humano corpore, cum ejus officium sit, omnibus humani corporis partibus inservire. Concludunt inde suaviter, magno ingenio: Hac ratione omnium membrorum virtus in humana generatione concurrat, ita, ut totius corporis humani complexio in manu conspiciatur: Igitur unumquodque membrum, aliquod in ea signum, vel magnum, vel exiguum, juxta ejus membri potestatem aut virtutem immisit, ideoque manus ipsa diversis est obsignata lineis & rimulis, ex quibus ipsi *Cheiromantici* de hominis complexione, aliisque omni-

omnibus accidentibus judicant, quæ in humana vita succedunt, velut ex signis à natura factis, in humanæ generationis principio, ob virtutem manui ab omnibus membris datam, ut habet *Andr. Corvus Mirandulanus*, cui adstipulatur *Joh. ab Indagine*, ita decernens: Cum itaque manus officium sit, omnibus corporis humani partibus inservire, & omnium membrorum virtus in humana generatione concurrat, valde consentaneum est, humanæ complexionis signa quædam & indicia in hominis manu conspici. Sed, obsecro, quæ, qualis, quanta? Isthanc equidem consequentiam è *Stagirite* verbis qui elicuerit, is næ mihi sit subtilis *Logicus*! Suavissimus est quidam *Const. Liebhardt* è *Curlandia*, cujus An. 1684. *Calendarium Cheiromanticum* prodiit, quod in fronte manum æri incisam cum montibus planetarum monstrat, cum hac inscriptione: *Ut omnium firmamenti stellarum virtutes in se Sol habet: Sic & totius corporis membrorum vires manus continet.* Ex tripode dictum! prius enim æquè verum est, atque posterius. Rationes, si quæ sunt plures, non possunt non esse cum allatis ejusdem farinae, id est, frivola. *Cheiromantia* Patronus, celebris *Rislius*, in *Martialis Colloquii* pag. 114. ad variorum Auctorum rationes nos ablegat; Optandum autem esset, ut ipse Vir, alioqui sagacissimus, rationes & fundamenta adducere, quam alio Lectorem ablegare maluisset. Nimirum caussæ diffidebat. Vid. quoq; *Joh. Bapt. Porta* & recentior quidam *Nicol. Pompejus*. Arabes enim quidem fuisse huic doctrinæ deditas, probare videtur *Jac. Sponius*, *Itin.* l. 2. p. 53. ubi se apud Turcam *Constantinopoli* librum *Arabicum Cheiromantiam* docentem vidisse scribit, *Porta* librum multis parasangis antecellentem, ubi, quod Auctor tradit, signa manuum certæ sunt litteræ, quarum Alphabetum integrum addidit; Deniq; *Polyd. Vergilius de rer. invent.* *Cheiromantia* inventionem *Persarum Magis* adscribit l. 1. c. 23. Sed, quid de ejusmodi divinationibus teneat, videatur à calce istius capitis,

quod profecto iudicium mihi sic satis est adcuratū. Sed mittamus has lyras. *Physiognomia* profecto plus meretur encomii, plus itidem habet in natura fundamenti, quæ non tam iudicat è scissuris frontis, quam è tota capitis, & cum primis faciei *individuali* conformatione, quam *individualement* propterea, summo jure voco, quod inter tot hominum *milliones vix duo reperiantur sibi per omnia* (per omnia dico) *similes*, uti etiam, quot sunt capita, tot sensus: unde haut difficili negotio probabiliter elicere quis possit, quantum sit inter vultum & sensus, vel internam hominis naturam, commercium. Prodeant sane *Valer. Maximus & Fulgofus*, uterq; scriptorum suorum *l. 9. c. 14.* cum personis forma sibi similibus, sic ut internosci non possent, istæ hirundines ver non facient, & si fortasse quis alius istos vultus adcuratius inspexisset, non nihil tamen haut dubie diversitatis reperisset. Hinc *Lexicographi vultum dici volunt*, à *volo vis*, quasi sit ex ejus *supino desumpta vox*, eo quod vultus significet voluntatem hominis, quæ, pro motu animi, in facie ostenditur, quam facies ipsa sit oris species, quæ permanet. Vultum sibi fingere multi possunt, faciem nemo: Hinc vultus in nullo animante est, præter hominem: vid. in eam rem *Laur. Vallam eleg. l. 4. c. 13.* prolixius & curiose differentem. Elegantiissime *Burrhus* apud *Tack. Phas. 2. p. m. 160.* *Uti macrocosmi compendium homo existimatur, ita homo, sive humanus mundus, in se quoq; habet proprium compendium in vultu, & imago nostri corporis est facies.* De hoc *Burrho* porro *Tackius l. c.* Hic, uti erat ingenio perspicacissimo in rerum naturalium cognitione, ita non raro ex facie, de totius corporis constitutione, multum vaticinabatur; hinc enim in consilium Medicum vocatus, icones magnorum Principum & Virorum sibi deposcebat, ut tanto rectius in constitutione eorum penetrare posset, & quo pacto interiora viscera se haberent, inquirere *P. 162.* è *Studio Argenteraten sis facie, malum circa anum latens, eundem Burrhum cognovisse, testatur, & deniq; addit: Hæc, aliaq; quæ manifestabat secreta, plurimi ad diabolum referebant: at, prognosin istam è Naturæ signis* haut

haut esse difficilem, neq; impossibilem, ille facile judicabit, cui corporis cum facie cognita est correspondentia: Et hæc quidem ars omnino videtur esse cognitu necessaria Medico, cui dijudicationes morborum non raro secretorum offeruntur, ut, dum ex aliis signis eos dignoscere nequit, per hanc *Physiognomicam*, in eorum cognitionem veniat: Sic enim stupenda intelliget, & tanquam aliquid præter Naturam sciret, habebitur. Vituperabitur quidem, sed sine caussa & insons, dum è Naturæ penu profert, quæ alii non intelligunt. Hactenus *Tackius* vid. etiam *Joh. Bapt. Port. de hum. physiogn.* Istanc *Burrhi* artem, morbos, etiam conformationis, è vultu dignoscendi, suo quidè loco relinquo, non nescius, eum solitum fuisse credulis fucum facere, vid. *Barthol. epist. de humoribus oculi restituendis, & Act. Med. Hafn. vol. 1. observ. 69. Hesperus Noster in genii errant. cap. 16. per integrum Dryander Noster Med. Crit. cap. 52. p. 327.* Quorum judicia de *Burrho* legi merentur. Interim tamen certum est, vultum hominis esse quasi *Micranthropon*, & ab omnibus sæculis, etiam à vulgo, pro indice animi habitū, eo, quod ad quamlibet passionem frons mutetur, & plerique non melius dignoscantur, quam ex fronte, unde aliqui *perfricta frontis* vocantur: vid. *Joh. ab Indagine Physiogn. cap. 1.* *Pythagorici* jam suo tempore mores hominum è vultu conjecerunt, ac plerumq; quod cui eventurum fuerit, prædixerunt. *Socratem* ab ejusmodi *Physiognomista* vitiosissimum hominem esse judicatum, quod & ipse fassus sit, nimirum, ita sibi hæc omnia naturaliter inesse, verum se naturæ vitia rationis norma correxisse, historiæ narrant. Idem *Hippocrati* factum, cum ejus discipuli, depictam sui Præceptoris faciem, ad famosissimum *Metoposcopum Philemonem* derulissent, ex *Aristotele* quidam allegant. Et, quis non experitur quotidie latos homines & hilares, itemq; morosos & austeros ex vultu cognosci? Hinc illæ phrasés: *vultus liberalis, ingenuus, austerus, torvus, frons hilaris, tristis &c.* Ego sane rarenter erro, cum è vultu conjicio, hominem aut callidum, aut sannionem, aut lascivum, aut dolosum, aut iracundum, aut candidum, aut mansuetum, aut pro-


probum &c. Germani etiam dicimus: ein ehrliches / tüchtiges Gesicht haben / einem etwas an der Stirne lesen / &c. Homines fatui, etiam quum dormiunt, dummodo sint naturā tales, à vultu produntur. Quin equisones ex equi facie, sit ne generosus, an minus, judicant, quidni fieri possit idem in homine? Nec deest omnino ratio. Forma enim, uti uniuscujusq; rei, ita & humana, operatur secundum conditionem materiæ; jam semen parentum, pro utrorumq; varia temperie, multum idem accidentibus suis variare oportet, ita fit, ut è tot hominum millionibus, ut supra dictum, vix duo, sibi per omnia similes, existant in facie, in qua, ceu hominis parte (una cum capite) omnium nobilissima, cum primis plastica vis occupatur. Cum proinde forma hominis informans, seu anima rationalis, agat pro conditione organorum, & organa corporis humani, spiritus ac humores afficere, pro sua conditione, valeant, haut est conceptu difficile, vultum diversum etiam notare diversitatem temperiei, & pathematum animi humani, atq; adeo vultum esse animi quasi characterem. Cum itaq; vultus corporis veluti sit totius compendium, ex hoc etiam fonte scaturire censeo, quod ex faciei navis possit sciri, in quam corporis regione navi reperiantur similes; quæ nævo trunci è facie cognoscendi ratio, adeo non est nova, ut jam à multis seculis Melampus quidam, non tantum è faciei nævis variam etiam fortunam prælagierit, sed etiam hinc inde, ubi similes in trunco reperiantur, peculiari schediasmate, quod penes me est, Venetiis 1552. recusum, docuerit. Quod autem hic schema exhibeo, communicatum est mihi ab Excell. D. D. Schüssovio, Practico Eßlingense, Fautore meo & viro non inelegante. Idem Curiosa Societati offerendum duxi, eo quod experientia mihi frequentiuscule schematis hujus fidem fecerit, Eruditorum perspicaciæ & ulteriori disquisitioni hanc Ulegnomiam relinquens. Fig. IV.

Figura IV. Explicatio.

A. in Pectore.

B. sub Axillis.

C. in



Ad Dec:II. Annum VI. in Appendice p.124.

Modus cogno-
 Navis Faci
 nam corporis
 similes reperi-

scendi ex
 ei, in qua
 parte
 antur.

Fig: 4.

pag: 24.




Fig: 5
 p. 63



Fig: 6.
p. 54.




Fig: 87
p. 552.



- C. in Pedibus.
- D. in Pudendo.
- E. prope Umbilicum.
- F. in Axillis.
- G. in Lateribus.
- H. in parte posteriore costarum.
- I. in Ventre.
- L. in Podice.
- M. in Brachiis.
- N. in Natibus.
- O. in Lumbis.
- P. infra axillas versus latera.
- Q. sub Natibus.
- R. antèrius ad Costas.

Videatur Hieron. Cardani Microscop. lib 13. & subseq. Melampodis Scriptoris Sacri Divinatio ex navis faciei nec non Joh. Sigism. Elsholzii Anthropometria, & de navorum Harmonia. Item, Ludovici Septalii Mediolanensis tractatus de navis.

OBSEKVATIO VII.

D. JOHANNIS GEORGII SOMMERI.

Differentia lactis puerperæ & lactantis annuæ.

LAc nutricum, quæ jam tum per novem menses, aut per ipsum annum spatium lactarunt, à mulieribus vulgò vetus vocatur, taleque matribus ut plurimum solet esse suspectum, ideoque liberis suis recens natis tale illibenter exhiberi patiuntur, & quidem non ineptè. Siquidem matres primis post partum diebus ex doloribus & variè confusis humoribus lacte suo impuro recens natos à multis collectis & in ipso partu haustis impuritatibus blandè purgant, postea lac purius & multo sero dilutum generant, quo infancum novi

Dec. II. Annus VI,

D. ali-

alimenti non sufficienter digesti vitia itidem feliciter eluunt, & sic lactentes non solum tuto alunt, sed etiam à multis incommodis grato & salubri modo & non novercali modio & medio benignè præservant.

Contrà non rarò accidit, ut, si nutrices lac tale vetus dictum, pingue & caseosum infantibus recens natis exhibeant, non solum coagulationem lactis in ventriculo & intestinis, & eadem obstructionem alvi, tormina ingentia, calorem p. n. epilepsiam & alia mala excirent.

Tale exemplum priori anno Nobilissimorum Parentum filii recens nati constituta nutrix primipara exhibebat. Hæc sanguineo-melancholicæ constitutionis, cætera sani corporis & temperati animi moderatiquè victus, per totum annum lactavit filiam Nobilissimam cum sanissimo effectu: cum autem nasceretur filius recens Nobilissimus, illa ab lactare filiam & lactare filium jubebatur, sed post paucos dies filius hic pertinacem alvi obstructionem, tormina cum epilepsia & convulsionem patiebatur, contra quæ mala inter alia lenientia, alterantia & specifica, clyster & alia indicata lacti recentis lactantis juncta adhibebantur: ad quæ paulò post per DEI benedictionem omnia filebant symptomata. Interim nutrix prior purgantibus, alterantibus ut & alimentis ad lactis vitia corrigenda præparabatur, quæ dein filio Nob. denuò porrigebat mammas, sed cum priori effectu sinistro: imò ut nutrix hæc vitium lactis sui evidentius experiretur, præbuit mammas etiam alii infanti, sed ex eo infelix lactens itidem se malè habuit, adeò ut in omnium oculos incurreret, quàm pravum vitium in hoc lacte hæreat. Igitur hæc removebatur, & nutrix alia itidem primipara quarto mense post partum eligebatur, quâ mutatione factâ omnia symptomata cessabant, ex eoque tempore Nob. infans per DEI gratiam adhuc sano & probè nutrito corpore gaudet.

[*Conferatur Observatio 152. Decad. hujus Anni II.*]

OBSERVATIO VIII.

D. JOHANNIS GEORGII SOMMERI.

Lotii nigror ex assumtis.

Sanguineas & nigras urinas ex violento motu, casu, evacuatione criticâ modò salutari, modò etiam symptomaticâ & funestâ excerni, non estrarum; eam autem ab assumtis nigrore infici observavit inter alios *Schenckius lib. 3. Observ. tit. de monstruosa excretionis urinae, obs. ultima.* Eandem urinæ tincturam cit. Autor etiam observatione 6. lib. cit. de Sanguinis mictu post immodicum esum allia vidit.

His non incongruam observationem in viro sexagenario notavi, qui manè advertens se nigram minxisse urinam, ad me consternatò animò accurrebat, & cœcò plebis ductu ex hoc tripode effatum inhiabat, metuens ne nigror hic monstri aliquid alar: cùm autem ex eo quærerem, quid pridè alimenterum aut medicamentorum sumserit, respondebat, se hactenus ad præcavendam febrem malignam, (quæ tum temporis grassabatur) aliquoties paulò post cœnam cubitum iturum sumsisse rob. sambuci urinâ propriâ mistum, quò auditò, nigredinis hujus causam exponens, ipsum conceptò metu facile liberabam, siquidem viciosa hæc excretio eodem die disparuit.

Quod exemplum primò satis comprobat urinam humanam æquè ac calculum humanum & omnia ex urina humana parata medicamenta singularem ferum & obvios humores ad renes movendi effectum vi salis sui volatilis fovere, qualis effectus ratio in suprâ notato allio se abundè exserit, ceu quod sale volatili vehementiore urinam valdè urgente turgent, quò nomine etiam antinephriticum audit, ejusdemque à multis singula lunæ phasi aliquid pro præservativo nephritico sumitur. Deinde hæc observatio corroborat axioma practicum,

D 2

nempe

nempe medicamenta diuretica non nisi ante pastum, vel saltem longè à pastu, non autem in ipsa mensa esse sumenda, scilicet, ne chylum adhuc imperfectum, aut alia humorum vitia ex ventriculo & venis secum ad renes & vesicam rapiant.

SCHOLIUM.

URinas colore nigro ab assumtis tingi, alii etiam, præter *Schenckium*, notârunt: inprimis à cassia nigra, ut *Actuario* dicitur, id contingere multi adfirmant. Quamvis *Avicenna lib. 1. fen. 2. doct. 3.* crocum & cassiam istam solutivam urinæ colorem citrinum & rubrum conciliare scripserit; mihi tamen, cùm in sat magnâ dosi in Italia pulpam illam ægrotis frequenter exhibitam vidissem, nunquam ejusmodi in rubrum aut nigrum colorem mutationem urinæ observare contigit. E contra ab usu *almuri* nigredinem hanc oriri, idem *Ebn sina l. c.* tradit; licet quid vox hæc denotet, me lateat, nisi quod in antiqua expositione nominum Arabicorum, quæ Operibus *Ebn sine*, à *Gerardo Carmomenfi* in Latinam linguam conversis adjuncta est, *almuri* apud Arabes *salsam* designare, & *muri-garum* esse legatur; quod si ita vox ista se habeat, nescio tamen, an ejusmodi liquor salsus, sive liquamen piscium conditorum istam tincturam, quas ipse liquor iste non habet, impertiri urinæ queat; præsertim cùm nec à piscium sale multo conditorum, v. g. halecum esu, tale quid ordinariò evenireprehendatur. Sic etiam *Hieron. Mercurialis lib. 1. de excrement. cap. 6.* clysteres factos ex sapa sola, urinas atra reddidisse, expertum se scribit: ab usu tamen sapæ interno nunquam tale qui videre mihi licuit; nec etiam mustum, quod instar sapæ dilutæ se habet, etiamsi copiosius stomacho infusum fuerit, tale quid efficit. Et *Exc. D. Thomas Bartholinus cent. 5. hist. anat. 90.* Illustr. Comitum post justo liberaliùs comestas uvas urinam nigram excrevisse testatur, sed cùm unâ in vocis interceptionem, lipothymiam & totius æstum inciderit

derit ille, vel araneas venenatas fortè infecisse uvas, vel uvarum succum diureticum in vino splenetico talem urinam procreasse, *Bartholinus* iudicat. Hinc ista vel similia humores in massa sanguinea, aut parte aliquâ corporis præter naturam latent, quos atrabiliarios nominare solent, commovisse, eosque dein ad urinarias vias pervenisse, vel etiam aliorum succorum permixtione eundem colorem demùm induisse, verisimile est; prout vicissim, absentibus istis heterogeneis succis, nec adsumta illa nigredinem urinæ induere valuerunt. Eò promptius autem taliter coloratæ urinæ excerni possunt, ubi diureticam vim ingesta illa unâ possident, qualis cassiæ fistulari, sapa & garo inesse creditur; ut nil dicam de sapa adustos & melancholicos humores purgandi vi, quam ei *Jacobus Horslius lib. de vite vinifera* tribuit. Quamvis propterea, Cassiam dictam, aliaque nigro colore induta simplicia, ipsâ substantiâ suâ parùm mutatâ ad urinarias vias, in primis diureticorum vehiculorum auxilio, pervenire posse, sicque nigrore suo lotium inficere, mihi non sit dubium; prout pyra quædam Americana, quorum substantia rubra admodum est, *Illustr. Boyle. tr. de specif. remed. & opuntiaæ fructum, succo rubicundo imbutum, Petr. Andr. Matthioli lib. 1. in Dioscor. cap. 145. &c.* urinam rubro & sanguineo colore tingere confirmant; & largiorem rhabarbari usum croceum suum ei colorem conciliare sapius, cum prælaudato *Boyleo*, aliisque observare licuit.

[*L. Schröck. L. f.*]

OBSERVATIO IX.

D. JOHANNIS GEORGII SOMMERI.

Modus cinnabarim Antimonii in majori copia impetrandi.

B. *Rolfincius Chym. in art. form. redact. l. V. sect. V. cap. VI. & Disput. de Antimonio cap. XVI. cum Petro Fabro, Univers. Sapien. l. 4. arcan. 5. Item Ettmüllerus Chim. ration. & Experiment. Cur. p. 76. huic intentioni eandem ferè methodum adhibent, incertio- rem autem Hoffmannus in Clav. Schröd. p. 279. proponit, à quibus Schulzius in Trig. Cinnab. cap. VI. & VIII. dissentiens videri potest.*

Ego huic scopo sequentem modum expertus sum proficuum: nempe junxi Mercurium sublimatum antimonio in tali operatione semel usurpato proportionè anaticâ, quibus addidi cinnabarim antimonii immaturam cum residuis cinnabarinis recrementis in collo retortæ repertis, his ignem ad- movi per gradus cum suppressorio per 8. horas aut ultra, & quantum fieri potuit, ignis intensiorem ad excitandum sulphur antimon. pro cinnabari liganda maturavi, vitando ignem tum violentiorem, ne butyrum, Mercurius & cinnabaris præcipiti motu confundantur, tum justo remissiorem & statum cœli frigidum, ne butyrum in rostro diutius commorans con- gelet & cinnabaris maturitas aut ipsa sublimatio impediatur, adeoque totum hoc negotium fiat irritum.

Sumsi autem aliquando antimonii unicâ vice in tali ope- ratione usurpati & mercurii sublimati aa. ℥jss. Cinnabaris an- timonii immaturæ ʒjv. Ex qua sublimatione accepi Cinnabaris maturæ uncias duodecim. Alio tempore sumsi mer- curii sublimati & antimonii usurpati aa. ʒxij. Cinnabaris anti- monii

Modus Cinnabarim Antimonii in majori copia impetrandi. 31
monii immaturæ ʒjʒ. & accepi Cinnab. maturæ ʒjv. immaturæ ʒijʒ.

Addidi autem Cinnabarim antimonii immaturam, quia hæc per salia jam tum præparata, & ceu flos mercurii & antimonii exaltrata non solum facilius ad sublimandum animatur, sed etiam primores mercurii & sulphuris antimonii atomos maritandas secum ad superiora elevat, & auctioris hujus scopum fecundat. Deinde sumsi antimonium semel usurpatum & mercurii vivi atomis jam tum refertum, in primis illud, quod striis laeis splendet & sulphure solari adeo dives est, ut illud in prima sublimatione non solum non exauriatur, sed etiam in sequiores sublimationes usque ad incinerationem sufficiat, imò antimonium prima ignis tortura quasi rarefactum & ad sublimationem præparatum, in secunda sublimatione sulphur in majori copia fundit, quod mercurium in formæ fumi tinctura sua imprægnat, essentificat, & in cinnabarim copiosorem ligat, ceu sine qua tinctura non fit cinnabaris vera, sed sublimatur saltem mercurii dulcis instar albicans, per se inutilis & immatura. Imò sulphur antimonii purum, substantiæ antimonii adeo intimè est immersum, ut etiam in antimonio diaphoretico per nitrum in albissimam substantiam redacto non omne sulphur expiret, sed saluberrima illius pars ipsaque rubedo introversa partim adhuc in illo latitet, uti etiam in mercurio ipsaque cinnabari antimonii proprium sulphur adhuc habitat, non nisi extrema combustionem expugnabile.

[17. Febr. 1687. Noribergam missa.]

OBSER.

OBSERVATIO X.

D. JOHANNIS PETRI ALBRECHT,

De

Insigni cerebri suppurati quantitate ex
naribus fluente.

Senatoris hujus Civitatis unica filia undecim annorum, ante decennium de acerbissima cephalalgia querebatur. Vocatus in consilium auras tum temporis vitales adhuc carpens *D. F. Lachmund* exploratis omnibus morbi circumstantiis, eorum, quæ contra hunc proficua censebat, nihil non tentavit. Tertiò morbi die, id ita prælaudato Medico volente & ego ad ægotam accersitus sum, ubi amicè de ejus affectu consultavimus variaque secundum præcepta artis tum interna, tum externa, ast sine ullo adjumento ordinavimus medicamina: Febris, quæ ab initio ad hoc usque tempus perfliterat continua, indies intendebatur, doloribusque capitis incrementum capebantibus paulatim desipere furiosaque loqui incipiebat. Degenerabat quintò die hæc Phrenesis in carum, profundò namque sopore obruebatur oculis perpetuò clausis, nec tamen ita sensus perierat, quin, si pungeretur, sentiret, unde verò nec oculos aperiebat, nec aliquid verborum fundebat. In hoc statu ad decimum usque permansit diem, qui tragicam morbi catastrophem sistebat: Circa nonam enim matutinam post multas jactationes spasmodicosque corporis motus, puris albissimi quantitas ad aliquot libras cum impetu ex utroque nasi foramine prosiliebat, permanente scilicet, quoties expiraret, ejus præter propter unciâ unâ. Frustula plura faciem cerebri colliquati præ se ferentia materiæ purulentæ permixta erant. Quid multis? Exeunte è naribus pure & ipsa mens ad coelestem habitationem transmigrabat, relictò domiciliò materiali, quod exanimum adhuc

adhuc per aliquot horas non exiguam puris stillabat quantitatem. Nonnullos veterum in dubium vocasse constat, an cerebrum ipsum apostemari queat? de qua materia pluribus tractat *Gregor. Horstius Part. 2. lib. 2. obs. 4* Exemploque *lib. 7. obs. 14.* affirmativam illustrat. Vid. quoque *Dodoneus Obs. Med. cap. 7. Forestus lib. 10. obs. 40. & alii.* In nostro casu ipsum cerebrum suppuratum fuisse, ejus portiunculæ cum pure egredientes testabantur, veritasque rei, nisi Parentes nescio, quâ religione erga defunctam filiam permoti, apertione cranii nobis interdixissent, melius forsan in aprium venisset.

SCHOLIUM.

Cerebrum abscessus pati posse, præter exempla adducta, & gravia capitis vulnera, sæpe cerebri suppurationem oculis manifestè sistentia, (quale inprimis *Volcherus Coiter* in *observ. anat. & chirurg.* notavit) ipsa quoque ratio dicitur, cum substantiam obtineat ex tenellis glandulis, arteriis, venis & lymphaductibus &c. conflata; quarum partium, textura sive ab externa, sive interna causa si lædatur, atque ruptura aliqua vasorum istorum fiat, vel alio modo naturalem sanguinis aut lymphæ per ea motum impediri contingat, glandularum substantia à stagnantibus illis liquoribus & acrioribus redditis erodi inque putrilaginem converti poterit. Quamvis etiam cerebri per nares exitum quandoq; abscessus, vel materia purulenta alba, crassa, juxta cerebrum vel alia, in capitis parte generata, perque vias istas evacuata mentiri queat; id quod *Clar. Nicol. Stenonio* in *Act. med. Hafn. Bartholin. Volum. 1. obs. 131.* facile credimus; propterea tamen de omnibus illis historiis, quibus narratur, ipsius cerebri partem per nasum exiisse, dubitari haut debet; quod judicium confirmat oculata experientia celeberr. nostri *Herculis*, qui, ut *Seet. 3. Physilog. cap. 24.* testatur, in epilepticis tenellulis infantibus recens natis, cerebrum quasi liquatum per nares particulatim fuisse excretum, ipse vidit; sicut & in matrona

processum mamillarem cum cerebri notabili portiuncula per nares dextram, immani epilepsiae savitiâ, expulsum, cum aliis quatuor Medicis *Henricus ab Heer* vidit, *Plautinum* illud in fabula, cui *Cassina* titulum fecit, nimirum: *at tu ut cerebrum per nares emungas*, tandem se jam intelligere, in *observ. Med. 24.* referens, atque *Erastrum* testem advocans, simile quid in magna insultus epileptici violentia, se praesente, factum, *tom. 4. disp. 2. contra Paracelsum* scribentem. Cerebrum autem instar pulvis diffuere posse, *Excell. noster Peon in Apinario suo, pag. 149.* exemplo docuit.

[*L. Schröck, L. F.*]

OBSERVATIO XI.

D. JOH. PETRI ALBRECHT,

De

Intestino Colo mirum in modum à flatibus distenso, hydropem asciten mentiente, deq; Liene sphacelato & corrupto.

Alebat quondam Reverendissimus ac Gratosus Dominus J. E. Baro de Brabeck, Ecclesiae, quae hic est, Cathedralis Decanus, Electorisq; Colonienfis in nostro Episcopatu Vicarius dignissimus, hominem simplicem, de statu mentis dejectum facetiisq; ridiculum, cui nihil quoad victum ac amictum deficiebat, sed omnia necessaria ex solita commiseratione ac gratia Reverendissimi Domini largiter exhibebantur. Hic cum septem, ni fallor, abhinc annis morbo obiisset, nostrae Societatis Aëolus, Collega mihi amicissimus, salutaribus remediis multis tum temporis hic loci subveniens me invitabat, incisioni cadaveris ut adessem. Celeritate, quâ poteram, cum advolarem inque conspectum intusque viscerum ventris inferioris sive abdominis veniret, hydropem

ucris

utriculario hocce corpus laborasse existimavi, unde pro informatione Chirurghi, ut necessitate urgente paracentesin ritè instituere posset, designatò huic operationi loco idoneo eòque perforatò cannulam intrusimus, ex qua vix duæ vel tres guttæ feri sanguine permixti promanârunt; Qui sinister operationis eventus fecit, ut sententiam extemplò mutarem, illumque, quem ex errore (morbi namq; cursus, cum curæ non præfuissem, ignotus mihi erat) ante asciticum judicâram, jam tympaniâ affectum fuisse, suspicarer, quam opinionem subsequens dissectio confirmavit. Remotis enim abdominis integumentis uter quasi globosus mirè à flatibus expansus cum impetu profiliebat, primòque intuitu nihil ferme de cæteris intestinorum partibus vidimus, ita namq; ille superiorem abdominis regionem vastâ suâ mole adimpleverat. Hunc igitur globum flatulentum, dum accuratius scrutaremur, admirandi ansâ dabatur, præsertim, cum solam, quæ factò sub epate flexu transversim sub fundo ventriculi pergit, intestini coli portionem tam intensè dilatatam eum produxisse, reliqua verò intestina sana ac ita extenuata conspiceremus, ut flatus, quæ in illis forsan commorari potuissent, ad dictum diverforium quasi omnes refugisse viderentur. A nimia distensione tunica exterior in nonnullis locis rupturam gangrenamque minabatur. Pertuso hocce globo flatus teterrimus odorem redolentes cumque sibilo egredientes totum conclave foedo foetore inficiebant. Cadaver ulterius perlustrantes cætera viscera deprehendimus sana excepto liene sphacelato, putrido ac nigrâ amurcâ diffuente. Ex dictis luce meridianâ clarius patet, I. Non, uti *Willisius* docet, inspectionem anatomicam post obitum vix quicquam magis in cadaveribus à tympania, quàm ab ascite defunctorum detegere, cui asserto & aliorum Observationes, quas ex variis Autoribus *Bonetus Anatom. Pract. Lib. 3. Sect. 21.* congeffit, reclamant. II. Ex lienis vitio hunc morbum propullulare posse, quod, uti confirmant quodammodo ea, quæ *Antonius de Pozzis Obs. 30.*

Miscellan. cur. Ann. 1674. Nicol. Tulp. Observ. Lib. 2. Cap. 35. & alii posteritati reliquerunt, sic etiam nos non adeò à veritate aberrare putavimus, si in præsentì casu Tympanitis causam in splenem corruptum conjiceremus, stante scilicet illà opinione, quâ Excellentissimus *Bohnius Progymnasm. 28. p. m. 290.* & *Autor de l'Essais d'Anatomie Discours des - neuvième* cum *Malpighio* functionem lienis bili in epate secernendæ ministrari, sustinent: Hâc igitur præpeditâ facilè patet, bilem ratione tum quantitatis tum qualitatis in intestinis sine suo frustram fuisse, hincq; reliquos justò acriores humores excitatis enormibus fermentationibus flatuum generationi uberiori occasionem præbuisse. Hoc rerum statu, an ne ad pandendam flatibus viam abdomen cum intestino tumefacto acu perforare licitum sit, quanquam parum difficultatis huic operationi obstare, plurimaque hodie Batavorum lumina ad hanc inclinare videam, scrutinio tamen ulteriori Curiosorum eam relinquo.

SCHOLIUM.

QUamvis acu tympaniticorum abdomen cum intestino tumefacto perforari posse, sine præsentaneo subsequuturæ mortis periculo, haut dubitem, cum & majori violentiâ, imo & latiori cum discissione inflata intestinis vulnera haut esse simpliciter letalia, tot observationes Medicorum clarissimorum confirmant; si tamen morbi istius causam perpendamus, num perfectam curam sibi Medicus hinc spondere queat, multùm hæreo. Sive enim ab humorum, bilis nempe ac lymphæ, à naturali sua temperie recedentium, vitiosa effervescencia oriatur, sive cum *Clariss. Th. Willisio Sect. 2. pharmac. ration. cap. 4.* à lymphâ nervea viscidiorè reddita, spiritus animales, fibras intestinorum nerveas majori impetu ingressos, ibi quasi irretiri, sicque fibras inflare & extendere, quarum dein spatium humor in eo contentus, inque vapo-

vapores vel flatus rarefactus impleat, statuere alicui libeat, nullibi scopum optatum perfectè obtineri arbitror. Ibi etenim licet generatis jam flatibus, per istam perforationem exitus sic pareatur, quia tamen morbus nova incrementa brevi, intestino iterum consolidato, caperet, causâ quippe nondum ablatâ, & ita novam flatuum generationem necessariò daturâ, ægrotum frustrâ puncturâ, non omni planè discrimine & incommodo vacanti, sic exponi, nemo non videt. Si verò medicamentis, humorum illam dyscrasiam emendantibus recidivæ huic obicem tunc poni posse, quis regerat, iisdem etiam, sine puncturâ istius adminiculo, morbum profligari, atque ita flatuum uberiores generationem, prioribus sponte sensim ex intestinis disparentibus, præcaveri posse, sequeretur. Hîc autem cùm per puncturam istam extensio fibrarum nullatenus auferatur, quin ab irritatis hac ratione magis spiritibus, pertinacior potius evadere queat, frustraneam esse hanc medelam facilè patescit. *Hieron. Fabricius ab Aquapendente* equidem tract. de Chirurg. operat. cum quo etiam facit *Dan. Sennertus lib. 5. Institut. Med. part. 1. Sect. 2. cap. 7.* non tantùm asciti, sed aliis etiam hydropis speciebus, paracenthesin convenire judicat, sed hanc non aliâ ratione iidem admittunt, quàm quòd flatuoso huic morbo etiam aqua ut plurimum sit permixta; atque ita non tam ad flatuum quàm aquæ emissionem prodesse eandem innuunt; quæ de tamen sermo hîc nobis non habetur.

[*L. Schröck, L. F.*]

OBSERVATIO XII.

D. JOH. PETRI ALBRECHT,

De

Sternutatione exitiali.

Ritum salutandi sternutantes quidam rem superstitionis aequae Christiano alienam arguunt. Satis vetustum illum esse constat; Nam Graecos Sternutantibus *Ζεῦ σῶσον*, Eustathius Autor est: Latinos verò salvere jussisse, Petronius docet: *Gnython*, inquit, collecti spiritus plenus continuo ita sternutavit ut grabatum concuteret, ad quem motum Eumulpus conversus salvere *Gnythona*, jubet. Originem hujus moris prodit *Siffridus Chron. Epitom.* à *Fabricio excerpta*, pag. 281. *Roma*, inquiens, *pestis inguinaria fuit*; Erat autem haec apostema sive inflatura in inguine tam seva, ut homines in mensa, in ludis ac colloquiis subito morerentur. Itaque cum quis sternuebat, saepe cum sternutatione spiritum exhalabat. Unde cum aliquem sternutantem quis audiebat, statim accurrens, **DEUS TE ADJUVET**, acclamabat. Hinc adhuc consuetudo servatur, cum aliquem sternutantem audimus, ut, **DEUS TE ADJUVET**, acclamemus. Hæc ille. Vid. *Beverovic. Epist. Quæst. p. 73. & seq.* Ex hisce, uti veterum intentionem non adeò pravam fuisse elucescit, ita quid, quò minus huic mori insistamus, nos detertere queat, non video, præsertim, cum charitas Christiana, ut alter alteri prospera quæque precetur, seriò jubeat. Pluribus quidem sternutatio auspiciato fuit, morbique vim non rarò fregit; Ast quam multis contra extremam perniciem ipsamquæ mortem attulit? uti curiosa observatio *Miscellan. Academ. Ann. tertio* pluribus illustrata egregiè docet. Ter centies & ultra ibi ancilla quædam sternutationibus correpta legitur: Nos filiolum Consiliarii cujusdam in nostro Episcopatu sistimus, quem si sex millies intra aliquot dies sternutasse affirmaremus, non-

nondum tamen omnes sternutamentorum vices nos enumerâsse omni jure edicere possemus. Verminosâ ac maligna, feбри, cùm hic per tres dies afflictus fuisset, quartô morbi die sternuendo initium faciebat, qui motus narium spasmodicus singulis horis vel centies advertebatur. Nec interna Bezoardica orgasmumque humorum temperantia, nec vesicatoria, nec alia ex lacte, mucilaginibus &c. naribus externè indita quicquam proficiebant, statu ægroti semper in deterius vergente. Interim sternutatio cum totius corpusculi concussione ad decimum morbi diem continuabat, ita, ut si quis sæpius, DEUS TE ADJUVET, ex commiseratione inronâset, nullo modo superstitiosus habendus fuisset. Cæterum dicto die, qui fatalis ipsi fuit, inter sæpissime iteratas sternutationes expiravit, hasque tandem cum ipsa vita finivit.

SCHOLIUM.

CONfer. quæ de more salutem precandi sternutantibus copiosè differit *Excell. D. Stalpartius cent. 2. observ. varior. Schol. obs. 6.*

[L. Schröck, L. F.]

OBSERVATIO XIII.

D. JOH. PETRI ALBRECHT,

De

Fœtu nigro à matre pulvere pyrio aduſta excluſo.

Fœtum vi imaginationis ab aspectu rei nigræ simili colore præditum nonnunquam in lucem venisse, ex historiis passim constat. Non talem, sed quendam longè alia ratione atro infectum colore in scenam produciendi animus est. Tragedia, ex qua suas hæc Observatio sumſit natales, ante aliquot annos hic loci sequenti modo agebatur,

batur. Deposuerat ille, qui pulveris tormentarii conficiendi apud nos munere fungitur, ejus ad ulteriorem exsiccationem obtinendam duodecim libras prope fornacem in sellam: Vix ædibus, aliorum, quæ ipsi facienda incumbabant, negotiorum causâ egressus erat, cum scintillulâ ex fissura fornacis prosiliente dictumq; pulverem incendente domus funditus & cum intenso fragore everteretur. Duobus filiis cum matre partui vicina in superiori cubiculo placidè fruentibus somno hic casus exstitit funestus: Dispersis enim illorum corporibus in præterlabentem fluvium, Innersta dictum, vi fluminis suffocati necabantur; Mater verò trabibus aliisque ædium partibus oppressa, miserè adusta, semimortua instarq; carbonis nigra extrahebatur. Admotâ igitur solitâ contra ambustionem curatione, refectisque ita viribus, ut foetus motum satis fortem subinde persentisceret, insequenti mense filiolus nigerrimus, Æthiopem credidisses, lucem aspiciebat, qui tamen vix Baptismate tinctus, somno consopiebatur semperiterno, ipsâ matre tum terrore ac animi dolore, tum cruciatibus ex adustione & partu ortis confectâ, paulo post simile fatum subeunte.

OBSERVATIO XIV.

D. JOH. PETRI ALBRECHT,

De

Imaginatione Gravidarum.

VIm imaginationis in gravidis à pluribus ante hac demonstratam sequens quam N. Pastor Ecclesiæ Lambertinæ quondam mihi retulit, historia, non parum illustrare videtur. Matrona quædam ad pariendum vicina, cui præcedenti die Autoritate Divinâ, præviâ confessione, peccatorum remissionem annuntiaverat dictus Sacerdos, eò, qui sequebatur, cum aliis Ecclesiæ Christi Civibus

vibus apud mensam Domini se sistit. Vini sacri igitur parte porrectâ atque ab hac assumptâ abire recusat, gradumque sustinet. Queritanti Sacerdoti, an forsân vini nihil accepisset? respondet, se quidem ejus portionem degustâsse, sed secundâ vice idem expetere. Annuit Sacerdos atque iterum delibandum id Matronæ præbet. Quô factô tertiâ vice calicem desiderat, quô recusatô tristis domum petiit, quartôque in sequenti die tres filios enixa est, quorum duo priores sani ac vivi erant, tertiô mortuô mundum ingrediente. Si ultimâ vice in sacra Synaxi vinum ipsi non fuisset denegatum, firmiter, se omnes filios vivos peperisse, sibi habuit persuasum, quod non adeò absurdum imaginationis efficaciam in ejusmodi mulieribus ponderanti videri potest.

SCHOLIUM.

HUc referri potest historia à *Marc. Donato lib. 4. Med. hist. mirab. cap. 1.* memorata, gravidæ, morsu viri cujusdam torosi & succulenti armos adpetentis, atque post primam avulsam carnem à nova laniena cum repulsa fuisset, præ mœrore ac dolore gemellos, unum vivum, alterum mortuum parientis; cui similem observationem de alia habet *Joh. Hellvigi obs. phys. med. 137.* quæ post unum à viro concessum suræ nudæ morsum, cum secundus denegaretur, mœsta abiens, paucos post dies gemellos itidem peperit, viventem unum & alterum demortuum; atque *Joh. Langius* aliam, duos humeropistoris denudato morsu cum infixisset, tertiô non concelsô, tergeminos foetus fuisse enixam, duos vivos, & tertium mortuum, *lib. 2. epist. med. 12.* refert. Cujus eventus causa uti satis est obscura: ita etiam fortuitum esse posse, in *Scholio ad d. obs. Hellvigi.* monui; nî fortè ex abdominis mole, aut foetus motu &c. gravidam, gestationem gemellorum suspicatham, vi imaginationis alteri foetum sic nocuisse, disendum sit.

[L. Schröck, L. f.]

OBSERVATIO XV.

D. JOHANNIS PETRI ALBRECHT,

De

Foetu in utero materno singultiente.

Foemina quædam ultimis gestationis mensibus de molesto admodum sæpiusque reciprocante foetus motu conquererebatur, præsertim, cum ita inde defatigaretur, ut non rarò animi deliquiis proxima esset. Hic motus subsultorius suos quasi rhythmos observans, quoties percipiebatur, toties totum matris abdomen concutiebat. Singulis diebus ter ad minimum hunc paroxysmum illa sustinebat. Vocatus igitur in consilium, manuque abdomini admotâ diligenter cunctas circumstantias perpendi, embryonemque singultu à nutrimento nimis aeri contractionem diaphragmatis violentam ac reciprocam concitante, laborare judicavi. Hinc ut cum foetus tum matris molestia tolleretur irritationisque sensus obtunderetur, medicamentis idoneis ad temperandos humores acres curam tam felici successu direxi, ut cessante motu convulsivo foetus hic postea absque tanta violentia naturaliter sese moveret, sanusque post aliquot septimanas in lucem mitteretur. Hâc occasione varii modi mentem subeunt, quibus singultum brevi coercitum vidi. Nuper cum aliquis eò mirè vexaretur, intrante ex improvîso fele quâdama hypocaustum, subitò ex perturbatione mentis (abhorrebat enim à felibus) singultire desit. Nostrates singultu affectis suasores sunt, ut immisso cerevisiæ cultro ejus novem haustus uno inspirationis actu deglutiant, quod, quanquam cultri intrusionem supervacaneam arbitrer, non rarò ex sententia cessisse novi. Infantum singultus ostensis virgis solisque comminationibus subitò curatos memini. Constrictionem minimi digiti filo arctissimè institutam, imò solam spiritûs re-

tentionem motus singultuosos feliciter refrenâsse, in recenti memoria hæret. Neque, uti notum, excitata sternutatio, quin & collutio faucium ex aqua frigida, rarò eosdem depulerunt. Alios coercendi singultus modos passim apud Autores videre licet, qui quidem, quando hi ex vitio in diæta commisso oriuntur, auspicatò nonnunquam cessisse visi sunt; ast si à detorsione costarum ad ventriculum, uti apud *Schenkium* legitur, vel ab humoribus nimium corrosivis ac æruginosis originem trahant, vel etiam febribus epidemicis ac malignis superveniant, vix talia quicquam proficere, sed quoad causarum varietatem curam quoque variandam irritationesque sensum in diaphragmate aliis sopiendum esse, imò omnibus licet salutaribus tentatis non rarò sinistro eventu morbum terminari, nullus non novit.

OBSERVATIO XVI.

D. JOHANNIS PETRI ALBRECHT,

P. E.

Cura doloris Ischiadici.

SEnex 63. annorum, cum dolore Ischiadico jam 14. septimanas integras domi detentus fuisset, frustra que ex Medicorum consilio Emplastrum Oxycroceum aliaq; gummata calefacientia gestâset, tandem suâsu. cujusdam Civis eodem remedio cum aliis ægris antehac sanati sequens cum successu usurpavit. Primò tegulæ ignitæ superfudit acetum pedibusque excepit fumum; Deinde linteamen quadruplicatum tegulæ circumvolvitur iterumque acetum superfudit, quod linteamen mox pedi inferiori infra & supra malleolum applicatum per semihoram retinuit. Deinde sumsit allium tenuiter incisum, hoc miscuit lacti equino & hâc mixturâ totum crus sibi fricari curavit, quantum id tolerare poterat: Quod, cum vespere factum esset, eâ statim nocte pacatiùs dor-

mivit dolorumque levamen sensit. Repetiit idem secundo & tertio die circa vespere, semperque inde melius habuit, ut tandem incedere iterum posset, qui antea semper desiderare cogebatur. Affirmabat senex, primâ & secundâ frictione dolores quasi ad pedem tractos esse, unde circa malleolum tumor enatus, qui tamen tertiâ fricatione peractâ, impositoque tumori allio cum lacte equino subito discussus est.

OBSERVATIO XVII.

D. JOHANNIS PETRI ALBRECHT,

De

Mira cordis palpitatione.

Sequentem non puto reticendam esse historiam, quam Beatus *Sylvius* quondam in Nosocomio Lugdunensi hoc modo enarrabat. Pistoris cujusdam filius miro ingentisq; cordis pulsu, unde costæ etiam extrorsum propulsæ à naturali figura recesserunt,angebatur. Vocatus cum aliis præstantissimis Medicis etiam N. ad eum, qui dubius admodum de hoc miserabili affectu ægrum reliquit. Carpsit quidem aliorum sententias, suam verò non dedit, nec consilium, nec ullum, quod alii non præscripserant, medicamentum supeditavit. Quia autem vehementem hanc cordis palpitationem, quæ ad notabile spatium imò distantiam aliquot domuum audiebatur, præcesserat Cardialgia, idcirco ab alio quodam emeticum ægroto exhibitum est, unde hoc accessit denudò novi mali, ut præter palpitationem ingentem summa ac extrema ipsum quoque premeret respirandi difficultas, quæ tanta erat, ut vix observari posset pulsus, imò & interdum planè ad sensum abolutus videretur. Quotidiè ipsi & vicini & Medici aderant cum commiseratione malo huic intenti, expectantes insuper hujus mortem & interitum omni momento. Medicorum ad ægrum hunc vocatorum decimus fuit

D. Syl-

D. Sylvius, qui judicavit scatere corpus juvenis pituitâ viscidâ stabulante partim in ipso corde illudque ita inflante, ut etiam pulsus percipi nequiret; partim in aliis partibus hærente halitusque ad cor per venas lacteas mittente. Præcedentem pulsationem etiam anxietates à bile acri in pituitam continuo agente & cor mordicante, deduxit. Propinavit primâ vice Mixturam aromaticam carminativam, unde intra 24. horas magnâ sui parte remissius factum est malum. Bis, terve hâc mixturâ iteratâ pilulas Phlegmagogas, quarum formulæ in Praxi copiosè exstant, ordinavit. Harum usu juvenis sensim sibi aliquid quasi à corde ad regionem intestinorum trahi dixit, breviq; cum omnium admiratione pristinam recuperavit sanitatem.

SCHOLIUM.

Palpitationis cordis tanta vis est, scribente in *lib. 5. de parvium morb. cap. 14. Joh. Fernelio*, ut sæpè sit animadversâ thoracis vicinas costas effregisse; sæpè & eas, quæ supra mammam sunt de propria sede depulisse. Sic *Nicolaus Tulpius lib. 2. obs. med. cap. 25.* tantum cordis impetum refert, ut verberantis ictus distinctè nonnunquam præ foribus conclavis audirentur. Similem validum motum etiam *Christophorus à Vega lib. 3. de arte med. sect. 6. cap. 8. Petr. Forestus lib. 17. observ. 1. & Bald. Timæus lib. 2. epist. med. 23.* notârunt. In moniali duas costas loco motas vidit noster *Phil. Höchsetterus dec. 9. observ. med. cas. 9. & Gregor. Horstius lib. 3. observ. med. 13.* costas cum sterno extuberantiam hinc contraxisse memorat. Miram cordis palpitationem cum costarum fractura, quam per annos quinquaginta sustinuit *Philippus Nerius, Florentinus*, uberius exponit *Angelus Victorius consultat. medic. 97.* quam tamen supra naturæ ordinem fuisse demonstrare conatur.

[*L. Schröck, L. f.*]

OBSERVATIO XVIII.

D. JOHANNIS PETRI ALBRECHT,

De

Homine, pro Dæmoniaco habito, Sapâ vomitoria Sylvii curato, deq; recto Antimonialibus utendi modo.

Homo quidam robustus jam ab aliquot annis gravissimis affectibus obnoxius erat : Omnis generis beluæ instar devorabat cibos, nec saturabatur. Excrementa cum lotio absque omni sensu sedens, cubansque emittebat, delirabat, grunniebat instar porci, nec quicquam loquebatur, nisi valdè mutilatè & absq; ratiocinio. Hunc alii Medici Dæmoniacum censuerunt : Ast superveniens *D. Garliep* hâc eum restituit ratione. Dosis sapæ vomitoria ipsi exhibuit, unde non vomuit, sed dejecit aliquoties, sicque per 14. dies eum quiescere passus est ; Unde nihilo melius habuit, ut adstantes quoque de successu curationis desperarent, hancque irritam pronuntiarent. At *D. Garliep* perspectum exploratumque habens, Antimonium non statim allevare, nec semel tantùm exhibitum omne opus absolvere, sed iteratâ imminutarum dosium in morbis pertinacibus & chronicis exhibitione opus esse, exactis illis 14. diebus iterum dosin istius sapæ propinavit, unde rursus absq; ullo vomitu alvum aliquoties deposuit. Elapso iterum 14. dierum spatio, denuò dosin vomitoria sapæ deglutiendam dedit agroto, hinc rectiùs quodammodò habere visus est. Tandem post 14. dies quarta eandem obtulit vice, unde plenè planèque restitutus est pater, qui postea integrâ ratione ac bonâ valetudine fruens, aliquot liberorum contractò matrimoniò Pater factus est. Hæc satis memorabilia Prælaudatus Medicus *D. Sylvio* transcripsit, qui

qui respondit, eum jam rectè edidicisse medicamentorum Antimonialium usum, si noverit idem medicamentum Antimoniale iteratis vicibus imminutâ semper dosi exhibere, Se hâc ratione mirabilia præstitisse, hancque medendi methodum sibi hætenus in arcanis fuisse, longâ enim sibi experientiâ compertum esse, minori quantitate & sæpius exhibita antimonialia cum admiratione se humorum dispositioni accommodare, sic, ut expellenda expellantur, alteranda alterentur, roboranda roborentur &c. hocque, quod magis mirandum, unum idemque facere medicamentum. *Dominus Garliep*, qui hâc sapâ etiam in pueris & infantibus felici semper cum successu utitur, se parùm attendere, retulit, an multum illa evacuet, hoc verò se scire, tantum ejus usu educi, quantum requiritur, eandemque sapam pro medicamentorum Antimonialium more jam alvum, jam ventriculum, jam utrumque jam etiam sudorem pro humorum dispositione movere, nonque rarò hæc tria simul præstari: Narravit quoque illam primâ vice vomitum, secundâ alvum, tertiâ verò aliisque vicibus sudores tantum, vel etiam sudores & dejectiones simul commovisse. Ex hac observatione liquet, medicamenta quædam Chymica hoc habere, ut non unicâ, 2, 3, aut quatuor vicibus usurpata omnem, quam intendimus, operationem absolvant, sed tum demum optatò successu nos potiri faciant, quando sæpius iteratisque vicibus exhibita fuerint. V.g. *Schröderus Lib. 3. pag. 328.* de Antimonio diaphoretico memorat, quod *Basilius Valentinus* illud unò eodemque die ad gr. xv. vel quinquies exhibuerit, & *Sylvium* quondam non semel docuisse memini, Antimonii diaphoretici operationem lentam quidem esse, sed satis potentem, sique quid operari deberet, necesse esse, ut aliquoties non tantum exhiberetur, sed & in ejusdem usu diutius persisteremus. Sic etiam Mercurium dulcem ritè præparatum alternisque diebus in exigua quantitate ad tempus aliquod usurpatum, quem usum in Chronicis nonnullis morbis præstet, quis ignorat? Non rarò
hujus

hujus minutiori dosi exhibiti medicaminis beneficio absque ulla insequente salivatione luem Veneream feliciter profligavimus, totumque artificium in quantitatis debita imminutione medicaminisque certis diebus repetitione consistere, experti sumus.

OBSERVATIO XIX.

D. LUCÆ ANTONII PORTII,

De

Cancris fluviatilis partibus genitalibus.

Non semel pueros audivi, qui matres interrogarent, ex quibus acceperant olim fuisse partos, quānam arte, atque industriā, quōve studiō concepti, progeniti, partique fuissent? Illarum autem aliæ aliud dicebant. Nonnullæ sanctè asseverabant pueris, eos pluribus mensibus in earum corpore delituisse; postea profiluisse. Ac quādam die in magna hominum matrum, puerorum, & puellarum frequentia curiosius puellulus quidam matrem rogavit, ut locum ipsum ostenderet, per quem ipse profiluisset, & lucis venisset in oras. Cujus exemplo alii similiter interrogabant, omnesque importunitate maximā, & pervicaciā locum videre volebant. Hinc matrum, quæ natu majores erant, omnes diffusè ridebant; juniores verò vix leniter subridebant: atque interim sermonibus his, importunitateque puerorum coram patribus, fratribusque, aliisque genas habebant pulchro suffusas rubore. Alia autem dicebat puero suo, quod illum peperisset ex genu. Alia rem omnem referebat ad virum, dixitque puero, ipsum genitum patris in capite; è quo per nares procidisset, dum pater conatu veluti convulsus sternutasset; eamque nihil aliud præstitisse, nisi quod sinu exceperisset filium, ne fortè in terram decideret. Alia suo dicebat, illum violentissimum conatum egredi è corpore, protervo capite, veluti

velut aries urgendo dirupisse umbilicum, & indè fuisse natum: & adhuc se posse ostendere in umbilico vulneris illius cicatricem. Quod plerisque magis visum est verisimile; quoniam ex cicatricula quam unusquisque in proprio umbilico observaverat, facta ipsis, qui nunquam peperissent, species est similis cicatricis in matrum umbilico, è cujus vulnere ipsi potuerint nasci. Alia puero dixit; sibi cæsam quandam perfossamque alvum durissimo viri gladio; & ex illo vulnere post novem menses ipsum sibi quævisse viam. Vetula quædam ad filium conversa, jam natu majorem, qui his præsens erat, quique uxorem ibi, filiolumque haberet, dixit se reperisse illum mane, cum lotium ipsa redderet, in urinariam matulam delapsum. Neque ille abnuit. Cujus filius agrè ferens id, quod Avia de Patre dixerat, quodque Pater nutu confirmaverat, amplexatus matrem, quid quæso tu inquis de me mater? rogavit. Quæ egregius mentita est, respondens fenestram satis pulchram, & decentem sibi factam sub alis ex qua bellus in lucem prodierit! Hinc pueri quærebant quam parte nobilius fuisset nasci ex capite; per nares; an ex genu; an ex disrupto umbilico; an cæsâ matris alvo; an per pulchram sub alis fenestram? Quisque suo patrocinebatur natali. Omnibus autem minus decorum visum est ex vetulis nasci; nam vetula dixerat se reperisse filium in urinariam matulam delapsum! Quo matres magis videbant; illudebantque illi, qui ex vetula erat natus. Verum adultiores ex matrum risu, & quoniam nobiles sorores oculos vel avertebant, vel terræ figebant, neque plaudebant ipsorum curiositati, aliquid fallaciæ in illis sermonibus subesse suspicati sunt. Sed nulla matrum patiebatur se mentitam credi à filio. Multa propterea dicta sunt de Minervæ ex Jovis capite ortu; & de ortu Bacchi; & de Cæsaris ortu ex cæsâ matris alvo; deque aliis similibus multa narrata sunt, veras historias fabulis permiscendo, non sinè puerorum tum admiratione, tum delectatione.

Non minùs, fateor, ego fui curiosus, atque animi ambiguus cum primùm Viennæ nesciens inter edendum Cancros quid melius facerem, qua parte, quoque foramine ova ederentur Cancrorum, quærerem.

Ova autem in cancro fluviatili majora sunt, quàm in cancro marino majori, quem Pagurum quidam dicunt; ut proinde videretur foramen quo excluderentur, debere esse majus, & magis conspicuum. At in Paguro, cujus Venetiis magna copia est, sunt bina foramina ad latera ejus loci, in quem ossa concurrunt, quæ ventrem, vel potius regionem anteriorem canceri obtegunt, unum ex dextera, alterum ex sinistra: quod jam plerisque notum est. Verùm in fluviatili cancro sunt quidem multa ossa, quæ item partem illam muniunt, habentque omnia simul veluti scuti oblongioris figuram; nullum tamen in illis, quamvis, nudis tamen oculis, diligenter perspicerem, foramen observare potui: & oculi, etsi non armati specillis, sat idonei videbantur ad videndum per quem locum ova, quæ minima non sunt, parerentur. Quæ omnia admirationem adaugebant! Dissecta autem animante vidi bina ovaria, quæ parte suprema connexa invicem, infima observantur disjuncta; unumquodque suum habens canaliculum, qui è regione sive dextera, sive sinistra tendebat ad ejusdem regionis brachia canceri. Obstupui sanè; recordatusque eorum, quæ de puerorum curiositate, deque matrum responsis retuli, mecum ipse ridens cogitavi, an essent hæc animalia illa, quæ per brachia parerent? Sed præconcepata ab ipsa prima juventute opinio, absurdum hoc, nedùm ridiculum esse, foetus edi per fenestras in brachiis, vel sub brachiis adaperatas, me avertēbat à diligentiori in artubus canceri observatione: & interim disruptis canaliculis non potui tunc temporis quicquam persequi: decrevi tamen opportuniori occasione tum in coctis, tum in crudis canceris rem diligentius indagare.

Mecum autem cogitavi, nonnunquam ex majori ovo nasci animal, quod nequaquam ad majorem magnitudinem crescendo perveniat. Idque est omnino manifestum in cancro fluviatili, & in paguro, hoc est *nella Grancevola Veneziana*: nam in cancro fluviatili ova tum intus in ovariiis, tum parta jam (crescunt enim nonnihil etiam edita) sunt notabiliter majora; cum pagurus ad magnitudinem crescat multò majorem magnitudine gammarum fluviatilis! Et quantum hucusque memini ab aliis observatum hominis exiliora, & multò tenuiora principia sunt, quàm pulli gallinacei; ac existimo multa similiter dici posse de aliis animalibus. Quod similiter observatur in plantis, quarum etsi nonnullæ semen habent majusculum ut sunt castaneæ, glandiferæque arbores pleræque, quercus, ilex, suberque, & nuciferæ, atque aliæ; sunt tamen arbores quædam procere satis, ut utraque morus, ficus, aliæque, quarum semina comparata ad semina fabarum, quæ ad ulnam circiter atrolluntur, item ad ciceris, & ad faveoli semina sunt planè exigua. Suntq; semina plerarumque minorum plantarum, quæ plantam suæ speciei contineant nudis oculis spectabilem, quam sæpè notavi in staphidis agricæ semine; cum in semine plerarumq; grandiorum plantarum nisi magna adhibeatur diligentia nulla rudimenta plantæ ejus generis cernere valeamus: in nucleis tamen pinearum nucum nudis oculis manifestò dignoscitur parva pinus.

Ceterum priusquam ostendam ex quo brachio, quoque foramine in brachio ova Gammarorum prodeant in lucem, operæ pretium erit indicare, ut foeminæ à maribus sinè dissectione dignoscantur. Atque ut facilius id præstarem, placuit mihi in tres Regiones totum animal dividere. Primam appello Ventrem in qua viscera omnia, ovaria, sive testes, & vasa spermatica in maribus, & quamplurimæ aliæ partes continentur. Secundam appello Caudam, quæ ex multis constat ossibus invicem articulatis, & musculis quamplurimis,

aliisq; partibus referta est, alii nullas habent forcipes. Tertiam Cancræ Regionem dico Artus. Artuum verò duplex est apud me genus. Primum voco Artus majores; suntque illi, qui nascuntur hinc inde à ventre; habentque alii forcipes. Et brachia, appello eos artus, qui forcipes habent ad similitudinem Vergilii; qui brachia dixit in scorpione

*Quà locus Erigonen inter, Chelasq; sequentes
Panditur. Ipse tibi jam brachia contrahit ardens
Scorpius; & cæli jussa plus parte relinquit.*

Reliquos artus majores Crura, sive Pedes dico. Secundum genus voco Artus minores: qui à Cauda nascuntur, & comparati ad primos sunt sanè multò minores.

Monendus autem, sive potius rogandus in his est Lector Benevolus, ne in nominibus rigorosam Etymologiam exquirat. Nam cum mihi haud suppetere voces magis propriæ; neque possem multis angustiis pressus, apud Scriptores querere, an magis aptis vocibus ea, de quibus ego loquor, denominari potuerint; libertate quadam sum usus ex quadam analogia cum partibus aliorum animalium, aut etiam hominis nomina imponendi iis, quæ observavi in gammaro: quæ etiam libertate utar in posterum; rem tamen satis indicabo, ut unum pro altero si attentè considerentur, quæ dico, minimè accipi possit. Quod si aliis quoq; placeant voces, quibus ego utor, servabunt illas; si verò ipsi habent meliores, mutabunt pro lubitu; resque easdem aliis verbis appellabunt.

Extrinsècus in ventre antequam dissecentur, nullam, satis dignam differentiam inter foeminam, maremque gammarum mihi primùm observare licuit. Et aspectu primo artus majores visi sunt etiam in utrisque omnino similes; & numero æquales: paria nempe in utrisque quinque. Quorum similiter, & æqualiter in utroque sexu paria tria forcipes

pes habent : ut tribus Brachiorum paribus donatos fuisse à natura gammaros dicere debeamus. Quod nunquam memini me observasse in cancris marinis cujuscunque generis, atque sexus: qui forcipes tantum duas habent, à dextris unam, è sinistris alteram ; Brachiorum scilicet par unum. Et de marinis cancris existimo debere nos intelligere verba illa:

In modum octipedis procedunt omnia Cancris:

nam cum quinque sint in paguro , & in aliis cancris marinis, quos ego vidi, majorum artuum paria, unum tantum forcipes habet ; quæ manibus quadammodo assimilari possint : ut quatuor remaneant paria sinè forcipibus ; & Octipes propterea dicendus sit cancer. In cancro verò fluviatili sive mare, sive foemina, tria cum sint paria artuum cum forcipibus, primum par forcipes habet validas nimis, magnas, dentatas ad similitudinem cancrorum maris ; quibus constringendo vulnus etiam infligere possint. *Fig. V.* Forcipes verò, sive Chelæ quatuor in aliis duobus artuum paribus binæ ex utroque latere sunt tenues, & languidæ nimis : ut nihil ex illis Piscator, vel Sector sibi timere debeat. Reliqua duo paria artuum majorum nullas habent forcipes ; designantque in cuspides acutas: ut Quadrupes proinde dici possit fluviatilis, sive dulcium aquarum Cancer. Sunt tamen omnia hæc robustiora & majora, ut totum corpus in cancro mare, si cætera maximè quò ad ætatem sint æqualia.

In caudis verò nisi considerentur minores artus, qui à cauda nascuntur, nulla item oculis meis inter marem, atque foeminam hucusque patuit insignis differentia. Artus autem à cauda nati in mare, & in foemina manifestas aliquas habent differentias. Mares habent in cauda (*Figura V.*) quinque paria minorum Artuum; quæ in foeminis sunt tantum quatuor. Primum par artuum in cauda marium longius, durius, & reliquis firmius, semper conversum est ad ventrem ; cumque ortum habeat à prima interfectione os-

P. 25.

sum in cauda, protensum jacet inter quatuor crura: hoc est inter majores artus, qui caudæ proximiores sunt. Cartilaginosi sunt artus isti, finiuntque in figuram, quam faceret contorta in Cylindrum plana cartilago. Simile par artuum est in cauda Paguri Veneti masculi, similiter conversum ad crura: principio tamen, & progressu osseum; sed desinens in cuspidem acutam item cartilaginosa; quæ etiam ex contorta quadam cartilagine constare videatur. Habent artus isti è latere rimulam; ut turgentibus iis, quæ osse clauduntur, videatur os propter sui structuram locum aliquantulum cedere posse iis, quæ intus fortè turgerent: sunt enim fistulosa, & continent multas partes. Quæ omnia iis, qui moniti jam norunt Pagurum foeminam duas habere vulvas, per quas ova parturiat, facillè similitudinem facere possunt duorum membrorum genitalium. Sed non ego unquam vidi vasa ulla spermatica in paguro porrigi caudam versus. Et in Gammaro fluviatili certissimum mihi est, vasa spermatica aliò tendere: ad crura nempe; & in cruribus adaperiri; in quibus foramina adsunt, per quæ semen effunditur. Primum autem par minorum artuum in cauda gammarum fluviatilis potest, dum movetur, titillare ostiola; quibus adaperitis copiosè semen erumpit: ut postea dicam. Et maxima nunc teneor sciendi curiositate, an in paguro vasa spermatica similiter constituta sint, & similiter ducantur; ac in gammaro fluviatili illa observavi. Secundum par artuum in cauda gammarum masculi fluviatilis minus firmum, & minus longum primo est; estque in nonnullis primo simile; in aliis assimilatur potius reliquis tribus paribus: quæ languidiora sunt, molliora, & breviora; & iis similia, quæ observantur in Gammaro foemina. Cujus, ut monui, quatuor tantum sunt paria minorum artuum in cauda: qui bifidi sunt; & quælibet pars iterum subdividitur; desinuntque in fibras mollissimas, & quacunque flexibiles: è quibus dum tempus est, pendent ova: Incertum autem mihi est, an fibrilla certo

certo ovi loco agglutinetur : quod verisimilius est ? Item & incertum an aliquid fibrillæ nascatur ab ipso ovo ; quod agglutinetur fibris Artuum : quod etiam verisimilius videtur ? Et observatu dignum est hoc tempore multiplicari fibrillas ; videnturque ova liquore quodam perfundi , qui facile coit in fibrillas : adeò ut ovum , quod undequaque solutum nascitur , facile appendatur artubus. An minores artus in cauda gammari uteri vices gerant , & fibrillæ assimilari possint placentæ uterinæ ? Enim verò complures compertum habent ab ovo nasci animalia cuncta ; & in Viviparis ovum omnino solutum à reliquis partibus foeminæ ab Ovariis descendere in uterum ; & placentæ uterinæ beneficio uteri lateri cuiuspiam adnecti ; atque sic veluti pendere ab utero , donec maturus sit foetus !

Totidem sunt artuum paria , quatuor nempè , in cauda paguri foeminæ (nella Grancevola Veneziana) *Figura VI. & VII.* è fibris quorum pendent ova ferè semper rubicundâ satis ; visâ sunt enim aliquando flava ; quod nunc non rectè memini , an fortè cocturâ acciderit ; sed in fluviali certo certius absque coctura ex eadem cauda non semel vidi alia ova rubicunda , alia subrubra , alia flava , alia subflava. E fibris singulorum artuum caudæ paguri pendentia ova faciunt speciem Botri. Principium artuum in paguro est osseum , & durum ; sed desinunt omnes in substantiam cartilaginosa rotundam , & acutam ; ex qua nascuntur hinc indè multæ fibrillæ similiter cartilaginosa , & nonnunquam in alias subdivisa. Habent insuper Artus isti articulum in medio totius longitudinis ipsorum ; qui quidem articulus non deest in cancro fluviali ; & ab huiusmodi articulo incipit subdivisio artuum in duos ramos ; indè in alios. Nunquam autem vidi in paguro octo esse paria artuum , quatuor ex utraque parte ; è quibus ova penderent. Existimo tamen potuisse dari aliis spectandam foeminam huius generis cancro-
rum.

rum; quæ octo haberet artuum paria in cauda. Accidis enim sæpè numero in aliquo animali alicujus speciei raritates quasdam observari, quæ minimè observentur in tota specie. Vel fortè non fuit pagurus animal illud, in quo, ut accepi, observata octo erant paria Pinnarum; è quibus ova penderent. Caterum in his etiam magna differentia est inter pagurum, & cancerum fluviatilem. Nam ova minora mole, sed plura, atque plura numero sunt in paguro. Et quæ pendent ab uno artuum botri similitudinem, faciunt distincti à reliquis: cum in fluviatili consuetò ova omnia pendentia ab omnibus artubus faciant simul unum veluti acervum ovorum, sive botrum unum; etss quandoque sit etiam in his aliqua discretio; & à quolibet artuum veluti racemulus uvæ Ribes distinctus ab aliis racemulis pendere videatur. Insuper è quatuor paribus artuum in Cancro Veneto majori nascuntur (*Fig. VI. & VII.*) quatuor paria pennarum; è quibus nullum omnino pendet ovum: cum in fluviatili desint pennæ istæ. Quæ in paguro faciunt veluti binas alas; quarum quælibet quatuor habet pennas. Ac pennas placuit appellare partes istas; quoniam non exiguum habent cum pennis avium similitudinem. Si quidem ex utroque latere secundum longitudinem quælibet habet pilosiratem quandam, sive lanuginem, vel potius plumaginem quandam dispositam, similem illi, quæ est secundum longitudinem in oppositis duobus lateribus unius cujusque pennarum avium. Ossæ sunt pennæ istæ, cavæ, curvæ, & tam longæ, ut extrema dextrarum possint contingere extremitates earum, quæ sunt è sinistro latere. Vallum efformant circa ova; quo aquæ coercentur, & ova aliquo modo defenduntur ab irrequietis undis.

Sed revertar ad cancerorum fluviatilium pariendi vias; quas, cum ego quicquid aliud magis verum ratus, brachia nollem inspicere, non poteram invenire. Sed cum semper viderem canales ab Ovariis ad brachia tendentes, tandem in dubium

vocans

vocans præconceptam opinionem, perspexi majores artus, & in artubus observavi foramina; per quæ ova pariuntur. Scilicet in tertio pari majorum artuum, *Figura VIII.* quod, ut dixi languidulas habet forcipes, & medium est inter reliqua, quatuor paria, quorum duo chelas etiam habent, reliqua duo versus caudam non habent, sunt fenestrellæ binæ, sive binæ adsunt foramina figuræ non exactè sphericæ, unum in dextro tertiorum artuum, aliud in sinistro; in quæ terminantur canales membranacei ab ovariis diducti. Atque ideo ova descendunt per canales istos, tandem per foramina, quæ sunt in artubus mediis, in tertio nempe Brachiorum pari, egressum in lucem inveniunt. Ut proinde non omnino absurdus is esset Puer, qui inter oscula, & lusus, blando, dulcique deceptus sermone, matri credat, dicenti peperisse eum per decentes quasdam sub Alis adaperatas Fenestras: quandoquidem revera reperiuntur animalia, quæ ne dum per Fenestrellas sub alis, sed per Fenestrellas in Brachiis perpetuò patentes ova pariant!

Placet autem, ut hujusmodi foraminum situs melius dignoscatur, tertium par artuum aliquo modo describere, & eorundem figuram adungere.

Artus majores medii, *Figura IX.* octo habent articulos: numerato etiam eo, quo Brachium ventri conjunctum est; & quilibet artuum ex octo componitur ossibus fistulosis, musculos plerosque in eorum cavitate includentibus. Unum tamen exiguum nimis est; interponiturque inter secundum, & quartum ossa; quæ nonnunquam in natu majoribus in unum coalescunt, & ex tribus fit os unum. Si quis consideret structuram corporum in variis animalium generibus, facile deridere poterit nonnullorum scientiam, decentiam in figuris partium animalium pro finali causa adducentium. Quicquid enim in Architectonica, & in Mechanicis omnibus possibile est, est etiam & decens, ac conveniens Naturæ. Quæ cum in bovis pede ossibus musculos circumstatuerit, in can-

ero ossa fecit fistulosa; & in ossium cavitate musculos abdidit; quibus artus moverentur. Quod si nobis etiam fabulari liceat, sapientior videtur Natura, ac magis provida in pulice; lorica enim pulicem armavit, & in cancro, & in limacibus, & in locustis Marinis, & in testudinibus; quippe duris ossibus circummunivit partes molliores; quæ à circumpositorum corporum incurſu facilius possunt offendi. An nobilior vel ignobilior est bos apiculis ingeniosis, providis formicis, prudenti testudine, quæ semper secum suam ducit domum? An minus admirabilis structura est cujuscunque minimi animalis? Quantò melius esset rerum contemplari necessitatem, quæ ex vario nascitur concursu corporum minorum; ut aliud, atque aliud fiat; & quicquid tandem fiat, decentissimum illud, & convenientissimum sit idem corporeæ naturæ! Nam quibusdam positis in concursu corporum necessum fuit res esse, ut sunt. Ut si foemina utero gerat, crescente foetu necessum est comprimere intestina, & id omne, quod intestinis adjacet; necessum est Diaphragma minùs liberè moveri; necessum est distendi, & ampliari Peritonæum. Ac in iis, quæ pluries pepererunt, postmodum necessum fuit ventrem apparere extrinsecùs rugosum. At hoc neque pulchrum, neque decens est! Sed necessum fuit sic contingere! Quantò melius fuisset contemplari, ut ea, quæ dum sese invicem impediunt, non possunt recta moveri, in gyrum vertantur; quàm gratis asserere hujus spectabilis Mundi sphericam esse figuram; quia spherica decentior est, pulchrior, & capacior. Nam quælibet figura decent, pulchra, & ad amissim capax est ejus, quod ipsa continetur. Verùm dum Sol exempli gratia in se convertitur, neque potest recta ferri, in vertiginem quoque rapit ea, quæ circum ipsum posita sunt; & necessario factum est, ut spectabilis hic Mundus ad globosam potiùs, quàm ad aliam motibus illis minùs aptam accedat figuram, Ac possibiles si sunt figuræ, quid est hoc, quod naturam impediat, figuris omnibus uti possibilibus!

Inter primum articulum, quo brachium unumquodque tertii paris ventri adnectitur, & secundam articulationem est os primum in ordine ossium brachii; in quod inferitur canalis ab ovario illius lateris diductus, & in eo terminum habet. Quæ quidem foramina, unum in dextro brachio, aliud in sinistro, obducta apparent membranulâ quâdam in morem turgidæ vesiculæ aliquantulum extuberantis: quam tamen existimo propter musculosas fibras contrahi, dum ova pariuntur; atque sic adaperiri foramen. Estque in hac membranula observatu dignum, quod ex ea tantum parte, quæ respicit forcipes ossi, sive labio foraminis firmiter adnexa est; ex alia vero parte, quæ respicit ventrem cancri, libera est, & soluta ab omnibus aliis partibus; ut pateat proinde via ovis. Sed cum extrinsecus hujus membranulæ color similis sit colori membranularum, quibus musculosa substantia, quæ conspicitur inter aliquos articulos, contegitur, facile poterit iste color alicui imponere; qui nihil cogitans de canali, qui absconditur membranula illa, ex hac coloris similitudine poterit credere, solidum muscolum aliquem lusu quodam naturæ occcludere foramen: cum re vera membranula abscondat quidem viam, per quam ova emittuntur, sed aperiatur ad latus. Estque membranula veluti velum expansum claudens foramen illud. Quod si velum contrahatur, patet via, & foramen adaperitur. In sicco animali, quoniam velum hoc non turget, neque expansum est, fovea apparet in foramine intus ducens. Est medium hoc par artuum simile aliis; nisi quod primū par forcipes habet majores, & validiores, sicuti etiam omnia ossa in eo sunt majora, & validiora; & postrema duo paria forcipes nullas habent. Est item medium hoc par artuum in foemina simile omnino medio pari artuum cancri masculi; nisi quod in cancro mare nulla apparet neque in primo, neque in reliquis ossibus exsculpta fenestrella, nullum apparet ovale foramen. Atque ideo si quis hujus rei notitiam habeat, omisis aliis signis supra relatis, quibus foemina à maribus distin-

quantur tantum ex eo, quod adsint, vel non adsint foramina ovalia in medio artuum paricerto, certius pronunciare poterit in cancri hoc animal est Foemina, hoc est Mas. Semel observavi in primo osse quarti paris è sinistra tantum regione artuum majorum, quod par forcipes nullas habet, foramen ovale exsculptum simile omnino foraminibus medii paris. Ac dissecto animali cognovi canalem illius regionis ab ovario procedentem in duos ramos subdivisum; quorum unus terminabatur ad foramen consuetò spectabile; alterum terminabatur ad foramen exsculptum in primo osse cruris sinistrae regionis. Ut propterea neque absurdum sit credere Animalia dari, quæ per crura pariant foetus suos! Ab ovariis autem antequam coeant in unum corpus subrotundum canales procedunt, alter ad dextrum latus, alter ad sinistrum. Ac canalis unusquisque progreditur inter processus costularum; inde ultra pergens intrat in fistulosum os brachii, & terminum habet in foramine insculpto in hoc eodem primo osse brachii, ut dictum est.

Semper autem mihi licuit spectare ova in ovariis. Nam antequam omnia vetera ova in lucem prodeant, novorum ovorum albicantia rudimenta apparent: ut non semel viderim in ovariis esse adhuc quædam ova jam satis grandia, & veluti properantia, si sic dicere liceat, ad canales, per quos descendunt in brachia, & alia albicantia minora, & multò magis molliora, seu minus firma. Ovaria autem tunc erant contracta nimis, atque deficientia ab ea magnitudine, quam solent habere, cum ova perfectiora sunt: videlicet crescentibus ovis ampliantur ovaria. Quin imò propter loci angustiam ubi creverint ova in ovariis, gammari non possunt sphaericitatem servare; sed compressa invicem poliedra conspiciuntur; quæ postmodum edita, & pendentia ex cauda apparent sphaerica. At membranula una, & altera, quæ unum, atque alterum foramen obteggit, per quod ova eduntur, partus tempore, & nonnullis diebus post absolutum partum omnium veterum ovorum minimè tenta, sed conspicitur languida, & flacci-

flaccida, tanquam defatigata nimis in opere; & apparet humida. Tempus autem hujusmodi partus est mensibus Novembris, & Decembris circiter; ac etiam per mensem Januarium, & Februarium, rarius per Martium mensem conspiciuntur ova pendentia à minoribus artubus caudæ.

Spectaculum in his dissectionibus ostenditur jucundum, cor superincumbens ovariis. Sedit autem cor parte superiori in medio ovariorum: ut si dorsum incidatur gammari, *Figura VIII.* inter caudam, & curvam quandam lineam in dorso insignem, testa que illius partis auferatur, appareat cor palpitans superincumbere ovariis; quæ cordi tanquam stratum subjecta sunt. Cordis autem substantia est albicans; & vasa, quæ ab illo nascuntur, sunt etiam albicantia, & vix distinguibilia ab aliis membranulis, & musculosa aliarum partium substantia, nisi motu, & palpitatione. Motu enim & palpitatione cordis apparent ortus, & progressus vasorum à corde; & apparent ortus, & progressus vasorum minorum à majoribus vasis. Observantur autem etiam in mortuis cancris grandioribus cicatriculæ binæ supra cor: quæ videntur conspici propter veluti chordam quandam brevem supra cor extensam; & hoc, quod tensum est supra cor, facit hinc inde phænomenon cicatricularum: de quo fortè fusiùs dicam alibi. *Vid. etiam Fig. X. XI. XII. XIII. & XIV.*

Cæterum in cancris maribus cor testibus superincumbit; testesque cordi substrati sunt. Qui attentius inspecti apparent veluti parvi glomi tenuissimorum albicantium filamentorum. Supremam tamen testium partem, quæ caput spectat, non semel explicavi; & observavi constare illam ex vasis anfractuosiss, sinuosis, & cellulosis. A testibus tenui sanè principio ortum habent vasa spermatica; *Fig. XV.* quæ progressu majora sunt, & corporatiora: & seminis, quo mensibus iisdem quibus foemina pariunt, & in cauda gestant ova albo colore maximè conspicua sunt; nam mense Maji vasa seminalia sunt flaccida, languida, & ferè vacua semine. Postrema autem

pars seminalium vasorum propè crura minùs amplum quidem ductum habet, & minùs candida apparet; sed est carnosior, & firmior, quàm media pars; neque tam facilè disrumpitur. Longa, & tortuosa via, multisque revolutionibus vasa hæc terminum habent in postremis cruribus: hoc est, terminum habent in quinto pari majorum artuum; dextrum in dextro femore, sinistrum in sinistro, *Fig. XVI.* Ac in primo osse utriusque cruris est pars, quæ parùm exporrecta in cylindri figuram foraminulum habet; quod obregitur carunculâ quâdam ex extuberanti membranula, quæ ductûs pars est carnosior: dixi enim vasa feminalia propè exitum minùs ampla quidem esse, sed esse carnosiora ibi, & difficiliùs ibi, quàm in aliis locis disrumpi. Ex uno latere est pilus quidam majusculus in radice, sed desinens in cuspidem acutam, ut caruncula cum isto pilo faciat speciem partis extremæ in cauda nonnullorum scorpionum: videtur scilicet caruncula veluti granum milii habens è latere cuspidem quandam. Ubi cancer siccus est, & aridus, contracta etiam & siccata caruncula apparet parva fovea in osse. Cùm vasa turgent agitato, & molestato cancro facilè semen albißimum è miliari grano jam exposito erumpit. Et non semel tenuiligneâ spatula compressi locum inter bina crura, quâ priùs cognoveram duci vasa ad crus postremum, & compressione illâ semen prolicium est. Item sæpè sæpiùs dissecto cancro compressione factâ vasorum, & protrusione crura versus vidi è cruribus erumpere lacteum semen. Organa autem propagationis, & generationis sic constructa sunt in canceris, ut facilem non inveniam rationem, quâ maris semen in foeminæ corpus ejaculari, infundi, vel intrudi possit: Sed neque ex ipsa constructione hæc eadem ratio infundendi semen in corpus foeminæ videtur impossibilis. An verò edita jam ova superinperso foecundantur semine? O semper, & in quibuscunque maximè admirabilis Divinæ mentis sapientia: quid est illud, quod mas tribuit foeminæ; vel quid est illud, quod cancri maris semen tribuit

ovis in foeminæ corpus progeneris, propter quod ova foecunda fiunt? Corporeumne illud est, an incorporeum? Ac si corporeum & animal tantum machina est; cur non foemina sola satis est ad complendam integrè, perficiendamque machinam? An dantur animalia, quæ in specie sua non agnoscunt sexuum diversitatem, & sicuti plantæ quarum, quævis suam speciem propagare apta est, quodlibet sinè alterius commixtione possit sibi simile progignere? An autem animal huiusmodi datum aliquando est, an fortè dabitur unquam? Quod si omnino incorporeum illud est, & neque mas neque foemina tantummodo machinæ sunt; cur non item foemina, quæ ovum concipit, non potest spirituale hoc, & incorporeum infundere? Cum hæc, atque similia considero, quæ omnem humanæ scientiæ certitudinem superare videntur, existimo licere quidem homini rerum causas, veritatemque indagare, quod studium maxime delectabile est; verum credere debemus, verisimilitudines quasdam nos tantum attingere. Voluit enim Deus operum suorum quorumcunque etiam leviorum, & magis vulgarium nullum omnino, exactèque homini cognitum esse; ut superbiam deponat homo, agnoscatque omnia, quæ habet, & quæ habere potest, Dei donum esse. A quo etsi multa, atque multa quotidie accipiamus; tamen si quæ ipsius gratia nostra facta sunt, ad illa comparentur, quæ nobis adhuc concessa minimè sunt, pauperes sumus. Ipse autem sic donat, atque largitur, ut ab eo nihil unquam auferatur; sed semper, etiam quæ donat atque largitur, ipsiusmet remanent bona.

[1687. 25. d. Aprilis Viennâ Augustam Vindelicor. allata.]

Explicatio Fig. V.

AB. & AB primum par brachiorum in gammaro fluviatili, forcipes habens A. & A validas, magnas & dentatas.

C. C. C.

p. 24.

C. C. C. & C. Chelæ, sive forcipes parvæ & languidæ, in aliis duobus paribus brachiorum.

DE. DE. DE. & DE. reliqua bina paria artuum majorum sine forcipibus, desinentia in cuspides acutas, D. D. D. & D. quæ etiam pedum paria bina dici possunt.

i, i, i, i, & i, quinque paria minorum artuum in cauda gammarum maris fluviatilis, quæ in foemina sunt tantum quatuor paria.

Fig. VI.

Artus exponit in cauda Paguri sive Grancevola Veneziana.

AB. & AB. primum par artuum, in quibus sinister non habet ova, dexter vero habet ova, pendentia à fibris, ut videatur Botrus.

CD. & CD. primum par pennarum ortum, à primo pari artuum cui pennæ articulantur in C.

EF. EF. EF. EF. EF. EF. reliqua tria paria pennarum, quæ nascuntur ab aliis artubus, ad similitudinem primi paris sed botri hic occultantur à primo botro, ut etiam aliæ partes occludantur.

Fig. VII.

AB. & AB. repræsentat unum par artuum, cum uno pari pennarum.

CD. & CD. veluti vallum facientium circa ova, quorum botrus unus K. effectus est in dextra parte, ut conspiciantur fibræ OL, & OL, in sinistra, è quibus pendent ova.

Fig. VIII.

A. Dorso pars in Cancro fluviatili inter caudam BC & curvam lineam DEF. qua parte dissecta & ablata testa apparet subtus membranulas cordis vesicula palpitans, & superincumbens ovariis in foemina, testibus vero & vasis spermaticis in mare.

Fig.

Fig: 7.
pag: 64.



Fig: 6.
pag: 64.








Fig. IX.

- G. G.** Forcipes in tertio pari brachiorum, quæ medium locum obtinent, inter majores artus & foraminulum habent **O** & **O**, in foemina insculptum in primo osse, atque per hæc foramina **O** & **O** pariuntur ova.
- HI.** Prima intersectio in cauda, parte anteriori, è quâ nulli nascuntur artus in foemina: cum ab hac eadem intersectio-
ne in mare oriatur primum par minorum artuum inter
crura exporrectum.
- KL.** Secunda intersectio est, quâ nascitur primum par mino-
rum artuum in foemina **m** & **m**. ex quo, ut etiam à reli-
quis artubus caudæ pendent ova **m**, **n** **n** **n** **n** **m**.

Fig. X.

- A.** Ossa in medio ventris.
- O.** Foramen ovale obtectum membranula, quæ parte spectante
ossâ **A**, non est adnexa labio foraminis, parte vero **I**, quæ
respicit forcices **B** ossi sive labio foraminis in osse insculpti
firmiter annexa est.
- C & C.** Ovaria.
- D.** Canalis alter ab altero ovariorum tendens ad foramen **O**
insculptum in primo osse tertii brachii.

Fig. XI.

- A.** Cor superincumbens ovariiis, quorum partes **I**, **I**, conspici-
untur è regione quæ spectat ad caput: item, intra è re-
gione quæ spectat caudam, alia ova **o**, **o**, **o**. conspiciun-
tur in ovariiis, quæ longiora sunt cordis vesicula, sed non
multum longiora, cum ova parva sunt.
- b.** Canalis à corde Caudam versus subdivisus, in canalem,
& rectâ tendentem ad caudam **c**. in canalem **d**. remo-
tum à suo situ, nam vergit ad anteriorem partem ani-
malis.
- m. m. m.** Ventriculus.
- n, n.** Portio viscerum ex filis constructorum intestino anne-
xorum.

Fig. XII.

- A.** Locus cordis ovariis superincumbentis.
B. & B. Ovaria disjuncta parte superiori, conjuncta verò parte inferiori versus caudam.
CD. & CD. Canales, per quos ova descendunt ad brachia.
FE, & FE partes viscerum ex multis filamentis compositorum, quæ parte superiori prope ventriculum multis filamentis intestino connectuntur.
GH. Pars intestini ad caudam tendentis.

Fig. XIII.

- a.** Cordis vesicula.
b. Canalis versus caput, inter ovaria.
c. Canalis versus caudam, qui dividitur in duos ramos, quorum ramus **d.** inflectitur versus ventrem, ramus verò **e.** rectà tendit caudam versus.

Fig. XIV.

- Q.P.** Representat ex uno latere bina foramina **O & O**, in quæ terminabantur rami ejus canalis, qui ex illo latere diducebantur ad **S** versus, ac proinde cancer iste pariebat ova per tertia brachia, & per sinistram crus primum, in ordine crurum.

Fig. XV.

- AB & AB.** testes Canceri, quibus cor superincumbit.
BC & BC. Vasa feminalia tenui principio per viam tortuosam & multis revolutionibus à testibus ducta ad postrema crura.
C & C. Carunculæ, sive grana miliaria in primo osse postremorum crurum extuberantes, è quibus semen erumpit.
DC. Pars vasorum feminalium cruri proximior, quæ minus ampla, sed carnosior & firmitior est, quàm reliquum **BD**.
CE. Crus unum Canceri, è cujus latere explicatum effictum est vas feminale **BD C**.

Fig.

Fig: 16. pag: 67.





Fig: 13.



Fig: 12. p. 65.




Fig. XVI.

A A A. Trium brachiorum ex uno latere Forcipes in quibus
A C. primi brachii magna & valida nimis est.

BE. BE. Pedes bini in uno latere, in cujus postremo propè cau-
dam juxta principium ejus adest caruncula I. in maribus,
è qua semen prodit.

I. Altera caruncula in crure oppositi lateris.

DO. DO. Primum par artuum minorum in cauda cancri ma-
ris, quod exporrectum est inter crura, & unusquisque è
suo latere titillare potest carunculam I.

SCHOLIUM.

Conferatur Gammarorum succincta anatome, quam, quo-
ad partes quoque generationi dicatas, dedit Cl. *Thom. Wil-*
lis tract. de anim. brut. lib. 1. cap. 3. De femine etiam eorum
obiter in Scholio ad obs. 95. *Joh. Hellvvigii* aliquid monui.

[*L. Schröck, L. f.*].

OBSERVATIO XX.

D. JOHANNIS ACOLUTHI,

De

Potu Vini in Malignis.

Quem *Decuria hujus Secunda Anno quinto* notavimus
felicissimum (certo tamen circumstantiarum sub mo-
deramine) vini potum in malignis, hic paucis confir-
masse, Benevolo Lectori ne tadio cedat. Mense circiter
Februario Anni M. DC. LXXXVI. decimo quinto morbi die ad-
virum 32. annorum petechiis undique sparsum, pro consilio,
cum Medico hactenus curationi praefecto, conferendo, vo-
catus, eundem ferè, quem citato loco descripsimus, casum ob-
servabam, eo tantum differentem, quod deliria mitiora ac-
que

que interrupta, neque tantum extremorum frigus (quamvis calor pro exigentiâ morbi minor) urgerent. De cætero urina, eam, quæ sanissimis redditur, referens, pulsus depressio, sitis nulla, somnus rarissimus, extremorum continui spasmi, virium defectui maximo juncti, priori annotationi nostræ accuratè respondebant. Pace igitur annuentis Collegæ, seposito, quem jussu ejus officiosè ægro propinabant adstantes, spiritû Vitrioli, & in contrarias penitus indicationes, animo deflexo, iis, quæ aliàs optimè se gesserant, medicamentis, anæsignano Vino dato, lethiferum animosè aggrediebamur. hostem, qui paucarum dierum morâ interpositâ, receptui canens, mox subsecuturæ fugæ indicia in matulâ depingebat. Hinc tantò alacrius instantibus suppetias ferebat natura, separatisque ulterius cum lotio ex malsâ sanguineâ malignis quicquillis, brevi inimicas copias gloriosè triumphabat.

OBSERVATIO XXI.

D. JOHANNIS ACOLUTHI,

De

Vomitu Sanguinis horrendo.

RArò transcendit impunè oras suas vitalis unda, quin laxatis licentiosius repagulis, facilè cum eâdem & ipsâ vita elabatur. Non artificiosas sanguinis depletiones, neque naturales illos memorabo orgasmos, quibus per uterina vasa, aut sedales venas, aut nasi arterias, alia-vel loca, nimio se liberare onere natura modestè sitagit, cum exorbitantes illius conatus nobis persequi contingat, dum purpureum saticem ad illud imperuosius regurgitare sacrarium cogit, in quo saniratis & morbi, imò vitæ & mortis limites constituit. Ventriculum volo, cui, quo magis antea, erant amica, quæ studiosè ex assumptis evolvebat cruoris elementa, eò nunc adversiora sunt, ubi maturitatis affecuta gradum,

dura, pristinam officinam turbant, ut in furorem inde actus archæus, conquiescere non possit, donec intempestivum hospitem validè excusserit. Quamvis verò varios fluxus, deficientes aut imminutos, modico sanguinis vomitu innocuè compensatos, non ignoremus, nullibi tamen ultimum abest periculum, ubi in vehementiores hæmorrhagias sese exsolvit.

Vidimus id in honestâ fœminâ, habitus gracilioris, 49. annos natâ. Hanc à biennio menses, absque ullo tamen sanitate incommodo destituebant, cum ineunte Anni octuagesimi sexti vere, varios in abdomine dolores perentisceret, quos colicos seu hystericos esse, rata, aquis variis spirituosis, muliercularum ex consilio, sedabat. Decimo Martii, cum ab aliquot jam tum diebus omnis conticuisset appetitus, vaga obreperet nausea, & cardialgia ingravesceret, inter phlogosum vicissitudines, agrè domesticis rebus satisfaciens, maturè se cubitum confert, stomacho prius forti haustu, eoque adhuc repetito, aquæ alicujus carminativæ spirituosæ, denuò perfuso. Tum inter mille gemitus obrepens somnus, ipsam ad duodecimam usque detinuerat, ubi urgente malo expergefacta, triplici vomitu tantum non animam expuebat. Marpesiæ cautis instar rigentis, maritus, horrido mox clamore viciniam implet, quæ advolans, proprio immersam cruori, semi-exanimem, tollit. Si in suâ arte credendum artificii, marito lanioni fidem adhibere licebat, asserenti, tantum sanguinis, mactatum vix eructare bovem, quantum, totum ferè cubile tum inundaverat. Variis refocillata analepticiis ægra, cum sibi ipsi rursus constaret, quartâ matutinâ idem denuò fatum experiri, quamvis, deficiente jam undâ, mitius. Horâ septimâ demùm consultus, pulverem styptico-resolventem opiatum, à meridie repetendum, cum mixturâ Sylvii in casibus ejusmodi commendandâ, præscribo, quibus ipsis per diem fluxus cohibitus, octavâ vespertinâ tantò vehementius insilabat. Excreti ultimo hoc imperu sanguinis

oculatus testis, ternarium librarum medicarum superasse, judicavi. Tum vitæ paucissimæ reliquæ, quas omni fulcire studiô annitebamur, donec mentem rediisse comperiremus. Affectus urgentia nihil non tentatum relinquere jubebat, hinc externis quibuscunque (exceptâ V.S. quam immensâ pariter ejecti cruoris copia, atque famæ observatio negare videbantur) supra allegata ulterius sociare medicamenta meditabar. Deprecante autem pulverem ægrâ, quem, cum aliis ingredientibus Bistortæ & Tormentillæ radices, ipsi reddiderant invivum, anaticâ portione mista Corall. a. præp. terr. sigill. strig. CC. ust. Lap. 69, præp. cum grano semis Laudani substituebam. Nox insequuta quietior. Mane melius, quamvis omninò fractis viribus se habens, eodem fruitur præbio, parciore tamen manu Laudanum offerente, scilicet ad grani tertiam partem. Eundem pulverem, paucis nonnunquam misturâ martialium immutatis, ter, quilibet insequentium quinque dierum vidit, eam, sub refractâ hâc Dosi, Laudani continuationem, patiente, magno cum successu ferente. Cum alvus per biduum obstructa sollicitationem sui flagitaret, injectum clysmâ magnam congruam sanguinis copiam eliciebat, indicio, ipsum, per utrumque ventriculi ostium, elabendi viam, sibi quæsisse. Hoc ulterius alleviati auxilio, tribus vel quatuor ex ordine diebus illud revocabamus, donec natura consuetos repetere tramites, proprio motu, magnoque spei nostræ augmento, inciperet. Hanc tamen infirmo stare talo, quamvis appetitu ciborum, somno, ad actiones omnes integritate, pro conditione gravissimi morbi, sufficientibus, suffultam, infelix octava morbi dies ostendit. Omnia enim tranquillo reddita statui ulterioribus demulcere Laudani blandimentis inconsultum arbitratus, septimâ die abstinere ab eodem constitui. Nihil erat, quod notabilem hanc redderet, neque sequentis dimidium quicquam sinistri experiebatur, cum momentaneo orgasmo rursus insurgens sanguineus latex (nihil minus meruente ægrâ) per superiora, aliquot

aliquot librarum pondere sese præcipitem daret. Si unquam antea tùm certè morti proxima, ejusdem quique præ se imaginem ferebat. Adeò luridus vividior: reduci successerat faciei color, genæ erant collapsæ, retrocesserant oculi, cessaverat arteriarum pulsatio, ut imminentibus fati nemo certius quid ominaretur. Quartum tamen suas instaurabat copias, exquisitorum confortantium firmata robore natura, quorum vestigia laudatus supra pulvis per duodecim dierum cursum legebat. Hoc, omni malo sopito, si qua in vasis minoribus restitarent (impedito sanguinis circulo, extravasationi ejus ansam præbentibus) obstructionibus referendis, liquor Martis Solaris commendabatur, cujus paulo post continuato usu, hucusque constans, pro deploratâ habitæ, recuperabatur valetudo.

OBSERVATIO XXII.

D. JOH. ACOLUTHI.

De

Pædarthrocace.

NOVUM, rarumque seculi nostri foetum, hoc imposito nomine, *Severinus* delineavit, in suo *de reconditâ abscessuum naturâ*, Commentario. Illustrasse eundem B. Collegam nostrum Excell. *Schefferum*, memoriam ejus orbi commendans *Miscell. Curios. Decad. 2. A. quintus* docet, quas tamen doctas videre meditationes, nobis nunquam contigit. Infortunatos autem dolorosissimi morbi natales, non peregrinas tantùm turbasse oras, sed Silesiam quoque nostram afflixisse *Ephemerid. Germ. Dec. 1. A. sexti observatio centesima* palàm fecit, ulteriusque in corporibus nostratum, molestum hospitem sua sibi parasse hospitia, sequentia loquentur.

Nullum autem penes me dubium restat, quin genito-
rem

rem ejus viscido acres humores agnoscam, qui in spongiosis gyris, capita puerilium ossium constituentibus, stagnantes, successivo congestu eorum confinia extendunt, planumque antea quod erat, notabili tumore efferunt, nullâ superjacentium carnosarum partium sensibili alteratione factâ, donec morâ acriores redditi, ossium corrodant substantiam, unde exurgens caustica sanies, ipsas carnes depascitur, & quasitâ elabendi viâ, pessimi moris ulcera producit. Hæc, quamvis vix ullam Medici providentiam & sedulitatem, venientia antevertere, aut aggressâ curare valere *p. 311.* laudatus modò pronunciet *Severinus*, divinamque ob id *Pœonis* intelligentiam, *Æsculapii* artem, omnemque *Crateri* supellectilem *p. 313.* huc convocet, quid tamen divinâ assistente gratiâ, paucis auxiliis, tam consummatam, ex parte, &, nisi mox recensenda ægræ fors obstitisset, plenariè curando, quàm ubiq; irruentem removendo *pædarthrocacen*, præstiterimus, annotamus.

Quicquid vero de eâ orbi literario communicatum, hætenus mihi innotuit, id omne variolarum, morbillorum, achorum, aliorumq; exanthematum reliquiis tribuitur, casibus priori observationi nostræ analogis, dum posterior, malum per se, nullo recensitarum excretionum curanciarum antambulone, incipiens, *B. L.* sistet.

Paupercula 12. annorum puella, suburbii nostri incolæ, variolis confluentibus feliciter superatis, paucas post hebdomadas, omnium articulorum doloribus lancinantibus obruitur, quibus continuò stantibus, elevantur ibidem tumores, tandem, cum omnimodâ ad motum impotentiâ, acerrimum ichorem plorantes. Hoc rerum statu eleemosynam petentis, misertus, ut, quibus involuta erat, laciniis, detraheret ægræ, matrem jubeo, nudoque inspecto corpore sceleriformi, consummatam, prout à *Severino* describitur *pædarthrocacen* esse, decerno. Tùm Christiani amoris jussa executurus, simul &

tentaturus, quousque affectui, nunquam antea mihi obviâ
facto, mederi liceret, à visciditate & acrimoniâ delirescentium
humorum, præcipuas sumens indicationes, simul & eò con-
tendebam, ut ulcera manantia probè expurgarentur, suoque
tempore, maligno fermento extincto, optatam nancisceren-
tur consolidationem. Agmen ducente purgante, (quo solo,
maturè exhibito, omnem præcaveri potuisse morbum, pro-
babile) Antimonialia cinnabarinis juncta exhibebantur,
thermis artificialibus, ex Sulphure & Calce vivâ paratis, bis
de die infidebat, iisque ulcera accuratè eluebantur. Empla-
stra & unguentum ad imitationem citati supra Ephemerid.
Germ. loci erant eadem, nisi quòd Diaphoretico Mynsichti, Ma-
gneticum Salæ, & cum oleo destillato Tartari malaxatio ac-
cederet. His, trium quatuorve septimanarum spatio, felices
adeò faciebamus progressus, ut quæ antea summè emaciata,
immobilis jacebat, nunc habitior insistere pedibus, imò &
obambulare, manibus brachiisque satis commodè uti pos-
set, ulceribus quibusdam omnimodè clausis, cæteris, magis
indies imminutâ profunditate, laudabile pus fundentibus, tu-
moribus vero decrefcentibus notabiliter, cum nescio quâ de
causa irritatus hospes, miseram cum filiâ matrem ædibus eji-
ceret, & negatâ aliâ, prope urbem habitandi occasione, ipsa
post hæc à me nunquam visa, spe salutis, nos, curæ propediem
auspicatò absolvendæ, exueremur.

Benigniora fata erant pueri undecim annos nati, mer-
catoris inter nostrates honestissimi filii, cui, nullo excretio-
num cutanearum genere prævio, dextrum genu, à parte in-
ternâ, pugnum excedente tumore elevabatur, tantis cum
doloribus, ut multas noctes, clamando, parentibus perdi-
derit. Consultus, ex cute, nullâ qualitate immutatâ, & in-
flatâ, ipsius ossæ substantiæ, duritiæ, de pædarthrocaces ini-
tio cogito, iisdem, quæ supra notata, medicamentis internis
præscriptis. Externè, spirituosa nervina Spiritui lumbrico-
rum Terra volatili junctas illinebantur, imperabatur quoti-

die sudor, frictiones, alia, malo eundem alterius genu locum, mox tali, hinc humerorum, utriusq; cubiti, manuum, imò & nonnullorum digitorum articulationes invadente. Sic miserrimus, omni artuum usu privatus, gemebundos dies noctesq; ducebat. Supra, quæ benecefferant, remediis, quamvis non adeò inveteratus, pertinacior tamen morbus, illudebat. Neq; enim dicta interna obicem ei ponere poterant, quin in horas latius vagaretur protervus acquisitor, neq; Emplastra cum linimentis, qui surrexerant, tumoribus, quicquam detrahare noverant. Aliam igitur ingressi viam, duro nodo, duriores aptaturi cuneum, omni alio potu ad tempus interdicto, mane & à meridie Decoctum ex Carnis viperin. exicc. ʒij. Rad. chin. ponderos. Bardan. Sarsaparill. āā. ʒiʒ. Rasur. Lign. Sanct. ʒvj. Sassafr. ʒʒ. Herb. Fumar. miʒ. Epatic. nobil. Fragar. aa. mʒ. Rad. Hellib. nigr. ʒʒ. Fol. Senn. f. stip. ʒiij. Sal. Tart. ʒj. incis. & contus. maceratis in aqua comm. ℥ ix. per diem & noctem, post coctis ad med. colatis, & c. f. q. Syrup. de Cichor. edulcoratis, paratum, ad Uncias tres vel quatuor bibere, & folio aquæ decoctionis Saponis Veneti, cum herbis nervinis & emollientibus, insidere jussi, ordinato, pro Pocheto, Decocto, ex prioris remanentiâ resultante, passulis, & radice Glycyrrh. pro more, gratiore reddito. Aquâ extracti artus, Emplastro de Ranis Vigonis cum Mercurio, primò simplici, mox duplicato & triplicato, tandem quadruplicato, excipiebantur. Per hæc, omnibus membris suis redibat motus, tumoribus discussis, exceptis genibus, ut primis, sic ultimis morbi subjectis. Ultimò, cum nimia visciditate irretitum Mercurium, officio suo, pro resolvendo duriore concreto, sufficienter defungi non posse, judicarem, laxiori massæ sociare eundem constitui, Emplastro Hyoscyamino Ludovici, eò delegato, Hujus Unciæ duæ, Mercurii Drachmis sex imprægnatæ, & nervinis oleis destillatis malaxatæ, brevi Gordios solvebant nodos, puerumq; compedibus liberatum, ad familiares huic ætati saltationes, rursus dimittebant.

[Confer. Decadis hujus Anni III. obs. 129. 130. 131. & Ann. IV.

obs. 74.]

OBSER.

OBSERVATIO XXIII.

D. JOHANNIS ACOLUTHI.

Delirium grave, cum Impotentia, sponsi,
ex fascino.

Quotidiana sunt in perniciem nostram Diaboli Iudibria, ipsi, (ut intacta relinquamus, quibus nobilioris nostri partem, animam perdere satagit) in corporibus nostris tantò felicius succedentia, quòd accuratissimus naturæ mysta, intuitivâ quasi nexûs causarum naturalium cognitione, gaudeat, adeoque ad intentionis suæ scopum, tantò artificiosius eas dirigere nôrit. Hic, scelestissimi hostis machinas detestemur, quibus, procreationi sobolis infestus, neogamorum spiritus ligat, & suppressâ seminalium humorum turgescentiâ, non conjugales tantùm sufflammat amplexûs, sed & magnâ, pessimorum accidentium syndrome, miseros mulctat. Quamvis verò myriotechnices hic, subtilissimas telas nectat, rudior tamen est, quàm ut ex causis merè physicis structas insidias suas ita obvallare queat, quin per medicamenta effectu suo illis contraria, imprimis autem divinâ benedictione roborata, diruantur. Hinc ex voto aliquot à nobis liberari, quos captivos hic Asmodi ducebat. Universalis languor, inexplicabilis quædam præcordiorum anxietas, & communis, omnibus hoc malo pressis, virilitatis enervatio, vulgaria magis sunt symptomata, quàm ut hic allegari mereantur. Notabilior fortè est, quam nupero mense Aprilis in Viro juvene 28. annorum, staturæ proceræ, & robustissimi corporis, statum vidimus. Hic, cum habitu externo, sponsæ suæ, viduæ, largâ manu admetiendas Venereas dapes promitteret, ipso nuptiali die, tantam sui ex se amotionem patitur, ut asino ad lyram, ineptior ad imminencia eleusinia hæc sacra obeunda, videretur. Noctem inquietam, alterâ die ap-
K 2 peti-

petitûs prostratio, tristitia, & lassitudo omnium artuum excipiebat. Tertiâ die, consilii ergo vocatus, ægrum, magnâ difficultate spirandi laborantem, oculis torvis & fulgidis, facie prætumidâ, extremis, cum livore, frigidis, pulsu parvo, nonnunquam intermittente, & tantâ debilitate oppressum intueor, ut in lecto erigere se nesciret. Dum omnes circumstantias, lecto assidens, accuratius pensito, ecce, moribundus, nunc furibundus, lecto exilit, ad fores properat, in plateam semi-nudus se prorepturus, nisi vi retractus fuisset. Tum robustâ virorum custodiâ opus erat, quæ, me adhuc præsentem, his revertentem paroxysmum maniacum compescebat. Ex ligatorum diabolicâ arte spirituum, nunc torpidiore motu, nunc impetuosâ rursus explosione dependentem sanguinis inæqualem circulum, omnem ludere tragoediam perspiciebat, venæsectioni manum applicaturus eram, quam continuus ægri violentior motus non admittebat. Eo exuti auxilio, medicamenta advocabamus; resolutione humoralis massæ, tam contentis quàm impetum facientibus, æquabiliorem motum conciliatura. Quin omnia volatilia id fuerint præstitura, nulla penes nos erat suspicio, interim spiritum Cornu Cervi rectificatissimum, quovis bihorio ad sexaginta guttas cum misturâ analepticâ infundere jubebamus. Post primum hujus præbium furiosis accessibus frænum injiciebatur, eodemque per diem aliquoties repetito, faciliior respiratio, faciei detumescencia, calor colorque naturalis, manibus pedibusque, & mentis præsentia, succedebant. Tum verò adstantes securi, & Medico immorigeri monito, per totam noctem, ne guttulam exhibuerant. Manè eadem rerum, quæ præcedente die, turpissima facies. Ad pristina igitur reversum est præsidia, quibus intra biduum in tantum restituebatur, ut in conclavi obambulaverit. Jam dietâ & medicamentis reficientibus porrò eundem eram refocillaturus, donec lassus, additis calcaribus, ad saltum incitari equus commodè posset, nisi muliercularum obstitisset superstitio, quibus sufficiebat,

Sponsum, ope nostrâ, potissimo periculo ereptum. Hinc magnâ cum gratiarum actione mihi nuncium mittebant, reliquum absolvendæ curationis sibi vendicantes, propinato ipsi (ut postea comperi) aliquot vicibus, rasurâ campanæ, & priapi tauri nigri, donec idem, quod, quem devoraverat, præstiterit.

[d. 21. Junii 1687. Norimb. missæ.]

OBSERVATIO XXIV.

D. SAMUEL LEDELII,

De

Noxa à nimio pulverum usu.

NOn infimæ notæ vir eruditus, corripiebatur febre ardente, & hâc jugulatâ detinebatur per aliquot menses variis symptomatibus, plerisque scorbuticis. Medicus sat multis ipsum impleverat pulveribus, interdum unô die duos vel tres porrigendo. Superatis reliquis molestiis, remanebat tanta stomachi debilitas, ut nihil retineret, sed omnia per vomitum rejiceret. Quid consilii? Roborantium vis erat vana, nil conducebant pulveres peptici, nil unguenta, emplastra, balsama, sacculi, spiritus, essentiæ, elixiria, aquæ stomachales & alia. Tandem re benè examinatâ adsumitur vomitorium felicissimo cum effectu. Præter enim saburram vitiosorum humorum, & pituitæ viscidæ, natura excludebat pulveres nimio numerô intrusos, & qui jam de vita desperârat, pristino restituebatur vigori. Videmus ex his, quàm catus Medicus esse debeat etiam in forma propinandorum medicamentorum: Janus utique bifrons ut sit, requiritur. A scopo nostro non admodum alienus est *Beguinus*, dum scribit *Tyroc. Chymic. l. 1. c. 1. p. 26.* non rarò ægrota-
ntes ob devoratas partes noxias excrementitias & venenatas unâ cum salutaribus & utilibus, expugnatô morbô, cum symptomatis gravioribus postmodum supervenientibus, &

78 *Observatio XXV. De loquela amissa feliciter restituta.*

ipso priore moribo periculosioribus conflabantur. Loquitur autem de illis medicamentis, quæ absque ulla præparatione Chymica tam simpliciter ægrotis porriguntur. Quod licet in nostro subiecto non fuerit factum, sed pulveres benè præparati exhibiti: Interim tamen in hacce cura oculus non fuit intentus ad hoc: πᾶν τὸ πολὺ τῇ φύσει πελέμιον.

OBSERVATIO XXV.

D. SAMUEL LEDELII,

De

Loquela amissa feliciter restituta.

Poterius Centur. 2. *Curationum, curat. 11.* adducit exemplum juvenis, qui ex procera quercu humi lapsus, omnem loquendi potentiam amisit, absque ullo sive intra sive extra tumore; hunc restituit medicamento purgante, & julepo attenuante & dissolvente. Anno præterlapso, dum adhuc Grünbergæ vivebam, vicina mea Barthisia mittebat ad nos puellam 9. circiter annorum, quæ hucusque benè & atticulatè fuerat locuta. Aluerat autem ulcera capitis manantia, quæ spontè exsiccata aruerant ante 5. septiman. Inceperat tunc difficulter loqui, subsequente totali obmutescentiâ. Edebat, bibebat, dormiebat, & cætera, quæ sanorum sunt, agebat, muta tamen. Expendo rem, & quia succosam videbam, corpusque pravis humoribus oppletum, dabam pulverem, qui supra & infra copiosè operabatur. Exanclatò primò vomitu, exclamavit: Mutter/ mir ist übel! & consequenter plura protulit, sermoque articulatus de die in diem perfectior iterùm exiit absque ullo ulteriori medicamento. Vid. Dec. 1. Ann. 3. observ. 60. Pulvis hic erat:

℞ Tart. Vitriolat. gr. xv.
Trochisc. alhand. gr. v.
Antimonii diaphor.
Diagryd. a. gr. iiij.
Ol. Carv. gtt. iiij. M. D.

SCHOLIUM.

COpiâ & qualitate peccantes in corpore humores si per ejus peripheriam exitum moliantur, rarò absque periculo ad interiora regredi vel repelli, plurimæ Medicorum observationes, tum ipsæ *Ephemerides nostræ*, Dec. *hujus Ann. I. obs. 35. Ann. IV. obs. 89. & Ann. V. obs. 152.* edocent. Inprimis hæc memoranda quoque venit *Phil. Salmuthi observ. 129. cent. 2.* de obmutescencia per aliquot septimanas durante, cum subsequente postmodum balbutie, ex repressio manus serpente ulcere; vitioso nempe sero hac ratione nervos ad linguam abeuntes occupante, motumq; ejus liberum sic inhibente.

[*L. Schröck, L. F.*]

OBSERVATIO XXVI.

D. SAMUEL LEDELII.

De

Usu Aquæ ligni Fraxini.

ANno II. Dec. II. *Observ. 178.* D. Sommerus Collega Curiosus, ut vulnerarium adducit oleum ligni fragini. Quid observaverim circa usum aquæ ligni fraxini, hæc do. Scinditur justo tempore, dum nempe Sol leonem intrat, & tùm putatur quod sit in summa exaltatione, & aqua inde elicitur & destillatur. Pastor mihi quotannis dispensat & conficit, pluribusque dat hanc aquam in omnibus vulneribus externè adhibendam. Vulnus primùm lavare jubet hæc aqua, deinde linteum mundum aqua imbutum imponit ter de die, aut dum non vult de novo deligare, humectat tantùm linteolum, usq; dum imbibat humorem & vulneri adducat. Vidi aliquoties cum singulari utilitate grassante dysenteria, pluribus potandam dedit & profuit. In torminibus ventris & flatulentia etiam dedit internè cochleatim. Aqua dum recens est, bonum habet odorem & fortem, cum ali-

aliqua fragrantia nares feriente, qui odor dein tacitè langue-
scit & remittit. In pago ab urbe remoto, utique talia in usum
trahi possunt, præprimis ubi bonum videmus effectum; pau-
peres quippe rustici non facilè Chirurgum consulunt in suis
vulneribus, nisi sint lethalia.

SCHOLIUM.

HUc referre liceat, quæ non tantùm de aliarum arborum,
sed etiam fraxini sylvestris succo in *Aët. Philosoph. Angl.*
Num. 43. ex quorundam relatione memorantur, eundem
scilic. suo tempore copiosè fluere, & certissimum remedium
esse contra nonnullos obstinatos adfectus, præcipuè scorbu-
ticos spleneticosque. Arbores autem à fine Januarii ad me-
dium Maji esse aptos ad fluendum; interque primas, quæ
succum emittunt, fraxinum existere, experientissimum suc-
corum collectorem servatoremque; *D. Midford de Durham* ad-
firmare, cujus succus tam maturè turgeat, ut ante Martii fi-
nem fluere queat. Cum verò fraxinus, præsertim etiam cor-
tex ejus, magnæ in multis morbis efficaciz esse observetur,
succum ejus, à quo nempe sive in fluore suo constituto, sive
intra corticem condensato, virtutes ejus potissimùm dima-
nant, non inefficacem esse posse, facilè colligitur; cujus et-
iam ex Veteribus testimonium perhibet *Q. Serenus Sammo-
niacus*, liquorem ex accenso fraxini ligno exsudantem, in au-
rium doloribus his verbis commendans:

*Cum savus teneras dolor altè sauciat aures,
Fraxinea in flammis fundit quem talea, succum
Instilles.*

[*L. Schröck, L. F.*]

OBSERVATIO XXVII.
D. SAMUEL LEDELII,

De

Tremore artuum quotidiano à
terrore.

ANcilla 17. annorum plethorica in districtu Grunbergenſi Sileſiæ, noctu ſurgit & putat appropinquare auroram, excitat etiam ſervulum ad obeunda munia. Ille autem laſſus iterum obdormiſcit, dum puella ad limen ſtabuli ejus adventum expectat. Interim ruſtici uxor, quæ ante octiduum ſepulta fuerat, ancillæ in forma conſue- ta apparet : hæc terrore percuſſa & conſternata vociferatur, cameram petit & toto corpore tremere incipit. Reliqui in- quilini excitati hoc clamore ſurgunt, & quid fuerit, quarunt, timiditatemq; & vanitatem viſionis ancillæ exprobrare ſata- gunt. Mali nihil ulterius paſſa, aggreditur domeſticos labo- res, verum ſingulis diebus aliquoties indifcriminatim quoad artus incipit contremiſcere, qui tremor, non diu durans, de- ſinit abſque ullo alio ſuccedente ſymptomate, & per tres. 6. 7. horas revertitur, eodemque modo intermittit. Me conſu- lunt, quæro an menſes fluant, reſpondet quod fluxerint, & poſt terrorem deſierint, inſto & quæro quamdiu ? dicit quod jam tres menſes abierint. (Credidit enim malum per ſe- ceſſurum, menſesque redituros) ideò cum Deo curam aggre- dior, corpus præparo, evacuò, venas poplitis ſecare jubeo, balnea in vanno impero, nervos conforto, ſanguinis men- ſtrui fluxum procuro, & ſic rem ex voto abſolvo.

OBSERVATIO XXVIII.
D. SAMUEL LEDELII.*De*

Lenimine Podagræ.

GRunberga Silesiæ (Prasia Flystorum etiam vocata) ob abundantiam vini, hujusq; nimium usum plures ostendit arthricos & nephritide laborantes. Vinum enim illud continet tartarum sat nocivum, cum acido nervis inimico, deponitque calcem in mensa peiorem quam jenenſe. Hinc unusquisq; etiam suum ſingulare habet remedium in hiſce doloribus, quod interdum magis opione quam re vera dolores terminat. Vir primarius, ſcobem cornuum, quæ à confectione peſtinum reſidua manet, (den Kammacher Staub) ſanctè ſibi aſſervabat, & in doloribus applicabat, præprimis in igne ſacro, quo titulo inflammationem dolores Podagricos præeuntem, inſigniunt, qui de Podagra metuunt, eſt enim exoſum nomen. Proſuit, demulcendo ob frigiditatem & ſiccitatem dolorem urentem, at non promiſcùè omnibus. Conſul ſenior cinnabarim nativam aſpergebat: alius lumbricos vivos imponebat, cum remiſſione dolorum. Nonnemo cannabim cum albumine ovi, alter viridem corticem ſambuci applicabat: tertius caſeum recentem emplaſtratum, porrò lac acidum, ſtercus bubulum, acetum cum terra figlina, Illuſtris perſona baſamum inungebat Peruanum. Amicus ab uſu vini copioſiori contraxerat Chiragram & Podagram, interim dum dolores erant ſeviſſimi, bibeſat vinum ad ſatiem, doloresque patienter perferebat. Nobilis mirum in modum torquebatur eodem malo: alii ipſum inviſentes bibunt aliud vinum non patritium, alliciunt, ut fieri ſolet, ægrotantem, facetiisque allectum ad ſummam deducunt ebrietatem. Benè dormit, bene-

beneque sudat: manè expergefactus sibi metuit, vanò tamen metu, siquidem nullum aderat amplius vestigium dolorum, nisi gravitas & lassitudo artuum, & vixit per aliquot menses immunis ab istiusmodi cruciatibus. Quanta est gulæ intemperantia! Certè plus noxæ quàm celer ensis habet. Pharmaca ab Asclepiade prodita ad arthriticos & podagricos affectus enumerat *Galenus lib. 10. c. 3. de Composit. Pharmac. secundum locos*; & qui talia Antiquorum amat, ibi inveniet.

OBSERVATIO XXIX.
D. SAMUEL LEDELII,

De

Noxa Vini Hispanici.

RARO nos purum bibimus Vinum Hispanicum, siquidem per mare per terram jactatum & vectum miras subit & alterationes & adulterationes. Nobilis à Fritschen, prior marita, quoties parùm bibebat Vini Hispanici, statim aderat tussis cum sputo purulento. Eruditus raræ texturæ quoties bibebat aliquid hujus vini, etiam molestabatur tussi absque tamen sputo sanguinis. *Poterius in Pharmacop.* suadet crudum Mercurium detinere in fundo vasis vinum continentis, & dicit, quòd vinum nec acefcat nec pendulum fiat. Nonnemo volebat asserere, quòd Vino Hispanico arsenicum certa dosi admisceretur, id quod tamen pro veritatè hic non vendito, licet ratio erui posset, quare prædicta symptomata ab usu hujus existerent.

[Scrib. Görlii Lusat. Superior. d. 22. Jun. st. n. 1687.]

OBSERVATIO XXX.

D. JOH. LAURENT. FEHRII,

De

Imaginatione forti in gravidis foetui plurimum noxia.

QUAM periculosi sint embryonibus vehementiores gravidarum affectus, ex pluribus notum est observationibus. Nuper hinc locorum accidit, ut uxor cujusdam lanionis circa dimidium gravidationis tempus in mola occupata ex improvise spectaret manum ministri molitoris digitis quatuor mutilatam, hinc perterrefacta adstantibus mulieribus factum narrat, à quibus animatur, & ut manum ministri paulò accuratius contempletur, informatur, illa dictis paret, at postmodum enixa est filiolum cetera vegetam, cujus manus dextra pollice quidem donata, at quatuor reliquis digitis naturæ conformibus erat orbata, quorum locò particulae carneae breviores, parum mobiles absque ullis articulis, cartilagineis protuberantiis aut unguibus, quales adhuc dum apparent, extabant. Hinc docemur 1. personas membra mutilata habentes in locis publicis non esse tolerandas, aut, ut illa chirothecis vel aliis convenientibus regumētis semper muniant, coërcendas. 2. Nimis attentam & accuratam objectorum visibilibus, gravidis præcipuè noxiorum contemplationem contra receptam à vulgo opinionem esse vitandam. 3. Manûs mutilatæ ideam, spiritibus forti imaginatione impressam, & sensibus internis oblatam, hinc & embryoni communicatam, principalem depravatæ conformationis fuisse causam, non in hominibus tantum, sed & brutis notabilem, quod posterius vel sequens confirmare potest historia, quæ præteritò annò hinc accidit, dum vacca prægnans à pascua domum repetens cervam, à quodam cive pri-

primario inter pecora domestica educatam, inque vestibulo januæ stantem inopinatò spectat, eamque à partibus posterioribus paulò attentius contuetur, factum est, ut deinceps vitulum caudâ breviori, instar cervæ, præditum, quem postea ob mirabilem istam conformationem Dominus macerationi destinavit, in lucem ediderit.

OBSERVATIO XXXI.

D. JOH. LUDOVICI HANNEMANNI,

De vermibus
Vermibus cum urina excretis.

Cum non ingrata fore sperem, quæ nuper *D. Andreas Plantcovius*, Lubecensis, Româ ad me scripsit, in hac & sequentibus Observationibus ea communicare Curiosis nostris volui. Et quidem novit ille Religiosum Mediolanensem, qui correptus dysuriâ persuadere suis voluit, se aliquot vermiculo s non tantum cum urina excrevisse, sed immanes etiam, à quibus vexabatur sæpius, dolores unicè ab iis dependere. Advocatus Medicus causam suppressionis illius calculis attribuens, inter alia decoctum præscribit ex emollientibus & detergentibus, quò diligentius assumptò, cum urinae magna copia, non sine ægrotantis & medentis admiratione, duo in conspectum veniunt vermes, qui hanc crassitiem trium autem cubitorum ferè longitudinem æquabant.

OBSERVATIO XXXII.
D. JOH. LUDOVICI HANNEMANNI,

De

Calculo ex hypochondrii sinistri ulcere
prodeunte.

Idem *Dn. Plantacovius* vidit Venetiis mulierem in hypochondrio sinistro laborantem ulcere, ex quo cum pure hujus magnitudinis *O* lapillus egressus fuerat. Et licet Medicus, qui fortè accedebat, illam esse calculosam, renemque ulcere consumptum, pronunciaffet, eventus tamen contrarium demonstravit, ulcere ad cicatricem paucos intra dies deducto, foeminâq; sanitatem pristinam recuperante, nec de ullo sensu vel minimi doloris querente.

SCHOLIUM.

Abscessus non rarò calculis gravidos esse, ut aliorum relationes taceam, inprimis *Ephemerides* quoque *nostrae*, Dec. I. Ann. I. obs. 66. Ann. IV. obs. 189. An. II. obs. 50. Ann. IX. obs. 69. & 185. nec non Dec. II. Ann. I. obs. 5. Ann. III. obs. 16. & Ann. V. obs. 107. testantur. Ubi memorari meretur *Nicolai Tulpri* monitum in *observ. med. lib. 4. cap. 21.* quod, calculum ex ulcere prodeuntem cum itidem descripsisset, subjungit: *Agedum, Chirurge, fatigant te interdum inveterata ulcera, lundisq; non rarò operam in tumoribus duris, ignarus, loco puris, aliquando calculum inibi maturescere. Vis filum Ariadnaum? cuius ductu feliciter ex hoc labyrintho evades. Sequere quod proposui exemplum, & considera attentè, num siliceus hic hospes clandestinè alicubi delitescat.* Simile quid ante septendecim circiter annos hîc Augustæ contigit, tumore duro, ast mobili, quem plurima vasa sanguine turgida perreptabant, Mercatoris

toris cujusdam regionem temporalem dextram occupante, cujus, amygdalini nuclei magnitudine dum adhuc erat, extirpationem, mediante ligaturâ, Chirurgorum aliquis, aſſe-
renuente ægro, frustra suaserat; unde majorum subinde in-
molem is excreverat, ita ut tandem ad oculum usque & au-
rem se diffunderet. Cum verò Chirurgi eâdem sectione au-
ferre, obinfestam, quam metuebant, hæmorrhagiam, & sub-
stratum musculum temporalem, dubitarent, consiliô Me-
dici alicujus, capsulæ ex lamina ferrea, in summitate tribus
exiguïs foraminulis pertuse, ad arcendas aëris externi injurias
(aliis tamen machinulam, ut liberæ transpirationi incom-
modam, & hinc tumoris augmentum potiùs promoventem,
improbantibus) inclusum, frustra à Medico isto plurimis mul-
ti pretii internis medicamentis, sanus cæteroquin, diu defa-
tigatus, continuò circumportabat, usque dum aliquando in-
ter confabulandum cum amico, acu per foramen capsulæ im-
missâ venam insigniorem fortuitò pertunderet, largâ mox
hæmorrhagiâ, nullum aliud, exceptò pavore subitanè, in-
commodum producente, quin jam Chirurgis convocatis,
viam vulnuscule istò monstrante, animum ad suscipiendam
audaciùs curam addente; qui causticis, quæ inter butyrum
antimonii primas tenebat, carnem glandulosam, & subinde
repullulantem flaccidam semestrali labore sensim absumen-
tes, ad durum tandem impingendo corpus, calculum albi-
cantem, magnum & isto in præſenti observatione adnotato
duodecuplò aut pluries majorem, atque ex laminulis concre-
tum, nonnihil molliusculum, & hinc cum tempore, per ex-
siccationem, in pondere & mole decreſcentem extraxerunt,
ulcere dein brevi temporis spatio perfectè consolidato.

[*L. Schröck, L.f.*]

OBSERVATIO XXXIII.
D. JOH. LUDOVICI HANNEMANNI.
Bulimus à vermibus.

Quidam juvenis Romanus, teste prælaudatō D. *Plantacoviō*, circiter 24. annorum, sæpè premebatur fame penitūs infatiabili, & nisi ferè semper ederet, in animi deliquium incidebat. Variis remediis per quadriennium sed frustra usurpatis, tandem superveniente asthma extinguebatur. Cujus cadavere aperto, inveniebatur in ventriculo insignis conglomeratorum vermium congeries, & duæ in inferiori orificio glandulæ ad moschatæ ferè nucis magnitudinem accedentes, & vermibus figuræ colorisque varii repletæ.

[Kiliâ 1687. 10. Augusti missæ.]

SCHOLIUM.

Quàm fallacia & incerta sint vermium in ventriculo & intestinis hærentium indicia, neminem Medicorum latere potest, idque eò magis, cùm nullum ferè grave reperitur symptoma, quod non eosdem comitari fuerit compertum; ita ut nisi ipsi in conspectum se dederint, exercitatissimos quoque fallant nonnunquam Practicos; quæ inter numerari etiam meretur fames insolita, sæpiùs iisdem, cibos ingestos nempe absumentibus, conjuncta; rarior tamen, si lipothymia eidem jungatur, bulimi nomine veniens; qualis etiam fuit, quam notare sæpiùs Autores solent, mulieris apud *Alexandrum Trallianum*, lib. 7. cap. 4. quæ Hieræ usu ab ingrato hospite, lumbrico duodecim cubitorum longitudinem excedente, tandem fuerat liberata.

[L. Schröck, L. f.]

OBSERVATIO XXXIV.

D. SYLV. SAMUEL ANHORNII.

De

Abscessu abdominis singulari.

ESTER RIETMANN. Virgo sexaginta quinque annos nata, ab anno ætatis vigesimo, mensibus præter naturam fluentibus, & prolapsu uteri vexata, suavis alterius thermis Badensibus usa, brevi post convulsionibus & præsertim etiam lancinationibus uteri totiusque imi ventris urgebatur, certis temporum intervallis, mox singulis mox alternis diebus ingravescens, idque nullâ vel sensum internorum vel externorum læsione: Varios pro sanitatis recuperatione Medicos, & quosvis quoque advolantes Medicastrorum in consilium adhibuit; & Medicamenta administrata varia &c. clysteres, potiones purgantes, sine successu ullo assumpsit: Delectabatur continua masticatione Zingiberis: A quatuor nunc annorum spatio, à quo menses ei substitere, convulsionibus, & lancinationibus uteri indies incrementum summentes, insecutus est tumor epigastrii & pedum, sub vesperam iterum evanescens, nec impediens, quo negotiis domesticis & aliis necessariis peragendis præesse posset: Præterito mense Septembri tumor in tantum excrevit, ut lecto se affigere cogeretur, nec præ nimia mole incedere posset; Elusit non tantum medicaminum vim, verum in majorem quotidie insurrexit molem: Urinam sine ullâ difficultate mittebat turbidam cum sedimento farinaceo, alvus toto decursu morbi libera extiterat, vomitus materiæ biliosæ subviscidæ & ciborum ingestorum, pro ratione assumptorum, continuo urgebat; instare fatum summa totius corporis macies, facies hippocratica, & variorum accidentium exacerbatio indicabant, quod & tandem placidam eidem necem attulit.

Dec. II. Annus VI.

M

Ca-

Cadaver cultro Anatomico mandatum præfente Nobilissima & sagacissimi ingenii Matronâ, Dna. Cleophaâ Schobingerâ, quantum cancelli temporis positi permisere, apertum examinaui, visurus num fortè mola vel hydrops aut alius affectus absconditus lateat.

Intumuit abdomen hujus Virginis, ut ambitus ejus ulnis duabus cum quadrante includeretur; regio lateris sinistra ad contactum mollior, sed sanguine coagulato nigra notabatur, pedes etiam valde tuebant, vestigiis tamen impressorum digitorum nullibi manentibus; circa hypogastrii regionem tumor tactui non cedebat.

Integumenta communia naturali inter se cohærebant nexu, & detecta fundebat liquorem serosum ad aliquot uncias regio lateris dextra, glandulæ molles latæ seroso liquore turgidæ passim panniculo carnosio adhærebant.

Musculis, (qui in membranas ferè extensi erant) abdominis separatis, observavimus peritonæo corpus aliquod crassius, molle, substratum, & peritonæo quàm firmissimè annexum, quapropter studiosè liberato peritonæo, offendimus, insignis molis corpus totam ferè abdominis cavitatem replens, intestina versus diaphragma trudens, itidem sicut peritonæo, regioni umbilicali hypogastricæ & epigastricæ quàm firmissimè annexum.

Incisione hujus corporis factâ, magnâ materiæ subnigræ, feculentæ viscidæ & glutinis instar cohærentis copia effluxit, cui capiendæ amphora media haud sufficiebat: quâ emissâ saccum vidimis digitum crassum, per medium, membranâ peculiari divisum, materiæ contentæ duo diversa loca tribuens, & in dextrum & sinistrum dividens; saccus seu valva sinistri lateris amplior multò erat, transversim descendens, & tertiam cavitatis partem occupans: Hydatides nullas offendimus, verùm abscessus complures integrum hujus corporis fundum occupantes, diversæ figuræ, alios pugnæ & supra, alios ovi, nucis &c. magnitudinis, materiam continen-

rinentes purulentam, sine ullo sapore mucosam viscidam. Cavitas abdominis ante factam hujus corporis incisionem naturali sicciore observabatur: Nullæ epiploï, quod consumtum erat, superstitere reliquæ: Ventriculus nullam aliam contraxisse labem videbatur, quàm quòd, sicut & intestina tenuia, materia biliosa subviscidâ refertus cerneretur: cæterum intestina passim lumbis, ac vertebriis, adnata nigricantia adparebant: Totius mesenterii pars superior exesa consumpta & inflammata erat, nec nisi glandulis induratis spectabile, nec etiam ullam cum hoc abscessu habebat connexionem; Intestinum rene sinistro assitum sphacelatum erat, & ren-ipse dextro major versus intestinum eandem corruptionis labem contraxerat: Lien, obscuri & subnigri coloris, tumebat aliquantum, & facile unguibus discerpebatur, figuram aliquatenus quadrilateram representabat, diameter ejus quatuor pollicum longitudinis & quatuor latitudinis erat; Pancreas duriusculis glandulis undiq; conspersum videbamus. In Vesica fellea, ovi magnitudinis, continebatur bilis subflava pallidior, nullius saporis vel saltem obscure & leviter linguam mordentis, in fundo hujus vesiculæ aliquot calculi, externâ facie contentæ bilis colorem referentes, variè protuberantes, internè nigri friabiles, semen betæ representantes, reperiabantur: Hepar alibi obscurius, alibi albicans variegatis coloribus distinguebatur, cæterâ sanum: Sanguis in Vena porta adustus & nigricans haud pendeat Unciam. Uterus naturali triplo aut quadruplo major, externâ fronte callosus, gibbosus, variis diversæ magnitudinis & figuræ protuberantiis spectabilis, vasâ obtinuit debita, præterquam quòd testiculus lateris sinistri nullus, & ejusdem lateris tuba in ligamentum aliquod latum abiisse visâ fuerit: Tuba dextri lateris nullam obtinens cavitatem aderat cum testiculo, in quo rudimenta aliqua ovulorum observabamus: à testiculo dextro, ut & à sinistri testiculi regione quovis latere rami duo insignes pollicem crassi ad fundum sacci sive corporis hujus protendebam-

tur, & cum aliis multis vasis, venis & arteriis conjuncti eadem confusè inferebantur: Vesica urinaria huic corpori adhærens, difficulter separari poterat: In cavitate thoracis sicut nec in pericardio ulla reperta fuit aqua, præter naturalem lympham à thymo delatam: Pulmones partim ex abscessibus partim ex partis adustione nigri & corrupti, partim etiam phlegmate & atro sanguine instar atramenti referti erant.

In cordis ventriculis paucus Sanguis reperiebatur, nec corruptus nec concretus, in ventriculo hujus sinistro polypus major, in sinistro minor cernere dabatur: In Vena cava paucissimus sed adustus & niger sanguis superstes erat.

[ex communicatione D. Muralti.]

OBSERVATIO XXXV. D. CAROLI PATINI.

De

Struma in dorso.

QUâ horâ Germanis Patavii degentibus praxin medicam privatim interpretor, non pauci ad ædes meas accedunt ægrotantes, quos in optimæ Nationis beneficium tunc consilium petituros admitto; Accessit Andreas Volpatus plebejus Patavinus, septemnem filium manu deducens, de abscessu, quem bubonem nuncupabat, in dorso conquerentem: Patientis facies tota oedematosa, querelæ favebat. Exploratâ cautè arteriâ, nil insolitum præter languorem demonstrante puerum nudari jussi, & infra septum transversum non procul à rachide tumorem animadverti, magnitudinem pugni æquantem. Colorem referebat subflavum albicantem, qualis solet esse pituitæ putrescentis, quin & contactu fluctuari videbatur in involucri materia non-nihil à sævo, pulce, melleque discrepans. Examinanti ultrò mihi

mihi Patientis faciem animadvertere licuit cicatricem in dextra colli parte, tum aliam in sinistra, sectarum & evulsarum, ut postea audiui, strumarum reliquias. Accuratiùs conquirenti glandulæ in vicinia eminentes nascentesque apparuerunt, quibus confirmatus, tumorem in dorso non dubitavi pronuntiare strumam.

Optimè *Duretus*, summus *Hippocratis* interpres, strumam descripsit, tuberculum à proventu pituitæ putris & falsæ, cum tensione pelliculæ illam involventis, ut vivam molam: Hinc securam esse omnium cataplasmatum & emplastrorum, quæ vulgò adhibentur, Chirurgorum audaciâ, quorum temeraria ideo est medicina. *Cicero* post *Celsum* strumam nuncupavit, Tumorem in quo subter, concretæ quædam ex pure & sanguine quasi glandulæ oriuntur. Accuratiùs *Galenus*, ad *Comm. Aph.* 26. *Seet.* 3. Strumam non ex calida materia, ad maturationem properare non posse, sed ex pituitosiore & frigidiorē consistere. Et paulò ante, redundantiam esse cacochymam fluentem in cutem: *κακοχυμῆ πλεθὺς ἐκχρῶνα νοσήματα, εἰποντ' ὅτι ἔξω τε καὶ πρὸς τὸ δέγμα*. Quæ omnia oculis, digitis, atque etiam philosophanti menti apprimè conveniebant.

Tumoris locus difficultatem faciebat, cum Strumas dorsales nunquam prius observaverim. Oriuntur, inquit *Aëtius*, *lib. VI.* non in collo & cervicibus tantum Strumæ, sed etiam in alis & inguinibus, ac lateribus: Mammis quoque mulierum adnatas se vidisse *Meges Chirurgus* autor est. Juveniculæ struma LX. librarum pondo in coxendice accrevit. Alia *Ambergæ* apparuit in genu, inquit *Schenkius*, in *observ. med.* p. 666. Circa virilitatem ingentem strumam describit *Corbejæ Saxonicæ monachus*, *Ephemer. Dec. II. An. IV. in App.* p. 195. Alia corporis loca non recensebo præter Mesenterium, quod ex multiplici cadaverum inspectione scrophularum fons & origo mihi esse constat; juxta illud *Julii Pollucis*: Tumores quoque in-

tra carnem & adipem vel omentum subsistunt, maximè circa bubones, axillas, & maxillas, & MESENTERIUM, circa quæ chærades & SCROPHULÆ consistunt.

Quidni censeremus strumofam materiam, quâ præcipuè scater ægrotantis pueri mesenterium, huc & illuc propagatam, quâ datâ portâ ruisse, & in posteriori abdominis parte stagnantem faciliiori exitu per musculorum intercapedines erupisse, infra septum transversum non procul à rachide & à magnis vasis descendentibus? Notat quippe doctissimus *Gorrhaeus, in defin. med.* χοιράδες seu strumas loco sæpè differre, ut aliæ sub cute sint, aliæ magnis vasis penitus insideant. Meminit quidem *Hippocrates* in dorsalis catarrhi, qui φθίσις νωπιάς nuncupatur, at is ad rem nostram non pertinet.

SCHOLIUM.

Nicolaus Fontanus in curationib. & resp. med. cum juvenis mirè, tam in collo, quàm stomachi orificio, pulmonibus, omento, mesenterio, pancreate, intestinis & vesicæ collo, strumosi historiam dedisset: an strumæ sint curabiles, disquirat, tandemque eas curatu admodum difficiles vel impossibiles esse concludit, tum originem earum in visceribus considerans, tum quòd levibus remediis durities tumoris non cedat, fortioribus autem magis exasperetur. Ut de internas partes infestantibus jam nil dicam, non minùs de externis haud est diffitendum, earum, si medicamentis auferri nequeant, ferro exstirpationem sæpe difficilem esse; & locum inprimis, si prope insignia vasa hæserint aut iis implicentur, vel arctè partibus interioribus, ac basi latâ connexæ fuerint, Chirurgum, quòd minùs huic operationi manum admoveat, meritò ambiguum reddere posse; quamvis etiam strumæ exsectionem, magna cum nominis sui & medicinæ totius laude, circa venas jugulares in Sacerdote quodam *D. Anton. Molinettum* quondam instituisse, Nobil. *D. Joh. Læm. Major* in
Chi-

Chirurg. infus. p. 166. testetur. Difficultatem illam quodammodò adauget, quòd sæpè tumor ejusmodi magnus multis aliis minoribus sit stipatus, quibus non unà ablatis, & sensim incrementibus, recidivam, non sine Chirurgi, sæpè innocentis, inculpatione de minùs ritè peractâ sectione, ægrum subire necesse est; qualem in natta dorsi, quam strumis his adnumerare liceat, in *observationibus suis* notavit *Joh. Hellvigius obs. 152.*

OBSE RVATIO XXXVI.
D. CAROLI PATINI,
De
Fistula lachrymali.

TAntam esse medicarum observationum utilitatem animadvertunt, qui sacram artem profitentur, ut tum gloriæ suæ tum posterorum commodis incumbentes, eas scriptis consignare non intermittant. Hanc publici juris facere aliud præterea est argumentum, scilicet consilium à Vobis expectandi, O Curiosi Naturæ Proceres, Medici expertissimi, quorum virtute salus procurari poterit, quam ingenuè fatebor, solus assequi nequeo.

Octavius Agghiaccius Novellinus Nobilis Patavinus, ætatis annum agens octavum, fistulâ lachrymali, quam ἀγχιλωπία seu ἀνχιλωπία Veteres nuncupabant, infectus est. Medicina ex antiquorum præceptis recentiorumque, *Ambrosii Paræi* ac *Fabricii ab Aquapendente* præcipuè facta non profuit. Post aliquot tædii atque assidui morbi menses, ad me à Petro Camera Chirurgo dexterrimo deductus fuit, & ob ulteriorem puris fluentiam, nudatumque nasi os, decreta est iterum adustio, quâ os carie vexatum ferramento candente per cannulam immisso omnimodè ficcaretur: Me præsentē celebratum opus, & quater admissum cauterium olivarium myrteum-

teumque, adeò feliciter, ut vix de ignis sævitiâ patientissimus
 patiens conquestus sit. Post quindecim dies, eandem ferè
 puris molem fluere animadvertens, locum affectum diligen-
 tiùs explorare constitui, & immissò subtus oculum specillò,
 non os nasi, sed os orbitæ læsum & flexile persensit: Illic mali
 labem, illic ulceris radicem esse intellexi, hætenus ab Auto-
 ribus non recensitam, adeoque non sanatam. Quidni can-
 nula pararetur leviter curva, nonnihilque plana, parti ac-
 commodata, per quam in orbitæ latus super oculum ipsum
 introduceretur cauterium? Hoc enim tum aquis tum &
 cochleari probè munito, sacra videtur esse anchora, & exi-
 guum periculum. Satiùs est præterea anceps experiri reme-
 dium quàm nullum.

Hujus autem consilium à summa vestra benignitate, sin-
 ceroque vestro in humani generis salutem studio, avidissimè
 mihi expectare liceat.

[*Patavii, 12. Aug. 1687. Augustam Vind. missa.*]

OBSERVATIO XXXVII.

D. EMANUEL KÖNIG.

Amuletum è cranio hominis violentâ morte
 extincti, adversus atrophiam Pa-
 ralyticorum.

Qualiter atrophia pressò pede subsequatur membra pa-
 ralytica ex denegato libero spirituum animalium
 (quos noviter quidam, ut in macrocosmo aliàs de
 globulis æthereis & materiâ subtili statuit *des Cartes*,
 ex globulis vitalibus & horum minutiis abrasis constare asse-
 rit) formale nutritionis contribuentium influxu, Practicis
 notum: Simile quid hîc ante aliquot annos expertus est in
 Nosodochio bajulus, qui ex apoplexiâ forti, quâ in Templo
 verbum

verbum DEI prædicare audiens, pro ebrio falsò primitus ab adstantibus judicatus, corripiebatur, hâc verò in paralyfin terminatâ brevi in latere affecto, sinistro scilicet, insignem atrophiam incurrit, ad quam abigendam intus poros referantia & coagulum lymphaticum solventia varia adhibita, verùm, etsi ætatis nondum adeò provectæ esset, omnia incassum. Contigit forte fortuna, ut ipsum in prato paralyticè incedentem offenderem, dequæ ipsius valetudinis statu præsentì inquirendi daretur occasio, hic se satis benè habere retulit, præterquam quòd per aliquot menses mirum in modum ipsi extrahuerit membrum seu latus paralyticum, quod nullò modò à Medico ordinario restitui potuerit, hinc se à Villico quodam vicino sibi noto, quem pro gratiis agendis jam visitârît, remedium accipere coactum fuisse, quo etiam radicitus omnis partis affectæ extabescencia brevi cessârît; qualenam hoc sit inquirens, monstravit nodulum de collo pendentem ad usque scrobiculum cordis, quem contrectans, durum osseumque quid ipsi inesse facîle percipere datum, hoc verò de osse hominis suspensi esse tandem ingenuè confessus est, quæ nodulo huic inserta à Villico amico suo acceperit, qui in atrophiiis curandis aliisque nihil præstare valentibus, exinde certissimum remedium habeat, sibi quæ etiam omnem ariduram morbum subsequenter inde mox abactam fuisse, id quod animadvertere haud difficulter potui: Verùm id quod superaddidit summoperè notatu dignum, nimirum quòd ab initio mirè corpus universum vexârît & inquietum reddiderit, ut ferè in lipothymiam per dies tres inciderit, id prout sanctè testatus est, in mentem revocavit homogeneitatem & symbolismum spirituum animalium ipsius corporis & eorum, qui in cranio tali residui erant, dum fortè hi extra sphæram illos corporis irradiantes, effluviorum mirâ subtilitate afficiebant, sicquæ in parte affectâ torpidos exsuscitabant, ut reliqui quoque in motus extraordinarios, leipothymia id indicante, dispositi fuerint. Quanta verò vis naturæ superstes maneat in

cranio ejusmodi indicare poterunt Pharmacopœorum nonnulli, qui illud ad spiritum eliciendum in laboratoriis destillant, vel etiam philosophicè calcinant, fragor enim insignis & tumultus, quasi spectrorum omnia (nisi spectra inde quoque excitari posse dicendum est) essent plena, excitatus, etiam cum valvarum apertione ceu præter exemplum mihi notum, de his simile refert Magnificus & Amplissimus DN. Præses noster, Celeberr. D. D. *Joh. Georg. Volckamerus in Decad. II. Ephemer. Ann. I.* ut hinc & ille, qui DN. *Balzacio* (ut habet in literis ad *Dn. Conrart* Consil. Reg.) phantasma sine ope Diaboli se sistere posse retulit, haud adeò irridendus sit, adeò namque in naturæ potestate hæc *van der Becke* *Experim. circa Natur. Rev. Princip. L. II. p. m. 310.* radicata esse videntur, ut dubio nullus locus esse possit, nimirum non saltem in destillatione sanguinis humani varias interdum humanarum partium ideas visas & observatas esse, sed &, ut *Borellus* habet, posse in phiolis, licitâ Necromantiâ, patrem, avum, atavum totamq; prosapiam, imò antiquos Romanos, Hebræos & quemcunque volueris, umbratili quâdam resurrectione in lucem revocari cum propriis figuris, modò eorum cineres ossaque reserventur: Nos præterquam & noverimus ex *Monconysii* *Winer.* celebrem *Burrhum* ex terrâ cœmeteriorum destillata phantasmata ejusmodi excitare potuisse, sistemus hîc nobis aliquando pro heroico medicamento ad insultus apoplecticos & epilepticos communicatum sequens ex Cranio humano remedium: Sumatur Caput hominis non sepulti vel violentâ morte extincti, contundatur & destilletur in retortâ, aqua rursus destilletur, & ad 3j. hujus aquæ add. *Perlar. præparat. 3ß. rad. Pœon. Castor. aa. 3j. Diamosch. dulc. Mell. anacard. aa. 3iß.* Destilla: Exhibe patienti in paroxysm. *cochl. j.* Ter reiterato, mira videbis.

OBSERVATIO XXXVIII.

D. EMANUEL KÖNIG.

Pomum helleboratum certum remedium
adversus contumacissimam febrem
Quartanam.

E Legans remedii forma est pomum helleboratum dictum, quod insignis Practicus Batavus *Heurnius Meth. ad Prax. Med. p. m. 429.* ita parare docet; scilicet pomum radicibus Hellebori nigri ad 3ß. & aliquot Caryophyllis transfigitur, foculo sub cineribus coquitur, helleboroque abjecto pomum esitandum offertur. Tale ante septennium Quartanario omnifaria remedia in cassum assumentis suavis, quique decenter inde purgatus certò mox convaluit, ut meritis *Rolfincius Meth. Med. spec. p. 519.* Elleborum nigrum magnæ in gravissimis morbis deprædicet efficaciam, ac justè eum *Ettmüllerus* collaudet ut singulare quid in morbis chronicis, hypochondriacis, melancholicis & pathematibus ex mensium defectu, idque ob penetrans sal volatile, insigne alterativum acidi specifici morborum ejusmodi chronicorum, præter quod tamen excellenti sulphure rubeo blando vitali, cujus ratione circa nativitatem Christi flores jam profert, ditata est, ut patet ex ejus extracto nullâ vi purgante amplius prædito, potentissimo in Vertigine, Hemicraniâ (qualis contumax cephalæa quoque à radice hac auriculæ affecti lateris infixâ curata fuit, prolecto inde sero acriori, referente *Excell. D. D. Scretâ Scaphus.*) cum aloë lot. in pilulis remedio, quale Vegetabile etiam in floridam juventam effectum corpus revocare poterit, si folia cruda ad 3ß. cum aa. sacchari omni mane assumantur, subductio mucô subflavo & sulphure sanguinis inde roboratò, quâ ratione, docente *Theophr. Parac. de Natur. Reb. Cap. II. Oper. Tom. 17. p. m. 183.* nativâ & congenitâ suâ

N 2

facul-

facultate fluxiones ita curat, ut nedum ulla ex omnibus radicibus aut herbis huic invento sit similis: Unde etiam quia Extractum hellebori nigri *Balsamum perpetuum* vocitat, ejus Descriptionem minus vulgatam hîc proponere non inutile erit: *R. Cort. rec. rad. hellebor. nigr. q. v.* affusâ aquâ pluviâ destilla per alemb. in B. M. ad abstractionem ferè omnis aquæ; hanc postmodum addito parumper *Cremor. Tartar.* fermentationi committe, usque dum deferbuerint, & sic alterâ destillatione spiritum dabunt acrem, in quo vim catarcticam reperiens, residuas autem radices leni calore agitando exicca & pulverisâ, ex quibus postea per Spiritûs Vini repetitas affusiones Extractum confice, à quo etiam aliquoties Spiritus Vini cohobandus est, usque dum eâdem dulcedine ab eo abstrahatur quâ affusus est, & sic Extractum habebis, nullâ amplius vi purgante præditum, nisi temerariè. Aliud remedium ex Helleboro conservationis ad duas vel tres ætates in Viris & Mulieribus *Paracelsus de Vita long.* experienciâ *Tackii* cum phthisis ei ut Hannibal ante portas esset, comprobatum sistit: *R. Fol. Hellebor. nigr.* circa solstitium æstivale collectar. *℥v. Macis ℥j. Quint. essent. auri vel antimon. perlar. croci, meliss. chelidon. aa. ℥v. sacchar.* in aq. *chelidon. meliss. & spir. roris majal.* sol. triplum ad omnia *Ms. f. s. a. Electuar.*

OBSERVATIO XXXIX.

D. EMANUEL KÖNIG.

Postnuclei cerasi crustâ lapideâ obducti
è pectore excretionem rejuve-
nescentiâ.

Quia Extracto Hellebori nigri, cujus mentionem fecimus, observatione antecedenti cum vino & rosis Germanus quidam in Italiâ degens, ut refert *Bartholinus Cent. V. Histor. 28.* sexagesimò ætatis annò dentes novos & nigros capillos sibi refecit, in memoriam redit quod *Felici.*

licis. Practicus Monspel. Dn. Barbeyrac retulit de foemina scorbutica, uxore Ministri (nomine de Malacure) cujusdam, duabus leucis quondam Montispeffulo habitantis, plusquam 60. annorum quæ nimirum per quinque menses, absque tamen respirandi difficultate, quod mirandum, tussiens excreverit nucleum cerasi crustâ lapideâ obvolutum & quod magis mirum, post scorbuti curationem, purgantibus sæpe repetitis, jusculis refrigerantibus, Decoctis ex *cichor. agrimon. Capill. Ven. Lacte* præprimis obtentam deciderint capilli albi & in eorum locum succreverint nigri: Symptomata perpessa erat, durante scorbuto maculis nigro-lividis se monstrante, horrenda, convulsiones scilicet cum febris lentâ & hydrope incipiente. Duo ergo notatu digna sunt, nucleus nimirum crustâ lapideâ obductus excretus & subsequens Rejuvenescencia. Nucleum cerasi casu in pulmones inter edendum & fortè ridendum in pulmones decidisse credibile est, ceu quandoque taliter nuxavellana ac etiam clavus æneus quo ephippiarii utuntur, decidit, uti Scaphusii observatum, hoc verò intra ductuum bronchialium aliquem detento & cartilagineam eorum compagem minus irritante facilè potuere fuligines vi diathesi hæc scorbuticâ salino-fixiores nucleo accrescere & dissipatis portionibus aquosioribus sensim adglomerari, ut grandiori illo reddito spiritus partis medicamentis adjutus sanguisque fortius pulmonum vasa inflans illum elevârint & per tracheam & os tandem ejectus fuerit. Rejuvenescencia verò subsequens præter alia sanguinem mundificantia maximam partem debetur Lacti, ceu cujus vim hypochondriaca & nephritica, maximè arthritica symptomata abigendi, ut quasi novi homines inde facti fuerint, habitum firmiorem, colorem nitidiorem & vires robustiores acquisiverint ægri, aliquando perscripsit *Excellentiss. ac Celeberr. Dn. Joh. Jac. Wepferus*, Fautor æternum colendus ad *Speçtatiss. D. D. Verzascham* ut in hujus *Observ.* videre est, de quo & in *Regn. Anim. Sect. III. Art. 7. §. 19.*

[*Basileâ 1687. d. 5. Sept. Augustam missæ.*]

OBSERVATIO XL.
D. DANIEL CRÜGERI,

De

Quartana.

BIs jam de quartana observationes communicavi; opus est certe, ut pertinax hic morbus accuratius observetur, ne tantas injurias Medicis inferat. Ante annos decem advena quidam ad Consiliarium quendam hujus Dicafterii Electoral. Brandenb. divertebatur, qui in cœlum usque remedium aliquod quartanarium extollebat, pro cuius communicatione ultra triginta thaleros obtinebat. Fateor multas me experientias à Dno. Consiliario gratis factas vidisse, præsertim in illis qui mala viscerum dispositione non laborarunt, prægressis tamen à Medicis ordinariis purgatione & corporis præparatione; nunquam tamen multa quam sæpius adhibitâ sollicitatione, expiscari potui. Tandem tamen sub fide taciturnitatis, (quam & hâc in urbe semper præstabo) communicavit. Remedium est tale: R. Stercus anserinum quantum placet, affunde succum carduibenedicti q. satis, destilla per alembicum, destillatum super aliud stercus affundi potest, & reiterari destillatio, ut satis salis volatilis evehat; est aqua valde penetrans. Si mense Majo seu sub finem hujus mensis colligatur, penetrantior evadit aqua. Itaque prout secundùm saporem acris est, dentur ʒij. vel ʒiij. duabus horis ante paroxysmum cum sudore aliquoties repetenda. Nec dubitandum in tertiana, ictero & aliis morbis aquam hanc fore proficuum. Verùm si mala viscerum dispositio adsit, etsi conferre possit, si sæpius sine sudore etiam usurpetur, tamen vix sufficere existimo, sed aliis prius utendum. Exemplum contumacis quartanæ adjiciam.

Matrona quædam Nobilitatis stemmate clara, quartana laborans requirit Medicum, qui medicamina adhibens ex simplici duplicem facit; secundus accersitus ex duplici facit continuam vomitorio ex antimoniatis non justo tempore exhibito; ex alio loco tertius vocatus iterum febrem mutat in priorem statum, duplicem scil. quartanam: verum morbus quotidie in deterius vergit; quartus igitur substituitur Medicus; verum tumor lienis, ventriculi & abdominis incrementum sumunt, & menses emansere. Vocatus igitur & ego quintus Medicus, à Chymicis Medicamentis ad herbas appello, de quibus quidam scribit, illas jam in desuetudinem venisse, ego illas iterum in consuetudinem vocabam atque sequentia ordinavi. Nam cinnabarina, præcipitantia & spiritum Salis Armoniac. ad nauseam usque usurpaverat, aliaque per sex menses ℞. radic. gentianæ ʒj. herb. carduibened. chamædr. centaur. min. absinth. ā. mj. affunde vin. Franc. ℥iiij. vel q. s. stent in infusione per noctem loco calido. De colatura bibat singulis diebus mane ʒiij. vel iv. die verò quarto apyrexias (unum enim diem saltem vacuum à febre habebat,) sumebat de vino sequenti ʒiij. ℞. radic. polypod. q. rec. ʒʒ. foenic. rusc. asparag. ā. ʒij. herb. absinth. cuscut. agrimon. ceterach. adiant. utr. chamæd. cent. min. ā. mʒ. fol. fenn. fl. ʒx. agaric. troch. rhab. el. ā. ʒiij. crysall. Tartar. ʒij. his communibus quotidie usurpatis, degeneravit febris in simplicem quartanam post 4. septimanas, cum lien & venter detumescerent. Suasi ut continuaret medicamenta, quoniam levamen sentiret, tandem post sex septimanas menstrua redierunt; finitis his, hoc *ὑπογίγον* exhibui bis: ℞. summitates centaur. min. p. ij. cortic. chinæ de Chin. ʒij. infunde per noctem, manè colatur. ʒiijʒ. exhib. & febris planè emansit, (dum hæc scribo) per 2. menses, color vivus rediit, & se sanam ægra professa atque è mortis faucibus erepta est. Falsus maritus jam ultra centum thaleros curam priorem absumsisse. Deo sit laus & gratiarum actio, qui benedixit curæ meæ.

ra meæ. De primo remedio hoc adjicio, infusum sterco-
ris anserini in vino cum expressione esse adhibitum & effica-
cius repertum, ab Advena illo, postea demum destillationem
à Dno. Consiliario esse inventam.

SCHOLIUM.

Stercoreum quos febres intermittentes curandi modum
Excell. D. Alb. Herm. Cummius per literas quondam Nob.
D. Joh. Theodoro Schenckio his verbis communicavit: „ Non
„ possum quin tibi *εὐπρόσῃ* aliquod ad febres intermittentes,
„ non aliter, nec leviori cum successu vim suam exerens, at-
„ que solet cortex iste magni pretij, magnique à pluribus æ-
„ stimata China de China, revelem hoc mihi communica-
„ vit Monachus quidam Dominicanus Tremonia, magnum
„ ex felici februm curatione nomen adeptus. Est autem
„ stercus porci maris per aliquot horas in spiritu vini Rhena-
„ ni infusum, indè colatum & expressum, postmodum ad
„ duo vel tria cochlearia adhibitum. Hoc medicamentum si
„ corpore præparato exhibetur, plerumque unâ vice per su-
„ dorem materiam febrilem expellit, sin verò, febrem ad
„ quatuor septimanas differt, &c. Cum autem stercora,
præter sulphureum principium, sal etiam volatile, aut nitro-
sum contineat, qua ratione ad febres abigendas valeant,
fatis liquere potest. Vid. *Ann. præced. IV. observat. 15.* Ad
Febrim quartanam stercus quoque Anserinum exsiccatum in
olla nova in aqua ad duorum digitorum coquere & bibere
jubet *Güserus Tab. Medic. 13.* Excell. *Frommann. Anser. Mar-*
tinian. Part. II. cap. IV. §. 2.

[L. Schröck, L. f.]

OBSERVATIO XLI.
D. DANIEL CRÜGERI,
De
Epilepsia.

EGregia sunt, quæ Practici hinc inde attulerunt Experimenta, quòd autem semper infallibilia sint, nemo promittere potest, variant enim constitutiones & circumstantiæ. Meum experimentum, quod hætenus cum proximi emolumento adhibui, tale est:

℞. Crystalli fossilis præp. 3j. corallior. rubr. ℥ij. margarit. orient. præp. ℥j. smaragd. præp. 3℔. M. F. Pulv. cujus media pars est una dosis in aqua Taraxaci.

Didici hunc pulverem è *Cratonis epistolis p. m. 217. epistol. 121.* Cæsarisque hoc contra epilepsiam fuisse arcanum, & quosdam etiam proVectæ ætatis fuisse liberatos à *D. Petro Cavigeto*. Sed *Crato* inquit, se bis fecisse periculum, ægros quidem sanatos, sed postea tamen mortuos. Verùm nequaquam ex hoc remedio mortem contraxerunt, sed ex malâ internâ viscerum dispositione; quod enim de crystallo dicit, ejus usum internum non esse tutum, est contra quotidianam experientiam; smaragdum autem, quod dicit, nos genuinum non habere, neque hoc veritati consentaneum, dum hodiè gemma hæc satis nota & ejus efficaciam plurimi experiuntur. Propter hanc *Cratonis* sententiam factum est, ut pulverem hunc in epilepsiâ rarò in observationibus & praxi videre contingat. Sed ut pulvis hic ab ista ignominia liberetur, Arcanum hoc Cæsaris tanquam tutissimum & in affectu hoc aliquoties à me probatum, aliquot exemplis in sua dignitate confirmabo.

1. Filia Domini Consiliarii hujus Provinciæ meritissimi
4. annorum epilepsia singulis mensibus, imò sæpiùs correpta,
Dec. II. Annus VI. O & post-

& postmodum Colbergam deportata meæ curæ subijcitur, huic per 2. septimanas singulis diebus ℞. dedi, & liberabatur, in hunc usque diem ultra decem annos sana.

2. Filio Doctoris cujusdam 4. annorum, qui epilepsiâ corripiebatur, sæpius recurrente, singulis diebus hic pulvis exhibetur & liberatur.

3. Filio Consilarii Regiminis 40. septimanarum, qui epilepsiam sæpius patiebatur, dedi hunc in modum: ℞. Cry-
stall. fossil. præp. smaragd. præp. ā. ℞. margarit. or. præp.
gr. 5. corallior. rubr. præp. gr. iij. pulv. bezoard. Senn. gr. ij.
F. pulv. sæpius hæc dosis est iterata, & puer liberatus, per 15.
annos adhuc sanus. Eodem modo & soror ejus curata;
quinque itaque liberis jam epilepsiâ defunctis, hi duo sunt con-
servati.

4. Sartor quidam omnibus liberis (tribus scilicet) mor-
bō hoc sacrō spoliatus, unicō adhuc superstite, eodem morbo
correptō, & periclitante, meam implorat operam, ℞. singulis
vel alternis diebus cum felici etiam successu, dedi.

5. Uxor civis cujusdam hujus urbis epilepsiâ ut putaba-
tur uterinâ corripiebatur, singulis diebus vel vigesies recur-
rente, ego & alius quidam Medicus per tres dies omnem im-
pendimus operam, & ordinavimus medicamenta contra epi-
lepsiâ uterinam usitata, sed sine fructu, tandem circa vespere-
ram dedi dosin mediam de pulvere supra è *Cratone* descripto,
& ecce eâ nocte paroxysmi imminuti & repetitâ dosi emanse-
runt. Plura exempla adducere possem, ubi etiam in ætate
provehitiore pulvis hic auxilium præstitit. Hoc tantum addo,
ubi jam mentis stupor & cerebrum per essentiam debilita-
tum, sanationem me vel hoc vel alio auxilio promittere non
posse. Et quamvis pulverem hunc non bis aut ter, sed in iu-
veterato & difficili morbo singulis diebus per 2. vel 3. septi-
manas exhibuerim, non tamen animadverri, ullum ex eo
mortuum. Purgationem tum in infantibus tum adultis præ-
misi

missi & in curatione repetiti; extra paroxysmum hunc pulverem exhibens, in paroxysmo autem pulv. radic. valerianæ ali- quando Ol. destill. succini vel catelli fel, vel etiam sine his pul- verem præfatum.

Multi in hoc morbo cinnabarim vel nativam vel Anti- monii commendant, ideoque omnibus pulveribus antiepi- lepticis miscent. Verùm non immeritò quis dubitare posset de ejus vi anti-epileptica; nam quicquid in re non est, illud frustrà in illa quæritur. Ego certè etiamsi Argi oculis aut Briar- rei manibus talem qualitatem specificam, quæ huic qualitati specificæ, quæ in Epilepsia est, contrarietur, perquiram, ne quidem è longinquo aut è similitudine aliqua illam invenire possum. Cinnabaris enim omnis constat è sulphure & Mer- curio; Nullum ex his habet vim epilepticam. Primò non sulphur, quia nemo unquam sulphure curavit epilepsiam, neque Autorem scirem, qui in capite de Epilepsia sulphur ad curationem Epilepsiæ proponeret; deinde constat, sulphur esse pinguedinem terræ *Geber cap. 28. summ. perfect.* seu oleum spiritu acido congelatum, uti hoc deducit Clariss. *Jungkius in commentar. super Poppium.* quod vim habet diaphoreticam & sudoriferam, & in quibusdam affectibus laudem suam me- retur, in Phthisi & aliis pectoris affectibus. Verùm Epile- psiam illud curasse experientia nondum constat. Ratione igitur discussionis ut sudoriferum in paroxysmo, sed ut cæ- tera omnia discutientia & sudorifera respici posset, verum, *τὸ θεῖον* illud & occultum, quod in Epilepsia peccat, specificâ aliquâ & singulari quantitate sulphur aggredi & annihilare, ita ut sumptò sulphure, unquam Epilepsia sit curata, nequaquam experientiâ constat, tum in tam minima quantitate parvus exinde effectus esset sperandus, cum ad majorem partem Mer- curius sulphur in cinnabari superet, uti hoc demonstrat Ex- cellent. *Wedelius capit. de cinnab. Antimon.* Nam sulphur à ʒj. ad ʒj. exhibetur, si sudorem movere aut discutere paro- xysmum aliquem debet, sed hîc pauca grana exhibentur, quæ

parvi momenti sunt. Jam secundo, quid à Mercurio sperandum; videbimus; hic tantum abest, ut Epilepsiam curet, ut potius aptus natus sit introducere Epilepsiam, & beneficium illud, si quod in sulphure adhuc superesset, destruere malignâ suâ qualitate. Mercurius enim nervoso generi & cerebro singulariter infestus est, quod manifestâ experienciâ constat in illis, qui lue Venereâ affecti Mercuriô utuntur, quantus sapè tremor adest, imò nihil magis metuendum, quàm convulsiones & Epilepsia, quibus symptomatibus nervinis remediis tum temporis succurrendum uti Practicis constat, & ut rectè *Sennertus lib. 6. part. 4. cap. 21.* dicit, hydrargyrum nervoso generi infestum ad nervos & cerebrum repit, secumque viciosos humores eò ducit, ut inde postea salivatio producat. Mercurius insuper in Cinnabari non aliter quàm Mercurius dulcis aut Mercurius sublimatus sulphureus considerari potest, quàm consideratè autem & ille usurpandus, ex plurimorum observatione constat. *Sennertus in Consensu & Dissensu Chymic. c. Aristot. cap. 18.* dicit: *Verùm non semper sine damno exhibetur;* recensetque ibidem exemplum Medici cujusdam, qui per Mercurium dulcem ritè præparatum & quibusdam innoxie exhibitum, in vitæ periculum præcipitatus fuit. De noxa etiam Mercurii dulcis summoperè conqueritur *Glauberus part. 2. furn. Philosoph. cap. 38.* & quantoperè nervis, apud innocentes infantes sæpiùs exhibitus noceat, deducit: neque mirandum, quòd in illâ dosi, malignitate, & venenositate suâ vermes interficiat, cum in justa dosi ipsum hominem & omne animal interficere possit. Sed ut penitiùs Mercurium considerem, cum *Isaaco Hollando oper. mineral. cap. 97. in Theatro Chym.* dico: Mercurius est cruda materia, crudum sperma, crudus sanguis. Quemadmodum crudum pomum comestum, insalubre, sic quoque cum Mercurio accidit, & quamdiu atomi ejus non aliter sunt dispositæ, nihil nisi atrum venenum. Nam consideratione dignum, quando *Commentator Beguini* Mercurium lavat, quòd dicat: Potest imò totus Mercur-

Mercurius hac agitatione cum aceto in nigredinem converti.

Imò quòd *Geber part. II. lib. II. cap. 12.* de imperfectis metallis dicit, id de Mercurio quoque tanquam imperfectiori, verum est; dicit autem: *Respeximus à perfectione corpora diminuta in profundo sua natura fœda existere & nihil ex eis fulgidum inveniri, cum in iis secundum naturam non sit.* Dilucidius malignitas hæc Mercurii ex principiis Alchimistarum, utpote qui non per transennam sed penitus principia rerum interna penetrant, deduci posset, nisi res per se esset clara. Id occasione hâc tantum dico, dolendum esse Juniores & praxin incipientes Medicos, ab aliis seductos, tam multipliciter cinnabari abuti cum ne Recipe quidem in Pharmacopolium transmittant, quod non cinnabari sit rubificatû, non perpendentes principia hujus clam naturam infestantis medicinæ.

Quid quod in tam parva dosi Mercurius quidem moveat non promoveat, sed tantum humores turbet. Satiùs itaque esset, si aliquis scopum suum, in curatione luis venereæ, aut aliorum morborum, Mercurio tali obtinere velit, ut effectus istius volatilis mercurii, nempe sputatio sequeretur, & sic morbus per accidens curaretur, uti hoc *Sennertus* in curatione luis venereæ ulterius deducit; quanquam hoc satis molestè & sæpius cum vitæ periculo, tremore & nervorum debilitatione contingat; sed quo dilabor? hoc tantum demonstrare hîc volui, in mercurio sublimato volatili nequaquam esse qualitatem anti-epilepticam, sed potius cerebro & nervis inimicam. Si quis autem in sulphure sibi qualitatem talem promittit, melius esset ut sulphure sublimato aut sulphure antimonii solo aut aliorum metallorum sulphure utatur, & experientia quadam probet. Dicat autem aliquis; ex sublimatione mercurii & sulphuris novum emergit Ens, quod novam formam habet, à quâ alius effectus producitur, quemadmodum in theriaca videmus. Ve-

rùm in theriaca res longè aliter se habet, hîc enim per fermentationem alia emergit forma, in cinnabari autem duæ entia per combinationem ita conjunguntur, ut quodlibet sit sui juris, & per levem occasionem integris viribus sejungantur. Mercurius enim infidus comes, etiamsi cum sulphure in unguentis extinctus, derelinquit sulphur, & à calore corporis attrahitur. Imò quocunque cum corpore combinatus, volatilis adhuc, usque ad medietullia ossium migrat, relicto suo comite; & quod magis, in cingulo corpori alligatus magneticè à corpore attrahitur.


Sed si quis experientiam obijcere velit, se sæpius cum fructu cinnabarinis medicamentis usum esse; Respondeo, probè experientiam esse examinandam, & videndum, an epilepsia in morbo sit tantùm concomitans quoddam, ut in dentitione, & sic pereunte morbo symptoma per se cedat; tunc enim effectus medicamento non est adscribendus; aut videndum, an cinnabaris sola sit usurpata: si cum aliis medicamentis epilepticiis cinnabaris conjuncta fuerit, illa quæ olim per se hæc fecerunt, cinnabari non opus habent, neque tum cinnabari effectus adscribi potest. Ideoque solâ cinnabari, ullam epilepsiam, quæ per aliquot septimanas duravit, unquam esse curatam, si quis mihi demonstraverit, is erit mihi magnus Apollo. Itaque cum *Gebro loc. cit.* concludo: *Non invenitur in re quod in illa non est, cum in illa secundum naturam non sit.* Hæc autem veritatis inquirendæ, neminem autem offendendi gratiâ scribo, & quemadmodum moris in Collegio nostro est, ut cuilibet libera judicandi potestas relinquatur, ut & mihi illa concedatur peto, liberum relinquo cuilibet suum judicium.

Aëtites Clivensis duplex
putamine ex ferro
et ochrâ.

Fig:
17.



Fig: 19. *Geodes putamine*
arenoso, intus
ochrâ repletus



Geodes Cliv. repletus
terrâ Zimabrinâ.

pag: 117. Fig.

20.

Aëtites Clivensis
putamine ex mera ochrâ

Fig: 18.



Aëtites triangula
ris FürstenWal-
densis are-
nas con-
tinens.





Fig:

21.

Geodes Cliv. ex meris
putaminibus ferreis
ochram continentibus.


Fig:

22.



Geodis hujus Cliv:
externa facies.

Fig: 23.



Geodes Cliv:
repletus bolo
rubro.

Fig: 24.





OBSERVATIO XLII.

D. DANIEL KRÜGERI.

De

Podagra ad interiora recurrente.

Mercator opulentus, dignitate Assessoris in Collegio commerciorum eminens, per aliquot dies podagra & Chiragra laborans, subito remittentibus doloribus manuum & pedum, colica dirissima corripitur, ita ut qui manè ne pedem quidem movere poterat, vespere propter dolorem colicum acutissimum in pavimento discurreret, articuli enim erant liberi & sine dolore. Varia à Medico ordinario erant usurpata, Clysteres tres vel quatuor, imò cum aqua benedicta Rulandi & Electuar. Diaphœn. erant adhibiti; cum omnia jam in summo periculo versarentur ægerq; de vita desperaret, (clysteres enim sine fructu egrediebantur,) superioraq; intestina manebant constricta. Rem itaq; mecum pensitans, illito abdomine unguentis emollientib⁹, alium clysterem emollientem, cui colocynthis ad 3 iß. addita erat, consului; quem per dimidiam horam retinuit, ejecta deinde materia serosa acri in magna quantitate, dolores remisere; colocynthis siquidem efficax est etiam ex cavitate abdominis serum in hydropicis attrahere & evacuare. Recurrens altero die dolor eodem remedio sublatus est.

Alterum exemplum contingebat, postquam mense Decembri Anno 1687. Regimen atque Dicasterium Electorale Brandenb. Colbergâ Stargardiam translatum erat, in Pastore prope Stargardiam in pago Bök, qui recurrente podagra ad interiora, & quidem ad os sacrum, musculos lumbares, ureteres & collum vesicæ, incidebat in totalem urinæ suppressionem; cum itaque per triduum varia tam interna quàm externa, clysteres & foci usurpassent, tandem tertio die adhibui

hibui cataplasma è capis contusis & parum cum pinguedine anserina in sartagine calefactis ad regionem ossis sacri, lumborum ureterum, vesicæ, & sic materia è profundo ad superficiem extracta, post 3. horas patiens urinam emisit.

SCHOLIUM.

Quamvis podagra ab *Hippocrate* morbis minimè letalibus *lib. I. de morb.* adnumeretur, periculum tamen non omne abesse innuit, si quid ipsi accesserit; id quod contingere in primis solet, ubi vitiosum serum, spiculis salinis dolorificis armatum, ad alias interiores partes recesserit; id quod præter hîc recensitas observationes, etiam testatur *Ann. VI. Dec. I. Ephem. nostr. observ. 208.* asthma, epilepsiam & colicam indè exorta referens. Sic quoque *Welschius* noster *hecatost. 2. observ. med. 11.* convulsionem letalem; dyspnœam, palpitationem cordis, lipothymias, cum subsequente epilepsia, & apoplexia letali; & *D. Simon Pauli quadripart. botan. class. tert. §. anagall.* recensent. Non minùs ex antiquis *Aretæus lib. 2. de diuturn. cap. 12.* multis in hydropicum morbum, quibusdam in asthma concedere podagram, immedicabili successione, scribit. Quin & *Assæ Regis* arthritidem, quam *Sæser Codex 2. Chronic cap. 16.* ipsi mortiferam pronunciat, apud *Th. Bartholinum tract. de morb. biblic. cap. 11.* *Sebastianus Baldus*, ab humorum recurso seu diadochi in aliquam principem partem, novo emergente morbo; à quali humorum ad viscera nobilia metastasi, alio superveniente morbo, quosdam occumbentes etiam à se observatos laudatissimus *Bartholinus* subjungit.

[*L. Schröck, L. f.*]

OBSERVATIO XLIII.

D. DANIEL CRÜGERI.

Magna imaginationis & impressionis
vis in anate.

ANcilla mea lucii piscis interanea & una cum illis ex incuria hepar projiciebat; Anas praesens avidè interanea & simul hepar apprehendebat & deglutiebat; Ancilla animadvertens hepar, illudque ipsi surripiebat cum anate dimicabat. Post dies aliquot anas ovum peperit, in quo hepar deglutitum tam exactè fabricatum, ut omnes adstantes illud pro vero lucii hepate declararent: transmisi hoc ovum curiositatis gratiâ ad aliquot Dicafterii hujus Consiliarios ad naturæ miraculum considerandum. Cùm autem cultrò hepar illud diffecarem, spongiosam carnem & sanguinolentam deprehendi ab Archæo anatis ex forti hepatis impressione ita textam, secundùm anteriorem autem faciem ad amissum hepar lucii piscis adæquantem.

OBSERVATIO XLIV.

D. DANIEL CRÜGERI,

De.

Arcano contra calculum D. Timæi.

BIs in usum hoc revocavi, semel in focu mea multoties calculo obnoxia, & semel in uxore Sutoris cujusdam, & certè levamen indè secutum. Prostat autem hoc arcanum in *epistolis p. 246. lib. 3. epist. 32.* & ita sonat:
Kalendis Maji ante exortum Solis collige Nenafiræ viridis;
manipulos octo, Lecasæ viridis manipulos quatuor, expri-
me succum, adde vini rubri ad pondus omnium, misce &
Dec. II. Annus VI. *P* *filtra,*

filtra, exhibe quotannis primò, secundò & tertiò die Maji in aurora uncias septem, purgatò priùs corpore.

Levis est enodatio hujus arcani, si quis hoc sciat & consideret, literas in priori vocabulo esse transpositas; Nenasiræ, hoc est, Anserinæ; in altero vocabulo verò syllabas Lecasæ, hoc est, Secale.

Ratio hujus experimenti est sal volatile roris Majalis, quod eò tempore ab herbis attrahitur; ante Solis exortum collectio instituenda, ne à Sole postea absumatur sal illud volatile.

OBSERVATIO XLV.

D. DANIEL CRÜGERI,

De

Desperata Diarrhœa curata.

Filia 4. annorum Consilarii Electoralis Brand. meritissimi Dn. Schmalzen incidit propter inordinatam diætam & calidam hepatis dispositionem in diarrhœam contumacissimam per 3. septimanas durantem, tandem cum dejectiones sinceræ atræ instar atramenti, aliquando æruginosæ, aliquando sanguine tinctæ adessent cum maximis torminibus, accedentibus simul convulsionibus, vocor; cumque jam lachrymas parentum viderem, rem quidem periculosam esse denuntiavi, attamen non omninò animum abjiciendum. Ordinavi primò hunc pulverem: *℞. Corallior. rubr. præp. ℥j. margarit. præp. ℥ss. smaragd. præp. gr. vj. lapid. bezoar gr. iij. M. F. Pulvis, cum liquore conveniente sumendus, inde convulsionibus remiserunt, & dejectiones, correctis acoribus humoribus, meliores videbantur, exhibito scilicet aliquoties hoc pulvere. Pro potu ordinavi: *℞. Fruct. cynosbatos & cerafor. nigr. fice. ā. Mj. coq. in aq. colatur. D.* pro*

pro potu: Vel dedi Tinctur. rosar. Exhibitus est semel pulvis rhabarb. ad ʒj. Item pulveres ex terra Lemnia, corall. C.C. ust. præp. sinaragd. præp. Dejectiones tamen non in totum cessarunt, etiamsi meliores apparerent. Tandem hoc remediô generosô & efficacissimô in integrum restituta est: ʒ. Corallior. rubr. ʒiij. affunde succ. citri ad eminentiam 4. digitor. stent in MB. ad dies 4. Colatura detur. De remedio hoc sumpsit manè cochlear unum cum paucis saccharo & horâ 5. pomeridianâ iterum cochlear magnum à 3vj. ad ʒj. ferè. Hoc remedium proponit Riverius in observationibus suis; & certè majoris est efficaciae solutio hæc coralliorum, quàm decantata illa corallior. tinctura, quæ paucis propinatur guttulis; Uncia una siquidem liquoris plus de virtute coralliorum participat, quàm ʒj. liquoris.

[A. 1687. M. Augusto Colberg à Noribergam missa.]

SCHOLIUM.

Remedium hoc corallinum cum Sirupo de coralliis. *Joseph. Quercetani*, in *Pharmacop. dogmat. restit. lib. 1. cap. 12.* descripto, coincidit, nisi quòd hic innoxiam sacchari, gratiam majorem medicamento conciliantis, & diuturniori ad servationi faventis, additionem sustineat; qui cæteroquin in fluxu hepatico, dysenterico & lenterico ab Autore egregiè commendatur.

[L. Schröck, L. F.]

OBSERVATIO XLVI.
D. CHRISTIANI MENTZELII,

De

Aëtitis aliquot varietatibus.

CLar. *Joh. Laur. Bauschius p. m.* Medicus Schwinfurten-
sis & primus Collegii nostri Praeses in suo Schediasma-
te, *tractatu de aëtite* absoluto, pag. 18. 34. & 40. de om-
nibus aëtitis differentiis & speciebus, scilicet à con-
tentis, loco natali, figura, colore, superficie, magnitudine,
consistentia, odore & sapore ex *Ferdin. Imperato, Beslero & a-*
liis Autoribus Clariss. tractat, adeò ut nihil superaddi posse
videatur. Verùm cum superius ostensum sit, dari subinde
in rerum Natura, quod prius nondum observatum aut an-
notatum fuerit, vel oblivione deletum perierit, mihiq; prae-
sertim in Clivia, Marchia, & aliis locis varia aëtitis & aliorum
lapidum genera reperta sint, quæ rara videntur, placet quæ-
dam sine ulla descriptione saltem per imagines visui præsen-
tare, inter quæ Fig. XVII. se sistit. Aëtites Clivensis duplex,
ex duobus aëtitis concertus, & putamine partim ferreo, ni-
gro-splendente, partim luteo, ex ochra mixtò constans. Fig.
XVIII. est Aëtites Clivensis, cujus involucrum mera ochra
lutea est. Fig. XIX. Geodes parvus est, cujus contenta materia
continenti involucro annata reperitur, sic ut intus nulla sit
cavitas, nec contentum aliquod separatum, quod ad motum
sonitum edat, ut, aëtites facit. In hoc Geode contentum,
est lutea ochra exsiccata, putamen verò continens undiquaq;
arenâ crassâ obductum. Fig. XX. Geodes Cliv. terrâ rubicun-
dissimâ instar Zinnabrii repletus est. Fig. XXI. Aëtites est
Marchiæ Brandenburgicæ circa civitatem Fürstenwaldensem
frequens. Trigonus is est, coloris brunni, totus concavus,
arenulis impletus, quæ ad aures motæ percipiuntur auditu.
Fig. XXII. & XXIII. Geodes est ex multis putaminibus, sive tu-
nicis

nicis ferreis, ochram continentibus compositus. Fig. XXIII. Geodes Cliv. est, continens bolum rubrum. Et hæ species se repræsentant per suas imagines, quarum plura possent exhiberi, si vacaret, ut est mihi Geodes vel potius Aëtites prægrandis Clivensis, qui in cavitate sua insigni lapillos resonantes, cum integer adhuc moveretur, continebat; effractus autem per tota cavitatis latera ferri flores splendentes, striatos ostendit, quemadmodum apud *Ferdinandum Imperatorem in hist. sua natur. lib. 24. c. 18.* Aëtite enhydri, qui ex humore intus condensato crystallos pellucidos ad latera exhibent. Enhydri verò sunt lapides, qui moti aquam resonant, ex humore intus latitante & clauso, qualem Anno 1666. in Clivia collectum Sereniss. Electori meo attuli, qui eum clave percutiens & frangens prosilientem liquorem luteum, aquam nempe multâ ochrâ dilutam, inde experiebatur. Apparet itaq; initio, cum aëtites generatur; materiam liquidam ferream circumvenire alium humorem heterogenium qui ab aëre non tam cito induratur, quam circumveniens & ambiens ille humor ferreus & glutinosus, qui cum induruerit & obriquerit, humorem liquidum tam diu Enhydros continet, donec is quoque successu longi temporis exsiccatus vel cavitatem lapidis totam repleat & Geodes fiat, vel à cavitate secedat, & in lapillum durum concretus ad motum quemlibet sonitum reddat Aëtites.

Huc spectare videtur scopulus circa Mindam mihi visus, qui ex meris stratis ferreis, interclusâ subindè arenâ, constat, sic ut materia ferrea & arena nil nisi stratum super stratum existat. Plura omitto, quæ partim *Bauschius* in suo schediasmate quodam annotatillè modò videtur, ne actum agere videar.

[Berolino 1687. 4. (14.) Sept. missa.]

Fig. XVII. XVIII. XIX. XX. XXI. XXII. XXIII.
XXIV.

OBSERVATIO XLVII.
D. SALOMONIS REISELII
Uveæ membranæ in oculo bovino
textura.

DUm nova ligamenta ex media Scleroticæ parte internâ prodeuntia *A. Moulins* Medici in Collegio Trinitatis prope Dublinum, quæ in *Actis Eruditorum Lipsiens.* Anni 1684. mense Decembri exhibentur, in oculo bovino ego etiam perscrutarer & invenirem facilè, occurrit mihi simul textura singularis Uveæ membranæ, ubi filamenta pallidiora nigris lineis seu striis comitata centro circa nervum opticum sursum vergunt & in vortices aliquot coeunt, aut alius surgunt & reflectuntur ad Uveæ maculas nigriores, quam ut servarem memoriæ, & meditationi ulteriori reponerem, mediam tunicam per iridis diametrum divisam in phialæ vitreæ convexum latius appressi, dum hîc tanto felicius servatur, quia plenus aqua globus microscopii loco potest servire, quod quivis potest imitari, & aptissimè quidem in globulo, qui oculo sit æqualis magnitudine. Qualia sint in hac texturâ vasa, an nervi, an venæ, an arteriæ, non possum definire. Appono hîc solùm figuram illius, & propono Sagacioribus monstraturis, an usui cuidam sit illa Textura.

Fig. XXV.

[*Stutgardia 1687. 15. Septembr. Augustam missa.*]

Uvæ mem-
bovino

Fig: 25.

branæ in oculo,
textura .

pag: 118.



Fig: 43.

pag: 137.



OBSERVATIO XLVIII.

D. CHRISTIANI MENTZELII,

De

Cicadis & aliis insectis canoris & primò de
cicada Bononiensi.

PRomifi *Observ. 42. Ephem. nostr. Germ. Decad. 2. anni 3.* ubi de Perlis, præstantissimò muscarum genere egi, me quoque concessâ & datâ occasione de cicadis Bononiensibus Italiæ, & earum metaphosè aliquid experienciâ meâ traditurum. Hòc licet initiò superfluum videatur, quoniam transmutatio Cicadarum in genere cum Perlis & aliis insectis convenit; tamen quia DEUS noster admirabilis in diversissimis suis creaturis admirandis, ob id meritò quoque colendus & adorandus est. Singula namque creata singulares merentur admirationes & laudes: Insuper cùm videam Lexicographos quosdam, & Germanos & Anglos, apud quos Cicada nec æstate nec aliàs conspicitur, Locustam pro Cicada & vicissim, suis Idiomatibus exprimere & perperam tradere, ut quæ multum inter se differant. Denique cùm à Cl. *Cleyero* biennio abhinc ex Indiis Orientalibus in scatula tria Cicadarum genera mihi sint transmissa, placet erudito Orbi non invidere, quæ non ubivis obvia partim meâ, partim aliorum, experienciâ certò constant. Principiò discrimen evidens, est inter Cicadam & Locustam, approbante omni antiquitate, ut ex descriptionibus earum & imaginibus parebit. Nam Germanica vox, *eine Heuschreck* / & Anglica dictio, à *Grasshopper* / non competunt Cicadæ, uti in quibusdam Lexicis extat; sed Locustæ attribuenda sunt hæc verba, quæ à fœno & gramine, quibus Locustarum genus infilit, componuntur. Cicada omnis non saliendo progreditur, quia organa ad id apta, nempe pedes duos postremos elatiores & longiores, non habet,
uti

uti in Locustis conspicitur; sed pedibus sex æqualibus & brevibus tantum prædita est Cicada. Hæc altas arbores volando & reptando petit, inque iis cantat summò æstatis æstu; Locusta verò plurimum gramina, fruges, rarò frutices petit: quæ omnia morfu depascit, cum illis Cicada parcat, quæ usui humano cedunt, sed tantummodò rore contenta, alis suis admirandæ structuræ, laudes in DEUM & grates intendat. Ut autem Cicadarum originem vel genesin paucis attingam, qualem Bononiæ Italorum, studiis ibi incumbens, expertus sum, inchoandum mihi erit ab earum Indalmate, in perfectiorem formam transmutabili, quod à Veteribus Tettigometra in specie dicebatur. Fit primò vermiculus, dein ex eo, quæ vocatur Tettigometra, cujus cortice rupto, circa Solstitia evolvant Cicadæ, inquit *Plin. l. 11. c. 26*. Vermiculus hic species est erucæ parvæ, ex ovo suo, quod Cicada peperit, enatæ, & sub terra enutritæ, donec ex ea transformata fuerit Indalma cicadæ, olim Tettigometra dictum. Hoc per hyemem sub terra latitat, longitudine unciali, capite lato, trigono, subtus aculeo versus pectus præditum, lato dorso, latiore verò & crassiore alvo, veluti astacus fluviatilis habet, & ob id à quibusdam gentibus olim in cibum expetebatur: præterea sex pedibus incedit, prioribus duobus latioribus & asperioribus, fermè gryllo-talparum ad instar, nisi parum subtilioribus, quibus talparum instar cuniculos sibi sub terra fodit, ut alimentum nutritioni corporis idoneum offendar. Atque hoc respectu tantum comparavi eos cum pedibus gryllo-talpæ, non verò in totum. Est enim gryllo-talpa (ut expertus scribo, quod forsàn à paucis observatum fuit, & incidenter hic ejus meminisse necessarium duxi) pestis hortorum, sub terra, supra eam in aëre, & in ipsis aquis vivum persistens insectum, omnes bulbos, radices vel præstantissimas sub terra corrodens interdum, noctu verò volando arbores petit, & damna ibi efficit, contra *Gædadi* sententiam, qui in sua *Metamorphosi insectorum part. 2. experim. 76. p. 144.* negat gryllo-talpas volitare, licet
 alas

alas habeant: neque terrâ diu inundatâ enecatas novimus pestes hasce. Aliter autem comparatum est cum Tettigometris nostris, quæ sub terra fodiendo radices non corrodunt, sed earum humorem adhærentem aculeo, lingulâ nempe suâ depascunt, donec saturatæ jam terrenô cibô, ejusque pertasæ ad novam corporis sui regenerationem se accingunt, ac circa Solstitia æstiva nostri poli arctici, cœlum & aërem sereneiorem quærunt, ac petunt. Itaque simul ac Tettigometra (quæ Fig. XXVI. & XXVII. adumbrata est) calorem desuper & lumen persentit, sursum ex latebris terræ ad ejus superficiem ascendit, ibi mediâ sui corporis parte hærens, ruptô (ut inquit *Plinius*) cortice, vel abjectô & depositô terrenô indumentô, prodit spiritualior forma & substantia, alis suis se in altum attollens, & cantans. Nimirum rumpitur caducum Tettigometræ corpus à capite, tergo & colli lateribus, ubi medium corpus ex terræ antro sursum attulit, & Cicada intus latens caput omnium primò exeret, deinde pedes priores & successivè cæteras corporis partes (vid. Fig. XXVIII. ubi lit. (a.) acum indicat, quô egredientis Cicadæ dorsum & totum Tettigometræ corpus Bononiæ pertudi, ut esset mihi in hunc usque diem jucundæ recordationis spectaculum) relictô in antro suo spoliô, quod Fig. XXIX. præsentatur. Sic prodit Cicada insectum alatum, capite lato, trigono, cui oris locô subitus ad medium usque pectus aculeus porrigitur, oculis utrimque prominentibus, uti Fig. XXX. XXXI. XXXII. XXXIII. & in specie lit. b. exhibet; dorsum nigrum, spleadens, rotundum, sed parùm protuberans. In pectore sex pedes æquales habet, præterquam priores duos, qui latiores & asperiores: Sub duobus posterioribus utrinque duo tanquam scuta in acumen obtusum desinentia prominent, quibus omnis earum vox & cantus resonat, ut in fidium instrumentis musicis (vid. lit. d. d.) sed hæc mares obtinent, foeminæ iis carent, ut Fig. 5. apparet, in abdomine lato duplices striarum, sive circulorum ordines tandem in durum latumque & duplicatum genitale (quod

lit. c. depictum est) desinit. Egressa itaque ex *Tettigometra* Cicada, Fig. XXX. imagine exhibita, quod accidebat Bononiæ matutino tempore (quamvis juxta *Plinium* id quoque in aliis noctu possit evenire) non diu subsistit, sed à Sole fulgente & calore æstivo exsiccata & indurata fit robustior, petit altiora reptando & volando suis 4. alis pellucidis, scanditque arbores, quarum folia, flores, & reliquas partes corrodingo & devorando minimè destruit, sed rore saltem contenta, cum à dictis arboris partibus lingulâ suâ aculeiformi depasit, & quamdiu Solem supra horizontem persentit, alulis suis hymnos decantat: Alis, inquam, cantat, non enim quodam admiratione dignum) id ore & pulmonibus accidit, ut in cæteris animalibus. Cicadarum, Locustarum, gryllorum & muscarum quarundam genera, non ore, perstrepunt & sonos edunt, quorum quædam ex transverso alas ad invicem acutè allidunt, uti fullones forficibus pannos abradunt: quædam easim alas ad se invicem atterunt, sicut coqui latis cultris solent minutal incidere: quædam complicatis inferioribus alis ad superiores allisis id peragunt: quædam aliò prorsus admirandò modò. Cicadarum nostrarum alæ superiores, membranaceæ & crystalli instar pellucidæ nervis versus corpus elatioribus & durioribus, extensarum fidium instar, sunt interstinctæ, quos inferiores alulæ atterentes, tanquam plectrò percutiunt, quò sonitus excitatus à cavitatibus pectoris subjacentibus, præsertim scutis concavis lit. d. d. indicatis exceptus argutior resonet. Ut enim *Lyra* rotæ attrita sub fidibus desuper extensis in concava machina: ut *cithara* plectripulsu; vel ut *chelys* digitorum tactu fidibus supra *concham* ligneam tensis, & alia fidium instrumenta variè resonant: ita *Creator Omnipotens* in his abjectis creaturis adumbravit quædam Musices instrumenta, quæ humana mens in DEUM grata successu temporis imitata est, quibus simul & ore hymnos & laudes erga DEUM intendere & recitare debeat. Sic à perlarum admirandis oculis, ad organa vocis non minùs stupenda in
Cica-

Fig: 26. p. 121.
Tettigometra Bononi-
ensis a latere.



Fig: 27. p. 121.
Eadem supina. Ut Cicada prodit
ex Tettigometra a fronte
et latere.



Spolium
Tettigom:



Fig: 29. p. 121.

Fig: 30. p. 121.

Cicada Bon: prona
et supina non scutata.



Fig: 31.

Cicada Indica
prona et supina scutata.
p. 124.



Cicada minor
Indica scutata.



Fig: 32. p. 124.

Cicada Indica alis puni-
culatis non transparentibus.



Blatta glo-
tans.



p. 126.

Fig: 33.

p. 124.

Fig: 34.

p. 124.

Locusta viridis major.



36.

Noctua velox
infectum.



Musca formici form.

37.

p. 129.



Cicadis procedat discursus noster. Quis igitur docuit Cicadas Lyræ, citharæ, testudinis aut aliorum Instrumentorum Musicalium fides, nisi Summus Musices Inventor, DEUS noster? Quis mortalium de Lyræ aut aliorum organorum Musica inventionem gloriari unquam potest, cum videat se ab ortu mundi præcedentes Cicadas? Quis Ethnicorum vel Judæorum, si Musicam calleat, ex ejus arcanis (nisi me fides fallant) non cognoscat Principium aliquot trinunum, quod DEUS noster est, à quo omnis cœli & terræ harmonia promanat? Equidem, quid DEUS O. M. nobiscum per contemptas has creaturas non videtur sermocinari tanquam, & approbare, quæ nobis in Sacris literis proposuit? Scilicet, dum in hisce terrenis tenebris Tettigometrarum ritu versamur, ne, gryllo-talparum more, quidquid donorum DEI offendimus, crapulâ devastemus; sed rore quodam, tenui nempe victu contenti & sobrii, gratiâ Divinâ, omnibus virtutibus irrorati nos ad alteram meliorem & constantiorem vitam accingamus & præparemus, quò, ruptò tandem corporum nostrorum cortice, regenerati, alis Angelicis ad æternam lucem delati, hymnos & laudes & gratias DEO sine fine psallamus. Hæc de Cicadis Bononienfibus breviter dixi, paucula de Indicis prolaturus.

Fig. XXVI. XXVII. XXVIII. XXIX. XXX. XXXI. XXXII.
XXXIII.

OBSERVATIO XLIX.
D. ANDRÆ CLEYERI,

De

Cicadis Indicis.

Biennium fermè erit præterlapsum, cùm mihi Clar. *Dn. D. Andr. Cleyerus*, in scatula 4. Cicadas diversas cum Scorpio nigro maximo, ultra tres uncias longo, & Scabæo maculis cæruleis & nigris variegato cum suis antennis longis, articulatis, ex India Orientali mitteret, quorum omnium tamen in suis literis nullam fecit mentionem. At cùm illæ Cicadæ Indicæ, cum Bononiensibus plurimùm conveniant, nisi magnitudine; cùm Indicæ ultra duas uncias, Bononienses autem sesqui unciam tantùm sint longæ, non descriptionibus amplioribus inhærebo, sed tantùm, quæ necessaria videntur, adducam. Bononienses nostræ, quæ Fig. XXX. sunt depictæ, in pectore, nulla scuta possident, quæ in tribus Indicarum generibus Fig. XXXI. XXXII. & XXXIII. conspiciuntur, indicio, quòd Bononienses, quas mecum attuli, fæminæ fuerint; Indicæ verò omnes, mares, cantantes. Deinde ratione coloris parum differunt, cùm Indicæ nigrioris in dorso, cauda & pedibus sint, quàm Bononienses: atque hæ quoque in alis suis stamina & nervos rubicundos; Indicæ verò nigriores habeant. Notabilior autem differentia se offert in Cicada Indica, quæ Fig. XXXIII. exhibetur, cui, præterquam quòd longè nigrior sit cæteris omnibus, alæ non sunt pellucidæ, sicuti cæteris, sed eleganter pictæ, obscuro puniceo colore, punctulis puniceis ad nervos alarum intercurrenter crebris, maculis verò albis inferius ad alarum limbos, minoribus verò duabus alis inferioribus in totum puniceis. Majores alæ non multùm dissimiles videntur alis noctuarum insectorum, mihi ita dictorum, quod interdum non conspiciantur, sed post occasum Solis demum pro-

prodeant, & flores noctu olentes depascent, vel delibent, de quibus, cum etiam apud neminem aliquid reperio, paucis in subsequenti observatione attingam. Fig. XXXIV. Locustam viridem proponit Germanis ein Heuschrecke / Anglis a Grasshopper, ut constet differentia inter Cicadam & Locustam. Caterum Clar. D. Cleyeri nomen huic observationi præfigere volui, ut suum cuiq; tribueretur.

Fig. XXXI. XXXII. XXXIII. XXXIV.

OBSERVATIO L.

D. CHRISTIANI MENTZELII,

De

Blatta glocitante & Noctuis quibusdam infectis.

NEque prætereundum mihi erit è sonoris infectis minimum quoddam, cum id apud neminem huc usque observatum repererim, sæpius tamen ejus cantum & formam expertus sim. Blattam voco id glocitantem, quod ex genere blattarum, libros corrodentium & glutine, quò libri vel charta quævis à Bibliopegis conglutinantur, viventium sit; dein quod obscure sonum edat gallinæ instar glocitantis unde ei Epitheton. Insectum hoc volans pulicem majorem æquat. Mense Augusto observatum mihi sæpius id est, scribenti & ab omni strepitu remoto, cum sedulo inquisiverim, quidnam glocitans obstreperet auribus meis: num id gallina in vicinia procul ab auditu meo, an aliud quid præternaturale esset. Audimus enim sæpius, morbo instante, tinnitus nunc campanarum, fistularum, susurrorum, nunc aliarum rerum sensilium, quæ auditui non ab extra, sed intra auditus organa nervo auditorio & tympano offeruntur. Sic mihi subindè, graviore morbo instante, so-

nus gallinæ acutè glocitantis in auribus subortus est, tanquam certum instantis morbi signum. Unde non immeritò dubius hæsi, num sonus ille auditui meo ab extra accideret, an verò ab intra generetur. Sed dubium hoc solvit subinde præsentia animalculi, quod sese tanquam datâ operâ visui meo sæpè in ipsâ charta, in qua vesperi ad candelam literas exaravi, sistebat, nec priùs in ea glocitare desit, quàm illud per vitrum magnum, quater vel quinquies corpusculum, majus mihi reddens, cum voluptatè perlustrassem. Glocitat hoc animalculum libenter in charta tenui (ut bis observavi) ligneis marginibus agglutinata, & tympani instar extensâ, quò glocitatus ejus eò acutiùs resonare possit, ut fæmella ejus, quàm forsàn eò sonitu ad se vocat, exactiùs audiat præsentiam mariti. Per vitrum igitur oculis meis majorem in formam redactum hoc insectum non multum dissimile apparuit illi, quod *Gædardus* in sua *Metamorph. part. 1. observ. 60.* proponit, nisi quod non adeò versicolor sit, sed obscurè gryseis maculis ubiq; per corpusculum & alas sit insignitum. In dorso cristam gerit obtusam fusci coloris, caput pronum gerit versus pectus, Alis suis cæsim personat glocitatus suos. Quam verò transmutationem subeat ex ovo suo per eruculam & Indalma, me penitus latet, qui tantùm alatum animalculum fortuitò aliquoties conspexi. Vid. Fig. XXV. Plura mihi obvenerunt sonora insecta, quæ noctu & interdiu varios sonos, raucos & claros, serie continuâ nunc ruptâ ediderunt, verùm quia non iis potiri nec visu assequi potui, maneant silentio sepulta, donec per Entomophilum me accuratiorem & industriorem lucem aspexerint. De noctuis saltem insectis pauca adducam, quòd earum supra meminim, cum Cicadæ Indicæ Fig. XXXIV. adumbratæ alas cum Noctuis Insectis ob similitudinem aliquam comparaverim, & quod Insecta hæc nocturna à nemine descripta repererim. Tria mihi adolescenti in hortulo retrò lares paternos nota fuerunt reddita, quæ diu per multos annos in Entomophylaceo

laceo meo asservavi, donec me peregrè cum Electore meo profecto & absente omnia tineis & blattis in totalem sui consumptionem cesserant. Fuerunt autem tria illa genera ejusdem magnitudinis, quâ Cicada Indica conspicitur, pleraque puniceis maculis per alas & dorsum infecta, qualiter illa avicula, quæ proponitur à *Goedardo p. 1. experim. 24.* Alterum genus eadem magnitudine, formâ & maculis præditum erat, nisi quod maculæ coloris fuerint per totum grysei. Tertium quoque ejusdem magnitudinis & figuræ, præterquam quòd alæ ejus multò versicolores fuerint & à cæteris prioribus diversæ, quales ferè illud habet, quod in *Goedardi p. 2. experim. 33.* extat. At quartum genus Noctuarum non potui, quantum memoriâ adhuc valeo, non adumbrare Fig. XXXVI. insectum perniciosissimæ velocitatis volatu. Hoc ad caprifolii & quæ sub noctem suavè spirant flores volatu momentaneo accedit, & si quid sese movere persentit, momento citius aufugit. Cum aculeo suò longò ex caprifolii florum tubulis nectar exsugit, non assidet flori, uti cæteræ noctuæ consuecunt, sed in aëre volitando, immota motu alarum velocissimò hæret, & sic alimentum ex floribus depascit. Fidem excedit describere velocitatem animalculi volatu, celeresque alarum agitationes, quas punctulis saltem adumbrare placuit. Adstiti adolescens in multam noctem pergulæ ex caprifolio obductæ & quidem multoties, ut non tantùm caperem manu prædictas trium generum noctuas, sed imprimis huic veloci, quam manibus, aut reticulò, etiam fratribus, servis, in auxilium adhibitis, capere impossibile fuit. Simul ac enim illud caprifolio (uti figura II. monstret) volatu assistens, vel tantillum sese movere quidquam persentiebat, dictò citius, Eurò ocyus ex omnium oculis evanescibat, & eadem velocitate perniciosâ redibat, quoties cuncta tranquilla & absque motu persentiret.

Fig. XXXV. XXXVI.

OBSER.

OBSERVATIO LI.
D. CHRISTIANI MENTZELII,

De

Muscis Formici-formibus, & aliis insectis,
catervatim volantibus.

Reverend. & Clariss. Dn. *Andreas Acoluthus*, linguarum Orientalium, imprimis Aramæicæ peritissimus, & Vratislaviæ ad S. Salvatoris templum Ecclesiastes, datis ad me d. 22. Aug. Gregor. literis, sub finem earum de Muscis quibusdam frequentissimè & copiosè Vratislaviæ visis sequentia enarrabat: Proximo die lunæ (qui erat d. 17. ejusdem Mensis) circa tertiam pomeridianam stupenda muscarum copia (quarum aliquas chartula inclusa tenet) cuspides nostrarum turrium templis adsitarum circumvolavit: & primùm quidem templi primarii Elisabethani turrim cinxit, adeò ut populus spectator fumum crederet, ignis ibidem exorti indicium. Mox etiam circum reliquas templorum turres hæc insecta visa sunt, & post horæ circiter spatium in terram deciderunt, ubi totis manipulis viva collecta sunt. Hæc quæ mitto, in tertium & quartum diem vixerunt. Tantum Clariss. Vir. Sunt autem hæc muscæ mediocri formicâ non majores: per microscopium apparent tanquam loricatis corporibus nigricantibus præditæ: caput rotundum, oculis eminentibus, duabus antennis, tanquam corniculis in fronte eminentibus, singulæ ex 12. globulis minimis articulata, os non observavimus, dorsum eminens nigrum hirsutum aculeis, nec non venter imus squamosus nigris aculeis obsitus, acuminatus, ut in formicis. Alas habebant quatuor ex membranis pellucidissimis constantes, iridis colores per microscopium ad lucem exhibentes: pedes sex ejusdem coloris cum toto corpore. Alæ autem ad corpus per mediam sui partem fusco

Fig: 68. p.342.




Fig: 69.
p.344.



Fig: 70. p.352.



Fig: 71. p.354.





fusco colore erant tinctæ. Descriptio harum Muscarum convenit ferè cum Muscis Polonicis exitiosis, nisi quod hæ multò majores sint nostris & insuper aculeum maximum subcauda sive ventre imo gerant, cum in nostris tale quid non observetur. De Muscis autem Polonicis vid. *Ephemer. nostrar. Ann. 10. Decad. primæ observ. 184.* item *Ann. 4. Decad. 2. observ. 40. p. 98.* Quòd verò hæ muscæ nec non Polonicæ exitiosæ, agmine factò, catervatim in maxima copia congregatæ fuerint, id, præter causas supernaturales, eorum proveniui uberrimo illius anni adscribendum arbitror, qui non quovis anno (quod etiam omni frugi, & cunctis animantibus accidit) unus idemque est, sed tunc plurimum contingit, cum solis æstus diu perdurans annum efficit aridum & siccum. Sic observavi ante 40. annos in Borussia non procul à mari Baltico Muscarum vel culicum genus tam frequens, immensæ copię, ut intuenti maximus fumus habitus fuerit, & penitus incendii nemoris formam referret. Ita Locustæ catervatim adeò densè volitant, ut paucis abhinc annis Francofurti ad Oderam multi viderint lucem diei obscuratam, cum supra Oderam & Urbem tam immenso exercitu volarent. Ita examina apum, examina ingentia formicarum alatarum quandoque observavi, nec eximendi sunt tabanī, æstra, fuci, cum eorum proventus uberior est: denique culices, Muscæ culiciformes, de quibus in *Ephem. nostris Decur. 2. observ. 30.* & id genus alatorum insectorum aliud, aliò atq; aliò anni tempore, præsertim verò mensibus Julio atque Augusto prodeuntes Muscæ, quando cælum exclusioni eorum insectorum favet, magnâ & quandoq; stupendâ copiâ congregatim volitare observantur.

Fig. XXXVII.

Dec. II. Annus VI.

R

OBSER-

OBSERVATIO LII.

D. ANDREÆ CLEYERI,

*De**Planta Japanica Vinganfana.*

Vinganfana, aliàs Duxumira dicta, herba ex radice rotunda, fusca, bulbosa, Mense Juliô vel Augustô caulem emittit absque foliis planum, longum, in cujus summitate emergunt flores quini, moly instar ad invicem ex uno tanquam principio & loco enati, in sex foliolis florum, quod bulbis proprium est, divisi, tot staminibus cum suo stylo, eminentibus. Flores sunt rubri coloris zinnabarii elegantes, supra crassa pericarpia lutei coloris sedentes, sub quibus ad caulem alia pericarpia folia conspiciuntur. Postquam flores deciderunt, folia demùm ex terra erumpunt, & perdurant viridia usque in hyemem, ubi sub nive tandem putrescunt & pereunt. Ideoque radices seu bulbi diu in terra jacent, antequam flos erumpat. Radices sunt venenatae, unde à Japanis non in cibum assumuntur. Habetur hæc planta species illius, quam Batavi nostri vocant Nacktemaydt. Vid. Fig. XXXVIII.

OBSERVATIO LIII.

D. ANDREÆ CLEYERI,

*De**Duabus plantis aquaticis Japanensibus
Koëbe & Fasnofana.*

Koëbe species est quoad folia Nymphaeae minoris, crescit copiosè in vallibus aquosis Japaniae. Folia innatant aquis formâ cordis, multis intertextis venulis conspicua. Flores caerulei formam habent florum consolidæ regalis, Germanis Rittersporen. Cùm flores in caulibus marcescunt,



Fig.
38.

p. 130.

Vinganfana
vel Duxumira.



Fasnofana

Fig.

40.

p. 131.

ハ
ハ
ハ
ハ



Koebe

Fig. 39.

p. 131.

カ
ツ
ル



cescunt, succedunt in eorum locum bulbuli minores ceparum instar caulibus adhærentes, aquosi, frigidi in tertio gradu habiti. Japanenses exhibent cum cibis hos bulbulos suis ægris, ad somnum conciliandum, cum insomnes noctes ducunt. Aliàs in Medicina hoc vegetabile non adhibetur. Fasnofana similiter Nymphææ aquaticæ minoris species est: frequentissimè visitur in locis humidis Regni Japaniæ. Flores habet candidos, ut Europæorum Nymphæa alba: species est Stratiotis Ægyptiacæ: copiosissimè crevit in dictis locis, folia ejus cordis formam quoque præsentant, ut præcedentis Koëbe folia, nisi quòd multò minora sint. Extant flores supra aquam sesquispithamam alti, formâ tulipanâ, odoris suavissimi.

Fig. XXXIX, XL.

OBSERVATIO LIV.

D. ANDREÆ CLEYERI,

De

Canschy & Fiewa Japanensium
arboribus.

CAnschy ex qua Japanenses chartam suam conficiunt, arbor est admodum crassa, quæ ab incolis penitus detruncatur; quò factò stolones ad truncum & radices arboris proveniunt, quorum caules, postquam ad uncia vel pollicis crassitiem excreverunt, ab iis præseinduntur, & à plurimis truncis collecti, in fasces majores, tres pedes altos, & quantum vir extensis brachiis manibus quinquies amplecti eos potest, crassos, colliguntur. Deindè fasces hosce alterò extremò, quò amputatio facta est, rectà in magnum ahenum collocant, & affusâ aquâ, igneque subtus excitatò, tamdiu fasces coquunt, donec cortices à stolonibus coctione abscedere videant, quò visò fasces invertunt, quò alterò ex-

R. 2

tremò

tremô calidæ immergantur, & priori modô ad corticum mol-
litiem & privationem coquantur. Hisperactis, fascies ex ahe-
no eximuntur, eorum cortices cœctione sic emolliti & à li-
gnis separati, studiosè colliguntur & exsiccantur: ligna verò
comburentur. Cortices ita exsiccati denuò cum cineribus
lignorum & aquâ pluviali in ahenò per 24. horas excoquun-
tur, quò factò cortices ex ahenò sumpti purè lavantur à ci-
neribus, ne horum quidquam adhæreat: tunc terriò aquâ
purissimâ coquuntur in ahenò mundo, & interea baculò li-
gneò mundò frequenter agitantur, donec cortices dissoluti
instar pulmenti evadant; postea separant adhuc nigredinem
ab albedine corticum ita excoctorum, ut pulmentum peni-
tùs candidum & sine sordibus appareat, quod postmodum in
mortariis ligneis cum pistillis itidem ligneis minutissimè con-
tunditur, deinde exemptum hoc pulmentum album, locant
in quadratas arculas, positis desuper asserculis, quibus supe-
riùs imponuntur lapides grandiores, & sic aquam ex corti-
cum pulmentis exprimunt, quâ ablatâ formis quibusdam cu-
preis per partes pulmentum imponitur, & tractatur eodem
prorsus modò, quò solent Europæi operatores in officinis
chartariis papyrum conficere; Unde cortex iste ab arboribus
Canschy ita paratus, quoad substantiam tenuem, ita purus
eligi debet, ut penitùs pannis & linteis nostris puris æqui-
polleat, si velint incolæ chartam puram & elegantem ex his
parare.

Fiewa arbor à Japanensibus sic dicta, in vastam altitudi-
nem excrescit; Lignum ejus molle est: rami inter se densè in-
curvantur: Folia ejus lata & rigida venulis plena conspiciun-
tur. Flores quidem ferunt, absque tamen fructibus. Fie Ja-
panis dicitur Sol, unde Fiewa idem est ac arbor Solis, quòd
hæc arbor foliis suis latis & densis ardorem Solis abarceat & um-
bram amœnam hominibus efficiat, nomen traxisse videtur.
Lignum ejus nullis usibus adhibetur, sed tantùm crematur.

[1687. (17.) 27. Septembr. Berolino missa.]

Fig. XLI. & XLII.

OB.





OBSERVATIO LV.

D. JOH. LAURENTII FEHRII.

Sectio Herniæ ἀμεθόδως in Viro facta
lethalis.

QUàm temerarii, imperiti, crudeles ac scelerati plures sint ἀρχόμοι, hernias tam in junioribus, in quibus rarius opus est sectione, quam in adultioribus, in quibus sæpius cum magno vitæ periculo eadem administratur, ex multis non modò notum est historiis, sed vel ex sequenti observatione abundè patescit. Pistor quidam robustus non procul hinc in pago quodam habitans, quadraginta trium annorum, per multos annos herniâ intestinali laboraverat, morbum verò nec Medico, nec Chirurgo, nec aliis pudorem ob, nescio, quem reprehensibilem aperuerat, ab impostore autem fortè illuc veniente consilium & auxilium, quærebat, qui in his præstandis non se promptum solùm, sed & maximè expertum jactitabat: de pretio ad curam faciendam imprimis necessario, dimidiâ ex parte statim solvendo, quod primarium istiusmodi homuncionum est postulatum, cum ipso conveniebat, interim ne propositum hoc aliis innotesceret, & pistor aliquam adversæ famæ notam incurreret, omnia aliis insciis esse instituenda pistori, utpote qui omnia hætenus celaverat, facile persuasit; Curam ergò vel rectiùs torturam, nullâ præmissâ debitâ corporis præparatione Crumeniseca aggreditur, & ut erectus Patiens stet, nec ullum vitæ periculum pertimescat, animatur; Miser homo paret, impostor nec Medicò, nec Chirurgò, nec vicinis præsentibus herniosam partem in scroto famulò adjuvante secat, prolongatamque, multò sanguine profusò, funiculò constrictam refecat, ac postquam nonnulla remedia applicuerat, vulnus obligat, utque in cameram propinquam solus Patiens

transeat, seque in lectum conferat, jubet, nullam verò diætā præscribit; tertiò die, relicto famulò, qui ante hac in militia equorum curam habuerat, nec quicquam in arte Chirurgica præstare valebat, discedit, seque intra biduum reditutum promittit: Quartò die superveniunt inflammatio, fitis, appetitùs prostratio, virium debilitas; famulus nil præter frustum lardi loco vulnerato, uti herus jusserat, applicat, sed, dum symptomata periculosa indies ingravescent, Amici & vicini fugitivum Nebulonem passim anxie quærunt, ast nullibi inveniunt, succedunt, motus convulsivi, singultus, tandemque mors, quam improbanda Patientis taciturnitas, improvida curæ institutio, & inordinata Homicidæ curatio plurimùm promoverant.

OBSERVATIO LVI.

D. JOH. LAURENTII FEHRII.

Sectiones Herniarum in pueris & Viro
methodicè institutæ salu-
tares.

ANte aliquot annos quidam ὀρχοτόμος & λιδοτόμος in nostra civitate suam peritiam in sectionibus herniarum publicè decantabat, & dum in sex pueris per sectionem optato cum successu curatis suam felicem experientiam demonstrabat, tantum applausum acquirebat, ut & vir 38. annorum enterocèle jam diu laborans ejusdem curationi se subjiceret. Processum verò sequentem in sectionibus faciendis me semper præsentē, omniaque advertente, observavit. Primùm corpore Patientis per præmissum laxativum ad curam ritè præparatò, Medicis, Chirurgis, Patre, Matre, Susceptore vel vicinis accersitis, vetulis autem aliisq; suspectis personis exclusis, januâ item ac fenestris probè clausis

sis Parentes vel Patientem de consensu clarè pronuntiandò adhuc semel est allocutus, & si fortè præter spem periculosum symptoma superveniret, petiit, ne ipsi culpa imputetur, se opem arti Chirurgicæ convenientem atque possibilem in sectione, quam absque omni vitæ periculo jam sit administraturus, laturum, ad quam, pilis in viro priùs derafis, præmissâq; oratione Dominica flexis genubus submissè ad DEUM fusâ, fecit accessum: Parentibus interim aliisque adstantibus seriò interdixerat, ne quicquam cibi vel potûs inconvenientis, quod cum maximo vitæ periculo conjunctum esset, præter id, quod ipse juberet aut suppeditaret, patienti exhiberent, erectoque per blandam allocutionem viri vel pueri, qui horâ dimidiâ ante operationem jusculum calidum assumerat, animò, ægrum ad se venire jussit, cui semotò indusio fasciam è linteo crassiore ac fortiore paratam supra os sacrum applicuit, & circa umbilicum per sùturas connexuit, huio autem circa regionem vertebrarum vinculum bifurcatum erat annexum, postmodùm patientem asseri, cui inferius atque superius clavus ferreus erat infixus & linreamine obvolutus, modò nonnihil decliviorè imposuit ita, ut pedes sursùm, caput verò, cui pulvinar erat subiectum, deorsum tenderent, manus deinceps fasciâ latiorè rubro panno confecta juxta principium carpi ligavit, postea mantile circa pectoris regionem brachiis circumjecit, nec non pedes in modum furcæ extensos circa talos mantili asseri alligavit. Hinc dextrâ genitalia circa partem sinistram, ubi in pueris hernia erat conspicienda, tetigit, exploravit, & quod prolapsum erat, sensim retrusit, sed ne rursus procidat, famulus in altera parte consistens manu sinistrâ locum istum duobus vel tribus digitis compressit, pòst dextrâ arreptâ novaculâ acutâ, sinistra verò sinistrâ scroti parte cutem digitis elevavit, utq; famulus juxta digitos suos eandem dextrâ teneret jussit, quam in medio juxta longitudinem dissecuit cum pauca sanguinis profusione, pòst peritonei productionem in scrotum lapsam, cuti

quan-

quandoque magis, quandoque minùs arctè annexam celeri, sed tamen paulò violentiore digitorum conatu versùs inferiora, latera atque interiora separatam extraxit ita, ut jam trium vel quatuor unciarum longitudo emereret, sub qua actione patientes sæpè tristem vocem edebant, & nonnulli intensius clamabant, hinc ut famulus ferreâ laminâ circa medium divisâ (instrumento scil. apprehensorio & compressorio, quod appellabat *den Vorschlag* / cui antè ferreum retinaculum, quò pro lubitu arctius claudi & pars comprimi poterat, ne quis illud manu semper tenere & comprimere cogatur, erat affixum) processum circa inferiora abdominis teneret, iussit, quò factò supra laminam per medium prolongatæ membranæ acum argenteam majorem, (quæ antè erat acuta, hinc nonnihil incurvata, latiuscula & utrinque acuminata, circa medium & posteriora rotunda tres circiter uncias longa) cum filo cannabino aliquoties complicato, satis crasso & instar funiculi dupliciter contorto trajecit, inque sinistro latere fortius ligavit, postea filum circumducendo utrinque in dextro quoque latere tandemque rursus in sinistro constrinxit, ac bis vel ter colligavit, dein forcice sacculum propendentem tres circiter uncias longum in plerisque cum, in duobus pueris absque ut ajebat, testiculi ablatione resecavit, famuloque tradidit, qui statim chartæ involvit, secumque abstulit, tandem remotâ ferreâ laminâ misturam rubicundam ex bolo armena sangu. dracon. aloë, thure & album ov. paratam, stupæque cannabinæ illicam, non modò ligneo stylò vulnèri immisit, sed & exterius applicavit, posteaque lintea quadruplicata bina vino calido immersâ, inque medio pro libero urinæ exitu perforata imposuit, sicque partes vicinas defendit & fasciâ bifurcatâ circa pedes, à ligamentis interea liberatos, utrinque in inguine versùs abdomen ductâ obligavit, ita, ut penis, qui in operatione erigebatur, ac posteam erectus manebat (quod pro bono signo *δερρότερον* habebat, sed eam ipsam erectionem à fortiore membranarum atque nervo-

nervorum contractione provenisse credo) per fasciam emineret. Factâ sic ligaturâ puerum, manibus submissè ac lentè in lectum portavit, patienti quietem commendavit, motum verò & loquelam, ut & vinum, Saccharata, victumque crassum atque inordinatum interdixit, horâ unâ circiter à sectione cerevisiam calidam cum butyro recenti mistam pro siti sedanda exhibuit, juscula gallinarum vel caponum calida, prunadamasцена, aliaque ευνεπα, item decocta hordei cum pasulis, rad. liquirit. & sem. anisi commendavit. Primò die misturam rubram reliquit, deinceps maturationem promoventia & mundantia, tandemque funiculò, sponte abscedente, quod intra 9. 10. vel 12. dies eveniebat, vulnus consolidantia, interius quoque decoctum vulnerarium porrigendo, adhibuit, sicque omnes feliciter curavit. Notabile autem erat, quod nullam sectionem die Veneris, item circa insigniores lunæ mutationes, sed duas aut tres dies ante vel post eas instituerit.

[1687. 31. Sept. Sainfurto Noribergam missa.]

OBSERVATIO LVII.
D. JOHANNIS BÖHMII,
De
Columba bicipite.

IN ædibus Domini D. Josephi Sandali, Ferrariensis, hîc Venetiis præterito anno 1686. exclusus est foetus monstruosus Columbæ biceps, & tribus alis præditus, sicut præsens icona representat.

[Venetiis Norimbergam An. 1687. Mense Octobr. missa.]
Conferatur Annus præcedens IV. Ephem. obs. 41.

Fig. XLIII.

Dec. II. Annus VI.

8

OBSER.

OBSERVATIO LVIII.
D. JOHANNIS BURGII,

De

Erroribus naturæ in formatione foetuum
humanorum notabilibus.

Quanquam uberrima errorum, siue, ut mitius loquar, lusum naturæ in formatione corporum humanorum quasi negligentius operantis quotidie propullulet seges, adeoque curiosa eorum annotatio quibusdam sordeat, aut supervacanea videatur; non omni tamen utilitate prorsus hoc studium destitui, non mihi solum, sed etiam Eruditorum non paucis persuasissimum est, ex quâ hypothesi sequentium observationum orta est consignatio.

Natus est d. 7. Maji 1686. infans cæterâ sanissimus, hoc solo defectu notabilis, quod in dextrâ manu digitus annularis & minimus, itidemque pollex & index ope ligamenti carnosî tenuis coaluerant hoc modo, ut pollex minor justo indicem annexum, sicut arcum funis incurvat, ad se traheret, accretâ, in medio eorum carnis parte, velut novi pollicis rudimento: in sinistrâ quoque manu pari ratione uniebantur digitus minimus & huic proximus, interjectâ ad superiorem articulationem etiam carunculâ exiguâ. Nævum hunc, forsân ex matris anserum vescendorum appetitu frustrato enatum (horum enim ferè pedes connexio hæc digitorum æmulabatur) primo aspectu emendari posse non desperavi, cum unionis inconvenientis vinculum esset tenue, nec vasis sanguineis majoribus, aut tendinibus intertextum.

Itaque rem cum Chirurgo aggressus sum non imperito, sed, ne doloris, ob repetitam unâ operatione sectio-

nem

nem, sapiùs excitato sensu convelleretur infans, singulæ divisioni singulum impendimus diem, ubi Chirurgus non aprato priùs ligno triangulari, ad imitationem *Plater. Mantiss. Observ. 43.* cujus hîc necessitatem nullam videbamus, non scalpello, quod facit *Hieron. ab Aquapend. part. 2. chir. c. 101.* sed uno ictu, acutâ forfice incidit cutis carnosâ parietem intergerinum, quousque decebat, exciillis utrobique superfluis digitorum novorum quasi fundamentis. Cessit è voto propositum, nisi quod, monente idem *Henr. Roonhuysio Observ. 10. p. m. 41.* sollicita magis requirebatur deligatio ob digitos in novam cohæsiionem pronos: pollex præterea, qualis à principio formationis erat, brevior solito mansit, indicisque tanta ad eum inclinatio, ut ligaturis, aliisque adhibitis remediis sufficienter se coërceri & abduci difficillimè passus sit. Audito hoc læto nuncio alii paulò post me adeunt Parentes, consilium & auxilium filiolo suo recens-nato quæsaturi, cui vis plastica in manu dextrâ geminum formaverat pollicem. Infante ipso viso, & examinato pollice spurio, non esse eum carneam solùm excrecentiam vidi, sed absolutum, quoad omnes partes & articulos, ipsum etiam unguitulum, digitum, insuper arctissimè genuino pollici ad basin unitum, ut medium hujus os formâ litteræ Pythagoricæ bifidum appareret, unde de prospero eventu ob difficilem operationem dubitans à resectione manum abstinui, donec forsân in adultiori, si DEO placuerit, factò feliciùs idem, exemplo *Observ. 42. Mantiss. Observ. Plater.* tentari posset. Neque id consilium parentibus displicuit, qui circâ auctumnum postea filioli hujus, nescio, quâ ægritudine defuncti, exsequias celebraverunt.

Die 30. Januar. 1687. manè cum eodem Chirurgo vocor ad Cerdonem, cui die abhinc quarto natus erat puellus sanissimus, & ab omni formationis vitiosâ suspiciione liber visus. Hic cum primo biduo nihil excerneret fecum alvinarum, obstetrix consultâ, & de ani orificio aperto certa ti-

morem futuri periculi parentibus eximit, neque temere quid hoc in casu movendum esse, persuadet. Verum cum tertia die obstructa maneret alvus, abdomen insuper intumesceret, fugere nollet infans, & omnia ingesta vomitu rejiceret, rem demum altius pensitans clysmate intestina muneris sui oblita proluere tentat, sed tum neque fistula eburnea profundius intromitti potuit, & quicquid vi injiciebatur, regurgitavit, unde de clauso profundius ano serius cogitatum est, quod & exploratio per stylum, & digitum, cujus articulationem seu membrum integrum capiebat iatroitus intestini recti apertus, facta manifestò confirmavit. Reserationem, quam omnes indicabant circumstantiæ necessariam, & anxie desiderabant parentes, dissuadebant mihi & languor infantis convulsionibus, uti externa facies minabatur, mox corripiendi, & metus, ne vel profundior esset combinatio intestinorum, quam ut acie scalpelli omnis perforari possit, vel, quod aliquando in simili casu me vidisse memini, intestina media jam crepuerint, & in cavum abdominis fædam colluviem profuderint. Instantibus tamen Parentibus ut satisfaceret, præmisso prognostico, & propinatis confortantibus nervinis, cannulam oleo inunctam pro defendendo orificio ani leniter intrusit chirurgus, & per ejusdem medium, phlebotomum, quam profundè poterat, adegit, effluente largo satis sanguine, quieto tamen, & ad horæ dimidium quadrantem obmutescente & expallescete puello, ut de felici successu desperaremus & nil nisi jam expiraturum pusionem animo conciperemus. Recollectis tamen is viribus tandem emisit saltim aliquot flatus, dilatatoque per suppositorium vulnere, à meridie bis dejecit meconium aterrimum, detumescente paulatim abdomine; sub noctis verò ingressum afflictus epilepticis motibus natus denuò terruit latissimos parentes, in primis cum nec solutâ adhuc semel alvo, nec medicamentis generosis, sed morte demum horâ nonâ sequentis diei matutinâ liberaretur à morbo atroci, servandus fortè, si citius

tiùs observato defectui succurrere fuisset integrum. Curiosius lustraturus aberrationem formatricis naturæ, apertionem tamen filioli à parentibus morosis exorare nequivi; cautiùs autem hoc unico exemplo, cui par me legisse non memini, excitatæ obstetrices mercari discant, si quando moram in recens natis longiorem trahant excrementa, nec primo statim à partu die expellantur.

Major tamen, quem nunc referam, error est nullâ ope declinabilis, sed morte inevitabili piandus eorum infantum, quorum in formatione committitur. Anni nempe 1686. die 31. Jan. Mercatoris cujusdam uxor causæ nullius conscia, puellum parit pede dextro varum, quod forsân vitium temporis progressu corrigi potuisset, utroque verò crure paralyticum, & in dorso circâ quartam lumborum vertebra tumore eminenti notatum cystico, crasso, & musculofo. Tumor hic exterius à cute reliquâ nihil differens, nisi quod pars cuticulæ, fortè ob situm infantis in utero, abscesserat, digito compressus cedebat, & velut bursa inanis apparebat, si tamen medio istius, sive potiùs spinalis medullæ exactè inferebatur digitus, manifestam cavitatem tactu deprehendere licebat, & quoties puellus vel ejulabat, vel flatus aut excrementa alvi ejicere tentabat, tota cavitas inflari videbatur. Consultus à Parentibus abscessum judicantibus, ejusque apertionem urgentibus, hinc indè pensitatis circumstantiis spinæ dorsî vitium subesse non vanè conjecti, & chirurgo, saltim ut exulceratam cutim emplastro siccante consolidaret, incisionem verò differet, autor fui, motus inprimis relatione Patris nati, qui mihi narrabat, uxorem suam primo partu edidisse filiam, quæ adhuc vivit, sanißimam, nulloq; deformem nævo; secundo, peperisse filium, pari, quo præsens ante oculos nostros pusio, inque eodem dorsî loco protuberantiâ insignitum, cujus cystidem cum aperuisset Chirurgus, ichoris quidem aliquid effluxisse serosi, ast sine levamine ægri, qui, denuò intumescente folliculo, septimo à partu die expiravit; biennio post iterum enixam esse matrem puellam nullâ

rursus maculâ deturpatam, quæ etiam adhuc vivit; & istam itidem absoluto biennio hanc quartam sobolem fratri suo jam defuncto in vicio quoq; formationis similem secutam esse. Paruit monito Chirurgus, unde in eodem statu mansit tumor, neq; increfcens, neq; decrefcens, donec alvi torminibus, convulsionibus, aliisq; gravioribus symptomatibus confectus ejusdem anni d. 30. Martii exspiraret misellus pufio. Suspicionis de dorsi vitio conceptæ confirmationem, scrupulorumque inde ortorum gravium solutionem cum promitteret anatome, ne tumoris quidem, nedum filioli apertionem concessit Parentum superstitio. Fausto tamen, dixerim, an infausto fidere accidit, ut mense Octobri, ejusdem anni cum aliis duobus Medicis ego à Mercatore alio ad consultationem de filiolo instituendam vocarer. Natus is erat 7. April. 1686. cum ejusmodi quoque cutis musculorumque dilatatione ex casu matris gravidæ in dorsum occasionaliter, uti putabatur, orta in eo ipso dorsi loco, quæ quidem in lucem edito primùm infante fuerat exilis, sed cum corporis & ætatis incremento, erat autem puer tunc obesissimus, hæc quoque incrementa sumferat. Inspeculo loco affecto, quem talem exactè deprehendimus, qualis eleganter depingitur *Misc. Cur. Dec. 2. A. 5. O. 208. fig. 47.* de duobus ferre sententiam jubebamur: primò, cum tumor aplicitis hætenùs discutientibus & resolventibus imò variolis accedentibus, & probè suppuratis, nihil cedens ad pugni jam molem accederet, tensaque ad rupturam ferè cute multum in se humoris continere videretur, utrùm sit aperiendus, necne? Secundo, quî paralyfi crurum, quibus insistere nequebat, licet sedere posset, infans, & cujus causam in pinguedine excessivâ quærebant omnes, sit succurrendum? De paralyfi nos esse securos respondimus, quam sublatâ causâ, tumore scilicet nervos comprimente, facilè cessuram non diffideremus, hujus tamen incisionem, metu epilepsiæ ob consensum partium vicinarum excitandæ, aliisque de causis, quas nobis suggererat *Misc. Cur. Dec. 1. A. 3. O. 107.* suadere non posse,

posse, quin arbitrari nos fore tutissimum, ut topicorum hæc-
nũs impositorum usus continuetur. Triduum ità effluxit, &
sponte suâ ad extremum tensa cutis crepuit, serumque effudit
limpidum & copiosum, statimque iterum, ac si nunquam eva-
cuata fuisset, intumuit, biduo verò post, d. 19. Octobr. e-
pilepticus obiit Puellus. Tantum precibus nostris dedere
Parentes, ut cultro aperire liceret cystidem, quæ post obitum
planè detumuerat, ne vestigio quidem humoris contenti re-
lictò. Apertæ illius eadem revera in cavitate apparuit facies
interna, qualis est auricularum & ventriculorum cordis, tot
fibris & columnis nervosis à vertebra lumbaribus ad extimam
cutim tendentibus. Spina dorsi, nisi quod à perioestio & jam
nominatis fibris tegebatur, nuda erat, in cujus medio fora-
men rotundum, cui extremitatem medi digiti inferere po-
teram, tangebatur, unde, cùm ulteriori inquisitioni pro ac-
curatâ magis notitiâ comparandâ obstaret maternati, in eâ o-
pinione fuimus, spinam eo loco esse bifidam, & protensiones
fibrarum istas per spinæ hiatus ad abdominis membranas
ferri, confirmati hac in re à *Tulpio lib. 3. Observ. 30.* Licet au-
tem plura nobis obstarent adhuc dubia, tamdiu tamen isti
sententiæ inhaesimus, donec Anno 1687. d. 15. Martii Infe-
ctori cuidam iterum ejusmodi nasceretur infans, matre iti-
dem casum in dorsum tempore graviditatis perpeßum accu-
sante, quo audito, ut tandem aliqua circâ hanc difficultatem
elucesceret certitudo, vigilandum duxi, rogaviq̃ue *Dn. D. Sa-
muel. Grassum*, Amicum honoratissimum, qui erat familiæ illi-
us Medicus, ut, si moreretur Infans, & ejus sectionem in-
dulgerent parentes, mihi quoq̃; videndi concederetur licen-
tia, & obtinui, quod volui. Namque ut hæc præmittam, die
à nativitate secundo laudatus *D. Grassus* unâ cum Chirurgo
Parentum rogatu moti, aperuere tumorem phlebotomo, cum-
que effluente sêro limpido sic satis benè habere videretur in-
fans, balsamicis injectionibus & emplastrorum debitâ deliga-
tione de felici eventu non desperavêre, dùm d. 20. Martii ac-
cedens

cedens epilepsia spem conceptam frustraretur, & per integras viginti quatuor horas defatigatam puellam è medio tolleret. Parentum benignitate factum est, ut postero die aperiremus ambo defunctum infantem, primumque tumore cruciatim dissecto ambitum ejus omnem constare vidimus ex integumentis corporis communibus extensis, & succingi intus membranâ densâ, propagine forsân membranæ musculorum propriæ, cujus fibræ interiùs per trium vertebrarum lumbarium inferiorum cavitatem intrâ abdomen, uti conjiciebamus, decurrebant. Spina etenim dorsi superior erat integra, os sacrum integrum, solæ tres vertebræ dictæ ob eximiam in medio sui cavitatem spinam bifidam referre videbantur. Ut ergò melius pateret, quò filamenta ista fibrosa terminarentur, & an aliquod illis cum membranis abdominis vel ratione originis, vel ratione complicationis esset commercium, illud aperuimus, remotisque intestinis, renibus, & quæ reliqua obstaculo esse poterant, internam vertebrarum omnium partem per totam spinam reperimus sine omni defectu planè integram, & nullibi in duas partes diremtam, sed solito aliàs more formatam, unde inverso corpore ipsis his oculis vidimus, & stilo in ipsam cavitatem sursum intruso tetigimus, trium istarum vertebrarum lumbarium processum posticum, seu spinam propriè dictam cum processibus obliquis, & dimidiis transversis sive lateralibus omninò deficere, & neque medullæ extare vestigium, ex cujus membranis quoque dilatatis primâ tumoris fundamenta jecerat aberrans vis plastica. Insolitum hoc spectaculum magnam quidem in nobis excitabat voluptatem, universæ medullæ spinalis, quin & cerebri constitutionem cultri acie porrò investigandi, verùm ne rarâ parentum abuteremur benevolentia substitimus, cum ex hæcenus visis aliundè nobis constiterit de vitii corrigendi impossibilitate, & paralyseos ortu ob nervos partim malè formatos, partim medullæ substantiam in ichorem contentum absumtam; rectiusque nos fecisse hinc collegimus, quod

Puel.

Puellum suprà notatum suo potius fato mori siverimus, quàm si nihil profuturâ excreſcentiæ ſcarificatione illatæ cladis ſuſpicionem in parentum animis excitaviſſemus.

[1687. d. 1. Octobr. Vratiſlaviâ Auguſtam miſſa.]

OBSERVATIO LIX.

D. SAMUELIS LEDELII,

De

Infantis, à partu difficili quaſi emortui, in vitam reſtitutione.

DE Tapujarum gente refert *Barleus de Reb. in Braſil. geſtis ſub Mauritio, Naſſav. Comite p. 425.* quod Regi de tibiæ & lateris ventrisque doloribus querulo, advolutum ilicet tibiis Medicum, illis patulo ore inhaſſiſſe, devorantis ſpecie, ſuctione tam valida & continua, ut poſt editum mugitum, ſputa copioſius egereret, & cum ſputis anguillam, quam Rex mali ſui cauſam fatebatur. Hoc uti referentis fidei remittimus, ita noſtrum ſubſequens verum eſſe fatebuntur nobiſcum obſtetrix & plures tùm aſtantes Matronæ. Dum perlegi *Ephemeridum Ann. 5. Decur. 2.* reperi Excellent. *Hannemannii Obſervat. 121.* in qua agit de infantis à partu difficili veluti emortui, in vitam reſtitutione. Uxori tùm gravidæ explico, & ſi fortè & nobis hoc accideret, ut obſtetrici aperiret, injungo. Vix elapſa ſeptimana gemina, accedunt dolores partus ſat acerbi, protracti ad 12. horas: Infans hærebat in collo uteri, & ob viarum anguſtiam exire prohibebatur: tandem, Deo benedicente, & omni opera adhibita, prodibat infans, ut videbatur exanimis. Obſtetrix cum adſtantibus omnia in hoc caſu conſueta advocant & applicant, ſed fruſtra, tandem tribus vicibus papillam ſiniſtram puelli, foedati licet impuritate uterina,

rina, validè fugit, & tertia vice motus in abdomine & ventri flatulentia se exerit cum accessu vitæ. Digna est hæc Observatio ut omnibus obstetricibus notificetur. Eadem felicitate in alia administravit fæmina obstetrix nostra, hoc, dum hæc consigno, tempore. Ex his elucet Ephemeridum nostrarum & veritas & utilitas, caditque Midæ iudicium seu potius desipientia.

OBSERVATIO LX.

D. SAMUELIS LEDELII,

De

Jusculo è branca ursina.

EXcellent. Dn. D. Hagendorn, Collega honoratissimus, *Anni superioris Observat. 87.* tractat de modo conficiendi hocce jusculum, quem è MS. patruï adducit. Quicquid de illa materia mihi notum, placet hacce Observatione etiam proponere. Modum autem cum Hagendorni coincidentem dat *Sennertus Prax. l. 5. part. 3. Sect. 2. cap. 9. pag. 331.* ubi agit de plica Polonica, & ad experientiam remittit, an hocce decoctum curare queat plicam. *Branca ursina* mentio, scribit, in memoriam mihi revocat potum, qui in patria mea urbe *Wratislavia* procul dubio ex *Polonia* eò delatus, in usu est, & ex branca ursina paratur. Vulgo nomine Polonico *Barbize* / seu ut Germani pronunciant, *Barisch* appellatur, quo febricitantes & imprimis belluones post pocula hesterna in jusculis & potu ad sitim sedandam utuntur: (en prægustum infusionis herbæ Thee!) Paratur autem hoc modo: folia branca ursina seccata coquuntur in *Aqu. s. q.* ut decoctum saltem colorem flavum non puniceum contrahat. Decocto fermenti aliquid vel panis biscocti ex pulvere branca ursina cum fermento acido panis feliginei parati, additur & in loco tepido aliquot diebus effervescere & fermentari permittitur, donec saporem acidiusculum contra-

contrahat. Majoris Poloniæ inhabitatoribus non procul à Grünberga, frequenti cedit usui, nec ingrati saporis est. Post morbos Chronicos febresq; intermittentes, dum appetitus adhuc languet, cum utilitate adsumitur. Grünbergenſes ſubſtituebant juſculum è fermento confectum, quod illic loci ſauer nominant, & ſatisfacit intentioni. Ipſe poſt febrem diuturnam Grünebergæ comedi juſcula cum pulvere brançæ uſinæ, & aliis commendavi.

OBSERVATIO LXI.

D. SAMUELIS LEDELII,

De

Variolis fœtus in utero materno.

Julvencula, ruſtici uxor, dum hoc anno variolæ in his oris Gorlicienſibus graſſabantur, corripitur etiam hoc malo, & veluti obruitur, uti in adultis non inconfuetum. Morbo hoc detenta, dum nimis graviter decumbit, natura ſe onere levat in prægnante, fœtumque aliquot menſium exturbat plenum in toto corpufculo variolis. Vide *Dec. I. Ann. I. Obſerv. 53.* De morbillis dedi *Obſervationem 97. Ann. 3. Dec. 2.*

SCHOLIUM.

Fœtus variolis in ipſo matris iisdem laborantis utero inquinati exempla, præter *Ephemerides noſtras* in *Dec. I. Ann. I. Obſ. 53.* & qui *ibidem*, nec non *Obſ. 42.* allegantur Auctores, *Joh. Rhodius* quoque *Cent. 3. Obſ. Med. 83.* *Thom. Bartholinus* *Cent. 3. epiſt. 85.* aliq; memorant. Quamvis id non perpetuo ita contingere, in *Act. Medic. Hafn. Volum. 5. Obſ. 75.* ostendatur; ubi equidem nimium ſolenne eſſe, *Exc. Borrichius* ſcribit, matrum vicia in fœtus, quos adhuc ſinu complectuntur interiori, tranſire; conſenſum tamen hunc non eſſe perpetuum, exemplo infantis ſine variolis à matre, quæ graviffimè

iisdem laboraverat, exclusi demonstrat; Prout etiam fœtum in clauistro materno hærentem variolis corripì, matre ab iisdem immuni, *Joh. Fernelii* in primis testimonio etiam constat, qui *lib. 2. de abdit. rer. caus. cap. 12.* Sæpe, inquit, deprehensum, prægnantes maturos fœtus edidisse hac lue perfusos, quarum alia nihil omnino foris, alia non nisi multis post diebus incommoda senserunt; idque proprio suo exemplo *Francisc. Mauriceau lib. 1. de morb. gravid. cap. 2.* comprobatur; quamvis enim seminium morbificum à fraterculo Autoris, quem variolæ trucidaverant, matrem hausisse, inque fœtum ita derivasse, non sit incredibile, haud eas tamen sanguis maternus heterogeneas habuit particulas, quæ à contagioso isto spiritu agitari, inque ejusmodi tubercula resolvi potuerint: Quod & vicissim de fœtu intelligendum, qui cum sanguinem ipse sibi conficiat, nec à materno, qui in corpusculum ejus non influit, vitam & nutritionem habeat, ea quoque ejus dispositio esse potest, quæ à commixtis ipsi contagiosis atomis in motum istum prænaturalalem cieri recuset. Cæterùm cum *Guil. Fabricio Hildano cent. 4. obs. Chirurg. 55.* dubitare libuerit: an harum variolarum, à matre iis decumbente in fœtum derivatarum, causa, imaginatio matris, an verò sanguis maternus fuerit? ab utraq; causa laticantes in sanguine embryonis impuritates excitari, atque istam ad separationem impelli potuisse, verisimile est; si quis magnam maternæ imaginationis in fœtum potestatem consideret, quæ non varios tantùm ei nævos imprimere, sed membris ipsis etiam mutilare, aut aliquid addere valet; cum sanguine autem materno succum nutritium ad uterum deduci constat, atq; ita cum isto in placentam segregato particulas varioliferas unà secerni, nec contra rationem est, nec contra experientiam, qua nempe lue etiam veneream aliasq; infirmitates in fœtu sic transiisse, sæpius fuit observatum.

[*L. Schröck, L. f.*]

OBSERVATIO LXII.
D. SAMUELIS LEDELII,

De

Morbo salivâ inducto.

Quid saliva faciat in corpore humano, dum cibus ori ingestus primam subit alterationem & fermentationem, in Medicina notum est, & mediante saliva morbos communicari, observationes Medicæ demonstrant. Quid saliva possit in morbis contagiosis, monstravit D. *Dobrzenski*. Quod exemplum do, rem declarat; nosque ad dignotionem morbi deducit: Pusio 3. septimanarum, vegetus, saniq̃ue habitus, derepentè corripitur singultu, calore, vigiliis, inquietudine, dum singultit, crebra sternutatio adest. Quæritur consilium, inquiritur in causas, & re perpenſa, nulla invenitur nisi hæcce: Vetulam, quæ erat à ministerio puelli, invaserat quartana, hæc pulmentum infanti subministrans, prius ori proprio ingesserat, & singulum præbium degustarat, dein ori infantis immiserat, fermento febrili inquinatum. Hinc illæ lachrymæ. Datis Corail. Ocul. Cancr. C. C. & aliis symptomata hæc expellebantur, vetulaque ab hacce pulmenti degustatione & applicatione arcebatur. Hinc

Felix qui poterit morbi cognoscere causam.

Tutius est, ut matres prægustent infantum cibos & subministrent, præ vetulis edentulis, quæ hircum olent & mephitim spirant.

SCHOLIUM.

Salivam quamvis insipidam ferè esse, rectè *Mart. Kergerus* lib. de fermentat. Sect. 3. cap. 2. moneat, non omni tamen sapore eam carere, sentit, sed quòd lingua non possit judicare de humore quo naturaliter imbuitur: Et sanè inesse ipsi

per naturam spicula salina, tum ortus ejus, quem lympham agnoscit, indicat, tum ignis examen evincit, quo relinquere evaporando materiam fuscâ, acore & calore linguam afficientem, *Anton. de Heyde observ. med. 88.* docuit. Quin & vis ejus medica non simplicis naturæ aqueæ hanc esse ostendit; siquidem varias in diversis corporis infirmitatibus curandis virtutes possidere, tum ex aliis, tum inprimis *Ephem. nosstrar. Dec. II. Ann. III. obs. 92.* notum est; quas inter etiam vis alexipharmaca à nonnullis traditur; qua de singularem observationem *Maidalchinus* in *Libell. delixie histor. e stupori di natur.* notavit, de rustico in Apulia, dicto Lucio, quem à viperis aliisque venenatis animalibus demorsum, salivâ suâ vulneris tangendo, mox seipsum sanasse, idem testis oculatus scribit; quin & eandem aquæ commistam, venenis febribusque curandis miram vim ei, potu assumptæ, impertuisse; armenis quoque morbosis & canibus rabiosis aspersam, recuperasse sanitatem; qua porrò virtute omnis ejus familia, ipsis quoque fasciis adhuc involuti infantes polluerint: Sed hæc, si vera fuerint, cum naturæ ordinem superare alicui videri queant, non urgebo; quin potius salinam ejus naturam fermentatio, quam promovet, evidentius comprobât, quam non tantum in ciborum resolutione in stomacho exserit, sed extra illum etiam ciere valet: *Salivam*, scribit citatus *Kergerus*, fermenti naturam habere, vel inde colligere licet, quòd pulmenta cochleari facta, quod ex ore hominis trahitur, facillè & brevi tempore fundantur & fermentescunt. Eadem Americanis quoque quibusdam populis non ignota, quibus in insula Mocha, potus inebrians in usu esse solet, è frumento Indico, quod Maizium dicitur, à vetulis edentulis masticato, atque ita salivâ subactò, fermentatus; prout in *O. Dapperi Descript. Americ. lib. 2. cap. 1.* videre est; qui porrò *lib. 3. cap. 4.* in Brasilia quoque radicem *Aipimakaxera*, & *cap. 3.* in Gujana radicem *Kassavi*, à vetulis & infantibus similiter tractatas, ad potum fermentandum adhiberi scribit. Hinc quàm evidens noxa à saliva, pulmento præ-

præcipuè permista, morbosis aliquibus, acidis inprimis, quales in febre quarrana accusari potissimùm solent, particulis refer-
ta, in tenellum infantis corpus transfundere valeat, elucescit.
Qua ratione non immeritò Medici masticatos ab aliis cibos in-
fantibus exhibere dissuadent; *masticati cibi*, scribit Roder. à
Castro Med. polit. lib. 4. cap. 1. de morfu hominis noxio agens,
interdicuntur infantibus, maxime à jejunis nutricibus aut men-
struatis.

[L. Schröck, L. F.]

OBSERVATIO LXIII
D. SAMUELIS LEDELII,

De

Corolla è roremarino confecta, diu
vegeta.

Illorum corpora post mortem non putrescere, qui conti-
nuè vinum rorismarini biberunt, asserere non dubitat Ga-
briel Fallopius l. 2. seines Kunstbuchs. An sit apodicticæ ve-
ritatis, hoc loco decidere, meum non est. hoc autem quod
subjungo, verum esse affirmo. Reverendus, inclutæ hujus
Reipublicæ Gorlicensis Diaconus, Dn. Schönig / hoc anno
tristi vultu, longoq; syrmate cogitur comitari filiam morige-
ram in cœmeterium Nicolaiticum. Scrobem dum confici-
unt sandapilarii, inveniunt corallam è roremarino confe-
ctam, quæ virgini cuipiam, sed ignoræ, ante 50. annos, uti
supputatio suggestit, mortuæ, fuerat imposita, adhuc vege-
tam & viridem, unâ cum ligula quâ capillis fuerat annexa.
Exponunt rem tristi parenti, qui, quoniam sandapilarius seu
vespillo Corollam cum effossa terra sepulchro injecerat, ligu-
lam aspiciere desiderat. Affert hic, mirabundus ille tractat
manibus, & dum odor sat aeris & nauseabundus nares ferit,
restituit,

restituit, manusque ad aliquot horas detinuit olidas, ingratum amarorem continuò expirantes. Vide *Observat.* 43. *Decur.* 2. *Ann.* 4. *Ephemerid.* Item *Dec.* 1. *Ann.* 2. *Observat.* 170. Et *Dec.* 1. *Ann.* 6. *Observ.* 17. Non erit ingratum, spectro, quod subjungo: Imperator Honorius geminam Stilliconis filiam sibi in matrimonium elegerat: unâ ante copulationem defunctâ, alteram ambiit, quæ etiam ante conjunctionem obiit: Has parens cum omni apparatu & clinodiis in tumbam reposuit. Exactis mille centum & octodecim annis, invenerunt cryptam (dum Romæ in S. Petri domo ædificabant, & fundamentum quærebant) & omnes inclusas divitias. Has exemerunt, Pontificique tradiderunt, omnibus adhuc salvis, præter margaritas, quæ facillimè digitorum tactui cedebant & comminuebantur.

OBSERVATIO LXIV.

D. SAMUELIS LEDELII,

De

Foetu Monstroso.

Rustici pallidioris pallida uxor 30. annorum in districtus Zullichienfis Marchiæ pago Kay, erat prægnans, & legitimo partus tempore exacto, partu, ut vocatur, Agrippino, excludebat, absque singulari dolore & molestia, foetum hunc masculini sexus, exanimem. Trium antea fuerat facta liberorum Mater, duorum viventium, & proximi ab hoc in utero mortui. Tempore gestationis nullum adfuit singulare symptoma, nisi cardialgia cum inflatione & dolore laterum, tergi & abdominis: nullus terror, nulla imaginatio, nisi tristitia intercurrentes ob rem angustam domi, foetus autem motus debilis. Caput huic corpusculo congruum erat, nec nimis magnum, & præter pedes contortos

tortos nil à natura alienum monstrabatur in corpusculo, nec vasa umbilicalia scroto incumbabant, sed consueto prodibant loco. Error naturæ præprimis conspicuus erat in facie. Hæc quatuor habebat oculos perfectos, geminum nasum, geminam frontem, angustam tamen, è quarum interstitio frustulum, carnis protuberabat : unicum os quod hiabat, & unicuique faciei erat commune, nisi quod mentum duplex interfecabat, collum brevissimum, vix conspicuum. Ultraque facies aliàs non indecora erat, nisi quod coalescebat & desinebat circa informem rimam oris, in quo unica latebat lingua, lata : gemina auris aderat loco solito, non insolita. Postica capitis pars monstrabat unicum cranium, capillitio raro castanei coloris, rectum, quod ad dimidium fermè obscurabat geminum frustum carnis, informe, sanguine turgidum, guttasque sanguinis ad 4. diem stillans, radicatum in cervice. Sub hacce informi massa latebat ordinaria spina dorsi, quam tegebat veluti superpondium carneum, crassitudine & altitudine transversæ digiti, incipiens à radice hujus informis carnis, & excurrent per totum fermè tergum, mentiens duplicem spinam dorsi, sanguine turgidam, ubi desinebat, apparebat subjacens spina ordinaria. Hoc me commovit, ut statuerim, naturam intendisse gemellos, idque impedivisse insufficientiam spirituositatis seminis hujus Cachectici : (unico fœtui suffecit, id quod monstrat perfectio, sed ad alterius fœtus complementum defuit) aut si culpa uxori tribuenda, impedivit illud impuritas uteri, qui aliquid de lochiis antea exclusi fœtus mortui (id quod affirmavit puerpera) retinuit, ad putredinem disposuit, hacq; putredine contagium spirituosum ad alterius fœtus perfectionem intendendam impediit & elusit, ut, quia non totum opus suspendere valuit; attamen præter duplicem faciei delineationem nil nisi informem massam à tergo efformare concesserit.

OBSERVATIO LXV.

D. SAMUELIS LEDELII,

De

Anseremactato locò sanguinis album liquorem stillante.

Quia anserum in *hisce Ephemeridibus* mentio fuit injecta, ideò non erubesco hunc, singulare quid præ se ferentem anserem in circulum producere, ut inter olores strepat. Dn. Daniel Kretschmer, civis Görlicensis, saginatam ganzam mactationi destinat, huic pro more suspensæ caput cuspidē cultri transfoditur, nil nisi humore albicante effluente, ne guttula sanguinis. Anser copiosam suppeditavit axungiam, & Dominus cum domesticis, ob nauseam conceptam, assatum anserem mendicantibus concessit, qui absque ulla alteratione absumpserunt, gratiasque pro delicato cibo dixerunt. Nec in hepate, nec in toto corpore sanguinem se vidisse refert, sed humorem albicantem. Fuit sanguis absque tinctura.

SCHOLIUM.

A Sagina laudabiliore & liberaliore, copiosum nempe chylum producente, eoque sanguinis purpuram omninò obregente, liquorem hunc album fuisse productum, verisimile est; qualis in sanguine quoque humano color lacteus à copiosiore pastu nonnunquam conspicitur; cujusmodi exemplum in *Act. Philosoph. Angl. Num. 6.* de virgine refertur florida & sana, quæ non alia de causa venam in pede secari sibi passa fuerat, quàm quia nunquam menstrua passa; huic enim, post consumptum non contemnendum jentaculum, cum quartâ post horâ vena aperta fuisset, primus effluens sanguis dimidiâ sui parte chylum continebat, ultimò autem prodiens

imme-

immediatè evasérat , speciem cremoris lactis præbens , nullumque guttæ sanguinis vestigium ostendens. Scilicet, ubi copia pinguioris chyli , liquoris à resolutis oleosis ciborum particulis albicantis , largior subindè sanguini admiscetur , non ita promptè sulphureæ ejus partes exaltari in rubedinem possunt ; præcipuè quia in saginæ destinatis animalibus istis, dum arctiori carceri includuntur , atque in quiete detinentur , tardior sanguinis motus & conquassatio contingit, sicque evolutio colorati istius sulphuris eò segnior etiam procedit.

[L. Schröck, L.F.]

OBSERVATIO LXVI.

D. SAMUELIS LEDELII,

De

Aqua ligni Fraxini.

Laborabat non ignobilis pustulis in pene per multum tempus. Post evacuationem dedi Marmeladam certi generis, & cum linteo applicare jussi aquam ligni Fraxini, profuit cum totali sanatione. Primiparæ lacerebatur Perinæum in partu difficili, eodem adhibebatur modo aqua hæcce, & restituebatur optimè.

[Görlicio Lus. 1687. 7. Septembr. Noribergam missæ.]

OBSERVATIO LXVII.

D. THEODORI CAROLI.

Luxatio tibiæ funesta.

Tragicum ineunte ætate casum vidimus in Fœmina quadam honoratiore , quæ equo , ut domum repeteret, vesta, paucos adhuc emensa passus, vertiginoso quodam turbata Spiritu, antequam civitatem egredere-

U. 2

tur,

tur, præceps in pedes terramque devolvebatur, & in sinistrum quidem pedem adeò infelicitè, ut nutante sub illapsi oneris mole in juncturis suis tibia, ubi talo jungitur, violenter mox è sede sua, perruptis effractisque quibus detinebatur vinculis ac ligamentis, cuteque ipsâ, acta fuerit, ut reclinatò penitus extremò pede, aliquot transversorum digitorum latitudine prominuerit, largâ satis ex vulnere hæmorrhagiâ subsequente, Susceptam & in Hospitis sui ædes, unde modò exierat, deportatam, vocati mox Chirurgi decenter, ut motum sede suâ naturali os reducerent, collocârunt. Operi verò ipsi manum admoturis id imprimis molestum erat, quod implicata profundè, & irretita quasi perrupti tibialis reticulati laciniis fuerit prominentia, quibus tamen successivè, volsellarum ope, & blandè evulsis, factis etiam pro necessitate partis, ossisque ipsius loco moti elutionibus & absterfionibus, illud tandem præviis quibusdam extensionibus feliciter reposuerunt, deligatoque hinc ut decet vulnere, administratisque reliquis pro restituti ossis firmâ detentione necessariis, felicem querulanti curationis spem fecerunt. Illa interea benè se, & ad omnia rectè habuit, præter quod noctes solito turbulentiores ipsi, haud tamen insomnes acciderint. Sexto ab infelici casu die spontaneò disfluebat sudore, & largo, &, ut adstantes referebant, frigidò, quem quædam extremorum totiusque corporis refrigeratio comitabatur, insolitâ anxietate stipata, ingratòque circa vespèram acceptò nunciò, famam concernente, nimium quantum adaucta, ita ut totam illam noctem inter gemitus, lachrymas & suspiria omninò tristissima, multamque innocentiae contestationem transigeret, deliraque tandem & absurda loqueretur. Graviores ergò cum metuerent adstantes, primò mox mane ad ægram me vocârunt, quam etiam sine mora accessi; at cum faciem mirè collapsam, mentem emotam, udorem cutis frigidum, asphyxiam, anxietates & jectigationes inquietissimas adverterem, extrema jam imminere, animæque magis quam corporis necessariam

riam fore curam monui, luctantiq̃ue cum morte, datò adstantibus prognosticò, valedixi; cui etiam accedentes brevi post motus spasmodici, bihoriò nondum elapsò, & vitæ & querelarum finem fecerunt, nullò nec inflammationis nec gangrænæ indicio in læso pede comparente, corpore verò post mortem, collò præsertim & facie, admodum intumescente. Metuebam mox in principio tale fatum, revocato in memoriam *Sculteti* prognostico, quod habetur in ipsius *Armamentarii part. 1. pag. 140.* cui exhibilando an sufficiat *J. Muys Prax. Chir. rat. dec. 5. observat. 6.* penes alios iudicium esto. Occultum modò esse nequit, quàm latè se turbatio regiminis animalis extendat, quamq̃ue aliquando graviter nervosi generis affectiones luere vitæ cardines cogantur.

[1687. 16. Septembr. Leonberg à Augustam missa.]

SCHOLIUM.

DE gravium à luxato pede symptomatum, obmutescen-
tiæ, convulsionis, stuporis, & imperfectæ Paralyseos,
turba virginem quandam invadente videri potest *Johan. Nicol. Binningerus cent. 2. observat. med. 36.* quinimò ipsam mortem à temerariè tentata luxati tali repositione notavit *Nicol. Tulpius lib. 4. observat. anatom. cap. 49.* acri idcirco, si ullibi, in hoc saltem articulo, circumspeditione opus esse, scribens, *Hippocratis* etiam testimonio periculum hujus mali confirmans.

[L. Schröck, L.f.]

OBSERVATIO LXVIII.
D. MICH. BERNHARDI VALENTINI.
Calculus in Vesiculâ seminali.

Recenti adhuc in memoriâ versatur famosum nuper & in Novellis aliquoties enarratum *Furus Anglici* delictum, qui ob surreptos Jacobinos aureos Lapidesq; pretiosos *Frankofurti ad Mœnum* haud ita pridem capite truncatus & ab Illustri Emporii hujus Senatu Theatro Chirurgorum Anatomico in sacrificium est concessus. Sectionem administrabat *D. SPARRIUS Physicus Loci Ordinarius*, qui præter alios è pulmonum lobis resectos lapillos, in alterutrâ, quod rarius, Vesicularum seminalium calculum adoriebatur pisum tam colore, quàm forma atque magnitudine referentem, quem in Musæo Suo Instructissimo servat *DN. WALD-SCHMIDIUS Frankofurtensis*, in conquirendis undique rebus Physicis Curiosissimus.

OBSERVATIO LXIX.
D. MICH. BERNHARDI VALENTINI.
Cephalalgia crudelis ex turgescencia
menstruorum.

Menstruosa est virgo, juxta *HELMONTIUM*, quæ datâ opportunitate non est menstrua. Nec monstri tantum aliquid, sed plurimum insimul calamitatis alunt, sicubi ea, quæ in sexu sequiori sibi vindicat, naturæ non exsolvant virgines, cujus observatu fortè non indignum est exemplum, quod *DN. GODOFREDUS HENNICKE, Archiater Erpacensis* nuper, ut sequitur, communicavit: Puella, inquit, XV. annorum, tributis lunaris adhuc nescia, haud ita pridem insanò capitis dolore corripitur, uno

tantum in locò, Sutura sc. lambdoideâ, fixò permanente, qui interdiu æquè ac noctu singulis horæ quadris eandem adeò crudelibus paroxysmis invadebat, ut ambabus caput undiq; premens lectum desereret, parietes arietaret atque tantum cūfulatum ederet, ut per ædium aliquot intervallum inaudiri posset. Singuli paroxysmi dimidiam, sæpe & integram horæ quadram emetiebantur, postmodum satis tolerabiliter se habente ægrâ. Plures aliquid Magici latere suspicati sunt, quod, parum abest, quin ipsemet crediderim, priusquam omnium certior redditus essem. Consultus ergò, ægra nondum conspectâ, *aperientia* in medium consului ex *arcano Tartari, Tinct. Martis & Salis Urin. volat. coagulat. it. Pulv. Anticacheet. &* quia madescibat nonnihil locus affectus, *Pulv. Myrrhatum* pro insperione. His parum promoventibus ipse visito ægram, *Vesicatorium* applico & *cataplasma ex Fermento cum Sinapi & Succino*, intus verò *laudanum opiatum*, quod proficiebat valdè. Unde animosior redditus curam ita prosecutus sum, ut omni vespere, tempore decubitus 12. ad 15. guttas Spir. Salis Armoniaci, in quo *laud. opiat.* solutum, propinarent, manè verò *aperientibus*, imprimis, *martialibus & infuso antiscorbutico* insisterent. Circa novilunium *suffimigium* ex Sulphure Aurato Antimonii præscribebam cum V. S. & hæc ratione perfectissimè convaluit.

OBSERVATIO LXX.

D. MICH. BERNHARDI VALENTINI.

Hydrophthalmia puncturâ acus percurata.

Non possum non sequentes Observationes à D.D. WESSEM Practico Francofurtensi & in curandis variis oculorum affectibus undique Celeberrimo communicatas annectere, cum hæc talia sint, quæ non cuivis facile occurrunt. Prima est cura *hydrophthalmia*, ad quam fundi-

funditus curandam eradicationem oculi jam suaserat. . Tentavit tamen primò annon pertusione oculi aliquid efficere posset, quod adeò feliciter cessit, ut evacuato prorsus humore, adhibitis internis & imperatâ legitimè diata malum prorsus victum fuerit.

OBSERVATIO LXXI.

D. MICH. BERNHARDI VALENTINI.

Hypopium similiter curatum.

ET hoc pertusione feliciter curavit, acu corneam inter & adnatam adacta, quo facto pus intus detentum prorsus effluxit.

Confer Job. Mekeren observ. chirurg. cap. 9.

OBSERVATIO LXXII.

D. MICH. BERNHARDI VALENTINI.

Cancer Oculi.

HOc verò malum adeo periculosum est in oculis, ut vix nisi per oculi extirpationem curari possit, quo in passu methodum *HILDANI* laudat *Autor ante nominatus.* Curiosum verò est, quod de *oculo* Virginitis cujusdam cancroso extra orbitam ob nimiam inflammationem acto retulit, quòd, cum punctum quasi igneum in illo observàrit & ex Virgine quæsiverit, annon & noctu quoque videret objecta oculis obversantia, illa affirmaverit, adeò quidem, ut per fenestrarum occlusionem obscuratâ camerâ omnia in tenebricosis etiam angulis reposita curatissimè discernere potuerit; id quod effecit, ut Mater puellæ veneficii crimen imputâset, nisi ob nimiam partis inflammationem hoc sæpè evenire adstruxisset ipse Medicus.

[1687. M. Octobr. Giesâ missa.]

OBSER.

OBSERVATIO LXXIII.
D. JOH. JACOBI MARTINI.
Anatome Hydropicorum.

Nicolaus *Bect* / puer novem annorum, viliori ob paupertatem parentum victui assuetus, à teneris difficili respiratione laborabat, appetitus erat prostratus, sitis verò justo intensior, unde multum aquæ cerevisiæ. que ingessit; per annum cum dimidio tormina ventris sensit, quibus cessantibus intumescere pedes, dein abdomen cum tussi sicca, factusque Hydropicus: propter defectum nummorum verò parentibus remedia non adhibentibus morbus indies crevit, donec decem ante mortem dies scrotum quoque intumuerit, superveniente ejusdem gangrænâ atque diarrhœâ lethali.

Apertò abdomine, præsentè nobilissimò Dn. D. Nebel amico meo & Chirurgo *Sebast. Bect* / præter magnam aquæ copiam viscera inundantem, deprehendi omnes ferè partes interiores satis sanas, nisi quòd mediante membranâ densâ atque firmâ omentum intestinis, hepar diaphragmati, ventriculus lieni arctissimè adhæserit, ut nec manu nec cultrò integrè separari potuerint; glandulæ mesenterii scirrhosæ materiam continebant sebaceam.

Remotò sternò, pulmo dextri & sinistri lateris pleuræ, diaphragmati & pericardio ope membranæ densæ firmissimè & undiquaq; annectebatur: in pulmonibus quoq; aliquot minores videbantur hydatides.

Porro in examine viscerum Nicolai Benderi militis in Nosodochio ascite demortui & d. 20. August. 1682, dissecti sequentia observavi.

1. Abdomen adeò erat tumidum ac distentum, ut æger ipse semper disruptionem metuerit, quamvis intra octo die-

rum spatium ante obitum duodecim mensuræ aquæ per urinam fuerint excretæ.

2. Incisione aliquali factâ habitus abdominis erat ἀπικελῶς, ex quo magna feri vis prorupit, & aquæ primò limpidæ, deinde subcruentæ, fœtoris pessimi & cadaverosi ad octo circiter nostrates mensuras in pelvim appositam defluxêre.

3. Omentum ultra mediam partem consumptum.

4. Ventriculi & intestinorum aquis innatantium à naturali statu non magnus erat recessus, nisi quòd illius fundus aliquò modò lividus, hæc verò ut & ventriculus flatibus turgida fuerint.

5. Hepar & lien vitium quoque fecerant, inter quæ sex videbantur hydatides nucis avellanæ & castaneæ magnitudine.

6. Renes flaccidiore.

7. Vesica felle amplissima bile flavâ repleta.

8. In thorace omnia viscera aquæ largiter innatabant.

9. Pericardium aquâ fardum loturæ carniū simili, ut *Uij.* & ultra liquoris sinu suò complecteretur.

10. In corde ipso exterius pinguedine destituito tres polypi, (quorum unus nucis magnitudine in ventriculo sinistro) arteriæ venosæ aortæque ostiis adhærescebant.

11. Venæ cordis coronariæ exsanguæ.

12. Pulmones firmiter pleuræ annexi (quod non adeò rarum, cum in omnibus, quos hæctenus dissecare contigit, quamvis diversis omninò morbis obierant, repererim) in quibus quatuor observavi hydatides, de quibus aliquando, DEO volente, fusius.

OBSERVATIO LXXIV.
D. JOH. JACOBI MARTINI.
Abscessus cerebri.

Jacob Krauß / miles annorum 30. præterpropter, vino deditus, ter in caput se præcipitem egit ebrius, post mensem conqueritur de insigni cephalagia cum aliquali stupiditate, in Nosodochium à me die 9. Novembr. 1686. recipitur, varia quidem adhibita medicamenta, sed frustra, accedentes enim convulsiones morbi vitæq; finem fecerunt.

Apertò die 1. Decembr. 1686. pro indagandâ mortis causâ, per Sebast. Bess/ Chirurgum ordinarium exercitissimum, cranium, in cerebro circa bregma dextrum videre licuit abscessum ovum anserinum magnitudine superantem, & alium ovi columbini magnitudine, purè viridè, foetore suò nares adstantium valdè feriente, repletum.

Affinis huic priori est casus sequens: Christophorus Bûgnet, vir annorum 40. per tres annos questus est de cephalæâ: eâ verò nullis remediis cedente, postquam per novem menses lectò affixus esset, d. 27. April. 1680. supervenientibus convulsionibus epilepticis obiit.

Ablatâ capitis ollâ futuris justo arctioribus præditâ, abscessus instar ovi gallinacei purè crasso & inspissato refertus, tantæque acrimoniæ, ut cranium ipsum corroserit, quod non sine læsione membranæ duræ auferri potuit, in sinistro cerebri lobo ejusq; regione anticâ, inventus fuit. Ipse æger mihi falsus est, se in itinere ex equo lapsum, quod confirmavit quoque cranium, illud enim introvergens circa locum dictum, regioni, ubi abscessus fuit, accuratè respondit.

[1687. 21. Octobr. Heidelbergâ Noribergam missæ.]

OBSERVATIO LXXV.

D. JOHANNIS DOLÆI,

De

Lapide vesicæ figuram infantis
mentiente.

Hortulani aulici nostri filius 12. annorum, diu straguriâ laborans, quam excipiebat ischuria cum doloribus gravissimis & subsequentibus motibus convulsivis vitam cum morte commutavit, apertô ejus cadavere in vesica inventus est lapis 3ij. ponderans, & figuram infantis, quod mirandum, exprimens.

SCHOLIUM.

Quamvis calculi sæpius loci, in quo concreseunt, figuram induant, fortuito tamen, vel aliquo, si loqui ita liceat, naturæ lusu, particularum concursu alienam in figuram quandoque efformantur, variasque res præsentant: sic calculum renis cordiformem Nob. D. *Reiseli* in *Ephem. nostr. Dec. I. Ann. III. observ. 191.* depingit; alium vesicæ calculum cordis formam penitus repræsentantem vidit *Sebast. Scarabicius*, atq; à *Bened. Sylvatico* renalem canis figuram exprimentem fuisse repertum, testatur in *libell. de lapid. concret. in hom. c. 3.* Vesicæ lapidem à vidua extractû, partium in viro genitalium formam exhibentem *dd. Ephemer. An. II. obs. 139.* & alium phaseolo in omnibus similem *Anni III. obs. 61.* nec non pulli anserini figurâ *obs. 19.* sistunt; ubi & corallii trunci ac surculi æmulus, muris, felini capitis, cochleæ, crucis, fragariæ, & pyri figurâ alii, ex *Barthol. Eustachio, Jo. Theod. Schenckio, Petr. Borello, & Th. Bartholino* memorantur. Per urinarios meatus expulsos lapides, qui absolutè figurâ, substantiâ, colore carbonem referebant,

bant, recenset Dom. Panarolus pent. 5. obs. med. 6. Amygdalini nuclei formâ & magnitudine post mortem è Mercatore extractum, cum D. Parente meo vidi; ut qui badzahardicis Orientalibus simillimi quandoq; visuntur, taceam.

[L. Schröck, L. f.]

OBSERVATIO LXXVI.

D. JOHANNIS DOLÆI,

De

Via lactis extraordinaria in Fœminâ.

Sequentem ex Belgio casum mihi communicavit Cl. Dn. D. Hooghmaade, Practicus Lugdunensis Batav. celeberrimus & felicissimus: Uxor Prætoris in vico Austhooren lactans puerum, gravida iterum fit, hinc puerum ablatavit. Ex aliorum Medicorum persuasione neglexit exsuctricem (quæ hic loci ad exsugendum lac adhibetur) rata, lac suâ sponte evanescere. Verùm dextra mamma insigniter intumuit, & paulò post noctu quâdam sensit copiosè lac cum dolore in os profilire, mamma verò statim prorsus detumuit. Hinc quartò graviditatis mense à me consilium petiit, sed suasi illi, ut hanc lactis scaturiginem naturæ committeret; (lac omne deglutiebat, sic iterum in proprium nutrimentum cedebat) nullus enim dubito, quin instante partûs tempore hic lactis fonticulus obtureretur atque lac pristina relegat vestigia. Causam, addit, conjeci in vas quoddam chyliferum, quod cùm se in mammam exonerare nequiret impetu in os sive per se sive per glandulam, viam fecit. A salivalibus laxatis deducere commodè nequivi, eò quod fonte hoc saliente mamma è vestigio detumuit, hinc inde itaq; copiam derivâsse proximum est conjicere: hætenus ille. Quæ de hac re mea sententia est, videri potest in Epistola mea secunda ad Cl. Dn. Waldschmidium; aliorum tamen doctius de hac re exspecto judicium.

[Cassellis 1687. 1. Oct. Noribergam missæ.]

OBSERVATIO LXXVII.
D. JOANNIS LA SERRE.

Cordis vulnera non sunt semper lethalia.

A Pud omnes hucusque sancitum est, cordis vulnera esse perpetuò lethalia. Sed hæc non esse æternæ veritatis, autopsiâ comperi. Quum enim die tertiâ Mensis Maji An. 1684. Cordis & pulmonum structuram incane demonstrare vellem Theologiæ quibusdam studiosis, sublatâ pelle apparuerunt in musculis intercostalibus exigui globuli plumbei. Remoto sternò, globulum unum in mediastino reperi eâ in parte, ubi cum pericardio unitur, & alterum in ipso pericardio: postquam autem ad cor perventum fuisset, globulum detexi tendinosæ cordis substantiæ altius infixum: & ut conjicere licebat, jamdudum vulnera ista cani illata fuerant: qui nihilominus robustus pinguisque erat, & nulla in corde ejus labes conspiciebatur.

SCHOLIUM.

Cordis vulnera esse lethalia communiter perhibetur, ita, ut repentinam mortem si non adferant, diu tamen superesse haud permittant taliter vulneratos; id quod inprimis magna sanguinis, vivifici nectaris, effusio, si in cordis cavitates illa penetrent, maximè probabile reddit; carnosæ autem substantiæ inflictorum consolidationem perpetuus ejus motus impediat, quæ & inflammatio, & alia symptomata funesta facile non possunt non insequi. Quamvis vulnera ista, in brutis præsertim, iterum consolidata, sicque vitam conservatam fuisse, exemplorum pluralitas persuadeat. Quæ inter illud communiter adducere solent, quod *Thom. Rod. à Veiga* in *comm. de loc. aff. Gal.* memorat, inventam scilicet fuisse cervam, infixam quæ gesserit cordi antiquam ex venatione sagittam;

gittam; idemque in alia quadam cerva observatum, fide *Fon-
techa*, addit *Cassp. à Rejes Elys. camp. jucund. quest. 92. §. 4. &
D. Joh. Corn. Weberus pag. 79. anchor. sauciat.* non ita dudum
in Silvis Lascovicensibus cervum fuisse occisum refert, in cu-
jus cordis parenchymate globulus carne obductus fuerit in-
ventus. Quam vulnerati cordis sanationem dictamno tri-
buere solent; *cervos*, scribente citato *Rejes, à dictamno herba,
qua pascuntur, tantam utilitatem sibi acquirere ajunt, ut etiam
cordis vulnera curet & sagittas in illo infixas expellat*: Sed
hæc de dictamni virtute traditio plurimis laborat difficulta-
tibus, & infidâ *Plinii* nititur autoritate, *lib. 8. hist. nat. cap. 27.*
scribentis: *Dictamnium herbam* (id quod de Cretica esse intel-
ligendum, quam tamen memoratis cervis in pastum obti-
gisse, nemo adfirmabit, *lib. 25. cap. 8.* indicat,) *extrahendis
sagittis cervi monstravere, percussit eo telo, pastuq; ejus herba eje-
cto*; Imò si herbam istam sanandis cervorum vulneribus
conducere ponamus, mirum tamen, cur in istâ *Veiga* me-
morata cerva sagittam diu cordi infixam non expulerit: Il-
lum quoq; dictamni comesti effectum aprorum quoq;, corde
non letaliter vulneratorum, quos tamen herbâ istâ vesci non
est compertum, historiæ suspectum reddunt; quale *cit. We-
berus* habet, dum *Ill. Comitem de Bromniz in Dominatu So-
ravienfi in corde apri invenisse globulum carne & pinguedi-
ne circumductum testatur*; nec minus in Comitatu Nasslo-
vico in apri magni corde globulum plumbeum & planè car-
ne obductum fuisse conspectum, *Exc. D. Dolaus Encyclop. med.
pag. 343.* memorat; & *Henr. ab Heer obs. med. 11. Basileæ à
Fel. Platero in Theatro Anatomico cor porci domi suæ macerati
ostendisse, in quod bacillus acutus, puerilem digitum mino-
rem longitudine æquans, ante semestre impactus fuerat, re-
censet*; quin noster *Nob. D. Joh. Conr. Peyerus meth. hist. anat.
cap. 6.* in corde vaccæ à *D. du Verney* acum sartoriam, unciam
unam cum semisse longam, nigram prorsus multaquæ ferru-
gine incrustatam, scribit deprehensam. Neque in humano
genere

genere deest exemplum, quòd cor solutionem continui sine vitæ discrimine pati possit; id quod *Barthol. Cabrolus observ. anat. 26.* confirmat: ipse ego, scribens, *presentibus Rondeletio &c.* duo mirabilia satis ad hanc rem facientia in duobus cadaveribus exhibui, primò in basi cordis ad coronariam, cicatricem duos latos digitos longam, testonemq; ut vocamus, crassitie aquantem. Secundo eodem loci, anno insequente ulcus latitudine folii myrtini sat profundum. At ne quis hinc iis mortem obtigisse arbitretur, ambos laqueo vitam finisse, subjungit. Tendinum autem vulnera, quale hac *Exc. D. Autoris* in observatione legitur fuisse, non simpliciter esse letalia, vel ex eo constare potest, quòd eosdem discissos consui posse, *Joh. Veslingium obs. 15.* experientia docuerit.

[*L. Schröck, L. f.*].

OBSERVATIO LXXVIII.

D. JOHANNIS LA SERRE.

Succī hyosciāmī internè usurpatī effectus.

CHirurgus quidam Monspeliensis sub curâ habens dysentericum, clysterem cum librâ unâ succi hyoscyami injici jussit. Statim à sumpto enemate ægrotus tanquam temulentus fiebat, omni sensuum usu orbatus, torvoque erat aspectu. Atque si sedens in lecto collocaretur, in eo situ statuæ instar remanebat; in tali statu absque ullo remediorum subsidio per viginti quatuor horarum spatium relictus fuit; tum temporis enim advocatus medicus, cognitâ istorum symptomatum causâ, aptis medicamentis propinquam mortem fugavit. Sed per sex septimanas ad minimum quasi temulentus fuit adhuc ægrotus.

SCHOLIUM.

HAnoviæ dysenterico dedit Empiricus quidam Enema, in quo ʒj. Opii Thebaic. fuerat dissoluta, huic statim apoplexia & mors subsecuta est.

[*D. Joh. Dolans.*]

OBSERVATIO LXXIX.

D. JOHANNIS LA SERRE.

Cœcitas certâ anni tempestate invadens.

Virginem quandam plebejam vidi Monspelii octodecim aut circiter annorum; quæ singulis annis versus mensem Majum perfectâ cœcitate occupabatur sub vesperam paulò post Solis occasum, illaque durabat ad posteriorem usque lucem, donec sol denuo ortus foret; tunc enim nullum apparebat in ejus oculis pristinae cœcitatis vestigium; in tali perseverabat Statû per tres quatuorve menses; & integro ante invasionem mense videbantur ipsi nubeculae oculis obversari. Sæpè cum amicis noctu illam invisi, ut certior fierem, num fraus aliqua subesset; sed proximè admotis oculis ejus lucernis, & diu satis ibi detentis, nihil penitus percipere unquam potuit. Ab ipsâ accepi, amitam ejus, istiusque amitæ liberos duos, eodem affectu esse detentos. Rusticum in patriâ meâ vidi pari etiam affectû laborantem.

[*Cassellis An. 1687. 1. Octobr. Noribergam missa.*]

OBSERVATIO LXXX.

D. GEORGII FRANCI.

Abortus VII. Hebdomadum cum gemina
mola pingui.

Nobilissima Conjux Amplissimi Dn. I. E. L. Consil. & Ableg. L. annos xxiv. circiter nata; temperamenti sanguineo-cholerici, jam quartâ vice utero gerebat circiter à VII. septimanis. A principio tamen Anni post C. N. clo Idc xxvi. sensit suppressionem mensium, (quos totò septenniò, quò ducta est, inordinatos & paucissimos habuit) adeò, ut suspicaretur, se esse gravidam, maximè cum abdomen sensim intumesceret, & nausea quædam ad certos cibos oriretur: pedes quoque parum, maximè circa vesperam intumescere. Interim Dn. Maritus jam à IV. mensibus domo aberat, heicque apud nos commorabatur: Commodum ecce Conjux ejus ante has VIII. septimanas huc etiam venit, & accessit Marito. Continuatur mensium suppressio cum intumescencia abdominis, adeoque ipsa spes imprægnationis. Ante triduum filiolum bima paulò majorem utroque brachio in altum adtollic; sentit statim ruptionem quandam internè in abdomine cum dolore; statim mali quid ominatur, nec fallitur; siquidem xxiv. Maji ♀. st. n. circa vesperam sentit risus aliquot spurios. Sequenti die xxv. Maji h. continuantur iidem & sensim aliquid cruenti simulque aquosi liquoris effluit. Vocor xxvi. Maji ☉. mane, omnia aderant abortus imminentis indicia. Cumque ob nimis turgidas venas urgeret Venæsectionem; consensi; maximè cum se diceret à V. mensibus utero gerere. Sollemne enim apud nos est & proficuum, præcipue in regione calidiore, & ubi vinum ordinariè bibitur, ut mediò gestationis tempore venam sibi in alterutro brachio incidi gravidæ pariantur, quod etiam ultimò mense

menſe feliciter repetunt ; præcipuè, quibus major ſanguinis copia, adeò ut ipſe viderim, eodem die venam ſectam, & feliciffimè peperiffè gravidam ; quod & audio Viennæ in Auſtria ſapè conſieri, ubi pro bono habent omine, wann man die *Aderlaßbinde mit ins Kindel-Bett bringt.* Secatur in dextro Noſtræ brachio mediana, emittitur iſſ. ſanguinis cum *loſſ. eſſ. eſſ.*, absque omni moleſtia. Interim tamen & ante & poſt V. S. niſus dicti fiebant crebriores, humorque aqueus ſanguineò permixtus ſenſim profluebat. Exhibeo Pulv. ex Unicorn. foſſ. & vero, Ebor. ſ. Igne, Lap. Bezoar, Pulv. meo catholico, Corall. r. &c. in Aqua Nymphææ ; ſed primam ſtatim revolvit doſin. Ecce intra horam continuatis, immò auctis niſibus excernitur primò Embryum, & poſt VIII. horas demùm ſecundina cum placenta uterina, cui ſimul adhærebat gemina mola ex mera membranofa pinguedine conſtans, quarum una magnitudine ovi gallinacei, altera columbini, ſine ulla vaſorum notabili præſentia vel textura. Has cùm videret obſtetric, judicare nescivit, donec ſupervenirem, & rem omnem in aqua fontani macerarem atq; examinarem, ſimulque ad oculum omnia & mihiutiſſima quæque demonſtrarem. Ipſum Embryum erat ad digiti indicis longitudinem, ſed paulò craſſius : In capite, ubi fontanella eſt, erat veſica membranæ, inſtar digitalis, ſed perforata, ita ut ipſam cerebri ſubſtantiam potuerim conſpicere. Contemplabamur oculos gemellos, ipſas naſes, auresque utrinque ; os acutum & prominens, inſtar ranæ ferè : apertò eodem lingua videbatur. Siniftra manus pone aurem ſiniſtram reclinata, dextra verò retrorſum, & quaſi contorta ad dorſum. Pedes utrinque verſus nates repositi ; in artubus omnibus digiti non ſolùm exactè diſtincti, egregièque figurati, ſed & ipſi eorum unguiculi conſpiciebantur. Abdomen turgidulum, cum funiculo umbilicali ad VI. uncias longo. Aderat inſuper manifeſtum penis & ani indicium. In dorſo ſpina quaſi pellucida per vertebraſ parvulas tranſlecebat. Cultri examen adſtantes nolebant ad-

mittere. Interim maximi sanguinis grumi ad pugni magnitudinem ab abortiente excernebantur, absque ulla ferè vi-
rium jactura; sitis tamen paulò intendebatur, sed ad cibos
nullus erat appetitus, qui tamen intra triduum rediit, ita ut
post usum sanguinem depurantium & confortantium intra
VI. dies potuerit consueta munia commodissimè obire, &
quò vellet domi prodire. Succurrit memoriæ aliud notabi-
le exemplum, quod in honestissima Matrona Nobil. Dn. Durr,
Vice-Chiliarchæ Conjuge, A. C. clo lxxc, ipsâ æstate ab-
ortum patiente cum notabili ^{pueritia} observavi, marito tum
in Anglia absente cum Serenissimo Dn. CAROLO, Com. Pal.
& Elect. Herede: siquidem post plurimas molestias, nifus in-
gentes, sed irritos, obrepentibus lipothymiis aliisque Sym-
ptomatibus ægerrimè secundinæ fetum mortuum sequeban-
tur; illis verò (quam caussam tot molestiarum deinceps cre-
dere cogebarur) adnata erat ingens mola librarum circiter
VII. planè instar Steatomatis adiposa, paucissimisque vasculis
prædita. Ab illo tempore hæc Matrona, utut satis vegeta &
nondum quadragenaria intra VI. annos non concepit, donec
ante VII. menses iterum abortum ederet.

OBSERVATIO LXXXI.

D. GEORGII FRANCI.

Ex Fistula pedis Gangrænosa in cœco
mors.

Perillustris Dn. L. B. de Bourscheid, Dominus in Burg-
broul, ætatis suæ ultra LXXII. ann. jam à XXVIII. annis
cœcus (scil. eodem annò, quò uxor ejus moriebatur, fra-
terque ejus ferè eadem ætate cœcus factus) multas per-
pessus calamitates ulcus in sinistro crure sentit, multotiesque
erysipellate atque calculo vexabatur. Fonticulum pedi ad-
apta-

aptavit, sed parum proficientem. Jam ultra annum sensit tumorem in sinistra papilla durum. Verum pes æger cepit ex Erysipelate se pejus habere, immo tandem in gangrænam incidit, cum vesicis magnis in planta infra supraque eam ex coeruleo atris, tumorque papillæ mirum augebatur in modum. Aderat à V. diebus alvi constipatio; vocor ex acidulis S. Antonii (vulgò Tôngestein, ubi tunc temporis Sere-niss. Dn. FRIDERICO MAGNO, Marchioni Badensi &c. &c. Dn. meo Clementissimo Heroi Toga clarissimo & omnium bonarum Artium DEO tutelari clementissimo inserviebam) video rem conclamata in Optimo Sene, Clysterem injici curo, confortantia & antapoplectica (ita circumstantiæ urgebant) exhibeo, verum intra bihorium $\frac{2}{10}$. Junii cio 10c LXXXIII. post hor. 12. merid. moritur, partim Apoplecticus, partim suffocatus: Vir cetera pius, probus & erga Clerum ac pauperes admodum liberalis. Post mortem 2. diebus facies mirum in modum intumuit cum foetore, procul dubio à suffocatione & sanguine in præcordiis stagnante.

OBSERVATIO LXXXII.

D. GEORGII FRANCI.

Dysenteria cum morbillis & convulsio-
nibus letalis.

Cum proxime elapsa æstate cio 10c LXXXVII. ob inæ-
qualem totius anni crasin, tam vitio aëris, quam hu-
morum internorum, quos maximè adauxit fructu-
um horariorum, nebulis & pluviis malignis infecto-
rum, in multis ingluvies, multi infantes immo & adulti
Libitinæ in rationes venerant, tum in Palatinatu, tum in
vicinis regionibus. Inter alios filiulus V. annorum, Dn.
Boxbergeri Ludimagistri Ecclesiæ Lutheranae Heidelbergensis,
primo diarrhœa, dein ipsa corripitur dysenteria, quibus su-
perve-

pervenire morbilli, hinc inde per corpus dispersi, qui tamen post paucos evanuerant dies usu bezoardicorum. Nihilominus tormina & dejectiones modo mucosæ, modo cruentæ augentur, aderat vomitio creberrima, ut nihil tam alimentorum, quàm medicamentorum ulterius assumere valeret, cum anorexia, siti, feбри & fœtore cadaveroso, qui sollemnis prodromus mortis esse adsolet. Tandem supervenere Convulsiones, qui 30. Augusti circa meridiem huic Tragœdiæ imposuere finem.

OBSERVATIO LXXXIII.
D. GEORGII FRANCI.

Vir Menstruus.

Quando Mich. Scotus *Physiogn. c. X.* & Cass. à Reies in *Campo Elys. Jucund. Quæst. XLVII. n. 16.* asserunt Judæos per naturam habere fluxum sanguinis per virgam secundum lunam quibusdam guttis, ut mulieres; illis minimè accedo, tum quod sit præter rationem, tum præter experientiam, quod & illi, qui ad Christianismum sunt conversi, confirmant, ut taceam istos propter munditiam & rigorem legis Mosaicæ in femellis menstruatis esse admodum præcisos & accuratos. Hoc etiam in Judæis negat immensæ lectionis Vir Gisbert. Voëtius *dispp. Select. part. 2. p. 96* cum *Abulensi, Salmerone* atque *Lorino*. Nihilominus pati & mares magno valetudinis commodo fluxus menstruos pronunciat *Th. Bartholin. Cent. V. b. 33.* ubi simul allegat *A. Lacunam p. 7. de meth. cur. carunc.* in Lotharingia ac Germania vidisse nonnullos, quibus ordinariè menses effluerint, lacq; in mammillis. Et pluribus aliis hoc confirmavi exemplis ex *Aquapendente, Reies, Zacuto in Satyræ meæ Medicæ Cent. V. lit. 2.* Hac vice subnectam historiam, quam nuper Expertiss. *Dr. D. de Houst, Septuagenarius & Pract. Celeberr. Heidelberg.*

Observ. LXXXIV. De Cadavere in antiquo sepulchreto &c. 175

berg. 3. Sept. cio 100 LXXXVII. in Consilio Facultatis mihi retulit, se scilicet vidisse olim Seduni in patria Ianionem, qui singulis mensibus per urethram sanguinem redderet menstruum. Quod cum in vulgus emanaret, abhorruit à Viro, nemoque deinceps carnes ex ejus macello coemere voluit.

[A. 1687. Nov. Heidelbergâ Augustam missa.]

OBSERVATIO LXXXIV.

D. JOH. DANIELIS GEYERI,

De

Cadavere in antiquo sepulchreto reperto
unà cum urnis sepulcralibus.

Circa pagum Dünttesheim Alzejanæ Diœceseos, A. 1687. in fertili agro inter arandum rusticus inveniebat sepulcrum, inque eo sandapilam lapideam 12. pedes longam, latam vero 4, remoto operculo à rustico ejusque socio sub spe thesauri intus nil aliud reperire nisi scelerum humanum, cujus caput, costæ ac artus poterant conspici, quæ omnia cum præter intentionem fuerint contacta, statim in pulverem resolvebantur; ubi locus abdominis, erat vilis pulvis, præterea pauca ossicula flava sive fusca tarsi, carpi, cum dentibus, sollicitus equidem fui in inquirendo fabuloso ossiculo Luz, sed frustra: Juxta latus dextrum urna posita fuit vitrea capax fere dimidiæ mensuræ Rhenanæ, juxta sinistrum phiala itidem vitrea, quæ vasa odorem spirabant sulphureo-nitrosus, externè coloris viridis, internè, quasi oleum cum pulvere esset commistum quod lateribus adhærebat, phœnicei, alias vacua. Aderant præterea claves sive scoreæ ferreæ, capilli &c. Sandapila erat adeò corrupta vetustate, ut digitis comminuere potuerim, quod verò tractu temporis cessavit, lapisque erat veluti ex arenulis compactus, wie
Sands

Gandstein. De inscriptione sollicitus esse non potui, cum curvo & colo per tot annos lapis corruptus fuerit, insuperque rustici omnia confregerint: suspicioni si locus esset vel pro antiquo Vangionum monumento posset haberi, vel à temporibus Caroli M. deduci, qui his in locis castra metatus est.

Fig. XLIV. XLV. XLVI.

OBSERVATIO LXXXV.


D. JOH. DANIELIS GEYERI,

De

Variis ossibus lapidefactis animantium
ac gigantum.

Vix pagus aut oppidum est, ubi non aut gigantis aut alterius cujusdam animantis ossa prægrandia monstrantur. Sic apud nos Manhemii ex antiquis Nieri fluvii ripis effodiuntur ossa varia, dentes &c. qui suis maxillis inferioribus & superioribus per gomphosin sunt inserti, quorum varia est figura, mox instar caninorum, mox instar molarium; substantiam habent similem unicornu, interius egregie albentem, striatam, exterius partim fuscam partim ex nigro flavam, ponderosam, adeo ut unicus dens dimidiæ libræ pondus exsuperet, tota maxilla verò decem libras & ultra pendeat, & quasi cute rugisque obducta sit non aliter ac in brutis fauces. Vulgus apud nos arbitratur esse rudera ac ossa Elephantum, quorum vestigia & antiquitatem ab ipso *Julio Cesare* desumunt. Verum fabulosum puto, potiusque credo, non esse ossa transmutata in lapides, sed, veluti unicornu fossile aut bolus, pinguem ac bituminosam terræ exsuperantiam, quæ lusu naturæ ita elaborata fuit: Quemadmodum etiam aliis in locis ad ipsum invenitur, uti Elbingenrode in *der Baumanns Höle* de qua spelunca tamen volunt superesse adhuc à temporibus diluvii, ubi inundatione

pag: 176. Fig: 45




Sandapila.

Fig: 44.



Urnae Sepulcrales

Fig: 46





*Hepas Gallinae
macilentae.*

Fig. 47.

pag. 177.

tionem facta homines cum animalibus sese abscondebant, ac ita in eis lapidescebant. Similiter apud nos in pago Feudenheim videre licet os sacrum, Ischii & coxendicis gigantis lapides facti, sed similiter non pro veris agnosco, utut non negarim olim gigantes repertos fuisse.

OBSERVATIO LXXXVI.

D. JOH. DANIELIS GEYERI,

De

Hepate gallinæ macilentæ magno.

Admiramur jecora anserum Judæorum tritico Turcico aut hordeo cocto saginatorum, quod tamen magis attribuendum quieti & saginationi quam alii rei esse arbitror. In gallina nondum annosa tantæ magnitudinis hepar post decollationem reperi, ut appictam effigiem superaret, pondus erat 3vß. 3iij. neque ullum, dum viveret, motus impedimentum senserat, sana alias sed macilentæ. Fig. XLVII.

OBSERVATIO LXXXVII.

D. JOH. DANIELIS GEYERI,

De

Lumbrico longo.

De longitudine lumbricorum egregia exempla possunt legi apud *Horst. Sect. 18. ep. p. m. 500. Trallian. l. 7. c. 6. Forest. l. 21. Obs. 26.* Hic ego in filiolo militis cujusdam gregarii observavi, postquam diu cachexia, tumore ac duritie ventris laborasset multoque pane sese ingurgitasset, quod tandem vermẽm excreverit ad sex præter propter ulnarum longitudinem, quod admiratus fui in puerulo vix sextum annum ingresso. Hoc verme spontè excreto sanus vivit.

[A. 1687. 25. Nov. Augustam misse.]

Dec. II. Annus VI.

Z

OBSER-

OBSERVATIO LXXXVIII.
D. GEORGII WOLFGANGI WEDELII.
Phthisis à Variolis lethalis.

ADolefcens nobilis XVII. annorum cum Augufto menfe Ann. M DC LXXXV. dysenteria laboraffet, feliciter eluctatus & curatus liberius hinc paulò vini potui; idque non raris vicibus, indulgens, menfe Decembri corripitur Variolis, præviò dolore dorfi & aliis Symptomatibus ordinariis. His ex ordine naturæ erumpentibus, arefactis & deciduis non tamen calor fubfidere penitus deprehenditur, fed in hecticum fenfim pulfu frequenti abire. Tuffis etiam quatit pulmones & plenis tandem velis purulentâ excretionem erumpit Phthisis. Conſumptum inde corpus, nil juvantibus generofis remediis, elapſis XL. diebus, tanquam terminò acutorum ultimò fatiſ conceſſit.

OBSERVATIO LXXXIX.
D. GEORGII WOLFGANGI WEDELII.
Uſus Lepidii antiſcorbuticus

ẽvnde ẽ G.

INter plantas antiſcorbuticas eminet lepidium, ſeu piperitis, ſale volatili acri reliquis omnibus ſui generis contra fœtum. Inclaruit olim inter veſicantia, tum aliis uſibus, tum ad epileſiam ẽ certâ aliquâ parte corporis inſurgentem, experimentò & laudibus *Tralliani l. 1. c. 15. p. m. 73.* omnibus aliis antepoſitum; illumque locum apprimetuetur. Pro interno uſu ad ſcorbutum frigidum commendandum meritò, neque timendum acrimoniam illam exterius ulcerantem ullam corpori intus noxam inferre, quod cum allio, ſinapi & aliis

& aliis similibus habet commune, mox & masticatione & ventriculi homogeneo salivæ menstruo immutatâ activitate illâ, ut rodere desinat, non prodesse. *Ευνόειος* est antiscorbuticum, nec alium ferè magis quàm ad hunc modulum conformatum usum expedit.

Apponuntur assis carnibus folia lepidii recentia, gratum sic condimentum suâ accessione largientia. Succus in embammata cedit admodùm salubria, temperatâ & sic succulentâ humiditate vi salinâ, vel vini quoque, aceti & sacchari additione gravior redditus. Spiritus, affusione spiritûs vini paratus, ad instar spiritûs cochleariæ mitior & ipse est, seligendus, inprimis ex horum combinatione, cum vel sine aliis, raphani rusticani rasurâ, nasturtiô aquaticô, sedo minori, radice acri, trifolii fibrini, &c. compositus Spiritus antiscorbuticus.

Optimus & facillimus assumendi modus est, si pani butyrô illitô superstrata folia recentia lota priùs, mastificentur & assumantur, uti Germanis aliàs solenne est, eodem pactô foliis rutæ recentibus uti. Omnis ita conticescit acrimonia, & edulium medicamentosum gratum assumptum, effectus edit optatos. Pinguia nimirum obtundunt vim salinam, ut implicatæ particule acres ramosis mollibus alium planè offerant saporem, quæ hinc optimum sunt omnis illius caloris & metuendæ forsân noxæ & genuinum corrigens.

Meminimus & limaturam Martis crudam, sed subtiliorem cum pane butyrô illitô assumptam summo cum successu ab hypochondriaco. Est nempè & alia ex hoc usu expectanda utilitas, humores acidi, austeri ab usu horum alcalinorum facilè efferandi & calorem quendam vagum daturi, mediante interprete hoc sulphureo placabili magis modo domantur & subiguntur.

OBSERVATIO XC.

D. GEORGII WOLFGANGI WEDELII,

De

Spiritu & Sale volatili lumbricorum terre-
strium antiarthritico.

Foemina XLV. annorum ante XIX. hosce annos laborabat arthritide vagâ scorbuticâ. Præter alia remedia, antiscorbutica, martialia, diaphoretica, cinnabarina, anodyna illinebatur carpo dolenti spiritus lumbricorum, volatilis, solus, ut eò extantius pateret virtus. Dictum factum, conquiescebat idem; cumque vagabundo more repeteret circa articulos alios, quoties applicaretur idem, similis sequebatur effectus, brevi post abactò penitus malo. Utur verò ob acrimoniæ salinæ rodentis gradum diversum non in aliis æquè & penitus extemplò conticescat exortus consimilis dolor, nunquam tamen sine levamine relinquit ægros, seu solus impendatur huic usui, seu cum conformibus aliis mixtus, ut cum spiritu formicarum, cochleariæ, articulari ad extrâ, C. C. salis Armoniaci, essent. castor. &c. Hæc sanè topica nervina & roborantia omnium fuerint optima, & sæpius à nobis probata, modò, præter dicta, etiam venæsectio & purgatio accedat, & proba observetur diætâ.

Eâ verò occasione de modo parandi hunc spiritum operæ pretium est quædam addere. Parari potest triplici modo, cum aliis destillationum generibus, & parandi salia volatilia, communi; viâ humidâ, mediâ, & siccâ. Viâ humidâ, recipiendo lumbricos terrestres q. v. ad libram unam vel alteram, vivos illos & lotos; condantur & reponantur in cucurbitâ vitreâ leniter rectâ, sibi relictî per aliquot hebdomades, donec resolvantur in putrilaginem. Si aère paulò calidiori id fiat, fermentatio magis evidens prævia visitur. Hinc l. a. fit destilla-

stillatio & rectificatio. Ast hic ipse processus optimè quidem succedit, sed foetor maximus conjunctus ingratum reddit medicamentum.

Media via statui potest, alibi à nobis memorata, quando lumbrici vivi loti s. q. induntur retortæ vitreæ, superingestis cineribus cribellatis, & mox ex arenâ debitis caloris gradibus destillatur spiritus, cum olei insigniter empyreumatici parte, qui pro lubitu rectificandus suis inservit usibus. Enimverò & hic magis phlegmaticus, sal volatile non minus ac prior implicitum & tenerius exhibet, quare usu egregiò non caret, cedit verò uterque tertio modò, viâ siccâ parando.

Recipiuntur lumbrici terrestres, mensibus æstivis, tempore pluvio in copiâ colligendi, abloti cum vino suspenduntur filis lineis puris in aërem liberum, donec, quod brevi temporis spatio fit, exiccati in hunc & alios usus majoris momenti servari queant. Horum quantitas sufficiens retortæ indita ex arenâ propulsa largitur spiritum, minori quidem quantitate, sed efficacissimum, ab oleo suo separandum, & sal volatile egregium, tum in recipiente vitreo vase, tum collo retortæ affixum. Elutriari idem affusâ aquâ simplici vel spiritu vini potest, & cum spiritu rectificatione maritari, pro usu cephalico, nervino, epileptico, antiscorbutico, antiparalytico, arthritico singulari.

OBSERVATIO XCI.

D. GEORGII WOLFGANGI WEDELII,

De

Uteri procidentia.

Non infrequens vitium est in foeminis prolapsus uteri, seu procidentia, & è loco suo emotio. Estque eadem vel interna, quâ de optimè divinus *Hippocrates* agit

passim, vel externa. Hæc iterum vel spuria, excrescentia, scirrhus debita, vel vera; modò vaginæ, quod frequentius fit, modò ipsius uteri.

Tumor ipse vel tactui hinc apparet, vel oculis simul: molli, mobilis, nisu abdominis & respiratione retentâ depressi facile exiens, modò minor, modò major, aliquando & durus, si in scirrhum degeneret.

Fœmina paupercula tali quoad vaginam magis laborare visa, retinebat intus molem, ne prorumpere & negotium facesseret, subdito & intruso pomo. Monstratura vitium me dico, halitu retento versus inferiora nisu factò exhibebat primò pomum cum impetu profiliens, sensim evolutò ipsò molli corpore coriaceo, quod eodem facili obice reponebat, evitans sic molestiam ordinariam tum in ambulando, tum in corpore reliquo, appulsò frigore. Ubi considerandum relinquitur hoc ipsum phænomenum, quod pro lubitu extrudi possit aliquando solò nisu illò.

Quamvis verò non dari omninò procidentiam uteri veram aliqui negare conentur, & publicis scriptis hæc velitata sint; certum tamen est per *obolus*, procidisse eundem ita, ut spithamæ ferè distantia, seu plurium saltim vj. vel vij. unciarum distantia ipsum orificium uteri internum extra corpus elatum menses foris stillaret.

Fœmina honesta hoc ipsum patiens nobis id referebat primùm, hinc dubitantibus, & monstrare seu oculis subicere non dubitabat, pluribus annis ita affecta, quæ etiamnum vivit, etsi menses per ætatem fluere jam desierint. Aëri frigidiori exposita cardiogmum experta est sæpiùs, ut & tensionem quandam abdominis, quod in priori illâ memoratâ gravius factum observavimus.

Certum item, ita procidisse, ut infans intus gestatus in prolapsò hoc corpore visus, teste omni exceptione majori,

Harvæ,

Harvæo, exerc. de partu p. 518. seqq. ut post mortem excisus prius uterus non fuerit inventus; ut ipse in vivis & mortuis reverà elapsus repertus. Quod negare velle ut contra sensus loqui est, ita nec putandum est, obstare posse experientiæ rationem: firmatum eum satis & ligamenti affixum, ut incarcerationum manere oporteat. Magna enim est in eo expansiva vis, imò major ac in ullâ parte corporis aliâ. Partus difficilis extento eidem facilè vim inferre potest, accedentè inprimis intemperie humidâ & laxitate.

Quare cùm vel mox à partu post foetum ipsum & secundas foràs extuberet, vel aliquanto tempore post, retinendus globo quocunque, herniæ uterinæ nomine venire potest, (quamvis hæc latius pateat,) saltim quoad analogiam, modi & causæ. Fit enim sine dubio ab inæquali vel æquali magis distensione membranarum, coriacei marsupii, ligamentorum & fibrarum uteri, ut scirrhus ab inæquali nutrimenti proprii concretionè & coagulatione, cedentibus sibi invicem fibris, & elatere sic laxato.

Tacemus hanc in rem & apud antiquos & recentiores laudatas observationes idem confirmantes, ut & illud, quod notavimus in æditui cujusdam conjugis, cui non nisi gestationis tempore procidentia quædam contingebat, ob molem uteri protrusâ laxatâ membrânâ.

[1687. 27. Novembr. Jenâ Noribergam
missa.]

OBSERVATIO XCII.
DN. JACOBI AUGUSTINI HÜNERWOLFFII,
De
Curatione Maniæ per Emeticum.

MAniacum Tartarô emeticô restitutum notavit *D. Gründelius* in *Ephem. n. Dec. II. Ann. IV. Obs. 166.* Quæ historia cum sequenti coincidit: Faber lignarius juvenis Arnstadii, Georgius Michael Zimmernmann/ maniacus compede vinctus, noctes diesque variô clamore implevit carcerem, oblata fregit, vestes discidit, & ferè Milonem Crotoniatum ingluvie æquavit. Ad sanitatem verò rediit, cùm Tartari Emetici grana tria in haustu cerevisiæ secundariæ sumsit, in fronte venæsectionem admisit, & Nitro Antimoniato in prædicto potu soluto est usus.

OBSERVATIO XCIII.
DN. JACOBI AUGUSTINI HÜNERWOLFFII,
De

Sternutatione enormi ex usu cerevisiæ.

Sternutationis supra modum concitatae à capitis tumore, vulnere, catarrho tenui acri, vermibus, veneno, recitantur exempla in *Ephem. Dec. I. Ann. 3. Observ. 138.* simulquæ dicitur, ubi profit ipsa, aut obsit. Sternutationis à feri acrimonia violentissimæ curationem dat *D. Clau-derus* in *Decur. II. Ann IV. Observ. 141.* Ab esu gammarorum immodicam & sat diuturnam observavit *D. Rommelius Obs. 25. Anni ejusdem.* Admirandæ sternutationis cum eruptione sanguinis per nares, ostendente unô alteri digitum incurvatum in manu, meminit *Hæferus* in *Herc. Med. lib. 1. cap. 7.* Quidam opilio ætatis mediæ, in pago Schwartzburgico, à

moderato cerevisiæ usu, singulis ferè horis diei decies vel undecies, & noctu aliquoties interdum sat graviter sternutat, idque per annos nunc decem sine valetudinis jactura patitur. Porrectò ipsi nuper Tartarò emeticò ad gr. ij. ad decem hebdomades cerevisiam benè tulit. Postea ex eodem potu antiqua recrudit molestia; hinc pharmacò priori vomitus excitatus, malumque profligatum fuit rursus. Elapsis mensibus tribus, cum antè semper absque incommodo bibisset cerevisiam, denuò exorta est sternutatio valida, quæ sicut antea vomitu ad tot menses fuit sedata. Ab alio potionis genere nulla sequitur læsio. Mavult autem quotannis quater sustinere vomitiones, quàm ab assueto cerevisiæ potu abstinere penitus opilio.

OBSERVATIO XCIV.

DN. JACOBI AUGUSTINI HÄNERWOLFFII,

De

Virtute stercoris ovilli.

Nihil sub sole tam abjectum est, quod non aliquando profit hominibus. A stercore animalium fertiles fiunt agri, homines sani. Quis ergò negligeret hæc tempore necessitatis, aut illis invideret, quibus res angusta domi est. Auxiliatricem diversorum stercore vir-
tutem internam & externam in nonnullis exposuit *D. Albrecht in Ephem. Decur. II. Ann. 4. Observ. 81.* Modum operandi tradidit *D. Grube de med. simpl. cognosc. p. 57.* Stercus ovillum præter usum agrarium, & vim emolliendi, discutiendi, dolores sedandi quam possidet, extra etiam egregiè siccatur, extergitur, consolidatur, & hinc traumaticum audit. Priores virtutes demonstrat foemina quædam rustica, in contumaci obstructione ac dolore alvi, foliis senæ & rhabarbaro incassum usâ, stercus recens ovillum cataplasmatibus formâ alvi imponens, &

naturam à sarcina liberans. Altera virtus confirmatur hóc casu : Christophori Neubauers, figuli nostratis filiulus bienis, post variolas epidemias phagadanica in tibiis servavit ulcera, quæ sat diu chirurgorum illudere manus, & tandem inperso pulvere stercoreis ovilli feliciter à parentibus fuere sanata.

[1687. 27. Nov. Noribergam missa.]

OBSERVATIO XCV.

D. ADAMI à LEBENWALDT,

De

Febri maligna in me ipso.

TRistis obitus celeberrimi nostri *Persei II.* revocavit mihi in mentem typum febris malignæ in me ipso observatum. Duos ante annos, dum hybernarent apud nos auxiliares Imperii milites, accessit me Officialis quidam illorum, qui titubantibus pedibus, voce debili & intercisa mihi exposuit statum malæ valetudinis, quam, ex qualitatibus mutatis & actionibus læsis, secundumque omnia signa pathognomonica, facile colligere fuit, mali moris hospitem fovere; loquebatur mihi, licet retrocedenti, de ore ad os, fomitemq; probabiliter salivæ meæ adhærentem communicavit. Quid fit? incipio nonnihil languere animo, cibum sine appetitu sumere, noctem inquietam & anxiam habere, altero die manè alimentum ingestum cum tanto impetu evomere, quasi per syringam in longum spatium fuisset explosum. Successit maximus æstus in hypochondrio dextro versus hepar, sitis inextinguibilis, ut potius moriendum mihi duxerim, quàm non bibendum, ita ut ad 5. mensuras aquæ coctæ eo die exhausserim, appetitu ad omnem cibum totaliter prostrato. Paulò post cor ingenti ardore corripitur,

vires

vires collabuntur, coma somnolentum me opprimit, applicatur clyster, qui etiam ad modicas evacuationes vires magis deiecit. Caput sine dolore quidem fuit, sensus autem externi & interni ita debiles ut vix non ad delirium inclinarent; & hæc tragoedia ad quartum usque diem continuavit, quo levis sudor dabat indicem, per quam viam natura velic hostem infensissimum ejicere, urina ferme in naturali statu existente. Arma sumo, sed quæ? Cornu cervi sine igne præparatum in sat magna quantitate impono in vitrum, superfundo solam aquam cardui benedicti, & omni hora cochleare sumo, &, laus DEO, septimo die morbi abundantissimo sudore liberor, perfecta crisi judicatus. Abstini à venæsectione, purgantibus etiam lenibus, aut sudoriferis valde calefacientibus, ut Aqua theriacal. Mixtur. simpl. Sale C.C. volatili, & aliis theriacalibus, quæ non rarò sublimant materiam malignam ad caput, deliria & convulsiones inducunt, præsertim ubi cerebrum imbecille &c. Miles, de quo dixi, iisdem medicamentis convaluit, &, uti non dubito, strenuè pugnat contra Turcam; infecit autem in hospitio suo 6. personas, quarum duæ senio jam confectæ ultimum obierunt diem, cæteris convalescentibus. Adhortatos hic volo mēdentes, ut se ab halitu talium ægrorum custodiant, vel utantur præservativo universali ab Excellentissimo D. D. Dobrzensky, Professore P. Pragensi, proposito, nimirum ejectione sputi frequenti.

SCHOLIUM.

Ipsē quoque hoc anno, mense Aprili, civem hujus loci 40. circiter annos natum, febre petechiali contumaci, gravibus symptomatibus stipatâ, laborantem, præter alia primò usurpata remedia, tandem, ad evitandos majores sumtus, cum hocce cornu cervi spagiricè, ut vocant, præparatum, per aliquot dies frequentius propinari curassem, feliciter, auxili-

188 *Observ. XCVI. De Asthmate flatulento post febrem malign.*
ante DEO, ab imminente vitæ periculo liberatum fuisse, re-
cordor.

[*L. Schröck, L. f.*]

OBSERVATIO XCVI.

D. ADAMI à LEBENWALDT,

De

Asthmate flatulento post febrem
malignam.

Vir nobilis ante duos annos febris malignæ sævitiem
perpeßus, finitâ hac, patitur asthma flatulentum, ita
(quod mirum dictu) ut nec loqui nec edere possit
absque intercepta aliquali respiratione, gyrando os
& caput, ut facilius auram trahere valeat, ventriculus sem-
per flatibus impletur, qui diaphragma comprimit, post eru-
stationem melius sentit, sed paulò post iterum inchoat affe-
ctus; ferrur etiam ad omnia membra externa hæc flatulen-
ta materia, & arthritidem vagam producit; medicamentis
variis usus, levatur aliquantulum, non curatur. An crasis
& tonus viscerum ita à malignitate destructus? judicent alii;
hic certè ex corvo malo malum ovum.

OBSERVATIO XCVII.

D. ADAMI à LEBENWALDT,

De

Hernia Varicosa.

Juvenis quidam temperamenti sanguinei, passus est her-
niam varicosam in interna scroti tunica dilatatis vasis sper-
maticis, cum dolore & pondere quoties deambularet. A-
peritur vena brachii, ob plenitudinem sanguinis, nec gutta
efflu-

effluit, pedibus comprimit locum affectum, mitigatur dolor, & largissimo rivulo saltat sanguis foras. An ex hoc concludendum, dolorem spiritus attrahere? Valde levatus fuit per venæ aureæ mediantibus sanguisugis apertionem.

[*Leobio 1687, d. 24. Novembr. Augustam missa.*]

OBSERVATIO XCVIII.

D. RUDOLPHI JACOBI CAMERARII,

De

Usu baccarum solani racemosi tinctorii Americani pro Confectione Alkermes.

Electuarium in Officinis Pharmaceuticis sub nomine Confectionis Alkermes notissimum non minus multorum hætenus meruit encomia, quam varia subinde aliorum judicia subiit & censuras. Rejiciebatur modò Sericum, ab Autore *Mesue* ut Succo granorum chermes tingatur præscriptum, modò lapis Lazuli ob vim purgantem suspectus excludebatur, taxabat hic parandi modum, admixtumque Aurum, ille quod cum succo chermes non destituamur, confectum tamen in Gallia solùm expetamus & in usum vocemus. Hisce omnibus nunc demum circa ipsam basin ejus aliud succedit dubium: An videlicet granis chermes in Electuario isto substitui possint baccae Solani racemosi tinctorii Americani? Quod ipsum ad utriusque examen & collationem nos invitat. Equidem priora s. grana chermes quod attinet, illorum historia, quæque circa genesin atque collectionem occurrunt, nota satis sunt, & ut *Camerarius* Proavus meus b. m. in *Memorab. Medicin. Cent. 17.* docet, excrementa sunt arboris nuciferæ, *Bauhino* in *Pinace* vocatæ Ilex aculeata

cocciglandifera, cui innascuntur, vel juxta *Malpighium* ad instar gallarum & tumorum aliorum, qui in plantis occurrunt, morbosæ ejus sunt excreſcentiæ, ab insecto, cujus quasi uterus sunt donec in liberiores evolare possit auram, excitatæ. Consimiles excreſcentiæ vermiculorum receptacula aliis quoque adnascuntur plantis,prehenduntur quippe cocci tales in farfara quoque, parietaria, pimpinella, myrto, polygono, ipsaque celebria grana cocchenilia pariter non fructus plantæ, sed ficus vel opuntia excrementa esse, quæ matura excludunt animalcula, me docuit Celeb. Lugdunens. Professor *Hermannus*. Deberi animalculis istis ruborem quem habent, probant prodeuntes vermiculi rubicundi, relictis receptaculis decoloribus; De his ipsis autem curiosa plura promittit Celeb. *Franciscus Redi* in *Tractatu*, quem parat mihiq̃ monstravit, *de animalibus reperiendis in Plantis*. Vires granis Chermes communiter tribui solent cordiales, sapor est adstringens, amarus, hinc præter confectiorem dictam tam ipsa quam ipsorum succus non raro veniunt usu: Tincturam cordialem cum succo Citri & Spiritu Rosarum inde paratam sistunt *Ephemerid. Nat. Curios. Decad. I. Ann. VI. & VII. Append. in fasc. medicamento- rum.*

Ex alterâ parte Baccæ Solani Tinctorii fructus sunt Plantæ, cum in hortis nunc undique colatur, non ignotæ, caulium robore & magnitudine, si solum nacta fuerit commodum, non exiguâ præditæ, quæ ipsas atque flores fert in pediculis racematim dispositos, flores quidem inodoros pentapetalos, si petala vocare licet rotunda floris foliola, leviter rubentia, non decidua, sed baccis postmodum subjecta; hæ quippe in medio floris locantur, caseoli forma, & ubi Autumno maturuerint rubentes, in pulpa humida continent semina plura, non quatuor solum, ceu habet *Rajus* in *Histor. Plant.* compressa, nigra, splendentia. Baccæ istæ compressæ elegantem colorem exhibent rubicundum & communi-

municant liquoribus, qui non à feminibus est, sed ab ipso illorum receptaculo, materia dicta pulposa, quâ ablata remanent semina, nullum amplius conciliantia colorem. Planta hæc, ut conveniens sortiatur nomen, atque ad congeneres & affines reducat, respectu habito ad fructificationem tanquam finem ultimum, ad Solina refertur à Botanicorum Neotericis, hinc à Laudat. *Hermann*o in *Catalog. Plant. Hort. Lugdunens.* vocatur *Solanum racemosum, tinctorium Americanum*, foliis & feminibus *Amaranthi*, non dissentientibus *Rajo*, *Amman*o, *Catalogo Hort. Reg. Parisiens.* licet aliis etiam nomine *Blici Indici*, *Amaranthi bacciferi* veniat, quod iis forte non ob stare videatur bacca quam fert, exemplo *Spinachiae fragiferæ* vel *Atriplicis fructu Mori*.

At de viribus plantæ hætenus in usum non vocatæ cum nondum constet, an, ut aliàs sæpius obtinet, expectandum, quousque *Experientia* ejus olim facultates edoceat, quibus postea rationes & causæ assignari possint pro lubitu? An verò juxta *Tabulas cognationum*, ut tetra petalæ bivalves filiculosæ acres, polyspermæ semine & flore nudo papposæ ferè causticæ sunt, &c. ita hæc cum bacciferis, quarum plurimum vis est diuretica, & in specie cum *Solanis* convenit?

Cum ergò nulla adhuc alia videtur ratio, ob quam commendari possint baccæ illæ, quàm earum color, facile quidem probari potest earum usus externus, sive ad tingendum liquores, lintea, velut in *cit. Append. ad Ann. VI. VII. Ephemerid.* è baccis *Spinachiae fragif.* & *Solani Americani Bezetta rubra* sive *Torna Solis Bezedina* paranda adducitur; At pro usu interno & Medico, non modò num jucundè sed & an tutò quid exhibeatur attendendum, nec enim sufficit color, ut hinc mox ad confectiones medicas cum fructu, ad tingendas in Aulis gelatinas, sine ulteriore inqui-

inquisitione possit eligi, quippe qui non necessarius, & pluribus inest quæ nociva sunt. Secundò ex adductis patet insignis quæ inter grana chermes & baccas hujus Solani intercedit differentia: Illa excrementa sunt, hæ fructus plantæ, illa in vegetabili quidem nata, ad animale tamen pertinent regnum, salium volatilium promum condum; Illorum Tinctura affuso acido colorem suum amittit acquires flavescens, harum è contra intenditur ut purpureus magis evadat; Illorum Tinctura ab alcali nil patitur, nisi quod diluetur, tardè colorem leviter amittens, harum verò color mox mutatur in violaceum admodum fugacem, & brevi cum viridi permutandum, ut tendendo expertus fui; &c. Tertio, Grana chermes à longo tempore & experientia rerum magistra quoad vires cognita sunt, nec minus in sufficiente copia suppetunt, cum Solani illius baccæ quoad istas adhuc lateant, vel suspectæ reddantur ipso nomine à Botanicis imposito. Quæ singula aliud concludere non permittunt, quàm in dictâ Confectione Alkermes substitui illas Solani Racemosi &c. baccas commodè non posse, & ab earum usu Medico abstinendum tamdiu, donec facultates penitus innotescant, quod obtineri posse in seculo ad tentanda & scrutanda intimius naturalia curiosissimo non desperandum.

[Scripta ad Celeberr. D. D. Wepferum Seniore, quem ad hoc examen invitabat.]



OBSERVATIO XCIX.

D. RUDOLPHI JACOBI CAMERARII,

De

Excrescentia ossium.

EXcrescentia ossium in capone *Eph. Decur. II. A. 4. O. 174.* notata, aliam ejus speciem singularem, quam in cadavere humano Lutetiæ Paris. videre mihi contigit, in memoriam revocat: Laborabat puer quidam tumore insigni absque causâ manifesta sensim in fronte pronato, junctâ post febre, & tumore, cum augmentum indies sumeret, ad oculos usque descendente; imponitur hinc ipsi cauterium, tumorque aperitur, &, quod nemo expectârat, deprehenditur contentus inibi non nisi sanguis grumosus, coagulatus, cujus & ossis quædam portiones extrahuntur, deligatur altero die, moriturque tertio. Reperta in defuncti corpore fuere sequentia: Cute ablatâ non eosolum in loco, quò apertio facta fuerat, sed & per reliquum caput magnus consimilium tumorum occurrebat numerus, diversæ planè magnitudinis, quorum contenta similis ubique conditionis, nil aliud scil. quàm sanguinis grumi, fluente paucò hinc inde serò flavescente. Ablatò craniò, dura mater simili tumorum genere obfessa conspiciebatur, cerebrum verò cum piâ matre, falcis parte intra utrumque ejus lobum, laudabile, paucus in vasis sanguis, ventriculi vacui, basis cerebri & arteriæ carotides ibi illasæ. Notatu verò digna quàm maximè videtur rara ossis constitutio; nempe ubicunque aderant tumores isti sive intus s. extus cranium, ibi quoque prominebat maximus lamellarum ossæarum atque acutarum numerus, densissimè & tanquam aræ invicem aggestarum, quas vix melius comparare licet, quàm cum sale quodam crystallisato, formâ ferè pyrami-

ramidali ex basi latiore in acumen desinente, quod membranas versus dirigebant, ita ut duræ matri & pericranio adhererent tanquam continuæ; discedebant à cranio non difficulter, quod iis remotis non corrosum, sed læve apparebat; exceptâ illâ regione, quam occupabat præcipuus in fronte tumor; eratque hic ut & reliqui non tam circa futuras, quàm hæ potius integræ nec lamellis obsitæ, præter exiguam partem futuræ coronalis.

Enimverò eò magis hoc in casu solùm conjecturis agendum, quò minus in causæ cujuscunque prægressæ notitiam perveniri potuit. Missis aliis, non improbabile videtur, eam ipsam agnoscendam esse causam, quæ in tumoribus omnibus & solùm deprehensa fuit, membranasque à subjecto osse separavit: Ipsæ scil. excrescentiæ illæ ossæ, quæ basi suâ cranio, apice verò membranis adhærentes, pungendo, lacerando, comprimendo vasa, collecti cruoris causæ haberi possunt. Licet ergò duritiæ non nihil cedant cranio illæ prominentes portiones, tamen natura ab illo non dissimilis, subjectum iis cranium non nisi unicò locò corruptum, sed æquale & læve, basis earum porosa, laxa, arguunt humorem non tam qualitate quàm locò potius peccantem, per fibrarum interstitia porosve (ob laxatam fortè à causâ s. interna s. externa compagem ampliatis) extrusum & concretum, figuratum ita, quod prius & magis prope cranium indurari cœperit, apice remotiore membranis annexo acuminato ob minorem tenuioris succi quantitatem eò elevatam, & successivè magis ad soliditatis statum aspirante.

[*Tubingâ 1687. 29. Novembr. Augustam missæ.*]

OBSERVATIO C.

D. JOH. JACOBI HARDERI.

Mingendi difficultas cum urina purulenta.

ANno 1685. Mens. April. præsentè Clariss. Dn. D. *Hardo* Vitodurano, aliisque, puerum secumimus annorum circiter duodecim, à parentibus rusticis progenitum. Hic dum viveret, satis bene coloratus, abdominis tympaniticam distensionem bis incurrit, cui remedium convenientius non comperimus, quàm serum lactis caprilli, quò aliquandiu ususest: Quadrimestre & quod excurrit ante obitum, de mingendi difficultate aliquà, querelas frequentiores movit, comparente paulò post in scroto tumore phlegmonode: quem ubi ad suppurationem pervenerat, scalpello apertum, vesicula nigricans ilicò excepit, ansamque hinc Chirurgo, ut unguento, quod contra gangrænâ parat, uteretur, præbuit: Ab eo tempore urinas aliquoties inspeximus, materiam purulentam in fundo copiosè deponentes, ceu in gonorrhœâ virulentâ (cujus exemplum rariùs alibi sistemus) fieri assolet, quam deinceps grumuli sanguinis, cum multo ardore comitabantur. Exulcerationi tam subitæ, cujus tamen causas cum vel præcedenæ inflammationis, minus calculi rodentis indicia evidentiora non adfuerint, mirari satis nequimus, medicamentis convenientibus obviam ivimus internè, externè imperatis injectionibus, quas verò Chirurgus negligenter habuit. Ingravescens symptomatibus cum febris continuâ, misellus tandem paucorum dierum spatio expiravit. Abdominis facies externa livescebat, internè verò remotis incumbens musculis epiploon peritonæo heic illic adnatum deprehendimus: Hepar parte sui gibbâ palluit, cavâ verò lividum & corruptum fuit, in hærente isti vesiculâ fel-

lis longè maximâ : Glandulæ mesenterii induratae erant, in-
 que hujus medietate scirrhus palpabilis insignis: Lien medio-
 criter habuit: Intestina tenuia mirè ac miserè invicem con-
 nata, membranularumque plurimarum ope invicem invo-
 luta, ut nonnisi multò labore separari potuerint: Ileon pror-
 fus livebat, & præ singulorum inflatione colon conspici non
 poterat: Vesica urinaria densa & corrugata, quoad exterior-
 rem faciem albicabat; Hanc cum unâ cum intestini crassi por-
 tione extraheremus, in pelvi materiam purulentam foetidis-
 simam adhuc reperimus, qualis ex dissectâ copiosè dehinc pro-
 fluxit: fibræ ejus internæ arctissimæ fuerunt contractæ, ni-
 gricantes ac sphacelatae: juxta hæc cuniculos subindè animad-
 vertimus, è quibus pressis, pus identidem manavit, èque ho-
 rum uno perinæum ac scrotum versus, stylo commodum de-
 venimus: Partes vicinæ omnes, intestinò rectò exceptò, putre-
 dine infectâ livuerunt.

OBSERVATIO CI.

D. JOH. JACOBI HARDERI.

Glandulæ Ventriculi Scirrhusæ cum Pylori
& Pancreatis Scirrhus insigni.

ANno 1686. imminente brumâ, consilia à nobis petiit
 Rustica quinquagenariâ major, ex Ditione Basileensi:
 Gravissimis tonsillâ conflictabatur doloribus, circa
 præcordia, cum totò penè vitæ decursu, incommoda
 priùs non tulerit, juxtaque numerosæ proles mater esset: ur-
 gebant vomitus crebri, imprimis ubi tantillum cibi ingessit:
 Ventriculi regio ac epigastrium admodum fuit distenta, un-
 de nec contactum leviolem ferre potuit: circa hujus fundum
 contingentibus obtulit se corpus durum, quod à sinistris dex-
 trorsum, & abhinc sinistrorsum sensim protrusimus: In dex-
 tris

tris tumor renitens pariter sese nobis obtulit, qui autem ad attractum digitis comprimentibus, quamvis non sine atroci dolore ructibusq; cessit: Rogata à nobis ecquid malum istud incurrerit, aliud non respondit, quàm quod quinque abhinc annis ægrotare, catameniisque subitò privari ceperit, tumore hinc sensim incrementum capeffente: Præscriptis medicamentis blandis internis, & externè fotibus ac linimentis, ægræ dietam exactam imperavimus: Elusit verò medicamentorum vim, atque abdomine quaquaversum intumesciente, post crebras vomitiones, cruciatusq; enormes Misera occubuit. Prosectoris partes commisimus Clariss. Dn. *D. Jac. Mejero* Scafus. quas etiam dextrè implevit præsentib. Vir. Clariss. Dn. *D. Thed. Zuingero* Phys. Prof. & Dn. *D. Jo. Jac. Osvaldo* itid. Scafus. Resectis imi ventris integumentis, serum subflavum prorupit, cujus tres circiter mensuræ in abdomine continebantur: Omentum erat disruptum & penè consumptum, omnis pinguitudinis expers. Pallebat jecur, non nihil ad duritiem inclinans, cultriq; apice sauciatum nullum sanguinem stillabat: Folliculus fellis bile subflavâ, eâque tenaci turgēbat maximè. Lien sanus erat, totius mesenterii glandulæ scirrhusæ erant omnes: At paullò accuratius inquirenti, insignis iste tumor occurrebat, & certè erat pancreas undique scirrhusum & tumidum, ut & pylorus insigniter tumens in extimâ superficie, vomicis aliquot albente pure refertis conspicuus. Apertò ventriculò pylori circulum valvulæ similem scirrhusum quoque deprehendit. Interna ventriculi facies undique scatebat glandulis induratis albicantibus; quæ tamen numerosiores erant circa pylorum. Inter dictas glandulas scirrhusas aliquod intercedebat discrimen: Etenim aliæ aliis erant latiores & magis depressæ, aliæ minores & eminentes. His perlustratis consanguineorum pertinaciâ (verba sunt supralaudati *Mejeri*) à sectione prohibiti, eidem finem imponere necesse habuimus, quantumvis & cætera tum imi tum reliquorum ventrium viscera perferutari proposuerimus.

OBSERVATIO CII.

D. JOH. JACOBI HARDERI.

Enterocoele ex intestini Coli prolapsu.

D 27. August. 1687. Vir septuagenariò major, qui multis annis ante, ex arduo, uti quotidie emancipatus erat, labore, herniam sinistri lateris ingentem incurrit, in Nosotrophio hinc, in quo per plures annos adhuc enutritus fuit, diarrhoeà per aliquot septimanas vexatus, diem suum obiit, cum paucis ante obitum horis idoneà aquæ fontanæ copiâ, sed non absque dolore & anxietate subsequente, sitim levâisset: Animum subiit ilicò interanea hujus lustrare, ut specularer, ecquid novi intestina nobis sint monstratura: Præsente itaque Juvenum Medicorum turbâ, promptè integumenta communia, musculosque abdominis refeco: nullus foetor molestus erat, vel putrilago contumax: Intestina tenuia albicabant & tantisper distenta erant: Epiploon maximam partem absumptum fuit: Hepar à dextris palluit, omni ferè sanguine orbum: Lien à sinistris satis naturaliter habebat, neque in renibus tabes manifesta: In cavo autem abdominis aquæ limpidiusculæ quantitas idonea, ceu noviter infusa fuisset: Pancreas sub ventriculo vacuo delitescibat, à naturali statu parum recedens: Ventriculus ipse incisus, mali multum non ostendit, nisi quòd præter morem fundum ejus rubebat: Ad intestini duodeni elevationem, & à vicinis quibuscum neçti solet partibus separationem dum cautè progredior, en foramen ingens 3iiij. circiter à pyloro in ipso conspicitur, apicularum glandulosarum, *s. potius vasculosarum* cohorte adeò inibi evidenti (nec enim mucus copiosior obstaculo fuit ceu maximam partem absumptus) ut ne ullus quidem adstantium glandulas illas esse dubitârit: Intestinum ipsum reliquâ sui portione flaccidum & fragile; Portionem hujus abstulimus, ut domi postridiè ulteriori

teriori exâmini vacarem, comparueruntque corpuscula sive apiculæ eadem sed pauciores; In cætera intestina non inquisivi, quod per patentem horum faciem simile quid intus non videbantur ostendere: Ad scrotum verò pergentes, non ileon peritonæi duplicaturam subintrâsse, sed universam coli ex sinistrâ parte portionem deprehendi, unâ cum mesocolo, quod hinc in ambitu suo insigniter rubuit ac induruit, totô illô intestini tractu livescente: Thorax reſeratus pulmones putridos exhibuit, & sinister cordis ventriculus incisus, heic illic particulas cartilagineas; polypo ingenti in dextro latitante, cui sanguis grumofus multus adhæſit.

OBSERVATIO CIII.

D. JOH. JACOBI HARDERI,

De

Corpusculis in duodeno conspicuis.

D 8. Sept. 1687. manè adſtiti maſtationi Vaccæ, quæ per totam noctem latô paſcuô fruita eſt, ex eâdemque intestina cum meſenterio calentia eximi curavi, ut duodeni examen ulterius inſtituerem: hoc itaque incifo, non tam in ejus cavo, quàm reliquis intestinis, maſſa chyloſa adhuc dum fermenteſcens, ac impura copioſè hæſit, deterſoquæ leniter mucò, apiculæ filamentoſæ conſpicebantur, poſtquæ has aliæ, cruſtâ magis elotâ, ſphæricæ & anguloſæ, ad attractum duriuſculæ & ſolidiuſculæ, (ceu glandulæ forent) multô numero & ſerie prodierunt, è quibus digitis validè preſſis, præter pauxillum ſeri, nihil exudavit, obſervaviquæ deinceps, ex aliis inſuper illas quaſi conglomerari, fibrillis maximè nerveis, uti quidem ſuſpikor; præter iſtas etiam glandulæ areolares, & alicubi ſolitariæ, ſed minori frequentia comparuerunt, cujuſmodi etiam in reliquo inteſtinorum tenuium tractu obſervare facile licuit, in quibus ta-

men

men dictas *secundi generis apiculas*, quæ in quasi glandulas conglomerantur, pariter conspiciere non potuimus. [De hisce Duodeni vasculis corpusculisve plura jam fari desino, neque opus esse reor, multis heic adscribere, quid primâ, quid secundâ, tertiâ, iteratisve inde vicibus in intestinis, maximè bovinis, caninis, leporinis &c. animadverterim. Egerunt de hisce Viri omni laude dignissimi, egoque in literis ad eosdem exaratis, peragentque scio, cum rarò acquiescere soleat animus, nî plenè & distinctè sibi in singulis istis eorumque usu, quem exiguum non esse, prorsus persuasum habeo, sibi satisfecerint: Ego vicissim experiundo ulterius, quod mearum esse potest partium, agam, istoque nixus fulcro, vel mihi satisfacere pergam.]

OBSERVATIO CIV.

D. JOH. JACOBI HARDERI,

De

Dysenteria post febrim continuam malignam.

Eâdem die occubuit in Nosotrophio Adolescens rusticus 20. circiter annorum, qui à febrî malignâ, quâ laboravit antè, liberatus, ceu ex pulsû aliorumve Symptomatum omnimodâ cessatione colligere fas fuit, ob errorem in diætâ commissum, dysenteriam funestam incurrit: Hujus sectioni nos accinximus, cultrum administrante D. Schislero Augustano: Aperto abdomine: Hepar cum liene & pancreate salva comparuerunt: Intestina verò extus, præprimis tenuia livescebant, intus à gangrænosi prorsus non immunia: Pariter etiam glandulæ mesenterii, intestinorum eorundem tractum stipantes livore omninò erant corruptæ: Duodenum scalpellò apertum corpusculorum, s. mavis apicularum ad aspe-

adsp̄ctum glandulosarum numerum elegantem oculis st̄tit, præprimis sub pyloro, post medium enim & sub finem duodeni sensim disparescunt : In Ventriculo, maxime circa orificium inferius glandulæ copiosæ identidem erant palpabiles: Thorace referato, pulmo uterque pari cum intestinis lividine erat defœdatus : In cavâ dextrum ventriculum ingrediente & pulmonali arteriâ eodem egrediente, polypi duo insignes hæserunt, sibi invicem contigui, & columnis ventriculi firmiter impacti : Mirumque fortè hinc pullum, qui dum continuâ laboravit, aliquando intermisit summeque inæqualis fuit, eadem depulsâ, plenariè rediisse: De quo autem aliisve, in scholiis quæ observationib. hisce (ceualibi factum,) addere constitui, aliquando dicam.

OBSERVATIO CV.

D. JOH. JACOBI HARDERI.

Anatome Erinacei terrestris.

ANno 1687. Mens. Aug. præsentibus D. Schisslero, Augustano, Dn. Ancillon Metens. aliisque Erinaceum terrestrem vivum secuimus, in quo examinato Hepate quadrilobulari, suaviter rubente, cum vesiculâ fellis lobo majori infixâ, & liene oblongo, ventriculus & intestina, epiploo subpingui remoto, albidissima comparuerunt. transparentibus per ejus exteriora glandulis minutis compluribus, nulloque cœci in his relicto vestigio. Renes cum succenturiatis, tam copiosâ ut aliàs pinguedine non infarcti : Partium genitalium structura elegantissima, testibus in interioribus recor ditis, vasisque ejaculatoriis inter vesiculas feminarias multilobulares, ut & prostates in urethram separatim se inferentibus : Dici sanè nequit quantopere illæ, instar alæ utrinque expansæ, lacteo suo colore ac retiformi texturâ oculos reficiant, dehinc per convenientes ductus in ure-

thram liquorem suum copiosè eructantes, quod & prostatæ faciunt iisdem peculiariter instructæ. Præter ista, externè contigimus duo corpora glandulosâ alia, quæ singulari itidem ductu, circiter radicem urethræ humorem albicantem eructare notavimus: Omnibus his diu multumq; lustratis, pridem quoque rescisso diaphragmate, cor pericardio orbum, adhuc dum salcus ingeminare vidimus, quos tantisper continuavit prorsus exemptum, super manibus præfati D. Schissleri: De cætero notabiles sunt elegantissimæ fibræ carneæ, quaquaversum hispidam pellem stipantes; de quibus præclare Nobiliss. *Pejerus* in *Vade Mec. Anatom.* Clariss. *Murali.* Mens. Septembr. marem alium secuimus, eademque comperimus, nisi quod glandulosi Adstites externi defecerunt.

[*Basileâ 1687. 9. Decemby. Noribergam missæ.*]

OBSERVATIO CVI.
D. PAULI JALON.

Erucae miranda Metamorphosis.

ANte plures annos, cum propè Basileam in agris circa Cliben plantas repetendi gratiâ expatiarer, supra serpillum nî fallor vel clinopodium arvense Erucam miræ pulchritudinis & Iride magis diversicolorem inveni. Erat non multum pilosâ, striis cæruleis, purpureis, flavis, puniceis & nigricantibus per dorsî longitudinem deductis, & punctulis elegantibus hinc inde sparsis ita adornata, ut oculos in admirationem raperet. Hanc domi reportatam & in lagenula vitrea repositam brevi in chrysalidem, ut solent bombyces, conversam esse observavi, ejus interea in papilionem metamorphosin mox subsequituram cum voluptate expectans: sed eventus spem jucundè fefellit, nam elapsis sex circiter septimanis, cum mihi fortuitò & penè aliud cogitan-

gitanti vitrum in manus incideret, ecce in illo non papilionem, sed sane quatuor muscas vulgaribus parùm majores capite & alis cæruleas & reliquo corpore purpureas ex chrysalide enatas hinc illinc volitantes inveni. Miratus ego aliquantisper & rem propiùs examinaturus ex iis unam manu capere volui, sed irritò conatu, nam simulac vasis operculum fuit amotum, confestim illæ avolarunt, unaque cum iis experimenti ad finem perducendi spes plane in auras abiit. Exuviae chrysalidis seu cortex ejus vacuus & aridus in fundo vasis reperiebatur.

SCHOLIUM.

DUbi hic proponi posset, haud leviusculi equidem ponderis, an scilicet hæ muscæ ordinarii effectus hujus Erucarum speciei sint, non absimili modò ac papilio chrysalidis, Bombycis, & Erucarum communium, (per simplicem & uniformem naturæ Legem semper eòdem modo in animalium generatione absque ulla deviatione agentem,) est productio. Vel dubium oritur, an hæc productio muscarum attribuenda sit, defectui cuidam naturali, ratione cujus causa quædam externa à via trita & consueta recessit, mediante corruptione quadam & putredine Vermis hujus Erucæ. Quo melius dissolveretur Nodus hicce Gordius, optandum foret ut Naturæ quidam Curiosus reiterationi hujus Experimenti allati vacare vellet. Repetieram jamjam nisi eruca qualem in loco superius nominato, reperi, hic locorum reperi tu esset impossibilis.

OBSERVATIO CVII.

D. PAULI JALON.

Ptyalismus fere letalis à Cingulo mercuriali.

PAulus Mansa xxxv. annorum cāchoymicus temperamenti melancholico - pituitosi scabie totius corporis laborans, à muliere medicastra cingulum pro eâ citius curandâ ex panno rubro confectum emit, neglectisque aliis remediis statim eô se circumcinxit. Post biduum omnes oris partes, lingua, fauces, palatum, gingivæ & labia ipsa cum dolore ulceroso & phlogosi ita ipsi intumuerunt & tanta viscidorum humorum copia ἀσπείως & confertim ex ore emanavit, ut viis propemodum interclusis, nec loqui, nec cibum aut potum assumere, nec respirare posset, quin imò facie in immensum auctâ & lividitate perfusa, suspensi hominis instar, illicò suffocatum iri videretur. Quapropter Zonâ impigrè meis manibus avulsâ [in ea purus putusque mercurius pinguedine permixtus conspiciebatur] & amplissimâ in momento venæsectione celebratâ, ægrotanti mox injectum fuit enema acre, cum dissol. Elect. Diaphœnic. & Vini stibiati ℥iiij. à quo tam copiosæ successerunt dejectiones, ut octo vel novem horarum spatio pleraque gravia symptomata remiserint, ægerque loqui & aliquot cochlearia jusculi, in quo salis tartari ℥j. dissolvi curaveram, assumere potuerit, & sic per paucos dies continuatô tam in potu quam in jusculis ejus usu, pedetentim per inferiora tota humorum colluvies præcipitata est, ac æger intra octiduum, cum jactura tamen aliquot dentium, perfectam sanitatem recuperavit.

OBSERVATIO CVIII.

D. PAULI JALON.

Empyema per Urinas perfecte judi-
catum.

Puella Trevirensis hac in urbe ancillans xxvi. circiter annorum, ex pleuritide dextri lateris male curata conque-
rebatur circa vigesimum morbi diem de pectoris gravi-
tate, & materiæ alicujus fluctuatione, cum difficili respi-
ratione, siti molesta & inquietudine. In usum vocatis per sex
dies expectorantibus cum potu convenienti & diætâ non me-
lius habuit. Febris erat lenta & sputa purulenta lentè admo-
dum procedebant. Paracentesi in ægrotanti sine mora, & dum
adhuc viribus constaret celebrandam esse consului. Sed illa, se
malle mori quam ferrò secari asseverans, obsequium præstare
abnuït; attamen, si alia præscriberem remedia, se ultrò as-
sumpturam promisit. Ideoque licet malè ominarer, tamen
ipsi syrupos bechicos modicè attenuantes præscripsi, ut &
decoctum diureticum & pectorale pro potu ordinario, ex
radic. liquirit. ras. gramin. fragar. eryng. & ononid. flor. tussil-
lag. passul. major. cum lapid. prunell. ʒij. pro qualibet men-
sura. Quibus per octiduum constanter adhibitis, & super-
veniente lotii admodum purulenti copiosâ cum ardore in-
signi per vesicam evacuatione, ita allevata est, ut intra
paucos dies, omni pectoris illuvie elutriata, perfectam re-
cuperaverit valetudinem. cum admiratione omnium, qui
parum antè de ea omninò conclamatum esse existimave-
rant.

[*Ex communicatione Excellent. D. D. Joh.
Jacobi Harderi.*]

OBSERVATIO CIX.

D. GÜNTHERI CHRISTOPHORI
SCHELHAMMERI.

Ciconiæ anatome.

TAm esse arduum atque difficile, quàm est jucundum utileque humano generi, naturæ abdita scrutari, ejusque mentem in condendis conditisque visceribus eruere, neminem esse arbitror Philosophiæ serium cultorem qui ausit negare, idque non alia de causa evenire existimandum est, quàm quia proxima ejus instrumenta, quibus ad perficiendas res suas utitur, adeò sunt exilia atque subtili adeò ratione fabrefacta, ut sensuum omnem eludant sagacitatem, & in conjecturis meris nos constitutos in incerto destituant. Cui difficultati nullò facilius modò obviam iri posse semper existimavi, quàm si omnium, quousque liceret, animalium viscera scrutemur: collatis enim omnibus, rectè tandem colligi poterit, quodnam cuivis in nobis parti officium sit, & quomodo operationes naturales in singulis perficiantur. Ut igitur & hâc parte vel leviter etiam naturalem scientiam promoveam, quid in Ciconiæ anatome, annò præterlapsò instituta observaverim, perscribam, quamvis enim ab aliis itidem tentatam video, nescio tamen quò pacto ea mihi obtulit, quæ apud illos non æquè annotata invenio.

1. Proventriculus amplitudine suâ nucem juglandem superabat, crassitie pollicem æquabat. Intus tunicâ vestiebatur villosâ, qualem intestinis *Willisus* adsignavit: quâ abrasâ, infinitæ papillares glandulæ se in conspectum dabant, ex quibus pressis, humor erumpebat copiosissimus, pallidè rubeus; quò etiam colore tota hujus partis substantia erat imbuta.

2. Ventriculus neque molari duplici ex musculo constabat, qualem reperimus in granivoris, nec membraneus, qualem in corvis aliisque carnivoris antea observaveram, sed
ex

ex ambobus compositus, multò crassior his, tenuior illis, membrana exterior carnea ac musculosa, interna verò aspera, & qualis ruminantium omasus esse solet. Indicio, non in id datam carnosam, externam illam, ut validiori amplexu retineat assumpta. Quid enim hoc conferret ad chylum? Sed quoniam vescitur animalibus pelle non simplici sed squamosa gaudentibus, crustaceis etiam & ossibus instructis, quæ rostro comminuere non potest, tali structurâ erat opus; ita enim conterendis non ea, quæ ad grana molenda, duritie opus est, notabilis tamen asperitas requiritur, quâ ab externo musculo variè & ad spiraliū fibrarum ductum commota, minuantur. Quibus cum accedat ingens illa liquoris rubelli fermentativi copia, quæ carnes ac reliquas teneriores partes aggrediatur, duplici hâc operâ vincitur pertinax cibus, & ad justam redigitur consistentiam. Ut in his natura sibi semper similis satis attestetur, nos in chylificatione describenda, thesauros ejus prope exhaustisse, & parum vel nihil hîc amplius esse desiderandum.

3. In Duodenum abibat duplex ductus bilarius, unus ex

4. Vesica fellea, quæ à jecinore separata, pollicis latitudine ab eo distabat, nullique ex eo ductus in ipsam abeuntes deprehendebantur. Alter ex ipso hepate ad ipsum prodibat. Quibus

5. Respondebant Bini itidem ductus Pancreatici, duplici osculo ita in intestinum hiantes, ut cum bilariis combinati, eodem exitu concurrerent, id quod in Pavone quoque aliisque avibus majoribus ita occurrere, existimandum est. Sed

6. Tertius etiam pancreaticus hic ductus mox sese nobis obtulit, desinens in aliud intestinum palmæque interstitio distans à prioribus: Pancreas enim his avibus prælongum est.

7. Intestina reliqua longissima, mæandris variis voluta, ita ut duplo vel triplo intestini humani proportionem superare viderentur.

8. Cœ-



recti exitus

8. Cœcum nullum, sed bini appendices in principio re-
cti, quales exhibet fgura adjecta: Quod quomodo cū alio-
rum ipsiusque *Aristotelis* observatione possit conciliari, non
video.

9. De pennis imperfecta adhuc sunt quæ observavi. Du-
plex capsula ipsis ad radices, ubi cuti inhærent, adjuncta est:
una, proximior nigricantis humoris plena est, ut jam pro-
ximè in illas abitura, altera crudiorum succum continet. Ca-
vitas autem vel tubus pennæ ex infinitis capsulis constabat, &
vasa lymphatica ligata, valvulas suas exhibens, æmulabatur:
Ex quo apparet, in eundem finem etiam membranea hæc ob-
stacula fabricata esse, ut scilicet in eam propulsum admitteret
suum, non item remitteret.

10. Ossa verò ex tenerrimis compacta erant laminis, &
intus cava omnia: nonnulla quoque crassiora, ut spinæ dor-
si, & reliqua hujusmodi apum favis simillima videbantur.
Omnia denique in his ita ad levitatem composita, ut non satis
admirari naturæ possimus solertiam, tam solida ac robusta cor-
pora tam sapienter ad volatum accommodasse. Erant enim
præterea multò magis compacta durioraque quàm quadrupe-
dium animalium, pellucida etiam, ut vitrum referrent.

11. Incomparabile verò artificium in alæ articulo tertio
apparebat, ubi duplex illud os, quod radio ac cubito respon-
det, cum alio itidem duplici sed utroq; in fine in unum concre-
to, intervenientibus binis ossiculis parvis, incudem auris refe-
rentibus, cartilaginibus obductis omnibus, ita copulabatur,
ut cū extenderet avis ac expanderet alam, simul etiam ita sur-
sum versus attollere, inflectereq; rursus possit, ut aërem ver-
berare, & alta petere eum premendo pro lubitu liceret. Verùm
hoc ipsum nec ullo artificio pingi, neq; describi satis dignè, sed
solâ oculorum ope perspicui potest.

OBSERVATIO CX.

D. GÜNTHERI CHRISTOPHORI
SCHELHAMMERI.

Flores præter morem proliferi & fungus
exilis discifer.

I.

IN Plantarum genere non minus quàm animalium mon-
stra fieri, dudum observationibus summorum Virorum *Job.*
Dan. Majoris, Ol. Borrichii, aliorumve constat. Videor au-
tem mihi cum ex iis, quæ ab his tradita sunt, tum quæ mihi
ipsi videre contigit, observasse, præcipuam hujus rei causam
materiæ abundantiam esse, potius quàm defectum, aut aliud
hujusmodi: Defectum autem dico materiæ non ejus quæ ce-
dit in nutrimentum plantæ, sed seminalis. Indicat enim hoc,
quod plerumque caulis monstrosæ ejusmodi plantæ latior est
solito ampliorve, ita ut ex duplici concretus videatur aut tri-
plici. Non potest quidem negari, in conformatione etiam
aberrare naturam. Non tamen est valdè obscurum ex primo
illo errore alterum hunc nasci: cum enim duplex inchoat
opus, & perfectæ ex se plantæ adjungit alterius partem, vel
binas integras conjungit, idem fieri necesse est, quod in ani-
malibus cernimus: nempe fibras & meatus inter se præter na-
turæ institutum junctos complicari, ut pervertatur alimenti
via; Unde nodi, fluxus, & figuræ tandem quædam oritur per-
versitas, faciesque nova illa & insueta stirpis formatur. Ac-
cedit, quod exorsum inconsultò opus vix potest perfici: Nam
in fine, ubi flos & fructus expetatur, deficit in agendo, &
quam dispensavit in caulis amplitudinem materiam, serò ad
fructificationem desideratur. Hinc istæ imperfectæ relinquin-
tur, & in floris quodam abortu naturæ operatio in hoc qui-

Dec. II. Annus VI.

D d

dem

dem genere plerumque terminatur: prout in *Lyfimachia lutea galericulata*, *Amarantho purpureo* majore aliisque per hos aliquot annos animadverti. Est verò etiam, ubi caulis naturæ legem servat, flores autem soli luxuriant. Quod si in magnitudine aut foliorum numero tantum ponitur, à solo & cultura fieri consuevisse, vulgò est notum. Sed si quando numero præter morem augentur, idem ego interno principio, cuicumque tandem iterum adscribendum putaverim. Et in illis quidem, quæ antea memoravimus, exemplis facile conjectamus, seminis corculum, ex quo prorumpit germen, duplicis plantulæ principium occultasse. Sed in hoc altero alia ratio subest: cum non tota planta, sed una tantum eius pars (præcipuæ licet) multiplicetur. Et posset quidem videri, ut ibi seminalem, ita hinc alimentarem superare materiam: at nulla cum hinc suppetat ratio, cur non eadem in magnitudinem potius quam numerum florum absumatur, postquam cultura id effici, supra monuimus, aliud magis proprium hinc subesse est in aperto. Itaque ab externo quodam influente fieri id posse, commodè, ut opinor, hoc annò in mentem venit: quò observavimus, *Caryophyllos hortenses*, quorum dignitas in hortorum regno cum *Rosæ purpurea* certat, præter solitum prolificos esse factos, erumpente ex medio floris novò calice; non unum verò tantum, sed quinque, sex, septemve numeravimus: verum tunc nullò ex his flore perfectò. Unò verò tantum emergente, non rarò ad justam magnitudinem pervenit, aut paulò minorem, & in serum autumnum floruit. Hoc maximè quidem in *Caryophyllo candido* maximo, quem *Hierosolymitanum hortulanorum* licentiosa etymologia insignivit, evenisse vidimus, in aliis tamen etiam. Et quoniam aliàs, præterlapsis nuper annis idem accidere non vidimus, ex aëris, aut soli ex aëris influxu ita dispositi occultâ conditione autumno id factum. Casu accidisse arbitrarer, si in horto tantum meo fuisset visum: cum autem in multis aliis locis idem eodem hoc annò deprehenderim,

derim, & aliàs nunquam, magis communem causam agnoscendam arcessendamve existimavi. Mirificè autem huic conjecturæ favet opitulaturve, quod eodem hoc annò Pyra, Poma, Nuces, omnesque alii fructus horæi tanta hîc copia provenerunt, quanta intra decennium non fuere: fuit igitur fecunditatis eò quoque nomine agnoscenda communis quædam materia.

Hoc autem ita annotare libuit, ut alii ex amplissimo Dnn. Collegarum ordine, sicubi idem viderint, communicatis observationibus in rei causam certius inquirere, si placeat fortè consilium, queant. Non enim postremam hanc Societatis nostræ felicitatem reputandam esse existimo, quod per universam Germaniam dispersis, variis in locis eodem tempore instituere experimenta, & dein promovendo rerum naturalium studiò operam & consilia in unum licet conferre.

2. Præter hoc obtulit sese oculis etiam fungi novum, ut opinor, genus, nec ab aliis temerè descriptum: placet igitur ejus figuram & descriptionem hîc quoque dare. Est illud perquam exile, adeoque idoneum quod incuriosos oculos fallere queat. Calicis figuram habet, muscumve calicatum exactè refert, nisi quod tantillo major est. Coloris est terreii ad cinereum vergentis, cauliculo inhæret tenui, in extremo filamentum referente, firmo tamen. Simplex est ut plurimum, sed & triplex uni inhærens cauli notavimus. In principio non apertus est ejus calix, sed gaudet operculo, ut globum in superna parte nonnihil depressum existimes. Ubi verò ad maturitatem pervenit, desiluit illud operculum, ut inspicere calix possit. Ibi verò sese offerunt in medio calicis disci quidam, perexigui lentis magnitudine & figurâ. Horum sex, septem, octo, imò integram semel decuriam numerare licuit. jucundissimum est spectaculum: quippe in hoc calice, tanquam in vase suo proprio eleganti ordine dispositi cernuntur, & fundum planè contegunt, ne conspici possit. Colore sunt eodem cum ipso fungo, cui tenerrimo filamento adhærent, in tu-

berculum quod in infernæ partis medio extruberat, tanquam in umbilicum inserto, quo ab uno ad aliud subitus decurrente, ipsi quoque invicem connectuntur. Originem largitur huic eleganti fungo lignum aridum, sæpe tamen pluviis rigatum aquis, cui vel adnasci, vel è terra ipsi vicina, ut succum ejus suscipiat, prodire, constanter deprehenditur: Nec fugacibus ideo adnumerandus est, sed durabilis, reperitur enim per menses integros, & in ligneam fere duritiem abit, ut asservari commode possit. Mihi in vase ligneo abietino, cui Laurocerasum commisi, ultra centum hac æstate enati sunt. Cum autem novum puto, *Fungi calicati disciferi* ei nomen feci.

Fig. XLVIII.

OBSERVATIO CXI.

D. GÜNTHERI CHRISTOPHORI
SCHELHAMMERI

Conchæ cochleæq; recenter observatæ.

HAla Saxonum, urbs amœnitate situs, soli fertilitate, ædificiorum structura, & incolarum urbanitate vix ulli Germaniæ secunda, plurima memoratu digna cum in muris suis complectitur, tum in vicinis locis exhibet. Eam cum in deliciis habeam, præterita quoque æstate, nato mihi ex alia occasione itinere inviso. Invenio ibi Celeberrimum Olearium, & Medicum urbis Præmarium *Christophorum Knaut*, virum cum aliarum rerum doctissimum, tum rei botanicæ longe peritissimum: cujus rei publicum nunc extat testimonium, *Catalogus plantarum circa hanc patriam suam sponte crescentium*, nuper editus. Hujus viri tanta est humanitas, ut: cum acciperet, me singulari plantarum istius soli visendarum cupiditate teneri, & nulla opera se ad eas indicandas pateretur exorari, & comitem

Fungus discifer apertus.

*Disci cum filamentis
et umbilico.*

*Fungus operculo
clausus.*



Fig: 48.

p. 212.



Fig: 49.

p. 213.





Fig:

53.

p. 216.



Fig: 51. p. 216.

Fig: 50.

p. 213.

Fig: 55.

p. 266.





Fig: 54.

p. 265.



p. 216. Fig:

52.





tem quoque ac ducem itineris botanici promptissimè offerret. Ego amplecti ipsius affectum, ejusque usum facere familiariter cepi. Excurrimus igitur, & inter alia lustramus interjectam collibus convallem, salis aquis irriguam, ex proximis fontibus, quibus plena sunt ea loca profluentibus. Hic cum ego inter alia Tripilium, Kali geniculatum, & album minus, Glaucem maritimam, aliaque ad litus Oceani, aut mediterranei maris olim à me decerpi solita admiror, sensim ad stagnum dilabimur itidem salum, latissime se diffundens, undisque cæruleis Neptuni regnum ita æmulans ut abreptus ex Germania adque Bosphorum Cimmerium aut Propontidis oras mihi status plane viderer. Dum insolita hæc rerum facies impensè oblectatum trahit per litus, oculis in arenam coniectis, ecce conspicio de improvviso nescio quid insoliti, quod cum arena tollo, dumque pervolvo avidius, infinitam multitudinem concharum & cochlearum esse percipio, ita, ut dimidium arenæ computo inito constituere videretur. Non tamen nisi unum conchæ, unum item cochleæ genus observare licuit. Has ad *turbines ventricosos* pertinere, non est dubium. Alterum genus concharum, cum in *Aldrovando & Gesnero* id genus non extet, fateor quo referendum sit me ignorare. En autem utrumque Tibi, Amplissime PRÆSES, exhibeo. Vides conchas esse eleganter & varie pictas, nunc squamis nunc cingulis exornatas, exiles admodum, sed ita ut hoc nomine longe superentur à cochlea, sub arenæ mixtura latere aptissima. Stagnum ubi reperiuntur, bina distat ab urbe miliaria Germanica, & ab arce vicina Seeburgense appellatur, nomen, quod ipsum arci dedit, repetens. Qualia intus vivant animalcula, exploratum non habeo, moram enim non patiebantur negotia aliò me vocantia, hanc igitur curam accolis relinquere & commendare cogor.

SCHOLIUM.

Alteram Cochlearum harum speciem sub Neritæ fluviali-
lis nomine describit ac depingit LISTERUS de Cochl.
Marinis & fluviatil. Angliæ Part. III. Sect. I. Cap. II. Tit. XX.
Vid. & Sect. I. Art. II. Cap. III. Tit. III.

[*J. P. Wurffbain.*]

OBSERVATIO CXII.

D. GÜNTHERI CHRISTOPHORI
SCHELHAMMERI.

Alia cochlearum genera, itidem mediter-
ranea aquæ dulcis incolis ac-
censenda.

His ac similibus non contemnendis naturæ divitiis
maxima animi voluptate lustratis, cum amicis ac fau-
toribus valedixissem, per Mansfeldensem Comita-
tum, Metallorum ibi extantium videndorum gratia
iter instituerem domicilium & rem familiarem repeto. Et
cum per Halberstadensè territorium reditum præcipito, in
ejusdem generis alia incido non minus jucunda. Est inter
Helmestadium & hoc ipsum fluentum nescio quod, vulgari
idiomate vocatum *der Bruck* / nomine pluribus ejusmodi a-
quis communi, quæ etsi stagnare videantur, lento tamen
cursu petere majora flumina videntur, cum non corrumpun-
tur. Hic utrinque prata late lateque virescunt, in medio
rivos est, accessum habens difficilem, per incerta ac paludo-
sa loca, ad quem cum accedo, plantasque aquaticas paulò
avidius sector quàm prudenter, tandem in uliginosis illis
locis quasi circumventus aquarum insidiis ita constitutus de-
prehen-

prehendor ut sicco pede nequaquam transire liceat. Locum igitur quarens, ubi securius pedem figam, atque commodius evadam, in medio rivo conspicio indeque extraho *triplex genus cochlearum*, alterum iterum valde *exiguum, sed elegans, turbinatum*, sed contractius margaritæ candore nitens, alterum variæ magnitudinis acuminatum magis, & nigro squalidove colore. Tertium sine omni turbine aut acumine latum quod *Cochleam depressam* auctores nominant, variæ rursus magnitudinis, coloris ex fusco candidoque misti, quod inflatum, acutissimum fistulæ instar edit sonum. Singulorum ex his quoque exemplar unum atque alterum ad Te venit, Fautor Præsesque venerabilis, ex quo omnia rectius perspicias. Amant enim inspicere hæc talia potius quam describi. In his quoque animalia vivunt. Conspexi animal quod turbinem majorem domicilium habet, prorsus singulare, cornibus instructum & vera facie, qualis beluam quidem decet, caudaque, vixit apud me biduum, & in aquam coniectum cum sua domo, quam fixam adnatamque gerit expandebat se, totumque exinde prodiens, veniebat in conspectum. Sed mox exspiravit prius quam de pictura cogitarem magno meo dolore: cum post mortem ita sese contraxerit, ut figuram nativam non amplius agnosceret.

Ex his liquet, etiam Germaniam nostram mediterraneam conchas alere & cochleas tam in salis aquis quam dulcibus. Quemadmodum id etiam aliàs est notum. Habemus enim margaritiferas & conchas & mytulos, quorum hi quidem in fluviis sunt obvii frequentes, figura & magnitudine marinis æquales, sed esui non æque apti, margaritarum autem feraces: qualem memini me olim Jenæ reperisse unum, qui septies magnitudine reliquos superabat, margaritam vero unam conchæ impactam mihi impertivit pisum majus æquantem. Illud genus cochlearum quod majus turbinatum nominavi etiam alias observavi, in stagnis. Nam id velim notari, Mytulos quidem fluviis amare, sed reliqua genera
potius

potius in stagnantibus aquis & placidis undis ludere, quod vim qua abripiuntur, ferre nesciunt, nutrimentum enim quaerendum ipsis est quietis. Forte etiam prorepunt, & gramina depascunt, qua de re tamen certi quid afferre non habeo.

Fig. LI. LII. LIII. p. 212

OBSERVATIO CXIII.

D. GÜNTHERI CHRISTOPHORI
SCHELHAMMERI.

Virulentia Bufonis.

EXternas rerum formas, quas Signaturas recentioris Sectæ vocat balbuties, nullum de internis facultatibus fidum ferre testimonium, adversus improvidam seculi assertionem dudum ostenderunt veræ sapientiæ vel filii vel patroni. Est tamen in iis saltem quæ noxia & humanæ naturæ perniciem minantur, plerumque aliquod ejus rei indicium, quod vel horrore animi, vel signis externis tacite nos submonet esse ab iis abstinendum. Ut enim gustus & odor ad ea quæ intra corpus sumenda sese offerunt, exploranda à natura animalibus dati, prout alibi id demonstravimus, sic aures & oculi tanquam in speculam collocati circumspiciti vigilantes, externas injurias è longinquo prospiciunt, & sæpe etiam occultas qualitates vel conjectura assequuntur. Ne longius excurram, exemplo nobis est, quem titulus præ se fert Bufo. Luridus animalis noxii color, & incessus ad subreptitias injurias compositus adeo suspectum reddunt id ipsum, ut, quasi à natura ipsa nobis insculpta horroris idea sit, quilibet ad ejus conspectum commoveatur, & locum ubi apparet, statim relinquat. Quam insolitam abhorrentiam etiam in causâ esse existimo, quod nondum nobis certo

eerto satis innotuit, quomodo quoque veneni genere nocivum sit animal. Quo pacto salviam & amet, & inficiat, alii narrarunt: An autem liquorem vel eructet vel excernat, an vero halitu solo, aut exhalationibus candidas illas in salvia pustulas, quibus lotionibus sublati, innoxie iterum assumitur, excitet, nondum vel quæsitum, multo minus decisum esse memini. Sequens exemplum hoc ultimo modo nocivum esse, patefaciet.

In pago vicino pueri inter se ludentes variis modis se invicem exercent: Inter alia accidit, ut nescio quem in finem alter abrepto Bufone alterum insequatur, & in clamantis os apertum animal intrudat, ibique in manu detineat aliquantisper: ita tamen ut oris partes non attingat: mox retracta manu, abjicit, puer perterrefactus insigniter, domum abit, nihil tamen mali sentiens illa die, ne noctem quidem inquietam habet, sed dormit placide. Postridie vero non in ore, aut circa cor molestiam ullam sentit, sed per superficiem corporis pustulis, tanquam foeda scabie subito efflorescentibus male affici cepit. Internæ tamen anxietates, infecti quoque sanguinis signa non obscura se produnt. Cum forte fortuna ibi ægrotum alium invisendi causa versarer, accurrunt ad me parentes pueri, & auxilium petunt, facileque impetrant: nec magno opus fuit remedio, uno enim & altero sudorifero ex aquis destillatis card. ben.

cort. citr. &c. cum antidoto statim
convaleuit.

OBSERVATIO CXIV.

D. GÜNTHERI CHRISTOPHORI
SCHELHAMMERI.Epilepsia ex ictu in synciput accepto post
octennium gravis.

VIr quadragenarius ante annos circiter octo hic cum sodalibus potans, exorto jurgio, ab eorum uno gravem patitur percussione in faciem, vase potabilis liquoris pleno, ita ut nasi ostotum confractum subderet: inde quasi exanimis concidit: sopore oppressus, jacet bihorium, dein magna exorta sanguinis profusione, (ad libras aliquot) ad se redit quidem, sed satis diu tamen sub manibus Chirurgi æger decumbit. Quinquennium abit, & ultra, quod se sanatum putat, interim per vices subitanea eum capit & levis quædam dementia, adstantibus vix advertenda, quæ sensim augetur nonnihil, & crescentibus annis, sumit incrementa, ut quid agat ipse, pariter & quid ab aliis agatur, nesciat, mox veluti Sardonio quoq; risu, & tremore ac fremore comitata se exerit: tandem in veras convulsiones epilepticas hæc omnia desinunt, cum clamore, stertore, spuma etiam ante os tota sanguinea copiose se sistente. Sentit autem antequam paroxysmum patiatur, foetidissimum ac putridum halitum sibi ascendere in cerebrum, qui ipsi videtur ex ipsis naribus prodire: Nunc igitur sentiens, affectum quem non magni fecerat initio, quotidie capere augmentum, implorat operam meam.

Ego autem his omnibus perpensis, ex recepta illa vehementi percussione malum originem trahere, manifestum esse autumo: vel enim repente colligitur, vel collecta ex eo tempore aliquubi hæret: in cavernis forte ossium sanguinis aut feri pars, post tempus aliquod putrescens aut fermentans: quod dum fit, foetidum ejusmodi halitū transmittit, qui per vicinos nervos, quorum extremis sese insinuat, excurrit ad cerebri usq; principium, seu corpus callosum, ac medullam oblongatam, ibiq; opprimit anima-

animales spiritus acturbat primum: inde leve delirium, & notabilis tristitia, qua sæpe afficitur integrum ante paroxysmum diem. Ubi vero plus ipsius accedit, ut vincat plane spiritus in spasmodicos ipsos agit motus, & epilepsiam superinducit. Confirmat conjecturam, quod à percussione illa dolori capitis in uno latere frequenti obnoxius degit, sæpeq; ex naribus sanguinem fundit copiose, quod ubi accidit, levamen percipit dicti doloris. Itaq; vix dubito in ipsis ossis narium cavernis, ubi pituita etiam sanis solet foetorem non raro contrahere, hunc cerebri hostem hospitari, aut saltim, haut longe hinc abesse locum ex quo tam ingens malum erumpit.

Itaque, cum purgationem propter antipathiam naturalem nullatenus ferat, ad impediendam præveniendamq; materiæ collectionem profusionemve nimis frequentem, sanguinis V. S. in brachio ejusdem lateris quo dolere caput ajunt, vel etiam in manu administrari jubeo, singulis mensibus, sed perparum detrahi. Tabaci deinde fumū, quo utitur ad excessum, interdico prorsus, sensim tamen non confestim omittendum. Ejus autem loco aquam Reginae Hungariæ seu spiritum roris marini in nares attrahere jubeo, caputq; nonnunquam, præsertim, ubi paroxysmi instantis est metus, eodem perfundi: cucupha etiam caput muniendum moneo. Nam plantis cephalicis in vinum infusis magis confortari cerebrū potuisset, & alterari materia, sed sumtus metuit pauperie pressus. Interne pulverem cinabarinum præscribo, & spiritum volatilē oleosum non tamen vulgarē ex aromatibus, sed ex plantis cephalicis efficacissimis paratum, qui mihi in usu est, & quo jam tum epilepticum quinquagenarium fere, penè solo restitui. Hic etiam ex ejus usu insigne jam sentit levamen quem ubi omittit, non multo post paroxysmo corripitur. Itaq; non despero, morbum si plane tollere non possim, ita tamen compescere, ut qui sibi relictus hominem certò erat pessundaturus, cancellis angustioribus magis magisque circumscriptus, sævire & frequenter adeo molestus esse desinat. Unum addo: post epilepticos insultus sanguinem è

pulmonibus tussi rejicere ægrotum, cum nullo alias sputo sanguinis laboret. Unde apparet, tantam esse affectus violentiam, ut è vasis etiam vitalem hunc liquorem expellat; spuma enim sanguinea ante os apparens, non aliam habere originem videtur; ni forte ex lingua morsibus vulnerata prodeat.

[Helmstadio 1687. 10. Decembr. Noribergam missa.]

OBSERVATIO CXV.

D. GEORGII WOLFGANGI WEDELII,

De

Varicibus sponte apertis.

UT varices valvulas venarum magis crispatas & turgidas exuberantes consequuntur, sanguine magis oneratas, in primis accedente compressione communi in gravidis, vel halituositate; ita notavimus easdem & sponte apertas in utroque sexu.

Fœmina gravida ultimis mensibus talibus nodis laborans vesperi quodam ex profuso sanguine unum horum apertum sentiens, auxiliū petere coacta, solā deligatione repressit exitum, nullo postea ferè vestigio relicto, unde sanguis profluxerat.

Vir literatus 60. annorum exhibens tuberosa vasa in manibus eadem occasione referebat, sæpius tum in manu, & brachio ipso, tum in pedibus dilatatas venas sponte apertas, ut restringendæ essent, eo periculo, si forte noctu per somnum id fieret, ne hæmorrhagia gravior aliquando vires atterat, vel vitæ finem improperet.

Exhibent nempe varices venas distentas, lividas & velut nodosas, in pedibus cumprimis, hinc & manibus quandoque, frequentius in gravidis, hinc & viris, utrisque magis plethoricis, vel sanguineo-melancholicis. Attenuatis itaq; membranis, continuato licet placido per recursum sanguinis impulsu, & distensione factâ majori, fieri potest ejusmodi apertura.

[Jenâ 1687. d. 25. Decembr. Noribergam missa.]

OBSER.

OBSERVATIO CXVI.
D. JOH. JACOBI WEPFERI.*Cicutæ Aquaticæ noxa.*

HISTORIA I.

Gaisinga, oppidum prope Danubium situm in Lande-
grafiatu Baar / milliari cum dimidio distans à Fonte
Danubii, subjectum Illustrissimis Dominis Comiti-
bus Fürstembergicis, primò Danubii ponte nobile est.
Ripæ fluminis eiq̃ue vicinæ lacunæ suppeditant Calamum,
Aromaticum verum copiosè; vicini montes præter alias her-
bas salutes, Gentianam abundè & Selseli Æthiopicum: repe-
riuntur quoque ibidem plantæ quædam lethiferæ, Cicuta scil.
aquatica ad marginē Danubii & in fossis quibusdā aqua fon-
tana irriguis; in montanis Solanum furiosum, Aconitum Ly-
coctonum, Napellus; in dumetis Hyoscyamus.

Anno 1685, Mensis Martii d. 22, post horam 3. pomeri-
dianam cives quidam aliq̃ue incolæ hujus oppidi exierunt ad
capiendas ranas in Danubio ubi minus rapidè currit atque in
vicinis paludibus, ferculum hoc tempore Quadragesimali fu-
turas: postquam diviti præda potiti sunt, in fossā aqua fon-
tana impleta invenerunt radicem pugno virili majorem, quam
evulserunt ac mundatam secum *Philippus Merk* Figulus do-
mum suam sumsit: erat ponderosa, intus medullosa instar
rapæ, sed tenerior, candida; supernè caules & ad latera, cum
foliorum rudimentis, ad articuli digiti longitudinem, alicu-
bi breviores jam pullulârunt: fibrillæ nondum progerminâ-
runt, quibus adultiore verè prædita est. Quidam ex illis, qui
in ædibus Figuli circa 5. vespertinam convenerant, calamum
aromaticum vocârunt; Ludimagister *Johannes Petrus Gruber*
Suticensis, è pago Lachen ad Lacum Tigurinum sito oriun-

dus, plurium herbarum gnarus id pernegavit ac comesturos
 de radice monuit, ne ignotæ fiderent & inscii venenum in-
 glutirent; Filia certè, adhibitis minis, ne quicquam de illa
 gustaret, prohibuit: an certò sciverit hanc Cicutæ Aquaticæ
 radicem esse? non ausim dicere, verùm paulò post ex eventu
 hanc fuisse didicit & postquam caules, folia, flores vere & æsta-
 te subsequente emisit atque adolevit, neque ipse neque alii
 oppidi incolæ dubitarunt, esse illam ipsam plantam, videlicet
 Cicutam Aquaticam, duobus pueris Almanshofii 1670. fu-
 nestam. Quamvis Ludimagister quosdam in ædibus Figuli
 hortatus esset, ut sibi ab esu hujus radice caverent, nihilomi-
 nus *Jacobus Kunrath* Pictor Rapperschwilâ Helvetius illam de-
 corticavit ac comedit magnitudine ferè duarum nucum ju-
 glandium, *Philippus Merk* Figulus duplo plus devoravit, at-
 que etiam integrum frustulum articuli parvi digiti longitu-
 dine & crassitie inglutiit: Figuli famulo invidebant pulpam
 atque corticem objecerunt, cujus non exiguam quantitatem
 ingessit; Filia Ludimagistri *Anna Margaretha* clanculum sur-
 ripuit magnitudine nucis Moschatae atque in via, dum ex ædi-
 bus Figuli domum contendit, comedit: ipsemet Ludimagi-
 ster portiunculam solummodò degustavit, masticavit atque
 aliquandiu in ore detinuit, verum non deglutiit: aliis in hy-
 pocausito Figuli præsentibus ne micam quidem concesserunt
 quamvis illius participes fieri admodum concupiverint atque
 ut suppeditaretur, sollicitè petierint: nam quotquot de illa
 comederunt, omnes dicebant, sapore suavem & dulcem esse
 cum aliqua acrimonia, solus Ludimagister ajebat postea se
 animadvertisse aliquid nauseabundi inter masticandum, ac
 propterea non deglutivisse, an verè, anne autem ex opinione
 præconcepta? nescio. Erat circiter horam 5. vespertinam
 d. 22. Martii, quando de radice Cicutæ hujus Aquaticæ come-
 derunt. *Philippus Merk* Figulus, ætatis annorum 26. quin-
 que annis uxoratus, vir robustus & carnosus, antea sanus: ad
 vomitum facilis, quoties affligebatur ventriculus: in pran-
 dio

dio largiter comedit bolos ex farina paratos & in aqua elixos, familiare ferculum tempore Quadragesimali & diebus abstinentiæ in his locis, quos quandoque butyro condire solent; nullum vinum tunc bibit. Vix octante horæ elapso conqueri coepit ac sibi malè esse dixit; ridebatur à Pictore, monebat eum, ut digitos versus fauces adigeret, aquam largè biberet, sicque sibimet vomitum excitaret, quod se, quamprimum radix molestiam quandâ pepererit, facturum asseveravit: mox Figulus incubuit scamno prope fornacem calefactam, ob tempestatem tunc frigidam & admodum ventosam; corripiebatur vertigine quâdam & capitis perturbatione, quam explicare nequirit, visus obtenebratione; caput doluit, dolorem aiebat, fuisse lancinantem, pungentem & quasi divellentem; circa præcordia angebatur cum aliquo ardore, respirationis interceptione & leipothymia metu, statim surrexit, sine fulcro hypocausto exivit, digitos faucibus intrusit, aquam largiter bibit: vix vomitum ciere valuit, quamvis aliàs ad vomitum esset facilis: tandem prolecto vomitu pleraque radicum frustula jam tumidiora & multo mucò involuta ejecit, similia radici consolidæ majoris diu aquâ macerata: nihil verò de cibo in prandio assumpto vomitu egressit. A vomitu cessarunt symptomata: verum non diu postea omnia redierunt cum siti inextinguibili & summâ faucium siccitate, videbatur ipsi tota gula, ceu pice sutoriâ oblita & coalita esse: à potu aquæ symptomata capitis scil. cephalalgia, vertigo aliæque minuebantur, sitis quoque ac faucium aciditas mitigabantur; itaque secundâ vice vomitum urfit, faucibus digitis irritatis & magnâ copiâ aquæ epotâ; unde symptomata rursus evanuerunt; verum tertiâ vice redierunt, mitiora tamen quam prius, quæ penitus tandem tertius vomitus sustulit, in quo unicum frustulum radicis cum multo mucò excrevit. In tribus his vomitibus nihil prorsus de cibo in prandio sumpto ejecit. Aquæ fontanæ ultra tres mensuras, seu libras xij. medicas ingurgitavit: præterea nullum medicamentum aut ali-

men-

mentum admisit, nec quisquam in summa hac confusione ipsi quicquam suggessisset. Hæc omnia peragebantur intra horæ quadrantem cum dimidio. Post tertium vomitum nihil ampliùs querebatur de ardore stomachi, sibi ullòve dolore, fauces humidæ fuerunt: sensit solùm caput & pectus aggravatum & horrorem quendam percepit, quem ascripsit nimio aquæ potui: Ventriculum tam inanem putavit, ac si pluribus diebus nihil quicquam comedisset, aut bibisset. Totò afflictionis tempore nihil convulsi in artubus perpeffus est; nunquam penitus decubuit, & si præ languore scamno incubuerit, sine ope surrexit, obambulavit, & cùm interea radix suam virulentiam in Pictore exseruisset, adstantes illum ad lectum deportantes, adjuvit. Post obitum Pictoris valdè percellabatur, atque idem fatum timuit expalluitque: itaque Chirurgus Geisingensis horâ octavâ noctis dedit theriacam, & horâ decimâ potiunculam vomitoriam, quæ bis vomitum movit, verùm majore violentiâ, quàm in tribus prægressis vomitibus expertus est: his ultimis vicibus cibum quoque in prandio sumtum ejecit. A vomitu hoc valdè delassabatur in artubus, ut dormire nequirit. Die 23. Mart. rursus figulinæ vacavit sine impedimento. Die 31. Mart. manè vertigo quædam anxium reddidit. Ludimagister parat quendam pulverem, quem vocat nomine specierum theriacalium, confectum ex rad. imperatoris s. astrantii, gentian. angelic. levistic. &c. de quo aliquot manè tantillum sumsit. Ab illo tempore ad 25. Aug. 1685. quò me Donefchingæ convenit, nihil ampliùs p. n. pertulit.

Jacobus Kunrath Rapperwilâ Helvetius 20. annorum circiter, staturæ justæ, antea sanus & robustus manè duo ova scorbilia jentaculi locò sumsit, in prandio comedit præter jusculum, ranas elixas atque assas & brassicam muria conditam: hulum vinum bibit: post prandium pinxit ad 2. hor. pomeridianam: Circa 3. vespertinam imprimis ursit capturam ranarum: quâ peractâ atque in ædes figuli rediens præ cæteris esui

esui harum radicum inhiavit. Jam virulentiam radice de-
voratæ persentens, omnem molestiam diu suppressit, dum
cæteris animosior videri voluit, nam solus ille monita Ludi-
magistri vilipendit & figulum querulum irrisit: verùm ante-
quam Figulus omnia radicum frustula evomuit, hypocaustò
egressus est, ut credebatur vel alvum exoneraturus, vel vo-
mitum commoturus. Aliquandiu post uxor Figuli aliundè
domum rediens in vicino conclavi humi prostratum & vel-
uti mortuum reperit. In subsidium vocat maritum & Ludi-
magistrum aliosque: in hypocaustum delatus nullum prope
vitæ signum edidit, artus erant penduli, ceu corpori assuti;
facies & collum inflata tuebant; oculi prope extra orbitas
protuberabant; os spuma opertum; dentes arctissimè con-
stricti; leviter respirabat adhuc: vi diductis dentibus halitum
emisit, unde facies & collum subsiderunt: infusò in os acer-
rosac. cochl. j. illòque naribus admotò, artus movere atque
unum alterumve verbum indignabundus protulit, quibus ad
lectum deportantes increpavit, in lectum repositus mox ve-
hementissimò paroxysmò epilepticò correptus fuit, qui bre-
vissimis intervallis crebrò rediit, mirè artubus, capite & trun-
cò torsis, facies sæpè prorsus livida cum respirationis interce-
ptione omnimodà per aliquot momenta fuit, os densa spuma
operiebatur, & licet subinde terribilis artuum, trunci & capi-
tis jactationes & succussiones remiserint atque liberiùs respi-
raverit, nunquam tamen ad mentem rediit, neque ad altissi-
mas inclamationes & vellicationes adstantium vel minimum
sensus signum edidit, continuante epilepsiâ ad 4. vespert. vi-
vere desit. Quæcunque intervalli tempore ori infundeban-
tur, non deglutiit, neque ad fauces pervenisse inde patuit,
quia statim defluebant per genas; semel in quodam interval-
lò semet erexit ac videbatur ad vomitum stimulari, nam pa-
rum muci per os ejecit. Epilepsia tantoperè sæviit, quia ab
astantibus negligebatur, nam Ludimagister celeriter domum
vocabatur, ob filiam eidem calamitati involutam; reliqui sæ-

vitiâ territi vel aufugerunt, vel non audebant ipsi propius accedere, vel ignari rerum omnium subsidium afferre nesciebant. Cadaver totâ nocte & die sequente caluit, nullibi livuit, nec abdomen, nec alia pars intumuit: verum artus obriguerunt: Chirurgus Geisingensis d. 23. Mart. vesperti cadaver aperuit: remotô sternô pulmonum lobus sinister superior conspersus erat maculis lividis & flavis inflatus; illô sauciato profuit mucus flavus; inferior flaccidus pallidus: Lobus dexter superior atrô rubescens, mollis tamen, inferior simul durus & prope friabilis: Epatis pars convexa, huic lobo subjecta atro rubescens, reliqua pars sana: huic convexæ parti hepatis similis erat ren dexter, sinister sano similis.

Chirurgus imprudenter in pectore vasa majora discidit, unde pectus implebatur sanguine rutilô sanorum similimo, cui nihil grumosi inerat: cor postea invenit sanguine vacuum; vix paucae guttulæ supererant in ventriculis & auriculis. Ventriculus non erat inflatus, nihil ferè invenerunt, quàm frustula radices Cicutæ, non multum immutata & mucus spumeus cum pauxillo cibi: ejus interna superficies aliquot in locis erat atro rubescens, imprimis ibi, ubi frustula radices detinebantur: Intestina tenuia continebant mucus spumeus. Ad alia Chirurgus & Ludimagister non attenderunt, ex cujus ore hanc anatomen superficiariam habeo: gulam intus lividam & siccam fuisse aliundè rescivi.

Anna Margaretha, Ludimagistri filia, sana antehac, mediocriter carnosa, benè colorata, 15. annorum; postquam ex ædibus Figuli domum rediit, aliquandiu in hypocausto obambulavit, paulò post fenestræ adstitit, caput manibus fulcivit, mater otiosam increpavit ac ad nendum compulit; dum operam aggressa est, caput perturbabatur & circa præcordia angebatur; undè foràs hypocaustum egressa est, ad vomitum stimulabatur, sed sine successu, quin potius humi prostrata omnibus sensibus & motu privata veluti mortua jacuit, arcte dentes constrinxit: infusâ aquâ rutæ sensus recuperavit,

vit, mox tamen sensus & motus rursus defecerunt, qui aq. rutæ ingesta restituebantur.

Quamprimùm in lectum deportata fuit, epilepsiâ horrendâ corripiebatur: creberrimè totâ nocte & die sequenti scil. 23. Mart. paroxysmi redierunt primùm brevibus, postea longioribus intervallis: & post medium noctis & die sequenti mitiores: in quolibet paroxysmo artus, caput & truncus terribili aspectu agitabantur, arctè dentes constringebantur, magnâ vi diducebantur, adeò ut pater dentem eliserit, postea ne suffocaretur, interposuerunt manubrium cochlearis inter dentium seriem: manè lectum perminxit; multos flatus inferius emisit. Tempore intervalli infuderunt nunc aquam solam, nunc permixtam vel coralliis, vel matre perlarum, vel speciebus theriacalibus: propinârunt quoque circa 8. n. Theriacam, post medium noctis emeticum, quod tamen nihil effecit, imò videbatur affectum deteriorem reddidisse: subindè unum alterumve cochleare jusculi exhibuerunt: in os ingesta deglutiit: tempore intervallorum audivit, loqui tamen nequirit. Celsârunt paroxysmi demùm hor. 5. vesper. d. 23. Martii: totò hoc tempore nunquam vomuit. Post 5. aliquomodo mentem recuperavit omnium ignara & veluti è profundo somno expergefacta: noctu quietè dormivit. Die 24. Martii manè horâ sextâ, ut & 25. Mart. eâdem horâ paroxysmus epilepticus rediit, sed infusâ aqua rutæ statim liberabatur. Postea nulli paroxysmi illam invaserunt. Pater præservationis causâ manè & vesperi cubitum ituræ diu dedit spec. suarum theriacal. $\text{E}\beta$. Ab illo tempore semper sana perstitit: nisi quod tristior solito nunc sit, & quod diu non ampliùs cantare valuerit, cùm antea suaviter cecinerit: defectus iste imputabatur denti incisori maxillæ superioris evulso: verùm nunc rursus sine ullo vitio consueto more cantat.

Figuli famulus Hüffinganus Juvenis robustus 19. annorum, qui de solis corticibus vescebat, nullâ de re sollicitus, nihilque de aliquo subsequuturo periculo timens, cùm fortè

quidam ex consanguineis Geisingam pervenissent, cum illis in cauponam abiit, vinum bibit non perfunctoriè: postquam obitum Pictoris & afflictionem Magistri rescivit, angustia coepit, quamvis nullum symptoma indicare potuerit, sive præ anxietate, sive à corticibus stimulatus, hinc inde cucurrit, nullibi stabili sede manere potuit. Post medium noctis etiam sumsit emeticum, bis deiecit, nunquam vomuit: passus est postea quandam in artubus lassitudinem, quam potius medicamento quàm cortici attribuit: nunquam decubuit: die sequente ad solitos labores rediit nec hætenus unquam aliquid sinistri expertus est.

Ludimagister post masticatam radicem, quamvis nihil deglutierit, aiebat se vertiginem quandam, ac si ebrius fuisset, aliquamdiu percepisse, atque vocem raucam evasisse; quæ tamen sine usu medicamenti evanuerunt.

Anno 1685. d. 24. August. mc Doneschingæ *Ludimagister*, ejus Filia Anna Margaretha atque Figulus conveniunt atque indicarunt se hucusque ne minimum symptoma expertos fuisse atque hætenus optime valuisse.

Historia II.

ANno 1677. in vere, tempore Quadragesimæ in Suevia, ex pago Schwendi, duo pueri, sc. *Gottofridus Sammüller* & *Stephanus Bozenhardt* & tres puellæ, omnes coætanei, sc. octo aut novem annorum post meridiem, circiter horam tertiam in convallem ter centum circiter passibus à suis ædibus distantem, descenderunt ac prope amnem Roth, juxta rivulum è fonte vivo scaturientem, radicem ejus margini superficietenus adhaerentem facile avulserunt ac in frustula concisam, quia ipsis ob dulcedinem quandam sapuit, avide devorarunt. Comesta radice domum contenderunt; primum nihil inde ad-

versi

versum perceperunt, verum antequam ædes suas attigerunt, temulentorum instar inceserunt; vix domum pervenientes humi sternebantur, mire corpora volutarunt, mox convellebantur vehementissime, ut nec digiti è manibus evelli, nec artus flecti, aut extendi potuerint; omnes non diu post hæc valde ad vomitum stimulabantur: *Johannes Sammüller* balneator, filium adjuturus instrumentum ferreum intra dentes intrusurus, unum effregit: divulsis dentibus arcte junctis protinus large evomuit radices istas & prandium: *Puer alter*, omnesq; *Puella* absq; ulla ope sponte omnia ventriculi contenta evomuerunt. Post vomitum nihilominus convellebantur terribiliter sæpiusque ad ulteriorem vomitum frustra tristi spectaculo urgebantur: conflictus iste duravit ad sextam vespertinam. Gravius affligebantur, qui multum de radice comederunt, ut *Gottofridus* & una ex puellis: nemo tamen ex illis immunis erat à vertigine, convulsionibus & vomitu; nulli alvum movit: *Gottofridus* noctu dysuriam passus est: omnes tota nocte summe debiles & amentes erant, instar truncorum jacebant ac de omnium vita actum esse credebatur: *Gottofridus* tunc quater adhuc horrendè convellebatur. In principio hujus conflictus nullum remedium intrudi potuit, postquam vomuerunt, plerisque invitis infundebatur de mixtura ex theriaca, oleo scorpionis & aquis destillatis benignè suppeditata ab *Illustrissima Domina Maria Margaretha Johanna Baronissa de Schuvendi*, ex *Illustrissima Comitum Fuggerorum* familia oriunda. *Gottofridus* die sequente impensè sitiit, omnem cibum fastidiit; quæ fors quoque cæterorum erat; diu querebantur de lassitudine spontanea & sine fulcris incedere nequiverunt: sensim tamen sine aliis medicamentis vires integrè recuperarunt. *Stephanus Bozenhardt* post annum ex alio quodam morbo neglectus mortuus est. Anno 1685. d. 11. Dec. dum apud *Perillustrem Dominum Franciscum Boronem de Schuvendi* cum *Excell. D.D. Joh. Jacobo Geigero Physico Weissenhornensi* versarer, Generosi Domini

Domini Baronis jussu nos Johannes Sammüller cum Filio convenit bonaque fide omnia hæc nobis recensuit addiditque filium suum ab illo tempore hucusque bene valuisse, quamvis hoc sibi vix polliceri potuerit, tum ob radicem comestam, tum quod puellus nondum bimulus ingentem copiam carbonum & arenæ conniventibus parentibus, devoravit, nam illi ipsi quiritabundum non raro ad cumulos arenosos locarunt siveruntque filiolum adhuc tenerum integros manipulos ingerere, quia observarunt ejulantem aut querulum his solis placari posse: erat hoc tempore carnosus, bene coloratus, robustus staturæ justæ, licet 18. ætatis annum nondum compleverit: Tres puellæ jam prope adultæ, quoque omnes optime valuerunt.

Incolæ hujus pagi, qui Biberaco duobus, Ulma tribus milliaribus distat, radicem vocant *Rohrhuben* / quia externa facies refertimum caudicem seu caulem brassicæ capitatæ: Item rapas suillas, quia sues necat, ut ipsis ex pluribus exemplis innotuit. Aliquot harum radicum ad me attulerunt, quas facile agnovi simillimas esse Almanshoffianis & Geisingensibus: quædam illarum erant cylindricæ, quædam magis ovales, longæ erant uncias tres, quatuor, quædam quinque, illarum diameter, ubi erant crassissimæ, unicarum duarum, etiam trium; foris apparuerunt circuli prominuli, ex quorum interstitiis in quibusdam radices glabræ, teretes emerferunt spithamæ longitudine, quædam etiam breviores, similes illis quas *Lobelius* describit & Asphodeli radicibus assimilat: ex iisdem interstitiis & ex radice parte superiore in quibusdam folia caules minores involventia excreverunt, ut in arundinum & calami aromatici primis germinibus observatur; in quibusdam nec vestigium foliorum & radicum teretium videbatur, in nulla filamentorum series, barbam prolixam referens adhuc apparuit. Retulerunt plerasque reperiri ad margines rivulorum scaturientium ex fontibus vivis, rariores ad ripas amnis Roth, qui rapidior mihi videbatur, atque illum

non raro exundare, ex vicinis pratis tunc multa arena oper-
tis conjeci. Amnis iste duobus milliaribus ab hoc pago se in
Danubium exonerat prope castellum Erbach. Hoc tempore
radices omnes, quas attulerant, unica excepta, cavernosæ
erant, cavernis à se transversim distinctis sepimento medul-
loso, albo, in quibusdam prope pennæ crassitie: caverna-
rum in quibusdam numeravi tredecim: harum aliæ amplio-
res aliæ angustiores erant: Caro omnium intus alba & me-
dullofa fuit, quamvis radix foris virefceret. Ex candida me-
dullofa substantia erupit liquor, post aliquam repositionem
in aprico, instar Gummi Gotte flavescens, saporis primum
sub dulcis & herbacei, postea acris, quem vix frigida eluere
porui statim.

SCHOLIUM.

I.

Plantam hanc *Cicutam Aquaticam* in ejus *Historia, Com-
mentario illustrata & publica luci credita 1679.* nominavi;
denominationem confirmavi autoritate celeberrimorum
Botanographorum; ei adversatur *Cl. D. Stalpart van der Wiele*
c. 1. Observ. rariorum in Comment. ad observ. 43. & illam cum
Lobelio Oenanthen appellat; quamvis ipsemet *Lobelius in*
stirp. advers. nov. p. m. 326. agnoscat in foliis virorem tetrum,
colorem & faciem *Cicutæ*, cui etiam umbella similis sit: ad-
dit *Cicutæ* affinem autumare illos qui illam maleficio parem
experti sunt: concludit tam *œnanthen* esse, quam ab illa
distent *Ruta pratensis* & *Cicuta*; imo non Medicos auditu-
ros, qui illam in dysuria, mensium suppressione, vertigi-
ne, epilepsia, loco *œnanthes* propinaturi essent. Nuper *Exc.*
D. Johannes Rajus plantarum gnarissimus *Hist. plantar. Lib. 9.*
c. 8. *Cicutariæ palustris* nomine illam insignivit.

II. Ci-

II. Cicutam hanc & terrestrem frigidam diu creditam in
Commentar. c. 3. 4. 5. & 6. rationibus & *c. 10.* imprimis experimentis in brutis factis, calidam esse demonstrare conatus sum. Ausum hoc non obscure illustrare & confirmare videntur radices *Geisnga* & prope pagum *Schvendi* comestæ, Almanshofianis simillimæ, ut ex utriusque descriptione in historia patet: nam illarum frustula comestæ, in ventriculum recepta, ab illo complexa, ejus lymphâ, serô, seu fermentô madefacta, radicisque succô elicito & expressô ventriculi membranam nerveam per crustaceam propius attingentia, illos effectus produxerunt, qui nullô modô particulis frigidis, humidis, obtusis, torpidis & ignavis, sed omninô calidis, incendium aliquod in ipso quoque ventriculo efficientibus, insuper spiculis acutis, pungentibus & irritantibus armatis ventriculum aliasque partes ad motus p. n. sollicitantibus attribui possunt & debent. In I. Historia *Figulus* post horæ quadrantem ab assumpta radice circa præcordia angebatur cum ardore; post radicem frustula tumidiora & multô mucô obducta vomitu rejecta, nihilominus eadem symptomata redierunt cum siti inextinguibili prope & summâ faucium siccitate: eademque post secundum vomitum repullulârunt, sed mitiora; cessârunt demùm post tertium vomitum. *Pictor* quidem nec de ardore neque de anxietate multa præfatus est, ne fortè irrideretur; verùm proculdubio hypocaustô exiit propter aliquam afflictionem jam ventriculum torquentem & brevi postea docuit diris convulsionibus supervenientibus, quid radicis ejusque succi spicula valerent atque illa omninô inflammatoria esse superficies ventriculi interna atrorubescens ad oculum demonstravit: *Anna Margaretha* insignia documenta exhibuit de radicis istius calore & acrimonia, dum post brevem moram domi & aliquam obambulationem fenestræ adstitit, caput manibus fulcivit, hypocaustô egressa est, ad vomitum stimulabatur & non diu post convellebatur, pluribus paroxysmis à 22. ad 25. Martii recurrentibus. *Figuli famulus*

mulus maturè radicis virus obtudit, ut de illo certi quid statui nequeat, quæ enim passus est merui deferenda existimo, quò angebatur, postquam conscius calamitatum Magistri, *Pictoris* & *Annae Margarethæ* factus fuit. In Histor. II. præter radicis saporem acrem, de hujus radicis vi calefaciente, pungente, irritante abundè testantur vomitus & horrendæ convulsiones, quibus æquè pueri ac puellæ exagitabantur, & fitis prope insuperabilis die sequente cum appetitu prorsus dejecto. Certè nisi *Cicutæ* hujus radix aliis armis instructa fuisset, quàm radices raparum, pastinacæ tenuifoliæ sativæ aut tragopogi, quibus frequenter crudis quoq; ruricolæ vescuntur, non talem tragoediam peperisset.

III. *Cicutæ* radicem ejusque succum nondum ventriculi limites egressum, non solum anxietatem, ardorem & vomitum, sed etiam symptomata, quæ ad cor & caput spectant, scil. leipothymiam, cephalalgiam, vertiginem & horrendas convulsiones excitasse, manifestè patebit, si diligenter attendetur, quid singulis in utraque historia brevissimò temporis intervallò post radices comestas obvenit. *Figulus* vix octante horæ elapso capitis perturbationem inexplicabilem, visus obtenebrationem, cephalalgiam lancinantem, pungentem, divellentem, leipothymia primordia, præter anxietatem, ardorem & sitim passus est. *Pictor* nondum præterito horæ quadrante horrendâ epilepsiâ correptus est & nondum horæ spatio emenso, ob ejus vehementiam vivere desuit: *Anna Margarethæ* etiam ante quadrantem horæ epilepsiâ affligi coepit. *Pueri Puellæq; omnes in Historia II.* è loco tertium passibus ab ædibus suis distante, domum contendentes temulentorum instar titubârunt, & vix illas attingentes humi prostrati convellebantur. Quis creder tantillò temporis spatiò radicem colliquatam fuisse, si vel struthione fortius fermentum, aut pares ipsius ventriculo musculos natura ipsis concessisset? Nec mucus intereà prolectus tam citò per pylorum ad intestinâ descendisset, indeque per oscula vasorum

laeteorum ad massam sanguineam properasset, nam ut ex primo Figuli vomitu apparuit, ille radici adhæsit; deinde ob lentorem nec facile nec præproperè eliminari potuisset; ut raceam constrictionem arctissimam antri pylori in hac ventriculi afflictione frequentiore, quam vulgò creditur, de qua videatur, cui lubet, *Comment. de hac Cicuta p. 110. 112. 136. § 168. atque fortè alibi.* Verùm sepositis his aliisque ratiunculis, quas meris conjecturis suffultus aliquis suspicari posset, solum Figuli exemplum sufficiens argumentum esse confido scil. radicem cum suo muco in ventriculo subsistentem nec ejus pomœria egressam omnia hæc symptomata effecisse, aut facere potuisse, nam vomitu vi prolecto & plerisque radicis frustulis muco jam oblitis, symptomata aliquandiu cessârunt; à secundo vomitu & ab aqua simul largè epota symptomata redeuntia mitigabantur; à tertio verò vomitu, unico frustulò adhuc in ventriculo superstitè cum copioso simul muco excreto penitus citra ullam recidivam, sublata fuerunt; scil. quia symptomatum causa à largissimo aquæ potu demulsa, & per vomitum planè è ventriculo eliminata fuit, nihil amplius de ardore stomachi, siti ullove dolore querebatur, ventriculum tam inanem putavit, ac si pluribus diebus nihil edisset, vel bibisset: sensit quidem post vomitus caput adhuc aggravatum pectusque, quod ipsum tamen etiam aliis evenit, post vomitus violentiores ab aliis & benignioribus causis effectos. Horrorem cum ipsomet Figulo tribuo nimie ingurgitationi aquæ, nam nec illa vespèrà, nec subsequente nocte vel minimum æstum percepit; nam si quid vel ex intestinis per vasa chylifera, aut immediatè ex ventriculo per oscula venarum aut vasorum lymphaticorum ad massam sanguineam pervenisset, aut si nervi aliquid imbibissent de succo hujus Cicutæ, symptomata non ita abolita fuissent, quin aliqua eorum vestigia restitissent, nec posterò die, sine impedimento suæ figulinæ vacare potuisset. Non negârim tamen apud *Annam Margaretam*, ut & apud *Pueros & Puellas Schuven-*

Schvvendianas ob longiorem moram in ventriculo, neglectis auxiliis ejus expulsionem promoventibus & acrimoniam attemperantibus, tandem aliquid de succo radicis ad massam sanguineam pervenisse: nam *Anna Margaretha* manè lectum perminxit, multos flatus per inferius guttur emisit: *Gothofridus* noctu dysuriam passus est: non tamen multum de radice ejusque succo ad intestina descendisse, quia nulli alvum movit, nec quicquam de torminibus unquam querebantur, postquam ad mentem redierunt. Interea firmiter persuasus maneo, convulsiones in *Pictore*, *Annâ Margarethâ* & omnibus *Schvvendianis*, cum aliis symptomatibus ad cor & caput spectantibus excitatas fuisse à radice in ventriculo cum suo succo adhuc detenta, quia non diu postquam *Figulus* vi conciliatò vomitu hanc calamitatem declinavit, illâ *Geisingenses* prostrati & non impari brevitate temporis *Schvvendiani* obruti fuerunt. Per nervos in ventriculum desinentes ex illius cavo à radicibus istis quicquam ad cerebrum & plexus cordis nerveos ascendisse constanter nego, ut pridem feci *Comment. p. 98.* cum non semel observârim, hos nervos vel in membranam dilatari & explanari, aut illorum minutissima filamenta ejus fibris motoriiis intimè uniri: qui hâc de re dubitat, ipsemet vel in ventriculo suillo, si humanus obtineri nequeat, periculum faciat, operæ non pœnitebit. Prætereo oscula vasorum lymphaticorum & venarum in ventriculum hiantia, utpote ignota, nec fortè accuratissimis microscopiis oculis armatis unquam in conspectum ventura. Si itaque tam atrocia symptomata solò ventriculò afflictò supervenire possunt, ut pridem in *Allmanshofianis* & nunc in *Geisingensibus* & *Schvvendianis* & in pluribus brutis *Commentar. de Cicuta. c. 10.* hanc ob causam experimentis factis, observavi, non contemnendos in Praxi medica usus hujus rei noticia & diligens attentio præbere poterit, dum sagax Medicus citra ambages, neglectâ Acidorum & Alkalium pugnâ, sive in ventriculo, sive in M. S. existat, maturè membranæ nerveæ ho-

stem eliminando ac afflictam demulcendo, brevi à cruciatibus illam liberare, & totum corporis systema à morte vindicare valebit.

IV. Cicutam hanc manifestâ qualitate, seu particulis tactui ventriculi permolestis in his omnibus hæc symptomata effecisse existimo, quod quoque asserui *Commentar. p. 507.* nam ventriculum tactu valere patet ex numero nervorum & membrana nervea, in quam verè nervorum extrema dilatantur & expanduntur; in his qui Cicutam comederunt, ventriculus percepit & agnovit objectum adversum, ardorem & anxietatem sensit, illud vomitu partim ejicere conatus est, partim opere ipsò præstitit, dum fibræ, intimâ amicitia cum membrana nervea junctæ, ipsi in subsidium venerunt, & quoniam aliorum objectorum tactilium more, hunc sensum in ventriculo sanè admodum vegetum, affecit manifestissimè, non nisi manifestâ qualitate egisse, statuere possum; licet ab effectu demùm innotuerit; id enim commune habet cum omnibus qualitatibus tangibilibus, quas ignoramus, donec illas experiamur; infantes ignem non timent, donec vel semel digitos adusserint; gelu frigefacere propius organo tactus admotum discimus; aciculas pungere scimus, cum demùm quando illis cutim aliamve partem tactu præditam, etiam imprudenter, læsimus. Tactum insignem ventriculo obtingisse præ multis aliis partibus corporis humani, memini in *Comment.* ac ostendi exemplò Antimonii; quod impunè ferunt apices digitorum & linguæ & cornea oculorum; in ventriculo verò gravissimos tumultus excitat, ut quotidie experimur atque etiam hoc momentò, dum hæc scribo; Consulor enim Picoris nomine, cui Balnearior infusum Vitri Antimonii propinaverat, unde sorsum, deorsumque enormiter purgabatur prope innumeris vicibus, atque nunc ab aliquot diebus ventriculus nec cibum nec potum tolerat: quicquid Antimonium hîc præstitit, tantummodò sensum ejus nimium irritando effecisse nemo fortè negabit, attamen fateor spicu-

spiculis aliis partibus tactui præditis seu ignotis seu minus molestis: nam illis ab unctuosius obtusis symptomata vel sublata vel mitigata fuissent. Sic in his, qui Cicutam comederunt, existimo ventriculum ejus irritamina præ cuti & apice linguæ agnovisse; nam licet acrimonia aliqua affecerit linguam, non tamen plusquam piper, arum simileve pupugit, & facile elui frigida poterat: Cuti sine noxa imò cum fructu imponitur, ut *Commentar. c. 22. p. 353. memini.*

Manifestæ qualitatæ Cicutæ gradus, aut in illis mansiones, ut vocant de Simpl. Medicam. Scriptores me non posse definire fateor; ipse ventriculus illas præ aliis conjecturis determinasse videtur, dum illarum contactum ægerrimè pertulit, magnò nixu eliminare conatus est, atque apud Schvvendianos felici successu expulit: imò argumentum præbuit, se acrium discrimina melius nôsse. quàm linguam, cui piper, zingiber, sinapi, arum, laureola aliæque, acriora hæc Cicutam videntur: Attamen præ lingua ventriculum Cicutam acerrimam agnovisse enormia symptomata testantur: & propemodum causticam esse superficies interna rubefacta in ventriculo, docuit. Ventriculum objectum hoc adversissimum sensisse firmiter credo, non solum quatenus membrana nervea & acie nervorum instructus, quatenus largè sanguine irroratus arterioso & quatenus Spiritibus animalibus abundè ditatus in his omnibus fuit, sed quatenus quoque animatus, seu quoque animæ particeps erat: nam nunquam in animum inducere potui membranam ex liquore limpido, qualis in oculo circa formationis primordia reperitur, confectam, aut spiritus animales ex sanguine in cerebro & cerebello productos, seu quatenus hæc colum merum sint, seu peculiari fermento sanguinem immutârint, objecta tangibilia agnoscere & discernere, fibrasque molestia à membrana nervea monitas tam violentos motus instituere, ut afflictæ succurrerent & hanc averruncarent: certè hæc non magis ab his expectari posse teor, quàm ab aqua viscidiuscula, sale volatili & fixo, item sulphure

phure & terrâ, ut & aëre, æquè nitrato ac sulphureo, aliisve atomis inquinato, prædita. Quoniam radix Cicutæ cum suo succo in ventriculo perstitit, nihilque de illis ad cor & cerebrum pervenit, cum jam leipothymia instabat, caput perturbabatur, dolebat, vertigo titubantes faciebat, imò jam convulsionibus corpus agitabatur, hunc consensum ventriculi cum corde & cerebro non adscribere potui spiritibus animalibus, ceu militibus statariis circa ventriculum excubias agentibus, sed animæ, objectum in sensorio communi in momento percipienti & subitum motum imperanti, quia enim spiritus animales, utut sint corpus subtilissimum, nullò tamen modo in momento, aut, si spatium quoddam momento brevius excogitari posset, tam citò per densam nervorum constructionem ad illud evolare potuissent. Si quis integrâ fruens valetudine ab acuto ferro casu pungeretur, quis à se impetrare posset, spiritus animales, licet fortè materiam, subtilem tenuitate superent, illos, e. gr. à pollice pedis per nervos crurales & spinalem medullam, ad glandulam pinealem, si Diis placet, animæ sensitivæ, aut aliam primarii sensorii sedem, ocyores aura ruituros ac tristem nuntium allaturos & mandatò acceptò cogitatu citius motum aliquem, inflatis, ut volunt, muscutorum fibris, eosdem spiritus redeuntes effecturos. Verùm quæ in hanc rem ulterius commentari possent, huc congerere nolo, cui volupe est, videat plura de his *Comment. p. 98. & seq.* ubi quoque enodare conatus sum, cur Anima, motu imperatò à gravi irritamine, plus nocuerit, quàm profuerit in Pueris Allmanshofianis & in hoc Pictore. Legi quoque hac de re merentur *Glissonius*, *Senex Venerandus*, & de re Medica optimè meritus *de Natura Substantia & Excell. Schneider. de Spasmo*, imprimis ejus *Tra-ctat. 4.*

V. Figulum à morte vindicarunt promotus vomitus ad ejectionem radicis devoratae & largissima aquæ ingurgitatio, quibus satisfacibat scopis in hoc malo observandis, ac
peri-

periculum mortis maturè evitavit, nam jam imminebat constriction gulæ & cum antea facilis ad vomitum esset, non nisi vi quadam illum ciere cogebatur; certe mortem hæc Pictori acceleravit dum præter afflictionem membranæ nervæ, coarctationes amborum orificiorum ventriculi dolorem auxerunt ac causâ vehementiorum convulsionum fuerunt: Forte si illo momento quo phalanges dentium diducebantur per siphonem canali incurvo præditum Hydræleum large injectum fuisset, servari potuisset; nam gulæ fibræ non ægrè plerumque cedunt impulsui, intrusionibus & injectionibus, si modo absint tumores & ulcera: ante aliquot annos R. P. cuidam Guardiano subito gula constringebatur, ut nec quicquam ad ventriculum demittere posset, cum jam quintus dies permolestæ famis cum virium lapsu adesset, cachererem, quia nullum aliud instrumentum ad manus adesset, oleo inunctum, quousque potui in gulam trusi atque ab illo momento oblata juscula & pauxillum vini deglutire valuit, sensim redeunte libera deglutitione, ac quod equidem sciam adhuc superstes est. Annæ Margarethæ diductio dentium & infusa aquæ rutæ opem aliquam attulerunt, forte non quod tantillum aqua radicis virulentiam obtuderit, quam quod constrictionem gulæ relaxarit, quodque furor convulsivus, aliorum avocatis spiritibus, mitigatus fuerit. Emeticum irritans confirmat sententiam, *Septalii & Friderici Hoffmanni* quos allegavi *Comment. cap. 23. p. 319.* dum malum exacerbavit: forte hydræleum large epotum citra ullam noxam, potius cum magno auxilio, vomitum conciliasset; Eadem deductio dentium juvit pari ratione Gottofridum, alteri puero & puellis Schvvendianis solum naturæ robur, absente adhuc gulæ coarctatione opem tulit. Maximam partem radicibus excretis reliquias subegerunt Theriacalia; sine purgantibus aliisque præsidiiis, nec observata aliqua diætâ, omnes convaluerunt, ut Puellæ Almanshofianæ, de quibus vide *cap. 23. Comment. de Nox. Cicut.* Acria, venenis paria, ingluti-

glutita, ab aqua sola, lacte, oleo & butyro compesci posse, alias quoque observavi. Ante aliquot annos R. D. P. Dominicanus quidam in V. S. C. noctu per errorem, loco potiunculæ purgantis, ebibit aquæ fortis circiter unciam, agnito errore ex acrimonia, ardore faucium, gulæ & ventriculi, & summa anxietate, cum nihil aliud ad manus adesset, aquam lavandis manibus destinatam in tenebris largissime hausit, protinus ardor aliaque symptomata extinguebantur, nihil deterius passus est, & sine ullo alio remedio convaleuit: similem noxam eluit civis quidam nostras, cui intempesta nocte Chirurgi famulus plenum cochlear aq. fortis exhibuit, loco aquæ cordialis, quæ ad sistendum sanguinem à tibia fracta destinabatur. Octo circiter elapsi sunt anni ex quo puella, unica parentum filia, 7. circiter annorum, asseri in foveam calcis recenter extinctæ protenso petulanter insiliit, post aliquot subsultus prona in illam præcipitata fuit multumque calcis ingluriit, subsequenter ardore, anxietate & dyspnœa, omnibus mortem intentantibus: Cum tunc temporis S. Bl. morarer, vocabar, statim nunc aquam solum tepidam, nunc cum oleo & butyro mixtam, nunc lac larga manu iteratis vicibus propinavi, citra magni momenti vomitus, calcis acrimonia edulcorata, ardor, anxietas & dyspnœa remiserunt & sine aliis præsidiis convaleuit atque hanc usque in diem sana, bene colorata & robusta vivit.

VI. Utcunque Cicutæ ad usus internos infamis censeatur, aut si veteres unquam illam exhibuerunt, tantum refrigerationis causa dederunt; Fœminaque Batava apud Nic. Fontan. ad somnum conciliandum eam comedit, de quibus alia extant c. 22. Comment. nullus quod equidem de illa memorat, quæ refert Cl. D. Joh. Rajus *Histor. plantar. l. 9. cap. 8.* Cicutæ majoris radix in pulverem redacta ꝯj. aut granorum 20. pondere data in febribus malignis & quartana ante paroxysmum omnibus diaphoreticis antecellere; ex communicatione D. Boevle. Anne forte propterea minus noceat, imo

imo proficit, quia siccata diaphoretica evadit, & damnum allatura ad expulsionem promovet? Certe siccata cicutâ jumenta vescuntur absque ullo damno, quam recentem nec quidem attingunt.

OBSERVATIO CXVII.

D. JOH. JACOBI WEPFERI.

Genitalia Cervi.

Cervus œstro Veneris percitus 22. Sept. 1683. prope Friesdenweiller in sylva martia sclopeto trajectus fuit. Intestino recto cum vesica, vasis ejaculatoriis & vesiculis seminariis ruditer à Venatoribus exemptis, vidi vasa ejuculatoria posticæ partis vesicæ accumbentia, unciam cum dimidia longa, mole fere parvum meum digitum æquantia, tactu dura: foris rubebant à vasis sanguiferis capillaribus: tunica illorum erat crassa, nervea, dura: cavitas illorum admisit pennam anserinam; continuit semen spumeum, pansum, fluidum, cum portione magis concreta: Injecta aqua atramento tincta profiliit ex rimula in urethra ampla, sub collo vesicæ, simulque in dextro latere incumuit vesicula seminalis: Contenta in utroque vase dilatato similia erant: Aqua injecta in sinistro per peculiare foramen alteri proxime adjacentis prodiit: Vi illa per siphonem adacta non oblique antrorsum, sed sursum exsiliit. Vesicula seminalis utraque habuit amplum sinum, continens humorem turbidum, viscidum, subflavum, crassiusculum; illò deterfò & foris pressa vesicula similis humor prodiit ex osculis rotundis pisi aut lentis capacibus, quorum limbus erat membranæus, connivens & regressum in foramina ex sinu quasi impediens: foraminum plura erant; nam utraque vesicula longa erat 3iv. lata 3ij. crassa 3j. sinus 3iij. prope longus. Ve-

Dec. II. Annus VI.

Hh

ficu-

ficulae seminales foris rubebant à capillarium vasorum sanguiferorum copia : Intus in sinu eadem quoque valde conspicua erant. Substantia vesicularum quasi glandulosa erat pulposa, nihilominus cavernosa. Ex utroque sinu exitus patet per canaliculum in rimulam illam per quam utrinque se exonerat quodlibet vas ejaculatorium, osculum tamen oblique inseritur, non secus ac ureteres in vesicam, adeo ut vesicularum exoneratio per unam rimam in quolibet latere fiat cum vase ejaculatorio dilatato, non tamen ex vasis ejaculatoriis in vesiculas seminarias liquor infundatur. Certe manifeste patuit ambos liquores diversae conditionis esse ac vesicularum liquorem in illis generari, colligi & servari.

In vasis ejaculatoriis inveni illas prominentias & valvulas transversas membraneas superficiarias, ut in tauris : in utraque conspexi quoque lineam prorsus nigram ac si in vase capillari haereret sanguis corruptus. Sub utraque rima in urethra ampla sinus erat membraneus unciae dimidiae longitudine, pennam anserinam admittens, in quos nec vasa ejaculatoria nec vesiculae se exonerabant ; in illis discissis vidi superficiem granulata : An peculiaris liquor in illa stillet agnoscere nequii. Testes erant mole insignes : urethra tota oblinebatur mucò pellucido.

In injectione per vas ejaculatorium rima nullo modo praemenda, & observandum, an aliquid atramentosi ad vesiculam seminariam perveniat ; idem tentandum in sinibus sub rimis.

OBSERVATIO CXVIII.
D. JOH. JACOBI WEPFERI.
Lachryma Cervi.

D. 16. Septembr. 1676. Receptaculum lachrymæ Cervi primum in sinistro latere excidi: postea in dextro latere. Ante excisionem observavi sulcum seu crenam superficiariam depilem, coloris lividi, uncia unius circiter longitudine ab oculi angulo majore ad principium usque receptaculi extensam. Hinc pellem circum circa ad ossa undique incidi ac ab osse maxillæ superioris separavi, & dum sinum receptaculi superficiarium existimavi, ipsius fundum abscidi: In dextro latere cautius processi ac totum ex sinu osseo protraxi, sensim fibrillas per quas cum perioestio cohærebat abscidi ac integrum extraxi. In osse maximo maxillæ superioris inveni sinum profundum, articulum parvi digiti fere admittentem acuminatum, totum osseum nullibi pervium: situm intra spinam orbitæ oculorum ad latus nasi: bene perioestio aliaque membrana nervea intus vestitum. In receptaculi parte postica duos musculos carneolatos, unum ab orbita oculi alterum à radice nasi oriundum, quorum tendines inferebantur lateribus crenæ utrinque, ac si locum illum diducerent: prope tendines illorum inveni musculum semicircularem dimidii receptaculi orificium versus angulum minorem oculi, cingentem; in altero latere versus radicem nasi vidi fibrillas semicirculares alteram partem ambientes. In parte ima receptaculi corpus glandulosum nuce moscata minus & compressius, valde durum & tenax, quasique nerveum, ganglio similis, quam glandulæ cuiusvis.

Apex receptaculi ex sinu extractus totus membraneus & quasi nerveus erat, densus & compactus, quamvis non crassus

sus erat : reliquum verò in ambitu usque ad externa labia crassum, nerveum & quasi ligamentosum. Externa forma receptaculi ovalis, longa ultra unciam facile pollicem admittens usque ad apicem, qui dum sinu continebatur, vix parvum digitum admisisset : extractum vero, qui apex extensibilis facile primum articulum indicis admisit, Illud quod lachryma vocatur, non fluidum quidpiam est sed concretum aliquod, emplastro tenaci aut cereomati aurium indurato simile, portiones ejus quædam cum pilis conglobatæ libere fluctuantes erant, quædam tenacissime lateribus & fundo receptaculi adhærebant instar Emplastr. Norimb. colore subflavo obscuro. In uno plusquam in altero reperii. Exempta lachryma, intus receptaculum obductum vidi tenerrima membrana quasi squamea, qualem quoque in receptaculo castorei vidi.

In cervis cicuratis vidi ostium hujus receptaculi se constringere, nunc circà digito nunc stilo immisso, adeo ut admodum angustum redderetur.

Similes sinus oves habere nuper observavi. Capræ & capri his destituuntur.

Lachrymas cervi in lapidem indurari meminit *Scaliger in Exercit. & Neucranz de Purpura p. m. 340.*

OBSERVATIO CXIX.

D. JOH. JACOBI WEPFERI.

Tumores cum folliculis intra Ventres.

Cervus d. 19. Aug. 1682. globo plumbeo per medios pulmones trajectus post paucos saltus mortuus concidit. Vastæ molis erat : pinguis : Venatores aestimabant illum ponderaturum 400. lb. quodlibet cornu habebat 7. ramos : Er war ein Bierzehner. Tumores cum folliculo plures intra ventres habuit. In dextra cavitate pectoris
unus

unus accreverat mediastino & venæ cavæ à capite descenden-
ti, illamque versus latus sinistrum torquebat: ponderabat
℥xij. ponderis civilis: alius adnatus erat pericardio magni-
tudine nucis cortice viridi testæ, non exacte rotundus; plu-
rima tubercula hinc inde pinguedini intra pectus immersa e-
rant rubicunda, mollia, pediculo sanguineo prædita, ac si
seminia majorum tumorum essent, magnitudine pisi, pha-
seoli &c.

In abdomine ventriculo quarto prope pylorum adhæ-
sit tumor ℥s. pondere: intra medium mesenterii detineba-
tur moles vastissima tumorum, qui hinc inde intestina te-
nuia arte accreverant, ut caute separanda essent; Compo-
sita erat ex quinque tumoribus, primus separatus pependit
℥ijs. (2.) ℥s circiter; (3.) intestino colo similis ponderabat
℥iv. cum quadrante: (4.) & quintus arte juncti, distincti ta-
men ponderarunt ultra ℥ij. Prope cœcum & rectum alia
tumorum moles mesaræo inhæserat, composita ex sex tumo-
ribus pondere ℥iiij. qui difficulter separari poterant, quam-
vis quilibet proprio folliculo præditus esset. In scroto deti-
nebatur quoque tumor his similis, pondere ℥j. qui totus à
tunica testiculi sinistri & musculis cremasteribus citra ullam
lacerationem separari poterat. Omnes isti tumores anomali
proprius habuerunt folliculos, non ex una membrana com-
positos, quarum extima & interna laxiores & teneriores erant
media nervea, densa, alicubi tenuior, alicubi crassior fuit:
habebant sua vasa sanguifera & nervos & quidem tumor ca-
væ incumbens & plerique abdominis insignes: abdominis
tumores ubi fortius accreverant, circa radicem habebant quasi
plexum ex vasis sanguiferis & nervis contextum ibique cras-
siores: Omnes admodum inæquales & tuberosi, paucis ex-
ceptis, adeo ut scrophulosi primo intuitu apparerent, colo-
re intestinis similes, quidam pallidi, quidam subflavi: alii
duriores, alii molliores. Non omnium contenta similia e-
rant; quidam continebant aquam flavam pellucidam, ut

maximus Mesenterii, alterque cæteris ponderosior, duo Mesaræi; alii aquam flavam turbidam cum amurca flava atheromati simili, ut cæteri Mesenterii, duo Mesaræi & tumor scroti; alii materiam flavam pulticularem, qualis paratur ex vitello ovorum, jusculo carnis & pauxillo croci; ferculum hoc vocant *Eyengersten*; ut tumor pectoris major, ille qui ventriculo quarto adhærebat & duo Mesaræi. Aqua pellucida flava vasculo excepta, prunis ardentibus subjectis, in gelatinam candidam carnem redolentem vertebatur. Nullum horum contentorum fœtebat; pulticularem canes avide devorarunt & aqueam lambebant. Tumoris pericardii contentum erat materia caseo molli subviridi similis, quæ exsiccata friabilis reddebatur, portiunculæ quædam ejus plane cretaceæ & calculosæ candidissimæ evaserunt. Aqua flava quamvis limpida fuerit lentorem tamen quendam habuit & agitata spumescebat.

Folliculi intus cavernosi erant & suas cellas habebant, capaces nucis juglandis, imo similes fructus etiam majoris: in aliquot reperi corpora rotunda, quasi nervea, stamina quasi, prout in ventriculo sinistro cordis videntur, quidam exacte omasum vitulinum ob costas nerveas referebant: ob has cavernas mentiebatur unus folliculus corpus ex multis tumoribus minoribus combinatum: Plerique intus flavescabant; quidam muco obducebantur: in omnibus interior tunica laxior erat media. Ubi pertinacius parti subjectæ accreverunt crassioresque & rubicundiores erant foris, ibi intus apparuerunt cavernulæ quædam pisi, lentis aut alius talis corporis capaces, favis aliquo modo similes, ac si ex illis stillaret materia folliculos infarciens.

Glandulæ aliæ conglomeratæ, scil. pancreas, hepar, parotides, tonsillæ, aliæ sub Massetere in maxilla superiore sanissimæ erant. Cor vastæ molis erat, pondere thij. in illius ventriculis nec vel minimum vestigium polypi, sed solum sanguinem

guinem splendidè rutilantem inveni : carebat ossibus attamen jam bases valvularum sigmoidearum induruerant, & prope cartilagineæ fuerant. Antiades fuscæ erant & duriores & decuplo minores, quàm nuper in tauro juvenco repereram : referebant amygdalas cortice ligneo tectas. Glandulam pinealem insignem habuit, supernè adhæserunt ipsi filamenta plexus choroidei, quæ plerumque erant vasa sanguifera, inferiùs cum corpore medulloso mediantibus nervulis connecti putavi. Sub dura meninge crassissima inveni rete mirabile, quod reverà plexus fibrosus nerveus, in quem arteria carotis interna sanguinem exonerat, nam post ingressum ejus per peculiarem ductum osseum in basi nihil de arteria amplius apparet, usque ad latus sellæ, ubi rursus ductus formam induit, & duram matrem penetrans quaquaversum intra cranium per cerebrum ramos dispergit. Inveni quoque duos lachrymales insignes ad nares pertingentes : quilibet duoscem originem habet, una est in palpebra superiore, altera in inferiore prope angulum minorem, quilibet ramus aliquot usque seorsim sub cute descendit, postea junguntur atque canalem osseum penetrant, ac sub sinu osseo lachrymæ ceravorum vulgò sic dictæ, incedunt perguntque ad pinnæ naris utriusque partem internam $\frac{3}{4}$ distantia à fine illarum : in nare conspicuo osculo hiant, in oculis verò sollicitam indagationem postulant. Quilibet horum ductuum amplior erat calamo anserino : continebant mucum : stilus ab infernis ægrè sursum truditur, intus enim valvulæ quasi reticulares apparent, circa medium ejus intus rubet.

Porismata.

1. Tumores ab exordio tenui incipere non solum tubercula illa rubra, sed etiam vastæ tumorum moles & miræ conformationes testantur, quas impossibile est, derepentè nasci instar fungorum.

2. Fol-

2. Folliculos à natura provida produci connexio & continuitas membranarum, vasorum sanguiferorum, nervorum-que cum vicinis probant, quæ majores & crassiores fiunt, quò contenta copiosiora sunt.

3. Contenta gigni, ex succo nutritio patet, quia aqua inspissata similis evasit sero sanguinis inspissato, carnem redoluit: illa avidè canes devorarunt. Non foetuit, quia aëris externi aditus prohibebatur à densitate folliculorum. Vid. *Experim. D. Boyle.*

4. Curari poterunt, si in propatulum veniant, ut in scroto. 1. Incisione & evacuatione contentorum & adustione circa radicem, ut in natris capitis aliquoties, & in tumore sterni apud Brandenburgium textorem Tuggii feci. 2. Excisione totius folliculi cum contentis, ut à *D. Trullio* in dorso factum Romæ vidi.

OBSERVATIO CXX.

D. JOH. JACOBI HARDERI.

Mesenterii tumor in cervo &c.

Pæteritis diebus interanea cervi adhuc calentia lustravi, quæ admodum me refecerunt: in primis autem mirari subit, cui usui destinatus sit sacculus glandulosus, cui pancreas Asellii ulnam circiter longum arctissimè in medio sui, prout testibus epididymi, annectitur? primò intuitu, corpus credidi ex glandulis in scirrhum induratis compactum, incisione autem factâ prorupit materia rutila, consistentiâ musti, quod ex pyris nostrates conficiunt, glutinosa, sapore subdulcis, quâ detergâ, prodiere cellulæ plures minutulis glandulis, iisque evidentibus stipatæ, colore luteo seu croceo hinc inde tinctæ: sacculus ipse cætera membraneus erat, modicè-que densus, quid de isthoc judicare ausim, incertus hæreo: Pancreas dictum colore erat subfusco exterius, interius glandulo-

dulosum, manifestâ cavitate donatum, quod mesenterium undique involvebat: pone illud glandulas plures conspexi subfuscas, figurâ linguam bovinam aliquatenus æmulantes. *Ex literis A. 1683. d. 9. Febr. Basilea ad Exc. Dn. D. Wepferum datis.*

Magma illud in folliculis glandulosis cervi repertum, totum jam induruit, ut manibus confringi ægrè possit. Crediderim præter naturam in mesenterii medio illud ita aggeri, juxta tamen ita prospexisse naturam, ut accedente hujusmodi materiâ, per glandulas idoneas illa secernatur, & in folliculis istis detineatur; aliâs enim concipere non possum, quare sacculus ille tot cellulis glandulosis esset donatus, cætera totus membraneus. Occasionem spero dabit Nobiliss. D. à Gemmingen, ulterius in hæc inquirendi: Apprimè quoque placuit in animante isto vesicæ structura, quam non secundum se totam dilatatam vidi, uti in aliis, sed secundum medios præcipuè parietes, appensò fundò corrugatò, quod intus plures plicas circulares, valdè muscosas, glandulosas & fibrosas ostendit, quæ digitis diductæ, pristinam figuram ilicò repetierunt: Vesicularum seminariarum in urethram insertio, sub vasis ejaculatoriis distinctè conspicua fuit, quicquid deblaterent de Graef affectæ: Renes non uti in bovis, quos tamen æmulari vulgò creduntur: Cæcum elegans & amplum, cujus fibræ circulares in inflato admodum conspicuæ sunt, simile aliâs tubæ venaticæ: Intestinum ileum prope terminationem sui, duas ulnas & ultra, totum erat glandulosum: exitus ei satis angustus, qui valvulam Varolianam constituere videtur: Ex testibus alter insignis fuit magnitudinis, alter verò multò minor: Priapum præter ordinarios, duobus aliis musculis teretibus oblongis, pone intestinum rectum incipientibus, & ultra medium ipsius pergentibus, instrui notavi, haud dubiè validioris erectionis ergò.

[*Ex literis 1683. 16. Febr. Basilea ad laud. D. Wepferum scriptis; Cujus communicationi hac cum seq. Observatione debetur.*]

Dec. II. Annus VI.

Ii

OB.

OBSERVATIO CXXI.

D. CAROLI RISERI.

Eruca, digitalis magnitudinis, exquisitissimis coloribus mirè variegata, ejusdemque observata metamorphosis.

AMbulans foràs animi gratiâ sub finem Julii, juxta Illicetum quoddam, vidi fortuitò Erucam insolitò magnam ac splendidæ Esulæ (Botanicis Cypparissias dictæ) adhærentem eamq; depascentem. Arrisit animal, licet insectum, quòd viderem, quò pastu conservari à me vivum, in quo & curiositas mea in contemplandis DEI magnalibus exsatiari possit. Eam itaque dictæ Esulæ tenaciter appensam unâ cum caudice evello ac domum porto; ubi eam vitreæ bullæ indidi, contemplari quotidie, & mira & delectabilia habui. Placuit in primis animantis colorum eminentissima varietas suis spiris excepta, ab antico ad posticum, usque quasi serico subtilissimè attonso circumfluentibus: alternabant verò colores ita, ut aureum exciperet cæruleus, purpureum nigerrimus amplecteretur, omnes verò cùm gradetur, velut procellæ undarent. Caput reliquo corporis trunco angustius falcati duo armabant dentes, quibus Esulæ folia non turbatim sed ordine, nec à parte ubi caudici adhærebant, sed ab apice foliorum (quæ oris admorsu priùs artificiosè lunabat) incipiendo depascebat. Spirales corporis incisuras, non aduncus, sed latipes fulciebat utrinque omnes, quas super spiras pili erigebantur quasi in ventriculū attonsi ejusdem coloris, cujus spiræ, nisi quod extima, versus anum longiores velut acinacem evibrabat sursum. Vermis hujus excrementa omnia erant stellata, viridis coloris primū, exsiccata ramentum

men in subnigrum indurescebant. Quem ubi mensis circiter spatio, pabulo prædicto alui; demùm languescens à cibo omninò abstinuit, & mirandò artificiò Esulæ caudici, filis ex ore deductis, quasi zonâ hinc inde illigavit. Sequenti mane, quod nox observare vetuit, aurora detexit: nam exuviis ad dictam zonam conglobatim suspensis desuper pendeat massa quædam juglandis magnitudine coloris prasini seu subviridis ante retroque acuminata, cætera in dorso & lateribus gibbosa tota. Obstupui animalis admirandam metamorphosin non jam amplius pelle, sed crustâ quâdam tectam duriori & ex parte posteriori inversim suspensam, credi poterat corpusculum illud exanime omninò, nisi leviter tactu continuò sese motitasset. Mensem circiter perduravit hoc suspendium, quod tamen quotidie inspexi & exagitavi, quid tandem eo futurum sit observans. Post mensis itaq; decursum deprehendi quasdam subobscuras intra crustam pellucidam enasci maculas, quæ indies nigriores demùm totum illud involucrum imbuebant, ut non obscuris indiciis collegerim futuram iterum mutationem, præsertim quod levi tactu validius semper sese contorserit exagitatum. Itaque animatum hucusque truncum unâ cum vitreo suo carcere soli expono solito ardentiori, cui cum aliquandiu contemplator assisto, video tergoris loricam crucis in modum rumpi ac diffindi, animalque quoddam pilosum sensim eniti, & mox rupta undique testacea illa compage emergere Papilionem, qualem & corporis magnitudine & colorum amœnâ varietate antea vidi nunquam. Languabat primùm quidem hirsuta progenies, ut nec pedibus consistere nec alas explicare valeret; at posteaquam imbellem sobolem ad Solem apricari feci, sese colligens ita paulatim solidabatur, ut brevi temporis spatio & alas surrigere, & pedum (quos omninò senos habebat) internodia firmare, quin etiam gressum volatumque tentare, jam omnibus numeris absoluta non dubitaverit. Alarum apices, falcis in modum sursum acuminatos, versicolor fimbriabat instita,

alarumque planiciem in latum porrectam, pingebant oculi ex nigro, rubeo, caeruleoque, ut pennis oculatis Pavonis nil cederent, haberetque vel Apelles, quod admiraretur. Indoluit mihi, quod jam Volatili non saperet Esula, quæ prius tam amica fuerat Reptili, nam avem tam affbre elaboratam diutius retinere animus fuit, ut observarem, an & qualia ova (nisi à cæteris papilionibus degenerârit) paritura, & consequenter in priorem Erucæ speciem reditura sit. Porrexi, quem fortè in manibus tenebam Cariophylli florem Alumno Volatili, cujus odore allectus, explicatâ, (quam inter oculorum orbiculos, in glomerem convolutam absconderat) longissimâ proboscide, in imam floris medullam penetrans gratum inibi humorem exsuxit, ut facîle persuasum habuerim, eum in posterum non nisi de melleo lectissimorum florum sanguine victitutum. Quapropter eundem, quòd curiositatem meam adeò propitiaverit, manumittens cum libero aëre Auctori Naturæ restitui.

SCHOLIUM.

ERUCA esula victitans satis clarè demonstrat internam tunicam faucium gulæ & ventriculi ita conformatam fuisse, ut ab acerrimo hujus plantæ succo erodi nequierit, sed ipsi in gratum alimentum cesserit. Vidi Rusticum ex longa consuetudine butyrum fervidum & ebulliens cochleatim, instar jusculi carnis mediocriter calidi sine ulla noxa sorbilâsse: inspectis faucibus nullas aphthas vidi, tetigi autem linguam admodum fervidam. (D. Jo. Jac. Wepferus.)

[Scaphusio 1687. d. 26. Decembr. Augustam Vind. missa.]

OBSERVATIO CXXII.

D. JOH. LUDOVICI HANNEMANNI.

Singularis dentium defectus.

Quidam Consul *Fridrich Stadii* ad fluvium *Eidoram* (qui fluvius *Danos* & *Saxones* dirimit, vide *Conring: l. 1. c. 4. p. 20. de finibus Imperii Germanici*) *Ruſſenbecq* dictus, hic in ore suo duntaxat molares, nullos caninos & incisores, habuit dentes, fuitque senex provectæ ætatis. Eodem loco vixit chirurgus *Meiſter Feick* dictus; (cujus arcana chirurgica MS auro mihi chariora possideo) Et hic solis molaribus, nullisque caninis & incisori- bus, os habuit armatum, & valde provectæ ætatis fuit. Dentium bona constitutio magnum naturæ robur, bonamq; sanitatem corporis probat. Dilectissima mea mater anno XII. hujus seculi *Embla nata* tam duros habet dentes, ut durissimas crustas sine incommodo sanitatis mandere queat. Dentes excavati & morboſi morboſam viscerum infirmamq; constitutionem esse, arguunt. Dentes humani attriti & in pol- linem redacti arcanum sunt contra Epilepsiam.

SCHOLIUM.

Dentium numerum ut plurimum variare, & plures a- pud hunc, pauciores apud alium numerari, jam ne- mo non novit; caninorum verò & incisorum per omnem ætatem defectus, qualem in duplici subjecto observationis hujus Excell. Dn. Autor annotavit, rarissimum certè est, cum dentes hi præ reliquis tam ad distinctam vocabulorum pro- nunciationem, quam alimentorum faciliorem incisionem ac masticationem necessariò requirantur: præsertim dum in horum defectu si forte fortuna exciderint, provida morta-

lium mater natura laxas ante gingivas adeò ut plurimum indurat, & callosas reddit, ut dentium vices aliqua ex parte supplere queant, vel dentium loco semicirculum osseum nonnunquam, substituit, prout de Pyrrho & Prusæ Regis filio, tradidit *Plinius lib. 7. cap. 16.* Exempla alia huc facientia vide apud *Schenckium Observat. lib. I. Obs. 412.* hinc facile suspicor & in his quoque subjectis dentium alveolos oblitos planè, & in circuitu quoque maxillas acutiores quodammodo ac duriores eorum ad manducandum vices subiisse gingivasque callosas planè ac duras extitisse, nisi forte insignem & in loquendo & masticando personæ allegatæ senserint difficultatem: an autem major dentium numerus longævitatem donotet, minor è contra brevitatem vitæ? Vide *Scaligerum de subtilitat. ad Cardan. Exercitat. 271. & Ephemerid. Acad. Nat. Curios. Dec. I. Ann. VI. & VII. Obs. 183.*

[*J. P. Wurffbain.*]

OBSERVATIO CXXIII.

D. JOH. LUDOVICI HANNEMANNI
Surditas curata.

Quidam Chirurgus in pago Nerdorff aliquot surdos curavit hac methodo, altè inserit fistulam tabaci, & quidem ejus partem subtiliorem, in auris cavitationem, tunc vehementissima suctione ori admovens alteram fistulæ partem crassiorem suxit, ægri hac suctione perceperunt aliquid doloris in aure, ast hac methodo curati sunt, audiendique facultas restituta est.

SCHOLIUM.

Vitium nervi auditorii non postrema surditatis causa esse solet, si ille humore crassiore aut copiosiore obstruitur,

tur, sicque animali spiritui transitus denegetur, aut etiam ubi serum justo abundantius ejusdem fibrillas, in membranam auris interiores recessus investientem extensas, inundando relaxaverit, porosque adimpleverit, ac ita spiritum dictum prohibeat, quò minus liberè influere, aërisque soniferi impulsus valeat recipere. Unde quia suctione, in hac observatione memorata, aëris in meatu auditorio externo & vicinis poris obvii attractio, vel rarefactio, ac consequenter quoad vim elasticam imminutio contingit, reliquum internè præsentem aërem, majorem in premendo potentiam dum acquirit, ad stagnantes humores validè loco movendos, & quasi exprimendos, aptum reddi, sicque liberos spiritibus meatus aperiri, & hinc ad percipiendos sonori aëris impulsus, spiritus hosce disponi, conjecturari mihi liceat.

[*L. Schröck, L. f.*].

OBSERVATIO CXXIV.

D. GEORGII HEINTKII.

Possibilitas, non tantum movendi, sed & extrahendi foetum; unâ cum secundinis.

QUæ & quanta adhuc dum ubique ferè locorum, obstetricum sit imperitia, dolendum magis; quàm dubitandum. De aliis, quæ imprudentiæ ipsas arguunt, nunc mihi non interest disquirere; de motione foetus in utero sive mortui, sive vivi, saltem verba facturo. Urbem noto, ubi lis & altercatio inter hujus farinae mulieres ingens exoriebatur, quarum aliæ penitus abjurabant mutationem foetus (*das Wenden der Kinder*) admittentes solummodò retropulsus illius (*das Rückschieben der Kinder*) aliis

aliis prius asserentibus. Inter hæc dissidia, re delatâ ad Magistratum, palmam reportabant posterius statuentes, eam ob causam, quia ut plurimum soli Policiti; non - Medici; Anatomix & exclusionis foetus ignari, decidendis hisce controversiis, absque Medicorum consilio præficiuntur, ubi mulieres magis garrulæ reliquas rem melius intelligentes speciosis suis ratiunculis supprimunt, sententiâ verâ repudiâtâ. Imò eò nonnunquam exsurgit obstetricum arrogantia, ut etiam eruditi, & satis experti Medici eludant consilium atque instructionem respuentes sese excusent: *Es wäre wider ihren End und Pflicht* / rem ejusmodi insolitam, & ab ipsis inexpectatam suscipere, atq; sic morti potius tradunt multas cum foetibus puerperas, quàm, ut aliquid novi addiscere aut aliis exercitioribus operationem permittere velint, cavillantes, sibi nova obtrudi, atque ita omnem intendunt nervum, ut alii homines in eodem errore cum ipsis permaneant.

Cùm autem benè sciam, etiam viris medicinam facientibus hunc actum vocari in dubium, eum sequentibus stabilicum dabo. Nolo autem præfari de artificioso sæpeque celebrato hoc labore speculi beneficio uterini à felicissimo in hoc opere *D. D. Faschio P. P. Jenensi*. Intermittam quoque observationes ejusmodi exercitii à Nobiliss. *Merclino Ephem. N. C. Ann. III. Decad. II.* & à *Muralto* de Medicina insigniter merente *Ann. I. & II. Dec. II.* insertas, cujus etiam *Collegium Anatomicum germanicè editum* multis oppidò raris talis modi observationibus refertum evolvi potest. Conformabo solum modò me cum *Paulo Portal* Magistro Chirurgiæ, jurato Parisiis, cujus etiam mentionem faciunt *Acta Eruditorum Lipsiens.* p. 303. ann. 1686. quando mihi sexies vel septies observare contigit, dum præterito anno Noribergæ moratus fui; scilicet, degit ibidem Chirurgus, cujus in *Ephemerid.* aliquoties jam cum laude facta fuit mentio, nomine *Brodmannus*, qui solâ manu in uteri cavitatem immisâ, non tantum

tantum foetum mortuum, sed & vivum felicissime primum movet, postmodum etiam extrahit. Imò secundinarum quoque stamina uteri lateribus adhærentia digitis quasi abradit & avellit. Confessus mihi idem est contra obstetricum opinionem, sentientium, orificium matricis ne digitum quidem admittere extra dolores partus constitutum, quod sæpe facili negotio, nondum pertumida cum sit matrix, viam aperiat & manui introitum permittat, licet antea valde clausa visa fuerit excepto verò casu, dum naturalia tumor ingens occupat, ubi difficilis ausus sit. Nempe matris prius parum ad quietem permotæ & genitalibus per emollientia fotis, sicque ritè dispositæ ossi sacro submittit alterutram manum, alterâ oleo quodam appropriato illitâ, primò digitis leviter removendo obstacula, sibi viam sternit, donec successive integræ manus intrare naturæ secreta queat. Suscipitur hic nifus præsentibus vel absentibus doloribus partus, facilius tamen absentibus, qui contraniti interdum solent operatori. Et hæc operatio interdum citius, interdum tardius, prout nempe foetus vel dispositus vel valde irretitus, absolvitur. Si que fieri potest, ad avertendas matri molestias, manum semel ingressam non extrahit totam, nisi postquam suo operi satisfacisse putet operans. Nonnunquam ipsæ fatentur puerperæ, parum incommodi, imò quandoque levaminis momentum exinde mox se sentire, & ex nifu proprio summè debilitatæ peracto opere confestim reviviscere, quasi incipiunt. Quod si verò interanea nimium occluserint aditum & sine læsione matris membra jam extra uterum exstantia, minimè intrudi rursus queant, cultro quodam abscindendo artus vel foetum tumidum, ut extenuetur corpus, dissecando, utitur. Aliàs ut plurimum absque ferri ullius adminiculo agens. Aliquando gemellarum matri, quæ exclusioni illarum impar erat, extrahebat primum foetum mortuum, alterum, qui morti jam erat proximus, salvabat hac ipsâ arte; qui ritè tractatur ac refocillatur, modò puella est optimè valens; reliqua, ad fi-

nem perducto opere, committit Medico. Ex literis exercitissimi supra laudati *D. D. de Muralto* habeo, quod facilis sit movendi foetum ratio, si in tempore operans advocetur, antequam scilicet infans in angustias abdominis propellatur, sicq; spatium pro manu operante adhuc supersit e. gr. Si contingat quod foetus mox sequatur egressas aquas cum alterutro brachio, (quod communiter fit,) tunc operans advocetur, materque sine laboribus partus in lecto jaceat necesse est: hinc Operator illitâ dextrâ manu oleis appropriatis 1. 2. 3. 4. vel 5. digitis juxta brachiolum sibi viam paret orificium uteri internum lento modo recludendo, donec integræ manui, si possibile, introitus permittatur: Ubi brachiolum circa axillarum flexuram apprehendendum, atque in uterum quomodocunq; fieri potest, retrahendum; caputque, quod ad latus jacet, versus orificium dirigendum, vel, si aptius videatur, operans cum manu pergat supra infantis dorsum in fundum usq; uteri apprehendendo pedes movendoque foetum, quod facile fit, taliq; modo extractionem molietur. In priore circumstantiâ, quando caput, post retractum brachiolum ritè ad orificium uteri est dispositum, nullâ extractione opus est; sed committendum potius naturæ opus, refocillentur verò interim mater infansque confortantibus medicamentis cibisque. Quod si verò infans nimium propulsus sit ad interiora, laboriosissima tunc evenit operatio, quia manus non ritè agere potest, infantisque vitæ parcendum est. Quando manus se manifestant, tunc ut plurimum pedes quærendi sunt. Si caput sub osse pubis jaceat, attollendum est, & supra manum artificis tanquam patinam per nisus matris expellendus erit foetus. Sin verò caput extra matrem constitutum collumque constingatur tunc orificium in circulum pollice extendendum, donec spatium pro axillarum egressu sufficiens fiat. In promptu hîc semper esse debent appropriata olea, aërque, imprimis frigidus vitandus. Si autem infans mortuus sit, exclusionemque adjuvare nequeat, tunc, præmissis tamen examine, utrum
vivat

vivat necne, manus in fundum uteri quantum possibile mittenda pedesq; petendi. Si spatium desit, non trahendum aut vis inferenda est, sed membrum, quod extra matrem jam est, detorquendum, aut sub alis apertura intra costas facienda ad efferenda viscera & sanguinis effluxum; interea manus non extrahenda sed versus abdomen mota per eam pedes quærendi sunt. Si contingat, quod caput præ orificio jaceat, apertura in fontanella facienda, cerebrum eximendum, futuræ cranii solvendæ aut super sese ponendæ, ut ad extractionem partes aptiores fiant. Si nates præ pudendis situm habeant, digitus in anum prolis mittatur, & os sacrum propius attrahatur, quò reliquum etiam corpus propius accedat. Si materia sive crusta caseosa supra infantis cutem post elapsas aquas exsiccata in fœtu mortuo observetur, oleo rosar. & verbasçi probè calefacto inungenda, postmodum corpus in quantum possibile, vertendum & ad convenientem situm dirigendum. Quadrat autem non ineptè illud huc: Audaces fortuna adjuvat, & successus secundat ausum. Cognoscitur verò etiam, quàm frequenter ex ignoratâ hac arte & mater & infans neci dantur, aut si benè cedat, vix mater servetur, & quod è comodo publico esset, erudiri obstetrices in hoc agendi modo, ne antiquum semper obstinatè obtineant. Quanquam eæ ipsæ minus aptæ ad hoc opus mihi videantur, partim propter ignorantiam Anatomix, quæ ad hoc exsequendum prærequiritur, ne unum pro altero arripiatur, partim etiam propter laboriosum periculosumque negotium earumque timiditatem vacillansq; judicium, dum mox nimis citò, mox tardius se accingunt, tandem etiam quia vix informationem admittunt.

OBSERVATIO CXXV.

D. GEORGII HEINTKII.

Bilis examen, quot modis illa saltem exercitii
gratiâ adhuc dubia reddi possit in
causa Icteri.

Quot & quibus nobile illud hominum decus, Cutis, vitietur nævis, atque à suâ amicabili venustate con-
natâ degeneret, satis superque notum. Scimus, quando ex lævore illius fit aspredo rugosa, imò & sæpè variegata, nihil attinet effari de Afrorum atq; Cingaro-
rum (quoad nos quidem, non quoad illos, quia ipsis color niger decus atque honor) spurcâ foeditate, deque aliis, vel ab extra advenientibus mutatis qualitatibus, vel ex malâ con-
stitutione internâ proficiscentibus. De solo colore deprava-
to Ictericorum, omnium ferè ore à bile ortum trahente, nunc
agam. Bilis dicitur

I. Tingere excrementa alvi. Ast dubium infertur ex
dejectionibus infantum, interdum magis quam apud adultos
tinctis, quando à canibus, amaritudinem bilis æquè ac ho-
mines aliàs abhorrentibus, avidè lambantur. Imò ea ipsa
excrementa manifestò acidum spirant, adeò, ut interdum aci-
ditate suâ quasi nares constringi observentur: unde etiam
acidum præcipitantibus curantur. Ergò vix videtur à bile præ-
dominante color iste. Sic observationibus Pathologicis qui
est attentus, animadvertere potest, sæpius ægros flava, sine
ullâ amaritie, alvo excernere, & vice versa albicantia & lim-
pida insigniter amaricantia per vomitum rejici. Vid. *Sennert.
de Consensu & Dissens. Chymic. c. 16.* ubi de morborum causis.
In canibus albescunt excrementa, etiamsi æquè ac in homini-
bus præsupponatur bilis. Taceo, quòd excrementa natura-
liter

liter demum successivè flavescent exclusò scilicet ab iis chylò, Dici autem potest, quòd bilis retineat colorem, perditò sapore: sed ex inferius adductis exemplis liquet contrarium; id quod etiam in sanguinis sero flavescente per venæsectionem emissì quilibet experiri valebit, Bilis dicitur

II. Urinam tingere. Enimverò præter testimonium, *Thomsonis* denegantis in *Epilogism. Chemicis*, uti sudori & sanguini, ita & urinæ amaritiem, licet flava nonnunquam conspiciantur; accepi ipsemet urinam sanam cumque bile perfusam, ubi intincta linteamina mihi non æquè exhibuere colorem illum, qui in Ictericorum urinâ se prodit. Porro tali urinæ puræ instillavi guttulas saltem aliquot bilis, & minus auctò colore sapor amarus deprehensus fuit. Alterâ vice sumsi bilis caninæ consistentiæ sat viscidæ gutt. vj. miscens aquæ puræ ʒj. ubi color emergebat urinæ sanæ similis, huic liquori addidi salia Alkalica pariter ac fixa, experturus, utrum fortè sal urinosum saporem bilis obtundat exaltatò colore: sed observavi colorem magis adhuc infringi ab iis superstitè sapore amarò, Ulterius progressus cepi ʒj. aquæ ʒ. sale comm. item Alkali fixo ad saporem urinosum redactæ, producturus, uti supra cum aquâ purâ feceram, similem urinæ colorem, sed admistæ, ut superius, 6. guttæ non suffecere, nec prius acquisivi eundem colorem, quàm affuderim 12. gut. qui liquor etiam paulò post citiusque adhuc quàm antè, in virorem migravit, cum ingenti amarore. Præterea, si chartæ albæ bilis gutt. ij. instillaveris, iisque Alkali fixi gr. ij. spatulâ ligneâ incorporando adjunxeris, viridescens ac ordinaria bilis flavedo ad sensum absorbebitur, ferè deleta. Neque in aquâ simpl. ʒij. soluta hæc mistura tam saturum procreabit colorem, quàm si gutt. iij. in aq. s. ʒʒ. duplam scilicet quantitatem instillares. Ex quibus patescit, colorem potius ab Alkalibus, minus saporem immutari, uti c. urinâ naturaliter se habente accidit, nam Alkalia omnia præsertim fixa ejus colorem absumunt, tam antè, quàm post sedimenti separationem, in tantum, ut

urina filtrata adjectis Alkalibus ferè albescat. Quid ergò sentiendum de Ictericorum urinæ colore? Bilis dicitur

III. Tingere sanguinis serum, quod interdum adèò intensâ flavedine observatur, ut etiam stragula sudor reddat flavâ, sine tamen illius amarore, testificantibus hoc animadversionibus Autorum. Quin propriam non erubesco adicere experientiam: scil. excepi ex venâ sectâ cujusdam Icterici linteo sanguinem, serum innatans sanguini, croceo licet colore tingeret lintheum, nullam tamen linguæ idem gustanti imprimebat amaritiei notam. Quod & non destruat amaror particulis oleoso-volatilibus massæ sanguineæ, exemplò lactis sanguini proximè convenientis fit manifestum. Instillavi lacti bilem ad aliqualem saltem flavedinem, posuique in digestionem, hinc gustatò lacte amarities minimè occultata apparuit. Qui ergò obscurari poterit amaror in tam saturâ feri flavedine; cùm constet, tenaciorem in bile qualitatem esse saporem, quàm colorem? quod & coquis notum, quando bile infectos pisces elixatos degustant. Sic & sanguis naturaliter se habens è corpore prolectus & cum paiculâ bile permixtus minimè amaritiem bilis velare potis est. Restant alia experimenta, quæ vincere possunt, prævalere saporem à colore. Namque adhibui Acetum, item Spiritum Vitrioli, Salis & Nitri, sed nullo horum amaror bilis periit, quanquam color factus ferè æruginosus à fortioribus, ac cum aliquâ turbulentiâ & pulvisculi ex albo ad pallidam viriditatem vergentis, successivâ præcipitatione, propter Alkali occultum, quod conjunctum cum acidis reliquum concretum ad fundum dimittit. Ab Aceto æruginositas fuit conspecta pallidior tardiorque. Sic bili addidi Nitrum, Panaceam Holsaticam s. Arcan. duplic. Myns. it. Salis Tartari & Nitri aa. per incensionem in calcem redacta, quæ conjuncta aliàs Colocynthidos amaritudinem tollunt, sed sapor hic juxta proportionem mansit amarus. Si ergò non Alkalia, nec Acida neque Nitrosa s. neutra neque pingua s. oleaginosa saporem bilis

bilis infringunt, quî ergò fit in Ictericis, si bilis causa Regii istius morbi existat? Tandem emergit quæstio, cur Ictericis oculi minus doleant, cùm aliàs unica fellis gutrula in ejus bulbum instillata intensissimum faciat dolorem, & quare bilis licet humoribus fracta, in tanta copia sanguini Ictericorum infusa, toti corpori non atrociora inducat symptomata?

[Windsheimio A. 1687. d. 28. Decembr. Noribergam missæ.]

OBSERVATIO CXXVI.

D. EBERHARDI GOCKELII.

Infans ex fortissima matris imaginatione, monstrosa Umbilici relaxatione, ac intestinorum extra Corpus propendentium prolapsu, natus.

Villica quædam Berenstattensis, Ulmanæ ditionis, Jacobi Hôckeri conjux, messis tempore, sed primis gestationis mensibus, suburbanis rusticisque operationibus incumbens, & frumenti per agrum hinc inde sparsos manipulos colligens, sub eorundem uno reptantium viperarum acervum subitò animadvertit, harumq; & motum & figuram, umbilicali regioni, superimpositâ manu, ita strenuè sibi imaginata est, ut toto quidem, quo utero gerebat tempore, utcunque benè habuerit, ac denique circa crepusculum vespertinum filiam sacrâ mox undâ Barbaram initiatam, quoad reliquas partes vividam quidem peperit, sed ex radicata illa imaginatione non benè formatam, adeò, ut omnia natæ hujus intestina, aliàs secundum naturam in inferiori ventre occultanda, hîc præter naturam per relaxatum umbilicum extra corpus, tanquam magno in culeo recondita, solo-

soloque peritonæo investita, conspicienda se præbuerint, quæ etiam, extra jam uterum posita (materno videlicet & salutari calore destituta, ac circumstante insuper aëre frigidiore læsa & coarctata) nec hypocausti calidioris beneficio, non regumentis, non ullo medico & artificio & auxilio, in suo naturali statu conservari potuerunt, hinc elapso biduo, & sequenti Dominica die, vix hunc ingressa mundum, ad beatorum iterum sedem migravit. Quam filiolum honoratissimus Dn. meus Parens, Joh. Georg. Gockelius, Ph. & Medic. D. Phys. Reip. Ulm. Ord. ac p. t. Collegii Med. Senior atque Decanus, requisitus vidit, ac hæc omnia singulari studio & diligentia observavit.

OBSERVATIO CXXVII.

D. EBERHARDI GOCKELII,

De

Pyro Monstroso.

ANno 1644. circa finem Junii, Stuttgardiæ, in horto Aulico, Arbor pyrifer, fructum longioribus pediculis ferens, (Germ. *Langstiler Birn* /) pyrum notabilis magnitudinis, facie humana insignitum, circa ejus umbilicum octo foliolis, instar coronæ, ornatum, ac exinde duos surculos tenellos in eorundem apicibus efflorescentes, de se in utroque latere sursum spargens effundensque, protulit, quod Pyrum Serenissimo Principi ac Domino, Domino Eberhardo, Duci Württembergiæ & Teccæ &c. &c. Patriæ Patri tum temporis clavum regiminis tenenti, oblatum ac ad manus traditum est, ex cujus communicatione deinceps ejusdem Amitæ, Serenissima Anna Christina, Ducissa Württembergiæ, &c. pictum ac delineatum, Ulmæ, (ubi inter Bellonæ strepitus dicto anno & tempore habitavit)

vit) accepit. Causa hujus effectus meritò Deo, & variè ludenti naturæ attribuitur, cum notum sit, eandem naturam talia, aliaque miranda non solum in vegetabilibus, mineralibus, & animalibus, lignis, lapidibus &c. hinc indè supra terram & in ejus visceribus monstrasse, verum etiam non rarò in cæteris elementis, igne, aere, aqua, imò etiam coelo & stellis prodigiosos, monstrosos, atque stupendos tales effectus produxisse: Cujus rei unum vel alterum rarum exemplum afferre placuit.

Anno 1240. Cremonæ, in Monasterio Divo Gabrieli sacro, Grando, in quo facies Christi, & posticâ ejus parte crux, in ejusque ambitu nomen JESUS NAZARENUS, expressum erat, cecidit, qui cum postea in liquorem resolveretur, & hac aqua cæci cujusdam oculi abluerentur, ille eventigio miraculosè visum suum recepit. *Vincent. Histor. lib. 30. cap. 138.*

In Suecia Anno 1395. mirabilis grando decidit, cujus singuli lapilli naturales viriles ac femininas facies repræsentabant.

Pisces mirificè figurati, Anno 1563. in urbe Ceuta Idibus Maji ejecti & ad littus inventi, cujus *Bizartus pag. 303.* meminit: & alii pisces, armis bellicis prodigiosi, Anno 1623. die 8. Septembris in Festo B. Mariæ Virginis, prope Warsaviam in Vistula capti, historiam & descriptionem vid. apud *Georg. Stengel. Soc. Jes. Tractatu suo de Monstris, cap. 1. S. 9. & 10. pag. mih. 17. & seqq.*

Fig. LIV. p. 212.

OBSERVATIO CXXVIII.

D. EBERHARDI GOCKELII,

De

Ovis, Sole signatis.

ANno 1642, ab undecimo die Julii, usque ad vigesimum Septembris, Ulmæ, à quinque diversis gallinis, quinque singularia ova conformia, Solis imagine, tredecim flammulas de se spargente, insignita, exclusa fuerunt.

Et primum quidem undecimo die Julii, inter horam nonam & decimam antemeridianam, ubi alutarii cujusdam gallina tale ovum exclusit, in quo sol, tredecim flammulis circumdatus, non aliter, ac si sculpto sigillo impressus esset, cernebatur; hujusque uxor contestata est, ovum hoc, cum ab aliis ovis separasset, talem splendorem edidisse, ut ejus aspectu non parum consternata fuerit, quod ovum, etiam quamplurimis petentibus hominibus monstravit.

Sequenti septimana, alia mulier, officinæ promercalium addicta, simile ovum à gallina sua desumptum, sole ac tredecim flammulis notatum, Dn, Parenti meo exhibuit.

Circa Festum S. Jacobi, militis cujusdam conjux etiam ex gallina sua tale ovum, solis imagine, tredecimque flammulis effigiatum, accepit.

Nec minus, mense Augusto, in Festo ascensionis Christi, Crepidarii gallina simile ovum, sole ac tredecim flammulis insignitum, exclusit.

Die 20. Septembris alia ægrota femina tale ovum à sua gallina acceptum, sole videlicet, tredecimque flammulis, sed non tam clarè & expresse notatum Dn, Parenti meo

meo donavit, qui non solum hoc, sed etiam reliqua vidit, ac ocularis testis annotationibus suis inseruit.

Ex quibus patet, Deum ac providam Naturam interdum etiam rebus vilibus, certa signa & characteres, notatu ac perscrutatione dignos, imprimere consuevisse. Causa horum ovorum, sole & flammulis notatorum, partim à Gallo, Jovis alite, singulo mane aureum mundi lumen fixis oculis aspiciente, cantuque suo salutante, cumque gallina sæpius coeunte, characteremque hunc cum seminali principio imprimente, partim à gallina ipsa, lumina sua in solem defixa tenente, ejusdemque effigiem oculis per fortissimam imaginationem hauriente, desumi potest.

De cætero, hæc ova nihil mali significare vel portendere potuerunt, quia sol signum Divinæ gratiæ est, qui cuncta illuminat, calore suo vivificat, calidum nativum insitum in singulis creaturis viventibus excitat, fovet, ac in suo statu naturali conservat.

Fig. LV. *P 212*

OBSERVATIO CXXIX.

D. EBERHARDI GOCKELII.

De

Cerasis acidis, per quadraginta annos incorruptis conservatis.

ANno 1646. eo tempore, quo Cerasa acida ad maturitatem suam pervenerant, quidam arti pharmaceuticæ addictus, vitrum amplioris orificii, in quo aliàs Syrupi & condita asservari solent, (Germ. *Zuckerglas*) cerasis acidis, pampinis per series interpositis & distinctis, replevit, illudq; orbe vitreo, mediante cera liquefacta, optimè clausit, dictumq; vitrum filo cannabino contorto appensum: in phar-

macopolii cella, aquæ puteali immersit, ut sic cerasa illa recentia per aliquod temporis spatium conservarentur.

Cum autem, nescio qua de causa, filum abrumperetur, præfatum vitrum hisce cerasis repletum submersum est, ac in allegati putei fundo sepultum requievit.

Sed Anno 1686. cum crater ligneus, vel tabulæ lignæ, quæ puteum in superiori parte circumcingebant, per ætatem putrescentes, ruinam minari cœpissent, harum loco, præfatus puteus muro munitus est, ne quis per incuriam in eum delabendo damnum caperet: Dum verò operarii huic operi perficiendo incumbabant, & inter operandum aliquid lignosi in puteum illum fortè fortunâ decidisset, quod murarius anabathrâ seu scalâ in aquam demissâ, descendens extrahere tentabat, ecce! hoc vitrum per quadraginta integros annos in hoc puteo delitescens, & per fortio rem motum à fundo putei revocatum, aquæ puteali supernatans, murarii manibus occurrit, quod statim prehendit, Pharmacopœo, qui ante prænominatum longissimum tempus dictum vitrum huic puteo immiserat, ad manus tradit, qui summè miratus, vitro aperto, Cerasa hæc adhuc dum integra & incorrupta, sed saporem priorem naturalem non amplius habentia, invenit, quæ deinceps illustrissimæ cuidam Comitissæ in nostra vicinia, ac mihi, monstravit, & communicavit.

Causa tam longæ durationis, sine dubio est aquæ putrealis frigiditas adstrictiva, quæ calorem destruentem, in cerasa aliâs agentem, putredinemque molientem atque promoventem coercuit, ac consequenter cerasa hæc à corruptione vindicavit.

OBSERVATIO CXXX.

D. THEODORI CAROLI,

De

Hæmorrhagia uteri feliciter sanata præter opinionem.

FOemina quædam quadragenaria, temperamenti ad atrabilarium inclinantis, subinde valetudinaria, convulsionibus ac deliquiis obnoxia hystericis, & ulcerosa pulmonum labe haud dubie infecta, ab aliquot etiam jam annis, post casum ab alto de dolore lateris sinistri sub costis spuris gravativo conquesta, nuper, quod solenni alias more per uterum ad XI. hebdomadas non purgaretur, gravidam se suspicabatur. Diffluebat tamen concepta spes inopinata sanguinis ex utero eruptione, primo quidem modica ratione quantitatis tam continuæ quam discretæ, mox auctiore & immodica, ad aliquot septimanarum decursum producta; cui etiam coërcendæ nullis utebatur remediis, quod persuasissima ab obstetricibus & aniculis esset, tamdiu colluctandum sibi cum hocce fluxu esse, quamdiu menstrua suspensa fuerunt: *Sie müsse diesen Fluß so lang haben / so lang sie ihre Zeit nicht gehabt habe.* Verum cum diutius justo protraheretur fluxus, & decima jam elapsa esset septimana, vires interea nimis resolverentur, facies pedesque intumescerent, quin & symptomata imminerent hystERICA, diutius cunctari periculosa rem alex esse rata, tandem per maritum, ut ipsam visitarem, petiit. Ego sine mora ad ipsam accessi, lectoque affixam deprehendi. Instituito vero cum ipsa examine, percepi hæmorrhagiam qua à longo jam tempore tantum non consumeretur, non amplius jam ut in principio continuam esse, ita ut semper aliquid sanguinis elaboratur;

sed periodicam, quæ scilicet interposito plurium horarum, & aliquando duorum triumve dierum spatio penitus cessaret, mox autem perruptis quasi cataphractis tam subito ipsam tamque impetuosè obrueret, ut quo constituta situ locove corripere, eo consistere quousque impetus iste cessaret, necesse haberet. Sanguinis quavis vice proruentis quantitatem esse stupendam, ut sapius ipsa miraretur, qui vita superesse possit. Quem vero profunderet sanguinem partim esse tenuem & plus minus serosum, partim concretum, frigidum tamen omnem sentiri in muliebribus. Concretiones sanguineas variæ esse magnitudinis, omnes ovales & satis floridas. Has calidæ injectas, quod præsentī mihi monstravit, non diffluere, nec virgulis agitata dissolvi, sed pertinaciter coherere ope tenuissimarum membranularum & fibrarum. Instantis periodi indicium sibi esse certissimum sonoram intra sinistrum hypochondrium stillationem, quam & ipsa imprimis & proxime sibi adstantes auditu satis clare perciperent: *Sie höre wie es in der linken Seiten hinunter tropfe und guttere.* Hac igitur non devicta actum cum ipsa & conclamatum fore. Erigebam ægrotam, quantum licuit, ordinataque pro rei necessitate commoda diæta, vino imprimis penitus interdicto, ipsam dubii licet eventus curationem suscipere instituebam. Vocatis hinc in usum V. S. revellendi gratia, ligaturis dolorificis, epithematibus ac cataplasmatibus adstringentibus, adhibitis insuper interne roborantibus, modice adstringentibus, mucilaginosi, incrassantibus, inviscantibus, emulsionibus, mixturis, pulveribus, pilulis, gelatinis, ad aliquod tempus continuatis, victas dare malum manus videbatur. Nam in quintum usque diem cruore muliebria nullo polluebantur. Sed infidæ erant induciæ. Quinto enim die vixdum elapso recurrebat malæ notæ stillicidium, paucisque post horis prior ludebatur tragœdia, non sine deliquiis, extremorum refrigeratione, verticis algore, aurium tinnitu, capitis turbatione & vertigine, quibus tandem

dem morus spastici satis truculenti, subinde quidem remittentes, sæpius tamen repetentes per aliquot dies jungebantur. Parum ergo tum abfuit, quin defecisset ægrota, totque hostilibus insultibus inferior longe succubisset. Et spes sane in angusto admodum posita erat. Nec tamen destiti, pertinacique roborantium cephalicorum ac nervinorum è castoreo, succino, cinnabari, continuatione tantum profeci, ut sedatis intestinis illis tumultibus sensim ad se rediret ægrota, restante jam sola uteri hæmorrhagia, mitius tamen & rarius invadente; quam & ipsam tandem favente divini Numinis gratia electuario ex conserva absynth. pont. rad. cichor. nuc. ind. condit. spec. diarrhod. Abb. lap. hæmat. præparat. & sir. acetos. citr. parato devici, pristina ex voto succedente valetudine.

[*Leonbergæ ex literis ad Pythagoram datis, die 17. Aug.
An. 1687.*]

OBSERVATIO CXXXI.

D. JOHANNIS JACOBI MEIERI.

Pancreatis scirrhus & tumor glandularum mesenterii.

ANte aliquot dies dissecai foeminam rusticam, unum & quinquaginta annos natam, ac numerosæ prolis matrem. Hæc toto pene vitæ decursu nulla adversæ valetudinis incommoda tulit. Abhinc quinque annis primùm ægrotare incepit. Conquerebatur de menstruis subito suppressis, crebris deinde vomitibus, ac tandem de tumore sensim sensimque incrementum capeffente. Latebat is in abdomine, totumque hypochondrium dextrum occupans

pans manibus poterat palpari, ac versus sinistrum moveri. Morbi vehementia medicamentorum vim eludente, ægra post crebras vomitiones & insignes dolorum cruciatus occubuit. Dissectionem institui præsentē Theodoro Zvingero Med. D. & P. P. nec non Joh. Jacobo Osvaldo commilitone meo. Resectis imi ventris integumentis serum subflavum prorumpebat, cujus tres circiter mensuræ in abdomine continebantur. Omentum erat disruptum & pene consumptum, omnis pinguedinis expers. Pallebat jecur, nonnihil ad duritiem inclinans, cultrique apice fauciatum sanguinem nullum stillabat. Folliculus fellis bile subflava, eaque tenaci, turgebat maximè. Lien sanus erat. Totius mesenterii glandulæ scirrhosæ erant omnes. At paulo accuratius inquirenti tumor iste occurrebat insignis, & certe erat pancreas undique scirrhosum & tumidum, ut & pylorus insigniter tumens, in extimaque superficie vomicis aliquot albente pure refertis conspicuus. Aperto ventriculo pylori circulum, valvulæ similem, scirrhosum quoque deprehendi. Interna ventriculi facies undique scatebat glandulis induratis albicantibus, attamen numerosiores erant circa pylorum. Inter dictas glandulas scirrhosas aliquod intercedebat discrimen: etenim aliæ aliis erant latiores & magis depressæ, aliæ minores, & eminentes. Cætera quoque viscera perscrutari voluimus, sed consanguinei ejus ultiores conatus nostros prohibuerunt.

[*E literis ad Pythagoram An. 1687. d. 15. Febr. Basilea datis.*]

OBSERVATIO CXXXII.

D. JOH. CONRADI PEYERI,

De

Glandulis intestinorum, & in specie duodeni, ubi simul peculiaris complexio nervorum ostenditur.

Quanquam binis exercitationibus commodè luculenterque egerim de glandulis intestinorum, ut vix addi aut desiderari aliquid posse videretur; sunt tamen qui partim excessu me peccare putent, quippe cum non glandulas modò ubique in intestinis admittam, sed etiam planè ventriculum ipsum & intestina glandulis annumerem, quibus alibi jam est parata responsio: partim etiam defectu. Etenim novum glandularum genus in intestino duodeno producit, à nobis, ut credunt, omissum, & jam noviter inventum. Laudo equidem, deamo, & vehementer probo solertiam experiundi & literis consignandi etiam minima & penitissima animalium structuræ, ad quam rem excolendam sepotissimùm obstrictos sentiant Anatomix Professores, ut officio satisfaciant Spartamque exornent. Veruntamen ne qua inventiones novas multiplicemus præter necessitatem, ante jam sanè cognitum fuit atque perspectum quicquid in duodeno glandulosi apparet. Neque enim nos tantum internarum glandularum genus intestinis esse multiplex ostendimus, tam gregalium quàm disperfarum, ac prætereà intimum velamen intestinorum, quod alii crustam appellant, diximus naturam glandulæ totum sapere, ac affine quadantenus esse membranæ narium fauciumque pituitosæ, imò hæc eadem multò adhuc potius, fabricæ nimirum concinnitudine & usu. Sed insuper adhuc

Dec. II. Annus VI.

Mm

exi-

eximii duo Scriptores *M. Malpighius* & *Gul. Cole*, glandulas duodeno seorsim attribuerunt. Ille quidem *Exercit. de Liene Cap. VI.* his verbis: *Idem* (glandularum præsentiam) suspicari possumus de DUODENO fundoq; ventriculi, quorum licet cavitates ab adjacentibus partibus fermentati-vos vel alterius naturæ recipiant humores, sub ipsarum tamen membranis PECULIARES etiam GLANDULÆ vel quid analogum sæpè latitat. Hic verò evidentius de *Secret. anim. Cap. V.* Dum operum naturæ uniformitatem revolvens intestina, tenuia præsertim, attentius lustraturus aperio, statim mihi se-sistit interior eorum tunica facie GLANDULIS omnino simili, DUODENI MAXIME, in quo, quia major inde lactearum numerus exoritur, magis conspicua GLANDULOSA NATURA. Libitum est nihilominus iterum iterumque in rem præsentem ire, & cum pristina repetere experimenta, tum parere recentia in diversis animalium extis ad veritatis cognitionem. Omnibus autem exactè subtiliterque administratis patet, duodeni velamen intimum perinde ut cæterorum tenuium intestinorum esse tenerum, lubricum, molle, porosum, & friabile, uvidumque, quomodo glandularum solet natura. Quæ certè princeps fuit causâ, quare illud glandulosum esse totum pronunciaverim. Confirmant tamen eandem sententiam argumenta alia duo prævalida, unum præsentia muçi siue pituitæ, quam velamen istud exsudat, alterum chyli transmissio in venas lacteas aut mesaraicas. Habentur enim ista in secretionibus organicis, quæ nisi glandulis non peraguntur. Speciatim verò in illo velamine, si diligenter contempleris, exiguæ papulæ rotundæ notantur incertis spaciis, ut pinxit *Willisius*. Alibi conspiciuntur evidetiores glandulæ in plexus conjunctæ, propemodum ut grana in malo punico, easque nos dudum clarissimè exposuimus. Restat denique pars maxima hujus organi, quæ infinitâ densissimâque villorum congerie perficitur, ad nervæam tunicam inter se cohærentium, cæterò solutorum ac undi-

undique prominentium, ut apices in panno laneo conso aut holoserico. Quapropter si integrum duodenum invertas cautè, & à fordibus leniter abstersum (forti enim tractatione facilè destruitur corrumpiturve spectaculum) impleas flatu; tum constrictis extremitatibus, ne spiritus elabatur, appenso-
que plumbò lapidibusve aqua limpida submergas in vitro, universum echino quovis horridius apparebit, præsertim, boum, caprarum, leporum, anserum. Tardius paulò villos humanum explicat, si verò aliquantulum maceretur, uberimè. His equidem villis arbitror chylum recipi, ac in radices vasorum lacteorum derivari, non admodum dissimili ratione ac fibræ & radices plantarum haustum è terra aut aqua succum ad vasà interiora utriculosque deducunt, nutritionis & incrementi commodo. Et memini sæpiùs vidisse villos chylo turgidos, cùm animalium recens mactatorum intestina perlustrarem. Cave tamen ne eos confundas cum venis lacteis, aut unum idemque credas: hæ namque villis sunt multò teneriores. Imò ex plurium villorum complexu fermè unica tantùm exilis fibra lactea capillo tenuior exsurgit, ac mesenterium versùs producit, socias interdum alias atque alias in itinere adsciscens, quod docet inspectio. Colligitur inde, venas lacteas aut mesaraicas ex intestinis chylum non immediatè furripere, ac si earum oscula seu fines per velamen altius penetrarent intusque prorsus hiarent, sed Naturæ providentia intercedere commercium & consuetudinem villorum. Ex his aliud quoque incolumitatis præsidium singulare habetur: frequentia enim sua protegunt nerveamunicam, muniuntque adversus bilis acrimoniam & æstum aut impetum commotionemve rudioris alimonix & fecum. Quam verò ingentes afferat cruciatus munimenti hujus ablatio, nôrunt ac ultrò fatentur quotquot tormina, diarrhoeas diuturnas, aut dysenterias, aliquando sustinuerunt. Præter glandulosam fabricationem in duodeno singularis etiam fibrarum nervearum strues reperitur, carnis tenuissimè divisæ

Mm 2

quâ-

quâdam similitudine. Illæ namq; conjunctis apicibus in nodulos quasi aut tubercula valdè minuta & depressa concre-
scunt, stipantia nerveam tunicam, cui penitiùs inhærent ad-
stricta vinculis, ut tantò minus de origine & natura dubites.
Firma sunt quoque, tenacia, & vel carne solidiora. Compressa
nihil humoris emittunt, nec atteruntur aut abscedunt, cum
velamen intimum seu crusta cum glandulis detrahitur. Nervea
enim tunica duplex est, & noduli illi sive tubercula medio
utriusque membranæ complexu detinentur. Quò fit, ut iis
salvis atque integris, si scienter & cautè rem peragas, & velamen
intimum, & tunica musculosa exterior possit auferri. Cate-
rùm exigua est inter illa magnitudinis diversitas, ac penè nul-
la: æqualia enim fermè cuncta videntur, vel certè grandiori-
bus ubique parva mixta, nec separata. Potiùs frequentia dis-
crimen: nam propter pylorum magis sunt quàm inferius con-
ferta. Hæc etiam in porcorum extis notavi, & nuper iterum
in duodeno humano, quod charissimi *Paonis* benevolentia mi-
hi subministravit, diligenter etiam nobiscum inquirentis in
hæc minima naturæ. Et dudum sanè structuræ hujus proprie-
tatem cognitam habui atque perspectam, ut illi nôrunt, qui-
buscum identidem sum de ea locutus. Latebat tamen genui-
nus usus. Neque enim conveniebat glandulas dicere, quòd à
reliquis intestinorum glandulis & situ & compositione differre
viderentur, nec consilium aut finem intelligeremus naturæ,
quare hac una in parte corporis tam multiplex tamq; diver-
sum glandularum genus constitueretur. Non nego tamen
interdum exiguis sedibus innumerabilem comprehendi rerum
multitudinem atq; varietatem, ut potissimùm in animalibus
atomo minoribus apparet; quin potiùs meam facio auream
Theodoret de Providentia Serm. III. sententiam, Anatomicorum
omnium attentione dignissimam: ἀλλὰ γὰρ ἴσως ὁμοιον ποίω, τοῖς
τὴν ψάμμον ἀειδμεν περρωμένοις, τὴν ἐν τῷ σώματι φαινομένην τῇ ποικίλῃ πο-
σείδειαν ἰκευῆσαι φιλονεικῶν. Si quid igitur judicare valeo, tuber-
cula hæc fibrosa sive exiles nodulos in duodeno spirituum ani-
malium

malium gratiâ constructos arbitramur, ut hâc illi imprimis confertim influerent ad conficiendum chylum, quem vitalitatis quodam quasi caractere, si fas est ita loqui, insigniunt. Deinde his organis peculiaris excitari sensus videtur refectionis à pastu: reperiuntur enim, qui ciborum potuumq; jucunditatem adhuc se percipere in ventre affirmant, indeque suaviter rangi, multis horis postquam assumerunt. Quid, quòd victus consumptione exoriente fame reverà non superius tantum ventriculi orificium, sed etiam inferius ac maximè duodenum, Græci *ἐνφύσιον* vocant, afficiatur? Cujus quidem rei evidentissimum signum puto tuberculorum nerveorum constructionem, quam certis sensuum speciebus exprimendis plerumque adhibet natura. Et fieri nequit bile & succo pancreatis in duodenum cibus vacuum effuso, quin nervei apices singulari ratione commoveantur, adeòq; nervorum hæc stimulatio famem vel pariat, vel adaugeat. Deniq; ut res sapidæ linguæ admotæ propter papillas ejus, nervis inter se conspirantibus, salivam movent, alliciuntque è glandulis in os; ita credibile est cibus è ventriculo ad intestina delatis, mulceri pariter duodeni tubercula sive papillas nerveas, agitarique in his excubantes spiritus, ut nervorum communicatione invitata bilis & succus pancreaticis humorq; glandularum abundantius scaturiat. Nihil nunc dicam, quantum hæ partes in vehementibus animi commotionibus, irâ, terrore, & similibus ad inhibendum præcipuè aut justo impetuosius proritandum humorum ferocissimum fel tribuere valeant. Illud tantum obiter attingam, mali hypochondriaci doloribus non in ventriculo ipso, sed paulò infra eum invadentibus, ac per intervalla recrudescentibus, symptomatum omnium exactissimam reddi rationem posse ab iis, qui partium illarum fabricam penitus cognoverunt. Pauca hæc summatim edere de istis necessarium existimavi, ne diutius tacerem: singula verò seorsim melius illustrabuntur, si quando exercitationem tertiam de glandulis intestinorum parari fuerit consultum, ut & rerum dignitati, & votis amicorum,

& ad verfariorum molestiæ, & nostræ deniq; curiositati legitime
satisfiat.

OBSERVATIO CXXXIII.

D. JOH. CONRADI PEYERI,

De

Secretione & ejus organo in animalibus.

Pura sunt genera secretionum in animalibus, maximè,
si amplo sensu vox ea sumatur, quæ in universum om-
nem cujuscunque rei distinctionem, disjunctionem,
vel delectum significat. Nos omissis ambagibus secre-
tionis nomine hic potissimum complectimur secessum parti-
cularum aliarum ab aliis, quæ antea per naturam conjunctæ
erant, vel permixtæ, aut confusæ, in animali vivo. Neque
multum refert peracta secretionem, sive retineatur quod fue-
rat secretum, sive à corpore discedat. Estque vel generalis,
vel specialis. Illa toti machinæ & singulis ejus partibus com-
munis, quemadmodum nutritio confirmat, seu amplissi-
ma comprehensio vitæ, & quotidiani victus respirationisque
necessitas. Et iterum duplex est, plane opposita; una ab-
sumens diminuensque, altera augens & reparans. Secre-
tione namque augescunt vires corporis atque pensantur, se-
cretionem rursus vita deficit tandemque perit. Specialis est,
quæ certis organis perficitur, in hunc finem unice constru-
ctis. Ea enim licet communi gaudeant vita, nutriantur i-
tem, crescant, & decrescant cum reliquo corpore univer-
so, indeque generalem illam secretionem, quam modo di-
xi participant, speciali tamen alio secretionis munere fun-
guntur, non tam sui causâ, ut secreta re fruantur ipsa, quam
in alienos usus. Et proprie quidem animalis secretio hæc
est, ac communiter intelligenda, cum secretio simpliciter
dicitur; tam ex se dives illa & foecunda mater, ut miran-
dam fluidi copiam & varietatem pariat, humorum, vitalis
auræ, spirituum, proventum denique pinguedinis & crasso-
rum

rum excrementorum. Majoris autem distinctionis ergo, ne quis diversa secretionum genera confundens errandi occasionem incautis præbeat, eam cognominare organicam licebit; siquidem omnino ut locum inveniret in animalibus, peculiari organorum apparatu divina sapientia curavit. Organa hæc convenientioris vocabuli defectu consuevimus glandulas appellare: retinendumque nomen est, nec temere mutandum, usu quippe satis tritum, ac representandæ illorum naturæ quodammodo accommodatum. Notum est enim quanta accesserit gloriæ existimatio iis Anatomicis, qui viscera in quibus humores aut spiritus generantur, glandulosa primi perhibuerunt. Quorum forte laudibus excitati alii nuper eousque processerunt libertatis, ut axiomatis instar hanc ponerent assertionem: Ubi glandula, ibi secretio. Sed vel dialecticorum quoque monito cum ab effectu ad causam certior quam à causa ad effectum conclusio petatur, expediet potius tandem inverti sententiam, & dici nostro judicio: ubi secretio, ibi glandula. Quoniam enim secretio de qua agimus est organica, peragi profecto nisi in organo nequit. Organum autem istiusmodi jam dictum est convenienter vocari glandulam. Qua quidem doctrina nihil video magis planum atque perspicuum esse, vel captu facilius atque distinctius. E contrario si alteram examinare velimus, vereor, ne anceps & infirma comperiat. Inde enim à glandula pineali & pituitosa cerebri ad extremam usque glandem ejus partis, quæ nos facit viros, glandulas commemorare multas possem magnas parvasque, quarum vel est nulla prorsus, vel incerta & ambigua secretio, ut antiadum, thymi, conglobatarum glandularum plurium, & renum quos vocant succenturiatorum. Quid dicam de mammis cum foeminarum prope modum infinitarum, quæ infantes suos quacunque adhibita industria lactare nequeunt secretionis defectu, tum præcipue masculorum? Has sane è glandulis æque constare, ac muliebres, & naturæ cognatio suadet, & Hippo-
cratis

eratis dicat autoritas. Citius tamen aquam è pumice, quàm ex illis secretam aliquam materiam produxeris, usque adeo certum est in corporibus animalium glandulas inveniri otiosas & secretionis exsortes. Non desunt igitur evidentissimæ causæ, cur secretionem omnem in glandulis fieri statuamus. At opponit se tamen Dr. quidam N. ac in *nupera disputatione de glandulis duodeni* non modo diversum persuadere conatur, sed etiam asserenti mihi, me nescire an quis autor præter me alius secretionem generaliter eousque restrinxerit in animalibus, ut sine glandulis nullam conciperet; regerit ille, jam factum id esse ab autoribus à se allegatis. Allegaverat autem *Gulielmum Cole & Marcellum Malpighium*, præstantes doctrina viros, quos semper æstimavi maximè. Veruntamen neuter eorum de organica secretionem tam late, ut ego, sensit. Diserte quidem *Malpighius Exerc. de Hep. Cap. IV.* Satius est credere inquit omnem depurationem secretionemq; succi, sive excrementitii, sive proficui, è sanguinis massa, solis glandulis deberi. Et *Exerc. de Liene Cap. VI.* Natura secretionem aliquam moliens glandularum utitur ministerio, & tanta est ex perpetuo & intestino motu miscella in sanguine, ut solo vasculum hiatu, qualis absq; glandulis in arteria splenica ramo observatur, nequeat subsequi crassioris à tenuiori sanguinis portione separatio. Manifestum est verò *Malpighium* utrobique loqui tantum de iis secretionibus, quæ parantur è sanguine. Id notavit etiam industrius *Cole*, cujus integra oratio de *Secret. anim. Cap. V.* hæc est. Missis ergo ambagibus secretionem omnem (privata sola excepta) quæ regulari modo & ex primordiali natura instituto peragitur, sive sit succi proficui, sive excrementitii, in glandulosis partibus fieri existimo. Glandulis quidem omnibus id commune officium esse, ut secretionem aliquam instituant, à *Celeb. Glissonio* proditum est. At vero secretionem omnes (quæ nimirum ex sanguinea massa sunt) in solis glandulis haberi, solertissimo *Malpighio* (quantum mihi rescire contigit) primo placuit. Postea aliquibus interjectis ad

Malpighianæ sententiæ confirmationem spectantibus, mentem suam ipse hunc in modum exponit: *Quam verò Cl. hic Vir (Malpighius) de illa secretionē solummodò, quæ ex sanguine fit, sententiā pronuntiavit, liceat mihi ulterius extendere, chylosamq; secretionem sub eodem censu complecti.* Itaque *Gulielmus* secretionem longius producit quam *Malpighius*, qui de chyli secretionē nihil dixerat. Uterque tamen in succis & humoribus subsistit, hic genitistantum è sanguine, ille simul etiam chylo, nec ultra progreditur. Ego verò ista magis adhuc esse proferenda ratus, quantum natura rerum permetteret, perfectionis doctrinæ gratiā omnem omninò cujuscunque rei secretionem organicam, de qua sola tunc mihi sermo erat, seu subtile fuerit seu crassum aut intermedium quod separatur, conspicuum item vel inconspicuum non refert, glandulis adscripsi. Quò pactò sanè præter ea, quæ *Malpighius* & *Cole* tradiderunt, binæ illæ maximè insignes secretionēs unà comprehenduntur, aëris in pulmonibus, & fecum in intestinis. Nam etiam hæ sunt secretionēs organicæ: altera quidem rei perquam tenuis; nec visu percipiendæ; altera verò crassissimæ omnium, quæ secernuntur. Quapropter *exercitatione secundâ de glandulis intestinorum* ventriculum & intestina glandulis annumerare ausus sum, quia primæ ac manifestissimæ secretionis digestionisque alimentorum sunt instrumentum. Et pulmones etiam inprimis quoniam rem secernunt vitæ tam necessariam, ut potior omni cibò videatur, quò sæpè diu carere possumus, respiratione non possumus, sive fabricam eorum consideres planè mollem, raram, & spongiæ similem, sive principem usum, ad glandulas merito pertinent. Quò utrum jam fuerint ab Autoribus plenè relati, & an alii de hujusmodi secretionibus idem quod ego judicaverint, iterum ajo me ignorare. Adhibet nihilominus argumenta *Doct. ille*; *Nondum*, inquiens, *me ad eam sententiā redactum angustiam, ut nullam sine glandulis concipiam secretionem. Etenim (ut hæc vice vel hoc addam) nulla pars in toto*

corpore existit, quæ non per proportionatos poros congruum & convenientem ex massa sanguinis secernat humorem nutritium. Sed Gulielmum Cole Cap. II. egregii scripti de secretionem animali, & pro se, & pro Malpighio secretionem privatam sive nutritionem semper excepisse novimus. Confunduntur igitur, quæ cupimus quàm diligentissimè separata, & usus à multo jam tempore discrevit. Cùm enim secretio ita simpliciter dicitur, etiamsi nihil excipiat, organica intelligitur. Anne verò usquam docuimus omnem cujuscunque generis & naturæ secretionem esse organicam? Tenendum ergò, quod adstruximus secretionem nisi per glandulas nullam fieri, in universum esse de organica accipiendum, ut res ipsa declarat. Ast nutritionem organicarum secretionum numero prorsus excludimus. Nam si ea etiam peculiaribus organis perageretur, res procederet in infinitum, nec terminus secretionum inveniretur. Necessum est enim, ut organum secernens quid sit à materia secernenda diversum, & res secreta iterum distincta ab organo. Ex quo consequitur, organa nutritionis, si quæ forent constituta, rursus opus habere aliis organis, quæ pro ipsis nutrimentum secernant, & sic porro sine fine. Quocirca distinguendum semper est inter secretionem, quæ evidentibus organis perficitur, ad secretionis commoditatem unice constructis, & inter illum secessum particularum sanguinis, qui in nutritione fit quodammodò sponte naturæ, aut impulsu tantùm ejus in remotissimos poros partium collapsos, aut distendi ac explicari habiles, quibus interceptæ sanguinis particule hærent quasi fixæ ac immotæ, ut cùm clavus immittitur parieti, vel luto telum, & virtute divinâ assimulantur. Apposita est hanc in rem Alphonsi Borelli sententia, minus licet tersa Latinitas, de Motu Anim. parte II. Cap. V. Propos. LXXVI. Sanguis terebrare debet porositates partium corporis animalis solidarum grandi impetu, quia nedum porositates illæ strictæ sunt, sed habent plures & diversas figuras ad instar cribri, ut per quodlibet foramen instar cunei violenter insinuetur particula

ficula sanguinis similiter figurata seu homogenea, ut nimirum simile à simili nutriatur. Quæ tamen neutiquam eò traducenda arbitramur, ac si configuratio pororum in partibus, quæ nutriuntur, vices præstet organi secretionis: nam pori illi non sunt perennes, sed simul ac fiunt, alimonia tanquam infertis cuneis confertim opplentur. Et quæ poros antea patulos non habuere partes, vi irruentium impetumque facientium humorum & spirituum identidem quasi pertunduntur, ut alimenti interpositione crescant ac diffarciantur uberius. Quo quidem in negotio partes ipsæ non agunt, aut operantur instar organi, ut secretio fiat; sed patiuntur tantummodo sibi infigi particulas sanguinis, quæ nisi partium poris essent paulò majores, insuperque cum vehementia quadam iis obruderentur, neque illic subsisterent tam faciliè, neque pristinam sortem mutarent. Namque protinus angustiis interclusâ motione de liquidis redduntur solidæ, & conglutinantur naturæ tam arctâ complexione, ut nec cogitatione amplius possit discrimen inter rem secretam & organum secretionis effingi. Cribrum verò, cujus vel sint obstructa foramina, vel si quæ patent, recipiant tantum adactam materiem, non etiam transmittant, ecquis commodum secretionis organum censebit? Non enim receptio alicujus materiæ, neque ejusdem retentio aut immutatio organicæ est secretioni præcipuum, sed trajectio, sic ut continuo quod secretum fuerit ab organo digrediat, ac aliorsum secedat. Irritus ergo est etiam scriptus contra me hiclusus; *Itaq; aut totus glandula sis necesse est, aut, quod avertant Superi! tabem incurreres; aut deniq; axioma non erit universale.* Tabem sanè neque metuo, neque aliis imprecor; & stabit nihilominus sententia, tametsi fieri nequit, ut totus sim glandula. Potior namque & nobilissima mei portio mens, divinæ particula auræ, corporeæque structuræ expers, quantumvis corpore fortassis glanduloso nunc detenta, hospitio fragili & caduco immortalis hospes, affinitatem vel communionem naturæ nullam habet cum

vilicate glandulæ ; at fungitur tamen officio distinguendi & discernendi verum à falso, fallacias à bonæ notæ argumentationibus. Quid verò tandem de Ephemeridum Gallicarum assensione dicendum, quæ contra me adducitur, dum his verbis le Journal des Sçavans Tom II. p. m. 246. loquitur: *Si cet auteur n'arien de plus fort, il n' attirera pas tous les Philosophes d ns son parti &c. Il n' y a point de partie dans le corps, qui ne puisse passer pour des glandes en ce sens, et tout le corps mesme ne sera qu' une grosse glande.* Eorum gratia qui Gallicam linguam non callent, hæc ita interpretamur: *Quod si autor iste (Peyerus) nihil fortius attulerit, non omnes Philosophos in suam pertrahet sententiam. Nec pars est ulla corporis, quin pro glandula reputari queat istò sensu; imò universum corpus nihil erit nisi ingens glandula.* Quisquis judicium istud protulit, rem ipsam nec trutinavit exactè, nec mentem meam percepit. Quomodo autem de secretionem & glandulis, quæ scripsi, accipienda sint, & quàm facili ac necessariâ distinctione ambiguitas omnis tollatur, nunc arbitror tam clarè exposuisse, ut majori opus non sit prolixitudine. Intereà rogandi sunt etiam Ephemeridum Gallicarum Conditores, ne in percensendis exterorum libris plus licentiæ, quàm par est, sibi arrogent, nec Autorum assertionibus, quas nondum intellexerunt, præcipiti judiciò insidiantur; sed æquissimum sentiant tantisper, dum ipsi cognoscant & demonstrent firmiora. Hæc ne muneris mei oblitus viderer, modestè ad causæ meæ defensionem edere debui; reliqua ejusdem infirmitatis, & quæ alia contra me durius acta & prolata fuerunt, nunc silentiò prætereo.

[Scaphusiâ 1687. d. 22. Decembr. Augustam Vind. missæ.]

OBSERVATIO CXXXIV.

D. GEORGII HANNÆI.

Sabulum Urinarium, in Microscopio
examinatum.

DE hujus Sabuli, adeoque & ipsius Calculi, materia, constitutiva variæ quidem circumferuntur sententiæ, licet cum ipsa veritate & experientia omnes non æquæ conformes sint. Non libet heic omnem in Calculi indole excutienda movere lapidem; placer tamen monere, Sabulum illud, quod in urinis se spectandum offert, non adeò innocuum esse, ut contemni mereatur, ceu inane terriculamentum. Inveni nuper in cujusdam urina Sabulum, neque illud asperum, sed molliculum, & ne tantillum stridulum, imò digitis blandè cedens. Hoc (quod per Tartarum Scorbuticum explicant nonnulli,) in chartam reposui exsiccandum, pro ulteriore scrutinio. Exsiccatum, Microscopio accurato censendum obtuli! & protinus apparuit farinaceum hunc pulvisculum, qui lævore suo se hactenus commendaverat, innumeris assurgere prominentiis angulatis, eandemque ostendere faciem, quam exhibent è matre sua prospicientes Granati, quibus mea etiam renidet Phycotheca.

OBSERVATIO CXXXV.

D. GEORGII HANNÆI.

Asphyxia indemnis.

Disserit egregiè de Asphyxia, pulsusque defectu, Nobilissimus & Excellentissimus D. Hannemannus, *Ephem. Curios. Dec. II. An. II. pag. 79.* Sed de eadem indemni, narrantem audiavi Nobiliss. & Experientiss. Socerum

meum, *Dr. D. Christianum Henricum Lujam*: fuisse in Cimbria, cognitissimum sibi, Nobilem Virum, quo cum sano & sospite hunc lulum ludebat sapiens natura. Pulsus accessum & recessum hic ipse generosus non modò experiebatur sapiens, sed & utrumque prædicere valuit intrepidus, sine omni, vel levissima sanitatis jactura. Ipsemet memini me, ante Annos viginti, observasse in virgine quadam alium pulsus lulum. Huic in altera manu nullus Pulsus erat, si locum tangeres ubi micare solet; sed dicto loco opposita pars carpi superior, pulsantem condebat Arteriam, non digitis modò, sed & oculis singulorum se sine fuce subjicientem.

OBSERVATIO CXXXVI.
D. GEORGII HANNÆI.
Melancholicus sanatus.

Juvenis 19. annorum, in itinere nautico justò tristior primùm factus, inde etiam ægritudine animi nimiooperè inquietari, tum varia mentis alienatæ signa edere cœpit, & nil nisi laqueos atque suspendia crepare. Curationem ipsius à venæsectione exorsus, sed sero suo caruit sanguis, ab inimico congelatus acido. Convenientibus itaque alterantibus succurrendum ipsi ratus, hos Pulveres matutinos, signatamque Mixturam vespertinam cochleatim assumendam præscripsi. *℞. Spec. Latif. Galen. compl. drach. sem. Vitriol. Mart. Ocul. Cancr. ppt. Crem. Tart. āā. drach. j. M. f. Pulv. divid. in part. xj. ℞. Aq. Fumar. Lactuc. āā. unc. iv. Syrup. Pœon. unc. ij. M. d. in vitro, pro vehiculo Pulverum. ℞. Tinct. Succin. Castor. Spirit. Sal. Armon. āā. drachm. sem. Aq. Fumar. Vin. Rorismar. āā. unc. ij. Syrup. Cinnam. unc. dimid. M. d. in Vitro. S. Mixtura vespertina. Unde bellè vividi rediti sunt, unā cum sanguine, Spiritus.* Ab his perrexi ad
Pur-

Purgantia. Quibus frustra sollicitamus Melancholicorum alvum, nisi committigatis prius humoribus. Subjunxi postea confortantia, de quibus in mea *Libanotidographia*. Agmen medicamentorum clausit hæc Mixtura Cephalica : ꝑ. Essent. Hyperic. Fumar. āā. unc. j. Essent. Croc. orient. drachm. sem. Spir. Sal. Armon. drach. j. cum dimid. M. cujus guttas quindecim manè & vespèri in Vino Rorismarini sorbillavit quotidie. His cum usus fuisset medicaminibus, rectè valens, & pulchrè sapiens, Deo mihiq̃ue pro sana mente in corpore sano plurimas egit gratias.

OBSERVATIO CXXXVII.

D. GEORGII HANNÆI.

Cæcitas, à stramine in nare fracto.

Filius rustici, sedecim annos natus, hac ætate me adiit, & (more horum hominum, Trojam non ante quam in cineribus quærentium, portumq̃ue post naufragium respicientium,) de amisso ante sesqui annum dextri sui oculi visu questus est. Oculum inspectum gutta serena laborare monui, ideoque de tempore, quo cœperat hæc cæcitas, itemq̃ue de causa ipsius, percunctari occepi. Ille affirmat, se, fruges in horreum superiore anno repositurum mergites tractasse imprudentius, fractumq̃ue sibi cum insigni strepitu in dextro nare stramen, intensissimos creasse dolores, mox totum etiam occupantes caput, quos nisi somno placare non potuit. Ab eo tempore decrescere cœpit & imminui hujus oculi visus, donec tandem perpetua ipsi obduceretur caligo.

OBSER-

OBSERVATIO CXXXVIII.

D. GEORGII HANNÆI.

Gravedo è Ribium esu.

Insignis utilitatis Ribium conscia est Medicina, cum ægris non ingratam præstent operam, præterquam quod & sanorum abblandiantur gulæ. Nocere tamen potest esus Ribium, si vel voracitate immodica, vel tempore minus commodo deglutiantur. Imò & sibi suspectum esse Ribium esum, etiam vel parcissimum, nuper testatus est Vir Clarissimus. Qui, simul ut ex uno vel altero pediculo pendentes Ribes suis dentibus detondet, gravedinem sibi actutum accelerat, quasi quadrigis advocatam. Scilicet, frigidus suâ naturâ Ribium succus, summa particularum tenuitate comitatus, in sui obsequium sequacem heic pituitam, seu injectis uncinulis, attrahit subdolè.

OBSERVATIO CXXXIX.

D. GEORGII HANNÆI.

Tartari Emetici abusus.

Quântum ægrotis immineat periculum, ubi in potestatem ipsorum veniunt, qui, sine solida Nobilissimæ servandorum hominum artis cognitione, mederi temerè audent, quotidiana evincunt exempla tristiora. Et quot turbas non concitant, hinc Empirici, atque illinc Chirurgi, methodum medendi calcantes impudenter, quam imprudentes ignorant! E multis, unicum memorabo exemplum. Sub initium hujus anni Erysipelate laborabat alterum brachium subcenturionis cujusdam, cæ-

terâ

terà satis robusti. Hoc amoliri volens Chirurgus, pinguioris naturæ defensivum applicat brachio, unde intra oclusos se condens poros Erysipelas, virus suum, à peripheria retractum, centrum versus retorsit, neutro horum commissum sciente errorem. Mox cuncta in expedito brevi fore promittens Tonfor, Sudoriferum proximo die exhibet, quod (quia & hoc minus appositum erat,) humorem commovebat quidem graviter, sed sine levamine. Unum diem, cessat, quasi inducias celebraturus ! proximè sequenti, Tartarum Emeticum, saccharo immixtum porrigit; cujus octo grana (si fides ipsi habenda) talem concitavere tragoediam, ut obvios quosque humores, & per superiorem januam, & per inferiorem portam impetuosius everrerent, non sine præsentissimo vitæ ægrotantis periculo. Comitabantur enim hanc Hypercatharsin tam intolerandi dolores, ventris lincinationes, & artuum exteriorum convulsio, ut nihil aliud quàm ipsissimam mortem exspectans ægrotus, Animæ suæ sacratissimi Sacramenti prospexerit epulis. His pastus, me vocandum curavit actutum, ut, si qua fieri posset arte medendi, Charontis cymbam, cui utrumque jam tum inseruerat pedem, evitaret. Nec deerat votis eventus lætior ! imò & hodiernum non desinit hanc laudare mixturam :
℞. Aqu. Cinnamom. Cordial. temper. āā. unc. duas Confect.
Alkerm. compl. drachm. dimid. Syr. Rub. Idæ. unc. un. cum
dimid. M. quæ, observatis aliis observandis, tantam optatò
consopivit litem.

OBSERVATIO CXL.
D. GEORGII HANNÆI.Mors ex insperato irruens, auspiciatò
repulsa.

DE *τφ* formali mortis sentiant alii aliter! proximè ad meram sagittare videntur illi, qui, cum Experientissimo *Sylvio*, mortem describunt per effervescentiam sanguinis insigniter læsam. Lædi autem potest hæc effervescencia, ob sui sive excessum, sive defectum. Quando enim vel immodicè rarefactus sanguis, cor impetuosius inundat, quasi cataclysmo prælusurus; vel ferale stagnans, cordis valvas inexorabilibus occludit pestulis ceu circumdato vallò; fieri non potest, quin igniculus vitæ, in ara cordis perennè micans, morticinis obrutus cineribus, perpetuo Mortis extingatur frigore. A nimium fluidi sanguinis consideratione avocat me hodie justò ignavior, & ad æternam compositus quietem; cujus historiam heic plenius signabo, probaturus, ad subita pericula, in equis & armis non magis excubandum militi, quàm in precibus & pharmacis exquisitissimis Medico. Dux peditum, & Antesignanus primarius, le Colonel de Bruin, Vir bello strenuus, atque in tantum laudandus, in quantum utraque fortitudo laudari meretur, post varios in diæta commissos errores, sanus læctum suum petiit FERIA secunda Natalitiorum Christi, nuper elapsa, circa duodecimam nocturnam. Post binarum somnum horarum evigilans, mortem præ foribus adesse clamitat, & cordi horrendum in modum oppresso actutum succumbendum fore ingeminat! Ego à moestissima accitus conjuge, deplorata signa ubique offendi, pulsum planissimè interceptum, brachiorum ad cubitos, & pedum ad genua usque,

usque, frigus & rigorem, nec aliud audiui, quàm gementem sub prælo mortis ægrotum, & cor sibi comminui conquerentem. Cum autem nec pectori catarrhus, nec membris aliis Apoplexia gravis incumberet, (unde frequentius alias oriri solent tam subitanei insultus,) cordi laboranti succurrere decrevi, ut sufflaminato sanguini suus redderetur motus, ipsaque, si fieri posset, è fuga retraheretur vita. Ideòq; domum repetii, allaturus quæ ex usu forent. Interea dum aberam, solvebatur alvus; unde rem benè gestam ominabantur præsentēs, imò & ipse Chirurgus; sed latior hæc spes decollabat illicò, cum tristissima quævis obscuraret inusitatum quod mox ingruerat frigus, unde non modò corpus totum contremuit, sed &, unà cum lecto, ipsæ (quod mirari licet,) triclinii concutiebantur fenestræ. Ego quantocyùs advolans, in pejori cardine res ægrî versari monui, ipsamq; irritationem humoris obscœni, non tam beneficium naturæ fuisse, quàm indicium laxati sphincteris ipsius sedis, totumq; corporis ædificium inauditæ hujus concussionis monitu extremum suum minitari casum. Quæsi vi itaque ab ægroto, jam animam agente, numne me agnoscere posset? cui ille: agnosco te, sed videre non possum! Nihilo tamen secius, ab amicis blandè rogatus, in hac dubia vitæ necisq; alea ægrotum deserere nolui, sed cor refocillantem spiritum meum propinavi, qui, DEO benedicente, ægrum huncce (vel præter omnem ipsius, nedum adstantium expectationem,) mortis ereptum scopulis, in salvo constituit, & sudorem foetidissimum elicit. Intensissimam, quæ remansit, sitim fefellit egregiè hæc potio, quam cupidè hausit: R. Aqu. Card. ben. Flor. Acac. āā. unc. ij. C.C. Cordi. temper. āā. unc. j. cum dim. Acet. Bezoard. drachm. j. Syrup. Acetos. Citr. Granator. āā. unc. j. c. dim. M. Circa decimam antemeridianam sequentis diei, levem celebrandam curavi venæsectionem, quæ attratum pependit sanguinem, postea in tam torridam faulcentem crustam, & sero omni destitutam, ut combustas non æmularetur.

laretur modò, sed & provocaret, ovorum testas. Sibi redditum ex artis methodo tractare perrexi, eoq̃ue, DEO gloria! provexi, ut jam sanus & incolumis Hamburgum abierit.

[1687. 29. d. Decembr. Othiniâ Augustam missa.]

OBSERVATIO CXLI.

D. ERNESTI SIGISMUNDI GRASSII.

Panacea Hippiatrica.

QUamvis de brutorum morbis eorumq̃ue curatione Medicus haud sit sollicitus, sed ad veterinarios id negotii propriè spectet; attamen notitia talismodi curationum, non minus quàm Physiologica brutorum consideratio, quam per tantoperè commendatam Zootomiam, sapientissimi Democriti exemplò, tot Viri doctissimi illustratum ivère, Medico non est indigna. Equidem indagatio omnium omninò virtutum, quas naturæ & artis producta in triplici possident regno, Medicum non modò exornat, sed eidem quoque planè necessaria videtur, nî incomparabili illò Medicæ artis subsidiò, Physicâ nempe scientiâ carere aut Chymicarum rerum penetralia superficietenus tantùm scrutari malit. In præsentiarum sufficiat brevissimis indicasse medicamentum aliquod polychrestum & in quamplurimis equorum morbis usu compertissimum. Desumitur autem ex nunquam satis laudandò atque inexhaustæ virtutis Antimoniò, & nihil aliud est, quàm Croci metallorum in crucibulò ferro vel mortariò simul ac semel detonati pars inferior purior ac puniceò colore resplendens. Pulvis citra præviam edulcationem exindè paratus in omni ferè morborum genere, cùm sanguinis depurativum universale sit & summum, adhibetur & pabulo, ut adhæreat nec fundum petat, priùs madefacto inspergitur. Uni vel alteri è Nobilium hujus vicinæ

Coro-

Coronâ in frequenti sed secretò hætenus fuit usu, & experimentò plus unò consistit equos pabulum consuetum respuentes maximèque extenuatos brevi temporis spatiò ab usu hujus laudatissimi medicamenti appetitu recuperatò pingues & insigniter alacres evasisse. Dosis, quam primitùs ob defectum experientiæ vix ad unciam dimidiam porrigere audebant, deindè securissimè ad uncias duas fuit aucta, & per plures dies vel duas septimanas continuata. Illud verò præprimis mirari subit, quòd medicamenti hujus in tantâ & toties continuata dosi exhibitì actio sit insensibilis planè nec ullâ purgandi facultate, quàm in aliquot centenìs hominibus unica dosis convenienter divisâ facilè & sat potenter exereret, conspiciendam se præbeat, hòc solùm signò notanda, quòd equi probè depexi sordium copia multò major sit, quàm aliàs. Præter hanc in his oris factam experientiam & pulveris hujus usum plenius & ex professò descripsit Dominus de Solleysel in librò, cui titulus: *Le véritable parfait Mareschal* tum *passim alibi* tum in primis *cap. 85.* ubi & *cap. sequente*, quod obiter hìc noto, idem ferè proponit medicamentum sub salis polychresti nomine, quod pro Stomachico Poteriano commendavit Excell. Dn. D. Gabr. Clauderus *Ephemerid. Decad. II. Ann. IV. Observat. XXXIII.* **133**

OBSERVATIO CXLII.

D. ERNESTI SIGISMUNDI GRASSII.

Spinæ dorsi fractæ Chirurgia
crudelis.

Nobilis quidam Silesius, cùm in Hungariâ Superiori stipendia Equitis Cæsarei mereretur, infaustissimò casu ex equo factus, præceps spinam dorsi frangebat circa confinia lumborum. Castro Tockaviensi illatus consilii auxiliique inops, diu immobilis strato affixus te-

nebatur, succrescente tandem, spontaneò naturæ beneficio, callò sed informi & multum protuberante, adeòque nullò cum sanitatis emolumento, nec movendi potentiâ redeunte. Tandem se offerebat Hungarus quidam quadratus ex illis, quos Haiduccos appellant, Chirurgicam manum pollicitus, modò comites dolores animò constanti se toleraturum vicissim sponderet. Hic in ambiguò vitæ necisque constitutus, ac quidvis potiùs pati, quàm miseram adeò vitam ulterius vivere, paratus, facilè annuebat. Hinc ergò audacissimus ac truculentus Empiricus curæ sese accingere, victimam suam manibus pedibusque arreptam tabulæ imponendam, curare pronam, cineres ferventissimas ac multis prunarum particulis refertos cochleari ferreo excipere, dorso, ubi callus, inspergere, digitis violentis, quos ad temperandum prunarum miseri dorsum seminstulantium ardorem sæpius retrahere ac excutere cogeatur, cutem callumque subjectum omniniflu subagitare ad sanguinis usque largam eruptionem, dein fortissimum spiritum vini affundere & eandem cruentam manuum operam repetere, tandem ipse dorso pedibus insistere moleque suâ callum & spinam quater, donec finitâ hâc carnificinâ afflictissimus Æger strato pronus reponeretur. Quantis verò doloribus inter ejusmodi tormenta Æger fuerit excruciat, non est quod multis enarrem, cum res ipsa loquatur, felicitatis tamen, præconium promeritus, quòd incredibilis patientiæ suæ præmium tandem fuerit consecutus. Nam inter quotidianas torturæ hujus renovationes Pseudo-Chirurgus ille callum feliciter consumpsit, ac vertebrarum motum restituit, laceramque pellem barbitonsori alicui castrensi curandam tradidit, quâ post plurium septimanarum intercapedinem restitutâ & Nobilis iste Æger convaleuit & annis sâc multis superavit incolumis, ex cujus ipsisimò ore hæc leguntur narrata.

[*Ex Jauer Siles. A. 1688. d. 3. Januar. Augustam missa.*]

OBSERVATIO CXLIII.

D. CAROLI ÖHMB.

De

Flore ferri Stiriaci.

Lapidem nive candidiorem, in ramulos diversi generis ut plurimum expansum, sub floris ferri titulo ex Stiria deportari, multis rerum naturalium Scrutatoribus cognitum esse confido. Sed, an iisdem etiam exactior descriptio, & imprimis generandi modus innocuerit, dubitare me finit Autorum ferè omnium commune silentium, aut solius tantum nominis injecta mentio. Unde rem non ingratam me ipsis facturum arbitror, si, quæ sub qualicunque concreti hujus per investigatione observare licuit, in medium protulerò, aditum ad pleniorè naturæ, virtutisq; medicæ scientiam paraturus.

Patria ipsi est vicus in Superiori Stiria Austriæ confinis, *Eysen-Ertz* dictus, in cujus ferrifodinarum antris lapidum metallicorum superficiei adhærescens abundantissimo apparatu reperitur.

Figura externa varia est: ut plurimum ex massâ continuâ candidâ ramuli ejusdem coloris exsurgunt, qui nunc rudi formâ diversimodè inter se reflexi conspiciuntur, nunc certas rerum naturalium species æmulantes, aut corallii albi surculos, aut foliorum lacinias, aut molarium dentium protuberantias, aut recis tenuissimæ fibrillas mentiuntur. Interdum ramulorum locò, massa hæc basin constituens in strias excrevit magnitudine diversas, aut efflorescentiâ penitus destituitur, & glebam lapidis unicam, alabastro similem, repræsentat, modò Hæmatitis instar, aut mineræ Antimonii striatam, modò etiam arbusculis, quasi frigore concretis, pictam. Nec interior ejus structura semper eadem deprehenditur, sed pro-

propter varium particularum situm & connexionem maximè differens, hinc lapidem diversæ iterum speciei formans, nunc coloris exactè nivei, nunc ad argenteum vergentis, nunc consistentiâ solidissimum, nunc tractabiliorem & levi attractu friabilem, nunc opacum, nunc diaphanum, & ex quamplurimis crystallulis contiguïs coagmentatum, quemadmodum hoc omne ocularis inspectio significantius testatur, cujus vi-
eem in præsentiarum expleant, necesse est, Icones ad vivum factæ, quarum delineationem ex instructissimo suo paucis-
que aliis comparando Rarithecio benignè, ut solitus est, concessit Vir genere pariter, ac meritis in Rempublicam patriam Illustris, Dominus Johannes Sigismundus ab Haunold, Hæreditarius in Sacherwitz, Collegii Senatorii, quod Vratislaviæ floret, Senior primarius, & rei bellicæ Commissarius, Musarum Patronus nunquam satis de prædicandus.

Exhibet autem

Fig. LVI. Florem ferri eleganter ramosum, ramulis sub rudi forma dispersis.

Fig. LVII. Ramulos pedum manuumque figuram exprimentes.

Fig. LVIII. Molaris dentis speciem, Odontoidi Velschii in obs. Physic. Medicar. Hecatost. I. obs. 37, forsitan similem.

Fig. LIX. Florem in foliorum lacinias quasi dilatatum, coloris argentei.

Fig. LX. Stiriam floris hujus.

Fig. LXI. Glebam lapideam, cujus

Lit. A. Mineram ferri.

Lit. B. Texturam striatam fibris transversalibus coloris ferruginei interstinctam.

Lit. C. Arbusculas quasi frigore concretas denotat.

Fig. LXII. Florem ferri diaphanum, ex crystallulis contiguïs coagmentatum.

Gene-






Fig: 59.
pag: 296.



Fig: 58.




Fig: 57.



Fig:
62.









Fig: 61.
p. 296.



Fig: 60.



Generationis modum quod attinet, aliquoties jam ab amicis natali solo propius habitantibus significatum fuit florem huncce seu lapidem aquæ cujusdam petrificantis foetum esse, & ex eâdem per cavernarum parietes transudante coagulari. Quænam autem aquæ hujus origo sit, & unde concretionis vis dependeat, nuper admodum distinctius haurire contigit ex litteris à Nobilissimo, & de officiis publicis non minus acre Chymico-Physica meritissimo Viro Dn. Johanne Adamo Stampffer à Walschenberg Mense Septembri Ani M. DC. LXXXVII. exaratis; nempè venas Ferri dilatatas regi à Lapide calcario, Comite per totum montis jugum inseparabili, & hinc inde ad cacumen usque extenso, aquam verò pluvialem & nivalem à cortice terreno absorptam in tectum hoc calcarium ruere, & receptâ in sinum suum solubiliore calcis parte aptam reddi, ut subjacentes ferri venas penetrare, & in cavernas quascunque aëre libero pervias, destillata concrefcere possit. Prout autem varia est lapidis hujus forma externa, ita etiam, docentibus iisdem litteris, non ubique simili mechanicâ utitur in aquâ hac latitans natura formatrix. Si enim guttatim decidit latex hic coagulabilis fundum cavernæ crustâ primò obducitur continuâ, postmodum autem guttulis supra se invicem stillantibus in medio harum foramen seu ductulus relinquitur, per quem infrequentes aliæ guttæ, nunc sursum versus, nunc ad latera protrusæ in ramulos indurantur, & materiæ similis appositione tamdiu augentur, donec in fastigium quoddam acuminatæ ductuli porum occludant; sin verò idem latex majori impetu depluit, aut in fibras fossilibus vacuas effunditur, stiria generantur magnitudine diversæ, aut integræ glebæ lapideæ loco ambiendi proportionatæ. Cur autem quædam floris species diaphana sit, causam suspicor esse, quòd aqua per mæandros terræ, reliquos viæ longitudine superantes, aut certâ configuratione prædispositos filtrata quasi fuerit & æqualis reddita illi, quæ gemmis ortum præbet, alteri opaco-

rum parenti simplici, & à terrestritatibus superfluis magis libera.

Et hæc naturæ struentis conamina sunt; transeo ad artis producta, expositurus, quanam vel sub aquæ hujus petrificantis, vel ipsius lapidis petræfacti variâ tractatione conspicienda sese obtulerint phænomena.

1. Itaque Aquæ ex Stiria delatæ, claræ, & instar fontanæ limpida, odoris & saporis experti, gallas frustulatim incisas commiscui. Color hinc enatus est ferè aureus, à simplici gallarum infusione parum diversus.

2. Eandem aquam ex arenâ ad siccitatem usq; abstraxi peractâ destillatione, & Alembico à Cucurbitæ collo remoto odor graveolens quasi empyreumaticus nares ferit, remanente in fundo vasis materiâ furfuraceâ, insipidâ, levi, instar Talci resplendente.

3. Fragmentorum floris ferri ℥j. Retortæ vitreæ indidi, & excipulo applicato, clausisque juncturis arenæ igni commisi, prodiit sub initium vapor quidam roridus, concavum Retortæ colli obducens, qui tamen igne paululum auctiore facto iterum disparuit, nullo succedente alio vel vapore, vel liquore. Caput mortuum in fundo restitans candidum fuit, ut antea, sed friabile, odorem similem empyreumaticum spirans.

4. Eadem fragmenta, repetitâ opera ex arenâ destillavi, injecta aquæ præter propter unciâ unâ in Recipiens pro meliore vaporis concentratione. Aqua exinde odore & sapore imbuta est pariter empyreumatico, præter omne tamen salis spiculum, remanente in fundo Retortæ capite mortuo à præcedente nihil discrepante.

5. Floris in mortario lapideo pulverisati ℥ij, ad imitationem Becher. in supplement. 1. ad physic. subterræ. c. 2. oleo lini perfusus in globulos formavi, & Retortæ inditas igne sub finem fortissimè aucto, destillavi. Finitâ destillatione oleum in Recipiente offendi nigricans foetidissimum, materiâ quadam,

dam, oleo congelato non absimili, intermixtum, in aquâ tamen solubili. Globuli autem calorem cinereum contraxerant, quos repetitâ aquæ simplicis affusione tam diu lavavi, donec leviori parte absumptâ, gravius & ad nigredinem vergens sedimentum remaneret.

6. Sedimentum hoc siccatum magnete tentavi, eodemque hincinde circumducto pulvisculum extraxi verè ferreum, quantitate tamen exiguum, & ex integrâ sedimenti drachma, vix grani pondere gravem.

7. Floris ferri diversa frustula ignitione simplici calcinavi: Conversa sunt eadem in calcem maximè friabilem, colore â toto vix recedentem.

8. Alia ejusdem floris frustula candefacta, in aquâ simplici destillata extinxi. Calcem hæc dederunt prædicto non absimilem, solubiliore quâdam floris parte in aquâ relictâ, quæ post evaporationem iterum conspicua facta terram referebat albam, insipidam, calci in omnibus quam proximè accedentem.

9. Floris hujus calcinati & pulverisati portionem quandam assumsi, & diversis spiritibus acidis, è regno minerali petitis, injeci. Quilibet horum ingressum parare conabatur cum effervescentiâ frigidâ, sed impari solutionis successu. Aquafortis enim, & huic analogus spiritus Nitri compagem totam brevi temporis spatio discontinuabant, liquore remanente limpido & claro; ceteri verò, v. g. Spiritus Vitrioli, Sulphuris, & Salis, aliqualem saltem & poris suis proportionatam partem recipiebant, reliquâ intactâ relictâ, & ad fundum præcipitatâ.

10. Solutioni cum aquaforti adornatæ oleum Tartari per deliquium instillavi. Liquor exinde turbidus fastus nubes albescentes effingebat, quæ facto saturationis puncto confidebant, calcem post edulcorationem & exsiccationem flori crudo paulò asperiores referentes.

11. Eidem solutioni cum aliquali aquæ portione dilutæ gallarum frustula injeci, colorem Mixtura obtinuit non atramentosum quidem, sed tamen infusioni simplici gallarum, spiritu acido etiam acuata longè obscuriorem, cuticulâ, iridis instar, variegatâ liquoris superficiem regente.

12. Calcem ex solutione cum Spiritu Vitrioli factâ, & ex incuria præterque institutum in loco calidiori evaporatâ, residuam, aquâ simplici edulcorandam putavi, confectio-nem vitrioli artificialis tentaturus. Sed spe frustratus, ex li-quo-re ad medietatem usque exhalato, Sal collegi informe sa-poris acidiusculi, & ex parte amaricantis; Reliquum verò liquoris decantatum & ulterius evaporatum instar Tincturæ Martis nigrescebat sapore dotatum quodammodò adstrin-gente, & Sale specifico, terete, pili crassioris, seu setæ instar, semissem digiti non excedente, intermixtum.

13. Liquor hic residuus nigricans cum oleo Tartari per deliquium effervescebat, & sub reactionis actu odorem supe-rius Nō. 2. 3. 4. indigitatum, spirabat. Peraçto saturationis puncto sedimentum in fundum præcipitabatur, quod à liquore separatum & exsiccatum Tartarum vitriolatum æmulabatur, amaritie notabili prædictum.

14. Crystalli teretes Nō. 12. descriptæ in aquâ simplici solutæ liquorem constituebant acidiusculum; Hoc filtrato pulvis remanebat insipidus, cinereus, colore ferrugineo in-termixtus, qui magnetismo examinatus, nihil quod extrahi potuisset, habebat, per microscopium autem lustratus tex-turam præferebat, ex minutissimis Cylindrulis constantem nominato jam ferrugineo corpore, ochræ haud absimili, in-terstinctus.

15. Calx Nō. 12. nominata, post edulcorationem su-per chartâ filtratoriâ expansâ fornaci ab omni Martis inqui-namento libero ad exsiccandum reponebatur. Præterlapso aliquot horarum spatio eadem ad siccitatis statum deven-ta, colorem quidem nativum candidum contraxerat, sed char-
ca, in

ta, in locis, qui ambitum calcis hujus circum circa cingebant, colore atramentofo maculata cernebatur, vestigiis etiam in suppositâ alterâ apparentibus.

16. Absolutâ hac Calcinationis immersivæ specie, cum spiritibus mineralibus institutâ, placuit etiam ex regno vegetabili menstruum in partes vocare, & aceto destillato solutionem tentare. Hoc ipsum autem, ut nonnulla acida Mineralia solubiliorem tantum Calcis partem in se recipiebat, reliquâ intactâ relictâ, & ad fundum præcipitatâ. Solutio dulcescebat, cum insequente amaritie adstringente; & postquam eadem per aliquot septimanas neglecta stetisset, parsq; humiditatis superflue exhalasset, in orificio vasis continetis lanugo subalbida concreverat, ejusdem, cum solutione ipsâ, saporis.

17. A solutione deventum est ad sublimationem, quâ mediante ex lapide hoc pulverisato, & cum anaticâ portione Salis Ammoniaci remixto, flores producti sunt, colore croceo interspersi, odorem quodammodo sulphureum, instar florum Hæmatitis ammoniacalium, diffundentes.

18. His factis Antimonium flore ferri Martiale reddere conatus sum, & propterea Antimonii ʒj. in crucibulo fluenti floris pulverisati æquale pondus commiscui. Consortium primò respuere videbatur Antimonium, florem in superficie diu intactum relinquens; Sed igne ulterius aucto, ambo hæc corpora in unum quoddam coalescebant, cavernosum quasi & maximè nigricans, quo pulverisato, & cum triplo nitri detonato calcem obtinui coloris sublutei, ab antimonio martiali multum recedente.

19. Florem etiam huncce, cum duplâ parte Borracis mistum anemix igni commisi, crucibulum tegendo, & ignem sat diu conservando: verum nec regulini corporis aliquid, nec vitrum consecutus sum, sed scorias albas friabiles, in superficie nonnihil pellucidi, albidi, forsân Borra-

cis particulæ à reliquâ Massâ separatæ & vitrificatæ habentes.

20. Tandem solutioni vitrioli frustula floris injicere volui præcipationem Cupri moliturus. Turbatur quidem solutio ochra copiosè ad fundum vasis, ipsiusque floris latera præcipitatâ, sed nihil corporalis metalli observare licuit. Interim ochra hæc flori præcipitanti adeò arctè combinabatur ut eidem etiam juncta in Aquaforti solveretur, alias sola vel in hoc vel in alio stagmate minerali acido agrè solubilis.

Ex quibus prælibatis omnibus exploratius jam patescere opinor substantiam lapidis hujus, sub floris ferri nomine venditæ, esse lapidem calcarium, ex aquâ in aëre libero petrefactum. Nam præter generandi modum superius recensitum, ipsiusque calcis ad lapidescendum aptitudinem, quam post *Helmont. d. Lithias. c. 3. & de febr. c. 9.* crystalli diaphanæ ex aquâ post elixationem calcis vivæ cornu cervi calcinantis residuâ, collectæ, *d. qu. vid. Vigan. in medull. Chym. p. m. 44.* lapisque in latomia calcaria Silesiacâ, ante aliquot annos concretus, in Museo nostro adhuc reperibilis, probabilem satis reddunt, experimenta ad unum ferè omnia hoc evincunt, utpote cognationem non proletariam cum iis habentia, quæ sub examine calcis vivæ annotavit beatus *Ludovici, in Miscellan. horum Decur. I. Ann. VI. & VII. Obs. 244.* legenda. Quid enim amarities adstrictoria, cujus Nō. 13. 14. mentio facta fuit, aliud innuit, quam vestigium nitrositatis salinæ in calce reperibilis? Quid odor graveolens quasi empyreumaticus Nō. 2. 3. 4. 13. indigitatus, nisi progenies partium combustibilium cum salinis in eodem calcis saxo sociatarum? Quid sedimentum furfuraceum Nō. 2. memoratum, quam analogum quid materiæ floccosæ, foliatæ, griseæ post elixationem saxi calcarii & insequentem evaporationem relictæ? Quid sapor denique pseudo-sacharinus solutionis cum aceto factæ, salisque Nō. 16. descripti, & ochra per Microscopium Nō. 14. lustra-

lustrata, quam calcem itidem, vel in aëre libero fatiscen-
tem, vel maculis croci instar metallici rubiginosi intersper-
sum æmulantia phænomena? Ut solutiones, præcipitatio-
nes & calcinationes reliquas sicco pede præteream, utpote
tam evidentis cum calce communi similitudinis, ut vel ex
his solis asserti hujus veritas elucescere videatur. Quod au-
tem lapis hic calcarius, floris nostri communiter sic dicti pri-
marium constitutivum non omni prorsus metallo destitua-
tur, unà cum atomis ferreis magnete Nō. 6. extractis, color
post immisionem gallarum factus obscurior Nō. 11. & alius
planè atramentosus Nō. 15. floresque ammoniacales Nō. 17.
colore & odore croceo imbuti haud difficulter demonstrant,
non obstante quod propter metalli exiguam præsentiam, &
ab interjacentibus calcis particulis impeditam fusionem, nec
Antimonii corpus Nō. 16. nec vitrum ex Borrace fustum Nō.
17. solitam Tincturam contraxerint.

Et sic perspectis lapidis nostri partibus integrantibus, fa-
cile in eorum descendimus sententiam, qui præeuntibus
magni nominis Medicis v. g. *Hæffer. in Hercul. Medic. lib. 3.
cap. 5. pag. 169. & Velsch. in Observat. Physic. Medic. Hecatoft.
1. Observat. 37.* floris hujus usum internum minimè reformi-
dant, sed in quocunque sanguinis fluxu, maximè dysente-
rico, ad eundem tanquam ad sacram Anchoram confugiunt.
Cum enim calcis particulæ, per diversam sitûs & connexio-
nis mutationem, primò in aquæ pluvialis aut nivalis solu-
tione, postmodum autem in iteratâ coagulatione, adeò in-
versæ fuerint, ut causticam omnem, antea suspectam, indo-
lem deposuerint, non tantum non corpori exitiales esse po-
terunt, sed potius propter texturam novam, præcipitantium
mineralium configurationi simillimam, & aliqualem martis
admixturem ad imbibenda sâlia, in ejusmodi fluxionibus
praternaturalibus excessivè peccantia, aptissimæ. Cui acce-
dit, quod post ejusdem floris præparati aut calcinati ꝑss. ad
ꝑij. pro ratione ætatis exhibitos eventus plerumque fortu-
natus

natus secutus fuerit, teste eodem superius citato *Velfchio*, propriâque experienciâ, anno præterito in quamplurimis dysenteria epidemicâ laborantibus, confirmatâ. An autem specifica quædam virtus lapidi huic inhæreat, determinare non audeo, contentus facultate ejus absorbente, invertente & attemperante, reliquis, pro consimili scopo in usum vocatis æquali, si non superiore.

[A. 1688. 1. Januar. Vratislaviâ Norimbergam missa.]

OBSERVATIO CXLIV.

D. EHRENFRIIDI HAGENDORNII.

Quartana pediluvio sanata.

PEdibus cum universi corporis machina multum intercedere affinitatis, norunt illi, qui adminiculante Anatomia, artificiosam eorundem structuram, atque articularum, venarum, nervorumque in eorum extremitatibus terminum, recursumque intimius cognitum habent. Hinc & veteribus in more positum fuit in certi generis morbis pharmaca pedibus applicare, ceu in deliriis, cephalalgia, mania, febribus malignis, tussi aliisque compluribus affectibus, de quibus Autores Medici uberius consuli possunt, Ut latius hîc non excurram, atque in favorem consensus hujus plura conquirere videar argumenta, lubet assertionem hancce meam sequente historiâ practicâ roborare. Literatus quidam, declinante Autumno, ante annos non ita multos *Quartana* paroxysmis semel, iterum, tertium corripitur. Medicinæ impatiens ob negotia domi forisque expedienda, idoneum sibi, febrisque amoliendæ specificum polcit remedium. In mentem venit egregius ille, multoque sale conditus tractatus de Sale *D. Sophronii Kozakii*, quò cap. 10. Sect. 12. p. m. 54. proficitur, omnia symptomata febrilia mirè abbreviari.

viari, si horâ una alteraque ante accessionem pedes febricitantis in lixivium tepidum immerferis, immerfosque in eodem custodieris, hacque methodo plures quartanas difficiles à se curatas fuisse, celebratâ pariter V.S., additâ quoque in rei fidem ratione, quòd in pedibus quiescant intermittentium morborum seminaria; itemque p. 33. pergit asserendo, quòd semen febris in extremitate venarum vix ad drachmam unam, imò grani unius tantum ponderis invenire liceat. Hinc optimi auctoris vestigia secutus pediluvium ex herbis quibusdam antifebricitis cum Alumine, Sale &c. in lixivio communi coquendis, diebus intercalaribus circa vesperam, diebus autem paroxysmi instante mox rigore, utendum. Quid fit? pediluvium hocce talis fuit energiae, ut intra octiduum penitus penitusque cessaret paroxysmus, secutò semper à pediluvii hujus usu sudore copioso. Quare nil nisi optimo diætæ regimine hic quartanæ candidatus amplius usus absque recidivæ sequela convaluit. Idem se cum successu quoque aliquoties fecisse, pedes nempe in rigoris accessione in lixivium calidum immittendo, affirmat Exc. D. D. Wedelius in *Pharmac. Acroamat. l. 3. Sect. 2. c. 7. p. m. 352.*

OBSERVATIO CXLV.

D. EHRENFRIIDI HAGENDORNII.

Nonagenaria menstruata.

Sexus sequioris proprium quasi est, ut à pubertatis annis ad senectæ incipientis annos, singulis mensibus, nisi vel morbus quidam obstet, vel uterò gerant, fluxum mensium patiantur ordinarium. Videas tamen hunc Naturæ ordinem non rarò vel anticipando, vel postponendo inverti; ita, ut vel *quadrime* puellæ, notante *Tulpio Obs. Med. l. 3. c. 36. p. m. 255.* vel *sexennes*, observante D. D. Wedelio Anno V. Dec. II. *Ephemerid. Germ. Obs. 77. p. m. 184.* vel Dec. II. *Annus VI.*

Qq

unde-

undecennes, ex observatione Timai à Guldenslee *Cas. Med. l. 4. cas. 13. p. m. 211.* ab eodem non sint immunes. In vetulis, tumulo licet proximis, pariter hunc naturæ lulum aliquando observare liser, dùm nonnullæ ad sexagesimum usque, quod ego notavi, quædam ad septuagesimum, aliæ ad octuagesimum ætatis annum, lunare hoc tributum solvere coguntur: Cujusmodi exempla apud *Fabric. Hildanum Centur. 11. obs. 61. p. m. 135. Th. Bartholinum Hist. Anatom. Centur. III. hist. 90. p. m. 183. 4. itemq; in ejusdem Epist. Med. Cent. 11. epist. 86. 7. p. m. 499. & Centur. IV. epist. 87. p. m. 498. Timæum à Guldenslee in Cas. Med. lib. 4. cas. 14. p. m. 214. Levinum Lemnium de occult. nat. mirac. class. 4. c. 24. p. m. 706.* aliosq; complures legi possunt. Admiracione autem non caret, tanquàm historia inter rariores rarissima, quæ sequitur.

Vixit hîc loci matrona quædam non infimæ conditionis, juvenilibus annis bis maritata, hinc ad mortis usque articulum vidua. Huic optimus DEUS id naturæ robur concesserat; ut maximam ætatis partem sine morborum insultibus libera agere posset, quæ vellet: instructa quoque eâ valetudinis integritate, viscerumque benignitate, ut porum, licet frigidissimum, cibosque difficillimæ concoctionis sine noxa & assumere, & perferre valeret, præterquàm quòd circa annum ætatis nonagesimum de quadam visus obscuritate, & languore conqueri cœpisset. Annum ætatis nonagesimum secundum supergressa nihil tale cogitans, iisdem per quadraginta circiter annos silentibus, perinde ac juvenula succi plena, experitur menses statò tempore fluentes, primò quidem sibi, aliisque formidine aliquâ inde incusâ, postea verò, cùm nihil detrimenti inde sentiret, DEI arbitrio, naturæque extraordinariè sic ludentis cursui, re totâ commissâ. Continuante sic fluore hoc menstruo per anni spatium, tandem is imminui, imò sensim sensimq; evanescere cœpit, subsequente postmodum omnimodâ visus privatione, non sine cordolio & lacrymis cognatorum, succedente unâ febrili quodam calore

calore cum aliis symptomatibus conjuncto, usque dum viribus fracta, vitæque & annorum, quos quatuor supra nonaginta numerabat, satura, Anno 1686. d. 7. Febr. animam Deo redderet.

OBSERVATIO CXLVI.

D. EHRENFRIIDI HAGENDORNII.

Massa Pilularum Ruffi Odontalgica.

EGregiæ & compositionis & utilitatis esse *Pilulas* illas ab inventore *Ruffo* antipestilenciales dictas, hincq; in Pharmacopolia translatas, vel me tacente non ignorabunt Medici practici. Basin debent suam Aloe, ingredientibus pariter compositionem gummate Ammoniaco, myrrha, & succo limonum, à veteribus pro antipestifero medicamine commendatæ, nec à modernis fastiditæ. Quæ ipsæ pilulæ præter dotes alias, quas largiter possident, & hoc habent commodi, ut dolores dentium etiam acerbissimos mirè sopiant, & cum applausu ægrotantium usurpentur. Utendi autem modus hic est: solvuntur vel aliquot pilulæ, vel certa quædam pars massæ in aceto vini, liquorem solutum cum gossypio denti doloroso applicant, unde quanto citius levamen non exiguum percipitur, experimento tum in aliis, tum in me ipso plus vice simplici factò. Et hæc *massa pilularum Ruffi* ingreditur quoque massam illam Odontalgicam à D. D. Bernhardo de Berniz in fasciculo II. Medd. singular. Tit. X. p. 77. Anno VI. Ephem. Germ. annexo, literis consignatam, quæ sic componitur: R. Vitrioli usti ʒj. Opii correct. ʒij. Cortic. mandragor. Ol. philosophor. aa. ʒss. *Massa pilul. Ruffi q. s. pro consistentia.* Fiat massa.

[*Gorlicio Noribergam 4. Jan. 1688. missa.*]

OBSERVATIO CXLVII.

D. JOH. BENEDICTI GRÜNDELII.

Ex casu omnimoda memoriæ abolitio, remanente tamen intellectu in suo vigore.

Profocer meus, Dominus Joannes Kalhamer de Rauhach, dum Anno 1658. in Novembri Græcium proficisceretur, unâ cum curru, in quo sedebat, violento motu dejicitur, ubi cistula quædam non adeo gravis supra occiput ejus cecidit, & quanquam neque ulla cutis læsio, neque acutus aliquis dolor fuerit animadversus, protinus tamen tanta rerum inducta est oblivio, ut neque locum, quo proficisceretur, neque negotia ibidem peragenda sciret amplius, hinc filium suum, de facto meum socerum de hisce sæpius interrogavit, & quamvis ad eandem quæstionem ultra sexies responsum acceperit, rursus tamen ejusdem immediate oblitus est: Verbo, ignoravit viam, in qua, & locum, ad quem pergeret, item diem hebdomadis, jentaculum sumptum, nomen suorum amicorum, imò & ipsius Augustissimi Cæsaris, & omnia alia, quæ tamen prius fuerunt notissima. Has igitur inter misérias constitutus socerum meum ità alloquitur: *Vides mi fili miserabilem meum statum, terrena enim omnia ex me ceciderunt memoria, ut præter meum nomen, uxoris, & liberorum meorum nihil sciam amplius, similiter de cælestibus mihi factum est, quorum omnis notitia, exceptâ sanctissimâ Trinitate, mihi pariter deleta est.* Postea flexis genibus in publico campo hæc verba profert: *O immensa & Sanctissima Trinitas! Tibi gratias refero maximas, quòd in tanta rerum oblivione te adhuc possim agnoscere, tuumq; implorare auxilium: Te itaq; æternum Patrem, Filium, & Spiritum Sanctum*

etum profiteor, & profitebor usq; ad vita exitum; Unicum adhuc superest: Miserere. Socero interim meo ex commiseratione lachrymanti, & reditum ad lares suos pro congrua cura instituenda suadenti obedit tandem, & cum vix mediâ horâ in curru ob viam valde saxosam fuisset hinc & inde agitatatus, subito exclamat: Latere mi Fili, ex hoc instanti, rerum omnium rursus recorder, ecce negotium meum Gracii peragendum est apud hoc tribunal, advocatus talis &c. Dum itaque ex omni parte melius se haberet, neque ullum capitis dolorem sentiret, inchoatum iter, versus Gracium rursus continuavit, & etiam salvus & incolumis eò venit, existimans, humorem aliquem in partibus cerebelli fuisse extravasatum, & tandem ope agitationis iterum discussum, unde tam subitaneum levamen. Vitam postmodum ulteriorem absque ulla memoriæ & intellectus debilitate feliciter peregit, donec tandem ferè septuagesimum annum complens, ex marasmo senili, & accedente insuper fluxu hepatico, usq; ad ultimum quadrantem optimè sibi præsens, piè in Domino obierit.

OBSERVATIO CXLVIII.

D. JOH. BENEDICTI GRÜNDELII.

Febres intermittentes Epidemicæ

Anni 1687.

MOrbi, quibus nostra Styria hoc anno fuit divexata, copiosiores se insinuabant in Septembri, quo tempore adeò grassabantur, ut solummodò Gracii in metropoli ultra 4000. ægrotorum ex Medicorum calculo simul & semel numerarentur, laborabant autem plurimi febribus intermittentibus, spuriiis vulgò dictis, pauci continuis, paucissimi verò aliis morbis, qui tamen affectus

tam benigni erant, ut rarissimè mortem induxerint. Cura intermittentium consistebat in purgationibus, & venæ sectionibus in principio morbi administratis, imò observatum est, plurimos solis cathartici ab initio datis fuisse curatos, & è contrà illis omissis diuturno tempore decubuisse, cum tamen alioquin in hisce, præsertim in Austriacis locis Medicus debeat cautè procedere in medicamentis electivè purgantibus, & illud Hippocratis bene considerare, *Seç. 1. Aphor. 22. Concocta medicari oportet, non cruda, neq; in principis morborum &c.* aliàs intermittentes degenerant pessimâ metamorphosi in continuas, quales lethiferas tragœdias aliquoties Viennæ contigisse ipsemet attestari possum. Causam hujus affectûs Epidemici nonnulli nimix fertilitati terræ, alii verò aëri à suo naturali statu recedenti adscripserunt; non quidem inficias eo, annum istum fuisse fertilissimum, nam vinum in tanta copia suppeditavit inferioribus Styriæ partibus Bacchum, ut vasa deficerent, & vindemiæ ex eorum defectu protraherentur: similiter Pomona adeò liberalis fuit, ut multas arbores ex nimio fructuum pondere fractas viderim; imò & ipsum Regnum animale suum quoque addidit: Novi ipsemet prolificum & pauperem rusticum, qui mortuâ in puerperio uxore, & nullam aliam hæreditatem præter trigeminos relinquirente, coactus fuit eleemosynas colligere, pro nutritione suarum prolium. Verùm huic fertilitati terræ tam copiosas febres non mihi præsumo adscribere, dum multos observavi febricitantes, qui nec delibârunt arborum delicias, è contrà verò plurimos quotidie hos fructus in magnacopia devorantes, & tamen à febribus immunes; hinc potius calculum do pluviosæ aëris constitutioni, à qua cacochymici humores fusi & exagitati, similesque morbi inducti, de quibus Hippocrates *Seç. 3. Aph. 11. & alibi* videndus.

[A. 1688. 13. Jan. Noribergam missa.]

OBSERVATIO CXLIX.

D. CHRISTIANI LUDOVICI GÖCKELII,

De

Paralyfi intentata incurabili.

Vitam & motum pari passu ambulare nemo ex Medicorum filiis ignorat. Hæc motu incipit, servatur motu, quò sive in totum interceptò, sive in tantum vita vel esse desinit, vel ducitur misera. Motum hunc in homine habemus duplicem, uti & in animalibus cæteris, à corde alterum, alterum à cerebrò dependentem, utrique spiritu elatere præside. Motus hic diversus equidem, non tamen sibi invicem contrarius observatur, conspirat amicè nec absque notabili machinæ corporeæ jacturâ divellitur; & ille tamen suos quandoque manes patitur, vitiò seu in movente, seu mobili, seu organis hærente. Quò propior igitur vitæ cum motu nexus est, eò citiorem remora hujus opem postulat, secus serò medicina paratur. Superfedemus jam enarrare anomalias motus primi, qui in massâ sanguineâ radicatur, totque periculis obnoxius est, quot venis gaudet pylarumque, quas pertransit, anfractibus. Sufficiat secundi meminisse ob excellentiam animalis dicti, ejusque symptoma peculiare brevi delineasse manu. Vir quadragenario major temperamenti corporis cholericæ, habitûs macilenti, restionis exercens opificium, ab aliquot annis ingruentis vestigia scorbuti sentit, salivam fælugine plenam, sitim immodicam, molestum cutis pruritus, sudores nocturnos & id genus alia scorbuticis familiaria perpeffus. Opificio suo quamdiu præcise valet remedia detrectat. Elapsum abhinc triennium, quò vesicæ in reddenda & retinenda urina subitanea accessit imbecillitas, secuta alvi pigrities, dolores ob quatrduanam sæpius obstructionem colicos pariens, hinc & pedes vacillârunt.

ut

ut absque scipione socio vix ac ne vix quidem incedere potuerit gressu tremulo. A sessione lumborum & ischiadis pandiculatione irritam quamvis crurum extensionem sollicitat. Forte fortuna in empyrici tum manus incidit, cujus nescio, quibus malè feriatis remediis tentabatur successu tam felici, ut imminens in consistentem verteretur paralyfin inferioris, ut ita loquar, hemisphærii, planè incurabilem. Denegatô si quidem spirituum influxu nervi exhausti & tantum non retorridi vivum quoad inferiora sceleton exhibent.

OBSERVATIO CL.

D. CHRISTIANI LUDOVICI GÖCKELII,

De

Virtute plasticâ fœminæ in utero gerentis.

PLura adhuc sunt, majoris, quàm primâ fronte putes; momenti, de quibus in Schola Medica opinionum serra reciprocatur, quorum tamen ignorantia ex objecti maximè culpa oriunda à scrutinio neminem deterreat. Gratulemur nobis nostroque seculo de tanta potiùs inventorum serie, neque de successu in rebus adhuc arduis desperemus. Ardua namque quæ pulchra, semper dies aliquid docet, ex collatis exemplis, observationibus, uno verbo τὰ ὄντι, affulget demùm ratio, seu τὸ δέον, veritus. Omnium oculis absconsa generatio fœtus in utero est, conjecturis plena, inque ipso scrutinio attonitè miranda. In hâc suo quicquid ordine procedit & artificio plus quàm Dædaleo fabricatur. Perfectum opus partu editum videmus singuli, artificem, saltem proximum nescimus, nec nisi per transennam perspicimus. Embryo quamdiu in ergastulo suo fovetur, munimentis undique circumvallatus periculis minus exponi cernitur. Vivit vitam matris

matris potius, quàm suam, uno duobus sanguine uno utrique velificante spiritu, ut immediatè haud facili lædi queat, quamquam matris in se delicta fœtus innocens non rarò recipere cogatur. Testes omni exceptione majores sisto morbos, quos vocant, hæreditarios; mitto intemperiei & conformationis, ceu notiores; rarior est, qualem producimus, solutæ unitatis imaginatione plasticâ embryoni affrictus. Gravida quatuor ultramenses templum conscendit, tumulum, cui ossa Matronæ Nobilis inferenda erant, cum mulierculis curiosis aliis visitatura. Adstans incidit in statuam Salvatoris crucifixi humi jacentem vulnusque insculptum lateri & cum sanguine emanante affabrè depictum defixis oculis contrectat, ut à foeminis, quas comites habebat, abstrahenda esset. Puerperium destinatò tempore instat, filium enititur vulnere sub pectore quasi studiò inflictò conspicuum, quod sanguinem lymphaticò humore mixtum (*als ein Fleischwasser*) stillabat, elapsis aliquot demùm hebdomadibus consolidato. Quis quæso manum, vel instrumentum pro dividenda cute in utero materno præsumat, nisi ridiculè, modus interim uti suas adhuc patitur difficultates, ita ab immaturis nunc proferendis rationibus abstinèo, ingeniosioribus Curiosorum animis relictâ hujus indagine, quorum si quis suam hâc in re Minervam experiri sustinebit, in sinum gaudebo.

OBSERVATIO CLI.

D. CHRISTIANI LUDOVICI GÖCKELII,

De

Excoriatione fœtus in utero.

OB affinitatem materiæ operæ pretium erit gravidam adducere aliam, quæ binos ante puerperium menses tertiana exquisita laborabat, curata per DEI gratiam feliciter, justò tempore puellam peperit cum cuticulâ.

Dec. II. Annus VI.

R r

totâ

totâ pustulosâ, quam paulò post plenaria velut excoriatio ex-
cepit haud secus ac si fervidâ macerata esset cutis. Vita pu-
sionis ob *âemâdeuv* totius periclitabatur, quam oleosis, in spe-
cie autem oleô lini tepesactô iteratis demulcendam vicibus
suasi, constipatis ita & oblititis poris cuticula regenerabatur
infante ad ravim usque per aliquot dies noctesque inclaman-
te præter spem superstite. Symptomatis hujus causâ extra-
dubium fuit humorum, quæ embryo innatavit, fervor à ca-
lore febrili excitatus, cuticulam ante tempus solitum depa-
scens, quæ, ceu mulieres nörunt, partitis aliàs à partu vicibus
secedere consuevit, (*wenn die Kinder sich häuten*) cui facilitan-
do quotidianâ corpusculi inunctione hisce terris succurrunt.
Cæterum pater infanti nomen & omen dedisse videtur, voca-
tur enim *Brucheißner* unde Criticus, quò vernaculâ in linguâ
luderet, inveniret, ita nota in vulgus sunt vocabula, *brühen*
brueheiß / quare sub finem seriis miscendo jocosa liceat jocari,
dieses Kind ist gebrühet auf die Welt kommen.

[1688. d. 13. Jan. Norimbergam missæ.]

OBSERVATIO CLII.

D. JOH. JACOBI WALDSCHMIDII,

Paracentesis hydropica.

QUamvis decantata illa Paracentesis, quam in asciti-
cicis commendant Practici, rariùs pro voto succedat,
aut messem, semente illâ, dignam ferat, cogimur ta-
men subindè, eam in gratiam ægrotantis, & ne quid
omissile videamur, eam nolentes volentes instituere. For-
mina, quinquaginta, & quod excurrit, annorum, tertianâ du-
plici confecta, tandem incidit in ascitem, varia variorum ex-
consiliis adhibita eludentem remedia. Ultimum in intem-
pestâ illâ tempestate & microcosmi inundatione refugium
quærebatur in Paracentesi, quâ in cubili ventis expositô, &
ad

ad hoc quidem negotium inidoneo peractâ, novam reconva-
lescentiæ recuperavit spem, cum jam melius habere videretur.
Verum spes hæc vix inchoata, exspiravit ocyus, supervenien-
te inopinato rigore, cum ardore, inflammatione & intensissi-
mo imi ventris, præsertim circa pubem, dolore, quibus cum
per sex vel septem dies conflictaretur, tandem fatis cessit.
Quæri hic solet, quæ gangrænæ hujus sit causa? Sunt, qui ad
pororum antea distentorum, ob feri effluxum collapsum re-
currunt. Verum cum jam antè pori ad unum ferè omnes
tum in intestinis, tum in abdominis musculis sint obstructi,
quid illa abdominis subsidentia nocere possit, vix capio.
Quapropter omnem ego culpam rejicio in aërem, qui, dum
serum effluit, eodem tempore, qua datur via, ingreditur,
(vacuum enim non dari, nec dari posse, ex Physica generali
constat) & funesta hæc ludit dramata; quippe cum paucio-
ris minorisquæ agitationis capaces in concava ventris parte
tunc oberrent vapores, particulæ aëris vi suâ elasticâ partes
membranosas, fibras & tubulos ita occupant, ut nec humo-
ribus, nec vaporibus ullus amplius concedatur transitus, solô
æthere, vel si mavis. minimis aëris particulis admissis, quæ ful-
minis instar, rigida illa salia, in poris tunicarum hærentia, con-
vellunt, concutunt atque exagitant, hisquæ armatæ, inflam-
mationem, dolorem, atque gangrænosam putrilaginem pro-
ducunt, id quod pluribus experimentis ope anthliæ pneuma-
ticæ, ad probandam vim aëris elasticam à me sæpius institutis,
illustrare possem, si locus & tempus id ferrent. Unde suspicari
licet, ægrotanti admodum proficuum fore, si tum ante, tum
post peractam operationem, fortiora diaphoretica, fumosa, &
vi agitatoria prædita, exhibeantur remedia, qualia sunt, Salia
volatilia oleosa, Camphora, Theriaca, Vinum generosum &c.
ut in locum feri effluentis, halitus è ventriculo & intestinis vi-
cinisquæ partibus suppeditentur, ipsequæ aër vel non admittatur,
vel admissus ob renitentiam quandam fluidorum, vim suam
elasticam exercere nequeat.

OBSERVATIO CLIII.

D. JOH. JACOBI WALDSCHMIDII.
Anatome aquis submerforum.

HActenus creditum fuit, aquis submersos, multum aquæ deglutire, eamque per tracheam quoque admittere, atque tales ex repletione mori. Verum, si attendere velimus, quid in campanâ urinatoriâ, in aquam immersâ contingat, vix ultra marginem aquam admittente, facile erit determinare, aquis submersos, non ex aquarum mole, sed ob aëris defectum extinguï, nam cessante respiratione, cessat sanguinis in circulum itus, ipsa autem respiratione vel in momento sufflaminatur, cum nec aër egredi, nec aqua ingredi possit, hinc in submersis ne guttulam quidem aquæ in ventriculo aut in thorace reperire unquam licuit.

OBSERVATIO CLIV.

D. JOH. JACOBI WALDSCHMIDII.
Opïi dosis insufficiens nocet.

Qui Opium exhibent, illud in ea dare debent dosi, ne vis somnifera à spirituum motu penitus superetur: vidi enim, quod ægrotantes tunc gravius affligantur, ipsique spiritus ab inquietudine magis depauperentur, vigiliæ & delirium augeantur, & sitis intendatur. Observandum id præcipuè erit in Tincturis Opïi; dantur enim, quæ intra amplissimum ambitum dotem suam continent, dantur admodum concentratæ & quæ sub paucis guttulis illud promittunt, quod aliæ drachmis pollicentur. Sic Tinctura Opïi sive Essentia anodyna *Zuvölfferi* datur à 3j. ad 3iij, cum *Sydenhamiana* à guttulis vij. ad xv. vel xx, si non meliori saltē pari detur successu.

OBSER.

OBSERVATIO CLV.

D. JOH. JACOBI WALDSCHMIDII.

Tumor mammae scirrhusus.

Puerpera exposuit se aëri frigidiori, atque inde, non quidem adeò dolentem, sed ad contactum admodum durum contraxit in mamma tumorem. Tentabantur varia, inter quæ cataplasma ex pane fecalino & essentia absinthii, benè tulit; verum, cum & hoc expectationi minus satisfaceret, tandem impositum fuit emplastrum cinnabarinum, ex cera, cinnabari, & oleo lini paratum, quod ad lac absumentum, & coagulatum dissolvendum, vix par habebit, nam & hoc aliquandiu adhibitò, tumor in totum disparuit.

[1688. Mens. Januar. Noribergam missa.]

OBSERVATIO CLVI.

D. GOTTOFREDI SCHULTZII,

De

Eclipsi Solis, quæ contigit Vratislaviæ

1687. d. $\frac{1}{11}$. Maji.

Non postremam scientiæ physiciæ partem constituunt ea, quæ de coelestium corporum admirandis motibus, & ex his emergentibus variis apparentiis divina nobis Astronomia subministrat. Inde neutiquam vitio verti posse Curiosis Naturæ Scrutatoribus arbitror, si, ex uberrimo ejus penu sublunari depromtis jucundissimis observationibus, subinde unam alteramve coelestium Phænomenorum, ad majorem nobilissimæ istius scientiæ perfectionem

nem momentum aliquod afferentium, historiam interferrant. Equarum numero cum etiam præsentem nuperrimæ Eclipsæ Solaris, quæ die $\frac{1}{17}$ Maji horis pomeridianis accidit, observationem esse confidam, lubens eam hic communico. Idque eò magis, quod sciam hunc Solis defectum non solum ab iis, qui ab *Andrea Argoli* Ephemeridibus toti pendent; sed etiam ab aliis, *Longomontani Danicas*, *Bullialdi Philolaicas*, & *Lansbergii* novas Tabulas æstimantibus Astronomis, Germaniæ nostræ invisibilem prædictum, adeoque à plerisque neglectum esse. Quin ipsæ etiam immortalī laude dignissimi *Kepleri Rudolphinæ Tabulæ* (si eis pressè insistas,) non nisi in australioribus Germaniæ Provinciis quædam ejus vestigia conspicua fore spondebant; nobis, aliisque, qui eam Germaniæ partem, quæ sô Latitudinis boreæ superat, habitamus, nihil omnino spei reliquum faciebant, quoniam Eadem latitudinem hancce ferè limitem Umbræ lunari versus septentrionalem plagam in hâc Eclipsi constituebant. At vero longè aliter evenisse præsens hæc observatio testatur, utpote quâ constat, sesquidigitum ex disco solari nostro visui ereptum fuisse: nullumque est dubium, quin obscurationis hujus vestigia quædam etiam in iis Germaniæ Provinciis, quas Mare Balthicum alluit, deprehensa sint, si modo (de quo mihi adhuc dum nihil constat,) eidem attendere alicui volupe fuit.

Quantum vero commodi ad emendandas Hypotheses ex talismodi observationibus, (merito propterea publicandis,) accedere queat, rectius norunt Astronomi, quàm ut quicquam hâc de re hic addere opus sit. Meum est observationem ipsam, ope Quadrantis cubitalis & Tubi tripedalis habitam, nunc subjicere.

Ordo Phasiū.	Quātitas Phasium.	Tempus æstimatū	Altitudi- nes Solis.	Tempus correctū.	Animadverten- da.
	Digiti Ec- liptici.	^h / //	^o /	^h / //	
		2 36 10	44 58	2 34 46	Initium non est obser- vatum, quòd serò ni- mis in speculam ad- scenderim,
		2 42 35	44 10	2 40 44	
		2 45 20	43 42	2 44 12	
	$1\frac{1}{6}$	2 58 0		2 56 30	æstimativè.
1.	$1\frac{1}{3}$	3 5 30		3 4 0	
2.	$2\frac{1}{2}$	3 14 0		3 12 30	
					Maxima Obscuratio paullo citius ingruit, vix tamen $1\frac{1}{2}$ D. ma- ior fuit,
3.	$1\frac{1}{4}$	3 16 10		3 14 40	æstimativè.
	1	3 20 0		3 18 30	
	1	3 22 0		3 20 30	
4.	$0\frac{3}{4}$	3 28 0		3 26 30	æstimativè.
5.	$0\frac{1}{2}$	3 30 0		3 28 30	
6.	$0\frac{1}{2}$	3 33 30		3 32 0	
7.	$0\frac{1}{2}$	3 36 30		3 35 0	Finis punctū in tabulâ observatoriâ distat ortum versus 85. grad.
	Finis.	3 38 30		3 37 0	

Cæterum, monendum esse puto, me initium Eclipses non observasse, ideo, quòd serius justò Cameram obscuram ingressus fuerim, socio in talibus exercitato, qui, dum ego altitudines sub dio captabam, in illâ soli attendisset, destitutus: deinde eas saltim Phases numeratas, ac in schemate delineatas esse, quas ope trium punctorum, in umbræ peripheria notatorum, certò determinare licuit: reliquas solo oculorum iudicio æstimativè captas esse. Proportionem Diametrorum Solis

Solis & Lunæ in hâc exiguâ Eclipsi determinare minimè tutum esse duxi, siquidem arcus peripheriæ Lunarîs nimis parvus de vero centro certos nos neutiquam esse finit. Quod vero finitâ Eclipsi nulla Solis Altitudo, prout decuisset, capta sit, causa fuit motus Horologii oscillatorii, ab incidente quodam externo me, dum Quadranti accommodando intentus eram, non advertente, inhibitus.

Fig. LXIII.

OBSERVATIO CLVII.
D. GOTTOFREDI SCHULTZII,

De

Ranunculo viridi arboreo.

QUamvis ab omni ferè ævo in perficiendâ naturali Animalium Historiâ hujus Philosophiæ cultores sedulam navaverint operam, à magnis Regibus ad id quandoque instigati, quod de *Aristotele* olim ab *Alexandro M.* & nupero seculo de *Gyllo* & *Bellonio* à *Francisco I.* Galliarum Rege sumtibus ipsis dignis adjutis, historiæ testantur: nihilominus valdè mancam & in plerisq; affectam potius quàm perfectam eam ipsam deprehendit, quisquis hâc ipsâ Philosophiæ parte animum imbuere allaborat. Et sanè, si quæ alia, certè hâc ipsâ Physicæ pars difficulter admodum excolitur, cùm pleraque quæ hùc faciunt, ab Agricolis, Venatoribus, Piscatoribus, aliisque id genus hominibus agrestibus, rudibus, imperitis, ad talia minus attentis, aut traditionibus fabulosis præoccupatis, sæpè etiam ad mendacia & ad fallendum pronis, accipere & in commentaria redigere oporteat. Hinc curiosus Naturæ investigator meritò, quotiescunq; sese occasio offert, sedulò observat, aut à fide dignis observata annotat, quæ ad augendam provehendam-
que

que hanc scientiam quocunque modo facere novit. Mihi hæc vice quædam, quæ circa Ranarum illam speciem, quæ, quia arboribus plerumque insidet, grato ve virore frondes provocat, Græcis *Andropedon*, Germanis *Laubfrosch* audit, notaverim, in medium conferre animus est.

Aluit Chirurgus quidam nostras G. S. per integrum ferè octennium Ranulam hujusmodi, primo statim vere captam, intra vitrum cylindricum, qualibus ad adservanda condita officinalia utimur, reticulo tectum, cui tempore æstivo graminis recentis, hyberno vero fœni madefacti nonnihil immittebat, muscis per vices injectis, quas ore hiantes venari peritissima erat. Hyeme, quâ spatio quatruidi vix unâ alterâve muscâ, sollicitè conquistâ, sustentabatur, macrescebat, valdeque attenuabatur: æstate vero appropinquante, cum muscæ culicesque uberius suppetebant, habitiore rursus erat corpore. Totas vero hyemes viva, & ad captandam prædâ alacris, perstabat, eò quod intra hypocaustum detenta, frigoris inclementiam minimè perferentia. Nonnunquam æstivo tempore, instante pluvîâ brexare audiebatur, & quia lautius tunc habebatur, præter solitum intumescebat: tunc sibi ipsâ medicatura, posteriores pedes hypochondriis, (si quidem in ranis eas sic nominare fas est,) applicabat, magnoque conatu vomitum sibi concitabat, quo mucum album viscidum excernebat. Exemta quandoque ex ergastulo suo, hinc inde saliens, posticâ corporis parte humorem quendam limpidum abs se ejaculabatur: alvi verò excrementa omnia nigra & grumosa emittebat. Tandem octavâ hyeme, cum muscæ penitus deficerent, ipsâ contabescens interiit.

Constat ergo hæc observatione Ranas, si non alia omnia animalia, quæ hyeme mortuorum instar sine vitâ ac sensu in cavernis delitescent, non quâdam naturæ suæ necessitate; sed potius, ob alimonix defectum frigorisque vehementiam, sese condere, ac vitæ actu secundo, quem vocant,

carere : constat etiam animalculum hocce longævum facis esse , siquidem è quadrupedibus sint , qui atatem hanc vix ferant ; nec dubium est diutius Ranam hanc superfuturam fuisse , si alimonia necessaria suppetisset. Eadem etiam confirmant relationes eorum , qui in calentium aquarum fontibus , media etiam hyeme , viventes ranas se vidisse perhibuerunt.

Inter ranas venenatas , quamvis gradu mitiore , hanc ipsam earum speciem aliqui Zoologorum reponunt ; quodnam vero earum venenum sit , nemo , quod sciam , ostendit ; de liquore ejaculato , ut ut suspicio aliqua esse possit , nihil tamen affirmare audeo , quoniam experimento destitutor.

OBSERVATIO CLVIII.

D. GOTTFREDI SCHULTZII,

De

Cinnabari per præcipationem viâ humidâ parabili.

EX Sulphure & Mercurio intra terræ viscera Cinnabarim componi , Experientia , quâ hanc in illa facili negotio rursus resolvunt , docuit Chymicos , qui naturam imitantes , ex illorum mixturâ ope sublimationis artificialem , tum vulgarem illam mechanicis notam , tum nobiliorem , ex antimonio conficere didicerunt. At per præcipationem ex liquore sulphureo sine igne violentiori Cinnabarim parandi modus paucis fortassis hucusq; innotuit , id eoque non ingratum fore Curiosis confido , si , prout manu meâ aliquoties rem feliciter tentavi , candidè aperiâ.

Accipe Mercurii currentis optimè depurati q. v. (v. g. 3ß) huic in vitro angustissimi orificii affunde Tincturâ Sulphuris volatilis , sive liquoris permeantis Boylæi 3ß : vitroque , quod
ultra

ultra medietatem repletum esse non debet, benè munito, creberrimâ agitatione, sæpiùs de die iteratâ, Mercurium in atomos redige; sic ipse primò nigrescet; continuatâ verò per vices conquassatione, leni digestionis calore accedente, intra dies aliquot in pulverem rubicundissimum cinnabarinum convertetur; ipse verò liquor, omni odore ac graveolentiâ privatus, supernatante cuticulâ salinâ, limpidissimus evadet.

[*Vratislaviâ 1688. d. 17. Januar. Noribergam missæ.*]

OBSERVATIO CLIX.

D. CAROLI JOSEPHI MÜLLERI.

Lochiorum immoderata eruptio in puerpera, cui secundinæ aliquando vi fuerunt avulsæ.

Mulierem novi, quæ primipara ante aliquot annos cum summâ difficultate peperit. Secundinæ verò tunc in utero hærentes ac subsistentes à Chymico quodam in arte suâ, quam his Chirurgorum & obstetricum operibus magis exercitato, vi avulsæ ac ereptæ sunt, magnâ vi sanguinis profluente. Tum illa medicamentis à Chymico eodem subministratis sanata est, ita tamen, ut imposterum sterile futurum conjugium videretur; & maritus liberorum acquirendorum spem ferè omnem abjiceret. Nam quatuor jam anni effluxerant sine argumento ullo conceptionis. Tandem DEUS annuit votis, ut gravida redderetur. Ac à partu statim sanguis tanta erupit copia, ut de vita actum esse videretur. Tum Cognatus ejus ad me venit, petens remedium, si quod afferre possem, summæ & extremæ necessitati. Illicò dedi mixturam sumendam ex Aq. Cinamom. Cydoniat. Burs. Pastor. Essent. Flor. Hyperic. &c. cum paucis Lau-

dani Joëlis Langelotti (in Epist. ad Præcellentiss. Naturæ Curiosos, de quibusdam in Chymiâ prætermisiss, descripti) & ægra convaluit. Hic inquirere in causam possem, cur posteriori hoc partu nemine vim ullam adhibente tantum sanguinis emanaverit; an fortè uterus ita læsus fuerit violentâ avulsione secundinarum in primo partu, ut postea cicatrix refricaretur extensione vehementi matricis & pariendi conatibus. Inde enim rupti aut expansi fines arteriarum & venarum sanguinis copiam dimiserunt. Sed & hoc Doctiorum judicio & existimationi relinquo, mihi enim satis est rem ipsam potius, uti gesta est, commemorasse.

OBSERVATIO CLX.

D. CAROLI JOSEPHI MÜLLERI.

A Dysenteria abortus.

Juvençula foemina gravida inde à tribus mensibus Anno M. DC. LXXXVI. Octobri mense, ex esu fructuum horariorum & uvarum Dysenteriâ corripitur tam atroci, ut singulis horis duodecies magno cum cruciatu diu noctuque deiceret, & dejectionum numerus nycthemeri spatîo ad trecentas excreceret. Septiduum verò jam affligebat morbus, cum inopinanter sanguis utero fluere incipit horâ decimâ noctis, certissimo metu futuri abortus. Veruntamen ruri degens ægra quid agendum sit, nescit: neque enim me, neque obstetricem vocare poterat, quodd essemus in urbe. Manè adveniens illuc debilissimam invenio. Pariendi nîsus omnes jam præterierant. Obstetricem accersiri jussi, & intus pulverem quendam secretum in Aqua Pulegii, dedi, extus verò ungi ægrotam curavi, & paulò post puerulum mortuum enixa est. Tum ipsam aliis remediis præcipuè Conf. Rosar. rubr. antiq. cum Flor. Musci terrest. Clavat. Priap. Cerv. Laud. Opiat. Langelott. & Sperm. Ceti, (cujus usum Excellentissimus

D. Joh.

D. Joh. Henric. Kifferlin olim Universit. Friburg. Brisgoiæ nunc Constantiensis Rector Magnif. attollebat) ut & clysteribus consolidantibus, perſanavi. Quâ occasione recordor aliquando virum septuaginta octo annos natum & dysenteria quoque laborantem, ut multum sanguinis & puris excerneret, ſolô iteratô clystere traumatico, internèq; Pilulis Exii duabus exhibitis, medicinas enim alias omnes aversabatur, sanitatem pristinam recepisse.

OBSERVATIO CLXI.

D. CAROLI JOSEPHI MÜLLERI.

Ab intemperato frigida potu in dysenteria
spinæ dorſi contractio & incurvatio.

NOta est mihi Monialis virgo, quæ ante complures annos dysenteria correpta plurimum sitivit. Hæc igitur sitis pertaſa aquæ frigida mensuram ferè integram ebibit. Quô factô molestia, ut putabat, sedata est: noctu cubabat incurvata in lecto & dormiebat. Manè autem experrecta curva mansit, nec sese erigere potuit, nervis contractis. Et ab eo tempore per octennium jam curva prorsus incedit capite ad ultimas usque costas demisso, quod attollere nequit. Cæteroquin floridi & venusti coloris est, ac benè valet; ante annum tamen passa est fluxum hepaticum. Conferatur *Ephemer. Cur. An. II. Obs. XXXIX.*



OBSERVATIO CLXII.

D. CAROLI JOSEPHI MÜLLERI,

*De*Calculis variis, ac inprimis aure
excretis.

A. R. P. Wilhelmus Redinus à Biberegg, Religiosus percelebris Monasterii Maristellensis à multo tempore nephritide laborans plures calculos variè formatos cum lotio reddidit. Quod verò longè arbitror rarissimum, idem ex aure sinistra posteaquâ hæmicraniam ejusdem lateris vehementissimam sustinuisset, lapillos acutos cum pure & sanguine prodeuntes exemit. Ex his undecimum, cum Walterschwilæ cum Reverendissimo D. Abate Maristellensi ibidem tunc temporis curam balnei fuscipiente pranderem, prodeuntem ipsimet vidi, cujus balnei paucis mentionem facit Excellentissimus D. J. Jacob Wagner Med. Tigurinus in suâ *Helvetiâ curiosâ*. Virum alium religiosum nosco doctrinâ & œconomix peritiâ insignem, qui podagricis, chiragricis & calculosis doloribus nephriticis alternatim afficiebatur. Ante aliquot autem annos internis & externis remediis convenientibus adhibitis, calculus in urethram usque propulsus est. Qui cum ibidem hæreret, nec aliter auferri posset, rumpendus fuit forcipe peculiari, & ex angustis eximendus.

OBSERVATIO CLXIII.

D. CAROLI JOSEPHI MÜLLERI.

Pituita sive Mucus concretus & gelatus in-
star spermatis ranarum, abortu editus
cum grumis sanguinis.

QUod Excellentissimus Vir, *Georgius Hannaus Ephem.*
Cur. Dec. II. An. IV. Observ. 115. annotavit, annum
hujus seculi octogesimum quintum gravidis & puer-
peris valde noxium & perniciosum fuisse, id nostræ
quoque oræ in Helvetia experiebantur. Antè enim multo
tempore vix tot puerperæ aut sunt mortuæ, aut partus edi-
derunt infirmos & vitiosos, aut alia rariora ipsæ senserunt
mala, quam illo ipso; ut plane tunc nostra atmosphæra per-
inde atq; in Dania affecta fuisse videatur. Nisi hujus rei cau-
sas in communem quandam victus affectionem, quæ & ipsa
tamen ab aëris inquinamento originem traxerit, referre ma-
limus; sic ut prægnantium quidem corpora alias plerumque
languida, & levioribus quoque injuriis obnoxia, exinde lædi
potuerint, aliorum hominum valerudo non item. Id quod
nihilominus curiosioribus examinandum & dijudicandum re-
linquo, contentus in præsentiarum memorabilem historiam
hanc addidisse: Honesta uxor viginti novem annos nata,
trium liberorum mater, cum anno M. DC. LXXXV. mense
Octobr. denuo se gravidam inde à quatuor mensibus putaret,
quippe & menstrua defecerant, & appetitus prostratus erat,
& alia aderant signa conceptionis: tum subito sanguineus hu-
mor è muliebribus fluere coepit ei tanta copia, ut sæpius in
deliquium animi laberetur, territa imprimis hoc intempestivi
partus nuncio. Tandem loco foetus tria sanguinis concreti
frusta pugni magnitudine enixa est, & cum illis materiæ mu-
cosæ

cofæ & quodammodo pellucidæ, sed coagulatae inst. r sper-
 matis ranarum ingentem globum, æqualem fere pueruli ca-
 piti & figurâ non abfimilem. Quem obstetrix exceptum
 monstrosæ rei novitatem stupens, cum tale quid se nun-
 quam vidisse affirmaret, mihi etiam monstravit. Interea
 ægrotæ pallidissimæ & quæ animam iam iam agere videretur,
 utpote manum, quam petebam, præ languore mihi porri-
 gere non amplius valens, exhibui Tincturam coralliorum,
 aquam confortantem perlatam ex aq. cinamom. cydoniat.
 extract. rad. tormentill. c. Catechu præparat. &c. Qui-
 bus adhibitis ægra vires paulatim recepit, & convaluit. Di-
 midio anno post in idem malum rursus incidit, nisi quod
 trium frustorum loco duo tantum sanguinis concreti edide-
 rit, & loco unius globi mucosi, aliquot frustula ejusmodi
 concretæ & gelatæ materiæ excreverit. Illam tunc quoque
 sanavi feliciter. Tandem de plena hujus mali remotione co-
 gitans, internam uteri læsionem suspicatus, quâ talis mo-
 lestia foveretur, & conceptio corrumpereetur, internè suasi
 usum traumaticorum, ac præterea extrinsecus injiciendum
 decoctum vulnerarium cum ejusmodi siphone, qualem Ex-
 cellentissimus D. Volkamerus *Ephemerid. Cur. An. IX. & X. Obs.*
62. depinxit, quem è ligno fieri curavi. Decoctum hoc mel-
 le rosato addito ter de die in uterum calidè immisit, tan-
 demque sanitatem ita recuperavit firmam, ut postea puerum
 sanum, omnibusque numeris absolutum, qui adhuc vivit,
 magna cum omnium admiratione pareret.

[Tugio Helvet. ad Exc. nostr. Pythagoram, & hinc 1688. d. 17.
 Januar. Noribergam missa.]

OBSERVATIO CLXIV.

D. JOHANNIS MAURICII HOFFMANNI,

De

Partu mendoso hydatidum.

Mulier in vicino oppido Lauff, nomine Elisabetha Susseria, 24. annos nata, cum secundò conjugii annò puerum sanum naturali partu enixa esset, tertio insequente exactò ex mensium suppressione, ventris tumore, mammarum turgescentiâ, aliisque vulgaribus indicis certam imprægnationis spem concepit, quam tamen dubiam reddidit non multò post, scil. elapsò bimestri, superveniens sanguinis ex utero fluxio, per 3. 4. vel 6. dierum intervalla subindè inopinato reversa, nullâ Machaonis arte sese coërceri passa: aluit nihilominus conceptam spem mulier, ex ventris in omnem dimensionem excrescentis amplitudine ejusdem certitudinem infallibilem sibi promittens, sitis interea perpetuò molestum ardorem quotidianò aquæ potu restringere coacta, ideò quòd cerevisiam ventriculus indignabundus vomitu statim refuderit. Et ecce vix prætergressis 18. septimanis mense Juniò anni proximè præteriti misera parturiendi doloribus correpta vehementissimis, Lucinâ invocata vocatâ, mox peperit quatuor repetitis vicibus innumeras vesiculas membranaceas sive hydatidas lymphâ nitidissimâ repletas, ad instar spermatis ranarum ope fibrarum connexas, variâque magnitudine modò nuces avellanas, vel maturas uvas, modo pisa, modo piperis grana adæquantes, alterò die à me visas; super easdem autem vascula sanguifera purpureorum filorum specie excurrerant rara atque exilia, in truncos peculiare neutiquam coeuntia, per intervalla tamen hinc inde emergentia cernebantur corpuscula quædam glandulosa, aut acinuli potius glandulosi. Ceterum exclusis

Dec. II. Annus VI.

T t

istis

istis vesiculis, insignis amplitudinis siculam replentibus, ob copiosum subsecutum sanguinis ex utero profluvium, citrà tamen ullas secundinas rejectas, in summam virium prostrationem ægra delapsa est, medicamentis & victu laudabili dein refocillata.

SCHOLIUM.

Partus, qualem hîc memoravi, præternaturalis & mendosus, ab aliis quoque Viris eruditissimis similis jam dum observatus legitur, sicuti patet ex Viri Clarissimi *Cornelii Stalpartii* Medici Hagienſis Observationum rariorum Medico-Chirurgicarum non ita pridem editarum Centur. I. Obs. LXX. p. 301. & seq. atque Autoribus in Notis ad dictam Observationem allegatis. Jam verò non ingratum B. L. fore confido, si ulterius declaravero, 1. quomodo partus hicce à simili aliàs observato distinctus fuerit? 2. unde hydatidum eodem exclusarum tantus proventus ortum habuerit? Quod igitur primum concernit, à *Cl. Stalparto* descriptus pseudo-partus hydatidum post novem demùm menses obtigit, cumque illo sollicitante per totum triduum obstetrix frustra auxilium ferre allaborâſſet, alia in consilium vocata, magnam demùm eduxit copiam hydatidum, racemorum more sibi invicem juxta vasa ampliora adherentium; partus autem in observatione nostrâ propositus citius, nempe finitò quartò à conceptione imaginariâ mense accidit, neque hydatides extractæ, sed matris propriò subveniente nisu exclusæ sunt, & quidem quatuor distinctis vicibus ejusmodi hydatidum acervus quasi prodiit. *Christophorus à Vegà* l. 3. Sect. 10. cap. 13. art. med. sextò imprægnationis mense ultra septuaginta saltē, sed castaneæ magnitudine pares, à muliere prolatas aquosas vesiculas contemplatus est: in nostrâ observatione innumerus talium, eam tamen magnitudinem haud attingentium, fuit numerus. *Valleriola* lib. 1. observ. 10. exemplum habet mem-

membranaceæ massæ, vesiculis tanquam ovis piscium aquosâ & subflavâ liquore plenis, nec non foetentibus refertæ; *Mercatus* etiam l. 3. cap. 8. de mulierum affectibus meminit substantiæ membranaceæ globosæ, aquosis bullis rotundis, tumidis, pellucidis plenæ aliquando cum sanie foetidâ & dilutâ à se in uxore bibliopolæ cujusdam aliisque neotericis pluribus visæ: Non minùs adducit observationem *Nicol. Tulpius* lib. 3. cap. 32. cujusdam mulieris, quæ menstruis inordinatis aliquandiu afflicta, peperit tandem pinguem massam, continentem in se innumeras vesiculas refertas partim aquâ croceâ, partim solô spiritu: In nostrâ præmissâ observatione, nec ejusmodi massa vel membranacea vel pinguis nec aqua crocea sensibus se ingessit. Adhæc in *Zodiac. Medic. Gallic.* anni 3. fol. 73. consignata à *Cl. Picart* historia de muliere, diversa quædam à nostrâ observatione continet, ibi siquidem nullus sanguinis fluxus præcessit, vesiculas quoque ligamentum annexerat loro cuidam, aut vasi ejusdem ferè longitudinis, cujus est brachium, adeò ut minimæ illi proximiores essent, majores ampliùs distitæ. Lorum autem, cui tanquam mesenterio affigebantur, constructum videbatur ex plurimarum divaricationum vasorum conjunctione, originem è carneâ massâ placentæ haud multum dissimili, ac secundinarum partem constituentes, ducentium. Sic & *Anatomicus exercitatus Job. de Muralto* in Scholio ad *Observat.* 95. *Decur. II. Ephemerid. Naturæ Curiosorum Ann. II. pag. 237.* ex communicatione Celeberrimi *Wepferi* mentionem facit mulieris, quæ cum per septimanas tredecim gravidam sese putasset, erumpente sanguinis fluxu diuturno & copiosiori, paulò post decem sibi cohærentes vesiculas aqueas, acinorum uvarum mediocrium magnitudine, moxque ingentem numerum harum vesicularum exclusit: aderat verò simul eparuterinum uti foetui 24. septimanarum &c. hydatides contrà nostræ nulli placentæ perfectæ per vasa cohærebant, corpuscula quippe glandulosa aut acini potius

tales solum aderant; nec molâ carneâ hydatides nobis visæ suffultæ, quale exemplum allegatus de *Muralto* subiungit. Prope tamen Observationi nostræ accedunt, quæ Viri Clarissimi *Daniel le Clerc* & *Jacobus Mungetus* Med. DD. in Bibliothec. Anatomic. singulare ipsorum studio editâ Tom. I. Part. I. p. 474. referunt de Matronâ Genevensi, quæ annos 30. nara, & puerperio pluries jam feliciter defuncta, in quarto graviditatis mense sese versari putans, (quam per totum illud tempus aliquid sanguinis ab ipsius utero perpetuò deflueret) Anno supra millesimum sexcentessimum octuagesimo primo die 15. Martii post dolores instantis partus immaturi prænuncios aliquamdiu perpeffos, imò & frequens animi deliquium, largumque satis cruoris fluxum ingentem vesicularum & veluti ampullarum acervum enixa est; quamdiu duravit dies tamdiu vesiculæ excretæ, adeò ut pelvis stannea profundior eos omnes vix capere posset: pellucidæ admodum erant, & disruptæ liquorem limpidum, continebant. Sequenti die ejusmodi excretio omninò cessavit, at non item hæmorrhagia, quæ per aliquot adhuc menses molesta fuit. An tales etiam visæ sint *Actio*, qui Contract. Medic. retrab. IV. Ser. IV. cap. 79. hydropem uteri descripturus, asserit generari aliquando in ipso corpuscula quædam, vesicæ fellis similia, in quibus humor colligitur, qui effusus viscidus ac aquosus est, certò determinare haud licet. Reliquum est, ut ad ortum hydatidum à me visarum indagandum me recipiam, quem quidem à lymphâ non sine ratione derivare licebit, quippe & color earundem, & humor inclusus lymphæ prosapiam uterque ostenderat. Idcirco suppono ab admissio seminis virilis genitali fermento in muliere nominatâ uteri substantiam membranaceo-glanduloso-nervæam non tantum intumuisse, sed & cavernulas loculos propriosque ejusdem alveos magis expansos, simulque quoad texturam ita immutatos fuisse, ut lymphæ nutrimento foetus alijs naturaliter destinatæ partem absorberint, & in motu
ad

ad venas refluxo interceperint, unde hæc urgente sanguinis arteriosi succedentis impulsu non potuit non paulatim & sub guttarum majorum minorumve formâ in uteri cavitatem mediam delabi, inque vesicularum speciem concreſcere, ejusdem lymphæ particulis lentis viscosis circa fluidas contentas in tunicarum speciem condensatis, dum acinuli quidam glandulosi ex portionibus lymphæ chylosi in coagulum carniſforme verſis enati ſunt: vascula autem illa rara & exilia, ſanguifera ab uteri vasis ſpermaticis & hypogaſtriciſ forte amandata fuiſſe ad hydatidas, haud improbabiliſ conjiciet, quiſquis ad tumores tunicatos vascula à partibus proximis exporrigi ſæpiusprehenderit. Interea quòd ſanguis poſt creditam conceptionem, bimēſtri elapſo ſpatio, ſubinde ex utero profluxerit, hujus laxitati & irritationi, illius verò ichoreſcentiæ à quotidiano aquæ potu adauctæ adſcribendum puto. Si quæras, cur foetus in utero non ſimul productus ſit, præſertim cùm femina gravidam ſeſe eſſe crediderit? reſpondeo, adhuc dubium eſſe, an reverà conceperit? dein etiamſi concepiffet, ovulum ſeminale ab ovario per oviductum Fallopiæ ad uterum delatum propter factam per hydatidas præſentes compreſſionem ſtaminum, contentorum expansionem pro effigurando foetus corpusculo nanciſci non potuiſſe.

Fig. LXIV. p. 339.

OBSERVATIO CLXV.

D. JOH. MAURICII HOFFMANNI,

De

Fœtu monſtroſo.

ANno ſuperiori, ſuprà milieſimum ſexcenteſimum octuageſimo primo, die Decembris 19. poſt viſum eodem tempore in coelis timendi ſideris crinem, prodigium tellus noſtra habuit foetum feminei ſexus

T t 3

mon-

monstrosum, quem Apollonia conjux Georgii Schilleri Agricola in Pago dimidium milliare hinc distante *Altenthann* dicto, circa horam 6. matutinam partu præmaturo & summè dolorificis conatibus enixa est, mox susceptâ sacri Baptismatis undâ mortuum, ad sepulturam hûc delatum, & ad brevem inspectionem nobis concessum. Nimirum alterum caput tenello foetus corpusculo continuum naturale habitudinis similitudine repræsentabat, & ejusdem tegmen superius capillis obductum ossa subtus mollia tactui hinc inde cedentia ac circa suturarum locum disjuncta exhibebat, aures pendulæ conformationem debitam ostendebant, nec minùs oculus sinister ad diam luminis usuram apertus, dexter autem clausus æternis tenebris damnatus erat, nasus depressus ferme delitescibat, thorax tumidus protuberabat, infimo ventre, cum vasis umbilicalibus debitè resectis, consuetam conformationem obtinente. At enim verò oris hiatus sive rictus sese pandebat insignis, ex cujus palato medio monstrum enatum horrendum informe cui lumen ademptum, massa scilicet osseo-carnosa communibus integumentis obvelata, dicam paucis, capitis rudimentum: in regione siquidem hujus superiore, alterius capitis naturalis ossi frontis contiguâ, cerebrum menyngum ambitu cinctum prominebat, solum ossibus & integumentis destitutum alioquin ad partis principis tutelam comparatis, sub isto frons capillata dignosci poterat, nasi quoque penitus ossei sedes levi prostabat vestigio, nulla tamen cavitate pervii, porrò per transversum ductum excurrerebat linea oris vices repræsentans, quam sinistrorsum exporrectæ duæ minores excipiebant rimæ, tandem à sinistris caro laxa rubicunda auri vel cordis auriculæ potiùs obfiguræ similitudinem æquiparanda adjacebat. Atque externis hisce Plato acquiescere jubebat, plus ultra progredi, curiosum desiderium. Resecto igitur, per æmula vertebrarum corpuscula palato cohærente, monstroso capitis rudimento, & carnibus aliquantum cum cute prorsus remotis,

osse.



Schema
ECLIPSES SOLARIS
Die $\frac{1}{n}$ Maji 1687. observatae
Vratislaviae.

Fig: 63.

p. 319.




Fig: 64.
p. 332.



Fig: 67.
p. 335.

Fig: 66.
p. 335.

Fig: 65. p. 335.





osseam compagem subtus delirescentem in Museo curatius explicandam sumebam, nec operæ me poenitebat susceptæ: nam primò ab utroque latere superiori inverso situ excavati visabantur sinus oilei, amplâ capacitate suâ, peculiari undiq; membrana succinctâ, continentes glandularum conglomeratarum seriem, nec non humorem lymphaticum flavescen-tem copiosum, huicque innatantia circumplicatis chartæ tenuissimæ foliis simillima corpuscula, lamellarum membranacearum nomine designanda. Pro oculo sinistro specus leviter elaboratus occurrebat, dextri locum occupante osse peculiari rotundo durissimo, foramine medio pervio, maxilla inferior leviter adumbrata dignosci poterat, ceterorum ossium structura figurâ & connexione deformis factam naturæ aberrationem satis exhibebat. Reliquum erat cerebrum cranii munimento destitutum, ne autem hoc intactum relinqueretur, sub microscopii examen ponebatur, ubi argenteo nitore hinc inde resplendescentem medullarem substantiam à cortice rubente distinguere licebat. Plura rimari voluissem, si potuissem, sed temporis brevitās & voluntas monstrosæ puellæ Patris obstabant, hic enim nec precibus nec nummis à philiatris oblati se permoveri patiebatur, ut corpusculum defunctæ cultro Anatomico subjici permetteret; idem intereà interrogatus, utrum uxor forsan per phantasma pravæ isti foetus formationi ansam præbuerit? respondit, nunquam ab illâ simile quid visum aut animo conceptum esse; ut ideò à staminibus seminalibus in ovulo à capitis genuini efformatione residuis, informe illud capitis monstro- si rudimentum coaluisse mihi etiamnum persuadeam.

Fig. LXV. LXVI. LXVII.

Figura LXV.

Exhibet fetum supinum.

- a. Cranium & os frontis capitis naturalis.
b. Cerebrum extra massam deformem prominens.

c. Massa

- c. Massa deformis sive capitis monstrosum rudimentum.
- d. Nasi effigies.
- e. Oris linea & rimæ.
- f. Auris sinistra.

Figur. LXVI.

Representat fœtum ad latus dextrum reclinatum.

- a. Caput naturale cum suis partibus.
- b. Cerebrum prominulum monstrofi capitis.
- c. Protuberantiæ binæ inferiores.
- d. Nasus.
- e. Oris linea cum rimis duabus.
- f. Auris sinistra.
- g. Tuberculum minus.
- h. Oculi sinistri adumbratio.

Fig. LXVII.

- a. Monstrosum caput remotis integumentis & carnibus conspicuum.
- b. Nasus.
- c. Oculi sinistri specus.
- d. Officulum petrosum cum foramine medio oculi dextri sedem occupans.
- e. Oris rima leviter insculpta.
- f. & g. Sinus duo ossei.

OBSERVATIO CLXVI.

D. JOH. MAURITII HOFFMANNI,

De

Venâ in carpo sinistro mulieri sponte apertâ,
aliisq; conjunctis symptomatibus.

PLur. Reverendi Pastoris cujusdam in Pago non procul hinc disito uxor 34. annos nata, in ultimo ante biennium puerperio parco lochiorum fluxu parùm expurgata, variis in diætâ simul commissis erroribus malè habere

habere cœpit ; dolore namque capitis subinde affecta, appetitum prostratum, viresque languore pressas sæpius sensit, dum nihilominus ipsa negotiis suis domesticis, quantum possibile, præesse allaboravit, atque infantem interea lacte proprio enutrivit ; ablactatione autem postmodum factâ spem concepit, citra medicamentorum opem, cum mensium fluxu ordinario sanitatem redituram esse integram, quæ tamen fo-
fellit, menses etenim per intervalla inordinata tantùm apparuerunt, interceptâ semper eorum solitâ antehac fluxione, hinc ægra pulsationem temporum frequentem, & tantùm non quotidianam per aliquot menses narium hæmorrhagiam perpessa est ; hâc demum subsistente, mense Novembri anni proximè præteriti dormienti circa noctis meridiem sponte aperta vena in carpo sinistro pollici imminens, cephalica manus aliàs dicta, confertim effudit sanguinis copiam, ita ut ejus madore excitata mulier in auxilium vocaverit maritum, qui gossypio imposito ruptum venæ osculum obturavit, ipsa autem timida, virium prostratione artuumque tremore vago magis magisque perterrita in pejus optatam salutem ruere animadvertit, nam & in vultu corporis æquè ac animi speculo Icteri sese exseruerunt indicia, & anorexia perstitit, venter in amplitudinem majorem expansus importunis borborygmis divexatus est, crura intumuerunt, dolores in lumbis lancinantes, rigor febrilis, ac subsultus membrorum spasmodici haud rarò obvenerunt : neque tunc demum expetita medicamenta mutationem in melius constantem afferre potuerunt, etiamsi ex horum ad methodi medendi normam præscriptorum usu, & venæ sectione modicâ in malleolo pedis dextri interno celebratâ, ægra sese appetitu quodam in cibos ferri, deambulare, negociaque familiaria aliquantum administrare posse gavisa sit, cruribus quoque cum ventre tumido paulatim subsidentibus, Sed ô per quam breve gaudium ! sub initium siquidem insecuti mensis Decembris alvi fluxus colliquativus repente exortus primò bilio-

sus flavus, mox ater, cum tenesmo continuo conjunctus, sanguinisq; simul ἀσπιδος facta ex ore profusio motusq; convulsi-
vi supervenientes supremam vitæ dederunt catastrophem.

SCHOLIUM.

Æ Gra pië defuncta variis, uti ex observatione propositâ
constat, symptomatibus afflicta erat, quæ post λοχευαν-
τασιν deficientem à dyscrasiâ sanguinis humorumq; vitalium
salinâ acriori scorbuticâ ortum habuerant: particulæ namq;
ejusmodi Salinæ acres meninges lancinando dolorem capitis
pepererant, liquamen ex malâ victûs ratione acido viscosum
intra ventriculûm coacervatum appetitum expresserat, menses
proptercrementa pituitosa viscosa circâ vasa uterina congesta
intercipiebantur, hæmorrhagia narium, scorbuticis quibus-
dam ceteroquin familiaris, ex vasculis teneris ibidem ab acri-
moniâ salinâ peccante erosio insequabatur; inopinato dein
vena in carpo sinistro à sanguinis ex utero quasi regurgitantis
copiâ & acrimoniâ rumpebatur, hicq; quâ data porta ruebat,
nec enim novum & insolens id naturæ est, mensibus per loca
naturalia egredi prohibitis viam invenire & pandere aliam, sic,
(ut alia taceam exempla) Dn. Parens meus ante 30. annos in
hoc oppido mulieri mensium suppressione laboranti, vascu-
lûm in summitate verticis sponte apertum quantitate molestû
sanguinem dimisisse observavit. Icteri indicia sese prodidisse
nullus mirabitur, qui illum aliàs scorbuti comitem recorda-
tur. Ventris pedumq; tumor à lymphâ vappescente in coa-
gulum coëunte exsurgebat. nec poterant non borborygmi ex
pituitâ intestinali à bilis Sale volatili acri rarefacta excitari.
Lumborum dolores, uti scorbuticos alios, teste Eualeno,
Drawizio, & Charletono, solent, ita & ægram excruciaverant,
proculdubio à Salibus sylvestribus scorbuticis circâ nervorum
ossis sacri angustiam hærentibus inducti, à quorum etiam in
partibus respectivè membranaceo-nerveo, musculosis molestâ
vellicatione rigor, tremor, & subsultus spasmodici provenie-
bant;

bant; virium vitæq; quod erat residuum alvi fluxus acris colliquativus, primò flavus, dein vitriolicâ tincturâ imbutus niger, propter intestinorum ductuumq; excretoriorum, illuc exporrectorum irritationem, spasmodicasque contractiones ab eadem causâ inductas, insecutus, nec non animæ purpureæ ex ore emigratio exhauriebat.

OBSERVATIO CLXVII.

D. JOH. MAURITII HOFFMANNI,

De

Gangrænâ pedis dextri.

Non quâ itur, sed quâ eundum, Senecæ sapientissimî monitum erat, id quod in foro non solum philosophico, sed Medico ac Chirurgico usum quoque habet singularem. Ex Chirurgis siquidem & balneatoribus præcipuè videas non paucos, adeò Magistrorum præeuntium vestigia prementes, ut nullâ habitâ circumstantiarum ratione vel latum unguem inde recedere nolint, doctis licet rationibus meliora moniti. Confirmabo rem exemplo. Superiori anno fracturam *καυλησόν* factam tibiæ & fibulæ dextræ paulo supra malleolos ex lapsu violento sustinuit. Vir quadragenario major, curavit igitur ad se vocari balneatorem Chirurgum, qui extensione & adaptatione ossium diffractorum decenter quidem factâ, Emplastrum suum piceum glutinans admovit, artissimâ desuper factâ cum fasciis, assulis plurimis interpositis, deligatione: Ego quatrduo post ad ægrum accersitus, damnavi & Emplastri talis poros cutaneos prorsus oppilantis admotionem, & ligaturam adeò strictam in Viro igne turgido, atq; metuendam ex vasorum nimîâ compressione, sanguinisque & spirituum commeatus interceptione gangrænâ prædixi: sed balneator, me peregrè abeunte, ægrum bono jussit esse animo, atque ligaturâ nil quicquam relaxatâ ad magistrorum suo-

rum experientiam, quam hoc modo sese imitari dicebat, unice respiciebat. Sed ecce vix biduo elapso prælagium meum eventu confirmabatur tristi, dum gangræna pedis sub ligaturâ extremum occupabat: tunc assiduis precibus denuò postularus iterum accedo, solvere vincula, Emplastrum remove, atque loco ejus Empl. diapalma dictum applicare, ulcusculis tribus gangrenosis unguentum Ægyptiacum magistrale melle rosaceo temperatum indere, & fasciatione moderatâ dein institutâ, pedi afflicto cataplasma ex farin. fabar. orob. lupinor. pulv. scordii, & fl. sambuc. cum aq. sambuci & oxym. simplici paratum, superimponere balneatorem jubeo, sicque per DEI gratiam æger cymbæ charontis, in quâ jam pedem habere videbatur, ereptus est. Confer. Hildan. l. de Gangrænâ. c. 12.

OBSERVATIO CLXVIII.

D. JOH. MAURITII HOFFMANNI,

*De*Puellæ ventre Lunæ mutationes
imitante.

Perscripsit ad me paucis abhinc diebus Nobiliss. D.D. David Zollicoferus Practicus Sangallensis experientissimus, curæ suæ ante aliquot menses commissam fuisse puellam, annum ætatis agentem decimum quartum, matre olim epilepticâ progeneratam, cui venter Lunâ crescente paulatinis auctibus intumescit, decresciente autem rursus decrescit, cum cruciatibus maximis quamdiu venter distenditur, quos præ aliis Terebinthina demulcet, materiâ crassâ & limosâ putridâ copiosissimâ per vesicam protrusâ, si in formâ lactis sive Emulsionis exhibetur patienti.

OBSERVATIO CLXIX.

D. PHILIPPI WILHELMI VIRDUNG

ab Hartung.

Mors à magno desidendi conatu.

S'Esquiannorum infans in Nosocomio Tigurino mortua, patiebatur inde à nativitate dolores & conatus desidendi, urinamque mittendi magnos; à superiore vulvæ parte prominebat caro quædam spongiosa nucis magnitudine, velut Hermaphroditæ, urgens conatus desidendi etiam sensim sine sensu intestinum rectum protrudit, & tam angustam reddidit cavitatem ejus, ut vermis adinstar tenuia excrementa exierint, ac non nisi lacte enutrirî coacta fuerit infans, piri autem magnitudine egressum intestinum inflammatum mortem attulit. Renes post mortem inventi sunt amplâ pelvi præditi, ureteres autem ambo urinâ distenti, amplitudine digitorum excedentes majorem, flatus & stylus transmissi ad excrescentiam supra notatam carnosam & cancrosam penetrabant, nulla verò penitus vesica urinaria aderat, sed solâ membranâ crassiore, excrescentiæ à parte posteriore adnatâ, non verò cavâ, vesicæ locus significabatur, intestinum exiens durum erat instar lapidis, intus fortiter adhærebat lardi species cancrosa, penitus ita intricata venis & arteriis, ut necessariò propter desidendi conatum mors secuta fuerit, arteriæ quoque duæ ab arteria magna ortæ spermaticis & hypogastricis multò majores in excrescentiis terminabantur. Excrescentiam vesicæ & sarcoma in prolapsò intestino recto in utero matris originem traxisse, & extra uterum multum ita aucta fuisse opinor, matris enim profugæ Pedemontanæ, multas ærumnas ante fugam, ut incarcerationem, famem, ut dictum, post eam ciborum aërisque insueti inclementias pro tunc sustinentis, sanguis in humorem me-

lancholicum, serosum, acidum conversus, embryoni communicatus, & urinam ejus exacerbans, cumque eadem ad vesicam compulsus, pelvis ac ureteres dilatavit, vesicæ stamina tenuia erosit, dirupit, erosas fibrillas intorsit ac cum humore affluente coalescere fecit, non aliter ac post vulnera ulceraque non solum maligna, sed & simplicia, excrecentiæ ac callositates enascuntur, acrimonia verò hujus seri ex continuo desidendi urinamque mittendi conatu sat inclaruit, cum & acidum corrodat intestina, inflammationem adducat, humores attrahat accoagulet, excrecentiæ nunc extra uterum in infante ab humore maligno ita augebantur, ut filum vitæ à Parcis planè abscissum fuerit. Quam observationem, apud Excell. D. Johannem de Muralto, hospitem ac Patronum meum annotavi.

[*Tiguro 1688. d. 17. Jan. Norimb. missa.*]

Fig. LXVIII. p. 342.

- a. Ren sinister.
- b. Arteria magna.
- c. Ramus emulg.
- d. Ramus venæ cavæ emulgens.
- eo. Ureteres amplissimi.
- ff. Pinguedo ureterem ambiens.
- g. Insertio juxta uterum ad locum vesicæ.
- h. Ligament. uteri latum, cum tuba divulsa.
- i. Foramen vesicæ cum tubere carnosio.
- K. Exiens anus.
- L. Locus sarcomatis cancrofi in ano.
- m. Pinguedo & membrana, sarcoma recti intestini ambientes.
- n. Ligamentum uteri cum ovario & tubis, ac extremitate laciniatâ.
- O. Ren dexter apertus.

P. Intestinum rectum semotum à loco, cum

Q. Adhærente pinguedine.

rr. Ramificationes arteriæ magnæ.

OBSERVATIO CLXX.

D. GABRIELIS CLAUDERI.

Baculus betulae exsiccatus, viti novellæ pro
fulcimento admotus, viridem vitis ra-
musculum è trunci sui mediô
protrudens.

Curiosus rerum Physicarum Lector in memoriam sibi
revocet, observationum *Ephemeridibus nostris German.*
anni proximè elapsi à me insertarum unam, scilicet num.
184. fol. 372. agere de metallorum transmutatione;
cujus possibilitatem per rationes mechanicas, per experimen-
ta practica, ipsamque irrefutabilem autopsiam contra negan-
tes defendi ac demonstravi. Pro stabiliendâ hâc meâ opinio-
ne variæ quoque producebantur instantiæ similium transmu-
tationum in animali ac vegetabili regnis & Naturæ & Artis,
ejusdem æmulæ, beneficiô quotidie ferè contingentium,
v. g. dum mulus generatur ex equâ & asinô, papiliones ex
erucis, & è bombyce, erucæ fiunt ex herbis; è melle ac pane,
item è saccharô & pane citò videmus ortas formicarum myria-
des; imò & singulis tribus regnis variæ penitus petrescunt
creaturæ. In specie penetrans depromebatur cuneus ex arte
emphyteuticâ (von Psropffen;) Nôrunt enim Philobotani-
ci, curiosô hâc labore mirumquantùm & prodesse hortos
& delectare valere; dum scilicet sarculi immissi nobilitas
sylvestrem totius arboris naturam in sui similes, easque ge-
nerosas transmutat qualitates. Ne autem crambem alibi
coctam

coctam hîc denuò recoquam, Lectorem ad locum allegatum ablego.

Postquam dicta ita scripseram, tempus è regnò vegetabili analogum subministrat attestatum: Dn. Joh. Georgius Krieg, Ducalis Postarum Magister, in hortò suò domesticò viticulas quasdam novellas, vel vitis majoris furculos mense Martiò terræ immittit, ut jucundâ Hospitis utilitate patrissent, quarum debiliori adsociat sustentationis solatiò palum vel baculum betulæ tres digitos crassum, siccum & exsuccum, septem abhinc mensibus è sylvâ transportatum. Unò alteròque mense sic transeunte reliqui singuli protrudunt pro suò talentò ac geniò turiones atque folia; solus ille palo affixus tardius & parcius hoc agit, ut ruinam ei instantem metuerit Dn. Hospes. Sed quid fit? dum tenuia hæc folia oculò quasi indignante adspicit, ecce! inter hosce thyrsiferos stupore omnium adparet quidam talis clancularius & furtivus. Betulinum illud fulcrum enim, more tutorum infidorum subtrahit succum nutritium palmiti sibi concredito; dum ex ejus trunci mediò major turio ac in ipsâ vite cum diversis vitis foliis protuberat; veluti quidem figura à sculptore exhibitâ clariùs hoc demonstrabit. A philoboticis hâc re rarâ in admirationem tractis rogatus Dn. Possessor, ut molliusculè educari jubeat furtivum ac hermaphroditicum istum spurium; expectaturus, quid tandem inde expectandum? Successivè igitur vernali eò tempore furculus dictus viti-betulinus sese extendit in duarum digiti articulationum longitudinem, 12. ad 15. foliis decoratus, quæ taleri circiter latitudinem æquabant, donec elapsis tribus cum dimidiò mensibus cornicula ista Æsopica pennas deponebat alienas flaccidâs & siccâs; vite ipsâ emortualem simul experiente interitum, quia succus vinosus utrique viti, legitimæ ac spurix, adolescentibus ulteriùs pro nutrimentò sufficere non valuerit. Bina hæc corpora mortua terrâ extracta indagatoribus avidis ostendebant, palum istum betulinum inferiori vitis parti, quæ radi-

radices agere tenebatur , per intrusionem arctè fuisse adnexam; unde naturæ lusu evenit , ut liquor vitifer eidem partim fuerit concessus, alimentum simul conferens ; ut ita naturâ artem emphyteuricam æmulante, (veluti aliàs ars sæpiùs imitatur naturam) insolitus ille effectus fuerit insecutus. Veluti autem juxta antiquum axioma Philosophicum, virtus unita est fortior, ita è contrariò virtutem divisam esse debiliorem, evincit modò proposita historia.

Fig. LXIX. p. 128

OBSERVATIO CLXXI.

D. GABRIELIS CLAUDERI.

Tritici in agris per artem multiplicatio.

IN nostris præteriti anni Ephemeridibus, observat. nimir. 239. fol. 462. memoratur, Pharmacopolam nôsse liquorem, cui, si infundantur grana tritici, antequam terræ committuntur, calamos solitò plures, & hos aristas copiosioribus granis gravidas proferre solere; insimulque desideratur responsum à Collegis curiosis, an virtus liquoris spiritui mundi, an verò alteri rei sit adscribenda? Ut itaque huic desiderio satisfiat; insuperque Magnatum Orbis arcana sint occultanda; DEI autem & naturæ opera miraculosa manifestanda, salvis aliorum, fortassè etiam hâc de re nonnulla producturorum judiciis, sequentia communico: Fertilitatis agro conciliandæ artificium longis temporibus exercuit, imò fatigavit multos Physicos, plures Oeconomos, adeò quidem, ut diversa horum tentamina partim è libris possint conspici, partim ab Amicis mihi privatim innotuerint. Singula autem illa, quæ sanæ rationi consona videntur, eò inclinant, ut sal nitrosum, utpote fertilitatis causâ, augmentum in agris capiat; vel se-

mina mox serenda in liquore tali aliquot diebus macerentur. Proindè eorum nonnulli, opus hoc compendiosè ac breviter perficere studentes, stercus columbinum, ovillum, &c. solvunt, in aquâ pluviali vel rore majali, additâ bonâ nitri portione; alii muriâ illâ lixiviosâ è fimetis profluente sèmen imbibunt, vel eidem immittunt frumenta serenda. Alii verò principium hoc alcalico-fixum fundamentis Physicis magis consonè ita tractant, ut simul irradiari possit sale volatili aëris, utpote spiritu mundi gravidò; & hoc sal delabens, habeat, cui eò faciliùs inhæreat; de quò efficaci & necessariò salis aërei in inferiora influxu uberiùs controversâ videri poterunt in *Dissert. meâ de Tinct. universali, cap. 5. p. 196. seqq.* Elegantem frumentariæ hujus multiplicationis methodum describit Celeberr. *Kenelmus Digbaeus, Tract. de Medicinâ experimentalis*; quem consulere, si libet, licet. Subjungam hæc aliam ab illâ variè differentem, veluti quidem pro veritate indagandâ aliquoties per hanc experimenta olim institui; sic autem procedatur: Mense Septembri, Sole Libram ingrediente colligatur larga copia aquæ pluvialis, nivalis, tonitrualis, usque ad Æquinoctii transitum; servetur in vasis puris. Hinc terræ hujus pinguis effossæ parti uni superfunde in unò & alterò doliò magnò aquæ dictæ partes tres; stent ita per tres dies, sæpiùs agitando; dein servetur tamdiu, donec optimè clarescat; hinc decantetur. Tandem fiat pro majori efficaciâ & saturatione salinâ lixivium è dictæ aquæ part. ij. & cinerum herbæ filicis, persicariæ, stipit. fabar. aut similium sale copiosò alcalicò dotatarum parte j. agitetur benè, postea decantetur, & servetur usui. Huic menstruo impone per 24. horasriticum, vel quodcunque frumentum terræ serendo concredendum; & unicū granum super unicam radicem protrudere 20. 30. 40. cala-

calamos cum totidem aristis graniplenis & valdè fœcundis, oculatus aliquoties ego fui testis. Ager, cui semen ita committendum, nullius indiget stercorationis, unicòque seminis modiò tantum efficitur, ac aliis tribus, dum scilicet ei portio terræ, vel etiam arenæ miscenda est, ut ita seminis dispersio eò ampliùs extendatur. Non possum tamen non, quin de stupendò hòc effectù ingenuè simul moneam, virtutem hanc salinam adeò esse penetrantem, ut potiore pinguedinis terrestris sal fixum innatum continentis partem, si paucorum saltem annorum spatiò dictà methodò adhibeatur, ita exsugatatque exsiccet, ut postea sal aëris volatile fœcundans sufficienter influere nequeat; cùm non habeat, cui inhæreat; & per consequens terra successivè experiatur sterilitatem. Proindè operatio hæc rebus non tam majoribus, quàm minoribus saltem augendis ac juvandis inservit; siquidem certà mihi constat experiencià, surculos illos arboribus inferendos, (die Pfropffreisser) per 24. horas aquæ huic lixiviosæ immisos, primò statim insitionis annò ad 1. vel 2. ulnarum altitudinem protuberasse. Ille verò Paterfamilias, qui agris integris eòdem prospicere gestit, iis optimè consulit, si semina ferenda in dictò menstruò aut non tamdiu relinquit, aut alia semina hòc liquore non ita exaltata miscet, aut vim menstrui salinam majore aquæ affusione diluit; cùm notum sit, quòd moderata durent. Lixivium ausim illud è stercoribus, in principiò statim adductum, non adeò suaderem; cùm hæc contineant non tam sal nutriens, quàm potius sal causticum & corrosivum, fertilem terræ pinguedinem penitus exsiccat & comburens. Hæc de frumenti multiplicatione sufficiant; an verò congruant cum illà, quæ suprà narratus Pharmacopola in arcanis habet, & occultat, statuere non possum; mihi perindè est; de jam publicè productorum veritate Ego testor. Confido insuper, me hîc non experturum illud fatum, quod contingebat mihi methodum balsamandi eadavera sine evisceratione Publico ingenuè communicanti,

dum quidam statuebat, methodum balsamandi Bilſianam meæ eſſe antepoſendam, ne verbulô tamen modum parandi detegebat, veluti ego præſtiteram. Quantum emolumenti haurire ex hoc benevolus Lector potuerit, judicent alii,

OBSERVATIO CLXXII.

D. GABRIELIS CLAUDERI,

Coitus Diaboli per 35. annos frequens cum muliere, nulla veneficii opera exercente.

Impenſerutabiles ſanè ſunt hoſtis noſtri infernalis hæreditarii deſidia & πολυπραγμοσύνη contra genus humanum innu-meræ; ſiquidem iſte pro ſuâ conſummatiffimâ, quâ pol-let, ſcientiâ Phyſicâ, accuratiſſimè obſervat ſingulorum mentis operationes, ac quorſum inclinet genius voluptuoſus, & inde cuius rete ſuum quaſi adpropriatum neſtere, callidè novit. Inter exemplorum myriades jam unica ſaltem prodeat hiſtoria ex illis, quæ circa veneficas & pactum diabolicum ac-cidunt, uti miranda, ita miſeranda: An Diabolus incorpo-reus cum Homine corporeo coire poſſit, diu ac ſeriò tracta eſt, & adhuc inter eruditos trahitur controverſiarum ſerra. Non pauci negativæ favent, Phyſicis aliquot rationibus ſuffulti; Potior tamen pars tam Theologorum quàm Phyſicorum af-firmativam defendit; quòd ſcilicet iſte ſeſe exhibeat & incu-bum, & ſuceubum, prout ſexus illud exigat; & quidem non immeritò. Hic extravagari in producendas eorum rationes ponderoſas Academia noſtræ Leges prohibent; quisquis au-tem easdem pro utrâque parte militantes legere geſtit, con-ſulat accuratum Dn. D. Frommanni *Tractatum de Fascinatione, lib. 3. part. 6. cap. 19. p. m. 866. ſeqq. ut & pag. 874. ſeqq.* Ego met ſaltem dum producturus, quæ ipſe viderim-audiverim; & quidem

quidem crenâ eò cautiore, quòd plurimum intersit Medicis, in re tam arduâ ac rarâ veritatem iudicibus declarare iussis. Aliquot abhinc annis oppidi vicini Senatus refert, Vetulam spontè fuisse confessam, sese diu cum Satanâ congressûs veneros fuisse expertam, insimul rogicans, velim inquirere, num fortè mendacissimus iste mille artifex sub impressionum melancholicarum favoniò eam innocentem accusare audeat? Accedens ego, pro conscientiæ mandatò singula inquirens, acta relegens, & accuratâ animi lance trutinans (cùm juxta *Pauli Zacchia Quaestiones Medico-Legales, libri 2. tituli 2. quest. 4.* in veneficii & similibus delictis ad rei condemnationem prævia confessio non sufficiat) invenio eam supra septuagenariam, ac olim fuisse complexionis summè sanguineæ, veluti hoc color roseus sub rugis senilibus frontem & malas jamjam arentibus transparens, aliæque circumstantiæ ibant testatum; Propterea in vegetâ ætate ob sanguinem copiâ ebullientem, & acrimoniâ stimulantem extra dubium fuit lasciva. Cùm autem tam infauostos habuerit & iratos Hymenæos, ut successivè tribus viduis, & iis quidem exauctoratis in venereis castris militibus nubere fuerit coacta, qui appetitui ejus venereo saturando vix suffecerint, vel simul illud Poëtæ, turpe senilis amor, reverenter habuerint. Quæ callidissimus generis nostri inimicus faciliè hariolans in illorum exsuccorum vices ipsi virum sese promisit, imò præstitit. Rem autem cum istò habuit per 35. annos circiter, primumque actum venereum exercuit habitum molitori similem indutus; postea verò ferè semper sub figurâ canis fusci, aliquando etiam felis aut vespæ, imò non rarò invisibilis peregit, quæ visibiles solent. Instante coitu caput ipsi fuit redditum turbidum, & quasi somnolentum. Et quoniam veneficæ aliæ, quæ ad alia malitiosa peragenda se ipsi mancipaverunt, factæ sunt mediante torturâ, tantum abfuisse, ut in congressu istò maledictò & horrendò aliquid voluptatis per semen communicatum senserint, ut potius semen frigidè immitti, & quidem cum horrore, imò

molestiis dolorosis passæ fuerint. Proindè rigorosâ cautelâ hâc de re certior fieri urgebam, & securè affirmabat, semen semper calidum; & quidem non sine jucundâ aliquâ voluptate fuisse intrusum, quod à versutissimô extra dubium ideo peractum pro factum tectum servandô amasiæ amore, nam

Sola Venus fulcrum foederis hujus erat.

Reliquas verò veneficas proximo nocendi animô sibi obstrictas neutiquam deliciis hisce beabat. Quâ de re videatur *Mart. del-Rio, Disquisit. Magicar. lib. 2. quæst. 15. p. 161. seqq.* & *Joh. Bened. Sinibaldus, Geneantrop. lib. 1. tr. 3. c. 2. & 3. f. 47. seqq.* item *fol. 55. seqq.* Porro inquisivi, num quandoque sese gravidam crediderit, aut aliquid partu excluserit? ad quod regerebat, sese ex simili coitu diversis vicibus fuisse imprægnatam, & post nonimestrem gravitationem peperisse aliquoties vel massam nigram frusto carnis fumo induratae similem, vel nonnunquam mediocris magnitudinis murem; siquidem hoc ipsô tempore spatiô trimestri gravidam sese habeat. Hactenus aliquot annis congressum invitissima admisit, ob fervorem lascivum ætate crescente decrecentem, imò conscientiae cauterium persentiscens, hinc à detestabili hoc procô verberibus duriter tractata, & unguibus sæpè lacerata; siquidem nuperrimè, tunc temporis, cognatae gemebunda quæstæ est, quòd eò ipsô momentô coire invitissima cogatur cum scelestissimô, licet invisibili, incubô; imò denudatô inferiore ejus ventre, vidit dicta adstans pubis regionem intumescere ac moveri, ob coeuntis violentiam. E quibus diligenter ventilatis constare credo, istam cum Diabolô inivisse contractum libidinosum; nec caput aliquando quodammodò turbidum, cordisq; anxietatem adfectui melancholico; sed conscientiae pravitarum commissarum menti, ac dolorosas tractationes ægrè ferenti esse adscribendum.

OBSERVATIO CLXXIII.

D. GABRIELIS CLAUDERI.

Thermoscopium noviter inventum.

DE Thermoscopiis, id est, vitris illis, quæ mediante liquore aliquo immisso temperiem & mutationes aeris pro peregrinantium œconomorum ac aliorum commodò indicant, eademque parandi modis varia lectu & visu jucunda videre est in *Actis Philosoph. Reg. Societ. Anglicæ*, in *Actis Eruditorum Lipsiensibus*, apud magnos Anglos, Robertum Fludd, & Rob. Boyle, ap. Otth. de Guericke, in *Experim. de Vacuò*, Balthas. Knithii *Cosmograph. elementarem*, ap. de Febure, in *Tract. Chymici parte 1.* & alibi, quæ apud Autores celeberrimos videantur, cum hîc ea describere, nimis amplum foret. Ne itaque ἀσύμβολοι taceat Academia nostra, in lucem primâ vice prodeat sequens: Dn. Daniel Frisius, Secretarius Ducalis nostras, ingeniosus rerum Mathematico-optico-mechanicarum scrutator, ἐν ἐν ἀγίοις, inveniebat pro tali usu vitrum, concavum in superiore unâ parte globum pugni magnitudine tenens, cæterum Tubæ Musicæ (einer Posaunen) vel Trompettæ partem dimidiam æmulans; veluti quidem sculptoria ars magis perspicuè hoc Tibi sistet. Vitro huic immittitur portiuncula spiritûs vini optimè rectificati; quò subtilior enim ille est, eò citiùs obedit aëri per illius pulsionem suum temperamentum prodituro. Res autem integra unicæ præprimis innititur enchirisi, nimirum ut globus Thermometri priùs incalescat in aquâ calidâ vel super carbones, postea statim infundatur spiritus dictus; nisi enim illud factum, liquor, licet optimè spirituosus, in æquilibrium semper hærebit, frustrâ planè expectatâ aeris immutandi cognitione. Unopluers eruditi rerum physicarum scrutatores neutiquam sibi persuadere patiebantur, possibile esse, ut glo-

globus ille vitreus, unicâ vice parum saltem calefactus adeo potens sit, tam certam, constantem ac diuturnam causari posse alterationem, usque dum varia, eaque valida sua argumenta vel unicâ ratione mechanicâ, id est, experientiâ & autopsiâ exsuccas & imbelles redditas viderint. Fundamentum autem hujus operationis consistit in hoc, ut aër frigidus concentret calorem globo communicatum; calidus autem dissipet; hoc est, aëre redditô frigidiore, liquor contentus tendit ab æquilibriô versus cavum vitri globum; auctô verò aëris calore, spiritus magis magisque repellitur à globô versus alterum vitri canalem; qui canalus modicâ cerâ saltem est obturandus. Parca autem saltem spiritus est immittenda quantitas, uncia una circiter; aliàs enim aër mutatus eundem non tam facilè pellere & repellere valet; Noravi literâ a. in vitrô sculpto, quantum requiratur, dum in æquilibriô constat liquor. Ab aëre summè calidô truditur usque ad literam b. sed aëre summè frigidô existente adscendit usque ad literam c. Vitrarium exposcit expertum, agilem, & patientem; præprimis ille sit sollicitus in parte inferiore incurvatâ parandâ; nisi enim liber transitus pateat spiritui contento, aër mutatus decenter in illum non potest agere, horsum, illorsum pellendo. Longitudo vitri ulnam poterit excedere in parte globum continente; altera pars paulò est brevior; & quò longior est hæc machina, eò celerius promovet spiritum; sed difficilior est paratu; non minùs tamen sperata succedit operatio, si sit brevior; & poterit abbreviari vel imminui, usque ad ulnæ quadrantem. Ut autem dictus liquor spectatoribus eò meliùs sese comendet, pro lubitu hic poterit tingi; v. g. si expetitur color rubicundus, filtretur per santalum rubrum; Si verò color coeruleus, spiritus infundatur per diem & noctem vasi aurichalceo vel cupreo, cui simul immissâ salis armoniaci portio; & sic in aliis coloribus spiritus hic unâ eademque operationis efficaciam constans permanet, quod 8. vel 9. annorum serie in ædibus

ædibus meis, aliisque testari possum; non obstante, quod in perpetuò ferè sit motu, ejusque atomi ab aëre inquietò & variabili semper fatigentur. Vitrum hoc pro lubicu poterit suspendi in aëre libero; commodior tamen locus est propè fenestram, quam radii solares non tangunt; aliàs enim ab his actualiter nimis penetrantibus confunditur regularis juxta aëris mutationem expectanda operatio.

Fig. LXX.

OBSERVATIO CLXXIV.

D. GABRIELIS CLAUDERI,

Compendiosa & subitanea spiritûs vini ac
similium rectificatio.

IN *precedenti observatione* necessarius erat spiritus vini optimè dephlegmatus; hinc huc quadrabunt sequentia: Quantum temporis, impensarum ac tædii chymiurgi consumere teneantur medicamentis rectificatione subtilius reddendis & exaltandis, nôrunt singuli illi, qui vel rudimenta Chymiae nôrunt. Proinde dilectis Philiatris enchirises citò, tutò, ac jucundè sua agentes detegam, quibus molestiæ dictæ maximam partem præcavere licet: destilletur igitur è facibus vini more consuetò spiritus; hunc si desideras magis purum ac subtilem, injice hujus libræ j. vel alteri salis tartari, vel pro redimentis sumtibus ciner. clavellator. (Woodaschen) planè siccator. uncias 2. vel 3. Stent ita aliquot diebus in vitrò clausò, aliquandò agitando, tunc hujus portiunculam accende in cochleari, nisi ad siccitatem deflagret, destilla adhuc semel. Si verò adhuc magis & summè spirituosum optes, lenrissimâ destillatione, aut lenissimò ignis gradu sic pergas; Ita enim partem magis aëream saltem elevari, fateri coguntur omnes, quibus sana ratio spiritûs cerebri rectificat; Et unâ

Dec. II. Annus VI.

Yy

hâc,

hâc, licet tardiore, destillatione felicius & facilius scopum obtines, quam si repetitô opere carbones consumseris, vitra fregeris, &c. Elegans itidem est compendium pro citius absolvendo itinere destillatoriô, si chartam tenuem octuplicem calefactam alliges alembico. Alias Chymiam plusquam superficialiè callens foramen cucurbitæ claudebat spongiâ olivarum oleô imprægnatâ, & sic unâ vice spiritum adeo subtilem obtinebat, cui alias plures rectificationes vix suffecissent.

OBSERVATIO CLXXV.

D. GABRIELIS CLAUDERI.

Thermometrum vivum.

Quantos ars, Naturæ æmula, progressûs hætenus fecerit in perscrutandis & cognoscendis aëris qualitatibus, nobis scitu valde necessariis, præter alios, egregiè docet *Rob. Boyle*, Eques Anglus, in varis scriptis. Specimen laude suâ coruscans per Thermoscopia paulò antecedens quoque proposuit observatio. Indagationem autem hæc non fuisse supervacaneam aut inutilem, vel ex eô patet, quod Natura, & Natura naturans, DEUS, mediantibus brutis terrestribus, aquatilibus, volatilibus instantes aëris mutationes ac intemperies detegere, consultum judicaverint, veluti quidem Physicis ac Oeconomis industriis optimè constat; Quamvis negandum non sit, sub hóc studio laudabili latitare plura anilia ac supersticiosa, quæ eorum experimenta turbant & confundunt. Singulare tamen inter alia dubii eventûs exempla invenere experimentum indicii veritate alia superans, quod est sequens: Datur piscis, lampetræ (*Neunauge* vocant nostrates,) satis similis, nisi quòd binis saltem oculis sit dotatus, qui quidem in fluviis aliquando capitur, præcipuè tamen locorum paludosorum est inquilinus, *der Schlammbeisser* audit piscatoribus. Dicitur piscis

vitro,

vitro, capaci tamen, includi sese patitur; quod pro ejus nutrimento nihil planè continere debet ac portionem arenæ superfusâ aquâ fluviatili vel pluviali 2. vel 3. vicibus in septimanâ renovandâ. Quodocunque igitur præsens aëris temperies sive frigidam, sive calidam nobis minatur metamorphosin, hic piscis præcedente integrâ vel dimidiâ die in vitreâ suâ piscinâ est valdè inquietus, hinc inde movetur, imò aliquando, in specie, ubi metuenda tempestas subitanea, tonitrualis, aut similis, sibilos edere solet; Tempore hybernò in hypocauftis dictò modò conservari sese concedit, tamen propè fenestram locatus. Sculptoris fidei ejus effigiem credidi; cum *Job. Jonstonus* in aliâ accuratâ *animalium historiâ* hujus non meminerit.

Fig. LXXI. *p. 128*

OBSERVATIO CLXXVI.

D. GABRIELIS CLAUDERI.

Pediculos vivos recens-captos avide
devorans.

Quam efficaciæ in nostras actiones obtineat virtus cerebri imaginativa, & quam varias phantasia pati cogatur depravationes, librum hâc de re conscripturo materia non deficeret. Inde antiquum natales hausit axioma, Mundum regi opinionibus. E mille aliis jam saltem prodeat specimen ciborum, qui pro captu aut raptu gularum delicatarum, hunc vel illum appetentium sua fata experiri solent; veluti quidem hæc unusquisque propriò symbolò confirmare vel invitus tenebitur. Dicta talia bellaria mirum, quantum movere salivam solent, antequam arripiantur; Jam autem rarum contingens se offeret; hoc ne Tibi vel solò auditu vomitum moveat, caveas; Sexagena-

rius, inter truculentam belli præteriti Germanici crudelitatem natus, à parentibus rusticis pauperculis in pagò educatus, ob crebras irruptiones militum, etiam ipsa quasi non-Entia illis rapientium, vel fustibus pretium solventium, tantam malitiam cum suis evitaturus, sæpè per tempus in sylvis, campisq; devastatis latens vitam miserrimè producere discit lucifuga. Mortuò ipsius utròque parente, crescentibus annis ingenium semibrutale non minus servabat ritùs, quibus semel imbutum, sylvestres, sanæ rationi satis contrarios; ac licèt aliquando inter homines in pagò degeret, maximam tamen vitæ partem in sylvarum latibulis consumere pergebat, adeò, ut rationales cerebri spiritus tam turbidò obducerentur stupore ac carie, ut plus vice simplici melancholicis solita ederet sensuum specimina & effectùs. Inter varia, eaquæ summè absurdè phantasiæ Sophismata sæpissimè eò sorditici quoque deveniebat, ut pediculos suos recens-aptos devoraret; quasi epulas nutriendo corpori apprimè proficuas. Cùm huic vel illi aliquando intervenienti, ac tam turpia disuadenti surdas præberet aures, res tandem ad illius districtùs Præfectum delata; qui eidem dolosè tandem ad se deducto blandis verbis, cibisque lautis obviam iri, cognatos & ministros jubet; & hoc quidem præprimis ideò, ut successivè animæ, cui de Pietate ne gry constabat, medelam adhiberet. Verùm semi-Faunus iste tractationem hanc honestam aliquot diebus expertus, improvisò ac clanculariè ad sylvestria sua latibula rursus aufugiebat, moribus suis antiquis sibi porrò victurus. Cùm perceperim ac semel ipse viderim, huncce dictos pediculos majori aviditate deglutivissè, ac à delicatulis aliàs tractari solent ostreæ, turdi, leporinæ carnes, & similia bellaria, juxta illud, quisquis amat ranam, ranam putat esse Dianam; ideò mens mihi valdè confusa reddita, causam inventura, quònam modo Divinæ auræ particula istius hominis in sordidissimò

mô hóc excrementô vivô gratum pabulum ac nutrimentum quærere, atque ita in propriô sterquiliniô quasi nidificari voluerit? Ventilabam, num pediculos ille comedat è vindictâ (cùm suô incommodô & æumnâ vivant ac nutrian-
tur,) veluti Cannibales, Americæ inquilini hostium capti-
vorum devorent carnes, licèt suô modô ac methodô priùs
afflas. Dubius eram, num appetitus fomentum caperet ex
innatâ sympathiâ, ob consanguineitatem, & quòd facilimè
inde nutriens possit accedere appositio, cùm suo corpori
natales deberent; nuspiam enim eos venabatur, quàm in
propriæ vestis ac indusii territorio? Meditabar, num gra-
tissimas pulpamenti hujus ideas ideò sibi conceperit, quòd
facilimæ sit deglutitionis, nec damnum tædiosum ei sit me-
tuendum, veluti sæpè fit ex ossiculis diversorum, aut spinis
piscium? Cogitabam, num habuerit, quod metuerit, pe-
diculos, præprimis integros ac vivos deglutitos, eò faciliùs
se ipsi in succum & sanguinem versuros; cùm abundè con-
flet, seminium verminosum fortè aliis cibis assumtum ver-
mes procreare solere? Aut veluti animæ Platoniciæ corpo-
ris actiones essent directuros? Res mihi autem semper eò
recidebat, solitudinem, & quidem sine precibus ac semi-
brutaliter excultam misello isti homini fugæ sordidissimam
phantasiæ sophisticationem, horrendasq; has, vel solo no-
mine singulis intestina commoventes meditationes ac opera
extra dubium produxisse, inde consuetudinem successivè in
naturam degenerasse. Propterea quilibet Christianus quotidie
reminiscatur illius gnomæ: Orandum est, ut sit mens sana
in corpore sanò!

OBSERVATIO CLXXVII.

D. GABRIELIS CLAUDERI.

Candidum de Theriacæ ac Mithridatii
compositione monitum.

Theriacam & Mithridatium millenis hominum myriadibus, & quod amplius excurrit, tam sanitatis factum, tectum servandæ, quàm recuperandæ commodò diuturnis annorum seriebus fuisse exhibita, singuli illi nōrunt, qui nōrunt, DEUM è terrâ medicamenta creâsse, Proindè plures, eadem virgulam censoriam non esse expertura, credidissent. Hôc tamen non obstante, Lectori in memoriam saltem revoco, quæ nostrô seculô præprimis *Johan. Zuvölfferus*, ut & *Otto Takenius*, ac *Johan. Frid. Helvetius* contra eadem non sine applausu multorum propalaverint; dum scilicet summè absurdam censent compositionem ex innumerâ ferè ingredientium farragine conflata, quæ insuper diversissimis constant qualitatibus, v. gr. calidis, frigidis, amaris, acidis, dulcibus, purgantibus, adstringentibus, narcoticis, sudoriferis, diureticis, vulnerariis, & sic porro. Quamvis quidem nemo sanius & sine bile sentientium ibi inficias, composita hæc scatere pluribus superfluis ac incongruis, ut sumtûs valdè possint compendiseri, omittis heterogeneis, vel elegi majore harmoniâ in virtutem bezoardicam conspirantia; Econtrâ tateri vel ipsa invidia cogitur, bigâ hâc medicamentosâ miraculosam opem fuisse exhibitam, & adhuc exhiberi mille-millenis eam expetentibus; ut proindè à posteriori vel ab effectu (more in arte nostrâ non insolitâ) de operationis modô rationes quærere, necesse habeamus; dum scilicet non pauca inter hæc virtute alexipharmacâ dotata, mediante fermentatione aurô contra carâ, reliquâ energiâ penetrabili superaverint ac edomuerint, & ita in mirabili-

rabilem hancce massam transmutaverint ; qua de re consuli poterit *Dn. Luc. Schröckius*, Collega honorandus, item in *Pharmacop. August. restitutâ*, & alii. Quibus ita præmissis ad scopum meum pergo: Dum Pharmacopœus aliquis animum intendit Theriacam aut Mithridatium dispensare, ut plurimum opus aggreditur non è speciebus pro usu quotidiano vendibilibus, vel huic destinatis sed successivis annis separat à reliquo usu puriora & meliora plura pro virtute horum compositorum eò magis exaltandâ. Siquidem in memoriam revocata animum mihi adhuc mirè reficiunt perfectissima ingredientia aliquot diebus ante mixtionem instituendam publico conspectui Venetiis ac alibi exposita, pro communi favore ac votò aucupandò. Ipsa postea dispensatio peragitur præsentibus Senatûs primatibus, ac Medicis, convivia splendida postea instituuntur, & nescio, quæ alia gaudii publici indicia circumvolitent ; Pharmacopœa insuper illi non leve accrescit famæ ac rerum omnium ibi optimè dispositarum incrementum ; adhæc Pharmacopœus talia dirigens genio suo blanditur, nescio quanta sibi pollicetur, ejusque cranium idéis sesquipedalibus adeò turget, ut vix errarem, si statuerem, Scipionem Africanum olim triumphantem tantò superciliò Capitolium neutiquam adscendisse.

Quamvis igitur non diffitear, similem dispensationem plerumque institui à Pharmacopœo eruditione, dexteritate, ac industriâ commendabili ; ideòque meritò suò honore mactandò ; hoc tamen non obstante, non erubesco in contrarium statuere: feliciore operationis successu medicamenta ægrotis exhibentur è Pharmacopœa, in qua Theriacæ, Mithridatii, ac similium compositio non peragitur ; & hoc quidem ideò, quòd ad dicta opera feligantur species puriores, potiore contentorum pharmaceuticorum partem constituentes ; unde infallibiliter sequitur, residua ægrotantibus exhibita minimè tantâ efficacîâ pollere, veluti illa, è quibus delectus
& se-

& separatio nulla instituitur; unius enim generatio & augmentum est alterius corruptio & decrementum.

OBSERVATIO CLXXVIII.

D. GABRIELIS CLAUDERI.

Miræ herbæ hyoscyami vires.

SI faciem hujus plantæ videas, videtur esse tantilli pretii. Crescit enim ut plurimum in locis obscuris, humili suâ quasi in simplicitate, ab aliis herbis deserta, nec facile in amœnis collibus aut pratis varietate amœnâ superbientibus, & ita seipsum quasi pudet, ob inutiles, imò noxias qualitates suas congenitas. Nihilominus sub abjecto ac sordido ejus pallio latitare extraordinariam efficaciam nulli sui simili facile cedentem effectum probat sanè admirandò. Non modò enim somnolentiam ac stuporem sæpè capiti induxisse; sed ipsam quoque rabiem conciliâsse Botanicorum plures testatum eunt; ideòque usum ejus, præcipuè internum, planè dissuadent; accedit, quòd plurima brutorum genera, innatò naturæ, aut Archæi sui jussu, dum aliarum passim occurrentium pastu inhiant, hyoscyamum nauseant, imò ad ejus comestionem sese cogi neutiquam patiantur. Cùm autem in verba Magistrorum sola jurare sit inhonestum, observatum est fertilissimò nostrò seculò modos inventos, quomodo dictum virus edomandum, ac herba hæc, utpote cum aliis à DEO creata, nobis prodesse valeat; veluti ejus essentia, aqua, ipsumque semen internè propinata jamjam docebunt: jubebar 6. abhinc lustris à Magistratu nostro Ducali cum aliis Medicis auxilia suppeditare oppido vicino à dysenteria epidemia crudelia patienti; præsens simul Medicus, rerum Chymico-medicarum apprimè gnarus inter alia varia commendabat experienciâ probatam potionem sequentem: R. Aqu. Hyoscyami ℥iij. Syrupi Flor. Papav. errat. Cydonior. ana

ana ℥ss. Miso. Hæc felici effectu acres ebullitiones reprimebat, tormina sedabat, ac vires refocillabat. Quanquam postea diversis in morbis, additis tamen semper appropriatis, adhibere soleo; & cum in residuo à destillatione potiore virtutis portionem restare crediderim, succum expressum in extractum inspissare curavi, ubi observabam, inter coctionem innatare spumam crassam foetidam, quam cochleari cautè separavi, cum extra dubium maligna ista sulphurea, ac quasi venenata sylvestreitas præprimis in eâ resideat. Huic extracto superfudi Spiritus Lilior. convall. q. s. pro Essentia extrahendâ. Mixtam hanc essentiam adpropriatis confortantibus, purificantibus, figentibus, &c. prout affectus jusserit, hucusque securè propino eadem dosi ac methodo, veluti essentias opii cautè præparatas doloribus sedandis, fermentationibus p. n. calidis suppressendis, somno leniter procurando adhibere solent Practici moderni sagaciores. Ipsum, quoque hyoscyami semen innoxie, & laudabili ægrorum solatio internè datur, veluti in Observatione de Hæmoptysi videbis inferiùs. Quemadmodum ita usui interno sese accommodare patitur hyoscyamus, ita multò magis externis miscetur remediis, præcipuè, ubi virtus anodyna expetitur; sic v. g. sæpè contra dolores abdominis à sero acri vel acidò ortos (junctis tamen simul internis) mirè profunt bini sacculi in lacte cocti, alternatim impositi, qui continent Herb. Hyoscyami, Flor. Chamomillæ, Summit. Anethi, Semen Cumini, Baccas Juniperi; non minùs Oleum è semine expressum mixtum Oleo Chamomill. vel Anethi, & stillatio Chamomillæ optimè conducit. Quamvis autem, uti dictum, hyoscyamus citò, tutò, ac jucundè viribus suis beet ægrotos, tamen juniores Practicos monere, consultum censui, quòd hic quidem omninò aliis sit miscendus, tamen temperatis; minimè verò violentis ac nimis penetrantibus; v. g. salibus alcalibus copiosis; Candidè apponam exemplum: Fœmina primaria corripiebatur intensò abdominis dolore scorbuticò;

internè propino statim sal volatile oleosum cortic. aurantior.
postea Oleum Amygdal. dulc. mixtò Vini Malvatici modicò ;
exteriùs curo applicari species in lacte coquendas paulò
antea notatas. Medicus verò simul in consilium vocatus pro
magis augendâ remedii efficacîa mihi persuadet, ut locò la-
ctis species coquantur in decocto calcis vivæ. Dum famula
sacculum decocto exemptum exprimit pro applicatione, am-
bæ manûs, ut & per consensum brachia, corripiuntur subito
tumore ac stupore valdè dolorosò per aliquot dies, Spiritu
Lumbricor. terrestr. ac Spiritu Salis Armon. item Decoctò Spe-
cier. nervinar. corrigendò,

OBSERVATIO CLXXIX.

D. GABRIELIS CLAUDERI.

Tinctura Nephritico-hypochondriaca, in
præparatione destillatoria rubrò co-
lore statim prodiens,

CHyiatriæ cultores Tincturarum, Essent. & Elixir-
ium digestionem extractorum virtutem indicare & co-
gnoscere solent per menstruum rubicundò colore
magis, magisque saturatum; & hoc quidem ut plu-
rimùm non immeritò; dicta autem rubedo successivâ dige-
stione se prodit. Novem abhinc annis in methodo mea bal-
samandi sine evisceratione docui modos, quomodo pulcher-
rimus rubinus ille dimidij horæ quadrantis spatiolò extor-
queri possit. Non minùs laboriosò nostrò hoc seculò non-
nulli per ignem Philosophi tentabant, horumque paucissimi
tentatas obtinebant enchirises, quomodo dicti liquores, alias
longâ circulatione obtinendi, destillatione per alembicum
subito sint acquirendi. Modum olim mihi concedidit Ar-
chiater Oenopontò-Austriacus, incomparabilis experientiæ
Chy-

Chymicus, *D. Osvaldus*, dum scilicet sanguis humanus, cervinus, aut similis adhuc calidus, spiritibusque suis innatis turgens venæsectione statim emittatur in cucurbitam, sal volatile viperarum, vel locò hujus flores salis armoniaci, vel saltem pulverem hujus salis continentem; vas subito optimè claudatur, per mensem ita circuletur, sæpè agitando; postea cautâ ac lentâ manu destilletur, & descendit tinctura rubini-formis, cujus dosis 4. 5. guttæ, miræ operationis in omnibus adfectibus, ubi volatilia expetuntur, & sanguis spiritibus depauperatus balsamicam optat refocillationem. Hisce præmissis pergo ad illa, quæ titulus observationis promittit; sic autem proceditur: R. Tartari crudi, Mineræ Antimonii, Silicum purissimor. (quippe qui sulphure auri volatili turgent) Nitri puriss. ana q. v. circiter ℥iv. ad vj. optimè pulverisatis superfunde roris majalis, aquæ pluvialis, vel adpropriatæ q. s. ut benè humectatis digiti unius latitudine superemineat, stent ita aliquot septimanis vel potius mensibus in vasis optimè clausis, ut species magis magisque in se agant, ac se invicem recludant, præprimis nitro mediante; aliquoties agitentur; postea destilla per retortam tubulatam, cochleari materiam successivè immittendo, ceu nôrunt Chymici, ac tali methodo aliàs proceditur in parando clyffo antimonii, & similium; & conspicias destillare tincturam optimè rubini-formem. Monendus quoque hic est Lector, minimè majorem, ac dictum, liquoris portionem esse affundendam; aliàs obtines medicamentum minori rubore, ac viliore virtute imprægnatum. Nonnulli addunt particulam Salis urinæ vel saltem Salis Armoniaci speciebus; Alii hoc vasi recipienti immitrunt in destillatione, pro augenda remedii penetrabilitate. Miram sanè operam exhibet hoc contra morbos quoscunque à cruditatibus putridis ac tartarò sanguinis oriundos, insigni pollet virtute diureticâ, calculum, hujusque analogâ gloriôsè frangens & expellens; dosis sunt 20. 30. 40. guttæ. Te Lector benevole, latere nolo, hunc non mei cerebri; sed alterius,

nescio cujus, esse foetum. Præteritis annis similem vendebat quidam, non sine pingui fœnore.


OBSERVATIO CLXXX.

D. GABRIELIS CLAUDERI.

Medicorum è Româ antiquâ olim factam expulsionem Arti Medicæ neutiquam dedecori, sed magno cedere honori demonstratur.

UTi communis, ita inhonesta Medico - Mastigum vagatur *ἐπιχαίροντι* in nostram Hygëam, Medicos olim è veteri Româ celeberrimâ fuisse expulsos, exinde concludentes, hosce esse supervacaneos, inutiles, imò noxios. Verum enim verò, si accuratè res ventiletur, hoc neutiquam in opprobrium, sed potius honori cedere sanctæ arti pateſcet, quòd ipsi quidam è Magnatibus, Matronisque ibidem primariis, pro illius seculi geniò, nonnihil rerum medicamentosarum, ex hâc vel illâ herbâ, radice, &c. componere calluerint, & agris suis exhibuerint; partim, quòd nonnulli è fæce plebeiâ Procerumque mancipiis imperfectam & confusam obtinuerint scientiam quorundam remediorum simplicium; Unde miscebant unguenta & similia, præprimis externa, pro tenui suæ eruditionis ac ingenii modulò; proinde tunc Medici etiam audiebant unguentarii, seplasiarii, varios errores ac abusus in arte committentes, ut ita ferè sint comparandi ludicræ illi circumforaneorum sectæ, quæ incistulâ sapientiam suam omnem, omnesque res medicinales, horsum-illorsum vagando, venum exponere, & sic tam è malitiâ, quàm ignorantia publico rerum statui, proximiq; crumenis illudere consueverunt. Quibus stantibus, modernam Medicinæ autoritatem neutiquam ferit.

ferit aut imminuit, tam inertes, malitiosos ac fraudulentos urbe fuisse expulsos. Honor autem Medicis detrahi visus non redditur modò; sed etiam augetur, quòd carere iisdem non valuerit, ideoque eos receperit, (præprimis crescente successivè medicâ prudentiâ,) & sic erroris commissi seipsum convicerit S. P. Q. Romanus, incomparabile rerum suarum gerendarum sagacitate terrorem quasi panicum toti tantum non orbi tunc incutiens. In quantum surrexerit successivis temporibus autoritas & confidentia in Medicinam fastigium in Româ novâ, usque ad modernam, autopsia dubitantes & Satyricos optimè poterit docere, si eam accedant; E viris literatis nostrò hòc seculò ibidem claris in scenam saltem prodeant *Paulus Zacchias & Joh. Bened. Sinibaldus*, quorum ille *questionibus medico-legalibus* doctrinâ Regum opes æquantibus, & hic *Geneanthropiâ* incomparabili commune non modò Medicis, sed etiam causarum Patronis exhibent solarium & asylum. Huic bigæ non possum non annectere celeberrimum *Franc. Josephum Burri*, qui jamjam aliquot annis in S. Angeli Castellò ibidem servatur, nescio ferè, an captivus, an thesauri locò. Videtur Pontificem Maximum doctes ejus medicas, utpote satis raras anteponeere theologico-enthusiasticis ejusdem erroribus; Optandumque foret, ut modò dictus Pontifex Maximus, qui ob auxilia aurea bello anti-Turcico mirè præstita post sua fata vivet, eundem adigeret, ut pro commodo publico in lucem edat medicos mentis suæ foetûs lucernam olentes.



OBSERVATIO CLXXXI.

D. GABRIELIS CLAUDERI.

Culter costæ medium transfodiens, vulnere lethali.

A Micus amicum ob verba jocosa, ipsis aliàs frequentissima, malè intellecta rixis primò invadit, dein iræ furore percitus cultrum non acuminatum, sed rotundum (quales Anglia præprimis transmittit) improvisò arripit, eoquæ hypochondrium ejus sinistrum vulnerat. Succedunt statim lipothymiaæ fortes, corpus frigide sudans, imminutio imò plenaria per 2. horas pulsûs absentia, & alia morituris consueta. Post statim exhibitum cordiale & adstringens cum Chirurgò accuratissimè, ceu decebat, inquirebam in vulnus, quod costæ sextæ veræ medium tetigerat; stilis cautissimè inquirebamus, ubinam vulnus ad interiora penetraverit, sed nec minimum indicium reperire licebat; proinde cum singulis adstantibus eò magis stupefcebamus causam symptomatum lethalium, eamque, licet inviti, obtrudere cogebamur subitaneæ spirituum dissipationi ac resolutioni à violentâ incandescencia, ac dein terrore vulnerationem succedente in semiebrio excitatæ; Vulnus enim nec visu, nec instrumentis inquirentibus cognoscibile & subtilissimum per osseam costæ substantiam transisse, nemo unquam divinâset; transitumquæ hunc vulneris eò minùs metuere poteramus, cum rixarum socii fatebantur, vulnerantem post triste facinus, fugâ sibi consulturum, dictum cultrum vaginæ suæ intrudisse, ut ita summâ dignum sit admiratione, possibilem fuisse cultri integri, nec fracti immissionem & emissionem, quod extra dubium ira, brevis ille furor, præstitit. Post adhibita varia interno externa confortantia, vulneraria, &c. elapsis 8. horis quodammodò ad se

se redire videbatur, dictis symptomatibus remittentibus, nihilominus tamen paulò post succedebat denuò subitanea, ea-
que integra caloris innati suffocatio, ob sanguinem & spiri-
tus cordi circulanti subtractos. Abdomine apertò reperiēba-
mus ejus cavitatem sanguine extravasatò planè repletam,
Causam tantæ hæmorrhagiæ inquirentibus apparebat disse-
cta diaphragmatis portio, non procul, ubi hoc cum costarum
extremicatis connectitur; conspiciebatur itidem dis-
sectus subjacens lien usque ad mediam substantiam, unà
cum contentis vasis parvo-magnis, læsione duos digitos trans-
versos latâ; diffidit non minùs omentum cum suis canalibus
sanguifluis, usque ad ventriculi fundum penetrando. Ocu-
lis itaque se offerebant dictò modò tot vulnera cuidam cultro
secanti proportionato; Cùm autem introitus singulos stu-
pescentes eludebat, invitâ Minervâ in huncce inquirentes
tandem inveniebamus, cultrum transisse per medium costæ
sextæ veræ lateris sinistri, binos digitos transversos vulnere
à cartilagine distante; de quâ viâ nec per somnium cogitas-
set quidam. Apparet inde, quàm dubii ac inopinati casûs
sæpius artem nostram turbare soleant.

OBSERVATIO CLXXXII.
D. GABRIELIS CLAUDERI.
Caprea Cornuta.

ET caprum & capras domesticas maximâ sui parte esse
cornigeras, nullos latet, nisi cœcos, imò nec hos qui-
dem, cùm ex aliorum relatione, propriòque tactus
sensu haud difficulter hoc discere queant. In sylvestri
autem huic confini genere, capreolò nimirum, suâque ca-
preâ solus maritus est corniger; iique in plurimis partibus
analogicè sunt conformes cervo ac cervæ, adeò, ut ab his
solâ ferè corporis mole distent; unde etiam caprea, veluti

cerva, cornibus ordinariâ Naturæ lege destituuntur. His tamen non obstantibus, & in hâc Archæum universalem ludere offendimus; Vix enim annuô spatiô abhinc elapso in sylva vicina capreolam vel capream venator transfodere jubetur, pro culinæ auxilio; facto autem fit, ut is mandato satisfaciens offerat inscius capream cornigeram, cornibus quidem hirsutis existentibus, veluti & ipsi cervi similia cornua primùm exhibere solent. Utrumque cornu constabat ex osse in globos quasi contortô; eorumque unum non in solitam cornuum capreolorum altitudinem adscendebat; veluti manus sculptoria clariùs demonstrabit. Capream cornutam alibi fuisse repertam, me legisse non reminiscor. De cervâ autem huic cognatâ sequentia legere est apud *Joh. Jonstonum Histor. natural. de Quadruped. libr. 2. cap. 2. articul. 7. f. m. 87.* Cornua Cervo inter reliqua animalia sunt maxima, cervæ nulla, repertæ tamen cornigeræ, quas Maximilianus observavit, & *Scaliger* vidit. Confer. etiam *Ephemerid. harum Dec. I. An. IX. obs. 88. nec non Dec. II. Ann. II. obs. 98.*

Fig. LXXII.

OBSERVATIO CLXXXIII.

D. GABRIELIS CLAUDERI.

Lepus Cornutus.

Familiam leporinam non esse cornigeram, quotidiana docet autopsia. Quamvis autem millenis, qui lepores venantur, & mille-millenis, qui captos comedunt, perinde sit, an sint alati, an cornuti, an quadri-anquipedes, modò quæsitum ab iis pulpamentum leporinum non sine indignatione salivam movens hianti gulæ satisfaciat. Nihilominus omninò decet in similibus naturalibus rarò obtingentibus esse curiosum. *Joh. Jonstonus, Histor. naturali de Quadruped. lib. 3. cap. 13. f. m. 157.* binos depingit, specia-

specialiori de his descriptione non productâ. Simile leporis cornuti exemplum communicavit Johannes Löser, Electoratus Saxonici Marechallus hæreditarius, Salizii Toparcha, qui à nobili vicinô in venatione captus, & plusquam annuo spatio in areâ occlusa nutritus vixit; figuram ejus sculptor oculis proponet; ubi notandum, illum, præter cornua insolita simul quoque à naturâ notatum fuisse pilis ex albo in cinereum colorem vergentibus.

Fig. LXXIII.

OBSERVATIO CLXXXIV.

D. GABRIELIS CLAUDERI.

**Sputum sanguinis largum & frequens ob
pulmones globulô olim
transfossos.**

Pateritô annô Ephemeridibus nostris inferebam remedia antiphthifica, placet jam subungere in gratiam juniorum Practicorum Hæmoptysin, crudelem non minus vitæ Humanæ hostem; & hoc quidem occasione casus sequi satis rari: Vir generosus trigésimo circiter ætatis annô à latronibus in sylva sclopeto transfoditur per pulmones, ob vasa majora læsa sanguinis maxima statim copia profunditur, adeò, ut latrones mortuum eum credentes, rebus omnibus secum portatis abreptis, fato suo reliquerint. Hic postea ab itineris sociô, fugâ statim sibi consulente, ac post socii spoliū reduce, rhedâ urbi vicinæ immissus, Medico-Chirurgicis auxiliis fuit conceditus. Quæ quidem id præstiterunt, ut rivi hæmoptoici consolidati subsisterint; postea tamen quotidie fuit coactus sputum cruento-purulentum, quale aliàs Phthifici protrudunt, excernere. Cæterum valebat, ut licuerit ipsi rebus suis publicis valdè seriis,
Dec. II. Annus VI. Aaa etiam

etiam per itinera, eaque aliquando non brevia, sine alio incommodò satisfacere; cogeatur tamen falsedinem ferri sanguinei corrigere, pulmonisque balsamum necessarium conservare per nonnulla medicamenta, insimulque diætæ regulis strictissimè obedire. Hoc modo per 16. vel 17. annos vitam protrahebat tantum non miserè; hinc ob robur Archæi à laboribus seriis & senio accedente debilitatum majores vires sumebat falsedo feri, & vasa jamjam marcida rursus erodebat, & quidem tantâ violentiâ, ut sæpius 2. vel 3. dierum spatio sputo excreverit 5. 6. ad 10. libras sanguinis purissimi, non sine vitæ periculo; vel ad minimum metu instantis hecticæ, vel cachexiæ, ob sanguinem spiritibus balsamicis depauperatum. Plus vice simplici tamen occludi sese patiebantur hæc vasa per 5. 6. 10. imò 15. menses, usque dum tandem aliis inserviando, uti candelæ, consumebatur. Dictis modò symptomatibus obviam ibam remediis seqq. alternatim & successivè exhibitis, insimul repetitâ, licet parca, venæ sectione, ac sub regularum diæteticarum fayonio; & quidem in paroxysmo: R. Tinctur. Sulphur Vitrioli 3iij. dosi 30. vel 40. guttæ, 2. 3. 4. vicibus in die, (hujus Tinct. elaborandi modum sequens docet observatio,) R. Lapid. hæmaticis præpar. gr. x. antihectici poterii gr. vij. pulveris anodynii, terræ catechu. ana gr. iv. M. detur in triplo, vesperi unus; R. Lixivii lapidum Cancri (dum his vinum superfunditur, & per noctem ita relinquitur) 3iij. S. confortans ac acidum corrigens, 1. 2. cochlearia aliquando sumantur. R. Pulver. Sympathetici è Vitriolo 3iij. indatur vasculo, sputo cruento humectetur, sicceturque in loco temperato: Aliâ vice, vel post hæc: R. Ulnæ Cranii Hum. Magisterii Jovis ana 3ij. Sperniolæ Crollii 3ij. Misce optimè, 3ß. pro dosi. R. Tinctur. Sulphur. Vitrioli adstring. 3ij. Essent. opii vel hyoscyami superius descriptæ 3ß. S. 30. guttæ pro dosi. R. Terebinthinæ Venet. 3ij. cum lapid. cancri & specier. diatragac. frigidar. ana q. s. f. l. a. pilulæ, harum nonnullæ per vi-

ces deglutiantur. \mathcal{R} . Spermat. ceti non rancidi gr. xv. vel per se in ovo sorbili, vel mixtô panis faccharini $\mathfrak{z}\beta$. detur in quadruplo. \mathcal{R} . Tinctur. Flor. Papav. errat. Bellid. rubr. ana $\mathfrak{z}\beta$. dissolve Nitri refinati $\mathfrak{z}\text{ij}$. pro alteratione sanguinis 60. guttæ sumantur inter cibum. Deinde: \mathcal{R} . Lact. Lunæ $\mathfrak{z}\text{ij}\beta$. lapid. hæmatit. præpar. $\mathfrak{z}\text{j}$. antihect. Poterii, Terræ Catechu. Cinnabar. nativ. Hungar. ana $\mathfrak{z}\beta$. M. $\mathfrak{z}\beta$. pro dosi. \mathcal{R} . Semin. papaver. albi $\mathfrak{z}\text{ijj}$. portulacæ $\mathfrak{z}\text{ij}$. hyoscyami $\mathfrak{z}\text{j}$. cum f. q. aqu. symphyti & portulacæ f. l. a. Emulsio, adde Ebor. f. igne, Terræ Sigill. Boli armen. præparat. ana $\mathfrak{z}\text{j}$. pro viribus refocillandis, & dulcificandâ acidâ salsedine. \mathcal{R} . Rasur. eboris $\mathfrak{z}\text{ij}\beta$. ras. dentis equi marini, priapi ceti vel cervi ana $\mathfrak{z}\text{ij}$. flor. papav. errat. bellid. rubr. ana piij . gummi tragacanth. $\mathfrak{z}\text{ijj}$. ebulliant in aquâ, exprimantur, f. l. a. gelatina, $\mathfrak{z}\text{ij}$. vel ijj . pro dosi in brodio. \mathcal{R} . Lactis virginis, id est, lithargyrii aceto soluti & cocti, olei rosar. vel sambuci, ana, q. v. Misce pro unguento spinæ dorsi ad sanguinem alterandum. Alio in paroxysmo: \mathcal{R} . Lapid. hæmatit. præpar. lapid. canceri ana $\mathfrak{z}\text{j}$. Semin. portulac. plantaginis, hyoscyami ana $\mathfrak{z}\text{ij}$. Misce, dosi $\mathfrak{z}\beta$. \mathcal{R} . Pulver. rad. symphyti $\mathfrak{z}\text{j}$. cum f. q. aquæ symphyti f. l. a. mucilago, cui per linteum tractæ adde Syr. de Symphyto $\mathfrak{z}\text{ij}\beta$. Bals. Sulphuris, oleo sem. papav. albi extracti $\mathfrak{z}\beta$. f. l. a. Potio contra acrimoniam. \mathcal{R} . Lapid. canceri, pulver. virgæ aureæ, agrimonie, millefolii ana $\mathfrak{z}\text{ijj}$. Misce, aliquando sumatur $\mathfrak{z}\text{j}$. \mathcal{R} . C. C. usti, Ebor usti ana $\mathfrak{z}\beta$. pulver. Terr. catechu gr. v. M. detur in sextuplo. S. \mathcal{R} . Nitri refin. $\mathfrak{z}\text{ij}\beta$. dissolve in aquæ spermat. ranarum, plantaginis, aceti rosati ana $\mathfrak{z}\text{ij}$. M. linteo duplici applicentur thoraci & dorso pro sanguine alterando, in paroxysmo vehementi. \mathcal{R} . Essent. terræ catechu. $\mathfrak{z}\beta$. d. f. 40. guttæ aliquando inter cibum pro stomacho aliis læso solando. Extra paroxysmum, & vasis consolidatis per intervalla exhibebantur, pro sero acri dulcificando & incrassando & balsamo pulmonibus adeò debilitatis restaurando varia jamjam dicta; quibus addebantur alia purificantia, v. g. Tinctura

ctura è Vitriolo Martis & Sale Tartari, Tinct. è Vitriolo Martis & Sacc. Saturni, Ess. Martis succo pomor. facta, Tragea. è lap. cancri, Ebore, Corallis, Croco Martis, &c. Pro chyli. & sanguificatione juvanda inter cibum aliquando Mixtura ex Essentiâ absinthii, terræ catechu, cum spiritu salis armoniaci. Extra cibum verò mirabile auxilium in hoc, & aliis feri acris violentiam experientibus vidi in potu lactis tepidi, cui frustum chalybis igniti 2. 3. vicibus immissum ab $\frac{1}{2}$ ss. vel plus haustum; cum euphoria quoque applicabantur clysteres è solo lacte, addito sacchari modico.

OBSERVATIO CLXXXV.

D. GABRIELIS CLAUDERI.

Tincturam Sulphuris Vitrioli parandi
modus.

IN antecedente observatione mentio facta est Tincturæ Sulphur. Vitrioli; cùm autem methodus parandi non sit ubi-
vis obvia, aut ab aliis occultetur, pro ægrorum commodo hîc se sistat: R. Capitis mortui spiritus vitrioli communis q. v. toties huic affunde aquam communem, donec, omne sal, & virtus vitriolica elixivietur, & reddatur terræ planè emortua & insipida; aliàs certè mover vomitus hujus usui summè contrarios. Huic in vitro superfunde spiritus ex anaticâ portione salis & nitri destillati q. s. ad eminentiam 4. digitorum; Si cædium ex hâc destillatione nausces, superfundantur saltem ita dicti spiritus mixti seorsim s. a. destillati. Hæreo heic sanè, an hoc medicamentum ratione ortus sui, an verò ratione rarissimæ operationis Nos in majorem rapiat admirationem. Paratur enim è Terrâ verè mortuâ, innatisque suis qualitatibus, quantum quidem possibile, penitus privatâ, cùm aliàs ad medicamenta paranda consideretur virtus quò fortior, eò melior; norunt insuper Pyrote-

rotechni, si Caput mort. Vitrioli dictum post Destillationem Spiritus in superiore domus contignatione vel sub testo per unius vel alterius anni spatium aëri exponatur, ita tamen, ne à pluvîa tangatur, à Vitriolico seminio attrahi Sal aëris tam copiosum, ut fecundam destillationem denuò præstet, veluti prius factum. Virtus autem medicamentosa Tincturæ nostræ consistit in hoc, ut non modò sedet miraculosè omnes hæmorrhagias internas, pulmonum, uteri, narium, dysentericæ, ac vulnèrum; & hoc quidem tantâ efficacîâ, ut me paucissimis saltem vicibus deseruerit; sed insuper quoque edomat cephalalgiam; imò in aquâ aliquâ appropriatâ in ore decemta odontalgiam sedat; dosis sunt 30. ad 40. guttæ. Operationem autem hujus remedii mediante aliquò Magnetismò fieri, non poterit negari; de quo effectû varia controversi in Tract. meo, *Inventum Cinnabarinum* insignitò, quæ ibidem à Curiosis videri & ventilari pro lubitu poterunt.

OBSERVATIO CLXXXVI.

D. GABRIELIS CLAUDERI.

Vomicæ pulmonis plusquam quadragesies
sanatæ in muliere.

Pulmonum Vomicas ut plurimùm interimere misellos, qui experiri eos coguntur, novit Medicina nostra, & dolet; dum scilicet subitanea ejus apertio suffocationem balsami vitæ ac respirationis causatur; vel quibus lethalis ea non est, ad minimum portio puris effusi putrida relicta successivè in sui similem corruptionem pulmones transmutat, ut lentò ac diuturnò ulcere non minùs ad plures ablegentur. Admiratione dignum est sequens exemplum: Fœmina quinquagenaria pluribus annis plurima patitur symptomata nephritica splenetico-hysterica à serò acri biliosò, quæ falsedo dein pulmonibus in specie molesta fuit, & tandem

vomicas ibidem paravit non unam, vel alteram; sed spatio 12. annorum 40. ad 50. imò 60. circiter. Quas singulas, mirum sanè dictu, uti sine longis tædiis, modicò saltem calore, & modicâ tussi generabat, ita quoque post aliquot uncias puris cocti expectorati feliciter consolidabat semper benefica natura; usque dum tandem dictò ætatis tempore, pulmone aliquot mensibus tussi siccâ, asthmate vehementi, & calore præprimis marasmode ad incitâ redactò, experiretur humanum fatum. Nisi modò proposita oculis meis sæpè viderim, & auribus meis audiverim, tam facilè hoc mihi persuadere vix paterer. Ita non rarò quasi monstra fiunt in Medicina. Obviam autem ivi malo & ingrato huic hospiti, extra paroxysmum quidem acido-salsas cruditates dulcificantibus, purificantibus, præcipitantibus, &c. quæ passim videre licet in paulò præcedente *Observatione de Hæmoptysi*, & præteriti anni *Observat. de Phthisi*, ut & alibi. In specie multum ei profuerunt usta, v. g. \mathfrak{R} . C. C. usti, Eboris usti ana \mathfrak{S} . Lact. Sulphuris, Pulv. terr. catechu ana gr. iv. Pulver. Anodyn. Cinab. nativ. Hung. ana gr. iij. Misc. detur in quadruplo; \mathfrak{R} . Bals. Peruviani \mathfrak{S} . Pulv. Saccari Candi \mathfrak{Z} iij. Misc. sumatur aliquando modicum; Tragæa è Lap. Cancr. Ebores, Unic. fossili, Crocò Martis, cum Sem. Anisi ac Fœniculi pro usu ferè quotidianò adhibebatur. In paroxysmò optimè conducebat Sperma Ceti, Balsamus Sulph. Oleò Amygdalar. factus, & alia, quæ de Hæmoptysi ac Phthisi propalavi; fundamentis medicis enim initiatus, facilè ventilabit, quæ profunt. Heic addendum censui monitum, me præteritò annò *Observat. de Phthisi* inseruisse aquam antihecticam compositam Epiphaniij Ferdinandi, quæ quidem dictò modò est parabilis; sed parca saltem liquoris portio procedit, imò nisi cautè tractetur, empyreuma facilè contrahit; proptereà securius speciebus simul affunditur, quantitas aquæ appropriatæ, cerefolij, veronicæ, aut similis.

OBSERVATIO CLXXXVII.

D. GABRIELIS CLAUDERI.

Vir suffocatione uteri laborare creditus.

Quanta-quanta damna ægrotis, quanta-quantaque
tædia Medicis jam pariat neglectum olim Anatomiae
studium, experiuntur quotidiebus Practici. In sce-
nam modò nunc prodeat uterus; quantam absur-
dorum congeriem & saburram de hoc nostris auribus invitis-
simis obtrudant partim veterani Barbitonsores & Chirurgi
hermaphroditici, (de Medicis modernis enim talia producere,
in opprobrium cederet Arti nostræ) partim & præcipuè à se-
xu sequiore, ab imperitâ obstetricum familiâ, imò Matronis
cætera non adeò stupidis, captum ferè superat apud Viros sa-
nâ ratione utentes; modò enim uterus hinc inde vagatur per
abdomen, tormina excitans, & nescio quæ alia; modò ad
thoracem adscendit, ibique asthmaticam suffocationem mi-
natur, modò adhuc altiora petit; ipsum quasi cerebrum in-
visurus; Siquidem foemina supra sexum sapiens, (quod aliis
idem est, ac delirare,) ambagibus specialissimis enarrabat, ute-
rum ipsi è stomacho per totum Oesophagum usque ad fauces
fuisse elevatum, adeò sensibiliter, ut aliquoties petulantem
istum digitis apprehendere, & captivum tenere constituerit.
Risum teneatis Amici! patiebatur enim ista faucium stran-
gulationem à sero acido-austero Oesophagi tunicam exsiccante,
& molestè corrugante, veluti corium aut vesica bubula
humida post exsiccationem rugas contrahit. Imò eò tandem
devenit stolidi istarum sapientia, ut passiones similes viris
quoque contingere, statuere non erubescant. Sic nuper elap-
sò annò foemina me celerrimè accedere rogat, ob maritum
improvisò violentissimis correptum symptomatibus; acce-
dens,

dens, invenio misellum istum Matrum conscriptarum mulie-
bri sapientiâ turgentium coronâ cinctum, quarum aliæ li-
gamentô fortissimô abdomen constrinxerant, veluti hysteris
solent, naribus alia sulphur accensum, combustam alam an-
serinam alia applicabat, alia filô appendebat collo castoreum,
& nescio quæ alia à præposteris cerebellorum spiritibus di-
ctabantur; plures clamabant, nisi extemporaneum suppe-
ditetur auxilium, ægrum ab utero adscensô brevi fore stran-
gulatum, ac anxie verebantur, ne ejus animula vagula blan-
dula per guttur aut superius, aut inferius corpori subito vale-
diceret. Decumbebat autem æger valdè asthmaticus, mate-
riâ crudâ fluatuosè in abdomine fermentante, ac *αῖμα καὶ χυλὸν*
exitum quærente; uxor causam statuebat non adeò ineptè,
quod paulò antea post incandescentiam ingurgitaverit car-
nem pinguiorem, superbibens largiùs solitô potum frigidum.
Remotis itaque modò dictis, Spiritum Salis Armoniaci nari-
bus applicabatur, & propino Sal volatile Oleosum Anisi, di-
versis indicationibus simul satisfaciens; ventre inunctô Spi-
ritu compositô è Spiritu Juniperi, Rutæ, Salis Armon. cam-
phoratô, ac clystere revellente applicitô; & brevibus diebus
reconvalescebat. Scribo hæc præprimis in gratiam Philia-
trorum, ut eò citiùs eradicare discant tales errores vulgares
ægrorum commodô, ac artis honore. Quod autem attinet
affectionem istam hystericam, quam vocant, superfluum erit
de hoc multa philosophari, cum egregiè id hætenus præsti-
terint Neotericorum diversi; scil. tumultûs isti dicti abdomi-
nis natales debere cruditatibus fermentantibus in abdomine,
præprimis in mesenterio ac intestinis, atque vasis contentio-
rum ibidem viscerum, ad uterum tendentibus. Proinde et-
iam remedia dolori colico, quem vocant, & passioni hystericæ
vocatæ eodem modô auxilium suppeditant; qualia præter
jam laudatum laudabiliter præstant Sal volatile oleosum Suc-
cini, Aurantiorum, Rutæ, item Essentia Castorei volatilis ali-
bi à me descripta, Essentiæ alcalicæ è mumia, fuligine; ad-
ditis

ditis Ess. Theriacæ, aurantior. & centum aliis probatissimæ experientia.

OBSERVATIO CLXXXVIII.

D. GABRIELIS CLAUDERI.

Fonticulus à rustico arthritico ex indignatione sibi ipsi factus.

Fonticulos, uti varia alia auxilia Medico-Chirurgica, v. g. venæsectionem, scarificationem, clysteres, &c. acriter impugnat in suis operibus Vir de arte nostrâ aliàs immortaliter meritus, *Joh. Bapt. Helmontius*; & videtur hoc factum non sine ratione; sic v. g. quod fonticulos attinet, singulis notum est, plurimos, ferè dixerim omnes, præcipuè phlegmaticos, manè surgentes vel solò primò scœratu, aut tussiculâ plus lymphæ extravasatæ in mucum incrassatæ exturbare, quàm integris 24. horis tædiosa fonticuli exspuit cavitas; (de reliquis taceo per diem excretis, ut & quales per alia excretoria, v. g. nares totâ die exturbentur bombi & carcassi mucosi.) Hoc tamen non obstante, vel millies-millena produci possent in contrarium exempla, virtutem fonticulorum revulsoriam incomparabiles ægris & præservando & sanando exhibere effectûs. Locò plurium, jam prodeat unicus: Rustico, valdè corpulento, doloribus arthriticis miserè cruciato non sine metu successuræ apoplexiæ, vel asthmatis suffocantis, curo inuri per Chirurgum in brachio dextro fonticulum, & ob felicem hujus operationem paulò pòst in crure sinistro alterum. Hic sentiens, Archæum optatò sibi levamentò exturbare hisce viis supervacaneas ac sylvestres feri sanguinisque cruditates, aliquoties aurem mihi vellicavit de bigâ fonticulorum residuis quoque binis artubus inurendâ. Me autem ob varias causas hoc renuente, acci-

dit quâdam vice, ut in brachio sinistro pustula ulcerosa pififormis ipsi suboriretur. Occasione hâc commodâ Philosophicus hic rusticus, & Chirurgi simia, veluti aliàs ars imitatur naturam, ita ille naturam cogit, ut imitetur artem, dum pure detersô pustulæ cavitati intrudit pisum, circumligatq; lin-teum, more fonticulis solitô; & hoc omne quidem eâ, quam sibi promiserat, efficacîâ.

OBSERVATIO CLXXXIX.

D. GABRIELIS CLAUDERI.

Patris-familias morituri in arboribus &
fructibus præsagium.

Quantas turbas tædiosas, quanta impia scandala pro-generaverit, & adhuc progeneret in rebus Theolo-gico-Medicis superstitio, exempla integrum tracta-tum complementia brevi possent produci, nisi jamdu-dum ferè singulis innotuerit; ideòque talibus favere, eaque fovere indigna sanè sunt homine Christianô, & sic eò magis Medico conscientioso; proindè etiam aniles istas nœnias eò magis detestor, quòd sæpè diabolicam vel magicam post se trahant, aut conjunctam habeant malitiam. Cùm autem DEUS O. M. rerum omnium Creator inperscrutabilia opera velit manifestari; ac negandum non sit plurima adhuc oc-culta in gremiô Physicæ latitare, & meritò inquirenda, ac pro-pter istum abusum non abroganda, sequens lectu dignum produco: Non paucorum inter nostrates est opinio, unam alteramve arborem arescere solere in horto, quandocunque brevi sit moriturus paterfamilias; & hoc in specie sæpius ac-cidere moro; quod & ipse aliquoties observavi; sed vilipen-di, usque dum sequentia accesserint: Vidi Ego patremfami-lias ob senium, aliasque causas lethaliter decumbere, & hinc mori.

mori. Hæc accidebant circa finem mensis Junii; eodem tempore pyrus junior (10. vel 12. circiter annorum) fructibus adhuc immaturis gravida, in medio variarum horti arborum sita, spatîo 8. dierum exaruit, pyris illis immaturis quasi igne combustis, vel præcipitanter ac igne fortiori exsiccatis. Domestici mala inde ominantes, de hoc mihi querebantur, & qualem sese arbor improvisò gerat, ostendentes. Ego accuratissimè inquirò, præprimis circa radices, num fortè aliquid hostile balsamo ejus nutrienti fuerit affusum; sed omnia reperio sine noxâ & culpâ; reliquis quoque arboribus suò in vigore crescere & vivere pergentibus. Avidis spectatoribus nonnulla talia pyra hunc usque in diem ostendere valeo. Alius vir alebat in horto suo per spatium 8. vel 10. annorum prunos illas, quæ fructus illos optimos (pruna Damascena vocantur, *die Quetschlen*) proferunt, numerò circiter 10. ad 12. & hoc per quadriennium; accidebat autem, ut dictus vir è diuturnâ quartanâ, accedente cachexiâ hydropicâ lethaliter decumberet; hinc observabatur, quatuor è mediò notatis arboribus non amplius proferre pruna Damascena antea solita; sed locò horum pruna ista flava, vilissimæ sortis, *die Spillinge* quæ audiunt nostratibus. Cum autem æger reconvalesceret, proximò annò prunûs illæ itidem protrudebant pruna prius solita, laudabilis operationis. Postquam autem alterò annò denuò ægrotaret hydropicè, ac moreretur, denuò fructûs illi flavi in arboribus conspiciebantur. Harum rerum autoptis fui testis; ubi versipellis ultimæ arboris transmutatio in majorem me rapiebat admirationem, ac prioris historia. Observavi non minùs in alio, morbum diuturnum patiente, sanitatem tamen recuperante, quòd ramus arboris pomiferæ circa mensis Julii finem pomis ferè maturis gravidus unicæ septimanæ periodò exaruerit, pomis siccescentibus, quasi fuerint in fornace cocta, integrâ verò pomò, ac reliquorum ramorum fructibus naturali suò vigore ac vitâ tranquillè uti pergentibus. Hæc recitata reverà ita contigisse, sanctissimâ testor fide; atque dicta

380 *Observatio CXC. Stupenda pueri recens nati obesitas &c.*
plus vice simplici mente harente, oculisque stupefcentibus
adspexi.

[*Altenburgo A. 1688. d. 18. Jan. Augustam misse.*]

OBSERVATIO CXC.

D. FRIDERICI WILHELMI CLAUDERI.

Stupenda pueri recens nati obesitas ex matris
gravidaë impressione.

Quas & quantas miseriarum turbas irregularis imagi-
natio ac impressio mulieribus uterum gerentibus cie-
re ac foetibus suis iniquas labe conciliare possit, quo-
tidiana abundè attestatur experientia, ac dudum
plurima plurimi hinc inde annotârunt notatu digna exem-
pla Autores. Nihilominus sequentem, utpote lectu dignis-
simam, addere observationem lubet. Cùm aliquot ante an-
nos Copiæ Electorales Saxonicaë Cygneam, ad delectum mili-
tum instituendum, hinc inde passim moverentur, contigit,
ut Præfectus quidam Excubiarum, vir rarâ pulchritudine ac
corpore athleticô præditus, in pago *Corbusen* / non procul
ab oppido *Ronneburgô* distans, apud Rusticum pernocta-
ret, ibi ex itinere (Sirius enim tunc ardebat) fatigatus, ha-
bitu militari & chlamide exutis, pectus denudabat. Rustici
uxor per aliquot menses gravida, ob raram à se conceptam
hancce pulchritudinem in admirationem ducta, militem,
pectore nudatô ad mensam sedentem, fixis continuè intuens
oculis tantâ afficiebatur delectatione, ut nihil magis in vo-
tis haberet, quàm quod semper eundem aspicere ac manibus
contrectare illi licitum esset; Imò sibi adeò impressit illius
imaginem, ut per totam demùm noctem ipsi oberraret ante
oculos. Quid sit? tempore partûs accedente, peperit filio-
lum quoad omnia membra corporis perfectum ac sanum, at-
tamen

tamen valdè succiplenum ac obesum, qui statim à tempore puerperii, insolitâ pinguedine ac nimîâ corpulentîâ indies auctâ, in tantam accrevit corporis molem, ut mater eum in fasciis solitis ulterius continere non possit; his non obstantibus attamen per annum temporis spatium lacte proprio nutrit. Ablactatus puellus optimâ semper utebatur valetudine, juxta notam sanitatis regulam: bene ingerebat, benè digerebat, benè egerebat; atque in nullo totius corporis membro ullus defectus, aut deformitas adnotabatur, excepto unico membro virili, quod per exiguum, & ob dependentem abdominis præpinguis molem vix conspicuum erat, adeò ut præter membranosam portiunculam nihil ferè oculis usurpandum. Mammillæ quoque valdè prominentes, itemque ac mulieris infantem lactantis pendulæ; Veluti quidem figura ari incisa puerum tunc anni dimidium agentem clariùs demonstrabit. Ubi adhuc monendum duxi, quod nimia & præternaturalis ista obesitas tandem successu temporis ac elapsis annis nonnullis, puero incrementum sumente, indies evanuerit, & ille agilis satis adhuc optimè valeat.

Fig. LXXIV.

OBSERVATIO CXCI.

D. FRIDERICI WILHELMI CLAUDERI.

Erosio intestinorum & abdominis à vermicibus, excrementis per alvum non amplius excretis.

R Aram historiam Medicam nobis reliquit *Guilh. Fabricius Hildanus, Cent. I. Observat. observatione 74.* Huic ferè similem impræsentiarum adducere, non inutile fore censeo. Fæmina nimirum 56. annorum ante aliquot annos in prætò tempore æstivo improvisò & subito

corripitur in hypochondrio dextro dolore aliquot dies continuo, succedit tumor quotidie magis magisque se acuminans, & tandem per centrum rubicundum se offerens, locus dictus aperitur, quò apertò statim tres notabilis magnitudinis lumbrici exeunt; diebus verò sequentibus effluxit liquamen flavum, crassum atque pellicidum; continuante hoc effluxu per quatuor annos. Ægrota interim semper tractare potuit negotia domestica solita, donec, anno subsequente quinto, per foramen abdominis amplius redditum, cœcum intestinum cum intestini Coli parte longitudinem digiti æquante protuberabat; per foramen Coli digitum transversum longum copiosè indies serum flavum, crassum, chylo, indigesto analogum profluebat. Utrumque Intestinum, Cœcum quidem integrum, Colon verò digitum longum semper erant exterius propendula; Natura ab aëris injuriis eadem defensura, obducebat cute rubrâ carnosâ. Toto hoc tempore ægra per alvum nil amplius excrementitii exercebat; post aliquot menses propendebat quoque è jam nominato foramine intestini Ilei pars, quotidie aucta, usque dum ultimam dimidiam longam exterius sese ostendebat, continuante semper per Colon apertum feri flavi, crassi, chylosi, & minimè foetentis effluxu. Ægra noctu decumbente bona Ilei pars retrogredebatur. Cæterum ægra obambulabat, œconomica tractans more solito; foramine nullam clausuram vel ligamentum, aëris injurias avertens, tolerante, ob serum, in affluxu impeditum, dolorem ardentem excitans, minimè autem foetens. Postremò hoc in casu admiratione dignum, quod dicta fœmina sine vitæ dispendio vivere potuerit, serumque mucosum vel chylus indigestus effluens non foetuerit, cum puri ab impuro nulla facta separatio, multò minùs excrementorum alvi excretio. Hæc habeo è relatione Chirurghi docti, ac fide dignissimi; cùm paupercula nullis planè remediis utebatur; sed DEO ac Complexioni suæ robustæ rem totam commiserit. Uno alteroque adhuc anno

trans-

transeunte mortua est, aliis, nescio quo morbo vitæ filum abrupte.

OBSERVATIO CXCII.

D. FRIDERICI WILHELMI CLAUDERI.

Lumbrici lati historia.

DE lumbrico lato, ob raritatem peculiarem conscripsisse Tractatum *Spigelium*, atque amplè de hoc agere *Dan. Sennertum* in *Oper. Pract. cap. de lumbricis*, nec non Clarissimum *Th. Bartholinum Act. Phil. Hassnienf. Vol. II. observat. 47.* ut & alios, literato orbi haud ignotum est; Nihilominus notatu quoque digna sequens de eodem mihi se obtulit observatio. Puer, quartum agens annum, incipit laborare atrophîâ, stomacho debili ac malè coquente, viriumque prostratione: Vermes metuens Mater ejus, propinat aliquoties, laudabili cum effectu pulverem seminis Santonici solitum, unde copiosi, varii generis nonnulli spithamæ, & quod excurrit, longitudinem excedentes lumbrici excreti; cùm autem symptomata nullo modo remitterent, à Matre in consilium vocatus, pro avertendâ seminali putredine ac exturbanda residua vermium cohorte, dedi aliquoties Elixir proprietatis, menstruo alcalico præparatum, & jussi puerum sedili, quali tenera hæc ætas uti consuevit, insidere, cui lac calidum pro vermibus dulci vapore alliciendis, & ad exitum evocandis, impositum, insuperque è lacte & saccharo compositos, clysteres injici curavi, quo facto felici successu lumbricus latus, sex ulnas adhuc longus, qualem *Sennertus* noster, ære insculptum, exhibet, excretus; defecit tamen pars anterior vel caput, quæ sub specie mucii corrupti ac purulenti exiit, ut proinde vera ejus longitudo non fuit cognita. Ab eo tempore nihil postea amplius vermium, puero successivè reconvalescente, exiit, pro majori
cau

cautelâ tamen adhuc aliquoties exhibitur dictum Elixir proprietatis alcalicum.

[A. 1688. d. 18. Januar. Altenburgo Augustam missa.]

OBSERVATIO CXCIH.

D. GEORGII FRANCI.

Abscessus ossis cribriformis subsequente
lethargo letalis.

DN. Johannes Christophorus Otto SS. Theol. Stud. & Ministerii Candid. Alumnus in Collegii Elect. Palat. Sapiientiæ, quod Heidelbergæ floret, annos XXVI. natus, temperamenti Melancholici, jam à multis annis obstructions sensit in capite, maxime in naso, quæ ab anno circiter circa finem sagittalis futuræ prope coronalem in capite tanto cum dolore ingruebant, ita ut idem ad tempora usque etiam pertingeret dextra, salvis omnino temporibus sinistris, totoque illo capitis latere sequebatur nasi obstructio & respirationis incommoditas, quare per nares varias adtraxit aquas aperientes & aromaticas, donec tandem materia quædam succederet saniosa sanguini permista, quæ sensim per sinistrum efflueret nasum, adeoque Ozœnam referret, cum tumore nasi circa radicem. Post 9. menses, prævio dolore & excretionem materiæ purulentæ, ubi nares quasi stertendo emungebat, secessit ossiculum tenue, instar lamellæ alicujus, ea figura & magnitudine. Nihilominus perennabat dolor capitis & tumor nasi radice, subinde materia saniosa subinde paulum cruenta effluente è nare sinistra cum deperditione odoratus, & vitio loquelæ. Tandem post 2. menses circiter denuo ossiculum excrevit è naribus porosum, & quasi cariosum hac iterum figura & magnitudine, cum sanie cruenta. Advocor cum Dn. D. Steigero, Medico ord. Noso-



Nosocom. Electoral. in consilium, damus aquas cum succis plantarum traumaticarum in nares adtrahendam, & etiam ex spongia eodem remedio imbuendam naribusque indendam, cum pro absterfione, cum mundificatione ac sanatione, cui fini & ipsum opobalsamum loco affecto inunximus. Ante hos novem dies in templo pileum delapsum sinistra manu è terra attollere voluit, non valuit autem, ob paralytin sinistri fere totius lateris, cujus & indicia apparebant in oculo, gena & ore, quod pessimum ego ratus signum, generosa quæque adhibui, sed cum prognosi mortis imminenti, maxime ubi lethargus superveniebat jam à 6. diebus, ita ut ægerrime aut non excitari potuerit, donec tandem XXI. Jun. cio rōc LXXXVI. mane post hor. 4. placide, non tamen sine motibus convulsivis in facie, ac bene præparatus obiret. Aperto cranio superior cerebri substantia satis apparuit bona, nisi quod in gemino superiore cerebri ventriculo ichor crassior deprehenderetur, qui & ad tertium profluxit ventriculum; anteriùs vero ad sellam equinam, immediate sub gemino nervo optico ad principium spinalis medullæ aderat in cranio foramen, avellanæ nucis quantitate, materia crassa & purulenta peculiari folliculo contenta plenum, quod derivatam materiam sensim ad nasum dimisit, medulla circa cerebellum eodem ichore obruta, ut inde lerna totius mali exstiterit.

OBSERVATIO CXCIV.

D. GEORGII FRANCI.

Hydrops pectoris cum abscessibus hepatis,
& calculo ingenti folliculi fellis.

Pater vulgares tres Hydropis apud Pathologos species, specialior est ille Pulmonum, vel potius Pectoris Hydrops, quo Maximilianum Imp. interiisse ferunt, referente *Rolsinc. in Epit. Cogn. & Cur. part. corp. hum. aff. l.*
Dec. II. Annus VI. Ccc 3. 6. 9.

3. c. 9. p. m. 227. Et alia ejus exempla leguntur ex *Joh. Heintz* ap. *Schenck. l. 3. Obs. teste Sennerto l. 4. Prax. part. 1. sect. 2. c. 2. Salmuth Cent. 1. Observ. 13. Bartholet. l. 4. de Respir. c. 9. J. J. Wepfer Exerc. de L. Aff. in Apopl. p. m. 286. seq. Car. Piso de Col. lux. seros. obs. 52. seqq. Thom. Bartholin. Cent. 2. hist. 66. River Cent. 1. obs. 88. Jul. Cas. Benedict. à Guelfalione Conf. 43. Otto Heurn. hist. 14. Fonseca tom. 1. Consult. 54. Joh. Rhod. Cent. 2. obs. 4. Tulp. l. 2. obs. c. 16. &c. Hoc malum interdum à calculo cordis accidit, teste *J. G. Schenk. l. de Lithogenesia*, & frequenter animadvertitur in Rhachitide affectis, ceu observavit *Glisson. tr. de Rhachitide cap. 2. p. m. 14.* De eodem plura lege ap. *C. V. Schneiderum l. 5. de Catarrh. c. 4. p. m. 286. & Poterium Cent. 1. obs. 2.* Juvat hac vice notabile exemplum proponere alicujus militis hoc hydrope atque abscessibus in Hepate defuncti Heidelbergæ, cujus historiam ad nos præscripsit Nobil. atque Expertiss. D. D. *Joh. Jac. Martini*, Sereniss. Elect. Pal. Nosocom. milit. Medicus & Academ. Cur. his verbis: Anno 1685. d. 12. Septembr. in examine viscerum Blasii Plauti militis, hydrope, in specie, pectoris, demortui, inveni in cystide fellea præsentem hunc, & jam diu Tibi, Præceptor ac Promotor æstumatissime, dedicatum calculum. Pendebat is tunc temporis 3ß. 3ß. jam verò 3ß. minus 2j. Durante morbo valde conquerebatur de dolore gravissimo in regione hepatis, sibi adeo molesto, ut neque erectus stare, nec ambulare, sed usque ad finem vitæ in lecto incurvus sedere cogeretur. Aperto thorace pulmones, cor &c. aqua largiter innatabant. Cor ipsum admodum parvum, exsiccatum & præter propter centum duris tuberculis per totum superficiem oblitum erat, aqua pericardii tamen ferme destitutum. In Hepate tres erant abscessus, quorum maximus magnitudinem ovi anserini superabat. Hæc sunt, Vir Magnifice, quæ in hoc cadavere notatu digna reperi. Offero simul animalculum hoc, quod nuper rusticus quidam Lampertheimensis (ad Rhenum è regione Wormatiâ) per alvum excrevit vivum,*

vum, & ipsemer occidit, mihiq̃ue dono dedit: An verò, ut nuperrimè audiui, plura talia excreverit, cras, DEO volente, ab ipso ægro percontabor. Vale. Heidelberg. d. 31. Maji, 1686. Hæc Cl. Dn. D. MARTINI, Amicus noster suavissimus. Quod spectat calculos in vesica fellea, eorum ingentem dabimus catalogum è veteribus & recentibus Auctoribus in Lapidina nostra Microcosmi in Abdomine, propediem edenda.

OBSERVATIO CXCIV.

D. JOH. CONRADI BRUNNERI.

Experimentum in dysenteria.

Matrona nobilis, triginta annorum, temperamenti sanguinei, habitus pleni, staturæ justæ, vegeta, pulchra & formosa, &c. die 18. Augusti 1687. (quo tempore dysenteria epidemicè grassabat) peperit infantem egregiæ speciei & benè conformatum. Dolores post partum sensit acutos; ab usu ol. amygd. dulc. c. spermat. cet. exclusit magnò nixu grumum sanguinis, unde remiserunt. Supervenit abhinc diarrhœa quæ cessavit, rediitq̃ue. Die 29. Septemb. tenesmus passa est: die 30. vidit excreta mucosâ, cruore permixta: appetitus statim penitus fuit prostratus. Plerumque circa vesp̃eram horrore perfusa fuit, successit calore, mox tormina affligerant & dejectiones crebræ. Medicamentis fluxum ita moderatus est Medicus, ut nonnisi manè horâ plerumque sextâ, & vesp̃eri horâ tertiâ tormina senserit ægra, & colluviem dysentericam excreverit cum *eufoeia*. Suasit idem, ut infantem ablaçtaret tempestivè, ne locò nivei illius nectaris, sub dulci melle latens venenum sugeret. Paruit illa consilio, & infantem suam alii commisit nutrici tantisper, dum valetudinem recuperaverit. Ne interea lac deficeret, aut exacerescerent lactiferi fontes, ut catulos, ad emul-

Ccc 2 gen-

gendum lac mammis admoveret author fuit medicus. Suxerunt isti strenuè: alterâ luce diarrhoeâ correpti excrementa largè eliserunt cum impetu subflava & fluida, (cruenta autem nunquam visa fuerunt) ut crebrâ lotione conspurcati opus habuerint. Subindè quoq; vomuerunt ac si cholerâ morbo laborâssent. Brevi abhincambo luridi & strigosi enecti fuerunt. Tertium proin adhibuit puerpera, & lactavit per biduum: diarrhoeâ & idem correptus fuit: in abdomine pustulae rubrae dense proruperunt, pedumque extrema intumuerunt, posteriores pedes ceu paralyti affectos raptavit morbidus, ut tandem & ipsum in profluentem abjicere necesse fuerit: ipsa autem puerpera jam melius se habere occipiebat. A triduo quartum suffecit catulum; ægrota autem convalescit, appetit, sellam rariùs adit, & vires redeunt. Sugit & hic canis strenuè, & valet, & nihil morboosi apparet. Post diem 14. infantem suam propriis iterum admovit uberibus; habitus, qui ex alterius nutricis lacte minui videbatur, crescit iterum, & ambæ vivunt pancreaticè.

Alia nuper lactavit infantem dysenterica: cum lacte toxicum brevi huic & labem lethiferam instillavit, statim enim eodem morbo correptus infans, terribiliter convulsus vitam, quam modò inchoavit, finivit.

SCHOLIUM

Flumina exundaverant & rivi passim ripas superaverant, quum tempestates insolitæ obortæ ac nimbi tales ruerunt, ut & ædificia prosternerent, & secum raperent hinc inde torrentes, hominumque plures mergerent. Tunc quoque ingens vis culicum genus humanum malè habuit, præsertim ægrotantes, ut quâ ratione abarcerent bestiolas & evitarent acumina earum vix suppeteret consilium. Eodem tempore, quò fructus maturescabant, diarrhoeæ species afflixit, quæ brevî in dysenteriam eamque epidemicam terminabatur.

Non

Non illos solum hominum, qui fructibus vescerantur immaturis, sed promiscue quosvis adorta est, & tantâ cum ferociâ, ut primis ferè diebus prosterneret & ad orcum præcipitaret plures. Infantes præsertim malè habuit, quos enecuit intra septem plerumque dies, & tantâ frequentiâ, ut funera densa vel metum incuterent parentibus, quibus DEUS Ter O. M. prospexit de sobole. Causabantur plerique teneram eorum ætatem aut texturam; sed rem omnem vix exhauriebant illi; nam & frequentius quàm alii corripiebantur morbo, & correpti decumbebant periculosius, quod non in omni dysenteria, etiamsi epidemica observatur. Ab initio sparsim quosdam, sed satis ferociter invasit: intendebatur abhinc lues & crescebat eundo: vergente æstate mitius egit, & desæviit, tandem planè expiravit, ut quasi tempora & ætates morbi distinguere licuerit.

Contagium fuisse & *μολασμον*, quod atmosphæram, in quâ degimus, perspiravit, & corpora humana pervasit, ex supra dictis patet; epidemicè quippe grassabatur. Illa autem corpora, quæ hujus, tanquam materiæ cujusdam subtilis (cui omnia, quæ in hoc rerum universo, parent, & ad ejus modulum aguntur) perpluvio minùs erant proportionata, præ aliis propter oppositionem & occursum particularem ad ortum, massam humorosam insolitâ fermentatione exagitavit, unde febris exarsit; intestina autem peculiari (propter peculiarem particularum figuram) malignitate perculit, ut mox plorarent mucum glandulæ (in quibus fortè commodius nidulatur venenum, quàm alibi) & effunderent cruorem vasorum oscula, rosione adaperitâ. Illa contra corpora, in quibus talem non invenit particularum massam humorosam constantium dispositionem, præteriit contagium & immunia reliquit. Postquam aliquandiu sæviit, & in quibus opportunitatem nactum est, vim suam exseruit cum magnâ ægrorum strage, sensim cessavit & tandem elanguit venenum, aut spontè, quia tempestas vergebat, & frigore ejus vis elasti-

ca fracta fuit; aut quia corpora humana modò aliter erant temperata; aut quia non superfuerunt, quæ non perspirant contagium. Plerosque non nisi semel adortum est, quia concitatâ fermentatione massa humorosa jam ad modulum suum fuit disposita & exasciata. Eâdem fortè ratione contingit, quòd ii, qui repetitò inunctiones mercuriales experti fuerant, tandem ad salivationem permoveri nequeant; quia particulae massam humorosam constituentes, effervescentes crebrò cum mercurialibus ita conciduntur, ut illæ abhinc in massam sanguineam introductæ non inveniant, cum quibus effervescent humores; id quod aliquoties miratus fui.

Contagium, ubi ortum fuerit ambigitur; promiscuè enim homines, sive fructus horæos comederint, sive ab his sibi temperarint, invasit. Illud tamen notandum, in suburbio primò natam impensius sæviisse, quàm alibi; vix enim dabatur domus, in qua non decumbebant, & decumbebant periculossimè infantum plerique. Ibi præterea morantur homines, qui obvia quævis, esui si sint, etiamsi sordida promiscuè latranti ingerunt stomacho: facilior quoque istis patet aditus ad hortos & pomaria, ut tempore maturinò & ante diluculum grassentur per ea, & colligant fructus per noctem deciduos, quod urbicis denegatur & delicatioribus, & ab hortis remotioribus. Cùm fructus immaturi sint fermentescibiles, & particulae constituentes in via ad explicationem & evolutionem, nullum est dubium, qui accedente fermentatione in poro alimentatio peculiare miasma oriri queat, intestinis quàm maxime infensum: quemadmodum videmus alios aliis partibus insidiari, humores diversis salibus imprægnatos, ut alii epilepsiam, ulcera serpentia alii, alii elephantiasin, scorbutum alii, alii siphilidem & alii cancerum efficiant; unò verbò sexcenta illa Hippocratis reperiuntur, & vix in officinis Chymicorum tanta reperitur tamq; diversa salium differentia. Fermentatio autem quid valeat in producendis novis naturæ phænome-

nomenis, illi nōrunt omnium optimè, qui Chymica tractant.

In suburbio impensius serviit lues, quia minùs cauti, etiam moniti excrementa in loca publica projicere non verecundantur; unde densâ particularum venenatarum agmina per aërem volitant & conferim corpora humana incessant, quæ longinquè deducta sensim disperguntur, fiunt rariora, nec tantam nocendi vim obtineat.

Forſan ad fovendum hunc infaustum foetum multum contulit aëris constitutio. Propter exundationes aquarum commovebantur corpora, antè quæta diu, & fortè situ corrupta, quæ nostris regionibus invec̃ta post aquarum subsidentiam computruerunt: unde fortè & ingens illa vis culicum prodit: ex tali namque putredine vis activa in insectorum ovulis cietur, & animalcula excluduntur, fortè tali aëre infecto gaudent & animantur citiùs.

Intra dies quatuordecim plerumque, quemadmodum in febribus nuperis continuis deflagavit, & fermentatio defertur: intra hos enim aut necabat aut liberabat: necuit ubi majorem particularum resistantiam invenit, majorem ita fermentationem cievit, & graviora excitavit symptomata: liberavit autem eos, in quibus minùs resistantia occurrit, nec enim tanta nec tam gravia excitavit symptomata, massam tantum sanguinis perpurgavit.

Plerisque cum fructu ab initio morbi exhibebatur deterſivum ex Rhabarb. c. Aq. Plantag. & Syr. Rosar. s.s. quo excuteretur miasma glandulis intestinalibus ceu loculis adæquatis inhærens, & eadem opera saburra humorum eliminaretur tempestivè. Abhinc Ol. Amygd. d. cum Rhabarb. expressum: Aq. Rosar. Plantag. cum Saccharo; præsertim Alexipharmaca Theriacalia utramque faciebant paginam: incassum tamen laboratur, nisi opiata succenturientur, remedia planè divina in hoc morbo. Quidam fecale torrefactum, in pulverem

verem redactum cum vitello ovi manè atque vesperi, magnò suò commodò sumpserunt. Clysteres parum profuerunt: mitissimi quiq̃ue statim reddebantur absque mollimine. Succum cancrorum fluviatilium tam in iusculis, tam clysteribus commendavit Celeberrimus FRANCUS, Collega honoratissimus, quò vix dari contra gangranam in intestinis remedium aptius experienciâ didici.

Inter plures curæ quoque meæ se commisit Matrona nobilis, cujus historiam morbi suprâ memoravi. Intestinorum cancellis non includi venenum, aut in eorum glandulis solum nidulari, sed penitiùs progredi & in ipsam massam sanguinis irrumpere clarò hòc experimentò didici. Non enim scaturit lac in mammis, sed profluit ex fonte, unde dimanant omnes in corpore humores. Tantæ autem est pervicaciæ venenum dysentericum, ut neque in massa sanguinea subigi poterit, nec in mammis novâ mutatione emendari, sed vim suam intemeratam retinuit ad intima usque catulorum exta, & inibi temulentiam suam exercuit, quemadmodum in infante ab altera dysenterica lactato, quem brevî peremit. Exinde apparet eandem ferè, quæ in febribus continuis & malignis, tenendam esse medendi methodum. Apparet insuper lupum stabulò includere illos, qui adstringentibus hîc cerant; perniciosos autem esse, qui purgantibus intestina lacerant, & inflammationem accelerant. Spontè cessat excretio, postquam venenum aut abactum, aut subactum desæviit. Clarè hoc patet ex catulorum historia, quorum priores majorem veneni vim experti obierunt; tertius ejus spicula non effugit, varias quippe subiit calamitates; mitiorem tamen prioribus sortem expertus vitam servavit tantisper dum submersus fuit: ultimus impunè suxit & suo exemplo infanti fontes salutare matris monstravit, quibus hucusque lætatur.

[Heidelbergâ 1688. d. 20. Januar. Augustam missa.]

OBSERVATIO CXCVI.

D. JOHANNIS RICHIER.

Frustula tubuli, per quem attrahitur fumus
tabaci, in vesica reperti.

ANno 1683. cum Lugduni Batavor. praxin exercerem, Ducibus Excellentiss. D.D. Professorib. Schacht & Crannen, celebrata fuit Lithotomia in Viro Gallo, qui vocabatur Petrus Gyrard, triginta circiter annorum. Is à longo tempore obstructione urinæ laboraverat, cum autem hoc anno ex Anglia in Hollandiam venisset, rursus, tantis doloribus afficiebatur, ut eos amplius perferre non valeret, præsertim quia stylum æneum, quo in urethram immisso obstructionem referare consuevit, secum sumere oblitus fuerat. Verum hoc deficiente imprudens homo tubulum intrussit, quali utuntur, qui fumo tabaci delectantur; sed vix intrussérat, cum frangeretur, remansitque pars ejus in collo vesicæ immobilis. Magis anxius itaque redditus miser, diu tentavit extrahere, sed frustra; tandem nescio quo conatu tubulum fregerit, cujus utraque pars se in vesicam recepit. Ab illo tempore facti sunt dolores atrociores, & quando supinus decumbebat, frustula sursum deorsumve ferri non sine magna molestia percipiebat. Doloribus continuis fatigatus lithotomiam pati constituit, credens non tam à tubulo, quam à calculo dolorem oriri. Hanc operationem itaque præsentè Excellentiss. D. D. Schacht, aliisque quamplurimis Medicinæ Cultoribus spectantibus instruit & feliciter peregit Expertissimus Lithotomus & Chirurgus Dn. Schmaltzius: verum nullus repertus fuit in vesica calculus, sed sabuli & materiæ veluti limosæ magna quantitas: frustula tubuli, quæ conjunctim sumpta tres digitos transversos circiter longa erant; jam dum materiâ calculosa aliquot septimanar. spatio

Dec. II. Annus VI.

Ddd

obdu-

obducta deprehendebantur. Vulnere sanato abivit, & ad huc, si vivit, putat extractum sibi fuisse calculum: nam cum in principio illud crederet, nolui ei rem aperire, ne forte tristitiâ nimîâ afficeretur, cogitans malum rediturum. Hoc eo facilius fieri poterat, quod fere solus eram, quem intelligeret. Nam aliam præter Gallicam non callebat linguam. Antequam discederet, accidit, ut urinam emitteret valde turbidam, quæ cum aliquandiu in matula vitrea fuisset, reperiatur in fundo materia limosa: hanc jubebat Excell. D. Schacht supra fornacem siccari, quod cum factum esset, dura admodum fere instar calculi reddebatur. Præscripsit deinde decoctum, quod mihi & quibusdam suis discipulis tanquam arcanum communicavit, unde factum est, ut urina post tres vel quatuor dies redderetur optima.

OBSERVATIO CXCVII.

D. JOHANNIS RICHIER.

Vitium manus in utero contractum
curatur.

Hoc anno 1687. quidam è primariis in hac urbe Alzæa me vocari jussit, ut viderem infantem quinque vel sex dierum, qui statim ab ortu sinistram manum habebat pendulam atque flaccidam: digitis nihil quicquam premebat, quemadmodum faciebat dextrâ. Re examinatâ, intellexi, matrem laborasse ultimis graviditatis mensibus nescio quo malo manus sinistræ, & solitam fuisse manum sinistram pendulam servare. Cum hæc valde sollicita esset, jussi ipsam bono esse animo, spemque curationis feci; quandoquidem hunc affectum ultimis graviditatis mensibus, scil. octavo vel nono, ortum esse probabile erat. Præcepi itaque, ut quotidie bis vel ter manus foveretur aquis Anhalcin. & Arshrit. deinde ut ferulæ ex papyro conglutinata carpo

po adaptarentur, quo manus debito situ servaretur. His per aliquot septimanas diligenter observatis, manus sinistra æq; bene se habuit ac dextra.

OBSERVATIO CXCVIII.

D. JOHANNIS RICHIER.

Omento ab imperito chirurgus sine prævia ligatione abscisso, curatur æger.

Rusticus nomine Hering fere quinquagenarius ex pago Turnturkem in Præfectura Alzæana, Wormatiâ domum repetens, ruri à quodam juvene fabro ferrario, gladio valde acuto vulneratus fuit in hypogastrio sinistro: à sociis curru vectus fuit Osthoviam, ut Chirurgus hujus loci curam vulneris haberet, cum vero affines huic non satis fiderent, advocatus fuit adhuc alius ex vico Westhoven: verum subortâ mox inter ambos lite; hic abiit. Jussu itaque amplissimi nostri Præfecti, Chirurgus ordinarius Fac & ego Osthoviam visuri vulneratum nos contulimus, quem valde anhelosum & ventrem tumidum reperimus: ex adstantibus intellexi chirurgum aliquid extra vulnus dependens reseccasse; non dubitavi fuisse omenti partem; negabat quidem in principio Chirurgus, sed cum instarem, rem fassus est, ut ut antea affirmavisset se illud in abdomen rursus intrusisse: postea mihi abscissam omenti partem palmæ magnitudine tradidit. Ipsum vehementer objurgavi, quod non omni conatu repositionem tentasset, vel ad minimum ante abscissionem, ut solet fieri in simili casu, ligasset: nam hoc pacto arteriolæ non tantam sanguinis quantitatem fudissent. Attamen non obstante crasso hoc errore curatus fuit vulneratus, quamvis plena curatio ad aliquot septima-

nas protracta fuerit: nam in principio furculis alaribus ipsum ingredi necesse fuit: tumor etiam magnus in inguine herniam mentiens, aliquandiu observatus fuit, qui postea evanuit: febris quoque ut & alia symptomata, nobis negotium fecerunt, tandem Dei beneficio ipsum restituimus, ut quosvis labores rusticos perficere possit. Aliquot medicamentis Foresti, mutatis mutandis usi sumus felieiter, nam similem fere observationem habet. Libr. VI. Observat. Chirurg. observ. 7.

OBSERVATIO CXCIX.

D. JOHANNIS RICHIER.

Vesica sanguinis totum os infantis occupans.

Sub finem anni 1686. paupercula foemina Alzæ gemelos peperit, quorum alter habebat vesicam sanguine repletam, totum os occupantem etiamq; extra illud pendentem. Parentes hac re insolitâ perterriti (me in itinere occupato) advocant Chirurgum & Pastorem; urgentq; vesicæ apertionem, quia infans fugere non poterat, negat in principio se facturum, verum cum ii, ut & Pastor instarent, in consilium adhibito alio Chirurgo, levi punctura vesicam aperuit; statim profiliit sanguis, non secus ac solet fieri arteria vulnerata, continuavitque aliquandiu donec vitam cum morte commutaret. Apertionem capitis & colli, quam petebat Chirurgus, non concesserunt Parentes; ille tamen observavit, postquam, emissio sanguine, flaccida redita esset vesica, linguam sed solito brevior: ipsa vero vesica cum faucibus communicationem habere videbatur. Alter gemellus nihil tale habebat, sed valde debilis paucis post diebus alterum secutus est. Restat ut jam dicam unde hoc evenierit. Pharmacopœus peregrinus, ni fallor ex Westphalia

lia in itinere pleuritide correptus in nostram urbem defer-
batur: ego post aliquot dies vocatus, ipsum gravissimâ pleu-
ritide laborantem inveni; præter alia remedia venæsectio-
nem suasi, præsertim cum adesset plethora, ast filius aliique
affines consentire noluerunt prætendentes in sua Patria Venæ-
sectionem in senibus non celebrari, quamvis hic saltem quin-
quaginta & aliquot annos natus esset. Iterum urgeo, ipsi
vero negant: præscribo itaque alia remedia, dato tamen pro-
gnostico futuræ mortis, quæ etiam post duos dies accidit;
verum paulò ante ipsius obitum satis largam sanguinis copiam
per os excrevit, tum sed nimis serò, præ conceptæ suæ opinio-
nis vanitatem animadverterunt. Sed ut ad propositum re-
vertas, mulier illa de qua superius, huic pleuritico linteis
sanguinem ex ore prodeuntem abstergebat, & quia jam gra-
vida erat, procul dubio inde hoc vitium contraxit foetus.

[*Ab Exc. Dn. Argo communicata, & Heidelbergâ Augustanâ*
A. 1688. d. 20. Januar. missa.]

OBSERVATIO CC.

DN. ROSINI LENTILII.

*Ictus bombardæ post tres demum Men-
ses lethalis.*

Adolescens 19. annorum, eruditus, modestus, Acade-
miæ Candidatus, Affinis sui, Cauponis, diversorium
cum commilitone ingreditur. Accidit, ut ibi forte
quidam Eques diverteret, suosque sclopos manuarios
de pariete suspenderet. Adolescente per fenestram prospici-
ente, commilito sclopum alterum, ut solent vani juvenes,
manibus temerè tractat, cumque ille in eo esset, ut caput
hypocausto rursum inferret, sclopus heu! disploditur, vul-
nusque misero infligitur palliato; qui, humi prostratus, a-
nimo prope linquitur. Accersuntur illico Chirurghi bini, quo-

Ddd 3

rum

rum tunc alteri negotium extra portam erat. Alter sanguinem prius, quem copiosum plaga evomebat, abstergit, cuius ingressum ad principium sacri dorsi musculi sinistrorsum reperit, & cum stylum, ad sacrum os allidentem, ulterius promovere non posset, bono jubet animo vulneratum esse, non enim globo plumbeo gravidum fuisse sclopum. Sistitur sanguis, vulnus deligatur, ictus medicaminibus utcumque reficitur, cumque ad se rediens dolorem in femore dextro quiritaretur, caligis exiit. Ecce tibi globus plumbeus in pavementum prolabitur. Adducitur post tres demum horas *falsus in opinione Chirurgus*, vim magnam sanguinis invenit, & vulneris exitum in ventre musculi glutæi majoris. Medicorum alter internis symptomatis; vulnere Chirurgus solus præficatur. Quid actum sit per septem hebdomadas, id ego quidem ignoro. Certe atrophia sinistri cruris, & hanc excipiens tabes universalis, exitum haur lætum minitabantur. Tunc & ego à Parentibus vocatus advolo, deligationi intersum, turundas ob utriusque orificii prætensam angustiam non amplius adhiberi cerno, cum tamen pus exiret non tantum, verum & styli utrinque satis profunde impingi possent: qui styli, licet ab utraque parte alliderent, non tamen collidebant, sed utrimque ad os sacrum allidebant. Orificia ambo binas propemodum à se palmas distabant. E superiori materia multa valde foetida, parum ex inferiori profluxit. Jumentur iterum, ordinario quoque Medico consentiente, turundæ applicari, quæ, superior præcipue, semper nigra extractæ, omine parum fausto. Tabes interim de die in diem augeri, appetitus in totum aboleri, sitis urgere, vires diminui. Præterlapsis aliquot diebus Chirurgus, ut promptiorem puri exitum pararet, applicato corrosivo ad medium sacri musculi fonticulum ibi excitat, sed illinc nil unquam puris exeretum. Non multo post tempore tumor observatur cum dolore ad dextrum lumbum, supra protuberantiam dextri ossis ilii, quem frustra discutere conabamur.

Is de

Is dedie in diem quoque crescens, denique pus ibi latere in-
nuit. Applicatur & ibi corrosivum. Apertus fonticulus
vim panè incredibilem puris foetidissimi, idque quotidie, pro-
fundebat: foetor cadaverosus omnium nares, ad internecio-
nem propemodum, feriebat. Omnia ruere in deterius. Pa-
rentibus tamen spes adhuc supererat, qui nil, nisi appetitum
prostratum causabantur. Hinc nos adoriuntur, nescio, cu-
jus suasu, ut emeticum emaciatissimo sceleto, & exhausto
viribus semimortuo præberemus; cui petito, cum velifica-
ri nollemus, adierunt latronem quemdam vicinum, bal-
neatorem, qui præbitò vomitoriò hominem intra paucos dies
enecavit.

SCHOLIUM.

Quamvis hæc observatio minoris videatur momenti,
quam ut *Ephemeridibus* hisce *curiosis* inseratur, quippe
proletaria; nihilo tamen minùs ex insequentibus patebit,
non esse à nobis frustrà prolatam. Id enim solum nunc age-
mus: *An ejusmodi vulnus non fuerit lethale pronuntiandum?*
Sectio cadaveris multum hic poterat. Sed, quis à nostrate
vulgò eandem extorqueat? Audio quosdam esse adortos Pa-
rentes, neque cum DEO, neque Medicis, neque Chirurgo,
neque secum contentos, sectionem uti concederent, respon-
disse morosos & plebejos homines, *noſſe ſe filium ſuum, poſt*
perpeſſos tot intenſiſſimos dolores, poſt mortem deglubi? O rusti-
cam progeniem! Habeant itaque nunc sibi, quòd perpetuis
animi fluctuationibus se macerent, utrum potuisset salvari
filius, nec ne? Utrum omnia facta, quæ fieri oportuit? Si-
quidem quotidie nunc hoc nunc illud causabantur morosi
homines; nunc medicamenta interna, nunc externa, mi-
nùs erant gustui, ita perpetuò muſſabant. Si cadaver sectio-
ne apertum fuisset, poterant isti liberari à præſumptionibus ve-
hementer ſuſpectis, & mala fortè multa, poſt ſeros annos
inſe-

insecutura, præcaveri. Sed vanissimum vulgus chorda semper eadem oberrat, nec contra fycophantarum id generis morsum est ullum remedium. Nunc aperiā ego primum, quid de vulnere suspicer. Ac primò quidem, antequam ipsum, vulneratum adspexissem, ex aliorum relatione, atrophiam adesse sciens, suspicabar, num fortè per globum bombardarium læsæ fuissent glandulæ chyliferae lumbares, ad vertebrae lumbares, inter musculos psoas sitæ, quæ chylum è lacteis exceptum lymphæque mixtum per ductum thoracicum cordi advehunt, præsertim quòd in homine magis ad sinistrum latus vergant; id quod plagæ tunc quidem mihi recensitus intræ & exitus suadebant. Sic enim ego mecum: si istæ glandulæ, aut earum certè una vel altera, sunt læsæ aut ruptæ, utrumque chylus per lacteas adportetur, attamen tunc, ubi est læsio, emanabit in cavitatem abdominis, nec ductui thoracico cordi advehendus communicabitur, unde necessariò, ob defraudatam vel omne, vel sufficiens nutrimentum, insequi tabes, quin & mors inevitabilis, debet. Simile enim quid in Ischiade diuturno interdum observatur, ubi denique ab humorum & confluentium acrimoniâ primùm partes carnosæ & musculosæ adroduntur, unde apostema, à cujus pure, ob viciniam & dictas glandulas rodi necesse est. Tale exemplum *Crailshemi* aliquando videram in viro triginta & aliquot annos nato, robusto & toroso, qui instar sceleti, non tamen prostrato usque ad mortem appetitu (comedebat enim affatim) emacuit, tandemque defecit incredibili puris copia per abscessum lumbi alterius à diuturno Ischiade proveniente, effluente. Simile quid hîc accidit in muliere plus quàm sexagenaria, veluti ambobus prædixeram. Hæc equidem tunc mea fuit suspicio. Sed posteaquam ipse vulneratum adire sum iussus, inveni situm vulneris multò decliviorē, quam ut istæ glandulæ potuissent inde lædi. Intereà tamen, cum & styli utrinque ad os lacrum alliderent, & id non tantum læsum vehementer & contusum oportuerit, verum etiam globus

bas deflexerit, & vulnus tortuosum effecerit, insuper atrophiam in femore dextro inciperet, in eam deveni opinionem, nervos quosdam insignes, è foraminibus ossis sacri, dextrâ ejus parte prodeuntes, & ad istud femur pedemque protensos, fuisse lalos, (quod non potest non esse factum) & hinc ortam tabem. Nam unde tabes alioqui? Quamvis enim non cum illis ad amussim faciam, qui juxta *Anglorum* istam hypothesein, nervos nutritioni materiam præbere adserunt, attamen cum *Suvalbio ventric. querel. & opprobr.* haud sanè parum ad nutritionem spiritus animales conferre arbitror, quatenus sanguini & sero alimentario partes alluenti characterem quasi vitalem & symbolum specificum imprimunt, quod equidem, ut fusè probem, hujus loci non est. Imò cum tumor in dextro hypogastrio ad processum ossis ilii observaretur, licet reliqui non consentirent, in ea tamen opinione fui, à vicino osse sacro carie (cujus ob mollitiem & humiditatem per est facile particeps) infecto, dictum os ilium istius lateris contagium quoque hausisse, contraxisseque affectum spinæ ventosæ similem; ideòque malum, accedente cumprimis ob consensum nervorum universalitate, vix iri superatum, statim conclusi. Os autem sacrum cariosum fuisse, non tantum probat vulneris necessitas, sed & turundæ illinc exeuntis perpetua ferè nigredo, & puris foetor teterrimus, quod idem cum osse ilio factum abscessus ille & copia putidissimæ saniei evincere videntur: Taceo, quòd aliquæ ossis sacri portiones abscesserint. An autem ab initio os istud potuerit à carie salvari, si incisio major in superiori vulneris orificio facta fuisset, ut sic eò facilior ad os dictum aditus extitisset, ego quidem ignoro, qui, quid ante me actum sit, per 7. hebdomadas, nescio. Nec obstat, si nervi fuissent læsi, tunc motum & sensum in illo crure abolendum fuisse; siquidem horum sunt ibi 5. l. 6. paria, quorum aliqua manere salva poterant. Quidquid sit, sectio potuerat operta recludere. Jam verò ad quæstionem de vulneris hujus lethalitate; ubi visendum,

quam hactenus vulnera dicantur lethalia? Dryandri nostri Medicina Critic. p. m. 96. ex Guidone allegat: Vulnera lethalia esse alia per se talia & necessario, quae inevitabilem mortem adferunt, nec ex iis ullus unquam juvatur; vel per accidens & non necessario lethalia, quae calamitosa quidem censentur, at non necessario occidunt, unde etiam nomen habent, quod, nisi rite tractentur, ex iis etiam vulneratis moriendum sit &c. Superior est Farinac. celeberrimus JCtus (quem allegat & probat Pfizerus, im vernünftigen Wundenurtheile lib. 1. cap. 3.) tit. de homicid. quest. 125. num. 5. Quum vulnus per se lethale describit, ex quo homo statim & intra paucas horas, quamvis maxima & ex possibili sollicitudine tractatur, moritur: Quocum consentit Sennertus lib. 6. prax. part. 4. cap. 3. Quae descriptio si vera est, inepta queat videri nostra quaestio. Sed dantur alii mitiores, quos interest Carpzovius Prax. rer. Criminal. part. 1. quest. 26. §. 3. Vulnus lethale id in genere appellans, quod plus tendit ad mortem, quam ad evasionem, & quod mortali vulnere affectus dicatur ille, qui secundum regulas artis Medicae non potest evadere, nisi cum magna difficultate, ubi non refert, §. 4. an hoc casu alia quaedam causa promovens supervenerit, necne? Et si enim vulnerato imperitus aut planè nullus fuerit adhibitus Medicus, vel etiam malum regimen ipsius vulnerati concurrat, nihilominus tamen, si vulnus lethale aut mortiferum inflictum sit, vulnerans de occiso teneatur. Plerumque autem à diebus vulnerationis ad diem obitus vulnerati lethalitatem arguere solent, ita, si vulneratus à primo vulnerationis die usq; ad quartum, à quarto ad septimum, à septimo ad nonum (cui intercalarem Criticum) vivat, post autem moriatur, ista vulneratio non per se, aut necessario lethalis censetur. Pfizer. loc. alleg. cap. 4. Attramen Carpzovius l. c. §. 19. alios tantum triduum constituere, alios s. alios 8. dies, alios etiam 8. menses, alios triennium, adserit, & denique claudit: Si Medici testentur, atq; deponant, vulnus inflictum lethale fuisse, ex eoq; occisum obisse, nec evadere potuisse, & tunc horum.

cen peritorum in arte sua, judicio credendum, & pœnam homicidii reo dictandam, non habitâ ratione brevitatis aut diuturnitatis temporis, quò vulneratus decessit. Id quod ad scopum meum quàm optimè fuit, & meliùs adhuc ista lethalitytis descriptio, quæ legitur in *Medic. Crit. p. 98.* nimirum vulnus, quod immediatè, inevitabili necessitate, nullò interveniente symptomate, lethum infert, idque nunquam declinari potest, nisi Deò vis ànò μυχανὺς succurrat, & præter omnem spem sanetur: aut quæ habetur *p. 344.* ubi *vulnera simpliciter lethalia dicuntur, quæ necessariò mortem inferunt, nec ullâ arte sanari possunt.* Videamus igitur, an Adolescentis vulnere, cuius in observatione facta mentio, ista definitio, nimirum quòd fuerit per se lethale, non competat? Ubi statim illud declino, me nolle, quò ob *empyreuma*, cuius ratione omnia vulnera globulis facta sunt periculosiora, quia partes affectas ad sphacelum disponunt, hoc lethale dicendum sit? Vid. *Pfizer. l.c. cap. 7.* Siquidem aliud est, esse periculosum, aliud lethale. Sed illud volo, an, si pars ad *Facultatem naturalem*, vel, si *majoris*, nutritionem hominis adeò necessaria, ut ea læsa nutritio corporis fieri non possit, atq; ita lentâ morte utcumq; partibus nobilioribus salvis, necessariò vulnerato tabescendum sit, casu aliquò ita ladatur, ut nullâ arte sanari possit jam; an, inquam, ejusmodi vulnus non sit per se & necessariò lethale dicendum, non obstante, quod vel dimidium annum, aut ultra, egrotus supervivat? Et certè, si rem penitiùs consideramus, videtur, quod sic: Nam, si vita hominis consistit in perenni flammæ vitalis luce & ardore, huic autem perpetuò pabulum sit ministrandum, quod fit ope nutritionis, & verò hanc absolvat cibi & potus concoctio, chylicatio, chylique in sanguinem commutatio, viscera autem hisce muniis dicata ita per vulnerationem læsa sint, ut eorum sanatio sit inter *τὰ ἀδύνατα*, adeoque flamma vitalis pabulò suò defraudata, denique deficere, & inde homo necessariò mori cogatur, quid interest, num paucis diebus intereat, an lentâ morte tabescat? nisi quòd

hoc ultimò pacto plura ipsum & diuturniora tormenta maneat? Jam verò (loquor ex hypothesi) in hoc nostro ejusmodi læso, cujus nullâ arte restitutio sperari poterat, contigit, & misero necessariò, post tres quoque menses moriendum fuit, tamersi & Medicus & Chirurgus nil intermisissent quidquam, quod ad eum salvandum necessarium videbatur; igitur non video, quæ vulnus istud non debeat dici per se lethale? Nam, si ille tantùm censetur homicida, qui homini lethale vulnus infligit tale, unde viscus aliquot vitale (v.g. cor) insanabiliter lædatur, & patiens, vel statim cum ipso ictu, vel intra paucas horas aut dies moritur, tunc homicida non erit, nec dici poterit, qui hominem carceri inclusum, subministrato vel nullo, vel tam novercali nutrimento, ut quotidiana virium consumptio reparari non queat, intra septimanas aliquot, fame enecat. Igitur is aquè occidit, qui partem corporis nutritioni dicatam adeò lædit, ut suò amplius fungi officio aut non, aut tamen insufficienter, possit. Hinc itaque patet, quod, quia dictum vulnus, ex hypothesi, lethum necessariò attulit, nec ullâ arte sanari potuit, illud fuisse per se lethale. Nervos enim ruptione læsos aut glandulas lacteas pertusas nemo unquam aut sanavit, aut sanavit. Sic igitur vulnerator sit capite plectendus? Id absit à me dici. Primò enim certus non sum, an ita se res, prout recensui, habeat, siquidem denegata fuit corporis apertio; & hinc, ubi mera est suspicio, quantumvis rationibus haut infirmis suffulta, ibi pœna ordinaria locum non habet: Cum melius sit misericordia, quàm servitiæ & crudelitatis reddere rationem, vid. Carpzov. l.c. §. 28. Secundò vulneranti non erat animus nocendi, nedum occidendi optimum commilitonem & intimioris admissionis amicum. Hinc oriri posset alia quæstio: An sufficiat nôsse, sitne vulnus lethale nec ne, & juxta hanc cognitionem sententiam ferre? Ita quæstio haud est equidem fori Medici, hinc duobus tantùm verbis ajo: Mihi videri potius, esse ex intentione vulnerantis, siquidem ea sciri potest, quàm ex eventu judicandum, cujus rei ratio cuilibet

bet exactè consideranti statim patet. Nam, si cui est occidendi animus, per ipsum non stetit, quò minùs inflictum vulnus lethale fuerit, quod quàm maximè lethale cupierat: Sicuti nec ictus in manu ejus sunt, qui, dum cædem non intendit, attamen lethaliter vulnerat. Certè *Crailsheimii* cùm miles commilitem bombardâ enecâisset, tamen si vulnus lethale fuit, (cujus rei historiam recensui in *Ephem. nostr. Dec. II. Ann. III. obs. 200.*) tamen, quòd invitus necem perpetrâisset, à poena capitis absolutus est. Rursum quæri posset: *Annon homicidii pana afficiendus sit ille, qui alium quidem lethaliter non vulnerat, sed in ejusmodi loco constitutum, ubi neq, Medicus neq, Chirurgus opportunò tempore haberi queant; & sic vulnerato, qui servari potuisset, sit moriendum, exceptò tamen à parte vulnerantis moderamine inculpatæ tutela? Non inficior, me ad affirmativam inclinare.* Coronidis locò alia quædam circa vulnera non injucunda addemus. Illustrissimus quidam S. R. I. Comes, Excubiarum Generalis Præfectus fœderati Belgii, in prælio celebri *Senefensi* globò plumbeò in femur dextrum posteriora versus petitus est, ita, ut nullâ arte globus extrahi posset, jamque videbatur ad incitas reductus: Consiliò generosi cujusdam Baronis linguam vulpinam exsiccatam, & in formam turundæ effictam, plagæ intrudit, quæ globum auspicatò prolexit. *Gesnerus redi-vivus lib. de animalib.* idem de lingua vulpina testatur, quòd vi attractivâ spinas, cuspides & tela vulnere imposita proliciat p. m. 124. immò novi aliquos eam de tergo suspendisse in ophthalmia.

Notabilem & admirandum plane *Ludovici Civilis* vulnerati, jam sepulci, rursum effossi, propemodum curati, iterum de fenestra præcipitati, tamen à DEO servati, sanati & per 40. adhuc annos viventis casum describit *Thuanus histor. lib. 32. p. 666. a.*

Guineenses telis venenatis vulnerati oleo fervente plagæ infuso sibi medicantur: *Braun. navigat. tertia p. m. 82.*

Bengalenses certis diebus festis in honorem Deastrorum suorum, sese ipsos, qua carnosius, uncis ferreis de arbore suspensis infigunt, unde non tantum sanguinis ne gutta quidem profluit, verum & ista vulnera intra 2. dies à *Brachmanibus* persanantur. *Tavernier Itin. Ind. lib. 3. cap. 14. Barclajus in Argenidis lib. 1. p. m. 8.* non iniuste, sub Medicorum nomine Chirurgos seu vulnerarios notat, cum ait: *Poliarchum* delibuto acetò vulnera lavasse, ne tumore arderent, oleoq; deinde, quod *Ascyri* (id est, hypericonis) floribus tinctum erat, permulsiſſe, securiorem notis inemtisq; remediis, quam in Medicorum fide, iniquissimam mercedem ex supervacua curationis mora interdum captantium. Nam id non tantum frequenter fieri, testantur quotidianæ multorum querelæ, sed & mirari nonnunquam cogimur imperitiam *Barbitonforum* in judiciis de vulneribus ferendis, quum aptiores nonnunquam sint ad siliam. Cum ante 5. annos lethaliter vulneraretur prope *Crailsheimium* Rusticus à Venatore, & statim interiret, ex hæmorrhagia nimia, *Barbitonfor* paganus, crumenisecæ similis, à me examinatus, ita deposuit: *Der Stich sey vornen in der Weiche hinein / und hinten hotte wieder hinausgegangen. Nisi versus incidisset:*

Hotta tibi dextram, monstrat tibi Wüſſa sinistram,
non intellexeram, quid sibi cum *Hotta* sua vellet *Bubulcus*?

Veteres Gentilium etiam carmina, remedia vulnerum, norant, ut omnis vetustatis certissimus Auctor *Homerus* docet, qui facit *Ulyſſe* de vulnere sanguinem profluentem sili cantamine. Nihil enim, quod salutis ferenda gratia fit, criminofum est. Ita quidem *Apulejus* apolog. 1. pag. m. 279. Secus autem Christianis est visum, tamen non *Helmontio*, qui cum in tr. de virtute magna verborum ac rerum, suo more multa de formularum sive verborum efficacia in variis morbis, lepra, epilepsia, vulneribus, cruentis vomitibus, dysenteria &c. disſeruiſſet, conqueritur denique verborum usum in Ecclesia per indistinctionem propemodum in abusum iviſſe, per supi-

nam

nam Cleri negligentiam. Verum iste Auctor nominis ater-
nitatem portentosis cum primis & paradoxis opinionibus, quo
scilicet totum orbem in admirationem sui raperet, quæsit.
Ejusmodi carminum aliquot mentionem *Sim. Paul. in Qua-*
drip. Botan. ex Joh. Bapt. Porta allegat, & *Epodia Carmina* anti-
quis dici notat *Lang. epist. Med. lib. 1. Ep. 34.* quæ per totum
super hoc argumento legi meretur. Nos *Traumatica* vel *Ischa-*
ma nominare possemus. Videatur & *Wierus de præstig. Da-*
emon. lib. 5. cap. 19. p. m. 574. qui & ipse Homericum carmen al-
legat. Locus ap. *Homer. Odys. lib. 19. p. m. 567.* talis est:

Ωτειλὴν δ' Ὀδυσσεὺς ἀμύνμον ἀντιθέοιο
δ' ἦεν ὅππασα μὲν ἐπαοιδῇ δ' αἶμα κελαινὸν
ἔχουσαν.

*Vulnus autem Ulyssis optimi divini (grum
ligaverunt scienter, in incantatione autem sanguinem ni-
tenuerunt.*

OBSERVATIO CCI.

DN. ROSINI LENTILII.

Mira symptomata in Virgine Epi- leptica.

Virgo 21. Annorum in altera tibia pustulam sentiens
hanc unguibus infelicitèr lacerat: Factum inde ulcus
cacoëthes. Natura illuc, ceu per naturalem fonticu-
lum, ut in ejusmodi casibus novum non est,
consuevit excrementa serosa deponere, aquam flavescens
acrem, non saniam laudabilem. Tentant primo domesticis
remediis vulnus consolidare, sed laterem lavant. Accerfi-
tur Chirurgus inconsulto Medico, nec toti per universalia
prospiciens curam suscipit, quæ per tres menses prorogatur.
Consolidatur denique ulcus; excrementa vero illinc excludi
solita,

solita, posito sic obice, tragoedias innumeras excitant. Primum enim appetitus prostermitur; adest artuum lassitudo: ingruit quotidie circa quartam vespertinam oscitatio, nausea, vomitus, horror: adest alvi constipatio: Durant ista per mensem: Vocor denique & ego, ignarus quid rei cum Chirurgo gestum. Febrem intermittentem quotidianam illic hospitari velle pronuncio: praescribitur infusum ad aliquot dies bibendum satis forte, quod nil operatur: acuat purgantibus pluribus, omnia incassum: praescribitur Tartar. emeticus ad gran. iij. ne vomitus unicus insequitur, superbibita licet cervisia cum butyro aliisque pinguibus. Clysteres respuuntur. Intra 14. dies ab infuso hausto, cum vesperti circa tertiam paroxysmus expectaretur, ejus eheu! loco, cum abessem, terribilissimi insultus epileptici ingruunt. Utimur aliquibus medicamentis, sed cum non statim expectationi satisfacerent, intermissa: quin successu temporis aegra medicamenta omnia pertinacissime, nec minis, nec precibus flexibilis, aversabatur. Paroxysmus epilepticus per 8. nonnunquam plures horas durat: Alvus interdum intra octiduum non deposita. Quid porro? cum paroxysmus epilepticus desiisset, *quasi ecstasica*, abolito sensu & motu, per horas nonnullas jacuit aegra, hinc uno impetu incepit *cantare hymnos, ridere, Germanicis rhythmis* (quales antea pangere nunquam sciebat) *multa profari, differere de mortuorum quorundam conditione, de caelo aperto, de rebus futuris*, ut summatim rem complectar, nos omnes in admirationem sui raptare: quum ad se rediisset, nil eorum recordari! Incipiebat tunc paroxysmus epilepticus tam accurate suam periodum observare, ut semper statis 3. horis reverteretur, hinc rursum per 3. horas interquiesceret, & cum sonitu quasi campanae rediret. Eo appropinquante querebatur aegra primo de anxietate, hinc gelu per totam corporis peripheriam; quasi aqua gelida perfunderetur: quin ea tam admiranda rerum facies per aliquod tempus erat, ut primo lavam manum identidem

tidem flecteret, hinc isto pede convelleretur, mox, ordine accurate servato, dextrum latus hi motus occuparent, hinc capite dextrum versus atque sinistrum latus quam citissime nutaret, hinc palpebræ celerrime nictitarent, postea os varie torqueretur, una cum lingua, hinc totum corpus attolleretur, ut arcum efficeret, post singultus fortissimus & palpitatione sinistri orificii stomachi palpabilis vexarent, tantus erat iste *Protheus*. Interim quidquid alimenti, vel promte vel coacta sumeret, vomitu reddebat, excepto potu, *nil inde extenuata*. Immo totum denique latus sinistrum sensu motuque carebat, sic ut nec iste oculus videret, nec auris audiret, abolito quoque linguæ usu, & sæpe per 48. horas, quasi attonita, cubaret. Tunc, si quid vellet, gestibus tabellam cum creta poscebat, tunc *leva manu, ordine inverso, à dextra versus sinistram, Judæorum more, quin inversis quoque litteris, clausis etiam oculis, ocysissime scribebat*, hunc vel illum v. gr. peregre venturum, hunc vel illum esse pro foribus &c. *sic ut, quæ scripisset, legi non possent, nisi obversa speculo: exempli gratia, quum scribere vellet: Gott Lob und Dank; ita*

scribebat *Amor Eum dōd Aodē* quod jam utcunq; sana nulla arte efficere potest. Denique sensim malum deferbuit intra 4. menses, nullis præterea exhibitis medicamentis, nisi, quæ dicuntur cordialia, tam in quam externa. Dies me deficeret, si omnia commemorare vellem, quæ diversis temporibus acciderunt; præsertim, quum omnia medicamenta adeo respueret ægra, sic, ut coacta ea adsumere, tantis anxietatibus premeretur, ut interdum momento animam exhalaturam crederent adstantes; immo multa alia recensebant mira, quæ testis auritus obtrudere pro veris non audeo; eorum tamen, quæ dicta sunt, ocularis sum testis. Suasi vicinas balneas *Wemdingenses*, sed frustra. Præterito autumno iterum recrudit malum, sed brevi desit. Nunc

Dec. II. Annus VI. Fff audio

audio convulsiones singulis prope noctibus redire ; quis denique sit eventus futurus, dies docebit.

SCHOLIUM.

PArum habeo, quod hic notare queam, exclusus tempore. Juvabit tamen aliqua notasse. Quis fuerit morbus, si quærat, forte quis ipsum haut absurde retulerit ad *convulsionum scorbuticarum* genus illud, quod à *Wiero* sub nomine *der Griebelkrankheit* describitur *tr. de scorbuto dolorifico*, c. 3. Ubi in hanc sententiam egregia multa nostro affectui conformia reperire est. Rursum ulcera, quæ sunt instar fonticulorum, antiqua, cum corpore non prius purgato, neglectis plane internis, consolidantur, inter alios plures morbos auctores quoque convulsionum fieri, rationum juxta atque auctoritatum ponderibus comprobatur credimus. Insignis est locus apud *Cratonem lib. I. Conf. 4.* inquit : *Ulcuscula pedum manantia, si intempestive desiccantur, materiaque repellatur epilepsia causam esse posse.* Cum adhuc essem *Crailsheimii Physicus*, Lanio septuagenarius ejusmodi ulcus jam ultra 30, annos in altera tibia, nonnunquam summe dolorificum gestabat, quoties autem id consolidasset, floridum sanguinem cum summo dolore mingebat, qui mictus, ubi ulcus, denuo apertum saniem eructaret suam, mox cessavit : Consului, ut supra ulcus competenti loco fonticulum sibi pateretur excitari : verum, ut consentiret, adigi non potuit senecio vanus, fonticulos ad solos divites potiorisque subsellii viros pertinere, stolidè persuasus ; quod heic propterea adduco, ut pateat, quantum incommodi temere consolidata id generis ulcera queant adferre. Quæ autem sit ratio locutionis rhythmica, miraque scriptio, aliis hætenus inquirendum relinquam, tametsi nec mihi, quod opiner, desit.

OBSERVATIO CCII.

DN. ROSINI LENTILII.

Pilularum de cynoglossa rarus effectus.

VIdua 45. circiter annorum catarrho acri in fauces de-
pluente, & tussim ibi excitante, malo nobis epidemio,
laboravit, à me petens auxilium. Præscribo, inter a-
lia, pilulas, aliis in eodem casu salutari cum effectû or-
dinatas, sequentes: R. *Mass. pil. de cynogl.* ℞j. *Syrac. Calam.*
myrrh. rubr. āā. ℞ss. *extr. liquirit. gr. xij. extr. croc. gr. v. cum*
Sir. de papav. F. pilul. pond. gr. j. Dof. num. vj. ante cubitum, ve-
speri sorbenda. Hæ quinquies vel sexies alvum semper move-
runt, sine quidem torminibus, at non sine anxietate, quin-
imo leipothymiis, sic ut coacta fuerit ab earum usurpatione
desistere, cum ter eas assumsisset. Exposui pilularum ingre-
dientia, & num eorum aliquo per idiosyncrasiam offende-
retur, quæsi; nil horum se averfari dixit; quæsi item,
num interdum fortè critica diarrhœa laboraret, respondit, id
fieri binis diebus ante mensium fluxum; sed istis pilulis ute-
batur statim post menstruum fluxum. Quamvis autem
vim opii purgantem aliqui notârint, quos exhibet *Excell.*
noſter Hercules in Opiolog. lib. 2. Sect. 1. cap. 5. Idem tamen
fatetur, se vomitum quidem frequentius, diarrhœam rarò
hinc observasse pag. 92. Ego pilulis ejusmodi, aut fimi-
libus, diarrhœas interdum & hypercatharſes leviores sopivi,
cum nil sit in tota compositione, quod alvum quocumque
modo ciere possit, siquidem ordinaria naturæ lege res pro-
cedat.

[1688. 10. Jan. Nordling à Noribergam missa.]

OBSERVATIO CCIII.

D. ALARDI MAURITII EGGERDES.

Hepar humanum pondus librarum xxvij.
medicarum excedens.

FRANCISCUS JOSEPHUS BURRHUS, eques Mediolanensis, magnus rei medicæ, præsertim Chymici cultor, cum defuncti Cardinalis Virginii Ursini cadaver dissecuisset, inter alia notatu digna anatomico inspectori, hepar admirandæ, & insuetæ molis occurrit; cujus rei monstro adductus, trutinæ illud apponit, reperitque molem lib. xxvij. medicarum, & aliquot unciarum, prout dictus Observator anatomicus, quô tum Romæ familiariter utebar, mihi retulit. Simile hepar pondere priore non inferius, ex defuncti R. D. M. E. cadavere, cum dubiam mortis causam cultrô anatomicô, & autopsiâ certiorer eruere conarer, extraxi; tam monstrosa erat hujus magnitudo, ut apertis ventre, & thorace, nihil nisi hepar conspiceretur; sursum, deorsumque accrescendo fuerat ita adauctum, ut hic patientis vesicam ad continuam ferè urinæ excretionem stimulaverit; illic verò diaphragma, dextrumque pulmonis lobum nimium elevando, illud ex naturali suo situ expulerit, hunc verò nimiam compressione omninò effecerit aridum, & exsanguem. Ventriculū ita sibi subjecerat, ut intestini cujusdam crassioris magnitudinem non excedens, vix reperibilis sub eo delitesceret. Inter alia incommoda, quæ dicto patienti ex hac hepatis præternaturali magnitudine obtigerunt, potissimum fuit horribile asthma, quod adhibitis quibuscunq; remediis cedere nolens, ægrum tandem è medio sustulit. Mira hepatis vindicta!

OBSERVATIO CCIV.

D. ALARDI MAURITII EGGERDES.

Auditus capitis vulneribus recuperatus.

Veronica, Virgo DEO devota, annorum 82, tantâ ætate surda, & cœca; aliquando sine duce baculo per domum oberrans, infelici casu in apertam caveam præceps rapta, caput ad lapideos gradus impetuosè allidendo, quinque vulneribus cum insigni cranii denudatione dissecuit; vocatus, ut misellæ infelici assisterem; cùm de agendis, cum Chirurgo, & assistentibus colloqui incepissem; ipsamet patiens, licet ingenti hæmorrhagiâ debilis, totum casum enarravit, & tam aptè ad interrogata cum stupore omnium respondit, ut auditum, quem à multis annis perdiderat, perfectissimè recuperâsse, nemo nostrum dubitaret. Sed brevis erat hæc auditus recuperati possessio, sedatâ enim partium læsarum phlogosi, & contusionum remittente inflammatione, auditus etiam evanuit. Hanc auditus receptionem non ad cranii denudationem, neque capitis concussionem, sed potiùs ad membranarum, organa auditus involventium constituentiumque tensionem, quæ ad partium vicinarum intumescentiam subsequi poterat, referendam esse sentio.

OBSERVATIO CCV.

D. ALARDI MAURITII EGGERDES.

Mulier absque intestinis vivens.

IN oppido Sancti Wendelini inveni mulierem seniculam, quæ multò tempore herniâ intestinali in inguine dextro laboraverat. Intestina prolapsa, superveniente ante duos
Fff 3 an-

414 *Observatio CCVI. Pseudohippus sive Equus monstruosus.*

annos passione Iliacâ, gangrænâ infecta, accedente demum sphacelô, unâ cum continente sacculo deciderunt. Per relictum in inguine foramen cuncta intestina frustratim unâ cum fecibus alvinis spontè subsecuta sunt. Ipse etiam ventriculus se per abdominis cavitatem vacuum adeo inclinavit, ut orificio ejus inferiori per dictum foramen ad duorum digitorum latitudinem, instar colli lagenæ vitreæ prosteret; hanc ob causam misera patiens semper corpore incurvatô decumbere cogitur, ne scilicet retractô ventriculô sordes in cavum abdominis elabantur & miserræ mulierculæ, uti aliquones jam contigit, summum foetorem excitent. Prolixius hanc historiam dabo, ubi (si DEUS vitam mihi tribuerit) post seniculæ hujus è vita discessum, constitutionem interiorem per Chirur- gum ejus loci satis expertem & ad id jam à me informatum percepero.

OBSERVATIO CCVI.

D. ALARDI MAURITII EGGERDES.

Pseudohippus sive Equus monstruosus.

AB Illustris. Comite de Sæteren in arcem suam Dagstou-
lianam evocatus, ut suæ sororisq; valetudinis curam su-
sciperem. Expeditô hocce negotiô, & institutâ de
agendis ratione, & directione, veniam redeundi do-
mum poposci; quâ impetratâ, ab Illustris. Comite equus ad
iter relegendum educi jubebatur, magnus, fortis, & pinguis
hic erat, verum partes genitales neque masculi neque foemellæ,
nullas habens; oritur ergo quæstio, quomodo minxerit. Mi-
rabiles hîc vide naturæ lusus; locô, quô equæ ubera habent,
binæ prostant papillæ, per quas jucundô aspectu velut per du-
plicem canalem radiis valdè tenuibus mingit. Utrum uretra
duplex, an verò eadem bifurcata, vel quomodo se habeat, non
nisi anatomia edoceri posset.

OBSERVATIO CCVII.

D. ALARDI MAURITII EGGERDES.

*Auricula cordis monstrosa cum arteriæ
pulmonalis anevrismate.*

Affinis meus, juvenis propter raram in commerciis Gallia, Hispaniæ, Angliæ, Italiæ, experientiam, vitâ longiore dignus, post varias in exteris regionibus, terrâ marique in rebus non naturalibus commissos errores, ad nos redux, in melancholiam ob adversum negotiorum quorundam successum incidit, ex quâ cum nullô modô relevari posset, tandem terribili hæmoptoe, in quâ sæpius libras aliquot sinceri sanguinis rejiciebat, corripiebatur, qui affectus, licet aliquoties curatus videbatur, toties tamen recruduit, quoties novô cruore vasa sanguifera turgescere incipiebant. Patientem eousque deduxit, ut accedente violentâ tussi, & phthisi, tandem tabe consumptus, postquam integrô ferè annô remediis exquisitissimis contra hunc hostem colluctatus fuisset, Libitinæ cesserit in victimam; cadavere apertô, mali tam obstinati causam in ipso vitæ thalamo reperiisse videbar, dextra enim cordis auricula tantæ erat molis, tamque insolitæ figuræ, ut galli junioris Indici caput, dum œstrô venereô rubescit, colorem & magnitudinem referre videretur, formam verô fungi arbori accrescentis non ineptè repræsentabat. Arteria pulmonalis, tam copiosô sanguine turgescibat, ut quasi anevrismate affectâ præter propriam magnitudinem præternaturalem, hinc inde sacculos cruore coagulato turgidos haberit appensos. Uterque cordis ventriculus, sanguinis retorridi & nigerrimi incredibilem continebat quantitatem, pulmones copiosissimâ materiâ argillaceâ per totum obsiti, ad dorsum, costarum, & sterni latera arctissimè accreverant. Utrum in hoc casu post massam sanguineam pars primariò affecta, fuerit

fuerit cor cum appensis suis vasis, an verò pulmones; in Cometa Medico aliquando orturo adumbrabitur.

OBSERVATIO CCVIII.

D. ALARDI MAURITII EGGERDES.

Scorbutus hominibus brutisque
lethalis.

Captò à Gallis Luxenburgò, inter copias à Duce Cre-
quio pro fortaliorum, tempore obsidionis destru-
ctorum restauratione, aliorumque novorum edu-
ctione, relictas, scorbutus tam immanis grassari cœ-
pit, ut eorum plures quàm mille brevissimò temporis spatiò,
hâclue correpti, fuerint mortui. Eodem tempore, cùm Ex-
ercitus Gallicus post dictam expeditionem in urbis Trevericæ
ruinam ad Mosellam appropinquaret, rusticus quidam trigam
generosorum equorum ad Abbatiam S. Matthiæ Apostoli sal-
vaverat. Cùmque iis locandis alius non superesset locus, in
angulum, ubi Monasterii incolæ vesicam exonerare solebant,
deductos, ibidem per triduum sine fœno, sine pabulo reli-
querat; equi fame pressi, terram sale urinali imbutam ad cu-
biti altitudinem devoraverunt, quò visò redux herus, mis-
sit statim de equis suis prognosticon, cui eventus æqualis mini-
mè defuit, edixit, nam ex iis pinguior, & carnosior statim
circa pedes, crura, & demùm per totum corpus scabie, & fœ-
ditis ulceribus correptus, à Domino suo mediâ nocte in pa-
scua, ubi multi equitum Gallicorum equi pascebantur, edu-
ctus, postquam multos alios infecisset, & hanc luem quasi
endemiam inter equos excitâset, in ipsis Mosellæ ripis cre-
puit; ex binis reliquis, alter tæbe consumptus cecidit, alter
ventre in immensum tumefactò dissiliit; similia ferè erant
militum scorbuticorum symptomata, quidam eorum cruri-
bus exulceratis, tandemque sphacelatis interibant, alii horri-
bili

bili oris putredine, alii hydrope & tympanitide, quidam horrendis cruciatibus per omnes artus, sine quovis alio symptomate, cum ingenti ejulatu expirabant. Quis nunc labem scorbuticam in qualitate occultâ, aut lienis aliorumque viscerum vitiis cum Antiquioribus, vel potius cum Recentioribus in dyscrasia sanguinis Nitro-sulphurea, vel Sulphureo-salina consistere existimabit?

OBSERVATIO CCIX.

D. ALARDI MAURITII EGGERDES.

Chylus per thoracis vulnus effluens.

Miles ebrius, ac petulans pistoris vicini nostri uxorem cultrô inter quintam, & sextam thoracis costam, digitorum duorum latitudine à vertebribus, in latere sinistro vulneraverat; mulier ex ingenti hæmorrhagiâ animô continuô linquens, & cum summâ anxietate, propter patulum aëri pectus, (per vulnus enim in- & expirabat) difficilem ducens anhelitum, animam continuô actura videbatur, ad hanc mediâ ferè horâ post acceptam plagam accersitus, hæmatostyptica intrinseca & extrinseca non omis- sis cardiacis adhiberi feci, vulnereque deligatô patientem lecto committi jussi. Totam noctem quasi moribunda transegit, manè vulnere religatô, cum sanguinis in cavitatem thoracis prolapsi educationem præ virium defectu ferre non posset, impositis plagæ remediis, patientem usque in vesperam intactam reliqui, interim lectum undecunque accessibilem præparari & in medio cubiculo collocari jussi, quô facilius & commodius vulnus deligari, aliaque necessaria administrari possent. Factô vespere, patientem situ supinô, eôque immutato, mediô corpore è lectoeductam, ligaculis ex mantili scapulis adaptatis sustineri feci, ut hoc modô sanguis melius è vulnere rese-

rato effluere posset, quod consilium optimè successit, prorupit enim ingens quantitas sanguinis, qui ob seri & lymphæ copiosam admixtionem loturæ carniū similis omninò videbatur, cūq̃ue eum post debitam vulneris deligationem accuratius examinarem, in fundo vasis notabilem gelatinæ candidantis copiam reperij, de qua quid edicerem, aut etiam suspicarer, certè primò intuitu ignorabam, donec tribus elapsis diebus, cum medicinæ tironibus, & anatomix studiosis, venas lacteas, ductum thoracicum, cisternam chyli, huiusq̃ue in subclavias suffusionem ostendere in vivo animali anniterer, ex horum ductuum & vasorum dissectione elabens chylus, post horam coagulatus, studiòq̃ue à me assertus similem omninò repræsentaverit gelatinam. Hoc doctus experimentò, chylum fuisse, qui unà cum sanguine è plagâ effluxerat, nullus ampliùs dubitabam. Quam opinionem eventus etiam probavit, nam patiens commodè licet cibum assumens, multum tamen contabuit, chylo nempe majori ex parte per vulnus effluente, foetus etiam, quò jam in quartum mensem gravida fuerat, rejectus, hunc chyli defectum luere debuit; imò quod majoris est argumenti, quò tempore solidioribus cibis absque multo potu reficiebatur agra, vulneris excrementa spissiora, quò verò copiosiore liquidò diluebat alimenta, liquidiora apparebant; eadem excrementa in deligatione immediatè ab absoluta digestionefacta magis ad chyli naturam accedebant, quàm ea, quæ in deligatione longiùs à pastu & concoctione, facta prodibant. Hic liquoris chylosi è plaga effluxus, curationis difficilioris mihi extorsit prognosticon, quæ certè & longa fuit & difficilima, vulnus enim, licet aliquoties consolidatum, ad puris tamen in thorace collecti & respirationis difficultatem causantis educationem, ferrò dissecari debuit. Hanc chyli extravasationem, non per rami majusculi & recti sed potius transversæ incisionem fuisse factam credibile est. Cujus suspicionis ratio ex hydraulica peti potest.

OBSERVATIO CCX.

D. ALARDI MAURITII EGGERDES.

Mammæ osseæ in Virgine, cum pectoris hydrope.

Vitam degebat valde tristem, & miseram ob continuam respirandi difficultatem, & canceri in mammis futuræ perpetuum metum, devota quædam, & pia monialis, mammæ huic ita induruerant, ut eas tangenti, affere, imo lapide duriores viderentur, cutis etiam circa totam thoracis regionem ita tendebatur, ut circulos vasa colligantes tensione æmularetur; multis licet adversus hoc malum pugnarit remediis; non potuit tamen fatalem à se mortis falcem avertere. Reddidit DEO animâ, ut quid in mammis gestaret, explorarem, cultrum admovi anatomicum, eutimque ad longitudinem sterni, à claviculis ad cartilagineum mucronatam usque discidi, quæ instar chordæ laxati arcus ad latera resiliit, sternumque sponte sua notabiliter detexit. Mamma à pectore una cum contento suo pondere separata, globum hemisphæralem sed totum osseum, & tam durum, ut cultro meo quantumvis acuto discindi nequiverit, accurate exhibuit, tam arcuè hæc ossea materia cum ambiente cute concreverat, ut nullo negotio separari ab invicem potuerint. His visis neque tantæ tensionis adhuc perspectâ causâ, ad sterni elevationem pro inspicendo thorace accedo, adacto inter costas & sternum cultro, ea instar baculi fracti cum impetu resiliebant, & aqua limpidissima in tanta quantitate ex facto foramine prodibat, ut fontem altè salientem ibidem perennare quis dixerit. En difficilis respirationis, en tensionis, en osseæ concretionis malorumque reliquorum causam! nunquid misella patients, modo causâ tanti mali constitisset, facillimè & securissimè per paracentesin, à morbo

liberari & diutius in vita conservari potuisset ? Præsertim cum aqua illa, quæ tantâ copiâ è thorace exiit, ut per totum cubiculum diffluerit, sine omni putredinis aut malæ qualitatis fuerit nota : rationem concretionis ossæ alibi ostensurus sum.

[d. 19. Jan. 1688. Noribergam missæ.]

OBSERVATIO CCXI.

D. SIGISMUNDI LEDELII,

De

Calculo magno.

DN. Christophorus Kluge, civis honoratior Jaurovien-
sis, in juventute per undecim annos miles, vini
Hungarici amator, nec unquam tabaco usus, habuit
duas uxores, & in priori matrimonio multas proles,
in posteriori verò vixit *επαις*, vir cæteroquin corporis robu-
sti ac validi, per multos annos, uti ex relatione fida ipsius
adhuc viventis viduæ, honestæ matronæ scio, doloribus
lumborum & molestis dorsi torminibus, concurrente min-
gendi difficultate, vexatus, anno ætatis 72. ne guttam uri-
næ potuit emittere, propter calculum obstruentem, quem
tum temporis famigerabilis Chirurgus Dn. Christophorus
Weiss debito instrumento extraxit, nuclei dactyli magnitu-
dinem habentem. Hoc extracto, levamen expertus per non-
nullos menses, ab esu autem casei, quo admodum delecta-
batur, semper dolores maximos sensit. Et cum malum hoc
radicatum indies cresceret, & urina obstructa maneret, iam
nominatus Chirurgus certo aliquo instrumento, primò ex se-
pio, (Fischbein) postea propter hujus invaliditatem, ex fer-
ro confecto (quod adhuc dicta vidua possidet, & prout vidi,
habet figuram aliqualem subulæ, longitudine verò ultra qua-
drantem

drantem ulnæ se extendit, & in parte ejus anteriori ac posteriori mucronis loco adest quædam cavitas) viam urinæ solitam ampliavit, & in vesicam calculum remoras facientem aliquantisper retropulit, quo facto urina guttatim effluxit & magnum foetorem secum tulit, habuitque colorem materiæ purulentæ. Inter maximos dolores lenimentum aliquale sensit ab usu clyster. & balneorum. Dum autem dolores exacerbabantur, supervenit febris, sicque anno ætatis 73. placidè & piè animam expiravit, hac præmonitione, deberent ipsius homicidam, calculum, post mortem excindere, quo facto, is magnitudinem ovi anatis habuit.

SCHOLION.

VIdua Jaueræ sanctè sibi servat hunc calculum & desiderantibus monstrat. Calculus in vesica repertus per ureteres illuc delatus, in principio exitit exiguus, uti prior ille demonstrat quem Chirurgus extraxit: dein incrementum sumpsit à spiritu lapidifico cum urina in vesicam delato, & pedetentim accreto. Retropulsione calculi per instrumentum via urinæ aliquantulum ampliata fuit, & hoc est moris, uti etiam hi ægroti facilius urinam emittunt, dum in tergo jacent, quia per hanc posituram calculus retrocedit. Balnea & Clysteres, uti notum, leniunt dolores hosce, ampliando vias. Caseum quoque appetunt nephritidi obnoxii: ita novi Theologum, qui, ut dolores paululum demulceret, caseum veterem sale acido abundantem avidè comedit, quo ipso remoras injecit doloribus: verum quia sal hocce erat insufficiens expellendi sabulum, ideo dolores postmodum augebantur & atrocius invadebant & sæviebant. (*Samuel Ledel, D.*)

[1688, d. 20. Januar. Noribergam missa.]

OBSERVATIO CCXII.

D. GEORGII WOLFGANGI WEDELII.

De

Unguento Nardino.

MAxima omnibus sæculis fuit unguentorum dignitas, non solum ad corporis usum salubrem, verum etiam ad gratiam, delectationem, & voluptatem. Notum est responsum Democriti, qui interroganti quomodo quis sanus degere posset, si exteriora, inquiebat, oleo, interiora melle irriget. Ita enim & nitor & vigor partibus redditur, si accedente frictione lassa cumprimis membra delibuantur unguento; ita recreantur spiritus, si grato odore afficiantur, immediato contactu ad illos lato.

Unicè jam ad se nos vocat unguentum nardinum, quo Maria, soror Marthæ & Lazari, Salvatorem nostrum Jesum Christum, paucos dies ante, quam pateretur, velut in sepulturam unxit, æternam memoriam hoc ipso merita. Discumbente enim eodem & coenante, accepit libram unguenti nardi pistici, pretiosi, alabastro servati, & fracto alabastro effudit super caput ejus, eodemque unxit pedes Jesu, & extersit capillis suis. Inde & domus impleta est ex odore unguenti, & discipuli, cumprimis Judas Iscariotes, indignati, trecentis denariis & ultra illud venundari potuisse causati. *Matth. 26. v. 6. 7. Marc. 14. v. 3. seq. Joh. 12. v. 3. &c. 11. v. 2.*

Qualenam fuerit hoc unguentum, non nisi è loculis medicis explanari potest. *Μύρον νάρδου* audit, quod aliàs & absolutè *ἡ νάρδος*, τὸ δὲ ἴδιον *νάρδος μύρον*, & *μύρον νάρδων*, unguentum nardinum, à materiâ, seu basi, (quæ nomen largitur ut plurimum medicamentis,) à nardo seu spicâ Indicâ hodiernum dictâ vocatur. Hæc ipsa magnâ fuit in existimatione olim, ob odoris aromatici suavitatem, tum sacris testibus,

Can-

Cantic. 4. v. 13. 14. cum profanis, uti apud *Horatium Epod. V.* nardo perunctum, quale non perfectius, mea laborarunt manus; *Tibullum*: Jamdudum Syrio madefactus tempora nardo. Item: Illius puro destillent tempora nardo. *Senecam Herc. Fur.* Fortem vocamus, cujus horrentes comæ maduere nardo?

Dicitur idem *μύρον νάρδος πισικῆς*, quod pisticum, & spicatum, apud Marcum, vulgata reddidit. Enimverò terminus *πισικῆς*, seu ad nardum referatur, seu ad ipsum unguentum conjunctim, si rem spectes, medicus est, ad denotandam integritatem & genuinitatem medicamenti, ut idem sit, quod fide dignum, non fucatum, germanum, non adulteratum, ein auffrichtiger unverfälschter Balsam / vid. *Clauberg. Ontosoph. §. 156. pag. m. 65.* uti etiam rectissimè vertit *Lutherus*.

Non uno enim nomine unguentum hoc genuinum dictum & discriminatum est medicis, primò ob locum præparationis: quam in rem consultum est integrum locum *Galenì* adscribere ex *l. XI. Meth. medend. c. 16.* Ἐστὼ δέ, inquit de unguento nardino, ἢ τὴν ἀρίστην. Οὐ σμικρὰ γὰρ ἡ διαφορὰ τῶν τοιούτων πρὸς τὸ φάρμακον. Ὁ γοῦν ἐν Νεαπόλει τῆς Ἰταλίας σκευάζουσιν, ἔνομα μόνον ἐστὶ μύρον νάρδινον, ὡς ἑξαλλόμενον πρὸς τὴν Ἀσίαν. Ἐμπροσθεν μὲν ἐν Λαοδικείᾳ μόνῃ σκευαζόμενον, νυνὶ δὲ ἐν πολλὰς ἡδὴ πόλεσιν. Esto autem optimum id quoque. Neque enim parum interest inter id, & quod vitiosum est: cum id quod Neapoli in Italiâ conficiunt, nomine tantum nardinum unguentum sit, si cum eo quod in Asia fit, conferatur. Id antea Laodicea tantum componebatur: nunc etiam in multis fit oppidis

Deinde ob nardum ipsum, cum species novem, quæ nardum Indicum imitentur, dictæ sint à *Plinio l. 13. N. H. c. 1. p. m. 61.* ubi, tanta, addit, materia adulterandi est. Addimeretur & tertium, ob compositionem ipsam. Geminum enim unguentum nardinum in usu erat: unum incomple-

sum

tum, ex oleo omphacino, junco odorato, calamo, costo atque nardo; alterum completum ex oleo balaſtino aut omphacino, junco odorato, costo, amomo, nardo, myrrhâ & balaſmo. Utrumq; describit *Dioscorides l. 1. c. 75.* & posterius ex eodem *Plinius l. c.*

Licet verò aliâ ſignificatione nonnullis vertatur *πιτικόν ἀπὸ τῆ πίειν*, ut denotetur unguentum potabile; minus tamen congruè id fit, ſive liquidum, ſeu potabile propriè intelligamus, ſiquidem unguenta pleraque hujusmodi erant fluida, ut hoc ſenſu minus poſſit discriminari addito hoc epitheto. Nec medicis unguentum potabile tam notat fluidum & liquidum à conſiſtentiâ, quàm ab uſu communi, interno & externo. Et ſi concedamus, unguentum nardinum etiam interius fuiſſe in uſum vocatum, non minus tamen id ipſum cum aliis habet commune pretioſis, uti & hodiè balaſma artificialia, quæ in locum eorundem ceſſerunt, utriq; ſui inſerviunt aliquando.

Locus clariffimus eſt apud *Galenum l. 8. de compoſ. medic. x. l. c. 4.* ubi: *ἢ νάρδιον μύρον, ἢ τῶν λίαν πολυτελῶν τὸ δίδω μετ' ὕδατος.* Aut unguentum nardinum, vel aliquod pretioſum dato ex aquâ. Cujus rei inſtar hodiè eſt balaſmum de Peru, quod & interius in affectibus ventriculi aſſumitur, & exterius uſu & ſuaſitate ſe commendat. Imò vix ſimilis uſus loquendi hâc ſignificatione apud Græcos ſcriptores occurrit. Multo minus à piſo vel pinſo dicitur, quaſi innuatur preſſa & contuſa in liquorem; id enim & radici Græcanicæ non reſpondet, nec ipſi præparationi, neque enim nardus hoc pacto præparatur.

Pretioſum hoc fuit, *βαρύτιμον, πολύτιμον, πολυτελές*, æſtimatum trecentis denariis & ultra, ob balaſmi nempe orientalis genuini acceſſionem, unde novum non fuit excedere, verbis *Plinianis l. 13. c. 3.*, quadringenos denarios libras. Suntque hæc talia ingredientia ex eorum numero, quorum pretium modò majus, modò minus paulò pro diverſo proventu habe-

habetur. Cumque denarius æquipolleat drachmæ, faciunt trecenti denarii triginta septem imperiales cum dimidio.

Servatum idem fuit in alabaſtro, unguenta enim optimè alabaſtris ſervari, autor eſt idem *l.c. & l. 36. c. 8.* Conf. *Athenæus diſpoſoph. l. 15. c. 14. & 17.* Fractum eſt vaſculum partim ob tenuitatem parietum, partim ut effunderetur totum eo promptius & dedità operâ. Inter notas enim bonitatis etiam fuit ἡ λεπτότης καὶ ὑγρότης, tenuitas & liquiditas unguenti, ut promptè illini & partes illitas pervadere poſſet. Tacemus, vocatum eſſe tum ſpicatum, ob ipſam nardi ſpicam, tum foliatum, acceſſione malabathri nobilitatum, quamvis hoc malabathrinum etiam ſeorſim hinc appellatum fuerit, non confundendum cum altero.

Quod locum attinet illinitionis, caput & pedes nominantur, loca præcipuè illini conſueta. Caput quidem, ut deorſum, pedes, ut ſuſum dideretur odoris gratia. Adde, utrumque roborandi gratiâ factum, pedes enim ſunt portitores univerſi corporis, caput præſes & rector. Utrū enim & facies ipſa, & manus, & pectus inungerentur, non minus ac partes quævis curandi fine eam opem ſibi expoſcunt; illæ tamen potiores ferè erant, quod apud *Athenæum* paſſim, cum primis verò *l. 12. c. 30. l. 15, c. 18.* ne alios laudemus plures, expoſitum videas.

Sin rationes hujus inunctionis inquiamus, communis fuerit, quod advenientibus hoſpitibus lavare pedes ſolitum erat, *Gen. 18. v. 4. Luc. 7. v. 44.* idque etiam foeminis non indecens *1. Timoth. 5. v. 10.* quod convivis aſportari & diſtribui unguenta receptum; quorſum & illud Horatianum referri poteſt, *l. 2. Od. 11.* Dum licet, Aſyriâque nardo potamus uncti. Privatim verò laudandus affectus ſincerus, reverentia major & liberalitas hoſpitis Mariæ hujus, ut tantò dignius exciperet hoſpitem, & veneraretur convivam, talem inunctionem plenâ fide inſtituentis.

OBSERVATIO CCXIII.

D. GEORGII WOLFGANGI WEDELII,

De

Morbo insputato.

Non pauca sunt, quæ & ignominia & remedii characteres sunt insignita, prout vel affectus conjunctus ea definit, vel finis diversus discriminat. Quid magis alapa offendit, & iratum animum reddit? Et tamen exempla legas, ubi alapa fuit remedio, quale quidem in scholis medicis indubium ad luxatam maxillam, indeq; rictum apertum curandum habetur, experimento *B. Rolfinii Epit. affect. part. l. I. p. 2. c. 5. p. 104.*

Aliud verò, primò periculosum ob adstantes, hinc verò lucrosum & quingentis imperialibus à Chano quodam Indico remuneratum Chirurgo, qui præfatus veniam solâ inflictâ alapa ipsum restituerat, memorat *G. Andersen. Itin. Ind. l. I. c. 24.* Idem de sputo valet, quod ore ejicimus, communi quidem hoc loco cum salivâ acceptione.

Operæ pretium est disquirere, quisnam sit morbus apud *Plaut. Captiv. Act. 3. sc. 4.* qui sputatur, quidq; per hunc ipsum actum innuatur. Enimverò & hæc cura relinquitur Medicis. Verba ita habent:

Et illic isti, qui sputatur, morbus interdum venit.

Et eum morbum mihi esse, ut qui me opus sit insputarier.

H. Ne verere: multos iste morbus homines macerat,

Quibus insputari salutis fuit, atque aliis profuit.

Sine dubio mens in genere est abstrahere Hegionem ab Aristophonte, ut procul recederet, sibiq; caveret, nedum auscultaret, vel crederet, illum enim insanum esse, & percitum furoris stimulis facile lædere alios. Ad augendam hanc inculpatio-

pationem addit, præter rabiem etiam alterò hōc morbō, quō de sermo est, corripit, unde utroque nomine nesciat quid dicat, adeoque nullam mereatur fidem.

Describitur morbus hic innominatus à remedio, quod profit, saluti sit, quoque opus habeat morbus, quæ verba ut clarissima sunt, ita minus clarum, qui putetur, minimè omnium remedii ratio, cujus apud Medicos veteres, quantum lectione assequi potuimus, mentio nulla fit. Certum interim est, morbum despui suetum fuisse comitiale, seu epilepsiam usitatò hodiè dictam, autore *Plinio l. 10. c. 23. & l. 28. c. 4. p. m. 174.* ubi: despuimus comitiales morbos, hoc est, contagia regerimus. Simili modò & fascinationes repercutimus.

Sed uti verissimum hoc est, ita locus hic minus cum nostro concinit vel quadrat. Aliud enim sonat despuere, quàm inspuere, nempe, ut evidens ex dictis esse potest, despui suetus est ob alium finem, ob abominationem, ob metum contagis.

Iisdem hinc verbis *Apulejus* utitur in *Apologiâ p. m. 280.* Possunt, ait, dicere omnes, quid in Thallo (comitali morbo confecto, facie ulceroso &c.) despuant: cur nemo audeat cum eo ex eodem catino cœnare, eodem poculò bibere. Et *p. 286.* Neque enim gravius est in cubiculo despui, quàm in isto splendidissimo coetu detestari; utrobivis averfatione insigni expressâ, sive id fiat cum insputatione reverâ, seu minus.

Sed videamus insputandi hos distinctos usus, ex vitæ communis experimentis & notatis exemplis. Insputamus ob iram & indignationem, inprimis cum averfatione vel vituperio conjunctam, quale quid *DEI* ipsius verbis traditur *Numer. 12. v. 14.* Si pater ejus (Mariæ) spuisset in faciem illius, nonne debuerat saltem septem diebus rubore suffundi?

Confirmat idem ex profanis locus apud *Sophoclem Antigon. v. 663.* ubi pater dissuadens filio connubium sponsæ inquit:

ἀλλὰ μὴ οὕτως ὥστε τοὺς ἀντιπάλους, μὴ δὲ
τὴν παῖδα ἐν αἵματι τὴνδε συμπίπτειν τῇ.

*Sed despuens velut inimicam, sine
puellam apud inferos nubere.*

Et apud Plautum nostrum *Curcul. Act. 4. sc. 2. v. 17.* Qui consti-
tit, culpant eum, conspuitur, vituperatur.

Geminum huic est fieri idem ob contemptum, aver-
sionem, abominationem. Quemadmodum enim quæ grata
appetimus, salivam movent, ob appellentes & velut occursan-
tes spiritus cum lymphâ: Sic non minùs & quæ averfamur sa-
livam in os concient, ob aversionem stomachi, indeq; immi-
nentem nauseam vel vomitionem ipsam, cujus prodromus sa-
livatio esse assolet ordinarius.

Et ipsa tamen insputatio etiam in remedii vicem peragi-
tur, tum in partes alias, tum in faciem quoq; ipsam, sive inspu-
tatio actu fiat, sive saliva per se vel cum aliis illinatur.

Viribus enim hanc pollere summè discussivis cum *Perga-
menus* notavit *l. 5. de med. compos. x. l. c. 1.* tum ratio consen-
tit, ob partes aqueas, sulphureas & salinas inter se probè con-
temperatas, siq; resolventes, inprimis jejuno adhuc corpore,
nec ita dilutâ eâdem, & salibus magis eminentibus, teste *Galeno*
l. 10. de simpl. med. facult. c. 18. & experientia, rerum arbitra &
magistra.

Ita hodienum illinitur vel insputatur salubriter occipien-
tibus strumis, gangliis, gibberi in principio, accedente frictio-
ne, quæ vulgi sunt remedia innoxia, imò satis bona. Idem & in
oculorum morbis variis valet, dolore, inflammatione, vexa-
tione, puncturâ & similibus.

Defendit & resolvit, in morbis cutaneis non paucis, spe-
ciatim in lichenibus puerorum, experimento nutricum, in
hunc usque diem frequentato, laudato *ibidem l. c.*

Novimus extuberantium hæmorrhoidum tubercula sa-
livæ

livæ jejuni ægri ipsius inunctione fuisse coërcita, ob insignem illam vim quam possidet.

Placuit & ipsi Salvatori ad miraculosam cœci curationem expuere in oculos ejus, *Marc. 8. v. 23.* & in alio expuit in terram, & fecit lutum ex sputo, & linivit lutum super oculos ejus, *Joh. 9. v. 6.* Tacemus, & magicis moribus inspuitioem fieri, cujusmodi exemplum saltim prætensum tale ad interimendum scorpionum refert idem *Galenus.*

Hic verò ullum aliquem dictorum morborum intelligi ~~curatæ~~ textus & rei momenta renuunt, quin innui epilepsiam ob gravitatem morbi, ob commune pluribus malum, ob affinitatem cum atræ bilis morbo, ob remedium ipsum concludere integrum est.

Et videri quidem aliter posset, si neglectò integrò locò primum versum quis legerit, vel sibi examinandum proponat, quod forsàn evenit *Mercuriali*, qui verosimile videri negat, vel in ægrotantis faciem vel aliò pactò adversus ipsum conspuitioem faciendi consuetudinem extitisse, *l. 4. V. L. c. 11. p. 103.* Convictus enim fateri id cogetur, qui rem & verba curatius perpendit.

Res proinde eò redit, an insputando comitiali morbo fieri medela possit. Neque enim contradictionem hæc implicat, morbum eundem esse, qui despuatur, & qui insputando curetur.

Plura sanè sunt vulgi in his talibus remedia, eaq; ~~inversæ~~, quorum usus & frequens est, & experientiæ non rarò respondens. Non rarò, ne Hippocratis ipsius & aliorum de remediis vetularum laudemus consentientia loca, offendimus apud vulgus selectiora & probatiora remedia. Id verò non metuum asserere, utut videatur remedium paulò immundum, leve, si aliâ gravitate morbi in experimentum vocata cum eodem comparemus.

Enimverò cùm plurimum situm sit in exuscitatione archæi sub epilepticâ ecclipsi succumbentis & conflictantis, insputatio inter alia, licet paulò sordida visâ, insigne est remedium, ne subigatur à morbo, sed contra audentior insurgat. Est enim si quis alius hic spirituum morbus, quorum averruncandorum & in externis non leve est remedium. Et leve aliquod visum alia licet pomposa non rarò multis parasangis post se relinquit.

Inde verò & pudore suffusus archæus secum habitare discit magis, & contra morbum magis insurgere.

Putari etiam posset, insputando magicum quid signari, quòd & hæc incantamenti quædam sit species, & morbus hinc sacer à non paucis olim ideò dictus, quòd expiationibus curari debeat, quæ omnia tamen solidè elidit & impugnat ipse *Cous l. de morbo sacro.* Et ipsa simplicitas ævi veteris pro simplici sputatione videtur militare, ipsâ inspuitione plusjuvamenti afferente, quàm à mago expectari possit.

Quòd autem apud Medicos id minus scriptum occurrat, nihil impedit, cum & negligi potuerit, ob levitatem, prostantibus aliis, & ignorari, neque proponi æquè ob sorditiem. Nihilominus arbitrari fas est successisse in insputationis locum perfusionem capitis cum multâ aquâ frigidâ, perfusionem aquæ salæ, quæ utraque *Celsus* dilaudat *l. 3. c. 23.*



OBSERVATIO CCXIV.

D. GEORGII WOLFGANGI WEDELII,

De

Naturæ Ministro Medico.

Cum aliàs & in communi vitâ & in scholis potissimum medicis frequentissimè occurrit naturæ nomen, ut & principium sermonis in arte medicâ absolvat non minus ac finem, tum in primis illa paroemia communissima, quæ ἡ ἀρχὴ ὑγιαίνειν τε καὶ μὲν τῆς φύσεως, *medicum naturæ ministrum & imitatore* declarat.

Enimverò creberrimum naturæ nomen, res verò non adeò ubivis liquida, ut & videri possit ignorantia quoddam a-fylum, & à non paucis integris libris & tractatibus hujus evolutionis cura suscepta. Si ergò ministrum asseramus naturæ medicum, incongruum foret, ignorare cui serviat, quem imitetur.

Operæ hinc pretium est, primùm lustrare ipsam, in quantum patet, ambitu diffusissimo, deinde quomodo eidem ministret & imitatione illam exprimat. Natura à nascendo, ut φύσις ἀπὸ τῆς φύσεως, dicta illo dubio procul sensu, quo *Cous* de animâ hominis: ἀνὴρ scribit, φύσις μὲν δὲ θάνατος, *semper producit usq; ad mortem*, l. 6. epid. f. 5. r. 9. ut innuatur ejusdem continuitas & perpetuitas.

Ut itaque exhauriatur hujus vocis ὑμφορία & latitudo maxima, optimum fuerit per naturam intelligere principium motus statum & ordinatum totius universi, & omnium in mundo existentium, idque in concreto, complexum singula illa quæ subordinata sunt & ex hoc fonte sequuntur.

Solenne est medicis aliàs causæ v. g. morborum nomine complecti omnia ea, quæ diverso licet modo & ordine aliquid ad eorum productionem conferre queunt. Ad eundem modum

modum in statu naturali & omni hinc reliquo naturæ nomine exprimitur, quicquid ad motum, huiusque species, ad activitatem, ad vires omnium & singulorum mixtorum æquè ac viventium concurrat.

Hunc enim ordinem si sequamur & attendamus, principium aliud primum, aliud secundum, & sic porro admittendum est: principium dictum sæpe, quod diverso respectu etiam principiatum fuerit. Primum omnium principium, idque sine principio, est Deus Optimus Maximus, unde consuevit dici natura, cum *Platone*, τὸ ἀμειψιμὸν ἡμῶν αἰτίον, ὡς ἐστὶν ἀπασιν ἀνθρώποις, nostræ creationis autor, ut omnibus hominibus mos est, vid. *Galenus l. 9. de Hipp. & Plat. decret. c. 8.*

Quamvis enim valdè ἀνύψως, id videatur de Deo prædicari, siue naturam dicamus, siue, quod addidere alii, naturam naturantem, cum ipse sit immutabilis, semper idem; usus tamen loquendi enatus est palpantibus eundem ex operibus etiam ethnicis, in tenebris alioqui quoad hæc versantibus, & ab eodem remotis.

Impii itaque & in naturam sunt injurii, qui vel non agnoscunt & reverentur in naturâ creatorem, & forte fortuna illa coaluisse, & aliter potuisse disponi hæc illa, calumniantes, contra quos non uno loco suo jam tempore *Pergamenus* strenuè decertat; vel naturam pro reginâ Deâque mortalium habentes Deo abrogare hunc honorem, nescio quo spiritu ducti, sustinent, athei.

Melius *Seneca*, non intelligiste, inquiens, cum hoc dicis, (natura hæc mihi præstat,) mutare nomen Deo? quid enim aliud est natura, quàm Deus, & divina ratio, toti mundo & partibus ejus inserta? *l. 4. de benef. c. 7. p. m. 83.* Et alibi: vis illum naturam vocare? non peccabis. Est enim, ex quo nata sunt omnia, cujus spiritu vivimus. Unde & *Plinius lib. 2. N. H. c. 7.* naturæ potentiam id esse asserit, quod Deum vocamus.

A Deo τὰ πάντα ζωοποιεῖντι, & qui meliori sensu omnia est in omnibus, si discefferimus, subordinatum Deo & ab hoc injunctum porro principium internum omne notat natura, prior quidem omni arte & sapientior, omnium tamen artificiosissima, quæ distinctius scrutabimur. Notat nempe natura & conjunctim ista omnia reliqua, huc spectantia, & seorsim animam, quando distinctius ad certum opus, v. g. generationis concurrit. Et hanc enim τῇ κοινῇ πάσης ὕλης προσηματε *communi omnis substantia nomine* appellamus naturam, elogio Galeni l. de format. fact. c. 3. seu vegetativam putes, quam Stoici olim κατ' ἐξοχὴν naturæ nomine insigniebant, quo sensu & in hunc diem actiones naturales, nutritione, auctione & generatione comprehensæ dicuntur medicis: seu sensitivam & organicam, corpoream, & brutam, & rationalem quoque.

Non minus sub eadem ratione militat calidum innatum, archeus, spiritus vitalis, archeus universalis & particularis, animæ ipsius suppositum, & ad actiones quasvis expediendas organum primum. Natura & anima, verbis laudati Galeni lib. de trem. & palp. c. 6. nihil aliud existit, quàm calidum innatum, quod semper mobile est. Perinde est, si facultates animæ huc rerulerimus ipsas, non minus naturæ communi hoc nomine comprehensas.

Sic & eodem ulterius ordine natura notat frequentissimè temperiem, seu temperamentum tum mixti, tum viventis, universale & specificum, quorsum spectat integer liber Hippocratis de naturâ humanâ, & 2. aphor. 34. ubi Galenus in commento idem confirmat, ut & l. 3. de temperam. c. 4. Sanè, inquit, naturam cum dieo, universam substantiam ac temperiem, quæ ex primis elementis conflatur, significo.

Cumque hic motus naturæ in conservatione & productione sui occupetur, non solum in principiis materialibus primis, aquâ & terrâ, seu elementis in genere, sed & secundis, scilicet, sulphure, mercurio hospitatur, radicata in fermento & semine,

principiis internis, & formam ipsam sic absolvit ac exprimit, ut horum medio singula crescant, multiplicentur, à se invicem distinguantur specificè, summo ordine, citra ullam confusio-
nem, ut leges ejus sint æternæ, & necessariae, quamdiu sibi re-
linquuntur. Fallor? an hæc ipsa est forma substantialis, è singu-
lis illis dictis connexionem mutuâ resultans, eademque com-
plectens.

Notat non minus harmoniam & symbolismum ex dictis
illatum, ingenitam vim ac virtutem modo hoc illo se exerentem, & externis quoque effectis ac velut moribus deprehenden-
dam, ut similibus gaudeat, dissimilia aversetur, ut ad intra &
ad extra multum valeat communio sanguinis, & verbis *Tullii*,
etiam feras inter sese partus atque educatio, & natura ipsa con-
ciliet; unde etiam consuetudo altera audit natura, familiaribus
ipsi magis his illis usu redditis non adeò incongruis.

Notat alio verbo vires, naturales, vitales, & animales, &
omnia illa quæ secundum naturam fiunt ac eveniunt non mi-
nus ac evenire debent. Sive enim vires dixerò, sive naturam,
perinde est, testibus medicinæ proceribus.


Cumque singula hæc velut insigniori exemplo & quodam
naturæ laboratorio speciali eminenter emicent in utero, etiam
generationem viventium, ipsa que genitalia tum virorum, tum
inprimis in foeminis significat, cujus rei exempla ex *Cicerone*,
Plinio, *Suetonio*, aliisque laudare possemus, nisi sufficeret unus
instar omnium *Hippocrates*, qui *l. de steril. c. 27. t. 5.* & passim
ita loquitur, ne dicamus, totum librum *de naturâ muliebri* huc
pertinere, idemque innuere.

Sed missis hisce facile jam patere potest velut clavi quâdam,
quidnam sit natura, & quomodo medicus sit ejusdem minister.
Minister est Dei summi, tum eruendo arcana naturæ, tum hy-
mnis deprædicando opificem æternum, tum *φιλανθρωπία*, etiam
aliquo modo imitando.

Ministrat communi illi vitæ & sanitatis catenæ, naturæ uno verbo, & in specie humanâ potissimum, hominem curans, naturæ centrum & miraculum; & in individuo hunc illum, ut & vivere possit, & generare, ut natura sui sit juris. Juvat ubique naturam, addendo & subtrahendo, per similia & contraria, illa suggerendo, hæc corrigendo & auferendo. Minister est vitæ, artem servandorum hominum exercens, eodemque ferè ordine prospiciens singulis, officio suo satisfacit, committens omnia supremo naturæ arbitro & directori.

Vires tutatur, calidum nativum roborat, temperiem conservat, ac robur. Extra morbos quidem præservando & dirigendo, ne extra regiam naturæ viam & εὐφορίαν aliquid excedat vel deficiat. In morbis, curando secundum indicationes, ab ipsâ naturâ ejusque regulis demonstrativis suggestas, læsioni corporis cuicunque suum ex affectionis modulo prudenter applicando remedium.

Juvat naturam per naturam, modò freno, modò stimulo usus, per laxum & strictum, moderando omnia ad regulam illam statam, sed Lesbiam tamen, ubi vis aurigante naturâ. Hæc totius medicinæ est anima, adeò ut tota ars nihil aliud sit, quam naturæ subsidium; quæ si latius vellemus prosequi, universa medicinæ abyssus delibanda fuerit. Suffecerit medicum omnimodo curare, ne natura succumbat, sed superior evadat, maneatque. εἴγε δὴ μὴδ' ἄλλο τι θάνατος ἐστὶν ὅσον πλὴν παντελὴ τῆς φύσεως ἡττῶν, siquidem nihil aliud mors est, nisi omnimoda natura prostratio. Ubi verò ipsa perdurat, dominatur ac vincit, hominem necesse est servari, ut iterum loquamur cum Galeno l. 3. de cris. c. 5.



OBSERVATIO CCXV.

D. MICH. FRIDERICI LOCHNERI.

Lapis Myrmecias falsus cantharidibus
gravidus.

INter ceteras fabulosæ Antiquitatis Chimæras & Sphinges, plurima occurrunt Lapidum nomina, quibus veri nescia turba, præjudicioſaque Scriptorum naturalium Veterum Turma, Inſecta loco Parentum aſſignavit. Sic Batrachiten, Chelonitem ſ. Buſonitem, curioſis naturæ ſcrutatoribus non aurâ tantum populari capti homines, ſed & ſtrenui Abyſſi Phyſicæ ruſpatores, quibus

de meliori luto finxit præcordia Titan
ceū gnatum Buſonium obtruſere, quem fungi adinſtar in ſaxis & petris naſci adeoque ſaxeam agnoſcere Educam ex *Ola Wormio* probat Excell. *Arion Buſon. Curioſ. Sect. I. cap. 3.* Myrmecitis & Myrmeciæ plurimi, quibus Lapides curæ cordique fuerunt, meminere Authores, nominaque abſque omine & deſcriptione tamen inſeruere; aſt nullus oculatus teſtis, auriti omnes; ideoque nihil de illis præter nomina ſcribunt, niſi hoc ſit aliquid ſcribere, de nihilo ſcribere. Myrmecitis equidem nomine, quæ gemma repentem formicæ effigiem includere creditur, ſic ſatis tamen latè ſuccini fruſtula formicis grvida, ſplendidos hujus Inſecti tumulos pretioſaque Mauſolæa Veteres deſignâſſe aliquis crediderit; aſt quæ Myrmecias gemma? colore nigricante, eminentiis verrucis (quas Myrmecias quoque nominant) non abſimilibus? ceū non - ens hoc deſcribitur in *Agricol. l. V. de foſſil. p. 610.* ſanè tot ac tantis rarithecis eorumque catalogis perlutratſis ne reſ quidem de hoc lapide reperire licuit, quem in formicetis à formicis elaborari & affuſione calidæ obtineri veteres Philoſophi omnesque adhuc quos præjudiciorum nebula, ut ſumoſam ſolet imaginem

ginem pulvis, cingunt, credidère. Quapropter cùm in Myrmecologia mea ejus fecissem mentionem, Scepticorum me expediti formula: *ὃ καταλαμβάνω ἔχ' ἐείζω* (non capio, non definio.) Sed euge! lepidam fabulosi hujus præjudicii & Lapidis enodationem, cui Gordio nodo non opus erat Alexandro, cùm Hecate quædam illam dissolverit. Attulerat nempe vernò hujus agonizantis anni tempore, vetula cujus annos frontis computabant sulci, vitrum formicis majoribus refertum, quas in sacrificium Vulcaniis destinaveram aris. Nonnulla ex eâde Thureformicario Germ. *Baldrauch* sciscitor, tandemque per jocum annon nigros lapillos unquam in formicetis reperisset? quærito. Me negante, illa affirmabat, Jovem insuper lapidem jurans & asserens se plurimos hujus generis lapides hujus Urbis ordinario Extesticulatori & Lithotomo, circumpurpurato olim Agyrtæ, nescio quos in usus, attulisse. Tandem post aliquot dies hâc lapideâ prædâ me ditiozem reddidit vetula, cujus figuram artificis junxit manus. Ovum adæquabant hi lapides columbæ minus, coloris erant pulli terræ nativi, lapillulis hinc inde prominentibus, ponderis ferè nullius, auribus admota, hincque inde mota, aliquantulum obinclusum aliquod resonans; breviter, massa erat terrea in hanc ovalem figuram compacta ceu litera A indicat. Reposui hoc *κειμήλιον* & adventanti Amico ipso Attico melle suaviori Excell. *Hermeti II.* rerum curiosarum Heluoni, ostentavi. Diffregimus, inibi que latitantem deteximus Nympham, Erucæ Nymphæ vix ac ne vix mobili, per omnia similem, coloris lutei; sicque latibulum quod vermis sibi locò hybernaculi construxerat, nihil minus quàm lapidem deprehendimus. Paucos post dies rursus latitantis hujus Insecti tumulum adaperui, Chrysalidemque; eâ figurâ, quam litera B. ostentat, vidi, inscius tamen adhuc, cui Insectorum generi annumerare debuerim. Evanuit inter cætera negotiola ostiduum, cùm Musæum meum intrans novos salutare hospites, Cantharides scilicet II, Aldrovandi (quas nostrates *Goldkäfer* ratione

coloris; aliqui *Rosen-Käfer* (eò quod Rosas, Regiñas Decora-
 que Florum semper inhabitent, vocant) susurrò leviusculò
 me excipientes, hincque & inde oberrantes, musæique mei
 aëra fulcantes. Abegi molestos hos & putridos hospites,
 quippe qui libellos meos chartasq; excrementitiò humore de-
 honestando, hospitium conspurcarant, nec satis mirari potui,
 unde illis referatis foribus & fenestris patuerit aditus; ast de-
 sii mirari postquam diffracta ab his cantharidibus lapidea vel
 arenosa potiùs deprehendi habitacula, ceu lit. C. exhibet.
 Abstineo ab ulteriori hujus Insecti descriptione ne cramben-
 apponam biscoctam, cum accuratissimè illud jam præstiterit
 Excellentiss. *Aretaus Dec. II. An. II. observ. XX. p. 44.* Hoc tan-
 tum addo, credibile esse hanc arenaceam terreamq; compa-
 gem quibusdam Myrmecia nomine venisse, falsaque postea
 relatione, in Scriptorum naturalium Ceimeliarchis locum,
 promeruisse. Unicum adhuc superest, quod animum excru-
 ciat dubium, cur nempe hæc Insecta formiceta tantummodò
 inhabitent, cum nullibi alias repertu dentur, sed ex his tan-
 tummodò catervatim eruantur. Eapropter Excell. *Celsi* no-
 stri, inter concatenatas Praxeos curas Ephemeridum nostra-
 rum indefessi Directoris hac in difficultate Physicâ doctissimam
 opinionem sciscitor & obnixè imploro.

Fig. LXXV.

SCHOLIUM.

Humanissimè invitatus ab Excell. nostro *Periandro*, ut de
 Myrmecite hoc meas proferrem conjecturas, atque in-
 primis cur scarabæus iste Myrmecia inhabitet, & quomodo
 illa intret? non possum amicissimi Collegæ petito deesse, aliis
 oculatoribus eo ipso ansam daturus, quò desiderium hoc cu-
 riosum, ab æstiva formicetorum diligentiori perlustratione,
 quam hyemale hoc tempus denegat, succellum feliciorum
 habiturum, adimplere magis valeant. Quamvis autem du-
 bitare

bitare aliquis posset, utrùm insecta hæc formiceta tantummodo inhabitent, cùm & alia quædam scarabæorum genera, ex. gr. istud in Majo præcipuè obvium, arborum flori & gemmis damnosum, Majalium apud nos nomen idcirco promeritum, non unicum certum sibi sub terra quærat reconditorium, dum & sub arboribus, & alibi remotioribus inde in locis, recedente jam hyeme, effossum illud conspexi; quod in fossis quoque Thermarum Bollenfium, cùm mense Octobri eæ pararentur, vidisse se *Joh. Bauhinus in hist. font. Boll. lib. 4. pag. 212.* scribit; in agris etiam reperiri, ex *Joh. Gædartio* colligere datur, qui scarabæum hunc, dum vermis adhuc facie indutus est, tritici radicibus consumendis multum nocere perhibet: fidem tamen relatio foeminæ in hac observatione memoratæ eò magis apud me invenire potest, quia & similia *Cass. Schwenckfeldium in Theriotroph. Siles. lib. 6. pag. 521. cap. de cantharide hæc formicariâ latiore* (*Goldfâser in Omeshausfen*) reperio, ubi eandem in acervis formicarum generari & detineri refert: Unde si fortè alios etiam sub terris recessus eligeret, in formicetis tamen pariter eam nidulari, jam sufficiet. Illam autem non scarabæi, quem Myrmecio injectum à formicis devorari, *Clar. Periander noster* expertus est, sed vermis formâ cumulum formicarium intrare arbitror; quem vermem albicantem esse, hirtiusculum, annulosum, longiusculum, digiti minimi ferè crassitie, verticillo admodum similem, *præfatus Schwenckfeldius* testatur. Postquam enim à coitu foecundata ovula foemellæ scarabæorum horum excluderunt, Solisque calore ex iis vermiculus iste prodiit, hunc ad debitam magnitudinem & statum vitæ terminum perductum, ad novam se transmutationem accingere, ac eapropter latibulum conveniens quærere, dum aliorum Insectorum considero metamorphoses, existimo. Hoc autem latibulum ut in formicetis sibi eligat, odor earum penetrans acidus & resinofus in causa esse potest, quò allectus vermis hic, non quidem rectè per cuniculos à formicis, transitum fortè non impunè concessu-

cessuris, artificiosè fabrefactos irruens, sed per ambages ad profundiores vel remotiores à cubilibus earum partes (præcipuè cum & resinam illam sive electrum formicarium non in acervis ipsis, sed aliquot pedes sub illis in terra reconditum inveniri, *noſter Georg. Hier. Welfchius not. ad observat. med. 15. Hieron. Reufneri animadvertat.*) penetrans, locum ibi investigat, in quo se occultare, & novò alimentò ad instantem mutationem corpus disponere valeat; quâ ratione etiam vermibus hic, postquam scarabæi formam induit, & liberò aëre circumvolitat, à rosarum odore ad vim ipsis inferendam, vel nutritias particulas sibi inde decerpendas allicitur: ubi ineffabilem DEI ordinem non satis mirari licet, quò tam multiplici insectorum varietati varios etiam cibos ordinavit, ut singula non omnibus indiscriminatim utantur alimentis, sed quælibet naturæ suæ congrua potiùs sectentur. Prout verò cantharidum vis caustica in vulgus nota est: ita non immeritò adhuc dubitatur, utrùm ea in sale aliquo alcalico lateat, an verò acido debeatur? quale acidum mordicans in formicis, apibus, vespis reperitur, quò de eleganter differentem legimus Excell. D. Joh. Bohonium Dissert. Chym. Phys. 1. §. 16. Ut ita scarabæum nostrum, cantharidum classi illatum acidò illò volatili odore, ut naturæ suæ congruò delectari, non omnino vero sit absimile; de resinoso autem notari meretur *Dioscorides lib. 6. cap. 1.* signa inter, quæ adsumtas cantharides sequuntur, referens, quòd tales à cantharidibus malè adfecti homines picem aut simile quiddam cedriæ respiciant, vel ut *Petr. Andr. Matthiolus in comment.* explicat, picis & cedriæ odorem gustu & olfactu percipiant, aut prout à *Nicandro in Alexipharm.* explicante *Jacobo Grevino*, exprimitur:

*Nec te frugifecam, piceum qua reddit odorem,
cantharidem pota, quia talem imitata resinam
plenas illatrahit nares, & dentibus ipsis
Infecto cedria sapor obversatur in ore.*

Ipsū autem Myrmeciten, quem folliculum durum, ovalem, olivæ magnitudine, intus levem, forinsecus asperiusculum vocat, ex terra, resina & festucis compactum esse, innuit *Schrovenckfeldius*; quem & paulò post odoratum nuncupat; quamvis autem illi à laudato *D. Periandro* mihi transmissi, in odori potius compareant, vel odorem, quem recentes habuerunt, temporis diuturnitate amiserint, si tamen ferantur, resinosò istò non planè carere observavi; quodsi resinam, ad moliendam folliculi hujus constructionem, à verme istò, naturali instinctu sic compellente, devorari dicerem, fortassè non errarem, ita ut ex novo alimento in vermis ventriculo nonnihil mutato, perque vomitum ob copiam ejus nimiam devorata, denuò rejectò, ceu glutine aliquò festucas, arenam & similia coagmentari, sicque folliculos hos, in corporis in eo absconditi tutelam cessuros, efformari suspicer.

[*L. Schröck, L. f.*]

OBSERVATIO CCXVI.

D. MICH. FRIDERICI LOCHNERI.

Aranei Aphrodisiacæ cuidam
delitiæ.

ALit Noris nostra inter plurimos stipem petentes (nec satis scio, an etiamnum alat) Virum truci facie, barbâ horridâ, crinibus rubris Araneivorum vulgò denegatissimum fresser cognominatum. Hic non tantum araneos obvios quales quales etiam fuerint,

— — *plurum quam lautis obsonia Rhombi,
Quam Leporis clunes, quam turdes aestimat assos,*

sed exinde quoque in tantum Veneris furorem agitur, ut oppidò metuat, ne nervus nimietate rumpatur; ita ut ex ejus membro ceu de Cameli genitali refert *Aristoteles* nervum con-

Dec. II. Annus VI.

K k k

fici

fici posse, quò artus intendantur, crediderim. Et hoc meum assertum plurimæ puellæ fœminæque testari poterunt, quibus Venerus hic miles obviam factus osseam adinstar Ichtidis, nimiumque rigentem caudam ostendit; usque dum fustibus benè priùs dedolato, pistrini metus lascivos hosce spiritus expulerit, imposterumque lepidò hòc spectaculò, prurièntes nonnullas puellas, privaverit, cum in hunc usque diem laciniis suis remotis, Veneris impatientiam Foridibus suis non ampliùs monstraverit; liceat jocò *Apuleji Metam. l. 2. uti.* Et sic Aranei Medicamenti suppeditârunt vices, ut adeò rectè cecinerit *Palingen.*

*Nil esse malum toto invenietur in Orbe.
Cum nulla res adeò sit prava & noxia qua non
Possit prodesse interdum, atq; offerre salutem.*

SCHOLIUM.

DE innoxio noxiorum aliàs Araneorum Esu, præter varias diversorum Authorum Observationes legi meretur *Ephem. Dec. I. Ann. 2. Observ. 10. Dec. II. Ann. 4. Obs. 19. Dec. II. Ann. 5. Observ. 16.* Nullus tamen Araneivororum horum exinde opem sensit medicam. *Excell. Paullini* in App. ad Ann. 5. Dec. II. observ. 62. Tertianarium in Scenam Medicam producit, araneorum usu cum butyracè pane devoratorum ex voto restitutum, qui devoti sacrificii locò obimpetratum pristinum sanitatis statum, *Februa Deæ* araneos potuisset offerre. Quid? quod *Nob. Mart. Lister* in *Histor. Araneor. Angl. lib. 1. cap. 8. p. m. 18.* tanquam Herculeam Clavam pro variis Morbonæ monstris profligandis Medicamenta ex Araneis porrigit; ne *per* tamen virium Aphrodisiacarum meminit.

Quâ de causâ nullibi (quod mihi quidem innotuit) reperiibilem hanc araneorum vim observatiunculæ cancellis inclusam *Inclyt. Nat. Cur. Acad. Ephemer. exhibui.* Queritanti, ex quò
qua.

qualitatum Armamentario Araneus arma hæc depromat Amphrodisiaca? spicula salina arguo. Cum enim inter arma quibus venerius indiget miles, maximam nervina remedia adimpleant classẽ, illa vero Sale Volatili acri, (in plurimis infectis scatente) obstructiones in canalibus nerveis reperibiles referent, fibrillas laceſſant, spiritus animales ad influxum irritent; quidni easdem salinas particulas Aranei in membri Satyrica tensione accusemus?

Hæ enim simulac irruptionem in salacitatis fecere campum, nerveas titillarunt fibrillas, quæ motu insolito permoti titillationis Ideam menti in pineali glandulâ tanquam Regiâ commoranti repræsentarunt; jussu hujus ablegatæ dehinc auxiliares spirituum animalium copię, quæ suo adventu pendulam adhuc Venerem ad rigida provocarunt arma. Cum vero Salini Aranei devorati Coloni, ad causticam propius accederent naturam, & titillatione nimia instarent, ruptionis menti intimatur periculum, succedunt prioribus aliæ spirituum animalium Turmæ, qui pendulum alias in durissimum Alcidæ nervum, (qui

Quinquaginta duas stupravit nocte puellas)
transmutavit.

OBSERVATIO CCXVII.
DN. ROSINI LENTILII.

Opiatorum funestus in maligna febre usus.

P Astor quidam, Vir integerrimus, quadraginta & aliquot annorum, sanguineus, succulentus, filium suum, studiorum causa *Oettingæ* commorantem, ex febre continua decumbentem, domum vocat; quin, ipse eo profectus, secum recipit. Contracto, forte per metum, contagio, sensit horripilationem, succedentem æstum, appetitum

prostratum &c. Accersitur Homunculus *Monogrammus*, Pharmacopœolus quidam vicinus, ingratis Medicinam, *uti tenebrionum genus affolet*, factitans, & imprudentibus juxta, atq; prudentibus, veluti mundus vult decipi, imponens, linguax & impudens. Præbet quarto ab invasione die *Tartar. emet. ad gr. iij.* Orta inde humorum conturbatione, neglecta interim in subiecto sanguineo & succulento venæ sectione, morbus ingravescit, æstus, sitis, inquietudo, vigiliæ. Ordinatur mixtura: *℞. Antimonii diaph. CC. philos. āā. ℥ij. Aqu. fl. acac. ceras. nigr. rub. id. rosar. āā. ℥i℥. Sacch. Canariens. ℥iij. M. cochlear. ij. singulis 2. horis sumantur. ℞. Nitri Antimoniati Sacch. Canar. āā. ℥ij. Specier. febrifug. Argentorat. CC. philos. āā. ℥℥. M. duo cuspides cultri in haustu cervisie sorbeantur.* Septimo die (quod ipse scripsit) parum moratus crisin, præscribit *Tinctura Opii Ludov. ℥i℥. sumantur bis in die, nempe pomer. hor. 1. & noctu hor. 8. gutta xx. xxj. ad xxiiij. ut vigiliis scilicet obviam iretur. ℞. Oc. Cancr. ppt. CC. philos. arcan. dupl. āā. ℥j. Specier. antifebr. Argentor. myrrh. fl. Salis Armoniaci āā. ℥℥. Cinnab. nativ. ℥j. cum extr. Centaur. min. & elixir dulci f. pil. num. 96. singulis 6. horis xvj. in Sir. viol. sorbenda. ℞. Mucil. sem. cydon. Sir. violar. āā. ℥i℥. Spirit. Sal. dule. ℥i℥. M. sumatur cochleatim post gargarismum.* His, cum parum proficeret, sed in deterius omnia vergerent, delirio contra itum vesicatoriis in carpis & nucha. Deniq; *℞. Tinct. bezoard. ℥ij. Tinct. Opii Ludov. ℥℥. M. usurpanda, ut antecedens Tinct. solitaria.* Supervenit lethargus, angina, convulsiones maxillarum & mors, relicta vidua cum septem liberis, die undecima. Archiater hic, re quasi bene gesta, remedia à se exhibita, prout hic ea notavi, in schedam ipse consignavit, & superaddidit, se primo statim intuitu morbum agnovisse, quod fuerit ardens febris, ne scil. haberet, quo ignorantiam excusaret; scheda ad me delata, quam ex Auctoris autographo descripsi.

SCHOLIUM.

Absolvitur quæstionibus aliquot, quarum prima esto: *Annon fuisset cura venæsectione ordianda?* Resp. Quod in genere de venæsectione in febribus malignis in *Appendicem* ad *hunc Annum* à me notatum est, huc maxime spectat, nimirum in Viro rubicundo, sanguineo, succulento, hanc necessario debuisse præmitti omni alii medicationi, ut hac ratione sanguinis fervor temperaretur, & spiritus turgescerent exhalarent: quæ perperam & malo sane curationis exordio fuit intermissa. Rationes plures adducere nil interest, ne cramben bis coctam apponam.

An & quatenus emetica conducant in malignis? Resp. 2. Quandoquidem febris malignæ causa magis in sanguine & venis, quam primis viis, latere deprehenditur, vomitoria primaria intentione vix indicari videntur: Est tamen, ubi ex nausea quandoque contagium contrahitur, & tunc sponte nonnunquam vomitione morbus incipit, ibi, antequam malignitas sanguini & spiritibus communicetur, utique convenit vomitoriis haustum contagium tempori eliminare: id autem, quam fieri primum potest, primo aut secundo diebus fiat oportet, id quod celeberrimorum Practicorum unanimi consensu, & per experientiam comprobatum est. *Ti-lem. in Aphor. Hippocr. p. m. 61. Natura, inquit, per superiora volenti, vomitus prodest. Fr. Hofm. Meth. med. l. I. c. 9. p. 203. In Febribus ardentibus aut Hungarica & aliis pestilentialibus, ab ebullitione humorum malignorum in stomacho pronatis, statim ab initio adhibita vomitoria, antequam totam massam sanguinis venenato inficiant fermento, summe proficua sunt. B. no-ster Ettmüllerus Colleg. Pract. MSS. Vomitoria, ait, in principio præ cæteris omnibus conveniunt, quod & peccantem saburram evacuent, & multa symptomata præcaveant, in minori tamen dosi propinanda, ne corpus nimium moveamus. Hinc exemplum illustre, sublata statim ab incunabuli*

imminentis à metu febris malignæ, per *Tartar. emet. gr. iij.* Amicus & Fautor noster *D. D. Vitus Riedlinus observationum elegantissimarum 34.* recenset; semper tamen eas in principio saltem exhibuisse, ne alias aut hypercatharsin, aut majora mala inducerent, insimul asserit. Sed quarto ab invasione die, ubi jam est malignitas intimius sanguini mista, eadem exhibere, minime ferendum. Querimus enim, quid in februm malignarum principio vomitionem indicat? Resp. latens in primis viis *μλασμα*, cujusequidem effluvia quædam jam sanguini communicantur, sed quæ à calore nativo adhuc subjugari possint; hinc minera extirpanda prius, quam sanguini tantum admisceatur, cui subjugando non amplius par sit natus calor. Hoc ultimum igitur, ubi factum, amisso grege non tantum septa clauduntur, sed & turbæ præter rem excitantur in corpore: Consideremus, quanta cum violentia vomitoria operentur, ut oppido mirer, esse tot, non infimi subsellii, Practicos, qui, quacumque levi de causa, illico ad emetica profugiunt, sed quanto cum fructu, loquuntur exitus funesti. Multoties in praxi sum expertus, emetica frequentius exhibita ventriculi tonum adeo debilitasse, ut nulli remedio datum esset, eundem restituere. Ille quidem, ubi multa saburra aut biliosa, aut pituitosa, seu cruditatibus scatet, aliquod ab exhibito emetico solamen ab initio sentire videtur, sed næ, fiunt hic bona, ut inde mala eveniant, cum graviore noxa brevi post tempore, stomachus violentas illas subversiones luat. In appetitu ab exundatione biliosa prostrato, adolescens 17. annorum à barbitonfore accepit *Tart. emet. gr. iij.* quibus parum operantibus, alteram dosin, præterlapsis paucis diebus superaddit; sed, bone DEUS, quæ hinc ortæ tragoediæ? Nil enim cibi, nil potus retinere stomachus in furorem actus potuit, nec erat in Medicamine legitime parato culpa. Itum post aliquot septimanas ad me. Sceletos reperio non hominem, syndromen symptomatum: Heic omnia describere nil attinet: Compesco

pesco vomitiones illas, sed malum brevi recrudit. Tunc autem ordo visitationis nosodochialis me reliquit; alius remediis parum interea solatii afferentibus. Præterlapso semestri, cum dictus ordo me rursus tetigisset, denuo manum admoveo: Umbram hominis dixisses: rursus vomitiones compescuntur, subsequente vehementi cardialgia, quam æger sibi vomitione molestiorem causabatur, quam, non nisi elapsis aliquot mensibus, incrassantibus præcipue, & humorum acrimoniam obtundentibus, hinc stomachicis blande adstringentibus, adistente Deo, debellavi. Nihil tamen minus ad hunc usque diem stomacho debili Adolescentens afflictus, observantissimus esse cogitur diætæ. Nec est mirum. *Nihil enim est Natura propemodum magis contrarium, quam ipsa vomitio*, cum ventriculus non ea fini sit factus, ut, quod accepit, sursum ejiciat, sed retineat, foveat, digerat, & motu, ex natura gravium, deorsum facto, intestinis credat; igitur istum ventriculi motum natura penitus horret, ceu mere convulsivum, vacuo cumprimis eo, quales esse solent eorum stomachi, qui jam à 4. aut pluribus diebus febricitant. Præterea turbatur ab hoc motu violento corpus universum, & contenti in vasis humores, sanguis, serum, lymphæ, quin ipsi spiritus animales, atque adeo tota œconomia animalis vehementer percellitur, quæ equidem consternatio, ut ita loquar, est in robustis corporibus transitoria, cæteris quidem paribus: Sed, ubi febrile *μίσμα*, quod jam est supra dictum, sanguini est intimius mistum, ejusque materiam agitat & incendit, naturaque accingitur, ut idem sufflaminet aut supplantet; quid, nisi majores turbæ, anxietates, naturæ suppressiones, ut ne quid gravius dicam, ab emeticis expectemus? Siccine non satis agitur à malignis effluviis sanguis & spiritus, ni majores insuper turbas per emetica excites? præcipue, cum hac ratione, id est, post festum, non amplius educi materia morbifica queat? Maximus igitur hic fuit error, & ab omni sincera praxi methodus

thodus alienissima, quam Auctoris conscientiae relinquimus. Claudio quaestionem verbis viri cujusdam Excellentissimi: *Si indicationes adsint, ager ipse consentiat, & nostra res expediri nequeat, tunc demum vomitoria in usum vocanda.* Quid igitur post exhibitam vomitionem poro factum? Morbus ingravescit, aestus, sitis, inquietudo, vigiliae. Videamus, quo pacto hisce invasionibus contra itum. Diebus 5. & 6. praescribitur mixtura ex *aquis refrigerantibus & pulveribus bezoardicis*, cum facile fermentescibili *Canariensi saccharo* mixta; *it. pulvis febrifugus.* Sed quilibet saniorum illico viderit, heic opponi gigantibus pygmaliones. Nam, quei possit aestus tantus sedari tantillis refrigeratiunculis? quei malignitati resistent tantilli pulvisculi? Quei expansum sanguinem concentrent tam inania tragemata? Duris nodis erant quaerendi cunei duriores. Sed forte talis jam cuneus subsequitur; sc. die septimo *Tinct. opii Ludovici 3iß. de quabis in die, nempe hora pomeridiana prima, & noctu hora octava sumantur gutta 20. 21. ad 22.* Additum autem erat in scripta scheda, se ad vigilias respexisse. O lethales ineptias! non jam dicemus de *Critico* die, qualis est *septimus*: Namque si hi dies (quos hodie parum advertimus) in arte fundamentum habent, non sane spiritus sopiendi tunc erant, cum Natura materiae morbificae Criticam evacuationem moliretur. *Hercules* noster in *Opiol. lib. 2. Sect. 1. cap. 1. pag. 100.* ita: *Instante crisi, vel die critico non temere dandum opium, ne Natura in conatu suo impediatur.* Sed his, inquam, missis, videamus de opiatis:

3. *Utrum & quando in malignis his uti liceat?* Practicorum pars potior est in ea sententia, in malignis aut nunquam, aut non nisi à principio, vel in declinatione, opiata esse adhibenda, licet & hæc summa cum cautione, & bezoardicis mixta. Vide quæ in hanc rem habet *Cl. Fr. Hofm. l.c. cap. 19. p. m. 369. seq.* ubi exemplum quoque, male per opiatum laudanum curati *Hallensis* viri ex Causo decumbentis recen-

recenset. Item *Excell. Hercules noster l. c. p. m. 97.* ubi cumprimis, quæ ex *Ballonio* citat, legi merentur, subjuncta quæ verba: Quando ægri, de immodicis vigiliis conquesti, soporiferum à Medico sollicitant, non faciliè parendum est, ne malignitatis vis corpenitus petat, sicquæ subito hominem jugulet. Si tamen necessitas ejusmodi remedia suadeat, tutius alexipharmaca, bezoardica, cor munientia alia adjunguntur, ita, ut minor semper ratio habeatur vigiliarum, quam malignitatis: Porro in principio tantum febrium malignarum, & declinatione, eadem ex *Riverio* & aliis Auctoribus, propriaquæ experientia, cautè, & cum bezoardicis usurpata tantum commendat. *Vid. eund. de medicam. facult. l. 2. S. 2. c. 10. p. 206. & Amæn. Mat. Med. l. 1. S. 2. c. 14. p. 444.* Sed cumprimis audiendus hic nobiliss. *Priamus noster*, qui in *monit. Med. circa opii & opiator. usum sequentia*: Anginæ omnesquæ; febres malignæ, variolæ & morbilli nuspiam tutò curantur opiatibus: & rogo te per amorem DEI, ut in morbo Hungarico, febre petechiali & similibus morbis, illis abstineas. Quomodo quæso figentibus spiritus vitales, & principia activa ligantibus, addimus robur naturæ? Nonne manibus ligatis induciæ dantur morbo, ut eò profundius sanguini innidulari possit? Et paullo post: Quapropter potius in excubiis standum, & spirituum cohortes ad pugnam concitandi, non ad soporem componendi essent: neque vigiliæ tantum damnum inferent corpori, quantum Tu opiatibus imprudenter exhibitis. Clarissimus *Ol. Borrichius*, Fautor noster, in *tr. de somno & somniferis* §. 32. in continuis, inquit, vestigia terrent; malignæ tamen opium non averfantur in declinatione morbi, si consent vires: sed in initiis, incrementis, statu, periculosum est, nec tum usurpandum, nisi vehementia symptomatum necessitatem imponat, & id parcè atque admistis alexipharmacis, præcipuè calefacientibus, ne *narcotica* inconsultò propinata, in *necrotica*, ceu *Henr. ab Heer* loquitur, convertantur: Ratio periculi: Opium nunquam obliviscitur muneris sui, quod est cogere, densare, seu, ut

vocant, refrigerare: ita fremitum quidem pugnantium humorum sistit nonnihil & interpellat, sed malignitatem adeo non oppugnat, ut, si pituita illa inhærescit, eandem reddat contumaciorem. *Vid. Sennert. Prax. l. 6. p. 7. cap. 1. Zwölff. Pharm. Reg. Class. 14. p. 155. Willis. Pharmac. rational. Sect. 7. cap. 2. p. m. 190.* Sed & juvat considerare, qualis nam sit illa Ludovici Excell. *Tinctura opii*. Hanc describit in *Pharmac. modern. Dissert. 1. p. m. 668.* sequentibus verbis: *R. Opii seu crudi, seu per divaporationem in graveolentia sua prius mitificati part. j. Aq. apopl. nostra & Spir. Vitrioli roridi, aut ejus loco Spir. Vitrioli Philosophici aa. part. iiij. per dies aliquot digerendo & filtrando, quò mediò Tinctura habetur elegans, quæ in malignarum complurium principis, vomitibus ac diarrhæis complicatis, aliisque affectibus, ordinariis remediis NB. ad gutt. vj. vel viij. sociata multum præstat.* Quisquis igitur 1. in febribus malignis; 2. ipsò die Criticò & in morbi statu 3. *Tincturam opii solâ*, nec aliis bezoardicis mixtâ 4. dosi tripla, cum ipsius *Tincturæ* Autor vj. vel viij. guttas velit, 5. & quidem bis in die exhibet, contra omnes saniorum Medicorum observationes; nonne sit is reprehensione dignus? Immo, si à morbi initio Practicus immaturus, cum adhuc sibi vires constarent, refractâ dosi mixtam illâ *Tincturam* (quam tamen, quò, nescio, pacto, parârit) cum *Tinctura bezoardica* debitò præbiò exhibuisset, quod re jam conclamata fecit, felicius fortè operatus fuisset; sed tunc erat post Festum, supervenit enim lethargus, angina, maxillarum convulsiones, & mors. Sed adhuc unum habeo de Opiatis monendum, nimirum, ser tunc enormiter Medicum peccare, ubi largò præbiò eadem exhibet; 1. corpus certò interimat; 2. animam in periculum non leve præcipitat, siquidem tunc incapax æger redditur, non tantum ad eam DEO commendandam per proprias preces, sed etiam ad applicandum sibi Christi meritum, Sacerdotis preces & monita, & quod est palmarium, ad agnitionem & confessionem peccatorum, absolutionem, & accipiendum corporis sanguinisque

nisque Christi viaticum. 3. In relictos, quos non tantum orbat maritis, uxoribus, parentibus, sed & impedit, ut res suas, eâ, quâ debebant, ratione disponere moribundi, vel condere testamentum nequeant: quod est probe Medicis pensandum, adeoque cautè mercandum. Postremò, si pilulas suprà dictas sub examen vocare liberet, etiam illic inveniremus, quòd haud adeò liceret excusare. Nam, cum totum pilularum pondus æquet præterpropter 3ß. pilularum verò sint numero 96. sequitur unamquamque pilulam ponderasse gr. iijß. quorum 16. pro una dosi absolvunt 3ij. unde sequitur, intra 36. horas omnes pilulas fuisse absumptas, adeoque tot horarum spatiò *Cinnabaris nativæ* 3j. & *Flor. Salis Armoniaci* 3ß. quæ utrorumque dosis, utut fortè concedi queat, nimium tamen est eandem singulis 6. horis iterari. Ex quibus omnibus apparet, quàm graviter Medicafter ille peccârit, eoque magis, quia grassatur extra functionem suam & falcem in alienam messem mittit. In vicino nobis oppido Imperiali sedet iste homuncio, nec est ibi Medicus: Cum autem formula quædam ipsi offertur à Medico præscripta, ipse, pro lubitu, quidquid vult, substituit, & semet excusat cum Celeberr. *Ludovici*; nim. se methodum *Ludovicianam* sequi in medicamentorum selectu. O frivolam excusationem, *Ludovici* selectum scil. prætere, quando *nihili pulvis* in omnibus propè pyxidibus exuberat! O si denique Res-publicæ resipiscerent, nec officinas pharmaceuticas, in illis locis, ubi non degunt Medici, instrui paterentur, quid enim est hoc aliud, quàm fenestram latrociniiis aperire? quâ cum conscientia, viderint illi Magistratus. Hodie propemodum non est vicus, quin ostendat officinam, si Dîs placet, pharmaceuticam, si non potius *speluncam Latronum*! Coronidis locò addo, me in cura febrium malignarum, etiam sine singultu, hóc annò felicissimè usum *speciebus diacreta*, juxta methodum in *Dissert. de Venæsectione Appendici affixa* præscriptam, non obstante, quod Amicus quidam bonus me falsè fuerit cavillatus,

quod historiam curatæ per illas species febris malignæ singul-
tuosæ, ceu hirundinem unam, Ephemeridibus inseruerim,
cùm id fiat propterea, ut & alii Collegæ ejusdem rei periculum
faciant, id quod *Excell. Nestor. II.* non sine successu, quod in
Ephemeridibus nuperis est ipse factus, fecit.

[*Nordlingâ 1688. Januar. Norimbergam missa.*]

OBSERVATIO CCXVIII.

D. GEORGII ABRAHAMI MERCKLINI,

De

Incertitudine graviditatis & conceptione
sine præfagio mensium fluxu
facta.

Judicium difficile; hoc non tam ideò credimus, quia di-
xit Hippocrates; quàm quia docet quotidiana experien-
tia, ceu omnium rerum magistra; idque si unquam ul-
libi verum, verissimum certè est in plerisque rebus Me-
dicis; sed & ut cùm maximè in graviditatis & prægnationis
opere apud femineum sexum. Quoties enim fit, ut mulier
gravida esse putetur, quæ tamen gravida minimè est? adeò
judicium difficile: contrà quoties mulier hydrope, tympa-
nitide, aut ex alia causa oriundâ ventris intumescentiâ labo-
rare videtur, quæ tamen legitimò partu ventris sui sarcinam
in cunas deponit? adeò rursus judicium difficile. Utrorum-
que casuum Libri Medicorum plenissimi quidem sunt; non
tamen abs re erit, iis præsentem etiam notatu non minùs di-
gnum annumerare. Muliercula erat, triginta circiter anno-
rum, opificis uxor, duorum liberorum mater: hæc per inte-
grum penè annum animadvertit, abdomen sibi successivè in-
tumescere, haud multò secius, ac iis solet, quæ utero gerunt:
quanquam ei de imprægnatione, ne per somnium quidem
cogi-

cogitare liceret, idque primò quia menses jam ultra octodecim menses fluere desierunt, & secundò mulier in utero aut abdomine nullum unquam motum totò hòc temporis decursu sensit, nec tertio mamillæ turserunt, & quartò denique nulla prorsus alia apparuerunt graviditatis indicia. Incidebat ergò vel hydropis vel tympanitidis metus: Unde Medicus consultitur, qui abdominis intumescentiam p. n. suspicatur, vina medicata purgantia, omnisque generis alia fortissima etiam evacuantia pharmaca exhibuit; sed omnia incassum; symptomatibus, quibus cum ægra conflictabatur, ut: appetitu prostratò, siti molestissimâ, lassitudine totius corporis, ambulandi impotentiâ & similibus, nequicquam remittentibus, quin potius subindè incrementum sumentibus, atque affectum p. n. clariùs prodentibus; sed quid tandem fit? Mulier mensæ cum suis aliquando accumbens inopinatò dolorem in toto abdomine sentit, eventum dubium, lætum tamen potius, quàm tristem expectans, spe, fore, ut vel per alvum, vel per vesicam in abdomine coacervatorum, jam verò fortè fusorum humorum p. n. putatitius cumulus secessum moliatur. Verùm enim verò nihil horum accidit quicquam, sed mulier, doloribus ingravescentibus puerulum rectissimè efformatum, vivumque præter omnium hominum spem atque expectationem, sine obstetrice, partu felici, enititur, & quæ antè ultra annum spatium graviter laboravit, nunc, depositò onere, puerperam ovans agit, non sine ingenti admiratione. Ex qua observatione hoc inter alia testimonium elicere licet, posse utique mulierem, etiamsi vel mensium suppressione laboret, vel mensium fluxum nunquam passa sit, tamen uterò concipere & imprægnari; quandoquidem hæc ipsa intra illud tempus concepit, quò menses substitère; quò simul ipsò veritatis lux foeneratur illi *Dolai Ephemer. Med. Phys. Academ. Nat. Cur. Germ. Ann. VI. & VII. observationi 64. itemque illis Schenckii lib. 4. annotatis observationibus: nec non Rhod. Centur. 3. observ. 54. Thom.*

Bartholin. Centur. 4. Histor. Anatom. 37. aliisq; hujus farinae hinc inde consignatis observationibus.

OBSERVATIO CCXIX.

D. GEORGII ABRAHAMI MERCKLINI,

*De*Prægrandi totius abdominis intumescencia
cum partu felici inopinatò.

Alium quoad graviditatis incertitudinem huic non adeò absimilem casum observare mihi contigit in Lanifici uxore. Huic per integrum annum abdomen in tantam sensim succrevit magnitudinem, ut brachiorum suorum ulnis non licuerit id amplecti, ceterò sic satis prosperâ valetudine gavisa. Fuere feminae cognatae vicinaeque, quæ gravidam mulierem hanc esse affirmabant, indeque in eam molem extendi abdomen; aliis contra constanter id negantibus, ratis, multò majorem esse ventris distensionem, quàm gestus in utero foetus efficere communiter solet. In hac dubia re Medicus velut arbiter accersitur, qui anceps hæsit, nescius, quid diceret: maluit tamen à negantium, quàm agentium parte stare, quòd argumenta contra imprægnationem dimicantium multò majoris ei viderentur ponderis, quàm pro illa militantium. At enimverò quàm difficile sit in rebus Medicis ipsâque cum primis imprægnationis opere judicium, casus hujus eventus iterum docuit. Non enim longè post sine multa difficultate filium feliciter peperit mulier, quæ præ ventris granditate paulò antè parere posse, si vel maximè utero gereret, impotentissima videbatur. Sed quod non minùs mirandum, venter post partum nihil quicquam decumuit, sed tantus etiamnum est, si non major, quantus fuit unquam, trium certè foetuum maturorum capacissi-

pacissimus. Interea mater sic satis bene valet, filiumq; lactat vivacissimum. Conferatur nostra, quam Ephemerid. nostrarum Decur. II. Ann. I. prolixis Scholiis enodavimus, Observatio 183. quæ cum hac ipsa præsentî in omnibus apprimè convenire videtur.

OBSERVATIO CCXX.

D. GEORGII ABRAHAM MERCKLINI,

De

Hydrophobico affectu, sine morfu
canis rabidi.

Vir plebejus quadraginta circiter annorum, melancholici temperamenti, cum aliquamdiu anxietatem pectoris & respirandi difficultatem passus fuisset, inopinanter quævis liquida omniaque humida tantò odiò abominari coepit, ut, ubi vel potus, vel jusculum in victu ei præbatur, ipsâ quasi reluctante naturâ, totum corpus omniaque ejus membra tantò horrore contremiscerent, ut convulsivis quasi motibus concuti viderentur. Liquidis autem his remotis, mox pristina sanitas mentisque rediit integritas, remanente saltem priori pectoris anxietate. Chirurgus in consilium vocatus, dextri brachii venam tutudit, quâ pectoris quidem anxietas remisit, dicta autem hydrophobia tantum abest, ut inde cessarit, ut potius indies increbuerit, donec tandem extremum delirium exarsit, quod non nisi cum ipsa vita desit. Unde primum ortum mirabilis hîc duxerit affectus, incertum est. Alii ex fascinatione eum derivarunt, cujus tamen sufficientia indicia non deprehendebantur: alii verò traxerunt ex canis rabidi jam olim fortassis inflictò morfu; sed cujus æger, cum viveret, nunquam recordari poterat. Verosimilius mihi quidem videtur, hydrophobicum hunc affectum peculiarem constituere melancholici deli-

delirii speciem, & provenisse à causa in corpore genitâ, quando non ignotum est, etiam sine rabidi animalis morfu ipsissimam hydrophobiam contingere posse; qualia exempla *Petr. Sal. Diversus* & *Marcellus Donatus*, sed & imprimis *Hercul. Saxonia* & *Petr. Borellus* aliquot annotârunt: & quidem ille *Med. Pract. l. 10. c. 1.* ubi refert, quod non tantum hydrophobiâ laborantes, sed & melancholici reperti fuerint, qui oleum, vinum, acetum aliosq; liquores ferre nequiverint: hic verò *Histor. & Observ. Med. Physic. rarior. Cent. 1. Observ. 74.* scribit, Verderi Dominam juscula, aliave liquida ne quidem aspicere potuisse, idq; ex morbo, sine ullo morfu. Quibus Observationibus & hanc nostram jure accensendam esse putamus.

OBSERVATIO CCXXI.

D. GEORGII ABRAHAMI MERCKLINI,

De

Steatmate intra corpus in dextro latere nato.

QUADRAGINTA quinque annorum femina, temperamenti sanguineo phlegmatici, aliquot liberorum mater, per integros novem annos de dolore in latere dextro circa costas acerbissimo conquesta est, eoq; non quidem continuo, sed interpolato: remisit enim nonnunquam aliquantum per unum alterumq; diem, sed qui mox eâdem vehementiâ rediit. Medicamenta adhibita sunt omnis generis, & præsidia applicita varia; sed omnia incassum. Tandem cum morbi atrocitas vitæ filum abrupisset, instituto extispicio, in latere dextro intra 7. & 8. costam interiùs repertum est Steatoma satis crassum, quod magnitudine viri pugnum æquavit, illumq; dolorem perpetuò concitavit; de quo abscessu nemo antè cogitaverat; cæteris visceribus sic satis salvis. Quâ Ob-
serva-

servatione proinde confirmare licet, abscessus cum folliculo etiam intra corpus succrescere solere.

OBSERVATIO CCXXII.
D. DANIEL BSCHERERI,

De

Liene Cartilaginoso.

VIr quidam hic locorum Piscatorem agens, triumq; conjugum Maritus, & viginti quatuor liberorum parens, vitam hactenus satis tranquillam producens, nunc autem senex titubansque factus, de laterum ingenti calore cum intolerabili dolore, nec non vesicam eodem excruciatu occupante, huncque difficilem urinæ excretionem concomitante, multum conqueritur, donec hoc anno septuagenarius cum annis duobus, atroci hoc malo è vivis sublatus fuisset. Quum autem Amici curiositatis gratia ducti in id incumberent, quò corpus jam mortuum aperiretur, visuri quid mali hactenus ægrotus intus aluisset. Idcirco Excell. Dn. Dr. Ayrerus Collega noster honoratissimus, & Patientis hujus Medicus Ordinarius, id petentibus gratificaturus, haud cunctanter opus suscepit. Placuit autem ipsi, annuentibus una defuncti agnatis, ut & ego sectioni interessem. Dissectis igitur quatuor integumentis una cum musculis abdominis, viscera ejus quæ primùm in conspectum veniunt, sine omni labe se exhibuerunt: ulteriora autem & imprimis illa quæ miseri funesta fuere indagantibus, hoc modo apparebant. Vesica valdopere erat corrugata, & ab omni omnino urina inanis, hujusque loco materiâ purulentâ multum referta. Ureteres nihil monstrosi intus fovebant, fuere tamen justo ampliores. Renes autem materia putrida referti eaque infecti fuerunt, sine ullo tamen lapilli vestigio

Dec. II. Annus VI.

M m m

appa-

apparente; hos igitur omnis hujus mali, tot tantorumque dolorum, misero huic extremum vitæ terminum hætenus minitantium sentinam, sicque totius hujus morbi faciles. Pathologos recte dixeris. Incepto ita hoc tramite, cum Anatomia & curiositas nostra ulteriora abdominis viscera contemplanda nos quasi manu ducerent, factum est, ut Lien demum oculis nostris se exhibuerit, qui ob rei novitatem maximè se nobis commendavit, ansamque dedit, quæ observationis hujus scopus primarius esset. Summa vero novitatis hujus visceris primario in hoc latet, quod exterius Cartilagine obductum fuerit; cujus ideam, quum delineatio iconis clarius & elegantius, quàm delineatio verborum exprimere mihi videbatur, idcirco neglecta verborum descriptione, iconem ejus apposui, quæ Fig. LXXVI. videre est: Tibi, Curiose Indagator, Acumen ingenii Tui hac in re ulterius Naturæ exercendi, libertatem faciens, hoc uno, etsi forsan hoc viscus, ridiculosum aliàs veteribus dictum, ob risum quem movere putabant, non ita denominandum esse velis, formam atque substantiam hujus in ridiculosam adpectu tamen jucundam Tibi fuisse, contentus esto.

Fig. LXXVI. cujus literæ a, cartilaginem denotant.

SCHOLIUM.

DE Liene substantiâ quadam cartilaginosâ incrustato videatur *Observatio Med. 97. Joh. Hellwigii*, ubi in *Scholio* etiam plura ex aliis similia adducuntur exempla.

[L. Schröck, L.f.]

OBSERVATIO CCXXIII.

D. JOH. GEORG. VOLCKAMERI, Jun.

Anatomia Cervæ.

Remota cute parùm pinguedinis observavi, circà regionem verò sinistri inguinis in conspectum prodibat vas lymphaticum, magnitudine pennam anserinam æquans, quod circà patellam exoriens glandulæ ad sinistram inguen sitæ inferitur. Immisso ergò in canalem hunc mediante siphone flatu, plurima attollebantur vasa lymphatica Fig. LXXVII. quæ unâ cum glandulis pulcherrimo ordine dispositis admirantium pascebant oculos. Junguntur tandem isti ductus receptaculo chyli lymphæque, cujus situs sub sinistro deprehenditur rene. Siphonis præterea auxilio flatu distendentis receptaculum, observavimus ductum thoracicum duplicata serie sub diaphragmate, ulterius procedentem postquam iterum in unum coaluit ramum, tandem subclaviam intrare venam; comitantur autem hunc ductum ad utrumque latus glandulæ mox rubicundæ, mox nigricantes. Panniculum carnosum haud difficili negotio separavimus; hunc ad dorsum mox carnosum, mox tendinosum, pulcherrimisque coloribus ornatum deprehendimus.

Musculorum obliq; descendentiũ separationem juxta inguina inchoavimus, horum tendines lineam albam versus progrediuntur, superius verò ad costas, musculis ferratis anticis, ferrata vice annectuntur. Musculi oblique ascendentes, antequam ad lineam albam pertingunt, cum supra nominatis, mediante tendinum nexu sibi firmiter cohærent, ita, ut separationi nullus relictus sit locus; oriuntur à margine ossis ilei & supernè costis junguntur, inferius verò lineæ albæ.

Transversales musculi fibris suis carnosus à processibus vertebrarum lumbarium transversalibus originem trahunt & ad medium usque abdomen procedunt, ubi tandem tendines eorum mutuo amplexu juxta lineam albam coeunt.

Musculi recti insigni latitudine dotati, novem pulcherrimis intersectionibus superbiebant.

Omentum firmiter adhærens ventriculo, variâ tam glandularum, quàm vasorum lymphaticorum serie conspicuum erat: Prædictæ hæ glandulæ proprio folliculorum tegmine munitæ pus viscidum in sinu fovebant, pulti parvulorum nutrimento haud absimile.

Ex rene succenturiato sinistro canalis prodibat lymphaticus duabus valvulis præditus, qui rectâ viâ sub sinistro rene procedendo in ductum thoracicum desinit.

Capsulæ atrabiliaræ firmiter cum omento cohærent, ex quo variæ ramificationes vasorum lymphaticorum sub ventriculo ad prædictas capsulas decurrentium observavimus.

Omentum plurimas hinc inde dispersas fovebat glandulas, quæ omnes lymphaticorum varias ramificationes absorbent. Multi præterea canales roriferi super arteriam magnam decurrunt, quid quod in ipso diaphragmate ad latiorē ejus tendinem in gyrum quasi profeminata conspiciuntur quamplurima vasa lymphatica; quæ ductui partim Pecquetiano inferuntur, partim verò glandulæ ad arteriam magnam juxta sextam dorsi vertebram sitæ junguntur.

Ductus thoracicus Fig. LXXVIII. duplex utrinque ad latera arteriæ magnæ, sursum vergit & venas perreptando intercostales in subclaviam inferitur.

Tres aderant ventriculi, magnitudinis ac figuræ diversæ. Primus oesophago proximè adhærens, vocatur Omasus, formâ à ruminantium cæterorum ventriculis haud abludens. Fibræ ejus sive potius foliola Fig. LXXIX. internæ tunicæ adnata oblongam præ se ferunt figuram: In fundo similes observantur fibrillæ, juxta medium verò omasi minores papillæ

pillæ denticulatis fibris affixæ visui sese offerunt, à subjecta ventriculi tunicâ facile separabiles. Papillulæ hæ, ut sunt humidioris naturæ, ita liquore scatent fermentativo, qui ex denticulatis hisce fibrillis promanans, cibo sese associat.

Ad Omasi fundum Abomasus conspicitur Fig. LXXX. ventriculo similis humano, ornatus variis plicis ac inæqualitatibus obscurioris mox coloris, mox albicantis, exiguoque fibrillarum denticularum numero conspicuus.

Tertius, Reticulum, vocatur Fig. LXXXI. oritur ab œsophago 4. digitor. transversor. latitudine sub duodeno ad dextrum-latus. Intima membrana quasi spinosa, aculeis mox hexaedris, mox heptaedris prædita erat, mirandum in modum contextis.

Intestinum duodenum & reliqua crassa tenuiorem ambiunt fistulam intestinale, quæ in gyrum quasi convoluta medium occupat abdominis.

In Mesenterio plures glandulæ oblongioris formæ conspiciuntur, quæ lacteorum partim, partim verò lymphaticorum ramificationes absorbent. Nullas prætereà in intestinis videre contigit glandulas spatiola verò albicantia per tenuia transparentia observavimus.

Lien latus est & subrotundus Fig. LXXXII. ventriculo validè annexus.

Duodeno adhæret pancreas, quod ex variis glandulis conglomeratum oblongam habet figuram.

Hepar sub diaphragmate ad partem convexam in 4. lobos divisum conspicitur, Fig. LXXXIII. occupabant hoc viscus varii lumbrici latiores, cucurbitini vulgo dicti (Eglen) Fig. LXXXIV. cæterum vesicula fellea deficiebat.

Renes Fig. LXXXV. erant prægrandes ut & ureteres cum vesica & matrice.

In ovario sive potius testiculis ne ovulum quidem observavimus, ob ætatem forsân hujus cervæ provectiorem.

Cordis substantia musculosa Fig. LXXXVI. nullum in.

M m m 3

sinu

finu fovebat os (aliàs os Cordis Cervi dictum) tendines verò validissime erant contexti, ut & columnæ musculosæ cum valvulis.

Pulmonum quinque observantur lobi à dextris, à sinistris verò tres conspiciuntur. Oculo, microscopio armato, sese sistunt vesiculæ hexaedræ in pulmonibus.

Ex ampliori oculorum angulo lachrymas cervæ extraximus caseum olentes.

Ad linguae radicem pus crassum propriis folliculis inclusum extirpavimus.

Externa linguae facies per microscopium considerata minores papillas in acutum tendentes exhibet, cum subjectis glandulis rotundioribus: eadem membrana ad linguae radicem sistit quamplures prominentias quasi corniculatas. Ad latus maxillæ inferioris per microscopium observantur monticuli sive tubercula obtusa. It. glandulæ mox quadrangulares mox triangulares in extremitatibus suis fusci coloris, situantur autem hæ glandulæ sive papillulæ circa molares; cæterum lingua similis erat vitulinæ, mollis atque carnosæ.

Cartilago scutiformis ab anteriori parte altius prominebat. Epiglottis ut & cartilago arithenoides versus interiora multis ornatur foraminulis ex quibus mediante pressione humor viscidus elicitur, asperæ arteriæ humectandæ, pronus.

Os hyoides cartilaginis scutiformis processibus cartilagineis tendinoso principio adnectebatur, hinc osseum planè ad basin pergebat unico utrinque articulo; à basi tribus ossiculis cornua ossis hyoidis exserta sunt, quorum ultimum erat instar claviculæ firmatum.

Dentes maxillæ superioris erant, juxta & inferioris instar ruminantium animalium compositi, cavi & in medio protuberantes.



Fig: 73. p.368.



Fig: 72. p.368.



Fig. 74.
p. 380.



Fig. 75.
p. 437.



Fig. 76.
p. 458.



Fig: 77.
p. 463.





In Palato juxta narium internas cavitates varia sese vi-
fui nostro objecerunt foraminula, humorem viscidum plo-
rantia.

Ductus salivales satis erant conspicui, ut & reliqui mea-
rus sub lingua, juxta carunculam **Y** representantem.

Postquam Cranium cruciatim reciproco serræ motu ab-
stulimus, observavimus duram matrem firmiter adherere
cranio, cerebrumque insigniter durum deprehendimus. Pia
mater vasis erat pervia. Hinc nervi olfactorii primum in
conspectum veniebant deindè optici, tertio oculorum mo-
torii, quarto pathetici, quinto gustatorii, tandem sexto & au-
ditorii, &c. Ablato à cerebello cerebro & dilatatis ventri-
culis anterioribus, ea omnia quæ in capite vitulino notantur
animadvertimus.

Glandula pinealis membranâ tenui ac pellucida cingitur,
in quam fibrillæ nerveæ à circumjacentibus prominentiis ex-
ortæ terminantur, intus materiam fovet mucilaginosam; fi-
gura verò hujus glandulæ erat oblonga. Prædicta glandula
ut & testes fusco colore ornantur, reliqua tamen cerebri sub-
stantia tota erat albicans. Glandula pituitaria concavitate
gaudebat manifesta.

Fig. LXXVII. LXXVIII. LXXIX. LXXX. LXXXI. LXXXII.
LXXXIII. LXXXIV. LXXXV. LXXXVI.

Explicatio Figurarum, & quidem

Figur. LXXVII.

- A. Caput.
- B. Angulus oculi major ex quo lachryma eruitur.
- C. Lingua.
- D. Collum.
- E. Incisio facta pro extrahenda gula.
- F. Pedes anteriores.

G. G. Pe-

- G. G. Pectus.
 H. H. Musculus rectus cum intersectionibus.
 I. I. Gula cum Oesophago.
 K. K. Omasi exterior tunica.
 L. L. L. Interior omasi pars.
 M. M. Reticulum.
 N. N. Abomasi externa membrana.
 O. O. O. Interior tunica abomasi.
 P. P. Omentum.
 Q. Q. Musculi obliquè descendentes.
 R. Musculus transversalis.
 S. Os coccygis prolongatum sive cauda.
 T. T. Pedes posteriores.
 U. U. Musculi intercostales.
 X. X. Vas insigne lymphaticum ad sinistrum inguen
 situm.
 Y. Y. Glandulæ rubicundæ & nigricantes ad utrumq;
 latus ductus Pecquetiani sitæ.
 iii. Duodenum cum reliqua appensa fistula intesti-
 nali.
 2. 2. Intestinum colon cum recto.

Fig. LXXVIII.

- A. Vena axillaris sinistra.
 BBBB. Ductus thoracicus inflatus.
 CCCC. Ductus thoracici ramificatio.
 D. Sacculus chyliiferus.
 e e. Rami inguinales ad sacculum protensi.
 f f f f. Valvulæ in ductu thoracico.

Fig. LXXIX.

Papillæ foliaceæ Cervæ in Omaso per Microscopium.

Fig. LXXX.

Papillæ cylindricæ apice donatæ in Cervæ-abomaso & Omaso notabiles per microscopium consideratæ.

Fig.





Fig. 81
p. 465.




Fig: 84.
p. 465.



Fig: 80.
p. 464.







Fig: 82.
p. 465.



Fig: 86.
p. 465.



Fig. 85.
p. 465.





Fig. LXXXI.

Tertii Ventriculi Cervæ sive Reticuli particula per Microscopium considerata, in qua glandulæ pyramidales instar crystallorum elewantur undique.

Fig. LXXXII.

- a. Lien, ejusque vena.
- b. Arteria.
- ccc. Nervi ad lienem.

Fig. LXXXIII.

Hepar Cervæ cum Diaphragmate.

Fig. LXXXIV.

Animalculum quod in hepatis Cervæ vasis numerosa prole provolvebatur (ein äglen) per microscopium consideratum.

Fig. LXXXV.

- AA. Renes.
- bb. Renes succenturiati.
- cc. Vena emulgens.
- dd. Uretheres.
- ee. Uteri fundus.
- ff. Tubæ uteri.
- gg. Ligamentum latum.
- hh. Ligamentum rotundum.
- i. Vesica Urinaria.
- k. Vulva.
- l. Vena cava.
- m. Arteria magna.

Fig. LXXXVI.

- A. Aspera arteria.
- b. Arteria magna.
- cc. Cor.
- ddd. Lobi pulmonis in sinistra parte.
- eeee. Lobi pulmonis in dextro latere.

OBSERVATIO CCXXIV.

D. JOH. GEORGII VOLKAMERI Jun.

Duellum scorpïi cum araneo.

D Irò Eridis virore, non tam homines, quam cætera animantia foedata esse, quotidiana testatur experientia. Talia siquidem vel innatum quoddam inter se foveant odium, quod ex peculiari antipathiâ, vel potius effluviis oriundum, mirandos producit effectus. Sic murium aucipis cati præsentiam quamplurimi perferre nequeunt, hujus enim effluvia, dum anxie persentiscunt, spiritum anhelum ducentes, jam suprema meditari nobis videntur. Ita quoque ad murium obtutum contremiscunt pleræque sequioris quæ sunt sexus. Araneam textoriâ arte celebrem abhorrent plures ita, ut ad hujus proximiorum contactum tremulo vocum sonitu abstantibus auxiliatrices efflagitent manus. Sunt & quædam ex brutis, quæ fame irritatæ, inimicos exercere conatus erga sui similia tenentur. Sic insons lanigera turba, lupi tanquam inimici sui adventum tremit. Nec peregrinò sub Sole viventia hocce destituuntur venenò: Naturæ enim fastus Leo, dum rugit, cætera animantia attonita quasi expavescunt Regem suum, utpote cujus ungues purpureo sanguineorum spiritu cruentatos celerrimò pede effugere contendunt. Aviculæ, innocentes animulæ, quando vel aëra findendo, liquidò gutture, exorientem salutant auroram, vel per frondea rura divinum melos spargunt, in rapacis tandem accipitris prædam concedunt. Inveniuntur porro ex vivis, quæ irritata excandescunt, venenatæque suæ qualitatæ fermentum subjecto relinquunt irritanti, quorum haud levis est numerus: Vipera mordendo, scorpius pungendo virus communicant suum. Sic inimico sapius congressu bestiolas de ictoria certantes videre contingit; Quale nobis ex-

em.

emplum præbet araneus cum scorpione. Paucis enim abhinc annis, incidimus fortè fortunâ in circumforaneum scorpiones vivos venum circumportantem. Levem itaque horum coëmere numerum animo curioso satisfacturi decrevimus. Inter alia verò experimenta animalium horum anticipathiam indagaturis illud occurrebat. Pellucido incarcerationis vitro araneum cum scorpione, dispar hoc connubium momentum durare vix poterat, quin araneus celeri pedum nisu scorpionem texturæ suæ tentaret implicare, sed infauſtò prorsus ſucceſſu; inimico namque hoc congressu irritatus scorpio ſuique deſenſionem naſtus, iſtu lethali damnatum araneæ ſpiritum proſtigavit, chelarum prætereâ ſuarum auxilio pedes omnimodè abſcidit inimici, prehenſum ori admovit truncum inertem & omne, quod intus erat humidum, penitùs exhaustit abjectâ pelliculâ inani. Niſi itaque durior ſcorpionis cuticula cum chelarum ornamēto hæſtæ, ut ita loquar, clypei que vicem ſuſtinuiſſent, anceps de prælii hujus exitu judicium fovifſem: nec deeſt nobis exemplum, ubi araneus iſtu peſtilenti ſuperavit buſonem, ſibi ut multò majorem, ita fortiorem inimicum. Animum ergò torquet, qui ſupereſt mihi ſcrupulus, utrum peſtiferum magis ſit aranei, an ſcorpionis virus, id quod judicio ſubmitto Excell. *Ceſſi*, Directoris Collegii noſtri meritiſſimi.

SCHOLIUM.

Non omnes aranei & ſcorpionis ſpecies æquè eſſe letiferas, plurimis obſervationibus edocemur. Er quidem araneos quod concernit, eos abſq; ullo vitæ incommodo multoties fuiſſe devoratos, præter alios, etiam *Ephemerides noſtra*, Dec. I. Ann. II. obſ. 10. A. IV. obſ. 85. A. VIII. obſ. 35. & Dec. II. An. IV. obſ. 70. nec non A. V. obſ. 116. exemplis confirmant. Quamvis & hos innoxie deglutitos, ab omni veneni labe propterea eximere velle vix liceat, ſi quis ipſum atrox viperinum venenum,

ex Cl. *Franc. Redi in tr. de viper.* experimento, sine noxa ebi-
 bi posse, consideret; cum è contrà vulnere immixtum & san-
 guini communicatum non possit non esse letale: si itaque
 horum araneorum ventriculo ingestorum acre venenum à
 fermento stomachi infringi ac destrui dicamus, quò minùs
 dein sanguini commixtum nocere queat, vix errabimus; quæ
 aliàs morfu suò venenatum humorem vulnere si instillàssent,
 tragoediam vitæ humanæ ludere potuissent; qualia mortife-
 ra exempla nobis *Dominic. Panarolus pentecost. I. observat. med.*
45. & noster *Excell. D. Reisellus dd. Ephem. Dec. II. Ann. IV.*
observ. 87. dederunt: quosdam adeò esse venenatos *Jul. Cæs.*
Scaligeri relatio exerc. 186. de subtil. fidem facit, ut calcati
 per ipsas calceorum soleas (id quod in nostris terris evenire
 haud solet) venenum transmittant. In Hybernia verò mi-
 nimè venenosos esse, incolas multorum seculorum experien-
 tià edoctos non dubitare, *Ill. Rob. Boyle tentam. physiol.* memo-
 rat. Sic etiam non omnium scorpionum puncturam esse le-
 talem, Helvetici illi à Cl. *D. Joh. Jac. Wagnero in hist. nat. Hel-*
vet. cur. pag. 236. descripti testantur; quin & *Nicander in The-*
riac. jam olim inter octo, quæ producit, scorpionum gene-
 ra, primùm albicans nec fonticum nec letale esse pronunciat.
 Ipse etiam, quos ex vicino Tirolensi Comitatu huc allatos sæ-
 pè vidi, sine noxa ab iis, qui vendunt, manibus versari ob-
 servavi; idem de hisce referente in *Comment. ad lib. 2. Dioscor.*
cap. 12. Petr. Andr. Matthiolo, ubi in Pharo locisque aliis eos-
 dem pariter non nocere, ex *Aristotele* subjungit. De Italicis
 idem aliqui tradunt, præeunte *Plinio hist. natur. lib. 11. cap. 25.*
 qui postquam scorpiones ex Sicilia in Italiam importatos vi-
 vere non potuisse scripserat, *visuntur tamen aliquando*, addit,
in Italia, sed innocui, multisq. aliis in locis, ut circa Pharum in
Ægypto; sic *Joh. Faber*, Medicus quondam Romæ vivens, ru-
 sticos vidit citra noxam eos manibus tractasse; quod & *D.*
Franc. Redus experim. de insect. gener. de Florentinis adfirmat;
 quanquam contrarium de hisce citat. *Matthiolus* tradat, sci-
 licet

licet complures in Hetruria ictos se vidisse, qui gravissimas perpeffi fuerint exacerbationes & quasi ad mortem redactos. *Joh. Rhodius cent. 3. observ. med. 90.* Patavinos, itidem noxâ haud carere adstruit; quod ex celeb. *Thom. Bartholini* quoque observatione colligitur, qui ipsos scorpiones Italicos mutuâ lanienâ se necâsse vidit, uti *obs. de unicorn.* habet. Quæcunque jam diversæ hujus relationis causâ fuerit, quàm fortè manuum istorum rusticorum vel callositas, vel contra ictus per inunctionem aliquam præservatio, vel mitior, quò minùs in iram concitentur scorpiones, tractatio, aut ipsorum ratione speciei, loci nativi, anni temporis, ætatis &c. diversitas dare possent: non æquè vehemens tamen venenum in dictis reperiri, inde colligo, quale in Tunetanis esse, dictus *Redus* notavit, quorum nempe venenum terribilissimum sit, quod non velocissimè modò, sed violenter etiam, & non sine gravissimis symptomatibus operetur; Pragenses etiam venenatissimos esse, ex *Bohuslao Balbino Excellentiss. Ephemeridum Lipsiensium Conditores A. 1682. pag. 246.* indicant; mitiori autem veneno pollere insecta hæc in Indiis videntur; id quod de Java majori Indiæ Orientalis ex *Ephemer. nostr. Dec. I. Ann. IX. observ. 194.* & de America ex *Joh. Lerio hist. navigat. in Brasil. cap. 11.* patet. Quibus singulis consideratis, non adeò facile erit, scrupulum à *Nob. D. Autore* propositum eximere. Poterit sanè venenosior araneus, cum scorpione minùs venenatò congressus, præcipuè dum commodiori insultu hunc hostem suum adgredi valet, faciliùs eum occidere; è contrâ scorpio virulentus araneum minùs venenò turgidum promptiùs morti tradere potis est; ut ita modò aranei, modò scorpionis venenum pestiferum magis sit dicendum. Ast si de utroque in summo suo venenositatis gradu constitutò, & habitò ad corpus humanum respectu, sit aliquid statuendum, quid dicere queam, vix invenio, cùm utrumque gravissima, nec multùm dissimilia inducat symptomata, atque à nullo eorum placida speranda sit vitæ exsolutio; quanquam si araneus

morfu tantum virus suum adfricet, cum scorpio aculeum suum
 profundius corpori intrudere, & ita venenum non tantum
 intimius infundere, sed & nervos pungere valeat, majus ab
 hoc, quam illò imminere periculum statuere mallem. Cæ-
 terum quia amantissimo D. Autori duelli animalis elegans ex-
 emplum dare, & bufonis etiam cum araneo pugnae (cujus
 quoque specimina ex observatione propria, nec non *Helmontii*
aliorumque relatione adducuntur à nostro curiosissimo Ario-
ne tr. de bufone sect. 1. cap. 3. §. 24. & 25.) meminisse libuit,
 scorpionem quoque à viliori & imbecilliori, quam araneus
 est, insecto succumbentem indicare liceat, ab *Arnoldo Montano*
descriptum libr. de Legat. Societat. Belg. Ind. Orient. ad Imper.
Japan. inter Osackem nempe & Nangesake in navibus multo-
 ties copias formicarum fuisse conspectas, scorpionem circulo
 circa eum facto undique petentium, ut, quò se verteret, ne-
 sciret; formicis pedes ejus adeò lancinantibus, ut desperabun-
 dus tandem caudâ capiti admotâ sibiipsi letalem ictum infli-
 xerit, à formicis dein quasi triumphum agentibus sine mora
 abreptus. Et *D. Joh. Theod. Schenckium*, Professore quon-
 dam celeberrimum, aliquando nobis memorâsse recordor,
 elegantem se tragœdiam vidisse scorpionis seipsum interficien-
 tis, cum igne circulari carbonum factò, positus in medio is
 effugere tentans, & ob ignem sæpius retrogredi coactus, tan-
 dem furibundus caudam suam capiti adposuisset, seque ipsum
 puncturâ suâ interemisset.

[*L. Schröck, L. f.*]



OBSERVATIO CCXXV.
D. PETRI ROMMELII,
Capilli cranio infixi.

Coma est reverenda in senibus, veneranda in sacerdotibus, terribilis in bellatoribus, decora in adolescentibus, compta in mulieribus, dulcis in pueris, ita
D. Ambros. lib. 2. Hex. addo ego admiranda in demortuis, & post plures demum annos in tumbis repertis. Demortuorum capillos crescere extra omne dubium positum esse, mihi persuadeo, non opus, ut id autoritate *Parai, Camerarii, Bartholini, Blasii, Academicorum Natura Curiosor.* aliorumque magnorum atque excellentissimorum Virorum ulterius probem, praesertim cum de eorum augmento hac vice loqui, mihi animus non sit. Nec quisquam negabit spero, ad plures annos, imò secula integra eos conservari. Exemplo nobis esse potest *Tulliola, Ciceronis filia*, cujus ex *Cael. Rhodig. A. L. lib. 3. cap. 24. Cql. m. 146. in Scholio ad obs. 123. p. 281. Ann. I. Dec. I. Miscell. Acad. Nat. Cur.* mentio fit. Neque dubio caret *Avicenna, J. B. Porta*, aliorumque opinio atque vetus traditio, quā asseritur, capillos, imprimis mulierum, maximè verò menstruatarum, mutari in serpentes, licet *Petr. Bozellus Cent. I. Observat. Physico-Medic. obs. 23. p. m. 29.* dicat, se vidisse capillos foemininos animatos, & deglutitos pilos in serpentes transformari; Cui assertioni tamen contradicit laudanda experientia, curiosissimi simul atque experientissimi *D. Francisci Redi, in Experimentis suis circa generationem insectorum factis p. 144.* Capillos, quos *Junior Helmontius* stellis comparat, & *stellas coeli microcosmici* vocat, pra omnibus aliis humani corporis partibus, diu corruptionis tyrannidem effugere posse, singularique adversus putredinem gaudere privilegio, praeter *Tulliolarum* modò citatam, pluresque alias passim

passim notatas historias, evincet etiam mox sequutura à me facta observatio.

Communis quidem Anatomicorum consensus docet, pilos seu capillos, originem & radices suas in cute, ex glandulosis corpusculis & papillis, tanquam bulbis accipere, licet præter consuetum naturæ modum etiam in aliis corporis partibus & corde ipsò, teste *Valerio Maximo*, l. 1. c. 8. *Plinio*, *Mureto*, *Zovingero*, *DD. Joh. Sculteto in Trichiasi admiranda*, &c. repariantur quandoque, rarius tamen & vix observatum esse existimo, illos ossibus innatos & infixos, sine cutis aut membranae adminiculo fuisse repertos.

Cùm ante paucos annos in vicino oppido Weissenhorn Illustrissimæ Dominæ Comitissæ, Mariæ Teresiæ Fuggerin à Babenhausen, Comitissæ de Kirchberg & Dominæ in Weissenhorn, ob adversam illi valetudinem operam meam locarem, & die quodam, tempus fallendi gratia, in agrum exspatiarer, domumque reversurus etiam cœmeterium, in eoque ossuarium, in quo eleganti ordine singula demortuorum ossa, reposita erant, visitare; inter plures calvarias, unam, à reliquis majori loci intercapedine distinctam & separatam observavi, quæ singulare aliquid ostentare videbatur: propius proinde accedens, calvariam inspiciens & examinans, animadverti, istam, omni prorsus cute & pericraniò destitutam, atque siccissimam, innumeris ferè vegetabilibus microcosmicis, capillis scilicet, & quidem in plicas & spiras adhuc (pro more hujus regionis) intortis (*eingeflochtene Zöpfe*) superbire, plegma etiam (cui crines intorti erant) ex sindone & gossypio confectum, licet hinc inde lacerum, capillis tamen ubique ritè illaqueatum esse. Radices seu bulbi capillorum altius cranio infixi erant, & non, nisi aliquali adhibita vi abrumpi vel extrahi poterant. Præter vespillonem alius etiam quantum ex vestitu & vultu judicare licebat, civis honestus super-
veniens, hæc admiranti, sanctè adfirmavit, istam calvariam fuisse

fuisse virginis Bertliniæ, Consulis oppidani spectatissimi quondam sororis, ante 34. jam annos denatæ atque humatæ, postq; plurimorum annorum decursum, (ut etiam aliis cadaveribus locus concederetur) demùm effossam esse.

Rarum quidem non est, capillos etiam in cadaveribus nullâ balsamatione artificiali conditis, longâ annorum serie non corrumpi, quod infinita exempla testantur, quæ prolixius adducere supervacaneum opus esset; sed hoc rarum est, illos immediatè cranio, reverà & quidem profundius infixos fuisse. Plurimi Auctorum hoc capillorum à putredine privilegium, illorum naturali siccitati adscribunt, sed vix omnibus hæc eorum sententia probatur, aliamq; etiam præter hanc causam dari posse probabile est.

OBSERVATIO CCXXVI.

D. PETRI ROMMELII.

Capilli naturâ virides.

Non malè *Joh. Sperlingium* in *Disp. quadam* statuisse, plura & majora in capite (cœlô scilicet microcosmico) dari miracula, quam in universo terrarum orbe, observatio proximè antecedens, aliquomodo probare, cui etiam mox subsequens ad stipulari videtur.

Colorem capillorum in hominibus valdè tam ratione sexûs, ætatis, regionis, temperamenti, humorum prædominantium, aëris ambientis &c. quàm ratione culturæ variare, lipis & tonsoribus notum est; videmus enim nigros, albos, flavos, fuscus, rufos, canos, rectos, crispus &c. nullos tamen reperiri per naturam cœruleos vel virides capillos, asserere haud verentur, Auctores gravissimi, quos inter eminent *Magnus Th. Bartholinus* in *Anat. Res. p. m. 457. & alibi*. Cœruleos etiam fabulosos censet *Cunr. Tiburt. Rango*, in opere suo de *Capillamentis* sive *Peruquen* describit: Cœruleos capillos dari vix

crederem, nec credidi hactenus, nisi *Solinus* c. 65. fabulæ vulgò creditæ fidem faceret. *Indis*, ait, *omnibus promissa Casaries, non sine fucò cœrulei.* Agathyrſos cœruleò capillò notabiles facit *Plinius*, sed cum fucò, adeò mirum non est. Meminit quidem Excellentissimus atque Curiosissimus Curiosorum, Arion, D. D. *Christianus Franciscus Paullini*, Fautor atque Amicus meus maximè colendus, in Breviario Rerum memorabilium, *Appendicis locò Anno 4. Decur. II. Miscell. curios. adnexo, p. 203.* Crinium cœruleorum & barbæ ejusdem coloris, sed quia metallifossor, crinitus ille erat, non immeritò in vapores metallicos causa conjici posset. Quicquid sit, nos missis cœruleis, solùm de viridibus pauca libabimus, quales absque fucò dari etiam fidem *Rangoni* superare videtur, illumque colorem, docente *Cardano*, Aquâ Capparum destillatâ acquiri putat. Bina exempla capillorum viridum refert *Th. Bayehol. in H. A. C. I. observat. 40. p. 60. & in Anat. Reform.* Sed unum nequitia barbitonsoris, barbam alienis coloribus defœdantem adscribit; quoad secundum, suspicatur eundem metallifossoribus adfuisse, hincque colorem istum adeptum esse, nam ita ferè metallurgis capillos tingi dicit.

Exemplum dabo naturaliter viridum capillorum. Cùm adhuc studiorum causâ in alma Antenorea commorarer, in agro Patavino, non ita procul ab urbe, in villâ quadam juxta Brentam fluvium, vidi rusticum sanum & robustum, inter quineum & sextum ætatis lustrum constitutum, cujus caput verè viridi capillitio copioso lasciviebat, mihiq̃ue & Commilitonibus elegans & curiosum spectaculum præbebat, nullò adhibitò fucò vel artificiò, sed à natura ipsa ita tinctum erat, nullius enim fuci gnarus erat, imò neque capillorum, neque vestium curam singularem habebat, sed forma neglecta (quæ, ut dici quondam solebat, virum decet) incedebat, nec unquam metallifossoribus vel fossoribus adfuerat, sed quicquid Ornamenti id erat, à benigna & liberali natura acceperat.

Obs. CCXXVII. Qui longos habent pedes, facilius purg. 475

Præter alios Germanos testes hujus rarioris Phænomeni habui, D. D. Joh. Liebentanzium Vratislavia-Stilesium & D. D. David. Escoltum Lindaviensem, amicos, consilinum, & comites desideratissimos.

Dum hæc scribo, recordor me Parmæ in Italia, in Ducis Serenissimi stabulo, inter alios equos primarios, unum omninò viridibus pilis superbientem observâsse, qui propterea La Speranza (i. e. Spes) vocabatur, quod nomen etiam, Tabulæ, majoribus literis inscriptum, & columnæ adpensæ legebatur. De raro hoc equi colore interrogatus Hipparchus respondit, equum istum, absque omni fuco, à natura hosce pilos virides obtinuisse, & proinde à Serenissimo Duce præ cæteris æstimari. Petrus Borellus in *Observat. Physico-Med. Cent. 2. obs. 56. p. m. 156.* testatur, se in juvene capillos omninò virides observâsse, sudorem etiam illius juvenis viridem fuisse. Scriptor quidam rerum Anglicarum Nebrissiensis, duorum infantum in Anglia Anno 1140. planè viridium meminit. Confer. Athanas. Kircheri *Mund. subterr.* item Erasmi. Francisci D. und W. J. L. II. *GG. f. 361. seqq.*

OBSERVATIO CCXXVII.

D. PETRI ROMMELII.

Qui longos habent pedes, facilius purgantur.

MUltra quandoque etiam à magni nominis Viris traduntur, in eorumque Scriptis reperiuntur, quorum nulla ratio dari potest, & proinde, parùm vel nihil fidei eis adhibemus, imò plerumque contemnimus. Cum tamen si accuratior accedat observatio, rem ita se habere, ipsi experiamur, etiam si modum & rationem, quomodo & quare contingat, non satis explicare valeamus. Celeberrimus quondam Anatomicus, *Adrianus Spigelius* in suo de hu-

mani corporis fabrica opere, lib. 1. cap. 11. in quo de mutua artuum inter se proportionem agit, sub finem fol. 22. Corollarii loco addit: Notandum est hic, observatum à me esse multiplici experientia, eos qui longos habent pedes, ut plurimum alio esse fluentiore. Observandumq; propterea id diligentius est, ut cautiore simus in præscribendis purgantibus, ne talibus validiora offeramus, quos facile in periculum conjicere possumus. Non semel tantum in Praxi mea hoc verum esse observavi, ac proinde validiora purgantia iisdem exhibere minimè tutum esse, aliquot exemplis didici, longèque enim facilius quandoque moventur ac alii, sed semper & in omnibus hoc accidere, præsertim hisce in regionibus, dubito.

OBSERVATIO CCXXVIII.

D. PETRI ROMMELII.

Tertianæ intermittens scarificatione in
Paroxysmo sublata.

Vir quidam honestus, & in literis non planè hospes, non ita pridem febre tertiana intermittente (quam plurimi vexabantur) corripiebatur, hic ad expellendum infensum hunc hostem variis utebatur medicamentis, sed non ea qua decebat methodo, videlicet, purgatione, Vñe sudoriferis, antifebrilibus, præcipitantibus, pen-
taculis, specificis in multis aliis probatis, sed incassum omnibus & sine optato successu, febre, spretis hisce omnibus, etiam superstitiosè in usum adhibitis, ad tres menses protrahat. Febricitans tandem morbi pertæsus, decimaquarta demum septimana, ipso in febris paroxysmo balneatorem accersit, dorso, scapulis & brachiis cucurbitulas applicari & scarificari curat, eoque quasi momento, à febre satis molesta & diuturna liberatur, & sine diætæ debita observatione, absque

absque recidiva in hunc usque diem sanus vivit. Ante duos tresve annos febribus tertianis intermittentibus valde saevientibus, plurimi, nescio cujus suasu, accedente paroxysmo febrili, medianam tundeant, sed quantum rescire potui, omnes sine fructu & cum majori subinde sanitatis & virium dispendio.

OBSERVATIO CCXXIX.

D. PETRI ROMMELII.

Epilepsia, visa & audita, etiam secreta
revelans.

INter plures admirandas Epilepsiae species, quae passim in *Ephem. Acad. Nat. Cur.* legi possunt, locum etiam meretur Epilepsiae singularis & rarae observatio, ab Excellentissimo DD. Gabriele Furtenbachio, Physico Leutkirchensi amico meo integerrimo non ita pridem communicata, ita enim ad me scribit: Anno 1687. d. 13. Aprilis vocatus fui ad Joh. Jac. Mairn / juvenem 15. annorum, mercatoris nostratis famulum, ultra annum jam per intervalla morbo sacro agitaturn, alibi que à diversis medicis tractatum: hic ter eodem die paroxysmo & insultu epileptico correptus fuit, in principio sine clamore & sermocinatione, postea vero cum omnibus & singulis circumstantiis enarravit accuratissime omnia, quae eo die, viderat, scripserat, dixerat & audierat, imo textum sacrum, quem in templo legere & explicare audierat, cum summaria concionis habitae recapitulatione; & hoc integram ferè duravit horam, quibus finitis, sensim ad se rediit, omnium actorum immemor, seque interea dormivisse putavit. Hero suo hoc maximè molestum est, quod durante paroxysmo, secreta, negotia ejus, lite-

etque talia concernentes & continentes, recitat. verbotenus
& propalat.

[1688. 9. Febr. Ulmâ Augustam Vind. missa.]

OBSERVATIO CCXXX.

D. JOHANNIS BAPTISTÆ SCARAMUCCII,

De

Atrophia Hydropica.

Aderat Assisii juvenis Illustrissima annor. 18. tempera-
menti sanguinei, habitus carnosus, quæ vitæ con-
templativæ addicta coepit abstinentiæ titulo consue-
tam deferere victus quantitatem; Inde lochia ne dum
diminui, sed penitus feriari cum aliqua emaciatione est ex-
perta. Interea autumnali tempore purgatione de more præ-
missa, eaque repetita ad usum vitrioli Martis juxta normam
ei conscriptam se contulit, post cujus usum coepit taliter e-
maciationis incrementum, ut hyemali decursu atrophica red-
dita omninò annuit, ut morbo obsidionem imponerem.
Interea offendere coepi nullam adesse febrem, nullam sitim,
atrophia tamen erat considerabilis, & cum omnimoda men-
sium suppressione, aderat obstinata alui stipticitas, ut non
nisi clysteribus alvus sollicitaretur, simulque ab inappetentia
divexari Patientem deprehendimus.

Invitus curationem aggressus eò intentiones credidi di-
rigendas, ut esset procedendum emollientibus, humectanti-
bus, edulcorantibus, refermentantibus, nec non nutrienti-
bus. Quapropter præmissis floris cassiæ usu, jura parv. pull.
alterata cichorea, hepatica, malva, & borragine cum suc-
co pomorum redolentium non acido fuere præscripta, à quo-
rum usu repetita cassia, ac asininum per quadraginta, &
postea lac caprillum per mensem præscripsimus: Immo cum

in

in pejus rueret atrophia, ut marasimum repræsentaret, lac muliebre è mammis sugendum commisimus. Semper in pejus adire morbus visus est, servata eadem alvi siccitate, licet continuo clysteres lactis, & emollientia adhiberentur; neq; reformidavimus in lactis usu etiam balneum aquæ dulcis alteratum herbis emollientibus de sero committere cum subsequuta linitione oleo amygdalarum dulcium, violaceo, & similibus; Ast omnia frustra extitisse deprehendebamus, dum interim tumesceri pedes inchoavere; Postea verò nedum femora, sed & manus, & facies: Undè anasarchica reddita. Patiens tunc primò cœpit mortem timere, quando jam nos eam morti proximam admirabamur. Nè verò hiscè in angustiis videremur dixisse vale vitæ Patientis, commisimus, ut propinaretur singulo manè uncia una syrupi terebinthinati cum jure alterato radicibus cichoreæ, & petroselini. Præter spem cœpit urinæ excretio taliter augeri, ut cum ad libras duas, & tres excerneretur singulo die, nedum detumesceri visa fuerit, sed sensibilibus aliquo modo nutriri in dies observaverimus.

Vix tandem ab hydropè immunis gravissimis cœpit detineri hystericiis symptomatibus, quæ in hoc erant posita, ut modò fatua absque loquela, modo aliena alloquens, modò tremoribus detenta, modò lipothymiis affecta, à quibus convalescens convaleuit quoque perfectè ab atrophia. Menstrua tamen adhuc feriata extitere, alvo sicca semper servata.

Paraphrasis.

Intemperantiæ culpam plerumque inculpandam in morborum invasionibus diem dies ostendit, cum revera, ut innuit *Cato* difficile sit verba facere ad ventres auribus carentes. : Et quamvis mos esset (ut innuit *Plutarchus*) & conveniret, ut hominis mortui ventrem execerent, atque adverso sole conscissum abjicerent eum innuentes fuisse causam omnium, quæ in vita peccaverit homo, adhuc tamen in
nostra

nostra patiente digito demonstramus, abstinenciam initia morbo stravisse, ac si Socratem vellet imitari, qui præ alimenti abstinencia vitæ propriæ vale concessit.

Catameniorum ergò diminutionem, & postea omnimodam feriacionem unicè ab alimentorum abstinencia ortum duxisse ex eo conjicimus, quod cum sanguinis massa esset affueta sufficientibus servari eduliis, mirum non fuit, quod paulatim deficientibus his, talem attigerit diminutionis terminum, ut ansam paulisper concesserit omnimodè mensium feriacioni; Etenim probabiliter menstrua sic promoveri concipimus. Cum in utero ex *Harvei* observatione copiosiores sint arteriæ, quam venæ, sequitur, ut major copia sanguinis per arterias ad uterum demandetur, quàm per venas possit remeare. Quapropter cum mensis periodo possit sanguis ad turgescenciam cumulari in utero, taliter ut cum incrementum uterus, quoad extensionem obtineat, ad eam distractionem fibræ possunt deduci, ut propter elasticam vim ad contractionem se reducentes contentum sanguinem inter interstitia muscularia uteri ad venas impellant; Undè cum non detur venarum capacitas proportionata, ut sanguis refluat ad massam humoralem, insequitur, ut earundem venarum extremitates cadant sanguini propulso, & sic dehiscences exitum ei concedant. Non inficior tamen aliquam concurrere posse fermentationem, per quam insequuta particularum lucta, promptius sequatur orificiorum dehiscencia, & sic exitus sanguini concedatur.

Hinc satis notum hanc esse *Hippocratis* sententiam, dum *lib. de genit.* protulit, postquam adoleverit Virgo, venæ uteri amplæ fiunt præ augmento, & oscula ipsarum aperiuntur, & via, ac transitus per angustias contingit, & humidum tunc agitationem habet; nam spatiositas ipsi contingit ab agitatione, & quassatione.

Etsi verò *Graaffius* fermentationem pro menstruis promovendis in humoralis massa concipiat, tamen nos eam concipi-

cipimus in utero, cum immediatè à purgamentis sanguinem coadunari concipiamus cum *Zacuto*, & *Sennerto* præcipuè tamen ob rationem superius allatam, factò nimirum conceptu, quod ejus conservetur motus nedum intestinus, sed & localis, licet iste sit moderatus, nam quamvis ad turgescentiàm sanguinem cumulari supponamus, tamen semper proportionabiliter ad venas pro earum capacitate concedetur, undè semper pars, quæ partem retrò sequitur successivè tardo saltem motu cietur. Non inficiamur tamen posse fermentationem promoveri in humoralis massa, quando obstructis viis in utero per aliquam hæmorrhagiam sequatur evacuatio menstrualis.

Fermentum autem uterinum per fermentaceam materiam aliis in partibus genitam concepit Diemerbrock; Verum cum vasa omnis generis ad uterum pertingant, cumq; glandulæ in eadem substantia uteri locentur, à veritate non esset alienum concipere per arterias, & nervos succum deponi iisdem in glandulis salino-volatili præditum indole, ibique per peculiarem cribrationem taliter disponi, ut quemadmodum pars crassior ad cavitatem uteri suffunditur sub apparentia mucositarum, & pars subtilior per vasa lymphatica deferatur, sic particulæ spirituosiores, & balsamicæ per venas reducuntur, ut sua volatilitate vigorationem toti corpori imprimant, nec non sanguinem fermentando perficiant, ut parte impuriori secreta, pars purior cedat in ovi muliebris incrementum, & in embryonis, foetusque nutrimentum.

Non multum gravabor obviam ire denegantibus fermentationem in utero, cum eam satis ostendat, quod in utero tam grande mutationis opus perficiatur, ut est incrementum ovi muliebris à sanguine, & in embryonem conversio.

Et si verò sit concipienda fermentativa ebullitio in utero, ratione cujus promptius sanguis ad turgescentiàm cumalatus

exitum affectet, adhuc tamen ut fiat coadunatio ad saturitatem requiritur, ut copia sanguinis superabundet in massa humoralis. Hanc superabundantiam ideo necessariam concipimus, quia cum motus in arteriis procedat ex lato in angustum, necessario debet concipi, ut capacitas arteriarum in majoribus peripheriis taliter crescat, ut arteriarum oscula quaquaversus à trunco principali perreptantia ulterius dehiscant, & sic apta reddantur receptioni copiosioris sanguinis.

Etenim motus in arteriis & concipitur rectus, & concipitur lateralis: Verum tamen est, quod motus lateralis à motu recto quasi remorato promovetur, quatenus procedens motus ex lato in angustum eadem incepta proportionem non potest continuari; Hinc quo major erit quantitas sanguinis in humoralis massa, eò sequitur major arteriarum distractio, & per consequens debet concipi motus lateralis major. Hoc posito, quis non concipit in majori distensione peripheriæ arteriarum majorum copiosius, & promptius sanguinem distribui peripheriis arteriarum adjacentium.

Si tamen accadat, ut sanguis in humoralis massa non superabundet, ita ut promptius iter suum per peripherias arteriarum obtineat, motus lateralis non est ita vehemens, ut eam distractionem vehementem inferat, per quam copiosior transitus intra adjacentium arteriarum orificia debeat insequi. Sit tubus coriaceus, vel animalis intestinum foraminibus spissis pertusum, si aquam siphone imponamus, ut detur transitus liber per tubi capacitatem ad finem usque, ne gutta quidem per foraminula profluat: Si verò major copia aquæ sit illa, quæ ingreditur, quàm quæ egreditur, videbimus profectò ita successivè tumesceri intestinum, vel tubum coriaceum, ut quaquaversus per foraminula impetuosius desultibus aquæ sequatur emanatio.

His positis suspicamur in nostra Patiente catameniorum diminutionem originem obtinuisse ab imminuta sanguinis copia, quatenus humoralis massa debito defraudata pabulo ad sufficientiam non fuerit restaurata, cumque in dies auctus fuerit defectus, mirum non est, quod omnimodè feriata extiterint.

Quamvis autem eadem adsit mechanica necessitas, ut cum copiosiores sint arteriæ, quam venæ, debeat major copia sanguinis per arterias profluere, quàm remeare per venas, tamen diminuta copia ex ratione super allata, non permittit, ut copiosus sit sanguinis proventus per uterinas arterias; Quapropter licet ad turgescentiæ terminum sanguis non sit cumulatus, tamen à fermento uterino lucta, & excretiva ebullitio promoveretur, ut tantum diminuta subsequatur excretio; Cumque in dies imminuatur copia, simulque hebetetur fermentum, sequitur, ut non multum distrahantur fibræ uterinæ; Quapropter rigiditatem contrahere incipientes eandem obtinent, per quam flexibilitati redditæ ineptæ spatium non concedunt sanguini per arterias demisso; Undè evenit, ut moderetur sanguis per arterias, & non nisi ingressus per easdem correspondeat egressui per venas; Hinc probabiliter concipimus tali de causâ menstruales cessare evacuationes, vel remitti in primo senio.

Vix tamen ac atrophicamprehenderim Patientem, coeperam cogitare, à qua causâ ortum duxerit impressio morbosâ, & num vitriolum martis potuerit morbo opitulari.

Non me latet hecticam senectutis nuncupari totius corporis contabescentiam finè febre nomine atrophici communitè designatam, à qua tamen genuina causâ ortum duxerit, non tam de facili elicitur conceptus.

Triplici in ordine juxta Neotericorum asserta fundantur causarum genera, vel enim succi chylosi vitio id accidit, quatenus aut non sufficiens, aut non satis laudabilis massam subit sanguineam, vel quod vitio humoralis massæ non ritè

mutatur in succum nutritium, & sanguinem; vel quod humores hi non apponuntur liquoris nervei culpa.

Sed ut clariùs causam sit nobis rimari concessum, modum nutritionis attingere non pigebit. Magnam profectò aggredimur provinciam, dum querimus an materia nutritionis in homogeneitate, vel in heterogeneitate consistat? Certum enim est, heterogeneas esse nutriendas partes, verum cuilibet diversum non esse adaptandum humorem satis ostendit, quod earum numero neque respondet alimentitorum humorum decantata quadriga; Undè si de hac re aliquid mihi proferre liceret, omninò assererem eundem humorem diversas nutrire partes valere, diversitatemque appositionis non obtineri à diverso humore appposito, sed à diversa juxtapositione, quam diversa partis structura importet: Etenim si deprehendamus arborem pruna silvestria producentem, eamque suprà truncum magnum incidamus, & in triplici virgulto inseramus surculos persici, pruni Damasceni, & pomi armeniaci, videbimus profectò non amplius pruna produci silvestria, sed fructus specie diversos secundum surculorum speciem, & tamen ab eodem nutrimento, quod à terra per truncum perreptat, obtinetur incrementum eorundem diversorum fructuum; Unde non nisi diversitati juxtapositionis poterit tribui, quod idem humor diversos fructus alere valeat.

Cum igitur humoralis massa, ut colligitur ex iis, quæ sub sensu cadunt, sanguine, & sero dicitur, cumque sanguis consideretur, & quoad partem rubram, & quoad reticularem fibrosam à priscis nuncupatam, serumque pariter in duas subdividatur partes, in aqueam nimirum, & albuminofam succi nutritii nomine insignitam, satis apparet manifestum, quod reticularis tantum sit illa, quæ materia nutritionis existat.

Aqueam partem excludimus, quia ea, qua talis inservit, ut nedum in fluore pars ipsa reticularis sanguinis conservetur, sed

sed ut sit vehiculum eidem parti reticulari, ut pro reparatione ejus, quod in partibus avolarit, possit inter minima quarumlibet partium interstitia incuneari; Undè mirum non est, quod lymphæ à partibus nutritis emanans à circumferentia ad centrum iter suum aggrediatur.

Partem rubram pariter à materia nutritionis ablegamus, quia revera partes omnes, ut etiam muscoli albidam præ se ferunt apparentiam; prout etiam offenditur alba reticularis illa intertexta substantia intrà fibras carneas, cujus copiosior deprehenditur proventus, quando benè nutriuntur animalia, prout desideratur, quando macie confecta enecantur. Non denegamus tamen multum opitulari partem rubram nutritioni, dum spirituosâ, & balsamica sua indole totam volatilizet humoralis massæ compagem, simulque circulando vivificum in partibus foveat calorem; Undè merito vitalitatis caractere designatur à *Cornelio*.

Partem quoque albuminosam seri, quam succum nutritionum vocant, ab immediata materia nutritionis excludimus, nam cum à parte reticulari non differat, nisi ut differt chymus, à chylo, chylus ab eodem succo nutritio, omninò asserimus materiam esse convertendam in partem fibrosam per ulteriorem quassationem, & mistionem, per quæ duo maximè variari potest juxtapositio molecularum, ut strictiori compage acquisita cum reticulari ejusdem reticularis naturam acquirant. Etsi enim unica resultet mistio in humoralis massa ex pluribus partibus heterogeneis, ita ut minimum unius attingat minimum alterius, adhuc tamen non desunt multæ partes, quæ strictiori vinculo associantur; Licet enim in sanguine extracto id experiri, dum strictiori vinculo consociari inter se partem reticularem, & atomos rubras deprehendamus, sic & pariter serum, & albuminosam partem; Undè concipiendum indiscriminatim, & non eodem modo circulationis consociari humores omnes. Ex hoc deduco partem albuminosam seri per reiteratas circulationes taliter posse

mediâ fermentatione, & quassatione inter minima vasa, & præcipuè inter anfractus pulmonum à strictiori unionem ab aquea parte se jungi, ut ad reticularem proximius accedens, sive id accadat à vi salino-acidarum particularum unionem inferentium, activitatemque lentescentem secum vehentium, sive quod spoliatur aqueis granulis, à quibus in fluidiori statu asservabatur, reticularis & ipsa evadat.

Quamvis teneam doctissimum *Fernelium* affirmantem, incrementum corpori non ex cujuslibet sanguinis copia accedere, sed illius duntaxat, qui fibris abundat, tamen *Willisiana* Academia obviam mihi occurrit, eò quòd in paralyti tabem subsequi deprehendere sit ob succi nervei deficientiam, prout etiam inedia jugulantur multi ob solam succi nutritii carentiam, cum in eorum cadaveribus copia sanguinis insit, ratione cujus si sanguis nutriet, non deberent mori.

Horum eventuum facilis est conceptus cogitantibus ad nutritionem promovendam nedum requiri sufficientiam in materia commutanda, sed etiam in parte, quæ debet restaurari; Hinc si reticularem sanguinis partem assignavimus pro materia nutritionis, subdidimus etiam hanc emergere ex succo nutritio; unde in inedia extinctis, licet adsit sanguis, nempe aggregatum omne in humoralis massa sub purpuræ apparentia, adhuc tamen ex deficientia alimenti, desideratur succus nutritius, à quo dependet restauratio partis fibrosæ, cui competit nutritio; præterquam quod ex deficientia edulium massa ipsa humoralis spiritibus exhauriatur; unde eorum deficientia importat lentorem parti eidem reticulari, ratione cujus socors redditur ad motum, fluiditatisque characterem amittens incuneari redditur inepta, fluiditas enim in sanguine summè promoveretur nedum à parte aquea, sed à motu & spiritibus.

Requiri quoque partium nutriendarum sufficientiam, omnino concipimus, fibræ enim, cujuscunque profapiæ sint, non

non debent esse adeò rigidæ, ut resistentia earum superet potentiam fluidi propulsi, nec adeò laxæ, ut plusquam deceat, superentur à fluidis; unde hunc modum possumus concipere in cachecticis, & alterum modum in paralyfi, in qua nisi absoluta fibrarum rigiditas sequatur, tamen quia decidunt fibræ, cùm à tono vigorationis desciscant ob defectum succi animalis, ea ob talem concidentiam augetur in dies renitentia, ut resistentiam imponant fluidis propulsis; unde necessariò aliquam emaciationem subsequi est necesse.

Cæterùm quæ de appositione, assimilatione, agglutinatione, & transmutatione proferuntur, sunt mera verba scholastica, cùm reverà se secundarii humores alimenticii nihil dicant præter inane imaginationis commentum.

Sufficit ergò ut concipiamus ex quacumque parte mediâ caloricâ activitate dissolvi, transpirare, & in auras abire particulas aliquas; unde necessariò sunt concipienda illa spatiosa, è quibus particulae dissolutæ decesserint: Cùmque à cordis impulsu, motu arteriarum, & vi elastica spirituum, & aëris rapidò impetu sanguis impellatur, cogitur intra eadem spatiosa præcipuè pars fibrosa præ ejus lentore taliter incurvari, ut pro diversis foraminulis diversa sequatur positura, & diversa configuratio; unde in fibris carneis caro, in fibris nerveis nervus eadem materia apparet, prout in herbis idem nutrimentum evadit acidum in acetosa, amarum in absinthio, sic de cæteris, prout superiùs de arbore innuimus.

His pro opinione probabiliori suppositis non aliam censemus causam totius contabescentiæ sine febre, quam difficultatem incunearionis nedum vitio fluidorum, sed etiam partium nutriendarum, & quemadmodum accusamus fluidorum compagem, quatenus superabundaverit salino-acidis moleculis, sic fibras musculares, quatenus rigiditati addictas compellamus.

Etenim

Etenim ex inversivo ordine totius naturalis œconomiae ea sequitur labefactionis vicissitudo, ut quemadmodum vitium sanguinis viscerum naturalium fermenta infici possunt, quæ valeant ejusdem sanguinis vitium adaugere, sic vitiosa fermenta sanguinem inficiendo possunt sibi ipsis vitiosum incrementum inferre, eò quòd labefactatus sanguis moleculas incongruas inter anfractus viscerum deponendo vitiosa fermenta adauget. Utrumque modum causalitatis non inficior posse defendi, cùm incongrua victus ratio possit esse in causa, ut chyli impuriore particulae inter foraminula glandularum mesenterii depositæ, vel naturale fermentum pervertant, vel constituent præternaturale, cujus particulae per venas arteriosum genus subeuntes, vel per nervos splanchnicos, intercostales, & per vagum ad cerebrum delatæ diversas tum animales, tum vitales anomalias poris inferre evadunt; verum tamen est, quod massa humoralis plerumque desciscens à debita mixtione, vel plus, minusve naturalia fovens recrementa, existit minera, ut ab ea tanquam ab aquilone omne malum consequatur juxta Hippocratis Oraculum.

Quonam autem modò ex prænarratis jecerit fundamenta morbus in casu proposito, non est ut faciliè decernam, certum tamen est à menstruis suppressis tanquam à causa primordiali ortum duxisse, nam demisso vigorationis caractere in humoralis massa ob depressum uteri fermentum potuit taliter balsamica indoles in vitriolicam & acidam commutari, ut præpollentibus solùm acidorum combinationibus probabile est, quod parte aqueâ devictâ, & vinculatâ (eò modò, quò vidimus à chalcanti spiritus copia totum serum cogi) ea fluidorum fuerit insequuta vinculatio, ut pars reticularis ob strictiorem compagem desciscens à fluiditate inepra extiterit inter minima partium spatiola incuneari, factâ coadjuvatione à fibrarum rigiditate, quâ imponitur existentia, ut à fluidis lentore insignitis superari haud queat.

Fibra-

Fibrarum autem rigiditatem à siccitate omninò devenisse credimus, eandemque siccitatem ab aquosæ partis deficientia resultasse concipimus, idque accidere potuisse dupliciter suspicamur, vel quòd partes non fuerint humectatæ, vel quòd amoti non fuerint sales alcalizati, & fixi, qui agglutinati, & quasi ferruginati intrà fibras, & porositates carniùm, quæ renacissimè adhaerentes mediâ humectatione, & ablutione absorbentur, & per urinarias vias foràs emandantur.

Mirum ergò non est, quòd spiritu volatili depresso, fluiditatem chylo bilis non intulerit; unde pancreatico succo præpollente, probabile est compactiorem texturam, eamque ad terminum duritiei fæces obtinuisse, præcipuèque, quòd siccitas ob fluidorum deficientiam frenum intestinorum fibris potis erat inferre, ut non nisi difficilis promoveretur motus peristalticus, prout apparet manifestum, quòd à solis humectantibus, & emollientibus fæces educerentur.

Ideo autem immunem à febre extitisse asserimus, quia cum febris importet motum auctum, tum quoad localem, tum quoad intestinum, textura vinculata sanguinis resistantiam cuicumque fermento ponit, ne effervescentiam promovens utrumque motum augere valeat. Neque militat, quòd in lentescente constitutione pleuriticâ febres vehemētissimæ suscitentur, nam id sequitur, quia sanguinis viscositas superatur à bilis volatilitate in exaltatione promota, quando enim accidit, ut viscosa per attenuationem superentur, tunc majorem rarefactionem obtinent, quàm cætera fluida, ut observare est in Terebinthina, melle, & similibus; Cum autem in casu nostro ex spiritibus concentratis inertia bilis fuerit sequuta, sequitur, ut non tam de facili lentescentiam superari potis evaserit.

Quòd autem in talis siccitatis tyrannide siti non fuerit decerta Patiens, id potuit accidere, quia à lentescentibus seroficitatibus, quæ exprimi potuerant à glandulis ventriculi, præpediri potuerit vellicatio illa, quæ à salinis moleculis illata est

in causa, ut per nervos ad cerebrum communicata talem actionem promoveat, per quam animæ appetitus insurgit, qui nuncupatur sitis.

Hinc inappetentiam pariter concipimus, ne dum ex inertia fermenti haud validi superare glutinosam texturam, ut fibras vellicare potius valeret, sed remur principia constitutiva fermenti defecisse tum penuria, tum vitio: Præ siccitate enim, & præ lentore satis salivali succo præpeditur via, nec non etiam succo acidò per glandulas ventriculi expressò, præscindendo ab eorum vitio, & quemadmodum in dies consequitur præ inappetentia penuria alimenti, sic reliquæ antecedentis macerationis, quæ maximè concurrunt, & forsitan principaliter ad constituendum fermentum satis desiderantur, dum ex paucitate, & vitio inappetentiam diu conservare valent.

An autem Vitriolum Martis potuerit manum præbere ad contabescentiam promovendam, sine ulla suspitione affirmativam partem tuerer. Et ut ordine procedam, non inficior ex quacumque chalybis præparatione etiam ex adstringenti posse superari obstructions, posse obtundi quodlibet acidum, posse sanguinem refermentari, quatenus obvios sales enormes abripiendo eos vinculare valeat (absorbendo enim operari martialia quæque affirmat doctissimus *Wedelius*.) Quapropter cum Vitriolum Martis credatur à multis tanquam obstructionum clavis, non possum bilem cohibere, dum concipiunt, id obtineri aperiendi activitate. Vitrioli conditio est potius sita in energia adstringenti, satisque stipticam conditionem ipsius Vitrioli Martis nedum effectu, & conjecturis, sed sapore discernere conceditur; Igitur si obstructions tollit, non nisi per accidens operari concipimus, idque dupliciter vel quatenus antecedentem causam compescit, nempe alcalicâ activitate acidum absorbendo, quod est in causa, ut coagulationi disponantur humores, & sic remorari in vasis minimis compellantur; vel quatenus robur addit fibris, quæ

vigoratæ promptius contractioni sunt addictæ, & sic facilius motu peristaltico promotæ, quod intus vasa est incuneatum, pellitur successivè, ut motum obtineat. Hinc asserere non vereretur chalybeata posse potius obesse, quàm prodesse, si propinentur, priusquam materia incuneata fluiditati disponatur; Nam deprehendimus in praxi facilius tolli obstructions humectantibus, & emollientibus, quàm aperientibus, quia juxta doctissimi Neoterici assertum, quidquid emollitur per gradum humectationis, ad fluiditatem magis disponitur. Si igitur materia incuneata sub lentescente, & compacta structura adhuc seruetur, ad nihilum valebit roboratio fibrarum deducta à stipticis chalybis moleculis, quia materiæ resistētia præ siccitate non poterit superari à fibris sese contrahentibus per illam corrugationem, immò compactior evadet eadem materia præ chalybis stipticitate magis figente. Hòc posito quis inficiabitur fibrarum rigiditatem potuisse adaugeri à Vitrioli Martis activitate.

Ex longo lactis asinini usu, postea caprilli, postmodumque muliebris eò nimirum fine, ut massa humoralis edulcoraretur, & refermentaretur, simulque partes emollirentur, & renutrientur, delusa extitit cujuslibet spei consequentia, quamvis manum ad opus præbuerit nedum victus humidus, sed etiam repetitæ balneationes, cumque semper in dies augeretur marasmus, verebar certè, ne in balneo moreretur, ut accidisse Tiro Imperatori refert *Plutarchus*. Ex hoc interea conjecturam elicimus, quanta fuerit partium siccitas, quanta fluidorum contumacia, & quanta spirituum paupertas.

Cum verò anasarca supervenerit, non alium concipere possumus modum, nisi quia cum longo lactis usu potuerit massa humoralis à sua stricta compage laxari, simulque serum in integrum restitui, facilis est conceptus, ut ex lacteis particulis spontè acefcentibus, licet id obtineri potuerit vel à spirituum inopiâ, vel à consimilibus moleculis, ea fuerit albumi-

noſe partis inſequuta coagulatio, ut expreſſis granulis aqueis, confuſoſque & irregulari itinere ſubſequuto, probabile eſt, quòd cum per venas facilis tranſitus, tum ſero in libertatem promotò, tum particulis coagulatio non concederetur, ea fuerit inſequuta remoratio, ut anafarchicus character undique per corporis ambitum, inæquali tamen impreſſione ſui præſe-
culerit veſtigia.

Hinc vidimus hòc annò quemdam Religioſum, cujus tibiae, & femora anafarchico-aſcetica erant, quatenus pulmo-
nes undique pleurae coherentes hydropem intulère nedum pectoris, ſed & abdominis, cumque præſocatus obierit, ruptò vaſe in pulmonibus, corpus exenterandum commiſimus, de-
prehendimusque præter friabilitatem pulmonum, omnimo-
damque pleurae coherentiã cum iisdem pulmonibus, ut diximus, quam inveteratã fuiſſe ſatis probat, quòd vix potue-
rit è ſella moveri per annos, quin in difficillimam respiratio-
nem incideret,prehendimus, inquam, ne dum ſeri copiam in pectore una cum copioſo ſanguine extravafato, ſed etiam ex abdomine vidimus cum copioſiſſimo ſero propuſſam ma-
teriam albam, ſimilque continuam, & lenteſcentem, quàm ab albumine ovi ſolùm diſcrepaſſe conjicimus, quod illa al-
bidioris erat apparentiæ.

Ex quo tanquam per corollarium deduco, hiſce in caſi-
bus neceſſariò eſſe ſupponendam ſeri inæqualitatem, ita ni-
mirum, ut quoad partem concreſcat, quoad aliam liberta-
tem obtineat. In modo autem cauſalitatis non concurro cum
iis, qui credunt aquoſe partis fuſionem, ſeu ſecretionem pro-
moveri ab acidis moleculis texturam lacerantibus; unde ex
hoc libertatem aquæ primò, & per ſe inferri, ſecundariò verò
coagulationem albuminoſæ texturæ deduci, quatenus aqueis
ſpoliata granulis compactior reddatur, nam ſtrictior compa-
ges deduſta à ſalium acidorum pyramidali figurâ prioritate
temporis expreſſionem aquæ ſubſtantiæ præcedit, quæ expreſ-
ſio

sio consequutiva est concipienda, ut præter doctissimum Boyle affirmat quoq; Hippocr. 4. de morb.

In tali anasarchico statu ne viderer penitùs Patientem deferuisse, cùm locus non concederetur purgantibus, nedum præ viribus fractis, sed quia morbum hunc hydragogis exasperari, augeriq; nedum praxis ostendit, sed satis colligitur ex eo, quod sint turpia redundantia remedia, juxta *Plutarchi* effatum, quia humorum corruptionem, & liquationem promoveant, syrupum terebinthinatum singulò mane ad unciam unam præscripsimus, super epotò jure parvæ pullæ alteratò radicibus petroselini, & cichorii, ut balsamica, absterfiva, & diuretica activitate coagulum dissolveretur, & serositatibus iter per urinam concederetur, ut præter spem evenisse fuimus experti, dum ad libras urina cœperat promoveri, quando potus consuetus uncias non excedebat.

Auctò intereà urinae profluvio sensim detumescentemprehendimus Patientem, ut tandem penitùs à tumore universali evasisse offenderimus, statimq; observatum habuimus, partes iterum nutriri incipientes, ut tandem si non, pristinam extensionem, saltem perfectè nutritam eam viderimus, non sine admiratione morbum à morbo fuisse sanatum.

Modum verò alium non concipimus, nisi quia ex fluore insequuto in humerali massa taliter circulando fluidæ exuviae stagnabant in partibus, cùm per venas eâ copiâ, quâ per arterias pellebantur, revehi non possent, ut humectatione continuatâ in iisdem partibus taliter fibræ à visciditate desciscere potuere, ut concessò aditu propulsis humoribus, paulatim incuneationi fuerit datus transitus, simulq; nutritioni locus, maximèq; cùm in dies potuerit humoralis massa edulcorari, & refermentari, in qua refermentationis conicquutione potuit intra anfractus glandularum uteri, & viscerum adjacentium vitiosas deponere moleculas, quæ præ-

ternaturale constituentes fermentum hystericorum symptomatum illiadem construere potis evaserint, dum Patiens modò fatua absque loquela, modò præfocata, modò aliena alloquens, quin adstantes cognosceret, modò tremoribus affecta extiterit.

Horum intereà symptomatum prodromum unicè dependere censui nedum à spirituum, & succi nervei penuria, verùm etiam à fermentativis particulis, iisque vel spiritus figentibus, si fuerint vitriolicæ, vel explodentibus, si fuerint nitro-sulphuræ.

Quamvis verò determinari non possit, num in confinibus nervorum circumcirca uteri anfractus, aliorumque viscerum adjacentium ob vitiata fermenta, vel in cerebri emporio, ejusque cortice eadem particulæ tanquam à mistionis vinculo solutæ depositæ fuerint, non est, quod valeam decernere, cum utroque modò accidere potuisse suspicamur.

Etenim fatuitas prout spiritus compellat, quatenus fixationi addictos, sic pro causa agnoscit vitriolicas particulas spiritus eosdem in cerebro figentes, nam prout mentis fatuitas stupiditatem importat, certè cum mentis sedes in cerebro situeretur juxta Platoniam doctrinam, necessariò ibi agnoscenda causa fatuitatis.

Ex eo autem, quòd alloqui non potuerit, etiamsi mente perciperet, quæ alloquerentur, satis arguitur, id fuisse educum ab incongruis, nitrosisque moleculis intra viscera naturalia latitantibus; quæ in spasmodicas distractiones propagines nervi recurrentis adducentes probabile est, nedum ganglioformem paris vagi plexum taliter in spasmus coegisse, ut epiglottidis motum inhibentes, vocem ipsam feriari potis evaserint, sed plexum cardiacum adducentes præfocacionem intulerint.

Ex confuso intereà phantasmatum agmine, quatenus spiritus animales cum succo nerveo ex vitriolicis moleculis turbulenten-

bulentò caractere fuerint insigniti, ea ejusdem mentis alienatio fuerit insequuta, ut adstantium amissâ cognitione, non nisi aliena, eaquæ sine ordine, & magnâ cum confusione alloqueretur.

Sic spasmodicas procitationes originem obtinuisse remur à nitro-sulphureis combinationibus, quatenus & nervorum irritationem, & spirituum explosionem aptæ natæ sunt inferre: Num autem hæc latuerint inter anfractus uteri, annexorumquæ viscerum extremitates nervorum afficientes, si-ve circulando inter cerebri membranas depositæ anomalias primariò in eodem cerebro intulerint, non est, ut facile determinem, cum utrumq; accidere posse quilibet non inficiabitur.

Cum verò balsamicis, dulcificantibus, & refermentantibus obviam iverimus morbo, quamvis hæc symptomata cesserint, quamvisque nutritio augetur, tamen adhuc num catamenia sunt suppressa, idque non ab alio provenire dijudicavimus, nisi quia uteri fibræ concidentés à sanguineis moleculis mediâ circulatione propulsis, simulq; quia uterinum fermentum adhuc subprelo depressionis gemit.

Tandem in hisce, quæ fui meditatus, si *Glauci* artem non fuerim assequutus, hoc est, si vera, quæ sint, non probaverim, signum profectò elicitur, sortem haud mihi esse concessam, ut veritatem cum *Epimenide*, & cum *Hippocrate* in somniis viderem, & alloquerer.

[Ex communicatione Illustr. Dn. Antonii Magliabechii Serenissimi Magni Ducis Hetruria Bibliothecarii
1688. d. 18. Febr. Vindel. missa.]



OBSERVATIO CCXXXI.

D. THEODORI ZWINGERI.

Mercurii crudi effectus in colica spasmodi-
câ à fecum duritie alvum contumaciter
obstruente oriundâ.

Qui medicæ praxi operam seduli navant, miras sub-
inde deprehendunt affectuum etiam communium
facies, negotium haud leve νοσέοντι τε καὶ παρίοντι faces-
sentes. Et quamvis plures sint morbi satis pericu-
losi, ii tamen Medicum nunquam magis anxium reddunt,
quàm ubi acerbis sunt stipati doloribus, ægrum ad perpe-
tuos gemitus, clamoresve sollicitantibus. Cumque in tali-
bus casibus simul anodynorum effectus vel irriti vel suspecti
sunt, malaque continuò exacerbantur, tum vagabundæ
redduntur Medentis cogitationes, scientia exhauritur, &
aqua hæere incipit: undique conquiruntur experta reme-
dia, sæpè nulla reperiuntur: quin ultrà, juxta monitum,
Hippocratis Sect. 1. Aphor. 6. ad extrema confugiendum, imò
si generosa satis deficiunt, nova quoque excogitanda, ex qui-
bus ægri salus sperari potest. Atque talibus occasionibus et-
iam *Mercurii Crudi, Globulorum Plumbeorum, Aureorum*, alio-
rumque remediorum usus ab aliquot demum lustris, non
sine successu est introductus; quemadmodum id exempla
plura apud *Ettmüllerum in Praxi; Henricum à Moirichen in*
 suis Observat. & imprimis in Ephemeridib. Nostris Germanicis ex-
tantia probant. Quid ipsemet circa *Mercurii Crudi* usum,
adnotârim, sequentia, lectu minus indigna docebunt.
Etenim d. xxix. Novembr. 1687. vocatus ad juvenem 26. an-
norum, *εὐλαγον*, lacertosum, ad iram promptum, lividæ fa-
ciei bilioso-melancholicum; ab ineunte arti characterum
fuloriæ, quam parens hypochondriacæ affectioni obnoxius,
exer-

exercet adhuc vivus, additum. Hic peiori indulgens victus rationi, & constipationi alvi, ex duritie fecum obnoxius jam à duodecim annis colicis doloribus, subinde recurrentibus vexabatur: à quibus jam ante quinquennium Lugduni Batavorum adeo malè tractatus est, ut, post superatum cum labore affectum, utriusque manus digitorum paralyfin primùm perſentiret, quæ tamen ſenſim poſtea, ſed tamen non integrè remiſit. Ab eo tempore, cùm prudentior nondum factus, diætæ craſſiori perpetim inſiſteret, paroxyſmi recurrebant & frequentiores & ſeveriores, uſq; dum manus ambas perfectæ paralyſis occuparet, deinceps immedicabilis. Proximè præterito Octobri menſe torminibus iſtis horrendum in modum affligebatur: dolores fixi eundem ſemper locum in ſingulis paroxyſmis tenuerunt. Quænam ultimo mali acceſſu Æger paſſus, quæque in curatione ipſius acta fuerint, fideliter enarrabo. Prædictâ itaque Novembris die vigefimâ nonâ, ante meridiem ad Ægrum accedens, ipſum deprehendi diris cruciatibus adeo afflictum; ut nſciret, quò ſe, levaminis impetrandi gratiâ, verteret; non unus ſufficiebat lectus, plures omninò requiſivit, ut ſeſe ex uno in alterum volvere poſſet: clamores & ejulatus tantùm non erant continui. Cùm examinarem Ægrum, & in originem atque morem affectus propiùs inquirerem, retulit, quantum inter gemitus licebat, alvi conſtipationem ſibi ſatis eſſe familiarem, feces plerumque in globorum duriuſculorum formam eſſe coërcitas, maniſeſto indicio, inteſtinorum glandulas ſufficientem haud eructare liquorem, ad excrementa diluenda: dixit præterea, ſe ante triduum iter quoddam feciſſe, aëre non tantùm nubiſoſo, humido & frigido, ſed & ob ventorum tumultus exiſtente impetuoſo; inque ipſo itinere ſe vinum novum, quod eheu! nimis acerbum & auſterum vindemiâ proximè prægreſſâ in cellas fuit collectum, forſan plus juſtò immodicè ingurgitâſſe; quamprimùm enim domum fieret redux, ſtatim colicos adveniſſe dolores, hypochondria

sinistra pro more occupantes. Ac licet alvus ejusdem diei
 matutinis horis exonerata fuisset, iidem tamen dolores pau-
 latim, ut domestici asseverant, intendebantur; sitis accede-
 bat simul, quam reddebant majorem continui ejulatus, lin-
 guam atque palatum exiccantes: quandoque motibus etiam
 convulsivis exercebantur membra. Incipienti sic novo fami-
 liaris morbi paroxysmo domestici euporista sua opposuerunt,
 clysteribus iteratis, decocto foliorum sennæ laxante, & alvum
 referaturi, & dolorum ferociam mitigaturi. Sed in cassum
 laborârunt, quin dolores continuè urgebant, nunc inten-
 siores, nunc remissiores, ne momentum quietis ægro con-
 cedentes: fiebant interdum adeo atroces, ut per integram
 domum, scalas ascendendo, descendendo discurreret, nulli-
 bi speratum levamen inveniens, sæpius clamitando con-
 querens, *seine Därme drehen sich ganz in die Lutschen der linken
 Seiten hinein* / intestina in hypochondria sinistra, ubi colon
 alligatum est, contorqueri: manum applicans deprehendi
 reverâ motum quendam intestinorum pulsantem, instar ser-
 pentis nunc se corrugantis, nunc iterum explicantis. Ab-
 domen, quod alias in colico affectu distenditur, in presenti
 Juvene magis constringebatur; nulli flatus erumpunt; vo-
 mitus quandoque accedunt, inprimis, cum calida aut tepida
 haurit iuscula, vel stomachum potu nimio onerat: clysteres
 immissi etiam post aliqualem moram redduntur integri, sed
 sine excrementis: neque tamen feces hactenus unquam vo-
 muit: adeo ut verosimile, induratas illas in cellulâ coli, ubi
 sinistro hypochondrio affixum est; hæere tantum non im-
 mobiles: fixus certè hæret ibidem dolor, ac licet aliis quo-
 que in partibus subinde tantillum doleat, sit tamen illud non
 nisi per consensum: circa umbilicum nunquam dolet; te-
 nesmus ægrum nullus torquet; pulsus adest magnus, ac ju-
 sto celerior, haud tamen adeò febrilis: vigilæ adsunt con-
 tinuæ; somnum anxie sollicitat: quando intenduntur do-
 lores, sæpe stridorem dentium invitus patitur, variisque
 moti-

motibus convulsivis sciens agitur : quin & in nupero paroxysmo jam universales convulsiones perpeßus est. Ad mitigandum dolorem sæpe abdomen nunc in sublimè attollit, nunc in profundum deprimit ; neque tamen levamen ullum sentit, nisi unus, pluresve etiam robustiores viri lateri affecto incumbant, illudque omni vi comprimant. Urinas emittit parè, easque claras, tenues, & flavas ; sudor verò erumpit largior & frequens. Respiratio minus est offensa : anxietas autem præcordiorum subinde simul affligit, vomitu spontaneo largiùs ingurgitatorum cessans. Quæ cum singula ad animum probè revocarem, judicavi, affectum non esse nisi colicam spasmodicam ortam partim à scybalis excrementorum induratis, atque cellulam coli, ea, quâ Hypochondrio sinistro alligatum hæret, parte distendentibus, partim & à salibus acido-austeris fixis, quæ ob diætam maximè vitiosam cumulata fuerunt, fibrillas nerveas lancinantibus, inque contractiones spasmodicas summè dolorificas cogentibus. Indicationibus hinc probè institutis, & scybala illa loco movenda, atroces dolores mitigandos, atque salia ista acida corrigenda esse censui. Quæ propitio Numine præstaturus clysterem primùm ex decoctione *Herbarum emollientium & carminativarum*, cum *Tabaci foliis* præscripti, simul ac sequentem mixturam anodynam, duabus dosibus, ante & post meridiem, sumendam suasi. *R. Aqu. Meliss. ʒi. Aqu. Scabios. Cichor. Menth. Syrup. Cochlear. Citr. aa. ʒss. Tinctur. Castor. cum Spirit. Sal. Armon. parat. ʒiʒ. Antimon. Diaphor. ʒij. C.C. philos. preparat. ʒj. Laud. Opiat. gr. iʒ. Misce.* Hujus mixturæ priorem partem brevi revomuit, sed alteram retinuit. Pro decocto ordinario bibit *Decoctum Hordei, Folior. Senn. cum Passulis & Succo Apii.* Sub vesperam ejusdem diei reversus, inveni ægrum in eodem planè statu versantem ; rejectus est clyster absque successu ; neque è reliquis ullum levamen persensit. Curavi injici novum clysterem cum inco-

respuit, unicéque limpidam fontis aquam desiderat, suasi simul, ut cum eadem Oleum Tartari per deliquium hauriret. D. 30. Novembr. manè in eodem prorsus statu, si non pejore ægrum deprehendi, neque vel momentum horulæ per noctem præteritam dormire potuit: Clyster hesternus quoque rejectus, absque ullius materiæ excrementitiæ dejectione, si flatus excipias aliquot, mucique viscidum intestinorum tantillum. Quamobrem ad sollicitandam magis alvum, serumque per glandulas intestinales præcipitandum sequens Apozema præscripsi. *R. Radicis Scorzonæ. Cichor. Rhabarbar. elect. aa. ʒij. Fol. Senn. mundat. ʒiiij. Semin. Anis. Fœnicul. aa. ʒij. Cremor. Tartar. ʒj. Incis. & contus. coque in q. s. Aqua fontan. Colatura ʒiv. pro dosi sumend.* Sumpsit, sed mediam partem vomitu reddidit, hinc nullum ejus effectum vidi. Clysterem reiterare jussi cum Sale Tartari, frustra; refert, se non sentire, clysterem ad locum usque affectum pertingere. Sumit quandoque nonnulla cochlearia jusculi plena. Nescit amplius liberè aquas haurire, dolet enim inde simul stomachus. Post prandium, quia ob intensissimos dolores unicè flagitabat anodynum, sequens concessi. *R. Extracti Castor. ʒss. Cinnab. nativ. gr. vj. Laud. opiat. gr. iʒ. Ol. destill. Succin. & Chamomill. aa. gutt. ij. M. F. Pilula num. septem, quæ statim unâ vice deglutiantur.* Sub vesperam audiui tantillum opii effectum; sed recruduerunt sub noctem dolores, quamobrem ad emollienda scybala, & eadem simul loco movenda, dolores hinc quoque demulcendos sequentem clysterem iterum præscripsi. *R. Radic. Alth. Liquir. Lilior. albor. aa. ʒss. Fol. Alth. Malv. Mercurial. Flor. Chamom. aa. Mj. Baccar. Junip. ʒj. Pulp. Colocynth. in pet. ligat. ʒiʒ. Incis. & contus. coqu. in suffic. quant. Aqu. fontan. Colatur. ʒxiv. adde Succ. Fim. Equin. rec. express. ʒij. Ol. Olivæ. ʒiʒ. Essent. Castor. ʒiʒ. Sal. Tartari ʒj. F. Clyster cum siphone statim injiciendus.* Bibit interim subinde de Mixturâ Antispasmodicâ sequenti. *R. Aqu. Fœnicul. Meliss. Papav. Rhead. aa. ʒj. Syrup. Ros. solut. simpl. ʒiʒ. Liquor.*

C. C. Succin. Tinct. Castor. cum Spir. Sal. Arm. par. āā. ℥ij. Ungul. Alc. preparat. 3℔. Misc. Hauriatur per cochlearia. Eadem hanc vespera simul suasi Euporiston illud celeberrimi *Dolai Hassiensis Archiatri*, nimirum *semunciam saponis Veneti in Juscule solutam.* Cogitavi equidem mecum sæpius de purgante aliquo fortiore, athleticum in haustum redacto, exhibendo, sed quoniam hucusque similia statim revomuit, ac eadem in præcedentibus quoque paroxysmis plerumque in cassum præscripta novi, ad alia deveniendum esse duxi. Sunt, qui tali in casu balnea suadent, ast æger noster semper à balneis pejus habuit. Ego juxta interna præscripta, simul hætenus *Unguentum de Althæa cum Ol. Semin. Hyoscyami, ac Axungia Caponum*, abdomini inunguendum præcepi, super injecto sacculo, emollientium herbarum pleno, ac aquâ simplici incocto. *Die 1. Decembr.* cùm ad ægrum reversus, animadverterem, in pejus omnia ruere, nullâ miserum quiete recreari, alvum adstrictam manere, aliud adhuc Medici opera, ut mihi adjungeretur, petii. Accersitus hinc statim, meo horatu, *Excellentissimus Pæon noster, Experientiss. nimirum Dn. D. Joh. Jacobus Harderus Anatom. & Botanic. in Athenæo nostro Profess. Celeberr.* Cui cùm statum morbi præteritum exposuissem, ipseque simul præsentem ægri conditionem non sine miseratione mecum cerneret; unanimi consilio sequentia præscripsimus, matutinis hisce horis adhuc integrè hauriendum: *R. Mercurii vivi purgati 3iv. Syrup. Violar. 3ij. Aqu. Menth. 3j. Misc.* Quadrante horæ post assumptam hanc potionem, sequentem Clysterem infundi curavimus. *R. Radic. Alb. Lilior. alb. āā. 3℔. Fol. Senn. 3j. Malv. Menth. āā. Mj. Baccar. Juniper. Semin. Carv. āā. 3j. Incis. & contus. coqu. in s. q. Aqu. font. cujus Colatur. 3x. addantur Succ. Fim. Equin. rec. express. 3iv. Ol. Rutac. 3j. Ol. Chamom. 3℔. Tinctur. Castor. 3℔. Salis Tartari 3ij. F. Clyster. statim injiciendus.* Sub vesperam ad ægrum redeuntes, audimus, clysterem aliquot horarum spacio in intestinis hæsisse, sed postmodum sine excremento-

rum successione reiectum. Mercurius quoque vivus, etiam si æger per hypocaustum ambulando satis se commovisset, mansit, credebatque æger, se eundem circa locum dolentem sub specie frigidi ponderis sentire. Dolorum tamen ferocia multum remisit, ita ut patiens in lecto blandè quiescere posset. Præscripsimus ad placandos magis spiritus ferocientes, sequentem mixturam *℞. Aqu. Card. bened. Chamomill. Rosar. āā. ʒj. Menth. ʒvj. Globor. Fimi Equin. recent. num. iv. F. Infus. per horam in loco tepid. Colatur. express. add. Syrup. Violar. ʒvj. Tinctur. Castor. cum spiritu Salis Armoniac. parat. ʒʒ. Antimon. Diaph. ʒj. M. pro dosi hâc vesperrâ sumend.* Clyster etiam ex solo lacte cum sacch. injectus. *D. 2. Decemb. manè accedentibus nobis retulerunt, dolores, induciis finitis, circa mediam noctem recruidisse, eosque immane quantum ferocientes.* Mercurius vivus è corpore nondum prodiit, nullum tamen exinde pravam symptomata animadvertitur; Alvus manet adstricta; imò ne flatus quidem emittitur ullus. Ad laxandum ergo, Mercuriumque è corpore pellendum sequentem æger tulit Mixturam: *℞. Syrup. Ros. solut. simpl. ʒiij. Aqu. Menth. ʒj. Spirit. Terebinth. gutt. xv. Misc. pro dosi statim sumendâ.* Elapsâ post hujus assumptionem horâ Clyster sequens emolliens & incidens fuit in usus. *℞. Decocti Rad. & Herb. Emollient. ʒxij. Urina pueri sani ʒiij. Tinctur. Castor. ʒiʒ. Terebinth. Vitell. Ovor. solut. ʒʒ. Salis Tartari ʒj. M. F. Clyster.* Pro potu ordinario bibit jam decoctum *Hordai & Passularum*; nulli vomitus adsunt, nulli ructus: sed vires consumuntur, ac paralyxis manuum augetur. Sub vesperram audivimus, ægrum ter dejecisse, sed parcam materiam in grana nigricantia, pyrium pulverem referencia, coactam pessimè olentem: nihil autem Mercurii vivi observatum est adhuc prodissse. Dolores interim pari semper affligunt ferociâ. Ad laxitatem alvi promovendam, simul ac dilaceratas fibras demulcendas sequens est mixtura præscripta. *℞. Ol. Amygd. dulc. ʒij. Syrup. de Alth. Fernel. Syrup. Papav. Rhead. Aqu.*

Aqu. Plantag. Chamomill. āā. ʒʒ. Bol. Armen. ʒʒ. Misc. Hauriatur statim unā vice. Haud omīssa est Mixtura Cardiac. Anodyna cochlearim sumenda. R. Aqu. Borrag. ʒvj. Scabios. Chamomill. Plantag. āā. ʒʒ. Syrup. Cochlear. Menth. āā. ʒij. Tinct. Castor. cum Spirit. Sal. Arm. ʒʒ. Bol. Armen. ppt. Unicorn. fossil. āā. ʒj. Essent. Opii Langelot. gutt. vj. Misc. Externè vesica bubula semiplena lacte affecto hypochondrio applicatur. D. 3. Decemb. Mane comperimus, dolores aliquantum remissos extitisse, nullum tamen adhuc somnum, quem maximeperè anhelat & expetit, irrepsisse. Mercurius nondum redditus, neque ullius inde adhuc illatæ noxæ apparet vestigium. Mixturæ hesternæ portionem habet reliquam, jussimus ipsam integrè consumere. Vesperī relatū est, ægrum aliquanullo temporis spatio dormivisse; sed redierunt dolores pristinum locum nunquam deserentes: nondum intestina permeavit Mercurius, nec aliud quidquam dejecit alvus. Quia Medicamenta respuit, uniceque somnum desiderat, Emulsionem anodynam ex seminibus suasimus, præmissō tamen clystere ex Lacte cum Terebinth. Vitelle Ovi soluta & Saccharo. D. 4. Decembr. Mane Ægrum post transactam sine ullâ tranquillitate noctem, in eodem deprehendimus statu, si non deteriore, nam præter hætenus affligentia symptomata, jam quoque lassitudo dolorifica omnes artus invasit: subinde quoque convulsivi motus exagitant miseri juvenis corpus: non deiecit hætenus: sitis, quæ remiserat ex parte, iterum intenditur. Sequentem mixturam tribus distinctis dosibus hauriendam præscripsimus: R. Aqu. Cardiac. officin. ʒiiij. Chamomill. ʒʒ. Portulac. Syrup. Rub. Idæi āā. ʒj. Antimon. Diaphor. Bol. Arm. preparat. Ocul. Cancr. ppt. C. C. philos. ppt. āā. ʒj. Misc. Sub vesperam mirum quantum de doloribus conqueritur; pulsus jam est celerior; motus spasmodici frequentiores evadunt, ex quo domestici vinum concesserunt: Curavimus injici novum clysterem ex decocto emollientium herbarum, & antiscorbuticorum succorum vegetab. admixtione; simul ac rei.

ac reiteravimus Mixturam anodyno-cardiacam cochleatim, sæpè sumendam. *D. 5. Decembr.* Mane dolores sunt intolerabiles, non vomit, non dejicit, sitis est intensa, sed nescit ferre potum ob dolores inde auctos; non cessant convulsivi motus; Mercurius adhuc in corpore delitescit; Salivæ hinc jam apparet aliqualis copia; eadem tamen limpida est, minusque viscida; Nondum vult admittere laxans: Clysterem ergo hesternum reiterari jussimus, in quo tamen solvendam præscripsimus *Polychrestæ Salis* semunciam; tulit quin etiam sequentem Mixturam Antispasmodicam. *R. Aqu. Flor. Til. 3j. Aqu. Pæon. 3vj. Chamomill. 3ss. Syrup. Rub. Idæi. Mentb. Pæon. 3ss. 3ij. Ligu. C. C. succinat. 3j. Tinct. Cast. cum Spirit. Sal. Armon. 3ss. Ungul. Alc. ppt. 3j. Cinnab. Nativ. 3ss. M. sumat singulis tribus horis tria cochlearia. D. 6. Decemb.* Mane refert Ager se hesternâ vespërâ post infusum sibi clysterem scybala plura durissima, nucis magnitudinem excedentia repetitis vicibus dejecisse, cum aliquâ quantitate materiæ tenacis, viscidæ, ac portione Mercurii exhibiti. Hinc dolores hypochondrii jam cessant, sitis minuitur, appetitus atque somnus redit, ast fractæ sunt quàm maximè vires. Conqueritur jam de copiâ Salivæ, sed illius nulla acredo, neque tumor glandulas oris obsidet, neq; lingua incrassatur, quemadmodum aliàs in imminente salivatione contingere solet. Curavimus infundi clysterem ex lacte cum incoctione Alth. Chamomillæ, ut & Terebinth. Vitello Ovi solutâ atque Saccharo. Suasimus simul continuationem Mixturæ hesternæ. Vesperi notavimus porrò, symptomata pacari sensim, neque novæ ulterius advenire. Quia autem alvus iterum adstringi videtur, Mercuriusque nondum perfectè exterminatus est, sequentem Syrupum laxantem crastinâ aurorâ sumendum ordinavimus, interea autem perget in usu Mixturæ. *R. Syrup. de Cichor. cum Rhabarb. 3ij. Rosar. solut. simpl. 3j. Aqu. Cardiac. offic. 3vj. Cinnam. Buglossat. 3ss. Scammon. Sulphurat. gr. ij. Misc. Sumatur unâ dosi. D. 7. Decembr. sub vespèram re-*

versus ad Ægrum audiui, Syrupum Laxativum decies per inferiora purgasse, quodque reliquum Mercurii vivi in corpore hæsit, simul prodiisse, nullatenus mutatum; si excipias quasdam ejus particulas, quæ nobis videbantur arrosæ. Symptomata remittere omnia, neque Salivæ copia tanta amplius adest: redeunt quoque cum appetitu vires sensim; Sed paralysis jam perfecta manus occupat, miserum reddens Juvenem, & forsitan cum tempore perfecte hypochondriacum factura, cujus affectionis semina à nativitate jam obtinuit, secumque circumtulit. Ad corrigendas reliquias viscidarum cruditarum præscripsimus quotidianum usum succorum recentiorum expressorum & filtratorum *Apii, Nasturtii, Beccabunga*; ut & pulverem absorbentem acido resistantem è *Bol. Armen. Corall. & Cancror. Lapid.* Quæ remedia per plures hebdomadas manè atque vesperi cum jusculo capere deberet, tri-duo vel quadriduo quolibet intercalando *Infusum Rhabarbari ac Folior. Sennæ cum Cremore Tartari.* Crastinâ aurorâ adhuc admittat *Clysterem Terebinthinatum*; Abdomen interim totum *Oleo Chamomille & Meliloti hortensis cum Unguento de Althea* calidè sæpius ungatur. In diætâ tandem severè injunctum est, ut abstineat ab aëre frigido, ab omnibus cibis acidis, falsis, crassis, ut elixis magis quàm assatis delectari discat; ut ab omni potu austero sibi caveat: ut iram, tristitiam moderetur, ut corpus non nimis exerceat; ne, sudore prolecto, glandulæ intestinorum exsuccæ reddantur: ut pruna damascena cocta frequenter in usum trahat. *D. 8. Decemb.* sub vesperam invenimus ægrum satis commodè valentem, de cujus restitutione ipsimet simul & nobis gratulati sumus. Ad paraly sin manuum externè nihil ordinavimus, quoniam judicavimus, interna antiscorbutica id omne, quod quidem ad illam emendandam præstari potest, præstitura; cogitavimus tamen de potu acidularum ad sequentem æstatem commendando, à quorum usu jam aliquoties satis benè habuit. Vi-

ctus ratione laudabili deniq; severè injunctâ cum voto perennaturâ incolumitatis valediximus.

Historia Affectûs hujus placuit apprimè *Viro Experientissimo atq; Clarissimo Dn. Johanni Conrado Ammanno, Scaphusâ Helvetio, Medic. Doctori, & Commensali meo Exoptatissimo*, adeo ut Scholion sequens eidem adicere haud gravaretur; quod cum lectu dignissimum mihi visum sit, è re fore maximè arbitrabar, & aliud Ephemeridibus nostris insertum publico communicare.

SCHOLIUM.

Nescio, an virus hic affectus curando ægro, an curanti Medico plus facesserit negotii; hoc scio, quod utrique non parum. Morbus erat maximus, acutus, implicitus; Medicus eo non minor, celer, prudens. In publici gratiam diro & duro huic nodo durum æquè cuneum quæram; quo autem eò facilis ipsum inveniam, sequenti insistendum erit methodo. Dicam primò, quis affectus fuerit, quis locus & focus, secundò, unde & à qua causa. Terriò, qualis: quartò, quomodo fuerit curatus. DEUS faveat conatibus!

1. Quis fuerit affectus, quæq; pars affecta.

Dubius sanè hæreo, an morbum hunc debeam appellare scorbutum cum paresi & colica; an colicam scorbuticam, paresi stiparam. Ultraque appellatio quadrat; posterior tamen à potiori symptomate desumpta arridet maximè, cum & Viro Excellentiss. placeat. Præsens E. affectus est colica stercoreo-convulsiva, scorbutica, cum paresi inveterata. Utinam omnes morbi ita denominarentur, à parte affectâ; quid enim est colica? dolor coli: sed unde? id pertinet ad differentias. Modo est à stercore indurato, hinc stercorea; modò à sero mucove acri, acido, vel in coli cavo; vel intra ejus tunicas, aut mesocolo hærente, unde flatulenta & spasmódica; subinde

inde utraque hæc causâ concurrat, ut hîc. Quærat quis, unde sciam, morbum esse colicam, partemque affectam colon? Resp. ex signis. Præcipuum & pathognomonicon fuit dolor, non circa umbilicum, ut in ileo; non circa lumbos, ut in nephritide; non in epigastrio, ut in cardialgia, sed totius illius abdominis tractus, quem colon emetitur, maximè autem circa flexuram, ubi dolor ob angustiam semper est intensissimus. Signorum alterum petebatur ab actione læsa, alibi scil. suppressione. Si venter homini, benè comedenti, non scedat, feces stagnant, si integra sint intestina; sed ubi stagnarent nisi in colo? Primum est signum morbi, alterum causæ. Sed æger simul fuit Pareticus jam à quinquennio, ex occasione paroxysmi colici? unde? an à colica? non. Est error Medicorum vulgi; dicunt esse à colica, quia fit post colicam. Videtur mihi hîc committi fallacia, quæ dicitur non causâ ut causâ. Paresis non sequitur colicam, nisi scorbuticâ adfit intemperies, in qua M. S. est acris, salsa; & tum non tam fit à colica, quàm propter colicam. In colica ob continuos dolores spiritus summè exagitantur, propter hos sanguis acris, plurimisque salinis spiculis refertus, impetuosè per corpus ruit: hæc autem spicula, rapidè mota nerveis hinc inde fibris infixæ hærent, & diversos ibi effectus producunt. Si profundius adacta fibras continuò pungant, dolores inde & pertinaces spasmi excitantur: muscoli autem ob pertinem hanc causam tam diu stricti manent, ut fibræ tandem & tendines obrigescant, velut à frigore hyberno; & morbus hic contractura Medicis audit. Cum autem spicula hæc alicubi subitò tam altè in nerveas adiguntur fibrillas, ut spirituum in partem influxus maximam partem prohibeatur, motus ibi, superstitæ aliquali adhuc sensu perit; decuplo enim plures pro motu, quàm pro sensu requiruntur spiritus: Paresis affectus hie nomine venit. Quid est Paresis? est interruptus spirituum in partem aliquam influxus, unde musculorum cum flacciditate oritur immobilitas, cum molestissimo subinde

formicationis sensu. Datur Paresis, ubi nullum colicæ adfuit vestigium; novi Nobilissimam Matronam, quæ intemperie sanguinis scorbutica, falsa, muriatica arthritica primò, dein paretica fuit facta. A calidis, acris & exiccantibus spicula hæc acuuntur, & altiùs adiguntur: à blandis autem, dulcibus & humectantibus solvuntur, & placidè in Massam Sanguineam retruduntur. Rem illustrat diversus, quem pruina edit, effectus, prout vel à Sole, vel à nebulis funditur.

2. Unde, seu à qua causa.

Evolvendæ hîc sunt præsentis morbi causæ, cum remotæ, tum proximæ. Proxima fuit *κομποσάσις*, seu tecum induratarum cum muco austero acido in coli cavitate stagnatio, maximè circa ejus flexuram, ubi tubus est angustissimus: hinc membranæ admodum sensiles irritantur, imò ob motum peristalticum, tum vehementiorem, non rarò adteruntur, & lacerantur. Quia autem feces circa coli flexuram, non ob situm tantum, sed angustiam, omninò ferè subsistunt; peristole autem magis magisque, ob laceratos spiritus desuper premit & urget, intestini tubus valdè infarcitur, dolorque ob continuum adtritum oritur acerbissimus, & ad desperationem ferè adigens. Malum autem plurimum auctum fuisse credo à sanguine falso, seroso & acri, inter coli tunicas geminam ob causam effuso, 1. propter distensionem, & continuos spasmos, spirituumque lacerationes; 2. ob concitatissimum totius Mæ. Sæ. motum; (hoc est constantissimum, in magno dolore, irâ aliisque affectibus ut spirituum motus fit major, sanguinis, & reliquorum humorum motum inde augeri) sic enim facile potuit fieri, ut tenue & falsum serum in loco, jam affecto, hæserit. Quæritur, cur scorbuticis, hypochondriacis & melancholicis alvus tam crebrò sit adstricta? Resp. Digestionem, seu ciborum in ventriculo solutionem fieri debere in humido quodam spirituoso, sicut fit eli-

xatio

xatio in culinis: in his autem cibi non blandè in chylum elixantur, sed assantur, & ab austero, acido vel nimis falso ventriculi & pancreatis succo velut in siccam & nigram scobem comburuntur, quæ facilè in durissima scybala glomeratur, & colon obstruit; mulierculæ nostræ non ineptè dicunt, *ist' Roth/* *salv. hon. sey verbrannt.* Causa tam colicæ, tum Pareseos antecedens fuit sanguinis, ut dixi scorbutica & falsa intemperies: causæ autem hujus, colicæ & Pareseos remotæ fuerant varii circa res non-naturales commissi errores. Æger, ut audiui, strenuus erat potator, cibos piperatos, falsos, carnesque fame induratas frequenter & largâ manu sumebat, & simul iræ plus nimium indulgebat: quid mirum, si paucus inde, at acris & falsus generatus est chylus, ex hoc talis sanguis; qui cum admodum spiritibus fuerit pauper, non nisi innumera in ægrum mala redundare potuerunt; omnes enim actiones, digestio imprimis, turbabantur, cibi que tantummodò arrodebantur; quæ aliter fieri posset, ubi blandi succi; & spirituum ad opus hoc summè necessariorum, adest penuria? Et sic malorum catena cohæret. Quia autem quavis in ira, non secus ac à dolore, animæ enim dolor est, sanguinis motus, modo in Disput. m. inaugur. tradito, multum intenditur, & ejus subinde particulæ adeò franguntur, ut phthisis inde sequatur, facilè est concipere, quòd tenuis hic & acris sanguis ex levi causâ in partem aliquam decumbere, spiculisque suis, infixâ ad instar spinæ, nervorum fibras pungere, & molestissima producere symptomata potis sit. Faciliorem & uberiores materiam morificam proventum promoverunt tum iter, quod æger brevi ante paroxysmum, tempestate pluviosa, turbulenta, suscepit; inde enim insensilis transpiratio, in ejusmodi intemperie summè necessaria, prohibebatur: tum vinum, quod plenis in itinere cyathis hausit austerum, horum, in hoc affectu semper sollicitè vitandum; ob asperas enim & crassas particulas facilè ciborum, non sufficienter coctorum, particulis adcrevit; cumque iis crassiora adhuc corpuscula consti-

tuit, quæ lactearum oscula ingredi nescia, magna in colo-
ria adgesta stagnabant, idq; ad se invicem accedentia obstrue-
bant, & sensiles admodum ipsius tunicas asperitate suâ irri-
tabant.

3. *Qualis fuerit morbus.*

Dicendum jam tertio, quibus hic morbus stipatus fuerit
symptomatis, & quomodo tum à causa morifica, tum à se
invicem dependeant. Morbus fuit dolorosa coli obstructio;
causa stercora dura, adusta, & mucus austerus acerbus, ab
his pendeat dolor, ab hoc reliquorum symptomatum con-
geries: sed res dilucidè magis est exponenda. Dolor fit, cum
spiritus alicubi, à qua causa, cumque id fiat, nihil refert, justò
vehementius moventur, irritantur, & molestè afficiuntur,
unde tristis admodum in mente excitatur idea, quæ voci cuida
alligatur, quam dolor appellare Latinis placuit. Hujus doloris
causa, fuit continua coli irritatio; unde? à fecibus adustis,
duris & acribus, in colo hærentibus, & ob concitatiorem pe-
ristolen ejus latera dolorosè fricantibus. Propter perpetuum
hunc dolorem natam fuisse inflammationem, nullus dubito,
quæ valdè eum fovit, & egregiè auxit. Antiquorum est de-
lirium, dolorem adtrahere humores: sed quare? quomodo?
unde? est illusio; ab infixa alicubi spina spiritus inordinate
admodum moventur, nervuli que dolorosè crispantur; un-
de, ob multiplicem nervorum consensum fibrarum oriuntur
spasmi, venarum pressiones, sanguinis in parte retenti stagna-
tio, quæ inflammatio audit. Non rarum, à paronychia to-
tum brachium dolere, & ob allatam modò causam inflamma-
ri. De Paresi plura dicere jam supersedeo, cum dixerim su-
prà, nec præsentis, sed dudum prægressi, morbi fuerit sym-
ptoma. Si chermæ aut Piperinæ, aut Badenses eam non cu-
rent, actum est. Jam accedendum ad alterius symptomatis
symptomata, doloris scilicet; ab hoc enim vel si maxime pro-
pter hunc reliqua oriebantur. Sed quomodo? Tenendum,

ut in Disput. m. inaugur. dixi, sanguinis in motu anomalas sæpè sæpiùs pendere à præternaturali spirituum motu; si est concitator, est & sanguinis, sin secùs. Inter cætera sympto-
mata primas tenebant, sitis molestissima, intensissimus totius corporis æstus, & convulsiones cum vigiliis: omnia certè soboles erant rapidissimi spirituum, &, propter hos, sanguinis motus. Sitim quod attinet, orta videtur propter rapidiorem acris & muriatici sanguinis motum; inde enim fieri potuit, ut copiosa salina spicula, sicut aliis in partibus, ita in lingue fauciumque membranis altè satis infixæ hæserint, quæ nerveas ibi fibrillas quodam modò commoverunt; sitificus autem iste motus, ad sensorium usque, si quod est, delatus, certam in mente doloris speciem excitavit, quam sitim appellamus. De mordaci corporis æstu eodem se res modò habet; si enim acris scorbuticorum sanguis ob aliquam causam solito move-
tur rapidiùs, ut movetur à levissima, contingit, ut turgens massa tam citò per angustissima vasorum oscula transire ne-
queat, tum ob parvam ibi moram vasorum tunicas, nerveasque partium fibras, aculeis suis leviter pungit, spiritusque incolas magis vel minùs exagitat, unde vel levis lenisque calor, vel magnus oritur æstus: hinc ratio patet, cur scorbutici, aliique quibus sanguis & acris, omnium incalescant citis-
simè. Si pars aliqua dolet, sanguini perindè est, ac si ollæ, aquâ plenæ, subderetur ignis; aqua ob subtilissima & summè mobilia ignis corpuscula, quæ non saltem cum ea se miscent, sed & crassiores ejus partes exagitant, ebullit & fervet: ita & sanguis, si nimis à spiritibus moveatur. Pulsus quoque magnus & frequens soboles erat convulsivi cordis motus; ob tantum enim dolorem, quantus hic fuit, spiritus sine legè & ordine per totum corpus disjiciuntur, & plus quàm naturalem aliquandiu vigorem motus organis inspirant. Sunt & quædam dicenda de vigiliis & convulsionibus, quæ eandem agnoscunt causam, auctiorem scil. spirituum motum. Vigiliarum causa ad oculum patet: Somnus fit, cum blanda &
pla-

placida spiritibus quies conceditur; sed in ægro nostro quomodo quiescere poterant, quibus nullæ concedebantur induciæ? semper enim stimulabantur, & in violentos motus concitabantur; sic impetuosè per motus sensuumque organa ruentes semper ea inflabant, in quo vigiliarum ratio consistit. Quod ad convulsiones res paulò videtur intricatior. In dolore fiunt saltem convulsivæ nervillorum crispationes in iis partibus, quæ dolent: si autem motus hic in longum & latum diffunditur, id verò fit in instante, dolor inde fit major, & partes vicinæ sæpissimè convelluntur. Hinc patet, in dolore convulsivum quoque, aut crispatorium potius, esse motum, at levem & unius saltem alteriusve fibræ. De motu convulsi, propriè sic dicti, propagatione res ita habere videtur. 1. Spiritus vehementer alicubi agitantur, & moleste afficiuntur. 2. Motus inde tremulus & nerveis fibrillis inducitur; hoc namque tenendum, motum spirituum, & eos continentium fibrarum, esse reciprocum, h. e. si commoventur spiritus, moventur & fibræ, & contrà. 3. Ope huius tremoris nervi quoque vicini pari modò moventur, cumque nervis spiritus. 4. Si tremor hic tam sit vehemens, ut ad cerebrum usque propagari, & tenerrimas ejus fibrillas concutere possit, ut fit in epilepsia per *συμπάθειαν*, quicquid spirituum adest, magnâ vi exploditur. Cùm itaque spiritus ita copiosè & impetuosè per vasa sua nervos ruunt, non solum nerveas fibrillas, in musculis frequentissimas, admodum inflant, sed sanguinem, valdè simul exagitant. Spiritus enim violenter adeò moti per nervulorum extrema elabuntur, seque sanguini & reliquis humoribus miscent: quia autem constant, particulis summè mobilibus, eos fundunt, scil. eorum partes confringendo; hinc non ineptè dolores dicuntur humores reddere acriores; hæc quoque est causâ, cur à doloribus vires adeò atterantur. Sanguis ita rapidè motus, inque musculos delatus, fibras spasmodicè jam affectas magis adhuc irritat: hæc autem arctius se stringentes, venulas premunt, unde

unde ob stagnantem sanguinem musculus fit tumidior, brevior, partem adpensam secum trahit, rem illustrat penis erectio. Hæc in genere de convulsionibus dicta, nullò negotiò ad ægrum nostrum referre licet: dicendo, nervos coli, ubi fuit focus & locus morbi, adeò tum in fecibus duris, tum à sanguine acri, seroso, intra tunicas ejus stagnante, fuisse laceratos, ut, ob violentissimum iis spirituum motum, totum nervosum systema concussum, partesque tum locò affectò vicinæ, tum ab eo remotissimæ, magis tamen & violentius illæ præ his, fuerint convulsæ. Maximè dolor sæviebat in abdominis viscera, colon, ileique partem, peritonæum cum adhærentibus musculis non fuit immune, magnò enim conatu introrsum fuere retracti: atrociter imprimis convellebatur mesocolon & mesenterium; his convulsis, ordinariò intestina intricantur, & ferè confunduntur, ut in volvulo: si enim ejus fibræ versus centrum retrahuntur, fieri aliter nequit, quin intestina limbum ejus cingentia mirè convolvantur, non secùs, ac si marsupii os funiculò contrahitur; imò & ipse æger conglomerata intestina in sinistra hypochondria detrudi sentiebat. Denique & æger expertus est symptoma, quod modò describitò videtur quidem contrarium, ferè tamen est idem, & ab eadem causâ. Symptoma fuere borborygmi & abdominis inflatio: res autem ita se habere videtur. Motus peristalticus alicubi fit concitator (semper enim, ubi flatus adsunt, spasmi præcedunt) aëremque, in intestinorum cavo contentum, mucò involutum velociter secum rapit, non secùs ac si quis strictâ manu intestina aëre plena premeret: si autem intestinorum tubus ob spasmodicam stricturam aliquò in loco est arctus, (fieri enim potest, ut systole diversis in locis incipiat) tum deorsum volutus, perque has angustias bullarum sub forma trusus, ruptis bullis stridulum quoddam murmur edit; non secùs ac subindè fit in difficili respiratione. Intestina autem ita inflantur; fit interdum, ut, dum fibræ eorum rotundæ, ut & vicinæ mesenterii spasmodi-

dice undique afficiuntur, qualibet earum partes summo cum dolore, fibrarumque & spirituum laceratione à centro suo resiliant, æque ac cum parvus & arctus hominum circulus in longiorem se expandit: simul autem aëris bullæ, muco obductæ, subito, veluti in antlia pneumatica expanduntur, ruptæque borborygmus scorbuticis & hypochondriacis familiares excitant; eorum venter continuo fere mugit, &, ob frequentes intestinorum inflationes, intumescit. Incumbentia autem abdomini pondera, quatenus dolorosas has fibrarum à centro digressiones impediunt, dolorem tantisper levabant; sed inde æger vomuit, ob inversam *περιστάσην*. Iliaci stercus nunquam vomerent, utut intestina dolerent, nisi motus eorum peristalticus inverteretur: invertitur autem cum ad modum est concitatus, at in medio itinere in aliquod obstaculum impingit, ut pergere nequeat; id quod fit multo repleta stercore sint intestina, aut alicubi constri-
cti. Quid motus convulsivus, si quid ejus torrenti obster, valeat, expertus novi; cum enim aliquando manu sinistra tremorem, & tremorem cohibiturus, digitos extendere manu altera conarer, ea subito motus invertitur, aura, ut dicunt, frigida caput petit, & ego instar epileptici concidi.

4. Quomodo fuerit curatus.

Ultimum, de quo dicenda quædam habeo, est morbi hujus cura. In quovis morbo probe considerata sunt duo, materiale & formale. Materiale est id, cui vitium inhaeret, formale autem ipsum vitium, quod inhaeret. Materiale illud vel facit ad corporis constitutionem vel non: Si ad eam pertinet, sui semper conservationem postulat; si non, ablationem: formale autem nunquam non sui per contrariam correctionem desiderat. Et hoc est fundamentum methodi medendi, & medicinæ cardo. Sic in plethora considerantur duo; Materiale, seu id, cui morbus inest, sanguis; qui
cum

cum sit pars corporis, sui in eo conservationem postulat: alterum formale, sive ipsum vitium, quod sanguini adest, abundantia; quæ indicat depletionem. In affectu nostro itidem ad duo erat attendendum; Materiale, quod fuere feces; quæ cum sint res, ad corporis integrationem non necessaria, sui è corpore excretionem indicabant: formale fuit fecum durities, quæ emolliitionem flagitabat. Symptomata ita, tum mediate tum immediate à morbi causa pendebant, ut satis iis facere fuisset supervacaneum; illa enim remota, sponte hæc evanuerunt. Et sic habebantur remedia, feces emollientia & evacuantia: hæc autem præter rationis entia nihil sunt, si materia medica, ad obtinendos hos scopos necessaria, nesciatur. Quomodo sciatur, nisi circumstantiæ eam determinent? Determinant autem circumstantiæ & materiam ipsam, & rectam, ea utendi, rationem: quæ materiam medicam determinabat, fuit ipsa materia morbifica, ejusque affectiones; quæ autem rectum usum, fuere ægri temperamentum, locus affectus &c. illa determinabat medicamenti qualitatem, quantitatem, & formam; hæc opportunitatem, locum & ordinem. Hæc qui nescit, infans est in arte, & *apud deos*. Quale igitur indicabatur medicamentum? proprium, seu tale, quod feces induratas solvere, & è corpore exterminare posset; feces aliud requirunt menstruum, quàm calculus, aut aliud quid p. n. durum. Ab initio statim rei videbantur accommodæ plantæ, ita dictæ, emollientes, carminativæ, cum tabaci foliis; ab his, utpote quæ partes habent alias flexiles, alias auctiores & stimulant, plurimum sperabatur auxilii. Quantum postulabatur medicamentum? sufficiens; si non una, repetitis tamen vicibus. Formam quod concernit, feces duræ, solidæ requirebant fluidum quid. Cur? quia feces in plures ante minores confringi debebant partes, quàm poterant excerni. Omnia dura, cum in minores partes confringuntur, vel funduntur, vel contunduntur: feces contundere in intestinis erat impossibile.

bile, debebant ergò fundi, non igne, sed fluidis, idem, quod ignis, præstantibus; eorum nempe particulae tenues, mobiles facile durarum sese fecum poris, admodum laxis inferunt, earumque partes male ligatas, ipsarum interstitia subeundo, à se invicem divellunt. Triplex adhuc agitabatur quaestio, quo tempore, cuinam parti, & quo ordine adhibenda essent indicata medicamenta. Cum materia morbifica eodem modo, & semper, affligeret, quodvis tempus videbatur opportunum, quo enim citius, & melius; nec electioni datur locus, nisi ubi materia hodie aliter, aliter cras moveretur, ut in febribus intermittentibus, ciendis mensibus &c. Quærebatur porro, cuinam parti applicanda essent medicamina; an foris, an intus, an per superius, an inferius guttur: litem dirimebat pars affecta, ad quam ab utroque gutture aditus patebat; indicabatur itaque, utrinque esse agendum; per superius quidem danda talia, quæ novæ materiae proventum prohibeant, malum austerum, acidum in ventriculo & intestinis solvendo, & edulcorando, totumque sanguinem corrigendo, & simul coli tubam infarciennes feces, ejusdem membranas mundantem sanguinem solverent; per inferius autem emollientia, feces duras fundentia, & coli peristolen excitantia. Cum itaque per os & anum materiam morbificam aggredi licuit, quærebatur, quinam servandus ordo, quæque ineunda esse via. R. brevissima, tutissima, per anum, clysmatibus. Licet prius superior fecum pars fuisset soluta, excerni tamen nequivisset; obstitisset enim inferior nondum soluta. Quo igitur duræ feces melius, & ab utraque parte solverentur, injectus primo fuit clyster, ex emollientibus, incidentibus; data quoque fuit mixtura, quæ mucum acidum austerum corrigeret, fecum portet, ronderet, & spirituum ferociam reprimeret: at frustra utrumque, neutrum enim affectam partem attigit; clyster, ob crebras coli rectique spasmos, brevi sine foenore fuit excretus; Mixtura media pars, ob inversum ventriculi motum, vomitu fuit rejecta,

jecta, reliqua non sufficiebat. Quia autem eadem semper indicationes urgebant, iisdem quoque indicatis satis eis fuit faciendum: πάντα καὶ λόγον ποίοντι, μήδε καὶ λόγον ὑγιόμενον, εἰ δὴ μεταβαίνειν ἐξ ἑτέρου ἐπ' ἕτερον, μένοντες τὰ δόξαντες ἀπ' ἀρχῆς. Dabatur pro juvanda fecum solutione hordei decoctum cum apii succo; dabatur & Sal Tartari cum potu ordinario eundem in finem, sed incassum. Sub vespream infundebatur iterum clyster; repetebatur mixtura modo dicta, sed irritato conatu; quicquid enim fluidi mixturæ inerat, ante per lacteas resorbebatur in sanguinem, quam per tot mæandros & gyros affectam partem attingeret; nec clyster eo potuit usque pervenire. Nilominus verissimum est Hippocr. effatum, πάντα καὶ λόγον & quare D. xxx. Novembr. propinabatur ægro infusum, ἐκκορητικόν, sed ne hilum profuit, maximam enim partem revomuit. Interim feces magis indurabantur, dolores intendebantur, constipatio fiebat pertinacior, ventriculi que nervuli, ob crebras succussiones, teneri adeo evasere & sensiles, ut à levissima irritarentur causa. Hinc & ægro licet egregie siticuloso, ab omni potu erat abstinendum, nisi molestissimos ventriculi spasmos vellet experiri. Quo autem dolores hi mitigarentur, ægerque bibere iterum posset, dabantur pilulæ antispasmodicæ, anodynæ, quæ ferocientium spirituum motum sufflaminent, à quibus paulò meliùs habuit; at non diu, sub noctem dolores recrudere. Injicitur iterum clyster, ex emollientibus, paregoricis antispasmodicis, & quidem cum syringa, ut ulterius eat. Sed quoniam, ipsius ægri testimonio, clysteres hæcenus ad affectum usque locum non pertigere, aut siquid pertigit, leviter saltem fecum superficiem alluit, nec eas pervalit; quare D. i. Decembr. invertendus videbatur. medicamentorum ordo, & tentandum, quo pacto feces, ab infra insolubiles, desuper potissimum solvi possint. Huic rei accommoda videbatur materia quædam fluida, quæ nec

lactearum oscula subire, ne vomitu rejici posset; talis aestimabatur Mercurius vivus. Ejus ergo dabantur. ℥iv. cum Syrup. Violar. horæ quadrante post iterum infunditur clyster; neque tamen ab uno, nec ab altero æger dejecit; verum dolores aliquantum mitigantur. *At τοῖσι πλεονεχέσι λόγοις καὶ φάρμακον ἐκεῖ πεισθέντι;* proin dabatur mixtura, materiam morbificam corrigendo, & temperando, anodyna: quæ quidem acidum tenacemque ventriculi & intestinorum mucum incidit, & mitigavit; cum autem in sanguinem prius per lacteas transiret, quam partem præcipuæ affectam attingeret, impedire non potuit, quin dolor postridie, quæ fuit 2. Decembr. recrudesceret. Eodem datur per superiora blandum laxans, & intestina modice stimulans, simul & duras feces solvens, per inferiora propinatur clyster; neutrum revomuit æger; illud tamen, ut omnia, hætenus per os exhibita, nil fere egit, hic autem inferiorem fecum, præ siccitate jam hiscentium, partem subingressus, eam, velut in granula formatum, extra corpus secum rapuit. Si laxans quid egisset, supremam fecum partem cum Mercurio dejecisset; dejecisse autem inferiorem, ex subsequuto, quatrinduo post, Mercurio, & fecum reliquiis patet. Quia autem maxima fecum pars in colo adhuc hærebat, dolores parum à terna defectione fuere mitigati. Datur iterum mixtura ex lubricantibus, paregoricis & suaviter lementibus, & alia itidem ex demulcentibus & anodynis; illa unica vice sumenda, hæc repetitis & cochlearitim. Externe inunguntur, quæ blandis & rotundis suis particulis irritatas abdominis & intestinorum fibras demulcerent, & doloris sensum obtunderent. Quibus medicamentis id obtentum fuit, ut æger D. 3. Decembr. magis esset tranquillus: nec tamen dormivit, nec dejecit; eadem repetuntur medicamenta. Sub vesperam, furente iterum dolore, datur emulsio anodyna, & clyster ejusdem naturæ, & si-

& simul incidens : ac spiritus longe vehementius agitabantur , quam , ut eorum motus aut potius furor , ab hisce potuerit sufflaminari. D. 4. Decembr. Spiritus laceffiti , & propter eos sanguis , tam enormiter movebantur & distrahebantur , ut reliqui spiritus corpori sustinendo , & artubus movendis fere essent impares ; Unde lassitudo illa , quæ ob sanguinem acrem , si violentius justo moveatur , extra vasa sua effusum , & nerveas fibrillas pungentem , dicitur ulcerosa , scorbuticis admodum familiaris. Nec emanare convulsiones , ob rationem supra datam. Non dejecit æger , & horrendum in modum sitit. Pro spirituum refo-cillatione in usum vocatur mixtura fragrans , aromatica. Cum unctione pergitur : omnia ne hilum quidem profecere. Vespero , quo tempore communiter morbi , ob impeditam aliquantum transpirationem , exacerbantur , atrocius , quam hactenus , affligebant ; unde pulsus maximus , & motus convulsivi. Injicitur iterum clyster , qui tamen , absque fœnore fuit rejectus. Cochleatim propinatur mixtura ex fragrantibus aquis cum acido granator. syrupo , pulverib. acidi vires egregie aliàs invertentib. & anodynâ opii tinctura : sed tantus fuit spirituum furor tantaque materiæ morbificæ pertinacia , ut medicamenta non magis prodes-sent , ac si lapidi fuissent superfusa ; omnia in pejus semper ruebant. D. 5. Decembr. morbus est in vigore , & dolores sunt intolerabiles ; moveri enim materia morbifica cœ-pit. Ob spiritus summe furibundos totus intestinorum tu-bus , à gulæ extremo ad anum usque , adeo constringeba-tur , ut nec feces , nec flatus , nec ructus emitti , eibus au-tem potiusque non nisi magno cum labore & difficultate possent admitti ; ob eandem hanc stricturam feces aliquan-tum , sed intolerabili eum dolore , promovebantur versus rectum. Ob rationem , supra allatam , convulsiones quo-que ingruunt frequentiores. At interim à restagnante in
inte-

intestinis Mercurio plurimæ particulæ in sanguinis massam transferunt, quæ, utpote summè, ob rotunditatem, mobiles, tam serum ejus fundendo, quam oris glandularum ductus nimis referando, copiosam satis ægro salivam moverunt. Non autem oris tantum, sed & intestinorum glandulas Mercurii vim expertas fuisse, testantur 1. mucus copiosus postea cum scybalis excretus; 2. insequens tenemus. Iterum infunditur hesternus clyster, cum stimulo, salis scilicet polychresti ʒss. ordinatur & mixtura, spirituum penuriæ consulens, ex spirituosiss, volatilibus, anodynis. Tandem, favente Deo, pertinacissimus hic morbus solvebatur; at unde? An à mixtura? An à clysmate? A neutro penitus: Unde igitur? an à Mercurii pondere? nec ab hoc; æque enim ab initio grave fuerat, quam nunc, imo gravius. Unde tandem? Utinam Autores ad juvantia melius attendissent, eorumque historiam accuratorem scripsissent, nec statim dicerent, est post hoc, E. ab hoc. Quod Mercurii ponderi tribuitur, potiori jure aliquando, non dico semper, tribui debere videtur ejus vi serum fundendi, & obstructos glandularum poros recludendi; sic enim plurimum feri in oris & intestinorum glandulis à sanguine sequestratur, & feces tum à copiosa deglutita saliva, tum à tenuiori, ex intestinorum, pancreatis, & forsan jecoris glandulis emulcto sero commodius, quam ab ullo clysmate solvi possunt: quod & hic accidisse pro comperto habeo. D. 6. Decembr. æger satis jam bene sibi esse dixit, & retulit se hesternæ vespere aliquoties scybala, in lapidem fere indurata, & muco tenaciori involuta cum Mercurii portione dejecisse, unde dolores remiserunt, & nihil non commodi in ægrum redundavit. Sedabatur sitis, redibat appetitus, cessabat dolor, sed vires, ob continuas hactenus spirituum dispendia, admodum erant attritæ; brevi tamen sperabantur redituræ. Conqueritur adhuc æger de tenesmo

nesmo, & salivæ abundantia, ab eadem utrumque causa, à Mercurio scil. sanguini mixto. Pro acriusculo recti intestini muco injicitur clyisma abstergens, & acridinem temperans. Tandem boni est Medici, devicto morbo commodam victus rationem præscribere ægro, ut, si fieri possit, bis ad eundem scopulum non allidat. Medici huic suaserunt, & quidem optime, diætam, scorbuticæ & muriaticæ sanguinis intemperiei adversam: prohibent omnes cibos duros, nimium salso, omnia muria condita, vinum horum, austerum cane pejus & angue vitare jubent, ut & acrem frigidum, nec minus iram, in hac intemperie nunquam innocuam. Quo autem tutius iretur, zur Fürsorg dicunt nostrates, continuabatur hesternæ mixturæ usus, proque exturbandis fecum & Mercurii, si quæ in coli cellulis adessent, reliquiis dabatur purgans, ex Syrup. de cichor. c. rhab. & Scammon. sulphurat. à quo decies dejecit, & quicquid restitabat, excrevit: quædam autem Mercurii portiunculæ videbantur corrosæ, seu mortuæ, non à fecibus, sed saliva, deglutita, & sero acriusculo, quod intestinorum glandulæ satis stillabant copiosum. Sic symptomata ad unum remissere omnia, & vires redierunt, quibus redeuntibus, integre æger convaleuit.

[D. Joh. Conradus Ammannus.]



OBSERVATIO CCXXXII.

D. THEODORI ZWINGERI.

Cordis Palpitatio diuturna à Polypis in utroque cordis ventriculo enatis producta, lethalis.

Puella tredecennis, ingeniò prædita felici, judicioque pro ætatis ratione admodum eximio, staturâ decenti, nata Parente hæmorrhagiis narium frequentibus obnoxio, tandem hecticâ febris Juvenis adhuc prorsus exanimato, probè nutrita, & educata; à primo ortu aliqualem cordis palpitationem, cui & Mater, & Avia Materna adhuc dum viventes obnoxie existunt, patiebatur; vivebat interim alacris, nutriebatur, augebatur rectè. Fratres habuit duos hecticâ cum palpitatione consumptos. Ad annum surgens ætatis quintum, narium hæmorrhagiâ primùm correpta est; quæ deinceps subindè rediit, sæpèque cum virium notabili prostratione. Patre hinc è vivis excedente res coepit esse angusta domi, curtaque supellex, Diæta, quæ lautior atque laudabilior hætenus fuit, tum fiebat deterior: salica, fumò indurata, olera hortensia similiaque in deliciis habere oportebat. Tum verò frequentius urgere coepit prædicta. Hæmorrhagia palpitatioque augeri. Ad Hæmorrhagiam itaque & sistendam & præcavendam, nescio quò consilio, iis utebantur, quæ sanguinem inviscare & incrassare poterant: Quibus equidem id præstitum, ut nec ita frequenter recurreret, nec ita larga amplius esset. Sed postmodum incipiebat puella quandoque dyspnœâ vexari, majorique cordis palpitatio: non curabant tamen hæc, quoniam brevi semper remittebant, si non ex toto, saltem ex majori parte, symptomata. Inter hæc Buccarum color hætenus roseus, sensim lividè rubicundus evadebat, quò licet subindè magis

magis naturalis redditus sit, semper tamen redibat, præp-
mis ubi cordis palpitatio cum aliquali respirationis difficul-
te urgeret: tandem color ille lividus immutabilis fiebat. Quò
notatò, Mater & Propinqui jam non internam corporis la-
bem attendere, sed unicè buccarum tristi colori medelam quæ-
rere tentabant, undique fuscitantes, conquirerentes remedia
istic malo profligando idonea, quæ dum, nullâ observatâ re-
ctè medendi ratione, in usum studiosè vocarent, externè im-
primis applicata, origo interim & causâ singulorum sympto-
matum profundiores in corpore radices egit, deinceps, uti
in sequentibus patebit, inextirpabiles. Etenim ante bien-
nium, & quod excurrit, cum primùm puella ad me adduce-
retur, ut consiliò juvarem meò, observavi quidem, eam sa-
tis benè quoad habitum corporis se habentem; appetitus erat
bonus, nulla lassitudo eam affligebat, sed de tribus potissi-
mùm conquerebatur, de palpitatione cordis, de respirandi
difficultate, & de hæmorrhagiis iterum recurrentibus. Livo-
rem buccarum horrebant propinqui, ipsamet facta est, se in-
de nihil incommodi sentire. Pulsus verò explorans, de-
prehendi justò celeriores imò hæcticum; & licèt vegeta satis
erat, retulit tamen, se scalas ascendendo majorem respirandi
difficultatem persentiscere, cum aliquali lassitudine, & auctâ
cordis palpitatione; sitis urgebat nulla, nulla molestabat tussis,
tabescere tamen aliquantillum videbatur. Urina satura-
tiori justò colore, cum sedimento nonnunquam crassiore.
Quibus singulis ad animum revocatis, cogitavi, atque auda-
cter pronunciavi, quendam in thorace harere defectum, qui
vasa ibidem coarctando efficiat, quò minùs sanguis promptè
è jugularibus descendere, & per cor transire queat: adesse
simul aliquid, quod palpitationem cordis inducat, quod fre-
quenter soleat esse polypus, sive serum aliquod in vasis cor
subingrediuntibus concretum. Buccas rubicundas, ac livi-
das non nisi à tardiore circulatione, lentòque nimis decursu
sanguinis in venas subclavias provenire, atque inde quoque

hæmorrhagias narium originem suam trahere, vasculis narium, à sanguinis tardius fluentis copiâ dissilientibus; persuasi simul mihi, respirandi difficultatem non nisi vesiculis pulmonum undecunque coarctatis ortum debere: cum quibus certè symptomatibus singulis non potest non evadere pulsus hæcticus. Præscripta tum varia remedia, quibus sperabatur sanguinis ac feri visciditas attenuari, emendari & volatilisari ex *Succis Plantarum antescorbuticarum, Pulveribus Radic. Ireos, Aronis, Helenii, Diaphor. Jovialis, Oculor. Cancr. Spiritibus volatilibus Oleosis*, prout sunt *Sal volatile Oleosum Sylvii, Spiritus Salis Armoniaci Anisatus*, aliiq̃ue; quibus nihil efficientibus *Tinctura Martis Aperitiva, Tinctura Antimoni, Tinctura Salis, Antiphthifica Garmani*, pluraq̃ue alia in usum vocata fuerunt, donec ejusmodi remediorum diligenti usu malum inducias per plusculum tempus egit: sed rediit tamen semper deterius; & cum symptomatum hætenus enarratorum majori ferociâ: unica narium hæmorrhagia in totum cessavit. Æstate præteritâ, cùm mala de novo urgerent, cordis nimirum palpitatio, tantùm non continua, asthma frequens, imprimis ubi scalæ fuerunt ascendendæ, pulsus celer, sitis vespertina, sudores matutini, buccarum lividus rubor, & tantilla inflatio, atque macies corporis incipiens; cum appetitu intereâ, & viribus utcunque constantibus, propinqui acidularum usum proposuerunt, varia, pro sollicitæ plebis more, exempla adducentes eorum, quibus in simili casu hoc remedii genus, quàm optimè conduxerit. Ego pejora quæq̃ue in puellâ metuens, dum nullum viderâ à generosis remediis, viscida resolvere potentibus, successum mihi equidem persuadere nesciverâ meliorè frigidarû acidularum effectum; interim urgentibus mulierculis tandem dixi, in desperatis casibus, quandoque dubia remedia inveniri optima; me hætenus unicè laborâsse in lentore feri sanguinei resolvendo, & pituitâ, si quæ alicubi hæreret à sanguine separatâ, glandulasve obstruente, aut vasa angustante volatilisandâ.

landâ. Hoc si obtineri posse crederent ab acidularum potu, me non contradicendum remedii ancipitis usui. Quô dictô, aquas illas, nescio an mediam partem corruptas Juvenulæ hauriendas obtulerant, quæ sitibunda, easdem avidè satis bibit, indeque sæpiùs levamen persensit, imprimis cum per urinas promptè secederent. Etiam post absolutum illarum potum aliquandiu, utcunque benè vixerat. Mense autem Januario An. 1688. de lassitudine conqueri cœpit, incrementumque dispnoeæ cum palpitatione cordis, nunc intensiore nunc remissione: Lecto hinc brevî se alligare cogeatur; Tum ego vocatus deprehendi misellam in deplorando satis statu, nulum prævidens remedium, singulis in illâ malis debellandis idoneum. Extremi pedes intumescabant, abdomen jam ab aliquo tempore, insciâ matre fuit tumidum & tensum, subindè dolorem, cum anxietate præcordiorum excitans. Sitis non erat intensâ: Pulsus febrilis, hæcticus: Alvus segnis, urinæ crassæ cum sedimento albo farinaceo, copioso, earum quantitas fermè respondebat liquoribus assumptis: Appetitus constabat utcunque: Sudor, qui hætenus noctu frequens fuit, jam nullus erumpit, nisi ab anxietate, quis protrudatur. Frigus extremorum frequens est; somnus parvus: Inquietudines crebræ: interdum respiratio ita redditur difficilis, ut non nisi erecta lectô insidere queat, multoties conqueritur de dolore aliquo lateris dextri punctoriô; cui eidem lateri benè incumbere potest, sinistro autem minùs commodè, quoniam respirationem hinc magis offensam clamat. Tussis nec hætenus afflixit Ægram, nec etiamnum molesta est: Livida buccarum rubedo continua notatur, & sæpè cum earundem tantillâ intumescentiâ, sanguinis stagnantis vel ob tardio rem ejus decursum vasa magis distendentis indicio, neque tamen narium hæmorrhagia ampliùs urget. Dum hinc inde corpus Ægra movet, dicit, se nullum in abdomine pondus de latere in latus prolabens, neque etiam aquarum in eo fluctuantium murmura observare. Mater, Propinqui, Misellam ob egre-

gias animi dotes, mirò amore prosequentes, operam meam sollicitè implorant, rogantes, nihil intermittam eorum, quibus Numine coelesti adjuvante ac benedicente, Aegræ sanitatem pristinam restitui posse arbitrarer. Tum ego ex plurimis signis massæ sanguineæ discrasiam lentam, seriçue visceri glandulis lymphaticisçue vasis hinc inde stagnantis, fortè & in pectoris, abdominisçue cava extravasati copiam cognoscens, incertam sanitatis futuræ spem, dubiumçue morbi eventum prædixi, operam tamen & fidelem & diligentem in puellâ restituendâ pollicitus. Curationem verò orditus sum à Pulvere Mercurii dulcis cum aliquot Scammonii granis ac Olei destillati Anisi guttula; à quo vicibus purgata nonnullis levamen persensit; Mixturam simul cordialem per cochlearia frequentius sumendam præscripsi ex Aquis Diureticis, cum Syrup. Cochlear. atq; Spiritu Aperitivo Penoti. Purgans illud Mercuriale aliquoties reiterari curavi, Pulverem simul ex Diaph. Martial. Lapid. Cancror. Pulvere Hepatica Fontanae atq; Asellis; preparat. ut & Decoctum Diuretico-Catharticum, ordinavi; Mixturis Cordialibus haud intermisissis. Tentavi omnia, singula incassum; etiam si enim symptomata subindè remittentia spem salutis aliqualem excitarent, redierunt tamen semper pejora; tandem enim tumor pedum altius assurgere, augeri, & lumbos simul occupare, respiratioçue hinc sensim ac sensim magis offendi cœpit: tandem aurorâ appropinquante diei 11. Febr. An. 1688. è vivis placidè excessit. Cadaver sub vespeream ejusdem diei, cultro anatomico fuit subiectum, presentibus Viris Juvenibus Nobilib. Experientiss. atque Clariss. Dn. Johanne Conrado Amanno, Medic. Doctor. Scaphus. & Johanne Hofero, Mülhusino, Med. Cand. Commensalibus meis suavissimis. Externa ejusdem facies statim nobis pandit corpus totum flaccidum, minimè rigidum, abdomen intumefactum & tensum, cujus involucria cum cultro trajicerem, feri intercutanei aliqualis apparuit quantitas, pinguedo nulla, ulterius adigendo instrumentum singulasçue membranas in abdo-

abdominis usque cavum dividendo, musculos ejus tenues satis, peritonæum verò crassiusculum deprehendimus, divisiss hinc per crucem integumentis singulis, statim intestina maximoperè inflata proruperunt, quibus flatibus simul ipse ventriculus aliàs penè vacuus in molem naturali majorem distensus comparuit. Omenti pinguedinem tantùm non omni ex parte consumptam, reliquam verò ejus portionem membranaceam, mirè corrugatam vidimus. Mesenterium plures glandulas, sed eas tamen non adeò magnas, nec adeò induratas adhuc habuit. Ad latera cùm vel leviter declinarem us intestina, abdominis cavum lustraturi, animadvertimus seri limpidi extravasati copiam emanantem, cujus tamen quantitas vix excessit quatuor librarum pondus: hisce evacuatis viscera contemplati sumus, in quibus renes, vesicam, uterum, testes, aliæque in naturali constitutione invenimus: Hepar solum magnitudinem & molem naturalem longè excedebat, quin & soliditas sive durities ipsius major, ob glandularum manifestam infarctionem satis evidens erat. Thoracem aperientes comperimus dextram ejus cavitatem sero extravasato repletam, libras pondere plures æquantem; pulmo ejusdem lateris justò major, lividus & inflammatus extitit, in quo sufficientem causam habuimus, partim doloris illius in dextro latere, de quo vivens Misella sæpiùs est conquesta, partim quòd sinistro lateri, absque offensione respirationis, incumbere haud potuerit, aquis nimirum istis sinistrum latustum prementibus. Sinister pulmo sine labe extitit, neque sinistra hæc thoracis cavitas vel unicam seri extravasati guttulam continuit. Cordis autem figuram planè irregularem mirati sumus; totum enim cor, quantum possibile, sinistram in cavitatem pectoris detrusum jacebat, dextrâ auriculâ mirè expansâ & spatiosâ comparente, cujus cavitas ventriculo cordis ad quem viam pandit, amplior existeret. Pericardio, cujus membrana justò crassior fuit, aperto, seri iterum libra ad minimum effluxit. Incisâ hinc dextrâ auriculâ fluidus
primùm

primum emanavit sanguis, portio major coagulata ibidem hæsit; sub quo crus polypi cujusdam delitescibat, qui polypus, ex sero viscido, & in massam tenacem congelato constans, mediam dextri ventriculi cavitatem implebat, & auriculam transeundo in Arteriam pulmonicam ejusque ramos, exporrectis pedibus, profundè decurrebat, pedes simul varios intra columnas citius ventriculi carneas inferebat, ibidem tenaciter adhærens. Sinistrum postea ventriculum detegendo, sanguinis exiguam quantitatem invenimus, minus coagulatam; sed simul apparuit polypus latus & spissus, pluribus pedibus retrò columnas carneas enatus, polliciaris latitudinis simul & crassitie, qui ventriculum excedens, per auriculam sinistram, naturali magnitudine & figura apparentem, in Arteriam Aortam & Carotidem, ejusdemque ramos complures multiplicatis pedibus expandebatur. Præter hæc nihil notatu digni animadvertentes, cadaver suo loco reposuimus.

OBSERVATIO CCXXXIII.

D. THEODORI ZWINGERI.

Caries maxillæ superioris extrusum dentem subsequuta.

FAber Ferrarius, Episcopi Basiliensis subditus, annum ætatis quadragesimum nondum super gressus, cholericus, victu pro ruricularum consuetudine utens crassiore, cibus imprimis saginatus muriaticis, ante biennium, & si quid excurrit, gravi dentium affligebatur dolore: non curabat malum, quantumcunque frequens erat, ob cariosos dentes: sed adeò tandem intendebantur cruciatûs, ut impatiens ad Chirurgum properaret, qui sibi dolentem maxime extruderet dentem. Dictum factum, seque hinc ab horrendis cruciatibus utcunque liberatum sensit Faber: Verum,
ut

ut negligebat inflitum inde vulnus, inflammatio sensim oborta, quæ maxillam occupabat dextram, & tandem in abscessum transibat, eminentiore loco prope os jugale ruptum, sanienque non adeo probam reddentem. Curavit tum ulcus, qui ruri veterinariam misere exercebat, sed ita certe curavit, ut sanies acrior indies reddita cuniculos ageret, tandemque & ipsa ossa spongiosa arroderet. Tum vero & ingens foetor ex ulcere expirare coepit, indies magis magisque acutus, adeo ut uxor reliquique domestici eundem ulterius tolerare nescientes, ægri præsentiam, quantum possent, vitarent. Non obstante hoc per plures adhuc hebdomadas sub manibus imperiti Agyrtæ versabatur, quo quidem tempore aliquot corrupti ossis frustula nigricantia ex ulcere prodibant. Verum carie indies serpente, foetoreque acuto magis, quam minuto, in urbem venit nostram, Medici simul & exercitati Chirurghi remedia experturus: consultus tum ego sinuosum offendi ulcus, ab osse jugali ad dentium anteriorum radices pertingente; Labia ulceris erant callosa, pluribus in locis stylus intrusus ad ossa allidebat; dentes ejusdem lateris anteriores vacillabant singuli; gingiva circa eosdem laxa, livida, corrupta, aliquam etiam parte perforata, stylum in ulceris cavitatem majorem admittebat; Sanies, quæ inde emanavit, larga satis, liquida, nigricans & foetida exitit, quæ tum per gingivam, tum per foramen callosum ponere os jugale, tum etiam per sinum peculiarem in dextram narem sub cute penetrantem prodivit. Verbo: Fistula fuit cum maxillæ superioris carie, cum dolore nunc remissione, nunc intensiore, aliquando nullo. Pulsus naturali similis; constabat appetitus sine urgente siti; nulli sudores nocturni corpus emaciabant; Urinæ sine ardore profluebant citrinæ, claræ, nonnunquam sine sedimento, quandoque cum sedimento albo, viscido, paucis; perpendens hæc singula, ante omnia purgandum arbitrabar, quo ventriculus, & intestina à cruditatibus superfluis liberarentur, quem in

finem *Extractum Catholicum* atque *Helleborinum*, cum *Mercurio dulci* in pilulas concinnandum præscribendam, cujus effectum feliciter succedente ad externa simul & interna alia remedia pergendum esse censeui, quibus & *Massæ sanguineæ* & ipsius fistulosi ulceris particulæ acido acres absorberentur, & quam optimè corrigerentur, quò minus acutis suis spiculis vicinas partes amplius, erodere & discerpere possent. Internè quidem decoctum *Traumaticum* ad plures usque hebdomadas matutinis simul & vespertinis horis bibendum suasi, non oblitus *Diaphoretici Jovialis* cum *Antimonio Diaphoretico Corallis* & *Sacchari Saturni* cantillo, in pulveres bis quotidie sumendos, redacti, singulis simul septimanis purgans *Mercuriale* reiteravi; Diæta imperata est laudabilis. Externè vero primum dentes maxillæ superioris in affecto latere singulos evelli curavi, jam carie erosos; hinc ulceris cavitatem plumaleolis pulvere *Euphorbii* atque *Caryophyllorum* conspersis implebam mane ac vespere quotidie, superimponendo labiis fistulæ digestivum ex *Melle Rosaceo* cum *Myrrhâ*, *Aloë*, *Euphorbio*, *Alumine* & *Terebinth. Vitello Ovi* solut. Turundas quoque foramini, juxta dentes evulsos dilatando, immitti solitas hoc digestivo inunxi; *Sticticum Crollii Emplastrum* tandem superinjectum; ac ne per narem aliquid aëris in ulcus subintraret, eandem Turundâ obturavi. Quibus insistens remediis fœtor omnis hebdomadæ primæ spatio cessavit, offacula hinc aliquot paulatim separata haud difficili negotio extrahebantur, sicque deligationem continuando duorum, circiter mensium spatio, cavitas fistulæ omnis carne recenti replebatur, cui tandem cicatrix solo *Diapalmæ Emplastro* superinducta est; malo nullum hætenus recrudescentiæ vestigium præbente.

SCHOLIUM.

Usque & usque; increfcit Barbitonforum, Veterinariorum & Medicastrorum numerus, placetque ita mundo hodierno illud medentium genus, quod Scurras infulsos, vel Histrones nugivendulos magni quidam appellârunt Viri, ut mirum non fit, tot quandoque calamitatibus ægros subjici. Quamvis enim ejusmodi nebulones dedecori sibi duxerint plura longè aut meliora addicisse, quàm tenuis rasuram barbæ, aut venarum studiosè selectarum incisiones, non erubescunt tamen, oblatâ quacunque occasione, experientiam fictam præsumptuosè jactare, atque in corpora ægrorum atrocius subindè, quàm carnifex queat ipse, sævire. Pleni sunt observationum libri exemplorum, quibus martyria ejusmodi chirurgica enarrantur; vixque nominabis urbem, aut pagum, ubi non reperire liceat talis *χρυσομαχίας* victimas. Imò, quod vix credas, æquè tot mutili, cœci, vel membris malè adaptatis claudi tabernis Barbitonforum, sive elevantur, sive egrediuntur, atque ex acerrimo hostium conflictu semivivos prodire cernas. Faber ferrarius, cujus morbum observatio descripta exponit, haud absimile expertus est fatum, ab imperito Dentifrangibulo in vitæ periculum actus, quàm enim facilè ulcus illud fistulosum in Gangrænam & Sphacelum, vel, quod frequenter etiam contingit, in Hæcticam Febrim transire potuisset? Enimverò dentium extrusio videtur esse operatio haud magni momenti, satisque facilis, dum ex anatomicis constat, officula ista alveolis suis non adeò tenaciter inharere, teneris satis fibrillis vasculorum & membranularum alligata, quibus ruptis vel spontè excidunt, vel levi saltem digitorum appulsu extruduntur; quemadmodum id frequenter experiri solent, quibus illa vincula ab humore quodam acri ita eroduntur, ut hinc dentes vacillent, & nullo negotiò, etiam sine notabili dolore extrahuntur. Sed tamen & hæc ipsa operatio, quâ dolentes aliàs & cariosi evel-

luntur dentes, subindè periculo non caret, quando, Enchei-
resi haud probè observatâ, operadores vel maxillam findunt,
gingivamque nimis dilacerando inflammationem pariunt,
vel etiam arteriolas majusculas disrumpunt cum sequenti hæ-
morrhagiâ insigni; cujusmodi lethalem in *Fœmina quadam*
Nobili ante aliquot annos; periculofam verò non ita pridem
in *Illustrissima Principe*, cum dispendio plurium sanguinis li-
brarum, & notabili virium jacturâ observare contigit, non
sedatam à me aliter, quàm repetitâ gossypii, pulvere sympa-
theticò conspersi, in alveolum extracti dentis intrusione.
Cautiùs proin operationem hanc exercent, qui dentem ex-
trudendum priùs undique à gingivâ liberant, hincque simul
studiosè animadvertunt, ut vincula ejusdem commodè, sine
magnâ circumstantis maxillæ aut gingivæ offensione disrum-
pantur, quod equidem peritiores hodiernorum Chirurgo-
rum novò quodam & jam undique notò instrumentò satis
promptè perficere nòrunt. Extractio autem contingit nunc
majore nunc minore cum dolore; dolet magis, quando fir-
miùs inhæret dens, aut duas vel tres subindè etiam curvas ha-
bet radices: minor est dolor, quando dens vacillat, unicam-
que tantùm radicem obtinet. Nonnunquam adeò vehe-
mens est odontalgia, ut patiens vix sentiat novum operatio-
nis dolorem, dolor enim major sic obtundit minorem. Re-
periuntur etiam circumforanei, qui se munire nòrunt strata-
gemate quodam, & opiatorum vel erodentium succorum,
è lacte *Tithymali* aut viridis *Ranunculi* inunctione præmisâ,
sine dolore, sine instrumento, levi saltem attactu extrusio-
nem promittunt, sæpèque præstant. Sed enim occasionem
horum ossiculorum extrusioni dat eorundem dolor, qui fre-
quentior longè accidit cariosis, quàm inculpatæ integritatis
dentibus. Utrum verò his ossibus sensatio quædam sit adscri-
benda? ambigant curiosuli, quantumcunque velint; ego
certè neque dentibus, neque ossibus reliquis neque ulli adeò
corpori sensationem tam facile attribuo; dolere tamen den-
tes

tes dico, quodcumque materia quædam viscida acrisve fibrillas membranularum, à quibus dentium radices cinguntur, sive distendit sive rodit, ita ut hinc spirituum animalium in fibrillarum nervearum tubulis stabulantium placidus turbetur motus, tantòque id magis minusve quantò subtilissima materia mundi majorem minoremve in recto suo transfluxu offendit resistantiam. Spiritus hinc turbati ac certò incomprehensibiliq̃ue modò ad sensorium commune revibrantes, ibidem hunc impressum novum, naturæque inconvenientem motum communicant, ad quem cum attendit anima, ipsamet jam hanc corporis læsionem percipiens, sentire atque dolere dicitur. Quibus sanguis est scorbuticus, aut aliàs particulis salino-acribus abundat, illis horum ossiculorum caries familiaris satis est, adeò ut maturè dentes amittant, atque hinc non tantum in masticationis utili negotiò offendantur, sed &, ubi primoribus privantur, in loquelâ articulatâ præpediuntur. Cui equidem defectui ars subindè mederi potest, vicarios substituendo dentes, eosque filò aureò vicinis annectendo. Frequenter tamen etiam cariem inducit molaribus inprimis dentibus Tartarus illis adnatus, materia è ciborum masticatione ibidem hærens viscida acrisve reddita, hinc qui saccharatis delectantur, eaque masticant sæpissimè, Tartarum ejusmodi cumulant in recessu acido-acerrimum, ossibusque infensum, à quo crusta dentium exterior paulatim sine dolore eroditur: postquam autem erosio crustam anteriorem penetrarit, aëriq̃ue externo, aliisve rebus aditus ad internam dentis substantiam molliorem patet, facile qui intra latitant nervuli aut fibrillæ nerveæ offendi, & pungi possunt, ex quâ punctiōe dein intolerabilis quandoque dolor oboritur. Neque tamen sola caries doloribus istis anam præbet, quin haud ita rarò corruptis dentibus vermes inesse deprehenduntur, immaniorum longè cruciatuum auctores, quibus eliciendis dignissimis lectu observationibus Celeberrima Collegii nostri Curiosi Membra, *Joh. Nicolaus*

Pechlinus & Simon Schulzius Mel atque *Crustam Pylori Ventriculi Suilli recentem & adhuc calentem*, non sine successu imposita *Ann. 9. & 10. Ephemerid. Decur. I.* memoriae prodiderunt. Quae quidem remedia aequè placent, atque cum alii student, instillatis in cariem dentis subindè aliquot Spiritus Vini, aut Olei cujusdam Aromatici guttulis vermiculos latentes enecare. Aliàs verò, ubi vermes ejusmodi non metuuntur, idoneum præbent anodynum partim opiata, partim ea, quae acido rodenti resistere, illudque invertere aut prorsus detrudere valent; qualia sunt inprimis *Opium, Camphora, Piper, Euphorbium, Caryophylli*, horumque Olea destillata. Soleo ego vel Pilulas ex his conficere, vel Oleum aliquod destillatum, v. g. Buxi, Cinnamomi, inprimis autem Caryophyllorum Spiritu Vini dissolvere; hinc Tincturam Opii liquidam admiscere, hancque miscellâ statim gossypium imbuere, illudque dentis cariei dolenti intrudere, ac hoc opus sæpiùs continuare, donec non saltem dolor sit evictus, sed & caries quodammodo emendata. Sunt qui cariem exurunt planè, sicque se à frequentia mali præmuniunt, quibus ego minimè contradicere auderem, optans saltem, hoc commodè semper fieri posse; quandoque enim foramen cariei non ita patet, ut ferrum ignitum adeò facilè admittat. Qui tamen ita exurere nòrunt dentes, fibrillas nerveas in illis latitantes destruunt, ut haud ampliùs idoneæ existant, læsionem à corpore extùs accedente ulteriorem accipiendi sicque dolorem excitandi. Præcavetur autem dicta dentium corruptio, si iidem mundi conservantur, si esus acrium, dulcium, salicorum, caseorum &c. vitantur, si ab exhalationibus Mercurialibus corpus munitur; mirum enim, quantum hæ dentibus sunt infensæ. Ad dentium munditiem servandam dentifricii inprimis commendantur pulveres; sequens mihi familiaris, longòque jam usu probatissimus: *℞. Ossis Sepie lbss. Corall. rubr. ʒij. Radic. Ireos Florent. Santal. rubr. Sanguin. Dracon. aa. ʒiʒ. Cinnam. optimi ʒss. Alumin. ust. ʒij. Sub-*

cili-

tiliter terantur singula, & misceantur; quibus majoris gratiæ ergò vel *Rasura Ligni Rhodii*, vel ejusdem *Oleum destillatum*, vel *Moschus* aut *Ambra* admisceri possunt. Quorum dentibus adnatus jam est Tartarus, illum abradi curabunt, hinc frequenter hoc dentifriciò utentur; dentes sic non candidos saltem, sed & mundos servabunt; ast utendum eo diligenter, & quantum possibile, post quemlibet pastum, non tamen duriter adeò fricandi dentes, sed sumendæ radices *Malvæ majusculæ*, eæque benè mundatæ Acetò Rosaceò immergantur, sic rubicundæ evadent; hinc iisdem in extremitate contusis, & pulvere dentifriciò conspersis dentes à sordibus blandâ attritione liberentur. Si Tartarus non adeò induratus, recipiendus aliquis *Syrupus*, quemadmodum est *Violarum* vel *Cochlearia*, vel alius, ei guttulæ quædam *Spiritus Vitrioli* aut *Nitri*, aut alius acidi inspergendæ, hâcque mixturâ incidente mucosus Tartarus, undique est abstergendus, postmodum confestim *Melle Rosaceo*, cui pulvis *Boli Armeni* vel *Unicornu fossilis* vel alius absorbens subactus est, dentes singuli illinendi, tandemque, ut stupor à Spiritu acido inductus abigatur, Aquâ Rosaceâ iterum abluendi. Quò factò mundi apparebunt dentes, talesque suprâ dictò modò servandi. Quibus autem non unus aliquis cariosus dens, sed plures etiam sani simul dolent, hi certò sibi persuadere possunt, in lymphaticis vasculis circa loca dolentia subsistere & stagnare aliquod serum viscido-acre; membranulas distendendo, fibrillasque pungendo, dolores excitans; Sic à poru frigidò vel ab aëre nimis frigidò, aliâve causâ tubulorum lymphaticorum fibrillæ, glandularumque ostiola constringi possunt, adeò ut liber in illis cohibeatur motus lymphæ. Huic certè malo non succurritur dentis alicujus, quantumcunque etiam cariosus existat, evulsione, quin illud inde magis adhuc exasperatur; sed verò levamen hoc in affectu melius obtinet Æger, quando præmissis universalibus, purgante, cucurbitulis, aut venæsectione, decoctum aliquod ex *Salviâ*, *Angelicâ*, *Pyrethrâ*,
Pipe-

Pipere, *Cinnamomô*, *Opiô*, *Mastiche*, *Caryophyllis*, & similibus pars affecta frequenter colluitur, cujus decocti locô alii ex iisdem remediis, *Spiritus Vini* ope, Tincturam eliciunt, non omisâ *Camphorâ*; ac subindè illius Tincturæ cochlear tepidè in ore tenent. Exteriùs etiam suffumigia haud spernenda, quibus simul lymphæ motus restituitur. Plures juvit anthellicis auris in latero affecto inustio, vel moxæ circa tempora ejusdem lateris applicatio & inustio, quô igne actuali lymphæ vicinarum partium maximè volatilifata, lympham in propinquis vasis stagnantem itidem subtilifare & ad naturalem per vasa progressum excitare potest. Planè sicut in praxi non semel notavimus, Dolorem Ischiadicum, Cephalalgiam similesque affectus, à viscido sero hinc inde subsistente oriundos, moxæ aliussve ignis actualis beneficiô fuisse mitigatos, imò sublato. Neque alium in finem quandoque vesicatoria nuchæ aut pone aures applicantur, è *Cantharidum* aliorumve particulis volatilibus atque acribus constantia. Quòd si serum stagnans accumuletur, ita ut vascula sanguinea comprimendo simul sanguinem stagnare faciat, occasionem præbet, ruptioni alicujus vasculi, quô factô extravasatur serum cum sanguine, & in tumorem attollit gingivam, qui cum plus minusve pro majore minorève extravasati humoris quantitate augeatur, neque discuti amplius queat, in abscessum naturæ solius ope convertitur, idque tantò citiùs & securiùs, quando simul decoctum aliquod emolliens gargarismatis formâ in ore sæpiùs calidè tenetur; Quem in finem nonnulli solum lac tepidum commendant, alii verò eidem simul *Chamomilam*, *Malvam*, *Altheam*, *Ireos Radicem*, *Crocum*, *Ficus* &c. incoquunt. Abscessus dum gignitur, dolor est acerrimus, non nisi à particularum in tumoris sinu effervescentiâ membranas distendente aut rodente oriundus. Maturus dum est abscessus, spontè ut plurimum rumpitur, rarôque indiget scalpello aperiante: rupto eò pus extruditur, ulcusque gignitur, quod citò, tutò, ac jucundè *Melle Rosaceò*, sive solò, sive cum

Succi Apii cantillô & pulvere *Boli Armeni* commistô mundificatur & sanatur. Fabro ferrariô abscessus talis contigit, ex imperitâ dentis evulsione, in quâ, meô quidem arbitrato, non saltem gingiva fuit lacerata, sed insimul quoque ipsa maxilla ita concussa, ut in tunicis musculisvè eam cingentibus tubuli varii rumperentur, humoremque effunderent, seroso-sanguineum, qui stagnans, acriorve redditus inflammationem primùm hinc abscessum gignebar, eâ ruptum parte, ubi facilior erodenti puri transitus patebat. Caries succedebat brevi, eò quod succi ad ulcus appellentes stagnando acrimoniam quandam acido-corrosivam acquirebant, idque tantò facilius, quia ex sanguine acriori, bilioso scaturiebant. Serpit hinc malum, ossaque vicina sensim corrodit, partim quia curæ se commisit Barbitonsoris inertis, sicque bonis remediis carebat, partim quia succi acriores, spongiosa & tenera illa maxillæ ossicula, facilius erodere potuerunt. Erosio autem hæc, cariem sive sphacelum ossium produciens, fit ab acido corrosivo, quod è succis per dilaceratos membranarum tubulos in ulcus destillantibus gliscens Sal naturale ossium adgreditur, illudque commovet spiculis suis rigidis & acutis, undique è latiusculâ particularum basi surgentibus, quæ dum ita penetrant in poros cuneorum instar, ac scindunt, ossium compages dissolvitur. Foetor prodiit etiam ex fistulâ, sicut ex quâlibet aliâ, ubi ossa sunt corrupta, prodire solet, quem unicè adscribimus particulis ossium Salino-sulphureis volatilibus inter corrosionem exhalantibus; hinc enim foetor remisit, quamprimùm corrosio ossium, probè mundato ulcere, cessavit. Curationem institui, indicationibus ab humoribus acido-acribus fistulam foventibus, tanquam proximâ, quin & humoribus è sanguine accedentibus acribus, tanquam antecedente causâ desumptis. Causam proximam sustuli exiccantibus solis, plumaceolis nimirum siccis immisis, quæ extravasatos succos imbibendo ulcus mundificare poterant; conspersa tamen pulveribus *Euphorbii*, *Caryophyll.* &c.

quæ Sale volatili oleoso prædita aciditatem stagnantis succi omnem corrigerent. Quod equidem peritiores Chirurghi omnes, quàm adcuratè observant, licèt enim adeò exactè & clarè non possint explicare, cur vel sic vel aliter curationem instituunt; experientiam tamen sibimet faventem habent. Ossa certè non amant oleosa, & similia viscida, offenduntur ab illis, non tantùm, quia in se habent aciditatem occultam, sed & quoniam succos, qui hærent in ulceribus, acres minimè emendant, aut absorbent. Haud ergò melior est curatio ossium cariosorum, quam sicca deligatio; licèt hâc ratione simul diuturna reddatur sanatio, tardè enim admodùm separantur corruptæ ossium partes, adeò ut actuali nonnunquam cauterio, aut rasurâ indigeant, si citiùs abscedere debeant. Cauterium certè nunquam est formidandum, ubi commodè applicari potest, quoniam optimè simul rodentes particulas acidas destruit. Contigit similiter in Ægro nostro, ut, quæ in ipsius fistulâ hærebant particulæ osseæ corruptæ, non nisi plurium hebdomadarum spatio & quidem numero quatuor, separarentur, faciliq̃ue negotiò ex ostiis fistulæ dilatatis eximerentur. Separatio hæc ob id imprimis tarda, quia fibræ osseæ, quibus invicem cohærent sanæ corruptæve partes, duriores adhuc & firmiores sunt, quàm ut adeò citò faciliq̃ue à naturâ, si mihi adhuc ita loqui permissum, excuti possint, diu enim particulæ cum sanguine circulantes ad cariosam partem appellere debent, diuq̃ue se ibidem cumulare, antequam sufficienter illam distendere queant, ita ut fibrillæ osseæ intermedix rumpantur; quam equidem ruptionem non adscriberem cum *Clariss. Joh. Muys Obs. Chirug. decad. 2. pag. 11. & 12.* puris acido corrosivo discindenti, metuens omninò, ne si separationis tempore in correctum ejusmodi acidum rodens adhuc præsens esset, illud etiam sanam ossis partem de novo arroderet; quod, quàm faciliè contingere possit, promptè concipitur, quin egomet haud ita pridem in puero quinquenni observavi ex osse humeri Ulna dicto, ejusq̃ue appendice, quâ cum

cum humero jungitur, frustum cariosum ingens abscessisse, nullò pure per plures antea septimanas ampliùs apparente: ipsum verò frustum cariosum semestris non nisi spatio separatum fuit. Sed quantumvis exfoliatio hæc ossium contigerit, expectandum tamen sæpè adhuc diu, donec caro ipsi ossi iterum adnascatur, quod itidem promovere solent solâ ossis nudi rasurâ, si possibile: si carne inductum os, quod reliquum hinc est curationis, facile absolvitur, vel solò aliquò vulnerariò balsamo, aut digestivo, cujus balsamicæ tenaces particulæ extremitatibus tubulorum dilaceratis adhærentes, impediunt, quò minùs succus nutritius allabens divagari, aut ipsius volatiliores alcalicæ particulæ avolare possint: dum verò sic semper retinetur succus iste, promptè adhæret, & partes redintegrandas refarcit. Cicatrix verò dum inducenda est, restitutis jam partibus, ejusmodi Balsamo aut Digestivo opus non est, utpote quò facilitè luxurians gigneretur caro; quin Emplastrum solum aliquod desiccans, impositum omne præstat negotium, arcens aëris externi injurias, & succos luxuriantes reprimens, aut absorbens, quale equidem in curatione Ægri nostri idoneum fuit Diapalma. Interna remedia pariter fuerunt traumatica, & absorbentia, quorum illa particulis Salino-sulphureis blandis volatilibus sive balsamicis, sanguinem ita afficiebant, ut ex illo destillantes particulæ nutritiæ in ulcere fistuloso, ad occursum externè oppositi balsami facilitè hærent, sicque continuatò perpetim opere sensim dilaceratas & erosas partes restituerent. Hæc verò absorbentia nullum alium usum in ejusmodi casu obtinent, quàm ut particulas acidas, ac rigidas aut alias salino-acres & rodentes absumant, ac per urinam vel per blandam diaphoresin abducant. Plura adjicere possem, nî verendum mihi ea, quæ mihi minùs placent, aliis longè magis displicitura. Curiosa certè non sunt, quæ in Chartas conjeci, sed fortè non adeò inutilia, quippe ad humanam sanitatem restricta, quam qui possidet, quique eam se possidere novit, rerum humanarum

certè omnium curiosissimam, pariter & pretiosissimam, se & possidere, & novisse credat, gaudeat.

OBSERVATIO CCXXXIV.

D. THEODORI ZWINGERI.

Anatome maniaci.

QUæ mira in cadavere hominis maniaci reperta, à Viro Experientiss. atque Clariss. *Dn. Sylv. Samuele Anhornio*, Sangallensi Poliatro Celeberrimo, ipsiusmet ejus verbis Curiosis nostris communicanda duxi. Videlicet Gabriel Studer, Juvenis erat nobili stemmate natus, ab incunabulis sanus & alacris, staturæ satis proceræ, coloris faciei rosei, oculis nigro splendentibus, concinnis moribus & perspicaci judicio præditus; Cum ætate provectior, mercaturæ exercendæ & linguarum addiscendarum gratiâ, ad Gallos & Italos mitteretur, in omnibus ita profecit, ut pares tum temporis habuerit paucos. Sed verò hanc animi & corporis elegantiam suo Eheu! sibi irreparabili malo donatam voluit fatum quàm maximè infauustum; dum vel amici cujusdam perfidi malitiâ nefandâ exacerbatus; vel injuriis à consanguineo acceptis consternatus; aut quod persuasissimum habuit miser, à puella Veneta ex urceo viridi propinato philtro, suâ ratione & saniore mente privatus, ac ad insaniam tandemque furorem maniacum redactus, catenis triginta annis in carcere detentus, non quidem ex defectu ciborum & potus nobiliorum, sed improbâ vesaniâ motus; sterces proprium, stramen, calcem, & ex sæpius confractâ fornace, argillam devoravit; hisce attamen postremis sex annis, furor circa plenilunii interstitia remisit, æger neminem lædebat, & vinculis solutus ampla spatia domûs liberè perreptare potuit; Verùm ori intrusit quæcunque offendit; interdum etiam præteritorum memor fuit, ad interrogata respon-

spondebat, & literas quascunque Vernaculo, Gallico & Italico idiomate pictas exactè legere novit. Inde à duobus annis ipsi alvus constipari cœpit, ut quam prius singulis septimanis exoneraret, tum per quatuor & quinque septimanas retineret; promoventium ceu purgantium ne quidquam admisit, nî quæ fraude piâ iusculis commiscere poterant, quorum insuper vis ut plurimum infracta fuit cibis, potu, & alienis, quæ simul quantitate magnâ assumsit; accidit etiam interdum, ut iis largiter solveretur alvus, sed abinde constipatio pertinacior ut plurimum successit, quæ sæpe sæpius decem, duodecim ad quindecim usque septimanas duravit, nec ullis mediis, quæ quidem propinari poterant, emolliri voluit; exinde autem venter enormiter intumuit, sed nihilominus appetitus uti olim constabat; factum tandem sponte suâ, & naturæ solius operâ, ut provida hæc unâ vice deponeret, quam hætenus collegerat stupendam stercoris sarcinam, ex quo dein venter concidit & propemodum rugosus evasit. Ultima quæ obitum præcessit fecum alvinarum retentio ad sedecim septimanas protrahabatur, sitis invaluit, ciborum parum appetiit, & pro siti sedanda aquam ex fonte in domûs atrio manante, & adhuc pridie ante obitum copiosam ingurgitavit. Venter verò magis, magisque intumuit, æger viribus & corpore defecit tandemque elanguit ac postridie Iduum Aprilis anni hujus 1685. placidè expiravit. Sacrum duxi, hujusmodi cadavera in ædibus publicis extinctorum, prius terræ mandari, quam verò monstrarint curiosis, quid hætenus foverint iniqui; quapropter convocatis, Viris Nobilissimis D. Hieronymo Zollicoffero & D. Christophoro Hochreutnero, illi Medicinæ, huic Juris Doctoribus eximiis, amicis perquam suspiciundis, uti & bigâ Pharmacopœorum & Chirurgorum peritissimorum, ad sectionem cadaveris me accinxi quod mensæ impositum artus omnes monstrabat marc core confectos, venter autem solus in magnam molem distensus, ulnis duabus cum dimidiâ comprehendebatur. Ex

oculi dextri orbita, seu ejusdem vasis lymphaticis serum limpidum ubertim ad unciam unam exstillavit. Cute ex abdomine detractâ, multum seri inter hanc & musculos delitescens profluxit; dein penitus per peritonæum, membranam admodum crassam adacto cultello, instar scaturiginis ex cavo abdominis profilierunt tres circiter aquarum mensuræ. Ventre hoc tandem penitus detecto, intestina, rectum & colon oculos admirandâ mole & magnitudine subiêre, quæ post exhaustas serositates omne reliquum occuparunt abdominis spatium; cum autem præ iis cæteras partes examinare non li-
suerit, intestinum, prope anum abscidi; ligare ante abscissionem propter arctissime compactas feces non valuimus, exemi proinde ad ea cum reliquo intestinorum tubulo, scrutinio nostro ulteriori, pensiculatus subjicienda. Intestinum rectum ab inferiore sui parte, ubi stupendo hiatu in anum terminabatur, ad colon usque fecibus alvinis compactissimis ita infarctum & oppletum fuit, ut mera cloaca videretur, & hoc filo mensuratum ulnam cum tertiâ quadrantis parte crassum erat, anum obturabat scybalorum massa solidissima, quæ pelvim ingentem in osse sacro effigiatam penitus explevit, & ultra libram civilem ponderabat, ac manu & unguibus divelli non poterat; reliquum stercus non item fuit induratum, sed nil minus nigricans & foetidum, hoc unguibus discriptum continebat ossa tarsi & metatarsi vitulina quamplurima, item lapillos, stramen, lignum, petiolos pyrorum &c. Ossium memoratorum triginta inter rariora asservo, alii non minus distrahebant, cum tamen secum vix tertia pars examinata fuerit. Similis si non pertinacior alvi obstructio obtigit in præteriti 1682. anni mense -- cuidam civi nostro Caspar Tanner / cui intestina in scrotum prolapsa Dn. Stöklini, Chirurgi, peritissimâ manu nullis fomentis emolli ac deponi voluerunt. Chirurgus tandem sollicitus fuit de alvo quæ multis septimanis delituerat, primùm laxanda, in quem finem interna adhibuit, externa ano nullâ etiam vi intru-

intrudere valuit, balneo patientem imposuit, sed omnia pari & frustraneo successu; tandem speculo anum aperire conatus, instrumentum hoc in praesentia Viri prudentissimi Dn. Georgii Meyeri, Pharmacopœi & Tribuni plebis, τὸν δὲ ἐν ἀγίῳ adaptavit, anum aperuit, & obstantem præ foribusprehendit materiam ex lapillis ceraforum innumeris & magmate fecum induratisissimam, quam ferramentis detrahere multo labore debuit; at etiam hæc talibus instrumentis subductio pro solvenda naturali alvo insufficiens fuit, tandemque sphacelus intestina prolapsa corripuit, & pater miserè diem suum obiit, hæc ἐν παρῳῳ. Itaque seposito nauseabundo scrutinio nostro ad cætera properavimus; colon autem pellucidum & solis flatibus distentissimum, modò tertiâ parte minor in ambitu erat, quàm rectum & fecum nil quicquam continuit. Cæcum ei instar vermiculi seu pennæ anserinæ semidigito longum, appensum fuit; tenuia intestina cum ventriculo admodum gracilia & penitus collapsa nil præter paucum humoris tenuis ex albo cineritii inclusum habuerunt, ileon exterius plane cruentum & sanguine ubi repletum florido transparebat; at verò factâ sectione, sanguinem hunc intra membranas fluctuantem & rutilo colore pellucenscentem comperimus. Ileon usque ad cæcum continuo quasi agmine glandularum insignium confitum fuit, quæ compressæ mucum viscidum stillabant, in jejunio plures etiam, sed non ita racematim positas & quàm in ileo majores inveni, duodenum duobus digitis subpyloro etiam insignem plexum glandularum miliarium monstrabat, sub quo per ductum cholidochum ad vesiculam bilariam manifesta via insculpta videbatur, verùm ductus pancreaticus etiam sedulò querenti obvenire noluit, & eo loci ubi communiter inferitur intestino, carunculam observavimus duriusculam, magnitudine pisii majoris, à sui parte superiore in figuram pyramidalem acuminatam, sed stylum etiam absissa nullibi admittentem, quod tandem suspicionem movit, inibi forte hunc

hunc ductum coaluisse. Ventriculus apertus foetore acidissimo omnium, qui adstabant, nares feriebat; ejus tunica interna crustacea admodum densa fuit, muco turbido oblitterata, undique lævis nullibi rugosa; uno in loco supra pylorum nempe, rarior fuit, in quo fibrillæ sanguineæ pellucebant. Omenti nec ulla vestigia vidimus. Mesenterium eo loci, ubi intestinis tenuibus appenditur, glandulis solitaribus pisi magnitudinem tenentibus, sed latioribus, innumeris conspersum fuit. Vesica urinaria feri plena, à stercore subjacente pressa, figuram penitus in transversum elongatam acquisivit. Ren dexter planè flaccidus fuit & nihil insueri continuit; ex pelvi in ejus medio conspicuâ, patula via dabatur in ureterem, quæ digitum pollicem ad usque ureteris medium facilimè admisit, abinde verò sensim constrictior evasit, & sub finem ubi vesicæ implantabatur, vix pennam anserinam cepisset. Ren sinister ex tunicis evolutus, exterius sex hydatidibus confitus fuit, quarum una & maxima ovum columbinum æquans, ad latus vasorum emulgentium appensa, coloris lividi ejusdem cum vena emulgente fuit, ut etiam antequam per facta experimenta consideravi; pro eadem vena à resistente sanguine dilatata, imposeret, ceteræ sero turgentes vesiculæ hinc inde posita, nuce avellanâ majores & minores fuerunt, omnes transparentes & pellucidæ; flatu per ureterem immisso, ren cum omnibus hydatidibus, ureter autem eo loco ubi renem subintrat, enormiter intumuit, ut ibidem ovum gallinaceum facilè contineret; inferius autem ab ejus medio sensim constrictior factus, prope insertionem in vesicam pollicem non libenter admisit; hoc insuper notatu dignissimum habuit hic ren, quòd, factâ sectione secundum ureteris longitudinem in usque substantiam renis, natura inibi formârit pelves quatuor amplas, figurâ quadrangulâ juxta se invicem positas, sero flavescente refertas, & omnes eadem tunicâ ureteris expansâ gaudentes, magnitudine æquales, quarum quævis nucem moschatam comprehendisset; flatus

flatus in arteriam emulgentem immissus, ad vasa capillaria renis superficiem perreptantia pertigit, sed non intumuit ren; ex venâ insufflatâ nihil planè commoveri vidimus; hydatidis maxima, juxta vasa emulgentia posita, serum viscidum gelatinosum ex flavo livescens, cæteræ autem serum fluidum per tunicam transparens continuerunt; inflatâ hydatide magnâ flatus ex pelvi prorupit. Hepar non fuit discolor, naturalem magnitudinem obtinuit; vesicula fellis ei appensa, fermè inanita erat, cui vix drachmæ duæ bilis, glutinosi ad instar ferri inerant. Lien parvus, figuræ inæqualiter rotundæ & flaccidus fuit, discissus & digitis pressus, totus in amurcam satis rutilam convertebatur. Pancreas magnum & glandulosum exactè referebat pancreas vituli elixatum; glandulæ ejus compressæ parum humoris subfalsi exsudabant. Pulmones ex albo nigro & rubro exterius variegati, intus sani fuerunt, Vena cava & arteria aorta, parùm sanguinis, & quidem fluidi & quasi aquâ diluti, cordis verò ventriculus sinister coagulata sanguinis filamenta obscurè rubentia continuit. Caput exterius deformârunt excrescentiæ seu tubercula aliquot, quæ nucis magnitudinem habuerunt; tuberculum maximum quod mediæ suturæ sagittali inhærebat, tunicâ albâ & crassâ, cute capitis pertinaciter adnatâ ac inclusâ ambiebatur; materiam capiebat pultiformem granulata, coloris grysei; excisionem integri tuberculi & ejus separationem à cute capillatâ nemo viventium tolerâset, quam Chirurgi præsentibus multâ industriâ tentârunt, ac quidem effectui dare vix potuerunt; tunica hujus tuberculi, in basi cum pericranio conjuncta & quasi una fuit; excrescentiæ cæteræ minores, in vertice ac occipite prominulæ, materiam à priori alienam, & amurcam sanguinis instar milii granulata comprehenderunt. Ne autem serior vespera ab accuratiore cerebri anatome nos excludat, cutem capitis capillatam decussatim sectam Chirurgi præsentibus detraxerunt, pericranion in or-

bem separârunt, & studiosè cranii ollam detexerunt. Sutura cranii firmissimè coalitæ, velut ex inductâ cicatrice protuberantias osseas formârunt. Meninx duobus in locis cranio firmissimè adhæsit, & citra disruptionem avelli non poterat, ibidemque (in cranio) insculptas, & sicut in osse cribri-formi videre est, inæqualiter perforatas cavitates notabiles habuit, quibus infixæ erant; cranium ab anteriore parte semidigitum crassum, in occipite multò latius fuit; pia mater duræ meningi arctè adhæsit, & solum obiter perreptabat cerebrum, secus ut aliàs contingit, dum intra cerebri anfractus se insinuat. Cerebrum à nervorum & medullæ oblongatæ nexu ubique solutum paria nervorum omnia conspicuè monstravit; glandula pituitaria ex sede suâ regiâ, studiò in apicem producta, ad attactum instar aquæ difflebat; de reti mirabili, cujus ambitu aliàs complectitur dicta glandula, nihil vidimus, ceu quòd omnia ibidem sero inundata, vel in avulsione cerebri vestigia ejus expuncta fuerint, quamvis multas in cerebri basi ad instar retis complicatas vasorum carotidum & vertebraliū ramificationes observaverimus; post exemptum cerebrum in pelvi relictæ feri cruentati propemodum sex uncia fluitabant, elevatâ dein digitis in basi cerebri medullâ oblongatâ, & detectis ventriculis à latere sitis, in conspectum venit plexus choroidæus prægrandis, ab utroque latere totam interiorem ventriculorum superficiem perreptans, & ex multis insignibus vasis sanguiferis, à ramis carotidibus per foramen à septi anteriore parte patulam, accedentibus, constans; ubique hic plexus vesiculis lividis seu hydatidibus pisiformibus conspurcatus fuit, quæ vel lanceolâ apertæ, aut manibus ruptæ, serum gelatinosum livescens fuderant; ab hoc plexu quatuor insignes venæ, sanguine hinc inde fluctuante refertæ, ad ipsissimam glandulæ pinealis basin derivabantur; vasâ verò medullaria, quæ in eam inferi dicuntur, nullatenus, quamvis sedulâ investigatione reperire potui;

gland.

glandula hæc fibris sanguineis subtilissimis conspersa prorsus rubebat, & solidior fuit solito. Septum lucidum, ventriculos cerebri anteriores distinguens etiam punctula sanguinea habebat. Thalami nervorum opticorum elevato fornice elegantes, exteriùs albissimi, intùs verò ad instar corticis cerebri cineritii prodire. In cæteris nihil obvenit quod fuerit notatu dignum.

[1688. d. 16. Febr. Basileâ Norimbergam missa.]

OBSERVATIO CCXXXV.

D. JOH. CHRISTIANI FROMMANNI,

De

Dolore intestinorum primùm à venenato lacte ortò, postea quotannis eodem mense recurrente, & demùm bac-
cis juniperi curatò.

E Volventi mihi nuper animi gratiâ *Ephemeridum Germanicar. Decur. I. Annum 4. & 5.* & legenti *observationem 127.* hâc inscriptione notatam: De Symptomate quotannis certò mense & die recurrente, quod à venenò cum escâ hausto fuit ortum; succurrit affinis Historia jam tradenda. Miles quidam præfidiarius (ex cujus de se ipso sequentia referentis ore hoc olim accepi) castra Cæsareanorum in obsidione Magdeburgica secutus latranti stomacho solatium juxta cum duobus Commilitonibus in pago quodam quærit. Cellam quandam tres hi ingrediuntur, ollamque lacte, quasi ferculo palato gratissimo, sed sanitati inimicissimo, quia venenatum erat, offendunt. Largius hîc sese

Zzz 2 non

non invitati invitant, sed cum largiori sanitatis & vitæ incommodô. Istius enim esum & usum brevî vomitus & sitis clamorosa cum ventris intumescencia & virium imbecillitate summâ excepit. Sitis sedandæ gratiâ ad fontem incolis communem repunt, sed eâdem viâ, quâ haustâ, nullâ intercedente morâ, fuit aqua reddita, & cum hac animam Commilitones duo reddiderunt. Tertius superstes vix sibi naturæ suæ bonitate tandem redditus, ærumnosam deinceps egit vitam. Eô ipsô enim mensē, quô venenatum lac hauserat, singulis deinceps annis acutissimos in abdomine sensit dolores, nullis cedentes alexipharmacis, nec Theriacæ, nec Mithridatio, nec aliis in forô Medico decantatis remediis, etiam à Medicis experientissimis, quos consuluerat, præscriptis. Idem miles aliô nomine aliquando me convenit, verbisque ultrò citròque de variis factis casum inter alia hunc suum fortunâ exponit, cui, ne plures sumptus forsan frustra, quod egenus esset, faceret, Baccarum Juniperi usum suasi. Euporiston hoc ad nutum & consilium meum in usum mox eodem annô cum quâdam dolorum alleviatione traxit; sequentibus annis magnam baccarum copiam ipse collegit, iisque non tantum crudis aut acetô maceratis, sed & inprimis decoctô earundem usus, minorem quotannis recursum sensit, donec tandem impressus intestinis veneni character planè fuit deletus & obliteratus.

[Coburgo Norimbergam An. 1688. d. 17. Februar.
missa.]



OBSERVATIO CCXXXVI.

D. JOH. PAULI WURFFBAINII,

De

Venæ sectione spontanea in uno sub-
jecto iterata.

Venæ sectionem spontaneam annotarunt jam *Bartho-
linus* Cent. obs. 5. histor. 19. *Clariss. Sigismundus Gras-
sius* Ephem. Curios. Germ. Ann. III. Dec. I. obs. IV. &
Excell. Dn. D. *Joh. Mauritius Hoffmannus* in hoc ipso
jam præsentè Dec. II. An. VI. obs. CLXVI. imò & forte alii;
licebit tamen & hanc Ephemeridibus nostris inferere, præser-
tim dum in uno subjecto iteratam, nondum annotare hæc-
tenus descriptam legerim, communicavit verò mihi eam Exc.
Dn. D. *Septimus Andreas Fabritius*, Fautor & Collega meus
honoratissimus seqq. A. 1687. Mens. Febr. accersitus sum ad
Patriciæ cujusdam in hac civitate Ancillam, septendecim cir-
citer annorum, quæ conquesta est de atrocissimo dextri in-
regione venæ medianæ brachii dolore ex improvise orto: In-
spexi brachium, nihilque inveni præternaturale. Inter alia
quæsitæ ægram tandem interrogavi, utrum venæsectioni ad-
suetæ sit? & an Menses ritè fluant? ad quæ respondit, se nun-
quam venam secari curasse & menses debito modo fluere; in-
dicavit autem simul, quod cum ante XIV. menses in similem
incidisset dolorem & eò per triduum plurimis medicamentis
incassum adhibitis, afflicta fuisset, vena tandem mediana se
sponte aperuerit, & effluxis IV. vel V. sanguinis uncis dolor
cessarit: hac ratione persuasus, phlebotomiam sine ulla ter-
giversatione instituendam imperavi, hanc autem mulierculæ
adstantes improbarunt: Elapsa vix una atque altera hora ve-
na prædicta rursus se sponte aperuit, simulque sanguis ad

tres vel quatuor uncias profiliit, & sic ut prima vice, dolor desit.

SCHOLIUM.

Fœmina quædam annorum dum fuit 24. primipara, paucis ante partum diebus spontè sibi rumpi venâ in sinistra surâ sensit, quam Chirurghi manu devinctam compescuit ab ulteriore fluxu. Sed annis abhinc duobus denuò imprægnata, in dextra sura consimilem venæ rupturam passâ fuit cum uberiori ad lipothymiam usq; sanguinis profluvio. Linteum cum albumine ovi madefactum imposuit, & illicò sanguinis egressus fuit sufflaminatus. Tandem post dimidium annum in media domesticâ cruris sinistri regione passim hinc inde nodosæ venæ septem ad minus in orbitâ thalerum præsentante una post alteram sponte suâ effluere cœpere, quæ Chirurghi industriâ rursus fuere cohibitæ, nullo valetudinis suæ subsequente impedimento. Adeò natura contra quosvis hæmophobos Medicum docet sanguinẽ educere superfluum non ex arteriis, quibus sanguis alimentosus inest, sed ex venis, per quas alimentum vehiculum, purus sanguis reditum ad cavam venam, ibi lympham ex hepate effluam adepturus, parat: hinc ad dextrum cordis ventriculum, ubi se cum chylo ex venis jugularibus descendente copulat, pulmonesque ingreditur, auram per aërem respiratum ætheream consecuturus, ut exinde per sinistrum cordis thalamum universò adducat corpori nutrimentum, quod cibo, potu & aëre ad vitam indiget.

[*Helianthus I. in gratiam Hermet. II.*]

OBSERVATIO CCXXXVII.

D. JOH. PAULI WURFFBAINII,

De

Maxillæ inferioris basi cariōsa, sublata, &
callo primum in cartilaginem mox
mutato, renato.

Cum ad præsentis hujus Anni VI. Observ. CXXII. ab Excell. Dn. Authore ejus, monitus, Scholium in chartam conjicerem, incidit (ratione gingivarum, sæpe in callum abeuntium) in mentem, observatio hæc, paucis communicanda: Viri cujusdam integerrimi & in hydrotechnicis exercitatissimi, conjux scorbutica, triginta præter propter tunc temporis annorum, frequenti dentium capitisve dolore graviter afflicta, insignem genæ dextræ persensit tumorem, exquisitissimè lancinantem & terebrantem, tandemque rumpentem, & insignem materiæ purulentæ malèque olentis quantitatem fundentem, vocatus Excell. Dn. D. *Jacobus Bürlinus*, Affinis, Fautor & Collega meus dum viveret exoptatissimus, mundato priùs per Chirurgum itidem hætenus beatè defunctum, ulcere, & accuratius postmodum eodem inspecto, maxillæ inferioris versus aures basin curiosam esse cognovit, hinc ejus à sano maxillaris hujus ossis parte separationem non modò suasit, sed consentiente ægra etiam tentavit feliciterque absolvit: Provida tamen natura defectum ossis hujus supplere studuit, & callum primum ejus loco, in cartilaginem temporis tractu mutatum, sano maxillæ ossi quam firmissime noviter adnatum, substituit, ita, ut nil quicquam foemina hæc ab ipso curationis hujus tempore senserit incommodi, quin potius liberè & pro lubitu maxillam movere optimeque cibos masticare hodie-
num

num possit : Ossis cariosi particulam à sano separatam, à Marito ejus ex plumbo affabrè effigiatam mihiq̃ue oblatam, penes me adhuc servo, inq̃ue figura hîc appositâ ex utroq̃ue latere, curiosis inspiciendam, sisto.

Fig. LXXXVII.

OBSERVATIO CCXXXVIII.

D. JOH. GEORGII VOLCKAMERI, Sen.
Tetanus ex balneo.

MAtrona quædam Illustris primipara tempore statò filiam per diei naturalis spatium in traduce morantem enixura, tardum tandem experta fuit partum: Voto enim quamvis potita suo citra læsionem tamen orificii uteri non penitus salvata fuit, subsequens siquidem puncto puerperio congressus cum marito, dum citra insignes eundem dolores admittere non potuit, violatam in naturalibus eandem arguit. Tali per triennium afflictata incommodo, nemine latentem eandem causam observante concipere non amplius potuit. In neutro tunc illa valetudinis statu constituta tædiosam satis vixit vitam; donec ex cujusdam civitatis nostri Medici consilio ad thermas hujus urbis fuit ablegata: quas ingressa tali, quantum sustinere potuit, (quod vitium in thermalibus aquis ubiq; commune committitur) calore per aliquot dies toleravit, subsequente per dorsum capitis dolore, in dies validiore. Tandem absq; omni illa motu effecta rigido extensa toto corpore in culcitra locata recubuit. Ad desertam à suo Medico accitus ego comparui: de cephalalgia dorisq; dolore ex osse coccygis, quo sæpius ante correpta fuit, certior factus; regionem uteri observans, eundem ex difficili fortasse partu affectum fuisse collegi. Ex relatione adstantium fœminarum vanam non fuisse conjecturam meam deinde intellexi. Per triennium proinde affectum illum citra curationem neglectum, utrum in integrum restituere sit possibile

sibile, mecum cogitans, tandem tamen primariò eundem ag-
grediendum putavi. Purulentum autem fuisse cogitare coepi,
quod pus à calidâ balnei undâ ad evaporationem excitata sur-
sum per dorsi regionem in caput sublimatum convulsionem
illam tetanicam excitavit. Certioris verò conjecturæ hujus
argumentum adipisci licuit beneficio pelli, per noctem in va-
ginam immissi; altero extracti ejusdem die purulentum caput,
cui emplastrum triapharmacum cum camphorâ affixum fuit,
mecum inspexere adstantes. Ab ulteriore balnei usu cessans ean-
dem domum deductam, injectionibus uterinis, menstruum flu-
xum nil curans, feliciter DEO juvante restitui. Tepidæ postea
aquæ dulcis cum herbis radicibusque convenientibus usu ad
perfectam redivit sanitatem, nullius amplius prolis deinceps
effecta genetrix illa sterilem in hunc usque annum vitam
degit.

OBSERVATIO CCXXXIX.

D. JOH. GEORGII VOLCKAMERI, Sen.

Singularis in balneis ritè adhibitis
utilitas.

HOnesta quædam foemina nostræ civitatis lumborum
dolore crebrò infestata à Cl. Collegii nostri Medico, Dn.
Sebastiano Heinlino, quondam Seniore primario fuit
curata. Ex cæteris aliis ipsi præscriptis non profuit
ullum, quod strenuam æquè tulisset opem, quàm aquæ dulcis
balneum. Sacco inditæ fuere seqq. herbæ. R. Melissæ, Ori-
gani, Rorismarini, Salviæ, Veronicæ fl. Sambuci, āā. M. iv.
Junip. bac. m. iij. contusa omnia. Hoc aliquoties infessu usā
melius se habere coepit: Sed, quod observatu dignum fuit,
crassamentum quoddam pingue quotidie aquæ innatavit co-
piosum, quod cochlearis beneficio separari inde potuit. An-
ne hæc doloris pristini fuit causā, quia difficultas illa lum-

borum, de quo fuit conquesta, mitior in dies reddita penitus tandem finitis balneis cessavit ? Et hæc balnei cura sequentibus quoque annis simili cum effectu fuit peracta.

SCHOLIUM.

BAlneas non saltem ad delectationem, sed & ad corporum nostrorum, si ægrotant, curationem præ cæteris proficuas esse, antiqua & moderna testantur tempora. Romanorum quis perlustret magnificentiam, quantum illi attribuere lavacris suis ad fastum & pompam adornatis ? Tricliniis illotos accumbere fuisset inurbanum : hinc balneationes plerumque præcessere convivii, aut ad minus pedum lavationes. Sed corporibus inprimis morbificis conducunt aquæ dulces, quin & medicatæ thermæque, ubi neque evacuationes, nec sudorifica profuere. Quandoque enim una, aut plures corporis partes ægrotare incipiunt, tam interiores, quam exteriores, superioris, mediæ aut inferioris regionis; quandoque etiam continentes ab intrinseco aëre languent partes, quæ nullâ restitui arte queunt, nisi universum immerferis corpus, aquis thermalibus, aut balneis medicatis & artificialibus. Ex scorbuticis præcipuè corporibus talem extrahi observabis ex corpore saburram, qualem vix alia subducent pharmaca, vel quovis ingenio excogitata. Vir quidam authoritatis præcipuæ, Juris legumque peritus, anno ætatis climacterico *tertio*, propter assidua, quibus invigilavit studia hypochondriacus tandem redditus languere coepit & prorsus decumbere, levi febriculâ ad hæticam vergente, ad balneum aquæ dulcis à me fuit dimissus, cui herbæ Atriplicis, Beccapungæ, Meliloti, Violarum, Solani, flor. Malvæ arboreæ, & Fœni sacculo inclusæ fuere adjunctæ. Ægrotus ille ad solum deductus ligneum aquis se immerisit ad axillas usque, temperatè calentibus, ne sudor frontem inundaret. Post triduum manè vespereque totus ad se redire, paulatimque robustior fieri ; Sed aqua balnei foetere

tere incepit, innatante ei fabuſſa nigricante craſſâ, cum acredine, incrementa ſubinde ſumente dietim, ut quotidie novæ neceſſariæ fuerint herbæ, propter inſignem in aquâ putredinem gravemq; odorem, acerbitatemq; manus aſſiſtentis vellicantem, donec tandem evaneſcentibus hiſce moleſtiis integræ Vir ille fuit reſtitutus ſanitati. Eâdem prorsus ratione reſtituta à me fuit foemina vidua XL. & quod excurrit, annorum, quæ tandem ſingulis diebus foetentem nimis talem coluviem, tres manûs volas exſuperantem, renovatis licet quotidie herbis iſtis, ex corpore ſuo in aquâ emiſit. Si in quodam alio, certè in balneandi modo modus vel leviter excedens gravem in ſe errorem continet. Hic non tam in thermis, quàm artificialibus balneis probè attendendus, ne nimio corpora quaſi elixentur calore, aut ſudoribus prorsus diffluant. Quid enim? an intenſo balnei æſtu virtus aquarum corporibus inprimitur? annon à majore externo calore debilitatur calidum viſcerum nativum? Hinc egredientem laſſitudo plerumq; comitatur, & intentior ſitis à ferveſcèto hepate ſequitur; huic ſi pro neceſſitate per potum frigidiorem præcipuè, ſubvenire volueris, tonus remittetur ventriculi, hepar æſtuans ſtomacho incumbens refrigeratur, bilis in veſicula deliteſcens ad coagulationem præparatur, induratur & hepar, ad cachexias & hydropem porta reſerata panditur. Hic in omnibus balneis in fronte ſudor terminus eſto, quem ſi tranſiveris, periculis non eris vacuus. Sed ſitim reſtringuere modicè refrigerantibus præſtat, quàm calefacientibus, vinoque præferendæ cereviſiæ ſunt gratiores potæ non nimis frigidæ.

OBSERVATIO CCXL.

D. LUCÆ SCHRÖCKII, LUC. fil.

Ischuria octiduana curata.

QUàm trita est Medicorum sententia, ischuriam, si intra diem septimum non finiatur, esse letalem, tam sapè magnas patitur exceptiones; qualem etiam casus, quem hîc Curiosis nostris communicare libet, suggerit; dum vir quinquagenarius, doloribus colicis sapiùs obnoxius, in eosdem denuò Mens. Januario An. 1687. incidit, quibus per consueta & experta aliàs sibi remedia obviam ire parans, operam se inanem ludere, ac tandem urinam suppressi, doloremque in abdominis latere sinistro satis intentum urgere persensit; quæ ischuria cum jam per sextiduum durâssêt, me vocari jussit; cum verò & totius corporis intumescèntiam, sitis vehementiam, capitis viriumque languorem, & pulsus debilitatem observâssèm, periculò adstantibus denunciâtò, Parentem quoque meum venerandum, pro communi consilio in tam dubio casu conferendo, vocare placuit. Unde cum humore viscido renes obstrui, salvâ vesicâ, judicaremus, varia tum externa tum interna, balnea ex aqua fontana cum herbis diureticis & carminantibus alterata, cataplasmata, foci, sacculos, enemata, aquam, pulverem & potum diureticum adhibuimus, Spiritus etiam Salis Ammoniaci urinosi guttas xv. cum vehiculo diuretico propinavimus; cujus usum non diu post, & quidem die morbi octavo, qui erat d. 23. Januar. gutta una alteraque humoris admodum crassi & visceridi, magnò cum conatu ejecta, per virile membrum subsecuta fuit; cum verò vespèri alterius suavis, ceu specificum quoddam & expertum remedium, à nobis, ne ægrum, si moreretur, neglexissè videremur, vel hòc intuitu haud improbandum, Spiritum nempe Salis communis, decem

cem ejus guttas cum Nitri depurati granis sex jungendo, duabus vicibus sumsisset, repagula ista, jam à Salis Ammoniaci Spiritu, non irritò conatu, expugnari incepta, magis reſerata fuerunt, & largiſſimum urinæ profluvium noctu inſecutum fuit, ita ut intra novem horarum ſpatium ejusdem undecim circiter menſuræ noſtrates emanaverint; quam lotii excretionem, die 9. iterum moras neſtentem & dolores renovantem, continuatò diureticorum blandiorum uſu urgere perreximus, maximæ etiam corporis debilitati, ipſi vitæ periculum minanti, confortantium applicatione opem tulimus, ſicque ægrum, divinâ adſiſtente gratiâ, priori ſanitati feliciter reſtituimus.

SCHOLIUM.

Duturnam talem Ischuriam ad 17. dies durantem in juvencula Zytepfæ Conjuge, talem affectum ſummâ cum patientiâ exanclata obſervare mihi licuit, quæ poſthabitis quibusvis adminiculis tandem uſu trium cantharidis pulv. granorum, demptis aliſ capitibusque in lacte exhibiti ſoluta per octo dies inducias dedit, pallidò tamen remanente univerſi corporis colore, viriumque & appetitûs debilitate. Elapſò octiduò vehementiore cum impetu reverſus fuit hoſtis, qui ſeptem ſaltem diebus nullâ vi potuit arceri; Victa proindè miſella iſta vitam vivere deſiit. Eâ ferè ratione pelliparii cujuſdam noſtratis conjux cœpit poſt ſtranguriam omnimodâ urinæ ſuppreſſione affici. Quæ cùm cathetere argenteo ſubrotundo per veſicæ orificio ſibi opem latura urinæ exitum fruſtrâ aliquoties tentâſſet, nullam exinde guttam extillare perſenſit, ſeptimò die levibus præcedentibus convulſionibus vitam finiit. Utramque cultello anatomico experiri animus fuit, anne ureteribus aut renibus cauſam hujus obſtructionis imputare potuiſſemus; conatui huic meo frivola fœmina-

rum turba utrinque obstitit, nugis gerrisque suis evanidis ob-
strepera.

[*Helianthus l.*]

OBSERVATIO CCXLI.

D. LUCÆ SCHRÖCKII, LUC. fil.

Ischuria duodecim dierum curata.

Matrona quinquagenariâ biennio major, jamdudum hypochondriaco morbo obnoxia, variisque dein-
animi adfectibus, moerore inprimis, & irâ diu agita-
ta, cum salubrium ciborum, carniû præsertim
esum, ultra annum temporis spatium averfata fuisset, solâ
cerevisiâ tenuiore, vinô, quod nullum palato arridebat, ne-
glecto, pro potu contenta, in vomitum incidit, qui per qua-
tuordecim dies omnia ingesta rejicere cogebat; cum verò
d. 2. Novembr. anni elapsi haustum vini dulcis Tirolensis ru-
bri, minùs adhuc defecati bibisset, 5. die subitò urinam omni-
modè suppressi, econtra diarrhoeam infestare experta est;
quæ tamen incommoda, præ medicamentorum fastidio, cum
neglexisset, tandem 8. die Novembr. ad calorem, qui cum
alternante horrore subindè recurrebat, abigendum, Tin-
cturæ Bezoardicæ triginta guttis sudorem elicere studuit; qui
licet non succederet, leviori tamen udore corpus irrorabat,
& phlogosès illas compescebat. Continuante verò ischuriâ,
cum vomitu & diarrhoeâ, quia viriû insuper imminutio ac-
cedebat, unâ cum dilectis. Parente meo vocatus, quæcunque
ad sanguinem emendandum, urinam movendam, & ob-
structiones renales referandas conducere poterant, volatilia
& fixa ordinavimus, quia malum non in vesica, sed ipsis tu-
bulis renalibus à viscidiorè pituitâ obstructis, ac sanguinis
discrasia, separationem seri superflui ægrè permittente, con-
sistere

sistere judicabamus, quòd nullus, neque in lumborum, neque vesicæ regione dolor aut distensio, neque ullus excernendi conatus urgeret. Irritum tamen omnem laborem nostrum reddidit morbi pertinacia, nisi quòd d. 10. Novemb. vomitus & diarrhoea, quam non admodum frequenter instantem tollere minùs consultum duximus, ne hanc sero superfluo excundi viam præcluderemus, spontè remittere inceperit; ægrâ interim lateris sinistri stuporem quendam, vel semiparalyfin patiente, de faucium angustia querulâ, & hæmorrhagiam narium unâ alterâque vice perpessâ, nullâ cæteroquin siti infestata, corpore autem, pedibus præcipuè, intumescente; usquedum die 13. Novembr. vesperi post repetitum pilularum, ex Sale Succin. vol. gr. vj. cum Extr. Veronic. ʒß. & Ol. destill. Foenicul. gut. ij. compositarum, usum, humorem viscidum, cochlearis unius quantitate, non sine magno conatu excerneret; fastiditis autem Pilulis, aliisque, & Pulveris Succini, ne nihil ageremus, cùm alia omnia respueret, scrupulo dimidio substituto, d. 15. vesperi fluxus sanguinis, levior quidem, mensibus jam ante annum cum dimidio fluere desinentibus, ex locis muliebribus succederet; quem, continuatō pulveris dicti usu, d. 16. Novembr. circa vesperam tandem urinæ effluxus largior comitabatur, qui per noctem continuans (quò tempore sex mensurarum, sive librarum medic. 16. quantitatem circiter excreverat) non levem præcipuè cùm & die 17. ultra 5. libras urinæ porrò prodierint, reconvalescentiæ spem fecerat; quam tamen motus convulsivi partium tendinosarum in artubus, qui die 18. magis intendebantur, cum omnimoda virium prostratione, siti intensâ, calore gliscente, & abdominis dolore, deliriisque ferè continuis, dubiam rursus reddebant; præcipuè cum vesperatino tempore insignis in abdomine, pube præcipuè, dolor ac nova urinæ suppressio metum augerent, quibus tamen cataplasma impositum &c. medelam attulit; & licèt mole-

stia

stia hæc diebus sequentibus sæpius cum alvi segnitie rediret, paulatim tamen symptomata remiserunt, sanitasque pristina, quantam equidem altius radicans morbus hypochondriacus permittebat, singulari curâ indigens, reversa est.

SCHOLIUM.

Vir septuagenarius engonatonii artifex Calendis Januarii An. 1645. inter liberos & generos suos lætior liberalius tunc vinum potavit. Noctu supprimitur urina cum gravi anxietate cordis corporisque universi. Cum cathetere subveniendum ipsi fuit, toties, quoties urinam reddere cogitavit. Post quartam emissionem sanguis purus affatim effluxit, cessante deinceps tali cruoris quantitate. Assistentes infelici illum consolatione morti vicinum prædixere, quorum prognosticum susque deque habui; apostema quoddam ad collum vesicæ suspicatus, quod ruptum fuit: & emerfit ille ex tali periculo ad retinendam deinceps urinam non amplius idoneus, dum stanneam lagenam secum ferre fuit semper coactus.

Alii opem ferre licuit seniculo in balneo aquæ dulcis sedenti, cui cucurbitam unam alteramve prope pectinem utrinque cum multa flamma affigendo & deorsum trahendo, ut ureteres exinde commoti & extensi sabulosam commodius eliderent materiam, obstructionis hujus causam. In dextrâ regione voto nostro fuit factum satis, effluxit saburra sanguinolenta cum multâ urinâ. In sinistro latere post quinque dies reserata etiam fuit ista obstructio, restituto in integrum senili isto silicernio:

Nec minùs Præconi verbi divini hujus urbis præcipuo talis oborta fuit suppressio, accedente stranguriâ, urinâ guttatim extillante cum gravi cruciatu. Huic post complura artis auxilia irritô cum effectu, Chirurgum per Siphonem Ol. Amygd. dulcium, Violarum & Hyperici coctum cum vehementi impetu

petu injicere jussi, ejus canali cum cerâ obducto, & ultra dimidium membri immisso, digitisque circumpresso, ne oleum fluere retrò potuerit, cum *εὐφοεία* & desideratâ recuperatâ sanitate.

Hic procedendi modus magno aliquoties cum emolumento mihi usui fuit, si cætera externa nil opis ferre potuere: & commendo iis, qui catheteris encheiriæ ignari, usu siphonis contenti esse poterunt. Quidam Empyricus Magno nostro Sauberto, quondam Antistiti Ecclesiarum Primario in tali suppressione regionem pubis cum pinguedine anserinâ illotâ calidè inungi, dein sterc. ovillū cum urina pueri in forma cataplasmatidis coctum super oesypo imponi jussit, subsequuto successu exoptato.

Minus felix fuit conatus Medici cujusdam juvenis audacissimi, qui honoratum quendam piumque Virum, talis urinæ difficultatis incommodo laborantem, per tot acria assumpta medicamenta, cum nihil efficeret, cathetere, quem dirigere ignarus nequivit, in vanum adhibito, adeò tormentavit, ut irritata absque omni effluxu à tali falsedine, urinæ copia vesicam cum ineffabili dolore ruperit, mortemque miseram oppetierit Ille, qui fuerat longiore dignissimus vitâ.



A D D E N D A

Ad Decur. II. Anni V. Observat. CXXII. pag. 244. seq.

D. JOH. LUDOVICI HANNEMANNI
Porismata de Luce.

I.

- L**ux est sibi ipsi fons & origo. .
2. Lux est anima caloris.
 3. Lux omnia in hoc mundo vivificat & mo-
ticit.
 4. Calor sine luce prorsus inutilis , & omnia corrup-
pens.
 5. Lux est spiritus vivens omnia penetrans.
 6. Lux est principium vitæ in aqua se multiplicans &
gignens.
 7. Lux naturæ est in omnibus rebus spiritus vitæ.
 8. Lux gignit in animis desiderium ad pulchritudi-
nem.
 9. Lux universam naturam oblectat.
 10. Homogenea citius , quàm Heterogenea lucem im-
bibunt.
 11. Lux habitat in igne, sed ab igne non afficitur.
 12. Lux facit, cæterum ignis in semetipsum sæviendo con-
sumeretur.
 13. Lux igni erepta, nihil aliud est, quàm fames & tenebro-
sum Chaos, sicque Lux est anima ignis.
 14. Lux igni erepta, amittit principium suum, in quo &
ex quo lucet: (2) amittit suam vitam, & fit impotens: (3) à
tenebris absorbetur, & in semetipsa exstinguitur.
 15. Lux omnibus proprietatibus ignis est prædita, sed in
essentia quadam exhilarante & emicante fulgure regni læ-
pitæ, ignis in essentia timoris & horroris fundatur.

16. Lux

16. Lux est, ex se principium gignens; ignis absumens, & quod ignis absumit, hoc lux restaurando regenerat, & corpus in spiritum transmutat. Sicque loco corporis ab igne absumpti reddit spiritum lux.

17. Lux, aer & ignis unum sunt ens, sed semetipsum in tria dividit, quæ tamen inseparabiliter in se habitant; & alterum alterius vita est.

18. A luce dependet elementorum motus, & sine illa nullus eorum motus.

19. Omne vivens appetit lucem.

20. Lux est ignis amoris; alter ignis est ignis doloris.

21. Quædam aqua oleosa est nutrimentum lucis.

22. Hæc aqua oleosa inspissata gignit ex se corporeas substantias, quamdiu in hac sua spiritualitate permanet, est lucis nutrimentum.

23. Cum lucis hęc nutrimentō symbolizat Philosophorum Mercurius. Nam sicut ille (1) spiritus (2) ex spiritu fit corpus.

24. Lucis tanquam ignis amoris; & ignis tanquam ignis doloris proprietatibus characterisatus est Mercurius Philosophorum.

25. Inter lucem & tenebras æternum est contrarium; tamen essentialiter non differunt, nisi duntaxat voluntariè.

26. Lucis & tenebrarum Mercurius philosophorum capax, & utriusque principii soboles.

27. Ignis Magicus, qui est faber Lapidis Philosophici, primò exserit vim suam instar ignis doloris, (2) exserit vim suam amoris, sicque lucem æmulatur. Hęc modò parit tenebras, istò modò colorum metamorphosin, i.e. caput corvi, i.e. cauda pavonis.

28. Ignis Magicus non est ignis, nisi eum lux & ignis advenit, hæc amorem inferendo, iste dolorem.

29. Lux est principium substantiale Magiæ.

30. Lux est principium, non Judæorum nugatoria, sed naturæ & artis Kabbalæ.

31. Kabbala naturæ & artis non differunt nisi organicè.

32. Kabbala naturæ & artis symbolizat cum Theologia orthodoxa.

33. Magisterium Lap. phil. est opus Magiæ & Kabbalæ.

34. Urim & Thummim Lucis & ignis Mysterium fuerunt.

35. Lux omni vesperâ in suum redit centrum, & omni mane ex eo scaturit.

Toridem Porismatibus nostram Philosophiam Sacræ Scripturæ, Naturæque dictamini conformem inclusimus, quæ (DEO vitam concedente) datâ occasione partim peculiari Tractatu, partim in Scholiis, quæ successivè meis Observationibus reddo, explicaturus sum. Dicam etiam aliquid de iis in nostro *Cornelio à Lapide Enucleato: Et nostris floribus sparsis ad I. Regum c. 28.*

Ad Anni hujus Observationem XXXVI.

De

Fistula lachrymali.

Observationem de fistula lachrymali ab Exc. D. *Carolo Patino* Curiosorum Collegio communicatam legi, atque petitioni vestræ, quantum ars mea permisit, satisfeci: fateor meæ tenuitatis haud esse tantorum Virorum expectationi annuere, cùm talium affectuum eventus ancipites sint, hosque judicia varia insequantur; tentabo tamen octennem hunc nobilem Juvenem fistulâ lachrymali laborantem, remediis Paræi & Aquapendentis non restitutum, à Petro Camero ad D. Professore Patinum deductum, quatuor vicibus cauterisatum, ita curare, ut primò trepano perforativo osficulo canthi

canthi majoris appposito, juxta carunculam lachrymalem in ipsam nasi cavitatem adacto, foramen fiat, per quod pus operationem ulteriorem impediens in nasum derivetur, dein præparetur corpus, atque ab humorum affluxu defendatur, medicamentis cholagogis & hydragogis è Mercurio paratis, demùm incisio fiat falcata secundùm orbitæ, & affecti ossis situm, dilatatio hoc vulnere cum spongia vel carptis linteis, & parte affectâ probè detectâ, oculoque cochleari munito, cauterio actuali vel cum vel sine cannula orbitæ ad amussim applicari, oculum attollente, probè aduratur, flexibilitas (nisi cartilago hæc naturalis & sana fuerit) eodem igne actuali tollatur, quò factò, Melle Rosatò solò cum Saniculæ & Plantaginis succis inspissatis mixtò, spleniis illitò os denudatum tegatur, sic intra aliquot hebdomadarum spatium exfoliatio fiet, imprimis si cum Pilulis aureis Nicolai materia ad partem affectam ruens continuò ad alvum ducatur, oculus, tempora, frons, & dorsi spina balsamo antiphthifico nostrò in *Ephemeridibus* descripto ungatur, ægerque pro potu ordinariò Decoctum Chinæ recentis cum Violarum Syrupò hauserit: factâ exfoliatione, semotâ escharâ ossis, Ung. album Camphor. vel Sief album sine Opio superponatur oculo, & vultus adjectâ Melli rosato Myrrhâ & Sarcocollâ, detergatur penitusque percuretur. Caterùm cum Fistula lachrymalis sit ulcus inter nasum & oculi angulum majorem subortum, spontè vel ad pressionem digiti materiam quandam de se mittens, partem affectam non solùm carunculam lachrymalem, & ossiculum subjectum, sed & quandoque palpebram inferiorem, hujusque subjectam orbitam esse censeo, omnes enim hæ partes à lymphâ acriore circa canthum collecta lædi possunt, imprimis quando puncta lachrymalia circa nasum obstructa fuerint, nisi enim in glandulis lymphaticis oculorum ab affluentibus per nervos copiosos spiritibus benignis lymphæ probè contemperetur, & blanda reddatur, in vasis lymphicis (ductus novos in nictatoriam membranam tendentes in

viculis nuper in meis ædibus plures, quàm celeberrimus *Steno* reperit, Exc. Dn. Doctor *Virdung ab Hartung*, Herbipolensis, Anatomicus admodum perspicax adinvenit) vel acrior fit, vel coagulatur, & stagnare incipit; quæ causâ sæpius in corruptela & carie ossium considerata foret, hæc enim tuberculum affluente simul sanguine excitat, & abscessum gignit, imprimis si corpus biliosis & acribus humoribus stagnarit, si ve ophthalmiâ & debilitate æger laboraverit: non verò dubito causâ delitescentiam malum hoc reddidisse longum, quam enim motus oculi perpetuus sollicitet humorem, nihilominus caries abscondita orbitæ ejusdem proventum accellerare & fovere potuit, vix quoque dubito cariem & illas orbitæ partes afficere posse, quibus oculus superjacet, & velut culcitra incumbit, in quo casu solâ ossis nasi perforatione curata tentari debet.

[Exc. D. *Aretaus ad Celsum Tiguri A. 1688. d. 26. Jan.*]

Ad Anni hujus OBSERV. XLI.

De

Uso medico Cinnabaris.

Rationes dubitandi de usu medico Cinnabaris cum ulterius exponere Nob. D. D. Crügero, in Literis ad Amplis. Dn. PRÆSIDEM scriptis, libuerit, & unicuique, ad investigandam veritatem, placidè sententiam suam proferre liceat, nec contrarium sentire in alterius opprobrium vergere debeat, easdem hîc pariter adducere, ipsis Dn. Autoris verbis, placuit: Ego qui jam per 20. annos libros Alchimiatarum & illorum qui de mineralibus ex assè scripserunt perlegi, rem aliter animo comprehendere non possum, dubium mihi primum movit Helmontius qui scripsit, Mercurium, (quamdiu est volatilis) non esse remedium boni viri; Jam verò in omni cinabari mercurius adhuc est volatilis & cum suo sulphure

phure levi igne exhalat, nam omnis cinabaris est tantum Mercurius sublimatus.

Ad (1.) autem dubium mihi propositum respondeo si-
ve disjunctivè si-ve conjunctim cinabarina principia confide-
rem, mercurius suam naturam retinet, ille est immutabilis,
nisi quod aut in igne quiescat & amicabiliter cum eo gau-
deat uti Geber loquitur, aut in totum avolet, Nam in par-
tes diversas dividi non potest sed est homogeneæ naturæ uti
Sennertus loquitur, per sulphur ipsi adjunctum natura ejus
non mutatur. Et aut cum pinguedine aliqua aut cum sul-
phure, quod est pinguedo coagulata, jungatur, idem
est. Aqua quando cum saccharo conjungitur quoad essen-
tiam non mutatur, levi negotio ab illo destillatur salva u-
triusque essentia, ita & Mercurius qui est aqua viscosa Geb,
summ. perf. cap. xxx. & sulphur quodcunque, quod est oleo-
sa quædam pars, non per talem cinabarinam præparationem
intimius combinantur. Combinatio enim hæc non fit per
fermentationem, ita ut nova inde forma resurgat, quemad-
modum in Theriaca videmus, sed tantum per duorum prin-
cipiorum mixtionem, quorum neutrum alterum immutat
alterum, sed suam naturam retinet. Arsenicum etiam si per
sublimationem cum ferro aut cupro jungas, non idcirco
naturam amittit suam, quoniam hæc combinatio est tantum
mixtio, salva utriusque natura, ideoque in venenatis rebus,
aliarum rerum proposita combinatio nihil probat, quarum
alterum in bonitate adjumento esse potest. Mercurius autem
quamdiu est volatilis est fumus venenatus, quod aurifabri
experiantur, per sulphur autem aliquod volatile ejus natura
non corrigitur.

Ad (2.) Respondeo me sulphur antimonii ut & commu-
ne multis elogiis prædicare, ea autem non esse tanti ut mer-
curii in radice connatam malignitatem corrigant, Aliàs in
Antimonio duplex esse sulphur constat, alterum flavum &
combustibile simileque vulgari (vid. Schröd.) & tenuitate à
vulgari

vulgari distat & subtilitate, alterum melius & propius ad metallicam naturam accedens, excellentissimas habet facultates, præsertim si cum suo mercurio conjunctum maneat, amboque in igne gaudeant (utor verbis Gebri) oder daß sie werden wie Zinober: Erß/ utor verbis Basilii in curru triumphal. Hinc Riverius in Arcanis An. 1679. Lugduni editis propius accedit ad philosophorum cinnabarim, in trochiscis suis antiepileptis. Ubi ipsam substantiam Antimonii fixam beneficio mercurii sublimati ex capite mortuo ad parietes retortæ elevat, mercurio abeunte, utpote qui tantam ignis vim tolerare non potest. Verum itaque sulphur antimonii rite præparatum, nequaquam rejicio, sed exinde mercurius à maligna suâ naturâ nondum est liberatus; Antimonium tamen illud laudo quod exquisitissima præbet remedia, quod è mineris auri eruitur, hujus enim mercurius cum auro ex una radice & ex uno stipite provenerunt uti Basilii loc. cit. dicit, de fratre plumbi antimonio vulgari jam nihil dicam.

Ad (3.) Respondeo. Si accuratè destillatio perficiatur cum calce viva, quod ego Colbergæ olim expertus sum, maxima quantitas mercurii iterum colligi potest, si vasa accuratè sint lutata atque recipiens collo retortæ accuratè respondeat, itemque recipiens sit plenum aquâ usque ad collum retortæ, nam mercurius est immutabilis, neque sulphur comitem suum infidum retinere potest, neq; extra corpus neq; in corpore.

Ad (4.) Mercurii natura nequaquam per sulphur neque per attritionem, neque per sublimationem mutatur, nam sulphur antimonii retinet suam naturam, itemque mercurius, atque vinculum illud non figit mercurium, sed ambo in igne avolant. Et ob hanc causam, plurimi autores hoc animadvertentes, de fixatione cinabaris cogitarunt, & inde arcana sua (ut putant) elicuerunt. Deinde vinculum illud sulphuris non mutat naturam Mercurii, nam Mercurius inde

inde destillatus est ejusdem cum communi mercurio naturæ, extra vinculum & in vinculo.

Ad (5.) si cinabaris singulis diebus ad ℥j. exhibeatur nullum est dubium, quin salivationem promoveat, quoniam niam mercurius in cinabari adhuc est volatilis, & hac ratione lue veneream curare posset, de qua non est quæstio, sed an epilepsiam arceret, an potius procuraret, mea erat propositio; nam nihil magis in lue venerea timendum quam convulsiones à medicamentis mercurialibus. De quâ Sennert. capite de curatione luis venereæ per hydrargyrum. Sed raro dosis illa ab Autoribus exhibetur, idcirco quidem in corpore aliquid movent sed nihil promovent, & idcirco potius nocent. Et hac ratione etiam respondetur ad

(6.) Cinabarim Antimonii, ratione mercurii adhuc volatilis, infestam esse nervis æq; ac mercurius dulcis, & mercurius in cinabari æquè ac in mercurio dulci est volatilis & quando intra corpus assumitur, iterum fit sui juris, imò etiam si extra corpus cum sulphure & pinguedinibus extinguatur, & corpori illinatur à magnetica vi, & attractiva intra corpus rapitur, relictis reliquis sociis, imò quod magis mirandum, etiam si in cingulo corpori adaptetur, quod Colbergæ cum morte infantis epilepsia exinde extincti experientia restata est, dum Chirurgus pediculorum abigendorum causa mercurium, sulphure & pinguedine extinctum applicaret in cingulo. Idem & alii Infanti contigit dum in crusta lactea idem tentaret Chirurgus. Relinquo itaque cruda hæc principia & cum Paracelso dico: Sulphur Solis igitur cum mercurio Lunæ philosophico, junctum artificio, cur non cinabaris erit. Hæc est mea sententia. Salvâ sententiâ aliorum.

[D. Dan. Crægerus.]

Ad Observationem IV. hujus Anni, quæ inscribitur:
 Calendarium fauciatorum perpetuum.

In signis locus habetur apud *Illustrem Boyle experim. 18. de vi elastica aëris p. 51. f.* ubi hæc: *Qui vulnera aliquando & contusiones sunt passi, sæpe lamentantur dolores; unde quasi certo portento, magnas in aëre mutationes affecti præsagiunt, sanis interim & robustis corporibus nihil ejusmodi in se persentientibus.* Posse hinc probari vult *Boyle*, verisimile esse, quod ipsi etiam *atmosphæra*, non desint quasi fluxus & refluxus plane admirabiles; aut saltem, quod varias patiatur permagnas & repentinas, secundum altitudinem suam, aut densitatem mutationes, quarum tam causæ, quam & ipsi effectus, incautos nos, atque nihil ejusmodi speculantes prætereunt. Quæ, in quantum opinioni nostræ conformia sint, videatur in ipsa observatione.

[*Oribas.*]

Ad Obs. XCIII. Ann. III. Dec. II.

De

Cura febris tertianæ per terrorem.

Cum in *Curlandia* versarer, sæpe numero triplici modo vidi abactas intermittentes, (1.) *per improvisum terrorem;* (2.) *Indigenæ Rustici ab antiquis & Ethnicis temporibus balnearum amantissimi, quæ ipsis sunt sacræ, & plerumque ad rivos & flumina exstructæ, quum febricitant, sudatorium adscendunt, & largissimè in æstu summo, quæ in consueti cum suffocationis periculo subeunt, sudant, mox illinc prorumpentes, vel æstatis tempore in rivo se ad collum usque abscondunt, vel hyemali tempore toti nudi in nive volvuntur; mox æstuarium rursus ingrediuntur, sudant, refrigerantur, idque tertium faciunt, & plerumque à febre liberantur.* (3.) Vidi Dominos aliquos febricitantes seruos flagris ad usque sanguinis profusionem & animi deliquium cecidisse, profligata sic febre, *ut non solum in re venera, verum & febrili constitutione sit flagrorum insignis usus.*

[*Oribas.*]

APPEN.

APPENDIX
AD
ANNUM SEXTUM
DECURIAE II.
EPHEMERIDUM
MEDICO-PHYSICARUM
NATURAE CURIOSORUM
In Germania.

NORIMBERGÆ,
ANNO M. DC. LXXXVIII.



CONTENTA APPENDICIS

Anni VI. Decur. II.

1. D. Christiani Francisci Paullini, Imperialis Academiae Curiosorum ARIONIS, Observationes Medico-Physicae, Selectae & Curiosae, variis antiquitatibus Historico-Germanicis bonâ fide interdum conspersae.
2. Jacobi Grandii, Medici, Philosophi, & Anatomici de Stibio, ejusque usu apud antiquos in re Cosmetica, Dissertatio per Epistolam, In cujus exordio obiter de Aqua Nilotica, deinde de Stibii mentione in sacris litteris, & de Fucorum materia disquiritur.
3. Joh. Jacobi Heinrichi, Phil. & Med. Doctoris Argentinensis, S. R. I. Acad. Nat. Curios. Arionis Idi, Epistola ad Illustrissimum Virum Robertum Boyle, de Variis Aëris Rarefactionem Mensurandi modis noviter repertis.

CHRISTIANI FRANCISCI
PAULLINI,
Imperialis Academiae Curiosae
ARIONIS,

OBSERVATIONES
MEDICO-PHYSICÆ,

SELECTÆ & CURIOSÆ,

Variis Antiquitatibus Historico-Germanicis
bonâ fide interdum conspersæ.

NORIMBERGÆ,
ANNO M. DC. LXXXVIII.

VIRIS
VIRTUTE, DOCTRINA, ET GLORIA
EMINENTISSIMIS,

DOMINO
D. LUCÆ SCHRÖCKIO,

Luc. fil. Sacræ Cæsar. Majest. Medico & S. Palatii Late-
ranensis Comiti, Illustris semperq; Liberræ Reip. Augustanæ
Physico Ordin. Curiosorum Directori & Adjuncto,
CELSO &c.

DOMINO
D. GEORGIO FRANCO,

C. P. Cæs. Electoralis Acad. Heidelbergens. Pro-Cancel-
lario, suæ Facult. Seniori, & Prof. Primario, Diversor.
Elect. & Princip. Archiatro, Curioso-
rum ARGO &c.

DOMINO
D. SALOM. REISELIO,

Serenissimi Ducis Würtembergico - Stuttgardiani Con-
siliario & Archiatro Splendidissimo, Curiosorum
AMPHIONI &c.

Dominis, Fautoribus, & Collegis suis
magni semper æstimandis

*alterum hunc observationum fasciculum
exhibet*

ARION.



CHRISTIANI FRANCISCI PAULLINI

Curiosorum ARIONIS

OBSERVATIONES MEDICO-PHYSICÆ.

I.

Sudor pedicularis post mortem.

Adam PUTREDO, & filius hominis VERMIS! Job. xxv. 6. Hujus oraculi ego memor, ut vivam memor lethi, i.e. Vanitatis & Æternitatis. Tandem enim cum lucubratiunculis meis in pulvere dormiam, xxi. 26. *linea* subter me sternetur, & *operimentum* meum erunt *vermes*. Esa. xiv. 11. Sat vixi tamen, & benè vixi, vivamque in æternum, modò à Verme illo, nunquam moriente, Dei gratia me exemerit. Es. lxvi. 24. Marc. ix. 44. Crebriùs equidem longa ista, cui famulamur, Ars pias parturit meditationes, nunquàm verò feliciores, quàm si Pathologiam animatam, optimam illam portiunculam, lachrymas inter & suspiria languentium catè ruminor. Ut igitur prologus & clausula observationum nostrarum, quas superiori anno audax peperit crena, fuère *vermes*: Sic eàdem facie jam prodibimus in scenam. Nullum enim firmitus, nullum certius, nullum pulchrius *παραφρασ* axioma, quàm bellum istud Jobæum: Adam (homo) PUTREDO, & filius hominis (Adami) VERMIS! De sudore ad quartum usque diem post mortem vide memorabilem historiam D. Ledelii in Decur. I. Ephem. nostr. Curios.

* A 2

Ann.

Ann. III. obs. 83. quem etiam in infante notavit Excell. D. D. Frommann / Archiat. & Profefs. Saxo. Coburg, Præceptor olim meus fidelissimus, in eadem *Decur. Ann. VI. Obs. 185.* Georg. Donnerwald / rusticus *Albaccensis*, ad nonam ferè horam post mortem cruorem sudavit, sed, notante Nobili *Mauritio à Lohren* / Asceta Corb. (quem citat *Meinharti à Luchtringen* / ejusdem Imperialis Collegii Capicularis, in *mirabilibus* suis ad An. MCCIX. *Diu is miseram traxerat vitam cachecticam*, ut, ad levio-
riorem quoq. corporis commotionem, (*de 30 ad 1, @* adhuc,) sudorem exantlaret rubrò colore tinctum, Et addit ille: mortuum tandem esse inter sudorem, quem medicamentò fortiori provocârat, Prudenti pauca! De *Francisco Xaverio* narrat *Brev. Roman. novissimè edit. Mogunt. 1676.* in festo ejus d. 2. Decemb. cadaver illius, vivâ calce per multos menses bis obrutum, sed penitus incorruptum, odore & sanguine manasse, Ante biennium in cadavere Domini *Mich. Krummbügels* / Camerae *Guelferbyt.* Consiliar. Amici nostri, sudorem quoque observavimus, & fortè etiam alii. Sic fluxum mensium post mortem notavi *Slagelose* in Dania. Etenim *Petri Olai* filia, XVIII. tunc annorum, ipsis diebus canicularibus, instante mensium fluxu, cum sociabus suis, die quòdam Dominico, ad largum usque sudorem, choreas in horto parentis duxerat. Hinc sanguis calidior acriorque factus, præsertim in puella valde biliosa, impetuosius sequente nocte prorupit, Tentantur, more plebejo, varia, sed sine successu. Tertiò demùm die circa quintam vespertinam vocatur *Cornutum* noster. Sequor Virum: sed circa octavam puellam offendimus extinctam, cujus è pudendis sanguis adhuc largiter fluebat ad binas ferè horas, parvâ interdum morâ datâ. Dedimus etiam exemplum sudoris *Verminosi* in *Decur. I. Eph. Curios. Ann. VI. Obs. 3.* quam repetiit *Exc. D. D. Bonet.* in *Med. Sept. collat. lib. III. Sect. XVI. c. 15.* quamque aliâ eximie illustravit *Cl. D. D. Schmidius.* *Phys. Gedanensis Primarius, Dec. I. Eph. Cur. Ann. VII. obs. 85.* Adde, si places, *Breviar. rer. memorabil. Isib. ab Amelunxen à nobis edit.*

bis edit. num. 4. & obs. nostr. Med. Phys. Ephem. superioris anni annex. num. 84. Sed jam diu ante nos Henr. ab Heer obs. 23. sudorem cum pediculis sanguineum notavit. De tumore, pediculis pleno, vid. D. D. Crügeri obs. 13. in Dec. 11. Eph. nostr. An. IV. cum doctissimo scholio Amplissimi Celsi nostri. De struma verò verminosa & pediculari diximus in obs. nostr. num. 4. Stephan. Bachfeld / rusticus Gadelheimensis, Vir malæ vitæ, diu lecto affixus, miserrimè vixit. Cùmque à nemine vel auxilium, vel levamen amplius sperandum foret, auctò mœrore & criciatu, tandem expirat. Erumpit subito fetidus è cadavere sudor, in quo quàmplurimos pediculos albicantes notârunt domestici. Mala vita virum vocat eum Meinhart. Et talis licèt non fuerit, tamen in corruptissimis humoribus scorbuticis hæc, & hujusmodi animalcula nasci potuissent, quale exemplum affert Cl. Möllenbrocc. Curios. Pegasus I. in erudito suo de arthritid. vaga scorbut. tract. cap. 3. p. m. 36. Adde Borell. C. I. obs. 20. Quàm facilè enim ovula ac seminia insectorum in nos transferantur, ultrò fatebuntur omnes venusti Artis alumni. Et da mihi, quæso, cibum, cui non aliquid vermium admixtum sit. Beatus qui credit, beatior, qui carè declinat, beatissimus verò, qui consiliò ac industriâ examen istud animatum, verè invisum, ocyùs ac longiùs averruncare didicit. Næ, hoc qui fecerit, is mihi Philosophus erit perfectè ioh. 3. & magnum salutis humanæ asylum.

II.

Mentula summum in passione hysterica secretum.

NArrat D. D. Schenck. Prof. olim in inclyta Salana, Lib. I. Exercit. Anat. Sect. II. c. 34. p. 628. cum Polluce nostro Curioso, D. Garmannò, Amico & Collega pl. colendo, Lib. I. de miracul. mort. Tit. XI. §. 3. p. 101. ex Linschotto, Caffres Æthiopæ populos, ad oram maritimam, quæ ad caput bonæ spei

porrigitur, invicem variis bellis occupari: victores victis & cæsis *pudenda* rescindere, quæ rescata Regi, in reliquorum Procerum præsentia, offerunt his moribus. *Pudenda* in os assumunt singulatim, atque ad Regis pedes ea exspuunt. Rex collecta & sublata in regium munus Victori restituit, qui Victor *filo connexa* pro *monili* sponsæ, seu uxori suæ, *de collo* suspendit. Sponsa hōc habitū incedens in tantum attollitur, ut se vel totius mundi Reginam, vel *aureō vellere* insignem, credat. Pro certo mihi relatum est in nobili quadam confederati Belgii urbe, feminam, laudabilis vitæ, & honestæ gentis, ex inaudito erga defunctum maritum amore, cum quo amicissimè, quamvis in sterili conjugio ultra XVIII. annos vixerat, *membrum*, quō Vir fuerat, nemine sciente, ei abscidisse, & inter pretiosiora sua, *argentea pyxidi* inclusum, sanctè custodivisse. Senior tandem facta crebriùs passa est *dolores hystericos*, ad quos profligandos cū nescio apud quem singulariter commendatum reperisset pulverem de *priapo cervino*, subitò rata, rariorem sibi in scriniis esse thesaurum. Fecit ergo periculum, & *rasuram mentule maritalis* in vehiculo sumsit, præsentissimo cum levamine. Tentavit sæpius, nunquam infelicitè. Confluunt aliæ mulierculæ, in eadem navigantes navi, & semper discedunt restitutæ, ut hoc remedio tandem celebrem sibi pepererit famam. Post obitum tandem arcanum hoc ab ipsomet ejus fratre detectum est, uti mihi Vir fide dignissimus, rerumque naturalium Curiosus indagator, juratò asseruit.

III.

Colica plumbea.

DE *aurea colica* rarius exemplum habet Illustris & Emeritus Acad. Imperialis Curiosæ Præses, D. D. Febr, Promotor meus Venerandus, *Cent. III. epist. Bartholin. 69.* & Curiosus Borell. C. IV. obs. 25. Adde Scholion Schröckian. ad obs. Hel-

Helvig. 62. quorum tamen nulli mortem intulit. Sic impunè devorârunt *Solem*. Plebeja mulier in *Stormaria*, suasû barbitonforis, dederat filio suo XXI. annorum globulum, *plumbeum* *Mecur. illicum*, ad deturbandos & enecandos *vermes*, at infaustô successû. Lapsus enim ille in sævissimam & fanestam *colicam*, cum magna *phrenitide* conjunctam, sicque vitam cum gemitu, & summô cruciatu, misit ad umbras. Felicior ista femina apud *Dn. van der Wiel cent. post. part 1. observat. 18.*

IV.

Hydrops ab ovo.

IN Monasterio *Kaminada*, quod *Frideruna* cum sorore *Imma* construxit, *Kounrat* verò Rex in manum *Cuicboldi*, Optimi Parentis, liberaliter tradidit, soror nostra *Modesta de Kraynsfeld*, *hydropica* diu similis, proque tali ab omnibus in vicinia, frustra tamen, curata, siquidem quotidie in statum deteriorem collapsa. Venit tandem pauperculus rusticus, & pollicetur sanitatem. Illa, consentiente *Abbatissâ*, sumit, quæ dederat, pharmaca. Quibus verò sumtis, intolerabiles sensit dolores, & terribiles *convulsiones*. Tandem, miserante Domino, paululùm coepit quiescere, & melius sibi haberi visa. Quatuor abhinc horis ineffabili cum cruciatu ejicit globulum *pituitosum*, sat durum, qui accuratius inspectus *verum* exhibuit ovum, figurâ & magnitudine ferè *anserinum*, quod fractum intolerabilem efflavit foetorem, inque eo multi reperti sunt *vermes pilosi*, quos cum habitaculo suo coniecere in *Visurgum Meinhart*. *Kaminadense* Monasterium adhuc situm est in ripa *Visurgis* propè *Bodennverderam*, *Dioeces. olim Mindensis*, in quo Virgines vixere sub regula & habitu *Benedictino*. Et licet *Cyriac. Spangenberg. putet L. I. Chronic. Schaumb. c. 4.* *Brunonem à Salingleben*, Episcopum *Mindensem XV. An. 1046*, hoc cœnobium fundasse & consecrasse, quod

quod posterius etiam asserit *Krantz. IV. Metrop. 21. & Hamelmann. L. I. Chron. Mindens.* Contrarium tamen habet *Meinhart*, idque clarissimum est ex literis dotationis hujus Ecclesiæ, confirmatis à *Conrado*, Rege Inviçtissimò, *Mersenburgi*, recognoscente eas *Odalricò*, Cancellariò, Vice *Arbonis* Archi-Capellani, (i. e. Archi-Cancellarii) An. 1024. Indict. VII. VI. Id. Febr. ubi expressè fit mentio Dominæ *Frideruna*, Venerabilis Abbatissæ, ejusque sororis *Imma*, Comitissæ, quæ, adjuvante *Gerone* Comite, id construxere Monasterium, dantes eidem omnem hæreditatem suam. Etenim An. 1024. *Conrad. II.* Imperator hoc cœnobium in suum *Mundiburgium* suscepit, & quidem petitione *Sigeberti*, Episcopi *Mindensis*, qui An. 1036. decessit, Falsâ itaque *Spangenbergii* assertio. Quid? quod An. 1004. *Henricus* Imperator idem in protectionem suscepit *Magdeburgi*. Cujus vestigiis inhæserè *Henricus II.* An. 1016. *Gosslariæ*, & *Henric. III.* An. 1039. ibidem. Notandum etiam, *Brunonem* istum nequaquam fuisse ex gente *Salinglebiæ*, ut *Krantz. L. VIII. Saxon. c. 26. & L. III. Metrop. c. 47. Chytr. L. I. & L. II. Saxon. cum Spangenberg. L. I. Chron. Schaumb. c. 4.* volunt, sed *Santerslebianæ*, secundum *Hermannum de Leerbeck* in *Chron. Comit. Schauenburg. p. 7. Meibom. in not. ad idem p. 45. seq. & in Chronic. Walbeccensi p. 9. ac Erdwin Erdmann* in *Chron. Osnabr. MS. Salinglebi* à *Salingis*, seu *Saliis*, i. e. Francis orientalibus, ad *Salam* habitantibus, ortum suum trahunt. *Santerslebiorum* verò in Diœcesi *Mindensi* quondam duo inprimis celebres fuere *Bruno* & *Adolf*. Ille factus *Conradi II. Imp. Cancellarius*, postea Episcopus *Mindensis*. Hunc idem Cæsar fecit equitem auratum. Hujus consiliò & industriâ crebrius faustè utebatur *Sigebertus*, Antistes *Mindensis*. Itaque in præmium laboris multa ei contulit bona, præsertim montem, quem adhuc ab *urticis* vocant *den Nettelberg* / in quo, consentiente Eò, postea arx *Schaumburgica* erecta. Oriuntur ergò *Schaumburgici* Comites non à *Salinglebiis*, sed *Santerslebiis*, ex Archi-Diœcesi *Magde-*

Magdeburgica. Hi verò à Comitibus *Walbeccensibus*. *Meibom. in append. ad Gobelin. Cosmodr. atat. VI. c. 53.* Monasterium Kaminadense Conrad. Imp. An. 1147. *Wicboldo*, Corb. Abbati, omnibusque ejus successoribus, ob *fidem, laborem & constantiam*, quam speciosè commendat Cæsar, in perpetuum tradidit. Utrum *Modesta* ista soror ex stirpe *Craynsfeldia*, seu *Kranchfeldia* fuerit, anceps est. Utraque tamen clara & nobilis. Ceterùm quæ de ovo addidit *Meinhart*. nullus Curiosorum explodet. Canem oviparum nobis dedit Dn. *D. Jung*, in alma Viennensi PP. Collega Curios. in *Dec. I. Eph. nostr. An. II. obs. 250.* Adde *Stengel. emblem. 58. num. 2.* & nostram, si placet, *Cynograph. Curios. Sect. I. c. 3. §. 66.* Mulierem Norwagicam, locò foetus humani, duo ova gallinaceis simillima, exclusisse, quorum unum fractum vitellum habuit cum albumine, testatur *Ætiônus*. *Bartholin. C. I. Hist. 4.* Simile notavit *Rhod. C. III. observ. 57.* Alia, post multos dolores, etiam peperit ovum, apud Eund. *Bartholin. C. III. epist. 27. p. 101.* Vidi ipsemet ovum, quod mulier sub exercitu Ducis à *Mönichhusen* excluserat. Vermes autem fuisse in ovo *Modestæ*, facile etiam credimus, fide aliorum adducti. Vid. *Fort. Licet. L. II. demonstr. c. 87.* *Bartholin. C. VI. hist. 87.* Verissima historia, quam *Faber Lynceus* in *descript. animal. nov. Hispan. p. 773.* & Dn. *D. Simon Schultz*, Reg. Polon. & Urbis Thorunens. in Prussia Med. exercitatus, Amicus colendus, in *Dec. I. Ephem. nostr. An. III. obs. 190.* recitant de veris & perfectis scorpionibus, ac serpentibus, in ovis gallinaceis repertis. Adde, si vacat, *Ulyss. Aldrovand. Ornithol. L. XV. c. 8. demonstr. Gesner. L. III. de avium natura, sub tit. Ovor. monstrosor. Jonslon. hist. nat. L. II. de avib. Tit. I. c. 2. ad artic. I. append. I. de gallin. ovib. & schediasma nostr. de Bufone Sect. I. c. 3. p. 84. seqq.*

V.

Struma vulvæ.

HOnesta femina, à primo puerperio, suprâ pubem dolores quosdam, primò obtusos, per intervalla senserat, quos verò illius negligentia fecit graviores. Enata tandem ibidem *grandis struma*, à qua nihil molestiæ, nihil etiam doloris sensit unquam, nisi instantibus mensibus, & quando maritum ad complexus conjugales vel invitabat, vel admittebat, ut à sorore ejus post obitum demùm, ad *fontem Rhoës*, sub rosa olim intellexi.

VI.

Lapis pyriformis tussî rejectus.

Matrona quædam Norwagica, (notante *D. Cortnummio*) 57. annorum, jam ab integris annis XIX. diu ferè noctuque molestissimâ tussî constanter excruciatâ & emaciata, fuerat. Tandem, nescio quò medicamentò sumtò, cœpit *minutos lapillos*, unâ cum tenaci pituita, rejicere, quos demùm aliò die *majusculi* sequebantur. Deniq; *notabilis* aliquis, *friabilis*, *cinericeus*, ac *rubris punctulis* eleganter distinctus, quem vidi & contrectavi. Forma erat *pyriformis* ut ex adjecto schemate vides. Matrona abs illo tempore sensim in meliorem sanitatis statum promotâ, citra notabilem molestiam adhuc quinque supervixit annos. Adde, si placet, *Borell. C. I. obs. 67.* & qui instar omnium Tibi erunt, *D. Sachs. Curios. olim Phosphor. in respons. dissert. de miranda lapid. natur. ad Dn. D. J. Dan. Major. p. 99. Dn. D. Schröck in Schol. ad obs. Helwig. 65. & Dec. I. Eph. nostr. Ann. VII. obs. 132. cum Schol. ubi plusscula & selecta hujus rei habebis exempla. Ego ob singularem & rariorem formam hîc annectere volui.*

Fig. I.

VII. Fur-

VII.

Furca tricuspidis in ventriculo lupi.

Consultis. & Amplis. Dominus *Johan. Henric. Cösterus*, U. J. D. & Judicii Aulici, quod *Hildesie* est, Assessor, Vir antiquâ fide & priscis moribus, Amicus olim honorandus, viderat in itinere suo Romano apud Abbatem Ord. Cisterciensis *furcellam tricuspidem* in ventriculo lupi, ob rabiem capti, occisi, & exenterati, nuper repertam. Manubrium erat ex venustissimo ebore. Integra omnia adhuc, & nihil immutatum. Ex quo conjiciebant, haud diu latuisse in ventriculo, & inde *rabiem* istam *lupinam* deduxere venatores, siquidem circa *pylorum* hærebat firmiter ei infixâ. Figuram Curiosorum oculis hîc dabimus.

Fig. II.

VIII.

Retentio urinæ multorum dierum, citra molestiam, & omne sanitatis dispendium, qs. hereditaria.

Benedictus *Constantinus Bergschmied* / Suevus, Artis Medicæ Cand. dignissimus, inter varios, sâle doctrinaque conditos, sermones, quos ultrò citròque mecum cædebat Lugd. Batav. de seipso sanctissimè mihi retulit, sibi, & familiæ suæ paternæ, commune & qs. hereditarium esse, ut vix *intra sex*, imò *octo* aliquando dies, *urinam emittat*, citra molestiam, & omne, quod mireris, sanitatis dispendium, seque nullum plânè scire gentis suæ, qui vel *calculò*, vel *colicâ*, seu *stranguriâ* laborasset unquam. Vegetus ille erat, sanctus, robustus, & vividus ingenii homo, rarique candoris, Amicus optatissimus. In prandio & cœna *non adeò parcè* bibebat, aliàs verò nunquam.

Fata demùm traxêre eum ad extremos Indos. Quiescit in-urbe
Goâ, cujus animæ benè sit!

IX.

Variolæ intra duodecennium quinquies recurrentes.

IN *Islandia* quôvis *vigesimô* annô *variolas* recurrere, scribit
Summus Bartholinus C. III. epist. 9â. quod an perpetuum sit,
 dubito. Sanctè autem mihi testatus est in Imperiali *Lubeca*
modestus & sincerus Juvenis, Joh. Adolfus Schweinsbeer Chir-
 urg. Candidatus dexterrimus, se vidisse ibidem robustum pue-
 rum, *bis sex* annos tunc fortè egressum, qui jam *quinquies* va-
 riolis correptus, & semper à matre, solò *Sale fraxini & ras. CC.*
 in vehicul. dat. faustè curatus & servatus sit. *Septies* eas pas-
 sam esse mulierem Bononiensem, quæ demùm annô ætatis
CXVIII. iis periit, refert *Borell. C. III. obs. 10.* Idem de Viro
 qui *septuaginta quinq.* vicibus pleuritide detentus, *Cent. IV.*
observ. 83.

X.

Memorable pilorum robur.

RAra Excell. Dn. *D. Olai Borrichii*, Reg. in Acad. *Hafniens.*
 Prof. Præceptoris quondam honoratissimi, *C. IV. epist.*
Barthol. 76. historia, de viro quodam, qui *librarum quadrin-*
gentarum & amplius incudem ferream villis capillorum occi-
 pitii in altum promptè elevabat. Rara etiam illa *Schenckiana*
L. I. anat. exercit. 8. Sect. 2. c. 34. p. 629. de juvene duorum
 de viginti annorum, qui *stanneum cantharum*, mensuras ce-
 revisiæ quinque continentem, citra molestiam, nec sine in-
 tuentium stupore & risu, ultrà horæ dimidium, *peni appen-*
 sum

sum circumferebat. Vidit Parens meus in Dioecesi *Wormatiensi* puerum rusticum, XV. tunc annorum, densis, robustis, prolixis, & nigerrimis capillis conspicuum, qui *stanneam lagenam*, XII. mensuris cerevisiæ repletam, & *capillis occipitii* firmiter annexam, ad dimidium milliare promptè portabat. Vidit idem in *Hassia* ancillam, cui ob pediculos, balneator caput raserat, sed ecce! *omnis fortitudo ab eo recessit, & defecit*, ut de *Samsone* legimus *Jud. XVI. 15.* Robusta enim, & validis lacertis prædita, ne *amphoram* quidem, aquæ plenam, more gentis suæ, in vertice postea ferre potuisset, quod confirmare videtur sententiam *Lemni L. IV. de O. N. cap. 8.* Sanè Veteres *funes ex capillis* confecisse, quæis *tormenta bellica* alligarentur, & *naves* traherentur, notavit *Pausanias*. Vide *Cl. Becker. Med. Microcosmic. L. I. c. 1. p. 4.*

XI.

Crux & stella in lucio.

ANno 1646. ipsò die S. Joh. Bapt. *Conrad. Busch* in pago *Waarth* ad *Vierram*, *lucium* IX. librar. Pond. civil. Patri meo, ceu singulari suo fautori, vivum adhuc obtulit, in cuius ventre exterius manifestum *albæ crucis* signum, *rubris* punctulis artificiosissimè distinctum, in *capite* autem *stellæ* figura conspicua erat. Delectatus parens venustò *Naturæ* miraculò, & aliis, qui aderant fortè, spectandum exhibuit. Cùm verò languere piscem animadverteret, ocyùs suâ manu exenteravit, & ecce! in ventriculo integra, eaque magna, *anguilla*, sed mortua, è cuius ventre elegans *ranunculus*, quem à colore dicimus *Laubfröschlein* in mensam profiliit. Figuram *lucii* subnecto. Vide sis etiam *Dn. D. Thom. Bartholini C. II. hist. 33. de passere* pisce crucigero.

Fig. III.

XII.

Delirium prudentiæ & vaticinii plenum.

Joanna de allio, (est relatio *Meinhartiana*) piissima soror, cum aliis *Tsenako* ex *Cattia* ad montem *Otonis*, ad dilatandam Ecclesiam, veniens, strictissimam amabat vitam, nilque magis, quam solitudinem, ut diu noctuque vel in oratorio, seu cella sua, lachrymans, inque humum prostrata pro se & aliis ardentem oraret. Sed tertio mense incidit in *Karma*, in quo tota mutata *mirabilia* patravit. Quæ enim nullam, præter *vernaculam* suam, callebat linguam, tunc in delirio, & quidem *matutino* tempore, *perfectè* ac *eleganter* locuta est *latine*, respondens ad singula interrogata promptissime, integros Psalmos & Hymnos, uti cantamus in choro, *accuratè* aliquando & *memoriter* recitans, & discurrens de rebus theologis *suprà modum eruditè*. Circa meridiem desit *præsumper* delirare, sermonemque romanum *hesitanter* loqui cœpit. Circa vesperras (i. e. tertiam pomeridianam) sibi melius præsens, ne *verbulum* quidem *latine* protulisset, omnium, quæ facta erant, ignara. Post completorium, (i. e. circa septimam vespertinam) delirio recurrente, multa *musitabat* & dicebat, quæ nemo adstantium verò intellexit. Narratur *Hermanno* Præfato: qui veniens, more suo, circa vesperam secum portabat *Test. grac.* quod ante lectum in mensam reposuit. Hoc conspiciens *Joanna*, subito arripit, & delirans aliquot capita *clare* & *perfectè* legit cum summo stupore omnium, quotquot aderant. Inter alia hoc latinis verbis edidit & scripsit vaticinium: *Audite sorores! nos brevè ex monte volabimus in campum. Ibi requies nostra & habitaculum. Tunc columbinæ fitemus corvinæ. Hac Joanna vobis dixit. Audite sorores!* Ultrà mensem in hoc delirio perseverans, curatur tandem, sed ex accessione ægritudinis mentalis postea moritur. Sic *Meinhart.*) Non capies, mi Lector, quid velit, nisi scias acta supe-

superioris ævi. Verùm afflabimus lucem, ut singula appareant clarius, & fidem mereantur amplissimam. Ne excan-
descas autem velim, si prolixiùs aliquando fabor. Historia
siquidem delectat. Vivebant olim *Ottbergæ* ad Neëdam, pri-
mò ab urbe *Höxaria* lapide, Fratres *Kalendarii*, qui, ex elee-
mosynis passim collectis, templum, seu oratorium, ibi pri-
mò struxerunt. At cùm disciplinâ, uti cheu! fit, prostratâ,
temisque Bonorum Abbatum Corb. monitis, in luxum & o-
tium prolaberentur, opusque domini segniter tractarent, et-
iam à prædonibus, tunc per viciniam grassantibus, crebriùs
expilarentur, *Hermannus*, hujus nominis primus, Comes à
Dassel, à pedis vicio *Claudus* dictus, olim Præpositus Ecclesiæ
Cathedralis *Mersenburgicæ*, postea Abbas & Princeps Corb. *sa-*
xonica ad Visurgim xxxiii, anno post Christi natalem 1234,
Indict. vii. Prælaturæ suæ anno xi, inertes hosce fucos à la-
tibulis suis Ottbergicis, volentes tamen & consentientes, aliò
transtulit, bonarumque apicularum alveolos paternè substi-
tuit, vocatis *Isenaco-Turingorum* in finibus Hassiæ (non Cat-
tia, ut *Meinhart. vult*,) monialibus nonnullis, cœtûs *Cister-*
ciensis, Matronis (ejus encomiò) *probata & consummata religio-*
nis, quæ bona Fratrum cum Ecclesia *Ottbergeni*, cujus Jus
Patronatus adhuc penes Abbatissam *Brenckhusanam* est, libe-
raliter tradidit, sperans fore, ut *propter asperitatem ordinis, &*
rationabile obsequium, quod talis religio Deo fideliter consuevit
exhibere, locus iste (quem Ottonis montem vocat *Meinhar-*
tus) *meritò queat sublimari.* In patria mea, quæ est *Isenacum*,
princeps olim Monasterium fuit *Catharinianum*, in suburbio
Georgiano ad semitam, am *Stiege*. Quondam, ajunt, ibi ste-
tisse *patibulum*, quo de fures suspensi, aliique facinorosi ca-
pite plexi. Anno verò 1214. *Hermannus*, Potentissimus Thu-
ringiæ ac Hassiæ Landgravius, Ludovici pii Pater, & S. Elisa-
bethæ socer, per quietem vidit, quasi omnes ibi justè inter-
fecti in vitam reversi, inque *Virgines* conversi forent, accede-
re simul B. V. & S. Catharin, (quas Patronas sibi elegerat,) &
dixis-

dixisse: *Tuum erit, Hermanne, sacram nobis hîc condere ædem, in qua Virgines istæ servantur, pro præmio à nobis expectabis, quòd propediem Te ad nos translatura simus.* Dejecto igitur patibulo, & translato eodem in montem (quem plebs nostra den Goldberg nominat,) ante portam *Nicolaitanam*, in famoso & suppliciis olim celebri loco Monasterium Virginum familiaræ *Cisterciensis* erexit Landgravius, in memoriam Mariæ & Catharinæ. Amplissimum & opulentissimum erat cœnobium, quo de in *Hist. mea Isenacensi*, c. 24, latius. Ex hoc *Hermann.* Abbas primam Abbatissam *Eufemiam de Varila*, (seu Vargula) cum aliis sociabus, *Cunegunde de aureo agro*, (*Goldacker*) *Hilburgi de unco*, (*Hacken*) *Winnika de Sanctis*, (*von Heilgen*) *Elisabetha à murium rivo* (*Meusebach*) & *Joanna nostra de allio*, (*Knobloch*) *Ottbergam* vocavit. Omnes ex antiqua & nobili gente in patria mea satæ, de quibus Pl. Rev. ac Amplis. Dn. *M. Joh. Mich. Pfefferkorn* Superint. Saxo-Gothanus *Tonna*, Amicus meus veteranus & sincerus, in venusta sua *Thuringia* c. 24. Vix autem biennio elapso, loci, minus tunc commodi, admodum pertæsæ, & à prædonibus vicinioribus miserè vexatæ, obque alias plures cœli, terræ & aquæ injurias, jussu *Hermanni* Abbatis, ad templum *Ægidianum* ultrà *Visurgim* in campo *Brüggenfeld* propè *Höxariam* migrantes (hoc enim est ex monte volare in campum) XI. annis ibi piè vixerunt ac religiosè, rigidæ disciplinæ amantes. Cum verò cognati, fratres, parentes, & alii temporis fures, crebriùs hîc eas inviserent, blandis, ne dicam insulis, colloquiis bonos earum mores paulatim corrumpèrent, & omnes earum circulos turbarent, à Zeloso *Hermann* *Brenckhusium* (*Gottesthaal* aliàs dicitur) missæ, quâ in eremo tutiores erant. Hanc *Hermanni* foundationem *Henr. III.* Comes *Homburgicus*, Abbas Corb. xxxv. Anno 1278. xv. Kal. Nov. egregiè confirmavit, quem *Wulf* secutus est *Arnold. II.* Nobil. à *Wulf*, Abbas xliii. Anno 1405. in vigil. nativit. Christi. Cum verò circa exordium superioris sæculi venusta

anti-

antiqui Monasterii facies adeò deformata esset, ut cultus Dei neglectus & disciplina omninò collapsa jaceret, decimæ & bona Monasterii à pessimis Administratoribus dilapidata, vel oppignorata, omnis humilitas & continentia ejecta esset, luxu & insolentiâ prædominante, *Theodoricus IV. Nob. à Beringhusen/ Abbas LIII. circa Ann. 1601. totum Monasterium in integrum restituit, dato ei habitu Benedictino, ut ex literis Antonii, Episcopi Vigiliarum, Pauli V. ad tractum Rhenanum Nuncii, dat. Colon. 28. Jul. 1619. plenius vidi. Sed ad Joannam nostram. Hæc tertio mense (à quo fuerat Otbergæ) in Kavma incidisse dicitur, i. e. ut ego capio, in febrem ardentem, in qua tota mutata mirabilia ista patravit. Sanè Borell. C. II. obs. 54. similia affert exempla. Et quid mirabilius illo Cardani lib. 8. de var. rer. c. 43. de Italo quodam, qui nunquam in Germania fuerat, ac ne per somnium quidem Germanicam linguam callebat, tamen germanissimè loquebatur, expulsis verò lumbricis, lingua conticuit. Pluscula, & rario-
ra hujus farinae exempla è variis Autoribus diligenter collegit Sennert. L. 1. Prax. P. 2. c. 15. p. 425. seqq. D. D. Francus in singul. dissert. de linguis peregrinis, quæ est in Sat. Med. Contin. 9. habit. Heidelb. Anno 1675. & industrius Reyes in camp. ehs. iuc. qq. num. 27. Adde Bonet. L. 1. Med. Sept. Sect. 8. c. 12. ut de historia Joanne minimè dubitemus. Melancholicam fuisse eam, ex vita ejus & tota Meinharti relatione facilè vides. Hujusmodi verò homines futura aliquando prædixisse, quæ postea evenerunt, testatur experientia. Ne mireris autem velim, Hermannum Abbatem Gracum Testam. more suo, secum fortè portasse. Zelosus & eruditus Vir fuit, græcæque linguæ benè gnarus, quam in Collegio Karolino, quod Osna-brugi est, olim didicerat. In hujus enim fundatione Karol. M. sanxit, ut tam gracum quàm latinum sermonem & docerent & discerent singuli, omnemque adeò Canonicum seu Religiosum eleganter bilinguem esse voluit, teste Kranzio I. Metrop. 2. Rolewinc. de situ & moribus Westfal. L. 2. cap. 8. p. 92.*

Dav. Chytr. L. 3. Saxon, p. 83. Ipsum delirantis vaticinium memorabile & ingeniosum. Ex monte enim (*Outbergen*) volarunt in *campum* ins *Brüggefeld* / ex hoc in *vallem*, quam vulgò *Brenkhusen* vocant. Ibi adhuc *requies* earum & *habitatulum*. Hic *columbinae* factae sunt *corvinae*, i. e. candidum habitum, seu vestem, *Ord. Cisterciensi* proprium, commutaverunt cum *nigro*, qualem gestare solent *Benedicti* Patris filiae. *Hæc Joanna dixit.*

XIII.

Cor verminosum.

CRederet aliquis, *cor*, seu primum vivens, & ultimum moriens, tam sanctè sub umbone Naturæ custodiri, ut aliquam saltem exemptionem præ ceteris visceribus haberet. Sed eosdem patitur manes, & nullo gaudet privilegio, quod *Cl. Mæbius in Fund. Med. Physiol. c. 22, p. 280. seqq.* cum *Sachsio* nostro in *Ocean. Macro-Microcosm. §. 36. & Dec. I. Eph. Cur. observ. 31. in Schol. synopticè* probavit. Annon *D. D. Johann. Daniel Horst. Curios. quondam Phœnix, Fautor sincerus, in Manud. ad Medicin. P. I. c. 1. Sect. 2. p. m. 43.* refert de *verme alato* in corde pueri *Confluentiæ* reperto? annon *Severini L. de abscess. nat. p. 281. anguem bifidum flagellosum* nobis sistit in lævo cordis sinu notatum? annon ex relationibus publicis anni 1676. d. 31. Decembr. st. n. *Lutetiâ Parisiorum* accepimus, è Principis cujusdam Galli corde prorepisse *serpentem*, & adhuc in eodem viscere multos alios inventos esse *vermes*? *D. David Kellner, Pract. Northusanus, in Illustri Acad. Julia in sinistro cordis ventriculo ciconia sex candidissimos vidit Vermiculos, crassitie & longitudine aciculam æquantes.* Audi porro, quid factum sit *Luchteringæ* ad *Visurgim*. Alebat rusticus suam satis pinguem, quæ dolores suas interiores crebriori grunntu, & insolitâ corporis jactatione, subinde testabatur. Interim nemo divinare poterat, quid detrimenti passa

passa sit bestia. Coepit tandem sensim emaciari, cibos per-
tinaciter fastidiens. Mactatur ergo. Sed ecce! cum ad cor-
ventum esset, integer in eo nidus, vermium alatorum plenus,
qui totam substantiam ejus ferè exederant. Singuli habebant
sex pedes, quorum omnes tribus articulis bellè & subtiliter
distincti, longi etiam ac alti, in fine & initio nigricantes, in
medio verò aliquid rubicundi: alæ cinericei coloris. Cau-
dæ locò trahebant longum aculeum, & proboscide acutâ quili-
bet armatus. Glückstadij monstrabat mihi A. 1674. Ianio cor
bovinum recens extractum, cui utrinque firmiter adhærebant
bini scarabæi cornuti, quos Schröter vocamus, viscere non
amplius integrò. Et circa anatis cor ipsemet olim pusillum
deprehendi serpentulum, gyros suos mirè facientem. Hildesii
in corde gallinæ atram offendi erucam, tetri odoris. Nuper
in pica viva corde tarmos quatuor, quos Fleischmaden vocant.
Adde D. Bonet. Med. Sept. L. 2. Sect. 19. c. 15. p. 479.

XIV.

Anser, cattus & corvus cornuti.

Compendium Variorum animalium p. n. cornutorum ex-
hibui Sect. I. Lagograph. meæ curiosa c. 3. §. 3. Anno
1663. mens. Majo propè Itzenhöam in Holsatia vidi anserem
marem, grandem, niveum & animosum, cui ex capite par-
vum cornu acuminatum natum erat, ut ex adjecta figura vi-
des. In Comitatu Pinnebergico aiebat vetula quædam cattum,
utrinque in capite propè aures excrecentiam habentem du-
ram & verè corneam. Sic memini, Serenissimam Saxonie
Ducissam CHRISTINAM, Dominam. Susceptricem & Bene-
factricem meam olim Clementissimam, (cujus molliter ossa
quiescant!) Celsissimo Principi, domino Hermannno, Land-
gravio Hassiæ, inter alia memorabilia retulisse, quod in Su-
periori Hassia sibi quondam oblatus fuerit corvus eleganter
cornutus, ejusque Conjugem Dominum JOH. ERNESTUM,

Saxoniae Ducem, *palumbum* habuisse *unicornem*. Quae rariora exempla ex mera oblivione in *Lagographia* mea omissa sunt. Fig. IV.

XV.

Sudor urinæ.

Vidit *Salmut. C. II. observ. 82.* nephriticum, qui, suppressâ urinâ, adeò intumuit, ut ferè crepaturam metueret. Dum autem sudor in toto corpore *urinam* redolens subsequeretur, venter etiam subsedit. Invitârunt *Lugduni* Studiosi quidam, quos inter duo insignes Med. Candidati, Westfalum, hominem rectum, at simplicem. Deducitur ad coenam, ocyùs verò vinò sepultus in cubiculum. Poscit adhuc vitrum cerevisiæ plenum, quò futuram sitim, vel circa noctis meridiem, vel in aurora, more suò, extingueret. Affertur. Ab-euntibus demùm omnibus, Westfalo jam dormiente, Saxo quidam, effusâ cerevisiâ, vitrum *urinâ* suâ replet, idque probè coniectum in scabellum ante lectum ponit, & discedit. Ille circa quartam matutinam sitiens surgit, bibit, lectumque suum repetit. Suboritur sudor copiosus, *urinam* perfectè redolens. Cujus fœtoris tandem pertæsus, linquit plumas, & sociis suis rem ordine narrat. Sic, dolò apertò, canticum iste factus & fabula vulgi. Cùm in Illustri Gymnasio *Ernestino* viverem, hospita mea, ad accelerandum somnum aliquando cubitum itura *cerevisiam triticeam* largiùs biberat, appositâ statim à potu puellâ mammæ, in quâ reverà notavimus *sudorem cerevisiæ*. Memorabile etiam, quod *D. Braun Dec. I. Ephemer. Cur. An. IV. observ. 15.* de *cerevisiâ* è mamma excreta habet.

XVI.

Ex cerebro felino memoriæ amissio.

Ludolf. à *Recklingshusen*, Præpositus olim Insignis coenobii *Werbenfis*, acceperat à venatoris sui uxore, in absentia mari-

mariti, pro pulvere febrifugo *cerebrum cati sylvestris* exsiccatum, quod ad curanda oculorum vitia ille sibi servabat. Sumit Ludolfus de omni periculo securus, duo ferè cochlearia in vino, expectando sudorem. Sed cœpit multa insolita contra morem agere, & planè ineptire, cum *tanta memoria amissione*, ut nec templum, nec panem, nec scamnum amplius suò nomine vocare quiret. In hac miseria occubuit, referente *Meinharto*. Jam olim quoque *Matthiol. in Lib. VI. Dioscorid. c. 25. & Salmut. C. III. observat. 100. fatuitatem* notârunt ex hujusmodi *cerebro* comesto. *Werbense Monasterium*, ne hoc nescias, erat olim in Comitatu *Waldeccensi*, Ord. Benedictini, haud procul *Corbachio*. Jam est desolatum. Ceterùm recordor hîc singularium & verè stupendorum exemplorum *memoria abolita*, ex memoria artificiali in juventute parata, ortæ, in duobus Magnis Viris & S. Theol. Doctoribus, quorum alter eò redactus, ut nominis sui oblitus omnia ineptè ageret: alter verò in senio demùm ABCdarius factus, legere & scribere didicerit, & prima Grammatices elementa, ut bonâ fide mihi nuper retulit Pl. Reverend. & Ampliss. Dn. *Joh. Justin. Keyling* / *ss. Theol. Lic. & Superint. Longa-Salissanus*, Amicus honoratissimus. Adhuc novi in vicinia insignem & celebrem Theologum, qui, paucos intra menses, tantum defecit, ut nec orationem Dominicam, nec præcepta Decalogi, sine insigni hæsitacione, amplius recitare valeat. De obstinata *oblivione ex retentione mensium, & venasectiōe*, vid. hist. *Bonet. L. I. Med. Sept. Sect. IX. c. 2.* Oremus: ut sit mens sana in corpore sano.

XVII.

Quartana in somnio curata.

IN *Serapidis* templo non minùs atque *Isidis* æde supplices Ægros per insomnia olim de morborum remediis esse commonitos, è *Strabon. Lib. XVII.* didicimus, idq; ὁ Πολυμαδίσας
C 3 Mei-

Meibomius in aureola sua disp. de incubatione in fanis, *Medicina olim causâ ficta*, habita sub clypeo *Conringiano* An. 1659. doctius & prolixius evicit. Memorabile exemplum dabit *Plin. Lib. XXV. c. 3.* & *Q. Curtius L. IX. c. 8.* Novi ego honestum Virum & egregiè doctum, febre quartanâ, ultra triennium, constanter excruciatum, absque omnibus pro deplorato habitum, qui, lethi tandem cupidus, integras ferè noctes, flexis genibus, lachrymas precesque inter, in cubiculo prostratus jacuit DEO animam commendans. Obrepat aliquando dulcis sopor. Vidit per quietem speciosam Virginem è Museo suo venientem, quæ manu eum duxit in pomarium, ædibus vicinum, ubi herbam cum radicibus evulsam venustula porrexerat, dicens: *In hac salus tua. Bibe & viceris!* Diu tergiversans, & parùm æstimans nocturnum istud mentis ludibrium, uti vocabat, retulit aliquando Clarissimo Viro, Domino *Joh. Georg. Schmidio*, Med. Licentiatò, tunc in *Regio Franeoniæ monte Physico*, (à quo historiam accepi) qui seriò monuit, ut virgineum istud sequeretur consilium, nunquam fortè poenitendum. Fecit: & ecce! sensim restitutus sibi in integrum. Herbam autem, quâ de suprâ, *asarum* fuisse suspicamur, verum quartanæ *πικρότονον*, licet *Schmidius* mihi revelare noluerit.

XVIII.

Pediculi alati.

Admirandum sanè, quod ex *Diod. Siculo rer. antiq. L. IV.* de acridophagis narrat *Marcell. Donat. L. I. hist. med. mirab. c. 5. p. 59.* iis scilicet propinquante senectâ pediculos alatos, non solum visu varios, sed specie horridos ac turpes, in corporibus nasci, qui ventrem primò, tum pedes, deinde totum corpus parvò tempore exedunt. Ego ex Ducatu *Westfaliæ* olim *Warburgum* ad *Dimolam* profecturus, offendo fortè ad viculum sub arbusto puerum, quem pagani porcis suis præfecce-

fecerant. Hic misellus, vestibus abjectis, cutem antè retrò-
que lachrymans fortiter scalpebat, nec in capite manus erant
otiosæ. Quæro, cur fleret? annon cernis, ait, turmam hanc
circùm caput volitantem? hinc illæ lachrymæ! Accedo pro-
piùs, & unam alteramve bestiolam capto, quæ me momor-
dit usque ad sanguinem. Accuratiùs examinatæ erant *sexti-
pedes & nigri pediculi*, sed *alati*, magnitudine vulgares por-
corum pediculosæquantes, qui cum susurro aliquo in aëre vo-
litabant. Rogo: unde acceperit hospites istos ingratos? à
grege, dixit, quem pascio. Siccine semper in vicinia hac con-
spiciuntur? Non: sed si porci in *fovea* ista *uliginosa* sese volu-
tant, ut sæpè faciunt, plerumque hoc examen reportant. Ac-
cedens aliquot myriades reperi, quæ, an singulis annis statò
tempore (tunc circa exodum Mensis Julii erat,) ibi compareant,
à morosis rusticis expiscari non poteram,

XIX.

Colica à spiritu vini adusti.

CL. Heurnius, quoties *piper*, aut *raphanum* comedit, passus
est dolores *colicos*, ad I. aph. 1. Novi Studiosum, qui sum-
tò, imò vix degustatò *spiritu vini adusti* subitò idem sensit
tormentum. Nobilis puella simile paritur, sumtâ *carne suillâ*,
quâ impensè delectatur. Honestâ femina semper ab usu *jusculi*
gallinæ cordis palpitatione infestatur, omnia alia liquida, fri-
gida & calida, citrà noxam ingerens. Sic ab esu frequentiori
cinamomi eundem affectum notavit in Nobili quodam Cl.
Mæbius L. II. *Inst. Medic. P. II. c. 4. p. 157.* ab esu *malorum* in se
ipso Excell. Dn. D. *Sim. Paulli* in *Botan. quadrip. p. 81.* Jacob.
Pez| Amicus meus, tunc annorum 67. ab assumpto, etiam exi-
guo, potu cujuscunque *vini*, vel *aceto*, ocyùs pariebatur.
ixœciar. Stranguriam notavit *Dodonæus* obs. 48. à solo vino *Rhe-
nano*. Petzium verò nostrum quodlibet in hanc detrusit scyl-
lam; & quò fortiùs, eò citiùs.

XX.

Pudendum glabrum, & à pueritia canum,
certus sterilitatis character.

NOvi Virum eximiè doctum, & variis scriptis clarum, cujus *pudendum* omninò *glabrum* sine ulla hirsutie. Hinc perpetuam ei *sterilitatem* prædixi. Nota etiam mihi nobilis femina, summè phlegmatica, cujus *pili circa pubem* ab ipso ortu fuere *cani*, & illa in opulento ac splendido matrimonio semper vixit sterilis, ultrà XX. annos. Copula puerum *Borelli C. I. obs. XI.* Mercatoris haud vulgaris conjux Hamburgi Anno 1664. sub rosa mihi ingenuè fassa est, filix ejus, tunc fere XXI. annorum, venustissimæ & benè moratæ Virgini, nondum *circa pubem* enatos esse *pilos*, unde sterilitatem carè conjiciebat. Reversus denuò An. 1674. Hamburgum, invisi optimam Matronam, quæ subitò historiam hanc recoxit, & de *infructifero* filix thoro prolixiùs mihi quæstæ est. Contrà erat sub Vice-Colonello Monasteriensi *Nymfo*, Amico nostro, qui nunc Serenissimæ Reip. Venetæ servit, militis cujusdam uxor, quæ *crines pubis* gestabat *infra genua protensos*, si soluti explicarentur, quos paupercula subindè abscindens vendebat aliis (vera narro) pro conficiendis *comis adscititiis*, quas barbarè vocant *Parrûqven*. De octenni puero, cujus *pubes nigris ac densissimis pilis* benè vestita, vide *Bonet. L. III. Medicin. Septentr. Sect. XXXI. c. 16.* De *hirsuta mentula* ab ipso ortu, *Borelli. C. I. obs. 58.* De barba ad *genua usq;* demissa, idem *Bonet. L. I. Sect. I. c. 5. Conf. Barthol. C. I. obs. 43.*

XXI.

Poëta ingeniosissimè somnians.

DE *Somnambulis* integros edidère libellos *Libavius, Lemnius*, & alii, qui multa curiosà notârunt. Mirabilis præsertim erudi-

eruditus *Silefius*, vitæ modestioris Studiosus, qui crebrius post noctis meridiem in somno surgens, preces recitabat matutinas, cantabat hymnos sacros, aliquando concionem, vel lectam, seu nuper auditam, sine multa hæsitatione repetebat, & demùm in lectum iterum se conjiciebat. Vin' *versus*, quos *somnians* in Parnasso fudit & cudit, suâque manu scripsit? agè dabimus eos. Lege & cense!

Collegium Planeticum, in nuptiis Cl. Viri Jesaie
Schneefelds publicè habitum.

I. SATURNUS.

Saturni podex placeat Vescordibus, utrem
quid vellas? sanis florida Virgo placet.
Præclarè factum! næ sic augetur olympus,
sic parvus mundus multiplicandus erit.
Flumina nunc lactis, nunc flumina nectaris ite,
flavaque de duro robore mella cadant.
Ver precor æternum, redeant *Saturnia* Sæcla,
fortunet canus Te, Neonymphe, *XPONOS*!

II. JUPITER.

Jupiter est gelidus. Verùm nihil obstat, Amice,
ventilat alatus quippe Cupido focum.
Frigore crescit Amor, flammescit frigore sanguis,
ardens ex ipso frigore nata Venus.
Nunc cape lac *Jovis* & cerebrum, bellaria rara!
Sic venit in buccas *assa* columba tuas.
Quàm benè *taxilli* cecidère *Jovis*, tibi cornu
fertile *nutricis* * *Juppiter* ipse dedit.
Non es *sandalium Jovis*, est mihi *Juppiter orbis*,
nî mens in sano corpore sana tibi.

* *Kique*
Amadras
Vid. Nath.
Côm. My-
thol. L. 7. c.
2. p. 604.

Dec. II. Annus VI.

* D

Quid

Quid quondam lepidus *Junoni* dixit in aurem,
Juppiter, hoc vates nescio, *Sponsa* sciet.
 Tu verò nōsti, uxorem quī duxerit illam,
 imò *Jovem lapidem* singula, juro, scies.
 Fulgeat æternūm tibi *Juppiter* æthere clarō,
 sic *Jovis & patriæ* nobile *germen* eris!

III. MARS.

Ventum est *ad teli jactum*. Cano classica, pro *aris*
 atque *focis* Veneris pugna cruenta fiet.
Dulcia in experto si sunt hæc bella, sūavis
 experto certè nectaris instar erunt.
 Lectus, quem cernis, *campus* tibi *Martius* esto,
 an cœcus, dic, heic *Andabata* esse velis?
 Elige vel nudus *gymnastica* prælia. Verūm
 quicquid agis, fac, ut *Marte* tuō facias.
 Haud pudor est *vinci*, quamvis sit *vincere* majus,
victorem & victam mascula præda manet.
 Sæpius, at quid tum? te *Phæbus* cernet amicam,
 ut *Martem* Venerem, mane tenere tuam.
 Romanâ si quis *civem* servâset in urbe,
 illi pro meritis *quercem ferta* dabant.
 Quid patriam debere putas tibi, quando subindè
ingenuum civem tu generabis ei?
 Nulli igitur (siquidem stant præmia) parce labori,
 tunc calamo Vates *arma Virumq;* canam.

IV. SOL.

Unicus & solus *Sol* soli sufficit orbi,
 sic noster *solus* sufficiet thalamo.
 Ardendo *longos* ambo consumite *Soler*,
 ut pariat *Solem* casta favilla novum.

*Solis aquæ sis instar, quamvis mane tepescat,
ubertim mediâ fervida nocte fluit. **

**Curt.IV.7.*

V. VENUS.

Nunc genio indulgere licet. Venus ignea friget,
nî Bacchi & Cereris sentiat igniculos,
Fertilis adspiciat vos semper fronte benignâ,
seu ferat, aut abigat, lucida stella, diem. i.e. ♀.

VI. MERCURIUS.

Non es Mercurius, tibi mens teres, imò videris
infans Mercurius, sed potes esse *triceps*.
E quovis ligno, quod tu nunc sculpis, amice,
Mercurium fieri, dico Poëta, bonum.
Quantis lætitiis tunc tu miraberis ipse hoc
augustum & verè *mercuriale* lucrum.
Sed rectà ut pergas, Sponsam, mi Sponse, sequaris,
Hæc instar *statua Mercurialis* erit.

VII. LUNA.

Carmina si cælo possunt deducere *Lunam*,
inprimis *chymicam*, hanc invideamne tibi?
Interea quoties tu *Luna cornua* cernis,
dic: à me longum hoc Dî prohibete nefas!

DE JESU CORONATO.

Cur Jesum veluti *Vatē* cinxere corona?
optimus in terris ille Poëta fuit. †

† omnia enim bene
fecit.

*In eximium Juristam, at lucrionem, pauperculo clienti
marsupium ingeniosè exenterantem.*

Addiderat vetus istud *J. U. D.* pro more lucrosus,
quid sibi *cauda*, rogat rusticus, ista velit?

Tandem cum gemitu; nunc, nunc ex ungue leonem
noscito, *Judeus* sic, ait, iste fuit:

**bas Gush.* O *Jurista* tuum modò clariùs exprime mentem,
cur non scribis *Gush*? * cùm tamen istud amas?

Sed me ter miserum! *J. U. D.* *J. U. D.* bona cuncta voravit,
atra *P. I. U.* nigrum *J. U. D.* mihi Morta fuit.

O fugite hinc, quotquot sapitis, latet anguis in herba,
J. U. D. Juristarum devorat omne bonum.

Sapienti sat! Ego, ob singularem raritatem, pauca hæc annectere volui. Plura equidem supersunt. Sed tempori & chartæ parcendum est. Tu interim lege, & mirare mecum acutissimum ingeniosi *Somniantis* laborem. Quàm mirabilis Dominus in omni opere suo!

XXII.

Phthisis sanatur Cochleis.

Licet *Phthisicis* esum *cochlearum* seriò vetuerint *Sennert. L. II. Prax. P. II. c. 12. qu. 2. p. 219. Sebitz. de alim. facult. c. 8. p. m. 784. seqq. Massar. L. I. Prax. c. 7. & alii*, novi tamen *Bartavam*, quæ à *phthisi* tota consumpta, àque suis & Medicis derelicta, tandem sub dubia spe quæ omni desperatione potior, per aliquot dies continuò devoravit *cochleas*, & facta denuò est *ipsosephia*, ut ipsamet mihi *Trajecti* non sine mentis tripudio retulit, quæque ad sexennium adhuc fuit superstes, Remur; pro *ostreis* substituisse *cochleas*. Audiverat fortè, virginem,

ginem, (qua de *Lindenius L. II. Med. Physiol. c. 15. §. 35. p. 698.*)
summè phthificam, illarum usu & esu, paucos intra dies, ita fu-
 isse restitutam, ut nupserit, & feliciter ac frequenter pepe-
 rerit. Adde *Ampliss. Tulp. L. II. obs. 8.* qui simile (si non idem)
 recitabit exemplum. Et *Borellus* tabem usu *melonum* curatam
 dabit, *Cent. IV. obs. 7.* Retulit etiam *Barava* mea, visam sibi
 esse *impinguisse* ab esu *cochlearum*. Certè de phthifico, *pinguior*
 qui factus, notabilem historiam collegit *D. Thom. Bartholin.*
C. II. hist. 14.

XXIII.

Lac Viride.

DEdimus aliquot stupendi *lactis*, putà *lutei*, ab assumpto
rhabarbaro, verè *oleosi*, ab usu olei *olivarum*, & planè
atri in *hypochondriaca*, singularia exempla in *Brev. rer. me-*
morabil. lib. ab Amelunxen, & Alex. de Insula num. 34. seq. & 43.
 Addemus etiam *viride*. Sanctè enim retulit Nobilissima ac
 cordatissima *Matrona*, ex *Generosa* stirpe *Alefeldia*, se novisse
 rusticam, cujus è *mammis lac viridiusculum*, idque crassius,
 expressum sit. Simile quid habet *River. C. II. obs. 100. p. 202.*
 de muliere *Monspeliensi*. De pilis *viridibus* vide *Borell. C. II.*
obs. 56. & Cl. Bartholin C. I. hist. 40. de sudore viridi observ. nostr.
Med. Phys. num. 17. Dixit etiam nuper *Generosissimus Aulæ*
nostræ Saxo-Isnacensis Magister, *Dominus à Belovv*, fautor
 meus singularis, sibi olim in *Gallia* datum fuisse *emeticum*,
 cujus violentiâ non tantùm multi humores *porracei* rejecti,
 sed etiam ex universo corpore *sudor viridiusculus* expressus sit.
Weitzius noster, *Prof. Soran.* lac vidit rubrum in femina
Dantiscana, à largiori usu *vini ceras nigrorum*.

XXIV.

Ardentissima febris solâ nive feliciter
curata.

Andreas Feldbaum / Chirurgus, *ardentissimâ febre* in Norwagia olim correptus, & abs omnibus tunc in sordida casula asperrimâ hyeme derelictus, cùm tamen sibi pereundum esse putaret, anceps adhuc experiri voluit remedium, saltem ut molestias aliquo modo minueret. Ergo ad extinguendum, quò totus ferè combustus miser, æstum sitimque febrilem, *nivem*, eâpse nocte delapsam, colligit, & avidè plenâque manu ingerit, fricando eâ quoque manus pedesque. Et, præter suam, aliorumque, intentionem & expectationem, salvus tandem evasit, quod ex ore ejus habeo. *Nix* equidem, *tempestivè* adhibita, in febribus utilissima, quod multiscias Bartholinus L. de nivis usu c. 23. p. 135. seqq. λόγος καὶ πείρα eruditè probavit. Adde Fr. Vallesii Philos. sacr. c. 61. ad istud Prov. XXV. 13. & 25. Sic Cl. Lyserus obs. 4. meminit, Centurionem quendam, *febre ardente* decumbentem, & caloris torrentis impatientem, commilitones *acervum graminis virentis* in conclave adferre jussisse, in quo se totum abscondidit, atq; aliquandiu delituit. Animadverterunt spectatores *vaporem* confertim è gramine, velut igne subjecto, exhalantem. Melius inde habuit, & aliquoties renovatò remediò, non ita multò post convaleuit.

XXV.

Musca dysenterix genitrix.

Visitârat aliquando laudabilis Guicholdus, tanquam Curator, seu Provisor Monasterii Herivortensis, sorores nostras, qui reversus mirabilem FF. narravit historiam, memoriâ dignam, quamque suâ manû scriptam in bibliotheca reliquit.

quit. Scilicet *Catharina de Plesse*, proba anima, finitò completoriò, preces adhuc ad Deum in cella sua fusura, fenestram forte habuit apertam, per quam magno cum susurro irrupit *grandior aliqua musca*, quæ dextræ insidens manui, acriter pupugit eam. Pulla. Non diu verò post insignem *Catharina* sentit *tumorem*, cum magna inflammatione, ut quiescere nequiverit. Alterò mane suboritur *magnus Ventris dolor*, quem variis placare voluere remediis, licet frustra, dolores augentur, vires minuuntur, purus tandem excernitur sanguis. Aliæ, quæ vel inviserant, vel inservierant *Catharina*, eodem inficiuntur morbo. Summa: multæ fiunt *dysenteria*, ut Medicus sanas adhuc vix conservare, ægrotantes autem ægrè restituere potuerit, aliquæ tamen cum *Catharina* mortuæ. Veneficium subfuisse quis dubitat? molestia quidem, at nihil periculi à punctura muscæ. Erat in vicino pago aliquo tunc *lues hæc* grassans, sed nemo mortalium ex eo Monasterium hoc accesserat, ut sine contagio morbus hic propagatus sit. Nullus etiam, quod omnes dixere, in toto oppido eò erat correptus. *Catharina* tamen in urbem eam transplantavit. (*Meinhart.*) Imò, *Guicbolde*, maxima & funesta pericula à punctura muscæ. Nobilis quidam Neapolitanus in nupera peste cum nescio quid ad fenestram observaret, *crabro* quidam advolans naso insedit, & promuscidis spiculo eidem infixio *tumorem* quendam effecit, quò sensim crescente, & intra viscera serpente, veneno, intra biduum contractâ peste extinctus est. *Kirch. de Pest. Sect. 2. c. 4. p. 247.* Cum in vicinia tunc grassatam *dysenteriam* dicat, utique *musca hæc excrementis aut cadaveribus hominum infectorum infederit*, & contagiosum humorem ex eo suxerit, quem facilè in alium transferre potuit. *Dysenteriam* autem æquè ac pestem *verminosam* esse, *D. Brand* in Scania nuper notavit. Vid. *Act. Med. Hafn. T. V. obs. 31. Bonet. L. 3. Med. Sept. Sect. 10. c. 17. p. 567.* Adde, si placet, *Cynograph. nostræ Sect. 4. c. 8. §. 13.* Alius solò calce cani infecto impacto pestem acquisivit; alia ex solo incubitu

bitu felis in lectum. Idem l. c. Ceterum narrat *Krantz. II. Saxon. cap. 24.* Wittekindum, Saxoniae Ducem, fundasse Collegium in Angaria, translatum postea *Herifordium*. Secundum *Hamelmann.* verò *L. 1. de famil. emort. p. 37.* & *Andr. Hoppens* rod in *Stammbuch* excus. *Argentin. 1570.* Walterus, Comes ab *Hervort*, consentiente Wittekindo, è suis bonis id construxit. Secundum veterem membranam Walterus, cum consensu Karoli M. & operâ Wittekindi, ceu Ducis Angariae, A. 792. crexisse dicitur, tradito ei toto Comitatu suo. Nobiles fuere Comites *Herifordenses*, adeò, ut etiam Walterus, praefati Walteri pater, à *Gregorio III.* inter *Principes Saxoniae* relatus sit. Amplum sanè eorum territorium, licet in visceribus quasi *Ravensbergici* conditum. Longè tamen vetustiores *Herifordenses*, & Karol. M. tempore celebres, cum *Ravensbergici*, demum sub Ottone orti sint. *Krantz. L. 5. Saxon. c. 15.* Reverendissima ac Serenissima Abbatissa *Herifordensis*, Domina *Elisabetha*, ex Electori Com. Palat. ad Rhenum familia nata, ipsamet mihi dixit, se non alium, quàm *Johannem Walterum*, fundatorem agnoscere, cujus soror *Swala* primum praefuit, vixitque circa Ann. 819. Juxta *Meibom. append. in Cosmodr. Gobel. Person. atat. VI. c. 47.* ultimus hujus gentis ante decessit, & consiliò Karolinò, coenobium istud erectum circa Ann. 790. Aequè *Conrad. III.* in literis de Anno 1147. atque *Frider. I.* de Anno 1152. apertè & constanter asserunt, *HLuthe-wicum* duo construxisse Monasteria, unum Monachorum, quod nova *Corbeia* dicitur, ad normam scil. veteris *Corbeiae*, *Herifordense* verò Sanctimonialium ad similitudinem *Suessi-nensis* Monasterii. Si vera forent, quae *Erdwin Erdmann*, Consul olim *Osnabrugensis*, in *Chron. Osnabr. MS. Krantz. I. Metrop. 40. Lib. 2. c. 17. & Stangefol. L. 2. de circuli Westphal. p. 129.* narrant de bonis Ecclesiae *Osnabrugensi* per *Cobbonem*, Comitem *Tecklenburgicum*, ablati, & Monasteriis, *Corb.* ac *Herifordensi*, collatis, in quibus locis praerant, *Krantzii* verò, homines sui sanguinis, frater sororque *Warinus Abbas*, &

(ut

(ut ego reor) *Theodrata* Abbatisſa. Hæc, inquam, ſi vera forent, (refutata tamen à nobis in *Theatr. Illuſtr. Viror. Corb. Saxon. c. 20.*) utique tempore Ludovici, vel *Gundrada*, ſeu *Theodrata*, utraque Cobbonis Warinique ſoror, cœnobium *Herifordenſe* rexiffet. *Theodrata* enim, ſeu *Theodora*, Sanctimonialem fuiſſe *Sueſſionenſem*, certum eſt. Aut ergo falſa dixit *Erdmannus* cum ſociis ſuis, vel *Theodrata*, ſeu *Gundrada*, tunc *Herifordio* præfuit. Cùm enim Ludovicus Pius *novam Corbeiam* ad normam *veteris*, & *Herefordienſe* Monasterium ad ſimilitudinem *Sueſſionenſis* conſtruxiſſe dicatur, utique velut ex *Corbeia gallica* propinquo ſuo *Adelhardo* primùm commiſit *Corbeiam Saxoniam*: ſic etiam, meò quidem judiciò, ex *Sueſſionenſi* Monasterio deſumtam propinquam ſuam *Theodrata* primùm præfecerit Collegio *Herfordienſi*. Ab iſſis ferè incunabulis id curæ & proviſioni Abbat. Corb. fuiſſe demandatum, ex Synodo habita ſub *Luitberto*, indigno (ut ſe vocat) *Maguntiacenſi* Archi-Epiſcopo Anno 888. cui quinque alii Archi-Epiſcopi, cum XIV. Epiſcopis, interfuere, apertè conſtat. Et *Herimannus*, Comes *Lützelburg*, quem Saxones novum creârunt Regem, quemq; *Sifridus*, Archi-Epiſcopus *Mogunt.* Anno 1082. in nativitate Chriſti conſecrarat, chirographa Prædeceſſorum ſuorum tam Monasterio Corb. quàm *Heriford.* data *Marquardo* An. 1083. *Goslariæ* denuò confirmavit. Quoniam (inquit *Adrianus IV.* in bulla *Guicboldo* data) ſorores *Herifordenſis* cœnobii minùs poterant propriis neceſſitatibus pro ſui ſexus imbecillitate conſulere, ab antiquis temporibus accepimus inſtitutum, & privilegiis *Sedis Apoſtolice* confirmatum, ut Corb. Abbas, qui pro tempore eſſet, juxta conſuetudinem antiquam ancillarum Chriſti, quarum negotium Præpoſiti adminiſtrant, & earum curam habeat, & cauſas, quas illæ agere pro ſexus fragilitate non poſſent, *Corbeienſis* Abbas ad earum uſum, Deo adjuvante, tractaret. In confirmatione igitur Privilegiorum bonorumque Corb. ac *Heriford.* Frid. I. vocat *Wicboldum* Proviſorem & Patronum Monasterii *Herifordenſis*.

Dec. II. Annus VI.

* E

ſis.

Gr. Datae literæ Anno 1152. indiēt. xv. in curia Mersenburg. xv. Kal. Jun. Testes erant *Sueno & Canutus*, Reges Daniæ, unus Archi-Episcopus, X. Episcopi, tres Abbates, alique Principes seculares.

XXVI.

Ova in tenebris lucentia.

Supposuerat Parens meus *gallina candidissima* XI. ova, ex *nigerrimo & animoso* gallo concepta. Vesperali quando, domesticis aliis stertentibus, catellus ejus *gallinam*, retrò ostium culinæ ovis suis incubantem, fortè offendens, nidò eam expellit, cujus ferociam ut compesceret Pater, cum lychno cereo subitò excurrit, sed candelabro in scalis è manu excusso, lychnus extinguitur, progrediens tamen verberat latrantem. Januam verò clausurus intrat primò culinam, ut felem, si quæ fortè lateret ibi, simul expelleret, & ecce! *in tenebris* splendida *lux*, mirans, unde illa? cùm fenestra utrinque clausa, etiam, præter densissimas tenebras, nihil admittere potuisset. Circumspiciens tandem videt *ova* in nido *lucentia & splendentia*, ut etiam orbes, patinas, aliamque culinæ supellectilem, sat commodè cernere & distinguere posset. Scribit quoque *Albert. M. L. II. in anim. tr. 3. c. 12. de ovo gallinæ lucente.* Et *Spleistius* retulit *Bartholino* nostro Basileæ, *Lampyridum ova* eòdem coruscare splendore. *Lib. de luce brut. cap. 12. p. 210.* Quæ de *gallina candida*, noctu in arbore *lucente*, notârit *Scaliger*, vide *Exercitat. 174.* Sed de hisce & similibus Naturæ admirandis Illustris *Bartholinus* (cujus laudis & orbis idem erit finis,) in splendidissimis suis de *luce animalium* libris omnem complevit paginam.

XXVII.

Stupendus capitis dolor.

DE fonte in medio *Ammonis* nemore, quem *aquam Solis* vocant, refert nitidissimus *Curtius L. IV. c. 7.* quod sub lucis ortum *tepida* manarit, mediò die cum vehementissimus calor, *frigida* fluxerit, inclinato in vesperrum, *incaluerit*, medià nocte *fervida* exæstuarit, quoque propius nox vergeret ad lucem, multum ex nocturno calore decreverit, donec sub ipsum diei ortum *assuetò tepore* languerit. Ejusdem verè indolis admirandus capitis dolor, quem in Nobili quodam Austriaco notavit Vir Amplissimus, Dominus *Mich. Krumbügel / Consiliar. Gvelfycus*, Amicus olim. Scilicet bonus iste Eques in *aurora* aliquos, jam ultra biennium, tolerabiles tamen, fenserat dolores, quiq̃ue tandem, ob consuetudinem, circulos non multum turbabant: circa *meridiem* hilaris, sanus, & ad quavis exercitia promptissimus erat. Circa *vesperum* re-crudit malum, quodq̃ue circa *undecimam & duodecimam* nocturnam in summo erat gradu, ut, quietis nescius, aliquando per saxa, per ignes, per montes & rura curreret. Demum circa *quartam & quintam matutinam* sensim deferbuit, & mitius factum est, eratq̃ue *æstivò* tempore longè atrocius, quàm hybernò. Medici causam retulêre in *lympham* corruptam, & periodicè magis magisq̃; ebullientem, ideò *fenticulos* suasêre in pedibus & brachiis, nec sine successu.

XXVIII.

Lethalis hæmorrhagia ab aspectu ranæ.

E*duardus à Kannechßen / Præpositus Schackensis*, Vir obesus, & valdè sanguineus, circa vesperram aliquando in horto obambulans, lassus tandem, captaturus, quæ spirabat, frigida

gidam auram, nudò capite in gramine consedit, piè meditando. Prætervolat fortè *ciconia*, è pascuis reversa, ore tenens magnam *ranam*, quæ verò ad sonitum bombardæ, eodem momentò, nescio à quo in vicinia explosæ, rostrò excussa decidit in *calvitiam* Eduardi, & ex hac in sinum ejus. Subitò è naribus perterriti sanguis *cum strepitu* qs. profluxit, quem nemo sistere poterat, bono Eduardo circa sequentem auroram extincto. Fauistiùs cecidit *gallina* ista apud *Plinium* L. XV. c. 30. Nam *Livia Drusilla*, quæ postea *Augusta* nomen accepit, cùm pacta illa esset Cæsari, *gallinam conspicui candoris* sedenti aquila ex alto dejecit in gremium illæsam. Intrepidè miranti accessit miraculum, quia teneret rostrò *lauream ramum* onustum suis baccis. Conservari alitem & sobolem, jussère haruspices, ramumque conseri ac ritè custodiri. Quod factum est in villa Cæsarum, fluvio Tiberi imposita, juxta nomen lapidem *Flaminiâ viâ*, quæ ob id vocatur, ad *gallinas*: mirèq; sylva provenit. Ex ea triumphans postea Cæsar *laurum* in manu tenuit, *coronamq;* capite gessit.

XXIX.

Vesica inter vulvam & anum flatulenta.

Scribit *Borellus* C. I. obs. 8. de tumore *ventoso* in dissecto *No-*
bilis cadavere reperto. Ego quid in *Dithmarsia* olim ac-
ciderit, subnectam. Honestissima mulier è gravi puerperio
agrè elapsa, sentit alterò mense inter *vulvam & anum* parvum
quendam *tumorem*, sibi tamen molestum, qui cum tempore
ad magnitudinem *insignis alicujus pomi* excrevit, & durior
factus, gressus ejus notabiliter impediit. Tandem à cordato
chirurgo, affine ejus & compatre, apertus, meros cum sibi-
lo efflavit *ventos* valdè *stercoreos*. Aliam novi, quæ eodem
in loco singulare habebat foramen, *majusculi pisi* magnitudine,

ex

ex quo ab ipsa pubertate ordinariè fluxerant menses. Gravida dein facta, *tenui & pellucidâ* quâdam *cuticulâ* à natura vidit oclusum, quæ verò facilè rumpebatur.

XXX.

Nigra cerebri crusta.

Chrisophorus Beerwald / Thuringus, U. J. C. Amicus integerrimus, Anno 1670. in Gallia excedens, totum *cranium* cum *cerebro* intus habuit *nigerrimum*. Una visentium vox: colorem hunc à *fumo tabaci* ortum, quem tamen nunquam, quod certò scio, gustârat Civis sincerus. Et quî fumus istius herbæ (nubilosus putâ ille, crassus & tetræ fuliginis instar fistulâ expulsus) ad *cerebrum* pertingat? hoc sanè cum *Primeros*. L. IV. de error. vulg. c. 33. J. Dan. Horst. *manud. ad Medicin.* P. I. Sect. I. c. 1. p. 22. *Magneno Exercit. VI. de tabaco* §. 14. D. Schröckio in *schol. ad observat. Helvvigii* 44. aliisque rectè sentientibus, non capio. Potiùs à *fuliginibus hypochondriacis* nigredinem illam derivaverim. Perfectus siquidem erat hypochondriacus, & absolutus melancholicus. Certè in hujusmodi hominibus vomitum, *Binning*. C. I. *observ.* 91. & feces alvi *nigerrimas* picis instar, imò semen, velut atramentum scriptorium, notârunt alii. Dec. I. *Ephemer. Curios. Ann.* I. *observat.* 63. Exc. Dn. van der Wiel *observ. ravior. Cent. post. Part. prior. n. 16.* Lac & sudorem *nigerrimum* & maximè acidum *Alex. de Insula in Breviar. rer. memorabil.* p. 43. *Schenck*. L. III. *obs.* 7. *Höchstett.* Dec. II. *obs. cas.* 5.

XXXI.

Periculosa hæmorrhagia à fœtore menstruatæ ocyûs cohibita.

Haud procul à monte *gigantum* (Niesenberg) fons manat è rupe, ad quem si propiùs accessit femina *menstruata*,
 E 3 ocyûs

ocyus sistere dicitur fluxum cursumq; suum. *Zacharias Theobald. in arcan. Nat. c. XI. p. 56.* Puero cuidam Sorano sanguis è naribus magnò impetu fluebat. Perfundunt domesticici, alterationis gratiâ, manus ejus pedesque aquâ frigidissimâ, fluxu largiùs manante. Ego ex templo fortè veniens, ad partes vocor. Ingredior, & video puerum ferè agonizantem. Ingressa simul mecum femina, cognata pueri, tunc menstruatâ, & *hircum olens*: quam mephitim cùm perciperet ille, sanguis sensim coepit condensari, & fluxus imminui. Quod cùm *Cortnumio* meo referrem, Ne mireris, dixit, vidi similem eventum. Audi, quid mihi contigerit in *Ejonia*! Nobilis puella in eodem casu à nullo, nec à meipso, (quorsum similem?) optatum impetrare poterat remedium, etiam probatissimis incassum adhibitis. Venit tandem claudicans edentula, cujus anima scetebat, quòd cùm ter quaterve, *apertò rictu*, in nares & os puellæ halitum suum *fatidissimum* efflasset, subortò *enormi vomitu*, fons iste oclusus est. Ceterum praxin plebejam cum affusione aqua frigida minimè probamus. Si enim expendas perpetuam inter calidum & frigidum *ἀντιθεσίαν*, cujus ratione sanguis spirituosus, frigidum fugiens, concitatori semper gradu ad interiora & sanguinis fontem recurrit, & consequenter ex ipsis naribus copiosius fluit, non suaseris eam.

XXXII.

Memorabilis dextri testiculi tumor.

FAber ferrarius in Saxonia inferiori Anno 1676. rem cum puella *menstruata* ebrius habuerat, ex quo impuro ac illicito concubitu alterò die horrendò *dextri testiculi* tumore correptus, cum savissima inflammatione, ventris femorisque, sinistri præsertim, insigni dolore, cui tandem accessit febris quintana syncopalis, & jam coeperat testis nigrescere. Maligni

ligni quid subfuisse, quis inficiabitur? itaque, præviò clysmate, subito dedi hoc sudoriferum,

℞. Unicorn. marin. crud. & ver. ʒss.

Pulv. bez. Sennert. ʒss.

Terr. sigillat. opt. gr. xiv.

CC. philos. gr. viij.

Aq. Calend. ʒiij. M.

Quò sudor egregiè expulsus est, cum magno levamine. Dolores in femore compescuit hoc linimentum.

℞. Unguent. Dialth. ʒss.

Ol. Chamomill.

Lumbr. terrestr. composit.

Lil. alb. aa. ʒss.

Laud. opiat. gr. iv.

f.c. cer. q. s. Liniment.

Ipsi verò testiculo hoc applicabatur cataplasma:

℞. Rad. Althææ ʒss.

Farin. Fabar.

Fl. Chamomill.

Fol. Scord.

Sem. Lin. & Foen. gr. aa. ʒj.

Carv. ʒss.

Coq. in f. q. Vin. & Ol. Olivar. pro Cataplasmate.

Quò tumor sensim imminutus, sed *durior* factus, quem solò *Unguent. Dialth.* inunximus, impositò *Diachylò simpl.* Interea corpus etiam purgavimus. Et, sectâ venâ, dedimus Decoct. *Lign. Guajaci*, quò in aurora interdum sudores proliciebantur. Multum quoque auxilii tulere diuretica. Parvam denique, quæ restabat, duritiem emolliit *Empl. Foresti de Ammoniac.* Et sic nos manum de tabula. Quid autem ille? ocyus ad ignem vetitum accedens, è scylla labebatur in charybdin, in recidivam, non quidem dextri, (ur antea) sed *sinistri* testiculi, cum perpetuis doloribus. Cum igitur magnus
ad

ad hunc testiculum sanguinis affluxus esset, repuli eum epithemate, ex *Aceto Calendula*, & *rubri Idai*, cum *Aqua Plantaginis* confecto. Repetita portio purgans, cum summa *eupeia*. Flatus, qui corpus distendebant, evocavimus sequente clysmate,

Rx. Jur. Gallin. ℥ij.
Elect. de Succ. Ros. ʒij.
Syr. Ros. solut. ʒj.
Sal. commun. ʒʒ.
Ol. Rutæ ʒvj. M.

Quò quater optimè excrevit. Post horam tamen *dolor* femoris sinistri & testiculi adeò auctus, ut præ cruciatu nec stare, nec ambulare, nec cubare posset. Sumtò verò hoc Julebò,

Rx. Aq. Frigor. ʒiijʒ.
Syrup. de Papav. errat. ʒʒ. M.

omnis dolor miraculi instar cessabat. Mane interim & vespere Cataplasma superius repetitum, additis *ficubus*, quò tumor notabiliter remisit, & tandem linimentis ac emplastris discutientibus prorsus evanuit. Intra annum ferè postea nec conjugem, nec aliam, cognovit, ut sanctè mihi fassus est, Adcò piscator *ictus* sapuit!

XXXIII.

Cor bufonis quartanæ remedium.

O Biter dixi *Seet. II. tract. de Bufone c. 4. §. 9. cor bufonis* appensum commendari vulgò contra *quartanam*, licèt, quò successu, tunc ipse nesciverim. Dixit autem mihi nuper, per urbem nostram transiens, Vir Consultissimus Dn. *Ignatius Knüttel* / J. U. C. Westphalus, Amicus sincerus, matrem suam jam à bis sex annis, *quartana* ultra biennium laborasse, & à nemine vel tantillum levaminis, seu juvaminis accepisse, licèt longè

longè latèquè Medicos & Medicaftros, Juvenes & vetulas, li-
stores & carnifices confuluiffet. Tandem veniffe ædituum
paganum, virum simpliciffimum, ac religiosum, certamquè
fpondiffè medelam, fi pro labore *caballum argenteum Lyn-*
burgicum (einen Lyneburgifchen Pferdethaler) obtineret. Quæ
gaudii fpei què plena, non simplex, fed duplum, triplum, qua-
druplum contrà dextrâ fœvâquè promiffit præmium, mo-
dò ex hoc inferno tandem foret redemptio. Exiens ille cepit
bufonem, captum fuspendit, & toftum parumper in Sole dif-
fecuit, *corq;* ereptum, ac in fubtilem pulverem redactum,
unâ anteparoxysmum horâ, in calido vino ægræ propinavit.
Non poterat effari, quos illa fuffinuerat, cruciatus, è quibus
primarius ferè intensiffimum & constantiffimum frigus, ad
bihorium ufque, cum perpetuo & terribili dentium ftrido-
re. Quò autem elapsò, fopor obrepfit, & faluberrimus fu-
dor. Sicquè tragœdiæ hujus febrilis claufula in hunc ufque
diem. Interim, ne nesciret fagax mulier, an *phantafia*, feu
fiducia in virum, vel potiùs ipfi *corculo* hanc fuam falutem ac-
ceptam ferret, aliis, in eodem luto hærentibus, porrexerit li-
beraliter, & cum optatò eventu. In nullo tamen, nifi in
feipfa, tantos notavit cruciatus, aut frigus, licèt, fumptò pul-
vere, plerunque infans paroxysmus fuerit atrocior, quò ta-
men finitò, febris vel fpontè ceffavit, vel longè mitior ac
modestior facta, ab altera pulveris dofi fauftè fublata eft. Quàm
magna! quàm multa! quàm mirabilia! & quàm defiderabilia
Domini opera! *Sir. XLIII. 23.*

XXXIV.

Nyctalopía in partu.

N^{*Nyctalopía*} *Amboinesibus* popularem effe affectum, fcribit
Dn. Joh. Sigmund *Burfbain* Curiofus Indiarum perlu-
Dec. II. Annus VI. * F ftra-

Strator, in *Itinerario* suo, à filio ejus, *Hermete* nostro Norico, Amicò meò certissimò, nuper edito pag. 47. cui tamen malo *crudo piscis hepate*, quem *Hay* vocant, medentur. Generosa femina, sed rarioris texturæ, in difficili partu, qui primus erat, in *νυκταλωπία* incidit perfectam, ut interdiu quidem rectè cerneret, occidente autem Sole *obscurius* noctu planè nihil. Memor observationis *Paparol. Pentecost. III. nam. 49.* suasi, ut *hepar anguille assatum* diebus aliquot ante cibum sumeret. Fecit, & intrà mensem omnis conticuit questus. Idem præstare *fel bovinum*, asserit *Excell. Bonet. L. I. Med. Septentrion. Sect. XXII. c. 62.*

XXXV.

Rosa in mamma.

HOnesta & formosa femina, tunc XVIII. annorum, & primùm gravida, in pergula circa vesperam æstate sola sedens fortè obdormiverat. Venit è symposio maritus, Amicus meus sincerissimus. Cùmque dormientem videret dilectam venustamque suam, furtim & suspensò gradu accedens, joci ergò, *rosam rubram*, inter *mammæ*, more sequioris sexûs, pendentem, lentâ manu protraxit. Ipsa verò expergefata & territa cœpit vociferari. Quam ut demulceret, *nudis protractis mammis eandem rosam*, amplexus & oscula inter, *crebris affricat*, & tandem in locum suum reponit. Tertiò ab hinc mense parit puellam, in cujus *leva mamilla* manifesta *elegantis rose* delineamenta, sed *pallidiora*, quæ verò circa annos pubertatis *saturatius rubuere*, nunquam tamen magis & floridiùs, quàm *Majo*, si ceteræ in hortis florerent rosæ, & tunc ab ebulliente ac acriore sanguine molestum aliquando sensit *pruritus*. Manantibus mensibus tota ista circumferentia *palluit*, quod uterque parens ingenuè mihi dixit. O admiranda & verè divina phantasie potentia, soli DEO nota! *Nosstra enim curiositas circa hæc & similia umbra in Sole.* Lumbimus

bimus quidem cum vulpecula vitrum, at pulsem non attin-
gimus. Similem historiam de *figura gammari in mamma*, di-
ximus nuper in *fasciculo primo observ. nostr. Medico-Phys. n. 23.*
& adhuc aliam innectemus discursui nostro *de talpa*. Vide
interim, si vacat placetque, *Cass. à Reyes camp. elys. jucund.*
quest. num. 50. §. 36. Dr. van der Wiet Cent. post. observat. va-
rior. part. prior. num. 36. cum Schol. & Eph. nostr. Curios. passim,
aliosque quamplurimos, & crede mihi, laudabilem crudi-
tamque esse ignorantiam, ea nescire velle, quæ Summus Ma-
gister interiori suo sacrario clausa esse voluit. *Seneo. L. 5. qq. Po-*
tiùs cum Lucretio, & mecum.

Admirare modo, nec non venerare: nec illa
inquiras, quæ sunt arcanis proxima, namq;
in manibus quæ sunt, hæc nos vix scire putandum:
est procul à nobis adeò præsentia Veri!

XXXVI.

Asini temulenti.

SI, juxta monitum Venusini Vatis *IV. Carm. od. 12. consiliis*
Stultitia brevis miscenda est, utique non fastidies, mi Le-
ctor, hunc titulum. De urso ex cerevisia ebrio facetam narrat
historiam Adam Olearius in Itinerar. Persic. p. 120. edit. Slesvic.
An. 1647. Mihi olim Eresbergam in Westfalia profecturo oc-
currit rusticus cum tribus asinis, qui mox ad lævam, jam ad
dextram titubantes, mox super proprios pedes lapsi, mox,
quasi nescirent, quod vaderent, subsistentes, miras temulento-
rum gesticulationes, non sine cachinno meo, æmulabantur.
Indaganti causam, monstrat Hyoscyamum album & Solanum,
cum floribus suis, clamans: ecce! hinc ista Comædia! Pluries ne
fic! ita. Quâ arte igitur discutis tu auritis sociis crapulam?
fi ad Dimolam venero, videbis. Quamprimùm se balnearint,
gressus suos firmiùs figent. Et sic etiam erat. Audacter enim

descendentes ad ventrem usque, plenò ore bibebant, & egres-
si statim modestiùs ambulare cœperunt. Ita homines etiam
solâ aquâ frigidâ subitò pepulisse ebrietatem, binis exemplis
probat *Amphion* noster, Amicus honorandus, in *Dedur. I.*
Ephemer. Curios. Ann. II. observ. 217. Ceterùm de *asino* cùm
hic fandum sit, subtexam adhuc ridiculam historiam, in *Thu-*
ringia olim factam. Molitor cum *novem asinis* in proximos
pagos detulerat farinam. Ibi à sociis suis invitatus compa-
ruit, sivitque auritum intereà gregem extra pagum ad sepes
& publicas vias pabulari. Qui reperientes carduos casos,
aliudque pabulum, *cicutâ* commistum, securè vorant ad sa-
tietatem. Sub crepusculum molitor abitum simulans, facilè
à sociis detinetur, clamantibus: brevem esse viam, & faculam
ei præferre *Cynthiam*. *Asini* intereà vim *cicuta* in corpori-
bus sentientes, omnes in campo, viisque publicis, passim con-
cidunt, omni motu sensuque privati. Tandem molitor cir-
ca noctis meridiem ad suos remeaturus, *asinos*, ut dixi, repe-
rit. Quos cùm dormire putaret, insigniter flagellavit, at
mortuos. Vocantur in auxilium rustici. Una omnium vox:
asinos esse defunctos, & alterò die excoriandos. Tunc demùm
indagari posse causam *repentina* huius mortis. Agè, dicebat
ille, si mortui, quid cædam eos? jaceant, quiescant, valeant!
Venite, ô mei, remeabimus in cauponam: cras mihi eritis
testes. Vocantur interim excoriatores, quorum unus: *Vin'*
ergò, molitor, *ut detrahamus corium, aut num singulos redi-*
mere placet duobus nummis capitalibus? *in nostra enim potesta-*
te sunt. Dic, quod velis, & factum crede. Ille cum stupore &
gemitu: en dextra fidesque! dabo, quod vis, si revocaveris
in vitam. Subridens nequam arreptò flagellò omnes è ve-
terno (maximâ ex parte nunc discussò) excitat. Stupuère
coloni. O lævæ mentes, ajebat, ecce! hæc *herba* (*cicutam*
monstrans) in vicinia hac luxurians *somni asinini* effectrix.
Rustici sub tiliâ, more pagano, confluentes, legem condi-
dère, ut quilibet Paterfamiliâs in horto & agro, seu ubicun-
que

que noxiam istam plantam offenderet, ocyùs evelleret, ne-
quid detrimenti amplius ab ea caperent homines, seu bestia.
Adde aliam *Petri Andr. Matthioli in herbar. suo*, à *D. Joach.*
Camerario auct. edit. Francof. ad Mœnum Anno 1600. p. m. 384.
De noxa verò *cicuta* vide *D. D. Sim. Pauli de febr. malign. §.*
82. seqq. Kirch. de Peste Sect. 2. c. 2. p. m. 203. D. Heltuvig. obs.
42. cum Schol. Schröckiano, D. Harder. in Dec. II. Ephem. Curios.
Ann. III. obs. 115. & sexcentos alios.

XXXVII.

Vagitus uterinus cum sudore cruento.

I *Sibordus* ab *Amelunxen* ad annum *M. LXXVII.* annotavit:
mulieris *Brenckhusana* infantem adhuc in utero vagiisse, &
exclusum statim monstrasse sudorem cruentum. *Meinhart. à*
Lüchtringen in mirabilibus suis ita: *Cæcilia Teulin* robusta,
mulier in valle Dei, audivit puellam in utero suo vagientem,
qua, cum vitalem aspiceret auram, largum sudorem sanguineum
habuit. Quod malum omen est. In glossa marginali *Chronici*
Letzneriani edit. prim. eandem historiam à veteri manu nota-
tam reperi. Equidem pluscula vagitus uterini exempla, hu-
jusque causam physicam, dedimus in *Lagograph. nostra Cu-*
riosa Sect. I. c. 3. cruenti verò sudoris in cynograph. nostra Sect.
IV. c. 8. §. 12. ut lubens hanc historiam credam. Cum verò
omnes sinistra inde captent auguria, & fatale *Hæxaria* exci-
dium inde evincere velint, cachinnum mihi movent. Du-
bium adhuc, an infans in utero, an extra eum sudarit cruorem?
Anceps etiam, an sedente *Sarachone*, XIX. Abbate, *Corbeien-*
si, vel potius sub *Friderico*, Abbate XX. casus hic contigerit.
Cespitat quoque *Letzner*, scribens: Anno 1054. conditam esse
urbem *Hæxariam*. In literis foundationis *Ludov. Pius* vocat *Hæ-*
xariam villam regiam. Fatetur enim, Christianissimum *Imp.*
Karolum, Monasterium *Corb.* in honorem *S. Stephani Proto-*

Martyris Christi super *fluvium Wiserah* in villa regia, in loco nuncupato *dudum Huxori*, construi ac fabricari præcepisse. NB. In villa regia, infit. Villa & oppidum Gallis sunt Synonyma. Geneva apud *Besold. in Discurs. IV. de Reip. statu subalterno. p. 183.* nominatur promiscuè civitas & villa. Imperialis Norimburga villa regia apud *Engelhus. in Chron. p. 215.* & Ulma à Karol. M. Anno 813. villa regalis. *Crus. P. II. Annal. Suev. L. I. c. 7. pag. 10.* à Karolo Crasso autem oppidum. Quamvis enim sub Ottone M. m. iris cincta sit, *Stumpf. L. VI. chron. c. 16.* nihilominus tamen longo post tempore modò villa & oppidum nominatur. In fundatione Monasterii *Alspirbachensis* (quam refert editor document. Monast. in Ducatu *Wurtemberg. p. 238.*) Rotuvila dicitur Villa, quæ tamen apud Romanos jamdudum nomen civitatis & oppidi meruerat. *Münster. L. 3. Cosmogr. c. 320.* In veteri Diplomate Regio hanc vidi subscriptionem. *Gotzlari* è villa regia feliciter V. Kal. Maj. Anno 1039. Anno Domini Counradi Imp. Augusti Imperii XIII. Regni XV. *Hamelia* ad Visurgim, à vicino fluente *Hamela* ita dicta, seu *Hameloa*, vel *Hamelau*, ob soli fecunditatem locique amœnitatem, *Quèern-Hààmeln*, à *Quèern*, Saxonibus Belgisque *mollam trusatilem* notante, ab Ottone, Duce Brunsvicensi, in lit. Anno 1323. dicitur Villa, *Helmoldo L. I. Chron. Slav. c. 43.* Villa publica, i. e. civitas Imperio immediatè subjecta. *Freher. ad Petr. de Andlo L. I. de Rom. Imperio, c. 16. p. m. 162.* Vident ergo, etiam *Huxori* tempore Karoli M. fuisse villam regiam, seu oppidum, ut alibi fusiùs probavimus. Quæ autem de excidio *Huxariensi*, Anno 1630. d. 10. April. factò, blaterant, vana sunt, & sibi lo, non responso, digna, scilicet si hunc infantem ejus ruinæ prodromum esse velint. Sed cùm casum hunc in dissertatione mea de sudoribus admirandis examinavero, nolo hic prolixior esse. Ita: fatalis & luctuosus erat interitus *Huxaria*, sed quid tu mihi detorseris cum vel à sudore, seu vagitu infantis *Brenckhusani*?

XXXVIII.

Verruca ventriculi lethalis.

Tomas Ruth miles, diu quæstus de insigni ventriculi gravitate, appetitu collapsio, febris lenta, per intervalla ingravescente, tabe totius corporis; subsequente tandem massâ, juglandis magnitudine, cum multo sanguine, avo rejectâ. Ab illa hora perpetuò ferè fuit *hemoptoicus*. In cadavere ejus ventriculus circa sinistrum orificium utrinque exhibuit *verrucam*, cum radice sua firmiter annatam, alteram magnitudine *minoris pomi borsdorfiani*, alteram *grandioris alicujus avellanae*. Fortè plures essent repertæ, ni tumultuaria apertio tempus invidisset. Ita *Salmuth*. C. I. obs. 6. in intestinis *infinitas verrucas* in cachectica virgine post obitum invenit.

XXXIX.

Pinguedo humana in dissolvendo sanguine coagulato.

Puella VII. annorum, scalâ in aream delapsa, *sanguinem* copiosè evomit, quem ocyùs supprimunt parentes, filiâ in cymbam Charontis detrusâ. Alterò die ad Parochum istius loci vocor. Advolat schedula, opem meam implorans. Cùm nil ad manus esset præter *pingued. human.* ad alios usus servandam, memor *Horstiani* moniti in *epistolis*, (vid. *Hildan. Coll. p. 340.*) dedi portiuunculam puellæ, qua de singulis maturinis in juscule 3ij. ad 3iijß. caperet. Dici vix potest, quàm laudabili cum successu. Concretus quippe sanguis per *tussim scireatumq.* frustatim, citrà molestiam, rejectus, doloribus punctationibusque, quæ lancinârunt puellam, ex voto profligatis.

XL.

Ren in silicem versus.

S*Axea* origine nos natos cecinit ingeniosa vetustas apud *Nason. L. 1. Met. fol. 7.* quod funesta cheu! multorum comprobant exempla. Oleum & operam perderem, si cuncta *saxeæ* Microcosmi monumenta hîc recludere conarer, dicturus tantum, quod satis est, de nauta quodam Norrvagico, *cujus ren sinister* post obitum totus *in silicem* versus inventus est pond. 3iijß. & 3iijß. Et hic iste lapis est, *cujus* in scholio nostro ad obs. 59. *Alex. de Insula in Breviar. ejus rer. memorabil.* mentionem fecimus. Ecce figuram! Adde sis, quæ è *Sachsio* nostro repetit *Celebratiss. D. Bonet. L. 3. Med. Sept. collat. Sect. 24. c. 5. p. 738. seqq.* *Dexter ren* cum ureteribus utrinque in statu erat naturali, in vesica autem magna *lapillorum* congeries. Plura ad rem facientia non sunt annotata.

Fig. V.

XLI.

Monstrum canino-humanum cum flamma & fragore natum.

Admirandæ equidem historiæ, quas Celeberrimus *D. Bartholin. Vol. II. Med. Actor. Hafniens. obs. 2.* de vacca, quæ unâ cum vitulo XXX. peperit catulos vivos, omnique numero perfectos: de cane oviparo *D. D. Jung. in Decur. I. Eph. Curios. Ann. II. obs. 250.* de puero unâ cum excrementis alvinis foetum caninum benè conformatum rejiciente *D. Reyger in ead. Dec. ann. 8. obs. 58.* curiosè annotârunt. Maximè etiam stupendum, quod nos retulimus in fasciculo priori obs. nostr. *Medico-Physic. num. 81.* de gemellis, canum instar, in utero pudendis monstruosè cohærentibus, & quod de cane è muliere nata consignavit nuper Excell. Batavus *Dn. van der Wiel Cent. I. obs.*

I. obs. rarior. 72. Scribit *Israhel Schmied. in obs. MS. Anno 1632.* Scrofam opilionis, eamque prægrandem & robustam, ex canibus pastoralibus concepisse, & quinque catulos, albos plerumq; & villosos, bene tamen formatos, peperisse. Nihil suilli in iis, nisi quòd *finetum* aliquando rostris subverterint, inq; *fineto* se volutârint. Annectemus nos quoque hic monstruosam, de cane historiam. Dominus *Johann. Wien* | Vir integerimus, & Mercator olim *Israci* facilè primarius, sæpius dixit Patri meo, (ut nuper demum legi in schedis ejus,) se anno 1635. vidisse honestam Bavari cujusdam militis feminam, castra Virumque sequentem, quæ, ex foedo *molossorum*, à coitu *coherentium*: aspectu insanum territa, in pertinacem febrim lapsa, è qua tandem emergens, summa cum molestia & cruciatu, (præmicante ex utero *luculenta flammâ*, & subsecuto magno fragore, quasi minus aliquod sclopetum exploderetur,) peperit horrendum monstrum sexûs sequioris, sed extinctum. Caput erat prorsus *caninum*, at *depile*; lingua exerta, locò brachii utrinque duo *pedunculi canini*, cauda brevior; cetera mentiebantur figuram hominis. Hoc pondus inutile maritus clanculum & ocyus sub quercu in finibus Bohemiæ tumularat. Anno 1012. *Kochstedii* gemelli nati cum rostris *anserinis*, & vice dextri brachii habebant *alas anserinas*. *Binhart. L. 1. Chron. Thuring. p. 78.* Anno 1556. in festo omnium Sanctorum *Tundorfi* figuli cujusdam uxor monstrum enixa cum rostro *canino* &c. *Idem L. 3. p. 147.* Anno 1600. d. 17. Junii *Tungeda* aliud monstrum natum cum *auribus caninis* &c. *Idem L. 3. p. 216.* Anno 1555. 12. Jul. *Nebra* in Thuringia *Andr. Beyers* filia in ipso partu, jamjam prodeunte infante, magnum emisit *fragorem & flammam*. Sed audiamus ipsum *Binhartum* sic fantem *Lib. 3. Chron. sui p. 145.* *Andræ Beyers Tochter* | welche einen jungen Schuhmacher zur Ehe gehabt | nach dem sie drey ganzer Tag schwerlich und gefährlich in der Geburth eines Kindes gelegen | daß man auch drey Wehmütter zu ihr hat holen müssen | hat endlich ein todt Kind zur Welt bracht | und gleich

Im gebähren und den größten Schmerzen / da das Kindlein über die
 heffte geböhren / ist ein grosser schrecklicher Knall im
 Leibe der Frauen geschehen / als wenn man eine gros-
 se Hacken = Büchse abschösse / und ist das Feuer ge-
 waltig aus ihrem Leibe mit des Kindes Beinen ge-
 fahren / auch am Hindern dem todten Kinde Blasen
 als die Hünen = Eyer gebrant / der Kinderfrau Ka-
 thrin Hegenwalds genandt / den Backen hefftig
 versehrt / auch das Feuer in der Stube herum ge-
 fahren / einen grossen Standt als Pulver und
 Schwefel gemacht / dabey viele ehrliche Matronen gewesen
 auch etliche vom Adel / die solches gesehen / und zeugen. *Sic politus*
ille Thuringica historia scriptor, censurâ Buslidiana. Eadem
 hæc historia, quam *Cornel. Gemma L. 7. Cosmogr.* exque hoc
Cl. Bartholin. de luce homin. c. 18. p. 118. recenset. *De flamma*
ex puteo oppidò raram vide historiam D. Wolffstriegels in Dec.
I. Eph. Curios. Anno 1. obs. 33. de flamma ex ventriculo D. Pisan,
ead. Dec. & Ann. obs. 77. cum Schol. ut de historia nostræ veri-
tate minimè dubitandum sit.

XLII.

Sudor sub nive saluberrimus.

VIr quidam eruditissimè doctus, inque splendido mune-
 re jam constitutus, Amicus meus primarius, tunc au-
 dax Martis pullus, sumtâ virili togâ, *variolis* corripitur. Igi-
 tur in castris, ut quivir, morbum cuticulamque curabat. No-
 ctu autem à callido hoste è latibulo suo expulsus, ad confœ-
 deratas, trans Rhenum excubias agentes, properaturus, igno-
 tam aliis ingreditur viam. Sed ecce! ob morbi violentiam,
 & alia impedimenta, ægrius ac lentius ille festinans, tandem
 in *saliceto* quodam ad ripam fluminis, equò, vectore suo, ad
 arbo-

arborem alligato, humum, *nive* molliter contextam, fatigatus cubile suum eligit, solò palliò substractò, quod etiam tegumenti vice erat. Hic extra teli jactum cubans, meminerat fortè *Tinct. Bezoard.* quam in sacculo commodè habebat. Hâc sumtâ, & corpore pallio benè involuto, eventum Deo committit. Interim suavis obrepfit sopor, ad auroram usque protractus. Surgens miratur optatam requiem, & *largum*, in quo sub Jove frigido, *nive* totus eâpse nocte contextus, cubârat, *sudorem*, quem vix in plumis molliùs ac commodiùs expectâsset. Absterfo igitur, ut poterat, sudore, & decussa nive, ocyus ad suos transit. Ubi statim, sumtâ alterâ tincturæ dosi, denuò ad sudorem se composuit, sicque morbum animosè & gloriosè superavit. Sanè *nivem* calefacere, multis rationibus & experimentis evicit *Bartholin. Lib. de niv. usu c. 7.* cui adjungas velim D. D. Frommanns selectam *disp. de antiperistasi c. 2. §. 7.* Interim valde dubito, an hoc tentamen mihi tibi, si periclitari velimus, faustè succedat. Proh! quanta *monstra* curationum nascuntur aliquando in Arte saluberrima!

XLIII.

Noctua antiparalytica.

Nescio sanè, cur plebeji nostri homunciones ex *noctua* volatu, cantu nocturno, mala cudant omina. Atheniensibus bellum cum barbaris gerentibus per exercitum eorum volitans *victoriam* præfagit. Hinc adagium apud eos natum: γλαδὲς ἡ νύκτα, vel ἡ νύκτις, si cæsos hostes, & subsequutam innuerent victoriam. *Pier. L. 20. Hieroglyph. f. 179.* Hieronimus, Sæculorum Principi, primùm bella ineunti *aquila* in clypeo, *noctua* in hasta confedit. Quod ostentum & *consilio* cautum, & *manu* promptum, *Regemq.* futurum significabat. *Justin. L. 23. cap. 4. Casimirus Alberti, Mecklenburgicus, Legum Studiosus, diu paralyticus, multa ineassum tentarat. Tandem,*

dem, consiliò amitræ suæ, cepit *noctua*, eamque, plumis detractis, evisceratam, mundatam, sale conditam, inque furno lentè exsiccatam in pulverem redegit. Ex hoc cum *castoreo* misto fecit unguentum, quò membra *paralytica* inunxit feliciter. Vidi integrum muris caput à *noctua* cum stercore *uræ* rejectum, quod, ceu singulare quid, custodiebat nobilis Matrona, cui bono autem, nescio. Memini hîc Mercatoris Hamburgensis, qui *tertianâ* septem mensibus afflictus nullibi commodum reperire poterat remedium. In *Russiam* tandem profectus, suavitatem *carnis cygneæ* mirè commendatam audivit: cujus dulcedine captus, juniorem quendam *colorem* opiparè sibi præparari jubet, omni insultu febrili ab illo die, in istum usque, quò hæc mihi *Minda ad Travam* regulit, ultrà 20. annos penitus cessante. Scilicet in *longis morbis*, exhaustâ Medici scientiâ, & fatigatâ arte, non rarò sic solet natura velut è *machina* adesse agris, & sanare desertos, post *longam & insanam curationem*, ait Cl. *Lindenius* L. 2. Med. Physiol. c. 15. §. 33. p. 698.

XLIV.

Abscessus renum faustè curatus.

Nescio, cur Celeberrimus D. *Sylv.* L. 2. *Prax.* cap. 24. §. 37. abscessus *renal*is curationem in dubium vocârit. Felix sanè, & verè Hippocraticum exemplum dabit nobis Excell. D. D. *Johann. de Maralto*, Nobilis *Tigurin*us, *Curiosorum Aretæus*, Collega & Amicus honorandus, in *Decur.* II. *Ephem. Curios.* Ann. III. obs. 139. cui adjungemus aliud. Viri Pl. Rev. & Cl. D. *Johann. Mich. Höfers* | *Aulæ Saxo-Römhildensis* Concionat. ibidemque *Archi-Diaconi*, nobilis conjux, 60. ferè annorum, plurimis abhinc annis immanes perpessa erat cruciatus *nephritic*os, qui demum Anno 1681. cum summa inflammatione, & abscessu sinistri renis, aliisque gravioribus symptomatibus, magis magisque stipati & aucti, omnem ferè

ferè spem filutis præscindebant. Dedit tamen *Kellnerus* noster primùm varia præcipitantia, humoresque acidos absorbentia, specialiter mixturam è *coralliis albis, margaritis, lap. Cancr.* in aqua font. l. a. *cinamomifata*, vel cum *elæosaccharo cinamomi* parùm edulcorata, qua de hausit subinde cochleatim, nunquàm verò sine insigni præcordiorum anxietate & vomitu acido. Propinavit porrò manè seròque *Tinct. flor. papav. errat. cum spirit. nitr. dulc. cochleatim & arcan.* Tartari cum *spirit. roris majalis* in potu à gutt. xxx. ad xl. aliquoties in die. Item *spirit. nitr. dulc.* solum à 30. ad 40. gutt. in juscule ante prandium & coenam, atque arcanum duplicatum, more *Wedeliano*, confectum, in potu. Nec laxantia oblitus est è *pulp. tamarind. jalapp. lap. lazul. &c.* additis aliquando clysteribus, è *succo raphan. & cancr. vivor. express.* nec non *herb. chærefol. flor. chamom. &c.* confectis, catè etiam usurpatis anodynis. Externè famulabatur cataplasma ex *rad. althææ, mica panis similag. recent. flor. chamomill. sambuc. sem. cannab. lini & papav. alb. in lact. caprin. coct. & lumbis* aliquoties calidè applicatum, oprato cum successu. Ruptò enim *abscessu renis*, magna puris copia, unà cum cruore & fragmentis calculi majoribus minoribusque, cum urina per aliquot dies profluxit, dolore omniq; symptomate penitus cessante, agràque ex voto restitutà. Denique ut abstergeret & consolidaret, in usum traxit *bals. sulph. anisat. D. D.* *David Kellner*, Archiater Rômhildensis & Stollbergensis, Practicus nunc in Imperiali Northusa, Amicus noster antiquus, qui hanc & sequentem historiam mecum communicavit.

XLV.

Monstruum Wiegelöbium.

Ferax *Thuringia* nostra monstrorum, quod vel unicus testatur *Binhart. in Chron. suo Lips. excus.* Anno 1613. Dicam saltem recentius. A. 1674. rustica *Wiegelöbiana* in Ducatu

Saxo-Gothano monstrum peperit masculinum, quod ante (A) retroq; (B) sistemus. Pectus aliquantulum *gibbosum*: loco abdominis erat *saccus membranaceus*, isq; *pellucidus*, monstrosè ad pedes usque propendens, in quo intestina cum ceteris infimi ventris visceribus contenta, quæ singula accuratè & distinctè cerni poterant. Ex capite dorsum versùs dependebat informis *massa carnosæ acuminata*. (lit. B. & C.) Pes sinister *curvus* & *intortus*: (D. D.) cerebri vice fungebatur *ossea* aliqua (*porosa* tamen) substantia. Facies foeda & abominabilis. Collum ferè *nullum*. Ventriculus ab intestinis figurâ & magnitudine non distinctus. Sceletum adhuc monstrabit D. Joh. Andreas Bechmann Reip-Gothana Physicus ordinarius, Amicus noster.

Fig. VI.

XLVI.

Menses ordinariè per sudorem expulsi.

HOnesta virgo Norvvagica, Ecclesiastis filia, mensibus ordinariè instantibus, *maculis rubicundissimis*, *iisq; latioribus*, per totum ferè corpus, imprimis autem circa *mamas*, pingebatur, subsequente gravissimâ cephalalgia, plerumque cum odontalgia conjuncta. Consultus *Rhodius* noster, suavitudo sudoriferum sumere ex rob sambuci, immixto sale C.C. Secutus largissimus sudor, maculis planè evanescentibus, omniq; malo, dolore & questu penitus sublato. Hoc remedium semper postea usurpavit, nunquam sine successu. Interim lintamina à sudore cruento valdè tincta ipse vidit *Rhodius*. Tandem cum ex honesto conjugio gravida foret, Natura primum consuetas & ordinarias sibi aperuit vias, quas postea constanter etiam ambulavit. Conf. Vol. I. Act. Med. Hafniens. observ. 44.

XLVII.

Coitus cum sudore cruento.

Vir primarius, sed malæ constitutionis, & Veneris conjugalis cupidissimus, plerumque eam in aurora exercebat. Circa finem, ubi omnes vires maximè intendebat, *sudor* aliquando prorupit *rubicundus*, qui æquè suum ac conjugis indusum tali colore tinxit, citrà virium jacturam, uti putabat. Suspiciatus Parens meus, familiaris ejus intimus, à largiori potu *vini rubri* tincturam istam ortam, sed fallax erat hæc conjectura. Dominus *Fridericus Kraft* / Decan. Huxor. ad S. Petr. Amicus noster, *scorbutico - arthriticus*, usus aliquando *Spirit. aperit. Penoti*, quò largus provocatus sudor, suavi obrepente sopore. Expergefactus miratur *rubicundissimas arenulas*, passim in indusio tenaciter adhærentes: intuetur corpus, & ecce! easdem in universo, quas in scatula collectas subridens mihi monstrabat cum magna alleviatione sui. Nomen Viri, quò de suprà, vix reticerem, nisi plures adhuc ejusdem familiæ in patria & vicinia forent superstites, quorum dignitati (ut par est) parcimus. Ita refert *Borell. Cent. IV. observ. 17.* Gallum quendam nunquam conjugi suæ conjungi potuisse, quin *largo sanguinis* ejus *præfluvio* sinus pudoris illius regurgitaret.

XLVIII.

Excessus momentaneus Serenissimi Ducis
Saxo-Isnacensis, JOH. GEORGHII, conjecturaliter delineatus.

Q Metellus Macedonicus de Q. Cornel. Scipione, optimè de Rep. merito, cùm interemtum conclamari audivisset, mestò vultu, æmulus licet & voce confusâ, in publico

blico exclamavit : *Concurrite , concurrite cives , mœnia urbis nostra eversa sunt !* Vix annus jam effluxit , à quo communis Patriæ miseria eadem verba mihi & omnibus extorsit. *Concurrite , concurrite cives , mœnia urbis nostra eversa sunt !* *Palladium nostrum ereptum est : Pharos nostra diruta est ; columna nostra cecidit ! corona capitis nostri ablata est : Paxillus , qui fixus erat in loco fideli , periit !* Scitis enim , ô *Mei !* quàm benè , quàm fideliter , quàm prudenter Vobis imperârit Serenissimus Patriæ Pater, JOH. GEORG. Dominus cheu ! quondam noster Clementissimus , post fata tamen quoque , maximô suô meritô , humillimè & æternùm à nobis omnibus colendus. At scitis etiam , ô *Boni !* quàm subitô conciderit , quàm pusillum momentum illustrem animam æternitati reddiderit. Næpium non tantùm æquumque , sed etiam valdè curiosum erit , abstrusam *momentanei istius excessûs causam conjecturaliter* indagâsse. Dixi : *conjecturaliter*. Cum enim Illustre Optimi Principis cadaver non licuerit inspicere , Serenissimâ Viduâ id vetante , utique præter *conjecturas* , ratione tamen & experienciâ munitas , à me nihil præstolabimini. Vellem equidem , ut eruditiores Magistri , & qui longius consenuêre : in Arte , hæc me fasce levâssent. Gloriosius enim mihi doceri , quàm docere. Interim nemo , nisi malus , boni Civis meditatiunculam , placidæ Curiosorum censuræ modestè subjectam , roserit : sed potius , monente *S. Augustino L. I. de Trinit. c. 2. §. 3.* quisquis hæc legeris , *ubi pariter certus es , perge mecum , ubi pariter hæsitas , quære mecum , ubi errorem tuum cognoscis , redi ad me , ubi meum , revoca me.* Monitus meliora sequar. *Morbô attonitô succubuisse Optimum Ducem , una omnium vox est.* Surrexerat manè hilaris vegetusque , cantârat hymnos , more suô , matutinos : viderat devotô cum stupore renatum in feretro viduæ in Næm filium , pransus erat pancraticè , consultârat de arduis Provinciæ suæ negotiis , Consiliarium , quem aliô missurus erat , adhuc plenius instruens. Verbô : cuncta *apparenter* bona , sana , robusta.

busta. Nihil molestiae, nihil questuum, nihil de adverso periculi! Sed audi, quid in fatis fuerit! Excurrenti tandem circa quartam Vespertinam in sylvam, *Eccardsbusae* proximam, (ibi enim cecidit generosa anima) occurrit fortè cervus, quē plumbeo globulò ille trajecturus, in momento, in ictu oculi, corruit pronus in faciem, verè ἀποπληκτός, nullò sensus motusve signò amplius nobis datò. Accurrunt attoniti, qui fortè aderant, ministri, cruentant venam, sed erat irrevocabile factum. Heu mihi! quanta, & quàm universalis, & quàm momentanea Tanti Herois ἀποπληξία! Quæ similitudo desumpta est à victimis, ad aram prostratis. Cùm enim antiquitùs animalia sacrificanda securi in fronte tam validè percuterentur, ut repentè conciderent, dicebant ea ἀποπληκτά, homines verò, eòdem modò concidentes, ἀποπληκτες, ipsùmque morbum ἀποπληξίαν. Quam si cum Cornummio αἰμοσασίαν in cerebro dixerò, rectè me dixisse reor. Duo Senex noster in sanguine expendit maximè, σύσασιν, & κύνησιν, seu περίοδον, ut ipse interpretatur *L. I. de diet.* Utraque quamdiu secundùm naturam se habet, ὁρδοσάδιοι sumus. Sin: ἵλιος κακῶν. Σύσασιν amittit sanguis, (1) *per rei alienam mixturam*, (2) *per propriam in seipso alterationem, & corruptionem*, ob qualitatum dissidium & exuperantiam, quod commodè vocamus διήρησιν & φθοράν. Περίοδον verò amittit sanguis, vel cùm plus solito movetur, & cùm emovetur, & motus fit præter solitum non consuetus, tunc nascuntur plerunque *deliria*; vel cùm decantatissima fit φλεβῶν ἀπόληψις, quam cum Pergameno rectè dixeris *venarum repletionem, à copia factam*. Copia ista purus putus sanguis est, latè sumtus, qui nimiùm auctus, seu concitatus, sibi ipsi fit noxius, liberumque motum occludit. Hòc verò denegatò, quid nisi πνευμάτων ἀπόληψις? quam Senex noster bellè vocat εἰσίν. Αἰμοσασία igitur nobis idem quod sanguinis sufflaminatio. Cùm verò plures αἰμοσασίαι diversos creent morbos, generi addidimus specificam differentiam, quàm certus, & quidem attonitus (ut *Celsus* vocat) morbus tan-

rum significatur. Illam denotat *substantia* illa *alba*, quam propriè dicimus *cerebrum*, totum pro *parte* sumentes. Est igitur pars affecta, seu *subjectum* in hoc morbo *mediatum*, organon animale, i. e. cerebrum cum medulla spinali & nervis ab eodem propagatis. *Immediatum*, arteriæ eò in loco, ubi in cerebrum descendunt. Si exit officio suo cerebrum, i. e. quando nec sensum, nec motum voluntarium præstat, apoplexia succedit. Pertinet igitur ad functiones lasas. Lasio est, quando functio prorsus non fit, aut aliter, quàm decet. Hic prorsus non fit: num *abolitè*, vel *interceptò*? ajo posterius. Hæc autem fit vel spiritu non influente, aut influere prohibito. *Secundus* ignis à corde exiens (quem Hippocr. L. I. de diet. text. 33. ἀσπρὸν δύναμιν habere dixit) ille est, interprete Elegantissimò Lindeniò L. II. Med. Physiol. c. 15. §. 47. p. 704. qui per arterias soporales ascendit in cerebrum, & hinc per nervos decurrit in musculos. & hinc cum sanguine per venas redit ad cor. Ideò autem hunc πρὸς περίοδον ἀσπρὸν δύναμιν habere asserit Senex, quia spiritus animales omnium sunt defecatissimi, subtilissimi, agillimi, & minimè calidi. Hi spiritus quando ad nervos, ubi officiò suò animali, sensum scilicet motumque voluntarium, ex animæ mandato, præstando fungi debent, decurrentes in via sufflaminantur, interceptiuntur, conculeantur, & influere prohibentur, quid nisi ἀποπληξία? Hinc Cl. Langius, in Alma Lipsiensi Prof. olim Celeberrimus, in *Miscell. Med. Curios. V. p. 11.* apoplecticum hoc malum unicè assignat *enormi circulationis sanguinis impedimento*, seu sanguinis iste motus in ipsa *cerebri substantia*, seu in *venis, arteriisq.* jugularibus ac carotidibus, seu etiam in ipso *pectore*, cohibeatur. Causa morbi antecedens *solus sanguis* est, *latè sumtus*, adque partem affectam ruens. Latè sumtus, dixi, i. e. quem latitudo sanitatis permittit, phlegmaticus, biliosus, melancholicus, aut flatulentus, non quidem iste, qui jam obstruit, sed qui decurrit ad cerebrum, inque via ac procinctu est, ut obstruat. Hoc Excell. D. Cortnum-

ravit *Holler. L. I. de morb. int. 7. in schol.* cum aliis, qui tamen
 causa saltem occasionaria. Cibi *ευχρηστος*, vinum generosum
 & crassum, cerevisia crassa, & multae nutritionis copiose
 ingesta. Observatum quoque, qui Vinum *Absinthites* cre-
 brius usurpabant juvenes, concitasse sibi apoplexiam. Ex
 Spiritu Vini *Bonet. Med. Sept. collat. L. I. Sect. XVI. c. 8.* à fun-
 gis *idem p. 165.* Ebrietas frequens hujus mali causa, *Forest.*
L. X. observat. 76. in schol. & passim alibi. *Plat. L. I. observat.*
13. Bonet. lib. 8. Sect. cit. cap. 7. nec non tabacus, quo de
 vide *Barbett. L. I. Prax. cap. 2. pag. 27.* & *Cl. Decker. in not.*
pag. 30. ac *D. Helvvig. in observat. num. 45.* Suo enim tem-
 pore in Galliis Massiliae duo fratres mercatores Hollandi, vo-
 luptatis gratia, certabant, quis eorum plures fistulas tabaci
 exugeret, sed dum unus ad XVII. alter ad XVIII. assumsisset,
 ambo subito apoplecticorum instar deciderunt. Rationes sub-
 necit *Celsus* noster in erudito suo Scholio *pag. 167.* quod vi-
 de. Venena inconsiderate assumpta, ut *hydrargyrum*, secun-
 dum quorundam opinionem, trahentium hunc *Fernel. de lue*
venerea cap. 7. & *Ferd. Pozeti L. II. de venen. cap. 21.* ac *Hil-*
dan. C. VI. observat. 22. Idem contingere potest in excessu,
 vel defectu laboris, teste *Ballon. L. II. Consil. Jachin. in IX. rh. s. 9.*
 Adde animi *παθήματα*, quae inter excellit ira, brevis iste fu-
 ror. Exempla dat *Forest. L. X. observat. 70. in schol.* & terror.
 Vid. *Amat. Lust. C. III. curat. 22.* *Forest. L. X. observat. 75.*
Fabr. Hildan. C. VI. observat. 12. accedit immoderata seminis
 excretio. Historiae siquidem docent, quosdam inter am-
 plexus animam prurientem ejaculasse. *Forest. L. XXVI. ob-*
servat. 20. *Hildan. C. I. observat. 19.* *Harsdörfer im grossen*
Schauplatz jämmerlicher Mord-Geschichte P. I. hist. s. 11. seq.
Plin. L. VII. cap. 53. *Pontan. in opusc. de obedient.* *Henric.*
ab Heer observat. 9. c. f. *Bonet. lib. cit. pag. 165. a.* Suppres-
 siones mensium, lochiorum, haemorrhoidum suum addere
 possunt symbolum, testibus *Lusitano C. V. curat. med. 3.* *Bal-*
len. in paradigm. pag. 318. *Font. in respons. & curat. pag. 35.*
 & pag.

& pag. 29. in prior. fascicul. observation. mear. Med. Phys. num.
 115. Dec. II. Ephemer. Curios. Ann. V. observat. 225. nec non
 balnea intempestivè usurpata, Hildan. C. VI. observation. 96.
 Adde suppressionem hæmorrhagiæ narium, Hildan. C. III.
 observat. 11. immoderatum acidularum usum, Francisc. Hil-
 desheim. Spicil. VI. pag. 526. Scabiem retropulsam, Dec. I.
 Ephemerid. Curios. Ann. I. observat. 58. Vermes, Holler. Scho-
 liaft. in L. I. de morb. int. cap. 19. & Zacut. L. II. Prax. admir.
 12. Pinguinem sinistri cordis ventriculi, Bartholin. C. I.
 epist. 2. A causis violentis, ictu scilicet & casu; sæpius quo-
 que accidisse, exempla loquuntur apud Beniven. L. de ab-
 dit. morbor. caus. cap. 110. Forest. L. X. observation. 79. Tulp.
 L. I. observat. 3. & 6. Adde Cortnumm. cap. XXXII. §. 27. seqq.
 ex tumore in capite apud Bartholin. C. IV. hist. 86. exque
 capitis vulneribus, ut, præter Hippocrat. L. II. de vuln. cap.
 2. text. 27. passim testantur exempla. Quid? quod ex so-
 lo sanguine extravasato notârunt affectum hunc Wepfer de
 loc. aff. in apoplect. pag. 229. Plater. L. I. Prax. cap. 2. à fulmi-
 ne patrem cum filio tactum scribit Beniven. Lib. de abdit. ob-
 servat. 23. Pluscula exempla ab abscessu, epilepsiâ, polypo
 cordis &c. collegit Clarissimus Bonet. L. I. anat. Pract. Sect. 2.
 de duobus ossiculis in cerebro mulieris apoplexiâ extinctæ
 repertis vid. curiosam disputationem D. D. Scheidii, Profess.
 Argentinenf. habit. An. 1687. Mens. Jun. Addi demùm
 potest ætas senilis ut plurimum, in prima siquidem unicum
 tantum hujus tragœdiæ exemplum vidit Cortnummius,
 D. D. Wedelius verò annò ætat. XVIII. D. Rösler annò XIX.
 ex ebrietate. Bonet. Lib. I. Medic. Septentrion. Section. 17. ca-
 pit. 7. habitus εὐαγεῖς, temperies calida & mediocriter hu-
 mida. Princeps noster plethoricus erat, & catharro suffo-
 cativo (quem jamdudum metuerant alii,) obnoxius. Mul-
 ta tulerat in castris, sudans algensque domi etiam vigiliis,
 curis & mœrore attritus, aliis serviendo seipsum consume-
 bat, adeò ut magnam scorbuticorum humorum colluviem, jam
 olim

olim sub alio Sole collectam, adhuc in corpore circumferret. Quo de vicio ipse mihi questus, cum superiori ætate (consilio aliorum) *acidulas* biberet *Pyrmontanas*. Magna *catoches* cum apoplexia affinitas! una utriusque pars affecta & causa, & gradu saltem differunt, consentiente Cl. *Barbette* L. 1. *Præx.* c. 3. p. 31. D. *Schröck.* in *schol.* ad *obs.* *Helwig.* 59. & D. *Bonet.* L. 1. *anat. præct.* Sect. 4. *obs.* 1. adeo, ut, iudiciò *Argonauta* nostri, & illa commodè dici queat *attonitus morbus*. Cum igitur tam rarò exemplò, sanus, hilaris, vegetusque corruerit Princeps noster, inque momento illustrem efflaret animam, nullò signo pathognomicò præviò, nullo etiam vitæ residuæ indicio amplius à lapsu nobis datò, quid impedit, si cum non nemine excessum hunc *apoplectico-catalepticum* dixerò? erat siquidem $\alpha\lambda\epsilon\tau\epsilon\rho\sigma\mu\alpha\tau\omicron\varsigma$, $\kappa\alpha\iota\tau\eta\varsigma\alpha\iota\sigma\theta\eta\sigma\iota\varsigma$ $\tau\epsilon$, $\kappa\alpha\iota\gamma\iota\gamma\alpha\mu\epsilon\varsigma$, $\kappa\alpha\iota\kappa\iota\eta\sigma\iota\varsigma$ $\pi\alpha\gamma\acute{\alpha}\lambda\upsilon\sigma\iota\varsigma$, totius corporis, *sensus*, & *mentis*, *motus* (omnimoda) *resolutio*, eaque momentanea, verus $\alpha\varsigma\chi\omicron\sigma\omicron\lambda\iota\sigma\mu\omicron\varsigma$, seu *sideratio*, aut repentina *congelatio* spirituum, fortè à vapore, quales in *fulmine*, & è terra *specubus* aliquando exhalare videmus, quæ subito rigida reddunt animalia, ut testantur exempla apud Cl. *Major.* de *serpent. petref.* & 26. p. 22. *Arventin.* L. 7. *hist.* *Bojoar.* p. 480. D. *Sachs.* in *dissert.* de *mir. nd. lapid. nat.* p. 68. *Bartholin.* C. 2. h. 100. Quid verò *catalepsis*? certè, censente D. *Fischero*, Archiatro *Anhaltino*, in *corp. Medic. Imperial.* L. 3. *Tit.* 10. p. 221. nihil aliud, quàm *soboles succi melancholici nimis fermentati*, casibus externis non neglectis. Prudenti pauca & omnia. Ego nullum apoplexiæ exemplum, quod cum nostro exactè conveniat, vel apud *Schenck.* *Forest.* *Donat.* *Höchstett.* *Fernel.* *Tulp.* &c. adhuc reperire potui, nisi unicum istud *Plateri* L. 1. *obs.* 27. quod aliquantulum huc quadrare videtur de Candidato scilicet, qui in cathedra purpurâ Doctorali jamjam vestiendus, cum A. 1595. in antiqua *Basiliensi* peroraret, subito corruit, totus attonitus, sine sensu motuque, in quo paroxysmo è brabeuterio in conclave delatus aliquantulum permansit, donec admotis refoelationibus

nibus ad se rediret. Cum de morbo diu anceps quæstio foret, rectè censuit *Platerus*, esse *catalepticos* speciem, cujus causam dicit, (1.) *nimiam animi intentionem in orationem*, quam memoriter recitabat, (2.) *prægressa studia assidua*, (3.) *capitis imbecillitatem*, & (4.) *humorum melancholicorum copiam*. Quæ si locum habent, proh! quam pusillam musculam cum aquila contulero, si contrà expendam continuos labores, molestias, pericula, vigilias, mœrores, curas, verbò: assidua studia, æstus inter & gelu, ab ipsa juventute Cæsari, Imperio, & Patriæ, domi forisque, fide & constantia, impigrè ab Augusto nostro Saxone exhibita. Inde non tantum capitis, sed totius corporis imbecillitas nata, & magnus humorum melancholicorum proventus. Puella ista apud *Sal. Divers. de affect. particul. c. 4. p. 216.* passa erat *cephalalgiam, vertiginem & anxietatem*, antequam alterò die subito caderet. Nihil horum in Serenissimo nostro. An verò in cadavere ejus in arteria magna, inq, vena cava etiam sanguis *concretus* inventus fuisset, & sic quidem, ut, ceu *gladius ex vagina*, integer educi potuerit, à *G. H. A.* edocuisset. In omnibus, quotquot *Greiselius* vel *apoplexiâ*, seu *catarrho suffocativo* extinctos aperuit *Dec. I. Eph. Curios. Ann. I. obs. 74.* corpora illa *callosa, viscida & glutinosa*, vel in *cerebro*, seu *corde*, aut in *ambobus* aliquando vidit, de quibus *Wepfer. in tr. suo de apoplecticis.* Et *Jacotius Comm. ad aph. 7. L. 2. Cœac.* in anatome catalepticorum venas in capite *crasso sanguine* plenas vidit, non secus ac *Bartholinus* noster omnes cerebri ventriculos *concreto sanguine* in apoplectica turgentes, ut ne guttulam amplius exciperent. *C. 2. hist. 60.* *Crumos sanguinis spissos* in utroque ventriculo cerebri offendit *Dn. van Stemmerding in diss. sua de apoplexia.* Sanguinem *actu frigidum* in apoplecticis notavit *D. clauder. Dec. II. Eph. Cur. Ann. IV. obs. 138.* in venis adhuc calentibus nonnunquam concrevit, & in apoplexiâ adeò *concretum* notavit *Haydockus*, ut, cum venam phlebotomando divisisset, divisum quoque sanguinem concretum in ea repererit, *Higmer.*

Higmor. L. 2. Anat. P. 2. c. 6. p. 158. qui bellam subnectit rationem. Ut vitium capiant, nō moveantur aquæ, cernimus omni die. Eodem modō, motu sanguinis circulari, vel à crassiore sanguine, aliisve variis causis, etiam abditis aliquando, impedito, seu sufflaminato, coagulatur equidem & grumescit, seu concrescit, ut multis exemplis probat *Phosphorus* noster in *Ocean. Macro-Microcosm. §. 136.* instar *coralli frustorum & ramusculorum* in venis inventum refert *Borell. C. 2. obs. 28.* & *Riol. Enchir. Pathol. & Anat. L. 2. cap. 27. pag. 142.* instar *medulle sambucina* concretum vidit cum *D. Sim. Paulli de febr. malign. §. 80.* Sic etiam in Serenissimo meo idem fuerit congelatus, concretusque, ut circulo naturali in momento tantus obex, tantumque sufflamen poni potuerit; cujus causæ adjuvantes, præter superiùs tactas, austrinus, autumnalis, & tunc vespertinus aër, (quem tot annis nebulosum, pluviosum, uliginosum &c. in castris & sylvis etiam, senex tunc, hauserat,) ut tandem compedes quasi injecti sanguini, & funesta ista *causa* subsequuta sit. Non dubito tamen, quin, si prudens adfuisset Medicus, moram aliquam nexuissent fata, & pausam saltem fecissent, si omninò ea devitare noluisse divina Providentia. Sed meræ conjecturæ sunt. Nec grandius quid Tibi spopondi. Utinam, & ô utinam cadaver Optimi Principis curiosius examinare licuisset, reperissemus utique, quod aureos meruisset asteriscos, & canâ æternitate dignos. At cùm id non permiserint Superiores, nihil, prætor suspensiones à me expectasti. Interim memoria Optimi Principis sit in Benedictione!

XLIX.

Vinum rubrum in morbillis & febre maligna innoxium.

Licet *Forest. L. 6. obs. 41.* vinum gallicum rubrum in morbillis ut plurimum lethale censeat, ego tamen quinque puel-

puellorum (& plurium) exemplis contrarium verè asserere possum, è quibus periculosius decumbens *Tobias*, *Jonæ Rasmussen* Ringstadii in Seelandia, filiolus *sexennus*, in quo occultationem morbillorum, cum magna anxietate & crebriori iactatione corpusculi, notârunt Parentes. Verùm cùm *vinum rubrum*, cuius cupidissimus erat, acciperet, biberetque frequentius, prorupere *morbilli*, cum sudore & *inopia*, ut ipse convaluerit. Multum quidem tribuere Parentes panno, quò tectus erat, *rubicundo*: at ego floccifacio cum *Primeros. L. 3. de error. vulg. c. 19.* Funestum aliàs indicium *pustularum occultatio*, cum *anxietate & agitatione corporis*, experientiâ *Pachequi in obs. River. communicat. 25. & 62.* Alius *septennis*, *Nicolans*, *Erasmi Anderßen* filiolus, continuò, jussu aviæ suæ, biberat *vinum rubrum*, & tamen evasit feliciter. Tertius *Georg. Christian. Hermannii Schütters* filius *novennis*, excernebat feces alvinas *cruentas*. Quò spectaculo mater territa, subito ad me veniens remedium flagitabat. Casus mihi primò suspèctus. Aliquoties enim observaram cum *Augustæ urbis Medico D. Høchstettero Decad. I. cas. 7. seq.* mictum, aliasq; excretionem sanguineas, tam *avæ*, quam *uræ*, in *variolis & morbillis* *Savassina* fuisse signa. Rogo tamen, num fortè ei dedisset *vinum rubrum*? affirmantem cum pulv. bezoard. dimisi, vinò posthac interdictò, & hic bellè restitutus. Quartus *Hieron. Christ. Waaterland* XI. ferè annorum, cùm, expulsis jam morbillis, vinum posceret, idque *rubrum*, me dissuadente, ex indulgentia matris obtinet, & hic adhuc valet agitq; feliciter. Quinto, tenerrimæ texturæ pusioni, IV. nondum annorum, horum exemplo jam animatus, & precibus Parentum quodammodò victus, ultrò concessi, *citra noxam*. Idem feci in diversis aliis, nunquam tamen, quod certò dico, *sinistro* evenit. Non tamen est, quòd inde cudamus regulam, exceptionis nesciam. Opulentus quidam *Oenopola A. D.* febre malignâ correptus, propter Deum rogabat Medicum, Virum aliquin prudentissimum, ut sibi unicum concederet haustum

lum *vini rubri* vetustioris, cuius jam à multis annis suetus erat. Sed tulit repulsam. Quam iste ægerrimè ferens, verius parietem conversus omne alloquium, cibum, potumq; post-hàc pertinaciter averfabatur. Ula interim conjux alius, etiam Veterani, Medici consiliò clanculum, qui, re catius expensa, dandum esse aliquid *consuetudini* Viri pronunciabat, vinum aliquando permittens, & cordatus iste *Albertus*, præter suorum expectationem, paucorum adhuc remediorum adminiculò, integrè restitutus, qui fortè adhuc mortalium vescitur aura. Tàm magna vis & efficacia *consuetudinis*, uti sub umbone *Meibomiano* rationibus & exemplis doctius evicit *Georg. Theodoricus Spenrmann* in venusta exercitat. habit. *Helmstad.* 1681. Et *Bartholinus C. 6. hist. 7.* vinum in *petechiali* febre aliquando salutare fuisse, exemplis confirmat. Virginem olim nôram, ad annos pubertatis tunc properantem, quæ nulla re magis delectabatur, quàm *vinò rubrò*, omnia alia fastidians. Primum ad Sacram Synaxin accessura rogabat presbyterum, ut sibi daret *rubrum vinum*, cum cetera sint inimica, allegans exemplum *Innocent. VIII.* qui, ob defectum vini, *Nerwagis* in S. coena *mulsam* concessit, notante *Huitfeldio in Chron. Danico & Raph. Volaterrano L. 7. Geograph. & indulgentias Melanchton. Lib. de usu Sacram. integr.* qui *Russis* eandem permisisse dicitur, sed num voti sui compos facta fuerit, in Germaniam tunc abiturient, hætenus non rescivi. De potu *vini in malignis* vid. etiam *Dec. II. Eph. Curios. ann. IV. obs. 169.*

L.

Ex salvia comesta bufones.

Bufones nasci in homine, vix curiosi quid hodie. Tritum etiam notumque, quàm multis *salvia* illota lethalis fuerit, (vid. tract. meum de Bufone Sect. I. c. 3. §. 15. seqq. & 37. nec non tract. meum de Salvia Sect. ult. cap. unic. §. 2. seqq.) verùm ex comestis *salviae* foliis *bufones* natos esse, non adeò passim obvium

obvium est. Audi igitur, quid *Israel Schmied*, elegans artis filius, in *observ. MSS.* consignarit. Devota femina, *Sibylla Penningin* / summis doloribus ventris diu ac miserrimè excruciatà, tandem tota contabuit, & de scalis, præ imbecillitate virium, lapsa, fractò crure, vitam finiit. Cujus cadaver cum reponeretur in stramen, visus est *bufo* è posterioribus ejus cum *pullo suo* progredi. Sic fabros dolorum manifestè vidimus. Dixit soror ejus, ab illa horâ, quâ *Sibylla Salvia* folia, aspectu foeda, & sine dubio *spermate bufonio* adhuc madida & infecta, vorâset, se hosce dolores sensisse, qui, successu temporis, maxima sumfere incrementa. Si ex *semine bufonio*, indusio puellæ asperso, foedum hujusmodi animalculum in dorso nasci potuit teste *Kircherò L. de Peſte Sect. 3. c. 3. p. m. 310. seq.* & si *Scorpio* ex frequenti odoratu herbæ *Basilicæ* in cerebro exclusus, referente *Schenckio L. 1. observ. medic. 80.* Quidni etiam ex *foliis Salviæ* comestis, *ovulis bufonis* plenis, similia animalcula prodierint? Confer historiam, quam ex *Anonymo* citavimus in *Salvia nostra Sect. ult. §. 8.*

LI.

Sitis diu deficiens in febris maligna citra noxam.

INter alia funesta symptomata, febrim maximè malignam *Henrici Andrea*, Civis Pistorisq; *Isnacensis* (quo de latius in *tract. meo de Salvia Sect. 2. P. 3. Membr. 1. c. 4. §. 3.*) superiori vere concomitantia, minimè postremum erat *pertinax bibendi abstinentia* per integros duos dies unamque noctem. Qui defectus, vel monente *Excell. D. Christ. Langio in Miscell. Med. Curios. num. 15. pag. 38.* me admodum vigilare jussit. Studui igitur cupidinem sitis, exemplò *D. Acoluthi*, *Phys. Uratislav. in Dec. II. Eph. Cur. ann. 17. obs. 169.*) callidè accendere, & suscitare, ac segnitiam caloris emendare portione vini, temeris Catonum supercilus; sed pertinaciter restitit delirans *Henri-*

eus, cuncta potulenta omninò fastidiens. Tandem, suâ spon-
te, præter nostrum expectationem, vociferari coepit, num
Breyhanium adesset? affirmantes jussit, ut sibi propinarent.
Sic unus alterve haustulus vini commodè ei datus. At, sen-
sim cessante delirio, pias nostras fraudes elusit. Pergens in-
cerim ego bezoardicis meis, aliisque, quæ genuina imperabat
methodus, concessi denique, quod unicè & anxie flagitabat,
Breyhanium, duobus abhinc milliaribus peticum. Sicq; tan-
dem verticem *bonæ spei*, Deo duce, Comite labore, ascendi-
mus, navigantes nunc in portu, cantaturi: Deo gratias!

LII.

Albi corvi arte facti.

Sistunt nobis Curiosi *Decur. I. Ephemerid. ann. III. obs. 57. &*
184. ac Decur. II. ann. 4. observ. 95. aquilam, fringillam, li-
nariam, aureolam, hirundinem, alaudam, murem, & cor-
vos albos; adde *Ann. 5. Dec. 2. obs. 183.* Talesque vidit *Boyle*
tract. de color. experim. 2. & meminit quoq; eorum *Arist. L. 5.*
de generat. animal. c. 6. & O. Dapper. in der eigentlichen Beschrei-
bung der Inseln in Africa in specie Nieder Æthiopien/ p. 584. col.
a. Amstelod. Anno 1671. excusf. Alexander ab Insula in *Breviar.*
rer. memorabil. à nobis edit. c. f. passerem dabit verè niveum,
& *D. Lachmund*, Amicus olim noster, in *Dec. I. Eph. Cur. An.*
4. obs. 184. Quò artificiò tales fiant, à Judæo se accepisse glo-
riatur Parens meus in schedis. Vendiderat Apelia iste sat carò
pretiò in nundinis Francfordensibus octo hujusmodi *corvos*
elegantè *candidos*. Cùmque *arte* sic factos ultrò & constan-
ter Patri meo asseruisset, tandem eidem secretum, sub hac con-
ditione, revelavit, ne ulli hominum innotesceret. Quod se
sanctè servasse scribit, sed, num experimenta hujus rei fecerit,
subticuit. Quicquid sit, seu verba dederit Judæus, seu seriò
dixerit, cùm tamen sciam, Excell. *D. D. J. Dan. Horstium in*
Phys. Hippocr. Dissert. 8. thes. 10. hujus arcani etiam meminisse,
à sche-

è schedis paternis bonâ fide hâc annectam. *Ova corvina* jam-jam exclusâ, (recentiora enim meliora) pinguedine *albi catti* benè inunge, & adhuc *cerebro ejusdem felis* probè illita, *candidissima* gallinæ juniore & primiparæ, propè cellam, seu in alio loco à Sole remoto, suppone, *candidis* postea lintheaminibus spatio isto contecto. Ego, ut sincerè fatear, nullum feci experimentum. Tu verò si volueris, per me equidem licebit.

LIII.

Variola circa podicem lethalis.

Motacillam sine gutture inferiori dedit nobis *Alex. Insulanus* in brev. rer. memorabil. num. 61. Annus jam volvitur decimus nonus, quòd extra antiquam Regiam urbem, cui amplissimus *Mercatorum portus* nomen asperfit, in littore maris meditando oberrans, fortè offenderim aliam *motacillam* in Saxo stantem, & haustâ subinde rostellò aquâ marinâ, sibi ipsi per anum crebrius eam injicientem, ut clysteris vice fungeretur, ceu *Ibis* in ripa Nili. Capta sequenti die eòdem in loco, & Civi meo dilectissimo, *Henrico Hefenl SS. Theol. Cult.* donata. Quò spectante dissecta *variolam* circa podicem nobis exhibuit pulchrè pellucidam, & subtili liquore plenam, pisi majoris magnitudine, quæ excrementis omnem occluserat exitum. *Variolam* nominare placuit, cùm simillima fuerit pustulis istis infantum, (*denen Kinderbocken*) coloris *subfusi*, contentusque liquor pessimè fœtuit. Voluit igitur avicula eò, quò dixi, remediò à Natura sic edocta, sibi mederi, & tandem fortè rostellò, seu ab acrimonia aquæ salinæ, rupta fuisset vesicula, si diutius mansisset superstes.

LIV.

Pes infantis anserinus.

Quantus sit terror & error in gravidis, vel millia docerent exempla. Stupendum sanè omniq̃ue memoriâ dignum, quod in *Genesin* suam transtulit *Luth. cap. XXX. p. m. 424. B.* exemplò repetit *Mart. Weinrich. L. de monstris cap. XVII. p. 160. B.* de formosa & pudica femina *Isenacensi*, quæ, ex accursu *muris majoris*, cui vicinus aliquis, ad fugandos alios, nolam suspenderat, maximè perterrita, ut fœtus tandem in similis bestiolæ formam degenerârît. *Glire*m vocat *Lutherus*, nihil aliud autem intelligas velim, quàm *murem majorem*, quem plebs nostra *eine Kage* / *eine Katte* appellat, uti ex *Andr. Toppii Chron. Isnac. MS. cap. VII. pag. 84.* *Cyriac. Spangenberg's Chespiegel concion. 56.* *Casp. Titii Exempelbuch cap. 26.* vom *Ehstand Membr. I. hist. 3. pag. 605.* apertè videre est. Dederat ancilla Nobil. & Maximè Strenui Dn. ab *Uslav*, Equitum Magistri, Viri cordatissimi, *anseribus* saginandis suetum pabulum, cui nequam puer semen *hyoscyami* & *cicute* clanculùm & petulanter immiscuit. Coeperunt illi titubare, stupere, stertere, denique magnò clamore insanùm præliari, & se invicem mordere. Advolat opilioni conjux tunc gravis, ut stabulo expelleret tumultuantes. Sed ecce! unus, isque masculus, *dextrò pede* elevatò, magnò strepitu, clamore & impetu in mulierem involat, quem illa repagulò ligneò, quod fortè dextrâ tenebat, abactura percutit, ut claudicaret. Hinc perterrita maximè cruciabatur, rens, se pœnas hujus facti luituram. Terrore igitur & errore hoc menti obversante perpetuò, id tandem effecit mulier, ut filium pepererit, cujus *pes dexter* inferiùs verè esset *anserinus*, cœu ex adjecta vides figura. Tertiâ demùm septimanâ ab epilepsia extinctus est. *Telem* cum *pedibus* planè *anserinis* habet in *Brev. suo Isib. noster num. 53.* Et An. 1474. in Germania natus dicitur infans

fans manibus pedibusq. anserinis. Pluscula hujus rei exempla prudenter selecta dabit Celeberrimus Dominus *de Wiel*, Pro-
ro-Medicus Hagienfis, Vir inter *Batavos* excellenter doctos
nulli secundus, in *Part. prior. Cent. II. observat. ravior.* quæ
oleum ac lampada olent, dignumque laude Virum mori ve-
rabunt. Fig. VII.

LV.

Ex terrore caducus lethalis.

Miles in symposio ebrius bombardam fortè explodit. Quo
sonitu mulier, in vestibulo ædium sedens, lactentem-
que in mammis detinens filiulam bimestrem, adeò terrefa-
cta, ut cum alumna sua fellâ delaberetur, & utraque eâpsè ho-
râ gravi corriperetur *caduco*, ejus crebriores insultus cum
infans sustinere nequiret, (*decies enim ac sexies primò die mi-
fella pertulerat*) alterò extinguitur. Rogatus à Centurione,
sub quo stipendia merebat miles, num *mortis reus* haberi pos-
set? quidnî? dicebam. Ex mera enim malitia fecit, quic-
quid fecerat, exhibens simul responsum Amplissimæ Facul-
tatis *Lipsiens.* An. 1649. 26. Aug. in *Med. Critic. D. Ammanni
super cas. 56. edit. nostr. pag. 355. seq.* ut plures hujusmodi ca-
sus, quorum probè conscius, hîc reticeam. Alius temulen-
tus alii infanti eundem peperit morbum, infusò ori *breyhaniâ*
summè frigidò, quem tamen, solò *unicorn. marin. in aq. fl. til.*
datò, DEI gratiâ, servavimus.

LVI.

Mors ex fumo tabaci.

Alius scelestissimus miles dormienti in cunis puerulo, à
morbillis nuper redempto, aliquoties *fumum tabaci* plenis
buccis in nares & os apertum insufflaverat. Inde frequentis-
simæ

simæ stermutationes, convulsiones, & tandem mors terribilis. Si ex fumo fornacis Hild. C. IV. observat. pag. 248. ex odore carbonum Amat. Lusit. C. VII. curat. 33. & ex fumo candela sebacea Med. Crit. D. Ammann. cas. 59. mors subsequuta, quidni ex tetro, foetido & abominando fumo tabaci eadem evenit? Adde histor. Cl. Helwigii de apoplex. ex tabacon. 45. cum erudito Scholio Amici nostri Celsi.

LVII.

Nutrix peccatrix.

O Mater mater suo, non emitio lacte, quos genuit, sustentato: neque ullam vel divitiarum, vel natalium splendor excipiunt: Si morbus impediat, auditis Medicorum suffragiis, eadem de re maritus Magistratusque statuunt. Quae secus faxit, ignominiâ notator; est lex Scheurliana Dissert. IV. Polit. th. 17. quam multorum auctoritate illustravimus & confirmavimus in Cynograph. Curios. Sect. I. cap. 3. §. 53. Quanta enim peccatrices, nutrices, & quanta labe abs iis dimanet in parvulos, non unius diei studium est recensere. Dabimus saltem epitomen hinc errorum à nobis notatorum. Parans quaedam rob sambuci, crebrius & largius vescitur eo. Hinc puella, trium ferè mensium, scabie infestata cum lacte vires sambuci affertim fugens, in magnum labitur sudorem, odore, colore, imò sapore sambucinum, viribus autem maximè resolutis. Tandem superveniente epilepsiâ extinguitur. Phisica duos puellos nobiles eadem infecit labe, qui etiam mortui. Alia quartanâ clanculum laborans, eandem, at lethalem, in pusionem quadrimestrem derivavit. Venusta puella, ex voto haecenus sana, subito incidit in pertinacem alvi suppressionem, quam nullus Medicorum recludere poterat; Mortuâ demùm eâ rescivimus, mali huius fontem manasse ex nimio oryzae & mespilorum usu, quem nutrix sibi familiarem fecerat. Alia Sp. Vini adusti se replens, ardentissimam febrem in alumnum suum trans-

transfudit. Innumeras novi, quæ tam *lacte* vitioso, quàm *cibo*, in foetidissimo ore masticato, & à *saliva* fermentato, *scorbutum*, *epilepsiam*, aliaque mala, innocentissimis aspersere corpusculis. Quoties observavimus *diarrhæam*? Petulca nutrix, ut libidini suæ satisfaceret, lactentem vomitu sustulit continuò. Alia à *rixis* & *jurgiis* flentem pusionem ocyùs admovebat mammis, qui eâpsè horâ fit *epilepticus*. Alia *rapis* largiùs vescens, infantem in funestam coniecit *colicam*. Alia *citriis* pomis, aliisque acidis, valdè delectata *coagulatum* & ferè *caseosum* lac nolenti intrusit alumnulo, à quo plurima mala, lachrymis digna. Alia *malignò ulcere* laborans eòdem infecit infantem. Alia *anguillis* sæpiùs vescens (à quibus mater tamen abhorruit) terribilem peperit *epilepsiam*. Alia ad conciliandum somnum placentulas semine *papav.* conspersas devorans, infanti stuporem induxit, & funestam *somnolentiam*. Alia à nimio crudorum *cucumerum* esu lethalem peperit *dysenteriam*. Alia ad arcendas vigilias crebriùs dabat *Syr. pap. errat.* quò *stupiditatem* & *fatuitatem* fecit adultiori. Alia, quoties vescebatur *caseo*, (à quo uterque parens infantis perpetuò abstinuerat) toties in *caducum* cecidit alumnulus, eòque tandem sublatus. Alia puello quinque mensium, *incontinentiâ urinae* laboranti, membrulum filò circumligabat noctu, rens, sic laticem commodè posse detineri usque in auroram. Manè verò pusio *ruptâ vesicâ* repertus est. Alia *scabiosum ardoris capitis* fol. *solani* lenire studens, eâpsè horâ morbo attonitò sustulit infantem. Alia *pavores in somno* opiatibus profligatura, perpetuam creavit *stupiditatem* & *memoriam valdè abolitam*. Alia *purulentiam aërii* nescio quò linimentò exsiccatura, subitanè peperit *apoplexiam*. Alia *narium obstructionem* referatura Ol. *Lavendul.* *Polypum* acceleravit ægrè curabilem. Alia *tussim* Theriacâ cœlesti aversura, in tumultum præcipitavit. Alia *vermes* Semine *Hyperici* eliminatura flebile dedit exemplum, multis adhuc notum. Alia *morbillos* curatura *univer-*

salem exclusit contracturam, in adultiori nunquam corrigendam.

LVIII.

Bestiæ incendii Vates.

Publicas calamitates prodigiis non rarò significari, sed etiam privatas, exemplis confirmat *Phil. Carol. Prof. olim Altorfin. in 2. Curt. L. 4. animadv. 2. p. 592.* Notavit *Alex. de Insula* ad A. M C XIX. illò die, quò ignis, coelitus delapsus, circa vesperam civitatem *Corbeiam* funditus delevit, *vespertilio*nes gregatim per aream, templum, dormitorium, & pomarium cœnobii ipso meridie magno strepitù volitasse. Dixit mihi religiosus ac eruditus ordinis *Benedictini* Abbas, *ciconias* in Monasterio nidulantes pridie, antequam A. 1629. d. 27. Junii Monasterium exustum, frequentius ad ripam fluminis volasse, haustamq; aquam ad parietes & tecta templi revomuisse, jam in area, mox in vertice Ecclesiæ, etiam nocte, multum glotantes. Nobilis *Mecklenb.* arcis suæ cineres præscivit ex insolito ac perpetuo ferè *cygnorum*, quos in stagno alebat, murmure, stridore & mutua pugna. Qui tandem, cùm in flammis crepitaret ædificium, eas restinxisse visi sunt. Habuimus ex relationibus publicis Anni 1685. d. 17. Nov. in magno isto incendio *Hafniensi* duos semper circumvolitasse *olores* & volatu, seu gyris suis, quasi limitem posuisse *Vulcano*, quousque dominaretur, uti etiam factum. In *Chron. Walckenriedens. Cl. Eckstorm.* inter alia hæc (nescio cujus manû) notata sunt. Per totam noctem, antequam altero die arx ad *Hercyniam* igne periret, gallos in castro & vicinia perpetuò cantantes audire, ut vix horæ quadrans effluerit, quò cessarint. Quis gallo dedit intelligentiam? *Job. XXXVIII. 36.* Digitum fortè intenderit in triste incendium *Blanckenburgicum* ad *Hercyniam*, quo A. 1546. d. 19. Novembr. *Magdalena*, Udalrici, Comitris *Regensteinensis* & Domini in *Blanckenburg* uxor, filia Comitris *Stollbergen-*

bergenfis, partui proxima, ætatis suæ anno XXXIV. miserrimè
periit. Quem tragicum casum, adhuc in sacello arcis *Blancken-*
burg. versibus hisce comprênsum, posteritati dabimus.

Conditur hoc tumulô mea dilectissima conjux,
contegit ac tenuis membra sepulta cinis.

Hanc *Stollbergiadum* Comitum de sanguine cretam
Connubii sociam quæro petoque mei.

Poppo Parens placide pia Mater & annuit *Anna*,
Ducitur in nostrum *Magdalena* thorum.

Mutuus ardor & unanimes concordia mentes,
dulcis & amborum corda ligabat amor.

Et quia conjugibus Domini benedictio præst ðe n
nec thalamus sterilis, nec sine prole fuit.

Fæminei siquidem *quatuor*, sexûsq; *virilis*
Sex peperit dulcis dulcia dona thori.

Quinq; tulit mors sæva quidem, sed *quinq;* supersunt,
utque diu valeant, prætege *Christe*, diu.

Ter quinos vixitq; *duos* mihi juncta per annos,
connubii cernens tempora læta sui.

Forsthan & mecum vixisset longius, amplam
multiplici decorans posteritate domum.

Ni mihi mors sociam thalami rapuisset amatam,
cogeret & viduo me superesse thoro.

Namque *quater* *denu*s postquam defluerat annus,
Et rapidis *sextus* curreret annus equis.

Ac *decimi noni* rutilaret mane diei
Mensis, qui *nono* nomen ab *imbre* tenet.

Ilicet alta domus celeri succenditur igne,
Inclita conspicui *nomina* *montis* habens.

Ignibus his miserè miseri constringimur ambo,
Carpserrat acclives subdola flamma gradus.

Cara nequit conjux *gravidum* demittere ventrem,
Præcipites alii tecta per alta ruunt.

Quò licet aufugimus, fugientes prævenit ignis,
 Nec tutos aliquò nos finit esse locò.
 Quid mihi tunc mentis fuerit, non ulla loquetur
 lingua, nec id tenui carmine Musa canet.
 Conjugis arripio, spe firmans pectora, dextram,
 ac loca tuta peto, si loca tuta forent.
 Intolerabilibus donec circumdata flammis,
 mentis inops nostros concidit ante pedes.
 Committo Domino moribundi corporis artus,
 ut vitæ cupiens, sic necis esse comes.
 Ipsa vetat, loca tuta jubens me quærere vivum
 nec vult hora simul tollat ut una duos.
 Obsequor: immundis librans mea membra *cloacis*,
 atque diu pendens saucius inde trahor.
 Embryo, ventris onus, gravida cum marre necatur,
 cum chara soboles conjuge chara perit.
 Hujus ut historiæ possint meminisse nepotes,
 annorum numerum distichon istud habet.
 arX IaCet, Igne perIt ConIVnX, hIC ossa qVlesCent,
 LaVs bona per terras, faMa per astra VoLat.

*Ulricus, Comes in Regenstein fieri curavit Anno 1547.
 Mensè Novembr.*

LIX.

Sterilitas mutató aëre emendata.

*S*idonia Spiesin in honesto conjugio apud *Westfalos* unde-
 cim ferè annis vixerat sterilis, usa interim peritorum Me-
 dicorum consiliis, sed absque omni effectu. Tandem fami-
 liam suam transtulit in Principatum *Halberstadensem*, & facta
 est plurium liberorum Mater. Putamus, vitium hoc anti-
 quum à mutato aëre fuisse emendatum? Sic D. Johann.

Puns

Dungeld / Archiater olim Saxo-Isnacensis & Physic. ibid. meritissimus, Civis & Antecessor meus honorandus, in Praxi sua MSS. annotavit, *Barbaram Göbelin* / quamdiu vixerat *Meyninga*, omnimodam metuisset sterilitatem. Et licet multos expertos Medicos in consilium vocasset, ut D. D. *Widemerkerum*, D. D. *Raben* / tunc Phys. ord. *Meynunga*, & alios, nullum tamen inde percepisse fructum. Donec *Meynunga* *Ostheimiam* migraret cum suis, ubi, præscriptis paucis medicamentis à Dn. D. *Frommann* / Phys. & Profess. Coburg. eximio, voti sui compos facta est. Eadem quidem remedia alii jamdudum exhibuerant Medici, sed sine effectu, forte ob repugnantem vitiosam in assumpto cibo potuque, attractoque aëre dispositionem *Meynunga* implantatam, quæ in Præfectura *Lichtenbergensi*, clarior, purior & defecatiores existit, & ideo corpora saniora & rariora conficere potest, aëris enim *Meynungensis* constitutio ut plurimum, ob loca aquosa & putrida, est crassa, foetida, nebulosa, impura, variisque inficiuntur hac ratione incolæ ac inquinantur vaporibus & exhalationibus impuris, è palustribus, udosis, uliginosisque locis, paludibus & lacubus, elevatis, quas quando homines ibidem viventes respiratione attrahunt, aut cum cibo & potu assumunt, vitales animalesque spiritus inquinantur, crassique, impuri, & ad munia sua inepti redduntur, sanguis foedatur & crassis impuris humoribus, qui facillimè obstructionibus ubique, præprimis in mulieribus, mensium causam præbent, corpus humanum imprægnatur. Viden' ergo, quàm multum intersit, & ad reparandam sanitatem conducat, vitia rerum sex non naturalium emendasse.

LX.

Rabies à vermibus.

Conjecturas meas de *rabie* placidæ Curiosorum censuræ exposui in *Cynographia* mea *Sect. ult. cap. XI.* quas nuper confirmavit insigni historiâ *Erasmus Rleyenstüber* / Venator Wintersteinensis, cujus canis venaticus in *rabiem* actus stabulo ab eo includitur; Datâ verò *Theriac. & Mithrid.* cui (nescio ex quâ superstitione) tantillum *argenti* immiscuit, longissimus & crassissimus expulsus est *lumbricus*, & bestia integrè convaluit, vixitque adhuc usque in annum decimum quartum.

LXI.

Obauditio ordinariè ante partum.

Conjux honestissimi Viri tertiâ jam vice, quartâ tunc gravida, notârat, se semper quatuor aut quinque ante partum diebus notabilem molestamque sensisse *obauditionem*, quod accidens tamen à partu sponte suâ cessabat. Aliam novi in Cimbria, quæ plerunque paucis à partu horis *erisypelati* fiebat obnoxia, aliâs ab hoc affectu planè immunis. De Comitissa, quæ, quoties gravida, *cæca* facta, si verò peperisset, & lochia ritè fluxissent, visum recipiebat, vid. *Salmut. Cent. III. observ. 27.*

LXII.

Cucurbitulæ scarificatæ in-
cruentæ.

MEminit hujus exempli *Salmut. C. III. observat. 58.* & ego novi feminam in agro Lyneburgico XXVII. annorum, quæ *odontalgica* multas *cucurbitulas scarificatas*, jussu barbitonforis, invita tandem & coacta, admoveri curabat, sed ne guttulâ quidem sanguinis, ob summum, quò perculsa, terrorem profuente. Paulò post incidit in pertinacissimam mentium suppressionem, ex quâ agrè tandem redemta.

LXIII.

Fœda & inveterata oris distortio vilis-
simò remediò citò tutòque
curata.

CRebrius dixi, & adhuc dico, *simplicem* Medicinam aliquando *optimam* esse, idque exemplis aliquot illustravi in *primo observationum mearum fasciculo num. 118.* quibus meritò adjungemus sequentem. Tob. C. Juveni Thuringo, *fœda oris distortio* aliquot abhinc annis summum tædium & molestia fuerat. Et quamvis longè latèque remedia quæsiisset, parùm tamen profecit. Tandem balneum conficit vaporosum ex *graminis semine*, quod *Heusaamen* dicimus, & *stramine avenaceo*. Quò simplicissimò & unicò remediò in integrum exque voto restitutus, ut adhuc athleticè valeat, & rem suam agat feliciter.

LXIV.

Sanguis coccineus sine sero lethalis.

B *Artholomæus Rehböck* | J. U. C. febris malignâ correptus: statim in principio sibi venam incidi jubet, me planè infcio. Eôpsè die à meridie vocor ad eum. Compareo: monstrat mihi emissum sanguinem valdè *roseum*, elegantissimi coloris, sed *sero maximè destitutum*, adeoque siccum, & fundo lateribusque patinæ tam lentè & pertinaciter adhærescentem, ut totum vasculum citra ullum guttulæ dispendium aliquoties inverterem. Gratulabatur sibi optimus Juvenis de tanta sanguinis bonitate. Ego autem jam olim ab Excell. *Dn. D. Simone Paulli*, trium Regum Borealiū Archiatrô, & Prælatô *Aarhusanô*, Fautore meô, dum viveret, optimô, certiora² meliora edoctus, *δαρόσιμον* pronunciavi suspectum huncce sanguinem. Et exitus dicta probabat.



JACOBI GRANDII
Medici, Philosophi, ac Anatomici

De

סְטִיבִיּוֹ

Sive

STIBIO.

Eiusq; usu apud antiquos in re Cosmetica,

DISSERTATIO PER EPISTOLAM,

In

*Cujus Exordio obiter de Aqua Nilotica,
Deinde de Stibii mentione in Sacris Litteris
Et de Fucorum Materia disquiritur;*

Nonnullaque, tam sacrorum Interpretum, quàm
veterum Autorum loca, expenduntur;

Illustrantur & Emendantur.

Ad

Virum Illustrem & Doctissimum


IOBUM LUDOLFUM,

S. C. M. Consiliarium.



NORIMBERGÆ,

ANNO M. DC. LXXXVIII.





EX humanissimis litteris suis, una cum libelli de Duce Judæorum sublato, gratissimo mihi munere, nomine suo domum meam perlatis, intellexi, Doctissime Jobes Ludolfe, eodem ferè tempore, utrumq; nostrum calamum arripuisse, veluti si nos unica mens, & idem Genius epistolaris officii Præses ad colloquendum invicem per litteras impulerit. Non dubito enim, quin acceperis epistolam meam, adjunctam opusculo de veritate Dilavii universalis. Gratias ago, quòd eruditam lucubrationem communicaveris, in qua, tametsi argumentis à Theologorum penu deductis, orationem augere, & roborare potuisses, maluisti brevi stilo Hebræarum cornicum oculos configere, ac grammatico gladio nodum solvere.

Niloticam aquam lagenis vitreis typhâ palustri contextis inclusam multoties bibi, & examinavi Venetiis, Nucerianæ simillimamprehendi, imo dulciorem & leviolem; ideoq; cuicunque nostrati vino, tam dulci, quàm austero, tam nigro, quàm albo optimè commisceri. Ejus analysin aggredi mihi non vacavit, ut explorarem, an per evaporationem materiam relinquat Bolo Armeniæ, aut Terræ Lemniæ similem, sicuti Nuceriana. Nullum in fundo limum habebant lagenæ quia aqua, qua repleta erant, more Ægyptiaco, massâ ex farina amygdalarum dulcium confecta, purificata fuerat. Alioquin semper turbidam esse ajunt, & potui ineptam. Porro Niloticam aquam omnium, quæ in toto Terrarum orbe sunt saluberrimam esse nunquam dubitavi, primò quia omnes eas condiciones habet, quibus aquarum salubritatem commendat Magnus Hippocrates libro de Aëre,

* L. 2.

Aquis,

gitur, ac comminuitur, eque catadupis devoluta variis per plana fluit, nullis unquam nubibus obducta, ubi à solis calore continuo percoquitur, quàm præcipuam ejus bonitatis causam esse arbitror; Ideoque notavit oculatissimus naturæ interpreter Plinius, hunc fluvium nullas auras expirare. Auget Niloticæ aquæ excellentiam ros è cœlo defluus quotiescunque Nilus exundat; qui cum purificet aërem, ita ut universales morbi desinant, aquam etiam præstantiorem reddit; Unde ejus dulcedo, salubritas, foecunditasque; Nam quòd mulieres & cætera animalia in Ægypto, plures uno nisu foetus pariant in Niloticam aquam refunditur; Nec alius antiquis regibus potus; Imò Philadelphus, cum Berenice filiam Antiocho Syriæ Regi ^{Θιός} dicto, uxorem dedit, identidem Nili aquam ad eam jussit deferri, ne aliam biberet. Gubernatori Navis, quæ post Gaditanam expeditionem in Ægyptum profectura est, diligenter aquæ hujus Niloticæ advectionem commendavi. Sed quo magis eam cupimus, tantò patientius tædii moram ferre debemus. Nam benè nôsti quantum temporis, quantum maris peragrandum sit, antequam Venetiis Gades, Gadibus Alexandriam, Alexandria Venetias, navis mercibus plena, & variis mercatorum negotiis adducta, repetat.

Aquæ illius Niloticæ jacturam in suis ad Illustrem Jobum Ludolfum datis literis refert Nobilissimus Author, seqq. verbis: Cuidam Anglo cognomine Palmer, per Germaniam & Bataviam, Patriam repetenti tradidi talem. Huic infortunio accessit, quòd navis, quæ lagenas aquâ Niloticâ plenas deferebat Venetias, præ vetustate rimas faciens in Illyrico sinu, Januario proximè elapso submersa sit, vix nautis, & qui navigabant, à naufragio servatis. Sed hunc fortis sinistrae casum commodo tempore reparatio minus reddet molestum. Venet. Kalend. Martii, 1688.

Quæstio verò, quam mihi (Vir doctissime) enodandam proponis, de לִּפְתָּח , sive fucò, quò antiquitus ut varia S. Scripturæ loca indicant, liniendis, seu tingendis oculis, & palpebris ipsis, Hebræi & cæteri Orientales populi utebantur, digna magis est doctrinâ, & eruditione tuâ, quâ magnis Collegii Medicorum, Germaniæ quos disquirentium vocant, ingeniis satis & abundè facere potes, quàm tenuitate ingenii mei. Obtemperabo tamen mandatis suis, & quæ in hac re observavi, candidè tibi aperiam.

Fuci, seu pigmenti, ut ita dicam, Cosmetici, quo antiquitus mulieres vultum, oculosque decorabant, in S. Scriptura mentio habetur tribus tantum in locis; in quorum duobus usurpatur nomen פֹּחַח Puch, in tertio autem locò, omisso materiæ nomine, quæ decorandis oculis adhibebatur, vox usurpatur derivata à nomine לִּפְתָּח , quod in Rabbinicis Phrasibus intelligitur pro oculorum fucò, seu pigmentò.

Ab hac autem Phæniciâ, Syriacâ, seu Hebraicâ voce לִּפְתָּח originem sumpsisse priscum vocabulum $\kappa\omicron\sigma\omicron\lambda\iota\omicron\nu$, quod postea Græcâ inflexione emollicum sit in $\kappa\acute{\omicron}\lambda\upsilon\varsigma$, $\kappa\acute{\omicron}\lambda\upsilon\sigma\iota$, $\kappa\omicron\lambda\lambda\upsilon\epsilon\iota\omicron\nu$, tecum planè sentio, Vir eruditissime; Nugantur enim, & inepti sunt plerumque Græci, quotiescunque alienigenarum vocum, quæ in Helladem injectæ sunt, originès ab idiomate suo deducere conantur, ut Vir ingens Samuel Bochartus demonstravit in Geographicis. Quid enim $\kappa\omicron\lambda\lambda\upsilon\epsilon\iota\omicron\nu$ cum לִּפְתָּח פֹּחַח ?

Reprobavit hujusmodi etymologiam incomparabilis linguæ Græcæ restitutor Henricus Stephanus in Thesauro linguæ Græcæ inquires voce $\kappa\omicron\lambda\lambda\upsilon\epsilon\iota\omicron\nu$. Alii dictum putarunt לִּפְתָּח פֹּחַח לִּפְתָּח , sive לִּפְתָּח פֹּחַח , sed parùm probabiliter; nec enim tantum ad sistendas fluxiones adhiberi compariuntur, sed ad alias etiam quamplurimas affectiones; nam & fistulis induntur ad conglutinandum detergendumque, aut ad exterendos eorum callos; & naribus ad polyporum ozæmarum curationem, itemque

auri-

auribus ulcere affectis: adhibentur & utero cum ad ciendas purgationes, & ad factum atq. secundas expellendas, tum ad sistendum etiam immodicas sanguinis excretiones, aliosq. uteri affectus sanandos. Induntur collyria & in anum, quæ glandes etiam appellat Aëtius in curatione dysenteria; & Scribonius Largus ad tenesmum effingit itidem collyria ad instar nuclei pinei, ut Columella quoq. lib. VI. cap. VI. collyria componit, quæ bovis cruditate laborantis alvo immittantur. Aëtius lib. 8. Collyriis utitur ad suffusiones &c. Hinc Glossæ Philoxeni κολλύρια tortum. κολλύρια torunda.

Nec magis placet ratio etymî, quam ex Antillo refert Oribasius Collect. Med. lib. X. cap. 23. tribuente collyriis figuram caudæ muris similem, quatuorq. digitorum longitudinem, & propterea soliditatem firmitatemq. ut oleo aliquo, non secus atque balani inungi possint. Quam figuram quidem iis talem fuisse, ita scribit Henricus Stephanus, ipsa nominis ratio videtur ostendere, dicta enim putantur quasi κολλύρια, hoc est, κολλῶν & ὀυράν vel κολλῶν ὀυράν, quia sint instar mutilæ caudæ; secundum quod etymon uno λ, & cum diphthongo scribendum esset, cum alioqui gemina μ & interdum per ψιλὸν tantum scriptum reperiatur, apud Latinos præsertim. Hujus opinionis videtur fuisse Suidas, qui scribit κολλύρια (malè Fungerus hîc legit κολλῶν) τὰ κολλῶν ἔχοντα ὀυράς. Τὸ δὲ καὶ ὅτι ἀρτῶν, καὶ ὅτι ἰατρικῶν φαρμάκων λέγεται; id est, κολλύρια, mutilas habentia caudas, hoc etiam dicitur de panibus, & medicis pharmacis; pro quibus certò certius intelligit κολλύρια; Ratio autem, propter quam allata etymî deductio, non placeat, est, quia magna pars collyriorum componitur ex liquoribus, succis, oleis, melle, animalium felle, & aliis humidis, nullam figuram, nedum muris caudam imitantibus. Nihil de vocis hujus origine in medium affert multiscius Salmasius, tam multa disserens in Plinianis exercitationibus, sed crambem toties recoctam nobis apponit.

Nomi-

Nomina in *gion* desinentia à fluxu deducere velle, puerilis dementia est; hujusmodi enim desinentia nihil aliud denotat, quàm verbalem nominis potestatem, & actuum frequentiam. Sic à *μόνος* fit *μονασις* & *μοναστήριον*, à *μύω*, *μύσις* *μυστήριον*, à *θύω* sacrifico, *θύτης* sacrificus, *θυτήριον* Ara, à *θύμα* *μακτορ*, *θυσία* *μακτatio*, *θυσιαστήριον* locus sacrificii. Ab *ἰλάω* propitio, *ἰλασμός* propitiatio, *ἰλαστήριον* propitiatorium, à *τέκμαρ* exitus, *τέκμαρσις* conjectum, *τεκμήριον* argumentum, ab *ἀσκέω* exerceo, *ἀσκητής* exercitator, *ἀσκητήριον* locus exercitationis mentis. Ab *ἐλάω* seu *ἐλάυνω* abigo, expello, *ἐλασις* agitatio, *ἐλατής* agitator, *ἐλατήριον* deorsum purgans Hippocrati. Ab *ἐκφέρω* affero, exporto, *ἐκφορά* elatio, exportatio, *ἐκφορὸς* exportatitius, *ἐκφοριον*, quod terra producit; sic denique à *θῆς*, *θνείον*, à *μάρτυρ*, *μαρτύριον*, & sexcenta alia hujusmodi formationis, quæ fusiùs prosequi piget; cùm satis Græcæ linguæ peritis constet, nomina, quæ in *gion* desinunt, non aliud quàm frequentem potestatem verbi, à quo derivantur significare.

Verùm ut ad memorata seu Scripturæ loca redeamus. Prima autoritas est lib. IV. Regum cap. 9, 30. ubi sic vertit D. Hieronymus: *Porro Jezabel introitu ejus audito, depinxit oculos suos stibio, & ornavit caput suum, & respexit per fenestram ingredientem Jehu portam, & ait, numquid pax potest esse?* quo loci videmus Jezabel ornâsse vultum, & oculos suos, ut pulchritudine & gratiâ corporis sui, victoris iram placaret. Ita enim apertè Lyranus explicat: *Jezabel faciem suam phucavit, & ornavit caput suum, ut esset gratior in conspectu Jehu.* In hanc primò sententiam videtur concessisse Alphonsus Tostatus Episcopus Abulensis, sacrae omnis doctrinæ ac eruditionis promus condus, in commentariis, & quæstionibus suis in hunc locum, cujus reliquæ in S. Scripturam lucubrationes, naufragio Studiosis omnibus ærumnabili perierunt. Ait enim q. 27. *Audivit Jezabel, quod veniebat Jehu, & introibat in urbem, & tunc depinxit oculos stibio, id est, quodam colore nigro,*

gro, quò fœmina utuntur ad reddendum supercilia nigra, & palpebras, & faciunt majorem apparentiam palpebrarum, & superciliorum, quàm aliàs, & vocatur vulgariter Alcohol, & sequenti quæst. 28. subjungit: Quia fortè Jezabel timuit, quòd sicuti occiderat Jehu filium suum Joram, ita occideret eam, & ob hoc timens ornavit se nimis plus solito, ut placeret in oculis Jehu, & acciperet eam in conjugem vel concubinam, vel qualitercumque, & sic donaret ei vitam. Quæ loci explicatio, quamvis Tostatus ipsam retractet, longè præferenda est Jo. Stephani Menochii expositioni, qui inquit: Se ornat Jezabel, non ut placeret Jehu, quem convitiò laceßit, sed ut dignitatem regiam usq; ad mortem retineret; reddebat etiam illam audacem, quòd se, ut mulierem consideret à viro militari non interficiendam.

Nec obstat disertissimi Commentatoris Cornelii à Lapide contraria opinio ad hunc textum scribentis: Porro Jezabel depinxit oculos suos sibi, non ad illiciendum Jehu in sui amorem, erat enim vetula, & sciebat, Jehu esse juratum suum hostem, sed ad animositatem ostentandam, quasi quæ non timeret, nec curaret Jehu, unde eum increpavit, vocavitq; Domini sui Joram Regis interfectorem, ut eum percelleret; putabat enim, quòd Jehu in se, utpotè fœminam, & Reginam, non auderet manus injicere, nec ejus sanguine se cruentare; Quòd si auderet, volebat animosè & nobiliter mori, quasi mortem contemnens, hæc est vanitas sæculi & secularium. Tantò minoris enim æstimanda est hæc Cornelii sententia, quòd apertius ipse sibi in eadem re contradicit. Nam Commentario in quartum caput Jeremiæ v. 30. ad illa verba: Cum vestieris te coccino, & pinxeris sibi oculos tuos, hæc scribit: Alludit ad Jezabel, quæ intrante Jehu hoste in Samariam, depinxit oculos suos sibi, & ornavit caput suum, ut quasi meretrix in sui amorem pelliceret Jehu, sed frustra, Jehu enim quærebat ejus animam & Regnum. Porro utcumque Jezabel esset ætate jam affectâ, vigeant tamen adhuc ejus fornicationes & veneficia, ut patet IV. Regum

cap. 9. v. 22. Deinde salaces mulieres (ut notat ipse sui immemor Cornelius comm. in cap. XXII. Ezechielis v. 41.) teste Ambrosio Leonis, quò naturâ sunt informes & turpes, eò quod natura in eis defecit, ornamentis, & fucis instaurare conantur.

Secundus locus est Jeremiæ cap. IV. v. 30. ubi Propheta Judæam increpans sub adulteræ nomine, hæc D. vertente Hieronymo, loquitur: *Tu autem vastata quid facies? cum vestieris te coccinò, cum ornata fueris monili aureò, & pinxeris stibio oculos tuos, frustra componeris; contemserunt te amatores tui &c.* Hunc locum Lyranus exponens, inquit: *Loquitur de Judæa sub metaphora meretricis, se ornantis vestibus & jocalibus, & unguentis meretriciis, & pinxeris stibio, id est, fardinatione, sicuti dicitur de Jezabel 4. Reg. 9. & hoc ad quarendam gratiam.* LXX. vertunt: *καὶ ἐὰν ἐνζήσεις σκεῖν τὰς ὀφθαλμούς σου.* Versio Latino-Gallica Parisiensis Anni 1566. habet, *que tu attintes ton viaire de fard, de quâ voce fard & fardinatione nos aliquid postea.* Hic verbum *componeris* Hebraicè est *פניתיא* titiafi, id est fucabis te, fucò tibi formam accerfes, ut videaris esse pulcra, & speciosa.

Tertius locus est in Ezechielis cap. XXIII. v. 40. ubi corripuens Propheta Hierosolymam, sub nomine Oolibæ fornicantis, inquit: *Itaq; ecce venerunt quibus te lavisti, & circumlinisti stibiò oculos tuos, & ornata es mundo muliebri.* Ad quem locum Lyranus: *Loquitur de populo ad modum mulieris libidine ardentis, quæ aliquando mittit longè cum laboribus & sumptibus magnis pro adulteris advocandis, & in adventu eorum lavat se, & ornat, ut eis placeat.* Sic Judæi mittebant longè, & cum sumptibus magnis ad adducendum Sacerdotes Idololatriæ de novo ab eis auditæ, & illis Idolis offerebant bona, quæ DEO debebant offerri. In adducto Ezechielis locò non legitur, sicuti legitur in præcedentibus duobus aliis verbum Hebraicum *פך*, sed ubi redditur Latine circumlinisti, habetur verbum *כחלת* Kahalte. Quod si *כחל* subium est, idem signi-

significaret ac si diceremus *stibiavisti*. Theodoretus ad hunc locum inquit: *Scilicet Chaldei amasii tui olim, quibus ut placeres te lavisti, linisti, stibio ornasti; ornabant enim se ituri ad festa Idolorum, perinde ac meretrices se ornant itura ad amasios.*

Sed observatu dignum est, quod tam in adducto loco Jezabel 4. Regum IX, quàm in Jeremiæ cap. IV. quamvis LXX usi sint verbo ἔσθλαστο, & ἐργάσθης τὰς ὀφθαλμούς, & vulgata habeat verba depinxit, & pinxeris, in Hebraico tamen jacent duo verba, quorum neutrum nisi per metaphoram significat pingere, quippe 4. Regum habetur וַתִּשְׁם בַּפִּיךָ עֵינֶיךָ & oritur à radice שׁוּם, quæ significat ponere, unde verbum verbo reddenti, vertendum esset, & posuit in stibio oculos suos. Hinc non sine ratione Rabbi David Kimki notat inversam esse syntaxim, & particulam בַּ quæ significat in præpositam voci פִּיךָ cum scribatur בַּפִּיךָ debere intelligi annexam voci עֵינֶיךָ significanti oculos suos, veluti si scriptum esset וַתִּשְׁם פִּיךָ בְּעֵינֶיךָ & posuit oculos suos in stibio, cujus inversionis in s. libris consuetæ exemplum affert laudatus Kimki ex Psalmo LXXIII. v. 7. ubi vertitur, *incenderunt igne sanctuarium tuum* habet Hebraica littera בָּאשׁ מִקְדָּשְׁךָ שָׁלַחוּ, quæ verba sonant: *miserunt in ignem sanctuarium tuum*, ubi particula בַּ debet intelligi præfixa sanctuario, miserunt ignem in sanctuarium tuum, שָׁלַחוּ אֵשׁ בְּמִקְדָּשְׁךָ. Videmus igitur, in adducto textu IV. Regum loco *pinxit* jacere verbum *posuit*.

In Jeremia pariter verbum illud, quod à LXX redditur: ἐργάσθης τὰς ὀφθαλμούς, & à vulgata & *pinxeris stibio*, Hebraicè est וַתִּקְרַעַי בַּפִּיךָ עֵינֶיךָ quod verbum cum oriatur à radice קָרַע, quæ significat lacerare, scindere, dilatare, literaliter sonat, & *laceraveris aut scideris stibio oculos tuos*. Adeò ut idem Kimki hunc textum exponens, explicet, quod deterrat, & laceret oculos præ nimia frictione, & stibii illitione, quapropter verbum istud hebraicè frictionem potius, quàm picturam denotat.

In Ezechiele vero, jam vidimus esse verbum כְּחֹלֶת Ka-
halte, à כָּחַל quod idem est ac pigmentum oculorum, sive
Collyrium; cujus verbi nuspiam in sacris litteris ullum al-
liud extat exemplum. Rabbi tamen Salomon hunc Eze-
chielis locum commentans, postquam dixit hanc esse di-
ligentiam, & industriam pro simulanda pulcritudine scribit
מִן צִבֵּעַ וְשֵׁמוֹ כְּחֹל וְצֹבְעוֹת בּוֹ עֵינַיִם אֶקְלִירָה id est *species*
coloris, qui vocatur Cohol, quo colorantur oculi, vulgò Aclera aut
Aclira. Notandum autem est Rabbi Salomonem vixisse ac
scripsisse id Gallia Narbonensi.

Haftenus constat כחל פיו & esse fucum, seu pigmentum oculorum, sed non liquet, num per illud cilia & palpebrae colorarentur, an vero tantum illustrarentur, ut attritu niterent, cum in S. litteris tribus id diversae significationis phrasibus explicetur, nempe בתשם בפוך, תקרעי בפוך, כחלת עיניך

Verum de materia, qua פִּיךְ & כְּחֹל constabant, disqui-
rendum. Hebræi quidem, ut Samuel Coneglianus Hebraus
medicus amicus meus affirmat, materiam Puc & Cohol inter-
pretantur Tutiam, fortassis per conjecturam, eò quia Tutia
specifica oculorum medela sit, & visum juvet. LXX סִימִי,
& illis adhærens D. Hieronymus *stibium* reddiderunt. David
de Pomis in suo vocabulario צֶמַח דָּוִד Flos David inscripto, ex-
plicans vocem כְּחֹל, ita scribit כְּחֹל *verbum est fucare, & deri-*
vativum בֹּחֵלִי habens colorem rubeum, id est Antimonii, quod
postquam fuerit expurgatum ab excrementosa, & terrea materia
ad rubedinem tendit. Lexicographus iste Hebræus hallucina-
tur, & stibii illitionem cum Cinnabari & minii pigmento
confundit, quo Hispanæ fæminæ, aliæque Europæ mulieres
formæ simulandæ studiosæ, genas rubificant, ut purpureum
colorem mentiantur. Stibium enim quovis modo præpara-
tum, nunquam rubrum, aut purpureum colorem conciliare
potest. Pari in errore versatur Siggæus tuus, qui in Lexico
Arabico כְּחֹל vertit *substantiam plumbi mortui ad colorem oculor-*
um. Nuper citatus David de Pomis in voce פִּיךְ, inquit,
color

color placidi aspectus, stibium, fucus, quo mulieres se pingunt; Kimki autem dicit esse colorem nigrum. Verum est quod Kimki arbitratur Puch esse ipsum Cohol, quod Arabicè dicitur Alcohol, atque esse coloris nigri. Verumtamen vox פִּיך in duobus aliis sacrorum Bibliorum locis reperitur in significato lapidis pretiosi, aut gemmæ. Unus locus est Isaia cap. LIV. v. 11. ubi, tametsi vulgata habeat *sternam per ordinem lapides tuos*, id Hebraico textu scriptum est בַּפִּיך Bapuch, id est *cum Puch*, quam dictionem Rabbi Salomon explicat *cum carbunculo*, deducens etymologiam à בִּפְךָ, qui est unus è duodecim pretiosis lapidibus, quibus exornabatur rationale summi Sacerdotis. Carbunculus autem Exodi XXVIII. v. 11. 18. נִיֹּפֶךְ dicitur, in qua voce sunt duæ litteræ פִּי vocabuli פִּיך. Ipse etiam Kimki pro rebus pretiosis interpretatur Isaia פִּיך, & subiungit, *dicunt esse illud, quod Italicè dicitur carboncolo, aut est פִּיך ipsum, quod pro fuco, seu pigmento usurpatur, cum hoc etiam sit lapis.*

Sanè summi Ecclesiæ Doctoris pace dixerim, aut in hoc loco mendo aliquo, vel lacuna versio vulgata laborat, aut videtur D. Hieronymus humani quid passus esse, cum vertit, *sternam cum ordine lapides tuos*. Siquidem in loco adducto פִּיך non ordinem, sed carbunculum, aut lapidem splendentem denotat. Ideo rectius LXX פִּיך transferunt carbunculum, ἰτοιμάζω σοι ἄνθρακα τὸν λίθον σου, & Chaldaeus, Vatablus, & Forerius vertunt, *sternam in stibio lapides tuos*, sed carbunculi interpretatio magis congruit Isaia metaphora, quâ fundatur in Saphiro, Jaspide, aliisque pretiosis lapidibus, quibus symbolicè futura Ecclesiæ fabrica à Propheta adumbratur, tam magnifica, ut Jaspidem, carbunculum, saphirum, & lapides pretiosos, quos Reges ipsi in annulis & digitis gestant, quasi vilia substernat, & pedibus calcet, ut de iis meritò dici possit, quod de Domo Neonis unionibus & gemmis substrata, cecinit Martialis :

Calcatusque tuo sub pede lucet Onyx.

Insuper פִּיך apud Isaiam significare carbunculum non ordinem, convincit alter locus I. Paralip. cap. XXIX. v. 2. ubi Rex

David narrans, se, pro constructione Templi, quod postea à Salomone ejus filio ædificatum fuit, pretiosas varias res præparasse, ait: *Ego autem totis viribus meis præparavi impensas domus Dei mei, aurum ad vasa aurea, argentum in argentea, æs in anea, ferrum in ferrea, ligna, ad lignea, & lapides opychinos, & quasi stibinos, & diversorum colorum, omnemque pretiosum lapidem, & marmor Parium abundantissimè.* In Davidis apparatu vox quæ vertitur quasi stibinos hebraicè scribitur פִּיךְ אֲבִי lapides Puch. Rabbi David hunc locum exponens inquit, potest esse quod Puch sit lapis Cohol, aut lapides pretiosi coloris Cohol; Hebræorum vulgus explicat de carbunculo; LXX vertunt καὶ πληρώσεις λίθους πολυτελεῖς καὶ ποικίλους. In hoc dubio, quod scilicet, aut vulgata versio mendo aliquo, vel hiatu laboret, aut non sit D. Hieronymi, aut S. Doctori humanum quid acciderit, caliganti mihi opportunam faciem prætulit amicissimus purgati judicii vir, & Græcarum perinde ac latinarum litterarum peritissimus Jo. Baptista de Miro, inter Casinenſes Philosophiæ ac Theologiæ Professor, ostendens D. Hieronymum ad hunc locum videri, intellexisse carbunculum; Nam lib. XV. Comment. in Isaiam habet D. Hieronymus. *De natura omnium lapidum, & per partes singulorum non est hujus temporis dicere; neque enim semper dicenda sunt omnia. Nunc tantum de carbunculo, Saphiro, & Jaspede differamus; Carbunculus qui paratur, sive per ordinem sternitur, videtur mihi ignitus sermo doctrina &c.* Ex hac D. Hieronymi autoritate patet ipsum פִּיךְ intellexisse de carbunculo, & vertisse, sternam cum carbunculo per ordinem lapides tuos. Aliqui quos non nominat Malvenda ad Caput XXIX. I. Paralip. sic inquiunt; *Licet enim dicamus ex fucis, sive stibio non posse pavimenta confici, nigerrimos tamen lapides, quos nos marmor nigrum vocamus, dici figuratè lapides Puch, seu stibinos non erit absurdum, affirmare, quare Vulgatus quasi stibinos dixit. Ergo Puch primo fossile illud quod Græcis σίμυ, latinis stibium appellatur, significat; de quo vide Dioscoridem lib. V. cap. 59, deinde ipsum colorem subnigrum, qui ex pulveribus metalli conficitur, & sic*

est, & Manlianæ magnificentiæ contrarium. Quæ ratio obstat etiam, quo minus adductus Isaïæ locus de Tessellatis, aut vermiculatis intelligi debeat. Allegata autem versionis LXX, & vulgatæ latinæ editionis loca, cum hebraico textu conferentibus, valdè dolendum est, quod Origenis Heptaplo careamus, nunquam satis ab antiquis Patribus, laudato opere, quod barbarorum temporum injuria interceptum, ingenti Christianæ Reipublicæ damno periit.

Cæterum de materia qua antiquicùs utebantur fæminæ ad illustrandos oculos, & decorandam faciem, nullum dubium, quin inter cætera stibium fuerit, cum & LXX vertant stibium. Notandum verò est antiquas mulieres formæ studiosas, trifariam speciem vultui conciliaffe. I. Vel enim, pane, sandice, lacte Asinino, Cerussa, croco, melino, purpurissò, rubriceta, Creta, Crocodili stercore, fuco, & odoratis unguentis genas colorabant, ut quamvis albidæ, & pallidæ, rubrum tamen ementirentur colorem, & vitia corporis, emendarent; unde Plautus Most. 4, ubi Philamatio mulieri poscenti cerussam, & purpurissum, Scapham ancillam illi ista negantem introducit, & dicentem,

— — *non do, scita es tu quidem,
Nova pictura interpolare vis opus lepidissimum,
Non istanc ætatem oportet pigmentum ullum attingere,
Neque cerussam, neque melinum, neq, ullam aliam offuciam;*

Et postea subjungit:

— — *Quia ecastor mulier rectè olet, ubi nihil olet,
Nam istæ veteres, quæ se unguentis unctitant, interpoles,
Vetula, edentula, quæ vitia corporis fuco occulunt,
Ubi sese sudor cum unguentis consociavit, illicò
Itidem olent, quasi quom unà multa jura confundit coquus,
Quid oleant nescias, nisi id unum, ut male olere intelligas.*

Ad quos versus videsis eruditæ expositiones Dionysii Lambini, & Friderici Taubmanni. Hæc muliebria artificia falsè etiam exagitat Juvenalis lib. II. Sat. 6. ibi;

Interea

*Interea fæda aspectu, teterrima vultu
Pane tumet facies, aut pinguis Poppæana
Spirat, & hinc miseri viscantur labra mariti.*

Quibus quadrant quæ habet Pollux Onomastici lib. V. cap. 26.

Καπιλείαν ἀσκή προσώπῳ, τὸ πρόσωπον περιχρίει, ἐπετρέβει, καλλιγραφεῖ, φύ-
κει, πυρσαίνει, ψιμμουθίῳ λευκαίνει, καὶ τὸν λοιπὸν οὐ πρόσωπον, ἀλλὰ προσω-
πίον φέρει. Id est faciei unguenta adhibet, faciem inungit, purgat,
pingit, fucorubefacit, cerussa dealbat, & secundum Locrum, non
faciem, sed larvam gestat; quo in loco ineptè, & oscitanter Ro-
dolphus Gualtherus, & Wolfgangus Seberus ψιμμουθίῳ λευκαίνει
verterunt colore dealbat, ψιμμουθίον Cerussam, pro colore acci-
pientes. Huc etiam faciunt verba D. Augustini ad Possido-
nium: fucare pigmentis quo rubicundior appareat mulier, adul-
terina fallacia est, & D. Hieronymus ad Fuscam de Virginitate
servanda, quid faciat in facie Christiana purpurissus & Cerussa,
quorum alterum ruborem genarum, labiorumque mentitur, alte-
rum candorem oris & colli, ignis juvenum, fomenta libidinum,
impudica mentis iudicia. D. etiam Ambrosius lib. I. de Virgini-
bus queritur quòd mulieres quasitis coloribus ora depingant, &
effigiem naturæ mutant, picturam querant. Arnobius denique
lib. II. adversus Gentes conqueritur quòd mulieres conspicien-
dos quarant corporibus fucos, & fuligine oculos obumbrent. Le-
pida æquè, ac digna memoratu historia est, quam refert Gale-
nus in exhortatione ad bonas artes. ἄθεν δὲ τὸ τῆς φρενὸς (*). ἀκαί-
ρον ἦδη μοι διηγέσασθαι. αὐτὴ ποτ' ἐν συμποσίῳ παιδείας τοιαύτης γενομένη,
ὡς ἕλσεν ἐν μέρει προστάξαι τοῖς συμπόταις αἱ βούλοιντο. Θεασαμένη παρέν-
τας γυναῖκας ἀγχοῦσθαι τὴ καὶ ψιμμουθίῳ καὶ φύκει κεκαλλωπισμένας, ἐκίλευ-
σεν ὕδατος κομιδὴν ἀρουσαμένας ταῖς χερσὶ προσενέγκειν ἀπαξ αὐτῇ τῷ
προσώπῳ, καὶ μὲν τῷτο εὐθέως ἀπομάζασθαι συνδόνει, καὶ αὐτὴ πρώτη τῷτ'
ἔπραξε. ταῖς μὲν οὖν ἄλλαις ἀπάσαις σπείλου τὸ πρόσωπον ἐπληρώθη & οὖν ὁμοιό-
τητα ἰδεῖν τοῖς μορμολυκείοις; αὐτὴ δὲ καλλίων ἐφάνη. μόνη γὰρ ἐν ἀκαλλώ-
πιστός τε καὶ αὐτοφῶς καλὴ, μηδεμιᾶς πανουργίας κορμοστικῆς δεομένη.
Id est, Itaque Phrynes illud commemorandum mihi occurrit; Cum

Dec. II. Annus VI.

* N

olim

(*) lego ἱουκαίρον.

olim in convivio quodam talis ludus celebraretur, ut per vices inter convivas, quidquid lubebat, imperare liceret, illa cum ceteras mulieres quæ aderant, anchusa, cerussa, & etiam fucopietas cerneret, jussu aquam inferri, eamque manibus haustam, sibi faciem quamque ad faciem admovere, mox linteo protinus illam detergere. Atque hoc ipsa prima omnium fecit; ac ceteris quidem omnibus feminis facies maculis replebatur, ita ut diceret te videre ad terrorem factas imagines; Phryne vero pulchrior apparebat; sola enim carebat artificio formæ, sed suapte natura formosa erat, nihil opus habens malis artibus ad formæ commendationem. Non dissimile damno huic, quo fucatis mulierculis in convivio falsè Phryne illusit, est detrimentum, quod & Tabulla, & Sabella cupiebant, hæc à sole, illa à pluvia, quia scilicet hujus cerussata facies, solis radiis urebatur, cutem reddentibus duriores, & nigricantes, undè artificio prodebat, illius vultus creta, aut terra Chia illicitus, quo nitorem candoremque præ se ferret, à pluvia pigmentum diluente nudabatur, quarum exemplis Martialis lib. II. Maximinam vetulam interpo-lem, & libidinosam, quæ tres tantum dentes, eosque piceos buxeosque superstites habebat, festivè monet, ut non aliter timeat risum

Quam cretata timet Tabulla nimbum,

Cerussata timet Sabella solem.

Fuci, qui generatim à Latinis pro qualibet tinctura capi-
tur, duo propriè sunt genera, quorum utrumque purpureum
rebus tinctis colorem conciliabat. Alterum est *φύκη θαλάσσιον*,
seu *βρύον θαλάσσιον*, fucus marinus, muscus marinus, seu Alga
Cretica, de quo Servius ad versum Virg. II. Georg.

Albane Assirio fucatur lana veneno

inquit Fucus herba genus, quo vestes tinguntur. *Φυκίαν*, hoc
est purpurem vocat Nicander in Theriaca. *ἡ ἔτι καὶ Φυκίαν δὴ
καταβάλλει φύκη*. Id est, ut eleganter vertit Gorraeus: Puni-
ceumque etiam qui nascitur æquore fucum. Plinius lib. XXXII.
Cap. VI. scribit: *Fucus circa Cretam insulam nato in petris purpu-
ras*

ras quoque, inficiunt, laudatissimo à parte Aquilonis, ut spongia. Et Theophrastus scribit Cretico fucò ténias, & lanas vestimenta-
taque tingi colore pulcriore quàm purpuræ, quamdiu recens
est. Igitur Fuciæ, seu Algæ Cretensis color purpureus, quò
lanæ imbuebantur, non diu durabat, sed processu temporis
remittebat, & evanescerebat; ideò substernebatur veræ pur-
puræ, id est, eò priùs lana imbuebatur, ut pretiosior purpu-
ræ color superinduceretur. Quò sensu ait Plinius lib. XXVI.
cap. X. *Fucum marinum conchyliis substerni*. In hoc loco intel-
ligendo, longè à judiciosissimæ rerum naturæ Scriptoris men-
te aberravit Christophorus Landinus Florentinus non con-
temnendus Interpres, qui antequam Plinii codices à tot do-
ctorum hominum vigiliis emacularentur, primus excutere,
& totum opus Tuscano idiomate translatum edere ausus est
Anno M CCCC LXXXV. Hic verba, eò in locò, in quo
de podagra loquens Plinius inquit: *Præcipuè verò liberat eò*
malò Phycos thalassion, id est, fucus marinus, lactuca similis, qui
conchyliis substernitur. Sic vertit: *Maxime libera da quel ma-*
le l'herba decta Phycothalassion cioè fuoco marino, simile alla lat-
tuga, el quale si mette sotto a Conchilii: ubi etiam ineptè, nisi
mendum est Typographi Phycos thalassion, interpretatur,
fuoco marino. Eòdem errore laborasse videtur Dalechampius,
qui post tot circa Plinium doctorum Criticorum curas, ad ea
naturalis historici verba: *Conchyliis substernitur*, notat in mar-
gine, *Conchis insternitur Theophr. id est, in nascitur*; & sensum
Plinii non assequutus, putat ipsum sequentia Theophrasti
verba vertisse Hist. Plant. lib. 4. c. 7. *φύεται δὲ τοῦτο ἐπὶ τῶν ὀστρά-
κων, καὶ ἐπὶ τῶν λίθων*, id est, *nascitur in ostreorum testis & saxis*.
Ad hæc enim Theophrasti verba non respexit naturæ histori-
cus, sed ad usum, lanas, quæ purpura tingebantur, priùs fuci
marini succò inficiendi. Nam superiùs lib. XXII. cap. VI. scri-
pserat, Algam laudatissimam, quæ in Creta insula juxta terram
in petris nascitur, tingendis etiam lanis ita colorem alligans, ut
postea elui non possit.

In Theophrasti autem verbis, si non mendum, fortassis ipsius error est, quæ legerat, aut audierat de Alga Cretensi Conchyliis instrata, hoc est, purpuræ tincturæ præmissa, de eadē super ostreis nascente, accipientis. Quippè ubi nam marium, ubi nam stagnorum ostrea inter algam, & super fuci foliis, tamquam fungi inter herbas, aut gummata, & gallæ super ramis & foliis arborum nascuntur? Aut quis in testaceorum natura indaganda, adeò hospes & ignarus est, ut putet fucum, & algam super testis ostreorum generari; quemadmodum gramen & herbæ balænarum dorsis innascuntur? Adhærent quidem ostrea saxi, navium carinis, & gubernaculis, sed in herbido, & algoso fundo minimè proveniunt, tum quia pingui limô, qualis producit algâ, suffocantur, tum quia in lento aquæ motu, eorū ova corrumpuntur; Nobis enim sedula per Microscopium observatione compertū est, ostreorum, ac testacorū, pisciumq; omnium lac, quod verum eorumdem semen est, nihil aliud esse, quàm congeriem minutissimorum ovorum, viscoso humori innatantium, quorum singula, singulum ostreum, aut suæ speciei piscem continent.

Hòc foetificò humore prægnantia ostrea esu gratissima sunt, donec scilicet ova in eorum ventre, circa quem vocant spondylum, continentur, albaque sunt, & nondum perfectiori circulatione, & ut ita dicam, animatione, ostreariam configurationem adepta sunt. Postquam verò perfectiorem organizationis gradum acceperunt, tunc lac sive foetificus humor, in nigra veluti pultis materiam obduratur, ostreolis nempe conchulas inchoantibus, quò tempore ostrea dura, esu ingrataque sunt; quemadmodum postquam lac, sive ova ejecerunt, tunc enim eorum venter exsuccus est, & circumspersa reliqua caro cum musculis, & bronchiis durior, laciniosior, atque solidior. Tales ostreae *inuberes*, *macraq;* Gellio lib. XX. cap. 7. appellantur; ubi earumdem macritudinis causam refundebat Arrianus in Lunam, quæ senesceret, inquiens,

quiens, eâ re ostrea quoque, sicuti alia quadam, tenuia exuctaq;
feri.

Ab extremo vere per totam æstatem usque ad autumnum in Venetis æstuariis lac perficiunt, ac emittunt ostrea, quod aquis exceptum fluctuat, donec saxis, palis, aut limô glutinosâ visciditate adhærescat in spumæ modum; è quibus gratissimum fortitæ ostreæ pabulum mirè excrefcunt; Ideò Aristoteles III. de Gen. Animal. cap. 2. quamvis ostrea ex semine nasci ignoraverit, ingeniosè tamen ea vocat *φυτὰ ἐνὺδρα*, id est, plantas aquatiles, quia nullô progressivô motu prædita sunt; Quod lactis, seu ovorum, genitali glutini inclusorum, alga, aut molliori limo fortuitò inhæsit, aut alimenti locique vitiô corrumpitur, aut à cancris hujusmodi escæ avidis, inter herbas maris stabulantibus, devoratur. Quantum autem maximè prolificorum hujusmodi animalium pereat, antequam crescant, indicio est testularum minutissimarum, cujuscumque generis multitudo, quæ maris arenæ mixta conspicitur. Quæ causa sunt, quòd super alga Cretensi Conchyliâ generari credibile non sit; Quare rectè atque ordine Plinius lib. XIII. cap. 25. tradit, fucum marinum nasci in petris, non in ostreis (ut habent Theophrasti exemplaria) scribens *circa Cretam insulam in petris nato* (de fuco loquitur) *purpuræ quoq; inficiunt, laudatissimo à parte Aquilonis, ut sponsia.* Hæc verba Plinii scribentis, quod fuco Purpuræ inficiunt, satis eleganter explicant quæ de eodem fuco dicit, quod *Conchyliis substernitur*, sive ad meliorem purpuræ tincturam, quam in lib. de Pallio Tertullianus vocat *Luminis concilium*, sive ad majus purpurariorum compendium, minori purpuræ sumptu, ope succi ex fuco thalassio expressi, lanas immani pretiô tingentium.

Alterum fuci genus est à marino longè diversum, quò mulieres utebantur, ad tingendas rubore genas, & erat rubor factitius, qui parabatur ex radícula è Syria advecta, quam esse Anchusam rationibus evincere conatur, laudatus Salmasius

in Plinianis exercitationibus. Fateri tamen cogitur, *πίλον* illud, hoc est, radiculam tinctoriam Syriacam, quæ fucus dicebatur, quaque & unguenta solebant colorari, & mulieres sibi genas purpurissare, licet eundem usum coloremque, ac Anchusa præstaret, ab Anchusæ radice diversam fuisse. Et sanè *φύκος*, & *ἀρχύσα*, fucum & Anchusam tamquam res duas distinctas enumerat Aristophanes in versibus Comoediæ *Θιμοφροείαζουσαι* inscriptæ, quæ non extat, in quibus multa ornatus muliebris genera recenset. Hos versus difficillimos, qui apud Pollucem, & Clementem Alexandrinum continuâ serie, veluti multis numeris adscripti legebantur, Salmasius in ordinem suum, secundum metricas leges, ut legi debere putat, redditos, & emaculatos, alibi se explicaturum promittit; An & ubi steterit promissis, fidemque suam liberaverit, ignoro. Nonnulla quidem ornatus muliebris instrumenta, quæ in memoratis versibus nominantur, leviter explicat, Jurisconsultorum superioris seculi decus, Andreas Tiraquellus in Glossario ornamentorum muliebrium, quod concinnavit in Commentariis de Legibus Connubialibus; sed densæ adhuc tenebræ judiciosissimi Comici versus, materiæ fuci explicandæ valdè utiles, circumstant.

Anchusæ quatuor species, & nomina affert Joannes Goræus in definitionibus medicis, sicuti & Jo. Bodæus à Stapel Comment in lib. VII. hist. plantarum Theophrasti. Quarum prima *δουλοεία* dicta, folia lactucæ similia habet, radicem crassitudine digitali, & colore per æstatem sanguineò, quò non alius fucus melior, adeò ut *ἀπὸ τῆς ἀρχύσης* verbum Græcis *ἀρχουσίζειν* fucare significet. Hesychius: *ἀρχουσα πίλα ἢ φύκωνται αἱ γυναῖκες*, Radix, quâ fucantur muliercule. Suidas: *ἀρχουσα εἶδος βοτάνης ἢ ἡ πίλα ἐρυθρὰ, ἣ ἐρυθρὰ ποιεῖ τὰ πρόσωπα αἱ γυναῖκες*, id est, *Herbæ species, quâ mulieres faciem rubrò colore inficiunt*. Omnino constat antiquas mulieres, tam succo Cretenfi, quàm Anchusæ radice fucasse, & colorem purpureum, quem

quem & φύκη & Anchusā dabat, fucum à Latinis vocatum. Hefychius φύκει εἶδος κομμοτικὸν γυναικεῖον, corruptus procul dubio locus; Reponendum φύκει εἶδος κομμοτικὴ γυναικεῖα, *fucus species pigmenti muliebris*. Anchusa, nunc est *Alcanna* officinarum, hâcque utuntur Orientales populi, unguibus rubrò colore tingendis; qui mos cùm antiquissimus sit, ut patet à Mumiis, quarum ungues semper huiusmodi colore infectos inspicimus, subit animo dubitatio, num Anchusæ species, quæ οὐκλαία dicitur, ἐνυχία, aut οὐκλαία ab unguibus vocata fuerit?

At ἀρχουσαν dici ab ἀρχιν strangulare, quòd strangulet necetque serpentes, vel secundum alios ab ἀρχουσίζειν, quod fucare, refert supra citatus Bodæus à Stapel. Quam verè à strangulandis serpentibus ipse viderit. Qui ab ἀρχουσίζειν, hoc est fucare, deducunt, ineptè derivativum cum radice confundunt, & à filia matrem oriri putant; veluti si dicerent Græcè quidem εἶμιμι à εἰμιμιζεσθαι, φιλιππον, à φιλιππίζειν, Latinè autem aurum ab aurata, sullam à sullaturire deduci.

In censu fucorum, & pigmentorum, quibus antiquæ mulieres formam mentiebantur, erat etiam παιδέως, de quo Alexis Poëta in fabula Ilostasio apud Athenæum Deipnosoph. lib. XIII.

Τὰς ὀφθαλμοὺς πύρρος ἔχει τις ζωγραφούσιν ἀσβέλας
συμβεβηκ' εἶναι μέλαινας κατέπλασε ψιμυθία
δυνόχως λίαν τις ἐστὶ παιδέως ἐντρίβεται.

Id est:

*Quæ est rubra ciliis se inficit fuligine,
Et quæ nigra est, perfunditur Psimythio,
Nimisq; pallens Paderote inungitur.*

Παιδέως, quam dictam puto ἀπὸ τῶ παιδων ἔρωτος, quasi antonomasticè sit juvenum amor, libido & illicium, quia scilicet purpureò illius succò fucata mulierculæ, procaces juvenes ad libidinem inflammarent, planta est, de qua magna confusio inter Botanicos, quænam sit Acanthi species inter se digla-

Id nos Epigramma, quatenus egestate latinæ linguæ, Græcæ ubertatem assequi licuit, ita vertimus.

Sape caput tingis; senium haud fuligine tinges,

Eg, genis rugas tollere non poteris.

Totam igitur faciem Psimytho non usq, colores

Ne larva, ast, vultu conspiciare tuo.

Necquicquam efficies quid iam furis improba? fuco

Nunquam Hecubam; & psimytho tu facies Helenam.

Lepore & salibus huic minimè cedit Martialis Epigramma in Lentinum lib. III. Ep. 32.

Mentiris juvenem tinctis, Lentine, capillis

Tam subito corvus, qui modo Cycnus eras?

Non omnes fallis: scit te Proserpina canum

Personam capiti detrahet illa tuo.

Ubi obiter notaverim Græcum anthologiæ epigramma, quod in Anum fucatam à Lucilio scriptum est, à Matthæo Radero Martialis Commentatore perperam tribui Nicia, & per errorem inscribi de Viro capillos tingente, nam ad hoc Martialis Epigramma scribit; *Ridiculum est quod Nicias lib. 2. ep. Græc. de quodam capillos tingente hunc in modum scribit &c.*

Hujusmodi pigmentis Hispanæ mulieres celebres sunt, quibus nullæ in luxum magis pronæ: scitumque illud, quod refert Martinius, Geometriam excreare fæminas in ciliis, præsertim in Hispania; imò fucorum formulæ & compositiones, ex Hispania in Italiam, facili per fæminarum luxum contagione transmittuntur; Hinc egregiè Italarum cecinit Lyricorum Princeps Fulvius Testius, in Ode illa, qua Aulæ Romanæ luxum infectatur:

Minian di carte Ibere, ostrì mendaci

D'atre guancie il pallor; lostesso labro

Finto rosseggia; e con mortal cinabro

Infetta il riso, ed auvelena i baci.

II. Vel fœminæ ut pulciores viderentur, rafa supercilia colore stibii nigro inungebant, sic enim oculi latiores videbantur, idque præsertim faciebant Græcæ mulieres, mentis formæ artificiiis magis deditæ. Pulchriores etenim fœminas Græci putaverunt, quibus latiores essent oculi, ut rectè observat Dalechampi in lib. Plinii XXXIII. cap. 6. Juno quidem passim Homero in libris Iliados vocatur nunc *βοῶπις πότνια*, i. e. *bubulis oculis*, hoc est magnis, nunc *ὀφρύσι κυανέσι* hoc est *nigris superciliis*. Inde stibium teste eodem Plinio *platyophthalmos* est dictum, quoniam in Calliblephoris mulierum dilatat oculos.

Verum Homericæ Junonis, Epicheti mentio exigit, ut hoc loco Octavii Ferrarii Viri Clarissimi, cujus obitum adhuc luget Patavinum Lycæum, opinionem expendamus, in Epistola ad Danielem Justinianum, tunc Senatorem Venerum, nunc vero Bergomensium Pontificem, doctrina æquæ, ac vitæ sanctitate spectatissimum ita scribentis. *Junonis epitheton βοῶπις, à magnis oculis, non bovinis, ut ineptè interpretæ vertit. Sed non adeò ineptam esse hanc interpretationem agnovisset Ferrarius, si quæ citat Varronis verba de R.R. lib. II. cap. V. rectè perpendisset, ubi habet. Novi Menas majestatem boum, & ab his dici pleraque magna ut βούων, βούπειρα, βούλαον, βοῶπιον. Doctè Varro innuit βοῶπιον dici de muliere, quæ habet oculos majestate, & elegantia bubulis similes. Nam cum re ipsa oculi Boum inter animalia, magnitudinis, nitore, & elegantia pulcherrimi sint, sicut etiam & marini vituli, cur βοῶπιον, bubulos, seu bovinos oculos habentem, Henrico Stephano, Dalechampio, aliisque interpretari non licuit? cum vocabulum βοῶπις, propriè bovis oculum significet, & metaphoricè magnum. Digna sunt quæ afferantur Eusthatii doctissimi Homeri commentatoris verba ad illum primi Iliados versum. Εὐρεν δ' Εὐρύπτα Κρονίδην &c. editionis Rom. p. 141. Καὶ ὅτ' μὲν ὅτις Εὐρύπτα λέγει ὁ ποιητής. Ἦρα ὁ βοῶπις ὡς μὲν ἀπὸ τῆς αὐτῆς τοῖς τῇ βοὶ παρονομαζομένης ὅτ' τῆς ἀεὶ ὄψεως ἔχει.*

ἤχες. μυθικῶς ὃ ἡ λέξις ἐπαινός ἐστιν αὐτῆς ὡς γυναικός, ὅτι τὸ καὶ Βὺν μεγα-
λόφθαλμον. ἐξ ἧ καὶ κύειον ὄνομα Ἑυρώπη τίθεται. id est: Et Jovem
quidem latoculum dicit Poëta; Juno autem βοῶπις dicitur, nam
cum ipsa aër sit, conveniens est & ipsam cum Βὺν hoc est cum
sono, aliquam nominis similitudinem habere, propter sonos quæ
in aere sunt. Poeticè autem hac dictio, in laudem ipsius, ut-
potè mulieris dicta est. Bovis enim ad instar magnis oculis præ-
dita dicitur; ex quo & nomen proprium Europa factum est.

Bubulum dici pro magno, testatur Plutarchus in qua-
stionibus Græcis, ubi quærens cur Eleorum mulieres Bac-
chum in sacro carmine hortantur, ut bubulo pede ad ipsas
accedat, inquit πρότερον ὅτι καὶ Βουβρῆν προεγορεύουσιν, καὶ ταῦρον ἕνα
τὸ θεὸν ἢ τῷ μεγάλῳ ποδὶ βοῖν λέγουσιν, ὡς βοῶπιν ὁ ποιητὴς τὴν μεγαλόφθαλ-
μον, καὶ Βουβαῖον τὴν μεγάλαυχον: id est, An quia Bovigenam non
nulli, & Taurum nominant Bacchum; Aut Bubulo dicunt pro
magno, sicut βοῶπις Poëta dicit magnis præditam oculis, &
Βουβαῖον qui se gloriose jactaret. E quibus patet inconsultam,
& illiberalem esse censuram, qua Ferrarius notat Homeri in-
terpretes, qui βοῶπιν bubulos oculos habentem reddide-
runt.

At vero vocabuli πλατυφθάλμους etymon aliter deducit
Fallopious, & interpretatur adductum superius locum Plinii,
quod scilicet, oculi fluxione, & inflammatione laborantes,
recludi minime possint, sed ope Antimonii, hac affectione
liberati, aperiantur, quam opinionem amplectitur etiam
Aldrovandus.

De superius memorata superciliorum denigratione, in-
telligendi satyrici versus.

*Ille supercilium madida fuligine tinctum
Obliqua producit acu, pingitq. tremens
Attollens oculos.*

De hac Pollucis verba in loco nuper adducto τὰς ὀφθαλμοὺς περι-
 χεῖται, τὰς ὀφρὺς μελαίνει, εἰς χαμμάς ἡμικυκλίων περιάγει; Oculos
 perstringit, supercilia denigrat, lineas semicirculares circumdu-
 cit. Quo sensu intelligendus D. Cyprianus cum in libro de
 habitu virginum, oculos circumducto nigrore fucatos carpit, ut
 & D. Hieronymus fuliginatos. De hac etiam denigratione
 intelligi posse videtur Tertullianus de cultu Fæminarum. In
 illum enim delinquunt, quæ autem medicaminibus urgent, ge-
 nas rubore maculant, oculos fuligine porrigunt. Non tamen
 assentior summo Criticorum Salmasio, qui fuliginem illam
 de solo stibio interpretatur, inquiens Plin. exerc. pag. 1148.
*Fuligo illa ex stibio. De eodem nigro stibii pulvere, accipien-
 da hac ejusdem Tertulliani in libro de habitu muliebri, & illum
 ipsum nigrum pulverem, quo oculorum exordia producuntur.
 Hic pro eo dicit oculos fuligine porrigi, & allusum est ad stibii
 appellationem alteram πλατύοφθαλμον. Nigrum pulverem pro
 stibio lubens accipio. Fuliginem quin pro solo stibio acci-
 piam obstat Plinius, qui lib. XXVIII. cap. 11. tradit raritati
 superciliorum mederi fungos, ac fuliginem lucernarum; Ca-
 pilli, inquit, defluvia urfinus adeps admixto ladano, & adianto
 continet, alopeciasq. emendat, & raritatem superciliorum, cum
 fungis lucernarum, ac fuligine quæ est in rostris earum; quem
 locum rectè observavit & adduxit Jo. Britannicus, ad supe-
 rius citatos Satyræ secundæ Juvenalis versus. Nunc memo-
 rant Turcicas fæminas cilia & supercilia denigrare fuligi-
 ne, quæ elicitur ex flamma Thuris, & Masticis unâ combu-
 storum.*

III. Vel deniq; mulieres stibium in minutissimum polli-
 nem comminutum, stilo vel buxco, vel fagineo, vel ebur-
 neo, aliquando etiam aureo, aut argenteo, saliva, aut aqua
 oblito exceptum inter utramque palpebram immittebant,
 quo remedio nigrorem ciliis, & splendorem, nitoremque
 conciliabant. Vel idem stibium aqua madefaciebant, atque
 illicum eo stilum, palpebris quo modo dixi submittebant.

Cosme-

Cosmetici huius usus, & artificii singulare exemplum habemus in Galeno lib. VI. *ὕγιεινῶν*, ubi de curatione fluxionis, quæ à capite fit in subjectas partes agens Pergamenus, inquit *ὀφθαλμοῖς τε τοιαύταις τῇ δὲ τῷ φρυγίῳ λίθου χρομίου* *ἔκρηψ' πολλοῦν τοῖς βλεφάροις ἐπάρχων πλὴν μάλιστα χωρὶς τῷ προσάπτεσθαι τῷ κτ' ἢ ὀφθαλμὸν ἐνδον ὕμῳ*. *ἔτις γὰρ πρᾶττεσθαι ὁσημέραι καὶ σιμμιζόμεναι αἱ γυναῖκες.* i. e. *Oculos vero ipsos corroborabis, si sicco collyrio, quod ex Phrygiolapide componitur, utare, ac sic palpebris specillo inducas, ut ne oculi membranam intus contingas; ita namque mulieres quotidie faciunt, cum stibio oculis gratiam conciliant.*

Primitus antiqui stibium medicamentis tantummodo externis permiscebant, ut observat Aldrovandus Musci Metallici lib. I. c. I. Verum, licet postea subjungat, quod Dioscorides, agens de Elaterio stibium tamquam Pharmacum catharticum cognovisse videtur, dum inquit, quod si per inferna dejectio facienda est, duplum salis addere oportet, & stibii quantum colore suo inficiat, tamen asserit, quod *facultas purgandi in stibio latens, superiori sæculo, autore Theophrasto Paracelso emerfit.* Quamobrem Hieronymus Mercurialis agens de compositione medicamentorum scripsit, Majores nostros ad purganda corpora Antimonio non fuisse usos, sed tantum ad oculos ornandos, & ad supercilia denigranda; Nunc Chimistarum arte igni expurgatum, inter præcipua, & usitatissima, tam purgancia, quam præparancia medicamenta locum habet. Nec defuere clarissima ingenia, quæ mira de Antimonio disertissimè scripserint, immò triumphalem curram illi præparaverint.

Possẽ multas alias Galeni, & Græcorum autoritates de stibio, & ejus usu in Collyriis afferre, sed, cum ex adducto loco diluceat ratio, & modus, quo fæminæ antiquitus stibio oculos linibant, lubens à citandis aliis textibus supersedeo. Non possum tamen, quin in hanc rem adducam Jonis Poëtæ veteris versum citatum à Polluce, & ab Eusthatio, qui

dum Omphales Reginae, ascititiae formae ornamenta perfectitur, recenset

Καὶ πάλιν μέλαιναν σίμιν ὀμματράφον.

quem versum, pudendo errore vertit Rudolphus Gualtherus; Et nigrum stigma oculis idoneum, ignorans τὴν σίμιν, vocem, ut ait Aristophanes Grammaticus, Aegyptiorum propriam, idem significare, ac τὸ σίμιν.

Omniñō tam frequens erat antiquitūs apud mulieres haec consuetudo, stilum in oculos, stibio intinctum inducendi, ut inde factum sit verbum usitatissimum, σιμιζομαι, & σιβάω, quod significat, stibio supercilia fuce, intrito stibio cilia, superciliaque linio; Immō stibium ipsum, quia muliebribus ad curam formae inservit γυναικείον à Dioscoride lib. V. cap. 99. dictum est; Cujus capitis ~~δὲ~~ σιμίνως, quoniam incidit mentio, nolim te latere, Jobe eruditissime, Graecum textum Dioscoridis primarum Aldi editionem, quemadmodum & illum, cujus versione usi sunt Matthiolus & Bauhinus mutilum esse: Habet enim τέτο οἱ μὲν σίβι οἱ δὲ γυναικείον, ὁ δὲ λάρβαον ἐκάλεσαν, id est: ipsum vero stibium alii Platyophthalmion, alii larbason appellaverunt; cum ceteri emendatiores textus, post vocem λάρβαον, habeant, οἱ δὲ γυναικείον, οἱ δὲ γαλχηδόνιον ἐκάλεσαν, hoc est alii Gynaecion, alii Chalchedonium appellaverunt; Hunc autem defectum rectè supplevit Aldi Levir Franciscus Asulanus, in nitidissima Dioscoridis Graeci editione, quam Hieronymo Roscio Medico Patavino castigante, publicam fecit Venetiis Anno M D XVIII. Quod mirum est latuisse oculatissimum corruptorum, & hiantium textuum indagatorem Salmasium; qui saepius citato loco mutilo Dioscoridis usus est.

Romanæ mulieres, quod non alienum est à praesenti materia referre, praeter illiciones, & smegmata, quibus ruborem parabant, faciem tectoriis quibusdam, & commaticis incrustamentis illinibant, non solum ad formam procurandam, sed etiam ad arcendum solis aestum, pulverem, ventos,

ros, & hiberni aëris ustrinas, naturalem vultus, cui impensius vacabant, elegantiam quoquomodo lasuras. Ex horum censu erat medicamen, de quo loquitur Bilbilitanus Poëta, deformem mulierem tectorio utentem carpens lib. I. Ep. 3.

Formosam faciem nigro medicamine velas.

Ejusdem ita meminit Ovidius III. de Arte amandi

Quem non offendat toto Lex illita vultu,

Cum fluit in tepidos, pondere, lapsa sinus?

Oesyra quid redolent, quamvis mittantur Athenis,

Demptus ab immunda vellere succus ovis?

Id medicamen, ex oesyro, hoc est lanarum succidarum liquore, & face constabat. Fex illa, aut erat terra Cimolia, vel Thessalica, vec Lycia, ut opinatur Mercurialis lib. de decoratione, aut selinusia, quæ Plinio docente, si quando combiberit humorem, celeriter mutatur in succum; aut erat vel Parætonium, quod, cum pinguißimum, & tenacissimum sit, sustinet atramenti asperßionem, aut denique erat Pnigitis, quæ pinguitudine, spissitudine, & molliæ sua, naturalem quandam, ut narrat Galenus, & Aegineta, habet nigredinem; ex horum alterutro Parætonio videlicet, aut Pnigitide Oesyro Attico mixtis, nigrum illud medicamen paratum fuisse credidit, doctus, olim collega meus, Cæsar Zarottus de medica Martialis tractatione lib. I. cap. 4. quem fato præreptum, reliquas duas eruditi operis partes, absolvere nequissimè doleo. Sed ubi asserit Sabinam Poppæam, hoc nigro medicamine partem oris velasse, ne satiareta aspectum, parcant mihi Amici manes, haudquaquam verissimilia narrat. De Poppæa sunt verba Taciti Annalium XIII. *Rarus in publicum egressus, idq; velata parte oris, ne satiareta aspectum, vel quia sic decebat.* De nigro medicamine quo Poppæa, speciei suæ ambitiosa ostentatrix, faciem incrustaret, Taciti verba interpretari absurdum est. Quæ enim fuisset aspectus formosissimæ matronæ, sub verecundiæ specie, vultum callidè, sed nunquam

intre-

integrum ostentantis, si partem ejus nigro tectorio, cum prodibat in publicum, intecisset? Præterea, si de medicamine loqui voluisset Tacitus, non dixisset *velata* sed *incrustata*, aut *tectorio infecta* parte oris. Dum autem dicit Martialis, *faciem nigro medicamine velas*, figuratè & poëticè loquitur, quomodo loqui non decet historicos. Probabilius ego putaverim, Poppæam partem oris identidem obvelasse, vel arlineo, vel capidulo, vel flammeolo, vel carbaso, vel umbella. Aut saltem jurarim Poppæam id præstitisse horum alterutro, flabello scilicet, & reticulo.

Flabello usas Romanas mulieres per æstatem ad refrigerandam faciem, notissimum est. Id olim fieri solitum ex pennis Pavonis docet Propertius:

Et modo Pavonis caudæ flabella superba.

Item fuisse Prasini coloris Mart. lib. 3. epig. 40:

Et astuanti renue ventilat frigus

Supina prasino concubina flabello.

Reticulo etiam, seu retiolo, velare partem oris faciliè potuit Poppæa, sive illud sit tegmen capitis muliebre, ut ex Varro-
ne tradit Nonius, de quo Juvenalis:

Reticulumq; comis auratum ingentibus implet;

quod nos vulgò dicimus *Scuffia*, & raritudine sua vultui, tamquam velamen obductum, & ejus limbis utraque parte pendentibus, oris partem curiosè insipientibus abscondere leve erat. Sive tandem reticulum fuerit fascia linea ad formam retis, quam antiquitus instar stropholi admoverent faciei; conjecturam meam maximè juvat Tullii autoritas Actione VII. in Verrem. Ipse autem coronam habebat unam in capite, alteram in collo, reticulumq; ad nares sibi opponebat, tenuissimo lino, minutis maculis, plenum rose. Ex quo loco, inquit Tiraquellus, intelligis id dici fasciam lineam, vel lineam, ad formam retis factam, quam faciei admovemus ne agnoscamur, vel ut naribus suavem odorem admoveamus.

Nec

Nec mulieribus tantum, verum etiam vernalibus pueris, parata ex succis exoticis inducebantur tectoria, ut ne à sole facies eorum, aut à frigore laderetur. Testis est Seneca Epist. CXXIII. *Omnium, inquit, Pedagia oblita facie vehuntur, ne sol, ne frigus teneram cutem ladat. Turpe est neminem esse in comitatu puerorum, cujus sana facies medicamentum desideret.* Sed per agrum Romanum æstivo tempore iter habentibus, faciem tectoriis inungere, delicato cuique opus erat, ne radiis Solis, à fervido solo percussis, cuticula mollis inureretur. Tempestate nostra molesto canicularium dierum æstui, accessit aeris insalubritas, ex Soli cultoribus vacui cryptis, Hypogæis, & parietinis, tetros vapores exalantibus, ex quibus viatori incautè divertenti certissimum vitæ periculum. Solatri succum cum oleo commendat Aëtius Tetrabibl. 2. Ser. 4. ne facies à sole, aut vento exuratur. Mercurialis ex Jo. Vincentio Pinello refert, Genuenses mulieres succo solatri, per lintheamina expresso, sibi vultus inungere, ne à ferventibus Solis radiis urantur. Simili quodam succo Orientales Indos, qui palanchinos vehunt, totum corpus inungere, ne à ferventibus Solis radiis urantur, dum nudi incedunt, narrat in itinerario suo, quod propediem typis vulgabitur, Ambrosius Bembus Patrius Venetus, Marci Senatoris frater, qui nunc pro Veneta Republica Corcyram regit.

Tandem quid sit כחל, & antiquorum stibium, didici ex Gregorio Armenio honestissimo homine, qui Venetiis mercaturam exercet, aliisque qui per Asiam & Africam peregrinati sunt. Quæcunque ex Gregorio cognovi, debeo Jo. Quirino Oratorum Veneti fori disertissimo, cujus amicitiam inter charissima numero. Materia כחל minérale est, quod ex Persia, & India adferri asserit Gregorius marchesitæ simile. Orientales vocant Surma. Quod

verum est; nam Jacobus Grevinus lib. 2. de venenis cap. ult. tradit, Antimonium esse rem fossilem, quæ Marchesitam, nempe Pyritem, vel lapidem plumbarium refert. Variat colore, splendore & pondere, juxta varias regiones, in quibus generatur, & varias res, quibus copulatur. Ideo unum altero, liniendis oculis aptius esse poterit. Antiquitus in Bithynia, propè urbem Chalcedonem, pretiosum, & præstantissimum effodiebatur, & indè ad alias regiones deferrebat, idque esse puto, quo antiquæ mulieres decorandis oculis utebantur, & nunc etiam Turcicæ utuntur. Profectò est verum antiquorum *glup*, quod recentioribus Chymistis, qui Mauritanorum doctrinam sectantur, Antimonium vocatur. Et quidem non illud est, quod Venetias ex Germania adfertur, fornacibus prius fustum, & in massas concretum, sed naturale & fossile, quod ex Minera eruitur, *spuma lapidis candida nitentisq*, ut inquit Plinius lib. XXXIII. cap. 6. qui ibidem duas ejus recenset species, marem scilicet & foeminam. Notandum, quod scribit Agricola Fossilium lib. X. *quondam sibi fossile vendebatur, probatq* Dioscorides id, quod maximè radiat, quod cum frangimus in crustas dividitur, quod friabile, quale est in Plinio, *foemina nominatum*. Mox subjungit; *Nostri temporibus fossile non venditur, sed excoctum. Excoquendi vero rationem, in libris de re metallica inscriptis, indicabo.*

Nostri temporibus duplex est apud Turcas, & Orientales populos stibii usus; I. enim illud adhibent ad tingenda cilia, & illinendos palpebrarum crepidines, qui præcipuus & antiquissimus est usus. II. Stibio utuntur ad tingenda & producenda supercilia, quæ Turcarum mulieres productâ utrinq; in arcum linea conjungunt elegantia gratia. Adeo ut lepidissimè inter Turcas Poeta quidam gentili idiomate cecinerit, se Amasiam suam osculaturum, nisi formidaret Scorpionis chelâs, quem super oculis habet. Quam rem narravit mihi Amplissimus Senator Venetus Jo. Baptista Donatus nupera legatione pro Patria apud Turcarum Imperatorem functus. Nec
finam

finam te latere, Jobe eruditissime, quæ super hoc gemino
stibii usu mihi communicavit Antonius Apollonius Medicus
& comes Joannis Capelli Ablegati Veneti, qui præsens Rei-
publicæ Venetæ nomine memorando ausu Othomanæ Portæ
bellum indixit. Hæc autem ex Turcico idiomate huc translata
sunt hujusmodi. Nempè qualia ipsi Apollonio tradidit Mu-
stapha Naupliæ Præfectus, videlicet

*Tinctura pro palpebris dicitur surme, & componitur ex uno
lapide minerali in subtilem pulverem comminuto, qui dicitur
Madem tassi, & est stibii species, quæ ex Persia defertur, & hæc
tinctura fit solummodo in Mecha.*

*Compositio ad tingenda supercilia fit ex Galla, Hordeo, Tri-
tico, & Stibio, & ipsa compositio dicitur etiam Raslich. Hæc
omnia in pulverem subtilissimum terunt: & ignito ferro super-
posito, ex liquore manante supercilia tingunt.*

Omnino ὤπιν Hebræorum, stibium, seu antimonium esse;
tām verum est, ut stibium ipsum sive Antimonium, Hispa-
nis longum Mauritanorum dominium passis, non alio no-
mine dicatur, quam *Pedra de Alcohol*; quasi dicas lapis, quo
oculi tinguntur, aut oculis collyrium paratur. Quare tra-
dit Plinius, principalem stibii usum circa oculos esse, ideoq;
πλατύφθαλμον vocari, quoniam eos dilatat, eorumque fluxio-
nes, & lippitudines inhibeat, & quoniam in cura decoris &
formæ, eo mulieres utantur, tingendis oculis. Quo nunc in
Africa utuntur, propriè est stibium fæmina, quod *σίβη*, seu
σίβη appellari, scribit Dioscorides. Hinc Hesychius *σίβη* ex-
plicat, ῥῶμα μεταλλικὸν μέλαν. Dictum græcis *σίβη*, *σίβη*, *σίμμι*, *σίμ-
μι*, à *σίβω*, seu *σίβω* denso, firmo, astringo, aut à *σίβη*,
quia nitet, opinatur laudatus Martinius in suo Lexico Philo-
logico. Sed, quòd ibi originem vocis Antimonii quærens, ex
festivitate sermonis dictum putat, quòd Monachos, & Mo-
niales non deceat fucare faciem stibio, ægri somnium est;
eius verba sunt. *Stibium Italis Antimonio, Gallis est Antimoine,*

cujus vim vocis adhuc quaro. *anti* est contra, & *Moine* Monachus an ex festivitate sermonis, & joculariter? quod monachos & moniales non deceat, quorum non est fucare faciem sibi.

Hæc Martinii verba non benè perpendens Vossius in Etymologico, voce, *stibium*, ait: *Usus ejus est mulieribus in fucanda facie, quod quia dedecet homines religiosos eò Italis Antimonio videtur nuncupari, ab anti* contra, & Italico *Moine* Monachus. Per errorem putavit Vossius dixisse Martinium, *Moine* esse vocem Italicam, quam ille dixerat esse Gallicam. Quo super levi mendo censoriam virgulam extollit Menagius, & Antimonium latino-barbaram vocem, probabilius deducit ab Arabico nomine *Athimad*, quod *stibium* significat; à quo factum putat *Athimod*, *Athmodium*, *Antimodium*, & *Antimonium*. Hanc tamen ab Arabica voce, *Antimonii* derivationem, Gallus scriptor, pro sua vendit, & dissimulat hujus autorem esse Fallopium, qui in libro de fossilibus cap. XXIX. inquit: *Arabes vocant Aitmad, & Atmad, vel Athimad; unde Chymistæ & Sepulchrii deduxere Atmadium, & ab hac voce postea Antimonium, & nihil aliud est quam stibium; quare Tetragonon Athmad, Athiman, Athmadium, Antimonium, stimmi, & stibi, & stibium unum & idem prorsus sunt.* Fallopius verò in hujus vocis etymo, citant, & laudant magni nominis Autores, Aldrovandus Musæi metallici lib. 1. & Cassius de Mineralibus lib. 2. qui plurima de *stibio*, ejusque natura, viribus, & usu ex scriptoribus colligit. Sed, si Martinium legisset Menagius, & levem Vossii in tantula re lapsum excusasset, & lapsus causam agnovisset.

Mitto tibi, Vir Doctissime, *stibii* pulverem, & fossilis frustulum, cum duplici stylo fagineo, & buxco, quem *saliva* madefactum, & *stibii* polline intinctum, oculi palpebris immittunt; quibus illitis, statim per exteriorum angulum oculi illum educunt. Illico elicitur ab oculo lacryma, sed nigre-

nigrescunt cilia, nitefcit cornea, & vividior totus evadit oculus.

Incolæ Africæ alio modo hoc pulvere utuntur, ut Salomoni Conegliano Hebræo medico, in Rabbinicis rebus satis verfato, cujus confuetudine utor, retulit gentilis fuus nuper Venetias advectus, qui multos annos Tunceti negotiatus eft. Cohol, quod procul dubio Antimonium eft in fubtiliffimum pollinem tritum, aqua communi, vafculo oris angufti excipiunt, mifcentque. In hoc ligneum fpecillum intingunt, & eo modo, quo nuper dixi, fuperioris, inferiorisque palpebræ crepidinem, cilia & corneam, levi tranfcurfu illinunt, quo, veluti atramento, fufcantur cilia, & nigrefcit exterior oculorum canthus, quod gratiam, fpeciemque oculis summam conciliare putant. Eftque fucus fæminis Africæ frequentiffimus, quo fingulis diebus fæpius utuntur, præfertim vero antequam in confpectum frequentia prodeant. Vafculum hujusmodi vernaculo Arabico Idiomate Tuncetanæ Regionis, vocatur *Coholatiera*. Minerale *Cohol*, opus ipfum, id eft τὸ κοχολῆον, *coholare*; mulier eò fucata *coholata*. Tale vafculum apponunt hofpitibus urbanitatis caufa, quemadmodum apud nos potio gelu concreta, aut vini fcyphus. Videtur Braſavolus innuere fuo tempore, in aliqua Italiæ parte, quam non nominat, mulieres gratiæ caufa, hujusmodi aqua, ftibii pulvere mixta, ufas, niſi perperam intelligo fequentia ejus verba, *in examine lapidum* ſub finem: *ſtibium appellatur tum Platyophthalmion*, quia oculos dilatat, *tum Gynæceum*, quod eo mulieres fucantur eliquata aqua nunc in aliqua Italiæ parte.

Maximam hujus ſtibii Alcohol dicti, narrat prædictus Judæus, in Africa erui quantitatem, & verum eft; nam in primis, Africa, ut recitat Cornelius Judæus, in tabula Africæ Mineris Antimonii redundat. Et tradit Boterus, *Cefaja* locum in deſerto Numidiæ, penes Atlantem montem, abundare

dare Mineris plumbi & Antimonii, & hæc duo metalla inde eruta ad Fest deferri, cum nihil aliud ibi oriatur. Livius item Sannutus, cujus diligentia, ferè totam modernæ Africæ descriptionem primò debemus, inter Mineralia, quibus Africa abundat, numerat Antimonium Geogr. Afr. Parte prima lib. III. & VI. quod etiam testatur Leo Africanus descriptionis Africæ parte VI. & IX. ubi Antimonium sulphure discerni à plumbo commemorat, quem videre est apud Ramusium Tomo primo Navigationum. Nigræ lanulæ, quas Turcarum mulieres in infantium suorum frontibus contra fascinum pingunt, nihil ad stibium pertinent; sicuti & rubræ maculæ, quibus Hebrææ Matres, glasti, seu Indici colore, adversus maleficos strigum, & sagarum obtutus, forum suorum vultus prænotant.

Illud præterea (Jobe eruditissime) non silebo, quod sicuti *καλλύπρον*, à *καλλύπρον* dictum probabile arbitror, ita censeo, tam græcum *φύκος*, quàm latinum fucus, ab Hebræo *פִּיךָ* derivari; quod neque Fungerum in etymologico *פִּיךָ* neque Vossium in etymologico linguæ Latinæ animadvertisse miror. Uni Martinio in Lexico Philologico dici videtur ab *פִּיךָ* quod eo color faciei vertatur. Fuco latinorum, & *פִּיךָ* Hebræorum respondet vox Tuscanæ *Belletto*, unde vulgò dicimus *imbellettare*, quod verbum eruditus Etymologista Menagius à limo deducit, inquiens in originibus linguæ Italicæ, *limus*, *limellus*, *limellettus*, *Melettus*, *Bellettus*, *Belletta*, *M* in *B*, ut Cammarus *Gambaro*. Sed sæpius, ut in hoc etiam, vir doctus hallucinatur, & originum portenta nobis obtrudit; quemadmodum & aberrat à scopo Octavius Ferrarius, qui à coeno, seu limo, molliori *lie* Gallis *lea* Venetis dicto ledam, letam, & Belleram factam autumat. Nam Italica vox *Belletto*, quam Veneti dicunt *lbelletto*, originem habet à latino nomine *bellus*, *bella*, *bellum*, quod propriè dicitur de elegantia & venustate vultus faminarum; id quod ex lin-

linguæ latinæ autoribus patet, & præsertim ex Catulli lepidò in Amicam Firmiani Epigrammate.

*Salve nec minimo puella naso,
Nec bello pede, nec nigris ocellis &c.
Te n' provincia narrat esse bellam?*

Inde sequioris sæculi vocabulum *Bellettum*, fucus scilicet, qui bellam reddit faciem; & *imbellettare* pro fucò linire, & diminutivum *bellotto*, *bellotta*, e *bellino* e *bellina*. Sed condonandum est ingeniis, quæ vocum etymologiis, & cognationibus operam impendunt, in quibus sicuti facillimus lapsus, ita nulla justior venia est.

Hic noto obiter, quod vocabulum *fardinationis*, quò superius ad Jeremiæ cap. IV. v. 30. usum esse Lyranum diximus, est Latino-barbarum, deductum ab Italico *Farda*, quod nihil aliud significat, quàm præpingue sreatum, & crassam salivam, in unum contractam. Quoniam verò fucus & pigmentum, quò foeminæ pallidas genas liniunt, ex Mercurio saliva extinctò, aut sublimatò constat, ideò farda dictus est; quod ignoravit Mengius, licèt ingeniosè magis quàm verè, Italicam vocem farda, à fucò deducere totis viribus conetur. Opinioni meæ mirificè suffragatur Satyricus Epicusque Italus celeberrimus, Ludovicus Ariostus, qui Satyra prima de mulierum fucis agens, hæc habet:

*Voglio che si contenti della faccia
Che Dio le diede; e lasci 'l rosso e 'l bianco
A la Signora del Signor Ghinaccia.
Fuor che 'l lasciarsi un'ornamento manco
D' altra uqual Gentildonna ella non habbia;
Liscio non uno, se tu credo il vogli anco.*

Se sapesse Herculan dove le labbia
 Pon quando bascia Lidia haria piu' à schivo,
 Che s' ei basciasse un cul marcio di scabbia
 Non sà ch' il liscio è fatto col salivo
 De le Giudee, ch' il vendon, ne con tempre
 Di muschio ancor perde l' odor cattivo?
 Non sà, che con la merda si distempre
 Dei circoncisi lor bambini, e grasso
 D' horride serpi, ch' in pastura han sempre?
 O quante altre sporcitie à dietro lassò,
 Di che s' ungono il viso, quando al sonno
 S' acconcia il steso fianco, e 'l ciglio basso.
 Sì che quei che le basciano ben ponno
 Con men schifezza, stomachi più saldi,
 Basciar lor anco à nova luna il conno.
 Il solimato, egli altri unti ribaldi,
 Di ch' ad uso del viso empion gli armari,
 Fan che si tosto il viso lor s' affaldi.
 O ch' i bei denti, che già fur sì cari
 Lascin la bocca fetida e corrotta,
 O Neri e pochi restino, e mal pari.

Ut cunque autem fucum, qui Italis dicitur liscio e belletto ex
 saliva, seu farda, & Adipe Viperino invicem mixtis confieri
 credam. Tamen, quæ de infantium recutitorum stercore,
 memorat Ariostus, in invidiam, & odium Judæarum mulie-
 rum ficta, aut credita magis, quàm vera putaverim.

E Crocodili stercore, seu fimo, quo Paulus Ægineta por-
 riginem, & furfures abstergi tradit, fucum fieri, declarat Cle-
 mens Alexandrinus lib. III. Pædag. in mulieres suæ ætatis con-
 torquens verba Antiphanis, κροκοδείλων σποπᾶτοις χρώματα, καὶ σι-
 πεδόνων ἀφροῖς ἐγγιόματα, καὶ ταῖς ὀφθαλμοῖς ἀσβολὴν ἀναματτόμεναι, καὶ

ἰμμοδίσκ. τὰς παρὰ τὸν ἰμμοδίσκον, id est: Crocodilorum stercorebus
utentes, & spumis rerum putrium se ungentes, & supercilia
fuligine denigrantes, & cerussa malas candefacientes. Quem
locum citant Lambinus, Torrentius, & Chabotius ad versum
Horatii Epodon XII.

nec illi
Jam manet humida creta, colorque
Stercore fucatus Crocodili.

Est autem hoc animal, Crocodilus terrestris, cujus excremen-
ta, cum odoratis floribus vescatur, jucundum odorem red-
dunt; sicuti stercore quorundam Cercopithecorum, quæ
ideò putabant maculas omnes è facie delere, & nitorem af-
ferre, ut narrat Plinius lib. XXVIII. cap. 9. & ex Galeno Pe-
trus Victorius variarum lectionum lib. XI. Jacobus Dale-
champius in adductum caput Plinii putat Antiphanem, pro
σντιδόνων ἀφροῖς intelligere Alcionium, ideo inquit, Putrem
spumam, quod Victorius non exposuit, hic vocat Alcionium odo-
rem gravem, & putridum spirans, qualis est Alga, ad smegma-
ta faminarum utile, & lentigines, lepras, nigritias, vitili-
gines, maculas omnes. Sed & gratis id asserit, & injuria car-
pit Victorium, nam Antiphanis verba nisi aliter legantur,
quàm ille legit, & jacent in libris omnibus, aliud sonant.

Sed Commotices hujus, seu comptoriæ malitiei opera,
à Platone, & Clemente Alexandrino damnatæ, apud Cleo-
patram, Critonem, Moschionem, aliosque Gynæciorum scri-
ptores, videnda relinquo; quæ fustius complexus est Mon-
speliensium olim Professorum celeberrimus Guilielmus Ron-
deletius in tractatu de Fucis. Multo minus tempore abutar,
referendis recentiorum officinarum, & commoticorum pig-
mentorū formulis Manuscriptis, quas ex Chymicorum & Spar-
gyricorum penu desumptas, Agyrtæ & Impostores, Matronis,
mulierculisque, sub Cosmeticorum arcanorum nomine, in-
genti pretio, & majori dentium, & cuticulæ damno, ven-
dunt.

Hæc, Doctissime Jobe, de סִיבִּי, sive Stibio, ejusque usu apud veteres in re Cosmetica tibi sistere visum est. Occasione locorum Sacrae Scripturae in quibus Stibii fit mentio, acrius sacrorum Interpretum, Commentatorumque placita excutere oportuit. Inde ad materiam fucorum pigmentorumq; muliebrum digredi propositi interfuit. Et bona fide adductos autores, expendere, emendare, & illustrare, prout ad materiam spectabat, eo magis libuit, quo tibi in Græcis pariter, ac Hebraicis litteris versatissimo, cui parere decus est, gratus fore arbitratus sum. Tu, quæ nudo simplici que sermone, horis succisivis, licet continuis in arte Medica, occupationibus fatigatus, chartæ tradidi, æqui bonique facere non dedignaberis. Dabam Venetiis Idibus Aprilis M. DC. LXXXVII.



I. N. J. C.

JOHAN. JACOBI HEINRICI,

Phil. & Med. Doctoris Argentinenfis, S. R. I. Acad. Nat.
Curiof. Arionis Ildi,

EPISTOLA

Ad

ILLUSTRISSIMUM VIRUM

ROBERT. BOYLE.

De

Variis Aëris Rarefactionem Mensurandi
modis noviter repertis.

ANNO M. DC, LXXXVIII.

VIR ILLUSTRISIME,

ADmiraberis fortassè, quid mihi in mentem veniat, ut homo nullâ Tibi necessitudine conjunctus, ac ne nomine quidem notus, Tibi maximarum rerum occupatione distento, literis meis obstrepere non dubitem. Fateor mirandum id esse, nisi majore illud admiratione dignum fuisset, cùm nihil ad alliciendum amorem præstantius Humanitate sit, si Tua Humanitas insignis atque spectata, juxta ac incomparabilis Prudentia, & Eruditio selectissima, non me & jam pridem in cultum Tui impulissent, & nunc incredibile meum, quò jam diu inflammatus sum, colendi Tui studium, quando coram declarandi potestas non datur, per Literas ut indicarem, suaderent atque hortarentur. Quod equidem fecissem libenter maturius, sed nescio, quomodo me semper Amplissima Tua Dignitas, meique recordatio ab hoc instituto revocavit. Nunc verò, cùm hoc incommodum, quod hactenus meum studium retardavit, à Conterraneis quibusdam Tuis, quorum consuetudine ac familiaritate hinc inde in itinere perfrui mihi datum est, sublatum sit, omnisque mihi, vel importunitatis, vel offensionis metus excussus, oblatam complector occasionem, quam mihi repetita lectio Epistolæ, in quâ *Miram Aëris Rarefactionem à Te detectam*, amico cuidam communicasti, atque attenta consideratio eorum, quæ inibi continentur, suppeditat. Nimirum cùm nuper in Collegio quodam Privato curiosis quibusdam ingeniis HISTORIAM PRÆCIPUORUM HUIUS SEculi INVENTORUM PHYSICORUM traderem; incidi quoque in MODOS AERIS RAREFACTIONEM MENSURANDI NOVITER REPERTOS, cœu quorum ope in notitiam men-

suræ

suræ rarefactionis pervenimus, atque comperimus, quousque
aër attenuari ac dilatarique queat. Cumque viderem juxta va-
rios Aëris Rarefactionem mensurandi modos, longè à se in-
vicem distantes mensuras emergere; animus subiit, in eum
potissimum inquirere, qui perfectissimè certissimèque maxi-
mam aëris expansionem exhiberet. Fateor equidem, stupen-
dum esse Rarefactionis gradum, ad quem Tu aërem, post mul-
ta Tentamina tandem reduxisti: ac enim non diffiteor etiam,
mihi dubium haud exigui, ut videtur, momenti in istà Tuâ
Methodò ac inde formatò ratiociniò occurrisse, quod dein-
ceps, Tuâ pace, proponam; postquam prius quædam de re-
liquis Conaminibus atque Experimentis circa hanc rem à
MERSENNO, ACADEMICIS FLORENTINIS, AL-
PHONSO BORELLO atque TE institutis, dixero. Hoc
unicum peto, ut ea, quæ ob bonum finem propositurus sum,
pro consuetà Tuâ Humanitate æqui boniq; consulas, meque,
ubi à recto tramite aberraverò, in viam reducas.

Primum itaque Experimentum, ad Mensuram Rarefa-
ctionis Aëris maximam deregendam, in Æolipilâ instituit In-
dustrius MARINUS MERSENNIUS, hòc modò: * *Sumpsit*
Æolipilam anciam, eamq; vehementissimò igne calefecit, ut pro-
pemodum candesceret, & sic in balance, quæ à dimidio grano fle-
tebatur, examinavit pondus istius Æolipila candentis, eamq;
reperit unciarum quatuor, drachmarum sex, & granorum quin-
decim. Deinde refrigeratam Æolipilam, & ad naturalem tem-
periem restitutam iterum examinavit, ejusq; pondus præcedens
superasse gravis quatuor deprehendit, indeq; elicit, primò, Aë-
rem gravem esse; secundò, Aërem in Æolipilâ inclusum quatuor
gravis excessisse Aërem in Æolipilâ candefactâ contentum. Post-
ea Æolipilâ iterum, eò, quò prius modò, calefactâ, ex templo ro-
strum illius frigida immergit; quò factum, ut aqua (cùm ob
Elasticitatem integram aëris externi, indeque ortam pressio-
nem; tum ob restitutionem aëris interni à superveniente frì-

Experim.
MERSEN-
NI.

Post. wd. Fig. 1.

Q 3

gore

* vid. Phænom. Pneumat. propos. 29.

gore ortam) ad tredecim uncias in dictam Æolipilam ascenderet, quæ aliàs uncias tredecim & sesquidrachmam capiebat. Unde porro conclusit, Aërem vi caloris intra Æolipilam candescere adeò dilatari posse, ut spatium septuagesies majus quàm antea occupet, utq; septuagesima pars Aëris prius inclusi & nondum rarefacti Æolipilam impleat. Cum enim Æolipila, quæ usus est, aqua tredecim uncias & sesquidrachmam contineat, ignita tredecim uncias duntaxat fugat; totus Aër ignitus, & Æolipilam candentem implens, ad pristinum naturalem statum redactus, eam duntaxat vasis partem occupat, quæ sesquidrachma aqua debetur, hoc est, parti totius vasis septuagesima. Idem & Te Experimentum bis vel ter instituisse scribis, * quamvis non adeò cum felici successu; siquidem ingenuè fateris, in nullâ Tuarum observationum vel ad dimidium gradum rarefactionis istius, quem ille memorat, aërem in Æolipila contentum perducere valuisse, illudque forsàn in causâ fuisse, haud immeritò conjicis, quod Æolipila, quam Ille adhibuit, sustinere potuit calorem Tuo intensiorem, neque enim ullus dubito, quin aër in Argenteâ vel Aureâ Æolipilâ ad majorem expansionem deduci possit, quàm in Æneâ; cum utraque intensiorem longè caloris gradum, citra fusionis tamen periculum, sustinere valeat. Illud interim certo certius est, Tuum istum Aërem, ope Æolipilæ, trutinandi modum exactiorem longè esse illò, quò usus est Merfennus; cum non nisi frigidam pendas Æolipilam, Ille verò candentem, quæ, ut ais, non nihil de suâ substantiâ inter refrigerandum amittere potest. Etenim cuprum candescens dum refrigeratur, eâ copiam tenuiores squamas rejicere solet, ut cuprea Æolipila refrigerationi invigilantibus nobis visus sit, quò sterit, locus hisce squamis circumcirca dispersis propemodum obtectus; quæ quanquam non magni sint momenti, non sunt tamen prætermittenda, cum tam leve corpus (quale est Aër) pendendum sit. Quodd si quis dicat, hunc errorem facile corrigi posse, si lanx

ista,

ista, cui imponitur Æolipila candens, amplior fit ipsò vase, pro excipiendis scilicet squamis decidentibus; nec ab eâ removeatur, donec refrigerata quoque antisacornate alterius lancis explorata sit: vel etiam, minimum illud materiæ vasis deperdita compensari ab accessione particularum ignearum. Nolo tamen responsionibus ad hasce exceptiones immorari, sed aliam longè urgentiorem difficultatem, à me, circa hoc experimentum, deprehensam proponam, quæ scrutinii ponderis atque dilatationis aeris in Æolipila candente instituti exactitudinem impedire valet. Momentum totius difficultatis in eo versatur, quod corpora vehementer calefacta in bilance, etiam exactissimâ, suspensa, non exhibeant omne ponderis incrementum, neque verum Rarefactionis gradum, sed imminutum duntaxat. Prius equidem, quoniam Æolipila ignita, Libellâ imposita, ambientem aërem ferventissimò suò calore rarefacit; unde fit, ut pressio ipsius, ac proinde etiam pondus pilæ diminuatur. Cum enim aër ambiens, atque Æolipila pendenda unum quasi corpus grave constituent, perinde est, sive aeris pressioni, sive pilæ demas, nam utroque modò aggregatum prædictum minus grave erit ac prius. Hinc videtur mihi, quod tamen obiter dictum velim, etiam si in omnibus Tuis de *Flammæ Ponderabilitate* Experimentis, nulla planè accessio ponderis laminarum, ramentorum &c. ignitorum in bilance deprehensa fuisset, (id quod DAN. MAJORI accidit*) inde nequaquam evinci, metalla ab ignitione nullum ponderis augmentum assequi: vero enim verius est, ob rationem modò allatam, non omne ponderis illorum incrementum in bilance etiam exactissimâ, quæ vel milesima unius grani parte impositâ sensibilibiter inclinaret, ** observari posse; adeoque, si lamella cuprea, vel alia, ignita pondere ad sensum non superat eandem non ignitam, inde tamen non sequitur, illam hâc non graviores esse; aut si in-

* sicut fatetur in Genio Errante cap. XIV. in fin. ** qualis est Tua illa, cujus mentio fit in Act. Philosoph. Anglican. ann. 1666. n. 14. p. m. 128.

crementum ponderis in balance deprehensum fuerit unius drachmæ, v. g. nego totam accessionem ponderis à balance indicatam fuisse. Posterius, quod nempe corpora vehementer calefacta verum rarefactionis gradum non exhibeant, inde constare potest, quia copia particularum ignearum, in-
 vid. Fig. II. Æolipilæ cavitate contentarum vehementissimèque agitatarum, disgregat ac separat particulas aëris inibi relictas, ipatio-
 laque aëris particularum expansioni destinata occupat; unde malè infertur, Æolipilæ cavitatem à solo aëre rarefacto occupari, vel etiam aërem ad hunc vel illum raritatis gradum deductum esse. Ut enim aërem verè rarefactum dicamus, requiritur ad minimum spirularum eum constituentium contiguitas; vel saltem aliarum particularum, ignearum &c. exclusio: neque enim chorda plùs minùsve extensa dicitur, si in plures dissecta partes, ita deinceps disponatur, ut inter hanc & illam partem intercapedo, modò major, modò minor, relinquatur, quæ ab alio quodam corpore, aut etiam à nullo, occupetur. Unde jam apparet, quid censendum sit de hac Aëris Rarefactionem Mensurandi Methodo; nimirum illam vix meris conjecturis certiorè esse: dixerim intrepidè illos, qui ex Æolipilâ candefactâ, vel de pondere aëris intracavitatem ejus contenti, vel de rarefactionis ejus gradu, judicium ferunt, non unò modò aberrare.

Experim.
 BOTLÆI
 Priora.

Quare ad alia nunc Dilatationi Aëris Mensurandæ magis congrua instrumenta progredimur; & primò quidem ad ea, quæ Tu, pro industriâ & ἀριστερίᾳ Tuâ in experimentis faciundis incomparabili, adinvenisti. Primum, quod in Recipiente evacuato instituiſti tentamen extat in Experimentis tuis Physico-Mechanicis de vi Aëris Elastica, * (Tractatu, plurimis experimentis, ingenti labore, maximis impensis, incredibili diligentia factis, summâque fidelitate conscriptis, re-
 vid. Fig. III. fertò) his verbis: *Vesicam sumpsimus agninem, lentam & pliacabilem, aquâ benè madefactam, ut latera ejus compressa quasi*
coale-

* Experim. 6. pag. 21.

coalescerent, & nihil aëris inter plicas relinqueretur (& sanè
comperimus postea nihil, quod deprehendere potuimus, fuisse re-
lictum.) Hujus Vesicæ cervix, collo Phiala minuta (quæ quinq;
aqua drachmas continere possit) firmiter superalligabatur, ve-
sicâ interim ipsâ, sic antea compressâ, ut totus inclusus Aër in
Phialâ solâ isq; incompressus, existeret: paucis deinde exsuctio-
nibus, per Antliam factis, Aër exigua inclusus Phiala dilatari
cepit, & tumorem quendam in vesicâ collo producere; quantôq;
magis Aër ambiens subduceretur, tantô Aër inclusus, in vesti-
cam penitiùs penetravit, & per gradus latera ejus erexit, pli-
casq; expandit, donec tandem ad plenas dimensiones suas eam
sufflâsse videretur; quô factô, externus Aër in Recipiens reflue-
re permissus Aërem, qui vesicam modò impleverat, repulit in
pristinam, quam priùs in Phialâ occupârat loci angustiam, adeôq;
vesicam in rugas, & flacciditatem pristinam redegit. Assu-
mentes deinde vesicam à Phialâ nondum separatam, factôq; in
vesicâ fastigio foramine, vas ex utroq; conflatum aquâ implevi-
mus, (cujus pondus quinq; uncias totidemq; drachmas cum se-
midrachmâ aquabat, quarum quinq; drachmas Phiala fuisse con-
tenta antè memoravimus) adeò ut in hoc experimento, cum
Aër maximè vesicam distendisset, spatium quod habuit, cum Re-
cipienti imponeretur, plus novies repetitum occuparet. At enim,
neque huic methodo, ob varia obstacula, fidere possumus;
præterquam enim, quòd (ut Ipse scribis) Vesica propter mo-
lem & pondus suum, respectu Aëris intra ipsam dilatandi,
haud exiguum, laterumq; suorum cohæsiorem imprimis
impediat, vesica jam satis turgida apparet, cum in Recipien-
te Aëris portio non ita parva adhuc supersit, cujus exsuctio
ulteriori verisimiliter expansioni locum daret: neque obsta-
culum tollitur, si amplior adhibeatur vesica; quò enim est
amplior, eò quoque crassiora obtinet latera, molesq; ejus
juxta amplitudinem augetur, unde fit, ut, quam resisten-
tiam habet vesica minor tumidior reddita, eandem quoque
habeat vesica major jam in minori turgescentiâ, ob laterum,

uti dixi, crassitiem & molem. Quod si quis ulterius urgeat, resistantiam hanc tolli, vel saltem imminui à continuatâ extractione aëris externi, unde vis interni aëris semper fortior redditur; dico, hoc minimè sequi, quoniam vis quoque expansiva aëris intra vesicam inclusi, pro majore dilatatione, interea sensim debilitatur. Hinc palàm fit, tantum ipsi virium decedere ad latera vesicæ distendenda ab imminutione Elasticitatis propriæ, quantum eidem accedit à remotione aëris ambientis. Præterea illud quoque considerandum, etiam si millies exerceatur anclia, non tamen firmiter constare, vel omnem aërem è recipiente esse extractum, vel etiam illud quod superest, ad ultimum dilatationis gradum perductum esse, ita ut expansioni aëris intra vesicam contenti obstaculo esse nequeat. Post exhibitum hoc, & literis jam mandatum experimentum, Hyalinis quibusdam, sive vitreis, quibus antea destituebaris, instrumentis, idem denuò Te accuratius instituisse, magisque præcisè didicisse, quantum aër dilatari posset, quam ope præmemoratae vesicæ, mox subjicis sequentibus verbis: *Primò itaq; Tubum vitreum, in Cylindri modum efformatum, cujus foramen quartam latitudinis pollicaris partem diametraliter continebat, accepimus; qui tubus ad eò inflexus erat duplicatusq;, ut non obstante longitudine suâ bipedali recipienti, ne pedem quidem alto, includi potuisset, nisi ex infortunio inter refrigerandum fractus disilisset, unde, ut ex partibus ejus alterâ, rectâ & integrâ longitudinemq; septem digitorum non superante, uteremur, redacti fuimus. Ex tubuli autem hujus terminis, alter apertus erat, alter hermetice obstratus, super quo bullam vitream habuit exiguam, utpote quâ aërem (cujus mensuranda erat dilatio) reciperet. Tubuli ejusdem lateri Pergameni laminula non lata affixa est, ea autem, juxta longitudinem, in viginti & sex æquales gradus dividebatur, gradus autem hi lineolis & figuris debite distinguebantur, ut ex iis aër inclusus, ejusq; dilatio mensuraretur, tubum deinde aquâ summo ferè tenus, implevimus; Terminum aper-*

tum digito obturavimus, inversoque tubo, aëri, quod ad bullam vitream pramemoratam ascenderet, transitum dedimus: quæ ascensio (quia tardior facta) occasionem observandi præbuit, quantum aut plus, aut minus quam unum è gradibus viginti sex aër hic occupaverit. Hæc ratione post factum unum alterumque conatum, aëream bullam, quæ graduum dictorum uni aequalis satis apparebat, ad fastigium usque tubi convehere potuimus; deinde aperto tubi termino in Phialam exiguam (cujus ima pars aquâ operiebatur, semipollicem plus minus altâ) positâ; Instrumentum, utrumque hyalinum in exiguum tenueque quoddam recipiens inclusimus, atque antliam exerceri fecimus; cujus rei non alius fuit eventus, quam quod ad primam aëris exsuctionem, nulla talis apparuit bullæ expansio, quæ expansioni in secunda exsuctione facta, comparanda fuerit; quodque exsuctionibus per paucis deinde factis, bulla ad superficiem aquæ subjacentis pertingens, fecit ut crederemus, bullam hanc (nisi tubus prius disruptus fuisset) multam sese laxius fuisse expansuram. Tubulum itaque è vitro eduximus; & comperimus, vitream bullam, unâ cum aliquâ tubi parte, quam non attigerat partitum Pergamenum, præter divisiones viginti sex pramemoratas, sex ejusmodi gradus sive divisiones alias continuisse; unde apparet, aërem ultra trigesses majus spatium occupasse, quam quod prius impleverat. Et profecto expansionis multo amplioris capax videbatur, nisi vitrum fuisset obstaculo. Quapropter & bullam alteram, eodem modo, immisimus, quæ ad dimidiatam bullæ prioris magnitudinem accessit, invenimusque exiguam hanc bullam (exsuctione aëris à recipiente factâ) non solum tubum adæquate implevisse, verum etiam aliquâ ex parte, aquam in phialâ subjacentem perripisse, spatiumque plus sexagies priori majus occupasse. Experti itaque tubum breviorum esse, quam qui instituto nostro inserviret, calamus vitreum & exilem, qui præstò erat, adhibuimus: quanquam ne hic quidem calamus, proposito nostro ad id idoneus fuerat; quippe terminorum ejus alter, alterum quater, plus minus, magnitudine superabat. Hic tubus transversos

polli-

pollices triginta longus, hermeticèq; in exiliori termino obsignatus, aquâ ad summum fermè implebatur, & bulla, modò suprâ memoratò, ad fastigium ejus evehebatur: extremò interim apertophiala, qua aquam in imo puram continebat, imposito. Operculum dein (ope foraminis exigui ideò de industriâ facti, quò tubi vitrei pars per illud prominere) recipienti per camentum superagglutinabatur; antliâq; exercitâ, post paucas exsuctiones aer non solum infrâ subjacentis aquae superficiem planè apparuit extensus, verùm etiam bulla (juxta astantis cujusdam assertionem) ex imo tubi egrediebantur & aquam perrumpebant. Hoc peractò, ulterius exantlare destitimus, observantes protinùs aërem tantâ celeritate per non deprehensas recipientis rimulas intrâsse, ut quàm citissimè aquam in tubi fastigium impelleret, excepto spatulo, in quod bulla, qua modò totum possederat tubum, repulsa erat. Hic aer juxta exilem tubi terminum, sub forma cylindri, transversè pollicis partes longi, apparuit:eductâ autem inversâque fistulâ, idem in altero termino cicere minor in magnitudine suâ visus est. Hisce deinde peractis, (quò accuratius succederet experimentum) adhibuimus bilances exiguas, qualesque fabris aurificibus, ad trutinandas monetas, usui esse solent, in quibus tubum, aquamq; in tubo inclusam, simul ponderata, ad pondus unius unciae & 30. granorum cum semisse accedere invenimus. Tanta deinde aqua ei infusa, quanta ad implendum tubum sufficeret, in quo spatium, quantum priùs bulla occupaverat, vacuum reliqueramus, rursus dein ponderavimus tubum, pondusq; unicò granò auctum reperimus; postremò aqua è tubo diligenter, quamvis non omninò exactè effusa, excussa; Instrumentum deinde hyalinum per se libratum, binas drachmas & grana triginta duo prioris ponderis amisisse videbatur, adeò, ut, bullâ unâ aëris spatium ponderis unius grani aqua occupante, appareret eam (intantum quippe aer, ex elatere suo rarefiebat) quinquagies & bis majus spatium quàm antea, occupâsse, quam à nulla re nisi communi aëris contigui pressione comprimeretur. Nos equidem in praxi hujus experimenti tubum in
plures

plures gyros tortum inflexumque , quò eò minorem requireret altitudinem , adhibere nolimus ; vel ideò duntaxat , quod vix possibile est , ut tubus ejusmodi longus , quoad tubuli cavitatem , æqualis sit ; siquidem quando ad flexibilitatem procurandam subinde per flammam diducitur , aliter fieri nequit , quàm ut canaliculus iste hinc inde comprimatur , unde cavitas angustior , ac relaxetur restringaturque , unde cavitas amplior evadit ; id quod erroris haud exigui causa est : cum enim ab æquali divisione in laminulâ facta æstimetur , aeris inclusi rarefactio major vel minor , cavitas autem canalis cui affixa est laminula æqualis non sit , mensura rarefactionis accuratè determinari nequit . Quare rectam nos , sed tripedalem assumpsimus phialam , cujus collum in centum gradus æquales divisum erat , illamque Antliæ reformatæ ita inclusimus , ut major colli pars cum capitello per aperturam in summitate campanæ promineret ; ne autem quicquam aëris externi ingrederetur , omni curâ aperturam campanæ circumventò ordinariò & aquâ circumfusâ munivimus ; sicque omnibus ritè constitutis antliam exercuimus , particulam aëris in phialâ relictam post plures exsuctiones ultra centies majus spatium occupâsse deprehendimus ; neque in computo nostro falli potuimus , cum cavitas colli secundum totam longitudinem , quantum fieri summâ industriâ potest , æqualis fuerit ; Sphærulem autem quinquaginta partes centesimas capere , aliunde certò constiterit . Hoc tamen minimè sibi aliquis persuadere debet , nos ita ultimum rarefactionis gradum assecutos fuisse ; tum quia aliâ ratione eum ulterius longè expandi posse , constat ; tum etiam , quia procul dubio nostrum quoque experimentum majorem expansionem ostendisset , modò diutius antliam exercere lubuisset . Quod ut clariùs pateret , aliò tempore , locò prioris phialæ tubum adhibui itidem tripedalem sed absque sphærule , cujus tamen alter terminus hermeticè obsignatus erat , in centum quinquaginta partes æquales distinctum , illumque aquâ ad sum-

mum ferè tenus implevi, unicâ solummodò parte centesimâ
 quinquagesimâ pro aëre relictâ: Tumque uti antea institutò
 experimentò, antiâ paulò frequentius agitâtâ, aqua, è sum-
 mitate tubuli, ad centesimum vigesimum usque gradum,
 descendit, atque adeò aër tubulo inclusus longè ultra centies
 majus spatium occupavit, neque tamen maximam rarefa-
 ctionem adeptum fuisse dixerim, quod quis inde probare pos-
 set; quia aquam, quæ in inferiori tubuli parte continebatur,
 infra superficiem aquæ in vasculo stagnantis deprimebat; quod
 fieri minimè potuisset, si jam ad ultimum rarefactionis gra-
 dum pervenisset; cùm omnis vis premendi atque gravitan-
 di aëris à virtute elasticâ ejus dependeat; ex infrâ tamen di-
 cendis apparebit, huic argumento non magnam vim inesse,
 nisi aliundè certius constet, aërem ad longè majorem ex-
 pansionis gradum deduci posse. Cæterum, an aër in expan-
 sione suâ amplissimâ, quam quidem hisce recensitis expe-
 rimentis assequi licuit, ulterius, per advenientem calorem,
 rarefieri possit, periculum etiam fecimus,prehendimusque,
 admotâ sphaerulæ phialæ nostræ tripedalis calidâ manu,
 aut linteolo aquâ calidâ madefacto, subito inferiùs longè sese
 recepisse; iisdemque manu aut linteolò remotis, priorem
 repetiisse locum; imò ulterius longè adscendisse, postquam
 linteolum in aquâ frigidâ madefactum capitulo applicuimus.
 At verò, quoniam, ut suprà jam indicavimus, calor igneæ-
 que particulæ haud exiguum anomaliam rarefactioni aëris
 inducunt, ex hoc ultimo tentamine nostro nil quicquam cir-
 ca rarefactionem majorem vel minorem determinare volui-
 mus. Atque hâc ratione aëris rarefactionem intra recipiens
 evacuatum mensuratus es tum temporis.

Experim.
 FLOREN-
 TINUM.

ACADEMICI FLORENTINI ex Robervallii inge-
 niosâ observatione illius vesicæ cyprinæ, quæ in vacuo fistu-
 læ dilatatur, conjecerunt; reperiri facîle posse in eodem Tor-
 ricelliano Instrumento maximam amplitudinem, ad quam
 aër

aër non compressus à vi externa, & in suâ libertate relictus, dilatari queat, quæ dilatatio certum ac determinatum spatium in vacuo Torricelliano occuparet, quod nimirum sufficienter exciperet maximam ejusdem aëris expansionem. Methodus, quâ usi sunt doctissimi isti Philosophi, exhibetur, Italicò quidem Idiomate, in Libro, cui Titulus: SAGGI DI NATURALI ESPERIENZE FATTE NELL' ACADEMIA DEL CIMENTO. IN FIORENZE. 1666. * quam proinde, cum Liber iste in paucissimorum manibus versetur, nostris verbis hîc subnectere placet. Sit Phiala vitrea ABC, vid. Fig. V. qua collum habeat BC, duos cubitos longum, apertum in C, sit præterea Cyathus longus DEF, qui argento vivo repletus inserviat immersioni Phiala BC; ita autem vasculum hoc immersionis formatum esse debet, ut tubum totum, vel maximam saltem ejus partem, instar vaginæ recipiat. Sit deinde alia Phiala GHI, vid. Fig. VI. priori per omnia, quantum quidem fieri potest, similis; & in illâ, more solito, productò vacuò, observetur altitudo KL, infra quam præcisè eò die Mercurius substitit. Postea impleatur Phiala ABC, Mercurio per orificium C, usq; ad M, reliquò spatîo MC pro aëre relictò. Tunc manifestò apparebit, si, admotò prius digitò ad orificium C, invertatur Phiala, parvam istam aëris molem relictam in MC, per medium argentum vivum ascensuram ad summitatem Phiala usq; atq; in A, substituturam: quo factò immergatur deprimaturq; orificium C, infra libellam DF, paulo profundius; iterumq; elevetur, Hydrargyrus in tubo descendet, relictâ superiori parte vacuâ. Quod si Mercurium ad altitudinem PQ, reduxeris, mensuranda est ista, ac ubi equalis reperta, sit altitudini KL, vasis GHI, in quo nihil planè aëris, quod illam immutare posset, relictum; indicium erit, Cylindrum Hydrargyri PQ, nullam vim sive pressionem pati à molecula aëris MC, atq; ad integram dilatationem, & totalem ejus expansionem.

* id est, ut vertit interpres Actor. Anglic. 1670. p. m. 494. Specimina Naturalium Experimentorum; vel, ut reddit Alph. Borell. de Motion. Nat. à gravit. pendens. p. m. 221, Liber Experimentorum Academiæ Experimentalis Mediceæ.

nem, spatium ab *A* ad *P* vacuum relictum planè sufficere. Postmodum sensim profundius immittatur tubulus *BC*, in vas *DEF*, ita, ut continuo altius ascendens libella *P*, velut in *R*, successivè imminuat spatium *PBA*, pro aëre liberum relictum: si verò altitudo cylindri Mercurii *RQ* incipiat minor fieri altitudine cylindri *KL*, ab ulteriori immersione desistendum; notandumq; punctum *R* esse terminum fixum & immutabilem omnium altitudinum cylindrorum Hydrargyri aequalium altitudini *KL*: siquidem omnes subsequentes versus *B*, à profundiori immersione tubi dependentes, diminuuntur atq; decrescant; Unde probabiliter colligitur, spatium Phialæ *RBA*, totum occupari ab aëre dilatato, cum à puncto *R* sursum versus manifestè appareat, cylindrum argenti vivi subiectum vim pati; indicio quoq; evidente (juxta mentem quorundam) moleculam aëris *MC*, ad totalem suam expansionem non minùs requirere spatium quam est *ABR*. Mensuram autem hujus spatii & consequenter rarefactionis aëris *MC*, sequenti obtinuerunt modò; Supposuerunt Phenomena hacce exhibita fuisse in vase *ABC*, in cubus spatio *AR*, portione ulla aëris *MC*, integram suam dilatationem (naturalem) obtinuerit; adeòq; investigarunt ante omnia, quantum sit spatium *MC*, occupatum ab aëre naturaliter compresso; deinde compararunt idem cum spatio *AR*, occupatum ab eadem portione aëris sed rarefacti; & simplicissimâ quadam operatione, ad trutinam nimirum exigendo portionem aqua, quam capit spatium *MC*, & illam quam capit spatium *AR*, invenère, comparatione institutâ, sese habere hoc ad illud, ut unum ad centum septuaginta quatuor. Jam verò quæ proportio est inter utrumq; spatium ab aqua occupatum, eandem quoq; esse inter utrumq; spatium ab aëre occupatum, si miter conclusèrunt; par enim est ratio: adeòq; aërem in dilatatione maxima centies septuagesies ter amplius spatium, quam antea, occupasse, deprehenderunt. Ego aliquoties, hinc inde instituto hoc experimento, observavi Primò, in profundiori immersione tubi decrescentem inæqualiter altitudinem cylindri Hydrargyri dependere ab aëris in summitate Phialæ

con-

contenti majori resistentiâ , seu imminutâ compressibilitate ; siquidem aër summè rarefactus in primò condensationis gradu parùm resistit, accedente verò secundò vel tertio &c. compressionis gradu , jam difficiliùs adscendenti Mercurio cedit, magisque resistit ; ut adeò necessariò minor sit effectus secundì gradus condensationis , quàm fuerat primi , ac tertii adhuc minor quàm secundì , & sic deinceps : Secundò , iteratò aliquoties hoc experimento , insignem deprehendi varietatem mensuræ rarefactionis aëris ; modò enim eadem aëris molecula centies octuagesies ampliùs occupavit spatium , modò centies octuagesies septies ; aliâ etiam vice centies nonagies in eodem instrumento expansum fuisse, in adversariis meis reperi. Neque mirum hoc alicui videri potest, modò consideret, experimentum cum diversò semper aëre , modò magis, modò minùs compresso , factum fuisse , quò haud parùm contribuit locus modò calidior, modò editior, modò humilior ; secundùm has enim differentias dilatatio quoque variat notabiliter , ita ut , quò locus , in quo experimentum instituitur, sit humilior , eò ad majorem rarefactionis gradum deducetur aër , quia magis compressus ; quò verò elevatior, eò minor ejus erit dilatatio , quia minùs compressus : similiter è calidiore haustus loco , minoris rarefactionis capax erit , è frigidiori verò majoris , ob eandem causam. NB. Hic notari velim , non aëris Externi seu ambientis , sed Interni duntaxat, in summitate scilicet Phialæ contenti diversitatem, experimentum variare, quamvis ille haud exiguam altitudini Hydrargyri in Baroscopio inducat irregularitatem, quemadmodum præter Te aliosque Philosophos Experimentales diligenter observavit Insignis iste Explorator * PASCHALLIUS Gallus. **

Dec. II. Annus VI.

* S

Cate-

* ut ipsum vocas, Experiment. Physico-Mech. Exp. 1. p. m. 13.

** vid. appendicem ad Libellum ejus Gallicum: de Æquilibrio Liqueurum & de Pondere Massæ aëris; ubi aliorum quoque circa hanc rem observationes recitantur,

Experim.
Alph. BO-
RELLI.

vid. Fig.
VII.

Cæterum hanc ipsam experientiam postea faciliori apparatu institui posse animadvertit Vir Acutissimus JOH. ALPHONSUS BORELLI, mediante alio quodam instrumento, cujus fabrica hæc est : * *Ampulla vitree AB, cujus diameter proximè quatuor digitos adæquet, continuetur prælonga fistula BC, major duorum cubitorum, quæ inflexa sit in ejus infimo loco CEF, atq; in supremo loco ejus A, continuetur quoq; stricta alia fistula AD, cujus extremum supremum orificium apertum D, claudi possit post Mercurii infusionem suillâ vesica; postea terminus extremus alterius fistula FG uniatur cum altero extremo fistula incurvata, appositis colligatisque portionibus intestini, agnini, quæ ne rumpantur diffringanturq; à nimio Mercurii pondere pariter operiantur fistula vel digitali coriaceo, atq; arcu alligatis intestinis, & corio utrisq; extremitatibus fistularum, poterit facile fistula FG, inflecti sursùm & deorsùm post Mercurii infusionem, eriganturq; perpendiculariter ad Horizontem amba fistula DBC, & GF. His preparatis per orificium D, infundatur Hydrargyrum, quousq; duæ fistula BC, FG, & ampulla AB, repleantur, relinquaturq; spatium suprema fistula ID aëre plenum, arcu postea claudatur supremum orificium D, suillâ vesica; tandem flectatur deorsùm fistula collateralis FG, ab ejus supremo ore G, profluens Mercurius excipiat vasa MN, quousq; infima Mercurii libella sit LO, & suprema superficies ejusdem Mercurii stagnantis sit H, relicto nempe spatio vacuo DABH; quia verò Cylindrus aëreus DI, dilatatur, explicaturq; pro ejus genio in spatio vacuo ibidem relicto, fit ut possit aliquando post ejus dilatationem integrè & totaliter occupare spatium DABH, & tunc cum non possit amplius explicari sua virtute elatere non impellet deorsùm superficiem Hydrargyri H, & ideo summa altitudo Mercurii HO, erit inalterata, scilicet omnium maxima earum, quæ fieri possunt unius cubiti & quadrantis proximè, & tunc experientia constat, aërem DI, maximè dilatatum intra spatium DABH, occupare locum centies octuagies majorem, quàm prius. Suppositâ hæc cognitione, ab experientia deducta, denuò operatio repetatur, & constat, quod omnes moles aëris non excedentes spatium DI, non depriment mediocrem Mercurii elevatione.*

* vid. Tr. de Motion. Natural. à Gravité, pendent. prop 105. p.m. 221.

vationem OH, & è contra omnes aëris moles excedentes DI, comprimunt Mercurium, efficiuntq; altitudinem OK, minorem mensurâ consuetâ unius cubiti & quadrantis proximè, & hoc profectò non fuisse à doctissimo Viro animadversum facile constat, non enim dixisset: si tantulum aëris antequam demittatur Mercurius in fistula, relinquatur, Mercurius descendet infra H, ubi sustineri debuerat si ab aëris cylindro sustinebatur. Revera enim qualibet portiones aëris minores spatio ID, summam altitudinem Mercurii in fistula non deprimunt, quia nimirum aëreus cylindrus ejusdem roboris aequali vi comprimit Mercurium subjectum. At quando aëris moles major ID, ibidem includitur, tunc virtute ejus elateria, ut postea dicemus, vim facit contra impulsus aëris externi, nempe cylindrus Mercurii HO, aequilibratus ab aëre externo impellitur sursum ab O versus H, ab aëre verò inclusò intra ampullam AB, dum conatur se dilatare repellitur deorsum ab H versus O. Vis ergo aëris comprimentis Mercurium stagnantem. Lagit contra duas resistentias, sc. contra pondus Mercurii HO, & contra vim exiguam aëris inclusi se dilatare conantis; igitur in hoc casu minor erit altitudo Mercurii OK, quam HO, licet producat ab eadem aëris virtute premente. NB. Orificium D, Hermeticè sigillandum non est, ne aër Hydrargyro incumbens ab admoto valido igne valde rarefiat, solitumque elaterium amittat, unde haud exigua irregularitas oriretur; sed cerâ & vesicâ, citra concursus ignis, probè muniendum diligenterque obligandum, quò nullus aëri externo introitus pateat; cujus rei certum indicium erit, si altitudo cylindri Mercurii HE, major sit altitudine EL, id quod fieri non posset, si aëri externo per orificium D, ingressus pateret. At objicis, in confesso esse, parvam illam aëris moleculam, quæ in spatio DI, continetur, elatere suo æquipollere gravitati totius cylindri aërei, ergò eòsque deprimere debere Mercurium subjectum, quò altitudo cylindri Hydrargyri in fistula FG, contenti æqualis esset altitudini cylindri in Phialâ DE, contenti. Respondeo, objectionem tam-

diu valere, quam diu aër spatio DI inclusus integrum servat elaterium, eundemque compressionis gradum. At verò cum intra spatium DH, vel DK, maximam dilatationem passus sit, ejusque elasticitas vel valde imminuta, vel plane sublata sit, hujus objectionis vis omnisque difficultas tollitur. Cæterum quò certius constet experimenti veritas, Phiala DE, viginti novem vel triginta digitis multò longior esse non debet, ne postquam portiuncula aëris DI, maximam rarefactionem assecuta sit, Mercurius nihilominus ad solitos intra tubulum Baroscopii viginti septem digitos præter propter ascendat, sed parùm aut multò inferius, pro capacitate scilicet sphaerulæ AB, subsistat.

Experim.
BOTLÆI
posteriora.

Verùm hæc dilatatio quamvis bis aut amplius etiam eam excederet, quam procurare unquam Mersennus potuit, haud tibi suffecit, quin imò excitavit (sicut Ipse scribis) ut aliud excogitares artificium, cujus ope aër ad longe majorem ac fere stupendam expansionem perduceretur. Hujus artificii, Tentaminumque Apographum perquam fideliter exhibuisti in Epistolâ supra laudatâ de Mira Aëris Rarefactione noviter detectâ, his verbis: *Accepimus Ovum (ut vocant) vitreum globosum, ex materia limpida, fistulâq; sive crure, aliquot uncias sive transversos pollices longo, instructum. Hoc aquâ (satis jam ab aëre liberatâ) è Phialâ transfusa replevimus, illudq; in aquam copiosiore in vertimus, ita ut Ovum integrum, Crus, inquam, & totum corpus esset plenum, exiguâ tantum aeris bullulâ excepta, quam reliqueramus de industria, ut ad summam tatem ovi emergeret: Dehinc repositis in excipulum vitris, Antliam exercuimus, parvamq; bullulam, post tempus aliquod expandi incipere conspeximus; quo factò initio, singulis suctionibus mirè ampliabatur, donec tandem omnem aquam ex globosa vitri parte expelleret. Et ne quis objiciat, Aquæ, post subductum aërem externum, subsidentiam, prius bullulam in vitri summo sustentasse; exantlationis laborem tamdiu continuari curavimus, donec expansus Aër aliquoties Aquam in Ovi crure satis in-*
signi-

figliter infra externa & ambientis aqua, in altero vitro contenta, planitiem depulisset: quo facto aerem paulatim intromisimus observabundi, qualem bullam in Ovi summitate deprehenderemus, postquam aqua rursus in cavitatem ipsius esset impulsæ. Tum per vitri pelluciditatem copiâ nobis factâ, parvæ bullæ diametrum, circino uncato accurate dimetitam, cum spherica parte vitri, quam eodem circino dimetiebamur, comparavimus & quanquam eam plusquam vigesies ampliore deprehenderemus, Experimentata tamen favere nihil quicquam volentes, duas hasce diametros habere se supposuimus ut 1. ad 20. proindeq; cum Euclides demonstret. Sphæras esse in triplicata ratione Diametrorum; sitq; in casu nostro cubus minoris diametri, qui est 1. non nisi 1, oportet cubum Majoris Diametri, qui est 20. esse 8000; adeoq; patet, aerem, sui ipsius expansione, locum octies millies, quam prius, ampliore acquisivisse &c &c. Porro Exiguam ferè & inconspicuam Bullam ambiente aëre sic satis exhausto, ad extensionem priori 10000. majorem fuisse expansam, In eadem Epistolâ scribis. sequenti methodo; Parvum vitrum globosum, longo collo instructum, accepimus, ad Lampadis ignem conflatum, circiter 80. grana Aqua continens, exiliq; collo in vitrum aquâ repletû inverso, in recipiens illud immisimus. Ambiente dehinc Aëre exhausto, numerosa Bulla ex Aquâ emerferunt, quæ mox expansa omnem e globoso vitro aquam expulerunt. Tum readmisso Aëre externo, vitrum globosum statim ferè impletum fuit, omnisq; expansus Aer in Bullulam, vix acicula nodo majorem contractus. Exempta dehinc ex aqua vitro dicto, eoque, ut Bulla per collum evaderet, inverso, sollicitè vacuum illud spatiolum aquâ aëre purgatâ, replevimus eoque, ut antè, in vas aquâ plenum inverso, rursus illud inclusimus, atq; post aliquot exsuctiones comperimus, ex aqua in collum bullam valde conspicuam evasisse, quæ post readmissum aerem, in bullam prope invisibilem contracta in vitri caput ascendeat. Tum verò recipiente probe iterum exhausto, ipsam adeo dilatari se deprehendimus, ut totam vitri globosi capacitatem impleret, omnemq; fere aquam inde expelleret. Atq; aëre readmisso, rursus contrahabatur in bullam, cujus Diameter (juxta accuratorem estimationem nostram) non excedebat $\frac{1}{2}$ Diametri capitis Vitri supra memorati, adeo ut ad implendam totam capituli solius capacitatem 10648^{es} se expanderet: sed quia & maxi-

nam colli partem occupabat, invenimus, ponderando Aquam, quæ partem istam implebat, nec non Aquam, quæ caput occupabat, capacitatem istius partis colli aquasse ferè tertiam partem capacitatis capitis, ac habuisse se 141. ad 481. Quare si 481. capacitas capitis, ipsam continebat 10648^{es}; tùm 141. capacitas colli, continere eam necesse fuit; 121⁶⁷/₄₈₁^{es}; aded ut collectivè, exigua bulla Aeris dilatata plusquam 13769^{es} priorem suam molem excederet. Hæc omnia hætenus recensita experimenta in Aëre incompresso instituta fuerunt, quod si in Aëre compresso rarefactio instituatur, eaque mensuretur, assurgit, Te iterum iudice, * ad 520000. Si nempe numerus 13000. ducatur in 40, quot scilicet vicibus Aëris portio incompressa eandem compressam excedit. Fateor hanc expansionis differentiam tantam esse, ut Epistolæ Tuæ titulum, ubi Miram aëris appellas Expansionem, immodestum nemo sit habiturus. At enim, repetitâ veniâ, non diffiteor etiam, mihi aliquoties suspicionem obortam esse, annon hisce Tuis Experimentis error aliquis subfit; cùm supponas ubique, exiguam aëris portionem, rarefactam licet, totum tamen sphaerulæ, five Ovi globosi, atque fistulæ etiam spatium ab aquâ vel Mercurio vacuum relictum, occupare, id quod à nullo adhuc Philosopho probatum est; quemadmodum nec illud, Aërem per plures Antliæ agitationes in Recipiente mirè rarefactum, tam imam, quàm mediam & summam Recipientis regionem occupare. Neque probabile hoc ipsum videtur, nisi velis admirabilem aliàs Tuam Aëris expansionem, non pro maximâ, aut huic proximâ, sed pro exiguâ duntaxat haberi: siquidem, stante hac hypothese, nemo dubitabit, quin eadem aëris molecula, quam Tu in Ovo vitreo reliqueras, intra Tubum viginti cubitorum, vel etiam centipedalem, ** amplo canali atque unâ vel pluribus sphaëris capacissimis instructum, eandem

* In Experim. de Aëris Rarefacti & Compressi Extensione mirè differenti. fin.

** qualem Casp. Bertus aliquando, aliâ quidem intentione, duci curavit, inque ædibus suis erexit.

eâdem methodo ad eô longe majorem rarefactionis gradum perducî queat, quò capacior erit Tuo instrumento tubus hic cum coagmentatis sphaëris. Neque enim, ritè instituto experimento, altitudo aquæ in tubo tripedali, v. g. diversa, erit ab altitudine ejus liquoris in tubo centumpedali contenti; ausim asserere, simili exantlationis labore susceptô, aquam in capacissimo ac centumpedali quoque tubo, haud secûs ac in Ovi Tui crure, infra externæ & ambientis aquæ, in vitro immersionis contentæ, planitiem sese recepturam esse. Hunc tamen effectum moleculæ aëris minimæ in tubo relictæ dilatationi deberi, minimè concesserim, sed potiùs existimaverim, aëris minimam in bulla relictam portionem, post subsidentiam liquoris, majus quidem longè quàm antea spatium occupare, at verò non totam amplitudinem vel Ovi Tui, vel capacissimæ nostræ Phialæ replere, sed proximè duntaxat incumbere liquori, ad aliquam altitudinem relicto superiori spatio ab aëre Atmospharico vacuo. Ulteriorem verò istam aquæ subsidentiam, postquam relicta in Ovo aëris molecula summum jam dilatationis gradum adepta est, post plures extractiones aëris è Recipiente, pressioni materiæ subtilis juxta ac ponderi aëris, dilatatissimi licet, acceptam ferendam esse, mihi equidem videtur. At dicis Primò, non apparere rationem, quare aër summè rarefactus non magis summam, quàm imam recipientis seu bullæ partem occupet; neque enim id gravitati ejus adscribi posse, cùm in confesso sit, hanc aëris gravitatem non promanare ab aliquo principio interno, sed ab externi cujusdam corporis impulsu. Respondeo, difficile equidem esse, ex Tuâ hypothesi (qui Materiam subtilem nullam habere gravitatem statuis*) hujus Phænomeni rationem reddere. At verò, cùm non videamus, quò jure materiæ subtili omne denegetur pondus, atque id ipsum præ-

gnan-

* In suprâ citatis Experim. de Aëris Raref. & compress. Extens. mirè differentiæ ineq.

gnantibus argumentis non ita pridem peculiari Tractatu **
asseruerit JACOBUS BERNOULLI; & ante ipsum MA-
LEBRANCIUS: *** cùmque aër etiam ad summam, quan-
tùm quidem fieri potest, rarefactionem perductus, specie ni-
hilominùs gravior supponatur materiâ subtili, (neque enim
illorum mihi arridet sententia, qui gravitatem: pressionem
atque pondus aëris omne à vi ejus elasticâ dependere volunt)
ex legibus hydrostaticis jam ratio quæsit, me etiam silente,
ultrò patet.

Objicis Secundò, inde tamen minimè evinci, aquam
in centumpedali quoque tubo infrà externæ & ambien-
tis aquæ, in vitro immersionis contentæ, superficiem
sele recepturam esse; quia juxta nostram hypothesin par erit
ratio ambientis atque interni, intra tubum conclusi, fluidi.
Respondeo iterum; etiam si agnoscamus, pari ratione in re-
cipiente post plures extractiones aëris, quod reliquum est,
fundum illius petere, & sic superiorem saltem ejus partem ab
aëre atmosphærico vacuum relinqui, non tamen inde ritè
colligitur, parem esse rationem amborum fluidorum: siqui-
dem aquæ, intra tubum contentæ, aëris portiuncula, inibi,
pro rarefactionis mensurâ inveniendâ, relicta, pondere totius
columnæ æthereæ stipata incumbat, aquæ verò in vase immer-
sionis tubi contentæ non nisi pondus materiæ subtilis, quem-
admodum *Figura IV.* exhibetur. Unde jam differentia utrius-
que fluidi ratione ponderis, ac proinde etiam ratio nostræ con-
jecturæ oppidò constat. Quod si hæc mea conjectura locum
meretur, quid de Tuis istis Experimentis, quibus aëris rare-
factionem intra recipiens mensuratus es, censendum sit, Ipse
judicabis. Ego sanè Florentino Instrumento in hoc negotio
multùm tribuo; quamvis neq; illud certam atq; fixam, nec et-
iam

** Cogitationes de Gravitate Ætheris inscripto.

*** de inquirenda Veritate (*Recherche de la verité lib. 6. cap. 9.*)

iam omnem fortasse possibilem aëris rarefactionem indicare,
lubens agnoscam. Hisce

Vive, vale; si quid novisti rectius istis:

Candidus imperti: si non, his utere mecum.

ILLUSTRIS AMPLITUDINIS
TUÆ

Dabam Argentorati
d. 20. Nov. 1687.

devotissimus cultor

JOH. JAC. HEINRICI.

Dec. II. Annus VI.

* I

INDEX



I N D E X

Ephemeridum Imperialis Academiae LEOPOLDINÆ

Naturæ Curiosorum
DECUR. II. ANNI VI.

A.

A *Abdomen* tympaniticorum cum in
testino tumefacto an se-
curè perforari queat? 36

Abdominis abscessus singularis. 89

dolores à sero acido - acri
sedantes facculi. 361

inflationis & borborygmo-
rum causa. 513

& intestinorum erosio ad-
miranda à vermibus. 381

intumescencia prægrandis
cum partu felici inopi-
nato. 454

Abortus ex dysenteria. 324

cum muco concreto & gela-
to grumisque sanguinis e-
ditus. 327

septem hebdomadum cum
gemina mola pingui. 170

Abscessus calculis gravidi. 86

cerebri. 163

cerebrum omnino pati pot-
est. 33

Abscessus dentium quibus remediis sa-
nandi. 536

cum folliculo etiam intra
corpus succrescere solent. 457

hepatis in hydrope pectoris
defunctæ. 385

ossis cribriformis subsequen-
te lethargo lethali. 384

renum curatus. 52. App.

Absorbentium medicamentorum usus
internus in vulneri-
bus. 539

Aceti exiguae portionis usus strangu-
riæ causa. 23. App.

Acus in corde vaccæ repertus. 167

punctura curata hydrophthal-
mia. 159

hypopium. 160

Æris rarefactionem mensurandi mo-
dus experimentis variis de-
monstratus. 124. seqq. App.

varietas, magnam habet in cor-
pora naturalia facultatem. 7

Ætites

Index Rerum.

<i>Ætites</i> Clivenfis ejusdemq; aliorumq; descriptio. 116	<i>Anatomia</i> Cervi interaneorum, me- senterii tumore labo- rantis. 248
filiceus rarus. 5	tumores cum folliculis in- tra ventres plurimos habentis. 244
<i>Ætitoidis</i> conchitis descriptio. 5	Ciconiæ. 206
<i>Albicans</i> liquor ex anseris mactato san- guinis loco stillans. 154	Colonimirum à flatibus di- stento & asciten men- tiente laborantis. 34
<i>Alfistein</i> ejus descriptio virtusque sin- gularis varias afferendi o- pes. 5	Cordis palpitazione diutur- na defunctæ. 516
<i>Alga</i> Canariensis quid? 98. App.	Dolore & calore lateris in- genti, defuncti. 457
<i>Alkermes</i> confectio. an in compositio- ne ejus, baccarum solani racemosi Americani usus sit concedendus. 189	Dysenteria maligna post fe- brim continuam mali- gnâ, defuncti. 200
<i>Allii</i> esus nigroris urinæ causa. 27	Enterocèle laborantis. 198
<i>Alvi</i> constipatio ad multas septima- nas in Maniaco. 541	Erinacei terrestres. 201
ejus anatome. 541. seqq.	Hæmoptoici. 415
ovillo stercore soluta. 185	Hydrope pectoris defunctæ. 385. 419
<i>Alvus</i> cur scorbuticis & hypochon- driacis tam crebrò sit adstri- cta. 508	Hydropici. 161
<i>Amuletum</i> è cranio hominis violenta morte extincti, adver- sus atrophiam paralyti- cam. 96	Maniaci. 540
<i>Amygdalinos</i> nucleos mentientes la- pilli. 165	Mingendi difficultate cum urina purulenta defun- cti. 195
<i>Anas</i> ejusque magna vis imaginatio- nis. 113	Obstructione alvi pertinacis- sima laborantis. 541. 542.
<i>Anatomia</i> abscessu abdominis & uteri prolapsu laborantis vir- ginis. 89	spongiosa vulvæ excrescen- tia magnoque desiden- di conatu defunctæ pu- ellæ. 341
Aquis submerforum. 316	symptomatibus variis ex- cruciata fœminæ. 196
Cervæ. 459	tumore dextri hypochon- dri
Cervi genitalium partium, 241. 249	

drii sensim incrementa capiente laborantis fœ- minæ. 271	<i>Apoplecticum</i> remedium heroicum. 98
<i>Anatomia</i> in fronte cum augmento, laborantis pueri. 193	<i>Apoplexia</i> Serenissimo Duc. Saxon. Isenacensi, lethalis, examinata. 55. App.
vulnerati, cujus costæ me- dium cultro lethaliter fuerat transossum. 366	<i>Aqua</i> Nilotica ejusque præ omnibus terrarum orbis, aquis, salubri- tas. 83. App.
<i>Achusa</i> , ex ea suos antiqui pararant fucos. 101. App.	Nuceriana ejusq; notabilia. ibid.
unde dicta. 103. App.	<i>Aquatica</i> Japonensium plantæ Koebe & Fashofana descriptæ. 130
ejus quatuor sunt species. 102. App.	<i>Aquis</i> submersorum anatome. 316
<i>Aneurisma</i> arteriæ pulmonalis. 415	<i>Aranei</i> & bufonis pugna. 467-470
<i>Anguilla</i> sputo rejecta. 145	scorpionis duellum. 466
<i>Anguille</i> hepar nyctalopiæ euporiston 42	<i>Aranearum</i> & scorpionum venenosi- tas. 468
<i>Aniclausura</i> profundior phlebotomo feliciter reclusa. 140	<i>Aranea</i> Aphrodisiacæ cuidam delitiæ ratio. 441
<i>Animalculum</i> à rustico per alvum ex- cretum. 386	<i>Aranearum</i> innoxius esus. 442
<i>Animantium</i> lapide facta ossa. 176	<i>Arbor</i> pruna Damascena & flava alter- natim proferens. 378
<i>Anser</i> cornutus. 19. App.	Solis Japonensium. 131
maclatus, sanguinis loco album stillans liquorem. 154	<i>Arborem</i> haud raro unam alteramve in horto patris familias morituri, citò arefcere so- lere, exemplū rarius. 378
<i>Anserinum</i> stercus expertum ad quar- tanam remedium. 102	<i>Arbores</i> Japonensium Causchy & Fic- vva. 131
<i>Anserinus</i> pes infantis. 70. App.	<i>Argillacea</i> materia in pulmonibus hæmoptoici reperta. 415
<i>Antimelancholicorum</i> medicamento- rum rectus utendi modus. 46	<i>Arteria</i> pulmonalis aneurisma. 415
<i>Antimonii</i> Cinnabarini in majori co- pia impetrandi modus. 30	<i>Arthritis</i> & salutaris contra eam lum- bricorum terrestrium spi- ritus & salis volatilis usus. 180
<i>Antimonium</i> & ex eo polychrestū ad morbos equorum. 292	<i>Artus</i>
<i>Vide Stibium.</i>	

Index Rerum.

<i>Artus</i> seu pedes cancerorum quot? 52	<i>Balneis</i> innatans saburra nigricans ex corporibus scorbuticis. 554
<i>Artuum</i> tremor quotidianus à terrore intermittens. 81	<i>Balneum</i> tetani causa. 552
<i>Asciten</i> mentiens intestini coli nimia à flatibus distensio. 34	<i>Bestia</i> incendiorum vates. 74. App.
<i>Asini</i> remulenti. 43. App.	<i>Betula</i> baculus exsiccatus viti novellæ pro fulcimento admotus, viridem vitis ramusculum è trunci medio protrudens. 343
<i>Asininum</i> lac. ex eo parati fuerunt fuci antiquorum. 97. App.	<i>Biceps</i> columba. 137
<i>Asphixia</i> indemnitis. 285	<i>Bifida</i> dorli spina. 143
<i>Asthma</i> flatulentum post febrem malignam. 188	<i>Bilem</i> excrementa alvi tingere variis experimentis in dubium vocatur. 260
ex podagra ad interiora recurrens. 112	<i>Ictericorum</i> cutis & urinæ colorem causare experimentis negatur. 260. seqq.
in viro pro suffocatione uterina habitum. 376	<i>Blatta</i> glorientis descriptio. 125
<i>Atrophia</i> hydropica. 478	<i>Bolus</i> ruber geode Clivenfi inclusus. 117
ejus causæ. 481. seqq.	<i>Borborygmorem</i> abdominis inflati ratio & causa. 513
sinistri cruris ex ictu bombardæ lethalis. 398	<i>Branca</i> urinæ jusculum ejusque in febb. plica polonica & c. usus. 146
ratio & causa. 400. seqq.	<i>Bubulum</i> stercus externum podagræ remedium. 82
<i>Auditus</i> capitis vulnerebus recuperatus. 413	<i>Bufones</i> ex salvia comesta. 66. App.
<i>Aves</i> cur imminentium tempestatum prophetæ. 9	<i>Bufonis</i> cum aranea pugna. 464. 470
<i>Aurea</i> colica. 6. App.	cor, quartanæ remedium. 40. App.
<i>Aures</i> & per eas excreti calculi. 326	virulentia. 216
<i>Auricula</i> cordis monstrosa. 415	<i>Bulbi</i> esculenti Koebe Japanensium somnum concilians. 131
<i>Aurium</i> dolorem mitigat succus fraxini. 80	<i>Bulimus</i> à vermibus 88
tinnitus, instantis morbi signus est indicium. 125	
B.	
B <i>Alnea</i> eorumq; ritè adhibitorum utilitas. 553	
<i>Balneorum</i> sudor in fronte terminus esto. 555	

Index Rerum.

<i>C</i>	
C <i>Alculi</i> ex abscessibus protracti. 86	<i>Cancris fluvialibus</i> spermaticorum va-
per aurem excreti. 326	forum descriptio. 54. 61
humani amygdalinos nu-	testium descriptio. 61
cleos mentientes. 165	& paguri multum differunt.
Ovi magnitudine. 420	50. 54
in vesica fellea reperti. 385	<i>Cancrorum fluvialium</i> succus opti-
<i>Calculus</i> & arcanum contra eum Ti-	mum contra gangrænam
maï. 113	intestinelorum remedium.
cordis & canis figuram men-	392
tiens. 164	<i>Canes</i> ex scrofa. 49. App.
ex hypochondrii sinistri ul-	<i>Canino</i> humanus foetus cum flamma
cere prodiens. 86	& fragore natus. 48. App.
in vesicula seminali repertus.	<i>Canis</i> figuram mentiens calculus. 164
158	oviparus. 9. App.
in uretra hærens, peculiari	<i>Cannabis</i> cum albumine ovi externum
forcipe disruptus & ex-	podagræ remedium. 82
emptus. 326	<i>Canschii</i> Japanensium arboris descri-
<i>Calendarium</i> sauciatorum perpetuum	ptio. 131
unde? 6. 570	quomodo ex eo Indi chartam
<i>Callus</i> maxillæ inferioris basi cariosæ	conficiant. 131
sublatæ, loco, renatus, & in	<i>Cantharides</i> in Myrmecite. 436
cartilaginem mutatus. 551	ratio. 438
quid, & unde generetur? 12	earum vis caustica an in
<i>Cancer</i> oculi. 160	sale vel acido lateat.
<i>Cancris fluvialibus</i> artus quot? 52	440
coitus. 62	<i>Capilli</i> coerulei. 473. seqq.
differentiæ inter mares & foe-	cranio firmiter infixi. 471
minas. 53	singulari adversus putredinem
forcipum descriptio. 53	gaudent privilegio. 471
genitalium partium descriptio	in serpentes mutati. 471
48. 62	natura virides. 473. seqq.
fluvialibus ova majora sunt quâ	<i>Capitis</i> dolor stupendus. 35. App.
marini. 50	rudimentum ex ore foetus e-
per duplicem pariunt vulvam.	natum. 334
54. 56. seqq.	<i>Capparum</i> aqua destillata capillos cœ-
semen lacteum. 62	ruleo tingit colore. 474
	<i>Caprea</i> cornuta. 367
	<i>Caries</i>

Index Rerum.

<i>Caries</i> maxillæ superioris extrusum dentem subsequuta. 528	<i>Cervæ</i> anatomæ. 459
ratio & causa. 531. seqq.	<i>Cervi</i> genitalia eorumque descriptio anatomica. 241
curatio. 537	lachrymarum descriptio. 243
Ossium quomodo curanda. 539	<i>Cervus</i> mesenterii tumore laborans. 248
<i>Cartilagineus</i> lien. 457	<i>Charta</i> Japanensium quomodo è Cannabisii arbore conficiatur. 131
<i>Casei</i> esus, calculi dolores maximos semper in viro quodam causat. 420	<i>Chelonitidis</i> descriptio. 3
<i>Casus</i> recens emplastratus externum podagræ remedium. 82	vis avertendi tempestates. 4
<i>Cassia</i> an rubrum vel nigrum urinæ inducat colorem? 28	<i>Chiromantia</i> vanitas. 19
<i>Casus</i> omnimodæ memoriæ abolitionis remanente tamen intellectu causa. 308	<i>Chylus</i> per thoracis vulnus effluens. 417
<i>Catervatim</i> volitantia insecta quædã descripta. 128	<i>Cicada</i> Bononiensis descriptio. 120
<i>Cattus</i> cornutus. 19. App.	quomodo ex latibulis terræ ad superficiem ejus ascendant. 121
<i>Catuli</i> in lactante dysenteriam curantes. 387	sonum cum alis suis edant. 122
<i>Cephalalgia</i> crudelis causa menstruorum turgescencia. 158	<i>Cicadarum</i> Bononiensium & Indicarum differentia. 124
<i>Cerasa</i> acida per quadraginta annos in corrupta servata. 267	descriptio. 124. seqq.
<i>Cerebri</i> abscessus. 163	& Locustarum differentia. 119
facies in maniaco. 540	<i>Ciconia</i> anatome. 206. seqq.
crusta nigra. 37. App.	incendii vates. 74
<i>Cerebrum</i> an abscessus pati & apostemari queat? 33	<i>Cicuta</i> aquatica male pro Oenanthe habetur. 231
felinum & ex eo memoriæ amissio. 20. App.	afinos reddit temulentos. 43.
suppuratum magna quantitate ex naribus fluens. 32	App.
<i>Cerevisia</i> sternutationis enormis causa. 184	ejus noxa duplici exemplo demonstrata. 221. seqq.
<i>Cerevisia</i> sudor. 20. App.	ex siccata jumenta vescuntur, minimè recente. 241
	ventriculo potissimum molesta. 236. seqq.

Cicu-

Index Rerum.

<i>Cicuta</i> aquaticæ usum internum quidam commendant. 140	<i>Coli</i> pars cum cæco intestino per abdominis foramen ab erosione vermium factum propendens, serumque copiose stillans. 382
<i>Cinnabarim</i> antimonii in majori copia impetrandi modus. 30	<i>Colica</i> aurea. 6.App.
<i>Cinnabaris</i> nativa ejusq; vis ant-epileptica dubia redditur & rationibus impugnatur 107. 566. seqq.	plumbea. 6.App.
per præcipationem via humida parabilis. 322	ex podagra ad interiora recurrente. 111
podagræ externû remedium. 82	ex raphani & piperis esu. 23.
ex sulphuræ constat & mercurio. 107	App.
<i>Cingulum</i> mercuriale ptyalismî ferè lethalis causa. 204	spasmodica cum pertinacissima alvi obstructione inque ea Mercurii effectus. 496. 508
<i>Clysteres</i> ex sapa nigroris urinæ causa. 28	ejus ratio & causa. 508
<i>Coalitus</i> digitorum feliciter curatus. 142. seqq.	curationis methodus. 514
<i>Cochlea</i> depressa. 215	à spiritu vini adusti. 23 App.
<i>Cochleis</i> sanata phthisis. 28	<i>Colica</i> passionis differentia. 506
<i>Coci</i> facti fratres bini in uno ætatis anno. 172	<i>Colon</i> intestinum nimium à flatibus distentum hydropem ascitem mentiens. 34
<i>Cocitas</i> certâ tantum anni tempestate virginem quandam invadens. 169	admirandæ magnitudinis, ex alvi pertinacissima obstructio. ne defuncto. 542
à stramine in nare fracto. 287	<i>Columba</i> biceps. 137
<i>Cœmeteriorum</i> terræ destillatio varia excitat phantasmata. 98	<i>Conceptio</i> sine præfagio mensum fluxu facta. 452
<i>Coitus</i> cum cruento sudore. 55. App.	<i>Concha</i> ac cochleæ aquæ dulcis. 414
diaboli per 35. annos frequens cum muliere nulla veneficia exercente. 348	recenter observata. 212
<i>Coli</i> prolapsus enterocelen causat. 198	<i>Conchitis</i> ætitoidis descriptio ejusque virtus varias afferendi opes. 5
	<i>Conchyliorum</i> & Ostreorum semen sub microscopio consideratum. 100. App.
	<i>Convulsionum</i> causæ. 512
	<i>Cor</i> bufonis quartanæ remedium. 40. App.
	<i>Cor</i>

Index Rerum.

- Cor* centum tuberculis in hydropes-
toris defuncto oblitum. 386
serpentis domicilium. 18. App.
verminosum. 18. App.
Cordis auricula monstrosa. 415
cancrorum descriptio. 61
figuram referentes calculi. 164
Koebe & Fasnofanae folia. 130. 131
palpitatio admiranda. 44
a polypis cordis ventriculis
innatis. 522
vulnera non semper sunt lethalia. 166
Coriandri semen saccharo quasi obdu-
ctum in atite siliceo re-
pertum. 2
Cornu Cervi sine igne præparatū, ejusq;
usus salutaris in febribus mali-
gnis. 187
Cornuta caprea. 367
Cornutus anser, cattus & corvus. 19.
lepus. 368
Cornuum scobes podagricos demul-
cent dolores. 82
Corpora naturalia aëris varietatem
mirum in modum senti-
unt. 7
Corvi albi arte facti. 68. App.
Corvus cornutus. 19. App.
Costarum fractura ex vehementissima
cordis palpitatione. 45
Cosmetica Africanorum. 117. App.
eorumque examen etymo-
logicum. 86
antiquorum unde parata.
96. seqq. App.
Cosmetica antiquorum, ubi eorum in
S. Script. mentio fiat. 88
triplicia fuerunt. 96. App.
Romanorum. 110. App.
Turcarum. 108. App. 112. A.
115. A.
Cranio capilli firmiter infixi. 471
Cranium humanum & ex eo amuletū
adversus atrophiam para-
lyticam. 96
Crapula podagrae cura. 83
Creticus fucus quid? 98. App.
Cribriformis ossis abscessus subsequen-
te lethargo lethali. 384
Crocodili sterqus, ex eo parantur anti-
qui cosmetica. 96. App.
120. App.
Crocus metallorum, & ex eo polychre-
stum ad morbos equorum. 292
Cruce & stella notatus lucius. 13. App.
Cruentus sudor. 45. App.
Crusta cerebri nigra. 37. App.
Crystalli pellucidi in geode clivensi re-
perti. 117
Cucurbitula scarificatae incruentae. 79.
App.
Calices dysenteriam Epidemicam an-
tegressi. 388
ratio & causa. 391
Culter costae medium lethaliter trans-
fodiens. 366
Cysticus circa vertebrae lumbares tu-
mor, ejusque per anatomen
interior detecta fa-
cies & causa. 143

Index Rerum.

D	
D <i>Amoniacus</i> falso habitus sapa vomitoria curatus. 46	<i>Digitorum</i> coactus feliciter sectione curatus. 142 seqq.
<i>Dentem</i> extrusum caries mamillæ subsequuta. 528	<i>Diuretica</i> quando assumenda. 28
ratio & causa. 531	<i>Dolor</i> capitis stupendus. 35. App.
<i>Dentes</i> an sentiant. 532	<i>Dorsi</i> spina bifida. 143
quâ ratione doleant. 533	spinæ fractæ Chirurgia crudelis. 293
<i>Dentifricius</i> pulvis expertus. 534	struma. 92
<i>Dentis</i> evulsio imperita lethalis hæmorrhagiæ causa. 532	<i>Draconis</i> volantis lapis rarior ejusque afferendi opes virtus singularis. 5
<i>Dentium</i> abscessus quibus remediis curandus. 536	<i>Duodenum</i> & varia in eo corpuscula conspicua descripta. 199
caninorum & incisorum in longævus defectus. 253	ejusque glandulæ & peculiaris nervorum complexus. 273. 543
defectum callo nonnunquâ supplet natura. 254	<i>Duxumira</i> plantæ Japonicæ descriptio. 130
dolores acerbissimos sopiunt pilulæ Ruffi. 307	<i>Dysenteria</i> abortus causa. 324
<i>Delirium</i> grave cum impotentia sponsi, ex fascino, ejusque cura. 75	epidemica singularis ejusque causa. 389. seqq.
prudentiæ & vaticinii plenq. 14. App.	post febrem continuâ malignam defuncti anatomie. 200
<i>Desidendi</i> conatus nimius mortis causa. 341	laborantis ex potu frigido spinæ dorsi incurvatio. 325
<i>Diabolicus</i> coitus per 35. annos cum muliere nulla veneficia exercente. 348	in lactante, catulis curata. 387
<i>Diarrhæa</i> desperatæ cura. 114	cum morbillis & convulsionibus lethalis. 173
<i>Dictamnus</i> an sagittas infixas comesta, extrahat. 167	ex Muscæ ictu. 30. App.
<i>Differentia</i> effervescentiæ & fermentationis. 14	<i>Dysenteriam</i> epidemicam antegressi culices. 383
lactis puerperæ & lactantis annuæ. 25	sistentia quædâ appropriata remedia. 392
	<i>Dysuria</i> à vermicibus. 85

E. Ebrie-

Index Rerum.

E.

E *Brietate* podagra curata. 82
Eclipseos solaris prioris anni descriptio. 317
Effervescentia & fermentationis disferentia. 14
Electuarium helleboratum ad vitam longam. 100
Emetica an, & quatenus convenient in malignis? 445
Emetico curata mania. 184
Empyema per urinam perfectè judicatum. 205
Enhydri lapides quid? 137
Enterocoele ex intestini coli prolapsu. 198
Epidemica intermittentes febres. 309
Epilepsia ex cicutæ aquaticæ usu. 215.
 cinnabarinis medicamentis curari nequit. 107. 566
 ex ictu in synciput accepto post octenniū gravis. 218
 lethalis ex terrore. 71. App.
 ex podagra ad interiora recurrente. 112
 visa & audita etiam secreta revelans. 477
Epileptica variis & mirandis afflictis symptomatis. 407
Epilepticis tenellulis sæpè cerebrum liquatum per nares fuit. 33
Epilepticum remedium expertissimū. 105
 heroicum. 98
Equorum epidemica lues ex contagio. 416
 morbi & ad eos polychrestū. 292

Equus monstruosus. 414
 viridis. 479
Erinacei terrestres anatomie. 201
Eruca in *Esula* inventæ pulchritudo & metamorphosis. 250
 in serpillo inventæ miranda in quatuor mustas metamorphosis. 202
Esula viciantis erucæ colorum elegantia & metamorphosis admiranda. 252
Excoriatio fœtus in utero. 313
Excrementa bilem tingere aliquot experimentis in dubium vocatur? 260
Excrecentia ossium. 193
Extracti hellebori nigri descriptio minus vulgata. 100

F.

F *Acies* magnam cum corpore habet correspondentiam. 23
Faciei navi in quâ corporis parte item reperiantur. 24
Fasnosana aquaticæ plantæ descriptio. 130
Faucium strangulatio pro suffocatione uterina habita. 375
Febres intermittentes Epidemicæ prioris anni. 309
Febrifugum ex Cygno. 52. App.
Febris ardentissima solâ nive feliciter curata. 30. App.
 intermittens scarificatione in paroxysmo sublata. 476
 tertianæ cura per terrorem. 570

Index Rerum.

<i>Felinum</i> cerebrum & ex eo memoriae amissio.	20. App.	<i>Fœtus</i> in utero materno excoriatio.	313
<i>Fellis</i> vesicula calculo magno gravida.	85	singultiens.	42
<i>Fermentationis</i> & effervescentiæ differentia.	14	variolis laborans.	147
<i>Ferreæ</i> stratiæ integrum circa Mindam componentis scopulum.	117	<i>Fœtus</i> cum vulnere sub pectore lympham sanguineam stillante, ex imaginatione matris.	313
<i>Ferri</i> flores in geode Clivensi reperti.	117	<i>Fœtum</i> movendi & cum secundinis extrahendi possibilitas.	215
Stiriaci variaq; cum iis facta experimenta.	295	<i>Fœtuum</i> humanorum circa formationem, notabilia quædam.	138
cur quædam earum species diaphanæ.	297	<i>Fonticulus</i> à rustico arthritico sibi ipsi factus.	377
<i>Ferri</i> flores sunt lapides calcarii petrefacti.	302	<i>Forcipes</i> cancrorum earumque descriptio anatomica.	53
eorum usus medicus.	303	<i>Formicarius lapis</i> cantharide gravidus.	439
<i>Fierva</i> Japonensium arbor.	132	<i>Formicarum</i> generatio artificiosa.	343
<i>Figlina</i> terra externum podagræ remedium.	82	pugna cum scorpio.	470
<i>Fistula</i> lachrymalis.	25. 564	<i>Formiciformes</i> muscæ descriptæ.	128
pedis gangranosa in cæco lethalis.	172	<i>Fraxini</i> ligni & ex eo paratæ aquæ usus.	79. 155
<i>Flamma</i> & fragore natus fœtus canino-humanus.	48. App.	<i>Fraxinus</i> ejusque in scorbuto, spleneticis morbis, auriumque dolore usus.	80
<i>Flatulenta</i> inter vulvam & anum vesica.	36. App.	quò tempore succum stillet.	80
<i>Flatulentum</i> asthma post febrem malignam.	188	<i>Frigidus</i> potus in dysenteria spinæ dorsæ contractionis causâ.	325
<i>Flores ferri</i> vide <i>Ferri</i> flores.		<i>Fuci</i> vocabuli consideratio Etymologica.	86. App. 118. App.
<i>Flores</i> præter morem proliferi.	209	ubi ejus in S. Scriptura mentio fiat?	86
<i>Fœtus</i> monstruosus.	152. 263. 333	unde apud antiquos fuerint parati.	96. App.
niger à matre pulvere pyrio adusta, exclusus.	39	<i>Fucus</i>	
cur plures unò nixu pariant mulieres & animalia in Ægypto.	85. App.		

Index Rerum.

Fucus Creticus quid? 98. App.
 pro qualibet haud raro tinctura
 sumitur. 98. App.
 Vide *Cosmeticum*.
Fuligine quomodo mulieres Turcicae
 sua denigrare soleant super-
 cilia. 108. App. 114. App.
Fungus exilis discifer. 209
Furca tricuspis in ventriculo lupi re-
 perta. 11. App.

G.

G *Allina* macilentæ hepar magnum 177
Gangrena pedis dextri ex forti liga-
 tura, sanata. 339
Gangranam intestinorum prohibet
 succus oculorum can-
 crorum. 392
Gangrena post paracentesin hydro-
 picam abortæ causa. 315
Gangranosa pedis fistula lethalis. 172
Genitale duplicatum cicadæ *Tettigo-*
metræ. 121
Genitales cancri fluviatilis partes. 48.
 62
Genitalia Cervi anatomicè considera-
 ta ac descripta. 241. 249
Geodes Clivensis ejusdemq; & aliorum
 descriptio. 117
Gigantum ossa lapides facta. 176
Glandularum mesenterii tumor. 271
Glandula Ilei. 543
 intestinorum in specie duo-
 deni singularisque nervo-
 rum ibidem complexio. 273. 5+3
 ventriculi scirrhus. 196

Glandulis cur ventriculus & intestina
 annumeranda. 282
Globos plumbeos facile extrahit lin-
 gua vulpina. 405
Globulus pituitosus hydropis causa.
 70. App.
Grandinis figuræ admirandæ. 265
Gravidarum imaginationis vis admi-
 randa. 40. 84. 263.
 313. 380. 397. 42. App.
 70 App.
Granulata materia pultiformis in tu-
 berculis capitis maniaci.
 545
Grævedo ex ribiûm esu. 288
Graviditatis incertitudo. 452
Gryllotalpa cur pestis sit hortorum.
 120
 volitat contra opinionem
 Gœdarti. 120

H.

H *Æmorrhagia* lethalis ex aspectu
 ranæ. 35. App.
 à dente malæ evul-
 so. 532
 periculosa, à foetore men-
 struatæ ocyûs cohibi-
 ta. 37. App.
 uteri præter opinionem,
 feliciter sanata. 269
Hæmoptoici anatome. 415
Hæmoptysis horrenda. 68
Hæmorrhoidum apertione hernia va-
 riosa curata. 189
Hæreditariæ urinæ suppressio multo-
 rum dierum citra mo-
 lestiam. 11. App.
 Hepar.

Index Rerum.

<i>Hepar</i> humanum pondus librarum.	<i>Hydrophobicus</i> affectus sine morfu ca-
XXVII. medicarum exce-	nis rabidi. 455
dens. 412	<i>Hydrophthalmia</i> punctura acus cu-
magnum gallinæ macilentæ.	rata. 159
177	<i>Hydropica</i> atrophica. 478
<i>Hepatis</i> abscessus in hydrope pectoris	paracentesis. 314
defunctæ. 385	<i>Hydropicorum</i> anatome. 161
Iucii figura in ovo anatis ex-	<i>Hydrops</i> ab ovo. 7. App.
presso. 113	pectoris. 419
<i>Helleboratum</i> pomum certum ad	<i>Hyoscyami</i> succi internè usurpati ef-
quartanam contu-	fectus noxius. 168
macissimam remedi-	vires admirandæ. 360
um. 99	<i>Hypochondriaci</i> mali symptomatum.
<i>Hellebori</i> nigri electuarium ad vitam	origo. 277
longam. 100	<i>Hypochondriaco</i> -nephritica Tinctura. 362
extractum minùs vulgatum. 100	<i>Hypochondriacorum</i> ulcus, & ex eo
magna in pertinacissimis	prodiens caleu-
morbis efficacia. 99	lus. 86
<i>Hernia</i> ἀμφοδόνε in viro facta sectio, le-	<i>Hypopium</i> acūs punctura curatum. 160
thalis. 133	<i>Hysterica</i> passionis secretum, mentula. 5. App.
feliciter in viro & puero secta. 134	
varicosæ per hæmorrhoidum.	
apertionem cura. 189	
<i>Hiera</i> insignis ad expellendos vermes	
usus. 88	
<i>Hispanici</i> vini noxa. 83	
<i>Hydatides</i> cum foetu variæ exclusæ.	
330. seqq.	
hepatis in hydrope defun-	
ctæ. 162	
unde oriantur. 332	
renum. 544	
<i>Hydatidum</i> partus mendosus. 229	
<i>Hydrope</i> pectoris defunctæ anatome. 385	
	<i>I.</i>
	I cterorum cutis & urinæ colorem
	croceum biliosum esse,
	experimentis negatur. 260
	<i>Ictus</i> bombardæ post tres menses le-
	thalis. 397
	in synciput, post octennium de-
	mum epilepsiæ causâ. 218
	<i>Ilei</i> intestini glandula. 543
	<i>Imaginatio</i> gravidarum. 40. 84. 263.
	313. 380. 397. 42. App.
	70. App.
	<i>Ima.</i>

Index Rerum.

- Imaginationis* vis in anate. 113
Impotentia sponſi ex ſalcino ejusque cura. 75
Incendiorum vates beſtiar. 74. App.
Incorrupta per quadraginta annos ſervata ceraſa acida. 267
Infantis figuram mentiens veſicæ lapis. 164
Inſecta canora quædam deſcripta. 119
catervatim volitantia deſcripta. 128
cur imminente aëris mutatione vehementius circumvolitare ſoleant. 9
nocturna quadruplicia deſcripta. 127
ſonora quædam deſcripta. 125 ſeqq.
Inſomnio curata quartana. 21. App.
Inſputatus morbus. 426
Intermittentes febres epidemica prioris anni. 309
Inteſtina cum glandulis annumeranda. 281
Inteſtinorum & abdominis corroſio à vermicibus. 381
deſectus in muliere. 413
dolor ex lacte venenato quotannis recurrens baccis Juniperinis curatus. 545
glandulæ in ſpecie duodeni, ejusdemq; nervorū peculiaris complexio. 273
extra corpus propenditium prolapſus in ſætu monſtroſo. 263
Inteſtinum colon nimium diſtentum. hydropem aſciten mentiens. 34
Iſchiadici doloris cura. 43
Iſchuria duodecim dierum curata. 558
multorum dierum ſine noxa hæreditaria. 11. App.
octiduana curata. 556
ſeptendecim dierum. 557
Iſchuria cura chirurgica. 560
Judæi per naturam menſtruis per virginem laborare falſum. 174
Juniperinis baccis inteſtinorum dolor à venenato lacte quotannis recurrens, curatus. 545

K.

K *Oeba* plantæ aquaticæ Japanenſis, deſcriptio. 138

L.

L *Ac* aſininum ex eo antiqui ſua pararunt cosmetica 97
per os excretum in foemina. 165
viride. 29. App.
Lachrymalis fiſtula ſingularis. 25. 564
Lachrymarum cervi conſideratio. 244
Lacteus ſanguinis humani color. 154
ratio. ibid.
Lactis puerperæ, & lactantis annuæ differentia. 25
via in foemina extraordinaria. 165
Lapi-

Index Rerum.

<i>Lapides</i> varias figuras mentientes. 164	<i>Loquela</i> amissa feliciter restituta. 78
<i>Lapideus</i> ren. 48. App.	ex ulcere serpente represso. 79
<i>Lapis</i> Myrmecias falsus, cantharide	<i>Lotii</i> nigror ex assumtis. 27
gravidus. 436	ratio & causa. 29
ratio. 438	<i>Lucentia</i> in tenebris ova. 34. App.
pyriformis tussi rejectus. 10. Ap	<i>Lucis</i> porismata varia. 562
vesicæ, figuram infantis referens. 164	<i>Lucius</i> cruce & stella notatus. 13. App.
	<i>Lumborum</i> dolor balneo aquæ dulcis curatus. 553
<i>Lethalitas</i> vulnorum & quid circa eam notandum. 402. seq.	<i>Lumbrici</i> vivi externum podagræ remedium. 82
<i>Lethargus</i> lethalis cum abscessu ossis cribriformis. 384	<i>Lumbricorum</i> spiritus & salis volatilis usus antarthriticus 180
<i>Lepidii</i> usus antiscorbuticus. 178	<i>Lumbricus</i> latus. 177. 383
<i>Lepus</i> cornutus. 368	<i>Luna</i> mutationes imitans puellæ ventris. 340
<i>Lien</i> cartilaginofus. 457	<i>Lupi</i> in ventriculo furca tricuspidis reptata. 11. App.
sphacelatus. 35	<i>Luxatio</i> tibiæ funesta. 155. 157
<i>Ligatura</i> fortis gangrænæ pedis causa. 339	
<i>Ligni</i> fraxini & ex eo paratæ aquæ usus. 79	
<i>Limatura</i> martis cum pane butyro illito usus in malo hypochondriaco. 179	
<i>Lingua</i> vulpina ejusq; in ophthalmia & globorum &c. extractione insignis usus. 405	
<i>Lipothymia</i> ex amuleto cranii hominis violenta morte extincti. 27	
<i>Lipothymia</i> ex usu Pilularum de Cynoglossa. 411	
<i>Lechiorum</i> immoderata eruptio inpuerpera cui secundinæ vi aliquando fuerunt avulsæ. 323	

M.

M amma & in ea elegantissimæ rosæ delineatio. 48. Ap.	
<i>Mamma</i> osseæ. 519	
tumor scirrhusus. 317	
<i>Mania</i> emetico curata. 184	
<i>Maniaci</i> anatome. 540	
<i>Manus</i> vitium in utero contractum, curatum. 390	
<i>Margarita</i> in Germania repertæ. 215	
Jenæ pisci magnitudine repertæ. ibid.	
<i>Martis Limatura</i> ejusque cum pane butyro illito usus in malo hyperico. 179	

Maxilla

Index Rerum.

- Maxilla* inferioris basis cariōsa subla-
ta & callus primum in
cartilaginem mox mu-
tatus, renatus. 551
superioris caries extrusum
dentem subsequuta, 528
ratio & causa. 531
cura. 537
- Medicorum* à Roma olim expulsio non
ignominiosa sed glorio-
sa. 364
- Medicus* Naturæ minister. 431
- Medulla* spinalis & processum in tri-
bus vertebriis lumbali-
bus defectus. 144
substantia in ichorem resolu-
ta tumori cystico inclu-
sa. 144
- Melancholicus* sanatus. 286
- Memoria* omnimoda abolitio rema-
nente tamen intellectu,
ex casu. 308
amissio ex cerebro felino. 20
App.
- Meninges* arctissime sibi invicem &
cranio adhærentes in
maniaco. 546
- Menses* ordinariè per sudorem expulsi.
54. App.
- Mensium* fluxus in nonagenaria. 305
suppressio venæsectionis
spontaneæ in carpo cau-
sa. 336
in vertice causa. 338
suppressionem nunquā pas-
sa ingravidari omnino
possunt. 453
- Mensium* turgescencia cephalalgia
crudelis causa. 158
- Menstruata* foetor periculosa hæmor-
rhagiæ remedium. 37.
App.
- Mentula* optimum in passionibus hy-
stericis secretum. 6. App.
- Mercuriale* cingulum pyralismi ferè
lethalis causa. 204
- Mercurii* crudi effectus in colica spas-
modica alvum contuma-
citer obstruente. 496. seqq.
- Mercurius vivus* in fundo vasis con-
tentus, vinum ne acce-
scat, prohibet. 83
diu sine noxa in corpore re-
tentus. 501. seqq.
- Mesenterii* glandularum tumor. 271
tumor in cervo. 242
- Metallorum* crocus & ex eo polychre-
stum ad morbos equo-
rum. 292
- Mictio* sanguinis ex consolidatione
ulceris tibiæ. 410
- Mithridatium* & candidum de eo ju-
dicium. 358
- Mingendi* difficultas cum urina puru-
lenta. 195
- Mola* gemina pinguis cum abortu VII
hebdomadam. 170
- Monstrosus* equus. 414
foetus. 152. 263. 333. 396
53. App.
- Monstruosum* pyrum. 264
- Monstrum* canino-humanum cum flam-
ma & fragore natum. 48.
App.

Index Rerum.

<i>Morbos</i> conformationis etiam ex vul- tu cognoscere licet. 22. 23	<i>Nilus</i> unde originem suam habeat. 84
<i>Morbus</i> inosputatus. 426	<i>Nive</i> curata febris ardentissima. 30. App.
<i>Mors</i> ex insperato irruens, auspicio repulsa. 290	<i>Nix</i> & sub ea sudor saluberrimus. 50 App.
<i>Mucus</i> spermatis ranarum similis abor- tu editus. 327	<i>Noctua</i> antiparalytica. 51. App.
<i>Mulier</i> absque intestinis vivens 413	<i>Noctu</i> omnia distincte videns virgo. 160
<i>Mulieræ</i> & animalia in Ægypto cur uno nisu plures excludant foetus. 85. App.	<i>Nocturna</i> insecta descripta. 127
<i>Multiplicatio</i> artificiosa tritici in agris per artem. 345	<i>Nonagenaria</i> menstruata. 305
<i>Musca</i> dysenteriae genetrix. 30. App.	<i>Nutrices</i> lac vetus infantibus recens natis non sine periculo ex- hibent. 26
<i>Musca</i> culiciformes descriptæ. 218	<i>Nutricum</i> errores & peccata. 72. App.
ex Eruca nata. 202	<i>Nutritioni</i> dicatarum partium læsio notabilis, quæ eas ad officium suum peragen- dum ineptas reddit, om- nino lethalis est dicen- da. 404
<i>Myrmecias</i> lapis falsus, cantharide gravidus. 436	<i>Nyctalopia</i> in partu. 41
ratio & causa. 438	
N.	
N evi faciei in qua corporis parte itidem reperiuntur. 24	
<i>Nardinum</i> unguentum. 422	
<i>Nares</i> & in iis fractum stramen cœcita- tis causa. 287	
<i>Nephritico</i> - hypochondriaca Tinctu- ra descripta. 362	
<i>Nervorum</i> intestini duodeni peculia- ris complexio. 273	
ejus usus. 277	
<i>Niger</i> foetus à matre pulvere pyrio adusta, exclusus. 39	
<i>Nigredo</i> urinæ ex assumptis. 27	
<i>Nilus</i> ejusq; aquæ præ reliquis totius terrarum orbis aquis, salubri- tas. 83. App.	
	O.
	O Baudisio ordinatiè ante partum. 78. App.
	<i>Obesitas</i> stupenda pueri recens nati, ex imaginatione matris. 380
	<i>Obmutescencia</i> vid. <i>Loquela amif- sio</i> .
	<i>Oculi</i> bovini uveæ membranæ textu- ra. 118
	cancrorum. 160
	orbita cariola & flexilis. 96
	<i>Cen-</i>

Index Rerum.

<i>Oculorum</i> fucus antiquorum unde pa- ratus. 88. App.	<i>Os</i> & per illud lac excretum in foemi- na. 165
<i>Odontalgica</i> pilularum Ruffi virtus. 307	orbitæ oculi flexile & cariosum. 96
quædam remedia proba- ta. 534	ulnæ cariosum frustillatim absc- dens. 539
<i>Oleosa</i> , ossa non ferunt. 538	<i>Ossa</i> cur oleosa non ferant. 538
<i>Olores</i> incendii vates. 74. App.	<i>Osseæ</i> mammæ. 419
virtutem habent febrifugam. 52. App.	<i>Ossium</i> excrecentia in puero tumore frontis cum augmento la- borante. 193
<i>Omentum</i> extra abdomen propendens sine ligatione prævia, ab- scissum, sanato ægro. 395	<i>Ossium</i> cariosorum curatio. 537. 539
in hydropico intestinis fir- miter adnatum. 162	separatio cur tam tardè fiat. 537
ultra mediam partem con- sumtum. 163	<i>Ossis</i> cribriformis abscessus cum le- thargo lethali. 384
<i>Omenti</i> defectus in abscessu abdomi- nis laborante. 91	<i>Ostreorum</i> ova sub microscopio consi- derata. 100 App.
in maniaco obstructione alvi laborante. 544	<i>Ova</i> cancrorum fluviatilium eorum- quæ descriptio. 54. 55. seqq.
<i>Opiata</i> divina sunt in dysenteriis re- media. 391	per duo excluduntur foramina. 57
<i>Opiatorum</i> funestus in febre maligna usus. 443	majora sunt quàm marinorum. 50
<i>Opii</i> dosis insufficiens nocet. 316	gallinacea à foemina exclusa. 9.
cum Enemate applicata nimia quantitas, mortis causa. 169	App.
Tincturæ Ludovicianæ descri- ptio. 450	in tenebris lucentia. 34. App.
<i>Ophthalmiam</i> amuletum sanat ex lin- gua vulpina. 405	Sole signata. 266
<i>Opuntia</i> fructus urinam rubro & san- guineo tingit colore. 29	<i>Ovilli</i> stercoreis virtus solvendi al- vum. 185
<i>Oris</i> distortio foeda, curata. 79. App.	curandi ulcera phagadenica. 186
<i>Os</i> infantis & ex eo aliud capitis rudi- mentum enatum. 334	<i>Ovipara</i> foemina. 9. App.
	<i>Oviparus</i> canis. 9. App.
	<i>Ovum</i> anatis cum hepatis lucii expres- sa figura. 113
	hydropis causa. 7. App.
	X 2 Padar-

P.

P *Ædarthrocace* ejusque causa. 72.
Palpitatio cordis admiranda. 44
 à Polypis ventriculorum
 cordis. 522
Panacea hippiatrica. 292
Paralysis intentata incurabilis. 311
 noctua curata. 51. App
Pancreas ductus coalitus in viro ob-
 structione alvi laboran-
 te. 543
 scirrhus. 196. 271
Papille sinistrae suctio infantes quasi
 emortuos in vitam restituit. 145
Paracenthesis hydropica. 314
Paresis quid? 527
Partus felix inopinatus. 453. 454
 hydatidum mendosus. 329
 & in eonyctalopia. 41
Partu difficili emortui quasi infans
 in vitam restitutio. 145
Pedes qui habent longiores, facilius
 purgantur. 475
Pedicularis sudor post mortem. 3. & 5.
 App.
Pediculi alati. 22. App.
Pediculos vivos recens captos avidè
 devorans. 355
Pediluvio sanata quartana. 304
Pedis luxatio mortis causa. 155. 157
Penis secretum est in hysterica passio-
 ne. 6. App.
Perineum in partu difficili laceratum
 aqua ligni fraxini sana-
 tum. 153

Peruvianum externè illicitum dolores
 sopit podagricos. 8
Pes anserinus in infante. 70. App.
Phagadenica ulcera stercore ovillo
 curata. 186
Phthisis cochleis sanata. 28. seq.
 à variolis lethalis. 178
Physiognomia plus meretur encomii
 quam Chiromantia. 22
Pilorum memorabile robur. 12. App.
Pilula de Cynoglossa in vidua, cum
 lipothymis alvum semper
 moverunt. 411
Pilularum Ruffi virtus odontalgica. 397
Pinguedo humana ejusq; efficacia in-
 signis in dissolvendo san-
 guine coagulato. 47. seqq.
Piperis ejus colicæ causa. 22
Piperitis ejusq; usus antiscorbuticus. 178
Pisces mirificè figurati. 265
Pleuritis septuaginta quinquies in vi-
 ro recurrens. 12. App.
Plumbea colica. 6. App.
Pluvia ejus in aëre generatio quomodo
 fiat? 9
 est magisterium quoddam aë-
 reum. 8
Podagra crapula curata. 82
 ad interiora recurrens. 111
 quâ ratione lethale fiat. 112
Podagricos dolores lenientia remedia
 externa varia. 82
Polypi in utroque cordis ventriculo
 nati, lethalis palpitationis
 causa. 522
 porci

Index Rerum.

- Porci* maris stercus, febrifugum efficacissimum. 104
- Posus* frigidus contractionis spinæ dorsæ in dysenterico causa. 325
- Procidencia* uteri in virgine ejusque per anatomiam facies detecta. 91
- malè à quibusdam negatur, veròque exemplò comprobatur. 181
- Prunæ* ægrotante Dominò horti, pruna flava, sano vero, dama-scena ferens. 379
- Pyralismus* ferè lethalis à cingulo mercuriali. 204
- Pudendum* per omnem ætatem canum & glabrum sterilitatis character. 24. seqq.
- Pulmentum* infantibus subministrantes, non degustent, nisi sanæ sint. 491
- Pulmones* cur glandulis annumerandi. 281
- globò olim transfossi sanguinis sputi causa. 369
- Pulmonum* vomica plus quàm quadragesies in muliere curata. 373
- Pulsus* accessus & recessus, lususq; varius. 286
- Pulveres* & ex nimio eorum usus noxa. 77
- Punctura* acus curata hydrophthalmia. 159
- curatum hypopium. 169
- Purgantur* faciliùs, qui longiores habent pedes. 475
- Purulenta* urina cum mingendi difficultate. 195
- Purulentum* sputum cum tussi ex vini Hispanici potu. 88
- Pustulæ* aqua ligni frazzini sanata. 155
- Patredini* singulari privilegio resistunt capilli. 471
- Pylorus* scirrhusus. 196
- Pyra* Americana urinam rubro & sanguineo tingunt colore. 29
- igne quasi combusta subito, ob mortem horti Domini. 379
- Pyris* & rmis lapis tussi rejectus. 10. App.
- Pyrum* monstruosum. 264. App.

Q.

- Q**uartana contumacissima & certissimum contra eam remedium. 99. 102
- insomnio curata. 21. App.
- pediluvio curata. 30. App.
- Quartana* remedium conbusonis. 40. App.

R.

- R**abies ex vermibus. 78. App.
- Rane* aspectus hæmorrhagiæ lethalis causa. 35. App.
- Rana* in calentium aquarum fontibus etiam hyeme vivunt. 322
- muscas culicesq; appetunt. 321
- Ranarum* spermati similis mucus abortu editus. 327
- Ranunculus* viridis per octennium in vitro vivens. 30
- vivus in lucio. 13. App.
- Rha-*

Index Rerum.

- Rhabarbari* largus usus urinam red-
dit croceam. 29
- Raphani* esus colicæ passionis causa.
22. App.
- Resurrectio* jam olim defunctorum.
umbratilis. 98
- Ren* hydatidib⁹ confitus in obstructio-
ne alvi laborante. 44
- in silicem versus. 48. App.
- Renum* abscessus curatus. 52. App.
- Ribium* esus gravedinis in viro aliquo-
ties causa. 288
- Robur* pilorum memorabile. 12. App.
- Rosa* delineamenta in mamma. 42.
App.
- Rosmarinus* & ex eo confecta corolla
diu vegeta. 151
- S.
- Sabulum* urinarium sub microscopio
examinatum. 285
- Saliva* & alexipharmaca ejus vis. 150
- fermenti habet naturam. 150
- inductus morbus. 129
- Saliva* in variis morbis usus. 428. seqq.
- Saltationis* nimix tristis eventus. 4.
App.
- Salvia* comesta & ex ea nati in foemina
bufones. 67. App.
- Sambuci* rob cum urina propria sum-
tum. nigroris urinæ causa. 27
- Sanguis* atratus combustas mox ovo-
rum testas mentiens è vena
secta. 292
- coccineus sine sero lethalis. 80.
App.
- Sanguis* humanus vel cervinus, & ex eo
tinctura rubiniformis. 363
- saltatione defatigatæ puellæ
copiosè post mortem ad bi-
horium è pudendo effluens.
4. App.
- Sanguinis* humani color lacteus. 154
- destillatio varias interdum
humanarum partium fi-
sit ideas. 98
- locò liquor albus stillans ex
ansere mactato. 154
- sputum frequens ob pulmo-
nes globò olim transfor-
sos. 369
- Sanguinem* coagulatum optimè solvit
pinguedo humana. 47.
App.
- Sapa* vomitoria Sylvianæ vis admi-
randa. 46
- Sapa* & ex eo paratus clyster nigredi-
nis urinæ causa. 28
- Sauciatorum* calendarium perpetuum
unde? 6
- Scarabeus* cornutus in corde bovis re-
pertus. 19. App.
- Scarificatione* in paroxysmo, tertiana
intermittens curata. 276
- Scirrhus* mammae tumor. 317
- Scirrhus* glandularum ventriculi, py-
lori & pancreatis. 196
- pancreatis. 271
- Scorbutici* equi ex contagio. 416
- Scorbuticorum* corpora in balneis ni-
gricantem exsudent
sabburram. 554
- Scorbu.*

Index Rerum.

<i>Scorbutus</i> & remedium contra eum.	<i>Siliceus</i> atitestararius.	1
saluberrimum ex fraxi-	ren.	48
no.	<i>Singultiens</i> in utero materno foetus.	42
ex Lepidio.		42
<i>Scorpiones</i> innoxie manibus tractati.	<i>Singultum</i> coërcentes modi varii.	42
	<i>Sitis</i> diu deficiens in febre maligna ci-	
<i>Scorpionis</i> & aranei duellum.	tranoxam.	67
formicarum pugna.	<i>Solani</i> racemosi tinctorii Americani	
<i>Scorpionum</i> venenositas.	usus pro confectioe Al-	
<i>Scrofa</i> catulos pariens.	chermes., an concedendus.	
<i>Secretio</i> non omnis est organica.		189. seqq.
ubi est, ibi & glandula est, sed	<i>Solaris</i> Eclipseos anni præcedentis ob-	
non vice versa.	servatio.	317
<i>Secretionis</i> differentia.	<i>Sole</i> signata ova.	266
organum in animalibus.	<i>Somnia</i> ingeniosa Poëta.	24. App.
	<i>Somnum</i> conciliant bulbi Koebe, Ja-	
<i>Sectio</i> herniæ <i>ambedus</i> in viro lethalis.	ponensis plantæ aquaticæ.	
		131
in viro & puero feliciter abso-	<i>Sonum</i> cicadæ non ore sed alis edunt.	
luta.		122
<i>Secundina</i> violenta aliquando eru-	<i>Spermaticorum</i> vasorum in cancris	
ptio, lochiorum immo-	descriptio.	54. 61
deratæ eruptionis cau-	cervi descriptio.	241
sa.	<i>Spina</i> dorsibifida.	143
<i>Semen</i> cancrorum lacteum.	<i>Spina</i> dorsii chirurgia crudelis.	293
conchyliorum sub microscopio	à potu frigido in dysente-	
examinatorum.	ria incurvatio.	325
App	<i>Spiritus</i> vini adusti, colicæ causa.	22.
<i>Seminatis</i> vesicula & in ea repertus		App.
calculus.	rectificatio compendio-	
<i>Sepulchrales</i> urnulæ cum cadavere in	sa.	353
antiquo sepulchreto	<i>Spongiosa</i> in vulva puellæ excrescen-	
Duntersheimii reper-	tia.	341
tæ.	<i>Spontanea</i> varicum apertio.	220
<i>Serpens</i> in corde repertus.	venæsectio.	336. 338. 549.
<i>Serpillo</i> insidentis crucæ miranda me-		550
tamorphosis.	<i>Spusum</i>	

Index Rerum.

<i>Sputum</i> purulentum ex Vini Hispani- ci potu. 83	<i>Stramen</i> in naribus fractum cœcitat- is causa. 287
sanguineum largum ob pul- mones globo olim trans- fossos. 369	<i>Strangulatio</i> faucium malè pro suffo- catione uterina habita. 375
salutaria adversus illud reme- dia. 370	<i>Stranguria</i> ex usu vini & aceti. 23. App.
<i>Steatoma</i> in dextro latere intra cor- pus natum. 456	<i>Stratiotis</i> Ægyptiacæ species Fasnosa. na. 131
<i>Stella</i> & luce notatus lûcius. 13. App.	<i>Struma</i> in coxendico. dorso. 92
<i>Stercus</i> anserinum expertum ad quar- tanam remedium. 102	vulva. 10. App.
ovillum ejusq; virtus singu- laris solvendi alvum. 185	<i>Struma</i> an sint curabiles. 94
curandi ulcera phadagenica. 186	in variis corporis partibus re- periuntur. 93. 94
porci maris febrifugum effi- cacissimum. 104	<i>Submersi</i> aquam copiosè non imbi- bunt. 316
<i>Sterilitas</i> mutato aëre emendata. 76. App.	<i>Submersum</i> anatome. ibid.
<i>Sterilitatis</i> character pudendum à pueritia canum & glabrum. 24. App.	<i>Suctio</i> papillæ sinistrae infantis quasi emortui in vitam restitutio. 145
<i>Sternutatio</i> exitialis. 38	<i>Suctione</i> curata surditas. 254
ex usu cerevisiæ enormis. 184.	ratio & causa. 254
<i>Stibini</i> lapides idem sunt, ac mar- mor nigrum. 24. App.	<i>Sudor</i> Cerevisiæ. 20. App.
<i>Stibium</i> ex eo antiqui sua pararunt Cosmetica. 26. seqq. App.	cruentus. 45
quid? 113. App.	in coitu. 95. App.
ubi ejus in S. Script. fiat men- tio. 88. seqq. App.	sub nive saluberrimus. 50. App.
ejus usus. 114. App.	pedicularis post mortem. 3. & 5. App.
	rubro colore tinctus. 4. App.
	verminosus. 4. App.
	viridis. 29. App.
	urinæ. 20. App.
	<i>Sudore</i> ordinariè expulsi menses. 54 App.
	<i>Suffocatio</i> uteri laborare creditus vir quidam. 375
	<i>Sulphu-</i>

Index Rerum.

<i>Sulphuris Vitrioli Tincturæ parandi</i>	<i>Terra cœmiteriorum si destillatur,</i>
modus. 272	varia excitat phantas-
usus. 373	mata. 98
<i>Supercilia cur denigrarint mulieres</i>	figlina externum podagræ re-
antiquorū. 103. App.	medium. 82
quomodo denigrarint. 108. App.	<i>Terra sigillata similem materiam</i>
denigrans Africanorum	post evaporationem re-
Tinctura. 117. App.	linquit aqua Nucariana.
Turcarum Tinctura. 115	83. App.
App	<i>Terrarum usus ad cosmetica.</i> 111
<i>Surditas suctione curata.</i> 254	<i>Terror epilepsiæ lethalis causa.</i> 71
ratio & usus. 254	tremoris artuum quotidiani
	intermittentis causa. 81
	<i>Terrore febris tertiana curata.</i> 570
	<i>Tertiana intermittens scarificatione</i>
	in paroxysmo sublata.
	476
T.	<i>Testiculi dextri tumor memorabilis.</i>
<i>T Abaci fumus mortis causa.</i> 71	38. App.
<i>Tartari emetici abusus.</i> 288	<i>Testium cancrorum descriptio.</i> 61
<i>Tartarus dentibus adnatus quomo-</i>	<i>Testudinem terrestrem representans</i>
do cariem eorum pro-	lapis. 3
ducat. 533	<i>Tetanus ex balneo.</i> 552
<i>Thea herbæ infusionis prægustus.</i> 146	<i>Tetrigometrarum descriptio.</i> 121
<i>Theriaca & de ea candidum iudicium.</i>	<i>Tibia luxatio funesta.</i> 155. 157
358	<i>Tympanitici anatome.</i> 34
<i>Thermometrum vivum.</i> 354	<i>Tympaniticorum abdomen cum inte-</i>
<i>Thermoscopium noviter inventum.</i>	stino tumefacto, an sine
351	periculo perforari que-
<i>Tempestates cur animalia & insecta va-</i>	at? 36
ria prædicant. 9	<i>Tympanitis ex vitio lienis omnino pot-</i>
avertens lapis. 4	est oriri. 35
cur vulnerari præsent-	<i>Tinctura nephritico-hypochondriaca</i>
ant. 8. 11	descripta. 362
<i>Temulenta quædam animalia.</i> 43.	
App.	

Index Rerum.

<i>Tinctura</i> opii Ludoviciana descripta.	450	<i>Tussis</i> cum purulento sputo ex Vini Hispanici potu.	83
rubiniformis ex sanguine cervino vel humano.	363	<i>Tussi</i> rejectus lapis pyriformis.	10. App.
fulphuris Vitrioli descripta.	372		
ejus usus.	373		
Turcarum quibus ungues & supercilia tingunt, descripta.	115. App.		
<i>Tonitru</i> quomodo in aëre generetur?	9		
<i>Transmutationis</i> exempla.	343		
<i>Tremor</i> artuum quotidianus ex terrore.	81		
<i>Tritici</i> in agris multiplicatio.	345		
<i>Tubercula</i> singularia in capite maniaci.	545		
<i>Tumor</i> durus lapide gravidus.	87		
glandularum mesenterii.	271		
mammæ scirrhosus.	317		
testiculi dextri memorabilis.	38. App.		
vertebrarum lumbalium cycticus eminens in recens nato.	141		
ejus causa per anatomen detecta.	143		
<i>Tumores</i> cum folliculis intra ventres cervi quàm plurimi reperi.	244		
eorum generationis ratio.	247		
<i>Turbines</i> ventricosi.	213		
		<i>U.</i>	
		<i>V Agitus</i> uteri cum sudore cruento.	48. App.
		<i>Vari</i> in puello recens nato.	141
		<i>Varices</i> sponte aperti.	122
		<i>Varicosa</i> herniæ per hæmorrhoidum apertionem cura.	189
		<i>Variola</i> circa podicem lethalis.	69
		<i>Variola</i> intra duodecennium quinquies recurrentes.	12. App.
		phthiſeos lethalis causa.	178
		an sanguinem maternum, an verò imaginationem pro causa agnoscant?	148
		<i>Variolis</i> si mater laborat non sequitur hoc etiam de foetu & contra.	148
		in utero materno laborans foetus.	147
		<i>Vates</i> incendiorum bestiarum.	74. pp.
		<i>Venesectionis</i> spontanea iterata in uno subjecto.	549 550
		à suppressione mensium.	336
		in carpo.	338
		ratio & causa.	338
		in vertice.	338
		<i>Venesectionis</i> in febribus malignis usus.	445

Vene.

Index Rerum.

<i>Venenata</i> Vinganfanæ radices.	130	<i>Vesica</i> intra vulvam & anum flatulen-	
<i>Venerem</i> stimulat araneorum	es. 441	ta.	36. App.
ratio & causa.	443	<i>Vesica</i> lapis, figuram infantis men-	
<i>Venter</i> puellæ mutationes Lunæ imi-		tiens.	164
tans.	340	<i>Vespertilio</i> incendii vates.	74
<i>Ventriculi</i> glandulæ scirrhosæ.	196	<i>Via</i> lactis extraordinaria in fœmina.	
verruca lethalis.	47.		165
App.		<i>Vinganfana</i> plantæ Japonicæ descri-	
<i>Ventriculus</i> cur glandulis annume-		ptio.	130
randus.	281	<i>Vini Hispanici</i> noxa.	83
lupi & in eo furca tricu-		potus in malignis innoxius.	
spis reperta.	11.		67
App.		rubri potus in morbillis & fe-	
<i>Vermes</i> dentium & adversus eos salu-		bre maligna innoxius.	64
taria remedia.	534	usus semper stranguriæ in vi-	
intestina & abdomen eroden-		ro causa.	23. App.
tes.	381	<i>Vinum</i> ut nec aceſcat, nec pendu-	
pilosi in globo pituitoso hy-		lum fiat, remedium.	83
dropem cauſante.	7.	<i>Vipera</i> morſus ſalivæ inunctione cu-	
App.		ratus.	150
rabiei cauſa.	78. App.	<i>Vir</i> menſtruus.	174
cum urina excreti.	85	<i>Viridis</i> ſudor.	29. App.
<i>Vermiſum</i> cor.	18. App.	<i>Virulentia</i> buſonis.	216
<i>Vertebrarum</i> trium lumbalium pro-		<i>Vitrioli</i> ſulphuris tincturæ deſcriptio.	
ceſſuum & ſpinalis			372
medullæ deſectus.	144.	uſus.	373
<i>Vertex</i> & in eo vena ſponte aperta		<i>Ulceræ</i> capitis exſiccata obmutescen-	
ex ſuppreſſione menſium.	338	tiæ cauſa.	78
<i>Vesica</i> & in ea reperti tubuli per quem		phagadenica ſtercore ovillo	
fumus attrahitur tabaci		curata.	186
fructula.	393	<i>Ulcus</i> cacoëthes à natura factum in-	
ſanguinis totum os infantis		tempeſtivè conſolidatum E-	
occupans.	396	pilepiæ aliorumque ſym-	
		ptomatum cauſa.	407
		hypochondriaci & ex eo prodiens	
		calculus.	86

Index Rerum.

<i>Ulcus</i> tibiæ sanatum mictionis causa	410	<i>Urinarias</i> per vias Empyema perfecte judicatum.	207
<i>Ulegnomica</i> Curiosa.	19	<i>Urinarium</i> sabulum sub Microscopio examinitum.	287
<i>Ulna</i> ossis, cariosum frustum absce- dens in puero.	339	<i>Urna</i> sepulchrales cum cadavere in se- pulchreto Duntershe mii repertæ.	177
<i>Umbilici</i> relaxatio monstrosa	263	<i>Uteri</i> hæmorrhagia feliciter præter opinionem sanata.	269
<i>Umbra</i> foliis suis efficiens Japanen- sium arbor.	132	prolapsus malè à quibusdam negatur, veròque exemplo probat.	181
<i>Unguentum</i> Nardinum.	422	in virgine, ejusque mira per anatomiam detecta facies.	91
<i>Vomica</i> pulmonum plusquam quadra- gies sanata in muliere	373.	purulenti cura.	53
<i>Vomitorio</i> curata mania.	184	suffocatione laborare creditus vir.	375
<i>Vomit</i> sanguinis horrendus.	68	vagitus cum sudore cruento	45
<i>Urethre</i> inhærens calculus peculiari forcipe ruptus & exem- ptus.	326	App.	
<i>Urina</i> crocea ex largiore Rhabarbari usu.	29	<i>Uva</i> liberalius comestæ nigroris uri- næ causa.	28
nigra ex assumtis.	27	<i>Uvea</i> membranæ in oculo bovino tex- tura.	118
ratio & causa.	29	<i>Vuln</i> era cordis non semper sunt le- thalia.	163
rubicunda & sanguinea ex fru- ctus opuntia esu.	29	quæ propriè lethalia dicenda.	402. seqq.
purulenta cum mingendi dif- ficultate.	125	<i>Vuln</i> eraria remedia verbalia.	406
vermibus scatens.	85	<i>Vuln</i> erarius Aquæ & olei ligni fraxi- ni usus.	79
<i>Urine</i> & medicamentorum ex ea pa- ratorum & assumtorum in serosis humoribus ex- pellendis efficacia unde?	27	<i>Vuln</i> erati cur tempestates presenti- ant.	8. 11
suppressio ex podagra ad inte- riora recurrente.	111	<i>Vuln</i> er.	

Index Rerum.

<i>Vulneratus</i> , sepultus & sanatus,	<i>Vulnus</i> thoracis chylum stillans.
405	417
<i>Vulnere</i> sub pectore inflicto lym-	<i>Vulpina</i> linguæ globos, spicula,
pham sanguineam.	tela, spinas &c. extra-
stillante ex matris i-	hendi virtus. 405
maginatione natus	<i>Vulvam</i> duplicem habent cancri
infans. 313	per quas sua pariunt
<i>Vulnus</i> lethale à cultro costæ me-	ova. 54
dium transfodiente.	<i>Vulva</i> excrecentia spongiosa. 341
366	struma. 10. App.



Observationum Errata.

PAg. 5. lin. antepenult. formatum. p. 21. l. 27. deditos p. 27. l. 11. allii. p. 28. l. 28. quid. p. 44. l. 16. ingentique. p. 49. l. 26. ridebant. p. 60. l. 3. pari, certo certius. p. 71. l. 3. quoque. & l. 4. viridiori. p. 73. l. ult. juncta. p. 74. l. 15. helleb. p. 78. l. 2. morbo periculosisioribus. l. 5. factum. p. 79. l. 19. fraxini l. 23. mihi add. norus. p. 87. l. 7. eundem. p. 92. l. ult. sevo. p. 104. l. 7. quoq; l. 10. post intermittentes add. revelem; hoc. l. 23. contineant. p. 112. l. 17. letali del. ; &. p. 119. l. 10. metamorphosi. p. 120. l. penult. Goedardi. p. 151. l. 24. corollam. p. 155 l. 2. albus evaserat. p. 163. l. 13 sub cranio. p. 192. l. 11. diluatur. l. 13. tentando. p. 196. l. 24. tum illa. p. 239. l. 21. infusio. l. 22. a-quæ. p. 242. l. antepen. premenda. p. 244. l. 28. pulmones. p. 245. l. 13. separandi. p. 249. l. 19. mucosæ. p. 257. l. penult. tractatus. & lin. ult. refocillatus. p. 270. l. 4. catarrhactis. p. 281. l. 12. perfectioris. p. 293. l. antepen. & p. 294. l. 25. del. comma. p. 299. l. 3. colorem. p. 310. l. 17. Bacchus. p. 311. l. 8. post tantum add. comma. p. 312. l. 24. veritas. p. 314. l. 27. del. eam. p. 323. l. antepen. pro medium leg. dium. p. 332. l. 6. singulari. p. 348. l. ult. sum. p. 358. l. 29. insolito. p. 359. l. 3. del. item. p. 373. l. 23. eas. l. 24. earum. p. 379. l. 19. modo pro medio. & l. 23. pruni. p. 384. l. 10. del. in. p. 386. l. 29. totam. p. 387. l. 24. calor. & lin. ult. exarescerent. p. 390. l. 10. cum. l. 28. alimentario. p. 391. l. 4. sævit. & l. 9. obtinent. p. 392. l. 19. truculentiam. p. 400. l. 18. datum. p. 403. 405. & 407. l. 1. post. p. 403. l. 15. quod. 404. l. 10. aliquod. p. 414. l. 4. frustatum. p. 416. l. 25. fœtidis. p. 424. l. 17. usui. p. 448. l. 6. porro. p. 452. l. 11. prægresso. p. 457. l. 26. misero. p. 466. l. ult. de victoria. p. 474. l. 19. defœdanis. p. 480. l. 23. cedant. p. 487. l. 13. del. se. p. 491. l. 26. Tito. p. 495. l. 6. priortationes. & l. ult. August. Vind. p. 509. l. 11. fumo. p. 511. l. 23. est acris p. 516. l. 32. crebros. p. 520. l. 32. continua. p. 538. l. 31. incorrectum. p. 546. l. 27. patulum. p. 549. l. 13. del. annotare. p. 561. in fin. add. Helianthus l.

MYRRHOLOGIA.

Seu

MYRRHÆ

DISQUISITIO
CURIOSA.

THE
HISTORY
OF
THE
CITY
OF
NEW
YORK
FROM
1624
TO
1898
BY
JOHN
B. HOGAN
AND
JAMES
M. SMITH
NEW
YORK
1898

Gratiâ Salvatoris Patrocinante.

MYRRHOLOGIA

Seu

MYRRHÆ DISQUISITIO CURIOSA

ad normam & formam

SACRI ROMANI IMPERII
ACADEMIÆ NATURÆ
CURIOSORUM

adornata

VARIISQUE MEDICAMENTIS
illustrata

à

GOTHOFREDO SAMUELE POLISIO,

Med. Doct. Prof. Publ. Extraordinario & Physico

Francofurtensi ad Oderam

Ordinario.

NORIMBERGÆ,

Sumptibus WOLFGANGI MAURITII ENDTERI.

Anno M. DC. LXXXVIII.

ORTHODOX

MYRRINE

ORTHODOX

ORTHODOX

ORTHODOX

ORTHODOX

ORTHODOX

ORTHODOX

ORTHODOX

ORTHODOX

ORTHODOX



AUGUSTO

ATq,

POTENTISSIMO

PRINCIPI ac DOMINO

DN. FRIDERICO

WILHELMO

MAGNO,

MARCHIONI BRANDENBURGENSI

S.R.I. ARCHICAMERARIO

& ELECTORI

DUCI

BORUSSIAE SUPREMO, MAGDEBURGI,

JULIAE, CLIVIAE, MONTIUM, STETINI, POME-

RANORUM, CASSUBIORUM ac VANDA-

LORUM, in SILESIA ITEM CROSNÆ

& SUEBUSII:

BURGGRAFIO
NORIMBERGENSI,
PRINCIPI
HALBERSTADII, MINDÆ & CAMINI,
COMITI
HOHENZOLLERÆ, MARCÆ
& RAVENSBERGI,
DYNASTÆ
IN RAVENSTEIN, LAUENBURG
& BUTOW.
&c. &c. &c.

*PRINCIPI PIO, FELICI, MAGNANIMO,
VICTORI ac TRIUMPHATORI.*

Audet



Udet ab inscriptione AUGUSTI NOMINIS TUI, PRINCIPUM MAXIME, qualiscunque mea de *Myrrha* commentatio, quæ nunc in publicum prodit, & perennaturam sibi peregrè gratiam conciliare, & mentis Autoris devotissimæ amplissimum accipere testimonium. Non enim, sicut liquore pretiosissimo, qui è frutice illo *Arabico* destillat, ab omni putredine ac corruptione corpora conservantur integra; sic ea vel securitatem ab interitu sibi, vel Autori duraturam ad tempus gloriam polliceri valet. Æternitatis itaque jubar, quò adspirat, ab immortalis NOMINIS TUI splendore mutuari cupit. Tantum enim ILLUD est, ut omnes, quaque terrarum orbis patet, in Sui stuporem pariter ac venerationem traxerit; ac, quousque INVICTOS HEROAS sua manserit GLORIA, nulla temporum injuria deleri possit unquam. Summum ergò felicitatis apicem scriptum, quod TIBI, OPTIME PRINCEPS, offertur, se contingere sperat, si serenâ à TE fronte fuerit exceptum. Quod Benefici igitur NUMINIS Proprium est,

est, Clementiæ Tuæ Radios, quibus Avus olim
Scharlachius & post eum *Genitor* meus, Medicina
in Hac Viadrina Tua Professores incaluerunt, nec
mihi impertiri ac Scripto meo dedignere. Gran-
diora & exquisitiora offerant, quibus ea copia est,
quique tenent culti jügera magna soli. Ego, cum
thura non habeam, Myrrhâ saltem hâc chartacea,
Aliorum sortis meæ hominum pietatem æmula-
tus, TE venerari studeo. Nullus dubito, quin
Ejus, à Quâ Tua proximè abest, MAJESTATEM
imitaturus sis, qui animum, non vires ac faculta-
tes pensat; nec perpendit, quantum in Sacrificio,
sed ex quanto proferatur. Hic TE, *Humani generis*
Delitiæ, unâ cum SERENISSIMA DOMO, quàm diu-
tissimè sospitet ac servet!

SERENIT. TUÆ ELECTORAL.

Francofurti ad Viadrum.
D. 16. Mart. An. 1688.

Subjunctissimus ac Devotissimus

Gothofredus Samuel Polifius D.

I.N.J.

verſi ferè orbis Sapientes, diligentiffimi rerum naturalium, inprimis verò Vegetabilium, indagatores ac exploratores extiterint. Ipsi quoque Reges potentiffimi ad percipiendam ac illuſtrandam nobiliſſimam hanc ſcientiam, multum otii ſtudiique contulerunt, admirati ſummam Phytologiae claritatem, ſplendorem, ſingularemque præſtantiam. Non pauci amore ac fervore ſtudiſ Botanici flagrantès non domeſticis patriisque plantis contenti fuerunt, ſed & exoticas ad contemplandum ac dignoſcendum ipſarum facies atque vires, ex remotiſſimis terrarum regionibus afferri indefeſſè curârunt.

Quidam itidem ſingulari amore ducti inventiſ plantiſ ſua indiderunt nomina: ita Gentiana *Gentii Illyrici Principis* nomen immortalitate donavit. *Lyſimachia* de *Lyſimacho Rege Macedoniae*, inventore ſuo hodie num triumphat. *Telephii Regis Myſiae* memoria adhuc in *Telephio* vireſcit: *Teucrium* à *Teucro Ajacis* fratre: *Achillea Syderitis* ab *Achille*; *Meum Athamanticum* ab *Athamante*, *Circaea* à *Circe* venefica, *Artemiſia* à *Regis Mauſoli uxore*, *Alcibiadion Anchufa* ab *Alcibiade Athenienſium Principe*, *Eupatorium* ab *Eupatore Rege* ſuas acceperunt appellationes. Nonnulli nomen plantiſ à fabuliſ impoſuerunt: hinc *Helenium* dictum voluerunt, *Plinio* authore, quòd è lacrymiſ *Helene* prodierit ſic: *Amaracum* à puero, qui in herbam ſui nominis transformatus ſit; *Libanotiſ* à *Libanotide* puero in talem plantam mutatò nomine adepta juxta illos creditur, &c.

tur, &c. Præterea quædam plantæ à facultatibus atque viribus suis denominationem suam sortitæ sunt: ita Agnus castus dicitur, quia ad castitatem facere putatur. Pardalianches, quod Pardos enecet: Rosa Canina, quod canis rabiosi morsibus auxilio sit: Ægylops, quod oculorum Ægylopos sanet: Althæa ab ἀλθαία, medeor, quod inter sanantes plantas primaria sit: Fumaria, quod effectum fumi faciat, lacrymationem scilicet: Aristolochia, non quod gravidis (ut vult *Plinius*) sed puerperis, teste *Dioscoride*, succurrat. Quædam plantæ à regione, in quâ vel primùm inventæ sunt, vel copiosius aut viribus præstantiores proveniunt, denominationem acceperunt: ut Nardus Celtica, Malus Punica, Malus Persica, Gramen Parnassi, Dictamnium Creticum: Agaricum, quod in Agariâ oriatur, Colchicum è Colchide: Rubus Idæus ab Idâ monte. Aliæ à Loco, ubi crescunt, nominatæ sunt: Nymphaea, quia in aquis provenit: Petroselinum, quia in petris; Alsine, quia lucis opacisque gaudeat: Potamogetum, quod vicinum sit fluminibus. Quædam à similitudine cum animalibus: ita Polypodium nuncupatum, quia radix polyporum cirros æmulatur: Anthirrinum, quia ejus semen, vituli nares repræsentat: Psyllium, quod semen pulicum formam gerat. Scorpioides, tum quia ictibus scorpionum medetur, tum quia semen simile est caudæ scorpionis. Nonnullæ à similitudine cum aliis plantis: sic Chamædrys, quasi humilis quercus ratione foliorum: Chamæpitys, quasi humilis pinus ratione odoris: Cha-

mædaphne & Daphnoides, quia utraque foliis lauri conspicitur. Porro aliæ à similitudine cum rebus artificialibus nomen adeptæ: ita Clinopodium, quòd ejus flores lecti pedum speciem præbeant: Securidaca, quia ejus semen ancipitem securim æmulatur: Cotyledon, quia vas testaceum sic dictum refert: Lonchitis, quòd ejus semen lanceæ sit simile, &c. Tanti verò studii laboris-
 que causa præter jucunditatem, utilitatem, addo & necessitatem ratione artis servandorum hominum, nulla extitit alia. Nam quid, quæso, animum mentemque magis exhilarat, oculosque amœnius pascit, quàm ad-
 spectus pulcherrimorum aulæorum ac tapetiorum, quæ Natura omnium architecta & parens ubique in suis latifundiis stravit, ut admirandâ formâ, speciosâque colorum varietate, exoptatissimâ odorum fragrantia, radicis, caulis, ramorum, foliorum, florum, fructuumque spectaculo jucundissimo singulis annis nostros reficerent oculos. Necessitatem hujus scientiæ vel ipsa rationis expertia animantia suggerunt, quæ ad vitam suam tuendam, & mala occurrentia averruncanda, naturæ ductu atque instinctu sibi medelam afferunt, ac seligunt ab aliis remedia sibi conducibilia. Dictamnium Cervi anxie desiderant, si Plinio fides habenda, ad extrahendas inflictas sibi sagittas: Hirundines in affectibus oculorum Chelidonium nobis commendant: Ciconia Origanô delectatur: Elephantus, referente Ælianô, cum hastâ vel sagittâ vulneratus est, flore Oleæ ingestô, vel oleô ipsô defixa tela expellit, & hac ratione sanitati red-
 ditur.

ditur. Utilitas denique tanta est, ut nullus in corpore humano occurrat morbus, qui domitorem debellatoremque non inveniatur ex vegetabili depromptum regno. In horrendo portentosoque affectu Epileptico, in quo regia mentis sedes invertitur, homo admirandum illud animal, plenum rationis & consilii instar victimæ prostratus in terram concidit, Valeriana radix mira præstat: Oculis, qui lucis usu vitam distinguunt à morte, auxiliatur Foeniculum: linguam reficit Euphrasia; fauces inflammatas Prunella: Cor radicem vitæ magna series stirpium defendit: Rirrand Tfini anima hepatis est: Cap-pares lienis: Corallina intestinorum vermibus adversatur præsentaneò auxiliò: Mandragora *ραγκώσας* plena somnum enormium vigiliarum levamen conciliat, & conceptum juvat: Papaveris succus phreneticis auxilio est, dolores mitigat, & defluxiones sistit: summa: nulla ferè planta est, quæ non usum quempiam corpori humano præstare valeat. Vide fusiùs de effectibus plantarum mirabilibus differentem *Jenensium Hippocratem, Rolfincium Illustrem, Præceptorem quondam, Hospitem ac Promotorem meum in urnâ etiam magni æstimandum, in Tractatu de Vegetabilibus in genere conscripto: lib. I. cap. 5.*

Cùm verò non satis sit externas herbarum nôsse formas, sed &, ac maximè quidem, accurata solersque virium ac facultatum requiratur indagatio, omnis impendenda opera illi, qui sanandorum hominum præclaram artem addiscere cupit, ut omnibus viribus eò adnitatur,

quò si non singularum, usualium tamen ac officinalium
sibi comparet cognitionem: præscribere namque me-
dicamentum, ingredientium verò singulorum vires per-
functoriè tantùm scire, non solùm temerarium ac no-
xium est, sed & medicò nomine indignum. Quin &
Empiricorum ac Circumforaneorum ignorantia indo-
lem redolet, qui crumenas hominum emungentes, pana-
ceas crebriùs jactitant ex plantis confectas, quarum ta-
men vim & efficaciam, si ritè examinarentur, densa
ignorantia caligine sepultas offenderes. Quare, ut
verbis utar celebratissimi Chirurghi *Fabricii Hildani*, quæ
habentur in præfatione Operum, *in Republicâ benè con-*
stitutâ nequaquam essent tolerandi ejusmodi nebulones,
sed veluti impostores ac nefarii homines puniendi ac pro-
scribendi. Non enim gloriam DEI & salutem proximi
quærunt, ast loculos civium emungunt: artem non illu-
strant, sed modis omnibus conspurcant: non sanitatem
agri promovent, sed potiùs optimam partium temperiem
destruunt, ita quidem, ut plerumque propter inscitiam se-
pè quoque malitiam horum nequam ex parvo aliquo af-
fectu, si non mors ipsa, gravissimus tamen atq; insanabi-
lis sequatur morbus, dum ejusmodi nebulones medica-
menta sua ut plurimum negligenter præparata agris pro-
pinare non erubescunt. Hactenus Hildanus. Audiamus
& querelam Zacuti Lusitani Med. Princip. Histor. lib. 1.
Hist. 64. p. m. 482. 483. O execranda, inquit, Magi-
stratum avaritia! qui hos ardeliones (medicistros)
tantam sibi potestatem arrogantes, cives vestros phar-
macis

macis & infaustis auxiliis perdere permittitis! & tot per
 civitates nobilissimas, oppida, fora, agros, incantatrices,
 pythonissas medicam artem, ad cuius finem nec ipse Hip-
 pocrates pervenit, exercere conceditis. Naturalis Hi-
 storix conditoris Plinii hæc super hâc re extat sententia
 l. 29. cap. 1. Nulla est lex, quæ puniat capitalem insci-
 tiam Medicorum, nullum exemplum vindictæ, discunt
 periculis nostris, & experimenta per mortes agunt, Me-
 coq; tantum hominem occidisse summa impunitas est,
 quando in hâc artium solâ eveniat, ut unicuiq; Medicum
 se profitenti statim credatur. Huc & referenda, quæ
 Divinus Senex habet in lege suâ: scilicet nulla pœna in
 Republica statuta est, præterquam ignominia: verum
 hæc non afficit, nec contigit eos, qui ex composito per-
 sonam Medici induerunt; simillimi enim sunt hi perso-
 nis, qui in tragædiis introducuntur: quemadmodum
 enim illi figuram, habitum & personam eorum quos refe-
 runt, habent, illi ipsi autem verè non sunt: sic Medici fa-
 mâ quidem & nomine multi, re verò ac opere valde
 pauci. Vid. etiam Threnad. Medic. Mindereri Cap. 3.
 p. 83. seqq.

Verum hæc *ὡς ἐν παράδειγματι*: & nè extra oleam porrò di-
 vager, ad scopum meum revertor; utque Illustris no-
 stri Collegii legibus atque statutis satisfacerem, ex Ve-
 getabili Regno elaborandum sumsi simplex nobile, il-
 lustrumque in Medicinâ virium, Myrrham: certum
 namque est, haut rarò unô eoque certô simplici feliciùs
 morbo cuidam obviam iri, quàm Receptis trium ulna-
 rum;

rum: egregiè in hanc rem ac dextrè *Zwelferus in Appen-
dice ad Pharmacop. August.* Si à tot, inquit, *seculis elapsis*
à quo *Medicina instituta est*, vel *Medici innumeri unum*
saltem subiectum medicum aut simplex intimè magis &
penitiùs explorassent, prout *veneranda egit antiquitas*,
pridem jam ars medica perfectionis culmen attigisset, lon-
gè faciliùs, quàm compilatione tot, tamq; diversarum re-
rum & compositorum indistinctâ farragine.

Cùm verò Tractatuli hujus scopus unicus atque finis
sit DEI Ter Opt. Max. gloria, proximique decumbentis
salus atque emolumentum, Tu Candide atque Benevole
Lector, laborem hunc meum boni consules, animumq;
Philatris inserviendi cupidissimum porrò, si vires & vi-
tam Divina concesserit Clementia, expectabis: Valein-
terim athleticè & conatibus nostris ulterius fave: igno-
sce quoq; stylo simplici atq; incomto: nam juxtà *Sene-
cam*, *rigidum illum studiorum censorem*, sanantem Medi-
cum non disertum quærit æger: & juxtà *Latinorum Me-
dicorum latinissimum Celsum*, morbi non eloquentiâ, sed
remediis curantur; verborumq; lenocinia plus haut ra-
rò rem ipsam obscurant quàm declarant: utut modernò
seculò nonnulli reperiantur, qui merè ostentationis ergò
sesquipedalia compilant verba, quibus tyrones confun-
duntur, ut sensum vel minùs rectè adsequantur, vel pla-
nè in errorem aliquem præcipitentur.

Tu verò, Clementissime DEUS, dator & conservator vi-
tæ nostræ unice, conatibus meis ex alto benedicito, ut ver-
gant in S.S. Tui Nominis gloriam, ægrotantis verò proximi sa-
lutem!



SECTION I.

*Myrrhæ naturam ac Essentiam juxta ejus appellatio-
nem, locum natalem, formam, Temperamen-
tum, facultates &c. contem-
platur.*

CAPUT I.

Etymologiam Myrrhæ præponit.

QUamvis curiosa nimis nominum vocumque vena-
tio parum vel nihil ad ipsam rem facere videatur,
nihilominus tamen receptum observare libet mo-
rem, nec præter rationem: quippè juxta senten-
tiam *Epicteti tom. dissert. Arrian. c. 17.* ἀρχὴ τῆς παιδείας ἡ τῶν
ὀνομάτων ἐπίσκεψις: principium doctrinæ nominum disquisitio:
& juxta *Galenum 3. de simpl. Med. facult.* ἡ τῶν ὀνομάτων ῥῆσις τὰ
ἐσθλὰ καὶ τὰ κακὰ τῶν πραγμάτων ἐντάττει γινώσκειν: conturbatus nomi-
num usus, & rerum ipsarum conturbat rationem: maximèq;
ratio nominis habenda in describendis Exoticis, & quæ de no-
vo civitate donantur.

In deducendo verò Etymo, tradendâque vocabuli Myr-
rhæ originatione usi sumus operâ Viri Hebraicæ linguæ peri-
tissimi, Dn. M. Zacchariæ Henselii, Pastoris Ecclesiæ nostræ,
atque Inspectoris vicinarum Vigilantissimi, Fautoris & Amici
nostri pl. colendi.

Quod itaque de Vate Græcorum Principe Homero per-
hibent historiæ, varias gentes septemq; civitates regias con-

tendisse, quænam præ aliis gloriari maximè debent de venerando nomine & natali sede Poætæ celeberrimi, idipsum ferè de nobilissimâ plantarum Myrrhâ dicendum veniet, si ortum ipsius ac etymon omnibus penè totius orbis gentibus usurpatum, penitus consideraveris. Quamvis autem nobis hic animus non sit curiosius scrutari Philologorum mysteria, cum Medicus non tam vocibus quàm rebus sollicitè inhaereat, ne tamen usitatam aliis methodum negligamus, pauca annotare fas erit.

Cum autem nulla ferè in Oriente lingua sit, quod sciamus, quæ non aut integrè exprimat, aut aliquatenus saltem referat sonum nostræ Myrrhæ, hinc adeò fit, ut qualibet sibi ipsius natales vendicet jure quasi hæreditario: sua cuique Phyllis pulchra est. Nos nemini litem movebimus cuilibet parti quis adstipuletur. Interim minus commodè facere videntur, qui ex Græciâ originem vocis accersunt, quasi idem esset ac τὸ Σμύρνα: litera enim prosthetica nihil solidi evincit: quamvis Budæo libenter concedamus, apud Græcos omnia unguenta ἀπὸ τοῦ μύρου nomen accepisse, teste Athenæo lib. 15. cap. 11.

Nostra sententia est, Myrrham derivari ab Ebræâ radice מרר quod significat *amarum esse*, unde descendit מרר quasi *sapor amaricans*. Conf. Ursinus Continuat. Histor. plantar. Bibl. 13. p. 212. Vossius in Etymolog. L. L. p. 336. Schickardus, Mischpat. passia. Geierus ad Psalm. 45, 9. Talmudici in Gemarâ Massech. Schabb. fol. 80. col. 2. Ramban quidem Hal. Kele Hammekdasch c. 1. Pl. 5. opinatur (quod obiter notandum) מרר Ebræorum esse Muscum. מור הדם הצרור בחיורו שיהווה הודע לכל שמת בשמין בה בני אדם בכל מקום: τὸ Mor, inquit, est sanguis ille concretus bestiae cujusdam in Indiâ, notus omnibus, quia homines ubi vis locorum eo se condunt (de Ceruo hoc odorato vid. Kircherum in Sinâ illustr. p. 190. ubi simul effigiem adponit) sed rectè corrigitur à socio Baal Mag. in glossâ margin. Conf. & Ben Melech in Michlal jophi fol. 24. col. 1. Kim.

Kimchi in *Michlol*, quem sequuntur *Fagius*, *Sext.* ab *Amama*, *Carthwright* in *Electis Targumico-Rabbin.* ad *Exod.* pag. 393. *Ursinus* l. c. qui *Authores* simul explicant, quid *Myrrha* propriè sit. Et quia *Palæstina* laudatissimi hujus ac balsamici fructus feracissima olim erat, rerumque preciosissimarum proventu ac ubertate adeò incluta, ut vicinæ gentes earum desiderio ductæ gregatim advolaverint, quidni & nomen cum charis mercibus pariter domum suam reportassent? Confer. *Bochartus* in *Phaleg.* & *Heidegger.* in *Rasche Aboth* passim.

Quod de *Ebrais* modò diximus, *Myrrham* ipsis ab amaritudine dici, idem asserendum de *Arabibus*, *Persis*, *Turcis*, *Ethiopibus*, *Chaldeis*, *Syris* & aliis. Sed ne quis putet, hoc *Myrrha* nomen in orientalibus regionibus saltim viguisse, observandum puto, tantam hujus arbusculi *Myrrhiferi* præstantiam esse & semper fuisse, ut & aliæ gentes certatim amabile hoc nomen civitate suâ linguâque vernaculâ donarint: sic *Germani*, *Poloni*, *Galli*, *Itali*, *Hispani*, *Bohemi*, *Illyrici*, *Hungari*, *Croata*, *Myrrha* nomen suo quisque idiomate venerantur.

Paganorum *Mystæ*, qui res propemodum *Naturæ* universas ingeniosis fabulis declarant, & *Mysteria* involucris tegunt, *Myrrham* nomen accepisse fingunt à *Myrrha* *Cynaræ* *Cypriorum* Regis filiâ. *Metamorphosin* totam eleganter describit *Ovidius* lib. 10. *Metamorph.* 9.

Noctis erat medium, curasq; & corpora somnus
Solverat: at virgo *Cinyreia* pervigil igne
Carpitur indomito, furiosaq; vota retractat:
Et modò desperat, modò vult renrare, pudetq;
Et cupit, & quid agat non invenit: utq; securi
Saucia trabs ingens, ubi plaga novissima restat,
Quò cadat in dubio est, omniq; à parte timetur:
Sic animus vario labefactus vulnere nutat:
Huc levis atq; illuc, momentaq; sumit utroq; &c.

C A P U T II.

EX Myrrhæ Historiâ duæ illustriores imagines deprimi possunt. Primum enim Myrrha imago virtutis in ad-
versis conspectioris est apud *Camerarium* 1. Cent. Embl.
Myrrham namq; scribunt ablaqueationibus ac incisio-
nibus gaudere, ac præterea ventis vehementer spirantibus
gummi istud tam pretiosum effluere copiosius, quo inprimis à putredine ac corruptione corpora defunctorum inte-
gra conservari notissimum est: ita animus rectus & constans in

in proposito laudabili semper immotus permanens, invidiae ac obrectationum furiis, tanquam turbulentissimis ventis, minimè terretur, sed potius ad hunc modum exercitus & agitata eo alacrius fructus virtutis profert, & magis conspicuum sese omnibus exhibet. Hæc imago apud eundem Camerarium in hoc distichon est inclusa sub lemmate: Concussa uberius.

*Major in adversis virtutis gloria vera est:
Uberior ventis Myrrha agitata fluit.*

Deindè apud Chytraum in 37. cap. Genes. & Victorinum Strigelium in 3. part. Comment. in loc. Com. Philip. p. 407. Myrrha est imago crucis: Myrrhæ quippè lacryma calida & sicca tergit potenter, sed sinè asperatione, digerit, ast sinè arrosione, siccatur, sed sinè adstrictione, percoquit vitiosos succos atque humores: Eodem modo crux ac tribulatio Ecclesiæ detergit & tollit pravos humores seu vitiosos affectus, securitatem, superbiam, admirationem sui, flammam libidinum, sed sinè arrosione, non perdit, sed est salutaris Ecclesiæ, quæ ut ilex duris consa bipennibus ab ipso ducit opes animumq; ferro.

C A P U T III.

Descriptionem Myrrhæ realem tradit.

Definitionis magnam esse dignitatem Galenus in finitionibus medicis ostendit, dum definitionem orationem statuit, quæ ipsum esse declarat: vel, quæ nobis intelligentiam rei indicat ac palam facit: item alibi: quæ totam rei essentiam ob oculos positura, nihil debet eorum, quæ illi præcipua sunt & maximè propria, omittere: hæc etenim neglecta aut ignorata, Cicerone teste, res ipsa, de quâ tractatur, ignoratur. Optandum verò, ut semper veræ & perfectæ tradi possent rerum definitiones: hoc cum

non semper præstare licitum sit, descriptione aliquâ contenti esse cogimur, quæ juxta nostrum *Principem* libro antè citato, oratio est, quæ rudius ac quâdam veluti formulâ ad declarandæ rei notitiam introducit: vel: quæ, juxta alios, res per nudam imaginem repræsentat.

Pedacius itaque *Dioscorides* lib. 1. Mat. Med. cap. 67. in hunc modum Myrrham describit: Myrrha lacryma est arboris, quæ in Arabiâ gignitur, Ægyptiæ spinæ non dissimilis, è cujus vulnere defluit lacryma in subjectas tegetes; alia circum caudicem concrevit.

Ab aliis describitur, quòd sit Succus concretus resinofus arboris in Arabia felice provenientis, coloris magis rubicundi quàm flavescentis, odore præditus balsamico, sapore verò amaricante, in Medicinâ nobilissimarum virium, multique usus.

In Genere constituendo eadem non omnium est sententia: *Dioscorides*, uti patet ex definitione, loco generis ponit Lacrymam. *Avicenna* l. 2. Canon. Tr. 2. cap. 475. p. m. 269. Gummi indigitat & quidem rectius; cum lacryma latius pateat, & gummi ac resinam sub se comprehendat. Refertur itaque commodissimè ad Gummi-Resinas, cujus particulæ gummosæ in aqueis, resinosæ verò ab oleosis menstruis solvuntur contrà *Cordum*, qui Myrrham lacrymam esse vult in aqua dissolubilem.

Extra controversiam itaque positum putamus esse, Myrrham succum resinofum concretum existere, id quod confirmat analysi Chimica: si enim instituatur examen, particularum in eâ diversitas manifestè adparet: nam sola Myrrha Retortæ injecta initio quidem parum phlegmatis amaricantis præbet; postea liquor gummosus albicans conspicitur in majori copiâ: denique oleum particulæ resinosæ fundunt. Deindè etiam solutio in aqueis superficialis idem evincit, dum succus tantùm dissolvitur, resina verò salva ac integra in fundo remanet. Idem testatur inflammabilitas, quæ resinofu

corporibus competit: nam Myrrha flammæ admota vel carbonibus injecta flammam concipit facile propter particularum resinosarum præsentiam, quamvis non tota ab igne liqueatur ac comburatur propter partium heterogeneitatem, quâ crassiores & terrestres intactæ relinquuntur sub facie materiæ cujusdam nigricantis.

C A P U T IV.

Locum natalem, Arborem & colligendi rationem monstrat.

A Deo dives est benignissima rerum mater Natura & fecunda in producendis salutaribus humano generi herbis, ut cuilibet regioni de felici certarum plantarum proventu maternè prospexerit: Egregiè in hanc rem *Solemander* Consil. lib. 5. p. 501. Plantarum species in quaque regione à DEO creari puto, quales hominibus & animantibus ibidem natis conveniant: quod vivus testis multis documentis monstrare possem: imò tam confidenter hoc nixus comperimento, sæpe numerò probavi ex plantarum nascentium frequentia me ferè animadvertere posse, quibus morbis popularibus, nimirum endemiis, quælibet regio subiecta sit. Observamus hoc ipsum apud *Danos, Frisios, Hollandos*; quibus Scorbutus dictus morbus frequens istius quasi proprium medicamentum, Cochleariam scilicet, copiosè provenire. Ita ubi in paludosis locis *Tamariscus* natale solum agnoscit, plerumque lienis vitiis expositi ibidem sunt incolæ, quod ex lurido colore, qui intumescence cute illis efflorescit, hypochondriisque inflatis videre licet. Eodem modo observamus, quibus in pagis circa sepem frequens *Absinthium* luxuriat, in iisdem habitatores obstructione viscerum naturalium, ventriculi infirmitate, bilis suffusione plurimum affectos. &c.

Nata-

Natale itaque solum unanimi Botanographorum consensu Arabiam Myrrha agnoscit; regionem Asiæ ultimam, & Africae proximam, nulli terrarum postferendam, amplitudineque spatiosissimam, pretiosissimarum plantarum proven-
tu verè felicissimam. Gloriatur inter alia regio hæc de arbo-
re suâ thuriferâ, quæ huic peculiaris, ut idè veteres perperam
duo thuris tradiderint genera, alterum arabicum, alterum
indicum, cum per universam Indiam thus non nasci certis-
simum sit, sed penes Arabes solum reperiatur. Præbet præ-
tereâ dicta Arabia laudatissimum illum liquorem, qui ob ex-
cellentes mirabilesque effectus Balsamum adpellatur. Quam-
vis enim Ægyptus loco quodam Cayro vicino, quem Macha-
rea vocant, paucos quondam Balsami frutices alere putetur,
ex Arabia tamen semper petiti sunt, quemadmodum olim
Judæa habuit. Quæritur autem hic obiter: utrum veterum
Opobalsamum hodieq; haberi possit. Sunt non pauci, qui
negativam tuentur; inter quos etiam Pancirollus, qui lib. 1.
rerum deperditarum p. 49. scribit: Balsami plantas amplius
non haberi nisi adulteratas: cum enim Turcæ omnis politiæ
& elegantiae hostes Hierichuntis vineas vastarint, Balsami
plantam etiam periisse, eidem non absurdum videtur. At
ipse sibi contradicit Pancirollus & quidem bis, tam quod
concedit, Turcam aliquas obtinere Balsami plantas in Ægy-
pto, ex quibus annuatim, paucae saltem guttæ excipiantur:
tum quòd largitur, etiamsi balsamum in Europam deferatur,
tamen id adeò rarum aut pauxillum, ut pro nullo haberi me-
ritò possit: Contradictio manifesta est, & propterea balsamum
classi rerum deperditarum minimè inferendum: pauxillum
namque ac rarum balsamum pro nullo haberi nequit: cum
juxta Scaligerum Ex. 99. S. 1. non in quantitate rei, sed in qua-
litate perpendatur perfectio.

Neo desunt, qui cum ex *Dioscoride*, *Theophrasto*, *Plinio*,
didicerint, balsamum uni terrarum Judææ quondam concessum,
& duobus tantum hortis, utroque regio, vastatâ Judæa,
omnes

omnes Balsami plantas periisse contendunt; quibus cum respondetur, Balsamum ex Judæâ in vallem Hierichuntem appellatam, transplantatum fuisse, ibique vixisse, testibus *Justino*, *Strabone*, aliisque: regerunt; totam eam regionem ab *Artaxerxe* Persarum Rege primò, ac mox à Romanis *Hadriano* Cæsare rursus bellò everfam, ac ita Balsami plantas prorsus interiisse: & licet his occinitur: Balsamum etiam Ægyptum agnoscere patriam: narrant, sibi constare ex relatione illorum, qui Ægyptum peragrârunt, omnes etiam plantas ejusmodi ibi exaruisse. Quæcùm ita sint, alique in Judæâ tantum & Ægypto Balsamum esse prodiderint, gramen sibi porrigi petunt, quia nusquam gentium Balsamum ampliùs reperiri possit. Sed adpositè his responderet *Prosper Alpinus* dialogo de Balsamo c. 2. *Quid, inquit, illi Ægyptiarum ac Arabicarum plantarum ignari Herbarii dicent, duobus tantum locis, quippè Ægypto ac Judæâ Balsamum olim concessum fuisse? quasi aliorum antiquorum Scriptorum testimonio non constet, in pluribus aliis etiam locis olim ejusmodi plantam viguisse. Nonnè Diodorus Siculus l. 2. Hist. in quâdam valle Arabiæ Balsamum nasci prodidit. Josephus etiam lib. 8. antiq. Jud. scribit: Sabam Reginam Balsami plantam ex Arabiâ in Judæam tulisse, Salomoni quæ eam dono dedisse, ex quâ ibi aliæ postea plantæ propagatæ fuerint. Strabo lib. 16. Geograph. scribit, in felicissimâ Sabæorum terrâ thus, Myrrham, Cinamomum & Balsamum nasci. Quarè luce meridianâ clariùs jam erit, Balsami locum natalem propriè esse felicem Arabiam, undè postea in Judæam, Ægyptum aliaq; loca delatum fuerit.*

Sed revertimur ad Myrrham nostram, quæ, uti jam dictum, etiam patriam agnoscit felix illud solum. *Theophrastus Eresius* l. 9. c. 4. Hist. plant. natalem Myrrhæ locum accuratè ostendens, gigni eam scribit regione Arabum mediâ circa *Sabam* & *Adramyttæ* & *Citibersæ* & *Mamali*: & exire thuris, Myrrhæque arbores alias super montem, alias in pede montis culturis propriis: quamobrem alias colit, alias vitam agere:

incultas. Sed de his similibusq; plura apud Geographos, qui consulantur.

In depingendâ verò formâ ac specie Arboris Myrrhifera non conveniunt Botanographi. *Plinius* lib. 12. cap. 15. Myrrhæ arboris faciem tali penicillò delineat: *Myrrham in istâdem sylvis, ubi est thus, permistam arborem nasci tradidère aliqui; plures separatim. Quippè multis in locis Arabia gignitur. Convehitur & ex sylvis laudata, petuntq; eam etiam à Trogloaytis Sabæi transitu maris: Sativa quoque provenit multum sylvestri prelatâ: gaudet rastris & ablaqueationibus: melior radice refrigerata. Arbori altitudo ad quinque cubitos, nec sine spinâ, caudice durò & intortò, crassiore quàm thus, & à radice etiam, quàm aliquâ sui parte: corticem lavem, similem q; unedoni, scabrum alii spinosumq; dixère: folium olivæ verum crispius atque aculeatum: Juba Olusatris. Aliqui similia junipero, scabriorem tantum, spinisq; horridam, foliorotundiore, sed sapore juniperi, &c. Hæc *Plinius*.*

Theophrastus l. c. Myrrhæ arborem, scribit, Thure altitudine minorem, fruticosioremq; narrant, caudice durò contortòq; juxta terram, crassiori q; surâ hominis, cortice lævi adrachnæ simili. Alii verò, qui se vidisse affirmant, de magnitudine ferè consentiunt. Neutram earum arborum magnam referunt, & minorem Myrrhæ humilioremq; sed thus folium laurinum læveq;: Myrrhæ aculeatum non læve ulmeo simile: crispum tamen, extremò spinâ horridulum iligneimodò. Et post pauca interjecta; alii, pergit, Myrrhæ arborem Terebintho similem reddidère, sed scabriorem spinosoremq;: folium paulò rotundius, gustatâ proximo Terebintho, &c.

Ex *Dioscoride* arborem hanc cum Ægyptiacâ spinâ quoad aliquam convenientiam atque similitudinem fovere, patet, quæ spina Ægyptia aliàs Acacia indigitatur in Ægypto nascens, spina instar arboris; uti loquitur, fruticosa, nec se in rectum extollens.

Succum hunc concretum ac resinofum colligendi modum quod concernit, sciendum, ex arbore prædictâ Myrrham vel spontè sudare, vel arte elici: quæ spontè exsudat *σαντή*, stacte, vocari solet & optima censetur: quæ verò per incisionem elicitur, in substratas tegetes destillat, pars verò circa caudicem concrevit.

Incisio verò juxta *Theophrastum* sub cane instituitur, diebusque fervidissimis, quò tempore ob Solis æstus succus commodius elici potest. Incisio hæc binis vicibus peragitur, referente *Plinio*, eodem tempore, & quidem à radice usque ad ramos. Fluit, inquit *Diodorus Siculus* rerum antiquar. lib. 5. c. 10. p. m. 149. Myrrha effossa à radicibus terra: in solo ubere bis in anno fructum reddit, vere atque æstate: sed rubrum vere propter rorem, æstate album.

CAPUT V.

Differentias, Delectum & Depravationem manifestat.

Differentias Myrrhæ propter Herbariorum discrepantiam exactè tradere haut licet: prememus tamen vestigia *Dioscoridis*, qui diversarum specierum mentionem facit *loco allegato*, & primitus quidem in scenam ab ipso producit *πεδιάσμος, campestris*, sive campestri solò orta: pinguis hæc est, & per expressionem *σαντήν* præbet, sive puram & electam Myrrham, sive ex arbore stillat, sive per incisionem proliciatur. Stacte hæc non est illa Veterum, quippè quæ longè ab hac differt: est enim, authore *Dioscoride*, l. 1. cap. 62. pinguedo Myrrhæ recentis cum exigua aquâ tusa & organo expressæ: ea perquam odorata est & preciosa, & unguentum pro se facit, quod Stacte nominatur. Maximè probatur, quæ nullam olei missionem admisit, cujus mini-

ma portio compos est virium plurimarum. Vim calfactoriam Myrrhæ & calidis unguentis respondentem habet. Staete hæc erat Veteribus instar baseos pro præparandis quibuslibet ferè unguentis pretiosis, undè & in genere *μύρα* dicta fuerunt.

Staete hæc *Familia Mauritanica* addictis, uti *Serapioni* & aliis, *storax liquida* officinis nota audit; dubium tamen emergit an storax nostra Veterum staeten referat? laudatus *Serapio* liquidam styracem ex Myrrhâ primùm aquâ conspersâ ac deindè expressâ fieri tradit ad nutum nempe *Dioscoridis*, confirmaturque in stabiliendâ suâ sententiâ indè, quòd liquida styrax & quidem legitima perquam odorata sit, gustuique non obscurè amara. Verùm vix credibile est, staeten Veterum storacem esse liquidam, hæc enim non amara est nec adeò odorifera, uti quidem staete: quicquid etiam *Matthiæ* Comm. in lib. 1. *Diosc.* c. 62. p. m. 74. de amaritudine quâdam disserat,

Valerius Cordus itidem dissentit, probatque potissimùm ex pretio ac diversitate arborum styracem & Myrrham fundentium. Ex plurimâ namque Myrrhâ etiam optimâ parùm exprimitur staetes; storax verò liquida modò eodem, modò etiam viliori pretiò venditur, ut hâc ratione pateat, eandem veræ staetes nomen sustinere non posse. *Serapionem* arque *Marthiolum* refellit *Bodæus* in Not. in *Theophr.* qui videatur.

Alteram differentiam constituit *γασίρα*, pinguisima hæc est, læto pinguique solo proveniens: hæc copiosam exsudat staeten.

Tertia audit *τρογλοδυτή*, sic dicta à loco natali, in quo nascitur, splendens, mordens ac subviridis. *Troglodyta* populi sunt *Æthiopiæ*, nullarum opum domini, stridentes magis quàm loquentes; specus subeunt & serpentibus vescuntur. Vid. *Strabo*. Harum regio intrâ dextram maris ripam & *Ægyptum* interjacet.

Notandum hîc vocabulum *ἐπὶ χλωρὸς*, quod *Dioscorides* habet, & subviride aliàs explicatur, etiam pallescentem colorem

tem inferre: Myrrha etenim viridis, si quæ datur, ad nos non defertur, undè per τὸ ὑπόχλωρον intelligitur color pallidus sive subflavus, quem colorem etiam nostrati Myrrhæ communiter adscribimus. Vid. *Cesalpinus*.

Myrrham hanc Troglodyticam, qui officinarum Benzoin esse autumant, à vero aberrant: obstat enim sapor amarus, qui in Benzoin haud reperitur: hinc vix audiendus *Langius*, qui lib. 1. Epist. Med. existimat, Belzoin esse præstantiorem, Myrrham electam ex Troglodytide: verba ita se habent: Quod si officinarum Benzoin Myrrham dulcem appellare voles, nil moror. Solet enim natura sæpè in rebus ejusdem speciei ad voluptatem contrariis saporum qualitatibus ludere. Nam si poma & mala Punica atque Arantia tam dulcia quàm acetosa: amygdala item tam dulcia quàm amara procreat, quid, obsecro, obstare poterit, quin etiam Myrrham tam dulcem quàm amaram procreet? sed optimè refutatur à Bauhino in opere *Histor. plantar. univers.*

Quarta Myrrhæ species vocatur λεῖλη, tenuis, quæ à Troglodyticâ secunda, Bdellii modo mollis, verùm odore graviuscula, apricis nascens: Ansam hæc descriptio dedit *Brasavolo*, quòd putaverit, Myrrham officinis vulgare esse Bdellium: refellitur verò à *Matthiolo* sequentibus. Ad hæc Brasavolo Ferrariensi animus inclinare videtur, ut existimet, Myrrham vulgarem Bdellium esse: cui haudquaquam assentiendum putaverim: siquidem Myrrha hæc pellucens adeò non est, nec taurino glutino similis, ut Bdellium esse tradit Dioscorides: Et licet quædam nostratis Myrrhæ frustra quandoque translucida reperiantur, sunt tamen potius hæc (ut dictum est) gummi adulteria, quàm Myrrha vel Bdellium, nempè gustu maleficium detegitur: præterea Bdellium incensum (Dioscoridis testimoniò) odorem unguibus odoratis similem spirat, quod in nostrate Myrrhâ nunquam factò periculò, sum consecutus. Huic etiam aliâ accedit ratio, quæ magis ac magis Brasavoli animum immutare poterit: quòd scilicet Bdellium diu di-

gitis ductum tractatumque, facile lentescat, & confractum pingue spectetur. Myrrha verò, quæ officinis venditur, digitorum attritu conteritur, & si frangatur, perquam arida sese offert.

Quinta species nominatur à Dioscoride *καυκαλὴ*, exoleta, nigra atq; retorrída, quòd exusta quasi sit.

Sexta est *ἑρπασίμη*, hæc omnium est vilissima, squalore obfita, & adspectu gummi refert, acris & minimè pinguis: adulteratam hanc atq; corruptam appellare licebit.

Septima ac ultima *Αμύμνα* est, hæc etiam rejicitur ac improbat: accepit denominationem à *Μινάοις* vel *Μινάοις* populis regionis Arabiæ mari rubro adjacentibus, ubi copiosè colligitur. Quidam hîc redundare existimant primam litteram, & legendum volunt *Μινάαν*, quæ Minæa Myrrha minimè malè audit apud *Galenum*, sed ab eo lib. 1. de Antidot. cap. 14. inter primarias species reponitur, ita ut Troglodyticæ quoad vires ac bonitatem vix cedere videatur.

Et hæ sunt Species à *Dioscoride* recensitæ: *Plinius* plures profert, quæ tamen vix aliquam contemplationem merentur: Qui Indicam adducunt, falsi sunt, cùm non sit peculiaris Myrrhæ species, sed similis quodammodò Myrrhæ; idem iudicium ferendum de Bœoticâ.

In tantâ verò Specierum diversitate sedulus omninò observandus erit delectus, ne adulterium passam pro legitimâ ac bonâ in usum pharmaceuticum trahamus. Sunt ergò notæ veræ ac electæ Myrrhæ sequentes: 1. Friabilis quæ est 2. lævis. 3. Undiquaque concolor. 4. Quæ confracta intrinsecus lineas candidas intercurrentes habet, unguium speciem præ se ferentes. 5. Amara. 6. Odorata. 7. Acris. Ponderosa & piceæ coloris quæ est, meritò rejicitur.

Nec hîc cum Cl. *Hoffmanno* in Clave pharmac. Schröder. l. 4. §. 39. p. 589. reticendam putamus peculiarem *Galeni* observationem, quæ extat lib. 1. de Antidot. c. 11. ubi meminit, Myr.

Myrrham transmutari in Opocarpasum vel Opocalpasum, suscipiendo non solum ejus figuram, sed venenatam etiam qualitatem. Si igitur in Myrrhâ animadverterimus multas esse glebas diversas quoad odorem atque saporem differentes à verâ, non absque ratione judicabimus eam mutatam in Opocarpasum: ita etiam observatum, Galbanum mutari in Sagapenum, & Cassiam in Cinamomum.

Est autem Opocarpasum succus Carpasi, qui epotus soporem, citamque strangulationem inducit. Vid. *Dioscorides* lib. 6. cap. 13. Quodnam verò genus plantarum sit Carpasus, faterur se ignorare *Matthiolus* Comm. in hunc locum. Si quis verò, scribit, fortassis adfereret Opocalpasum, de quo scribit *Galenus*, dum probatissimæ Myrrhæ notas expendit l. 1. de Antidot. & Opocarpasum hoc loco à *Dioscoride* descriptum unum & idem esse medicamentum, is, meo quidem iudicio, rem, ut ajunt, acu tetigisset, quod Opocalpasum *Galeno* mortiferum omnino sit atque lethale.

Denique instar aliorum Exoticorum etiam Myrrha depravari solet, adeo ut vix incorruptam puramque in tabernis aromatariis videre liceat. Adulteratur juxta *Dioscoridem*, macerato gummi in aquâ, in quâ Myrrha maduerit: adulterata gummi Arabico vel alio flammam concipere non potest, sed crepitat magis, color magis est flavescens quam rubeus, quamvis tunc in odore & sapore mutatio quædam notabilis vix animadvertatur. Optima quapropter æstimatur resinosa & ex parte rubra, sive fuscè rubra, odoris penetrantis, saporisque amaricantis.

CAPUT VI.

Temperamentum ac Qualitates
investigat.

Qualitates ac inde resultantem crasin & Temperamentum Vegetabilium agendi esse principium, notum est, utut has impugnet *Theophrastus Paracelsus* & cum eo *Helmontius*, ridentes ambo qualitates elementares & relollaceas eas salutantes, hoc est, tales, quæ non procedant ex dotibus rerum seminalibus, sed rebus saltim constitutis ceu modi naturales superveniant, & nucleum ^{apparens} non attingant: hinc factum, ut qualitates hæ postmodum apud plures passæ fuerint vilipendium.

Nos cum Excell. *D. Wedelio*, aliisque potius statuimus, doctrinam de hisce qualitatibus, & consequente temperie non esse floccifaciendam: cum enim partes corporis humani calido innato instructæ sint subjectum Medicinæ, impossibile est, ut debitò modò iisdem succurrere queamus citrà qualitatum harum cognitionem. Optimum itaque fuerit ad solidam eruditionem hæc retinere & rectè explicare. Vid. Tr. de Medic. facult. l. 1. §. 1. c. 1. p. 3. 4.

Ut omnes aliæ Medicinæ, inquit *Illustris Rosencius* Tr. de Vegetab. l. 2. §. 6. c. 1. p. 181. ita & Vegetabilia sunt calida, frigida, sicca, humida, authore *Ibn Sina* l. 2. Canon. tr. 1. c. 1. per comparisonem ad corpora nostra. Calorem eadem habere nullum dubium, licet ad tactum non adpareat. Nunquam actu calent, nisi vi caloris Solis aut ignis, & eo ipso differunt ab Animalibus, quæ vitali calore prædita, actu ipso calida sunt.

In omni plantarum genere, authore *Philosopho* l. 1. de plant. cap. 2. calor est & humor naturalis, qui, ubi absumptus fuerit,

fuerit, valetudinem incurrunt plantæ ac senescunt, intereuntq; & marcescunt. Hanc alii corruptionem dicunt, alii non.

Temperamentum itaq; Myrrhæ quod concernit, habetur illud ab omnibus calidum & siccum. *Galenus* lib. 8. *Simpl. Medic.* sequentibus crasin expressit: Myrrha secundi ordinis est tum excalefacientium tum desiccantium: idem *Avicenna* l. 2. *Canon. tr. 2. cap. 475. p. m. 270.* statuit.

Caliditatem manifestè arguit ipsa substantia, quæ maximam partem est resinosa: resinosa verò omnia, omnium suffragio, censentur calida. Idem evincunt 1. Color, qui etiam plantis contingit: quamvis verò à colore temperamenti & facultatum dignotio debiliter procedat & probabiliter, & ipse *Pergamenus* *Senex* lib. 1. de *Simpl. Med. facult. cap. 2.* ex eo petitam conjecturam minus certam æstimet; nihilominus tamen flavedo in rubedinem vergens caliditatem videtur defendere. Colores, inquit, prælaudatus *Wedelius* l. c. cap. 8. quæ tales, præcipuè si cum modo substantiæ conjunctim considerentur, nihilominus ex parte testantur de temperie, consignificant, adeoque, licet primi incurrant in sensus, stant tamen post principia, & remotè saltem cognitionem hanc faciilitant vel adjuvant: sic præcipuè flavus color de calore testatur &c.

2. Odor gravis: hic aliquantò manifestius documentum caliditatis præbet: positivè etenim ex odore multa de *Simpli- cium* naturâ ac indole elici queunt, utut privativè nil certi innuant, cum in obscuro latere queant Odores. Quæcunq; ergò odore pollent, non saltim superficierenus, sed per universam compagem sparso & commixto, illa, nemine dissente, calida judicantur. Talis odor in Myrrhâ deprehenditur; ergò conclusio facilis.

3. Omnium verissimè de caliditate testimonium fert Sapor, intrinsecum illud principium dignoscendarum potentiarum simplicium: ab hoc magis firmum, certum ac solidum petitur argumentum crasseos, viriumq; plantarum. Jam verò

acria, amara & salsâ calida æstimantur: hinc cum Myrrha amaritudinem non levem cum acrimoniâ conjunctam in sinu suo foveat, necessariò inter Simplicia calefacientia locum merebitur.

4. Inflammabilitas denique, quâ Myrrha ob resinofas particulas prædita est, idem evincit. Hanc *Galenus* inter certa ac indubitata caliditatis signa ponit lib. 4. de Uſu Part. c. 9. Ubi pinguedinis calorem sic demonstrare nititur: *Pinguedo certè quod res calida sit, dignoscitur sensu ipſo, utentibus eâ nobis vice olei: indicat autem id non minimum, quòd facile in flammam transmutetur, tanquam ad flammæ naturam proximè accedat: nihil enim frigidum promtè comburitur.*

Porro in Qualitatibus cum attendi soleant Gradus, illorumque mansiones sive gradus graduum, ita & Myrrha eosdem adsignarunt Authores, omnesque calidam ac siccam proclamaverunt in secundo gradu, præter *Serapionem*, qui tertii gradus mentionem facit: Conciliatio tamen facilis: si dicamus, Myrrham calidam & siccam esse in fine secundi gradus, qui responderet principio gradus tertii.

Gradus hosce cum suis Mansionibus non pauci rident: reverâ tamen in activis qualitatibus illud succedere, imò & necessarium esse, rectè monet *Wedelius* l. c. pag. 16. Si enim verum est, scribit, uti est verissimum, magnam dari latitudinem horum, neq. strictis cancellis omnia posse includi, cur non liceat investigare hæc omnia penitus, ita tamen, ut latitudinem ipsam magis exprimamus quidem, non tamen confundamus, hinc ingenia, non aliter, ac in Astrologiâ gradus sunt ac minuta.

C A P U T VII.

Facultates generales tradit.

P Ræter Qualitates primas & alias, secundas dictas, in simplicium Vegetabilium examine esse attendendas, ex Botanographorum monumentis manifestum evadit. Primas Myrrhæ jam lustravimus: offerunt sese secundæ:

Vis

Vis nempè ac facultas aperiendi, subadstringendi, attenuandi, maturandi, detergendi, discutiendi, putredini resistendi & alexipharmaca, quibus omnibus tanquam polychrestum, salutariter quamplurimis corporis humani infirmitatibus succurrit.

1. Aperientium virtus principaliter consistit in partium tenuitate: gaudent namque particulis incidentibus, acutis, penetrantibus ductusque laxantibus, quibus motum humoribus fixis procurant, & vias, per quas ipsis transeundum, expediunt. Secundariò verò Aperientia modicâ crassitie pellere debent, nè virtus eorum tam facile expiret: vel dissipent potius, quod faciunt Rarefacientia, quæ in superficie hærentibus & poris magis sunt dicata, ubi poros laxant, humoresque fundunt; sed aditum sibi & permanentiam foenerantur, materiæ enim magis in profundo hærenti debentur. Hinc amara maximi æstimantur inter Aperientia, quia ob particulas terrestres simul roborant. *Wedelius* lib. 1. Sect. 2. cap. 3. pag. 43.

Cum itaque & Myrrha partium tenuitate dotata sit, & beneficio hujus in ciendis mensibus, retentisque lochiis expurgandis felici successu usurpetur, præterea etiam amaro sapore prædita sit, necessariò facultas aperiendi ipsi adscribitur.

2. Adstringentia inter Indurantia atque Incrassantia medium locum occupant, ac in genere crassioribus partibus constant, & accessione vel permissione ac prædominio harum humores fluxiles & feroces figunt, eosque quasi in motu impediunt, seu quicquid laxum est, adstringunt. Hinc locum merentur in confortandis visceribus seu laxitate viscerum, quæ oritur à substantiæ tenuitate. Talis adstrictoria virtus an Myrrhæ competat? controversitur inter rei herbariæ Scriptores. *Dioscorides* stat à partibus affirmantium, undè in alvinis profluviis ac Dysenteria ipsâ usum Myrrhæ commendat. *Galenus* titubanter, dubioq; procedit crure, & jam adfirmare, mox verò negare videtur. Alii negativam obstinatè defen-

dunt, inter quos non postremus Mindererus in Aloedar. Marocost. p. 56.

Nostram ut aperiamus mentem, dicimus, subadstringendi potentiam Myrrhæ minimè esse denegandam, modò distinxerimus ritè, ac heterogeneitatem partium intimius ponderaverimus, quam in multis Simplicibus, præsertim Vegetabilibus deprehendimus. Scilicet, præter particulas tenues, etiam crassas ac terrestres quasdam obtinet, ob quas adstringere putatur: non secus ac Rhabarbarum aperiendi ac evacuandi virtute pollet ob præsentiam tenuium, volatilium ac salino-sulphurearum partium: adstrictoriâ verò vi gaudeat ob crassarum terrestriumque admistionem. Consentit in facultatem hanc adstrictoriam illustris *Rolfsincius*, & O. ac M. Med. Spec. Comment. lib. XI. Sect. I. c. V. p. 877. Myrrham cum lenissimâ adstrictione exsiccare scribit.

3. Detergentia in genere dicuntur, quæ lentos ac glutinosos humores corpori adhærescentes aut impactos contactu suo rapiunt, & transeundo secum abducunt. Efficaciora hic æstimantur calida & sicca cum aliquâ partium crassitie, cujus ope aliquandiu morantur, & consequenter vellicando ac abradendo lentos succos, donec cedant, postea facilius eosdem secum deducunt & expurgant. Huic scopo & Myrrha faver: undè *Pergamenus* lib. 8. *Simpl.* apertè scribit: *Adest Myrrha & abstergendi potentia: verum adeò moderatam obtinet absterisionem, ut nonnulli eam arteriacis quæ vocant medicamentis commisceant, tanquam sufficienter excalfaciens & desiccans medicamen: scilicet absterisionem proficiscentem ab amaritudine nihil verentes.*

4. Maturandi ac Digerendi potentia in plurimis affectibus sese præbet conspicuam, inprimis in Tumoribus per humorum adfluxum obortis v. gr. Tonsillarum, glandularum in inguine, ponè aures &c.

5. Virtus denique Alexipharmaca putredinique resistens omne fert punctum: propter hanc corpora cum morbo

tum viva à corruptione præservat, de quâ inferius pluribus agetur: propter illam verò Antipestiferis accensetur. Alexipharmaca etenim vel putredini resistunt & sulphur sanguinis seu partes ejusdem oleosas factas rectas servant, nè vappescat; idque tum intendendo & vegetando, & quidem magis volatilia, uti sunt amara & aromatica oleosa, balsamica: v.g. Angelica, Myrrha, &c. tum concentrando ac penetrando unâ. 2. Vel ichoreſcentiam, resolutionem ac rarefactionem nimiam impediunt, adeoque vinculum quasi & individuum copulam & conjunctionem seri ac sanguinis respiciunt: suntque vel adstringentia austeriuscula vel mucilaginosâ, vel terrea absorbentia & fermentum resolutivum præcipitantia, vel acida sulphur sanguinis obtudentia: vel opiata, quæ cum aliis maritata inter Bezoardica atque Alexipharmaca bono titulo numerari merentur. 3. Vel serum, ejusque & motum promovent, & coagulationem impediunt &c. Vide de his prolixius differentem sæpius jam laudatum D. *Wedelium* de Med. Facult. l. 2. S. 2. c. 1. p. 164.

SECTION II.

Præparata ex Myrrhâ recenset.

CAPUT I.

Myrrham depurare doce.

Perlustratis hætenus divini nostri medicamenti, Myrrhæ nempe polychrestæ, facultatibus, antequam ad verum ipsius usum, quem in quàm plurimis corporis humani passionibus depellendis insigniter exercet, vel etiam Medicamentis aliis sub variâ formâ componendis & exhibendis admiscetur, quorum aut potissima basis est, aut baseos actionem promovet, progrediamur, ea dispiciamus, quæ ars chymica, mystica illa Philosophorum benè medendi scientia

labore suo industrio, operâque antelucanâ suppeditat: huius namque ope atque industriâ, tanquam Divini Omnipotentis Numinis beneficii, solidæ Philosophiæ fontis, sapientiæque clavis arcana in mistis latentia eruuntur, deteguntur, ac manifestantur, ut medicamenta indè jucundiora, tutiora atque efficaciora concinnari queant, non ab idiotis ac medicastis, sed à Medicis divini arti sese mancipientibus: hâc quippè arte Medicina ceu parte non minimâ & ad cognoscendum & ad agendum benè nullo modo carere potest, teste *Thomâ Reinesio*. Occurrit verò inter Præparata primò

DEPURATIO: hanc *Quercetanus* Pharmacop. Dogmat. restit. lib. I. cap. 14. p. 116. paucissimis proponit: Myrrham scilicet in vino ad ignem Balnei Mariæ dissolutam adhuc calentem per linteum transcolendam esse. *Zwelferus* Animad. in Pharmacop. August. p. m. 415. in præparationem hanc ita animadvertit. Myrrham tandem quod attinet, ejus vera & genuina non est quæ fit cum vino solutio, cum totaliter in eo non solvatur, sed potius in Spiritu vini. Quòd verò quandoque in vino diluatur, fit ob id, quia postquam cum vino ad spissitudinem cocta est, liquida aliquatenus maneat, atque hâc ratione cum reliquis speciebus intimius permisceri queat, hoc autem si cum Spiritu vini solveretur, ob nimiam ejus copiam, quæ pro solutione Myrrhæ verâ necessaria est, fieri nequit: ideò præstat, hanc Myrrhæ præparationem intermittere, nec prius instituere, quàm exigatur. Hactenus *Zwelferus*. Aliàs etiam Myrrhæ depuratio perficitur, si huic subtilissimè tritæ affundatur expressus quidam succus, decoctum vel infusum pro variâ intentione varium, ad duorum digitorum eminentiam, digeraturque postea in Mariæ Balneo ad lenem ignis calorem, ut mollescat, deindè calens adhuc per linteum transcoletur ac lentè inspissetur.

C A P U T II.

Extracti conficiendi rationem proponit.

Extracti nomine in Chimia venit id, quod ex crasso & simplici aliquo corpore sive ex iisdem plurimis mixtis, beneficio alicujus menstrui vel liquoris extrahentis prolectum, in quo præcipua virtus ac essentia rei sive rerum extractarum resideat, mortuo quasi vel inefficaci corpore crasso in residuo remanente. *Zwelferus Pharmacop. Reg. Cl. 7. p. m. 73.* Excogitata atque inventa sunt, ut propter subtilitatem, & separationem puri ab impuro benignius & sine molestiâ vires ac operationes suas exserant, penitus penetrent, in liquoribus solubilia sint, & ob id minus nauseabunda ac liquoribus soluta, non uti quidem pulveres atque res crassæ fundum petant, tædiumque concilient assument. *Id. ibid.*

Præparatur verò Extractum Myrrhæ vel solo spiritu Vini rectificatissimo, vel cum spiritu Ammoniacy benè unito: in-spissatum redigitur in Extractum beneficio MB.

Hic disquisitione dignum æstimat prælaudatus D. *Zwelferus* Append. in Animad. p. m. 17. Utrum Extractum rerum odoratarum balsamicarum (qualis etiam Myrrha est) sine virium jacturâ, ita ut nihil de essentiâ ac virtute rei extrahendæ perditum eat, parare liceat; cum rerum balsamicarum, essentiæ in tenuibus & subtilioribus consistant partibus, quæ leni etiam ignis calore pulsæ æthera petunt, relictâ terreâ mole, spiritu balsamico viduatâ. *Verum, pergit, quantumcunque rem consideratè etiam perlustro, vix tamen modum, qui voto meo ex omnibus satisficiat, invenio. Quâcunque etiam arte opus aggrediamur, vix ac nè vix quidem cuncta, conservabimus salva, si debitam Extracti consistentiam spissam indipisci propositum est: siquidem menstrua solventia vel extrahentia nullâ aliâ viâ, nisi destillando & abstractione à re extractâ separari queunt, quâ tamen simul & unâ partes subtiliores ejusdem rei extractæ evehuntur & abeunt.* Proponit itaque binos modos
non

non ineleganter, quibus putat desiderio votoque cupidorum satisfactum: primus est, ut ex re extrahendâ resinosa ac odoriferâ balsamicâ Oleum, si ejus quippiam aliâs rei insit, destillando proliciatur: alter verò Essentiam liquidam producit.

CAPUT III. Essentiam producit.

HÆc juxta præscriptionem Zvvelferianâ sequenti modo ex partibus Myrrhæ resinosis atque balsamicis prolicitur, sumpto ab Authore exemplo ligni Aloës.

℞. Ligni Aloës (Myrrhæ) ℥iij.

Cui minutim conciso super adfunde

Spir. Vini rectif. ℥vj. vel ℥viij.

vel si mavis, Spir. Rosar. aut Cerasor. vel Lilior. Convall. substituas, & in Alembicum juncturis undique & diligenter, luto clausis, igne arenæ totus proliciatur spiritus, odore & sapore præstans, ad siccitatem ligni: quo interim spiritu scilicet fragrante studiosè asservato, extrahatur repetitis affusionibus Spir. Vin. recentis relictum à destillatione lignum ad totalem resinosa substantiæ prolectionem; hinc in MB. extractionum omnium Spiritus destillando denuò provocetur, quousque resina sive Extractum resinorum spissum in fundo alembici relictum Spiritu fragrante superius asservato præviâ digestionem solutum & filtratum usui reponatur, tanquam Essentia legitimè confecta & præstans.

Cautelam verò adjungit, quæ in ejusmodi Essentiis atque Extractis resinosis observanda, nè scilicet aqueis vehiculis commisceantur, quando ægrotantibus propinare animus est, sed Spiritibus utcumque ardentibus, aut Aquis spirituosius convenientibus, vel etiam Syrupis cuidam spissiori sociatæ exhibeantur: nam si hoc non fiat, & talis Essentia aqueis vehiculis puris commisceatur, tota ejus resina ab aqueâ humiditate precipitata

capitata usui medico, cum in exhibitione, tum operatione, planè inepta reddatur. &c.

Angelus Sala Essent. Vegetab. Sect. 6. cap. 6. p. m. 40. 41. sequentibus processum Solutionis ac Extractionis resinosa ac balsamica substantiæ Myrrhæ adornat : Gummi Myrrhæ in cucurbitâ s. q. Succis herbarum, decocti vel infusi Simplicium scopo convenientium ad eminentiam duorum digitorum adfunditur, & in MB. sufficienter eliquati fit expressio, ejusq; tandem levi calore inspissatio. Consultum verò est tum demùm, quandò usus postulat, hoc modo præparare, nè antè illum situ corrumpantur, aut plus æquo indurescant. Sequenti modo balsamica substantia extrahitur :

Myrrhæ crassiusculè contritæ lbj. Spir. Vini ex vino Malvatico vel Hispanico destillati & rectificati ℥iij. affunduntur : materia omnis in Cucurbita alembico cæco munitâ Balnei Mariæ moderato calore, subindè leniter agitando tantisper contineatur, donec liquor probè tingatur, ab hoc porrò in aliam Cucurbitam, quantum fieri potest limpidissimo transfuso, Spiritus vini ad remanentiam octavæ partis abstrahitur : residui in concham effusi aquea pars ut Extractum therebinthinæ consistentiam, sapore & odore gummi præcellentem acquirat, evaporare permittitur, quod vasis vitreis exceptum, loco frigido servatur.

Essentia sive Extractum hoc balsamicæ virtutis utile est ad massas pilulares & Antidota, veneno aut humorum putrefactioni resistentia, & cum laudano, morbo exigente, ad quem gummata laudantur, commodum miscetur. Dosis à gr. 4. 6. ad 18. Feces quæ in Extractione remanent, nullius sunt efficacix propemodum, à Medico tamen prudente ad externos affectus adplicari possunt.

Essentia cum Tincturâ Tartari parata non vulgarium censetur esse virium, hinc à Dn. D. *Langio* Tinctura salutis salutata.

Hic minimè silentii peplo involvenda venit Quinta Essentia Myrrhæ, cujus conficiendi modum *Edoardus Boleslus*,

Medicus Regis Angliæ proponit in Aurorâ Chemicâ Part. II.
cap. 5. p. 80. 81. Scilicet,

Dissolve quantitatem Myrrhæ in oleo albo, vel æthereo spiritu Terebinthinæ, digere solutionem in Balneo per spatium viginti dierum, destilla deindè calore verè leni, & ascendet primùm Spiritus sive Oleum æthereum Terebinthinæ, affunde id iterum, & digere rursùm per septem dies: iterum destilla calore leni, & postquam Spiritus Terebinthinæ omnis evaporaverit, muta subitò Recipiens tuum, & continua destillationem tuam, donec nil ampliùs prodierit: accipe residuas feces, & calcina eas igne intensò, & è cineribus extrahe communi methodò Sal fixum, quod probè depuratum per repetitas sapiùs calcinationes, solutiones, filtrationes, & coagulationes junge rectificato ejus Spiritui: digere & serva id probè tanquam nobilem Balsamum, &c.

Et sic juxta Authorem hunc ex omnibus ferè Vegetabilibus extrahi poterit Quinta Essentia, eaque magnarum virium, singularisque efficaciarum: cùm in omnibus herbis, plantis, arboribus, aliisque omnibus, quæ ad regnum vegetabile pertinent, lateat subtilissima & purè ætherea fixaque substantia, fovens ac sustentans vitam: alens & nutriens naturalem calorem, quæque radix est & fundamentum omnium illius facultatum: abundantibus siquidem substantiis his arbores florent, germinant & fructus ferunt: his decedentibus vel deficientibus siccescunt, sterilescunt, flaccescunt, tandemque emoriuntur. Id. P. I. c. I.

P. 33.

CAPUT IV.

Magisterium, Oleum, Elæo-Saccharum
& Sal volatile componendi modum
tradit.

I. MAGISTERIUM.

HOc resinam siccam *Zwelferus* indigitat Animadvers.
in Pharmacop. August. p. m. 129. Paratur verò,
quandò post separationem Spiritus vini extrahentis
relictum Extractum liquidum in vitrum amplum ef-
fundimus, tunc enim vel innatantem vel in fundo hærentem
invenimus resinam, quæ exempta & aquâ frigidâ aliquoties lo-
ta in leni calore exsiccanda, ut pulverisari queat.

II OLEUM.

Duplex in tabernis pharmaceuticis benè constitutis ha-
beri solet, unum per deliquium factum; alterum per destilla-
tionem elicatum. Prioris præparationem tradit Matthiolus,
vocarique solet Liquor Myrrhæ: decoquantur nempe ova
gallarum, quousque dura fiant: deindè secantur secundum
longitudinem in duas partes æquales, & exemptis vitellis re-
plentur pulvere Myrrhæ, condunturque in humido loco, do-
nec Myrrha liquecat in oleum. *Schröderus* Pharmacop. Med.
Chim. lib. IV. el. 11. p. 201. ita procedit: imponit Myrrham
pulverisatam albumini ovi cocti adhuc calido, ac reponit in
cellam ad liquefcendum, vel mixtam cum eodem albumine
reponit suprà tabulam vitream, ut liquefcatur, destilletque in vi-
trum suppositum. Præparationem egregiam Olei five liquo-
ris hujus tradit etiam *Moses Charas* in Pharmacop. Reg. Chi-
mic. T. 1. P. 2. l. 2. c. 2. p. m. 388. illudque commendat in in-
fectionibus omnibus cutaneis, ad delendas maculas & faciei

cicatrices, uti & ad curationem scabiei, herpetum, imò & ulcerum. Uſus ſolummodò eſt externus: ſeorſim ut plurimum adhibetur, ſed & unguentis pomaceis remiſcere licet, ac injectionibus vulnerariis.

Deſtillati verò Olei Idem quatuor recenſet proceſſus: ſunt enim 1. qui Myrrham cum ferraturâ abietinâ macerant, ac poſtmodum per veſicam Oleum eliciunt: quod tamen aliquâ ex parte eſt abietinum. Huc ergò ſpectat cenſura *Angeli Sale Hydrelæolog. Sect. II. Cap. 10. p. 74.* extrac: ſcilicet, licet ſapore & odore Myrrham Oleum hoc referat, majorem tamen ejus partem de ſegmentis (ligni pineſtris) non Myrrhæ ſubſtantiâ promanâſſe, atque dictas qualitates contingentes ſibi adſciſſiſſe, credibile eſſe; nec illud contemnendum, modò nullus veritatis amans pro ſincero Myrrhæ oleo obtrudere ſeu diſpenſare nitatur.

2. Nonnulli liquori Myrrhæ Spiritum vini affundunt, digerunt, ac per alembicum deſtillant.

3. Quidam digerunt Myrrham pulveriſatam cum acero, & ſic deſtillationem inſtituunt.

4. Neque per ſe, neque cum ſilicibus, arenâ, bolò aut ſarinâ laterum Oleum profundit, ſed ſolum ſpiritum gravem & acidam aquam foetentem. Videatur etiam *Weckerus in Antidot. Spec. lib. 11. p. 660.*

Prælaudatus *Charas l. c. l. 2. cap. 46. p. m. 101.* de Deſtillatione Myrrhæ & Oleo indè proleſto hæc habet:

Myrrha cum Gummi Reſinis ſit accenſenda, in quâ partes aqueæ oleagineas ſuperant, omninò diſtinſto modo deſtillationi ſubjicienda: hæc ut ſuccedat, electæ & ſat ſubtiliter contritæ iſtius gummi Reſinæ libra immittenda grandi Retortæ vitreæ, affundendo aquæ vitæ optimæ lbx, illico ſimul commovendo, ac deindè imò per vices, interim dum ſit 12. horarum maceratio, ut facilis ſit Myrrhæ in Aq. vitæ diſſolutio. Poſtmodum demerſa Retorta balneo arenæ, cui accommodandus erit
rite

ritè loricatus semiglobus vitreus, inchoanda initio igne leni destillatio, eodem paulatim intensiore reddito, præsertim sub finem, quò facilius prodeat universa Myrrhæ pars oleaginea, seponendo spiritum in destillatione priùs eductum, ac lorizando iterum semiglobum ad excipiendum, quicquid in posterum proditum est. Cuncta destillata cùm fuerint, vasa autem refrigerata, ac secretus humor superfluous Aquæ vitæ ab ejusdem parte oleaginea, atque postrema hæc commista æquali pondere Vitrioli ad albedinem calcinati rectificanda erit immissa exigua Retortæ vitreæ ope balnei arenæ, igne moderatissimò, hinc extillabit oleum minus crassum aut multò quàm antè purius ratione Vitrioli, quod sibi adsumpsit partes crassiores & terrestriores. Porro, cùm Vitriolum procul dubio huic oleo acrimoniam nonnullam impertire soleat, neque dum puritatem requisitam adeptum sit, commiscendum erit æquali ponderi ossium bubulorum aut vervecinorum contritorum à calcinatione & quadruplò aquæ fontis: quæ simul immissa Alembico vitreo ex multis partibus non conflato, quod accommodatum habeat exiguum recipiens rostro appensum, arenæ balneo, igne moderatissimo extrahetur oleum flavum elegans & pellucidum, polychrestum, lumbricos videlicet enecandi vi pollebit, venena impugnabit, humorum putredini obsistet, viscerum omnium obstructiones referabit, sed præsertim Uteri. Exhibetur à guttis ij. iij. ad vij. & viij. exceptis saccharo pulverisato demùm liquore idoneò dilutis: commisceatur etiam Pilulis, Opiatis, variisq; aliis remediis, &c.

III. ELÆO-SACCHARUM.

Parandi ratio facilis est, si nempè oleum destillatum saccharo instilletur pro more aliorum Elæo. saccharorum.

IV. SAL VOLATILE.

Paucissimum hoc acquiritur, quod admistione olei Vitrioli cum oleo destillato Myrrhæ leni motu patescit.

CAPUT V.

Trochiscos, Pastillos, & Acetum Myrrhatum exhibet.

I.

Trochisci juxta *Rhasen* ad *Almarforem* l. 9. cap. 83. ita componuntur:

℞. Myrrhæ ʒiij. Lupinori ʒv. Fol. Rutæ, mentastri, pulegii cervini, Cumini, Rubiæ, Asæ foetidæ, Sagapen. Opopan. aa. ʒij. Dissolvantur gummi in aceto squillitico & cum succo Artemisiæ fingantur Trochisci.

II. Pastilli olim, notante *Dioscoride*, ex ipsâ Myrrhâ substantiâ sine aliorum admistione concinnabantur, & quidem ex pingui Myrrhâ pingues & odorati; ex aridâ verò & siccâ, minus pingues, inodorati, virtutisque debilis. Cùm autem propter siccitatem commodè non possint formari Pastilli, oleum admiscebatur, quò verò obtundebatur illorum vis, ut invalidi fierent & nullius efficaciam ad ea, ad quæ aliâs Myrrhâ salutaris existit.

III. Acetum Myrrhatum describitur à *Mysichto* *Arment. Med. Chim. Sect. 23. p. 307.* sequenti modo:

℞. Myrrhæ rubr. ʒj. Rad. gentian. ʒß. Herb. Card. bened. Rutæ, absinth. Scabios. Veron. Scordii aa. ʒij. Croci oz. Cass. lign. Castor. aa. ʒj.

Macerentur in aceti vini Caryophyllati q. s. per octiduum, postea filtrentur, & Acetum clarum usui reservetur.

CAPUT VI.

Fuliginis mentionem facit.

D *Ioscorides* hujus meminit lib. I. c. 67. quæ conficienda ad modum fuliginis thuris, de quâ cap. 73. Processus est talis: Fuliginem thuris, scribit, sic facito: forcipiculâ lucernis accensas singulatim thuris (& sic Myrrhæ) glebas in novam fictilem ollam concavam imposito, & æreo vase in medio perforato, detergâ diligenter sorde, obregito: alteram admoveto ex alterâ ejus parte, aut utraque subjectis quatuor digitorum altitudine lapillis, quò facilius perspiciqueat, si urantur: & quâ locus capax fuerit, glebularum alias supponito, & anteaquam prorsus prior gleba restinguatur, aliam imposito, donec sufficientem fuliginem videaris coëgisse. Continuo tamen externæ æramenti partes spongiâ aquâ frigidâ madefactâ abstergantur: ita enim temperatô æris fervore fuligo omnis inhærebit: alioquin per levitatem decidua thuris (Myrrhæ) cineribus admiscetur. Derasâ itaque fuligine, cinis cremati thuris (Myrrhæ) seorsim subtrahendus est. Idem opus, quoad satisfactum tibi videbitur, obeundum, &c.

SECTIO III.

Compositiones principales, quas Myrrhæ sodalitium nobilitat, in scenam producit.

Postquam ea, quæ arte Chemicâ ex polychrestâ nostrâ Myrrhâ proliciuntur, scrutati sumus, ordinis ratio postulat, ut & principales quasdam Compositiones, quas dictum Vegetabile ingreditur, in medium proferamus:

ramus : ubi notandum , ultrà sexaginta Compositiones in Pharmacopœâ Augustanâ descriptas reperiri , quæ Myrhæ additione illustrantur : præter has & apud Præcticos eruditione , famâ & experienciâ celebratissimos tot præstant , & in doctissimis ipsorum scriniis continentur , ut charta & tempus deficerent , si omnes ac singulas transcribi atque adponi concederetur. Nihilominus tamen potiores aliquot usuique magis dicatas asferre haud piget , & quidem in gratiam Philatriorum , & quibus curta librorum est supellex , tum ut in compendio quasi de divinis plantæ hujus nobilissimæ viribus habeant judicium ; tum etiam , ut quæ ex Authoribus collegi ac elegi (inter quos cum filiali reverentiâ nominandi quoque veniunt Avus meus maternus , Dn. *D. Samuel Scharlachius* , per aliquot triginta annos in Electorali hac Viadrinâ Professor Publicus : & desideratissimus Parens , Dn. *D. Melchior Polissus* , per sat multos annos itidem Professor Ordinarius ac ferè emeritus , uterque *νῦν ἐν ἀγίῳ*) meis observationibus qualibus qualibus fidem majorem concilient , & testimonio quasi aliorum hoc modo confirmentur. Sic itaq; Sectionis hujus

C A P U T I.

Theriacam Andromachi & Mithridatium Damocratis sistens.

Daniel Beckerus , Med. D. & Prof. olim in Academiâ Regiomontanâ celeberrimus Disputatione tertiâ Theriacologiæ suæ non sine causâ infelicem censendum existimat illum Medicum , qui dum ad profligandos morbos quotidianis usibus Theriacam destinat , quid tamen ea sit , ex quibus constet , & quam singula ingredientia indolem obtineant , ignorat. Infeliciorem verò illum nominat , qui eandem componere , & tantum alexiterium extruere satagit , postpositâ ipsius materie accuratâ exploratione sedulâque

lâque investigatione. Cum enim exotica plurima sint, ea-
que haud rarò adulterentur, ita ut etiam ii crebrò decipian-
tur, qui hâc in parte sunt exercitatissimi, necessum sanè erit,
& oculis, & linguâ & nasò perlustrando, gustando, olfacien-
do omnia rectè perferutari, ne dum ipsam theriacam inten-
dimus, aliud & quidem vilius, quid indè emergat. Hinc
quò major hostium est furor, & imminens ab iis vitæ peri-
culum, eò accuratiore in procurandis armis opus erit solertiâ:
insidiantur quippè corpori nostro aliàs fragili infinita eaque
atrocissima morborum genera, de mediis itaque cogitandum
maturè, quibus istorum atrocitati ac vehementiâ obviam iri
queat. Inter alia infinita satisque celebria non ultimam oc-
cupat sedem Theriaca, antiquitatis laude, Magnatumque pe-
rennante applausu commendatissima Medicina. Vetus est
pharmacum, verum est, proptereâ verò minimè proscriben-
dum eliminandumque: nam bellum Medicinæ inferunt, qui
repudiatis Vêterum inventis, nil nisi novum quid evomunt:
contrâ etiam reprehendendi, qui Recentiorum placita planè fa-
stidiunt: scilicet,

Stulta hæc invidia est, cui cuncta recentia sordent;

Invida stultitia est, cui nova sola placent.

In gravi ac periculoso morbo certis medicamentis post-
habitis curiosæ experientiæ ergò salutem ægri prodere, imò
perdere, improbum judicat *Pergamenus* noster *Senex* l. 1. de
Comp. Medic. secundum genera Cap. 16. quare amicâ & serenâ
fronte amplectenda, quæ veneranda Antiquitas prudenti sa-
noq; consilio invenit ac excogitavit, concinnavitque.

Meritò hinc culpandus *Plinius*, qui lib. 29. N. H. impu-
dente calamò, præter rationem, & contrâ dignitatem tam il-
lustris Medicinæ propter ingredientium numerum ac multi-
tudinem bigam hanc medicamentorum perstringit: Theria-
ca, scribens, vocatur excogitata compositio luxuriæ, fit ex re-
bus externis, cum tot remedia dederit natura, quæ singula suf-

ficerent. Mithridatium antidotum ex rebus LIV. componitur, interim, nullò pondere æquali, & quarundam rerum sexagesima denarii unius imperata. Quo Deorum perfidiam illam monstrante? hominum enim subtilitas tanta esse non potuit. Ostentatio artis & portentosa scientiæ venditatio manifesta est: at ne ipsi quidem illam novère. Hæc Plinius ab aliis dignè hanc ob rem refutatus. Quamvis enim nonnulla occurrant de præcipuis ingredientibus, quæ examen incurrere queant; magnorum tamen virorum ac in divinâ arte exercitatissimorum de hâc materiâ loculos excutere non placet, sed suum cuique iudicium relinquendum ducimus: interim intellectus humanus omnium rerum dominus est, nec alienæ libidini se mancipari patitur.

Cæterum infantiam suam, primamque originem Theriaca debet *Andromacho Cretensi*, *Neronis* Imperatoris Archiatro, uti vocatur à *Galeo* lib. I. de Antidot. Theriaca compositio versibus ad *Neronem* perscripta celebratur ab eodem lib. de Theriacâ & l. modò citatò, cujus initium hoc est:

ΚΛῦθε πολυδρονίε βερίαρὸν θεὸς Ἀνιδόλοιο

Καῖσαρ ἀδερμάντε δῶτος ἐλίουθεῖνος :

ΚΛῦθε Νέγων, &c.

Mithridatii inventor & author *Mithridates* fuit, Ponti ac Bithyniæ Rex, qui vixit ante natum nostrum Salvatorem annò circiter septuagesimò.

Ab istis temporibus nobilissima hæc medicamentorum biga in hodiernum usque diem viget ac floret: Augeturque præsidii huius medici dignitas ac eminentia constanti Magnatum favore. Ut enim olim *Mithridates* inventò ac præparatò suò Mithridatiò sibi subditisque suis feliciter consulebat, ita ex eodem quasi prognata Theriaca sequentes Imperatores sibi suisque prodesse adnitebantur. *Marcus Antoninus* Imperator singulis diebus quasi delicatò quodam cibò Theriacâ utebatur, unde etiam medicina hæc majorem penes subditos acquisivit auctoritatem fidemque.

The-

Theriaca verò rectius ac potius Thiriaca inscriberetur, à græco *Θηρίον*, quod feram sive belluam significat, & *ἄλγος*, medicamentum sive medela, ut hâc ratione medelam contrâ feram derivatio nominis inferat.

Quidam, inter quos *Petrus Aponensis* lib. Conciliat. diff. 177. & 179. Theriacam derivatam volunt à Thiro, serpentum genere, quem à viperâ distinguunt: sed errare eos demonstrat prælaudatus D. *Beckerus*. Cur verò à bestiis venenatis Theriacæ nomen sit inditum, cum non tantum venenis animantium, sed & Vegetabilium ac Mineralium medeatur, imò & alii tam interni quàm externi affectus à variis causis producti eodem pharmaco débellentur, id causæ est, quòd à potiori fieri debeat denominatio: cum itaque venena bestiarum majoris sint momenti, ac in Græciæ locis frequentius venenata animalia occurrant, & secundum *Galenum* ad *Pison.* cap. 5. nihil tam difficile sit, quàm serpentes & venena vitare posse, jure merito inde Etymologia petita fuit.

Compositio itaque Theriacæ *Andromachi* correctâ finè Opio juxta *Zwelferum* in Pharmacop. Reg. p.m. 167. 168. 169. ita se habet:

℞. Trochiscor. de Viper. dextrè preparat. vel illorum loco pulv. viperar. ℥xiij. Flor. Rosar. rubr. exsiccat. ℥j. Sem. Napi agrest. ℥iiij. Comar. Scordii Cret. vel nostrat. ℥v. Opobals. veri orient. seu ejus loco Ol. Nuc. Mosch. expr. ℥iiij. Cinam. ac. ℥iij. Myrrhæ translucidæ ℥iv. Costi odorati seu potius Zedoar. ℥iiij. Croci austr. opt. ℥iij. Cass. lign. ver. Nardi Indici, Schænanthi, Thuris albi, fol. Dictamni Cret. Stœchad. arab. Sem. Petrosel. Macedon. Nepeth. sive Calam. mont. Terebinth. Chia. Rad. Pentaphyll. āā. 3vj. Resin. Styrac. Calam. ℥iij. Meu seu Angelic. ℥ij. Amomi seu potius sem. Citri excort. ℥ij. Acori seu Calami aromar. ℥j. Terræ lemn. ver. ℥ij. Phu pont. f. Valerian. ℥j. Macis, Caryophyll. āā. ℥ij. Rad. Gentian. ℥j. Anisi, Cubebar. Fœnic. Cardamom. min. Thlaspios, Am-

meos, Sagapen. āā. 3℔. Castor. rec. 3℔. Aristoloch. long. 3℔. Comar. Centaur. min. 3vj. Mellis puriss. juxta descript. Zvvelfer. & informat. sinè violento calore à suis rebus heterogeneis separati ℔ xv. seu xiv. & vi. Paretur Antidotus.

*Theriaca Andromachi magis restricta & correcta
ejusd. p. 172.*

℞. Trochiscor. de Viper. ritè præparat. vel horum loco Pulv. Viperar. 3 xiv. Comar. Scordii nostr. 3 v. Zedoar. seu Costi veri 3 iv℔. Myrrhæ translucidæ 3 iv. Meus. Angelic. 3 iv. Terræ Lemn. 3 iij℔. Amomi f. Sem. Citræ ex-cort. 3 iij. 3 ij. Sem. Napi Sylvestr. Opobals. ver. āā 3 iij. Cinam. opt. Croci austr. Resin. Styrac. calam. āā. 3 i℔. Rad. Gentian. Valerian. seu Phu pont. Rosar. rubr. siccāt. Aco-ri f. Calami aromat. Cent. min. āā. 3 j. Macis, Caryophyll. Anisi, Cubebar. Fœnic. Cardamom. min. Thlaspios, Am-meos, Sagapen. Castor. Aristoloch. long. āā. 3℔. Mellis puri ritè extr. & nunquam cocti triplum : i. e. ℔ xiv. & 3vj. vel ℔ xv. Instituetur mixtura secundum artem &c.

Theriaca Andromachi correcta cum Opio.

℞. Trochiscor. de Viper. aut Pulv. Viperar. legitimè parat. 3 vj. Opii prius correcti cum Spirit. Vini legitimè extra-cti & ad debitam spissitudinem redacti 3 iij℔. Piper. long. 3 ij℔. Rosar. rubr. 3 iij. Iridis illyr. aut florent. Succi li-quirit. probè colati, Sem. Napi agrest. Comar. Scordii nostr. āā. 3 i℔. Opobals. veri seu Ol. Nuc. Mosch. expr. 3 iij℔. Cinam. acuti 3 iij. Myrrhæ translucid. 3 i℔. Costi odorati f. Zedoar. 3 ij. Croci austr. opt. 3 i℔. Cassiæ lign. ver. Nar-di Indic. āā. 3vj. Thuris masc. pellucidi 3 i℔. Fol. dicta-mni Cret. Stoechad. arab. Nepethæ f. Calaminthæ mont. Terebinth. Chia, Zingib. Rad. Pentaphyl. āā. 3vj. Re-sin. Styrac. Calam. 3 ij. Angel. 3 j. Amomi racemosi seu
potius

potius Sem. Citri excort. ʒiʒ. Acori seu Calami aromat. ʒiʒ. Terræ lemniae ʒij. ʒij. Phu pont. seu Valerian. ʒʒ. Macis ʒvj. Caryophyll. ʒvj. Rad. Gentian. ʒij. Anisi, Fœnic. Succi Hypocist. Carpobals. seu Cubebar. Cardam. min. Sem. Sesel. Succi Acaciæ, Thlaspios, Ammeos, Sagapen. āā. ʒʒ. Castor. rec. ʒʒ. Aristoloch. long. ʒʒ. Summit. Centaur. min. ʒʒ. Galbani ʒij. Mellis puriss. non cocti sed ritè extracti triplum, i. e. ℥xiv. cum ʒvi. Misc. f. Antidotus siue Theriaca.

Compositio Mithridatii Damocratis.

℞. Myrrhæ Arabicæ troglodyticæ, Croci, Agarici, Zingiber. Cinam. Spicæ Nardi, thuris el. thlaspios āā. ʒx. Sefelios, Opobals. Schæmant. stæchad. Costi veri aromat. aut Succedanei, Galbani, Terebinth. piper. long. Castor. pont. Succi Hypocistid. styrac. rub. Opopan. nolii āā ʒj. Cassiæ lign. Polii, Piper. alb. Scord. Sem. Dauci Cret. Carpobals. Cypheos trochisc. Bdellii āā. ʒvij. Nardi Celt. purgat. sem. Petrosel. Gummi, Opii, Cardamom. Sem. fœnic. Gentian. flor. Rosar. Dictamni Cret. āā. ʒv. Anisi, Aristoloch. rot. Acori, Phu, Sagapeni āā. ʒiij. Meu Athamant. Succi Acaciæ, ventris Scinci veri, summit. Hyper. āā. ʒiijʒ. Vini q. s. Mellis despumati triplum, i. e. ℥ix. ʒvii. ʒij.

VIREs. Utilitas Theriacæ ac Mithridatii magna certè est: cum enim torqueri sit, non verò vivere, minus commodè valere, certè valetudinem procurabit illud, quod & adventantium hostium ferociam ac furorem averruncare, præsentemque morborum invasionem atque molestiam evertere valet. Utrumque hoc præstat, DEO benedicente, biga hæc nunquam satis laudanda & commendanda: Balsamum quippè radicale restaurat, corpusque adversus venenatos insultus ita præmunit, ut nocere non possint. Quodsi verò damnum, indè jam passum sit, corpus labemque aliquam contraxerit, œconomia ejusdem, veneno omnibus viribus sese opponit,

corpusque pristino vigori ac integritati reddere conatur. Scilicet non est venenum, sive illud animale sit, sive minerale, sive vegetabile, cui Theriaca in tempore exhibita non occurrat, ipsiusque vires infringat. Partes præterea corporis nostri singulas tam internas quam externas defendit, male affectis prospicit, suamque virtute atque efficaciam salutiferam optatim imbuunt; Nullum agnoscit discrimen ætatis, sexusque modo à prudenti porrigatur Medico: quemadmodum enim cuilibet pharmaco rectum debetur iudicium, ita & Regine medicamentorum Theriacæ.

Compositionem Theriacæ Cœlestis vid. apud *Quercetani* Pharmacop. dogmat. restitut. lib. 1. cap. 23. it. Rhabarbalog. Dn. D. *Tilingii*, Collegæ nostri honoratissimi pag. 242. Vires hujus Theriacæ *Fridericus Greiffius*, qui eam reformavit, auxit, ac elaboravit peculiari tractatu de eâ conscripto, sequentibus commendat: Theriaca cœlestis est antidotus universalis, roborans, venenis resistens, fluxus immoderatos cohibens, dolores mitigans, morbosque deploratos & ferè incurabiles propellens, estque instar panaceæ, imò multis vulgò dictis panaceis, liquoribus, oleis & pulveribus solariibus, viperinis, & quibuscunque preciosis palmam præripiens: Cum vix in totâ Republicâ medicâ dari possit medicamentum, quod in tam parvâ quantitate, 3. scilicet vel 4. granorum tam citò, tutò & minori cum molestiâ operetur; quod omni ætati, sexui ac complexionì conveniat, inque omnibus morbis securè adhiberi possit.

CAPUT II.

Myrrham Electuaria & Opiatas ingredi
di monstrat.

Electuarii nomen iis præcipuè medicamentis competit, quæ melle vel sirupo aliquo Simplici ac conveniente ad consistentiam Sirupo crassiorem & difficulter fluidam liquidam tamen nonnihil, in usum diuturniorem redacta sunt. Opiatas veteres illa vocarunt medicamenta, quorum compositionem Opium nobilitabat tanquam principale ingrediens: hodiè verò usus practicus obtinuit, ut etiam ista medicamenta, quæ opium non recipiunt, improprie ac abusive, Opiatarum nomine veniant, quòd Theriacæ opiata ratione consistentiæ sint similia. Prodeat itaque

I. *Electuarium de Ovo.*

Hoc sub Augusto *Maximiliani* Primi Imperatoris nomine venit, & à longo jam tempore usurpari cœpit in Pestilentia fugandâ, morbisque venenatis profligandis, nec sine ratione, cum medicina sit diaphoretica, & mediante sudore pravos malignosq; ichores à centro ad corporis peripheriam propellat. Modus componendi habetur in Augustanâ: præter hunc alium suggerit *Josephus Quercetanus* Pharmacop. dogmat. restit. lib. I. cap. 22. p. m. 167. Ubi etiam suum medico orbi sistit Electuarium de Ovo majus pro ditioribus & minus pro gregariis. Descriptio in Dispensatorio Augustano reperibilis talis est.

- ℞. Ovum gallinæ recens, & educto per apicem albumine, id quod vacuum est, Croco orientali non pulverisato imple, vitellum non auferendo: postea cum alio putamine iterum occlude, nè quid transpirer, & lento igne, vel post fornacem tamdiu assa in ollulâ, donet tota ovi testa nigrescere incipiat, diligenter cavendo, nè crocus com-

comburatur. Exempta è testâ materia exsiccatur, ut in mortario exquisitissimè contundi & in pulverem redigi queat, addendo pulveris Sinapis albi quantum prædicta omnia ponderant: postea

℞. Dictamni albi, Tormentil. āā. ʒij. Myrrhæ, C. C. Nuc. vomic. āā. ʒj. Angel. Pimpinell. granor. junip. Zedoar. Camphor. āā. ʒʒ.

Misce omnia simul in mortario, & tandem adjice Theriacæ optimæ ad pondus omnium, ac iterum pistillo fortiter contunde & commisce per tres quasi integras horas agitando, addendo Sirupi Limonum q. s. f. Electuarium sive opiata s. a.

Franciscus Joel Oper. Med. T. 5. S. 3. p. 62. Ovum hocce aureum sinè censurâ non dimittit, quandò scribit: *Detestor ego inconcinnam, ineptam, fatuam & omni vitiâ carentem atq; venenatam compositionem popularis alexipharmaci, quod Ovum aureum vocant, & quo in totâ ferè Europâ in omnibus familiis ob quorundam medicorum commendationem, tanquam divinitus monstrato remedio utuntur, ex cujus usu infiniti quoq; extinguuntur. Jure autem aureum ovum tanquam perniciosum toxicum damno 1. quia recipit Nucem vomicam, fructum venenatissimum & citò extinguentem, ut quilibet periculum facere queat in cornicibus & canibus. 2. Quia admiscetur extremè calida, quæ suâ caliditate destruant idiosyncrasias & corporis & spirituum. 3. Quid, queso, Crocus exustus, & ovi luteum adustum in corpore aliud agere possunt, quàm ut cinis & fuligo, nempe viscera exurere? 4. Ejus descriptio non est uniformis, sed in omnibus Myropoliis, adeoq; in omnibus familiis diversam & aliam aliamq; habet preparandi rationem.*

II. Electuarium vitæ D. Flaminii Gastonis.

℞. Theriacæ Andromachi, Mithridatii Damocratis āā. ʒiiij. Flor. Sulphur. Myrrhat. ʒiv. Confect. Alchem. ʒij. Magist. Corallor. ʒʒ. liquoris Nucis Vomicae ʒvi. Sir. de Scor-

Scordio q. f. Spir. Vitrioli ꝓj. fol. Auri fini, cum Succ. Limon. destillat. sol. num. x. Digerantur post fornacem fiatq; Antidotus.

III. *Electuarium aureum Camphoratum* *Ejusdem.*

ꝓ. Theriacæ Androm. ʒiij. Aloës balsam. ʒvi. Myrrh. ʒv. Salis Absinth. ʒiʒ. Camphor. Croci āā. ʒj. Spec. Electuar. de Gemm. ꝓij. Spir. Vitrioli ꝓiʒ. Cum Sir. granat. f. q. M.

IV. *Electuarium aureum Chemicum D. Samuelis Scharlachii.*

ꝓ. Theriacæ Androm. Mithridat. āā. ʒj. Flor. Sulphur. Myrrhat. ʒʒ. Extr. Card. bened. Junip. Scord. Angel. Scorzoni. āā. ꝓiv. Salis Scord. Card. bened. Absinth. āā. gr. xij. Ol. Zedoar. ꝓʒ. Camphor. ꝓij. Aq. Carfune. q. f. Misc.

V. *Theriaca Antimoniata Chymica D. Rolfincii.*

ꝓ. Theriacæ opt. ʒʒ. Bezoart. mineral. Antimonii Diaphor. āā. ʒij. C.C. philosophicè calcinati, Magister. Corallor. r. Ocul. Canicr. Perlar. lactis Sulphris, Flor. Sulphur. ter sublimator. āā. ʒij. Salis C.C. volat. Cinam. Carlin. āā. ʒj. Extr. Opii cum succo Limon. vel Spir. Vin. parat. Lillior. Convall. Acori veri, Citr. Spir. C.C. volatili Sale imprægnari, Vitrioli, Ol. C.C. ligni Sancti āā. ʒij. Balf. Sulphuris, Tinct. Corallor. Lunæ, Mistur. Antipestif. compos. Rolfincii, Elix. P. P. āā. ʒij. Myrrhæ, Rad. Angel. Zedoar. Bacc. lauri, Extr. bacc. lauri, Roob Sambuci & Vini q. f. ad incorporationem. Misc. f. Elect. Dosis gr. iij. iv. ꝓʒ. vel quantum cuspide trahitur.

VI. Theriaca Germanica usitatissima.

℞. Rad. Enul. ʒiʒ. ʒiij. Aristol. rot. ver. ʒj. ʒij. Zedoar. baccar. junip. aa. ʒij. Rad. Aristol. long Succif. Scabios. Herb. lupuli aa. ʒiij. Beton. Salv. Praes. Scord. Spicae Roman. bacc. lauri, Rad. Gentian. Dictamn. Valerian. Tormentil. Vincetox. Calam. aromat. aa. ʒij. Cardopat. Pimpinell. Sem. Anis. Carvi, Macis aa. ʒj. Calaminth. ʒʒ. Gummi Bdellii, Myrrhæ, Sandal. rub. aa. ʒij. ligni Indici, Succini albi aa. ʒʒ. Castor. ʒiʒ. Corallor. rub. præparat. Rad. Pæon. Zingib. aa. ʒj. Piper. Caryophyll. aa. ʒiʒ. Nuc. jugland. excort. num. vij. Spec. liberant. ʒijʒ. Succ. Angel. ʒiʒ. Oxymel. squillit. ʒj. Ol. Terebinth. ʒʒ. Mellis despumati lbij. Misc. f. l. a. Electuarium.

VII. Electuarium alexipharmacum probatissimum.

℞. Rad. Imperat. Angel. odorat. Gentian. Carlin. aa. Mij. Terræ sigillat. ʒvj. Myrrhæ ʒj. Theriac. Androm. ʒiv. Rosmar. Rutæ aa. Mj. Aristoloch. lb iij. Bacc. lauri n. vj. Mellis virg. despum. triplum. Misc. f. l. a. Electuarium.

Vid. Jonstoni Id. Med. Pract. l. i. c. 3. p. 16.

IX. Electuarium Antiloimicum,

Die Schwefel-Latweg.

℞. Flor. Sulphur. optimè sublimator. ʒvj. Elect. de Ovo, Mithridat. opt. aa. ʒiij. Theriac. Androm. ʒj. Aloës ʒiʒ. Myrrhæ el. ʒvj. Camphor. ʒiv. Croci or. ʒj. Succ. limon. depurat. q. s. Misc.

Dosis singulo mane quantitas pisi plus minusvè pro ratione ætatis aliarumq; circumstantiarum.

*IX. Philonium majus sive Romanum Nicolai
Myrepsi.*

℞. Piper. alb. 3v. Opii 3ijß. Cass. lign. veræ 3iß. Sem.
Hyoscyami alb. 3v. Apii 3j. Petrosel. Macedon. Fœnic.
Dauci Cret. aa. 3ij. gr. v. Croci 3j. Nardi Indic. Pyre-
thri, Zedoar. ad gr. xv. Cinam. 3iß. Euphorb. Myr-
rhæ, Castor. aa. 3j. Mellis optimi triplum sive 3iixß.
Misc.

Opiatum pharmacum est, & hinc accuratè præparandum,
cautèque usurpandum. Certum equidem est, opiatum lau-
data esse remedia, (nam laudani nomine insigniri solent) qui-
bus multi ex corpore languores atq; ægritudines tolli queunt,
magnique ac admirandi haud rarò ipsorum deprehenduntur
effectus conspicui in doloribus colicis, cruciatibus ventriculi,
abdominis, hypochondriorum, uteri, lienis, à flatibus exci-
tatis, defluxionibus ad pectus acribus, tussique, singultu ve-
hementi, urinæ difficultate, sputò cruentò, aliisque sanguinis
profusionibus, &c. Nihilò tamen minus summâ cum cir-
cumspectione veniunt adhibenda, ne fiant gladius in manu
furiosi: maximè verò legitima opii accedat præparatio atque
correctio.

Monitum circa Narcoticorum compositionem & debi-
tam adhibitionem *Roderici à Castro* non videtur susque deque
habendum: ita verò ille de Morb. Mulier. Part. 2. l. 2. p. 149. 150.
Narcoticis compositionibus non nisi post sex menses vel potius
post annum à compositione utendum est. Quod si Philonium
duorum, trium, quatuorvè annorum fuerit, melius erit, nec
inutile sequentibus ad decimum usque, sed tantò minus stupe-
facit quantò est vetustius.

X. Hiera Logadii.

℞. Pulpæ Colocynth. Polypod. aa. 3ij. Euphorbii, Polii
g 2 mont.

mont. min. Sem. Thymeleæ vel Coccognidii aa. ʒiʒ. gr. vj. absinth. Myrrhæ aa. ʒj. gr. xij. Centaur. min. agarici, Ammoniacy, Folii vel ejus locô macis, Spicæ Indic. Scillæ præparatæ, diagrid. aa ʒj. Aloës, Comar. Thymi, Chamædr. Cassiæ lignæ, Bdellii, Marrub. aa. ʒj. gr. xiv. Cinam. Opopan. Castor. Aristoloch. long. Trium Piper. Croci, Sagapeni, Petroselini macedon. aa. ʒʒ. Hel-lebori nigri, albi aa. gr. vj. Mellis despumati triplum seu ʒx. Misc. f. Electuarium.

Locum habet medicamentum hoc in affectibus melancholicis, hilaritatem quippè inducere traditur: appetitum excitat, Vertigini, Epilepsiæ, Apoplexiæ, atque Convulsioni medetur: in feris impetiginibus utile existit, menses tardos & suppressos revocat. Ischiadicis auxilio est; ac diuturnos morbos felici fidere aggreditur: potissimum verò admiscetur Enemati-bus, quando lenti, visci, crassi ac tenaces sunt everrendi humores.

*XI. Electuarium Ulmæ usitatum in Scorbuto oris
& dentium cum fœtore.*

℞. Rad. Iridis flor. ʒij. Aloës hepat. ʒiʒ. Margarit. præparat. Corallii utriusque, ligni aloës, Sandal. rubr. aa. ʒi vʒ. Sangu. draconis ʒij. aluminis crudi ʒiʒ. Mastich. Myrrh. aa. ʒiʒ. Ambr. ʒʒ. Cortic. Cancror. marin. ʒiʒ. Mellis rosati opt. ʒvj. F. l. a. Electuarium pro usu.

*XII. Electuarium Emmenagogum Johannis Heurnii
Method. ad prax. l. 2. cap. 14. p. m. 163.*

℞. Succo Eryngii, Salviæ, Sabinæ, Pulegii aa. ʒiij. Cinam. Afari, Myrrhæ, Croci aa. ʒj. Misc. & cum Sir. de artemisiâ (saporis gratiâ) f. Electuarium liquidum.

CAPUT III.

Pulveres, Trageas, Species, Flores & Magisteria Myrrhæ additione nobilitatâ adducit.

Pulverum usus in Pharmaciâ est frequentissimus, paranturque ex aridis & siccis in minutiores ac subtiles sui partes contrusis, & vel soli ac integri adsumuntur, vel aliis etiam Pharmacorum formis admiscuntur. Arabes triariam eos dividunt; nam crassum quemlibet suffuf vocant: tenuissimum alcool, & sief quorundam trochiscorum attritio constituit. Suntque interni purgantes, alterantes, roborantes: frequenter etiam extrâ corpori insperguntur, & à Chirurgis ad ulcera detergenda, replenda, glutinanda, ad vulnera item & hæmorrhagias adhibentur.

Trageæ sive Tragemata à pulveribus in eo differunt, quòd ex meris ut plurimum consistunt aromatibus & saccharo, sintque crassiores & minus subtiles: interdum quoque aromata & alia non pulverisantur, sed saltem conscinduntur, iisque semina saccharo obducta adduntur, nominanturq; Species incisæ sive Trageæ grossæ.

Florum nomine Chemicis veniunt potissimum rei alicujus partes subtiliores & tenuiores, sequestratæ beneficio sublimationis à portionibus ejusdem corporis crassis: vel sunt atomi ex sicco halitu in summo consistente, ignibus suppositis, perflatæ. *Rolfinc. Chim. in art. for. red. l. 5. Sect. 4. cap. 1. p. 356.*

Magisterium *Beguino* Tyroc. Chim. lib. 2. c. 19. est, quando corpus mixtum ita præparatur citrà extractionem, ut omnes ejus partes homogeneæ servantur in nobiliorem vel substantiæ vel qualitatis gradum traductæ, exterioribus impuritati-

bus segregatis. *Rolfincio* Chim. l. 5. §. 2. cap. 1. p. 319. Magisteria audiunt, quæ in suo consortio & homogeneo complexu habent metalli vel mineralis, animalis & vegetabilis aliqujus exaltationem, virtutem ac qualitatem in vehiculo receptam sine separatione essentiali.

I. *Pulvis Polychrestus Imperialis.*

- ℞. Sacchari Canthi albi ʒvj. Croci Martis cum aceto Tamarind. præparat. ʒiʒ. Sem. foenic. Rasuræ Eboris, Tali leporin. oculor. Lucior. Cardam. min. Zingib. alb. Nuc. mosch. Rad. liquirit. aa. ʒj. Cinam. ac Cubebar. Cass. lign. Spic. nard. Rad. & Sem. pæon. Visci quer. Acidi Tartari aa. ʒʒ. Magist. lapid. Carpion. ocul. 69. lap. percar. Croci or. Sem petrosel. Apii, Castor. ver. Caryophyll. Myrrhæ rubræ, ligni aloës, Herb. hyssop. ol. anisi aa. ʒij. Magist. perlar. or. Corallor. rub. Macis el. aa. ʒj. fol. Auri Ungar. num. xxxxiij. Misc. fiat pulvis subtilissimus.

Flatus & ventositates in ventriculo ac intestinis stabulantes, humoresque excrementitios expellit: stomachum & cerebrum confortat: in Epilepsiâ, cordis palpitatione, anhelitûs difficultate & tussi, aliisque multis affectibus non parùm præstat. Vid. *Mynsichtum* Sect. V. p. 122, 123, 124.

II. *Pulvis Bezoardicus Glogoviensium.*

- ℞. Rad. Tormentil. Dictamn. Petasit. Helen. aa. ʒvj. Bulliant unicâ ebullitione in aceto rosato, & statim super igne lento exsiccentur: postea adde Boli armen. præparat. ʒvj. rad. Angel. Pimpin. Serpentar. Gentian. Zedoar. Cinam. Valerian. aa. ʒʒ. Ostrutii, Vincetox. Pæon. Calam. aromat. Zingib. alb. Macis, Galang. aa. ʒij. bacc. Lauri, Junip. Cubebar. Cort. Citr. Nuc. mosch. aa. ʒj. Sem. Card. bened. Citr. Arant. acetos. Santon. aa. ʒj. C. C.

C. C. ust. & præparat. Terræ sigillat. Strigenf. Sandal. omnium, Margar. præparat. Corall. utriusque præparat. Ebor. ust. Been utriusque, Myrrhæ rubræ electæ, Croci or. aa. ʒiʒ. Pulverisentur omnia subtilissimè & usui serventur.

III. Pulvis Antipestiferus D. Rolfincii.

℞. Flor. Sulph. optimè sublimator. ʒj. Myrrhæ rubr. el. Aloës aa. ʒj. Croci or. ʒʒ. Misc. f. Pulvis.

Præservationis & Curationis gratiâ usurpari potest in pestiferâ lue.

IV. Pulvis Alexipharmacus Præservativus dulcis Ejusdem.

℞. Rasuræ ligni Junip. ʒv. bacc. Lauri, Junip. aa. ʒj. Succini, Thuris, Myrrhæ, Benzoin. Styrac. cal. aa. ʒvj. flor. Sulph. ʒij. Misc. f. Pulvis ad suffitum tempore pestis.

V. Pulvis ad suffitum foetidus Ejusdem.

℞. Baccar. Junip. Miiij. Rutæ Mij. Sabinæ, Cornu hirci, rad. enul. Cort. Betul. aa. Mj. Myrrhæ ʒij. Contundantur grosso modo & sign.

VI. Pulvis Præservativus expertissimus.

℞. Flor. Sulph. ter sublimator. ʒijʒ. C. C. præparat. ʒiʒ. Bo-liarmen. præparat. terræ Lemniæ veræ aa. ʒij. Myrrhæ el. ʒj. Croci ʒj Sacch. fini ad libitum.

Dosis 2. l. 3. cuspides cultri manè stomacho jejuno. Hujus Hallæ-Saxonum Anno 1607. & 1610. grassante Peste optimus & salutaris extitit usus, notante Unzero Antidot. pestilent. lib. 1. p. 80.

VII. Pul-

VII. Pulvis Prophylacticus in Peste Regis Hispaniarum, quem Cornelius Gemma ita describit:

- ℞. Myrrhæ, Mastich. boli Arm. terræ sigillat. ligni Aloës, Caryophyll. Macis, Croci aa. p. æq. Misc. f. Pulvis, de quo singulis diebus aliquid manè sumatur, nempe ʒʒ. vel q.ʒ.

Crato hunc pulverem ita describit:

- ℞. Myrrhæ, ligni Aloës, Terræ sigillat. boli Armen. aa. ʒʒ. Macis aceto præparat. Croci aa. ʒij. Misc. f. Pulvis, qui efficacior evadit, si Aloë & flores Sulphuris addantur.

IIIX. Pulvis contra Variolas D. Tuchscherer, Physici quondam Francofurtani ad Oderam.

- ℞. C. C. præpar. ʒij. Margar. Corall. rubr. præp. aa. ʒj. Oss. de Corde Cervi ʒj. Sem. napi ʒj. Myrrhæ el. ʒij. fol. Aurnum. iij. Misc. f. Pulvis pro usu.

IX. Pulvis Cephalicus Augustanorum.

- ℞. Benzoë ʒiʒ. Styrac. calam. Succini Citr. Mastich. aa. ʒj. Oliban. Myrrhæ aa. ʒvj. ligni Aloës, Caryophyll. aa. ʒiʒ. Fl. rosar. r. ʒvj. Lavend. ʒiij. Cort. Citr. sicc. ʒiij. Contusa grosso modo misc.

X. Pulvis pro fumo contra Catarrhos D. Gastonis.

- ℞. Thur. masc. Mastich. aa. ʒj. Succini ʒʒ. Myrrhæ ʒij. Storac. calam. gum. Animæ Benzoë aa. ʒiij. Herb. Basilici, Thymi aa. ʒij. flor. Rosmar. Lavend. aa. ʒj. Rosar. incarnat.

carnat. 3iij. Sem. Nigēl. 3ß. Caryophyl. 3ij. Bacc. Junip. 3iij. Incidenda incidantur & contundantur grosso modo.

XI. Pulvis Marsilii Ficini ex tribus muneribus Salvatori oblati, ad acuendam memoriam.

℞. Thur. 3ij. Myrrhæ 3j. Auri foliati 3ß. M. f. Pulvis.

XII. Pulvis pro fumo cum Vitriolo tempore pestis usualis.

℞. Myrrhæ 3iij. Bacc. Junip. 1ßj. Lauri 3j. Vitrioli com. 3xvj. Aluminis crudi 3iß. Rutæ Miiij. Misc.

XIII. Pulvis contra vacillationem dentium
Dn. D. Schneideri.

℞. Rad. Bistort. Nucis Moschat. aa. 3j. Cort. Cass. lign. rec. 3iv. Fol. Rosar. rubr. Balanist. Extr. Sarcocol. Thur. Aristol. Mastich. Sumach. Alum. ust. Myrrhæ rubr. aa. 3ß. Lap. Hæmatic. præp. 3j. Misc.

XIV. Pulvis ad suffocationem matricis.

℞. Rad. Dictamn. alb. Pæon. aa. 3iij. Aristoloch. rot. 3j. Sem. Lupin. Daucia aa. 3iß. Castor. Myrrhæ el. aa. 3ij. Coaguli Mulæ 3iv. Cass. Lign. Cinam. aa. 3j. Croci 3ij. Misc.

XV. Pulvis menses provocans.

℞. Spec. Diagalang. 3iß. Myrrh. el. 3ß. Cinam. 3j. Sacch. opt. 3ij. F. Pulvis subtilis. cujus dosi 3j. cum vino albo, in quo serpillum ebullit, exhibenda.

XVI. Pulvis Dominarum.

℞. Cinam. 3vj. Cumini, Anisi, Carvi, aa. 3ß. Myrrhæ, Rad.
Dec. II. Annus VI.

Dictamn. Curcum. aa. ʒʒ. lupin. Apii. Nigell. aa. ʒiij. Calami aromat. Puleg. Aristol. long. aa. ʒij. Croci ʒj. Afari ʒij. Sabin. ʒʒ. Misc. f. Pulvis.
Vid. Forestus l. 28. obs. 6. p. m. 636.

XVII. Pulvis Domesticus.

℞. Aloës, Cinam. Myrrhæ, Tormentil. Scord. C. C. philos. præparat. Zedoar. Angel. Card. bened. Trochisc. de Cappar. Visci q. Terræ sigillat. aa. ʒiij. Croci or. ʒʒ. Marg. præparat. Corall. præpar. aa. ʒij. Mastich. Boli armen. Caryophyl. Ligni Paradis. Macis aa. ʒiʒ. Misc. f. Pulvis subtilissimus.

Ufus ejus in quibuscunque affectibus contagiosis præseruationis gratiâ adhibiti: uti Febribus malignis, dysenteriâ malignâ, Variolis, Morbillis, Petechiis, imò ipsâ pestilentiâ grassantibus.

XIIX. Pulvis Lumbricorum Wittebergensium.

℞. Sem. Santon. ʒij. Absinth. Menth. Abrotan. Centaur. aa. ʒv. C. C. ust. Artemis. Myrrhæ el. aa. ʒij. Aloës ʒiʒ. Misc.

XIX. Pulvis contra vermes alius.

℞. Sem. Cynæ ʒij. Centaur. Absinth. C. C. ust. & præparat. aa. ʒj. Lupin. Menth. Origan. Sesel. aa. ʒiʒ. Tanaceti ʒiij. Abrot. ʒj. Dictamn. ʒij. Gentian. ʒʒ. Fol. Sennæ ʒvj. Aloës ʒiij. Myrrh. rub. ʒij. f. l. a. Pulvis.

XX. Pulvis ad expellendos lumbricos & deturbandum illorum seminarium Josephi Quercetani Pharmacop. dogmat. restit. cap. 15. p. m.

126. 127.

℞. Pulv.

R. Pulv. fl. Hyper. Cent. min. aa. ʒij. C.C. præpar. Corall. Sem. Portul. Citri aa. ʒiʒ. Corallin. Gentian. Diptam. aa. ʒj. Rhabarb. Afari aa. ʒiv. Myrrh. Croci, Scammon. præparat. Trochisc. Alhandal. aa. ʒj. Cinam. Coriandr. aa. ʒij. Sacchari parum ad gratum gustum. Misc.

Pulvis hic gustui, quodammodò ingratus est, sed vis ejus tanta vermes & lumbricos necandi ac expellendi, ut nè unum quidem in corpore relinquat. Simili modo etiam corruptos ac putrefactos humores, generationis illorum authores & artifices exturbat. Ex eo quoq; formabitur cum Sirupo quodam Pilula f. Bolus unius scrupuli pondere, addito pauco Saccharo, quæ facillimo negotio deglutietur tam à viris quàm à fæminis pro- vectâ jam ætate hujusmodi affectibus infestatis, addendo loco Trochiscorum Alhandal Scammoneæ præparatæ ʒj. pulv. A- quilæ nostræ cœlestis tantundem: Et sic verum erit specifi- cum, quod vel ipsis infantibus, exhiberi poterit, miscendo pulverem istum cum pomo. Præcipuum & omnium facilli- mum adversus hujusmodi affectus remedium parari posse ja- citant agyrtæ illi dum lumbricos pulverisatos præbent in- fantibus excreta inde talibus insectis referta ostentant plebi rudi, quæ ex pulvere isto exorta suam sumere originem depre- henduntur.

XXI. Pulvis ad facilitandum partum Heurnii.

R. Cinam. el. ʒiʒ. Myrrhæ opt. ʒij. Succini albi ʒiʒ. Rubiæ tinct. Castor. aa. ʒj. Borrac. ʒiʒ. Croci gr. v. Misc. f. Pulvis tenuissimus.

Dosis ʒj. cum vino albo & Saccharo. Remedium est opti- mum ad difficilem partum, & retentas secundinas usu D. Heurnio compertum. Excluso quippè foetu cum secundinæ re- tinentur, hoc pulvere propinato, illicò redduntur; nam

tunc Hæmorrhagiæ metum non fovemus. Vid. *Heurnius* in Hipp. aph. 26. Sect. 5. Idem libro de morbis mulier. cap. 8. p. 53. monet, talibus medicamentis haustis, ut ambulet mulier inter duas foeminas, quibus nitatur, quæ hanc quatiant; ita pervadet promptius remedium.

XXII. *Diacorallium Alexandri.*

℞. Corallii nostri, sive Anagallid. fl. purp. ℥ij. Myrrhæ ℥iv. Caryophyll. 3ß. Rhapont. 3j. Folii 3ß. Aristoloch. utriusque aa. 3ij. Spicæ Nardi 3ij. Misc. f. Pulvis.

Pulverem hunc omnibus reliquis anteponendum censet *Capivaccius* in curandâ Arthritide. Exhibetur verò manè horis sex ante cibum ʒj. per centum dies: postea xxx. diebus suspenditur usus: rursus centum diebus exhibetur, iterumque xxx. diebus intermittitur usus, hinc per dies clx. alternis usurpatur diebus, inde rursus tertio quoque die.

XXIII. *Pulvis in Urinæ incontinentiâ utilis.*

℞. Pellicul. intern. Ventrliculorum gallinac. præparat. 3vj. Rad. Tormentil. 3ij. Galang. Nuc. Cupress. Boli Armen. aa. 3j. Myrrhæ 3iß Gum. Arab. Mastich. aa. 3j. Gland. Sicc. cum capul. Rosar. rubr. cum sem. aa. 3j. Calaminth. 3ß. Myrtill. Italic. ʒij. Sem. Plantag. Portul. Acetos. Lactuc. Coriand. præparat. aa. 3ß. Sacchar. albis. 3ij. Pulveriscentur subtiliss.

Mulierculis potissimum urinæ incontinentiâ correptis post partum pulvis hic solatio atque auxilio est.

XXIV. *Pulvis ad Hæmorrhagiam vulnerum utilissimus.*

℞. Thuris alb. Salis Saturni, Myrrh. rubr. aa. 3j. Croci. Camphor. aa. 3ij. Invicem contritis affunde Aq. destil-

stillat. Spermat. ranar. q. f. ad imbibendas species: leni calore exsicca: postea denuò aq. spermat. ranar. imbibe & exsicca: hunc laborem duodecies reiterando, semel adhuc pulverisâ, & usui reserva.

Hujus pulveris parum vulneribus insperge & deliga, sanguinem sistet: sin minus, exhibe vulnerato ℥j. vel ℥i℥. in aq. plantag. & effectum videbis. Habet & singularem suum usum in gravi narium hæmorrhagiâ, ubi expertus scribit *Agricola* oper. Chim. part. 1. tr. de Saturno p. 244.

XXV. *Tragea præstantissima ex Floribus Sulphuris Myrrhatis.*

℞. Flor. Sulphr. Myrrhat. ℥j. Sacch. Cand. alb. ℥℥. Spec. liberant. sine Aloë ℥j. Misc.

Præcellens est medicina præservativa in pestilenti contagio, pleuritide, ac omnibus apostematibus, corporisque putredinibus. *Jacobus Zwingerus* in examine principiorum Chemicorum cap. 11. propriâ experientiâ confirmatum reliquit, flores Sulphuris cum Aloë & Myrrhâ sublimatos partus difficiles facilitare & accelerare,

XXVI. *Species Dialauri.*

℞. Baccar. Lauri masâ panis circumducti & in clibano debite excoct. exsiccat. & pulveris. ℥j. Flor. Centaur. min. ℥iij. Rubiæ tinct. Myrrhæ rubr. Croci or. aa. ℥j. Aristoloch. rot. Cardamom. min. Galang. min. aa. ℥ij. Salis Cinam. Sabinæ aa. ℥i℥. Misc.

Menses suppressos referandi vim obtinent, uteriq; obstructionibus egregiè succurrunt. *Mysf.* Sect. 5. p. 124. 125.

XXVII. *Species pro Vaporario in aurium affe- ribus proficua.*

h 3

℞. Rad.

℞. Rad. Afari, Caryophyllat. Iridis aa. Mj. Herb. Serpil. Majoran. Salviæ aa. Mß. Castor. 3j. Myrrhæ 3ij. Sem. Fœnugr. 3ß. Concisæ & Contus. D.

Coquuntur in Vino, vaporque excipitur per infundibulum in auditu difficili, sibilo tinnituque aurium, &c.

XXVIII. Flores Sulphuris Compositi.

℞. Sulphuris viridiusculi in magnis Magdaleonibus ℥iv. Aloës Hepat. Myrrhæ, Thuris aa. 3ij. Salis comm. ℥ij. Pulverisentur.

Hujus pulveris 3iij vel iv. reconduntur in vas sublimatorium, imponitur aludel vel capitellum terreum, huic alterum & plura, demum vitreum in apice perforatum, & observatis ignis gradibus per intervalla colligantur flores. In superiori Alembico flores pauciores, in inferiori plures reperiuntur. Sequentie die iterum Sublimatio adornetur, novo injecto pulvere, & sic deinceps, donec Sublimatio ad umbilicum perducta. Floribus his tandem additur Crocus pulverisatus ad arbitrium.

Flores hi auxiliares operas præstant in præservandâ pestilentia, pleuritide, omnibus apostematibus ac putredinibus corporis: difficiles partus accelerant. Vid. *Paracelsus*, *Crollius*, *Zwingerus*, *Rolsincius*, alique, qui in celebrandis Florum horum elogiis prolixi sunt.

XXIX. Magisterium Sperniole Zwelferianum.

℞. Spermatidis ranarum mense Martio triduo ante novi lunium collecti q. s.

Ponatur in saccum: quæ spontè defluit aqua alumine condatur: sic per annum integrum ac diutius incorruptè adservatur. Irrigentur eâ sæpius

Myrrhæ Selectæ, Thuris aa. 3ij. Croci pulverisati 3ß. & rursus exsiccentur: tandem Camphora addatur ultimâ vice.

Pul-

Pulvis hic in sanguinis ebullitione ac effervescentiâ, Hæ-
morrhagiis, Erysipelate, adsumitur ad gr. vj. vij. viij interius:
Exterius verò solutus aceto doloribus podagricis tepidè appli-
catur. Fasciæ aquâ hâc aluminatâ imbutæ pedibus & tibiis
defluxione tentatis ac ulceratis, ad intercipiendum fluxionis
impetum commodè applicantur.

XXX. *Species Diamercurii Mynsichti.*

Habentur Armament. Chim. pag. 103. & tali modo pa-
rantur:

℞. Sem. Cinæ opt. 3 xiiij. Mercurii dulcis 3 v. Rhabarb.
el. Turbith albi & Gummos. Corallin. aa. 3ij. Rasur.
C.C. Myrrhæ rubr. aa. 3j. Summit. Centaur. min. Tanacet.
Camphor. ver. aa. ʒj. Olei ligni Avellandar. per de-
scensum destillati, Spir. Vitrioli optimi aa. ʒß.

Misce & fiat omnium pulvis subtilissimus.

Exhibetur vermibus ac lumbricis scatentibus, Lunâ de-
crescente à ʒj. ad 3ß. & 3j. pro ætatis ratione in lacte, quod
unâ cum pulvere sumptum illis non nutrimentum sed vene-
num erit. Mercurius quoque dulcis eis maximè pestis est,
simul enim interficit lumbricos & fomitem eorum per seces-
sum expellit. Propterea est medicina experta adversus omne
genus vermium. Offertur quoque in Aq. Absinth. Centaur.
min. Tanacet. it: in Oxymel. Scyllitico, Melle despumato,

Sirupo acetositis Citri, aut in aliâ quâvis materia,

quâ pueri magis delectan-

tur,

CAPUT IV.

Pilulas sistit, quarum compositionem,
Myrrha ingreditur.

Pilulæ veterum sunt inventum, quo amarissima sua purgantia, uti Aloë, Scammonium, Colocynthidem propinando, eaque cruda mellis ope palliata palatum melius fallerent. D. *Etmüllerus* Exerc. Med. de Ideâ præscribendarum formularum Clafs. 2. §. 1.

Dicuntur ita Latinis à similitudine pilæ parvæ. Græcis Catapotia audiunt, à κατὰ πύλον, quod deglutire significat: nam juxta *Scribonium Largum* Catapotium medicamentum est, quod non diluitur, sed ita, ut est, devoratur. Compof. Med. 87. p. m. 55. Vid. Emendat. & Not. in hunc Authorem D. *Johannis Rhodii* p. m. 152.

Sunt verò Pilulæ medicamenti forma solida, globuli effigie sphericâ ex pulveribus, aliquando & gummatibus, succis, liquore glutinoso exceptis efformata: ad purgandum maximè, vel etiam aliquando ad alterandum vel corroborandum comparatæ. Vid. *Petri Morelli* Method. præscribendi formulas lib. 1. Sect. 2. c. 5. p. 155. *Sennert.* Instit. lib. 5. p. 3. Sect. 3. cap. 22. p. m. 1463.

I. Pilula Laxativa Cratonis.

℞. Aloës rosatæ ʒiij. Myrrh. el. ʒj. Bdellii ʒj. Succini albi, Croci aa. ʒß. Cum Sir. Rosar. sol. f. Massa, & ex singula drachmâ formentur Pilulæ xv. dosis num. quinque ante cœnam.

Commendantur à Cratone ad leniendam alvum, ad promovendos menses, ad muniendum corpus à fluxionibus podagricis in sicu sumendæ.

II. *Pilule Tartareæ Quercetani.*

Josephus *Quercetanus* Pharmacop. Dogm. restit. lib. I. cap. 14. p. 118. 119. mirum in modum Pilulas hæc commendat, quod illarum virtus atque efficacia insigniter sese manifestet in eliciendis radicibus humoribus crassis, tartareis, biliosis, falsis ac mucilaginosi ex partibus etiam profundissimis: Hinc easdem succurrere scribit Maniacis ac melancholicis affectionibus, febribus quartanis: opitulari & conducere adversus Pforam, Cancrum, lepram & luem veneream, eò quòd purificent totam massam sanguinis à variis corruptionibus diversorum affectuum electricibus causis: idcirco & sanis ipsarum usum commendat ad plurimorum morbosorum insultuum præservationem ac præcautionem, si singulis mensibus semel purgentur. Dosis illarum juxta authorem est ℥j. vel ℥i℥. ad summum: sumique possunt manè vel vesperi post cœnam parciolem & antè somnum. Compo-
nuntur verò ita:

℞. Crystallor. vel Cremor. Tartari ℥iij. Polypod. quern. ℥ij. Passular. Corinth. ℥i℥. Myrobalan. omn. aa. ℥℥. Fl. Bugloss. Borrag. Nymph. aa. Pj.

Coquantur in f. q. Aq. fumar. ac scolopendr. ad medietatis consumptionem. De hoc decocto acidulo & gustui grato optimè depurato & clarificato cape ℥iij.

Succi optimè depurati pomorum redolentium ℥j. adde Folliculor. Senæ mundat. ℥iij. Turbith, Rad. Helleb. nigr. veri aa. ℥i℥. Myrrhæ el. ℥j. Macis, Caryophyl. Cinnamon, Epithymi aa. ℥℥.

Macerentur ac digerantur ad ignem MB. per quatrimum, idque in vase vitreo optimè clauso: dein dum materia adhuc fervet, fiat expressio vel per seraceum trajectio, cui adde

Aloës præparatæ ℥iv.

Dec. II. Annus VI.

Omnia

Omnia sufficienter coagulentur ad lentum ignem, addendo sub finem, dum ferè refrigerata erit materia,

Spec. Diarrh. abb. Lætific. Gal. Trochisc. Dialace. aa. 3j. Sal. Absinth. Fraxin. aa. 3ij. Essent. Croci ʒij. Olei Anisi aliquot guttulas.

Reducantur in bonam Pilularum consistentiam.

III. *Pilule Aloëtice Horstii.*

℞. Aloës rosat. 3ij. Myrrh. 3ß. Gum. Ammon. aceto dissol. ʒj. Agar. Trochisc. Rhab. el. aa. 3iß. Rad. Asari, Gentian. aa. 3ß. Mastich. ʒj. Spicæ Ind. Sem. Petrosel. aa. ʒß.

Cum Sirupo de Absinthio fiat Massa, formentur Pilule ex ʒij. num. xv. pro dosi per octiduum horâ unâ antè cœnam continuandâ.

Ufus est hisce Pilulis Author felicissimè in Hypochondriacâ affectione incipiente. Vid. Obs. Medic. lib. 4. Observ. 25. p. m. 251.

IV. *Pilule cholagoga de Centaurio minore Quercetani.*

℞. Suecor. optimè depurator. Centaur. min. Rosar. pallid. Eupatorii Mefue & Rad. Oxylapathi aa. ʒiv. quibus adde Aloës præparat. ʒvj.

Digerantur ad ignem MB. per horas xij, ut fiat perfecta dissolutio & mixtio, dein omnia coagulentur ad mellis consistentiam, cui adde,

Pulv. Rhabarb. ʒj. Xyloaloës, Myrrh. aa. 3ij. Croci, Cinnamon. aa. 3ß. Spic. Diatr. Sandal. Trochisc. Diarrhod. aa. 3j.

Misc. fiat Pilularum Massa, dosi ʒiß. ʒij.

Profunt in omnibus febribus biliosis, arguato morbo & Cachexiâ: Jecoris item cæterarumque partium nutritioni dica-

dicatarum obstructionibus mirificè auxiliantur. Pharmacop.
dogmat. restit. l. I. c. 14. p. 118.

V. Pilule Pestilenciales Basileensium.

℞. Aloës, Rhabarb. aa. ʒij. Agarici, Myrrhæ aa. ʒj. Rad.
Gentian. Zedoar. aa. ʒj. Croci ʒß. Pulveriscentur, &
cum Sir. Rosar. sol. Infus. fol. Senæ fiat Massa.

Vid. Platerus lib. 2. obs. p. 315.

VI. Alie Tubingensium.

℞. Myrrhæ el. ʒß. Rad. Angelic. Succini albiss. Croci or. aa.
ʒß. Agar. Troch. Rhabarb. aa. ʒiß. Aloës Soccotr. aqua
Rosar. decies lotæ & exsiccat. ʒj. Ol. destill. Angelic. gt. iv.
Sir. Mastich. q. s. f. Massa.

VII. Alie Marpurgensium.

℞. Aloës Soccotr. Gum. Ammoniaci aa. ʒj. Myrrhæ el. ʒß.
Salis Absinth. ʒij.

Ammoniacum solvatur aceto Scordii fiatque Massa: Dosis
pro diversitate personarum à ʒj. ad ʒiß. Cum vino tempera-
to aceto Scordii: vel Aq. Card. bened. Veron. Scabios. singulis
septimanis, vel bis ad minimum in mense.

VIII. Alie D. Weidneri.

℞. Aloës rosat. juxta descript. Aquapend. Gum. Ammoniaci
aa. ʒj. Myrrhæ el. ʒß. Salis Card. bened. Croci subtili-
ter triti aa. ʒj.

Ammoniacum solvatur in aceto Scordii & cum Sir. de Ci-
chor. c. Rhabarb. f. Massa: Dosis ʒij. vel ʒj. horâ unâ ante
coenam.

IX. Alie D. Polifii.

℞. Pilular. nostr. de tribus simpl. Gum. Ammon. aceto
Scordii dissol. aa. ʒj. Myrrh. el. ʒß. Salis Scordii, Croci
subti-

subtiliter triti aa. ʒj. Cum Sir. Rosar. sol. f. Massa: Dosis à ʒß. ad ʒj.

X. Alia pro ditioribus Ejusdem.

- ℞. Pilular. nostr. de tribus Compos. Gum. Ammoniaci aceto Scordii sol. aa. ʒj. Myrrhæ el. ʒß. Salis Absinth. Croci or. subtiliter triti ac pulverisati aa. ʒj. Instilla Ol. destill. Angel. Junip. Rutæ, Succini albi, Zedoar. aa. gt. iv. Malaxando fiat Massa Pilularis, cujus dosis à ʒj. ad ʒiß. vel ʒij. horâ unâ antepastum.

XI. Alia D. Plateri.

- ℞. Aloës ʒiij. Rhabarb. pulveris. & aq. Cinam. adsperf. ʒiß. Agarici Troch. ʒj. Myrrh. el. Gum. Ammoniaci in aceto dissol. aa. ʒij. Croci ʒiß. Camphor. ʒj. Ol. Zedoar. gt. iij. Cum Sir. Scordii fiat Massa ejusdem cum Pilulis pestilentialibus *Avicenna & Ruffi* efficaciar, & tempore grassantis pestiferæ luis felicissimi usus.

XII. Alia D. Reinesii.

- ℞. Aloës succo Absinth. imprægnat. Agarici Troch. Terebinth. Cypr. Rhabarb. aa. ʒvj. Myrrhæ, flor. Sulphur. aa. ʒij. Extr Hellebori nigr. ʒiß. Xyloaloës, Croci aa. ʒiijß. Misce cum aceto pestilentiali q. s. fiat Massa.

*XIII. Alia D. Mylii, Pharmacop. Spagyr. Pract.
l. i. c. 4.*

- ℞. Aloës lot. ʒj. Boli Armen. Croci aa. ʒß. Spec. Hier. Picr. ʒj. Myrrhæ ʒß. Mastich. ʒiß. Rhabarb. ʒß. Diagrid. ʒij. Cum vino formentur Pilulæ.

XIV. Pi-

*XIV. Pilula Pestilentialia Alberti Ducis Bavariae
apud Quercetanum reperibiles Pharmacop. dogmat. restit. lib. I. cap. 14. p. 122.*

℞. Croci, Myrrhæ, Camphoræ, ossis de Corde C. Spodii
aa. ʒj. Ligni Aloës, Been alb. aa. ʒiʒ. Terræ sigillat. ver.
ʒij. flor. Sulph. ʒj. Cort. & Sem. Citri, Caryophyl. Zin-
gib. albi aa. ʒij. Ambr. ʒj. fragm. Hyacinth. Smaragd.
Granat. aa. ʒiʒ. Agar. el. Rhabarb. opt. aa. ʒiʒ. Aloës
ex vesicâ ad pondus omnium. Misc. f. Pilularum massa:
Dosis ʒʒ. paulò antè cibum capiendâ.

Siloco horum ingredientium crasso tantùm modo præpara-
torum recipiantur illorum Extracta, remedium evadet multò
præstantius atque utilius.

*XV. Pilula Polychrestæ D. E. apud D. Frid. Hoffman.
Thesaur. Pharmac. p. 88.*

℞. Aloës Soccotrin. ʒj. Myrrh. ʒvj. Croci or. ʒj. Mithri-
dat. ʒvj.

Pulveriscentur minutiss. ac misceantur in mortario cum Mi-
thridatio, f. Pilulæ instar Pisorum minimorum: Dosis num.
vij. horâ unâ & circiter antè cœnam: insequente die leniter
alvum subducunt, & ventriculo ac intestinis annatas sordes
abstergunt, putredini resistunt, omnemque acorem in san-
guine tollunt, undè in febribus cujuscunque generis conve-
niunt.

XVI. Pilula preciosæ Cephalico-stomachicæ.

℞. Laudani opt. depurat. & præparat. ʒij. Mastich. Suc-
cini alb. aa. ʒj. Macis ʒj. Nuc. Mosch. Myrrh. rub. aa.
ʒij. Ambr. Gryf. Mosch. Croci or. Lap. Bezoar. or. aa.
ʒʒ. Cum Extracti C. lami Aromat. f. q. fiat Massa, ex cu-
jus ʒj. formentur Pilulæ num. vij.

XVII. *Pilula Splenetica.*

℞. Gummi Ammoniaci in aceto squillitico dissoluti & ad justam consistentiam cocti ʒj. Chalybis cum aceto Tamarind. præparat. Extr. Rad. Filicis aa. ʒss. Tartari Vitriolati, Aloës non lotæ aa. ʒij. Magist. Myrrh. rubr. Mastich. aa. ʒj. Salis Absinth. Scolopendr. Centaur. min. aa. ʒiʒ. Sem. Fraxini, Croci or. aa. ʒj. Misc. & cum succ. Fumar. inspiss. f. l. a. MP. quæ servetur in alutâ madefactâ Oleo Benzoino: postea tempore usûs cum Olei Rosmar. f. q. f. Pilulæ utiles in obstructionibus hepatis atque splenis, ac in ejusdem tumoribus scirrhis. Vid. Myns. Sect. 6. p. 149. 150.

XIIX. *Pilula Riverii ad affectus lienosos.*

Philippus Müllerus Myster. Med. p. 118. annotat, *Quercetanum* quidem in Pharmacopœâ Pilulas *Riverii* descripsisse, sed veram earum descriptionem, quæ hactenus non sunt edita, hanc esse:

℞. Gum. Ammoniaci, Bdellii el. aa. ʒj. dissolvantur in aceto scyllitico, & per pannum rarum trajiciantur, add. Mastich. Benzoe, Myrrhæ aa. ʒiij. Aloës non lotæ ʒss. Croci ʒiʒ. Salis Absinth. ʒiʒ.

Omnia ex arte præparata incorporentur cum Sirupo ex Absinthio. Fiat Massa, quæ conservetur in alutâ madefactâ Oleo Anisi & Fœniculi. Notandum autem, antè harum Pilularum usum præcedere debere Clysteres & Fomentationes supra locum affectum splenis, continuariq; etiam post adsumptionem & usum Pilularum, ut hac ratione dometur materia: postea ad Confortantia viscerum veniendum, methodo legitimâ procedendo ad sanitatem perfectam.

XIX. *Pilula Antihypochondriaca Zwelferi.*

℞. Pulv. Mastich. el. Myrrhæ translucidæ, Olibani in granis,

nis, Succini albi aa. ʒij. Croci opt. ʒiʒ. Rhabarb. ʒʒ. Agar. Trochisc. ʒij. Magist. Jalap. Amygdal. dulc. probe subact. ʒʒ.

Misce exactè, singulis tamen separatim in pulverem prius reductis: postea solvantur in mortario lapideo calido ad pultis formam

Pulv. Aloës Soccotr. ʒiv. cum f. q. Elix. P. P. addendo statim Extr. Helleb. nigr. n. m. parat. ʒiʒ. & pulveres superiores, it. Ol. stillarit. ligni Rhodii ʒj. f. f. a. MP. ex quâ formentur Pilulæ mediocres Pisorum ad instar, quarum iv. l. v. bihorium à cœnâ sumendæ in obstructionibus hypochondriorum, dolore capitis, aliisque affectibus, quibus evacuatione opus est: in sexu utroq; felicissimè operantur.

Vid. Pharmacop. Reg. cl. 6.

XX. Aliæ D. Friderici Hoffmanni Thesaur. Pharmacœut. p. 88. extantes.

ʒ. Succî Absinthii nostr. lbij. in quibus dissolve Aloës Soccotr. lbj. & leni calore ad siccitatem iterum inspissa, addendo Pulv. Rosar. r. ʒij. Mastich. Myrrhæ, Olibani, Succini albi, Croci, Bacc. Lauri excort. aa. ʒʒ. Resin. Jalap. ʒj. Extr. Helleb. nigr. ʒij. Misce cum Elix. Propr. f. q. f. Massa, & conficiantur Pilulæ Pisorum magnitudine, quarum dosis n. vij. vel ix. trihorio à cœnâ.

XXI. Pilulæ foetidae Majerii ad provocandos menses.

ʒ. Fecul. Bryon. ʒiʒ. Castor. Asæ foetid. aa. ʒj. Myrrhæ el. Croci aa. ʒj. cum Ol. Succini fiat MP. Dosis ʒʒ. vel ʒij.

Sequentes videntur efficaciores.

ʒ. Fecul. B yon. Castor. Asæ foetid. Myrrhæ, Opopan. Gum. Ammoniaci, Croci aa. ʒj. Salis Artemisiæ ʒiij. Extr.

Extr. Rutæ ʒij. Junip. ʒj. Ol. Sabin. ʒij. Aloës opt. ʒʒ.
f. Massa; si necessum sit cum succo Artemisiæ, vel Rutæ
vel Elix. Propr. dosis ʒj ʒij.

XXII. *Pilula Hysterica* Horstii.

Rx. Aloës Soccotr. ʒiij. Myrrhæ ʒj. Extr. Calami Aromat.
Card. Bened. aa. ʒʒ. Croci gr. iij. Rad. Gentian. Aristoloch long. Dictam. aa. gr. v. Cum Roob Sambuci f. Pilulæ, quarum dosis ʒʒ. per dies aliquot continuando.

Hiscæ Author in impuritatibus uteri & mensium obstructione à crassis ac pituitosis humoribus proveniente frequenter & cum successu usus est. Vid. Epist. Med. l. 2. S. 7. p. 481. Hoc paulò aliter describit l. 1. p. 2. obs. 5. p. 19.

XXIII. *Pilula de Styrace* Sylvii.

Rx. Styrac. Calam. Succ. Glycyrrh. inspiss. vel Extr. Olibani, Myrrhæ rubr. Opii Thebaici aa. ʒʒ. Croci or. ʒj. Cum Sir. Papav. alb. f. Massa Pilularum.

Corrigunt serum salsum Massæ sanguineæ, ac in defluxionibus salis acacribus ad pectus atq; pulmones utiliter adhibentur. Vid. Pr. Med. l. 1. c. 20. p. 210.

XXIV. *Pilula de Ammoniaco*.

Rx. Aloës ʒij. Gum. Ammoniacy aceto dissol. Myrrhæ aa. ʒij. Mastich. Spec. Diatr. Sandal. aa. ʒij. Croci ʒj. Extr. Trochisc. de Cappar. ʒij. Salis Fraxini, Absinth. aa. ʒj.

Cum Succo Rosar. f. Massa Pilularum, quarum potissimus in Quartanâ esse solet usus.

XXV. *Pilula Angelica* Angelî Salæ.

Rx. Fol. Senæ. Orient. mundat. ʒiv. Rhabarb. el. Agar. alb. Tro-

Trochisc. aa. ʒij. Succī Borrag. depurat. lbjss. infundantur per horas xxx. Expressioni adde Aloës lucidæ ʒij.

Coquantur lentissimo igne in vase terreo vitreato ad Picis consistentiam: deindè add.

Resin. Rad. Angelic. Myrrh. Troglodyt. Croci opt. Salis Card. Bened. aa. ʒij. Spir. Salis com. gut. xxx. f. Massa f. a. Dosis à ʒj. ad ʒj.

Vid. Rhabarbarologiam Dn. D. *Tilingii* Part. 3. c. 4. p. 217. 218. Ubi harum Pilularum explicatio accurata exstat.

Purgant benignè crassos ac tartareos humores, ventriculi vicinarumque partium obstructions aperiunt, flatus inclusos dissipant, stomachum roborant, & corruptioni resistunt. Si quis actionem illarum acuere cupit, quando purgandi sunt robustiores, & qui difficulter moventur, cuilibet dosi tria vel quatuor grana Diagridii addantur.

XXVI. *Pilule de Mercurio* Horatii Augenii.

℞. Argenti vivi ʒss.

Cum medullâ panis adhuc calentis manibus diu subige, ut in eam plumbaginem deponat: purgatum deindè Hydragyrum in succi Limonum momento & Olei ex Myrrhâ destillati ʒss. exactè misceto, adjectâ Terebinth. Venet. aq. Rosar. lotæ ʒj. Tum adde

Auri purissimi arte Chemicâ in tenuissimum Pollinem redacti, vel si desit, fol. auri ʒj. Ambr. ʒj. Spec. Diamarg. frig. Diatr. Sandal. aa. ʒij.

Fingito Massam, cui sequentis Magmatis ʒijss. admisceto:

℞. Fol. Senæ sel. lbj. Rhab. in frustula dissect. ʒiv. Rad. Helleb. nigr. arefact. ʒj.

Diem unum in Oenochagmate macera, deindè exime ac sepone, & aliud affunde, idque rursus transactis duodecim horis expressum cum priore misceto, & vitreo vase exceptum in Diplomate exhalare finito, atque relictum Magma ad usum servato.

Dec. II. Annus VI.

k

Hujus

Hujus compositionis ʒʒ. datur quindecim alternis dilu-
culis tribus horis ante cibum, idque alternis mensibus, inter-
jecto Balneorum & aliorum præsidiorum usu ad curandam
Elephantiasin.

CAPUT V.

Extracta Myrrhæ Sodalitio clara exhibet.

EXtractum, docente *Ronsancio*, est optima vegetabilis es-
sentia, à crassiore corpore per idoneum menstruum,
separata beneficio digestionis, & evaporatione seu ex-
tillatione ad consistentiam redacta. Vid. Chim. in artis
formam redact. l. 4. S. 3. cap. 1. p. 241. *Sennert.* Instit. lib. 5. p. 3.
S. 3. cap. 9. p. m. 1385. *Schröder.* Pharmacop. Med. Chim. l. 2.
cap. 57. p. m. 205. seqq.

I. Extractum Polychrestum Mynsichti.

Insignitur hoc titulo, quòd in quamplurimis affecti-
bus optatam locet operam & quoscunque humores obvios e-
ducat.

℞. Aloës Rosat. Fol. Senæ el. aa. ʒiv. Hermodactyl. alb. &
Gum. Gialap. aa. ʒiij. Ellebori nigri, Mechoacan. Tro-
chisc. Alhandal. aa. ʒij. Gum. Peruviani, Myrrhæ rubr.
Massich. el. Ammoniac. Sagapen. Opopan. Sarcocol. aa.
ʒiʒ. Agarici, Trochisc. Baccar. Ebuli exsicc. Rhabarb.
el. aa. ʒj. Myrobal. Ind. & Citrin. Polypod. Querc. Epi-
thymi opt. Sem. Cymin. Flor. Stœchad. arab. aa. ʒʒ. Ca-
stor. veri, Spicæ Indic. Caryophyllor. aa. ʒij. Mixta ex-
trahantur l. a. optimo Spiritu Vini & fiat justæ consistentiæ
Extractum. Vid. Armament. Med. Chim. Sect. 3 p. 62.

II. Ex-

II. *Extractum Marocostinum Mindereri.*

℞. Mari veri, Croci or. aa. ʒij. Agar. albis. Costi Indici acris, Myrrhæ finis. aa. ʒiiij. Ammoniacy ʒvj. Rhabarb. opt. ʒiʒ. vel ʒij. Ligni Aloës ʒj. Aloës Succotr. ʒvj.

Preparatio.

1. Ammoniacum solvatur in aceti Scyllitici ʒiiij. 2. Myrrha solvatur in aceti Rutacei ʒiʒ. 3. Aloë solvatur in Succo Rosarum ʒxii. Succu Citri ʒviiij. Fiat horum Mixtura & indatur cucurbitæ. 4. ℞. Succor. Apii, Fœnic. Absinth. aa. ʒj. Cum hiscè in pultriculam redige Rhabarbarum aquâ Cinnamonis irroratum, cui admisce Tartari Vitriolati ʒiv. 6. ℞. Succu Citri, aq. Rosar. aa. ʒj. Misc. & hoc liquore irrorentur Costus verus, Crocus orientalis, Marum verum & lignum Aloës. His omnibus cucurbitæ inditis & commistis affundantur Aquæ sequentes:

Aq. Borrag. Beton. Card. Bened. Fumar. aa. ʒviiij. Agrimon. Centaur. min. Cinam. Veron. aa. ʒx.

Cucurbita cum alluto alembico ponatur in MB. tepido per triduum, postea clarum percolando separetur, Tinctura inspilletur in Balneo ad Sirupi consistentiam, postea leni calore evaporentur ad Pilularum consistentiam.

S. *Extractum Marocostinum primum.* Fecibus relictis adde liquorem abstractum, iterumque Tincturam extrahe, ac massam reliquam leviter exprime: paretur inde Massa Pilularum Marocostinarum secundæ extractionis.

Ex his Extractis duobus unum commiscendo confici potest.

Vires hujus Extracti petantur ex Aloedario Authoris: judicium verò super illud vid. apud Zwelferum in Animad. in Pharmacop. August. p. m. 136.

III. Extractum Antipestiferum sive Antidotus Antipestivera D. Gastonis.

℞. Succor. Scordii, Rutæ, Card. bened. Ulmar. Menthæ Crisp.
Salviæ aa. ℥iv.

Depurentur in MB. f. a. Unciis x. adde.

Rad. Angelic. Zedoar. aa. ℥j. Dictamni, Cort. Citr. aa.
℥ss. Cinam. 3vj. Myrrhæ el. 3ij. Croci 3iijss. Camphor. 3j.

Digerantur in MB. per triduum, deindè exprimantur: expressis adde

Theriaca opt. 3i℥. Confect. de Hyacintho, Alchem. aa.
℥i℥. Margar. præparat. Corallor. rubr. præpar. C. C.
præpar. aa. 3ij. Spec. Diamb. Elect. de Gemm. aa. 3iij.
Unicornu veri ℥i℥. Pulv. Bezoard. Aurei 3j.

Omnia denuò digerantur in MB. per triduum; per Alemb.
igne vaporoso destill. ut remanentia sit in forma liquidâ Extracti: Aqua per se servetur usui: Vires titulus indigitat.

IV. Extractum Alexiterium D. D. Z. apud Frid. Hoffmann. Thesaur. Pharmac. pag. 75.

℞. Rad. Angelic. Carlin. Scorzon. aa. 3ij. Zedoar. Contrayerv. aa. 3ij. Fol. Scordii nostr. Rutæ hortens. aa. Mij.
Cort. Citr. rec. Aurant. rec. aa. 3i℥. Croci opt. 3ss. Succini albi 3i℥. Myrrhæ el. 3ij.

Incisa & contusa immitte cucurbitæ vitreæ, quibus super adfunde

Spir. Vini rectific. 3viiij.

ut saltem Species nonnihil humectentur, factâ maceratione unius diei, abstrahantur in MB. Spiritus Vini affusi 3iij. quo interim asservato species prænominatæ cum Spiritus Vini q. s. extrahantur, & quidem repetitis affusionibus & decantationibus ad totalem virium extractionem. Colaturæ postea omnes

nes

nes filtratæ destillando in MB, abstrahantur ad lbj. qui liquor, cui etiam nonnihil resinæ inhærebit, coletur per linteum & in diplomate ad Extracti spissitudinem evaporet, huic superior separata resina prius in vitro exsiccata & denuò cum superiori prius abstracto spiritu à speciebus soluta adjungatur & probè commisceatur, additis

Ol. de Baccis Junip. 3j. Citri, Cinam. aa. ʒj. Expr. Nuc. Mosch. 3j. Prius cum Sacchari s. q. in Elæosaccharum redactorum fiat Extractum.

Ulus ejus est insignis in febribus malignis pestilentialibus, ad malignitatem expellendam & sudores eliciendos. Dosis ʒj. ad ʒiʒ.

*V. Extractum Antipestilential T. d. B. à D. D. S. R.
apud Eundem pag. 76.*

R. Primò, Theriacæ opt. ʒiij. Croci or. ʒj. fiat cum Spiritu Vini Extractum.

R. Secundò, Flor. Sulphuris ʒj. Myrrhæ el. ʒij. Ol. de Bacc. Junip. q. s. ad eminentiam quatuor digitorum. Ol. de Succino 3j.

Digere per quatrimum, postea, filtra, & de hac extractione adde priori partes duodecim.

R. Tertiò, Rad. Angel. Enul. aa. q. v. fiat cum Spiritu Vini Extractum, hujus partes xvj. adde prioribus, & digere simul calore lenissimo in Alemb. clauso per octiduum: tunc filtra & ad Extracti consistentiam redige, cui adde Sal. C. C. volat. Succin. volat. aa. part. xij.

Est summum arcanum in peste: Dosis à ʒj. ad ʒiʒ.

VI. Extractum Rhabarbari Compositum Chimici cujusdam famigeratissimi.

R. Pulpæ Colocynthid. diagrid. aa. ʒij. Agar. albiss. & levis.

vis. 3j. Rhabarb. opt. Cort. Rad. Helleb. nigr. Fol. Sen-
næ aa. 3ß. Cinam. 3iij. Flor. Rosar. r. Mastich. Li-
gni Aloës, Myrrhæ, Cortic. Rad. Afari, Spicæ Nar-
di, Styrac. liquid. aa. 3j. ʒij.

Pulverisanda pulveriscentur in cucurbitâ capaci Spiritui
Vini infundantur, Alembico cæco contegantur, in calore
æquali per xiv. dies conserventur, deindè fortiter exprimantur,
& Essentia maximè extrahatur: reliquum in pelvim vel
sartaginem ex aurichalco funde cum 3iij. Aloës præparat. ad
spissitudinem coq. in vitro Sacchari reserva, & cum nimis
spissum fuerit, aliquid de abstractâ Essentiâ affunde.

Salutatur Catholicum sive universale Medicamentum,
propter virtutes insignes, quibus præditum est. Dosis ʒiß.
vel ʒij. ad summum.

VII. *Extractum Emmenagogum.*

Extr. Sabin. Filic. Flor. Calend. Centaur. min. Aristoloch.
Artemis. Meliss. Matricar. Angel. aa. 3j. Myrrhæ 3ij. Cro-
ci 3ß. Castor. ʒß. Borrac. 3ij. Fecul. Rad. Bryon. 3iijß.
Misc. Vid. D. Bierling. Append. Medicam. varior. p. 58. 59.

CAPUT VI.

Trochiscos, quos Myrrha nobilitat, producit.

GRæci ad formam respicientes *νοχίους* & *ἀπλούς* Tro-
chiscos adpellarunt: Latini pastillos & orbiculos vo-
cant. Usus horum in Praxi satis frequens est, & non-
nunquam per se, nonnunquam aliis medicamento-
rum formis, uti Pilulis, Electuariis, & Tabulis admiscuntur:
Suntque, Sennerto Scriptore, Instit. lib. 5. p. 3. S. 3. cap. 21.
p. m. 1461. Medicamenta solida coherencia, ex convenien-
tibus

tibus cum liquore exceptis constantia, figurâ seminis lupinorum communiter efficta, circumferentia nonnunquam rotunda, nonnunquam angulari, utraque tamen superficie plana, eo fine præcipuè inventa, ut Medicamenta in pulverem redacta sub hâc solidâ figurâ adversus aëris injurias tutius conservari possint. Sunt verò Trochisci vel purgantes, vel alterantes, roborantes, interni vel externi usus &c.

I. Trochisci Narcotici Fernelii.

℞. Gum. Arab. Tragac. Amyl. aa. ʒʒ. Cerussæ lotæ Aquâ Rosar. ʒvj. Styrac. Calam. Myrrhæ, Castor. Opii Sapâ soluti aa. ʒiv. Croci ʒiʒ.

Trita excipiantur Mucilag. Psyllii ex Aquâ Rosar. apparatus, signenturque Trochisci.

Utiles apprimè sunt in contumacibus capitis, dentiumque cruciatibus.

II. Trochisci de Sandaracâ pro fumo.

℞. Sandaracæ opt. ʒxj. Asæ Dulc. Styrac. Calam. aa. ʒiiij. Myrrhæ rubr. Olibani aa. ʒij. Mastich. el. Rosar. rubr. aa. ʒv. Succini albi, Sem. Nigel. Rom. Coriandri præparat. aa. ʒix.

Pulverisâta misceantur, & cum infusione factâ in Aquâ Rosar. fiant Trochisci parvi pro suffitu in sistendis omnibus Catarrhis saluberrimi: Videntur tamen commodius in praxi quotidianâ adhiberi posse in formâ grossi pulveris, judicio D. Weidneri in Pharmacop. selectâ manu scriptâ.

III. Trochisci Pestilenciales pro fumo.

℞. Rasur. Cornu Caprin. ʒiʒ. Succini Citr. Myrrhæ rubr. aa. ʒj. Ligni Junip Sabin. aa. ʒvj. Rad. Enulæ Camp. Angel. Horten. Cort. Berulæ propè radicem arboris decis. aa. ʒʒ. Fl. Sulphur. ʒiiij. Herb. Rutæ hortens. Alliar. aa. Miiij.

aa. Miiij. Fol. Quercus ʒiv. Misc. & cum Tragacanth. in
Aq. Scordii solut. f. Trochisci.

IV. Alii D. Rolfincii interni.

℞. Pulv. Rad. Angel. Pimpinell. aa. ʒij. Valerian. ʒj. Zedo-
ar. ireos aa. ʒʒ. Cort. Citr. Sicc. ʒij. Caryophyll. Nuc.
Moschat. aa. ʒj. Sandal. Citr. Cinam. aa. ʒʒ. Myrrh. el.
ʒij. Boli Armen. præpar. ʒiv.

Cum infus. Tragac. Aq. Rosar. fact. add. Mosch. Alexandr.
gr. iv. Sacch. albis. ʒiij. f. Trochisci.

Ufus horum Trochiscorum internus est, quatenus sub
linguâ tenentur præservationis gratiâ in Pestilentia.

V. Alii pro fumo in Peste.

℞. Flor. Sulphur. ʒvj. Myrrh. ʒʒ. Benz. Styrac. Calam. aa. ʒj.

Cum f. q. Mucilag. Tragac. cum Aquâ aliquâ præser-
vativâ præpar. f. l. a. Trochisci pro usu tempore pestis.

VI. Alii pro Suffitu.

℞. Sulphuris Flavi Crudi ʒj. Asæ Dulc. Myrrhæ aa. ʒʒ. Ca-
ryophyll. ʒj.

Tenuissimè pulverisatâ & per seraceum trajectâ Extracto
Baccar. Junip. quod vulgò Theriacam Germanorum vocant,
excipiantur ad formandum Trochiscos.

VII. Trochisci Pectorales D. Weidneri.

℞. Flor. vel Lactis Sulphuris ʒij. Benz. ʒj. Aloës Soccor.
gr. viij. Myrrh. el. ʒj. Croci ʒʒ. Sacch. Cand. alb. ʒij.

Cum Gum. Tragac. Mucilagine formentur Trochisci:
Dosis gr. xv. in Aq. Veronicæ ad profligandum asthma exhi-
bendi.

VIII. Trochisci contra Molas.

Rodericus à Castro lib. 3. de Morb. Mul. c. 7. præmissis præmittendis hos Trochiscos parat.

℞. Cinam. Myrrh. aa. ʒijß. fol. ficc. Rutæ, Sabin. Puleg. Calaminth. Gummi Sagapen. Opopan. aa. ʒj. granor. Junip. Cardamom. Mentastr. aa. ʒß. Misc. f. Trochisci, quorum detur pondus drachmarum duarum.

IX. Trochisci pro fumo in Ulceribus narium.

Rondelerius tales conficit ad suffiendum pro exsiccatione:

℞. Ladani puri, Hypocistid. Mastich. Myrrhæ aa. ʒij. Styrac. rubr. & Calam. Cort. Thur. Sandarach. Arab. Auripigm. rubr. aa. ʒij. Excipiantur cum Terebinthinâ.

C A P U T VII.

Aquas destillatas compositas Myrrham continentes proponit.

INter effecta Chimica liquida non ultima tenent subsellia Destillata, in horum præparatione excellere, est, juxta Illustris *Rolfincii* judicium, inter præstantes eminere, eam excolere, est summò homines cumulare beneficiò, & summâ seipsum beare voluptate: Sunt verò & appellantur Destillata juxta Eundem, quæcunque beneficiò caloris in vaporem res virtute medicamentosâ præditas resolvunt, ut deindè guttarum, stillarumvè in modum proveniant, ac in vas recipiens derivent. Eliciuntur verò per destillationem Aquæ, Spiritus, & Olea. Aquæ in officinis diversimodè paratæ prostant, dicunturque ita, quòd ad aquæ naturam propiùs accedant de essentiâ medicamenti aliquid continentes, verùm illud aqueâ

humiditate dilutum ac mistum, id quod potissimum de Aquis destillatis simplicibus intelligendum, cum qualibet Composita Aqua illorum medicamentorum vim insigniter contineat, ex quibus concinnatur. Porro Aquæ per destillationem paratæ maximâ ex parte intrâ corpus dantur, quamvis interdum etiam aliquæ extrinsecus adhibeantur, quibus & cordis & patentium vasorum regio in Syncope, & resolutæ partes in Paralyfi salubriter madida redduntur. Pergimus itaque ad quasdam Aquas destillatas Compositas, quarum compositiones Myrrhæ additione illustrantur: Sit itaque

I. Aqua Theriacalis composita D. Gastonis.

℞. Theriac. opt. ℥ij℥. Myrrh. ℥ib. Terræ sigillat. ℥j. Castor. ℥ij. Croci ℥j. Spiritus vini opt. ℥vij. Aq. Caryophyll. ℥i℥.

Mista digerantur per dies xij, postea destilla bis vel ter: circulentur in MB. per dies octo, iterumq; destill. in hâc aquâ dissolve Camphoræ ℥ij, Calcis Auri grana aliquot.

II. Alia Theriacalis D. Steinmez, apud D. Bierling. pag. 38.

℞. Rad. Valerian. Angel. Ostrut. Petasitid. aa. ℥i℥. Fol. Rutæ, Scord. Card. bened. fl. Calend. aa. Miiij. Tunic. Mij. Myrrhæ sel. ℥i℥. Bacc. Junip. ℥iij.

Incisa & contusa minutim macerentur xxiv. horas in vini Rhenani lbvi. Succu Citri lbij. Aceti acerrimi lb℥. adde Camphor. Spir. vin. dissol. ℥j. Theriac. Androm. Mithridat. Damocr. aa. ℥vj. Destilla organis vitreis lege artis.

III. Aqua Theriacalis Camphorata Crollii.

℞. Theriacæ Venetæ ℥v. Myrrhæ Alexandr. ℥ij℥. Cinam. sel.

fel. (vel potius Cassiæ lign.) Croci or. integri aa. ʒß. Camphor. ʒij.

Affunde Spiritum vini optimè rectificatum, vel si ad manus sit è Sem. vel Rad. Angelicæ præparat. qui efficacior est, ad eminentiam 3. vel 4. digitorum, as in vitro clauso in leni calore cinerum Tincturam extrahe: per inclinationem Tincturam vel Spiritum tinctum aufer, & affunde recentem Spiritum tamdiu, donec non amplius tingatur. Spiritum vini tinctum postea ad medietatem saltem abstrahere, reliquum maneat cum Essentia extracta, cui addas Spir. Tart. ʒvj. sicq; simul per octiduum vel xiv. dies circulabis & digeres.

Vires & usus maximè in Peste efucent: infectus nempe intra xv. horas, scilicet à primâ infectione, sumat cochlear unum in Aquâ Carduibenedicti, sudet horis duabus, & ab hac potione ad cibum & potum capiendum ad minimum sex horas interponat.

Pectus purgat & omnia membra corporis principalia confortat, & si quæ labes illis adpersa sedet, & in pristinum statum ea reducit, & præcavet, ne in posterum facillè lædantur.

Illis benè confert, qui Hydrargyro fuerint inuncti, suâ enim vi omnes nervos musculosque ac medullam penetrat, & quicquid noxium reperit, corrigit atque expellit. Sanguinem optimè purificat, hinc in morbo Gallico, scabie pertinaci ac verminosâ progenie, tremore item cordis, Ictero, Pleuride, febribus oppidò adhibetur.

IV. Aqua Diaphoretica Paracelsi.

℞. Theriac. opt. ʒv. Myrrh. opt. ʒij. Croci ʒß. Misc. & affunde Spir. Vini opt. Canthar. dimid. destilla in MB.

V. Aqua Splenetica D. Mavii, apud D. Bierling. in Append. Medic. varior. pag. 28.

℞ Splen. bovis castrati n. j. Croci or. ʒj. Myrrhæ ʒß. Affunde vini optimi q. s. stent in digestionem:

R. Cort. Tamarisc. Frax. Cappar. Rad. Polypod. Fœnic. Petrosel. Asparag. Rusc. Apii aa. ʒß. Cichor. ʒiij. Raphani ʒijß. Herb. Heder. terr. Scolopendr. Capillor. Ven. Filicis, Cuscut. Cochlear. Nasturt. aa. Pij. flor. Borrag. Bugloss. aa. Pij. Rosar. Pij. Sem. Nasturt. ʒij. Agni casti ʒiß. Fœnic. ʒß. Anisi ʒij. Terebinth. ʒß. Gum. Ammon. dissol. ʒij.

Omnia benè concisa & contusa addantur prioribus cum Succ. Cochlear. ʒiij. Nasturt. ʒvj. Becabung. ʒiv. Destilla per vesicam.

Vires Aqua hæc suas eximiè exerit in affectionibus lienis plurimis, uti ejus obstructione, duricie ac Scirrho, affectu Hypochondriaco atque Scorbuto, aliisque, ubi vasa expedienda veniunt, & Succi Tartarei molestiam gignunt.

VI. Aqua Hysterica composita D. Sennerti.

R. Visc. quern. Rad. Levist. Pæon. aa. ʒij. Myrrhæ rubr. ʒß. Zedoar. Sem. Pastinac. silv. aa. ʒij. Affunde Aq. Matricar. lbiv. Vini albi opt. lbij. stent in infusione per

dies decem: postea destillentur.

Uusus ejus esse potest in suffocatione Hypochondriacâ, si ori prælocatæ cochlear unum & alterum infundatur. Vid. Med. Pract. lib. 4. part. 2. Sect. 3. cap. 4. p. m. 242.

VII. Aqua Hysterica alia.

R. Castor. lbß. Rad. rub. tinct. levistici, Pæon. Aristoloch. rot. veræ: Aristoloch. rotundæ com. Calami Aromatici aa. ʒiij. Rad. Dictamn. albi, Valerian. Helenii, Gentianæ aa. ʒij. Ostrutii, Eryngii, Rusci, Costi amari, Sagapen. Myrrhæ aa. ʒiß. Bacc. Lauri, Junip. Sem. Sesel. aa. ʒj. Piper. nigr. Croci or. Zingib. albi, Sem. nigel. aa. ʒß. fol. Matricar. Mij. Meliss. ver. Lavend. Majoran.

joran. Thymi āā. Mij. Polii montani, Artemis. rub. O-
rigani Cret. Menth. Calaminth. Centaur. min. Prassii,
Satujeæ, Pulegii āā. Miß. Sabinæ, Salviæ, Fol. Rutæ,
Scord. āā. Mj. Flor. Anthos, Melis. Abrotan. āā. Miß.
Spec. Diatesfar. ʒiij. Diacalaminth. ʒij.

Contundantur & incidantur singula, ut decet, mixta dein
macerentur per dies & noctes octo in Vini Rhenani ℥xij.
Aq. Pulegii ℥viiij. Artemis. Melis. āā. ℥ij. Succi Limon.
destil. ℥ij. Fiat destillatio in organis vitreis per MB. ser-
vetur ad usum.

VIII. Aqua Arthritica D. Tilemanni.

℞. Vitrioli Ungarici ℥ij. Tartar. albi ʒiij. Mumia, Mastich.
Olibani, Myrrhæ, āā. ʒij. Gum. Ammoniacy, Bdellii, O-
popan. āā. ʒiij. Hederæ ʒij. Mellis Crudi ℥ij. Spir. Vini
℥iv. f. s. a. Destillatio.

Usurpari potest Aqua hæc extrinsecus in immanibus
Arthriticorum cruciatibus ad demulcendam serosorum hu-
morum ferociam & ad fluxiones ad articulos avertendas.

IX. Aqua Traumatica D. Agricolæ.

Agricola Tr. 3. Chirurg. parvæ pag. 396. sequentem A-
quam ad venenata vulnera seu malignum morem induentia
magnis maçtat præconiis:

℞. Rad. Angel. Tormentil. Mandragor. Croci Metallorum
cum Spir. Salis fixat. Croci opt. āā. ʒiij. Boleti Cervini,
Myrrhæ āā. ʒvj. Cort. Citr. Ligni Sassafr. Baccar. Junip.
C. C. Raspati āā. ʒj. Terræ Sigill. ʒij. Theriacæ ℥ij.

Misce omnia & cum Vini Malvatici ℥iij. l. iv. digere
calore leni, postea destillentur per Alembicum.

X. Aqua abstergens, siccans & consolidans.

℞. Vini Hispanici ʒvij. Aq. Vitæ, Sulphur. & Camphorat. ʒiij
1 3 Mel-

Mellis Ros. ʒiijʒ. Myrrhæ, Aloës, Hepat. Sarcocol. āā. ʒij.
 Thur. Masc. ʒiij. Rad. Irid. Illyr. Aristoloch. rot. Conso-
 lid. maj. āā. ʒiʒ. Sem. Hyperici, Summit. Centaur. maj.
 minor. Millefol. āā. Pj. granor. Tabaci ʒij.

Destillentur aut saltem tusa & pulverisata bulliant in
 MB. vase Alembic. hermeticè clauso ad consumpt. tertiæ pat-
 tis: Colentur.

Valet ad cavitatis impletionem, si imponatur.

C A P U T VIII.

Spiritus Compositos Myrrham continen- tes eligit.

Spiritus hoc loco notat halituosum quendam spiritum,
 beneficio ac virtute Vulcani ex corpore misto elevatum,
 qui licet adstantis aëris frigore, atomis collectis, in li-
 quorem condensetur, nomen tamen non mutat. Proli-
 citur ex vegetabilibus, animalibus atque mineralibus. Vid.
Rolfincius Chim. in Art. formam redact. lib. 3. Sect. 1. cap. 1.
 p. 132. Mineralibus equidem Spiritus vocabulum propriè
 non competit, cum fixioris sint naturæ & vegetationis exper-
 tia: cum enim liquores illi Salinis constant particulis, quæ vi
 caloris à terræ suæ complexu propulsæ, indèq; fluorem ad-
 eptæ in aquam conversæ sint, nihil aliud indè sunt, quàm
 mineralium Salia resoluta, quæ in corpore quodam retinen-
 te coagulari iterum possunt, dissipatâ illorum humiditate.
 Vid. *Tiling.* Rhabarb. Curios. part. 3. cap. 16. p. 313.

Ex Vegetabilibus verò varii eliciuntur Spiritus, qui sæpe
 numero Aquarum nomine veniunt: ita Spiritus Vini aqua
 ardens adpellatur: Spirituosa nimirum essentia vix ita sepa-
 rari ac purificari potest, ut nihil aquei relinquatur: quod
 manifestè animadvertere licet in Spiritu Vini, qui utut opti-
 mè

mè rectificatus sit, ut accensus totus deflagret, & nihil aquæ habere videatur, tamen si artis operâ spirituosum illud, quod in eo est, quodque Salem Vini volatilem & Sulphur Chimici nominant, separetur, multum adhuc aquæ ipsi inesse deprehenditur.

Notat itaque Spiritus ex Vegetabilibus prolectus illum liquorem, qui spirituosus & Essentiam Medicamenti continetibus partibus abundat, atque à quo humiditas aquea maximam partem sequestrata est: Hinc qui naturæ volatilioris sunt Spiritus Vegetabiles è Foliis, Floribus, Fructibus, Seminibus, Aromatibus, &c. eliciuntur, qui fixioris, è Lignis, Corticibus, Viscis, &c. promanant. Antequam verò spiritus producantur, fermentatio vegetabilium præcedat necessum est, de quâ Vulcani filii fusius agunt, & nostri instituti non est prolixè talia prosequi, sed paradigmata quædam Myrrham in compositione comitem habentium Spirituum adponere capitis hujus ratio postulat.

I. Spiritus Theriacalis Unzeri.

℞. Theriacæ Venetæ ℥v. Myrrh. rubr. ℥iij. Croci ℥ss. Spir. Vini ℥x.

Indita omnia Cucurbitæ vitreæ lento balnei calore destillantur.

Spiritus hic expertissimus est in Peste, & propinatur pestiferè febricitantibus ℥iij. vel ℥ij. Dosi cum haustulo Aq. Carduibenedicti vel acetosæ; ad miraculum namque sudorem pellit, ac seminarium venenatum & pestilens in totum dissipat.

II. Spiritus Theriacalis Camphoratus.

℞. Theriacæ Venetæ antiquæ ℥v. Myrrhæ rubræ ℥iij. Croci ℥ss. Spir. Vini q. s.

Indi-

Inditis omnibus cucurbitæ vitreæ, impositoque Alem-
bico cœco, in cujus rostro prius sint positæ ʒij. vel ʒiij. Cam-
phoræ: stent in infusione per aliquot dies in loco calido,
deindè fiat destillatio in MB. igne lentissimo, & sic habebis
Spiritus Theriacalem subtilissimum & penetrantissimum, qui
vel solus ʒj. pondere cum uno vel duobus cochlearibus Aq.
Card. Bened. exhibitus ad miraculum sudorem provocat, ac
putredinale fermentum, seminiumque venenatum discutit.

Notandum autem, Spiritum hunc dandum esse, ante-
quam febrilis ardor aut capitis calor incrementum sumserit.
Vid. Grulingius tr. de triplici Evacuationis universalis genere
Part. 3. p. 41.

III. Spiritus Diaphoreticus Paracelsi.

℞. Theriacæ Androm. ʒvi. Myrrh. ʒij. Rad. Petasitid. ʒiij.
Sperm. Ceti, Terræ sigillat. āā. ʒiʒ. Rad. Hirundin. ʒj.
Dictamni, Pimpinell. āā. ʒʒ. Camphor. ʒj. Spir. Vini ʒiij.
Stent octiduum in Sole vel alio calore. Dosis cochlear
dimidium vel unum.

IV. Spiritus Sudorificus Felicis Wirzii Chirurg.

Poet. cap. 17. p. 501.

℞. Spir. Vini ab omni phlegmate sequestrati ʒj. Infunde
vitro angusti orificii & adde, C.C. raspati ʒvi. Myrrhæ pul-
verisatæ ʒj.

Obturetur orificium, & stent ita per octiduum: postea de-
stilletur Spiritus, à fecibus: destillatum adfunde fecibus, & ite-
rum destilla, & sic tertio repetatur. Hic Spiritus postea refer-
vetur in alio vitro angusti orificii, cui imponatur Myrrhæ pul-
verisatæ ʒj. C.C. raspat. ʒij. Mithridat. ʒʒ. Camphor. ʒij.

Probè muniatur orificium & usui seruetur. Dosis ʒiʒ.
ʒij. ʒiijʒ.

CAPUT IX.

Elixiria, quæ Myrrham amant,
percurrit.

AN vocabulum Elixir origine Arabicum, an verò Græcum vel Latinum sit, inter Authores Chemicos controvertitur. Vid. *Rolfinc.* Chim. in art. form. redact. lib. 4. S. 2. c. 1. p. 228. 229. Ubi simul genuinam ejus tradit acceptionem, quod scil. receptâ consuetudine, quæ civitate jam donata, & officinis innotuit, designet liquorem spirituosum, facultatibus præcellentibus, mediante infusione imprægnatum, sitq; medicina composita ad juvandum ex Speciebus variis, aromatibus & Vini Spir. seu Oleo conflata. Vel sunt, juxta *Frider. Hoffmann.* Clav. Pharm. Schröder. l. 2. c. 52. p. 67. liquores balsamici spirituosos medicamentosis effluviis mediante infusione & digestionem imprægnati. Conveniunt multum cum Essentiis sive Tincturis liquidioris consistentiæ. A *Paracelso* magni æstimantur lib. 8. Archidox. Ubi & sex principaliorum mentionem facit: 1. Elixir. Balsami. 2. Salis. 3. Dulcedinis. 4. Quintæ essentiæ. 5. Subtilitatis. 6. Proprietatis. Vid. etiam *Schröderus* Pharmacop. Med. Chim. l. 2. cap. 52.

I. Elixir Proprietatis Paracelsi.

Medicamenta Deorum esse manus, ac proindè cautè studiosèque dispensanda, sanctè colenda, ac ingeniosè tractanda, rectè monet acutissimus *Christianus Langius* Med. D. ac Professor quondam Lipsiæ celebratissimus, in accuratissimo de Elixire hoc discursu anno 1660. publicè disputationis locò habitò: Contrarium si eveniat, meritò querelæ instituendæ, quæ uti in multis, imprimis arte Spagyricâ confectis pharmacis percipiuntur, ita etiam confirmantur exemplò Elixir. Pro-

Dec. II. Annus VI.

m

prie-

prietatis hodiernum, scribente praelaudato Medicò consummatissimò: cujus præparatio uti hodiè vulgaris satis, ita quoq; abusus ac depravatio enòrmis existit.

Vocatur verò Elixir Proprietatis ideò, quod ipsius virtus quàmproximè accedat naturæ nostræ, seu balsamo nostro nativo, illique amica valdoperè, adpropriata, accommodata & convenientissima existit: vel potiùs, quod propriò suò succò humidòque radicali, i. e. ex se, in se & per se Elixir hoc confici debeat.

Author ac inventor divini hujus medicamenti *Theophrastus Paracelsus* est, qui quamvis apud aliquos non benè audiat & artis sacræ deformatior potiùs quàm reformatior salutetur, negandum tamen minimè est, in quàmplurimis egregium naturæ, mundi que extitisse interpretem: arcanorum tamen Monarcham ac Philosophiæ Principem ego vix appellarem: sufficiat, satisque laudis ac existimationis sit, quod in re medicâ atq; Spagyricâ non parùm præstiterit.

Propterea tamen non favendum cum *Cratone* hominibus perversissimis ac mendacibus *Paracelsitis*, qui *Metamorphoses* auri impudicè jactitant, & aurò homines credulos emungunt, non enim sunt hi, qui artem servandorum hominum callent. Non piget hîc apponere ea, quæ *Cassarius Hoffmannus*, Professor quondam in hac Viadrinâ meritissimus in oratione de barbarie imminente suo jam tempore questus est. Fumosi, inquit, Vulcani filii spondent & furnis metallicis miracula, jactant gloriosa in medicatione facinora, eructant magnificarum promissionum ampullas, tument, ut tantum non crepent scientiæ opinione in maximâ rerum ignoratione. Teneant & alias artes, quibus nomen sibi parant & crumenas exsugunt: captant existimationem ex nomine *Paracelsi*, quod apud novitatum avidos gratiosum est, quasi huic uni adsurrexerit & se nudaverit natura. Proprium est conspuere monumenta artis nostræ Principum, cognitionem naturæ totius sibi attribuere, in se derivare artis peritiam omnem, aliis igno-

ran-

rantiam impingere, & nequiter de illorum existimatione detrahere, simplicibus verborum præstigias & fumos offundere: maximè fugitant illos, quibus ob animadversam vanitatem suspectos se esse metuunt, nugacitatis verò suæ admiratores & præcones colunt venerabundi, &c.

Verùm missis his ad rem ipsam, ipsumque Elixir hoc conficiendi modum, quem ipse Paracellus suo idiomate tradit, nos convertimus:

R. Myrrhæ, Aloës hepaticæ, Croci aa. i. Bierling (quarta pars libræ.)

Laß in Pelicano mit arenâ ascendiren auf das mildeste (quàm lenissimo igne) 2. Monat/ darnach separire per Alembicum das Oleum von denen fecibus sine adustione herüber: das Oleum digerir mit circulato einen Monat lang im gleichen Gewichte/ darnach behalts.

Inventi & modi præparandi examen pluribus prosequitur antea citatus D. Langius, ad quem Benevolum Lectorem remitto. Hic namque sagacissimus Vir Elixir hoc ad officinalia ac vulgaria minimè refert, & minimè paratu facile medicamentum hoc judicat, sed potius raram avem, nigroque cygno similem æstimat Paracelsicum hocce Elixir, sive Balsamum Proprietatis. Vid. etiam *Rolfincius* Chim. in art. form. red. l. 4. S. 2. c. 5. p. 233.

Vires Illustris hujus medicinæ, quam non injuriâ panaceam diceres, tales ac tantæ sunt, quæ dignis præconiis satis celebrari nequeant. Audiamus denuò sæpiùs laudatum jam Dn. *D. Langium* de virtutibus benedicti hujus pharmaci in hunc modum verba facientem. Discendi causâ, scribit, *Paracelsus* multum terris jactatus & alto est, præsertim verò apud *Ægyptios* & *Arabes* tam *Philosophos* quàm *Medicos*, propterea per aliquot annos etiam captivus remansit, ubi cum tantam murmurum multitudinem (quæ nil aliud sunt, quàm cadaverum corpora, quæ aromatum & unguentorum pinguedine adeo

condiuntur ac condensantur, ut in modum picis indurata resplendeant, & sic absque minimâ alicujus membri putrefactione in plurima secula conservari integra possint) concerneret, & narium judiciô Aloës ac Myrrhæ cum primis multum his unguentis seu balsamis admixtum colligeret, meditando ac sic argumentandi ansam accepit: si cadavera vermicibus destinata à putrilagine ac corruptione per tot centena annorum volumina sarta tecta servari possunt, quanto facilius feliciusque adhuc viventibus tantum hoc conservandi beneficium accommodari, & ad medicinæ gloriam transferri poterit. Et hæc ipsa *Paracelsi* speculatio tam fecunda postmodum fuit, ut egregius ingenii partus & illustris hæc medicina hinc in lucem prodierit, dum purissimam Essentiam, & spirituale Elixir ex hisce balsamis seu balsamicis speciebus conficere docuit, ut totum corpus & penitiora ejus latibula cuncta instar fumi perniter penetrare, & putredinis malignas radices tam potenter edomare quàm exterminare valeret. Cum itaque ex astrali stemmate sæpius laudata panacea & Elixir Proprietatis hoc philosophicum fuerit oriundum, ipsi etiam astrales virtutes, quibus putredini ac corruptioni heroicè resistit, atque sic mortales à morborum tyrannide oppidò vindicat, emerito applausu conceduntur. Hæc *Langius*. Plura de efficaci Elixiris hujus operatione scire qui desiderat, auctor adeat, in primis *Crollium*, Basil. Chim. p. 171. 172. qui profusi sunt in consignandis ipsius elogiis, virtutibusque tradendis.

II. Elixir Proprietatis D. Scharlachii.

In Collectaneis suis Vir hic olim Celeberrimus Elixir Proprietatis minore labore in nostrâ officinâ hîc præparari solitum proponit sequentibus:

℞. Myrrhæ Alexandr. Aloës, Croci Orient. aa. ℥iv.

Pulverisentur omnia diligenter, & in vitrum indantur, humectando optimô Spiritu vini, ut fiat quasi pasta: postea
affunde

affunde Spir. Vitrioli Philosophici ad eminentiam 4. l. 5. digitorum: stent in digestionem, donec tingatur: deple ac affunde alium spiritum, ut & ille tingatur: quem similiter deple: postremò affunde Spiritum Zedoar. & residuum extrahe quoque bis, tandem conjunge has duas tincturas, & digere per plures dies.

III. *Elixir Proprietatis dulce* Friderici Fischeri.

R. Myrrhæ opt. Alexandr. Aloës Hepat. Croci or. āā. q. v.

Contere & misce optimè: huic pulveri superfunde Spir. Salis ad supereminentiam quatuor digitorum in Pelicano lato optimè munito, & pone in MB. vaporosum per duos menses: postmodum misce cum Spiritu Vini ac rursus circulari permittite quatuor septimanas: quibus finitis exime & transcola per chartam; ac rursus inde Pelicano in aquam B. V. ponendo per dies 14, & evadet pellucidum instar rubini, dulce gustu, & ad arcendos multos morbos medicamen convenientissimum.

IV. *Elixir Proprietatis Purgans* D. Rolfinii.

R. Aloës, Myrrhæ āā. ʒij. Croci ʒij. Rhabarb. Gialap. Resinos. aa. ʒj. Scammon. ʒʒ. Sem. Ebuli. Fol. Senæ Alex. aa. ʒj. Sal. Tartari ʒiij. Cort. Citr. Aurant. aa. ʒij.

Pulverisata incisa s.a. Misc. iisque affundatur Vinum Malvaticum Vini Spiritu exaltatum, & Vitrioli Spir. modico imprægnatum: per digestionem extracta Tinctura effunditur: conjuncta simul digerantur per sex dies ac noctes, postea colentur per linteum subtile.

Vires leniter alvum subducendi placent, seseque commendant in actu præservationis ac curationis: Dosis ʒiʒ vel plus. Utendi modus in jure carnis vel pulli vel cerevisiæ cum pane coctæ. Vid. Chim. in art. form. red. l. 4. S. 2. c. 11. p. 337.

V. Elixir Proprietatis album Helmontii.

Extat hoc fragment. de arcanor. revelat. Tom. I, p. 573.

& ita paratur:

℞. Aloës, Lucid. Myrrh. opt. Croci aa. ʒj. Si plus sumferis, frustrà id factum reperiēs. Duo priora terantur accuratè: Crocus quia non teritur nisi exsiccatus, conglobatur tundendo: digerantur in vitro capaciori albo hermeticè sigillato tamdiu, donec offa conglobata in fundo adparuerit, & oleum clarum in parietibus vitri circuletur: Tùm aperto vitri collo adfund: Aq. Cinamomi: destilla per Alembicum, donec nihil è rostro cadat.

Vires: Liquore hoc tùm Quartana tum continua fugatur. Qui noctu sumserat Sacrosanctum Viaticum, Helmontium in prandio convivam circa lectum habuit.

Epicripsis Rolfinciana hæc est: Hyperbole est manifesta: Tanta huic medicamento adscribi virtus nequit: error occurrere potuit in *πορονέσει*: Pro conclamato habitus æger & *πικρατημένος* *ὑπὸ τῆ νοσήματι*, victus qui à morbo nondum erat. Vid. l. all. p. 235.

*VI. Elixir Proprietatis Antihypochondriacum atq;
Scorbuticum.*

℞. Aloës, Croci, Myrrhæ aa. ʒʒ. Spir. Antiscorbut. ex cochlear. nasturt. Sedo murali, Radice Chelidon. min. & Raphani rustici parat. q. f.

Stent in digestionē: terantur primò species in mortario vitreo cum modico Spiritus: post Spiritus addatur. Liquor defusus servetur ad usum in benè munito vase.

Vires ex inscriptione fiunt manifestæ. Vid. Rolf. l. c. p. 236. 237.

VII. Elixir Pestilentielle Paracelsi.

℞. Spiritus Vini alcoolisati, qui accensus nullum phlegma relinquit mens. j. Theriacæ opt. ʒvj. Myrrh. ʒij. Clavorum

rum Equorum ʒiij. Sperm. Ceti, Terræ Sigillat. Strig.
 āā. ʒj. Rad. Vincetox. Pimpinel. Valerian. āā. ʒʒ. Croci ʒj.
 Contusa, contrita s.a. misc. in vitro : stent per diem. &
 noct. viij. intervallum Solis radiis exposita, vase ad amussim
 clauso : defusus liquor virtute Simplicium imprægnatus serve-
 tur usui.

Dosis, quantum cochleari dimidio vel integro adsumi
 potest, exhibeatur, stragulis benè aperto corpore &c. *Pa-
 racelsus* Tom. 1. lib. de Peste ad Sterzingenses cap. 1. pag. 358.

VIII. Elixir Pestilentialiale aliud.

ʒj. Aloës Hepat. ʒj. Rhabarb. opt. Theriac. Androm. āā ʒij.
 Agar. Croci or. Myrrh. āā. ʒj. Zedoar. Gentian. āā. ʒij.

Hiscæ benè contusis & incisiss adfund.

Spir. Vini opt. ℥ij. Stent in digestionem & circulationem
 per dies aliquot : additâ Sacchari Candi albi q. s. ad emen-
 dandam Specierum amaritudinem. Tandem quod rinctum
 & extractum fuerit, per inclinationem est separandum : ma-
 teria in fundo restans Spiritu Vini est extrahenda, separanda,
 ac priori liquori colorato immiscenda, & ita Elixir jam para-
 tum ad usum reponendum.

Hoc singulis horis matutinis à guttulis vj. ad vij. & viij.
 in convenienti liquore exhibitum hominem per longum tem-
 pus à peste & omni maligno aëre præservat.

Si quis jam peste vel etiam febris pestilentiali correptus
 est, de hoc capiat unum cochleare, & hoc auxilio curabitur.

Confortat etiam memoriam, visum acuit, membra om-
 nia interna corroborat, dolores colicos sedat, alvum semper
 servat laxam, & multa alia miranda in corpore humano
 præstat.

Si ventriculus ciborum onere malè dispositus deprehen-
 datur, sumitur cochleare dimidium, & statim superfluitates
 per sudorem expelluntur. Vid. Rhabarbarolog. D. *Tilingii*
 p. 308.

IX. Elixir

IX. *Elixir Alexipharmacum.*

Habetur in Thesauro Pharmaceutico Cl. Hoffmanni pag. 63. & sic conficitur.

℞. Spir. Baccar. Sambuci per fermentationem parati & optimè rectificati ℥℥.

Extrahe cum hoc Essentiam ex speciebus Theriacalibus, addendo Croci ʒij. Myrrhæ el. ʒiij.

℞. Colaturam, in hac dissolve Balf. Sulphuris cum Oleo Junip. & Succin. q. v. Sal. Succini volat. ʒi℥. Cruor. C. volat. ʒj. Camph. ʒiv. Misc. f. Elixir.

Vires: Est remedium balsamicum tam præservativum quàm curativum in febribus malignis & ipsa peste. In præservatione Dosis est à gutt. v. ad ʒ℥. In Curatione à ʒ℥. ad ʒj. In congruo vehiculo.

X. *Elixir Pectorale Asthmaticum.*

℞. Rad. Gentianæ rub. liquirit. ras. Ireos Flor. Enul. Ungulæ, Caball. āā. ʒj. Cort. Scyllæ ʒ℥. Salviæ, Veron. Roris Solis, Capillor. Ven. Hyssop. Marrub. āā. Mij. Pulmon. Vulp. præparat. num. ij. Myrrhæ rubræ, Benzoe āā. ʒj. Cardamom. Cubeb. āā. ʒ℥. Cinam. Caryophyll. Nuc. Moschat. āā. ʒj. Sem. Anisi, Fænic. āā. ʒiij. Urticæ Rom. ʒ℥. Ocymi Caryophyllat. ʒij. Spir. Anisi vel Junip. ℥x.

Stent in digestionem per dies ac noct. iv. media hujus tincti liquoris pars lentâ digestionem exhalet parum. Sign. Elixir Pectorale.

Vires: Pulmones frigidâ intemperie laborantes alterat, Tussi ac Asthmati præsentaneâ operâ medetur. &c. Vid. Rolf. Chim. l. 4. S. 2. c. 3. p. 231. 232.

XI. *Elixir Pectorale Dn. D. Michaëlis.*

℞. Herb. Pulmonar. Italic. Gnaphal. Mont. Prassii, Rorellæ, Scabios. Tusilag. Veron. Summit. Hyssop. aa. Mj. Flor. Helen.

Helen. Scabios. aa. M. iv. Rad. Enulæ, Tussilag. aa. ʒj.
Aristoloch. rotund. Ireos flor. aa. ʒß. Myrrhæ rubr. el.
Mastich. Croci or. Succiliquirit. aa. ʒj. Cardamom. el.
Cinam. aa. ʒiß. Benzoes el. ʒj. Styrac. ʒß. Alipt. mosch.
ʒiij. Sem. urtic. ʒiij. Nasturt. ʒij. Sacch. Cand. ʒiv.

Irrorentur Spiritu Sulphur. s. q. infund. postea Spir. Hyssop.
q. s. f. l. a. Elixir.

XII. Elixir Uterinum.

℞. Aloës Soccotr. Myrrh. aa. ʒvj. Croci or. ʒj. Extr. rad.
Bryon. Angel. Zedoar. Castor. Meliss. Matricar. aa. ʒj.

Irrora cum Spiritu quodam uterino: adde Spir. Vitrioli phi-
los. q. s. Digere per noctem, postea superadde Spir. Uterini q. s.
& digere ad tres septimanas.

Ufus in mensium suppressione, uteri frigidâ intemperie, ac
suffocatione, flatibusque, lochiorum item emanatione.

XIII. Elixir vaporiferum preciosum.

℞. Elix. Citri ʒiijß. Myrrh. rub. Alexandr. Olibani, Suc-
cini albi aa. ʒiß. Mastich. ʒj. Camphor. ʒvj. Aloës, Croci
or. aa. ʒß. Styrac. Calam. ʒij.

Misc. s. a. macera per mensem, filtra, add. Aceti Bezoart. ʒvj.
Spir. Tart. ʒß.

Digere rursus per dies xiv.

S. Köstlich dampffmachend Elixir vor inficirte Logamenten.

CAPUT X.

Aceta quædam memorat, quæ gaudent
Myrrhæ additione.

ACetum vini partus, quamvis vini vitium à *Plinio* Nat. histor. l. 23. cap. 1. nominetur, nihilotamen minus in remedia transit saluberrima: in recessu & amplexu namque suo fovet egregiam alexipharmacam virtutem: præterea aperit, incidit, attenuat, putredini resistit, obstructions aperit, quicquid nonnulli de adstrictione fibrarum ventriculi, intestinorum, vasorum lacteorum, viscerumque meatus coarctatione ac vermiculis in ipso contentis & sub filamentorum specie ac formâ apparentibus blaterant: de quibus videatur iudicium magni *Rolfincij* Chim. in Art. for. redact. lib. 3. S. 1. cap. 14. pag. 141. ubi negat vermes esse, quin potius volatiles aceti partes salinas instar exilium argenteorum filamentorum, pugnantium subindè cum partibus Aceti sulphureis, ut sub clientelam suam subigant, annitentes scilicet, ut in suam naturam convertant, &c. Vid. etiam Cl. *Hoffmannus* in Clavi Pharmac. *Schröder*. lib. 4. p. 572. Ubi tamen vinum vel acetum in vappam planè degeneraverit, vitiumque grande contraxerit, vermes veros produci tunc posse, negari nequit.

I. *Acetum Theriacale* Dn. D. Timæi
à Guldenklée.

- ℞. Confect. Orvietan. ℥ij. Diascord. Francastr. ℥i℥. Theriacæ Androm. ℥j. Rad. Angel. Contrayerv. Enul. Pimpinell. Tormentil. Scorzon. Dictamn. albi, Petasitid. aa. 3vj. Fol. Scordii, Rutæ, Millefol. aa. Mj. Flor. Calend. Tunic. aa. M℥. Cort. Fraxin. Citri aa. ℥i℥. Bacc.

Bacc. Junip. ʒijʒ. Macer. Zedoar. ana ʒiij. Camphor. ʒij. Croci ʒj. Myrrh. el. ʒʒ. Aceti ex succo Rubi Idæi q. f. Misc.

Stent in Infusione locô calidô benè tecta, donec extrahatur tinctura, cujus Colatura servetur ad usum. Vid. Cas. Medic.

p. 393.

Acerum hoc nobilissimus Author felicissimô successu præ aliis variisque tentatis remediis expertum habuit in pestilenti contagio, & quidem statim in principio cum tantillo Diascordii vel Theriacæ, ad proliciendos sudores.

II. *Acetum Mithridaticum* Mynsichti.

ʒ. Mithridat. Damocrat. Terræ sigillat. aa. ʒj. Rad. Tormentil. Enulæ camp. Angel. aa. ʒvj. C. C. sine igne calcin. Pulv. Serpent. Myrrhæ rubr. aa. ʒʒ. Sem. Citri excort. Acetof. Baccar. Junip. aa. ʒiij. Fl. Calend. Tunic. aa. ʒij. Croci or. Caryophyll. Camphor. aa. ʒj. Aceti vini rosati q. f. Misc.

In lue pestiferâ morbisque Epidemiis valdè commendatur: resistit quippè impressioni & præservat à putredine: quin & lotionibus inservit manuum pulsus, antequam quis in publicum prodeat, aut aëri externo sese exponat. Sect. 23. p. m. 365. 366.

III. *Acetum Bezoarticum* D. Weidneri.

ʒ. Theriacæ Androm. ʒvj. Myrrhæ opt. ʒij. Rad. Petasid. ʒiij. Pimpinell. Angel. Valerian. aa. ʒʒ. Sperm. Ceti, Terræ sigill. aa. ʒʒ. Rad. Vincetox. ʒj. Camphor. ʒj.

Ex his Speciebus grossô modô pulverifatis fiat Massa instar Opiatæ: deindè in promptu habeas optimum vini acetum, quod dictæ Opiatæ in vitro superfunde, & in calore extrahe

Tincturam, aliô subindè superfusô, donec non ampliùs tingatur: postea huic aceto tincto adde Spir. Tart. opt. rectific. 3vj. & serva ad usum officinæ.

IV. Aliud præstantissimarum virium
D. Andreæ Tenzelii.

℞. Theriacæ Andromachi 3viii. Myrrhæ electæ 3ij. Rad. Hirundinar. 3j. Dictamn. Pimpinell. Contrayerv. aa. 3ß. Terræ sigillat. Sperm. Ceti aa. 3vj.

Ex his Speciebus cum Theriaca in mortario fortiter contundendo fiat Massa instar Opiatæ. Quod si Theriacæ quantitas minor sit, quàm quòd omnia capere possit, nihil interest, si pondus ejus augeatur. Secundò in promptu habeas Spir. Tartari à foetore non nimis rectificati uncias circiter sex. Quando ergò Acetum prædictum parare volueris, vel totam Massam vel partem ejus vitro injice, Acetoque vini superfusô calore Tincturam toties extrahe, quòties successus sequitur: denique collectæ omni Essentiæ adde Spir. Tart. prædicti in prædictâ quantitate: sicque simul per octiduum aut diutiùs digerantur, cum res erit in vado.

Dosis ad præservandum guttæ xv. aut xx. &c. per se, singulis diebus, nec non intrâ octiduum vel quatuordecim dies cochl. unum ad provocandum sudorem. Ad curandum verò sine morâ, idq; semel atq; iterum cochl. unum.

V. Aliud Bezoarticum.

℞. Rad. Imperat. Angelic. Zedoar. Pimpinell. Dictamn. alb. Valerian. Tormentil. aa. 3ß. Granor. Junip. 3vj. Fol. Scord. Rutæ aa. Mj. Flor. Rosar. r. Lavend. aa. Pij. Styrac. Calam. Macis, Caryophyll. Myrrhæ rubr. Cort. Citri aa 3iß.

Incisa & contusa crasso modo infundantur in Aceti vini acerrimi

rimi ℥vj. stent ad Solem vel calidô locô per dies xv. Colatura
servetur ad usum. S. Giff. Essig.

CAPUT XI.

Essentias & Tincturas Myrrhæ consortio gaudere commonstrat.

Quid vocabulum Essentiæ apud intimioris Philoso-
phiæ & naturæ Mystas designet & quotupliciter acci-
piatur, docet *Angelus Sala* in libro, quem Essentiarum
vegetabilium anatome inscripsit: cap. 1. p. 2. Hunc
Essentiæ nomen primum ferè in Chemicum forum eduxisse
scribit *Rolfincius* Chim. in art. form. redact. lib. 4. Sect. 1. artic.
1. cap. 1. p. 199. Hôc locô nobis sunt Extracta & Tincturæ li-
quidæ, in quibus menstrua spirituosâ acida ac inprimis oleagi-
nosâ manent cum corporibus & operationum subjectis: quan-
dò enim per balneum vel lentâ coctione atque evaporatione
menstruum planè separatur, Extracti nomen adipiscitur sim-
pliciter.

Tincturæ vox etiam ambigua est, generaliter namque ita
appellari solet Extractum liquidius coloratum, seu color à mi-
sto separatus. In specie verò Tinctura est portio aliqua sub-
stantiæ propriæ corporis, ex quo extrahitur, cum conce- tra-
tione virtutis & coloris in centro sedem habentis, differens à
reliquis corporis partibus, idoneo menstruô soluta & exalta-
ta, &c. Quid specialissimè designet, non opus est adducere,
cùm Chimici prolixo sint in depingendâ illâ. Vid. *Rolfincius*
l. c. p. 193.

I. Essentia Hypochondriaca D. Timæi à Guldenklée.

℞. Spec. Trochisc. de Cappar. ʒß. de Rosis, de Rhabarb.
Eupator. Diarrhod. Aromat. Rosat. aa. ʒij. Myrrhæ
n 3 el. ʒß.

cl. ʒß. Croci or. ʒij. Salis Absinth. Tamarisc. Fraxin. Veron. Card. Bened. aa. ʒj. Tartari albis. ʒij.

Affunde Aq. nostr. Antihypoch. ex commixtione Spiritus Vitrioli acescentis ad eminentiam quatuor digitorum. Digerantur in MB. per dies septem: postea colentur, menstruoque ad medietatem abstracto residuum seruetur pro usu. Vid. Cas. Medic. p. 430.

II. *Essentia Hypochondriaco-Scorbutica* Ejusdem.

ʒj. Chalybis limaturæ subtilissimè præparat. ʒj. Salis Fraxini, Tamarisc. Absinth. Veron. aa. ʒj.

Affunde Spir. Cochlear. ad eminentiam trium digitorum: stent in loco calido per triduum, agitenturque singulis diebus aliquoties: Colaturæ adde

Aq. Hypochondr. ʒiß. Spec. Trochisc. de Rosis, Rhabarb. Eupator. aa. ʒij. Cappar. ʒiij. Aloës Succotr. ʒß. Myrrh. cl. ʒij. Croci or. ʒj.

Mixta digerantur in MB. per dies septem, postea filtrentur per chartam emporeticam duplicem. Vid. Epist. 22. pag. 213.

III. *Essentia contra vermes.*

ʒj. Herb Abrotan. Scord. Tanac. aa. Mj. Rad. Diptam. Filic. Zedoar. aa. ʒß. Flor. Centaur. min. Mj. Persicar. Pij. Musc. Corall. ʒiß. Sem. Santon. Coriand. aa. ʒvj. Bacc. Junip. ʒij. Myrrhæ opt. Theriacæ Androm. aa. ʒß.

Concisa & contusa infund. in f. q. Spiritus Juniperi rectif. Tinctum quod est separetur, novus Spiritus affundatur, conjunctis liquoribus adde Spir. C. C. Sale volatili imprægnat. ʒij.

Misc. S. Essenz wider die Würme.

Fre-

Frequenti in usu hæc Essentia est Cl. D. *Scharffio*, Collegæ honorando, quam proponit in Tractatu eleganti de Junipero conscripto cap. 17. p. 231. cujusque beneficio in muliere xli. annorum lumbricus excretus fuit insignis longitudinis & latitudinis non aliàs solitæ, in capite cornu membranaceum, in ore lapillum album ervi magnitudine habens.

IV. Essentia Pectoralis Ejusdem descripta in Αρκευδαλογία Curiosa cap. 12. p. 158.

℞. Gum. Benzoës, Myrrhæ rubr. aa. ʒiʒ. Sperm. Ceti, Croci or. aa. ʒʒ. Extr. Helen. Junip. aa. ʒiij. Spir. Junip. opt. redif. q. s.

Mixta omnia digerantur per aliquot dies, tinctum quod est, de cantetur, novus Spiritus affundatur, conjuncti liquores exhalent parum, & serventur ad usum. Conveniens est medicina in Asthmate & aliis respirationis incommodis.

V. Tinctura Diaphoretica.

Shröderus Pharmacop. Med. Chim. l. 2. c. 85. sequentem describit Tincturam Diaphoreticam, quæ glaciata eliquat, resinosa diffundit, fuliginosa efflat, putredinem balsamicâ suâ vi arcet, & soporiferis affectibus medelam affert.

℞. Rad. Zedoar. Angel. Calami, Aromat. Galang. Macis, Zingib. Cinam. Granor. Paradis. Piper. nigr. Caryophyl Sassafr. Sarsaparil. Ullmar. aa. ʒj. Aloës, Mastich. Myrrhæ, Thuris, Camph. aa. ʒʒ. Mosch. ʒj.

Infunde in Spir. Vin. & Aq. Rosar. Moschat aa. q. s. ut superemineant digitos quatuor: adde ad maturandam putrefactionem.

Spir. Sulph. per camp. ʒʒ. Salis Junip. ʒij.

Stent in loco calido per 14. dies.

Myrrhator. 3ß. Theriacæ Androm. 3ij. Aq. Scord. 3iß. Vini Malvat. 3j.

Bulliant ad consumptionem liquoris: colatura servetur usui.

Extrinfecus oleum hoc adhiberi potest in contagio pestilentiali illinendo cordis, pulsuum spinæque dorsi regionem, quamprimum suspicio infectionis præstò est.

II. *Oleum Theriacale.*

℞. Olei Sem. Citri per expressionem parati, Scorpion. Hyperici aa. 3vi. Baccar. Rutæ virid. 3viij. Myrrhæ Trogodyt. 3j. Opii super laminam ferream exsiccati 3vj. Camph. 3ij. Aq. vitæ opt. ℥vj.

Infundantur per mensem in fimo equino per sex hebdomadas: Oleum supernatans separetur, cui adde

Ol. Succini albi, Rorismar. Caryophyl. Thymi aa. 3ij. Misc.

Hoc itidem in Peste aliisque venenatis morbis inungantur tempora, nares, pulsus. Vid. Philosophus Medicus de Peste D. Andreae Tenzeli, Archiatri quondam Schwartzburgici.

III. *Oleum contra Venena Magni Ducis Hetruria.*

℞. Ol. Vetusti ℥vj. Scorpion. purgat. per quatuor dies cum Basil. sicc. ℥vj.

Pone in boccia Hermeticè clausa per triginta dies in Sole. Tunc bulliant in Mariæ Balneo per horas sex: exprime, & adde

Rad. Bistort. Gentian. Tormentil. Vincetox. Imperator. aa. 3ij.

Bulliant per quatuor horas, exprimanturque: Colaturæ adde

Rhabarb. el. Myrrhæ, Aloës, Xyloaloës, Croci aa. 3iß.

Iterum per sex horas bulliant, expr. Col. & add.

Theriaca, Mithridat. aa. ʒʒ. Misc.

Inungitur pulsibus exterius singulò triduò ad minimum semel. Internè exhibetur cum Aceto destillato in febribus malignis ad guttas iv. Pro aliis venenis cum Aq. Citri.

IV. Oleum Hyperici compositum, quod quidam Balsamum artificiale vocant.

℞. Olei optimi lbʒ. Summit. & Flor. Hyperici ʒix. Vini Moschatel. ʒviiij. Rad. Tormentil. ʒiiij. Myrrhae, Gummi Elemi, Sarcocol. Thuris, Aloës Epat. aa. ʒiʒ. Lumbicorum vino lotorum ʒiiij.

Misc. Contusa bulliant ad humoris consumptionem vase duplici, dein exprimendo coletur Oleum, in quo dissolve

Croci ʒiv. Terebinth. pur. lbʒ. Flor. maturor. Hyperici Mj.

Infunde mista per dies octo ad Solem vel furnum diligenter obturata: deindè prioribus floribus expressis infund. alii recentes Hyperici flores, prioribus exemptis, ac ita comparatum Oleum usui reservetur.

Oleum hoc vulnera incisorum nervorum consolidat: præterea per se illitum subindè calidum mirum in modum in herniâ efficax ac utile deprehenditur remedium, quemadmodum in omnibus aliis ruptis, convulsis, recentè vulneratis, inprimis quandò membranæ aut nervosi generis aliquid læsum. Solenander in Consil. p. 356.

V. Oleum Hyperici compositum D. Ellenbergii.

Inseruit hoc Pharmacopœæ Medico-Chim. Johannes Schröderus lib. 2. cap. 72. & paratur modò sequente.

℞. Fol. Hyperici recent. Miiij.

Contunde modicè, deindè superfunde

Ol. de Scorpionibus simpl. ℥iij.

Ponantur in Sole per dies quatuor, postea in MB. per horas 24. coq. & fortiter exprime; cola Oleum per colatorium vinô albô lotum: deindè adde

Flor. Hyper. recent. contus. Mij.

Relinquito denuò ad Solem per 4. dies, & mox coquito in MB. cola ut antea.

Idem repetendum cum floribus recentibus bis tervè, donec Oleum sanguineum acquisiverit colorem: hinc

℞. Cymar. (semin.) hyperici immaturarum modicô vinô albô generosô madefactar. ℥iij.

Coq. in MB. per dies tres, postea exprime, ut antè, & hoc iterandum quater semper cum Cymis recentibus: posthæc

℞. Herb. Card. Bened. Meliss. Verben. Scabios. Beton. Chamædr. aa. Mß.

Contunde modicè & coq. in MB. per triduum, deinde cola: Colaturæ injice

Summit. Galegæ, Scordii rec. aa. Mj. Centaur. minor.

Diptam. Cret. Rosmar. aa. Mß.

Coq. in oleo herbis priùs contusis per tres dies in MB. fiat Colatura: deindè

℞. Rad. Zedoar. Diptam. alb. Angel. Gummos. Aristoloch. utriusque, Carlinæ, Valerianæ, Gentianæ, Tormen- til. Vincetox. Cort. Citr. aa. 3iß.

Contusa infundantur & coquantur per dies quatuor in Ma- riæ Balneo: exprimantur fortiter, ac interim injiciantur,

Caryophyl. Macis, Squinanth. aa. 3iß. Sandal. rubr. 3ß.

Bacc. Junip. Lauri aa. 3ij. Cinam. acut. 3j. Benzoin, Sty- rac. Calam. aa. 3vj.

Contusa hæc ponantur in MB. per dies tres, deindè colentur: postea

℞. Bufon. n. ij. Natric. n. j. (serpentem Unct dictum seu hoam) Aran. viv. n. cc.

Injiciantur in Oleum prædictum & coq. per dies duos: post-
eà abjiciantur, imponantur

Rhabarb. el. Myrrhæ fin. Aloës Hepat. aa. ʒiij. Croci ʒj.
Spicæ Nardi ʒiʒ. Theriacæ Androm. Michridat. Damocr.
aa. ʒvj.

Coquantur in Diplomate per dies quatuor, nec amplius co-
letur, sed prouso conservetur.

Vires: valet præcipuè contra omnia venena: illinitur ar-
teriis manuum, pedum & cordi: repetitur illitio tribus alter-
nis diebus. Pestem tam curat, quàm præservat: febriles in-
sultus abarcat inunctum dorso & metacarpis, manuum pe-
dumque plantis: dolores colicos demulcet: urinam provo-
cat: vermes per secessum expellit umbilicò illitum.

Præterea confert ad vulnera venenata, quæ vel ab animali
venenato vel ferro infecto sunt inflicta. In Paronychia nil præ-
stantius, si statim ab initio, antequam inflammatio venenosa
supervenerit, facta fuerit inunctio.

VI. Oleum Catharticum.

R. Aloës ʒʒ. Myrrhæ ʒʒ.

Per Retortam Oleum stillatitium eliciatur: quò si umbili-
cum aut ventrem quis inunxerit, & stuppam superimpofue-
rit, ter aut quater alvum citrà molestiam evacuabit. Excel-
lentissimum profectò remedium, quò non solùm ægris & præ-
gnantibus (si quis eò moderatè utatur) sed & infantibus ne-
cessitatis tempore, & delicatis hominibus commodè succur-
rere poterit, atque æternâ dignissimam laudem, quicumque hu-
jus præstantissimæ medicinæ inventor fuerit, Vid. Deodatus
lib. 7. Panth. Hygiast. cap. 12. p. 45.

Keslerus Cent. 1. process. Chemic. p. 3. sic describit:

R. Aloës Hepat. ʒij. Myrrhæ ʒv.

Stosse und laß beydes durch ein Sieb râden: destilla lentò
igne, wie von denen Gummatibus gemeldet.

Ufus:

Ulus: Dieses ist ein wunderbarliches Del / das den Stulgang befördert ohn alle Gefahr: salbe den Magen darmit wol / und lege nachmaln warme Tücher darüber. Wilt du aber / daß es seine Wirkung desto besser vollbringe / so nimm an statt der Tücher einen Schwamm / und lege ihn warm drüber / so wirket es wunderbarlicher Weise.

VII. *Oleum Traumatico-Balsamicum.*

Poterius in Pharmacop. suâ Spagyricâ hujus Olei balsamici tanquam præstantissimi mentionem facit, cujus vires & effectus non dignè satis deprædicari queant.

R. Rad. Asclepiad. ℥ss. Aristol. rotund. Valerianæ aa. ʒij. Fol. Symphyti maj. Plantag. Filipend. Alchimil. Bugloss. aa. Mj. Bacc. Junip. Pj. Summit. Hyper. cum Flor. & Sem. Mvj. Fl. Chamæm. Spicæ aa. Mj. Vermium terrestr. ℥j. Olei Hyperici cum duabus Infusionibus parati, Lumbricor. aa. q. s.

Macerentur octiduo in fimo equino, eximantur: deindè prælo forti subigantur, quoad omnem humiditatem profundant; factâ colaturâ adde

Myrrhæ ʒi℥. Mastich. Thur. Vernic. aa. ʒij. Terebinth. destill. Picis naval. aa. ℥ss.

Colentur postremò & usui reserventur.

CAPUT XIII.

Balsamos Myrrham sociam habentes adducit.

Balsamum olim nobilissimi & suavissimò odore præditi liquoris spontè proventientis nomen fuit, cùm verò jam nunc non ita cognitus sit, Medici sedulam operam impenderunt, ut alios liquores compositos substitue-

rent,

rent, qui quantum possibile, vires & facultates ipsius quodammodò æmulerentur. Est verò Balsamum medicamentum linimenti formâ ex Oleis destillatis paratum, colorem, odorem & saporem ipsius plantæ vel aromatis representans.

Ad odoramenta pertinent, & partim ad voluptatem, partim ad sanitatem præscribuntur: hinc extant varia Balsama composita in variis corporis humani ægritudinibus, tam internè quàm externè adhiberi solita. Pauca in medium proferre volupe est, & talia quidem, quæ Myrrhæ præsentia nobilitantur.

I. *Oleum Balsami Petri de Ebano.*

✱. Myrrhæ, Aloës, Spicæ Nardi, Sanguinis dracon. Mumiæ, Opopan. Carpobals. Bdellii, Ammon. Sarcocol. Croci, Mastich, Gummi Arab. Styrac. Liquid. aa. 3ij. Ladani, Castor. aa. 3ijß. Mosch. 3ß. Terebinth. ad pondus omnium.

Tritis conterendis misceantur, & ex Alembico destillantur.

Balsamum hoc artificiale veri Balsami penuriam restituit: efficaciam enim propemodum ad singulares Balsami vires accedit, atque id potissimum, quod hoc locò descriptum, ab omnibus ferè Chirurgis vulgò usurpatur. Tenuium partium est, calefacit, exsiccant & glutinat: Nervorum vitiis, Paralyfi, cæterisque noxis frigidis spinæ illitum confert. Quodsi idem tepesfactum inunxeris antè febris accessionem, rigores sublevabit, cordis tremorem, palpitationem ac syncopen sanabit. Hæcticos ac emaciatos impinguat, uteri strangulatus tollit, comitialibus, plurimisque aliis affectibus feliciter succurrit, Tristes, melancholicos ac animum despondentes reficit, nec non cadaverum putredinem vindicat.

II. Balsamus Antipestilentialis.

℞. Ol. Nuc. Mosch. express. ʒj. Lavend. ʒj. Junip. ʒss. Mellis rosati ʒss. Myrrhæ el. ʒj. Alipræ Mosch. gr. iv. Theriac. opt. ʒiv. Mithridat. el. ʒiʒ. Camphor. gr. iv. adde Olei Succini gutt. iij. Angelic. gutt. iv. Caryophyll. gutt. ij.

Misce in mortario calido & detur in pyxide. S. Balsam wider die Infection.

Balsamo hoc præservationis ergò tempore matutino nares illinantur, spiritu nonnihil suspensò, quoties eum infectis conversandum, aut loca suspecta ac impura adeunda. *Martinus Pausa Conf. 1. Antipestif. p. 18. 19.*

III. Balsamus Camphoratus.

℞. Ol. Camphor. Extr. Myrrhæ aa. ʒj. Extr. Aloës ritè præparat. ʒss. Extr. Croci, Gum. Sulphur. aa. ʒij.

Misce diligenter & serva in vasculo mundo: Dosis gr. ij. vel iij. quotidie manè cum Aquâ Theriacali vel Spiritu Juniperino ad præservandum: ad curandum verò jam infectis detur à gr. v. ad viij. vel ʒss. in Aq. Theriacali intrâ 24. horas à primâ infectione ad sudorem eliciendum, antidotum est sine pari. *Andreas Tenzelius in tr. de Peste.*

IV. Balsamum Sulphuris Therebinthinatum Juniperinum internum compositum.

Rolfincius Chim. in art. form. redact. lib. 4. Sect. 1. cap. 3. p. 223. duplex describit, unum laboriosius, alterum compendiosius: hoc ita paratur.

℞. Flor. Sulphur. Colcothar. ℥½. Myrrh. Troglodyt. Aloës Hepar, Thuris aa. ʒj. Croci ʒj. Camph. ʒij. Ol. Terebinth. Cypr. Ætherei ℥iʒ. Baccar. Junip. ℥½. Succin. ʒss. Simul mista in cucurbitâ digerantur leni ignis calore, donec

nec Tinctura adpareat: Inclinato vase effundatur in aliud vas, & Camphora, si lubet, Oleo Amygdalino soluta addatur.

Vires: Balsami vegetabilis ad instar confortat & restau-
rat languescens vitale humidum: pectorale est, stomachoq;
frigido & Colicæ medetur.

Dosis gutt. v. vj. in vehiculis appropriatis, aquâ carmi-
nativâ, asthmaticâ: Exterius in vulneribus atque ulceribus
etiam usurpatur. Scrobiculo cordis inunctum flatuosum san-
guinem discutit, & stomacho ab intemperie frigidâ languenti
medelam affert.

V. Balsamum Antiparalyticum nobilissimum.

Johannes Daniel Mylius Pharmacop. Spagyr. pract. lib. i.
cap. 12. duo Balsama proponit ad curandam Paralyfin, quo-
rum posterius de Myrrhæ consortio gaudet, & ita paratur.

℞. Rad. Angel. Valerian. Chamæleon. alb. Chelidon. Enul.
Cichor. aa. ʒiʒ. Herb. Chelidon. Meliss. Adianth. Majo-
ran. Chamædr. Verben. Rosmar. Salviæ, Menthæ, Hyssop-
pi, Chamæp. Stœchad. Flor. Verbasc. Hyper. Centaur. min.
Violar. Beton. Chamæmel. Nardi Celt. Rosar. aa. Pj. Sem.
Anisi, Ocymi, Card. Bened. Pæon. aa. ʒj. Bacc. Junip.
Cort. Citr. aa. ʒʒ. Ol. è resinâ abiegnâ ℔vj. Aq. Cinam.
℔iv.

Incisa macerata tandem destillantur, ut Oleum è semi-
ne Anisi: postea

℞. Styrac. liquid. ʒiij. Myrrhæ, Styrac. Calam. aa. ʒij. Thur.
Mastich. Laser. aa. ʒiʒ.

Hæc vicissim cum superiore destillatione perfundantur
ac destillantur: tum

℞. Rhabarb. ʒj. Gentian. ʒiv. Zedoar. Galang. aa. ʒij. Ci-
nam. ʒj. Nuc. Moschat. Caryophyl. aa. ʒvj. Croci ʒiʒ.
Cubebæ. ʒiv.

Hæc vicissim destillando rectifica: Oleum habe pro Balsamo.

VI. Bal-

V1. Balsamus Mirificus in affectibus Calculosis & Tartareis D. Conradi Johrenii.

℞. Flor. Sulphur. ʒij. Soive in Spiritu Terebinth. ʒvij. Ol. Baccar. Junip. ʒiv. adde Salis Succini volat. Microcosm. vol. aa. ʒij. Aloës, Myrrhæ, Mastich. Croci aa. ʒj.

Cum circulato minore f. Balsamus.

VII. Balsamus Uterinus D. Tuchschereri.

℞. Styrac. calam. Myrrhæ opt. Mastich. Thuris, Caryophyl. Ligni Aloës, Cinam. Nuc. Moschat. Cupress. aa. ʒij.

Omnia pulverisā & cum q. s. Styrac. liquid. pastam facito. S. Mutter-Balsam.

VIII. Alius Polychrestus Dn. D. Frommanni.

Hunc inter generosiora præsidia, quibus uterinis affectionibus occurratur, refert D. Scharffius, eumque describit cap. 21. p. 298. tr. de Junipero, in hunc modum.

℞. Ol. Succini albi ʒvj. Junip. Terebinth. aa. ʒv. Laur. expr. ʒj. Galbani ʒʒ. Olibani, Myrrhæ, Aloës aa. ʒvj. Castor. ʒiij. Fl Sulph. ʒx. Rad. Angel. ʒiij. Croci ʒiʒ. Cucumber. Cardam. aa. ʒv.

Terenda terantur & infundantur per dies & noctes xij, hinc per Retortam destillentur. S. Balsamus Polychrestus.

IX. Balsamum mitigans Podagram primo ejus accessu apud Philippum Müllerum in Mysteriis Medicis pag. 132.

℞ Mastich. Olibani, Myrrhæ, Ammon. Bdellii, Opopan. Mumia aa. ʒij. Tartari ʒiʒ. Vitrioli ʒj. Mellis ʒij. Aq. Vitæ ʒiv.

Dec. II. Annus VI.

P

De-

Destilla per Alembicum : cum autem malum ingruit, locus pennâ adspargatur, & quiescat æger.

*X. Alius Antipodagricus apud Hoffmannum in The-
sauro Pharmaceutico p. 36. reperibilis, prio-
riq. similis.*

℞. Mumix̄ ʒß. Myrrhæ rubr. Mastich. Olibani, Bdellii, Opo-
pan. Ammon. aa. ʒj. Vitrioli Calcin. ʒix. Mellis lbij. Sa-
lis Tartari ʒiij. Spir. Vini opt. lbiv. Misc.

N. Vitriolo & Tartaro affunde Spiritum Vini, digere leni igne per diem & noctem, postea destilla per Retortam, donec Spiritum Vini omnem iterum habueris, & simul aliquid de Spiritu Vitrioli & Tartari transierit : postea funde super mel, & abstrahere etiam Spiritum Vini ultimò igne fortiori, tunc provenit balsamum instar Olei innatans spiritui vini, separa per tritorium: denique ℞. Vitriol. cum Sale Tartari, melle ac gummatibus, misce exactissimè, prius ramen spiritum vini iterum affunde, à quo balsamum fuit separatum : destilla adhuc semel, tunc accipies adhuc aliud balsamum, qui Spiritus vini appellatur Aqua balsamica Antipodagrica.

In doloribus Arthriticis itemque Scorbuticis brachiorum & pedum mira præstat, dolorem leniendo, si cum pennâ illinitur partibus dolentibus.

XI. Balsamus contra Vermes.

℞. Myrrhæ opt. ʒvij. Mastich. ʒviij. Aloës Hepat. ʒxviij. Salis com. lbj.

Contusa omnia per Retortam igne lento destilla magnâ diligentia: exhibit primò Aqua, deindè Oleum admirandum, quod cum primò sit crassius, erit arte rectificandum ex Retortâ: Hujus guttula immissa umbilico vermes infantum necat. Habuit balsamum hunc inter sua experimenta mss.

D. Weid-

D. *Rupertus*, & ex his D. *Weidnerus* in suâ Pharmaciâ selectiore manu scriptâ.

XII. Balsamum ad omnia vulnera utile.

R. Terebinth. Venet. ℥iij. Gummi Elemi, Resinæ Pini, Colophon. Sarcocol. Salis Nitri, Aloës, Soccotr. Myrrh. Fin. Mastich. alb. Oliban. Sangu. Dracon. aa. ʒj. Album. Ovor. num. ix. Vini Malvatici q. s. Misc. fiat destillatio per Retortam.

XIII. Balsamum Vulnerarium efficacissimum.

Crovaldus Crollius Basil. Chim. pag. m. 264. seqq. hoc describit, quo omnia vulnera & punctiones membrorum, juncturarum, nervorum, ictus etiam telo seu globo tormentario facti, tutò sinè ullo superveniente symptomate curari possunt.

R. Flor. Hyper. ℥j.

Colligantur autem cum Solis ortu balsamitico tempore, in exaltatione videlicet circa Festum S. Johannis ante Novilunium:

Flor. Cheiri, Verbasci, Chelidon. Centaur. min. Aristoloch. Prunel. Chamæmel. Consolidæ mediæ vel majoris aa. ʒiʒ. Fol. Rosar. r. ʒiʒ. Mumia Transmarinæ, Myrrhæ, Thuris, aa. ʒiʒ. Mastich. ʒj. Storacis liquid. ʒij.

Incisis incidendis & tritis terendis ponantur in vase, & affundantur mensuræ duæ boni spiritus vini, stent in digestionem omnia retrò fornacem vel ad Solem: postea effundatur spiritus vini tinctus, & feces prælo exprimantur: Tandem addatur huic spiritui tincto (nisi velis majoris efficaciae ergò reiterare macerationem florum) Olei Olivarum recentis, quod suprâ ramenta pingua abietina per octo dies in digestionem stetit, ℥v.

Terebinth. claræ nostr. & Resinæ laricæ lotæ in aquâ Hypericonis lbj. iterum per quatuordecim dies omnia digerantur : ultimò abstrahatur Spiritus vini in Balneo Mariæ, tunc Balsamum manebit in fundo rubeum instar sanguinis.

Hyeme prædictarum herbarum semina parabilia trita Balsamo injiciantur, & ponantur in digestionē, & longè potentius operabitur.

Valet Balsamum hoc contra omnis generis vulnera, si plumaceolum vel flocci molles, qui circa semen Cardui benedicti vel in populo arbore crescunt, tepidè intingantur, & vulnere prius vino eloto indantur, superposito Emplastro stictico tamdiu, quoad nec venæ, arteriæ, nec nervi & vincula media aut alia id genus adpareant. 2. Contra omnes tumores, inflammationes, contracta & contusa membra, ossiumq; rupturas. 3. Contra morsus canum, non neglectis aliis remediis, si morsus sint venenati.

XIV. Balsamum Podagricum

I. Crollii.

⚞ Vitrioli ad flavedinem calcin. lbj. Mellis virginei cum favo lbj. Spir. Vini lbj. (si sit ad manus ille Spiritus est confectio Laudani Opiati residuus, erit eò melior) Terebinth. ʒiv. Verbenæ ʒvj. Rosmarini tantundem: Silicum calcinatorum lbj.

Omnia trita misceantur, & imponantur justæ amplitudinis alembicò vitreò benè lutò obductò, additò satis magnò capitello cum Recipiente capaci, juncturis benè lutatis: ponantur per triduum in lento arenæ calore ad digerendum, postea paulatim destillentur, ultimò fortificetur ignis, quamdiu vides guttas seu Spiritus exire, postea frigescat. Caput mortuum seu feces spongiosæ nigrae reverberentur ad albedinem, illisque priorem liquorem denuò affunde & secundò destilla.

Vires: Efficacissimum est Balsamum: neminem suâ expecta-

pectatione ritè præparatum & adhibitum frustratur: citò enim & subito dolorem podagricum sedat, si locus affectus inungatur, præmissò priùs pulvere Paracelsi purgante ex Hermo-dactylis seu Arcano Corallino. Linteola madefiant & applicentur loco affecto tepidè, & relinquantur, donec spontè exsiccantur, postea iterum imponantur, donec dolores cessent: visibiliter vapores extrahuntur: si pars dolens nimio ardore & rubedine crucietur, poterit de succo è floribus thapsi barbati expresso & insolato ana admisceri.

Balsamum Podagricum

II. Ejusdem.

- R. Olei Mandibularum inferiorum veterum equorum, tempestatibus diu expositorum.
 Vel Olei ex ossibus hominis (violenta morte, rectè vel rotà perempti) siccis, Soli & Lunæ multis annis expositis.
 Vel Olei è sanguine cervino. Cujuscunque hujus Olei aliquoties priùs per se rectificati ʒj. Ol. Later. Terebinth. Junip. aa. ʒiij.

Misce & destilla omnia adhuc semel in balneo, & postea ungatur locus affectus: è vestigio tollit omnes dolores podagricos è frigidâ causâ ortos. Vid. Basil. Chim. pag. 244. 245.

C A P U T XIV.

Linimenta & Unguenta, quæ Myrrham in compositionibus suis recipiunt, aggreditur.

Linimenta & Unguenta differunt inter se solius mixturæ ratione: illa namque medicamenta liquida sunt, quæ extrâ illinuntur, consistentia Oleis crassiora, Unguentò autem liquidiora. Hæc linimentis paulò crassiorem

consistentiam obtinent: & quamvis eadem sit Unguenti ac Linimenti materia, diversa tamen intercedit proportio: nam quæ inspissant, majori quantitate accipiuntur in Unguentis quàm Linimentis, minore autem liquida & oleaginosa.

Topicorum horum applicatio de nihilo non est, sed utilitas inde expectanda indubitato. Linimenta quippè ferè paragonica ad dolores compescendos, ad crassa ac indurata, emollienda ac laxanda, ad inflammationes digerendas atque discutiendas non parùm conferunt. Unguentorum virtus ac efficacia patens est latissimè, & ad omnes partes atque ægritudines sese extendit, quæ alia præsidia non facillè ferunt, aut ubi efficacius operari volumus, quàm cum Oleo fieri queat: adhibentur scilicet ad alterandum, emolliendum, digerendum, maturandum, detergendum, discutiendum, &c. Formas has Myrrha nostra polychresta non aspernatur, sed & illis admisceri exoptat, uti ex sequentibus patebit.

I. Unguentum de Colocynthide Avicennæ.

- ℞. Pulpæ Colocynthidis ʒiʒ. Turpethi, Scammon. Euphorb. aa. ʒj. Sem. Aneth. Salis Indi, Myrrhæ, Aloës, Fellis vaccini, Nigeli. Staphisagr. Montan. Piper. Zingib. Myrobalan. Citrin. Belliricor. Mezereon aa. ʒiʒ. Amygdal. Opopan. Ammoniacy, Serapin. aa. ʒvij. Borrac. Sulphuris Citrini aa. ʒj. ʒvij. Foenugr. Chamæmel. Sem. lini aa. ʒv.

Liqueface ea, quæ liquefiunt cum Butyro vaccino, & infunde, quæ ex iis infunduntur, in vino, & tere, quæ ex iis sicca sunt, & cribella ea: deindè tere infusa & permisce ea simul, donec fiat Unguentum. Line ex eo stomachum ac hepar, ipsum enim facit discedere aquam citrinam: & qui non potest bibere medicinam, liniat ipsum super stomachum, quoniam solvet eum.

II. Unguentum Abrotaninum.

R. Abrotani ℥iv. Myrrhæ, Absinth. Aloës, Centaur.
min. aa. ℥ijß. Rad. Diptamni, Gentianæ, aa. ℥iß. Pul-
pæ Colocynth. Fellis tauri, Lupinor. aa. ℥j. Diagrid.
℥ß. Fiat Pulvis, coq. cum Vini veteris & Ol. Rutæ aa.
℥iiij. fiat fortis expressio, adde Ceræ parum. Misc. f. Un-
guentum.

III. Linimentum Antiloimicum odoratum pro naribus.

R. Theriac. vet. ℥iiij. Myrrh. ℥iv. Rad. Angel. Zedoar. aa.
℥j. Ol. Amygdal. dulc. vel Succ. Rutæ q. f. Ol. Junip.
℥j. Misc.

IV. Unguentum Antiparalyticum D. Rolfincii.

R. Unguent. Martiat. Arregon. aa. ℥ß. Ol. vulpini, Lum-
bric. terr. aa. ℥iiij. Axung. Vulp. Taxi aa. ℥ij. Ammon.
Bdellii. Galban. Sagapen. pulveris. aa. ℥j. Styrac. Myr-
rhæ, Vernic. aa. ℥iß. Salviæ, Rosmarini, Pyrethri aa. ℥j.
Galliæ Moschat. ℥ij. Spicæ, Castor. aa. ℥ß. Ceræ pa-
rum. Misc. f. Unguentum.

V. Unguentum Antispasmodicum Riverii

Hoc Author in convulsione & affectibus spasmodicis ceu
remedium sacrum atque divinum extollit atque commendat
lib. 1. Prax. c. 6. & lib. observat. 8.

R. Butyri rancidi, Lardi vet. aa. quart. j. Bdellii, Ammon.
aa. ℥j. Myrrhæ, Castor. aa. ℥iiij. Flor. Stœchad. Anthos.
aa. Pj. Nuc. Moschat. Caryophyl. aa. ℥j. Catum par-
vum exenteratum, excoiatum & in frusta concisum.

His

His infarciatur anser & consuatur, torreatur in veru: primus qui defluit succus, abjiciatur, secundus colligatur in vase aceto semipieno, eoque illinantur partes spasmo tentata & integra spina dorsalis. Ad similem modum ferè adornatum aliud vid. apud *Weickardum* Thesauri Pharmac. l. i. c. 3. p. m. 64.

VI. Linimentum ad Stomacacen sive Scorbutum oris.

- ℞. Pulv. Fl. Aquileg. Fol. Salviæ aa. ʒʒ. Rad. Ireos flor. ʒiij. Myrrh. el. ʒiv. Aluminis crudi ʒj. Cum f. q. Mellis rosati f. Linimentum.

VII. Unguentum contra Vermes.

- ℞. Ol. Diacolocynth. Q. ʒʒ. Amygdal. amar. express. Nuc. cleor. Persic. expr. aa. ʒij. Aloës, Myrrhæ aa. ʒj. Fellis Tauri inspissati ʒiʒ. Ol. destill. Ligni Coryl. ʒʒ. Cerae q. f. Misc.

VIII. Linimentum ad Vermes D. Polifii.

- ℞. Ol. Absinth. Rutac. aa. ʒj. Petrol. Fellis Tauri aa. ʒʒ. Aloës, Myrrhæ, Dictam. alb. aa. ʒij. Cerae q. f. Misc.

IX. Unguentum contra Scabiem.

- ℞. Rad. Lapathi acuti, Helenii, Liliior. alb. aa. ʒij. Summit. Lupul. Fumar. Scabios. Absinth. aa. M. ij. Cicer. Lentium, Hordei aa. M. j. Chamæmel. M. viij. Decoq. in f. q. aq. puræ & colentur.
Colaturæ ℞. ʒviij. Ol. Rosar. Mastich. Laur. aa. gut. xv. Bulliant ad consumptionem, postea adde
Thur. Lithargyr. Mastich. Styrac. Myrrhæ aa. ʒij. Terebinth. ʒviij. Sarcocol. Ceruss. aa. ʒj. Misc.

X. Unguentum ad Vulnera, Ulcera, Luxationes, Fissuras manuum, aliq̃ vitia externa apud

D. Bierling. pag. 133.

℞. Ol. Olivar. ℥iij. Myrrhæ, Olibani aa. ʒj. Aloës, Mastich. Colocynth. Sarcocol. aa. ʒß. Colophon. utriusque, Terebinth. Venet. aa. ʒvj. Cerae ʒiv. Pingued. porcinae ʒiij.

Coq. f. a. adde sub finem Styrac. Calam. ʒß. Spir. Vini, Ol. petræ aa. ʒij. Hyperici, Spicæ aa. ʒj. Benzoin, Pingued. human. aa. ʒß. Rad. Alkannæ q. f. in nodulo ad colorandum. Misc. fiat Unguentum.

XI. Unguentum mundificativum apud Eund.

p. 132.

℞. Mellis rosati simpl. Terebinth. aa. ʒiij. Sarcocol. Thuris aa. ʒiij. Myrrhæ ʒß. Misc.

XII. Unguentum maturativum apud

Eund.

℞. Terebinth. Cyprin. ʒv. Pollin. Thuris, Mastich. aa. ʒß. Ol. Hyperici ʒij. Vitell. ovor. n. iij. Croci ʒj. Misc.

XIII. Unguentum Suppurativum Reinesii apud

Eund. p. 130.

℞. Butyri rec. Ol. Hyperici aa. ʒiij. Balf. Sulphur. Ruland. Mastich. Sarcocol. aa. ʒj. Thuris, Myrrhæ aa. ʒß. Vitell. ovor. n. ij. Terebinth. ʒß. Ungu. Apostolor. ʒj. Misc.

XIV. Unguentum Incarnativum

Tabernæmontani.

℞. Terebinth. ʒiij. Mellis opt. ʒvj. Pulv. Sarcocol. Thuris aa. ʒij.
Dec. II, Annus VI. q

āā. ℥ij. Myrrhæ ℥ij℥. Aloës Succotr. Sangu. Dracon.
 āā. ℥ij℥. Croci opt. Mastich. āā. ℥j. Cerae Virgin. q. f.
 Misc. f. Unguentum.

CAPUT XV.

Cerata, Emplastra ac Cataplasinata Myr- rham adjunctam habentia suggerit.

Cerata sive Cerota atq; Emplastra tantum ratione con-
 sistentiæ differunt, quemadmodum, uti antea dictum,
 Unguenta ac Linimenta: Cerarum namque Empla-
 stro minus duram habet consistentiam, ad Emplastri
 tamen duritiem propè accedit: apud veteres ex Oleo & cerâ
 tantum concinnabantur, hodierni verò artifices alia etiam ad-
 miscent, ita tamen, ut majorem Cerae partem recipiat, unde &
 nomen Cerati impositum.

Utilitas Ceratorum non parva est: adhibentur etenim in
 genere, ne oleum diffluat sinè fructu, aut vis ipsius dissipe-
 tur, vel ubi partes dolentes maximè duritiem Emplastri quod
 postularunt, non ferunt, uti in fracturis: vel ubi partes mol-
 liores ob flexuram Emplastrum non admittunt, ut in hepate
 affecto, ventriculo, liene obstructo, pro utero, ossibus fra-
 ctis, luxatis, viscerum Scirrho, herniâ &c. Fiunt, ubi ca-
 lesfaciendum, humectandum, laxandum, emolliendum, co-
 quendum, digerendum, maturandum: possunt & ad sic-
 candum, adstringendum adhiberi &c. Vid. *Petr. Morelli Me-
 thod. præscribendi formulas remediorum lib. 2. S. 1. cap. 10.*
 p. 195. 196.

Emplastrum Topicum est crassius consistentiâ Cerato, vi-
 scidum tamen, quod linteis vel pellibus inductum cuti ap-
 plicatur, eique tenacius adhærescit. Inventa verò sunt Em-
 plastra

plastra ut vis remedii diutius hæreat, nec evanescat, suntque utilia ad corroborandum, calefaciendum, exsiccandum, coquendum, maturandum: calorem enim augent, dum cutis spiracula stipant: ad digerendum etiam valent, & infixa pertinaciter in partibus per *ἐπιστάσις* evocanda: ad durities emolliendas, ulcera glutinanda, purganda, siccanda, cicatrizanda, ad fracturas, rarò ad refrigerandum, nisi ex adstringentibus ac repellentibus aliquando ad sistendas fluxiones præscribantur. Id. cap. 11. p. 198.

Cataplasmata veteres Malagmata adpellarunt, suntque Topica mollia pulvis consistentiam formamque habentia: componuntur potissimum ex mucilaginibus plantarum, cui postea adjiciuntur olea, pulveres & alia scopo Medici intervenientia: nam interdum ex farinâ, & medullâ panis conficiuntur, ubi pulvis nomen adpositè obtinent.

Trahuntur in usum potissimum tunc, quandò dolores in partibus inflammatis, leniendi veniunt; aut durities partis cujusdam emollienda, humores maturandi, digerendi, suppurandi, flatus dissipandi: interdum etiam ad adstringendum expetuntur, quandò repellendum & succorum vitiosorum *πέσμαξα* ac fluxiones inhibenda sunt. In Urinæ suppressione ex convenientibus parata omnium optimè adhibentur, cum virtute polleant laxandi, emolliendi & evacuandi.

I. *Emplastrum Opoteldoch Colchotarinum* Mindereri.

℞. Cerae novæ ℥j. Terebinth. Cypr. ʒvi. Gummi Elemi ʒiij. Ol. Hyperici, Myrtini aa. ʒiij.

Lique fiant simul omnia, & postquam disfluxerint, adde

Gum. Ammon. mundis. Galbani, Opopan. aa. ʒiij. Colophon. ʒvj. Mumia, Salis, Succini albi pellucidi aa. ʒij. Olibani albi, Mastich. purificat. Sangu. Dracon. Sarcocol.

cocol. à recrementis purgatæ aa. ʒiʒ. Aloës Hepat. ʒʒ. Myrrhæ ʒj.

Dissolve gummata in aceto, junganturque simul commodè ac s. a. agitando singula, ac ubi fermè refrigerint, paulatim ac studiosè injice Lap. Magnet. præparat. ʒvj.

Croci Martis ex arte sinè corrosivo concinnati, Tutia præparat. āā. ʒj. Lap. Calamin. præparat. ʒv. Lithargyr. Aurei ʒj. Colcotharis indulcati seu terræ Vitrioli mortuæ ac dulcificatæ ʒij.

Redigantur l. a. in Emplastrum, quod frigefactum dure scat, ita ut dissiliat. Qui mollius id habere optaverit, Terbinthinæ ac aliorum suprâ dictorum quantitatem nonnihil adaugeat.

Notandum quoque, posse huic Emplastro Succum Alchimi. Symphyti, Veronicæ, Pyrolæ, Saniculæ, Consolidæ mediæ vel Saracenicæ, Telephii, Nicotianæ, Nummulariæ, aut foliorum quercus adjici.

Emplastrum hoc magnæ est utilitatis, viriumque insignium ad vulnera recentia, quæ protinus per sanat: spiculas, tela, cuspides, dummodò ossibus fixa non hæreant, itemq; crines, paleas ac resegmina, aut quæ vulnere inciderint, extrahit, symptomata vulneribus infensâ atque periculosa, si citò applicetur, antevertit & præcavet, tumores, affluxusque humorum, qui cæcæ ac offensæ parti incumbere solent, reprimunt, ac dissolutam unitatem jungit, consolidat, cicatriceq; claudit. Miles magdaleonem hujus Emplastri ensis vaginæ aut capulo gladii affixi circumferat, super prunas digitis tractando & mollificando malaxet, inque placentam tenuem diducat, quæ vulnere obregendo sufficiat, eamque placentam vulneratæ parti vino prius eluendæ rursusque exsiccandæ superimponat, manè ac vesperi eum detrahendo, mundificando iterumque adplicando. Melius tamen fuerit, si quoties placentam denuò malaxaverit, ut ea quasi renovata novam acquirat superficiem. Ubi vulnus ad sanationem perductum fuerit,

fuert, mundificet æger suam hanc placentam, eamque rursus in magdaleonem redigat, suoque refigat gladio : non enim necessum est, novum semper Emplastrum assumere, cum aliquot vicibus unum idemque usurpari queat, dummodò diligenter malaxetur.

II. Emplastrum Sticticum Crollii.

- R. 1. Minii, Calaminaris āā. ℥β. Litharg. Auri & Argenti aa. ℥iij. Ol. Lini, Olivar. āā. ℥iβ. Laur. ℥β. Ceræ, Colophon. āā. ℥j. Vernic. Terebinth. āā. ℥β.
- R. 2. Opopan. Galban. Serapini, Ammon. Bdellii āā. ℥iij. Carabe, Citr. Olibani, Myrrhæ Alexandr. Aloës epat. Utriusque Aristoloch. āā. ℥j. Mumia transmar. Magnet. Hæmatit. āā. ℥iβ. Corallor. alb. & rubr. Matris Perlar. Sangu. Dracon. Terræ Sigill. Strigens. Vitrioli albi āā. ℥j. Flor. Antimonii ℥ij. Croci Martis tantundem : Camphor. ℥j.

Modus parandi talis est.

1. Gummata quinque in Aceto macerata & cocta exprimantur per linteum crassum bis repetendo cocturam : (Dosis Gummatum augeri potest propter feces ab expressione remanentes & abjiciendas) postea super lentum calorem in mundâ sarragine usque ad consistentiam mediocrem inspissentur.

2. Oleum Lini & Olivarum imponatur alteri sarragini & addatur Lithargyrium Sol. & Lunæ, coquantur agitando, donec oleum coloretur, postea addatur Calaminaris, & paulò post Minium, omnia illa agitando ferè per duas horas ; coquantur simul ad sufficientiam, cujus proba est, si suprâ ungues gutta concreseat & condensetur, nec amplius diffuat.

3. Tandem etiam addatur circa finem Vernix, Oleum Laurinum, Cera, Colophonia : omnibus benè invicem mistis & liquefactis & ab igne sepositis, postea da operam, ut

sartago cum gummatibus paulatim calefiat, & successivè affunde liquorem è secundâ sartagine gummatibus diligentissimâ agitatione incorporando, suprà lentissimum calorem, (cave nè bulliat, alioquin gummata in grumos coeunt, & Oleo difficulter miscentur) postea agitando addantur pulveres, & diligenter omnia per horam agitentur: ultimò Camphora resoluta in Oleo Juniperino addatur: Si fortè nimis durum esset, addatur adhuc aliquid Cerae & Colophoniae.

Proba justæ decoctionis hæc est: bacillo intincto guttulas aliquot in aquam stillare finito, si digitis adhæserit materia mollis, coquatur diutius, donec durecat: tùm demum ab igne deponitur, & in magnam pelvim aquâ plenam effunditur, ac manibus Oleo Chamæmil. Rosar. Junip. Lumbricor. Hyper. aa. q. s. mixto perunctis pinsere, ac instar malagmatis subigere convenit, horis tribus vel quatuor, servetur ad usum efformatis indè prius magdaleonibus alutæ includendis.

Vires: 1. Usurpatur contra inveterata Ulcera, nec non recentia vulnera & ictus, ubicunque sunt in corpore, etiam in capite. 2. Siccat & mundificat vulnera, carnem bonam producit, consolidat ac sanat unâ septimanâ efficacius, quàm aliud mense integro. 3. Putrescere non finit bonum, insuper corruptionem malæque carnis excrecentiam impedit. 4. Nervis truncatis aut contusis optimum est remedium. 5. Ferrum, lignum, plumbum & alia quæque de vulneribus extrahit, superpositum eis tantùm. 6. Venenosorum animalium curat morsus ictusque: attrahit enim venenum. 7. Maturefcere facit apostemata cuncta superpositione solâ. 8. Contra Cancrum, Fistulam, Scrofulas, ignem persicum est remedium excellens. 9. Mitigat omnes dolores cujuscunq; vulneris aut ictus. 10. Contra rupturam valet. 11. Ubi caput inflatum est, radantur capilli, & imponatur Emplastrum. 12. Dolores dorsi impositione tollit. 13. Ficus cutis extrâ & intrâ sanat imponendo. Vid. Crollius Basil. Chim. pag. 266. & seqq.

III. *Emplastrum Nigrum.*

℞. Ol. Rosar. ℥vij. Colophon. Resin. Picis naval. aa. ℥viij.
Cera alb. Vitrioli Romani, Ceruss. Olibani, Myrrhæ
aa. ℥viij. Mastich. 3j. Ol. ovorum 3ij. de Spicâ 3j. Mu-
miæ 3ij. Terræ sigillat. Sangu. dracon. aa. 3j. Vitrioli
albi, Corallor. rubr. aa. 3ij. Axung. Ardeæ 3j. Thymal.
sivè Asiæ piscis 3iij. Lap. Magnet. præp. 3ij. Lumbricor.
præp. Camphor. aa. 3j.

Fiat s. a. Emplastrum perquàm efficax ad recentia vulnera
& puncturas. Vid. Pharmacop. August. & imprimis quoad
dextram hujus Emplastri præparationem Animadvers. Zuvelf-
feri p. m. 381. & seq.

IV. *Emplastrum Domesticum Hartmanni.*

℞. Colophon. Cera aa. ℥iv. Terebinth. Laricæ aa. 3j.

Eliquatis super igne lento adde

Unguenti Popul. 3ij.

Diligenter misce: omnibus hisce adde

Pulv. Succini, Thur. Mastich. Myrrhæ, Aloës aa. 3j.

Rad. Dictam. Gentian. Aristoloch. rot. aa. 3ij. alum.

ust. 3ß. Nitri 3vj. Camphor. 3j. Misc. s. a. &c.

Ufus ejus est in Carbunculis è mammillis inflammatis &
suppuratis, calorem & ruborem extrahit maturando ea, quæ
sunt suppurata: conducit prætereà in omnibus ulceribus fistu-
lisque quibuslibet: in ambustis multum præstat, ideoque non
aliud ob finem id nominis obtinuit, quia ipsius usus intra pri-
vatos parietes hætenus invaluit.

V. *Emplastrum Carminans Sylvii.*

℞. Gummi Galbani, Bdellii, Ammon. aa. 3ß. Thuris masc.
Myrrh. rub. aa. 3ij. Opii Thebaici 3j.

Dissol.

Dissolve in Aceto squillitico, iterumq; inspissatis adde

Ceræ Citr. Colophon. aa. ʒiij. Bals. Peruviani, Ol. philosoph. aa. ʒj. Terræ ʒß. Carvi stillat. ʒß. Terebinth. Venet. q. s. Misc. f. f. a. Emplastr.

Hoc Excellentiss. Author feliciter usus in curatione prægrandis tumoris sinistri Hypochondrii: efficax etiam idem compertus est in discussione flatuum atque tumorum indè ortorum. Extendendum verò est super alutam, eamque formatam prius secundum tumoris amplitudinem & figuram chartæ ei impositæ & dissectæ observandam. Prax. Med. lib. 1. cap. 14. pag. 188. 189.

VI. Emplastrum Diasulphuris Rulandi.

Describitur à Martino Rulando Cent. 1. Curat. Empir. 93. viresque insignes ab eodem ipsi adscribuntur: emolumentum quippè affert in Ulceribus inveteratis ac sordidis; pectoris regioni utrinque adplicitum in alutâ thoracis molestias, pulmonum gravitates, dyspnœas, asthmata à sanguine flatulento ex Hypochondriis per venas vel utero ascendente exorta dissipat, &c. Paratur verò sequenti modo:

R. Bals. Sulph. Amygdal. Camphorat. ʒiij. Ceræ flavæ puræ ʒß. Myrrhæ pulveris ʒʒ. Resin. Terebinth. Venet. à destillatione relictæ, Colcotharis, Vitrioli edulcati aa. q. s.

Liquefiant Cera & Resina, quæ Olei Terebinthinæ rubri adhuc particeps: addatur mox Balsamum: demùm adspargatur Myrrha subtilissimè trita paulatim, spatulâ semper agitando, donec permista fuerint & colcothar: post ab igne removeantur, paulatim spatulâ vel pistillô agitata, refrigerescant, & cum Oleo Olivarum indè fiant malagmata.

VII. Aliud D. Sulzbergeri.

℞. Bals. Sulph. ℥iij. Cerae ℥ss. Colophon. ℥iij. Myrrhæ ad pondus omnium.

Cera, Colophon. & Oleum liquefiant, & simul ac benè mixtis inspergatur Myrrha subtilissimè pulverisata & lentò igne coq. spatulâ sæpius agitando, donec permista benè fuerint. F. Emplastrum.

IIIX. Emplastrum nobile pro Fonticulis apud

D. Bierling, pag. 139.

℞. Olei veteris ℥ij. Lithargyr. aur. Cerussæ aa. ℥ss. Colophon. Resin. Picis naval. aa. ℥ij. Cerae alb. Oliban. Myrrh. aa. ℥iv. Mumia, Vitrioli albi, Corallior. rubr. Lap. Magnet. præparat. aa. ℥ij. Mastich. ℥j. Lintei detriti ℥ss. Misc.

F. Emplastrum, quod continuum fluxum excitat & mundificat.

IX. Emplastrum Antiparalyticum.

℞. Myrrh. el. Styrac. calam. Bdellii, Benzoe, Ladani aa. ℥ss. Sandarach. ℥ij. Oss. Cranii humani pulverisat. ℥iss. Lap. Lazuli ℥j.

F. l. a. cum Oleo Rosar. Emplastrum pro Cervice.

X. Emplastrum Antiarthriticum Dn.

D. Rolfincii.

℞. Gum. Galban. Ammon. aa. ℥j. Carannæ ℥ss.

Solve in Aceto & trajice per linteum

Mucilag. Sem. Psyllii, Cydon. Rad. Altheæ, Consolid. maj. cum Aqua parat. ℥iv.

Dec. II. Annus VI.

r

Coq.

Coq. ad humiditat. consumptionem & justam consisten-
tiam, adde

Ol. Laur. ℥vj. Nuc. Mosch. expr. ℥iij. de Junip. ℥ij. Cu-
min. ℥j. Balf. Sulph. terebinthinat. ℥i℥. Pulv. Rad.
Ireos flor. ℥iij. ℥j. Zedoar. Aristoloch. cavæ aa. ℥j. Myr-
rhæ, Olibani, Mastich. aa. ℥iij. Succini ℥℥. Croci
or. ℥iij.

Cum Cerâ, Pice, Colophon. Terebinth. q. s. fiat Emplastrum
pro usu servandum.

*XI. Emplastrum Antipodagricum apud D. Hoffmann.
Thes. Pharmac. pag. 66.*

R. Olivar. opt. ℥j.

Contusis in mortario affunde

Ol. Olivar. ℥℥.

Infunde in vitrum imminente novilunio, interdiu expone
Soli, nocte verò in B. hoc continues per mensem, postea expri-
me, &

R. Cerussæ ℥j.

Extrahe ejus animam, donec nulla remaneat albedo, abjice
feces, &

R. Magnet. Terebinth. aa. ℥iv. Ceræ ℥℥.

Liquefac super ignem, adde Oleum expr. Misc. & porrò
adde

Olibani ℥i℥. Myrrhæ ℥℥.

Hæc omnia super igne liquefacta cùm fuerint, adde

Magnet. calcin. Camphor. aa. ℥ij.

Ebulliant semihorulæ spatio, refrigeractis adde animam Sa-
turni vel ejusdem Oleum.

*XII. Emplastrum Spleneticum de Cicutâ D. D. S. apud
D. Hoffmann. Thes. Pharm. p. 65.*

R. Cicutæ M. iij. Fl. Genistæ M. j. Gum. Ammon. ℥i℥.

Infund.

Infund. in f. q. Acet. destillat. deindè ebulliant, donec Ammoniacum sit dissolutum, postea cola, adde

Succi Nicotianæ ver. 3vj. Ebuli 3iv.

Iterum ebulliant, tandem adde

Resin. Pini, Terebinth. aa. 3iij. Styrac. Calam. 3vj.
Myrrhæ 3iβ. Ol. coct. de Cappar. Cera aa. q. f. F. Em-
plastrum.

XIII. Emplastrum contra Herniam & rupturam
apud Bierling. p. 139.

℞. Thur. alb. Myrrhæ rubr. Lap. Hamatit. Gum. Serapin.
Opopan. Bdel. Terebinth. Sevi Cervini, Axung. Por-
cin. Tragac. alb. aa. 3iβ. Sangu. dracon. 3vj. Misc. f. Em-
plastrum.

*XIV. Emplastrum ad nodos & dolores Gallicos, bre-
viter hos emolliens & perfecte sanans,*
apud Eund. p. 139.

℞. Empl. Diachyl. Comp. 16β. Triapharm. 3iv. Ol. de la-
terib. Spicæ aa. 3j. Aq. vitæ opt. Theriac. Androm. aa.
3j. Myrrhæ, Aloës, Gum. Ammon. Bdelii, Serapini,
Galbani, Ladani aa. 3β. Rad. Ireos Flor. Aristoloch. rot.
Hermodyctyl. aa. 3iij. Mercur. vivi cum Sueco Limo-
num extincti 3viiij. Cinnabar. 3ij. Mercur. sublimati 3β.
Cera q. f. f. Emplastr.

XV. Emplastrum ad Cancrum.

℞. Gum. Ammon. Bdelii aa. 3j. Galban. Sagapen. Opō-
pan. aa. 3β. in Aceto solutorum:

Soluta exprimantur, & ad Aceti consumptionem exhalent:
postea

℞. Ol. Chamæmel. ℥iij. Petrol. Hyper. āā. ℥i℔. Laurin. ℥℔. Terebinth. ℥j. Ceræ novæ ℥iij.

Ponantur simul cum prædictis gummatibus super lentum ignem, & sequens Pulvis injiciatur:

℞. Lithargyr. aur. ℥iv. Lap. Calamin. ℥vi. Aristoloch. long. & rot. Oliban. Mastich. Myrrh. Corallior. rubr. & alb. præparat. Flor. Antimonii āā. ℥℔. Carab. ℥j. Mumiæ, Camphor. Salis Vitrioli āā. ℥ij.

Misc. pulveris. & cum suprâ dictis lento igne misce, continuò movendo, donec fiat Emplastrum, quorum unum manè cancro imponendum, alterum verò vesperi, quâlibet semper vice mutando.

XVI. Ceratum Cephalicum.

℞. Succî Chelidon. Consolid. maj. Beton. āā. ℥iv. Mumiæ, Myrrhæ, Succini albi, præparat. Croci Martis, Extract. Chalyb. āā. ℥℔. Pyrethr. Scyll. Rhabarb. Ind. Agar. alb. āā. ℥℔. Fol. Senæ Alex. mund. ℥j. Majoran. ℥℔. Sem. Coriandr. præparat. Nuc. Mosch. Bacc. Lauri, Caryophyl. Macis āā. ℥vj. Sem. Nigell. Rom. Sinap. āā. ℥ij. Benz. Styrac. āā. ℥ij. Chalcant. alb. ℥ij. Lap. Calamin. ℥j. Alum. ℥℔. Ol. Majoran. stillat. Salviæ stillat. āā. ℥℔. Cum Oleo Nucum antiquissimo, Resina Laricea & Cerâ q. s. f. l. a. Massa pro Emplastro vel Cerato: Servetur in vesicâ pro usu.

XVII. Ceratum ex Pelle Arietina.

℞. Lithargyr. Lap. Hæmatit. Sangu. Dracon. Boli armen. Opii, Mastich. Ammon. Mumiæ, Galban. Thur. Costi, Lum-

Lumbricor. āā. ℥iſſ. Picis nigræ ſivè navalis, græcæ ſivè Colophon. Ceræ alb. rubr. āā. 3j. Rad. Conſolid. maj. min. āā. 3iij. Roſar. rubr. Myrrhæ, Aloës āā. ℥j. Succ. Hypociſtid. Gallar. Immatur. Balauſt. Ariſtol. Rot. āā. 3vi. Viſci, Quer. Terebinth. āā. 3ij. Sanguinis Hominis ruſſi 3ix.

Pellem arietinam integram cum omnibus pilis coq. in Aq. donec ferè omninò diſſoluta ſit in lentorem quendam, quem colabis. Hujus Colaturæ ſume ℔j. immitte in vas novum, in quo viſcum liquabis lento igne, rudiculâ ſemper agitando: injice deindè Lumbricos, poſteà Ceram, Terebinthinam & Maſtichen. His liquatis adde gummata Aceto diſſoluta & coq. ad Cerati craſſitiem. Poſtremò injice quæ terenda ſunt probè, benèque miſce, & confice magdaleones.

Author hujus Cerati eſt Arnoldus de Villâ novâ: legitimam verò ejusdem præparationem habet Zwelferus in Animadverſ. in Pharmacop. Auguſt. p. m. 398. 399.

XVIII. Cataplasma Antifebrile.

℞. Croci ℥iv. Cubebar. Camphor. āā. 3ij. Myrrh. 3j. Al-
lii q. ſ. Miſc. f. Cataplasma.



SECTIO IV.

*Corporis humani Affectus tam internos quam externos,
in quibus Polychresta Myrrha virtutibus viribusq;
suis eximius admodum sese commendat,
recenset.*

CAPUT I.

*Usum ac Vires Speciales Myrrhæ in diver-
sis capitis ac cerebri affectionibus
suppeditat.*

ARTICULUS I.

De

A P O P L E X I A.

Cerebrum animalium actionum *πρῶτον συνίσταται ἐξ ἄλλων* va-
riis gravissimisque sæpius obnoxium redditur agritu-
dinibus, inter quas non postremum occupat locum
Apoplexia, affectus certè terribilis atque maximam
partem funestus ac lethalis: nomen adeptus est à græco voca-
bulo *ἀποπλήξω*, quod graviter percutere significat, cum A-
poplecticus ceu fulmine & veluti è cœlo ictus & instar victi-
mæ ad aram cæsæ subitò concidat, humique prosternatur.
Dicitur quoque Sideratio propter stupendam affectus natu-
ram quasi aliquid *τὸ θεῖον* continentem. *Willisus* de animâ
brutor. part. 2. Patholog. cap. 7. p. m. 215. Adest hoc in malo
subitanea functionum animalium abolitio in universo corpo-
re: sensû namque ac motu privatur homo, ita ut exitus spi-
ritus animalis & influxus in organa sensus ac motus prohi-
beatur, & vitalis aditus à corde ad cerebrum præpediatur.

Crato

Crato Conf. Med. lib. 3. Conf. 2. p. 30. Hinc sensus tam interni quàm externi horribilem eclipsin patiuntur, dum imaginatio quiescit, memoria perit, nullus adclamantium sonus auditur, membra instar trunci rigida jacent: Sola restat respiratio, difficilis tamen ac diminuta, & quidem ob maximam necessitatem, cum vita ac respiratiopari ambulent passu, & citra hanc homo vivere nequeat.

In designando subjecto Authores non conveniunt: sunt, qui Cor principaliter affici contendunt. *Paracelsus* pulmones ac jecur constituit. *Helmontius* Archæum suum producit, ejusque habitaculum stomachum. Verùm erronea horum est sententia: cum viscera hæc afficiantur quidem ast non *ιδιοπαθινός* verùm *συμπαθινός*: per consensum scilicet propter situm, connexionem atque viciniam.

Willisus l. c. Apoplexiæ subjectum immediatum & proximum ponit Spiritus animales cerebri regionem istam, ubi principes animæ cognoscentis facultates resident, nempe corpus callosum incolentes: subjectum autem mediatum cerebri meditullium esse concludit, quoniam hinc spontaneorum motuum instinctus procedunt, & in hoc sensibilibium omnium perceptiones terminentur.

Causa proxima ac immediata rectè statuitur denegatus per nervos influxus spirituum animalium in sensus motusque organa. Mediata sunt internæ & externæ: nam vel à sanguine non quatenus solum copiosus ac superfluous, sed quatenus vaporosus etiam nimis, spiritus animales turbari possunt, vel phlegmonodes cerebri dispositio adest, dum cerebri vasa sanguiflua ita replentur, ut meatibus cerebri angustioribus factis, spiritibus animalibus transitus denegetur. Deindè cerebrum à causa quadam externâ violenter comprimitur, v. gr. ictu aut contusione, ut hæc ratione sanguis ad cerebri basin decumbat, nervorumque principium premat atque coarctet: Vapores quoque ac spiritus narcotici malum hoc inducere valent, spiritus animales ligando ac sopiendo. & ad motum ineptos reddendo.

Re-

Recentiorum nonnulli Apoplexiam excitari putant Spirituum animalium in lympham converforum per venas reducendorum prohibitâ circulatione. Chimici accusant nebulosas Mercurii Cremosi exhalationes in cerebrum delatas atq; detentas.

Cum itaque Apoplexia malum sit acutissimum ac summè indè periculosum; in quo Symptomata gravia concurrunt, quæ hominem misellum ad exitium præcipitant, citò succurrendum, & medicatio absque morâ Medico suscipienda, ubi & quando ad Alterantia & alia necessaria deveniunt, Myrrha auxiliatrices optatò porriget manus. Hinc ad excitandos apoplecticos materiamque serosam ac pituitosam è cerebro per nares educendam, commodè quoque ad Errhina progressus instituitur, quæ præter alia & Myrrham desiderant. v. gr.

℞. Sem. Nig. præparat. Pulv. Lilior. Convall. Myrrhæ āā.
℥ij. Castor. ℥j.

Trita excipiantur Oleo Irin-Nicotian. q. s. fiatque Errhinon molle, de quo aliquid in profunditatem narium immitendum pro evacuandâ materiâ excrementitiâ in cerebro stibulante.

Quemadmodum autem tutius semper atque melius est, homines à morbis imminetibus præservare, quàm à jam præsentibus liberare, ita & Medicus curam adhibeat necessum est, ut Apoplexia in dispositis, aut in iis, qui semel jam cæta-cti sunt, præcaventur: id quod diversis efficitur remediis, tam internis quàm externis: Hinc præmissis præmittendis beatissimus *Sennertus* lib. 1. P. 2. c. 33. p. m. 682. inter Topica sequens Emplastrum ad roborandum caput, & Apoplexiam præcavendam describit; quod Myrrhæ additione nobilitatur, quòque Celeberrimus *Horstius* desperatos etiam curavit.

℞. Myrrhæ el. Styrac. Calam. Benzoes, Ladani āā. ʒʒ. Gum. Junip. ʒiij. Cranii humani pulver. ʒiij. Lap. Lazuli ʒʒ.

Cum Styrace liquidâ ac Terebinth. f. Emplastrum, cujus portio panno Serico magnitudinem thaleri æquanti illinatur, verticique adplicetur.

ARTI-

ARTICULUS II.

De

EPILEPSIA.

INter Symptomata terrifica, quæ non solum ægrum sed & adstantes perterrent, non immerito recensetur Epilepsia, horrendum atque portentosum morbi genus, quod denominationem suam accepit ἀπὸ τοῦ ἐπιλαμβάνειν vel ἐπιλαμβάνεσθαι, quod est alicui manum injicere, aliquem aggredi, corripere, deprehendere, detinere, quod hoc in affectu mens, sensusque omnes quasi prehendantur. Infausto quippe malo hoc qui corripitur, subito concidit, nec videt, nec audit: adest p. n. totius corporis concussio, motusque convulsivus, & quæ sunt reliqua affectus hujus gravissimi Phænomena, de quibus Practici fusiùs tractant. *Celsus Aurelianus* lib. 1. cap. 4. Epilepsiam super comprehensionem vi Græcanicæ originationis indigitat, eò quod supernas corporis partes, caput nimirum cum cerebro, in quo ceu arce quâdam, mens, ratio, sensusque omnes inclusi tenentur, comprehendat, graviterque afficiat.

Subiectum primarium sive locus affectus juxta plerorumque Medicorum opinionem Cerebrum est cum Nervis sive per essentiam sive per consensum læsum, nam sensitivæ potissimum actiones omnes unâ cum motrice extremè prosteruntur, longèque graviolem læsionem, quàm reliquæ functiones patiuntur, ut inde necessariò concludendum judicet *Matthias Unzerus* Tr. de Epilepsi. lib. 1. cap. 5. Cerebrum esse legitimum atque principale hujus affectus subiectum.

Aristoteles Cor in Epilepsiâ primariò ac per se affici docet, persuasus fortè, sensus non ex cerebro sed corde oriri. Eandem sententiam fovet *Josephus Quercetanus* Tetrad. c. 8. ubi Galenum erroris incusat, quod sedem hujus morbi propriam in capite & non in corde collocarit: sed jamdudum opinionem

Dec. II. Annus VI.

S

hanc

hanc refutatam novimus, quod inter alios etiam pro virili præstitit prædictus *Unzerus* l. alleg. *Quercetani* rationes examinans egregièq; refutans.

Alii ex Neotericorum Choro convulsionis Epilepticæ subjectum musculosum genus constituunt, facultatemque naturalem expultricem musculorum laceßiri existimant, motuque convulsivo illud quod molestum est, eliminare conari. Fabulam quoque esse Epilepticorum cerebrum concuti, ut humorem vitiosum excutiat: Epilepsiam non esse morbum cerebri, nec ex ventriculorum obstructione oriri: principium quoque nervorum non convelli nec comprimi ac rursus deduci: figmentum esse, cerebrum facultatem moventem in nervoso ac musculoso genere in consensum trahere, &c. Verum hæc obiter, citrà tamen censuram, adduxisse sufficiat.

Causa proxima ac immediata non est juxta Galenum, reliquosque antiquos obstructio ventriculorum cerebri ab humore pituitoso, crasso ac viscido inducta, quem dum cerebrum expellere intentet, tales convulsivos motus instituat: quò respectu & Arabum haud minimus *Avicenna* sternutationem parvam Epilepsiam appellat. Vid. *Unzerus* Tr. de Epileps. lib. 1. c. 12. sententiam revellens. Nos cum Præceptoribus & Doctoribus quondam nostris, inter quos primò locò nominandus Celeberrimus *Rolfincius*, veram & proximam Epilepsiæ causam partium cerebri membranosarum irritationem & vellicationem agnoscimus, inductam à vapore vel humore tenui ac acri, peculiarique qualitate infestâ, cerebro, nervosoque generi inimico. Non tam servili simus animò, scribit *Unzerus* l. c. c. 13. ut omnia Veterum placita oraculorum instar indiscriminatim veneremur, vel tam abjecto, ut posteris omnem meliora excogitandi occasionem præreptam ac præcisam esse arbitremur. Cum itaque luculentissimè evictum, firmisque rationibus ac argumentis demonstratum sit, Principem Medicorum *Galenum* in tradendâ & assignandâ Epilepsiæ causâ non parùm hallucinatum fuisse, aliosque Me-

dicos secum in similem quoque duxisse errorem, &c. & post pauca interjecta: quia causa illa Epilepsiam faciens sensu aliquò minimè peruestigari potest, idcirco talis afferenda est, cui difficulter contradici queat, id quod speramus nos consequi posse, si pro verâ & legitimâ Epilepsiae causâ statuamus ac asseramus vaporosam quandam & tenuem materiam, quæ vel acrimoniâ ac mordacitate suâ, vel qualitate pravâ, malignâ ac venenatâ Cerebri substantiæ prorsus infensa ac inimica, meningibus ac nervorum principium vellicet ac pungat, & constrictionem quandam meatuum in illo inducat, sicque tandem partes sensibiles ad noxii expulsionem stimulet ac irriter. Hactenus *Unzerus* multos habens ὁμοίωτες, inter quos præcipuè doctissimus *Fernelius* lib. 5. Patholog. cap. 3. *Heurnius* libro de morbo caduco. *Erasmus* Disp. Med. 12. *Marcellus Donatus* lib. 2. Histor. Med. Mirab. cap. 4. *Smetius* lib. 8. Miscell. Med. & ὁ πᾶν *Sennertus* lib. 2. Institut. Med. Part. 3. Sect. 2. cap. 6.

Hermetici, inter quos *Quercetanus*, causam Epilepsiae ascribunt evaporationi cuidam Mercuriali, vitriolatæ ex Tartaro impuro, seu ex mucilagine æruginosâ in aliquâ cavitate collectâ expiranti. *Paracelsus* lib. de Caduco, veram radicem Epilepsiae Vitriolum Mercuriale seu vaporem Vitriolatum esse scribit, & hinc affectum hunc Viridellum seu Vitriolatum inscribit propterea, quòd omnes Vitrioli proprietates, tincturas atque Symptomata secum circumferat: quas tincturas exhalandi temporis intervallis malignas, acres, acidas & adstringentes Spiritibus animalibus nullo negotio permiscet.

Cùm verò Epilepsia, docente *Aretæo*, non modò laboriosum & periculosum, sed prætereà etiam fœdum & adeò horrendum malum prædicetur, ut si in accessionibus ægri quæcunque patiuntur, cernerent, non ultrâ vitam ducere vellent: ideoque misellis his succurrendum promptissimè tam in, quàm extrâ paroxysmum: in illo Σιγήπνευσις, extra illum ἀποφύλαξις locum habet. Curatio præsentis paroxysmo opem fert, cau-

ſam proximiorẽ removendo : Præſervatio operam dat , ut radices morbi in corpore latitantes decenti modo extirpentur , ac cerebrum , aliaque viſcera *σύμβολον* conferentia roborentur , & nova acceſſio epileptica quovis modò prohibeatur. Hic non parùm auxilii expectandum à Myrrhâ.

Cùm verò, teſte *Thomâ Eraſtò* , in diſput. contrà *Paracelſum* in Epileptiſis omnia fruſtrâ agantur , ſi purgationes debitæ non inſtituantur ac continuentur , ideoque probè hoc monitum obſervandum : & cùm non infrequens ſit Epilepſia ex utero , & quidem ratione menſium retentorum , Feliciffimus *Platerus* Pr. Med. T. I. lib. I. cap. 2. Pilulas ſequentes admodùm proficuas commendat :

℞. Agar. Trochiſc. Aloës aa. ʒj. Rhabarb. ʒiſſ. Myrrh. ʒiſſ. Caſtor. ʒj. Medul. Sem. Pæon. ʒſſ.

Cum Succo Porri f. Pilulæ , quarum doſis ʒſſ. ʒj.

Dn. *D. Timæus* à *Guldenklée* in tali Epilepſiâ hæc uſus eſt potione :

℞. Aq. Meliſſ. Artemiſ. aa. ʒj. Matricar. ʒſſ. Eſſent. Uterin. D. Timæi ʒſſ. Pulv. Myrrhæ el. ʒj. Caſtor. gr. viij. Croci gr. ij. Succini albi præpar. apic. flav. Lil. alb. aa. ʒſſ. Miſc. f. Potio.

An Ptarmica ac ſternutatoria convenient? diſquiritur à Præſticis : quidam illorum uſum approbant , imò neceſſarium æſtimant , nonnulli verò diſſuadent. Qui ipſorum uſum ſuſpectum habent , rationes adducunt , quas videas apud *Unzerum* loco citato antea : alii ab initio tutiſſimè uſurpari eadem poſſe tradunt , cum motu & agitatione illâ , quæ indè excitatur , tantùm abſit , ut major ſequatur in cerebro obſtructio (uti quidem alii ex falſâ hypotheſi ſibi perſuadent) aut eò copioſior materia peccans à ſubjectis partibus attrahatur & rapiatur , ut potius tenuis ac vaporofa illa ſubſtantia ſinibus cerebri concluſa , ac malignâ ſuâ qualitate meningas pungens ac laceſſans , quàm promtiſſimè diſcutiatur atque expellatur , ſicque

que tandem Paroxysmus abrumpatur. In formulis huic intentioni inservientibus passim apud Practicos etiam Myrrhæ occurrit mentio.

Sennertus in Epilepsiâ à vermibus oriundâ Oleum Myrrhæ destillatum non rejiciendum putat, & meritò quidem, cum illi insit vis ἀνδραποδιστικὴ à Galeno jam & Dioscoride illi adsignata.

Ad exsiccandam humiditatem excrementitiâ, caput confortandum, Spiritusq; animales demulcendos Practici Sacculos etiam capitales sive Cucuphas adhibent; ut:

℞. Fol. Salviæ, Majoran. Beton. Rosmar. aa. P. iij. Fl. Stœchad. Arab. Tiliæ, Lavend. Rosar. rubr. Chamæmel. Rom. aa. P. j. Nuc. Moschat. Styrac. Calam. aa. 3j. Mastich. Succini albi, Olibani, Myrrhæ aa. 3℔. Mosch. gr. iij. Ol. destillati Cinam. Lign. Rhod. Caryophyll. aa. gt. iij. Ambr. Gryf. gr. ij. F. Pulvis grossus, qui gossypio exceptus pileolo ex serico confecto insuatur interpastando: & ab Epileptico gestetur.

Et quamvis vix chartâ digna videatur mirabilis & risum ferè merens Epilepsiæ curatio, quam Riolanus Senior tradit, si scilicet ter in aurem vulgati versiculi insusurrentur:

Caspar fert Myrrham, thus Melchior, Balthasar aurum:

Hæc tria qui secum portabit nomina Regum,

Solvitur à morbo, Christi pietate, caduco.

Lubet tamen nihilominus, cum & Myrrhæ fiat mentio, paucissimis, oblata hac occasione, disquirere, an verbis ac characteribus aliqua adscribenda virtus & efficacia in profligandis morbis? *Paracelsus* non contentus solitis & usu satis probatis, verba quoque & characteres effinxit, quibus affectus aliis remediis non obtemperantes ac cedentes, ferèque incurabiles depelli posse audacter adstruit. Verba patrocinantia habentur lib. I. Philosoph. sagac. cap. 6. Natura vires suas in verba imprimit, sicut in herbas & radices: & porrò: imagines &

characteres pixides sunt, in quibus magus siderum vires adseruat. Plura reperire licet in libro de occultâ philosophiâ, titulo de characteribus.

Veteres Sophorum, Ægyptiorum atque Arabum decreta plena hisce naniis sunt, qui putarunt, species rerum ita se habere uti numeros, circaque earum variam in diversis laminis positionem varios producere effectus: hinc sigillis, characteribus καὶ λόγοις ἀναγκαστικοῖς ἐκ τυποῦν διαλύειν, verbis coactivis, quorum virtutem enervare impossibile, haud parum tribuunt.

Verum enim verò in *Paracelsi, Paracelsistarumq;* monumentis multa minus firma ac solida occurrere, *Epicrasis Rolfinciana* apertè demonstrat: scilicet Metalla sub certâ constellatione fusâ influxu aliquo ditari, negari nequit; verba verò insusurrata aut impressa characteresque aliquâ ratione agere, fabulosum est ac impossibile: nam si agant aut aliquid præstent, præstant illud ut instrumentum quoddam: instrumentum reducitur ad causam efficientem, ergò ad efficientem per se vel per accidens: si per se agant verba & characteres, agunt vel insitâ vi vel naturæ vel rationis: non agunt vi naturæ, quia nulla agnoscitur latens virtus: quamvis enim verba naturalibus instrumentis proferantur, voxque hoc modo naturalis sit ipsa, significant tamen εἰ φύσει, ἀλλὰ θέσει: non naturâ sed pacto & ex hominum institutis, neque ullo modo concedi potest *Paracelso*, quòd natura vires ullas iis imposuerit. Nec agunt ratione, quia rationis & consilii sunt expertia: non per accidens, quia non agunt necessitate coactionis ab aliquâ causâ sublunari vel coelesti: sublunaris nullum habet locum: artifex & idea in mente ejus concepta, à quâ fiunt verba & characteres in exteriora non agunt. Imaginatio etiam artificis vel confidentia, cogitatio aut firma animi persuasio, hîc nihil habent virium: sunt enim hæ actiones immanentes, neque ex animo in subjectum patiens transeunt. A coelo etiam aut stellis astralivè spiritu influente vim impressa verba aut characteres ob-
nere

nere probabile non est. Supranaturalis causa etiam non admittitur: nullam enim divinam characteres & verba talia habent promissionem bonorum temporalium aut coelestium. Si à dæmone, malo aliquo genio, tacitoque pacto & latente fœdere hæderentur vires, apage! Tandem etiam neque Casus aut fortuna hic locum habet. Ergo characteres, figuræ, verbaque tam impressa quàm in susurrata nullam habent efficaciam. Hæc D. Rolfincius Chim. in art. Form. redact. lib. 5. Sect. 14. cap. 1. p. 413. 414. Vid. etiam Sennertus de Conf. & Dissenf. Chemic. cum Galen. & Aristotel. cap. 18. p. m. 337. seqq. Thomas Bartholinus Histor. Anat. Cent. 2. Hist. 78. ubi explicat, quid statuendum sit de ridiculâ Riolani curâ antiepilepticâ.

ARTICULUS III.

De

PARALYSI.

Dicitur ita ἀπὸ τοῦ ἀργαλίου resolvi: suntque παραλυόμενοι quasi ex parte soluti ad differentiam apoplecticorum, qui λυόμενοι vocantur, quasi perfectè soluti. Malum est frequens & haud rarò Apoplexia in hoc degenerat, & quidem interdum cum ægrotantis emolumento: non tamen semper æger servatur, quamvis Paralysis Apoplexiæ successerit, quia crebrò aut prior affectus redit, aut sopore gravi detinetur decumbens, præsertim si sit seniculus, usque ad ultimum halitum.

Aliàs apud Præcticos tres occurrunt ἀργαλίαι species: una perfecta, quando sensus & motus aboletur: Altera imperfecta, quando motus deperditus, salvo sensu: ultima est imperfectissima, quando sensus aufertur, superstite motu. Quæ autem fiat, quod modò sensus & motus simul, modò saltem motus, illæso sensu, aut contrà salvo motu, sensus noxam capiat, B. Sennertus tradit Instit. Med. lib. 2. p. 3. S. 2. c. 5. p. m. 434. seqq.

Verum

Verum ac principale affectus hujus subjectum sive pars
 primariò læsa est spinalis medulla sive cerebrum prolongatum:
 Hoc in duos dividitur ramos singulari naturæ miraculo: hinc
 in Paralyfi non tota, sed vel dextra vel sinistra pars afficitur,
 & indè vel dextri vel sinistri lateris motus & sensus aboletur.
 Nervi similiter patiuntur damnum tanquam instrumenta atq;
 canales spiritum animale ad partes deferentes. Subjectum
 minus principale musculus est voluntarii motus conveniens
 organum: afficitur verò hic secundum tendines fibrasque
 carneas. Nec planè excludenda vasa sanguifera, nam & hæc
 hostilem sentiunt invasionem, id quod manifestè apparet ex
 pulsus debilitate & affectæ partis frigiditate ac atrophîâ: In
 statu namque sanitatis circulationis beneficio nutritius sanguis
 & spirituum vitalium influxus minimè in vigore suo deficit;
 contrarium verò contingit in statu p. n. ubi turbato debito,
 circuitu sanguinis spiritus & nutritius succus de parte in partem
 haut feruntur, nec usibus inserviunt, ad quos singula mem-
 bra sunt aptata: nam cum motus membrorum & compressio
 musculorum, qui circumstant vasa circulatoria desint, (deest
 enim contractio & extensio in membris paralyticis) non est
 mirum, si sanguinis circulatio debito modo non perficiatur;
 hinc sanguis novis non resectus viribus & spiritibus non vege-
 tus factus, sed torpidus relictus; friget, pulsusque tardus ad-
 paret cum insequente partis paralyfi affectâ contabescentiâ.
Franciscus quidem *Glissonius* succi nutritii nervorum patronus
 defensorque strenuus venas & arterias immunes ab hoc malo
 pronunciat, nervosque solos malè officio suo præesse sentit)
 ast cum adhuc sub iudice lis sit, utrum detur Succus ille ner-
 vorum nutritius, opinionem hanc Authori relinquimus, ut-
 pote incertam adhuc & à paucis receptam.

Causa proxima ac immediata Paralyfis, est denegatus spi-
 rituum animalium per nervos influxus in organa sensui ac
 motui dicata. Causam hanc agnoscunt & veteres & recentio-
 rum

rum plurimi. Vid. *Hippocrates* lib. 2. de Morb. *Pergamenus* de causis Symptom. cap. 5.

Hermetis filii accusant Mercurium cremosum permutationum gradibus alteratum, qui congelatus corpora constringit, iratusque vi insitâ in illos impingit, sicque fulminis ad instar, illæsis carnibus, nervos percellit, resolutionemque inducit. Idem malum etiam Tartarus non probè à sanguine sequestratus, sed superveniente spiritu Salino coagulante concretus, vim obstruendi in & extra vasa habens procreare valet.

Quamvis verò Paralysis sive universalis sive particularis sive subitò sive sensim excitata fuerit, si facultate cognoscente & vitali illæsis contingat, morbus acutus haud æstimanda sit: vid. *Willisus* de Paralyti: quia tamen periculo minimè vacat, & difficilis longiorisque curationis sit, imprimis quæ à causa internâ & ex solutâ Apoplexiâ provenit ob causæ vehementiam, confirmatam partium debilitatem, metumque recidivæ, minimè curatio procrastinanda, sed summo studio in id incumbendum Medico, ut indicationibus satisfaciatur: morbus scilicet tollendus, causâ removenda, materia nempe spinalem medullam occupans, humoresque excrementitii debitâ evacuatione è corpore eliminandi, discutiendi vapores, visceribusque, ut vitiosum sanguinem non amplius generent, ritè prospiciendum, Cerebrum nervique debilitati corroborandi, nè tam promptè vitiosos succos adventantes recipiant.

Præsidiorum materiæ etiam Myrrha salutifera hîc sese optatò adsociabit, Topicis præsertim admixta, quæ membris resolutis ad calorem & spiritus revocandos adplicari solent ad humorum exsiccationem atque dissipationem: hinc præter frictiones, cucurbitulas scarificatas, rubificantia &c. inunctiones quoque instituendæ, fomentationes item ac suffumigationes administrandæ.

Zacutus Lusitanus in Paralyti Unguentum habet admirandum, uti ab ipso insignitur *Prax. Hist.* lib. 7. cap. 10. p. m.

389. 390. hoc cunctis nervorum frigidis affectibus omnium longè efficacissimum judicat:

℞. Succi Scyllit. ℥iv. Cucumer. Sylvestr. Rutæ āā. ʒj. Euphorb. Castor. Sagapen. Ammon. Bdell. in Aceto dissolutor. āā. ʒiʒ. Myrrhæ, Thur. Pyrethri, Nitri āā. ʒj. Ol. Sambuci, Terebinth. Euphorb. aa. ʒʒ.

Pulverisentur subtiliter pulverisanda & cum Cerâ paretur Unguentum.

Arnoldus Weickardus Thesauri Pharmaceutici lib. i. cap. 3. p. 59. it. D. D. *Sennertus* Pract. l. i. p. 2. c. 27. p. m. 540. tale Unguentum anserinum proponunt.

℞. Anserem deplumatum, evisceratum, vino albo ablutum, configatur undique Caryophyllis, ac infarciatur Herb. Salviæ, Rosmar. Spicæ, iisdem addendo Pingued. Felis Sylvestr. ʒiʒ. Pulv. Myrrhæ, Thuris aa. ʒʒ. Castor. Euphorbii aa. ʒiʒ. Lumbricorum in Aceto suffocatorum num. xxx.

Insuantur omnia, & torreatur anser, pro more usitato in veru, aceto albo rutaceo supposito in sartagine, in quem ichor destillet: postea refrigerato liquore, innatans axungia colligatur & servetur in vitro pro usu: illinitione nempe ac inunctione nervorum, tam in generali Paralyfi, quam in aliis particularibus partium relaxationibus.

Post convenientes inunctiones partium ac membrorum paralyticorum D. *Rolfincius* linteamina superponere jubet, quæ prius sequenti suffimento incaluerint: lib. 2. Consil. 20. pag. 296.

℞. Succini, Mastich. Myrrh. aa. ʒj. Thur. ʒij. Caryophyll. Nuc. Mosch. Cinam. Macis aa. ʒiʒ.

Incisa ac pulverisata irrorentur Spiritu Vini, postea exsiccantur: fiat Pulvis prunis injiciendus pro suffitu. Videatur etiam *Sennertus* loco citato.

Prostant etiam Aquæ Antiparalyticæ externo usu celebræ, qualis est, quam tradit *Sennertus* loco alleg. p. 542. Myrrhæ

rhæ sodalicio illustis, quâ partes Paralyfi obfesse illinendæ probè acfricandæ sunt:

R. Flor. Lavend. Spicæ nostr. Stoechad. Arab. Salv. Ros. mar. aa. Mj. Majoran. Ivæ Arther. Primul. ver. aa. M. j. Rad. Aristoloch. rot. Ireos, Calami Aromat. aa. ʒiʒ. Nuc. Mosch. ʒij. Caryophyl. Piper. Cubebar. Cardamomi aa. ʒj. Spec. Diamosch. dule. Diamb. aa. ʒij. Sagapen. Opopan. Myrrhæ, Castor. aa. ʒiʒ. Bacc. Junip. Mj.

Incisa & contusa infundantur in Vini albi ʒvj. Stent in Infusione diebus octo, postea si odorator expetatur, aliquot grana ambra vel moschi tenui linteolo obvoluta rostro alembici appendantur.

ARTICULUS IV.

De

CONVULSIONE.

NOta est vulgaris usuque recepta distinctio inter Spasnum sive Convulsionem, & inter motum convulsivum, ita ut per Spasnum intelligatur contractio constans, quâ membrum rigidum & inflexile evadit: per hunc autem motus celeres atque concussiones, quæ interjectâ quiete alternatim cessant, redeuntque: hasce discriminis notas Authores non perpetuò observare scribit *Willisius* Tr. de Morb. Convuls. cap. 1. Sed per vocabula Spasmi & Convulsionis quælibet *πάθη σπασμώδεια* non raro designare: Hinc melioris discretionis gratiâ Convulsionem cum *Cardano* *Τέτανον* appellat, motum verò convulsivum Spasnum.

Nos cum Celeberrimo Germaniæ Hippocrate *D. Sennerto* Pr. lib. 1. P. 2. cap. 28. p. m. 556. communem loquendi usum retinemus, cum præter necessitatem vulgatas appellationes *Cardanus* mutaverit, & Spasnum ac Convulsionem distentio-

Johannes Heurnius itidem Spasmi formam & vim considerat in motu injussio, Paralyseos verò in movendi impotentia.

Franciscus Hildesheimius formam convulsionis esse scribit motum depravatum ad differentiam ablati, qualis est in Paralyfi, & ad differentiam motus debilitati, qualis est in stupore: cum autem hic motus depravatus in contractione membri consistat, hæc membri contractio non est voluntaria, sed violenta atq; invita.

Alii impediri potius quàm depravari volunt facultatem motricem animalem, cui opinioni favent *Eustachius Rudius*, *Ludovicus Mercatus*, *Hercules Saxonia*. Hanc impeditam, ligatam & vinctam facultatem ab abolitâ non admodum discrepare alii statuunt, inter quos *Petrus Paulus Pereda*, *Johannes Baptista Cortesius*, & ex parte *D. Jonstons*, tunc scilicet, quando Contractio jam facta est, membrumque rigidum existit, cum ipsi ægri membrum contractum liberè movere nequeant, & sæpè ita rigidum à convulsione fiat, ut neque ab adstantibus extendi possit. *Johannes Varandæus* aph. 6. Sect. 5. Convulsionem nihil aliud esse scribit, quàm involuntariam musculi ad suam originem contractionem in motus sublatione potius quàm depravatione positam.

Circa Spasmodorum Causam proximam etiam lites occurrunt minimè leves: id quod jam suâ tempestate agnovit *Galenus* lib. 1. de Sympt. Caus. cap. 8. In Convulsionibus, inquiens, totius corporis quæ sine delirio sunt vel Caro, morbus spinalis in collo medulla est; quemadmodum ubi vel brachium vel crus vel musculus unus tenditur ac violenter convellitur unius semper nervi, qui particulam movet, vitium est. Quæ verò omninò morbica causa sit, cujus occasione partes contrahantur, difficile dictu est. Difficultatem gravitatemque hanc post *Galenum* ad unum ferè omnes accusarunt Practici: scitè *Augustinus Thomerus*: Convulsio multarum Medicorum mentem convellit, ut se

ex hoc labyrintho extricare hant queant: Thesei opus filo videtur, cujus ductum sequentes se expedire, & tandem ad veritatis portum pertingere valeat, ut aliquid opus afferre liceat, & ego ingenti mei nervos intendam.

Veterum placita ac monimenta excutienti sese offert repletio atque inanitio ab ambobus medicinæ statoribus, Hippocrate nempe & Galeno, introducta, quos postea Arabes secuti sunt. Haly Abbas l. 9. Theor. cap. 9. lacertus, ait, ille, ad quem hic mittebatur nervus, contrahitur ad sua originis partem, & membrum curvatur, quemadmodum vasis, quæ ex coriis sunt, accidit, cum amplius quam capere possint & dilatentur, sarcuntur: extenduntur enim in latum, & corium abbreviatur longum. Si ex inanitione, quemadmodum corrigiis videmus fieri & pilis, cum igni proximi sunt, reductionem, & Cithara chordis, si in aëre ponantur calido, incurvationem. Verum opinio hæc Veterum à Neotericis jamdudum explosa est. Quæ apud antiquos, ait Willisius l. c. diu celebris increbuit opinio, affectionem hanc tantum ex repletionem aut inanitionem produci (utcumque huic stabilenda præter auctoritatem Hippocratis, proferatur exemplum de corio aut fidium nervis, qui aut madido aëre impleti, aut nimis sicco inaniti contrahi solent) facile ex se concidit: quia supponere videtur (id quod nemini fragilitatem nervi experto credibile esse potest) nimirum ipsos nervos quoquò modo abbreviatos atque contractos posse vi quâdam musculos ad se attrahere. Quod si referatur, repletionem aut inanitionem respectu solidarum partium, quæ convelli solent, intelligi debere: è contrâ observare licet, ubi musculi & nervosum genus humore aqueo maxime irrigantur, uti in Anasarcâ, aut eodem planè destituuntur, prout in Tabe vel Marasmo, haud propterea motus convulsivos excitari.

Repudiata itaque hacce Veterum sententiâ, irritatio atque vellicatio nervosarum partium, tanquam legitima ac immediata Convulsionis causa successit, quam uti in totum non rejicit Willisius, & quidem quoad Spasmos leviores citòque trans-

transeunt, nihilominus solam non sufficere censet, sed requirit etiam copulam elasticam sive explosivam p. n. Verba ipsius ita se habent: Cum itaq; motus convulsivi ob duas potissimum causas excitentur, hinc totidem illorum species constituuntur. Nam primò interdum accidit, convulsionem sine procatarxi aut copulâ heterogenea prius ascitis, tantum à causâ evidenti solitariâ induci: ita namq; passio vehemens cerebro impressa, solutio continui alicubi in nervoso genere contingens, pathemata spasmodica nonnullis, quibus cerebrum & nervi debioris sunt constitutionis; subito intulere: quippè spiritus animales, objecto improporcionado ipsos fugante, partes continentès exagitant, quin & copulam suam licet idoneam, vehementer elidendo, easdem inflant: proindeq; alias hiscè annexas convellunt: Spasmi hoc ritu excitati quoniam in iis spirituum copula naturalis vehementius eliditur, quodammodo sunt explosivi, qui tamen citò desinunt, & sapissimè sine viscerum aut membrorum jactationibus, cum tremore tantum & horrore aliquo in spiritu deliquia transeunt. Verum 1. Convulsiones, quarum paroxysmi sunt graviores atq; diutius persistunt, aut crebrius repetunt, omninò à causâ procatartica sive dispositione præviâ pendere, & ab aliâ, præter irritationem, causâ conjuncta exoriri videntur. Ideoq; in hoc casu particulas heterogeneas & valde explosivas spiritibus in hac aut illâ corporis regione agentibus accrescere supponimus: deinde ex iniquâ hac combinatione, & irrequieta hujusmodi materiæ & spirituum collisione, crebras vehementesq; explosiones editas, paroxysmos enasquâduc inducere. Plura vide apud ipsum Authorem Tr. de Morb. Convulsivis cap. 1. p. 5. 6. & seq.

In Curatione Myrrha exulare haud debet, quæ Topicis inprimis ad sociari gaudet. Hinc Weichardus Thesaur. Pharmac. lib. 1. c. 3. p. 67. Unguentum singulare tradit Convulsis & Tetano correptis proficuum, quod ita conficitur.

℞. Felem Sylvestrem excorticatum & in frustra dissectum, in ansere pingui ab intestinis & plumis purgato consuatur, adden-

addendo Thuris, Myrrhæ aa. ʒʒ. Styrac. calam. ʒiij. Castor. ʒij. Herb. Rosmar. Majoran. aa. Mj. Fl. Lavend. Mʒ. Summ. Anethi Pij.

Postea ad ignem anser hinc infartus pro more usitato affertur, & supposita sartagine aceti rosacei plenâ pinguedo emanans excipitur, quæ ad usum servetur. Pinguedine hæc catinaria quendam curavit, cui pedes convellebantur. Author hujus remedii dicitur esse *Niculus*.

Petrus Pachequus, obs. 8. sequens remedium tanquam divinum proponit, cujus beneficio juvenis toto corpore convulsus, ita ut spina dorsi non potuerit inflecti, sanatus, ut statim expeditè ambulaverit.

ʒ. Butyri rancidi, Lardi veteris aa. ʒiij. Bdellii, Ammoniacy aa. ʒj. Myrrhæ, Castor. aa. ʒiij. Flor. Stœchad. Anthos aa. Pj. Nuc. Moschat. Caryophyll. aa. ʒj.

Catum parvum exenteratum & in frusta concisum. His infarciatur anser, consuatur & torreatur in veru, primus qui defluit succus abjiciatur: secundus colligatur in vase aceto femipieno pro litu spinæ convulsæ. Respondet ferè priori, nonnullis immutatis.

ARTICULUS VI.

De

VERTIGINE.

Affectus hic à Symptomate denominationem sortitur: etenim qui eodem corripiuntur, iis cuncta in gyrum videntur circumagi: definitur appositè à *Willisio* Patholog. cap. 7. p. 203. quòd sit affectio, in quâ objecta visibilia circumrotari videntur, sentiuntque affecti perturbationem, seu confusionem spirituum animalium in cerebro, ut nervos non ritè influant: quare facultates visivæ & locomotivæ sæpè aliquatenus vacillant ut laborantes corruant, & non rarò à tenebris obfuscentur.

Sub.

Subjectum Vertiginis proximum atque immediatum Spiritus esse animales perturbatos ac vitiosè oberrantes vix in dubium vocari poterit: mediatum verò cerebrum maximèque corpora callosa constituunt: Nam scribente prælaudato *Thomà Willisio* l.c. *Spiritus animales intra hac loca medullosa quasi in campum amplissimum aut viridarium amœnum quaquaversus expandi & exspatiari amant: quare, sicut lucis radii medullarum poros omnes & meatus densissimos jubare pleno & irretorto trajiciunt: hinc dum unâ serie è corporis callosi oris extimis (nempe è corporibus striatis, & cerebri gyris) versus meditullium ejus blandè scaturiunt, imaginationes & phantasias jucundas representant, dumq; aliâ serie & forsân per alios meatus illi è corporis callosi meditullio in cerebri gyros emanant, notionum tesseras pro memoriâ illuc transferunt, atq; dum exinde in corpora striata & nervorum origines tendunt, partes omnes motrices actuant, & iis, quoties occasio fuerit, motuum ineundorum instinctus deserunt.* Hæc *Willis.* Quandò itaque contrarium evenit & spirituum æquabiles emanationes variis in locis intercipiuntur & diversimodè pervertuntur ac perturbantur, Vertigo necessariò inducitur.

Petrus Johannes Faber aliiq; cum eo non cerebrum, sed oculorum substantiam propriam subjectum vertiginis proclamant: sed meritò opinio hæc exploditur: nam & oculis clausis quidam hoc malo corripiuntur.

Carthesiani glandulam pinealem in scenam producunt, in quâ animam suas functiones specialius quàm in aliis partibus cerebri & corde exercere volunt.

Motum hunc turbatum atque inordinatum, spirituum animalium multa variaque producere possunt, uti immoderatus vini aquarumque ardentium potus, fumus Tabaci in non adfueris, esus nonnullorum Vegetabilium, inunctio mercurialis: sanguis flatulentus, materia vaporosa & spiritus sylvestris ac flatulentus: hic cum in cerebri meatibus inordinatè ac circulariter agitur, spiritus quoque animales ad ejus-

modi motum invitat, ut nempe circulariter in se convertantur, & phantasiæ falsam hanc rerum speciem sive simulacrum exhibeant.

A serosâ colluvie in cerebri gyris & anfractibus stabulante vertiginem aliquando obortam fuisse, sequens observatio à *Platero* *Observ. lib. 1.* annotata certum facit. *Italus* quidam mercator benè coloratus benèque habitus in virili ætate senfim coepit vertigine laborare, quæ ætatis decursu adeò invaluit, ut nec ambulare, nec in lecto se erigere, quin corrueret, posset: sic autem otiosus decumbens dies noctesque in lectulo cibum nihilominus capiens & bibens, sanorum instar, & dormiens, mirè factus est obesus, atque eo modo multos annos, scabie interim quandoque infestatus, perduravit: tandem verò Caro correptus in somnum profundum incidit, quod diebus aliquot elapsis expiravit. Post mortem aperta fuit calvaria, ubi omnes cerebri anfractus & cavitates aquâ plenæ inventæ fuerunt, vera & vertiginis & cari causa.

In curandâ Vertigine Myrrha quoque suum confert symbolum: hinc non inefficaces erunt sequentes Trochisci, si unus & alter jejuno inprimis ventriculo in ore detineatur ad corroborandum caput & vertiginem avertendam.

℞. Cardamom. Cubebar. āā. ʒiʒ. Macis, Eruca āā. ʒʒ. Myrrhæ ʒj. Fl. Lavend. Pj. Mosch. Ambr. āā. gr. ij. Cum mucilagine Tragacanth. in Aq. Lilior. Convall. fact. f. Trochisci.

Nec inutile foret sequens Cephalicum Emplastrum.
℞. Resin. pini ʒʒ. Ladani, Myrrhæ, Mastich. āā. ʒiʒ. Gum. Tacamah. Galban. Opopan. āā. ʒj. Visci Tiliæ ʒiv. Sem. Pæon. Mar. ʒij. Cubebar. ʒj. Ol. destillat. Succini, Nuc. Moschar. āā. gr. vij. Gum. in Aceto dissolvantur, fiatque l. a. Emplastrum, adde Terebinth. ʒv.

Pomum alii sequens commendant ad olfaciendum:
℞. Ladani puri ʒij. Styrac. Calam. ʒʒ. Benzoës, Galliæ Mo-

Moschat. Myrrhæ aa. ʒj. Ol. destill. Caryophyll. gt. vj.
f.l.a. Pomum.

ARTICULUS VII.

De

C A T A R R H O.

DEliria Veterum circa Catarrhorum doctrinam nota sunt, dum putarunt cerebrum pituitæ fontem existere, hincque caput reliquis corporis partibus veluti tectum quoddam calidæ domui esse impositum somniantur, quod omnes vapores, cunctaque fuliginosa excrementa, quæ à subjectis partibus sursum feruntur, excipiat, ubi frigidity cerebri tanquam nubes in aëre condensentur, & tandem spirituum calore resoluta instar pluviae in subjectas partes destillent ac depluant; undè & nomen huic affectui imposuerunt Catarrhi, quod derivatur ἀπὸ τοῦ κατάρρειν defluere quod significat.

Rejectâ hâc veterum opinione, recentiores cerebrum vindicarunt ab injuriis illatis, demonstrantes, cerebrum minimè esse Catarrhorum fontem, culpæque expers existere in omnibus defluxionibus: & primò quidem, quòd paucissima in cerebro generentur excrementa à nutrimenti coctione residua, quæ pituitæ nomen vix merentur, & maximam partem in sanguineam massam recipiantur. Deindè quòd nulla in cerebro reperiantur idonea excrementorum receptacula: Ventriculi extra medullam, ex acubitu partium medullæ per accidens nati quamvis ob capacitatem & humorem accusari possent, tamen si quis accuratiori oculo eos inspiciat, videbit, horum foramina ad expellendam in tantâ copiam pituitosam hanc & crassam materiam non sufficere. Processus papilli formes, glandulam pinealem & pituitariam vulgò excrementorum cerebri æstimari receptacula minimè queunt, cum & hæ partes Catarrhorum inundationibus recipiendis

vel transmittendis sint impares. Porro nullæ viæ recrementis sordibusque ex cerebro everrendis dicatæ reperiuntur: & licet veteres quasdam excogitaverint, illæ tamen pro genuinis haberi nequeunt: nec os cribrosum, nec canales Ephippii laterales huic inserviunt officio. Denique nec membranæ ductuum evehentium sustineant vicem. Manet itaque verum ac firmum, cerebrum divinæ mentis sedem, omniumque actionum humanarum corporisque universi præstantissimam partem talibus minimè proscindi debere injuriis, ut hisce impuritatibus sive generandis sive colligendis ac recipiendis destinatum æstimetur: accusandum potius universum corpus & massa sanguinea: hæc etenim pluribus succis excrementitiis scatens crebrò, perque arterias corotidas summa petens ad spongiosas narium carnes impuritates defert, ut ibidem emungantur.

Causam Catharrhorum proximam Neoterici ponunt in motu lymphæ retrogrado læso, hinc situ vitioso, quò illa intra partes stagnans, has modò quantitate & mole suâ distendit & comprimit, harumque diversas functiones lædit; modò copiosius aut parcius per vasa sua excretoria eliminatur; modò acrimoniâ quâdam pollens dolore eosdem afficit, imò interdum erodit atque exulcerat. Causa hinc in propatulo, quòd in capite ac circa illud catarrhosi affectus frequenter occurrant, quia nempe plurimis glandulis, vasisque lymphaticis illud oblitum: notandum tamen, non solas glandulas nec sola lympham vehentia vasa hinc accusanda esse, sed & sanguinis venosi refluxum impeditum simile quid inducere posse, quippe qui multum seri adhuc continet.

Cùm verò Catarrhis ad pectus & fauces crebrius vexati variis infirmitatibus pectoris, inprimis verò Phthisi obnoxii reddantur, maximè materiâ existente acri ac serosâ falsâ, necessariò medela maturanda, & idoneis succurrendum remediis, quibus humores vitiosi tam quantitate quàm qualitate peccantes è corpore ritè eliminantur, partesque principes ro-
boren-

borentur, glandulæque & lymphatica vasa debite suo fungantur munere. Operam hinc suam & Myrrha promittit: hinc *D. Sennertus* lib. 1. Med. Pract. P. 2. cap. 34. in catarrhis acribus, tenuibus, calidisque, ac cum tussi vehementi pertinacibusque vigiliis conjunctis intercipientia ac incrassantia medicamenta commendat, additâ hâc cautelâ, ne statim in principio adhibeantur fluxionem sistentia, sed potius divertentia, nisi forsan materia periculosè ad pectus ruat, & suffocationis metum incuriat: nec sistentibus utendum monet, postquam materia jam ad pectus decubuit, sed dum in viâ est, & ad illud deferretur: Pilulæ verò quas dictô locô proponit, ita formantur:

R. Thur. albiss. Sandarach. Arab. Myrrhæ aa. ʒiʒ. Ligni Aloës, Nuc. Moschat. Macis, Croci aa. ʒj. Ladani puriss. Styrac. calam. aa. ʒij. Mosch. gr. v. Misc. & cum Sir. de Stœchade f. Pilulæ.

In Catarrho suffocativo cum Tussi *Reinerus Solenander* Conf. 4. §. 3. tales præscribit:

R. Thuris masc. Succ. liquirit. aa. ʒj. Opii, Croci, Myrrhæ aa. ʒj. Misc. cum Sir. Papav. alb. f. Pilulæ.

Johannes Marquardus Pract. Med. 1. 1. c. 14. in Catarrho frigido sequentibus utitur, & pro suffitu Trochiscos præparat Myrrhâ nobiles:

R. Thur. Myrrhæ, Sandarach. Nuc. Moschat. aa. q. v. Cum Gum. Arab. formentur Pilulæ in lecti introitu capiendæ.

R. Aristoloch. rot. Myrrhæ, Thur. Sandarach. Galliæ Moschat. aa. q. v. cum Styrace liquidâ f. Trochisci pro fumo suscipiendo ad nares.

Parens meus b. m. tali pulvere ad suffiendum usus est:

R. Mastich. Thuris albiss. Myrrhæ el. Styrac. calam. aa. ʒj.

u 3

Suc-

Succini alb. Sandarach. Arab. aa. ℥i℥. Gum. Anim. Tacamah. aa. ℥j. Misc. & fiat Pulvis grossus.

S. Pulver wider die Flüsse.

Nec inutilis sequens erit Pulvis pro excitando fumo:

℞. Succini albi ℥℥. Sandar. ℥ij. Mastich. el. Oliban. aa. 3j. Myrrh. rubr. Rosar. rubr. aa. ℥i℥. Tacamah. Styrac. calam. Ladani puri aa. ℥j. Origani Cretici, Thymi exsiccati, Serpil. aa. ℥℥.

F. Pulvis grossus pro suffitu valde illustris in omnibus Catarrhis atque defluxionibus tum prohibendis & sistendis, tum caput ab iisdem præservandis, si suprâ carbonēs imponatur, & tam caput quàm tegumenta ejus suffumigentur.

Huic scopo Sacculi ac Cucuphæ quoque inserviunt, undè ad Catarrhi suspensionem sequens capiti imponatur:

℞. Sem. Nigellæ 3j. Fœnic. Anis. aa. 3j. Mastich. Thur. Myrrhæ aa. 3℥. Fol. Verben. Serpil. Beton. aa. Pij. Fl. Rosar. rubr. Pij.

F. Pulvis grossus Sacculo includendus & interpassandus.

ARTICULUS VIII.

De

AFFECTIBUS SOPOROSIS.

AD somnium non naturalem Affectus hi pertinent: hinc qui somnum naturalem ejusq; causam cognitam perspectamque habet, facile etiam in cognitionem non naturalis devenire potest, qui nihil est aliud, quàm sompor sive somnus diurnior atque profundior, quàm secundum naturam esse debet, & qui non tantum Spiritus animales viresque corporis non reficit, sed & validè prosternit ac opprimit.

Recensentur autem Affectuum soporosorum quatuor Species: 1. Coma sive Cataphora. 2. Carus. 3. Lethargus. 4. Catalepsis.

Coma

Coma sive Cataphora dicitur ita ἀπὸ τοῦ κοῦν vel κοῦναι, profundè dormire : nam nimia præstò est in somnum propensio : duplex verò est, somnolentum ac vigili illo affecti non solum propensionem habent in somnum, sed & profundè ac præternaturaliter dormiunt, ut vix excitari queant, visis objectis sensus vehementer afficientibus : in hoc verò ægri valdè proclives sunt in somnum, palpebrasque claudunt, verè tamen non dormiunt, sed nullò negotiò excitantur, ut oculos aperiant, & ad interrogata responsa dent.

Carus est profundior somni necessitas, & differt à Comate gradu atque vehementiâ, in quo decumbens commotus ac vocatus non respondet, oculos continuò clausos habet, ac sine sensu jacet, nisi fortè punctus vel ustus membrum aliquod commoveat : hinc à Galeno appellatur, ὑπὸς μαθὺς καὶ δυσέρηλος, somnus altus & excitatu admodum difficilis : dicitur autem Carus ἀπὸ τοῦ καρῶναι, gravi sopore corripì : bene autem hic affectus discernendus ab Apoplexiâ, Lethargò, Catalepsi, Syncope, Uteri suffocatione, aliisque, de quo pluribus agunt Practicorum monumenta.

Lethargus talis est somnolentiâ, quâ qui laborant, tantò sopore obruuntur, ut vix ab ullâ sensibilis objecti oppressione excitari queant; quia à punctione aut vellicatione acriori, si forsàn oculos aperiunt aut membra furrigunt, denuò statim insensiles facti, reclinant, & non rarò cum sibimetipsis relinquuntur, somnò perpetuò indulgentes, transiitione facillimâ mortem ipsam reverâ obeunt : & hæc somnolentia semper febrem comitem habet, quâ etiam ab aliis discernitur.

Catalepsis denique ea est soporis p. n. species, quâ detenti totum corpus instar statuæ rigidum ac immobile habent, inque eâ figurâ ac situ permanent, quò correpti fuerunt; oculos habent apertos & membra immota, sineque sensu perstant : Ubi tamen notandum, phænomena hæc non singula in omni Catalepsi occurrere, neque omnia æquè esse vehement-

mentia, nam quidam puncti sentiunt, quidam non, nonnullis facultates principes salvæ sunt, quibusdam læsæ, quidam liberè respirant, alii difficulter: hinc distinguenda Catalepsis perfecta ab imperfecta, consummata à leviori.

Causa sopororum affectuum in genere desumi potest ex cognitione causarum somni juxta naturæ institutum sese habentis: nam sicuti somnus naturalis ex suavibus alimentorum exhalationibus originem ducit, ita è contrario non naturalis ex superfluis ac non naturalibus excrementitiorum succorum evaporationibus procreatur.

In specie Comatis somnolenti causa sunt vapores ac halitus non naturales ad cerebrum nervosque delati, Spiritusque animales ita afficientes, ut ad influxum in organa sensus ac motus inepti efficiantur: & hoc præstant vel quantitate nimia, vel qualitate noxia.

Carotici mali causa vera est vehemens Spirituum animalium oppressio à causis vel extra vel intra nervos existentibus inducta, uti est valida & extrinseca nervorum compressio, quando casu vel ictu calvaria cum cerebro deprimitur, ut nervis incumbant ac premant, angustosque reddant, ac ita liber Spiritibus animalibus influxus præcludatur: intra nervos verò contingit animalium Spirituum oppressio ex halitibus copiosis sive frigidis sive calidis, Spiritus p. n. ligandi ac sopiendi facultatem possidentibus.

Lethargus frequenter à serosa colluvie cerebri anfractus exteriores irruente, ejusque poros & meatus corticales subeunte generatur, attestantibus id observationibus anatomicis: interdum etiam producitur à malignitate, quod contingit in febribus malignis, morbisque contagiosis.

Catalepticos, stupendi affectus, proxima causa abstrusa esse videtur, ita ut ansam præbuerit discrepantiis in scholam medicam introducendis: Veteres namque, uti *Galenus* & *Paulus Aegineta* frigidam & siccam cerebri intemperiem in scenam

scenam produxerunt : *Aëtius* atram bilem : *Arabes* melancholiam accusarunt. Excellentissimus D. *Tappius* in Dissert. de Sensuum Internorum læsionibus cap. 13. p. 395. hiscè suam declarat mentem : *proximam causam Catalepsis dicimus esse copiosos vapores repente per nervos ad sensuum & motus instrumenta totius corporis delatos , qui non tantum illa organa præter modum replent atq; distendunt , verum etiam , quod huic morbo peculiare est , & à Tetano , omnibusq; aliis affinis morbis distinguit , spiritus animales ad tempus sedit , figit , condensat & quasi congelat.* Et sanè veritati magis consentanea illorum opinio , qui causam immediatam statuunt congelationem spirituum animalium à vapore quodam fixativo & congelante seu vim figendi habente excitatam , quem sive salinum sive nitrosum dixeris , meo quidem iudicio non admodum erraveris.

In curatione talia adhibenda, quæ ad excitandos soporosos faciunt , inter quæ meritò etiam Myrrha refertur odoris admista : ubi tamen norandum , *Sennertum* lib. 1. P. 2. c. 20. p. m. 468. in Lethargicis suffituum usum non satis commodum æstimare , cum cerebrum valdè repleant : hinc melius ex plantis cephalicis in Aceto coctis , addito tantillo castorei calidos vapores naribus ægri excipiendos suadet. Aceta talia internè etiam sumpta operationem habent : omnia namque acetata somnum arcant : quare sequens olfactu & odoris suffitu Lethargicos , Caroticos & Comatosos excitare valet extrinsecus & intrinsecus adhibitum , & à dimidio cochleari ad integrum propinatum.

R. Herb. Rutæ recenter siccæ. Granorum Sambuci ãã. ʒʒ. Gummi Sagapen. Galban. ãã. ʒij. Myrrhæ el. ʒj. Castor. ʒʒ.

Infund. in Acetum Vini acerrimi q. s. fiat digestio in MB. per 5. aut 6. dies , donec Acetum perfectam Tincturam acquisiverit : postea filtra.

Dec. II. Annus VI.

x

Sub-

Sudoris provocatio maximè in Lethargicis non negligenda : observatum quippè, Lethargum seu potius febrim istà finiri, quâ sublarâ & ille cessat. *Schröderus* lib. 2. *Pharmac. Med. Chim.* cap. 85. p. m. 297. Tincturam tradit Diaphoreticam, cujus compositionem & Myrrha ingreditur, quæ in omnibus soporosis affectibus auxilium ferat, quæ ibidem videatur.

ARTICULUS IX.

De

AGRYPNIA sive VIGILIIS.

*Somne quies rerum, placidissime somne Deorum,
Pax animi, quem cura fugit, qui corpora duris
Fessa ministeriis mulces reparasq; labori,*

Versiculis his somnum alloquitur apud *Ovidium* *Isis à Junone* ad ipsum missum, quibus somni commoda apertè deprædicantur. Certissimum namque est, somnum esse refectorem corporum, restauratorem virium, probatorem valetudinum, pacatorem operum, medicumq; laborum: hinc,

Quod caret alternâ requie durabile non est,

Contrà incommoda & noxæ ex immoderatis vigiliis contractæ tantæ sunt, ut plerorumque morborum assiduæ comites existant.

Græcis affectus hic *ἀγρυπνία* audit, Latinis pervigilium, & est oppositus soporosis affectibus, de quibus in præcedente Articulo actum: supervenit verò vel alteri cuiquam morbo, vel sinè aliâ ægrotatione notabili solitarius existit. Plurimorum morborum fidas Vigiliis esse comites, demonstratione non indiget, experientiâ toto die id loquente: quin & solitarium nonnunquam deprehendi pervigilium, exempla

illo.

illorum declarant, qui alias optimâ corporis constitutione præditi, à doloribus immunes, ad negotia satis expediti sunt, lecto verò commissi somnum capere nequeunt, ut necessum habeant ad ipsa opiata haud rarò confugere.

Causam verò insomneitatis ac pervigilii communiter rejiciunt in continuum prodigumque spirituum animalium è cerebro in organa sensuum externorum & motus influxum.

Thomas Willisus de Animâ brutorum P. 2. cap. 5. p. 194. Vigiliis p. n. sive immodicas à duobus pendere scribit; aut enim spiritus animales nimis efferi, inquieti, ac veluti æstro perciti haut spontè succumbunt, aut liquor nerveus cerebri exteriores poros non ita implet & obturat: &c.

Cum verò Vigiliæ immodicæ malum sint non contemnendum, dum vires maximè exsolvant, & hinc rectè ab *Hippocrate* 6. Epid. Comm. 4. t. 20. edaces vocentur, opera impendenda sedulò, ut quantocius auferantur, placidusque somnus inducatur: hinc itaque Myrrha & interno & externo sese commendat usu.

Intrinsècus adhibeatur Pulvis apud *D. Sennertum* pro-
stans l. c. p. m. 234.

℞. Cinam. Myrrhæ āā. gr. vj. Opii, Croci āā. gr. iv. Misc. f.
Pulvis in tres partes divid.

Vel. ℞. Sem. Apii 3℔. Castor. 3j. Myrrhæ rub. Croci āā. 3℔.
M. f. Pulvis. detur dosis cum Aq. Foeniculi.

Extrinsècus Balsama valent atque Linimenta somnifera,
temporibus, pulsibusque dicata.

℞. Ol. expr. Nuc. Mosch. ʒi℔. destil. Anethi ʒ℔. Myrrhæ
gran. iv. Opii gr. vij. Croci gr. iij. Misce pro Balsamo
Hypnotico. S. *Schlaff-Balsam*.

℞. Unguent. Popul. Ol. Violar. āā. ʒij. Nuc. Mosch. expr. ʒ℔.
Opii, Croci, Myrrhæ āā. gr. iij. Cerae q. s. f. Unguen-
tum.

ARTICULUS X.

De

MELANCHOLIA.

Melancholicus affectus desipientia audit sine febre & furore, cum metu atque mœrore connexa, & propterea tam Cerebri quam cordis pathema censetur: *nam quod Melancholici delirant, inquit Willis, Tr. de Anim. brut. p. 2. c. 11. p. 265. à cerebri & spirituum animalium in eo degentium vitio ac inordinatione procedit, quod autem valde tristes & meticulosi evadunt, hoc cordis passioni merito tribuitur.*

Delirii verò melancholici phænomena Idem l. c. sequentibus proponit: Primò *in cogitando continuò ferè occupantur, ut eorum phantasia vix unquam otiosa & quieta fuerit. Deinde inter cogitandum res pauciores quàm antea solebant, animo comprehendunt, ut sæpe dies & noctes idem objectum animo volutent, de rebus aliis, quæ interdum longè majoris momenti sunt, nihil solliciti. Deniq, objectorum sive conceptuum ideae deformes & velut sub larva adparent, semper autem in majori specie representantur, ita ut res qualibet exigua iis magna, & difficilima videatur.*

Causam Melancholiæ proximam in vitio spirituum animalium quærendam esse, extrà controversiam est, & à *Pergameno Sene οὐκτωμα* sive obscuritas vocatur: & certè negari nequit, ad actiones animales ritè perficiendas non solum requiri qualitates primas sed & secundas: Hinc quando spirituum animalium naturalis nitor ac splendor, connatumq; lumen ac pelluciditas obfuscantur, ac illi opaci ac tenebrosi evadunt, actiones omninò depravantur, rerumque imagines velut umbrâ aut tenebris obductas representant. Hæc autem spirituum animalium impuritas atque opacitas vaporibus & effluviis crassis ac acidis in malsâ sanguineâ contentis, & per

& per venas atque arterias ad Cor & cerebrum delatis adscribenda.

Affectus verò hic quamvis quoad salutem & mortem plerumque tutus esse soleat, ratione tamen eventus incertus plurimum est: quidam etenim brevi convalescunt, alii non nisi longo tempore, nonnulli planè non liberantur, ob contumaciam mali remediis adhibitis difficulter cedentis: procrastinanda tamen minimè est Curatio, nè diutius melancholia protracta in ipsam *μείγωσις* aut planè in Maniam trans-eat, aut alios affectus, præsertim convulsivos, paralyfin etiam vel Apoplexiam, mortemque aliquandò violentam accersat.

Inter alia simplicia hosti huic atroci obviam euntia & Myrrha offenditur. Cum verò, jubentibus Practicis, per vices Purgantia, inprimis in Melancholiâ Hypochondriacâ, repetenda sint, ut solutis obstructionibus, natura indefinenter sollicitata ad intestina excrementitia liquamina è vasis mesaraicis ac pancreate deponat, & hinc sub variis formis Catartica offerant, meritò ipsorum vestigia juniores Medici legere debent: præ aliis verò commendari solent Pilulæ utpote in affectibus melancholicis admodum accommodæ: sequentes *Felix Platerus* in suis observationibus scriptas reliquit:

R. Aloës ʒij. Myrrhæ ʒß. Epithymi ʒj. Rad. Gentian. Asari aa. ʒß. Gum. Ammon. Aceto dissol. ʒj. Sem. Petrosel. ʒiß. Rhabarb. el. ʒiß. Spicæ ʒj.

Cum Succo Absinthii fiat Massa, de quâ æger alternis vel tertio quoque die deglutiat scrupulos duos vel etiam plus, si copiosius purgare liceat ac libeat.

Pro corroborando cerebro, spiritibus illuminandis, vaporibusque discutiendis non inutiles erunt species pro Cucuphâ tales

R. Flor. Rosmar. Lil. Convall. Lavend. Primul. veris, Tiliæ, Rosar. r. aa. Pij. Succini, Mastich. Myrrhæ el. aa. ʒj.

Benzoës, Gum. Junip. āā. ʒʒ. Nuc. Mosch. ʒij. Misc.
fiant species pro Pileolo sive Cucu, hā, adsparg. Ol.
Majoran. gt.v. Ligni Rhodii gt. iv. Cinam. gt. iij.
S. Hauptstärckende Species zum Mäglein.

ARTICULUS XL

De

MEMORIÆ DIMINUTIONE.

Magna pars felicitatis humanæ posita est in vegetâ
firmâque memoriâ : infelices contrâ, qui ejusdem
imbecillitate aut totali abolitione detinentur, cujus
miseriæ exempla passim apud Practicos sunt obvia.
Notatu verò dignum est exemplum, quod *Rondeletius* de
Studio quodam Monspeliense refert, qui ex accepto vul-
nere aded omnium rerum oblivione captus est, ut instar in-
fantium Luterias retrogradi, & prima pueris elementa tradi
solita discere denuò opus habuerit.

Renatus des Cartes de Passionibus sequentibus memo-
randi actum describit : Cum anima vult recordari alicujus
rei, has voluntas efficit, ut glans (glandula pinealis) sese in-
clinans successive horsum & illorsum impellat Spiritus ad varias
cerebri partes, usq; dum invenerit eam, in quâ sunt vestigias
quæ reliquit objectum, cujus volumus recordari : nam illa ve-
stigias nihil aliud sunt, quàm quod pori cerebri, per quod Spiri-
tus antea ceperunt suum cursum, propter præsentiam hujus ob-
jecti acquisiverint majorem facilitatem quàm alii sese rursus
aperiendi eodem modo spiritibus, qui ad se veniunt : aded ut hi
spiritus eos poros facilius subeant quàm alios, quâ ratione exci-
tant motum specialem in glande, quæ representat animæ idem
objectum, & ipsi indicat, idem illud esse, cujus recordari volebat.
Hæc *Cartesius*, quæ ipsi Authori relinquimus.

Causam

Causam memoriæ diminutionis ac imbecillitatis proximam cum Illustri Rolfincio statuimus viciatam dispositionem Spirituum animalium in quantitate, qualitate & motu. Cum enim, scribit, Consult. 18. p. m. 255. Cerebrum Spiritibus animalibus generandis atque functionibus animalibus retinendis destinatum instrumentum ab Idiosyncrasiâ & substantia sua modo recedens nimis crassum & materia excrementitia plus justo ob-
rutum existit, intemperie frigidâ præterea accedente vaporibus & humoribus repletur. Inde sanguis vitalis alteratur, à mistio-
nis modo secessionem facit, & generantur spiritus crassi, frigidi,
turbulenti & fuliginosi quantitate deficientes, coarctati & coan-
gustati, non decente ordine moveri apti nati.

Quâ ratione succurrendum sit memoriæ infirmitati, Pra-
cticorum libri abundè docent: Celeberrimus Sennertus Pila-
las suggerit Pr. Med. lib. 1. p. 2. c. 5. p. m. 299. caput tam purgan-
tes quàm roborantes additione Myrrhæ illustres.

℞. Aloës, Agarici aa. 3ij. Sal. Gem. 3i℥. Caryophyll. Ci-
nam. Macis, Nuc. condit. Ligni Aloës, Thuris, Mastich.
Myrrh. & Cubeb. Absinth. Croci, Bacc. Lauri, Junip.
Stoechad. Arab. Calami Aromat. aa. 3℥.

Pulverisata cum vino odorifero misc. & fiat Massa Pilularis:
Dosis 3j.

Alibi apud Eundem tales habentur:

℞. Succini odorati 3j. Cubeb. Thur. Myrrhæ aa. 3℥. Ligni
Aloës 3j.

Cum vino fiant Pilulæ mediocres, quarum duæ vel tres al-
ternis diebus antè somnum exhibeantur.

Idem pag. 306. ad ingenium ob nimiam humiditatem &
frigiditatem stupidum memoriamq; indè debilitatam sequen-
tem Pulverem commendat.

℞. Rad. Cyperi, Croci, Myrrh. Thur. Piper. alb. aa. 3j. Misc.
f. Pulvis: Dosis 3j. vel 3i℥. aut plus.

Marfi-

Marsilius Ficinus l. 2. de Sanitate Studiosor. cap. 9. confectiorem auream parat ex tribus muneribus Salvatori nostro à Magis oblati ad acuendam & conservandam memoriam, ingenium sensusque vegetandos, ac Spiritus roborandos.

℞. Thur. ʒij. Myrrhæ ʒj. Auri foliati ʒß. Cum vino fiant Pilulæ, quarum aliquot sub aurorâ deglutiantur.

Horstius prædicat Oleum Myrrhæ temporibus & syncipiti inunctum.

C A P U T II.

Myrrhæ usum specialem in Affectibus Oculorum conspicuum tradit.

ARTICULUS I.

De

O P H T H A L M I A.

OCulo nihil pulchrius fabricavit Natura, nihil artificiosius: sunt verba *D. Rolfinii* in limine Dissertationum anatomicarum reperibilia, nec injuriâ tali elogio maclatur: nam quod homo est in macrocosmo, illud oculus est in microcosmo: hinc oculi lucis usu distinguunt à morte vitam, quæ si ejus jucunditate privetur, miserabilis ærumnâ, moerore, tristitiâ & tenebris est perfusus carcer, quô anima detenta. neque Solem intueri, neque quid sequendum aut fugiendum sit, observare potest. In medium producemus vitia Oculorum primaria & ea quidem, quibus Polychresta nostra Myrrha inter alia præsidia succurrere valet: sistit autem se primò Ophthalmia, quæ Oculorum est inflammatio, ruborem & dolorem, acerrimum interdum, secum vehens, cum lacrymis adeò haut rarò corrosivis, ut cutem faciei, quam tangunt, excoriant: undè liquet, sanguinem hinc potissi-

potissimum acrem, falsum serosumq; peccare, prædictaq; Symptomata excitare.

Non autem putandum, cum Ophthalmia per modum fluxionis generetur, solum caput fontem mali existere, sed tota sanguinea massa symbolum suum confert: undè *Lazarus Riverius* Pr. Med. T. 2. cap. 8. p. 41. experientiam docere scribit, contumaces Ophthalmias ab hepate non rarò exoriri, & humoribus ab eo in oculos confluentibus, ita ut tunc temporis Cauteria occipitio admota morbum foveant, quæ alioquin fluxioni à capite oriundæ maximè conducunt, tunc enim humorum motum ad partes superiores magis promonent: & vidimus, pergit, veteres Ophthalmias, nullisque cedentes remediis, clausò fonticulò, qui diu in occipitio gestatus fuerat, brevi & spontè desuisse; cessante nimirum humorum motu à partibus inferioribus ad superiores, qui à cauterio continuo fovebatur, natura humores à mandante ad illud emissarium, quorum portio ad oculos, tanquam partes vicinas & à longo affectu debilitatas ferebatur.

In curandâ Ophthalmiâ studiosè observandæ regulæ atque cautelæ à Dn. *D. Sennerto* Pract. Med. l. 1. P. 3. S. 2. c. 12. p. m. 779. & 780. propositæ: nempe 1. Topica oculis ab initio statim non sunt applicanda, quia sæpè solis evacuationibus universalibus levior Ophthalmia sanatur. 2. In usu lactis muliebris vel alterius, quod optimum censetur anodynum, cavendum, ne lac oculo diutius inhæreat, facile enim à calore oculi inflammati corrumpitur & acrimoniam contrahit oculo summè nocivam. 3. Repellentia in principio adhiberi solita talia sint, ne nimia suâ frigiditate & adstrictione tunicas oculorum condensent, porosque claudant, siccitate verò oculos exasperent, doloremque augeant. 4. Opiata non nisi necessitate urgente usurpanda. 5. Diligenter curandum, ne suppuratio in interioribus fiat. 6. Ophthalmicis remediis semper admiscenda, quæ specificâ virtute oculis præfunt. 7. Remedia oculis indenda diligenter à sordibus mundanda,

levissimè terenda atque cribranda, ut asperitatem deponant, nec mordacia & acria sint. 8. Denique oculò phlegmone obsessò Topica actu tepida magis conveniunt, ad frigiditatem vergentia, si repellendum, ad caliditatem verò, si discutiendum sit. Sed videamus, quid hâc in affectione Myrrha præstet.

D. Sennertus l. c. p. 790. pro Ophthalmiâ à crassis pituitosisque humoribus ad sistendum humorum affluxum talem applicat Pulverem:

℞. Thuris, Acaciæ, Aloës aa. ʒj. Myrrhæ, Sangu. Dracon. aa. ʒiʒ.

F. Pulvis, qui cum albumine ovi misceatur fronti que imponatur.

Cataplasma sequens lanâ telâve lineâ excipiatur, aut panno molliori iisdem imbuatur fronti & temporibus accommodandum ad intercipiendam materiam ad oculum fluentem.

℞. Mastich. Thur. Myrrhæ aa. ʒiʒ. Boli Armen. Farinæ Fabar. aa. ʒʒ. Croci ʒj. Cum albumine ovi Olei Rosar. & Aceti pauxillo fiat Cataplasma.

Zacutus Lusitanus Histor. Prax. l. 2. cap. 12. p. 493. ad inveteratam Ophthalmiam pro exsiccandis excrementitiis humiditatibus ad oculos confluentibus, præmissis evacuationibus universalibus & particularibus Unguentum commendat, quò bis in die, manè & vesperi tribus horis post coenam palpebræ superiores leviter illinuntur, ubi post horam humoris serosi rivuli per angulum præsertim majorem ubertim effluunt.

℞. Ol. Rosar. ʒiij. Aq. Rosar. ʒix. Camphor. ʒj. Tutia ʒj. Mellis ʒij. Fellis hirci ʒʒ. Farinæ lupinor. ʒiʒ. Aloës Soccotr. ʒj. Sacch. Candi ʒiʒ. Succ. Marrub. Fœnic. Ruta, Myrrhæ aa. ʒʒ. Ammon. ʒʒ. Sarcocol. ʒiʒ.

Pulve-

Pulverifatis pulverifandis misce & lento igne coq. modicè,
& cum pinguedine hircinâ & arietinâ ac momentô ceræ f. l. a.
Unguentum.

Alexander Massaria Prælect. Acad. lib. 1. cap. 25. p. 153.
154. in Ophthalmiæ declinatione res solventibus medicamentis
commodè Myrrham admiscet sequenti Collyrio.

℞. Pompholyg. lot. 3ij. Thuris, Myrrhæ, Sarcocollæ aa. 3j.
Spicæ Nardi ʒiʒ. Croci ʒʒ. Misc.

Fiat Collyrium, quod ex decocto Foenigræci vel Foeniculi
administrari potest.

Riverius l. all. sequenti Collyrio ad tollendas oculorum
inflammationes utitur:

℞. Sarcocollæ nutritæ 3iʒ. Tutia præparatæ 3j. Aloës ʒj.
Myrrhæ ʒʒ. Mucilag. Sem. Foenigr. ʒʒ. Aq. Verbenæ,
Chelidon. aa. 3iʒ. M. pro Collyrio.

ARTICULUS II.

De

SUFFUSIONE.

Appellatur ita malum hoc Ophthalmicum, quod sub
Uvæ foramine quasi fusum hæreat, ut plurimum vi-
sum gradatim obtenebrans, tandemque tollens. Ab
Avicennâ vocatur Descensus aquæ sive Gutta: Catar-
acta vulgò audit, à Græcâ voce κατάρρεσις, impetuosè deflue-
re, petita denominandi ratione ab illis portis, quæ supernè de-
orsum cadunt, omnemque transitum hostibus præcludunt.
Græcis præterea affectus hic υπόχυμα sive υπόχυσις audit.

Authores quidam nomina hæc inter se distinguenda esse
volunt, ut varios morbi hujus gradus significant: incipiens
enim affectus, in quo levis quædam visus obtenebratio con-
tingit, Suffusio nominatur; dum verò ulterius progressum
fecit, & aliquid in pupillâ collectum aquæ instar apparet, A-
quam peculiariter nominant: cùm denique materia illa in

pupillâ omnimodè concreta est, visionemq; protinus aufert, Cataracta indigitatur.

Subjectum sivè pars primariò affecta, juxta *Galenum* aliosque Veteres humor albugineus est, crassefactus scilicet, & præcipuè ea illius portio, quæ continetur in illo spatio, quod est inter crystallinum humorem & Uvæ circumferentiam.

Clarissimus *Sylvius* affectum hunc pituitam viscidiorē producere scribit Pr. Med. l. 2. c. 7. p. 401. Melancholiæ nomine vulgò venientem à quâcunque causâ genitam, hinc & attenuatam sanguiniquæ confusam, & unâ cum ipso ad oculos per arterias delatam, & in humore aqueo inprimis hærentem, ipsumque obscurantem, donec tandem magis magisque accrescens iterumque concrecens ac coagulata circa pupillam uveam constituentem vel ex parte vel in totum lumini externo ac inprimis speciebus visibilibus transitum denegat, sicque tandem cæcitatem inducat.

Riverius etiam pro subjecto agnoscit humorem aqueum, ita ut suffusio contingat, quandò serosus vel pituitosus humor in illud spatium, quod inter carneam tunicam, & crystallinum humorem est, affundatur.

Nos cum *D. Rolfincio* veram Suffusionis confirmatæ causam dicimus esse obtenebrationem crystallini humoris, ortam à copiâ humorum excrementitiorum, qui aliàs juxta adversam Uvæ tunicam deponi solent. Vid. l. 3. Consult. 4. p. 359. it. Epit. cogn. & cur. part. aff. l. 1. P. 2. c. 1. p. 90. scribit: *Cataracta oritur, non quod crystallinus humor ut principatûs honore dignus laboret, sed quatenus transmissionem specierum, quæ in retinâ terminantur & reflectuntur, impediat.*

Curationem, si aliqua à medicamentis expectanda, aggreffurus, antè omnia pituitam viscidam eliminare studeat. Hinc prælaudatus *Sylvius* l. c. Pilulas magistrales describit variis indicationibus inservientes, quæ Myrrham etiam recipiunt:

R. Gum

R. Gum. Galbani cum Aceto scyllitico præparat. 3j. Mastich. el. 3ß. Castor. opt. Myrrhæ rubr. aa. ʒj. Carab. alb. gr. xv. Croci sel. ʒß. Aloës rosat. 3ß. Trochisc. Alhand. ʒj. Ol. Fœnic. destill. gutt. vj. Misc.

F. Pilulæ ponderant. gr. j. deaurandæ.

Harum accipiet æger alternis diebus unâ vel alterâ post coenam modicam horâ 5.6.7. vel 9, ut sequenti die manè semel indè alvum deponat: satius enim esse scribit, & tutius per *ἐπιήκασιν* corrigere & simul minuere causam morbificam, quàm vehementer ipsam agitando ægrum in gravioris mali periculum conjicere.

Corpore ritè evacuato ad Ophthalmica deveniendum præsidia tam interna quàm externa: ubi circa Topicorum applicationem probè monitum *Johannis Rhodii* in *Analect.* inferendis §. 303. ex *Scribon. Largo Comp.* 38. ne scilicet sint acria, quæ inungantur, præcipuè si dolor ac gravitas capitis urgeant.

Hieronymus Mercurialis Med. Pract. lib. 1. cap. 34. p. 199. in Suffusione curabili sequenti utitur topico.

R. Aq. Chelidon. Fœnic. Rutæ aa. ʒij. Fellis Galli, Hirci aa. ʒiij.

Miscead lentum ignem: deinde adde

Mellis 3ß. Myrrhæ, Croci aa. ʒiß. Æris usti & loti, Antimonii usti & loti aa. ʒj. Gummat. ʒij.

Ponantur omnia in vase vitreo benè obturato, & detineantur per tres dies & per tres noctes in fimo calente. Usus est, ut gutta super pupillam singulo mane & vesperi antè cibum ponatur.

Ab aliis tale Ophthalmicum probatur:

R. Extr. Chelidon. ʒij. Fellis Carpion. Bubul. aa. ʒj. Paululum coquendo inspissentur, adde

Tuticæ præp. ʒß. Myrrhæ el. Sacch. Saturni aa. gr. vij. Mellis parum. Misc.

Hujus granum unum vel alterum calidè oculo imponitur.

Sennertus lib. I. Med. Pr. P. 3. S. 2. c. 28. p. m. 835. & 836.
hoc Collyrium habet:

℞. Fellis Gruis, Perdici, Vulturis āā. 3j. Sagapen. 3℔. Cinnamon. Caryophyll. āā. ʒj. Myrrh. Croci or. āā. ʒ℔.

Pulverisentur omnia subtiliss. & cum melle ac succo foeniculi permisceantur pro Collyrio.

ARTICULUS III.

De

ÆGILOPE, EPIPHORA, UNGUE, EMPHYSEMA, HORDEOLO, PHLYCTENIS, ULCERIBUS OCULORUM.

I.

Ægilops dicitur quasi oculus caprinus propterea, quod capræ huic vitio præ aliis animalibus soleant esse obnoxie: estque tuberculum quoddam exiguum cum vel sine inflammatione inter nares & majorem oculi canthum sive angulum obortum: hujus si debita non habeatur cura, in fistulam tandem ad ipsum os progredientem transire potest. Non verò est confundendus abscessus hic cum fistulâ lacrymali, nam licet haud rarò in fistulam degeneret, propriè tamen loquendo, Ægilops fistula non est, neque semper necessum est, ut in hanc abeat.

Causa verò est, quod Ægilops non citò satis aperiatur, vel quod post apertionem pus non liberè effluat, sed diutius retineatur, quo fit, ut in subjectas partes semper agens, easdem erodat, exedat & excavet.

Pro

Pro Ægilope in fistulam terminante *Petrus Forestus* tale Collyrium ordinat lib. 2. de Morb. Oculor. Obs. 15.

℞. Aloës, Myrrhæ, Croci āā. p. æq.

Infunde in Aquæ vitæ quinquies sexiesvè destillatæ f. q. per noctem & diem, postea

Cola, & Colaturæ adde Theriacæ opt. & Camphor. q. f. Misc. f. Collyrium.

Petrus Bayrus lib. 3. Pract. cap. 26. sequens Ophthalmicum commendat, quo non solum incipientes sed & disruptas ægilopas etiam præsentē malā intemperie, foramine etiam ad os pertingente unā cum inflatione brevi tempore curatas vidit.

℞. Mellis puri, Aloës Hepat. āā. ʒij. Myrrhæ ʒj. Croci ʒiʒ. Aq. ʒij.

Coq. lento igne ad consumptionem medietatis : in hac decoctione calente infundatur parva sponsia nova, quæ expressa & in subtili petiā benè mundā involuta desuper ligetur. Vid. etiam *Riverius* Pr. Med. T. 2. cap. 15.

Vopiscus Fortunatus Plempius Ophthalmograph. lib. 5. c. 17. Linimentum tradit quod *Chalmeton*, insignis Chirurgus velut præstantissimum habuit.

℞. Aq. Vitæ vel Vini opt. Mellis Rosar. Col. āā. ʒj. Myrrh. ʒij. M. f. Linimentum, quo manè & vesperi locus liniatur.

Ceratum ad Ægilopes perutile reperitur apud *Amatum Lusitanum* Myrrhæ additione clarum multisque laudibus conspicuum : Cent. 5, Curat. 68.

℞. Pulv. Testar. Cochlear. ʒij. Myrrh. Aloës lotæ, Thuris āā. ʒʒ. Opopan. Sarcocol. Sangu. Dracon. Cerussæ āā. ʒiij. Lap. Hæmatit. ʒiʒ. Croci ʒij. Cera & Resinæ āā. ʒiij. Misc. simul ad ignem f. a. & fiat Ceratum angulo oculi admovendum.

II. Epiphora est effluxus præternaturalis humoris tenuis, aquei, interdum & acris ac serosi per oculos, lacrymarum, speciem induens, undè etiam lacrymarum involuntariarum nomine venire solet.

Causa est humor excrementitius interdum aqueus, qui præter fluxionis molestiam nullum aliud incommodum adfert: Interdum verò aëris, salus & serosus, & tunc ardorem, ruborem, dolorem atque exulcerationem palpebris sæpius infert.

Huic molestiæ etiam Myrrha subvenit: hinc *Forestus* l. 2. obs. 2. de Morbis Oculorum, puellam novem annorum, cui ex uno oculo lacrymæ effluebant involuntariè, & quidem frigida nec oculum corroderent, universalibus præmissis tali Collyrio restituit:

℞. Aloës, Nuc. Cupress. Thuris, Mastich. Myrrhæ āā. ʒij. Tutia præparat. Sarcocol. nutritæ āā. ʒiʒ. Sangu. Dragon. Berber. Sumach, Rosar. r. āā. ʒj.

Pulverisentur tenuissimè & excipiantur Aquâ fœniculi, fiatque Collyrium.

Arnoldus Weickardus Thesaur. Pharmaceut. lib. I. c. 4. p. 76. Pulverem hunc in Epiphorâ salutariter adhibet:

℞. Vitrioli albi ʒʒ. Tutia ʒij. Pompholyg. Cerussæ, Cadmiæ Fossil. Coral. Matris Perlar. Cort. Myrobal. Citr. āā.

ʒiʒ. Aloës, Soccotr. Myrrhæ, Anrimonii āā. ʒj. Misc.

f. Pulvis subtilis. ponatur lentis instar in oculum.

III. Unguis, Panniculus, græcè *πλερύγιον* seu parva ala, est excrescentia sive membranula nervosa ac duriuscula, quæ à majori oculi cantho in annatâ tunicâ exoritur, adeò quidem interdum, ut pupillam obtegat. Membranula hæc, albicans plerumque est, interdum etiam rubicunda, flava & subnigra.

Generatur ex sanguine lento excrementitio, qui suprâ adnatam consistens ob viscositatem nullo negotio in tunicam con-

con-

concrefcit: eftque malum difficilis curationis & longum tempus requirit: nam remedia acria Ungui conterendæ neceffaria non nifi fenfim paulatimque adhiberi queunt propter exquisitum oculorum fenfum.

Topica fint exficcantia, & fi hæc parum juverint, ad ipfa erodentia, cautè tamen accedendum. Ad priora refertur fequens mixtura, quæ

R. Tutia ppt. Ceruffa lota aa. 3j. Offis Sepia ufta & lota 3ß. Sarcoc. Myrrh. Aloës, Sacch. Cand. aa. ʒiß. Fellis pifciũ ʒij.

Excipiantur melle & albumine ovi pro litu. vid. *Weickardus thef. pharm. l. 4. c. 4. p. 85.*

Si mitioribus Ungula non cefferit, ad validiora & quidem Corrodentia transeundũ: à *Petro Foresto* fequens proponitur:

R. Lap. Hæmatit. ʒij. Vitrioli albi, Virid. Aëris uftor. aa. ʒiij.

Myrrhæ, Croci aa. 3j. Piper. long. 3ß. Sacch. Candi 3ß.

Pulverifentur subtiliffimè ut alcohol, & hujus pulveris 3j. mifceatur ʒij. aquæ raphani, & applicetur bis tervè in die, prout æger tolerare poterit.

Antè ufum tamen horum remediorũ pars fovenda decocto emolliente, quod etiam poft illorum applicationẽ faciendũ ad mitigandum dolorem. *Riverius Med. Pract. T. 2. c. 18. p. 73.*

IV. Emphyfema inflatio eft & tumor palpebrarum latus ac œdematofus, indolens, à naturali colore non difcedens: ortum trahit ab humore ferofo ac aquofo. Occurrit in primis in morbis à ferosâ colluvie enatis, uti Cachexiâ, Hydrope &c.

Curatur in modum aliorum tumorum œdematoforum: Topica autem porius eligenda fpiffiora, nè in oculos defluant, noxamque inferant: undè Unguenta & Cataplafmata fatis accommodata habentur.

R. Galliar. vel Nuc. Cupreff. ʒij. Cumini ʒj. Aloës, Myrrhæ aa. ʒij. Croci ʒj. Fabar. 3j. Mell. Ros. col. q. f. f. Unguentum vel Emplaftrum fuprà palpebras oculis claufis imponendum. *Weickardus lib. 1. c. 4. p. 77.*

V. *Hordeolum* à grandine distinguendum : illud propriè dicitur tuberculum durum in superiore palpebrâ conspiciendum propè cilia, quod quandò ad suppurationem pervenit, grano hordei simile est, undè & nomen indeptum. χαλδæιον verò sive grando tuberculum rotundum est & translucidum huc & illuc mobile. Producit *Hordeolum* materia piritosa & crassa sanguini commixta.

Curatio instituenda uti in *Verrucarum* extirpatione : inter alia non rejiciendum *Oribasii* remedium, quod ita habet:

℞. *Thuris*, *Myrrhæ*, *Aloës* āā. ʒj. *Borrac.* *Ladani* in *Aceto* dissol. āā. ʒʒ. vel ʒij. *Ceræparum*: Misce cum *Oleo Lili*orum alborum.

Dn. D. Sennertus lib. 1. P. 3. S. 2. c. 4. p. m. 758. hoc linimento suppetias fert;

℞. *Thuris*, *Myrrhæ* aa. ʒij. *Ladani* ʒʒ. *Nicta*, *Ceræ*, *Aluminis* aa. ʒj. Fecum *Olei Lili*or. alb. q. s. f. *Linimentum*.

VI. *Phlyctena* affectiones sunt *Corneæ* & ad natæ tunice, suntque vesicæ parvæ seroque repletæ, bullis & vesiculis similes, haut rarò post variolas relicte.

Generantur potissimum ab humore acri tenui ac seroso in dictis tunicis collecto, easque distendente.

Curatio versatur in resolutione materiæ, omnibusque modis suppuratio prohibenda, quæ aliàs in ulcus degenerat. In principio hujus *Topica* usurpanda, quæ leniter repellant atq; discutiant: in progressu verò, & sedatâ, si adfuerit, inflammatione, magis exsiccantia & resolventia adhibenda; ubi conveniens erit remedium ex *Thure*, *Myrrhâ*, *Croco* & *Terrâ Sigillatâ* confectum.

VII. Nec ab *Ulceribus* oculi immunes sunt, sed & iis obnoxii redduntur, & quidem quoad tunicas: quamvis enim propriè *Ulcus* dicatur, quotiescunque in parte carnosâ continuitas solvitur & cum sanie est: nihilominus tamen & ulceris nomen-

nomenclaturâ venit, si cum ipsâ sanie in parte membranosa continui solutio contingat. Succedunt haut rarò ejusmodi exulcerationes Ophthalmiis, nonnunquam etiam pustulis in corneâ exortis. Exulceratio tunicæ adnatæ minus est periculosa, Corneæ verò periculo minimè caret, cum ut plurimum cœcitatem propter humoris aquei effusionem post se relinquat.

Curatio peragitur ad modum aliorum ulcerum: abstergentia nempè & exsiccantia in usum vocanda: utrique scopo Myrrha satisfacit aliis combinata: Hinc pro absterfione sequens valebit:

℞. Lactis humani vel vaccini ʒj. Sacch. Candi ʒiʒ. Myrrhæ ʒj. Misc.
Vel: ℞. Aloës ʒj. Myrrhæ ʒʒ. Mellis ʒj. Croci ʒj. Resin. Laric. q. s. Misce instar Linimenti.

Pro exsiccatione tale Collyrium parandum.

℞. Sangu. Dracon. ʒj. Aloës ʒj. Myrrhæ ʒʒ. Cort. Thuris ʒiʒ. Infus. Gum. Tragac. in Aq. Plantag. ʒʒ. Misc.

Si validius detergendum & exsiccandum sit, commendatur à *Riverio* Prax. Med. T. 2. cap. 11. p. 60. quod sequitur Collyrium.

℞. Sarcocol. nutritæ in Aq. Rosar. Cerussæ & Aloes lotæ, Myrrhæ, Tutia præparat. aa. ʒiʒ. Sacch. Cand. ʒj.

Cum Mucilagine Gum. Tragac. in Aq. Rosar. extr. fiat Collyrium, quo palpebræ illinantur.

Rhases ad carnem in ulceribus regenerandum, pupillæq; procidentiam præcavendam, cicatricesq; extergendas tali usus est ophthalmico.

℞. Tutia præparat. Pompholyg. Ceruss. lot. Antimonii, Thuris aa. ʒj. Myrrhæ ʒʒ. Sarcocol. ʒij. Aloës, Cinnab. Opii aa. ʒiʒ. Misc. pro Collyrio sicco.

In delendis cicatricibus sequens Pulvis fortior (si mitioribus non cesserint) describitur à *Francisco Joële* lib. 2. Pr. S. 1. p. 215.

R. Ossium Sepiæ pisc. Sarcocol. Rad. Aristoloch. rot. Myrrhæ, Spumæ vitri, Sacch. Cand. aa. ℥ij. Aeris usti & loti ℥j. Omnia tenuissimè contrita & in Pulverem redacta misceantur, oculisq; indantur.

CAPUT III.

Aurium Affectus, in quibus Myrrha viribus suis sese commendat, profert.

ARTICULUS I.

De

OTALGIA.

Proximi ad sapientiam janitores *Aures* licet admirabilem DEI in fabricâ organorum providentiam, naturæque in iisdem ordinandis solertiam comprobent, nihilo tamen minus quàm plurimis, iisque sat gravibus morborum expositæ sunt insultibus, ut de auditu modò imminuto, modò depravato, modò abolito conquerantur miselli: alii Tinnitu molestantur: alii dolore gravi detineantur, qui agmen ducit: fit ergò considerationis nostræ primò OTALGIA, dolor scilicet aurium acutior atque intensior, malum sanè non leve ac parvi faciendum, cùm interdum solus mortem intulerit, aut alios gravissimos cerebri affectus, attestantibus observationibus, produxerit: dolor namque aurium citius quàm oculorum, cerebrum in consensum trahit.

Maturè itaque illi succurrendum, purgatoque corpore ac capite ad localia talia progressus instituendus, quæ dolorem mitigandi facultate sunt prædita: in quorum tamen administratione probè tenendum, quod *Galenus* præcipit lib. 3. de Comp. Med. sec. loc. cap. 1. scilicet, ut auris inflammatione

affe-

affecta non attingatur, sed medicamenta in eam instillantur per auricularium specillum lanâ mollissimâ obvolutum, & in iis intinctum: cum æger interrogetur, num medicamentum tepidum ei videatur, & num calidius ipsum ferre possit, & ad tantam caliditatem procedatur, ut nihil amplius offendat. Tinctum itaque pharmaco specillum ad principium, meatus auditorii moderatè imponendum est, ut ex eo in altum medicamentum defluat, idque toties iterandum, donec meatus impleatur; mox lana eodem medicamento imbuta, tum auri universæ imponenda est.

Fomentatio sequentibus instituatur cum spongiâ pro aure exteriori.

℞ Fol. Melilot. Foenigr. Chamæm. Sambuci aa. M. j. Myrrhæ, Croci aa. ʒiʒ. Aq. Chamæmel. ℥. iv. Aceti ʒij. Bulliant.

Arnoldus Weickardus Thes. Pharm. lib. 1. cap. 5. p. 100. uti & *Riverius* T. 2. cap. 3. p. 97. anodynum tale suggerunt:

℞ Ol. Amygdal. dulc. ʒij. Succ. Malvæ ʒʒ. Myrrhæ ʒʒ. Croci ʒʒ. Misc.

Si dolor sit contumacior, addi possunt grana iij. vel iv. Opii: cautè tam procedendo.

Si dolor ab inflammatione dependeat, & suppuratio enata sit, ut ulcus à puris acrimoniâ generatum fuerit, peculiaris adhibenda curatio, & topica abstergentia ac exsiccantia usurpanda, à mitioribus ad validiora progrediendo. Si potentius consideretur topicum pro deterfione & exsiccatione, non inconueniens erit, quod tradit *Riverius* locò allegatò:

℞ Succ. Cyclam. ʒj. Myrrhæ ʒj. Croci ʒʒ. Thuris ʒj. Viridis Æris ʒʒ. Vini antiqui ʒiʒ.

Bulliant leniter ad vini consumptionem liquor bis aut ter in die infundatur.

ARTICULUS II.

De

SURDITATE & AUDIENDI
DIFFICULTATE.

Surditas & auditus gravitas sive difficultas tantum secundum magis & minus differunt, sive ratione magnitudinis aut vehementiæ causarum: in illâ namque auditus omninò aboletur, ut nullum planè ægri sonum percipiant, aut si aliquem percipiant, differentias tamen distinguere non valeant: in gravi verò auditu sonus ægrè percipitur, nec loquentes intelligi queunt, nisi altâ voce clamitent. Hòc vitio laborantes Surdaſtri appellantur.

Causæ verò surditatis & gravis auditus quærendæ sunt in organi, Spirituum animalium, ac nervi auditorii vitio prævâque dispositione: de quibus fusius Practici tractant: nobis nôsse sufficit hîc promptitudinem nostræ salutiferæ Myrrhæ, quam in profligandâ hâc aurium molestiâ offert: hinc præstitis præstandis, quandò ad externa remedia deveniunt, gaudet hæc adsociari aliis usu comprobatis. Cùm verò in aurium passionibus injectiones, fomentationes & evaporationes in easdem institui soleant, congruum erit oppidò sequens vaporarium, inprimis quandò à compactâ quâdam materia malum fovetur.

℞. Herb. Origani, Majoranæ, Serpilli, Tanaceti, Rutæ, Absinthii, Malvæ, Althææ aa. M. j. Rosmar. P. ij. fl. Rosar. rubr. Lavend. Salviæ, Stoechad. Arab. Chamæmel. Rom. aa. P. j. Bacc. Lauri ʒiʒ. Junip. ʒj. Myrrh. ʒij.

Incisa & contusa coquantur ex aquæ & vini albi æqualibus partibus: Colatura fervetur pro evaporatione seu suffitu, qui excipiat in auris meatum per infundibulum: quod dum ab ægro fit, pisa aliquot in ore teneat æger & mastice, ut patente ita meatu auditoriò vapor melius penetret.

ARTI.

ARTICULUS III.

De

TINNITU, SONITU,
SIBILO.

Affectus hi ejusdem sunt farinae, depravata scilicet auditio propter internum sonum in ipsis auribus p. n. excitatum & perceptum. In denominando subjecto Authores discrepant: nobis arridet illorum opinio, qui eam partem constituunt subjectum p. n. sive depravati, quæ est subjectum auditus secundum naturam se habentis: jam verò præcipuum auditus subjectum seu pars est cochlea illa intima cum labyrintho reliquo, ac potissimum ipsius cochleæ fundus ob appellentem illuc nervum, qui soni impressionem in cerebrum referre potest, & nervus acusticus sive auditorius rectè vocatur. Ejusmodi verò tinnitus, sibilus atque strepitus excitatur à vaporibus sive flatibus sylvestribus in parte læsâ genitis vel aliundè transmissis, congenitum aurium aërem agitantibus ac impellentibus.

Helmontius causarum classi adscribit archæum aurium ad fabricam tinnitus insurgentem, præsertim causis occasionalibus, vel etiam non transmissâ causâ, sed solùm per actionem regiminis, cum scilicet Spiritus innatus auditorius sive archæus tali pacto afficiatur, ut robur, quod consistit in rectâ actione horum Spirituum, & bonâ activitate fermentorum perdatur, undè postmodum digestio læditur, ex quâ producta oriuntur, quæ causæ sunt occasionales variorum affectuum. Vid. *Grembs* l. 2. c. 1. §. 11.

Topica hîc utramque faciunt paginam, quæ vel auribus instillantur, vel ipsis tantùm apponuntur, vel sub formâ vaporum ab auribus excipiuntur. Suffumigium tale si adhibeatur, levamen sentietur præsentaneum:

R. Myr-

R. Myrrhæ ʒiſſ. Thuris, Maſtich. aa. ʒj. Fl. Benz. ʒſſ. Succini ʒj. Styrac. calam. ʒij. Miſc. f. Pulvis pro fumo mediante tritorio ab auribus excipiendo.

Horſtius hunc Pulverem in vino coquendum commendat, ita ut Colatura ejus calida auribus frequenter inſtilletur.

R. Caſtor. ʒiſſ. Olibani, Myrrhæ aa. ʒſſ. Rad. Afari ʒj. Miſc. fiat Pulvis groſſus & in vino coctus adhibeatur dicto jam modo.

CAPUT IV.

Myrrhæ effectus in Narium affectibus declarat.

ARTICULUS I.

De

HÆMORRHAGIA NARIUM.

Nasus totius faciei ornamentum tam internis quam externis vitiis afficitur, inter quæ non ultima tenet ſubſellia Hæmorrhagia ſivè ſanguinis immodica & præternaturalis è naribus per venas & arterias carotidas effuſio: qui effluxus nonnunquam adeò enormis eſſe ſolet, ut viribus proſtratis nulla vel exigua ſpes ſalutis ſuperſtes eſſe videatur: ſanguis quippè optimus vitæ noſtræ theſaurus deperditur, & cum eo Spiritus vitales diſſipantur, quia ſanguis arterioſus frequentius effluit, id quod ſatis patet ex colore & exeundi modo: floridus namque ut plurimum eſt atque ſpumofus, nec rivuloſè ſed ſalutoſè & cum impetu exilit.

Cauſa eſt ſanguinis maximè bilioſi ſalinis atomis permixti naturamque irritantis acrimonia & abundantia, quæ motu præci-

præcipiti pulsionis ex arteriis minoribus in majores & spon-
giosas narium carnes defertur: accedat autem, necesse est sin-
gularis quædam segregatio ac fermentatio, quæ ebulliendo
orificia vasorum adaperiat, sanguinisque effluxui ansam sub-
ministret.

In Curatione locum præ aliis remediorum formulis me-
rentur Anacollemata fronti temporibusq; applicanda ad san-
guinem effluentem repellendum: v. gr.

℞. Sangu. Dracon. Boli Armen. Thur. Mastich. Myrrh.
Farinæ volatil. Leporinorum Pilorum minutim inciso-
rum aa. 3j. Album. Ovi j. Succ. Plantag. & Portul.
aa. q. s.

Fiat Cataplasma fronti ac temporibus admovendum: vel
fiat ex gossypio turunda auribus immittenda.

D. Sennertus Med. Pr. l. 1. P. 3. S. 4. c. 8. Pulverem habet
talem, de quo aliquid Aquis refrigerantibus & adstringentibus
inspergit, ac spongia his imbuta leniterq; expressa fronti atque
temporibus applicat.

℞. Myrrhæ, Thuris, Sarcocol. aa. 3ij. Boli Armen. Terræ
sigillat. aa. 3iβ. Acaciæ, Hypocistid. aa. 3iij.
Terantur in pulverem.

ARTICULUS II.

De

POLYPO.

NOmen accepit deformitas hæc à Polypo pisce, multos
pedes atque propagines habente, molli atque laxo:
excrecentia hæc in naribus carnosâ ex radicibus qui-
busdam tenuibus pender ad labra, & modò narium
ossi inhæret, modò in palatum descendit, ita ut homini stran-
gulationis metum haud rarò incutiat: malum est foedum at-

Dec. II, Annus VI.

aa

que

que molestum, dum narem obstruendo respirationem intercipit, loquelæq; obstaculo est.

Arabes Polypum Rhagadum & Hæmorrhoidum nomine insigniunt, quod scilicet excreſcentiæ illæ longæ in naribus inſtar Hæmorrhoidum ani ſint.

Topica adminiſtranda hîc veniunt, quæ exſiccandi virtute pollent, ubi formam Pulveris omnium eſt convenientiſſima: ſequentem ſubtiliſſimè tritum Polypoq; adſpergendum ſuppeditat *Weickardus* l. i. c. 6. p. 109.

℞. Vitrioli ʒʒ. Aluminis ʒij. Cort. Granat. Gallar. āā. ʒj. Myrrh. Ariſtoloſch. rot. āā. ʒiʒ. Pulverifentur ſubtiliſſimè.

Vel de Unguento cum petiâ linteoli aliquid naribus intrudatur, & quidem, ubi inter Polypum & nares adhuc aditus patet, bis in die repetendo.

℞. Unguent. Ægypt. ʒʒ. Cort. Granat. Gallar. Myrrhæ āā. ʒj. Ol. Vitrioli ʒʒ. Miſc.

Marquardus Pr. Med. lib. i. cap. 23. ad humiditas excreſcentias ejusmodi tale Unguentum proponit:

℞. Myrrhæ, Maſtich. Thuris āā. ʒiʒ. Plumbi uſti, Ceruſſæ lotæ, Lithargyr. Sangu. Dracon. Aluminis uſti āā. ʒj. Balauſt. ʒʒ. Ol. Roſar. Ceræ q. ſ. Miſc. fiat Unguentum.

Ad ſiccitas ſequenti utitur:

℞. Ol. Amygdal. d. Roſar. āā. ʒʒ. de Papav. ʒij. Pingued. Gallin. Anat. aa. ʒiij. Butyri non ſaliti ʒʒ. Thuris, Myrrhæ, Sanguinis Drac. aa. ʒiʒ. Farinæ Hordei q. ſ. Miſc. fiat Unguentum.

ARTICULUS III.

De

OZOENIS.

OZoena ulcus est naribus proprium, vetustum, putridum & profundum, à tetro quem spirat odore nomen adeptum, lue Gallicâ foedatis non infrequens. Provenit ab humore acri & putrido, interdum etiam maligno: hinc sanies putrida ex naribus emanat, ægro & adstantibus graveolentiâ suâ molestissima.

In ejusmodi Ulceribus post sufficientem deterfionem nihil efficacius judicat *Rondeletius* Pract. lib. 1. cap. 65. sequenti suffumigio, quod partes illas profundas attingit & exsiccat: paratur autem ita:

℞. Ladani puri, Hypocistid. Mastich. Myrrhæ aa. ʒiij. Styrac. rubr. & calamit. Cortic. Thuris, Sandarach. Auripigment. aa. ʒij.

Excipiantur omnia Terebinthinâ & fiant Trochisci, quibus suffiatur æger serò & manè in cubiculo. Nec inutiles erunt hoc modo confecti:

℞. Gum. Sandarach. Arab. Myrrh. aa. ʒiij. Olibani, Mastich. aa. ʒiij. Ladani ʒij. cum s. q. Terebinth. formantur Trochisci pro suffitu.

Ad exsiccandam capitis humiditatem tanquam causam malum foventem *Alexander Trallianus* l. 3. c. 8. raso capiti sequentia imponit.

℞. Myrrhæ, Thuris aa. ʒij. Cochlear. integrarum n. v. additâ s. q. Cerae & Album. Ovor. duorum cum linteo capiti inducantur diebus novem continuis.

ARTICULUS IV.

De

FOETORE NARIUM.

ORitur graveolentia hæc ex vaporibus putridis vel in ipsis naribus congestis, uti in Ozœnâ vel Polypô, quando nimirum putredo accessit: vel ad nares transmissis ex humoribus putridis in ipso cerebro vel circa processus mamillares aut os cribrosum hærentibus. Corpore itaq; ab excrementitiâ vitiosorum humorum saburrâ decenter repurgato, Errhina abstergentia & materiam conjunctam educentia seligenda.

℞. Rad. Cyperi, Calami Aromatici, aa. ʒʒ. Flor. Rosar. r.
P. j. Myrrhæ ʒij.

Cocq. cum Vīno albo pro Errhino. *Riverius* Pr. Med. T. 2.
c. 4. p. 114.

Sennertus Med. Pr. l. 1. P. 3. S. 4. cap. 7. p. 943. administratis universalibus & particularibus evacuationibus talia adhibere jubet, quæ abstergunt, quicquid humoris corrupti naribus inhæreat, & quæ suavem odorem concilient: id quod præter alia & Myrrha effectum dat: hinc exempli vice hocce proponit Linimentum.

℞. Myrrhæ, Cinam. aa. ʒj. Flor. Rosar. siccar. ʒʒ. Excipiantur Melle despumato & fiat Linimentum.



CAPUT V.

Myrrham in vitiis Oris, Labiorum, Gingivarum, Dentium ac Linguae opem promittere ostendit.

ARTICULUS I.

De

FOETORE ORIS.

Fœtor hic valdè differt à fœtore narium: nam hic ex naribus tantum exhalat, ille verò ex variis partibus prodit, utpotè ventriculo, pulmonibus, faucibus exulceratis, gingivis putridis aut dentibus ipsis. Quando enim multæ cruditates in ventriculo congeruntur, in eoque corrumpuntur, tetræ ac fœtidæ exhalationes superiora versus emittuntur: idem contingit, si in pulmonibus vitium aliquod hæreat: v. gr. phthisi correptis: in stomacace eadem molestia gravis est ob gingivarum putredinem & sanguinolentiam, de quâ postea.

Quia verò affectus est turpis ac abominabilis imò intolerabilis, omnis danda opera, ut tollatur, ubi remotis causis, inter alia ad ea progrediendum, quæ suavem halitum conciliare possunt. Quando itaque fœtor ab aliquo dentium vitio oriatur, dentifricius pulvis, quem describit *Grulinius* l. i. Med. Pract. P. 4. cap. 11. utilis erit:

℞. Lap. Pumic. subtiliss. pulveris. ʒj. Pulv. Ireos ʒiij. Galliæ Mosch. veræ ʒj. Ol. Rosar. Rosmar. Salviæ, Cinam. aa. guttas vj. Silicum fluviat. alb. calcinat. & pulverisat. ʒiv. Panis Siliginei, Furfurum tost. pulverisat. & cribrat. ʒij. Cinerum Rosmar. Salviæ, Junip. Tabac. aa. ʒiʒ. Mastich. Olibani, Sangu. Dracon. aa. ʒj. Myrrhæ, Aluminis Rochæ aa. ʒiʒ. Misc. S. Zahnpulver.

ARTICULUS II.

De

FISSURIS LABIORUM.

Labia cum sint corpora tenera atque mollia, facile tam à causis externis, ventis videlicet ac frigore, quam internis, vitiosis nempe humoribus atque vaporibus damnum sæpius patiuntur, ubi fissuræ & scissuræ præ aliis sese offerre solent.

In curatione harum fissurarum non omittenda Myrrha, nam & hæc suam confert opem: unde *Hieronymus Capivaccius* unguenti mentionem facit *Laurentii Lazarii*, Medici & Chirurghi quondam celebris, quod in labiorum pustulis, decorticatione & fissuris medentem sine optato beet: ita verò præparatur:

℞. Lithargyr. Argent. Plumbi usti āā. ʒj. Myrrhæ, Aloës, Tutia præparat. āā. ʒij. Pingued. Vituli ʒj. Succu Solani, Plantag. Vini Granat. āā. ʒʒ.

Bulliant omnia ad Succorum consumptionem deinde colentur, quibus adde Cerae albæ q. s. ac reliqua omnia in tenuissimum pollinem redacta atque per pannum transmissa adde, fiatque Unguentum in mortario plumbeo reformatum, quo panni linei subtilissimi imbuti parti affectæ applicandi & bis in die permutandi.

Quando fissuræ contigerunt à causâ frigidâ *Hieronymus Mercurialis* lib. I. de morbis puerorum cap. 6. p. 40. Linimentum tale adhibet.

℞. Tragacanth. ʒiij. Mastich. ʒij. Myrrhæ ʒj. Cum Succo Granat. q. s. fiat molle Linimentum.

ARTICULUS III

De

GINGIVIS LAXIS, TUMIDIS ET SANGUINOLENTIS.

Gingivæ variis exponuntur incommodis: nam interdum caro ipsarum luxuriat & augetur, interdum flaccescunt, laxæ & sanguifluæ redduntur: modò inflammantur, modò ulcera patiuntur, nonnunquam etiam planè absumuntur, ut denudati dentes appareant: frequentissimum verò ex hisce malis solet esse laxitas, flacciditas & sanguinolentia, affectiones scorbuticorum admodum familiares sub nomine *Scorbuticus* sive scorbuti oris venientes: Notum namque est, Scorbutum Proteum illum morborum quàm plurimis stipatum esse Symptomatibus, inter quæ non postrema hæc cè gingivarum fœditas: Nostratibus vocatur *die Mundsaule*.

Notandum verò hic, Salivam variis modis affectam etiam oris partes, & præprimis gingivas variè alterare posse, si eadem contagio Scorbutico sit conspurcata: nam nec ipsa sanguinea massa ab ejusmodi contagio immunis est: quâ ratione verò materia Salivæ vitium contrahat, apud Neotericos passim legere est.

Succurrendum itaque gingivis taliter afflictis maturè, si enim curatio protrahatur, malum incrementum capit, gingivæque indies corrumpuntur, imò etiam accidit, ut non solum palati nasique ossa corrochantur, sed & cariem ulcerosam contrahant, ipsaque tandem gangræna colophonem malo imponat.

Curatio universaliter ad Scorbutum, utpotè prolis hujus genitorem, dirigenda: particulari verò curâ gingivis subveniendum. Hic non parum operabuntur medicamenta in formâ Collutionum, lituum atque gargarismatum exhibita, quibus

quibus Myrrha ob insignem exsiccandi, adstringendi ac putredini resistendi facultatem, semper erit adjungenda. Instituaturs itaque ejusmodi oris collutio:

℞. Rad. Tormentil. ʒij. Aristoloch. rot. ʒj. Fl. Rosar. Rubrarum: Plantag. Rosmar. aa. Pj. Balauft. Sumach aa. ʒiv. Mastich. Olibani aa. ʒj. Myrrhæ el. ʒiʒ. Aluminis Rochæ ʒj.

Incisa & contusa bulliant in Aq. Font. ℥j. usque ad tertiæ partis consumptionem: cola & exprime. S. Mundwasser zu dem bösen Zahnfleisch.

Quandò gingivæ putrescere incipiunt atque consumi, sequens adhibeatur Pulvis:

℞. Rad. Consolid. Cap. Gland. aa. ʒj: Thuris, Myrrhæ aa. ʒiʒ. Chalcitid. ust. ʒj. Vitrioli albi ʒiʒ. Misc.

Forestus sequenti utitur:

℞. Fol. Plantag. Agrimon. Fl. Rosar. rubr. āā. Mʒ. Rad. Bistort. Aristoloch. rot. āā. ʒij. Iridis ʒj. Myrrhæ ʒij. Aluminis crudi ʒj.

Coq. in Vini stiptici ℥ij. ad dimidium: cola: adde Mellis Rosar. Diamor. āā. ʒj. Misc.

Vel illinantur Gingivæ tali linimento:

℞. Mellis Rosar. col. ʒiʒ. Pulv. Sem. Aquileg. Nuc. Mosch. Aluminis usti, Myrrhæ, Mastich. Thuris āā. ʒj. Misc.

℞. Herb. Salviæ, Aquileg. Flor. Malvæ arbor. āā. ʒiʒ. Myrrhæ, Nuc. Mosch. Theriac. āā. ʒj. Alum. ust. ʒiʒ. Mellis q. s. S. Mundsalbtein.

ARTICULUS IV.

De

GINGIVARUM LUXURIE seu EX-
CRESCENTIA.

Accidit quoque, ut Gingivarum caro adeò augmentum capiat atque luxuriet, ut ipsi dentes superincarnentur (si ita loqui liceat) malum etiam est Scorbuticos interdum affligens: origo adscribenda Sanguini vitioso, Seroso, Scorbutico copiosius ad Gingivas confluenti.

Aëtius hic commendat Linimentum ex Aluminis usti, Thuris ac Myrrhæ æqualibus partibus concinnatum.

Sennertus multo usu sequens compertum reliquit lib. 2.

p. 1. c. 16. p. 52.

℞. Pulv. Fol. Aquileg. Salviæ, Menthæ crispæ, Nuc. Mosch. āā. ʒʒ. (nonnulli Myrrhæ & Rutæ tantundem addunt)
Alum. usti ʒj. Mellis puriss. ʒiv. vel q. s.

Mel leni igne despumetur: despumato atque calenti pulveres inspergantur. Misc. fiat Linimentum pro Gingivis.

ARTICULUS V.

De

CARNIS GINGIVARUM CON-
SUMPTIONE.

Contrarium contingit hoc in affectu, in quo Gingivæ adeò carne privantur, ut dentes nudi hæreant, ac tandem laxari vacillareque incipiant: Causa est humor pravus & acris Gingivarum carnem depascens: Carnis itaque regenerationi procurandæ studendum. Huic scopo inservient sequentia à Celeberrimo *Sennerto*, proposita: & primò quidem Linimentum pro Gingivis illinendis:

Dec. II. Annus VI.

bb

℞. Mel-

℞. Mellis Rosat. col. ʒj. Pulv. Mastich. Myrrhæ, Thuris, Nucis Mosch. āā. ʒj. Miscē.

Deindè Pulvis, de quo aliquid in Aquâ Foliorum Quercus ebulliat, decoctoque os colluatur.

℞. Rad. Cyperi ʒij. Aristoloch. rot. Sarcocol. aa. ʒiʒ. Myrrhæ ʒj. Rad. Ireos, Terræ Sigillat. Rasur. C. C. aa. ʒiʒ. Fol. Myrti, Flor. Rosar. r. aa. P. j. Sandal. alb. rubr. aa. ʒiʒ. Aluminis usti, Balaustior. aa. ʒij. Misc. fiat Pulvis.

ARTICULUS VI.

De

DENTIUM MOBILITATE, VACILLATIONE, NIGREDINE ET CARIE.

Nonnunquam Dentes firmitatem suam amittunt, mobilesque fiunt in suis alveolis atque vacillant, ob nervulorum ac ligamentorum, quibus gingivis connectuntur, resolutionem & relaxationem, quæ induci possunt vel violenter per concussionem, vel à fumis, vaporibusque dentibus singulariter infectis, quales emittit Argentum vivum: humores quoque putridi in culpâ interdum sunt præsertim Scorbuticâ lue infectis.

Reinerus Solenander Conf. 24. S. 3. sequens tanquam mire & paratu facile præscribit, quod multis profuit dentes vacillantes habentibus:

℞. Myrrhæ quantum vis, incoque Vino rubello, & addito Oleo Olivarum dentes atque gingivas fove: firmat hoc dentes, confortat, & nè corrodantur aut dissiliant, præcavet.

Alii hunc Pulverem laudant, quo dentes gingivæque leviter fricandæ.

℞. Gallæ coctæ in Aceto ad Aceti consumptionem & exsiccatæ ʒij. Malicorij, Myrrh. Aluminis usti C. C. ust. aa. ʒiʒ. f. Pulvis.

Qui-

Quidam dentes gingivasque decocto tali fovant:

℞. Gallar. 3ij. Myrrh. 3j. Malicor. Rad. Ireos aa. ʒj. Rad. Cyperi, Alum. aa. ʒj. C.C. uft. ʒß. Aceti q. f. Coq.

Aquam pro firmandis dentibus, quam & Myrrha nobilitat, vide sis apud *Sennertum* l. 2. P. 1. cap. 10. p. m. 31.

Nigredo dentium sæpius via est ad corruptionem aliaq; vitia graviora: oritur autem ab humoribus excrementitiis in illorum superficie hærentibus, & potissimum neglectæ for-
dium expurgationi fœditas hæc tribuenda in correctione lo-
cum inveniunt dentifricia ex iis confecta, quæ sordes abster-
gere queunt.

Alexander Massaria lib. 1. Med. Pr. cap. 34. pag. 178. tale parat:

℞. Menthæ siccæ: Aristoloch. rot. Irid. C. C. uft. Rasur. E-
bor. Corallor. aa. 3ij. Salis communis usti, Aluminis scif-
filis, Porcellan. Pumic. Testæ Sepiæ, Nitri aa. 3j. Piper.
Pyrethri aa. 3iij. Ligni Aloës, Cinam. Myrrhæ, Cary-
ophyl. aa. ʒiß. Mosch. Ambr. aa. gr. xv. Misc. fiat Pulvis.

Franciscus Joël l. 2. S. 6. p. 247. adhibet hoc:

℞. Alum. usti, Myrrh. Mastich. aa. ʒiß. C.C. usti 3j. Te-
star. Ovor. ustar. ʒiß. Pulverentur subtiliss. & com-
misceantur cum s. q. Oxymel. squillit. f. Linimentum.

Dentium deniq; Corrosio, Caries & excavatio non præ-
termittenda, quæ potissimum molaribus accidere solet, tum
quia nudi sunt, tum quod ex continuâ contritione alimen-
torum ejus interstitiis & cavitatibus reliquiæ ciborum inhære-
ant. Causæ sunt putres & corrosivi humores ex corruptis ali-
mentorum reliquiis ad radices dentium decumbentibus ori-
undi.

Remotio ergò causarum promovenda, & ad cohibendam
erosionem animus adplicandus, ubi *Trallianus* remedio Myr-
rhâ vigorato, tanquam experimento certo, succurrere anniti-
tur tali:

℞. Opii Thebaici ℥j. Myrrh. Styrac. Calam. aa. 3℔. Pip. albi
Crocī, Galbani aa. ℥j.

Ex omnibus his contusis cum melle scyllitico formentur
Globuli pro cavitatis dentium capacitate & imponantur per
noctem.

D. *Sennertus* l. 2. P. 1. c. 10. p. m. 26. in dentium erosio-
ne, præsentē simul fœtore, massam hanc commendat, de quā
aliquid cavo dentis indatur:

℞. Myrrhæ, Mastich. Corallor. r. Rosmar. Ireos aa. 3j. Ce-
ræ q. s. pro incorporatione: fiat Massa.

Vel: ℞. Pulv. Mastich. 3℔. Corall. r. ℥j. Myrrhæ rubr. 3℔. f.
Pulvis, quo cavitas dentis implenda.

Linimentum idem subjungit, quo quotidie dentes pu-
tridos carieque exesos fricare jubet.

℞. Pulv. Myrrhæ ℥ij. Gum. Junip. ℥j. Aluminis 3℔. Cum
Mellis q. s. fiat Linimentum.

ARTICULUS VII.

De

ODONTALGIA sive DOLORE DENTIUM.

Dentes quamvis sint ossēi, ossa verò dolorum expertia
censeantur, nihilominus tamen suos patiuntur ma-
nes, cum præ reliquis ossibus hoc obtineant peculia-
re, ut sensus & sic etiam dolor ipsis attribuat, quia
illorum cavitas tenuissimâ succingitur membranulâ exquisi-
tum sensum habente, quæ si vitiosum aliquem succum im-
biberit, dolor indè emergit satis gravis atque crudelis, adeò
ut verè scripserit *Celsus*, istum maximis tormentis posse an-
numerari.

Causa

Causa immanis huius doloris potissimum est humor quidam falsus, serosus, acris, qui vel in maxillæ membranæ, vel in dentium nervum, vel etiam in propriam dentium substantiam decumbit, si cum *Galeno* §. de Comp. Med. §. Loc. cap. 8. & 16. de U. P. cap 2. Dentes in propriâ substantiâ seu in corpore sentire statuamus. Vermes etiam quandoque intrâ dentes nascuntur, qui corrodendo dolorem excitant.

In Curandis & tollendis ejusmodi cruciatibus deses non est Myrrha, sed & hic adjuvare studet, inprimis quod Topica concernit, quibus adsociari gestit. Quando itaque Odontalgia à vermibus exorta putetur, quod ex dolore continuo & remisso cum pruritu ac titillatione liquet, tunc opera sedulo impendenda, ut educantur: Inter alia scopo huic faventia remedia non contemnendum, si foramen dentis repleatur Aloë & Myrrhâ, quibus statim ob amaritiem interficiuntur.

Si dolor ex corrosione & putrefactione ortum traxerit, ponatur suprà locum corrosum itidem Myrrha.

Pro oris Collutione adhibeatur sequens:

℞. Herb. Verben. Mß. Salviæ, Serpilli, Origani, Majoranæ aa. Pj. Sem. Papav. albi ʒij. Rad. Lapath. ac. Plantag. aa. ʒß. Pyrethri ʒij. Camphor. Caryophyll. Myrrhæ el. aa. ʒiß.

Incisa atque confusa coquantur in Vino rubro: Colatura usurpetur pro eluendo ore.



CAPUT VI.

Myrrhæ facultates in Affectibus Linguae,
Tonsillarum, Columellæ Fauciumq;
ostendit.

ARTICULUS I.

De

LINGUÆ NIGREDINE ET AD-
USTIONE.

IN Febribus ardentibus atque malignis linguæ vitium fre-
quenter contingit, quod adustionem vocare licet, quan-
dò nempè pumiceum & ad nigrum fermè accedentem co-
lorem lingua induit, & satis grave periculosumque malum
est, cum & deglutitionem & respirationem impediat, loque-
lamque difficilem reddat.

Non parum hic auxilii adfert apertio venarum ranina-
rum sive sublingualium derivationis gratiâ administrata: post
hanc in Topicorum congruorum legitimâ adhibitione mul-
tum solatii ponendum, præsertim in iis, quæ sociam agno-
scunt Myrrham: quare non contemnendum à *Weickardo*
Thesaur. Pharmac. c. 7. p. 126. adductum remedium exter-
num, oris nempè collutio tepidè instituta:

℞. Prunel. Mij. Cruciat. Ligustr. Senecion. Aquileg. Plan-
tag. Salviæ, Geranii āā. Mj. Flor. Rosar. Mß. Myrrhæ
ʒij. Croci & Aluminis parum, Mellis ʒij.

Coq. in Aq. & Vini austeri q. s. Colatura servetur ad u-
sum.

ARTICULUS II

De

APHTHIS.

Malum hoc proprium est infantibus puerulisque lactentibus, raro adulti eo vexari solent: sunt verò Aphthæ interna oris occupantia ulcuscula superficialia, non linguam solum sed & palatum, gingivas ac labia afficientia: origo mali ut plurimum lac nutricis vitiosum aut ab ipso infante non probè digestum, hinc acrimonia ac aciditate suâ partes oris teneras ac molliores exulcerat. In adultioribus causarum rationem adsumunt humores acres, ferofi & acidi, in malsâ sanguineâ abundantes & ad supernas partes translati.

Quò verò Curatio eò feliciter succedat, antè omnia lactis vitium corrigendum, quippè quod acredine atque aciditate suâ molestias has infert: nutrix itaque purganda, bonaque diætâ præscribenda: infanti verò linctibus aliisque modis auxilium ferendum per talia, quæ abstergerendi, absorbendi, discutendi, & nonnihil adstringendi virtute prædita sunt, quibus & Myrrha felici manu addenda.

℞. Rob Diamor. Sir. Violar. purp. aa. ʒʒ. Mellis Rosati ʒij. Aq. Plantag. Fl. Ligustr. aa. ʒij. Myrrhæ el. pulverisat. ʒʒ. Misce pro Linctu.

Adultioribus Gargarismata conveniunt, aliaque medicamenta stomatica, & initio quidem moderatè adstringentia & exsiccantia: in progressu verò ea admiscenda, quæ adstringendo discutiant, quibus semper adjicienda Myrrha.

ARTICULUS III.

De

GURGULIONIS CASU & LAXATIONE.

Gurgulio, Uvula, Columella, Epiglottis apud Practicos unum idemque denotant, partem scilicet illam oris, quæ figurâ columnam refert: est etenim Uvula sive Gurgulio particula illa carnosâ, quæ media inter Tonsillas à palato in os propender ob vocis modulationem potissimum fabrefacta, undè & ab *Ætio* plectrum vocis appellatur. Particula hæc etiam suos patitur manes: nam interdum inflammationem subit, interdum tumet & prolongatur, ut deglutiendi difficultatem inducat, & suffocationis periculum minetur. Exempla miræ ejusmodi laxitatis ac prolongationis videre licet apud *Marcellum Donatum* de Hist. Med. Mirab. l. 3. c. 3. *Aretæum* i. de Caus. acutor. c. 8.

Topica hoc in casu debent esse adstringentia ac repellentia, deinceps etiam nonnihil discutientia & exsiccantia, quæ vigorem acquirerent Myrrhæ admistione. Agendum verò hic gargarismis, oris collutionibus & linctibus; formæ namque hæ videntur omnium commodissimæ. Sunt equidem, qui gargarismorum usum non adeò tutum judicant, eò quod humores magis magisque attrahant; ast non videtur ipsis locus planè denegandus, cum sæpius utiliter fuerint adhibiti.

Alexander Massaria lib. i. Med. Pr. c. 37. sequentem proponit Gargarismum adstringentem ac discutientem:

℞. Puleg. Origan. Hyssop. Calaminth. aa. Mß. Spicæ Nardi, Cinam. aa. ʒiß. f. Decoctio; hujus recipe ʒj. Myrrhæ ʒj. Croci gr. v. Misc.

Sebastianus Cortilio Pr. lib. i. c. 6. p. 543. tali utitur Gargarismate:

℞. Ro-

R. Rosar. rubr. Gallar. Aluminis Rochæ, Myrrhæ, Thuris aa. 3ij.

Misc. Bulliant in Aquæ t̄bv. ad consumptionem t̄ij. Colaturæ adde Aceti vel Sirupi Ribium, Vini granat. vel Diamori 3viiij. Misc.

Nonnulli Pulveres etiam adstringentes usurpant subtilissimè tritos, de quibus in parvo cochleari vel instrumento, quod ab uvâ attollendâ Staphyleparton vocant, vel suprà spatulam atq; priùs depressâ linguâ in fauces aliquid immittunt, ut iis Uvula tangatur.

Aëtius in valdè laxatâ & tumente Columellâ Pulverem hunc salubrem prædicat:

R. Piper. Myrrhæ aa. 3j. Aluminis scissilis, Gallar. aa. 3ij. Conterantur subtiliter & admoveantur.

Alexander Massaria l. c. ita procedit:

R. Rosar. rubr. siccar. 3ij. Gallar. Balauſtior. aa. 3j. Piper. Cinam. Myrrhæ aa. 3ß. Misc. Contund. & fiat Pulvis subtilissimus.

Arnoldus Weickardus Thesaur. Pharmac. c. 7. p. 129. Uvulæ hunc adspersit Pulverem:

R. Cortic. Granat. Gland. exsiccat. aa. 3j. Mastich. Myrrhæ, Acaciæ aa. 3iß. Sem. Anthoræ, Rad. Pyrethri, Cortic. extern. Nuc. Jugland. Sang. Dracon. C.C. uſti aa. 3j. Misc. f. Pulvis.

Extrinfecus idem sequens Emplaſtrum sub maxillâ inferiore exſiccans & adstringens proponit applicandum:

R. Summit. Absinth. Agrimon. Abrotan. Fl. Chamæmel. Rôm. Rosar. rubr. aa. Mß. Terræ sigillatæ 3j. Stercoris Canis albi exſiccatur in aëre 3ß. Myrrhæ 3ij. Aloës 3j. Salis parum.

Leviter contuſa coquantur in lacte: add.

Mellis roſat. col. Ol. Amygd. d. aa. q. ſ. ad incorporandum,

Dec. II. Annus VI.

cc

quod

quod applicandum linteo molli prius obductum, ne pilis circa mentum in masculis ac adultis adhæreat.

ARTICULUS IV.

De

TONSILLARUM INFLAMMATIONE & EXULCERATIONE.

Glandulæ hæ ad radicem linguæ paulò suprâ laryngem sitæ à figurâ quâdam Amygdalæ dictæ crebrò inflammationem cum rubore, ardore ac dolore patiuntur, & si non maturè ritèque Symptomatibus his non occurratur, exulceratio atque induratio periculosius malum efficiunt. Glandulæ hæ propter molliem, & laxitatem levi negotio affluxum humorum calidorum, acrium, serosorumq; excipiunt, & in statum præternaturalem hâc ratione sese præcipitant: Ergò debitò modò succurrendum; ubi paternâ & propriâ experienciâ certus tali Gargarismate feliciter hoc in casu uti & Uvulæ decubitu usus sum.

℞. Flor. Rosar. rubr. minutim concisor. Rad. Tormentil. contus. aa. 3j. Myrrhæ el. 3ß.

Ollulæ optimè vitreatæ inditi, superfunde Aquæ Plantaginis ferventissimæ ℥ß. Contegantur, usque dum refrixerint: percolato deindè liquori adde

Spir. Vitrioli gutt. vj. vel viij. ut solum colore tingatur Rosarum, non verò fiat acidus: Gargarismus est optimus maximèque securus pro curandâ laxatâ Uvulâ, & Tonsillarum tumore ac inflammatione: adstringit namque, refrigerat, exsiccat, discutit, majorique affluxui resistit, catarrhosque impedit. Frequenter eo interdiu utatur æger tepidè.

Si verò præter tumorem raucedo vel acrimonia quædam in faucibus percipiatur, temperandus Gargarismus modico Sirupi Violar. vel Rosar. vel inter præparandum mace-
rentur

rentur cum cæteris suprà dictis ingredientibus radicum Glycyrrhizæ drachmæ duæ.

ARTICULUS V.

De

ANGINA.

Sortita nomen suum affectio hæc apud Græcos à strangulando ac constringendo sive suffocando, ita ut minus apta sit derivationis ratio ab augendo, *Fabro* quæ arridet: est verò nil aliud, quàm inflammatio faucibus atque laryngi propria & familiaris, acutus sanè, imò nonnunquam juxta *Trallianum* acutissimus, planèque lethalis affectus, adeò ut nisi maturè medela fiat, intra viginti quatuor horas hominem strangulando morti tradat.

Periclitantur hîc ac patiuntur deglutitio ac respiratio, ad tuendam vitam actiones maximè necessariae: nam sine nutritione per deglutitionem impeditâ vita sustentari nequit: sine respiratione verò ne ad punctum quidem temporis homo superesse potest.

Causa mali hujus exquisiti proxima est fluxio imperum faciens & subsistens, quam generant humores omnis generis, potissimum verò acres & biliosi, sive sanguis biliosus, interdum etiam sincerus, in Plethoricis ad motum promptissimus: peccat itaque sanguis ratione quantitatis, qualitatis & motûs: & quicquid fluxiones ad partes excitare valet, inter causas Procatarticas reponendum: hinc à *Divino Sene* austrina inter alia accusatur constitutio diu persistens: aph. 16. Sect. 3.

Cùm itaque affectus sit acutus, peracutus, ac interdum acutissimus, medela non procrastinanda maximè in Anginâ verâ ac exquisitâ, ubi inflammatio muscutorum internorum laryngis meatum, per quem fit respiratio, magis præcludit atque constringit, ut ita pro majori constrictione ac strangulatione majus etiam reddatur & accrescat periculum.

Curatio secundum rationem aliarum inflammationum adornanda: inprimis studium adhibendum, ut venæsectio quantocyus celebretur, cum diminutio sanguinis potissimum in Plethoricis, summè sit necessaria: postea alvum leniter expiantia adhibenda: tandemque malo progrediente Repellentibus Digerentia addenda, nec sola Repellentia nec sola discutientia usurpanda, omniq̃ue nisu allaborandum, ut versus exteriora trahi & discuti queat inflammatio, ne ad Suppurationem perveniat: quæ tamen si præcaveri nequeat, maturantia accersenda, ubi & Myrrha felici fidere oritur Localibus admista.

Alexander Massaria Med. Pract. l. i. cap. 39. p. 190. 191. Gargarismum recommendat repellentem discutientemq̃ue talem:

℞. Rosar. rubr. M.j. Liquirit. Passul. aa. ℥iij. Caricar. pinguum. x.

Fiat Decoctio, in fine adde

Myrrhæ, Croci aa. ℥j.

Deinde

℞. Hujus Decoctiois ℥ij. Diamori ℥iij. Misc. pro Gargarismate.

Fridericus Deckers obs. ad cap. i. l. 2. Prax. Barbetianæ in juvene picuitoso post frigidam cerevisiam avidè haustam, ut intra horam deglutitio admodum difficilis, dolorq̃ue ac tumor faucium apparuerit, præmissâ venæsectione hoc Gargarismo ægrum liberavit:

℞. Aq. Flor. Sambuci ℥iv. Myrrhæ pulverisatæ ℥i℥. Spir. Vini rectific. ℥iij. Spir. Salis Armoniaci ℥j. Succ. Taraxaci expressi ℥ij. Misc. f. Gargarismus.

Celeberrimus noster Germaniæ Hippocrates, beatissimus *Sennertus* Gargarisationem instituit lib. 2. P. i. cap. 24. p. m. 113. discutientem & emollientem in statu morbi utilem, quæ Myrrha ob digerendi ac discutiendi potestatem meritò nobilitatur.

℞. Flor.

R. Fol. Prunel. Violar. āā. M.j. Scabios. Malvæ Arbor.
āā. Mß. Flor. Chamæmel. Melilot. āā. P.j. Liquirit.
rafæ 3iij. Sem. Foenugr. 3ij. Caricar. pingu. num. iij. Pas-
sular. 3ß.

Coq. in Aquâ Hordei simpl. ad tertiæ partis consumptio-
nem: Colaturæ R. ℥ij. Dissolve in eâ
Cassia recens extractæ 3ß. Myrrhæ 3j. Croci 3iß. Mellis
rosati colati 3j. Misc.

*Franciscus Joël lib. 2. Pract. Sect. 8. p. 258. tertio die sequenti
Gargarismo jubet adjuvari anginosum:*

R. Ficuum pingu. n. vj. Dactylor. n. iij. Balaustior. Sem. Li-
ni, Foenugr. āā. 3ß.

Coq. in Aq. ℥ij. ad medias: Colaturæ admisce
Pulpæ Cassiæ extractæ 3ß. Pulv. Myrrhæ 3j. Croci 3iß.
Lactis muliebris 3j.

Fiat Gargarismus tepidè ab anginoso adhibendus.

Idem pag. 259 adstringentem & repellentem talem præ-
scribit.

R. Nuc. Cupress. Balaust. Sumach. āā. 3ß. Mastich. 3j.
Rosar. rubr. Mß. Contusâ coquantur in Hydromel.
℥iiij. ad medias: cola: colato admisce Rob è nucibus,
Mellis rosac. āā. 3j. Aluminis 3j. Myrrhæ, Croci
āā. 3iß.

Fiat Gargarismus in principio morbi usurpandus.

Si ad suppurationem Angina tendat ad maturantia &
rumpentia, abstergentia & consolidantia confugiendum, quo-
rum Vires itidem Myrrha augebit: Ruptionem promovebit
sequens Gargarismus.

R. Myrrhæ el. 3ij. Sinapi 3j. Morsus Diaboli, Scabiosæ
āā. M.j.

Coquantur ex aquâ ad ℥j.

Colaturæ adde Mellis opt. Diamor. aut Dianuc. āā. 3j. Fiat
Gargarismus.

Idem præstabit & hoc Cataplasma:

℞. Farinæ Triticæ, Hordei, Sem. Fœnugr. āā. ʒij. Lilior. albor. ʒiij. Ficum n. vj. Levistici, Chamæm. Melilot. Malvæ āā. Mʒ. Fermentiacris ʒij.

Decoctis, ut decet, ex aquâ, fiat Cataplasma.

Abscessu ruptô Extergentia ac Consolidantia locum habent, cui scopo satisfaciet sequens Decoctum locô Gargarismi adhibitum.

℞. Aq. Prunel. Anagallid. āā. ʒiij. Plantag. Equiseti āā. ʒij. Rosar. incarnat. Majoran. āā. ʒiʒ. Flor. Sambuci, Centaur. min. āā. ʒj.

Bulliant in hisce permixtis

Stercor. canis albi exsiccat. ʒʒ. Rad. Ireos Florent. ʒj. Summit. Ligustr. cum Flor. Mʒ. Aristoloch. rot. ʒiv. Myrrhæ el. ʒj. Croci ʒij.

Exprimantur per linteum, & in Colaturâ dissolvantur Mellis rosati colati ʒij. Sir. Diamor. ʒiʒ. Misc.

Si post puris evacuationem ulcus sordidum quid vel putridum foveat, validius detergentia & putredinem inhibentia adhibenda esse *Sennertus* monet l. all. p. 117.

℞. Fol. Scabios. Agrimon. āā. Mj.. Nuc. Cupressi ʒj. Rad. Aristoloch. longæ, Iridis Florent. āā. ʒʒ. Flor. Rosar. rubr. P.ij. Myrrhæ ʒj.

Coquantur in Hydromel. āā. lbj. Misc.



CAPUT VII.

Myrrhæ effectus in affectibus Pectoris
Pulmonumque sat celebres
proponit.

ARTICULUS I.

De

ASTHMA TE, DYSPNOEA,
ORTHOPNOEA.

HActenus supremi ventris affectus præternaturales, in quorum Curationibus Myrrha Polychresta vires suas exerit, proposuimus: Sequuntur nunc medii ventris, Thoracis nempe ægitudines aliquot, quæ similiter Myrrham in auxilium vocant: offert verò se primò locò Asthma cum suis speciebus, Orthopnoeâ & Dyspnoeâ, quæ sanè passiones gravissimæ sunt, cum respirationi insidientur, cuius munia grandia & necessaria sagaci animò perpendens *Galenus* 6. de locis affectis cap. 5. & respirationem à vitâ & vitam à respiratione separari non posse, adeò ut vivens omninò respiret, & respirans omninò vivat, nervosè profiterur: & solertissimus operum naturæ scrutator *Democritus* sapienter satis scriptum reliquit, ἐν τῷ διαπνεῖν καὶ ἐκπνεῖν εἶναι, τὸ ζῆν καὶ τὸ ἀποθνήσκειν: in inspirando & expirando consistere vitam ac mortem. Quare partium respirationi inservientium læsiones meritò inter eas reponendæ, quæ maximum vitæ periculum minantur.

In Epilepsiâ itaque pulmonum sive Asthmate, ut paucis naturam ipsius lustremus, magna adest spirandi difficultas cum crebrâ ac densâ anhelatione, raucedine, pectorisque angustia; interdum comites habens tussim atque stertorem, ac per

Paro-

Paroxysmos ita nonnunquam sæviens, ut æger suffocari videatur, erectâque cervice Spiritum trahere cogatur, undè & Orthopnoæ nomen adeptum: scilicet, quamdiu mediocritas servatur in quantitate motus, spatio temporis, intervallis utriusque quietis, tamdiu respiratio naturalis est: si verò fiat motus plus justo major, velocior, frequentior, inæqualis, inordinatus, sublimis cum strepitu, depravata & præternaturalis exsurgit: undè rectè *Galenus* lib. 1. de difficult. respirandi cap. 1. dixit; principalissimas totius respirationis partes, inspirationem & expirationem, duas etiam accidentales quietes seu cessationes, quæ interveniunt, laborare. Quâ ratione uterque motus & quies afficiantur, *Archiphilosophus* 8. Physic. cap. 6. & sequentibus exponit: αἱ βλάβαι γίνονται ὡς τὰς κινήσεις εἰς τὰ ἄχρη καὶ βραδύτητα καὶ μέγεθος καὶ σμικρότητα. ὡς τὰς ἰσυχίας εἰς ἀραιότητα καὶ πυκνότητα: Læsiones, quæ concernunt motum elevationis & expirationis constituunt velocitatem & tarditatem, magnitudinem item atque parvitatem: Læsiones circa quietem constituunt raritatem & densitatem, seu quod idem, crebritatem & frequentiam.

Subjectum primarium Pulmo est, Mercurius ille microcosmicus, & quidem secundum bronchia sive ramos atque propagines asperæ arteriæ cartilaginosas per pulmonum substantiam distributas: quamvis enim plura numerentur organa respirandi actum promoventia, uti septum transversum, musculi pectoris & abdominis, &c. hæc tamen non admodum in Asthmate offenduntur.

Helmontius à receptâ Authorum opinione secedens, libro Asthma & Tussis inscripto, nidum Asthmatis in Duumviratu ponit, quandò scribit: nidus Asthmatis in Duumviratu est, cum nusquam actio regiminis in Duumviratu magis elucescat, quàm in Asthmate, morbus quoque totius quatenus euncta membra commovet, antè accessum adeoque & Spiritum totius rectorem concutiat. Attamen in arcâ Thoracis fructificat, respicitque singulariter pulmonem, velut suæ proprieta-

prietatis scopum & objectum proprium : §. 60. hæc habet: sagittator asthmatis est in duumviratu , scopus ejus pulmo: nos hæc & alia hujus farinæ Helmontio ejusque affectis relinquimus & ad causæ hujus mali enodationem progredimur: in quâ tradendâ non eadem Authorum mens est atque sententia , sed juxta Hœferi in Hercule medico effatum , ea interdum adeò obscurata , atque obscondita , ut Medicos etiam sagacissimos fallat. *Helmontii* judicium nimis est rigorosum & hinc meritò rejiciendum , quandò allegato loco scribit : steterunt hætenus ejusq; modus fiendi ignorata , ac consequenter insolita mansit asthmatis sanatio.

Plurimi causam proximam atque immediatam ponunt in bronchiorum pulmonis angustia , ut spiritus liberè ferri nequeat. Angustiam sive coarctationem hanc veteres induci putarunt à lentis ac viscidis humoribus fistulis cavernisque pulmonum tenacissimè infarctis : interdum etiam contingere adserunt ab humoribus tenuibus atque serosis , dummodò copiosi sint, quæ opinio *Caroli Pisonis* est lib. de Serosâ Colluvie. Dn. D. *Sennertus* asthma frequentissimè generari docuit ab humoribus crudis circa hepar in venis collectis , qui per arteriam venosam ad leves arterias & pulmones ferantur, bronchiaq; comprimentes asthmatis causâ fiant.

Helmontius dicto loco primariam asthmatis causam sequentibus tradit ; Asthmata non debent suam originem pituitæ à capite defluæ in pulmonem , aut Catarrho putatio, cum repentè invadant & solvantur absque manifestâ excreatione , sed potius producti vicem habent ex magnâ coarctatione & intempestivâ injuriâ pulmoni illatâ.

Nos magni *Rolsincii* sententiam amplectimur lib. 2. Methodi cognoscendi & curandi affectus corporis particulares P. 1. c. 2. p. 120. propositam : scilicet , causâ in genere est læsio motricis : in specie illa læditur à tribus causis à Galeno lib. 4. de loc. aff. c. 7. recensitis : vel διὰ τῆς δυνάμειν πεπονθοίαν ἢ ἐξωθεν τινα πλημμέλειαν , ob imbecillitatem facultatis & vi-

rium, vel propter errorem externum, qui comprehendit u-
sum auctum & angustiam.

Quamvis verò asthma morbis adnumeretur chronicis ac
diuturnis, paroxysmos tamen acutos habet ob partis læsæ no-
bilitatem, quæ respirationis organum est: augetur quoque
periculum & gravitas ex concursu symptomatum aliorum ve-
hementissimorum: senes ad urnam usque comitari solet: in
febris acutis admodum periculum intenditur, quia ma-
teria à calore febrili valdè exsiccat, ut ad expectorationem
inepta efficiatur. Maturè itaque præsidia adferenda, ante-
quam radices agat difficulter postea evellendas. Myrrha in-
ter alia pectoralia etiam hic excellit, adeoque usus ipsius in
curando asthmate non negligendus: hinc multæ prostant
aquæ asthmaticæ, quarum compositionem ingreditur, & à
nobis in Sectione III. quædam adductæ sunt.

Elixir quoque pectorale asthmaticum beatissimi *Rolfin-*
cii, quod habet *Chim. in Artis formam* redact. lib. 4. S. 2.
c. 3. p. 231. Myrrhâ celebratum in usum trahendum, quippè
quod præsentaneâ operâ paroxysmi vires infringit.

Sequens Essentia pectoralis tanquam optimè proficua
proponitur à Dn. *Scharffio*, Med. Lic. & Archiatro Schwartz-
burgico, Collegâ nostro honorando in *Αγευσθολογία* suâ curiosâ
p. 158, & ita paratur:

℞ Gummi Benzoes, Myrrhæ rubr. āā. ʒiʒ. Spermat. Ceti.
Crocī or. āā. ʒʒ. Extr. Helen. Junip. āā. ʒiij. Spir. Ju-
nip. optimè rectificati q. s.

Mixta omnia digerantur per aliquot dies: tinctum quod est,
decantetur, novus spiritus affundatur; conjuncti liquores ex-
halent parum & serventur ad usum.

Pilulæ, quas habet *Riverius* Pr. Med. lib. 2. c. 1. p. 62. non
erunt inefficaces ad liberandos ab infarctu pulmones, si asth-
maticus ʒj.umat duabus antè prandium horis, per aliquot
dies continuando;

℞. Alo-

R. Aloës Soccotr. ʒʒ. Myrrhæ, Ammoniacy āā. ʒij. Croci ʒʒ. Flor. Sulphuris ʒij. Cum Sir. de Tussilag. fiat MP.

Sequentes quoq; non minorum erunt virium ad ʒʒ. frequenter assumptæ.

R. Gummi Ammoniacy in Aceto Scyllitico dissoluti ʒij. Styraç. Sagapen. Myrrhæ āā. ʒʒ. Laricæ coctæ ʒj. Spicæ ʒj. Croci ʒʒ. Excipiantur melle & fiant Pilulæ.

Extrinsècus ad discutiendam materiam conferent Topica discutientia, humoresque pectus occupantes consumentia. Suffumigia à Practicis præscribi solent, quibus etiam Myrrham addunt: observatâ tamen cautione, nè in ipsâ accessione adhibeantur, propter suffocationis periculum, & aëris liberi, quo æger tunc maximè indiget, interceptionem, monente *Rolfincio* Consult. lib. 5. Conf. 8. p. 618. Adhibentur itaque tale:

R. Gummi Juniperi ʒij. Succini ʒij. Styraç. Calam. Benzoe āā. ʒj. Thuris, Mastich. Myrrhæ āā. ʒij. Misc. fiat Pulvis grossus pro Suffitu.

ARTICULUS II.

De

RAUCEDINE.

Homo animantium omnium nobilissimum inter alia & loquelâ articulatâque sermone à brutis distinguitur: accidit tamen frequenter, ut Catarrhosis præsertim affectibus obnoxii vitium vocis sermonisque incurrant, quod communiter Raucedo adpellari suevit, quæ oritur, quando membrana, quæ laryngem & asperam arteriam investit p. n. affecta, exasperata & inæqualis facta est. Cum enim aspera arteria levis facta sit, & si ea benè sese ac secundum naturam habeat, vox lenis & moderata edatur: si

ad 2

verò

verò illa naturalis levitas & æqualitas damnum patiatur, inæqualiter etiam aër allisus repercutitur, atque indè vox Rauca redditur. *Sennertus* Pract. Med. lib. 2. Part. 3. cap. 4. p. m. 356.

Ut itaque claritas voci iterum reddatur, necessarium erit operam impendere, ut asperitas ac inæqualitas ista tracheæ a defluxione dependens auferatur, & simul etiam ratio ipsius catarrhi habeatur, ubi arteriacorum classi inferi exoptat & Myrrha: hinc

Felix Platerus l. 1. Obs. p. 201. in Raucedine diuturnâ puellæ cujusdam, variis frustra tentatis, sequentes Morsulos ordinavit, quibus curata fuit feliciter.

℞. Succī liquirit. ʒij. Myrrhæ ʒj. Gum. Tragac. ʒj. Sacch. Cand. & Penid. āā. ʒj.

Cum affusâ Aquâ Rosarum formentur Morsuli, quorum unum tenuit in buccis cubitum itura, donec spontè dissolutus fuit cum decubitu in dorso.

Morsulis his ferè respondent *Joh. Petri Lotichii*, qui extant in Consil. & Obs. ipsius & hoc modo parantur.

℞. Succī Liquirit. ʒj. Pulv. Rad. Ari. Myrrhæ āā. ʒiʒ. Gummi Tragac. ʒj. Sacch. Cand. & penid. dissol. in Aq. Rosar. fiant l. a. Morsuli.

Cui Eclegma ad palatum, tali utatur:

℞. Penid. ʒiʒ. Gum. Arab. Tragac. Amyli āā. ʒiiij. Succī Liquirit. rec. ʒij. Thuris ʒiʒ. Myrrhæ ʒj. Croci ʒj. Cum Melle vel Saccharo fiat Eclegma.

D. Fridericus Hoffmannus Thesauri Pharm. p. 108. Trochiscos conficit in hunc modum:

℞. Succī Liquirit. ʒiʒ. Croci or. ʒiiij. Myrrhæ el. Olibani āā. ʒivʒ. Tragac. Gum. Arab. āā. ʒvj. Carnis Dactyl. Cor. num. ix. Sacch. Cand. albi ʒij. Vini albi q. s. formentur Trochisci.

Pilulas ex horum Trochiscorum ingredientibus confectas vide apud *D. Sennertum* loco citato p. m. 360.

ARTICULUS III.

De

TUSSI.

Tussis omnium penè pulmonis majorum individuus comes appellationem accepisse videtur *Vossio* in Lexico Etymolog. p. 537. à sono, quem edunt tussientes. *Becmannus* de Orig. latinæ linguæ pag. 698. Tussim dici putat propter U, quod sonum obtusiores & SS; quod sibilum exprimit, ad imitationem soni tussientium: sed hæc parum ad rhombum: videamus potiùs naturam atque indolem hujus affectus, ibi statim se exhibet vehemens, crebra & sonora efflatio aëris ex pulmonibus, exorta ab irritatione membranæ interioris bronchiâ ambiente, ut id quod molestum, atque pulmonibus arteriæque asperæ infestum est, expellatur. Efflatio hæc cum sine motu perfici nequeat, contendunt inter se Authores, an naturali an verò animali facultati sit adscribendus? à scopo & veritatis semitâ non aberrare videntur illi, qui mixtum hîc agnoscunt motum, ex naturali videlicet & animali compositum: irritatur verò & molestat aspera arteria & quidem tunica sive membranula ejus interna, cui exquisita vis inest sentiendi ea, quæ molestiam pulmonibus creant, ita ut minimum quodq; in asperam arteriam illapsum statim percipiat: hinc tussim nihil excitat, nisi quod hanc membranam afficit.

Dispersitur porrò Tussis in siccam & humidam: hæc adest, quando humores potissimum serosi, sanguis item atque pus in asperâ arteriâ pulmonibusq; contenta per os foras eji- ciuntur; illa verò, quoties magnò licet ac multò labore nihil excernitur, sed irritato fatigatur universum corpus tussendi conatu.

Causæ Tussim producentes sunt omnia ea, quæ asperam arteriam vellicare aut quovis modò irritare valent: humores

dd 3

nempe

nempè pituitosi, crassi ac viscidi: interdum calidi, acres, salsi, ferosi, acidi, insipidi: nonnunquam rejicitur materia purulenta ac sanies, uti in phthisicis: aliquandò etiam calculi & grandines excernuntur, quos ipse rejectos per Tussim vidi à puellâ duodecim circiter annorum Steinoviæ ad Oderam Anno 1667, quæ tandem, uti postea mihi relatum, Phthisi obiit. Tussis sicca excitatur vel ab aëre vel potu frigidò copiosè haustò, vel ab halitibus vaporibusque ex inferioribus elevatis.

Paracelsus Tussis ortum ex tartaro derivat seu mucilagine mucosâ; Tartarus mucosus partibus adhærens, magisq; vi caloris siccescit, & superveniente salinò spiritu in viscum, arenamque, bolum & calculum sæpiùs concrevit.

Cùm verò Tussis malum sit, præsertim vehemens, quod naturam valdè gravat, & interdum hæmopticæ passioni, ruptò aliquò sanguifluò vase, ansam præbet, curationi sedulò vacandum per medicamenta Becchica dicta, receptâ in usum Myrrhâ: hinc in Tussi inveteratâ & contumaci juxtâ *Dioscoridem* devoranda ea ad fabæ magnitudinem, quod & facere jubet in Orthopnoeâ, laterum pectorisque doloribus: habet namque moderatam abstergendi virtutem à *Galeno* jam celebratam, ut ita satis commodè arteriacis pharmacis admisceatur.

Rhases Myrrham offert cum melle mixtam.

Reinerus Solenander in Consiliis Sect. 4. Conf. 10. in Tussi à catarrho tenui & acri dependente Trochiscos hos commendat.

℞. Thuris masculi, Succi Liquirit. āā. ʒj. Opii, Croci, Myrrhæ āā. ʒj. Cum Sir. de Papavere formentur Trochisci lupinis magnitudine respondentes.

Ab humore crasso excitata & viscido Tussis præscribit *Marquardus* lib. 2. Med. Pr. cap. 9. p. 152. sequentem Pulverem:

℞. Myr-

Myrrhæ rubræ, Aristoloch. rot. Cymini præp. Rad. Ireos
aa. ʒij. Misc. fiat Pulvis.

In Tussi nocturnâ cum majori minorivè materiæ aquosæ
nonnihil viscidæ rejectione ex vitiolymphæ proveniente pro
temperandâ lymphâ tussique sublevandâ talis Pulvis traditur
in Disputatione de Spermate Ceti sub Præsidio Excell. D. Et-
mulleri b. m. Lipsiæ habitâ:

R. Sperm. Ceti ʒij. Flor. Benz. ʒj. Myrrhæ, Salis Volat.
Succini aa. ʒß. Laud. Opiati gr. iv. Misc. f. Pulvis pro
tribus vel quatuor dosibus versperinis.

ARTICULUS IV.

De

PHTHISIS.

Phthisis, viva illa mortis quasi imago, rectè Græcis à cor-
ruptione nomen trahit, denotatque in genere omnem
corporis extenuationem & consumptionem, à quâcun-
que etiam causâ producat: ita Author definitionum
medicarum, *tabes*, scribit, *etiam est Græcis communiter Phthisis*
dicta omnis corporis diminutio & colliquatio; undè & Celsus lib.
3. cap. 22. Cachexiam quoque propter alimentorum corru-
ptionem, nutritionisque frustrationem ad Phthisin in gene-
re sic dictam retulit: usus tamen obtinuit medicus, ut in spe-
cie atque frequentissimè accipiatur pro eâ corporis extenua-
tione ac consumptione, quæ provenit ab ulcere pulmonum;
nam præsentè hâc pulmonum exulceratione corpus univer-
sum sensim sensimq; contabescit & quasi liquescit.

Ulceratio hæc variis stipata est phœnomenis: adest quip-
pè febris lenta, dum propter viciniam effluvia materiæ putri-
dæ cordi communicantur, undè calor natus languescit, ut
nec attrahere alimentum, nec ritè assimilare valeat, hinc illa
corporis contabescencia. Qualis verò febris sit, inter Autho-
res

res controversatur : cum *Rosfinio* Epit. cognosc. & curand. affect. corp. particul. l. 2. P. 1. c. 6. dicimus, in principio, dum sanguis extravasatus putrescit, putridam esse atque lentam: mox verò Hecticæ naturam induere, stationem suam non deferente putridâ: nam propter suppurationem in pulmonibus hærentem quotidianis ac præsertim nocturnis accessionibus manifestatur.

Præter febrim difficilis accedit respiratio atque tussis: & hoc necessariò: læso enim respirationis organo ob usum autum, metus præfocationis oritur, eò quòd in bronchia materia purulenta recipiatur, aëriq; ingredienti ac egressuro viam præcludat, indè sublimem anhelitum ægri trahere coguntur: Eadem ratione & tussi vexantur, quatenus humores acres respirationis organa intrant, membranasq; pulmonis asperæq; arteriæ vellicant atq; irritant.

Proxima Phthiseos causâ rectè putatur Ulcus sive Exulceratio pulmonum, quam humores cujuscunque generis vitiosi generare valent: biliosi atque serosi propter acredinem, facile primas tenent; hinc juvenes & picrocholi ut plurimum præ aliis obnoxii fiunt huic affectui.

Generantur verò humores hi in pulmonibus vel per congestionem propriâ pulmonum dyscrasiâ, vel aliundè adveniunt per fluxionem: dum enim pulmo propter nativam & non rarò propter adventitiam imbecillitatem officio digestionis & assimilationis alimenti sui rectè fungi nequeat, fieri non potest, quin quotidie accumulentur & coacerventur plurima excrementa, quæ si non segregantur, necessariò corruptionem incurrunt, acrimoniam tandem acquirunt, teneramq; pulmonum substantiam exulcerant atque depauperant.

Paracelsista pro causâ verâ phthiseos agnoscunt Sal resolutum ac corruptum, vel Sal erodens, quantitate & qualitate peccans, quodq; à Sulphure ac Mercurio divortium fecit.

Helmontius peregrinum accusat fermentum, cujus ratione error vegetatricis contingat, Archeusque ab officio suo dimotus locò sanguinis alibilis, sputum phlegmaque generet.

Carthesiani nimiam sanguinis rarefactionem assimilari nesciam adducunt: sanguis enim propter nimiam tenuitatem vasis pulmonum elapsus putrescit, undè malorum scaturigo ulcus.

Utrum etiam vermiculi tabis authores esse queant, non ineptè quæritur? affirmant hoc, præter acutissimum *Kircherum*, omnes putredinis animatæ patroni ac defensores, adstruentes, ab horum rostellis acutis atque hamatis pulmonem erodi, & consequi istam corporis emaciationem: hinc non mirandum esse dicunt, quòd promptissimè malum hoc per contagium propagetur: præsentiamque horum animalculorum instar atomorum microscopii beneficio demonstrant: nos opinionem hanc in medio relinquimus, existimantes vermiculos illos productum potius quàm causam putredinis ulcerosæ existere.

Quâ ratione verò medela sit instituenda, abundè docent *Præticorum* libri: nos materiæ præsidiorum *Myrrham* quoque adjungimus propter virtutem suam abstergentem atque balsamicam, digerentem item & consolidantem.

Sufficus, qui immediatè cum pulmone communicant, non tantùm exsiccando, sed & balsamicâ vi consolidando ulceri profunt, & ita minimè ipsorum usus rejiciendus, præprimis quandò *Phthisis* pro fundamento atque origine catarrhum agnoscit: Ergò,

R. Olibani, Succini albi āā. 3j. Styrac. Calam. Myrrhæ āā. 3j. Fl. Rosar. r. P. iij. Ligni Sassafr. Junip. āā. 3j. Balsami de Peru q. f. Misc.

Vel formentur Trochisci eidem faventes scopo:

R. Pulv. Tussilag. 3ij. Nicotian. 3j. Thur. masc. 3ß. Myrrh. 3ß. Dec. II. Annus VI. ee el. 3ß

el. ʒß. Styrac. Calam. ʒiß. Terebinth. & Ceræ q. s. fiat Trochisci ad fluxiones utiles.

In Phthisi à defluxionibus prognatâ sequens suffimentum ordinatum à Medicis Francofurtensibus olim pro Serenissimâ Marchionissâ *Elisabethâ Sophiâ* hic Francoforti decumbente & tandem etiam fatis succumbente:

℞. Thuris masc. Mastich. āā. ʒj. Succini ʒß. Myrrhæ ʒij. Styrac. calam. Gummi Anim. Benzoin. āā. ʒiij. Herb. Basilicon. Thymi āā. ʒij. Flor. Anthos, Lavend. āā. ʒj. Rosar. incarnat. ʒiij. Sem. nigel. ʒß. Caryophyl. ʒij. Baccar. Junip. ʒiij.

Ex incisís & grossô modô contusís fiat Pulvis: S, Rauchpulver zu dem Gemach und Schlafhaube.

Internè Flores Sulphuris Myrrhati aliis mixti offeruntur à Practicis: sequens Electuarium *Rolsincius* præscribit lib, 5. Consult. 8. p. 617.

℞. Conf. Violar. Fl. Borrag. āā. ʒiij. Pulv. Rad. Liquirit. ʒß. Flor. Sulphuris Myrrhator. ʒj. Pulv. Ireos Florent. ʒiß. Conf. Alchem. ʒß. Ol. Macis gutt. v. Sir. Violar. q. f. fiat Electuarium, de quo crebrò aliquid capien-

dum. Vel:

℞. Flor. Sulphuris ter sublimator. ʒij. Mastich. Myrrhæ, Aloës āā. ʒj. Croci ʒß. Misc. f. Pulvis.

S. Lungenpulver,

ARTICULUS V.

De

EMPYEMATE.

LAtini affectionem hanc Suppurationem nominant, oriturque quando in cavitate thoracis, inter pectus nempe & pulmonem pus atque sanies, modò in uno, modò in utroque latere colligitur, confluitque eò vel ex præ-

prægressâ Anginâ, vel Peripneumoniâ vel Pleuritide, quod frequenter contingit, Pleuriticique levi operâ Empyici fiunt, non satis excretâ per tussim materiâ; ubi ista congeritur, & rupto abscessu in thoracis cavum irruit.

Notatu digni sunt hîc Aphorismi aurei, magni nostri Hippocratis: scilicet; *Qui Pleuritide laborant, nisi intra dies quatuordecim supernè repurgentur, iis in Empyema morbi fit translatio; Sect. 5. aph. 8. item: Quibus ex Anginâ liberatis ad pulmonem mali fit conversio, ii intra dies septem moriuntur: si verò hos effugerint, purulenti evadunt. Sect. 5. aphor. 10.*

Conqueruntur verò Empyici de pondere aliquo Diaphragmati incumbente: fluctuationem sentiunt in motu corporis ex uno latere in alterum: in latus affectum decubitus admodum est molestus, acceditque respiratio difficilis cum febre continuâ acutâ, tussi siccâ, anxietate præcordiorum satis gravi.

Haud rarò Empyematis generationi occasionem præbent vulnera penetrantia in pectoris cavitatem, testantibus hoc ipsum observationibus. Vid. *Sculetus* obs. 45. *Andreas Vesalius. Paschalius* de Curat. morbor. lib. 1. cap. 29. *Sylvaticus* Cent. 3. Conf. 54. *Petrus Marchettus* in observationibus suis Chirurgicis. Fieri namque potest, ut per vulnera illa portio pulmonis simul lædatur, & effusio sanguinis in thoracis cavum fiat, Empyematis postmodum genitrix causa. Quod si verò pulmo illæsus manserit, nihilominus à vasis musculorum intercostalium pleuræque ruptis ac disiectis decubitus aliquis fieri potest sanguinis versus Diaphragma; præsertim quando parùm illius extrorsum profusum fuerit.

Cardo curationis versatur in educatione collecti puris; aliàs si retineatur, phthisi viam sternit: Faciunt hûc Decocta pectoralia incidentia, & abstergentia, quibus etiam Myrrhæ vires addit exoptatissimas, imò pulverisata ad ʒj. & cum Conservâ Rosar. Sir. Liquirit. vel Saccharô permixta spem egregiam pollicetur.

Alexander Massaria Pr. Med. l. 2. c. 5. p. 226. tale profert
Electuarium pus ex cavitate thoracis feliciter educens:

℞. Rad. Helenii coctarum sub Cineribus ℥iij. Pulv. Hyssop.
Rad. Iridis āā. ʒiʒ . Cinam. Myrrhæ aa. ʒj. Croci ʒj.
Mellis q. s. Misc. fiat Electuarium.

ARTICULUS VI.

De

HÆMOPTYSI.

Hæmoptysis sive sanguinis sputum generaliter sum-
ptum omnem sanguinis rejectionem per os denotat;
propriè tamen ista tantum intelligitur, quæ cum
tussi à partibus respirationi dicatis, nempe pulmone,
thorace & asperâ arteriâ procedit. Ex quâ parte verò san-
guis profluat, ex signis patet sequentibus. Si levissimâ
tussi & leviter spumofus excernitur, ab asperâ provenit arte-
riâ: si verò majori cum tussi, majore quantitate, & cum
majore spumæ copiâ, pulmonem pati manifestum evadit: è
thorace verò qui effunditur præter intensam tussim, lividus
est & nigricans.

Redire solet affectus hic in nonnullis certo tempore, cer-
tisque mensibus atque diebus, ita ut suas observet periodos:
sic *Benedictus Sylvaticus* Cent. 2. Cons. 36. meminit cujusdam
viri singulis annis statò quodam tempore hæmoptoen passi,
paucâ tamen copiâ breviq; tempore durantem.

Proxima profusionis hujus sanguineæ causâ est ipforum
vasorum sanguifluorum in pulmonibus versus bronchia aper-
tio, quæ contingit vel per ἀναστροφὴν, quandò orificia vaso-
rum referantur à sanguine fermentescente: deindè per διαίρεσιν,
quandò ruptione vel incisione vasa læduntur: διαίρεσις sive
Erosio locum vix habet, quippè quæ veræ phthiseos causâ
existit, non verò simplicis hæmoptysis: nec διαπύρεσις sive
sanguis.

sanguinis transudatio admittenda, cum dubium sit adhuc, an detur quædam præter illam, quæ per cutem & nonnullas membranas in corpore humano prodit.

Apertionem ejusmodi vasorum causari solent humores salini, nitrosi, acres & corroderentes.

Cum verò nulla sanguinis excretio naturaliter fieri debeat præter illam, quæ singulis mensibus sexui foemineo familiaris est, quæque sanitati confert, si non excedat modum: imò sanguinem supernè ferri, malum pronunciet divinus Hippocrates Sect. 4. Aph. 25. ideoque sine morâ & cunctatione curatio aggredienda, ubi hoc observandum, aliquandò contingere, ut natura superfluum sanguinem, qui aliàs per alia loca esset evacuandus, crisi quâdam per pulmones excernat: v. gr. quando in retentione mensium expuitio cruenta sese offert, & tunc adeò metuendum non est. Præter Venæsectionem verò quæ maximè necessaria est, talia adhibere convenit, quæ alterare & causas tam remotas quàm proximas removere valent: inter alterantia non ultima obtinet subfel-
lia Myrrha ob vim suam nonnihil adstringentem atque balsamicam.

Franciscus de le Boë Sylvius Pr. Med. lib. 1. c. 20. p. 209. 210. fluiditatem sanguinis cohibere jubet per incrassantia, & cum serum salsum potissima talis constitutionis sive consistentiæ sanguinis causa sit, commendat Pilulas de Styrace, quorum compositionem Myrrha reddit illustriorem: Pilulas hæc etiam in passione hæmoptoicâ commodè usurpari possè, nullum dubium: sunt verò tales:

℞. Styrac. Calam. Succ. Liquirit. inspissat. vel Extract. Olibani, Myrrhæ rubr. Opii Thebaici āā. ʒiʒ. Croci or. ʒj. Cum Sir. Papav. alb. q. s. f. MP.

Ad eandem intentionem obtinendam sequentes etiam Rotulas præscribit:

℞. Sem. Hyoscyami albi, Papav. alb. āā. ʒiʒ. Thur. Masc. Myr-

Myrrhæ rubr. āā. ℥j. Croci opt. ℥ss. Succī Liquirit. inspissati 3j. Sacch. Althææ 3℔. Gummi Tragac. in Aq. Rosar. dissol. 3j. Misc. f. Rotulæ.

Circa adstringentium usum notanda quæ habet beatissimus *Sennertus* Pr. Med. l. 2. p. 3. c. 6. p. m. 388. vitanda scilicet quæ nimium sistunt vel adstringunt antè avertentium usum : sanguinem namque intrò in pulmones impellunt, undè ejus putrefactio pulmonisq; ulcera metuenda: ideòque remedia ex adstringentibus & agglutinantibus mixta esse debent.

Sequens Pulvis huic scopo favens non foret inefficax :

℞. Lapid. Hæmatit. Sandal. rubr. Boli Armen. Terræ Sigill. Sangu. Dracon. Mastich. Olibani, Myrrhæ āā. 3ij. Misc. f. Pulvis.

Valent & hîc Flores Sulphuris Myrrhati aliis permixti.

Potiunculam si quis appetat, hâc utatur :

℞. Aqu. Hæmoptoicæ Dorncreil. Plantag. Portul. āā. 3j. Trochisc. de Carabe, Terrâ Sigillatâ āā. ℥j. de Myrrhâ, Corallor. rubr. ppt. āā. ℥ss. Misc. pro 2. vicibus.

Qui Morsulis delectantur, adsumant sequentes.

℞. Corallor. rubr. ppt. 3j. Extr. Rad. Symphyti, Tormentil. āā. gr. xv. Trochisc. de Carabe, de Terrâ Sigillatâ āā. ℥j. de Myrrhâ, Smaragdi ppt. āā. ℥ss. Condit. Carnis Cydon. 3iij. Conf. Rosar. rubr. 3ij. Sacch. alb. in Aq. Hæmoptoicâ Dorncrel. sol. 3iv. fiat Confectio in Morsulis.



CAPUT VIII.

Myrrham in Cordis affectionibus perutilem declarat.

ARTICULUS I.

De

PALPITATIONE CORDIS.

Appositè à Neotericorum nonnullis ferox hic cordis motus spasmus atque convulsio ventriculorum indigitatur : & sanè dolendum, partem universi corporis nobilissimam principatumque tenentem eam immunitatem à naturâ non adsecutam, ut minimè passionibus atque infirmitatibus subiceretur : Imò in hoc peior esse videtur cordis conditio, quàm aliorum membrorum. Cætera namque membra interdum morbo obsessa cordis auxilio liberantur : Cor verò malè affectum nisi propriâ virtute & vi insitâ infestantem superet morbum, à nullo supplicias expectans hostiliter expugnatur atque destruitur, juxta effatum *Leonelli* de Cordis dolore pag. 709. Inter affectus verò quibuscum conflictatur cor, Palpitatio eminet, adeò ut non rarò pulsatio evadat appropinquantis mortis ; interceptâ scilicet respiratione, & amoto cordis motu per syncope intervenit, uti loquitur *Franciscus Ranchinus* Tr. de morb. Virgin. S. 3. c. 2. p. 495.

Avicenna cum reliquis Arabum Sæctatoribus affectum hunc cordis tremorem vocant, sed perperam, cum differentia quædam intercedat inter palpitationem atque tremorem : nam hic istis tantum partibus propriè competit, quæ facultati motrici arbitrarie obsequium præstant : Palpitatio est motus planè præternaturalis : tremor verò ex dimidiâ parte

motus

motus voluntarii exoritur, juxtà *Ludovicum Mercatum* lib. 2. c. 11. juxtà *Sennertum* & alios, palpitationis illis partibus adscribenda, quæ dilatari ac subsidere queunt: tremori verò obnoxia sunt partes molles, & quæ nullo modo spontè dilatantur, sed à causis solum morbificis in altum attolluntur.

Naturam & essentiam hujus Palpitationis *Sylvius* Prax. Med. Append. tr. 2. p. 626. consistere existimat in motu cordis omnibus modis inordinato, adeò ut tunc cor palpitare dicatur, quandò observatur pulsus inæqualitas pro ratione causarum nunc levior nunc gravior, &c.

Occurrit verò frequentissimè malum hoc in duobus affectibus, Hypochondriaco nempe ac Chlorosi sive foedis virginum coloribus à suppressione mensium oriundis:

Hinc causæ variæ ab Authoribus proponuntur, quæ facultatem cordis pulsificam irritare possunt, ut insurgat motu illo violento ad excutiendum illud, quod molestiam creat: accersendi scilicet huc humores putridi & acres, vapores maligni, calculi, vermes in cordis thalamis generati, qualium meminit observatio nostra Ephemeridibus inserta. Ab immoderatis animi passionibus, irâ præsertim atque excandescentiâ, frequenter etiam inducitur palpitationis hæc: per iram namque vehementem non tantum sanguis & spiritus, sed & humores, qui antea quieti erant, commoventur: ex commodis autem viciosis humoribus pravi etiam vapores exhaleant, qui ad cordelati spiritus vitales inquinant atque infestant, expultricemque stimulant, ut contra molestum insurgat, & vehementiori motu expellat: & quia per excandescentiâ etiam spiritus effervescent, motuque inæquali ac inordinato cor afficiunt, palpitationis eò vehementior evadit, ut etiam ab adstantibus auditu percipiatur: imò, scribente *Sylvio*, si cordis vis animalis potens existat, hoc est, copiosi ad cor ferantur spiritus, nihilque ejusdem contractionem impediat, cum vehementi quassatione, costarumque verberatione illa palpitationis contingit.

Huic

Huic itaq; malo summè periculoso cita afferenda medela, ita ut præfente ac durante paroxysmò divertentia ac dissipantia materiam continentem in usum vocentur. Extrà paroxysmum verò ad antecedentium causarum legitimâ profligatione dirigenda præsidia : quid Myrrha hîc efficiat , paucis videamus.

Cùm verò palpitationi sæpiùs obstructio mensium ansam præbeat , illorum refectioni studendum erit , ubi præ aliis Myrrhæ usus proficuus existit: Ergò,

℞. Myrrhæ rubr. Aristoloch. rot. Borracis āā. ℥j. Misc. fiat Pulvis cum vino malvatico exhibendus.

In palpitatione primariâ , & non rarò malignâ, qualis in pestilentia occurrit , conveniunt omnia illa Alexipharmaca, Bezoardica & Cordialia, quorum compositiones Myrrha etiam nobilitat: qualia sunt Theriaca, Mithridatium, Electuarium de ovo, & alia plura.

Morsuli sequentes non inutiliter adhiberentur:

℞. Spec. Diamarg. frig. 3j. Diamor. Diamosch. dulc. āā. 3℔. Trochisc. de Camphorâ, de Myrrhâ āā. ℥℔. Sacch. in Aquâ Rosar. & Cerasor. nigr. soluti 3ij. Fiant l. a. Morsuli.

Nec Topica omittenda; qualia sunt Balsâma, Unguenta, Epithemata, &c. in primis ægrotantibus morbi gravitate, contumaciâ & diuturnitate ferè oppressis. Monet autem rectè *Wolfgangus Hæferus* Herc. Med. l. 2. c. 1. Ejusmodi externa medicamenta , & si cor in medio situm sit , melius tamen applicari non in medio pectoris , quod cartilagineum est , sed paulò infrâ mamillam sinistram , quò vergit cordis mucro. Theriaca , quæ etiam Myrrham recipit , hîc utramque paginam absolvit externè adhibita, nobilitata accommendata salutari usu *Maximiliani Imperatoris*: Vid. *Hieronymus Mercurialis* Med. Pr. lib. 2. c. 11. p. m. 321.

Gestetur & sequens Sacculus cordis regioni admotus:

℞. Cort. Citri, Aurantior. āā. 3j. Sandal. Citr. Nucis Moschat. Galang. āā. 3℥. Herb. Meliss. Basilic. āā. P. ij. Flor. Anthos, Borrag. Rosar. rubr. Lavend. āā. P. j. Ligni Aloës, Baccar. Junip. āā. ʒi℥. Myrrhæ rubr. el. ʒj.

Concisa crassiusculè & contusa permixtaq; includantur Sacculo ex sindone rubrâ interpastato, & antequam applicetur, Aquâ Carbunculi adspargatur.

ARTICULUS II.

De

LIPOTHYMIA & SYNCOPE.

Bini hi affectus non specie sed gradu tantum seu quod majus & minus ab invicem distinguuntur, ita lipothymia sit lenis animi defectio, ubi sensus non planè adimuntur: Syncope verò gradus ultimus atque periculosissimus audiat, in quo præceps ac repentinus contingat omnium functionum, facultatum viriumque lapsus, dissipatio, oppressio & consternatio; accedente tandem sudore frigidò propter nativi caloris, spirituumque vitalium à reliquis partibus ad cor tanquam ad propriam arcem confugium, sanguinisque in extremis partibus refrigerationem, cujus aquosior pars ad poros cutis frigida profluit. *Franciscus Joël lib. 3. Pract. S. 2. p. 289. De sudore hocce frigido judicium Hieronymi Mercurialis hoc est. De sudore, inquit, puto ego aliam rationem & meliorem dari: nam ad calefaciendos sudores non solum requiritur, ut facultas retentrix permittat; verum etiam, necesse est, ut facultas expultrix expellat: quare cum in Syncope natura omnes vires suas intendat, veluti extremò quodam malo oppressa, non est mirum, si etiam si sit infirma, expellat tamen sudorem, ad quam expulsionem præter permissum facultatis retentrix, duo alia etiam auxiliantur, scilicet laxitas meatuum & tenui-*

tenuitas ipsius materia, quæ materia propter hanc tenuitatem, cum non possit resistere injuriis externis aëris, facile fit, ut ab eo refrigeretur, & propterea non solum in Syncope appareant sudores frigidi, quia transeant per partes refrigerantes, quantum quoniam non possunt ob suam tenuitatem resistere aëri externo, quominus ab illo refrigerentur. Vid. Med. Pract. lib. 2. cap. 10.

p. 308.

Causa gravissimæ hujus afflictionis proxima circulatio sanguinis vitiata & impedita: juxta alios sanguinis in corde effervescencia vel fermentatio & rarefactio ad tempus nunc brevius nunc longius vitiata ac impedita, quam etiam agnoscit Excell. Dn. D. Ammanus in Parænes. ad discipulos pag. 144. Quidam spirituum inopiam defectumq; primario ponunt: nonnulli nec perperam sanguinis coagulationem ab acido abundante dependentem in medium proferunt: singulæ stare possunt opinioniones; omnes namq; vim possident inducendi talem functionum atque virium lapsum.

Mediata proximior causa audire potest omne id, quod sanguinis circuitum turbare, sanguinis fermentationem vitare, ejusque crasin naturalem destruere valet. De coagulatione egregie Sebastianus Wirdigius in medicinâ spirituum l. 2. c. 2. Cum acidum luxuriat nimium cordi molestum est, & cardiacam, animiq; deliquium producit. Hornius in Arcâ Mosis scribit: Syncope fit, quando particula nitrosa magnâ copiâ irruentes in cor, repente opprimunt & figunt quicquid est volatile in sanguine: A sanguinis nimia rarefactione idem malum oriri, testes sunt febres ardentes, quas crebro Syncope comitatur, à tali sanguinis constitutione dependentes.

Medela hîc citissima requiritur, & manibus pedibusque contra hunc hostem, utpote vitæ infensissimum pugnandum, ne mortis imago in veram & realem degeneret.

Præsidiorum materiæ etiam Myrrha ob facultatem suam balsamicam calefacientem, discutientem, & putredini resistentem adungere non absurdum erit; præprimis localibus phar-

macis adlociari meretur: hinc sequens fomentatio non omit-
tenda:

R. Aq. Rosar. opt. Cerasor. nigr. Liliior. convall. Aceti opt,
āā. ℥iv. Fl. Anchor. Lavend. Citr. aa. P.j. Sandal. omnium
℥i℥. Camphor. ℥j. Myrrhæ ℥i℥. F. Decoctio,

Fomentetur cordis regio cum panno eadem madido.

Post fomentationem inungatur eadem regio sequenti Li-
nimento:

R. Ol. Nenuphar. ℥ij. Succi Citr. Aceti rosac. āā. ℥℥.

Coq. ad consistentiam; adde

Sandalor. omnium, Flor. Rosar. r. Liliior. convall. āā.

℥j. Corallor, ℥j. Myrrhæ ℥j. Camphor. ℥℥. Cera q. s.

F. Linimentum.

Peractâ inunctione Sacculus applicetur.

R. Herb. Meliss. Scabios. āā. M℥. Flor. Rosar. rubr. Borrage.

Liliior. convall. Lavend. āā. P.j. Sandal. omni. āā. ℥i℥. Ligni

Aloës ℥ij. Trochisc. de Myrrhâ, de Camph. āā, ℥j. Misc.

Fiat Pulvis grossus pro Sacculo ex sindone rubr. conficiendo
& vino albo generoso vel Aquis cordialibus irrorando, cordiq;
admovendo,

ARTICULUS III.

De

FEBRIBUS CONTINUIS

ac

INTERMITTENTIBUS.

FErmentationis doctrinam multum facere ad febrium
doctrinam ritè tractandam ex Thomâ Willisio Tr. de Fe-
bribus satis elucescit; qui absolutâ illâ hanc subjungit
tanquam exemplum fermentationis: *Videtur*, inquit,
quod febris sit tantum fermentatio seu effervescentia immodica
sanguini & humoribus inducta; & paucis interjectis ait: Sanguini-
nem

nam enim in febre immaniter ebullire & impetum facere vel sensui planè constat, &c.

Ipsum Etymon idem suggerit, ubi febris dicitur à februo seu ferveo; ita ut tota natura & essentia febris consistat in ejusmodi præternaturali fermentatione sive effervescentiâ. Si enim sanitas ex principiis *Harveanis* in solo sanguine, ejusque motu secundum naturam continuato consistat, ut qualis sanguis naturaliter se movens, talis sanitas reciprocè æstimetur, lege *ὁμοστασιώδους* minimè illa expectanda erit, sanguinem præter naturam sese habente. Notandum tamen hic, non quemvis motum inordinatum nec quamvis fermentationem præternaturalem, qualis in iis, qui potu vini meraci liberaliori se invitârunt, deprehenditur, febris statim nomine venire, sed intelligi ejusmodi impetuosam sanguineæ massæ commotionem, quæ à sale peregrino seu fermento febrili, factâ particulærum confusione ac perturbatione, excitari solet.

Subjectum itaque febrium legitimum massa erit sanguinea fermentescens: massa videlicet sive miscella tota heterogenea ex chylo, lymphâ & sanguine in axillari & venâ cavâ confluens, ac per cordis ventriculum dextrum & arterias ad partes nutriendas, inde per venas iterum ad cor continuo itinere redituque in circulum discurrens. Verum de his fusiùs agit prælaudatus *Willisius*: Instituti namque nostri non est, talibus prolixè inhærere, unicum hoc addentes, illorum instantiam, quâ partibus corporis nostri viventibus tantum subjecti morbos sustinentis titulum deberi contendunt, minimè tantarum esse virium, ut sanguinem propterea proscribamus, cum & hic charissimus vitæ nostræ thesaurus inter partes locum suum occupet. Vid. Excell. *Johannes Theodorus Schenckius*, Professor quondam in celeberrimâ Salanâ meritissimus, Præceptorum Doctorumque meorum, cum ibi degerem, haud postremus, & post fata etiam maximoperè mihi suspiciendus: hic in historiâ generali de humani corporis humoribus cap. I, & authoritatibus & rationibus satis firmis sanguinis nobilitatem

tem stabilivit, partium classi inseruit, & contradicentium adversantiumq; objectionibus pro virili satisfecit.

Differentia febrium magna est: nam dispescuntur in primarias & secundarias sive symptomaticas: illæ à suis dependent causis, nullumque alium affectum comitantur: hæ verò ab aliis morbis, uti inflammationibus alicujus originem trahunt: aliæ deinde sunt putridæ, aliæ malignæ, &c.

Willisus Tr. de Febribus cap. 7. p. 105. & seqq. tribus modis sanguinem effervescentem febrem continuam excitare scribit: Primus modus est, cum subtilis & spirituosâ sanguinis portio nimis incalescit, & excandescentiâ quâdam afficitur, quæ idcirco reliquas cruoris partes exagitat, & in orgasmum incitat, & sic in toto corpore fervor & incalescentia solito major excitatur. Quoniam verò spiritus solummodò in culpâ sint, eorum æstus & inordinatio intra breve tempus solent spontè sedari: hinc est, quod hæc febris intra diem terminetur, rarò ultrà triduum extendatur, ideòque febris Ephemera aut Synochus plurium dierum appellatur: Secundus effervescentiæ modus est, quando pars sanguinis sulphurea sive oleosa nimis calefacta fervorem concipit, tunc enim & immodicè in vasis effervesceat, & plurimum in corde accensa, de flagratione suâ calorem valdè intensum in toto corpore producit, & sic hujusmodi febris inducitur, quæ Synochus putrida vulgò nominatur, quæ symptomatica est vel essentialis: Symptomatica dicitur, quæ ab alio quodam morbo in corpore priùs excitatò originem ducit, cujusmodi habetur febris, quæ ab anginâ, pleuritide, peripneumoniâ, vulnere, ulcere, aut abscessu quopiam in parte principe aut ejus vicinâ dependet. Essentialis dividi solet in causum, quotidianam, tertianam & quartanam, juxta diversimodam sanguinis dyscrasiam, succique nutritii degeneris supplementum, citiùs aut tardiùs ad turgescentiæ plenitudinem adsurgens. Tertius verò modus & gradus à fermento quodam maligno & venenato excitatur, quò cum sanguinis massa imbuitur & spiritus & pars sulphurea

unâ fervorem concipiunt, eorumq; excandescencia non prius sedatur, quàm aut materia ista maligna absumpta sit & foras eliminetur, aut à veneno ejus corruptivo sanguinis coagulatio & veluti putrefactio quædam inducatur, quâ & circulatio impeditur & spiritus vitalis extinguatur, & juxtâ hunc modum fiunt febres malignæ, variolæ, morbilli & ipsa pestilentia.

Causa immediata materialis febrilis effervescentiæ juxtâ nonnullos fermentum salis peregrinum statuitur, quod nihil aliud, quàm corpus sale volatili fixo aqueo humore conjuncto abundans, massæque sanguineæ naturaliter fermentescenti aliundè accedens. Acida hic agmen ducunt, quæ ad ebullitionem excitandam judicantur aptissima: id quod ipse *Hippocrates* passim, præsertim ubi de priscâ medicina S. 1. p. 14. de Vict. rat. l. 2. S. 4. p. 22. docet: Salia in corpore perturbationem excitare, hominemque molestiâ afficere.

Causa efficiens ebullitionis talismodi furibundæ spiritus sunt vitales ac partes sanguinis spirituosæ in motu suo naturali turbatæ impetum facientes, & disrupto unionis vinculo immaniter effervescentes, donec quid peregrini fermentum adeoq; immiscibile erat, aut vincatur & subigatur, aut foris eliminetur.

Mediata causa hujus febrilis ebullitionis est ipsa naturalis sanguinis fermentatio, sinè quâ præternaturalis contingere nequit, cum hæc illius affectio sit, & sinè eâ subsistere nequeat.

Franciscus de le Boë Sylvius Febrium omnium continuarum causam bilem aut lympham (non excluso succo pancreatico & salivâ) aut utramque viciosam & in dextro cordis ventriculo effervescenciam talem excitantem, undè continuus pulsus producat frequentior, quem pro pathognomonico, & infallibili signo febrilium paroxysmorum æstimat.

Intermittentes febres non minus ac continuæ, durante paroxysmo, intensam ac furibundam accusant sanguinis efferve-

fervescentiam; in hoc tamen quædam adparet differentia, quòd habeant tempora *ἀντιθέτα*, quòd invadant cum horrore, rigore aut frigore, terminentur verò cum sudore, cessante scilicet quolibet paroxysmo: quod accessiones statis periodis, certisque intervallis revertantur. Sanguinis hæc effervescencia dependet à succi nutritii seu chymi assimilatione præpeditâ vitio ipsius sanguinis, dyscrasiâ nimirum: dum enim succus nutritius cum sanguine non assimilatur, tunc protinus ebullitionem molitur, & febrilem effervescenciam concipit, quâ vel subigitur vel foràs protruditur quod heterogeneousum, peregrinum atque molestum est: hoste hoc expulso, sanguis liberatur, & adest quædam intermissio febrilis caloris: novo verò accedente succi nutritii supplemento, novus præstò est paroxysmus.

Idem *Sylvius* febrium omnium intermittencium ortum adscribit succo pancreatico aliquâ sui parte in uno pluribusq; pancreatis ductibus stagnanti, ac morâ suâ ibi acriori factò, atque acrimoniâ istâ acidâ per pituitam plus minusvè viscidam, & notatæ obstructionis causâ viâ vi paratâ penetranti ac in tenui intestino infuso, vitiosamque ibi cum bile atque pituitâ effervescenciam excitanti. Plura videantur apud ipsum Authorem.

Causâ periodorum atque paroxysmorum febrilium *Willisus* diversæ sanguinis constitutioni assignat, quâ nimirum à debitâ temperie in *σπένδιον* modò acrem modò acidam aut austera pervertitur: quò diversa enim hujus dyscrasia succus alibilis recens advectus plus aut minus à maturatione desciscit, eò in materiam citius aut tardius fermentescere aptam degenerat.

In omnibus verò Febribus tam continuis quàm intermittencibus, malignis ac pestilentialibus inter alia & opem exoptatissimam pollicetur Myrrha: febrifugum etenim præstantissimum est, *Dioscoride* teste, qui fabæ magnitudine cum pipere & aquâ assumptam duabus antè invasionem horis horres

rores discutere asserit. Quid in Quartanâ efficiat, *Matthiolus* docet : pollet quippè virtute excrementitios succos turgentes, fermentescentes ac effervescentes emendandi, contemperandi, discutiendi, atque per diaphoresin eliminandi: hinc passim apud Authores Practicos ipsius fit mentio in debellandis febribus: inprimis verò laudem reportat eximiam Essentia cum Spiritu Salis Armoniaci parata & tam in Tertianâ quàm Quartanâ propinata.

In Quartanâ profligandâ ego hoc modo eâdem uti soleo.

℞. Essent. Antihypochondr. nostr. ʒβ. Myrrhæ balsam. ʒj. Misc. Dosis guttæ xxx. cum Vino albo exhibitæ.

Heurnius lib. de Febribus cap. 25. sequentibus Trochiscis unicâ exhibitione multos à Quartanâ liberatos scribit:

℞. Sem. Rutæ, Petrosel. Myrrhæ, Theriacæ rec. aa. ʒj. Opii ʒβ. M. fiant Trochisci parvi, quorum unus exhibendus cum aquâ ante paroxysmum.

Riverius Meth. Cur. Febr. cap. 3. pag. 69. tale Emplastrum regioni stomachi admoveri suadet in Tertianâ intermittente.

℞. Nuc. Moschar. Caryophyll. Cinam. aa. ʒiiij. Myrrhæ, Zingib. aa. ʒij. Misc. fiat Pulvis excipiendus pice liquidâ pro confectioe Emplastri.

In Quartanâ contumaci & chronicâ usus medicamentorum continuandus ad concoquendam & expurgandam morbificam causam. Unica enim ferè hæc causa est, scribit *Riverius* de Quartanâ pag. 79. cur multi quartanarii incurati maneant: Siquidem post paucorum remediorum usum tædio affecti reliqua prorsus abjiciunt & dedignantur. Præprimis verò Purgantia per vices exhibenda: hinc laudat prædictus Author loco allegato sequentes Pilulas usuales Myrrhâ vigoratas, quarum ʒβ. vel ʒij. bis in hebdomadâ à quartanario deglutiendi.

R. Aloës opt. Succo Absinthii diligenter nutritæ ʒss. Gummi Ammoniaci in Aceto soluti & iterum inspissati ʒij. Myrrhæ el. ʒijss. Turbith Gummos, Agarici recenter Trochisc. aa. ʒij. Diagrid, ʒj. Salis Absinth. Tamarisc. aa. ʒij. Croci ʒss. Cum Oxymel. simpl. fiat MP.

Si febricitans calidiori temperamento sit præditus, tales usurpandas offert:

R. Polypod. Quern. ʒss. Rad. Asari, Sem. Genist. aa. ʒj. Pulsul. Corinth. ʒij. Crystal. Tartari ʒijss. Flor. Bugloss. Borag. aa. ʒss.

Coq. in Aq. Font. q. s. de Colaturâ optimè clarificatâ cape ʒss.

Succi Pomor. redolent. optimè depurati ʒiv.

In quibus infund. Sennæ mundat. ʒj. Turbith, Agarici aa. ʒij. Macis, Caryophyll. Cinam. Epithymi aa. ʒj.

Digerantur per triduum in Mariæ Balneo, postea colentur & exprimantur: adde,

Extr. Aloës cum Aq. Endiviæ & Acetosæ parat. ʒj. Myrrhæ in Vino ad ignem dissolut. & colat. ʒij. Salis Tartari ʒj.

Evaporentur omnia & inspissentur ad lentum ignem, addendo sub finem

Spec. Diarrhod. Abbat. Lætificant. Galeni aa. ʒj. Salis Absinth. Tamarisc. aa. ʒss. Extr. Croci ʒss. f. MP.

Pag. 82. hæc præscribit:

R. Rad. Gentian. ʒij. Aristoloch. rot. ʒijss. Artemis. ʒj. Bryon. sicc. ʒij. Myrrhæ, Croci aa. ʒj. Rad. Asari ʒij. Aloës ʒj.

Cum Oxymel. squillic. fiat Massa Pilularum, de quâ capiat æger singulis diebus drachmam unam,

Felicissimus Platerus sequentes commendat:

R. Aloës ʒij. Myrrhæ ʒss. Epithymi ʒij. Rad. Gentian. A. Asari aa. ʒss. Gum. Ammon. Aceto soluti ʒj. Sem. Petroselin.

trofel. 3ß. Rhabarb. el. 3iß. Spicæ ʒj. Cum Succo Absinthii fiat MP: Dosis ʒj. vel plus, si necessitas exigat.

D. *Sennertus* de Febr. l. 2. cap. 20. p. m. 311. Meminit Pulveris ex Castor. & Myrrh. aa. 3ß. cum Vinialb. Aquâ Borraginis diluti q. s. à nonnullis utiliter exhiberi, si tribus vel quinque vicibus assumptus fuerit, eoq; multas quartanas curatas scribit:

Vel: ʒ. Myrrhæ, Castor. Opopan. Gentian. Absinth. aa. ʒj.

Cum Mithridatio & Succo Gentianæ fiant Pilulæ num. xxvij. de quibus per horas duas antè paroxysmum æger septem deglutiat.

ARTICULUS IV.

De

FEBRIBUS MALIGNIS ET CONTAGIOSIS.

To *Senar* Hippocraticum & mos in morbis si ullibi in afe-
festibus præternaturalibus attendendum, certè in febribus
malignis, acutis atque contagiosis attendi meretur:
scilicet, quemadmodum vel bonis ac decentibus, vel malis
atque indecoris moribus præditi visuntur, eâdem ratione &
bonos & malos mores medentes in morbis observarunt: hinc
nota est distinctio *divini Senis*, multis in locis in morbos
juvâtes & *nonjuvâtes*, boni & mali moris: boni scilicet moris fa-
cilem curam & bonum tandem respiciunt morbi eventum:
mali verò moris non solum difficilem curationem, sed & e-
ventum dubium, ac ut plurimum funestum præsagiunt. Jux-
ta *Pergamenum* morbi maligni sunt, qui periculum minan-
tes spem salutis ac convalescentiæ non præscindunt: quæ ta-
men descriptio non planè videtur congrua, cum & acuti
morbi periculo sint pleni, nec salutis spem adimant, omnes

tamen maligni non sunt. Specialiter omnes morbi dicendi maligni, quæ causam agnoscunt morbificam venenatam quæ more venenorum agat, & non tam caloris excessu, quam peculiari modo vitæ insidias struat. Ejusmodi venenata malignitas in multis morbis deprehenditur, maximè in febribus malignis, qualis est lues Ungarica sive Castrensis: item Febris Petechialis, Miliaris puerperarum sive Purpura.

De calore harum febrium in genere notandum, levem illum in principio deprehendi, ita ut sæpius & ægrotantem & medentem decipiat, ut vix febrile putetur decumbens: sed latet anguis in herbâ, cum progressu temporis symptomata invalescant, lassitudo vires sumat, interiora quasi urantur, quamvis extrinsecus vix sentiatur æstus, & alia sese offerant symptomata, quæ periculum grave portendunt, & Medico metum haut exiguum incutiunt: talia esse solent affectus ventriculi, nausea nempe, vomitus, anorexia, cardialgia, singultus, faucium inflammatio & aphthæ, intensi capitis dolores, vigiliæ pertinacissimæ, & deliria continuata: interdum etiam animi deliquia, ipsaque syncope accedunt, cordis graviter afflicti nuncia: cutis quoque non manet illæsa, sed maculis, petechiis variisque defoedatur exanthematibus.

Ex phænomenis his manifestum evadit, qualis sit malignarum febrium natura & essentia sive ratio formalis: scilicet non oriuntur illæ simpliciter ab effervescentiâ vulgari, nimio sanguinis atque humorum motu, aut vulgari earundem putredine atque corruptione, sed altius aliquod principium quærunt, cui natales suos debeant, & tale erit singularis aliqua excellens, inusitata atq; venenata corruptio, sive hæc dependeat ab aliquo exterius communicato, sive ex aëre sive per contagium: nec quicquam obstat, quò minus etiam in corporibus tale quid generari possit: Seminarium hoc sive fermentum ac contagium malignum venenatumq; à priori non cognoscitur ob intellectus nostri infirmitatē, sed à posteriori & effectu & ad-

huc

huc ruditer satis atque confusè innotescit. Vid. *Willisus & Sylvius*.

In Curatione ejusmodi Februm omnis impendenda opera, ut adhibeantur, quæ sudorem ciendo malignum *μιασμα* fermentumque venenatum expellendi, sanguini crasin suam naturalem restituendi, spiritusque vitales excitandi atque roborandi facultatem possident: certissimum namque est; per *εξαρπνοιν* omnium commodissimè medelam afferri, ipsâ naturâ præeunte, quæ non solum in principio ac progressu morbi sudores movet, sed & ad ambitum corporis ac superficiem maculas & exanthemata propellit, undè necessariò in opere atque conatu suo adjuvanda. Huic scopo egregiè quoque cum aliis favet Myrrha, quæ & præservationis & curationis gratiâ adhibetur. Hinc in Purpurâ, affectu puerperis familiari, humorum putredinem optimè Myrrhata medicamenta aliis combinata compescunt, uti est Essentia Myrrhæ, Elixir Pr. Paracelsi simplex vel crocatum magis.

Thomas Jordanus singulare quoddam in morbo ungarico commendat medicamentum, Electuarium de Zedoariâ appellatum, quod grassante hac lue in Ungariâ multis in usu fuit Myrrhæ admistione illustre.

℞. Theriacæ Alexandr. Mithridat. āā. ʒiij. Zedoar. el. ʒj. Zingib. albi ʒʒ. Rad. Tormentil. Serpentar. Pimpinell. āā. ʒiij. Myrrhæ, Croci, Ossis de Corde Cervi, Dip-tamn. āā. ʒiijʒ. Misc.

Monet verò rectè, in ejusmodi pharmacis, quæ Theriacam & Mithridatium recipiunt Dn. D. *Sennertus*, quòd cautione opus sit, cum caliditate suâ febrim augere soleant: de Febribus l. 4. cap. 14. p. m. 555.

Sequentis Pulveris usus in malignis & contagiosis febribus à nonnullis laudatur, qui dicitur esse secretum Regis Hispaniæ, *Platero* asserente: ℞. Myrrhæ selectæ, Mastich. Boli Armen.

Terr. Sigill. Ligni Aloës, Caryophyll. Macis, Croci āā. part. æqual. Misc. fiat Pulvis singulis matutinis capiendus præservationis gratiâ.

Nec parùm præstat Pulvis Alexipharmacus ex tribus dictus:

R. Flor. Sulphur. ʒʒ. Cryſtall. Nitri, Myrrhæ rubræ āā. ʒj. Misc. Doſis ʒiʒ. vel ʒj. habitâ ratione ætatis.

Internis externa quoque adjungere fas eſt: ubi pro ſpiritibus conſervandis & malignitate expugnandâ ſequentem candelam ſuggerit *Sennertus*, cujus accenſæ fumus ore, nari- bus, & ſub axillis regione, quin univerſo corpore ſit exci- piendus:

R. Thur. alb. ʒvj. Nigr. ʒj. Succini albi, flavi, Myrrhæ āā. ʒʒ. Camphor. ʒij. C.C. ʒvj. Angel. Pimpinell. āā. ʒij. Cera ʒij. Fila ex cannabe num. iiij. ex ſerico, auro & argento āā. num. ij. fiat ſ. a. Candela.

ARTICULUS V.

De

VARIOLIS, MORBILLIS, RUBEOLIS.

Facies horum Exanthematum notiffima eſt, nec minus illorum periculum multorum clade ſatis clarum exiſtit. Referuntur autem jure meritò ad febres malignas, cùm frequenter contagioſa ſint & epidemicè graſſentur, plu- rimosque è medio tollant. Febres hæ non ſemper ejusdem ſunt indolis, ſed quemadmodum à turgescentiâ materiæ mo- dò magis, modò minus reſolutionem ſanguinis intendente, dependent, ita & ſeſe habent: undè etiam non ſemper ejusmodi exanthemata malignitatem ſecum portant, ſed benigniore fa- cie nonnunquam apparent.

Circa cauſam proximam lites inter Authores graves ex- ortæ ſunt: multi ex veteribus quin & recentioribus, ſangu- nem menſtruum accuſant, quò infans in utero materno nu- tritur;

eritur; non quod totus sit vitiosus & impurus, sed utut purissimus, quasdam tamen impuritates contineat, quæ partibus foetus labem suam communicent, & illa labes partibus impressa massam postea sanguinis inficiat, eique à causâ procatacricâ excitata, ebullitionem conciliet, cujus beneficio fiat fermentatio & depuratio tum sanguinis, tum ipsarum partium.

Juxta alios stationem causæ tenet atque defendit lymphæ quovis modo corrupta ac vitata, imprimis verò in liquamen acido salinum transmutata: quod acidum non fixæ sed volatilis sit naturæ, cum contagiosum sit, aliosque inficiat effluviis ex corpore ægrotante exhalantibus.

Athanasius Kircherus confugit ad vivam mortis imaginem, sive putredinem animatam, statuens, ejusmodi pustulas & sordidas papulas nil aliud esse, quàm verminosorum effluviis conceptacula atque hospitia.

Subiectum inhæssionis sive receptionis horum exanthematum cuticula est; fomitis autem viscera interna non quoad substantiam sed actiones læsas considerata: Ventriculus scilicet quando officio suo in chylicando non satisfacit: jecur bilem excrementitiâ à sanguine depurando non ritè separet: maximè autem cor, dum laudabilem sanguinem non conficit, & in excitandâ febrî acutâ & malignâ pustularum & macularum materiam ad cuticulæ peripheriam protrudente, per consensum afficitur.

Cumque affectus hi ad morbos acutos pertineant, non omnino certas habent prædictiones salutis & mortis, juxta effatum Hippocraticum aph. 19. S. 2. ita ut quod vires sunt validiores ac symptomata mitiora, melior quoque exitus veniat expectandus. Curatio itaque non differenda, in quâ Practici distinguunt inter tempus ebullitionis & excretionis, quæ distinctio probe observanda: priori itaque tempore eò scopus Medici dirigendus, ut fermentum acre acidum corrigatur

ac præcipitur, id quod præstant medicamenta vulgò præcipitancia & absorbentia dicta, terreo-alcalina, vel alcalina propriè dicta, fixa & volatilia, quibus semper felici successu Myrrha, tanquam lymphæ specificum corrigens, admiscetur. Nec ipsius usus prætermittendus tempore posteriore, excretionis scilicet, ubi exanthemata hæc ad corporis ambitum propellenda medicamentis expulsvivis communiter dictis: inter selectiora etiam Myrrha refertur, inprimis si exhibeatur ipsius Essentia cum Spiritu Vini Tartarificato vel Tincturâ Tartari parata. Cùmque interdum Variolæ ac Morbilli retrocedant magno cum ægrotantium dispendio, manifestoque periculò, nihil tutius atque utilius Essentiâ Myrrhæ cum Spiritu Salis Ammoniaci vinoso concinnatâ excogitari potest à medente: hæc namque aliàs in scopo expulsionis multa promittens valde à menstruo volatili ac penetranti in efficaciam viribus suis exaltatur, adeò ut vix unquam Medicum optima hæc medicina deferat aut fallat. Frequenter quoque contingit, ut Variolæ post curationem aliquod relinquant vitium, ubi non postremum locum occupant atroces artuum dolores atque lincinationes circa scapulæ humerique dearticulationem, quibus demulcendis ac profligandis varia à Practicis in usum trahi solent: Essentia Myrrhæ tanquam medicina lymphæ acrimoniam optimè contemperans aliis hîc laudem præripit, utpotè à cujus prædominio dolores isti lincinantes originem ducunt.

Oculi in Variolis admodum periclitari solent, experientia teste, ergò præmuniendi sunt nonnihil adstringentibus, discutientibus anodynisque: hîc similiter Myrrha commendatur, quam dolores pruriginosos oculis infestissimos discutiendo magnoperè tollere *Mercurialis* tradit.

Sennertus lib. de Febribus 4. cap. 12. p. 531. Pulverem expulsvivum Myrrhâ ingrediente nobilitatum proponit, qui ita habet:

R. Boli Armenæ or. ʒij. Sem. Caulium, Chinæ sel. Rad. Tormentil. el. āā. ʒij. C. C. usti præp. ʒij. Myrrhæ el. Dictamni albi āā. ʒiij. Sem. Napi ʒij. Fol. Auri n. xx. F. Pulvis subtiliss.

Nec sequens inefficax adhibebitur :

R. C. C. sine igne ʒij. Unicornu fossil. ʒj. Salis Card. bened. gr. xv. Myrrhæ el. gr. xij. Divide in tres partes æquales.

S. Austreibend Pulver.

Ad siccandas Variolas & ad delenda rubra vestigia Arabes usi sunt Oleo de Myrrhâ : Pulverem etiam hunc sarcoticum commendârunt post apertionem naturalem vel artificialem adhibendum, notante *Ranchino* de morbis puerorum.

R. Farinæ hordei, fabar. aa. ʒij. Farinæ volatilis ʒj. Myrrhæ, Thuris, Terræ sigill. aa. ʒij.

Misc. fiat Pulvis, quô adspargatur facies.

Sequens remedium contra Variolas faciei, ne tam fortiter vel confluant vel faciem deturpent, Dn. D. *Andreas Cnöffelius* Ephemerid. German. Anno 4. obs. 60. p. 50. præscribit : *In initio, inquit, prorumpentium Variolarum statim debet facies illiniri Spiritu Vini Myrrhisato ad duos dies repetitis vicibus : præter lapsis diebus Saccharum Saturni Aquâ Rosarum mixtum linteaminibus intinctis faciei sæpius iterando applicetur : quod si patientes linteamina renuant, potest tota facies levi pennâ hâc mixturâ saturatâ illiniri. Sæpius, inquit porro, cum maximo emolumento applicatum est, & observavi, quòd et si Variola copiose fuerint, tamen relictas post has cicatriculas vix apparuisse, & non incongruam faciei formam effigurasse.*

ARTICULUS VI.

De

PESTILENTIA.

MERITO affectus hic gravissimus & ut plurimum exitium mortalibus adferens, Princeps morborum salutatur, ilias namque malorum est & compendium ferale atrocissimorum omnium: magnus est morbus non solum ratione partis affectæ omnium nobilissimæ, nempe cordis, sed & ratione dispositionis in gradu excellenti: ex peracutorum imò acutissimorum classe oriundus est, cum stadium suum celeriter decurrat, cursumque absolvat: contagiosus præterea est & mali moris, ac in quo τὸ θεῖον Hippocraticum manifestè advertitur, venenatisque effluviis mediantibus longè latèque sese diffundit: cujus natura atque essentia tam abdita atque obtrusa est, ut plerique ipsius originem soli DEO, Ejusque vindictæ ac iræ, vel occultis qualitatibus adscripserint: nec negandum, flagellum Numinis Divini pestiferam luem existere, mortalibusque immitti tanquam delictorum premium: nihilominus tamen causas etiam agnoscit naturales, & nonnunquam etiam, Divinâ accedente benedictione, à Medico superatur.

Appellationes malum hoc sortitum est plurimas: *Quem admodum enim crudeles Tyranni, inquit Isbrandus Diemberbroeck Tr. de Peste lib. I. c. I. p. I. magniq. Principes plurimis heroicis titulis donari solent, ut ex iis eorum excellens potestas clarissimè queat innotescere: sic etiam magno huic morbo varia nomina attributa fuerunt, quibus crudelissimi Tyranni perniciosissima vis & natura manifestissimè indigitatur.*

Cognitionem causarum Medico esse necessariam per se liquet; adeò ut verè cecinerit Poëta:

Felix,

*Felix, qui rerum potuit cognoscere causas,
Ille metus omnes, & inexorabile fatum
Subjiciet pedibus, strepitumq; Acherontis avari.*

Ast pestilentiaë causâ admodum est abstrusa, satisque cognosci nequit: hinc *Sennertus* scribit: *Qualis sit specifica veneni pestilentis natura & causa, nemo unquam explicare potuit; & profectò talia sunt, quæ latent animos temperatos, illudunt curiosis*: Si quid tamen statuendum, dicimus causam pestis proximam esse materiam quandam venenatam, cordique peculiariter adversam ac contagiosam. Neoterici producunt causæ locò fermentum pestilens atque malignum in venenato quoque miasmate hærens, quod juxta *Athanasium Kircherum* animatum & vermiculosum est.

Hermetici vim & naturam veneni pestilentis conjecturaliter indagantes, modò arsenicale, modò auripigmentale, modò antimonialè, aconitale & napellinum nominant; sed videntur ignotum per æquè ignotum explicare.

Plateri quoque opinio fidem vix meretur, qui statuit, venenum pestiferum originem suam in mundi origine habuisse, & quemadmodum reliqua venena in corporibus certis ab origine mundi innata hærent, sicetiam pestilens venenum, idq; de corpore in corpus per contagium dispergi.

Paracelsus quinque pestis causas, & ab illis quinque ejusdem differentias statuunt, pestem gigni putantes. 1. ab ente Deali, cum solo DEI nutu inducitur ad coërcenda hominum flagitia: 2. ab ente astrali, cum à maleficis siderum aspectibus, configurationibus, conjunctionibus & oppositionibus, illa labes in aëre gignitur: 3. ab ente magico, cum veneficorum & incantatorum operâ provocatur: 4. ab ente veneni, cum per inspirationem halituum venenatorum aër inficitur: 5. ab ente naturæ, cum oritur ex internâ malignâ humorum putredine: Causarum harum examen vide sis apud *Diemerbroeck* Tr. de peste l. 1. c. 8. in Annotat. p. 24. & seq.

Porro si in ullo morbo, sanè in hoc veritatem suam dilucidè satis ostendit aphorismus: *Coi*, scilicet, *acutorum morborum incerta admodum ac fallaces sunt predictiones*: nec rarò contingit, ut etiam Medici exercitissimi prognosticando decipiantur ac deludantur. Nullus enim morbus, inquit *Senperius*, lib. 4. de Febribus cap. 4. p. m. 420. *homines magis ex insidiis aggreditur, & dum maximè blanditur, maximè nocet*: & *sæpe, cum omnia rectè se habere videntur, mors insperatò occupat*; *contrà qui sæpe morti addicti videbantur, præter spem evadunt*: & *Liddelius* lib. 3. de Febribus cap. 7. incertitudinem hanc perpendens scribit; *Nullus morbus ex se magis perniciosus est, aut in quo signa omnia magis infida sunt, & motus magis incerti inconstantesq.*: *sæpe enim signis bonis apparentibus in urinâ, pulsu, aliisq., præter expectationem agri subito moriuntur.*

Non tamen suspendenda aut negligenda sed ob periculum summum eò citius maturanda erit curatio: nec solum Medicus occupatus esse debet circa ipsam curationem, sed ut & sanos adhuc à peste præservet atque custodiat. Duplicia itaque diligenti Medico erunt conquirenda præsidia, prophylactica nempè & therapeutica. Præservatio consistit in remotione causæ agentis, & in præmunitione corporum adversus illam causam. Curatio ipsam pestis ablationem respicit per alexipharmaca ac congrua diaphoretica tentandam: ubi deplorandum, quòd cum veneni pestilentis natura non satis nobis sit cognita atque perspecta, in inveniendò appropriato alexipharmaco etiam infelices hætenus fuerint medentes: undè *Gesnerus* lib. 1. Epist. Med. 64. scribit: *Fortè non placet DEO, ut contra flagellum peccatis nostris debitum, ullum certum præsidium habeamus*: & jam laudatus *Diemerbroeck* lib. 3. cap. 1. p. 181. benè ac christianè illos loqui existimat, qui dicunt, verum pestis alexipharmacum penes illum adhuc latere, qui flagelli hujus immissionem & aversionem sibi soli reservare voluit.

Quicquid tamen sit, nihilominus eò adnitendum, ut à præstantissimis longoque usu exercitatissimis sanitatis præsidibus excogitata & approbata remedia, invocato prius divino auxilio, methodicè adhibeantur: cum frequenti experienciâ constet, non omnes peste infectos debitum naturæ persolvere, sed & multos non solum bonitate naturæ, verum etiam ope legitimè adhibitorum alexiteriorum sanitati fuisse red-ditos.

Inter innumera verò remedia Pestilentiaæ adversantia ju-re merito & Myrrha recensenda propter vim suam alexiphar-macam, quâ putredini resistit, massamque sanguineam ac principaliora viscera munit, ita ut nulla fermè formularum species reperiat, quam non ingrediatur Myrrha, opeque suâ salaciferâ illustret, hocque tam internè quàm externè fru-ctuosè præstet.

Sennertus de Febribus lib. 4. c. 5. p. 426. sequentes præ-scribit Rotulas prophylacticas pro instituendâ leni corporis expiatione:

℞. Extr. Rhabarb. 3j. Rhabarb. Aq. Cinam. adpers. Conf. Rosar. āā. 3iij. Sacch. albi in Aq. Rosar. sol. 3iv. fiant Rotulæ vel Morfuli pondere trium drachmarum.

Nec minoris efficaciae erunt quas proponit pag. 424. Pi-

lulas:

℞. Aloës rosat. 3iij. Rhabarb. Aq. Cinam. adpers. 3iβ. A-garici, Trochiscati 3j. Myrrhæ 3ij. Mastich. 3j. Cum Sir. Acetos. Citri q. s. f. Pilulæ: Dosis 3j.

Platerus obs. lib. 2. p. 399. talibus utitur Pilulis per vices exhibendis ad præservationem;

℞. Aloës, Rhabarb. āā. 3ij. Agarici, Myrrhæ āā. 3j. Rad. Gentian. Zedoar. āā. 3j. Croci 3β. Pulverisentur & cum Sir. Rosar. sol. cum Senâ fiat massa Pilularum.

Apud *Cratonem* sequentes habentur ac evacuationem pu-tridorum & excrementitiorum humorum utiles, si ad 3j. su-mantur semel in septimanâ;

hh 3

℞. Alo-

R. Aloës 3vj. Myrrhæ el. 3iij. Croci 3j. Rhabarb. el. 3ij. Agar. Trochisc. 3j. Caryophyll. Sem. Citri āā. 3j. Tormentil. Santal. rubr. āā. 3iβ. Boli Armenæ or. 3iij. Camphor. 3β. Pulveriscentur atque excipiantur Sirupo Acetos. Citri, fiatque MP.

Cornelius Gemma, annotante *Diemerbr.* lib. 3. c. 5. p. 211. hunc pulverem pro summo secreto à Rege Hispaniæ æstimari tradit:

R. Myrrhæ el. Mastich. Boli Armen. Terræ Sigillat. Ligni Aloës, Caryophyllor. Macis, Croci āā. partes æquales. Misc. f. Pulvis.

Paracelsus lib. de Peste sequentem infusionem commendat ad præservationem.

R. Vini sublimati rectificati Mens. j. Theriacæ opt. 3vj. Myrrhæ 3ij. Rad. Tussilag. 3iij. Spermat. Ceti, Terr. Sigillatæ āā. 3β. Rad. Asclepiad. 3j. Diptamni albi, Pimpin. Valerian. āā. 3ij. Camphor. 3j.

Mista omnia in purum vitrum conjiciantur, ac in ipso benè obturato ad solem stent per octiduum.

Infusum hoc jubet exhibere quantitate dimidiî vel integri cochlearis pro ratione utentis, & sudorem expectare.

Præter interna etiam externa præsidia ad præservandum à Peste adhibere convenit: inprimis verò ad purganda ædificia & aërem corrigendum ac venenatas particulas in illo oberrantes absorbendas suffumigia sunt conducibilia, quorum apud Practicos crebra fit mentio, & compositio reperitur numerosa: ex multis pauca saltem eligere libido est, & ea quidem, quæ Myrrhâ gaudent fociâ.

In usu tamen suffituum observandum, usum nimium reprehendi, ac illorum loco ignem apertum atque lucidum lignis odoriferis, quale est Juniperinum, continuè instructum eligendum esse, maximè penes illos, qui capitis gravitate facili negotio tentantur, aut asthmatis, tussi, aliisque affectibus suffitum respuentibus, molestantur: quandò tamen

tutò

tutò suffimenta adhibere licet, sequente Pulvere posset negotium peragi.

℞. Ligni Junip. ʒj. Bacc. Junip. Lauri āā. ʒij. Succini, Thuris, Myrrhæ, Styrac. Calam. Benz. aa. ʒj. Misc. fiat Pulvis grossus, cui pro lubitu addi queunt Flores Sulphuris Myrrhati, ut acres halitus malignitatis in vectores acido horum domentur ac figantur: hinc Hippocrates ipsum Sulphur vivum accensum pesti adversari scribit. Et Crollius in Basilicâ Chemicâ Flores Sulphuris sequentibus commendat: *Flores Sulphuris (etiam Myrrhati) summum sunt curativum & preservativum in Peste: resistunt enim impressioni & preservant à putredine: cum Extracto Enula campana ad miraculum operantur tempore infectionis.*

Franciscus Joël de Peste talem describit suffitum:

℞. Ligni Aloës, Cypress. āā. ʒʒ. Myrrhæ, Caryophyll. Styrac. Calam. Benz. aa. ʒij. Crassè contusa misceantur pro excitando odorato suffitu.

Sequentem Pulverem Paracelsus habet:

℞. Sulphur. ℥j. Myrrhæ ʒiv. Thuris ʒviij. Opopan. ʒj. Asæ Foetid. ʒj. Bacc. Lauri ℥ij. Succini Flavi ℥ʒ. Misc.

Nec inutilis Trochiscorum ad suffumigandum adhibitio.

℞. Sulphur. Flavi Caudi ʒj. Asæ dulcis, Myrrhæ aa. ʒʒ. Caryophyll. ʒj.

Tenuissimè pulverisata & per setaceum trajecta Extracto Baccar. Junip. ad formandum trochiscos excipiantur.

Nares etiam tempore pestis illinere juvat Balsamis, Linimentis, Acetis aliisque convenientibus Myrrhâ vigoratis.

Sennertus tali utitur Linimento, quo nares inungendæ.

℞. Theriacæ opt. Mithridat. el. aa. ʒj. Benz. Styrac. Calam. Ol. destillati Rutæ aa. ʒj. Angelicæ, Camphor. in Aq. Bezoard. dissol. aa. ʒʒ. Olei Amygdal. dulc. parum. Misc. pro Linimento.

De odoratis ac suaveolentibus notandum, quòd non semper convenient in peste, eò quòd facilè alliciant venenum, nisi aliis sint correcta. Vid. *Diemerbr.* lib. 2. cap. 5. p. 136.

Acida verò naribus oblata optimè profunt: hinc Aceta Bezoartica, quæ etiam Myrrham recipere solent, in usum trahenda. Multi laudem mereri asserunt illud *Matthioli*, quòd
 ℞. Granor. Junip. ʒj. Rutæ, Scordii aa. ʒʒ. Santal. Citr.
 Rad. Angelic. Valerian. Aristoloch. Zedoar. aa. ʒiʒ.
 Myrrhæ ʒj.

Pulverisentur grosso modo & infund. in Aceti Vini ℥iijʒ.

Ad externa prophylactica Antipestifera à non paucis & Amuleta quoque referuntur foris appensa, quæ occultâ atq; specificâ quâdam virtute pestilenti contagio resistere putantur: suntque vel venenata vel non venenata: illa planè sunt proscrubenda, uti bufones, araneæ &c. hæc partim sunt supersticiosa ac diabolica, partim naturalia. Vid. *Diemerbr.* lib. 2. cap. 11.

C A P U T IX.

Usum Myrrhæ in affectibus ventriculi ac intestinorum commendat.

A R T I C U L U S I.

De

NAUSEA ET VOMITU.

Ventriculus publicus ille alimenti corporis nutritioni destinati coqus quemadmodum multum ad indivi-
 duum conservationem atque sustentationem confert,
 quatenus nimirum cibum in ore masticatum in
 chylum, succum illum albicantem transmutat, ita si hoc mu-
 nere

nere non fungatur ritè ac prout fas est, sed deficiat in chyli-
ficationis opere, ut loco boni chyli, impuritates ac crudita-
tes generentur, nã! non parum ad œconomia corporis de-
structionem confert, cum vitium digestionis primæ in secur-
dâ & ultimâ non corrigatur; undè fertilis variorum mor-
borum messis expectanda, ut hâc ratione ventriculus potis-
simarum ægritudinum fons & scaturigo meritò ab *Hippocrate*
lib. 4. de morb. indigitetur: inter illas primùm se offert Nau-
sea & Vomitus, affectus satis familiares & frequentes: in
illâ inane illud vomendi desiderium molestiam creat, ubi qui-
dem adest ad vomendum conatus, parum tamen vel nihil
ejicitur: in vomitu verò violenta adest excretio per os illo-
rum, quæ in ventriculi utriculo continentur, & eò usque
eundem gravant, donec eliminata fuerint.

Causæ utriusque affectus differunt tantum quoad gra-
dus, sive magis & minus, pertinentque huc omnia illa, quæ
facultatem ventriculi expultricem laceßere ac stimulare va-
lent, qualia sunt copiosius ingestus cibus ac potus, humo-
res varii in ventriculo vel geniti vel aliundè ad illum con-
fluentes, ubi nec sanguis excludendus, qui interdum ex va-
sis ruptis aut ex retentis mensibus ad locum hunc transfertur,
quæ hæmoptysis, si citrà febrim contingat, toleranda qui-
dem, ast cum febre conjuncta damnanda venit, docente *Di-*
astore nostro S. 7. aph. 37. Vomitus etiam chylosus pravus
est, nam subtrahitur corpori debitum nutrimentum, & nu-
tritioni frustrandæ via paratur.

Curatio absolvitur potissimum per corroborantia & to-
num ventriculi laxatum corrigentia modicèque adstringen-
tia, ubi & Myrrha salutarem sese exhibet: hinc ad vomitum,
imò & ventris nimium fluxum ab hypercatharsi inductum
Savanorola Tr. 6. Pract. maj. cap. 16. pag. 102. tales commendat
Pilulas.

℞. Bdellii, Sandarach. Arab. Thuris, Opii, Myrrhæ, Croci

aa. q. v.

Dec. II. Annus VI,

ii

Fiant

Fiant Pilulæ sicut ciceres, quarum 2. vel 4. deglutien-
dæ.

Emplastris etiam atque sacculis confortantibus mode-
ratèque adstringentibus egregiè Medicus malo huic succurret:
sequens Emplastrum regioni ventriculi vel spinæ dorsi è re-
gione stomachi imponatur:

℞. Styrac. Calamit. Ladani aa. ʒij. Mastich. Myrrhæ el. aa. ʒj.
Nuc. Moschat. Corallor. rubr. ppt. aa. ʒiʒ. Cum Ce-
ra fiat Emplastr.

Sacculus talis esto:

℞. Herb. Menthæ crispæ, Origani, Absinth. aa. Miʒ. Fl.
Chamæmel. Rom. Mʒ. Ros. rubr. Pij. Calami Aroma-
tici, Nucis Moschatæ, Cort. Citri aa. ʒiij. Ligni Aloës
ʒiʒ. Mastich. Myrrhæ rubr. aa. ʒj.

Conquassata atque concisa includantur duobus sacculis
ex sindone confectis ac interpastandis, gestenturque continuo
ventriculo malè se habente.

ARTICULUS II.

De

SINGULTU.

IN hoc affectu spasmodici quid occurrit, ita ut singultus nil
aliud sit, quàm motus quidam ventriculi convulsivus, quo
id quod molestum ac peregrinum est, excutere atque eli-
dere satagit.

Quidam non ad ventriculi, sed diaphragmatis affectus
singultum referunt, proptereà quòd voluntarius esse, & quo-
vis tempore pro lubitu excitari queat; ut plurimum tamen
produci ventriculo prius affecto ab acribus halitibus vel fla-
tibus vel humoribus undecunq; accedentibus, & quâcunq;
demum viâ ad membraneum diaphragmatis centrum pene-
trantibus. Hinc Clarissimus *Sylvius* Prax. Med. l. i. c. 23. p. 216.
veram singultus causam traditurus ita scribit: *Vera singultus*
causa

causa est quicquid ad violentam, non tamen durantem, sed mox interruptam cessantemq, iterumq, saepenumero repetentem sui contractionem diaphragma cogere aptum est, siue illud in ventriculo reperiatur, siue idem ex tenui intestino à vitiosa humorum confluentium effervescentiâ excitatum humoris, halitus flatusvè formâ eo assurgat, & superius ventriculi orificium itâ rodendo praesertim afficiat, ut ipsum ambiens diaphragma mordicet vel ad ipsum per vasa sua deferatur, nè in ejus substantiâ harena partes ipsius sensiles rodat, vel quovis alio modo ad molestantillam convulsivamq, sui contractionem solitariam & subinde continuò repetentem ipsum adigat.

Singultus aliàs grave malum audit, ac in nonnullis affectibus accedens prava & non rarò funesta suggerit prognostica, quorum in aureis Hippocratis magni aphorismis mentio passim occurrit: verbi causâ: Si senibus supra modum purgatis singultus obveniat, non bonum est. S.7.aph.41. Ab Hepatis inflammatione singultus pravam: S.7.aph.11. In vomitibus sincerus singultus malum: in Coacis. Aphonia seu vocis interceptiones cum singultu pessima. 1. Prorrhit. cap. 23.

Quare non parvifacienda ipsius curatio, sed acceleranda potius, nè malum fiat diuturnum, agerque nimium affligatur. Hic medicamenta Myrrham recipientia admodum proficua sunt, nec spem medentis eludunt: sint autem talia, quæ sensum ventriculi nonnihil hebetent & obtundant.

In contumaci singultu ab humoribus pituitosis tunicis ventriculi impactis inducto Pilulas sequentes tanquam efficacissimas proponit Rivèrius Pr. Med. l. 4. c. 6. p. 108.

℞. Castor. Myrrhæ āā. 3iij. Salis Gemmæ ʒʒ. Diagrid. Mastich. āā. ʒj. Agar. rec. Trochisc. 3iij. Aloës el. ad pondus omnium.

Excipiantur succo Menthæ & f. MP. de cujus ʒj. formantur Pilulæ vj. deauratæ: Dosis duæ vel tres manè duabus horis ante cibum, bis in hebdomadâ.

Idem ventriculo tale Cataplasma applicat:

R. Rad. Aristoloch. long. Ireos Florent. Baccar. Lauri, Fol.
Rutæ & Menthæ siccor. āā. ʒiij. Castor. Myrrhæ āā. ʒij.
Caryophyllor. Hypocistid. āā. ʒj.
Cum melle anthosato fiat Cataplasma.

ARTICULUS III.

De

TORMINIBUS VENTRIS ET COLICA.

Colica atrocissimè nonnunquam in humanum corpus sæviens ac tyrannidem suam exercens nomen accepit ἀπὸ τοῦ κολλάειν à torquendo, quòd in eo tormina & cruciatus contingant, hominemque misellum torqueant adeò interdum, ut præ impatientiâ dolorumque exacerbatione, horumque levandorum causâ manus nonnulli sibi injecerint, vitamque ademerint. Alii affectum hunc derivant ab intestino Colo, tanquam à loco affecto: perindè est, modò curatio cita instituatur.

Medici aliàs triplicis Colicæ mentionem in monumentis suis faciunt, flatulentæ scilicet, pituitosæ ac biliosæ: quæ à flatibus excitatur Colica, dolorem habet maximè vagum, qui non diu in eodem loco moratur, sed modò sursum, modò deorsum, modò ab uno latere in oppositum divagatur, & distendendo excruciat: Bilis Colicam inducit cum mordacitatis sensu, & plerumque sitim orisque amaritiem comitem habet. Pituitosâ *Galeno* crudelissima audit, maximè quæ à pituitâ vitreâ intestinis tenaciter impacta ortum trahit, quæ palè infixi ac instrumenti perforantis & terebrantis speciem exhibet, scilicet humores hi sive qualitate acri mordendo sive inflammando agant, dolores immanes excitare valent: flatus verò in cavitate coli intestini stabulantes, & ab humoribus crassiss atque pituitosis elevati distendendo & divellendo eosdem etiam parere adsolent. Cum

Cùm verò colon pars sit membranosa nervisque prædita fieri aliter nequit, quàm ut dolorificus ex ipsius læsione pronascatur affectus, citam opem postulans, ne morâ interpositâ principalliores corporis partes in consensum trahantur. Medicamentis itaque anticolicis agendum, quibus & Myrrha adjungenda: hinc *Crato* lib. 1. Conf. 10. commendat Decoctum Veronicæ, quæ à proprietate Colicis ex flatibus medeatur: coquitur ea in jusculeo gallinaceo, & libræ juris decocti additur Vini Malvatici ℥ss. Myrrhæ el. 3℥. & tanquam Clyster injicitur.

Idem decoctum etiam ex Vino albo cum scrupulo dimidio Myrrhæ exhibet inchoantibus & urgentibus cruciatibus.

Franciscus Sylvius Pr. Med. lib. 1. c. 14. p. 187. 188. in doloribus intestinorum partem affectam quasi perterebrantibus, & vitreâ pituitâ oriundis, inter alia corrigentia atque temperantia gummata etiam Myrrham collocat, Pilulasque pituitam vitream corrigentes blandèque educentes tales describit:

℞. Gummi Galbani Acetò squilliticò præp. ℥ij. Vitrioli Martis ad albedinem igne blandò lentè calcinati, Mastich. el. āā. ℥j. Castor. opt. Myrrhæ rubr. āā. gr. xv. Croci or. ℥ss. Trochisc. Alhandal. 3j. Resin. Jalap. Scammon. āā. ℥j. Ol. Cort. Citr. gurr. vj. Misc. fiant Pilulæ num. L.

Inaurandæ aut pulvere glycyrrhizæ conspergendæ: Dosis harum Pilularum tres pluresve post cœnam, aut manè vacuo ventriculo exhibendæ.

Extrinsècus quoque abdomini imponitur Emplastrum Carminans Ejusdem, quod & Myrrha ingreditur, quò feliciter usus est in flatibus ventris, ac tumoribus hypochondriorum, indèque ortis doloribus discutiendis: cap. 20. p. 209. 210.

Infantibus puerisque torminibus ventris cum pavore in somno,

somno, quorum causa acidum peccans & lac coagulans est, sequens pulvis acidum destruens, lac dissolvens, ac tormina demulcens, qui & Myrrham amicè continet, egregiè confert:

℞. Lapid. 69. præp. 3j. Myrrh. el. ʒß. Ol. destillati Anisi gutt. iij. Misc.

S. Kinderpulver wider das Reissen.

ARTICULUS IV.

De

DIARRHOEA & DYSENTERIA.

Cognati sunt affectus, & Dysenteriam præcedere fluxum ventris ut plurimum solet: & dysenteriam quidem generaliter sumptam Veteres omnibus intestinorum læsionibus attribuerunt & quemcunque alvi fluxum cruentum hoc nomine insigniverunt, uti patet ex *Galeno* lib. 3. de Causis Sympt. cap. 2. Usus tamen obtinuit postea, ut specialiter nomen hoc adsignatum fuerit intestinorum erosioni atque exulcerationi, quas comitentur dolores, frequentesq; ac cruentæ alvi dejectiones.

A *Calio Aureliano* vocatur rheumatismus intestinorum ulcerosus: *Helmontius* furorem Pylori inscribit: *Celfo* ναί εἶχον Τормина audit.

Notum verò est, *Pergamenum* quatuor differentias cruentarum dejectionum proponere; una est, quando sanguis sincerus atque purus affatim propter membrum aliquod abscissum, aut sanguinis intermissam consuetam evacuationem, aut aliam similem causam per alvum excernitur: altera; cum liquor aquosus loturæ carnis recens mactatæ similis in fluxu hepatico dicto, dejicitur: tertia, quando sanguis niger excernitur, quæ excretio spleneticis ac melancholicis contingere vulgò creditur: ultima dysenteria est, exulceratio nempe intestino-

stinorum, de quâ nobis sermo, ubi non purus sanguis, sed purulentus, ac flavis, viridibus, albicantibus mucosisque excrementis mixtus crebro ejicitur.

Helmontius Tr. qui inscribitur Pleura furens exulcerationem intestinorum impugnat ex hac ratione, quod vulnera intestinorum non admittant curationem, in testem vocans *Divini Senis* Aphorif. 18. S. 6. qui ita se habet: Cui perfecta fuerit vesica, aut cerebrum, aut cor, aut septum transversum, aut tenue quoddam intestinum, aut ventriculus, aut jecur, lethale est: ubi intestinorum tenuium vulnera pro lethalibus æstimat; verum vix opinio hæc amplectenda, cum ex Practicorum observationibus clarum evadat, talia intestinorum vulnera sæpius persanata fuisse.

Nonnulli cum *Willisio* statuunt, non omnem dysenteriam ab exulceratione dependere, sed dari etiam incurantam, uti talem vocat citatus *Willisius*, ubi quidam reperti, qui ne guttam quidem sanguinis excreverint, nihilo secius tamen ad plures abiisse: aut incurantia ejusmodi vix digna videtur nomine dysenteriae.

Ab ejusmodi verò causâ juxta *Sylvium* producaturs dysenteria, necessum est, quæ intestina exedere ulcusque excitare apta nata est: accusatur inde ab ipso humor acidus, eosque totò coelò errare scribit *Prax. Med. Append. tr. 10. p. 833.* qui à solâ bile quoquò modò per se corruptâ & acriore factâ profluvium hoc cruentum deducunt: postquam sal lixivum bilis acerrimum factum gangranam quidem tum alibi, tum in tenui intestino excitabit, nunquam ulcus: cum ulcus acidi non lixivi sit affectus: hinc nisi acidus & quidem acris humor jungatur bili nunquam efficietur ab ipsâ dysenteria, quam solus humor valdè acidus & acer ad intestinum delatus producat.

Sunt & qui proximam causam adsignant spiritibus animalibus in convulsivas quasi ac morbosè auctas excretiones inte-

intestina furibundè adigentibus : inquieti verò redduntur. spiritus hi ab humoribus acribus, biliosis, falsis, acidis, mordacibus ac corrosivis in intestinis stabulantibus, eorumque cavitatem actu vellicantibus & rodentibus : hinc in curatione omnem adhiberi operam jubent, ut spiritus furibundi demulceantur: quò factò omnia quieti restitui, crebras dejectiones cessare, tormina compesci, cæteraque symptomata huic vitio familiaria tolli existimant.

Cùm verò inter graves, magnos atque periculosos merito recenseatur affectus, tum ob magnitudinem prævæ dispositionis, & magnum à naturali statu factum recessum, exulcerationem scilicet, tum etiam propter malum morem, quem ut plurimum annexum gerit, undè & maligna, epidemia atque contagiosa datur, diligentia sanè vigilis impendenda, ut curatio non differatur, ne tandem cum crebrâ excrementorum dejectione anima simul profundatur.

Quâ ratione verò instituenda sit medela, nostri instituti non est, pluribus disquirere, præstant id Practici: nobis sufficit scire, ex multis Antidysentericis Myrrham non postremâ occupare subsellia: quamvis enim inter Authores controversatur, utrum adstringat? cum *Dioscoride* tamen affirmare haud veremur, ob particulas crassas, quas non levis amarities manifestat, undè à dicto Botanographo in alvinis fluxibus cruentâque dejectione laudatur.

Circa adstringentium usum tamen probè notandum, ea non primis statim diebus, sed præterlapsis quinque vel sex, prægressisque necessariis evacuationibus, ac dolore ex parte sedato, esse adhibenda.

Hieronymus Mercurialis l. 3. cap. 28. p. 492. sequenti utitur Mixturâ:

℞. Carnis Cydonior. ℥iij. Pulv. Cochlear. ustar. Sanguinis Leporis frixi & pulverisati āā. 3ij. Myrrhæ, Corallor. rubr. āā. 3j. Cum Sir. Myrtino fiat Mixtura,

Pilu-

Pilulis aliis talibus usus est:

℞. Castor. Myrrhæ āā. ʒiʒ. Opii, Anisi āā. ʒj. Sem. Hyoscyami albi ʒʒ. Apii ʒvj. Misc. fiant Pilulæ cum Sir. Myrtino.

Vel:

℞. Trochisc. de Terrâ sigillatâ, de Myrrhâ, Spod. āā. ʒij. Granor. Myrtillor. ʒj. Cum Sirupo Cydoniorum fiant Pilulæ mediocres, quarum dosis ʒiʒ.

Si Bolo quis delectetur, talem adsumat:

℞. Mastich. Myrrh. el. Terræ sigillat. āā. ʒʒ. Laudani Opiati gr. ij. Misc. fiat Bolus.

Sequentis Pulveris tantum bis vel ter quotidie exhibendum, quantum cuspis cultri capit in Aq. Plantag. Tormentil. vel aliâ appropriatâ.

℞. Terræ sigillat. Boli Armen. præp. Croci Martis adstr. āā. ʒʒ. Corall. rubr. præpar. CrySTALL. præpar. āā. ʒj. Misc.

Externè etiam huic fluxui occurri solet; ubi Cataplasmata, Linimenta atque Unguenta suò non deerunt officio, si ventri imponantur, quandò validius adstringere animus est: sequens Cataplasma non videtur inconueniens.

℞. Rad. Tormentil. Gallar. āā. ʒj. Boli Armen. ʒʒ. Thuris, Mastich. Myrrhæ el. āā. ʒij. Sangu. Dracon. Mumix āā. ʒiʒ. Coquantur in decocto prunorum sylvestr. ad consistentiam pultis: applica abdomini.

Sequenti Emplastro *Parens meus* b. m. felici successu usus est in nimis diarrhœis ac dysenteriiis.

℞. Theriacæ Androm. ʒj. Terræ sigillat. ʒʒ. Croci Martis adstr. Myrrh. el. Extr. Tormentil. āā. ʒj. Terebinth. ʒiij. Colophon. ʒij. Malax. cum Ol. Mastich. fiatq; Massa pro Emplastro. In pueris dimidia sumitur dosis.

ARTICULUS V.

De

NIMIO DOLORE & FLUXU
HÆMORRHOIDUM.

Hæmorrhoides secundum naturam se habentes salutarem exhibent beneficium corpori humano : à multis namque affectibus præservant , & ad sanitatem conservandam haud parum conducunt : contrà, si aurea hæc & naturalis fluxio mediocritatis terminos excedat, nimisq; largè contingat, in plurimos morbos corpus præcipitat, iliasq; malorum tunc præforibus.

Masculino sexui fluxum hunc hæmorrhoidalem frequentissimum esse, experientia docet : an verò & mulieres eundem patiantur, quæstio inferri posset? brevis ut simus , affirmando respondemus : præter alias, experientiam subungere placet Lic. Scharffii, quam adducit in curiosâ juniperi descriptione cap. 17. pag. 242. 243. seqq. *Nota nobis fuit mulier, quæ eodem tempore, quò lunare tributum reddebat, & fluxum semper hæmorrhoidum unâ experiebatur, quod quidem rarissimum est, cum pleraq; eâ atate, quâ menses lunare debitum ritè persolvunt, hæmorrhoides fluentes non sentiant : denegatò autem mensium fluxu, & in aliis quibusdam naturam per vasa hæmorrhoidalia, sanguinem quantitate molestum evacuassee novimus.*

Fluxus hic nimius ac indè morbosus gravia secum vehit symptomata : nam eo detenti miserè vitam non solum trahunt, sed tandem etiam propter difficultatem curæ ad ipsam mortis portam decruduntur, hinc minimè cunctandum, sed graviorum malorum segeti metuendæ citò falx immittenda, & occasio præscindenda, id quod & inter alia Myrrha effectum dabit : imò quid & externè adhibita præstet *Angelus Sala* monstrat in Linimento quodam fluentibus nimium hæmorrhoidibus

dibus accommodato. Mirabilis atque mirandus verò Myrrhæ meritò prædicandus effectus & virtus, quam vel solò odore post se relinquit hoc in affectu: de hâc dubitans adeat Anni III. Ephemerid. German. observationem CCXXVI. Excellentiss. Dn. *D. Majoris*, Collegæ nostri honoratissimi: de arbitrariâ hæmorrhoidum per solos odores resinolos suppressione; ubi mentionem facit Viri cujusdam Theologi hæmorrhoidali fluxui ad leve etiam corporis exercitium obnoxii, qui à solo Myrrhæ suffitu naribus percepto præsentem medellam adeptus est. Vir hic internè semper Sperniolâ Crollii felici successu usus fuit, sed metuens, ne natura medicamentò adfuerit in posterum eidem minus auscultatura sit, parcius eadem uti decrevit, & memor, Myrrham inter alia ingredi compositionem Sperniolæ, à solo, uti dictum, hujus suffitu subsidium quæsit, & quidem prosperò satis successu. Prælaudatus Dn. *D. Major* verosimile arbitratur, nervos odoratos oleoso nidore Myrrhæ & aliarum resinarum aurâ planè balsamicâ peculiariter refici, undè circa radicem eorum aut basin cerebri motus spirituum efferus in ordinem redigatur, quò minus impetuosè ad partem affectam proruant, &c.

In dolore hæmorrhoidum paregorica, dissipantia & emollientia locum inveniunt, quibus commodissimè Myrrha adjicitur:

℞. Rad. Altheæ ʒß. Linar. c. toto Mij. Flor. Chamæmeli Rom. Mß. Meliloti, Verbasçi āā. P. iij. Sem. Lini, Foenugr. āā. ʒiij. Thuris, Myrrhæ āā. ʒiß. Misc.

S. Species zur Bähung.

Coquantur cum lacte & applicentur.

Vel paretur tale Suffumigium:

℞. Flor. Verbasçi, Linar. āā. P. ij. Rad. Scrophular. ʒiij. Mastich. Myrrhæ āā. ʒß. Misc.

S. Pulver zum Räuchern.

Zacutus Lusitanus Pharmacop. distinct. 10. cap. 1. p. m. 580.
ad hæmorrhoides dolentes tale describit Unguentum:

℞. Thuris 3℔. Myrrhæ, Croci āā. 3iij. Opii 3j. Coquan-
tur in lactis caprini 3iv. ad consumptionem tertiæ partis:
adde Mucilag. Psyllii 3℔. Ol. Rosar. 3ij. Vitell. Ovi unius.
Misc. fiat Unguentum.

ARTICULUS VI.

De

LUMBRICIS.

NEc microcosmus ab hostibus repentibus tutus ac im-
munis est: vermes dico, qui in omnibus ferè corpo-
ris humani partibus reperiuntur: communissimè verò
omnium hospitium sibi parant in intestinis, locò sanè
satis accommodò quoad victus rationem: nam non rarò ipsius
etiam chyli sunt absumentores. Triplicis verò sunt generis: qui-
dam enim longi sunt ac teretes, qui in superioribus tenuibus-
que intestinis locum natalem habent: hi sunt omnium co-
piosissimi, ita ut ad & in ipsum ventriculum exspatiuntur, in-
deque per oesophagum & os profiliant: alii lati sunt, vocan-
turque Cucurbitini à figurâ quâdam; qualem Parens meus
b. m. olim ex sauciato abdomine militis præfidiarii hîc loco-
rum exeuntem vidit, & siccatum adservavit aliquot ulnas lon-
gum: qualem etiam Magnificus noster *Argonauta* in Hierâ
picrâ depictum nobis exhibet: alii denique tenues sunt & exi-
les, Ascarides dicti, sedem suam figentes in intestino recto.

Infantes atque pueros frequentius affligunt, rarius adul-
tiores: suntque res totò genere p. n. in homine, à quo aliàs
exulare deberent. Otigo ipsorum à nimia ciborum, ac præ-
sertim carnum fructuumque horariorum ingestione, undè
minus possunt fermentari, ac proinde crudiores diutius hæ-
rent in tenui intestino, paulatimque corrupti vermium ge-
nera-

nerationi præbent occasionem, docente *Sylvio* Pr. Med. Append. tr. 1. cap. 10. pag. 623. Materia hæc sapius gravium, morborum genitrix existit; nam, teste Eodem, ex crudiorum alimentorum corruptione halitus acres excitantur, qui quaquaversum propulsi pungunt primò intestina mox & ventriculū, quin per oesophagum adsurgentes nares quoque; (undè continuò ferè narium frictio, & in ventre morsus vermium suspicionem movent) sed halitus iidem per vasa lactea ad eor usque delata, febrim producunt, atque ad cerebri radices penetrantia ipsasque mordentia epilepsiam & convulsionem pariunt.

Danda itaque opera, ut hospites hi peregrini citò proscribantur, id quod præstant medicamenta anthelmintica nuncupata, inter quæ præter Mercurium dulcem Myrrha quoque eminet, tanquam juratus lumbricorum hostis, ita ut nulla ferè formula apud Practicos reperiatur, quæ non recipiat Myrrham,

Julius Caesar Claudinus Consult. 64. Oleum, quò internè utitur ad extirpandam verminosam progeniem tradit, de quo pueris exhibet 3j, adultis verò 3ij. mirificèque prodesse scribit,

Johannes Crato lib. 1. cons. 13. talibus hospites hos profligat Pilulis.

R. Aloës Rosatæ 3j. Myrrh. el. 3j. Cum Sir. Rosar. fiant Pilulæ mediocres: Dosis ʒiʒ.

Lazarus Riverius Pr. Med. lib. 5. cap. 9. pag. 162. 163. Pulverem hunc proficuum proclamat:

R. Rhabarb. Agar. aa. 3j. Trochisc. Alhand. ʒj. Diagrid. ʒʒ. Corallinæ. C. C. usti aa. ʒʒ. Myrrhæ, Zedoar. Fl. Tanacet. aa. ʒj. Salis Absinth. Tartari aa. ʒiʒ. Misc. fiat Pulvis tenuissimus,

Vel:

R. Sem. Cynæ grossò modò contrus. 3j. Pulv. Hieræ simpl. Gale.

kk 3

Galenij. Trochisc. de Myrrhâ, Alhand. āā. ℥ss. Diagrid. gr. v. Misc. fiat Pulvis: Dosis ℥iss. ℥ij. vel 3j.

Quidam ad vermes puerorum sequentes commendavit Pilulas:

℞. Sem. Sancti, C. C. āā. ℥j. Farin. Lupinor. Rutæ, Centaur. min. Trochisc. de Absinthio, Aloës Soccotr. āā. ℥ss. Myrrhæ el. gr. v.

Cum Sir. de Absinthio formentur Pilulæ parvæ.

Pulverem hunc *Parens* meus. p. m. in frequenti habuit

usu:

℞. C. C. usti & præp. 3j. Flor. Sulphuris ℥ij. Myrrhæ el. ℥j. Sacchari Canariensis ℥iv. Misc. fiat Pulvis, datur vel per se lingendo vel in alio vehiculo.

Sequentem Excell. D. *Ettmüllerus* b. m. habet:

℞. Rad. Gentianæ pulverisat. C. C. sine aqua aa ℥iss. Myrrhæ el. gr. vj. Misc. f. Pulvis.

Circa Pulverum vermes enecantium exhibitionem monet *Hearnius* de Peste, quòd satius sit cum melle mixtos deglutire, quàm in potu sumere, melius enim ita operari: non solum enim mel peculiari vi vermes necare, sed & pulveres artius retinere, illorumque vim augere: fermentare quippè ac solvere simplicium vires, facereque, ut illæ liberè vinculo communi se nectant, ac in facultatem ultra simplicium vires se effe-
rat compositus.

Nauseabundis pueris sequentes Rotulæ exhibeantur.

℞. C. C. usti & præp. Sem. Portulac. Tanaceti, Citri aa. ℥ss. Flor. Sulphuris gr. v. Ol. Zedoar. gut. ij. Sacch. in Aq. Graminis dissol. q. s. f. l. a. Rotulæ.

Externis quoque expulsio tentanda: hinc *Marquardus* Pr. Med. lib. 3. cap. 22. pag. 262. 263. Emplastrum, quò umbilicus contegatur, conficit tale:

℞. Pulv. Absinth. Aloës, Myrrhæ, Lupinor. Cubebar. Colocynchid. aa. 3j.

Cum

Cum Felle Taurino & Oleo Nucleorum Persicorum fiat Emplastrum.

Vel Pulvis Aloes, Absinthii & Myrrhæ incorporatus cum felle taurino cum testâ nucis juglandis puerorum umbilico imponatur.

Mercurialis Ceratum componit lib. 3. de morbis puerorum cap. 10. p. m. 115.

℞. Myrrhæ, Aloës aa. ʒj. Pulv. Scordii, Sem. Absinth. Citr. aa. ʒss. Cum Ceræ & Resinæ q. s. fiat Ceratum.

Franciscus Ranchinus tr. de morb. pueror. S. 2. c. 6. p. 342. iater Externa sequens commendat.

℞. Aq. Vitæ, in quâ infusâ fuerint Absinth. Scord. & Tanaacet. q. s.

Irrigetur totus venter calidè, deindè conspergatur pulvere Myrrhæ, Aloës & Sem. Santon. ac cum duplici linteolo calido obligetur; deindè laborantes proni decumbant aliquandiu in ventrem.

CAPUT X.

In Hepatis affectibus facultates Myrrhæ extollit.

ARTICULUS I.

De

ICTERO.

Affectus hic suo se prodit colore, dum universum corpus flavedine obtegitur, quæ in albo oculi potissimum conspicua: vocatur etiam morbus regius.

Molliter hic quoniam celsis curetur in aulis.

Tinctura hæc ortum suum debet effusioni bilis per summa corporis, ob meatus cystici & pori bilarii obstructionem:

tunc

tunc enim in sanguineam massam regurgitat, ac in cutim ubique deponitur.

Helmontius bilem non agnoscit pro causâ, sed virus aliquod producit excrementosum, seu stercus liquidum & flavum, secundæ digestionis prolem, sursum præter naturam rap-
ptum in vasa & per totum corpus dispersum.

Videtur quidem levis esse affectus, cum citò oriatur, ac ut plurimum sine febris ac sine magna virium jacturâ, gravis tamen atque periculosus evadere potest, si præstò sit prava hepatis diathesis ac inflammatio, aut si contingat ob venenum acceptum, morsumque venenatorum animalium, quorum vi sanguis pristinam amittens puritatem in citrinum humorem corrumpitur, quo tandem cutis inficitur.

In febribus interdum per modum criseos apparet, undè bini hi aphorismi *Hippocratici* probè à medente observandi. S. 4. Aph. 62. & Aph. 64. *Quibus in febribus morbus regius antè septimum diem acciderit, malum: It. Quibus in febribus morbus regius septimo vel nono vel undecimo vel decimo quarto supervenerit, bonum, nisi dextrum hypochondrium obdurerit.*

Curatio icteritiæ consistit in apertione obstructionis meatuum biliariorum, humorumque biliosorum, decente evacuatione: priori scopo & Myrrha inservit: nam secundum *Galenum*, hepatis omnia amara amica sunt, undè & hæc in ipsius passionibus accepta erit: itaque

℞. Rhabarb. Rhapont. Curcum. āā. ʒij. Spicæ Indicæ, Capill. Ven. Rad. Chelidon. āā. ʒj. Croci ʒij. Rad. Asari, Myrrhæ āā. ʒiʒ. Sacch. ʒʒ. Misc. fiat. Pulvis.



ARTICULUS II.

De

HYDROPE.

AVeteribus serum pro hepatis recremento habitum fuit, nec ad corporis constitutionem pertinere docuerunt: ast iniqui hâc in parte fuerunt in bonitatem naturæ, quæ laticem hunc suo modo & partibus corporis adfociat, cum functionibus præclaris sese vel in minutissimis partibus patefaciat. Est itaque serum à naturali suâ constitutione non recedens benignus corporis nostri humor, usus multiplices præstans, nec ab ullâ parte recedens, relicto non prius emolumento, qui tamen non omnes eodem modo corpus respiciunt: sunt enim primarii ac secundarii usus, quos accuratè nobis exhibet Excell. Dn. D. *Schenckius* in enucleatissimo de Sero Sanguinis Tractatu.

Quod si verò serum à sanguine secedat, & extrâ cancellos vagetur, gravia indè mala ac infortunia corpori obveniunt: in ventriculo namque chylicationem turbat, inflationes parit, tormina in intestinis excitat, dolores colicos atq; iliacos producit: in universo corpore exundans, diluvium, microcosmicum minatur, atque Anasarcam, Hydropemque Ascitem, quin & Tympanitem procreat: de quibus nunc paucis.

Hydrops nomen est generale, & complectitur tres species, quarum prima audit Anasarca, quæ universum corpus occupat: Ascites altera est, in quo abdomen & pedes intumescunt, partes verò superiores gracilescent: tertia Tympanites est, sive Hydrops ficcus, quandò instar tympani abdomen extenditur attolliturque ob præsentiam flatuum: Huc & Cachexia spectat, quæ via est ad Hydropem. Sunt cognati affectus unam agnoscens matrem, ratione præsertim generationis causarum.

Veteres subjectum hydropicorum affectuum ponentes Hepar accusarunt, quod principale ipsis audiebat sanguificationis organon, inde non credentes, sanguificandi munus lædi posse, viscere hoc salvo atque incolumi existente: Verum opinio hæc explosa jam est, heparque viscus tantum depuratorium sanguinis æstimatur, unde & falsum erit, quemcunque hydropem læso hepate oriri: id quod & sectiones cadaverum hydrope extinctorum, observationesque Medicorum testatum faciunt, sæpius hepar illæsum, nec ullum vitium in eo fuisse repertum, sed mali fontem in lienis, renum, pancreatis, mesenterique tumore & abscessu extirpasse.

Causa proxima Ascites indubitatò lymphæ est extravasata atque restagnans, ita ut lymphaticorum vasorum obstructio effusioni seræ in abdominis cavitatem fores adaperiat: dum enim ab humore aliquo viscido ac glutinoso occluduntur; serum quod aliàs ad chyli receptaculum fertur, retrorsum ire cogitur, ac partes, quas transiit in tumorem, attollit, quæ indies hoc modo augentur, donec nimis gravatæ tandem dilacerentur ac rumpantur, & sic serum in cavum ventris facili operâ effunditur.

In Tympanite sero flatus admixti sunt, à quibus abdomen atque intestina distenduntur: generantur autem ut plurimum à calore debili, vel ab eodem nimio & torrefaciente in chylum crudum & crassum suas partes agente.

Anasarca quæ & Leucophlegmatia appellatur, suam debet originem pituitoso humori in habitum corporis integrum effuso, à viscerum debilitate producto, ob quam loco boni laudabilisque sanguinis crudus ejusmodi & pituitosus generatur, qui cum substantiæ partium sufficienter agglutinari nequeat, necessario prava nutritio sequitur.

Principium hydropis in pedibus ut plurimum conspicitur ob motum humorum quorumvis sursum difficilius contin-

tingentem, undè etiam noctu non rarò disparere solet idem tumor, quandò scilicet minor adhuc existit, disperso nempè quaquaversum sub ipsâ cute ac per corporis habitum sero, quò interdiu denuò ad partes infimas delabente, ibidemque hærente paulatim excrefcit iterum remissus noctu tumor. *Sylvius* Prax. Med. Append. Tr. 6. p. 740.

Contrarium accidit in tumore faciei aquoso, quæ nocturno tempore intumescit, interdiu verò detumescit: causam modò citatus *Sylvius* l. allegato adducit hanc: noctu faciem iis intumescere, in quorum corpore tum serum tum pituita tenuis redundat, quoniam tunc capite pulvinaribus incluso atque magis calente dissolvatur quoque magis & foras sudoris specie propellatur serum prædictum vel pituita.

Quamvis verò ob curationis difficultatem Hydrops Medicorum scandalum audiat, atque à veteribus inter affectus incurabiles repositus fuerit, minimè tamen semper curatu est difficilis, modò statim in ipsâ primâ suffocetur herbâ, antequam firmas agat radices: ideoque curatio non differenda, sed principiis obstandum, & quamprimum vestigia futuri Hydropis appareant, eò adnitendum Medico, ut hostis à primo limine abarceatur: Medicamentis etiam Myrrha adjuncta, quam *Matthiolus* cum Agrimoniâ potandam proponat.

Scribonius Largus Comp. Med. cap. 33. Comp. 134. pag. 78. hanc compositionem tradit ad hydropicos & maximè in principio sublevandos, quorum corpus est sufflatum, quod Græci *σφοδρα* vocant.

℞. Vitis alb. P. xx. Coccignid. P. iv. Scyllæ Bulbi costî detractâ exteriori parte P. x. Myrrhæ P. viij. Cymini cyathis tribus, Anisi cyathis tribus, Vini falerni sextariis duobus, passi sextario uno. Præter Myrrham omnia contusa non cribrata macerantur passo & vino, nocte & die, postridiè colatur liquor, cui Myrrha trita admiscetur: datur

Cyathus à balneo alternis diebus, singulis adjectis cyathis, donec profectus intelligatur. Videatur *Johannes Rhodius* in notis ad hunc locum.

Sequentis Pulveris usus non videtur negligendus:

℞. Absinth. Eupator. Soldanel. āā. 3ij. Myrrhæ el. 3j. Spicæ 3ß. Misce fiat Pulvis.

Morsuli ad Cachexiam & Hydropem à nonnullis commendantur hi:

℞. Spec. Diacure. Dialac. āā. 3iß. Trochisc. de Rhabarb. de Absinth. de Myrrhā āā. 3j. Calami Aromat. Rad. Ireos, Galang. āā. 3iß. Sacch. alb. in Aq. Agrimon. dissol. q. s. f. Morsuli: Dosis unus manè jejuno ventriculo.

In tumore pedum oedematoso Fomentationes optimè profunt, ut apertis poris cutis serosa liquamina exeant.

Weickardus Thesaur. Pharmaceut. cap. 12. pag. 218. talem parat:

℞. Baccar. Lauri, Thuris, Mastich. Myrrhæ āā. 3ij. Sulphuris 3j.

Decoquantur in aquâ pluviali, vel vini & aceti partibus æqualibus ad medietatis consumptionem & colentur: Colatura adplicetur cum linteis mundis vel cum spongiis, manè & vespri antè decubitum.

Ad inflationem pedum circa malleolos hunc forum adhibet:

℞. Lithargyr. Ceruss. āā. 3ij. Mastich. Thur. Myrrhæ āā. 3j.

Pulverisentur & ad fundantur Vini optimi ℥ij. Aceti Vini ℥ij. Coq. lento igne ad casum tertiæ partis, postea excipiuntur linteis duplicatis & loco affecto aliquoties applicentur.

CAPUT XI.

Myrrhæ usum in morbis Lienis
approbat.

ARTICULUS I.

De

SCIRRHO LIENIS.

Lien, quem *Philosophorum Coryphæus* spurium hepar indigat, etiam ad totius corporis œconomiae salutem suum symbolum confert, quatenus sanguinem feculentiores à corde communicatum ulterius elaborat, depurat ac ita disponit, ut crassiores, feculentiores, tartareæ, salinæ atque serosiores partes per arterias ad ductum pancreaticum, ad intestina vel ad renes deferri queant: Munere hoc quando non ritè ac decenter defungitur lien, corpori incommoda fatigra via parit: ut adeò rectè ac scitè cum Fisco comparari queat, *Traiano* interprete, quòd sicuti hoc crescente reliqui artus tabem contrahant, ita illò augescente, populus in pauperiem redigatur.

Inter varias verò lienis afflictiones atque vitia postremum minimè est Scirrhus, durus nimirum atque p. n. tumor, renitens ac indolens: An verò ipsa lienis substantia sive parenchyma, an verò secundum poros ac cellulas suas patiatur, lis inter Authores exorta est. Cùm à Domino Doctore *Schenckio* Jenensi lien spongiæ comparetur, in hâc verò poruli ac foramina plurima reperiuntur, ita & in liene similes porulos & cellulas statuere licet, quæ nil aliud sunt, quàm discontinuatæ & circumstantes ipsius parenchymatis partes, fibrosis & innumeris vasorum disperditorum plexibus interstitæ & adjectæ. Pori, foraminula sive cellulae hæ rectè statuuntur subiectum

scirrhorum, dum enim nutrimentum nimis crassum se iis insinuat, subtilior pars substantiæ se adsociat, & ad nutrimentum ipsius lienis abit: reliquum verò nimis crassum ab acido peregrino coagulatur, donec membranæ fibræ rumpantur, & tumor quotidie augmentum sumat. Vid. *Higlmorus* in disquisitionibus anatomicis.

Quod si etiam in splene glandulæ reperiantur, quod *Malpighius* adstruit, minimæ tamen illæ sunt, & talem tantumque tumorem excitare non possunt.

In causam continentem si inquiratur, respondebit *Platerus* in tractatu de Extruberantiis, omnes scirrhosos tumores à succo nutritio suam originem trahere: ita enim ille: *Succus nutriendus singulis corporis partibus nutriendis idoneus, sicuti si moderatus atq; laudabilis est, partium substantiam alendo, eam in suâ mediocritate conservat: ita si quantitate vel qualitate peccet, pro humorum ratione nunc generalem aliquam extumescentiam, nunc particulares aliquos tumores producit: Item: Crassior succus, quam carni nutrienda conveniebat, tumores &c. duriores interdum gignit, qualis & scirrhus appellatur à succo admodum crasso natus, duritiemq; hanc acquirens. Crassiorem ejusmodi succum etiam beatissimus *Sennertus* adducit causa locò lib. 3. p. 4. c. 6. Frequenter, inquit, lien, utpotè qui crassiorem sanguinem conficit, & eo nutritur, scirrhus corripitur. Possunt tamen & alii humores excrementitii unâ cum succo nutriente indurescere, quatenus vel sanguineæ, vel pituitosæ seu mucilaginosæ particulæ simul coagulantur: Coagulatio autem hæc merito acido cuidam peregrino venit adscribenda.*

Petrus Johannes Faber lib. 3. Univers. Sapient. cap. 2. de scirrhus lienis soli terrestri generationem talium tumorum durorum attribuit: scribens: *Vis illa coagulativa & lapidificans dependet ex naturâ terrestri & sale quodam terrestri, quæ inest excrementis illis, quæ virtute coagulantur ipsa in scirrhum, qui*
indies

*indies magis ac magis accrescit, nisi medicamentis propriis & pe-
cificis succurratur.*

In curatione studendum, ut durities illa emolliatur, ob-
structio referetur, acidumque imbibatur ac corrigatur: id
quod præstant salia fixa & lixiviosa: hinc Veteres non ineptè
ad chalybeata confugerunt, non quod aperiendi virtute pol-
leant, sed quatenus sunt adæquatum objectum salium p. n. aci-
dorum activitatis absorbendo ea.

Alexander Massaria Pract. Med. l. 3, c. 17. p. 405. inter
lienii conferentia remedia etiam Myrrham refert, hinc in cu-
rando scirrhotales conficit Trochiscos,

℞. Squamæ Chalybis, Cort. Rad. Cappar. Fol. Tamarisc.
Ceterach. aa. ʒij. Myrrhæ el. ʒj. Misc. formentur Tro-
chisci cum vino, qui singulo manè exhibeantur ad drachmam
unam.

Rodericus à Fonseca ad consumendas lienis scorias tarta-
reas & obstructions aperiendas sequentes Pilulas secreti locò
habendas suppeditat Tom. 1. Consult. 28.

℞. Extr. Aloës cum Aq. Endiv. ʒj. Gum. Ammoniaci in
Aceto Scyllitico soluti, Myrrhæ præp. aa. ʒj. Mastich.
Spec. Diatr. Sandal. aa. ʒj. Croci ʒß. Salis Absinth. ʒj.

Cum Sirupo de Succo Rosarum fiat Massa Pilularum; cujus
capiat per intervalla æger ʒj. plus minusve,

Topica ad oppugnandos ejusmodi scirrhotos tumores
talìa sint, quæ magis partium suarum tenuitate attenuant,
quàm insigni caliditate: quia quæ insigniter calefaciunt, dis-
solvendo partes humorum tenuiores ac humidiores, eos qui
remanent crassiores & duriores reddunt: quocirca ea, quæ
sunt insigni amaritudine prædita optima censentur. Videatur
Massaria l. c. p. 406,

Linimentum itaque hoc adhibeatur;

℞. Ol. de Cappar. Amygd. amar. aa. ʒij. Gum. Ammo-
niaci

niaci in Aceto Scyllitico dissoluti, Myrrhæ aa. ʒiʒ. Cerae tantillum. Misc. f. Linimentum, quô regio lienis illinatur; & post inunctionem sequens Emplastrum applicetur:

℞. Galbani ʒj. Gum. Ammon. ʒij. Myrrhæ rubræ ʒiʒ. Tamarisc. Scolopendr. Sem. Anisi, Cuscutæ aa. ʒij.

Gummata acetô dissolvantur, & cum cerâ ac oleo chamæmel. fiat Ceratum vel Emplastrum, ad aperiendas obstructions & tumorem emolliendum perutile.

ARTICULUS II.

De

AFFECTU HYPOCHONDRIACO.

INtemperantiam qui omnium morborum seminarium, parentem atque nutriculam dicit, à veritatis semitâ, meô quidem iudiciô, minimè aberrat: testis omni exceptione major affectus est Hypochondriacus dictus, Medicorum tormentum atque flagellum propter largam diversorum symptomatum segetem, indèque medicamentorum varietatem, afflictorumque impatientiam, qui semper aliquid, de quo conquerantur, habent. In Arabum scholâ audit morbus Mirachialis à vocabulo Mirach, quod Mesenterium est, in quo & circa quod hospitium suum hospes hic peregrinus quærere solet: vocatur quoque morbus literatorum & sedentariorum, quòd ex vitâ sedentariâ frequentius contrahatur.

Subjectum non est unum aliquod viscus, sed diversæ varietæque partes illud constituunt; chylicationi scilicet ac sanguificationi destinatæ. Nonnulli mentionem faciunt cavitatis illius, quam *Hippocrates* aph. 54. Sect. 7. proponit, quæq; in sinistro hypochondrio sub diaphragmate è ventriculi, omenti, coli & viscerum connexu oritur, in quâ crebrò stabuletur saburra ac colluvies vitiosorum humorum atq; flatuum.

Causarum numero includuntur humores crudi, pituitosi, viscosi, biliosi, tartarei, non tantum primis & secundis quali-

qualitatibus infesti, sed potissimum secundum *συνδρομὰς* alias molestiam inferentes: hinc insipidi interdum, acidi, nido-rosi, amari, salsi, austeri, porracei, acres & serosi deprehenduntur. Humores hi generantur ex vitio potissimum lienis, dum suo non ritè præest officio, particulasque terrestriores, feculentiores ac tartareas non debitè separat à massâ sanguineâ: relictæ itaque partes inficiunt, alimoniam pravam suggerunt, undè illarum crasis vitiosè immutatur, obstructionsque in capillaribus venis producuntur.

Helmontiani Antesignani sui acorem stomachi defendunt extrâ ventriculi pomœria exitiosum existentem: hinc si sedem in liene figat, varios, juxtâ illos, effectus edit, symptomata nimirum multa atque diversa.

Doctrinæ Sylvianæ addicti succum pancreaticum & biliosum præternaturaliter se habentem culpant, ita ut ad splenem delati ansam præbeant variis consequentibus infortuniis.

Affectus hic & cognitu & curatu difficilis est ob *συνδρομὴν* diversorum accidentium adeò nonnunquam sævientium, ut multum negotii Medico facestant, nec tamen ad votum tollantur: est namque malum contumax atque chronicum, & quandò habitum quasi acquisiverit, altasque radices egerit, vix extirpari potest, etiamsi optima & probatissima quæque adhibeantur remedia. Hinc quamprimùm suspicio occurrat de præsentia hostis hujus ferocis, ad arma statim prope-randum, Hannibalque à portis abarcendus: ac in primâ, quod dicitur, herbâ anguis hic suffocandus: præter alia verò & eò sanantis intentio dirigenda, ut viscerum oppilationes, tantorum malorum genitrices, referentur, cui scopo obtinendo Myrrha sese præbet officiosissimam.

Cumque locus, focus, & natale solum, ob peccandi hominum licentiam, & consuetam, juxtâ præstantissimorum Medicorum effatum, in diætâ exorbitantiam, principaliter ventriculus sit, in quo succi isti vitiosi hospitantur, necessario

isti venient expurgandi, ventriculusque naturali constitutioni reddendus: Huc faciunt præ aliis Pilulæ Antihypochondriacæ in Practicorum libris passim obviæ; ex quibus sequentes minimè spem medentis eludent:

℞. Aloës ʒij. Rhabarb. Agarici, āā. ʒiʒ. Gummi Ammoniæ in Oxymel. Squillit. dissol. ʒiʒ. Extr. Absinth. Myrrhæ el. āā. ʒj. Limat. Martis præparat. ʒj. Diagrid. ʒʒ. Cum Sirupo Diasereos fiat MP. Dosis ʒij.

Riverius Prax. Medic. lib. 6. cap. 5. pag. 218. tales præscribit:

℞. Polypod. Querc. ʒʒ. Rad. Asari, Summit. Genist. āā. ʒj. Passular. Corinth. ʒiij. Crysell. Tartar. ʒiʒ. Flor. Bugloss. Borrag. āā. Pj.

Coquantur in Aq. Font. q. s. de Colaturâ optimè clarificatâ cape ℥ʒ.

Succi Pomor. redolent. optimè depurati ʒiv.

In quibus infunde Senæ mundatæ ʒj. Turbith, Agarici āā. ʒiij. Macis, Caryophyllor. Cinam. Epithymi aa. ʒj.

Digerantur per quatrimum in MB. postea colentur & exprimantur: Colaturæ adde

Extracti Aloës facti in Aquâ Endiviæ & Acetof. ʒj. Myrrhæ in Vino ad ignem dissol. & colatæ ʒij. Salis Tartari ʒj.

Evaporentur omnia & inspissentur ad lentum ignem, addendo sub finem, dum ferè evaporata erit materia,

Spec. Diarrhod. Abb. Lætificant. Galeni. Trochisc. Diacac. aa. ʒʒ.

Reducantur in massæ pilularis consistentiam, de quâ capiat æger ʒʒ. semel in septimanâ, duabus horis antè pastum.

Essentiæ Antihypochondriacæ apud Authores multæ prostant, quarum compositionem etiam Myrrha illustrat, ut non opus sit, nec instituti ratio permittat, ut prolixi simus in istis recensendis.

Elixir Propt. Paracelsi & aliorum, cum & Myrrham recipiat, suâ non caret laude.

ARTICULUS III.

De

SCORBUTO.

Scorbutus fœcunda plurimorum malorum mater ac generatrix, an veteribus quoque notus fuerit, disquirunt Medici: Affirmativa videtur plausibilis, cum affectus sit in multis locis endemius, & ubique ferè sporadicus: ac quamvis non eâdem facie ab antiquis depictus sit, quâ hodierno tempore se exhibet, rudi tamen penicillo delineatum eundem reperimus, præsertim in *Hippocratis, Aratei, Plinii*, aliorumque scriptis.

Ovum hocce malum pravos excludit pullos: occurrunt quippè tam varia atque multiplicia phænomena, ut si aliquod inusitatum, nec prius auditum fuerit in corpore humano, statim scorbuticum pronuncietur: affligunt etenim immaniter Cephalalgia vagæ atque periodicæ: modò torpor & somnolentia, modò vigiliæ pertinaces, vertigines, convulsiones, paralyfis, ptyalismus frequentes, gingivarum ulcera, dentium vacillatio & casus, foetor oris, pluraque alia molestiam pariunt: pectoris regionem occupant asthma, difficilis respiratio angit, tussis pulmones fatigat, cordis tremor ac palpitatio oboritur, lipothymia vires exsolvunt: in abdomine dominatur nausea, vomitus, cardialgia: hypochondria instantur atque murmurant, dolores colici torquent, diarrhœa exsugunt, hydropsque inundat: maculae ac exanthemata in cute erumpunt, sudores nocturni delascent.

Subjectum hujus affectus est universum corpus, nam causa materialis, scribente *Willisio*, haud in privato quodam loco, aut singulari minerâ continetur, sed per totum cor-

pus & singulas ejus partes, cum intus tum extus, diffunditur, ita ut juxta eundem miasma scorbuticum vel in sanguine, vel in succo nervoso aut simul in utroque fundetur: scilicet omnes corporis partes suos hinc patiuntur manes: Oecismus corporis cum intestinis digestionis ac chylicationis muneri non ritè præsumunt: Sol microcosmi radiis suis, licet semper præstò sit, corpusque illuminet ac calore suo blando foveat, nec principaliter proprio vitio hic eclipsin inducat: aliter tamen fieri nequit, cum malus suppedietur chylus, ut hâc ratione digestionis primæ vitium in alterâ vix corrigatur: lien & ventriculus ovum fovant, cor pulum excludit.

Causa est dyscrasia sanguinis, quam inducit colluvies atque saburra humorum salisformis, serosorum ac tartareorum, peculiariter corruptorum, quæ corruptio accidit, quando humores crudi in abdomine coacervantur ac retinentur, nec, uti quidem decebat, naturaliter expelluntur: *πνεύματος* deficit, salia fixa & tartarea non ritè separantur, obstructions à visciditate succorum generantur, accedentibusque aliis cruditatibus, tandem pravam *διήθειν* humores acquirunt.

In prædicendo *Willisus* Medicum minimè temerarium & incautum esse innuit tr. de Scorbuto, cum plures pro desperatis habiti convaluerint: quamvis enim hoc morbo detenti interdum symptomatibus maximè periculosis urgeantur, si tamen adhuc viscera mediocriter sana aut saltem non multum vitiata fuerint, de malis istis propter meram scorbuti labem excitatis, minimè desperandum: contrà quando symptomata minus terribilia apparent, si hypochondriorum atque abdominis contenta dura ac veluti scirrhusa evaserint, aut si pulmones corrumpi cœperint, circa morbi sanationem nihil ingens aut benignum promittendum.

Curatio respicit correctionem dyscrasie sanguinis, ut scilicet nectar hocce vitale ad debitam *ηγάσιν* per remedia convenient-

venientia reducat: hoc ut obtineatur, curandum erit, ut chylicatio in primis viis rectè administretur, ut materiæ excrementitiæ saburra in iis congesta exterminetur, ut fermenta deperdita ac depravata pristino statui reddantur, & obstructi viscerum pori aperiantur, de quibus fusius Practici agunt. Medicamentis Antiscorbuticis etiam Myrrha annumeranda: hinc Avus meus p. m. D. *Scharlachius* plurimos curavit Scorbuticos solo hujus Pulveris usu:

R. Aloës hepat. purissimæ, Croci or. aa. ʒij. Myrrhæ ʒj. Elect. de Succo Rosar. in solidâ formâ ʒʒ.

Pulverisata misceantur: hujus Pulveris sumitur drachma una manè & vesperi horis duabus ante coenam, & quidem mixta haustu lactis caprini, in quo Nasturtii aquatici Mij. & Acetosæ minoris in agris nascentis cum floribus simul & radicibus concisis crassiusculè & maceratis per noctem in lactis caprini lbviiij. ac tandem coctis ad duarum ferè absumptionem & percol. ebibendaque propinetur: sic brevi exstirpantur scorbuti seminaria.

Sennertus Med. Pr. l. 3. P. 5. S. 2. c. 6. p. 627. postquam sudoriferorum ac balneorum scorbuticis utilium mentionem fecit, subjungit *Salomonis Alberti* tr. de Scorbuto Pharmacum ad proliciendum sudorem exhibendum.

R. Gentianæ ʒj. Rad. Afari ʒʒ. Cinam. ʒj. Piper. Zingib. aa. ʒʒ. Myrrhæ ʒj. Croci gr. iij.

Cujus pars una danda in balneum se conferenti, altera è balneo exeunti cum ʒiij. sequentis potiunculæ:

R. Acetofel. Becabung. Fumar. Nasturt. aquat. aa. Mʒ.

Contusa in mortario marmoreo macerentur in Vini albi lbj. exprimatur succus.

CAPUT XII.

De viribus Myrrhæ agit in Renum, Ureterum ac Vesicæ affectibus conspicuis.

ARTICULUS I.

De

CALCULO RENUM.

Quemadmodum in singulis ferè corporis humani partibus vermes reperiuntur, ita nec à calculis eadem immunes sunt, ut ita meritò commiseratione digna sit corporis nostri conditio, fabrica atque structura: in renibus autem omnium frequentissimè deprehenduntur, tantos cruciatus inferentes, ut mortem sæpiùs afflicti præ vitâ eligant.

In assignandâ calculorum causâ Veteres partim ad frigus, partim ad calorem intensiorem renum ac vesicæ recurrunt, existimantes, ab hoc crassos, viscidos ac glutinosos succos attrahi, in illos agere, particulas tenues & serosas absorbere, tandemque reliquas indurare, ac in lapidem commutare; quæ opinio apud recentiores non invenit locum. *Fernelius*, Medicorum Gallicorum non postremus, non primas illas qualitates, sed renum constitutionem insitam arenosam ac calculosam in scenam producit. *Plateras* & *Iluzerus* nimiam renum siccitatem cum moderato calore conjunctam accusant. *Sylvius* Prax. Med. lib. 1. cap. 55. p. 327. secum perpendens, in quonam illa concresecendi, coagulandi & calculos producendi vis & facultas hæreat, in hæc erumpit verba: *Quid ego hîc conjectem in re obscurâ, quò alios ingeniosos magis ad veritatem latentem eruendam pro virili juvem, aperiam lubens.*

bens. Solvuntur autem calculi omnes, quales ego saltem hactenus offendi, in salis petrae aut Nitri acidō spiritu; unde concludo, à spiritu acido, quā tali, non posse calculorum expectari coagulationem: ergò ab alio illi ex parte saltem subcontrario. Quod si quis varia consideret, quā concretionem naturalium rerum promoveant, reperiet, austeris eam inesse vim, unde ab illis glutinositas & tenacitas rerum fluidarum produci solet, quibus si jungantur terreae & salinae volatiles partes, aliquid calculis non multum absimile exsurget. Propendo itaq. in hanc sententiam, concrefcere materiam terreā & salinā volatilem glutinosā junctam humoris austeri ope in calculos: infringitur autem coagulantis austeri vis ab acido acri, quale in spiritu Nitri reperitur. Hæc Sylvius.

Alii coagulationis principium quærunt in ipsā materiā lapidescente: quemadmodum enim in macrocosmo corallia in fundo maris nascentia lapidescunt, ac in locis subterraneis fracidō odore adflatis humores illi deprehendantur in stirias & saxeas nonnunquam columnas accrescere: sic in microcosmo ejusmodi succi similiter spiritu fracidō seu semine petrificō gravidi insunt, qui si nanciscantur subjectum coagulari aptum, illis formas lapidum imprimunt: cūq. in tartaro seu calculo corporis humani plurimum sit materiæ falsugineæ, meritò etiam in illo semen seu fermentum petrificum latitare autumant,

In curatione Myrrha suam quoque largitur efficaciam; unde Balsamus mirificus calculum comminuens ac dissolvens proponitur *D. Conrado Johrenio Med. & Physices Prof. Rinchelii* tali modò:

℞. Flor. Sulphuris ʒij. Solve in Spiritu Terebinthinæ ℥j. Ol. Baccar. Juniperi ʒiv. adde Salis Succini volat. Microcosm. volat. āā. ʒij. Aloës, Myrrhæ, Mastich. Croci āā. ʒj. Cum Circulato minore fiat Balsamus; Dosis ā ʒβ. ad ʒj.

Scribo.

Scribonius Largus Comp. Med. c. 38. Comp. 144. p. m. 82.
in dolore renum sabulosam urinam excernentium sequens re-
medium tradit:

℞. Sem. Apii, Petrosel. Anisi āā. P. xvj. Dauci P. iv. Schoe-
nanth. P. vj. Croci P. xxxij. Mellis quod satis videbi-
tur: dantur quantum lupinus ex mellis ligulā & aquæ cya-
this iv. Vid. *Notas Rhodii* ad hunc locum.

Pilulæ ad calculum efficacissimæ & sequentes erunt, si 3j.
exhibeatur pro necessitate repetenda.

℞. Lap. Prunel. Crystill. Tartari, Salis Ononid. Bacc. He-
deræ terr. Myrrhæ el. āā. part. æqual.

Cum Terebinth. Venetâ vel Sirupo Flor. Pap. Rheados for-
mentur Pilulæ.

ARTICULUS II.

De

DIABETE.

Rarus hic est affectus & à Pergameno Sene bis tantum
in praxi amplissimâ observatus, denotatque vocabu-
lum græcum transitum, quod nimirum potus per uri-
nam cito pede transeat. A Veteribus indigitatur hy-
drops ad matulam, commodè etiam diarrhœa nephritica vo-
cari posset: est verò Diabetes frequentatus miſtus ac copio-
sus, ob defectum particularum sulphurearum, & nimiam in-
dè ortam sanguinis fluiditatem excitatus: adjunctam habet
intensam sitim, undè & dipsacus appellari suevit: adest æstus
vehemens, tandemque sequitur universi corporis conta-
bescencia.

Veteres causæ locò adducunt intemperiem renum, modò
calidam, modò frigidam, alii vim renum attractricem incusant
in excessu vel defectu peccantem.

Thomas Willis causam quærit in ipso sanguine, & quidem ejus fusione, resolutione ac colliquatione, quam succi acidi inducere queant; quod tamen vix admitti potest, cum constet, acida non tam fundere quam coagulare sanguinem.

Sylvius vitiosæ constitutioni caruncularum renalium profluvium hoc urinæ adscribit, hinc pro constringendâ laxitate, vitioq; illò emendandò adstringentia & roborantia commendat.

Malum plerumque est lethiferum, & vix aliquam curationem admittit, cujus ratio in eo consistit, ut crasis massæ sanguinæ debita, naturalisque ejusdem consistentia restitatur.

Modò laudatus *Sylvius* hanc curandi rationem tradit *Pr. Med. append. tr. 5. p. 725.* Quasi, inquit, à sale volatili eoq; acri aut forinsecus assumpto admissove, aut quocunq; demùm modò in corpore nostro secreto ac existente producat *Diabetes*, utiq; curatio ipsius consistet in prædicti salis volatilioris contemperatione tum per oleosa, emulsionem puta hordei, amygd. d. sem. pap. alb. melon. cucumer. &c. per lac dulce vaccinum, ovillum, caprillum, humanum, asininum &c. tum per acida, sed per volatilem spiritum temperata, *Spir. salis dulc. &c.* miscendo illa cum potu conveniente, jusculis, &c. non cum prædictis emulsionibus aut lacte, cum ab omni acido concrefcere soleant.

Myrrha hîc ob facultatem suam leniter adstringentem non prætermittenda, ubi tamen *Marquardus* admonet *Med. Pract. l. 4. cap. 5. p. 278.* ad styptica validiora non esse progrediendum, si jam adsit hectica consumptio ac contabescencia membrorum: Idem ergò sequentia Trochiscorum usum suadet:

℞. Glandium per triduum in Aceto infus. part. j. Thuris part. dimid. Myrrh. p. j. Misc. f. Trochisci: Dosis ℥iv. cum lacte caprino quotidie ad ℥iij. cum ʒ℥. Sacchari exhibendi.

Pulvis sequens quotidie ad 3j. assumi poterit:

℞. Myrrhæ ʒß. Fruct. Querc. pulverisat. ʒj. Sem. Plantag.
Flor. Balauft. āā. ʒß. Misc. f. Pulvis.

ARTICULUS III.

De

DYSURIA.

HOc in affectu urina difficulter & dolorosè excernitur, differtque à stranguriâ, quòd in hâc lotium guttatim reddatur, in dysuriâ verò excretio quidem suspenditur, & aliquandò diutius quàm oportet, sed quando reddenda est, difficultatem, gravitatem atque dolorem æger sentit, ut sæpè liberè non profluat, nisi manu vesicæ regionem comprimat.

Vitium hoc ut debitò modò corrigatur, tollenda erit acrimonia lotii ac vesicæ imbecillitas: quare si ab hâc producat, jubet *Heurnius* ad aphor. Hippocrat. 36. Sect. 6. sumere Myrrhæ pulverisatæ ʒß, cum Sir. Violar, sæpius reiterando.

Externè Myrrha optimè contrita cum Oleo Chamæmelino suprâ ventrem circa umbilicum optimò cum successu ponitur.



CAPUT XIII.

Myrrham in affectibus uterinis salutarem
prædicat.

ARTICULUS I.

De

SUFFOCATIONE MATRICIS.

UTerum infinitarum ærumnarum causam jure *Demo-
critus* judicavit: nam *Aretæo* teste, morborum pluri-
morum, malorumque acervum congerit; & juxta
Helmontium etiam haud rarò post mortem, quandò
foetum expellit, in mulieribus tumultuatur. Ex infinitis
istis calamitatibus non levissimus est affectus hystericus dictus,
seu suffocatio uteri (melius hypochondriaca) appellata, quâ
fœminæ præfocari & quasi strangulari videntur. Justè verò
Galenus eos reprehendit, qui putant, uterum hinc & illinc
in corpore vagari motu locali proprio atque peculiari, cibi
alimentum à partibus supernis suo adscensu acquisiturum:
hoc namque figmentum & ratione & *ἀνολογία* anatomicâ de-
struitur: *Tantum abest*, scribit, *ut ad ventriculum uterus ad-
scendat, huncq; prætereundo ad septum transversum pertingere
possit.*

Quærenda itaque erit alia præter hunc adscensum causa,
ob quam talia patiatur mulier: scilicet rectissimè affectus hic
refertur à recentioribus emunctioribus ad affectus spasmodi-
cos & convulsivos, ut hâc ratione non ineptè *Paracelsus* Cadu-
cus matricis audiat: nam advertitur in eo occupatio nervosa-
rum, membranarum atque fibrosarum uteri partium, in-
ducta à pravis malignisque vaporibus, ex semine & sanguine
menstruo, aliisque excrementitiis humoribus ac succis circa

uterum stagnantibus, & partes principales infestantibus: hinc & familiare malum est viduis virginibusque ætate jam pro-
vectioribus ac libidinosis, inque venerem pronis, ob malam
seminis corrupti qualitatem, quæ pejora & majora excitare
potest mala, quam sanguis menstruus corruptus & vitiat. Vid.
Tractatus Willisii de affectionibus hysteris ac hypochon-
driacis.

Curatio duplex est, una in, altera extra paroxysmum ad-
ornanda: in utrâque Myrrha, quæ inprimis utero dicata est,
feliciter succurrit, tam intus quàm extus adhibita. Undè jam
ab *Hippocrate* in uteri imbecillitate ac strangulatu suffitus com-
mendatus ex Cassiâ, Cinamomô & Myrrhâ, l. 2. de Morb. mu-
lier.

In paroxysmo convenit Emplastrum sequens:

℞. Galbani, Sagapeni āā. ʒvj. Bdellii ʒß. Pulv. Matricar.
Pulegii, Corulæ foetidæ āā. ʒj. Myrrhæ ʒiß. Cum Olei
Rutacei q. s. fiat Emplastrum super alutam extendendum in
formâ quadratâ pro utero.

Balsamum polychrestum Dn. *D. Frommanni*, essentiamq;
uterinam egregiam Myrrhæ societate claram vide in Tr. de Ju-
nip. *L. Scharffii* cap. 21. p. 298.

Allevamentum quoq; spondet præfocata sequens Pulvis, si
cessante paroxysmo exhibeatur:

℞. Pulv. Hysteric. August. ʒß. Trochisc. de Myrrhâ ʒiß.
Misc. fiat Pulvis pro dosi.

Nec minoris virtutis æstimandæ Pilulæ quæ sequuntur pro
everrendis vitiosis humoribus.

℞. Spec. hieræ ʒj. Mechoacan. Rhabarb. aa. ʒiß. Turbith.
ʒj. Tart. albi ʒiß. Zingib. ʒj. Myrrhæ, Castor. aa. ʒß.
Sem. Vitic. Dauci aa. ʒj. Diagrid. præp. gr. xv.

Cum Sir. de Artemisiâ fiat MP. Dosis ʒß. vel ʒij. hebdo-
madatim.

Vel: ℞. Castor. Myrrhæ, Asæ foetidæ aa. ʒj. Fecul. Bryon. ʒß.
Sem. Rutæ, Croci aa. gr. vij. Cum Sirupo de Artemisiâ
fiant

fiant Pilulæ xij. Dosis 3. vel 4. quas si ægra deglutire nequeat, dissolvantur in Aquâ Artemisiæ.

Pilulæ *Riverii* specificâ virtute hystericis insultibus convenientes Myrrhâque exaltatæ ita se habent.

℞. Asæ foetidæ ℥ss. Castor. Myrrhæ, Galbani, Sagapeni āā.

℥j. Cum Melle Mercuriali f. Massa, de quâ capiatur ℥ss. vel ℥j. frequenter.

D. *Salomon Alberti* in suffocatione hypochondriacâ ex Εμπνευµατῶσι, præmissio laconico, cum scobibus ligni guajaci extrâ fluxum mensium instituto, extersâ & exsiccâtâ cute suffitum parat pro matrice talem.

℞. Ligni Aloës ℥ijss. Myrrh. 3ij. Rad. Cyperi, Rosmar.

Caryophyl. Thur. Mastich. āā. 3j. Galliæ Moschat. gr. v. f.

Pulvis grossus qui injiciatur prunis: vapor excipiat per infundibulum.

ARTICULUS II.

De

SUPPRESSIONE MENSIIUM.

Sanguis menstruus secundum naturam se habens, non propterea singulis mensibus excernitur, quod virulentâ ac malignâ quâdam qualitate infectus sit, uti quidem nonnulli somniarunt, sed quod abundet in corpore, & totus non possit consumi in partium nutrimentum, donec foemina imprægnata sit, & lactationis tempus accedat.

Vulgò florum nomine venit fluxus hic naturalis, nec ineptè: apparet quippè in primo juventæ flore: & quemadmodum arbores flores emittentes non steriles, sed foecundæ æstimantur, sic & foeminæ, quibus menstrualis purgatio justo tempore, debitoque modo contingit, ut plurimum foecundæ, & ad generationem prolis aptæ reputantur: deniq; & nomen hoc de bonitate sanguinis menstrui testimonium exhibere debet: scilicet non sit luridus ac foetidus, sed floridus,

nn 3

dus,

cus, floridasque ac benè coloratas reddat mulieres tributum hoc lunare decenter persolventes: qualis namque sanguis menstruus, talis etiam foeminarum sanitas: cum contrarium eveniat in iis, quæ chlorosi deturpatæ sunt, mensibus vel non vel vitiosè fluentibus, quod vitium suppressio vel obstructio apud Practicos audit; malum, quod alia plura secum trahit, nisi maturè succurratur: novum enim non est, quòd tandem cachexiam, hydropem, phthisin, aliasque morbos post se relinquat.

Contingit verò retentio hæc ob multas causas, præcipua tamen & frequentissima est angustia vasorum, per quæ menstruatim purpureo liquori transeundum: hanc parit obstructio, quam inducunt humores crassi, lenti ac viscosi: ipsa quoque sanguinis visciditas haut rarò culpanda, quâ præsentē, sanguis ad fluxionem ineptus redditur. Idem malum etiam à tumoribus uteri vicinarumque partium oboriri potest: coalescentiam item à carne factam, vel membranam aliquam in utero subortam, vel à cicatrice ab ulcere malè curato eandem suppressionem produci posse, observationes Practicorum commonstrant.

Curatio non procrastinanda, utut historiæ testatum faciant, quasdam per plures annos obstructionem perpessus fuisse citrà gravem noxam, & absque remediorum adhibitione, attamen tandem non lunæ sed naturæ tributum persolvere coactæ sunt. Usurpanda autem talia sunt, quæ sanguini justam naturalemque consistentiam conciliare, turgescentiam sedare, & obstructions reserare valent. Myrrha hæc promittit, ideoque non negligendus ipsius usus, est enim præstantissimum emmenagogum, ac specialiter hîc prodest, quæ attenuando atque incidendo sanguini fluxum naturalem & ordinarium optatò restituit, vasorumque oscula aperit.

Quandò itaque ab humoribus lentis ac pituitosis ob-

stru-

structio dependet, præmissis præmittendis, Vinum decoctionis Myrrhæ & Baccarum Lauri utiliter propinatur.

Hieronymus Pulverinus Trochiscos de Myrrha exhibet ad 3j. Cum ʒiij. Vini albi odoriferi vel Aquâ capillorum veneris.

Johannes Heurnius ad Hipp. Aphorismum 36. Sect. 5. sequentibus Pilulis refectionem promoveret, si x. vel xij. maturinis continuis antè solitum menstruæ purgationis tempus exhibeantur.

℞. Aloës ʒj. Myrrhæ, Gentianæ, Aristoloch. Dictamni, Croci aa. ʒiʒ. Rubiæ Tinct. Mithridat. aa. ʒj. Cum Sirupo de Artemisiâ fiat Massa.

Johannes Baptista Montanus Conf. 307. & 308. efficaces hæcæstimat:

℞. Myrrhæ, Croci, Aloës aa. ʒj.

Pulverisentur omnia per se, deindè misceantur: post adspargantur cum Succo Majoranæ: permittantur exsiccari, & sic iteretur sexies, postea cum Sirupo de Absinthio fiat Magda-leon: Ex ʒj. formentur Pilulæ novem sumendæ tribus horis antè prandium bis in septimanâ.

Georgius Horstius alias scopo huic admodum faventes suggerit lib. 5. de morbis mulier. Epist. 3. obs. 4.

Pilulæ *Montagnanæ* non inter postremas reponendæ, quæ ita conficiuntur:

℞. Trochiscorum de Myrrhâ ʒiʒ. Sem. Petrosel. Castor. Cinam. aa. ʒj. Mosch. gr. x. Cum Succo Apii fiant Pilulæ xxij. deauratæ: Dosis duæ manè vel sub ingressum lecti per aliquot dies.

Sylvius Prax. Med. l. 3. c. 3. S. 75, ad humorum tenacitatem ac visciditatem incidendam aromatica, sive amara sint, sive minus, ejusmodi Pilulis utitur.

℞. Gum. Sagapeni cum Aceto ppt. ʒiʒ. Chalybis ppt. Succini albi aa. ʒj. Myrrhæ rubr. Castor. opt. aa. gr. xv. Croci

Croci ℥℥. Borrac. Venet. Ol. Caryophyll. gut. vj.
Misc. fiant Pilulæ num. xl. deaurandæ.

Hippocrates Salanus, Illustris *Rolfincius* lib. 4. Consult. 3. pag. 422. pulverem habet sanguinem egregiè attenuantem & oscula vasorum aperientem, nec nimis exsiccantem, (vehementer enim exsiccantia meritò vitanda.)

℞. Borrac. Venet. 3j. Croci, Myrrhæ, aa. ℥j. Fol. Diptamni Cret. q. v. Misc. fiat Pulvis minutissimus: Dosis ℥j. in Vino Malvatico exhibenda antè ingressum in balneum.

Riverius Prax. Med. lib. 9. cap. 2. p. 279. Tincturam proponit usu proprio admodum proficuum.

R. Theriacæ 3v. Myrrh. rubr. Alex. 3iij℥. Cinam. el. Croci or. aa. 3℥. Camphor. 3j.

Affunde optimum Vini spiritum ad trium digitorum eminentiam, & in leni calore Tincturam extrahe, cui per inclinationem effusæ adde Spiritus Tartari sextam partem: Dosis cochlear unum cum Vino aut Aquâ quâdam appropriatâ.

Tabernæmontanus lib. 3. Herb. P. 2. fol. 10. tale decoctum ad ciendos menses commendat.

℞. Baccar. Junip. Mj. Rad. Rubiæ Tinct. Cinam. Myrrh. aa. 3℥. Coq. in s. q. Aq. Artemis. ad tertiæ partis consumptionem: Colaturæ adde Borracis Venet. 3ij. Misc. bibatur haustus calidè matutinis ac vespertinis horis.

Interna præsidia Externa excipiunt; cum & his ritè administratis malo obviam eatur: inprimis suffimenta hîc in usum vocari solent jam Hippocraticâ autoritate stabilita Aphor. 28. Sect. 5. Ubi *suffitus aromatum muliebria educere scribit senex divinus*: & rectè quidem: vasorum enim extrema conniventia adaperiunt, humores crassos incidunt, infarctusq; expediunt: inter hæc Myrrha primas optimo jure tener: ergo

℞. Sabinæ M℥. Myrrhæ 3ij. Misc. Carbonibus injice, ut fumus per infundibulum utero excipiat.

Trochiscis sequentibus idem promovebitur:

℞. Pulv. Majoran. Nigellæ, Pyrethri, Piper. Zingib. Cynam. Myrrh.

Myrrhæ, Sabinæ aa. ʒj. Cum Terebinthinâ fiant Trochisci instar Baccarum Lauri.

Pessaria encomiô suô non carent, si applicentur, ubi licitum: in puellis enim atque virginibus locum non inveniunt. Hinc

Johannes Marquardus Med. Pr. lib. 4. c. 12. p. 299. provocationem mensium sequentibus Pessariis instituit:

℞. Pulv. Staphid. agr. Nigell. Rutæ, Pyrethri, Piper. Nasturt. Euphorb. Myrrhæ, Aloës, Castor. Afari, Croci, Rad. Dictamni aa. ʒj. Baccar. Lauri num. x. Asæ foetida ʒij.

Hæc omnia incorporentur cum Terebinthinâ, fiantque Pessaria sive Suppositoria ad longitudinem medii digiti, crassitudine digiti unius: inter incorporandum ad medium longitudinis involvatur filum, cujus extremitas maneat & excedat ad palmam unam ad extrahendum.

Felix Platerus Observ. lib. 1. p. 21. tali utitur:

℞. Rad. Afari, Agarici aa. ʒij. Myrrhæ, Fol. Rutæ sicca, Majoranæ aa. ʒj. Sem. Pæon. ʒʒ. Gallia Moschat. ʒij.

Contundantur & excipiantur Melle anthosato, addendo parum Fellis Porci ad ʒj. fiant Pessaria.

Alexander Massaria lib. 4. c. 2. p. 510. Suffitus & Pessaria itidem proponit, quæ videantur.

ARTICULUS III.

De

FLUORE ALBO MULIERUM.

Fœdum hocce malum, quô fœminæ viris haud acceptæ redduntur, ac sterilitas crebrò indè inducitur, varias fortitum est appellationes, quas tamen omnes recensere instituti nostri ratio non permittit: haud tamen incongruè indigitatur Rheumatismus matricis; fluxus hic totô genere præter naturam est, cum non nisi sanguis per uterum singulis

Dec. II. Annus VI.

oo

men-

menſibus naturaliter fluere debeat: in hoc verò excrementitii humores modò albò, modò citrinò aut pallidò, modò ſub viridi colore tincti apparent, adeòque interdum acres, ut pudendum muliebre erodant atque exulcerent: interdum nullò odore ſunt moleſti, nonnunquam verò graveolentiâ ſuâ ſatis abominabiles. Morbus hic non ſolùm vetulas, ſed & juvenculas virgines atque puellas ſæpiùs obſidet: hinc *Fernelius* puellæ mentionem facit octo annos natæ, profluvium hoc expertæ.

In denominando ſubjecto Authores diſſident: in eo tamen plerique conveniunt, quod ut plurimum ab univerſo corpore materia iſta excrementitia proveniat, undè & à *Galeno* totius corporis recrementum appellatur: qui caput ſolùm accuſant tanquam pituitæ fontem, uti volunt, falſi ſunt, falſâ hypotheſi obcœcati: alii viſcera principaliora alimentorum digeſtioni atque depurationi dicata inſontia non habent: nonnulli uterum ſubjecti veri vices tenere adſerunt. Ubi hoc notandum, quòd hic vix abſolutè immunis ſit habendus, ita ut nihil conferat ad fluoris huius proventum: hoc tamen non admittendum, quod ſolus uterus ſpecialiter ſic dictum album fluxum producat: ut ita meritò diſtinctio valeat inter profluvium muliebre & uterinum.

Materia verò iſta vitioſa alba hæret in maſſâ ſanguineâ ex quâ & cum quâ beneficiò circulationis circumfertur, donec tandem robore expultricis facultatis, quæ ſanguini in-eſt, expellatur per vaſa matricis, & quidem arterias cervicis uteri.

Franciſcus Sylvius accuratius inveſtigaturus fluoris albi cauſam, quæri ac inveniri eandem ſcribit Pr. Med. lib. 3. p. 16. in fermento uteri vitioſo diverſo, & magis vel minus auſtero vel acri aliterve affectò, ſubindè in ſanguine ad uterum accedente, ac propter affectus alios præcedentes comitesque multum ſæpè diverſo, adeòque magis aut minus viſcoſo ac pituito-

tuitosô vel falsô & ferosô , vel quovis modô aliô malè affectô.

Hermetici principium quoddam salinum producunt, quod per totam corporis lithurgiam sparsum , integritatem ejus bonamque constitutionem servat , quamdiu sulphuris dulcedine & nectareâ Mercurii irrigatione contemperatum proportionales confœderationis servat leges: quamprimum verò divorcium facit ab his, & hinc indè corpus peragrat, tandem & ad ipsius uteri penetralia defertur.

Malum hoc si moderationis limites non excedat , nec gravia quædam symptomata secum trahat, sæpè citra aliquod insigne incommodum fluxum hunc misellæ ferunt: succurrendum tamen est ad evitandum sterilitatis vitium. Gravidis abortum aliquandò uterique procidentiam causatur. Quandò remedia cuncta respuit, ac tota sanguinis massa ejusmodi muco scatet, in alios periculosos affectus mulieres præcipitat, uti atrophiam, cachexiam, hydropem. Compescendus itaque erit fluxus hic, ne radices agat. Curatio verò minimè ab adstringentibus & exsiccantibus auspicanda , quod vulgò mulierculæ cum obstetricibus facere sueverunt, nam hōcmodò graviorum periculorum ansa suppeditatur: humores excrementitii reprimuntur, intusque retinentur, posteaque aliis partibus labem aliquam affricant. Ergò methodicè magis universalis præmittitur evacuatio, postea viscerum atoniæ succurritur, sanguinique debita reparatur, ac tandem uteri mundificatio, corroboratio & exsiccatio instituitur per moderatè adstringentia. Ultimo huic scopo & Myrrha nostra satisfacit, utero aliàs gratissima medicina. Sequentes Mixturæ itaq; si adhibeantur, spem medentis & patientis, DEO benedicente, non eludent.

℞. Conf. Rosar. vet. Rad. Symphyti aa. ʒj. Condit. Rad. Acori ʒij. Corallor. r. præp. Rasur. Eboris, Terræ sigillatæ aa. ʒiʒ. Myrrhæ el. ʒj. Cum Sirupo de Cort. Citri f. Mixtura.

Vel:

℞. Conf. Rosar. antiq. ʒj. Absinth. ʒʒ. Condit. Carnis
Cydon. Cort. Citr. āā. ʒij. Spec. Aromat. Rosat. Co-
rallor. r. præp. Myrrhæ el. aa. ʒiʒ. Cum Sirupo de Rosis
ficcis f. Opiata.

Rotulæ ad fluorem album usu probatæ & aliquando mihi
ab Excellentissimo *Jonstono*, Medico & Polyhistore eximio olim
communicatæ ita conficiuntur.

℞. Fæculæ Bryoniæ ʒj. Sem. Papav. alb. ʒij. Myrrhæ ʒʒ.
Cum Saccharo in Aq. Cerasor. nigror. sol. fiant Ro-
tulæ.

Topica ex modicè adstringentibus ac siccantibus concin-
nata curationem similiter promovebunt, quæ tamen non in
usum trahenda, donec uterus probè sit deterfus, alioquin im-
puritates in eo retineantur, quæ retrocedentes aliis malis ansam
postea præbent: teste *Riverio*, aliisque. Deterfione factâ ute-
rus exsiccandus & roborandus, ubi suffitus commodi putan-
tur: injiciantur ergò carbonibus sequentes Trochisci, fumusq;
sinu excipiat muliebri, cruribus optimè testis:

℞. Ligni Aloës, Ladani, Styrac. Calam. aa. ʒij. Gum. Arabi-
ci dissoluti in Vino rubello: Myrrhæ dissol. aa. quantum
placet. F. Trochisci.

ARTICULUS IV.

De

STERILITATE MULIERUM.

Arovia sive *Atenyia* hæc nil est aliud, quàm concipiendi
ac generandi in mulieribus impotentia, quatuorq;
modis contingere solet, juxta *Riverium* Prax. Med.
l. 9. cap. 15. 334. 1. Si nempè foeminæ virile semen
convenienter non recipiant. 2. Si illud non retineant jam
receptum. 3. Si retentum non foveant & conservent: ac
4. de-

4. denique si non nutrant dictum semen ad formationem embryonis. Receptionem juxta eundem impediunt genitalium partium angustia ob ætatem juvenulam, uteri constitutionem pituitosiores, obstructionem vel adstrictionem muliebrium. Retentio impeditur, si uterus scateat humiditatibus excrementitiis, quod accidit in fluore albo. Semen debitò modò non fovetur & conservatur, si uterus laboret quâcunque intemperie, vel adsit dispositio quædam specialis, ob quam semen potius corrumpatur quàm perficiatur: hinc dantur pharmaca, quæ virtute suâ specificâ sterilitatem inducere creduntur, quò & spectant veneficia, & incantationes: denique non nutritur semen, si adsit defectus sanguinis huic negotio à naturâ destinati. Omnia hæc antiquitatis sapiunt dogmata: modernorum alia est de conceptione mens & opinio, ducem sequentium & antesignanum acutissimum *Harveyum*, hic etenim primus fuit, qui à priscorum sententiâ secessit, quem postmodum alii secuti sunt in hunc usque diem, statuentes commissionem seminum non fieri, cum seminis locò fœminæ ovula foveant, & genitura viri eadem fœcundet, spirituosò quodam emissò contagiò: ac certum est, quæ hactenus de ovario ab Anatomicis prolata extant, non esse à veritate aliena, cum & rationibus & sensibus ipsis externis, quibus sanè fides simpliciter non deneganda, illorum existentia comprobetur.

Frustrabitur itaque lædeturque conceptio, si miasma hoc spirituosum in virili semine contentum ova muliebria ritè ac sufficienter non attrahant atque imbibant: si in ovario debitè ova non efformentur, nec decenter per loca convenientia sive tubas Fallopianas seu oviductus non transmittantur, ad humanæ facionis officinam.

Dicta verò hæc impedimenta à diversis causis obvenire queunt, de quibus fusius apud Practicos legere est: nostrum est breviter, quid hîc Myrrha valeat, commemorare: scilicet cum frequenter sterilitas oriatur à peculiaribus uteri morbis,

omni ope adnitendum, ut tales eliminentur, ubi & evacuantia humores vitiosos, & alterantia sanguinis, uteri, aliarumq; partium dyscrasiam in auxilium vocanda veniunt.

Externa hîc non parum præbent solatii : respiciendum tamen semper ad causam, quæ si fortior fuerit, qualis frigida & humida intemperies, ad validiora quoque progressus faciendus adstringentia ac exsiccantia : hinc commendantur thermæ sulphuræ, bituminosæ, nitrosæ, aluminosæ, quarum vices suppleant Fomenta & Suffumigia ex Thure, Mastiche, Myrrhâ, Junipero &c. sinu muliebri excepta. Si enim hæc secundum effectum duorum Medicinæ Antistitum muliebria ducere queunt, dubium non est, quin uterum quoque alterent, illius intemperiem corrigant, foecunditatemque adjuvent.

Rolfincius lib. 9. Conf. 2. talern Suffitum instituit :

℞. Resinæ Benzoës ʒʒ. Ladani de Barbâ ʒiij. Thuris, Myrrhæ āā. ʒij. Juniperi ʒiij. Contusa dentur ad Scatulam.

Pessum quoque calefacientem, exsiccantem ac adstringentem suppeditat :

℞. Aristoloch. rot. ʒij. Castor. Myrrhæ, Mastich. āā. ʒj. Galbani ʒiij. Galicum Glandium, Nuc. Cupres. āā. ʒij. Theriacæ ʒj. Succu Prunor. sylvestr. q. s.

Misc. fiat Pessus sindone involutus, cui filum appendatur, & Oleo Artemisiæ inunctus intrudatur vulvæ, noctuque retineatur.

Marquardus Med. Pract. lib. 4. cap. 15. pag. 307. in sterilitate propter pinguedinem atque humiditatem exortâ pessarium præscribit tale :

℞. Castor. Styrac. liquid. Myrrhæ, Galbani, Calaminth. Piper. Opopan. aa. ʒʒ. Mosch. Ambr. āā. gr. ij. Incorporentur simul perfectissimè, fiat Magdaleon, & ex hoc Pessaria, quorum unum mulier in cervice matricis teneat à meridie usque ad vespèram.

Alexan-

Alexander Massaria Pract. Med. l. 4. c. 6. p. m. 558. suffumigium dupliciter parari monstrat: uno modo pluribus & aquâ decoctis simplicibus medicamentis, cui deindè decocto adhuc calenti mulier ita se accommodet, ut illius evaporationem in uterum possit accipere; altero modo, si hæc ipsa medicamenta, sed imprimis aromata calidis cineribus imposita congruo instrumento alterâ ex parte excipiendo longiore, alterâ immittendo angustiore, v. gr.

R. Artemis. Matricar. aa. ʒj. Myrrhæ, Benz. Styrac. Calam. aa. ʒß. Ligni Aloës ʒj. Mosch. ambr. aa. ʒß. Misc. Contundantur omnia & f. Pulvis: vel cum Oleo Nard. f. Trochisci aut Pastilli,

ARTICULUS V.

De

MOLA ET FOETU MORTUO.

Mola nihil aliud est quàm rudis quædam ac indigesta moles utero admodum molesta: oriturque quando pro genuino ac verò foetu informe quid generatur, ob virtutis plasticæ errorem in semine delitescentem; ut hæc ratione molæ in virginibus & viduis genitæ verarum molarum nomine non veniant, sed tantum sint informes massæ, rudesque sanguinis concretiones: sanguis enim menstruus per se non potest producere veram molam, cum non in hoc sed in semine tantum facultas formatrix resideat.

Virtutem hanc plasticam seu formatricem in errorem ducunt, quando hæc per se debilis ob semen exiguum, non benè constitutum, à sanguinis copiâ obruitur, ut rudimenta quidem quædam efformet, totam verò foetus structuram atque fabricam perficere non valeat: accedit ex causis media-

tis,

tis, uteri naturalis imbecillitas, intemperies humida ac frigida, & alia opus hoc genitale interturbantia.

Cum malum periculo non vacet, sed universum foeminae corpus in morbosum statum præcipitare possit, quatenus menstrua retinentur, ac interdum quoque foetui vero juncta insidias struit, ac commeatum ipsi præcludit, acceleranda omninò hospitis hujus peregrini atque infesti expulsio, ubi Myrrha præ aliis sese exhibet oppugnantem.

Petrus Forestus Schol. Observ. 63. l. 28. de Morbis Mulier. sequentem Confectionem commendat, quâ mulierem liberavit à molâ, quam annuo spatio gestaverat, exhibendo manè & vesperi antè cibum 3j. cum Aquâ Sabinæ vel Vino Rhe-
nano.

℞. Asæ foetidæ ʒiʒ. Sem. Rutæ, Cassiæ Lign. Rasuræ Lapid. Dactylor. Borracis āā. ʒiʒ. Croci ʒiʒ. Myrrhæ, Theriacæ Diateslar. āā. 3j. Misc.

Rodericus à Castro lib. 3. de Morb. Mul. c. 7. ordinat Trochiscos ad abigendam molam sequentes.

℞. Cinam. Myrrhæ aa. ʒiʒ. Fol. Sicc. Rutæ, Sabinæ, Puleg. Calaminth. Gummi Sagapen. Opopan. aa. 3j. Granor. Junip. Cardamom. Mentastr. aa. ʒiʒ. Misc. fiant Trochisci, quorum detur pondus ʒij. cum decocto Sabinæ aut alio accommodo.

Johannes Petrus Lotichius lib. 5. obs. 16. Pilulas format pro duabus vicibus hoc modo:

℞. Myrrhæ, Castor. aa. ʒj. Sabin. Borrac. aa. ʒʒ. Fellis Bovis ʒʒ. Ol. Succin. gut. iv. Croci gr. v. Cum Succo Sabinæ fiant Pilulæ xiv.

Franciscus Joël Pr. Med. l. 8. S. 3. pag. 484. talibus utitur, quarum dosis manè ac vesperi 3j.

℞. Nigellæ, Aristol. long. Rad. Dictamni, Sem. Thlaspios Baccar. Sabinæ, Fol. Sabinæ, aa. 3j. Sem. Rutæ, Rubiæ Tinct. Gummi Serapin. Ammoniacy, Myrrhæ, Castor. aa. ʒiʒ.

His omnibus pulverisatis cum Succo Radiculæ culinariæ (Meerrettich) fiant Pilulæ in calido mortario.

D. Sennertus de Morb. Mul. lib. 4. P. 2. S. 4. c. 9. p. m. 343. Pessarium usurpat hoc:

R. Trochiscorum de Myrrhâ, Galbani, Opopan. in Vino dissol. aa. ʒij. Rad. Cyclam. ʒj. Helleb. albi ʒiʒ. Cum Succo Rutæ fiat Pessus.

Sæpè quoque extinguitur foetus in utero, & quidem variis de causis, quas Practici proponunt: hic quam primum expellendus est, aliàs matri præsentissimum exitium affert.

Riverius Prax. Medic. lib. 9. cap. 19. pag. 356. ad educendum foetum mortuum internè usum sequentis Pulveris extollit:

R. Dictamni Cret. Sabin. Borrac. aa. ʒj. Myrrhæ, Rad. Afari, Cinam. Croci aa. ʒj. Misc. f. Pulvis: Dosis ʒj. cum Aquâ Sabinæ vel alio appropriato vehiculo.

Franciscus Valeriola lib. 1. Obs. 1. Pulverem tradit partum facilitantem & foetum mortuum ejicientem.

R. Cinam. el. Myrrhæ aa. ʒiʒ. Aristoloch. long. ʒj. Pulv. Diamb. Diamarg. Frig. aa. ʒiʒ. f. Pulvis: cujus detur ʒj. vel ʒiv. ex aquâ decoctionis Hyssopi & Phaseolorum.

Felix Platerus lib. 1. Obs. Pilularum harum usu mensium fluxum promovit, undè postea foetus mortuus exclusus fuit.

R. Myrrhæ el. ʒj. Sem. Nigel. Lupin. Rad. Rubiæ Tinct. ʒā. ʒiʒ. Croci, Aloës, Borrac. aa. ʒj. Cum Sirupo Artemisiæ fiat Massa. Dosis ʒiʒ.

Augustinus Thonnerus Obs. 1. de foetu excludendo Pulvere utitur, quo solo mulier quædam sarcinâ hâc liberata fuit.

R. Trochisc. de Myrrhâ ʒiʒ. Borrac. gr. xv. Misce fiat Pulvis exhibendus cum Aq. Artemis. ʒij. Puleg. ʒiʒ.

Parens meus b. m. ita procedit:

R. Trochisc. de Myrrhâ, Pulv. Testicul. Equin. præparat. aa.

℞j. Misc.

Vel. R. Pulv. Testicul. Equinor. ppt. ℞j. Borrac. Trochisc. de Myrrhâ, aa. ℞ss. Misc. f. Pulvis in Aq. Pulegii & Verbenæ exhibendus.

Extrinfecus *Gregorius Horstius* lib. 5. obs. 37. Cataplasma ex decoct. Colocynth. Succo Rutæ & Myrrhâ cum Farinâ Hordei factum umbilico imponit.

Zacutus Lusitanus lib. 2. prax. admir. obs. 162. hoc Unguento usus est in muliere, cui violentâ mariti manu super umbilicum ictus illatus fuit, undè foetus demortuus.

R. Medull. Colocynth. Succu Colocynth. virid. aa. ℞j. Succu Rutæ ℞ss. Euphorb. ℞ij. Unguent. Archanit. ℞iij. Myrrhat. ℞vj. Ol. de Castor. Rutæ. aa. ℞j. Coquantur ad Succorum consumptionem: fiatque Unguentum ventri & perinæo applicandum.

Franciscus Joël lib. 8. pract. Sect. 4. pag. 494. in foetu extincto extrahendo Trochiscos parat pro suffitu tales.

R. Vernationem Serpentis num. j. Myrrhæ, Castor. aa. ℞j. Rub. Tinct. Stercor. Columb. aa. ℞ij.

Contusis omnibus cum felle taurino q. s. redigantur in Trochiscos & Carbonibus ignitis injiciantur.

Riverius l. c. Pessarium in vulvam immittit sequens.

R. Rad. Aristoloch. rot. Ireos, Helleb. nigr. Colocynth. Myrrhæ aa. ℞j. Galbani Opopan. aa. ℞ss. Cum Felle Bovis f. Pessarium.

ARTICULUS VI.

De

SECUNDINARUM ET LOCHIORUM
RETENTIONE.

Quid Secundinæ sint Anatomicis liquet: Hæ naturaliter excluso foetu excerni debent: non raro verò contingit, ut commorentur aut planè subsistant, puerperæque exitium minentur, dum suo halitu diaphragma, cor, ventriculum ac cerebrum inficiunt, perniciosaque symptomata, uti strangulationem uteri, difficultatem respirandi, animique deliquia inferunt.

Accidit verò Retentio potissimum ob nimiam tunicarum densitatem atque crassitiem, propter quam uteri parietibus similiter secundinæ adhærent: item ob harum intumescentiam, virium ob partum difficilem atque laboriosum prostrationem, aut orificiū uteri clausuram.

Curatio non differenda, ubi præter alia & Myrrhæ usus commendandus erit, quæ spirituascentiam sanguinis conciliat, majusque robur utero confert.

Franciscus Joël lib. 8. Med. Pr. S. 4. p. 493. hunc Pulverem commendat, si ejus ʒj. cum vino generoso propinetur.

℞. Castor. Myrrhæ, Styracis liquid. āā. ʒj. Cinam. Aristoloch. rot. āā. ʒß. Agar. Trochisc. ʒß. Diagrid. gr. v. Croci, Siler. Mont. Sabinæ aa. gr. iv. Opii Thebaici, Asæ foetidæ aa. gr. vj.

Misce fiat Pulvis tenuissimus.

Petrus Forestus Schol. Obs. 80. l. 28. de Morbis Mul. Borracem vel Trochiscos de Myrrhâ ad ʒj. Cum Vini albi ʒiiij. propinat.

Heurnius ad Aph. 3 §. Sect. 5. hoc utitur:

℞. Cinam. el. ʒiiß. Myrrhæ opt. ʒij. Succini albi ʒiß. Rubiæ Tinct. Castor. aa. ʒj. Borrac. ʒß. Croci gr. v. Misc. f. Pulvis subtilissimus; Dosis ʒj. cum Vino & Saccharo.

Johannes Zecchius Consult. 68. Bolum devorandum præscribit, superbibendo decocti Artemisiæ ʒiv.

Zacutus Lusitanus Pr. Hist. l. 3. c. 19. pulverem ex Carabe, Castoreo, Diptamino, Pulegio, Cinam. Borrace, Spicâ Nardi, Myrrhâ &c. conficit.

Crato lib. 5. Conf. 40. Myrrham cum Aquâ Cinamomi offert bibendam.

D. Balthasar Timeus von Gûldenlee in Secundinâ retentione lethali sequens ordinavit expellens lib. 4. Cas. Med. 27. p. 226.

℞. Rasurâ Ossium Dactylor. Trochisc. de Myrrhâ, Succini albi, Castor. Borrac. Sem. Violar. Dictamni albi, Croci aa. ʒiʒ. Misc. fiat pulvis pro sex dosibus ex vino calido manè, post meridiem, & vesperi sumendis.

Suffitum quoque idem per vices parat ex Colocynthide, Myrrhâ, Castoreo, Galbano, Opopanace &c.

Lochia sunt sanguis aliàs extrâ conceptionis tempus singulis mensibus, post hanc verò in utero collectus & prole in lucem editâ evacuari solitus: fluxus hic nonnunquam justo copiosior est, interdum parcius, haud rarò etiam omninò supprimitur.

Curatio consistit in provocatione: opus tamen est, mone[n]te *Joële*, singulari prudentiâ atque judicio, nè per medicamenta vehementia nimis conciteretur fluxio, hinc medicorum usus adhibendus, inter quæ Trochisci de Myrrhâ sunt, quos laudatus Author ad ʒj. cum haustu vini tepidi offert: Aqua Fœniculi optimum quoque habetur vehiculum.

D. Timeus à Gûldenlee lib. 4. cap. 28. pag. 227. in retentione Lochiorum, præter alia non juvantia, potiunculam multis proficuam propinavit.

℞. Aq. Artemis. Hyster. Myns. aa. ʒiʒ. Cinam. ʒʒ. pulv. Myrrhæ el. ʒj. Succini albi præparat. Castor. aa. ʒʒ. Misc. pro Dosi.

ARTICULUS VII.

De

PARTU DIFFICILI.

Partus naturalis est, quando foetus in utero formatus excluditur, quod fit, cum foetus legitimò tempore ruptis suis involucris ac membranis hoc modò in lucem progreditur, ut primùm caput supinus exerat, deindè cervicem ac humerum, tandem thoracem, ventrem atque pedes, manibus lateribus applicatis, & usque ad genua protensis. Contrà præternaturalis habetur is, qui à naturali recedit. Frequenter verò accidit, ut & naturalis partus difficilis reddatur, quando cum matris vel foetus vel utriusque periculo tardè ac difficulter procedit. Foetus causà evadit, cum extremè debilis existit, aut mortuus est, matris culpà difficultas pariendi oritur, quando hæc valdè debilis, tum ratione vitalium, tum animalium virium oppressarum vel exhaustarum impotens redditur: deindè propter pubis & Coccygis ossa ætatis provectioris causâ minus mobilia deficiens contingit partus, &c.

Ad facilitandum itaque partum omnis dirigenda opera, & tam internis quàm externis medicamentis via foetui paranda, ubi Myrrham excellere omnium Practicorum monumenta loquuntur.

Amatus Lusitanus Cent. 5. Curat. 34. Pulverem cum vino exhibet hunc:

℞. Cinam. opt. Trochisc. de Myrrhâ, Croci opt. āā. ʒiſs.
f. Pulvis: ubi quantitas Croci juxta censuram beatissimi *Sennerti* paulò major videtur. Hic l. 4. P. 2. S. 6. cap. 4. p. m. 417. 418. pariendi difficultati sequentibus succurrit:

℞. Succini albi ʒvj. Cinam. ʒij. Cassiæ lignæ, Myrrhæ, Borrac. āā. ʒj. Misc. f. Pulvis.

R. Aristoloch. rot. ver. ʒij. Myrrhæ ʒj. f. Pulvis cum vino dandus.

R. Galbani, Myrrhæ āā. ʒj. Rad. Aristoloch. rot. Dictamni Cretici Gentianæ āā. ʒʒ. Castor. Croci āā. ʒj. Cum Succo Salviæ fiat Massa: Dosis ʒʒ. ʒj.

Lotichius Pulvere utitur sequenti in tres partes dividendo ac in Aquâ Artemisiæ vel Pulegii exhibendo.

R. Trochisc. de Myrrhâ, Rad. Dictamni albi, Succini albi præp. Borrac. Sem. Violar. āā. ʒj. Magister. Perlar. ʒʒ. Misce.

Timæus à Guldenkleee Epist. & Conf. Med. l. 6. Epist. 16. p. 435. monita quædam in & post partum observanda proponens binos Pulveres præscribit ad promovendum partum apprimè utiles:

R. Myrrhæ purissimæ ʒiʒ. Succini albi præp. Aristoloch. rot. Dictamni albi, Borracis, Cassiæ lign. acutiss. Croci or. Apii, Flaved. Liliior. alb. āā. ʒj. Misc. f. Pulvis. Dosis tres cuspidēs cultri in convenienti vehiculo.

R. Aristoloch. rot. Trochisc. de Myrrhâ, Dictamni Cret. Cassiæ lign. acutiss. Borrac. āā. ʒiʒ. Castor. Croci āā. ʒj. Ol. destillati Succini albi gut. xv. Misc. f. Pulvis.

Nec sequentium Pilularum usus erit aspernandus.

R. Galbani, Myrrhæ āā. ʒj. Rad. Aristoloch. rot. Dictamni, Gentian. āā. ʒiʒ. Castor. (si asâ foetida addatur, erunt efficaciores) Croci āā. ʒj. Cum Succo Sabinæ fiat Massa, capiat mulier parturiens à ʒʒ. ad ʒj. procedendo.

Extrinsècus Sacculus in lacte coquatur, & postea circa pubem applicetur:

R. Herb. Artemis. Beton. Meliss. Scord. Puleg. Fl. Chamæmeli āā. Miʒ. Concisa d. ad Chart. S. Species sum Säcklein.

ARTICULUS VIII.

De

ABORTU.

A Bortus Excellentissimo *Sylvio* Pr. Med. l. 3. c. 4. p. 531. foetus humani est exclusio ante septimum gestationis mensem, sive vivus prodeat, sive mortuus: observanturq; frequentius circa finem tertii mensis & quarti initium: hoc malum atq; infortunium est foemini admodum familiare, & ferè plures observantur uteri deperditiones quàm partus legitimi.

Contingit autem abortus vel expultrice uteri irritatâ vel mole, vel pondere, vel morfu: ex parte foetus accidit ob ejusdem imbecillitatem, alimenti defectum, & ligamentorum laxitatem. Inter alias abortum procreantes causas *Sylvius* quoque ponit sanguinis abundantiam: hinc evenit inprimis foeminis copiosum menstruorum fluxum patientibus, in quibus sanguis evacuari solitus, & nunc in corpore coacervatus, nec in foetus nutritionem placentaevæ productionem consumptus urget ipsius uteri vasâ, exitumq; per ipsâ quarens ac inveniens, simul foras protrudit foetum tenellum ac nec dum oculis conspicuum. Casum talem prædictus *Sylvius* satis censet esse frequentem, utut paucis observatum.

Curatio maximam partem consistit in præcautione, ne contingat abortus, nam qui jam factus est, restitui nequit. *Robinsonius* Electuarium nobis reliquit uterum corroborans & ab abortu præservans tale.

℞. Conf. Majoran. Meliss. Lil. convall. aa. ʒiij. Cond. Nuc. Indic. Jugland aa. ʒj. Michridat. Theriac. aa. ʒiʒ. Extr. Artemis. Castor. aa. gr. vj. Spec. Diaxylo - Aloës: Diacynam. Diagalang. aa. ʒj. Feculæ Bryoniae, Ari aa. ʒiʒ. Succini albi præp. Trochisc. de Myrrhâ aa. ʒj. Cum Sir. de Hyssopo & Cinamomo misc. pro Electuario.

CAPUT

CAPUT XIV.

Myrrhæ usum singularem in morbis partium corporis externarum monstrat.

ARTICULUS I.

De

ARTHRITIDE.

HActenus vires polychrestæ Myrrhæ in affectibus corporis humani internis celebratissimas lustravimus, ordinis nunc ratio postulat, ut & videamus effectus ipsius in externarum partium morbis curandis: ubi primò se Arthritis sistit, dolor ille articulorum acerbissimus & molestissimus.

Pars primariò affecta non sunt interstitia ossium simul articulorum, sed membranæ, tendines ac ligamenta ipsos articulos vincientia & colligantia: id quod evincit dolorum atrocitas, qui non ossibus, sed partibus membranosis exquisitè sensilibus adscribuntur: quamvis enim cruciatus isti in partibus musculosis ac carnosus videantur hære, uti apparet in Ischiade humerique dolore, tamen hæ minimè afficiuntur, sed sine doloris augmento contrectantur: ut ita verum maneant arthriticorum dolorum subjectum fibræ atq; membranæ, hæ quippè solæ sensu præditæ sunt, illisq; dolorificus assignatur sensus.

Causæ sunt humores acres, biliosi, serosi, sale lixivo fixo vel volatili abundantes, & tunc adjunctus est ardor quidam, quò absente, humor acidus acrimoniæ comes existit.

Paracelsus Tartarum principalem dolorum horum causam esse scribit, quem ita in humano corpore salia sua purgare do-

re docet, quemadmodum herbæ & frutices virorem & flores producunt: cumque duplicem constituat Tartarum, resolutum & solidum, ultimum intelligi vult, qui in articulis con- crescere queat: hinc materia illa nonnunquam adeo crassa atq; indurata existit, ut instar cretæ tingat ac pingat.

Helmontiani accusant acorem peregrinum in articulis hospitantem.

Alii cum *Sylvio* & *Tachenio* proferunt succum acidum pancreaticum & biliosum, vel salso-acidum sese non ritè habentes.

Opiniones hæ tolerari possunt, si dextrè explicentur: lucè namque meridianâ clarius est, & ipsa experientia docet, quid incommodi acre falsum, & acre acidum à naturali statu degenerantia corpori afferant: de quibus Authores fusiùs tractant.

De loco verò atquē nido, in quo materia articulorum dolores producens generetur ac coacervetur, Authores inter se digladiantur. Veteres Rheumatismum Arthritidem æstimantes, undè & Guttam vocârunt, caput cum interaneis suis pro nido habent, existimantes, originem & fontem ipsis omnium optimè deberi: quæ opinio tamen proscripta jam est. Nonnulli humores illos in articulos influere autumant per vasa tam sanguifera quàm lymphatica. *Sylvius* eundem focum statuit Arthritidis ac febrium intermittentium, glandulas scilicet pancreatis conglomeratas, tam passim conglomeratas omnes. Vid. Prax. Med. Append. Tract. VIII. ubi prolixè de hâc materiâ disquirat.

Quoniam verò miseranda est conditio Arthriticorum, malumque, præsertim cum altas jam radices egit, curatu admodum difficile, juxta vulgare illud:

Tollere nodosam nescit medicina podagram:

In tempore quærenda erit medela, ne malum per longas moras invalescat, & quidem præsentē jam paroxysmo, quoniam

tunc Medici opera anxie imploratur, non item extra hunc: accersitus itaque sanitatis præses sedulam det operam, ut humorum effervescencia atque ebullitio contemperetur, illorumque acrimonia corrigatur, dolorque per anodyna mitigetur.

Inter medicamenta verò antiarthritica meritò quoque Myrrha locum invenit ob facultatem suam balsamicam & nonnihil adstringentem, quâ articulis succurrit, eosque corroborat, ut adeò promptè humores adventantes non recipiant. Undè prostant multæ compositiones antiarthriticæ & anti-podagricæ, quas Myrrha viribus suis conspicuis nobilitat: ex harum numero non postrema aqua antiarthritica, quam tradit *Fridericus Hoffmannus* in Thesauro pharmaceutico, quæ etiam Myrrham sociam habet.

Maximè verò usu externò sese commendat hoc in affectu: hinc *Crato* l. 2. cons. 26. Balsamum suggerit mirificè leniens, si pennâ illinatur, etiam intolerabilem dolorem.

Arcanum Antipodagricum *Johannes Poppus* habet Thesaur. Med. p. 676. Myrrhæ additione illustratum hoc modò:

℞. Mastich. Thuris. Myrrhæ, Ammon. Opopan. Bdellii, Mumiæ aa. ʒij. Vitrioli ℔j. Mellis ℔ij. Tartari ʒiʒ. Spir. Vini ℔iv. destillentur.

Jubet hic insuper recipere maxillam inferiorem capitis equini, & contusam tenuissimè destillare: binos hos liquores commiscet, & denuò destillationem instituit, utiturque pro inunctione aut instar epichematis applicatione podagrâ obsessarum partium.

D. Sennertus Tr. de Arthritide cap. 5. externam Aquam Antiarthriticam tradit hanc:

℞. Cancrorum fluviatiliū num. viij. Granor. Juniperi Mj. Myrrhæ, Thuris aa. ʒj. Vini opt. ℔j. Misc. & destillentur.

Riverius Pr. Med. lib. 10. c. 1. p. 181. Emplastrum magni usus deprædicat;

℞. Thu.

R. Thuris, Mumia Colophon. aa. ʒj. Mastich. Myrrhæ, Corallor. alb. aa. ʒʒ. Axungia humanæ ʒvj. Gummi Ammoniaci, Bdellii in Aceto dissoluti aa. ʒiiij. Terebinth. ʒʒ. Ol. Vulpini & Rosacei aa. q. f. Misc. fiat Emplastrum.

Fomentum sequens egregiè quoque cruciatus mitigabit, si in eo lintea humectentur, & fomenti locò parti dolenti applicentur.

In dolore Ischiatico sedando bina hæc Emplastra *Sennertus* cap. 6. tr. de Arthrit. proponit:

R. Ceræ citrinæ, Terebinth. Abietis aa. ʒiiij. liquecant simul ubi refrixerunt, adde

Pulv. Sem. Urticæ, Hermodactyl. aa. ʒij. Rad. Aristoloch. rot. Flor. Chamæmeli, Iridis flor. aa. ʒijʒ. Myrrhæ ʒij. Croci ʒiv.

Malaxentur manibus axungia porcina inunctis. Fiat Emplastrum.

R. Ceræ, Visci Quern. Terebinth. Iridis sicc Myrrhæ, Galbani, cum Oleo Lumbricorum fiat Ceratum.

Circa Topicorum applicationem benè notanda, quæ beatissimus *D. Sennertus* Tr. de Arthrit. c. 5. p. 33. inculcavit: Ne scilicet usurpentur, antequam corpus convenienti modò evacuatum, & causa antecedens sublata fuerit: si enim, antequam universalia præmissa fuerint, Topica statim adhibeantur, plus damni quàm emolumenti inde sperandum: vel enim materia, quam natura ad articulos depellere conatur, ad interiora repellitur, unde gravia symptomata excitantur, vel articulis impingitur, dolorq; exasperatur, vel pars effæminatur laxaturq;, atq; ita fluxus augetur. Quacum vulgò non observentur, & Topica sæpe non satis tempestivè ac cautè adhibeantur, plus plerumq; damni quàm utilitatis inde agri percipiunt, unde etiam vulgata sententia orta est, optimum esse, articulis dolentibus nihil adhibere: & reverà præstat nihil applicare & naturæ rem committere, quàm medicamenta minus idonea usurpare. Hæc *Sennertus*.

ARTICULUS II.

De

LUE VENEREA.

Contagiosum esse luem hanc, ab omnibus ferè affirmatur, qui de affectu hoc literis aliquid consignârunt. *Hercules* tamen *Saxonia* contrariari videtur, dum c. 3. de lue venereâ, non omnem contagiosam esse scribit: verba ipsius hæc sunt: *Ex quo unum colligitur, non omnem luem esse contagiosam, & plerumq; minus contagiosam esse vetustam, ac confirmatam, quam recentem & mediam. Lues venerea, quæ ex tophis tantum seipsam prodit, non est contagiosa. Contagium in excremento mobili & calido est repositum. In tophis tale excrementum non continetur, & si contineretur, ad genitalia non transmittitur: id ipsum dico de ulceribus capitis, quæ non facile per usum Veneris alteri communicantur, &c.*

Huic opinioni opponi potest distinctio contagiosi actû & potentiâ talis, & quatenus dispositos vel indispositos offendit: omninò namque concedendum, non omnes cum infectis rem habentes affici, sed requiri disposita corpora, in quæ *μιασμα* illud contagiosum agere queat. Hinc *Fallopîus* c. 10. de morbo gallico; meminit duodecim juvenum, unam meretricem comprimentium, quorum tres tantùm foedissimâ hæc lue, pretii locò, fuerint conspurcati, cæteris nil mali sentientibus.

Affectus hic foedissimus ut plurimum impudicæ Veneris est *αἰσχρὸς* & scortatorum impudentium flagellum acerbissimum, variaque ab Authoribus sortitus est nomina, quæ tamen ad nostrum scopum non spectant, sed potius de odiosis nominibus controversiam iis cum Excellentissimo *Sylvio* relinquimus determinandam, quibus volupe est singula in aliorum ignominiam fingere, trahere atque referre.

Veteribus ignotam fuisse luem hanc opinatur *Sylvius* tr. de lue venereâ, nec nisi ante duo circiter secula Europæis innotuisse: quamvis non negandum, morbis quibusdam subindè laborasse, qui Veneri nimium litarunt, aut cum Cachecticis vel aliâs minus sanis rem habuere: non fuerunt tamen isti affectus similes lue gallicæ nunc notæ atque tantoperè in multos sævienti.

Symptomata, quibus instar foricis se prodit, varia sunt: 1. Gonorrhæa fœda ac virulenta, sive virulenti humoris profluvium, ex impuro potissimum coitu contractum. 2. In diversis corporis partibus pustulæ & exanthemata multifaria: 3. Ulcera sordida pustulas has consequentia. 4. Ossium caries, cranii præsertim ac natium. 5. Tophi ac Nodi in capite, brachiis cruribusque conspicui. 6. Dolores ostocopi, nocturno potissimum tempore ingravescentes. 7. Casus pilorum capitis, superciliorum ac barbæ. 8. Maculæ variæ nunc rubræ, nunc flavæ, nunc lividæ, cutim in pectore ac dorso contaminantes. 9. Bubones venerei in inguinibus oborti mox apparentes, mox iterum evanescentes, jam indurati vel suppurati. 10. Condylomata in utriusque sexus pudendis & podice enata.

Sylvius loco citato phænomena hæc occurrentia secum pensitans ad acrimoniam humorum recurrit, cum omnia ista ab eâdem deduci possint: & cum omnis acrimonia humorum salina lixiva vel acida sit, ab alterutrâ vel utrâque pendere scribit luem hanc: à sale tamen lixivo solo non produci posse putat, cum rosio à sale lixivo fieri solita cum calore notabili sit conjuncta, qualis vix unquam observetur in gallicis: item quod à lixivo sale partes ad internecionem & mortificationem ac nigredinem brevi perducantur, quod in lue venereâ non accidit: relinquitur ergò, acrimoniam acidam potissimam mali hujus existere causam: cum hoc non tantum lancinantes dolores excitare soleat, verum ta-

lem quoque in partibus corruptionem inducat, qualem in affectu hoc observamus.

In subjecto declarando admodum quoque dissentiunt Medici, dum quidam partes obscenas, alii cutem, nonnulli hepar, caput &c. accusant: plurimi hepatis functiones lædi existimant, cum venenum illud cum facultate naturali inimicitiam inprimis foveat, & virulentiâ suâ primariò hepar impetat, per hoc verò postea reliquæ partes labem hanc contrahant. Vide prolixius differentem de sede luis venereæ *Eduardi Maynwaringii*, D. & Pract. Londin. tr. de lue venereâ cap. 5. p. 55. & seqq.

Sylvius præ aliis partibus omnibus sævire scribit veneream luem inglandulosas, undè non tantum peni, prostaticis & omnibus partibus mulierum obscenis, verum naribus, labiis, gingivis, palato, tonsillis & similibus infestior existat, an quia venenum venereum initium habeat à semine corrupto, ac præter sui naturam de aciditate participante, quod quia in glandulosis paretur partibus, ideò eò forsan in ipsas rursus agat facilius atque potentius.

Curatio ita est adornanda, ut primum humores infecti, quantum possibile, decenter expurgentur: deinceps ipse morbus congruis Antivenereis eradicetur. Primaria itaque hujus affectus præsidia laudari solent Mercurialia, aut ex lignis, radicibusque gummosis atque vim diaphoreticam habentibus parata, quibus tamen Myrrha quoque adjungenda, quæ inunctionibus mercurialibus ac suffumigiis addi solet. Nam si corpus ritè evacuatum, & viscera nutritioni inprimis dicta confortata fuerint, authores, maximè si Vegetabilia spem omnem eluserint, ad Mineralium bigam, Mercurium nempe & Cinnabarim, pedem movent; illum inungendo, hanc suffumendo conspicuum.

Controvertitur verò inter authores, an tutò talia adhibere liceat? quidam illorum usum admittunt, quidam rejiciunt. Nos distinguendum putamus inter malum recens & inve-

inveteratum : in priori haud rarò Vegetabilia ad profligandum morbum sufficere observationes & exempla testantur : si verò radices egerit profundas , ita ut decoctis lignorum nil expeditum fuerit , nil verat , quò minus & ad Mercurialia transitus fiat : duro quippè nodo durus quærendus cuneus , & extremi morbi extrema postulant remedia , scribente *Dictatore nostro*.

Internè *Rondeletius* libr. de morbo Gallico Pilulas describit *Barbarossæ* dictas in hunc modum :

R. Rhabarb. Agar. aa. ʒij. Aloës ʒj. Argenti vivi ʒiij. extincti cum Succo Rosar. Cinam. Ambr. ʒj. Myrrh. Mastich. aa. ʒj. Cum terebinthinâ excipiantur & ex quâlibet ʒj. fiant Pilulæ viij. capiat propriâ Dosi ʒj. deindè ʒiij. tandem ʒij.

In Gonorrhœâ gallicâ Galli lacte vel sêro intus utuntur , postea præmissis universalibus , ea adhibent , quæ relaxatas glandulas adstringunt & roborant internè & externè , internè sub formâ Pilularum vel Pulverum , quibus Myrrha admiscenda.

R. Mastich. Ocul. Cancr. aa. ʒij. Aristoloch. rot. ʒj. Gland. sicc. Myrrhæ rubr. Zingib. aa. ʒj. Dosis ʒj. manè & vesperi cum vino styptico rubello,

Extrinsècus ad curandam luem veneream Practici Unguenta & Emplastra adhibent. *Amatus Lusitanus*. Cent 2. Curat. 76. Monacho Atheromate in capite ex virulentia venereâ contracto, sequens Unguentum præparat,

R. Thuris, Mastich. Myrrhæ, Cinam. Zingib. Piper. long. Sandarach. Græcor. Minii aa. ʒij. Rad. Pyrethri, Flor. Salis Nitri antiquior. aa. ʒij. Cinerum Tamarisci ʒij. Butyri recent. ʒvj. Pingued. Porcin. ʒj. Argenti vivi cum Succo Limonum extincti ʒiij. Misc. & in mortario omnibus benè mistis & pistis fiat Unguentum vires habens tum exsiccandi & abstergendi, tum subtiliandi & confortandi, quo semel in die jejuno stomacho junctura & corpus, demtis capite, pectore, alijs ac ventre illinebantur.

D. *Sennertus* Med. Pract. l. 6. P. 4. cap. 21. p. m. 202. 203.
tale unguentum describit:

Rx. Pingued. Gallin. Porci, Ursi, āā. ʒj. Ol. Lilior. alb. Lauri
āā. ʒij. Mercurii ʒvj. Misceantur pinguedines in
mortario, postea addatur Mercurius & hora unā in mortario
ducantur: deinde adde

Thur. Mastich. Myrrh. Ammon. Styrac. Pulv. Stœchad.
Arab. āā. ʒiʒ. Misc. f. Unguentum.

Vel. Rx. Pingued. Gallin. Butyri recent. aa. ʒʒ. Ol. Chamæ-
mel. Laur. Lil. albor. aa. ʒiʒ. Thuris, Mastich. Myrrhæ
aa. ʒij. Styrac. liquid. ʒiij. Terebinth. lota in Aq. Vi-
tæ ʒij. Pingued. Porci ʒʒ. Argenti vivi ʒij. Cera q. s.
fiat Unguentum.

Franciscus Joël Pract. lib. 10. S. 3. p. 552. Unguentum ex
Hydrargyro confectum tale describit:

Rx. Axungia Porcinæ rec. ʒʒ. Butyri recentis sine sale ʒiv.
Unguent. de Altheâ, Martiati, aa. ʒj. Ol. Chamæmel.
Lumbricor. Lauri, Terebinth. aa. ʒʒ. Theriacæ Andro-
machi ʒj. Styracis liquid. ʒj. Succu Limonum aut ejus
loco Succu Rad. Lapathi acuti ʒj. Aq. Juniperi vel Vi-
ni destillati ʒʒ.

Subigantur in mortario diutissimè, quibus admisce Pulv. Ma-
stich. Lithargyr. aa. ʒj. Hermodactyl. Aristoloch. rot.
Turbich, Tartari rubri, Zingib. alb. aa. ʒij. Myrrhæ,
Aloës aa. ʒiij. quibus & ceræ dissolutæ q. s. ad crassi-
tiem acquirendam admisceri potest: deinde commisceantur
quoque

Argenti vivi salivâ hominis jejuni extincti & in pulvis
formam redacti ʒij. diutissimè agitando fiat Unguen-
tum.

Idem & sequens Emplastrum ex Mercurio concinnatum
Gallicæ foeditati opponit:

Rx. Empl. Diachyli magni, de Ranis Vigonis aa. ʒiv. Tria-
pharm. ʒii. Ol. de Lateribus, de Spicâ, Aq. Junip. Styrac.
liquid.

liquid. Theriacæ Androm. aa. ʒiʒ. Gummi Ammon.
Galbani in Aceto macerati & percolati aa. ʒij.

Omnia simul ad lentum ignem resolvantur & ubi refrige-
rari incipiunt, admisce

Pulv. Mastich. Thur. Myrrhæ Aloës, Ladani aa. ʒij.
Aristoloch. rot. Hermodactyl. Baccar. Lauri, Cyperi aa.
ʒiʒ. Cinnab. ʒj. Mercur. sublimati ʒij. Argenti vivi
in Salivâ jejunâ extincti ʒiv.

Diligenter subacta redigantur in Emplastri formam.

Præter Unguenta atque Emplastra etiam Practici suffu-
migia ad debellandam horribilem hanc belluam, adhibere so-
lent, quæ certè suâ laude non carent, modò legitimè admi-
nistrentur: conveniunt enim in robustis; nocent verò & fu-
gienda sunt iis, qui pectore sunt infirmo, phthysicis, asthma-
ticis, aut alio affectu circa præcordia laborantibus: qui ca-
tarrhis ac destillationibus ad pectus & pulmones obnoxii vi-
vunt, aut intestina debilia habent, aut tormina ac colicos
dolores pati solent, abstineant ab horum usu. Vid. *Hierony-
mus Mercurialis* tr. de Morbo Gallico p. 600. & 601. Ubi suffu-
migia distinguit in benigna & maligna: benigna ipsi sunt, quæ
non ingreditur diabolus ille Argentum vivum; maligna verò,
in quibus præstò est. Horum conficiendorum binorum pro-
ponit modos, unus est simplicior, alter magis compositus:
Simplicior est, qui

℞. Cinnabar. ʒiij. Myrrhæ, Thur. Ladani aa. ʒj. Teran-
tur omnia diligenter, & cum Styraçe liquidâ fiant Trochisci
pro usu servandi: Compositus talis est:

℞. Cinnab. ʒij. Myrrhæ, Ligni Aloës, Ladani, Thuris aa.
ʒʒ. Ligni Gvajaci triti ʒj. Scordi ʒiij. Theriacæ ʒij.
Fiant Trochisci cum Styraçe liquidâ.

Modum utendi suffumigiis talem proponit: post purga-
tionem & exhibitionem lignorum paulisper reficiatur æger
per 3. vel 4. dies, deindè ponatur in cubili calido, & manè

dum surgit è lecto, accipiat ova sorbilia duo, vel panem optimo vino imbutum &c. hoc facto, quiescat per duas horas: in cubili, ubi est, paretur tectorium & intrà illud ponatur æger super scamnum, ponantur & carbones igniti, deindè obvolvatur tectorium ægro, ut regat undique, & suprà carbones ponatur Trochiscus suffumigii vel Pulvis, & ita continueatur æger, donec totus fumus evanuerit: facto suffumigio fudor detergatur, ægerque quiete & cibis bonis reficiatur. Plura videantur apud Authorem.

Petrus Forestus lib. 32. obs. 17. suffitum talem præscribit, corpore prius benè purgato;

℞. Cinnab. ʒij. Olibani, Benzoë, Myrrhæ āā. ʒj. Galliæ Moschat. ʒiʒ. Theriacæ el. ʒʒ. Styracis liquid. q. s. ad incorporandum: fiat suffitus singulo manè instituentus.

Sequens Pulvis pro suffitu parando Sennertum agnoscit authorem:

℞. Cinnab. ʒiij. Myrrhæ, Thur. Ligni Aloës, Ladani, Ammon. āā. ʒj. Misc. f. Pulvis.

Vel. ℞. Cinnab. factitiæ ʒiij. Myrrh. Thuris, Mastich. aa. ʒj. Aloës hepat. Styrac. Calam. Benzoë āā. ʒʒ. Misc. f. Pulvis.

ARTICULUS III.

De

SCABIE.

Affectus uti frequentissimus ita & notissimus est: Extimæ corporis vestis, cutis puta, feeda deturpatione, cum pruritu, dolore & pustulis plerumque manantibus: duplex à Practicis adduci solet, una sicca & pruriginosa, altera humida & purulenta. Contagiosus est morbus, virus suum atque inquinamentum aliis communicans, similemque molestiam turpem inducens.

Subje-

Subjectum primarium ac sustentationis sunt viscera tam chylicationi quam depurationi sanguinis inservientia, uti ventriculus, hepar, lien, pancreas &c. in hæfionis verò ac receptionis cutis est cum cuticulâ, hæc enim ulcerosam istam defœdationem patitur.

Helmontius libro *Scabies & Ulcera Scholarum* inscripto, viscera excludit, & solam cutim sive pellem subjectum constituit, quod aliquandò malum hoc contraxerit ex chirothecâ scabiosi, ubi per repetitas purgationes adeò macilentus & defatigatus fuerit, ut pedem vix movere valuerit, scabie nihilominus perseverante: Hinc concludit, non ex vitiosis, biliosis & adustis humoribus fœditatem hanc sibi contigisse, sed solo chirothecæ contactu molestiam hanc fuisse perpeffum: verum facilis ad objectionem hanc erit responsio: scilicet, extremam contagii communicationem non excludere fontem interiorum: si etenim corpus non fuisset malè dispositum, & ad recipiendum *μιασμα* habile extitisset, labe hæc non fuisset contaminatus *Helmontius*.

Causâ harum impuritatum humores sunt excrementitii in sanguine collecti & abundantes, falsi, acres, mordaces, qui à robore naturæ ad ambitum corporis quidem propelluntur, ipsæ tamen partes non debitè sed viriosè nutriuntur.

Sylvius ex phænomenis ac symptomatibus scabiem imprimis feram comitantibus concludit, causam esse humorem acrem, simulque glutinosum, & hinc acrimoniam probabiliter acidam esse autumat, quia humori glutinoso & pituitoso se faciliè jungat acidum, ac cum ipso feratur quaquaversum. Vid. *Prax. Medic. Append. tr. 1. cap. 8. p. 615*.

Cautè medela instituenda, nec repellentibus citòque discutientibus profliganda, quod haut rarò accidit ob perversam Mercurii adhibitionem, ubi malum præsens quidem tollitur, alia tamen ac gravia corpori accersuntur incommoda: id quod experientia testatur, ac observationes Medicorum

confirmant. Decens itaque evacuatio instituenda & quidem per *ἐπιχρᾶσιν*, ut unâ fideliâ duo parietes dealbentur, alterando scilicet & purgando : imò solorum alterantium vis nunquam tanta est, iudice Dn. D. *Bohno*, ut non solum scabiem sed & alia vitia cutanea curent : inter hæc & Myrrha clarescit, Topicis præsertim admixta : hinc sequens Linimentum scabiosus commendatum sibi habeat :

℞. Rad. Enulæ camp. coctæ ad mollitiem, Lapathi acuti
 āā. ʒiij. Terebinth. lotæ ʒiβ. Butyri non saliti ʒiij.
 Sulphuris vivi ʒvj. Baccar. Lauri, Myrrhæ, Squamæ
 Mar. aa. ʒj. Dissolve omnia ut fiat Linimentum pro
 partibus scabie infectis.

Nec inutile erit Unguentum, quod inter alia quoque recipit flores sulphuris myrrhator :

℞. Unguenti Enulati cum Mercur. ʒij. Flor. Sulphuris
 Myrrhat. ʒj. Magist. Marcasit. ʒj. Ol. Tartari per de-
 liq. ʒiβ. Ol. Laur. q. f. Misc.

Excellentissimus *Wedelius* sequens philiatris commen-
 dat :

℞. Adip. Porcin. ʒij. Mercurii vivi mundificat. ʒβ. Minii
 cum Acet. destill. præparat. ʒij. Flor. Sulphur. ʒj. Myrrh.
 ʒβ. Ol. Tartari ʒij. Ligni Rhodii ʒj. Laurini q. f.
 Misc. f. Unguentum.

Notandum hic, Mercurialia non in levi mitiq̃ue scabie
 esse usurpanda, sed in ferâ ac contumaciori, & quidem ad-
 modum cautè, præstitisque præstandis ; aliàs longè magis
 obsunt & graviorum malorum causa evadunt.

ARTICULUS IV.

De

GANGRÆNA & SPHACELO.

Gangræna natales suas debet Græciæ & depasce denotat, quia hoc in affectu partes sanæ & integræ avidè quasi devorantur. Sphacelus verò appellationem accepit à mactando, jugulando, enecando, quia tunc partes planè sunt interfectæ & mortuæ: vulgò audit Ignis Sancti Antonii vel Marcelli: Differunt hi affectus ratione magnitudinis seu quoad magis & minus: in sphacelo namque membrum sensu & vitâ privatum, adeoque planè emortuum est: in gangrænâ verò nondum adest totalis & perfectâ partis corruptio: hinc quamdiu, scribente *Sylvio*, in gangrænâ metu color cutis adhuc rubeus aut subpurpureus est, tamdiu corruptio est incipiens atque talis, ut ad integritatem redire possit pars affecta: quamprimum autem ad nigredinem pervenit, conclamatum est, & tanquam extremè corrupta atque emortua cutis aut spontè aut arte à vicinâ separanda, ne pars sincera trahatur, sed membrum affectum servetur.

Afficiuntur verò mortificatione hâc ut plurimum artus partesque externæ; pedes nempè & brachia; utut interdum & internæ eâdem juxta nonnullos corripiantur: quam opinionem tamen non omnes admittere videntur, sed potius ad inflammationis quoddam genus reducunt cum singulari putredine. Faciem sphacelatam antè aliquot annos in aurigâ videre contigit, cui ansam præbuit vespa ictu suò malignò frontem infestans. Imò non solum partes molliores, sed & ipsa ossa sphacelus intacta non relinquit, Authore *D. Senerto*.

Causa est omne id, quicquid calorem nativum partis destruit; destruitur autem hic cum vel à contrario, corrumpi-

cur, vel suffocatur, vel dissipatur, vel ob alimenti defectum extinguitur.

Periculosum verò est malum, & nisi citò ac in tempore medicina auxilium ferat, in sphacelum brevi temporis spatiò gangræna degenerat, & totalis parti mortificatio atque corruptio infertur: principiis itaque hîc obstandum, & pars optimè fovenda decocto quodam conveniente, cui Myrrha, quæ putredini & corruptioni singulari efficacîâ resistit, addenda: in hunc finem & usum beatissimus *Sennertus* Med. Pract. lib. 4. P. 2. cap. 19. p. 265. sequens decoctum proponit, quò membrum gangrænosum, quoties nova medicamenta applicantur, abluendum.

℞. Lixivii fortissimi, Aceti opt. āā. ℥ij. Scordii, Absinthii, Lupin. contus. āā. M℥. Rad. Ireos, Aristoloch. rot, Vincetox. āā. ʒ℥.

Coquantur omnia ad tertiæ partis consumptionem: Colaturæ adde

Aloës, Myrrhæ pulverisatæ āā. ʒ℥.

Rursum semel atque iterum bulliant, tandem adde Mellis Rosati colati ʒj. Spiritus Vini opt. ʒiiij. Misce.

Cataplasma, ubi post ablutionem partis gangrænosæ Ægyptiacum impositum fuit, superimponatur ad inhibendam putredinem, humoresq; excrementitios exsicandos, doloresq; mitigandos.

℞. Farinæ Lupinorum, Lentium, Fabarum, Lolii, Salis marini āā. ʒiiij. Pulv. Summit. Absinth. Scord. Alliar. Rutæ aa. ʒj. Coq. in Oxymel. simpl. & fiat Cataplasma: refrigerato adde

Aloës, Myrrhæ aa. ʒj. Aq. Vitæ ʒiiij. Misce & tepidè applica.

Ad prohibendum sphacelum in gangrænâ pedum

℞. Rasuræ Ligni Guajaci ʒ℥. Coq. in Vino rubello: adde Aloës ʒj. Myrrhæ, Thuris aa. ʒ℥.

Opti-

Optimè conquass. & cum spongiâ calidè pedes fove: postea
 R. Farinæ Lupinor. ʒj. Fabar. ʒʒ. Aloës ʒj. Thuris, Myrrhæ aa. ʒʒ. Misce & cum Decocto præscripto ac Vino rubro fiat Unguentum, quod extendatur super linteum gossypinum.

Quidam solò Decoctò Aloës, Thuris & Myrrhæ locum affectum foveant, & linteò eòdem madefactò totum pedem calidè involvunt.

Montagnana pro ano gangrænato sequens unguentum præscribit:

R. Unguenti de Cerussâ lbj. Plumbi usti ʒʒ. Thuris, Myrrhæ aa. ʒij. Lithargyr. despum. ʒiʒ. Incorporentur in mortario ultimâ contritione.

Sequens Decoctum polychrestum ad erysipelata, inflammationes, exulcerationes humidas in metu gangrænæ Dn. *D. Ettmüllerus* b. m. nobis reliquit:

R. Lithargyr. lbʒ. Fl. Rosar. rubr. Mij. Olibani, Myrrhæ, Mastich. aa. ʒʒ. Aquæ Calc. vivæ rec. lbiv. Aceti destillat. lbʒʒ.

Coquantur simul, donec lithargyrium ferè sit solutum, in fine addendo

Camphoræ ʒʒ. Colatum detur.

S. Aeußerlicher Umschlag.

ARTICULUS V.

De

VULNERIBUS.

Non solùm ab internè genitis vitiosis humoribus sæpiùs humanum corpus impetitur, ut morborum myriadi exponi cogatur, sed & extrinsecùs varia sunt, quæ corporis compagem, utut contra externorum injurias satis aliàs munitam solvere, disrumpere ac dividere valeant; nusquam scilicet tuta fides! Inter ejusmodi externas læsio-

læsiones vulnera excellunt, quæ variis modis vim corpori inferunt, vitæq; discrimen frequentissimè inducunt.

Appositè verò vulnus dicitur à divellendo partes, & est nil aliud, quàm solutio unitatis in partibus mollihus atque carnosissimis, cæsim, punctim ac contusim facta, definitorè *Galeno* l. de constit. art. c. 6.

Differentiæ vulnerum sunt variæ, quarum principalis ea est, quâ distinguuntur in lethalia & minus lethalia: quæ distinctio Medico necessaria scitu est ob ferendum super lethalitate iudicium: hinc vulnera cordi inflicta & quidem ipsius ventriculis per se & absolutè lethalia sunt pronuncianda, evacuat quippè humorum laudabilium optimus, thesaurusque vitæ inæstimabilis. Pulmonum vulnera profundiora & penetrantia ob sanguinis profusi copiam ut plurimum lethalibus sunt annumeranda, non item leviora, exiliora & superficialia, quæ curationem admittunt. Vid. *Glandorp*. Spicileg. Chirurg. obs. 24. quamvis etiam priora non semper lethalia existant, cum observationes testentur, parenchymatis etiam satis magna & quæ cum perditione substantiæ contigerint vulnera sanata fuisse. Si bronchiæ intra pulmonum substantiam latitantes vulnerentur, propter aërem inspiratum in thoracem effusum, lethale quoque est.

Diaphragmatis vulnera lethalitatem inferre dicuntur ea, quæ non carnosæ, sed nervosæ accidunt parti: verum nec carnosæ substantiæ quæ infliguntur, præsertim majora, semper curationem suscipiunt, teste experientiâ & ratione, quod per ejusmodi vulnerationes respiratio, tanquam actio ad sustentandam vitam summè necessaria insigniter turbetur.

Ventriculus & alia viscera lethaliter vulnerantur pro ratione vasorum vel substantiæ: si majora vasa læsa fuerint, lethalia meritò æstimanda vulnera, &c.

Gulæ seu Oesophagi modò lethalia modò non lethalia sunt: intestinorum maximam partem lethalitati mancipantur,

tur, quod chylus & feces in abdominis cavitatem decumbant, & quod gangræna ac sphacelus ut plurimum superveniant, & denique quod propter situs incommoditatem curationem debitam respuant.

Mesenterii vulnera non habentur per se lethalia, quæ substantiæ ejus membranaceæ ac glandulosæ inflictæ, si tamen vasa ejus majora læsa fuerint, lethalityatem inferunt propter sanguinis chyliq; in abdominis cavum effusionem.

Omenti vasa majora læsa, ut illorum hæmorrhagia sedari nequeat, lethalia censentur.

Pancreatis vasa sanguiflua & ductus Wirsungianus disruptus vel discissus, ac glandulosa ipsius substantia admodum lacerata mortem inducunt: sanguis enim copiosè evacuatur, & succi pancreatici generatio & distributio turbatur, aut planè supprimitur.

Vulnorum hepatis inflictorum dispar omninò ratio est, ita ut illa tantùm hepatis vulnera simpliciter ac absolutè habeantur lethalia, quibus vel truncus vel rami majores venæ cavæ in gibba, vel venæ portæ majores rami in cava ipsius parte læsi sunt: Parenchymatis verò solius læsio non simpliciter de lethalityate concludit. *Glissonius* tamen Anat. Hepat. substantiam epatis friabilem non facilè consolidescere scribit, ita ut per hujus quoq; vulnus larga hæmorrhagia contingere queat, undè homo de vitâ periclitetur.

Vesiculæ felleæ vulnera per se lethalia judicantur, cùm bilis indè humoris ad individui conservationem maximè necessarij, fiat profusio.

Rupturam vel præcisionem ligamenti umbilicalis *Spigelius*, *Hildanus* & *Mæbius* lethalem proclamant.

Lienis vulnerationes semper videntur esse lethales, sive substantia tantùm, sive etiam vasa ejus simul læsa fuerint: compages ipsius id ipsum satis commonstrat: est enim præter vasa viscus fibrosum & membranaceum, in quod sanguis ar-

teriosus deponitur à venis recipiendus , hinc laxis cellulis sanguis profluit planè non sistendus.

Renum vulnera communiter non lethalia habentur, quæ soli parenchymati inflicta citra læsionem vasorum emulgentium : ast juxta nonnullos etiam substantiæ renum contingencia , si majora fuerint, aut tubulos urinarios lacerent, mortem afferre dicuntur : tunc enim serum urinosum in abdominis cavitatem deponitur.

Quandò vulneratur vesicæ cervix, sanatio speranda : sin verò membranosò fundò læsio contigerit, ut plurimum lethale est, propter gravissimorum symptomatum concursum, & urinæ in ventrem effluxum.

Uteri vulnera vulgò lethalia non æstimantur : sed distinguendum inter uterum imprægnatum & non imprægnatum : imprægnatum læsum vel ratione hæmorrhagiæ enormis, vel si majus extiterit vulnus, ratione fœtus extra uterum ad cavitatem abdominis prolapsi, & ibidem putrescente, mortem inferre posse probabile est : non verò imprægnatum, ratione saltem majorum suorum vasorum læsionem lethalia pati vulnera ratio evincit.

Cerebri læsiones ac vulnerationes lethales sunt pronuntiandæ tunc, quandò contigit insignis majorum vasorum sanguiferorum dilaceratio , undè ingens liquoris purpurei profusio exoritur : deindè & soluta unitas ipsius cerebri substantiæ interdum mortem inducit, maximè quæ corticali substantiæ infliguntur : quæ verò principium nervorum ac spinalem medullam petunt, absolutè dicenda sunt lethalia.

Subjungere libet in compendium quasi redactum excelsi Celsi lib. 5. de remed. cap. 2. vulnerum prædictionem. *Servari non potest, inquit, cui cor, cui stomachus, cui jecinoris porta, cui in spinâ medullâ percussa, cuiq; aut pulmo medius, aut jejunum, aut tenuius intestinum, aut ventriculus aut renes vulnerati sunt : cum circa fauces grandes vena & arteria præcisæ sunt :*

sunt : difficilem porrò curationem habent , vixq; ad curationem pervenerunt , quibus ullâ parte pulmo , aut jecinoris crassum , aut membrana quæ continet cerebrum , aut lienis , aut vulva , aut vesica , aut ullum intestinum transversim sectum . Hi quocq; in præcipiti sunt , in quibus usq; ad grandes intusq; conditas venas in alis vel poplitibus mucro descendit . In curatione vulnerum sanabilium Myrrha auxilium suum non denegat : traumaticum quippè & sarcoticum eximium est , ita ut in omnibus vulneribus , putridis ac venenatis propter virtutem suam alexipharmacam atq; balsamicam perquam utilis existat .

Quandò itaq; labia vulneris ritè fuerint conjuncta , ovi albumen agitatum & stupâ exceptum cum sequenti Pulvere imponere jubet Sennertus l. 5. P. 4. c. 7. p. 396.

℞. Boli Armenæ , Terræ sigillat. āā. 3vj. Thur. Mastich. Sarcocol. āā. 3ijß. Myrrhæ , Aloës āā. 3iß. Tragac. Sanguin. Dracon. aa. 3j. Farinæ Hordei , Fabar. aa. 3iß. Misc. fiat Pulvis.

Hâc ratione sanguinis profusio supprimitur , dolores sedantur & inflammatio prohibetur.

In vulneribus capitis prima cura erit , ut sanguis effluens sistatur : altera , ut inflammatio ac tumor arceantur : ultima , ut vulnus conglutinetur : sanguinem effluentem optimè sistet hic Pulvis.

℞. Farinæ Fabar. Lentium , Volatil. quæ molarum parietibus adhæret : aa. 3iß. Sangu. Dracon. Thuris , Myrrhæ , Aloës aa. 3j. Terræ sigill. Gyps. aa. 3j. Pilorum Leporis minutissimè concisorum 3iij. Telæ Araneæ. 3ij. Spongiæ adust. 3iß. Tragac. 3iijß. Misc. fiat Pulvis subtilissimus : cujus usus ita se habet : Cape 3j. commisce cum Albuminibus duorum Ovorum & Succo Symphyti majoris ac Polygoni aa. 3ß. Quæ cum ramentis à linteolis mundis deceptis aut bombace carptâ excepta vulnere imponantur. Vid. Franciscus Joël lib. I. Pract. S. I. de dolore capitis pag. 156.

Oleum sanans vulnera spatio xxij. horarum.

℞. Myrrhæ, Spicæ, Sanguinis Draconis, Opopan. Bdellii, Carpo-Balsami, Sarcocol. Aloës hepat. Mastich. Gummi Arab. Styrac. liquid. aa. ʒʒ. Misc. pulverisentur: stent in infusione in aquâ calidâ diebus octo, postea destillentur.

Wundertrank / wann einer in sich blutet.

℞. Myrrhæ ʒj. Thur. albi ʒj. Macis ʒʒ. Coquantur in Vino bono & usui servantur: dissolvit & expellit sanguinem grumofum.

Unguenta vulneraria, sarcotica & glutinantia varia apud Authores Chirurgos prostant, quæ singula ferè gaudent Myrrhæ consortio. *Sennertus* l. c. p. 405. hæc tradit:

℞. Resinæ Ceræ, Terebinth. Ol. Rosar. aa. ʒij. Thur. Mastich. Myrrhæ aa. ʒij. Misc. f. Unguent.

℞. Herb. Pyrolæ, Serpentar. Sanicul. Veron. aa. ʒj. Fl. Hyperici, Centaur. min. aa. ʒvj.

Conscindantur minutim & lagenæ vitreæ includantur: adde

Ol. Olivar. ʒij. Medul. Bubul. ʒj. Pingued. Porcin. ʒiij. Butyri sine sale ʒiv.

Stent in loco calido aut MB. per octo dies: postea coquantur ad consumptionem humiditatis. Colentur: adde

Terebinth. ʒj. Mastich. Thur. Myrrhæ aa. ʒʒ. Aloës Hepat. ʒj. Misc. fiat Unguentum.

Utr vulnus carne denuò repleatur, utitur *Sebastianus Cortilio* Instit. Chirurg. l. 2. c. 2. tali Mixturâ:

℞. Ol. Abietis ʒij. Myrrhæ, Thur. Aloës aa. ʒj. Misc.

Id. l. 2. c. 9. sequentem Pulverem adhibet:

℞. Myrrhæ, Aloës, Mastich. Sangu. Dracon. Rhabarb. el. Corallor. rubr. aa. ʒij. Misc. fiat Pulvis per periciam lini transmissus.

Poterius

Poterius Cent. Obs. 4. Cūr. 31. In juncturarum vulneribus cum ossium fracturâ ad detergenda vulnera talem usurpat fomentationem.

℞. Aristoloch. rot. ʒj. Myrrh. el. ʒij. Baccar. Junip. P. j. Fol. Prunel. Alchimil. Vincetox. āā. Mj.

Paretur Decoctum in f. q. aq. & vini cum modico sale communi.

Rodericus à Fonseca Tom. 2. Consult. 9. describit Aquam paratu facillimam, quâ vulnera ferè omnia ad miraculum sanantur, hoc modo:

℞. Aq. Vitæ opt. Vini ter destillati ℥vj. Hyperici, Hyssop. Millefol. āā. Mij. Thuris, Myrrhæ pulveris. āā. ʒiij.

Infunde per 4. dies: postea destillentur per balneum vel arenam, benè obturatis capello & recipiente: Aquam destillatam serva in vase vitreo benè clauso. Cum aquâ hâc post unionem per futuram totum vulnus madefiat. Imò hac aqua ter destillata cum infusione prædictarum herbarum & pulverum per octo dies habet facultatem sanandi omnia vulnera, infundendo illam, & superimponendo linteum madidum in eâ, & superinfundendo Pulveres sequentes:

℞. Thur. Mastich. Myrrh. Sarcocol. Boli arm. Sangu. Dracon. aa. P. æq.

Pulveriscentur, & suprà futuram illam aquâ madidum insperge, & suprà impone pessulam oleo terebinth. madidam & liga: nec solvas usque ad quartum diem, & quoties semel vulnus ligatum fove, & madefac eâdem aquâ vitæ: quarto die solve ligaturam, & reperiens vulnus conglutinatum. Quod si non reperiens, rursus eadem facito, & per tres dies non solvas, madefaciendo vulnus quotidie ut suprà: post tertium diem solve, & rursus cura ut suprà, usque ad duos dies, nec multum sollicitus sis de diætâ, quæ tamen sit accurata.

In vulneribus venenatis utile Emplastrum *Gnidonis*, quod ita se habet:

℞. Galbani, Sagapen. Opopan. Asæ Foetidæ, Myrrhæ, Piper. Sul-

Sulphuris aa. ʒiʒ. Stercoris Columb. Anat. aa. ʒij. Calaminth. Mentastr. aa. ʒj.

Dissolvantur gummata vino & misceantur omnia cum melle & oleo antiquo: fiat Emplastrum.

Franciscus Joël Oper. Medic. T. 6. S. 3. p. 235. Pulverem labia dehiscencia vulnerum contrahentem, *Hassipulver* / proponit talem.

℞. Olibani, Myrrhæ, Mastich. aa. ʒj. Corallor. r. preparat. ʒʒ. Aloës Hepat. Mumia aa. ʒij. Acaciæ ʒʒ. Boli armen. ʒij. Tenuissimè pulverisata misceantur.

Idem pag. 237. Emplastrum de Succino describit ad vulnerum conglutinationem conferens Myrrham quoque inter alia recipiens.

℞. Cera novæ lbʒ. Colophon. ʒiv. Terebinth. ʒiʒ. Simul ad lentum ignem liquefiant, eisque adhuc repentibus admisce tenuissimè pulverisata Mastich. ʒvj. Succini flavi ʒvj. Subigantur ac liquefiant supra lentum ignem, postea ab igne depositis iterum admisce tenuis pulverisata

Mumia, Olibani, Myrrhæ aa. ʒiʒ. Aloës hepat. ʒiij.

Probè commisceantur: ubi nonnihil refrigerata in pelvim ad aliud vas frigidâ aquâ plenum perfundantur, atque manibus oleo aliquo vulnerario aut pinguedine inunctis diu multumque subigantur, & eò usque contrectentur, donec nil asperitatis in eo remaneat: fiat Emplastrum.

Ad vulnera sclopetorum *Sennertus* lib. 5. p. 4. c. 20. p. m.

499. ejusmodi Linimentis abstergentibus utitur:

℞. Terebinth. ʒiv. Thuris, Mastich. aa. ʒiij. Myrrhæ ʒj. Ol. Hyperici ʒij. Vitell. Ovor. num. ij. Croci parum. Mife.

℞. Farinæ Orobi ʒj. Myrrhæ, Thuris aa. ʒʒ. Terebinth. Succii Apii aa. ʒij. Unguent. Ægypt. ʒʒ. Mife si vulnus sit sordidum p. 502.

ARTICULUS VI.

De

ULCERIBUS.

INeo Ulcus cum vulnere convenit, quòd in utroque continui contingat solutio: differt verò in hoc, quòd illa solutio continui non sit recens ac sanguinolenta, sed antiqua, saniosa & purulenta, semperque fiat cum substantiæ deperditione.

Ulcerum differentiae variae sunt: summam recensentur à *Sennerto* lib. 5. p. 2. cap. 1. p. m. 199. qui videatur.

Inter medicamenta curationi Ulcerum dicata & Myrrha est referenda, ita ut in Ulceribus tam simplicibus, quam putridis atque sordidis, sinuosis item, verminosis, fistulosis, cum ossium carie conjunctis, aliisque, externo usu optatum suppeditet praesidium.

Gregorius Horstius Ulceribus rebellibus scorbuticis mundificandis prospicere jubet tali ex Apio confecto Unguento.

℞. Succo Apii, Meliss. Cochlear. aa. ʒss. Succo Chelidon. maj. ʒv. Mellis q. s. Coq. & adde pauxillum Thuris, Myrrhae & Aloës, ut fiat Unguentum.

Sennertus l. 3. p. 5. f. 2. c. 6. p. m. 646. sequenti decocto eadem ulcera abluere jubet:

℞. Aq. Pilosel. Mense Septembri destillat. lbj. Mellis rosati ʒij. Myrrhae, Lichargyr. aa. ʒiss. Camphorae parum.

In Sole vel loco calido per triduum serventur: Colaturâ crura ulcerosa abluantur.

In Ulceribus gallicis inveteratis *Johannes Poppius* Theaur. Medic. lib. 3. pag. 758. 759. Emplastra hæc in usum vocat:

℞. Mastich. Myrrhae, Mumiae, aa. ʒiij. Aloës hepat. ʒj. Terbinth. ʒiij. Ol. de Sulphure, Mercurio aa. ʒij. Vitrioli ʒj. Misce fiat Emplastrum.

℞. Spu-

℞. Spumæ Plumb. rubr. Ol. Ceræ aa. ℥iij. Succini ʒß. Rad. Chelidon. Aristoloch. rot. Serpentin. aa. ʒß. Herb. Mil. lefolii ʒj. Mastich. Opopan. Myrrhæ, Mumia, Galbani aa. ʒj. Ammoniaci ʒiß. Terebinth. ʒvj. Ceræ q. s. Misc. fiat Emplastrum.

Zacutus Lusitanus Pharmacop. cap. 4. p. 402. ad ulcera sordida detergenda & mundificanda sequens adhibet.

℞. Rhodamel. ʒß. Pulv. Thuris, Myrrhæ, Iridis aa. ʒj. Misc.

Tibiarum ulcera mala desperata consolidanda D. *Scharlachius* p. m. ita aggressus est:

℞. Lapid. Calamin. ʒj. Terebinth. lot. ʒß. Plumbi usti, Lithargyri utriusque, Aluminis usti, Cerussæ, Tutia lotæ novies, Cort. Ovorum combustor. Thur. Mastich. Myrrhæ, aa. ʒj. Ceræ novæ ʒij. Ol. Rosar. q. s. f. Emplastrum.

℞. Thur. Mastich. Myrrhæ, Alum. aa. ʒij. Vini ein Quart: Coquantur simul & ferventur.

In diesem Wasser sol man leinen Tüchlein nehen / und über den Schaden schlagen / so groß er ist / und über solches blau mollen Flachs binden / oft einnehen und überlegen: heilet in kurzer Zeit / und ist ein köstlich Wasser zu offnen Schäden.

Platerus lib. 2. Obs. p. 560. & Prax. Tom. 2. p. 837. inveterata, perversa ac maligna crurum ulcera tali sanavit Emplastro.

℞. Lithargyr. Cadmiæ fossil. Ceruss. aa. ʒij. Thur. Myrrhæ aa. ʒiß. Rad. Aristoloch. ʒj. Ærugin. Æris sublimati aa. ʒiß. Argenti vivi ʒiij. Extincti cum Terebinth. ʒiß. Mellis ʒß. Ol. Rosacei & Succ. Plantag. aa. ʒij. fiat instar Emplastri.

Sparadrapus ad ulcera Tibiarum sequens non erit inutilis, si immergatur linteam antiquum, quod materiâ Emplastri imbutum extendatur.

℞. Ol.

℞. Ol. Rosar. ʒvj. Cerussæ ʒiʒ. Lithargyr. ʒij. Thur. Ma-
stich. aa. ʒiʒ. Sang. Dracon. ʒij. Myrrhæ, Sarcocol.
aa. ʒj.

Coquantur parum ad rubedinem usque, postea ab igne
removeantur.

Wolfgangus Hoëfferus in suo *Hercule Medico* in foetidissi-
mis crurum ulceribus usurpavit decoctum foliorum quercus,
addendo parum aluminis, Myrrhæ & Thuris, quo decocto
ulcera lota fuerunt.

Quando vermes Ulcus obsidere incipiunt, erunt extra-
hendi digitis, vel instrumento idoneo, vel enecentur appro-
priatis, ubi Myrrha palmam aliis præripit.

℞. Mellis Virgin. ʒiiij. Fellis Tauri inspissati ʒij. Myrrh. ʒj.
Farinæ Lupinor. ʒij. Misc.

In Ulceribus sinuosis & cavernosis traumatica atque balsa-
mica expetuntur, accommodisque injectionibus ac linimen-
tis potenter detergentibus Ulcus mundificandum: cui scopo
Myrrha quoque salutifera existit. Ergo

℞. Herb. Absinth. Pimpin. Nicotian. Summit. Centaur.
min. aa. Mj. Rad. Aristoloch. rot. Ireos Flor. aa. ʒij.
Myrrhæ ʒiiij. Virid. æris in petiâ ligati ʒij.

Coquantur in decocto hordei aut aquâ fontanâ.

Colaturæ ʒij. adde Spir. Vini ʒiv. Mellis Rosac. ʒiiij.
Misce.

Si ulcus satis deterfum ac purificatum, incarnantibus, si
opus, utendum; id quod sequentibus præstabimus.

℞. Herb. Agrimon. Sanic. Pyrol. Balsamin. Flor. Rosar. r.
Hyperici aa. Mʒ. Rad. Consolid. maj. Tormentil. aa.
ʒʒ. Coq. in f. q. aq. in Colaturâ dissolve
Myrrhæ; Sarcocol. aa. ʒiʒ. Sacch. Saturni ʒiʒ. Tere-
binth. ʒʒ.

Fistulæ differunt à sinubus callositate, nam & ipsæ sinuo-
sæ sunt atque angustæ, oriuntur ut plurimum ex abscessibus
non ritè curatis: In Curatione Myrrhæ non obliviscendum:

Dec. II. Annus VI.

cc

Undè

Unde *Platerus* l. 2. obs. p. 568. in fistulâ in dorso à scapulâ ad lumbos pertingente præmissis præmittendis, fumum per canalem infundibuli in humilioris ulcus intromisit tamdiu, donec per superius ulceris foramen prodiret, sicque interiores cavitates omnes pervasisset.

R. Mastich. Thur. aa. 3ß. Myrrhæ 3ij. Benz. Styrac. aa. 3iij. Sarcocol. Spic. Resinæ Pini, Gum. Elemi aa. 3j. Misc. f. Pulvis prunis inspergendus pro fumo.

Idem in Fistula lachrymali ad generandam carnem hoc sarcotico usus est l. 2. obs. p. 385.

R. Aristoloch. rot. Rad. Cort. Thuris aa. 3iß. Mastich. Myrrh. Sarcocol. Aloës, Lapid. Calamin. aa. 3j. Mellis q. s. f. Unguentum.

ARTICULUS VII.

De.

FRACTURA.

Fractura est solutio ac divisio continuitatis in ossibus facta; hujus causa præcipua est externa, quamvis interna subjectorum dispositio illius vim haut raro augeat ac juvet: sic ossa senum facilius franguntur quam juvenum, propter siccitatem atque rigiditatem.

In Curatione utut Chirurgi manus haut parum præstet, non sola tamen omnia exequi valet, sed Pharmacia accedat necessum est: Calli namque generatio opus solius naturæ est, quæ tamen remediis conglutinantibus adjuvari optat, foris intusque adhibitis: quo fine Emplastra & Cataplasmata expetuntur, quæ Myrrhæ additione majora promittunt.

Petrus Forestus lib. 8. obs. chirurg. obs. 3. in Fracturâ & dislocatione hoc tanquam singulare commendat remedium.

R. Album Ovor. num. iv. Ol. Myrtini, Rosac. aa. 3ij. Terebinth. clar. 3iß. Myrrhæ, Aloës aa. 3ij. Sang. Dracon. Boli Armen. aa. 3ß. Farinæ volat. 3iij. Misc.

In

In Fracturâ costarum generationi calli subveniendum.
Emplastris congruis, inter quæ D. Sennertus tale describit
lib. 5. P. 5. cap. 17. p. 574.

R. Pulv. Myrtill. Rosar. r. āā. ʒj. Farinæ Hordei, Orobi, Len-
tium, Fabar. Mastich. āā. ʒiij. Cupul. Gland. Nuc. Cu-
press. Cort. Granat. Balaust. aa. ʒʒ. Hypocistid. Acaciæ,
Cort. Thuris, Sangu. Dracon. Terræ Lemniæ, Aloës,
Myrrhæ aa. ʒij. Ol. Myrtin. Rosac. Omphac. aa. ʒix. Ceræ,
Terebinth. clar. aa. lbʒ. Misc. f. l. a. Emplastrum.

ARTICULUS VIII.

De

CARIE OSSIUM ET SPINA VENTOSA.

Ossa quamvis humani corporis fulcra, stabilimenta,
atque columnæ rectè dicantur, nè mollis carniū
substantia in se collabendo subsideat, nihilominus
tamen functionibus horum exercendis plurima cre-
brò obstacula atque impedimenta obveniunt, inter quæ etiam
Caries numeranda, quâ solidissima illorum compages atque
substantia quandòque eroditur, absumitur ac deperditur.

Malum hoc communiter nomine Spinæ Ventosæ veni-
re solet, quâ appellatione illam insignivit jam Arabum prin-
ceps *Avicenna*, quia, *Severino* authore, ventositas est loco
œdematis, spina verò quia crebiter terebratum & veluti per-
punctum os apparet.

Græcis dicitur *τερεβρώς* à *τερέω* terebro, perforo: minimè
tamen existimandum, Cariem hanc & Spinam Ventosam eun-
dem esse affectum, qui à *Celso* l. 8. cap. 10. Cancer ossis nomi-
natur. Vid. *Johannis van Horne* Microtechn. Sect. 2. P. 1. §.
32. p. 131.

Est verò Caries ossium continui in ossibus solutio levior
vel gravior ac profundior, ortum trahens ab humoribus a-
cridis, acidis, vimque corrosivam & qualitatem possidentibus,
quâ solida ossium substantia corroditur atque exeditur.

Affectus hic in oculos incurrit, quando os denudatum est, nam color ipsius naturalis in lividum, flavum aut nigrum permutatus conspicitur, osque inæquale apparet. Vid. *Paulus Barbette* Chirurg. Part. 2. l. 3. c. 3. Si verò os visui minus occurrat, signis opus est diagnosticis quæ in Chirurgorum monumentis traduntur.

In Curatione eò est respiciendum, ut 1. Humor peccantium affluxus ad partem affectam prohibeatur. 2. Ut acrimonia atque aciditas eorundem temperetur ac mitigetur, corrigatur, absorbeatur, & nè malum ulterius repat, modis omnibus præcaveatur. His intentionibus scopisque quâ ratione obviam sit eundum, Practici abundè & perspicuè docent, commonstrantes remedia convenientia, quibus Myrrham quoque associant, & tunc quidem, quando deventum est ad ipsam cariei curationem, ubi quæri solet; an etiam Corrosiva locum inveniant, quæ passim à Practicis usurpata novimus, ubi quidem ea non penitus rejicienda esse existimant, quamvis humor peccans sit acris & acidus, & medicamenta hæc pariter acida sint & acria, cum unum sal alterius acrimoniam enervare ac infringere valeat: deindè liquores ejusmodi acidos non tam ad cariem tollendam, quàm ad ossis corrupti portionem separandam adhiberi. Aliis tamen non satis tutus videtur ejusmodi Corrosivorum usus, præsertim illis in locis, quibus vicinæ partes nervosæ ac tendinosæ adjacent: Hinc illorum loco inter alia & sequentem commendant injectionem à *Barbette* propositam.

℞. Succ. Chelidon. maj. ℥ij. Spir. Vini ℥j. Myrrhæ, Aloës aa. ℥ij. Vitrioli albi ℥j. Misce.



CAPUT XV.

In morbis capitis externis Myrrhæ efficaciam declarat.

ARTICULUS I.

De

TINEA, FAVO, & ACHORIBUS.

FOedum atque molestum capitis vitium est tinea, ejus scilicet ulcerosa constitutio, crustosa, squamosa, favo & achoribus malitiâ superior: Achores sunt capitis ulcera manantia, tenuissimis foraminibus cutim perforantia, & saniem glutinosam fundentia. His affinis est favus, qui foramina habet majora, & qui emanantem molli consistentiâ similem fovet.

Præmissis alterantibus & evacuantibus ad extirpationem fermenti hujus alieni sese accingat sanans: internè quidem utile erit sequens destillatum propinatum.

℞. Myrrhæ rubr. ʒij. Vini boni ʒiij. Aq. Fumar. Card. bened. Scabios. aa. ʒiij. destillentur: Dosis variat juxta ætatem, pueris exhibendum cochleare unum aut duo.

Extrinsècus valet Linimentum, quod ita conficitur:

℞. Ol. Laur. ʒij. Ellebori albi, Myrrhæ aa. ʒiij. Lithargyr. ʒij. Cera q. s. f. Linimentum.

Ante usum tamen crines vitiosi extrahi debent, ita melius exficcare & emollire crustas possumus: cutim corruptam restituit, omnemq; virulentiam consumit.

Forestus l. 8. obs. 25. in schol. in pueris ulceribus hisce deturpatis levibus uti jubet, scilicet caput abluere cum Decocto Foliorum Salicum, Parietar. Betæ albæ atq; Lentium, & post abluionem inungere sequenti Linimento:

R. Lithargyri cum Ol. Rosar. & Aceto nutriti ʒj. Fol. Rutæ virid. ʒʒ. Staphisagr. ʒij. Vitrioli ʒj. (vel Aloës Soccotr. Myrrhæ, Fuliginis oris furni, Tutiaë aa. ʒiʒ.)

Probè misceantur in mortario cum Aceto & Oleo Rosaceo (vel Myrtino) diu agitando, ut fiat Unguentum.

ARTICULUS II.

De

ALOPECIA, TINEA CAPILLORUM.

DEffluvium capillorum non est idem cum Alopeciâ: in hac enim areæ relinquuntur, & nonnullæ capitis partes denudatæ manent: in illo verò tantùm capilli rariores fiunt, nec partes capitis denudatæ conspiciuntur: discrimen etiam patet ex medendi ratione, ubi non idem attenditur scopus. In alopeciâ enim primaria intentio est, ut vitiosi humores consumantur: in Pilorum autem Casu, ut capitis habitus roboretur, & boni succi ad cutem distributio procuretur, cutisque ad densitatem & raritatem moderatam deducatur. Vid: *Alexander Massaria* Pr. Med. l. 1. c. 2. 10. ubi sequentes tradit formulas in capillorum defluvio utiles:

R. Ladani opt. ʒʒ. Ol. Lentisc. ʒj. Myrrhæ ʒj. Pulv. Capillor. Veneris Verbenac. rec. aa. ʒj. Misc. f. Linimentum.

R. Rosar. siccar. Balauft. Cort. Granat, aa. ʒij. Ol. comm. ʒiv. Vini nigri adstringentis ʒiʒ.

Bulliant omnia ad consumptionem Vini: deindè

R. Prædicti Olei ʒiʒ. Ladani, Myrrhæ aa. ʒiij. Pulv. Capillor. Veneris ʒj. Misc. f. Linimentum.

Zacutus Lusitanus Prax. Histor. l. 7. c. 1. p. 4. sequens Linimentum commendat:

R. Absinth. Corpic. Pinear. Fol. Myrti, Adianth. Cort. Arun-

Arundin. uſtar. aa. Mß. Thuris 3ij. Maſtich. 3ij. Myrrhæ 3iſſ. Gallar. 3ij.

Comburantur omnia in cinerem, adde

Ladani triti 3ij. Ol. Lentisc. q. ſ. ſ. Linimentum.

Tinea capillorum affectus iſte eſt, in quo pili decidunt non integri, ſed particulatim & fruſtulatim à vermiculis eroſi & abſumpti, qui viſum ſerè effugiunt: generantur hi ex humore quodam excrementitio, qui cum nutrimento ad capillos deferretur, ibique ope caloris capitis vivam faciem induit, animatusq; evadit.

Uſurpanda hic ſunt, quæ vermiculos iſtos abſtergunt, materiamq; unde generantur, diſcutiant.

D. Sennertus l. 5. P. 3. S. 2. c. 5. p. m. 315. inunctionem hanc inſtituit.

R. Geniſtæ 3j. Myrrhæ 3ij. Aceri q. ſ. Coquantur parum & Colaturâ pili illinantur.

ARTICULUS 'II'

De

VARIS & GUTTA ROSACEA.

DEcurpatio hæc faciei eſt inducta à maculoſâ rubedine ſivè rubore cum tuberculis, iis familiaris, qui cum poſtulis certant, & crapulæ ſunt dediti: aliquandò etiam hæreditario poſſidentur jure. Beatiffimus Sennertus ex Nicolao Florentino Serm. 7. tr. 6. ſumm. 2. cap. 15. tres adducit differentias: interdum enim rubedo præternaturalis abſque poſtulis, veſicis vel ulceribus adest, & vocatur abſolutè facies rubra: quandoque eſt cum poſtulis atque veſicis, diciturq; rubedo poſtuloſa & veſiculoſa: quandoque eſt cum ulcere, appellaturq; rubedo ulceroſa.

Curatur vitium hoc ſanguinis purgatio ſublata: ratio quoque hepatis habenda, ejusq; fervor contemperandus: præ-

præmissisq̃ue universalibus ad topica exsiccantia & extirpantia accedendum, in quorum usu tamen cauti esse debemus, monente *Jcële* lib. 10. Pract. S. 3. pag. 548. ne topicorum repellentium abusu majus malum & omnimodam perniciem creemus: nam si hepar præcalidum excrementa sua in faciem emittat, ibidemque varos copiosè excitet, illi potius internis remediis succurrendum, calorq̃ue ejus p. n. restinguendus, & materia excrementitia varorum educenda, quàm ad interna repellenda.

Sennertus l. c. liquorem describit, quò sub ingressum lætæ facies illinenda, & manè aqua infusionis fursurum abluenda.

℞. Sulphuris vivi ʒj. Thur. el. ʒiij. Myrrhæ ʒij. Camph. ʒj. Cerus. ʒʒ.

Pulverisentur omnia subtilissimè; & affundatur Aq. Rosac. ℥j. Misc.

C A P U T XVI.

Strumas & scrophulas Myrrham absumere docet.

Affectus hic glandularum nomen sortitus est à suis, eò quòd multiplici foetu foecundum sit animal, aut quòd sues ejusmodi colla habeant juxta *Æginetam* l. 6. cap. 35. *Leonhardus Fuchs* Hist. plant. c. 71. usitatus scrophulas quàm strumas à recentioribus indigitari scribit. Sunt verò tumores glandularum gutturalium indurati peculiari folliculo inclusi, insensiles ac inflammatione carentes, & ita distinguuntur ab aliis tumoribus atque abscessibus, qui longè aliter apparent, doloremq̃; ad unctum habent.

Causa proxima non solum sunt humores pituitosi, crassi ac gypsei juxta *Galenum* 3. aph. 26. ubi hæc leguntur: *Glandularum morbus est struma, non utiq̃; ex calidâ materiâ neq̃; ad suppur-*

urationem properante, sed pituitosiore & frigidiore consistens struma generatur. Sed serofi similiter accusandi, ut si per glandulosam & membranofam narium & faucium membranam cursu immutatō non evacuentur, à glandulis excipi possint.

Felix Platerus strumarum ortum succo adscribit nutritio, cum non ad supurationem tendant: ast concedi potest, scrophulas ex tali materiâ, quæ in statu naturali, ad nutritionem multum facit, generari: non tamen negandum, succum hunc pituitosiori & crassâ materiâ scatere posse.

Alii Tartarō primūm resolutō, deinceps coagulato primas in generatione strumarum deferunt: potest & suum symbolum conferre succus pancreaticus Sylvianus acidus & biliosus amarus.

Curatio præter alios scopos etiam consistit in legitimâ topicorum digerentium, discutientium & emollientium applicatione, quibus Myrrha quoq; adjicienda.

Cataplasma *Franc. Joël* habet, quod minimè rejiciendum:

℞. Aloës, Acaciæ, Myrrhæ, Thuris, Sarcocol. āā. ʒij. Quæ tenuissimè pulverisata cum Ovi Albumine in plumbeo mortariolo diutissimè conterantur, additō momentō Aceti Rosacei, & in pulvis aut unguenti formam redacta stuppisq; mundis excepta strumis admoveantur, præsertim minoribus adhuc existentibus, adeoq; in principio applicanda.

Grandiores verò similibus tractantur remediis, ita tamen, ut validius discutientia addantur: hinc idem Author ita procedit:

℞. Ol. antiq. ʒij. In hoc coq. Cerussæ pulveris ʒiv. deindè admisce Resin. Pic. ʒiv. Ceræ ʒij. ad lentum ignem liquefiant. Gum. Ammon. Galban. in Aceto liquefact.

Dec. II. Annus VI.

uu

Myr-

Myrrhæ exactè pulverisatæ āā. 3ß. f. l. a. Emplastrum, cuius portio per alutam extensā quotidie imponatur.

Johannes Poppus Thesaur. Med. l. 3. p. 773. Curam scrophularum absolvi scribit corrosivis & consolidativis, & sequens Myrrhâ dotatum valere asserit.


℞. Consol. Regal. 1ß. Aristoloch. long. 3iv. Myrrhæ 3ß. Mumia 3ij. Post triturationem

℞. Olei Rosar. q. s. pro incorporatione, forma in modum Emplastri.

Wilhelmus Fabricius Hildanus Cent. 3. observ. 38. descriptionem singularis Emplastri ad scrophulas, aliosque tumores scirrhosos emolliendos, resolvendos & discutiendos efficacissimi, Myrrham quoque possidentis, proponit, quod *Slozano* Chirurgo quondam eximio acceptum refert, & ita se habet.

℞. Rad. Bryon. Cyclam. Helen. Cucum. agrest. āā. 3j. Coquantur in Vini albi & Aceti āā. q. s. deindè pistentur, & per se-
taceum percolentur, colaturæ admisce

Pulv. Rad. Irid. Myrrhæ, Olibani, Mastich. Croci, Aristoloch. rot. āā. 3iß. Flor. Chamæmel. Meliloti, Sambuci āā. P. j. Opopan. Sagapen. Ammon. Bdellii, Galbani in Aquâ vitæ dissolutor. aa. 3ß. Gum. Hederæ, Styrac. Calam. aa. 3iij. Euphorb. 3v. Sem. Staphisagr. 3iijß. Argenti vivi salivâ hominis extincti 3ij. Ol. Lilior. de Vitell. Ovor. Oesypi. aa. 3v. Adipis Anserin. Anatin. Suill. Medullæ crurum Vituli aa. 3j. Mucilag. Sem. Lini, Fœnugr. Rad. Althææ aa. 3j. Misce & cum s. q. Cereæ flavæ & Terebinth. fiat Emplastrum.



CAPUT XVII.

Myrrham ad balsamationem & pollincturam cadaverum necessariam ostendit, & opusculo finem imponit.

Ioachim Prætorius Marchiacus, Medicus, Hortum Indiarum Orientalis seu Physiologiam de rebus naturalibus Indicis reliquit manu scriptam, quæ hætenus lucem nondum vidit, quamq; ex benevolâ communicatione Excell. Dn. D. Vebrii, Medicinæ Professoris in Universitate Marchicæ Primarii, Archiatrique Potentissimi Electoris Brandenburgici dignissimi, Affinis & Compatriis mei honoratissimi, manibus tracto: Hic Sect. XII. de Resinis atque Gummatibus Cap. 2. Myrrhæ historiam percurrit, & cum quædam scopis nostris inservientia caput hoc in se contineat, lubet ista, prout ab ipso Authore adducta sunt, nostris inserere laboribus. Ita verò ille:

Myrrhâ maximè & Aloë ut & aliis aromatibus, olim apud Ægyptios, Herodot. l. 2. Plin. l. 11. nat. Histor. cap. 27. Diodor. l. 2. c. 5. testibus, ut & apud Judæos fiebant funera, quæ Melæ medicata, Plinio servata corpora, hodiè Mumia appellantur, de quâ cum alii, tum Petrus Bellonius itinerarii sui lib. 2. cap. 47. eâque occasione de unctiōe veterum Hebræorum hic aliquid annotabimus, quæ Theologiæ affectibus multum inservire videntur, cum aliquoties unguentorum & unguendi mentio habeatur in Sacris. Genes. ultimo de Iacobo legimus, illum esse unctum à Medicis Josephi aromatibus, & additur: iste quippè mos erat cadaverum conditorum. Et si autem Abrahamo & Isaac ejusmodi pollinctura corporum,

non legitur usitata fuisse, attramen, quæ est sententia *Gesneri* in ultimum caput *Genesis*, de consuetudine gentis *Josephus* eam usurpavit absque omni superstitione, eam potissimum ob causam, ut corpus diutius à putredine conservaretur. Scribit autem *Moses* de ratione, quâ *Ægyptii* cadavera condire sunt soliti: atque hic mos postea quoque apud populum *DEI* in usum venit, sicut *Asam* Regem *Judæ* aromatibus conditum supra lectum suum posuerunt: 2. Chron. 16. & super *Joramum* Regem *Judæ* uulnerum unctionem aromatum, similem unctioni majorum suorum. 2. Chron. 21. Christum quoque *Nicodemus* & *Josephus* aromatibus condierunt: unde *Esaiæ* 53. more divitum sepultus est. In *Psalmo* Christus dicitur unctus plenitudine *Spiritus Sancti* præ consortibus suis. 1. Reg. 10. *Samuel* lenticulam olei effundit super caput *Saulis*, atque ita eum unxit. In novo autem fœdere *Matthæus* cap. 26. unctionis meminit de mulierculâ, quæ alabastrum unguenti pretiosi effudit in caput Christi non quidem mortui sed morituri. Præcipue verò, ubi historia resurrectionis explicatur, memorat *Evangelista*, fidas Christi vivi affeculas mulieres ultimum honorem Christo voluisse exhibere illum, ut eum ungerent, comparasseque eò nomine sibi aromata. Quodque hic generaliter, id in specie videtur in historiâ passionis exprimi, ubi de *Nicodemo* dicitur, quod attulerit mixturam *Myrrhæ* & *Aloës* ad libras ferme centum. Possunt enim, inquit *Erythreus* in suâ aureâ expositione super hunc locum, vel de unguenti pondere vel de pretio accipi: unde videre est, honoratos in *Judæâ* homines (non enim omnes promiscue unctos crediderim) plerumque *Aloë* & *Myrrhâ* ad depellendum foetorem ac corruptionem abarcendam unctos esse. Quando verò unctos dicemus? an postquam malô nidore feriret nares cadaver: an antequam minimum foetoris atque corruptionis appareret vestigium. Sanè si textui huic velis attendere, dicet tibi is, à *Josepho* Christi cor-

si corpus statim ac de cruce detractum esset, unctum esse: unde venari licet, statim ac emisissent chari amici spiritum ultimum, à suis unctos esse. Nec est, quod quispiam objiciat de mulierculis, quæ tertiò die unctionem primùm adornant: metu enim & magnò Sabbathò præpeditæ, id quod pietas statim cum consuetudine postulasset, tardius suum exequuntur munus. Adde, quòd sine conservationis suorum cadaverum unctiones istas instituerent, quid ergò expectare debuerunt vel voluerunt unum & alterum diem elapsum, & post ungere, atque ita, quod in proverbio est, posticæ currus parti equos jungere. Imò dum adhuc sanum cadaver, nec minimum mali odoris expiraret, si qui ungenti essent, ungebantur. Et ut maturarent unctiones, jussit illos corruptibilis conditio humani corporis, quod quia humidius & calidius cæteris animalibus, omnium citissimè putrescit. Homo enim cum moritur, calidò innatò decedente primò evadit frigidissimus, quæ causâ est, cur Poætæ mortem frigidam vocitent, item rigidam, quæ etiam rigidum in homines sine discrimine jus exerceat, & homines rigidos & frigidos efficiat. Naturalis verò calor, ut corpus vivum conservabat, & quicquid in ipsum agebat, conservationis causâ agebat: ita extraneus non naturalisque qui post mortem irrepat ad corruptionem omnia operatur, atque ita putredinem efficit, naturalem calorem tam in vivis quam in mortuis corrumpendo ac dissipando, cum ita comparatum sit, *Galenò* lib 4. cap. 14. de simpl. med. facult. docente, ut res quælibet in propriâ servetur naturâ ex calore proprio, quò dissipatò, necessaria sequitur corruptio, cum humores nequeant proprio humore destituti imputres servari ac manere, quod itidem in l. 2. de differ. febr. scripsit *Galenus*: extraneò illò calore ubi meditullium cadaveris humani incalescit, parvusque calor adeò ventilatur, ut totius corporis compagem auctus subeat aliquandò ex corporibus

videas erumpere sudorem penetrantibus subtilibus humoribus ipsos poros: aliquandò videas sanguinem manare ex naribus, cum scilicet à calore putrido resoluti humores crassi, subtiliores vias quærunt, per quas extra corpus emigrent: nonnunquam valdè inflata cadavera duplo triploque majora advertas, ac in vivis fuerunt, cum scilicet humor & flatus cutem quasi inflat & extendit, ut in Tympanite videmus: aliquandò vel totum corpus maculosum, vel ejus pars apparet: causam venor in varietate & mistione humorum, qui modò toti, modò parti cadaveris participantur: aliquandò videas ad latera exire magnam putridæ aquæ copiam, cum scilicet latera mole humorum vel disrumpuntur, vel corruptione putrescunt. Causam autem tumoris in mortuis cadaveribus, item sudoris multi perperam quærunt in propinato veneno: cum sit in Physicorum Myrotheciis quærenda ex subtilitate humorum & flatuum copiâ. Etenim neminem tam bardum esse crediderim, qui pomum, vitrum, cantharum idèò venenatum dicat, quòd si ex frigido aëre inferatur calido, quòd tunc pomum, & cantharus ille sudet, uti videmus: illud enim fit indè, quòd calor externus proluciat humorem internum: ita etiam se habent cadavera illata suis urnis, linteaminibus involuta, & oculis imposita, quæ ita incalescunt, ut post paucillum ab obitu temporis, si maximè obesa sint, putria evadant. Promptissimè enim ex *Galeno* l. 3. de Temper. cap. 4. inquit *Alpinus* lib. 1. de Med. *Ægyptior.* cap. 16. Quæcunque calida ac humida & multa sunt in calidis locis, nisi difflari simul ac refrigerari contingat, putredinis in eis sentias vestigia, nisi fortè intensissimum frigus illa aliquadantenus contra putredinem armet. Noverunt hoc nostrates, nescio quæ funera pomposa satis procurantes: ut enim omnia conginnentur ad luctum, imò ad luxum pertinentia rectius, per septimanas aliquot sepulturam differunt: interim ne putrescant penitus corpora,

neve

neve pro cadavere skeleton tumbis ingeratur, in cryptis subterraneisque locis cum loculo ea statuunt non sine successu. Videas etiam quosdam in cellis illis subterraneis loculos suorum, ubi æstivis diebus præsertim diu adservandi sunt, planè arenâ obruere, & deindè erutos sepulturæ destinare, atque ita quasi secundò sepelire. O vanas hominum mentes, O pectora cœca! Libet enim exclamare cum Poëta, ut qui video hominem indè cristas emittere, quòd maximè impellere posset, ut eas ad terram dmitteret. Nata est ex hoc fonte luxus illa cadaverum laniena Principibus olim frequentata, quâ viscera suo, cor suo, reliqua corporis compages suo item loco mandabantur. Sed ad sermonem institutum rediens, dico, causis non levibus nixam Judaicam mortuorum unctionem ex Aloë & Myrrhâ: Aloë enim cum sit calida & sicca in secundo gradu, corpora eâ vel impleta vel uncta contra putredinem, quæ ex humore præsertim, egregiè armare potest, sive hîc Succotrina vel potius Saccharina secundùm *Garziam ab Orto*, sive Hepatica vel Caballina subaudiatur: unum habent effectum omnes, licet una plus, altera minus. Eodem etiam recessu caloris & siccitatis secundùm Medicos gaudet Myrrha, quæ si Aloë jungatur, effectus illius similitudinis ratione augere potest. Non credo, hæc adeò simplicia adhibita fuisse simplici tantùm mixtione, quod absurdum videtur: Mixtionis enim ratio duo dura vel friabilia corpora non misceri pro unguento permittit; sed potius statuo lege artis pharmaceuticæ cum aliis liquidis & pinguibus abiisse in unguentum, tamen nihilominus nomen a basi obtinuisse. Verisimile autem est, licet alii ex aliis unguentis ungendi potuerunt esse modi, tamen hunc ex Aloë & Myrrhâ maximè usitatum fuisse. De Myrrhâ sanè, ut empiriâ simul stabiliam, quod superius scripsi, habeo in mente memorabile aliquid, quod pro tempore promam. Vidi quodam in pago veteris Marchiæ inter rudera vetetis aræ, cujus-

eiusdam linteum sericum viridis coloris (cui supersticiosa antiquitas nescio quid reliquiarum involvisset) valdè adhuc sincerum, nullasque tineas expertum, involutum in se habens aliquid Myrrhæ, quod inter rudera illa servaverat linteum illud incolume: ex additâ enim schedâ apparebat, linteum illud cum involutis reliquiis antè annos circiter ducentos aræ illi dedicatum fuisse. Rectè enim *Guilandinus* apud *Prosperum* lib. 1. de Medicinâ Ægyptiorum statuit: facillimè putrescere actu & potestate humida, ut sanguis: difficulter verò sicca quæ sunt potestate & humida actu, ut bilis, minimè verò omnium putrescere actu & potestate sicca, uti ossa. Causam ergò hujus rei quæsi antè in siccitate & caliditate, nunc alius factus sententiæ, præterea dico, multum augeri duas illas qualitates, ut possint hunc effectum producere medio saporis tanquam instrumentò: sapor verò in Aloë & Myrrhâ in Hebræo à Mar, hoc est, amaritudine nomen habet: ideò illa amara non adeò sunt alendis vermibus ac teredinibus, qui potiùs præter humidum & calidum in dulcibus nidulantur frequentius. Noverunt id egregiè sculptores, qui si affectent ex ligno sculptam imaginem, quæ sit aliquot seculorum, felle bovinò lignum, ex quo imago sculpenda incoctum inebriant, ut non mirum sit post tot annos sculptilia illa conspici integra solida non exesa, then- sis plerumque cariosis & à vermibus undique arrosis: de quo artificio, si *Lipso* aliquid constitisset, non ille futiliter in libro de divâ Virgine Hallensî cap. 6. pag. 19. ex diuturnitate statuæ & idoli illius perperam venatus esset conjecturâ sanè falsissimâ nescio quam divinitatem: ita ex eadem causâ atramentum librarium diluto Absinthii temperatum, literas & libros à musculis tuetur, ut ex *Plinio* observavit *Mizaldus*. Et ut apud Hebræos in cadaveribus ungendis Myrrhæ usus: ita eadem frequentata est & adhibita rebus divinis apud Ethnicos: sic scribit *Plutarchus* de *Alexandro Magno*, quòd

Leonida

Leonida Pædagogo miserit centena Myrrhæ talenta, ne parcius rem divinam faceret. Et hæc Prætorius.

Cæterum condituræ & pollinaturæ corporum defunctorum hodiernum usuales & frequentari solitæ, quâ ratione adornari debeant, passim monumenta Practicorum docent: nos unum alterumq; modò proponemus.

Incisô ventre, intestinis cum reliquis visceribus exemptis, pectus quoque ad costarum cartilagine incidatur, mox corpus aquâ frigidâ abluatur, spongiisque abstergatur: deindè Acetô acerrimô & demùm Aquâ vitæ, tandem post abstersionem cum spongiâ siccâ factam Pulvis Myrrhaceus inspergatur ac infricetur, toraq; & infimi & medi ventris cavitas pulvere impleatur, cutisq; consuetur, quin & bombacem vel stuppas cannabinas Aquæ vitæ immerfas & expressas carni applicant. Pari modò & caput conditur, postquam cranio ferrâ ablato aut perterebrato cerebri substantia fuerit exempta: sic conditum cadaver linteô ceratô adhuc tepidô involvitur, & denique pice navali, additis etiam Oleis stillatitiis Succini, Spicæ, Baccarum Juniperi, Rosmar. &c. illinitur, & hæc ratione conditum ad annos decem conservari potest, præsertim, si ita involutum feretro stanneo vel plumbeo includatur.

Pulvis Myrrhaceus ita paratur:

- ℞. Herb. siccar. Absinth. Salviæ, Majoran. Rosmar. Rutæ, Meliss. Spicæ, Flor. Lavend. Rosar. provincial. Chamamel. Rom. Nuc. Cupress. āā. Mij. Spicæ Ind. Calami Aromat. āā. Mj. Rad. Irid. Flor. Aloës, Myrrhæ, Mastich. Styrac. Calam. āā. ʒij. Cinam. Caryophyll. Nuc. Moschat. Macis, Zedoar. Costi veri, Croci āā. ʒj. Aluminis, Acaciæ āā. ʒij. Sem. Cumini, Fœnic. Anisi, Nigellæ, Baccar. Lauri āā. ʒiij. Salis marini ℔ij.
- Contusa omnia crassiusculè reserventur ad usum: deindè
- ℞. Aquæ vitæ ℔x. Aceti acerrimi ℔xv. Scup. cannabin. aut Bombac. ℔vij. Spong. magn. n. iv.

Dec. II. Annus VI.

xx

Se-

Sequens Pollinctura aliquoties à Parente meo b.m. præscripta fuit.

I.

R. Aloës ʒij. Myrrhæ ʒiʒ. Croci ʒʒ. Salis com. Mj. Aluminis ʒij. Aceti acerr. ℥ij. Bulliant.

S. Essig/ den Leib inwendig auszuwaschen.

II.

R. Rad. Iridis flor. Aloës, Myrrh. Mastich. Styrac. Calam. āā. ʒj. Cinam. Caryophyll. Nuc. Moschat. Macis, Zedoar. Costi veri, Croci āā. ʒʒ. Sem. Angelic. Cumini, Fœnic. Baccar. Junip. āā. ʒiʒ. Salis marini Mj. Misc.

S. Speerey/ den Leib inwendig zu bestreuen.

III.

R. Ol. Terebinth. ʒij. Junip. ʒj. Spicæ ʒvj. Petrosel. Succini āā. ʒij. Styrac. Calam. ʒʒ. (porest etiam addi Spiritus vini majoris penetrationis ergo) Misc.

S. Del / den Leib inwendig und auswendig zu bestreichen.

IV.

R. Herbb. siccar. Scordii, Absinth. Rutæ, Majoranæ, Melissæ, Hyssopi, Tanaceti, Abrotani, Serpilli, Thymi, Fol. Lauri āā. Miiij. Rad. Iridis Florent. Bacc. Lauri āā. ʒij. Junip. ʒiv. Flor. Rosar. provincial. Chamæmel. Rom. Lavend. āā. Mj. Sem. Fœnic. Anisi, Cumini, Angelicæ, Sesel. āā. ʒj. Aloës, Myrrhæ el. Mastich. Styrac. Calam. āā. ʒij. Bdellii, Sarcocol. āā. ʒvj. Cinam. Caryophyll. Croci, Costi veri, Nuc. Moschat. Zedoar. āā. ʒj. Salis marini ℥vj.

Incisa crassiusculè & Aquâ Carfunculi conspersa omnia dentur & sign. Kräuter/ den Leib auszufüllen.

V.

℞. Aloës opt. Aq. Majoranæ lentô igne dissol. ʒiʒ. Myrrh.
Spiritu Vini dissol. ʒj. Bals. Peruviani, Croci āā. ʒʒ. Misc.
S. Balsam zum Munde/ Ohren und Nasen.

VI.

℞. Ol. Terebinth. ʒʒ. Junip. ʒij. Rutæ, Salviæ, Majoran.
Rosmar. Caryophyll. Citri, Succini āā. ʒʒ. Misc.
S. Del zum Haupte.


Hoc inungi possunt vertex & suturæ, nec non aures, na-
res &c.

Plura de cadaverum conditurâ qui desiderat, adeat D. Se-
bitzium in Disp. de cadaverum humanorum conditurâ; Hor-
sium Obs. P. I. l. 3. obs. 8. Solenandrum S. 5. Conf. 14. Loti-
chium l. 6. cap. 7. obs. 2. Timeum von Guldenflee lib. 6.

Epist. & Conf. Med. Epist. 10. Grulingium &
Bierlingium.

SOLI DEO GLORIA.





INDEX

SECTIONUM, CAPITUM, ARTICULORUM & PAGINARUM.

Sectio I.

MYRRHÆ naturam & essentiam jux-
ta ejus appellationem, locum
natalem, formam, temperamen-
tum, facultates &c. contemplatur.

Pag. 1

Cap. 1. Etymologiam proponit. ibid.

2. Sensus hieroglyphicum ex-
ponit. 4

3. Descriptionem realem tra-
dit. 5

4. Locum natalem, Arborem &
colligendi rationem mon-
strat. 7

5. Differentias, Delectum & De-
pravationem manifestat. 11

6. Temperamentum ac Qualita-
tes investigat. 16

7. Facultates generales tradit. 18

Sectio II.

Preparata ex Myrrha recenset. 21

Cap. 1. Myrrhae depurationem docet.
ibid.

Cap. 2. Myrrhae extracti. conficiendi
rationem proponit. pag. 23

3. Essentiam producit. 24

4. Magisterium, Oleum, E-
lao. Saccharum & Sal
volatile componendi
modum tradit. 27

5. Trochiscos, Pastillos & A-
cetum exhibet. 30

6. Fuliginis mentionem fa-
cit. 31

Sectio III.

Compositiones principales, quas
Myrrhae sodalitium nobilitat, in
scenam producit. 31

Cap. 1. Theriacam Andromachi &
Mithridatium Damocratis sistens. 32

2. Myrrham Electuaria & Opi-
tas ingredi monstrat. 39

3. Myrrhae additione nobilitata
Pulveres, Trageas, Spe-
cies, Flores & Magisteria
adducit. 45

4. Pilulas sistit. 56
Cap.

- Cap. 5. Myrrhæ sodalitio Extracta clara exhibet. pag. 66
6. Myrrha, quos nobilitat Trochiscos, producit. 70
7. Myrrham continentes Aquas destillatas compositas proponit. 73
8. continentes Spiritus compositos eligit. 78
9. Elixiria, quæ amant, percurrit. 81
10. Myrrhæ, quæ gaudent additione, Aceta memorat. 90
11. consortio Essentias & Tincturas gaudere demonstrat. 93
12. Myrrham in compositionibus suis non aspernantia Olea, sistit. 96
13. sociam habentes Balsamos adducit. 101
14. quæ in compositionibus suis recipiunt, Linimenta & Unguenta, aggreditur. 109
15. adjunctam habentia Cerata, Emplastra ac Cataplasmata suggerit. 114

Sectio IV.

Corporis humani affectus tam internos, quam externos, in quibus Polychresta Myrrha virtutibus viribusque suis eximiis admodum sese commendat, recenset. 126

Cap. 1. Myrrhæ usum ac vires speciales in diversis Capitis ac Cerebri affectionibus suppeditat. p. 126

- Artic. 1. De Apoplexia. ibid.
2. Epilepsia. 129
3. Paralyssi. 135
4. Convulsione. 139
5. Vertigine. 144
7. Catarrhis. 147
8. Affectibus soporosis. 150
9. Agrypnia sive Vigiliis. 154
10. Melancholia. 156
11. Memoriae Diminutione. 158

Cap. 2. Myrrhæ Usum specialem in affectibus Oculorum conspiciunt tradit. 160

- Artic. 1. De Ophthalmia. ibid.
2. Suffusione. 163
3. Bellone, Epiphora, Ungue, Emphysemate, Hordeolo, Phlyctenis, Ulceribus Oculorum. 166

Cap. 3. Aurium affectus, in quibus Myrrha viribus suis sese commendat, profert. 172

- Artic. 1. De Otalgia. ibid.
2. Surditate & audiendi difficultate. 174
3. Tinnitu, Sonitu, Sibilu. 176

Cap. 4. Myrrhæ effectus in Narium affectibus declarat. 176

- Artic. 1. De Hæmorrhagia narium. ibid.
- Artic.

Artic. 2. De Polypo. p. 177	Artic. 4. De Phthisi. p. 207
3. Ozœna. 179	5. Empyematē. 210
4. Foetore narium. 180	6. Hamoptysi. 212
Cap. 5. Myrrham in vitiis Oris, Labiorum, Gingivarum, Dentium ac Linguae opem promittere ostendit. 181	Cap. 8. Myrrham in Cordis affectibus perutilem declarat. 215
Artic. 1. De Foetore oris. ibid.	Artic. 1. De Palpitatione Cordis. ibid.
2. Fissuris labiorum. 182	2. Lipothymia & Syncope. 218
3. Gingivis laxis, tumidis & sanguinolentis. 183	3. Febribus continuis & intermittentibus. 220
4. Gingivarum luxuria & excreſcentia. 185	4. Febribus malignis & contagiosis. 227
5. Carnis Gingivarum consumptione. ibid.	5. Variolis, Morbillis & Rubeolis. 230
6. Dentium Mobilitate, Vacillatione, Nigredine & Carie. 186	6. Pestilentia. 234
7. Odontalgia. 188	Cap. 9. Uſum Myrrhæ in affectibus Ventriculi ac Intestinatorum commendat. 240
Cap. 6. Myrrhæ facultates in affectibus Linguae, Tonsillarum, Columellæ Fauciumque ostendit. 190	Artic. 1. De Nausea & Vomitu. ibid.
Artic. 1. De Linguae nigredine & aduſtione. ibid.	2. Singultu. 242
2. Aphthis. 191	3. Tormina Ventris & Colica. 244
3. Gurgulionis casu & laxatione. 192	4. Diarrhoea, Dysenteria. 246
4. Tonsillarum inflammatione & exulceratione. 194	5. Haemorrhoidū nimio fluxu & dolore. 250
5. Angina. 195	6. Lumbricis. 252
Cap. 7. Myrrhæ effectus in affectibus Pectoris Pulmonumque ſat celebres proponit. 199	Cap. 10. In Hepatis affectibus facultates Myrrhæ extollit. 255
Artic. 1. De Asthmate, Dyspnoea, Orthopnoea. ibid.	Artic. 1. De Ictero. ibid.
2. Raucedine. 203	2. Hydrope. 257
3. Tussi. 205	Cap. 11. Myrrhæ uſum in morbis Lienis approbat. 261
	Artic. 1. De Scirrho Lienis. ibid.
	2. Affectu Hypochondriaco. 264
	3. Scorbuto. 267
	Cap.

Cap. 12. De viribus Myrrhæ agit in
Renum, Ureterum ac Vesi-
cæ affectibus conspicuis. p.

270

Artic. 1. De Calculo renum. ibid.

2. Diabete. 272

3. Dysuriâ. 274

Cap. 13. Myrrham in affectibus Uteri-
nis salutarem prædicat.

275

Artic. 1. De Suffocatione matricis.

ibid.

2. Suppressione mensium

277

3. Fluore albo mulierum.

281

4. Sterilitate mulierum.

284

5. Molâ & Fœtu mortuô.

285

6. Retentione Secundi-

narum & Lochio-

rum. 291

7. Partu difficili. 293

8. Abortu. 295

Cap. 14. Myrrhæ usum singularem in
morbis Partium corporis
Externarum monstrat. 296

Artic. 1. De Arthritide. p. 296

2. Lue Venereâ. 300

3. Scabie. 306

4. Gangrænâ & Sphace-
lô. 309

5. Vulneribus. 311

6. Ulceribus. 319

7. Fractura. 322

8. Carie ossium & spina
ventosa. 323

Cap. 15. In morbis Capitis externis
Myrrhæ efficaciam decla-
rat. 325

Artic. 1. De Tinea, Favo & Achori-
bus. ibid.

2. Alopeciâ, Tineâ Capil-
lorum. 326

3. Varis & Guttâ rosaceâ.
327

Cap. 16. Strumas & Scrophulas Myr-
rham absumere docet. 328

Cap. 17. Myrrham ad balsamificationem
& pollincturam cadaverum
necessariam ostendit, & o-
pusculo finem imponit. 331



AL. 12007

1. 1016

1. 12

1. 1016

1. 1016

1. 1016

1. 1016

1. 1016

1. 1016

1. 1016

1. 1016

1. 1016

1. 1016

1. 1016

1. 1016

DECURIAE
ANNORUM SECUNDÆ
MISCELLANEORUM
MEDICO-PHYSICORUM

Sive

EPHEMERIDUM
GERMANICARUM
ANNUS SEPTIMUS.

THE UNIVERSITY OF CHICAGO
LIBRARY

EXHIBIT 101
MUSEUM OF HISTORY AND NATURAL HISTORY
CHICAGO, ILL.



WILLIAM L. BROWN

1871

LEONARD BROWN

1872

1873

1874

1875

1876

MISCELLANEA CURIOSA

SIVE

EPHEMERIDUM

MEDICO-PHYSICARUM

GERMANICARUM

ACADEMIÆ

IMPERIALIS

LEOPOLDINÆ

NATURÆ CURIOSORUM

DECURIÆ II.

ANNUS SEPTIMUS,

ANNI M. DC. LXXXVIII.

Continens

Celeberrimorum Virorum,

Tum Medicorum, tum aliorum Eruditorum in Germaniâ

& extra Eam

OBSERVATIONES

MEDICO-PHYSICO-CHYMICO-MA-

THEMATICAS,

annexâ

APPENDICE.

Cum Privilegio Sacre Cæsareæ Majestatis.

NORIMBERGÆ,

Sumptibus WOLFGANGI MAURITII ENDTERI.

Anno M. DC. LXXXIX.

THE MEMORIAL
MEDICO-LEGAL
GRANDE MORT

LEOPOLDINE
FLORE GUARD


APRIL 12 1871

Collection of the
Library of the
University of the
City of London

THE UNIVERSITY
OF THE CITY OF LONDON

THE LIBRARY
OF THE CITY OF LONDON
100, 101, 102, 103, 104, 105, 106, 107, 108, 109, 110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000

De:) o (: E



POTENTISSIMO

Atque

INVICTISSIMO

IMPERATORI

LEOPOLDO,

SEMPER AUGUSTO,

PIO, JUSTO, FELICI;

ROMANORUM, GERMANIÆ,

HUNGARIÆ, BOHEMIÆ, DALMATIÆ,

CROATIÆ & SCLAVONIÆ,

REGI,

ARCHIDUCI AUSTRIÆ

&c. &c. &c.

*Libertatis vindici acerrimo,
Artium Evergetæ clementissimo.*

Dum,

Dum, LEOPOLDE, orbem victrici perstrepis ense,
TE provocatus vindicem
fronte manuque geris;

Jam tamen & Charitum fixam, TUA lumina, sedem
in *Curiosi* conjice
annua pensa chori:

TE versante manus, subtilia licia miscet;
movente telas, præpete
pectine currit opus.

Et TUA Penelope (liceat nunc esse superbis
tam glorioso nomine)
lætior auget opus.

Scilicet accedens ad nos, Augustus Ulysses,
(Augusta testis) flammula
nos propiore foves.

TU propiore etiam nunc, Augustissime Cæsar,
precum foveris ignibus
fronte precante libri:

CÆSARIS extendat vitam Deus atque triumphos!
stirpique cognatæ sibi
firmet utrumque decus!

Hocque det AUSTRIACIS signum Jovis esse perenne:
in hosticum tonitrua
imbrem in amica pluant!

Sic fore confidunt

Academici Naturæ Curiosi.

SERE.



SERENISSIMO

AC

POTENTISSIMO

PRINCIPI *AC* DOMINO,

DN. JOHANNI
GEORGIO III.

Duci Saxoniae, Juliaci, Cliviae & Montium,
S. R. I. Archi-Marescallo, & Electori, Landgravio Thuringiae,
Marchioni Misniae & utriusque Lusatiae,
Comiti Principi Hennebergae, Burggravio Magdeburgi,
Comiti Marcae & Ravensbergae, Domino
Ravensteinii,

Domino nostro & Principi Electori
clementissimo.

))((

SERE-

SERENISSIME AC POTENTISSIME
PRINCEPS ELECTOR,

Domine Clementissime.



E mirare, Heros fortissime, quod inter horrida tormentorum tonitrua & sibilantia pyrii pulveris fulgetra, quæ TE circumstrepunt, faciles aures & benignos intuitus TUOS nobis & libro huic exorare sustineamus. Equidem religioni nobis fuisset, generosos impetus, quibus, imperii fines ab hostis immanissimi insultibus, DUX PORTITOR EN- SIS, liberare, feliciter allaboras, interrumpere: nisi, quem ideo à conspectu TUO aliquandiu prohibuimus, ruptis repagulis ad TE liber properasset, à nobis, jam non renitentibus. Cui enim sese prius sisteret, quam TIBI, Elector potentissime, per cujus vindicem dextram ea nunc nobis securitas parata est, qua pensum hoc Collegii nostri annum lætiores absolvere potuimus: quippe abs Te si fuisset, plurimos Collegas vel hostis furor vel belli contagium hausisset; qui nunc extra teli jactum
suo

suo & publico nomine TIBI, Elector serenissime,
 gratias agunt, quod primus pendentem in cervice
 Germanicæ libertatis ensem, iusto exercitu & præ-
 sens non gravatus fueris remove. Admitte ergo
 exclusum hunc varii ingenii foetum benigne, vel
 eo nomine, quod devotæ & gratæ mentis, qua Cel-
 situdini TUÆ Imperium nostrum se obstrictum
 confitebitur, publicus interpret est. Ut taceamus
 non abhorre à conatibus TUIS, quibus in præ-
 sentia detineris, hanc rerum Medicarum farragi-
 nem: Sunt enim non emplastra tantum & lenimen-
 ta Hygiejæ; sunt etiam severitatis apparatus, cultri,
 lanceolæ, phlebotomum, forcipes, ferræ, ferra cau-
 stica, cucurbitulæ, sanguisugæ: nec alii medendi,
 quam regnandi & bellandi sunt aphorismi, quos
 qui probe in succum sibi convertit & sanguinem,
 ad eam olim adspirabit prudentiam politicam,
 quam in TE omni numero absolutam subinde ad-
 miramur. Quare, quod iterum humillime roga-
 mus, accipe non degenerem prorsus ab indole
 TUA consummatissima partum, ab invidorum in-
 sultibus hominem hunc ingenuum defende, atque
 ubi per hiberna quies Marti TUO parabitur, TU-
 que,

que, inter opima ab hostibus, æternam vindicatæ patriæ famam à Germano reportabis, reporta etiam munus hoc Apollinis levidense, eique aliquem armarii angulum concede. Ita ejus auctores, sibi de impetrata, apud Electorem magnanimum, gratia gratulati, impensius gaudebunt. Ita Deum votis perpetuis fatigabunt, velit ille avitam Domus serenissimæ & exercitus Saxonum, nunquam non fortitudinis laude efflorescentis, gloriam omni victoriarum & felicitatis genere cumulare: TE vero potissimum diu incolumem Orbi Christiano, Imperio nostro, TUIS servare, qui, sive de Dei cultu, sive de libertatis usu periclitentur, in TE intuiti confidenter pronunciant: *En duo sunt enses!* Non portat enssem frustra! Ita vovent, confidunt, augurantur

SERENISSIMÆ CELSITUDINIS VESTRÆ
ELECTORALIS

humillimi devotissimique

PRÆSES & COLLEGÆ CETERI
Academiæ S. R. I. Nat. Curios.

HISTO-

HISTORICA CONTINUATIO
PROGRESSUS
ACADEMIÆ LEOPOLDINÆ
IMPERIALIS
NATURÆ CURIOSORUM

Delineata

à

LUCA SCHRÖCKIO, L. Filio, Med.D.
Archiatro Cæsareo, Comite Palatino, S. R. I.
Nobili, Ephemeridum Directore,
d. Celso.

NORIMBERGÆ,
ANNO M DC LXXXIX.

THE NEW YORK PUBLIC LIBRARY

ASTOR LENOX AND TILDEN FOUNDATIONS

1009 Broadway New York City

1900

THE NEW YORK PUBLIC LIBRARY

1900

THE NEW YORK PUBLIC LIBRARY

ASTOR LENOX AND TILDEN FOUNDATIONS

1009 Broadway New York City

1900

THE NEW YORK PUBLIC LIBRARY

ASTOR LENOX AND TILDEN FOUNDATIONS

1009 Broadway New York City


1900

THE NEW YORK PUBLIC LIBRARY

ASTOR LENOX AND TILDEN FOUNDATIONS

1009 Broadway New York City

1900



* * * * *

Quam volubili innixa stet fundamento fors mortali-
 um, nec unquam diu læta eodem hæreat vestigio,
 Academia nostra Naturæ Curiosa ut novo non ita-
 dudum firmavit exemplo: ita non minùs, quàm fe-
 lici successu laboriosa industria cæteris eam quasi vinc-
 tuere prohibeat, testatum eadem reddidit. Gratâ animi pro-
 pensione primi nostri Præsidis, Bauschii Excellentissimi (liceat
 enim ad primordia Societatis paucis respicere,) memoriam co-
 limus, & indefessam in Academia, quæ gloriam DEI, Medi-
 cæque artis illustrationem ac proximi exin resultans commo-
 dum sibi scopum præfixit, adornandâ & propagandâ studium
 deprædicamus; quos arduos tamen ausus magna factorum
 inclementia, optimum Virum nostro consortio citiùs eripiens,
 evertere, nascenti quæ Academia ultima ferè minari videba-
 tur. Ast laudabile hoc Germanorum institutum cum Viro
 isto laudatissimo non interiisse, sed prosperè superatis tot, quæ
 obstabant, difficultatibus, lætior progressum habuisse, ob-
 firmato in præclari moliminis continuationem animo tum
 nobilissimorum Collegarum, tum maturo inprimis consilio
 & indefessæ vigilantia venerandi Fehrii debemus; cujus sub
 auspiciis celebriorum passim Medicorum aliorumque soler-
 tium naturalis scientiæ cultorum ad socias conferendas ope-
 ras facta est accessio, & salubrium Legum vinculo Societatem
 firmari, Cæsareâ easdem autoritate ornari, annumque in-
 primis Ephemeridum laborem cum curioso Orbe communi-
 cari obtigit. Nollem prolixiùs hoc in publicandis istis Ephe-
 meridibus studium extollere, non quòd prudenter incepti &
 strenuè hucusque continuati operis poenitere nos queat, sed
 ne actum agere videar, ipso se Libro, licet non parem ubique

curiositatem , à tot locupletando illi operam navantibus calamis vix sperandam, exhibeat, ubique tamen multiplici utilitate, non inamoenâ varietate, nec contemnendâ eruditione passim apud æquos Musarum iudices se commendante, ac solitarios quosdam contra Aristarchos, clanculûm in eminentioribus etiam locis innocentem librum ut inutilem allatrare ausos, satis splendorem suum vindicante; quibus neque aliud nos, quam Terentianum illud: homine imperito nunquam quidquam injustius, qui nisi quod ipse fecit, nihil rectum putat, opponimus. Nos saniora exosculamur iudicia, & coram Sacratissimis quoque Summæ in hoc Orbe Majestatis oculis, quorum fulgorem fœdæ perferre nequeunt, imò subire indignæ sunt noctuæ, intrepidè quòd comparere ipsi liceat, quin ex opulentissimo Ejus Cimeliarchio, naturæ & artis opèribus, maximum quondam accessisse ornamentum, ac nuper demùm splendidum à Magno & gloriosæ memoriæ Electore Brandenburgico obtigisse additamentum, magnoperè lætatur, nobisque immensum gratulamur. Hoc itaque opus, ut alacrius in lucem prodiret, Fehrius præcipuos intendit nervos; hinc laboriosissimi nostri Phosphori, beati Sachsi, vigilantia commissum lætos in cultissima urbe Vratislavia habuit natales; qui vitam hanc caducam cum meliore ubi commutasset, Syrii nostri, Excell. Dn. Vollgnadii, ejusque nobiliss. Dan. Collegarum curam laude meâ majorem feliciter exercuit. Verùm hoc quoque, præmaturo fato, ex Curiosorum cœtu ad Beatorum sedes evocato, Collegisque ibidem partim itidem defunctis, partim aliorum advocatis, integrâ tamen Annorum Decuriâ cum adplausu in lucem jam productâ, ut pari sollicitudine tela exorsa & dictas ob causas paululûm interrupta produceretur, nostro ad invidiam usque commendatissimo Heliantho I. D. Volckamero, directio fuit commissa, atque Typographiæ locus Noribergam, urbem nimirum omnibus Collegis ad literarum commercia percommodam, translatus. Hanc quâ animi alacritate sub-

ierit,

ierit, continua annorum series, quotannis pensum debitum
sistens, ostendit; Cui, ne molesto sub hoc onere tot aliis oc-
cupationibus ætateque gravatus succumberet, successor datus
est Celsus, haud invitus hanc Directoris spartam suscipiens,
quem sequens Programma tunc in honorifico officio confir-
mavit,

S.R.I. NAT. CURIOSORUM PRÆSES

Dnn. Collegis suis Salutem & Felicitatem!

Symbolum Academia Nat. Curios. est, Nunquam otiosus! quo
Ipso singuli Academici ad præstandam industriam & seduli-
tatem decenter invitantur & severa quasi lege incitantur; De-
currimus ergò in uno omnes stadio, remigamus in una eademque
navi, sed impari conatu, impari successu; applausum merentur
omnes, tam illi, qui rariores observationes, Euporista præclara,
inaudita arcana Physica, Medica, Mathematica, &c. candidè
communicant, quàm qui laboriosissimo collectionis, digestionis &
impressionis munere fungentes, ea omnia in publicum sistunt,
usum, quos inter in priori Ephemeridum nostrarum decuria ma-
ximè eminuit indefessa Dn. PHILIPP. JAC. SACHSII, Phys.
Uratisl. virtus, qui conducto à nobis bibliopola Dreschero id unice
operam dedit, ut adscitis ibidem fidelissimis parastatis quantocytus
lucem viderent publicam opera nostra, qua per duo lustra felici
cum successu fuerunt publicata; Ipso autem præmaturè è vivis
sublato, Collegisq; ibidem partim itidem defunctis, partim alior-
um evocatis, idem onus hoc heroicè in se suscepit Nobilissimus no-
ster HELIANTHUS JOH. GEORG. VOLCKAMER, & quod plu-
ribus fere impar videbatur, solus subibat molestissimum scilicet Col-
lectionis & Impressionis onus, & quidem Noribergæ, urbe nimirum
omnibus Collegis ad literarum commercia commodissimâ. Mirati
sumus omnes tanti Viri generositatem, in tam gravi atate alacri-
tatem, in tot occupationibus jam per triennium ipsum constan-
tiam; Sed Is jam fractis sensim cum atate viribus ad tranquillitatis

tatis portum adspirans, provinciam hanc Excell. Nostro CELSO
haud invito, quasi per manus tradidit: id quod cum de nostra
voluntate & consensu factum sit, & laudatus Celsus muneri isti
ferendo maximè videatur idoneus, ideoq; Eundem novum Dire-
ctorem omnibus Dominis Collegis impensè commendamus, ac o-
mnium Dnn. Collegarum complacentiam cum desideratissimâ rara-
rum & praeclararum observationum fideli maturâq; communica-
tione ad Eundem efflictim expectamus, Eiq; ad masculè superan-
das laboriosissima hujus functionis molestias vividum vita robur
cum prosperrima valetudine avimitus comprecamur. *Suinforti*
ex Museo, d. 9. April. Anno 1685.

(L.S.)

Argonauta.

Ut verò debili enata stipite hedera in altum eniti haud
valet, nî firmiori adhærescere arbori, eamq; circumreptan-
do surgere detur: sic privatorum inita hæc Societas caput ex-
tollere vix posse videbatur, potentiori destituta patrocinio;
quæ itaque magno ut staret tuta robore, non minima inpri-
mis cura fuit Præsidis; cujus dexteritate quàm gratiosam pro-
tectionem à Serenissimo Principe ac Domino, Dn. Ray-
mundo S. R. I. Comite Montecucoli &c. Armis & Literis
inclyto Heroë, impetraverit, alibi jam deprædicavit Musa no-
stra; quo gloriosè defuncto, Eminentissimi ac Celsissimi
Principis & Electoris Moguntinensis, Evergetæ nostri
munificentissimi, gratia hucusq; nos clementissimè protegit;
qua diutissimè ut gaudere liceat, annos Nestoreos multamq;
Principe dignam felicitatem humilimè precamur.

Talis itaque tantusq; nobis fuit Fehrius, cujus virtus
nec oblivione nostrâ, nec reticentiâ posterorum sepulta esse
pote-

poterit. In tantum sanè hæc enituit, ut *Maximus Imperatorum, Invidissimus LEOPOLDUS*, conspicuo eam præmio decoraturus, simulque Collegii incrementum quantopere SIBI curæ sit cordique, ostensurus, ipsum, unà cum Ephemeridum Directore, Heliantho I. Medici Cæsarei titulo decoratum, nec obstante oneroso bello Turcico, in majus Clementiæ argumentum, catenâ aureâ clementissimè donandum voluerit. Quo aureo etiam imbre, Angustâ nempe Imagine è torque aureo pendente, Ephemeridum Curiosarum, Collectores Vratislavienses, Excellentissimi Domini, Phil. Jacob. Sachsius, Henricus Vollgnadius atque Johannes Jænius, benignissimè quondam irrigati, & Cæsareæ Munificentiae illustre documentum, & indefessi laboris pretiosum solatium obtinuerunt.

Læta jam hoc suo sub Præside Academia dum majoris progressus spem subinde conceperat, tristis nostros percutit animos sævioris Morbonæ insultus, cujus violentos in humanum genus impetus cum ipse Fehrius prudenti medicandi arte sapiùs retudisset, jam apertas vitæ propriæ eam struere insidias expertus fuerat, gravi adfectu hemiplectico obrutus, ita ut Argo nostra secundis hucusque ventis per diffusum naturæ æquor vela pandens, fido expertoque hoc suo rectore & Argonauta jamjam destituenda videretur, tempestatum injuriis variè exposita, naufragiique metu haud parùm perculsa. Sed novas Cœlo inspirante vires, quod vigoris corpori deerat, animi firmitas supplebat; hinc quæcunque nostræ utilitati velificabantur, strenuè prospicere, consiliis juvare, atque prudenter exsequi mox pergebat. Sic publicum juvandi desiderium ipsi tremulæ dextræ robur addebat, languidosque spiritus suscitabat, eoipso tamen seipsam consumens, majorem virium jacturam subibat; quam expendens, & astutiam versutissimi hostis, ex improvviso graviore sæpe recidivâ subito obruentis, veritus, ne à morte sua, Præsidio vacante, quæ-

lecun-

lecuque Academiae periculum incumberet, aut sibi in eorum statu, cum melioris sanitatis spem alere vel ætatis gravitas prohiberet, inserviendi facultas deesset, de nobili isto præsidii officio deponendo, clavoque regiminis alteri tradendo cogitare incipiebat, non sine magno nostrum, quibuscum hanc voluntatem suam communicaverat, dolore; quis enim tam fidum, tam peritum & indefessum Præsidentem abire non ægrè ferret? quis mutare consilium omnibus viribus non studeret? Expendebamus cum Tullio, quod nihil sit præclarior, quàm honoribus & reipublicæ muneribus perfunctus senex; hinc quod minùs ornamentum hoc nostrum decederet, & columen subtraheretur, anxii obstitimus. Sed vicit tandem pietas, quæ tot curarum, totque laborum requiem denegare aut invidere tam benè merito sanctè prohibuit; consensum extorsit amplior spes, quæ à Sene canitie venerando consiliorum salubritatem non omninò nobis defuturam spondebat, quin dignissimi Successoris de electione haud vana persuasio omne tandem punctum tulit. Hinc publico mox Programme d. 20. Julii Anno M DC LXXXVI. Collegio suo valedicere perrexit:

VIRIS
 GENERE ET PROPRIIS
 VIRTUTIBUS
 EXCELLENTISSIMIS, NOBILISSIMIS,
 MAGNIFICIS, EXPERIENTISSIMIS,
 PER
 EUROPAM, ASIAM, INDIASQUE ORIENTALES
 CLARISSIMIS, PATRONIS, FAUTORIBUS
 ET COLLEGIS SUIS DEVOTE
 VENERANDIS,

SALU-

SALUTEM ET FELICITATEM!

Primum omnium gratias, quas possum, ago maximas, Summo Nostro Archiatro, DEO Ter Optimo Maximo; pro immensis donis & beneficiis suis, quod me Medicina jam mancipatum sub festiuitate reparata pacificationis Monasteriensis & anno 1652. recens ab Excellentissimo D. Bauschio adornatæ Academiæ Naturæ Curiosorum Adjunctum primum esse voluerit, & hætenus saluum & incolumem conservauerit, donec Anno 1666. ita volentibus fati & Vestris, Excell. Dnn. Collega, votis ad tenendum Clavum solenniter promoverer, ubi remis velisq. omnem eò dedi operam, ut Argo nostra indies in cursu suo magis magisq. proveheretur, & expeditio hac Argonautica tandem ad optatum portum appelleret, quod felici cum successu divinitus accidit.

Deinde & magnas quoq. ago gratias Vobis, VIRI, Genere & propriis Virtutibus Excellentiss. Nobiliss. Magnific. Experientiss. Dnn. Collega devotè venerandi, pro collato munere tam honorifico, pro incomparabili Vestro favore, patrocinio, studio, munificentia, quâ me prodigè mactastis, DEUS Ter Optimus Maximus hæc omnia largiter reponat. Sed jam fata annis & infirmâ valetudine languidum me, frustra quidem obnitentibus Vobis, jubent deponere Clavum; pareo, ac lubens, eumq. trado quasi per manus cum Archivo & Sigillo Academico, meritissimo ex Adjunctis, qui animi corporisq. viribus & vivido vigore adhuc pollet, Eiq. si pace Vestra dicere liceat, in loco Vobis omnibus commodissimo; sed Vestrum est decernere, Agite ergo & enitimini plus ultra, Vos divina anima, pergite acriter & alacriter Nobilissimum hoc sublimiorum ingeniorum certamen.

Salvete, Valetè, Vivite, Arcanorum Natura omnium Heroës capacissimi. Svinfurti die 20. Julii An. M DC LXXXVI.

(L.S.)

Argonauta.

b

Tran.

Tranquillitatis ergo portum cū attigisset Fehrius, unanimi Excellentissimorum Dnn. Adjunctorum voto, multā doctrinā, plurimoque rerum usu, ac indefesso studio celeberrimus Dn. Johannes Georgius Volckamerus Sen. clavum regiminis qui capefferet, dignus fuit judicatus, atque omnium cum Bonorum adplausu mox Præses salutatus, eò charior, quò meritis & virtute, emeritum Præsulem propiùs referebat. Sic Argo nostra, naufragii secura, notum remetiri æquor valebat, sic quoque ventis adjuta secundis abditos eruere thesauros feliciter perrexit. Ipse etiam optimus Senex, ob tam exoptatum electionis successum, silere haud valuit, quin alitius impressam animo lætitiā, publico hoc Scripto exponeret:

INVICTISSIMI
ROM. IMPERATORIS
LEOPOLDI
MEDICUS
JOH. MICHAEL FEHR,
S.R.I. ACADEMIÆ NAT. CURIOSORUM
PRÆSES, & ARGONAUTA.
NOBILISSIMIS, EXCELLENTISSIMIS ET
EXPERIENTISSIMIS DNN. COLLEGIS
SALUTEM ET FELICITATEM!

Inter Summa Imperia maximi semper habita est ceterisq. prælatā Monarchia ἐν βασιλεύς, ἡ δὲ ἐν ἀνέχεται ἡγεμονία; apicularum Regem omnes colunt, sequuntur omnes; Monarchia Character Solis in Cælo: hic solus astrorum Rex est & Monarcha, stellarum exercitu semper comitatus. Complacuit Regius hic ordo statim à pri-

in exortu S. R. I. Academia Nat. Curios. & Nobilissimus Bauschius
 primus electus Monarcha: quo pie defuncto, ne caput inclytæ
 jam dicta Academia cum primo Authore penitus occidisse videre-
 tur, ex tenore Legum & votorum pluralitate convictus Ego sub-
 vectus sum, majore licet in dies comitatu conspectior. Sol Ego
 tum vester eram, at præsificinè dictum sit, assurrexere statim
 omnes, novo Regi alluxere faculas quisq; suas prodigè & confer-
 tim, ita ut totus ferè orbis exinde illustrior redderetur; occidit
 autem jam Sol iste, à xreivres, vaporum & fuliginum nebulis
 obnubilatus. Sed ecce, novus jam ex agro Franconico Vobis Sol
 oritur, Magnus ille Noricorum Æsculapius, Senior Medicorum No-
 ribergensium Primarius, JOHANNES GEORGIUS VOLCKA-
 MERUS, Sacra Cas. Majestatis Medicus, Helianthus primus,
 Vir ingenii sublimitate & Eruditionis profunda fulgore omnium
 Eruditorum oculos facile perstringens; quem ea, quæ par est ac
 decet, animi observantiâ ex tenore Legum & unanimi Dnn. Ad-
 junctorum suffragio electum ac confirmatum Acad. Nat. Cur. Præ-
 sidem vobis ex officio SISTO, ut meritissimum & dignissimum
 Eumq; impensè commendo, ut Eundem raris & præclaris observa-
 tionibus vestris, quod hæcenus gloriosè fecistis, honorare, & hoc
 ipso Academiam Nat. Cur. illustriorem reddere annitami: Cui
 per me liberum quoq; esto, alium Adjunctum, præ cæteris indu-
 strium & Philonorum pro lubitu & voto eligere, vel in vicinâ, vel
 in ipsâ urbe patria, quibus ambobus omnes hujus celeberrimi Re-
 giminis molestias masculè superandas vividum vitæ robur, ac
 Nestoreos simul annos, cum prosperrimâ valetudine animitus
 comprecor.

Vivite & valete omnes ac singuli Nat. Curios, cum Florentis-
 simâ vestra Academiâ. Svinfurti dabam ipsis Idibus Decembris,
 Anno M DC XXCVI.

(L.S.)

Electus sic novus Præses, de splendore & incremento Academiae magis magisque promovendo sollicitus, nihil eorum, sine ullo privati commodi studio, intermisit, quæ aliquid conferre posse, ac toti Ordini grata atque salutaria fore judicabat: singula autem hîc enumerare vel ideo supersedeo cum plurimos Dnn. Collegarum latere ea nequeant, multa quæ recensendo plura tamen intacta relinquere paginarum hæc angustia me cogeret. Illud tamen unicum si attingere negligerem, ingrati animi maculam Collegio nostro ne adfricarem, mihi esset verendum; quanto scilicet ardore & quam felici successu Mecœnatum favorem & patrociniû conciliare nobis laboraverit, quos inter inprimis *Illustrissimum & Generosissimum Dn. Sebastianum Lib. Baron. à Blumberg &c.* veneramur, quem pro dignitate laudare cum haud liceat, AUGUSTO tamen nostro esse charum, Aulæ gratum, Musarum delictum, Naturæ Curiosorum Parentem, dixisse addeceret. Taceo jam alios Augustissimæ Aulæ Imperatoriæ Magnates nobis benignos, submisso quæ cultu semper devenerandos. Quod si Æsculapios Cæsareos pro dignitate memorare deberem, in longum nimis excresceret hæc relatio: Nunquam sanè memoriâ nostrâ excidet insignis benevolentia *Illustrissimi & Generosissimi Dn. Nicolai Guilielmi à Beckers, Regni Hungariae & S. R. I. Equitis ac Lib. Baron. de & in Wallhorn &c.* cujus merita nunquam satis æstimanda comitior nuper demum publicè commendavit calamus; nec minori in Academiae commodum gratiâ feruntur Magnif. & Illustr. Domini, *Dn. Fridericus Ferdinandus Illmerus à Wartenberg &c. & Dn. Joh. Ferdinandus Hertodt à Todensfeld &c.* ut non Patronorum tantum encomium mereantur, sed Collegarum etiam nomen haud respuant; quorum in adaugendo eruditæ curiositatis studio ardorem vel scripta eorum eruditissima præclare ostendunt. Qua mente etiam *Illustr. D. Paulum à Sorbait &c.* nominatum volumus. Hisce itaque, totidem Diis quasi Tutelaribus stipatus novus noster Dn. Præses, ad sacros adrepere Maximi Jo-

vis Austriaci pedes ausus est, eumque à Gloriosissimo IMPE-
 RATORE Clementiæ cumulum, quem sperare vix licuisset,
 aut exorare ipse conatus fuisset, felicissimè, tum æternam in
 Academia laudem, tum ejusdem consortium ambientium
 stimulum, impetravit, amplissimo Diplomate in membranâ
 elegantissimè scripto, Anno elapso M DC LXXXVII. die 7.
 Mens. August. Sacratissimæ Manus Cæsareæ subscriptione, Ma-
 jorisque Sigilli appensione confirmatum; quo nempe in Pro-
 tectionem Tutelamque Imperialem Collegium, Sacro CÆ-
 SAREÆ MAJESTATIS nomine insuper dotatum, suscipi-
 tur, præclara ei Insignia conceduntur, Præses & Ephemeridum
 Director in officiis confirmantur, inque eos, ut Academicis
 in negotiis expediendis occupatiores, dignitas Archiatrorum
 Cæsareorum, Nobilium, & Comitum Palatinorum, in eorum
 quoque Successores, quò cæteri Domini Collegæ, ad præclare
 inceptam naturæ penetralium pervestigationem strenuè con-
 tinuandam, aut etiam alacriter subeundam, hoc ipso invita-
 rentur, hæreditario quasi jure semper propaganda, deriva-
 tur, atque tandem Privilegium impressorium perpetuum, ad
 refrenandam Typographorum quorundam & Bibliopolarum
 effrenam audaciam, Scripta Academica contra Authorum con-
 sensum prelo denuo submissuram, confertur.

Scilicet inter ardua, quæ à Divis Prædecessoribus suis Ro-
 manorum Imperatoribus in Potentissimum atque Invidiissi-
 mum CÆSAREM, LEOPOLDUM, unâ cum Imperiali
 Majestate (loquor autem ipsismet ferè, mox in Diplomatis
 exordio conceptis verbis) derivata sunt munera, illud penè
 amplissimum esse SACRA CÆSAREA MAJESTAS repu-
 tavit, quod, præter ea, quæ ad Reipubl. Romanæ benè admi-
 nistrandæ gubernaculum spectant, id inprimis omni sollici-
 tudine studioque curandum veniat, ut perspicua hominum
 ingenia, animique divino quasi impetu ad sublimia Scientia-
 rum Artiumque liberalium studia concitati, tum præmiis de-
 bitis & honoribus, tum certis etiam immunitatibus, indultis

ac prærogativis alantur, sed ferventiores etiam ardentiores-
 que reddantur, adeoque universi Imperii Romani, ac potissi-
 mum Germanicæ Nationis, seminaria, ad æmula cæterarum
 Gentium, ac tot retrò seculorum exempla, in omni doctrina-
 rum, literarum & facultatum genere magis magisque illustren-
 tur. Hinc jam tum ab eo, quo SACRA CÆSAREA MA-
 JESTAS Thronum Imperialem conscendit, tempore, hære-
 ditariâ quasi sollicitudine non modò diversas in Imperio Aca-
 demias, sed inprimis etiam Inclytam nostram Naturæ Curio-
 forum Societatem, laudatissimâ quondam Joannis Laurentii
 Bauschii, Archiatri Swinfurtensis, Viri doctissimi, operâ ac
 industriâ, Anno millesimo, sexcentesimo, quinquagesimo
 secundo, è primis exstructam fundamentis, ac porrò ex eru-
 ditissimis in Orbe Germano Medicis, sub auspicio Cæsareo,
 insigni Joh. Michaëlis Fehrii, Archiatri itidem & Prætoris Swin-
 furtensis dexteritate magis coalitam, saluberrimis quibusdam
 Statutorum invicem initorum Legibus decennio abhinc pro-
 bè communivit atque instauravit, ut in eum tandem, qui
 Gratiis uberioribus, præstantioribusq; prærogativis se dignum
 reddiderit, Virorum eruditissimorum & excellentium nume-
 rum excreverit.

Præfatis itaque superiùs velut æquis dignisque precibus
 perlubenter uti annuit Augustissimus IMPERATOR, ita Leo-
 poldinum hoc Naturæ Curiosorum Collegium in Protec-
 tionem Tutelamque suam Imperialem susceptum amplioribus
 & eminentioribus honoribus & prærogativis communien-
 dum censuit, ac inprimis quidem benignè consideratis & per-
 pensis laboribus & curis, quas *Præses hodiernus*, D. Johannes
Georgius Volckamerus, S. Imp. Civitatis Norimbergensis Phy-
 sicus primarius & Collegii Medici Senior *Helianthus I.* dictus,
 & *Lucas Schröckius*, Junior, S. Imp. Civitatis Augustanæ Phy-
 sicus, & dictæ Academiae Eph. Director, *Celsus* nominatus, in
 ejusdem ornamentum, commodum & incrementum, editis
 annuatim Ephemeridibus, toti Orbi literario impenderunt,
 ulte-

ulteriusq; omni, qua poterunt, diligentia, dexteritate, sagacitate, studio & solertia continuare possunt, volunt, debent, ac pollicentur, ex certa scientia, animoq; benè deliberato, & Cæsareæ Potestatis plenitudine, non modò nominatos *Præsidem Volkamerum*, & *Directorem Schröckium*, sed illos etiam, qui post horum obitum (quippe dum vixerint, iisdem illos, Successoresq; illorum fungi MAJESTAS SUA CÆSAREA voluit officiis,) justis vocis ad ejusdem Præsidium & Directoriatum debitè legitimèq; electi fuerint, in muneribus istis clementer confirmavit, hanc illis etiam benignè concedens & elargiens potestatem & auctoritatem, ut, qui se Collegio huic Leopoldino-Imperiali, prærogativisq; ejus dignos redditori, singularia luculentaq; sagacissimæ Naturam investigandi scientiæ specimina edere voluerint, diligenter probèq; consideratis eorum meritis, eruditione ac honestate, in Cætum hunc doctissimum nobilemq; cooptare, ac proinde agnomine quodam, genii & ingenii symbolico, denotare, & insignire queant ac debeant.

Ut autem Collegium hoc Nostrum Leopoldino-Cæsareum (sic ipsa verba Diplomatis se habent,) etiam externo quodam clementiæ gratiaq; Nostræ Imperialis signo in oculos hominum effulgeat, auctoritate Nostrâ prædictâ eidem Insignia subsequētia concedimus & elargimur. Scutum videlicet cœruleum annulo aureo occupatum, quem bini sinuatim ambient serpentes caudis inferiis consertis, rostris autem librum apertum sustinentes, cujus paginae dexteræ hæc verba auro inscripta videantur: Nunquam otiosus, ex folii verò sinistri angulo inferiori dextro oculus Solis radios ex sinistro angulo superiore evibratos pronus intueatur, Scuto Corona incumbat aurea unionibus corusca, à binis Aquila volaturientis instar

instar alas explicantis unguis sustentata. Scutum integrum hæc ambient verba: Cæsareo-Leopoldina Naturæ Curiosorum Academia; signa quippe & indicia publica, quibus ostendatur non solum artem & scientiam Physico-Medicam, unde tot tamq̃ uberes in universum genus humanum promanent, ac deriventur fructus, nullo non honoris ac dignitatis præmio esse donandam, sed iis etiam, qui scientiæ huic animum applicare desiderent, atq̃ ad Academiæ hujus penetralia adspirent, id quam maximè incumbere, ut, quod perpetui annuli gyrys indigitet, libro semper aperto, indefessâq̃ nunquamq̃ interruptâ studii perseverantiâ, scientiæ huic scientiarum penè maximæ navent operam abditamq̃ rerum humanarum, cæterarumq̃ huc pertinentium naturam fixo, ac indefatigato quasi mentis oculo velut ardentes Solis radios perstringant, sagacissimè indagent, & nunquam otiosi, perscrutentur, quodq̃ fructuosi detexerint, circumspiciant velut serpentum prudentiâ probè ponderatum in humani generis solatium effundant, dignosq̃ se reddant, qui ab Alitum præstantissimo ceu Majestatis Imperialis Ministro honoris & gloriæ margaritis & unionibus coronentur; Volumus itaque, firmiterq̃ statuimus, quod Academia illa Nostra Leopoldino-Imperialis Naturæ Curiosorum jam descripta Insignia ex hoc in perpetuum posthac tempus in omnibus & singulis actibus & occasionibus habere, gestare, eisdemq̃ uti & frui possit & valeat; ac proinde quod Academia hæc per eos etiam, qui illi præsunt, eò reddatur illustrior, ejusdem
Præfidi

Præsidi Volckamero, & Directori Schröckio, eorumq;
in officiis Successoribus hanc insuper gratiam concedimus
& impertimur, quod & ipsi hæc eadem ante descripta
insignia ab armorum sibi agnatorum dextera in omnibus
& singulis honestis ac decentibus adibus, exercitiis, atq;
expeditionibus tam seriò quàm joco, in tentoriis, cœno-
taphiis, sepulchris, monumentis, cleinodiis, annulis,
monilibus, sigillis, ædificiis, parietibus, fenestris, ostiis,
lacunaribus, tapetibus ac suppellectilibus quibuscunq;
tam in rebus spiritualibus, temporalibus & mixtis, in
locis deniq; omnibus pro rei necessitate & voluntatis
eorum arbitrio liberè & absq; impedimento vel contra-
dictione habere, gestare ac deferre, iisdemq; tam priva-
ta, & propria sua, quàm sæpe dictæ Academiæ negotia,
Diplomata & expeditiones obsignare, munire & sigillare
possint ac valeant.

Neque in eo præcluditur Imperialis Nostræ munifi-
centiæ thesaurus, sed largiùs etiam diffundimus & re-
citæ sæpius Academiæ hujus Nostræ Leopoldino-Impe-
rialis Naturæ Curiosorum Præsidi & Directori, eorumq;
Successoribus hoc insuper in tot curarum & laborum
non ejusdem solùm Academiæ, sed totius etiam generis
humani causâ, exantlatorum compensationem relin-
quimus clementiæ, benevolentiaq; testimonium, atque
illos illorumq; in officiis hisce Successores omnes & sin-
gulos in Cæsareæ Majestatis Archiatros, & Personæ No-
stræ Imperialis Medicos benignè recipimus, & coopta-
mus, seriò volentes & statuentes, ut in Sacro Romano

c

Im-

Imperio, Regnisq; & Provinciis Nostris hereditariis, aliisq; locis quibuscunque, ab omnibus & singulis, nullo excepto, & cujuscunque sint conditionis, statûs & ordinis pro Archiatris, ac Personæ Nostræ Imperialis Medicis æstimentur, habeantur, reputentur, insigniantur, & nominentur, talesq; tam verbis, quàm scriptis, in feriis & ludicris, salutentur, honorentur, semetq; ipsos tales enuncient, & subscribant, atq; iisdem etiam privilegiis, prerogativis, libertatibus, immunitatibus & honoribus gaudeant, utantur & fruantur, quibus ceteri Nostræ Archiatri & Personæ nostræ Imperialis Medici gaudent, potiuntur, utuntur & fruuntur, omni tempore & loco, sine ullius impedimento & contradictione.

Quò autem Academiæ hujus Nostræ Leopoldino-Imperialis Naturæ Curiosorum splendor eò magis elucescat, sæpe fatos ejusdem Præsidentem Joannem Georgium Volckamerum, Helianthum dictum, & Directorem Lucam Schröckium, Celsum nominatum, omnesq; eorum in officiis Successores hac porro beneficentiæ & largitatis Cæsareæ insignimus notâ, atq; in numerum, consortium, statum, gradum & dignitatem Nostrorum & Sacri Imperii Regnorumq; ac Ditionum Nostrarum hereditariarum Nobilium assumimus, extollimus & aggregamus, adeoq; ab omnibus & singulis cujuscunque statûs, gradûs, ordinis, conditionis, dignitatis, aut præminentiae fuerint, pro veris Nobilibus haberi, nominari, reputariq; volumus; Decernentes ac firmiter statu-

tuentes, quod posthac ubique locorum ac gentium, præ-
 primis autem in illis Urbibus, Comitatibus ac locis, ubi
 degunt, in omnibus & singulis exercitiis, actibus, so-
 lennitatibus & studiis iisdem honoribus, præcedentiis,
 officiis, dignitatibus, Insignibus, privilegiis, immu-
 nitatibus, prærogativis, atq; libertatibus uti possint &
 valeant, quibus ceteri Nostri Sacri Imperii ac Regno-
 rum, Provinciarumq; Nostrarum hæreditariarum an-
 tiqui Nobiles quovis modo utuntur, fruuntur, potiun-
 tur & gaudent, absque omni impedimento & contra-
 dictione.

Ut etiam Collegium seu Academia hæc Nostra Leo-
 poldino-Imperialis Naturæ Curiosorum benignam No-
 stram in se propensionem magis magisque experiatur, ac
 habeat, quo non solum ii, quos gremio suo jam tum di-
 gnos receperit, sed ceteri etiam, qui aditum ad incly-
 tam hanc, quæ virtutis, quæ honoris palestram sibi pa-
 tulam cupiant, ad laudabiles rerum Physico-Medicarum
 inquisitiones, ac indefessos laborum conatus magis ma-
 gisque inflammentur, eoq; Collegium hoc in Sacro Romano
 Imperio ac in primis in Natione Germanica tantò facilius
 ac felicius in immensum crescat, perfectionisq; culmen
 tandem assequatur, Nos authoritate Nostrâ, ac plenitu-
 dine potestatis Nostræ Imperialis crebrò nominatis ejus
 Præsidi Joanni Georgio Volckamero, & Directori
 Luca Schröckio, eorumq; in Collegii hujus Præsidio &
 Directoriatu Successoribus, eo quo supra dictum, modo,
 legitime electis, Comitum Sacri Lateranensis Palatii

Aulaq. Nostræ Cæsareæ & Imperialis Consistorii contu-
limus, dedimus & elargiti sumus, prout tenore præsen-
tium clementer conferimus, damus & elargimur, eosq.
aliorum Comitum Palatinorum numero, cœtui & con-
sortio gratiosè aggregamus & adscribimus:

Decernentes & hoc nostro Edicto Cæsareo firmiter
statuentes, quod ex nunc imposterum omnibus & singu-
lis privilegiis, gratiis, juribus, Insignibus, prærogati-
vis, immunitatibus, honoribus, exemptionibus & liber-
tatibus uti, frui, potiri atque gaudere possitis & valea-
tis, quibus ceteri Lateranensis Palatii Comites hactenus
potiti sunt, seu quomodolibet potiuntur consuetudine,
vel de jure. Dantes & concedentes præfatis Præsidi
Joanni Georgio Volckamero, & Directori Lucæ Schrö-
ckio, eorumq. in Collegii hujus Præsidio & Directoriatu
Successoribus, amplam authoritatem & facultatem, quâ
possint & valeant, per totum Romanum Imperium, &
ubiq. terrarum facere & creare Notarios publicos, seu
Tabelliones & Judices ordinarios, ac universis perso-
nis, quæ fide dignæ atq. idoneæ fuerint (super quo con-
scientiam illorum oneramus) Notariatûs seu Tabellio-
natûs & Judicatûs ordinarii officium concedere ac da-
re, & eos & eorum quemlibet per pennam & calama-
rium prout moris est, de prædictis investire, dummodo
tamen ab ipsis Notariis publicis seu Tabellionibus, & Ju-
dicibus ordinariis per eos creandis & eorum quolibet
vice & nomine Nostro, & Sacri Romani Imperii, & pro
ipso Romano Imperio debitum fidelitatis recipiant cor-
porale

porale & proprium juramentum in hunc modum: Quod
 erunt Nobis & Sacro Romano Imperio & omnibus Suc-
 cessoribus Nostris Romanorum Imperatoribus & Regi-
 bus legitimè intransibus fideles, nec unquam erunt in
 Consilio, ubi Nostrum periculum tradetur, sed bonum
 & salutem Nostram defendent, & fideliter promove-
 bunt, damnaq; Nostra pro sua possibilitate vetabunt &
 avertent; præterea Instrumenta omnia tam publica,
 quàm privata, ultimas voluntates, Codicillos, testamen-
 ta, quæcunq; Judiciorum acta & omnia alia & singula,
 quæ illis & cuilibet illorum ex debito dictorum officiorum
 facienda occurrerint, vel scribenda, justè, purè & fide-
 liter, omni simulatione, falsitate, & dolo remotis, fa-
 cient, scribebunt, legent atq; dictabunt, non attendendo
 odium, pecuniam vel munera, aut alias passiones vel fa-
 vores: scripturas verò & actus, quos debebunt in pu-
 blicam formam redigere, in membranis mundis, non
 chartis abrasis aut papyreis secundum locorum consue-
 tudinem conscribent: causas Hospitalium & miserabi-
 lium personarum; nec non pontes & stratas publicas pro
 viribus promovebunt, sententiasq; & dicta testium, do-
 nec publicata fuerint & approbata, sub secreto fideliter
 retinebunt, ac omnia & singula alia rectè & justè fa-
 cient, quæ ad dicta officia quomodolibet pertinebunt de
 consuetudine vel de jure. Quodq; hujusmodi Notarii
 publici seu Tabelliones & Judices ordinarii per vos
 creandi possint & valeant per totum Romanum Impe-
 rium & ubilibet locorum facere, scribere & publicare.

contractus, Judiciorum acta, Instrumenta & ultimas voluntates, decreta & auctoritatem interponere in quibuscumque contractibus requirentibus illa vel illam, ac omnia alia facere, publicare & exercere, quae ad officium publici Notarii seu Tabellionis & Judicis ordinarii pertinere & spectare noscuntur. Decernentes, ut omnibus Instrumentis & Scripturis per hujusmodi Tabelliones, Notarios & Judices ordinarios faciendis plena fides ubique adhibeatur in judicio & extra, constitutionibus, statutis & aliis in contrarium facientibus non obstantibus quibuscunque.

Præterea crebrius mentionatis Joanni Georgio Volckamero Praesidi, & Directori Lucae Schröckio, eorumque hac in Academia Nostra Leopoldina Imperiali Successoribus concedimus & elargimur plenam facultatem, quod possint & valeant naturales, bastardos, spurios, nothos, incestuosos copulativè & disjunctivè, & quoscunque alios ex illicito & damnato coitu procreatos & procreandos masculos & foeminas, cujuscunque status, gradus, ordinis & præminentiae existant, etiamsi infantes fuerint, praesentes vel absentes, existentibus vel non-existentibus aliis filiis legitimis, eis etiam aliter non requisitis, viventibus vel etiam mortuis eorum parentibus (Illustrium tamen Principum, Comitum & Baronum filiis duntaxat exceptis) legitimare, ac eos & eorum quemlibet ad omnia & singula jura legitima restituere & reducere, omnemque genituræ maculam penitus abolere, ipsos restituendo & habilitando ad omnia & singula

gula jura successionum & hereditatum bonorum paternorum & maternorum, tam communia & feudalicia ac emphyteutica, quam locorum quorumcunque specialia, etiam si de filiis tantum legitime, & de legitimo matrimonio natis loquerentur, nec non ab intestato agnatorum & cognatorum, & ad honores, feuda, Dominia, Vassallagia, dignitates & singulos actus legitimos tam ex contractu, ultimâ voluntate, quam alio quocunque modo, ac si essent de legitimo matrimonio procreati, objectione prolis illegitimæ penitus cessante; Et quod ipsorum legitimatio, ut supra facta, pro legitime facta maxime teneatur & habeatur, ac si cum omnibus juris solennitatibus, quarum defectus specialiter auctoritate Imperiali suppleri volumus & intendimus, facta foret; dummodo tamen legitimaciones hujusmodi per creberrime allegatos Præsidentem Joannem Georgium Volckamerum & Directorem Lucam Schröckium, aut eorum, in hac Academia Successores faciendæ non præjudicent, filiis heredibus legitimis & naturalibus; Qui quidem legitimandi, postquam per modo memoratos Præsidentem & Directorem, nec non Successores illorum, ut supra legitimati fuerint, sint & esse debeant, censeantur ac nominentur ubiq; locorum tanquam legitimi & legitime nati de domo, familia & agnatione parentum suorum, ac arma & Insignia eorum portare, etiam integra absque ulla ruptura, ac deferre possint & valeant, admittanturq; ad omnes actus legitimos, officia, jura, honores & dignitates tam Ecclesiasticas quam seculares uti verè legi-

*legitimi: quin etiam efficiantur Nobiles, si parentes
 ipsorum Nobiles fuerint, possintq; & debeant omnibus
 actibus publicis & privatis, officiis, juribus, honoribus
 & dignitatibus uti, frui & gaudere, quibus verè legi-
 timi in iudicio & extra utuntur, fruuntur & gaudent;
 non obstantibus aliquibus legibus, quibus cavetur, quod
 Naturales, Bastardi, Spurii, Manseres, Nothi, ince-
 stuosi copulativè vel disjunctivè, vel alii quicunque ex
 illicito & damnato concubitu procreati vel procreandi
 non possint nec debeant legitimari, liberis naturalibus
 & legitimis existentibus vel sine consensu & voluntate
 filiorum naturalium aut agnatorum aut feudi Domino-
 rum, & specialiter in authentica: quib. mod. nat. effic.
 sui per tot. & §. naturales, si de feud. fuerit cont. int.
 Dom. & agn. & l. jubemus Cod. de emancipat. liberor.
 & aliis similibus, quibus legibus & cuilibet ipsarum vo-
 lumus expresse, & ex certa Nostra scientia derogari,
 & etiam non obstantibus in præfatis aliquibus contra-
 hentium dispositionibus, & testatorum ultimis volun-
 tatibus, aut legibus aliis & locorum statutis ac consue-
 tudinibus, etiamsi tales forent, de quibus specialis hic
 fieri mentio deberet, quibus obstantibus & obstare va-
 lentibus in hoc duntaxat casu, ex certa scientia, & de
 Cæsareæ Nostræ potestatis plenitudine totaliter deroga-
 mus, & derogatum esse volumus per præsentis. Simi-
 liter eadem authoritate & scientiâ adductis sæpissimè
 Præsidi & Directori, eorumq; Successoribus damus &
 concedimus amplam potestatem & facultatem, quâ pos-
 sint*

sint & valeant Tutores & Curatores dare, constituere,
& confirmare, ipsosq; causis legitimis subsistentibus amo-
vere: Nec non filios adoptare & arrogare, ac eos ad-
optatos & arrogatos facere, constituere & ordinare:
Insuper filios adoptivos & adoptandos in quacunq; eta-
te constitutos emancipare atq; patriâ potestate liberare,
& adoptionibus, arrogationibus, & emancipationibus
quibuscunque omnium & singulorum etiam infantium
& adolescentium consentire: Veniam ætatis supplican-
tibus concedere, auctoritatem & decretum omnibus in-
terponere, servos manumittendi, manumissionibus cum
vel sine vindicta, & minorum alienationibus, & alimen-
torum transactionibus auctoritatem pariter & decre-
tum interponere, Minores quoq; Ecclesias, & commu-
nitates læsas, alterâ parte ad id prius vocatâ, in inte-
grum restituere, & integram restitutionem eis, aut al-
teri earum concedere: cum infamibus tam juris quàm
facti, aut aliter quomodocunq; copulativè & disjunctivè
dispensare, ac eos ad famam restituere, abstergendo ab
eis omnem infamiae notam tam irrogatam quàm irrogan-
dam, ita quod de cætero ad omnes actus legitimos apti &
idonei habeantur & promoveri possint, juris tamen or-
dine semper servato.

Præterea motu, consiliò, scientiâ & auctoritate;
preliminatis jam toties Præsidi Joanni Georgio Vol-
kamero, & Directori Lucæ Schröckio, eorumq; in
Nostra Academia Leopoldina Successoribus damus &
concedimus amplam & liberam potestatem ac faculta-
tem,

tem, quâ possint & valeant honestis personis Insignia seu arma concedere & elargiri idonea & convenientia qualitati personæ, quod ex vestro iudicio, & arbitrio dependere volumus, dummodo in huiusmodi concessione armorum caveant, ne alicui integram Aquilam, maximè Imperialem, aut coronam Regiam in galea, aut galeam Torneariam apertam vel cancellatam (quas nimirum gratias Nobis ipsis reservamus) concedant, aut avita quorumvis Principum, Comitum, Baronum & Procerum arma vel Insignia præcisè elargiantur: Qui quidem sic per ipsos armis decorati huiusmodi arma & Insignia per eos concessa ubiq; locorum & terrarum, in omnibus & singulis honestis & decentibus actibus & expeditionibus, bellis, duellis, singularibus certaminibus & quibuscunque pugnis, vexillis, tentoriis, annulis, signetis, sigillis, monumentis, sepulchris & universis suppellectilibus pro eorum arbitrio & voluntate deferre & gestare, omnibusq; & singulis privilegiis, iuribus, honoribus, dignitatibus, officiis, gratiis & indultis uti, frui & gaudere possint & valeant, quibus ceteri à Prædecessoribus Nostri Romanorum Imperatoribus & Regibus, & Nobis ipsis Insignibus decorati utuntur & fruuntur, & ad ea admitti, ad quæ illi admittuntur consuetudine vel de jure.

Indulgemus quoque præmoratæ sæpius Academia Nostræ Leopoldino-Imperialis Præsidi Joanni Georgio Volckamero, & Directori Lucæ Schröckio, eorumq; in muniis Successoribus scientiâ, motu & authoritate, quibus

quibus supra, ut possint & valeant Doctores tam in Medicina & Philosophia, quam utroque Jure, nec non Licentiatos in dictis facultatibus, Magistros, Baccalaureos, atque Poetas Laureatos creare, promovere, ordinare, constituere & facere, adhibitis tamen in cujuslibet Doctoris vel Licentiatii creatione Doctoribus eximii de professione creandi ad minimum tribus, qui doctorandum vel licentiantum examini subjiciant, cui, quem idoneum invenerint, sufficientemq; comprobaverint, Illi auctoritatem interponendo, Doctoratus, Licentia, Magisterii, Baccalaureatus & Laurea Poëtica Insignia, ut moris est, conferent. Qui quidem Doctoratus, Licentia, Magisterii, Baccalaureatus & Laurea Poëtica titulo & Insignibus ab illis donati, liberè possint & valeant in omnibus Civitatibus, terris, ac locis Sacri Romani Imperii, & ubilibet terrarum omnes actus Doctorales, legendi, docendi, interpretandi, cathedram ascendendi & glossandi, de jure disputandi, consulendi, advocandi, & ceteros actus Doctorales vel Licentia, nec non Magisterii & Baccalaureatus, atque Laurea Poëtica facere & exercere, omnibusq; & singulis gaudere & uti privilegiis, prerogativis, exemptionibus, libertatibus, concessionibus, honoribus, praerogativis, favoribus, indultis & gratiis, ac aliis quibuscunque, quibus ceteri, nec non Magistri, Baccalaurei & Poeta Laureati, qui in Gymnasio Parisiensi, Bononiensi, Patavino, Perusensi, Pisano, Senensi, Vienneensi, Ingolstadiensi, & quolibet alio publico & privilegiato.

legiato Gymnasio promoti, vel etiam à Nobis, & Divis
 Prædecessoribus Nostriſ Romanorum Imperatoribus ac
 Regibus inſigniti, ſeu aliter quocunque modo talia In-
 ſignia acceperint, gaudent, utuntur & fruuntur, quo-
 modolibet conſuetudine vel de jure; non obſtantibus in
 præſatis omnibus quibuſcunque legibus, Canonibus, con-
 ſtitutionibus, Decretis, Reſcriptis, beneficiis, conſue-
 tudinibus, ordinationibus, reformationibus, privile-
 giis, exemptionibus, gratiis, & prærogativis quocunque
 nomine cenſeantur, & cujuſcunque tenoris & muni-
 tionis exiſtant, tam factis quàm faciendis per Nos vel
 Prædeceſſores Nostros, aut per quoscunque Principes,
 Duces, Marchiones, Comites, Univerſitates, Civita-
 tes, Communitates, vel alias cujuſcunque generis vel
 conditionis, ſub quibuſcunque clauſulis & verborum ex-
 preſſionibus, etiamſi talia eſſent, de quibus de verbo ad
 verbum neceſſe eſſet hîc fieri mentionem ſpecialem in con-
 trarium facientibus.

Ne tandem Nobili huic Academiæ quidquam deeſſet,
 quo doctrinæ ſcientiæque documenta tum in publicum Rei-
 publicæ commodum, tum in ſui ipſiusmet ornamentum li-
 berè poſſet evulgare, hoc inſuper addendum *Maximus*
LEOPOLDUS voluit Imperialis ſuæ gratiæ monumen-
 tum, ut quotquot in eandem cooptati Miſcellanea curioſa,
 ſive Ephemerides, aut alias lucubrationes librosve ſeparatim
 edere voluerint, ſub Præſidis ac Directoris ſui authoritate &
 cenſura, ſecundùm Imperii jura, bonorumque morum leges
 inſtituenda, typo mandare poſſint & valeant, quos nemo,
 quiquis ille fuerit, citra illius, qui librum opusve aliquod
 com-

composuerit, veniam & permissionem imitari, nedum di-
vendere ausit. Sed cum Privilegium hoc impressorium An-
no demum elapso amplius nobis concedere SACRA CÆ-
SAREA MAJESTAS clementissimè annuerit, ejusdem te-
norem propriis verbis, quantum hîc requiritur, huc adpone-
re omnibusq; notum facere libuit:

LEOPOLDUS Divinâ favente clemen-
tiâ electus Romanorum Imperator semper
Augustus, ac Germaniæ, Hungariæ, Bohe-
miæ, Dalmatiæ, Croatiæ, Sclavoniæ &c. Rex,
Archidux Austriæ, Dux Burgundiæ, Sty-
riæ, Carinthiæ, Carniolæ & Wirtembergæ,
Comes Tyrolis &c. &c. *Agroscimus* & notum
facimus tenore præsentium universis, quod, cum Nos
anno superiore millesimo, sexcentesimo, octuagesimo se-
ptimo Academiam Nostram Imperialem Leopoldinam,
Naturæ Curiosorum Privilegio Nostro Cæsareo suas Ephe-
merides &c. imprimendi muniverimus, Nobis ejusdem
Præses & Director rursus humilimè exposuerint &c.
Nos submissæ illorum petitioni clementer annuerimus,
prout per præsentem ex certa scientia annuimus &c. ac
proinde authoritate Nostrâ Cæsareâ omnibus & singu-
lis Typographis, Bibliopolis aliisque quibuscunque libra-
riam negotiationem exercentibus firmiter inhibemus &
vetamus, ne quis unquam Ephemerides aut libros ab
Academia hujus Nostræ Leopoldino-Cæsareæ Collegis &
membris compositos & editos aut edendos intra Sacri

Romani Imperii, Regnorumq; & Provinciarum nostrarum hereditariarum fines simili aut alio quovis modo, typo aut formâ, sive in toto sive in parte typis dare, recudere, vel alii recudendos dare, alibi impressos apportare, vendere vel distrahere clam vel palam absque hujus Academiae Nostrae Leopoldino-Cesareae Praesidis & Directoris consensu & licentia praesumat: si quis autem privilegium hoc nostrum violare ausus fuerit, eum non modo ejusmodi libris, perperam quippe recusis & adauctis, dictae Academiae Nostrae, auxilio Magistratus locorum, ubi reperientur, vindicandis privari, sed & decem Marcarum auri puri multam, Aërario sive Fisco Nostro Caesareo, atque injuriam passo ex aequo pendendam dare damnatus esto, dummodo tamen nihil in Ephemeridibus ac operibus ejusmodi contra Sacri Romani Imperii constitutiones aut bonos mores contineatur, & praeter quatuor ordinaria cujusque libri exemplaria, etiam alia duo, juxta propriam oblationem, scilicet unum Cancellariae Nostrae Imperiali aulicae latinae & alterum germanicae, impofterum exhibeantur. Mandamus itaque universis & singulis Nostris & Sacri Imperii Regnorumq; ac Dominiorum Nostrorum hereditariorum subditis & fidelibus dilectis tam Ecclesiasticis quam secularibus cujuscunque status, gradus, dignitatis aut ordinis extiterint, praesertim verò iis, qui in Magistratu constituti, vel suo vel superiorum suorum loco aut nomine jus dicunt, justitiamve administrant, ne quenquam hoc Privilegium Nostrum Caesareum impunè

punè violare, spernere aut transgredi patiantur, sed si quos contumaces compererint, constitutâ à Nobis pœnâ eos puniri & quibuscunque modis cœreri curent, nî & ipsimet gravissimam Nostram indignationem in se lacescere ac provocare prædictamq; pœnam incurrere velint. Harum testimonio literarum manu Nostrâ subscriptarum & Sigilli Nostri Cæsarei appensione munitarum, quæ dabantur in Civitate Nostra, Vienna, die tertiâ mensis Julii, anno millesimo, sexcentesimo, octuagesimo octavo, Regnorum Nostrorum Romani trigesimo, Hungarici trigesimo quarto, Bohemici trigesimo secundo.

Leopoldus.

(L.S.)

V. Leopoldus Guilielmus
Comes in Kinigsegg.

*Ad Mandatum Sacrae Cæs.
Majestatis proprium*

F. W. Bertrand.

Tandem Diplomati, ut ad primum illud revertar, postquam *Augustissimus Imperator* Cæsarcâ suâ auctoritate, omnibus & singulis, in quantum huic confirmationi, concessioni, creationi & indulto obstarent, vel obstare possent, per Literas istas derogare & derogandum esse voluit, semper tamen salvis & illæsis Cæsareis, & Sacri Imperii, ac aliorum quorumcunq; Juribus, hæc verba pondus adjiciunt:

Quapropter mandamus ac precipimus universis & singulis Electoribus ac Principibus tam Ecclesiasticis, quam

quàm Secularibus, Archiepiscopis, Episcopis, Ducibus, Marchionibus, Comitibus, Baronibus, Militibus, Nobilibus, Clientibus, Capitaneis, Vicedominis, Locumtenentibus, Gubernatoribus, Præsidentibus, Præfæctis, Castellanis, Rectoribus, Magistratibus, Antianis, Vexilliferis, Potestatibus, Civium Magistris, Consulibus, ac omnibus denique Nostris & Sacri Romani Imperii subditis ac fidelibus dilectis, cujuscunque statûs, gradûs, ordinis, conditionis ac præeminentiæ extiterint, ut præfatam Nobilem Academiam Nostram Leopoldino-Imperialem suprà dicto Palatinatûs titulo & privilegio, omnibusque gratiis & favoribus in hoc Nostro Diplomate Ipsi concessis, liberè, quietè & absque ullo impedimento uti, frui, potiri & gaudere sinant, adeoque ipsam in iis omnibus ac singulis defendant, conservent & manteneant, & alios, ne quid in contrarium attentent, vel moliantur, pro viribus impediant & prohibeant, in quantum indignationem Nostram & Sacri Imperii gravissimam & librorum omnium perperam impressorum, nec non poenam quinquaginta marcarum auri puri, pro dimidio Fisci, seu Ærario Nostro Imperiali, & pro reliqua parte injuriam passo, toties, quoties contra hanc Nostræ Confirmationis, Concessionis, Creationis & Indulti paginam factum fuerit, irremissibiliter solvendam incurrere noluerint. Harum testimonio literarum manu Nostrâ subscriptarum & Sigilli Nostri Cæsarei appensione munitarum; Quæ dabantur in Civitate Nostra Vienna, die septimâ mensis Augusti, anno mille-

millesimo, sexcentesimo, octuagesimo septimo, Regnorum
Nostrorum, Romani trigesimo, Hungarici trigesimo ter-
tio, Bohemici verò trigesimo primo.

Leopoldus.

Vt. Leopoldus Guilielmus
Comes in Kinigsegg.

*Ad Mandatum Sacrae Caesarea
Majestatis proprium.*

Collat. & regist.
F. W. Bertrand.

F. W. Bertrand.

Temerarius jam essem, si in tantam Gratiae ubertatem,
quæ *Summa in Orbe MAJESTATI* Academiam no-
stram clementissimè exornare ac penè obruere placuit, con-
dignis laudibus, quas nec mente satis concipere licet, excur-
rere, aut votivas devotissimæ gratitudinis suspendere tabulas
præsumerem; quin mihi verendum, ne, si plurima speciosè
fortè dixerim, nec principium quidem dicendi fecisse, me-
ritò æstimari deberem. Tacitâ itaque veneratione submis-
simè Eam admirari, atque ingrati ac indigni omninò ne vi-
deamur, studiis indefessis demereri juvabit. Nunquam otio-
sos nos esse jubet vel ipsa Ordinis nostri tessera, quam violare
culpâ haud caret; Eò ardentiori ergò conatu Naturæ thesau-
ros eruere pergamus, quò ampliora nos hîc exspectant præ-
mia. Quorum securâ possessione dignum se reddere quili-
bet valet, & nemini non ad ea curiosâ eruditione adspirare
conceditur; quin singuli tandem meruisse illa, post fata etiam
dici merebuntur.

Neque omnes Cæsareæ Munificentiae thesauros hîc esse
exhaustos credamus, quæ benignissimi Solis adinstar, novo
in-

indies Imperium gratiæ lumine irradians, Naturæ etiam Curiosos sperare jubet, quæ salutare eorum institutum perennare faciant, atq; illustrare & amplificare valeant.

Impudentem nemo æquus spei meæ censor fiduciam, hanc, spero, proclamabit, si tam ampla Clementiæ Augustæ, tanto in armorum strepitu, quo immanissimum Christianorum hostem *Invidissimi CÆSARIS* fortitudo, *Consiliò & Industriâ* obvallata, perfundabat, facta nobis est occasio; quid non, omne, cristia quævis quod hactenus minabatur & miserè quosdam agitabat, periculum ubi evanuerit, & debellatâ penitus, Cœlò propitio, superborum hostium perfidâ ferociâ, Pax lata Orbem denuò illustraverit, sperandum?

Quare *AUGUSTI Nostri* pro salute perpetua, cō ardentiora nuncupemus, & quæ publica passim fundit pietas, nos multiplicemus vota, ut diu lætus populo intersit Christiano, & Imperitantium Optimus, Victorumq; Maximus, famâ & imperio, totum adimpleat Orbem.

Sed Academiæ nostræ licet tantoperè faveret immensa, *PHOEBI AUSTRIACI* Benignitas, immutabile tamen factorum imperium, amara miscens dulcibus, insigni eam vulnere, ut publicas taceam calamitates, quas impius Mars in, Germaniam immiserat, terrere vicissim haud cessaverat; dum meritis & canitie venerabilem *Febrium* in ipso senili otio nunquam otiosum, & prudentiâ atque consilio nostri commodi nunquam immemorem, mortalitate depositâ, ad meliorem secedere vitam jusserrat; cujus obitum Nobiliss. Dn. Præses, ut singulis Societati nostræ adscriptis membris innotesceret, hunc in modum intimandum duxit:

LEOPOLDINO-IMPERIALIS

ACADEMIÆ PRÆSES

JOH. GEORG. VOLCKAMER,

S. Cæs. Majest. Archiater ejusq; Personæ Imperialis Medicus, J. R. I. Nobilis; Aulæ Cæsareæ Palatiiq; Lateran. & Consistorii Imperialis Comes; Collegii Norimbergensis Medici Senior primarius & perpetuus.

L. S. D.

Virtus sine invidia marcescit! Rosam armant spina! Felicitatem bonorum petulci petunt malevolorum assultus! Sacratissimus IMPERATOR Noster LEOPOLDUS immanitatem Turca fregit & perfidiam, ferociam ejus compescuit, ac longe retro, cedere coëgit DEO duce, comite militis generosi virtute, qua foris arma eo feliciter movit, quo salubrius domi erat Consilium. Sed ecce, dum mala MAGNUS Ille TRIUMPHATOR ex Oriente propellit atq; invictior canit, ab Occidente longe graviora repullulascunt, qua Germaniam tranquillam, fœderi & Sacramento fidentem ac non tam securam quam justitia confisam instar torrentis rapidi inundant, & tantum non submergunt. Adeo cum Nasone exclamamus:

Nubila sunt subitis tempora nostra malis!

Nam

Qui venit, hic fluctus fluctus supereminet omnes
Posterior nono est, undecimoque prior.

*Verum & hic DEUS quasi ex machina PIO JUSTO IN-
CLUTO & INVICTO LEOPOLDO apparebit, ut Gemina
Aquila, Imperii Orientis & Occidentis indicium, geminum ho-
stem felicissime prosternat, & ex utroq; CÆSAR sit, dum ibi pro
Aris, heic pro Focis justissime pugnabit, nosq; sibi vindicabit &
asseret. Sed nec hac calamitas sola: quin publica illi adhuc
alia accedit ACADEMIÆ Nostra LEOPOLDINO-IMPE-
RIALI è gravissimo vulnere, quod nos ferit ex obitu Magnifici,
Amplissimi atq; Excellentissimi Dn. D. JOH. MICH. FEHRII,
Medici Cæsarei, & Archiatri Svinfurtensis, nec non Consulis
& Prætoris Imperialis, EX-PRÆSIDIS nostri honoratissimi;
quem DEUS ex hac miseriarum valle ad se recepit XV. Novembr.
CIO IOC XIIC.*

Nec profunt Domino, quæ profunt omnibus artes!

*In hoc tamen est, quod luctum refrenemus, quod Vir candi-
dissimi pectoris, canaq; fidei cultor præstantissimus, consilio meden-
diq; peritiâ vel maxime potens, tandem satur dierum (quippe ul-
tra LXXVIII. annos natus) ad Superos evolârit, famam orbi nostraq;
ACADEMIÆ, successionem & successu secundus Præses immorta-
lem, & quod Caput rei est, sui similem reliquerit Filium pater-
narum virtutum ex asse heredem, Virum Nobil. Excell. atq; Ex-
perientiss. Dn. JOH. LAUR. FEHRIUM; Med. D. ac in
Patria Physicum probatissimum, Academiæq; nostræ Collegam gra-
tissimum. Nos interim Manibus beatiss. BENE MERENTIS-
SIMI VIRI benè precemur, solatioq; summo in utraq; erit cala-
mitate nobis, quod AUGUSTISSIMUS CÆSAR nos clemen-
tissimè protegat, & sub alis Aquila benefica nos suis tueatur: Cu-
jus rei illustrissimum habemus testimonium, quando non ita pri-
dem Nostra Academia fecit suo de Nomine nomen, & LEOPOL-
DINO-CÆSAREAM vocavit, insuper Ejus PRÆSIDEM
ac DIRECTOREM Ephemeridum Curiosarum in Archiatros
suas, Persona Imperialis Medicos, S. R. I. Nobiles veros antiquosq;
Nobilibus aequales, nec non Aula Cæsareæ Sacriq; Palatii Latera-
nensis*

nensis ut & Consistorii Imperialis Comites longè gratiosissime re-
cepit, eademq; una omnes dignitates omnibus eorum legitimis
Successoribus perennes esse indulgentissime iussit. HUIC ergo
immortales gratiarum hecatombas pro nostro veterrimo verissi-
moq; amore Dnn. COLLEGÆ Honoratissimi, mactabimus, ac pro
Vita, Incolumitate SACRATISSIMI CAPITIS, & felicissimo
armorum Ejus successu contra quoscumq; hostes Divinum fati-
gabimus NUMEN precibus nostris; ut Divisum Imperium cum
Jove CÆSAR habeat; Potentissimusq; REX HUNGARIÆ JO-
SEPHUS, Orbis amor, & Generis humani delitia cum Divino
PARENTE

— Imperium Oceano, & famam terminet astris!

Adeoq;

Quisquis ades, castæq; colis penetralia Vestæ,
Gratæ, Austriacis rhuraque pone focis!

VOBIS vero, Viri celeberrimi & in Natura Sacris maxi-
moperè operosi, COLLEGÆ venerandi, hac significare debui vo-
lui, officio meo defungens, speq; fruens certa Vos omnia facturos,
qua in DEI gloriam, S. Cæs. Maj. obsequium devotissimum atque
continuum oblectationem, Natura Artisq; emolumentum insigne;
proximi salutem, vestrumq; decus concedere possunt. Agite,
Viri Sollertissimi, non condormiscamus, manum nunquam de ta-
bula subtrahamus. Τῆς ἡμετέρας πόλεως ὡς πόλις ἡδίωνη; judice De-
mocrito apud Stobæum! Quin cogitemus sacra nostra non esse
Opertanea, aut Eleusinia; immo verè publica alma Matris no-
stra qua forte ideo πολὺ μᾶλλον Poëtis fingebatur; ut omnibus
inferviret. Ego vero officio hoc meo defungar, quantum DEUS
& natura Septuagenario majori, & ad octuagenarium adscenden-
ti permittent; interim

— — — fungar vice cotis, acutum
Reddere quæ ferrum valet, exfors ipsa secandi.

Valete. PP. Norimbergæ XXIV. Decembr. A. clo Idc LXXXVIII.

Dum gratam Senis optimi memoriam ita colimus, & nulla temporis diuturnitas eum ex animo nostro delere valet, Vobis, amantissimis Dnn. Collegis, quos Divina Gratia superesse hucusque dedit, vitam longævam, fortunam propitiam, viresque vegetas optare justum est; ut Vestrae Virtutis memoria in ævum duratura vigeat; quam in vivisqueant admirari quotquot Apollini favent, inque beatè aliquando defunctis venerari pergat omnis posteritas!





CATALOGUS ALPHABETICUS

Excellentissimorum VIRORUM

Qui pro augendo Septimo hoc Secundæ Ephe-
meridum Physico-Medicarum Decuriæ Anno, Ob-
servationes communicârunt.

1. D. JOHANNES AVENIUS, *Medicus Colbergensis.*
2. D. JOH. CONRADUS BRUNNERUS, *Universitatis Hei-
delbergensis Prof. Publ. Academicus Curiosus.*
3. D. RUDOLPHUS JAC. CAMERARIUS, *in Acad. Tubing.
Prof. Publ. & horti Medici Inspector, Academicus Curiosus.*
4. D. THEODORUS CAROLI, *Physicus Leomontanus, Acade-
micus Curiosus.*
5. D. GABRIEL CLAUDERUS, *Archiater Electoralis & Duca-
lis Saxonicus, Acad. Cæs. Leop. Nat. Cur. Adjunctus.*
6. D. FRIDERICUS WILHELMUS CLAUDERUS, *Præcticus
Altenburg. Academicus Curiosus.*
7. D. ANDREAS CLEYERUS, *Ill. Societatis Batavo-Ind. Orient.
Proto-Medicus, Academicus Curiosus.*
8. D. DANIEL CRÜGERUS, *Archiater Elect. Brandenburg. &
Poliater Stargardiensis, Academicus Curiosus.*
9. D. JOH. DOLÆUS, *Consiliarius & Archiater Hasso-Cassella-
nus, Academicus Curiosus.*

10. D. GE.

10. D. GEORGIUS TOBIAS DÜRRIUS, *Sereniss. Electoris Palatini Consiliarius, Collegii Medici Augustani Vicarius, & Offinarum pharmaceuticarum Visitator, Academicus Curiosus.*
11. D. JOH. LAURENTIUS FEHRIUS, *Physicus Svinfurt. Acad. Cæs. Leop. Nat. Cur. Adjunctus.*
12. D. EBERHARDUS GOCKELIUS, *Archiater Würtembergico-Weiltingensis & Physicus Ord. Ulmensis, Academicus Curiosus.*
13. D. HERMANNUS NICOLAUS GRIMMIUS, *Poliater Auricensis Fris. Orient.*
14. D. JOH. BENEDICTUS GRÜNDELIUS, *Inclyt. Styriae Statuum Physicus, & Marburgi Practicus, Academicus Curiosus.*
15. D. EHRENFRIED HAGENDORNIUS, *Archiater Elect. Saxonicus, Medicus Görlicenf. Academicus Curiosus.*
16. D. GEORGIUS HANNÆUS, *Prof. Haffniensis in Dania, Academicus Curiosus.*
17. D. JOH. LUDOVICUS HANNEMANNUS, *P.P. Chiloniensis, Academicus Curiosus.*
18. D. PHILIPPUS JACOBUS HARTMANNUS, *Prof. Publ. Regiomontanus, Academicus Curiosus.*
19. D. GEORGIUS HEINTKE, *Physicus Windsheimensis.*
20. D. JOH. MAURITIUS HOFFMANNUS, *in Academia Altdorffina P.P. Acad. Cæs. Leop. Nat. Cur. Adjunctus.*
21. Dn. JAC. AUGUSTINUS HÜNERWOLFFIUS, *Med. Licent. & Physicus Arnstadiensis, Academicus Curiosus.*
22. D. EMANUEL KÖNIG, *Medicus Basileensis, Academicus Curiosus.*

23. Dn. HIERONYMUS AMBROSIUS LANGENMANTE-
LIUS, *Patritius & Canonicus Augustanus ad D. Mauritium*
& D. Petr. Academicus Curiosus.
24. D. ADAMUS à LEBENWALD, *Com. Pal. Caesar. Inclyt.*
Ducatus Styriae Consiliarius & Medicus, Acad. Cas. Leop. Nat.
Cur. Adjunctus.
25. D. SAMUEL LEDELIUS, *Medicus Provincialis Görlicensis,*
Academicus Curiosus.
26. Dn. SIGISMUNDUS LEDELIUS, *J. U. D. Advocatus jura-*
tus Ducatum Schvuidnicensis & Jauroviensis, Academicus
Curiosus.
27. Dn. ROSINUS LENTILIUS, *Med. Licent. Physicus Nordlin-*
gensis Ordinarius, Academicus Curiosus.
28. D. MICHAEL FRIDERICUS LOCHNERUS, *Physicus No-*
rimbergensis Ord. Academicus Curiosus.
29. D. JOHANNES CHRISTIANUS MACKIUS, *Medicus*
Electoralis Saxonicus Provincialis & Primarius Schneebergen-
sis, Academicus Curiosus.
30. Dn. JOHANNES MEJERUS, *Prof. Philosophiae in Gymnasio*
Ratisponensi.
31. D. CHRISTIANUS MENTZELIUS, *Serenissimi Electoris*
Brandenburgici Consiliarius & Archiater, Academicus Cu-
riosus.
32. D. JOHANNES de MURALTO, *Physicus Tigurinus, Acade-*
micus Curiosus.
33. D. CAROLUS JOSEPHUS MYLLERUS, *Physicus Ordin.*
Tugii Helvet. Academicus Curiosus.

34. D. JOH. CONRADUS PEYERUS, *Poliater Scaphusanus, Academicus Curiosus.*
35. D. MAXIMILIANUS PREUSSIUS, *Poliater & Inspector Nosocomii Vratislaviensis,*
36. D. SALOMON REISELIUS, *Sereniss. Duc. Württembergici Consiliarius & Archiater, Academicus Curiosus.*
37. D. PETRUS ROMMELIUS, *Physicus Ulmenfis.*
38. Dn. GEORGIUS EBERHARDUS RUMPHIUS, *Ill. Societatis Indiae Orient. in Insula Moluccarum Ambona apud Belgas Senator & Mercator emeritus, Academicus Curiosus.*
39. D. GÜNTHERUS CHRISTOPHORUS SCHELHAMMERUS, *Universitatis Helmstadiensis Prof. Publ. Academicus Curiosus.*
40. D. LUCAS SCHRÖCKIUS, *Luc. Fil. Medicus & Comes Palatinus Caesareus, S. R. I. Nobilis, Physicus Augustanus, Acad. Caesar. Leopoldinae Nat. Cur. Adjunctus, & Ephemeridum Director.*
41. D. CHRISTIANUS SCHUCHMANNUS, *Physicus Annabergensis.*
42. D. MICHAEL BERNHARDUS VALENTINI, *Prof. Publ. Giessensis, Academicus Curiosus.*
43. D. JOHANNES GEORGIUS VOLCKAMERUS, *Senior, Sacr. Caesareae Majestatis Archiater, & Sacr. Palat. Lateran. Comes, Rom. Imp. Nobilis, Collegii Medici Norimbergensis Senior Primarius, Academiae Caesar. Leop. Naturae Curiosorum Praeses.*

44. D. JOH. GEORGIUS VOLCKAMERUS, Junior, *Physicus Norimbergensis, Academicus Curiosus.*
45. D. JOHANNES JACOBUS WEPFERUS, *Archiatr Scaphusanus, Academicus Curiosus.*
46. D. JACOBUS WOLFFIUS, *Poliater Jenensis, Acad. Cas. Leop. Nat. Curios. Adjunctus.*
47. D. JOHANNES PAULUS WURFFBAINIUS, *Physicus Norimbergensis, Academiae Cas. Leop. Naturae Curiosorum Adjunctus.*



CATALOGUS OBSERVATIONUM

Decadis II. Ann. VII. Ephemeridum Nat. Cur.

D. CHRISTIANI MENTZELII.

1. De Nuce juglande ferrea, Ostrea ferrea, Pruno exsiccat lapideo, &
Rotula sclopetorum ferrea naturâ sic fabrefactâ. pag. 1
2. De Jaspide antinephritico. 4

D. GEORGII EBERHARDI RUMPHII.

3. De Ceraunia metallica. 5
4. De Nautilo velificante & remigante. 8

D. JOH. CHRISTIANI MACKII.

5. Salivatio diuturna cum metu gangrænæ. 9

D. SALOMONIS REISELII.

6. Hepatocele. 11
7. Cardialgia periodica vernalis. 12
8. Anus occlusa & glans imperforata. 13
9. Uteri tumor glandulosus adnatus externus. 15
10. Rupto utero foetus intra abdomen exclusus. 16
11. Conjecturae & conamina circa hernias. 18
12. Asthmatici pueri anatomia. 22
13. Sonitus in abdomine. 23
14. Exsanguis ferè corpus. 24
15. Fæces per umbilicum lethaliter exeuntes. 24

D. JOH. JACOBI WEPFERI.

16. Ventriculi tumor verminosus cum folliculo. 26

D. PHIL.

D. PHIL. JACOBI HARTMANNI.

17.	Anatome Caponis inediâ enecti.	pag. 36
18.	Carduelis fame peremptæ.	39
19.	Canis diarrhoeâ afflicta.	40
20.	Ovillorum uterorum Embryis intus sceletis.	42
21.	Ventriculorum tophis intus concretis.	47
22.	Renum & partium adjacentium non rectè se habentium.	48
23.	Vesicularum fellis & partium adjacentium non rectè se habentium.	54
24.	Glandiorum.	58
25.	Lienum.	60
26.	Porcellæ Hermaphroditæ creditæ.	61
27.	Vitulæ Hermaphroditæ.	62
28.	Ventriculorum intus latitantibus aciculis.	63
29.	Gallinæ Iliacæ.	64
30.	Scirrhorum.	67
31.	Uteri suilli foetibus disparis magnitudinis.	68
32.	Turturis pinguedine suffocati.	69
33.	Gruis pinguedine suffocata.	71
34.	Canis morbidi.	74
35.	Canis in partu mortuæ.	76
36.	Picæ Glandariæ Epilepsiâ enectæ.	77
37.	Fringillæ Epileptica.	78
38.	Gallinæ Herniosa.	79
39.	Vesicæ monstrosæ.	79
40.	Ventriculi Piscis Siluri, Welsß dicti.	80

D. SAMUELIS LEDELII.

41.	De Vomitu diuturno lethali.	83
42.	De Curiosis verè Curiosis.	84
43.	De Vagitu uterino infauſto.	86
44.	De Nausea carnis ob discissum Gallum oviparum.	88
45.	De Morte ob sanguinem è mammis exsuctum.	89
	f 3	46. De

46. De funesto tympanorum sonitu.	pag. 90
47. De Cauterio actuali mortem inducente.	91
48. De Utilitate fumi tabacini.	92
49. De Urinæ ardore immenso & diuturno.	93
50. De Calculo vesicæ lethali.	94
51. De Tumore linguæ insigni.	95

D. SIGISMUNDI LEDELII.

52. De diversis alvum sollicitantibus mediis.	96
53. De remediis Chymicis non omnibus promiscuè utilibus.	97

D. JOH. JACOBI WEPFERI.

54. Uteri procidentiae excisæ felix eventus.	98
--	----

D. THEODORI CAROLI.

55. De Fungis Quernis singularibus.	99
-------------------------------------	----

D. GEORGII TOBIÆ DÜRRII.

56. Tympanites & virtus Conservæ Spagiricæ.	102
57. Ascites in muliere septuagenaria.	105
58. Anasarca.	105
59. Tenesmus.	107
60. Calculus sine Lithotomo è vesica prodiens.	108
61. Icterus niger cum scabie sua.	108
62. Anus occlusus.	111

D. MICH. BERNHARDI VALENTINI.

63. Curiosa in Araneis observata.	112
64. Antipathia fabulosa inter vitem & brassicam.	113
65. Ex Ophthalmia phthisis.	114

D. EMANUELIS KÖNIGII.

66. De Vitrificatione Metallorum.	115
-----------------------------------	-----

D. JOH. LUDOVICI HANNEMANNI.

67. De foetus quasi emortui in vitam per suctionem restitutione.	125
68. De	

68. De Corona serpentum. pag. 129
69. Mira febris ardentis per frigidam cura. 130

D. ANDREÆ CLEYERI.

70. De Plantis Japonensibus Isnoaky, Germ. Eiserholz & Tzumacky. 132
71. De Plantis Japonensibus Cumi Gummi & Miaco Bana. 133
72. De Plantis Japonensibus Kyrama & Fickofax. 134
73. De Plantis Japonensibus Nisum Schin'Srogat, Maminoky & Feggo. 135

D. ADAMI à LEHENWALDT.

74. Vomitus diuturni cura. 136
75. Morbillorum cura. 137
76. Dysenteriae cura. 137

D. DANIELIS CRÜGER.

77. De fonte Polcineni miraculoso. 138
78. De Epilepsia. 140

D. JOHANNIS AVENII.

79. De Termitibus per urinam excretis, item de spina & acicula ventriculi perforantibus. 143

Dn. JACOBI AUGUSTINI HÄNERWOLFFII.

80. De Cephalgia, corrosivo formicarum liquore curata. 144
81. De Versicolore & exulcerata cute à mensibus retentis. 145
82. De Gelatina Sabinæ. 146
83. De Mole corporis à mola & hydropo notabili. 146
84. De Euporisto in Hydrope. 147
85. De Pudendo suillo contra urinæ incontinentiam. 148
86. De Diabete lethali ab usu cantharidum externo. 149
87. De Curatione Dysenteriae desperatae. 149

88. De Calculo Clavato.	pag. 150
89. De Cerebro apri antipodagrigo.	151
90. De Noxa puerperarum à secundinis temerè abjectis.	152
91. De Maleficiis suffitu curatis.	152

D. JOHANNIS de MURALTO.

92. De Asthmate suffocativo admirando.	153
93. De Partu difficili.	154
94. Paralysis à stanno.	156
95. Animi deliquium ab unguento ranunculari.	157
96. Lochia nimia.	158
97. Symptomata Spastica uterina.	159
98. Febris lactea.	161
99. Guttæ serenæ initium.	161
100. Phantasia corrupta post febrem Hungaricam.	162
101. Surditas & tinnitus aurium.	163
102. Deglutitus nummus.	164
103. Melancholia uterina.	165
104. Cura sterilitatis in foemina Bornensî.	166
105. Hæctica cum Hemisrania curata.	167
106. Acicula à puella deglutita.	169
107. Regurgitatio fluoris albi.	170
108. Præcautio Abortûs.	171
109. Paralysis cum Macie & doloribus.	172
110. Convulsiones mirandæ.	176
111. Dysenteria Epidemica.	178
112. De Hypercatharsi à resina Jalappæ excitata.	183
113. Fluxus ab utero aquosus cum quadam hydropis specie.	187
114. Mulier febre Epidemicâ laborans à Pharmacopola malè tractata, in Phthisin prolapsa.	191
115. Sutor à febre epidemica decumbens sparsis per corpus papulis, se- ctâ venâ melius habuit, & convaluit, è contra Sartor quidam omissâ periit.	197

116. Asthma convulsivum.	
117. De Vomitu.	pag. 199
118. De Rabie.	205
119. Ileos curatus.	209
120. Hectices species.	214
121. Orthopnoea.	216
	218

D. JOH. CHRISTIANI MACKII.

122. Subitanea Tibiæ & totius Νέκρωσις.	225
---	-----

D. MICHAEL. FRIDERICI LOCHNERI.

123. De Mamma Mentulata.	228
124. De Puero caudato.	230

D. EBERHARDI GOCKELII.

125. Empyema ex intermissa Paracenthesi lethale.	232
126. Cephalalgia bimestris accedente auris dextræ intolerabili dolore, post ruptum abscessum evanescens.	235
127. Fœtus monstrosus cum superiori maxilla & labio in utroque latere fissis.	237
128. Asthma periodicum, suffocationem minitans, optimo successu curatum.	238
129. Dolor hypochondrii sinistri periodicus, feliciter curatus.	239

D. JOHANNIS DOLÆI.

130. Puerulus quatuor annorum calculo afflictus.	241
131. Absorbentia alvum quandoque laxant.	242

D. JOH. CONRADI BRUNNERI.

132. De Experimentis circa Pancreas novis confirmatis.	243
--	-----

Dn. ROSINI LENTILII.

133. Asthma Scorbuto-hystericum.	249
----------------------------------	-----

134. Pueri maleficiati casus memorabilis.	pag. 258
135. Convulsiones admirabiles.	260
136. Calculi per rissim, vomitum & alvum redditi.	262
137. Cautela in vesicatoriis adhibenda.	264
138. Vivum Cadaver.	265
139. Alvi adstrictio à coalitu intestini recti.	266

D. CHRISTIANI SCHUCHMANNI.

140. Morsus serpentis curatus.	266
--------------------------------	-----

D. MAXIMILIANI PREUSSII.

141. Hydrops abdominis saccatus cum vesicæ & uteri defectu.	274
142. Rarior spinæ ventosæ constitutio amputatione feliciter curata.	280
143. Calculi vesicæ signa sine calculo.	282

D. GEORGII HEINTKE.

144. Epilepticus Concionator & Cantor.	285
145. Vinum Franconicum in febre petechiali innocuum.	287

D. GEORGII HANNÆI.

146. Anethum antivenerereum.	288
147. Ventriculi vaga intemperies lethalis.	289
148. Tussis Periodica.	291
149. Antipathia Virginis cum baccis Cynosbati.	292
150. Lienis mutilatio indemnis.	293
151. Rorismarini fabrica in Microscopio examinata.	294
152. Cephalalgia curatio per tonsuram.	294
153. Aquæ Reginæ Hungariæ abusus.	296
154. Dysenteria biennis curata.	297
155. Capillitium viride.	298

D. RUDOLPHI JACOBI CAMERARII.

156. De Fungo Calyciformi seminifero.

pag. 303

D. EHRNFRIDI HAGENDORNII.

157. Flores & Crytalli Nitri.

306

158. Cinnabaris nativæ & antimonialis vis dejectoria.

306

D. GABRIELIS CLAUDERI.

159. Impenetrabilitatis armorum veritas & vanitas.

307

160. Explosionis tormentorum bellicorum prohibitio itidem vera ac non minus vana.

310

161. Cæcitas subitanea Epilepsiæ prodromus, binis in foeminis observata.

311

162. Convulsiones epilepticæ à purgante resinoso excitatæ.

313

163. Ex Ossibus Microcosmi calcinatis spectriformis apparitio.

315

164. Risus Sardonius involuntarius plurium annorum innoxius tandem lethalis.

317

165. Superfoetationes.

319

166. Foetus in utero mortuus vi quasi expulsus.

320

167. De Bufonum veneno nonnulla.

322

168. Cervus castratus in venatione lethaliter globulo transfossus.

323

169. Sanguis ferè albus, addito sero chyloso, sanè sanitatis damno aliquot annis durans.

326

170. Trifolium quadrifolium.

327

171. Capra pariens foetum humano analogum mortuum & simul caprum.

328

172. Pullorum Cuculi exclusio vera.

330

173. Effigies sudans.

331

174. Odontalgia violenta causa vermis dentis inquilinus. pag. 332
 175. Rara in geminis animorum & corporum similitudo. 334
 176. Excrecentia carnosae super corneam oculi dextri tunicam. 335
 177. Mercurius è Metallis & Mineralibus copiosè & facilè obtinendus. 339
 178. Speculorum confectio. 341

D. FRIDERICI WILHELMI CLAUDERI.

179. Debitus pulsus investigandi locus. 342
 180. Pulsus per 36. horas ante obitum cessatio. 343
 181. Purulenta variolarum materia criticè per urinam excreta. 344
 182. Cervus Venatorem modo subitaneo occidens. 345
 183. Pinguedo sine sanitatis damno aliquot annis per urinam & vomitum excreta. 346
 184. Abortus certo tempore & septimana sæpè accidens. 348

D. JACOBI WOLFFII.

185. Materia tophacea cum alvi excrementis ejecta. 349
 186. Odontalgia ranunculo nemoroso curata. 351
 187. Hydropica post paracentesin anatome. 353
 188. In hydropica paracentesis frustra tentata. 355
 189. Epilepsiam excitantes lumbrici. 357
 190. Tinctura Martis solaris terna, distincta, fortuita experientia salubris observata. 359
 191. Cortici noto febrifugo Chinae Chinae alia substitui posse putatur. 361
 192. Mulieris stomacace & arthritidis à vacca collecta. 363
 193. Haemorrhagia umbilicalium vasorum in recens natis lethalis. 365
 194. Pluvia sulphurea. 367

D. GÜNTHERI CHRISTOPHORI SCHEL-
HAMMERI.

195. Pistaciæ germinatio.	
196. Epilepsiam à Tabaci fumo foveri.	pag. 371
197. Alia de Epilepsia observatio.	373
198. Sputi rejectio matutina copiosa admodum molesta ab eodem Ta- baco.	374
199. Hæmorrhagiæ spontaneæ internæ & externæ notabilis observa- tio.	375
200. De Terra Catechú.	376
201. Mus in vertiginem actus.	377
	378

D. JOH. BENEDICTI GRÜNDELI.

202. Arenæ copiosæ per alvum excretæ.	379
203. Venenum morfu canis rabidi inductum & post octo annos in puella excitatum.	380

D. JOHANNIS CONRADI PEYERI.

204. Mulieris gravidæ anatome.	381
205. Periosteum osseum.	384
206. Hydatides in venis.	385

D. PETRI ROMMELII.

207. Aneurisma magnum nullis remediis cedens, spontè tandem eva- nescens.	385
208. Aneurisma aliud feliciter curatum.	390
209. Fœtus absque funiculo umbilicali editus.	392
210. Hermaphroditus Vitulinus, pedibus cervinis præditus.	395
211. Crapula & Vomitus non nisi eâdem numero horâ, quâ crapula coeperat, desinens.	396
212. Ossium mollities & flexibilitas.	397
213. Fluxus menstruus immodicus, Febre tertianâ superveniente cu- ratus.	399
	214. U-

214. Uvulæ non animadversa amissio eamq; concomitantia incom-
moda. pag. 400
215. Singularis inter maritum ejusq; uxorem Idiosyncrasia. 403
216. Errores in Medicina quandoque singulares. 404

D. JOHANNIS de MURALTO.

217. Febris duplex tertiana. 407
218. De Pleuritide. 410
219. Febris Anomala. 411
220. Febris intermittens ab aëre palustri inducta. 414
221. Cachexia cum pleuritide sæpius recurrente. 417
222. De Pica. 421

D. HERMANNI NICOLAI GRIMMII.

223. Experimenta Chymica. 424

D. CAROLI JOSEPHI MYLLERI.

224. Agyrtæ temeritas, grana Tilli centum uno die ad purgandum ado-
lescentem ingerentis. 426
225. Nævus maternus, equi forma & piscis. 428
226. Foetus quodam modò monstrosus à partu. 429
227. Phthisis hæreditariæ cura. 430
228. Menstrua cum calculis ex umbilico. 431

D. RUDOLPHI JACOBI CAMERARII.

229. De nova vasorum seminiferorum & Lymphaticorum in testibus
communicatione. 432

D. JOH. LAURENTII FEHRII.

230. Cataractæ depositio in utroque oculo feliciter celebrata. 433
231. Tumor juxta oculi Iridem feliciter curatus. 435

Dn. HIERONYMI AMBROSII LANGENMANTELII.

232. De Verme narcoticâ virtute prædito. 436

233. Cir-

233. Circa Salamandram in igne vivam & mortuam, & quatuor Elementorum artificiosam repræsentationem. pag. 439
 234. Microscopii Tontoniani fabrica tam exterior quàm interior melius concepta & explanata, 442
 235. De Ossibus Elephantum. 446
 236. De Ossium mollitie. 447
 237. Noxa sumtarum Cantharidum. 450

Dn. Lic. ROSINI LENTILII.

238. Insolita partus humani via. 450
 239. Anus hircissans. 452

Dn. JOHANNIS MEYERI.

240. Fur è patibulo pendulus, in fago naturæ penicillo depictus. 453

D. DANIELIS CRÜGERI.

241. Contra lumbricos remedium novum. 454
 242. Præstantia Balsami de Tolu. 455

D. JOH. MAURITII HOFFMANNI.

243. Oscheocele horrenda cum Hydrope ascite. 455
 244. Testium tumor & singularia alia conjuncta pathemata. 457
 245. De calculis biliosis per alvum excretis. 460
 246. De Chalazæ alterius in ovo figurâ singulari. 460
 247. De Cartilagine media ossium pubis in primipara post mortem molli & spongiosa. 461
 248. Repentina ex dolore Iliaco mors. 462
 249. Liquor & Sal volatile Melissæ. 463

D. JOH. GEORGII VOLKAMERI Senioris.

250. De Lapillis Limacum. 465

D. JOH. GEORGII VOLCKAMERI Junioris.

251. De germinatione Nucis cocos. 467
 252. De folio Salvix glan dixeræ. 468

D. JOH.

D. JOH. PAULI WURFFBAINII.

253. De Abdominis tumore Steatomatico in puerulo nondum trienni raro & admirando. pag. 470
254. De Globo lapideo materiâ pingui repleto in sepulchro reperto. 473

D. LUCÆ SCHRÖCKII, LUC. Fil.

255. De Phalæna maxima. 475
256. De termitibus cum urina excretis. 478
257. De Verme quadrato. 480

ADDENDA.

D. SAMUEL LEDELIUS,

De utilitate & jucunditate exurgente è lectione Ephemeridum. 482

D. DANIELIS CRÜGERI.

De Fonte Polzinensi miraculoso. 483

Theæ Chinenfis Icon. 486



EPHEMERIDUM
MEDICO-PHYSICARUM
CURIOSARUM

DECURIAE SECUNDÆ
ANNI SEPTIMI

OBSERVATIO I.

D. CHRISTIANI MENTZELII,

De

Lapidibus rarioribus

Ex

SERENISSIMI ET POTENTISSIMI ELE-
CTORIS BRANDENBURGICI p.m.

FRIDERICI WILHELMI
MAGNI,

Rariorum repositoriis depromptis,

scilicet de

Nuce juglande ferrea.

Ostrea ferrea.

Pruno exsiccato lapideo.

Rotulâ sclopetaria naturâ sic formata.


Epidipnidarum, (dubium) an Epicedii, locô appono Vo-
bis jam Ostream, Nucem juglandem, pruna &c. par-
tim ferreos, partim terreos & lapideos fructus, post mor-
tem tanti Herois, Electoris Brandenb. FRIDERICI
WILHELMI MAGNI, cui per 30 annos servivi, & cujus
egregias res gestas & bellica facinora omnis posteritas per scri-
Dec. II. Annus VII.

A

pta

pta consignanda admirabitur. Proposueram experimental-
quadam ex Ejus relatione deprompta Anno Salvatoris 1687,
Ephemeridum nostrarum Anno 5. Decur. 2, quæ etiam, dum
vivebat, prælecta intellexit. Anno 1688, Ephemer. nostra-
rum 6. Dec. 2. produxi admirandos quosdam lapides ab Ipso
Electore repertos, quos vitâ privatus non vidit. Nunc tertiâ
vice, dum mihi iusta Ejus persolvenda sunt, placet jam in ho-
norem Ejus sempiternum, paucula ex Spaniotheca, sive ra-
riorum scrinio Ejus depromere, ne oblivione quadam sepe-
liantur; sed post mortem Herois nostri æternâ quoque me-
moriâ apud eruditos perdurent & perennent. Hæc inter pri-
mò se offert ferreus fructus juglandis, fortuitò & naturæ ca-
su (sive, juxta quosdam, à quodam naturæ Archæo) ita af-
fabrè in terra natus, ut fructum juglandis, per dimidium aper-
tum cum suo nucleo emicante exquisitissimè præsentet. Est
ea nux reperta Anno 1648 à germano meo fratre, majore na-
to, Joh. Christoph. p. m. circa patrium solum, propè viam,
quâ itur Trebusium. Ab illo mihi dono data, tandem sin-
gulare hoc naturæ opus in manus Serenissimi mei Electoris
p. m. pervenit, qui illam studiosè Sibi asservari jussit. Fer-
rea est hæc nux juglans, non quidem ex fuso ferro, sed ex
ejus minera, ita sponte naturâ concreta. Sive enim fructus
quidam juglans, per dimidium aperta olim cecidit fortè in-
tellus, ubi materia ferri & lapidescens mollis & tenuissima ad-
huc, fructum hunc circumvenit, permeavit, & longò tem-
poris tractu formam subjecti assumpsit & sic in eam transmu-
rata in ferri duritiem obriguit: sive fructus hic sponte suâ va-
riis agitationibus externis & causis in talem formam instar
aëtitarum permutatus fuerit, incertum est, cum nemo mor-
talium tot & tam varias Naturæ permutationes exquisitè ob-
servare possit. Accedit alia ratio eorum, qui certum Ar-
chæum varias figuras & usui humano aptas formas vel in aëre
vel in terra ex terrena materia fabricare asserunt, quorum
opinionem non contrariamur, cum Collegium nostrum &

F. 1. ad pag. 3. Iaspis antinephriticus. ad pag. 5.
 Nux juglans ferrea.



F. 5. Rotula scolopetulorum
 ferrea, natura fabre-
 facta.

F. 4.

Ostreae ferreae pars
 interior.

Ostreae ferreae
 facies exterior.



F. 2.

ad p. 3.




ad p. 3.
 F. 3

Lapis Bononi-
 siccati



ensis pruni
 forma.



Academia cuilibet membro suæ conscientiæ libertatem permittrat. Ex ætitarum genere arbitror eam nucem esse, & quidem Geodis speciem, cum sit ex materia ætitarum & minera ferreæ, ac nucleus ejus putamini arctè adhæreat, unde integra nux resonare intus non potuit. *Vid. Fig. I.* Eadem ratio dari potest de Ostrea ferrea, vel ex minera ferri, materia nempe ætitarum, ita fortuitò fabrefacta, quam reperi Clivis Anno 1666 prope fontem, la Fontaine dictum. Hæc constabat ex utraque testa, cum eam reperi; verum cum experi-ri vellem interiora per crebras contusiones, rupta & fracta fuit altera & quidem meliorem formam ostreæ exprimens testa, unde viliori contenti sumus. Nucleus in ea erat Ochra obscurior, Pictoribus Vmbra dicta, testæ alterutri arctè adhærens exterior testæ pars multis lapillis & arenulis est obsita. *Vid. Fig. II.* Tertius fructus inter bellaria adfertur vobis, solâ *Fig. III.* æri incisâ commendabilis; lapis nempe Bononiensis lucifer, pruni exsiccati & magnitudinem & formam præsentans. Horum aliquot Bononiæ in ipso loco natali collegi. Verum quia integrum tractatulum de lapide Bononiense in obscuro lucente Anno 1675 edidi, de eo nihil ulterius addam, sed Lectorem ablegabo ad Sect. 2. c. 4. ejus libelli, ubi de figura hujus lapidis egi; sed cum figuram ibidem non apposuerim, hic exhibui. *Vid. Fig. III.* Claudio observationem hanc insolitâ mineræ ferreæ figurâ, quæ in visceribus minerarum ferrearum Comitatus Marcæ (qui Electori paret) reperitur; & rotulam istam (in longè minori licet formâ) quæ in sclopetulis veteribus pro igne cum pyritide composito excitando visitur, perfectè refert, & copiosè inde affertur. Liceat hoc minerale inter epidipnidas referre, quod inter belli bellaria plurimis, sub Electore meo, appositum sclopetularum genus in actionibus bellicis finem cœnæ & scenæ attulit. *Vid. Fig. IV.*

Fig. I. II. III. IV.

OBSERVATIO II.

D. CHRISTIANI MENTZELII,

De

Jaspide antinephritico.

Allatus est lapis quidam antinephriticus Electori p. m. Anno 1675 Hagæ Comit. à Viro nobili de Achtenhowen, (Legato olim confœderati Belgii ad Electorem nostrum) cùm quereretur ibidem Elector de nephritico dolore. Asserebat præfatus Vir Electori, si lapidem illum nudo corpori alligatum gestaret sine interruptione per integrum annum, fore, ut Elector ab omni calculo & renum & vesicæ penitus liberetur, quòd lapis iste experienciâ crebrâ hunc effectum plurimis è familia prælustri de Pau, ad quam lapis spectat, præstiterit. Elector aliis remediis à nephritide curatus, noluit corpori suo lapidem admoveri, sed cubiculatio suo N. Senningio, Cassellensi, custodiendum tradidit, ei-que libertatem dedit gestandi lapidem, si vellet, corpore nudo experimenti causâ, quòd is quoque aliquoties nephritide vexaretur; cujus rei periculum quoque fecit laudatus cubicularius, singularis amicus meus, qui datis ad me literis ita scribit: Incepi lapidem alligare corpori meo nudo cùm discederemus Swinfurtò cum exercitu nostro, ubi duriter nephritide laborabam; sed cùm postea per Magdeburgum iremus in Marchiam Brandenburgicam, ubi nobis cum hoste circa Fehrbellinium erat conflictandum, religabam lapidem à corpore, eumque in cista Electorali custoditum reposui, metuens ne expeditione ista bellica periret. Postea verò cùm re feliciter actâ essemus cum exercitu Swerinii in Megalopoli, lapidem nutu Serenissimi denuò corpori adaptavi, eumque gestavi continuò sine intermissione per quinque anni quadrantes & benè me habui. Modus autem gestandi lapidem hic erat. Curabam mihi confici ligamentum ex serico paulò latum

lucum & crassum, iis simile, quibus pallia corpori circa collum nexu firmamus (germ. *Mantelliejen*) cum suo annexo globulo. Illud longitudine suâ corporis mei crassitiem æquabat: huic alligatus erat lapis iste, suô quoque per foramen ligamine parvò constans, ut ille per ligamentum corporis hinc inde, qua parte corporis placeret, moveri posset. Sic gestavi lapidem circa regionem renum in dorso per præscriptum tempus. Inter gestandum toto tempore persensî, cum maxima voluptate, refrigerationem dorsi & renum. Posthæc affectus calculi renum sensim apud me decrevit, sic ut per decennium nihil notabilius senserim; per octo verò proximè præterlapsos annos nephritis penitus me deseruit, pro quo DEO laus sit! Hæc cubicularius ille. Cæterum lapis ille Jaspis erat communis, maculis viridibus fuscis intermixtis sanguineis infectus, qualiter Jaspis apparere solet & distingui à lapide Nephritico vulgò sic dicto, qui cum crassus est, viriditatem fuscam quoque exhibet, sed absque maculis est & transparens; Jaspis autem maculis suis penitus obfuscatus & opacus non diaphanus est. Quid autem de appensis & eorum efficacia sit statuendum, cuilibet integrum & liberum relinquitur. Ego lapidibus ejusmodi multam refrigerandi vim inesse arbitror, quâ calorem p. n. renum tanquam præcipuum agens coagulandi tartarum vel calculosam materiam in renibus, retundere & sic causam nephritidis continuò abarcere valent.

Fig. V.

OBSERVATIO III.

DN. GEORGII EBERHARDI RUMPHII,

De

Ceraunia Metallica.

DE Ceraunia metallica res obscurior & intricatior est, cui & ipse fidem adhibere diu nolui, donec multis & exploratis testibus convictus, paulatim manus dedi,

metallum aliquod in nube fulminea posse generari. Illis notum esse potest, qui experientiam & probatos autores callent. Hic in India ejusmodi incredibilia ab incolis ostenduntur. Habent Balienses in sua Insula rotam solidam ex ære cum suo modiollo, quam ajunt esse rotam de curru Lunæ magnâ tempestate delapsam in illum locum, ubi adhuc custoditur. Insula Serou 60 miliaribus hinc versus Euronotsum distans & è solò ferè monte constans, qui ante hos duos menses valido terræ motu & igne subterraneo, cum tota ferè Insula disruptus est. In illius montis vertice ante 50 annos ingens & monstrosum vas æreum stetit, ambiguum habens figuram inter tympanum, dolium & ahenum, ab incolis Tifa gontor, hoc est, tympanum tonitus, appellatum, quod unanimi voce incolæ narrant, patrûm suorum tempore ingente tempestate & tonitru illuc projectum esse, postea Ternatani Prætores magnâ vi vas illud fregerunt & plurimum æris abstulerunt. Præfectus tamen quidam Batavus testatus est, se reliquias ejus vidisse, & ex iis conjecisse, tam vastum illud vas fuisse, ut ab hominibus in asperum & præcipitem illum locum portatum fuisse, incredibile sit. De forma cerauniæ transmissæ difficilior est quæstio, habet illa figuram instrumenti operâ humanâ confecti, venas in lateribus eminentes & ordinatas, cavum capulum, cui manubrium ligneum indi potest, & ita ad aliquod opus, sive rusticum, sive bellicum hominibus servire potuit: at hujus rei causam exactam reddere, meum ingenium non sufficere fateor. Noti sunt absque dubio Ceraunei lapides, qui semper habent figuram alicujus instrumenti fabrilis, quo cæditur aut cuditur, puta securis, mallei, cunei, mucronis sagittalis &c. & multi reperiuntur, qui habent formam in medio. Quis effingit omnes istas figuras? nisi Archæus sive spiritus fulmineus, qui in igne fulmineo materiam sive lapideam, sive metallicam per vapores è terra in nubesevehit, fundit, cudit, & pro suo lubitu in figuram Martiali ingenio competentem efformat. Sed quia nova Philo-

Iosophia istas formas específicas & Archæos exhibilat, videat, quomodo per fortuitum concursum suarum minimarum, particularum causam manifestiorem nobis dare possit. Quid miramur naturam in nube fulminea massam aliquam efformare ad similitudinem instrumenti cædentis & ferientis, cum idem per ludum faciat in Achate & aliis gemmis, in quibus supellectilem & imagines nostras domesticas sæpè videmus depictas, idque eadem figura in diversis locis & temporibus, quod sanè refellit dogma de particularum concursu, & materiæ fortuitu fluxu. Ea autem natura, quæ in Achate potis est; quid mirum, si è massa fulminea instrumentum aliquod sculpere aut fabricare potest? Fateor, sunt multi, qui negant lapides Cerauneos in nubibus ipsis generari, sed potius in terra, ubi fulmen decidit, igne fulminea, ut volunt, repente arenulas liquante, ut lapis inde fiat: Inter quos videtur esse Georgius Agricola, l. 5. de ortu subterraneo, ubi falsè rider credulitatem Avicennæ, quod scripserit in Persia, decidere, cum coruscat, corpora ærea, similia sagittis hamatis, quæ in fornacibus non liquecunt &c. Ego potius miror incredulitatem, & pertinacem negationem Agricolæ, solertissimi cæteroquin naturæ scrutatoris, qui paullò ante in citato libro ipse testatur, se terras & ejusmodi res cœlo delapsas vidisse. Modus, quem ille ostendit, quo talia corpora in aëra evehantur, particularis est, competens procellæ & turbini, imò rectè dixisset, si Syphonem appellasset, Meteoron nautis invisum & navium velis satis periculosum, quale Imperator Carol. V. in excidio sceleratæ urbis Algairæ expertus est, (Belgæ vocant Een Hoofs.) Nihil autem commune habet modus is cum rebus illis, quæ cum fulmine decidunt. Quomodo enim opinio ista de procellis locum habebit in alia spatula ærea parva & foramine pertusâ, quam fulmen impegit in summum fastigium Palmæ Indicæ, quam vulgò Calappam sive cocciferam vocamus, & apud me servo? aut quis turbo impegit alium lapidem Ceraunium obscure viridem & cœlo fabrilis
simi-

similem, quam similiter mecum servo, quamque Europæus quidam Civis, Vir honestæ famæ & fidei, suis extrahi vidit oculis ex imò caudice vastæ arboris (metrosideros sive lignum ferreum dictæ) quam fulmen à summo usque ad imum valido ictu diffiderat, quem lapidem prius à Regulo istius loci post multas preces impetratum porro mihi donavit. Abscindatur, quæso, de transmissæ Ceraunæ capulo frustulum, & in igne vel arte chemica examinetur, & absque dubio discrimen invenietur inter æs vulgare & fulmineum, sicut ego feci cum tali Ceraunia metallica, quam inter reliquas exoticas res ad Sereniss. Magnum Ducem Hetruriæ, Cosmum IV. Anno 1682 transmissi. Habemus his in locis Ceraunios lapides, qui in una parte lapis, in altera æs vel ferrum sunt: habemus æs & aurum tam impurum, ut vix fundi possint, nisi admixtione veri metalli, unde incolæ annulos faciunt, secundum eorum fidem iis fortunatos, qui bella gerunt, quod & de omnibus Cerauniis credunt: addunt, aliquid de Ceraunia sive lapidea sive metallica inter glandes plumbeas mixtum facere illas omnia arma perforare, nempe quia fulmini nihil resistit.

[*Ex literis ad D. Mentzelium missis in Amboina 1687. d. 15. August. St. nov. datis.*]

Confer Decur. II. Ann. IV. Observ. CX. pag. 212.

OBSERVATIO IV.


DN. GEORGII EBERHARDI RUMPHII,

De.

Nautilo velificante & remigante.

Porrò quod Populares vestri credere nolunt, Nautilum & velificare & remigare, suspicionem mihi mover, illos sensum meum non benè percepisse, haud quaquam enim scripsi, Carinam illam, Nautili domum, ita vacuam

*Nautilus cum suo pisce,
prout in mari velificat
et remigat.*



*Fig. 6.
ad pag. 9.*



cuam, sicuti transmissa est, velificare aut remigare, sed piscem, qui illam Carinam incolit, & Polypi species est. Ut rem clarius percipiant, per filium meum curavi ad vivum depingi Nautili carinam cum suo pisce, sicuti jacens in illa conspicitur, posterioribus pedibus, qui circa extrema latiores sunt & scalum remi referunt. lit. A notatis & circa puppim extensis remigans. Lit. B sunt anteriores pedes in vertice, quos erectos tener. Lit. C est prora, quam cavam sui parte vento exponit, dum velificat. Si adhuc & mihi & omnibus antiquis scriptoribus credere nolunt, veniant huc, & lustrent æquor Ambonicum, res enim notior est, quàm ut multis argumentis confirmetur.

[*Ex literis ad D. Mentzelium Ambonæ 1687. 13 Aug. datis.*]

Fig. VI.

OBSERVATIO V.

D. JOH. CHRISTIANI MACKII.

Salivatio diuturna cum metu Gangrænæ.

Electoratum Venatorum & Ordine & Dignitate haut postremus, Coætaneus & Amicus meus singularis, Vir Annorum 54. Constitutionis calidæ & siccæ, circa finem Octobris Anni proximè præterlapsi, Agnatos suos visitans cum Coelo rationem Diætæ in quintam usque septimanam certè mutavit, si non invertit inque recursum ab Aëris tempestate satis graviter affectus, quartò post reditum die, quem lætus in post-Nuptiis vicini traduxerat, levem Raucedinem cum Destillationibus ad fauces sentit, quas sequenti manè excepit largior Lymphæ subacidæ affluxus, qui quavis ferè Oris per frigidam eluizione ita crevit, ut metuens suffocationem Chirurgi nostri opem implorare cogeretur, qui ipse Gargarismis & Decocti per Siphonem injectionibus crebrioribus

Dec. II. Annus VII.

B

ribus

ribus Ipsi auxiliatrices suas & ita felices admovit, ut tertiò die cum humorum profluvio Cura in totum cessaret. Verùm per noctem, quæ post sex insomnes prima erat quietà, recrudescit malum & de novo proruere incipit serum idque copiosius, quàm vel ab Euphorbii vel ab illius Bombomachidis Pulvere, cujus B. noster ArgoNauta, Obs. 34. Ann. I. meminisse expectari unquam potuisset, ut quò se verteret Patiens non inveniret. Hæc dum ad me scribi curat, superaddit; In Digtis suis ad omnium ferè Unguium radices conspici Pustulas Variolarum minorum instar albas, sed intensissimi doloris, quas ipsas adveniens ego meis quidem vidi, sed jam confidentes. Econtra verò Manus, usque ad Os cubiti, turgentes, rubentes & ardentibus vesiculis ad avellanæ magnitudinem hinc inde ornatas; Huic superaccedebat, quod dextri Pollicis Caro, quantum Ungue tegitur, livida sensuque privata, ut Pollicem mortuum Patiens sæpe exclamaret. Interim Chirurgus revocatus quas ego præscripseram Species & Medicamenta alia secum adferebat, illas superinfusò Vinò coquebat & Colaturæ calidæ Patientis manus imponebat. Erant autem Herb. Scord. Betonic. Salv. Rut. Rorismar. & Lauri folia. Fl. ros. r. Rad. Scorzon. Lign. Sanct. Myrrh. r. Terr. sigill. Manus post unam vel alteram mundationem magis extolli & intumescere, vesiculæ autem & ardor evanescere incipiebant, ubi insimul Toti per Bezoardica mixta cum Elix. AntiPest. Cr. CC. Spir. & Sale volat. Spir. n. Tartar. antiscorb. Cochlear. pulverisat. & aliis, ut & alterandò confortantia crebrius exhibita prospiciebatur, fauces interim Gargarismis & Infusionibus decenter tractandò, quæ singulis horis ab Adstantibus anxie petebat. Præter hancce Salivationem Patiens somniculosus solum de somno sibi vel planè non, vel vix ad horulam, concessio, & quod tantum liquida deglutire posset, conquerebatur; Febris nulla aderat, nulla Cephalalgia, nulla Vesicæ aut Alvi segnities, Pulsus quoque non mutatus, nisi sensim debiliior, metus contra indies major factus, ne Ipse consumeretur

Tabæ,

Tabes, cujus ossibus vix cutis hæreret. Salivatio hæc integras quinque septimanas, quotquot etiam Medicamenta opposita, duravit & Pituitâ lentâ ac viscidâ singulis diebus aliquot vascula adimpleta, quam incredibilem copiam in tam exsucco & gracili corpore non satis mirari, nedum unde venerit, rimari possum. Manibus ambabus quæ imminebat Gangræna per sæpius renovata & continuata epithemata calida, quibus etiam Lap. medicamentosum adjecimus, discutiebatur &, durante interim salivatione, sensim detumescere ipsæ videbantur, usque dum decimò quartò die tota Cuticula detracta ipsæque tenellulæ & rubicundæ, ad instar Cancris decrustati, apparerent, quas Linimentis & Chirothecis contra Aëris tactusque injurias, quas ne levissimas quidem ferre valebant, muniebamus. Pollicis articulus emplastro & epithemate seorsim tractatus livorem cum Cute statim deponebat sensusque redibat; Sic per Omnipotentis DEI gratiam Patiens

Hic pænè exanimis comploratusque; resurgit,
quemque; neges unquam vivere posse, valet.

[Sneebergâ Vratislaviam ad Dn. D. Burgium An. 1688. d. 2.
Mart. missa.]

OBSERVATIO VI.
D. SALOMONIS REISELII
Hepatocele.

Puerulus Sartoris Stutgardiensis ex utero in umbilico tumorem rotundum pomi magnitudine, lividum, duriusculum & distentum ruit, Martio 1686. cui vasa umbilicalia in vertice adhuc adhærebant; quibus dein arescentibus reliqua membrana tegens tumorem incepit putrilaginem assumere. Intra paucos dies puer abstinens à lacte & cibo totus marcidus obiit. Post mortem detractâ membranâ (quod viventi nemo est ausus facere, utut parentibus volentibus)

bus) quæ umbilicus fuit extensus, tumor apparuit puniceus, qui postquam à cute & musculis separatus atque cultro divisus fuisset, ipsum hepar esse ex parenchymatis colore & textura, eò vi aliqua detrusum aut delapsum concludebatur, quemque Hepatis herniam seu Hepatocelen dicere possumus, & ut rarum quoddam hîc apposui. Conjectura fuit matrem à marito inter rixas fuisse contusam, quod quidem negavit, lapsum verò concessit.

OBSERVATIO VII.
D. SALOMONIS REISELII,
Cardialgia Periodica Vernalis.

BAns Schneiders stabularii servi uxor triginta annorum, trium liberorum mater ab annis decem singulo Vere & non alio tempore, non jejuna, sed post cibum cardialgiam præter uterinos, ut putabat, dolores ingentem passa est. Petiit 8. Febr. 1687 consilium: cui dum esset menstruata, Effense. Cort. Aurant. cum Aq. stomachica dedi, post menses verò emeticum simul & diagrydiatum sumendum præscripsi. Sed 12. mensis hujus vesperi & per noctem incipit dolere in ventre & maximè circa vesicam, ne guttâ quidem urinæ emissâ. Unde 13. Syrupum Althææ cum Aq. Chamæmeli & Cochlearum cum Aceto ad dulcedinem destillatæ dedi, applicatis etiam ad pubem cataplasmatibus ex parietaria & aliis anodynis. Verùm ob intolerabiles dolores, sitim inexhaustam, ob quam multas mensuras aquæ vino mistas ebibit, pulsû circa meridiem planè debili, moritur improvisò, uti quidem ominabatur ipsa, post secundam pomeridianam. 14. Cadaver aperitur ad inquirendam mortis tam subitæ causam. Ubi omentum semiputre, in abdomine multum feri impuri acidum olentis inventum, simul & in thorace parum. Jecur pallidum exterius maximè, interiùs etiam, vesica urinaria vacua.

cua. Supra pylorum verò foraminulum pisi magnitudine cum labiis seu circulo nigro atque cutedensa proxima circumdatum, quæ causa fuit non tantum doloris istius ultimi acerrimi circa cardiâ, & quidem post pastum, sed & in ventre & supra pubem à chylo & potu extra ventriculum elapso foetido & post stagnationem putrefacto. Reliqua quoque viscera ut renes, molles planè, nec pulmones bene colorati. Uterus parvus & ovula exesa à saburra ista putri.

Unde hæc erosio venerit, an ab erodente aliquo medicamento aut victu, non recordantur superstites. An à bilis vel humoris corrupti acredine quadam, incertum. An diu ista erosio duraverit, ignotum. Cur Vere saltem, non alio tempore infestavit dolor, latet.

OBSERVATIO VIII.

D. SALOMONIS REISELII.

Anus occlusa, & glans imperforata.

D 28. Febr. 1687. visitavi cum Dn. D. Gmelino Collega & Dn. D. Ottone Physico & ordinario Medico atque Chirurgo Dn. Becker infantem Monetarii pridie natum, neque mingentem, neque dejicientem sed revomentem butyrum cum saccharo, quo tenellus satiabatur. In virga, cujus præputium erat retractum, orificium clausum fuit, ideoque cultello apertum, sed fistulam non admisit. Subtus autem frenum foraminulum est, per quod catheter aut fistula syringæ potest usque in vesicam trudi, perque eum guttulæ aliquot liquoris nigriusculi extrahi. Anus quidem aperta est, sed fistula aut digitus vix duos transversos digitos intrans invenit intus aliquod impedimentum, à quo fistula parumper cruenta exiit. Dum itaque occultum manet, quale sit illud, clysteribus ex lacte & oleo lini sæpe lavanda & emollienda alvus, in vesicam verò Oleum Amygdal. dulc.

dulc. est injiciendum. Unguentum externè emolliens applicandum. Oleum Amygd. d. cum Syr. Altheæ, Saccharo penidio atque Pulv. Marchionis sæpe dandum, donec vel Natura viam inveniatur, vel mors prodat quid intus lateat. Tercio nativitatæ die urina per inferius foraminulum virgæ exiit, & per os mucus aliquis rejectus est odore olei lini, quod per clysterem cum lacte injectum fuit. Quarto die moritur lentè sine ullo symptomate circa meridiem, quo tempore natus fuit: credunt enim natalem horam esse plerumque mortualem. In fronte futura à fonticulo usque descendens latè distare observabatur ante mortem. An hoc mortis omen fuerit, in aliis posset notari.

Post mortem totum corpus lividum fuit. In pene orificium stilum adhuc, veluti in vivo parumper, foraminulum verò sub freno usque in vesicam admisit, anus quoque stilum unciâ longum. Aperto dein ventre vesica planè vacua inventa, intestinum colon valde inflatum & repletum fæcibus multis coloris quasi mellei, arctissimè coarctatum fuit, velut farcimen quoddam vinculo ligatum, ut quæri debeat, an mater in mactatione suis sumserit aliquam imaginationem, cujus tamen nulla fuit observatio aut memoria.

Simile ferè exemplum obvenit nobis Februario 1686. dum puerulus agricolæ mensium undecim ostenderetur, ut consilium quæreretur. In hoc glans denudata, retracto præputio largiori quàm solet naturaliter esse, & crispata, imperforata, & virga per frenum scroto arctius alligata, quæ erigi tamen adhuc in superiora potuit, & tum pendens, istâ



figurâ apparuit. Ubi loco foraminis glans foveolam habebat, foramen verò ipsum seu orificium urethræ perviæ, quia per hoc mingebatur parvulus, à natura aberrante in scroto positum erat, quod à terrore pueruli alterius, qui aliquid præternaturale circa genitalia habuerit, evenisse mater credebatur.

Scru-

Scrutinium ulterius simul & curam in tenero puello distulimus ad adultiorem ætatem & vires robustiores.

OBSERVATIO IX.

D. SALOMONIS REISELII.

Uteri Tumor glandulosus adnatus
externus.

Mulier à multo tempore tumorem supra pubem sensit dolentem, durum & instar vivi alicujus usque ad cardiam ascendentis insecti sese moventem, qui externè quoque tactu sentiri potuit, & à cibo, dum adhuc cælebs esset, quietus fuit. Menses inordinatos & sæpe obstructos virgo habuit, vidit tamen trimestri ante conjugium. Nupta ante menses octo cibos non bene tulit, sed doluit & revomit. Calorem hecticum & ardentem habuit: urinâ plerumque crassâ in conjugio, alvo semper dura & usque ad octo dies aliquando suppressâ, paucis tamen medicamentis sese solans, quamvis in Pharmacopœi Aulici familiâ diu vixisset, obiit tota emaciata, annorum quadraginta quinque 2. Februarii A. 1686. Dissecto abdomine ad perscrutandam mortis causam, omentum putridum disparuit: statim apparuit tumor triplex, quorum superior maximus glandulis inæqualis, reliqui minores læviores quidem sed toti è glandulis conglomeratis concreti, multis respersi venis conspiciebantur.

Tumor ipse capitis humani magnitudine super uteri fundum adnatus ligamento lato, cæterum ubique liber in supina seu adversâ parte multis globis majoribus & minoribus, atque vesiculis constans vel serum, vel pus vel glandulas duras vel emollitas sordidasque ostendit, utero ipso sano & ut in virginibus atque partum non expertis sano: cujus testiculus dexter marcidus sine vesiculis tumentibus, sinister vix apparuit.

Intè-

Intestina utrinque plus solito affixa, & hinc inde parum sphacelata fuere, ut & abdominis muscoli interni. Quibus ad superiora reclinatis glandulæ magnæ ad spinam dorsi veniebant in conspectum.

Jecur in gibba parte paucis, in sima plurimis magnis & duris conglomeratis glandulis refertum. Ventriculus, in quo puls cinerea & subnigra, versus epar totus ejusmodi glandulis obsessus supra & infra velut in Daunero nostro Ephem. harum Ann. 14 Obs. 86. fuit, pylorus verò extra valde durus, dissectus digito crassum habuit glandulosum & quasi cartilagineum ambitum longum, per quem valde constrictus fuit.

Hinc firmissimè adhæsit pancreas quoque durum & scirrhosum.

Pulmones ubique affixi, maculis nigris luridi, glandulosi, & putredini proximi.

OBSERVATIO X.

D. SALOMONIS REISELII.

Rupto utero foetus intra abdomen exclusus.

ANna Catharina, Christophori Steigers, civis Stutgardiani uxor annorum quadraginta octo liberos peperit difficulter quidem, quum & primo partu læsam se retulit: nonum gerens foetum divinavit se morituram, ut mater quoque nono foetu mortua. Cum tempus gestationis usque ad tres septimanas completum fuisset 7. Januarii 1684. serum (quod ante quatuordecim dies etiam fluxit) cum sanguine copiosissimo effusum, qui nec aliis mediis, nec vena secta stetit. Hinc dolores & conatus parturiendi multi sed inutiles secuti: à quo die foetus moveri non sentiebatur. Fluente interea semper sanguine neque apparente spe foetus prodituri, atque doloribus cessantibus 10 Januarii mane ob-

ne obiit præcedente sæpius vomitu, & remanente foetu. Post mortem etiam cibus effusus, & unà vermis longus ex naribus erupit, cujus signa fuerant nausea sæpe recurrens & quasi ascensus quidam ex ventriculo.

Apertis abdominis musculis illicò apparuit caput pilosum quod terribile & inusitatum fuit aspici. Inquirentibus ulteriùs brachium dextrum obvenit cum parte dorsi. Dissecto utero à superiori parte, pedes versus fundum erecti, nates ad orificium conversæ; qui in superioribus crassus & naturalis, cui dextrorsum secundina adhuc adhærebat; in inferioribus versus pubem tenuis, disruptus & gangranosus erat, (ut & nates lividæ,) ut per rupturam ejus embryo extra uterum & intra abdomen egressus fuerit medio corpore.

Unde hæc ruptura venerit, non licuit invenire, quia nec maritus scivit vel scire voluit de lapsu aliquo, contusione, aliquaque violentia, quamvis ipse satis rudis fuerit & mulieri tremendus, nec obstetrix nec vicinæ quicquam querentem illam audiverint. Doluit tamen valde ante partum, & sudavit ferè singulo mane per quatuor menses, referente marito.

Cui casui meritò adjungo Observationem, quam Excell. Dn. D. Joh. Ludovicus Witzel, Physicus Francofurtensium, præclarissimus, Anno 1669 communicavit, cum ei eventum Cæsarei partus Hanoviæ à me administrati perscriberem, quam operationem non adeò periculosam judicat, nisi nimis tardè fiat, priusquam per diuturnos conatus parturientis vires perditæ fuerint, cùm Medicus re ferè desperatâ à mulierculis demum requiratur.

Raram feci, inquit, apertionem in uxore lanionis, quæ in seipsa peperit disrupto utero & mox cum maxima hæmorrhagia spiritum emisit. Causa fuit, quod medietas uteri in latere dextro scirrhusa, reliqua foetui locum concedens nimis attenuata laboribus partûs rupta fuerit, unde embryo egressus supra intestina sese collocavit.

Quid de foetu Mussipontano extra uterum in abdomine detento; tandem lapidescente, factum sit, publici juris factum est diu, & litigatum est anxie.

OBSERVATIO XI.

D. SALOMONIS REISELII.

Conjecturæ & notamina circa hernias.

V Initor trigesimo proximus anno ante annos quindécim aquosâ laborans, ut patiens putavit, 24 Maji 1686 à litigantibus ipse arbiter humi prostratus & succumbens, nihil tamen domi accusavit aut doluit, nisi usque ad 29 mensis hujus diem, ubi propter dolorem herniæ sinistrae auctæ lithotomus vocatus fuit, quam, ut & alius Chirurgus frustra reponere tentavit. 2. Junii mortuus; quinto apertum cadaver: tùm hernia digitum longa scroto toto livido & abdomine quoque livefcente apparuit, reprimi impossibilis. Separato post incisionem processu valde crasso & glandulis tumefcente, vasisque spermaticis, intestinum dimidio digito longum nigrum & gangrænosum (reliquis quoque intestinis proximis pariter accensis) non erat contortum, quæ aliàs causæ difficillimæ vel impossibilis repositionis esse creditur, sed facile potuit reponi: Quod mihi spem faciebat, posse quoque in ejusmodi prolapsibus novis majoribus reponi intestina, si vulnus fiat magnum maturè in processu aperto, ut in sectionibus herniarum fieri assolet. Occurrunt enim sæpius prolapsus ejusmodi in frigido præsertim aëre aut motibus inconsuetis & nimis, qui reponi nulla arte possunt, & mortem cum gangræna secum trahunt, quorum exempla plurima occurrunt passim. Hinc mens fuit unâ cum lithotomo proponere & facere sectionem ejusmodi, si data fuerit occasio, & quidem, uti sperabamus, in sequenti casu.

Faber ferrarius, civis Stutgardianus, quinquagenario major à viginti ferè annis herniam portavit satis magnam, quæ sæpe focu reposita fuit. Sed 21. Januarii 1687 prolapsum majorem passus est, quò, cùm ut antea ab uxore non potuerit reprimi, vocatus fuit Lichotomus Adolphus Schwegerlin, qui balneum suasit ad humectanda & excalefacienda intestina, à quo verò major moles elapsa fuisse credebatur cum ingenti dolore. Tertio die accessi unà cum Dn. D. Joh. Sebastiano Schickardo Physico hujus loci, ubi suasimus fots tepidos sæpissime repetendos & clysteres. Quarto Decoctum Sem. 4. calidorum ex vino & aqua (quod consilium Practici cujusdam nostratis felicissimi quondam juvisse in summo periculo, relatum fuit) proposuimus. Quod tamen, ut nec priori die Oleum Amygd. dulcium, non sumsit ex metu vomitus, quia eo die SS. Cœnam assumsit. Quinto Empl. magneticum lumbis applicatum, quod D. Michael tantopere laudat, sed frustra. Eodem accessit vomitus fœcum fœtidus, qui sexto continuavit, sed non tam fœculentus nec tam fœtidus: nihil verò accepit vel ciborum vel medicamentorum cordialium, quod non revomuerit. Applicatum itaque ad præservandam gangrenam & intestina restringenda Decoctum nigrum. Et quia dolor præsertim circa superiora cessavit, processum ita ampliatur fuisse sperabamus, ut etsi intestina non reponerentur, posse tamen prolapsa sine vitæ periculo ita detineri. Septimo Symptomata eadem, cum & Vinum Cydonites frustra biberet tam ad sitim leniendam quàm roborandum stomachum. Sed pulsu jam & viribus deficientibus sequenti nocte defecit. Itaque in cadavere tentare volebamus, an repositio intestinorum posset fieri facto amplissimo vulnere, ut in herniotomia oportet fieri, & quod præmeditati fueramus in vivo. Sed vidua negavit hoc experimentum in suo marito fieri, vel magno dato præmio.

Hæc cum præsentì Clarissimo Dn. D. Joh. Jacobo Wepfero retulissèm, ad sensum dedit, affirmavitque jam in Galliis ex-

empla aliquot feliciter cessisse talis sectionis, quæ proximè mittenda promisit & ad Ephemerides communicanda. Cæterum dabo hic etiam, quæ notavi, quomodo in dignoscendis herniarum speciebus facile fallamur.

Puer dispnoëicus, gibbosus, tussiens, rachitide laborans, mensium 12 moritur 30 Martii 1682. qui simul tumorem in inguine dextro habebat, quam pro hernia Artifex judicavit. Eam verò cum quærerem, aperto corpore ad preces parentum, qui causam morbi & mortis, quam in alio infante experti sunt, cognoscendam, Gelatina solùm supra processum peritonæi inventa fuit, loco vel omenti vel intestini delapsi, & hic quoque glandula major ad latus nervi Iliaci, ut in latere sinistro sed minor..

1. Febr. 1684. Lithotomus Adolphus Schwegerlin secabat duos herniosos, Nobilem alterum 24 annorum, quem Sarcocoele putabat laborare, quæ ab annò usque inter equitandum initia capiens excrevit in magnitudinem ovi anserini: alterum vinitorem viginti ferè annorum, Enterocoele dextra tumentem. Resectus Nobilis tumor ostendit externè durum vas veluti nervum pennæ minoris anserinæ magnitudine, qui apertus emisit multum veluti lactis seu chyli seu puris non tamen foetidi, hærentibus intus fibris oblongis, crispis & transversis. Cultro penetrante ulteriùs testiculus apparuit integer: sub testiculo verò sacculus satis crassus sero limpidò impletus. Intestinis in ventre retrusis apparuit tamen proximè ad abdomen aliquid duri: quo resecto visus est canalus unciam longus, accrescens, veluti cæci intestini finis, in quo arenulosum quid hæsit, multumque pinguedinis circa crassum peritonæi processum adfuit. Uterq; verò restitutus est feliciter.

Mulier ferè quadragenaria, mater liberorum plurium, Typographi Stutgardiensis tertii mariti uxor, ante tres annos in ultimo partu sensit tuberculum in dextro inguine obortum, quod crevit ad magnitudinem ovi gallinacei parvi. Finit Decembris 1687 colicos passa est & circa tumorem dolo-

res,

res, quorum gratia & interna & externa antispasmodica sunt applicata remedia à Dnn. D. D. Gmelin & Schickardo. Vomuit dein fæces & clysterem aliquando. Cessavit verò vomitus, & fæces à clystere sollicitante dejectæ sunt iterum: obiit debilitata tamen valde 14 Januar. 1688. Post meridiem quæsitæ est vera causâ in cadavere, dum vivente illa dubitaretur, an tumor ille sit bubo, an hernia vera. Detecta ergo cute & pinguedine apparuit tumor glandulosus, facilè separabilis, sed ab omento dependens, quod ipsum tegebat & constituebat glandulis scilicet auctis & vasis valde tumefactis, quæ nutrimentum afferebant. Dum profundius inquireremus, Ego cum reliquis dictis modò Medicis & insuper D. D. Oswaldo Schwan, vidimus omentum quoque intestino ileo parumper esse adnatum & aliquo modo nigrum seu Sphacelo proximum, unde non solum tensivi dolores, qui in præcordiis sentiebantur, ob detractum omenti pondus, sed & obstructio fæcum inibi facta fuisse credebatur tanta quidem, ut per superiora effunderentur, quia à motu peristaltico impedito non facile poterant deorsum vergere. Non tamen planè fuit conclusum intestinum, quia in loco angusto saltem impeditus fuit motus: unde adhuc potuerunt fæces deturbari, quamvis difficiliùs, quod & factum est aliquoties ante vitæ finem, faciliùs futurum, si oleosis multis essent lenitæ & juvatæ fæces.

In uxore aurigæ aulici, quæ post gravissimos dolores colicos obiit, & aperta fuit, quòd credebatur à veneno quodam dato læsa, similem pinguedinem in inguinis tumore diuturno, qui hernia putabatur, loco prolapsi vel omenti vel intestini cujusdam, me invenisse memini, nullis verò veneni signis repertis. In asthmatico puerulo, de quo sequenti Observatione, circa herniam, quæ in vivo ob tumorem inguinis conjiciebatur, dextram glandulæ multæ, & serum coagulatum, inventæ fuerunt; quæ an propter data & imposita consolidantia & adstringentia illic concreverint, liceat suspicari. Quæ ob-

servata notare, & ad meditationem accuratorem communicare volui.

OBSERVATIO XII.

D. SALOMONIS REISELII.

Asthmatici pueri Anatomia.

LAnionis Aulici Stutgardiensis filiolus asthmate per tres annos, hinc ascitide correptus ab utroque malo liberatus quidem, obiit tamen post asthma rediens & ascitidis initia, pedum puta tumorem & abdominis tensionem, (cui urina valde crassa & turbida fuit, extremò clarior sed pauca;) 14 Martii 1683 sex annorum. Cadaver apertum pulmones utrinque valde affixos ostendit, quorum dexter purulenti aliquid circa superiora habuit. Cor ingens poly-pum aluit, & externam pinguedinem quasi granulatim per totum parenchyma dispersam, qualis & pericardio quasi car-noso adhæsit, cui quoque cor ipsum accrevit. Mediastinum crassum & cruentatum. Hepar externè quidem boni & rubicundi coloris, sed pressum digito foveam quandam relin-quens pallidam ob parenchyma pallidum & flavum & bile re-pletum: cum in vesicula biliaria crassa bilis quoque crassa & densa esset.

Cætera omnia sana sed prægrandia viscera in habitu ro-busto, quem à parentibus, matre imprimis contraxit cum fa-cie rosea & eleganti. Pancreas etiam duriusculum: omento integro adhuc, quod aliàs in asciticis plerumque putrescit, & solito crassiori; glandulæ in intestinis insignes; serum ex ab-domine effluxit crassiusculum, quod prunis impositum in-star gelatinæ concrevit: quod in pectore ut & pericardio co-piosum fuit, atra bile tinctum & sordidum: pinguedo ferè nul-la propter colliquationem ex calore multo, extenuatis hinc superioribus corporis partibus. Sanguis venâ cavâ dissecta, niger quidem, sed fluidus & copiosissimus. Hic asthma suum
à sum-

à summa angustia levari sentiebat, quando stans caput & pectus inclinabat scamno, forte quod cor oppidò magnum ster-
no incumbens meliùs quieverit, quam si supinos pulmones
prefferit.

Circa herniam, quam in dextro latere habuisse videbatur,
glandulæ multæ & serum coagulatum, quale quoq; circa pan-
creas & mesenterium fuit, inventæ sunt, nullis prolapsûs cu-
jusdam vestigiis apparentibus.

OBSERVATIO XIII.

D. SALOMONIS REISELII.

Sonitus in abdomine.

Vinitor cælebs 36 annorum, Andreas Stöcklin à sex an-
nis sonitus instar viperæ clamorosus satis sensit. A cibo
præsertim dulci exsuscitatus est motus & sonus quasi
ab insecto vivo, ab amaris verò quievit tanquam fu-
gatus, aliquando ad cardiacam usque adscendit, & semper do-
lorosus fuit usque ad mortem. Huic insuper circa bubones
sinistros fistula fuit à sex itidem annis, quæ initium sumsit ut
credebat, à pedum distractorum laxatione, quæ penetravit
usque ad posteriora, cum carnifex ab initio multa adhibuis-
set, ubi præterita æstate aperto vulnere ossicula plurima ex-
tracta sunt. Mortui 12. Maji 1681. cadaver apertum est, cu-
jus pes sinister arefactus, claudus & abbreviatus è regione sci-
licet fistulæ fuit, dexter verò tumidus. Bubones sinistri ma-
gnis glandulis scatebant, fistula intus gangrænosa foetida, par-
ticulæ multæ ab ossè pubis facile decedentes toræ nigræ. Pul-
monum dexter consumtus & costis firmissimè per totum la-
tus affixus. Intestina & stomachus flatibus plenus pressione
rigidum & sonitum edens ut in vivo corpore, quem dome-
stici credebant à vivo quodam insecto provenisse. Gangræna
sine inflammatione vel incendio proximo serpente adspicie-
batur,

batur, sed tota nigra erat caro & pinguedo & ipsa pubis ossa, quod singulariter notandum. Vasa omnia tam in epate quàm alibi vacua erant sanguine.

OBSERVATIO XIV.

D. SALOMONIS REISELII.

Exsangue ferè corpus.

Propter vacua à sanguine vasa, adduco Dnn. D. Joh. Schickardi, & D. Joh. Sebastiani Ottonis Physicorum Stutgardianorum Observationem. 20. Octobr. 1684. Michaelis Aurigæ Hospitalarii cadaver apertum est, qui ante tres dies obiit sumta prius purgante Jalapæ rad. à carnifice, in febre continua, ut conjicitur: quod quadraginta quinque granis datum est, robustis saltem usque ad triginta grana concedendum. In hoc corpore nec duæ parvæ ventosæ sanguinis, nec grumi alicubi inventi sunt. Quomodo sanguis, qui neque ante neque post mortem effluxit, perierit, difficile erit pronunciare.

OBSERVATIO XV.

D. SALOMONIS REISELII.

*Fæces per umbilicum lethaliter ex-
euntes.*

MOdò dictus Physicus Stutgardianus, Joh. Sebast. Otto, Ulmenfis, communicavit mihi istam Historiam his verbis. A. 1663. filiola sex annorum Dn. Præceptoris Marquardi diu de tumore duro infra umbilicum in sinistro latere à mala diæta antecedente quæsta, circa medium mensem Julii incidebat in dolorem impatibilem ventris. Imposito emplastro emolliente anodyno erupit materia

ria purulenta foetida per umbilicum, nec non alimenta semicocta, interdum vermes seu lumbrici teretes successivè numero quatuordecim, modò materia liquida in non parva quantitate, sed alvus semper fuit libera; appetitus usque ad finem vitæ vigeat. In mense Octobris ferè nulla excrementa amplius excernebat per alvum, corpore consumto instar sceleti ac viribus exhaustis, die 17 Octobris lumine caesa est.

Sequente die aperto abdomine deprehendimus intestina circa umbilicum multis in locis peritonæo ac musculis abdominis arctissimè connexa, mediante membrana crassa. Intestinum ileon quatuor in locis disruptum excrementa propè umbilicum emittens peculiari membrana, crassa, carnosâ, faccum quasi formante ibidem cingebatur, ita ut excrementa in cavitatem abdominis effundi haud potuerint, sed maximam partem è foramine umbilici egredi coacta. Glandulae mesenterii & intestinorum undiquaque quam maximè induratae ac auctae fuerunt. Circa intestini coli regionem glandula maxima dura, albicans, castaneæ magnitudinis reperta. Hepar æquò majus, lien debitæ magnitudinis. Pulmones naturales, lateri dextro affixi. Cor naturale. Corpus emaciatum.

Offero itaque hac vice non tam meas quàm aliorum Medicorum sectiones in cadaveribus, ut appareat, quàm faciles sint nunc Stutgardiani nostri in inquirendis causis morborum incurabilium & incognitorum.

Porrò expectabimus ab Ampliss. Dn. D. Joh. Jac. Wepfero Observationem rarissimam faccum per umbilicum aliquot annis egredientium, sed post mortem demum Ægræ edendam: cum adhuc vivat illa nobilissima.

[Stutgardia d. 18. Maji 1688. August. Vindelico. missa.]

OBSERVATIO XVI.

D. JOH. JACOBI WEPFERI.

Ventriculi tumor verminosus cum folliculo.

CAnis venaticus, semimolossus, mordax, quo potissimum ad Taxos capiendos utebantur, obesus valde, propter apparentem suffusionem in sinistro oculo & glaucoma dextri oculi d. 4. Maj. 1688. strangulatus fuit. Apud carnificem cum aliis canibus venationi intervientibus diu enutritus & prope solis morticiniis victitans, abdomen valde distentum habuit: Aperto abdomine secundum lineam albam, statim intra peritonæum à cartilagine ensiformi ferè ad regionem umbilicalem copiosa pinguedo apparuit, nos omenti facie ludens: verùm decussatim integumentis abdominis discissis omentum pinguißimum seorsim integrum detrahère valui vidique per epigastrium longè lateque pinguedinem copiose peritonæo accrevisse, ut & aperto pectore mediastino & pericardio foris. Ventriculus dilutè undique rubens, amplissimus erat, plenus assumptorum, occupans maximam partem abdominis, descendens ultra regionem umbilicalem vergensque ad partem dextram multum ultra lineam albam: nec ipse nec intestina flatibus turgebant. Ventriculum circa stomachum & infra pylorum ligatum exemi & à contentis foetidis aliisque sordibus mundandum curavi atque inversum aliquandiu frigidâ maceravi, unde multum contrahatur, vixque quarta pars prioris amplitudinis remanebat: tota interna superficies mirè anfractuosa evasit ac dilutè rubebat; Pylori verò antrum amplum, anfractibus destitutum, candidum erat: tum ventriculi interna superficies, tum antrum multo mucò oblitum fuit, eoque deterso, protinus novus succedebat ex internis tunicis, dum multifariam ipsum
versa-

verfabam: nam in pariete sinistro, non procul à medio fundi, tumor nucis juglandis magnitudine, durus, mobilis & quasi à non crasso pediculo dependens occurrit: tumorem interne denudavi à tunica crustacea, unde tumor candidus evasit & in medio osculum rubellum seminis cannabis capax apparuit, ex quo, presso tumore, prodiit mucus atro rubescens: foris sublata tunica fibrosa, manifeste patuit tumorem hunc locatum fuisse intra duplicaturam membranae nerveae ibique suum exordium sumpsisse, nam foris & intus tumoris folliculus cum illa continuus erat; foris quoque ut intus, candidus fuit, verum absque ullo osculo: dum ita ventriculum tractavi, interna superficies denuo multo mucosius undique operiebatur ac si nunquam abstersus fuisset. Tumorem hunc à parte postica per medium discidi, mox occurrebant vermes teretes, plerique rubri, pauci albi, aliquot erant crassitie pennae columbinæ ex alis extractæ, alii graciliores; quidam 3ij. longierant, alii breviores; proboscis erat acuta; quibusdam ex medio ventre, aliis ex ano, prodierunt filamenta alba, tenacia, quædam bifida, quædam trifida, longa ad 3j. 3is. etiam ad 3ij; an verminosa soboles? ane verò intestina propendula fuerint? dignoscere nequii. Vermes isti immergi erant mucosius atro-rubescenti tenacissimo. Folliculi interna superficies erat inæqualis & scrobiculis prædita superficialiis. Illorum tunica multò crassior erat membrana nervea, densa, tenax, atque ipsamet nervea, ferè crassitie pennae anserinæ; in aqua macerata magis intumuit; soli exposita, prope instar cornu induruit: similis ferè evasit ventriculo avium, exemplis contentis. Ab osculo extrinsecus apparente erat ductulus mediocrem stylum admittens, rectus, levis, albus, in cavitate folliculi pervius. Ipsum osculum prominulum rubrum, ac si ex folliculo in cavum ventriculi exitus concederetur, atque ingressus impediretur, nam præter conformationem hanc, nullum vestigium assumptorum, aut chyli incavo folliculi videre potui, mucusque atro-rubescens pellucidus.

cidus nec à chylo turbidus apparuit. Duos alios tumores in cavo ventriculi, unum pruni sylvestris magnitudine in pariete dextro distantiore à fundo, quàm primus erat; alterum in antri pylori latere dextro, circiter ejus medium, ambo erant albi, nervei, duri, quoque intra duplicaturam membranæ nervæ collocati: ille continuit in medio strias atro-flavescentes, quales sæpe inveni in tuberculis hepatis ovium scatentium hirudinibus, sive vermibus latis in ductibus bilariis; hic intus undiquaque albus erat, densus, compactus, citra permixtionem ullius corporis, sibi undique similis, instar ganglii. Per internam superficiem duodeni plures maculas rubras dispersas conspexi: pressio foris duodeno nullus humor turbidus, sed aqueus prodiit: hæ maculæ ultra insertionem ductus bilarii spargebantur. Dum ex intestino per osculum ductus bilarii stylum intrusi, asperitatem quandam expertus sum ac si ductus isto aliquo usque arenulis incrustatus fuisset: Verùm neque in vesicula biliaria, nec in ductu communi, nec in hepaticis quicquam arenosi, aut verminosi reperi: Vesicula biliaria semiplena bile tenaci, glutinosa atro-flavescente erat: Hepar fuit magnum, rubrum, leve: Lien longior erat spithama cum dimidia, latus vix 3ij. gracilis, mollis, ex rubro sublividus: duabus uncis intra osculum ductus cholidochi occurrit ductus pancreatici majoris ostium, verùm ex cavo intestini, utcunque osculum conspexerim, stylum tamen inde in ductum adigere nequii, verum ductu leviculè sauciato per vulnus facilè illum permeare valui, nam insertio admodum obliqua erat atque ita valvulæ vicem præstabat. Ambo renes ritè conformati nihil vel arenosi, vel verminosi continuerunt: Vesica vacua, cor rugata: in aperta plurimi noduli rubri, molles, mobiles per internam superficiem spargebantur, similes hæmorrhoidibus cæcis internis. Collo vesicæ accumbabant prostata insignis magnitudinis, ut primo intuitu viderentur tumores duo p. n. Verùm exemptis renibus, vesica, cum vasis spermaticis, constitit verè esse prostates, sed

majo-

majores debito: illis pressis prodiit humor sero lactis similis, fluidus & turbidus. Intestino recto prope anum accrevit tumor cum folliculo nerveo tenaci, illo casu sauciato, plurimum humoris turbidi subflavi effluxit; cavitatis ejus superficies coivit in strias rectas cum sulcis rectis, profundis, vacuus facile capiebat nucem moschatam: nullum ductum aut osculum excretorium ullibi invenire potui. Mesenterium pinguisimum fuit. Eruto utroque oculo, in sinistro vidi pupillam, versus angulum minorem orbitæ quoque habuisse angulum obtusum, nec exactè rotundam fuisse. Cataracta mediam partem pupillæ occupavit ac veluti lacera transparuit; cornea media forfice discissa & postica parte sublata, inveni humorem crystallinum è sede sua pulsum aliquantulum uveæ accretum tenaciter, unde pupilla suam rotunditatem amisit; in postica parte pertinacissimè ei adhæsit mucus albus crassus viscidissimus, ut illum citra lacerationem separare nequiderim; similis humor antè tum humori crystallino, tum uveæ quoque firmiter accrevit, non secus atque in parte posticâ: ubi mucus ille non operuit humorem crystallinum, pellucidus mansit, ut per illam literas novellarum, ceu per microscopium, majores multò conspiciere potuerim: verùm hic dimidia parte minor erat dextro, imò totum pomum oculi minus dextro manifeste apparuit, quamvis multum adhuc humoris aquei & vitrei superesset. Cornea oculi dextri per medium divisa, humorem crystallinum à ligamento ciliari liberatum chartæ imposui cum vitreo; ambo perspicui & nitidi erant & literæ tam clarè videri poterant, quàm per humores oculi sanissimi, unde mirabar, cur glaucus apparuerit, cum etiam cornea in utroque oculo suam perspicuitatem retinuerit. Intra cranium & in cerebro nihil p. n. inveni.

SCHOLIUM.

I.

Tumores anormales, imprimis Atheromata, inter rariores
D 3 nume.

D 3

nume.

numerari Marc. Aurel. Severinus de recond. Abscess. nat. sub fin. l. 4. memorat: aliquando tamen inventos à Curiosis fuisse, Observationes Med. testantur. Tumor iste verminosus atheromatibus accensendus videtur, utcunque ejus contenta non fuerint similia pulci ex farina frumenti, aut castanearum cum aqua subactæ: nam ipsemet Severinus cum Galeno M. M. l. 14. c. 22. fatetur, hæc varia atque absurda intra folliculos suos quandoque continere, scil. pilos, ungues, ossa. & præter alia quoque vermes.

II. An tumores isti vegetabilis, animalis, aut mixtæ naturæ sint? Severinus l. c. discepratur: atque ambigit illos animalibus annumerare, seu talibus corporibus, quæ aliarum partium more nutriuntur & augentur; hæsitandi causam præbuit, quod cum Fabritio ab Aquapend. nullas arterias ad horum tumorum folliculos ferri putarit; Verùm quia folliculi isti sauciati sanguinem fundunt, à sanguine nutriuntur & augentur, atque ex parvis initiis cum contentis in magnam molem excrescunt; ac ligato pediculo graciliore contabescunt, arteriæ ipsis denegari nequeunt: Verùm hic error utrique facile condonari poterit, quia ambo C. S. ignari erant, certe 1647. illam nondum admisit Severinus, ut ex Epistola ipsius, tunc ad me data, probare possem; fortè ob tunicæ tenuitatem arterias pro venis habuit; imò ipsemet Medicinæ nostræ Parens hæc vasa confudit unicoque nomine appellavit: nec tamen penitus ex animalium censu expungit, nam l. c. non vult germina, sed Foetabula appellari & dum quærit: Cur DEI administra Natura hos tumores, sed foedam & abjectam materiam continentes, folliculo donarit? allego Paræum stantem ex semine instar plantarum generari, & Gabr. Ferrarium asserentem, primordium illorum seminale quid esse, quia in his tumoribus pili, ungues, ossa aliaque reperta fuerint: Folliculos quidem ibi non solum chorio, sed quoque cortici seminum comparat, quibus omnibus foeturis DEI providentia prospexit easque quasi his obvallavit: quia ta-
men

men folliculi sanguine irrigantur, chorio similiores c-
runt.

III. Iste ventriculi tumor anomalous, si quis alius anima-
tus vocandus erit, tum quia instar partis alicujus, sanguine nu-
tritum & ad violentam usque mortem conservatus fuit, tum
quia ejus contenta vermes, verè animalia erant. Hos in fol-
liculo genitos fuisse me persuadent, primò osculum tumoris
membranæ nerveæ insculptum, prominulum, carneum,
osculo ductus cholidochi plerorumque animalium hianti in
cavum intestini seu duodeni seu jejuni, exitum concedens, sed
regressum impediens, prorsus simile; humor subcruentus,
pellucidus, cui vermes immersi erant, nec quicquam à chylo
turbido ventriculi contaminatus; insuper folliculi superficies
interna scrobiculosa & aspera, quàm ventriculi superficies in-
terna, utcunque anfractuosa valde esset, lævis tamen ubique
manit; certè si vermes in cavo ventriculi geniti fuissent ibi-
que aliquandiu perstitissent, vix illi pepercissent: denique
vel imprimis in hac opinione me confirmant, tumores, quos
sæpe & plerumque in hepatis parte convexa murium, ovium
& boum reperi; constabant illi folliculo albo, denso, pro-
minulo, undique primum clauso, nullibi pervio, murium
continebant vermes, latis lumbricis similes, quorum quos-
dam etiam in intestinis inveni; ovium & boum figura simi-
les erant foliis buxi, quidam latiores & longiores, tenues, in
utroque extremo acuminati, explicati ostenderunt vasa mi-
nuta in tenuissimos ramulos divisa; laniones nostri hirudi-
nes vocant, sed illis planè dissimiles: interna superficies non-
dum exesorum folliculorum aspera quoque & inæqualis erat.
In ovibus & bobus hos vermes ductus bilarios in multis locis
implevisse vidi, quod procul dubio folliculis tandem perru-
ptis factum fuit. Aliquando dissecta vesicula biliaria in bovis
epate verminosa, juxta collum vesiculæ biliaræ unus horum
vermium caput in cavum ejus exseruit, vossella illo extracto
comperi ductum ex hepaticis vesiculæ inseri ac bilem hac via,
non

non per ductum cysticum instillari: verum hac de re alibi dis-
ferendi occasio dabitur. Tumor dextri parietis procul du-
bio verminosus evasisset, nam boum & ovium tumores non-
dum maturos strias hujusmodi atro-flavescentes continuasse
vidi. Quid de antri pylori tumore sentiendum sit, nihil certi
proferre possum, nisi quod forte fuerit cicatrix altior nata post
vulnus ab ossis fragmento illatum. His tumoribus aliquo
modo similia sunt tubera quædam vegetabilibus quibusdam
innascentia, ut sunt spongiæ cynorrhodi, quas Bedegvar vo-
cant, grana Kermes, tubercula in foliis quernis & salicum,
quæ quidem cortice vegetabili vestiuntur, à principio tamen
animali originem ducunt; illis dissimilia sunt, quæ infecta,
quasi affigunt caulibus, foliis, virgulisque quarundem plan-
tarum ac perruptis suis folliculis in varii generis mûscas, papi-
liones &c. transmutantur.

IV. Vermes in hoc tumore non nisi ex sui generis semi-
ne productos fuisse, cum Sennerto, sentio: omnia ejus argu-
menta hic accumulare nolo, cui placet ejus Hypomnemata
Physic. de sponte viventium ortu, adeat. Huic allatum fuit
per arterias, per quas solus humor aliunde ad duplicaturam
membranae nervæ transportari potest; non per nervos, cum,
ut alibi monui, hoc in loco vel in membranam expandan-
tur, vel in minutissima filamenta dirempti fibrillis associantur &
cum illis coalescant: ut taceam illos non ita excavatos esse, ut
humorem his oculis imprægnatum imbibere & huc advehe-
re possint. Massæ sanguineæ semen verminosum admisceri
non impossibile credet, qui nudis oculis in aceto vermes flu-
ctuantes & mirè se torquentes, aut microscopio armatis in fe-
bricitantium sanguine vidit: qua de re videantur Kircherus
de Peste & Langii Patholog. animata. Ad massam sangui-
neam pervenit cum chylo ex morticiniis confecto, quibus,
cum aliis canibus venaticis, diu alebatur; nam non omnium
assumptorum substantiam in ventriculo & intestinis destrui
vel in vulgus notum est, & hac de re videatur Kergerus de Fer-
mentat.

mentat. Duplicaturam membranæ nerveæ nemo negabit, nisi fortè ille, qui nunquam attentè hanc membranam intuitus est, nec observavit intra illam vasa sanguifera capillaria incedere; intra illam substitit hoc seminium, quia neq; à venarum neque à vasorum lymphaticorum osculis resorptum fuit, sive ob molem majorem quam ut ab illis suscipi potuerit, sive ob compressionem quandam minutorum ductulorum; nam canem hunc voracissimum fuisse, amplitudo ventriculi & contentorum copia testabantur; fortè etiam ossium frustra majora inglutiit, ut hoc canum genus famelicum facere solet, quæ postea in consueto amplexu ciborum ductulos istos coarctarunt & ulteriorem progressum impedierunt. Seminium hic subsistens & à loci calore & humiditate fortè vivere incepit; seu spiritus folliculo inclusus dilatando membranulam & porulos recludendo nutrimento aliquem accessum conciliavit: Vermis sive solus sive comitibus stipatus, aut jam in magna & prima vermium matre formatus & per tot ambages, totque injurias ad hujus canis membranæ nerveæ interstitium p. n. delatus, aut per *σύνανιν* quandam formandus à divite nutrimento allato introrsumque truso indies ipse cum sociis evasit in perfectum vermem: Jam confecti videntur victitasse alimento per arterias ad folliculum propulso, non autem succo quodam nutriente per osculum intruso, nam mucus ille, cui immersi erant, pellucidus & interna superficies scrobiculosa fuit: atque aliàs vidi in porci ileo inverso, magnam copiam vermium teretum pendere, hirudinum more affixos ac alimentum sugentes: sic quoque lumbricos latos luciorum intestinorum superficiei pertinaciter adhæsisse sæpius conspexi, ac si hoc genus insectorum non solis sordibus victitaret: forsàn inde verminosi dolores ventris & quandoque convulsiones patiantur: etiam lumbricos teretes non solum intestinum prope umbilicum, sed quoque integumenta abdominis in duabus puellis, & prope inguina, prægresso abscessu, in tribus foeminis perterebrasse observavi. Num aliquan-

quando in illis, qui diu verminosi sunt, nec prope ullis medicamentis curari poterant, talia latibula in illis exstiterint? inquisitionem mereretur: nam si solummodo per intestina oberrarent vel centies à purgantibus vel cum facibus annuo spacio expulsi fuissent: novi foeminas aliquot annis à lumbricis latis & adhuc quandam tum ab his, tum à cucurbitinis affligi, quamvis incredibilis copia jam expulsa fuerit & saepe adhuc sponte secedant.

V. Vermes in cane isto nec chylicationem nec sanguificationem turbasse, nec alias molestias intulisse, vel sola ejus obesitas probat: nec poterant, dum in folliculo latitarunt; nam folliculos nervis destitui, *Severinus* l. c. memorat & experientia mihi aliquoties fidem fecit, nam sine dolore in illorum separatione hamulos acutos infixi & à contentis vacuis, ad recidivam cavendam in fundo butyro Antimonii illinivi, lapide infernali attigi, imò ferro candente sine sensu adussi.

VI. Pupilla oculi sinistri angulosa Chirurgis Cataractæ depositionem acu ausuris monumentum esse poterit, ne illam attingant, nam in hoc cane constitit, mucum illum ante & retro cum ipso humore crystallino pertinaciter uveæ conatum fuisse: in Cataracta, quæ hanc operationem admittit pupilla cum ipsa semper rotunda manet, licet digitis palpebra clausa oculus perfricetur ac pupilla valde dilatetur, & si matura sit, dextreque acus ducatur, non ægrè cedit, ut aliquoties vidi, secus si se habeat pupilla, non solum labor inanis erit, sed quoque magno dolore afficientur. Cujus rei exemplum, dum hæc meditabar, in via occurrit: d. 16 Maj. 1688 prope Dettenhausen, milliari German. Tubingâ distante, *Georgius Pfeiffer* cæcus stipem petiit; in sinistro ejus oculo vidi pupillam non exactè rotundam & suffusionem triangularem, instar nivis candidam, pomum oculi integrum: in dextro oculo, loco pupillæ erat scrobiculus & cum maxima parte iridis mera cicatrix pomumque multum imminutum: Hic ante 8. annos

annos nondum penitus visum amisit, lumen oblatum innouit; Agyrta Cataraëtam depositurus in utroque oculo densissimas statim tenebras attulit, nec quicquam luminis inter deponendum sensit simulque insuperabiles capitis dolores, diu durantes, excitavit, unde totum caput intumuit & adhuc subinde intumescit, quamvis etiam septuagenarius bene coloratus, carnosus & robustus sit.

VII. Glaucoma oculi tantummodo apparens fuisse, manifestum fecit sectio, nam cornea, humores crystallinus & vitreus transparentes erant, nihilque turbidi in aqueo visum: observavi in optime videntibus aliquando glauci quid apparere, quod nihil nisi retina erat, clarius visui occurrens, pupilla ampliore & humoribus perspicuis existentibus.

VIII. Mucus ventriculo pluries deterfus, intus resudans, argumento mihi est, etiam per poros visui non patulos fermentum copiosum ex membrana nervea exprimi, ut non necessum sit illud aliunde derivare.

IX. Maculæ rubræ procul dubio vestigia erant glandularum in duodeno, quas plenius descripsit Gener meus Dn. D. Brunner P.P. in Disput. de illis habita Heidelbergæ non ita pridem.

X. Distantia ductus pancreatici & cholidochi osculorum non valde favere videtur pugilum pugnae; quæ etiam in bobus observatur distantior.

[Stutgardia 1688. 18. Maji Aug. Vind. missa.]

OBSERVATIO XVII.

D. PHIL. JAC. HARTMANNI.

Anatome Caponis inediâ enecti.

IN dubium fortè *Helmontius* vocaverit, *an aliquis usus ex morbosorum anatomis scientiæ promittendus Medicæ?* siquidem in *Tr. Asthma & Tussis* n. 46. seqq. tantum non ridet asthmatis per anatomen quæsitæ causas: sanè Anatomicos hoc nomine perstringit, quando n. 47. asserit, quod, dum, *fictos humores nusquam offendunt*, tamen per novaculam omnem mortis causam substernere promittant: *Primò*, inquit, *mirantur, tum etiam seridè indignantur mortem absq; venia illorum adventasse.* Etenim quasi in cultro spem & remedium haberent, gaudent in cadavere partem reperisse, cui necem attribuant, &c. Verùm *Helmontius* non potest ex morbosorum anatomis negare usum, quem ipse l. c. n. 42. Presbyteri Asthmatici historiâ suam fecerat. Quod autem minùs rectè à plerisque Anatomicorum sedes morbi designatur, hoc est quod carpit, & fortè non injuriâ; siquidem Hippocraticum illud, *ἡ δὲ νεῖσις χαλεπή*, si in ullo, certè in hoc experiundi genere deprehendes quàm verissimum. Ast ista disquisitio Analyticæ peculiare studium deposcit. Sufficit omnis ævi Dd. tantum usui ex morbosorum anatomis subsignare, ut cum inter sese variis sectarum libidinibus & sententiarum æmulationibus discordent, hujus solius in commune memores, hisce unis, ut *Tertulliani* ista huc traham, studiorum suorum commiserint pacem: In eas conspirant, in eas foederantur, illis in adfectione scientiæ unanimiter student, omnem sapientiæ Medicæ ostentationem de his Anatomis præferentes. Neque humanorum cadaverum tantùm, sed & aliorum quorumvis animantium morbis defunctorum anatome studiosos exercuit indies: Utriusque fidem facient exempla in *Exercitatione de peritia Veterum Anatomica* in

ca in genere ex antiquitate adducta ; nostræ enim ætatis hoc in negotio curas plena eloquuntur volumina. Atque is ad eò ardor mihi calcar addidit, ut qui eodem unâ stadio decurrerem. *Humanorum* verò *cadaverum anatomis* illas *reliquorum animantium morbidorum* adjecturo veniam B. L. dabit, si qua istarum prolixitatem harum brevitæ corrigere annitar. Illo autem quo *avulsiâ* easdem commendavit, ordine singulas digeram.

Lustravi cultro *Caponem*, qui frigoris injuriâ enectus ferebatur. Ore aperto cognovi vitium volucris familiare, *corneum lingue apicem*, munere deglutiendi organum exuisse. Cum verò *sternum* extantiâ tactui se notabile offerret, accuratè summam cutem deduxi, *Musculos pectorales* contemplaturus: quorum alterum *vastissimum* cum *deesse* adverterem, *resistentes delicatas membranulas complicatas & fibrillis variè discurrentibus intertextas* admiratus, addidici illius carnosus musculus hæc esse vestigia. Propria sc. ejus membrana stamen adhuc fibrillarum cum ductibus sanguinis tantum non oblitteratis, ostendebat, sub tegmine pulpamenti & purpureo vitalis laticis succo cassum. Separavi hujus membranæ quasi confutos sacculos à *substrato musculo*: Quo ipso major lux affulsit hæsitanti, cum huic vix tantum exilis pulpæ superesset, quantum membranulis in carnem rubentibus, musculorum rudimentis, in Embryis adesse contingit.

Usus ex anatome Caponis inediâ enecti.

I. Postquam *CL. Steno*, aut cuicumque illa debeatur gloria, carnem fibrillis adseruit *damnato parenchymate*, prurientes in nova animi, ubique hoc nomine Veteres perstrinxerunt. Vide sis *Bontekoe Chirurg. L. 1. P. 2. c. 1. §. 2. & c. 3. §. 3. 4.* ex uno omnes! At enim, ut nomen non morer, dicite Aristarchi, in iis qui cutis sunt atque macies, quomodo salvis adhuc venulis atque fibrillis *Historiæ* pulpam carniū de-

ficere testantur? an perperam *Aristoteles* 3. H. A. 16. asserit, carnes evanescere, & fieri venulas atq; fibrillas in extenuatis animalibus? vel castrata *Æsculapii* ales *Aristotelem* defender. Vidi, quæ seculum vivendo emensa fuerat vegeta, cujus ὄγκος, utic. 5. L. c. Philosophus loquitur, adeò venis erat obsitus, ut tota manus nil nisi vasorum plexum mirabilem ostenderet; digna in qua Apellis cum Naturâ contendisset ingenium!

II. Si quis certior vult esse, an *Veteres* carnis structuram ritè cognoverint, legat *Rufum* de partibus corporis humani, qui ἰσὺν τῆ πλείμματος τὴ ἀγγείων vocat. Expendat *Aristotelem* 3. P. A. 5. qui ὀχλείαις comparat, quarum maximi sulci perseverent, minimi verò primùm & celeriter à limo obliterentur, quò tamen recedente, & ipsi rursus manifesti fiant: Similiter, inquit, & venarum maxima perseverant, minima autem sunt carnes actu, potentiâ verò nihilominus sunt vena. Anatomiam Vivorum apud *Galenum* inspiciant; quod Carnis causa materialis sit purior sanguinis pars, efficiens verò calor & siccitas, villorum à se decisione, venarum & arteriarum interstitia secundùm sui positionem debitam adimplens. In Mumia artificiali sanguine eluta, confertorum villorum satis arcta deprehendetur textura; magis, quando in vivo corpore illis reticulis vasorum propenduli constringuntur. Cæterùm merentur legi considerationes circa Parenchymaticas partes corporis *Dr. King* in Act. Philos. Angl. an. 1666. m. Octobr. quem facillè est cum Veteribus conciliare, si illud nostri h. l. foret instituti; sed enim istas curas *Disputationibus de Peritia Veterum Anatomica* in specie asservamus.

III. Falsum, inquit *CL. Bartholinus* Anat. Ref. L. 1. 4. absunt à per inediam pinguedine cutem cum musculis non aliter coherere, quàm pilam cum linteis quo obducitur. Cui nostra ad stipulatur anatome.

OBSERVATIO XVIII.

D. PHIL. JAC. HARTMANNI.

Anatome Carduelis fame peremptæ.

Carduelem aviculam plurium dierum fames, incuriâ Domini, peremerat: Hujus incisio *pulmones* alben-
tes, *hepar* pallidum dedit. *Ventriculus* justo minor
patefactus *purpureum sanguinem fudit*, quantitate quæ
capacitati responderet; arenulis interioris tunicæ rugis im-
pactis: *Intestinum Ventriculo proximum itidem sanguine re-*
dundabat; longius verò diffusa in se collapsa citra sanguinis no-
tas contabuerant. Quibus lustratis *Cor* anxie scrutatus, ipsum
nihil sibi vitalis humoris reliquum fecisse adverti, cum nec
gutta sive ex hac sive ex aliâ quacunque parte corporis elici
posset.

Alius avicula, quæ itidem fame succubuerat Ven-
triculum incidi, ex quo quidem non dimanavit sanguis, are-
nulis autem remotis, tunica interior admodos digitos sangui-
nis rubore infecit.

Ufus ex anatome Carduelis fame peremptæ.

I. An *questioni*, quæ *inter Convivales Plutarchi L. 6. se-*
cunda est, lucem foenerabitur: *Penuriâne famem & sitim, an*
meatum transfiguratio efficiat? rectè contra *Philonem Medi-*
cum Plutarchus, quod inopia humidi vel alimenti nativi.

II. Verùm & *quomodo inopia alimenti famem excitet*, vi-
detur hinc colligi posse, sc. dum sanguis, ultimum alimentum,
negatis suppetiis novi alimenti, in secretoria organa quod
seponat non habens admixtum amplius, propter subtilitatem
& acrimoniam, quæ circuitus toties reiteratus conciliavit, suâ
totâ substantiâ exinanita organa aggrediens illa vellicare com-
modè

modè potest; sic etiam ad ventriculi tunicam allabens illam ar-
roder. *Conf. Diemerbroek. Anatom. L. 1, 6.*

III. Dubium, cur sanguis reliquas partes deseruerit, in-
Ventriculum solum se exonerans? An quod arteria coeliaca ex-
euntem ex sinistro Ventriculo Cordis proximè intercepe-
rit, cum nullus amplius superesset penus reliquis arteriis im-
pertiendus?

IV. *An quoq, tritura arenularum viam fecit sanguinis? mi-*
hi non placet.

V. Si in Galenum commentari juvat, illustrari possunt ipsius
dicta 3. de Fac. Nat. 13. per quas venas à ventre in jecur facta
est digestio: rursus ex jecinore in ipsum trahi aliquod alimentum
in longiore inedia potest. &c. & L. de atra bile c. 7. sicuti in-
benè valentibus nonnunquam optimus etiam sanguis ad ventri-
culum com meat, ipsum nimirum nutriturus, quod in longioribus
inediis contingit. Avicenna L. III. Fen. XIII. Tr. I. c. I. fin. Et
scito, quod stomachus nutritur tribus modis, & tertius est ejus,
quod ad ipsum effunditur in tempore famis vehementis ab hepate
ex sanguine rubeo puro, & nutrit ipsum.

VI. Hippocratis effatum. L. de alimento. *Ἐύγορα μία, ἔμπροια*
μία, ἔμπροια πάλιν, sobriè capiendum.

VII. Diemerbroek L. 2. Anat. c. 12. pro Sanguine ultimo
alimento contra Charletonum rectè adducit exempla, quibus in
benè constitutis corporibus sanguinem per longam inediam
absumi probat, nostro idem asseverante.

OBSERVATIO XIX.

D. PHIL. JAC. HARTMANNI.

Anatome Canis diarrhoeâ afflictæ.

Per octiduum ipsam infestarat malum, ut nec cibum ad-
mitteret. Aperto *Ventriculo* corii particulam palmæ
longitudine & latitudine inveni, emollitam & attenua-
tam

tam admodum: Vix ante semihorium panem assumerat, qui quidem maceratus & dissolutus erat, nullo tamen chyli uspiam indicio: in intestinis enim à duodeno cæcum usque nil nisi biliosa illuvies occurrebat: quædam ex his collapsis lateribus adeo arcte cohærebant, ut cavitatem ægrè fuisset deprehendere, nil bilis viam quam commearat, tinctam reliquisset. Corrugata intestina non solum crassa, sed & tenuia, innumeras quasi valvulas corniventes offerebant. Vasorum lacteorum tubuli bile diluti extenuium: interiori tunica hinc inde propenduli comparebant; tania quoque in his convoluta recurrentibus flexibus multæ bili innatabat, duarum ulnarum longitudine, calami olorini latitudine, crassitie summi folii brassicæ, innumeris insectionibus tanquam annulis protuberantibus distincta; caput quâdam latitudine à reliquis partibus discrepabat, caudâ in acumen exeunte.

Usus ex Anatome Canis diarrhœa afflicta.

I. Ex cruditate bilem gigni; occluso enim exitu cibum in ventriculo vitium contraxisse autumo; atque qualecunque fermentum conciliaverit acre, illo tunicas glandulosas ventriculi & intestinorum arrosas, istam saniem biliosam emisisse; id quod capreæ Observat. XXI. tradita Diarrhœa confirmabit.

II. Bilem in quavis parte corporis ex cruditate gigni; consentiente Aretæo I. de Diut. Sign. 15. qui etiam in colo ἀπερὸν χολῆς ἐγγραφὴν asserit, præeunte Philosopho 2. P. A. 4. qui bilem, quæ in alia corporis parte generatur, cum bile quæ in hepate comparat.

III. Testantur passim Annales, (utur & à fame pestem propter ingluviem novi) milites, quos fames oppressit, quando ipsos cibo refici contigit, desubito extinctos: causa fuit nimia, ingurgitatio, unde vis intestinis illata: cautiore ideo fortissimiunculis intestina prius tono suo restituunt: quod etiam

Dec. II. Annus VII.

F

fortè

fortè observandum illis, qui à morbi inedia reconvalescunt.

IV. *Teniam* ultra colon ascendere.

V. Ne quis sibi persuaderi patiatur, semper caput latè *lumbrici* tale esse, quale Cl. *Tulpius* *Observ. Med. l. 2. c. 42.* depingi curavit. An quoque hinc ratio sumenda, cur aliquando ingratus hospes facilè expelli queat? quam magis illustrabit *Observatio XXXII.*

VI. *Valvulas conniventes tenuium* apud Cl. *Kerkringium* vide sis.

OBSERVATIO XX.

D. PHIL. JAC. HARTMANNI.

Anatome Ovillorum Uterorum Embryis intus sceletis.

I.

DE altera Ove mihi relatum, quod pondus foeta trahere visa, atque cum ultra statos prægnationis dies, per sex hebdomadas urinam stillatim subinde emittens, emaciaretur, cultro lanionis succubuit.

Hujus *Uterus* utut foetorem gravem exhalaret, ab infectione tamen mihi temperare non potui. Observavi autem in limbo colli majoris *urethram*, cætera s. n. nisi quod orificio esset insigniter amplo. *Collum minus*, cui moles foetus incumbebat, præter solitum erat expansum; gracile, ubi pinguedo, aut pili Embryi agglutinati ipsum non reddiderant crassius. Dissectio hisce per omnem *Uteri* interiorem tunicam pilos concrevisse atq; arctè coaluisse adverti.

Foetus autem situs in sinistro cornu erat p. n. admodum, quippe scapulam cum capite & parte dorfi incurvâ, orificio *Uteri* adversam obverterat, *pedibus anterioribus* in latus detortis, ut conglobatus compareret; *Posteriores* verò *pedes* con-

contortos & sibi invicem implicitos versus tubam Fallopianam recta ad cornu extremum extenderat, ut hoc quasi meris ossibus infarctum tactu perciperes.

Nulla tunica, Embryi, nulla cotyledones adfuerunt. *Dextrum cornu*, justæ alioquin magnitudinis, putredine etiam infectum & globulis pilosis obsitum erat, cum copiâ cotyledonum minorum.

Testis ad sinistrum cornu totus carneus erat, nullis repertis vesiculis; *ad dextrum verò cornu* nullus testis erat conspicuus.

Embryon omni numero perfectas habuit partes, dentes, cornua, ungulas; *Oculi* putredine exesi utero adhærebant; *pili* longitudinem digiti æquabant, nec lanæ ovinæ speciem ostendebant, sed læves, demissi, minimè crispi, colore etiam subrubente virulinos referebant: *Cauda* notabilis, non solum illo, quod sub clunibus dilapsa abdomen atque sternum suâ longitudine esset emensa, sed quod & in extremitate longissimos pariter haberet villos.

Aures quoque hirtæ atque villosæ extabant: *Sternum* conflatum & distortum: *Vertebra* dorfi curvâ figurâ ultra diaphragma progredientes semicirculum exhibebant. *Costæ* à sterno divulsæ, hic quasi diffractæ, versus spinam integriores erant; *Humeri & scapula cum costis* ita coaluerant, ut non possent distendi.

Intestina & Viscera omnia exsucca atque exsanguia: neque in his, quod maximè memorabile arbitror, sive coloris, sive habitudinis, sive texturæ qualiscunque ratio ullum discrimen facere noverat; omnibus idem color, eadem lineamenta fibrarum, eadem soliditas, sensu judice, atque dissectas particulas pulmonum, hepatis, intestinorum, &c. nemo ab invicem secernere valebat, adeo similes erant omnes, ut figura solum & situs viscerum differentiam suppeditaret.

Cranium perdurum, secus quàm in illa ætate fieri suevit. *Osicula narium* minus cohærebant, putredine tacta. *Cerebrum* admodum subsederat, multo intervallo à matre durâ distans. *Anfractus Corticis* manifesti erant, instar funiculorum dissolubiles. Quæ omnia hujus *naturalis sceleti* admiranda accuratius perrimari fœtor prohibuit intolerabilis.

II. *Alterius Uterus* nihil habuit vitii; pilis tamen firmiter adnatis, pluribus in locis & cuti Embryi adhærescebat. *Fœtus situs* dabat anticorum pedum ungulas alterius cornu extremo adnatas, quod ita effarserant, ut vix dignosci posset: *Cervice* incumbibat *collo minori*: cujus *orificium* cum stilis diligenter explorare contenderem frustra fui, quod nulla per istas angustias daretur via, undique clauso orificio, omni ductu oblitterato. Nulla *cotyledonum* vestigia.

Quod *Embryon*, pilorum, intestinorum & cæterorum Viscerum omnium par, qualis in priori, conditio. Quod autem *neq. in Utero neq. in Embryo quidquam humidi* superesset, idè omnia pumice aridiora, oculis quoque exsuccis suis orbitis inhærentibus. Majus etiam inane *cavitati* hujus *abdominis* inerat, quod major siccitas viscera, flaccida in se complicata in angustius spatium contraxerat. Eâdem de causâ minor quoque fœtor. *Ossea partes* rectius se habebant, quod minus distortæ, minusque diffractæ; duritie autem illis in priori nihil concedebant.

Usus ex Anatome Uterorum Ovillorum Embryis intus sceletis.

I. *Hippocrates de natura pueri S. 42.* Puer si suo momento in caput magis inclinatur, facile mulier parit: quod si in latus aut in pedes prodeat, difficilem partum sentiet. Non solum in hominum, sed & in mulorum sexu sequiori hoc obtinere scias.

II. Rara causa negati partus, *orificium Uteri concretum*: quam tamen probat nostra *Observatio An. V. Dec. II. n. L. XVII.*

III. Quan-

III. Quanta vis sic lentis aut diuturni caloris animalis: credo ab hoc, successu temporis, sceleta illa in osseas statuas transformari potuisse: quibus fides Historiis de fœtibus lapideis conciliari videtur.

IV. Majorem autem lucem sceleta nostra *Discursui Physico-Medico*, de fœtibus Leporinis extra Uterum repertis, Ulma an. 1680. ab Exc. D. Petro Rommelio edito, affundent. Scilicet in globo non prorsus rotundo, ex intestinorum gyris absq; ullâ vi exempto, incisâ membranâ Lepusculus perfectus, pilis tam longis ac si aliquot jam menses complevisset obsitus, comparuit, omnibus intra membranam siccis & aridis imò planè duris se presentantibus, ut non immeritò Mumia Leporina vocari mereretur? H. I. Si conjecturæ est locus; Quod Lepores fœtæ cornua Uteri habeant in modum Cuniculorum distinctis pro numero fœtuum intervallis subrotunda globosa, uti anatomæ illud ante oculos ponunt, verosimile est, allisâ quocunque casu Lepore, rupta esse interstitia, atque unum vel alterum etiam globum avulsam: quam conjecturam confirmabit *Observ. XXVII.* Globi autem avulsi non potuerunt non exarescere unâ cum fœtibus intus conclusis, solâ circumstantis assidui caloris materni virtute, uti idem etiam *Observ. XXVIII.* evincet.

V. Quod membranam duriores cui Lepusculus inclusus; mihi servatur tophus quidam Vaccinus globosus pomi auran-
tii magnitudine, nigricante durâ tunicâ quasi corio explanato inductus glaberrimus, inter excrementa repertus; qualem ovinum minorem, pondere 3ß. gr. xij. Fautor mihi conspiciendum præbuit, cum plures ex eâdem Ove in Lithuania ex-
emptos referret. Plinio sanè ejusmodi cogniti: 11. H. N. 37. non procul à fine: Et in juvenearum secundo ventre pile ro-
unditate nigricans tophus, nullo pondere: singulare, ut pu-
tant, remedium agrè parturientibus, si tellurem non attigerit. Quod si pilis duram novè prorsus membranam inducere pot-
est, calor intestinorum, multò magis præsentem membranam, calor Uteri indurare noverit.

VI. *Pilorum* autem *longitudo* minus admirationis mere-
tur, cum in vulgus notum, quod in mortuis incrementa ca-
pian; id quod nostris exemplis comprobatur.

VII. Quæ illud solum dubii movent, *quid factum, quod à
lanæ degenerarint naturâ?* nimirum exhalatio ab internis par-
tibus corporis ad externas adacta justò humidior fuerit, quàm
ut lanæ congrueret; præsertim accedente ab Utero extrus hu-
medatione perpetuâ, crispis & hirtos pilos magis atque magis
lævescere atq; emollescere contigit.

VIII. *Cotyledones viriatas*. Embryi adhæsū cessante officio
periisse, sanguine ad alia secretiora minus corrupta superfluum
amandante. An magis ad colliquationem referendum? an ve-
rò hoc esset obscurum per æquè obscurum demonstrare?

IX. *An Testis à nativitate defecerit*, an verò eâdem ratio-
ne, quâ Cotyledones, exaruerit, ut visum subterfugeret, altero
ad cornu foetum salvo? dubium relinquo?

X. *An in hisce Embryis viscerum sive caro, sive parenchy-
ma, ex mente Veterum sint dicenda*, addubito; analogum fortè
supposuissent; alioquin & intestinorum parenchyma sive caro
veniret; idem quoque cordis, hepatis, pulmonum &c. esset
parenchyma. Quod quibus non est absurdum, illi audacter
etiam carnem s. parenchyma membranarum statuunt: ean-
dem quoq; carnis rationem esse dicant in corde, hepate, pul-
monibus gustu inprimis & tactu judicibus.

XI. Verè *omnia ex fibris contexuntur*, figurâ texturæ va-
rietati respondente: Viscerum quippe meras fibras arida hæc
embrya sanguine absorto ostentârunt: *ast non ex fibris ejusdem
indolis s. n. corporis omnia integrè pertexuntur.*

XII. *Ossium durities quomodo à calore.*

XIII. *Cur non in hisce cerebrum difflexerit*, quemadmo-
dum in foetu monstroso credito consumtum, *Observatio præceden-
tis. Anni 76.* memoravit. Causa, quod hi foetus intra Uterum
maternum prorsus adoleverint: quodque cranium minimè
læsum, cujus sepimentum non concessit locum evaporationi,
non.

non colliquationi locum concessit, externum arcendo & cohibendo internum calorem.

XIV. CL. *Malpighii sententia de cortice Cerebri* non minus hæ anatomæ, quàm illa *Phrenitici*, (*Anni præcedentis Observ. 62.*) favent.

OBSERVATIO XXI.

D. PHIL. JAC. HARTMANNI.

Anatome Ventriculorum tophis intus concretis.

I.

Mactabatur *Vitulus*, qui quod tussiendo semper latens aliquod vitium proderet, Domino metum injiciebat, ne macie conficeretur. Ventriculorum autem sordes eluendo, non solum *pilam* deprehenderunt; (cùm contextus pilorum conglomeratione in globum conformatus ita appellari suevit) sed & *quadratam massam*, crassitie trium, septem verò digitorum transversorum longitudine & latitudine: hanc dissolvens mirabili quasi artificio *acuminatas maximè pilorum partes spiculorum transversim s. decussatim se secantium instar dispositas* offendi: firmiter coherabant, ut magnâ vi ægerrimè divellerentur: Neque textor aut fullo suum opus concinnius atque arctius compingere valuisset.

II. Allata quoq; *Caprea*, quæ *Diarrhœâ* occubuerat, haustu lixivii cinerum, deglutito unâ quo coquæ ad vasorum sordes abstergendas uti solent fasciculo stramineo-lineo. Cum folle inflarentur ventriculi, fasciculus ille nullâ vi loco suo dimoveri poterat. Observare autem erat in Ventriculo maximo particulas lineas separatas, quæ *globulorum rudimenta* præ se ferebant, quorum tres facili negotio à tunicis liberabantur, reliqui non item, qui rugis erant impliciti. *Nummum Prussicum*

cum idem Ventriculus reddebat flavedine tinctum: quam tamen tincturam ad lixivium referendam quivis intelligit.

Usus ex Anatome Ventriculorum tophis intus concretis.

I. *Multa à Natura organis fieri cum ratione, quorum nos non capimus rationem*; quæ *Mechanica* acuminatas pilorum partes ad interiora conversas ritè explicabit? adeò opera Naturæ sunt opera intelligentiæ nostræ sublimioris!

II. *Generatio tophorum*: Lambendo, eutem pilos confertim deglutiunt pecudes; unde illi, quibus harum est cura, partes quarum lambitu delectari cognorunt, pice illinunt: Pili autem, moram ducentes in Ventriculis, crebrâ agitatione, præsertim in ruminantibus, per plicas tunicarum subinde conglobantur, nisi multitudo perfectam agitationem prohibuerit, indeq; pilæ rotunditati conformes prodeunt.

III. *Quadrati tophi lethales* pecudi à colonis traduntur; cuius ratio indagatu facilis, vel cussu viam commonstrante.

OBSERVATIO XXII.

D. PHIL. JAC. HARTMANNI.

Anatome renum & partium adjacentium
non rectè se habentium.

I.

CUm sectionibus Discipulos exercerem in quodam Cane renum raram conformationem demonstravi: *Alter* ex his asperitate suâ exterius glandularum protuberantias imitabatur; dissectus verò, uti alius quivis s. n. solitos fibrarum ductus exhibebat, nullo scirrhi, ulceris, aut alio quocunque vitio manifesto; *Alter* æquali erat superficie, sed insignis molis, cætera omnia sani tuens partes.

In prioris Venâ Emulgente gemina valvula; alterius hiatus versus Cavam, alterius versus Renem prospectabat. Vid. Figurâ VII.

II. In alio Cane Renum alteri gemini succenturiati annexi coaluerant; qui dissecti parenchyma diverso colore, uti in ipsis renibus fieri solet, distinctum offerebant, cavitate in super, illi pelvis renalis æmulâ, memorabiles. Alterum Renem è regione minimè comparentem sollicitus admirans, dum receptaculo chyli & ductui thoracico demonstrandis, cui studio hanc victimam consecrâram, invigilo, tandem globosum subrotundum corpus, glandulæ Mesenterii majori desuper incumbens, occurrit, à figurâ renis canini multum abludens, fasciâ quoque destitutum, ut tamen Venæ Cavæ truncum contingeret, hoc Renem suspicans incido, atque parenchyma interius omne absumentum contueor, Venâ emulgente exili, arteriâ quoq; justò minore, deficiente ductu Ureterico.

III. Pariter in Cane Receptaculo chyli Ren sinister glandulæ majoris rotundæ specie instratus erat: hic ad injectionem per arteriam veluti sacculus intumescerebat: apertus itidem omne parenchyma inter carunculas & pelvim sibi deesse demonstravit. Propè carunculas glabra cutis funiculos ductuum obtexerat. Cum reliquum parenchyma satis sanum esset, carunculis quoque superstitis salvis, asperitatem quandam in recessu pelvis percepi, hanc patefaciens duos folliculos, ossibus laminis, qualibus Piscium ossicula auditus recondi videmus, constantes produxi, hi emulgentium, Venæ æquè ac arteriæ, ingressum, egressum, obsederant. Arteria præterquam quod illis ossiculis esset obsepta, tortuosa insuper advertebatur, unde stilum non nisi difficillimè admittebat, utut injectioni & inflationi pateret. Ureter se nostræ observationi similiter subduxerat. Huic monstroso Reni nec succenturiatus aderat; ad dextri verò vasa emulgentia gemini inferiores partes concreti dissimilis figuræ adiacebant: alter ex his solidus erat, nullam-

Dec. II. Annus VII.

G que

que dissectus cavitatem ostendebat; *alter* verò Reni sinistro quam simillimus, & cavitatem ex proportionem eandem, & carunculis respondentes notas offerebat. *Vid. Fig. VIII. & IX.*

IV. *Ex Ove* lanio *unicum Renem* afferebat, ast iussi lumbos asportari, si qua pinguedine obrutus alter delitesceret. Verum notâ Renum sede accuratè perlustratâ, meram pinguedinem conspicio, nullo vel Renis, vel Vasorum emulgentium, vel Ureteris indicio. In exemptum itaq; oculos convertens illum *solitò majorem* contueor: semotâ autem industriè pinguedine, illo quo emulgentia à Cava & Aorta progrediuntur loco *parvum renem*, qui vix olivam minorem æquaret, Cavæ alligatum inveni; qui quoad dimidiam partem *peculiari membranâ* succinctus, superiorem verò alteram pinguedine modicè conspersus erat. *Sed nullum ex hoc parvo Rene vas, neq; in dissecto pelvis aut ductus*: quâ parte Cavæ & emulgenti alterius Renis internexus erat, stilo concedebar aliquem recessum s. *sinum*, qui aliquotusque penetrabat, ast citra peculiaris ductûs notam. Omne discrimen in hoc pusillo conficiebat *coloris disparitas*, cum interiora albor, exteriora rubor pinxisset: *puncta* quædam pelvim non minus ac carunculas suo quæque loco adumbrabant; cætera solidam carnem ostentabat. Eidem autem lateri, cui naturalis, adhærebat.

Ab utriusque Renis membranis corpuscula *succenturiatorum* vices obeuntia dependebant, utut *situs* minus congrueret, quod à latere essent: qui ex succenturiatis pusillo Reni conjunctus erat ad pisum vel carunculam parvam; qui magno ad amygdalam mediocrem accedebat: *figuram & substantiam*, interiori quam exteriori facie *Renibus* erant *similimi*.

Magno Reni *Vena emulgens* magnitudine suppar, Cavæ capacitati nil quicquam cedebat: *arteria* quoq; insigni erat crassitie, nec minori *Ureter*.

V. His adjicio, quod *in Cane* quodam *geminas arterias* emul-

Anat. renum & partium adjacentium non rectè se habentium. § I

*emulgentes ejusdem Renis observaverim, distantibus interval-
lis ex aorta, diversa loca, diversis truncis, ingressas; (Vide sis
Fig. X.) suo quâq; in suis partibus fungente officio, uti ex in-
jectione satis superque edoctus sum.*

*Usus ex Anatome renum & partium adjacentium
non rectè se habentium.*

I. *An tales valvulas sæpius offenderit Bauhinus, quæ aver-
sum à Cava haberent hiatum; cum in Theatro Anatom. L. I,
20. velit, ne in Cavam remeet serum, naturam valvulis in
Emulgentibus locatis prospexisse? dubito valdè. Meliora de
Circuitu Sanguinis edoctus CL. Bartholinus Anat. Ref. L. I, 17.
ad experientiam jure provocat; ut plurimum enim sive s. n.,
valvulæ illæ suo hiatu in Cavam prospiciunt, & ab hâc sangui-
nis ad Renes regressum arcent, quod etiam stilo experiri licet,
cum ex Cava in emulgentem nisi factâ vi stilum adigere sit
difficile, vel amplo etiam vase, uti in illo Ovis re ipsâ expertus
sum. Quare alteram valvulam in nostrâ, illis quæ rarò occurrunt
adnumerandam censeo.*

II. *Raris quoque deputo geminas ejusdem Renis arterias
Emulgentes.*

III. *An obnifus valvulæ insolens insolentem Reni conci-
liavit asperitatem?*

IV. *Possè partes, quas natura fecit geminas, discrepare, salvo,
quod defunguntur, munere.*

V. *Renes succenturiatos rectè dici, cum Renum defectus
suppleant; idque propter iisdem instructi machinis videntur,
diversâ illorum texturâ istud ipsum arguente. An verò s. n.
non ita cum ipsis est comparatum? sufficit quod dum neces-
sitati inserviunt, se & opportunitati inservire probent.*

VI. *Perire partes, inprimis quæ secretioni sunt destinatæ,
ubi non habent quod agant, in ligamenta, in membranas, in
fibras degenerando.*

VII. *Quomodo vasa dispareant; nimirum dum collapsa complicantur variis accessionibus in funiculos, fibris, quæ ipsa intercedunt, in membranam coagmentatis: tunc quando spiritibus adhuc patere, vero est quam simillimum.* Quidni enim cum transierint ad partes nervorum & horum gaudebunt privilegiis?

VIII. *Interius Renum parenchyma Uretericis meris compactum videtur: inde enim factum puto, ut officium Ureterici ductûs quidem cessarit consumpto isto interiori parenchymate, non item Emulgentium.*

IX. In Ove, Renis, Vasorum Emulgentium, atque Ureteris vastitas probat *Naturam* (neque enim à nomine abhorreo) *alterius decrementum incremento alterius pensare?* Vis scire *Mechanicè*? in proclivi est: cum incrementum torrentis majorem sibi excavet alveum, quod sanguinem etiam majori copiâ ad alterum Renem deficiente altero confluere necesse erat, hinc etiam necesse erat corpora magis extendi.

X. Citra vitium nugacitatis dicam, *quod & Natura necessitatem in virtutem vertat.* An verò non licet paucis multa dicere, præsertim si cum eruditis intercedit negotium? cur ergo inventi sunt termini technici?

XI. *Laminas osseas ductûs Ureterici lapidescentis conjicio: alius membranæ lapidescentis meminit Cl. Tulpius Observ. Med. L. 2, 48. conf. Willis de Urinis c. 5.*

XII. *Arist. 4. G. A. 4. Partibus etiam internis mutationes, detrimentaq; accidunt: ut vel careant aliquibus, vel habeant minuta, & lasa, vel plura numero: vel non suis posita locis, & altero vacans renes visum est.*


Fig. VII. VIII. IX. X.

Explicatio Fig. VII.


A. A. Vena Cava non inflata.


B. B. Ren dexter altior, sed glandulosa inæquali exteriori facie imprimis, ubi uti hoc loco exprimitur, erat nudatus:

Fig. 7.
ad pag. 52.









datus: Notatu autem dignum, quod exterior membrana innumeris vasis sive fibris lymphaticis, quasi interiori connecteretur.

C.C. Vena Emulgens non inflata, quæ inflata alteram æquabat.

D.D. Lobus, ubi duæ valvulæ semilunares h. m. se tangebant.

E.E. Ureter, in cujus non solum ductu, sed & superficie stagnabat liquor, institutâ in inferiori parte ligatura, & vena emulgente compressa.

F.F.F. Membrana, per quam complures ductus decurrebant, qui ad injectionem dicto modo institutam, liquore turgescerant, unâ cum ureteri incumbentibus vasculis.

G.G. Vena Emulgens inflata.

H.H. Arteria Emulgens.

I. I. Justa magnitudo Renis præceri & situs.

K.K. Ureter, ex quo per injectionem in Arteria emulgente erumpebat alicubi, tanquam ex peculiari ductu, multus liquor, atque similiter in superficie multa vascula, cretacea solutione turgescerant.

L.L. Membrana, in qua similiter ductus per injectionem in Arteria Emulgente, dicto modo turgescerant, ut ad eò liqueret, p.n. ad Vesicam dari vias alias quam ureteres.

Fig. VIII.

Ren sinister Canis, cui parenchyma inter carunculas & pelvim deerat, duobus folliculis osseis, memorabilis.

Fig. IX.

Renes succenturiati combinatî, quorum alter cavitate insigni præditus, alter solidus,

Fig. X.

Geminæ Arteriæ Emulgentes in Cane.

- A. Vena Cava.
- B. Arteria Aorta.
- C. Vena Emulgens.
- D. Arteria Emulgens major.
- E. Arteria Emulgens minor.
- F. Ureter.

OBSERVATIO XXIII.

D. PHIL. JAC. HARTMANNI.

Anatome Vesicularum fells & partium
adjacentium non rectè se ha-
bentium.

I.

CUravi aliquando plurimum *suum jecinora* afferri.
Erat cujus hepar *nullum Vesicula indicium* præbebat:
loco ejus protuberans quidam adeps extabat; quo
multâ curâ remoto, non Vesiculam *sed latiore* du-
ctum pressè hepatis simo adjacentem offendi: exiguum erat,
quod in illo continebatur fells, vix 3j.

In aliis nihil pinguedinis ad cystin aut poros biliaris ob-
servavi, *prominente vesiculâ fells plenâ*. Addidici autem hos
glandiis obsitos fuisse; & quidem cujus maxima erat cystis, ma-
ximi pori, præ aliis chalaris infectus fuerat:

Contuli quoque *fel*, quod *in ductu memorato* contine-
batur *cum felle Vesicula alterius cujusvis*: atque *illud crocei*,
hoc coloris subviridis nigricantis; *illud saporis subamari*, qua-
lis non ingratus corticum aurantium, *hoc verò intensè ama-
ri & ingrati* deprehendimus.

II. Alio

II. Alio tempore *Ovium jecinora* numero plura contemplatus, incidi non rarò in *cysti* prorsus *destituta*, pro *biliario* istum occupante locum. Harum *Ovium* carnes suavissimas *Laniones* laudarunt.

Hâc occasione etiam *hirudines*, *Glissonio* & aliis jamdudum traditas, sæpius detexi, quæ tepidâ affusâ motus ciebant satis diu: adverti autem *vitium semper in cysti & poris biliariis*, cujus indicium alba & crassa tunica præbebat.

III. Asportabatur à Curioso Discipulo *Vesicula fellis* cum portione hepatis: *Vaccæ* illa fuerat, quam *Epilepsia* prostraverat. *Poros biliarios*, majores, minores intus crusta s. lamina *Tartarea* minutim obduxerat (quales *crystallis* quasi *sacchari* asperos non semel jam olim conspexeram:) Ex his autem duo rami *Vesiculam* diversis itineribus adibant, uti lactis injecti adminiculo cognovi; Non quidem quod lac manifestis orificiis in vesiculam exoneratum fuisset, (id quod in aliis subjectis non semel nobis ante oculos stiterunt *anatomæ*, quas ad usum singularum partium s. n. demonstrandum instituimus:) sed quod per poros exiguos, uterque ramus ad suam quisque partem lac dimanare faceret.

Urgentibus verò injectiones, inversâ *Vesicula tunica glandula Bartholini* miliares lacte turgidæ in conspectum prodire: atque abstersio dilucidè ob oculos ponebat, quàm lac ex harum porulis exsudaret, in tantum ut totam superficiem redderet irriguam, cujuscunq; partis, in quam quisq; ramus incumbebat.

Ipsa verò *Vesicula* intra se complectebatur s. *pila* s. *calculi rudimentum*; anserini ovi magnitudine, mollitie argillæ, placentræ in modum complicatum, à quadam parte tres digitos crassum erat: diductis laciniis ad istius crassioris partis recessum tanquam ad speluncam erat respicere. Laciniæ ipsæ erant minus crassæ, intus in se reflexæ tandem convolutæ cum illâ crassiori parte in globum concesserant. *Intima Vesicula*

Vesicula tunica hinc inde quoque I artareis laminis erat incrustata.
Wid. Fig. XI. & XII.

Ufus ex Anatome Vesicularum fellis & partium adjacentium non rectè se habentium.

I. Cum non malè apud *Philosophum* 4. P. A. 2. fin. & L. 3. 12. *longa vita causa fellis vacuitas* asseratur, quidni & *sanitatis*?

II. Quomodo *bilis balsamum* erit corpus à corruptione defendens, quæ in ipsius perniciem intestinos hostes animat.

III. Cum necessum sit dari *excrementa*, uti *sanitatis argumentum* duco, si *exiguâ sunt quantitate*, ita & si *sapore sunt à dulci non prorsus alieno*: isto enim *pinguedinem animalis & stiauitatem carnis non corumpent*: *excessus autem alienorum à dulci saporum non potest non nature animalis esse inimicus*.

IV. *Pori & Vesicula cum tantilla sit differentia*, nullum *fellis in his partibus erit discrimen*. Pro *sanitate Corporum*, aut *totius massæ sanguineæ*, in his illis corporibus discrepabit *bilis*, non in partibus ejusdem corporis, *sani aut ægri*, nisi ex *accidente prorsus*.

V. *Quæ cruda, quæ cocta bilis Veteribus fuerit dicta*, dicendave, ex *datis exemplis* puto *liquidum reddi potest*.

VI. *Vesiculam fellis non nisi per accidens esse necessariam*, cum in nonnullis *deficiat magnitudine*: qualis *collectio de Liene est Philosophi* 3. P. A. 7. *conf.* 4. G. A. 4. *med.*

VII. *Epilepsiam à Tartarea bile oriri*: potius à *sanguine*, quo nimis *crassis terrestribus particulis*, quæ in *lapideam naturam* promtè abeunt, *abundante*, factum, ut *pori biliarii illis separandis non sufficerent*, corrupto ab *obstructione* per *conferim irruentes ipsorum ministerio*.

VIII. Obstructis poris majoribus per alios ramos ad Vesiculam diverticulum obtigit, ut per hujus porulos quod tenuioris bilis supererat, exsudaret.

IX. Sed & hoc quaecunque fuerit, nimis limosum aut mucosum lateribus Vesiculæ prius adhærens, à lateribus per novum com meatum bilis in cavitatem mediam propulsum, ob compressionem Vesiculæ partibus tenacioribus pituitosis ipsi conglutinati, incrementa diversa sumsit, laciniisque casu, aut Ventriculi motu complicatis *pila rudimentum* prodiit.

X. Idem credo, si vita animali superiisset, longius in calculum felle obriguisset, cum asservatum nunc rigorem calculi prorsus præ se ferat.

XI. Quod *cruda bilis à vitio totius massæ sanguineæ*: quippe hydatidibus plenum hepar unà cum pulmonibus huic Vaccæ fuerat.

XII. Pleriq; omnes morbi ab Oeconomia nutritionis laesa, imprimis vitio organis defecationi ultimi alimenti destinatis illato.

XIII. Rectè à CL. Bontekoe passim illæ minutiae divisionum apud Anatomicos damnantur, quæ tantum abest ut illustrent, ut rem potius obscurent. Quod vitium Veteres, Pædiæ gnari, studio evitarunt, sollicitò rem ipsam exprimentes, singularium appellationum minus curiosi. Quantum enim momentum e. g. ad generationem bilis percipiendam conferunt nomina ista, ductus hepaticus, Glissonianus, &c? Sufficit novisse, trunco uno bilem in duodenum exonerari, ad hunc truncum verò omnes poros derivare bilem ab hepate, sive illi inserantur vesicæ, s. ductibus extantibus in superficie hepatis, sive etiam substantiæ hepatis immerfis ductibus inserantur quomodocunque. *Fig. XI. & XII.*

Explicatio Fig. XI.

Facies pilæ mucosæ in Vesica felle vaccæ repertæ, quomodo
Dec. II. Annus VII.

H

iu

in situ erat sibi relicta, cum hiatibus & foraminibus, ubi margines partium non coierant.

Fig. XII.

Ejusdem pilæ facies, laciniis suis explicatæ, ubi

- A. Crassissimam partem, in quâ hiatus quasi specum efformat.
- B. Mediocris crassities.
- C. Tenuissimæ partis speciem exhibet, hæc vel bis in se replicata & convoluta cum aliis speciem pilæ efformaverat, qualem altera figura offert.

OBSERVATIO XXIV.

D. PHIL. JAC. HARTMANNI.

Anatome Glandiorum.

IN *Corde Suis* glandia complurima, ultra viginti in parenchymate utriusque ventriculi intimiori, observavi: singulos scrobiculos singulæ tunicæ albæ oppleverant; tunicis incisis peculiaris tenuis membranæ folliculus eximi poterat, qui præter limpidum humorem funiculum candicantem fili albi instar convolutum complectebatur, ipsissimum vermiculum.

II. *In affati Leporis pulpamento* nemo quidquam vitii advertibat, ipso verò inciso multum aquæ profiliebat: in cujus causam intentus, cavitatem insignem, quæ juglandem minorem caperet, atque in hæc glandiorum congeriem latitantem inveni, multis particulis quasi pituitosis in duritiem excoctis, quales ex ruptis glandiis prodeuntes cohærere constat, ut filum nodis implicitum exprimerent.

III. *Æquè in piscium non uno genere*, in Percis, Erythrinis, Lucis, Carpionibus, &c. per hepar, ventriculum, intestina,

stina, carnem, &c. istiusmodi folliculos candicantes & eminentes animadverti, è quibus apertis alba filamenta educere fuit longâ serie. Piscatores statim temporibus cuique generi id vitii obvenire persuasi sunt.

Usus ex Anatome Glandiorum.

I. *Aristoteles* 8. H. A. 21. χαλαζῶται δὲ μόνον τῶ ζώων ὧν ἴσμεν ὅς. Scaliger in Comment. Utinam non dixisset hoc Philosophus: Nam & gallinas vidimus nos aliquot, & lepores non paucos, homines verò plurimos, quorum sanguis esset arenosus. An illo, ὧν ἴσμεν; an verò illo, quod non eadem in omni animantium genere glandiorum ratio; *Aristoteles* excusari queat viderint alii.

II. Isti quoque *Aristotelis* effato 3. P. A. 4. fin. μόνον δὲ τῶ σπλάγχνων καὶ ὅλως τῶ ἐν σώματι μορίων ἢ καρδία χαλεπὸν πάθος ἔδεν ὑπομίνει; contradicit nostra Anatome: utut *Aristoteles* illud ex *Hippocratis* L. 4. de Morbis S. 13. §. 18. hauserit, ubi simpliciter citra cautiones à Philosopho adhibitas dicitur, νόσημα ἐν τῇ καρδίᾳ ἔδεν γίνεσθαι. Verùm salva res est, si illud, χαλεπὸν πάθος; si illud, ὑπομίνει; probè rumines. Hocq; *Aretæus* de Ca. & Si. Acut. L. 2. 1. ponderans, ἦν μὲν ἡ καρδία, inquit, πάθη, καὶ εἰς μακρὰν τὴν θανάτου ἢ ἀμβολίᾳ. Vid. seqq.

III. *Aristoteles* 8. H. A. 21. loca glandiorum in suis locis crura, collum, artus & partem inferiorem linguæ memorat. An non sufficiens enumeratio partium, cum & Cor sit addendum? an verò subintelligendum istud ὡς ἐπὶ τὸ πολὺ?

IV. Glandia, aut quocunque nomine his affines veniant pustulæ, nidos esse vermiculorum, mihi fit verosimile.

OBSERVATIO XXV.

D. PHIL. JAC. HARTMANNI.

Anatome Lienum.

I.

IN Sue glandiis obnoxio hujus *parvitat*is Lienem conspexi, ut minimi digiti longitudinem non excederet, crassitie & latitudine pennam anserinam tantum adæquaret: inde adeò inquirentis oculis se primum subduxerat: *Vasa* in eodem ægerrimè conspiciebantur ob exilitatem, & numero paucissima; carneam quandam particulam integra compages referebat.

II. *In Lepore* Lien vix ad longitudinem & latitudinem digiti indicis, ad crassitiem autem folii summi brassicæ accedebat.

III. *In Cane* digiti minimi longitudine Lien lumbricum referebat.

Usus ex Anatome Lienum.

I. *Lienem non esse viscus necessarium*, hujus signum posuit *Philosophus* 3. P. A. 7. fin. quod in nonnullis deficiat magnitudine.

II. *Plinius* 25. H. N. 5. de Teucrio herba habet fabulam, cur Splenion à quibusdam vocetur: *Narrant*, inquit, *sues qui radicem ejus ederint, sine splène inveniri.*

III. *Vasorum ad membrum proportio.*

OBSERVATIO XXVI.

D. PHIL. JAC. HARTMANNI.

Anatome Porcellæ Hermaphrodita
creditæ.

POrcella missa, quæ ad genitale inter feminæ, specie testiculorum Domino imposuerat: statim ut contemplabar laxius pendulos herniam suspicabar, cum suillo generi revincti sint testes: nec tamen retrocedebat quidpiam ex tumore vel fortiter compresso. Apertus verò *bubono-enterocelen*, miroque modo extensum peritonæum, relicto angusto tramite, detexit: ilii maxima portio cum mesenterio omne spatium *ficti scroti* impleverat, altero *processu Uteri unâ illuc protruso*, in tantum, ut alter processus etiam ex suâ sede decurbatus inveniretur. Protrahi omnia ex scroto illo poterant per angustam viam adhibitâ dexteritate. Ad extremitatem *Processus Uteri intrusi nec tuba, nec testiculi justa conformatio*, cum præter solum compacta & distorta essent omnia.

Usus ex Anatome Porcellæ Hermaphrodita creditæ.

I. Cum *Hernia* inveniat *discrimen ratione loci, & ratione materia; ratione materia* fortè illam quis ulterius dividendam arbitraretur, utpote cum non solum ab intestinis, ab omento, à carne, &c. enterocèle, epiplocèle, sarcocèle, &c. sed & à mesenterio, ab Utero, &c. nomen *Herniæ* imponendum nostra suaderet anatome. Ast dividere res non est easdem frangere: & *ἀνυπόστα* erit ista nimia *ἀνέπειρα*: quæ *ἀπαίδευσις* rem Chirurgicam foedè deturpavit.

II. Et *sequiorem sexum Bubonocela esse obnoxium*, cum sint qui ambigant, ob negatos s. n. Peritonæi processus.

H 3

III. Ut

III. Ut *monstrōsa* fiant pleraque non concessâ liberâ *Natura* opificio officinâ.

OBSERVATIO XXVII.

D. PHIL. JAC. HARTMANNI.

Anatome Vitulæ Hermaphroditæ.

Tales Coloni & laniones norunt dari conjecturam ex umbilico capientes. Non comparebat *lorum* in denudato, *testiculi* tamen ita *Vagina muliebri* extus appensi erant, uti aliàs ipsos in sexu virili peni appendi contigit: sed & *masculini generis* eosdem *testes* conditio partium evincebat, quippe hæc *epididymides* à reliquo corpore distinxerat. Ista itaque Vitulum volebant: ast *Vagina*, & huic inserta *urethra*, *ductus* item *vaginales* volebant Vitulam: *defectus* autem *penis*, & *defectus uteri*, *cacâ vaginâ*, volebant Hermaphroditum. Habes itaque animal & masculini, & feminini & neutrius generis absque ulla Ovidianâ Metamorphosi androgynon:

*Nec duosunt, sed forma duplex; nec femina dici,
Nec puer ut possit: neutrumq; & utrumq; videtur.*

Usus ex Anatome Vitula Hermaphrodita.

I. *Quis omnium dabit causas*, quàm multa sunt in rerum natura, quæ nemo, nisi is qui fecit, scire potest!

II. *Perfectos Hermaphroditos non dari*: i. e. qui utriusque sexus æquè absolutis gauderent genitalibus. *Τραγῆλας Aristot. 4. G. A. 4. med. conf.*

III. *In Hermaphroditis alterius sexus membrum præpollere*, uti in hac nostra femininum superasse reddet manifestius.

Fig. XIII. XIV. XV.

Expli-

*Vitula
Hermaphrodita.
Anno 86. m. Junii*

F. 13. ad p. 63.


*F. 15.
ad p. 63.*

*F. 14.
ad p. 63.*

*F. 16.
ad pag. 66.*

F. 17. ad p. 67.

*Convolvulus
in Gallina juniori
Anno 83. m. Aug.*





Explicatio.

1. Vesica Urinaria. 2. 2. Arteriæ Umbilicales. 3. 3. Epididymides. 4. 4. Testes. 5. Clitoris. 6. Vagina Uteri. 7. Intestinum rectum. 8. Insertio Urethræ. 9. 9. Ductus Vaginales *ὀφθαλμοί*. 10. Vagina Uteri inversa imperforata.

OBSERVATIO XXVIII.

D. PHIL. JAC. HARTMANNI.

Anatome Ventriculorum intus latitantibus aciculis.

I.

Ventriculus anserinus à Discipulo afferebatur oblongâ carneâ appendice notabilis; hujus originem rimantes observamus ab intima tunica per crassum musculum ventriculi canalem ad appendicem tendere; qui à musculo separatus, angusto meatu detegebatur: Cujus productio, appendix illa extra ventriculum propendula, non. iisdem constabat partibus; quum quæ proxima Ventriculo digitum minimum crassa, articulum longa chylo compacto referta esset, tunicâ interiori illi Ventriculi aridæ & asperæ respondente: quæ verò ab hac progrediebatur distorta alia, pennæ anserinæ crassitie, acum rubigine ferè consumtam striisq. exesam complanatam reddebat: caput deerat, ut scrupulum injiceret, si non alius quivis stilus ferreus fuerit. Circumdederat autem acum chylus niger, compactus itidem: finis hujus canalis instar intestini cæcus erat, nisi quod prominente acûs acumine perforatus esset.

II. In Anatis Ventriculo globus plumbei æmulus ex-
tabat, cujus tunicas suspensio cultro separanti, pediculus pro-
diit, à quo hic globus dependebat. Abscessum judicans in-
ductum

ductum inquiri dissecto Ventriculo, qui quidem ductum, commonstravit, sed stilo non penitus pervium. Globum itaque medium dividere cogor, atque *acicula ex orichalcino filonitida*, compactâ nigricante malsâ, quam per foramen illud transiens chylus reliquerat, sepulta erupit. Cuspis aciculæ exteriora versus vergebat per globi tunicam transparens: obtusior pars capite erat minuta: canali quo transferat intus rugoso & aspero.

Usus ex Anatome Ventriculorum intus latitantibus aciculis.

I. *Sanis existentibus corporibus chylus interceptus non facile putrescit, sed exarescit magis: an illud non fieret, si fermentis Oeconomia nutritionis sua s. n. perageret?*

II. *Mechanicam mihi edisseri vellem, quâ Natura acuminatas partes extrorsum protrusit, non ita obtusas: an casui hoc adscribendum magis?*

III. *Quod alteram acum rubigo affecit, alteram non, an materiæ adscribendum, quod altera ex ferro, altera ex orichalco? an diversis succis Ventriculorum?*

IV. *Contra Galenum tales Historiæ facilè probant, Ventriculum chylo non uti in nutritionem sui ipsius; consumsisset enim in secessibus seclusum.*

V. *Quomodo Natura novos ductus efformare eosq. ampliores reddere queat, satis mechanicè ex hisce talibus declarari potest.*

OBSERVATIO XXIX.

D. PHIL. JAC. HARTMANNI.

Anatome Gallinæ Iliacæ.

G Allinam, quæ & per superius & per inferius guttur, sanguinem ejecerat, cultro anatomico subjeci. *Intestina* è regione extremitatum cæcorum intuens, ubi duri-

duritiem adverto, deglutitum quidpiam suspicor: atque incidenti corpus globoso capite, cum hiatu obscuro, pisciculum imitans, quod muco ex coagulato sanguine interioris tunica obductum erat, sese offert: quod autem educenti minimè obsequeretur, oppositam partem patefeci; hinc quando adnatum quoddam corpus videbatur: reduplicaciones enim intrusi pressè adjacebant, ut unum idemque continuum intestinum jurasses. Denuò divellere ab invicem malè connexa tentanti, supernum quidem cessit aliquantum, infernum verò pristinam retinebat sedem: Quare & corpus, quod pisciculum imitabatur, secandum veniebat, atque tunc demum manifestò ante oculos ponebatur (1.) intestini, cum parte mesenterii integerrimâ, sesqui articulum longa intrusa portiuncula: (2.) alia portiuncula ejusdem longitudinis inversa, rubicunda & mucosa: (3.) reduplicatio recti arctè superficiei alterius adherens ac si adnata fuisset. *Vid. Fig. XVI. & XVII.* Memorabile quod in cacis dura scybala. In ventriculi orificio multum biliosæ & sanguineæ colluviei, ipso Ventriculo rectius se habente, utut quædam partes sanguinolentæ evasissent. In Recto pariter sanguinei quidpiam occurrebat, tunicâ interiori eodem colore infectâ.

Usus ex Anatome Gallinæ Iliacæ.

I. Quod passionem Iliacam non solum contorsio aut convolutio intestini, unde & convolvulus audit, sed & unius in alterum intrusio causetur. *Ext. Dn. D. Starck, Collega meus honoratissimus,* Puerum duodecim annorum à gravissimo in os sacrum lapsu ex Ileo mortuum incidens, præter intestina flatuum plena, præter inflammationem & abruptionem mesenterii propè colon, intestinum rectum contortum invenit.

II. Galenus 6. de Symptom. caus. c. 2. quod satius sit in hujusmodi affectibus, ut dicamus, Ventriculum non trahere, sed suscipere duntaxat ea, quæ ob intestinorum compressionem vio-

Det. II. Annus VII.

I

lenter

lenter sursum feruntur. Nam quod intestina constringuntur, id ipsis s. n. convenit. H. I. Rectè inde ejectio sanguinis per guttur superius intelligi potest.

III. *Quidnam autem sanguinem ex intestinis elicuisse dixerimus? an vehementiam motûs intestinorum nullò affusò chylò? an fermenti cujusdam corrosivi acrimoniam? an magis inflammationem partium?*

IV. *Cum s. n. in cæcis Volatilium liquidiores sint feces, quæ causa scybalarum? an quod cessante pressione sequentis materiæ, ocluso transitu, in his feces subsisterunt? an quod omnis motus cæcorum à constrictione superiorum intestinorum? hæc ubi defecit, cæca nesciverunt sua ejicere? an verò & inflammatio in causa fuit? cum unius ejusdem rei, uti possunt, plures etiam fuerint causæ.*

Fig. XVI. & XVII. *p. 62*

Explicatio Fig. XVI.

- A. A. Intestinum tenue.
- B. B. Locus, ubi intestinum crassum tenui ita annexum erat, ut unum videretur continuum, cum crassius, quàm hîc depictum esset, tenue ante apertum.
- C. C. C. Portio intestini inversi, mucò sanguinolento obducti, quod deradi poterat.
- D. D. D. D. Intestinum crassum, quod inversam portionem tangebatur, apertum.
- E. E. Intestina cæca fecibus duris stipata vel farta.
- F. F. Insertiones cæcorum.

Fig. XVII.

- A. A. A. A. Initium & finis intestini tenuis intra inversam portionem crassi conclusi & absconditi.
- B. B. B. Portio Mesenterii una inclusi inverso crasso cum tenui.

C. C. Dis-

C. C. Dissecta portio inversi crassi.

D. D. Connexio intestini tenuissimi cum inverso, ut reduplicatio appareat.

E. Connexio inversi cum recto ibidem, ut reduplicatio compareat.

F. F. Intestina caeca.

OBSERVATIO XXX.

D. PHIL. JAC. HARTMANNI.

Anatome Scirrhorum.

Insignis Gallinae erat tumor ad consinium, quod apicem ossis sterni & claviculas dirimit, tribus quasi globis coagmentatus, pinguedine intertextâ citra peculiarem membranam annexus erat musculis, in his quibus utut ægrè, conspicere tamen erat rupturæ vestigium. Dissectus tumor albicantem carneam massam corticatim circa nucleum quendam concretam exhibebat: aliquando cortices hiatu, aliquando divulsione dignosci poterant. Vid. Fig. XVIII. Intus ad latera intestinorum propè mesenterium tria rotunda corpora, sed variis eminentiis aspera comparebant; duo ægrè hærentia, quæ nullâ vi admotâ, suâ sponte in manus eximentis inciderunt: cutis horum cineritia, muco veluti oblita: tertium maximum albicans ab intestino certis fibris annexum erat pendulum. Dissectorum horum omnium eadem conditio, eadem facies quæ Tumoris externi.

Ufus ex Anatome Scirrhorum.

I. Quod corpore optimè valente, sanguis etiam extra vasa concoquatur: fuit hæc Gallina habitior, foecunda, præpinguis, sanissima.

II. Quod à sanguine extra vasa purpurea Tinct. tanquam
I 2 vola-

volatilis abeat, relicto albo terrestri, cujus fibrarum condensatio successiva cortices dedit carneos.

III. Ita enim corticatum tumorem concrevisse auguror, quod unam vel alteram guttam ex vasis dilapsam coagulata, alie novè affluentes circumcirca cinxerint, hasq; alia subinde succedentes, quousq; spatium invenerint.

IV. Fidem quoq; illi Venatoris, in Exc. D. Rommelii Discursu Physico-Medico de fœtibus Leporinis, relationi faciet: scilicet abscedere possunt absq; ullo molimine exarescentes istiusmodi globuli subtracto nutrimento, non minus ac in vegetabilibus usu venire novimus.

Fig. XVIII.

OBSERVATIO XXXI.

D. PHIL. JAC. HARTMANNI.

Anatome Uteri Suilli Fœtibus disparis magnitudinis.

IN hujus dextro cornu sex, in sinistro tres, omnes masculi, fœtus continebantur. Ast in dextro duo embrya pusilla vix tertiam reliquorum partem magnitudine attingebant, alterum versus tubam, alterum versus vulvam inter majora erant sita: unum ex his glandulam chorio Majoris annexam credideram, quippe nullus liquor aderat; inquirens autem, numquid latitaret, tres tunicas cum embryo umbilico à tunicis pendulo detexi: erat avellanæ majoris magnitudine, emarcidum & exaridum, integrum tamen, quoad partes omnes clauso jam abdomine.

Vid. Fig. XIX.

Ufus ex Anatome Uteri Suilli, fœtibus disparis magnitudinis.

I. Numquid supersœtatio exinde deducenda? sanus fuit Ute.

Tumor ad apicem Sterni in Gallina. A^o 83. M. Oct^o.

ad p. 68. Fig. 18.

*Ex parvis mesenterii
scirrhis tumoribus*

*Corticatum
opus.*




Fig. 19.

ad p. 69.

Superfoetatio in Sue.



*Suillum Embryon antepenultimum emortuale Sceleton istâ
magnitudine, reliquis s, ejusdem cornu, spithamam longis.*



Uterus, neque vitium ullum adverti, nisi quod extrema choriorum flaccida & mucida. Fœtus tamen emortualis aridus? An Priorum incrementum hujus mors fuit? *Ex alio Utero Suillo emortuale sceleron necdum digiti longitudine exemi, cum reliqui fœtus ad spithamam accederent.*

Vid. Fig. XIX.

II. Magis *tunicas, chorion, allantoidem, amnion à fœtu, derivandas* istæ dictabunt historiæ: cum hæc fœtu mortuo unâ contabuerint, nil quicquam prohibente Uteri incolumitate.

III. *Et hæc illustrare possunt Exc. D. Rommelii Discursum sæpius laudatum; quomodo etiam citra putredinis fœtorem Utero materno benè valente, embrya exarescant.*

OBSERVATIO XXXII.

D. PHIL. JAC. HARTMANNI.

Anatome Turturis pinguedine suffocata.

Tertio à morte die hanc incidebam: *lustratisq; partibus s. n. animalis*, cum ventriculus, ingluvies, processus Uteri, ovarium, omnia Gallinaceis responderent, *causam mortis disquirens, pinguedine cuncta obsepta deprehendo.* Neque Ventriculum solum obsederat, quod in avibus fieri amat, sed loborum hepatis extrema ita investierat, ut hæc quasi in theca sive fascia reposita viderentur, cum prius specie partis adiposæ fefellissent; atque detrahi poterat promptè, æquè ac fascia renalis à renibus: *hepar nudatum atro-purpureum colorem dabat, cætera sanissimum.* Hinc ad Cor oculos concipienti, mirum visu, *nullo intercedente mediastino ope pericardii sternorevinctum* occurrit: atque visum quidem prius effugerat, cum omnis ejus superficies pinguedine tecta per pericardium

I 3 trans-

transpareret. Nec membrana pericardii ab hac pinguedine liberè separari poterat, sed ita mutuò constricta erant omnia, ut tubulo immisso neutiquam inflari posset, effarcta enim pinguedine erat undique per omnes, quas sibi effinxerat cavernulas & recessus, ut ab illa difficulter avelleretur. Eadem pinguedo aperto pericardio, tantum non sebacea in grumos contra adipis naturam coierat. Pericardium eadem justo crassius reddiderat: Eadem Cordis globositatem corruperat prorsus, cum hoc viscus non σφγγύλον, sed variè depressum, aliâ parte quadratam, aliâ triquetram exhiberet figuram. Neq̃ tamen adnata erat Cordi pinguedo, prouti ad coronariam evenire suevit, cum facili digitorum ministerio ex impressis alveolis eximeretur. In utroq̃ ventriculo sanguis niger; magis tamen in sinistro cruor concreverat, tenacitate contritionem atq; sectionem instar polypi difficilem reddens. Ejusdem conditionis erat sanguis in Vasis Hepatis & Pulmonum.

Ufus ex Anatome Turturis pinguedine suffocata.

I. *Pinguedo luxurians mortis causa, sanguinem pigrum & ineptum reddens ad munus suum, quod est calorem vitalem jugi commeatu ad omnes partes deferre, obeundum.*

II. *Quomodo pinguedo intraverit pericardium? viæ quidem non patuerunt, an per easdem, per quas serum? quin ipsum serum pingue uti in sanguinis ductibus, ita in pericardii quoq̃ cavitate concreescere potuit. An verò ruptis vasis sanguineis pinguis latex in illud exsudavit?*

III. *Recessus Pericardii insoliti ab extensione ob vim pinguedinis ingruentem, quæ sibi cavernulas, quales in auriculis cordis quorundam animalium, fibrillis suis intertextis hospitaes exstruxit.*

IV. *Cum nec ista Pericardii extensio satis spatii præberet, moles pinguedinis incumbens motui Cordis obniti caput, unde alveoli ipsius superficiei externa impressi.*

V. Tandem cordis systole & diastole inhibita, concreto unâ intus sanguine, collapsa est rota quâ vitale circumagendum erat humidum.

VI. Grumosum fuit pingue, fortè quod non prope vasa sanguinea constiterit, horumq; fibras non habuit contiguas: sive etiam chylo crudo illud pingue permixtum fuit.

VII. Crassities Pericardii accretis fibris pinguedinis: cujus vi idem sterno impactum fuit.

OBSERVATIO XXXIII.

D. PHIL. JAC. HARTMANNI.

Anatome Gruis pinguedine suffocata.

Tertio à captivitate die, nil quicquam interea temporis gustans, crure fracto, mortem oppetierat. Ut mittam illa, quæ s. n. huic animali aderant: Pinguedo plurima totum Ventrículum obtexerat, quin & intestina, oppleverat undique. Ventrículi tunica retorrída nil nisi lapillos fovebat: Ad pylorum lumbricus, unus quoque atque alter in intestinis: Vesica fellis præ pinguedine ægrè obtutui patebat; felle aterrimo, quod Rob cerasorum grumosum colore & spissitudine præsentabat. Interior tunica non cancellatis sed parallelis solum lineis erat distincta: Viam Vesicula ad intestinum sedulo inquirenti, nusquam ea apparuit.

Cæterum in hepatis, in pulmonum, in totius Corporis vasis, jugularibus, cruralibus, &c. Porta, Cava, Aorta ramis; in omnibus concretus erat sanguis, ut integri trunci majores cum minoribus ramis educi possent, ac si ceram infusam ex modulis eximeres.

Vid. Fig. XX.

Non autem purus putus sanguis erat, qui ita concreverat: quædam partes horum truncorum & ramorum pituitam densam ostendebant; alia carneum quid dilutum; alia verò sanguinem

guinem purpureum. Erat ubi *idem truncus aut ramus ab altero latere sanguinis, ab altero pituitæ specie compareret*: erat ubi *distinctè in eodem trunco aut ramo*, miro spectaculo, *portiones pituitosa, carnea, sanguinea certo ordine se invicem exciperent*. Qui in *venis* erat sanguis, nigrior, qui in *arteriis* purpurei vel dilucioris coloris conspiciebatur.

Cordis parenchyma aliquot fissuris hiabat: insignior erat *dextri Ventriculi fissura*: huncq; *intus vera pinguedo opplevrat*, *sinistrum* verò *concreta massa sanguinis*, quæ *columellis & infimis recessibus in modum polypi adhærebat*. *Conus sanguinolentus spectabatur*: sed & *Cor uti reliqua Viscera multa pinguedo cinxerat*.

Usus ex Anatome Gruis pinguedine suffocata.

I. Credo *deficiente agitatione corporis pinguem sanguinem non excitato calore congelasse*: uti *obesos eapropter quoq; subito vitam defecisse, testantur Historiæ*.

II. Quæ *Aristoteles 3. P. A. 9. fin. de Ovium nimia pinguedine*; ἐγκαταλομένης ἐν τῆς ὑπερβολῆς καὶ τῶν πνευμάτων, διὰ τὸ σφαιρικισμὸν, ἀναρῶνται λαχέως; *non malè ex istis explanari possunt, in Sphacelismi cognitionem.*

III. *Plutarchus 2. de esu Carnium sub init. Saginæ Gruum meminit*: Alii, inquit, *gruum & olorum oculos consuunt, inclusosq; tenebris saginant, ut monstrosis misturis, & conditionibus certis carnem eorum apparent.* H. I.

IV. *Nostris geminas Historias offert Ann. II. Dec. I. Eph. N. C. observ. 87. Item Scholia in Observationem: Acta quoq; Medica Th. Bartholini Vol. V. Obs. 29.*

V. *Non video, quæ istiusmodi in sanguine pinguedo chylus dici possit, licet ex chylo eandem subortam esse certum sit*: simpliciter *chylus non erit*; non magis quàm *butyrum, lac, utut butyrum ex lacte elicatum fuerit.*




Fig. 20.
ad p. 73.
Cor Gruis
pinguedine
suffocatae.



VI. *Generatio carnis ex decisione villorum*, quos appellens humidum subinde in ductus excavare novit.

VII. Ex quibus quoque explicari potest, *quomodo crescere proprium sit viventium*: quippe cum ab interno principio, per longum, latum, & profundum, reliqua augeri nequeant, viventia corpora ope villorum decisorum illud facile impetrant, ubi sanguis vitalis omnia loca permeare commodè potest.

VIII. *Atrophia ex opposito itidem illustrabitur.*

Fig. XX.

Explicatio.

a. a. a. Fissuræ quibus hiabat.

b. b. Conus sanguinolentus.

c. c. Pinguedo.

d. d. d. Species sanguinis concreti extra vasa rigidè prominentis.

A. Cordis dexter Ventriculus apertus.

B. B. Lobi veræ pinguedinis.

C. Massæ ex sinistro ventriculoeductæ una facies.

d. d. ubi polypum referebat.

c. c. c. c. ubi sanguinem concretum.

f. ex auricula.

g. g. ex vasis.

H. ejusdem altera facies.

i. i. ubi Polypum.

K. K. K. ubi sanguinem.

l. l. l. ex auricula.

m. m. ex vasis.

N. Integra ex dextra auricula & adjacente vaseeducta massa concreta.

OBSERVATIO XXXIV.

D. PHIL. JAC. HARTMANNI.

Anatome Canis Morbidi.

Comprehensus effundebat *Vermes latos geminos* inter se implicitos; *Intestinis* patefactis pervenimus ad *principia istorum in tenuium jejuno*; hinc enim stigmata offendebamus latiuscula, ac si torrendo aut adurendo fuissent impressa, adeò arida atque aspera erant loca, ut nullus humor, nullus mucus intestinalis compareret, hæc quæ capitibus vermium infixis respondebant. Cæterum cum *vivus incidendus erat*, idque paulò ante lac hauserat, nullum hujus, aut *lacteorum vasorum* exitit indicium. Curiosè quoque indagavi, omnis generis *intestinis* dissecatis, sicubi *glandulas* adverterem, cum *cæcum* intuenti extrinsecus occurrerent magnitudine cicerum translucentes plurimæ, quinquaginta & plures fuisset numerare, adeò *obscurum glandulis erat cæcum*, ne unicâ quidem alibi deprehensâ. *Fecibus* quoque multis distentum erat *cæcum*, hæc quæ cibis multo humore maceratis, quales in echinis ruminantium, erant similes.

Utut autem carnosus esset Canis, *pinguedinis* genuinæ nec scrupulum ex omnibus visceribus redegisset. *Ventriculus* non procul à *pyloro* offerebat *globum* glandulæ conglobatæ ad modum: hic cum tunicis Ventriculi obtegeretur prorsus, remotis hisce necdum glandulæ speciem deposuit. Dissecatus verò diversas foveolas & corrugatas protuberantias ostendit, quasi ex multis glandulosis tunicis complicatus, neque quidquam monstri suspicabamur, donec stili apicem intruderemus, exploraturi si quâ ducerent foveolæ: extracto apici tenue filum adhæsit, quod intuiti vix dum vermiculum agnovimus; inquirentesq; num errore quodam aliunde accessisset, omnes foveolas globulo stili excutimus; tunc demum

ultra

ultra viginti consertos eruimus, quos parvos, latiusculos, fili crassitie, unguis longitudine, vermiculos deprehendimus.

Non memini me in Cane *majus* unquam Cor conspexisse, Vitulinum longè superabat, licet Canis ex minori genere esset. Cum *Urina secretionem in Renibus* demonstrare satagerem, atque prius, calidà per arteriam emulgentem injectà, cruorem more solito eluere, viscusque emollire meditarer, necdum Venà emulgente vinculo constrictà, tamen sponte suà Ureterem tumefieri, illoq, non serum sed cruorem aveli percipio, cum per venam nec istà copià, nec istà facilitate, quā suevit, sanguis egrederetur. In causam intentus, mucosà pinguedine intus pelvim arctè obsessam offendo.

Usus ex Anatome Canis Morbidi.

I. Vulgus hic locorum credit, si ferulis Canes à Coquis percutiantur has oriri tænias; scilicet cum ab istà percussione pendulas ejusmodi alios atque alios post se traxisse viderint. Quæ est fallacia, quâ in *Physicis & Medicis* rebus nulla occurrit frequentior, Accidentis.

II. Uti in vegetabilibus Cuscuta suas radices plantarum truncis infigit, quibus alimentum earum exhaurit, pariter & hoc vermium genus lentâ animalia conficit tabe. Huic enim quod nullum lactis, nullum lacteorum vasorum indicium; huic quod nulla pinguedo, adscribendum venit.

III. Canis hic cum optimo genere esset satus, nil generosè tamen edidisse, sed tardior semper atque minus alacris visus referebatur. An alimenti penuria? an dolori ex vermium sustione istud accensebimus? reverà qui cum intestinis hisce hostibus conflictantur ut plurimum minus alacres existunt.

IV. Ut interdum doctâ plus valet arte malum! quis Theus, quo filo istum labyrinthum esset ingressus, ad tollendam in Ventriculi recessu abditam Vermium progeniem?

V. Glandularum in aliis intestinis defectum si penuriæ alimenti

menti attribuimus, numquid copiam earundem in caco attribuemus abundantiae?

VI. *Cor magnum* in degeneri nostro timor arguit. Licet *An. I. Dec. I. Observat. 70. Scholion* in contrarium exempla exhibeat.

VII. *Mictionis cruenta causa* non semper calculus in Renibus.

OBSERVATIO XXXV.

D. PHIL. JAC. HARTMANNI.

Anatome Canis in partu mortuae.

CAnicula per aliquot dies parturiens, sed non enitens, frigore abdominis & febriculâ foetum mortuum arguentibus, tandem extincta est. Aperto abdomine *Vesica* urinâ turgidâ ampla ad latus deflexerat. *Dextro processui Uteri* foetus erat inclusus unicus, sinistro inani & contracto. *Pinguedo indurata*, fermè cartilaginea, *ossis pubis cilia* obseperat & cinxerat undique. *Foetus* non ultra frontis confinium in cervicem uteri rostrum immergere potuerat, ut *nifum ejus* lingua multum exserta satis indicaret. *Secundum* posticos pedes involverat, *contagioque putredinis partem abdominis imi in foetu lassisse* videbatur, cum reliqua omnia nullâ labe inquinata forent, quamvis mater ante quadriduum mortui foetus signa præbuisset.

Ufus ex Anatome Canis in partu mortuae.

I. *In obesitate difficilis partus causa* pinguedo.

II. *Vesica turgida partum difficiliorem reddere potest*, id quod & Obstetrices animadvertunt.

III. *Nifus embryi dolores in partu s. n. causari videtur*, huiusque viribus, Deo obsecundante, partus feliciter absolvetur.

IV. Illis,

IV. Illis, quæ in *præcedentis Anni Observatione 74. de putrefacto intra exiguum temporis spatium embryo*, à nobis sunt tradita, hæc Historia dubium movet; si non dicendum, quod tenerior & delicatior hominis sit constitutio.

OBSERVATIO XXXVI.

D. PHIL. JAC. HARTMANNI.

Anatome Picæ glandariæ Epilepsiâ
enectæ.

HÆc pane per aliquot dies enutrita, vesperi epilepsiâ correpta, capite in sellam impacto, manè exspiravit. Secta nil p. n. ostendit; *In sinistri Ventriculi auriculâ & sinu gelatina lucida*, pisi majoris magnitudine, vitium detegebat; tincta hæc erat versus vas partem superiorem rubore; non quidem à lateribus Cordis facilè secedebat, neque tamen in polypi soliditatem obriguerat. *In Cerebri medulla* aliquot *stigmata sanguinea* erant conspicua.

*Usus ex Anatome Picæ glandariæ epilepsiâ
enectæ.*

I. Sive Epilepsia sive Apoplexia fuerit, à congelatione sanguinis circuitu inhibito fuit.

II. An acidum panis congelationis causam dicamus? avidè illum devorarat, & facilè concoxerat, cum nec grumus in ventriculo dissecto reperiretur.

III. Quod p. n. intra medullam cerebri penetrare valeat sanguis, suo colore conspicuus ob vasorum expansionem.

OBSERVATIO XXXVII.

D. PHIL. JAC. HARTMANNI.

Anatome Fringillæ Epilepticæ.

Sæpius epilepsiâ laborârat; paucis verò, antequam moreretur diebus, alter oculus mirum in modum intumescere; quo detumescente vitium ad alterum oculum transire capit: Agitata interno malo, evolans, ergastulo suo allisa extincta est avicula. In superiori cauda parte durus scirrhusus tumor, rupto involucro, in duas glandulas diremtus excidebat. Cranium intus sanguineo rubore erat tinctum, Cerebro per omnia incolumi. Oculum alterum ad calculi duritiem induratus tophus occupabat. Testes, quippe mas erat, magni, cerasum æquabant mediocri, sed putridi ad levem contactum tabe diffluebant.

*Usus ex Anatome Fringillæ Epilepticæ.*I. *A Testium suppuratione Epilepsiam.*

II. Numquid etiam scirrhusus in cauda tumor vitium auxit? an fortè is locus est, per quem avibus aliquid genitalis liquoris secernitur, ut prostatarum vices subeant? sanè glandula illa secretioni in qualemcumq; usum inserviunt, unde occlusæ aut induratae mortem avibus non rarò inferunt.

III. Tumor oculi à vitio totius massæ sanguineæ, inde facile ab unâ ad alteram partem fuit transitus, propter communio- nem vasorum in circuitu sanguinis.

IV. Tophus oculi citra dubium ab excacatione, in duritiem vitreo & crystallino compactis humoribus.

OBSERVATIO XXXVIII.

D. PHIL. JAC. HARTMANNI.

Anatome Gallinæ Herniosæ.

HUic ventriculo in loco debito relicto omnia intestina exciderant: Verum elapsa ista jussu ordine sursum adaucta sinistrum musculus sterni totum tegebant. Erant autem peculiari tenui membranâ instar peritonæi circumvoluta, atq; ita inter cutem & musculus pectoris ad axillam usque strata jacebant. Fœcunda atq; per omnia sana erat Gallina, nullo incesûs vitio notabili.

Usus ex Anatome Gallinæ Herniosæ.

I. Enterocelen illaso tenore intestinorum non esse adeò periculosam.

II. Cutis & musculorum nexus facile solubilis, ubi pinguedo non est interstrata.

III. Peritonæum quàm citra rupturam possit extendi, ut malè Hernia ejus divulsioni adscribatur.

OBSERVATIO XXXIX.

D. PHIL. JAC. HARTMANNI.

Anatome Vesicæ Monstrosæ.

Allata Vesica Vitulæ distenta, neque tamen ullo modo humorem exprimere noveramus. Insertus urethra stilus ad vesicam neutiquam penetrabat. Quare incisâ urethrâ usq; ad cervicem Vesicæ, hanc coaluisse offendimus; prominensque latiori urethræ parti immerfa ovi cacumen præsentabat. Ex aperta Vesica effluebat humor lactei coloris crassiusculus, fœtore gravissimo. Coagulati vel concreti
nil

nil aderat, nisi quod ad intimiorem tunicam Vesicae mucilago adipi similis difficulter divellenda adhereret. Cum Ureteres indagaremus, alium invenimus intra Vesicam, parte articulum longâ prospectantem, per quem & stilum adigebamus; hic qui eâdem quâ Ventriculus mucilagine obductus erat: Alterius autem Ureteris portio digitum longa in ligamentum impervium degeneraverat. Vide sis Fig. XXI.

Usus ex Anatome Vesicae Monstrosae.

I. Talis coalitio Vesicae non nisi Chirurgicâ operâ tolli potuisset.

II. Lactescentem liquorem an ad chylum referamus? contradicente odore, serum corruptum potius qualicumque chyli tincturâ larvatum dicamus.

Explicatio Fig. XXI.

a.a.a.a. Coalitio Vesicae cacumen ovi exhibens.

b. b. Urethra incisa cum sinu, cui illud cacumen immensum erat.

c. Ureter, cujus pars in ligamentum degenerarat.

d. Ureter integer.

OBSERVATIO XL.

D. PHIL. JAC. HARTMANNI.

Anatome Ventriculi Piscis Siluri,
Welsi / dicti.

Non possum quin Curiosis ex Anatomis, quas ad partes omnis generis animalium, earumque actiones cognoscendas sæpius datâ occasione institui particulam quandam de Siluro offeram. Vasti hujus, tantum non cetacei,

*Vesica monstruosa Vitulae integra
incisa ure.*



*Vesica monstruosa Vitulae aperta, cum promi-
nula parte ureteris
integræ a. u. a. a. a.*

*Fig. 21.
ad p. 80.*





tacei, *Viscera cum capite mihi oblata.* Ast non est animus immorandi omnibus, quæ memorabilia istorum dedit contemplatio: sive *dentium per totam mandibulam series* continuas; sive *os orbiculare propè fauces innumeris aciculis exasperatum*, tanquam singulare; sive etiam *Omentum, Pancreas, Hepar, Lienem*; quas partes non analogas sed *easdem* prorsus cum perfectissimis *Terrestrium* possedit; cum & *Renes*, hepatis parenchymate nil concedentes, *ductus Uretericos* pennæ anserinæ amplitudine, partem rectos, partem prominulos dimitterent; sive ipsam *Vescam Urinariam*, quæ inflata mediocri Struthionis ovum adæquat; sive alteram *Pneumaticam*, cujus ductus in gulam manifestus; sive *Pinnas* illarum Delphini æmulas; sive alia quæcunque *Nutritionis, Sensûs aut Motûs organa* mente revolvam: Quamvis & *Generationis organa* memoriâ dignâ forent, Maris enim *Testes* grandinei cocti similiter ac ova feminini generis albumen aliquod mucosum offerebant: Quibus omnibus neglectis Unicum Ventriculi Phænomenon memorabo, quod nescio, an ulli traditum. Corda exempta vivere, systolen & diastolen edere, in vulgus notum est: *Ventriculum autem eductum ultra diei spatium vitam traxisse*, hoc est, quod nostram observationem hætenus fortè commendabit unice. Quippe cum 8. d. mensis Junii mactatus esset Silurus à meridie, tertiâ pomeridianâ sequentis diei pluribus Spectatoribus Ventriculum adhuc talem, qualem jam enarraturus sum, exhibui.

Scilicet primo obtutu *animal aliquod vivum in se continere videbatur*, adeò mirabiles motus edebat; Verùm ubi exinanitum ipsum manibus explorassemus satis, hinc intentius in *rationem motûs* intendentes, *certis locis non procul à pyloro initium sumere cognoscimus*; in modum vorticum ad tria diversa puncta se contraherat, moxq; ab iisdem punctis per eodem vortices se extendebat rursus, certâ quasi *systole & diastole*. Ad hos Vorticum reciprocantium motus & reliqua Ventriculi pars superior, unâ cum intestino, quod pyloro proximum, com-

movebatur. Quotiescunq, autem designata loca premebanus, ad numerum motûs ejuscemodi exsurgere vidimus; qui jussâ interpositâ morâ vix cessabant. Tentavimus an aqua tepida fortu vehementior concitaretur motus, ast frustra fuimus. Nec integer tantum Ventriculus, sed & dissectus ad vesperam usq, istiusmodi motum exhibuit. Occuparunt autem loca memorata innumeri nervi, funiculi, contortorum specie, absq; membranæ involucri, Ventriculi superficiei externæ incumbentes.

Illud adjiciam, quod in crassis intestinis inferioribus multi vermiculi, quos piscibus familiares diximus, latitudine pennæ Perdicis infectionibus distincti, deprehensi fuerint.

*Usus ex Anatome Ventriculi Piscis Siluri,
Welß/ dicti.*

I. An *Helmontii Pylorus* Reçtor illis lucem accipiet?

II. An *cardiogmi* ex illis patebit causa?

III. An verò actio illa *Ventriculi* s. n. concoctionem explicabit? fateor, licet non unius generis animalia viva secuerim, nunquam me adeò validum sibiq, constantem, nedum ut per tot horas perseverasset, *Ventriculi* motum advertisse: *Intestina* quidem, quousque calor illa animavit, motum suum edidisse, in pluribus contuitus sum, verum non plus ultra. Exc. *Vesperus* in *Canícula* provectioris ætatis, nuce vomica peremta, *Ventriculum* circa antrum pylori, circa medium, & versus stomachum, alternante contractione & relaxatione, unâ cum *intestinis*, pridem emortuo corde, & sanguine propè omni effuso, diu, quousq, scil. illa partes caluere, moveri vidit. De quo pluribus consulatur ipsius eruditissima *Historia Cicuta aquatica* c. 13.

IV. Cur non in aliorum sanguineorum, e. g. terrestrium, membranosis, nervosis, partibus motus ita sit perseveraturus, viscositati humoris vitalis adscribendum puto, quam propter spiri-

spiritus non ita promptè avolare queunt. Sic memini me non semel *embrya* grandiuscula canum, felium, &c. *media* sub diaphragmate *viva* secuisse, atq; à pedibus per horam ad compunctionem motus fuisse observatos, id quod in iustæ ætatis animalibus istis non eveniet. Quamvis *vigori & vivacitati Siluræ* multum debeatur, quod non omnes cujuscunque generis *Piscium Ventriculi* istud spectaculum sint præbituri, experimento cuivis obvio: plus tamen *singulari nervorum texture* debetur.

OBSERVATIO XLII.
D. SAMUELIS LEDELII,
De
Vomitu diuturno lethali.

Vomitus admodum debilitare, norunt febricitantes & hystericæ; diu autem illum durasse, est inter rara reponendum. Corporalis Cæsareus, statæ ætatis, in Hungaria, fuste plagam acceperat circa regionem ventriculi, inde post dolorificum sensum hoc reportavit mali, quod singulis diebus bis, post cibum sumptum, vomuit, idque per quinquennium continuavit, usque ad horam mortis; quam videbat Grunbergæ Silesiorum. Post vomitum summe erat famelicus, nec tamen ob metum vomitus, appetitui indulgebat, nisi statò comedendi tempore. Interim corpus existerat aridum & exsiccum, ut conjectu est facile, & lenis tussicula eum infestabat. Ultimo mortis articulo conatus vomendi ipsum adhuc exercebat, cum dissipatione spirituum, lipothymia & expiratione animæ. Eodem symptomate obiit Nobilis Lusatus 62. annorum, qui in juventute erroribus diatæ, utpote in aula vivens, nimium quantum fuit deditus, indefinenter omnia rejecit, quæcunque adsumpsit, interdum etiam materiam nigricantem, sed vix paucos pertransiit menses hunc affectum, siquidem post languorem & atrophiam

phiam successit mors, integris omnibus sensibus. Vir eximius in Marchia, post semestrem spatium, vomitu diurno & nocturno labefactatus, obibat etiam. Omnis cura & hic erat vana: laudanum opiatum aliquoties sopivit malum, sed statim vires resumpsit: spiritus mastichinus, tinctura Catechu & alia ab Autoribus laudata, spem meliorationis faciebant; sed recidivæ illam decollabant. Omnes hi si fuissent dissecti, causa elucescere quivisset, quæ certè non apparuisset eadem in hisce tribus subjectis, licet in eo concurrerint, quod Archæum irritarint: petii hoc à cognatis, at nihil impetravi. Lege, si lubet, Observ. 32. Cent. 4. Guilielm. Fabric. Hildani, Riverii item, Centur. II. Observ. 48. Ephemerid. nostr. Dec. I. Ann. 2. Obs. 224.

OBSEVATIO XLII.
D. SAMUELIS LEDELII,

De

Curiosis verè curiosis.

Placet in theatrum producere talia, quæ Curiosis non erunt ingrata. Datur Panacæa, (locus & persona lateat silentii sipario obtecta) quæ in forma pilulari exhibita ad gr. ij. iij. pro dosi, radicitus tollit omnes morbos Chronicos & desperatos. In fidem do paucissima. Epilepsiam, quæ ab ipsa pueritia insedit, mediante sudore copiosissimo radicitus extirpavit. Venenum per annum latens, expulit in foemina, quæ plus quàm ducentos thaleros per hunc morbum absumperat. En! à prima dosi in momento horrendi vomitus excruciarunt ægrotam, quæ tamen exantlatis his melius spiravit: data altera dosi expulit sudorem copiosissimum, foetidissimum, blando somno subrepente, cum reconvalescentia. Plerumque enim post sudorem grata quies rescillat artus. Apparet ex his, mineram accepti veneni non tantum residere in ventriculo, sed & omnibus partibus corporis,

poris, attamen è ventriculo veluti astrali influxu irradiare, infauſto licet aspectu, reliquos artus & totum venosum genus. Hæc Panacæa conficitur ex auro, & centum ducati communiter una vice dissecti, requiruntur ad enchirisin, dissolvuntur menstruo non corrosivo, sed blando, quod oculo immisſum nullos dolores excitat: labor absomit quatuor aut quinque septimanas, & necesse est, ut sit continuus, diurnus & nocturnus. Ergo Dii (Deus) mortalibus nil sine labore dedere. Operosam auri trituram exhibuit *Langelottus* Curiosis, qui videatur *Observat. 59. Anni 3. Dec. I. Ephemerid.* Memini me *Warttenbergæ*, in Ducatu *Glogoviensi*, dum eram P. P. Societatis *Jesu* cum temporis Medicus, vidisse oleum auri, (ita vocabant,) absque singulari odore & sapore, obscuri coloris, cujus tres guttæ pro dosi datæ, in febribus petechialibus & putridis mira faciebant, mediante sudore uberrimo. Sed hoc videtur veluti umbra de vero corpore memoratæ Panacææ, scribo hoc, propter summam ejus efficaciam, licet illud oleum fuerit & pretiosum, & satis penetrabile. Pesti hæc Panacæa epiniciu canit, & cecinit Anno 1680. & seq. lvi venereæ, ut & omnibus impuritatibus corporis nidum destruit, paucos intra dies. Cancer faciei per annum durans in foemina, cum foetore abominabili, fuit sublatus balsamo exterius illito, superimposito emplastro, (sunt etiam hujus Artificis,) & data Panacæa. Virtus renovativa utique hîc quærenda erit, alias tam efficaciter hæc prodesse nequivissent, quàm etiam optima, & ab aliis summè recommendata nos dereliquerint ante annum, in cancro mammæ exciso, & tamen per recidivam funesto. Offenditur apud huncce Adeptum amuletum, quod profuit puellæ, quæ per plures annos fascinata, omni manuum & pedum usu vixit destituta, cum maximis doloribus: gestavit appensum de collo per duos dies, & in integrum fuit restituta. Disceptationem de usu & operatione amuletorum, non faciam meam, quid tamen de hocce statuam, sincerè aperiam. Quid si fuisset medicamentum summè volatile? (novi enim

enim huic Chimico salia volatilia conficere esse vulgaria, tri-
ta, & vix æstimanda,) quod pro penetrantia sua affecit spiri-
tus, qui ad Archæum fugientes (liceat ita loqui) ipsum ani-
marunt, ad excutiendum fomitem morbificum, cui suppe-
tias tulit virtus medicamenti specifica, quæ continuis effluviis
ipsum non sivit succumbere insultibus morbificis, sed conti-
nuitate tandem superavit. Videntur autem amuleta suas ope-
rationes perficere, aut via manifesta, aut occulta: via mani-
festa, dum effluvia vel emittunt, vel attrahunt, & ita noxia
annihilant: occulto modo dum virtute magnetica aut spe-
cifica morbidum pellunt, qui modus erutu & explicatu diffi-
cilis. Unum addo. Novimus Anglorum infusionem semi-
num, in certo liquore, ob multiplicationem, sed quod hunc
usum, licet gratum, excipit, incommoditas est, & damnum,
ager namque omne id quod fructuosum continet, una vice
explicare cogitur, sterilis postmodum existens. Hic Nobilis
Artista plures produxit uvas isthoc modo. Vitem viniferam
in conclavi asseri inditam, balsamico inunxit liquore, & vitis
uvæ protrudit pulchris racemis, absq; ulla alia ulteriore manua-
lia opera. Vides hîc spiritum Mundi?

OBSERVATIO XLIII.

D. SAMUELIS LEDELII.

De

Vagitu uterino infausito.

Multi hac de re multa scribunt, & partim nihil porten-
dere, partim mali ominis rem esse asserunt. Prio-
rem sententiam amplectitur celeberr. *Bartholinus*,
Centur. 5. Observat. Anatomio. Observ. 1. & 3. cui pol-
licem premit *Excellentiss. Paulini*, *Fasciculo Observationum*,
Anno 6. Dec. 2. Ephemeridum annexo, Observ. 37. Posteriori
se associant *Sennertus*, *Timæus* item à *Guldenkleæ*, *Cas. Medic.*

l. 4. *Observ. 24. & Thesaurus noster l. celebratiss. Clauderus, Observ. 194. Dec. 2. Ann. 2. Ephemeridum.* Quid ego observaverim, hic annoto. In civitate primaria, non ignobilis familiae Materfamilias, primo partu edidit filium, qui 14. ante partum diebus aliquoties vagiit in utero. Epilepsia ipsum invasit à partu, & paucos post annos, iteratò invadens, tenerum hocce corpus mortuis associavit. Omnia prospera in hacce familia evanuerunt, paupertas adstitit ut vir armatus, parens miserè obiit, & mater eò redacta ut propria scybala absumpserit, & omni ferè ratione destituta, lamentabiliter expiravit. *Paterfonii* foetus, qui ejulavit extra uterum positus, & rediit in eundem, Hungariae infaustus extitit, ut loquitur *Experientia.* Vide *Ephemerid. Dec. I. Observat. 62. cum Scholio.* Lignicii ante obitum ultimi Principis, vagitus uterinus illic locorum etiam increbuit, & pro malo fuit reputatus omine. Lege *Pag. 583. der Schlesischen Fürsten Chron.* Utique talia non perfunctoriè consideranda veniunt, quippe cum hic Dei digitum subesse haudquaquam negandum sit: etenim, licet haec sint naturalia, & causas agnoscant naturales, summus tamen Thaumaturgus istis non infrequenter utitur, uti indies occurrit. Insolita insolitum quid indicant, hicce autem vagitus est oppidò rarus, nec semper arguit foetum fortem, praeterea non credas reticere, si saepius accideret, quia foeminae circa haecce sunt admodum curiosae. Annectam singulare quid, ob aliqualem argumenti analogiam. Nobilis Locum-tenens, mihi optimè notus, vexillum cum figura duplicis gladii insignitum, Turcis eripuerat post derelictam Viennam, attulit hoc secum, & in signum victoriae, patrii pagi templo destinavit, ibique appensum firmare jussit. Altero anno in media concione, praesentibus parentibus & sororibus, die Dominico, vexillum se de loco movet, & minatur casum. Contristantur subito omnes, & intra paucos dies per literas nunciatur, hunc heroem eo tempore terris obrutum, suffocatum interiisse in obsidione Budae. Ergò omina non semper sunt nuda nomina.

OBSERVATIO XLIV.

D. SAMUELIS LEDELII,

*De*Nausea carnis ob discissum gallum
oviparum.

Quia promisi *Ann. I. Dec. 2. Observ. 145.* me velle amplius annotare accidentia, in posterum obventura foeminae, quæ gallum oviparum dissecuerat, ideò, ut fidem liberem, notifico, quod adhuc dum vivat, plerisque manus digitis contractis & ad usum ineptis, aliàs sana præter hoc, quod omnis averfatur carnis esum ab illo tempore, quo gallum mastavit, hucusque jusculum carnis bubulæ cum prisana hordeacea admittens odorem carnis etiam, ipsam tamen carnem haudquaquam. Jussi ut naturæ obtruderet, observatura quid inde damni emersurum sit, assumpsit: Verùm tantam sensit anxietatem, ut animi deliquia instarent, ideò omnem esum & usum carnis abjuravit. Nonnulli anatomiae non assueti, aut etiam vulnerum deligationes adspicientes, nauseam carnis ad aliquot dies incurrunt, qualia exempla mihi sunt nota: attamen spontè sua hæc evanescit. Apud hancce foeminam subtilius quid latet, & puto quod causa inde quoque deducenda unde hæc, quando ad mentionem res adversæ & abominabilis naseabundi existimus: ergò erit in nervis gustatoriis, non autem in olfactoriis, aliàs odorem carnium non ferret, an verò in sola imaginatione consistat & spirituositate, an in corporeitate, est, de quo disquiri posset. Puto utroq; modo, salva aliorum sententia.

OBSERVATIO XLV.
D. SAMUELIS LEDELII,

De

Morte ob sanguinem è mammis ex-
suctum.

Non animalium tantum sanguinem intus assumptum esse noxium & sæpè lethalem, sed & humanum, leges *Observ. 149. Ann. X. Decur. I.* verum per ubera loco lactis suctum, mortem intulisse mihi videtur inter singularia esse numerandum. Titulus observationis poterat esse: Inconsuetum hæmorrhagiæ remedium, sed placuit prior. Casus ita habet. Vulnerabatur circa regionem cubiti foemina lactans, ab irato marito, fortiter illiso urceo, cum effluxu sanguinis immodico, quem nulla sistebant remedia. Infans tumultu excitata vociferabatur, quam exhibitis mammis quietiorem reddere volebat mater. Ecce! dum infans fugit, omnis fluxus sanguinis desinit. Sepositâ puellâ animadvertunt, quod purum putum sanguinem suxerit. Sanguine autem per vulnus iterum erumpente, iterum quoque mammis apponunt infantern assidentes, idque multoties: hoc modo sanguini fluenti obicem posuerunt mediante hacce revulsione, infanti autem saxum sepulchrale, quippe cui 4. dies erat exitialis, matre salva. Addo hoc: Curæ meæ aliquando suberat lue venerea contaminata foemina, hujus mammæ fundebant lac & sanguinem una vice, non tamen commiscebantur hæc invicem, suadebam, ut ablactaret puerum, ne noxam caperet ab insolito hocce & improporcionado nutrimento, cui etiam morem gerebat cum salute filioli.

OBSERVATIO XLVI.

D. SAMUELIS LEDELII,

De

Funesto tympanorum sonitu.

FRagorem & sonum gravem, tum caput, tum aures præprimis offendere, & stupiditatem & surditatem causare, in confesso est: cumque ex improvise irruit, mirum quantum terret, & varia post se trahit damna. Ideò non inutile videntur perpetrare parentes, qui teneros infantes paululum assuescere faciunt ad sonos perferendos, & non tam meticulose tractant negotia domestica, in hypocausto, ubi tenellos alunt: culpandi verò illi, qui nimis sanctè domi custodiunt, nec aëri liberiori exponunt, sed ab omni sono removent. Omnia fiant cum judicio. Ad rem. Celebrabantur nuptiæ, dumque tam tenerè enutritus infans exaudiebat fortè fortuna inconsuetum sonum tubarum & tympanorum, perterrefactus, epilepsia derepentè corripitur, mortique subicitur. Paucos post annos eodem fato iisdemque circumstantiis alius obibat infans, eadem teneritudine educatus. Jocosum subjungo. A turba gryllorum materfamilias molestabatur, cumque aliquando hilares convivæ sono tubarum & tympanorum angustum conclavis spatium implebant, & tympana propè fornacem habitaculum gryllorum locabantur, sequenti die omnes grylli exanimis strati jacebant, cum gaudio foemina.

OBSERVATIO XLVII.
D. SAMUELIS LEDELII,

De

Cauterio actuali mortem inducente.

Innumeros errores quotidie occurrere circa curas, præprimis Chirurgorum, est extra controversiam, & hocce confirmatur. Abscindebatur foeminae sat vegetæ pes, & animosè perferebat dolores, operatioque erat felix, nec ullum molestabat ipsam symptoma urgens. Balneator, cui judicium deerat, legerat fortè cauteria prodesse etiam in hocce rerum statu, præprimis in casu necessitatis, & hæmorrhagia nimia, nullis aliis remediis cedente. Cauterifat partes vulneratas, nulla id necessitate exigente, nec sanguine ulterius fluente. Foemina, quod conjectu facile, miserè exclamat, & hosce dolores esse majores præ illis, quos pertulerat in abscissione pedis, conqueritur: sed ille regerit; hoc necessitatem requirere, nec abstinere ab ulteriore applicatione, sed aliquoties repetit hic asinus hanc carnificinam, protestante licet ægrota, & nimium quantum, exorante. Exinde dolores exacerbabantur, reliquæ spirituum penitus dissipabantur, & somnus, quem hucusque anxie ad demulcendos dolores expectiverat, jam festinanter obveniebat, verum erat sempiternus. Exprobrabam aliquando tali balneatori crassam ignorantiam, & multa circa ægros commissa & omissa, at ille regerebat: neminem unquam rediisse, (erant enim mortui) qui ipsum coram Magistratu accusasset. Sed vae capiti tuo! Deum iratum senties.

OBSERVATIO XLVIII.
D. SAMUELIS LEDELII,

De

Utilitate fumi tabacini.

ABusus in Medicina Medicamentis omnem demit gratiam, idque si in ulla re, certè in Nicotiana obvenit. Paucis rem attingam. Qui fluxu laborabat oculorum post generales evacuationes per fistulam tabaci fumum interdum admittebat cum restitutione. Alter eodem malo laborans, sentiebat ab hausto tabaco levamen, terminos autem nimietate excedens, tandem omnem sibi demebat visum accersendo defluxiones ad oculos. Ergo

Usus habet laudem, crimen abusus habet.

Miles furiosus ab octo custodiebatur militibus, omnes tabacum incensum per fistulam attrahebant, magnumque fumum excitabant, quo ipso tanquam nebula circumdatus ægrotus turbabatur, obque vim Narcoticam lassus, & veluti remulenterus existeret, somno subveniente. Expergesfactus multum erat mutatus, & adhibitis adhibendis, reconvalecebat. Matrona perferebat dolores dentium acerbissimos, mercatores fortuitò ipsam invisentes mediante fistula, tabaci fumum excitant facdensum: illa exinde turbulenta facta lectum petit, & cum somno omnes dolores superat. Nonnemo libenter assidet tabacibibulis, hanc ob causam, ut fumus inde excitatus, caput ejus defluxionibus obnoxium, ambiendo calefaciat & exsiccet, sibi que benè cedere affirmat. Consuetudo vim legis obrinet in Medicina. In uteri suffocatione fumum tabaci profuisse *Ephemerides* nostræ loquuntur Dec. 2. A. 2. Obs. 171. per os attractum tamen, quanquam omnes foeminæ promiscuè hunc odorem non perferunt.

OBSERVATIO XLIX.
D. SAMUELIS LEDELII,

De

Urinæ ardore immenso & diuturno.

UNicus Paulitzii, Archiatri quondam Reg. Poloniæ, frater, socer meus, Johan Georgius Paulitz in Girschdorf / cum vir 69. annorum, sanguineo- cholericus, alacris & vegetus, quiq; plurima itinera curru & ephippio emensus, aliquando etiam per urinam sanguinem excrevit in itinere, absque singulari dolore primùm, dein post commotionem fortiolem, ut eques, iterùm cum dolore per quadriennium, & quod excurrit, excarnificatus fuit affectu & raro, & nullis medicamentis cedente. Integrè sed compendiosè describam ad Urinam; creberrimè emittendam se sensit stimulari, nec volens retinere potuit, exiit semper summo & urente cum dolore (*wie ein glühend Eisen längst der Röhren hin*) usque ad glandem, & tum digitis membrum valdoperè compressit, quærens ita lenimen, quod tamen non invenit, siquidem retentas guttulas in cavitate glandis, tum majori cum dolore excernere opus habuit. Sicubi quoque alvi excrementa unà stimularunt, (quæ tamen plerumque fuere exsiccata) tum major extitit dolor. Ubi pausam dolores fecerant, quietè dormivit, appetitus etiam continuavit bonus, & quando dolores ipsum tenuerunt, immotus jacere fuit coactus, quum à lenissima commotione dolores acerbissimos senserit. Hæ ejus lachrymæ, præterea de nullo alio dixit symptomate aut ægritudine, ad ultimum usque mortis articulum. Plurima conquisivit consilia & remedia, plusque quàm sexcentos impendit Imperiales absque ulla remissione. Uti diversos consuluit, ita & diversa judicia audivit. Fuere qui calculum adesse suspicati sunt, sed falsò, alii qui veneficium subesse

esse autumarunt, cæteri dysuriam judicarunt, ortam à nimia humorum acrimonia acida, in primæ coctionis visceribus contracta. Et hi rectè mea opinione. Nam urina, ut Neoterici statuunt, constat sale volatili & terra, sero & oleo: Sales volatiles autem sunt forma tereti, acutis spiculis constantes. In statu sano urina nostra tenui & blando oleo perfunditur, & acuties salium à prædicto oleo obtunditur, quod se circumdat circumcirca sales, & acrimoniam infestam salis demulcet. Ergò ex hacce hypothesi affectus nostri causâ facilè eruitur. Gratosissima Facultas Medica Lipsiensis prognostico dato de ægrè restituendo ægroto, utpote sene, suasit præmissis præmittendis terebinthinata cum Mercurio dulci, Tincturam Antimonii Tartarizat. Essentiam Martis Solarem, acidulas artificiales ex Marte & alia plura, verùm ut aliorum consilia & remedia, absque effectu: siquidem ut suprâ notavimus, senio unâ & viribus dolorificè exhaustus, sana mente & benè præparatus morti succubuit.

OBSERVATIO L.

D. SAMUELIS LEDELII,

De

Calculo vesicæ lethali.

Jamdudùm Medicos fuisse sollicitos, de liquore, ad dissolvendos in vesica, calculos excogitando, novimus, verùm hucusque sine successu vidimus. Lege *Dec. I. An. 2. Observat. 158.* & nisi sectio, tanquam sacra anchora, calculosum à prole lapidea liberat, actum est de ejus vita. Existit autem calculus tum, quando deficiente oleo in urina, (de quo in præcedente *Observatione*) sales volatiles urinæ propriam aggrediuntur terram, illamque instar clavorum figendo in formam calculi cogunt. Quamdiu enim sales volatiles blando oleo urinæ involvuntur & temperantur, tamdiu impe-

impediuntur, quò minus in propriam agere terram queant. Alebat vesicæ calculum Sartor 30. annorum, qui per 16. ferme annos variè agitatus fuerat, & excruciatu lapidibus renum & vesicæ, quorum plurimos excreverat diversis temporibus, exiguos tamen. A parvo principio, ut fieri consuevit, lapillus hicce majori cum incremento crevit, licet spes, ob molem grandiolem, exclusionis decreverit: nec ulla salus ex lithotomia speranda, propter artificis absentiam, & opus hic loci insolitum, ideò prognostico præmissio feci quod debui, quod potui. Miser vitæ status, causam mortis scire, nec illam tamen remove posse! Primùm corpus existebat aliquantulum tumidum, urina licet fluente, & squamulas unà evehente, respiratio concurrebat difficilis, ventriculus & cibum & medicamenta respuebat, alvus tamen clysteribus sollicitabatur cum placencia. Natura autem excretioni intenta summos excitabat dolores in collo vesicæ, quos post quatri-duum excipiebat epilepsia, & tandem mors. Quæ corpus loturæ subjecerat foemina, manibus in regione vesicæ lapidem palpavit & tractavit grandem, nec tamen incisioni locus datus.

OBSERVATIO LI.

D. SAMUELIS LEDELII,

De

Tumore linguae insigni.

Mercatoris Thoruniensis uxor 25. annorum phlegmatica corripitur mense Decembri 1685. insultu febrili cum cephalalgia, siccitate oris, dolore & aliquali tumore linguae: consulit Chirurgum, qui venas sublinguales secatur, ipsamque dimittit. Itineri se rursus accingit, illudque prosequitur sub Jove frigidissimo, quo ipso defluxiones concitat, quæ facto impetu irruunt in spongiosum

sum linguæ corpus, illudque mirum quantum extendunt. In-
visebam tum temporis matrem in confinio Saganensi, & illa
casu in meum incidebat consilium. Lingua ita tumebat ut
ore contineri non poterat, saliva continuò stillabat ex ore,
nec loqui, nec edere, nec liberè sed difficulter respirare vale-
bat: lingua ab utroque latere erat dura, præterea dolor capi-
tis ipsam etiam exagitabat. Chirurgus Saganensis corpus ex-
purgaverat, & medianam aperuerat, malo non cedente. Ac-
cessivi itaque clysteres, cucurbitulas, oris collutiones, exter-
na capiti, stomacho, nuchæ ac pedibus applicanda. Verùm
quia ad discutiendum nulla spes supererat, idè ad suppura-
tionem promovere studui materiam, non neglectis, quan-
tum per difficultatem deglutitionis possibile, internis. Itaque
rupto oedemate, magnam puris copiam per os exclusit, sicque
intra paucos dies, Deo benedicente, benè restituta, sana abiit,
ulteriorique itineri se commisit. Istiusmodi tumoris mentio-
nem facit *Galenus* 14. de *Method. medendi* cap. 8. *Forestus* l. 14.
Observ. 18. *Ephemerides* nostræ Dec. I. An. 2. *Observ.* 107. qui
tumor miraculosus pronunciatur in illa observatione. *Rive-
rius* c. 1. *Observ.* 1.

[*Gorlicio Lusatorum* d. 11. Jul. 1688. *Norib. missæ.*]

OBSERVATIO LII.
D. SIGISMUNDI LEDELII,

De

Diversis alvum sollicitantibus mediis.

Nobilis non ignobilis subditis suis in obstructione al-
vi, suadet fotum ex decocto ceparum cum utilitate,
idque, ut Medici norunt, erit adscribendum sali vo-
latili harundem, quod spiculis suis stimulat, & instar
suppositorii sollicitat anum. Puto enim extra litem esse, hoc
sal volatile reperiri in cepis, ut docent lachrymæ exstillantes
ex oculis, dum eas dissecamus. Alius in obstructione alvi
cum

cum colica, sacculum stercore suillo repletum, in aqua coctum, abdomini applicabat calidè, bono cum successu. An ob eandem rationem, an ob solum calorem externum, ut JCtus, Medicis decidendum relinquo. Obambulationem in pavimento marmoreo, frigida aqua copiosiore insperso, Borsio, Ferrariensium Duci, alvum lubricasse, refert ex *Antonio Musa Brassavola*, magnus *Rolsincius libro 5. sectione 7. capite 14. Method. Medicin. specialis Commentator.* Grünbergæ dum eram, memini me observasse, in durissima alvo, aliis nil efficientibus, suasu fratris, Imegma nostrum aqua calida dissolutum repagula hæcce amovisse. *Leges Dec. II. Eph. harum Ann. 6. Observ. 231. pag. 501.* Saponem Venerum fuisse propinatum ad alvum ciendam. Motu Grünbergæ quidam se disponebat ad alvi solutionem, qui tamen aliis anum reddit sicciorem. Sic ubique ludit natura.

OBSERVATIO LIII.

D. SIGISMUNDI LEDELII,

De

Remediis Chymicis non omnibus promiscuè utilibus.

STatuo, unumquemque hominem singulari gaudere natura. Idiosyncrasiam vocant, licet non negandum sit plures etiam quandam admittere analogiam, & exinde illucescit, Artem Medicam esse difficillimam, dum tot diversa discernere subiecta opus habet. Sæpè animadvertimus, quod huic homini est medicamentum, alteri est noxium: huic confortat spiritus, alii turbat & dissipat. Cum iu-cunditate legimus Rusticum Pharmacopolium ingressum, deliquio animi correptum fuisse, ob fragrantiam odoris incon-sueti, restitutum tamen consueto sibi odore stercoreis bubuli, & aliis huic genti familiaribus. *Medicamenta Chymica ro-*

Dec. II. Annus VII.

N

bu-

buftioris naturæ hominibus non femel observavi, tum apud Fratrem Grünbergæ vivens, nil profuisse, neque evacuantia, neque alterantia & confortantia. Pro Tartaro emetico plus profuit Gummi Gutt. Pulvis Afari, Decoctum Gratiolæ; Pro Elixiri, essentia aut spiritu stomachico, efficaciorē dixerunt pulverem aut mixturam stomachicam, morsulos & alia: ad fallendam sitim frequentius expetierunt Julepos, emulsiones, decocta, relictis Tincturis, Clystis & Spiritibus. Nobiles & rustici Polonici plerique magis amant Galenica quàm Spagyrica remedia: Ipsorum enim ventriculi sunt vasti & calidiores, hinc consuetudo fert, ut multum cibi & potus ingerant, & sic quoque majorem medicamenti copiam appetant. Etenim uti paucus cibus ipsos non exsatiat: ita paucæ guttulæ liquoris parùm alterant, præterea qui cyathos & cullos amant, guttulis sibi liquorem annumerari, non gestiunt, dubito, an huc etiam trahenda sit opinio, ubi statuitur, non in quali sed in quanto consistere virtutem, & integram libram plus posse quàm unicam unciam. Propterea Medicus unicuique pro palato.

[Javerà Silesiorum Gorlicium & hinc 11. Julii 1688. Noribergam missa.]

OBSERVATIO LIV.

D. JOH. JAC. WEPFERI.

Uteri procidentia excisa felix eventus.

Anna Maria Stöklerin d. 13. April. st. v. 1688. ante meridiem per intervalla tormina levicula intra umbilicum sentire cæpit: pransa est: obambulavit: vespere tormina, per vices crebriores, fortiora & longiora passa est, coram domesticis tamen illa occultare valuit. Hora 6. coenantibus in mensa assidere nequivit, & cum post coenam ab obstetrice suaderetur jusculum cumino alteratum & pedi-

pedilavium, illud averſata eſt, hoc uti nequit, quin planè ſedere non potuit: interea dolores partûs in hypogaſtrio & lumbis invaluerunt: ob horrorem veſtibus induta lecto incubuit; voluit in ſellam locari, in quo nimis diu in primo partu detinebatur. Non diu in lecto quievit: partûs dolores crebriores & validiores urſerunt, ut veſtibus amplius exui non poſſet; poſt quatuor nixus Chorion rumpebatur, aquam profudit in exigua quantitate, mox in lucem prodiit foetus ſexus foemini & mox ſequebantur ſecundina; longè facilius peperit quàm in primo partu & poſtea in abortu; nec vel minimum obſtaculum in vagina animadvertit. Lochia exclusis ſecundinis medioſriter fluebant benè colorata; in puerperio parçè fluxerunt, loturæ carniû ſimilia. Die octavo à partu surrexit, in hypocausto obambulavit: poſt tertiam ſeptimanam hinc inde in ædibus obambulavit, rem domeſticam curavit, etiam in culina aræ aſtans coxit. Infantem abunde lactavit die noctuque crebrius. Die 21. Maji 1688. ipſam cum D. Bekero, qui procidentiam ſuſtulit tanta dexteritate, ut iterum concipere & feliciter parere poſſet, conveni: erat benè colorata, obæſa, ſaniſſima, nec de ullâ re ipſi moleſta conquerebatur, atque hoc ipſo die in publicum prodire voluit, ſexta ſeptimana nondum à partu præterita. Infans puella ſaniſſima quoque erat, benè colorata, obæſula & vivida.

SCHOLIA.

II.

Procidentia Uteri putatiæ ſeu apparentis radicem non in cavo uteri fuiſſe, ſed in vaginæ parte altiore, conceptio, antequam filum extractum fuerat, (nam demum menſe Octobr. 1687. ſua ſponte ſeceſſit, & ipſamet ſine ullo dolore, aut ſuperveniente hæmorrhagia illud eduxit, ut mihi Dn. Becker tunc Sturtgardia retulit) & felix parrus abundè teſtantur, ut argumentis quibusdam perſuaſus conjeçi in An. V. Dec. II. Obſ. 150. Schol. V.

II. Post partum in quinta puerperii septimana, quamvis præpropere & intempestive se è lecto proripuerit, obambularit & rem domesticam curarit, ne minimam quidem molestiam in vagina percepit, adeò ut nunc nec annulo nec pila indigeat.

[1688. d. 24. Julii Scaphusio August. Vind. missa.]

OBSERVATIO LV.

D. THEODORI CAROLI,

De

Fungis quernis singularibus.

Graviter Plinius Hist. Nat. L. 24. C. 1. p. 435. Ne sylvæ quidem, inquit, horridiorque Naturæ facies Medicinis carent, sacrâ illâ Parente rerum omnium nusquam non remedia disponente homini, ut Medicina etiam fieret solitudo ipsa. Prodeat in exemplum Quercus, sacra omni ævo arbor, quod vitæ quasi causa fuerit primumque mortalibus victum suppeditarit, quò feræ hodie atque alites, concessis nobis immensâ DEI bonitate frugibus, lætissimè pascuntur. Quanquam verò genuini quercûs fructus in esum nostrum cedere desierint, non desinit tamen illa spurios quosdam fructus medendi magis vi insignes singulari Naturæ beneficio & admiratione nobis producere, ut non sine ratione inter Arbores sylvestres fructu bellissima atque fertilissima audiat. Non hic Visci Querno adnati virtutes, quarum consideratione tanto ab Antiquis Cultu & reverentiâ destinatorum eò Sacerdotum ope, colligebantur, recensebo; nec enarrabo multiplices gallarum usus, multò minus uvas Quercinas à Camerario in Matthiolum & Frid. Hofmanno in Clav. Schröder. descriptas, Pilulasve à Benedicto Curtio Horror. L. 16. c. 13. notatas, aut Fungos extrinsecus Quercui adnatos varios, de quibus alii. Memorabo solum Fungi aliquam

quam speciem, quam annosæ aliquando Quercus parturiunt. Cerniturque miranda hæc luxuriantis Naturæ s. soboles, s. Aberratio, rarius licet, in grandioribus Quercubus, intus excavatis, ubi tanquam in utero delitescit, donec operariorum labore in lucem producat. Scilicet ex medio excavatæ Quercûs ventre nodus aliquis durior pugni magnitudine exurgit, ex quo fungosâ quædam folia (sex septemve) prodeunt, eo ferè disposita ordine ac favi in Apum alveis conspiciuntur, ita enim folia isthæc fungosâ exiguo inter singula intercedente spacio sibi invicem incumbunt, diversæ magnitudinis, crassitie ac teneritudinis; Infimum folium dimidiæ ulnæ latitudinem, digitiqûe minimi crassitiem habet, reliqua ad supremum usque magnitudinis ac crassitie aliquam partem successivè admittunt, ut supremum vix quartam ulnæ partem, summam verò præ reliquis teneritudinem ac molitiem habeat: singula verò nodo isti posteriore ac mediâ sui parte, ubi etiam major ipsorum crassities, adhærent: Infima si latius excrescant, deorsum reflectuntur, interioremque quercûs peripheriam aliquousque allambunt: Color ipsorum ex albedine flavescens, in foliis inferioribus obscurior, in superioribus clarior: Exteriori margini ac superficie plures festuæ Quernæ, plus minus immerse adhærent: In infimis etiam interiorem Quercûs circumferentiam propius attingentibus impressa Ligni vestigia striæqûe ac lineæ oblongæ comparent. Distractæ per medium foliorum horum lacinia lanuginem, oppidò tenerrimam oculis manibusqûe exhibent, saporem verò linguæ subausterum adstringentem, qui clarus virtutum suarum, quas in coërcendo licentiosius prorumpente sanguine exerit, interpret est; mira namque in Hæmorrhagiis ab externa quâdam violentia oriundis præstare solet, ceu plurimis id experimentis comprobatum vidit Nobilissimus ac Generosus Dominus à Geisberg, rei apud nos Forestalis Præfectus vigilantissimus, qui aliquoties eximi fungosos hosce foetus ex cavernosis Quercuum ventribus vidit. Descri-

bit quoq; Celeber. D. Breynius in Misc. Cur. Dec. I. A. 4. 5. Fungum quendam Coriaceum Quernum quem Hamatodem vocat, à quo tamen multum discrepat modò descripta Fungosa excrefcentia, ceu ex utriusq; collatione mox compareret.

[A. 1688. 16. d. Aug. Augustam Vind. missa.]

OBSERVATIO LVI.

D. GEORGII TOBIÆ DÜRRII.

Tympanites, & virtus Conservæ Spagyricæ.

ANte duos annos occurrebat in praxi Virgo Augustana triginta aliquot annorum adeò tympanitica, ut de sanitate recuperandâ ipsamet desperaret, urinâ autem neque ruffâ, neque turbidâ, sed clarâ & pallidâ existente bonam concepissim, remque aggressus sum medicamento penetrante, incidente, deobstruente, flatus discutiente, & simul confortante, quod erat Conserva Spagyrica, de quâ singulis diebus jejuno ventriculo magnitudine nucis moschatæ sumpsit, interdicto omni medicamento purgante: potus ordinarius erat decoctum Radicis Petroselini, Raphani sylvestris, Radicis Glycyrrhizæ, & Seminis Cumini; sic venter sensim ac sensim detumescebat integrâ subsecutâ sanitate. Descriptio hujus Conservæ, quæ recipit arcanum duplicatum. Mynsichti, est in nostrâ Pharmacopœiâ Augustanâ reformatâ & auctâ Anno 1684. Alii tamen pro arcano duplicato substituunt sequentem calcem: ℞. Nitri purificati ℥j. injice in cucurbitam vitream, affunde guttatim & sensim Spiritus Vitrioli rectificati ℥j. postquam deferbuit & quievit, impone Alembicum cæcum, & ne quid expiret, cum Albumine ovi & calce commissuras benè firma, pone in Balneum Mariæ ad digerendum 6. 7. vel 10. dies, prius tepido dein calido, attamen.

men non plùs quàm ut manu tractari possit cucurbita, dein amoto Alembico cæco impone rostratum, destilla Phlegma in receptaculum, donec sicca calx in fundo maneat, hanc fracto vitro, in hypocausto calido exime & serva. Hâc in talem modum paratâ Conservâ, curavi antè aliquot annos Serenissimam Electricem N.N. ex inordinato usu acidularum obstructione mesenterii cum colicâ periodicâ periculosâ & adstrictione alvi laborantem, cum enim clysteres, balnea, laxantia, & alia interna, & externa ritè quidem adhibita parùm proficerent, à primâ sumptione hujus medicamenti, & sic pergendo quotidie, alvus cum optato levamine, & dissipatis doloribus, deposuit varii coloris excrementa malè olentia, relictis nimirum obstructionibus.

SCHOLIUM.

A Liam Conservæ hujus habet præparationem, ab ipso ejus Autore descriptam, quæ loco Arcani duplicati Nitrum regeneratum recipit, in eleganti tractatu, quem *Regnum minerale* vocat, Collega noster Curios. Nobil. D. Eman. König pag. 136. quæ cum diversa sit ab ista in *Dispensatorio* nostro Augustano novo communicata, quænam harum sit præstantior, dubitari posset, & à quibusdam etiam dubitatur. Mihi verò pro diversa Medici intentione, utrique prærogativam deberi videtur; & vitulo hac est digna, ut & illa. Amantissimo enim nostro D. Königio factæ descriptioni laudem genuinitatis uti vocare in dubium animus non est, ita nostram ad usus, quos præstare nobis debet, magis adcommodatam esse arbitror; licet, ut & hoc fatear, largiorem olei cinnamomei dosin magis imminutam vellem; quo de tamen, reliquisve ingredientibus jam dispicere nolo, de Nitro, Arcanove duplicato tantummodò pauca dicturus. Ubi sanè in genuina Helmontii formula paulò operosior, quàm sit necesse, Nitri singulari studio præparati accessio omitti posset, cum reverà non aliud

aliud quàm Nitrum vulgare purificatum exhibeat, paucis coralliorum & perlarum (modò & hæ in ignis tortura non aliquid patiantur,) granulis commixtum: ab ista enim Nitri per tusionem & cum pulvere carbonum detonationem alcalisatione, ac postea per Nitri spiritum saturatione, nil nisi vulgare Nitrum obtineri, tum stiriarum, in quas concrefcit, figura, tum fapor, tum quoque inflammabilitas evincunt; unde jamdudum *Ant. Guinth. Billichius Obs. ac Paradox. Chim. lib. I. cap. 7. & 14.* Spiritum Nitri cum Alcalibus ad matris ingenium redire edixerat: Scio equidem, non incelebrem quendam Chemicum alicubi scripsisse, pulverem sclopetantem, qui ex Nitri partib. 3. Salis Tartar. part. 2. & Sulphur. part. 1. conficitur, cum Nitro hoc paratum, nullum edere strepitum, ideoque non videri Nitrum istud esse idem, quod fuit antea, i. e. vulgare; verùm experimento hujus instituto, non secus in fulmen erumpere, ac si cum vulgari esset paratum sal illud sclopetans, cognovi. Excell. *D. Joh. Helfr. Jüngkenii* confectio hæc splenetica, quam pag. 581. *Chim. experiment.* profert, quoad salis hujus additamentum cum nostra convenit, siquidem Nitrum vitriolatum, cujus descriptionem pag. 218. exhibet, idem est cum Arcano duplicato. Conf. *Pharmacop. August. nova*, pag. 328. Neque Calx, quam *Clar. D. Author* hic ab aliis substitui innuit, multùm ab isto recedit, cum per Nitrum purificatum, cui Spiritus Vitrioli adfundendus est, idem illud Nitrum per carbones in Alkali reductum, esse intelligendum, effervescencia, quæ à dicti spiritus adfusione excitari dicitur, indicet.

[*L. Schröck, L. f.*]

OBSERVATIO LVII.

D. GEORGII TOBIÆ DÜRRII.

Ascites in muliere septuagenaria.

Fœmina Escheloheria, relicta Pistoris civis Augustani vi-
dua septuagenaria, ascite decumbebat, ut vix è lecto po-
tuerit surgere, tumor enim abdominis & pedum impe-
dimento erat, quo minùs unus aut alter gressus perfici-
ceretur, tussis quoque, & anhelosa respiratio minabantur suf-
focationis periculum: in tali ætate relicta purgatione, præ-
scripsi Spiritum Salis: ℞. Spiritus Salis rectificati 3ij. Salis Ab-
sinthii 3ß. misc. & sumat omni manè guttas v. aut vj. cum
3ij. aquæ sequentis: ℞. Aq. Agrimonie, Fragor. Petroseli-
ni, Raphani, Cumini aa. potus ordinarius erat Decoctum
diureticum in casu præcedente notatum: continuato per v.
aut vj. hebdomades horum usu convaluit rei domesticæ per-
ficiendæ apta existens, & cum post duos annos recidivam pa-
teretur, iisdem remediis rursus restituta, tandem secundâ aut
tertiâ recidivâ oppressâ victas morti dedit manus. Alia ma-
joris paulò ætatis mulier ascitica quoque, similiter eadem me-
thodo tractata salva evasit, dum hæc scribo, octuagesimum
agens annum.

OBSERVATIO LVIII.

D. GEORGII TOBIÆ DÜRRII.

Anasarca.

Purimos anasarcâ laborantes pristino vigori restitui De-
cocto Radicis Vincetoxici, quod quidem sapore & odo-
re valdè ingratum est, ita ut donec ventriculus quasi
assuescat, per vomitum sæpè rejiciat: propinavi autem
in tali formâ: ℞. Radicis Vincetoxici ab arenosis lapillis mun-
dat.

Dec. II. Annus VII.

O

dat. & minutim incis. ʒvj . infund. per noctem in vini alb. ferventis lbij in ollâ vitreatâ, manè vasè tecto coquantur. unicâ ebullitione, de colaturâ expressâ bibat Patiens jejuno ventriculo ʒiij . calidè, expectando postea sudorem aut in lecto, aut in sudatorio, prius tamen corpus uno aut altero Hydragogo juxta naturæ permissionem purgavi, modò in formâ pulveris, ut: \mathfrak{R} . Spec. Diaturb. c. Rhabarb. ʒij . Mag. Mechoac. nigr. Gummi gottæ vitriolat. āā . gr. vj . Tartari vitriolat. gr. v . Misc. pulvis pro dosi unâ; modò in formâ Electuarii: \mathfrak{R} . Conserv. Violarum, Chalyb. Acet. Tamarindor. præp. āā . ʒʒ . Pulv. Radic. Jalapp. ʒj . Diacryd. sulphurat. ʒijʒ . Crystall. Tart. ʒj . Baccar. Laur. ʒij . Rob. Ebuli ʒiij . Ol. still. Sem. Anisi gr. v . cum Syr. Fl. Violar. Misc. f. Elect. dividendi in 4. aut 5. doses matutinas. Potus ordinarius ferè semper erat lixivium ex cineribus juniperi & ligni quercûs.

SCHOLIUM.

Vincetoxici vires in educendo hydropicorum sero & aliis præstantissimi Medici deprædicatorunt, quos inter Clar. *Casp. Hoffmannus* in consilio, cachexiâ & anasarcâ laboranti scripto, apud *Laurent. Scholziûm* cons. med. 337. ejusdem Radicis lbʒ . per noctem in vino maceratam, atque ad tertias decoctam consulit, manè jejuno stomacho calidè potatam, sudore copioso aquam intercutem mirificè expellere testatus; quod pariter in *comm. lib. 3. Dioscor. cap. 90.* tradidit *Petrus Andr. Matthiolus*, radicem scilicet istam in vino albo decoctam selibræ pondere, diebus pluribus potam hydropicos, si à potu statim sudor provocetur, juvare. Id qua ratione præster, Exc. quondam noster Collega, *D. Elfnerus* in *Dec. I. Ephemer. harum Ann. I. Observ. 57.* docuit, maximâ nempe penetrandi vi eam esse præditam, suaque subtilitate lympham incrassatam attenuare, ut per glandulas commodè transcolari denuò possit; qua virtute etiam serophulis mederi ostendit.

[*L. Schröck, L.f.*]

OBSER.

OBSERVATIO LIX.
D. GEORGII TOBIÆ DÜRRII.

Tenesmus.

KUnigunda N. senex & vidua in mense Januario Anni hujus octuagesimi octavi implacabili corripiebatur tenesmo, frustra tentatis variis remediis nihil magis profuit & quasi incantamenti instar, quàm Olei Mastichis destillati guttæ v. aut vi. cum Aquâ Menthæ, Pulegii, & Plantaginis aa. sumptæ manè & vespere.

SCHOLIUM.

Cum Mastiche ab omnibus stomachica inter medicamenta referatur, atque tenesmus nonnunquam à stomachi, chylum crudiorum & acidiusculum ad intestina amandantis, vitio ortum trahere queat, vel hac etiam ratione prodesse potest. Quin & *Plinius lib. 24. hist. natur. cap. 7.* lentisci lachrymam vitii sedis prodesse clarè innuit, cum quid siccari exalferive opus sit, hinc tantoperè suum oleum mastichinum extollit in *Mastichologia Joh. Steph. Strobelbergerus*, à quo uncia pondere hausto quodlibet ventriculi & intestinorum frigus vitium obmutescere scribit; cui tamen commendatum hic stillatitium ejus oleum non immeritò præferendum erit.

[L. Schröck, L. f.]

OBSERVATIO LX.

D. GEORGII TOBIÆ DÜRRII.

Calculus sine Lithotomo è vesica
prodiens.

Cùm Anno 1662. sub Serenissimo Archiduce Austriae, Ferdinando Carolo, gloriosæ & piissimæ memoriæ, Domino meo Clementissimo &c. Physicus Marchionatus Burgoviensis Gynzburgi sedem firmarem, retulit mihi Jacobus Lang, civis & ephippiarius illius loci, se, cùm in juventute suâ per plures annos insignes cruciatus propter calculum in vesicâ existentem sustinuisset, tandem à Lithotomo per sectionem feliciter curatum esse. Ab illo tempore nil mali amplius sentiens per 15. annos sanus & incolumis erat, elapsis autem iisdem, in lecto noctu decumbentem vexabat pruritus dolorificus in perinæo seu in loco ubi olim sectio fuit celebrata, hinc Ille digito historiam explorans accepto cultello aperuit januam hospiti ingrato, cujus forma hic sistitur, exeunte illo calculo sine notabili dolore, & per Chirurgum postea vulnere curato, salubrem victor degit vitam.

Fig. XXII.

OBSERVATIO LXI.

D. GEORGII TOBIÆ DÜRRII.

Icterus niger cum scabie siccâ.

Postquam An. 1677. à Physicatu Provinciali Marchionatus Burgoviensis August. pro Physico vocatus essem, nobilissimus & fortissimus quidam miles & Dominus N. N. Vice-Colonellus in exercitu Bavarico, vir annorum 58. per tres annos ictero nigro tenebatur, cui ante medium annum

A
Pars Costis adnata
dextri lateris.

Fig. 33.



B

Pars Costis spinis sinistri
lateris adnata.

ad pag. 108.



Fig. 22.




Fig. 31.





num supervenerat scabies sicca cum pruritu præsertim noctu molestissimo, dextrum hypochondrium erat tensum, in epigastrio subindè observabatur dolor, & cum curæ meæ se committeret, ea talis erat: \mathcal{R} . Radic. Fragor. Asparagi $\mathring{a}\mathring{a}$. \mathfrak{z} j \mathfrak{ss} . Flor. Carthami, & Persicor. $\mathring{a}\mathring{a}$. Pj. Agarici Trochiscati \mathfrak{z} ij. Fol. Sennæ el. f. stip. \mathfrak{z} j \mathfrak{ss} . Myrobalanor. citrin. \mathfrak{z} j. Rad. Elleb. nigr. præp. \mathfrak{z} ij. Salis Tartari & Absinth. $\mathring{a}\mathring{a}$. gr. v. Macis. \mathfrak{z} j. incis. coq. in vini alb. Neccarici \mathfrak{z} vj. ad dimid. in Colatura express. dissolv. Syr. Byzantin. comp. lenit. de trib. $\mathring{a}\mathring{a}$. \mathfrak{z} vj. Misc. f. potio, detur tribus successivè diebus matutinis. Mundatis sic primis viis, pro præparatione humoris biliosi, falsi, & melancholici corrupti apozema ordinatum: \mathcal{R} . Radic. Eryngii, Rubiæ tinct. Asparagi, Petroselini, Urticæ $\mathring{a}\mathring{a}$. \mathfrak{z} vj. Herbar. Cuscutæ, Marrubii $\mathring{a}\mathring{a}$. Mij. Fragariæ c. toto, Agrimonix, Scelopendr. $\mathring{a}\mathring{a}$. Mj \mathfrak{ss} . Semin. Cannabis \mathfrak{z} ss. Cortic. Tamarisci \mathfrak{z} vj. Citri, Arant. $\mathring{a}\mathring{a}$. \mathfrak{z} ij. Tartar. crud. alb. contus. \mathfrak{z} ss. Fol. Sennæ el. f. stip. \mathfrak{z} j \mathfrak{ss} . incis. coq. in Aq. fontan. \mathfrak{t} ij. ad dimidias, Colatur. fortit. express. add. Syrup. Byzantin. comp. \mathfrak{z} ij. Succor. Beccabung. cochlear. $\mathring{a}\mathring{a}$. \mathfrak{z} i \mathfrak{ss} . Fumar. \mathfrak{z} j. Misc. pro 4. dosibus jejuno ventriculo sumendis unicuique dosi add. Tinctur. Tartari gutt. x. vesperi autem duabus horis ante cœnam pro majore emollitione abdominis utatur laconico, cui herbar. istæ incoctæ sint: \mathcal{R} . Herb. Altheæ, Malvæ, $\mathring{a}\mathring{a}$. Mij. Absinth. Mj. Flor. Chamomill. Verbasci, Meliloti, $\mathring{a}\mathring{a}$. Mj. Semin. Lini \mathfrak{z} ij. incisâ commisc. ad sacculum cum interbassat. qui teneatur in ipsâ balneatione ad epigastrium; ante & post balneum abdomen unguento Dialth. inungatur. Cum apozema quaternis in die vicibus plurimum humoris biliosi, Porracei, Viscosi, & nigricantis per alvum educeret, denuò præparatum est, additis Radicibus Curcumæ, Chelidoniæ majoris $\mathring{a}\mathring{a}$. \mathfrak{z} vj. & Rhapontici veri \mathfrak{z} j. ante quamlibet autem dosin pro majori educatione pillulas has deglutiat: \mathcal{R} . Mass. Pill. de Tartaro Schröderi \mathfrak{z} ss. Extract. Chelidon. maj. Centaur. min. $\mathring{a}\mathring{a}$. gr. vj. Extr. Croc. gr. vj. Pulv. Syrii. gr. v. f. Pill. num. xj.

pro unâ dosi, & sic f. 4. doses æqual. intereà continuatum est balneo laconico, & loco unguenti Dialtheæ illinitio facta est Oleo Martiali, quod componitur ex Oleo Olivarum, cui Radices Bryoniæ recentes incoctæ sint, colaturæ expressæ intingatur sæpiùs chalybs ignitus. Præparatis, emollitis, & educitis sic humoribus succedebant Acidulæ Egeranæ hâc quidem methodo, ut omni manè stomacho mensuram unam biberet Patiens, sumptis paulò priùs pillulis his: *R. Essent. Martis sic. Succ. Citri præp. ʒj. Extract. Rhabarb. ʒß. Extract. Absinth. gr. vj. Pulv. Syrii. gr. v. Spec. Aromat. Rosat. gr. vj. c. Tinct. Tartari f. Pill. num. xvij. pro dosi unâ.* Ne frigida aquæ potu offendatur ventriculus, inter bibendum Confectionem Anisi masticer, prandium autem & cœna Tragemate claudatur: *R. Cinnam. acut. ʒvj. Spec. Imperator. ʒiij. Pulv. Stomachic. Birckm. ʒj. Faved. Cort. Arant. ʒj. Sacchar. Rosat. tabulat. albiss. āā. ʒiij. Misc. f. Pulv. In primis Acidularum diebus correptus fuit colicâ biliosâ aliàs etiam per periodos recurrente, enema autem, quod insigniter operabatur, dolorem brevi leniebat: R. Decoct. emollient. ʒiiij. Carminat. ʒiij. in his dissolv. Elect. Diacatholic. ʒj. Ung. Clysmat. ʒß. Ol. Chamomill. Violar. Lin. Rutac. āā. ʒj. Misc. f. Enema. Deinde Acidulis mensuras duas bibit, & ita per 14. aut 15. dies procedendo convaleuit. Quantas obtineant virtutes Acidulæ præsertim Martiales in debellandis magnis morbis, quotidiana docet experientia, & dictat ratio, sicut autem earum usus legitimus summè salutaris est, ita abusus maximè nocivus, imò non rarò lethalis existit.*

OBSERVATIO LXII.

D. GEORGII TOBIÆ DÜRRII.

Anus occlusus.

ANno 1688. Mense Februario Domini Josephi Duboins Mercatoris Augustani Uxor, enixa est puerum sine podice, unde Parentes anxii Excellentissimum Dominum Doctorem Lucam Schröckium Seniore, Virum ultra quadraginta annos practicum, Collegam meum honoratissimum, & me in consilium vocârunt, ut clausa porta per Chirurgum Benedictum Schieslin in suâ arte diligentem & peritum aperiretur: Sublatis linteolis, inveniebamus anum quidem imperforatum, sed ab ipso lineam ad radicem penis procedentem, in extremitate cum aliquo foramine pisum mediocris magnitudinis æquante, per quam viam alvinas fæces modò tenuiores, modò crassiores, paucas tamen cum conatu, non rarò cum sibilo flatuum, deposuit infans. Re à nobis seriò pensitatâ, & manifestâ spe lactati, ostium hujus viæ minùs quidem solitæ, magis ac magis successu temporis dilatatum iri, actuali manûs operationi inducias dedimus, intrusâ tamen, ad dilatandum quadantenus hiatum illum, quò liberior conciliaretur fæcibus alvinis exitus, turundâ è radice Gentianæ paratâ. Intereâ tamen, cum excrementorum excretio crescente puerulo, qui cæteroquin edendo &c. sanum se esse probabat, difficilior fieret, & abdomen intumesceret, instantibus Parentibus nominatus Chirurgus die 22. April. me præsentem, intrusò in foramen stylo argenteo, secundùm lineæ aut canalis longitudinem exploravit, num tendat ad locum ani consuetum: cognitâ digito quoque externè non levi rei certitudine, clausuram hanc neque à conniventia, neque à coalitu, sed solum modò per membranam esse, imposito priùs cauterio potenciali, per lanceo-
lam

lam via referata est, cum modicâ sanguinis profusione, & faci-
bus in momento exeuntibus : ab illo tempore puer porrò
comedit, bibit, digerit, excernit, dejectiones autem alvinæ
duplicem per novum utpote simulque prius ostium habent
exitum.

[A. 1688. d. 23. Augusti exhibita.]

OBSERVATIO LXIII.

D. MICH. BERNHARDI VALENTINI.

Curiosa in Araneis Observata.

Eòdem quo hæc scribo anno insignis magnitudinis ara-
neam in Musæo meo animi ergò tolerabam, quæ cum
crucis signo desuper ornata sit, vulgo nostro dicitur eine
Creutz-Spinn. In hac autem duò à paucis hætenus
observata conspexisse licuit, partim quod serpentum instar
exuvias deponat, partim quod Narcotico Opii fœtore exani-
mata concidat. Utrumque casu observatum est, adeoque mo-
dum, quò exuviis se extricat, certò vix determinavero. Pro-
babile tamen est, quod ut serpentes petris, stipitibus vel rigi-
dioribus vegetabilium caulibus corpus affricando se ab effæ-
ta cuticula liberant, ita araneas in angulis rimisque, quas in-
habitant, se volvendo superiori se crustâ liberare. De causâ
verò exuviarum in serpentibus, erucis &c. eruditè SENGUER-
DIUS in *Dissert. Physicis*. Ad alterum *φαινόμενον* occasionem
suggerebat Tinctura Opii Langelotti, quam Opium cum suc-
co Cydoniorum in Musæo fermentando præparabam, cujus
exhalationes ut hominibus quandam inducunt somnolen-
tiam, ita insectis hisce certum minari videas interitum. Cau-
sa sine dubiò latet in Sulphure Opii Narcoticò, sicut rationi-
bus æquè ac experimentis dudum adstruxerunt ex professò Vi-
ri pretiosi WEDELIUS, BORRICHIUS, WALDSCHMI-
DIUS &c. quatenus particulis suis acidis ligat, enervat, & nî
maturè

maturè obviam eatur prorsus coagulat spiritus influentes, eo-
que facilius si tenerior sensoriorum textura sic conjuncta, quâ,
ut vulgò dicitur:

Nos aper auditu, nos vincit aranea tactu.

OBSERVATIO LXIV.

D. MICH. BERNHARDI VALENTINI.

Antipathia fabulosa inter vitem atque
brassicam.

Non penitus de nihilo est, quod Illust. VERULAMIUS
habet de *Argumentis Scientiarum* L. 2. C. 3. Dum satis
inquit, *scimus haberi Historiam Naturalem mole am-
plam, varietate gratam, diligentia sapius curiosam; at-
tamen si quis ex eâ fabulas & antiquitatem & Auctorum citationes
& inanes controversias, Philologiam deniq. eximat, ad nil magni
res recidet.* Eas inter fabulas meritò accenseri meretur anti-
pathia, quæ à LEVINO LEMNIO *Lib. 4. de Occultis Nat. Mi-
raculis cap. X. p. 395.* Vitem inter atque Brassicam dicitur
intercedere. Adeò veritati hoc & experientiæ repugnat, ut
nuspiam ferè lætius succrescat brassica, quàm inter vites ju-
niores, idque sine ullo harum damno vel injuriâ, sicut in Pa-
latinatu inferiori, Alsacia aliisque Regionibus viniferis obser-
vavi sæpius; unde meritò his & similibus erroribus maturè
renunciamus, de quibus fusius in *Physicâ Scholarum Fabulosâ*,
quam ex Publicis Lectionibus DEO adjuvante propediem,
Typis exscripturus sum, quo fabulis ab Antiquis in Philoso-
phiâ Naturali olim assertis tandem obviam eatur, quas fun-
ditus tandem eradicatas iri eò certior me spes tenet, quod alius
in Germaniâ Physicus Celeberrimus simile omninò scri-
ptum meditetur, ut ex amica D.D. PAULLINI relatione
constat.

SCHOLIUM.

DE fabula hac etiam legi meretur *Henr. Smetius Miscellan. Medic. lib. 2. cap. 53.* ubi quæstionem: An, & cur brassica vitibus inimica sit, eruditè pertractat; brassicam feri & plantari frequenter admodum, testatus, in vineis Heidelbergensibus tam antiquis quàm novellis, adnascique majoribus minoribusque propaginibus, odiumque nullum alterius erga alterum animadverti posse. Simile quid *Georg. Rollenhagenius in libr. wahrhafftige Augen* inscripto, cap. 14. §. 3. scilicet Halberstadii multisque aliis in locis brassicam prope vites nasci innuit, utrâque plantâ latè germinante & vite quandoq; brassicæ tanquam fulcro adhærente.

[L. Schröck, L. f.]

OBSERVATIO LXV.

D. MICH. BERNHARDI VALENTINI,

Ex Ophthalmiâ Phthifis.

CRebrâ Versatissimi Medici Francofurtensis DN. WESSEMI experientia constat, quòd Ophthalmia, imprimis serosa intempestivè suppressa, in Phthifin pulmonalem sæpè abeat. Hinc affectibus oculorum Chronicis obnoxii si iisdem desubito liberentur, rarò ultra unius vel alterius anni periodum solent supervivere, quod ex iteratâ observatione haud ita pridem sincerè mecum dividebat Vir Celebratissimus.

[1688. Mens. Septembr. Giesâ Norib. missa.]

OBSERVATIO LXVI.
D. EMANUELIS KÖNIGII,

De

Vitrificatione Metallorum.

Elegantia sunt, quæ de Vitris stillatitiis ut & anaclasticis in *Ephemerid. Curios. German. Dec. I. & II.* tum à Viro Illustr. *Francisc. Redi* tum *Rosino Lentilio* tum *Morhoso* erudito orbi exhibentur, quibus tamen meo iudicio, quoad insignem utilitatem quàm in Alchymicis & Re Medicâ præstare poterunt, longius antecellunt Vitra Metallorum, quæ ut & Mineralium, Lapidum omnium facillimè & citissimè absque fixis salibus absque ullo addito plumbo se in fornace compendiosè extructâ in Vitra redigere posse liberè scribit *Theodorus Gummert* Epistolâ divulgatoriâ speciali Anno M DC LXXVII. Dresdæ editâ, in quâ præter dictam Vitrificationem etiam de certâ purificatione Vitrioli, Mercurificatione Ferri & Cupri peculiarique probâ mineræ cujusdam Bohemicæ candidè mentionem facit, neminemque inibi asserit hætenus fuisse, qui hujus Vitrificationis meminerit, præter *Isaacum Hollandum*; quonam verò loci hic in scriptis suis de hisce tractet, minimè sistit: *Libavium* verò dum evolverem offendi hunc ex hujus *Operis Mineralis Cap. LXXVI. & Cap. XCI.* hæc adducere verba *Syntagm. Arcan. Chym. de Transmut. Magister. Libr. VII.* Omnia metalla absque additamento in Vitrum abeunt excepto auro, quod per se nullis ignibus in vitrum verti potest, Argento combusto, ut sit in examine cinabaris examineque ejus facilè vitrescente longè facilius metallis cæteris, unde Figuli ex marte flavum conflant, ex Venere viride lucidum vel obscurum, ex cerussâ stanneâ lacteum, ex lazurio argenti & bismuthi coeruleum, quod ultramarinum vocant &c. Et quàm varia mineralia vitream naturam accipiunt in conflatoriis Venarum officinis, in quibus spumæ & lapi-

lapides vitrei de liquatis detrahuntur, qui denuò liquati elegantius & purius vitrescunt & materia sunt vitreis vasis. Idem refert *Cap. seq. XX.* quod Isaacus ex calce Lunæ cœruleum conflet vitrum, ex Solis verò rubrum, quanquam *Cap. XCI.* negaverit Solem vitrescere posse, qui verè calcinari (nī forte hoc notum fuerit Mosi vitulum aureum comburenti & populo Israelitico potandum offerenti) nequiret, & tamen non sit transitus ex metallo in vitrum nisi per calcem tanquam medium inter utrumque; Vitrificationis scilicet medium est terra fusilis, cinerea, calciformis, cui omne humidum viscosum igni ablatum est, vel paucissimum hujus remanet & cujus ratione postea quoque Vitrum (ut Saturni) pinguedinis non nihil exhibet; Quare si consideremus Metallorum & Mineralium Ortum, reperiemus primariam eorum basin esse terram calciformem, lapidiformem, teneram, & tractabilem seu calcem & lixivium Gilgil Arabis apud Albertum, unde inferre est, quod Mineralia & Metalla quo plus hujusmodi terræ possident & minus de vaporibus unctuosus mercurialibus sulphureis assumpserunt, etiam in Vitra redigi possent, si scilicet prius decenter in calcem redactæ sint partes eorum sulphureæ, imundæ aliæque impuriore quas in mineris nactæ sunt, pinguedine namque sulphureâ combustâ, ut Hollandus loquitur, combusta fex sulphuris tam sicca sit, ut metallum in terram aut calcem faciliè convertatur: De hac verò terrâ plurimum participare Antimonium vel facilis Vitri ipsius per simplicem exhalationem sulphuris arsenicalis conficiendi ratio docet; Stannum etiam multum hujus terræ in sinu recondere patet, quod metallis admixtum mox ea fragilia reddat & duritiem singularem & tantum non vitream ipsis conciliet, velut ejus beneficio Cuprum faciliè in specula metallica efformatur, cujus ratione commendamus fusionem simultaneam Jov. opr. 3xij. Reguli Antimonii Martialis 3j. Ven. rubr. 3ij. ut & jucundissimum opus parabolicè exhibitum à *Glaubero Oper. Miner. Part. III. p. m. 102.* quo stanni transmutationem via facili

cili sistit & quàm dives, generosa, pulchra & gloriosa sit in suis recessibus Natura edocet. Alia metalla quod spectat, ut Cuprum & Ferrum horum mineræ terrâ ejusmodi lapidiformi propriâ plenæ & metallurgorum solitâ castratione haud privata, per se in Vitra quoque abire possunt, ceu in liquatione eorum lapides vitrei in scoriis adparent. Notabilia verò sunt verba citati Gummerti dicentis: Materia universalis respectu metallorum & mineralium talis sit oportet, qualis requiritur ad lapides & quartios in crystallos redigendos; Hinc prout ad radicaliter solvenda metalla præsertim perfectiora requiritur mercuriale penetrantissimum igne magico pregnantissimum (cujus nimirum præparatio fit ope reguli Martis antimoniatî stellati & Lunæ, de quo *Anonymus Philaletha* in Experimentis de præparatione Mercurii Sophici, & Auctor *Anonymus* Penes nos unda Tagi nimirum *d' Espagnes* in Arcano Hermet. Philosoph. Opere) quo velut glacies in aquâ liquecant & primo opere regiminis quod est Mercurii, penitus dissolvantur, sic quoque ad Lapides & Quartios vitrificandos talis erit materiæ velut amor, ut strictissimè invicem combinata unâ in crystallum & nitrum abire possint; Qualiter verò ejusmodi materia obtineatur, modò dictus analogismus & conjecturæ quas suggerit epistola divulgatoria Gummerti innuunt, nimirum quòd sit metalli calcinati terra calciformis purissima, quæ super porphyrite vel marmore terenda est cum aqua salsâ impalpabiliter & postea aquâ communi limpidâ abluenda, donec aqua à calce munda & pura defluat, quæque rursus ut prius terenda, donec nullæ amplius sordes terreæ defluant: Hoc ergo modo si debitè procedatur, nullatenus dubitandum, quin insignia Amausa (fortè à Musaico vel musivo opere, quale Venetiis in Templo Divi Marci videre est, ita dicta, de quorum etymologia aliàs tacet Exc. *Brunonis* Lexicon Medicum Castelli renovatum) & elegantissima crystalliformia corpora obtineri possint, v. g. ex calce Veneris ita ustâ insigne Amausum viride ex calce plumbi

ac etiam ferri vitrum fulvum, stanni album, Argenti cœruleum, Solis rubrum, (in cujus tamen defectu si magnum opus philosophicum quis conficere ignoraverit, quod ad hoc requiritur, Lectori commendamus Purpuram Auri ope liquoris Jovis obtinendam, quo quidam expertus Chymicus, hic in viciniâ in vico Stauffen, Vitrum rubrum elegantissimum conficit) vel si mixti colores alii expectantur ex mixtis his invicem obtinebuntur. Qualiter autem Metalla prius calcinanda sint, ut in Crocos vitrificationi destinatos commodè cedant, in *Regno Minerali* diximus fieri ope Salis Tartari & pauci sulphuris communis, quibus invicem fusis facilè metallum lamellatum in Crocum solvitur: Verùm juxta elegantem procedendi modum Hollandi & Gummerti calces ejusmodi prius depurandæ sunt, ut Vitrum fiat multò speciosius & præstantius amausum, id quod innuit Gummertus dum purificationis Vitrioli singularis quâ omnes omninò partes ejus metallicæ sequestrantur, mentionem facit, quo ad coloranda vitra ex silicibus fusis præstari queant ea, quæ exempli gratiâ è calce Veneris in cœruleo, Martis in rubro, Argenti in flavo & in compositione horum habentur. Elegans certè summèque delectabilis est hic vitrificandi modus Gummerti quo facillimè nigerrimos, rubicundos & albidos crassos lapides in crystallum transparentem, Saphyrum, Smaragdum (qualem artificialem duplicatum novies mille ducatis quendam Mediolanensem, fraude diu testâ, vendidisse Merretus in Nerum refert) Amethystum & quorumvis colorum alias gemmas fundere potest, dum nempe debita præcessit depuratio & sequestratio particularum, quæ opacitatem inferre possent calcesque non impolitæ sed debitè mundificatæ sumuntur, mundificantur autem Metalla urendo & reverberando aut calcinando (ubi si desit fornax compendiosa Gummerti, illa cœmentatoria Glauberi præ Venetorum Vitriariorum inservire ad hoc poterit) ac calces itentidem lavando, aut calces denuò in corpus reducendo ac tum denuò calci-

calcinando atque iterum abluendo aquâ communi, donec nullæ amplius feces proveniant, sic enim repetitis his calcinationibus & depurationibus impediri quoque poterit solita, alias effervescencia & materiæ effluxus, qui contingit ex mutuâ actione partium acidarum in silicibus in partes calcinatas alcalicas juxta communem vitrificandi modum, de quo tantum conqueritur Glauberus. Quantum verò utilitatis ex ejusmodi præcedentâ depuratione obtineri possit, Hollandus & Gummertus eleganter monstrant ex reductione Amausorum, quæ etsi per se longè majoris sint pretii & pluris æstimanda quàm metallum, quod in se depuratissimum & nobilissimum sovent, tamen insuper ansam exhibent judicandi quid lucri obtineri possit ex frequenti vitrificatione & reductione calcium metallorum, de cujus utilitate summâ jam quædam in *Append. Ludovici enucleati* proposuimus, ac etiam ipsum magnum Opus Philosophicum ad hanc classẽ tandem reducendum esse diximus, non enim, ut *Philaletha in Vademecum Philosoph.* loquitur, facilè fuit primi ordinis pulvis nedum quamdiu pulvis manet alterius cujusvis ordinis nisi cum corpore suæ speciei perfectò fundatur, prius verò tum in vitri metallici tincti formam redactus instar cæræ fuit super metalli lamellam calefactam Mercuriumve projectus: unde & *Turba* Comburite æs nostrum igne fortissimo. Cæterum modus reductionis Amausorum seu vitrorum artificialium exquisitiorum, quæ Principum vasa exornabant olim ab Hollando proponitur talis isque consideratione dignissimus: Sume & pulverisã Amausã subtilissimè, & sume bonum acerum destillatum, in quo Sal Armoniacum solutum fuerit, in singulis libris aceti $\text{z}\beta$. Salis Armoniaci, cum eo contere pulverem super lapide tam tenuiter, ut si pictor eo uteretur. Ac illum contritum vitro inde aut amphoræ lapideæ ac bonam quantitatem aceti destillati superfunde ac pone in balneo ac balneo ignem subde, ut bulliat, ac move quater aut quinquies de die spatulâ ligneâ, atque hoc pacto retine per dies

dies quatuor, tum sinas frigefieri, ac funde feces aceti in mundam amphoram lapideam, ac super feces denuò acetum recens funde ac fac ut prius, idque tertiò reitèra ac semper acetum primo adde, tum corpus illud omne solutum est ex fecibus illis aut ex vitro, tum acetum evapora aut per alembicum destilla ac in fundo corpus metalli permanebit in corpore subtili, cum eo aliquantum borracis permisce ac crucibulo inde ac liquefacito in igne vehementi cum corpore. Si fuerit Mars aut Venus, munda ac pura sunt, ita ut non amplius situ & rubigine infestentur, ac à suis fecibus vacua sunt. Si verò Jupiter, foetor ac stridor ei ademptus, estque mundus ac fortis ut Luna. Si Luna, fixa est. Si Sol, Medicina, ac si Saturnus fuerit, Luna est. Quoad plumbum, notatu dignissimum est, quod *Auctor Artis fusoriae fundamentalis & experimentalis* docet, quòd scilicet plumbum vitrificatum & in cupellâ seu testâ reductum semper aliquid argenti elargiatur, imò etiam auri aliquid, si præsertim flava, fusca & nigra arena qualis circa ripas Rheni & aliorum fluviorum in Helvetiâ alibi reperitur, cum calce Saturni vel Minio vitrificetur & cum Sale alcali frustulisque ferri reducatur, de quo legi meretur *Glauberus in Novo Lumine Chymico* ut & *Oper. Miner. Parte III.* quo in loco asserere haud veretur calcis ferri, cupri vel stanni libram ope vitri plumbi silicum additione facti dimidium vel etiam integrum auri lotonem, si res ritè tractetur, reddere posse, præsertim si Sal Tartari aut cineres clavellati adhibeantur, & crucibula ad manus sint, quæ non tam citò perterebrantur, id quod fit, quia plumbum denuò calcinatum pinguedine & mole corporis sui poros ejusmodi vasorum occludit & impedit, quò minus ignis in metallum agat, quâ actione impeditâ vis omnis in vasa argillacea vertitur, ut hæc collabascere necessum habeant. Aperlius tamen hoc in negotio se declarare videtur cit. *Glauberus Pharmacop. Spagy. Parte VI.* ubi crucibulorum vulgarium loco ferrea in usum trahenda suadet, imò loco Saturni nemini non noti ipsum Saturnum

turnum Philosophorum secretum scilicet plumbum, quod per se est purum & præstabilius auro, commendat, Regulum scilicet Antimonii optimè depuratum, ceu aptissimum subiectum, cui se aurum silicum embryonatum combinare possit, ut sic ex iis, quæ separatim actu metallum non sunt, post sui conjunctionem in perfectam auri & argenti crasin convenire possint, haud aliter ac rotæ horologii disjunctæ horologium minimè constituunt, conjunctæ verò harmoniâ decenti quàm optimè elegans automaton efficiunt. Hoc igitur in negotio experiri quis poterit sumendo calcis Stanni ℥iij. Reguli Antimon. Martialis ℥j. Arenæ Danubii, Rheni, Emmæ vel alterius ℥iiij. & fundendo invicem in massam vitro æmulam, quæ in crucibulo vulgari vel ferreo cum Salis Tartari ℥j. reducta, repetitione aliquoties institutâ, auri & argenti satis dives evadet, quo facto, aurum ab argento aliisque admixtis præcipitatione singulari per fusionem solam obtineri poterit, si cui notus erit modus taliter separandi aurum ab argento, quem se communicare posse, harum rerum Studiosis refert *Cl. Cardilucius in Notis super Erkerum*, quemque Comites, Barones, Nobiles sumptibus haud exiguis à se expetiisse ad nos perscripserat. Qualiter verò ope vitrificationis Lunæ, hujus fixitas obtineatur, elegans itidem operandi modus est innuens juxta ea, quæ ex Animalis & Vegetabili Regno demonstrari possunt, qualiter ex destructis corporibus ea meliora & gloriosiora resurgant, haud aliter ac ex putrefactis & incineratis cadaveribus humanis elegantius & clarius corpus resuscitabitur, è quo anima die novissimo splendida lucebit, ad modum scilicet lucernæ per laternam elucens, idque omne juxta beneplacitum DEI. Eleganter de hisce in Apocalypsi Johannes Evangelista: Ipsa civitas (nova scilicet cœlestis Jerusalem) erat aurum purum & similis vitro puro, nimirum pelluciditate, velut & aurum philosophicum pellucidum arte fit. Hic verò Johannes Evangelista, si fas est allegare verba Lucernæ Salis Philosophorum, Auctore filio Cosmopolitæ, *Michaele Sendi-*

vogio p. m. 65. etiam ab Avicennâ dictione primâ libri de Animâ inter possessores Lapidis Philosophici suosque Institutores, qui se scilicet Avicennam artem hanc docuerint, numeratur, quod verisimile sit, eò quod Ecclesia prisca, Auctore Adamo à Sancto Victore die D. Johanni Evangelistæ sacro mense Decembri in hymno incipiente: Gratulemur ad festivum &c. sic in ejus honorem canter:

*Cum gemmarum partes fractas
Solidasset, has distractas
Tribuit pauperibus.
Inexhaustum fert thesaurum,
Qui de virgis fecit aurum:
Gemmae de Lapidibus.*

Ut verò ad fixitatem Lunæ deveniamus, quæ omnium elegantissimè vitrificationis beneficio obtinetur, illa sequenti modo obtinetur prout nimirum opus hoc *Tacki* manus aliquoties effecerunt; sumitur scilicet Argentum ope Saturni decenter lotum & depuratum ad 3ij. idque in aquâ forti per argentum clarificatâ & præcipitatâ, ut decet, solvitur, post præcipitatur argentum solutum cum muriâ seu aquâ falsâ & post digestionem per dies duos in cineribus calidis *Calx argenti* debitè siccatur, & edulcoratur & tandem funditur cum *Borrace* in vitrum; Argentum verò ejusmodi vitrificatum ut reducatur cum fructu & compensatione laboris miscetur cum *Salis gemma* & *Calce viva* de naturâ alcalium ana 3j. *viridis Aeris* 3ß. *Sacchari Saturni* depurati 3j. faciendo stratum super stratum in pyxide cæmentatoriâ vel duobus tigillis perlutatis & post quatuor horarum cæmentationem per gradus institutam tandem è vitro denuò obtinebitur Argentum, sed non quale prius, sed sufficienter tum vitrificationis ope cum admixtione salium tum *viridis Aeris* & *Sacchari Saturni* aureum redditum: Salia enim quid hîc possint, præsertim *Sal Gemmæ* eleganter illustratur experimento *Kunckel*, in Obser-

vat. Chymicus p. m. 154. quo ritè instituto quempiam anni spatium necessaria vitæ præsidia vel fructum saltem honestum obtinere posse, asserere haud veretur, sumendo scilicet Sal Gemmæ, vel etiam commune minutim contusum idque cum foliis argenti cupellati stratum super stratum faciendo in pyxide cæmentatoriâ per duodecim horas in friabilitatem septies cæmentando, & postea denuò in conum fundendo aquâque forti separando, quo pacto Argentum sufficienter auro imprægnatum obtinebitur, unde & non mirum, quod ad particularis illius Chymici processum in *Aureo Vellere p. m. 92.* Argentum fundatur cum Amiantho & Sale communi (Alii etiam aliquid de vitro Veneto addunt, de quo *Beccherus Concord. Chym. p. 547.*) quo tandem ex imprægnatione ulteriori Sulphuris Martis & Veneris solaris aurum perfectum obtineri possit; Huc spectant ea, quæ de naturâ Mercurii ingeniosissimè proponit *Beccherus de Minerâ arenariâ perpetuâ p. m. 76.* quod scilicet Mercurius sit reverâ pura puta essentia salis marini, nempe sal sulphureum totum analogum sulphuri salis communis, unde etiam suam originem traxit, per destillationem scilicet salis marini in terræ cavernas ibidemque per sublimationem & commixtionem subtilis cujusdam terræ, unde opacitatem acquisivit, poterit tamen in diaphaneitatem reduci, nempe in liquorem diaphanum, ceu talem sibi notum esse, qui Mercurio in gravitate æqualis sit, *Beccherus* refert, innuens hunc liquorem vel de compositione pluris terræ diaphanæ seu salis lucentis vel extractione terræ opacæ ex Mercurio obtineri, eò quod Mercurius ex sale communi augmentetur, & sæpe augmentatus in diaphanam aqueitatem tendat. Talis verò liquor fortè & ille fuit, quem quidam Venetus à Græco factum vidit, cujusque medio ope quintæ essentia decenti digestionem multiplicatio lapidis instituta est, uti legere est in MS. quodam celeberrimi Monasterii Murensis in Helvetiâ p. 185. Ad confirmationem horum facit, quod *Leurſen in Prodromo Theatr. Chym. p. 29.* refert, posse scilicet additione

vilis cujusdam subjecti sal commune in Mercurium currentem resolvi, tacendo jam sal commune nonnullos effectus producere Mercurio proprios tam in potestate Medicâ quàm Physicâ & Alchymicâ, ipsumque aurum per Mercurium in salem communem conversum fuisse, scribente Becchero. Quantum verò utilitatis prædictæ Vitrificaciones in operationibus Alchymicis præstare queant, patet vel maximè ex naturâ vitri, quod scilicet hoc omnibus rebus ingressum largiatur, metalla in fluxu conservet, volatilia & vapores minerales figat, præservet ab igne, ne adurantur corpora, multa que alia utilia præstet, præsertim in auro arte factò utpote adhuc tenero, cui fixationem & exaltationem dat. Hinc etiam magnum subesse arcanum ingenuè fatetur *Beccherus* in illo Vitrificationis modo, quem sistit *Chym. Glückhaf. p. m. 547.*

R. Materiæ illius, unde aurum lotionè extrahitur, German. *Goldschlich*/ Sulphuris & Nitri aa. misceantur probè & in ollâ terreâ deflagrent, addendo postea *Vitri Veneti* aa, subacta probè indantur tigillo stratum super stratum faciendo, & in summitate denuò vitro Veneto regendo, vasè perlutato fluant probè, ut abeant in vitrum rubrum, è quo pulverisato ope aquæ regiæ extractio & abstractio instituatur ad remanentiam massæ rubeæ in fundo, cui adde Vitrum Saturni parum argenti nobilitatum & commisceantur Argento fuso, quo hoc ope vitri Venetæ & Saturni decenter in poris suis dilatetur, iisque aureæ particulæ sufficienter se infigere possint. Alius ejusmodi processus, quo ope Vitri Saturni ingressus in Lunam facilitatur, reperitur in *Aureo Vellere p. m. 47.* *R.* *Mercurii Saturni* vel saltem *vulgaris* decenter depurati ziii . calefacto in tigillo, adde *Auri optimi* lamellati zj . ut fiat amalgama, cui affunde Sulphuris fusi zij . & continuâ agitatione in lapidem velut nigrum redigantur, hunc pulverisatum inde phiolæ hermetice sigillatæ, & digeratur per quatuor septimanas, ut obtineat pulverem punice coloris, quem sequenti aquâ fixatoriâ imbuat: *R. Auripigmenti, Salis Armoniaci* aa. ziii .

Sulphu-

Sulphuris, Nitri āā. ʒvj. *Cinnabar.* ʒij. destillentur ad instar aquæ fortis, quæ ter pulveri prædicto affundenda & denuò abstrahenda, igne sub finem fortissimo; massam pulverisatam *Lunæ* in fluxu superinjice & ejus ingressum promove ope *Vitri Saturni*, & sic obtinebis post separationem Aurum purissimum.

[*Basileâ A. 1688. d. 10. Sept. Augustam missa.*]

OBSERVATIO LXVII.

D. JOH. LUDOVICI HANNEMANNI,

De

Fœtus quasi emortui in vitam per suctionem restitutione.

Quâ minimè credas mors atra supervenit horâ,
Nostræq; crudeli gaudia falce metit.
Sic heu, sic Miseri labor, & spes certa coloni,
Immatura perit grandine quassa seges.
Sic gravidâ teneri velluntur ab arbore fœtus:
Sic pubescentem decutit aura rosam.

Sicque cum *Posthio Poëta* & *Medico* celeberrimo sæpius conqueruntur moesti parentes, quando vident, quòd nec mors differat falcem suam immittere jam demum in lucem egressos tenellos fœtus, qui & rectè ex eodem *Poëta* respondent:

Una mihi vitam dedit, & vitam abstulit hora
 — — *& justos mors venit ante dies.*

Talia autem moerore plena Exempla accidunt, quando videlicet tenelli fœtus natus sui labore, quo arcto illo claustro egredi conantur, usque ad mortem debilitati, faucibus mortis inhaerent, quibus & certissimè absorberentur, nisi interdum obstetricis prudentia & experientia succurreret. Varia autem media sunt, quibus obstetrices in ejusmodi casu constitutis

subveniunt, quorum recensu hoc loco abstinebo. Pergam autem plura foetuum suctione in vitam restitutorum exempla commemorare. An. 1686. in *Ephem. Cur. Dec. II. Obs. CXXI. Anni V. p. 242. 243.* duos hoc medio servatos cum curiosis nostris communicavi. Quam in vitam restituendi methodum & suo Experimento comprobavit Excell. D. *Samuel Ledelius Decur. 2. Anni VI. Obs. LIX. p. 145.* Ecce! Die 8. Julii Solis currentis An. 1688. à quodam Generosissimo Domino in aulam accersitus, ut Ejus conjugii puerperæ febre ardente laboranti consilio meo opem ferrem, quæ cura, (Deo debentur grates) optatum successum habuit, brevi enim illa cum sanitate rediit in gratiam. Hujus obstetrix, cum à me interrogaretur, quomodo ejusmodi debilitatis pusillis subveniret, respondit: Suctione papillæ sinistrae mammae, Eaque methodo jam paucis ante diebus duos fermè emorruos in pago *Kleinen Flinbeck* restituisse, vitæque asseruisse dicebat. Errorem alterius cujusdam obstetricis referebat, quæ scilicet infanti adhuc vivo in partu consistenti, manumque suam è claustro suo exferenti adimere voluit, quod illa admittere nolens manum rursus in uterum inseruit, paulò post femina illa felicissimè peperit sanum & incolumem foetum, quem nequissima obstetrix mutilare, manuque privare voluit. Tales obstetricum errores merentur annotationem, magisque severam animadversionem per carnificem. *Nutricis peccantis* Exc. D.D. *Paulini*, Academiae nostræ Decus, meminit. Contra istam obstetricem observanda *Lex Cornelia VIII. Si quis necandi infantis piaculum aggressus aggressus sit, sciat se capitali supplicio esse puniendum.* Non diu post ad me invisit obstetrix nostræ urbis senior & Ordinaria, hæc, cum à me interrogaretur de modo salvandi foetus debilitatos; Respondit, se suctione papillæ sinistrae mammae jam pridem tres debilitatos in vigorem ac vitam reduxisse; addebat, sese primò fricare mammam sinistram, si illud voto non responderet, tunc se papillam sugere. Hocque modo cujusdam Bibliopegæ hujus oppidi infan-

fantem penè emortuum vitæ restituerat. Isto ritu jam item fœtus vivificatos *Samuel Ledelius* & ego commemoravimus: Quod si tempus plura Exempla suppeditet, illa cum Curiosis nostris, D. V. communicaturus sum. Alii Nobilissimi Collegæ hunc modum suas obstetrices Exempla Exc. D. D. *Ledelii* docere ac successum referre dignentur, humanissimè à me rogantur. Meo arbitrato ad debilitatos fœtus plurimum quoque conducere, spongiam vino calido vel & spiritu vini imbutam mammæ sinistræ & scrobiculo cordis apponere, vel & carpis pulsum admove,

SCHOLIUM.

BRevis ero, hoc enim lex me jubet! Suctionis beneficio multa mala tolli posse in humani corporis œconomia, docet Experientia. Quomodo ea surditas sapiusculæ sit sublata *Ann. VI. Decur. II. Observ. CXXI. p. 254. & 255.* innui. Non possum, quin hîc referam historiam notatu dignam, quam legi in Exc. D. D. *Jæpserii* manuductione ad vitam longam c. 3. p. 584. Calculus subsistens (ubi satis tota virga) continua robusti hominis suctione extrahendus est: Qualiter novem abhinc annis, magnum magni Stemmatidis, maximæque virtutis Dominam, suo fecisse marito, novi; quæ gravissimis doloribus afflictam Domini Mariti sui virgam, inter amaras oculorum suorum stillas, tamdiu suxit, usque dum hærentem in ea tricuspidem calculum, unâ cum frequenti purulentia trium horarum spatio extraxisset. Hæc historia nobis ob oculos ponit amoris conjugalis laudabile Exemplum &c. Quid suction queat in vulneribus sanandis, exque eis extrahendo veneno, docet nos ex *Roderico Santio P. I. Hist. Hispanic. p. 297. c. 4. Piccartus Decad. V. Cap. X. p. 263.* Non levior fides fuit, inquit, in Eduardum Anglum uxoris: cum, scribit, Eduardus Regis Angliæ primogenitus ad Domini sepulchrum transfretasset, fuissetque in via proditoriè à Mauro quodam gladio vene-

venenato percussus, Medicorumque remediis non tam allevaretur, quàm alligaretur, tandem in Angliam sine salutis spe reversus est. Ejus igitur uxor Regis Hispaniæ filia novam atque inauditam sed amore & pietate plenam adhibuit Medicinam, plagas enim Mariti toxico infectas, quæ veneni vi claudi non poterant, lingua diutim lingebat fugebatque humorem venenosum, ut liquorem dulcissimum, cujus vigore, verius dicam fidei uxoriæ virtute sic omnem materiam veneni attraxit, ut integratis coalitisque vulnerum cicatricibus ille planè curatus fuerit, ipsâ etiam incolumi manente. Claudam utramq; historiam verbis Domini *Piccarti* c. l.

Quid harum mulierum fide clarius, quid mirabilius audiri potest? ut uxorum linguæ fide & dilectione maritali perunctæ, venena dilecto marito & calculum expulerit, quæ ab electo Medico trahi non valuerunt, quod plurima exquisitaque non effecerunt medicamenta, uxorum pietas explevit.

Quibus historiis aliam jungo, quæ & fidei ac amoris conjugalis insigne documentum præbet. Honestissima ac piissima matrona, cui ab aliis hoc erat persuasum, illorum hominum, qui letali morbo laborant, urinam juxta ordinarium naturæ cursum non esse salisam, sed prorsus insipidam, sæpius sui Mariti urinam sine fastidio & nausea gustavit; salsaque deprehensa, exhilarata, at spem firmam de sui Mariti restitutione concepit, quâ & gavisâ est. Tantum de suctione, quâ penitus enecti fœtus in vitam quasi restituuntur, quâque duæ magnæ Matronæ conjugalis fidei ac amoris specimina eximia dederunt. De suctionis efficacia in morbis curandis non memini me quicquam legisse apud Autores, quod si nunc ulterius in eam inquirere placeret Medicis ac Philosophis, forsitan majus commodum de eo auxilio nobis promittere vel ægris polliceri possemus. In hydropo loco *Paracentesis* suctio umbilici vel per animal, utputa canem, vel organo eo fine facto & ad illud institutum adaptato institui posset, quem modum ego *Paracentesi* præfero & quoque ipsi apertioni per
acum

acum auream, vel argenteam, quid de utraq; sentiendum sit, docet nos Excell. D. *Straussius* eleganti suo opusculo *Palestra Medica* inscripto, P. III. *Gymnasm.* XII. p. 288. 289. cujus Magni Viri laborem spissius exosculor!

[1688, 10. Septembr. Augustam missa.]

OBSERVATIO LXVIII.

D. JOH. LUDOVICI HANNEMANNI,

De

Corona Serpentum.

Die 13. Septembr. An. 1688. quo, mi Domine Celse, literas has ad Te exaro, filii mei cum matertera sua domum Fridrichstadio revertuntur; hi omnes uno ore unà cum auriga aliisque duobus itineris comitibus asseverabant, sibi apud Molam Seleck dictam, hora pomeridiana tertia in via occurrisse serpentem prorsus candidum linea nigra per spinam dorsi ducta tricuspide corona articulum digiti alta coronatum: satis quoque commodam cum serpentem capiendi fuisse occasionem, si diligentiam adhibere voluissent, curruque desilire, ego lubens coronam illam, unà cum serpente 12. imperialibus redimerem. Proinde certum est, dari ejusmodi coronas serpentinas; quod autem agyrtae ac circumforanei, fallax hominum genus, hinc fucum dolumque faciant, hoc ipsius rei veritati nihil omnino praedjudicat. Possum insuper sanctissime affirmare, me adhuc duas similes coronas vidisse hinc Kiliae, alteram habebat quidam aurifaber, civis Quedlenburgensis, apud nos hinc Kiliae commorans, peste illius civitatis incolas depascente; alteram habebat cujusdam hujus urbis Consulis filius, qui eam dono dedit cuidam Officiali Regis Danicae, qui mihi eam ostendit. Pollere quoque eas mira adversus epilepsiam aliosque morbos vi, mihi persuasissimum est: meoque arbitratus effectus

Dec. II. Annus VII.

R

ille,

ille, cujus mentionem facit *Höchstetterus Decade 4. Observat. Cas. 6.* non fuit vanus; aliquid autem humani patitur hi. Excell. Vir, dum hoc amuletum superstitionis accusat. Coronæ vel diadematis serpentini meminit quoque *Majolus Colloq. VIII. p. 272.* Non desunt, inquit, aliis serpentibus diademata, quæ etiam regum statum quempiam indicant &c. Cornutorum serpentum meminit *Seyfrid Lib. II. Cap. V. §. 25. p. 667. ex Erasmo Francisci.* Minimè autem assentior plur. Rev. *Franzio* in sua *hist. animal. P. IV. Cap. I. p. 583.* scribenti: Cornua nullus habet serpens, sed in quibusdam in capite deprehenduntur quædam eminentiæ seu tubercula extuberantia, & quidem carnea, quæ vulgus appellavit cornua, item coronas &c. Cornua quorundam capitibus innasci docet *Erasmus Francisci.* Illas eminentias vel tubercula non esse carnea, evincit autopsia, sunt enim dura, corneæque substantiæ esse apparent. Quidnam autem sentiendum sit de aureis coronis quorundam serpentum, quos commemorat *Fxc. Polyhistor Happelius l. 2. c. 7. p. 332, 333.* sui *Mandor. vel descript. Insular.* nobis affirmativa placet. Multa enim insectorum genera cutetenus aureo splendore superbiunt: hæcque suæ cutis elegantis splendore aureo omnia penitus animalia superant; pertinent & huc columbarum colla, pavonum caudæ &c. Pluribus de hac materia scripsi *Chil. 3. Cent. 2. Decur. 6. Epist. 9. Miscellanearum Epistolarum.*

[1682. d. 13. Sept. Augustam missa.]

OBSERVATIO LXIX.

D. JOH. LUDOVICI HANNEMANNI.

Mira febris ardentis per frigidam
cura.

Quod notemus curationes hominum per ordinaria media juxta receptum MM. ut quidem operæ pretium est; sic nec minus utile ac necessarium est, annotare

notare curationes per media paradoxa ac contra M. M. peractas, & tandem felici eventu donatas. Quæ & rectè audiunt irregulares, aut si mavis *extraordinaria*, quæ ex extraordinariis principiis fluunt. Rectè hic conveniunt illa, quæ habet Excell. JCT. Hopperus in suo *Sedunodo* L. III. Tit. XLIV. p. 188. *Qua partim bona, partim mala, plus mali in se habent, quam boni, sic tamen ad bonum aliqua per ea sit reversio &c.* Hoc evincet sequens historia. Nuper incidi in observationum, oppidò rariorem fasciculum Nobiliss. & Excell. D. Paullini, *Polyhistoris insignissimi, Amici, Collegæ & Fautoris Honoratissimi, Ephemeridum* Cur. Decadi II. Anno VI. additum, & quidem Num. XXIV. p. 30. & Num. XLII. p. 50. 51. *De ardentissima febre solâ nive feliciter curata, & Observat. XLII. De sudore sub veste saluberrimo &c.* Quas Observationes legens, recordabar alterius curationis hisce non multum absimilis. Quidam Generosiss. Dn. febre ardente laborans, hanc curandi methodum secum & feliciter instituit; jubet, famulus fuculam aquâ frigidâ plenam afferret, allatâ aquâ, se omni vestimentorum genere ac ipso indusio nudat, ita ut prorsus nudus esset, hoc facto, immergit ladicem in aquam frigidam, eaque madida corpus suum involvit febris ardore æstuans, sicque madido linteo involutus ebibit Cyathum Spiritu Vini impletum, lecto superinjecto, aliisque tegumentis, sopore alto corripitur, corpusque sudore madescit largo, elapsis 24. horis evigilat sanus ac incolumis. Mira & rara curandi febrem methodus, de qua cum Excell. Paullino in hæc verba erumpo: Interim valde dubito, an hoc tentamen mihi tibi, si periclitari velimus, faustè succedat! Proh! quanta monstra curationum nascuntur aliquando in arte saluberrima &c. Sanè hæc cura partim bona, partim mala, plus autem mali, sic tamen ad bonum, DEO auxiliante! conversio fuit, ut ager tam irregulari M. M. curatus sit. Si loco frigida, calidam aquam adhibuisset, non improbarem, omnium optimè sibi consuluisse, si in Vinum Alcoholisatum Camphoratum ladicem

cem intinxisset, eaque sese involvisset, hæc optima forsan esset M. M. ad febrem quartanam, cum primis paralyfin tollet, sudore largo subsequente. De qua aliàs discurram &c. Cæterùm scio plures sat commodè & sine sanitatis dispendio sub nive dormivisse. *Nix est principium prosperrimum, & omnigenæ fecunditatis menstruum vegetabile.* Meretur hic legi, quod scripsit Excell. D. Henricus Mundt *Nova Physic. hodiernæ Lumine Eruditiss. opere, c. VI. §. VI. p. 42.* Tellus etiam, scribit, quæ sex totos menses nivibus & gelu obducta latuerat, non alio lætamine resecta adeò luxuriat, ut Cerere ob Proserpinam inventam supra modum lætata, nusquam uberiorem frugum proventum, aut celerius productum inveniat.

[1688. 2. Oct. Kiliâ Noribergam missa.]

OBSERVATIO LXX.

D. ANDREÆ CLEYERI,

De

Plantis Japanensibus Isnoacky, Germ.
Eysenholz / & Tzumacky.

Isnoacky, Germanicè Eysenholz / quod lignum hujus arboris ferreæ sit duritiei, arbor est vasta & satis crassâ, extrâ & intrâ nigricans; folia arboris perpulchrè virent, appropinquante hyeme decidua; sed vere nova succrescentia. Semina ejus quercuum gallis assimilantur, intus cava, nec ad sui propagationem seminando apta. Ob duritiem lignum hoc permultos annos in aqua sine ulla corruptione durat, unde in Japan ad fundamenta ædium adhibetur, minùs tamen aptum ad construenda navigia & opera marina. Radices hujus arboris medullitùs marmoris varietate superbiunt, ad opera scrinaria commendabiles: resistit enim durities earum corro-

Isnoacky.

pag. 132.

Tzumacky.

ツク

Fig. 23

Fig. 24

ツク



Dec. II.



Cumi Gumi

Fig. 25.

p133.

Fig. 26.

Miacko Bana.

ミ
ロ
コ
ノ
ハ





corrosioni vermium. Crescunt hæ arbores non tantum in Regno Japan, verum etiam in Regno & Insula Ceram, nec non in Promontorio Africano Capitis Bonæ Spei copiosè, amantque excelsos montes & scopulos.

Vid. Fig. XXIII.

Tzumacky vox Japanica, puerum juniorem significans, arbuscula est, duos pollices vel uncias crassa, tres autem vel quatuor perticas alta. Folia ejus dense stipant ramulos & caudicem. Flores magni perpulchrè rubent, in medio staminulis luteis capitulis purpureis præditi. Ultra sex dies flores non perdurant; sed decidunt, quos succedunt semina, quæ vul-tum seminis Thee præsentant. Folia saturatè virent, crassitiem foliorum Lauri bis exsuperantia. Ramuli ejus cinerei sunt coloris cum aliquâ purpurâ aspersi. Radix fibrosa latè serpit. Japanenses arefaciunt semina, eaque pistillis comminuunt, & sic oleum ex iis exprimunt suavè olens. Hôc oleo Japanensium mulieres itemque juvenes 15 & 16 annorum (Wachasi dicti) capillos inungunt. Hâc enim ætate ipsis capillos alere permittitur, adultioribus autem abraduntur. Ad alios Medicinæ usus arbor hæc aut ejus partes non adhibentur. Mensibus Octobre & Novembre folia arboris decidunt; Martiô verò & Aprili cum floribus denuò erumpunt.

Vide Fig. XXIV.

OBSERVATIO LXXI.

D. ANDRÆ CLEYERI,

De

Plantis Japanensibus Cumi Gummi & Miaco Bana.

Cumi Gummi parvus & humilis est frutex, ramuli ejus tenues sunt, rectà in altum surgentes. Ex iis Japanenses scopas conficiunt: folia ejus minuta sunt,

parùm serrata in margine: decidunt hyeme, vere autem rursum erumpunt cum floribus eleganter candidis. Voces Japanicæ Cumi Gummi significant Latinis flos sarmentorum; perdurant flores præter propter 14 dies, antequam decidunt. Fructus non ferunt. Elegans est frutex: colitur à Japanensibus in vasis fictilibus, & ante cameras eorum & fenestras collocatur. Ligni est admodùm duri, nec ad medicos venit usus.

Vid. Fig. XXV.

Miaco Bana arbuscula sive frutex parvus est, priori Cumi Gummi haud dissimilis. Uberè redit ex Miacko Emporio permagno Japaniæ, centum milliaria distante à Nangasacky, feritur & colitur frequens in hortis. Folia assimilantur Cumi Gummi foliis, præterquam quod majora sint & viridiora. Fructus rubri erumpunt ex ramulis & caudice ejus instar cerasorum. Naturâ frigidi & humidi, saporis amari. Colitur frutex ornatûs gratiâ.

Fig. XXVI.

OBSERVATIO LXXII.

D. ANDREÆ CLEYERI,

De

Plantis Japanensibus Kyrama & Fickofax.

KYrama, aliàs Tzutzudsic, parva est arbuscula, perticam unam aut alteram procera, unciam crassa. Flores ejus variegati insigne ornamentum conciliant: varii sunt coloris, scilicet rubri, albi, lateritii, purpurei, incarnati; nullus tamen odoris. Inserunt Japanenses in hanc arbusculam florum ramulos varii generis, uti in Europa cerasi arbores tractantur. Flores inodori cum Anemonibus vel Jasmi-

Kyrama.
vel

K
Tzutzud
su.

エ
ト
ワ
シ
ナ

p. 134.

Fig. 27.

Fig. 28.

Fickofax

エ
ト
ハ
ナ







Nifum Schin Srogat pag. 135. Feggo.

Fig. 29.

Fig. 30.
P. 136.



Jasminis conveniunt: per integrum mensem durant, succedentibus per sex dies alios, aliis. Caules & caudices ejus cinerei sunt coloris. Radix fibrosa in multas radículas divisa. Fructus nullus. Loca amant montosa & saxosa. Sylvestris planta à Japanensibus ante aedes & fenestras colitur: nullius in Medicina usûs.

Fig. XXVII.

Fickofax alta & crassa est arbor, caudice robusto. Folia latè virent sine apicibus rotunda. Altera species Fickofatz dicitur. Folia arboris in modum coronæ crescunt. Flores flavent odoris jucundi & fragrantis. Fructus rotundi nigricant, & nullius sunt usûs. Ligna cremanda culinis inserviunt, ad carbonem conficiendos apta.

Fig. XXVIII.

OBSERVATIO LXXIII.
D. ANDREÆ CLEYERI,

De

Plantis Japanensibus Nifum Schin'Srogat,
Mominoky & Feggo.

Nifum Schin'Srogat Japanis idem sonat, & est quod Latinis Japonica gens alba. Crescit eadem formâ, quâ planta quædam in Java majore, Batavis Jan Brankè dicta. Frutex est sex vel septem pedes altus. Flores ex luteo albicant. Fructus verò candidus. Ob saporem dulcem pueris & infantibus gratus & conducens cibus, quamvis intus fibrosus sit. Folia hyeme decidunt, & vere renascuntur.

Fig. XXIX.

Momi-

Mominoky species est Pini vel Teda. Procera est arbor recta in altum surgens, foliis aculeatis, ut Pinus, Pinaster, Teda & similes arbores in Europa versus Septentrionem frequentes. Harum autem genera longè plura in Japan reperiuntur, quàm in Europa. Cæduntur ex iis trabes pro construendis ædibus & navigiis.

Feggo species est Filicis maris. Crescit magnâ copiâ in Japan ad saxa arboresque veteres. Amat loca umbrosa. Japanenses hanc herbam frequenter in cibum expetunt. Conquunt radices ad pulmentum usque, quod per cribrum trahunt, eique superfundunt jus gallinaceum, & sic gratus iis fit cibus. A rusticis & plebe comeduntur radices hæ paratæ cum Misou.

Fig. XXX.

[1688. 9. Octobr. Berolino Noribergam ab Excell. D. D. Mentzelio missa.]

OBSERVATIO LXXIV.

D. ADAMI à LEBENWALDT.

Vomitus diuturni cura.

Nobilissima Domina à Loizendorf, Cæsarei Præfeti ferrifodinarum in Styria Uxor, per octo integros annos manè vomitu pituitoso quotidie divexata, qui non cessavit, donecaliqua semper particula bilis porraceæ rejecta fuerit. Petiit à me auxilium, suasi ut biberet acedulas Rhoitschenfes, de quibus doctissimum Tractatum scripsit & in lucem edidit Cælius Aurelianus noster. Dicto facto ex horum fontium usu in integrum ita restituta, ut jam per annum & amplius nullâ nausæâ & vomitu tentetur. Sic multum est positum in hoc, ut evacuando humorum colluviem simul restituamus viscerum temperiem tonum & harmoniam,

niam, in qua re acidulae triumphant, certis tamen in affectibus.

OBSERVATIO LXXV.

D. ADAMI à LEBENWALDT.

Morbillorum cura.

Hoc anno 1688. Illustrissima Domicella ex familia Zolneriana, ætatis duodecim annorum, Verno tempore correpta est morbillis, gravibus symptomatibus concomitantibus. Inter cætera respiratio difficilis, frequens & anhelosa cum oris raucedine & faucium asperitate; adhibita sunt expellentia & contra malignitatem pugnancia, copiosè erumpentibus in dorso, pectore, ventriculo totoque abdomine morbillis absque omni alleviatione. Ut autem Vitale sarcinâ suâ liberarem, jamjam Venæsectionem adhibere meditabar, tentavi tamen adhuc expulsivum ex gr. xij. Bez. Orient. in aq. C. B. & fumar. Ecce repentè incipiunt manus & pedes rubris ac latis maculis conspergi & notabiliter (me adstante) dispnoea remitti, pulsusque majori libertati restitui, ex quo paulò post perfectam obtinuit sanitatem. Hic apparet, translationes materiæ peccantis ad partes extremas summè esse proficuas.

OBSERVATIO LXXVI.

D. ADAMI à LEBENWALDT.

Dysenteria cura.

Eodem anno mense Augusti, Dysenteria Epidemica in Styria Superiori per multa territoria grassabatur, infantes, convulsionibus statim ab initio infestantibus, diem obierunt, adultiores fluxionibus diuturnis die noctuque cruciati, vix levamen senserunt ab Alexipharmacis, plus

Dec. II. Annus VII. S ab

ab abstergentibus & cum adstrictione evacuantibus; præcessit tempus inæquale, jam frigore jam æstu sæviens, insectorum magna copia &c. Ego propter accursum ægrorum miasmate hoc ex contagio inquinatus, intra triduum plus ducenties ad sedem Clinicam evocatus, dejeci saniosa, purulenta sanguinea, biliosa porracea & æruginosa, semel cum tanto ardore ut carbonem ignitum intestino recto inhærere crediderim, unde non parùm de gangræna metueram, hoc mirabar, quod statim primo die duæ pustulæ nigerrimæ urentes in labiis apparuerint latentis hospitis indices. Egi tandem clysteribus abstergentibus, Epiceraisticis, anodynis, per os sumpsi Emulsionem, quibus Euporiston meum, C. C. scilicet absque igne præparatum copiosè admiscui, ejusque gelatinam jusculis, sic Deo misere in meliorem statum redactus, viribus tamen multùm prostratis. Misera est Medicorum conditio,

Sapè ægri Medicos non munere, funere donant.

[Leobio A. 1688. d. 10. Oct. Augustam Vind. misse.]

OBSERVATIO LXXVII.

D. DANIELIS CRÜGERI,

De

Fonte Polzinensi miraculoso.

TAm immensi sunt fontes Misericordiæ Divinæ, ut si quis eos exhaurire aut rationis trutina pendere aut examinare vellet, aquam cribro hauriret. Rivulus etiam ad nos ex illius bonitate promanavit, dum in Pomerania quoque nostra fons quidam miraculosus prope oppidum Polzin, octo milliaribus abhinc distans, scaturit, cujus conditionem ulterius declarare constitui.

Prorupit autem hic fons in profunda Valle vix per milliaris quadrantem ab oppido distante, inter duos Montes amplâ

scatu-

scaturigine, in cujus ebullitione copiosa alba arena regurgitat, quam ægroti, oculis, auribus, capiti & ulceribus phagedænis externè imponunt. Altitudinem aquæ, Pastor illius loci, Dominus Joachim. Titelius duodecim pedum post justam dimensionem observavit.

Regurgitavit hæc scatebra hoc 1688 anno, brevi post Festum Ascensionis Christi, Mense Majo.

Color (quod admirationem parit) manè turbidus, albicans, lactescens, sapore sulphureo; Meridie clarus; pellucidus adinstar communis aquæ, ast Vitriolico, Martiali sapore, quem saporem, dum Stargardiam transmitteretur, lingua dignoscebat.

Color tamen hic certis temporibus iterum variat, ita ut rursus manè aqua limpida, & clara, Meridie lactescens conspiciatur, & pro variatione hujus coloris alios nanciscatur effectus, aliumque saporem, mox sal Martiale alcalicum, mox sulphur & Vitriolum alium ostendunt effectum & saporem.

Quilibet quantitatem & dosin hujus aquæ secundum robur naturæ suæ metitur, alii bibunt quantum placet, quoniam Medicus nullus adest; Hinc fit, ut quidam in diarrhœam incidunt, quæ tamen etiam sanitaticorum conduxit.

Operatio est, per sudorem, per alvum, per urinam, in aliis etiam vomitum movit ab initio, secundum materiæ peccantis conditionem.

Scaturiginis autem hujus Origo primùm animadversa est ex profluentis aquæ novâ Tincturâ, quoniam illabens in ipsam rivulus novus eam turbavit, atque lactescente colore tinxit.

Novitate hæc Pannifex Martinus Schmied, motus, ad originem fontis accurrens aquam hanc potavit, oculos lavit, pedem immerfit, quo factò domum reversus, dormiens in sudorem universalem incidit, expergefactus se ab Ophthalmia & ganglio in crure liberatum sensit, divulgato tunc hoc

rumore, advolant plurimi diversis affectibus onerati, & quod mirum, brevi liberantur. Sanè ut fatear, effectus edidit hic fons, qui naturæ limites excedere videntur, ut fermè miraculosus nominari mereatur.

Curavit enim mutos, surdosque à nativitate, phthisicos, quartanarios, paralyticos, epilepticos multorum annorum, cæcos, tumore & dolore lienis & hypochondriorum decentos, hydropicos, tumoribus magnis in genibus & præcipuè in dorso instar gibbi obsessos, scorbuto contractos, dolore dentium cruciatis, appetitu prostrato laborantes, manè vomituriantes & ex bile nauseantes, cachexiâ & ex mala viscerum dispositione & obstructione diu languentes, ex ventris scorbutico dolore ejulantes, scabiosos & multos alios affectus.

Et quoniam de prædictorum morborum curatione quis dubitare posset, mitto ipsum autographum Pastoris Titellii Polzini d. 8. Sept. A. 1688. exaratum, qui Exempla curationum cum nominum designatione curiosè observavit, proq; multis è suggesto publicè gratias egit. Videantur addenda.

OBSERVATIO LXXVIII.

D. DANIELIS CRÜGERI,

De

Epilepsia.

MEntem meam de Cinnabari præterito anno aperui. Verùm cum rationibus solùm fidere noluerim ad experientiæ incudem Cinnabarim revocare contitui, idcirco cùm in uno Mense quatuor Epilepti-
 rum cura mihi obtigerit tantoperè laudatos trochiscos Riverii antepilepticos, quos in novissima editione in folio in Arcanis videre licet, in usum revocavi. Quorum descriptio hæc est:
 R. Cinnabaris Antimonii, singulari modo, ibidem descripto,
 factæ

factæ ʒj. Magister. Margarit. Corallior. āā. ʒjʒ. Ambr. Gryf. Croci āā. ʒj. Ungul. Alc. ʒj. Cranii humani præp. ʒiij. Fœcul. Pœon. ʒʒ. Ol. Succin. destill. Mucilag. C.C. Cranii q.f. ad trochiscos formandos, dosis ʒj. ad ʒʒ. Virgo quædam nobilis integram compositionem successivè absumpsit, continuis diebus sumere non potuit, nam ingens turbatio in corpore successit, ut sputationis metus adesset, idcirco per intervalla quamdiu potuit, usurpavit, nullo subsequente commodo. Ast sequenti Decocto multum levaminis sensit, ita ut per quadrantem anni paroxysmus non conspiceretur, cum aliàs bis in mense vel ad minimum semel corripereetur, & hoc ultra annum. ʒ. Radic. Pœon. Maris ʒij. Visci querni ʒj. Herb. Rutæ, Betonicæ, Verbenæ, Hyslopi, āā. Mj. incid. d. f. **Præter hæc** / manè & hora una ante coenam ʒiij. sumsit, cum ex aqua ciconiarum, ad modum aq. hirundinum cum speciebus antepilepticis destillata, levamen sensit; præcepi, ut Medicamenta continuaret, non tamen obtinui obedientiam.

2. Secretarius quidam ex verborum conflictu iracundiâ succensus in epilepsiam vehementissimam incidit, quater de die recurrentem, dato purgante & secta vena dedi remedia communia primùm, ut pulv. epilepticum Riverii, de gutteta, Marchionis, aquas epilepticas cum Sale Succin. volat. C.C. &c. Sed cum cura intra duos dies non succederet, accessit quidam Cinnabarim Antimonii laudans, annui dictis, ut adstantium petito satisfaceret, datus igitur est hic Pulvis: ʒ. Cinnabar. Antimon. ʒj. Cran. human. Corallior. rubr. præp. āā. ʒij. Margarit. præp. Ungul. Alc. āā. ʒj. F. Pulvis, dedit ʒj. ter in die, dixi forsân dosin esse justo minorem, idcirco altero die dedit cum aquis specificis ʒʒ. ter in die, sed cum pejus haberet, & res jam in angusto esset, patiensque & adstantes mortem timerent successuram, iterum curam mihi obtulerunt, idcirco sequenti modo curam aggressus sum: ʒ. Radic. Valerian. ʒij. divid. in duas part. æqual. d. f. **Pul-**

ver auf zweymal. R. Aq. Cardui bened. ℥j. Theriacæ ʒj. M. d. l. Vermischt Wasser zum Pulver; de hac aqua seu mixtura sumsit ʒiij. cum una dosi pulveris prædicti, & ecce in universalem incidit sudorem, & paroxysmi mox remiserunt, à meridie accepit alteram dosin Pulveris cum Mixturæ prædictæ ʒiij. & planè intermiserunt eadem die paroxysmi, maior continuabat, & sic sensim viribus collectis convaluit, qui morti vicinuserat. DEO sit laus.

3. Ancilla Consiliarii cujusdam ex terrore, quod servus vesperi diabolicâ larvâ indutus & vestitus, ipsam comprehenderet, incidit in epilepsiam bis aut semel in mense recurrentem. Trochiscos prædictos Cinnabarinos aliquoties dedi, post purgationem & venæsectionem, sed nihil levaminis sensit, idcirco pulv. Radic. Valerianæ per octo dies cum sudore datus in conveniente vehiculo, ipsam curavit.

4. Attamen majoris tentationis gratia adhuc semel in quarto patiente experiri volui. Ancilla quædam ostiatim stipem colligens, cum & meas fores accessisset, ex commiseratione dixi, me non pecuniam, sed medicamenta pro curatione ipsius morbi gratis porrecturum, post purgationem iteratam dedi trochiscos cinnabarinos singulis diebus, usque dum in salivationem incideret, verum convulsiones epilepticæ frequentius accedebant, idcirco ab illa cura abstinendum erat, Pulverem itaque Divinum ex Radice Valeriana singulis diebus manè assumebat drachmæ pondere cum Aqua Ciconiarum cum sudore, & ecce post 15 dies mihi flexis genibus gratias egit, afferens poma, pyra & nuces in patella, seq; non alia munera acquisivisse aut possidere. Ego verò ut fides huic curæ adhiberetur, misi hanc ancillam ad foeminam quandam nobilem & alios, ut ediceret quid contigisset.

[1688. M. Octobr. Noribergam allata.]

OBSERVATIO LXXIX.
D. JOHANNIS AVENII,

De

Termitibus per urinam excretis; Item
spina & acicula ventriculum
perforantibus.

Hic aliquid novi mitto: Termites nimirum simillimos
his, quos muscæ majores æstatis tempore carnibus ap-
ponere solent. Illorum aliquot centurias unâ vice
cum urina excrevit puella hæc bimula, Christiani Zeit-
lers / Stannarii filia. Hæc, cum antea cretam, carbones, &
ex parietibus calcem & lutum avidè devorasset, incidit in fe-
brem, diarrhœam, deniq; in atrophiam.

Vocatus ego tandem, ut suppetias ferrem misellæ, præ-
scripsi inter alia etiam contra Asitiam Elix. propriet. s. ac. Es-
sentiâ Absinth. mistum; ad cujus Mixturæ bis vel ter iteratam
exhibitionem ingens termitum ejusmodi agmen eum lotio
rejectum observat mater puellulæ. Audito hoc addebam Me-
dicinæ isti statim Spiritum Tartari tanquam Diureticum, &
post aliquoties istorum vermiculorum multa millia minxit in-
fans, remittente nunc in dies morbo.

Contrectat Patiens frequenter & digitis scalpit regionem
vesicæ; inter mejendum verò quandoque tremulâ voce sub-
ridet quasi, ac si titillaretur leviter. Unde aliqualem in me-
tu urinario vel cervice vesicæ pruritum adesse conjicio.

Rarum hunc casum dum aliis narro, duæ ex plebejis mu-
lierculæ similem mihi affirmant, qui ante aliquot annos in
suis filiabus, adhuc vivis, tunc verò ejusdem cum nostra ætatis,
contigisset, quarum altera quoq; absurdo & depravato appe-
titu multa esui inepta ingessisset.

Et

Et *D. Timæus Caſ. Medicin. 38. l. 3. pag. 175.* eundem ferè Affectum de Eccleſiaſte quodam Colbergenti memorat, inibi- que Arcani cujuſdam ex *Libavii Syntagmate Arcanorum Chi- micorum* meminit.

Puella iſta triennis, militis gregarii filia, cui Chirurgus hîc caſtrenſis Paulus Cuhl præterito menſe Majo ſpinam piſcis ſu- per ventriculo ex tranſverſo ſub cute hærentem excidit, ut Dibbertus iſtius Cuhlî gener Stargardiæ Tibi recenſuit, ſpi- namque oſtendit, ſtatim poſt exciſionem rectiùs valere cœ- pit, nunc ab Atrophia & omnibus, quæ diu eſt perpeſſa, ſym- ptomatibus libera.

Sic & Chirurgus noſter urbicus Nicolaus Matthiæ ante an- nos aliquot puero in iſta corporis regione aciculam eadem ra- tione extraxit.

Puto ego & ſpinam iſtam & aciculam hanc à pueris illis in- ter edendum unâ cum bolo aliquo cibi fuiſſe deglutitas, quæ ſucceſſu temporis ventriculos perforarunt.

[*Ex literis D. Avenii Colbergâ Stargardiam ad D. Crüge- rum miſſis, & hinc 1688. M. Oſt. Noriberg. allatis.*]

OBSERVATIO LXXX.

DN. JAC. AUGUSTINI HÜNERWOLFFII,

De

Cephalalgia, corroſivô formicarum liquore curata.

CIVIS & fulio Arnſtadienſis, perpetuâ cephalalgîa tenta- tus, ex infinitis remediorum generibus adminiſtratis nullum percepit commodum, hinc ea abdicavit om- nia, malum patienter ferens. Cùm verò mihi in- medicum uſum colligeret aliquando formicas, baculis acer- vo diruto impoſitis, manibusque deterſis inde & præcipitatis in la-

in lagenam vitream animalculis, & manus ipsi excoriarentur à saliente liquore animali, oppidò cessavit, nec unquam dolor iste capitis molestissimus est reversus.

OBSERVATIO LXXXI.

DN. JAC. AUG. HÜNERWOLFFII,

De

Verficolori & exulcerata cute à mensibus retentis.

Puella inferioris sortis, annorum novendecim, ob menstrua malè respondentia fiebat lassà, anhelosà, macilentà, per totam corporis peripheriam maculosà, non exceptis linguâ, palatò, labiis; ex maculis verò lividis, purpureis, violaceis, atris lenticularibus prodibat sanguis crassus, purulentus, ater, ex ore rubicundior, grumofus, aderat respiratio summè difficilis, lipothymia frequens, periculum interitûs. Quid fit? querula mater me adit, & quid subsidii adhuc superfit, rogat. Duxi puellæ exhibendum esse liquorem ex Sabinæ Oleo æthereo, Sale Succini volatili, & Spiritu Lepidii paratum, quò bis terve ad aliquot guttas in calida cerevisia acceptò, aliquot libras sanguinis per nares emittebat absque intervallo, unde extremè debilitata jamjam oppetere mortem videbatur. *Ipsa* varia administrata fuere frustra, & tandem stypticus vapor Aëtii exceptus naribus ex hæmatite ignito, in aceto acerrimo extincto, fecit auxilium, & victus melior, & emmenagogus liquor antedictus, evanescentibus maculis, in integrum restituere desperatam adolescentem.

OBSERVATIO LXXXII.

DN. JAC. AUG. HÜNERWOLFFII,

De

Gelatina Sabinæ.

EX internodiis stolonum annuorum juniperi post pluvias exudantem gelatinam, exterius in paralyfi affricatam, pro secreto habuit Cnöffelius in Ephem. Append. ad Ann. 6. & 7. p. 184. Gelatinam similem in fungulos abeuntem, non semel in annosæ Sabinæ ramis, humidâ tempestate observavi. Hanc in vitro soli expositam, inq; aquam redactam & propinatam, suppressos menses blandè & ex voto ciedere scio.

OBSERVATIO LXXXIII.

DN. JAC. AUG. HÜNERWOLFFII.

De

Mole corporis à mola & hydrope notabili.

Sophia Ronnebergin, uxorcula civis nostratis, annorum viginti quatuor, gravida visâ, stupendæ magnitudinis ventrem præ se ferebat ultra menses novem; sed partûs loco bursa se ostentabat hydropica, quæ tantam indies crescebat in molem, ut rupturam abdominis sæpè metueret ægrota. Sanitatis desiderium bonæ insidebat foeminæ: cum verò nil opis superesset, exsiccata tandem & arida illa supernè, exhalabat imò sub pondere vitam. In exenteratione, adactâ novaculâ, ex abdomine trium ulnarum in ambitu, aquæ flavescens mensuræ triginta sex in vas profilierunt, neglectâ eâ, quæ manavit in terram. Peritonæo papyraceo internè ad

lacus

latus sinistrum adnatæ erant hydatides quatuor gallinaceorum ovorum magnitudine, totidemque tubercula sebacea magnitudine gallarum. Intestina flatibus & excrementis aquosis scatebant. Uterus immensum extensus erat, & lateri dextro firmissimè adhærebat mola carnosâ ovata, libras novem civilis ponderis pendens, cum aliis quinque minoribus uvarum magnitudine, & hydatide vesicam æquans mediocrem suillam. Hepar conspiciebatur tumidum & pallidum. Vesicula bilis atro humore repleta. Lien crassus & cinereus. Renes mucosi. Pulmo durus, & nigris maculis pictus. Mirum verò, quòd fœmina ejusmodi tenella, lecto vel sedili non affixa perpetuo, tantam ferè ad ultimum vitæ diem usq; sarcinam circumferre valuerit.

OBSERVATIO LXXXIV.

DN. JAC. AUG. HÜNERWOLFFII,

De

Euporisto in Hydrope.

DEUS in abscondito semper posuit maximum, in aperto autem minimum, inquit Crollius in præfat. de signaturis. Fluitat & occultatur in aqua, quod loco mover aquam in humano corpore, & in apertum profert, fœniculum scilicet aquaticum, vulgò Wasser-Saum. Si enim lymphâ extravasata inundavit viscera, & venter intumuit, planta hæc impositione sola molem lymphaticam educit. Ascitica Arnstadii, suâsu cujusdam ab eodem malo sic liberati, fœniculô aquaticô aridô pedes sibi supra malleolum circumdari jussit, quod vesicatorii vicem, & unâ nocte plurimas vesicas effecit, quibus dissectis, abdomen & crura feliciter se exonerarunt, aquâ fluente sensim ad multas libras, ægraquæ se refocillante. Paganus Espenfeldensis, hydropticus *εὐπορίστου* eandem herbam pedibus admovit, & ex

voto aquam eduxit. Quod verò miserum, excoriati pedes ob effluxum continuum laticis ingenti dolore cruciari solent ægrotos, quos jubeo solari, & à periculo defendere sequenti cerato: \mathcal{R} . Gum. Elemi, Terebinth. ãã . ʒʒ . Colophon. ʒj . Ol. Amygd. d. Rosar. Lumbr. terrestr. ovor. ãã . ʒvj . Ceræ ʒj . Li-
quatis his leni calore adde Pulv. Rad. Ireos Flor. Lumbricor. terrestr. Thuris, Myrrhæ, Tutia, Bol. Arm. ãã . ʒij . Vitell. ovor. num. ij . M. exactè. F. & S. *Heil-Plaster*. Paracentesis ad umbilicum Chinensis moxæ subsidiô instituta cum euphoria videatur apud Gehemam *Observ. Med.* 4. Decad. 1.

OBSERVATIO LXXXV.

DN. JAC. AUG. HÜNERWOLFFII,

De

Pudendo suillo contra urinæ incontinentiam.

Pœta sentit: *Obesô nil melius turdô, nil vulvâ pulchrius amplâ.* Caro nempe suilla vulvæ contermina esurientibus, ipsum verò os vulvæ lectum mejentibus conducit. Vir quinquagenarius mandit vulvam cum parte ventriculi & intestinorum bovis coctam, concisam, & cum aceto præparatam inscius, & urinam continuit. Adolescens octodecim annorum ejusmodi vulvam devoravit in botulo, & opem sensit. Puella sexennis ex galreda consumsit hoc pudendum, & à pudendo malo liberata fuit. Eundem glabri murium pulli obtinent effectum in *Ephem. Decur.* II. Ann. 2. *Observ.* 173.

OBSERVATIO LXXXVI.

DN. JAC. AUG. HÜNERWOLFFII,

De

Diabete lethali ab usu cantharidum
externo.

SExennis puella civis cujusdam Ilmenfis, post curatam urinæ incontinentiam, fluxiones oculorum doloremq; passa, à vesicatorio ex cantharidibus ad nucham applicatis, lethalem incidit in Diabetem.

OBSERVATIO LXXXVII.

DN. JAC. AUG. HÜNERWOLFFII,

De

Curatione Dysenteriae desperatae.

Civis & sartor Arnstadiensis, temperamenti calidi & siccissimi, annorum triginta sex, dysenteriam decumbens, incidit in manus immaturi practici, cujus consilio sine mora validum adstringens assumpsit, ex quo stetit ad horam fluxus, postea verò idem violentissimè rediit cum summo ventris cruciatu, singultu, vomitu, tenesmo intolerabili, phimosi, urinæ stillicidio, lipothymiis frequentioribus, vigiliis, insaniâ, excreta per alvum cruenta, carnosâ, æruginosâ dejiciebantur, & quas præterfluebant partes, pessimè exedebant. In opio hîc maxima vis erat auxiliaris. Pulvis ex C. C. Phil. Bolo Arm. Terrâ sigill. Antim. Diaph. cum aliquot guttis Tinct. Opii ægro præbebatur, enemata abstergentia, consolidantia opiata curabam injici, adstringentibus & confortantibus pulveribus Laudanum Opiatum admiscebatur, & interdum granum j. ejusdem solum porrigebatur;

& sanescebat hic noster, postquam ultra quatuor hebdomades noctes diesq; mille sustinuit labores, & Hippocrati 4. aphor. 24. dysenteriam, si ab atra bile incipiat, lethalem esse pronuncianti, vellicavit aurem.

OBSERVATIO LXXXVIII.

DN. JAC. AUG. HÜNERWOLFFII,

De

Calculo clavato.

DN. Joh. Wigleben, verbi divini Præco in pago Sultzbrück, sat diu calculo renum gravatus, tandem ostiduanam experitur ischuriam, unde cordis anxietas, vomitus inanes, hæmorrhagia narium, inflammatio faucium, totiusque corporis pruritus oriebantur. Vocatus ad hunc, omnem locavi operam clysteribus, diureticis blandis, & fortioribus lithontripticis, infesibus, fomentis, inunctionibus, emplastris emollientibus, carminativis, non neglectis symptomatibus urgentibus, quorum usu tandem urina turbulenta ad libras duas unâ vice fuit excreta, & successivè major copia cum insigni allevatione. Cum autem boni dies præterissent octo, secuta est nova & totalis urinæ suppressio, per dies totidem durans, cum vomitibus crebris primò inanibus, deinde crassæ, tenacis & cruentæ materiæ, cordis palpitatione, & suffocatione lethali. Apertò cadavere, omentum & intestina sanguine erant suffusa. Ventriculus venis & arteriis turgidus. Hepar ingens ex atro rubebat. Lien maculis nigris signatus conspiciebatur. Ren sinister solito major & pallidior erat, inque ejus parenchymate & cavitate lacerabant calculi rotundi, angulares, duri & frangibiles, albi & rufi, cum multo sabulo & mucos. Ren dexter semiputris magnitudine multum superabat sinistrum, & crepitabat pressus, inque dissecto hoc filices duros teretes, triangulares, orbicu-

biculares pisces majores offendebam, quos continebant pelvis, & ipsum parenchyma renis. Unus verò notabilis, crassitie pollicis, orificio ureteris veluti clavus major capitatus [Vide Figuram XXXI.] unciam unam semis cum drachma una & scrupulo semis pendens, ita fuit infixus, & ab eodem superfusio fabulo copioso obturatus meatus, ut nihil feri urinarii transire potuerit. Ureteres fuerunt solito crassiores & vacui. Vesica urinaria vacua. Testiculi in scroto exiles & flaccidi. Primo quidem, solutio in nonnullis carunculis muco, per sinistrum renem exivit urina sine dubio: viis tamen illis iterum oclusis, restagnavit hæc denuò, & aruit fluvius, oppressis vitalibus, morte patientis infelicitatem eximente.

Fig. XXXI.

OBSERVATIO LXXXIX.

DN. JAC. AUG. HÜNERWOLFFII,

De

Cerebro Apri antipodagrigo.

SYRI Medici in Tragopodagra Luciani unguentum secretum, quò solantur dolentium cruciatus, crepantes, nulli mortalium juramento adstricti revelandum, exclamant inunctum est; sed non laxat flammam doloris. Majorem in se consolationem habent, quæ citra invidiam cordatiores medendi palam faciunt artifices. Verum & simplex pharmacum, lac caprinum calidè applicitum Vallesius. Panis medullam decoctam, & cum pulpa cassiæ impositam Riverius. Cœleste sigillum, sive Bryoniam ad extra Villanovanus. Totam bonam Simon Pauli. Liquorem in vetustis quercuum caudicibus reperibilem Hagedornius. Linctum canum Cnöffelius. Pinguedinem erinaceam Aabdorachmannus Ægyptius. Laudo cerebrum apri calidè impositum, quod satis prosperè multi, me suadente, sunt experti.

OBSER.

OBSERVATIO XC.

DN. JAC. AUG. HÜNERWOLFFII,

*De*Noxa puerperarum à secundinis temerè
abjectis.

Secundinas quisquiliis, locisque impuris & suspectis mandare, quantum sæpè noceat puerperis, non ignotum est. Emaciata primipara in nostra vicinia exemplum, cujus lochia cum secundinis paludi putidæ injecerat ancilla levis, obstetrices officii admonet. Fœminæ fullonis Arnstadiensis post partum validæ, secundinas cum lochiis projiciunt in fossam extra mœnia, ubi solent hospitari serpentes & bufones; ex quo puerpera cordis anxietatem percipit, noctes infomnes ducit, tacitaque exæstuat irâ, naturaliter ad hanc non prona. De consilio rogatus, quia propensio aderat ad vomitum, porrexi emeticum antimoniatum, quod eduxit abundè biliosam amurcam, cum supernatante quadam pinguedine, & sana evasit fœmina.

OBSERVATIO XCI.

DN. JAC. AUG. HÜNERWOLFFII,

De

Maleficiis suffitu curatis.

Permittente Deo, Dæmon κακόχαλος per sua mancipia facit cæcos, surdos, mutos, claudos. Sicut verò ad opera sua nefanda rebus hic utitur naturalibus; ita iisdem, Deo in auxilium invocato, sæpe destruuntur illa mirabiliter. Aliàs fascino resistere dicitur suffitus ex felle serpentis, aut canis nigri. Ex fascino pedis tumorem, dolorem, ambulandi impotentiam Matriona haud ignobilis Arnstadii sanavit

sanavit in continenti suffumigio ex abscissa pallii particula rei. Filia civis & figuli nostratis incantata, repentinum periodicum dolorem dorsi, & anxietatem cordis, nulli pharmaco diu cedentem, abegit à se statim suffitu frusti tunicae scissae incantatricis inculatae. Miles suffivit particulis chirothecarum, à compagne praestigatore surreptis, manum dextram incurvatam, & extemplet fascinum evanuit. Quae causâ tanti effectus? nescio, utrum inflatus Dæmon pertasus anathematum, atque rerum quæ habentur in levi, ipse respuat ludibrium & futile murmur; an fumus alcalicus tenuis contemptæ & abjectæ materiae infarctum Dæmonis acidum corrigat & dispellat?

[1688. 18. Octobr. Arnstadio Noribergam missæ.]

OBSERVATIO XCII.

D. JOHANNIS de MURALTO,

De

Asthmate suffocativo mirando.

Venator nobilium Tigurinorum ante tres circiter menses à cane rabido demorsus, usus est aliquot remediis sudorificis, & melius habuit; cùm è contra faber quidam ferrarius nulla remedia sumens derepentè rabie ractus, liquida fastidiens, torvo vultu & quasi latrans succubuerit. Venator prædictus, tertio post morsum mense in itinere probè excalefactus potum vini ingurgitavit frigidum, statimque rigore correptus. Lassitudinem spontaneam concepit, domumque magnâ molestiâ veniens suspiria movere & anhelare coepit, nihil penitus deglutire poterat, & statim atque appropinquaret potus, esus, vel medicamentum, altâ voce clamare, atque cum maximis anxietatibus spiritum trahere coepit, sudore frigido per totum corpus diffuso; aërem verò in ullo membro vel articulo præ suffocationis metu tollerare

Dec. II. Annus VII.

U

lerare

lerare nequivit: Convulsiones quoque tantæ erant, ut brachium non potuerimus de loco movere ad instituendam venæsectionem vel porrigendam theriacam, tandem ferè rabiosus factus derepentè moriebatur.

SCHOLIUM.

Rabiei fermentum in Venatore diaphoreticis oppugnatum tardius vires exeruit, secùs neglectis remediis, hinc citius ad ~~deperit~~ pervenit in fabro ferrario, ipsumque interemit. Vini Cyathus frigidus, quem excalesfactus hausit, frigore excalesfactioni subindè inducto, sub ratione motuum contrariorum sibi invicem & derepentè adversantium, humores exagavit, miasmaque rabiosum latitans exaltatum est; anhelitus; deglutitionis impotentia, horror ad potum, esum, anxietates, convulsiones generis nervosi affectum indicabant; rabies siquidem inflammatio membranarum cerebri à priscis Medicis definita, ipsorumque spirituum insignis & furiosa ex-candescencia etiamnum apud modernos audit, quæ præ cæteris quibuscunque aliis morbis gravia horrendaque symptomata inducit. Præ suffocationis metu refugiebat aërem, ex eo quod membrana spiritibus aculeatis exquisitius sentirent, & ab effluviis vaporosis aëre externo propulsis intusque recurfantibus præcordiis, suffocationis periculum immineret.

OBSERVATIO XCIII.

D. JOHANNIS de MURALTO,

De

Partu difficili.

Mulieripaganæ in partûs difficultate, urgentibus magnis doloribus, clausis uteri latebris, oborto delirio sequentia præscripsi: R. Cortic. Raphan. Mercurial.

curial. āā. 3j. Croc. gr. vj. Cass. Lign. subtiliter pulveris.
3j. Succ. Sabin. 3ij. misce; & simul omnia bene contusa co-
tumque contusum ligatum in petiā subtili collo matricis jun-
ctum fuit, item mixturam ex Succ. Sabin. 3ij. Boracis Mine-
ral. subtil. pulveris. 3j. cum vin. alb. odorifer. 3j. propinavi.
20. Augusti noctu peperit embryonem vivum sed immaturum
sine ungvibus, sine capillis, & qui non ultrā horæ quadran-
tem vixerat; enixæ infirmitatis ex labore præcedaneo viri-
bus, propinaui aquam Borrigin. cum Syrup. Violat. sumpsitq;
identidem conditum major. cum Conserv. Rosar. beneq; (Deo
gratias) restituta est.

SCHOLIUM.

Quamvis methodo scrupulosè nimis adstricti à remediis
partum excludentibus abstineant, & φλογισα dicant da-
ri in partu. παραλόγον, quod inflamment sanguinem, accen-
dant febrem, ducantque ad uteri vasa sanguine turgida coar-
ctantia & claudentia foetus exitum, quodq; partus crisis sit, quæ
naturæ imperio committi debeat, & quod si quid agendum,
venæsectio cubiti vasa uteri deplendo sit opportuna. Nos au-
tem Hippocratem sequuti ab isto paradoxo urgente casu defle-
dere non veremur, partus quippe est propriè ipsius uteri ni-
sus fortis validaque compressio, quā totis viribus materno-
rum viscerum pondus excludere satagit, utque onus illud spi-
ritum ducat, penè mater expirat; quidni igitur refocillan-
dæ vires & ad laboranti animæ suppetias afferre licuerit; & in-
ter alia etiam succo sabinæ, uti quæ vim suam in partu promo-
vendo quotidie salutariter prodit? Valeat igitur Phlebotomia;
signis Phletoræ partum remorantis urgentibus, locumq; suum
habeant foetum excludentia partumque promoventia in aliis
casibus.

OBSERVATIO XCIV.
D. JOHANNIS de MURALTO.
Paralyfis à stanno.

Æ Grotus hic inclinabat ad Phthifin, vino medicato antiphthifico fuit repurgatus, adhuc dolores in genibus & plantis pedum torquebant, demumque paralyfis succrevit, sudatorium siccum è racemis expressis ingredi jussi, Oleo Limacum usus est, emplastrumque ad paralyfin dorso applicatum, celebrata venæsectione, Vinoque medicato subsequente repurgatus est. *℞.* Senn. 3vj. Rhej. elect. 3iij. Musc. pulmon. saxatil. Veron. Agrim. Centaur. minor. Calaminth. Marrub. āā. M. j. Rad. Helen. 3℔. Misce & ex arte paretur Vinum medicatum. Demumque ad complementum ingressus balneum alteratum ex Primul. Veris. Rad. Ireos, Heder. terrest. Gnaphal. Roremar. Veronic. Salv. Centaur. minor. Abrocan. Artemis. āā. M. j. & perfectè restitutus est.

SCHOLIUM.

Paralyfis vel partes omnes, quæ sub capite sunt, resolvit, aut alterum corporis latus, aut quædam membra particularia, motumque & sensum unà perimit, vel motum incolumi sensu, aut sensum incolumi motu. Vapor teter & malignus extus susceptus intusve genitus, spiritus in fonte aggressus perimit & ipsos, percussioneque invehit, uti & effluxus spirituum è cerebro in meditullium in totum cohibitus, aut effluxus è meditullio in medullam oblongatam, cerebellum aliasque emanationum vias omnimodè suppressus; ex parte verò tantum præpeditus effluxus paralyfin inducit; pituita, quæ obturatis meatibus funis medullaris obsidet initium, uti & aura peregrina, quæ spiritus è meditullio in caudicem medulla-

dullarem scaturientes profligat, paralyfin invehit universalem, hemiplegiam verò, quæ alterâ duntaxat lateris parte inhærescit. Injectum cuiuspiam nervo vinculum sistit spiritus partemque resolvit; sic & nervi callus, tuberculum, tumor omnis præter naturam nervum aut medullam constringens, contusio ex casu vel ictu, vertebrarum luxatio obturato spirituum tramite paralyfin inducunt; cujusvis demùm partis resolutio ab obstructione aut nervi vitio, à cujus ditione sobolescit, exoritur.

OBSERVATIO XCV.

D. JOHANNIS de MURALTO,
Animi deliquium ab unguento ranunculari.

Die 24. Februarii 1673. puella 12. annorum derepente incidit in animi deliquium, & quasi mortua jacuit; pruritus ingentem sub capillis toto capite persenserat ab aliquot septimanis, cum mater inunxisset capillos cum unguento ex ranunculo factò, ut flavedinem contraherent. Affectus hic fuit animi deliquium; causa autem ranunculus vi suâ causticâ & deleteriâ cerebrum & nervosum genuspetens. Curatio talis instituta: Capillos & caput Oleo Violat. vel Rosat. pecti jussi & pilos ad siccitatem complicari prohibui, internè propinavi aquas cordiales ex floribus Tiliæ & Lilior. Convall. die Martii 18. subinde quasi oculos intorquebat, caputque per intervalla dolebat, unctionem iterùm præscripsi uti antea, per intervalla exhibui aquam antepilepticam.

SCHOLIUM.

Rosarum fragrans odor non solum quibusdam lipothymiam sed & convulsiones proritat; qui sub juglande dormiunt, dolorem capitis contrahunt; plantæ igitur venenatæ

natae jure potiori nocumenta inducere valent, effluviis enim venenosis spiritus adoriuntur & perimunt, uti sunt Napellus, Aconitum; si prior insidiatur, ad muscas ei circumvolantes & floribus ejus se pascences, quibus concolores sunt, confugitur, vel ad herbam, Anthoram dictam, præmisso tamen vomitu; Aconiti vis maligna, vomitu etiam præmisso, Rutâ, Origano, Marrubio, Abrotano, Centaurio minore oppugnatur. Si Cicutâ periculum facit, ad vinum superhaustum liberaliter, non parvâ copiâ mixtum succo Cicutæ, citiore omnium vehiculo perimit. De ranunculo palustri dixit *Virgilius*: *Sardois amarior herbis*, deditque ansam proverbio: *Risus Sardonicus*, quod qui ranunculum comederunt, motibus convulsivis in labiis risum æmulantibus tententur.

OBSERVATIO XCVI.

D. JOHANNIS de MURALTO.

Lochia nimia.

Die 23 Martii 1623, fœmina 42. annorum abortum passâ est cum animi deliquio, lochia copiosè fluxerunt, erat imprægnata à duabus hebdomadis, subindè Cochlearia ex Aq. Plantag. Equiset. cum Saccharo tabulato hausit, Epithemata ex oxicato lumbis imposita, lapis hæmatites de collo fuit suspensus, quievit, vinumque rubellum bibit, diebus insequentibus incidit in lipothymiam cum vertigine & surditate, sanguis ex utero copiosè fluere coepit cum dolore lumborum & torminibus ventris, frustula carnis insimul excernebantur, ægraque admodum à fluxu debilitabatur, ut ferè mortuæ adinstar jaceret, manus ligaturam præscripsi & exhibui mixturam sequentem: R. Aq. Equiset. Plantag. aa. ʒiv. Sacchar. Rosat. tabellat. ʒiv. misce. Epithemata ex aceto rosato lumbis iterum applicui, hisce optimè convaleuit.

SCHOLIUM.

Lochia post partum abundè quidem fluere debent, sed si parcius aut copiosius fluxerint, affectus morborum subindè oriuntur, ita quidem, ut stimulis quandoque fluxum proritare, quandoque & cum impetu profluentem moderari Medico incumbat. Sanguis naturæ lege non tantum excernitur quantus sed & qualis, itaque retentus æquâ sanctione in seminum morbi accrescit, uti & in molem pleonexiæ parentem. Ex hac progenie tot feuticantur incommoda toto gestationis tempore, inter quæ ab aliquot diebus epilepsiam ex hoc fomite enatam videre licuit, in muliere juveni boni habitus jamq; olim puerperâ factâ, quæ per ultimam graviditatem verè epileptica evasit.

OBSERVATIO XCVII.

D. JOHANNIS de MURALTO.

Symptomata spastica uterina.

Die 10. April. foemina à Burem 30. annorum septem infantum mater, inde ab anno ultimum pepererat, passionibus hystericis in tantum divexata fuit, ut Sacerdotes ejusdem coenobii propter murmura & rugitus motusque spasticos ingravescentes à malo spiritu obsessam existimâtes, eamque sine omni auxilio desperati, mulea enim incassum tentata, in Eremum Helvetiorum ad propitiatricem Beatam Virginem cum litteris commendatitiis miserint, transundo commendata erat Excellentissimo Domino Wepffero, qui foeminam ad me misit, & ut mea medicamenta in hoc morbo probarem, rogavit; videns itaque urinam esse instar aquæ fontanæ claram, flatu ab utero copiosos per paroxysmos ingravescentes, oppressiones circa cor pati, cæterum extra paroxysmum ægram, benè edere, bibere, & dormire, spem melio-

melioris successus concepi, foeminamque ad aquilæ hospitium ablegavi, bonam diætam imperavi, Trageam meam Nephriticam & Spiritum Salis Armoniaci porrexì, venæsectionem institui; sanguis autem fuit crassus & fœculentus, repurgata prius, balneum ex Meliss. Rad. Filic. Serpill. Menth. Matricar. Tanacet. Chamomill. ingressa est, & aquâ Tartar. Martial. usâ est, pro potu ordinario cum vino, hisce quindecim dierum spatio peractis, iterùm symptomatibus prædictis correpta est, ut existimârit vivum animal, magno cum conatu velle ventrem perrumpere, iterùm jussì remedia præscripta adhibere balneum nempe, Aquam Martialem & Spiritum Salis Armoniaci; hisce tandem methodicè administratis, intra spatium duorum aut trium mensium perfectè restituta, symptomatibusque horrendis, quibus distorquebatur, libera evasit.

SCHOLIUM.

Oύσειον πάλιν à spirituum efferatione intra nervorum tubulos cujusdam materiæ peregrinæ orgasmo percitorum, tot rationum momentis deduxerunt Neoterici, ut sententia illorum facilè ab omnibus assensum vindicer, materiæ autem morbificæ causæ frequentiores sunt menstruorum feminisque corruptela, si enim menstrui *ποῦπαρχοντα* non excludantur, sed corrumpantur, penus exin materiæ in morbi fomitem congestus cerebrum impetit, spiritibusque accrescens *ἀταξίας* concitat motusque sæpius horrendos invehit, nec minùs frequenter ova in ovario corrupta viru contracto spiritus in motus pernices & irregulares adigere solent. Ulti vino juvenes quasi cæstro perciti turiunt, dormiunt senes, rident alii, plorantq; alii, sic pro peculiari cujusq; indole humorumque crassi variorum symptomatum adfertur consecutio ab eadem causâ, ut non mirum, si aliæ furiant, debacchentur aliæ, motibus spasticis divellantur aliæ, aliæ rideant, plorentq; aliæ.

OBSERVATIO XCVIII.

D. JOHANNIS de MURALTO.

Febris lactea.

UXor fabri lignarii 16. Mart. 1681. sex hebdomadas puerpera, in rigorem incidit, posteaque febricitavit, lac defecit, eratque debilis. Propinavi mixturam sequentem per Cochlearia, dedi; Trageam oculorum Cancr. R. Aq. Matricar. Veronic. c. Vini aa. ʒiʒ. Cinnam. ʒj. Antim. Diaphor. ʒj. Sacchar. q. f. Misc. hisce remediis continuatis intra paucos dies restituta est.

SCHOLIUM.

TEndunt, dixit Hippocrates, & in mammas & in uteros venulae album humorem vehentes, cumque pervenerit in uteros aut mammas, lactis formam habent; quæ igitur vasa per ingravidationem humorem ipsum lacteum enutriendo foetui deducebant, excluso foetu idem humor refluus per vasa ad mammas deducitur, pusioni nutrimentum suppeditaturus; uti decubitus materiae è vasis exsiliens in partem aliquam, vasis compressis, & præpedito sanguinis motu febrem inducit, sic & mammarum turgescentiâ coarctato sanguinis fluxu effervescencia excitatur.

OBSERVATIO XCIX.

D. JOHANNIS de MURALTO.

Guttæ serenæ initium.

FRater Ferdinandus 18. annorum 16. Maji 1683. à variolis visus debilitatem nactus est, quæ etiamnum incrementa sumpsit, ut ferè cæcus evaserit, & cum difficultate legerit, nihil observabatur oculis, aliàs sanus, X usus

Dec. II. Annus VII.

usus est Salibus Volatilibus & Trageâ Ophthalmicâ cum succesu.

SCHOLIUM.

HAncce visus debilitatem ab humorum crassitie ortum censendum; Variolis siquidem commoti humores, sursumque flati, cerebri arcem impetentes tenebris obscurarunt, unde fracta oculorum acies contractaque visus hebetudo; Diaphoreticis verò repurgati humores quasi discussis nubibus serenum obtinuerunt, priusque oculorum acumen restitutum.

OBSERVATIO C.

D. JOHANNIS de MURALTO.

Phantasia corrupta post febrem Hungaricam.

Die 7. Martii A 1678. Juvenis 24. annorum cephalæa laboraverat cum febre, & per remedia figentia & incrassantia sinistrè à quibusdam medicastis morbi curâ susceptâ, putabat se non amplius habere caput, crediditque se spuerè stramen & chartam, hominesque credidit non esse homines, eos omnes metuens, ad ignem appropinquare non audebat, credidit enim, si appropinquaret, citissimè se conflagraturum; ante omnia Dosis Tartari Emetici solub. sumpsit, ab assumpto Emetico ter deiecit, dedique Pilulas Aloëticas, urinæ crassum sedimentum suppediabant, ultimò vinum nostrum medicatum aperitivum, sanguinem depurans, bis in die sumpsit, imaginatioq; disturbata & aberrans sensim rectificata est.

SCHOLIUM.

MAteria morbifica, febre extinctâ, cerebri poris abundè suffusa spirituum emanationes, itus reditusque à solita
via

via deflecebat ; itaque ceu umbellulis interspersis acies spirituum perfracta, operationes insigniter perturbatae, errorque in mente fuit concitatus ; libera spirituum systasis & ad invicem consensus & unio cum ordinata & facili ab intus ad extus transitu, notiones etiam ordinatas rectasque pariunt, sin minus & materia extranea poros offerciat, tracti in devia spiritus hallucinantur ; & uti oculi per medium obscurum diversicolor aut alias incongruum perperam vident, fallique consueverunt, sic materiae peregrinae infarctu, ceu rei noxiae praesentia offenduntur & spiritus, timent, & in varia abiguntur pathemata ; difficulter autem curantur ejusmodi in mente errores, quod materia morbifica altius impacta & in secretioribus locis latitans vim remediorum eludat ; adhuc spiritus a solitis viis praepediti, novos sibi cudunt tramites, quos dein aliquandiu trajecti, per consuetudinem suos errores repetunt ; in iisq; obfirmari solent.

OBSERVATIO CI.

D. JOHANNIS de MURALTO.

Surditas & Tinnitus aurium.

Die 6. April. A. 1678. Juvenis 21. annorum conquerebatur de tinnitu & aliquali aurium surditate, multum sternutabat, alvusque libera erat, sitis urgebat ; celebrata ante omnia venesectione, vino cephalico medicante usus est, foris autem caput sub cineribus coctum cum butyro contusum & applicatum, atque praedicta symptomata evanuerunt.

SCHOLIUM.

Verum auditus organum est nervi acustici processus mollior in duos ramos bifidus, qui cochleae implantati loca, in quibus desinunt sua expansione quasi membranula obvelant.

lant. Ut illic vera sedes sensationis auditus, sic istarum partium defectus auditum minuit aut destruit, sic obstructio integra aut resolutio surditatem inducunt, bipartita gravem auditum: sæpius quoque à tympano, membranulâ nempe à perioestio orta, circulo osseo adaptatâ, sordido, excrementisque exterius aut interiùs scatente gravis exoritur auditus; si crassior quoque fuerit hæc membranula à natura, surditatem incurabilem inducit; si intus tenuis affluat humor, aurium tinnitus & murmura progignuntur.

OBSERVATIO CII.

D. JOHANNIS de MURALTO.

Deglutitus nummus.

INfans biennalis 20. Julii 1678. pecuniam deglutivit, appetitusque exinde prostratus fuit, membraque debilitata, macies oborta, vomituriebat, diarrhœamque patiebatur, sitiebat. Embrocatio facta in ventre & dorso Oleo rosato, internè sumpsit Butyri recent. cochlearia aliquot jejuno stomacho; hisce alvo secreta pecunia.

SCHOLIUM.

MIrum, corpora cuspidè acuminata, uti attestantur historia med. aliquando impunè & absque nece deglutita fuisse; mucus, quo ductus interni oblinuntur, obtundit vim & acumen, sagaxque natura illa situ commodo deducit, devolutaq; rejicit per excrementa; hoc autem magis mirandum, etiam per vulnera & aperturas sensim factas, è stomacho aliisque partibus corpora ex improvîso deglutita detrusa fuisse, vulneraq; exin optimè consolidata.

OBSERVATIO CIII.

D. JOHANNIS de MURALTO.

Melancholia uterina.

Virgo è pago Sunsbas cogitationibus diabolicis vexata, annos 19. agens, menstruum fluxum nullum adhuc passa, prædictis cogitationibus graviter angebatur; de capite vertiginoso, pulsu celeri & fortiori, lassitudine membrorum, appetitu prostrato conquesta, intumuerat non diu abhinc vultus pustulis, nunc tantum rubicundis in angulo oculi sinistri nasum versus residuis. Usa est pro potu ordinario lactis caprilli sero, fonticulus in brachio excitatus, præscriptum Elixir propriet. Paracelsi demumque pilulæ purgantes emmenagogæ, quibus levamen sensit, tandemque curata.

SCHOLIUM.

TAm stupenda est generis nervosi tragoedia, spirituumque malè affectorum dyscrasia, ut non mirum, si vulgus eam quandoque Diaboli præstigiis peractam habeat persuasum; & quidem probabile est, quoties Diabolo miseros homines vexare permittitur, non posse ex alia pharetra peiores sagittas depromere, nec aliâ ratione sæviùs furere, quam si ipsos affectibus generis nervosi, spirituumque pathematis inordinatis corripiat; Ita quidem, ut quidam etiam Theologi crediderint, Dæmoniacos in Evangelio recensitos non nisi fuisse epilepticos, cujus ideò affectus curatio à Christo Salvatore Spiritus mali ejectio seu exorcismus vocatus sit: Ad horum affectuum itaque causas discriminandas sedulò attendendum. Malefici Spiritus afflatum arguunt, quæ vires naturæ superant, ut si motus contingant, qui musculorum structuræ, moli, usui, & motibus omninò adversantur, ut si caput in posteriora invertatur, adhuc si patiens antea ignarus varia linguarum idio-

X ; mata

mata loquatur, scientias nôrit, discursus super gravia doctè proferat.

OBSERVATIO CIV.

D. JOHANNIS de MURALTO.

Cura sterilitatis in foemina Bernensi.

Die 4. Januar. 1683. sterilis per aliquot annos in matrimonio vivens foemina, inordinatèque menstruata, à Sale Volatili oleoso & Tragèa Martiali meliùs habuit, secreta est per urinas copiosâ visciditas mensesque ordinationes extiterunt; statim atque usu desit, in statum quoque pejorem lapsâ est, alvus fuit adstrictior, flatus oborti multî, lancinationes in ventre, uterique distentiones passa est: doluerunt mammæ, crassescibat collum, aderatque quædam respirandi difficultas, ideò Electuarium ad strumas præscripti; & postquam per aliquot menses epiceraisticè repurgata remediis aperitivis perrexisset, gravida facta est, & successivè pluri-
um infantum mater extitit.

SCHOLIUM.

Inter sterilitatis causas sunt, quæ patent sensibus, sunt & absconditæ, si symphisis naturalis aut adventitia *φυσικὴ* *παρεχούσα* Parens *ἀπὸ τοῦ* *ἀπὸ τοῦ* velatas aut capistratas facit, si pinguedine obesus genialis thorax, si ad coxam allapsus, si membrana quasi pectusculus obstat, si nequeat nisi mensibus irrigata pertundi, si os pubis valdè depressum, si uterus prolapsus virginitatem æmuletur, hæc inter causas sterilitatis sensibus obvias recensere fas sit, tuncque virum infontem, fontem foeminam, nec libellum repudiî viro, sed uxori mittendum esse, censendum. Si tamen accedat juvenis *ἑυδαρής* pensilibus benè peculiatus, virgineasque sponsæ trituret expandatque cristas, amicèque amplexus & amplexans nullâ superatus remorâ pertuso pudendorum

dorum clauſtro aruum genitale mentula ſemen prolificum
ſtillante liberaliter & per aliquod tempus aut annos in caſſum
irrigaverit, jure merito ſuſpiciendum aliquod impedimentum
internum, uti præcluſio tubarum, denegatâ enim viâ ſpiri-
tibus prolificis, conſequenter & denegatur ſperatâ proles, ope-
risque fruſtratio conſequitur, omentum præ ſaginâ gravidum
uterum ſuo pondere comprimit, ovulumque ad matricem
proleſtum opprimit motuique interdicit, quidnî & ſaginâ
expansâ & protuberante & ipſum tubarum ornamentum fo-
liaceum ſuâ mole atterit, & quo minus erigatur ovarioque ſe
applicat, præpedit, adhæc magis ovum virili ſemine fœcun-
datum retinaculis ex ovario in uterum amicè proliciatur, ſi
ſiccior fuerit uterus, uti ſemen in aruum & terram aridam pro-
jectum, germinatio non ſuccedet, nec proliferare poterit.
Succo vero perfuſus uterus amicum hoſpitem excipiat foveat-
que, ſi ſiccior parciorque ſanguis puſillo fœtui non eroget ſti-
pendia, alimonix defectu pariter & corruet parvula ipſius
moles, ſed & quod dolendum, ſi quæ deficiunt cauſæ, ipſa
nimia felicitas ſibi adinvenit, liberaliori quippe irrigamento
obrutus cadit & ipſe; ſed quod magis ſtupendum ex conſen-
ſu animorum libidinis mutuique amoris œſtro perciti, capti-
que vir & mulier in mutuos ruant amplexus, geſtiantque pa-
riter voluptatis illecebris inhiantes prolem ſibi comparare,
optatus inter ipſos deficiet ſucceſſus, quem uterque novis con-
jugiis initiatus pari eventu obtinebit. Hic rationibus con-
venientiæ & diſconvenientiæ attendendum, nihil enim niſi
in ſimile agit, ovum non fœcundatur niſi perfuſione ipſius
ſpiritus ſeminalis, ad intima debet penetrare, ut ipſum inſpi-
ret & vivificet; ſi oſtiola ſint clauſa neque pateſcat aditus, ir-
rita ſunt omnia, gummi aquea & mercurialia, quæ aquis per-
via ſunt, oleis non diſſolvuntur, contra quæ oleoſa aquis im-
pervia oleis reſerata in ſolutum faceſſunt, quæ partim aquo-
ſa, partim ſulphurea, non in aquâ aut oleo, ſed in aceto, quod
ſpiritum partim etiam ſulphureum, partim mercurialem in ſe
con-

contineat; Spiritus volatilis Salis marini ritè paratus, sapore acidulus, nullatenus acris dissolvit aurum, quod non potest aqua fortis: ille placidè & pacatè & poros subintrat, integris viribus per minima subit, absorbet vincula atque disjungit, hæc ad primos fervoris impetus in congressu frangitur, fitque cæteris partibus adeundis & dissolvendis viribus impar. Eadem aqua solvit metalla & lapides durissimos, non ceram, sulphur & pinguia.

OBSERVATIO CV.

D. JOHANNIS de MURALTO.

Hectica cum hemicrania curata.

FEmina quædam 30. annorum ante 5. annos abortivit, ut per 14. dies domi hære coacta sit, tertiâ hebdomade falsâ pleuritide correpta, brevi convaluit, à juventute hemicraniæ obnoxia degerat, quæque indies incrementa sumebat: à sesquianno iterùm abortivit tres menses gravis inde cordis tremorem, & pulsationem passa per vices, carne viribusque deficiebat, ut vix obambulare posset, tussis siccior adaugebatur per sex menses; Catamenia fuerunt copiosa, foetentia cum capitis dolore & cordis tremore fluere incipientia & desinentia, parùm comedebat, modicè bibebat, dormiebat cum insomniis, facilè irascebatur, venæsectione pluries usâ fuerat, per nares extillabat mucus turpis: hemicrania oriebatur cum horrore & animi deliquio, debilem habuit stomachum, urina sedimentum copiosum instar farinæ tegularum deponebat, in auribus tinnitum & in utero flatus persentiit. Ad curam verò alvum eccoproticis subdixi, & per vices, Confectionem paravi ex Diaphoret. Mart. 3ij. Cinnabar. Antim. gr. xx. Oculor. 69. 3j. Conserv. Rosar. rubrar. & Cynorhod. ãã. 3ß. de qua morsulum alternis diebus manè jejuno ventriculo devorabat, bibit decoctum passulatum cum paucis vini

vini pro potu ordinario; in primo Cochleari jusculorum bis in die sumpfit Spiritum Sal. Armoniac. cum Oleo Succini ad gutt. v. post pastum morsellum Conserv. antiphthific. & roborantis Bauhinian. devoravit, spina, tempora, pectusque in cubitum itura cum balsamo antiphthifico inuncta sunt; his per aliquot menses usa, macies ablata & ægra restituta est.

SCHOLIUM.

Macies, tussis siccor, cordis tremor & pulsatio, catamenia copiosè manantia, aurium tiunitus flatusque in utero cum sedimento in urinis copioso, hæc omnia symptomata salium foeturæ, quâ pollebat sanguis, adscribenda; videtur enim, quòd hujusmodi affectio immediatè oriebatur à malâ sanguinis diathesi, quâ in temperiem nimis salinam & acrem vergebat, ideoque nutritioni & æquali circulationi minùs aptus reddebatur, sanguis enim non secùs ac oleum in lampade, in particulis salinis nimium redundet, non placidè & æquabiliter, sed cum crepitu & magnâ partium evaporatione accenditur; quò quidem citiùs dispenditur, & flammam non nisi languidam exhibet.

OBSERVATIO CVI.

D. JOHANNIS de MURALTO.

Acicula à puella deglutita.

Puella Lithopolitana 16. annorum, 20. Febr. An. 1683. deglutivit aciculam albam, longam, exinde ardebat & pungebatur valdoperè circa cor, inprimis cum edebat aut movebatur, alvus fuit astricta, parum dormivit, sumfit butyrum cum melle, jussu alicujus Chirurgi, alvus semper fuit astricta, ita quidem ut sæpiùs enematibus aut suppositoriis proritanda fuerit, à pastu pejus habebat, dolores enim circa præcordia patiebatur & ardores, urina vix cedebat, ali-

Dec. II. Annus VII. Y quan-

quando vomituriebat, demùm repurgata Trochiscis Alhand. sensim convaluit, illâ siquidem purgatione in matulâ unâ cum excrementis alvi aciculam rejecit.

SCHOLIUM.

Satius est in istis accidentiâ, maximè dolorem lenientibus & oleaginosi demulcere, quàm instituto perperam vomitu rejectionem rei noxiæ proritare, metus est enim ne in crisi- bus & violentis stomachi concussionibus acicula aut aliquid aliud incongruum incautè illapsum impingat in fibras doloreque excitato convulsiones aut alia gravia symptomata incurrat patiens, tunica siquidem nervea cum œsophagi, tum & stomachi interiora obducit, nervique paris vagi ad ventriculi orificium superius plexus insignes, imò & quoddam quasi reticulum, quo totus ejus ambitus investitur, constituunt, hinc ut os ventriculi maximè sensibile cum aliis partibus nobilibus mirè communicet, neque proinde de nihilo est, quod *Helmon-*
tius hîc animæ sedem collocaverit.

OBSERVATIO CVII.

D. JOHANNIS de MURALTO.

Regurgitatio fluoris albi.

Femina Pastoris 54. annorum per triennium ægrotabat, datis tamen induciis, magnus capitis dolor aderat versus cervicem, retrò aures & carotides, malum hoc primitus auditum ei abstulit, visumque debilitavit, salivæ & acris humor linguam petebat, maximè cùm se inclinaret, comedebat, dormiebat, paroxysmus per 3. & 4. hebdomadas durabat, fluore albo laborabat, quæ materia ad caput debile & nervos regurgitabat, vulva ardebat, multos habuit ructus, à duodecim annis defecerunt menstrua. Factâ totius provisione, præscripsi Diaphoret. Mart. cum Cremor. Tartar. & Sacchar.

Sacchar. item Spirit. Sal. Armoniac. cum Tincturâ Croci meliusque habuit.

SCHOLIUM.

A Menstruorum suppressione gravia symptomata emergunt, sed & ipsis deficientibus graves itidem affectus incurrunt mulieres, non enim solum statis periodis fluxu menstruali copia sanguinis educitur; sed & si quid peccans aut heterogeneum humoribus immixtum fuerit, unâ secernitur, cum autem exhausto menstrualis fluxus fermento, non amplius in effervescentias periodicas concitetur humorum moles, sed subsideat, facile & ut plurimum pravorum succorum fit congeries, qui nisi arte subducantur, varios affectus producere nōrunt; Consulunt itaque Practici, ut purgationes episcraſticæ instituantur, vel cauterium cruri inuratur, quò sensim recrementa elutiantur, pleniorque pravorum succorum congeries præcaveatur.

OBSERVATIO CVIII.

D. JOHANNIS de MURALTO.

Præcautio abortus.

Conjugem Domini Æblini Præfecti Werdenbergensis, 36. annorum die 4. Maji 1683. initio imprægnationis urgebat vomitus, & hinc melius habebat, verum circa septimum graviditatis mensem, rigor, capitis dolor, & vomitus urgebant, adeò ut abortus periculum adesset, quippe ante biennium iisdem symptomatibus tentata abortierat, obstetrix ipsi epithema calidum imposuit sine successu. Dominus Wildius exhibuit Balsamum Embryonum & Trageam uterinam, verum subinde symptomata redibant, venæsectio à mense fuerat celebrata, adhæc motus spastici prædictis symptomatibus associati sunt, sîris aderat, præscripsi

Y 2

Emul-

Emulsionem Amygdalarum, Hordeacea, Pomacea, Passulata, Carnium elixa, Emplastrum de Placentis Aromaticis supra stomachum, Suppositoria & Clysterem, dedi Spiritum Sal. Armoniac. & Pulverem stomachicum post pastum, Pulver. contra motus convulsivos & Syrupum Cydonior. quibus restituta ad tempus gestavit foetum.

SCHOLIUM.

Plenior succi nutritii copia foetum ipsum obruit, uti & penuria perimit, ambo pari jure sed dispari causâ abortum pariunt, quæ præter rationem tenues sunt, abortiunt, donec habitiores evaserint, quod juvenculis & gracilioribus contingere solet; Evacuatio, quæ foetui alimoniam subtrahit, abortum portendit; Ideò dixit *Hippocrates*: Mulieri uterum gerenti si alvus multùm fluat, periculum est ne abortiat; nec solùm ab internis periculum imminet, sed etiam ab externis commotus uterus sarcinam sæpiùs deponit; & quod mirum, fumo extinctæ lampadis foetus vinculis solutus feretro pignatur, mortiquè traditur.

OBSERVATIO CIX.

D. JOHANNIS de MURALTO.

Paralyfis cùm macie & doloribus.

M*Arcus Chenebier* Gallus ex Occitaniâ oriundus, temperamenti sanguinei biliosi 30. annorum à 12. circiter annis doloribus obortis in brachio dextro emaciationem contraxit à scapula ad cubitum cum quadam debilitate, ita tamen ut agriculturæ, quam exercebat, sufficere potuerit; verùm à duobus annis cùm persecutione Religionis causâ obortâ è Galliâ in nostram regionem transmigrasset, balnea Badensia adiit brachii sanandi gratiâ; verùm non solùm frustranea fuit balneatio pro brachio, sed quod

magis

magis emaciationem in femore alterius lateris cum dolore accivit; ipse autem infausti eventus causam in negligentiam præcautionumque defectum rejiciens; sanitatis recuperandæ avidus cujusdamque Medici consilio adjutus, iterum & eadem balnea anno 1680. adivit; sed nec, adhibitis omnibus præcautionibus, felicior primâ vice reversus est, etenim in brachio dolores adaucti, maciesque cum debilitate, ita quidem, ut artem sartoriam quam factitabat, exercere inhabilis factus fuerit. Notandum, à balneis corpus universum sed maximè brachium sudoribus perfundi, caloresque in manu ejusdem lateris cum sudoribus certis horis 18. die recurrentibus contingere.

SCHOLIUM.

Quandoque contingit causas ex adverso oppositas eosdem effectus producere; ignis & aqua pari effectu gummatæ, resinas, ceram, sulphur solvunt funduntque, frigus & calor utut dispari ratione, pari tamen eventu causas, phlogoses, pleuritides, peripneumonias pariunt; Conferti nervi humore calido frigidoque, tenui vel crasso, non admittant animalem spiritum, quo uno vigent: Præcalidus humor salium foeturâ aculeatus in nervos cum impetu iteratisque vicibus irruens tonum frangit, unde languent illi; quin & torpent eadem partes, si crassus humor obstructionem pariat, ut nec movere nec moveri queant, quandoque etiam sentire non possint. Omnes nervorum affectus convulsionis & paralysis ambitu continentur: illâ contenduntur nervi summo cum doloris cruciatu, hâc relaxantur nullo doloris sensu: adversi omnino hi duo affectus cohærent quandoque, unâque existunt, sæpèque uti dolor & motus spasticus ad paralyfin alludunt, ita & ipsam inducere valent. Cerebrum tenuioris & serosi humoris fons est uberrimus, is excurrentes per varias corporis partes innumeros morbos eosque graves procreat, convulsionem, paralyfin, asthma, febrem, lienteriam, arthritidem:

non leviores profert in ventriculis cerebri consistens, hos enim si intercludat, oboriuntur epilepsia & apoplexia, quæ ventriculorum congestio hosce tamen affectus magis indicat quàm causatur. Mesenterium viscerum quasi sentina est, grave illud excrementis deponit quandoque onus in lumborum nervos, ex quibus producit, unde incidit paralytis, quam ferè antecedunt diri ventris cruciatus, colici doloris æmuli; ut & hi vicissim paralytin consequuntur, feri morbifici æstu reciproco: inter genus nervosum & sanguinem intimum adest commercium, ita ut hic nauseabundus in illud quandoque sordes transferat evomatque recrementa, sua quoque illud impertit venis vitia, ut alter alteri invicem malas merces mittat resummatque dyscratos sanguis, salibusque enormibus turgens serum morbificum in caput rejiciens huic diro affectui tum primùm occasionem præbuit; ideoque spiritus animalis sero acriori plenius elutriatus, ab influxu ex parte cohibitus in minutas explosiones urgebatur, ex quo fracto partium tono de robore remittebant nervi, excrucianturque; à malignitate feri irradiationeque spirituum ex parte præpedita macies inducta, verùm cum nervorum in brachio affectorum in suâ compage non integra contigisset resolutio, spirituumque affluxus ad partem ex parte tantùm cohiberetur, ideò & adhuc satis valuit brachium, ut cum aliis membris ad opus agricolæ perficiendum se accingeret, diuque in illo statu remansit, quod ars quam profiteretur, robur partibus nervosis conciliet, & diapnoë quam promovet, sero extraneo & morbido genus nervosum liberaretur; verùm transmigratio in regionem frigidiorē diapnoë imminutā in morbi causam novum penum cumulavit; non mirum itaque, si in partibus causariis & in corpore succis fervidis scatente balnea calida & sulphurea exagitato morbi fomite quasi excentrati humores plurimùm exaltati sint & citò ad ἀγόντας perducti, unde è primis viis in sanguinem & exinde in cerebrum & nervosum genus propulsi, non solum prior affectus intensior factus est, sed & pro
novo

novo materiæ morbificæ penu ipsiusque rejectione in propagines nervosas femori insertas, novus progenitus, femorisque macies & debilitas consecutæ sunt. Iisdem causis perseverantibus eademque patientis diathesi, secundum tentamen prioris non fuit felicius. Si quis itaque faustis auspiciis cujusvis affectus medelam suscipere velit, causas morbi dirimat prius necesse est. Ubi phlegma crassaque pituita paralyticos est parens, tunc thermæ conducunt, adsit tamen modus, præcedat catharsis humori peccanti analoga & epicrasticè facta. At in balneis non est sudor temerè ciendus, diutiori morâ exolvit, ille exhaurit corpora, nec enim erumpit modò serum superfuum, sed prodit unà succus alimentarius: Languida nimio sudore natura morbi curationem suscipere aut susceptam absolvere nequit, ut longo tempore morbus moretur, vel brevi sit rediturus: sæpiùs noxii humoris nihil exprimitur, accendantur duntaxat spiritus, conflagmantur humores, concitantur inde febres; noviçue Catarrhi moventur. *Ευκολον* igitur ante omnia sit corpus, si quod incendium internum compescatur talisque modus teneatur, ut sine virium dispendio & corporis perturbatione vel sensim exudet inutilis humor, vel sine sensu expiret. Si acre serum fervidiçue humores cum motibus spasticis paralytin induxerint, parte recens resolutâ, vix dum insidente nervo, institutâ victus ratione quæ contemperet, quàm primùm corpus exhaustiendum est clystere frequenti, detractio sanguinis intervallis repetitâ, purgatione crebrâ, sed blandâ. Hâc arte æstu humoris composito tempestivè obstructio reserabitur ecphracticis, eccatharticis, quibus qui nervum occupat humor in halitum solutus exspirabit; sed in usum vocentur tum intus tum extus, quæ temperie non adeò calidâ prædita tenuiorem sunt sortita consistentiam, hydrotica fortiora fusiora & colliquantia hîc aliena sunt, uti & thermæ, quæ sanguinis dyscrasiam adaugent, motâque camarinâ si quod seminium calidum prius iners in *ξύλον* conjectant: quare qui aut arthritidi, aut calculo hæredita-

ditario obnoxii paroxysmos nondum perpeſſi ſunt, à therma-
rum uſu ſæpiſſimè alterutrius morbi fructus in ſe ſtatim ma-
turari ſentiunt. In iſta autem paralyſeos ſpecie cauteria in vi-
cinia partis affectæ excitata conſulerem, quod jugi humoris
noxii extillatione non ſolùm parte oneris levaretur pars affe-
cta, ſed quod ſenſim etiam materiæ impactæ tenuioris utpote
conſiſtentia, quàm in alterâ paralyſi, diſſlatio ſecretioque ex-
pectanda foret. Salivatio è mercurio quod certiùs quàm,
quodvis aliud remedium nervorum ſordes eluat, hîc etiam in-
caſſum aliis tentatis ſuum locum habere poſſet, præmiſſo
balneo.

OBSERVATIO CX.

D. JOHANNIS de MURALTO,
Convulſiones mirandæ.

MArgarita Fronchet vidua 25. annorum, craſſa, & ro-
buſta, temperamenti ſanguinei ſub initium veris
anni 1684. febre intermittente correpta, poſt ali-
quot paroxysmos inconvulſiones incidit, cujus pa-
roxysmi ſæpiùs redibant, ita quidem ut fermè quotidie ejus-
modi motibus ſpaſticis plecteretur, ſed cum tanta violentiâ,
ut manus & pedes tantis contracturis ſtringerentur, ut mur-
mur quoddam crepidationis ab adſtantibus diſtinctè percipe-
retur, & ex maxillaribus quidam à nimio ſtridore dentium
contracti fuerint. Iſtius autem tragoediæ ſpaſmodicæ initium
dolor inſignis in latere dextro ceu præludium arguebat, ad-
hæc hæmorrhagiâ etiam per vices recurrente magnam ſan-
guinis copiam profundebat, paroxysmis ſpaſmodicis liberata
de laſſitudine ceu de magno labore perpeſſo conquerabatur.
Variis remediis incaſſum tentatis, morboque diris cruciati-
bus horrendiſque convulſionibus obfirmato, locum in late-
re dolorificum iſtantiſque convulſionis nuntium cauterio
potentiali inter 3. & 4. coſtarum notharum inuri juſſi, ſcal-
pelloque

pelloque incidi, aliquandiu vulnus apertum detineri præscripti, unde tum primum paroxysmorum imminutio demumque cessatio subsequuta est, sed post aliquot tempus, occlusum, symptomata recruduerunt, usque dum tandem gravida facta, & puerpera ab illo gravi affectu immunitatem assecuta fuerit.

SCHOLIUM.

TAm diri affectus duas causas suspicari licet, prima quidem catameniorum suppressio, febrisque tunc temporis grassantis typus particularis, cujusque sævities nervoso generi inprimis bellum indicebat, ita quidem ut sine magna sanguinis effervescentiâ pulsusque à naturali fermè non immutato varia nervosi generis pathemata tum spastica tum soporosa ægros torquerent; unde & hunc affectum lues neurodem potius quam febrem indigitasset: Ex quo non absolum videatur, multas impuritates ex menstruorum suppressione in morbi mineram congestas, vi & energiâ tempestatis peculiarem indolem contraxisse, quâ in seminium spasmodicum assurgentes, subinde in pathemata convulsiva maturatas videre licuerit. Quæ sanguini effervescencia est solennis machina, ut extranea & non ritè miscibilia abigat, talis & nervis aut spiritibus orgasmus seu explosio, & pari ratione, quâ, ebullitione depurationem intendit illa, & hi commoti, æstroque perciti ceu perflatu ventis luciditatem adipiscuntur, discussisque nubibus serenum obtinent. Pene morbosus est sanguine in nervos ubertim dimissus gravior & frequentior inducebat symptomata spiritusque copulâ heterogeneâ abundè foeti factique in motus graves sæpiusque recurrentes adigebantur, unde & dentes confracti, crepitumque edebant manuum pedumque contorti tendines. Hæmorrhagiam frequentem sanguinis acedini vasorum oscula recludenti accendere obvium est, sed & quidnî suspicari fas sit, cum ista lues spiritus potissimum afficeret, illis, qui in tunica muscularis arteriæ ad nasum pertinent.

tingentis resides in sanguine circumpellendo, perpetuas systol^{on} & diastol^{on} vices obeunt, cujusdam portionis materiæ morbificæ afflatu in motus explosivos adactis & ponè sanguinis rivum in motus pernices concitatis, vasorum ora necessariò patefacta sanguinem profudisse. Dolor in latere paroxysmi præcursor, convulsionumque remissio ab inusto cauterio & vulnere excavato, demùmque cessatio à fluente è plagâ pure, morbi fomitem illuc per nervos intercostales delegatum, illincque emissario factò exhaustum arguebant; quod & ab occluso vulnere subinde recursus, affectus morborum materiam illic nidum congestissè certius indicabat, ab ingravitatione novâ succi nutritii in foetus alimoniam derivatione detumuit humorum moles, nec amplius in explosiones parati sunt; & à puerperio subsequente si quæ miasmata restitabant unâ cum lochiis excreta sunt, ut tandem diri illius affectus integra solutio subsequuta sit.

OBSERVATIO CXI.

D. JOHANNIS de MURALTO.

Dysenteria Epidemica.

Circa finem Julii anno 1680. æstate fervidâ, dysenteria passim multos corripuit, sed in dies incrementa sumens, latiusque vires explicans per mensem Augustum & Septembrem planè epidemica evasit, ut tunc temporis multos ab eo affectu decumbentes tum ruri tum in urbe videre licuerit, ita etiam ut qui circa ægros diversarentur, ab eâ tuti non forent, unde & in eâdem familiâ ab uno in alterum morbo progrediente plures in eâdem domo, & quandoque integra familia dysenteriâ affecta fuerit, symptomata fuerunt dolores quandoque atroces, mox infra aut supra umbilicum vigentes, dejectiones quandoque sanguinolentæ, quandoque & carniū loturæ haud absimiles, acres & puru-

purulentæ, ut per transennam podicem dolore excruciantur, quandoque ramenta intestinorum secum deducunt, frequenti irritatione frequentes desidendi cupiditates inducunt, quamvis autem dolore sæviret contagioque serpente multi adorirentur, tamen non fuit affectus adeo exitialis, quinimò nisi infantes debiliores aut cacochymi, aut qui remedia renuebant, omnes alii tempestivè rectaque medendi methodo tractati ad sanitatem perducebantur, sed qui remediis suisque deque habitis medicinam contempserunt, utut fontes & benè habitos tam certò trucidabat dirus affectus, ac aliis benè curatis extra periculi aleam deductis faustus successus contigit; qui enim neglectis remediis genio indulgebant, iis citò ad *anum* deveniens affectus fatum accersebat; quod luculenter in duobus rusticis fratribus inter alios mihi compertum, ad quos vocatus, cum remediis unâ vice præscriptis renuerint alia experiri; ambo utut fortissimi intra octo aut decem dies dejectionibus frequentibus acerboque dolore attriti è vitâ migrarunt, eodem verò tempore sub curâ nostra nobilis quædam matrona utut cachectica & gravida quamvis abortiverit, remediis obtemperans tandem evasit, quod & in aliis etiam pueris, & quibusdam senibus eodem tempore remediis ritè administratis pari successu expertus sum.

Remedia fuerunt phlebotomia in pluribus celebrata, purgatio fermè in omnibus sub initium morbi ex infus. Rhei, Myrobalanorum cum Sal. Absinth. & Cinnam. in Aqua Plantag. addebam in dissolutione Syrup. Rosar. solut. aut de Cichorio composit. cum Rheo, quandoque & cum caphragiæ suspicio induceretur, addidi & serum & cathol. pro ore, ante & post purgationem enemata erant in crebro usu ex Hord. integr. p. i. Semin. Lin. & Foenugræc. conquassator. āā. ʒj. Flor. Chamæmel. Melilot. āā. p. i. Furfur. macr. p. ij. fiat omnium decoct. ad lib. i. addendo Vitell. ovor. ij. Mell. rosar. ʒiij. Sacchar. rubr. ʒij. quandoque autem ad sedanda intestinorum tormina, & erosiones sanandas enemata præscri-

bebam ex Decocto Summitat. Hyper. cum capite aut pedibus Vervecinis cum Theriac. ʒij. Olei Hyperic. ʒiʒ.

Dum autem ulcus à sordibus & putrilagine, quâ scatebat, abstergere incumbere partim subditis Clysteribus, partim ebibitis aliis remediis, dein frequenti dejectioni sistentibus, ulcusque agglutinantibus medebam, torminibus & acris doloribus, partim discutientibus, partim anodynis resistebam, soporiferis etiam datis ad dolorum allevationem & somni conciliationem. Itaque fermè quotidie horâ somni Dosis Laudani Opiat. devorandam oggerebam, & possum asseverare, nullam exin noxam contigisse, secus obrepens somnus ægros reficiebat, doloribusque interdicebat: Confectionem parabam ex Conserv. Rosar. rubr. ʒij. Theriac. ʒʒ. Pulver. Rad. Torment. contrajerv. Margar. Corall. præparat. aa. ʒʒ. cum s. q. Syr. Papaver. Rhœad. de qua morsellum unum aut alterum in die devorabat, quibus Confectio minùs commoda aut ingrata fuit, Pulverem in eundem scopum præscriberebam: aliquando & Lac cum Saccharo Rosat. & Ovi Vitello comedendum imperabam. His aliisque administrationum modis pro re natâ præscriptis, permultos ad sanitatem perducebam.

SCHOLIUM.

QUaliscunque sit fluxus, tribus generibus comprehenditur. Si nihil ab alvo mutatus cibus dejiciatur, *λιεντεία* est, communis ventriculo cum intestinis: quæ si morbum longum frigidiorum humorum alumnum sequatur, spem salutis adimit. Si sanguis, multiplicem parit dysenteriam, nimirum *αἱματιγὰν*, mutilis familiarem: melancholicam splenicis salutarem: hepaticam prorsus lethalem: & intestinalem cuivis ætati, sed maximè puerili & senili calamitosam: quod si frequens adsit, & liquida cæterorum humorum dejectio, diarrhoea est, quæ vel defectu *ἀναδύσεως*, vel confluxu materiæ, copiam aut qualitate peccantis excitatur.

Dysen-

Dysenteria, quæ ab affectâ sede nomen habet, omnium molestissima est, ut quæ cæteras vincat acerbitate, nec ullis cedit periculi magnitudine. Nihil enim aliud est quàm ἐκλωσις intestinorum nunquam expers doloris, & quæ non rarò inflammationem, sæpius febrem inducit. Hæc autem nonnunquam ab externis causis, ut pravis alimentis & acribus Pharmacis, sæpius ab internis, ab utrâque bile, aut salsâ pituitâ ducit originem. Conjugationis particeps est affectus sæpiusque copularis: maximè verò per æstatem, si aquiloniam hyemem ver australe cōsequatur. Epidemicè grassata certis temporibus multò calamitosior magnâque ægrorum strage sæviùs quàm aliis furit & debacchatur.

Ulceris magnitudo, pars affecta, humoris species excreta demùm & symptomata concomitantia uri affectûs naturam sic & eventum portendunt. Ulcus si gracile aliquod intestinum occupet, præsertim jejunum, vix coalescit: idem si crassum penitiùs depascatur, ita ut ἐφελκίδες abjiciat lethale: ab atra bile itidem si ortum ducat, non minùs quàm occultus cancer, secundùm Hippocratem, exitiosum, ex eadem cibi fastidium malum, uti & quæ cum febre invadit & perseverat, præcordiorumque inflammationem comitem habet, quæ demùm sequitur mesenterii abscessum, variaque promit proditque excrementa; Uti æstas beneficio caloris fructibus maturitatem impertit, sic & succos extraneos morbidosque in corpore ad exaltationis fermentationisque ἀκμὴν promovet, quandoque & non aliâ forsân ratione quàm nimio aut intempestivo calore immutatâ crasi pervertuntur humores aliàs laudabiles, non secùs ac vina tonitru aut nimio calore vappescunt, aut in acetum mutantur, aliove ritu labefiunt, sicque degeneres facti, morbis exin fruticandis penum uberem suppeditant, ut fermè quotannis autumnum non minùs morbis quàm fructibus feracem videre contingat. Ex hoc apparatu morbofo si miasmata νοσέειν penitiùs humoribus incocta crassiorisque consistentiæ per diaphoresin non eliminantur, neque in

effervescantias febriles intermittentium parentes prorumpant, pro genio humoris, vique & energiâ tempestatis ad id faciente versus intestina diriguntur, suâque qua valent acredine ulcuscula excitant, referatisque vasorum orificiis sanguis profunditur, unde & intelligas progigni symptomata hujus affectus pathognomonica, frequens nempe, pauca, dolorifica, & sanguinolenta dejectio propter diathesin prædictam sæpius viget & grassatur, hic affectus per autumnum, qui licet præ sedibus cruentis acerbisque doloribus statim horrendus videatur, plerosque corripiat, contagioque sæviat, haud tamen sæpius lethalis contingit, quod evenit in casu, de quo agitur. Verùm insuper hic morbus interdum virulentus & quasi pestilentialis plures interficit, & miasma suum per contagium latè explicat. In tali casu sanguinis portiones malignitate quadam tactæ, velut in peste corrumpuntur, & statim à reliquâ malsâ, ne tota subinde labefiat, secernuntur, membranisque intestinorum infixæ non solum ulcerosam, sed & phlegmonoeiden diathesin, sæpiusque item sphacelosam & citò exitialem pariunt.

Si quis autem affectus, hic inter alios uti medicinae operam expostulat, sic & inprimis ipsius vires promit proditque, quod casus præsens ex fausto eventu illorum, qui medicinae operâ usi sunt, & ex adverso sinistro infaustoque illorum omnium, qui remedia neglexerunt, luculenter probat & evincit.

Quæcunque sanabilis est dysenteria, si intempestivè suppressatur, abscessum facit. Indicationibus curativis non singulatim & successivè, uti sæpius assolet in aliis, insistendum erit, verùm omnes eas simul complicare & eodem tempore prosequi incumbit. Ejus curandæ initium sumi debet ab humoris peccantis vacuatione; Cui scopo nullum quidem Rheo præstantius remedium; Cui tamen Senna interdum turgente scilicet humorum saburrâ, Cassia aut Catholicum utilius præferetur. Quod si febris adsit, vel inflammatio, dolorque ingens,

ingens , & corpus plethoricum , phlebotomia longè tutius præmittetur , ut quæ non solum minuat plenitudinem , sed etiam febrem & inflammationem extinguat, dolorem mitiget, bilis impetum reprimat, fluxum denique cohibeat: eaque quandoque cum successu etiam repetenda: quâ præmissâ locus commodior erit purgantibus medicamentis & adstringentibus, enematis, epicrasticis, hypnoticis, narcoticis, dolorem sedantibus, diureticis, derivantibus, cæterisque tum medicamentis intemperiem corrigentibus, tum crebris alimentis quæ vires instaurando, morbo simul adversentur. Hic autem ut non præteream remedium à quibusdam mulierculis tunc temporis ex meâ notitiâ etiam cum successu factitatum, malum cotoneum excavabant, cerâque vel albâ vel citrinâ cavitatem inditò operculò adimplebant, prunisque admovebant, donec omninò liquefceret cera, pomi que substantiam subiret; tumque cydonium sic paratum ægris comedendum exhibebant, unde & dolores demulcebantur, fluxusque intermittebat. Quâ ratione virtute emplasticâ externis ulceribus medetur, eâdem & ulcera interna agglutinare & pinguedine suâ lenire valet. Quod jam pridem à *Dioscoride* annotatum, cum alicubi dicat, ceram dari in sorbitione dysentericis, ipsisque opitulari.

OBSERVATIO CXII.

D. JOHANNIS de MURALTO,

De

Hypercatharsi à Resina Jalappæ excitata.

FRanciscus Pilot, profugus, sub initium veris hujus anni 1688. de quadam inflatione circa præcordia, humorumque pleonexiâ apud quendam Chirurgum conquestus, hic ipsi bolum ex gran. xv. Resin. Jalap. cum Conserv.

serv. Cynorrh. devorandum præbuit, quò superpurgatus defectiões animi patiebatur, jactationes cum maximâ inquietudine, doloresque atroces & fixos in imo ventre; febricula accensa est, fuit fastidiosus, debilis, de dolore capitis conque- rebatur cum aurium tinnitu, tandem quiete, bonâ diætâ do- lorem sedantibus, aliisque præsidiis restauratus est. Idem fuit experiētiâ comprobatum, non diu abhinc in filia forti 25. circiter annorum cum repurgari necessum haberet, ipsi etiam & ingestus bolus ex Resin. Jalap. gran. xiv. Cremor. Tartar. 3ß. cum s. q. Conserv. Cynorrh. hæc plusquam viginti quinque vicibus dejecit, animi quoque defectiões passâ, debilis facta de torminibus ventris conquesta est, ita ac si in par- tes abdomen scinderetur, & quasi de palo infixio sensum do- lorificum persentiret, vigiliæ infestarunt, inquietudo ma- xima, cum doloribus crurum femorumque, ut solatii gratiâ ipsa sese motitare necessum habuerit, fuit etiam fastidiosa, do- lor capitis aderat, cum aurium tinnitu per quinque aut sex dies de tali symptomatum apparatu conquesta, bonâ diætâ, quiete, Cardiacis, Hypnoticis restaurata est. Eodem fermè ipso tempore aut saltem paucis diebus ante ultimum bolum huicce filiæ oggestum, eadem dosis ejusdem Resin. Galapp. sub eadem formâ cuidam rustico Pedemontano exhibita, ni- hilum omninò repurgavit, sed & ne quidem ipsum commo- vit, pari & eventu & incassum alia purgantia fortiora susti- nuit, quæ remedia ejusdem formæ & compositionis cuidam rusticæ 45. circiter annorum multum profuere.

SCHOLIUM.

Mira est vis ingenita à principiis, quorum non tam certa unio, quàm unum superbiat elementum, hinc robur, de- bilitas, feritas, mansuetudo, quæ peculiaris cujusque natura à Veteribus agnita, ab ipsis *ἰδιοσυμπασία* vocitata fuit, quam perscrutari ac ad amissim rimari supra hominem est; Natu- ræ enim rerum parentis vis & majestas in opere vix creduntur, quorum

quorum non tam quærenda ratio quàm vis latens & voluntas; maximè quia omnia ex contrariis architectatur, gignit, auget, medetur, hinc temperamentorum discrepantia remedii-que peculiaris cujusque naturæ congrui adinveniendi difficultas & incertitudo: quæ tamen Viro sagaci, Medicoq; prudenti ne quidem despondebunt animum, quin imò rei difficultate excitatus exactâ pensitatione inter morbum medicamentumq; facta, solatii præstandi fiduciam captabit.

Legitima gradûs limitatio, & dosis vera æstimatio indicatur ab affectûs, qui contra naturam corpori insidet, magnitudine, & affectûs cujusque naturâ: extremis morbis extrema exquisitè remedia sunt optima: sed quibus simul, & semel, aut sæpius, plura an pauciora particulatim adhibenda, vel exhibenda sint, considerandum: condonandum etiam aliquid consuetudini, quæ velut altera est natura, ita quidem ut certius majoriq; fiduciâ notis aut aliàs tractatis medicinam faciet operamque præstabit Medicus, quàm ignotis. Ab ætate, tempore, & regione, pro meriendâ medicamentorum qualitate, tum & quantitate non contemnendas indicationes mutuabitur & Medicus.

Singularis natura corporum affectorum humano ingenio comprehendendi nequit, nec circumscribi potest accuratè morbi magnitudo, quæ nihil aliud est, quàm qui à peculiari cujusque naturâ fit recessus. Hujus fidelissimus & æquissimus æstimator habebitur, qui conjector erit optimus ex internis, externisque causis ac symptomatibus, quæ mox apparent aut superveniunt, & cujusque laborantis conditione, adhæc qui veri Medici vices peragere voluerit, medicamenti naturam, præparationemque, viresque priùs noscat, necesse est; sed quia non certâ demonstratione suffultus, verùm conjecturæ potissimum innixus rem suam assequitur, ne quid periculosè agat in dubiis, rationis ductu à levioribus utilibusque medicamentis ad vehementiora sed innoxia progredietur, quæ morbum quidem expellant, sed à quibus non labefa-

Stentur partes, humoresve corruptionem subeant. Unde lectissimorum medicamentorum præparatio necessaria, & compositio.

In præparatione Resinæ Jalap. partes sulphureæ in mixto prius separatæ simul colliguntur, unde in intestinis cum nullius corporis intermediï interventu disgregentur, faciliè aduniantur & coalescunt, & pro sua viscositate fibris intestinorum tenaciùs adhærentes, vasorum ora tum continenter ad eò proritant, ut cum dolore atroci nec faciliè dissipabili humores quandoque immaniùs profundantur; Itaque hujus Resinæ viscositas dolores causatur uti & ipsius sulphur inflammabilitatem in humoribus inducit, quâ in liquamina facessunt, febricula accenditur, hypercatharsis subsequitur & dolor capitis; cardialgia ex morfu medicaminis orificium ventriculi vellicantis progignitur; quæ quidem symptomata tamen illis, qui fibras intestinorum teneras, sensûsque magis exquisiti, obtinent, contingunt, aut forsân quibus non cum satis debita cautela oggeritur; enimverò non solum cum aliis Pulveribus, qui intermediï vicem suppleant, immisceri debet, ne coalescat interius, verùm etiam cum amygdalis excorticatis prius in mortario contundi debet, amygdalæ siquidem mulcimine, & obliuione, quâ valent, tormina alioquin quandoque excitari solita præcavent, quod indicio est, oleum amygdalarum dulcium torminibus jam factis demulcendis opportunum præsidium fore, si tempestivè oggeratur, quam vim prodit in epotis deleteriis medicaminibus. Quos ne quidem commovit, fibras procul dubio habuerunt crassioris consistentiæ & robustiores, uti & humores spissiores minusque fluidos & inflammabiles. Si Pharmacopolæ præscriptum ut potionibus admisceat, ipsam prius in mortario cum paucis vitelli ovi jungat, sin minus uti cerebinthina humiditate aquosâ madefacta mortario adhærebit.

Quæ autem hujus remedii incertitudo, talis & in pluribus aliis maximè in vehementioribus plerumque contingit; Unde

Unde non parum sollicitus esse debeat Medicus, in tam vario naturarum agrorumque discrimine de remediis præscribendis. Memor interim ante omnia sit peccatum omissionis minus fore peccato commissionis, satiusque fore per epicrasin noxios humores elutriare, quàm univerforum humorum demolitionem unâ vice experiri.

OBSERVATIO CXIII.

D. JOHANNIS de MURALTO.

Fluxus ab utero aquosus cum quadam hydropis specie.

Mulier 25. annorum à naturâ macilenta, cum sub finem mensis Februarii ann. 1687. trium mensium gravida, vi persecutionis Gallicæ cogeretur patrios lares deferere, pedibusque noctu altissimos montes peragraré, quò loca evangelica accederet, libertatemque conscientiae consequeretur, contigit, ut, dum iter faceret cum marito & aliis, conductor præ noctis opacitate à via deflectens, ipsos sensim deduxerit ad montem, quem cum conscendissent, pluviam stillante, tam lubrica facta est via, ut ne quidem fermè ultrà citràque pedem movere licuerit, ita ut nec ulterius proficisci nec inferius retrocedere potuerint, coactique ibi pernoctare, summò frigore perculsi sunt, sed hæc & alter inter alios utpote forsàn texturæ rarioris multò gravius fledebantur, ita ut nisi irradiante aurorâ opportunè è tenebrarum carceribus liberati novos rectosque tramites ingressi fuissent, vel tantisper diuiori morâ ipsa & alter è cœtu, frigoris asperitate perempti succubissent; reliquum itineris non sine magno labore & nonnisi pernoctando & pedibus peregrin. Genevam appulsa quievit quidem, phlebotomiaque celebrata est, sed cum ipsius maritus 15. circiter dies Lausannam pertransisset, ut res suas gereret artemque profiteretur, tum primum

Aa 2. acce-

accedens pleuritide exquisitâ correptus, necesse habuit & illa navi conscensâ Lausannam petere, ut ipsi inserviret, ita quidem ut vix à pristino labore instaurata, novum subinde perpeti non sine molestiâ coacta fuerit. Post hæc omnia conqueri coepit de calore interno præcordiorumque fervore, cum siti, ut multum biberet, diarrhoeâque laboravit, tumque minorativis repurgata est; de capitis etiam gravedine conquebatur, sicque quamvis non decumberet, dubiâ tamen sanitate, infidoque statu ad ultimum graviditatis mensem deducta est, 14. autem die ante partum doloribus correpta est, qui ad uterum pudendaque & lumbos pertingentes cum nifibus aquarumque fluxu prorumpente, adeò partûs dolores æmulabantur, ut etiam expertis imponerent, ita per 14. dies sæpius abortis doloribus in die divexabatur, magnamque aquæ limpidæ & inodoræ per pudenda quantitatem profundebat, donec demum die 16. Augusti secundum stylum novum filium peperit & quidem sanum, à partu lochia moderatè fluxerunt, & optimè convaluit. Infantem allaçtavit, sed post 5. circiter menses à partu, febre & uti videtur epidemicâ tunc grassante correpta est, multum frigoris in cubiculo absque hypocausto persensit, tandem per illud tempus contraxit tumorem inter ischion & uterum, durum & renitentem, sitiebat, tumuit venter, tumuerunt & pedes cruraque, interim lac pusioni præbebat, ita quidem ut propter allaçtationem ut sæpius per noctes expergefieri necesse habuerit; In hoc apparatu morbofo planèque hydropico, abortus est fluxus aquarum ex utero per sex hebdomadas, & qui sub finem foetidus erat, ex quo detumuit venter & crura; bis autem ex illo tempore ejusmodi fluxum passa est, & quem pariter præcesserunt sitis, præcordiorum æstus, fastidium, dolor in regione tumoris, abdominis, crurum pedumque tumor, quemque pariter subsecuti sunt appetitûs recursus, abdominis crurumque detumescencia, aliorumque symptomatum evanescencia, unde & vegetius corpus expeditiorque animus evadit, usque dum

dum pro nova materiæ morbificæ congestione prædicta symptomata recurrebant.

SCHOLIUM.

A Nimio labore inter peregrinandum, summoque frigore perpesso, non mirum, si in muliere, quæ ex graviditate, uti assolet in prægnantibus, apparatus morbosum in se cumulârit, humores commoti dyscrasiam nacti sint, intemperiemque contraxerint, unde sitis & præcordiorum fervor; ab istâ autem humorum ebullitione & effervescentiâ partes sanguinis crassiores à tenuioribus secedentes ab invicem dissociatæ sunt, factusque est humoris decubitus in tubam uteri & hydatides succrevêre, quæ turgidæ & ingravidatione compressæ ichoris tum primùm secreti, partus futuri infauti præcursores. Partus negotio peracto, humoribusque lochiorum fluxu sat repurgatis sanitatem recuperavit; verum vigiliis per allactationem, febre epidemicâ, quâ laboravit, frigore in cubiculo frigidior, hisce omnibus tanquam causis evidentibus irritati sunt crabrones, accensa est febris pristinusque fervor excitatus, unde & novus humorum procubitus, à cujus portione crassiori ingeminatæ sunt emphraxes, tumorque durus & renitens progenitus, hydatides denuò adimpletæ sunt, pedes cruraque intumuerunt, corpusque ita vitiosis humoribus confertum. Vertigine caput afficiebatur, sitis premebat, languore afficiebatur, donec per Rhexin extillatis humoribus noxiis denuò sanitatem recuperaverit, iterumque novo materiæ morbificæ penu congesto nova etiam symptomata recruduerint. Quæcunque igitur obstructions graves aut alia impedimenta, maximè circa viscera imi ventris obortæ, sanguinis circuitum remorantur, fluentemque coarctant, ad hydropem disponunt. Itaque in hoc casu, quæ sanguinis partes fervore inducto à mixtionis jugo solutæ, divorcium fecerunt, cujusdam acidi peregrini dominio subjugatæ, novam formam adeptæ novumque exaltationis fermentationisque

motum inducentes cystide adornata sunt, in cujus cavo quodvi fermentationis in corpus durum viscosumque concrevit, ceu obex sanguinis decursui officiens serum in obvium folliculum proliciebat, & quo turgente extillabat humor. Cujus morbi ratio formalis ab experimento à Clariss. Louero allato innotescit, quippe si in cane vivente vena cava supra diaphragma deligetur, subinde abdominis regio aquâ intumescet ac si hydropicus factus esset, & languore affectus non diu vivet; Causa istius affectus utpote fixa difficultatem curæ arguit, quæ vix eradicativa sed tantum palliativa sperari potest, quæ ut faustè suscipiatur, causæ antecedenti inprimis prospiciendum, & quia partes à naturâ sunt causariæ, humoresque à naturâ calidiores, & quæ præcesserunt causæ extraneæ & evidentes hancce diathesin obfirmantes in fructus morbidos fructuari effecerunt; Itaque attemperandi sunt humores balneatione, purgationes epicrasticè sunt repetendæ, Tinctura Cichor. cum Tartaro Chalybeato, quotidie manè propinanda, uti & Confectiones ex aperitivis & deobstruentibus in usum revocandæ, quas indicationes methodo sequenti perficiendas præscripsi.

℞. Mann. Calabrin. ʒj. Senn. mund. ʒij. Rhei elect. Sal. Prunel. āā. ʒj. Sem. Anisi ʒʒ. Epithym. Cretenf. ʒj. infund. per noctem in .s. q. Aq. bullient. fiatque manè Colatura ad duos cyathos, addendo cuilibet Syrup. Rosar. solut. ʒj. Primus horâ sextâ, jusculum octavâ, alter decima propinabitur duabus horis ante prandium.

Sed quia Potiones catharticas difficulter hauserat, massam Pilularum seq. præscripsi, quibus per vices & per morbi decursum uteretur:

℞. Croc. Mart. aperient. ʒj. Aloës optim. Senn. mundat. Rhei elect. & Agar. recens trochiscat. āā. ʒij. Gumm. Ammoniac. in aceto solut. & traject. ʒiij. Fœcul. Bryon. & Pulver. Diarhod. Abbatis āā. ʒʒ. Croci ʒʒ. cum Oxymel. fiat Massa Pilular. de qua capiat ʒj.

Repur-

Repurgatâ Camarinâ factâque totius provisione, ingressa est balneum bis in die serò & manè.

Manè sumpsit morsellum Opiatum seq. superbibendo haustum Tinct. Cichor. infra scriptæ:

℞. Conserv. Flor. Tamarisc. conditor. Enul. Campan. Malor. Aurantior. āā. ʒj. Rhei pulveris. Trochiscor. de Caparib āā. ʒj. Tart. Vitriol. ʒj. Cum s. q. Syrup. de Pom. simpl. fiat Opiat.

℞. Rad. Cichor. sylvestr. mundat. minutimque incis. Manipul. i. superinfundatur decoctum bulliens capillor. omnium & injiciendo Limatur. Chalyb. ad rubedinem calcinat. Cochl. i. fiatq; haustus cum Syrup. de Pom. simpl. ʒj.

Quamvis nondum remedia præscripta peregerit, tamen quæ sumpsit, proficua fuerunt.

OBSERVATIO CXIV.

D. JOHANNIS de MURALTO.

Mulier febre Epidemicâ laborans, à Pharmacopola malè tractata, in Phthisin prolapsa.

A Duobus mensibus & dimidio decumbebat Gabrielle Andrette, profuga, cum primùm accersitus fui ad eam, erat septem mensium gravida tenuisque habitus, febre Epidemicâ per contagium à marito & ancillâ correpta; symptomata urgentiora fuerunt à morbi initio & per decursum, tum magna virium prostratio, fastidium, febris etiam quandoque intensâ cum siti, linguæ dentiumque nigredine, fauciumque ardore & siccitate; insomnia & delirium infestabant & alvi profluvium; exanthemata quoque sparsim comparuerunt, per hæc morbi initia & statum quinque à Pharmacopolâ jubente, venæsectio instituta est, devoravit

ravit & pulverem è Chin - China post sesquimenssem à morbi insultu, oborto tumore sub aure dextrâ juxta maxillam inferiorem, & in pus maturato Chirurgicâ operâ probè mundato, prædicta symptomata remittebant, nisi quòd macies & debilitas adaugerentur. Verùm uti assolet in malignis, tragœdiâ actuum discriminibus variegatâ, recurrente hoste subdolo, nova subinde symptomata prioribus evanidis succrevêre, dolor nempe musculos pectorales sinistro latere infestabat, sed longè majores, musculos tum humeri tum scapulæ ejusdem lateris spinamque dorso dolores excruciant, ita quidem ut noctes insomnes cum maximâ inquietudine perageret, nisi Laudano devorato hostem compedibus ligaret, per 15. circiter dies hâc arte per noctes prædictus Pharmacopola naturæ inducias largiebatur, doloribusque interdicebat, qui tamen ceu nocte coacti de die atrocius sæviebant, adhæc tussis sed fermè inanis divexabat, tantaque macies ut non priùs incendii maligni periculum prætergressa videretur, quàm intra tabis confinia sisteretur, doloribus istis placandis Phlebotomia pro sextâ vice ab eodem instituta nihil profue- rat, tum accersitus ad ægram, marcidulam eandem adinveni, febriculâ laborantem, doloribus & inquietudine miserè excruciatam, ventris duritie infestatam, ut jam per aliquot dies non dejiceret; tum temporis à morbi magnitudine, longitudine, curâque perperam institutâ nonnisi mali ominis eventum prædicebam, prognosticoque contentus, ne infamarentur præsidia, à curâ temperabam, verùm sollicitatus clysmata, balneationem semel aut bis institutam, emulsiones, Bechica & Oleum Amygdalar. dulc. consulebam, istis emol- liti humores magna sputi crassi & feculenti foetidi que expuitio subsequuta est, doloresque evanuerunt, verùm à præcedentibus infirmatis viribus tussique fermè continuò infestante abortivit absque dolore, ulloque gravi symptomatum apparatu, sed indies emarcescens sputumque purulentum copiosè expue-

expuebat, usque dum tandem tabo pulmones marcidulos corrumpente ad ultimum Phthiseos gradum deduceretur.

SCHOLIUM.

Febbris hæc Epidemica in multis exitialis fuit, & ex signis stipata quàm pro more deterioribus ad malignam jure merito referri debuit, supraque synochos putridas singulari corruptione symptomatumque sævitie emicabat, nec uti in putridis assolet, certo dierum spatio secretionem noxii humoris crisin moliebatur natura, quin imò in quibusdam ab eâ nihil induciarum, fraudis verò plurimum, in benè multis tamen si posito furore ad salutem converteretur, nonnisi incerto processu dubiaque viâ res ægri positæ videbantur, ita quidem ut nisi prudenti Medico, uti experite in barathris & circa scopulos naviganti nauclero, fors ægri gubernaretur, infaustum plerumque subsequutum sit exitium.

Ad fecundissimam illam morborum procreatricem aëris iniquioris putredinem excellentem atque eximiam ceu ad communem causam hancce febrim anomalam cuiusvis referre obvium est, is enim sive sit perversa spirantium ventorum, aurâ inquinatus, sive diuturno hyemis tepore, vel acerbiori frigore insensus evadat; sive à sentinis, cœnosis specubus, disjectisve passim cadaveribus labem acceperit, simul atque per conspicuas, & quæ sensum fugiunt vias, infert se in viventium corpora, facile quidquid contraxit, vitii comportat, quocunque penetrat; nec tamen omnes, quibus triste virus afflat, febre mulctat acerbissimâ, ast illos sæpè qui peculiari spirituum humorumque diathesi grassanti contagio minus resistentes, inficiuntur, sed eos sæpius qui jam aliquam ægroandi causam in suo sinu gerebant; ut nec ab his inquinentur, quicunque exhalatam per corporis spiramenta tetram mephitim contagione hauserunt; perinde nimirum ut cujusmodi cujusvis corpus affectum, ita & à contagio contaminatum,

unde & symptomatum sævities diversa morbiq̃ue tenor varius incertiq̃; eventus contingit.

In muliere utero gerente ex suppressis mensibus impuritas plurima, clàm cum ipsis visceribus æstuans pabulum auræ peregrinæ luculentum quo exarderet abundè suppeditavit, impuris itaque facibus correptum universum corpus æstuabat plurimùm, spiritus incandescentes ictibus suis, qui vitæ gubernacula temperant, irrequietè vibratis in motum velociorem rapiebant humores, exorbitantes in cerebro mentis errorem & delirium acciebant. Uti ex accenso ustulatoq̃ue ligno caminus fuligine nigrescit, sic & à vaporibus adustis sursum raptis linguæ nigrities, fauciumq̃ue ardor oriebantur, ipsaq̃ue fitis vellicatis linguæ fibrillis turgens humor & malignus, uti assolet in purgantibus deleteriis, intestina proritans fluxum concitavit; exanthemata uti singularem humorum fermentationem sic & singularem sanguinis corruptelam arguere solent, & sicuti ex igne luculento particulæ quædam, crassiores, quæ in flammam non abeunt, in scintillas cum crepitu erumpunt, sic & ab insigni sanguinis fervore crassiores particulæ è mixtionis vinculo solutæ, quæ in auras & per poros exilire renuunt, in stigmata cute interpolatâ sòbolescent. Subita virium prostratio non solùm à motu humorum perverso febriliq̃ue fervore oriebatur, sed maximè à fermento maligno, quo profligarentur spiritus, viriumq̃ue tenor labasset.

Tota incolumitas pendet ab exilio auræ fonticæ, ideò & venarum rabum, quo pascitur maligna febris, foràs secernere, & etiam liberali manu profundere recto ratiocinationis stylo evincitur, reliquamque qua gaudet illuviem omni arte subducere, symptomatum interim ferociam humorumq̃ue fervorem cohibendo; sed quis sanâ mente sanguinem exhauriet plusquàm ad eventilandum sit necesse, nonnè enim unà cum penu morbifico exhauritur & succus vitalis nutritius & laudabilis? nonnè ex quâ parte plus periculi & detrimenti accersit

cerfit plus & præsidii magisque opitulandum? Vires insigni-
ter atteruntur, spiritusque profligantur, quidnî igitur, ubi
humorum pleonexiæ convenienter satisfactum, citiùs de re-
focillandâ naturâ viribusque recreandis cogitandum quàm
balsamus vitæque thesaurus cum impuritatibus liberaliùs pro-
fundendus? Adhæc stipendia ingravidationis tempore in-
fœtus alimoniam erogata, nonnè & parciùs sanguinem mitti
debere indicabant? fœtus enim in utero ceu caudici ligatur
amico, cujus injurias desponsavit, quatitur caudex, patitur ra-
mus, ille penu vivifico destituitur, hic & genio suo defrauda-
tur, ille manet, hic defloret, quid igitur in ipsâ febre hecticâ
exhauriendus sanguis vitæ thesaurus fons & origo? Et quis
quæso vinum tonitru agitaturn, perculsum turbidumque fa-
ctum, epistomio aperto liberaliùs profunderet, depurationem
adepturus; si effervescat nimium fervori compescendo, fora-
mine pertuso dolio, subindeque occluso, vel tantillum extilla-
tum sufficiet?

Excretio ad cutim in malignis excrementi in sanguine la-
titantis pravæque qualitate affecti non solum materiæ hetero-
genæ cumulum, sanguinem in ebullitionem concitantis,
theoreticè arguit, verum & in praxi illius motus ad exteriora
propensionem promovendam indicat, quò tendit enim hu-
mor eò ducendus, eòque major successûs spes affulget, quòd
aura peregrina, quæ corpus subintrat, nonnisi sub parvæ mo-
lis atomorumque tenuitate quasi spiritus insensus humores
percellat, in fermentationes adigat, quâ viâ igitur quibusque
technis introcessum molitur, eadem & ratione pari que tenta-
mine retrocessus excretioque promovenda. In hocce igitur
casu cardiacorum omissione malignitas latiùs serpens vires suas
faviùs inussit, suâque aspergine ideò etiam crudeliùs infecit,
quod frequentiori sanguinis missione debilitata natura contra
hostem insurgere noxiique humoris secretionem moliri impar
evaserit.

Utus sit, quamvis viâ in malignis insolitâ institisset, maliciam demùm adeptus, sine morâ sedimentum è prægressâ fermentatione residuum eccoproticis subducere ipsi incumbendum erat, vias reserare debuisset, qui enim humores ex sanguinis deflagratione residues non secernuntur vel ex ipsâ morâ peiores facti, atque pravâ qualitate inquinati, ex foco suo jugiter pertranscunti sanguini auram malignam afflabunt, quæ enim, ex *Hippocrate*, relinquuntur in morbis, recidivas faciunt; separatione itaque factâ, uti ex symptomatibus remittentibus conjicere licebat, excrementa stagnantia incaluerunt, ignisque sopitus denuò accensus est, humorisque peccantis facta est præcipitatio in musculos thoracis tum & scapulæ, & inde dolores dirique cruciatus; In cujus novi morbi ex præcedaneo sobolescentis progeniem, suam & operam, conferebat usus Opii intempestivus & diuturnior: ligatis enim ab ipso spiritibus, à muniis suis avertebantur, excrementa moras necabant, humoresque in sanguine fermentescibiles coacti in musculos pectorales partesque pectori vicinas procubuerunt suâ acredine partes lancinantes, demùmque humor stagnatione corruptus in massamque; refluus pulmones suo tabo infecit Phthisisque succrevit.

Triste quorundam experimentum, qui ab assumpto Opio perpetuum somnum obdormiverunt, prudentiori metum incussisset, si enim fumo extinctæ lampadis foetus vinculis suis solutus feretro pignoratur, quid non metuendum erat à foetore Sulphuris Narcotici, tussicula, quâ prius laborabat, conatum naturæ ad expulsionem materiæ morbificæ arguebat? nonne pondus amovendum angebat figebatque devoratum Opium? bellum enim indixit pectori, respirationem coarctat, partiumque, quæ ideò istud onus amoliri debuissent, peremptis spiritibus, vires deprimebat. Appetitus, à quo omnis nutritio vitæque radix dependet, dejectionem inducebat, *βραδυπνευσία* enim & alvi segnitiei communes medicinæ opiatice effectus esse notum, stomachi quoque gravamen inducebat. Ex his obvium est conclu-

cludere, istos medicaſtros, verorumque Medicorum ſimias, malorum navium gubernatorum ſimillimos eſſe, qui ſi tranquillo mari navem regunt, nemo eos peccare deprehendat, quòd ſi eos vehemens ventus aut tempeſtas oppreſſerit, tunc omnibus manifeſtè conſtat, eorum imperitiâ & culpâ fuiſſe perditam. Ne tales igitur imperiti credulis fucum faciant, impunèq; ludant de corio humano, optimè Reipublicæ Medicæ conſultum videretur, ſi priùs ad examen revocarentur, antequam artis ſuæ tentamina experiri liceret.

OBSERVATIO CXV.

D. JOHANNIS de MURALTO.

Sutor à febre epidemicâ decumbens, ſparſis per corpus papulis ſectâ venâ meliùs habuit & convaluit, è contrâ Sartor quidam hâc omiſſâ periit.

Sutor febre epidemicâ hocce anno ſub initium veris, triginta circiter annorum, temperamenti ſanguinolentobilioſi decumbens, jam diem ſextum à morbi inſultu, agebat, phlebotomia jam fuerat celebrata & quinto die morbi papulæ per totum corpus conſitiſſimè comparuerunt verùm ſine ullâ febris remiſſione, quin magis exaſperabatur febris, vigiliæ inſtabant, ingens præcordiorum æſtus vigebar, ſitisque premebat, vocatus in conſilium cum Medico ordinario, phlebotomiam celebrandam præſcripſimus, præmiſſo clyſmate, mirum quàm efficaciter profuerit, ſymptomata remiſerunt, aliisq; adminiſtrationum modis à Medico ordinario methodicè inſtitutis ad ſanitatem perductus eſt; Cùm è contra Sartor alter ex eodem affectu correptus, neglectâ plebotomiâ quinto, ſexto, ſeptimo die exaſperatis ſymptomatibus, papulisque effloſcentibus duodecimo morbi die

obiit, etiam si sub initium morbi jam fuisset celebrata venæsectio, catharsisque instituta, juventusque ac in priori adesset.

SCHOLIUM.

QUamvis ejusmodi ecchymatum & papularum per totum corpus sparsarum eruptio vim propensionemque naturæ ad exteriora materiam morbificam propellentis arguat, non tamen ideò ipsius liberatio integraque solutio declaratur, si igitur ab exanthematum efflorescentiâ non imminuantur symptomata, quin magis exasperentur, periculumque immineat vel phrenitidis, peripneumonix, aut pleuritidis, humorumque fervor humoris morbigici decubitus portendat, sine morâ, experienciâ fiduciam augente, tutò secari debet vena. Præterea sanguine misso, natura, quæ molitur ejusmodi papularum excretionem levatâ sarcinâ, pravorum humorum quâ premebatur, facilius quod reliquum erit, pravi & maligni in cutem propellet. Deinde nullum est remedium, quod celerius sanguinis fervorem temperet, quàm venæsectio. Ne quis tamen exinde occasionem arripiat nimiam aut frequentiori venæsectione vires exhaurire, potior enim indicatio semper desumenda à viribus, quarum conservatio & tutela ideò majoris sunt momenti in malignis, quòd insidiosè aggrediantur, spiritibusque profligatis vires alterent. Prudentiâ autem dirigente, cujus usus si in quibusvis aliis tum imprimis in medicina necessarius est, ratione putredinis, tum ut juvetur motus humoris papulas committentis ad partes externas, tum etiam ratione febrilis ardoris & incendii, tum quoque ratione malignitatis humoris, quia unâ cum sanguine portio miasmatis morbigici detrahatur, minimè dubitandum est, quin sit in maligna febre sparsis per corpus papulis secanda vena.

OBSERVATIO CXVI.

D. JOHANNIS de MURALTO.

Asthma convulsivum.

Mulier grandis staturæ, tenuis tamen habitus, saturato genarum rubore prædita, temperamentique sanguinolento-biliosi, sub initium Augusti Ann. 1688. medicatrices manus à nobis expetens, talem morbi historiam referebat: primò in ipsâ infantia tumores retrò aures glandulosos habuit, sed fonticellorum ope evanuerunt, per totam vitam frequentes hæmorrhagias passa est, per virginitatem statis quidem periodis, sed parvâ quantitate fluebant Catamenia, frequenter autem sanguis è naribus profunde-
batur; à duodecim annis matrimonio viro juncta, puerpera-
que quandoque facta & alumna, non periodicè sed incertis intervallis redibant, à tribus autem annis & dimidio, per tres aut quatuor menses suppressa fuerunt, quo temporis intervallo frequenti vertigine tentata fuit, oppressæque vires languiebant, demùmque febre intermittente laboravit, à qua venter aliquandiu tumidus evasit: post sex autem aut septem mensibus aut ter recurrentibus menstruis demùm adhuc per quinque aut sex menses substiterunt, ex quo & iterùm fluxerunt aliquot vicibus, hæmorrhagiæque oborræ sunt. Notatu dignum, ab imminuto rariori-
que Catameniorum fluxu, rariùs parciùsque tum & hæmorrhagias contigisse, ab isto autem imminuto parciiori-
que fluxu ad suppressionem tendente, insignes calores per totum corpus tum temporis & fermè continuos patiebatur, à phlebotomiâ in pede celebratâ tantisper remiserunt, sed postea revertentes ad hoc usque tempus continuaverunt; à 15. circiter mensibus tum primùm aurium tinnitus cum murmure obtigit, quo ipsi videbatur caput esse vento gravidum, quemque per decem aut duodecim dies persentiebat, ex quo istis flatibus, uti loquebatur, in guttur prolapsis

lapis respiratio intercipiebatur, sed momento discusso flatu instaurata est etiam respiratio; post annum idem tinnitus auriumque murmur per idem intervallum revertebatur, à sanguinis autem missione tum temporis remisit, duobus autem aut tribus mensibus ab isto symptomate in colloquio confabulans subindè raucedine cum tussi correpta, iteratis vicibus, quantum ovi testa contineat, sanguinem expectoravit, tumque pectus ita oppletum inflatumque persentiebat, ac si à sanguine turgidum habuisset, vixque exin spiritum ducere poterat, à sanguinis missione ex pede substitit quidem sanguis, plenitudinis gravaminisque sensu interim ad aliquod tempus perseverante, post tredecim dies eodem symptomate sub aurorâ correpta est, quodque octo vicibus eodem ipso die reversum est, palpitationem etiam cordis tum temporis patiebatur, post octo dies è somno expergefata eadem oppressione correpta, è lecto subindè istud onus fugatura exiliit, verum adaugebatur, caputque & collum pectusque quasi vento gravida obstrepebant magis, tumque adeò plectebatur, ut spiratione quasi intercisâ ad aliquod tempus conciderit, ingeniiq; robur quasi vacillans aliquatenus fractum sit, ante autem ejusmodi paroxysmum calorem insignem in stomacho, quo totum corpus perfunderetur, sentiebat, alterumque caloris sensum ab altero distinctum percipiebat, qui è superioribus à latere sinistro usque ad ultimum pedem perreptans ceu candellæ adurentis sensum impertiebat. Ex quo etiam sub curâ nostra fuit, eodem symptomatum apparatu corripiebatur, ut quandoque conquereretur de tali plenitudine inflationisque sensu tum in capite, collo & pectore, uti præfocationis sensus immineret, tantoque timore percellebatur, ut mortem adstantem & præ foribus fortiter persuasum haberet, neque ab isto mentis errore abduci patiebatur, quin difflato penu morbifico animi certitudo fiduciaque accerseretur; aliquando de particulari quadam constrictione in regione cordis conquerentem vidi. Parùm emungebat, parùmque expuebat, nisi fortè

fortè pauxillum pituitæ falsæ, aut post symptomatis cessationem pauxillum salivæ tenuioris. Hoc autem notandum, quòd à mensium suppressione per aliquot tempus albo fluore correpta fuerit.

SCHOLIUM.

Glandulæ in infantibus uti molliores, ita & tument facilè, humoremque sibi asciscunt, quo turgeant, & si serum secretum labe quâdam inquinatum sit, graves quandoque affectus glandulis inurit; Cura, quæ contigit fonticellorum operarguit, serum nihil maligni, quo glandularum crasin everteret, in se habuisse. Hæmorrhagiæ tum in infantiâ tum & in ætate juvenili & per totum fermè vitæ curriculum opulentum sanguinis fermentum & quadam acredine dotatum, quo humor sanguineus abundè scaturiens suâ acredine vasorum ora recluderet, indicabant; Ex hac causâ quædam frequentes phlebotomias innoxie, imò cum levamine patiuntur, è contrâ principiis fermenti sanguinei à naturâ depressis; aliæ ab hæmorrhagiis aut frequentiori phlebotomiâ insigniter læduntur, spoliato siquidem humore primogenio depauperatisque spiritibus graves affectus maximèque hydropem incurrere solent. Mulieres supra viros fermento gaudent, quo turgentes humores in statas evacuationes proritentur, quarum beneficio humores repurgantur, defæcatur sanguis, totumque corpus ab excrementis depuratur, & quamdiu ista purgamenta debitâ mensurâ & periodicè recurrunt, tamdiu & bonâ valetudine frui consueverunt, ipsorum autem imminutionem aut suppressionem graviter ferre solent, non solùm etiam sanguis quantus sed & qualis expurgatur, ideo *καθαρισ κατ' ἐξοχήν*, dicta purgatio *Erasistrato*, quæ quamdiu naturæ legibus pareat, secundùm *Hippocratem*, mulier podagrâ non laborat, à suppressione malorum ilias surgit, quæ *lib. 1. de morbis mulierum* ab ipso *Hippocrate* prolixè recensentur. Itaque tum primùm vertigine tentata fuit, vires languebant, febrisque diuturna

accenta est, calore subindè recurrentes ipsam corripiebant, à pariori autem menstruorum fluxu parior & hæmorrhagia obtigit, fluxus siquidem uterque ab eadem causâ proritatus, ab eadem & uterque circumcissus, pleonexia & catullitio ipsum concitabant, imminuta quantitas motusque remissus remorabantur demùmque sistebant, unde sanguis vitiosus factus est humoresque inquinati sunt, ex quo fluor albus aliquandiu profluxit, venter incensus est totumque corpus à caloribus subindè recurrentibus incaluit, verùm non solum intra fluenti sanguinei cancellos tragoedia peracta est, ulterius enim progrediente penu morbifico caput affectum est, ipsumque quasi vento gravidum persentiebat, materiâ siquidem morbificâ rarefactâ & quasi æstro percitâ, elidebantur & spiritus, disgregatique ceu venti obstrepentis sensum inducebant, prolabente autem eadem materiâ, coarctata fuit respiratio, intraque pectoris terminos quasi nidum congerentem asthma flatulentum certis intervallis recurrens, concitatum est.

Asthma propriè dictum est respiratio difficilis, frequens, & velox, cum sonitu, facta ob meatuum pulmonis interceptionem citra febrem. Estque de genere symptomatum actionis depravata, & sequitur instrumentalem morbum in viâ. Hujus proxima causa est viarum spiritalium angustia, quæ maximè fit ob crassorum lentorum, aut multorum humorum plenitudinem aut concretos ex gypseâ pituitâ lapillos. Cujus signa pathognomonica sunt, stertor inter spirandum elisus, pectoris angustia & cujusdam quasi gravaminis præpedientis & obstruentis sensus.

Asthmatis veri flatulenti symptomata sunt inflatio, præfocationis metus, convulsiones quandoque inducuntur.

Symptomatum differentia, causarum etiam num discrimen arguit, utque primi asthmatis vulgariterque sic dicti causa in ductus pneumonicos refertur, ita & hujus in partes moventes referre obvium est. Itaque si ex vitioso sanguine ceu impurâ scaturigine

gine latex spirituosus extillaverit, eâdem labe inquinatus quid-
ni orgasmus progignetur anomalîæque contingant ! Et in-
quas propagines nerveas prolapsus fuerit humor noxius, par-
tes, quibus appensæ sunt illius orgasmi vi & impetu pœnas
luent ! Enimverò ductus pneumonicos non affici vel exinde
constat, quòd parùm aut nihil expuant, nec ante nec post
paroxysmum, quòd nullum gravaminis nec plenitudinis sen-
sum intus patiantur, quòd nullus adsit stertor nec sibilus, quin-
imò sedato paroxysmo æquè liberè spirant, ut si nihil mali nec
incommodi passi essent, restat igitur, ut causâ interceptæ spi-
rationis in ipsis partibus moventibus intercludatur. Nec
enim in ipso sanguine reponenda, vel enim tale phœnome-
non à subita ipsius condensatione aut rarefactione continge-
ret; Non à subita condensatione, quippe nec in pallidis vir-
ginum coloribus, nec aliis affectibus, quos sanguinis crassities
aut seculentia inducit, tale quicquam observatur, spirandi
quidem difficultas inducitur in Chlorosi in Leucophlegma-
tiâ, sed alio modo contingit, nec enim tam subito ingruit, nec
tam fortiter intercipitur spiritus, nec tam citò remittit, nec in-
flatio percipitur. Nec ab ipsâ sanguinis rarefactione hicce
affectus ingravescit; enimverò si ab effervescentiâ sanguinis-
que Phlogosi tale symptoma induceretur, illud imprimis in
peripnevmoniâ contingeret in causo, quod tamen non acci-
dit, quamvis enim adsit quædam spirandi difficultas in istis,
à vasis sanguine ebulliente distentis, nulla inflatio nec præfo-
cationis sensus observatur, nec vice versâ in isto ulla inflam-
mationis recmeria adsunt, restat itaque, ut hujusce symptoma-
tis causâ referatur vel in ipsos nervos pnevmonicos, muscu-
los pectoris, fibrasque musculares, quæ vesiculas pulmonares
circumcingunt, aut in ipsa vasa lymphatica, aut glandulas
pulmonum substantiam intertexentes; Glandulæ hocce sym-
ptoma accersere nisi secundariò non possunt, in quantum
obturatæ lympham nec à sanguine nec à nervis residuam non
secernunt; Unde accrescat penus morbificus huncce affe-

ctum accersurus, aliàs indurata aut tumore accrescentes asthma commune inducunt, nec in ipsos ductus lymphaticos causa morbi nî fortè etiam secundariò rejicienda, quippe lymphæductus quamvis numerosâ prole in pulmonibus sobolescant, nil nisi aquam exportant, liquoremque quasi effœtum evehunt, proindeque effervescentiis concipiendis minus idoneum. Ipsi autem nervi humore æthereo & spiritibus *ἰσχυρότεροις* saturati plerumque in motibus suis pervertuntur, suos quippe motus passim corripunt vel ab ipsis desistunt, utique aër ventis perflatus pistrini motus eventilatione accelerat, vel iisdem sedatis sistitur, sic pari ratione quandoque spiritus œstro quodam perciti motus suos reduplicant quandoque & remittunt; In hanc rationem veniat obstructio vasorum lymphaticorum, si enim glandulæ non secernant serum à nervis, ut evehatur per vasa lymphatica, à lymphâ remeante & intra nervorum canaliculos stagnante spiritus deligati & quasi incarcerati vires suas exerunt, cessationis integræ periculo intenditur motus animalis, naturaque spirituum cursum corripit, donec fracto obice, prior & naturalis spirituum motus redintegretur pari fermè ratione, si vitiosi succi & catulientes confertim irruant, nervos pnevmonicos quasi obruti spiritus eliduntur, pro viribus contendunt secretionemque moliuntur, interim per illos conatus naturæque nîsus respiratio interturbatur, motusque pnevmonicus intercipitur, distentiisque, uti in tetano nervi quasi rigidi perstant & convelluntur, sanguisque ideò quasi sistitur, inflatio percipitur ab orgasmo spirituum, ipsorum ab invicem secessu & disgregatione tandemque peragitur tragoedia, donec subactâ materiâ vel aliò diductâ aut resorptâ calcatam viam resumunt. Ex his itaque obvium est concipere à suppressione mensium sanguinis massam materiâ extraneâ & incongruâ abundè saturatam, varia hæc symptomata progenuisse, descensus humoris flatulenti, quem percipiebat, nullâ aliâ viâ commodiori quàm per nervos institui posse videtur, hoc arguit, quod passim obser-

observetur à prolapsu cujusdam humoris carniū subsultus subsequi & auræ cujusdam ascensu ac descensu varios motus spasmodicos excitari, uti & quandoque ipsa epilepsia tali præludio inchoata potenter sævitæ vires exerit. Itaque qui ab ostiis glandularum patentibus & reclusis catarrhorum fontes dixerit, symptomata explicabit facilè, cum caput glandulis undique oblitum, & vice versâ qui ab iisdem occlusis & coniventibus feri refluxu in nervos pentum morbificum sæpiusque spasmodicum congeri asseverarit, non à verosimili ablu- det, glandulæ enim nihil aliud sunt quàm cribra, per quæ latex deducendis spiritibus inserviens, & ab officio immunis & quasi effœtus ab extremis & capillaribus vasibus deciduus per poros sibi convenientes instillatur in vasa lymphatica, uti & per quæ dum ex arteriis in venas per capillaria transit san- guis, liberatæ à sanguinearum amplexibus serosæ partes calo- ris vi per convenientes sibi poros expellantur in capillaria lymphaticorum. Interim ut asthma propriè sic dictum ad phthisin aut hydropem disponit, sic & hoc ad convulsiones & ipsam epilepsiam plerumque alludit. Huc referatur mens Celeberrimi Wepferi de Orthopnœa Domini N. N. in Obser- vatione seq. num. CXXI.

OBSERVATIO CXVII.

D. JOHANNIS de MURALTO.

De

Vomitu.

Quidam Pharmacopola ætatis 43. annorum, tempe- ramenti biliosi, vino meraciori indulgens, diarrhœæ certis intervallis recurrenti obnoxius, flatus, cohibi- to illo fluxu eructabat per noctem, neglecto per ali- quot tempus hoc symptomate, demùm vomitu correptus fuit, purgatio instituta est ad motum humorum ad inferiora

revocandum, sed cum nihil prodesset, vomitus etiam proratus est, bolo devorato ex Croc. Metall. gran. v. cum s. q. Conserv. Cynorh. benè repurgatus est tum per superiora tum per inferiora, evacuatioque facta cum bona ægri tolerantia, & etiam cum aliquo levamine ita, ut etiam per aliquot dies rariùs vomitus accitus fuerit, verùm non in totum cohibitus sensim adauctus est, ita quidem ut aliquandiu à cibo, quem cum appetitu capiebat, vomitu corriperetur, vomitùs præludia erant præcordiorum inflationes, quibus attollerentur sensibilibiterque intumescerent, interim dejiciebat, & quidem materiam laudabilem & cum moderamine, notatu dignum, quòd materia vomitus, quæ nihil aliud erat, quàm serum & forsàn sub finem humorum colliquamentum, esset insigni acore dotata, uti patiens conquerebatur, quamque satis copiosè rejiciebat, omnibus tandem auxiliis incassum tentatis, tum per adstringentia tum per revellentia, attritis viribus concidit, ita quidem, ut ab initio morbi ad finem, sex hebdomadarum curriculo tragoedia peracta sit.

SCHOLIUM.

Nisi quotidiana substantiæ jactura quotidiano pabulo resarciretur, brevi universa corrueret moles, ac vita eriperetur, in eam rem natura nobis insecvit cibi potusque desiderium, cibo sarcimus quidquid solidioris substantiæ excidit, potu quidquid humidioris; sed ut esculentorum ita & potulentorum vis est, quam nulla res æquet, ac in amborum usu variè sapiùsque delinquitur; Itaque cum multa quæ ad rationem victus pertinent, tenenda: tum maximè quæ cujusque cibi potusque sint vires atque discrimina, quis habendus utriusque modus, quæ adhibenda copia.

Vino, quòd à S. Scriptura encomium mutuatur, suas laudes detrahare nec rationi consonum minusque & veritati conformè videretur, qui igitur à victu in totum ablegant, illud, non nisi sub cujusdam mali, quod prævident, prætextu, per-

peragere censendi sunt; jure enim & in eorum, quæ nutriunt numerum adscribi potest, quantòque faciliùs potu quàm cibo refici datur; tantò & celerius infusum corpori vires suas effundit, tristitiam enim fugat, vires prostratas erigit, consopitas exsuscitat, coctiones promovet, vecordibus & pusillanimis animum addit, uno verbo, nullum præstantius cardiacum, quo syncope animique defectui citius certiùsque medeamur, quàm ipso vino, nullumque excellentius à DEO donum excogitari potest, si intra legitimi usus sobrietatisque terminos ipso utamur; sed meliora abusu pejora evadunt; Hujus liquoris, velut numismatis inversi, si *φάσις* altera inspiciatur, planè nocua apparebit; in qua non minùs damni, ac maleficii, quàm in priori ista emolumentum vidimus, detegere licebit; adeò muneri huic à Diis concessio plurimùm toxici adjungitur, ut de ejus crebro, nimiumque frequenti usu minimè liceat nos securos esse: argumento sunt halitus, ructusque foetidi, sitis, inquietas nocturna, furiales somni, tremulæ manus, & quæ hoc fonte derivata morborum ilias hominem graviùs solet affligere; tardum scilicet dictu plura homini creet bona an. mala? est quidem hoc ornatum privilegio, ut spirituosâ quâ pollet substantiâ jacentes dissipatasque vires suscitaret colligatque promptissimè; at non tanti est illud, ut cætera quibus corpus animumque malè mulctat incommoda, hoc, quod etiam ad nos aliunde venit, beneficio redimantur; nempe inani acceptum ventriculo magno ejus damno ac tormento fervet, æstuat, immaniusque debacchatur, quidnî & Circeus Liquor, quòd largiusculè haustum, vel *Socratem* momento queat in *Orestem* vertere, quod viscera ipsa distendit, calefacit, siccit, urit, inflammat; sanguinem, corpus, mentemque furiat, docet libidinem, quid quòd vini aviditatem auget ipsa bibendi consuetudo; meliorique extinctâ temperie, haud secùs ac terra semper madida spinas, lolium ranasque educat. Non minoris itaque interest, quanto, quàm quo quisque pascatur alimento. Illius in utramque partem magna omninò

vis.

vis. Nam è satietate nimiâ, corpus cruditate, quæ morborum omnium mater est, dissilit. Hinc non sufficit gulosis nec ebriosus vim & temperiem à nativitatibus primordiis accepisse, cum sibi parent domestica jurgia connutrientque omne veneni genus Ebriosi: Opium quidem & Narcotica, in vapore nocentis sulphuris, è putri viniq̃ue particulis nimium saturato sanguine auram narcoticam aurigantis, spiritusq̃ue animales ligantis, hinc somnolenti fiunt, socordes, stulti, oscitantes, obliviosi, nulliusq̃ue frugis homines; sublimatum in bile æruginosâ, frequentiori quippe largiorique vini potu, sulphur nativum dissolvitur, calorq̃ue primigenius obtunditur, unde acores aliæq̃ue dyscrasie non facile curabiles contingunt. Talem morbosum apparatus vini potus indulgentiâ diu sibi connutrens sicq̃; æger demum in grave hoc symptoma incidit, humoresq̃ue miscellæ extraneæ consortio diu prægnantes tandem dirum hunc affectum progenuerunt, intumescente itaque circa præcordia bile æruginosâ, vasorum ora undique reclusa patefacta que sunt, tumque adeò continenter prorupta, ut unâ cum succis morbidis & vitiosis tum & laudabiles fuerint elicti, usque dum tanto tamque diro humorum orgasmo coercendo viribus impar natura succubuerit.

A suppressione consuetæ evacuationis penum morbificum intra viscera congeffit, unde omnium borborygmi flatuumq̃ue eructationes, rugitus, & vomitus demum subsequuti sunt. Acor inducebatur non solum à fervore præternaturali, à vini meracioris usu frequentiori in humoribus excitato, quo scilicet spiritu exhalato acidum prævaleret; sed & ipsum vinum, quod multum acidi in se continet naturam vitriolicam impertiebat, inde natas crediderim tot spirituum anomalias temulentis familiares, quibus passim corripuntur, humore siquidem vitriolico plenius elutriato sanguine, surgit narcotici aliquid, quo hebescant spiritus, unde memoriæ deperditio, paraplegiæ & alia contingunt; non omnes quidem ex æquo plectuntur, sed pro ratione varia, temperiei va-

rias quoque luunt pœnas, biliosi siquidem quique spiritus à naturâ erectos obtinent, animæque corporeæ systasin firmiorem nacti sunt, non tam citò de vigore remittunt, neque tam facilè intoxicantis liquoris laqueis irretiuntur ac imbecilliores, debiliq̃ue nervorum tono præditi; verùm exin non idèò feliciores sæpiùs videre licet, quippe qui corporis pathemata devitant, graviori noxâ, mentis plerumque morbos contrahunt, hinc ubi cæstro quodam perciti in motus perniciosos ac irrequietos adiguntur, & quasi à malè morato spiritu agerentur, furiosi evadunt adq̃; maniam non parùm alludunt.

Parcè igitur æquo jure vinum bibant omnes, parcius tamen biliosi, & qui cœlo calidiori gaudent, & quibus à naturâ genus nervosum est debile, hosce enim offendit, illos malignè nutrit, & vitalia jam præcalida incendit, placido aquæ humore meliùs proluenda. Certè quod acris, alieni, aut turbidi quidpiam in se cohibet, quantumlibet feliciter decoqui videatur, quas attinget partes, suâ istâ imbuet, quam mordicus retinet pravitate; ferè ceu canis rabidi virus, tandem in grande aliquod malum erupturâ. Ebriosi potus quidem vini dulcedine capti, ceu nescientes in ipsius partes rapiuntur, familiariùsq; cum eo uti amant, sed quos sibi conciliat atque demeretur hospites ceu hostis infestissimus, si quando vim manifestam non afferat clàm certè ipsorum exitium intendit, vitæq̃; principia depopulatur.

OBSERVATIO CXVIII.

D. JOHANNIS de MURALTO.

De

Rabie.

Propè Pontisvellam apud Sebusianos lupa rabida è nemoribus duabus circiter horis ab urbe dissitis profiliens, in quos incidebat adoriens rictu diducto momordit, ita

Dec. II. Annus VII.

Dd

ur

ut quinque personæ ab ea demorsæ fuerint, usque dum ultimò infante ab ea demorso, horæ quadrante ab urbe, ab ipsius parente scipione mucrone ferreo instructo interfecta fuerit. Quatuor prius demorsi ante quadraginta dierum lapsum rabiosi facti obierunt, ultimò demorsus infans evasit. Ex quatuor prius demorsis adolescentem quindecim circiter annorum curæ nostræ subiectum vidimus, qui variis dentis rabiosi morsibus manum dilaceratam habebat, manus subindè fuit scarificata, & aliquandiu vulnera aperta detinebantur, verum cum nullius prorsus mali augurium minaretur, nec parentes ideò curam longius protrahi permitterent, post viginti circiter dies à morfu oclusa sunt, neglectis interim remediis internis, trigesimo autem octavo à morfu sub vesperam inquietudine affici cœpit, animi corporisq̃ue iactationes patiebatur, noctem insomnem transegit, postridie exasperatis symptomatibus excandescabant oculi cum aspectu lurido & torvis oculis, os distortis moribus circumagebatur, iactationes inchoatæ adaugebantur, fastidibat, corpus calore immodico perfunde-
batur, vomitus infestabat, spumam circa os ejiciebat, incendium internum patiebatur, lingua exarescebat, hisce symptomatibus divexatus, tandem circa mediam noctem è suo cubili in terram se projecit, pedibusq̃ue in altum circa dolium erectis, capite in terram prostrato terram commordens animam efflavit. Intereà tum temporis expostulato pro infante, de quo supra, consilio, cum fortè, propter mollitiem humorisq̃ue decubitus nativum in genas, quæ fuerant demorsæ, vulnus à morfu nondum oclusum esset, iussi, ut per diu maneret apertum, purgantibus intereà convenientibus per epicrasin repurgato corpore, hisce auxiliis maximè vulneris diu manantis apertura incolumis evasit, & etiamnum post quinque circiter annos à morfu satus tectusque vivit. Notandum, quòd, quamvis hydrophobia pro pathognomonico signo rabiei habeatur, ipse tamen adolescens, de quo supra, in ipso symptomatum lethalium vigore hauserit quosdam Ju-
lepos.

lepos, sed tamen etiam quod non minus notatu dignum, ipse
 patiens, à morfu, quamvis ætas vigeret, fuissetque solitus an-
 tea, uti alii ejusdem ætatis, sæpius etiam in die lavare corpus,
 nullatenus tamen balneum ingressus fuerit.

SCHOLIUM.

EX symptomatibus huncce affectum concomitantibus in-
 ter generis nervosi spirituumque animalium pathemata
 recensere rationi consonum videtur, enim verò motus con-
 vulsivi, imaginationisque depravatæ phantasmata huncce af-
 fectum signis pathognomonicis designantia illud arguunt.
 Itaque ad alteram melancholiæ speciem, maniam nempe seu
 ad genus commodè referri potest.

Duplex est enim melancholia, altera sic propriè dicta,
 quæ est delirium sine febre cum metu & mœstitiâ sine causâ
 manifesta ab humore acerbo potenter dominante, qui tetrâ
 & nigricante anathymiasi cerebrum perfundit, spirituumque
 in eo substantiam permutat, atrisque tenebris luciditatem con-
 spurcat: altera est mania, quæ est functio depravata princi-
 pum cerebri facultatum, mentis præsertim cum excandescen-
 tiâ sine febre, ab incendiariâ cerebri dyscrasiâ, ad hanc ulti-
 mam seu ad genus species aliæ referuntur, ut sunt Lycanthro-
 pia, Cynanthropia, & Hydrophobia seu rabies.

Describi potest spirituum fervor & excandescencia cere-
 brique intemperies exusta & contagiosa, à veneno suscepto,
 succosque atrabilarios ad *ἀγοήτας* evehente inducta, omnium
 principum facultatum maximèque phantasie functionem de-
 pravans, aquæ & liquidorum omnium horrorem accersens
 ab animalis rabidi morfu sanguinem inficiente. Licet hic af-
 fectus à melancholiæ & manie naturâ plurimum mutuetur,
 magis tamen manie naturam redolet. Non solum canis ra-
 bidi morfu, aut aspersâ salivâ, sed etiam inquinato halitu, vel
 prælibato ab ægris poculo, præmorsove cibo contrahitur, seque

ſenſim per arteriolas aut per nervorum canaliculos in totum corpus diffundit.

Rabioſum virus ſive morſu, ſive ſolo contactu in corpus humanum irrepit. ſi negligatur aut ei maturè non proſpiciatur, hoc habet peculiare, ut pro corporis inquinati, & humorum diſpoſitione, celerius aut tardiùs vires ſuas exerat, & malignitatis ſuæ effectum prodat, quamvis itaque quadrageſimus dies attendi ſoleat ceu terminus, antequam efferetur virus, quod contigit in illis quatuor, de quibus hiſtoria hîc proferitur, illud tamen non eſt perpetuum; in hoc itaque affectu ut & in aliis, agentis ad patiens varia aptitudo, vis & energia varios itidem effectus producere nôrunt. Ita ut aliquando, ſi partium interiorum adſit robur, quod validè huic reſiſtat, nec humores in vitio ſint, per ſex menſes, imò per annum integrum intùs latitet: veruntamen ſenſim ſemper, & quaſi clanculum ſeſe inſinuans, cum totius ſubſtantiæ diſſidio, occultâque perniciæ & malignitate, tum manifeſtis qualitatibus ſiccitate putâ & caliditate in corpus agit, humores corrumpendo, ſpiritus inficiendo, temperiemque partium nativam evertendo & immutando: donec principum partium temperamentum, dehinc reliquarum penitùs immutârît, & in propriam naturam converterit: atque tum temporis venenum iſtud perniciæ ſuæ & *κακονδεΐας* proferit indicia, quæ præſertim in principum facultatum læſione apparent. Nam dum iſta labes radices altiores egit; hac quidem correpti evadunt iracundi, nec ſtare, nec quieſcere ullo modo poſſunt: quin potiùs huc & illuc effrænate aguntur, manibus ora dilacerant, nonnullos quandoque petunt, & cùm ad hunc furoris gradum pervenerunt, in notos atque ignotos juxta feruntur ac debacchantur, oculos habent torvos & perquàm horribiles: & ut inquit *Galenus lib. de theriacâ ad Piſon.* inareſcit eorum corpus, interdumque convellitur, febrîque acri intùs exæſtuat: imò illi, animo etiam delirante ſymptomata graviſſima patiuntur, quippe aquam timent, ac propter multam ſiccitatem
calo-

caloremque adurentem, quamvis humidi refrigeriique te-
neantur desiderio, à potu tamen abstinere, quia mente alie-
nati id quod posset auxiliari, non considerant, & sic fugien-
tes aquam, ob eamque paventes miserrimo mortis genere in-
terire coguntur. Nam enim causa, quæ istum affectum fo-
vet, sit calida & sicca intemperies, cumque hoc morbo deten-
ti aridi sint, febrique & siti perpetuâ discrucientur, balneum
& ὑδροποσία nonnisi prodesse possunt. Exusta itaque intem-
periei refrigerantia, humori atrabilario vacuantia, veneficæ
qualitati alexiteria, firmando cerebri tono roborantia decer-
nenda; sed juverit imprimis inustum læsæ parti virus μελα-
συρκετινῆς & ἐπαπασινῆς candenti præsertim ferro foràs evo-
casse, diffusio in corpus veneno catharsis & venæsectio, nec
non diuretica & hydrotica imperanda.

Pro Alexiterio insigni habetur sequens Pulvis à *Palmario*
descriptus:

℞. Folior. Rutæ, Verbenæ, Salviæ minoris, Plantagi-
nis, Polypodii, Absinthii vulgaris, Menthæ, Arthemisiæ,
Melissophylli, Betonicæ, Hyperici, Centaurii minoris āā.
partes æquales.

Omnia circa Junii plenilunium coelo sereno colligan-
tur, papyro involuta siccentur, & in subtilem Pulverem re-
digantur..

Dosis est ʒss. cum æquali pondere Pulver. Viper. per de-
cem aut quindecim dies continuos in Vin. alb. ʒiij. manè je-
juno ventriculo; Quidam supra morsum Petroselinum con-
tusum applicant, quod non est rejiciendum, sed imprimis se-
cundum experientiam hîc prolatam per diu apertum manabit
vulnus, ut emissario continuo diffuente, virus tandem emun-
gatur, humores malignitatis contagio redimantur, incolu-
mesque persistent. Ubi quis itaque fuerit demorsus, tum pri-
mum pars affecta scarificabitur per aliquot dies, fortes fient
ligaturæ inter cor & partem affectam, cucurbitulæ applica-
buntur; sin minus permiserit pars affecta, panis calidè è furno

exemptus perque medium sectus in vino albo aut spiritu vini madefactus applicabitur, decoctum aut aqua Scorzonæræ proderit, si patiens per aliquot dies Cyathum hauriat, supra vulnus Theriaca, Allium, vel Basilicon applicabitur. Interim ex Observatione notatu dignum symptomata rabies nonnisi circa 40. aut paulò post apparere, ideò & ad usque illud tempus non intermittenda sunt remedia, devorabit itaque patiens quotidie per illud tempus manè dosin Pulveris supra scripti vel morsellum Opiatæ sequentis, superhausto Aquæ Scorzonæræ. Cyatho. ℞. Oculor. Cancr. Rad. Aristol. long. & rotund. Gentian. Baccar. Laur. Juniper. ad partes æquales cum f. q. mellis despumati fiat ex arte Opiat.

Quòd autem ore hiantes obversantes sibi que propinquos non impetierint, nec in symptomatum lethalium sævitie alter illorum omnimodè à liquore abhorruerit, illud variis veneni gradibus imputandum, quibus immanius in certis mitiusq; in aliis rem suam peragit non parùm ad id concurrente peculiari cujusq; Diathesi.

OBSERVATIO CXIX.

D. JOHANNIS de MURALTO.

Ileos curatus.

Quidam Rusticus neglectâ constipatione per aliquot dies ventris torminibus doloribusque colicis divexatus, vomitu fuit correptus, ut quæque assumpta per vomitum rejiceret, varia tentata sunt remedia, sed sine successu, enemata nihil profuerant, propinatae purgationes rejectæ fuerunt, & jam tertium agebat diem à vomitu doloribus colicis superinducto, Medicus accersitus audacter magnam quantitatem Hydrargiri hauriendam exhibuit, ex quo tandem multa dura excrementa per alvum deturbata sunt, reliquum-

liquumque demùm curæ auxiliis idoneis adeptus est patiens, sanitatiquè restitutus.

SCHOLIUM.

Quæ Latinis Volvulus, Celsò Chordios, nec non ob eam, quam laborantes intuentibus movent commiserationem, miserere mei vulgò nuncupatur, gravis meherclè & portentosa periculique plenissima, intestinorum, ilei præcipuè affectio est, in qua cum primùm non nisi eructationes & crepitus fiunt & emittuntur, ingravescente malo humores, bilis & pituita per os excernuntur, extremè increfcente & invalescente symptomate, stercora etiam per os rejiciuntur, quod equidem abundè testatur intestinorum affectum esse, quo ob interclusam inferiorem viam, excrementa nulla per inferiora deturbantur, verùm ad superiora impetuosè regurgitant. Huic malo plerumque originem præbet inflammatio, tumor in substantiâ partis genitus, sæpiùs obstructio à resiccatis excrementis humidis, crassis & viscidis in partes congestis, nonnunquam etiam fit à compressione, denique ab omnibus iis, quibus intestinorum via occludi potest, inde namque residuis excrementis exitus cùm denegetur, hæc humoris copiâ aut qualitate irritatis spiritibus per superiora rejiciuntur, nec ulla portio per inferiora deturbatur, quod inseparabile & pathognomicum ibi signum est, adsunt ventris tormina & cardilogmos, quibus si vomitus frequentia, vehemens distorsio, singultus, desipientia, & convulsio jungantur, lethale esse, docet *Hippocrates*. Curatu quoque facilior is pueris, funesta in senibus affectio est. Monstruoso igitur & peracuto morbo auxiliatrices Deorum manus admovendæ, & pro causarum diversitate varia decernenda præsidia; Ergò si per obstructionem præcipuè ad tantam insolentiam pervenerit, ut ægros pessimè fatiget, in tam præcipiti periculo, clysteribus, glandibus, foru, balneo & similibus, irritò vanoque successu usurpatis, ad ea confugiendum est, quæ suo pondere, insignique gra-

gravitate intestinorum cavitates ab infarctu liberent, & expediant, vique suâ naturam ad excernendum per inferiora stimulent, quæ cum hydrargirus præstare possit, ubi ratio suadet, & experientia (alterum judicandarum rerum certum criterium) comprobavit, nullatenus dubitandum, illud remedium experiri in simplici scilicet obstructione, nedum habeat tumorem comitem, nec inflammatio, aut aliud mali moris symptoma adsit.

OBSERVATIO CXX.
D. JOHANNIS de MURALTO.
Hectices species.

Juvenis viginti tres annos natus temperamenti melancholici à parentibus valetudinariis exortus, variis animi pathematis sine causâ afficiebatur, moerores sine ratione patiebatur, calores insignes sentiebat in regione lumborum, palpitationes in regione cordis, arteriarumque motus in variis locis, quandoque universum corpus calore extraneo perfundebatur, vertigo sæpius infestabat, multum comedebat, parum dejiciebat, ita ut aliquando per plures dies excrementa non excernerentur, interim mente valebat uti & corporis robore, remediis infra scriptis melius habuit.

SCHOLIUM.

Vitium gentilitium è seminibus parentum contractum successu temporis affectu morbofo sese prodidit, partes itaque à naturâ causariæ, dyscratusque sanguis non nisi acres spiritus cerebro dimittebant, unde malè moratis succis perfusum mentis domicilium anima concidebat, moerore convellebatur, vertigoque malè afficiebat, palpitatio à succo crudiore, portiunculisque quibusdam crassioribus, quibus sanguis ceu particulis incongruis saturabatur, ortum ducebat,
per

per ventriculos enim cordis pertranseunt prae crassitie minus rarefiebant, machinaque ideò cordis motus suos accelerabat, donec iteratis vicibus, quasi ictibus sæpius repetitis omnis crassities omnisque durities infringeretur, & ad totius miscelam, si quid prius incongruum reduceretur, unde hæc materia extranea hoc opere eventilata insigniter intra vasa rarefiebat, explosiones patrabat, unde & caloris sensus ingruebant arteriarumque motus consequeretur, cordis nifus humoris incongrui renitentia colluctationem inducebant palpitationis parentem. Melancholici sunt voraces præ domino acidī, uti & insignes sputatores, ventris duritie tenentur non solum à calore, qui absumit humiditates, quibus intestina illinita excrementa faciliiori negotio foras deducunt, verum & acceptam referunt motus peristaltici segnitiei, nec quidem functiones tam expeditè obeunt ac biliosi, unde & meticulosi & incerti in operibus evadunt, quasi decem animi in uno unà certarent, & sicuti radiorum Solis jubar nubium mole infringitur, sic & ipsorum mens anathymiasum foeturā, quā pollent, obtunditur, alvinæ regionis pigrities saburram congerit, quā fursum lati vapores, mens obscuratur & à vero sæpius abludit.

Sequens autem medendi cura instituta fuit, primò quidem injecto clysmate sanguinis missio instituta è brachio ad 3vii. dieq; interposito ter alternis diebus sequenti apozemate repurgatus est.

℞. Rad. Apii, Foenicul. Petrosel. āā. 3j. Rad. Enul. Campan. Median. Fraxin. āā. 3ss. Folior. Cichor. Fumar. Ceterach. Meliss. Agrim. āā. M. j. Summit. Asparag. Lupul. āā. Mss. Polyp. Quercin. contus. & Senn. mundat. āā. 3j. Rad. Hellebor. nigr. præparat. 3ss. Agaric. recens trochiscat. & Rad. Mechoac. āā. 3iij. Tartar. Vitriol. 3ij. Sem. Foenicul. Petrosel. āā. 3j. Epithym. Flor. Calendul. & Violar. āā. p. j. fiat decoct. pro 3. dosibus, addendo cuique Syrup. de Pomis Reg. Sabor. 3j. misc. fiat ex arte Apozema.

Dec. II. Annus VII.

Ee

Post.

Posteà ebibit duos Cyathos in die manè & serò per tres septimanas infusionis sequentis:

℞. Chin. Chin. subtilit. pulverat. ʒʒ. Sal. Armoniac. ʒj. Flor. Rosar. rubrar. p. ij. Granor. Juniper. conquassat. ʒiʒ. infund. per duos dies supra cineres calentes in duobus capitalibus Vin. rubell. & uno Aquæ fontanæ. Colatura serverur in Phialis benè obturatis capiatque Cyathum horâ septimâ matutinâ, jusculum nonâ, & alterum Cyathum decimâ ante cubitum.

Sumpsitque immediatè post prandium craterem Caffè, paratum ex semicochleari Pulveris Caffè debitè tostî, injecti in aquæ bullientis in cucumâ aut ollâ stanno obducta ʒix. aut x. subinde autem effervescentia supra carbones ne effundatur, ab igne amovenda & itendidem admovenda, illudque bis aut ter, dum leniter & per inclinationem infundatur in craterem, in quo injectum sit priùs Sacchari paululum, rejecto interim Pulvere in fundo superstite, nec continuâ serie ebibat, sed sorbillando & quantum poterat, calidè.

Intereà moderatum exercitium præscriptum, uti & animi recreatio,

Potus ordinarius fuit decoctum Agrimonie cum modico limaturæ chalybis incocto.

OBSERVATIO CXXI.

D. JOHANNIS de MURALTO,

Orthopnoea.

A Pud Nobilissimum Dominum N. N. Stuttgardie æstate 1687. observavi, Orthopnoeam tantam fuisse, ut non solum in lecto erectus sedere, sed etiam ex lecto se proripere, atque totâ nocte in sella erecto corpore permanere cogeretur. Illa tam diriter affligente, costas ad cla-

claviculas & scapulas cervicem versus altè attollebat & pectus valdè dilatabat & brevibus intervallis magno labore vix tantum aëris intra pulmones admisisse videbatur, quantum ad vitam seu tolerandam, seu conservandam necessarium esset: tantum corpus non sudore frigido diffluit; extrema frigebant; facies livuit; cor valdè palpitavit, pulsus debilis & inæqualis evasit: tussit frequenter, plerumque sine sputi rejectione, & *quod excrevit spumæum & aqueum*, fuit & paucum respectu tussis vehementiæ. Plerumque vesperi ipsum invasit: quando totâ nocte ipsum excruciat, manè rursus in lecto & quidem satis humili situ in alterutrum latus decumbere valuit, quamvis nec multum, nec coctum sputum excreverit. Interdum obambulare valuit & aliquando hortum Serenissimorum Ducum adiit; inter obambulandum observavi respirationem & imprimis in acclivium ascensu anhelosiores debito. Quamvis interdum respiratio liberior aliquoties esset, nihilominus noctu rediit. Quamprimùm *sputum* crassum, subflavum, aut viridescens evasit, promptius *illud eiecit*, & brevi Orthopnoea cessavit, ut rursus itineri se credere ausus fuerit. Inter hanc sputi ejectionem & vehementiam Orthopnoeæ nulla proportio erat & longè minus sputi reiecit, quàm in broncho solo quotidie observatur, quem tamen nec Asthma nec Orthopnoea, aut non nisi rarissimè committitur.

Ex his phaenomenis hujus Orthopnoeæ causas aliquot colligo esse: *qua plenum aditum aëris ad vesiculas pulmonicas impediunt*:

I. est Effusio serii copiosior intra bronchia pulmonum, nam vehementer tussit, diu frustra: & tandem succedit sputum aqueum spumosum, crudum; quando verò sputum crassius fit, seu ut volunt, coctum, promptius eiecitur & brevi Orthopnoea cessat, quod indicio est, nullum novum serum accedere & in bronchia effusum à calore pulmonum inspissatum fuisse: serum hoc in bronchia pulmonum effunditur non

per glottidem, nam talis irruptio suffocationem intentaret, ut taceam influxum talem ab epiglottide, magno naturæ beneficio, impediri, sed partim è glandulis bronchiorum irruit, partim per capillamenta arteriarum pulmonicarum infunditur: Per utramque harum partium serum in bronchia stillare, partim oculari demonstratione, partim rationibus probare possem. Aër exspiratus in vas vitreum capax brevi in aquam densatur ex Obs. Fabr. Bartheletti in Method. in dyspn. & aspera arteria pressa foris, intus aqua transudat. Hæc effusio seri fit, quando illud derepentè à massa sanguinea separatur, quam separationem Carol. Pison. de Colluv. seros. despumationem vocat. Fit illa ob varias causas, quas hinc recensere nolo, nec satis commodè possum, quia non certò mihi constant hujus symptomatis prodromi & προφάσεις; ad quas in posterum præfens Dominus Medicus attendere, aut in illas inquirere poterit. Unicum hoc addo, manifestò apparere Nob. Dominum sero abundare, nam habitus est obesulus, color citrinus, corpus non valdè & quantum victus plenior requirit, satis exercet: unde ob levem occasionem facilè secretio contingere potest: plura ejus rei exempla apud Pison. occurrent l. c. quæ meritò expendenda sunt.

II. Causa est convulsio bronchiorum, irritatis plexibus nerveis pectoralibus, unde se contrahunt fibrillæ nervæ bronchiorum illaque angustiora fiunt nec aërem plenè intra vesiculas admittunt, nam Orthopnœa vehementior multò est quàm solet in broncho seu in vulgata defluxione ad pectus esse, in qua multò plus sputi rejicitur, quàm in hac Orthopnœa, quamvis in broncho solo nunquam talis difficultas spiritûs animadvertatur: Id confirmant palpitatio cordis, pulsus inæqualis, extremorum frigus, faciei livor & cessatio nondum pleno sputo rejecto, adeò ut rursus humili situ in alterutrum latus decumbere & manè obambulare possit. *Malo autem convulsionem fibrillarum nervæarum statuere, quàm obstructionem nervorum, quum illa potius stuporem pulmonibus & bronchiis*

chiis induceret ac propterea nec tussis tam molesta esset: Certè rarò satis Orthopnoea in paralyfi, hemiplegia, imò nec in principio apoplexiæ observatur.

III. Causa videtur prævia dispositio in pulmonibus; nam etiam extra paroxysmum respiratio anhelosior observatur: qualis illa sit, præsens Dominus Medicus cum otio inquirere poterit, attendendo ad principium, incrementum & declinationem paroxysmi atque ad alia, quæ paroxysmum præcedunt.

Ex his patet aliud agendum in paroxysmo, aliud extra illum. In paroxysmo tensa laxanda, sanguinis coagulatio præcavenda, aut maturè coagulatum dissolvendum, sputum crassum ad expectorationem promovendum.

Proderent ergò primum Mixturæ ex Ol. Amygd. d. Sperm. Cet. Sacch. Cand.

2. Aq. Pector. quibus aliquid add. posset Gumm. Ammon. & si livor faciei & frigus extremorum diu perduraret Sp. Ammon. Anis. Sp. C. C. Auri horizont.

3. Antiepileptica cum Diaphoretico mixta manè & vespèri.

4. Si sputum viscidum, lentum, crassum ægrè succedat, lambere subindè posset de Oxym. Hellebor. Gesn. Syr. de Erysim. Lob.

5. Noctu darem Theriac. Coel. gr. iij. vel iiij. nec cum Lotichio abhorrerem ab Opiatis cautè datis.

Extra paroxysmum serum subindè imminuendum, absorbendum, dispositio morbosa intra pectus emendanda quantum possibile: quod præstant:

1. Decoct. Pector. Laxantia, add. Agar. & Manna: at nollem frequenter purgare, imprimis Aloëticis, Magist. Scammon. Gialapp. &c.

2. Venæsect. si ei assueverit, aliquid de sero subtrahit: plus tamen tribuerem duobus fonticulis scilicet in utroque brachiorum.

3. Parari possent Pil. Diaphoreticæ ex Pulv. Diaphoret. Antiepil. Auri horizontal. quod apud nos in promptu habetur: Extract. pectoralibus.

4. Thermarum potus, cum multum seri subtraherent, tum obstructa, legitimam seri excretionem impediunt, reserarent felicius quam acidulæ: quæ actuali frigore magis nocent quam aciditate, ut ad fontes non semel observavi, ut illas calidè propinare aliquando cogeret.

Imprimis in & extra paroxysmum accurata diæta commendanda.

SCHOLIUM.

Hic casus, qui consultandi cum D. D. Wepfero locum dedit, itidem & occasionem, quâ in varias abiremus sententias præbuit, quanquam non sim, qui cujusvis placita convellere satagam, penèque mihi religio à tanto viro dissentire, quia tamen quædam sunt in ipsius opinione, quæ minùs nostrum assensum vindicabant, liceat hîc utramque sententiam velut in bilance positam exactiùs trutinare.

Ipse hujus phænomeni causam referebat in effusionem seri copiosiore intra bronchia pulmonum, quo conferti canales pulmonales aëris introitum sibi præcludunt, & ex cujus inspissati coctique rejectione Orthopnoea cessaret, illud autem ex præcipitatione in sanguine factâ, quâ à glandulis & capillaribus vasis arteriarum in bronchia stillaret, deducebat, sed quia minor sputi rejectio contingeret, quàm in Orthopnoea vulgari ex humorum defluxu productâ, majorque è contra difficultas spirandi in hac oriretur, quàm in vulgari assolet, in causa rationem motus contractionis in plexibus nerveis cum & ipsis fibris bronchiorum nerveis initos, quibus aëris introitus præpediretur, acciebat.

Quamvis autem hæc explicatio nobis ingeniosa videatur, & affabrè excogitata, quædam tamen quominùs per omnia consentiam planè evincunt; 1. copiosiùs serum intra bron-

bronchia deciduum , quod in rationem causæ materialis primum adduxit , materiam spuitionis plusquam sufficientem nixibus contractivis fibrarum nervearum suppeditasset , tamen ex relatione nulla erat proportio inter sputi rejectionem & vehementiam Orthopnoæ , & longè minus sputi rejiciebat , quàm in broncho solo quotidie observatur. 2. Posito seri depluvio confertim in bronchos irrudente , sufficiens aëri introitui impedimentum aderat , quo minùs nixus fibrarumque contractiones in Orthopnoæ rationem accersere necessum foret. 3. Quam invehit Orthopnoeam serosæ colluviei præcipitatio nec tam citò remittit , ut æger per noctem cruciatus , manè ab infarctu expeditus obambulet , liberumque recipiendi spiritus spatium consequatur. 4. In Orthopnoæ , quæ à seri defluvio producitur sanguinis missio insigniter prodest , sæpiusque vel saltem repetita à paroxysmo liberat , vix sine febre ingruit , quorum neutrum in hac Orthopnoæ specie , de qua agitur , contingit. 5. Uno verbo nixus & contractiones seri intra bronchos copiam elutriare foràsque propellere debebant , sin minùs unum aut alterum duo vel tria sputa rejecta fuerint , quod quotidie assolet , supposititium seri depluvium gratisque assertum videbitur ; quòd si istud necessariò admittendum censuerit dimissis nixibus & contractionibus uti extrarem allegatis , totius phænomeni dilucidatio ex seri intra bronchos luxurie elicienda.

Cùm itaque hisce rationibus minùs inter se convenientibus non certa subsequatur ætiologia neque numeris omnibus absoluta , clarioris explicationis affectuumque discriminis gratiâ , hanc Orthopnoeam seu asthma convulsivum appellabimus ortum ex anomaliis spirituum , tum intra plexus nerveos pectori insertos concitatis , tum & quandoque intra musculos pectoris utriusque ordinis , uti & intra fibras nerveas , musculares vesiculas pulmonares circumcingentes , extremorum frigus , pectoris dilatatio , faciei livor , cordis palpitatio , pulsus debilis & inæqualis , tussis frequens sed inanis inordinatio-

nationes simulque & contentiones spirituum arguebant, fibrarum unius ordinis contractio alterius relaxationem inducit, dummodò æquilibrium parque robur adsit, quæ autem Antagonistarum vim superant ipsisque enixè contranitur, itidem & passus sistunt ipsisque motui interdiciunt, ita quæ obnixè contrahunt in pulmone diastolen impediunt, & vice versâ fontes sapiùs crediderim in asthmate convulsivo musculos pectus expandentes, patientes interim præcordia quasi ventis turgida percipiunt, ad dilatationis terminos assurgit pectus, ruffiendi nisus auspiciantur sed inanes, materiæ spasmodicæ luxuries in pluribus hunc materiæ penum in has partes dimittit, qui subindè tragoedias excitet viresque promat prodatque, quamvis dilatio & contractio pulmonum ^{phæres} apprimè exprimant, non adeò tamen putandum, hosce motus utut contrarios sibi que oppositos aliâ ratione fieri, omnis siquidem motus per contractionem fibrarum carnearum inducitur, quod *Fallopium* insignissimus Anatomicus clarè asseruit, observans enim in quovis musculo partes geminas, alteram quidem, quæ musculi corpus carnosum continens, fibris carneis; & alteram, quæ fibris nerveis constat: atque ex his duabus corpus tantum musculi se ipsum movere & contrahere, chordam verò tantum trahi, neque se ipsam movere, & contrahere; tandem concludit, nullam particulam in animali se ipsam movere, nisi fibrosa sit ac carnem veram habeat, itaque pro variis partibus, quibus appenduntur musculorum tendines, modò has aut illas corripunt, per fibrarum carnearum intumescientiam musculique abbreviationem, exteriores intercostales, qui fines suos imò cujusvis costæ radicatos habent dilatationis opus peragunt, cui pro re natâ perficiendæ & adaugendæ musculi tres scapulares, & unus lumbaris suam & operam conferunt, uti & diaphragma, quod reciprocationis vices obiens fundum pectoris quavis diastole deprimens longiorem capacitatem efformat, quibus succenturiati musculi costarum interni, uti & sacrolumbus & triangularis

gularis ac musculi quidam abdominis reciprocationis munus obeunt, cui etiam operi sua pensa conferunt fibræ carneæ musculares vesiculas pulmonares ubique circumcingentes, plures autem partes ad expectorationem quàm ad inspirationem accinguntur, eò quòd sæpiùs noxia ut phlegma viscidum, serum & alia incongrua altiùs impacta nonnisi magno nisu & labore foràs propelli queant, ita quidem ut quandoque nimis violentâ irritatione fibræ incitatae spasmos contrahant, actus suos pervertant aut suspendant, quod contingit in tussi puerorum convulsivâ, in qua fluor catharralis in pectus sensibilibiter decurrit, cùm autem in asthma, quo de nunc agitur, nihil huic simile contingat, nempe frequens adsit tum extra paroxysmum ac in paroxysmo tussis, quæ infantes corripiat, adsint & indubitata serosæ pleonexiæ tecmeria, quæ non reperiuntur in isto affectu, meritò suspicamur convulsivos seu contractivos motus in ipsis musculis diastolen perficientibus contigisse, eò quòd suos motus obnixè peragerent, nec ab Antagonistis se vinci paterentur.

OBSERVATIO CXXII.

D. JOH. CHRISTIANI MACKII.

Subitanea Tibiæ & totius Νέγκρωσις.

SExagenarius quidam, Vir antiquâ virtute & fide, Dn. I. C. F. constitutionis sanguineæ, εὐσχευός καὶ γυμναστικός, laboriosus & durus, cui labores antelucani haustum vini adusti primùm suaserant, indies magis magisque, imò totus tandem, in hujus amorem ruebat, ut exhauriret singulò manè vitrum post vitrum planèque adsuesceret bibere simul & scribere, potare & laborare, quod multos annos felix, vegetus & sanus præstiterat; ante obitum anno secundo incipit sentire gravitatem corporis, appetitûs prostrationem, dyspnœam cum levi pedum tumore, quem ipsum à motu &

Dec. II. Annus VII.

Ff

labo-

laboribus, quos nocte dieque, & in nive & in unda, ocreatus
sufferret, credebat & inde deducebat vibices quasi & sugillatio-
nem, quam per ultimum annum circa umbilicum observârat.
Cum verò ipse Medicus nonnisi propter Conjuges morbidas
(quarum tertiam reliquit viduam) æstimaret omniaque Me-
dicamenta averfaretur, quippe qui per totam vitam ne uni-
cum gustaverat, ab uxore multis lachrymis & precibus vix
movebatur, ut mihi, quæ pateretur, aperiret, ad quæ, quod
olim prædixeram, regerebam, tertium nempe illud vini, præ-
primis adusti, Bibonum flagellum, Hydropem, jamjam im-
minere, à quo meo prognostico, mitiorem sperans senten-
tiam, secundum, tertium, quartum, imò alios plures Medi-
cos appellat, qui omnes meam confirmârunt sententiam,
præter quod hic, vel ille certam facilemque curam juraret,
licet mihi, qui ex ante malè actis, nil nisi mala colligere pote-
ram, erat manebatque ἀνέλπιστον. Postquam autem illius me-
dicamenti frustrâ esset usus, illudque Plutarchi ingeminâset,
τὸ φάρμακον οὐκ τὴν νόσον μείζω ποιεῖ, ad me redit, eò magis dubium
& juxta ultimum §§. Hippocratis planè de auxilio desperan-
tem. Tot enim Purgantia, tot Sudorifera, tot Elixiria nul-
lasque non Tincturas absorberat, ut vel nomen Medicamenti
ipsum exanimaret; interim pedes cum abdomine intumue-
rant, sitis aderat satis onerosa, respiratio difficilis, ut sedens
in lecto dormiret, & ex Vini spiritus amicissimo, factus hostis
infensissimus. Tandem ipsius curam suscepi & illud Hôr-
stianum Hydropicis post Purgationes recommendatum Me-
dicamentum dedi, nempe Mag. Tart. Vitriol. ʒiʒ. Fecul. Bryon.
ʒj. Sal. Card. ben. Genist. āā. ʒʒ. Magist. Corall. r. ʒij. m. pro
dosi ʒiʒ. Liquorem Potui ordinario infundendum ex Ess. Li-
gnor. ʒij. Tinct. Fl. Papav. Rh. Extr. Abs. āā. ʒvj. Sp. Tartar.
Antisc. n. ʒiiij. aperit. P. ʒij. cum Electuario ex Conf. r. Ci-
chor. ʒij. Fumar. Ros. Vitriol. Borrage. āā. ʒj. condit. r. Cichor.
Scorz. Citr. Cort. Carn. āā. ʒiiij. Spec. Diatr. Sant. Diarhod.
āā. ʒij. Sp. Tart. Vitriolat. ʒj. m. c. Syr. Gran. quibus per ali-
quot

quot dies usus, Equos mittit, ut citissimè advenirem. Sed, quod valdè mirabar, me venientem ipse excipit in limine, ut quid sibi velit peremptoria hæcce citatio, præprimis ubi de pedibus horumque ad motum ineptitudine querelarum faceret initium, hariolari non poteram, utque dum digitò mihi monstraret in Suræ sinistra parte interna pustulam nigram, magnitudine lentis, scintillæ instar vel guttulæ Sulphuris liquefacti (ita describebat Patiens) urentem, cui proximè præteritâ nocte exurgenti Empl. de Sperm. Ran. imposuerat; ad quæ omnia obstupecebam & vox faucibus hærebat, mens enim mea, semper præsaga mali, jam τὸ σημεῖον φλαῦρον καὶ θανάτου videbat. Hæc enim erat scintilla desuper vel de umbilico cadens & flammæ ἀθρόως erupturæ nuncia certissima, quicquid ipse narrasset de umbilico, quod nempe Equo insidens horam non unam multò eoque variò cibò potuque turgens dormiverit pronus & cum abdomine ephippii capitulo incumbens. Imò

— — — — — *propiusq. periculo*
ut timor & major damni jam apparet imago,

quam Conjugi exponebam, Chirurgum ut accerferent, rogans, mandans: avolabat equo injectus servus instante tertiâ p.m. & intra horulam ad majoris fabæ magnitudinem lentacula illa nigra excreverat, quæ momento in momentum cum dolore augebatur & gangræna tibiam obruebat ita, ut circa octavam cum medicamentis accurrens Chirurgus, ipsam totam & ad manus latitudinem supra genu adinveniret sphaelosam. Per horas hæc quinque vel sex, qui nondum unicam decubuerat, lectulo impositus Patiens intonabat ὀδυνῶμαι, ardeo exclamans, comburorque vivus! Per epithemata balsamica calida & interna bezoardica delinire ac demulcere dolorem vix, mortem verò retardare non poteramus: Sideratum enim hocce membrum desidebat, disfluebat & ichorem cruentum, foetidum longè latèque profundebat, quod ipse videns & sentiens, circa XII. noct. (hic corporis mentisque

robur miremur) sellæ insidebat, ad Serenissimum Saxoniae Electorem conceptas duas supplices postulabat, propriâ subscribebat, obsignabat & uxori gemebundæ, quam simul viduam declarabat, tradebat dicens; Sic eris dilectissima mea post mortem meam de Curatore certa & ipse ego non dicar ingratus; in lectulum iterum delatus dextro lateri incumbens placidissimè dormire videbatur adstantibus: Cum diluculo adveniens Confessionarius Animæ Curam devotus suscipit, in qua & ipse moribundus & adstantes suum faciebant officium, preces lachrymis & lachrymas precibus miscentes, inter quas circa X. ante m. animam efflabat suam meumque desiderium interiora rimandi, nimium quantum insufflans, quod tamen impetrare non potui.

[*Missæ Vratislaviæ ad D. D. Burgium Schneebergâ ult. Octobr. 1688.*]

OBSERVATIO CXXIII.

D. MICHAELIS FRIEDERICI LOCHNERI,

De

Mamma mentulata.

Mentulâ ex capite locupletavit Ephemerides Nat. Cur. Excell. Garmannus Ann. 3. Ephem. Dec. I. Obs. 42. p. m. 71. ast Mentula illa non ex Matris Imaginatione Foetui alligata. Sistimus verò subsequentibus lineolis mentulam quam Embryonis mammæ agglutinarunt matris venereæ cogitationes & imaginationes. Sed ad rem ipsam descendimus.

Rus profectus Vir Illustris (compedes hîc calamo injecte liberiori scriptitatione in Locum, Personas & Familiam observationis impingam, quæ omnia ignorantia & silentii populo æternum involuta cupio,) Conjugem gravidam reliquerat

rac Penelopen, non inter procos ut illa olim, sed inter suspiria absentem Ulysssem expectantem; quippe servati semper pudoris fuerat foemina, fido fidissima.

Cùm ultra consuetum tempus moram traheret, nec promissa reditus ut Ichacus quoque Princeps exsolveret, Venerem, quæ castissimæ Costæ sic longiusculè non recoleret, fame percita tandem expetit maritum. Cogitationibus sic maritalibus immersa, ut penè naufragium immineret, in lectulum pulvillis ventosè tumentibus plumâ delicatâ repletis sese prosternit, certò asserens amare amari solas opes esse mortalibus.

Exoptat millies absentem, moram increpat, amorem ejus in dubium vocat, mitia basia columbatim expetit, portiunculam mariti, quâ maritus erat anxie desiderans, & cum illa apud Poëtam ingeminans;

— — *Tu sola meo*
Frigus in æstu, frigore flamma
Misceas gemino munere vitam.

Sic velle dederat Cupido, derelictæ nostræ miseræ, posse abnegaverat, ut non semper in veritatis triviò collocata sit sententia:

Quos Venus amavit fecit amoris compotes.

Sed irrita vota, fervida licet, cùm maritus nihilominus abesset. Impatiens tandem facta tangit gemipomas & fraterculantes vel sororiantes (ut Plautinum jocum misceam) mammas, carpit papillarum nitidas gemmulas geminas, tandem somni conjux facta, lumina claudit. Expergiscitur & consuetis muniis fungitur, venereò desiderio cum somno evanescente.

Redux factus tandem, quem tot noctes cum viduâ turture compellasset, in gratiam redit, & partus tempore instante, eam puella beat:

Ff 3 bella

*— bella puella, candida
Qua benè superans lac & lilium
Albam simul rosam rubidam
Aut expolitum Ebur Indicum;*

Venere, gratiisque omnibus obstetricantibus prognata, ipsissima nempe formositatis Idea. Pectori solummodò circa: mammarum quandam deformitas adnata erat mentula, si deforme corpus mentula nominanda, crescentibus annis quoque ceteris cum partibus augmentum capiens, sub vestimentis tamen latitans, ideoque nullum pulchritudini hujus Veneris pariens incommodum, quippe quæ annis matura & viribus, maritales tandem cupedias, facesque hymenæas experta est.

OBSERVATIO CXXIV.

D. MICHAELIS FRIEDERICI LOCHNERI,

De

Puero caudato.

PUer annorum octo (nomini & loco ob certas rationes parco) nec pinguarius nec carnarius, sed gracilis admodum, faciei que Hippocraticæ, parentibus concomitantibus opem meam obnixè implorat. Sciscitor morbum, heu! altum silentium! & pater & mater & gnatus mutus Hipparchion; quisque eorum

*Erubuit, stupuitque, omnes verecundia motus
Abstulit.*

Insto interrogando, tandemque has silentii scaturigines pudorem intempestivum agnoscere è parentibus comperio. Cum denique removissem hoc inutile obstaculum, inspectione opus esse asserunt. Subiit animum Tit. Jctorum de ventre inspiciendo, ast illam inspectionem non efflagitabant quippe puerulus erat, sed alium locum, cujus in titulo illo nulla men-

la mentio, evolvunt, remque altioris indaginis, infimi tamen subsellii esse referunt; remotis nempe Caligis peccantis pueritiæ bifolium Calendarium (sic Barlaeus stylo Gruteriano, saltem nimis nates pueri denominat) ostentant. Visui tunc propè Hedram se offert, excrescentia oblonga, cylindrica rigiduscula, deorsum tamen intra clunes inflectenda, paululum mobilis, doloris expers, longitudine digiti medii, crassitie pollicis, ejusdem cum cute coloris, consistentiæ introrsum versus ossæ. Amputationem anxie desiderant, cum eam crumenimulga Lotio-Physica & fastuosa medicastra, (quarum in Noride nostra tot reperibiles

— — grues quot Stryonis unda
Excipit - vel Phrygius Meander olores)

suaserit. Me renuente amputationemque istam dissuadente cum nihil exinde calamitatis, excepto incommodo sessitationis, senserit, læti parentes, stipulata prius alti silentii fide cum Ascaniolo caudato recedunt,

SCHOLIUM.

DE hominibus caudatis raræ sic satis in Europâ nostrâ observationes. Ingeniosissimo Harvæo de Generat. Animal. Exercit. V. p. 13. Chirurgus quidam, vir probus, illicque familiaris ex Indiâ Orientali redux, bonâ fide narravit, in Insulâ Borneo locis à mari remotioribus & montosis nasci hodiè genus quoddam hominum caudatum (uti olim alibi accidisse, apud Pausaniam legimus) è quibus ægrè captam virginem (sunt enim Sylvicolæ) ipse vidit, cum cauda carnosâ, crassâ, spithamæ longitudine intra clunes reflexa, quâ anum & pudenda operiebat. His Borneensibus associandi Montani quoque Provinciæ Kelang aut Qvelang in Insula Formosa deformes incolæ, quorum caudæ calvæ assimilantur porcinis, quorum meminit Nob. Helbigius Ann. IX. & X. Dec. I. Obs. 193. §. 10.

In

In nostra Observatione (nil enim nunc nobis cum Satyris istis Faunisq; Indicis) excrementa orta, ab osse coccygis extrorsum vergente cartilagineq; prolongata & adaucta. Simile huic Observationi exemplum contigit in filiolo D. D. P. Basil. ceu hoc Amicus Hymettæo rore dulcior David Zollicoferus M. D. & Sangallensis Physicus bonâ fide quondam retulit; & in Belgio simile quid accidisse Testis Nob. Blancardus Collect. Med. Phys. oft Hollands Jaar Register der Genees - en Natuurkundige Aanmerkingen van gantsch Europa. Part. II. Centur. VI. Observ. 62.

[*Exhibita A. 1688. d. 10. Novembr.*]

OBSERVATIO CXXV.

D. EBERHARDI GOCKELII.

Empyema, ex intermissa Paracentesi,
lethale.

ANno 1688. secunda feria Paschatis, Murarius quidam triginta circiter annorum, in diversorio quodam vino indulgebat, per ostentationem vitra dentibus masticans & comminuens, interque potandum cum aliis verba odiosa faciens, rixasque movens, tandem eò devenit, ut pugnis acerrimè dimicarent, dictusque Murarius grandioribus verberibus exciperetur, pedibusque calcaretur, hinc non solum asthmate cum dolore lateris punctorio correptus est, sed etiam sanguinem per os & alvum copiosè egressit. Ego, post aliquot dies vocatus, venam medianam aperire curavi, ac sequentia remedia ordinavi. \mathfrak{z} . *Sperm. Ceti*, *Ocul. Cancr. præp. āā. 3ß.* *Dent. Apr. præp. Mandibul. Luc. præp. āā. 3ß.* *Syr. d. Hyssop. 3ß.* *Aq. Card. Mar. Chærefol. āā. 3j.* *Misc. f. potio unâ vice sumenda: Præter hanc potiunculam, aliquoties etiam Pulveris ad Casum Aug. 3j. in brodio carnis deglu-*

deglutivit. Postea, unâ alterave vice seq. Potionem laxativam bibit. R. Elect. lenitiv. Florenz. Diacathol. āā. ʒiij. Cre-
mor. Tart. Ocul. Cancr. præp. āā. ʒj. Diagryd. corr. gran. v.
Aq. Hyssop. Scabios. āā. ʒj Misc. f. potio unâ vice haurienda.
Pro potu ordinario tali Decocto usus est. R. C. C. ust. ʒvj.
Hord. integr. ʒjʒ. Flor. Papav. err. Mʒ. Herb. Hyssop. Agri-
mon. Capill. Ven. āā. Pj. Spec. pro Decoct. pectoral. Flor. &
Fr. āā. ʒj. Sem. Anis. Foenic. āā. ʒʒ. Misc. & concis. coq. in
mensur. 2. Aq. font. ad tertias. Nec minus, ad materiam pu-
rulentam expectorandam, de seq. Aqua sæpius unum alterum-
ve cochleare assumsit. R. Aq. Hyssop. Fl. Acac. Loch. San.
Veronic. āā. ʒj. Asthmat. Rob. Antiphthif. Mynf. āā. ʒʒ. Con-
fort. Offic. perlat. ʒvj. Ocul. Cancr. præp. ʒj. Syr. de Hyssop.
ʒʒ. Sacch. Cand. alb. ʒij. Misc. Externè, Ung. pectorale &
Dialth. cum Ol. Amygd. dulc. calidè fuit illitum, ac fomenta
ex emollientibus & discutientibus applicata: His remediis di-
cto modo applicatis, præfatus Patiens aliquantulum melius ha-
buit, ac rursus in publico ambulavit, sed paucis præterlapsis
diebus ob maximum recurrens asthma, viriumque imbecil-
litate se rursus in lectum recipere coactus fuit, cui requisi-
tus dixi, quod materia copiosissima extravasata purulenta in
cavitate pectoris contenta sit, quæ (quia excreando rejici
non possit) nisi per Paracentesin via interclusa aperiatur, fu-
nestus exitus expectandus videatur; quo audito, à dicta ope-
ratione valdè abhorruit, simulque hujus operationis permis-
sionem recusavit: hinc factum est, ut 22. die Maji, nocturno
tempore vitam cum morte commutaret.

Sequenti die, ex jussu amplissimi Magistratus, cadaver cul-
tro anatomico apertum, & in causam mortis proximam fuit
inquisitum, quam sectionem ego, & Chirurgus Reipubl. no-
stræ Ord. Joh. Bartholomæus Heckingius sequenti modo in-
stituimus. Ante omnia abdomen fuit apertum, ubi singula-
ri studio ventriculus, intestina, hepar, lienem, renes, me-
senterium, omentum, vesicam, &c. perlustravimus, nec

ullam eorum læsionem, multò minus vestigia in ventriculo ac intestinis vitri alicujus devorati (cujus rei ab adversariis suis inculparetur) deprehendimus: Postea verò venter medijs, cavitasque pectoris fuit aperta, quam, præsertim versus dextram partem, copiosissima materia acri ac purulenta, usque ad diaphragma tendente, repletum invenimus, illamque spongiis ac vasculis exhaustimus. Hoc factò, non solum pleuram, sed etiam totum pericardium circumcirca corrosam, lobumque pulmonum dextrum (cujus substantia secundum diligentissimam Neotericorum Anatomicorum perscrutationem ac investigationem, ex innumeris vesiculis, spiritu vivifico vitalique turgidis, inflatis, ac repletis, instar retilis, mirificè & artificiosissimè contexti ac connexi, composita est) ita flaccidum, rabidum, atque collapsum vidimus, ut nil nisi exigua residua substantia membranacea, cum aliquot vasis adhuc restare, reliquam verò substantiæ partem, corrosam ac consumptam esse, videbatur. Ex quibus recensitis liquet, dictum Patientem non solum ob copiosam materiam purulentam, in cavitate pectoris contentam, sed & ob rejectionis impossibilitatem, & Paracentesis intermissionem nullum exitum habentem, & hinc insecutam corrosionem & corruptionem dictarum partium, sed præcipuè etiam propter dictarum vesicularum, pulmonis substantiam constituentium subsiditiam & flacciditatem, ac consequenter inspirationis ac expirationis defectum, liberæque respirationis impedimentum, atque frustrationem, mortis aleam subiisse, mundoque huic valedixisse.

OBSERVATIO CXXVI.

D. EBERHARDI GOCKELII.

Cephalalgia bimestris, accedente auris dextræ intolerabili dolore, post ruptum abscessum evanescens.

ANno 1688. mense Septembri, Matrona quædam antiqua generis nobilitate illustris, annorum 25. stature mediæ, habitus corporis mediocris, temperamenti sanguinei, adhuc gravida, circa medium gestationis tempus febre intermittente laborans, sed legitimis remedium præsidii restituta, post enixum optimo successu foetum masculini generis jucundissimum, spem posteritatis dulcissimam, vaporibus uterinis, cor atque caput petentibus, infestata fuit, quos diversis rebus foetidis anxie sollicitæque consanguineæ, nec non clinicæ mulierculæ discutere tentârunt, à quorum suscepto foetore & repletione cerebri dicta Patiens gravitatem capitis cum subsequenribus maximis doloribus sensit, ita, ut Medici consilium & auxilium exposcere non dubitârit. Ego vocatus, primis à puerperio diebus, urgens ante omnia symptoma, acutissimum videlicet capitis dolorem per convenientia remedia, si non statim radicitus tollere, eundem tamen ad minimum oblenire, attentavi, quapropter emulsionem ex quatuor Seminib. frigid. Sem. Papav. alb. Amygdal. dulcib. excorticatis, cum Aq. Lactucæ & Nymphaeæ, intermixtis Pulveribus Corallor. & Smaragd. præparatam; quin etiam Ol. Papav. alb. vertici capitis ac temporibus illinendum, præscripsi, quibus parùm proficientibus, sequentia remedia ordinavi. R. Aq. confort. Offic. perlat. ʒij. Melis. simpl. Ceras. nigr. Epilept. Lang. ʒā. ʒss. Margarit. præpar. Corall. rubr. præp. ʒā. gr. xv. Lap. Bezor. gr. v. Laudan. Op. simpl. gran. iij. Man. Chr. perlat. ʒij. M. de qua sæpius

Gg 2

unum

unum cochleare assumat. Et, ℞. Theriac. Coel. gr. iij. Extr. Laudan. Op. inc. gr. j. Misc. f. cum Aq. Ceras. nigr. Pillul. obauratæ num. 4. sub horam decubitus unâ vice deglutendæ. Externè, fronti ac temporibus Emplastr. hypnoticum Myns. fuit applicatum. Aquorum remediorum usu melius habuit, simul ac intensus capitis dolor remisit. Cum autem absoluto puerperii tempore præfatus capitis dolor recruderet, ad eundem compescendum atque radicitus tollendum potio laxativa de Extr. Rhabarb. Crem. Tart. & paucis Diagryd. granis cum Aq. appropriata & deinceps Pillulæ Cephalicæ de Extr. Panchym. Croll. Extr. Pill. aur. & cochi. paratæ, nec non Pileolus ex Florib. Rosar. Nymph. Herb. Beton. Succino, Sem. Papav. alb. Sem. Cannab. &c. compositus, ac Electuarium Cephalicum de Conserv. Ros. rub. Confect. Alk. inc. Corall. rubr. Diacod. & Syrup. Papav. &c. sæpiùs Avellanæ quantitate sumendum, cum prædicto Emplastro hypnot. Myns. & sacculo Baccis Juniperi repleto, verticique capitis superposito, aliaque hujus generis remedia applicata fuerunt, à quorum usu & applicatione dolor quidem remisit, sed non totaliter evanuit, accedente ad somnum propensione palpebrarum depressione, & quasi unius alteriusve oculi per vices lusciositate. Tandem post duos menses dolor auris dextræ punctorius, acutissimus, ac fermè intolerabilis accessit, ad quem tollendum, mixtura seq. cavitati auris dolenti cum gossypio calidè fuit adhibita, ℞. Pulv. Opii gr. iij. Castor. Croc. aa. gr. jss. Ol. Amygd. dulc. 3ij. M. Quocirca etiam auris quadruplicatis linteolis calidis, spleniorum instar, munita, ac Pillular. Theriacal. coelest. gr. iij. cum gran. j. Laudan. Op. fuit repetitus, his autem non sufficientibus, ac tumore auris vicinarumque partium prodeunte, Cataplasma ex herbis & radicibus emollientibus, nec non Seminibus Lini & Foenugr. cum lacte & cochleari uno vel altero Ol. Rosar. coctum, sæpiùsque illa ipsa die auri dolenti fuit applicatum, quo facto, hora quarta vespertina, abscessu in cavitate capitis rupto, & materia purulenta per

per dictam aurem copiosè effusa, dolor omnis cessavit, atque
Patiens per DEI gratiam pristinæ sanitati restituta fuit.

OBSERVATIO CXXVII.

D. EBERHARDI GOCKELII.

Fœtus monstrosus cum superiori maxilla
& labio in utroque latere fisso.

PRæteritâ æstate hujus anni 1688. mense Junio, militis
cujusdam conjux foetum foeminini sexûs in lucem edi-
dit, cujus labium superius cum maxilla in utroque late-
re, & quidam in illo loco, ubi aliàs canini dentes erum-
pere s' lent, fissum leporinumque cernebatur. Ego, cum
Chirurgo Reip. Ord. Joh. Barth. Heckingio rogatus, dictam
infantem inspexi, ac non solum labium superius in utroque
latere, sed etiam simul maxillam ipsam cum labio fissam, ac
in anteriori & media interambas fissuras parte, processum su-
perioris maxillæ cum labio firmiter coalito deprehendi, ac in-
super in palati anteriori parte duo foraminula juxta se posi-
ta, sursumque tendentia, & in cavitatem narium penetrantia,
styloque exploratorio pervia, observavi; per quæ foramina
pulmentum, præsertim verò potulenta, nisi ori altius inge-
rebantur, ad nares ascenderunt, & per illas effluerunt, ac
procul dubio, si hæc foramina in penitiori palati loco infixæ
fuissent, dicta foemella omnia per nares rejecisset, & sic fame
periisset. Impossibile etiam fuisset, ob dicti anterioris processus
maxillæ cum labio firmissimam coalescentiam, atq; ossis ma-
xillæ superioris, labiiq; in utroq; latere fissuram, manu Chir-
urgicâ, incisione videlicet ac futurâ, os maxillæ ac labium dis-
junctum unire, sicque malum vel corrigere vel penitus tol-
lere. Quæ monstrosa labii ac maxillæ constitutio dictam pro-
lem turpiter ac miserrimè deformavit. Bimestris autem fa-

sta, commiserante DEO, ex superveniente morbo, vitam cum morte mutavit.

OBSERVATIO CXXVIII.

D. EBERHARDI GOCKELII.

Asthma periodicum, suffocationem minitans, optimo successu curatum.

ANno 1687. mense Julio, Presbyter quidam ex superiori Ordine Imperialis cujusdam Monasterii, adhuc dum juvenis, temperamenti melancholici, staturæ mediæ, habitus corporis tenuis, de magno asthma periodico, nocturno præsertim tempore accedente & ingravescente, conquestus est, cujus accessiones ante annum multò graviores fuisse asserbat, dum sæpenumero veniente paroxysmo, concomitantibus sinistri lateris dolore intensissimo, etiam tactui obvio, eumque non admittente, nec non capitis dolore peracuto, pulsu debili, cordisque palpitatione, non aliter putârit, ac si cor forcipe comprimeretur; Ad hæc, tumultuantes flatuum borborygmi, sæpius per dimidiam horam non solum cavitatem ventris, sed etiam totum corpus cum murmure ac sonitu permearunt, & usque ad scapulam sinistram cum dolore punctorio, ac si cultri cuspi infingeretur, penetrârunt. Jam verò mitioribus factis istiusmodi incommoditatibus, quories dictum asthma nocturno tempore cubantem in lecto, & quidem cum membrorum lassitudine, maximâ anxietate & tristitiâ, quâ etiam capitis dolore & sudore, afficit ac infestat, Dominus Patiens confestim è lecto surgere, ac apertâ fenestrâ per afflantem aërem externum ambientem liberam respirationem procurare cogitur, ut sic suffocationis periculum effugiat. Ad hunc igitur affectum à malo hypochondriaco & flatibus proventientem, curandum, vocatus ac rogatus, sequentia remedia præscripsi. *℞. Herb. Absinth.*

linth. Pont. Card. bened. Hyssop. Veron. Capill. Ven. Scq-
lopend. Meliss. āā. ʒij. Rad. Helen. Scill. præp. Calam. Arom.
Caryophyllat. āā. ʒij. Pimpinell. Ireos Florent. āā. ʒj. Rhab.
ver. ʒiij. Fol. Senn. el. f. st. ʒvj. Agar. Troch. Turpeth. el. Ja-
lapp. Polypod. qu. āā. ʒij. Cinnam. opt. ʒj. Macis ʒj. Crem.
Tart. ʒij. Anis. Foenic. āā. ʒʒ. Misc. & concis. f. cum Syndon.
nodulus, cum Vin. alb. lbv. infundendus, de quo singulis die-
bus manè jejuno stomacho ʒv. vel vj. bibat. Hoc Vino absq-
luto, per tres septimanas sero lactis caprini usus est. Hinc,
ʒ. Sal. Tart. volat. ʒʒ. Ocul. Cancr. præp. gr. v. Misc. & d.
hoc modo dos. 4, ad vitra, de quibus singulis diebus, duabus
vel tribus horis ante prandium, unā in brodio carnis assuma-
tur. Et ʒ. Spir. Armoniac. Chalybeat. ʒʒʒ. Essent. Ambr.
ʒʒ. Tinct. Arant. ʒj. M. de qua mixtura M. & V. gutt. xij.
vel xv. in aqua seq. pectorali assumat. ʒ. Aq. Ceras. nigr.
Hyssop. Veron. Fl. Acac. Asthmat. D. R. āā. ʒj. Essent. Sacch.
simpl. Spir. Anis. āā. ʒij. Sacch. Cand. alb. ʒʒ. M. Externè,
sinistrum hypochondrium, & regionem lienis tali Oleo calidè
inunxit. ʒ. Ol. Chamomill. d. Capparib. āā. ʒvj. M. d. ad
fictile.

Quibus ita usurpatis assumptisque remediis, observatâque
bonâ Diætâ, commemoratus Dn. Patiens, assistente Divino
Numine, & cooperante benignâ matre naturâ, à dicto affectu
liberatus fuit.

OBSERVATIO CXXIX.

D. EBERHARDI GOCKELII.

Dolor hypochondrii sinistri periodicus,
feliciter curatus.

ANno 1687. Prænobilissima quædam Virgo, annorum
circiter octodecim, appropinquantibus præsertim
mensibus, iisdemque parcè fluentibus, in sinistro hy-
pochon-

pochondrio, sub costis spuris, circa regionem lienis, dubio procul ob vasorum atq; venarum obstructionem, ac proinde circulationis sanguinis aliquale impedimentum, maximos dolores periodicos perpeſſa eſt, ita, ut ſæpiùs ex improvifo interprandendum & coenandum, atque inter alia negotia domeſtica correpta, ſtatim ſe in lectum recipere ibidemque affixa dolorum ferocientium impetum patienti animo ferre, coacta fuerit. Cui, ad hoc malum tollendum, ſequentia remedia præſcripſi. *℞.* Herb. Agrimon. Scolopendr. Capill. Vener. Abſinth. Card. ben. Cent. min. Veron. Meliſſ. āā. P. j. Rad. V. Aper. maj. āā. ʒj. Helen. Caryophyllat. āā. ʒij. Rhab. el. ʒij. Fol. Senn. el. ſ. ſt. ʒvj. Agar. Troch. Jalapp. Polypod. qu. āā. ʒij. Cinnam. ʒj. Macis ʒj. Crem. Tart. ʒʒ. Sem. Anis. Fœnic. āā. ʒʒ. M. f. cum Synd. nodulus in Vini albi ſʒij. macerandus, de quo ſingulo manè jejuno ſtomacho ʒv. vel vj. calidè bibantur. Hoc jam abſoluto, *℞.* Sal. Tartari volat. Sal. C. C. volatil. āā. gr. iij. Ocul. Cancr. præp. gr. iiij. M. d. ad vitr. benè clauſum, & hoc modo tres doſes, quarum una duabus horis ante cibum in brodio carnis ſumatur. Et, *℞.* Elix. Propr. Paracelſ. Spir. Armoniac. Chalybeat. āā. ʒij. M. d. ad vitr. de qua mixtura M. & V. guttæ xij. vel xv. in brodio carnis, vel Aqua Meliſſæ, aſſumantur. A quorum uſu dicti dolores evanuerunt, ita, ut præfata Patiens in hanc uſque diem ab iis libera ſit, atq; Divina favente gratiâ priſtinam ſuam bonam valetudinem recuperârit.

[*Miſſe d. 28. Nov. 1688. Ulmâ Norib. ad Hermet. II.*]

OBSERVATIO CXXX.

D. JOHANNIS DOLÆI.

Puerulus quatuor annorum calculo
afflictus.

Johannes N. Mercator Monspeliensis, filiolum quatuor annos natum Ischuriâ laborantem habens, Medicos advocavit, qui causam morbi in vesicâ recumbere augurati sunt ex eo, quod puerulus nullum in lumborum regione dolorem persentisceret, perpetuum adesset urinam excernendi desiderium, tumorque circa vesicam appareret. Sed quum neuter ex pueruli parentibus, nullusque ex ipsius avis calculo unquam afflatus fuisset; dubitatum est, utrum urethra à calculo occluderetur, an à materiâ crassâ & viscidâ: quare omnes in eâ fuerunt sententiâ, catheterem in vesicam esse immittendum, ut certò pateret causa urinæ ductûs obstructionem inducens; & ad crastinum diem dilata fuit operatio. Sed per illud temporis spatium causa se ipsam manifestavit, calculusque ad mediam usque urethram protrusus fuit. Rursus ergò accersiti Medici occupatam à lapillo videntes urethram, nec eam ullo pacto ipso liberari posse, siue lapillum per balanum educendo, siue eum in vesicam repellendo; quum neutrum penes ipsos esset, nec sine ægri periculo tentari valeret; urinæ ductum aperiri jusserunt sub calculo; quod felicissimè cessit, eductusque fuit lapillus nuclei pinei crassitie; vulnusque deinceps curatum, & perfectè consolidatum fuit.

OBSERVATIO CXXXI.

D. JOHANNIS DOLÆI.

Absorbentia alvum quandoque
laxant.

Absorbentia purgantium vim quandoque induunt, quod quinquies in ægrotis nostris per præsentis hyemis decursum videre contigit. Ægri enim, quibus diaphoreticas & absorbentes mixturas propinabam, crastinâ ab usurpato medicamento die apud me conquerebantur præterlapsâ nocte se quater quinquiesve solutos fuisse; cujus phænomeni causam statim non perpendens, unde orta fuerit talis diarrhœa mirabar, quæ eâdem nocte ortum & finem nacta fuerit, præsertim cum certò scirem ægrotos nullis uti alimentis, quæ illam excitare potuissent. Sed re attentiori animo pensitatâ, mirari desii; postquam consideraveram in febribus acida dominari. Tunc siquidem succi omnes à sanguine separati acidis abundant, Alkaliaque in iis sunt depressa; Sulphura in iis succis contenta ab acidis coagulantur, angustioresque tubulos obstruunt. Bilis itaque, succus pancreaticus, & succus glandulosus, in intestina excerni solita, in ductibus suis moram faciunt, parciusque emittuntur; unde rarò in febribus laxatur alvus. Sed si propinentur absorbentia, quæ acida Sulphura coagulantia & Alkalica imprægnantia poris suis excipiant; Sulphura ab Alkalicis sui juris factis dissolvuntur, pristinoque motu cum aliis succorum elementis remiscuntur; iisque à tubulorum parietibus, quibus antea adhærescebant, separatis, liber patet per ductum exitus succo remoranti & congesto, cujus fluxus eousque durat, donec is universus, qui stagnabat, evacuatus fuerit.

[Cassellæ 1. Decembr. 1688. Norib. missæ.]

OBSERVATIO CXXXII.

D. JOH. CONRADI BRUNNERI,

De

Experimentis circa Pancreas novis
confirmatis.

Eſſi experimentis luculentis negotium jam olim confe-
ciſſe, & ingenioſam quorundam de *Uſu Pancreatis* ſen-
tentiam ſatis ſuperque refutâſſe, probabilemque aliam,
eamque experientiæ & veritati magis conſentaneam in-
de elicuiſſe videri poteram; dantur tamen & qui de experi-
mentorum meorum certitudine dubitant, & qui decantatam
bilis cum ſucco pancreatico efferveſcentiam ſubinde in ſuis ſcri-
ptis crepant, & à carie revocant. Multa laudabiliter inventa
tempore interciderunt iterum, ſeu minùs culta à poſteris, ſeu
ſtudio & operâ aliorum ſepulta & oblivioni tradita, quæ ta-
men nôſſe magni referret. Ne eadem fata experirentur, quæ
olim magno ſtudio exantlavi circa pancreas experimenta, né-
ve veritas, quam eniti conabar, in ipſo ortu iterum occide-
ret, laboranti manûs porrigere & dicta experimenta novis ſuf-
fulcire mearum partium eſſe exiſtimavi, ne penderent animis
diutius alii, aut ego verba dediſſe & publico impoſuiſſe vider-
er; eòque magis, quòd neminem novi, qui eadem & cum
ſucceſſu imitando me à falſitatis (quam impingere mihi co-
nati fuerunt nonnulli) ſuſpicionem vindicârit, & rem extra
omnem dubitationis aleam, etiam apud alios collocârit, quod
tamen ſequens experimentum haut obſcurè præſtiturum con-
fido:

Die VI. Octobr. clſ Iſc LXXXV. moloſſum aptè ligavi
& ſupra menſam ita compoſui, ut dextrum hypochondrium
commodè occurreret ſecanti. Reſectis forſice pilis, cultrum
juxta limbum coſtarum notharum adegî fortiter, & vulnus
Hh 2 con-

congruæ magnitudinis excitavi. E patefacto ita abdomine pancreas auspiciatò emicuit, quod dextrè prehensum digitis per vulnus prolicui, & in aprium produxi floridum atque prolixum: quod dum præstici, diligenter cavi, aliorum ministerio, ne ventriculus aut intestina prorumperent, graviori utique patientis noxâ. Partem inferiorem pancreatis omento undique annexam separavi, & arteriæ ramum, ejus extremitatem subeuntem filo constrictum abscidi. In ductum eo loci, quo in intestinum penetrat inquisivi, & in superiorem ejus ramum primò incidi, mox utriusque conjunctionem assecutus, vulnusculum inflexi, & adaptato tubulo flatum immisi ita, ut partim in intestina meârit, partim remeârit, & per ductum inferiorem evaserit eo loci, ubi arteria detruncata fuit; id quod ex bullis, quas excitavit & stridore perspicuum fuit. Quæ quidem omnia notavi tantò diligentius, quanto magis omnem erroris suspensionem à me amoliri satagebam. Abhinc ductum propè exitum arctè ligavi, superioremq; primo ejus ramum detruncavi & ablatâ portione decurtavi studiò, nec deinceps excusso, quod aliàs contigit vinculo iterum coalescere posset: modò inferiorem quoque, intuentibus & rem quasi oculis usurpantibus, qui manûs mihi commodârunt Chirurgis, unâ cum substantia pancreatis (unde secundarius lateralis & exilis ductus ad meatum bilis ducit, vide Icon. lit. k. k. k. k.) id quod in aliis quoque experimentis observavi, quorum tertium ruminâsse juvabit. Partem superiorem pancreatis rescindere tum intestini cum eo coalitus, tum vasorum sanguiferorum frequentia, tum locus ubi reconditur remotior, quàm ut cultro attingi queat, vetant; nec opus est. Ratus igitur omne pancreati cum intestinis commercium ademptum & com meatûs viam interclusam esse partes faucias adipe porcino liquefacto calidè perfusas unxi, & abdomini reddidi, quantum quidem potui delicatissimè: vulnus ritè confui, & eodem unguine perfudi: canem tandem vinculis solutum missum feci.

Peracto experimento medelam faucius sibi allaturus vulnus lambit sedulo; mox sese per domus portam, quam vidit apertam proripuit & aufugit; oberravit per bihorium & visum se subduxit. Partem pancreatis abscissam interea lustravi: septem pollices longa erat & unum lata cum dimidio. Ductum detexi & argento vivo implevi, pollinxi, & inter Curiosa reposui. Missi qui fugitivum quærent & domum reducerent, observârunt in platea magna contentione scybala dura, globosa & compacta excrevisse, unde omentum juxta futuras vulneris prorupit; quod refrigeratum filo constrinxi & commodè resecai, vulnere autem melius prospexi. Totâ die bellè sese habuit, vesperi autem vomuit nigricantia aliis ventriculi contentis permixta.

Die VII. Octobris in aream domus procurrit, urinam redditurus, & insignem terræ tractum inundavit: redux lac aqua temperatum comedit: adipem porcino vulnus manè ac vesperi calidè perfudi, & reliquam curam, de diæta sollicitus, cani commisi. Circa tertiam pomeridianam vomuit biliosa: noctu nihil comedit: nexûs aliquot vulneris pro effluviò puris solvi.

Die VIII. Octobris vulnus curiosè deligavi & nihil omisiorum, quæ ad experimenti successum facerent: nihil ciborum admisit, sed sitibundus bibit aquam: vomuit liquida flaventia: vesperi nonnihil jusculi sorbillavit.

Die IX. Octobris manè satis compositum inveni; scybala compacta durissima, mucò tenaci incrustata magnâ vi & contentione excrevit: appetitus gliscebatur, jusculum carnis frigidum, (calida enim plerumque averfantur) abhinc pulticulam ex lacte & farina, quales tenellulis nostris in cunis offerimus, comedit; noctu esuriit & cibum sollicitavit; concessi viscerum vitulinorum coctorum, & potus quantum sat erat; sic probè pastus quievit.

Die X. Octobris perbellè sese habuit, famelicus cibum sol-

licitavit, vulnus elegans, & omnes secundi successus notas præseculit.

Die XI. sanus aufugit, & ad herum suum rediit: miratus is vulnus horrendum, pessimè mihi imprecatus est: canem cum per alium poposci, sese carnifici, si interfectum vellet, non Medico traditurum respondit. *Per dimidium abhinc annum & quod excurrit domus custos fuit strenuus, fortis atque robustus, cursu saltuq; velox, idem, qui pridem, nec quicquam mutatus ab illo.*

Tandem verò, ne experimenti jacturam facerem, & interiora perlustrandi voluptate privarer, omni arte & ingenio annixus fui, ut cane potirer; caniculâ proin, cujus amore libidinosus incensus flagravat plectum furtim mecum domum abduxi, philosophiæ experimentalis immolandum.

Canis pancreate spoliati anatome.

Die XII. Maji clō Ibc LXXXVI. canem denuò produxi, quem nisi per experimenta interire nefas omninò duxi. Postquam aptè hunc ligavi atque in mensâ commodè composui, opitulantibus aliis, horâ decimâ matutinâ venam cruralem detexi, & inflicto vulnuscule per tubulum vitreum Tartari emetici, aquâ soluti grana vj. infudi (nonnihil tamen soluti in tubulo frigore iterum concrevit.) Horâ undecimâ languere cœpit & ægrescere; post duodecimam biliosa vomitu rejecta in conclavi, cui inclusus erat inveni: postea vigor corporis rediit.

Horâ abhinc terciâ alio experimento canem exercui: Tubulum æneum in venam cruralem denuò inserui, & eousque inflavi, dum jam in præcordiis murmur flatuum audiretur, & canis concitatiùs, mox anhelosè & inæqualiter respirârit: Ligatâ crurali tubulum exemi & canem dimisi: statim abhinc tentis mirum in modum artubus tetano correptus, & revulso oris rictu, exsertâque linguâ concitatissimè, instar canis cursu defa-





Fig. 32.
pag. 247.



defatigati respiravit; humi prostratus clausis oculis diem suum obire videbatur: brevî abhinc oculos movit & sensim ad sese rediit, surrexit & obambulavit languidè. Per horæ dimidium dedi inducias, & studiô, quô in anatome appareret, utrum unâ cum sanguine & lymphâ in alia vasâ mearet flatus & in circulum moveretur, nec ne. Adaptavi abhinc denuò tubulum, & tamdiu inspiravi, donec strepitus in præcordiis & insigne flatuum murmur audiretur, ipse autem profusâ urinâ & excretis alvi fecibus expirârit. Patefacto abdomine ventriculos & intestina rubicunda, & hæc mirè corrugata & contracta apparuerunt. Jecur splendide rubescens; omnes autem infimi ventris partes sanguine suffusæ fuerunt. Venæ flatu tulerunt undique. Vasâ lymphatica humore rubicundo plena, vix ac ne vix quidem nisi ab attento & perito à venis distingui poterant; nihil autem flatuum nec in vâsibus lymphæ, nec recepticulo inventum fuit. Cor & inprimis dexter ejus thalamus cum vena cava turgidissimum remoto sternò, & pulmones splendide rubentes apparuerunt. Perlustratis his oculos ad se rapuit, & rapuit meritò experimenti successus, cujus gratiâ cætera acciderunt. Omentum cicatrici & hepar contiguo duodeno annexum fuit. *Pars inferior pancreatis, quam caudam ejus appellare liceat, planè defuit, vide lit. c. c. c. c. quippe resectus olim: superior autem emarcuit & exaruit, nonnisi (quod mirum) medium digitum longa, vix minimum seu auricularem lata, & calamus meum, quo hæc exaro crassa; lit. d. d. d. d. caterùm indurata & grandinosa, ceu olim quoque in experimentorum meorum tertio annotavi. Osculum ductus pancreatici stylum ex intestino ad transversæ digiti distantiam admisit lit. f. (scilicet ante ligaturam in experimento olim factam, ubi sani nonnihil nucis juglandis magnitudine superfuisset: lit. e. e. e. e.) ulterius nec stylum nec flatum adigere potui. Ductum investigavi in arido, seu potius pancreas cadavere; cæcum autem inveni, induratum, solito crassior & impervium, lit. g. g. g. g. præsertim eo in loco, ubi ligatura olim facta*

facta fuit; callus etenim firmissimus ibidem ferrum penè elusit lic. h. Singula hæc quùm monstrari melius quàm describi queant, rem omnem icone ante oculos posuisse juvabit.

In ventriculo præter liquamen felleum; quale à recepto per venam cruralem *Tartaro emetico* vomitu rejecerat, nihil inveni. In tenuibus intestinis parum chyli offendi, hinc inde autem croceo humore tincta fuerunt: in crassis feces pul-
taceæ propè exitum substituerunt. Glandulæ intestinales gregales dictæ (duodenales enim tunc temporis nondum innou-
tuere, quas tamen observasse operæ pretium fuisset) neque tumidiores solito, neque prominentiores fuerunt; circuli au-
tem, quibus includuntur magis, quàm reliqua intestinorum superficies rutilavit. Renes sanissimi æquè ac reliquæ partes in abdomine contentæ. Vesica turgida fuit & lotio distenta, etsi paulò ante obitum hanc exonerârit, rutilabat quoque im-
pensè. In hepate nihil vitii apparuit, neque in liene: vesicu-
la fellis naturalis fuit. Vasa lymphatica humore rubicun-
do turgidula, è sima hepatis parte prodierant numerosa, quæ
ad glandulas conglobatas ducere & in eas, nec ante in rece-
ptaculum exonerari eleganti juxtà ac jucundo spectaculo con-
templati sumus. Immisso enim per tubulum vitreum argen-
to vivo, recto illud tramite decurrit, & per varias ramifica-
tiones partem glandularum convexam subiit. Ita nempe na-
tura promissis semper majora persolvere solet.

Possem equidem addere & aliud, quod Anno 1687. die 17. Martii Heidelbergæ in gratiam Dnn. Studiosorum in Col-
legio anatomico feci experimentum, quo sospite cane ex ejus
anatomie, die 15. Aprilis institutâ constitit, locò pancreatis
nonnisi exiguum molem & confusum Chaos superfuisse, nisi
tempori parcerem & aliorum patientiæ, supra recensitum au-
tem esset locò omnium, quapropter ulteriori scriptione hîc
supersedeo.

Fig. XXXII.

[Heidelbergâ missa Norimb. ad Hermet. II. d. 8. Dec. 1688.]

OBSER-

OBSERVATIO CXXXIII.

DN. ROSINI LENTILII.

Asthma Scorbuto-hystericum.

MOnialis *Maria Rosa*, annorum circiter 20. temperamenti frigidi & humidi scilicet summè pituitosi, intravit in monasterium ante decem circiter menses, utcumque sana, subindè difficili detentâ respiratione, quam contraxisse persuasum habet, ex potu medicato purgante semel tantum sumto, sed malo effectû, ex enormibus quippe ad necem usque abacta vomitibus, suspicionem dedit ruptæ alicujus in pectore vomicæ. Caterum nunquam antehac in usu purgationes, venæsectiones, scarificationes, foniculos &c. habuit. Elapsis quatuor circiter mensibus, postquam intravit in monasterium, tempore autumnali, catarrho præhensâ subitò fuit asthmate, cum terroris plenâ vocis interceptione seu raucedine, in hunc usque durante diem, nec ullis ad hanc cessante adhibitis remediis. Successerunt inopinatò nocte quâdam insignes præcordiorum, atque pectoris angustia, cum terribili non minus, ac mirabili pectoris elatione, atque costarum fragore, sudores syncoptici, convulsionem horrendæ, deliria, & quæ non? dum nil nisi præsentissimam omnes opinaremur instare mortem. Adhibitis in præcipiti casu cordialibus & epilepticis à multis evasit paroxysmis, illisque recedentibus, nil nisi ad suffocationem usque angentem pectoris angustiam, sinistri præsertim lateris conquerens. Causam investigaturi accusarunt quidam saburram pituitosam putrescentem peculiari cystide in pulmonibus contentam, ruptionem molientem: at, cum expectorantibus etiam fortioribus diu multumque usurpatis, irritò prorsus effectû, nullum in hunc usque diem, vel levissimum oris sputum, aut exiguum tussiculam excitare; topicis etiam, scilicet unguentis & emplastris, foràs proritando materiam (quamvis interdum

tumor apparuerit, mox iterum evanuerit) quidquam efficere valuerimus, in aliam deveni sententiam, atque asthmatis hujus prorsus sicci causam convulsivum motum diaphragmatis, aliorumque muscutorum respirationi dicatorum, pro indubitato licebat asserere: cujus sententiæ etiam constrictio laryngis, deglutitionem hucusque sufflaminans, certiore me fecit, nervis etiam pnevmonicis, pulmonum expansioni dicatis, item fibris nerveis bronchia amplectentibus, spasmodicè in consensum tractis, suffocationem inducere, nemini ignotum. Agnitâ quidem hâc causâ, remedia totis viribus eò dirigebam, ut respirationi atque deglutitioni liber sit motus, sed contumax omnem meam & aliorum Medicorum elusit operam affectus. Quapropter relicto morbo solis defensivis, scilicet cordialibus, bechiis & antiepilepticis agere mihi restabat: quo effeci, ut frequentissimæ lipothymix, subinde ad levissimum corporis motum ingruentes, atque spasmodicæ manuum pedumque contracturæ, agram diu ad multas horas contorquentes, tandem in totum remiserint; quibus recedentibus agra ad se rediens semper suspiriosum ducebat spiritum. Dumque spes iterum fulgebat, recuperandi salutem corporis, quippe cum quiete se in lecto habebat agra, præter angustiam sinistri lateris, tactum non ferentem, at respirationem dirè sufflaminantem, ut inde multas insomnes ducere sit coacta noctes, nihil querebatur. De functionibus naturalibus nihil conqueritur, benè appetendo, non sitiendo, ingesta facîle ferendo & concoquendo, ast paucam reddit urinam, subindè alvum experitur strictiorem, nec ullis afficitur ventris aut lumborum doloribus, nisi forsân ex diuturno decubitu, adeoque nulla suadebat ratio, morbum hunc, uti apud vulgum persuasum habebatur, prorsus hystericam indigitare affectionem; quamvis & uterus, sicut omnia alia viscera, in consensum trahatur, quippe menstrua apud agram ritè singulis fluunt mensibus. Dum igitur omnia in melius verti videbantur, & è lecto surgens obambulationem in con-

clavi

clavi sensim & sensim moliretur, novi succrescere dolores in sinistro hypochondrio coeperunt, quos pro dolorificis lienis inflationibus habui: hisque magis atque magis ægram contorquentibus, etiam sinistri lateris contorsio & sævus oboriens capitis dolor ægram iterum decumbere fecerunt. Periculum fecimus affectui huic splenetico, chalybeatis mixtis bechicis, succurrere, sed brevi iterum ab hisce abstinere sumus coacti; quippe de die in diem symptomata ista graviter intendebantur; præsertim sævus dolor capitis deliria inducebat, adeò, ut tandem phrenitidem metueremus. His recedentibus successit nocte quâdam, quamvis & antehac crebrius, paralyxis, verius, stupor sinistri brachii, pusillum ferè remittente cephalæa, mox autem gravius sæviente, ne erecto quidem capite decumbere potis est. Tentavi errhinis derivare materiam, sed vix attracta gutta una vel altera in nares, dolor capitis intendebatur, nullumque narium mucum obtinere potui. Persuasi ægram, pro avertendis enormibus defluxionibus in dextrum brachium fonticulum ponere, sed effectus, quem sperabamus, haut succedebat. Recommendavi Clysteres, materiam è capite avertentes, vesicatoria in scapulis & brachiis, sed omnia cum fletu respuebat ægra. Venæsectiones jam aliquoties in brachio & ambobus pedibus, cum deliraret, institutæ fuerunt. Purgationes etiam blandæ non omissæ, sed irritò prorsus effectû, cephalæa ista eodem semper tenore remanente. Quid ampliùs faciendum, aut quæ interna morbum hunc complicatum debellantia sint adhibenda remedia, sagacioribus artis nostræ relinquo Proceribus.

Hæc sunt verba, non mea, sed aliûs Medici, Cœnobii, in quo Monialis agebat ordinarii: Cùm autem tantùm abesset, ut his vel aliis medicamentis quidquam efficeretur, ut potiùs aphonia totalis ad integrum semestre perduraret, (cujus potissimùm causâ dignum judicavi casum, qui hisce *Ephemeridibus* infereretur) recurrente subinde ad suffocationis pericu-

lum asthma, & convulsionibus hystericeis, residuaque dextri femoris paralyfi, ut illinc miserè claudicaret, ad me tandem itum, præcipuè cum neq; *Pater Guardianus* monasterii, neq; Monialis Parentes in paracenthesin thoracis, quam ordinarius urgebat, consentire vellent. Igitur in sequentem sententiam scripsi: Hic affectus mihi videtur *Asthma Scorbuto-hystericum*, ab irritatis per exhalationes acido-austeras uti & hypochondriorum, spiritibus animalibus, qui respirationis organa in expansione convulsivâ continuâ detinent, exortum. De asthma non est dubium; utrum verò siccum an humidum sit, dispiciendum? Humidum non est, siquidem nec ulla lentoris excretio, nec sibilus, nec ulla vel levis tussicula, vel per ipsa medicamenta excitanda id prodidère; nec pharmaca huic asthma destituta largo quantumvis præbio diu propinata, quidquam opis, re potius in deterius versâ, tulerunt. Restat itaque, ut idem appellitemus è convulsivorum genere siccum asthma, cum agnomento, *Scorbuto-hystericum*. Adeste verò in Moniali nostra scorbuticam diathesin suadere multa videntur. Argumentum maximè præcipuum est, quod hæreditarium sit asthma toti familiæ. Pater ipse fuit hoc à cunabulis affectus: Mater cum anhelatione tali diu conflictata, tandem accedente tabe, procul dubio scorbutica, periit. Paciens ipsa domi suæ frequenter ægerrimè spiravit. Studiosus filius, & binæ sorores aliæ meæ jam, in eodem affectu, curæ subjecti: omnes tamen neque tussientes, neque spuantes. Est autem hoc asthma siccum scorbuticis frequentissimum symptoma, cujus hæc est causa: Supprimuntur in sanguine scorbutico particule oleosæ, sulphureæ, balsamicæ; exaltantur Salinæ fixæ: Orta hinc vitiosa humorum effervescencia, multos halitus accumulat: quin, delatus ille sanguis ad cor, ibi turgescit, vasa pulmonalia distendit, inflat, expandit, læsa hinc aëris cum inspiratione, tum expiratione. Porro, qualis est sanguis, talis spiritus animalis: illo enim plus acri, hic quoque acrimoniam adsciscit, ad quamvis, etiam levissimam.

occasionem irritabilis, ad nervos vectores in motus involuntarios perciendos. Membranacei pulmones huic fomiti suscipiendo aptissimi, quippe minus robustæ compaginis & mobiles. Eadem Monialis à longis abinde annis, hystericis passionibus ad usque convulsiones, fuit divexata, quod scorbuticis perquam est familiare. Alvus ipsi, hystericarum more, adstrictior, & urina subindè suppressa: vid. *Sydenham. de curat. variol. & affect. hyster.* Causa non tantum convulsiva sphincteris compressio, infantibus ad motus convulsivos pronis etiam solemnis, sed & serum nimis parco fluxu ad urinarias vias derivatum, eò quod alibi in corpore oberret. Adest cephalæa hystericarum tantum non propria, proinde *Clavus hystericus* laudato *Sydenhamio* dicta, consentientibus & *Pisone* & *Willisio*, caput hinc subjectum hystericarum passionum stuantibus. Adde Convulsiones & Epilepsiam, de quorum causa alibi. Denique paralytin sinistri femoris per metastasin accitam, vide iterum *Willis. de Scorbut. & Ann. II. Dec. II. Eph. Cur. Obs. 170.* Cujus causa fortassean est, quod spiritus animales per crebras velitationes & effervescencias denique suâ volatilitate orbi, à Natura, vel medicamentis in partem, quamlibet debiliorem propulsi ibidemque nervis impacti debiliores existant, quam ut membrum istud movere queant. Ultimò delirium furori uterino propinquum, & asthma, quod hystericis est propterea familiare, quia exhalationes uterinæ acido austeræ sanguinem inebriant flatibus, qui pulmones expandunt, dum interim nervi pneumonici à spirituum animalium tumultu concitati non minus inflantur, ut pulmones contrahere semet nescii, maneant in expansione saltem partiali, unde ex sufflaminata respiratione siccum asthma convulsivum. Idipsum permovit gravissimum Scriptorem, Anglum *Highmorum*, ut passiones vulgò hystericas dictas, à sanguine tenuiori & flatulento in cor irruente, unicè dependere voluerit, unde cor plus sanguinis uno pulsu intromittat, quam altero in pneumonica vasa queat elidere: hinc præcor-

diorum anxietas, asthma, suffocationis metus. Quin imò, non dubitavit *Helmontius* affectionem hystericam *asthma muliebri* vocare. Quantumvis autem Domino ordinario nostræ Moniali hanc affectionem minus competere sit visum, quòd menses ritè fluant; ordinarius tamen horum fluxus non impedit, quin mulier esse possit hystERICA; quod enim sit talis, mensium suppressionem causam immediatam & proximam nullatenus agnoscit. Notandum enim in diathesi scorbutica sanguinis consistentiam pro fermentorum varietate oppidò quoque variare, & per Salem lixivum nonnunquam reddi justò fluidiorem, quod scorbuticorum hæmorrhagiæ probant: Hinc ad mensuram & tempus fluente cruore menstruo, mulierem nihilominus esse hystericam posse, liquidum evadit: vid. *Ann. III. Dec. II. Obs. 196. Ephem. Curios.* Mulieres prægnantes sæpenumero sunt immunes à passionibus hystericis, quibus extra id tempus tenentur. Et sæpè virginibus hystericis conjugium est Medicinæ loco, cùm in hoc menses supprimi necesse sit; nimirum passionēs hystericæ non semper sanguini sine restrictione; sed cum primis sero seu lymphæ à Scorbutico Sale infectis, & in glandulis uteri vaginalibus elaboratis acceptæ ferendæ, mensium fluxu sic satis rectè nihilo se minus habente. Est igitur in Ægra nostra morbi talis Idea: Ægra sibi jure hæreditario scorbuticam labem adscivit: quâ labe sanguis infectus uterum in consensum traxit, ut postea passionibus hystericis tentaretur: quas equidem asthma convulsivum, uti solet, est infecutum, sed non usque adeò perniciosum, cùm adhuc firma pulmonum textura esset. Cùm autem præterea purgatio vehemens accessisset, insequentibus, fatente Parente, vel centenis intra diei dimidium vomitibus, tonus pulmonum, cum primis autem sinistri lobi, seu lateris (unde quoque in illo latere major pectoris angustia, quam in dextro, observata) adeò fuit eheu! laxatus, eorumque fibræ in tantum irritatæ, ut jam vel levissimæ occasione non sint amplius resistendo, sed quotiescunque ab acri va-
pore

pore roduntur, vel parcissima spirituum animalium irritatio contingit, statim inflentur, convellantur & pulmones expandant, ita, ut propter inflatos nervos, venas, arterias & vesiculas suas, è quibus constant, in se redire nequeant, & decenter subsidere; hinc non potest non laboriosissima respiratio insequi, cum ingenti præcordiorum anxietate, & suffocationis periculo: Nam, cum in omnibus animalibus sanguineis respiratio ad vitam sit apprimè necessaria, quippe, sine qua motus sanguinis, in quo vita libratur, perpetuari nequit, expansis pulmonibus eam ægerrimè perfici posse, quilibet sibi potest imaginari, dummodò follem fabrillem consideret. Follis enim, nisi contractus expandatur, aërem non haurit; dum est in expansione sua, nil aëris amplius admittit, dum eo plenus est; dum autem contentus aër per compressionem exprimitur, denuòque compressus follis expanditur, tunc aër subintrat, ex ratione Physicis notissima. Parili ratione pulmones, ceu folles animales, dum expansi sunt, aërem admittere nesciunt; opus igitur est ad respirationem, ut recè nunc expandantur, nunc subsideant, quorum alterum ubi non fit, aut nulla, aut sanè laboriosissima potest esse respiratio. Cohibeat jam vir sanus ad pauca momenta spiritum, bone Deus, quæ est anxietas? quæ sanguinis ebullitio? quæ in extimas corporis partes ejusdem suffusio? quæ venarum intumescencia? quæ omnia sunt adeò clara, ut nil clarius. Sed unde raucedo miranda & durabilis? Audiamus hîc B. nostrum *Ettmüllerum* ita differentem in *Praxi* sua: *Raucedo vitio thoracis interdum fit, quando resolvuntur ejus muscoli, aut convellantur, ut in apoplexia, NB. affectibus hystericis &c. vel vitio laryngis aërem subelisione non modificantis, ut, dum vel paralyti afficitur, vel nimium angustatur & stringitur.* Et certè ita se res habet: Non enim ista raucedo accepta ferenda viscidis humoribus laryngem obsidentibus; sic enim foret asthma humidum, cum tussi & excreatione pituitosa. Deinde est
ferè

ferè scorbutica convulsiva raucedo, à convulsione musculorum gulæ, aut ipsorum fortè resolutione dependens, quales mihi raucedines sunt optimè notæ, & aliquando in Vexillifero scorbutico tali per tres menses detento remediis antiscorbuticis curavi. Notum enim est ex anatomicis nervos recurrentes dictos vocem animalium moderari, quibus aut obstructis aut convulsis, aut penitus abscissis, vox faucibus hæret & aphonia vel obmutescencia succedit, sic, ut hoc affecti vitio clarum pronunciare nequeant. Nervos autem recurrentes ab hysterice exhalationibus, unâ cum reliquis pectoralibus, affici posse, jam illustris *Hercules Colleg. Pathol. MSS. cap. de suffocat. hyst.* præclare docuit. Hinc symptoma vocis, in Ægra nostra quod visitur, non tam est raucedo dicenda, quàm ipsissima aphonia. Causa igitur proxima & immediata hujus asthmatis convulsivi in Moniali nostra est pulmonum continuata expansio, sine sufficienti contractione: Causæ mediætæ propinquiore sunt binæ: Spirituum nempe animalium ab exhalationibus acidis irritatio, & quasi furor, & sanguinis in cor & pulmones intromissi flatulentia. Causæ remotæ naturales temperamentum Ægræ frigidum & siccum, non autem humidum, & dispositio hæreditaria: Nonnaturales cum vita sedentaria & otiosa, per quam humores torpescunt, tum etiam excretio nimia, per vomitus horrendos thoracem pro more emeticorum quatientes, præter intentionem concitata: Præternaturales, scorbutus & passio hysterica. Ut autem nil prætermisisse videar, quod quocunque modo ad hujus sententiæ illustrationem facere queat: 1. Alvum in asthma convulsivo esse adstrictam tantum non quotidianum est: 2. Urina in eodem est pauca. 3. Thoracem in hoc, ob nimiam pulmonum expansionem, notabiliter, etiam cum costarum quasi fragore quodam elevari Prædicorum observationes multæ loquuntur. 4. Asthma dictum in cephalæam terminari, exemplo mihi domestico notissimum. 5. Convulsiones crebro communicari, ut succedat epilepsia, confir-

confirmat multiplex experientia. 6. Quam epilepsiam pressio quasi pede delirium insequitur. 7. Scorbutum per metastasin in raucedinem terminatum testatur *Obs. 175. Ann. III. Dec. II. Ephem. Cur.* 8. Asthma à flatibus etiam celeberrimus *Sylvius*, cum biga Medicorum incomparabili *Hercule* ac *Ettmüllero*, utrisque nostris, concinnè deducunt. Est igitur hic affectus *Asthma Scorbuto-hystericum*. Quid heic est opus factu? 1. Sanguini sua balsamica crasis restituenda, ita, ut ejus acrimonia attemperetur, flatulentia discutiatur, sulphur restituatur. 2. Spirituum turbulentia & acrimonia per blanda demulcentia sedanda, iique quadantenus figendi & concentrandi. 3. Pulmonum & diaphragmatis tonus medicamentis specificis roborantibus firmandus. 4. Viribus prospiciendum. Accersendus heic triplex Medicorum fons, ubi in *Cheirurgico* statim occurrit quaestio: *Num Venæsectio profit?* Et respondetur, quod non adeò: cum per Venæsectionem acrimonia sanguinis sero debita per se nullatenus tollatur, vires potius & tantillum sulphuris exhauriantur. *Fonticulis & vesicatoriis* lateres lavantur. Quoad fontem *Pharmaceuticum*, in paroxysmo detur illicò *Sperm. Cet.* in jure calidiori soluti ʒj. cui licebit adjicere *Croc. Austr. gr.* circiter viij. Post aliquod temporis intervallum pneumonico-hystericae Mixturæ gutt. 30. cum *Malvatico* infundantur: *℞. Spir. Anis. Coch. aa. ʒjß. Spir. Armoniac. Tinct. Castor. Tinct. Tart. aa. ʒj. M.* Castoreata, pilæ hystericae &c. naribus admoveantur. Laxandæ vestes & omnia vincula. Extra paroxysmum, purgantibus valere jussis, utatur pulvere absorbente ex *Spec. Diacret. Myns. ʒij. Bezoard. Jovial. Cinnabar. nativ. Vitrioli Martis. aa. ʒjß. Laud. Op. gr. xij. pro 8. dosibus, ex Aq. Chamom. Hyssop. Petroselin. aa. ʒj. Hirund. cum Castor. Spir. Anis. aa. ʒjß. Spir. Cochlear. ʒij. Oxym. Squillit. Sir. de Nicot. aa. ʒjß.* Cujus etiam extra hanc dosin, urgente necessitate, cochlear unum atque alterum forberi potest. Cui pulvis iste, licet efficax, minus arridet, utatur ejus loco sequenti: *Rad. Valer. Zedoar. Irid. Flor. aa. ʒj. Ann. Dec. II. Annus VII.*

timonii Diaph. ℥ij. Sacch. Saturni, Sal. Vol. Succin. āā. ℥j. pro s. dosibus. Mixturæ supra dictæ pomerid. horâ iij. & nocturna viij. gutt. 30. ex Malvatico sumantur; vel deglutiat noctu cubitum itura Pilularum n. xv. *R. Myrrh. Galban. āā. 3iſſ. Caſtor. ℥j. Aſ. fœtid. 3ſſ. cum Balf. Peruv. pro Pil. ponder. gr. j.* Interim alvus officii admoneatur Decocto laxativo lenissimo. Præsentissimum autem remedium arbitror *balneas minerales*, & quidem vicinas nostras *Wemdingenses*, quippe affectibus hystericis & scorbuticis debellandis apprimè efficaces, legitima methodo usurpatas. Vid. *Ann. I. Dec. II. Obs. 105. Ephem. nostr.* Quibus, si diæta jungatur, de cura non est desperandum. Hoc tum erat consilium meum, cui cùm obtemperassent, quibus intererat, insuper laudatas balneas in usum traherent, Monialis dicta brevi sic restituta fuit, ut tam erecta incedere, tam liberrimè respirare, tam clarissimè fari, per sesquiannum hætenus & ultra didicerit. Ubi notandum obiter, *Balneas Wemdingenses*, duobus milliaribus *Nordlingæ* distantes, usu multiplici in paralyticis, hystericis, scorbuticis, melancholicis, aliisque innumeris affectibus, commendatissimas esse, quas olim *Hieron. Reusnerus*, Medicus nostras, peculiari libello descripsit, utique dignas, quæ numerosissimò confluxu frequententur.

OBSERVATIO CXXXIV.

DN. ROSINI LENTILII.

Pueri maleficiati Casus memorabilis.

Döttinga in Ducatu *Württembergico* Vicifactoris Filius quatuordecim annorum, à suspecta quadam Canidia, ante biennium propemodum, ex quo hæc scribo, libum seu placentam istis locis familiarem dono cepit, & comedit. Elapsa vix hora continuis vomitibus urgetur, quibus Chirurgus aliquis (hi enim nusquam non sunt intempestivi

pestivi Practici) per decem septimanas magnata sua, quamvis sine omni effectū, applicavit. Interim puer obmutescit penitus, nec oculum ullum aperit conniventibus palpebris. Pedibus suis solum tangere nesciebat, &, quod sanctè Parentes, alternè excubantes, testabantur, intra spatium 28. septimanarum ne hilum cibi assumebat. Interim coactus per totam noctem ad ipsissimum instar apri grunnire, sic ut quis puero non viso, de apri vicinia nil omninò dubitasset; quin & subinde expavit. Nonnunquam vini cyathum hausit, cætera nihil corpore extenuatus, mentis compos, alvum quotidie reddens. Ad hunc vocatus Affinis meus Dn. *Maskosky*, Physicus *Göppingensis* felicissimus & percelebris, elapsis supra memoratis septimanis: Et, quum Puer noctes diesque faciem obscuro parieti obverteret, eum, ut insideret scamno, coëgit: diductis hinc instrumento dentibus, infudit calidi juris aliquot cochlearia; cumque valdè reluctaretur, à Parente collopho multatus, nunc demum hæc verba profari cœpit: Quid à Te vapulo satis alioqui cruciatus? Ab eo tempore & est locutus & cibum sumsit, affirmans, noctibus singulis mulierem quandam cibum sibi & vinum generosissimum porrexisse, seque vehementer affixisse. Nunc etiam grunnire desit, palpebris tamen adhuc conniventibus: nihilo tamen minus ipse divinare potuit, quidquid occultatum in pugno tenerent alii: fassus etiam, non se, sed aliud quid in abdomine suo per integram noctem, se quamlibet renitente, grunnivisse. Interim medicamentorum nonnihil ipsi propinarum: pedum usus melior: devotè precabatur; Quin & Pastores admonendo, hortando, consolando, suo neutiquam officio defuerunt. Sensim phantasma muliebri nocturnum evanescit, nec amplius expavescit, grunnitu tamen adhuc per horam unam, plus minus, interdum redeunte: dum absentes præsumit homines, oculos aperit; sed, quum id aliàs non faciat, aliquo Dropace per totam diem palpebræ apertæ tenentur, ut musculi quadantenus fortè resoluti pristino vigori restituantur.

tuantur: grunnitus denique cessavit, & cum hoc afflicta valetudo.

OBSERVATIO CXXXV.

DN. ROSINI LENTILII.

Convulsiones admirabiles.

POligrapho *Weilheimensi* filia duodecim, filiusque decem annorum successivè morbillis effloruerunt; quibus, diaphoresi neglecta, non sufficienter erumpentibus, inscutæ sunt ante nunc annum convulsiones equidem satis admirandæ: Variæ membrorum contorsiones, tremor totius corporis, complicationes ejus in spiram mox pronæ mox resupinatæ; nonnunquam eis in altum sublatis ad stuporem omnium; intereâ simul vociferabantur, cantillabant, labiis fistulabant, paroxysmo præterfluxo in cachinnum effusi, quid actitatum esset, prorsus ignorantes. Adhibita à Medico quodam non incelebri medicamenta varia, sed sine fructu: *Maskoskyus* illuc vocatus utrique propinavit emeticum, &, quum, referente Domino Patre, purgantia vel sextâ vice propinatâ, nil quidquam operarentur, præcipuè apud Puellam, emetica tamen ista laudabilem effectum præstitère, diversi coloris effusa saburra: Adhibita mox epileptica, applicata vesicatoria, per secessum ambo ex voto purgati: die postero lumbrici magni num. 7. per utrorumque alvum excreti, insequentibus tam horrendis motibus epilepticis, oscillando & saltando, ut ambo præsentibus multis per duas horas mensas & scamna, & quidquid obvium esset, agyrtarum more promptè transsiliret, ut non destituri viderentur, quamdiu vita superaret, ab aliquot denique hominibus, uti quiescerent, & in lecto cubarent coacti. Post paroxysmum riserunt, comederunt, biberunt, puella tamen mox usu pedum adeò exuta, ut stare non amplius posset. Aëris locique mutatio Parenti persuasit, ut annueret Domino Affini meo, misellos *Göppin-*
gam

gam deportari, optanti: Heic dexteritati suæ, vir juxta felix & expertus reliquum nihil fecit, adhibitis medicamentis specificis & hætenus pro arcanis habitis. Et quanquam, Puella cumprimis, etiam *Gäppingæ*, motus epilepticos horrendos subindè passi sint, DEO tamen secundante non tantùm Puella brevi usum artuum omnium recepit, sed ambo ægrotantes per quatuor dies convelli desierunt. Ad altitudinem bicubitalem nonnunquam de pavimento, corpore horizontaliter sito, sublati sunt. Quidam *Chorem S. Viti* sunt arbitrati, aut quasi *Tarantatos* vel maleficiatos. Sed rectè vir optimus causas mali naturales posse dari existimat, cùm virus istud morbillorum, malignum, acre, acidum, atque, ut ipsi vocare libet, menstruale, per neglectos sudores non eliminatum, interim tamen in sanguine resolutum, fluctuans, partes nervosas, quin ipsum cerebrum, irritare potuerit, præsentè durantibus cumprimis paroxysmis delirio & insaniâ. Paroxysmi ab initio intra diei civilis spatium quinquies vel sexies iterarunt varia facie: nam, præter dicta, nonnunquam artus ipsorum implexi sunt sibi invicem firmiter cohærentes, nonnunquam expansi, nonnunquam tremuli, contortis oculis, naribus, ore, ut reverà larvas mentirentur. Semper quærebant obscura loca, subter scamna, mensas & lectisternia. Hinc subito hæc omnia transiliebant, insuper habitis hinc exorientibus doloribus, sic ut adstantes undique pulvinaria supponerent, ne artubus enormis læsio accederet. Puella, cùm inferior corporis pars à lumbis usque ad extrema prorsus omni motu careret, posthac saltem superna corporis parte convellebatur. Adhibita præter epileptica diversis etiam quatuor locis *Vesicatoria*, quin & *Suffumigia* & alia *Topica*, *Amuleta*, *Emmata*: quorum usu intra 16. dies, L. D. perfectè ambo convalescerunt, ut horrendi affectus nec vola supersit, nec vestigium.

OBSERVATIO CXXXVI.

DN. ROSINI LENTILII.

Calculi per tussim, vomitum & alvum
redditi.

CAupo Göppingensis, vir ætate floridâ phthificus, tussiendo instar pisorum sativorum, calculos num. v. cineritios, & ex rubro flavescientes rejecit, intra tres septimanas fato functus. In *Curlandia* vir sexagenarius per aliquot annos calculos diversæ magnitudinis, nullo tamen pisum excedente, per vomitum rejecit, quales adhuc mihi sunt ad manus, instar Salis Tartari ex albo viridiusculi, tabe denique confectus & mortuus. Negotiator *Nürtingensis* Febre malignâ laborat, quâ solutâ denique hecticam sibi contraxit, vel ex diætæ neglectu, vel cura non sufficienter protracta: adest æstus, sitis, sudor, phlogosès, horror, inappetentia, pressio circa præcordia, asthma; sed cum primis circa regionem hepatis dolor summus, cum tumore, de quo tamen dolore jam per decennium conquestus fuerat. Adhibita, *Aperientia, Lenientia, Abstergentia, Diaphoretica, Laxantia, Enemata, Topica, Cataplasmata* lateri dolenti applicata: intus pro demulcendo dolore *Ol. Amygd. dulc. c. Sir. de Alth. & 2. Rad. add. Ocul. Cancr. preparat. & Nitro preparato*: quo sumto haustu æger, libenter equidem scirem, inquit, quid per fecessum excluderetur à me durum, scindens anum & lacerans? Uxor pelvim è sella promens invenit mistos cum excrementis ex flavo rubentes lapillos quamplurimos, lateres contusos dixisses: horum exsiccavit manipulum integrum, tres & amplius, ubi visum fuisset, collectura. Id generis lapillos per dies aliquot exisse sensit, quorum aliqui pisæ magnitudine superarent: partim rotundi, partim cuspidati. Subsedit autem tunc istud hepatis sarcimen, mitigatus dolor, appetitus rediit, aboli-

abolita sitis, respiratio libera. Quin hi lapilli prodierint è cystide bilaria, nil ego quidquam dubito; hoc, velut in genere pecudum non est omninò novum: (prout hos aliqui, lapillos è bovis felle, non sine fructu & effectu tantùm non certissimo, quorum fidem & ipse testis oculatus confirmare possum, ictericis propinant) ita passim Observationes in vesicis hominum felleis tales esse repertos, quin & *Ephemerides nostra*, testantur. Id in boum lapillis observavi; eos, instar fortissimi ptarmici nares irritare. Num in hoc subiecto adhibita nitrosa quidquam præstiterint, dijudicandum aliis relinquo, quo in *Sylvij* operibus alicubi me legere memini, graminis aquam cum Nitri Spiritu haustam calculum ex hoc fundamento solvere, quòd pecudes, quamprimùm gramine novo vescantur, lapilli tempore autumnali & hyberno in vesicula bilaria reperiri soliti, liquecant, nec usquam æstivo tempore reperiantur; Addo, quòd, cùm *Heidelberga Anno 1672.* studiis operam locarem Dn. D. *Israël, Med. Prof.* nobis ostenderit calculos binos, satis grandes, colore fusco præditos, figurâ caculos parvos, quatuor prominentiis ceu pedibus, & capite mentitos, pluribusque aliis sociatos, in liene vetulæ cujusdam, quæ per integros quindecim annos de gravativo sinistri lateris dolore conquesta fuerat, repertos. *Jena Anno 1675.* in cane vesicæ calculus inventus sesquilibram ponderans; Figura erat casei vulgaris rustici, cujus utrinque mucro seu cacumen est obtusum (ein Quarffäs) albicantissimus, qui in meditullio suo alium elegantissimè efformatum minorem; sed qui totius & integri calculi figuram exactissimè referret, continuit.

OBSERVATIO CXXXVII.

DN. ROSINI LENTILII.

Cautela in vesicatoriis adhibenda.

MAttronæ cuidam hypochondriacæ à non nemine quatuor vesicatoria simul bina in carpis & bina in suris applicata: unde stranguria summè dolorifica exorta: Medici bini calculum vesicæ adesse rati, *Balneis*, quin *Lithontripticis*, *Diureticis*, calidis, acribus variè utuntur, muliere nihilo melius, quin pejus quotidie habente. Alius quidam Medicus prudentissimus & sagacissimus in ista vesicatoria causam, &, meo quidem iudicio, rectissimè coniecit, ob admixtos cantharides, experimento rei in proprio corpore, dum esset 16. annorum adolescens, facto, cui proinde tantò magis fidendum, quamvis ridiculum esse *Fioravantum* arbitrer, qui *lib. 2. cap. 45. de regim. pest.* non erubescit statuere, *eum demum esse Medicum bonum, qui complureis morbos ipse sit passus.* Ista quidem experientia valeat, cum verissimùm sit proverbium: *Es sey nicht gut krank seyn / man seye des Lebens nicht sicher.* Præterea dubium est, an ejusmodi Medicus aliis sit antefereendus? Nam si bonus fuisset, utique sibi cavere didicisset, ne in tot morbos, periculo sui capitis, incideret. Cæterùm cantharides etiam foris applicatas mistum cruentum & stranguriam excitasse in *Disp. pro loco de vesicatoriis Jene habita Excell. D. D. Faschius, Prof. Anat. Chir. & Botan. cap. 5. ex variis Auctoribus planum fecit. Confer Ann. I. Dec. II. Ephem. nostr. Obs. 163.* Et quæ de Cantharidum operatione Amicissimus noster *Periander ad Ann. VI. Dec. II. Obs. 215.* dictarum *Ephemeridum* commentatus est.

OBSERVATIO CXXXVIII.
DN. ROSINI LENTILII.
Vivum Cadaver.

IN oppido Bavarico *Wemdinga*, duabus leucis abhinc distante, & à balneis mineralibus celebri, paupercula vixit Arcularii uxor quadraginta circiter annorum. Ante triennium fluxum mensium immodicum ad octodecim hebdomadas est passa, quem infecuta est horum suppressio cum successivo tumore ventris, quæ spem prolis ipsi faciebat primò; sed hydropis foetum esse tumorem isthunc eventus docuit, qui denique se ascitem cum tympanite sociatum prodidit; tumor immensus erat, postquam per duos annos ipsi concessum incrementi spatium; tantum sanè mihi vidisse nunquam contigit. Interea supernis partibus adeò fuit extenuata, ut reverà videretur skeleton corio jam opificis manum experto vestitum. Mammæ pendentes conos abiegnos referebant, aptæ potiùs ad relegandos, quàm pelliciendos amasios. Denique fatis defuncta cultro se præbuit. Apertum abdomen amphoras benè duas aquæ foetidissimæ profudit, sed intestina nusquam. Hæc enim, dictu mirum, ad usque rectum intestinum computruerant in mucaginem, bonâ parte stomachi, quâ pylorus moderatur sceptrum in putredinis consortium adscita. Hepar, lien, renes utcumque habebant; vesica urinaria, cum insertis & annexis vasis paria cum intestinis fata experta erant, id est, frustrà diu quæsita. In utero maximam partem putrido mola, caput infantile æquans, & ipsâ jam infectâ putredine. Thorax cum contentis mediocriter se gessit, corde sine omni labe reperto, præter id, quod in toto corpore vix uncia sanguinis, venis prorsus evacuatis, immò ne congruatus quidem colligi potuerit.

OBSERVATIO CXXXIX.

DN. ROSINI LENTILII.

Alvi adstrictio à coalitu intestini recti.

DN. *Joh. Richter*, Pharmacopœus Aulicus *Eichstettensis*, ex alvi constipatione ventrisque torminibus acerri-
mis, frustrâ tentatis omnibus remediis, post tres septi-
manas obiit. Aperto ventre sphincter ani connive-
bat, ejusque totalis coalitus visus; interni longanonis parietes
contraxerant putredinem: intestina sphacelata: stomachus
aridus: vesicula felle bile nigerrimâ scatens, præter alias mi-
nùs enormes læsiones,

OBSERVATIO CXL.

D. CHRISTIANI SCHUCHMANNI.

Morsus serpentis curatus.

Puellam quandam infra talum binis moribus petit ser-
pens, ab antecedentibus puellis procul dubio gressu la-
cessita. Hæc domum se conferens, videt intumescere
malleolum, pedem, sucecessivè tibiam. Adstantes mul-
tiscie mulieres, statim supra genu fortem injiciunt ligaturam,
hâcque ratione, ex opinione illarum, tumor & venenum li-
gaturam non transcendunt. Accersitur balneator, qui sta-
tim ligaturam removet, & medicamentum aliquod propi-
nat, quod tum illicò vomitu rejicit, tumore ulterius progre-
diente, & simul variis symptomatibus stipato. Intumescere
facies, præsertim autem lingua cum nigredine, respiratio co-
hibita, sudoris frigidissimi stillæ, instar fabarum magnitudine.
Vomitibus, continua in somnum propensio, sensus congela-
tionis, vox penitus intercepta; propinata Theriaca ab Empi-
rico quodam emta, vomit viridia, cum aliquali vocis restitu-
tione, reliquis symptomatibus nihilominus persistentibus.
Noctu



ad Append:
Fig. 7.
pag. 167.



Noctu ex me consilium petunt. Ego mixturam è Terr. sigill. Antimonio Diaph. Theriac. Camph. itemque Alexipharmacam Essentiam probè camphorata[m] do, simul imperans, ut locis commorsis applicetur pro tolerantia candens ferrum, superimposito postea Emplastro ex Theriaca & Mithridatio. Die 19. Julii illam invisere rogor. Liberam illam, præviis aliquot sudoribus, ab omnibus enarratis invenio symptomatibus, præterquam tumore ad limites ligaturæ usque extenso. Notabile simul hoc erat, totum pedem vesiculis ad instar nuncum juglandium, sero flavo turgidis, videre, non secus, ac si ex cantharidum applicatione fuissent excitatæ, quos omnes forcipe dissecare jussi, sub quarum una caro nigricans apparebat. Regio itidem, ubi morsu impetiverat puellam, tota ad duorum ferè Imperialium magnitudinem suggillata & nigricans conspiciebatur, cui tamen per scarificationem facillè prospiciebatur: pro tumore œdematoso Epirhema aperiens dedi non sine levamine. Movebatur hîc quæstio, annon per ligaturam à balneatore remotam venenum illud potuisset intercipi, ut in sola commorsa parte remanserit, nec ulterius se diffundere potuerit? Ad quod ego, posthabito Galeni, à Fr. Redi laudato consilio, sanguinis circulatione stante, negativè respondi, immò pejora mala ligaturas tales insequi edixi. Nam, si fortius stringitur, major sanguinis stasis & spirituum influxus denegatur, hincque gangræna & sphacelus metendus; sin laxior strictura, multò minus obicem ponet, quin mediante sanguine totum corpus perreptet. Notandum simul, Camphoram reliquis Alexipharmacis omnibus palmam dubiam facere, quod ipsum aliquoties in tali morsu ceptus, sanctè testari possum. Tuum igitur ut judicium mihi rescribas, officiosè peto.

SCHOLIUM.

UT Excellentissimo Dn. Auctori satisfiat, aliqua esse reponenda duxi. Ac primò quidem utique attendenda est inter

Ll 2

vene-

venena, tam intus hausta, quàm foris per morsus, puncturas &c. accersita, insignis differentia, quæ curam oppidò quoque diversam requirit. In genere videntur venena duplici ferè modo se habere, quatenus vel sunt volatilia vel fixa; item, vel sero, vel sanguini, vel utrisque peculiariter infensa. Mineralia videntur esse omnium fixissima, animalia pleraque volatilia, vegetabilia medio se modo habere: quin & operationes hinc venenorum variant, tum ratione temporis, tum ratione modi nocendi: Sic aliqua sunt lenta, quæ mancipia Diaboli mille artifice suo manucente; ad annos, quin menses & dies temperare docta sunt, aliqua citius ferè dicto perimunt: Alia rursum sanguinem & humores congelando, alia eosdem nimium subtiliando & in furorem perciendo: quæ ultima differentia heic plurimum attendenda; Sicut enim ista venena ejusmodi requirunt Antidota, quæ sanguinem & serum cumprimis ab ejusmodi congelatione immunia præstare valent: Ita hæc potius Condensantia & Sedativa sibi deposcunt. Optandum verò, quod heic obiter moneo, ut *Toxicologia* è veris naturæ principiis eruta, orbi aliquando sisteretur, quamvis experimenta, quæ huc faciunt, periculo sanè non careant. Serpentum item & viperarum venena morsu communicata Volatilium subire censum, eademque sero, Salium susceptori potius, quàm sanguini inficiendo per se, apta nata, ob homogeneitatem Salivæ serpentinæ cum sero, nemo, arbitror, inficiabitur: Hæc autem venena facultatem sunt nata, serum, illique affinem Lympham in Gelatinam condensare, unde sanguinis systasis & fibræ solvuntur, ipse congrumatur, ejus circulatio inhihetur, cum subsequa lethali suffocatione à quiete machinæ humanæ oborta, unde antecedanea & in historia recensita symptomata. II. Videtur hinc Indicationum cardo in eo verti, ut medicamentis tum internis ista feri congelatio præcaveatur aut inhiheatur, tum externis quoque eadem intercipiatur, Gelatina resolvatur, & venenum, si possibile, evocetur. Quorsum propinata internè

Excell.

Excell. Dn. Auctoris medicamenta multum sanè contulerunt, siquidem omnia feri coagulo impediendo, & sanguini ab amurca quasi præservando aptissima. Cumprimis *Camphora*, *Sulphur illud vegetabile* Excell. *Borrichio in Aët. Med. Hafn.* vocata, hîc meritissimo laudatur: quæ mirâ vi resolvendi pollet, ipsa quippe facillimo negotio in oleum resolubilis, & levissimæ adeoque & penetrantissimæ texturæ. Quis *Caphura* sit usus in peste, febribus malignis, in statu feri corrupto, & fatiscente sanguinis compage, vix Practicorum libri satis prædicare queunt. III. Quin & *ferrum candens* legitima methodo fuit applicatum. *Schmidius in Comp. Pract. p. m. 228.* post varia recensita denique, nil æquè prodest, ait, ac cauterium actuale, modo non altius venenum subierit. Quin & *Matthiolus* jamjam in *Comment. in Diosc. Mercurialis*, aliique docent, omnibus venenatis morfibz *ustionem* valde prodesse, quod vim veneni domare valeat, vid. m. *Lang. Epist. 18. lib. 1.* ubi *Damocratem* Medicum veterem eleganter inter alia de ustione commentantem adducit. Item *Corn. Cels. lib. 5. cap. 28. Paul. Æginet. lib. 5. cap. 3. Aët. tetrab. 4. serm. 1.* Addit *Langius* insuper causam l.c. dum ait: Cauteria suâ virtute calorifera & ardente non tantùm noxios humores attrahunt, sed etiam non rarò factas ex his collectiones aperiunt. Quæ causâ, licet ex antiqua penu petita, tamen haud adeò ab hypothese nostra abludit. Per collectiones enim heic lymphæ coagulum petimus intellectum, quod ustiones resolvunt, motu hinc lymphæ restituto, & intereâ veneni narcosi intercepta, ut per glandulas subitaneas latius serpere non queat, inducto quasi per ustionem callo, quâ ratione Practicorum quoque observationes testantur, præservatos nonnunquam insultus epilepticos. IV. Emplastrum ex *Theriaca* & *Mithridatio* concinnè applicatum, ubi consentientes plerosque Practicos habemus. Quamvis enim reperiantur, *Theriacam* & similia imponere vetantes, quod venenum intrò pellerè credant, reclamant tamen & ipsius *Galenii* & Medicorum ferè

quorumcumque experientiae suffultae observationes. Hinc Theriacalia Pharmaca propriè talia dici notat *Excell. Hercules noster Amæn. mat. med. lib. 2. sect. 2. cap. 2. §. 1.* quod moribus animalium debeantur; nec ea tantum intrò sumta, verum etiam foris adhibita, quod ipse habet *cap. 1. & §. 5.* vid. m. *Excell. Aretæum nostrum Coll. anat. Lect. 42. §. 2.* Theriaca quippe nobile medicamentum resolvendi vi maximâ pollet, communicatis insuper sero & vasis capillaribus subcutaneis atomis suis alexipharmacis: ne dicam de attractione veneni, de qua nonnulli ex Naturæ genio, attractionis motum vix admittente, dubitant. Ubi per transfennam quasi noto, innocenter *Theriacam* à quibusdam modernis irrideri, ceu centonem quendam, & farraginem inconditam variorum simplicium, ubi fortè sufficere potuissent eorum pauca selectiora. Novimus enim aliquos contractiori ejusmodi Theriacæ operam navasse, sed medicamentum laudatissima Theriaca longè posterius nactos esse. Hinc, quantumvis & nos parùm faveamus compositionibus istis decempedalibus, & nil minus, quàm Magistralibus, quales allegantur ab *Excell. Brunone Comment. in Jessem. de Judicio sanguinis per Venasect. emissi p. m. 115. seq. ex Zacut. Lusit. Brebitio &c.* Theriacam tamen, Mithridatium & hujuscemodi pauca vellemus excepta, quæ pote commendavit ipsa, & adhuc quotidie commendat experientia: vide, quæ ipse *Excell. Bruno* distinctione inter confusionem & mixturem aptissima de Theriaca sentit *l. c. p. 139.* Sanè præter Theriacam famosissimæ istæ Pilulæ *Greiffiana*, *Theriacales cælestes* hyperbolicæ satis appellatæ, præstant effectus non contemnendos, & laudabile medicamentum, modo pauperes ob summi pretii iniquitatem ab ejus usu non excluderentur. Et quoque nobis *Theriaca Bezoardica*, quæ suo usu se multum nobis eximio commendavit, sequenti modo parabilis: R.

Herb. Scord. Mij. Rut. Mj. Rad. Angel Zedoar. Helen. Carlin. āā. ʒjʒ. Fetasit. Valerian. Anthor. Pimpin. contrajerv. āā. ʒj. Cal. Arom. ʒvj. Myrrh. r. ʒvij. ʒj. Castor. ʒiiijʒ. Bacc. Junip. ʒx.

Nuc.

Nuc. Mosch. Cinnam. ac. Caryoph. Arom. Cardam. min. āā. ʒvj. Croc. opt. ʒiij. Camph. ʒjʒ. Conc. & cont. affunde Spir. Vin. Juniper. q. s. F. s. a. Elixir, quod filtratum per MB. abstrahatur ad mel-
laginem, cui admisceantur Op. Theb. corr. vel Troch. de Viper. ʒʒ. Flor. Sulph. Terr. sigill. āā. ʒjʒ. Corall. r. prap. ʒiij. Margar. vel Matr. Perl. prap. ʒij. Lap. Bez. cr. ʒj. Ol. destill. Zedoar. Angel. Caryophyll. āā. gutt. viij. M. F. Opiata consistentiæ pilularis. Quid? quod *Tinctura Bezoardica*, compositiones utcumque diffusæ, qualis est *Michaëlis*, officio non desint: Et quamvis alii quodammodo contractiores parent, ut plurimum tamen multis ingredientibus constant & istæ. Eleganter prudentis-
simus Sydenham. tract. de podagr. p. m. 44. Quamlibet, inquit, quoties virtute specificâ medicamento cujuslibet opus est nobis, Regula tenet: *Quò simplicius, eò melius*: tamen, cum id habemus propositi, ut huic illive indicationi satisfaciendo ægrum sanemus, singula ingredientia symbolam pro morbo curando quasi conferunt: atque in hoc casu, quantò major est simplicium numerus, tantò potentius medicamentum operabitur. Et paullò tamen post rectissimè in diffusis medicamentis formas Electuariorum ad imitationem *Theriaca Andromachi* reliquis præfert, ceu viribus præstantissimam, eò quod *mutua simplicium confermentatio omnium virtutem ad-
augeat, quasi aliquod Tertium progignens*, quod in conjunctis majorum est virium in pari quantitate, quàm in eorum quolibet. Non interim, quod supra jam monui, causam eorum ago, qui *Decocta, Infusa, Pulveres* &c. præscribunt immensa simplicium viribus inter se contrariis prædicatorum congerie constantes, dum v. gr. 6. 7. 10. vel plures herbas ad *Pug. j.* uni *Infuso* destinatas reperias. Hæc enim, quia non confermentantur, nec tale mixtum tertium exsurgit, necessario & semet invicem in operando impediunt, & fortè excitatis à calore nostro particulis activis in corpore demum inimicam fermentationem cum patientis damno cient. Novi equidem,
quid

quid hisce meis regeri possit, sed est fortè parata responsio. Quidquid sit, exploratissimum ego habeo, contractiores Theriacas & Tincturas Bezoardicas corvos hiantes luisse, *Theriacæ Andromachi* quàm longissimè postponendas. Quantum denique V. ad Quæstionem: *Annon per ligaturam à Balneatore remotam, venenum illud potuisset intercipi, ut in sola commorsa parteremansisset, nec ulterius se diffundere potuisset?* Mallem equidem me cum *Excell. Dn. Auctore* per omnia consentire posse; verùm, quando in ejusmodi rebus fucus omnis abesse debet, ingenuè, quid sentiam effabor. Verum est atque certissimum, ligaturas forteis heic & alibi multum nocere, & quidem ex ratione ab *Excell. Dn. Auctore* allegata, nimirum, quod ob Spirituum influxum denegatum Gangrana Sphacelusque metui debeant. Exemplum notabile recenset Fautor noster *Curiosus Heliodorus ad Ann. VI. Dec. II. Ephem. Curios. Obs. 167.* nimirum accitæ ob ligaturam æquo strictiorem in fractura tibiæ gangrænæ. Vid. etiam *Scholion Illustris. nostri Celsi ad Observ. 117. Ann. III. Dec. II. Eph. Cur.* ubi ex variis Auctoribus strictioris juxta & laxioris ligaturæ noxas adducit. Et quia testimonio *Excell. Dn. Auctoris* Puellæ supra genu ligatura fortis injecta fuit, jam est in eo peccatum. Stricturam autem laxiorem, seu mediam potiùs atque decentem improbari posse non censeo. Id equidem satis verum est, eandem non usque adeò veneno posse obicem ponere, quin sanguine mediante totum corpus aliquâ sui parte perreptet: Enim verò, quandoquidem supra diximus, lymphæ potiùs & sero, quàm ipsi sanguini ejusmodi venena, per serpentum Salivam intromissa, nocere, cutis autem nostra propemodum ipsa, modernorum invento, sit glandula conglomerata, sub ea minimùm numerus minutissimarum glandularum, lymphæ genitricum & dispensatricum innumerus reperiatur, est intellectu facile, stricta primò statim post morsum intuitu corporis superficie, quadantenus impediri posse motum veneni congelativi, ne possit latius per glandulas divagari; sic enim lymphæ
ista

istâ gelatinosâ subsistit quasi intra terminos suos, reliqua manente fluxili: non interim negandum, à vasis capillaribus subcutaneis hauriri tantillum toxici non obstante ligaturâ, sed illud quantulumcumque alexipharmais internis debellare convenit. Est proinde planè incertum, annon, si Balneator laxata decenter strictura, eam reliquisset, pes totus ad usque ligaturam unica quasi vesica obductus fuisset, impeditis symptomatis reliquis, vel certè diminutis? Aut an vesiculæ istæ sublatae fuissent omninò intermissâ ligaturâ? Istud enim serum flavum in vesiculis contentum non aliud esse videtur, quam seri antea per virus congelati nova resolutio, quod tamen serum Natura, quippe inimicum, propellere tentavit. Hinc ejusmodi ligaturas Veteres juxta atque Recentiores uno propemodum ore in canum rabidorum, serpentum item & viperarum moribus commendant. E plurimis potiorum, loco sint nobis *Schmitz. Comp. Pract. l.c.* Primò omnium, ait, arcta ligatura super vulnus injiciatur, ne venenum latius serpat: *Löberus, Anchor. sanit. sect. 2. Dialog. 8. de mors. viper.* in principio statim membrum ligandum est. Omnium autem instar volumus esse Bigam Medicorum selectissimam, *Exc. nostrum Herculem loc. cit. cap. 1. §. 5.* ligaturas heic etiam locum habere dicentem, & *Exc. Arctæum l.c.* idem propriis à cane rabido demorsorum experimentis novem laudata methodo usum; Tamen si fatear, me ante septennium *Craillshemii* sex à cane rabioso, partim satis foedè demorsos absque ligaturis curasse. Confer de hujusmodi moribus *Ann. III. Dec. II. Obs. 69. & Ann. IV. Dec. II. Obs. 65. Ephem. nostr.* Item *Wizelii Diss. inaug. de mors. & punctur. animal. Argentor. 1676.*

(*Oribasius.*)

[*Missæ Nordlingâ Norimbergam d. 15. Decembr. 1688. ad Periandrum.*]

OBSERVATIO CXLI.

D. MAXIMILIANI PREUSSII.

Hydrops Abdominis saccatus, cum Vesicæ
ac Uteri defectu &c.

Elisabetha, nata Banckia, trium successivè Filiorum ex priore Marito Sutore, & totidem pariter Filiarum ex posteriore, Johanne Hoppio, Pistore Jutroschinensi in Poloniâ, sine extraordinariâ, quantum constat, partûs difficultate, Mater, ultimo Maritorum ante duodecim præter propter annos defuncto, Jutroschino Vratislaviam habitatum, & ceu paupercula, laboratum se confert. Hic verò undecimo, & dimidio ante obitum annis postquam haustulum vini (propinante omnibusque modis persuadente quâdam Fœminâ non admodum ipsi aliâs propensâ) bibisset, mox desuper non solum pessimè circa stomachum & præcordia habet, sed & nocte continuò insequente, magnis cum doloribus per viginti quatuor horas durantem, sanguinis variorumque liquaminum per alvum experitur fluxum, satis copiosum, domestico tamen ex spiris similagineis remedio maturius iterum, sublatum. Ex quo, valetudinaria posthac semper, rarò mingit, quin & anno inde exacto abdomen insigniter sibi intumuisse advertit, *tumore æquali, valdè tenso, & digitis renitente*, ad monstrosam tandem magnitudinem per integros octo annos adaucto, cum urinæ, toto octennii istius spatio, totali dehinc suppressione, & vicariâ interdum materiæ aquosæ, insensibili tamen ipsi, ac involuntariâ sæpè, dum stare vel incederet, per alvum eruptione, magnoque insuper corporis & incessûs (quamvis sine notabili angustia spirandi) gravamine; digitorum quoque annularis & minimi, crescente ventre, manifestâ atrophîâ, contracturâ & immobilitate; imò & reliqui totius, præter abdomen, corporis vividique ac Plethorici

rici antea habitus insigni emarcescentiâ; bono quamvis superstitie semper appetitu, siti, & avidâ alimentorum assumptione, hocque ultimo præprimis decubitûs tempore, cum biennio & dimidio ante decessum prædictis accederet, eamque lecto posthac prorsus affigeret Apoplexia satis vehemens, cum loquelæ maximam partem abolitione, & succedente perpetuâ brachii ac pedis sinistri paralyti; quâ tamen durante, spatio primùm duarum vel trium septimanarum subinde, postea verò sæpissimè dies noctesque, parùm iterum urinæ viâ ordinariâ cum præsensu emisit, usque dum post accessum catarrhi suffocativi, octiduo postremò cuncta & lotii & sæcum alvi excrementa, magno cum strepitu, murmurationibus & motibus intestinorum inversis violentisque, nec non foetore putrido quasi ac intolerabili, per vomitus frequentes excreverit, quibus denique extremum exhausta, vitam placidè finivit manè 5. Febr. Anno Christi 1688, ætatis suæ 77, viduitatis ultimæ 21, gestatiq̃ue ventris tumidi duodecimo. Factâ mox obitûs ejus intimatione, cum casus videretur rarus ac curiosus, corpus cultro anatomico, eodem adhuc die circa vespèram, subjectum fuit, præsentibus Pl. Tit. Dominis D. Godofredo Thilisch, D. Johanne Jänisch, Physicis, meque ipso, nec non Chirurgorum Senioribus, Godofredo Scholtzio, Fridèrico Batelt, & Samuele Rasper, Chirurgo civitatis ordinario; ubi sequentia, quæ communicamus, observare licuit:

Facto primùm exiguo per cutem Hypogastrii foramine, serum pellucidum, in summitate vasis deinde pinguescens è cavo Abdominis emanavit ad 40. præter propter libras civiles; Aperto deinde toto abdomine, apparuerunt:

II. In cute Abdominis anteriore ejusque superficie internâ hinc inde, ovi columbini magnitudine, hydatides, seu tumores pellucidi, candicantes, *ad tactum* (instar gangliorum circa articulos) *aqualiter duri, nil tamen, nisi lympham limpidissimam* ac fluidissimam, in tenui, sed densâ, pelliculâ continen-

tes, quæ, perforatis iis, uno quasi impetu, ad libras duas universim, prosiliebat.

III. In dextro Hypochondrio excrescentia, seu tumor magnus, ex rotunditate oblongus, totum ferè latus abdominis dextrum ejusque viscera obtegens ac deprimens, *renitens digitis*, pellucidus aliquomodo, ac separatim pendulus, peculiari tunica, satis crassæ ac densæ, fibrisque carneis & vasculis sanguiferis refertæ, inclusus, è latiori tamen basi natus & adnatus costis spuriis ibidem; duas ferè spithamas longus, totidem crassius, & unam latus, pendensque libras 20½: qui apertus *similiter nil nisi lympham clarissimam*, tenuem ac fluidissimam, intus contentam, & tunc confertim erumpentem, exhibebat, adeoque ad tumores lymphatico-tunicatos spectare videbatur, & talis formæ erat, qualis *sub Lit. A.* delineata est.

IV. In Hypochondrio & latere abdominis sinistro, costis hujus spuriis pariter adnatus, dextro similis in omnibus tumor, & æquè magnus, nisi quod inferius appendiculam adhuc quandam, peculiariter circumscriptam, haberet, 18½ in toto libras ponderaret, &, loco lymphæ puræ, cruentam ac turbidam, nec non aliquot frustra massæ fibrosæ, è sanguine simul extravasato & congrumato concretæ, pollicum magnitudine intus fluctuantia, contineret, Figuram *sub Lit. B.* depictam exhibens.

V. Hepar, lien, ventriculus & intestina cum mesenterio &c. parva admodum, & partim ex inanitione, partim ex compressione à tumoribus prædictis enormibus, ad planam quasi figuram redacta; Renes tamen naturalis ferè magnitudinis & constitutionis.

VI. Nulla verò vestigia vesicæ urinariæ & uteri, propriè ac κατ' ἐξοχὴν dicti, deprehendere licuit, sed vaginam saltem uterinam brevissimam, in summitate firmiter clausam & cum intestino recto coalitam prorsus.



Phalænæ maxime
ad pag. 477.

facies anterior.




Fig. 49.



Phalænæ maxime facies posterior.

VII. Serositates, dum ex cavitatibus prædictis vesperi emitterentur, ad lucem tunc splendentes & candicantes quasi, manè sequente, postquam per noctem steterant collectæ, admodum flavicantes, ut tincturam quoque earum, hinc inde effusarum, difficulter delebilem, in fundo hypocausti cernere licuerit.

SCHOLIUM.

Quantò rariora in complicatissimo hoc casu Phænomena, tantò difficilior eorum Ætiologia. Utut enim non obscurum adeò, ex vini qualitate acido-acri, aliave, gravius irritante intestina, ortum primò esse fluxum alvi bilioso-sanguineo-serosum, eoque per increasans domesticum justo citius fortè cohibito, feri, magis laxati rapidiusque jam commoti, in tenuiores partium internarum vasorumque lymphaticorum tunicas majorem successisse impulsum, accumulationem & stagnationem in illis; unde facilè contigit, ut, aliis earum magis magisque distensis, aliis verò ruptis tandem, serum, partim in folliculos ejusmodi lymphaticos, partim in cavum abdominis fuerit collectum, quo dein ad partes urinæ excretioni dicatas non sufficienter amplius, ac demùm prorsus non, delato, harum functiones sensim cessasse nil mirum est, supplente potissimùm earum vicem aliquomodò, materiamque insuper eis præripiente, intestinorum jam ante gravius læsorum fluxu subinde alvino seroso; unde nec aliter fieri potuit, quin ob tot feri, etiam nutritivo-spirituosi, subductiones, cum appetitu alimentorum avidiori, atrophix nihilominus, initio particulares, mox & universales, nec non symptomata apoplectico-paralytica tandem accesserint, à quibus resolutis quoque aliquatenus viis urinariis, & sero ad spatii ulterioris defectum coacervato, acrique maximè facto, tum excretio iterum sensualis urinæ, tum diaphragmatis pulmonumque motus impeditus, suffocationum quasi Author, tum &

ava fortius stimulata intestinorum perversa evacuatio, vitam deniq; exhauriens, enata est.

Sacculos verò lymphaticos modò prædictos specialius quod attinet, aliquantò obscurioris naturæ esse videntur. Præter adducta tamen de iis, statuerim ego, novam eos speciem tumorum tunicatorum, liquidissimæ scil. materiæ, seu lymphæ, constituere, Germanis *Wasserbeutel* / non ineptè vocandam; nilque aliud proinde esse, quàm hydatides certas, seu vasorum lymphaticorum interstitia quædam valvulosâ, à sêro seu lymphâ in quodam eorum loco glandulas obstruente, sicque intra valvulas, retrocessum ejus impediens, stagnante, per primam tamen scaturiginem ac valvulam ulterius semper influente, humectante, & (unâ cum vasculis sanguiferis, cuncta, etiam minutissima vasa, capillari formâ perreptantibus) nutriente ac incrassante ea simul, in tantam amplitudinem sensim dilatata, imò quoque fulcra fortè ambiente & coalitâ quædam membranâ aliâ, à partium membranis, intra quas lymphatica illa serpunt, communicatâ; non aliter ac Meliceridi, Atheromati & Steatomati, illorumque speciebus, Natis, Strumis &c. pro diversitate partium diversè cognominatis, sat sæpè magnis, à cute nonnunquam simul cinctis, contingit, quæ & ipsa saltem hydatides ejusmodi præter modum ampliatas esse, ita ut una etiam in plures subindè cohæreant, vel se invicem includant (uti in sinistro hîc latere unus ejusmodi sacculus alteri, seu appendiculæ, continuatâ post valvulam interstingentem productione extensioneque cohæsit) ex Recentiorum Observationibus in Colleg. Pathol. MS. P. general. Exerc. 3. §. 14. probabilissimè colligit Celeberrimus Bohnius, Prof. Lips. Præceptor olim & Patronus nunquam non suspiciendus. De cætero parallel. Observat. cum uberiori Theoriâ de sacculis ejusmodi lymphaticis qui desiderat, adeat Ephem. German. Dec. II. Ann. I. Observ. 183. p. 425. & 434; nec non Dec. I. Ann. IV. & V. Obs. 166. p. 210; Quemadmodum ad me quoque similem ferè quoad hosce casum

7. Octobri hujus 1688. Anni perscripsit Excell. D. D. Becker, Physicus Provincialis Ducatûs Glogoviens. summè meritis, Fautor & Amicus singulariter mihi colendus, de viro quodam in militari officio ac dignitate constituto, qui ventre tumido, scirrhosam in hypochondriis duritiem habente, febreque lentâ, & vomitibus copiosâ ac nigerrimâ tandem materiæ, consumtus, hincq; exenteratus, sacculos quoq; ejusmodi lymphâ refertos, cui minimæ insuper vesiculæ aquâ plenâ innatarunt, sub hepate & in mesenterio hinc inde exhibuit.

Omnium tandem maxima difficultas superioris nostri casûs *in defectu Uteri & Vesica* hæret, utpote quorum antehac præsentiam partûs plurimi naturaliter prægressi, & excretio urinæ voluntaria, sub statu olim sanitatis integra semper; Absentiam tamen utrorumque, Extispicina in demortuâ, docuerunt. Et, licet naturaliter quoque apud plures, quæ multoties pepererunt, contractus & exiguus valdè conspiciatur uterus; vasaque umbilicalia, usu in adultis cessante, quoad maximam partem, aut cavitatem certè, obliterentur; nescio tamen, an, ductâ inde analogiâ quâdam, & uterum & vesicam, abolito diutissimè eorum usu sufficienteque hîc nutritione, à seri continuò magis hisce incumbentis acrimoniâ intensiore penitus corrugata & consumpta fuisset; an verò, ob insolitas prorsus apparentias hasce, & alia quædam suspicionis fundamenta ac circumstantias singulares, de personâ suspectâ, dum Agonizantem ultimò visiteret, à Liberis Ægræ notatas, incantationem insuper ex parte latuisse, credendum sit? Quod ipsum proinde acutioribus ingeniis dijudicandum, nec non conformem aliquomodò, ratione absentis vesicæ, casum in puellâ sesquiannorum, ex D. Königii Regn. Vegetab. cap. 50. p.m. 175. 177, conferendum, lubens relinquo. *Hoc saltem in votis habuissimus*, ut, per ingentem cadaveris nostri quoad intimiora foetorem, hospitisque, exenterationi omnimodè reluctantis, impatientiam ac importunitatem, negotio huic diutius aliquantò immorari, adeoque & alia ac minutiora quæ-

quædam, circa vasa &c. inquirere licuisset, quò sic plenior & accuratior omnium notatio relatioq; fuisset concessa; quo autem denegato, in recensitis acquiescere necessum erit.

Fig. XXXIII.

OBSERVATIO CXLII.

D. MAXIMILIANI PREUSSII.

Rarior spinæ ventosæ constitutio amputatione feliciter curata.

V Ratislaviæ 15. Januar. Anno Christi 1688. jussu Incluti Magistratûs Inspectioni meæ, & Godofredi Scholtzii, Chirurgorum Senioris, nec non Samuelis Rasperi, Senioris pariter & Ordinarii Civitatis Chirurgi, committitur Danielis Bugschii, Pannificis, filiulus, quatuor annos natus, qui sine causâ manifestâ ante annum tunc effluxum in medio sinistræ manûs digito contraxerat dolorem punctorium insignem cum tumore laxo & spongioso, succedenteque, ac junctâ dein semper, exulceratione profundâ, ichorosam materiam è duobus in exteriori, & uno in interiori digiti facie, foraminibus continuè plorante, circa juncturam medii ibidem internodii cum primo, versus Metacarpium spectante; quæ cuncta solis hætenus domesticis externis à matre pauperculâ fuerant tractata.

Perlustrantes ergò locum affectum, præter dicta modò,prehendimus conspicuam per ista foramina intumefactamque insigniter substantiam articuli osseo - cartilaginosa ac spongiolam quasi, nigredine & carie hinc inde manifestò jam notatam, quæ veram proin exhibebat spinam ventosam, & aliis frustraneis, de die in diem ulterius serpendo, cum periculo totius inficiendi, versus Metacarpium semper magis extendebatur.

Confi-

Consilio igitur nostro, Senatusque ac Matris-Viduæ consensu, præmissis præmittendis, ac potiunculâ imprimis confortante & præservativâ, eâque cum externis excitativis ac roborantibus sub & post operationem repetitâ, post reliquos digitos in volam reclinatos, benèque manui, à Ministro firmiter retentæ, alligatos, mediante scalprio excisorio acutissimo (quale Arcularii einen Meissel vocant) in supernâ parte per malleum fortiter percussio adactoque, digitus ille cariosus, Basi cuidam lignæ (einem Stöckchen) impositus, propè juncturam cum Metacarpio, 20. Januarii per laudatum modò Samuelem Rasper ablati fuit; sanguine arcuatim profiliante, per Crepitum Lupi cum Pulvere Stegnotico, Pulvillis multiplicibus & optimâ Ligaturâ mox cohibito, sine ullâ Lipothymia aut Symptomate alio periculoso sub aut post operationem eveniente; Pueroque paucis dein externis digestivo-mundificativis, & consolidantibus tandem, benedictione Divinâ clementer annuente, perfectè sanato: Separatis verò per sectionem partibus cutaneis à digito abscisso, primum & medium ejus internodium osseo-cartilagineo-spongiosum, circa juncturam mutuam insigniter intumefactum ac inflatum quasi, distinctim hinc inde perforatum, atrescens ac cariosum, de reliquo autem maximam partem in fragmentula minutissima, cuspides acicularum triangularium exactè referentia, redactum observavimus: indicio sanè manifesto, nutrimentum ossis, omnium primò affecti, adeò acre causticumque quasi factum fuisse, ut illud non solùm modo consueto perforare, sed & in minutissima prorsus corrodere ac diffringere valuerit, de quo succinctè imprimis legi potest Petr. Marchett. in Observ. Med.-Chir. f. de Spina Ventosâ. Hoc saltem adjicio, pariter ac Rhachitides, sic nec spinas ventosas hodiè adeò raras amplius, ac olim, apud nos esse, cum ne triennii quidem spatio in Nosocomio nostro ad sex ferè exempla earum notaverim, potissimum in articulationibus carpi, genuum, malleolorum & digitorum pedis, cum totali corporis uni-

versi emaciatione, & funesto ut plurimum exitu, nî per sectionem articulus talis amputetur, aut cuncta fragmenta cariola, quod tamen rarissimè fit, spontè secedant atque separantur.

OBSERVATIO CXLIII.

D. MAXIMILIANI PREUSSII.

Calculi vesicæ signa sine calculo.

VIr quidam constitutionis carnosæ, sanguineo-biliosæ, ut vocant, Mercaturæ & itineribus per Poloniam & Russiam minorem deditus, variisque hinc Casibus & Erroribus Diætæ, imprimis ratione Esculentorum Salibus & Aromatibus abundantium, Potulentorumque generosiorum & sulphureorum valdè, subjectus, à juventute jam stranguriâ sæpè afflictus, totali nonnunquam suppressione urinæ comitatâ, ita ut cereâ subin candelulâ, urethrâ immisâ, illius fluxum redintegrare opus haberet; ingravescente nonnihil ætate corripitur Mictu frequente & dolorosissimo brevi ante & sub effluxu, singulis ferè horæ quadrantibus aut semissibus ad summum, reiterato, urinæ scilicet paucæ, sine interruptione vix cochlear unum vel alterum unâ vice excedentis, insuper crassæ, opacæ, pallidissimæ &, instar Lotii putrefacti, enormiter foetentis, cum sedimento copioso albo, gravi, ad ignem disparente quidem, sine tamen Liquoris clarificentiâ aut tinctiori inde Colore, juncto ut plurimum sub excretionem ejus Alvi simul fluxu aut conatu egesturiendi, ac vice versâ; & successivè emergentibus quoque siti ingenti, cum variis stomachi Pathematis & Appetitûs diminutione. In hoc rerum statu à variis variè hinc inde tractatus, sine tamen levamine, per integrum & quod excurrit annum; tandem denuò Vratislaviam deductus, ad Ordinarium ipsi antea Medicum, Excell. D. D. Thilisch, Proto-Physicum Vratislaviensis.

Javiensem, Socerum meum Venerandum, recurrit, à quo, pro ductu signorum, Rationis & Experientiæ Viri-Senis profundissimæ, curatur methodo Calculi cum exulceratione Partium urinarum, frustraneis tamen & hinc ferè omnibus. Ex Physicatu Fraustadiensis Breslam vocatus ubi redii, Socer meus modò laudatus & me denique curæ huic, inclinante Ægro, tum adjungit, tum, aliis subindè distractus, substituit. Summo studio singulas Morbi Circumstantias examinavimus, cumque, pro certitudine evidentiori, exploratio per Anum digito Chirurgi, aut Cathetere per Vesicam, denegaretur, nî & Calculum, certè tamen exulcerationem Vesicæ subesse autumantes, Ægrum potissimùm, præter alia, porrò tractavimus tum per acrimoniam seri attemperantia, Diuretica blandè abstersiva, & Balsamica vulneraria, Emulsiones imprimis attemperantes & Terebinthinatas, tum per Laxativa leniter, & roborantia interdum, anodynaque interposita, ob juges potissimùm vigilias, quoniam noctu pertinacius semper urgebat Affectus; non omissis pariter externis attemperantibus, detergentibus vulnerariisque, per Injectiones, Fotûs &c. à Johanne Frantzio, Chirurgorum Seniore, convenienter adhibitis; sed & sic oleum operamque omnem perdendo. Postquam Malum hoc ultra annum & dimidium in toto duraverat, octo septimanis ante obitum, uti olim sub stranguriâ subindè factum, accedit aliquale in urinâ reddendâ impedimentum, brevi tamen iterum cessans, vel manuariâ operâ remotum. Nihilominus exhinc intumescunt & tensivè dolent pedes, ascendendo successivè per femora ad Abdomen usque, foveasque ad digiti impressionem relinquendo, erumpentibus simul exiguis hinc inde Vesiculis in dorso Pedum atque Tibiis, cum insigni ardore, ruptione spontaneâ, exulcerationeque tandem & gangrenescentiâ quasi; Topicis tamen requisitis maturè iterum sublatâ & à progressu impeditâ, ut reliqua cum Affectu symptomata in antiquo Tenore perseverarent, adeò denique ex parte aucta vel exacerbata, ut, ob

Nn 2 dolo-

dolorem Pubis intensissimum ac inenarrabilem, continuos per plures dies miserandosque Ager ederet ejulatus, cum alienatione Mentis aliquali, dehinc Paralyti Lateris sinistri, & Motibus ultimò convulsivis die 2. Aprilis An. 1686; quo ipso & miserè de vitâ decessit, completis ferè ætatis 60. annis. Exanimatum Corpus cultro anatomico à nobis suprâ memoratis Medicis & Chirurgo studiosè fuit apertum examinatumque, ut pateret manifestius rebellis & intricatus hicce Morbus suâ cum causâ; nihil tamen de cætero singulariter notabile aut p. n. extraordinarium reperimus, præterquam Renem sinistrum solito nonnihil majorem, dextrum è contrâ parvum & emarcidum valdè, utrosque verò, unâ cum Vesicâ urinariâ, sine Calculo Sabulove ullo, nisi quod Vesica in superficie internâ, tum tota nigricans & sphacelata quasi, tum regione illâ, quâ Intestinum rectum ipsi succumbit & connectitur, leviter intus excoriata exulcerataque conspiceretur. Ex quo elucescere puto, prædicta superius signa, & imprimis Mictum dolorosum cum egesturitione simultaneâ per alvum, ac vice versâ, contra communem quamvis Doctrinam, non esse pathognomonica Calculi Vesicæ, sed & soli Vesicæ, & Anum consensualiter afficientis, Vellicationi spasmodicæ, excoriationi, exulcerationive, interdum communia; qualem certè Morbum, sub Dysuriæ specie suprâ insinuatam, fuisse, nunc patet, ex feri urinosis, diutius subin' retenti suppressivè, summâ haud dubiè acrimoniâ, ob præintimatam consimilem Dietam &c. cum omnibus symptomatis suprâ adductis facilè hinc deducendis, successivè ortum & firmitus impressum; analogum fortè aliquomodò Affectui harum partium scorbutico, à Drauzio sub vulgari nomine *Bieber* descripto in Tractatu *Vom schmerz machenden Scharbock* T. 9. p. m. 369. 370. 376. &c. item 379. 380. Cui consimilem ferè casum expertus est, perque diuturnum Lactis bubuli, in jusculis potissimum quotidianis, usum & abstinenciam à Vinis acidis cunctisque acribus & falsis, feliciter curavit in altero casu præmemoratus

Excell.

Excell. D. Becker, juxta Literas 2. Januar. A. 1687. ad me exaratas; uti & ego, Dysurias ejusmodi simili ferè modo per absorbentia, antispasmodica, & Lacticinia tum interna, tum externa, optatò me curasse memini.

[1688. 18. Decembr. Vratislaviâ Augustam missæ.]

OBSERVATIO CXLIV.

D. GEORGII HEINTKE.

Epilepticus Concionator & Cantor.

Perlustranti mihi annum priorem Ephemer. N. C. in conspectum venit observatio à merentissimo de arte Medicâ Lentilio consignata, de miris symptomatibus in Virgine Epilepticâ; & Curiosissimi Rommellii de Epilepsiâ, visâ & audita, etiam secreta revelante: hinc ansâ hac datâ in memoriam revocavi Epilepticum Juvenem Vratislaviæ. Silesiorum ante aliquot annos curæ meæ concreditum, quem in confirmationem superius allegatarum Observationum non ineptè forsan hic sistam: Hic mercaturam sequens, diætæ inordinatæ deditus, insigniter Hypochondriacus & obstructionibus alvi frequenter obnoxius, à rigidâ Brumâ circa pedum digitos adeò læsus fuit, ut ungues tandem bini, nî fallor, ad minimum unus tandem abscesserit. His ulcusculis fortè præpostere sanatis, Juvenis evadit atrociter Epilepticus, ut ferè quandoque ultra possibilitatem jectigationes in arcum conrorando corpus, circumvolutiones & inflationes pectoris ingentes, quasi jam jam suffocandus, subierit. Moesti Parentes & Agnati, primùm fascino hæc cuncta adscribentes, diu Ecclesiæ precibus Clinicum commendarunt, donec ego advocatus scrupulum hunc, circumstantias probè dijudicans horum Tragicorum sapius spectator, eis eximerem. Finis paroxysmi Epileptici, antequam nempe ad se redibat, ut plurimum talis erat: Incipiebat scilicet per dimidiam vel quadran-

drantem horæ perorare, de peccatis intermittendis, de cœlesti vitâ, de precibus haud negligenter fundendis, de quæ aliis rebus sacris, adeò concinnè & clarè sive perspicuè, ut nisi hæ fermocinationes captum sive intellectum istius hominis transcendissent, de industriâ seu à vigilante eas proferri credidissem. Interdum hymnos cantare, modò preces habere in longum temporis intervallum solitus fuit. Denique lassus & enormiter sudans, ecstaticus quasi quievit. Non rarò iracundia, cui admodum deditus erat, in ejusmodi tragœdiam præcipitabat misellum; haud observatâ statâ periodo; & sine reminiscentiâ sub paroxysmo actorum. Tandem tamen, auxiliante DEO, uti ab his symptomatibus, ita ab ipso morbo eum liberavi, vomitoriis præcipuè & balneis, juxta cum aliis antiscorbutico - hypochondriacis remediis in usum vocatis. Utrum verò solùm à consolidatis istis continui-solutionibus seu læsionibus subortus fuerit hicce affectus, in medio relinquo. Ansam exin datam fuisse nullus ambigo, obiter annotans, quòd laudatam Vratislaviam fœmina, forsan adhuc in vivis existens, incolat, quæ ex sectâ excrecentiâ carneâ seu steatomate sublato post obductam cutem visum amisit. Adeò malè interdum naturæ excretionibus curâ non satis providâ consulitur. Cæteroquin Juvenem etiam novi, qui febricitans non æstûs tempore, quò potiùs ex debilitate dormituriens tacuit, sed sub rigorem convulsionibus minutas aliàs æmulantem præter captum hominis aptè concionari, quotiescunq; paroxysmus recurrebat, solitus fuit.

OBSERVATIO CXLV.

D. GEORGII HEINTKE.

Vinum Franconicum in febre petechiali
innocuum.

ID quod Excell. Dn. D. Acolutho Amico & quondam Collegæ exoptatissimo *Observ. 169. Dec. II. Ephem. N. C. Ann. IV. de potu Vini Rhenani in malignis morbis asserere libuit, & industrio sanè Christiano Francisco Paullino in Observat. Medico-Physicis Observat. 49. de Vino rubro in morbillis & febre malignâ innoxio adstruere volupe fuit, liceat & mihi in febre petechiali de Vino Franconico paucis confirmare. Cùm in præterlapsi anni mense Augusto dysenteria Epidemia nostrâ liberam Imperii Civitatem valdoperè deturbaret, & ob illam multis parvulis funestam, ætate provectiori gaudentibus satis exitiosam stragem à Nobilissimo Amplissimoque Senatu Noribergâ ad Physicatum Ipsorum obeundum vocatus essem, Vinum rubellum Franconicum ab adultis & pueris sine omni noxâ me connivente primùm, postmodum suafore haustum fuit. Circa eundem anni currentis 1688. mensem (Pomona licet affatim libera in ferendis fructibus) satis tranquillus status, præsertim ratione Dysenterix fuit. Interim Morbona minus feriata est. Inter alia accessit aliundè socius quidam non ritè valens adque Civem divertens nostrum ædibus admodum periculosum intulit contagium, Primò namque adolescens quatuordecim ferè annorum lethalter affectus fuit, desperantibus propemodum omnibus adstantibus de ipsius vitâ. Mox in ordine secuta est Materfamilias, quæ cum omnibus signis in febribus petechialibus aliàs præsentibus prostrata jacuit. Tertiò Maritus ejus deprehensus, cui, cùm in morbi principio statim adessem, sine morâ vomitorium blandum porrexi, & indicationibus sic postulantibus venam in pede*

secari

secari curavi, hinc Bezoardicis aliisque conducentibus stipatus, sectis etiam venis sub tumente lingua morbo obviam ivi. Hic præ cæteris delirans ante eruptionem exanthematum malignorum aliquando solus relictus circa vesperam ex superiori contiguatione per scalas in atrium domus, hinc in cellam se confert. Accedens Chirurgus rationem colli habiturus ob ægrorum circumspiciens, eum manibus & pedibus, ut sic loqui liceat, ob vires deficientes è cellâ prorepentem cernit. Ex quo non parùm perterrefactus illum propter debilitatem grandem difficulter ad pristinum deducere valuit lectum, huic affixus & ad sudandum dispositus non multò post ingentem fariginem macularum malignarum in pluribus corporis partibus conspiciendam præbuit. Juvi naturam per Vesicatoria in carpis manuum posita, aliaque quæ cateroquin genuina dicitur methodus, subministravi, interposito apud omnes Vini usu nostratis, nullum penitus nocumentum exinde observans, sed cunctos per DEI gratiam ad sanitatis portum perducens.

[A. 1688. d. 16. Dec. Windsheimo ad D. Præsidentem missa.]

OBSERVATIO CXLVI.

D. GEORGII HANNÆI.

Anethum Anti-Venereum.

Ilicitæ Veneris suscitabula pretiò & precibus redimunt sæpè à Pharmacopœis Aphrodisiastici Satyri impuriore; dignissimi, quorum libidinem haud ferendam, non contumeliis modò, sed etiam Pharmacis suis occluderent Medici. Nec opus erit à Saturno, difficulter exorato, mutuari pèsulum, Cypriæ obdendum Deæ; cùm diobolare nobis Florà Anethum porrigat, avarà nequaquam præceptum manu. Hujus vim carminativam suspexere jampridem Medentes; imò & facultatis Anti-Aphrodisiasticæ conscii fuere nonnulli!

sed

sed intus, sed sæpius propinandum censuerunt Anethum. Ipsò quoq; Macro teste:

*Affidue bibitum, visui nocet. Et genitale
Claudit iter, siccans humorem Seminis intus.*

Verùm, en novam Veneris fugam, protelante eandem usû Anethi externo! quam mihi detexit Juvenis Generosus.

Hic ex equo, cui insidebat, defluserat in terram, tantò impetu, ut alterum penè effregisset brachium. Sensit postea per vices in brachio dolorem molestum, donec invisa se proderet Atrophia. Suasit huic opponendam *Aquam Anethi*, nescio quis; eâque, ceu grato unguine, morticinum manè & vespèri perlevit membrum, aliquot septimanas, cum insigni ^{in pœlia.} Sed quid fit! cùm extra oleas vagari assuetus, in castris Veneris explicuisset vexillum, sensit cum stupore (quam præpilatam speraverat,) hastam, fractam, marcidam, & impotentem, languescere planissimè. Nec rediit ad suctum vigorem, antequam nuntium mitteret Anetho, suo tam proficuo brachio, quàm detrimentofo Priapo.

OBSERVATIO CXLVII.

D. GEORGII HANNÆI.

Ventriculi vaga intemperies, lethalis.

MOrbos *Intemperiei*, dispescunt communiter Medici, in illos, qui infestant *sine Materia*, & eos, qui torquent *cum Materia*. Sed explodit, non sine ratione, hanc distinctionem Excellentiss. Dryander; *Intemperiem sine Materia vulp-anferem salutans*, in sua doctissima Parænesi ad Disc. occ. circa Instit. Medic. emend. p. 123. Vix enim, nisi solo rationis lusu, inveniemus *Intemperiem*, corpus ægrotum sine ullo affluxu humorum affligentem. Nec sine *Materia* fuisse *Ventriculi Intemperiem* credidero, vagam mihi dictam, utpote modò calidam, modò frigidam, quâ
Dec. II. Annus VII. O O labo-

laborabat Strenuus apud nos militum Antesignanus Major, hoc ipsò Annò, Nauseâ, Ructibus, Ardore, Siti, Vomitus, Anorexia, imò & Agrypniâ, immane quantum vexatus. Ego, ratus hæc Symptomata ab inimica oriri fermentatione, excitata inter Bilem vitiatam, & glutinosam Pituitam, ventriculi incrustantem parietes internos; sub initium curationis Præcipitantia adhibui, quæ Ructus compescuerunt auspiciatò. Subjunxi his Stomachica temperata, interna & externa; verùm, auctus, unâ cum Siti, Ardor internus, confortantem & refrigerantem elieuit Emulsionem, quam pulchrè retinuit dehiscens Stomachus. Ubi autem, vel me renuente, justò largiùs hâc ipsâ, per dies aliquot, se invitasset Emulsione; alvum, antea satis benignam, ignaviorem reddidit, unde hoc carere iussus refrigerio, calore interno arsit denuò, donec Bezoarticis maritatus Lapis ille Indicus, quem *Pedro de frige* vocamus, φλόωσιν istam restingueret commodùm. Tum cæteras hujus Hydræ fauces, Nausea, Vomitu & Anorexia horridas, frangere aggressus sum Acidis, Amaris, Aromaticis, jam Pulverem, modò Elixiriorum, nunc Mixturarum propinatæ formâ, ut Virum optimum liberarem; sed lites serebam ex litibus, neque citiùs unum occluseram pseudothyrum, quàm alterum reserasset ventriculus. Decreveram aliquoties ipsi vomitorium exhibere, secuturus monstratam à natura viam; sed deterruerunt me vires languidæ, & ætas ingravescens. Ita, vomitans subindè, aliquot traxit septimanas, exulante Appetitu, ad diem 7. Junii, quo substitit & Vomitus & Alvus. Paruit tamen Clysteribus Alvus, & excitata suum fecit officium, Caput autem leviculum temerabat Delirium, ad terminum mortis usque protractum. Die duodecimo vellicabamus immemorem sui novò Enemate, sed frivolò successu. Cùm verò idem die decimo quarto tentaretur, totum ejulatus opplevit æger triclinium, sanctè asserens, se, præ dolore sedis, Clysteres nec velle, nec valere admittere. Ab eo tempore obstructum inferius guttur, Stomachum ad vomitus

continuè stimulavit, adeò indefinenter, ut nihil biberet, quod eodem non statim revomeret momentò, donec huic tragœdiæ finem, cum vitæ pausa imponeret, dies 19. Junii. Imò, & hoc memorasse oportebit: quod ubi Agrypnia, sub initium morbi diutiùs protracta, Soporiferum hæcce rogatus opponerem, utut satis innocuum; (℞. Spec. Diambr. c. Mosch. Diamosch. dulc. compl. āā. gr. v. Sacch. albiss. ℥j. Laudan. Opiat. gr. ij.) tam periculosè laboraverit agrotus, ut à limine fatorum propiùs abfuisse videretur, usque dum cor refocillantibus excitatus Remediis ad se rediret plenius.

OBSERVATIO CXLVIII.

D. GEORGII HANNÆI.

Tussis Periodica.

Suis olim Periodis superbiit Febris, veteribus Medicis crucem figentibus, tantumque sibi soli reservavit Privilegium, quasi cum ipsis clepsydris de horarum certatura iustitia. Hodie verò & aliis morbis hoc suum jus cessit, iisque tantum indulgit, ut *Hemicraniam Periodicam*, *Diabeten Periodicam*, *Hemoptysin Periodicam*, *Singultum Periodicum* observaverint nostri seculi Machaones. Ipsemet curatam à me, ante Annos aliquot, *Epilepsiam Periodicam* descripsi plenius, in meo Mercurio Apollinari, Centur. I. Epist. LVI. Imò, & hoc Anno, *Tussim Periodicam* in Nobilissimo & Experientissimo Socero meo, Dn. D. Christiano Henrico Luja, observavi; quæ ad horam undecimam vespertinam, quasi vocata, adfuit quavis nocte, per binas septimanas, nec desit molestâ concussione corpus per integram horam obtundere, donec tandem concitatò valediceret vomitu. A capite deduxit primùm hujus Tussis explosa tormenta laudatus Podalirius; sed quamdiu capiti medebatur, quasi Reduvias curare visus est, & muscas venari. Decrevimus itaque hâc acid-

acres, post Concoctionem ebullientes, has ciere turbas. Atque ad hanc *Διάγνωση* præscripta Mixtura, è Spiritus Rorismarini, Essentiæ Stomachicæ, & Elixirii Pectoralis, pondere æquali, demulcebat Tussim suaviter, & debellabat egregiè, postquam hujus guttulas 15. manè & vespèri in Vino Malvatico aliquamdiu pitissasset longissima vita dignissimus Medicus.

OBSERVATIO CXLIX.

D. GEORGII HANNÆI.

Antipathia Virginis, cum Baccis Cynosbati.

EXercet in *Cynosbatum* inextinguibile odium Virgo mihi benè cognita, tam rarò Antipathiæ documentò, ut, nec lædens, nec læsa, (cùm aliàs in alteram partem faba tantummodò cudi soleat,) de triumpho insolentiùs gloriari possit. Mirum! quò arctiùs coeunt exitiali furentes hostilitate; eò acriùs, eò constantiùs armis arma pulsant. Nec pugna, credo, nisi divellerentur, absisterent; antequam altera pars prostrata fatisceret planissimè. Certè, *Cynosbatum* suis Baccis fœcundum, in hortis non aspicit amabiliùs, quàm si esset caput Medusæ, Anguibus crinitum. At, eodem jungantur hospitio! & *peribit Virgini Calor, Baccis Color*. Diversabatur aliquando hæc Virgo in camera, ubi capsulam habebat Illustrissima Comes, variis repletam conditis; intra quam hæc etiam à Comite jussa & fictile Baccis Cynosbati conditis repletum asservare. Sed quid fit! *Virgo noctem in somnem, Animi interstinctam Deliquis, ducens molestissimè, sudat, friget, horret, neque latum unguem à nocte abest perpetua*. Intereà, æquabiliùs, aut magis ad votum, non aguntur res Baccarum! *illa enim intra obseratum claustrum fermentescunt manifestè; &, vel prælio paratæ, vel fugæ, chartaceum, quò te-*

Ita erant, rumpunt operculum, quasi extra hostilia se provocaturæ pomœria, imò, aliò translata quieverunt commodum. En Magnetismum, non Amore, sed Odio prægnantem! Ego puto exhalantia utrinque Effluvia, sibi invicem ferale contrariantia, viscera adversarii ætutum petere, plurimosque ibidem concitare tumultus.

OBSERVATIO CL.

D. GEORGII HANNÆI.

Lienis mutilatio indemnitas.

Disputatum est hætenus inter Medicos acriore contentione, *de Liene*; utrum hic tutò possit, & sine vitæ periculo excæcari, nec ne. Aliis affirmativam, negativam aliis defendentibus sententiam, quas curâ collegit sedula Experientissimus Tilingius, in sua eleganti Anatomia Lienis, p. 419. ita tamen, ut iis se prudenter associet, qui facere id nolunt hodiè, cujus ipsos pœnitebit postridiè. Sed litem, vel consopitam, vel sileri cœptam, renovare videtur Observatio hæcce. Bini in hac mea Patria discordes Rustici veniunt, superiore Anno, à verbis ad verbera! neque vapulandò cessatum est priùs, & verberandò, quàm alter in latus sinistrum alterius defixisset capulo tenus cultrum, eodemque extractò tam latum fecisset foramen vulneris, ut foràs prospiceret sauciatus Lien. Utrum presserit, an verò neglexerit, dolorem biduo, vulneratus iste, incertum est; *certissimum verò illud, quod propendulam Lienis portionem, cum palma certantem latitudine, masculè detonderit Chirurgus, suæ Artis tyro & rudis, atque satis oscitanter obligatum dimiserit rusticum.* Interim convaluit hicce, jacturam mutilati Lienis hodiernum negligens, ceu sarcinæ, nihil ad se pertinentis.

OBSERVATIO CLI.

D. GEORGII HANNÆI,

*Rorismarini fabrica, in Microscopio
examinata.*

Observavi, cum insigni voluptate, Microscopiorum beneficio, Rosmarinum, recens decerptum, in superiore foliorum suorum facie, non æqualem habere superficiem, sed innumeris assurgere prominentiis. Quas, modò vestiunt infinitæ bullulæ, minutissimæ, pellucidæ, & ubi Soli obvertuntur, quasi inauratæ; modò, gratâ picturâ distinguunt sparsâ hinc & inde leucomica tomenta, cœu pili albentes. Inferior pars foliorum, magis hirsuta, eodem hincit cavernulis, quot variat superior colliculis; apparentibus, non solum in limbis aut marginibus vallearum, sed & in fossulis ipsis, bellissimè transparentibus globulis, limpidiores æmulantibus guttulas. Pendent, nî omnia me fallunt, à se invicem hæ spherulæ, & mutuò nexu cohærent ita, ut, per superiorum porulos, in cavitates inferiorum, nunc rectâ, nunc obliquâ, se insinuet lumen via, unde hinc terminantur, qui illac transmittuntur visivi radii, Colorum optimi & testes & arbitri. *Sed de his agam fustius, in mea Libanotidographia Lib. 3. Cap. 1. Rosmarinum Erudito exhibiturus Orbi.*

OBSERVATIO CLII.

D. GEORGII HANNÆI.

Cephalalgia Curatio per tonsuram.

Rasuram Barbæ suæ nîmiò, ante aliquot Annos, redemit impendiò Monachus ille, (cujus meminit Celebrimus Segerus, ex Auctoritate Experientissimi Bokbarteri,

barteri, Barth. Epist. Medic. Cent. 3. p. 275.) qui, quoties Barbam raderet, Visum amisit; miserrimus futurus, nisi hunc novô recepisset aucupio, quoties illam prolixiorem aleret. Tonsuram Capillorum felicius celebrat apud nos Generosus quidam Dux militum superior, qui *Cephalalgia cruciatus diuturna*, casu potius quàm consiliô, *detondendos curavit cervicem obsidentes capillos*, quâ datâ portâ se proripuit Cephalalgia. Redit tamen, quoties ibidem succrescunt capilli; sed eodem feliciter abigitur astu, dissipatis scilicet in transitu, Caput cæteroquin turbaturis, halitibus. Imò, vidi cum voluptate, circa hanc fortuitò adornatam Capitis sentinam, manifesta Naturæ ibi se exonerantis, quasi per sat commodam ancliam, indicia; cùm iidem capilli, quos sæpius incurSAT irrequietus forpex, canescant longè albidius, quàm illi, quos cætera Capitis regio nutrit.

SCHOLIUM.

Cùm in hac Observatione mentio fiat abrasionis pilorum, Oculis laborantibus noxiæ, cujus causam Cl. *Segetus* in diurnum diætæ vitium coniecit, quo succos peccantes in capite cumulârit, qui barbæ crescenti in nutrimentum cesserint, Excell. etiam *Bartholinus* de historiæ veritate dubitâsse ferè videatur, an casus fictus sit vel verus, dicere non ausus; aliter rem se habere, hoc loco notâsse juvabit. Non tantùm enim historiam veram esse, iteratò in literis, An. 1668. d. 12. Jul. ad Dn. Parentem meum scriptis, testatus est vir eruditione & integritate commendatissimus, D. D. *Boxbarterus*, sed etiam vitiosæ diætæ culpam imputari non posse regessit, cùm Monacho illi lautè vivere datum fuerit, nec strictiorum Ordinum rigorem observare necesse habuerit. Ubi tamen alium etiam Monachum ex Augustinianorum Coetu Ullmæ se nôsse addidit, cæterâ sanum Juvenem, 25. annos natum, qui & ipse lautâ mensâ usus, debilitate visûs laboraverit, & contrario effectu, quoties crines sub alis radere curaverat, rectius viderit,

derit, quoties verò crescere permiserit, obscuriùs. Mihi si quid conijcere liceat, diversitatis hujus in effectu causam in cutis diathesi consistere, dicendum videretur; ita ut sensibilibus ex fibrillis cutis si constet, à novaculæ razione, (quæ *Herculani* judicio, quem *Joh. Bapt. Sitonius* in *Miscell. Med. Curios. tract. 13.* citat, dolorem quendam infert, aërisque injuriis cutem exponit, & juxta *Hugonem Senensem* apud eundem, est sicut quædam dura fricatio,) eadem irritata, accedente imprimis aëris externi liberiori ob remotos pilos incursum, sese contrahant, sicque humores per cavernas pilorum exituri alio in loco sese effundant, oculosque invadendo visui noceant; prout vicissim cutis fibrillas non adedò sensibiles nata contractionem istam pati haud cogitur, unde humores, turbamur antea in capite autores, liberiores exitum invenientes, illud à malis perpeffis liberare valent.

[*L. Schröck, L.f.*]

OBSERVATIO CLIII.

D. GEORGII HANNÆI.

Aquæ Reginae Hungariæ Abusus.

Perillustris Baro, Heros Generosissimus, Colicis sæpè expositus doloribus, post esum Raparum, ventris inter cœnandum, exagitabatur torminibus, in Colicam desinentibus. Hanc dispulsurus, Aquam Viræ Carminativam in auxilium vocare decrevit; sed à consimili deceptus lagena, largum Aquæ Reginae Hungariæ haustum absorbet. Dolum observans, confugit ad Pilulas Francofurtenses, quas Colicæ suæ, ceu Anchoram sacram, opponit fidentiùs, ab iis, ut affirmat, nunquam delusus, licet ego hanc methodum medendi in dubium sæpè vocaverim. Disparuit sub noctem Colica, sive errori parens, sive consilio! sed pacatos actutum ulciscabatur ventos *Calor febrilis intensissimus, & totius corporis*

poris ineffabilis Pruritus. Sic scalpendi libidine indefinenter pruriens biduum exarsit septuagenarius Heros, donec ego, cui suam & Aulæ suæ commiserat sanitatem, ab itinere redux, Diluentibus & Præcipitantibus, intra gyrum octidui à primo insultu, tædiosum utrumq; abigerem Symptoma.

OBSERVATIO CLIV.

D. GEORGII HANNÆI.

Dysenteria Biennis Curata.

Militem gregarium corripuerat, ante biennium, da-
mnosa *Dysenteria*, invalescens adeo, ut quovis die
naturali decies vel undecies illa corporis parte loque-
retur miser, super quam sedebat ægerrimè. Huc
autem (quò solus iret,) nunquam descendebat, nisi ventris
acerba præmonitus lancinatione; nunquam inde reverteba-
tur, nisi effusi cruoris relicto vadimoniò. Ita diu multum-
que maceratus, & à Chirurgis officiosè excarnificatus, post
moram sesquiennii, & quod excurrerat, ad me transmittitur,
ergastuli detrimento quàm simillimus. Elusit per aliquot
menses omnem operam medentis foedus hic morbus! licet
quavis septimana aliquot Clysteres lenientes à Chirurgo in-
jicerentur; Purgantia leviora subindè à me propinarentur, al-
terantia externè & internè applicarentur; tamen contuma-
ciæ scutum divæ Hygieiæ opposuit mordicùs. Nec lieuit tam
refractarium calcitronem aliâ viâ ad obsequium cogere, quàm
longâ patientiâ, & curâ solerti! equos namque domare, non
jugulare, efferos convenit. Primam jugum excutienti ha-
benam injecit Essentia, quæ mihi frequenter in usu est, Sto-
machico-Polychresta. Hujus usus continuatus Asthma com-
mitigavit, Lassitudinem abegit, Appetitum reduxit, Sitim ex-
stinxit, compescuit ventris murmura, & dejectionum alvi-
narum numero aliquid sensim detraxit. Ipsi curationi verò

Dec. II. Annus VII.

Pp

spe-

speratum addidit colophonem Liquor Stypticus, maximarum in tali scena virium. Cùm ad me accessisset primùm hicce miles, conquerebatur, inter alia, de dolore totius ventris, quoties illum manu tangeret, potissimùm circa umbilicum, ubi palpandum mihi præbuit tumorem intus habitantem, sed pugnum fermè æquantem; qui tamen nunc Thalerò Imperiali haud major est, & liber à dolore. Credibile est, Apostematibus purulentis scatuisse hominis hujus Intestina & Mesenterium! illius ad instar, cujus Anatomen detexit Septentrionalis Plinius, Divus Bartholinus, Histor. Anatom. Cent. VI. p. 201.

OBSERVATIO CLV.
D. GEORGII HANNÆI.
Capillitium Viride.

Quod Observationem adventitiam meis heic addam, benignè, quæso, interpretetur Lector benevolus! Noluissèm alienis frugibus meum implere horreum; nî illud jussisset, cui plurimùm tribuo, Nobilissimus & Excellentissimus Dn. D. Johannes Ludovicus Hannemannus, Collega, Fautor & Amicus Conjunctissimus, quem hic loquentem audiamus.

Quod Natura in humani corporis partibus multa anomala ac paradoxa operetur, innumeræ Observationes à fide dignis annotatæ testantur. Istius census est, quam jam in medium afferò, ac cum Excellentissimo Dn. D. Hannæo, Collega nostro Honoratissimo communico. Filius meus natus maximus, Bartholomæus Johannes Ottho Hannemann, hic Kilie vidit Senem, cujus Capilli erant quàm maximè virides. Quæ mei filii observatio consentit cum ea, quam jam ante Ann. cum nostris Curiosis communicavit Magni Nominis ac Inclytæ Famæ Vir, Dn. D. Petrus Rommelius, Collega Honoratissimus, Ann. VI. Decur. II. Observat. CCXXVI. p. 473. 474. &c.

&c. Rommellii subiectum fuit inter quintum & sextum lustrum; mei autem Filii Subiectum fuit ætatis grandis & pro-
vectæ. Quod maximè demirandum! Me sagaciores huius
Phænomeni in Microcosmi insoliti ætiologiam eruant. Ego
tradidi hanc lampadem prælaudato Dn. D. Hannæo, Amico
meo instar Fratris Germani Dilectissimo, hîc pro me Scholia-
stis provinciam in se suscipiet.

SCHOLIUM.

TAm præclarè meritis est, & de Orbe Erudito, & de Illu-
stri nostro Collegio Naturæ Curiosorum, Amplissimus &
Experientissimus Dn. D. Hannemannus; ut publico applau-
su animare debeamus Tanti Collegæ dignissimos Filios (quo-
rum maximus natu, indolis egregiæ Juvenis, in scenam heic
producitur,) ad calcandum strenuè Magni Parentis gloriosa
vestigia. Bella visio Junioris Hannemanni, *Viridem* vidisse
Senectam! qualem Seniori Hannemannno ex animo voveo,
ut fiat hic Senex olim tam Viridis Viribus, quàm fuit ille Ca-
pillis! Sed admodum dubia illius Coloris ratio! quam red-
dere si non coepissem, potuissem esse videri Philosophus. Ego
certè huic me libentissimè subtraxissem provinciæ, & legissem
potius Excellentissimi Rommellii cogitata; (quæ nondum vi-
dere mihi contigit, cùm delaturum nuntium expectet adhuc
apud Inclytum Nestorem nostrum laudatus Ephemeridum
Tomus, quem mihi destinavit Magnificus Præses,) nî parere
vellem petitioni Maximi Amici, cui me obstringit publica Col-
legii, & privata Amicitia Societas.

Ludunt circa Capillos variis modis, & *Homines*, & *Natura*,
atque ita ludunt, ut jurares, eosdem modò justò plus coli, mo-
dò justò plus negligi. Nescio autem, utrum alios unquam
habuerint magis benevolos altores Capilli, quàm Lycios, in
hanc olim effusissimos luxuriam. Hinc quoque Condalus
Mausoli Præfectus quæstum sibi fecit opimum, simulans astu-
tè, Regiis sibi injunctum Literis, ut conderentur singuli.

Nuncium tristissimum vix benè acceperant Lycii, antequam lacrymis palpebris ægrè comprimentes, planctus & singultus in potestate haberent, qui rerum omnium jacturam, præ Capillorum, levissimam æstimabant. Condalus, foro utendum ratus, parcendum ipsorum cervicibus promisit, modò tonsuram à se ingenti redimerent pecunia. Quam cum ultrò obtulissent, curaturum se spondit, ut Regi mitterentur è Græcia empti Capilli. Teste Aristot. Op. Tom. 2. p. m. 592. cedere posset in hos Sarcasmi gravissimi Senecæ, Lib. de Brev. Vit. p. m. 382. quo illos ridet, qui sollicitiores sunt de Capitis sui decore, quàm de salute, qui inter speculum pectinemque occupati compitiores esse malunt, quàm honestiores, qui Remp. turbari malunt, quàm comam suam. Nisi fortè pro Libertatis signo interpretari velimus hanc Capillorum curam, adeò studiosè cultorum, & in blandimenta decoris promissorum. Novimus enim, non sine stupore visum & à Suida, & ab Aristophane, intonsum Servum, & viso acclamasse utrumque: *Δεῖλος ὦν κόμην ἔχεις!* Servus cum sis, comam habes! Imò, & observavit Diligentissimus Saubertus, ad Turonensem provocans, Germanos Reges, Regumque Filios, aliquando alendi comam jus sibi soli tribuisse. Atque de Solio deturbandos, vel Regni spe excludendos, priùs solitos fuisse tonderi. Unde factum, quòd Chlotildis Regina binis Nepotibus suis Caput, quàm Comam, abscindi maluerit. De Sacrif. Vet. Cap. X. p. m. 233. Quod si oculos ad Tonstrinas remittere velimus; videbimus heic Macas, ab Herodoto descriptos, summum Capitis verticem rasum habentes, in medio Capillos crescere finentes, hinc atque hinc in orbem tondentes, Melpom. p. 319. illic, circa Frontem præcisas Comas, per Cervicem diffluentes, Hectoreâ Tonsurâ, Polluci laudatâ. Istic, toto Capite rasos, Stoicorum adinstar. Etiam obrutus nostros ad se pelliciet Caput Simonis Magi, qui cum suis Asseclis, ita tonderi voluit, ut in vertice Capitis ubique rasi exstaret capillaris linea, ab una Aure ad alteram, Zodiacus dicta, Caput Globum

bum Cœlestem denotare asserens. Imò, agitur & hodiernum alius atque alius in hac scena mimus! Fœminas verò capillos ornare, non modò toto videmus die, sed etiam Lege observamus ipsis injunctum, ut eosdem alant, cum ad caput velandum, tum in memoriam subjectionis. Quid quòd & à tonsura Capillorum arceri Mulieres metu Anathematis, cum jus subjectionis hoc modò conentur resolvere, annotaverit ex ipso Juris codice Pancirollus, Rer. Memor. P. 1. p. m. 190. Videmus nihilominus in fœminis Mardorum incultos & circum caput negligenter rejectos Capillos. Prominent, inquit Curtius, his comæ hirtæ, fundâ vinciunt frontem, hoc & ornamentum capitis & telum est, Lib. V. Cap. 6. At nostræ Fœmellulæ, quibus pro naturæ habitu mollius ingenium est, Comas hodiè non alunt solùm, atque ornant, sed etiam Calendra capitibus adaptant ac Galeracula, Capronasque sibi induunt; ne desit, in quo se exerceant Comotriæ atque Emplectriæ. Si ludunt ita circa Capillos Homines, solo Cultu; quid non audebunt, accedente Arte? certè, non contenti sunt pluri Colore Nativo; hinc quæritur Ascititius, & alter præ altero eligitur cupidius. Quomodo autem tingi possint flavo, nigro, aureoque Colore; id discere licet partim à Porta, Mag. Nat. Lib. 2. Cap. 15. p. m. 128. partim à Lusitano, Centur. 3. Cur. 59. Ego, Hannemanni Observationem aucupaturus, astum proponam, quò infici possunt Capilli Colore viridi, qui in Equis bellissimè procedens, in Homine tentare volentem haud frustrabitur. Coquantur in Aceto, viridis Æris uncia duæ, Succus è Spinæ Infectoriæ Baccis maturis, Mense Novembri collectis, parati, (Pictoribus Cassiariû dicti,) uncia una, Aluminis uncia dimidia. Hoc decoctò laventur Capilli, sed priùs lixivio probè mundati, & iterum iterumq; loti exsiccantur liberè; tum herbescente Viriditate ridentes Capillos dabit Ars, quos denegavit Natura.

Verùm, & hæc ipsa tot Calamistris, tot pigmentis, tot lenociniis irritata, & sive sperni, sive reformari sua opera dedi-

gnata, ludit subinde alium ex alio in hac palæstra lufum. Sed de his pauca! Taceo igitur subitanæ Canitiem, rarum Phænomenon, cujus exempla recenset, sub initium suarum Observat. Medic. Celeberrimus Schenckius. Albanos prætereo, qui, albo crine nati, Canitiem auspiciū Capillorum habent, teste Solino, Polyh. Cap. XV. è Plin. Lib. VI. Cap. 33. Suffecerit Indice digito ostendisse montium Indicorum incolas, quos prodidit Ctesias à pueris statim canos fieri, in senectute autem nigrescere, referente Salmasio, Exercitat. Plinian. p. m. 190. revocat quippe meum calamum Clarissimi Hannemanni Junioris Viridarium, nictantibus haudquaquam lustrandum ocellis. Sed nescio, utrum *Artis indultu* viridantem impetraverint Colorem hi Capilli, ut quæstum sibi faceret hoc dolo possessor. Num symbolam suam huc contulerit *gravidæ Matris Imaginatio*, incertum! haud absimile enim ostentum novi, de quo me per Literas suas certior, ante Annos plusculos, fecit Nobilissimus & Experientissimus Dn. D. Borrichius, nostræ Daniæ Decus. Uxor Fabri rustici gravis, in cujus caput deciderat sacculus carbonibus repletus, exclusit puerulum, cujus Capillorum media pars nigerrima tandem facta est, albissima media. An verò aliquod habuerit viridicatus hicce *cum Re Monetaria commercium*, ignoro! Soler enim intimior cum Ære consuetudo, Virorem Capillis (ad zincturam recipiendam accommodatis,) interdum affricare. Cujus exemplum memini me ante Annos viginti quatuor vidisse. Quod si autem *Natura privilegio* viruerint hujus hominis Capilli; debebunt, nî fallor, rarum hocce privilegium modò suæ *Configurationi externæ*, modò suæ *Constitutioni internæ*. Cùm de similibus idem ferre judicium concessum sit; totò vix erravero Cœlo, si ab Analogia Speculi Pavonis, ad Microscopii Lydium à me examinati lapidem, quod etiam gratissimo se commendat virore, digressus, statuero, hos Capillos crispulos fuisse & triquetros, forsan & unâ pellucidos æquè ac concavos. Imò, quid! si suspicemur his suam fuisse medullam,

dullam, (qualem in pilis felium observavit Hookius,) sed eandem suis poris interpolatam, suo succo bilioso, porraceo-æruginoso, turgidam. Ex his præsuppositis, unà cum modificatione luminis, elicere de facili possumus rationem insolitæ hujus comæ viridis, ut non necesse sit ad occultas confugere qualitates. Sed nolo me altius in hanc immergere Philosophiam! cui nihil in votis prius est; quam ut placeant modò exposita Lectori Benevolo!

[A. 1688. 30. Decembr. Noribergam missa.]

OBSERVATIO CLVI.

D. RUDOLPHI JACOBI CAMERARII,

De

Fungo Calyciformi seminifero.

Semen, quod initium & finis plantarum, omnibus quas perfectas dicunt competere, ut ejus ope speciei conservatio & multiplicatio fiat, clarâ constat experienciâ, nec est, qui in dubium herbarum ex eo proventum vocet, si illas, de quibus tanquam spontè oriri creditis controvertunt, exceperis: Imperfectas autem, ad quarum classem & Fungos referunt, absque manifesto & sensibili seminio ortu spontaneo provenire, credunt, qui semen id ipsa autopsia confirmare & aliorum ad instar determinare ac describere nondum potuerunt. Peculiare quid in eorum genere mihi videbar notare, cùm præterito vere ex ligneis arculis, in quibus semina quædam Terræ commiseram, parvulorum fungorum magnam obtinerem copiam, quos multis orbicularibus corpusculis, quæ semina suspicari fas erat, repletos deprehendi. Consulendo ergò Botanicos, ex C. Bauhini Fungis noxiis in Pin. trigessimus nonus huc quadrare videbatur, quem vocat Fungum minimum ligneis tabellis areolarum horticorum adnascens, seu minimum anonymum Clusii; unde ipsum

ipsum in Historiâ plant. Clar. Raji quarens idem annotatum reperi, quod ab aliis omnibus cognitis fungis distinguatur semine, quo prægnans sit.

Ipsum enim eundem aut prorsus similem esse cum dicto Clusii non solum & Bauhini, sed & Raji ab Eoque citato Exc. Mentzelii fungo calyciformi seminifero confirmat descriptio, quæ notato fungo prorsus convenit: talem quippe observavi, erumpendi modum, globulorum scil. instar pyriformium, qui aperti, campanam, calycem aut conæ inversi figuram referebant; Ejusmodi quoque semina qualia laudati Autores describunt, magnitudine lentis, compressa, tenui filo alimen- tum deferente annexa, per siccitatem nigricantia.

Hæc ipsa semina sunt, quæ Cl. Rajum, ut cit. loco refert suspensum atque dubium reddunt, annon & reliquæ fungorum species seminiferæ sint, quamvis semen in iis necdum compertum fuerit, cum verisimile non sit, hanc speciem à reliquarum omnium normâ & analogiâ abluere: Ab hoc itaque fungo cum ad alios argumentando procedi possit, operæ pretium erit, in ipsum prius inquiramus, ut quæ seminum illorum sit conditio, constet.

Occurrit autem primò ipse horum fungorum proven- tus; scil. tempore veris, tempestatibus pluviosis & serenis alternatim mixtis, prout monuit Laud. Menzelius & experien- tiâ hoc anno t. t. confirmavit, orti fuerunt è terra recenter ex campo illata, in arculis, quas prius tales fungos unquam tulisse haud conspexeram, nunc tamen vetustis; hocque ipso à reliquorum fungorum nascendi modo non recedunt, sed forsan eorum instar absque semine prævio nascuntur. Equi- dem nonnunquam plantarum ortum credi spontaneum non dubito, ubi tamen semen minutissimum & vel ipsis nudis oculis non conspicuum adest, è quo generatio procedit; at id ipsum hîc locum non habet, ubi agitur de semine non adeò parvo, sed quod magnitudine seminis Cyclamin. vel Lentis; de fungis in maximâ copiâ densè confitis, pronatis non è terrâ solum,

solum, sed & ex ipso ligno, ubi prius tantam talium seminum copiam notare non licuit.

Porrò, quoniam hic fungus cum alia imperfecta planta credita, nempe Corallina plumatâ seu Myriophyllo pelagio Cortusi, hoc singulare habere dicitur, quod semina ferat, hinc & ipsa examinanda: Adscribuntur huic Nuculæ, quæ nullum aliud semen continere deprehensæ sunt, quàm tenellas plantas jam formatas, matri facie similes, quæ cadentes infimum mare petunt, deinde crescunt, & in eandem magnitudinem evadunt, quam matres obtinent. Nostri fungi semina etiam per Microscopium mediocris notæ examinata non nisi informem massam exhibuerunt, exteriorem substantiam paulò candidiorem, interiorem pallidiorem, aquosam, utramque raram spongiosam, tenui membranâ tectam.

Alio hinc rem modo aggredi, ferendo nimirum illa ipsa, constitui; commisi ergò non unâ vice semina magis & minus matura terræ, ei vel inspergendo solum vel & contegendo, in vase non ligneo, sed fictili, commodo quoque tempore, quo scil. frequentia erant tonitrua, sed hætenus absque ullo fungorum talium proventu.

Hæc sunt, quæ hætenus circa fungos hosce à me notata dubium relinquunt, an certa sit & indubitata, quâ gaudere videntur, prærogativa, tamdiu aliorum censuræ subjicienda, donec plura tempus doceat. De Fungorum alias semine consul. Dec. I. Eph. N. C. A. VI. & VII. Obs. 174.

Cæterùm easdem Laud. Ephemerides, ut de fungis notata cognoscerem, evolvens, in ultimo demum Tomo Dec. II. A. VI. ab Exc. Theophrasto Obs. 110. descriptum reperio fungum, qui vocatur Calicatus Discifer; hic cum in medio calicis discos quosdam perexiguos, lentis magnitudine & figurâ habuisse dicatur, huc omninò quoq; referendus erit.

[A. 1688. d. 24. Nov. Tubingâ Augustam missa.]

OBSERVATIO CLVII.

D. EHRNFRIDI HAGENDORNII.

Flores & Crystalli Nitri.

Sæpè aliud agendo in laboribus Chymicis impetramus, quod nec quæſivimus, nec unquam speravimus. Occasionem ita sentiendi dederunt mihi elegantissimæ Nitri crystalli, à me casu quodam olim inventæ, quos tanquam singulare experimentum allegatos vidi, legique in Chymia experim. Dn. Jungkenii Sect. 4. c. 1. p. m. 218. quò locò Cl. Autor eos ita parat, ut nempe Spiritui Nitri, Spir. Vini addatur, per Mariæ Balneum destilletur mixtura, atque iterum Spir. Vini abstrahatur, sic fore, ut in fundo vitri crystallos hasce invenire liceat, caloris febrilis extinguitrices. Ego levi operâ, & tanquam parergon easdem ita impetravi. Scilicet parabam ante biennium Spiritum Nitri dulcem, eundemque ex cucurbita vitrea per Alembicum propellebam, ut nihil ferè liquoris in cucurbitæ fundo superesse videretur. Hinc factum est, ut flores benè multi, albicantesque instar floccorum nivium ex fundo vasis per latera spontè sineque igne subdito in collum usque cucurbitæ adscenderent, in fundo autem crystallis paulò duriusculis remanentibus. Ambo tum flores, tum crystalli præbebant saporem gratè acidulum, flores autem in liquorem abibant elegantissimum, multisque in affectibus utilissimum.

OBSERVATIO CLVIII.

D. EHRNFRIDI HAGENDORNII.

Cinnabaris nativæ & antimonialis vis dejectoria.

Quadriennium est, ex quo mense Januario foeminae cuidam scorbutico-hystericæ in torminalibus intestinorum cruciatibus haut exiguis pro sedando impetu

petu isto præscripseram pulvisculum sequentem: \mathfrak{R} . Cinnabaris nativæ, & Antimonialis āā . gr. v. Pulv. Anod. gr. iij. Misc. dentur ex vehiculo idoneo. Unde, præterquam quòd dolorum atrocitas inde conticuerit, & hoc singulare pariter effecit pulvis iste, ut ægra hæctenus difficillimæ alvi bis cum levamine purgaretur. Sic Excell. D. Wedelius vim purgatricem in Cinnabari Antimoniali quoque expertus est, tract. d. med. facult. p. m. 152. l. 2. c. l. c. 6. Confimiliter Exc. Tilingius de Cinnab. Mineral. c. 36. p. m. 229. vim ejus dejectoriam expertus est, itemq; D. D. Schulzius in Scrutin. Cinnab. punct. 2. p. m. 86. Consentit quoque D. D. Hoffmannus Junior in de Cinnab. Antim. cap. XI. p. m. 140.

[3. Jan. 1689. Gorkizis Noribergam missa.]

OBSERVATIO CLIX.

D. GABRIELIS CLAUDERI.

Impenetrabilitatis armorum veritas
& vanitas.

TEmperi est inserviendum! Cùm autem in omnium ore nunc sit, vel potius esse cogatur dolor! ferrea Martis memoria, non potui non, quin observationes modernas simili incipiam; sperans fore, ut varii in vitia flecti cerei illius discipuli, aut pulli martiales animæ commodò sanius sentire, ac cautiùs mercari discant, aliorum sermones de hisce percipientes. Quid autem per vitiosum hoc artificium velim intellectum, (vulgò audit *das Festemachen*) amplis ambagibus explicare; supervacaneum, utpote in vulgus notissimum censeo. Franciscus Redus, Archiater Magni Hetruriæ Ducis, dum in experimentis suis naturalibus conatu laude dignissimò inquit & invehit in diversas res physico-medicamentosas olim incognitas ex Indiis fertili hòc seculò à quibusdam honori ac pecuniæ inhiantibus, & ita novitatum

avidos seducuntibus transportatas, per sesquipedalium verborum ampullas nimium elevatas, effectu tamen verbis postea non adeo plenarie respondente, insimul quoque possibilitatem malitiosæ hujus artis negat, & p. 20, seq. per adducta nonnullorum experimenta infringere conatur. Quamvis quidem cum viro sagacissimo ideo litigare, meus neutiquam sit animus; nihilominus nostris in regionibus contrarium sæpissimè sese offert, præprimis inter Bellonæ assecclas, ut proinde Celeberr. Dn. Redi unico experimento millenis plura opponere sit facillimum.

Lubet adjungere exemplum, cujus ἀνέκδοτος possum esse testis: E Belgio in Germaniam olim rediens, Arnhemii incidi in itineris comitem, qui per jocos sæpè gladiis & cultris sese punxi innoxie, mihi & sodalibus concedebat. Gestabat insuper ensẽm adeo fascinatũ, ut eò etiam non evaginató; sed manubrii globum manu saltem tangens antagonists omnibus pavorem incutiebat, redditis præ pavore tremulis, cujus specimen nobis (summè quidem invitis,) contra duodecim Juvenes fortes ad rixam sine causâ decente irritatos ac provocatos ostendebat. Globulos insuper è tormentis manuariis (Musqueten / Pistolen quæ audiunt) explosos mediante eadem arte impediri posse, ne cutim penetrent, qui negat, autopsiæ sanè & quotidianæ experientiæ contradicit. E modò dictis certitudinem quidem infelicitissimi hujus inventi elucere singulis, nullus dubito. Quàm vanum verò, quamque dubium, imò animabus ac corporibus summè exitiosum sit istud artificium, ac mera saltem milleartificis infernalis elusio, patescit inde, quòd neutiquam quidem, ceu jam dictum, negari possit, frustraneam persæpè reddi armorum vim adeo, ut corpus à talibus tactum, licet durius, ostendere saltem maculam cœruleam, qualis levem aliàs contusionem insequitur, à sanguinis extravasati particulâ relictam. E contra verò similes isti impenetrabiles habiti, vel potiùs sese ita habentes, ab aliis temerariis ejusdem artis studiosis malitiâ superantur, ut
alter

alter alterius robur ac arcanum irritum reddere valeat, corpus antagonista emolliendo vel aperiendo, quod vocant *einen auflösen*; ut sic alter sagacioris vel potentioris Diaboli consilio ac ope quasi utatur, & concinnè antiquum illud dictum heic applicari queat; veluti Homo homini soleat esse Deus, ac Homo homini Diabolus; ita quoque Diabolus ipse ipsi Diabolo Diabolus esse videtur. Vanitas hujus artis inde non minus, veluti forex, sese prodit, quòd ferrei isti heroës facili-
mè occidantur, vel potius ceu boves irracionales maententur fustibus, sclopetis & securibus inversis rusticè, id est, violenter tacti. Recenti insuper inhæret memoriæ plurium, non ita multis abhinc annis Præfectum quendam militarem à tormenti majoris globò (*von einer Canonen Kugel*) tam ruditer esse tactum, ut hic quidem in corpus impenetrabilitate hâc maledictâ munitum ac præservatum non penetraverit; nihilominus corpus globi violentiâ adeò fuit conquassatum & concussum, ut subito per fauces, nares, oculos & aures copiosissimum cruorem, & ita simul pretiosò Christi Sosandri sanguine frustrâ redemptam effuderit animam. O artem stolidam, ô abominandam artem! Et hoc quidem eò magis, (quòd primò locò quidem produci debuisset) quòd Animam, Divinæ Auræ particulam, in cruciatûs infernales æternùm immutabiles præcipitem reddat. Corollarii locò crèna quasi invita hoc subnectit: Arcana patefacta aut multis cognita vilescere, experitur quoque impium hoc artificium; dum scilicet potentiores ejus assèclæ non adeò student corpora sua descriptò modò munire; sed methodus hujus artis alamodistica adeò ad alta tendit, ut isti corpora globulis tangi neutiquam concedant, sed, ut prætervolant, cogere nôrunt; unde fit, ut nullus adstantium cognoscere possit, hunc vel illum impenetrabilitatem exercuisse, ceu quidem communi modò proditur; ut ita Sophismata ista Physica aut in Stygia Plutonis Academia curiosis Studiosis pro seculi prudentioris genio refer-

ventur, aut ipse Pyrotechniæ infernalis director docendo adhuc discat.

OBSERVATIO CLX.

D. GABRIELIS CLAUDERI.

Explosionis tormentorum bellicorum prohibitio itidem vera, at non minus vana.

Quæ de armorum impenetrabilitatis veritate ac vanitate jamjam dicta sunt, prohibitam quoque tormentorum explosionem (*das Gewehr versagen* nostratibus dicitur) feriunt, utpote pro eodem scopò à dīctō maledictarum talium artium Magistrō, Diabolō, oriundam. Quemadmodum autem de hujus veritate dubitanti innumera in contrarium opponi possunt exempla, ita etiam vanitas infallibiliter elucescit inde, quòd alter alterius organa militaria resolvere, ejusque arcana irrita reddere, optimè novit, (*einander das Gewehr aufmachen*/vocat) Quid propriis Ego oculis viderim, locò multorum testimoniorum producam: In præcedenti Observatione, cujus mentio facta, Sodalis noster explosiones tormentorum bellicorum minorum pro lubitu quoque reddere frustraneas adprimè noverat, quod pro fallendis itineris radiis vel centies præstabat. Accidebat autem, ut quidam Præfectus militaris ob merum latronum Eques sese Nobis jungeret. Hic unâ vice propè Bonnam à prandiō semiebrius, hilaris, genioque blandiens volebat tormenta manuarum (*die Pistolen*) & majus (*den Carabiner*) evacuare in societatis honorem; (*auf Gesundheit*) sed sine succedente ullō effectu. Hinc è triplici insolitâ armorum elusione fraudem aliquam subolfaciens, irâ percitus velociter in campum excurrerat, ibique tribus circulis vel gyris celerrimâ equitatione absolutis, suisque tormentis iterum repletis, ac
ad

ad explosionem dispositis ad nostram redibat rhedam atque dicta organa militaria subito successivè evacuabat, Sociò nostrò stupente ac valdè indignante, inque hæc subridens crumpebat verba: Domini, quis vestrum tantus est artifex, ut conatus meos bellicos antea eludere noverit, quod sanè nemo militum mihi castra tamdiu sequenti præstare valuit? Jam verò vidistis, artem meam vestrâ esse potentiorē & certiorē. Cui præceps Socii nostri lingua regerebat: Fateor, me sapissimè pro votò meò artificium hoc exercuisse; eandem tamen à nemine esse victam & elusam, veluti jam contigit. Socius dictus iste noster nobis quasi invitis asseverabat, æternò igne expiandum hoc arcanum in levi hōc consistere, ut exercitaturus certa verba saltem mente concipiat vel cogitet, insimulque ferreum organi bellici canalem (*den Laufft* nominant) inspiciat. Exinde denuò patescit fraus Cacodæmonis insanumquantum truculenta; dum ita istorum uterque arti suæ tam dubiæ, tam infidæ confidens, gehennæ candidatum ac mancipium sese reddebat. Propterea alienis periculis cautiùs mercari discant Juvenes similibus inescationibus inhiantes, nec sese tam suavibus laqueis irretiri patiantur; sed potiùs noctes atque dies studeant, ut pietate ac devotis precibus reddantur impenetrabiles.

OBSERVATIO CLXI.

D. GABRIELIS CLAUDERI.

Cæcitas subitanea Epilepsiæ prodromus,
binis in foeminis observata.

Tanta-tanta dolor! Miseriæ humanæ est frequentia post infaustum istum pomi Paradisiaci fallacis appetitum, ut unusquisque conscientiæ suæ consulturus semper pede stare in unò, aut pedem in stapede habere ad iter ultimum adeundum cogatur, cum sanè nesciat, quonam
mo-

momento sibi extremus (emortualem intelligo,) inſtet dies. De innumeris violentæ mortis cauſis ac caſibus, ut & de apoplexiâ, ac ſimilibus nihil dicam, ſed prodeat jam rariùs contingens quoddam: Si cæcitas lentò irrepens gradu œconomiae Microcoſmi tam miſerabiles communicare noxas valet, quantum, quaſo, ærurnarum expectandum erit à ſubitò ac improviſò irruente, præprimis cùm ferociorem ad portas Hannibalem, inſultus in uno epilepticos, minetur? Sic foemina quadraginta annorum ſucceſſivè aliquot annorum ſerie gravia patitur è pravâ chyli- ac ſanguificatione, tumultus ſcilicet hypochondriorum ac uteri, vomitus, aſthma, cephalalgiam; quæ tamen adhibitis contra cachexiam ſanguinis adhibendis cornua depoſuerunt. Accidit autem unâ vice, ut abdominis contenta valdè rebellia ſeſe oſtenderint, ſuccedente capite valdè turbidò ac dolente; proinde ſubitò accerſor; dum de ſtatu morboſò erudiri ſum occupatus, celèrrima, eaquæ plenaria accedit viſus privatio, mens tamen conſtabat, ut ſingulos ſermone antea cognitò diſcernere valeret. Prædicebam Epilepſiam inſtantem, quæ etiam adventu ſuò Medicamenta è Pharmacopœiâ præſcripta anticipabat. Prognosticum hocce meæ innitebatur experientiæ, quòd mihi conſtet, motùs convulſivos vel ſolum capitis dolorem, ſi eſt violentus ac frequens, ceu pediſſequam, inſequi non rarò ſolere; dum itaque cæcitatem ſpirituum paucitas ac diſſipatio cauſabatur, eò firmiore ratiociniò id ſtatuerè audebam. Propinabam ſtatim Sal volatile Succini oleoſum, Eſſentiam Caſtorei Spiritu Salis Armoniaci paratam, Pulveres item è Cinnabari meâ fixatâ alibi deſcriptâ; externè verò applicabatur Nuchæ, temporibus, ac Spinæ dorſi Spiritus Salviæ, Juniperi, Salis Armoniaci. Nec Clyſteres revellentes cum Electuar. Hier. Picr. cum Agaricò, &c. omittebantur; Et Convulſiones paucis ſaltem vicibus redibant; cœcitas autem perendie ruriùs evaneſcebat; Spiritibus viſivis ſolitus robur recuperantibus. Paroxyſmis hiſce ita ſedatis, præcipuè cauſæ in abdome reſiſtebatur per
Laxan-

Laxantia, item Elixir. Propriet. Alcalicum, Essentiam Terræ Catechu, Mumia, & similia; Pro capite tamen solandô ac præservandô vesperi ante & post singulas Lunæ mutationes exhibebam Pulverem Cinnabarinum meum. Incomparabilem enim inveni eorum efficaciam; proinde non possum non eosdem commendare, meumque Symbolum addere Chymia-
tris modernis pluribus, quippe quorum testimonia innumera plenis disperguntur Libris; aliàs enim Posterì haberent, quòd statuerent, me millies - millenis experimentis contradicere fuisse ausum. Altera historia in fœminâ Partui ad paucas septimanas saltem vicinâ aliò mihi tempore obtingebat; cùm autem Symptomata non adeò fuerint diversâ, nisi quòd senserit cephalalgiam uti subitaneam, ita violentam, & duabus abhinc horis cæcitatem, & finitâ denuò vix unâ horâ convulsiones epilepticas, quas præteritò quadrihorio partes fœtus mortui insequabatur, ideò amplioribus hîc ambagibus extravagari supervacaneum censeo.

OBSERVATIO CLXII.

D. GABRIELIS CLAUDERI.

Convulsiones epilepticæ à purgante re-
finosô excitatæ.

SI quoddam rerum Medicamentosarum genus exercuit Medicorum, præprimis antiquiorum, ingenia, sanè id præstiterunt purgantia, dum in plurimas itum est sententias, in quibus qualitates innatæ consistant, ac quonam modò suam operandi virtutem exhibeant. Adeò, ut tanta de his publicè scripta extare censeam, quæ sufficiant, bomborum modernorum horrendam sufflaminare penetrabilitatem; Conatur quidem Vir aliquis de publicâ re Medicâ optimè meritis eorum usum planè proscribere è forò Medicò; unde & in nimium purgantibus faventes adeò invehit,

Dec. II. Annus VII.

Rr

ut

ut producat Diabolum purgatorium, den *Purgier-Zenffel* /
 veluti consuetum est dicere: Diabolus superbiæ, crapulæ, lu-
 dorum &c, Patronus; An autem ea penitus abrogare condu-
 cat, aut possibile sit, heic controvertere, extra meum est sco-
 pum. Alii, & in specie Neoterici, lapides moverunt omnes,
 ut vastæ eorum doses, vel solò adspectu nauscam, si non vo-
 mitum creantes concentrari, ac minore exhiberi possint dosi,
 & hoc quidem conatu summè laudabili. Inter varia gratio-
 ra & satis cura millenis felicissimè dedi Pulverem è Radic. Gial-
 lap. vel Crystall. Tartari \mathfrak{z} . Resin. Gialap. gr. viij. Nicri resi-
 nati gr. ij. Misce pro dosi; Item apprimè mihi satisfecit Pulvis
 è Resinâ Gialapii vel Scammonii Semini Melonum optimè
 mixtus, dum scilicet resinofitas purgantis per seminis mucil-
 aginem cicuratur, & distribuitur; siquidem in hâc re cau-
 tissimè est procedendum, ac Resinæ aliis Pulveribus adcuratè
 miscendæ, aliàs enim pars resinosa priorem suam naturam
 recuperat, ac denuò refinescit. In incautorum gratiam lubet
 unum, alterumque triste producere exemplum: Delicatum
 sanè pro delicatulis est purgans, dum Resinæ Gialapii gr. x.
 vel xij. dissolvuntur in Quintæ Ess. Matthioli, vel Elixiris
 Citri drachmis duabus, addito, si lubet, modico Rorul-
 lar. Man. Chr. vel Syrupi Rosarum; gratissima potiuncula
 non ingratiorem apud multos præstitit operationem; Econ-
 tra tamen nemini facilè usum hujus suadeo; cùm mihi inno-
 tuerint uno plura exempla infelicitis eventûs, dum ille haustu-
 lus fauces sapore suavi decipiens excitavit aut vomitûs largos,
 aut tormina summè lancinantia, aut planè hypercatharsin,
 post cruditates intempestivè protrusas lympham quoque uti-
 lem, & post hanc ipsum animæ domicilium, (sanguinem in-
 nuò,) exturbantem; quibus non potuit non succedere pe-
 riculosa Oeconomix Microcosmicæ turbatio ac subversio.
 Imò vidi generosam fœminam, quæ biduò post idem assum-
 tum ac toleratos dolores ferè intolerabiles abdominis, & co-
 piosissimas excretiones alvi, itidem pati cogeatur convul-
 siones

siones epilepticas, aliquot septimanis durantes, & quidem adeò, ut jamjam expectans Charon vix potuerit cogi, ut cymbam suam vacuum reduceret. Accidunt autem talia, salvò aliorum judiciò, dum Resina rursùm resinescens aut præcipitata, quod vocant Chymici, potest attingere aliquam primarum viarum tunicam mucò naturali non satis obductam; hæc ob substantiam tendinosam indebitè stimulata, cerebrum, & quæ ejus succedanea nervosa, in consensum trahit. Idem gratissimum purgans observavi alteri cuidam tormina creare miseranda, & quidem sine ullâ excretionè fecum purgatoriâ; tertio tandem die sola per alvum excreta Resina in globulum compacta & incrassata. Quod aliquando etiam contingere videmus, si purganti pulveri resinoso parcior quantitas aliorum pulverum fuerit addita, & liquor affusus, vel vehiculum nimis fervidum, tunc sæpè Resina in cochleari adhuc existens ab aliis separatur & coagulatur. Contra similes infaustos casus à nimium securis excitatos feliciter exhibui mucilaginosâ è Semine Altheæ ac Cydonior. è Radice Altheæ atque Symphyti, non omissis Confortantibus, Lenientibus, Anodynis alibi jam commendatis.

OBSERVATIO CLXIII.

D. GABRIELIS CLAUDERI.

Ex ossibus Microcosmi calcinatis Spectri-
formis apparitio.

IN præteriti anni Ephemeridibus, Observat. scilicet 37. f. 96. refert laboriosum ac curiosum Academiae nostræ membrum, Dn. D. Eman. König, cuidam Seni Paralyfin Apoplexiæ suæ pedissequam patienti, variis incassum adhibitis Amicum obrudisse Amuletum collo appendendum; hic obedit, quidnam contineatur planè ignarus aut parùm sollicitus; sanctè
Rr 2 tamen

tamen testatus est hoc ab initiô corpus universum mirè turbâsse, ac inquietum reddidisse, ut per tres dies ferè lipothymicus evaserit; Valetudine redeunte à Philophysicis fuit inquisitum, quidnam in sacculô contineatur, & visus, alteriusque relatio docuit, inesse particulam cranii Hominis violentâ morte extincti. Hoc laudato Dn. Kônigio in memoriam revocavit homogeneitatem & Symbolismum Spirituum animalium ipsius corporis, & in dictô craniô residuorum, per effluvia subtilia resuscitata; Ampliora ibidem poterunt videri; præprimis, quòd diversi in destillatione craniorum humanorum ob spiritûs residuos aliquando non parvos percipi tumultûs & fragores, observaverint. Occasione hujus historiæ in mentem redit mihi casus sequens rarus; quamvis subesse huic illusionem Diabolicam, & aliquid spectrum olens, extra dubitationis ponam aleam: Celeberrimus Lipsiensium Chymiatæ, D. Joh. Michæelis, sex ad septem circiter abhinc lustris curabat latronem integrô quadrienniô rotæ impositum, ac à Solis Lunæque radiis præparatum chymicè destillari pro obtinendô Spiritu ac Oleô; Posthæc ossa fortiter calcinata in porphyritide lævigabantur, pro nervorum roboratione ac similibus usibus. Ossa hæc nondum planè præparata Amanuensis Chymicus imponit nostro Muséo, ubi aliquot diebus subsistebant; Accidit autem, ut me peregrè absente, Contubernalis meus in camerâ dicto Muséo contiguâ in posteriore domûs parte solus cum solô dormiret; unâ & dimidiâ post noctis meridiem horâ, incipiente crepusculô (mense enim Juniô hæc peragebantur,) cameræ dictæ januâ apertâ percipit somnolentus strepitum & motum circa Musæi angusti mensam; Oculis illuc missis in ipsô ossium dictorum Microcosmi pulvere sese offert caput Humanum, cui citò accrescit thorax cum adnatis brachiis; Animo stupefcenti oculi invitissimi mox monstrant connexum hisce abdomen cum conjunctis cruribus. Misello huic neuti-quam celeberrimus ille Morpheus mediante somnô ac somniô phantasma hoc sistebat; multò mi-

nus visui oberrabat Homuncio Paracelsicus; sed cogebatur somnô oculis detergê pigmentum hoc reale nolens - volens adspicere, imô plus ultra observare, quod extemporaneus iste longurio, (omnia latroni similis, faciemque, capillosque, atque pedes longos,) eâdem insuper indutus chlamyde, quæ illum patibuli ac mortis candidatum vestiebat, dum ad aëreum suum sepulcrum educebatur, (audi & obstupece!) de mensâ descenderit. Dictus hicce meus contubernalis ita solus horrenda expectat fati sui accidentia; aufugere ipsi non licebat, cum fuerit coactus transire per Musæum, & tangere hospitem hunc ingratum; clamore opem aliorum sollicitare, erat supervacaneum, utpote longius ab omnibus remotus; Proinde soli protectioni Divinæ fervidissimis sese suspiriis commendabat semimortuus quasi; unde evenit, ut hospes molestissimus sese vertens, Musæi januâ exierit. Fatebatur postea hic è purgatoriô suô mundanô redux, quod integrô vitæ cursu tam serias nunquam fuderit preces, conscientiâ unicâ mille testibus potentiore, potiora peccata in cerebri conâstoriô in momentô ruminante - exaggerante. Utinam seculi nostri Filii, quibus de pejore lutô præcordia fecit Titan, impietate incrassatos cordis ac cerebri spiritûs per similia horrenda contingentia sibi attenuari ac illustrari concederent, ne tandem aliquando in magnô illô extremô judiciô serò cum Phrygibus sapere cogerentur!

OBSERVATIO CLXIV.

D. GABRIELIS CLAUDERI.

Risus Sardonius involuntarius plurium annorum innoxius, tandem lethalis.

Flesse bis, at nunquam legitur risisse Jehovam;
Cur Hominis proprium risibile ergò vocas?
Uti piè, ita concinnè cecinit Epigrammatistarum hucusque

usque primarius, Owenus. Notum insuper est, illos, qui Phantasia suæ idéis ac adfectibus, præcipuè verò risui, malè impèrant, & huic abusivè connivent, quasi à pueritiâ per sanius ac modestius sentientes non immeritò moneri in triviis quoque frequenti versiculò:

Per risum multum debes cognoscere stultum.

Tanta quoque dolor! rerum humanarum est miseria & inconstantia, ut, quamvis ipsa Sacra Scriptura Nos jubeat gaudere cum gaudentibus, (cujus gaudii honesti frequens interpret & socius solet esse risus moderatus,) nihilominus similis risus latentis morbi periculosissimi aliquando prodromus esse cogatur; ceu sequens edocet Historia: Medicus, quadraginta annorum circiter, laudabili eruditione ac sanandorum ægrorum felicitate optimè famigerabilis, à se ipsò aliisque sanus habitus, cum negotiis suis practicis amplis obeundis sufficeret, nihilque morboſi præter leve asthma sentiret, cui successivè viliſſimâ, vel nullâ planè causâ impellente, ipsòque invitiſſimò cachinnus inhonestus diurnusque accedebat. Cum ingenuus hic Vir in propriis, more humanò, cæcutire visus fuerit, plus vice simplici candidè eundem monebat Medicus alius primi subſellii, ut risum hunc pro proditore latentis adfectûs scorbutico-hypochondriaci haberet, ideoque huic mederetur ac obicem poneret; Cum cruditates primarum viarum in vapores acres fermentantes, musculosque thoracis ac oris impetuosè stimulantés, & phantasiâ depravantes extra dubium risûs hujus causa sint censenda. Verùm persuaderi sibi nunquam passus est, causam semper aliunde derivans, usquedum Pleuritide superveniente improvisò moreretur. Morte appropinquante maculæ ac tubercula scorbutica copiosissimè per totum corpus erumpebant, ob Archæum ultimò hóc conatu crisin quidèmentantem, sed succumbentem. Pateſcit inde, quantum intersit Practico, ut genuina causæ morbificæ cognitio eum non lateat. Discantque morosi quidam Chremetes in verba Magistrorum jurantes rigorosè, graveque auctori-

toritati suæ cauterium inuri metuentes, si novis hodiernis accidentibus morbosis, inter quæ jam primarius est scorbutus, fidem adhibere, ac methodo suæ consuetæ nonnihil detrahere deberent.

OBSERVATIO CLXV.

D. GABRIELIS CLAUDERI.

Superfoetationes.

Superfoetatio (dum scilicet post conceptionem ordinariâ Naturæ Lege peractâ à novô coitu aliquando nova quoque & secundaria succedit,) rarum est contingens inter millies-millenas imprægnationes & partûs solitos juxta mandatum Majestatici illius: Crescite & multiplicamini, subsequens. Cùm autem miserè exerceat nondum exercitatos Practicos juniores, ac puerperio adstantes foeminas, nec multum in historiis Medicis de hac tradatur, lubet sequentia producere: Foemina viginti sex annorum, vegeta, foetum ex uteri ergastulô Orbis amplitudini exhibitura, expectat quot-horis horam à primô ac cœlesti conjugii Autore ipsi ad hoc opus destinatum, & tandem parit Filiolum methodô foeminis consuetâ, sanum, hunc simul insequente suâ secundinâ, ac lochiorum solitorum portione; Proinde hilari mente quoque sibi gratulatur de illô Naturæ debitô (cujus gratiâ Mulieres beatas solatur ac honorat Sacra Scriptura) absque majore molestiâ persolutô. Verùm, quid fit? restat insignis abdominis tumor, motus inibi manifestè sensibilis, dolor alternans, lochiaque partim retenta; Puerperâ tamen vegetâ obambulantem. Obstetrix præfagit, è Geminis alterum mox quoque esse proditurum; sed statu unô eodemque per biduum ita perseverante, hæret Lucinæ cum Consiliariis foemininis aqua; Propterea me accersiri curant; Puerpera præprimis ulteriorem partum expectans non sine cordoliô queritur, quòd quasi sola inter millenas mulieres peccaverit, dum non experiatur hilare

hilare illud fatum gravidis ac puerperis aliàs commune. Sed bonò animò eandem cum adstantibus esse iussi, indicans, expectandam esse superiùs notatum superfoetationis finem, priore partu non minùs jucundum futurum; addebam non minùs jocò seriò, hæc animò eò generosiore esse toleranda, cùm hujus suæ fortunæ ipsamet fuerit fabricatrix, per coitum foecundum scilicet uno plurem peractum vel admissum. Mente itaque sic compositâ ac tranquillâ septimò demum à priore partu die exit alius puellus, hunc juxta mandatum Naturæ insequente suâ secundinâ, lochiisque residuis suum pensum absolventibus; Et hucusque, dum hæc scribo, vivit Mater cum bigâ filiolorum sanâ sana. Inter illa partus interstitia, dedi saltem aliquando, pro roborandò Archæò, Tincturam Corallorum, Essentiam Mumiae Alcalicam, Essentiam Terræ Catechu, item alternatim Pulveres è præparatis, quæ vocantur, v. g. Ebore, Unic. fossili, Coralliis, addita Cinnabari meâ fixatâ. Septimanâ hanc insequente in eâdem plateâ in domo jam dictæ foeminæ è regione aliâ habitans idem planè experiebatur fatum, quod modò retuli, aliasque rarissimè accidit, superfoetatione sexto ad septimum die itidem superveniente sine aliquò incommodò.

OBSERVATIO CLXVI.

D. GABRIELIS CLAUDERI.

Fœtus in Uterò mortuus vi quasi expulsus.

IN præcedenti Observatione prodière Superfoetationes, rarissima conceptionis ac partus opera; Læto huic contingenti succedat triste in mundanæ inconstantiae memoriam: Foemina generosa partui vicina sentit ipsâ Eclipseos Lunæ horâ quasi partum instare, ob aquas mucosâs tali in statu prodire solitas prodeuntes, adjunctis quoque similibus doloribus,
paucis

paucis tamen. Cum autem modò dicta per triginta horas evanuerint, licet applicita necessaria fomenta, inunctiones, ut & internè propinata fœtum de exitu tentatò modestè commoventia ac stimulantia, huic item, & Matri robur addentia; Econtrà virium prostratio, cordis anxietas, aliaq; fœtum valdè debilitari docentia accesserint; alterò autem die motus ejus decens planè evanuerit, mole è latere in latus alterutrum abdominis prolabente, mucò insuper subnigrò ac fœtente per genitalia effluente, auctò parturientis p. n. calore, cordis palitatione, deliriòque, ob atomos putridas toti massæ sanguineæ pro noxiâ fermentatione commovendâ communicatas, fœtum planè mortuum esse, clarè patuit. Proinde, cum necessitas in ordinarias methodi medendi regulas jam jurare prohiberet, quippe quæ jubent, tunc demum fortia expellentia exhibere, dum fœtus situ legitimò ad partum inclinaret, Mundo amplo sese ostensurus, futurus incola; metuendumque foret, ne ingratus filiulus mortuus matricidium committeret, mortuò scilicet in vivâ impunè minimè hæere valente, hinc remedium dubium certæ desperationi anteponendum censui, atque successivè adhibui Pulveres è cineribus secundinæ Primiparæ & Pulvere Borracis ãã. ℞j. item Pulveris Borracis 3℞. Salis Succini Volatil. gr. vj. Pulveris Hepatum Viperarum gr. iv. Cinnabaris nativæ fixatæ gr. iij. Essentiam item è Sale Fuliginis meam; Pubem insimul inungi jussi Mixturâ ex Olei Cheirini 3j℞. Pinguedinis Serpentum 3j℞. Olei Stillatit. Succini 3j. non omissis fomentationibus ex Herbâ Sabinæ, Artemisiâ, Malvâ, Flor. Chamomillæ, Cheiri, &c. unde dolores necessarij rursus excitati, usquedum exturbatus fœtus mortuus, ad putredinem jamdum tendens, quam hujus pedissequa, secundina, sociata mucò largò fœtidò, magis & maximâ sui parte experta erat, insequēbatur. His peractis, Puerperæ sanguini novus Balsamus conciliandus erat, putridâ corruptione & inde ortis Symptomatibus suffocatis, per Elixir Proprietatis & Essentiam Mumie alcalicam, è Sale fu-

lignis, Es. Castorei volatilem, Terræ Catechu, &c. Et, Deo gratiosè jubente, reconvalescentia rediit.

OBSERVATIO CLXVII.

D. GABRIELIS CLAUDERI,

De

Bufonum venenô nonnulla.

QUoniam modò horrendos virulentia suæ effectûs conferant tam in genere singula venena, quam in specie venenata animalia aliis corporibus, uti res est stupendæ admirationis, ita & mirè exercuit Eruditorum ingenia, imò à Neotericis contra Veterum occultas qualitates variè tracta est, & adhuc trahitur controversiarum ferra. De hisce hîc amplè extravagari, extra meum est scopum; lubet saltem aliquod memoriâ dignum de operatione producere: In præteriti anni Ephemeridibus, Observat. 113. f. 216. Nobiliss. Dn. Collega, D. Schelhammerus refert, puerum petulantem cum sociis ludendo inter varios jocos in campò arripuisse bufonem, huncque, manu suâ quidem detentum, alterius ori aperto intrusisse, idque sine insigni incommodò morbosô ac lethali; de quibus ibidem plura videre, si libet, licet. Petulantia hæc pueri virgis digna in memoriam mihi revocavit, me olim vidisse, circumforaneum aliquot diebus successivis dilacerare dentibus bufones majores, eosque maximè venenatos, vel capita illis demordere; & hoc in publicò fori theatrò, ideò, ut Theriacæ suæ statim ab hoc morfu assumendæ, credulæ plebi commendaret efficaciam. Quamvis autem iste bufones non à suis famulis aut domesticis, sed ab adstantibus peregrinis prece ac pretiò coëmptos afferri semper curaret; nihilominus fraudulentam oculorum fascinationem suspicabantur tantum non omnes. Animus hâc de re turbidus quiescere volebat, usquedum dictus Agyrta accersitus

fitus actories rogatus, nummisque tandem victus sanctissime mihi asseveraret, sese spectatorum oculos minimè magicè ac dolosè fallere, sed reverà morsûs hosce horrendos sine noxâ perficere; imò ipsi idem esse, ut integrum bufonis corpus devoraret, abjectò saltem illorum capite; hancque mihi dubiè hærenti subjungebat rationem, bufonem è terrâ sublevatum indignabundò Hominis apprehendentis adspectu irritatum, ac perterrefactum, toxici sui vim ad oculos, anterioresque partes capitis convocare; in reliquò verò corpore ita nocendi cacoëthes evanescere. Cùm autem hæc mihi planè clara non videantur, avidum Lectorem ad variorum Scriptorum consilium ablego; Meum autem philosophandi modum partim in præcedentibus annis declaravi, partim alii tempori reservo. Hoc tamen addo, Helmontium jubere bufones illos majores, majorique venenò gravidos filò alligatos suspendere, virgis cedere, ad iram provocare; inde fieri, ut effutiant mukum viscidum subviridem, pro Amuletò suò antipestilentiali comparandò. Quod Ego olim jucundo spectaculò peregi, bestiollâ inimicâ ad vindictam summè proclivi.

OBSERVATIO CLXVIII.

D. GABRIELIS CLAUDERI.

Cervus castratus in venatione lethaliter
globulo transfossus.

Castrationem, præprimis quidem illam, quæ in hominibus, ad DEI imaginem conditis instituitur, opus esse impium & abominandum, cum Paulò Zacchiâ, Pontificis Romani quondam Proto-Medicò, ac aliis, statuo; Cùm scilicet ita sapientissimi Protoplastæ scopus ac mandatum, multiplicatio Generis Humani nimirum, imminuatur ac eludatur; ac Joh. Bened. Sinibaldus in Geneanthropœiæ Libri 3. Tract. 2. cap. 3. f. m. 358. variorum Autorum

testimonia adducat. Eunuchorum animos mutari, evadere dolosos ac pravos; nec unquam castratum fuisse optimi intellectus ac bonorum morum. Accedit, quod Divinus Legislator, Moyses in sui Deuteronomii cap. 23. v. 1. talibus vetet, intrare Ecclesiam; quod dictu sanè horrendum; Misera-biles isti insuper peculiare quasi ac novum Hominum genus constituere cogantur, nec in Virorum, nec in foeminarum, imò nec in abjectorum Hermaphroditorum Societatem assu-mendi; Adhuc eorum vigor, generositas, sermo & fortitu-do virilis in muliebrem molliem metamorphisetur. Vi-deant igitur illi, mutilationem hanc ac Sophisma Naturæ mandantes ac perpetrantes, quomodo inusta hæc Conscientiis suis cauteria in extremò judiciò sint excusaturi. Si testium & sic virilitatis privatio in nonnullis esset excusabilis, optarem Ego, ut Justitiæ administrator, Magistratus politicus, consul-tum judicaret, castrare lascivos istos hircos aphrodisiacos, vel tauros in Venerem illicitam ruentes; vel impiam illam ama-fiorum sectam, qui sine vocatione legitimâ, nec invitati in negotiò conjugiali maritorum invitores sese exhibent sub-stitutos ac vicarios. Et hoc quidem fieret eò citiùs ac faciliùs, quod isti justâ poenâ Divinâ sibi ipsis sæpiùs abbrevient so-cium, quem diligit uxor, mediante Morbò Gallicò, quem vocant; dum scilicet ulcerosus ac putridus redditur, & per consequens illi Liberorum generationi ac ad licitam in vene-reis castris militandi methodum inhabiles evadant; insimul-que misellos istos Cornigeros aliorum ludibriò non modò ex-ponant; sed etiam inde variis peccatis ex irâ, vindictâ, mœro-re, natales trahentibus fenestram aperiant.

Sed ad rem ipsam: Testium excisio in brutis variis per-acta, leviori subjecta est censuræ, quippe quæ ut plurimùm in humani generis vergit commodum: Rarò occurrit histo-riæ sequentis cognata: Die 14. Augusti, præteriti Anni 1688. duobus à Gothâ, Serenissimi nostri Patriæ Patris, ac Saxoniae Ducis, Friderici sede milliaribus, propè arcem Tannebergam
in





in confinibus amplæ Sylvæ Thuringiacæ, more Venatoribus nostris consuetô venatio instituitur mediantibus linteis ac re-
tibus. Dum Serenissimi Duces ocularibus plagis expectant
suæ internecioni obviam euntes feras, ecce! inter alias prodit
cervus peregrinus, insolitæq; molis; sed dictum factum, glo-
buli violentiâ fati sui finem experitur. Cadaver more solitô
ponderum examini commissum superavit quinque centena-
rios; ubi simul observatur, eum olim fuisse castratum, locoq;
cornuum ostendebat binas protuberantias crassas, pugnos
moleferè æmulantes, quas clariùs manus pictoria communi-
cabit. Plerique Rei venatoriæ periti credebant, hunc à quô-
dam Magnate curiositatis gratia olim in talem statum esse re-
ductum; Mirabar Ego præcipuè, principiis physicis aures mi-
hi vellicantibus, castrationem hujus bruti naturam adeò inver-
tisse, ut materia cornibus aliàs destinata iisdem generandis am-
plius non suffecerit; sed analogum saltem quoddam ab Ar-
chæo fuerit protensum. Alius rem venatoriam diuturnâ ex-
perientiâ optimè callens Vir generosus postea mihi retulit, de
unô alterôq; simili exemplô sibi certè constare, tantum autem
abesse, ut Magnates testium privatione cervos impotentes red-
derent, ut potiùs ipsis, si possibile esset, virtutem generandi du-
plicarent, aut triplicarent; Castrationes verò tales institui à
rusticis & opilionibus ob frumentorum ruinam cervorum,
multiplicationi indignantibus; si igitur uni alteriçue horum
licuerit esse tam felici, ut offenderet in sylvâ pullum cervinum,
jam dictam operam clandestinè exercent, cùm illos enecare
carissimô redimere pretio cogantur. Confitebatur insuper,
cervos castratos nunquam amplius à Naturâ cornibus ornari
solicis suo generi; sed horum locô gestare saltem dicta tuber-
cula ossea; ubi insimul notatu dignum, hæc per vitam ipsis ita
constanter durare, nec amplius, uti cornua aliàs solent, annua-
tim decidere.

Fig. XXXIV.

OBSERVATIO CLXIX.

D. GABRIELIS CLAUDERI.

Sanguis ferè albus, additò serò chylosò,
sine sanitatis damno aliquot an-
nis durans.

Nobilis quidam quadragenarius, habitusque athletici, uti ingeniosissimus bellariorum in gulæ suæ favorem erat inventor, ita quoque quot diebus serium sese Hectorem in hisce ingurgitandis exhibebat, eaque asumpta largò, & eò quidem non minùs pretiosò ac jucundò inundare potu callebat; neque illa, quæ ita ingerebat, malè digerebat, aut postea per alvum indebitè egerebat; atque ita sanitate utebatur satis vegetâ. Cùm autem sanguis plethoricè augebatur, accedente corpulentia, autor ipsi eram, ut post sumtum laxans venam secari curarer. In vicem autem, quod sanguinem boni commatis prodicendum mihi promiseram, apparebat sanguis quoad potiore substantiæ suæ partem albus, adsociatus serò largò chylum indigestum æmulante. Metuebam primò latentem vehementem cachexiam ob pessimè disposita viscera chyli- & sanguificantia, cui non è longinquò sæpiùs apoplexia adest pedissequa. Proinde pro majori cautelâ consulebam chyli laudabilioris generationi, Balsamiq̃ue vitalis in massâ sanguineâ restorationi per Medicamenta è Sulphure, Terrâ Catechu, Mumiâ, Elixire Proprietatis, Sale Volatili oleosò Aurantiorum succurrere. Verùm observans, illum sibi semper eundem, id est sanum, manere, re adcuratiùs ventilatâ, inveni, hoc adscribendum esse cibo ac potui, uti liberaliori, ita laudabiliiori; dum scilicet chylus copiosior & pinguior per Mesenterii vasâ ac glandulas non ritè digestus & transcolatus massæ sanguineæ intrusus & obtrusus partes suas sulphureas tam subitò ac decenter in solitam rubedinem exaltare

altare nequit. Quâ de re consuli quoque poterit Ephemeridum nostrarum Anni ultimi Observatio 65. cum annexo Scholiô Schröckianô curiosô. Dictus ille Nobilis, de quô jam nobis res est, non paucos annos satis incolumis consumebat; successivè è variis catarrhis varia patiens, lentô gradu ipsâ cæcitate subsequente; usquedum Senex suprasexagenarius mediante apoplexiâ Naturæ debitum solveret.

OBSERVATIO CLXX.

D. GABRIELIS CLAUDERI.

Trifolium quadrifolium.

NE Philoboticorum hôte annô me oblitum esse, accusari possim, lubet illorum meditationibus curiosis sequens offerre: Naturam aliquando extra orbitam & Leges à Naturâ naturante, DEO, sibi præscriptas extravagari aut ludere, uti in omnibus Creaturis, ita non minus in regnô vegetabili, singuli illi nôrunt, qui dictum hoc regnum nôrunt & excolunt. Prodeat jam è pluribus spreta quidem, at amœna illa herbula, *Trifolium*. Hæc ut plurimum tribus constat foliis, veluti nomen impositum, & autopsia, invictus ille testis, testatum eunt; Aliquando tamen est quadrifolium; siquidem nota est ab hujus raritate orta vulgi opinio, eaque satis superstitiosa, si quis, casu quidem fortuito, reperiet tale trifolium quadrifolium, idque secum portet, fortunâ uti sibi mirum-quantum favente; sed anile hoc est, fabula est. Scrutatu tamen dignius, magisque curiosum jam substituo: Fœmina verè pia & honesta, in hortô vel pratô trifoliferô ambulans, dicta talia quadrifolia pro luitu quasi, & quotquot horum desiderat, subito potest invenire. Cùm hæc Uxori meæ, nunc desideratissimæ, ob consanguineitatem fuerit summè familiaris, non rarò eveniebat eô anni tempore, omnia dum rident, dum formosissimus annus,

nus, ut in hortō conveniremus, ac cœnaremus. Insolitâ igitur rei novitate ac curiositate stimulatus, cum aliis amicis aliquoties circulō circumscripsi areolam horti paucas ulnas longam - latam; In hâc coelō planè serenō, ac dum sudum erat, oculos nostros fatigavimus; verūm sæpè frustraneō effectu, adeò, ut vix unicus in unicum vel alterum quandoque inciderit. Laudata fœmina è longinquō adstans amicō jocō Nos subsannabat, atque nobis quasi indignabundis inquirere cessantibus, tentabat ipsa, obiter illud idem tractans, quod factum oculis nostris lynceis ac avidis negaverat; Et dictum factum, spatiō minimi tempusculi dictæ herbulæ 20. ad 30. & quod excurrerat in locō circumscripto subridens nobis stupentibus monstrabat, decerpebat, exhibebat. Causam Curiosi hujus genuinam me latere, ad τὸ ἐπιγινώσκω confugiens, fateor; neque illam sufficientem hucusque mihi exponere valuerunt diversi rerum physicarum satis periti, à me ideò interrogati. Ita persæpè ludit in Humanis Divina potentia rebus; nostrisq; Posteris, tenui quidem meō judiciō, enodanda ac ventilanda nonnulla reservat.

OBSERVATIO CLXXI.

D. GABRIELIS CLAUDERI.

Capra pariens foetum humano analogum
mortuum, & simul caprum.

INter innumeras summè mirandarum Creaturarum myriades, quas infinita Divinæ Majestatis Omnipotentia fieri jussit, & adhuc conservari jubet, tenui quidem meō judiciō, palmam singulis præripit Mundus ille concentratus, Homo vel Microcosmus. Rem hanc clarissimam tædiosis ambagibus confirmare velle, tam inutile censeo, ac si splendente Sole lucem accenderem. Hôc in opificiō humanō summè stupendô summè stupendus est præ aliis omnibus Hominis ortus, & ge-

& generationis opus, præprimis accedente felici nostrò hœc sæculò curiosissimâ de ovario muliebri notitiâ ; quod tamen plures frigidis vel ad summum tepidis cerebri spiritibus ventilare solent. Ille, qui è nihilò omnia creavit, jussit per imperiosum suum: Crescite & multiplicamini, in primâ rerum creatione creaturas quascunque, ut similis simile generando suum genus conservet & augeat; quod etiam plerumque ita peractum, & peragitur hucusque. Accedit tamen dolor! aliquando malitosò Diaboli dolò, ut abominabile illud peccatum, quod Sodomæ justa ira Divina pluvîâ igneo-sulphureâ puniebat, à semibrutalibus istis libidinis mancipiis exerceatur. Cujus generis historiam invitus profero sequentibus: Annò præteritò 1688. circulum suum dimidiâ tantum non parte absolvente, in pago Schlehenhayn, duobus miliaribus abhinc distante, sub Præfecturâ Electorali Bornensi, capra, quæ antea aliquoties pepererat fœtus suo generi conformes, modòque à Naturâ institutò, excludit fœtum mortuum, humano quoad plurima similimum, scilicet penitus nudum & quoad cutem album; caput rotundum rotundas gerebat aures; locò oculorum foveæ præsentès aderant, ut ita plenariam nondum obtinuerint perfectionem, vel fœtus aliquot jamjam diebus in Utero erat mortuus; siquidem posticâ sui parte ad putredinem inclinabat; pedum & manuum vel quatuor pedum extremitates ad caprinam ferè accedebant figuram. Partus alter, genuina nimirum capra, elapsâ horâ unicâ priorem insequēbatur, & quidem vivus; paucissimis tamen post diebus moriebatur.

Ludit quidem natura errans in conceptionibus monstrosis, de quibus integri Libri plures observationes & sua symbola nobis admetiuntur; Maxima suspicio tamen hoc in casu accusare videtur coitum humanum, quâ de re arduâ hic philosophari amplis verbis, Leges Collegii prohibent, ne longius excreſcant mea communicata; Proptereâ curiosum Lectorem ablegatum volo ad Casp. Schotti Physicam curiosam, ubi varia

ria è Deusingiò, Fortuniò Licetò, & aliis ventilata ac contraversa offender. Anatomico cultro lubenter subiecissèm, nisi jamdum per dies octo fuisset sepultus, dum rumor ad meas pertigit aures. Dictæ Præfecturæ Bornensis Ephorus, Dn. Elias Liebelerus, Vir honestus & curiosus, hærebat dubius, num ob Sodomiticum facinus inquireret; Cùm autem Petrus Renkerus, Paterfamilias, aliique capræ viciniore viræ integritate, ac à sceleribus puritate sese commendarent, suspicio in nulum cadere poterat, ideoq; inquisitio mittebatur.

OBSERVATIO CLXXII.

D. GABRIELIS CLAUDERI.

Pullorum Cuculi exclusio vera.

SI ingratitude quidam est arguendus, illum ingrati Cuculi nomine proclamari, nòrunt etiam pueri Linguae Latinae adhuc insugentes. Natales autem debet hoc diciturum cuidam non planè veræ opinioni historicæ, quasi Cuculus foemina ova sua supponeret, excludenda minutula illi aviculæ. Ficedulæ, *der Grasmücken*; exclusus autem pul-
lus postea matrem devoraret obstetricantem. Ut veritatem vel fabulam hujus rei communicare possim Orbi avido ac dubio, cum Amico adcuratè observavi nidum Cuculi eò tempore, quò aves pullos suos excludere solent, & ova ibidem nulla inveni; invenimus autem eadem (quippe quæ colore variò aut puncticulis distincta facile possunt ab aliis dignosci,) imposita nidulis in eodem horto existentibus Ficedularum (*derer Grasmücken*) Motacillarum (*derer Bachstelzen*) & Parorum. Vidimus quoque, dictas aviculas ovis diligenter & cautè incumbere, usquedum Cuculi exclusi more solito implumes ab hisce nutricibus maternè nutritæ, ac postea pennis præditæ abeant, excedant, evadant, erumpant ingrata.

Quòd

Quòd autem Cuculi isti juniores dictas postea devorent nutrices, veritati neutiquam est consonum; cum ab habitu ingratorum istorum pullorum aviculæ piæ, veluti antea fuerint conspicuæ; Quæ devoratio ideò quoq; præsumenda non est, cum Cuculus inter aves rapaces à Physicorum nemine, quantum mihi quidem constat, numeretur.

OBSERVATIO CLXXIII.
D. GABRIELIS CLAUDERI.

Effigies sudans.

STatuas aliquando sudasse, aliquot profert Historias post sua fata adhuc vivens, & victurus, quamdiu vivent, si quidam victuri sunt, Posterì, Thom. Bartholinus, Historiar. anatomicar. Centur. 5. histor. 93. & causam occultiorembesesse statuit. Simile ferè exemplum observavi, dum Anno 1669. die 16. Junii effigies pileatoris, ante decennium jamdum mortui, in hypocauisti penitus lignei pariete simili suspensa, ante istius obitum quoque picta, in Urbe nostrâ per viginti quatuor horas sudaverit serum salsum, idque copiosum è regione thoracis, primò lateris dextri, dein quoque sinistri; Talis sudor triginta sex horis elapsis denuò rediit, duravitque itidem triginta sex horarum spatiò. Adcuratè sanè & seriò in causas sudoris hujus physicas inquisivi, num fortè externum aliquod accidens causam occasionalem ei præbuerit; sed prægnantem & constantem sanè nullam invenire licuit; cum è naturalium rerum abyssò sufficientes extorquere summè sit difficile; Ego econtra supersticiosa vulgi nimium creduli omina penitus averser. Nihil mali tamen inde successit aut Urbi, aut Viduæ, aut ejus Familiæ, successit verò paulò post Publico non parva calamitas; quod aliorum Censuræ relinquo; neutiquam similia pro nihilò planè habenda judicans; siquidem talia aliquando contingere, consentient mihi Christiani

& experti Physiologi; veluti quoque de vagitu foetus uterino mentem meam detexi tertio abhinc anno Ephemeridum nostrarum Leopoldinarum.

OBSERVATIO CLXXIV.

D. GABRIELIS CLAUDERI.

Odontalgia violenta causa vermis,
dentis inquilinus.

SI Odontalgia externam faciem, ejusque circumstantias spectes, videtur esse vix tantilli pretii, imò magis adhuc vilipenderetur, nisi aliquando sensus sui atrocioris penetrabilitate formidabilem sese redderet, insimulque eluderet medicamenta è subtilibus aliàs sagaciorum cerebellorum spiritibus propullulantia. Causam autem infelicium talium effectuum plerumque hærere in causâ non adcuratè cognita videtur, quippe quæ modò huic, modò illi subiecto diversissima esse solet; Ut proinde dubium sit, qualis duro huic nodo cuneus idoneus & sufficiens, an narcoticus, calidus, frigidus, &c. sit opponendus. Sic sexagenario major, è Germaniæ Primatibus quidam, diversis annis dura varia patitur à catarthis, quos vocant, modò ipsum caput, modò thoracem, modò artus dolorosè ac impetuosè turbantibus; qui quidem natales debebant cruditatibus massæ sanguineæ per diætæ errores excitatis; Tandem lymphæ acris p. n. hinc inde vagans sibi hospitium quoque eligit in dente aliquò, & quidem tantò Hospitis tædiò, ut hasce molestias podagricis doloribus aliquando majores æstimaverit. Opposita medicamenta multum aliàs valentia, hîc nihil valebant, exhibita à Medicis ordinariis, & aliunde advocatis; nonnulli dentis evulsionem suadebant; sed cum non fuerit cariosus aut cavus, sed integer, & ob aliud contraindicans aliis displicebat.

Acci-

Accidebat autem, ut Empiricus, qui è dentium adfectibus insignem sibi gloriam, suæque crumenæ turgidæ solatium comparaverat, more huic sectæ communi oberrans urbem transiret. Medici ordinarii de dolore sopiendò solliciti, ac expendentes, quantum Hygæa nostra debeat Experientiæ, ægroto adducunt dictum Medicastrum, qui visu & tactu examinans accusatum illud perfidum membrum, (utinam otiosum ac pigrum!) liberâ voce ac mente, tanquam è tripode, statim proclamat: Dens hic quoad interiora est cariosus & cavus, domicilium exhibens vermi vivo; ideoque in evulsione ejus primarium consistit auxilium. Medici quodammodò rubore perfusi, ægrò consentiente, consentiunt. Iste feliciter evellit dentem exteriùs ferè ubivis, præcipuè versus radices magis sensibiles integrum. Dum Medici quasi attoniti hunc inspiciunt & ventilant, ac verentur, ne ullum doloris futuri alleviamentum sit sperandum, agyrta ille petit aciculam minimam, vel porcinam setam, eamque intrudit foraminulo minimo in dentem penetranti; arreptòque malleò dentem frangit, unde subito, veluti histrio quidam prosilic vermis vivus, illis similis, qui è caseò putrescenti oriuntur. Statuebant inde Medici, causâ ab effectu & à posteriori depromptâ, per istum canaliculum denti successivè intrusas fuisse portiunculas cibi ac potûs, quæ ibi retentæ putredini lentæ, & hâc obstetricante materiam vermi præbuerunt.

Patefcit inde, cur omnia remedia, vel narcosin, vel causam calidam, vel frigidam respicientia modò methodicè, modò ab aliis empyricè exhibita irriti fuerint effectûs; dum scilicet singula illa neutiquam extiterint pro palatò vermiculi, quippe qui nutrimentum à Naturâ sibi, uti omnibus creaturis, promissum necessariò desiderans, nec obtinens, ad furibundam indignationem per vices, famis jussu, fuerit laceratus, usque dum dictò modò ac in suò genere generosè mori fuerit coactus.

OBSERVATIO CLXXV.

D. GABRIELIS CLAUDERI.

Rara in Geminis animorum & corporum similitudo.

Observationum mearum hoc annô communicatarum nonnullæ mentionem faciunt inter miraculosarum creaturarum myriades adhuc magis miraculosæ structuræ Hominis, vel ædificii Microcosmici, ac in hac summè miraculosæ conceptionis, generationis ac partûs. Subjungere placet neutiquam minùs miraculosam Geminorum (*derer Zwillinge/*) formationem, & quæ huic miraculosè succedunt.

Hosce igitur ob nutrimenti identitatem non modò quoad figuram externam, sed & internas animi operationes sibi ut plurimum assimilari, in vulgus notum est quidem, rarum tamen & jucundum exhibeo testimonium: Viro magnifico nascebantur Geminæ sanæ; hæ ab incunabulis non modò, si consideres ea, quæ ad externa spectant, formam, vocem, gestûs, & centum alia, sibi semper fuere adeò conformes, ut etiam à Parentibus & domesticis vix discerni invicem potuerint, ac ovum ovo vix similius; sed etiam quoad interna unanimis prodebant mentis effectûs, mirandamque sanguinis sympathiam, ut idem ferè semper senserint, simul obambulerint, imò eosdem morbos, non modò quidem variolas & morbillos, sed & alios, v.g. vomitûs, obstructions mesenterii, tumultûs hypochondriorum, uteri, &c. non sine omnium stupore fuerint passæ; accedit suavissima illa harmonia conjugialis, quam sine delectabili risu vix percipiet curiosus Lector; dum scilicet nobiles factæ, ac honestus juvenis unam in matrimonium decenter ambiverat Parentibus consentientibus, altera sororis sponso externis, iisque licitis ama-

amatoriis ceremoniis pari modò ire obviam allaborat. Postquam verò paulò post & altera idem cum Proco fatum experitur, hæ ambæ inter amasios suos pudici amoris ebullitiones, methodis quidem honestis, reciprocè dividebant, alternabant, miscebant, conjungebant. Cùm decem milliaribus à me distent, hætenus ob alia magis necessaria de ulteriore harum vivendi modò inquirere, non licuit. Num simul quoq; & unanimes Mundum sint egressuræ, veluti ingressæ ac progressæ, dies docebit.

OBSERVATIO CLXXVI.

D. GABRIELIS CLAUDERI.

Excrescientia carnosa super corneam oculi
dextri tunicam.

SI ab aureò illò suspiriò: *Orandum est, ut sit mens sana in corpore sano*, discedere nos Christianos haud decet; sanè rebus suis benè consulit, qui subjungit: *Orandum est, oculi ut sint sani in corpore sano!* Visu enim officiò suò non fungente, myriades miseriarum Reipublicæ Microcosmicæ inde ingruentes enumerari possent; DEO insuper ac Proximo debitum debitè solvere impedimur. Labet in Practicorum juniorum gratiam ac commodum proponere casum tam per se rarum, quàm ratione remediorum oculo patienti adplicitorum ipsis utilem futurum: Viri generosi ruri degentis Filio novienni corivalis inter petulantia puerilis exercitia pulverem calcis vivæ pro domò exstruendâ copiosè præsentis faciei ac oculis inspergit; Oculi similium impatientes statim inde concipiunt inflammationem ac dolorem non parvum. Die sequenti accersitur ex Urbe vicinâ Chirurgus, qui locò lenientium ac mucilaginosorum adhibendorum oculo præprimis dextro pejora patienti immittit oleum hepatis mustelæ piscis. (von Altraupen/) Hoc in suffusione ac aliis non modicum

dicum quidem solatii aliquando affert; Verùm uti hîc extra rhombum, præcipuè non recens, & rancorem ac acorem manifestè ostendens adplicabatur; ita status quoque in deterius vergebat; propterea advocabatur quoque Medicus experientissimus, cum Chirurgò saniùs sentiente. Quamvis autem ab his fuerint peracta cautè varia, quæ ratio ac medendi methodus dictitabant, nihilominùs carnosà excrescentia (eint Fleischfell) è canthò oculi per tunicam corneam adeò sese dilatabat, ut huic palpebram connexerit, imò & pupillam transierit, & per consequens spiritûs hujus oculi visivos feriri mandaverit. Medicus providus cum Chirurgò, aliisque in consilium vocatis prognostico tandem ægrum relinquunt, ac Dn. Parenti, hoc malum sine carnosæ partis excisione, quæ tamen in corpore tenellò ob suetum inflammationis, ulcerisque cancroso infecuturi summè dubii eventûs, tolli non posse, detegunt. Parentes, ne aliquid intermisisse accusari possent, aliunde auxilium quæsitura, mihi ac Joh. Hilschero, solerti Chirurgo nostro aulico Filiolum concedunt. Nos sectionem modò dictam itidem magis noxiam, ac utilem judicantes, aliunde opem quærere non poteramus, quàm per medicamenta hanc carnem absumentia; proinde applicuimus successivè, vigili quidem mente ac manu varia; cum dubius remediorum eventus certæ desperationi sit anteponendus. Quod interna attinet, & pro affluxu seri p. n. revellendo ac pro causæ ratione exhibui aliquoties pilulas leniter evacuant; Pro malsâ sanguineâ verò depurandâ Essentiam Mumiæ & Elixir Propriet. alcalicum, Sal volatile oleosum Succini, Pulveres Cinnabarinos cum Succinò, & alia. Externè verò, præter adhibita vesicatoria, sternutatoriaque remediis inter dictorum usum ita procedebatur: Aliquot diebus oculo Chirurgus indebat pulverem subtilissimum è conchis, additò modicò Pulveris Radicis Symphyti; simul circa oculi regionem illitâ Aquâ Ophthalmicâ cum Vitriolò albò, & Extractò Saturni, vel Minii. Post quatuor dies mediante spongiolâ bacillo

bacillo alligatâ Chirurgus dictæ hujus aquæ portiunculâ ter in die cauſſimè tangebatur aliquam carnoſæ excreſcentiæ partem. Hâc aquâ aliquandiu ita continuatâ, tetigimus modò dictam carnem ſpongiolâ pauciſſimum Spiritûs Vitrioli, partim rurfus exſiccari, continente; Poſteâ paulò liberius jam notatum Spiritum in lignò ſubtiliſſimò exſiccatum admovimus methodò jam deſcriptâ, ægrotò de dolorosâ ſenſatione non adeò conquerente. Ut neceſſaria medicamentorum varietas obſervetur, & alternatio, Chirurgus poſteâ ſpongiolam vel lignum parcè humectavit lixivio illò fortiffimò, unde ſapo excoquitur, inſpiſſatò, eòque tenerriè tetigit carnem immorigeram. Ne autem fortassis hæc corroſiva, licèt moliusculè indita, aliquam oculo parerent noxam, aliquando inſtillabatur parum lactis Virginis, quod dicitur, id eſt, aceti dulcis è lichargyriò. Poſtquam hæc ita ſex ſeptimanis, & quod excurrit, ſummè tædioſò labore & cautelâ fuère tractata, affulſit ſpes optati effectûs nonnulla.

Antequam modò enarrata remedia oculo inſtillabantur, aliquoties priùs tentabamus, num inſtrumentò ſubtili caro hæc ſylveſtris poſſit elevari, & à tunicâ corneâ modeſtè ſeparari, & dein à factâ incifione exſiccari, poſteaque plus ultra procedi; ſed oleum operamque perdebamus omnem; ideoque jam enumeratos liquores immittebamus ſucceſſivis & alternativis vicibus. Nihilominùs poſt frequentes hæc inſtillationes denuò tentabamus elevationem & ſeparationem carnis ſuperfluæ à tunicâ bis in die, mediante ſtylò ferreò ſubtili rotundò, non acutò; Cùm ſtylus hicce duro huic nodo non videretur ſufficiens cuneus, Chirurgus ei ſubſtituebat magis latum, nec tamen & hunc acutum; Hic aliquid pro votò ac ſcopo noſtrò feciſſe videbatur; plus ultra progrediendo, ei ſubſtituit Chirurgus ſtylum modicè acutum, illi quodammodo ſimilem, quò venæſectio peragitur, cauſſimis tamen digitis admotum; Et hoc quidem ſucceſſu adeò felici, ut caro iſta tunica palpebram adnectens, ac pupillam operiens fuerit

Dec. II. Annus VII. Uu ſepa-

ſeparata & elevata, exſiccationem, vel invita, promittens. Idem de parte illâ oculi canthum tegente, utpote craſſiore, non minùs ſperabamus; proinde nihil præter lac virginis inſtillavimus. Dictas hasce moleſtas inciſiunculas per ſex ad octo ſeptimanas dum adhuc continuavimus, pars quoque interior palpebræ à carne tunicæ penitùs fuit liberata, ut & bonâ ſui parte reliqua carnoſa portio corneam tegens, & exſiccata, poſteà facilè tollenda.

Post varios caſus, poſt tot diſcriminare rerum dum victoriam & triumphum inſtare nobis promittimus, Fati inclementiâ, ac nobis talia vix cogitantibus evenit, ut ægroto ſocius quidam accedens malitiâ puerili perſuaſerit clanculùm, ut tam diu tantas moleſtias à nobis toleratas ulteriùs perferre denegaret, quas hucusque præter ætatis ſuæ genium rariſſimâ patientiâ, blandis quidem verbis ac variis promiſſis à nobis ſtimulatus, ſuperaverat; proptereâ noxiâ capitis agitatione, ac impatienti corporis motu impediēbat adeò felices manûs effectûs, meliora propediem promittentes. Cùm itaque tam immorigeram ob reluſtationem ſtyli acumen oculo agitato applicare, ſine ejusdem vulneratione fuerit impoſſibile, poſt paucos dies denuò coaleſcere palpebra & cornea tunica mediante carne dictâ, ac omnia in pejus vergere cœperunt; proinde Generoſo Dn. Parenti infelici Filium infelicioſum non ſine inſigni cordoliô ac impatientiâ domum remiſimus. Poſt hæc Dn. Parens ſummè ſollicitus uni alteriſque plurimâ experiētiâ aliàs ſeſe Orbi commendanti concredidit, qui varios liquores inſtillârunt; ſed eventu ſingula facta fruſtraneò, dum hæc ſcribo, ac infauſtò.

OBSERVATIO CLXXVII.

D. GABRIELIS CLAUDERI.

Mercurius è metallis & mineralibus copiosè
ac facilè obtinendus.

Industrios rerum naturalium Scrutatores miris sanè modis
torfit & exagitavit, si quid aliud inter Creaturas humanis
usibus à Creatore summò destinatas mira illa creatura, Mer-
curius vivus; & quæ inde succedunt, ex abditò Terræ sinu
prodeuntia. Si enim à re medicamentosâ chymicâ exordiar,
Hygæa nostra vix aliud reperiet in amplissimò suò cornu co-
piæ, quod tam laudabili superfluitate nobis & ægrotis adme-
tiatur sua auxilia, quàm dictus Mercurius vivus, & quæ inde
componuntur; dum scilicet exhibet purgantia, sudorifera,
confortantia, purificantia, vulneraria, & quæ his analogæ, &
vicariæ, tam interno, quàm externo usui destinata. Si Me-
dicamentis relictis progredior ad Alchymiam; In hujus asse-
clarum tantùm-non omnium ore crepat quotidie Mercurius,
dum alii in illò veram Lapidis Philosophici materiam hæere
credunt; alii ad minimum in metallorum arte transmutato-
riâ felicem eventum sibi promittunt; imò, quod non negan-
dum, è plurimis talia tentantibus uni alterique aliquando
licet esse tam felici, ut, quod optat, obtineat, quod Theoph.
Paracelsi, & aliorum exempla evincunt. Si perrexero ad alia
vitæ genera, obstupesco sanè, æquâ mente ventilans, quantis-
quantis curiosorum artificum mechanicorum, ac variorum
aliorum turmis operam suam exhibeat ille idem.

Cùm igitur Mercurius natus, vel è scoriis mineralibus
erutus tantæ sit utilitatis, variorum seculorum tempore tam
Chymiatræ, quàm Alchymici innumeris modis animos ac cor-
pora fatigârunt, ut è substantiis metallorum, mineralium, ac
similium rerum Mercurialem separarent, atque exaltarent pu-

ritatem. Factum autem illud est, ut plurimum sine operantis desiderio nequaquam respondente; Et hoc quidem adeo frequenter, ut primi subsellii quidam Medici minimè dubitaverint, anxie quæsitos istos Mercurios planè pro non-Entibus vendicare. Verùm enimverò seculò hocce nostrò, rerum eruditarum promocondò fertilissimò, per multiplicem experientiam nullis rationibus theoreticis refutabilem aut infringendam possibilitas hæc adeo inclaruit, ut cogamur exclamare: Quantum est, quod ignorârunt Antecessores nostri, ad alia in Arte nostrâ prudenter ac benè gerenda, excolenda, noviterque inventa amplificanda satis lyncei, sagacissimi, suâque laude ideò dignissimi. Similia diversa specimina oculis nostris non tantùm exponunt hodiè Libri Chymicorum impressi; sed & variis privatim innotuerunt, è centum saltem unicus prodeat, nimirum Dn. D. Wedelius, Jenensis ille Phosphorus, qui Mercurii Saturni possibilitatem improvisò inventam Ephemeridum nostrarum Leopoldinar. Decuriæ II Anno II. inseruit; Cui adsentiunt plures curiosi alii, ultimis hisce annis, profitentes, Mercurificationem hancce tam tædiosis laboribus, tam insignibus sumtibus diu à multis frustrâ quæsitam, imò pro impossibili habitam facile ac levibus enchirisis è quocunque metallò ac minerali possibilem demonstrari posse. In horum fidem adnectere cogor, Amicum Medicum, jam proposita vera esse, sanctâ fide mihi asseverasse, imò diversorum Mercuriorum specimina oculis meis avidis obtulisse; unde audebam petere, velit modum parandi fidei ac curiositati meæ concedere; sed hoc responsi reponebat: Modus, Mercurios è metallis & mineralibus in copiâ eliciendi, à Comite quodam philochymicò magnò, eâ mihi conditione communicatus est, ut nulli unquam, nedum Filio meo detegerem; fidemque juramenti locò, ut confirmem, coëgit, quod & Ego rei huic avidissimè inhians præstiti; quod hucusque pluries dolui; aliàs sanè Candori Tuo paratissimus essem in detegendò hoc arcanò; si modò arcanum est appellan-

landum; siquidem methodus parandi est minimi laboris, minimorum sumtuum; Copiam Mercurii ita parati offero, quantum hujus desideras; siquidem diversos horum diversis usibus destino; Verùm mors inopina paulò pòst Eundem plurimis meditationibus ac laboribus consumtum Curioso Orbi eripiebat. Gratulamur proinde tempori præsenti, quòd artes nostræ chymicæ superioribus sæculis successivè ac lentè necessariis radicibus positis, jam flores & fructus protrudant incomparabiles; Divinam Sapientiam humilimè rogitantes, velit porrò pro Nominis sui gloriâ ac Proximi commodò fertiliores ac illustriores reddere, ut inventis inventa addamus, neque eadem postea aliis invidemus; sed veluti coelitus ea gratis accepimus, ita quoque gratis Publico reddere allaboremus.

OBSERVATIO CLXXVIII.
D. GABRIELIS CLAUDERI.
Speculorum confectio.

Cùm in præcedenti Observatione mentionem fecerim, Mercurium non modò Chimiatri, sed etiam pluribus curiosorum artificum mechanicorum generibus communem exhibere materiam, placuit è largissimâ hâc farragine unicum producere; nimirum, quomodo mediante illò curiosissimus, jucundissimus ac utilissimus labor, speculorum confectionem intelligo, instituatur, & quidem sine radiosus ac gravibus molestiis; nihilominus ingeniosus etiam Lector speculum aut corporis aut mentis oculis adspiciens stuporem ab hoc inventò uti exhilarante, ita mirabili sibi extorsum fatebitur. Me quidem non latet, hoc opus multis artificibus ac Mercatoribus innotuisse; sed sibi ac suis lucelli gratiâ ac nummorum aucupio arcanè reservari; proinde eruditius rerum naturalium admiratoribus, quippe cum quibus mihi res est, hoc detego; unde nihil damni accedet reliquis;

semper enim animum eò intendi, ut nemo lædatur, econtra cuilibet suum tribuatur. Sequenti autem methodo procedat operator: Paretur folium aut lamina tenuis, Talerum crassitie non planè æquans, è stannò purò, sive ea sit rotunda, sive quadrangula, sex- vel octangula, prout speculum desiderat oculus & manus opificis; Hæc optimè fricetur ac lævigetur cretâ subtilissimè pulverisatâ, pro removendâ omni impuritate. Tunc dictæ laminæ illinatur Mercurius vivus, usque dum hæc mollescat quasi; postea imponatur eidem vitrum, laminæ dictæ stannæ figurâ simile, ut ita Mercurius sit medium inter laminam ac vitrum; Hæc unita in declivi ponas aliquot diebus, ut Mercurius superfluous exstillet; vel modestâ compressione eum exprimas, vel effluere jubeas; Unde evenit, ut lamina vitro amicè & adcuratè uniatur, ac generetur foetus ille pulcherrimus, delicatissimus. Hòc ita absolutò nonnulli laminæ stannæ inspergunt arsenicum subtilissimè pulverisatum pro commodiore exsiccatione; Postea speculum immittatur tabulis ligneis, donec planè fuerit exsiccatum; & sic obtines inventum, cui ipsa etiam invidia blandiri cogitur; de quò more suò, id est, elegantissimâ ingeniositate loquitur incomparabilis Owenus:

*Cuiq; suam reddo faciem, mihi reddere soli
Nescia, nec vitâ pradiata, nec facie.*

[Altenburgo A. 1689. d. 21. Januar. Noribergam missa.]

OBSERVATIO CLXXIX.

D. FRIDERICI WILHELMI
CLAUDERI.

Debitus pulsus investigandi locus.

Pulsus in diversis quidem corporis partibus, nimirum ubi arteriæ carne crassiori musculosâ non sunt tectæ, percipi posse, & Medicinæ Tyronibus notissimum est.

Soli-

Solicus tamen ac usualis locus est in interiore manuum Carpi parte; aliquoties tamen observavi Pulsus ibidem frustra inquiri; è contrà in superiore vel exteriori Carpi parte, vel manu externâ, aut etiam ejusdem lateribus manifestò percipi, cùm majores vasorum rami situ suò variè ludant. Proinde cautè hâc in re est procedendum, nec in consuetò Carpi locò Pulsus solummodò quærendus, sed providè & accuratè tangendo, ulterius progrediendum; aliàs illudunt ægrotantis sanitati, & ab aliis aliquando intervenientibus illuduntur improvidi Medici, juxta Tulpîi monitum Observat. Medic. lib. 3. cap. 45.

OBSERVATIO CLXXX.
D. FRIDERICI WILHELMII
CLAUDERI.

Pulsus per triginta sex horas ante obitum
cessatio.

Pulsus indicare, quomodo Balsamus vitalis calor innatus & Spiritus sanguinis, hujusque circulatio, ac per consequens ipsa vita sit disposita notum etiam est lippis ac tonsoribus; Hinc quodcumque Pulsus apud ægrotos magis magisque fit debilis, ac tandem planè cessat, certa præstò est ejusdem pedissequa, mors, vulgari, eâque per rationem & experientiam confirmatâ opinione. Quamvis autem è Pulsus dispositione virium, imò vitæ cynosurâ dictò modò hauserint & adhuc hauriant Medici methodici; nihilominus hætenus observavit horum unus alterque, plenam ejus ad certum temporis spatium, absentiam; veluti aliàs evolante è corpore Animâ accidere solet. Idem & ego testari possum casu sequenti: Vidua quadraginta octo annorum novo conjugio, liberorumque generationi inhians, menstruum fluxum more illi ætati ut plurimum communi jam per duos annos desinen-

nentem, denuò promoveri conatur; hinc ab Empiricâ internis & externis, nescio quibus, irritò tamen effectu utitur; succedente contumaci alvi obstructione, flatuosâ ventris tensione postea vomitu mucosô, & tandem iliaca passione, & quidem tantâ cruditarum corruptione, ut & soli ructûs aliquando sine vomitu excrementitiô comite emissi totum conclave foetore ferè intolerabili replerent. Accersitus tandem ego pro revulsione pugnavi (quantum quidem per virium prostrationem, anxietatemque cordis, ob putredinem insignem sanguini & cordi communicatam, licuit) Clysteribus acribus, additô Electuariô Hieræ Picræ cum Agaricô, Felle Tauri inspissatô, Nitrô antimoniatô stimulis; quibus quidem obtinui, ut alvus aperta reddita mucum educeret; nihilominus Massa sanguinea jam dum adeò erat corrupta, ut vires magis magisque deficerent, licet volatilibus Alcalibus, Balsamicis ac Confortantibus simul succurrerim. Hôc in statu lethali duobus ultimis ante obitum diebus, observavi Pulsum planè cessantem; cùm tamen mens usq; ad mortem optimè constaret.

OBSERVATIO CLXXXI.

D. FRIDERICI WILHELMI
CLAUDERI.

Purulenta variolarum materia criticè
per urinam excreta.

Archæus noster miras ac diversas sibi eligit pro Microcosmi Oeconomia sartum tectum servandâ vias; sic vidi puerum quinquennem variolis satis largè corruptum sine violentâ malignitatis admixtione aut periculosis symptomatibus per Urinam aliquot diebus excrevisse purulentam materiam veram, succedente sanitate optatâ. Variolarum autem tempore nullô usus est remediô, quam
Essen-

Essentia alexipharmaca Venerandi Domini Soceri D. Gabr. Clauderi, quæ potissimum constat Sale volatili ac fixo, tam per sudorem, quam diuresin aliquando operante, prout Archæus vias excretorias magis aptas invenit. Credibile est, materiam hanc variolarum excretam ab externò corporis habitu ad vias urinarias neutiquam esse retractam; sed potius viscera interna eadem fuisse conspurcatâ, quarum similes historias varii suppedicant Practici, ut sic pus exitu uti commodiore, ita proximior fuerit protrusum.

OBSERVATIO CLXXXII.

D. FRIDERICI WILHELMI
CLAUDERI.

Cervus Venatorem modò subitaneò
& rarò occidens.

EX observatione beati Domini Parentis mei hæc adnectere impræsentiarum lubet: Cùm Serenissimus Princeps Fridericus Wilhelmus, Dux Saxonæ, Lineæ Altenburgensis, piæ memoriæ, quondam in Ducatu Hennebergicò tempore Ægidii consuetò venationem Cervorum, œstrò libidinis inter se æstuantium institueret, accidit, ut Venator quidam Cervo, œstrò ejusmodi flagrantissimò obviam venerit, qui Venatorem subitò cornubus excipiens statim ad arborem proceram & grandem collidit, adeò, ut intra spatium sex horarum cum subitaneâ virium prostratione, sudore frigidò, singultu ac denique loquelæ amissione insperatò vitam cum morte commutaverit. Postquam igitur causam violentiæ istius mortis in partibus corporis externis invenire, non licuerit, cùm saltem leve vulnus in parte musculosâ cruris circa femur ab apice cornu Cervi inflitum apparuerit, potius interna ob vehementem in regione umbilicali, dolorem suspicata, quapropter jussu Serenissimi Ducis, Dominus Parens

Dec. II. Annus VII. *Xx* *cum*

cum Chirurgô aulicô occisi abdomen more solitô aperuerunt, & perlustratis intestinis, è tenuibus, Duodenum ac Ileon, è crassis autem, Colon diversis in locis læsos repererunt, ut quinque grossi - formia ac rotunda in conspectum venerint foramina. Tandem in dictô abdomine circa lienem, ventriculū ac Pancreas sanguinis extravasati quantitas inventa, ibidem ex vehementi ista percussione nonnulla vasa sanguifera dilacerata fuisse, manifestô indicio testabatur.

OBSERVATIO CLXXXIII.

D. FRIDERICI WILHELMI
CLAUDERI.

Pinguedo sine sanitatis damnô aliquot annis per Urinam ac Vomitum excreta.

Z Acutus Lusitanus, Prax. Med. admiranda lib. 2. observat. 49. meminit cujusdam natione Germani, qui ob malum hæreditarium quadraginta annorum spatio sine omni valerudinis dispendio aut incommodô materiam sabulosam ac granulatam instar Seminis Sinapi cum Urinâ reddebat. Quemadmodum igitur sabulum istud ac arenulæ præsertim in hypochondriacis & scorbuticis non sunt infrequentes, ita nuperrimè in Praxi occurrit Mulier triginta quinque annorum, hypochondriacis quoque symptomatibus ac cruditatibus ex viscerum dyscrasiâ aliàs obnoxia, quæ aliquando per octo dies continuos frustra pinguedinis, avellandarum & juglandium magnitudine, sine dolore, anxietate, colliquatione aut simili symptomate, imò sine omni incommodô per urinam excreverat; adhibitis autem variis remediis acrimoniam & limositatem sanguinis corrigentibus iterum talismodi excretio cessavit. Parili ratione Virum quendam valdè

valdè corpulentum, qui ob mucum summè viscidum in stomacho non ritè digestum & fermentum ejus naturale ener-
vantem vomitu afficiebatur frequenti, mediante quò simul
per vices multa pinguedinis frustra, magnitudinem ovorum
excedentia, cum summâ euphoriâ ac nullâ sanitatis læsione re-
jicere cogeatur.

SCHOLIUM.

Cùm in haud admodum dissimili Casu ante annum Clariss.
Parentis mei consilium expetitur fuerit, ejusdem brevem
subungere delineationem liceat. Referebatur scilicet Annò
1688. Mens. Februar. Dominum M. S. Decanum in Monaste-
rio W. ab aliquot jam annis, tum per os, tum alvum, mate-
riam albicantem, eamque *κατὰ* duriores, & majorem, fabæ
sæpius mole, ac ferè semper qualibet alvi excretionem, per tri-
ennium vel quatriennium; minorem autem *αὐτὴν*, capituli
acus majoris magnitudine, facili scretu, jam per decennium;
tum ante, tum inter, & post sumtum cibum ejicere; quæ con-
trita foeteat, cæterum sebo sit similis; nonnullis purulentam
materiam videri, à pulmonibus vel aliunde ortam. Ante
novem menses gravi pleuritide laborâsse ægrum, pure tan-
dem copiosè excreato &c. urinam laudabilis esse coloris, in
qua tamen cum filamentis arenulæ subsideant. Responsum
fuit, ventriculū, & reliqua concoctioni alimentorum, sepa-
rationi chyli ac depurationi sanguinis dicata viscera esse affe-
cta, imprimis verò serum acre præternaturali videri depra-
vatum, quod cum perenni scaturigine per ductum pancrea-
ticum, & infinitas penè in œsophago, ventriculo & intestinis
hærentes glandulas excernatur, partes pingues cum cibus ad-
sumtas, atque à debili ventriculo, vitiosoque ejus fermento,
non satis cum reliquis ciborum balsamicis & gelatinosis par-
tibus conquassatas & subactas, quasi præcipitet & coagulet,
& hinc vel cum fecibus alvinis, vel si in œsophago concreve-
rint, (quanquam etiam ex ventriculo fortè expelli queant,) per

per screatum illæ expellantur. Non esse purulentam, sed pinguem substantiam, ejusdem liquefactione super ignem & inflammabilitate doceri; foetorem autem conjunctum à partium ciborum corruptorum admixtione oriri; quam itaque excretionem post usum ciborum pinguium, copiosiore esse credibile est. Cæterum adfectum, quia altè radicatam, curatu etiam difficilem esse; cui præter diætam laudabilem, ad morbificas impuritates blandè educendas, & viscera corroboranda, Vini medicati laxativi &c. & Tragææ usu obviam primò ire liceat, curæ ulterioris modo in posterum decernendo. Sed felicem dicta remedia successum habuisse, Mense Septembri literis suis exposuit Dn. Patiens, ab animi tamen commotione ac ira pruritum in artubus oriri, & dictam materiam denuò excerni; unde remediorum continuatio commendata; qualem verò hæc effectum dederit, hætenus non innotuit.

[*L. Schröck, L.f.*]

OBSERVATIO CLXXXIV.

D. FRIDERICI WILHELMI
CLAUDERI.

Abortus certò tempore & septimanâ
sæpè accidens.

A Bortus omnibus ac singulis mensibus apud mulieres, uterum gerentes, contingere, plena sunt Medicorum præclarissimorum Scripta; sic abortus unius mensis mentionem facit Ferdinand. Epiphanius Histor. Medic. 50. Hieronymus Mercurialis Tom. 4. Medic. Consultat. consil. 42. de abortu periodicò idem laudatus Hieron. Mercurialis Med. Consult. Tom. I. Consil. 57. literis casum consignavit. Et licet propterea jam actum agere videar, lubet tamen sequen-

sequentem addere Observationem: Matrona nempe complexionis aliàs laudabilis, bonòque corporis habitu prædita, ac regulas diætæ summè observans intra spatium sex annorum, abortum circa finem tertii mensis & statò tempore, imò septimanâ, octies patitur. In spem itaque ac desiderium prolis, nihil unquam, quæ ad sanitatem conservandam requirantur, intermisit, dum nimirum medicamentis tonum viscerum corroborantibus, Massam sanguineam purificantibus, præ cæteris autem nervinis ac uterum respicientibus uteretur, sed omnia in cassum adhibita. Causam hujus multivarii & statum semper tempus observantis abortûs si investigare mihi licet, statuo, illum ex nativâ uteri angustia ac p. n. densitate & ad extendendum ineptitudine à primâ conformatione ortum traxisse, dum nimirum Embryo in dies majus sumens incrementum, uterus ob fibrarum nimiam constrictionem sufficienter dilatari haud valeat, quapropter amicabilis ille hospes diversorium suum spontè relinquere cogitur.

[*Altenburgo A. 1689. d. 21. Januar. Noribergam missa.*]

OBSERVATIO CLXXXV.

D. JACOBI WOLFFII.

Materia tophacea cum alvi excrementis
ejecta.

Quandoquidem experientiæ respondet tritum illud:
Nihil dici, quod non dictum sit prius; benè etiam spero interpretaturum Lect. Ben. si non inaudita planè à me observata hoc locò proponantur. Cùm autem Anno 1671. & 1672. Praxin Medicam exercerem Numburgi propè Salam auriferum siti, bis observavi à pueris, & alterò quidem septem, alterò verò novem annorum, tophaceam materiam cum scybalis alvi redditam. Prior verò ille puer,

Xx 3 atro

atrophiam ab ulcere sinuoso cruris contrahens, morti parere tenebatur; cui historiae simul addo, quod vulgus ulceri dicto junctum dolorem, & molestiam praesidiis medicis invincibilem, incantationi (perperam meo judiciò) tribuerit: cujusmodi erroris plura testimonia & exempla proximè ex meo *Scrutinio Amuletorum* innotescunt. Alter ille puer atrophiam pariter, aliisque symptomatibus laborans meam curatione sanitati restituebatur; cujus excretam materiam, instar comminuti lateris, & quidem modò rubrò, modò fuscò atque albicante colore praeditam, ad ostendendum, asservo. Nescio verò, utrum facillè Spir. Vitriol. vel Tinct. Mart. Solaris, ex Hassiaca Minera Martis parata, vel alia similia medicamenta assumpta in corpore possint facillè redire in Vitrioli formam, veluti Medicus quispiam Vitriolaceis infensus, aliquando subsumebat penè de materia istiusmodi, quod originem illius causae agnoscere possit. Verùm nec à priori, nec posteriori in trophacea materia utraque dicta suspicionem de Vitrioli origine deprehendi. Nolo hoc locò etiam suspicari calculos dictos originem suam in vesicula felleis nactos fuisse, cum ipsorum color rubicundus potissimus, & reliquus non adeò de flavo vel nativo colore vesiculæ istius testetur; nisi excipiamus, quòd in intestinis latens aliquandiu ista saburra colorem alium varium adsciverit, aut in puero isto bilis non adeò eminentem colorem flavum continuerit. Caterùm cui volupe est plura rescire de iis, qui calculos per alvum excreverunt, & quidem satis magnos interdum, ei satis fiet legendo *Rhodium Cent. 2. Observ. 74. p. 105.* De puella calculicaca agit etiam *Exc. Joh. Jac. Harderus in Apiario Observ. med. 80. p. 309.* Quod calculi ejusmodi colicæ causam praebuerint, innotescit ex *Poterii Cent. I. Observ. 82. p. 71. & Cent. 2. Observ. 56. p. 157.* De calculis per alvum pariter excretis adi sis *Miscellan. nostrae. Academ. Leopoldino-Cesar. Nat. Cur. Dec. I. An. II. Observat. 89. p. 163. & Ann. 9. p. 234. & 294.* item *Disput. futuram de lapicidina Microcosmi abdominis Nobiliss. Contrerranei atque Collegæ nostri*

nostri Georg. Franci, uti & Moroni *Directorium Medicum* (tit. Calculi) à beati nostri Collegæ Seb. Schefferi hæredibus auctum expectandum. Jungi his etiam possunt de eadem materia agentes Thom. Bartholinus in *Domo Anatomic.* p. 52. Casp. Bartholinus de *lapid. Nephritic.* p. 15. & 17. Henr. Roonhuysen in *Heils Curen* p. 121. & 122. Joh. Georg. Schiel in *Bibliotheca enucl.* p. 150. Theoph. Bonetus *Anatom. Pract.* f. 901. & Exc. Joh. Dan. Major de *cancris petrefact.* p. 100. & seq.

OBSERVATIO CLXXXVI

D. JACOBI WOLFFII.

Odontalgia ranunculô nemorosô
curata.

PLebejorum remedia non semper esse spernenda, sana ratio oppidò suadet aliis æquè, ac Medicis; Plebeji enim traditione Majorum suorum sæpè, vel suâ vel Medicorum experienciâ, nacta possident. Imò simplicium medicamentorum quorundam usum certiùs communicant, quia majori peritiâ destituti simplicibus magis quàm compositis inhiant illi, veluti quidem Medicis arrident magis postrema. Proinde autoritas in Medicina nequaquam idoli locò captanda vel colenda est; illa enim cana & vana, non adeò, nec à Viro magis quàm verò profluens locum meretur; attendendum insimul est, non Quis, sed quid quis dicat. Priscò enim illò innotuit monitò:

Quandoq, est olitor verba opportuna locutus.

Sed de his in locis plura communicamus.

Cùm Numburgi adhuc degerem, veluti paulò ante innui, vir quispiam sæpiùs gloriam deportabat à curatione odontalgiae, & quidem gravidarum imprimis. Dederat quippe iis herbam quampiam incisam & madefactam brachio illi imponendam, instar vesicatorii, quod brachium respondebat

καὶ ἔξω,

nal' i^{iv}, seu è directo lateri oris odontalgiam sufferentis. Aſſe-
 severabat inſimul ille vir, nunquam reverſurum, vel invaſu-
 rum ampliùs dolorem illum iſtam perſonam, quæ ſemel ab
 eodem malo dictâ ratione liberata ſit. Eſſectus vel uſus illius
 plantæ felix, atque crebrò à mulierculis nec non gravidis in-
 primis dilaudatus, mihi deſiderium indagandi vegetabile il-
 lud indidit, quod vir ille admodum celabat; id tamen ranun-
 culi nemoroſi herbam exiſtere tandem cognovi, atque ſimi-
 liter aliquoties in uſum non fruſtraneum admiſi, vel ſuaſi
 malô iſtô afflictiſ. Non ſolùm autem recens illa planta levi-
 ter ruſa, verùm etiam quovis annô collecta & arida aſſerva-
 ta, atque poſteà incifa vel leviter contrita & madefaſta Spi-
 ritu Vini, ſive Aquâ pro cauſtico uſu medente dicto inſervit; ſi
 nimirum ſemel, aut bis unico in loco carnoſo, groſſum cir-
 citer ſuô ſpaciô æquante, alligetur mediante faſciolâ. Nota
 atque uſitata ſunt alioquin ſimilia veſicatoria contra idem
 malum dentium commendata, de quorum ſalubri eſſectu
 conſtat. Minùs autem tuta, cum primis in gravidarum dicta
 curatione, cenſeo cantharides, propter miſtum cruentum,
 & alia genitalium vel urinæ excernendæ dicatarum partium
 metuenda mala; de quibus, licet nonnulli ſubdubitent, nos
 tamen alium in locum commodiorem plura aliorum atque
 noſtra teſtimonia, & quidem experienciâ neutiquam deſti-
 tuta, differemus. Nihil denique jam de veſicatoriorum, in
 odontalgia commendatorum, ætiologia operationis jam mo-
 vebo, ſed ſolùm curioſis iſtam ad indagandum commen-
 dabo.

OBSERVATIO CLXXXVII.

D. JACOBI WOLFFII.

Hydropicæ post Paracentesin anatome.

Nicolai Tregeri operarii uxor in suburbio Altenburgi d. 7. Junii 1678. defuncta est, quæ pertæsa vitæ, & lymphâ turgidi sui abdominis, hoc ipsum cultrô se aperturam pluries antea minata erat, nisi chirurgicum auxilium decenti paracentesi se tempori liberaret à cataclysmo suffocationem minante. Proinde triduô ante obitum (dubiô curationis eventu prædictô, aliisque animæ atque corporis salutem concernentibus non neglectis) me præsentè adhibita fuit à Chirurgo more decenti paracentesis. Absolutâ illâ operatione distinctis vicibus & interstitiis temporis derivabatur amurca vel lymphæ ex abdomine xvj. libras medicas circiter adimplens; nisi mulier illa, subitam anhelans curationem, noctu absentibus ac metuentibus nobis, prohibitum aquilegis munus intempestivè repetierit. Post sectionem autem, brevi recensendam, libram tantum istius lymphæ relictæ in abdomine contentam vidimus; quam portionem tamen cum priori illa ex corpore educatâ, plures libras constituturam ante paracentesin credidissem. In abdomine defunctæ aperto deprehendi lienem planè cartilaginosum & albicantem, palmam minorem, sive octo annorum pueri circiter longitudine, latitudine atque crassitie suâ æquantem: hinc viva illa adhuc mulier sub cartilagine ensiformi, & retrorsum versus ordinarium lienis situm, tactu sensibilem observabat & accusabat duritiem. Lienis autem hæcenus dicti duritiem suspicor lymphaticorum vasorum obstructioni atque ruptioni ut & consequenter asciti illi ansam dedisse. Præterea in detecto abdomine folliculus fellis amplius, locô bilis, aquâ limpidâ repletus, & dimidia pars superior sinistra hepatis decolor appare-

parebat. Porro intestina erant cibò potuque largò repleta, quia quinque dierum spatiò præterlapsò alvus immemor sui officii excernendi fuerat. Dehinc omenti penè nihil conspiebatur, præter filamenta perpauca, telarum araneorum instar intestinis incumbentia. Utrum etiam mulier illa viva adhuc ideò frigus indicatum aliquale perpessa fuerit (veluti huiusmodi conditionem aliàs absenti omento quippiam ferre tribuunt autores) asserere non audeo. An rectius serum fortassis vasis ac limitibus suis ejectum frigus illud citius excitaret, curiosi scrutentur. Deinceps peritonæum & abdominis muscoli livescebant, præcipuè circa pubis regionem, intra quos musculos & cutim itidem locò pinguedinis mucosa & pellucida materia, instar gelatinæ pellucidæ continebatur. Interea qui plura exempla de liene cartilaginosa appetit, hæc reperiet in *Miscellan. Acad. Leopoldino-Cesar. Nat. Cur. Dec. II. Ann. II. p. 457.* Cui addatur *Joh. Helwigius Obs. Physic. Medic. 97. cum Scholio* Splendidissimi nostræ Academiæ modò laudatæ Eph. Directoris *Luc. Schröckii p. 286.* Quoad paracentesin verò dictam hæc adhuc addo, quòd exiguæ spei videatur illa in ascite inveterato, siquidem corruptio istiusmodi partium à sero stagnante sive cachexia orta, vix amplam spem curationis pollicetur; taceo quòd lymphatica vasa rupta, & quidem plura simul, non facile consolidare aut obstruere decenter quis polleat: hinc etiam illà paracentesi æquè, ac alià curatione, incrementa prioris mali vel feri evacuati, nemo facile devitabit. Refractaria itidem, licet non impossibilis, videtur evacuatio lymphæ per intestinorum, quoscunque etiam, meatus resorbendæ. Evacuationem autem ejusmodi opportunam, aliorum æquè ac meâ experienciâ didici; quod negotium quibusdam subsumptionem non impossibilem suggerit de transitu chyli per meseraicas venas simul possibili, qui chylus verò propter purpurei roris copiam non ita deprehendi possit. Reminiscor autem bis à me Altenburgi curati hydropis ejusmodi, in quo scrotum unà cum pene duo-

duorum puerorum, magnoperè lymphâ expletum erat; & quidem in primo tredecim annorum, coqui cujuspîam filio, adhibui Antimonium leviter detonatum cum Syrupo quopîam mixtum, & aliquoties in die sumptum, unde largas excretiones varias corporis ille passus (nimirum per alvum præcipuè, vesicam urinariam, & spiracula cutis, sub forma sudoris &c.) aliquot dierum spaciò liberatus est à suo morbo. Alter puer septem annorum in Orphanotrophio Altenb. similiter convalescebat, præter spem viduarum in dicta domo simul commorantium; arbitrabantur quippe mitiùs ac citiùs illum sine medicamentis vitæ renuntiaturum. Dabam autem dicto puero purgans Electuarium, priori istiusmodi dictâ materiâ quadantenus, vel catharticò pulvere (simili penè illi noto Comitîs de Warwich sive Cornachini) instructum, pluries in die sumendum; hinc sedibus pedetentim concitatis atque continuatis ascites ille secessit.

OBSERVATIO CLXXXVIII.

D. JACOBI WOLFFII.

In Hydropica Paracentesis frustra penè tentata.

Non absimilem planè priori historiam medicam observavi etiam Altenburgi Anno 1679. d. 6. Septembris in Xenodochio ante portam piscinarum, in mendici conjugè, paulò antè benedictione Sacerdotis ipsi maritata; cùm diu antè sine hac cum marito vagabundo adscito illa venalem vocem cum schedis & cantilenis (miracula vel mendaciuncula &c. continentibus in nundinis & foris urbium) exposuerat, pro rusticorum, & plebejorum obtinendis nummis & poenitentia. In hac muliere Ascite & Anasarcâ laborante cujuspîam Medici atque Amici mei directione admittebatur in abdomine circa umbilicum paracentesis,

telis, sed irritâ intentione; nihil enim lymphæ ex solito canaliculo vel instrumento eburneo in abdomen immisso emanabat, nec flatus erumpentes observabantur illò atque subsequentibus aliquot diebus; hinc remotò instrumentò dictò vulnusculum istud iterum consolidabatur. Dum autem priora illa fiebant, tumor abdominis quadantenus residebat, & mulier promptius postea respirabat. Verùm non longè post hæc tumor ille similis priori (non minùs semper excedens) repetebat abdomen, quem comitabatur iterum difficilis respiratio, angor præcordiorum, virium languor in dies major, atque dextri brachii & faciei macies. Tandem noctem illam, quam excepit proximus ipsius dies emortalis, inquietam dormiendo transegit, ejulatus edidit, ac evomit copiosum squalorem vel humorem cum sanguine commixtum, ac foetentem. Posterò deinde die à morte artus apparebant flaccidi ac mobiles, nec rigidi vel frigidi, uti in aliis equidem funeribus communiter licet observare. Viscera defunctæ plurima videbantur integra, videlicet cor, hepar cum vesicula felle, item lien, pancreas, renes, uterus &c. exceptâ pulmonis dextrâ parte, quæ scirrhusa quadantenus existerat. Intestina magis, quàm solent communiter, tenuia atque humore repleta conspiciebantur; omentum verò fuscum, vel luridum, corruptum ac penè consumptum se repræsentabat. Præterea intestinis adhærebant sparsim carunculæ, quæ apertæ fundebant ichorem. In cavitate abdominis continebantur libræ septem circiter lymphæ, & in thoracis concavo ejusdem tres & dimidia circiter libræ. Porro muscoli abdominis & pinguedo iis interfecta existerat mucosa, livida atque decolor. In pericardio, cor paulò majus ac flaccidum cingente, largior copia lymphæ flavescentis ac salsi reperiatur, ovi similis erat illi in abdomine contentæ. Denique in ventriculo puniceo sive nigricantis penè humoris copia prostabat, qui cruoris vel congrumati sanguinis (sed admodum comminuti, instar pulveris) innatantis indicia præbebat. Epimetri locò

addo huic observationi, quòd doctum Medicorum *εὐχασμὸν* atque peritiam admodum adaugeat sectio defunctorum cautè instituta; Cautam verò ideò attingo vel suadeo, ne quis pro aliorum sanitate quærenda vel conservanda, aliove fine obtinendo, suam amittat sanitatem, aut mortem inveniat vel acceleret; atque ita simul rationem illius aliqualem reddat, quò quis dicit: *Rarò vidi Medicum senem.* Prudentes interim Medicos non fugere confido, quantum distet ab illo statu defunctorum, conditio vivorum hominum, & partium illorum functio naturalis.

OBSERVATIO CLXXXIX.

D. JACOBI WOLFFII.

Epilepsiam excitantes lumbrici.

Quòd vermes hominum medelæ inserviant, illorum doctores in quibusdam subindè existant, ut & *μάστιγες* sive flagella (sicuti nomen istiusmodi morbis sacra pagina impertit) paucos ignorare credo. Priora illa duo expositioni Medicæ alii, atque morali relinquens, postremum solùm attingam quadantenus in sequentibus. Nolo autem in præsentì examinare integræ putredinis animatæ doctrinam, atque pathologiam licentiùs illi à quibusdam superstructam: dum ubivis ii, vel in omnibus humoribus naturalibus, & nondum corruptis, pullitiem verminosam inesse inculcant. Verùm vereor, ne iidem nimium indulgeant suo genio & præconceptæ opinioni, comparandæ quasi cum verme, maniâ sive melancholiâ quâdam: quatenus illorum mens defixa & immobilis quasi oberrat circa objectum vel opinionem quampiam irritam semel conceptam. Proinde doctrina vel opinio ista vermibus nimium indulgens, forsitan ad imitationem aliorum Autorum, non malè *σκαληνομανία* dici posset. Qui verò Microscopiis aliàs in

doctrina ista fundanda nimium fidunt, videant an tutò id fiat! Siqui dein humores vel liquores varii, soli, sive fermentationi cumprimis expositi, palpò quopiam offerunt oculis corpuscula variè constituta, commota, majora & vermes mentientia; atque ideò sanè contemplatio illa est admodum fallax. Negandum interim non est in corpore hominum ac brutorum sæpè commiseratione dignam ludere tragœdiam, vermes: veluti Altenburgi observavi in puella quapiam gibbosa tredecim annorum ab ipsius matre (cui bibacitas Germanicum nomen affinxerat vel affixerat) ad me ducta. Natam suam verò mater novem annos epilepsiâ confictatam, nullisq̃ue medicamentis (à variis commiserantibus, & illustribus etiam personis) datis, liberari potuisse conquerebatur. Cùm verò, inter alia puellæ symptomata, firi mederi conarer alumine ustò in potum ordinarium immergendo, non longè post illius usum mater ad me reversa est, ac retulit, epilepsiam remisisse, magnamq̃ue vermium copiam cum nido eorum (dem *Burm-Stoeke*) excrevisse suam filiam, unde nescio quæ mala nova vel vitæ jacturam, à vulgo persuasa metuebat. Verùm mulierem curarum vacuam & eodem priori ac pluribus aliis medicamentis instructam pro continuando usu coeptò dimisi. Dictum istiusmodi alumen postea etiam crebrius, nec vanâ intentione pro vermibus expellendis, cum potu ordinario miscendum, dedi puerulis, quod æquè commodè, & insciis penè iis citra nauseam suggeri potuit, ac *Tinct. Martis Solaris*, de qua paulò post dicturus sum. Cæterùm de epilepsia à vermibus, tum in hominibus, tum in cane observata, adi & audi sîs *Theoph. Bonetum in Anatomia practic. l. 1. sect. 13. f. 542.* Quomodo convulsionem efficiant dicti vermes, videatur *l. a. f. 251. 255. & 270.* quo in loco ultimo mira symptomata illi parere dicuntur. Jungantur de hac materia citatis locis *Miscell. Acad. Leopoldino-Cesar. Nat. Cur. Dec. II. Ann. I. Observ. 120. p. 306. Grulingius Cent. 3. Observ. 74. p. 63. aliq̃; plures.*

OBSERVATIO CXC.

D. JACOBI WOLFFII.

Tinctura Martis Solaris ternâ experientia diſtinctâ, fortuitâ ſalubris obſervata.

INter alia Medicinæ noſtræ adinveniendæ vel confirmandæ adminicula, caſu vel experientiâ inſperatâ innotefcentia medicamenta vel curationes multum eidem contulerunt. Dixerim proinde ferè de Schola Medica ubiſvis obvia, in qua nimirum Medicus erudiri poteſt:

— — *Semper tibi pendeat hamus,*

*Quò minimè credis gurgite piſcis *erit! (*experientia)*

Ab hac fortuita Medici experientia etiam το δεῖον non ſemper exulat, de quo utroque jam modò attracto plenius alio loco & tempore impoſterum acturus ſum. (1.) In vigiliis vel inquieto ſomno noctu aliquandiu mihi moleſto Numburgi aliquando proficuum obſervavi Tincturam dictam Martis Solarem (ex Minera Martis Haſſiaca forſitan nota paratam) quam in præparatione, cùm per filtrum inprimis flueret, ſæpiùs deguſtabam; hinc enim levamen dicti mei mali inſperatò perſentiſcebam. (2.) Altenburgi ruſtico cuiſpiam contra teſticulari alterius tumorem ſubindè revertentem ac dolentem, inter alia externa ſimul præſcripta, dabam eandem Tincturam in potu ordinario uſurpandam, & aliquot dies continuandam, poſt cujus uſum abſolutum ruſticus facetus revertens me alloquebatur hiſ verbis: Domine Doctòr, putas ne me cibos fortaſſis averſari, ſanè ego ruſticorum, vel illorum more, qui trituram in horreis exercent, cibos egregiè aſſumo, & aſſumptos illos digero; hinc non opus habeo iſtiusmodi medicamentò ὀρεξιῶν vel vorandi aviditatem concitante, vix enim ſtomacho

cho meo latranti aut esurienti cibis largiter porrectis satisfacere possum. Proindè si ampliùs mihi usurpandum hoc medicamentum destinas, opus est, ut manticam pane refertam mihi unâ concedas propter urgentem causam indicatam; atque id citra meam intentionem eveniebat. (3.) Cùm Jenam ante aliquot annos concederem, ac mulierem clinicam febre tertianâ plures septimanas hætenus laborasse, & nondum liberatam, sed inter alia symptomata inveteratò vomitu molestò, & prostratò ciborum appetitu laborantem conspicerem, porrexi eidem Tincturam Martis sæpiùs dictam, & quidem destinatò eò consiliò, quò modò antea fortuitò quasi, vel citra meam intentionem effectus iste secutus erat. Et ecce febris brevi pòst remittebat, nec minùs ventriculùm deserebant dicta illa urgentia mala. Posthæc crebriùs in potu dedi eandem Tincturam haud timidâ parcâve manu, sed ad 3ß—3j. infantibus & puerulis, qui febribus mitibus & calore inprimis laborârunt, aut lumbricis vexati fuerunt; quò medicamentò vel solò admisò illi subindè convaluerunt. Atque eò commodiùs illud existit medicamentum, quia in potu citra magnum vel ingratum saporem puerulis, averfantibus faciliè reliqua medicamenta, clanculùm suggeri potest. Cerevisia quippe dulcem quadantenus & leniter adstrictorium saporem, ac turbidum colorem acquirit, hinc puerulis meliùs etiam in vasis densis, nec pellucidis, hoc modò medicatum potum propinamus. Addo demum his etiam hoc, quòd imperiti, vel ignari effectus hujus medicamenti stupeant, & varia mala gravia in corpore illorum latentia subindè accusent, dum faciliè alvi excrementa nigra, ab usurpantibus istam Tincturam, egeri vident; sed gnaris hujus rei medicis nulla admiratio ex dictis oritur.

OBSERVATIO CXCI.

D. JACOBI WOLFFII.

Cortici noto febrifugo Chinæ-China,
alia substitui posse putatur.

Diximus paulò antè Scholam Medicam ubivis patere, quod confirmari etiam videtur hoc, quia ubivis Medici periti (præcipuè simplicium medicamentorum facultatis & Chymix) nōrunt medicamenta sufficientia quibuscunque domandis morbis adinvenire, atque præparare. Nihil hōc locō movebimus de eō, quòd omnis regio sit instructa iis medicamentis, quæ suis morbis inquilinis vel obviis curandis inserviunt ac sufficiunt; si quis tamen hæc in dubium vocat ipsi facile istud eximet, aut defectum supplebit dictum illud, & sedulò medicinæ tyronibus inculcandum therapevtices egregium adminiculum. Inclaruit hætenus noticia & usus corticis Peruviani vel Chinæ-China, qui cortex eximium auxilium in febribus passim hætenus præstitit. Diversum judicium dictum medicamentum etiam, (uti solet alioqui in similibus) nactum est; ubi quidam nimium, & quidem sine discrimine circumstantiarum, alii minimum ipsi tribuerunt. Verūm peccant utrinque, qui medicamento illi æquè, ac purgantibus, vomitoriis, venæsectioni, herbæ Thée &c. nimium laudis addunt, vel adimunt, circumstantias necessarias non attendentes. Hallucinantur, qui dictis præsidiiis therapevticis & Thée præcipuè hodiè adeò abutuntur, aut nimium ipsi tribuunt; hi quoque responsi locò ferè auferunt illud certâ ratione haud difficulter ad Deam istam medicam herbam Thée (& cum venia quapiam fortassis Poëtarum) applicandum ex *Ovveno*:

Ægrotant Medici, fraudantur Jure periti,

Descendunt multi ad { *Tartara*
tristia } *Theologi.*

Dec. II. Annus VII.

Zz

Qui

Qui verò salubrem dicti corticis Chinæ usum propterea carbone atrò notant, quia febres videntur auctæ magis quandoque redire, si semel antea cessaverunt quadantenus; Enormiter sanè hi cespitant, dum id, quod timiditati Medici, insufficienti dosi & interrupto usui (alioquin continuando) rectius competit, legitimò usurpandi modò perperam tribuunt. Eadem gravamina contra alia etiam medicamenta, egregia sæpè observata, eructant quidam ægroti pariter ac Medici, propter modò dictas rationes malè expositas, de quo nos fortassis aliquando plenius disseremus. Sufficit autem, si in medicamenti novis modica prius experientia compareat, cui negotio Medicus attentas aures vel animum præbeat, & isthæc decenti modò in usum medicum, paulò ante dictum (ab aliquibus malè neglectum) adhibeat. Inter gravamina quorundam contra corticem Chinæ prolata, dicitur ideò minùs tutus illius usus, quòd semel solùm datas non eradicet semper febrim funditùs, quin potiùs, illa fortior revertatur, nec curationi integræ cortex inserviat. Proh! semel verò exhibitam & invisibilem penè, sive parca manu porrectam dosin; veluti ad hoc prius etiam jam ante responsum fuit. Non impossibilis verò videtur integra curatio febrium in continuato ipsius usu requiescere. Qui præterea verò corruptionem vel aromatariorum malitiam aliaque similia plura (uti in aliis, ita etiam) in hoc exotico cortice verentur, non malè antevertent ista, industriâ curiosâ paulò superiùs indicatâ, atque etiamnum commendandâ; quæ si non feriabitur amplius in nostris inquilinis medicamentis indagandis, aut ritè & curiosè præparandis, certè infinitis istis medicamentis exoticis (non rarò effœtis, fœtidis & cariosis, caròque pretiò redimendis) perbenè carere poterimus. Sic in radicibus Tormentillæ, Bistortæ & arborum quarundam vulgarium corticibus vim febrifugam (propter vim adstrictoriam & amaricantem quæsitam) inveni certantem penè cum cortice Chinæ; quâ de re experientia uberior consulenda atque commendanda est.

est. Hujusmodi sedula verò inquilinorum medicamento-
rum indagatio Symbolo nostræ Academiae Leopoldino-Cæsa-
ræ est conformis, quò exprimitur: *Nunquam otiosus!* Di-
ctum illud adminiculum facile etiam eò rediget materiam
medicam exoticam in nostris Pharmacopoliis, quæ à Barba-
ris & Orientalibus Medicinæ inventoribus nobis tradita atque
commendata fuit, ut vel nomen etiam medicamentorum
multorum & cognitio ignota æquè imposterum nostris Eu-
ropæis Medicis futura sit, ac incipit fermè usus illorum quo-
rundam fieri in Therapevtica; de quibus nos aliquando in
Pharmacopoliorum consideratione plura monituri sumus.
Ad illam verò felicem peritiam, nos Germanos apprimè
decentem, sine dubio curiosum simplicium medicamento-
rum scrutinium & Chymix studium fores pandit; ceu demum
hoc, quod à fronte nostri discursus commonefecimus, iterum
suademus,

OBSERVATIO CXCI.

D. JACOBI WOLFFII.

Mulieris stomacace & arthritidis à vacca
collecta.

DE contagio morborum non contemnenda est quæ-
stio: An brutorum morbi æquè in homines eodem
charactere transire possint? Veluti hujus affirmatio
& negatio non omni caret fundamentò; Notum
quippe est, quòd in symbola habentia facilis sit transitus, hoc
est, inter quæ sympathica quasi harmonia sive mutuus respe-
ctus intercedit, adeò ut contagio in similia pecora citiùs ab-
eat, quàm distinctæ speciei existentia; quod etiam experien-
tia non obscurè comprobare videtur. Dictam ob rationem
suffragium fortè meretur *Zuvelfferi* (in *Pharmacop. Regia pag.*
226.) monitum, quòd propter symbolum quoddam febrilis

materiae magis, quam corporis integra & bona constitutio pabulum vel augmentum suum colligat ex jusculis carniū, quæ alioquin pro nutritione & refectione vulgò adeò commendantur. Hinc autor ille vegetabilia & alia, dictæ conditioni magis contraria, citiùs admittit. Adstruunt ex adverso alii, morbos contagiosos brutorum etiam invadere homines, & vice versâ horum morbos dictas bestias; quod quadantenus ex loco Zwelfferi adducto non impossibile itidem videtur. Nequaquam enim præsentiam, commercium vel usum morbidorum brutorum, eorumque partium tutum semper renunciare audeo: id autem, quod rariùs fit propter dictas paulò ante & alias rationes, impossibile planè, aut ab experientia, sive conjectura dissonum minùs statuendum est. In peste præcipuè, vel lue brutorum suspecta attentionem & cautionem hoc negotium meretur, cum nusquam tuta fides homini in eadem peste quærenda, vel invenienda sit. Retulit mihi fide digna persona, in peste proxima ante aliquot annos Dresdam angente, felem contraxisse bubonem pestilentem, & inquietudine vel rabie quâpiam, aliisque indicis aut symptomatibus pestilentibus evidentibus, dolorem atque luem istam à se susceptam indicasse, nec non brevi occubuisse. Propterea quoque tempore pestis vagabundarum bestiarum domesticarum præsentia non esse toleranda videtur; siquidem eadem infinitis modis ex infectis locis, in domus etiam clausas per volatum milleve meatus contagii vel fomitis pestilentis particulam etiam si tantillam, quoquò modò contractam reportare possunt, à quibus illæsis apparentibus vel existentibus postmodum homines, inscii omnis culpæ, propter symbolum dictum facillè contagium tyranni istius morborum concipiunt. Imò hujus opinionis amplior probatio, videlicet quòd brutorum rabies & alia mala in homines derivari possint, patebit ex scrutinio nostro Amuletorum inter periapta pesti opposita. Meretur hæc de materiâ etiam legi *Nath. Hoages in Loimologia p. 68. & seq.* qui, referens virum quem-

piam

piam morbum & mortem contraxisse ab anhelitu equi foetidissimo hausto, non tamen arbitratur pestem vel alios morbos à brutis in homines posse transire. Contrarium huic postremæ, & antea quadantenus impugnatae opinioni, suggessit mihi ante decennium Altenburgi observatio sequens: Non procul à dicta urbe in pago Zischernitz rustica quapiam suas vaccas tres ægrotare observavit, atque eas doloribus vehementibus laborare ex observato tremore pedum subitaneò, retractione sive motu variarum partium collegit, dentesque vacillare & excidere ex ore, nec non vaccas omninò perire observavit. Inter alia verò media curationis vel ritè adhibitæ veterinariæ villica ista os cujuspiam vaccæ aperiens, exploratura communis istius morbi conditionem, hinc ingratum halitum prorumpentem ore & vultu suò excepit, unde ferè in momento illo eadem mulier arthritidem vagam atque stomacacen, diu posthæc affligentem & perseverantem contraxit, & apud me de dicta calamitate post tres fermè menses ab actione illa conquesta est. Varia medicamenta misera ista interea ab Agyrtis pariter, ac peritis Medicis nacta, per anni quadrantem usurpaverat, varia itidem molimina cum vaccis contra fascinum suspectum peregerat, sed omnia hactenus irrita se observasse indicabat; hanc tamen non longè postea, decocti cujuspiam inprimis continuatò usu, sanitati pristinae restituebam.

OBSERVATIO CXCIH.

D. JACOBI WOLFFII.

Hæmorrhagia umbilicalium vasorum in recens natis lethalis.

Non possum non salutaris moniti ergò præmissis annectere, & obstetricibus ac matribus modò factis à puerperio commendare cautionem ex sequentibus

Z z ;

emer.

emergentem, quia recens nati alioquin (quæ jactura est maxima) sacrò Baptismatis lavacrò cum vita facillè privari possunt, non sine plurium culpâ latâ. Non procul ab Altenburgo Anno 1672. D. M. I. P. natus fuit infans satis firmus ac vitalis, qui more solito, post tractationem ab obstetrice ritè peractam, fasciis atque pulvillis involutus quieti commissus fuit. En verò post longiùs aliquantò tempus, revolutus paulisper involucris istis, undique sanguis effluens conspectus, & infans penitùs postea detectus vitâ privatus fuit observatus, quia insperatò, & nemine opinante ex corpusculò ipsius sanguis prorupit intra ligaturam aliquantò remotiorem in vasis umbilicalibus institutam. Idem illud dictum penè accidit Altenburgi d. 8. Octobris 1678. in filiola nuper nata; post obstetricis enim operationes legitimè peractas, stragulis & lectulo, mediantribus fasciis, illa involuta, & penes fornacem posita fuit, proximò die ad sacri Baptismatis lavacrum promovenda. Monuit verò singulari (& fortassis divinò) instinctu mota Matrona quæpiam pia, & alioquin puerorum tractatione erudita, ut infans ista probè observaretur, ne periculum paterentur vasa umbilicalia; cui desiderio vel præcepto tandem mulierculæ reliquæ (nihil planè mali ominantes) annuerunt. Verùm similiter, propter causam antea dictam, hanc recens natam detectam sanguine circumfusam, valdè languentem, vitamque ipsius admodum vacillantem deprehenderunt; unde parentes coacti fuerunt noctu accersere Sacramentum Baptismatis. Hoc licèt rariùs contingat, attentionem tamen meretur; suaderem itaque, ut recens natorum vasa umbilicalia & quidem distinctis in locis bis aut ter ligarentur, præcipuè etiam prope umbilicum; ne semel solum vasa ista in parte extrema ligata, rupta forsàn in medio postea sanguinem cum vita emittant. Imò linteola munda sicca, & subindè repetita vel sola, vel pulvere quòpiam mox dicendò, conspersa circa vasa ista volvi possent, quò citiùs exficcarentur eadem vasa, pro metu dicto meliùs declinando.

Inspe-

Inspectione crebrâ atque curatâ itidem magisq̃ue indiget nuper natus, & nondum quidem Baptismatis sacrâ undâ regeneratus, quàm denati funus, qualis corporis exanimis tamen sæpè major cura habetur, quàm animati illius & animæ ipsius. Imò opus foret, ut obstetrices inter alia etiam stypticum pulverem: ex Terra sigillata, Cornu Cervi usto, Cerussa, Rad. Tormentillæ &c. vel fungum Chirurgorum istiusmodi pro necessitate in promptu haberent.

OBSERVATIO CXCIV.

D. JACOBI WOLFFII.

Pluvia sulphurea.

Lubet adhuc præmissis hætenus Observationibus quampiam Physicam annectere, & quidem de pluvia, cui crocus vel pulvis sulphuri similis admixtus fuit; qualem ego Altenburgi itidem observavi, & quidem Anno 1670. in Majo aliquoties, inprimis d. 12. illius Mensis, major copia dicti pulveris innatabat lacunis in plateis vel campis à pluvia collectis atque conspicuis. Similis materia Anno 1679. d. 31. Maji, & Anno 1681. d. 1. & 5. Maji à me fuit observata, post imbres, in locis ejusmodi brevi abhinc indicatis. Nam immeritò verò quæritur de dictæ materiæ cum pluvia decidentis origine? utut non diffitear verum sulphur vel in aëre ab exhalationibus terræ oriri, vel ipsius sulphuris substantiam, sub pulveris forma, ex locis natalibus vel fœtis illius in sublime sive aërem vehi posse, quæ postea pulveris dicti instar post imbres appareat, vel flammam facile concipiens, postea incendiis sive fœtore suô se prodatur: veluti peccatores enormes & indurati pluviam ejusmodi (Deo vindice ita dirigente) internecinam expertos novimus, ex sacris, ac profanis literis & libris id contestantibus. Loca priora ex Sacris illud confirmantia quivis facile colligere valebit;

lebit; consignavit autem posthæc pluviam sulphuream observatam bis in Mense Majo Anno 1629. Wittebergæ *Reinelius in Chronico Curiensi M.S.* Similiter ex *Chronico Lipsiensi* patet Lipsiæ Anno 1621. d. 20. Maji talismodi pluviam lapsum fuisse annotatam. Plura de talismodi pluvia petentur ex *Pratorii von der blauen Seide p. F. Daniele Beckero vom Blut, und Schwefel, Regen / & alius Autor vom Schwefel, Regen zu Stralsund edit. 1597.* Prolixitatis vitandæ gratiâ plura testimonia de simili pluviam jam prætereo. Nobis itidem jam non licet in illa, sive similia testimonia alia & relationes accuratius inquirere, utrum veri sulphuris, sive alius materiæ vel pulveris originem agnoverit crebrius indicata pluvia. Inter alios verò Aurores *Agricola de subterr. lib. 5.* facit mentionem, pluviam, cui terra flava fuit admixta; qualem pluviam similiter ab ochra certis in locis observari posse suspicamur, ac rubram quidem aliàs in certis locis à terra rubra oriundam. Rubram autem pluviam, à minerarum rubra tinctura sursum elata oriri, adstruit *Achilles von Erdbeben §. 17.* Verum ut ad nostram in initio indicatam, & crebrò cumprimis in Majo tam ab aliis, quàm à nobis observatam pluviam revertamur, hujus causam & materiam præcipuè conjicimus in pini arboris turiones, eò tempore inprimis hujusmodi crocum vel pulverem sulphureum continentes ac in aërem spargentes; etiam si aliàs arbores, flores, vel vegetabilia itidem talismodi materiem continere noverimus. Alioquin verò nucamenta quarundam arborum, lycopodium, flores sambuci, tiliæ, & similium arborum æquè, ac plantarum quarundam flores continent ejusmodi sulphureum pulverem, qui, ceu diximus, aëri commixtus postea, & citius cum pluvia delabi potest, quàm graviora alioquin non ignota, aut semina varia hortos feminantia, & dominis invisas spontèque provenientes plantas in viridariis sæpè obtrudentia; de qua materia aliò tempore plenius in peculiari dissertatione agemus. Suadet inter alia nobis etiam hoc, ut originem pulveris illius pinetis tribuamus,

buamus, quia confinibus in illorum locis dicto tempore major copia illius croci aquæ isti pluviali collectæ vel stagnanti commixta fuit à me observata. Quod assertum, vel conjectura an applausum mereatur, alii curiosi in locis istiusmodi, à pinetis non admodum distitis, dicto tempore indagare haud difficulter poterunt. Collectus præterea iste pulvis ex lacunis cum spuma quâpiam innatans atque exsiccatus igni vel candelæ accensæ inspersus similia ferè indicia, atque pini iste crocus, ostendit. Cæterum de croco illo pini nihil amplius hîc locò addam, quem nonnulli ex turionibus maturè decerpis & arefactis collectum pro pectoris affectibus &c. dilaudant.

[*Jenâ 1689. d. 22. Januar. Noribergam missæ.*]

SCHOLIUM.

Conjectura hæc de pluvia sulphurea pulvisculo tenuissimo sive antheræ pini &c. adscripta, aliorumque autoritate non minùs confirmata, cum luce suâ radiet, an tamen præter hanc, verè etiam sulphurea contrigerit, non immeritò quaeritur? Quam licet Nob. D. Author minimè neget, esse tamen alios, qui soli isti pulveri flavo, Mense Majo usque ad medium Junium, à florentibus pinis & abietibus deciduo, illam tribuunt, invenio, cum quo nempe sulphur illud pluviale exactè conveniat, nec aliò quàm dicto tempore pluvias istas delapsas historiæ memorent. Ast speciosam hanc opinionem duobus exemplis dubiam facere, & pluvias verè sulphureas, vel ab isto vegetabili pulvere diversas ex aëre decidisse, ostendere libet; quorum utrumque licet itidem Mense Majò observatum fuerit, cum tamen pulvis ille ex aëre depluens, sulphur à dicto resinoso piceo pulvere planè discrepans ostenderit, temporis illa convenientia nihil contra historiæ veritatem concludere valet. Prioris exempli notitiam suppeditat *Ol. Wormius*, Medicus & Professor Regius Hafniensis quondam clarissimus,

Dec. II. Annus VII.

Aaa

lib. I.

lib. 1. Musæi sui sect. 1. cap. 11. ubi sulphuris sibi genus esse testatur, quod Anno 1646. d. 16. Maji Hafniæ ex aëre decidit cum pluvia ingenti totam urbem inundante, quod colore, odore, & aliis indiciis verum sulphur retulit. Alterius celeberrimus etiam Hafniensium Medicus & Professor, *D. Simon Pauli* in *Comm. de abusu Tabac. & h. Thé*e mentionem facit, in Norwagia nempe Anno 1665. d. 19. Maji, insolenti tempestate, tonitru horrendo & densis nimbis sulphur redolentibus intermistis, pulverem simillimum sulphuri cœlô delapsum esse, qui in igne foetentem spiravit fumum, & cum spiritu cerebinthinæ liquorem dedit Balsamum sulphuris odore simillan- tem. Neque posse tale quid contingere, rationum momenta aliqua defunt, imprimis si montes aliaque loca sulphure ardentia consideremus, qualem famosum ignivomum montem, Heclam dictum, Islandia exhibet, quem sulphuris esse feracem, *Wormius* l. c. quoque memorat. Et hœc ipsô incendiô sulphuris particulas haud paucas elevari quis neget? quales in agro Puteolano, in loco, quem Vulcani forum, vulgariter Solfatara vocant, hinc inde saxorum igniferorum hiatus adhærentes vidi & collegi. Tales itaque ubi copiosè aëri sese immiscuerunt, ventorum impulsu ibi conglomeratæ, halitusosisque nubium corpusculis intricatæ ac ventorum impetu abreptæ, tandem pondere suô unâ cum nubium condensatis guttulis in terram descendere cur nequeant, haud video.

[*L. Schröck, L. f.*]

OBSERVATIO CXCIV.

D. GÜNTHERI CHRISTOPHORI
SCHELHAMMERI.*Pistaciæ Germinatio.*

DOctrinam de germinatione plantarum, (naturæ opere) ad naturalem Philosophiam pertinere, vulgò notum, nec multis id ostendi opus. Eam igitur etiam à nobis excoli par est, animisque curiosis conveniens. Constat autem ferè, ut reliqua natura, oculorum fide, cui idoneas deinde causas ingeniorum acumen adinvenit. At verò, quemadmodum cuncta germinent semina, nemo facile mortalium percensere unquam poterit: necessum tamen foret, si quis scientiæ leges implere, & de his certa & universalia conde-
dere velit. Neque excedere humanæ mentis industriam tantum opus, si plures conferre labores constituent, Aristotelis exemplò constat, qui in Animalium historia tenenda vel solus non contemnendos fecit progressus; Nos jam igitur quid in Pistacia, nobilissimi arboris fructu cernere licuerit, exponemus, nam reliqua nucum genera, majorumque seminum rationem alii passim, Laurembergius cum primis, vir ad hæc studia natus, additis etiam iconibus, declararunt; sed qui hanc nostram viderit, pinxeritque, adhuc quidem reperi neminem, cum digna res sit, quæ è tenebris eruatur, multum enim ab ite-
ceterorum ejus generis germinandi ratione. Nam cum reliquarum nucum, majorumque seminum germina, quæ ex oculo vel fenestella, dehiscente semine, erumpunt, nucis carni, tanquam placenta, vel matrici suæ unicò umbilicali funiculò nectantur, Pistacia geminum sortita est, quo plantam recens enatam, veluti duabus ansis ex nuce exsertis, mediam continet, eò modò, quò ad vivum hîc à me delineata cernitur. Nutrimentum per eas, ut in cæteris quoque, trahi, haud

dubium reor, donec radices ex trunco altiùs terram subeuntes plures emittat, cum in modum, quem Figura XXXV. ostendit.

Aliquot nuces terræ gremio mandaveram, quarum aliæ plantam nullam edebant, aliis edita, ad altitudinem aliquam assurgens, non multò post tempore exarescebat. Scire avidus, quid mali istis contigerit, è terra erui, nucis carnem intùs corruptam deprehendi, (forsan nimio humore) maximam partem nigricantem, & nescio quibus vermiculis scaudentem, exilibus, teretibus, filamenta tenuissima referentibus: dixeris Lumbricorum minimum genus, nisi candicantes fuissent toti, argumento, ex ipsa nucis medulla vel natos vel nutritos: Quorum prius, si univocæ generationis patroniis videtur incredibile, rogatos velim, ut mihi explicent, quomodo, & ex quo semine hîc sint coorti, qui sui simile nullibi ostendunt genus: id sanè discuperem ab iis edoceri.

His in germinantibus ita perspectis, subiit animum cupiditas, etiam integras revocare ad examen, & qualem includant seminalem plantulam, investigare. Per medium igitur fissis, satis conspicuam inhærere vidimus, quæ parte inferiore non inhærebat utero suo, id est nucis carni, sed ab eo prorsus erat liberata, superius autem inflexum caput sub corticem illum internum duplicem, qui nuci arctiùs adjacet recondebat, ubi ita se subducebat oculis, ut ne Microscopio quidem ejus terminum liceret assequi.

Non esse nudam, sed velamentò seu proprio cortice gaudere, (qui corticem arboris futuræ fortassis constituit) admotò cultellò patuit; Eò, beneficiò ejusdem rescissò, duplex apparuit cauda, quam Figura XXXVI. Pictor artificiosè, bonâque fide expressit. Caudam appello, quia inferior est in nuce pars, antequam sata, turgescat, quæ fortè, ubi ex ejus hiatu evasit, fit caput; alterâ parte terram, alterâ aërem petens, hâc caudicem, illâ radicem constituens. Quod, etsi satis exploratum non habeo, si tamen ita non sit, cui usui duplex
facta

facta sit, non intelligo. Unam talem reperi, qualem Figura XXXVII. exponit oculis: monstrosa ne sit, an germinationem, intus agitatam corruperit natura, aut deficiente humore deseruerit, non dixerim, adeoque, quid inde colligendum, perspicacioribus animis conjectandum relinquo.

Fig. XXXV. XXXVI. XXXVII.

OBSERVATIO CXCVI.

D. GÜNTHERI CHRISTOPHORI
SCHELHAMMERI.

Epilepsiam à Tabaci fumo foveri.

Epileptici cujusdam gravia symptomata, & à me usurpata adversus eum morbum auxilia præteritò annò chartis consignata transmissi, ubi addideram, me spe teneri haut levi, futurum ut hoc mali, si non cesset penitus, comprimi ramen possit, & frangi. Expectationi huic meæ in tantum jam respondit eventus, ut salvum esse liceat, modo libeat viro. Comperi enim postea, eum tabaci fumum impensè amare, ei que nimium quantum indulgere: à quo, si ex præscripto sibi temperat, ab affectu incolumis, rectè valet, ubi repetit antiquam consuetudinem, malo subindè tentatur. Ne autem ex hac sola id colligerem, alia sese mox obtulit consimilis observatio. Pagus est, trium ferè horarum spatio ab hoc Lyceo distans, nomen ipsi est *Schwanensfeld* / Caupo hujus pagi eòdem laborabat fonticò morbò, nec minus hoc Nicotianæ Spiritu delectabatur, eòdem prorsus rei eventu. Postquam enim Medici dissuasu ipsi valedixisset, ex eo statim tempore nihil ampliùs ab hoste infensissimo sibi metuebat, sed per plures jam annos sanus degebat. Ex quibus sanè apparet, fumo benedicti hujus occidui orbis doni haut levem intercedere cum morbo comitiali necessitudinem, & cerebro,

mentis sedi esse inimicum. Cujus quidem rei in promptu etiam est ratio, Narcotica enim vi quâ pollet, spiritus obruit. Non tamen nisi imbecillis ac ægrè habentibus circa has partes nocet, quia resistunt majori virtute instructi & numerosiores spiritus, nam illa narcotice vis non adeò magna est. Hinc qui capitis partibus & spiritibus sunt fortioribus in mediis fumorum istorum nubibus intactum servare solent ingenium, imò gravissima negotia rectius aliquando, quàm extra illas pensitare. An quia nobilioribus & magis igneis ac velocibus remora objicitur? Omnis enim ejusmodi virtus Narcotica spiritus ferocia tumultuantes premit, ex se mites verò ac debiles opprimit ac pessundat. Cavendum igitur est Practicis, ne omnibus ex æquo epilepticis Opiata propinare, (quod facere nonnullos novimus) satagant, non enim nisi robustis, si modò ullis, conveniunt.

OBSERVATIO CXCVII.

D. GÜNTHERI CHRISTOPHORI
SCHELHAMMERI.

Alia de Epilepsia observatio.

NOta sunt exempla, passimque celebrantur eorum, quibus ex aliqua corporis parte ascendit ad cerebrum nescio quis vapor, quod, utprimùm est factum, illicò paroxysmò epilepticò corripuntur. At quibus è cerebro in partes inferiores descenderit tale quid, non invenio notatos. Id verò etiam fieri, (adeò causâ non deest) experientia me reddit certior, Vir quadragenarius major erat, cui solebat contingere. Quoties enim instabat affectus, percipiebat è cerebro aliquid in brachium abire, idque nuntiabat iis, qui erant unâ. Hòc factò, incipiebat primò integris adhuc sensibus, scienti & videnti brachium moveri, ex quo mox reliquo corpori communicata mali materia ipso pro
more

more concidente, caput ipsum, aliæque etiam partes miserrimò spectaculò concutiebantur.

OBSERVATIO CXCVIII.

D. GÜNTHERI CHRISTOPHORI
SCHELHAMMERI.

Sputi rejectio matutina copiosa, admodum
molesta, ab eodem tabaco.

COgnatus meus, Jurium studiò operam navans, singulò mane, è lecto surgens, tantà salivalis humoris copia os inundari sentiebat, ut illi rejiciendo integra sæpè hora vix sufficeret: quin instar fonticuli manabat, & cùm ea res admodum ipsi esset molesta, petiit ut sibi consulerem. Petito annuens, varia quæ animus suggerebat in remedium rari affectus adhibui, sed frustra omnia. Idem & aliis contigisse quos consuluerat plurimos, Medicis, referebat. Hic post biennium nuper ad nos revisens, referebat, se ab illo incommodo jam esse liberatum, nullius medicaminis beneficiò, sed quia tabaci fumum, quem tum jugiter, me inscio, sugere solebat, vitare ceperit. Ego verò, ut in comperto res esset, sollicitationibus inducebam, ut eò vespere admitteret antiquum hospitem: alterò mane confestim urgens saliva instabat, id quod aliquoties jam sibi ex ejusdem usu repetito contigisse referebat, ob eamque causam se in perpetuum Herbarum Benedictarum valedixisse. Ratio tam insoliti affectus paulò obscurior ut videatur, reperitur tamen facilè. Acrimoniam enim huic fumo esse, quæ titillando & irritando glandulas in ore ad humoris profusionem invitat, omnibus est notum. Quem effectum in hoc juvene latius extenderunt, quoniam semel irritatæ glandulæ propter *ευαισθησία*, etiam cessante causa, sensum molestiæ retinuere, pari prorsus modò, ut in hyper-

percatharsi glandulæ intestinales & pancreas, quod magna est glandula. Per somnum autem, uti ejusmodi fluxus alii sistuntur, ita & hic saliva erumpere non potuit, expergefacto igitur, in glandulis per noctem congregata, confertim profluxit.

OBSERVATIO CXCIX.

D. GÜNTHERI CHRISTOPHORI
SCHELHAMMERI.

Hæmorrhagiæ spontaneæ internæ & externæ notabilis observatio.

IN elegantissimo, nec minùs erudito *J. Wepferi opusculo, de Loco affecto Apoplexia pag. 230.* Gemina extat spontaneæ hæmorrhagiæ historia, cui, etsi subjungat Vir doctissimus: *Scio similia apud Auctores Medicos legi*, cum tamen non adeò frequentia extent, quod sciam, exempla, non omninò lusurum me operam putavi, si aliis binis rem satis aliàs miram confirmaverim:

Vir quidam eximius, annorum circiter quinquaginta, summâ ingenii vi, adeoque sanguine haut dubiè puriore & fervidiore, cum amicis genio indulgens, ad mensam sedebat, cum de improvîso ex minimi digiti articulo, quò metacarpo adhæret, aperta, ut credo, arteria, sanguis profilit spontè, ad binarum ulnarum altitudinem adscendens, non secùs ac si cultelli acie pertusa fuisset vena: cum aliquandiu unà cum sodalibus hoc ita spectâssent, subitò iterum spontè substitit, nullò relicto apertæ cutis vestigiò.

Alterum majoris momenti videtur. Annus currit jam tertius, cum ad ægrum vocatus fui, qui modò sanus, cum cæteris nundinis nostris hospes advenerat. Affectum cum inquiero, narrat, quot annis sibi magnum in latere sinistro tumorem sensim oriri, eâ regione, quæ vulgò lienis esse putatur: externè

ternè tactu esse perceptibilem, pugnae magnitudinem æquare. Ubi ad summum pervenerit, rumpi sine mora, & in stomachum ingentem sanguinis copiam vomitu excernendam effundere, ita ut non semel ad jv. vel v. librarum pondus ascendat. Ex eo se ita debilitari, ut decumbere habeat necessum, & medicamentis vehementer irritatum ventriculum placare, ac prostratis viribus succurrere. Ubi evacuatus est sanguis, confestim evanescere omnem tumorem, sed sensim iterum collectio sanguine se rursus prodere, donec antiquo ritu exoneretur. Luculentum hoc exemplum est Hæmorrhagiæ spontaneæ internæ, ut prius illud externæ, ut commentarii locò esse possit ad Wepferi verba quibus orditur narrationem suam: *Vasa sanguifera, inquit, tam intus recondita, quam externum habitum perreptantia non raro citra causam externam & violentam suâ sponte aperiri.* Priori simile exemplum unum est apud Schenkium Observat. III, 37. posterioris aliquot III, 99. & apud Dodonæum unum Obs. 26. qui in ægroto post mortem dissecto, lienem corruptum invenit, dignus qui consulatur.

OBSERVATIO CC.

D. GÜNTHERI CHRISTOPHORI
SCHELHAMMERI.

De

Terra Catechu.

Annus est & quod excurrit, quod ad privatos usus affuso sic dicto Vini Spiritu, ex Terra Catechu liquorem adstringentem, Tincturam vocant, mihi paraveram. In scrinio sepositum cum inde repeterem nuper, ut consueto more effunderem aliquid ægroto in usum trahendum, (ardentissimò erat ætatis tempore) nihil amplius liquoris, sed concretum in perfectam gelatinam medicamentum

Dec. II. Annus VII.

Bbb

rum

tum offendi. Quod argumento est, vel gummoso & glutinoso succo massam hanc vix satis cognitam, esse compactam, vel quæ in eam concresecunt, talem in se occultatum habere. Utrô se res habeat modò, illud hòc experimentò palàm fit, præstans hanc Terram esse adstringens, & sanguini acriori porissimùm sistendo aptam, cùm non terreis tantùm & acerbis, sed glutinosis etiam constet, qualia cæteris de eo genere plurimùm sunt præferenda, prout hoc solidiore disciplinâ imbutis Medicis abundè est notum.

OBSERVATIO CCI.

D. GÜNTHERI CHRISTOPHORI
SCHELHAMMERI

Mus in vertiginem actus.

DOctissimus *Louverus Transactionibus Philosophicis Anglicanis Anni LXVII, n. 32.* inseruit disquisitionem de morbo oculorum solis equis familiari. Nemo igitur vertet mihi vicio, si ad illius exemplum morbum qui muri contigit nostris Ephemeridibus inseram. Pertinent autem hæc ad historiam animalium, in qua & illud foret recensendum, quibus morbis qualibet vivant obnoxia. Etsi de Plantarum morbis agunt omnes Botanici, cur non liceat, imò oporteat etiam animalium referre? Vigesimo octavo Septembris, cùm diluculò Musæum ingrederer, in medio pavimento murem conspicio minorem, qui se ibi continebat, terram intuens. Miratus timidissimum animal præsentiam meam ferre, accedo propiùs: nihil movetur, expecto quid futurum sit: mox ille celeri cursu in circulum rotari incipit, cujus centrum vix pedem ac circumferentia distabat dimidium, idque aliquandiu, modò iterum consistit, nihil movens præter caput, quod tremulus motus agitabat; modò rursam discurret, irrequietò rotatus ambitu, semper describens gyrum exactissimum;

mum; sed nunc majorem paulò, nunc minorem. Id spectaculum durabat per bihorium ferè, quò elapso, sensim parieti adrepens, & subindè circuitus quosdam conficiens, minùs tamen frequentes, peractâ tandem tragoediâ & cessante affectu, sese in latibulum condidit.

Patiuntur ergò & bruta morbos singula suos, sibi que in illo genere proximos. Neque enim eundem hunc esse cùm verâ vertigine quisquam putaverit, quod & Loweri de equis relatio testatur; Oves tamen etiam circumagi simili impetu, notum est Opilionibus rusticisve, funestò magis exitu, plerumque enim pereunt. Sed & fues ignis sacer corripit (ita appellare liceat ad exemplum Hippocratis, cùm subulet etiam hunc, ut morbum sacrum Hippocratis antiquitas, incantamenti expellendum credant) cui, nî confestim obsistat, actum est, intra duodecim horas vel citiùs pereunt, post mortem candentis prunæ instar rubente omni parte affectâ, prout hoc aliquoties cùm admiratione spectavimus.

[A. 1689. d. 25. Jan. Helmstadio Noribergam missa.]

OBSERVATIO CCII.

D. JOHANNIS BENEDICTI
GRÜNDELII.

Arenæ copiosæ per alvum excretæ.

CAlculos & arenas in omnibus ferè humani corporis partibus generari posse, passim attestantur historiæ Medicæ; Addam, quod ego hòc mense Januariò in Senatore quodam quinquaginta annorum arthriticis & colicis doloribus sæpiùs vexato, in vicina civitate Feistritz observavi. Sensit bonus iste vir sæpiùs dolores ventris atrocissimos, quos adstantes à flatibus exortos existimabant, in quem finem etiam applicati sunt clysteres, aliæque inunctiones anodynæ adhibitæ, unde alvus aperta, & dolores aliquo-

modo sublatis; dum itaque quâdam vice in fecum alvinarum excretionem duritiem quandam sentiret, excrementa curavit aquâ dilui, ubi integrum manipulum arenularum flavarum invenit, datus postmodum ei est ab Empirico Balsamus Sulphuris terebinthinatus, qui cum urina nihil nisi materiam viscidam, per alvum autem rursus easdem arenulas copiosè protrusit. Nuper dum per hanc civitatem proficiscerer, magna quantitas harum arenularum ostensa est. Existimo hunc affectum in viro isto à parentibus arthriticis & nephriticis natò multum foveri & augeri à vinis nostratibus, tartarò & acidò crudò copiosè scatentibus, minùs diureticis, sæpiùs-que incolis malum arthriticum, colicum & nephriticum producentibus.

OBSERVATIO CCIII.

D. JOHANNIS BENEDICTI
GRÜNDELII.

Venenum morfu canis rabidi inductum,
& post octo annos in puella
excitatum.

NOvi puellam civilem, dum Viennæ frequentarem Collegium Medicum, quæ sextò ætatis annò in pede à cane rabido fuerat morsa, vulnus cum leve erat, nec ullum malignitatis vel rabiei signum appareret, curabant domestici per remedia vulgaria, & etiam citò cicatricem inducebant; Puella ista octo integris annis optimè valet. Tandem decimò quartò ætatis annò Variolis epidemicè tunc grassantibus corripitur, antequam autem illæ in cute se manifestant, variis cruciatur symptomatibus; jam delirat, modò instar canis latrat, (quod mirum dum & ipsi canes rabidi latratum omittunt.) Aquam autem coctam & omnia liqui-

liquida, imò & aquam destillatam pro pulveribus alexiphar-
macis sumendis summè fugit. Adhibentur varia remedia in
forma Boli ex Oculis cancri, radice Cynorrhod. composita,
& medicamentis ordinariis variolas expellentibus admixta,
immersio autem aquæ in hydrophobia aliàs usitata hîc omit-
titur, ne naturæ motus à centro ad peripheriam impediatur.
Tandem præter omnium spem, Variolis perfectè jam protru-
sis, præfata symptomata cessant, & medicamentis ulterius con-
tinuatis ex integro convaluic.

[An. 1689. d. 28. Januar. Marpurgo Styr. Augustam Vind.
misse.]

OBSERVATIO CCIV.

D. JOHANNIS CONRADI PEYERI.

Mulieris gravidæ anatome.

G Ravidarum mulierum cadavera dissecare rarò contin-
git, non quòd minùs illæ sint morbis ac morti obno-
xiæ, sed quòd Medici sæpiùs prohibentur à propin-
quis, inani persuasione crudelitatis. Multò enim-
verò inhumanus est, id negare hominum precibus ad inqui-
sitionem penitissimam naturæ, quod subtrahere nequeunt am-
bitioni vermium. Hactenus ergò bis tantùm gravidarum
mulierum dissectioni interfui, primùm Basileæ M DC LXXXI,
quam historiam sòdalis doctissimus mihiq; amicissimus Pœon
in Apiario Observ. XI. memoriæ prodidit, deinde hîc Scaphu-
siæ auctumnò M DC LXXXVIII. Nimirum vinitoris admo-
dum juvenis conjux, non procera, sed crassa & torosis artu-
bus, cùm celebs antè fuisset, initò matrimoniò mox concepit
quadragenaria major. Appropinquante verò partûs tempo-
re in hydropem incidit. Inde femora inprimis & extremi pe-
des vehementer intumuerunt, ut digitorum vestigia iis altè
hærent impressa. Accessit etiam præcordiorum angustia,
Bbb 3 & ex

& ex intervallo difficilis anhelitus. Urina reddebatur pauca, ultimòque mense lotio simile quid tumidis pudendis semper emanavit. Embryonis motum sentire adhuc sibi visa est quadriduo antequam moreretur. Medicamenta adhibita sunt cum paucò levamine. Tandem superveniente orthopnoeâ & mirâ cordis anxietate cum pulsu intermittente ac inæquali, imminenteque ventri exulcerato gangrænâ, noctu exspiravit. Ferebatur maritus atrox ac immitis uxorem, dum viveret & valeret, rudius exagitasse & interdum accepisse verberibus; quæ causa fuit, ut cadaver ad inspectandum magis expeteretur, etiam à necessariis defunctæ. Abdomen repletum erat mole partim uteri, partim aquâ, ut fieri ascite consuevit, non adeò tamen copiosa, quod uterus cavum ejus maximè implevisset, quamobrem sæpè quærentem audivimus agram se vereri, ut venter tantâ extensione medius crepet. Pars etiam feri in pectore & pericardio stagnavit. Pulmones hinc inde putridi & corrupti cum tuberculis, alicubi adnati ac affixi pleuræ, ut crebrò usu venit. Cordis dexter ventriculus cum auricula spectabatur ingenti polypò fartus & impeditus; albò, compactò, & tam firmò atque intricatò, ut vivente muliere gemitum & angustias excitasse summas cordis, & hydropem cohibitò sanguinis itu & reditu auxisse prorsus ac confirmasse arbitremur. Pallidum porrò & durum hepar, bilis exigua. Lien, pancreas, ventriculus, & intestina, integra: turgida hæc tamen, ut solent, ventis. Potissimùm autem desiderio ferebamur collustrandi uterum, & quæ continebat singula. Notavimus igitur illius substantiam non quò magis extenditur à conceptione crescente foetu, hoc tenuiorem reddi, sed crassam planè, amplam, ac robustam inveniri etiam extremis mensibus instante partu, quò dilatata atque expansa omnia creduntur. Alicubi crassities ejus transversum digitum æquavit, ad fundum præcipuè, & ad cervicem. In lateribus paulò tenuior apparuit, attamen robustus omnino, ac non carneus modò, sed etiam tendinosus, ut his in locis

locis fibræ carneæ uteri fulcimentum aliquod habere videantur, ad firmitus sese contrahendum in enixu: cujusmodi structuram comparem ostendunt quorundam animalium ventriculi. Placenta non fundo adhæsit uteri, verum lateri ejus, quod intestinum rectum & os sacrum respicit. Facile præterea separabatur ab utero & illa ipsa & chorium omne, citra cruoris effusionem. Inter chorium & amnium membranam intermediamprehendimus tenuissimam; ast nihil penitus humoris. Amnios humorem continebat circa foetum, familiarem puta alimoniam embryonibus. Infans ipse foeminei sexûs, omnibus numeris perfectus, & partui proximus, capite jacebat ad os uteri inclinatò, pedibus sursum versus ventrem suum contractis, & complicatis brachiis. Funiculus umbilicalis collum ambiebat. Curavi ocyùs tubulò in urethram demissò explorari perviùsne sit urachus, ut brutis esse constaret, nec ne: at neque spiritum neque aquam magnâ licet contentione infusam admisit. Infantem autem jam aliquot diebus ante mortuum esse inde quodammodò cognovimus, quod decolor esset corporis habitus, & cuticula totò corpore abscederet, abdomen denique plenum atrò cruore repertum sit visceribus luridis. Sanguinis forsan motus in matre nimium adstrictus effecit, ut sanguis etiam in foetu consisteret, & teneris venis ruptis excideret in ventrem: nisi vis externa ab illato ictu & verberum repetitione simul infantem fortius perculerit læseritque. Ovum, è quo genita est puella hæc, accessit è sinistro matris testiculo: nam in eo vidimus manifestum cicatricis vestigium, non foveam inanem, sed contractam carnem exiguam duram & flavesceniem, quæ ovum separaverat atque expulerat. Tuba quoque illius lateris amplior ac magis rubra erat, & patentior crassiorque sinistra. Quodsi perpetuum id esset, pluribusque exemplis similibus comprobatur, vel frequentius saltem idem accideret; confirmaretur assertum Hippocratis, à sinistris uteri partibus foemellas esse, mares potiùs à dextris. Veruntamen sunt apud
nos

nos aliquot mulieres admodum fertiles atque foecundæ, quæ puellas tantum pariunt, sunt pariter quæ tantum mares: nec scitur, an ova ex uno duntaxat eodemque ovario sive recte secedant, vel ex utroque. Verum de his iudicium nemo certum ferat, nisi omnis generis experimenta abundè perceperit, qualia literis consignare aut Ephemeridibus tradere neque inutile prorsus, neque incuriosum aut supervacaneum existimo. Illud denique silentiò hîc minimè prætereundum, vincula, quibus ossa pubis invicem connectuntur, mulieri huic gravidæ tam laxa fuisse & remissa, quantumvis quadragenariæ, ut cultrò facillimè dissolverentur. Hoc singulari omninò providentia divina fieri credendum est, ne in enixu ossa isthac Marpesiæ cautis instar partui resistent, sed quantum fieri potest citra laxationem recedentia patefactis viis exitum infantis adjuvent atque promoveant. Quæ cum ita sint, & non nobis tantum sed aliis quoque autoribus probata, quis non miretur peculiari disputatione de partu difficili M DC LXXX. Heidelbergæ habitâ solenni sententiam hanc iterum iterumque rejici atque explodi? Nec ferendum in eadem disputatione Cap. III. ad ossa pubis perperam distrahi & confutari, quæ Adr. Spigelius præcellens Medicus & Anatomicus quondam Patavii celeberrimus, de ore interno uteri, non de ossibus pubis, verissima & nostræ quoque experientiæ multiplici congruentia asseruerat. Quod hîc obiter monere volui, ne qui aliorum infidis scriptis se in errorem abripi patiantur.

OBSERVATIO CCV.

D. JOHANNIS CONRADI PEYERI.

Periosteum osseum.

Cùm nuper è macello caro bubula mihi allata esset, eam alterius spectaculi causâ considerans atque contrectans adverti os, quod è carne prominebat (erat autem portio

portio femoris) periosteô carere; itaque diligentius inquirendo membranam ipsam in os degenerasse comperi: eamque membranam osseam frustillatim separare ac auferre potui. Id ætati potius quàm morbotribuendum esse putavi: nam percocta licet caro tenax erat. Per ætatem verò etiam arterias & venas osseam duritiem observatum est contraxisse.

OBSERVATIO CCVI.

D. JOHANNIS CONRADI PEYERI.

Hydatides in venis.

IN hepate maçtati porci adhuc calente cùm venam portæ hâc hyeme contuerer attentius, exit repentè ex ostio ejus cum paucò sanguine hydatidis mollissima, propemodùm amygdali formâ & magnitudine, pellucidâ prorsus, & membranâ tam subtili constans, ut vix sint subtiliores & magis perspicui lymphæ ductus. Alicubi tamen in superficie apparuit vestigium quoddam crassum, & flavum, exilius semine milii. Id arbitror radicem aut umbilicum quasi hydatidis hujus fuisse, quò venæ portæ intùs tanquam matriçi adhæsit, & per quem lympham tantùm subtilissimam hausit. Videtur hæc observatio confirmare lymphæ potissimam scaturiginem è membranosis partibus. In hominum venis tamen hydatides nondum reperi.

[A. 1689. d. 7. Febr. Scaphusiâ Augustam Vindel. missa.]

OBSERVATIO CCVII.

D. PETRI ROMMELII.

Anevrisma magnum, nullis remediis cedens, spontè tandem evanescens.

NON Monstra solùm, verùm etiam Miracula in Medicina contingere; illud, tanquam axioma medicum tyronibus inculcatur, hoc verò simul cum illo, etiam

Dec. II. Annus VII.

Ccc

ab

ab iis non diffitebitur, qui vel mediocriter saltem in lectione observationum, ab insignibus Practicis adnotatarum versati sunt. Nec enim pro desperatis habiti, planè derelinquendi sunt; cum nullus morbus adeò gravis & periculosus sit, ex quo non unus evaserit, & alter reconvalesceret; Neque etiam ullus adeò salutaris, levis ac parvi momenti, qui non aliquem trucidaret & vitam privaverit; unde, sicut talis non contemnendus nec parvipendendus est, ita etiam pro incurabilibus habitis, nihilominus manus medica est ad movenda.

In Tumorum p. n. classe, exceptis Anthracibus ac Bubonibus pestilentialibus (qui tamen multoties, peste laborantibus, quando prorumpunt, roboris naturæ & futuræ sanitatis signum præbere solent;) vix reperitur Tumorum species, quæ majus periculum, & vitæ ipsius summum discrimen adferat, quàm Aneurisma, h. e. Tumor à læsis arteriæ alicujus tunicis, (non jam prolixi erimus, utrum ex duabus, juxta veteres, aut tribus vel quatuor constant tunicis juxta modernos Anatomie Proceres,) exortus; præsertim si Chirurgum in hoc tumorum genere tractando & percurando imperitum, nactus fuerit. Tot tantaque hujus rei tragici casus & exempla passim apud Auctores prostant, ut iis prolixè recensendis facile supersedere posse existimemus. Ex infinito fere numero sufficiet nominasse *Paræum*, *Fabritium Hildanum*, *Fabritium ab Aquapendente*, *Schenckium*, *Scultetum*, *Bartholinum*, *Barbættum* & *Dekerum*, *Ephemerides Academ. Nat. Curios.* &c.

Ante paucos Annos hujus rei funestum exemplum in homine rustico hinc Ulmæ vidimus, cui, imprudenter apertò aneurismate à Venæsectione infelici subortò, non obstante amplius arte & ope chirurgicâ, miserè pereundum fuit.

Ante triennium civis honestus Ulmensis, *Simprecht Oster-tag*, vir vegetus & consistentis ætatis, tempore vernò, venam brachii dextri more receptò, tundendam Chirurgo latè ac hilariter exporrigit; Vini enim Cyathum, post levem prius factam

Etiam deambulationem ebiberat : sed infelix admodum uterque, & Chirurgus, & Venæsectionem patiens, hic sustinendo quæ sequebantur gravia symptomata; illè, venælocò, arteriam vulnerando, fuit : statim enim vix factâ plagâ, liquor purpureus, spirituum animæque domicilium, maximò cum impetu profiliit, ita ut vix ligatura (hanc enim Chirurgus visò saltante quasi sanguine maturabat,) fortior licèt facta, impetum compescere potuerit, quin de novo, non obstantibus fasciis duplicatis proruperit, Chirurgumque simul cum patiente, in non exiguum timorem & stuporem conjecerit: Hic enim tum ob metum proprium, à consternatione illius auditum, tum etiam ob sanguinem profusum, spiritusque deperditos, animò deficere coepit. Chirurgus præter fortem ligaturam & constrictionem dolorificam, melioris consilii nescius, præsertim primis diebus nihil adhibet remedii, interim patiens ab hac, maximum totius brachii perſentit dolorem & tumorem, ut propriò demum Marte Oleò Liliorum alborum & similibus, dolorem intolerabilem demulcere & lenire, non quidem sine successu, tentârit. Hinc indies in brachio, eo in loco, in quo incisio facta fuerat, tumorem mollem & digitis cedentem, statim verò, remotis digitis retrogradientem, succrescere & augmentum capere observavit, (non obstantibus adplicitis, nescio quibus, remediis) qui tandem ovum anserinum non solum æquabat, sed magnitudine superabat, colore, reliquo cutis colori planè simili permanente, pulsus in eodem non solum digitis percipiebatur, sed etiam oculis conspiciebatur, non minus etiam sonus & fluctuatio intra tumorem, auribus percipiebatur, ita ut omnia perfecti aneurismatis signa diagnostica observarentur, & pro tali, simulque insanabili, ob magnitudinem & temporis diurnitatem, deinceps à juratis Chirurgiæ Magistris judicatum fuerit: Per integrum enim annum varia à variis fuerunt adhibita remedia, Venæsectio, purgatio, sacculi herbis, floribus, seminibus &c. referti, fots, epichemata, emplastre &c.

nihilque ferè eorum omisſum fuit, quod aliquò modò, malo huic compescendo conducibile videbatur, incaſſum tamen omnia, præterquam quod brachium exin majus robur (nam per plures menſes valdè debilitatum fuit, ut vix panem minorem manu tenere, conſuetos verò etiam leviffimos labores, nullatenus peragere potis fuerit) majoremque agilitatem, denuò acquiſiverit. Unde ſumptuum ulterius impendendorum, pertaſus patiens, (quingenta enim Imperialibus infelix hæc Venæſectio hætenus conſtiterat) & quia res deſperata & non, niſi cum vita ejus terminatura ab omnibus ferè, quos conſilii cauſâ conveniebat, declararetur, faſcias, fomenta, emplaſtra, & quicquid hujus farinæ hætenus uſurpatum fuerat, juſtò ut ipſi videbatur Zelò, abjecit, mortem, vitæ morboſæ (quia *non vivere, ſed valere, veram reputabat vitam*) præferens, ad labores ſuos hætenus prohibitos & ſuſpenſos poſtliminiò quaſi redire, intermiſſaque longò tempore conſuecta munia denuò obire, ſicque miſeræ vitæ eò citius colophonem imponere ſatagens, medicamentis omnibus valedixit, potiùs labore, quàm mœrorè & languore perire, fatæque ſua abſolvere maluit, ex Seneca enim nondum didicerat; *Scelus eſſe, occidere, vel mortem oppetere, etiam ubi mori remedium eſt.* Sed audiamus ſucceſſum; quò celerius enim morti obviam ire conſtituit, eò magis mors ipſa, ipſum fugere quaſi, viſa eſt, ita ut ex eo, quò fatum accelerare præſumſerat, ſanitatem & novam quaſi vitam adeptus fuerit; rectè enim Medicorum Cicero, Celfus ſcripſit: *Sæpè quos ratio non reſtituit, temeritas adjuvat.* Vix enim aliquot ſeptimanis præterlapſis, inopinatò & aliud quaſi agens, obſervavit, anevriſmatis tumorem, tractu temporis forſan, medicamentorum inſuper, ut credo adſtringentium & ſiccantium uſu, aliquò modò duriorem redditam, non ampliùs priorem magnitudinem obtinere, ſed nonnihil decreviſſe; hoc calcar ei addidit, frequentioribus laboribus (qui copioſum ſudorem, cui aliàs obnoxius erat, provocarent) corpus & inprimis brachia

chia exercere, laboribusque quasi totum sese mancipare: Quò factò, de septimana in septimanam, aneurisma paulatim detumescere, tandemque omninò evanescere, nullis concomitantibus doloribus aliisque symptomatibus observatum est, maximo cum patientis gaudio, nec minori omnium admiratione, ita, ut jam ab omni malo prorsus immunis sit, nec vestigium aneurismatis vel tumoris, neque in brachio, neque alia in corporis parte amplius compareat, quin potius optimâ & integrâ valetudine ab anno jam dimidio feliciter & optatè fruatur. Aneurismate non omninò adhuc absumptò, per jocum, in loco, librandis ponderibus gravioribus destinato, à bajulis, vires brachii sui periclitari jussus, tam temerarius fuit, ut dimidii centenarii pondus, manu dextrâ non solùm arripuerit, bilanci magnæ publicæ, & hinc denuò scamnò ei destinatò imposuerit, verùm etiam hinc inde sine noxa quidem, non tamen sine admiratione adstantium, & suppressò timore jocantium, portârit. Lætus jam & sanus omnia sua negotia perficit, DEOque subindè pro tam clementi & beneficâ, miraculosè quasi redditâ incolumitate & divinò auxiliò dicit gratias, plenisque decantat buccis, hujus enim benedictioni inprimis & copioso, laboribus indefessis procurato sudori, restitutionem suam, & quidem rectè adscribit.

Ex hoc casu discere possumus, sæpissimè evenire, ut remedia, quæ plurimis aliis profuerunt, in hoc vel illo ad votum non succedant, ut agnoscant ægri simul & Medici; *non propriè esse remedia, quæ languores sanant, sed solam misericordiam & benedictionem divinam.*

OBSERVATIO CCVIII.

D. PETRI ROMMELII.

Aneurisma aliud feliciter curatum.

PRiori Observationi, aneurismatis desperati, spontè tamen sanati, non ingratum fore autumo, aliam methodicè curati aneurismatis subnectere.

Juvenis doctissimus D. M. J. C. M. viginti trium annorum Anno 1687. Majali tempore, ad sanguinis copiam minuendam, venam dextri brachii, medianam dictam, lancettâ incidi sibi curat, cujus apertio, à Chirurgo Artis suæ haud imperito dextrè, & ut decet, perficitur, nullaque inter effluendum pulsatio, vel saltus sanguinis animadvertitur: Eòdem post Venæsectionem celebratam die tamen, quia Musis sacrificare ipsi interdicabatur, tempus fallendi gratiâ in horto cum domesticis & familiaribus, currendo, saliendo, corpus & brachia hinc inde violentiùs movendo, otium fugare, hisque exercitiis appetitum ad cœnam procurare volens; sequenti die conis ludendo, brachiumque defatigando, per bihorium & ultra, idem facit; tertiò à Venæsectionis die, tuberculum priùs non animadversum, eo in loco, ubi vena aperta fuerat, animadvertit, dubio procul propter vehementiorem corporis & brachii motum indeque causatam majorem sanguinis effervescentiam, ob arteriæ tunicarum dilatationem oriundum; quia tamen dolorificum non erat, id floccifaciebat, & per plures dies periculi nescius, negligebat: Cùm verò subindè incrementum sumeret, Chirurgo affini, ille mihi, monstrat & indicat, statimque ob colorem à cute reliqua non variantem, pulsum digitis & oculis perceptibilem, fluctuationem & sonum, tumorisque, factâ digitis compressione, retrocessionem, remotis verò illis momentaneum reditum, aneurisma esse pronuntiabat, & quidem rectè, magnitudine ovum columbinum si non superabat, certè æquabat.

De

De periculo quod subesset monitus & certior factus Dn. patiens, anxie medelam expetiit: Statim igitur ne majus incrementum sumeret, exporrecto brachio, sanguinem iterata digitorum compressione, canali suo angustiori, quasi intrusimus, influxumque arteriam compressam impedivimus, aneurismati laminam plumbeam, decenti magnitudine & crassitie factam superposuimus, emplastro insuper contra fracturas munivimus, fasciisque probe constrinximus, & quæ fieri ratio & Ars suadebat rite & methodice peregimus, simulque juxta diætæ convenientis observationem, quietem imperavimus: quibus observatis effectum, ut aliquot septimanarum spatium, tumor omnis ablatus, tunicæ laxatæ & expansæ in pristinum suum statum restitutæ fuerint, & Dn. patiens ab omni majoris mali metu liber evaserit. Nihilominus tamen, majoris securitatis ergo, ligaturam & compressionem cum plumbo &c. continuare jussimus, quod etiam per trimestre spatium diligenter observatum, atque effectum est, ut hætenus planè sanus omnisque mali expertus vixerit. Principiis igitur obstandum (licet etiam hic principium neglectum fuerit) raro enim Medicina paratur, cum mala per longas invaluere moras.

Discant ex hoc Venæsectionis amatores, post sanguinem venâ sectâ emissum, nullum violentum motum, aut corporis exercitium esse faciendum; sed potius quieti & aliis, absque corporis nimia agitatione & exæstuatione fientibus recreationibus, esse studendum. Sed surdis narratur fabula. Conf. cum hac nostra, Observationem D. Burneti, in Thes. Med. Pract. Tom. I. p. 54. de Illustrissima & Excellentiss. Dn. Comitissa à Dhona &c. &c.

OBSERVATIO CCIX.

D. PETRI ROMMELII.

Foetus, absque funiculo umbilicali,
editus.

Vix dici potest, quantæ nugæ, quotque fabulæ supersticiosæ atque anilia deliramenta, ab obstetricibus, aliisque credulis mulieribus de umbilico seu funiculô umbilicali, foetuum recens in lucem editorum, alantur, aliisque etiam, ut firmiter credant, persuadere conentur. Et utinam solùm obstetrices obstetricantesque aliæ ex fece plebeja oriundæ mulierculæ, ad superstitiones & fabulosas narrationes præ aliis valdè proclives & aptæ natæ, hæc talia crederent, & non etiam alias illustriores & quibus de meliori luto finxit præcordia Titan, immò etiam grandi-simulque vaniloquos quosdam, sibi ipsi (si Diis placet) de magna scientia & eruditione Medicâ præ aliis gratulantes, reverà tamen imaginarios & imperitos Medicos dicam, an Thrasones Medicastro, hæc superstitionis lues seu contagium inquinavisset. Credunt enim & procaciter satis aliis persuadere adlaborant, ex hoc funiculo, ejusque ut vocantur nodis sive varicibus, certissima futuræ fecunditatis aut sterilitatis haberi posse signa, item de numero & multitudine procreandorum liberorum, de prolium subsequutarum sexu, quem ex colore rubro vel albo prælagiri posse contendunt; item, an brevi vel longo intervallo sit sequuturum novum puerperium; an unicum saltem foetum, an verò gemellos proximè sequente conceptione sit gestatura gravida, quod ex varicum majore vel minore ab invicem distantia vel vicinitate divinare, vel etiam ex nodorum absentia, de omnimoda sterilitate harrolari, insuperque de umbilici rescissi & exsiccati citiore vel tardiore, spontaneô tamen casu, vitæ longioris vel brevioris futuræ,

turæ, certum augurium capere satagunt; cùm tamen hæc omnia nullum solidum habeant fundamentum; licèt interdum casu potius ita, æquè ac cum aliis superstitionibus fieri amat, contigisse, concedendum sit; quæ autem casu tantùm fiunt, sunt, ut in Scholis loqui solet, extra semper & frequenter, unaque hirundo nullum ver facit, nec unum alterumve exemplum regulam constituit: Ut jam taceam anilem fabulam, de colis longitudine vel brevitate futura, prout nimirum vasorum umbilicalium resectio propior vel remotior ab obstetrice instituta fuerit: item infantes vel etiam adultos, quibus insciis umbilici portio exsiccata ad devorandum fuit propinata, vel serico inclusa amuleti instar collo ad gestandum adpensa, docilitate, imaginariâ felicitate, & à periculis præervatione, visus itidem, si infantes per umbilici exsiccati cavitatem, tanquam per tubum opticum perspiciunt, majori acie, &c.

Communis apud mulieres est sententia, (cui adhucdum nonnulli Medici, non satis, ut mihi videtur, de Nutritione fœtus in utero, & quomodo fiat, informati, adstipulantur:) Embryonem per vasa umbilicalia & quidem solum nutriri; cùm tamen rem aliter se habere, Hippocrates, Galenus, Plutarchus, Aristoteles, Harvejus, universusq; ferè Anatomicorum præsertim recentiorum Chorus, tradat, sequensq; Observatio manifestè, doceat & demonstret.

Anno 1680. d. 3. Aprilis ad Joh. Gerstenii, Ianionis uxorem neo-puerperam, & jamjam justò partûs tempore puellam enixam, ob secundinarum, ut causabatur retardationem vocatus fui, quamvis res adhuc integra, puerpera viribus minimè exhausta, & pro renata sana ac robusta erat: Quia tamen inopinatum & nunquam antea observatum Phænomenon obstetricem & adstantes mulieres, non minùs etiam obstetricum antesignanam & Directricem (*Oberhândige Frauen*) in adiutorium ante partum vocatam, maximè perterrituisset inque stuporem rapuisset, eò ardentius meam præ-

sentiam, consilium simulac epicrisin super hanc rem efflagitarunt.

Puella recens edita, viva & vegeta omninò, quoad membra omnia perfecta & sana, à sordibus modò per aquam mundata mihi ostendebatur, cui nullus ex abdomine, ut aliàs fieri consuevit, procedebat funiculus, sed umbilicum instar infantis plurium jam mensium sanum habebat, præterquam quod processus parvus instar vermiculi, longitudinem articuli digiti minimi non attingens, prominebat, planè impervius & occlusus, neque cruorem, saniem aut sanguinem, etiam compressus fundens, ita ut à longo jam tempore occlusum fuisse & coaluisse credendum fuerit. Non parvam fateor mihi movit admirationem ac delectationem hæc inspectio & examinatio. Intereà autem dum hæc miror & examino, simulque adstantibus, quomodo fœtus in utero non solum per umbilicum, sed imprimis adultior factus, potissimum per os nutriatur, explico; opportunè à puerpera etiam placenta uterina, sana & integra mediocris magnitudinis feliciter excluditur; quâ ritè examinatâ, funiculus umbilicalis quidem decenti longitudine ex placenta propendens nostro conspectui sese obtulit, sed longè tenuior, nec rugosa, & vix calamus scriptorium crassitie æmulans, in extremitate verò, quâ umbilicum spectare conveniebat, stramineam crassitiem haud æquans & omninò ferè lumbricum mentiens, non minùs ac infantis ipsius umbilicus planè cæcus & imperforatus, nec vestigium unquam præsentis alicujus aperturæ monstrans. Præsentibus perterritis vix persuadere potui, nihil hîc miraculi, portentii, vel monstrofi aliquid subesse, sed potius providæ & hîc etiam ludentis naturæ, principaliter verò DEI, admirandam hominis, angustissimis adhuc uteri cancellis inclusi, nutritionem nobis ostendere volentis opus esse. Conferatur cum hac nostra observatione, etiam Cornelii Stalpartii van der Wiel Obs. rarior. Cent. Poster. Part. I. Obs. 32. p. 327. seqq. item Act. Lips. erudit. A. 1686. Mens. Decembr. p. 617.

Ex hac Observatione liquet, non omnia, aliàs etiam certissima foetus in utero mortui haberi solita signa, perpetuè esse veritatis: Paræus enim lib. de Hom. Generat. cap. 25. f. m. 639. item Bauhinus in Præfat. ad Tract. Francisci Rosleri de Partu Cæsareo, & cum his omnes alii, præter alia, pro certissimo foetus mortui venditant signo: si secundinas ante infantem prodire contigerit; quod tamen in hujusmodi casu, absq; vitæ infantis periculo accidere posse opinor.

OBSERVATIO CCX.

D. PETRI ROMMELII.

Hermaphroditus vitulinus, pedibus
cervinis præditus.

ANno 1684. ab Illustri & Generoso Dn. Barone de Bernhausen &c. ob valetudinem quã tum vexabatur adversam, Ulmâ evocatus, quæ agenda ad restitutionem Generosi Dn. ægroti videbantur peregi, domumque repetere volenti, ante abitum jussu Dn. Baronis, à famulis vitulus aliquot septimanarum monstratus fuit, cujus sexus planè dubius erat. Vulvâ enim atque pene, non quidem analogô saltim, sed reverà tali superbiebat, verumque Hermaphroditum seu Androgynum in suo genere referebat. Quod ulterius in hoc vitulo notatu dignum videbatur, erant pedes, non bubulis, sed prorsus cervinis pedibus similes; unde Illustr. & Generos. Dn. Baro, Venator illius, aliiq; suspicati sunt, bovem in sylvis proximis pascentem, à cervo salaciore compressam & imprægnatam, cervinisque pedibus vitulum fuisse insignitum; Sexus verò duplicitatem à Natura vel ludente, vel aberrante provenisse. Hic vitulus deinde me nesciò mactatus & inter famulitium distributus fuit, quod si mihi (ut quidem promissio facta erat) indicatum fuisset, curiosius in hanc

Ddd 2 rem

rem inquisivissem, & præter externam à me jam factam inspectionem, etiam interiora rimatus essem.

OBSERVATIO CCXI.

D. PETRI ROMMELII.

Crapula & vomitus, non nisi eadem numero horâ, quâ crapula coeperat, desinens.

Nobilis quidam civis D. J. S. pluries jam expertus est, post crapulam, (cui tamen deditus minimè est, scit enim: *Non facere ad longam crapula multa diem: Dasß hundert trincken sich zu todt / eh einer stirbt aus Durstes Noth*) se non solum, quod etiam aliis commune quasi symptoma esse solet, cephalalgia vexari, sed etiam vomitu & conatu evomendi satis pertinaciter molestari, nec ab hisce symptomatibus liberari posse, nisi prius excretâ per vomitum bile, quam æruginosam forsan adpellarent Medicinæ antiquioris Proceres. Quod maximè autem notandum, biliosa hæc excretio non accidit, non obstantibus repetitis vomitionibus, iteratisque conatibus, nisi elapsò demùm viginti quatuor horarum spatiò, ea scilicet numero & ordine hora, quâ pridè crapulam contraxerat: Finitâ enim hæc periodò & ejectò per vomitum hoste intrinsecò, & cephalalgia & vomitus, omnisque vomendi conatus simul evanescunt, & patiens ab omnibus à crapula causatis & oriundis molestiis prorsus liberatur.

OBSERVATIO CCXII.

D. PETRI ROMMELII.

Ossium mollities & flexibilitas.

Ossa totius corporis fundamenta & stabilimenta esse, Anatomix tyrones nôrunt; & quia totius machinæ microcosmicæ sustentacula esse debent, durior quàm aliis corporis partibus, à natura polydædala, substantia ipsis concessa est; quanquam eorum durities plurimùm variet, & ratione soliditatis (nolim tamen hic soliditatis vocabulum in strictiore significatione sumi, quia sic nullum os solidum dici potest) magna inveniatur eorum differentia, tum ratione sexûs & ætatis, quàm etiam ratione morborum, & locorum in eodem subjecto diversitatem. Sed non solum instar fundamenti ob suam naturalem duritiem sese habent, sed etiam ad motum & ingressum serviunt, ne instar serpentum, & reptilium, quæ ossibus carent, repere cogatur animal. Ornatum etiam non parvum, rectè disposita toti corpori ratione sitûs & figuræ præbent: Si enim debitâ duritie destituuntur, nullò columnarum munere fungi possunt, nec animal ritè ingredi sequè loco movere potest, sed potius collabitur & instar globi, deformem totius corporis conglobationem patitur, quale malum pictor ille insignis, apud Nicolaum Tulpium lib. 1. Observ. 18. p. m. 38. seq. sagax aliàs, ob suorum ossium mollitiem & flexibilitatem (quæ tamen imaginaria, saltim erat) metuebat. Nonnunquam tamen tali mollitie deprehenduntur, ut homo ad omnes actiones, ad quas peragendas ossium cooperatio requiritur, præsertim incesum motumque voluntarium, planè ineptus evadat. Exempla ossium ceræ instar p. n. mollium & tractabilium, præter Ruellium, Hollerium, & jam Marcellus Donatus, Fernellius lib. 2. de Abdit. Rer. Caus. f. m. 69. Petrus Forestus lib. 17. Observ. 15. fol. m. 120. enarrant, ex lue Venereâ nonnunquam ossa mol-

lia, cariola, & facillè dissolubilia evadunt; monstrosus omnino est hominem ἀνόστου nasci, cuiusmodi pueruli absque ossibus Hippocrates mentionem facit. Foetus monstrosi, flexilis & exossis meminit Georg. Hieron. Velschius, Hecatost. I. Observat. 8. p. 101. Pueruli item sine ossibus coagulatis geniti, Philippus Grölingius Centur. 5. Observat. 66. pag. 59. Excellentissimo D. D. Th. Bartholino, Bristolæ in Anglia monstratus fuit puer, qui ossibus in artubus destituebatur, ita ut brachia & manus instar chirothecæ circumvolvi potuerint, vid. Act. Hassn. Vol. 5. p. 275. Conf. & Barthol. Hist. Anat. Cent. 6. Obs. 40. p. 263; legi quoq; meretur Actor. Hassnien-sium Vol. 3. Obs. 24. p. 38. seqq.

Cum Anno 1664. nundinarum aliarumque occupationum gratiâ Venetiis morabar, simulque ne omne planè tempus inutiliter consumerem, cum Excellentissimo D. D. Ant. Serrari, Florentino, Practico haud infelici & experientissimo, Fautore meo magnò, videndi & discendi causâ, patientes ejus, cum ipso visitabam; accedit ut durantibus nundinis, præter alia varia & curiosa, viderim hominem, ob staturam Nano familiorem, largiter pro temporis, consuetudinis & regionis ratione barbatum; qui solutâ certâ pecuniâ, omnium se exponi oculis & examini patiebatur, quiq; ob ossium ceream quasi mollitiem, nec stare nec ambulare potuit, sed sedentariam ducere vitam cogeatur: Pedes & brachia ejus ita flexibilia erant, ut pro lubitu ea tractare propriis manibus & instar lori quocunque voluerim, aliquoties contorquere potuerim, sine omni patientis incommodo, vel dolore; ceterum pro sua quidem conditione, optimè valebat, comedebat, & dormiebat. Cum ab Italo quodam, me præsentem, interrogaretur: Utrum (quia benè mutoniatus erat) etiam tentationes carnales habeat, & an aliquando cum muliere rem habuerit? Subridendo respondit: *Signore, mentre non sete Prete ò mio confessionario, non credo d' essermi obligato, di rispondermi sopra la vostra questione: h. e. Domine, cum non sis neque*

neque Sacerdos, neque Confessionarius meus, ad responsionem nullò modò me obligatum esse censeo.

Quid valeat in mollificandis seu frangendis ossibus Gramen Ossifragum Norvagicum ex D. Simone Paulli, item Barthol. Aët. Haffnienf. Volum. 2. p. 126. & 232. item Volum. 4. pag. 99. Ephemeridib. Erud. Gallic. &c. notum est. Arcanum ad mollificanda ossa, ebur, ova &c. detegitur in Aët. Haffn. Th. Barth. Volum. 2. Obs. 123. p. 313. Aqua etiam ossa emolliens singularis ibidem describitur.

Conferatur pariter Papini Novus Digestor, sive machina pro emolliendis ossibus inventa, vel Aët. Lipsienf. An. 1682. & An. 1688. &c.

OBSERVATIO CCXIII.

D. PETRI ROMMELII.

Fluxus menstruus immodicus, Febre Tertianá superveniente curatus.

MOrbum alii morbo supervenientem, priorem tollere morbum, adeò novum non est, plurimæque hujus rei exempla hinc inde colligi possent; Quemadmodum enim febris cita nimis curatio, variorum interdum morborum causâ existere potest; itidem Experientiâ teste; ita etiam non semel aliorum affectuum & symptomatum gravium medicatrix exstitit, docente ipsò Coo in Aphorism. &c. Hydropem, Volvulum, hypochondriorum dolorem, dolorem capitis, repentinam mutitatem, convulsionem, stertorem &c. superveniente febre sanari. Sic Excell. D. D. Hannemannus, apud Bartholinum in Actis Medico-Philosophicis Haffnienfibus Volum. 2. Observ. 102. p. 249. observavit puerum calculò gravissimè laborantem, peste epidemicè tunc grassante correptum, post pestis curationem simul à calculo fuisse liberatum, nec ampliùs posthac calculi sym-

symptomata passum esse; quia ita judicante Magnô Bartholinô, febris pestilentialis materiam calculi, quæ illâ ætate fluidior adhuc existebat, absumere potuit.

Johannis Jacobi, Fabri lignarii conjux consistentis ætatis, ante aliquot annos, nimio & immodico mensium laborabat fluxu, qui sex integris septimanis, nullis domesticis & evporistis, mulieribus nostratibus in hujusmodi affectibus familiaribus, nec etiam tandem & postliminio quasi à Medico efflagitatis remediis compesci potuit, in muliere aliàs viragine & Diætâ, quæque ad hanc pertinent parùm observante: Postquam verò septima demum septimana febre tertianâ correpta fuit, fluxus immodicus sensim remittere cœpit & octidui spatio prorsus ab hoc maximè molestô affectu liberata est; febris calore & æstu humores exsiccante, nimiam serositatem & fluiditatem corrigente, & per Diaphoresin absumente; ab utroque affectu jam per aliquot annos libera & immunis vivit, menstruaq; ordinariè fluunt.

OBSERVATIO CCXIV.

D. PETRI ROMMELII.

Uvulæ, non animadversa amissio, eamq;
concomitantia incommoda.

UVula, sive in glandularum, sive muscutorum refertur numerum, (ut nonnulli volunt) quantæ sit & necessitatis & utilitatis, tam ad articulatè loquendum, (ut non immeritò inde vocis plectrum audiat) quàm deglutiendum, ab iis disci potest, quibus vel à veneno venereo erosa, vel ob inflammationem, catarrhum acrem, ulcus, aliumve casum ablata est: Difficilimè enim ferè omnes hi deglutiunt, præsertim si deglutienda sint liquida; pariq; difficultate loquuntur, ita ut vix & difficulter admodum intelligi queant. Dixi ferè omnes, quia Magnus Bartholinus passim

in

in suis Scriptis testatur; uvulam absque vocis dispendio abscindi posse &c.

Præteritò vere An. 1688. ad me venit mulier rustica, magis skeleton animatum, quàm verum hominem referens, ægerrimè incedebat ob summam corporis debilitatem, cutisque vix ossibus adhærebat: obstupui quasi, ob tam miserandum spectaculum, suamque miseriam explicare jussi: Unde lachrymis abstersis narrare cœpit, se ab aliquot jam mensibus, ob, si non prorsus denegatam, summè tamen difficilem deglutionem, nihil ferè comedere, minusque bibere potuisse, etsi appetitus, ad cibum & potum capiendum subindè viguerit; inde evenisse, ut quæ aliàs evsarca & satis robusta erat, indies magis magisque emaciata atque debilitata fuerit. Causam difficillimæ hujus deglutionis rejecit in haustum aquæ frigidæ, messis tempore, corpore ob laborem valdè calefactò & æstuante assumptum; ab eo enim tempore se malè habere cœpisse, præter deglutiendi difficultatem & faucium dolorem, etiam raucedinem & tandem loquendi molestiam vocemq; clangosam supervenisse.

Primò statim intuitu hecticâ ipsam laborare phthisinque conjunctam esse præter externam contemplationem, ex relatis conjecturavi; quia tamen neque tussis, neque sanguinolenta aut purulenta exspuicio, nullumque præterea asthma, & anhelitûs difficultas aderat, aliam subesse causam suspicans, ulterius examen institui, obque vocem raucam faucium, prægressum dolorem, de malo venereo contracto cogitare cœpi, proinde os, palatum, & fauces inspexi, statimque columellæ sive gurgulionis defectum animadverti, & non paulum in suspitione morbi Gallici confirmatus fui, cujus tamen nullum aliud signum indicativum observare potui, mulier insuper per omnia sacra juravit, se ab hac lue tam in conscientia quàm in corpore prorsus esse liberam, nullamque causam excogitare posse, unde tale virus etiam per somnium contrahere potuisset, à pluribus quidem septimanis à balneatore pa-

gano, cujus curæ ob deglutationem viciatam se, jubente marito, submittere constituerat, postquam uvulæ defectum animadverteret, ceu morbo Gallico laboraret, diffamatam fuisse, proindeque illius promissam valetudinis & uvulæ amissæ restitutionem repudiâsse: Interrogata quomodo igitur gargareonem amiserit? Sanctè contestata est, se nihil planè de modo posse dicere; præter dolorem faucium enim & quidem non adeò magnum, & sputum copiosius interdum, se planè nihil sensisse; & nî balneator, absentiam ejus, simulac amissæ partis restorationem, per singularem curandi methodum, pro qua duodecim Imperiales poscebat, indicâisset, nihil se de hujus partis amissione scivisse.

Tandem re accuratiùs considerata, ob defectum aliorum signorum, quæ virus venereum latens prodere possent; judicavi, ab aquæ frigidioris potione, corpore à labore æstuan-
te assumpta, fauces, imprimis verò ob impeditum sanguinis motum, coagulataque à frigida lympham, motuique ineptam redditam, gargareonem seu uvulam inflammata, inde exulcerata, & hinc sensim ab acredine catarrhi erosam & cum sputo ejectam fuisse; eò magis, cùm non desint exempla, quibus ab acribus & salsis catarrhis, hæc pars absumpta & erosa fuerit, conf. Miscell. Acad. Nat. Curios. Decur. II. Ann. V. Medicamenta igitur convenientia visâ præscripsi, temeritatem & jactantiam balneatoris detestatus sum, omnemque curationis spem in fruitione jussulorum & ciborum optimè nutrientium & evchymorum positam esse dixi, modumque pro meliori deglutiendi facultate docui, nempe ut esculenta probè priùs masticata, fauceibus ope digitorum altiùs immitat, potum verò ex canali itidem profundius immisso hauriat; ut etiam loquela promptiùs succedat, & meliùs intelligatur, inter loquendum nares digitis aliquantulum comprimere jussi, quibus per aliquot septimanas observatis, meliùs habere cœpit, nec successu caruit medicamentorum usurpacio, & præceptorum observatio, vires enim sensim rediêre,
mensēs

mensēs etiam denuò fluere cœperunt, & pro re natâ sat commodè loquitur, suâq; negotia & munia rustica, absq; luis suspitione peragit.

OBSERVATIO CCXV.

D. PETRI ROMMELII.

Singularis inter maritum ejusq; uxorem Idiosyncrasia.

Vix numerabilia, ab insignibus Autoribus observata, rariorū Sym- & Antipathiarum exempla, ubique ferè adnotata, reperiuntur; Ex infinitis verò solum nominare libet Ephemerides Acad. Nat. Curios. Bartholini, Acta Medico-Philosoph. Haffniensia, &c. Oldenburgii Acta Anglica; Ephemerides Gallicas; Henricum ab Heer; Hermannum Grube; David. Lipsii Dissert. de Antipath. singularibus; de Saint Romain Physicam, Scholasticis tricis liberatam &c. Non ingratum fore confido singulare idiosyncrasias à me observatum exemplum, hîc adnotâsse. Civis cujusdam nostratis honesti & conspicui uxor, quoties accidit, ut maritus negotiorum expediundorum gratiâ, vel aliâs, diversorium, vel etiam amicum domi visitat, præterque institutum & propositum ad bibendum invitatus vel persuasus, nolens volens se inebriat, (Bibo enim non est, & non eorum numero, qui se inebriandi occasionem quærunt, sed vir apprimè modestus & frugalis) &, quod ipsi tunc familiare est, ob crapulam evomit; tum uxor domi, rei & vomitionis hujus prorsus nescia primò nauseam sentit, postea verò ob singularem ventriculi cum mariti ventriculo, nescio an dicam Sym- vel Antipathiam, itidem vomit, & non minùs quàm maritus ipse affligitur, licèt planè nesciat, ubi maritus sit, utrum bibat nec ne, insuper nihil vel cibi vel potus, vel aliud quid, quod vomitum ciere possit, adsumserit, imò vacuò sto-

machô hoc aliquando sibi accidisse comperta est. Hoc pro signo pathognomonico certissimo habet, si illa præter rationem ad vomendum instigatur, maritum, etiam extra urbem profectum, & alibi morantem, crapulâ & vomitu molestari: quod etiam examen subsequens, & temporis collatio, verum fuisse, sæpissimè comprobavit.

OBSERVATIO CCXVI.

D. PETRI ROMMELII.

Errores in Medicina quandoque salutare.

ERrores in Medicina vel ab ignorantibus adstantibus & ministrantibus, vel aliàs etiam apud ægros commissos non rarò evasisse salutare, experientia ipsa, pluribus exemplis testari potest. Ante aliquot annos Illustris cujusdam & Generosi Liberi Baronis filiolar sexenni, semper ferè valetudinariæ & debili, tunc primùm ad illam curandam vocatus, præter alia medicamina etiam infusum blandè purgans, tribus vicibus per tres dies subsequentes exhibendum, ordinavi: fœmina, cui ægrotantis filiolar cura demandata erat, præceptorum vel oblita, vel suò ut plerumque ab hoc sexu fieri consuevit, sensu abundans, medicamentum, quod tribus partitis vicibus præbere jussi, unicâ vice simul ac semel, circa vesperam exhibet; post cujus assumptionem valdè purgari cœpit Illustris puella, ita ut in summo vitæ periculo constituta, ab omnibus crederetur, & tanquam jam mortua, ab Illustrissimis parentibus deploraretur. Denuò vocatus, commissum errorem à parentibus ipsis facilè deprehensum, intellexi, & idonea remedia adhibui, ea per DEI gratiam felicitate, ut paucarum dierum spatio, filiolar in integrum fuerit restituta, & quæ antea valetudinaria admodum & morbosâ erat, dehinc ob validiorem purgationem, vel si mavis hypercatharsin,

fin, jam ab omni morbosa dispositione, libera sit, & in hodiernum usque diem, summò cum Illustrorum parentum gaudiò & solatiò, optimâ sanitate fruatur, quam D. T. O. M. etiam in posterum ipsi largiri velit.

Ante triennium mulieri cachecticæ inter alia medicamenta etiam Spir. Sal. Armoniaci Zwölfferianum præscripsi, singulisque diebus bis, gutt. vii. vel viij. in vehiculo ad hoc ordinato, vel jusculò exhibere præcepi. Mulier ægrotæ serviens, mandatorum immemor, & schedula, quæ vitro adpensâ, & in qua etiam dosis & modus utendi notata erat, posthabita, ℞iij. Spiritus dicti (tantum enim capiebat vitrum) simul ægræ præbuit, quæ quidem de dolore oris & faucium conquesta, simulque juramentò contestata est, se tale medicamentum, nullò modò amplius assumpturum esse. A meridie ad ipsam invisens, invenio vitrum spiritu vacuum, & sciscitans, errorem commissum cum indignatione experior, nihil tamen coram ægrotâ dicere ausus sum, ne errorem extendendo, vel ægrotanti, ob majoris mali metum, vel etiam mulieri præbenti obessem; illa enim hanc, per testamentum hæredem constituerat; sciebam enim, hoc magis ex inscitia & negligentia quàm nocendi animò factum esse. Mulieri interea ægrotanti, persuadere non potui, ut eâ die quicquam medicamentorum adsumeret, quin & juscula præsertim hordeacea, exhiberi jussâ adsumere, moremque gerere noluit. Nihil tamen obfuit hoc in dosi excedens præbium, quin potius non parùm profuisse credendum: nam urina, quæ hactenus admodum parcè fluxerat, hinc copiosior matulæ reddebatur; obstructions remittere, hydrops instans evanescere, ægraque indies melius habere cœpit, & præter senectutis consueta incommoda, vix aliquid aliud amplius persensit.

Puerperæ febricitanti & valdè debili, aliquando Aquam confortantem cum Confect. Alchem. Lapid. Bezoarticis &c. & ad dolorem capitis valdè molestum, urgente patiente Epi-

thema frontale ex Nucleis Persic. Sem. Papav. & similib. cum aquis convenientibus, præscripsi; mulier ancillans, locò aquæ confortantis emulsionem anodynam successivè exhibet, aquam verò confortantem Bezoarticam fronti & temporibus adplicat, optato successu, dolores enim sopiti & calor febrilis non parùm mitigatus inprimis frontale summè laudatum fuit, errorem quidem animadverti, & quia omnia rectè se habebant, ne debitâ reprehensione factâ, ægrota obesse vel erranti mulieri, quia Medicum in omnibus circumspectè agere decet, subticui.

Pseudo-Pharmacopœus mulieri cuidam cephalalgia valde excruciatâ, locò Spiritûs cephalici cujusdam, (quem suavis muliercularum externè adplicare volebat) Aquam fortem porrigit; cujus aliquot guttâ, hinc inde capiti & vertici insperfa paulò post, non solum fascias crinales & tegmina lintea capitis, sed cutim etiam ipsam cum pericranio, non absque doloribus & convulsionis periculo corroserunt, ita ut per maritum me accersere coacta, majoribusque malis jam imminuentibus ritè obviam ire necessum fuerit. Nihilominus tamen voti sui compos facta, & post hanc Aquæ fortis adhibitionem non solum uvula ob catarrhum prolapsa sive elongata potius, in pristinum statum redacta fuit, sed etiam cephalalgia pertinax, continuò quasi eam enecans omninò remisit. Quomodo per Aquam fortem locò Aquæ Ceras. n. exhibitam, pisum jam germinans è corpore eliminatum fuerit, Ephemerid. Acad. Nat. Cur. Dec. II. An. II. Observat. 135. p. 301. referunt. Imprudentem Mercurii sublimati in oculum insersionem, oculo fuisse salutarem, Dec. II. An. III. Obs. 133. p. 269. & Felix Platerus narrant.

Sic recorder à fide dignissimo mihi narratum esse, mulierem in partu difficili & laborioso, cum mentio fieret, Aquæ sive Balsami Embryonis, quem vulgò *Kinders Balsam* nominant, ex Pharmacopolio ad illum petendum missile; mulier missa, à Sepiasario sub nomine des *Kinders Balsams* / unguentum pedi-

pediculi, eine Laus-Salbe/ (quod ita à plebejis urbanitatis gratiâ nominari solet) quia fortassè nullius alterius Balsami præter hujus notitiam habebat, petit & accipit, statimque parturienti portionem haud exiguam ad devorandum exhibet, quam ægerrimè deglutit, de ingratissimo hujus medicaminis sapore conquerens, ingeminans, se Ulmæ apud heram suam, longè aliud balsamum, liquidum scilicet & instar aquæ limpidum in usum trahi observasse, sed non audiebatur. Nihilominus tamen, DEO benedicente, paulò post feliciter enixa est, errorque ob synonymiam commissus detectus fuit.

Plurima hujusmodi exempla allegari possent, si operæ pretium existimaretur, sed ex his videri potest, non omnes in medicina errores esse noxios, quanquam casus & fortuna sint extra semper & frequenter & quilibet, medicinam exercens cautè & consideratè agere debeat, cum de corio humano non temerè sit ludendum, licèt *interdum temeritas restituat, quos ratio restituere nequivit.*

[Ulmâ 1689. d. 10. Febr. Augustam Vind. misse.]

OBSERVATIO CCXVII.

D. JOHANNIS de MURALTO.

Febris duplex tertiana.

Juvenis triginta circiter annorum, temperamenti sanguinei, habitus athletici sub initium Augusti Anni 1682. febre tertianâ duplici correptus, tum primùm non nisi symptomatibus ordinariis & contingere solitis afficiebatur, cumque ætatis suæ vigore robustoque habitu prædictus esset, extra periculi aleam ipsius res æstimabantur, Venæsectio per illa morbi initia instituta est, enemataque quædam injecta sunt; Verùm post quatuor aut quinque dies à morbo inflictio exasperatis symptomatibus, dolore capitis, jactatione mentis & corporis

poris & quâdam oculorum hebetudine & instabilitate afficiebatur, pro istâ autem affectûs morbosî ingravescentiâ Medicus phlebotomiæ reiterationem consulebat; cûm autem Patientis mater renuisset, omîssa fuit, symptomataque indies exasperata sunt, ita quidem ut delirio correptus fuerit Patiens cum insigni debilitate, convulsionesque atroces superinductæ sunt, ita ut immaniter per multos dies divexatus, decimò nonò morbi obierit.

SCHOLIUM.

A Curi affectûs citò sua percurrunt tempora, promptaque idèò manuum operâ opus habent, opportunitas quoque ac defectus rerum sumendarum admovendarum, faciendarum, educendarum ad convenienter mœdendum præceptum est; propter morbi & naturæ cujusque statum variamque peculiaris cujusque conditionem, ut minimis momentis maximæ fiant inclinationes vel in salutem vel in perniciem ægri, quod contigit in hoc Juvene, perperam enim omîssâ sanguinis missione, quam ætas juvenilis, tempestas, habitus athleticus & febris indicabant, humores incensi sunt, factaque metastasis humoris morbifici ab inferioribus ad superiora, ex quo delirium succrevit, demùmque genere nervosò-peccante humore plenius elutriatò convulsiones immanes superinductæ sunt; Hocce autem fatum sanguinis missio pro morbi magnitudine viriumque modulò facta prævenire valebat, fervores enim compescit, humorum impetus cohibet, unde & refrigerium succis conciliat, ex quo & natura pacatior facta noxia disgregat, vires collapsas colligit, parteque oneris levatâ, quod reliquum est, facilius vincit & superat. Sed rides *αἰμοφύβη*, quasi exhaustis rivulis defæcatior fiat scaturigo, vel per canaliculos ripis instratos aquis ex parte decurrentibus alveus fluvialis faculentis turgidus expurgeretur; sed morare gradum nec tam difficile quàm putas experientiæ rationum momenta attexere. Liquores à corpore solido non differunt, nisi

nisi quòd diffluent ipsorum partes actuque moveantur, uti & contrà in solidis partes constituentes quiescunt & à motu vindicantur, juxtaque invicem positæ perstant & remorantur, uti & contrà in liquidis porositates insignes intra se constituunt, quæ corporibus de novo admittendis, spatiisque vacuis adimplendis locum præbeant; ex hoc facile intelligas liquorum commotionem ipsorum confusionem inducere motuque turbamentum excitari, si ingruat tempestas, & quod ajunt, aperiantur cataractæ coelorum, nonne turbidos statim ac turgidos amnes & fluvios videre contingit, ipsosque non nisi aquarum transcolatione per rivulos aut rimas solo instratas inclarescere Lymphæque nitorem adipisci; tam subitæ & frequentes moventur in microcosmo tempestates ut nihil magis, dissidia & rixæ quotidie contingunt, ad pleonexiam quotidie assurgit alveus sanguinolentus, ingluvies ad istam alludit & progignit indefinenter, rerum non-naturalium usus intempestivus motus contra naturam in humoribus accersunt, non igitur efficacius gravia mala, quæ inde emergunt antevertes sanguinis missione, more liquorum, qui effervescentes demptâ liquoris parte aut qui turgidi an turbidi demptâ plenitudine, utroque modò suos motus componunt, & ad temperiem reducuntur. Per humorum divortia motibus contra naturam inducta partes crassiores in fundo delitescentes sursum rapiuntur, vicissimque tenuiores fundum petunt, sicque crasis evertitur, compositio demolitur, omnisque temperies sternitur, verum sanguinis missione, tenuiores partes, quæ primos tragœdiæ motus inchoant choreasque ducunt, circumcisò motu, crassiores ab amplexibus dimittunt, sicque diruta crasis restituitur, partesque decompositæ pristinum compositionis statum recuperant. His autem rationibus adducti, omnium tum interiorum cum exteriorum partium inflammationibus Venæsectione medemur, sanguinis sputò, incipienti tabi, sanguinis vomitioni, & eruptioni, quæ ex naribus, utero, vel hæmorrhoidæ plenius erumpit; insuper

carbunculis, furunculis, scabiei, quæque hujus conditionis & naturæ ex impurâ plenitudine emergunt. Illa nec non saluberrima est febribus omnibus, quas putrescens humor accendit; sed & partium affectûs quamplurimos, lethargum, vertiginem, apoplexiam, epilepsiam, paralyfin, phrenatidem, cordis *παλμόν*, acres mordacesque oculorum fluxiones, vel præsentis missione sanguinis curamus, vel impendentes, consuetos aut anniversarios, eadem antevertimus.

OBSERVATIO CCXVIII.

D. JOHANNIS de MURALTO.

De

Pleuritide.

Mulier quadraginta septem annorum Cachectica per hyemem frigore incautè susceptô pleuritide correpta fuit, ter fuit phlebotomata, enemataque injecta sunt, dosinque spiritûs fuliginis bis aut ter exhibui, cùm à sanguinis missione non levaretur, mirùm quàm levaminis ab isto spiritu passim ægrotis accesserit, sæpius quidem utor, non tamen nisi præmissâ phlebotomia. Interim cùm illa meliùs haberet, dolorque remisisset, potionem purgantem eccopropticam exhibui, sensimq; ad sanitatem perduxi.

SCHOLIUM.

Pleuritis omnium thoracis affectuum molestissimus & acutissimus morbus, à parte affectâ scilicet pleurâ membranâ costas succingente nomen susceptans, est inflammatio membranæ costas succingentis, cum febre assiduâ, difficultate spirandi, dolore pungitivô, atque distendente, pulsu frequenti & inæquali, durô atque tensô; idque magis cùm muscoli mesopleurii inflammantur, cussi interdum initiô siccâ, mox ferè

ferè humidâ , à causis internis & externis genita. Externæ sunt, habitus, ætas, regio, anni tempestas, temperamentum in calidum vergens & inclinans, humorum excandescencia, crapula, frigus susceptum; Internæ tantùm duæ sunt, antecedens & conjuncta; antecedens nimirum affluxus humorum in pleuram, conjuncta verò sanguis intra vascula coactus & stagnans phlogosinque concipiens. Cujus affectus indicationes curativæ petuntur vel à materiâ fluente, quæ continenter per venas ad partem affectam cursum inflectit, cui revulsio, vel à fluxu & parti impactâ materiâ, in eaque morbum faciente, cui vacuatio & dissipatio debetur. Ambæ hæ indicationes ut plurimum conjunguntur, unâ enim eademque fidelîâ per sanguinis missionem causæ antecedenti & conjunctæ prospicimus, ebullitio enim humorum compescitur, inanitisque vasis materia impacta resorbetur, demùmque si hocce solemni præsidio humor morbificus non exhauriatur, spiritûs volatiles inprimis fuliginis unâ sociali que operâ acidi prædominium in sanguine destruunt, factumque coagulum intra pleuræ vascula dissolvunt.

OBSERVATIO CCXIX.

D. JOHANNIS de MURALTO.

Febris anomala.

Theologiæ Studiosus quidam, felicitis quidem ingenii mihi que amicitie vinculo nexus, studiisque maximè intentus, cum in Gallis degerem, sub initium veris febre correptus fuit, quæ lentè accendebatur sine typo particulari, pulsu à naturali non multum recedente, capitis quodam gravamine & impedimento, copiosis, assiduis foetidisque sudoribus stipata, intra quindecim autem aut viginti dies agrè terminabatur, viresque difficulter redintegrabantur; Verùm sub cujusdam malaciæ fide ad pristina negotia se recepit Patiens, ipsò tamen quò assolebat spiritum nitore

nondum satis potitus, quasi nubilò cœlò denuò ingruit tempestas, & post totidem dies, quibus decubuerat, iterum febre correptus lecto se commisit, tuncque tertianâ intermittente, per quatuor paroxysmos satis regulariter febricitabat, phlebotomiâ autem celebratâ, purgatâ camarinâ, applicatis amuletis, obortisque sudoribus copiosis & foetidis, aliquantulum remisit febris, verùm in ἀνρυξιῶν non desit, per duos enim menses & dimidium febriculâ lecto affigebatur, pulsu inæquali & frequenti stipatâ, cum quodam capitis gravamine & stupore; post illud tempus è lecto decubituque exsurgens intra quidem cubiculum deambulare valebat, ne quidem tamen viribus nondum satis firmis extra cameram exire, ad pristinaque negotia se recipere confidebat, quin imò utpote debilis & quâdam pectoris constrictione per vices recurrente affectus, cum quodam capitis gravamine mentisque caligine intra cubile remorari necesse habuit; hæcce autem pectoris constrictiones sæpiùs recurrentes non solum corpus, verùm & animum torquebant, ab ejusmodi enim paroxysmis deterrebarur Patiens, pathematisque perdurabilis noxam jam contraxisse autumabat; epicrasticè fuit repurgatus, sanguinisque missio è saphænâ instituta, semicupiumque per quindecim aut viginti dies ingressus est, hisce quamvis non persanatus tamen alleviabatur, demùmque peregrinatione susceptâ, à mutatione aëris melius habuit, diarrhœâque per aliquot dies obortâ à prædictis paroxysmis liberatus est, planèque immunis evasit.

SCHOLIUM.

AD istius affectus *φάσος* enucleandas supponere licet sanguinis massâm studiis & vitâ sedentariâ, minùs eventilatò calore nativò, multa recrementa congestisse, & quod magis est eandem, ipsò quod tunc temporis sparserat cœlum miasmate febrili, quò plurimos passim correptos videre licuit, tactum quoddam malignitatis genus contraxisse, quæ quidem

dem humoribus prædispositis inusta motus febriles accivit, unde aperta febricitatio, quæ lenta quidem & vaga pro ratione humoris crudi, qui semel accensus lentè quidem sed diutiùs deflagrabat, proque uliginosâ viscositate copiosos halitûs fuliginesque quovis de se dimittebat, unde viscerum sordes & recrementorum in caput suffusio æstimandæ; sanguinis autem dyscrasia aquosior admixtis sale & sulphure improbo humores in fusiones præcipitavit, unde copiosi foetidi que sudores. Hæcæ autem febris ægrè ideò solubilis evasit, quòd sanguis mixturâ heterogeneâ turgidus illicò partem in cerebrum & nervos intruserit, ex quo morbus quasi in recessu latitans ipsius naturæ, tum medicaminum vires declinabat faciliùs. Recidivam autem ideò passus est, quòd reliquiæ morbi intra cerebri compagem aggestæ, morâ & stagnatione in fermentum abierint, quò inspirati humores succusque nutritivus quotidie adventans corruptelam contraxere, unde effervescencia iterum intra vasa concitata est. Tertianæ autem typus per quatuor paroxysmos recurrentis bilis admixtionem innuebat, utpote quæ alternis diebus moveatur, verum deflagratò istò humore biliosò, sanguis adhuc viscidò squalore plenius elutriatus diu effervere debuit, antequam tenaciùs adherentes intricatosque noxios humores è sinu suo expurgaverit, hinc febris, quam pro more longiùs excurrerat, nec intra certos durationis cancellos quod assolet terminabatur, stupor capitisque gravedo cerebrum recrementis narcoticis scatere arguebant, quibus ceu umbellulis interspersis frangebatur mentis acies spiritibusque caligo offundebatur. Quædam autem portiones materiæ morbificæ intra cerebri confinia aggestæ intra propagines nerveas pectoris insertas decurrentes, pectoris constrictionem inferebant, fermentescences enim intra nervorum tubulos spirituumque cursum pervertentes pro tempore aëris reciprocationem cohibebant; hocce autem pathema, uti assolet in asthma con-
vulsivo, mentem pavore percellit, quò nullibi vitæ stamina

firmiùs jaciantur, quàm in ipsis pulmonibus, & quòd nutante directore naucleroque pavente, non sine causâ expavescant alii timoreque concutiantur. Parte autem oneris levata natura, remediis methodicè institutis, quod reliquum fuit novi aëris ceu pabuli grati accessu refocillata superavit, diarrhoeâque obortâ reliquiæ morbi exterminatæ sunt, sicque circumcisâ radice stipites exaruerunt pristinamque sanitatem recuperavit Patiens. Hic affectus fuit morbus ex decidentiâ, qui uti assolet in epidemicis, non nisi longò temporis tractu pravòque symptomatum apparatu suos terminos percurrere solet.

OBSERVATIO CCXX.

D. JOHANNIS de MURALTO.

Febris intermittens ab aëre palustri inducta.

Multos olim vidère licuit Helvetos servitio Comitum à Dona, cùm in Galliis degerem mancipatos, quos ex Helvetiâ Gallicâ uti & familiam integram secum deduxerat ad quoddam castellum apud Sebusianos, ut inibi moraretur, omnes inquam illos servos totamque familiam febribus intermittentibus correptos, sub initium æstatis invadentibus, quæ vix ac ne vix persanari potuerunt à Medicis loci utut sedulò curationis scopum dirigentibus, quin imò multi obierunt, aliique non nisi post multa remedia dubiò eventu longisque intervallis reficiebantur, castellum autem, in quo commorabantur, intra paludem situm erat locaque vicina uliginosa erant, aquæ crudæ & ponderosæ, aërque nebulosus.

SCHOLIUM.

Tanta est aëris ad conservandam vitam humanam necessitas, ut non omnes homines modò, sed & omnes ferè aliæ

aliæ spirantes creaturæ, vitam sine ipso ducere ad plura horæ minuta nequeant; ambientis itaque aëris alteratione (cui tam nostra quam omnia ferè alia corpora contigua sunt) insignem manifestamque parrem sumunt in obviis illis affectibus, quibus homines passim corripì contingit, quiq; in primis valetudinariorum corporibus, verè & autumnò, & in plerisque insignioribus, subitisque tempestatum mutationibus accidunt, nec solùm pro vario ipsius elatere variisque rarefactionis condensationisque modis sanguinis crasis variè immutatur, variasque effervescencias inducit uti & morbos, verùm si quâ labe aspersus, subindè idem vitium humoribus inurit, & pravitate, quâ afficitur, ipsos conspurcat, cùm enim sanguini occurrenti in pulmonibus intimè misceatur, cum ipso fermentescat & ad intima deducatur, non mirum, si eodem vitiò, quò sit imbutus, sanguinem inficiat, diathesesque morbias gravesque affectus & durabiles progignat. Cùm autem aër sydericus æquè ac globo terrestri contiguus sit, pariter ab utroque qualitates mutuatur viresque contrahit, uti aër, quem respiramus, terræ vicinior quàm astrorum, ideò & longè majores ab istis quàm ab illâ alterationes suscipere verosimile videtur, magna itaque in morbos omnes vis est loci, quo circumfundimur per aërem, *ὡς τῆς γῆς ὀχνημα*, expressas enim rerum omnium vires suscipit ab exhalationibus, transmittitque, quæ unicuique regioni propriæ sunt, ob infinitam propè varietatem genii singulis peculiaris; pro ventorum afflatu, montium sylvarumque objectu diverso, tum & aliâ atque aliâ soli, aquarum, fossilium, plantarum naturâ; quorum omnium cùm usus necessarius est, tum & expirationes assiduæ, tenuitate, benignitate, contrarietate, partes humores sensim afficiendo & immutando, variam hominum indolem ut & valetudinem, præsertim verò longas ægritudines, quales sunt endemiæ, faciunt, fovent, dum causam præbent fixam permanentem, hinc videas unamquamque regionem uti privata commoda sic & privatos suos morbos habere, sic

Hispa-

Hispaniam intestat struma, Poloniam plica, Parisinos calculus, Anglos *ἀνάντη* sive morbus exsiccans, qui prorsus idem est cum phthisi, nec aliud est quam marcor pulmonis, sic Balthici maris accolae scorbutus, sic Narbonenses carbunculi, Romanis Consulibus ac purpuratis aequè fatales, ex transmigratione unius regionis in aliam morbos fruticari nihil magis notum, maximè si ab aëre puriore in uliginosum fiat, pro tenore enim accensionis, quam in praeordiis promovet, dyscrasias parit; sic ab aëre uliginoso eventilatio humorum non ritè succedit, spiritûs hebeſcunt, crassescit sanguis, transpiratio impeditur, morborum causæ progignuntur, ingensque pravorum affectuum penus exsurgit, quos debellare medicamentisque expugnare fermè inutile, quippe quæ non exhauriant causam, quæ quamdiu subsistit, auxilia alioquin proficua inania reddit: Hinc non paucos à causâ jugiter afficiente passim interire contigit, alios firmioris temperiei, qui quæ forsitan ab isto novo pabulo non tantum abludunt, non nisi tamen longò temporis tractu dissidia antipathiasque componere, vix quæ ante assueſcunt quàm morbo quodam tributa persolverint, multos demum videre licet, qui nec ante jurgia amovère planctusque suos compescere valebunt, quàm mollioribus aëris genium, quò defraudati sunt, perquisierint. In salubritate primas tenet aër natus, quodam enim quasi foederis jure initò agris symbola sua erogat viresque salutariter prodit, utut extra patriam profecti, reduces Larium tutelâ à morbis sæpius gravibus vindicentur, non rarò tamen in ipsis focus graves dirique affectus ingruunt, qui præ succorum acerbitate aliisque enormitatibus diuturnitatem pariunt, tuncque sæpius nec proficit ad thermas, frictiones, lac, chalybem, ignem, cæteraque profligatæ valetudinis subsidia confugere, in eorum usu perseverare, eum mutare, *ποικιλίν* agris tunc jucundam juxta & utilem sectando. Quid quæso tunc Medico sanctius agroque gratius? quàm loci mutatione novi quæ aëris ceu pabuli accessu dyscrasias abrumpere humorumque

fero-

ferociam demulcere. Mutationem res omnes subeunt necessitate non maiore quam voluptate; Nova sequi etiam prava, pro innata melioris, absque mutatione non assequendi, cupiditate semper juvat, plerumque verò & prodest, præsertim miseris, quos plura manent futura bona. Nempe per omnia alia Medicus frustra pugnat adversus morbum, & ei se præbet *ἀντίποιος*, si contigerit locum fovere & *ἐμφορῶν τῷ πάθει*. Non longa dies unquam non piger annus insitum ab ortu mundi eum nocendi animum immutabunt, & priusquam talis vincatur contumacia, agrum constantia viresque deficient. Quid restat igitur? nisi causas inimicas & non insequenturas fugere, amicas sequi agrum opperientes, ipsisque loci mutatione obviam ire licebit. Concludendum itaque pari ratione, quæ sæpius noxia sit loci mutatio, eandem non raro proficuum esse.

OBSERVATIO CCXXI.

D. JOHANNIS de MURALTO.

Cachexia cum pleuritide sæpius recurrente.

Non diu abhinc consulebar pro quodam nostrate, Lugduni apud Gallos commorante, taliaque observanda mihi per litteras referebat Medicus ordinarius, Gallus. Primò patientem à Patre cachectico oriundum, eandemque quoque sortitum fuisse temperiem, quod indicabant foedus ipsius faciei color, oris foetor, gingivarumque quædam purulencia, puris foetidi per aures effluxus jam à longo tempore, alvinæque excretiones biliosæ putidæque sæpius recurrentes, lienque tumefactus & induratus. 2. Non solum conspurcata à natalibus constitutionis tecmeria superius recensitis symptomatibus se prodere, verum jam circiter à duobus annis quater aut quinquies, & pro quavis ferme

Dec. II. Annus VII. Ggg causâ

causâ evidenti ipsum febribus corripi, quæ subindè nidum suum mineramque morbi in pleuram congerentes periculosas pleuritides inducerent, illamque exin non in leve vitæ discrimen adigi. Itaque cum jam varias recidivas passus esset, ipsum exactè in causas morbi inquiri expostulare scribebat, ut in posterum, si quâ fieri posset, talia symptomata anteverteret, annum ætatis vigesimum octavum agebat.

SCHOLIUM.

TAlem autem instituebat *αιτιολογίαν* Medicus ordinarius, cui sub finem nostram adjungimus. Multiformi huic morbo luemque scorbuticam non nihil referenti haud dubiè originem præbuit cachectici parentis semen; plerique enim morbi, uti alia per successiones traduntur, jamque istius cachexiæ gentilitio jure poenas luit, cujus insons; Inter alias, quibus adhæsit ista parentalis labes non sine causâ contra lienem querelæ moventur, istud enim viscus jecori oppositum tanquam *αντίζυγον* & nothum hepar mirâ naturæ providentiâ factum fuit, ut laboranti jecori subveniat ad sanguinis confectionem aut saltem ipsius depurationem, hâc enim in jecore peractâ bilis ad vesiculam fertur, humor melancholicus ad lienem (ut Medici loquuntur) per ramum splenicum naturæ lege transmissus ulteriùs excoqui in hoc viscere naturæ lege debuit, quâ subactione arteriarum motu exaltatus denuò per venas remeans totius massæ succis vim suam & energiam impertiat, itaque in præsentî ægro eò defœcandi depurandi-que munere frustratus lien totius corporis œconomia perturbatur, quæ jugiter enim delegatæ fæces atrabiliaræ ab istius visceris infarctu excluduntur in ramos coeliacos, epigastricos & propinquiores, regurgitantes viscerum *κακοπραγίαν* inducant, unde frequens diarrhoea, si alicubi autem diutiùs inclusus detineatur iste fæx melancholicus vel propriò Marte uti foeturâ Salino-sulphureâ pollens, fermentatio inducitur, toti
massæ

massæ deinceps inducenda, unde febres frequentes pleuriticô symptomate propter materiæ morbificæ in pectus depositum insignitæ, oris graveolentia, gingivarum putredo ejusdem cacopragiæ ichorosæ exundantiâ producitur. Quamvis autem istius nativæ praviæ diathesis vitium in totum emendare supra hominem sit, ipsius tamen ægri solatiô apprimè conferre valebit opera medica, in quem finem institutâ idoneâ victûs lege totus medendi scopus in lienem referandum, ipsiusque enormitates emendandas collimare debet, ne scilicet in posterum tam frequenter affectuum prædictorum causæ sobolescant; nullumque in eum finem mihi videtur præstantius remedium, quàm si aquas Santalbanenses apud ipsum fontem hauriat, cautionibus in tali casu ritè observatis. Quâ æger ad nos missâ prædicti affectus *αιτιολογια* nostram expetebat sententiam, quam sic dedimus:

Viri Clarissimi sententiam in symptomatum ætiologiâ, non invitus amplector; nec enim dubito quin prava viscerum & præcipuè lienis diathesis, tartareum in iis fermentum cumulet, quô sanguis non satis depuratus, fœculentus acidôque salsus evadat; hinc macies, lassitudo, levis aliquando diarrhœa, levisque *σοματικη*, hinc etiam pleuritides recurrentes à sanguinis portione eoagulatâ & in debilem pleuram reflagante. Cui malo utpote Chronico, longâ etiam manuum operâ opus est.

Colat igitur exactam victûs legem, cupepris & euchymis utendo, à salsis & acidis, horariisq; fructibus abstinendo.

Potus sit vinum tenue oligophorum, purâ lymphâ temperatum, nimia vitet exercitia, vigilias & animi pathemata, Solis æstus & nocturnum rorem.

Alvum servet liberam, pomorum dulcium, prunorum non acidorum sed præcipuè brinolensium usu, interdum Clysteribus Chalaisticis, aut Ptisânis laxantibus ex Foliis Orientalibus & Tartarô vitriolatô paratis.

At sanè intra hujus mensis curriculum & si possit intra octiduum accedat ad hydroposiam aquarum mineralium, quarum ope & alia viscera infarctibus liberentur, corpusque universum impuris succis salibusve per intestinorum, renum, cutisq; cribra depuretur.

Santalbanenses quidem hoc in casu minùs arrident ob Spiritum Mineralem acidum in iis luxuriantem, pectoris præcipuè hostem, hæmoptysesque non rarò parentem; Omnibus præferendæ sunt Borbonienses & Archimbalducæ, quæ mediocri copiâ Salis nitrosi onustæ, volatilisque Sulphuris Balsamo imprægnatæ, intentum omne nostrum adimplere valebunt. Fas igitur adeat, præmissisque præmittendis, prout à præsentibus præscribetur Medicis, ex diuturno earum potu felicem expectet exitum.

Tempore autem vernò proximò si ab iis benè habuerit, usum earum iterare poterit. Tuncque si nihil obstat, hydroposia succedat galactoposia asinina.

At per hyemem posset per intervalla uti jusculis medicatis, ex Decocto Cicer. rubror. Rad. Fragar. Filic. fem. & Petrosel. Capparibusque cum frusto carnis vitulinæ, additò in dissolutione Sale Martis ad ℞.

OBSERVATIO CCXXII.

D. JOHANNIS de MURALTO.

De

Pica.

Mulier tenuis habitûs triginta circiter annorum, bis circa quintum & sextum gestationis mensem abortierat, iterumq; gravida de talis eventûs avertendi ratione consilium nostrum experebat, de ipsius statu circa primos gestationis menses certior factus, non difficile fuit talis eventûs causam detegere, quippe primis suæ gestationis mensibus

sibus picam contrahebat, quâ multa absurda uti terram carbonemque expetens stomachi cacopragiam sibi accersebat, quâ foetus malignè nutritus enecaretur, uteroque stimulado ante debitum tempus foras propelleretur. Itaque ut hujuscè pravi symptomatis infaustum prævenirem exitum, causam in stomachi illuviem à menstrualis suppressione illatam rejiciens, ipsam repurgari jussi epicrasticè expurgatione sequenti:

℞. Folior. Agrim. Pimpinell. āā. M. j. Tamarindor. ʒʒ. Flor. Cordial. āā. P. 1. fiat Decoct. Colatur. infund. Senn. mundat. cum Anis. ʒiij. Rhabar. cum Santal. ʒj. Cinnam. ʒʒ. express. dissol. Syrup. Rosar. solut. ʒj. misce fiat potio.

Sub finem partus sumpsit cochlear Pulver. sequentis:

℞. Pulver. Viperin. Sem. Fœnicul. dulc. Anis. āā. ʒʒ. Cortic. exterior. Citr. sicc. & Cinnam. āā. ʒiʒ. Caryophyllor. & mac. āā. ʒʒ. omnia pulverizata æquali pondere Sacchari permisceantur.

Hocce Pulvere sed maximè purgatione sæpiùs repetirà stomachi illuviem à suppressione ortam eluebat picamque curabat, demumque foetus debito tempore utero gestatus, faustis auspiciis in lucem prodit, bonâque & in posterum sanitate potita est.

SCHOLIUM.

UTi natura totius œconomiae animalis functiones in tres provincias diremit, ita & totidem partibus ipsarum vicibus perficiendis corpus instruxit, suis discretis veluti sepimentis. Suprema cerebrum continet, scaturiginem motûs & sensûs, mentis ergastulum quâ superbiat, divinitatisque veluti igniculis collustratum, præ cæteris superemineat. Media pectus cor comprehendit, spirituum & vitæ promptuarium, respirationis vices perficiens, vitamque omnibus partibus impertiens. Infima verò concludit partes alimoniae procurandæ dicatas, quæ ad ima corporis ut sentinam ideò relegavit

natura, ne suis sordibus contaminarent mentis sedem, quæ dicitur abdomen, in quo partes chylosi & hæmatosi perficiendis & excrementorum illuviei educendæ mancipatæ sunt. Inter quas uti primus ordine, sic & dignitate æstimandus ventriculus, si enim bellè suò officiò fungatur, vicesque suas peragat, aliæ & etiam velut bonò directore deductæ ad suos actus explendos alacriter adlaborant, suæque munera ritè obeunt, secùs si vitium quoddam contraxerit, subindè & aliæ ipsius culpâ plectuntur, hinc jam pridem dictum, vitium primæ coctionis non emendari in secundâ neque in tertiâ, sed si partes aliæ ipsius vitiò labefiant succique contaminentur, non rarò & ipse rationis vice aliena vitia suscipit, argumentò sunt ructus acidi & nidorosi uti & frequens vomitio in melancholicis inflationes & gravamina in febribus, dolores à succis extraneis, Salibus aculeatis aliundeque demissis excitati. Anorexiæ, quæ nihil aliud sunt quàm biliosæ impuritatis propagines, quæ appetitum dejiciunt, uti è contra quandoque nimium stimulatus βελίμων inducit, quò nimirum appetitu nimium irritatò ob suctionis videlicet, aut alicujus irritantis sensum, mox immodica ingestio cibi, potusque excitatur; ut & terribile hoc symptoma, quò uterò gerentes frequenter molestantur, quod picam indignant, forsàn, quia sicut quæ alius hoc nomine donatur, plurimis pennis est ornata, sic variæ & diversæ res, utpote terra, carbones, aliæque absurda, uti & carnes quandoque humanæ expetantur, cujus quidem ultimi incongrui, appetitus nempe carnis humanæ comestionis, historiam hîc per transennam cujusdam mulieris mihi notæ hîc interfere-re licebit, non sine tamen Lectoris cachinno; ipsa nempe ardenti desiderio clunes infantis duorum aut trium annorum commordendi deflagrans ipsum fortè in gradibus scalæ domus vicinæ comperiens reclusâ veste ipsum in clunibus momordit, confugientibus ad infantis clamorem, dicebat illa infantem cecidisse, ipse verò illam in natibus momordisse, quod & verum repertum fuit.

Causa

Causa autem formalis istius affectus in ipsius tunica interioris sensationem reponenda, quæ pro variis quibus afficitur modis, varias sensationum modificationes subire apta nata est, & de quarum agendi ratione non aliò modò ratiocinandum quàm de ipso visu, auditu, aliisque sensoriiis, itaque sicut radiorum Solis reflexio ad oculi membranas visionem efficit, aërisque appulsus ad auris tympanum auditionem invehit, sic & pro ratione agentis ad patiens in stomachi membranâ interiore nerveâ varii complacentiæ aut displicentiæ actus progignuntur, variaque appetituum genera interciunt, quorum quidem non melior ratio reddi potest quàm quòd naturæ author ex agentis ad patiens applicatione talem necessariò inferri, consecutionem tum appetitus, sensationis doloris aut voluptatis, aut alii id genus sancitum ratumque habuerit; Et quamvis verosimile sit ista non progigni nec variò modò se habere, nisi pro ratione variâ atomorum figurâ peculiarisque organi diathesis ipsas tamen figuras ad amulsum determinare nec varios motuum gradus prosequi, ipsamque corporis cujusvis idiosyncrasiam exactè perscrutari non possumus. Causam itaque materialem Picae, Medici in ventriculo ponunt, quam intemperiem quidem appellare aut humorum corruptelam, sed qualis sit, non æquè benè explicare possunt, uti nec naturam humoris illam committentis, quem proinde corruptum, pravum, malignum, in tunicis ventriculi contentum nominant, qui aliquando generatur in ipso ventriculo ob intemperiem, vel externos errores, frequentius tamen aliunde influit; ut à liene in melancholicis, à suppressione consuetarum hæmorrhoidum, ut & ab utero in gravidis mulierculis, cacochymis circa primos potissimum menses, ob retenta menstrua, cum quibus ejusmodi impuritates, & fædi humores repurgabantur, illi enim coerciti & quasi stagnantes in abdomine fluentes in ventriculum, modò tunicis ipsius infixi adhærent, modò in cavitate fluctuant, & varia symptomata producant, ut expuitiones ferè assiduas,
oris

oris ventriculi morsus & anxietates, totum corpus in iis extenuatur & macrescit ob defectum nutrimenti, adest nausea, ut & alia accidentia, quæ ex relatione innotescunt. Cognito ac perspecto affectui præstat quàm citissimè occurrere, ne diu si ita perseveret, patientem ad hydropem, cachexiam aliasque Chronicas ægitudines penè lethales deducat. Itaque institutâ probâ victûs ratione, humor, qui qualitate in vitio est, expurgari debet in gravidis, idoneis cathartics, purgatio enim per epicrasin facta, ac pro natura specie dominantis Cacoehymix instituta non solum prægnanti, ut ab istis molestiis liberetur, sed etiam foetui summè proficua erit, ne malignitate istorum excrementorum afficiatur, & ante debitum tempus excludatur.

OBSERVATIO CCXXIII.

D. HERMANNI NICOLAI GRIMMII.

Experimenta Chymica.

I.

S Ali fixo à sublimatione hæmatites vel ferruginis cum Sale Ammoniaco facta residuo & pulverisato, si larga Aquæ fortis vel Spiritus Nitri quantitas adfundatur, usque dum scilicet amplius non ebulliant, & postea cum multa aqua destillata fiat extractio, atque in B. M. leni calore destillatio ad remanentiam Salis, hocque per arenam fortiori igne urgeatur, egregius prodit Spiritus sanguinis instar rubicundus, ex quo verus metallorum crocus, ad methodum Polemanni, separatur.

2. Cum hoc Spiritu etiam Aurum solvi & propelli, ad ejusdem mentem, potest.

3. Ferrum in concentrato Spiritu Nitri solutum & copiosâ aquâ dilutum, ob alcali præcipitatur in subtilem Crocum; si præcipitatio hæc continuetur, usque dum nihil amplius

plius separetur, liquor restitans albus per evaporationem Nitrum inflammabile suppeditat.

4. Eodem modò si Aqua regia fiat absque Sale Ammoniacò, solâ Aquæ fortis à Sale communi abstractione, Sal remanens instar Nitri deflagrat.

5. Caput mortuum nigrum C.C. à destillatione Spiritus residuum, si pulverifetur, adfundendo liquorem Salis Tartari, dat per abstractionem Spiritum volatilem, pinguem, salinum.

6. Sali Aceti albo & acido adfusus liquor Tartari itidem per destillationem Spiritum volatilem, pinguem & urinosum, egregiæ virtutis largitur.

7. In destillatione Spiritus urinæ usque ad siccitatem instituta, remanentia ulteriùs igne si urgeatur, adscendit Sal volatile non admodum foetidum in collum retortæ, unâ cum eleganti rubro ardente Sulphure, quod per solutionem Salis istius præcipitatur. Residuum verò cum aqua destillata solutum relinquit terram nigram, quæ edulcorata, post Olei Vitrioli factam ab ea abstractionem, dat terram albissimam, planè fixam, fusione in vitrum album abeuntem, aqua verò continet Sal fixum instar Salis communis, magis tamen fluxile.

8. Terra Vitrioli dulcis cum parte æquali Nitri per retortam forti igne si urgeatur, prodit Spiritus Nitri, ex capite mortuo autem optimum Alkali extrahitur, quod carbonis accensi instar, linguam mordet, non tamen aliorum Alcalium more cum acido effervesceit.

9. Metalla in menstruis suis soluta, sive Sol, Luna, Venus, Mercurius, sive aliud aliquod fuerit, sine aliis contrariis Salibus præcipitari possunt per Spiritus Vini ab eis abstractionem; sicut enim Spiritus Vini salinos Spiritus secum abripit, & metalla in fundum aguntur; Aurum eleganter instar foliorum præcipitatur, quæ in pulverem subtilem teri possunt, instar Terræ sigillatæ.

10. Sulphuri Antimonii cum Sale Tartari vel aliò Alkali extractò & siccato si Spiritus Nitri infundatur, usque dum amplius non ebulliat, posteaque exsiccet, in lapidem abit, qui varias in formas pro lubitu fundi potest; exactè Lapidem Bezoar representans, pulverisatus etiam eidem similis, ut non immeritò Lapis Bezoar mineralis vocari possit.

11. Sal Tartari in aëre p. d. solutum iterumque coagulatum, sæpius laborem sic repetendo, semper aliquid secum deponit; qui liquor tandem in B. M. abstractus in crystallos magnos & longos coagulatur, & hac ratione tandem volatilem naturam illud acquirere arbitror.

12. Si Terra Vitrioli dulcis cum p. æ. Salis Ammoniaci sublimetur, & cum Aqua destillata Sal remanens elixivietur, tandem filtretur, & abstrahatur, atque hoc Sal destilletur, elegans prodit Salis Spiritus; si verò Spiritus Nitri addatur, per cohobationem rubrum Oleum acquiritur, ex quo Sulphur anodynum verum separatur.

[Noribergam A. 1688. d. 20. Junii missa.]

OBSERVATIO CCXXIV.

D. CAROLI JOSEPHI MYLLERI.

Agyrtæ temeritas, grana Tilli centum unò
die ad purgandum adolescentem
ingerentis.

Quantam naturæ inferat vim & quàm perniciosas tur-
bas creet pharmacum purgans justò fortius, vel in-
cautè datum, quæ solet esse Empiricorum & Medica-
strorum temeritas & insolentia lucro magis quàm
hominum sanitati studentium, notissimum est; haud ingra-
tum tamen auditu naturam adolescentis purgantis medica-
menti violenti admodum, ne dicam venenati quantitate as-
sumpti

sumpti vim elusisse: *Ipsa enim Pharmaci essentia* (sunt verba Clar. D. Bernh. Swalve disquisit. therapeut. gen.) *alienus in corpore est hospes, humor vitiosus sibi redditus nullibi quiescit, cor stimulum & acrimonia molestiam à pertransseuntibus persentiscit: Regia corporis invaditur, ipsa Majestas leditur.* Luber igitur casum hunc litteris tradere. Filius Wolfgangi Werder in pago Como annos septendecim natus, de nausea & appetitu prostratò conqueritur: huic Empiricus quidam grana Tilli sive Ricini (vulgò *Treibkörner*) numero v. summò mane porrigit, dicens ea validè mucum sive pituitam biliosam è corpore eduçtura. Quæ cum alvum ne semel quidem moverent, post duas horas dosin auget, propinatque numero xv, meliorem inde effectum pollicitus. Mirandum, quod ægro hypercatharsin non induxerint? Is tamen nil hisce movebatur. Redit circumforaneus, ordinatque granorum numerum xxxv, nescio, quæ verba vana & superflua faciens, ut est dicax hoc hominum genus: at neque hinc alvi sequitur solutio aut vomitus. Inde audacior factus ille eodem adhuc die ultra quinquaginta Ricini grana ante duos annos collecta, ut mihi referebatur, exhibet, adeò ut omnium numerus centenarium excederet, promittitque glutinosam materiam tenacissimam impactis forsan vermibus in stomacho & intestinis latentem, & cum bile atra permixtam tandem exituram, duro nodo durum quærendum esse cuneum, sibi que coram astantibus de hac cura gloriatur. Nefanda temeritas! & mirandum eò die adolescentem non periisse. At nihil planè commotus est. Posterò die superveniunt tormina, ventris inflatio, sitis, pectoris anxietas, nox insomnis. Die tertio Parens ejus ad me properat, rogatque, si quod possem, auxilium afferrem. Id renuere animus erat, quippe famæ de tractionem irritumque successum metuebam, tandem precibus permotus Tartari emet. D. D. Ludovici grana v. dedi, quibus grana Tilli omnia, quæ assumserat fursum & deorsum evacuata sunt, venter detumuit, reliqua que symptomata eva-

nuerunt. Quod ipsum æger post duos dies me conveniens & gratias agens mihi candidè retulit. Empiricum verò illum nuper pleuritide laborantem quoq; curavi.

OBSERVATIO CCXXV.

D. CAROLI JOSEPHI MYLLERI.

Nævus maternus equi forma & piscis.

Nulli non Medicorum notum est, quanta sit fortioris imaginationis terrorisque inopini in prægnantibus vis, quàm noxia illis rei vehementer desideratæ denegatio. Nævum serpentiformem Ephem. Cur. Dec. II. Ann. V. Observ. CCXXXV. annorat Clar. D. D. Geyer, Rapi-formem Tulpius lib. III. Obs. Med. cap. XXX. explicat: capitis vitulini & brassicæ capitatæ formâ proponit Nob. D. D. Jungius Ephem. Cur. An. I. Observ. CXXXV. equiformem ego ex litteris D. D. Gabrielis Wagenmanni Surlacensis nuper ad me datis hîc sistam. Accessit ad me, inquit, die XXV. Mensis Augusti Anni M DC LXXXVIII. honesta Aromatarii Uxor, portans secum puellam recens natam, quam nævo foedatam mihi inspiciendam curandamve tradere voluit: Nævus erat in mammâ sinistrâ subruber, pilosus, equum tam accuratè repræsentans, ut caput, pedes, caudaque discerni potuerint. Causam inquirenti mihi facta est mater hanc, se cum Lucernam profectura sub crepusculum iter faceret, in equum in viâ jacentem incidisse, qui derepentè surgens eam (cùm illum ob ingruentes noctis tenebras dignoscere non potuerit) tantò terrore percussit, ut dextrâ pectori admotâ attonita quasi staret, donec equo agnito semet recolligeret. Exinde palàm innotescit terrorem & manus admotionem nævi hujus causam extitisse. Hæc ille.

Nævum alium pisci, quem *Nôtel* nostri vocant, similem & punctulis suis subrubris exactissimè repræsentantem in puerovi-

ro videre nuper mihi contigit. Pluresque ejusmodi nævi materni, mures, ranas, ignis flammæ, cerasa, fraga, uvas, aliosve fructus referentes sæpius conspecti sunt, qui vel terrori vel rei vehementer desideratæ denegationi suam debent originem, & per imaginationis vim & manûs applicationem in variis foetus partibus propullulârunt: sed magis mirandum ejusmodi nævos v. g. fragis vel cerasis similes tempore verno, cum ejusmodi fructus maturescunt, quotannis etiam sensim rubicundiores fieri & maturescere, ut sæpius observavi. Causa hujus effectus, utrum Sympathia sit quædam naturalis, aut innatus mulieribus talium fructuum vehementior appetitus, sagacioribus dijudicandum relinquo.

OBSERVATIO CCXXVI.

D. CAROLI JOSEPHI MYLLERI.

Foetus quodammodo monstrosus
à partu.

Vehementiam imaginationis terrorisque mulieribus uterum gerentibus summè noxiam & plerorumque naturæ errorum ac monstrorum causam esse præcedens observatio (ut infinitas aliorum taceam) clarè demonstrat: quandoque tamen alia etiam de causa in ipso partu præsertim difficili monstrosos aut monstris saltè similes foetus excludi sequens casus docebit. Annò præteritò M DC LXXXVIII. nunciatum erat mihi infantem bicipitem non procul abhinc natum esse. Itaque ad indagandam rei veritatem eò me contuli, & cum obstetrice domum ingressus, infantem monstrari mihi petii. Is capite non quidem erat bicipiti, præter naturam & morem tamen nimis magnò longoque, uti ex adjecâ delineatione videre est.

Fig. XXXVIII.

OBSERVATIO CCXXVII.

D. CAROLI JOSEPHI MYLLERI.

Phthisis hæreditariæ cura.

QUO sedem penitiorem fixit morbus & quò partis usus nobilior est & magis necessarius, eò majus periculum & gravior inde noxa resultat, quod è Phthisi confirmata & hæreditaria, quam nonnulli insanabilem statuere, præprimis elucescit. Annus est cum dimidio, cum consultis. Senator Reipubl. nostræ ad filiam suam Phthisi hæreditariâ jam penè confectam lectôque à longo tempore affixam me vocat, petitque, ut in solatium miseræ confortantem aquam perlatam præscribam, scire enim se alia medicamenta effectum desideratum vix præstitura, quandoquidem duas jam filias suas, uxorem, duosque affines hic morbus vitâ privârit, illasque cum talis morbi adesset status, duos vel tres dies non supervixisse. Intrante me cubiculum nares percellit odor acidum spirans, qualis à variolis in corpore exiccatis percipitur (qualem etiam in plurimis Phthisicis confirmatis in cubiculo fenestris clausis degentibus observavi) ægram summè extenuatam, utpote quæ ossibus vix hærebat, dorso incumbentem (neque enim in latere alterutro cubare poterat) reperio, febrim percipio lentam cum calore & siti, sputum purulentum lividum & graveolens, quod ægrè excerni poterat, sudorem noctu colliquefactivum, urinam fusciflavam, alvi que involuntarium profluvium, ut plurimum mortis prodromum. Ne quid verò intactum relinquerem misertus ægræ alias medicamentorum pertasæ hæc pauca præscribo.

℞. Antihect. Pot. 3ij. Fulig. tenuior. Pulv. Irid. Flor. aã. ʒss. Fl. Benzoes ʒj. divid. in viij. partes æq. Sumatur mane & vesp. pars una in cochleari pleno Julepi hujus. ℞. Aq. Veron. Sanic. aã. ʒiʒ. Syr. de Jujub. de Papav. aã. ʒvj. Essent. Flor. Hyper. ʒj. Misce, D. ad vitrum Sulphuris fumô prius imbutum:

butum : Interdiu & noctu sumat pro lubitu cochlear unum vel alterum de hoc linctu. ℞. Diacod. Mont. ℥iij. Ol. Amygd. d. ℥ij. Misce. Singulis noctibus sumat Pill. de Cynoglossa numero tres. Hisce per duodecim dies continuatis locô Pulverum præscripsi has Pillulas: ℞. Essent. Flor. Bellid. min. Hyper. Diaphoret. Jovial. Sang. Drac. fin. purif. āā. ℥ij. Fiat Massa, ex qua fiant Pillulæ numero ccxl. consperg. Pulv. Rad. Ireos flor. Sumatque manè & vesperi numero x. Harum usu de die in diem melius habere coepit. Ad profluvium denique alvi cohibendum dedi Balsamum stomachalem ex Balc. Peruv. Ol. Nuc. Mosc. Ol. destill. Citr. Cinamom. Caryoph. Chamomill. Ol. Cydon. coctô confectum, quô venter inferior manè inungatur. His ita per quatuor hebdomadas continuatis ægra vegeta satis evasit, ut sana ab eo tempore appareat, pallidi tamen adhuc coloris.

OBSERVATIO CCXXVIII.

D. CAROLI JOSEPHI MYLLERI.

Menstrua cum calculis, etiam ex umbilico.

Quam variis natura viis mensruis evacuandis utatur, observationes plurimæ testantur: Id tamen peculiare est, quod nunc commemoro. Fœmina annos quadraginta duos nata, liberorum trium mater vegeta & sana, statô tempore menstrua locis ordinariis cum pruritu & dolore effluere sentit; at quod stupendum, sanguis simul per umbilicum ei exsudat quantitate circiter unciarum duarum: Adhæc indusio ejus adhærent parvulæ arenulæ cum sanguine per umbilicum prodeuntes. Idque â quindecim jam annis, uti dicit, absque incommodo pertulit, nisi quod erumpentibus iis ardor circa umbilicum & naturalia eam vexet subindè tam atrox, ut curvatô corpore ingrediatur, additque se subindè cruciatus tantos passam esse, qui nixus pariendi,

riendi, si non exceſſerint, ſaltem æquaverint. Petii, ut obſervaret, an quoque per muliebria arenularum quid excernatur, & non arenulas tantum, ſed & jam lapillos quinque parvula piſa referentes mihi monſtravit. Unde proveniant, an ex ipſo ſanguine, vel ubi generentur, me fugit.

[*Tugio Helvetiorum 5. Febr. A. 1689. Noriberg. miſſa.*]

OBSERVATIO CCXXVIII.

D. RUDOLPHI JACOBI CAMERARII.

De

Novâ Vaſorum Seminiferorum & Lymphaticorum in teſtibus communicatione.

PEr vaſa Seminifera Teſtium propriè dictorum in maſculo, non ovarii in ſceminâ, intelligo ipſa aliàs dicta deferentia ſeu ejaculatoria, quæ cum Lymphaticis ſingularem communicationem habent, non ſolùm quatenus utraque ex unâ parte oriuntur, minus, quòd in progreſſu extra teſtem jungantur, ſed quoniam fluido immiſſo in unum tranſitus conceditur in alterum. Voco novam, quia licet vaſorum Lymphaticorum in hæc parte præſentia ab aliis jam ſit demonſtrata, hæc tamen communicatio nondum fuerit deſcripta, quantum ego novi: Addo hoc, ut præmoneam, me adducturum non ea, quæ ab aliis accepi, ſed quæ ita ſe habere ipſe inveni, neſcius an priùs ab aliis fuerint viſa vel deſcripta. Experimentum non difficile inſtitutu, prout hætenus à me pluribus vicibus eodem ſemper ſucceſſu factum fuit, ita ſe habet: Immittatur Tubulus in cavitatem vaſis deferentis (fieri enim hoc poſſe injecti liquores, cera, & Mercurius teſtatur) aërque inſletur, fortiter, ſic ubi nullum priùs vaſorum Lymphaticorum indicium plurima ſe manifeſtabunt primùm

primum in ipsâ superficie testis, post juxta ductum arteriæ & venæ spermaticæ exterius quatuor vel quinque majores ductus elegantes, vasis tamen dictis sanguineis non inflatis. His notatis solvi potest problema sequens: Vasa Testis Lymphatica absque prævia in vivo corpore ligatione aut modo aliô, quôvis ferè tempore, imò unò alteròque post mortem die, aëre ita replere, ut turgida valvulas suas structuramque reliquam clarissimè exhibeant, & exsiccata conservent. Hoc obtinetur dictâ inflatione, non quidem absque violentia, ita ut aër nonnunquam intra interstitia membranarum erumpat, at vasa lymphatica nihilominus distincta bellè comparent, quod & Aliis eodem modò rem tentantibus successurum spero.

[*A. 1689. d. 25. Febr. Augustam Vind. missa.*]

OBSERVATIO CCXXIX.

D. JOHANNIS LAURENTII FEHRII.

Cataractæ depositio in utroque oculo
feliciter celebrata.

INter varias corporis humani partes artificiosâ mirandâque structurâ, nec non præstantiâ atque utilitate alias minùs principales facilè superat oculus, de quo passim prolixius agunt Anatomici. Plures verò inter causas, quibus visio impediri, lædi vel aboleri potest, notabilior, gravior nec infrequens est nubecula seu, si crassio rem temporis successu nata est consistentiam, membranula sub cornea apparens, cujus felicem in utroque oculo ablationem nuper in fœmina quadam vidi. Chirurgus sequentem processum observabat. Præmissâ purgatione & interdictis cibis crudis, acribus & flatulentis ægram sellæ ex adverso luminis per fenestram introeuntis locatæ imponebat, ipse Chirurgus è regione ægræ in scamno juxta fenestram sedens blandâ allocutione ægræ animum eri-

Dec. II. Annus VII.

I ii

gebat,

gebat, utque manibus pedes ipsius majores juxta coxendicem apprehenderet, & si fortè per acûs paulò vehementiorem intrusionem leviozem quendam dolorem sentiret, manibus pedes nonnihil fortiùs comprimeret, id quod ipsi certum doloris urgentioris signum sit futurum, famulus verò caput probè erectum teneret, jubebat. Hinc oculò sinistrò versùs canthum majorem reflexò acu non nimis acutà corneam in loco à venulis & arteriolis libero, non tamen in summa canthi minoris extremitate, paulò fortiùs intrudendo perforabat, ac membranulam decem mensium spatiò generatam, in qua auferenda, dum ægra oculum sapiùs claudibat, res paulò tardiùs succedebat, sensim à cohæsiõne liberatam à superioribus versùs inferiora ducebat, & aliquoties acum sursum deorsumque digitis volvebat, donec omninò esset ablata, quam postmodum versùs inferiora & angulum exteriorem, ubi acûs intrusio facta erat, trahebat, dein halitum caryophyllorum masticatorum oculo ægræ insufflabat, utque ad quæsitam responderet ac ter tussiret, jubebat, quibus peractis oculum pelluciditatem servantem, aquâ frigidâ ore haustâ, de qua ægram priùs monuerat, ne terrore percuteretur, bis tangebatur, dumque oculus in eodem perspicuo statu manebat, acum sensim digitisvolvendo extrahebat, oculòque clausò defensivum ex alumine in albumine ovi agitató cum stupa cannabina imponebat, ac debitè obligabat, similiq; ratione in dextro oculo, ubi sinistrâ manu acum dirigebat, procedebat. Postcà fenestris velamine quodam obductis ægram lentissimè surgere, inque locum, quem ipse antea sedendo occupaverat, concedere jubebat. Dein capiti pileum latioris circumferentiæ imponebat, ac solutò vinculo bolisque binis ab oculis remotis halitu caryophyllaceò ex imo pectore ductò oculos lucidos afflabat, & ex ægra quærebat, an lucem cæteraque objecta, item filiam aliosque adstantes nosceret? ad quæ dum affirmativè respondebat, & tam oblata ova, quam patinas, coloresque objectorum exactè internoscebat, oculos clau-

clausos lege artis obligabat, ægramque lentissimè ad lectum ducebat, eidemque remotis vestimentis ita imponebat, ut dorso incumberet, interdictis clamoribus & vehementioribus commotionibus, quietem & diætam per decem aut quatuordecim dies servandam commendabat, quibus elapsis è lecto surgebat, & remotis vinculis in loco mediocriter lucido admotò circa frontem viridi sericeò umbraculò lentè ambulabat, & juxta diætam pillulas cephalicas, nec non aquam ophthalmicam adhibebat, tandem ex præscripto Chirurghi quovis mane oculos aquâ frigidâ lavabat, & pro recuperato visu DEO maximas gratias agebat. Idem alii viro non ita pridem cataractam deposuerat, quæ tamen ter in pristinum locum redierat, unde & ter eandem consuetò more per prius foramen semper acum tundendo removerat, ac membranam versus inferiora retruserat, sicque oculis perspicuitatem restituerat.

OBSERVATIO CCXXX.

D. JOHANNIS LAURENTII FEHRII.

Tumor juxta oculi iridem feliciter
curatus.

UXor rustici quinquaginta annorum diuturnò capitis dolore in sinistro præcipuè latere detinebatur; hinc in oculo sinistro inflammatio oboriebatur, ac juxta iridem tumor lentis magnitudine prorumpebat, qui successivè magnitudinem avellanæ acquirebat, tandemque adèò incrementum sumebat, ut oculus cum totali visionis suppressione tegeretur. Varia remedia tam internè quàm externè conducibilia sunt in usum vocata, ast omnia frustrà. Tandem & Chirurghi Velderi consilium fuit expetitum, qui curam eò modò, quò antehac in simili ferè casu feliciter processerat, instituere paratus erat, ast dum excrecentiam circa

radicem acu nonnihil incurvatâ, cui cortex de mezereo locò filamentum trajectus erat, pertundebat, hincq; cortice dictò ligare tentabat, statim ab oculi tunica annata, cui minùs firmiter cohærebat, secedebat, remanente quâdam radice in oculo, quam haut cunctanter leniter cauterisabat, oculoque & partibus vicinis defensiva applicabat, ac lege artis curam absolvebat, interjectis pillulis, trageis aliisque caput roborantibus atque ab humorum affluxu liberantibus, puta vesicatoriis in nucha, fontanella in brachio excitatis. Unde factum, ut cum multorum admiratione foemina visum integrè recuperaverit, nec ullum vestigium tumoris in oculo apparuerit.

[*Suinfurto A. 1689. 7. Mart. Noribergam missa.*]

OBSERVATIO CCXXXI.

DN. HIERONYMI AMBROSII LANGEMANTELII.

De

Verme narcoticâ virtute prædito.

QUæ à singulari Amico meo, & rerum naturalium curioso investigatore nuper comunicata mihi fuere, ea ut notatu digna & curiositate haud ingrata, publicè hîc sistere ejusdem verbis allubescit:

Perambulabam plures ante annos, cum aliis duobus prurum urbi Ingolstadiensi vicinum; cùm ecce in via occurrit Vermis digito major, non perinde crassus tamen multicolor secundùm caput, prædurò & acuminatò cuspide armatus, insolitum erat mihi & cæteris meis sodalibus spectaculum! quare domum illum deferre decrevi, quia tamen suspicabar esse venenatum, ipsum manibus atrectare nolui; itaque abscissò ramò ita eum implicavi, ut extricare sese, nisi ipsemet vellem, non facilè posset, & à manu mea, quâ ramum tenui, duos

duos minimùm pedes distaret. Sub viam dum aliis de rebus, uti fieri solet, disputarem, parùm solliciti de verme ex ramo pendulo, ita subitò manus mea torpere cœpit, ita fatigari, ac si in ea aliquot ferri pondo fuissent suspensa: mirari, dein id, quod erat, suspicari cœpi, nempe hunc torporem provenire à Verme; quam rem ut certiùs deprehenderem, dissimulatò torpore, manum mutavi & sinistrae dextram in onere ferendo substitui, breviq̃ue idem in dextra, quod antea in sinistra sensi, sociis interea, quid ageretur, penitus ignaris. Ego re denuò dissimulatâ, quasi aliud agendo Vermem ex ramo suspensum alterq̃ trado socio, idem brevi sensit hic, idem tertius; ita Vermis in via relinquendus erat, si domum integri redire vellemus, neque enim quacunque manuum vi adhibitâ ulteriùs ferri poterat.

SCHOLIUM.

Quod de Torpedinis vi stupefactiva nonnulli referunt, eam scilicet in distans etiam corpus derivari, & baculum admotum funemq̃ue retis, quò capitur, pertransire ac manum invadere, quin & in aquam, cui piscis ille innatat, derivari, quàm variis contradictionibus sit expositum, notum est; experimentis inprimis haud contemnendis enervatum id sistitur in *Ephemerid. nostr. Dec. I. Ann. IX. Observat. 173.* quamvis vicissim alii contrarium adstruant; consuli hanc in rem etiam potest Excell. *Francisc. Redus tr. Esper intorno a diverse cose natur. &c.* fidem piscatorum, qui similem in distans operationem adseverabant, haud rejiciens, vimq̃ue illam à torpedine in mari adhuc natante & vigorosa posse proficisci conjiciens. Nollem hîc quidquam determinare, sed dubiam istam vim relinquere præstat, usque dum aliquando certiora experimenta, sententiam affirmativam, multis sanè difficultatibus laborantem, confirmantia producantur. Quam nihilominus si non aliquò modò probabilem, saltem non impossibilem evincit præsens Observatio, cujus de veritate

Clarissimi Autoris vetat dubitare autoritas. Uti verò organum, à quo torpedinis vis stupefaciens inducitur, omnium optimè tum in *cit. Ephemeridum loco*, tum à *D. Redo l. d.* nec non in *Actor. Med. Hafn. Bartholin. Volum. II. Observat. 89. & Volum. V. Observat. 97.* fuit expressum, duobusque corporibus sive musculis falcatis (quos etiam non ignorâsse videtur *Oppianus*, sic scribens:

*At duo se tollunt distincta per ilia rami,
qui fraudem pro robore habent, piscemq. tuentur;
quos si quis tractat, perdit per membra vigorem.)*

adtributum: ita quò modò organum istud producat talem effectum non satis liquet; emitri autem aliquid ex eo, quod tangenti membro communicetur, omnes adfirmant; & quidem in *Ephem. cit. D. Lorenzini* corpuscula impropportionata viis, præsertim tendinibus, per quos penetrant, aut saltem magnâ copiâ & forti impetu à corporibus istis fibrosis impulsâ accusat. Hæc spirituum frigidorum nomine, qui extinguere, obfuscare & fugare conantur radiationem calidorum spirituum, sistit *D. Sebast. Würdig lib. I. Medic. spir. cap. 10. §. 12.* narcoticâ facultate præditâ adfirmat *P. Athanas. Kircherus Magnæ. nature regn. sect. 4. cap. 4.* aliis venenatam qualitatem proferre lubuit. Non tamen vim stupefacientem & narcoticam simpliciter hîc adesse, constat, cùm laudatus *D. Redus* ab attactu piscis hujus, præter formicantem sensum, tremorem etiam molestum, & dolorem adeò acutum in cubito persenserit, ut manum subito amovere coactus fuerit; sic etiam, *D. Nicol. Steno, in alleg. Volum. II. Act. Hafn.* digitorum contractionem cum specie quadam doloris formicantis & per brachium adscendentis persenserat, & maximum dolorem à contactu invasisse, Excell. *D. Jacobæus in Volum. V. Act. Hafn.* testatur, quem dolorem & cruciatum similem quodammodò esse illi memorat *D. Lorenzini*, quem suffecimus, quando extremò cubitò ad corpus quodpiam durum offendimus. Quæ sanè tristis sensatio convulsivos in nervis & nervosis partibus

motus

motus insinuat; Unde à contactu alicujus corporis, quod irritare queat, hosce induci liquet; sive jam à solis spiritibus à manûs contactu irritatis atque per nervos ad falcata ista corpora accedentes irruentibus, sive quod probabilius, unâ ab illo liquore, qui in suprâ memoratis corporibus falcatis, quæ foris ex plurimis vesiculis aquâ repletis composita sunt, hæret, per cutaneos in manu poros infuso, irritatio ista oriatur. Ut verò ad nostrum revertar Vermem, quem ob solius torporis sensum inductum rectiùs torpedinem vocare liceat, quamvis an totus vel pars tantùm ejus aliqua vim hanc obtinuerit, haud constet, effluvia tamen noxia concipiamus, necesse est, quæ narcoticam vim habuisse, ex historia satis patet, incertam tamen veneni suspicionem suppeditante, cùm præter stuporem aliud symptoma accessisse, aut ablatò vermi ferò ramò reliquisse, neutiquam referat. Conferantur, quæ de vi radicis Carlinæ defatigante in *hac Ephem. Decade, Ann. I. Observat. 169.* amantissimus noster Collega D. *Eman. König* recensuit.

[*L. Schröck, L. f.*]

OBSERVATIO CCXXXII.

DN. HIERONYMI AMBROSII LANGEMANTELII.

Circa Salamandram in igne vivam & mortuam, & quatuor Elementorum artificiosam præsentationem.

Quod quatuor Liquores attinet, quibus communi jam experimentò quatuor Elementa exprimi solent, probè scio, quid hac de re & R. P. Kircherus, P. Grimaldus, atque Illustriss. Caramuel de Lobkowitz, aliique plures scripserint. Sed ego omnium sententiam multò labore

labore explorans iterum iterumque incassum laboravi: causa fortassis fuerat, quemadmodum cum quodam nobili Chymista ratiocinabar, mutatio temperamentum olei, ob presentem & diversam nostri aëris rationem, quod sæpius evenire solet. Prout jam olim sum expertus in *Salamandra*, quæ Veronæ in Italia sæpius in ignem missa, sæpius viva & integra evasit; in Bavaria verò primâ statim vice in cinerem abiit, necquicquam se suâ salivâ tutante. Quare, Scholii locò, addendum erit, illos non omne punctum tulisse, qui ab antiquitate veneranda gratis confictum esse, Salamandram in igne salvam subsistere, putant. Atque proinde elucet experientias in uno climate sumptas particulares solùm esse, neque ex hujusmodi localibus observationibus universales crises seu judicium, formari posse; quod tamen cum venia aliorum annotatum esto. Sequitur nunc:

Vera Pragmatia,

Ut diversi Liquores &c. Elementorum quadrigam exprimentes constanter perseverent & sint incommiscibiles.

Locò Olei de Been accipiat Oleum petrae per tres menses ad Solem destillatum, flaviq; Brasiliici ligni segmentò tinctum.

Secundò locò infundatur Spiritus vini ter rectificatus rubrò colore tinctus per injectum lignum Sandali.

Tertiò pro aqua inserviat Oleum Tartari, sed dilutum & mixtum floribus æris viridis.

Ultimò denique locò Terræ includantur lapilli granatorum in minores partes contusi.

Aliæ materiæ, quas passim apud Authores invenies, ineptæ erant, certè aut Spiritûs vehementis virtute comminundæ, aut ab Oleis dissolvendæ. Et hæc est tota ratio istorum liquorum, Oleum enim de Been, depuratum Smaltum, vel crudum

dum Antimonium, quia omnem prorsus operam & laborem frustrârunt, suâ virtute hisce in locis destituta sunt.

SCHOLIUM.

IN memoriam hîc revocare libet Salamandram, quam Nob. Eq. & Canonic. *Corvinus* Romæ peregrinis ostendere solebat, & cujus in primis p. 116. in *Salamandrolog.* ex *Bartholino* & *Stenone* mentionem etiam facit Exc. noster D. *Wurffbainius*, prætereâq; Clariss. D. *Jac. Sponius Itiner. sui part. I. p. m. 79.* quin mihi quoque iconem Salamandræ istius monstravit Vir humanissimus, per bihorium illam aliquoties in igne se detinuisse unâ referens, eam scilicet, cùm parùm salivæ prius emisisset, in locum hunc extinctum recubâsse, iterumque emissâ salivâ, ulteriùs dein perrexisse; cæterùm nullò aliò cibò quàm urinâ propriâ fuisse nutritam testabatur, eâdem nempe per repetitam sic sæpiùs circulationem in nutrimentum cedente. Econtrà Patavii cum aliis Dnn. Studiosis de aliquot Salamandris experimenta sumseram, quas partim carbonum igni injectos, vi ejus resistere haud valuisse ac citò interiisse, partim circulari carbonum igne factò, eas spatiò intermediò impositas non tantùm ignem transire haud fuisse ausas, sed itidem calore ejus quasi torrefactas brevi vivere desiisse vidi. Unde prout magnam Salamandræ specierum esse diversitatem oculorum fide constat, sic alias Vulcani vim aliquandiu posse eludere, alias autem eandem sine vitæ periculo minimè sustinere posse, statuere quid prohibeat; quâ ratione in aliis etiam animalium speciebus haud mediocrem observari varietatem quis nescit? araneas sanè, scorpiones, serpentes magis minùsve esse venenatos, quinimò aliquos planè innoxios compertum habetur.

OBSERVATIO CCXXXIII.

DN. HIERONYMI AMBROSII LANGEMANTELII.

Microscopii Tortoniani fabrica tam exterior, quàm interior meliùs concepta & explanata.

Exteriorem structuram Microscopii Tortoniani juxta transmissam descriptionem, prout eam intellexi, paulò meliùs exhiberi, & practicè perfici posse existimo, sicut in Fig. XXXIX. hinc apposita cernitur.

1. Vitrum objectivum lenticulare utrimque æqualiter convexum potest adhiberi valdè acutæ convexitatis, & ad locum I. H. cum apertura conveniente imponi tubulo A. C. ibidem ad C. C. spiralem ordinationem habenti, ut Figura XXXIX. monstrat.

2. Annulus D. similiter intùs spiraliter excavetur, & per brachiola E. E. E. annectatur alteri annulo F. objectum intra duo crystalla aut vitra clarissima ad interiorem concavitatem conclusum in G. B. habenti, ut pro ratione requisitæ distantiae objectum nunc magis, nunc minùs adduci possit ad lenticulam objectivam in I. H. collocatam.

3. Et si secundùm descriptionem crystalla plana tenuia assignentur: attendi tamen debet, ne dum nimis tenuia assumuntur, & objectum nimis prope ad interioris crystalli superficiem externam accedat, ipsa hæc superficies locò objecti advertatur; adeoque qualiscunque in eadem defectus pro objecto compareant, atque ita distinctam accuratamque objecti perceptionem impendant; unde crystallum vel planum vitrum interiùs versus objectivam lenticulam non adeò tenue requiri existimo, ita ut superficies ejus extrema paululùm recedat ab objecto accuratiùs videndo.

4. Potest

4. Potest etiam ad L. M. alius annulus tubulô A. C. (qui circa C. C. est spiralis, versus K. K. verò cylindricè rotundus) fixè annexus efformari: cui etiam interiùs ad K. K. lens altera convexa ocularis imponi potest.

5. Interioris structuræ ordinatio benè instituitur cum duabus lentibus convexis, sicut in Fig. XL. apparet, & facilè potest demonstrari. Nam objectum A. B. dum paulò post focum R. lenticulæ objectivæ C. D. collocatur, radiando inde per lenticulam C. D. efformat in tubulo imaginem E. F. eversam: ubi dum radii ulteriùs procurrunt ad lentem ocularem I. K. ibidem factâ refractione dein subintrant oculum L. N. O. M. (qui se habet per modum lentis plurimùm convexæ) & colliguntur tandem in fundo retinæ pro efformanda distincta imagine objecti ad locum scilicet N. O. quasi venirent ex loco G. H. adeoque necessariò objectum multò majus comparere debet quàm revera sit.

6. Vitra lenticularia convexa, prout experimentò jam assecutus sum, optimè adhiberi possunt secundùm proportionem hanc: Objectivum fiat æqualiter convexum ex diametro $\frac{1}{100}$ pedis Romani, oculare verò I. K. Fig. XL. utrinque etiam æqualiter convexum è diametro $\frac{1}{100}$ aut $\frac{1}{150}$ ped. Romani. Meliùs est etiam duo plano-convexa vitra locò unius I. K. in simili proportionem adhibere & collocare in tuto ita ut convexitates se ad invicem convertant, sicut patet in Fig. XL. nam talis collocatio, sicuti experimentò didici, ut plurimùm tollit spuriam colorationem circa marginem lentium convexarum.

7. Tandem commoditas maxima est in ejusmodi Microscopiis, dum nempe ita conclusum intra duo crystalla objectum undique luce affunditur viderique potest quasi in aëre hærens. Ac quia ita commodè illustratur, potest etiam lenticula objectiva valdè acutæ convexitatis adhiberi, quæ objectum mirificè auctum repræsentabit.

SCHOLIUM.

DE Microscopio hoc Tortoniano legi possunt, quæ Excell. Dnn. Ephemeridum Lips. Auctores An. 1685. & An. 1686. Mense Julii exposuerunt; quin & Observationem præsentem qui communicavit Vir Nobilissimus, cùm & ipse ante triennium Epistolam Clariss. D. Ciampini ad ipsum Româ 12. Kal. Maji An. 1686. scriptam, & de hoc Microscopio etiam agentem publici juris fecit, hæc autem paucorum Amicorum in manibus tantùm versetur, ex ea quæ huc faciunt, Curiosis nostris exponere placet: Sæpè sæpiùs laudabilis ingeniorum æmulatio gloriæ sollicita in quavis Scientia & Arte ad nova exploranda inventa elevat Animum; in PHYSICOMATHEMATICA ACADEMIA præteriti Anni 1685. Mense Augusto experientiâ id comprobatum vidimus, ubi DN. CAROLUS ANTONIUS TORTONA, parvum produxit Microscopium longitudinis unciarum quatuor Romani palmi, formam parvi Tubicilli præ se ferens, quod in loco, ubi objectivum vitrum inseri solet rem observandam inclusam habebat: unde digitis apprehensô spicillô ac aërem versus ad majus lumen capessendum elevato, corpus observationi expositum in miram magnitudinem accretum cernebatur: Hoc novum Artificii genus opticornum vitrorum opifices ad similia struenda incitavit: Hinc in eadem Academia die primâ Februarii labentis Anni tria alia non multùm dissimilia fuere exhibita Microscopia, quæ Tortonianum æmulabantur, non audeo dicere superabant, quia de eis collatio nulla habita fuit; Opifices fuere JOSEPH CAMPANA & MARCUS ANTONIUS CELL. Subindè octavâ Aprilis in aliâ Academia supralaudatus Campana simile protulit Microscopium novô inventô locupletatum, quoniam lignum, in quo objectivum vitrum inseri solet, in exteriori parte spiris elaboratum est, in quibus ex aurichalco annulus intus similibus spiris incisus intromittitur. Ex eodem annulo tria prominent ejusdem




Fig. 39.

ad pag. 445.

Fig. 40.





Fig. 41.





dem æris brachiola, quæ alium infixum habent annulum à priori unius unicæ spatio circiter distantem, hîc secundus annulus, alium ligneum in se continet annulum glutine firmatum, qui in interiori parte in se habet spiras, in quibus alius parvulus intromittitur ligneus annulus pari modò elaboratus, in quo duo plana ac rotunda infixa sunt Crystalla, ac inter utrumque ponitur corpus observandum: quod Calamus expressit, melius Figura XLI. declarabit. Litera A. B. signant Tubum Microscopii: Litera C. lignum, in quo vitrum objectivum manet conclusum cum spiris instructum: D. primum Annulum ex Aurichalco in interiori parte spiræ, ut facilius appropinquari, vel arceri ad libitum intuentis valeat, objectum. E E E. sunt tria brachiola ex præfato Aurichalco, atque hæc subtilia & tenuia ut majori libertate lumen ad illustrandum objectum ingredi possit. Hiseidem brachiolis unitur alter circulus F. qui spiras introrsum habet & in ipso figitur alius parvulus ac ligneus annulus G. in quo desideratum objectum occluditur. Iste parvulus annulus in exteriori parte fovet spiras ut I. in interiori parte cavus est ut L. in qua cavitate ponuntur duo tenuia, ac plana crystalla, inter quæ objectum includitur, hic parvulus annulus denotatur per Figuram I. G. L. Figura M. denotat planum annuli G. sive I. G. L. ubi apponuntur crystalla. Hæc descriptio ex simplici oculari inspectione concepta est, nam Artifex noluit publicare structuram, fuit tamen magnò plausu excepta inventio, eò quia ostendit objectum illuminatum in eâ parte, quæ oculum respicit, quoniam lumen per spatium inter brachiola intromittit. Credunt nonnulli hoc Microscopium alia in Incremento superare, sed nullum usque adhuc certum proferri potest Judicium, cum ut dictum est, nulla facta sit collatio, neque vitra, neque illorum combinatio visa sint. Expectandum donec venum exponatur.

[*Communic. A. 1689. d. 8. Mart.*]

Fig. XXXIX. XL. XLI.

Kkk 3

OB-

OBSERVATIO CCXXXIV.

DN. HIERONYMI AMBROSII LAN-
GENMANTELII.*De*

Ossibus Elephantum.

QUæ in celeberrima illa Academia Physico-Mathematica Romana nuper observavit & mecum communicavit Vir Illustrissimus & Literatissimus Dn. Joannes Ciampinus, ex ejusdem literis 7. Cal. April. nuper ad me perscriptis, Dnn. Collegis nostris Curiosis recensere haud potui intermittere: Prope terram Vitorchiani, Viterbiensis Dioc. præteritò annò quædam miræ magnitudinis ossa reperta fuere, scilicet femoris, scapulæ & vertebrarum quinque, inter quas erat illa cervicis, quæ simul in pondere centum & octoginta nostratum libras excedebant. Fuerunt propterea ab omnibus ferè Gigantis ossa existimata, ac factâ cum illis collatione, quæ in diversis Urbis Cimeliis, præsertim in celebri illo Chisiano asservantur, erant omnium maxima. Dubitatum autem fuit, an revera Gigantis, aut potius Elephantis ossa essent; propterea ad eruditum amicum Florentiæ commorantem fuerunt datæ literæ, ut exemplar scheleti Elephantis, qui in celebri Mediceorum Musæo visitur, mittere non dedignaretur; qui petitioni benignè annuens, optatum transmisit exemplar, quare factâ cum ossibus collatione, unanimi consensu judicatum fuit, tam illa noviter reperta, quàm antiqua in Cimeliis asservata Elephantum esse, & pro certo habuimus, illorum Elephantum fuisse, quorum Plinius lib. 8. cap. 2. & 6. meminit. Occasione horum ostensorum ossium in subsequentibus Academiis varia alia ossa lapides facta ostensa fuerunt, quæ inter alia quædam, quæ Elephantum auriculæ putabantur, seu potius à forma denominabantur, pro-

ut etiam Dentes, qui fossiles sunt, nec lapideam contraxerunt duritiem, cum in pulverem redigantur, qui magnam alcali vim in se continet, unde in acutis morbis potu mistus magni juvaminis est.

OBSERVATIO CCXXXV.

DN. HIERONYMI AMBROSII LANGENMANTELII

De

Ossium mollitie.

R Arum etiam in ista Academia casum fuisse narratum, idem Vir Clar. dictis literis mihi indicavit, feminam nempe nobilissimam 32. annos natam, temperamento calido & humido cum pituitæ prædominio, & molli corporis habitu præditam, quæ 16. ætatis anno viro nupta plures pepererat filios & nonnullos passa fuerat abortus, fluxionibus vel catarrhis ad varias corporis partes obnoxiam fuisse, & sex abhinc annis epulide in maxilla superiori ad gingivam obortâ laborasse, quæ paucò temporis spatiò incrementum sumserat, chirurgicis tamen instrumentis incisoriis & adustoriis feliciter extirpata. Annò autem sequente cum catarrhi fluxiones ad pulmones irruerent, medicamentis cum China, Sarsapar. &c. paratis eas celsasse, sed humerum dextrum molestare cepisse, & plurimis quidem adhibitis remediis, majus tamen ob humoris peccantis pertinaciam, semper augmentum suscepisse, & quoniam ab uteri gestationibus hoc tempore minimè fuerat immunis, graviditates & partus ipsi admodum molestos extitisse; & præcipuè tempore partus, lochiis tamen naturaliter prodeuntibus, dolores & fluxiones incrementum habuisse, unde Mense Septembri 1686. coacta fuerit in lecto decumbere, quò tempore epulis, gingivarum nimirum excrescentia, versus palatum incresecens ipsos.

ipſosque dentium alveolos occupans, ac cavitatem offis mandibulæ ſuperioris ſubingreſſa, atque os ipſum extollens, tumorem durum indolentem produxerit, & circa oculi ejusdem partis orbitam, ne ipſe læderetur, cùm ad maturitatem quanquam imperſectam perveniſſet, inſtrumentò chirurgicò fuerit opus, & apertus tumor uſque ad Patientis mortem absque alio detrimento patenti orificio ſervatus. Interea verò ſæpè ſæpiùs ſingulis ferè ſeptimanis, & quandoque rariùs, ſingulis menſibus, dolor capitis gravativus & pungitivus per aliquot diei horas percipiebatur, atque hinc deſcenſum catarrhi, ac ſi eſſet aquæ frigidæ ſubita ac repentina effuſio à capite ad artus omnes, præcipuè verò dexteræ partis ſe manifeſtè perſentire ægra affirmabat, indeque dolores augeſcentes maximò cruciatu eandem medullarum lancinantes, oſſa que è propriis locis divellentes ac contorquentes de die in diem tale augmentum ſuſceperunt, ut ne minimus pedis digitus ab Aſſiſtentibus absq; Patientis moleſtiſſimis angoribus poterat quamquam leviter manibus attingi; in oſſe ſacro, quod extra proprium ſitum, dolor adeò intenus erat, ut Patientis immota prorsus in lecto reſupina decubuerit caput tantum & brachia ſine dolore nonnihil agitando; poſt aliquot menſes partem quoque ſiniſtram fluxiones invaſere; atque hinc cruribus & pedibus tumefactis, doloribus eorum aliquantulum ſedatis, paulatim totum ferè corpus, femora, vertebræ, coſtæ, ſcapulæ, & claviculæ proprium mutavere locum, atque hinc reſpiratione redditâ difficili afflictiones indies augebantur. Quatuor abhinc menſibus brachium dexterum immotum & emaciatum redditum doloribus magis magisque afficiebatur, & paulatim ſiniſtrum quoque motum amittere incipiebat. Hoc temporis decurſu febres eam quandoque invaſerunt de genere piritofarum; ut plurimum cum naufea comedebat, urinam reddebat copioſam, ſed non excedentem, ſæpè ſæpiùs crudam, aqueam, & pinguem; alvus rarò ex ſe reſpondebat, ſed glandibus & ſuppoſitoriis irrita-

ta, seu clysteribus emollita fæces naturales emittebat, ac tandem die 16. April. 1688. post varias pectoris angustias, ac costarum & clavicularum oppressione subortâ, nec non viribus exsolutis emisit spiritum. Post mortem observatô cadavere, crura cum pedibus, coxæ, & brachia præcipuè dexterum erant adeò secundùm omnem partem flexibilia, & mollia, ut quocumque ponerentur locô, eundem adamussim fervarent, unde eorum ossa mollia & carnosâ, juxta nonnulla ab Auctore tradita exempla, ut à Fernelio, Bartholino, Theophilo Bonetto, evasisse fuit creditum, ob id dictis partibus cultro anatomico observatis, ossa nedum crurum & femorum, sed etiam brachii dexteri adeò mollia & rubicunda fuere adinventâ, ut substantiam carneam exactissimè secundùm omnes partes veluti gingivarum carnem, non autem muscutorum fibrosam referrent, quæ quidem tunicâ membranosâ erant obducta; eorum autem internodia, ut reliqua ossa & vertebræ &c. non adeò mollia fuere inventâ, facillè tamen tangentium compressionem, & aciei cultri incisionem patiebantur eisque cedebant: cranium & reliqua capitis ossa mediocri erant prædita duritie; ad cranium autem dissecandum ferrum parum aut nihil, sed solum in occipite fuit opportuna, ferrum enim incisoriô adinstar corticis cucurbitinæ mediocriter duræ circulariter fuit recisum. Viscera omnia quoad sensus nostros in statu naturali; sicuti etiam cerebrum & cerebellum sensibilibus intactum fuere observata; serositas tamen in parva copia inter pia mater & cerebrum in parte posteriori fuit adinventâ; è carnibus autem, quæ cultro anatomico seindebantur, humor quidem pinguis, & veluti olei stillis aspersus effluebat, ac tandem tumoris in maxilla superiori factâ observatione, cavitate quæ reperitur inter palatum & os oculi orbitam in parte inferiori constituens, maximè adauctâ, unde tumore durô in gena ut diximus producto purulentam ad duas circiter uncias eundem continere fuit observatum; cutis corporis universa & in ea quoque parte, super quam conti-

ruò immota decubuit, illæsa & absque ulla noxa fuit inspecta, quanquam linteum & anaditerium prorsus putridum ac corruptum sub osse præsertim sacro fuerit redditum.

OBSERVATIO CCXXXVI.

DN. HIERONYMI AMBROSII LANGENMANTELII.

Noxa sumtarum Cantharidum.

ERat Juvenis annorum viginti quatuor circiter, temperamentum calidi & humidi, otio ac Veneri deditus, quam ut accenderet, binas cantharidum drachmas vinò infusas potavit, bis deinde libidini indulgit, ac demùm in animi ferè deliquio pressus ad S. Spiritus Nosocomium adductus fuit, in quo licet variis dolorum cruciatibus premeretur, variis adhibitis remediis alterâ die convaluit.

[*Exhibita A. 1689. 12. d. Mart.*]

OBSERVATIO CCXXXVII.

DN. LIC. ROSINI LENTILII.

Insolita partûs humani via.

Isthæc Historia, cum non sit nova, eò tamen magis admirationem promeretur, quippe ante viginti quatuor annos, superstite adhuc muliere, gesta. *Maria Rögerinn*, Mercenarii *Höchstettensis*, oppidi *Palatino-Neoburgici* ad *Danubium* sita, uxor, quum annos esset 26. nata, & unius infantis Mater felix, tunc secundum gravida, post animadversum in foetu per aliquot septimanas motum successivè & sensibiliter detumescere abdomine cœpit, foetu, ceu pondere, ad utrumlibet latus, cum in lecto recubans situm mutaret mater, pereunte naturali motu, provoluto. Quò tamen insuper habitò, cum ad partûs legitimum tempus adhuc septimanæ novem super-

superessent, in templo corripitur horrore subitaneò; domum properanti supervenit æstus, & abdominis brachiorumque quasi suggillatio quædam, dum intensissimè ruberent istæ partes: mox dolor in umbilico, disparente protinus istâ suggillatione. Quum perdurâssent iste dolor umbilici ad aliquot dies, accedente insuper ejus tumore, animadvertit denique umbilicum tabum plorare, repertò proinde minutò foramine, infixò fusò (eine Spindel) curiosâ, quousque penetraret, exploravit: Ortus inde cruciatus insignis, & simul prodire visa fœtus ossicula, carne omni nudatâ, sed colore nigerrima: ossa primò brachiorum, & manuum, mox costæ, hinc vertebrae, post ilium, femorum & pedum ossa, postremò omnium ossa cranii, sed hæc ultima, cum dolore scindente vix ac ne vix quidem tolerabili. Duravit autem successiva isthæc excretio per annum integrum, misera ad internecionem subinde excruciatâ. Percepit aliquando summum intestini recti & profundum dolorem ad dies paucos, hinc excrevit os femoris, dolore quidem sopitò, sed ulcere fistulosò adhuc dum apertò manente: Reliqua ossicula omnia, omnia tamen nigra, per ipsissimum umbilicum excreta, carne nudata, comitante tamen excretionem osseam sanie multâ, cujus vis notabilis tunc quoque per muliebria manavit: Chirurgorum aliqui, exploratis ossiculis, non nisi alterutrius cruris fibulam defuisse repererunt. Ab eo tempore miserrima, cui sit insuper angusta res domi, umbilici dolore, interdum tamen remittente, atrocissimò torquetur, eòque atrociori, quò minùs diætæ observans est. Id verò prætereà mirandum existit, alvi fæces ab eo tempore maximâ sui parte per dictam umbilici, jam fistulosi facti, aperturam erumpere, nec id quidem per vices, sed continuatò motu, sic ut vulnus deligare non liceat, ni velit auctum à denegato homerdæ exitu, dolorem; hinc utitur peculiari fasciâ, cum linteamine, in quod collectum sterCUS removetur subinde. Quid intestinis cum utero & vasis umbilicalibus commercii? Potuerant enim ossa per um-

bilicum exire salvis intestinis, siquidem corporis humani fabrica consideretur. Agit ista mulier annum jam quinquagesimum, vitæ tamen præoptans mortem. Nec quis de historiæ fide dubitet, quam ipse ex misellæ relatione hausi.


OBSERVATIO CCXXXVIII.


DN. LIC. ROSINI LENTILII.

Anus hircissans.

Memorabile juxta atque detestandum est facinus, quod vetula, quæ centesimum ætatis annum jamjam compleverat, in memorato *Höchstetensi* districtu hauc ita pridem perpetravit. Adulterium nempe anus foedè & insolitè libidinosa commisit, cum duobus non minùs putidis silicerniis, utrisq; maritis, quorum alter 87, (octoginta & septem) alter 76. annos numerarant. Reperti sunt in sylva coeuntes, quum insuper petulca Tisiphone superincumbentem Demea identidem admoneret, ut impetu majori uteretur, se enim vix mutonem sentire. Cùm in examen vocaretur res gesta, compererunt Judices, utrosq; istos non Susannæ, sed foetidissimi, edentuli, corrugati & exsucci semicadaveris fraterculos, ab anu congressum sollicitante, seductos fuisse. Dederunt autem facinoris nefandi poenas.

[*Nerolिंगâ A. 1689. d. 15. Martii Noribergam missa.*]





C p. 453.
Fig. 42.

OBSERVATIO CCXXXIX.

DN. JOHANNIS MEYERI.

Fur è patibulo pendulus, in fago, naturæ
penicillô, depictus.

FUrem è patibulo pendulum hîc sisto : quem non crimen ullum ; non Judicis sententia ; non Carnificis manus miserum fecit : sed curiosorum admirationi casus obtulit. Fagus arctissimô carcere constrictum , diu sine dubio , detinuit ; quem mechanici manus tandem liberavit. Cum enim notissimus mihi hujus loci homo ligna faginea suis necessitatibus suoque usui , nam faber lignarius est , his diebus emeret , selectis in usus certos nonnullis , frustum inter alia offendit spissius ; quod dum scopô certô aptare ; illique ascia demere nonnihil laborat , separata ligni latera attonito ostendunt id , quod delineatio Fig. XLII. exhibet. Mihi ligna statim ab eo & amico, qui adstiterat fidenti alio ex meis ædibus, allata sunt. Quæ eò curiosiori oculo contem-
plabar , quô plura se offerebant non indigna admiratione, quam provocabat tum ipsa ligni separatio , tum feliciter eò præcisè locô facta , ut impressa imago in utroque ligni latere tam distinctè posset conspici : tum origo etiam & causa, tam signatæ effictionis me habebat sollicitum. Exteriores enim ligni partes undiquaque perquisitæ evincebant, delineata medio arboris quam cortici propius hæsisse ; cum ab isto ultra duas palmas versus Medullam recesserit. Nec dubiô carebat, quô pacto, si vel maximô cultrô vel instrumentô aliô arbusculæ olim separatæ facta incisio supponatur , incisionis notas arborefcens fagus tam expressè servare potuerit. Dum hæc & alia ejus generis animum suspensum tenent , novam admirationis materiam idem faber lignarius exhibet, lignum nempe aliud , priori antea cohærens , quod scalæ partem ali-

LII 3 quam

quam præ se ferebat, quâ in suspendio Carnifices uti solent, sed à lignatoribus variè mutata. Figuræ ipsæ non adeò profundè ligno immissæ sunt; sub nigro colore conspicuæ; ejus præcisè magnitudinis & situs, prout in schemate cernis. Reliquæ ligni partes consuetum lignò faginò colorem servant. Quare cùm videam Miscellanea curiosâ naturæ Curiosorum ad annum sextum p. 9. seqq. simile quid retulisse; nec præterea Illustres Legatos aliosque nobilioris ordinis hîc degentes, visu & examine indignum quicquid hoc insoliti est judicasse, Vestro quoque, Viri Celeberrimi, judicio sistere hunc judicatum volui.

[*Ex literis ad Dn. Joh. Christ. Sturmium Profess. Mathem. Altdorff. d. 18. Mart. Ratisbona datis, inde Noriberg. d. 27. Mart. missis ad Helianth. I.*]

Fig. XLII.

OBSERVATIO CCXL.

D. DANIELIS CRÜGERI.

Contra lumbricos remedium novum.

Varia habemus usualia medicamenta contra lumbricos, semen san tonicum, corallinam &c. verum exotica quærimus & domestica negligimus. Cùm peregrè ad Pastorem in Bôk vocarer, mirandum exemplum contigit: Filius rustici cujusdam diu languidus ægrota-
vit, diuque de torminibus tumore & rosionibus ventris con-
questus est, tandem pater sarmenta lupuli vetusta in fornace
combussit, & cinerem non exactè tamen combustum pueru-
lo, cum lacte propinandum, porrexit; Ecce tanta exinde sar-
rago lumbricorum prodiit, ut omnes in admirationem indu-
cerentur; quò visò & aliis in pago hic pulvis puerulis exhi-
bitus est, semper lumbricis prodeuntibus; quod jam de sar-
mentis dixi, id Matthiolus de semine lupuli pronuntiat his
verbis: Semen tritum & potui datum semidrachmæ pondere
intera-

interaneorum animalia necat. Verùm quis domestica in usum revocat? quæ aliquando præstantiorem habent effectum quàm exotica.

OBSERVATIO CCXLI.
D. DANIELIS CRÜGERI.

Præstantia Balsami de Tolu.

VIdua Domini Kroloffs incidit in tumorem totius ventris instar hydropis, ventriculi debilitatem, mensium paucitatem, inflationes & tormina intestinorum. Primò ordinatus est Nodulus laxativus; verùm tumore abdominis permanente, proposui ut omni manè de Balsamo Tolutano fabæ magnitudine uteretur in iusculo, hòc remediò per duos menses continuatò, ab omnibus querelis & à tumore abdominis liberata est, atque antea per sex menses hypocaustò non egressa, postea templum frequentavit. Ex hoc remedio alvus quotidie laxa, aliàs sæpè per triduum obstructa, urina etiam liberalior & fragrantior reddita est. Conquesta primùm fuerat, quòd ex sublatione ponderosioris materiæ omento vim fecerit, itaque huic mulieri tanquam in morbo inveterato & velut desperato ad sanandam lationem qualemcumque hunc Balsamum proposui. Cui Gratia DEI benedixit.

[*Stargardâ Noribergam 1689. d. 28. Mart. missæ.*]

OBSERVATIO CCXLII.

D. JOH. MAURICII HOFFMANNI.

Oscheocele horrenda cum hydrope
ascite.

Pistor quidam Laufensis, sexagenario major, plures ante annos ex saccorum frumento repletorum graviore elevatò pondere enterocelen inguinis sinistri suscepit, quam qui-

quidem bracherio passim notô ita coërcuit, ut nec ambulationi nec equitationi aliisque perficiendis laboribus impedimentô fuerit: Sed ecce cûm bienniô abhinc fortuitô, admodum tamen gravi, in dorsum lapsu ruiſſet, bubonocèle in oscheocelen transiit, atque quia magna intestini pars per proceſſum vaginalem nimium quantum lapsus impetu dilatatum vel potiùs ruptum egressa Chirurgi dein advocati operâ, repositionem renuit, miserrimè vivere coëpit afflictuſ, intestinis reliquis incumbentibus semper magis magisque extra abdomen, quâ data porta, prorumpentibus; quinimô scrotum intestinorum prolapsorum mole in tantam jam distentum est amplitudinem, ut capitis humani etsi prægrandis magnitudinem longè excedat, ad contactum durum, & quasi carnosum, venis varicosis hinc inde interdistinctum, pondere autem ex acri ipsius iudicio viginti quinque libras & ultra adæquet. Porro membrum, à quo viri denominantur, genitale introrsum retractum obtutum prorsus fugit, nec aliud ejus visitur indicium, quàm circulus rugosus, ex cujus medio stillat potiùs quàm effluit urina fervida & acris. Sed & isthæ calamitas sola haud est, abdomen siquidem præcipuâ intestinorum parte desertum ascites tenet. Certè humanæ miseriæ spectaculum divinâ misericordiâ dignum, quam etiam patiens unicè implorat, ideoque cûm ad eundem petentem haud ita pridem invisissem, non aliud desideravit medelæ genus, plurimis antehac aliunde admissis remediis, quàm ut dolor scroti aliquantisper demulceretur, & alvus durus lubrica redderetur, quod etiam cataplasmatibus & fomentis emollientibus ac anodynis, similibusque clysteribus, quantum licuit, præstiti.


Videatur Figura XLIII. quæ calamô designata repræsentabit.

a. Circulus rugosus
urinae stillanti patulus.
b. venae varicosae.

Fig. 73.
ad pag. 456.



Fig. 44. p. 460.





SCHOLIUM.

Oscheocelen ejusmodi enormem descripsit atq; delineari curavit Jobus à Meekren , quæ vid. Observat. Medico-Chirurgic. posthumarum c. 5. p. m. 362. ubi tamen duo à nostrâ præmissâ observatione diversa annotata leguntur: 1. quòd tumor ille quoties in scroto appareret , venter adeò detumuerit, ut etiam manu planâ premendo vertebrae lumborum attingere licuerit: 2. quòd ubi tumorem humi tollere ægro libuerit, elevatione leni omnia intestina in scrotum elapsa per peritonæi patentem valdè aperturam facillimò negotio ventrem repetierint , nec ullâ in hac restitutione molestiâ æger affectus fuerit, nisi quòd, ubi intestina reposita diaphragma attigerint , animi deliquium non leve incurrerit, cum aliàs ipse hilari animò semper extiterit, atque ad opera navalia promptus, ut etiam malos conscendere eâ celeritate dexterritateq; potuerit, quâ nullus sociorum.

Fig. XLIII.

OBSERVATIO CCXLIII.

D. JOH. MAURICII HOFFMANNI.

Testium tumor & singularia alia conjuncta pathemata.

Vir juvenis illustri stemmate natus, temperamentò melancholicò-pituitofo præditus , annum ætatis agens vigesimum octavum, cum antehac per intervalla pollutiones nocturnas habuisset, semine profluente quandoque naturali albo , quandoque viscosiori gryseò ; iisdem cessantibus , post iter celeribus equis exactum , insignem de repente suscepit utriusque testiculi tumorem , ovi gallinacei magnitudinem ferè adæquantem, à sanguine acidò-viscosiori per arteriarum spermaticarum propagines copiosius influen-

Dec. II. Annus VII.

M m m

cc.

te, materiâque seminali intra tubulos ipsam separantes & digerendo elaborantes magis rarefactâ aut liquatâ (ad utrumque disponente prægressâ agitatione & concussione) enatum. Aderat simul dolor tensivo-gravativus & pulsatorius, qui tamen mox subsidente & in arctiorem sphaeram sese contrahente testiculô sinistro remittebat, dum tumor persistebat dextri testiculi scirrhi indolem postea nactus, & jam ultra annum pondere suô gravis. Interea autem coeperunt denuò post insomnia venerea Illustrẽ ægrum jucundæ titillationis illecebris sæpius excitare pollutiones nocturnæ, quæ quidem communiter sic dictæ & veræ neutiquam fuerunt, nam etiam si afflictus in urethrâ seminis quasi profluentis motum, persenserit, ne guttula tamen profluxit, ut proculdubio halitus saltem spirituosus & tenuis, auræ similis, à semine, ob viscositatem intra tubulos vesiculasque seminales coërcito, dimissis per urethram expiraverit, utroque testiculô solitò magis (quoties id obtigerat) semper intumescit. Accessis postea cirfocele, dextri præsertim testiculi, culpâ sanguinis spissioris vitiosi intra venarum spermaticarum mutuis furculis implicitarum angustias hærentis valvulasque prementis inducta. Sed & adhuc aliud ex malo natum malum, testiculus nempe dexter tumore scirrroso ultra modum distentus ex rupturâ tunicarum in parte sui imâ factâ, indeque subsequutâ lymphæ nutritiæ tardè retrogradæ emanatione excrecentiam carnosam veluti sarcocelen passus est, quæ scrotum cæteroque contractius coalitu sibi proximò junxit. Pertulit hæc omnia Illustris Pater æquò animò, & diutius pertulisset, nisi ex equitatione, vini potu, & aromaticorum aliorumque semini aut materiam aut spirituaſcentiam uberiores suggerentium eduliorum usu tumoris in dextro testiculo augmentum nec absimilem in sinistro magnitudinem sese exferentem præternaturalem, dolore sat exquisitò comite sensisset. Molestiarum igitur pertæsus me vocavit in consilium, tam circumstantiis omnibus probè pensatis, imminutò primum per
modi-

modicam Venæ sectionem sanguine, atque exhibitis per intervalla Pilulis Tartareis Bontii, præscripsi medicamenta sanguinem acido-viscosum corrigentia & resolventia, tum speciatim Catechu sive Terram Japonicam cum Antimonio Martiali diaphoretico copulatam, quâ herniam varicosam in Studio quodam Excellentiss. Dn. D. Wedelium feliciter curâsse ex Ephemerid. Nat. Curios. Decur. I. Ann. II. Observat. 131. memorat Celeberrimus Dn. D. Ehrnfried Hagendornius in Tr. Physico-Medico de Catechu Sect. IV. c. 2. Art. 3. S. 9. p. 68. cui postea subjunxi Rad. Ononidis Pulverem Elæosaccharo Cinamomi permixtum, aliàs contra herniam carnosam laudatissimum: Exteriùs scroto admoveri jussi Emplastr. ex Gumm. Ammoniaæ. Bdell. Galban. āā. ʒʒ. Axung. anat. ʒjʒ. Cerae Citrin. ʒij. Ol. Lil. alb. Medull. crur. bovin. āā. ʒx. l. a. confectum. Quibus usurpatis remediis tumor testiculi dextri sensibilibiter subsedit, duritiesque contactui paululum cedere visâ est, post aliquot verò elapsos dies eò locò, quò scrotum eidem cohæserat testiculò, foramen exiguum spontè se aperuit, per quod dein sensim sensimque materia non purulenta, sed chylosa candida, & ut propriò compelleretur nomine seminalis cum *εμπερία* effluxit, continuavit etiam fluxus talis per aliquot hebdomadas, demùm foramine rursus se claudente desit, pejoribus tamen Ægri Illustris redeuntibus rebus, ex hoc etenim tempore denuò in tumorem ampliorem assurgere cœpit testiculus non solùm dexter, sed & sinister; novò pathemate, ne calamitas ejusmodi sola esset, simul emergente, dum Illustris Patiens post somnum exactum manè drepentè aliquoties *ἀναισθησία* quâdam prehensus est, cum membrorum omnium rigiditate, subitò tamen rursus evanescere, sudore syncopticò circa frontem & jugulum erumpente: Cui quidem afflictioni acidum coagulativum in nervoso sanguineoque genere peccans arguenti obviam itum est Pulvere absorbente nervinò Cinnabarinò, & Spiritu Salis Armoniaci succinatò cum Tincturâ mihi usuali anodynâ permixtò,

horumque usui perniciosum istud pathema mox cessit. Tunc autem propter motus bellicos ex improvise exortos Illustris Patiens à colloquio meo & commodo Epistolarum commercio divulgus est.

OBSERVATIO CCXLIV.

D. JOH. MAURICII HOFFMANNI,

De

Calculis biliosis per alvum excretis.

Matrona nobilis cum diu querelas movisset de dolore tensivo & vellicante sub hypochondrio dextro anteriora versus molesto, tandem plures calculos exiguos flavescences, bilis calculosae foetus, per alvum excrevit, ex vesiculae pristino hospitio per meatum cysticum ad choledochum ductum & duodenum intestinum propulsos.

OBSERVATIO CCXLV.

D. JOH. MAURICII HOFFMANNI,

De

Chalazæ alterius in ovo figurâ singulari.

In binis illis corpusculis candidis vitellum cum albumine connectentibus, & ex eorundem membranis in nodos instar funiculi contortis visis, quæ Chalazæ propriò denotantur nomine, naturam etiam quandoque ludere, haud ita pridem in ædibus paternis fortè fortunâ contemplatus sum; nam cum ad usum culinæ ancilla ovi effregisset testam, ex Chalazarum altera in longitudinem insignem protensa extremitate suâ libera capitis humani formam non obscuris exhibuit lineamentis, atque adstantes & postea advenientes spectato.

Etatores mecum in admirationem rapuit, prout ex appposito schemate à solertissimo pictore nostro Dn. Deslero designato conspici poterit: ubi lit. a. vitellum monstrat, b. & c. Chala- zas indicat, d. ideam vultus humani ostendit, e. capillorum adumbrat fasciculum, colore flavo tunc visum.

Fig. XLIV.

OBSERVATIO CCXLVI.

D. JOH. MAURICII HOFFMANNI,

De

Cartilagine mediâ ossium pubis in primi-
parâ post mortem molli &
spongiosâ.

Ossa pubis in partu difficiliori ab invicem divelli sunt è veteribus æquè ac recentioribus plures qui affir- mant, plures qui negant. Priores in compendio re- censet, adductis simul rationibus *ἀπόλυτοι* Isbrand. Dic- merbröck Anatom. lib. IX. c. 16. p. m. 552. Vid. etiam Dis- sertat. meæ Anatomico-Physiolog. ad Joh. van Horne Micro- cosmum annotatæ p. 99. Posteriores dissensus sui rationes re- gerunt sequentes: Nempe, si ossa pubis ab invicem sejuncta in partu dehiscant, ajunt, aut ita separata manere, tuncque ingressum necessariò vacillaturum, sicuti in canibus femellis experimentò institutò se cognovisse Anton. de Marchettis Anatomicus Patavinus celebris perhibuit; aut si conjungan- tur, calli beneficiò coalescere, futurò subsequente partu ob calli protuberantiam & densitatem usque difficiliori. Dicam, salvâ aliter sentientium autoritate, ego quæ sentio, nimirum cartilaginem mediam ossium pubis in juvenis feminis ab hu- miditate allabente laxiorem redditam sequacem esse, & elon- gationem aliquam sive distensionem in partu ob foetus ma-

gnitudinem vel situm incongruum difficiliore, (citrà tamen manifestam continui solutionem vel perruptionem) admittere; hacque in opinione me confirmavit infanticida primipara annò superiori à me dissecta, ubi cartilago *συχρόδεσσιν* ossium pubis sustinens mollis & spongiosa sive cavernulosa adhuc extitit, ut ad levem cultri contactum mox secesserit; sed & *ὡς ἐν ναισῶ* recordor, erinacei ante aliquot annos post partum cultrò Anatomicò subiecti, ubi ossibus pubis ad latera depressis cartilaginem mediam in formam membranæ (*oder wie ein Pergament*) diductam deprehendi.

OBSERVATIO CCXLVII.

D. JOH. MAURICII HOFFMANNI.

Repentina ex dolore Iliaco mors.

VIr honestus bubonocelen inguinis dextri antehac per-
pessus, ex ponderis gravioris elevatione tumoris ad-
auctam magnitudinem cum dolore acutissimo sensit,
huncque colicam esse sibi persuasus, ex cujus nescio
consilio magnam boli rubri quantitatem cum Aq. vitæ vul-
gari hausit, sed & neglectâ intestini ulterius prolapsi reposi-
tione fomentis atque cataplasmatibus calidioribus eandem à
balneatore demulceri voluit, accesserunt mox vomitus cre-
briores, alvi suppressio, palpitation cordis, & extremorum re-
frigeratio; cùmque secundâ insecutâ nocte demùm accersit-
us essem, ex pluribus aliis indiciis gangranam intestinalem
præsentem perspexi, mortemque prædixi futuram, quæ,
juxta præsagium meum, post duodecim horarum spatium ad-
venit.

OBSERVATIO CCXLVIII.

D. JOH. MAURICII HOFFMANNI.

Liqueur & Sal volatile Melissæ.

AD imitationem processus per fermentationem & putrefactionem Sal volatile ex plantis viridibus elicendi, quem in Transactionibus Philosophicis Anglicanis d. 25. Martii An. 1674. Dn. D. Cox recensuit, atque inde excerptit Excell. Dn. D. Wedelius in Experiment. Chemicis novi de Sale volatili plantar. c. 3. p. m. 24. assumsi aliquando Mense Augustô Melissam, cujus folia à caulibus ritè separata cucurbitæ vitreæ ampliori injeci, hanc verò ultra medietatem repletam dein exactè clausi, ventriq̃ue equino per menses circiter sex commisi, sic demùm evenit, ut Melissa, quæ primùm marcescere dein situm contrahere inceperat, tandem in pultis formam redacta fuerit. Eam igitur retortæ injeci, & destillatione ex arenâ institutâ liqueur gravis empyreumaticus prodiit, ultimòq̃ue igne adauctô oleum nigrum foetidum instar lamellarum tenuissimarum liquori innatans erupit, remanente in fundo retortæ capite mortuô nigrô, quod prunis injectum fumum tabaci exquisitè æmulum sparsit. Cæterùm quia in primâ hâc destillatione nondum Sal volatile conspectum subierat, placuit partem aliquam liquoris ulteriùs diversimodè experiri: Is autem 1. gustui acrem inprimebat sâporem; 2. odorem fracidum empyreumatico-urinosum naribus offerebat; 3. ex instillato in uno vitro Spiritu Vitrioli rectificatô nulla exsurgebat effervescencia dignoscenda, color tamen ex pallido flavescens mox in egregiè rubentem & pellucidum instar vini rubelli Tuberani transmutabatur; 4. Clyssus Antimonii sulphuratus instillatus nullam introducebat mutationem; 5. Spiritus fuliginis celeri lapsu in alio vitro alii liquoris portioni admixtus effervescentiam pariebat insignem, turbidô remanente liquore instar musti, assur-

assurgente insimul Sale volatili acri nares gravissimè feriente; 6. simile phænomenon dabat Spiritus C.C. instillatus; 7. liquoris prædicti parti Sal Tartari fixum injectum aliqualem excitabat effervescentiam. His peractis residuum à primâ destillatione liquorem phiolæ oblongæ infudi, & imposito alembico rectificationem per arenam intendi, atque ecce in sublime assurrexit Spiritus, striis oblongis aliquantulum intortis per alembici capitellum depluens, idemque sapore equidem præ primo neutiquam eminebat, odore ramen salino-urinoso magis pollebat, & ab associatis Spiritus Vitrioli guttulis effervescentiam concipiebat; nullam contra notabilem à Spiritu fuliginis. Sed necdum Sal volatile distinctè conspicendum voti me compotem reddiderat, id propter liquorem spirituosum secundâ destillatione seu rectificatione prolectum denuò phiolæ altiori infudi, tunc leni igne sublimatum & collo phiolæ superiùs appulsum adhæsit Sal volatile album, striis crystallinis nitidissimis conspicuum; quod subsecutus Spiritus diluit secumque in excipulum evexit.

Jam verò sicuti ex præmissis processu patet, fermentationem & putrefactionem necessariam esse, ut particulæ salinæ volatiles aqueis acidis terreisque immerse explicentur, ita videtur in liquore primùm destillato nulla ab acidis infecuta effervescentia, quia phlegmate eoque acidulò idem abundaverat, cujus interventu acida instillata cum Sale volatili delitescente nimiumque dilutò congregi non potuerunt, contra cum Spiritibus volatilibus urinosi, & Sale lixivo, tunc phlegma acidulum, effervescentiæ motum mox iniit, secùs ac in liquore per secundam destillationem à phlegmate acido in phiolâ relictò mage separatò sicque Sale volatili concretatò saturatiori evenit, qui ab acidis effervescentiam concepit. Quod autem in secunda demùm rectificatione repetitâ, Sal volatile sese distinctè conspicendum præbuerit, ideò factum conjicio, quia tunc demùm idem ab aquearum particularum, quibus immersum erat, consortio citius liberari potuerit, quam ut

hæ ipsæ simul in sublime raperentur. Caterum id silentiō quoque haud prætereundum est, in ultimâ rectificatione Oleum æthereum satis penetrans simul prodiisse, non tamen nigrum & empyreumaticum, quale in primâ conspiciebatur destillatione, sed reverà essentiā citrinō colore præditum; notavitque Dn. D. Cox; Oleum ex vegetabilibus, quod in primâ destillatione simili modō adornatâ obvenit crassum nigrum & foetidum, si cum Sale volatili jungatur, sæpiusq; rectificetur maximam partem in Sal facessere.

[*Altdorffio A. 1689. d. 3. Maji Noribergam missa.*]

OBSERVATIO CCXLIX.

D. JOH. GEORGII VOLCKAMERI, Sen.

De

Lapillis Limacum.

Magnō meō quondam cum amico, Exc. D. Joh. Hellwigio, (cujus in arte medicâ exercendâ dexteritatem, atque excolendo in naturæ studio industriam Observationes ejus à Celsō nostro Anno 1680. editæ testantur,) de lapillis Limacum postquam discurrere occasio nata fuit, quid idem postea ad me de iisdem scripserit, Curioso Lectori haud ingratum fore credidi, si communicaverō, sic autem is d. 8. Cal. Novembr. An. 1647. P.S. Vir Clarissime, Collega amicissime. Sermones nostros de lapillis limacis recolens ego, statim desiderio arsi sciscitandi, qui, nam veterum aut neotericorum de illis mentionem fecerint; pervolvens ergo pro temporis modulō curtam librorum meorum supellectilem, præter Plinium, Montuum, & Boëtium de Boodt, invenio neminem. Et Montuus quidem usum tantum indicat? Plinius autem & Boëtius simul locum natalem, sed paucis. Verba Plinii sunt lib. 29. hist. nat. c. 6. *Capitis doloribus remedio sunt cochlearum, quæ nu-*

Dec. II. Annus VII.

Nnn

,, da

„ da inveniuntur, nondum perfecta, ablata capita, ex his lapi-
 „ dea duritia exempta (est autem calculi latitudine) quæ alli-
 „ gantur, & minuta fronti illinuntur trita. Super quæ Dale-
 „ champius ex Sereno demedendo capiti versum hunc anno-
 „ tavit: *Profuit & cochleis frontem tractare minutis.*
 „ Paulò pòst eòdem locò scribit Plinius: *Limaçis inter duas*
 „ *orbitas inventa ossiculum per aurem cum ebore* (scil. in capitis
 „ doloribus) *vel in pellicula canina adalligatum, quod reme-*
 „ *dium pluribus sæpèq; prodest.* Idem lib. 30. c. 15. *ad eundem*
 „ *usum* (denticionem facilitandam) *Limaçis* (Dalechampius:
 „ quæ nuda serpit) *lapillum sive ossiculum, quod invenitur in*
 „ *dorso.* Boëtius de Boodt l. 2. de lapid. & gemm. c. 189. lon-
 „ gè aliter: *Limaces*, inquit, *qui cochleâ carent, ac in sylvis ac*
 „ *locis subterraneis fusci coloris, inveniri solent, in capite la-*
 „ *pillum habent, qui gestatus quartanam solvere dicitur.* Hie-
 „ ron. Montuus l. 4. de febr. cap. 10. refert ex Cardano Lima-
 „ cium lapillum alligatum in quartanis prodesse. Hæc ob-
 „ scura satis, quæ *avroçia* & experientia nobis clariora red-
 „ dunt. Nam Patavii cùm degebam, sæpiusculè vidi ejusmo-
 „ di lapillos pro amuletis in febricitantibus appensos; à qui-
 „ bus edoctus, mense Augustò fortè evenit, ut in hortulo ho-
 „ spitio meo contiguo, in Limacem quendam cochleâ sive
 „ testaceâ suâ domunculâ adhuc carentem inciderem, qui co-
 „ loris quidem fusci, & lineamenta cochleæ subnigra tantùm
 „ in dorso citra omnem extuberantiam gestabat, quales ple-
 „ rumque hoc mense & subsequenti Septembre inveniuntur.
 „ Hunc in mensam ponens, caput superiùs cultellò interse-
 „ cui, ubi primùm humor tenuis subalbidus effluebat, quem
 „ crassior colore albuginis ovi lixati, substantiâ paucus subse-
 „ cutus; hic intra horæ quadrantem in eam duritiem coaluit,
 „ ut meritò pro lapillo haberetur, magnitudine unguis mi-
 „ nimi infantuli, colore pellucidus. Hunc lapillum, quem
 „ Plinius etiam ossiculum vocat, Itali plerunque contra fe-
 „ bres tertianas nochas & quartanas è collo nudo suspendunt,
 „ ita





Fig. 45. pag. 467.

„ ita tamen, ut lapillus præcordia tangat, hisque in morbis mi-
 „ rificum illi tribuunt effectum, quod & ipse in duobus febri-
 „ citantibus probè exploratum habeo. Num & in aliis affe-
 „ ctibus, quos Plinius narrat, quicquam proficiat, me sanè
 „ later; nec licuit hætenus ob lapilli raritatem & paucitatem,
 „ cùm teri debet, experimentum aliud facere. Cæterùm hunc
 „ ratione tam originis, quàm substantiæ suæ frigidum esse, ef-
 „ fectus simul suadent. Sed num analogiam cerebri hic hu-
 „ mor in animali illo habeat, divinari libet, quia hac in par-
 „ te, capitis scilicet, ubi cornicula prominent, magis quàm ali-
 „ bi sentit, idque procul dubio ob sedem seu officinam facul-
 „ tatis sensibilis, quæ & proximioribus partibus majores &
 „ nobiliores sensus participat. Eandem in febribus efficaciam
 D. Autor noster in prælaudatis Observat. pag. 418. deprædi-
 cat; ubi etiam suum in Scholio Celsus noster judicium sub-
 junxit.

OBSERVATIO CCL.

D. JOH, GEORGII VOLCKAMERI, Jun.

De

Germinatione Nucis Cocco.

Effigies hæc est Nucis Cocco seminatæ in horto Medico
 Amstelodami celeberrimo è terrâ prodeuntis delineata,
 quæ biennii tempore ulnæ uniuscum quartâ altitudi-
 nis, crevit, folia verò tres ulnæ quadrantes longitudi-
 ne adæquant. Nux ipsa vergente jam ad autumnum annò
 in terram lateretenus, oculò majore sursum versò, minoribus
 resupinatis locata, ex altero inferiori caudicem protrudit, cu-
 jus pars altera deorsum radicem efformat, sicut figura ejus
 XLV. demonstrat, terræq; se insinuat: altera sursum tendens
 ramum ambit, & circa ipsum se volvens folium efficit; quod
 si deciduum fiat, nodum quandam effingere videtur. Terra

Nun 2

re-

requiritur satis pingvis, nux verò benè decorticata, & liberata à suo fibroso involucro, quàm recens haberi poterit, & liquoris intùs fluitantis non penitùs expers terræ committi debet, tunc spe non vanâ lactabit hortulanum suum: (*Ex relatione Nicolai Dumbstorffii, Pharmacopæi Amstelodamensis solertissimi m. Novemb. 1688.*) Noribergam misit.

Fig. XLV.

OBSERVATIO CCLI.

D. JOH. GEORGII VOLCKAMERI, Jun.

De

Folio Salviæ glandifero.

Elleboro sanè mitigandos crediderim quosdam per Microscopium Philosophos, qui dulcedine mentiendi eò provecti sunt, ut ex pulice petulanti camelum, ex animali scutigerulo subsordentium quandoque tunicarum rugis, nidificante Rhinocerotem peltatum, aut Elephantem, ut ita loquar, effingerent. Tantum illis poëtica permisit licentia: Sed absit, talia ominemur de iis, quorum stupenda industria structuram interiorem nudò oculò vix conspicuorum corpusculorum nobis fidelissimè detegit. Quid enim accuratissimus Borellus hâc in re præstiterit, nemini ignotum; nec reticendus Dn. Grevv. in the Anatomy of Vegetables, cujus mirandæ perspicacitati debemus, plurium sub Sole luxuriantium vegetabilium enucleatiorem conditionem. Quam salubri haruspicinâ exta animalium fuerint inspecta ab oculatissimo Malpigio, patet ex ipsius operibus incomparabili labore congestis; Hic siquidem non satiatus in pervestigandis minimis ac ipsos oculos fugientibus fibrarum lineamentis, plantarum quoque interiora rimari cepit, ut videre est in doctissimo ejus tractatu de Plantar. Anatom. Observavit inter alia prælaudatus Author in Evonymi foliis innumeram

ocu-




Fig. 46.
pag. 469.





oculorum congeriem, item in folio *Quercûs*, &c. quæ tandem temporis tractu supercrescente armantur tumore, quam gallam vocant, exinde verò erumpens, dum viam sibi parat vermis in muscam transmutatur. Haud absimilem præter arbores patiuntur sortem herbæ quædam, ut ipse author observavit, & mihi præteritò ad senitum inclinante annò videre contigit in *Salvia glandifera*, cujus folium, ut sese oculo Microscopiò armato repræsentavit, præter inæquale tumorum ornamentum, magnam conicorum quasi & aculeatorum processuum congeriem exhibuit; Simili labe folii pediculum affici conspexi, qui præter supradictam conicam congeriem muscò quasi coralloide obsitus, deprehendebatur, lanuginem, si nudò concipiatur oculò, constituyente. Ovula subinde in magna sat quantitate pronæ folii parti superstrata vidi, albicantia ac margaritarum ad instar gliscentia, harum quædam apicibus istis conicis firmiter adhærebant, quædam verò longius remota contabefacta cernebantur. Augurari hinc licebit, ovula hujusmodi ab animalculorum circumvolitantium, muscarum in specie incubatu deponi, quæ acriori exhalante spiritu teneriorem plantæ superficiem vulnerant, vulneratæ novam fermentationem inducunt, atque ita varias excrecentias morbosas vel præternaturales foliorum contracturas causantur; quæ magis magisque incrementum capiendo in *Quercubus* gallam constituunt. Interim successu temporis aduktor factus vermis è latebra viam sibi pandit & stupenda metamorphosi in muscam transmutatur, quæ levissimò suò volatu aëra sulcando, novum sibi hospitium quærit, pronamq; oculis suis excipiendis plantam, cui post congressum cum sui generis insectulò factum nova agglutinet seminia. Ita sese res cum *Salvia baccifera* habere videtur. Nam excrecentiæ, quibus hæc planta sæpissimè deformatur, nunquam non in sinu foveant vermiculos, & deniq; muscas, quorum incubatu de novo folia imprægnantur, atque ita tuberculis hinc inde malè deturpantur. Fig. XLVI.

OBSERVATIO CCLII.

D. JOH. PAULI WURFFBAINII,

De

Abdominis tumore Steatomatico, in puerulo nondum trienni, raro & admirando.

CUm ante Triennium Mense Novembris Epilepsia ex vermibus laborantem puellam, in loco illo, quem Pagnesis nostra Insulæ instar divaricatis ambit brachiis, die Schütt und Thannen-Gärtlein dicto, visitâssem, aderat vicina quædam foemina cum filiolo duorum annorum cum dimidio ob formæ elegantiam, genas roseas, capillos niveos pulchrèque intortos, ferè amabili & gratiofo, cujus formositatem fixis sanè oculis aliquandiu sum contemplatus, ac publicè coram adstantibus admiratus; qui miserrimum cum esse statim regefferunt, & elevata ad terram usque propendente ejus togâ, abdomine denudatò, quid de hac rerum facie sentiam, quæsiverunt? obstupui, nec tantum hominis monstrum in tam amabilis faciei puerulo unquam somniâssem: abdomen enim prætumidum ultraque genua propendens, ob venas epigastricas calami scriptorii instar inflatas & varicosas, ex albo, cœruleo & subrubente colore variegatum erat, contactu durum, vixq; digitis cedens, pedes verò œdematosi, digitorum vestigia aliquandiu præ se ferebant; ibat, dormiebat, edebat, puerulus, & quidem avidissimè, à capite, ad calcem usque diei, nunquam satiatus, plura semper appetens; vix tamen ei fortioribus licèt pro tanta ætate remediis purgantibus à Medico ejus ordinario Excell. Dn. D. Christophoro Friderico Grubero, Collegâ & Fautore meò amicissimò, præscriptis, segnior solvebatur alvus, hinc inde tamen de aliquali abdominalis dolore & difficili admodum respiratione, subito

bitò cum insigni clamore, effusis conquerebatur lachrymis. Lumbricos, fateor, unicè hîc tantorum symptomatum non absque ratione credidi esse causam; dimisi tamen matrem, filiumque cum prognostico, utque Medici sui ordinarii antè laudati remediis ac consiliis saluberrimis insisterent porrò, monui; rogavi verò Amicissimum Dn. Collegam meum, ut defunctò aliquando puerulò, cadaver ejus ad interanea inspicenda, inque causam morbi curatius inquirendi licentiam sibi exoraret, meque in hoc negotio fidelem jungeret amicum: qui pro nota sua & innata curiositate facilè annuit, & emigrata post aliquot præterlapsas septimanas, tenella ex missello suo domicilio animula, id, quod petiit, lubens à parentibus, pro sectione brevi instituenda, obtinuit.

Dissectis itaque cruciatim & cautè admodùm separatis à nobis integumentis corporis communibus, nil aderat nisi pinguedo, ad sevi substantiam subtilissimis intertexta fibrillis, quam proximè accedens, quæ unius, & quidem majoris omninò, ac dimidiæ palmæ latitudinem superabat, donec ad cavitatem abdominis & quidem in altum profiliante lymphâ, pervenire licuerit, Omentum penitùs erat absumtum, nullaque de eo restabant indicia; Intestina, haud modicæ innatabant lymphæ copix; Ventriculus monstruosus admodùm erat, & parvus, duos per canalem quasi coadunatos referebat globos, ut ex Fig. XLVII. appicta, clariùs patebit; Hepar reclinatum & Diaphragmati ex parte gibba hòc modò firmiter erat adnatum, ut pars ejus convexa felleaque vesicula primò statim incuitu in conspectum venerit: taceo, illud etiam extra situm ordinarium positum, adque interiora thoracis retractum magis fuisse, coloris planè luridi. Apertò thorace, vidimus pulmones variegatos, exque vulnusculis cultellò anatomicò inflictis, amurcam stillantes, cum corde ferè tabido, omni que pericardii aquâ spoliato: Notandum tamen materiam illam sebaceam & Steatomaticam facilè, imò ferè spontè à cute fuisse separatam, exque Curiositate nostra libræ im-

impositam, pependisse Libras octo cum XXIV. Lothonibus seu semiunciis, ponderis civilis.

Cum verò in varias insoliti hujus tumoris inquisissemus causas, retulerunt parentes filiolum suum ex gravi admodum de mensa lapsu, gibbosum fuisse factum, à Rustico verò ex Amici consilio tractatum, & ab hac spinæ incurvatione liberatum acque sanatum, hōc ipsō tamen paulò post observatō tumore ac molestiis.

SCHOLIUM.

Nervus & Raritas jam enarratæ Observationis hujus, consistit potissimum in Steatomaticeo abdominis tumore, adque interiora thoracis retractō & reclinatō hepate: quorum tamen vix aliam agnoscere possum causam, quàm spinæ dorsi ex lapsu de mensa incurvationem, minusque decenter postmodum factam repositionem; ut enim fabri fabrilis tractant, sic Rustici, rustica: vereor enim rusticanum illum Pseudo-Chirurgum juxta methodum Heiducci illius Ungari, satis crudelem, quā spinæ dorsi fracturam callosam feliciter consumsit ac restituit in Nobile Silesio, (cujus mentionem fecit Excell. Dn. D. Ernestus Sigism. Grassius, Ephem. Academ. Decur. II. Ann. VI. Observat. 142.) puerulum hunc tenellum tractasse, & vertebrae extrorsum, vel ad latera saltim dislocatas, violenti pollicum manuumque impetu, introrsum, simulque etiam sursum adegisse, & cum gibbositas circa ultimas thoracis vertebrae, ubi ventriculus cum hepate diaphragmati, hoc verò his ipsis vertebrae jungitur, plerumque contingat, quid mirum, si per tantam intrusionis violentiam *κέρτωσις* mutata fuerit in *λοφώσεσις* speciem, vertebrae nempe anteriora sternumque versus adigendo, unde hepar non potuit non ad diaphragmatis septum fortius nonnihil comprimi, obque mutuum externarum suarum tunicarum contactum, effluviis sanguineorum ac chylosorum consortium, in unum quasi coalescere, sicque difficilis in puerulo hoc miserrime afflicto,

flicto, respiratio causari. Quantum verò ad Steatomatis generationem, cum Steatomata nihil sint aliud, quàm tumores sebacei seu caseosi, suis instructi folliculis, ex chylo extravasato & coagulato orti, non abs re erit & hîc quoque violentam illam luxationis repositionem accusare; cum enim ipsum, chyli receptaculum commune non multum inferiorem, ac hepar cum ventriculo agnoscat situm, facilè per tantam compressionis violentiam lædi, aut ramuli saltim ejus chyliferi rupturam aliquam pati potuerunt, unde chylus jam extravasatus, suòque ordinariò motu privatus, acescere, coagulari, inque tantum tumoris monstrum excrefcere cœpit: hinc insatiabilem pueruli hujus appetitum tam parvi, & procul dubio in utero materno jam malè formati stomachi respectu, non admiror, dum optimam & maximam chyli portionem nutritioni partium & regenerationi spirituum destinatam, alio deductam, huicque tumori adductam fuisse, perpendo: ex continuo enim chyli hujus extravasati affluxu, tumor in majorem indies accrevit molem, sanguinis è contra motu remissione indies factò, tandemque cum vita penitus cessante. Caveant ergò sibi mortales ab Empiricis ejusmodi & Rusticanis medicastis, ne Charybdim evitantes, in Scyllam incidant.

Fig. XLVII.

OBSERVATIO CCLIII.

D. JOH. PAULI WURFFBAINII,

De

Globo lapideo materiâ pingui repleto,
in sepulchro reperto.

Nuntiavit mihi Anno 1680. foemina quædam apud nostrates Medicatrix, globum quendam lapideum in sepulchro quodam Cœmeterii D. Johanni sacro, in-

Dec. II. Annus VII.

O o o

ven-

ventum fuisse, materiâ planè pingui repleto, verè curiosum: quem visendi curiositate ductus, visitatò saltim unò alteròve priùs ægrò, præsentiam meam quantocyùs urgente, statim ad piorum concivium meorum dormitoriorum locum, gressus meos direxi; vespillone verò ibidem non repertò, per servum, ut ad ædes meas nominatâ quâdam horâ globum hunc deferret, nuntiavi, quem attulit, meque eò lubens suapte donavit sponte, simulque narravit, in pelvi, quod ossium pubis & innominatorum constituit compagem, repertum fuisse: Erat autem globus hic, qui volam meam facilè magnitudine suâ implebat, quoad figuram satis rotundus, substantia externa lapideus, interna verò, ut ex parvo facto foramine separata lapidea crusta paret, pingui materiâ repletus, mixturam è fevo, cum ceræ pauxillo mentiens, unguibusque facilè cedens, pendens lbß. cum 3vj. ponderis Medicinalis.


SCHOLIUM.

Dubius sanè diu multumque hæsi, quid de globo hoc ejusque materiâ internâ sentirem? excrescentiam enim carnosam vel glandulosam fuisse, materia pinguis, quâ repletus erat, vetuit: abscessum absolutè vocare non potui, quod coloris ferè fuerit expers, imò, quod integrum & quod excurrit biennium, inter Rer. Natural. meorum apparatus, ad hunc usque diem asservatus, nullum contraxerit foetorem, cum potius è contrario, pro natura abscessuum, jam dudum imò in sepulchro adhuc, cum ipsa torali cadaveris resolutione, abivisset in putredinem; quare Steatomaticum fuisse tumorem spiritu quodam accedente Gorgonicò, lapidea crusta obductum, sicque contra putredinem munitum ac præservatum, sum suspicatus, & quidem (I.) quòd Steatomata globosam ut plurimum recipiant figuram, quale Anno 1673. Altdorffii in subjecto Anatomico Rustici decollati, pleuræ adnatum, cujus Sceleton ære meò redemptum, meisque manibus combinatum adhuc possideo, Excell. Dn. D. Mauritius Hoff-
man-





Ventriculus monstruosus.
Fig. 47.
pag. 471. pag. 473.



Globus lapideus materia pingui
repletus, in sepulchro repertus.



Fig. 48.
pag. 475.

mannus Senior, Doctor Ductorque t. t. meus ad urnam honorandus, demonstravit. (2.) Quod Steatomata non æquè citò abeant in putredinem, quàm abscessus ac tumores alii, ut vocant, sine folliculo. (3.) Quod materia in globo hoc contenta sebacea ferè fuerit, materiæ Steatomaticæ proximè accedens, coloris tamen sub-obscuri, quasi cum ceræ pauxillo permixta, & quamvis Steatomatica materia albescat potius, ob ætatem tamen, exsiccationem, ac incrustationem colorem hunc sub-obscurum faciliè contrahere potuit; non tamen hîc colorem quàm potius substantiam attendendam esse arbitror. Locum, in quo repertus fuit hic globus, non attendo, quòd non modò ex vespillonis relatione certi quid determinari nequeat, faciliè enim à thorace ad inferiora abdominis devolvi potuit, quin potius, quòd Steatomata in variis corporis partibus nasci posse, Observationes hinc inde testentur.

Fig. XLVIII.

OBSERVATIO CCLIV.

D. LUCÆ SCHRÖCKII, LUC. FIL.

De

Phalæna maxima.

Singularis in hac Observatione Papilionis elegantissimi species sistitur, quam à Nobiliss. *Dn. D. Joh. Burgio*, Collega nostrò maximè industriò, Vratislaviâ mihi transmissam, Naturalis scientiæ Cultoribus curiosis haud ingratham esse posse confido; cum & ipsâ aliquid ad naturalis historiæ augmentum conferre queat, multisque Viris clarissimis, ut *Moufeto, Jonstono, Aldrovando, Swammerdamio* &c. proluxiori commentario historiam Insectorum conscribentibus, nemo hactenus laborem illum vitio vertere sustinuerit.

Illum autem Collega noster excellentissimus, *Dn. D. Joh. Christian. Mackius*, Schneebergâ ad prælaudatum *D. Burgium*

Annò præteritò, Menſe Octobri miſerat; qui d. 28. Septembr. ibidem manè parieti adhærens inventus fuit, poſtquam præcedente veſperâ lucernam circumvolitans, ab ædium incolis veſpertilio eſſe creditus fuerat. Hunc equidem *D. Mackius* per triduum in ſcatula variis foliis, floribus, & fructibus ſuſtentare tentavit, fame tamen moriturum ipſum prævidit, cùm riçtu ſuò incurvò, quem vivo admodùm protrahere & diducere valuit, rodere, ſicquæ ſonitum muris roſioni haud abſimilem edere, sæpèquæ per 3. 4. 5. horas ita continuare non ceſſaret, nec excrementorum quidquam intereà excerneret. Ubi non poſſum non verba laudati *Svammerdamii*, quæ pag. 152. *hiſt. inſect. general.* habet, in medium adducere; poſtquam enim pag. præced. experienciâ edoctus, inſectis eadem vegetabilia, in quibus reperiuntur inſecta, inſervire etiam pro alimento pronunciâſſet, ſic ſcribit: *Papilio nocturnus maximus, ex vermiculo, lignorum incola, criundus, ova ſua defert in ſalices, quod ovum excluſum teredinem ſeu coſſum reddit, qui robustis denticulis ſuis viam ſibi per corticem aperit.* Cùm itaque Mackianæ huic Phalænæ ob grati alimenti defectum fuerit pereundum, roſione ſuâ viam ſibi ad fugam capeſſendam parare voluiſſe credibile eſt.

Eſſe autem hunc ad illud Papilionis genus referendum, quod Phalænam vocant, haud dubitari debet. Hanc enim eſſe Papilionis ſpeciem, noctivagam, luminis fruendi (unde nomen traxit) ſtudioſiſſimam, hirsutò corpore, & alis veluti cinere aut pulvere quodam leviffimò conſperſam, ſcribit in ſuo *Inſectorum theatro Thom. Mouſetus cap. 14.* ubi Phalænas in admodùm magnas & exiguas dividit, earumquæ figuras adpingit; quas etiam Excell. *D. Johan. Joſtonus* ſuæ *hiſtoria natur. de Inſectis, lib. 1. Tab. 6.* ſed multò minores inſeruit. Hiſce itaque præſens Dn. Autoris Phalæna accenſeri meretur, quæ equidem primâ à *Mouſeto* recensitâ ſpecie minor, alterâ autem ejus ſpecie paulò major exſiſtit.

Oculi hujus protuberantes cæſii coloris, quantum ex inſecto

secto hoc transmissio exsiccatu colligere licet, fuisse videntur, in tunica sua pellucida & quasi reticulata, per microscopium innumerabilia penè punctula elegantissimò artificiò & spectaculò ostendentes. Caput ipsum nigrum est; antennæ inferiùs ænei, supernè nigricantis coloris, per quos meatus decurrit, papposam quasi substantiam continens, cæterum ex plurimis annulis eadem sunt compositæ, quorum latera flavorum pilorum manipuli exornant. Scapulæ nigræ, cinere tamen quasi leviter conspersæ videntur, cum tamen revera pilorum in extremitate tali modò variegatus color existat; dorsum intermedium est citrinum, maculis duabus nigris conspicuum; reliquum flavum, annulis septem nigris distinctum, inferiùs nigrum, quin & per medium dorsum maculâ latâ nigricantis coloris decurrente. Venter itidem lutei coloris, annulis iisdem nigris sulcatus, infernè totus luteus; cæterum in dorso & ventre pilis mollissimis, holosericum tactu æmulantibus, horridulum, in quibus dicti modò colores conspiciuntur. Ex alvo apex incurvus, duriusculus, acutus egreditur; quem esse penem dicere fortassè licebit, præcipuè si insectum hoc fuerit masculum, id quod sanè ex *Suvammerdamio* colligere licet, qui *l. c. sect. 3.* papilionem nocturnum masculum esse alatum, femellam non item monet. Alæ duæ externæ nigricant, maculis tamen albicantibus hinc inde variegantur; internæ flavescent, duabus striis nigris latioribus per transversum insignitæ, & nervis fulvis rectis obfirmatæ, nec non pilis, in summitate quidem densiori agmine, in extremitate autem rarioribus vestitæ. Crura habet sex lacertosa & valida, itidem pilosa, initiò sive in femoribus nigra, postea in tibiis circulis flavis depicta, & in fine duobus incurvis nigris digitis, qui tamen per microscopium sanguineò colore pellucet, forcipata, tanti roboris ut etiam duobus talismodi cruribus scatulam undecim drachmarum pondere præditam diu sustinere phalana hæc, manu per alas suspensâ, valuerit.

Fig. XLIX.

Ooo 3

OB.

OBSERVATIO CCLV.

D. LUCÆ SCHRÖCKII, LUC. fil.

De

Termitibus cum urina excretis.

TErmites cum urina excretos, superius Observat. 79. ex relatione Clariss. Dn. D. Joh. Avenii, produxit Excell. Dn. D. Dan. Crügerus, quibus simillimos bis etiam in hac Urbe observare mihi licuit; quarum itaque historias hinc pariter recensebo. Scilicet paucis abhinc mensibus, Anno nempe 1688. Mense Decembr. Zythopœi cujusdam, D. S. filiola quadrimula ingentem termitum copiam cum urina diversis vicibus excreverat; quam parentes anxii cum deducere ad me, auxilii ferendi causâ, curâssent, vegetam eam, obesulam & nullô de dolore aut molestiâ conquerentem, verbô, sanæ simillimam deprehendi; unde lenioris tantum diuretici, Aquæ nimirum Fragor. cum Sirup. eorum & Ocul. Cancr. mixtæ, usum commendavi; à quo etiam tempore bene se habere perrexit. Altera termitum cum urina excretio admodum numerosa Anno 1680. Mense Decembr. observata fuit in filiolo quinquemestri Dn. Jer. K. Mercatoris nostratis; quos ungue compressos cum sonitu crepâsse, humore viscidô emissô, deprehendi; quam excretionem etiam arenulæ aliquot minutissimæ rubicundæ comitabantur; quales non minus postea, cessante jam termitum istorum proventu, aliquoties cum urina prodierunt. Qui puellus mox à nativitate variis infirmitatibus obnoxius, alvi inprimis siccitate, anorexiâ, ac flatibus, nec non difficultate ac suppressione urinæ (quæ tamen ultimis quinque septimanis ante mortem liberè effluebat,) laborans, magnis & multis clamoribus doloris acerbiter testatus fuerat; quibus dextri quoque inguinis herniam & umbilici prominentiam sibi induxerat. Tandem annum natus cum aliquandiu inquietior fuisset, difficilisque respi-

respiratio accessisset, d. 23. Jul. Anno 1681. manè insperatò extinctus, & quod suspicabar, suffocatus fuit, corpusculò post fata plurimis in locis admodùm livescente. Post meridiem institutâ corporis sectione, observavi venam cavam propè ingressum in dextram cordis auriculam, unâ cum hujus particula (quod rugæ interiùs comparentes persuadebant,) ad pollicis robusti amplitudinem extensam, non tamen eapropter extenuatam, sed densam satis & crassam; quam dilatationem clamores illi intensiores non longè à partu observati si non effecerint, cōformationis in ipsâ conceptione errorem fuisse credibile est: in hac grumus sanguinis in duas divisus partes, nigricans & crassus latebat. Cæterùm pulmones hîc illic lividi, materiam crassam, albidam & quasi purulentam dissecti copiosè fundebant; ventriculū & intestina flatu distendebant; hepatis floridus color in pallidum abierat; vesiculam bilis ingentem, colore etiam pallidam, membrana crassissima constituebat, ex fibrillis mirè implicatis, quas inter glutinosus, gelatinæ similis humor hærebat, constans; in ipsâ verò vesiculæ hujus cavitate serum viscidum, paucum, exiguâ flavedine tinctum fluitabat; lien insignis, lividus, reni sinistro mole suâ magnam cavitatem imprimebat; renes autem & vesica, nec arenularum nec termitum vestigium ostendentes, planè inculcata adparebant; herniarum quoque, quibus per ligaturas ex arte prospectum fuerat, nullum ampliùs, neque externè neque internè, indicium notabatur. Unde horum termitum, sive ovulorum, ex quibus tandem vermes, atque ex iisdem muscæ nascuntur, in corpore proventus oriatur, omnium optimè ex Clar. *Franc. Redi* experimentis, in *libro de generat. insector.* colligere licebit, quibus nempe se didicisse scribit, neque lac, neque lacticiniorum, quidquam verminare, si eò locò ferventur, ubi muscis & culicibus aditus non datur: & contrà, ubi animalcula hæc eò pertingunt, ut super cibis requiescant, brevi subsequi verminationem. Ut ita ovula hæc à muscis dulcedine lactis allectis

in


in ipsum deponi, aut etiam ab iis vasa, lactis expressioni & adfervationi inservientia, nec probè priùs mundata conspurcari verisimile existat, quæ dein pulmentis, frequenti infantum cibo, communicata, horum ventriculum subeant. Sed quâ ratione ulteriùs in vesicam penetrent, obscurius paulò esse videtur; quamvis si molliculam eorum substantiam, ex membranula nempe & humore conflata, perpendamus, eadem semel in vasa lactea admissa, & hinc sanguini cum chylo infusa, per arterias ad tubulos renales accedentia, in eorum cavitate ab urgente novi advenientis sanguinis ac seri pressione extrudi posse, hariolari nobis liceat.

OBSERVATIO CCLVI.

D. LUCÆ SCHRÖCKII, LUC. fil.

De

Verme quadrato.

Quamvis magna sit vermium differentia, quos in corpore humano inventos, vel inde excretos Medicorum notavit diligentia, mihi tamen singulare lumbricorum genus hîc annotare lubet, cui simile unquam quod fuerit observatum, legisse me haud memini. Hos autem in filiolo pistoris nostratis, A. S. annum circiter nato, An. 1681. notavi, quadratos nimirum, & unciam ferè longos, hujus scilicet  figuræ & magnitudinis, modò paulò longiores, modò nonnihil breviores; quorum plures successivè excreverat, cæterùm sanitate integrâ, quantum colligere licuit, gaudens. Hosce per abdomen & dorsum errantes Mater offenderat, inscia tamen, an ex alvo vel vesica prodierint, dum eorum vestigia neque in urina neque alvinis excrementis deprehendebantur; quamvis ex alvo prodiiisse, magnitudo eorum persuadere potuerit, cùm per meatum urinarium, præcipuè in tenella ista ætate, vix sine notabili urinæ

urinæ difficultate, qualem nunquam observaverat Mater, transire potuisse sit credibile. Motus eorum erat aliorum, lumbricorum similis, contractione & extensione alternatim institutâ. Cæterum neque caput, neque pedes, nec interanea aliqua, aut cavitatem, bonis licet microscopiis instructus, reperire in iis poteram, dum meram membranam crassam referebant, & nî motus ille vitæ præsentiam arguisset, membranam esse credidissem. Ne autem latentes fortè eorum aliquæ reliquæ noxam puello aliquando parerent, Sirupo anthelmintico successivè exhibendo prospexeram, & cessâsse postea verminosum illum adfectum Mater retulerat.



ADDENDA

D. SAMUEL LEDELIUS,

De

Utilitate & jucunditate exurgente è le- ctione Ephemeridum.

Ephemerides nostras non esse opus otiosum sed negotio-
sum, ipsa loquitur veritas, & optandum esset, ut omnes
eruditi has evolverent, certo certius summè labores hos-
ce deprædicarent, & quilibet aliquid inveniret ad pa-
latum. Uti in Macrocosmo diversitas offenditur hominum,
ita in hocce opere diversitas Observationum: ibi quidam ful-
gent ut stellæ primæ magnitudinis, alii ut secundæ, alii ut ter-
tiæ & sic porro: ita & hic una alteri palmam præripit Observa-
tioni. Unusquisque tamen horum conditus est in laudem
DEI: similem in modum & hic in omnibus paginis resonat
DEI sapientia, potentia, bonitas, imò ipse DEUS. Multa an-
tiquis fuerunt ignota, abscondita, interdum & neglecta, imò
etiam incredibilia æstimata, quæ nunc sunt plana, vulgaria &
notissima. Veritatem dictorum unusquisque legit in pleris-
que Ephemeridum paginis: è centum ut unum adducam;
quartanam, hydropem, epilepsiam & alia antiquitus incur-
abilia declarata, curare, jam sunt quotidiana. Vulnere pro le-
thalibus Antiquitati habita, jam patiuntur exceptionem, vide-
bis enim hinc inde annotata vulnera non lethalia cerebri, cor-
dis, ventriculi, vesicæ &c. Ergò elucet Utilitas ex hujusce-
modi observatis. Utilitatem quoque in hocce senties, quan-
do annotata reperis expertissima ad quosvis ferè morbos re-
media, quando hanc & illam cautelam legis in hocce & alio
casu summè utilem. In Praxi enim Medica non omnia omni-
bus obveniunt. Jucunditas emergit è lusibus naturæ in tri-
plici

plici regno, in Anatomicis item, inque operationibus Chemicis, ut generalibus tantum inhæream: nam si specialia convasare vellem, multas implerem paginas. Nec minor jucunditas propullulat ex eo, dum rationes variorum in natura occurrentium rarorum eruuntur, quas ne per somnium quidem viderunt Antiqui, variaque pro veris habita, jam reapse falsa esse oculariter demonstratur. Natura videtur jam multum denudata, & curiosus animus non desistit inquirere in ulteriora abdita. Omnium rerum rationes si non ex asse supeditat curiositas nostra, satis speciosas tamen exhibet, quæ in defectu accuratiorum animum sciendi cupidum quadantenus exsaturant. Quo ipso omnes illi feriuntur, qui sinistrè de Curioforum laboribus judicant. Tolle hæc duo: Utilitatem & jucunditatem ex omnibus aliis scriptis, & casta nuce vix digna judicabuntur. Sed quid noctuas Athenas?

[Gorlicio Lusatorum d. 11. Julii Anno 1688. Noribergamissa.]

Ad Obs. 77. p. 140.

IN gratiam Germanorum nostrorum, ipsis Dn. Pastoris verbis, Aquæ hujus salutarem usum prolixius referre allu-
bescit.

Als der Brunn nach Himmelfahrt in der Taubenbach / so in die Wigger fällt / entsprungen / ist die Wigger davon ganz trübe und milchfarbig gewesen etliche Tage / welches ich / als ich darüber in meinen Garten gegangen / selbst mit Augen gesehen und mit Verwunderung observirt habe. Hievon / wie es zu geschehen pfleget / fielen mancherley Judicia. Etliche meyneten / es rührete solches aus dem Teuffels Brunn her / in welchem sich Satan vielleicht würde gebasdet haben. Andere ominirten daher / ich weiß nicht / was böses. Da nun unterschiedliche Judicia hievon vorgiengen / fand sich ein Schmid dieses Orts / namentlich Manley / der redete solches denen Leuten aus / daß es nichts zu bedeuten hätte / es rühre die Verwandlung des Wigger Wassers von einem in der Taubenbach neuzustandenen Brunn

Ppp ij

her/

her / welches er daher wüßte / weil er einen Kohlhauffen nicht weit dar
 von hätte. Hierauf geschah es / daß den neuen Brunn zu besehen
 ein Tuchmacher / namentlich Martin Schmid / den letzten Tag in den
 Pfingsten hinaus gieng / und weil derselbe rothe und schlimme Augen
 hatte / wird er Nachts / von dem kalten Brunnwasser etwas in die Au-
 gen zu streichen / trincket zugleich eins mit davon / und weil er sich nicht
 wol fürsithet / fällt er mit dem einen Fuß / an welchem er eine Wehne
 hatte / ins Wasser hinein. Nachdem er zu Hause kommt / legt er sich
 zu Bette und schläfft / hat aber einen starcken Schweiß / davon er /
 als er erwachet / alsbald einige Linderung in den Augen empfindet /
 und verspühret deß folgenden Morgens / daß die Wehne am Fuß / das
 mit er eingefallen war / weg ist / weßwegen er denn fast darüber ers-
 chrickt. Dieser offenbahret solches Herrn Christian Petrasen /
 Nachtsverwandten und Zöllner allhie / welcher einen Schwindstüch-
 tigen Affect, Gimen der Brust / Mattigkeit und Krafftlosigkeit / ins-
 gleichen so gar keinen Appetit zum Essen hatte / daß er innerhalb zen
 Tagen nicht so viel als ein Becke oder Pressel groß Brod hinunter
 bringen können / animirt denselben / er möge den Brunn probirn.
 Er folget solchem Rath und gehet mit ihm dahin / muß sich aber vor
 Schwachheit etliche mal nidersetzen / ehe er hingelangen kan; nach-
 dem er deß Wassers getruncken / harret er ohne nidersitzen nach Haus
 se aus / bekommt gegen Abend einen Appetit zum Essen / und weil er
 mit dem Wasser trincken fortfähret / wird er an dem dritten Tag
 restituiert / und kriegt solchen Appetit, daß er wol ein ganz gebraten
 Huhn hätte wollen aufessen. Sein Sohn Daniel / welcher für das
 Fieber ein Pulver in Brandwein eingenommen / so ihm auf der Brust
 bestehen geblieben / trincket auch zugleich mit dem Bacter von dem
 Wasser / und empfindet Besserung. Diese drey Personen bringen
 zu erst die heilsame Krafft deß Brunnens hie im Städtlein unter die
 Leute / also / daß am Johannes-Tage das halbe Städtlein hinaus-
 gegangen war : An demselbigen Tage habe ich zum ersten mal das
 von gehört. Von den Verständigsten dieses Ortes ware diß an-
 fänglich verlachet / doch gieng bald dieser / bald jener hinaus / so war
 auch Wasser heimlich in dem Busch / und jenseits dem Busch gehor-
 let

let / welches doch einigen muß geholffen haben / denn von Tage zu Tage funden sich mehr und mehr Leute herzu / den Brunn zu besehen und zu probiren. Ohngefehr acht Tage nach Johann kommt ein Soldat hieher geritten / welcher nicht gesund gewesen war seit der Stetinischen Belägerung / hatte auch nicht mehr essen noch Toback rauchen können / sobald der allhie vom neuen Brunn höret / machet er sich hinans / und nachdem er das Wasser getruncken / bekommt er Appetit zum Essen / isset auch in Herrn Benjamin Ruzzen Hause eine gute Portion / rauchet Toback / und gehet mit einem guten Kauff zu Bette / den folgenden Tag bleibet er noch hie und gehet wieder nach dem Brunn / des dritten Tages aber / da er Abschied nimt / sagt er / einmal wolle er / des Brunnens halber / noch wiederkommen / er müsse jeso reisen / aber aller Orten / da er hinkomme / wolle er es rümen und sagen / daß / nächst Gott / ihm diß Wasser wieder geholffen. Nicht lange darnach kommt ein Burger von Berwald / namentlich Sülz / ein Schwindstüchtiger / hieher / das Wasser zu gebrauchen / reiset noch desselben Tages wieder ab / doch nimt er davon was mit / nach wenig Tagen läffet er in Berwald in der Beistunde für seine Gesundheit öffentlich danken. Durch diese Gelegenheit ist der Brunn erfunden / und dessen Heil-Krafft weit und breit divulgirt worden / also daß / seit Jacobi her sich bereits eine grosse Anzahl Leute / aus der Mark / Polen und Pommern hieher gefunden / und ihrer viel das Wasser mit grossem Nutz gebraucht haben. Ich / der ich nun drey Sermonen / Gott zu Ehren / bey dem Brunn gehalten / habe schon auf einmal fast auf 300. Zuhörer daselbst gehabt ; so hat es auch nicht wenigen geholffen / denn ich bin gewiß / daß mehr als 100. Leute dadurch zu ihrer Gesundheit gelanget / nur daß sich ihrer wenig angegeben und Dank sagen lassen/2c.

Ex multis aliis relatu videtur dignissimum, quod recensuit Pastor illius loci seqq. verbis:

Hans Mahlken Tochter von Kölpin / welches bey Neu-Stettin liget / hat einen Puckel von Mutterleibe an auf dem Rücken gehabt / als ein Hut groß / der Puckel hat sich mehlich und mehlich verlohren / und ist ganz gesund worden. Zuvor ist sie von einer Seite zur an-

bern nur wartend gegangen/ist aber gehet sie aufrecht. Diß solte el-
nem unmöglich zu seyn scheinen / aber es ist hie vielen Leuten bewußt/
wiewol ich das Mensch nicht selbst gesehen / halte aber / meinem we-
nigem Bedüncken nach dafür / daß solcher Puckel nicht in Verren-
kung deß Rückgrads / sondern sonsten in einem Puden auf dem Rü-
cken / der vielleicht aus Mutterleibe mitgebracht worden / bestan-
den /c.

Theæ Chinensis icon.

Quam frequens & consuetus sit Theæ fruticis Sinensis
in Chinâ aliisque vicinis locis usus, indeque præpa-
rata potio; tam diversa etiam illius ad vivum per-
curiosas sculpta manus prodiit delineatio. Non pro-
inde potuimus, quin stirpis istius virgultum ex Indiâ Orien-
tali ab Illustr. D. Cleyero Berolinum, ad Magnificum & Excel-
lentiss. Dn. Christianum Menzelium, Archiatrum & venera-
bilem Collegam nostrum, tum & Amstelodamum ad Nob.
& Naturæ curiosissimum Dn. Nicolaum Dumbstorff Phar-
macopœum solertissimum missum, inde nobis Noribergæ
communicatum studioso sculptori æri incidendum commit-
teremus. Plura qui de frutice hoc nobilissimo scire deside-
rat, propter ipsius plantæ fructusque diversitatem, Jacobi
Breynii plantarum exoticarum Centuriam I. fol. 114.
adeat, prolubitu exinde suo satisfaciet desiderio
&c. Vid. Fig. L.



Thee India Orientalis.
Fig. 50.

pag. 486.





APPENDIX

AD

ANNUM SEPTIMUM

DECURIAE II.

EPHEMERIDUM

MEDICO-PHYSICARUM

NATURAE CURIOSORUM

in Germania.

NORIMBERGÆ,

ANNO M DC LXXXIX.



CONTENTA APPENDICIS

Anni VII. Decar. II.

1. D. Philippi Jacobi Hartmanni Exercitatio de Generatione mineralium, vegetabilium & animalium in aëre, occasione anno-næ & telæ coelitus delapsarum Anno M DC LXXXVI. in Cu-ronia.
2. D. Joh. Ignatii Muschel de Moschau Theoremata Physico - Mathe-matica.
3. Dn. Rosini Lentilii notabilia de Venæ sectione & Urina.
4. D. Christiani Francisci Paullini Observationum Medico - Physica-rum Decades II.
5. M. Johannis Reiskii Exercitatio Historico-Physica de Cornu Ham-monis quod Veteres vocârunt, agri Brunshufani & Ganders-heimensis Lapide, quem vulgo Drafsenstein nominant.
6. Dn. Martini Hankii Memoria Volgnadiana.
7. D. Michaël Bernhardi Valentini Memoria Allmacheriana.

I. N. J.

EXERCITATIO

De

GENERATIONE MINERALIUM, VEGETABILIUM,

&

ANIMALIUM

IN AËRE,

Occasione

ANNONÆ ET TELÆ
COELITUS DELAPSARUM

ANNO M DC LXXXVI.

IN CURONIA,

Auctore

PHILIPPO JACOBO Hartmann/

Phil. & Med. D.P.P. Regiomont.

Academiae LEOPOLDINÆ IMPERIALIS

Naturæ Curiosorum Collegâ.

ANNO M DC LXXXIX.

THE
NEW
AND
REVISED
EDITION
OF
THE
HISTORY
OF
THE
CITY
OF
NEW
YORK
FROM
1624
TO
1898
BY
JOHN
B. HORTON
AND
JAMES
M. SMITH
NEW
YORK
1898

SERENISSIMO AC CELSISSIMO
PRINCIPI AC DOMINO,
DN.

FRIDERICO
CASIMIRO:

SERENISSIMO AC CELSISSIMO
PRINCIPI AC DOMINO,
DN.

FERDINANDO:

In
LIVONIA
CURLANDIÆ AC SEMGALLIÆ
&c. &c.

DUCIBUS,
PRINCIPIBUS AC DOMINIS SUIS
CLEMENTISSIMIS

Quos

Coelum gremio excussit

Magna Mater sinu excepit

DUX ALEXANDER

Heroicâ ad Budam nobilitavit morte

Curonienfium

incertis natalibus

ostentorum

partus

Ætheris fœcunditati

Telluris fertilitati

VIRTUTIS MEMORIÆ

justa perfolvens

in

monumentum pietatis

erga


SERENISSIMAM DOMUM

CURLANDICAM

devotus cliens

Philippus Jacobus Hartmann

consecrat.



I. N. J.

CAPUT I.

De

Pluviis prodigiosis in genere.

- §. I. *Cælitus delapsa, alia Artificialia, alia Naturalia; eorundem lapsus apud Græcos aquæ ac Latinos nomine pluvia venisse.*
 §. II. *Artificialium pluvias non facere ad Physicam; Naturalium verò non unius Generis memorari, cum & mineralium & Vegetabilium & Animalium prostant.* §. III. *Non eandem fidem invenire omnes de pluviis prodigiosis Historias: nimirum (a) quòd Scriptores neglexerint circumstantias adducere. e.g. Jonstonus. (b) Quòd alii aberrârint à veritate; idq; non unis modis: 1. Falsis nominibus res delapsas arguendo. e.g. Sulphuris, quod aut pini aut musci terrestris clavati fuit pulvisculus; item frumenti, quod granorum hederæ erat colluvies; item sanguinis, quod aliis cujusvis mineralis fuit tinctura.* §. IV. 2. *Malè adstruendo pluviam, quod ventorum, ignium, fluviorum vehementiâ erat definiendum; cum hæc ipsâ peregrè delata fuerint quadam corpora. e.g. vituli, carnes, pisces, &c.* 3. *Malè quoq; assignando pluviam, quando hæc quadam sunt allicita aut detecta; e.g. ranæ &c.* §. V. 4. *Malè porrò Physicis annumerando, qua veneficii ope, pluvia peregrinorum sunt patrata.* 5. *Malè prodigiosis accensendo, qua potius Meteora, Mineralis sortis, mixta, aut plura; hujus, illius generis dicenda forent.* §. VI. *Quomodo rectè pluvia peregrinorum intelligenda, & quodales verè exstiterint. (I.) Mineralium, e.g. lapidum,*

pidum, ubi Livius contra Gaslendum defenditur. §. VII. *Neg, lapidum tantum, sed & aliorum Mineralium. e. g. ferri, aris, terra lutea &c.* §. VIII. (2.) *Vegetabilium pariter, e. g. frumenti.* §. IX. (3.) *De animalium verò, imprimis illorum, quæ se in aëre librare nesciunt, pluviâ, admodum ambigi; e. g. de ista ranarum & perfectiorum animalium; non ita de illâ insectorum, imprimis volatiliū. Ubi de Culicum generatione Historia afferuntur.*

§. I.

Historiarum credita monumentis passim cælitus delapsorum legimus prodigia; non tam illorum, quæ ingenium humanum sedulâ solertiâ effingit, (uti ancile, leni aurâ decidisse Ovidiô canitur; testisque pluisse, Julii Obsequentis prodigiorum annotavit Libellus Cap. CXIV.) sed magis istorum opificiorum, quæ natura, æternâ successionis Lege sibi constans, in aliis quibusvis potiùs effabricare suevit officinis. Quæ insolita, quando à nubibus roridis plerumque effundi contigit, eloquentibus illud longâ serie compluribus Historiis, pluviarum adprimè nominibus monstruosi aëris partus sunt insigniti; quam in rem Græcorum æquè ac Latinorum probatissimi adduci possent Auctores, nisi iidem obvii forent; præeunte Homero, sanguineos rores jam tum in Iliade recitante.

§. II. *Missis verò iis, quæ artis sunt, cùm minùs physicae sint indaginis; natura tantum operum peregrinos lustraturi sumus natales; Neg, unius sunt generis, quæ insolentem illam nascendi sortem nacta referuntur: sed & fossilia & Metalla; illa quoque quæ plantis aliàs debent Originem; vel ipsa animalia cœlò depluisse memorantur. Exemplâ omnigena suggerent Scriptores, qui integris voluminibus portenta colligere instituerunt. Præter J. Obsequentis Libellum cit. extat quoque Supplementum Conradi Lycosthenis; Similiter Johannis Wolfii Lectiones memorabiles & recondita horum farraginem offerent:*

Uc

Ut raceam alios Historicos & Physicos, quibus curæ fuit admiranda Meteororum suis Scriptis inserere. *Rarior* tamen est *mentio pluviarum quâ plantas, aut his gemina, coëlitus in terras ruisse, fuisset traditum.* *Obsequens cap. 85. & 90.* fruges in arboribus natas refert; *Quamvis Plin. H. N. Lib. 18. c. 18.* semel tantum frugibus ostentum accidisse, quod quidem invenit, asserat. *Idem Obsequens cit. 90.* Oleum; & *Wolfius Tom. I. Cent. 8. lib. cit. p. 204.* multifaria ligna pluuisse in Episcopatus Frisingensis Diœcesi ex *Aventino* perhibet. *Memorabiles sunt animalium pluvia.* Cui enim non ista ranarum dicta? Sanguine quoque pluuisse fabula est, quæ toto fertur notissima mundo. Nec lactis pluvie sunt ignotæ amplius. *Wolfius quoque Tom. I. ad Annum 995.* pisciculos pluuisse in Gallia ex Auctoribus exscripsit: *Frequentissime tamen omnium occurrunt pluvia fossilium, terræ, luti, cretæ, sulphuris, lapidum, ferri, æris &c.*

§. III. Istas verò pluvias prodigiosas, uti ab Aa. tradi certum est, non æquè certum est, quâ fide tradantur ab omnibus; partim quòd non diligentiam adhibuerint, quam quidem par erat in re adeò insolenti adhibuisse, circumstantias accuratè assignando, ut tantò majorem fidem inveniret oratio. Quam sanè notam, cum incurrat *Jonstons*, non facilè fidem invenient ipseus admiranda, in quibus scribit, se certò compertum habere aliquando copiosè piscibus pluuisse non procul à *Regiomonte* in *Prussia*, ita, ut viæ quoq. & prata piscibus fuerint repleta, seq. ipsum ex piscibus illis comedisse, unà cum Parentibus suis: Partim, quòd plerorumq. fides sublesta esse cœperit, postquam curiosior indagatio multiplices errorum detexit nodos, quibus Scriptorum, sive simplicitas, sive incuria illaqueari poterat. Animadversum enim ab aliis, certis nominibus vulgò venditata, qualia reapse non existère: *Sulphurei* hòc modò recensiti imbres, ubi nihil genuini sulphuris deprehensum ab indagantibus; nimirum elusi sunt creduli cujuspia plantæ aut arboris seminiòrum specie. Legatur *Ephem. Germ. Anni I. Ob-*
serv.

serv. 97. in quâ Exc. Garmannus, ubi de pulvere Musci terrestris, curiosa attulerat; Vernò tempore, subdit, pinus pariter talem spargit pulverem, qui ventò tumultuante pluvia mixtus, sulphuream mentitur pluviam, ut annotavit Krügener im Chymischen Tannenbaum/ & Möller in Annal. Fribergens. H. I. Non minùs legi meretur, quam hanc in rem integram de Sulphure putatitio cum pluvia descendente, Exc. Elsholtius condidit, Observ. 87. Anni VI. VII. laudatarum Ephemeridum: Hâc sulphur putatitium flavo musci terrestris clavati pulvisculo vindicatur. Quibus gemina habentur in Experientiss. & Cl. Chimici Kunckelii Tractatu, contra Spiritûs Vini sine acidò Vindicias. Sic fuerunt, qui frumentum asseruerunt, quod verum non fuit, cùm satum grana hederæ tantum ostenderit, cujus etiam meminit Clar. Velschius, Hecatostaa I. Observ. Phys. Medicarum 32 Conf. Theophrastum Hist. Plant. 3, 2. p. 118. de semen spargentibus ad Ventos arboribus, e. g. de ulmo: & quæ Bod. à Stapel habet in Com. p. 119. e. g. de fraxinò. Pari fide sanguinea pluvia, Annalibus toties inseruntur, cùm specie, cujusvis fossilis potius, tinctura incautos fefellerit.

§. IV. Ab aliis, prætereà animadversum, malè dici pluifse talibus, quæ obvia externa quadam vis ventorum, ignium, fluviorum, temerè casu quodam ad loca disita detulit; hac ratione non solum jugis boum pluifse dici posset, sed & turribus templorum, cùm in Ephem. Gall. Tom. VIII. p. 252. turbo describatur, qui unà cum campanis turrim ad locum sat longè distantem transtulit. Idque adeò nimis quàm fabulosum judicat Gassendus, de Meteorologia Epicuri, Animadvers. in 10. Diog. Laërtii p. 997. seq. pluifse aliquando vitulo, ut ab Avicenna scriptum ferunt: At etiam memorant pluifse carnibus. Quis credat, inquit, nisi etiam fingatur carneis turbine aliunde abreptas? Quod si unquam propè Regiomontum viæ & prætæ piscibus fuerunt repleta, fluviorum hoc adscribendum exundationi, non isti, quâ naturaliter pluviam piscium oriri posse ratione ex Jonstono persuadere satagit Fromman. Lib. 3. de fascin.

scin. Mag. part. 8. Sect. I. c. 1. §. 5. Quod enim à nautis Jon-
stono traditum, integras cymbas sive minutulas naves cum
hominibus, aliquando sursum aliquo usque evehi: hîc loco-
rum est inauditum; neque enim tam vehementem & simul-
taneam aquarum elevationem Prussia unquam vidit; ne-
dum, ut ipsa animalia integra eâdem sursum tracta vidisset:
Utut non ignoremus, quod Indiarum maribus ejusmodi por-
tenta obveniant, cùm plures & eruditos testes, eosque ocu-
lato, circa istud phænomenon *in Physico* adduxerimus *Collegio*.
Rectius Beyerlinck ex *Athenao* & *Alberto M.* uti in lapidum &
cæterarum rerum imbris usu venit, *videri nonnunquam pi-*
scibus plueret, quia ecnephas, aut vorticosus aliquis flatu corre-
ptos è mari pisciculos alium in locum projicit; non nudos tamen,
ut puto, sed Neptuno immersos, quomodo prædam talem in
naves cum falso balneo aliquando immisisse traditur; magis,
inundationes excitando: Inundationes enim fluviorum, non
sine damno, Prusiæ coloni senserunt sæpius, quibus fortè juxta
Horatianum illud:

Piscium summâ genus hæsit ulmo,

Nota qua sedes fuerat columbis.

Extat *Theophrasti* fragmentum de piscibus in sicco degentibus;
atque anguillas & Lucios aliquando aquas egredi, & in pratis
pastum quærere in Prussia notum est; ast non addit Jonsto-
nus, quale genus piscium cum Parentibus comederit: alio-
quin hîc modò expediunda esset fabula. *Aliis* porrò suspectæ
prodigiosæ quædam pluvix, quod *potius detecta, aut allicita*
fuiſſent dicenda animalcula, quæ vulgi persuasione credita sunt
nimboſis nubibus excidiſſe; unde ranunculas pluvix instar
decidiſſe *Gassendo loc. cit.* notatur res minimè verosimilis;
& *Fromondus* fluctuans admodum idem videtur innuere.
Quamvis, cùm unius rei plures quandoque sint causæ, *ex ar-*
boribus quoque excuti possint virides ranunculi vi imbrium in-
gruente; tales enim mihi oblatis potissimum & relatis cum plu-
via decidui ranunculi, qui ad genus illud accedant, quod re-

Dec. II. Annus VII.

* B

neri-

neritudine & colore ab aliis distinctum, fruticetis ac arboretis insidens Calamites aut Dryopetes, Germanis audit Laub-Frosch. Priori tamen causæ faver *Theophrastus in Fragm. de Animalib. quæ repenti apparent*; Illique assignandum, quod in *Actis Anglicis* occurrit Anno M DC LXXII. p. 406. ed. Lat. in IV. de insulis Caribanis: quando in medio insulæ cujusdam perhibetur planities, in quâ, quotiescunque pluit, pluvia adhærens fimbriis vestimenti spatio semihoræ transformata appareat in eulas. Quamvis enim *Auctor Relationis istius*, aliud quodvis causæ adducat, notandum tamen, quòd testis modò fuerit auritus, non oculatus.

§. V. His accedit, quod aliquando veneficiis deputandæ sint pluvie insipientes, qualis Margaritarum apud *Wolffium* Tom. II. ad Annum M D XXXII. Quarum Contemplatio, cum in Physica non inveniat locum; illud solum adjiciamus, quod aliquando prodigiosa habeantur pluvie, quas imperitum vulgus, cum nunquam aut rarissime usu rerum cognoverit fando acciperit, tales propugnat: cum tamen eadem Eruditis, quibus ad judicandum melius pectora præparavit cata experientia, nil ostenti monstrent, quippe cum ad Meteororum certa genera reducendæ veniant. Quid enim juvat prodigiosas appellare pluvias, quibus aliquid fossilis est admixtum? cur non aquas item minerales prodigiosas nuncupamus? Quod si aquarum censu non prorsus excluduntur minerales eapropter, quòd habeant intra se fossile, aut quòd non sint adeò frequentes; nec pluvie minerales, aut alia Meteora hoc illo fossilium æmula, protinus Meteororum classibus excludenda erunt. Atque si citra pluviam decidant istiusmodi non minùs ac stella cadens, &c. nudè Meteoris hujus, illius generis accensenda judicamus meritò.

§. VI. Tot autem, & pluribus aliis modis, cum à veritate aberrare contingat, quantâ circumspeditione Physicam Historiam edituro opus sit, liquidò constare arbitror; *Plautini* necesse est sit memor dictæ:

Qui

*Qui cavet ne decipiat ur, vix. cavet cum etiam cavet:
Etiam cum cavisse ratus, sæpe is cantor captus est.*

Certum tamen sit nobis, non posse promiscuè omnium *Aa* fidem in dubium vocari, cum reapse cælitus omnis generis corpora decidisse, indubitata evincant documenta; Neque solùm ac si manifestâ ventorum igniumve violentiâ in altum sublata, quæ lapsu velociori ruerunt illicò; sed ut quæ ad nubes quoque aliquando tacitis modis evecta, iisque diutiùs suspensa, tandem sinubus istarum, non minùs ac pluvix, omnimodè effusa videri potuerunt: Etenim adsunt testes verè testabiles, quos potuisse attestari, ostendit eruditio; voluisse, probat candor. Atque lapidibus pluisse quispiam inficias iverit minimè; utut *Gassendus* Livii ausit sollicitare fidem *loc. cit. p. 998.* quod lapidum pluviam ad singulis penè annos commemoret; cum ipsi hi lapides non alii sint quàm grandineï, sed insignis tamen magnitudinis, & à quibus strages edi possit ingens. Secùs profectò, inquit, quì fieri potest, ut res adeò frequens apud Veteres temporibus nostris nuspiam observetur, &c. Non permittit nostrum institutum, quæ ad singula reponi possint, adducere; nulum tamen penes nos est dubium, si quâ Livius peccarit, illâ ratione ab ipso peccatum minimè. Digna est, quæ in Livii patrociniū advocetur Historia, inter anatomicas rariores *Bartholini Cent. IV. 49.* Ubi demonstrat, lapides quandoque ex vaporibus salinis in aëre condensari posse, præsertim frigore accedente: Hinc sæpe, inquit, cum grandine lapides devolvuntur, crustâq; ex nive sive glacie inducuntur, quod non ita pridem in *Falstria* nostra observatum, sed friabiles illi fuere; non solidi aut densi. *H. I.* Unde *Augustinus 3. de Civ. Dei 31.* ne grandines lapidum nomine intelligerentur, illas diserrè ab his distinguit: Sed & cum pluit terra, cum pluit creta, cum lapidibus, non ut grando appellari solet hoc nomine, sed omninò lapidibus. Quomodo tamen crebriores lapidea pluvia Livio memorentur, hujus fortè conjectura ex illa Historia est capienda, quæ insignis existat in *Actis Anglicis Anno M DC LXVI. p. 311.* de pluvix c-

nerum, in Archipelago, eruptionem consecutâ montis Vesuvii, 6. d. Decembr. Anno M DC XXXIX. Cum versaremur in Sinu Volo, stantes ad Anchoram, circa horam decimam noctis illius cœpit pluere arenam & cineres, nec desit ante horam secundam sequentis diei. Tabulata iis erant strata, ad ducrum digitorum crassitiem, sic, ut cogeremur eos in mare ejicere palis, quemadmodum pridie ejus diei nivem ejeceramus. Nullò vento flante decidebant illi cineres, neque tantum effundebantur in locis nostris, sed & alibi in naves tendentes à S. Joanne d' Acre in nostrum portum; quæ illò tempore centum leucarum intervallo à nobis aberant: comparatos cineres eosdem specie comperimus, &c. H. I. Et ad Italicas Regiones facere utique videntur, quæ Ephem. Gall. Tom. XIII. non unò locò p. 244. seqq. p. 289. seqq. de eruptione ignium subterraneorum in insulis Canariensibus Anno M DC LXXVII. mense Novemb. ex Actis Angl. transulerunt: summâ fide & attentione omnia ibi edisseruntur; quomodo alicubi ad terræ motum, & ad tonitrua solum, cum igne, lapides & saxa liquata, præter bituminosa plurima ignis alimenta eructârit; in tantum, ut torrens merè igneus comparuerit; quomodo porro alibi post jactatos ignitos, humus hiscere, hincq; terræ tremore cum tonitru, magnam vim lapidum in ærem elidere cœperit; in istam quidem altitudinem, ut oculorum aciem effugerint, cum quintuplo plus temporis descensus horum visus absumpsisse quàm ascensus: ut taceam alia admiranda, quæ pluribus ordine laudata offert narratio, quod per aliquot menses horribilis ista durârit eruptio: illud tamen non omittendum, quod pacatâ tempestate cineres alio in loco mons ejaculatus sabulo nigro æsimiles, ad loca usque septem miliaribus distita. Quamvis nec desint Historiæ post Livium, quibus lapidum pluvix in Italia posteritati sunt transmissæ non adeò infrequentes. Videatur e.g. Wolfius Tom. I. Cent. 10. ad Annum DCCCCLVI. & DCCCCLXII. &c.

§. VII. Genuinorum itaque lapidum istis, sed & aliis modis, ex nubibus in terram præcipitia & Auctoritas Antiquo-

quorum , & Recentiorum fide dignissimorum *auto-ſia* ſua-
ſerit; unus *Bartholinus* hâc vice ſit inſtar omnium , qui va-
rias *Historias loc.cit.* congerens, eorum, quæ ætas iſta vidit,
Anno M DC LIV. in Fionia lapidum plurium duriffimorum &
ponderoſorum pluviâ memorat; ex quibus ipſe unum naçtus
eſt libræ civilis pondere, majori duplô ponderoſiori , ad Re-
gem miſſô. Nec contemnenda ipſius ſententia , quâ gran-
diorum lapidum pluviâ apud ſe concepit. Sic & apud *Wol-*
ſium Tom. I. Cent. 15. ad Annum M DC XCIII. mentio fit plu-
viæ lapideæ & apud alios paſſim. *Pumices Heclam ad litora Is-*
landiæ æſtu incendiſſimorum evomuiſſe paſſim nautæ & advenæ
commemorant. Pariter ad pluviâs aliorum *foſſilium metallo-*
rumve ſtabiliendas, fidem impetrabit *Georgii Agricola* in Me-
tallicis curioſitas; qui licet verba *Avicennæ* tacta arguat, dum
enſes *Alemannicos* ex ferro cœlitùs delapſo fieri credidit, hoc
tamen eidem largitur, fuiſſe tempus, quô ære ferroque plue-
rit, ſubdens; & nos aliquot abhinc annis autumnî tempore ter-
râ luteâ pluuiſſe vidimus. *L. 5. de Ortu & Cauſis ſubterr. p. 77. ſeq.*
Neque *Scaligero* eſt, quod jure obſci queat, quando *Exercit.*
323. de Subtilitate ad Cardanum, ferrum pluuiſſe in *Taurinis* re-
fert , cujus fruſtum apud ipſum exſtitit; ſubjungens: *tribus*
circiter annis antè , quàm ab Rege provincia iſta recepta eſſet,
pluit ferro multis in locis, ſed raris. Quibus Aa. addatur *Bal-*
duinus *Chimicæ gloriâ illuſtris*, *Venerem auream in forma Chry-*
ſocolle foſſilis , cum fulmine cœlitùs delapſam , propè *Hœynam* die
28. Maji Anno M DC LXXVII. non minùs eleganter ac fideliter
deſcribens; extat ad *Annum VII. Ephem. Germ.*

§. VIII. Adſunt quoque teſtimonia incorrupta, quibus
ſimilem in modum *pluvias frugum* adſtruere valeamus. Non
memoro *grana tritici*, quæ pluuiſſe in *Gallia* apud *Wolf. Cent. 10.*
ad Annum 995. Aa. conſignarunt literis. Recentiora ſuppe-
tunt documenta, quibus magnum pondus, addit Aucto-
ritas ſcribentis; *Thuanus* iſt eſt, in quem virum omnes dotes *Hiſto-*
rica contuliſſe videtur; adeò ipſum excoluit, & ſuum eſſe vo-

luit, cùm nec industriæ desit candor, nec candori libertas dicendi, neque dicendi libertati concinnitas aut elegantia; ex hujus L. 5. *Historiarum ad Annum M D XLVIII.* hæc habet. *Fuere & alia alibi prodigia. Nam in Carinthia, non longè à Clagenfurto & Villaco, oppidis X. Calend. Apr. horarum secundo spatio, per duo amplius milliaria annonam pluit, ex qua regionis incolæ optimum panem confecerunt, qui ad Casarem cum granis siligineis cœlo delapsis perlatus, & summâ admiratione conspectus est: addit: Conrado Lycosthene Auctore, id biennio post accidisse, jamq; olim Probi Imperatoris temporibus, in eadem Germania, genuinum huic prodigium contigisse, narrante Zosimo. L. 1. Quibus ex L. 50. ad Annum M D LXXI. sequentia erunt annectenda. Magna prodigia hoc Anno in Germania memorantur. Nam cùm angustia annonæ ferè ubiq; summâ, tum præcipuè in Suevia Norica laboraretur, rarò præter naturam beneficiò, pisa, rapula, frumentum ac triticum, compluribus locis Gottlebergii ac Lembergii in Quadis. XVII. Cal. Quintiles pluit, ex quo collecto trituratoq; homines undiq; accurrentes, triduo post panem esu optimum confecere; cui simile prodigium, jam supra ad Annum XLVIII. commemoravimus. Adde his Cl. Velschii citatam Observat. ubi grana hederæ falsò pro frumento pluviali vendicata, allegarat. At nobis, inquit, verum & genuinum triticum est, quod M DC XIX. è nubibus decidit cum pluvia, ejusdem planè formæ, quod olim Philippus Heinhoferus ad Ducem Pomerania misit in technoplinthio sumptuosissimo repositum. Neq; de nostro hoc dubitari potest. Nam & in farinam redactum panem præbuit, nihil à vulgari tritico differentem; etsi nonnulli pauperibus tantum famem exemisse narrarint, ditioribus nihil profuisse: Et ipsa forma externa adeò manifesta est, ut si quis pro gravis hederæ habere vellet, ludibrium certè nobis deberet haut exiguum. H. I.*

§. IX. Quod animalium pluviam, fateor, mihi hæret aqua: atque parùm abest, quin cum Fromondo evadam Ephecticus; neque enim video, quî tantorum virorum Auctori-

tati-

tatibus, e. g. ranarum pluviam statuminantibus, assensum denegare ausim, cum αὐτοίαν obtestentur, uti Fallopius de Metall. c. 9. præter aliorum experimenta; neque tamen video, quæ rationi atque experientiæ solidiori illorum concilientur placita. Quis enim citius quam asparagi, quod ajunt, coquuntur, ranas ex spermate in animal ad Solem efformari vidit? neque enim spatium, quò fungi nascuntur, horum animalculorum nativitati inter pluendum conceditur. Quis non, modò successivò experimentorum usu ranarum Metamorphoses his oculis inspexerit, meminit gyrinos illos foetus haud parvâ morâ in pisciculi simulacrum transire; majori autem opus habere ad explicandos artus quadrupedis; atque tunc caudatos adhuc longius tempus exigere, quò in formam raninam decurtati, prorsus adaptentur. Pariter culicum generatio αὐτόνιος quisquam ipsam consuluerit, non parva momenta temporis suarum vicissitudinum deposcere deprehendetur; ut taceam enim, quomodo ex horum spermate itidem galbæ prodeant, quæ dein pisciculorum barbatulorum, globosis hirsutisque capitibus, facies induunt, propè caudam duobus apicibus conspicuis, prodigiosâ agilitate sub aquis lusitantes, donec languente illò motu in gyrum contrahatur corpusculum agillimum, alterâ parte inflatâ, quò schemate ad superficiem aquæ fluitantes, rarò ima petunt, nisi contactæ fuerint aut commotæ ab externa vi; atque istum in modum præstolantur caloris virtutem, quæ ipsarum involucrium alienum dissolvat; quò factò, culices nitidi relictis sub aqua exuviis, alienò elementò se committentes, ad superiora liberè evolant. Honoratus Faber L. 5. de Gener. Anim. diversas Culicum generationes recenset; Propositione 75. quidem illorum, quos tinnulos vocat: Item culices illi tinnuli, inquit, de quibus tamen nonnulli dubitârunt, coeunt & ova pariunt: immò majores quosdam ovis pragnantes inveni: in luto deponit ovum, sub æstûs finem, ex quo sensim vermiculus, & ex hoc suum chrysalidis genus, ex quâ demùm culex. Propositione verò

verò 76. n. 1. illorum, quos tipulas appellirat: *In aquis, in-*
quiens, præcipuè stagnantibus varia animalcula spontè nascun-
tur, ut tipula, ex fece scilicet subsidente; imò ad tempus suæ ori-
gini adherentia moventur, deinde absolvuntur, & paucis post
diebus ascendunt ad superficiem aquæ; mox disruptò putamine,
culex emergit; insunt autem primordia terrestri concretioni,
ab aliquo excremento, vel animalium, vel vegetabilium aquæ
admixtò. Unde enim illa terrena concretio aquis admixta?
Pari modò rana gignuntur & anguilla, sed ex aliquo primordio
relictò &c. H. I. In quibus de Culicum generatione Obser-
vationibus Cl. Viri placita peculiaria noto: Quod ipsi Culi-
cum omnium non eadem generatio; Quod tipulas, quarum
successivam generationem ἀντίστασις cognovimus, ex fece ve-
lit prodire, istò quidem argumentò, quum huic suæ origi-
ni ad tempus adhæreant; Quod paucorum dierum interval-
lum metamorphosis hujus animalculi concedat. Ego qui-
dem non negavero, aliam aliorum posse esse generationis ra-
tionem; quod tipulas verò, de quibus accuratam institui ob-
servationem, illas in alveo ligneo puro, nisi quod vetusta-
te exesus esset, incorruptò, aquâ pluvîâ pellucidâ in eodem
stagnante, offendi; atque cùm maximæ, medioximæ, mini-
mis, quæ subtile filum adæquabant, essent mixtæ, omnes,
quando imum petebant, capita lignò infixæ quasi absconde-
bant, protensis caudis, egregiò spectaculò, gregatim ad pro-
fundum se proripientibus, atque densis ordinibus dictò mo-
dò stabulantibus omnibus: Illudque in more animalculis po-
situm adverti, quando vitrò ipsorum copiam indidi, ubi ad
commotionem aquæ, aut ad spectum accedentium fundum
illicò petentia, capitulis absconditis caudas erexere. Tres au-
tem septimanæ abiêrunt, priusquam maximæ tipularum exu-
vias deponerent, atque cristatæ ad chartam superimpositam
perforatam evolantes aërem captarent; minimarum verò
metamorphoses quatuor septimanas, & ultra, exegerunt.
Alia occurrit observatio in Actis Anglicis Anno 1665. M. Maj.
ubi

ubi curiosa generosi Angli circa rorem Majalem experimenta referuntur; quod cum circiter unam mensuram hujus roris, quem putrefactum & excolatum fuisse autumat, imposuisset in apertum vitrum cylindricum, orificio amplo, & siveisset multas septimanas stare in fenestra Australi, cui Sol multum incubabat, sed cancelli tenebantur arctè clausi; post aliquantum temporis veniens ad excipiendum rorem suum, invenerit plenissimum parvorum insectorum magnis capitibus & tenuis textura corporibus, similium nigris animalculis in aquis natantibus, quæ sunt ranarum foetus caudati, sed multò minorum: Illa, cum accederet ad vitrum, fundum petebant, quasi se occultare vellent; cumq; recederet, denudò emitebantur in superficiem aquæ. Cum ita paulo longius ea reliquisset, postea reperit spatium plenissimum Culicibus, licet janua & fenestra semper clausa fuissent. Addit, se primò non suspicatum, hos Culices aliquò modò affines esse rori, sed cum postea comperisset Culices multiplicatos & aquatica animalcula multum diminutos numero, eorumq; plurimas pelles vacuas supernatare rori suo, non immeritò se persuasum putat, ut crederet, hos Culices per regenerationem productos ex dictis animalculis. H. I. Quæ observatio confirmat memorabile tempus intercedere, primos ortus inter & absolutionem Culicum. Atque citra dubium ros Majalis culicum possedit sperma, quale minutissimum, infra granorum papaveris magnitudinem mihi visum vidiisse in rore Majali, quem studio ex diversis vègetabilibus seorsim collegeram: Nullos tamen ex isto, utut ad fenestram Australem positò, eduxi Culices; Neque ullius aliùs insecti ex rore progenerationem mihi intueri licuit, quamvis operam dederim sedulò; an quòd frigus priùs seminia corruperit, an quòd Calor non satis penetraverit, incertum relinquo. Cautionem autem adhibui semper, ut ne aliunde advenirent insecta, chartà superimposità minutis punctis perforatà. Moras autem, quas in Culicum generatione Metamorphoses, sive mutationes malis, requirunt, etiam *Illustris Boile* attestatur in *Actis Anglic. An. 1670. Mense Septemb. Com-*
Dec. II. Annus VII. * C *para-*

paravimus quadam istorum insolitorum insectorum, ex quibus Culices fuisse generatos sub finem Augusti, vel initium Septembris, viri quidam ingeniosi observârunt. Hec spatio quarundam septimanarum continuò omnes unâ vivunt in aqua (non secus ac factus ranarum caudati) sursum deorsum illi innatantes, donec matura sunt transmigratori in Muscas. H. I. Vel Muscarum generatio non paucorum dierum intervallum requirit, uti cuius notum: Vel Luciano Coryphæo in Musca encomio, Tom. I. p. 824. Quodnam igitur miraculum raninos hos fraterculos, felicius ex pluviae guttis quàm Cadmeos ex dentibus Draconis educet? Non posse ita fieri, ut dum delabuntur, aut delapsæ illicò guttæ in ranas transformentur, certus sum: Videri tamen posse coelò delapsas ranas suprâ dictis modis non nego, ut tamen minùs rectè ranarum ista credatur pluvia. Aliorum potius insectorum quomodocumq; concessero pluviam imprimis illorum, quibus in aëre adminiculo qualium qualium alarum se librare est datum; scarabæorum &c. cùm istiusmodi ad nubes facilè ob levitatem efferantur; ob assuetudinem in iis quoque hospitentur commodè, donec gravitate pluviae depressæ humo non difficulter affligantur; sic & genus aranearum, quod filis suis tantùm non ex aëre se novit suspendere, hòc velò per liquidum volicans æthera, facilè etiam cum pluviiis quandoque catervatim deturbari poterit, quemadmodum saltûs integros unâ nocte araneis istiusmodi oppletos novi, telis adhuc manè madentibus. Perfectiorum animalium & non volatilium, minimè concedam istos ad coelum progressus, istos ex coelo lapsus.

CAPUT II.

De

Nupera in Curonia Annonæ & Bractææ
sive Telæ singularis prodigiosa
Pluvia.

- §. I. Quod attentione opus sit ad Historias prodigiorum dijudicandas. §. II. Qualem industriam adhibuerimus ad prodigiosa pluvia in Curonia fidem examinandam. §. III. Relatio de pluvia annonæ & bractææ in Curonia, quam nanci-
sci licuit accuratiorem. §. IV. Physico studio non indi-
gnum esse ejusmodi annotare Historias. §. V. Descriptio
annonæ, qualem anatome oculis subjecit. §. VI. De fabis,
quas itidem rumor in Livonia cœlitus delapsas divulgavit.
§. VII. Descriptio telæ, qualem Analysis exhibuit.

§. I.

Cum tot modis à veritate aberrare queant τερατολογεῖς
(Aristoteli dicti, 2. Meteor. cap. 8.) sive prodigiorum
Scriptores, utique attentionem meretur, dignotio
verarum Historiarum de hisce talibus; quando & Phi-
losophi notentur Luciano (πολλὰ τεράσια καὶ μυθώδη συγγραφέ-
ταις) quòd multa monstrosa & fabulosa conscripserint. L. I. Ve-
ra Historia subinit.

§. II. Neutiquam itaque fidem adhibui rumoribus, qui-
bus inaudieram in Curonia alibi annonam, alibi papyrum dela-
psam cœlitus; sed quàm primum tulit occasio, dedi operam,
ut certior fierem, si quid veri subesset Vulgi fabulis, acceptis-
que à non uno literis, quibus & ex utroque genere ostento-
rum aliquot inclusa erant momenta, non potui non illicò
perspicere, quomodo fama, mobilitate vicens, vires cundo
acquisierit; Quòd enim telæ nigræ aut bractææ nomen quo-
modo-

modocunque sustinet, illud Vulgus absque cautela, papyrum (Papier) nuncupare; neque contentus papyrum dixisse, inscriptam insuper ipsam promulgavit; ita enim quædam epistola: *Es sind Schrifften vom Himmel gefallen.* Atque cum animus esset prodigiis istis in nostra Exercitatione locum concedere, in id incubuimus, ut nulla subterfugeret circumstantiarum, quæ quidem Physicæ Historiæ fidem conciliare, aut usum promittere posset, istum in finem plusculis *questionibus* amicorum curiositatem exercentes, ut his excitati singulis invigilarent intentius. Etenim, *quod fruges*, scire ex illis desideravi, qualis elapsò annò in Curonia conditio fuerit messis? qualis conditio agrorum vernò labentis anni tempore? an grana frumenti glumis suis excussa per adjacentes campos Ver usquam viderit? atque cum cœlum effuderit ista, matutinisne horis an serotinis? pluviane comite an vento? hocque placido, vel ferociente? pluribusne in locis an unicò? cultò, incultò? sparsim an acervatim? extantia an immersa? homogenea an heterogenea? cum folliculis aut deglupta? fibris illicò aspera, aut immunia? si quoque ad vitium frugum Curoniensium reduci possent? *Quod telam sive bracteam* similiter percontati sumus, quæ scire multum nostra intererat.

§. III. Verùm quòd ad istas quæstiones nondum ex voto fuerit responsum, omnibus quidem numeris absolutam Historiam minimè polliceor; illam tamen, quæ melioris notæ mihi suppetit, uti est ab Erudito perscripta vernaculâ Orbi Erudito intereà temporis censendam æquò offero animò. Den 1. Apr. A.C. (1686.) ist das so genandte Papier in Curland / bey dem Gute Rauden / dem Herrn Obrist Seefeld zuständig / gefallen / und zwar des Morgens in einem Stück. Ist aber hernach vom Sturm alsofort zerrissen / und in viele Stück hin und her zerstreuet worden. Im selben Monat / ist der Roggen bey Papens See auf der Vieh-Weide im sandigten Ort nicht weit von der See gefunden worden / so ordentlich / als wäre es gesäet worden. Es hat ein

ein Feld von ohngefehr 2½ Scheffel Saat bedecket. Quibus quod adderem, licet ex instituto quidam Amicorum, locum, qui Ducalis Ditionis septem milliaribus Memelâ distat, adierit, & ex Domino Praefecto, accolisque colonis, sedulò percontatus sit omnia, memoratu dignum necdum acceperam, nisi quòd nives papyrum delapsam illicò insecuta memorarentur: elapsò verò annò (1687.) à CL. M. GEORGIO KRÜGER plenior, & quod tempus accuratior historiam *Calendario* annexam nactus sum, quam vernaculâ, quâ conscripta est, legentibus sistere juvabit. Es ist nunmehr Landkündig / was von dem Papier / so im Ambotschen zu Kauden an der Littauschen Grenze am 31. Januar. styl. nov. gefunden / spargiret ist: Welches den Unwissenden / und andern zum Gedächtniß zu erzehlen nöthig ist. Es wohnet in dem Felde Kauden genandt / nahe an einem Teiche / der auf 1½ Looff Steie in sich begreiffet / da man anderthalb Looff oder Scheffel Getreidicht aussäen kan / ein Curisches Bauer-Gesinde / so aus befugtem Teiche des Wassers sich bedienet / welches dann auch diesen Tag (am 31. Jan.) so wol des Morgends / als vor Mittags geschehen / und haben dennoch selbige Leute an dem Orte dazumal nichts vermercket. Da sie aber nach dem Mittags-Essen wiederum zu ihrer Arbeit gegangen / werden sie mit Bestürzung gewahr / daß der ganze Platz des Teiches ganz schwarz überzogen / nicht wissende / was sie daraus machen sollen / oder wo dieses herkommen / sintemal diese nichts gesehen haben aus der Luft fallen: der Nachbar aber solls gesehen haben / daß es mit einem Schnee Flocken-Weise aus den Wolcken gekommen. Kein Mensch getraute sich diese Materie anzurühren / in Meynung / es möchte eine Zauberey seyn. Nachdem aber ein Lettischer Bettler sein Brod zu suchen nach dem nächsten Adelichen Hofe zu da fürüber gehet / hebt er ein Stücke davon auf / dasselbe als etwas seltsames im Hofe zu zeigen: da es dann bald für Papier / bald für Blätter angesehen worden. Man ist dahin gegangen / und hat befunden / daß es grosse Stücken-Weise / als eines Tisches groß / daselbst über und aneinander an theils Drien Finger dick in grosser Quantität gelegen. Des folgenden Tages

solls ein Wind (ich finde Nordwind in meinen Annotationibus) zerrissen / und hin und her verworffen haben. Bald darauf ward mir ohngefahr am 4. Febr. von einer fürnehmen Adeltichen Person aus der Ritterschafft / wiewol zusammengewickelt / ein Theil hiervon zugeschickt / und mein geringes Judicium hiervon begehret: Welches auch von vielen andern geschehen / die mich zu diesem unvorgreifflichen Discurs veranlasset / meine Schuldigkeit auf einmal allen abzustatten. Nun ich muß gestehen / daß mir dieses seltsam fürgekommen: Die Materie war schwarz / als wäre sie etwa durch ein Fegfeuer gangen: hielt ichs gegen des Tages Liecht / so wars an etlichen Orten bergichter / an etlichen dünner / natürlich wie Löschpapier oder Druckpapier zu seyn pfleget: An dem Orte aber / da es zu Rauden sehr feucht gelegen / soll es auf der obersten Seite schwarz / auf der andern aber (wegen des weissen Schnees) grauer oder fahl gewesen seyn: Man fand auch hin und her auf beyden Seiten veraltete Faserlein vom Gras anklebende / die man aber abreißen konte / welches eine Anzeigung / daß es etwan im Gras gelegen: Der Geruch war nach See-Mist; trocken aber hatts ganz keinen Geruch; sondern gab einen natürlichen Papier-Geruch von sich / wenns angezündet ward: Zerriesse ichs feucht / so faselte es gleicher Gestalt wie ander Papier / wenns voneinander gerissen wird / also daß zwischen dieser Materie und Papier kein ander Unterscheid ist / als die schwarze Farbe. Darum nennet mans Papier / sintemal so wol wegen der Grösse / als auch anderer Umstände es für Baums oder andere Blätter nicht zu achten ist.

§. IV. *Physicò autem studiò minimè indignas has æstimo Historias; quòd non vehementià aliquà manifestà aut obvià ad superas regiones elata, & ad inferas continuò inde detrusa, memorata recenscantur corpora; quin quòd potius aliquid ingenii reconditi videtur continere horum peregrinus ex aëris Regione partus, ut qui in admirationem rapuit complures: illa autem, quæ sunt admirationis, ex Physicis præprimis scire desiderant homines, id quod Iridem Thaumantis filiam finxit antiquitas: Partim quod magis afficiant res gestæ, quarum*

ad pag. 23. Appendicis.



in Figuram I.
 Cujus alia partes exhibent grana
 cum semine dentato, num. 1. 4.
 cum fibris radicum æmulis, 3. 5.
 cum duplici gluma, 2.
 geminus apere ex grano eminens, 6.
 Alia pelliculam Roris Majalis cum fungis:
 major congeries cum globis floridis, 7. 8.
 mediæ magnitudinis, 10.
 minimæ magnitudinis et subnascentes, 9.
 Alia deniq; fabas et pisa, 11.

Dec. II.



rum in propinquo est memoria, cum harum major sit sensus: *Ut q̄ sit à factō propiore homines priora renarrant: Præterquam, quòd plurimus ad Doctrinam de Generatione & Corruptione ex illis qualibuscunque redundare queat usus: Cùm ante oculos ponent, nec illos, qui sunt casus aut fortunæ, naturæ adscribendos foetus; nec illos spurios proclamandos, quos Natura suò eduxit sinu legitimos.*

§. V. Grana autem, quæ indeptus sum, ut legentibus designem, sciant, *alia minora, alia majora oblata; pleraque tamen omnia fuisse quasi compressa, imâ parte latiori, summâ acuminatâ, exilia & minimè robusta, ut cum Columella L. 2. de rerusticac. 9. loquar. Quædam nuda prorsus fuerunt, omni tunicâ exutâ, intimum solidum, quod Varroni L. 1. de R. R. c. 48. propriè granum, unicè exhibentia; singula tamen media divisa erant lineolâ quâdam; quam accuratè examinans, animadverti germen esse, quod acutiori parte in pluribus exeruerat apicem. Quædam Vagina aut folliculo inclusa erant, alia simplici, alia duplici: in iis, quæ duplici gaudebant, exteriorem glumæ adsigno, interior tunicæ fuerit propria. Atque sive gluma sive tunica illa fuerit arida, plerisque dehiscibat, ut tamen quomodocunque obvelaret granum: aliis in filamenta capillaria discerpta, non ampliùs tangebant granum, sed ad imam latiore partem protrusâ, radicum fibrillas lacera æmulabatur, unde quibusdam proditum, illicò frumentum hoc germinâsse: daß es zur Stunde aufgegangen: nonnullis gluma has effinxerat radices, salvâ tunicâ propriâ: unicum quod aderat teres granum, incisum germen apicem, instar gladioli, peculiari vaginâ circumdatum obtulit; in hujus solido quoque aliquid farina dentium attritus probavit; in reliquis verò compressis glutinosum corpus pulverem suppeditavit quàm ægerrimè. Literis certior factus eram, fuisse, qui areolâ qualicunque, subvertendo glebas, in terram, in quam inciderant, nostra grana demiserit, areolamque sæpè muniverit: Atque postremis idem amicus asse-*
vera-

veravit, *prodiisse ex terra, angusto-tenui folii graminis herbâ,* ab odorato Prussico gramine parùm abludente, parcissimè licèt; oblati unâ aliquot *germinum exemplaribus* sesquispithamum & ultra longis, nullam tamen spem culmi sive calami facientibus. *Ad quodnam autem genus referenda sint grana nostra,* licèt ambigi possit, ad frumentum tamen jure reducenda videntur; in medio autem fortè relinquendum, an ad siliginem, an magis ad triticum, an verò ad secale, aut ad avenam? hordeum non esse visu dignosci potest; neque etiam alicujus alius generis eorum, quæ vitia frumenti audiunt, speciem refert. *Ratio verò germinis intra grana nostra* quandoquidem istud contulimus, cum primùm *germinantibus tritici & secalis granis,* non fuit prorsus eadem; quamvis enim & his, ex acumine exeat germen, imprimis secali, tamen maximam partem *exteriùs à basi* exoritur, ubi *corculum horum seminum* radices versus terram dimittit, & sursum erigit granum sive solidum, ut duplici alimentò prospiciat germini, aliò scilicet ex terra per radices, aliò lacteò ex grani uterò; proximis enim à satione diebus attentè lustranti, extra granum *germina* assurgere in ortùs suos videbuntur, ut *lateri illi arète* adhæreant, quod non habet crenam. Inveni quidem *in aliquibus granis germen,* quando adhuc valdè exile est, adhuc intra propriam tunicam istâ parte latitare, sed non diu patitur, se ibi abscondi; neque per totum corpus ita occultatum excurrit, nec adeò profundè illud dividit; *Neq. grana tritici aut secalis terra mandata illicò tunicas suas exuunt,* sed propriam retinent; donec omnis lacteus humor, atque hinc etiam lacteo succedens lymphaticus fuerit absumptus, ubi post longum tempus demùm tunicæ hæ siccæ exarescunt; *neque tamen intereà ita plana sunt grana,* sed manent strongylæ. Quò ipsò patet *disparitas nostrorum gravorum,* quæ tunicâ spoliata, nec crenâ divisa, nec istum in modum ostenderunt germen aut corpus solidum. *Avenam autem, ubi terræ mandâram, fateor, hanc ex glumis quidem media sua extruissè*
germi-

germina, non tamen similem in modum ex solido grano:
Utut mihi *analogia inter avenacea & nostra grana* videatur
omnium convenientissima.

§. VI. Retulerant plerique, à quibus horum prodigio-
rum Historiæ ad nos (*An. 1686.*) perscriptæ, & *fabis ac pis*
in Livonia istò temporum tractu *pluisse*; verùm cum fabis ana-
logum legumen memorarent alii; *Eine Saat denen Bohnen*
nicht ungleich; quidam illas prorsus tacerent; neque nobis
copia facta erat istas qualescunque fabas inspiciendi; easdem
attigisse sat esse judicaveramus. Nec silentiò prorsus erant
prætereunda, siquidem dum latuisse credita fuissent, quæ ea-
dem fermè regio, idem fermè tempus, eadem fama nuncia,
gemina obtulerat miracula, aliquid labis inde affricari indu-
striæ inquirentis facilè potuisset. Verùm postea temporis non
solum *in Calendario cit. promissa historia*, von denen schwarzen
Bohnen und Erbsen/die eben da im Ambotschen im Martio gereget;
sed & *A.C. 1688. Calendario à laudato Auctore inserta*, istò qui-
dem tenore. Anno 1686. ohngefahr um Ostern/da der Schnee
abgetauet gewesen/hat man sechs Meilen von hier im Ambotschen auf
der Erde auf einem Acker / da das Jahr vorher Gersten gestanden /
eine grosse Menge schwarze Kuglein / klein und groß gefunden / die
Leute nennen es schwarze Erbsen oder Bohnen; aber es ist nicht:
sie sind inwendig schnee-weiß / lassen sich schneiden als ein sehr ver-
trockneter Schwamm; wann es geschabet und angezündet wird/gibts
einen greulichen Geruch / als verbrandte Erbsen: Etliche meynen /
es seyn Früchte von Seeblättern. Ob Seeblätter in den kleinen
süssen Seen Früchte tragen/ können die jenigen wissen oder erfahren/
welche an denselben wohnen: ich zweifele. Solche schwarze Erb-
sen sind auch an andern Orten zerstreuet gefunden worden. H. I.
Quin & suite, ut tandem Amici studiò *fabulas* sic dictas, quas
itidem *in Curonia* im Abotschen cœlicus delapsas, annotârat, ob-
tinerem. *Forma* quidem illis non prorsus fabarum; neque
enim in lobos dehiscunt, nec hilum in illis-comparet, nec ob-
longa ipsis species, sed ad rotunditatem devergens, citra ul-

lum in medio recessum. *Superficies* undiquaque scrobiculis exasperata *cuticulam* ostendit nigerrimam: *intus* quod est solidi albissimum promittit farinam, at *mansum* dentibus nescit cedere, cum in durissimo & cultri acies lentorem experitur, nec Spiritu Nitri edomandum: *Sapori* tostum offert obtusè; fabacei nil quidquam exprimens: *ignis*, corticem facilius depascitur quàm granum, quod admodum reluctatur; *nullò factore*, nisi qui sarmentorum solet esse, *flamman* luculentam neutrum spargit, minùs tamen granum. Esse inter aquatica, aut palustria, aut marina, quòd tales fructus ferat, non memini à quoquam *Botanicorum* traditum.

§. VII. *Tela seu Bractææ fragmenta*, quæ mihi transmissa, non sunt prorsus nigra, cum aliquid albedinis interluceat, si Soli obvertantur; *tenuiora* sunt papyri communis foliis, à quibus non penitus exustis *quoad externam formam* parùm abudunt; arctiùs tamen illorum cohaeret compages, nec ita facilè contacta in pulverem abeunt: Quin quodammodò *crepitant & plicabilia sunt*; id quod me induxit, ut potissimum bractææ aut bractæolæ nomine venire vellem prodigium, cum metallicis laminis & aliis ligneis, corneis operibus ista congruat appellatio. *Saliva madefacta*, nihil acri aspergebant digitis; nec *mansa* in pulverem comminuebantur, sed glutinosum quid instar pelliculæ alicujus humecta relinquebant. *Igni admotæ flammam* luculentam concipiebant, eaque excussâ, *scintilla* ad vicinas partes proserpendo, fomitum in ipsis facilè adinveniebant. *Odorem* exhalabant, primò quidem sensu, qualis papyri exustæ, qui dein magis sulphureus nares ingrediebatur, nullò tamen foetore aut graveolentiâ ipsas feriente. Extinctis scintillis, relinquebant aliquid cineris, non ampliùs resinosi. *Spiritus Nitri affusus*, ipsa non corrodebat, sed mollitiem pelliculæ tenacem concilians, nigrum in rubicundum mutabat colorem. *Affusus & Spiritus Sal. Armon. Urinosus, Oleum item Cinerum Clavellat. per deliquium affusum*, sed ut nullam inde proderent varietatem, nisi quod niger

niger color intensior evaderet; idem eventus fuit *asperso acetô*. Pluribus non licuit committere Prodigium, ob penuriam bracteolarum, aliâs Analyfi intimiori subjiciendum fuisset ulterius.

CAPUT III.

De

Causis pluviæ Vegetabilium juxta Auctores.

§. I. *Expositâ questione An sit, progrediendum ad questionem Cur sit: Cur primum de Causa pluviæ Vegetabilium agatur?* §. II. *Quod, quæ venti aut ignis vi deferuntur aut decidunt, habeant manifestas causas; quæ autem citra talem vehementiam delabuntur, de illis quæri, an in nubibus sint generata, aut quibus aliis modis ad illarum regionem pervenerint. Quod animalia, de istis quidem traditum esse à Meteorologia Scriptoribus; non ita de Vegetabilibus.* §. III. *Quod Aa. dissentientes, alii in aëre animalia simpliciter generari statuerint, alia ex seminibus illatis: istum in modum etiam dissensuros Aa. circa generationem Vegetabilium in aëre.* §. IV. *Auctores qui simpliciter, sive citra semen, novè generari Vegetabilia in aëre statuerunt, eorumq. rationes.* §. V. *Auctores, qui ex seminibus eadem in aëre generari statuerunt, & horum rationes.*

§. I.

Iscas, quæ fidâ relatione, de annona & bracteâ Curonienfi coelitus delapsis, addiscere, & oculatâ experienciâ cognoscere datum fuit, compendiô expositis, non suffecerit novisse, quod ita res se habuerit, qualis sensuum ope impetratur cognitio; sed cum scire magis sit, nôsse, quibus rationibus idem

evenierit, quod negotium est intellectûs; danda est opera, ut illuc hâc vice quoque penetremus. Istum certè in usum re-
culimus Historias, ut quomodo de Causis sit habendum, quan-
tum fieri posset, constaret liquidò; ad quod nos accingentes,
cùm *difficilior ratio pluvie Vegetabilium*, hanc primò aggredie-
mur, ut in illa altera, quæ ex fossilium censu sua videtur hausis-
se, labor finem sortiatur.

§. II. Constat autem ex dictis; *quando ventorum vehe-*
mentia impetu suo rapit sive vegetabile, sive animale corpus,
ex alio loco in alium istud projiciens, hujus rei causam esse
manifestam: cùm evidens sit, quantâ spiritus violentiâ gau-
deat, ut quâ arboribus aut herbis seminia elidere, montibus
saxa avellere, terris exurbare fossilia, & de viis abripere ani-
malia novit: *Pariter si post incendia res aliena aëri illata cœlitus*
delabuntur, & hujus non obscurum prostat causa. *Citra ve-*
hementiam peregrinam autem, si ex nubibus decidunt, qua non
est liquidò ostendere à vento aut aliò casu istis momentis tempo-
rum ablata, maximè investigatione dignum erit, quomodo nu-
bibus sint credita; an quòd in illis sint generati hi fetus; an ve-
rò quòd aliis tacitis modis ascendere; atque apud easdem per
intervallum longiùs habitare, hincque ad proprios redire La-
res valuerint? *Aa. Meteorologia*, cùm multi sint in reddendis
causis animalium ac mineralium, quæ ex nubibus, tanquam
ex Trojano equo desubitò prodiisse memorantur; in *Vege-*
tabilium pluvialium Origines, non intenderunt adeò animos,
sive quòd hæc rariora fuerint, sive ex illis, quæ de animalibus
protulerunt, de his quoq; judicium voluerint ferendum.

§. III. Scilicet cùm fiat, qui statuant, animalia in nubi-
bus generari posse, iidem etiam statuminabunt, *Vegetabilium in*
illis esse posse natales. Duplici autem modo in nubibus anima-
lium origines nascendi quæsi verunt, alii quòd semina illuc fue-
rint translata, ex quibus in aëre formarentur animalia; Alii,
quòd ipsa rerum genitrix natura, citra sueta semina, ipsa pro-
duxerit; prior sententia fuit Cardani, qui ranarum ovis in
aërem

aërem sublati ranunculas excludi scripsit; in alteram verò sententiam Scaliger propendet, contra Cardanum asserens, licere naturæ in aëre non ex ovis generare. Nam si mus, inquit, non semper è parentum semine, sed è quisquilis in navi, sic in aëre rana, haut ex ovo, sed ex aqua genitali, cælesti calore condensata conformataq;: Atque Historiæ appendicem subjiçiens: Miranbellum oppidum est in ejus agro, tantum pluit ranarum, ut cumulatim tota via tegerentur. Oppidani neq; pedem efferre domo, neq; vestigia ubi ponerent, haberent; quò si totius penè Aquitania ranina ova convecta essent, vix ille numerus expleri potuerit. Exercit. 323. Atque videtur ad partes Scaligeri transire & Fromondus L. 5. Meteor. c. 6. art. 4. Durus tamen & contumax, inquit, adversus tot Aa sim, si pernegem in nubibus quandoq; generari. H. I. Conf. Aa. apud Gesnerum. Istum itaque in modum, quò animalia, vel ex ovis, vel citra illa, in nubibus generari posse arbitrati sunt Aa, & Vegetabilia, vel ex seminibus vel citra illa, in iisdem generari posse autumabunt.

§. IV. Scaliger sanè, citra semen novè nasci in nubibus Vegetabilia censuerit, id quod his L. cit. innuit: Quid multa? nonne quotidiana sætura cælestis genii, qua natura est, potentiam declarant, planta nullis orta seminis. H. I. Scilicet cum animalia nova generare queat natura, citra quam, quòd illi substernantur ova, quidni & Vegetabilia produxerit citra seniorum segetem? Atque Scaligero absque dubio adstipulabuntur Democriti Sectatores, quibus corpora animata quoque sunt mera compositio particularum aliter atque aliter locatarum; uti & Grevv in Dial. de Mixtione minimè diffitetur. Cartesius dux horum redivivus c. 7. Meteor. §. XIII. similem apud se concepisse sententiam videtur: Et præterea, quoniam valdè varia est & multiplex exhalationum natura, mihi facilè, inquit, persuadeo, fieri posse interdum, ut à nubibus compressa, materiam quandoq; componant, qua colore aut specie lac, carnem aut sanguinem aliquò modo referat; vel qua aliquò modo accensa

aut combusta fiat talis, ut pro ferro, aut lapidibus sumi posset; vel qua deniq; corrupta & putrescens in exigua quadam animalia brevi tempore convertatur. Ut inter prodigia sæpè legimus, ferro, sanguine, locustis, aut similibus pluuisse. H. I. Quem exscripsit Joh. de Mey in Commentariorum Physic. Part. 2. c. 3. in Job. 38. v. 28. seqq. existimans harum pluviarum ut & reliquarum causas esse planè naturales; quodq; illa res, qua in pluvia decidunt, si non vi ventorum illud contingat, à calore Solis & aptitudine, varioq; motu minimarum particularum, materie dispositione ita immutentur, ut colorem vel duritiem, vel saltem figuram illarum referant &c. H. I. Neq; illi dissentient, qui panspermiam statuerunt ex Physiologis, de quibus inter alios consule Theophr. 3. H. Plant. c. 2. ad quos inclinant multum, qui de spiritu mundi sive universi tot mira prædicant, quibus & Burserus favere videtur Introd. ad Scient. Natur. L. 1, 14. Non minus inter Chymicos arcanorum gloriosi jactatores his adstipulabuntur, qui ex aqua singulari, se non solum fossilia, sed & vegetabilia & animalia, absque ullo seminiarum subsidio, educere posse promittunt. Vid. de Rochas apud Ill. Boyle in Chymista Sceptico. Ad hanc classem quoque referendi, qui ex terra Virginea, aut ex illa roris Majalis citra concursum seminis, varias nasci plantas se experimentis addidicisse strenuè prætendunt: scil. hæc omnis fert omnia tellus.

§. V. Cardano tamen adstipulabuntur magis illi, qui certiori & obviâ experienciâ cognitum habent, posse ex minutis seminum, vel alienis in locis, protrudi aliquod germen; e. g. qui ex terrâ usâ vel calcinatâ mille plantas, copiosò imbre accedente, illicò germinare tradiderunt; non minus qui ex satis cineribus herbarum, ipsas herbas prodiisse retulerunt; ita Cl. Honoratus Faber ex satò cinere tritici non semel triticum pullulasse affirmat: Vid. L. 2. de plantis præpos. 103. conf. prop. 99. Atque illis pollicem premunt, qui in animalibus non solum muscum, sed & semina & plantas, & flores, variè producta memorant. Ita traditum ex punctione apis tumorem, tandem aper-

apertum, solidum frumenti granum obrulisse. Quam in rem conferantur Aa. Borellus Cent. I. Medico-Phys. Observat. 10. & Cent. IV. ult. uti & Bartholinus, in Actis Medicis Volum. I. III. Athan. Kirch. in M. S. Tom. II. Lachmund in Oryctologia. Curiosa est etiam ista, quam nupere Ephem. Gallic. Tom. III. p. 527. seqq. attulit Historia, de germinatione granorum avenæ, (quæ comederat) in ventriculo militis; atque intra ventriculum non solum radicem projecerat, sed & spicam atque aristas protulerant, ut grano tamen gluma fuerit destituta. Conf. quæ Exc. D. Mart. Bernh. à Bernitz Observatione LIII. An. II. Miscellaneor. Curiosorum memorabilia congescit. Et quæ Exc. D. Paullini Observatio inter illas Anni VIII. LXXXI. de spica sili-ginea, in Tumore circa costas, affert. Quibus addo geminam ipsis non tactam ex Crameri Lib. 4. der Pomerischen Kirchens- Histori c. 31. Anno 1604. wird ein Kind fränck / und kriegt end- lich ein Geschwür auf dem Rücken unter dem rechten Schulterblat / abwärts gehend in der Länge / welches auf einem Ende das Ansehen gehabt / als reiffete es zum Aufbruch. Derowegen hat mans end- lich eröffnet: als das geschicht / da gibt sich ein scharffer Stroh- Stengel herfür / welchen die Frau heraus zeucht mit dem Exter / und sihe / da ist es eine ledige Recken-Neure / welche hat Herr Jo- hann Florus zu sich genommen / und zu verwahren beygelegt. Istum itaq; in modum, cum ex minimis seminiorum, aut plantarum particulis in corpore humano Historica monumenta germina- prodisse attestentur; quidni in nubibus quoque? præsertim cum in Actis Eruditorum Lips. Anni LXXXVI. ex Observationi- bus de Ortu ac Vegetatione Plantarum Joh. Baptista Triumfetti constet, ex seminibus, ab aëris Solisque accessu servatis, in vi- treo vasculo germinasse ac radices egisse, absq; terræ vel aquæ admixtione: quidni aëris & Solis favore eadem germinabunt? sanè extra terram, aquis solum contigua pleraque frigida se- mina posse germina projicere, sæpius demonstravimus. At- que ista minima, si non ad spicam prorsus in aëre exsurgant, saltem ad germina aut grana sese extollere poterunt. Præter- quam

quam quod ipsa aptissima compareant, cum levitas tenerrimorum Embryorum aut hilorum, facile obsequatur blandæ virtuti Solis ad superiora ipsa unâ cum vaporibus educenti; Neque gravitas eorundem prohibet, quod minus suspensâ plusculas moras in aëre trahant; locò nec prorsus ineptò ad suppeditandum his corpusculis alimenti, quanto indigent.

CAPUT IV.

Rejiciuntur Argumenta, quibus in aëre Animalia aut Vegetabilia generari probârunt Auctores.

§. I. *Contra Scalig. Democritum &c. quod natura non possit producere plantam, nedum animal, citra semen aut seminis analogum, ex re inanimatâ. Ubi de analogo seminis in partibus plantarum. § II. Chymicorum miracula ut plurimum non invenire fidem amplius, e. g. circa generationem plantarum citra semen, ubi de arbore Diana; item de arboreto & fungis ex rore Majali; item de resuscitatione planta cum semine hujus roris adminiculo. §. III. Plenior Historia de pellicula Roris Majalis cum fungis. § IV. Quod neq; ex semine in aëre generari possint Vegetabilia. §. V. Quod nostra cœlitus in Curonia delapsa grana non sint ex seminibus, aut seminum minimis, in aëre nata; quæ fuisse corrupta per æstatem udam probabiliter colligitur, ex simili germinatione frugum udis messibus. §. VI. Quomodo contingere potuerit eadem ad nubes evehi, atq; inde rursus in terras delabi? §. VII. De pisib; & fabulis.*

§. I.

Verumtamen cum neutrà sententiâ ita comparatum est, ut ulli omninò assensum præberemus; quoad priorem, neutiquam Scaligero largiemur, nature viribus,

ribus, citra semen, aut analogum seminis, plantam produci nedum animal; quò ipsò etiam negamus, naturam semen viventis corporis, aut analogum, extravivens corpus suà virtute conficere. Neque enim saltum adeò facit, ut ex exanimi, non solùm actu, sed & potentià tali, animatum corpus producat: Parùm enim abesset, quin istò modò ex nihilo aliquid eadem procrearet. *Democriti* autem & *sequacium* hypotheses ejusmodi Historiæ refutabunt; neque enim causam nòrunt, cur semine aut Analogò opus habeat natura in condendis viventibus, si ex situ solùm partium, aliò atque aliò, hæc talia & talia exsurgent: Cur ergò non totis æstatibus cœlum pluit fruges? Si naturæ solùm est istud muneris relictum, ut componat partes has illas, hòc illò situ: An hoc non æquè apud superos præstabit ac apud inferos? detur ratio; Cur natura non in Meteoris tales adaptat figuras, citra semen aut Analogum, ex quibus fruges assurgant, ac quidem adaptat in terris, virtute seminis aut Analogi. Quale Analogum in partibus Plantarum latitare egregiò experimentò evincitur; quò ex caulibus perfecta semina oleris, vel brumali frigore non obstante, feliciter educi, unà mecum inspexerunt plurimi. Cujus rei periculum jam olim Fautorem nostrum *Excell. D. Garmannum* fecisse eruditissima *Observatio CLXXIV. An. VI. VII. Miscellan. Curios.* attestatur. Haut absimilem errorem incurrunt *Aa.* qui panspermiam statuunt; si enim adessent illa seminia æquè in meteoris ac subterraneis, non posset non fieri, ut æquè prompta succederet germinatio per aëris ac terræ latifundia, atque desinerent, quæ nunc sunt, pluviarum prodigia. *BURSERUS* quidem *loc. cit.* per rationem Mixtionis expedit hanc difficultatem sequenti modò: Circa piscinam, inquit, vel lacum vel paludem, est aqua, terra, aër, fortè etiam ignis. Horum portiones tempore vernò permiscuntur calore Solis, aut aliorum etiam astrorum influxu (aut variis à Spiritu adharente, astrorum vi actuatò vel adjutò) tractanturq; & mutantur eò usq; (agentibus simul invicem ipsis elementis alteroque infrin-

Dec. II. Annus VII. *E gente

gente qualitates alterius, tanquam sibi contrarias, donec anima rana, aut lumbrici, aut musca, aut alterius insecti profiliat, materiamq; illam informet. H. I. Ast supponit, quod nos cum Cl. Redo neutiquam concedimus, placitum, ac si insecta aut animalia unquam generata sint ex re prorsus non animata; quæ adhuc ipsi gravis incumbit probatio: meritò etiam desideramus in hac nostra controversia exemplum, quòd plantam ita sponte nasci liquido arguat, ut ex materia omnis vita experte assurrexerit.

§. II. Chymicis verò tot arcanorum, tanquam monsterum domitoribus, non adeò facilè fidem habebit circumspexitum & cautum seculum nostrum: ludibria plantarum erunt, & simulachra rudissima, quibus necesse est, uti quondam picturis priscorum, nomina adscribi, secùs, nec divinare quispiam posset, qui quidem nec stupidus, nec persuasus accessit, esse ista certarum plantarum corpora. Imaginatio quid possit in glaciei tumultuariis figuris, manifestum est. Et quot hyperbolis arbor Diana quondam crevit; non solum in foliorum luxuriam, sed & in ramorum robur, & in fructuum penum, quibus dubiam redderet Hesperidum hortis gloriam; hæc quæ nunc cadit ingens, & satis habet se crysalli aut Salis, variè coagmentati ac figurati titulò defendere. Quòd terram Virgineam, de illâ rectissimè Honoratus Faber locò cit. si aliquando Virgo terra sit, ut vocant, ex imis terra latebris effossa ac educta, illa profectò semina aliundè, vel accepit ab illa manu, quæ mundum ipsum fabricavit. Neq; dispar ratio roris erit modò nos non vana lacter spe, quæ ros Majalis per lintea candida primùm, dein per chartas bibulas trajectus, cavendo per duos annos & ultra, ne ipsum Sol videret, protulisse refertur: Arborem scilicet cum variis ramificationibus pulcherrimis, pendentibus è ramis, piris & pomis argenteis & aureis, ipsâ non minus arbore auro argentoq; coruscante, idem ros Solis tandem expositus radiis, undiq; protrudere parvulos truncos & saliceta, edere ramos, hi crescere & vineam aliquam, quàm pluribus sudibus min.

minutis repræsentare, imò continuante Sole radios suos, ad superficiem usq; aquarum surgere, & tunc quoq; amænissimum arborum sive viridarium, arboribus auro argentoq; condecoratum ostendere, quarum ramis varia animalium species hinc inde insedere. Miror, quî Lucianus ista in itinere suo ad Lunam non observârit; sanè poterat graphicè, tantum non poëticè, edisseruisse, sibi visam plantam non-plantam; ex semine citra semen; cum aqua citra aquam; in terra citra terram, quæ neq; Solem Patrem, neq; Lunam agnoverit Matrem; Nympharum, alumnæ; Umbrarum clientem: absq; foliis floridam; absq; tubere fungosam; Niveam ex tenebris; ex Lanugine hispida: Quæ ad Solis contagium, non minus contabescebat ac Phaëton; Eadem radiis è longinquo blandè illustrata sive Margaritas sive Crystallinos argento coruscantes offerebat innumeras. Fungos nasci ex rore vidit generosus quispiam in Actis Philos. Angl. Annæ M DC LXV. & hoc absque miraculo; sunt etiam nobis visi fungi plusculi ex pellicula, rori Majali innatante, prognati, albicantes, cauliformes, non capitati, nisi quòd floridi summâ parte Cornu Copiæ amularentur, quos in ampliorem silvâ cæduam, scilicet sedulo curabamus, uti Schema exhibet adjecitum; nunquid illos etiam seriò arboretum appellitemus; nunquid nitentes globulos per Microscopium visos, Margaritas nuncupemus? Atque positò quòd ex rore ista prodierint, non tamen citra semen aut seminis Analogum fuerunt nata. Cùm enim probaverimus, nullum esse rorem, nisi qui ex herbis ascendat; neq; cælo delabi rorem alium, quàm quem ex herbis primum accepit: uti pluribus illud documentis in Colleg. Phys. confirmavimus, ecquid absurdi erit ex liquore Vegetabilium nativo rursus prodire progeniem nativam. Quæ Tachenius von der Beeck &c. habent de Resuscitatione plantæ, roris adminiculò, illa huc minimè facient, cùm semen ad istum processum adhibeatur, utut mihi nondum licuit in veritatem rei pericula facere; quòd processuum rædioforum Nomenclatores rarò vel nusquam prodant seipsos manum admovisse

operi; non omiffuri occasionem , quâ gloriæ velificari adprimè licitum effer , modò in conscientia habuiffent confidentiam.

§. III. Atque animus erat ænigmatibus acquiefcere, ut illos ulciferer, qui prodigiosis narrationibus fufpenfos tenent animos. Absit tamen , ut cujusquam fidem in dubium vocem ! Ingenuè modò fateor , quoties in talium admirandorum qualemcunque notitiam omnia fruftrà experior, me hærere, atque incertum effer, infelicitatemne an credulitatem accufem magis ? Quòd verò *Excell. D. Mentzelius Pelliculam meam Roris Majalis, qua Ephemeridibus inferatur, mereri cenfeat, hujus venerans auctoritatem, Historiam candidè impertiam.* Multùm quotannis de Rore Majali follicitus fui ; atque tunc quidem feorsim ex herbascente tritico , nec minùs ex hordeo & avenâ itidem adhuc herbidis feorsim ; fed & feorsim ex pratis Rorem Majalem Mense Juliò à Discipulis colligi curaram. Peculiaribus vitris peculiare quosque rores in cella , ad experimenta alia atque alia reponens , elapsis sex hebdomadibus vitra , quibus hordearius ros erat affervatus, inſpexi : Ex quibus illud, quod ad ſummum uſque rore erat impletum, & veſicâ atque aliò lutò arctè clauſum , ruptum omnem laticem effuderat. Ex tribus autem *lagenis vitreis quadrangularibus*, quas veſica ſolùm bubula , cochleis ſubſtrata, munierat, *dua* diverſa Phænomena exhibebant : *Alia* ad orificiũ admodũ repleta, orificiũ respondentem *rotundam* grifeò fuſcam, ſtraminis craſſitie, *pelliculam* oſtentabat ; *Alia* ad medium plena *ſimilem pelliculam*, ſed *quadrangularem*, germinibusque ſingulariter pictam commendabat. *Fungorum* autem nomen ſibi vendicabant hæ plantæ non plantæ, ſi res citra ambages ſuò quæque appellanda venit nomine. *Alibi* autem *Fungi* iſti radicibus & caulibus impliciti ac conſerti inſimul accreverant , ſeſquiarticulum alti , qui ex maximorum numero erant , in quibus omnia etiam magis erant conſpicua ; *Alibi* articulum longitudine emeriebantur : *Alibi* adhuc inſiſtam quan-

quantitatem viscebantur; Quibusdam etiam *alibi* punctis vix capita exserentibus. *Præter radículas pelliculæ infixas fungi memorati caulibus distinguebantur, majores & capitulis. Caudales aliis incurvi, aliis erecti; utrisque fissiles, & hispidi candicante tenui lanugine. Non sunt, quibus magis extremâ specie similes dixerò, quàm flores Martis, candicante corporis splendore, & lævare filamentorum adherentium delicatissimò. Crassissimi ex caulibus ad pennam perdicis ægrè accedebant. Capitula verò niveò candore formosissima, innumeris sectionibus in flores complures sparsa, pilulam formabant. Erat autem florum distinctio vaginulis crenatis, & gladiolis, quorum apices globuli regebant, memorabilis; ut rectè florida stellata capitula dici possent. Magnitudo capitulorum insigniorum à grano piperis albi parùm aberat. Microscopium caulem, nigris vasis distinctum, totumque transparentem hinc inde pellucidis micantibus gemmis; Caput autem, variis aliis protuberantiis, exasperatum detegebat. Ad Solem hic Solis filius, dum Microscopio subiciebatur, defubricò exaruit, quò ipsò translucidum & gemmeum caulis unà disperiit. Sic nec pellicula Solis calorem sustinuit, quin protinùs arida corrugabatur. Subnascentes rovalis hujus pelliculae fungi colliculos ex splendentibus gemmis coagmentatos præsentabant. Caterùm in opaco loco diutiùs, novò modicè aspersò rore, istam pelliculam detinebam, atque istà culturâ feci, ut fungi, qui priùs punctis solùm erant notabiles, non solùm capita extollerent, sed & caules unà protruderent; quamvis non ad unguis altitudinem ipsos daretur educere. Pellicula ex meris fibrosis partibus erat contexta; uti etiam illius rei experimentum cepi, sedimentò roris aquam affundens, atque successu temporis rudimentum ejuscemodi pelliculæ ex illo pronatum. Duo autem sunt, quæ cum eadem protulit Observatio eâdem operâ cognovissè juvabit: Alterum quidem ab instituto nostro alienius, quod tamen mihi de generatione insectorum ex semine in rore suspensionem non levem injecit;*

Alterum propius nostrum negotium tangens, quod Curiosis fortè volupe erit conspexisse, quò suis hypothesibus, *de latentibus Vegetabilium seminis*, velificari commodè queant. Quod prius; ubi limpidiorem laticem roris effuderam leniter, *sedimento* ad latera vitrorum residuò in hoc *innumerabilem, ovulorum minimorum numerum*, quantum visu licebat assequi, deprehendi: Vicies minora erant illis bombycum, tenuissimæ tunicæ, concatenata alibi, alibi racemosa coherentia, alibi prorsus sporadica; majora ex his albore Margaritas æmabantur. Erat præterea, ut *in eodem sedimento vermium simulachra* contuerer, sed omni vivaci motu destituta. Quod posterius: Cùm hyemis injuria, in alio magno globo vitreo, quod in singulare experimentum asservâram roris congelâset, prouti FIGURA commonstrat, pars frigore invicta hic illic restitans varios loculos hinc inde excavatos occupârat, major autem hujus portio ad fundum contendens elegantem, *nemorum saltum* construxerat. Percussò itaque dexterimè vitrò, quâ pictura exprimit facie illum exemi, spectaculoque Discipulorum exposui. Sed & *fruticetum* ab illo erat avellere, uti spicatæ istæ effigies singulariter declarant; istis enim erectis totum illud nemus densis ordinibus ad latera ferè vitri succreverat. Fusci autem coloris erat omnis liquor, tam qui saltum inundârat, quàm qui in loculis dispersus fluitabat, ut ut is qui in loculis per vitrum Mercurii æmulò splendore luderet.

§. IV. Quod alteram Sententiam, ista licèt probabilior videatur, ægrè tamen & hæc assensum impetrabit; utut enim certum sit, *minimum esse, quin hilo minus in pluribus, quod virtutem germinandi continet*, illud tamen non usque adeò certum est, *an minima ista à seminis sive granis avulsa* progenerare valeant Plantæ germina. Laudatus enim Triumfetti rectè annotavit; illud corculum, quod in semine observatur, & ab omnibus pro vero semine habetur, si exima-




Fig. II.
appendicis.

ad pag. 38.

in Rore Majali congelato.

A.A. A.A. massa roris congelati
b.b. b.b. loculi quibus sui specie frigore invictus latex flavitabat.
c.c. c.c. c. nemorosus saltus latice roali ingelido distinctus.
d.d. d. fruticeta spicata ex illo saltu singulariter exenta.



tur è castaneâ nuce, v. g. aut amygdalis, vel cucurbita non germinare; quanquam omni curâ concredatur terræ; id quod esset illustrare ex generatione animalium; Tamen concesserimus in minoribus seminis Vegetabilium per minimum istud, accedentibus imbribus, non minùs hâc seminiarum minutie prægnantibus, posse fruges, e. g. exsurgere in granum, in herbam, in spicam, intra uterum terra matris; Neque difficiles nos præbebimus Historicis monumentis tale quid asserentibus, posse ista minima embrya, vel alienis uteris excepta in fætûs non prorsus adulterinos adolescere. e. g. si intra animalia condantur, quorum exempla allegata; si in peregrinas alias stirpes demittantur, uti notum est Phisicorum filiis, in salicibus vetustate exesis, & in aliis annosis atque marcidis arboribus varia gigni heterogenea; cùm ex saliceto allata, chelidonium majus, ribes, persicaria &c. sive ab avibus per alvum illa minima excreta granis integris, sive alio quopiam latente principio (vid. Theophr. de Caus. Pl. 5, 4.) istis hospitibus illata, excitatò calore nativò in sui similes plantas succreverint: Non minori tamen & hac sententia difficultate premitur; non quidem quasi minima illa non essent apta, qua in aërem asportarentur leviore aurâ aut virtute etiam Solis unâ cum exhalationibus; Neque, quasi non posset ex aëre aliquale nutrimentum in horum incrementum attrahi; cùm udusaër sufficiat, quòd & aqua educendis istis sit satis, uti probatum dedimus; Sed maxime omnium, quòd quiete destituantur seminia per aërem volitantia, cùm impossibile videatur posse nutriri, quod non alicubi fixum habeat corpus, quò dispositò certum excipiat succum. Quiete igitur cum opus sit, eâq. non exigui temporis, ut in granum exsurgat hilum istud, sive minutum semen; hoc quomodo in nubibus, cujusvis venti agitationi obnoxiiis, ipsi concedi commodè queat, minimè est perspicere. Quod si igitur quiete constanti caret semen, necesse est, collidatur perseverante fluctuatione, unde ejus primi conatûs illicò obtundentur, antequam in germen, nedum in herbam, aut caulem turgescat.

Notum

Notum enim est, qui *Mercatores* germinationi granorum occurrant, illorum ventilationem curando sedulo. *Neque est, quod semina vitro indita extra terram & aquam succreverint*; quies tamen illis concessa, ut radicibus projectis minimèque perturbatis & conquassatis, aliquid humidi ex aëre qualicunque ritè excipere, aut lacteum illud intra ipsa reconditum in primam alimoniam commodè digerere valuerint; *Sic aloën, sedum, &c. ex filo suspensa*, non tamen, vel per hibernos menses, marcescere videmus in hypocaustis. *Neque enim sufficiebat Tantalò natàre inter aquas, easque captare, si non illas ore assumere & didere in artus per caulas corporis omneis licuit*; *Sic nec satis est, plantas in udis esse locis, sed necesse est, ut radicibus suis aptè humorem in corpus digerant*; Cum experientia constet *semina pleraque aquis continuo immersa non irrigari infertilitatem, sed suffocari.*

§. V. *Quod nostra grana attinet; hac non esse in aëre nata, ex minimis talibus, nedum ex spicis, facile figura commonstrat, cum non sint cylindrica sive strongyla, sed compressa variè: si natura ipsa generasset, generasset homogeneis conformia. Quin quod tunica lacera cum folliculorum discriptis fibrillis redarguant, ista grana quodammodò fuisse corrupta: Germina quoque tanquam linea nigra ipsa media quæ dirimunt, indicant humectationem protrussisse capita, sed debilem calorem non suffecisse propullulationi: Emarcida enim comparuerint non solum germina, sed & corpuscula solida: Neque in his farina, aut lacteus in novellorum germinum alimentum humor; idque adeò messis ex hac segete rara admodum fuit, & multum degenerans à genuino frumento, uti inspectio herbæ ex horum granorum semente enatæ, (cujus aliquot exemplaria mihi transmissa retuli) dilucidè demonstrat. Ratio idem quoque suadet, quod precedentis anni aestas madida hîc locorum messim haut paucis reddiderit difficillimam; fieri itaque potuit, ut grana memorata glumis suis excussa, aut adhuc spicæ adhærentia, madore continuo desu-*

desuper perfusa, non minus terrâ humectâ, compressâ ante tempus progerminârunt; hiems verò postea accedens tenerima germina exusserit. Quô consiliô, cum nobis *afferri curaverimus ex secali spicas ob pluvium cælum itidem grana intra se germinantia adhuc complectentes*, horum germinationem, granorum nostrorum propius, quàm ad alteram eorum, quæ terræ illum in finem mandaveramus, accessisse, oculis fuit discernere. Habebant enim grana propter udam tempestatem intra spicas germinantia similem in modum fibrillas radicum æmulas; pleraque etiam ex illis erant compressa; omnia fermè germen exile haut absimilem in modum nigricans & emarcidum offerebant. Quamvis in arenâ istiusmodi nondum experiri datum, cujus tamen *germinationem solennem illi nostrorum granorum maximè respondere* annotavimus: Eaquæ etiamnum nobis sedet opinio, *avenacei esse generis*, quod promptius avena glumis aut aristis excutiat; quàm quod eadem facillimè omnium in herbas graminum degeneret.

§. VI. *Ista itaque, cum nostra sit conjectura*, prioris messis incondita grana hujus annonæ pluviam aëri subministrâsse, *quaritur meritò, quomodo grana ista cælò delabi contigerit? An beneficiis patratum dicamus facinus?* neque enim destituitur sagis Curonia, quin frequens ipsarum perhibetur numerus: *Ast non liquet, quem in finem saga istiusmodi ludicrum instituere voluissent; nimis vacivæ horæ dæmoniis fuissent, si in tales nugæ, citra damnum mortalium tantum temporis impendere habuissent; Est enim verosimillimum, non temerè quid à sagis patrari, nisi inimicis incommodum, aut sibi commodum, quomodocunq; exinde promittere queant; Ejusmodi autem pluviale frumentum nec nocumento, nec usui erit. Præterquam, quòd non illicò confugiendum ad veneficia, imprimis, si planior per alios eventus explicandi datur ratio. Casu potius evenisse arbitror, supponens udam messem hæc grana spicis ejecta, aut cum illis humi afflictâ, fecisse,*

cisse negligi; insepulta autem per terras jacentia, ubi plus ju-
stò imbiberunt humoris in germina propullulasse, quæ suc-
cedentis hiemis injuria opprimens fecerit emori: Adventan-
te autem Aprili Anni labentis, nivibus solutis, serenò Vere,
quale nobis t. t. obvenit, siccitate suâ exaruisse grana projecta;
inde evenit, ut levitas illorum, vento an Soli etiam obse-
quens? dubito; ad nubes evecta ibi aliquamdiu hæserit, do-
nec natales suos arenoso in loco repetierit. *Quod verò in istum
definitum locum* irruerint, fortè vicinæ agrorum, qui tales
messes senserunt infelices, debebitur; atque constat Curonien-
ses præprimis operam dare frumentis exsiccandis, quæ pretium
apud Belgas præ aliis inveniant; inde puto tantò majori co-
piâ per agros abjecta ista grana relicta, *ut sufficere potuerint de-
signatæ areæ* opplendæ. *Quod ordine sparsa*, ac si de industria
sata fuissent, istud minimè mirandum relinquit pluvia: Cùm
guttas, modò non impetuosius imbris aut nimbis effun-
dantur, decenti ordine sapiùs arenas pingere concer-
namus.

§. VII. *De pis*is autem & fabulis eadem ineunda ratio:
temporis injuriis aliis atque aliis corrupta in alienam transmi-
grasse naturam vero fit quàm simillimum: *iisdemq; viis*, qui-
bus ad aërem commeârunt, ab illo in terram remeare potue-
runt; *modò non*, quæ ita diu jacuerant neglecta, detecta, erro-
re quodam de cœlo delapsa sint credita.

CAPUT V.

De

Tela sive Bractea nigra.

- §. I. *Non occurrere Aa. qui talem posteritati transmiserint; ut-
ut sint, qui de niveis telis Norwvegicis sint commentati.*
§. II. *Ol. Wormii & Sim. Pauli dissensus circa origines seu
causas telarum Norwvegicarum.* §. III. *De Originibus
seu Causis nostra Tela.* §. IV. *Cl. Krügeri sententia, quod
sit*

fit papyrus artificialis. §. V. Ejusdem argumenta examinantur. §. VI. Quod probatio deficiat, adversante etiam historiâ. §. VII. Quod nihil prodigii in hac occurrat, cum Meteoris sit deputanda. §. VIII. Anacephalaosis.

§. I.

Reliquum est, ut de bractea sive tela illa, quæ papyrus credita, nobis quid in mentem veniat, paucis edisseramus. Non quidem memoriam subit, ejusmodi telam nigram alicubi à Scriptoribus traditam; Albicantem & niveam duo illa Hafniæ Lumina, *Olaus Wormius*, & *Simon Pauli* Scriptis prodidère; ille in *Musæi L. 2. c. 3. Byssinis telis*, inquit, subtilior est arborea illa, quæ Anno M DC XXXIX. reperta in arboribus Norvegia, ubi integra silva arbores hisce ornatas ostentabant; subtilitate planè araneorum telis respondent, sed candorem niveum ab æris, per quem feruntur, humiditate & Solis calore acquirunt. H. I. Nescio, an non eandem memoret & *Simon Pauli*, quando in quadripartito *Botan. Class. 4. Ricinus*; refert, ex nobilissimo regno Norvegia missam, quæ superiori vere aut æstate aliquot jugera in ea obduxisse observata fuerat tenera, telam *Cambrayensem* aut potius papyrus *Chineticam* representans, densa ac albicans.

§. II. Dissentit verò à *Wormio* multum *Simon Pauli* in causis illarum telarum Norvegicarum adducendis, modò de iisdem utrique fuerit sermo. *Wormius* quidem sustinet insectis deberi istarum Originem, cum ejusmodi telas jam aliquot annis in horto suo se conspexisse obtestetur; in unica arbore *Evolvimi*, quæ vermibus scatuit, qui has telas, ipsò arbitrò, elaborarunt tenuissimas, longissimas, candidissimas; præterquam quod in campis ejusmodi telas stipitibus segetum excisarum adherentes sæpius se vidisse, eodemq; Anno in Augusto, maximam copiam per aërem volitantem conspexisse, paulò ante tradiderat. Credidit itaque *Wormius* à vermibus, crucis, araneis, & aliis id genus insectis istiusmodi elaborari; deinde circa brumam ventorum.

rum vi abrumpi, per aërem ferri, atque si in silvam impegerint, arborum procerarum comis adglutinari atque adherere. *Contra ea* verò defendit *Simon Pauli* non esse illud animalculorum opificium, sed bituminosarum exhalationum, aëreum esse foetum: illudque probat ab ipso momento, quò telam memoratam accenderat, ipsaque nondum penitus conflagrarat, quòd sulphuris abundantissimæ sine crepitu & strepitu luculentissimè flagrantis fumo ipsi exasperatæ sint fauces, ut tantùm non elinguis evaserit. Quibus addit, quòd à concrematione, colophonix instar cohæserit.

§. III. *Nostram autem quod attinet telam*, procul dubio *illa nascendi originem in aëre ceperit*; neque enim ex telis animalculorum insectorum in terra fuerit conflata, cum telæ horum neque flammam ita concipiant, neque odorem istum incensæ exhalent, uti re ipsâ agnovimus. Aëreæ itaque fuerit fortis, *materiam suggerentibus exhalationibus sulphureis*, in quibus aridum terrestre, gummoso aqueo prædominari, fuit animadvertere; hincque fortè contigit, ut subnigra evaserit ex adustione qualicunque. Et posse istiusmodi subterraneorum opificiorum amula in Meteoris quoque præter solitum generari in proclivi est demonstrare; vel ex eo, quòd Mineralium & Meteororum natura non ita longè à se invicem distent; utraque enim materiam & efficientem causas solùm agnoscunt: Atque si Meteora habenda sunt alterata elementa, mineralia non minùs habebuntur alterata meteora; Eòdem enim naturæ instituto, eòdem consiliò exhalationes humidæ & siccæ, vaporibus & fumis ad primordia fossilium concurrunt; nisi quòd arctior horum unio, in solidiorem foetum & perennantem, non in horas mutabilem atque adeò fluxum. Et quidni natura illud præstiterit, quod ars suis sublimationibus arctissimæ unioni præstat; cum toties alia atque alia in superioribus partibus vasorum Chymicorum ad ignis virtutem variis modis concrefcere videamus? imprimis verò resinosa sicca apta sunt ad

ad inducendam nigram pelliculam alembicis, si urgentiori vi caloris ad istas sedes fuerint propulsa.

§. IV. Hanc meam sententiam ubi jam tum in chartam conjeceram, postea *Cl. Krügerum in laudato An. 1687. Calendario* discrepantis longè opinionis animadverti. Scilicet Artis opus esse genuinum, *nec analogum papyri, sed ipsissimam papyrum, quam naufragia* inter reliquas mercium jacturas ad litora Sinûs Finnici *fecissent exponi*; expositam verò à ventorum vehementia sublatam, atque ad Curoniensem lacum transmissam deciduam. *Argumenta, quibus persuasus, genuinam papyrum* (natürlich Papier) asserit, sunt fermè sequentia: (1.) quòd texturam referat chartæ bibulæ: (2.) quòd incensa odorem papyri exhalârit: (3.) quòd discerpta uda fibrillas papyri exhibuerit laceras. *Ex naufragis* autem Oceani *rejetaneis* istam fuisse papyrum colorem & odorem potissimùm vult arguere; Colorem, quem nigrum Neptuni salsum hospitium conciliavit: Odorem, quem nauseabundum (*See Mist Geruch*) algæ marinæ dedit vicinia. Fortè & illud erit indiciò, quòd graminis herba hinc inde adhæserit. An quoque & hoc? quòd digiti crassitie alicubi jacuerit coacervata. Quare concludit; *Ich sehe / solch Papier sey von gestrandten Gütern herkommen / nicht aber bey uns in Curland / ungeachtet der Ort vom Strande über acht Meilen ohngefahr. Denn es gieng zwar denselben 3 1sten Tag Januarii ein Wind aus Nord-Osten; Aber nicht so starck / daß er solche Last hätte heben können. So würde man auch bey unserm Strande im Dondangischen bessere vestigia haben / wenn solche Güter gestrandet. Darum will ich meyne Meynung aus meinen Ephemeridibus Meteorologicis wiederholen / und dem Leser für Augen stellen. Es war gerade um die Zeit / da Jupiter und Mars in Oppositione stünden / und die Erde von beyden Seiten ihr natürliches Vermögen heraus zu geben / presseten. Da am 27. 17. Jan. zu uns ein starcker Wind aus Süden kam / und je mehr und mehr sich verstärkende mit Schneejagen und Stürmen nach dem Nord-Pol zugieng / also daß er unfehlbar am 28. 18.*

in Schweden / Lappen / und Finnland seine Kräfte verlohren. Dieser 28ste Tag aber war bey uns stille. Aber am 29. Jan. kam ein greulicher Sturmwind aus Nord-Osten / dem vorigen fast contrarie, welcher ohne Zweifel den Tag zuvor in den Nordischen Dörtern entstanden: Er stürmete bey uns und jagete mit Schnee dergestalt / daß man sich auf der Gassen nicht bergen konnte. Den folgenden Tag / als den 30sten Jan. gieng zwar eben derselbe Nordwind / aber nur mäßig / und continuirte also den 31sten Jan. da diß Papier gefallen. Diß finde ich in meinen Annotatis Meteorologicis. Nun ist wol zu præsumiren / daß der Nord-Ostwind in Lappland entstanden / daselbst hefftiger gewesen / und an dem Finnischen Ufer / in Sinu Finnico, ein solches gestrandetes Papier / welches in einem Pachte eine geraume Zeit im See-Nist gefaulet / und daher die Farbe / nebenst dem Geruch an sich gezogen / ergriffen / mit Gewalt in die Höhe geführet: da es sich mag aufgelöset und ausgebreitet haben / und so mit dem Winde gemählich biß in den dritten Tag (sintemal eine Wolcke wol biß 2. oder 300. Meilen gehet / nachdem sie dicke und der Wind beschaffen) herwärts geführet / und zugleich mit etwas Schnee und Hagel herab gefallen. H. I.

§. V. Atque quemvis suô facilè patiar abundare ingenio. Me sanè nulla ambitio impellit, qui agrè sententiarum feram divortia. Neque tantum mihi tribuo, ut solus rem acu tetigisse videri velim. Absit! quin fateor lubens Cl. Krügerum opimâ magis gavisum esse occasione, cùm udam illam papyrum, & majori copiâ nactus fuerit, quæ mihi sicca, & exili quantitate, vix palmam adæquante, oblata. Cum pace tamen ipsius liceat afferre dubia, quæ assensum prohibent. Præterquam quòd allata argumenta placitum ipsius minùs solidè probent, in Relatione occurrunt, quæ istud redarguunt prorsus. Argumentum à textura quod attinet; posse artificialium specie ludere naturam, tot fossilium eloquuntur monumenta, cùm egregiè cælata opera effodiantur, ut jurares artificis accessisse ingenium. Quidni etiam leviter compactam bracteam, quæ papyrus asperitate aut tenuitate æmularetur, effor-

formaret natura ? Præsertim cùm chartam analogicam , fa-
 lente Auctore , nives & grandines inter , coelò demissam vi-
 derit Pomerania. Utut enim hæc spontè resoluta præscos re-
 petiit navales , telæ tamen Norvegicæ nobis memoratæ , non
 solum texturam retulerunt , sed eam adversus temporis ac
 Solis virtutem satis obfirmatam. *Odorem autem ab incensa no-*
stra tela ; quod illum papyri incensæ , objecerit naribus , hõc
 neutiquam verè papyrum fuisse demonstraveris ; Cùm feru-
 la quoque , ac stramen , &c. incensæ talem odorem oggerant :
 & pleraque ex gummi , terrestris fortis , similem , admota igni ,
 spargunt. *Udam porrò laceratam fibrillas ostendisse ;* neque
 huic vis inest argumento : siquidem probandum , easdem fuis-
 se , quæ propriè dictæ papyri , lini filamenta referentes. Alio-
 quin plurima afferam , quæ dum uda sunt distracta villos præ-
 sentabunt , nullâ ipsâ & papyrum intercedente affinitate.
Quod nostram telam tamen , verè attestari possum , illam salivâ
madefactam , ac Spiritu Nitri imbutam , in loco divulsionis non
 ostendisse fibrillas , quæ hirsutic oras extremas exasperassent ,
 quales in lacerata papyro est videre , sed potiùs instar mem-
 branarum , quæ in gluten coctione jamjam sunt abituræ , di-
 vulsarum partium margines obtulisse læves , minimè hirsutos ,
 id quod non unâ vice experti sumus. *Sicca verò eadem tela*
admodum fragilem se præbet , in frusta levi flexu dissiliens , at-
ritu facilè in pulverem comminuenda. Nec , mari immerfam
fuisse , Color evincet aut Odor ; Non color ; siquidem necdum
 experimentò aliquò Cl. Auctori constat , papyrum , falsæ ma-
 rinæ inditam , nigrorem induere : *Non odor ;* quippe non sta-
 tim quod algam marinam redolet , illicò foetorem hujus de-
 buerit contagio. Nòrunt Chimicorum filii quàm varios
 odores mineralia suppeditent. Vel fulmine tactorum odor
 aut foetor , qui non exiit multiplex. *Neque indubitatò edo-*
ceor , gramineas fibras adhesisse ; fortè lacinia udæ hujus no-
 stræ telæ istam conciliârint speciem : sed & si adhaferit gra-
 minis quidpiam , incertum est , unde locorum acceperit.

Certè

Certè mari , aut maritimæ oræ illud vindicandum minimè.

§. VI. Quod rem totam conficeret, illud foret, si plenius de crassitie , quâ alicubi conspicua fuit tela , edoceri possemus; nempe quomodo illa crassities obtigerit, an per stratum super stratum, cum Chemicis loquendo, ut folia foliis imposita illam confecissent. Sanè si illius rei penitiorem notitiam indipisci daretur , an nempe justâ formâ , ut fasciculi papyri à Mercatoribus componi solent venales, foliorum congeries deprehensa fuerit, ut ordine quoque certò ab invicem potuisset separari; tunc probabilitate suâ sententia *Cl. Auctoris* applausum mereretur. Verùm cùm nullum hujus in tradita Historia obvium sit vestigium, neutiquam demonstratum arbitror, quantum quidem mihi licet perspicere , papyrum esse propriè sic dictam, illamque à mari ejectam: quæ enim allata sunt, cuivis alii corpori naturali æquè ac papyro artificiali competunt. Accedit, quod narratio quædam contineat, quæ papyro artificiali minùs congruunt. Memoratur enim, quòd lacus, quantus quantus fuit, nigrâ istâ bracteâ fuerit obductus; (daß der ganze Platz des Teiches ganz schwarz überzogen;) quòd mensæ amplitudinem fragmenta æquârint; (Stücke eines Tisches groß; daß es grosse Stücke weise / als eines Tisches groß daseibst über und aneinander gelegen;) istâ verò laticudine papyrus nulli unquam visâ, neque officinæ immanis istius amplitudinis ullam efformare nôrunt. Atque ipse *Vir Cl.* à magnitudine necit argumentum, quò colligit, telam nostram non esse foliis arborum aut aliis quibusvis adserendam. (Darum nennet mans Papier / sintemal so wol wegen der Grösse / als auch andern Umstände es für Baum- oder andere Blätter nicht zu achten ist.) Quin quòd visâ coelo delapsa cum nivibus instar floccorum: (daß es mit einem Schnee Flocken weise aus denen Wolcken gekommen:) quæ, si rectè sunt observata, arguerent frustillatim decidisse bracteolas, quæ in lacum incidentes fortuitò contactu in pelliculam integram concesserunt. Id quod
non

non facilius evenire potuit, quàm minerali unà existente bituminosò; hoc enim facillimè in continuam pelliculam jungi aptum est; Cùm & puteorum, quibus minerales scaturigines aquas largiuntur, superficies integris variegatis pelliculis rectas sapiùs concernamus. Huic etiam adscribendum puto, quòd alibi crassior tela (*Finger dicke*;) ubi plura frustula, cum nive delata, coagmentatam reddiderunt elatiorem. *Omnia verò ista à me aquissimò prolata sunt animò.* Æquitatis enim arbitror, nec timidè asserta deferere, nec temerè incerta asserere.

§. VII. *Nihil itaque prodigii in hac occurret telâ, nisi prodigium fecerit raritas; Meteoris ex sicca exhalatione constantibus deputanda meritò.* Ast dices, qui in laminam ad eò tenuem deduci potuit massa? Conjieio, quòd haut absimilis materia, qualis stellis cadentibus adscribitur, viscosa, latè sparsa, cohærens, terrestrior tamen in superis regionibus hæserit, quæ virtute ignis sublimioris perstricta in folium amplum quasi concreverit; excussa verò cum nive variè discerpra, in lacum dilapsa, vi glutinis nativi, rursus in unum coierit. Atque cùm meteora dentur, quæ aliquando latissima spacia pratorum desubitò unâ nocte obducant, itidem telarum ad instar, *de quibus alibi egimus*, quidni & in hoc nostro efformando; parili ingenio uti potuerit natura.

§. VIII. Istud itaque ex dictis liquere æstumamus, *non confugiendum facile in rebus, quæ natura subsunt ad peregrina & extranea; sed neq, confundendas esse veras rerum naturalium causas, cum iis, quæ fortè fortunâ aut casu tale quid efficere possunt.* Idquæ statum esse nobis placitum, *vivacia corpora, qualia sunt & vegetabilium, non posse generari citra semen aut seminis analogum; quin nec ex minutis seminum in aëre volitantibus posse inibi produci granum, nedum ex grano spicam.* Quæ autem mineralis sortis sunt minùs solida, licèt rariùs obveniant, meteoris tamen esse vindicanda, cùm horum effecta ex contingentibus non unius generis; quòd inconstantia c

rum, si ullibi in latifundio Physico, in Meteororum sanè regno principem faciliè obtineat locum.

CAPUT VI.

Quis usus ex nostra Exercitatione in
Medicam redundet.

§. I. An ad Medicum etiam spectet Meteororum Contemplatio, & quomodo? §. II. Quod insolitorum in aëre generatio aliquid sanitati animalium portendat. §. III. Istius ergo quaesitum, an animalia & Vegetabilia generentur in aëre; ubi dubium, an ex pluvia animalium morbi? §. IV. Quod Historia doceant animalia, e. g. locustas subito irruisse citra Morborum sequelam; De nocumento autem à Vegetabilium pluvia nullum traditum exemplum. §. V. Mineralium pluviarum disparem esse rationem, quoad sanitatem & morbum, qua Tractatio alii Exercitationi servatur.

§. I.

Quæ quidem ita à nobis tradita, parùm facere ad Medicinam; quin prorsus non hanc artem tangere videntur Meteorologica; quamobrem Hippocr. Lib. de Princ. (Tom. I. Sect. I.) fatetur, se de Meteoris non opus habere dicere: (πεὶ δὲ τῶν μετεώρων εἰδὲ δέομαι λέγειν.) Verùm enim verò Idem Physicâ æquè excellens ac Medicâ, cùm discipuli Aristotelis profectus Præceptoris laudes satis edisserant, in libro de Aëribus, Aquis, Locis (Tom. I. Sect. I.) quando edocet, quæ, quisquis vult rectè Artem Medicam investigare, necesse habeat facere; primum omnium expendenda Anni tempora dictitat, quidnam illa præstare valeant; Atq; (Sect. II.) objectioni, quod alicui hac Meteorologica videri possent, occurrit, quòd non minimam partem Astronomia, ad quam ipse Μετεωρόλογα revocat, ad Artem Medicam conferat, sed omninò pluri-

plurimam εἰ δὲ δοκέοι ταῦτα Μετεωρόλογα εἶναι, εἰ μεταστῇ τῆς γῆ-
 ρος, μάθοι αὖ ὅτι ἐκ ἐλάχιστον μέρος, συμβάλλεται ἀστρονομίῃ ἐς ἰατρικὴν
 ἀλλὰ πάνυ πλεῖστον. Quod equidem, quomodo sit intelligen-
 dum L. c. de Principiis summam exponitur; Ubi non opus se
 habere, ait, de Meteoris dicere, nisi in quantum ad hominem &
 reliqua viventia, quæ sunt, & nata sunt, pertinet, unde se de-
 monstraturum dicit, & quid anima sit, & quid sanitas, & mor-
 bus, & quid in homine malum ac bonum, & unde moritur. H. I.
 Quare, cū Princeps nostræ Artis exigit à Medico, ut tempo-
 rum anni rationes & mutationes habeat perspectas, quò ex
 illis præcognoscere possit Occasiones morborum; utiq; cogni-
 tio pluviarum prodigiosarum sive generationum insolitarum in
 aëre, huic studio inserviet.

§. II. Etenim insolitorum generatio in aëre, insolentem
 aëris convincet immutationem, quæ nunquam non nativum
 temporum Anni temperamentum, ut cum Quinto loqua-
 mur apud Galenum, inficiet; quò infectò, necesse est corpora
 animalium etiam affici; tantò gravius, quantò insolentius
 istæ aëris immutationes fuerint subortæ: Quando enim tem-
 peramentorum, Anni temporum mutatio naturalis paulatim fit,
 ut à nemine totò tempore sentiatur; aut quando confertim qui-
 dem, ut quoq; sentiatur, non tamen affatim aut immoderatè: ubi
 in istum modum anni tempora procedunt & in se mutuò conver-
 tuntur, tunc non existit pestis ulla, neq; quisquam alius morbus
 vulgaris, sed soli dispersi, quos Hippocrates vocat morbos, qui vi-
 etus sunt comites; docente Galeno in 1. Hippocr. de Morbis Vulg.
 Comm. I. Contra illa verò, ubi subita temporum fit inter se
 conversio, id quod ob aërem immutatum ex generatione in-
 solitorum fieri necesse est, tunc verò maximè mortalium salus
 periclitabitur.

§. III. Quem in finem, cū necesse sit illum, qui vult com-
 ponere Tractationem de Arte Medica commune principium sen-
 tentiis supponere, uti itidem Hippocrates nos docet L. c. de Princ.
 Nos hâc vice indagavimus, ex quibus cœlitus delapsis aeris im-

mutatio colligi possit. Atque cum Vegetabilia & Animalia in aëre generari posse pernegavimus, illo palam reddimus nil periculi ex istiusmodi pluviis prodigiis Sanitati pertimescendum, cum minimè arguant aliquam aëris immutationem alienam, quæ mutationis Anni temporum p.n. atque ita etiam morborum communium foret causa. Licet enim contingat & aërem immutari post animalium pluviam, ut apud Wolsium Richardus Wasseburgius ex Historiographis adducit, quod circa Annum 873. universam Galliam maximè verò Lotharingiam & terras finitimas ac vicinas Germanorum invaserint innumerabiles bestiae & vermes locustis longè grandiores, habentes sex pedes, sex alas; atq; hinc grassatam fuisse tantam pestem in animalia bruta, ut canes, fugientes hoc malum, omnes amiserit Lotharingia, adeò, ut ibi diu, nec mortui nec vivi fuerint reperti. H. I. Tamen per se aëris mutationem non infert insectorum pluvia, cum illo, quod commeatum animalculis præbeat, aër inquinetur minimè; per accidens verò ubi cadavera horum insepulta diu exponi contingit, utique & aër illis inficietur: Ita enim apud Aa. cit. quod cum hæ locustæ submersæ fuerant in profundo maris, postmodum verò mare mortuas rejecerat ad litora & ad flumina, tunc demum putrefactis illis corruptum aërem & ingentem enatam pestilentiam. Id quod etiam Julius Obsequens cap. 90. aliò exemplò confirmaverit; Locustarum ingentia, inquit, agmina in Africa, quæ à vento in mare dejectæ, fluctibusq; ejectæ, odore intolerabili Cyrenis mortiferò vapore, gravem pestilentiam fecerunt pecori, hominumq; DCCC millia consumpta tæbe proditum est. H. I. Quam Historiam plenius August. 3. de C. D. 31. enarrat: quod causam verò pestis, Lætii Sermonis s. c. 94. vide sis.

§. IV. Præterquàm quod obvia erunt exempla, quibus locustarum pluvia nil monstri sanitati attulerit; ut quando locustæ multæ, in ipsam urbem Romam devolantes, ab hirundinibus consumptæ memorantur à Scriptoribus rerum Romanarum: sic & circa Annum M D XLI. in plurimis Europæ pro-

provinciis; & sequenti Anno M D XLII. peculiariter in Marchia incredibilem ingentium locustarum multitudinem subito exortam, annalibus est creditum, nullò aëris vitio, sanè *pluviam Vegetabilium ullò modò corrupisse aërem, nullis indicis Historiarum probabitur; fortè nec ratio illud concesserit, positò etiam, quòd in aëre eadem generari possent.*

§. V. Contra illa verò, *Mineralium* in aëre cùm adstruatur à nobis generatio, utique horum *pluvias aliquid sanitati portendere*, nobis videtur vero quàm simillimum. Quæ tamen res quòd plenior exigit Tractationem, cùm inquirendum: An omnium ista sit conditio, an verò quorundam; & an horum magis, an magis illorum; atque an eadem ratio istorum respectu anni temporum? respectu animalium? &c. quòd in hisce talibus, *præunte Galenò in l. de Morb. Vulg. Hipp. Com. l.* non solum aër, sed & anni tempora, sed & corpora animalium, variè in consilium sint adhibenda: Quæ omnia peculiari Exercitationi servamus, finientes cum Hippocrate lib. de aëribus l. c. *quòd qui isto modò rimatus fuerit & præcognoverit temporum occasiones, maximè de singulis sciet, ut plurimumq. sanitatem assequetur, & rectà viâ procedet, non minimà sua artis gloriâ.*

SOLI DEO GLORIA.



D. JOHANNIS IGNATII MUSCHEL
de Moschau

THEOREMA PHYSICO-MATHEMATICUM.

1. Calor, qui producitur à Sole existente in Zenith, habet eandem proportionem ad calorem, qui producitur à Sole existente extra Zenith, quemadmodum habet sinus totus ad sinum elevationis horizontalis Solis existentis extra Zenith.
2. Quemadmodum se habet sinus unius elevationis Solis ad sinum alterius elevationis Solis, sic se habet calor, qui producitur à Sole in elevatione priore ad calorem, qui producitur à Sole in elevatione altera.

ANtequam ad demonstrationem progrediar, Benevolum Lectorem admonere volui, quòd non intendam demonstrare proportionem exactissimam, quæ ad quantitates incommensurabiles se extendit, nam talis non tantum in materia proposita est impossibilis, sed etiam licet possibilis foret, nullam tamen utilitatem adferre posset. Quapropter sufficiet, si proportio demonstrata ordinariò calculò trigonometricò subjici possit. Ne autem in progressu demonstrationis rem dubiam adferre videar, hinc quædam evidentia theoremata physica, quæ demonstrationem ingrediuntur, prius proponere volui.

THEOREMA I.

Manifestum est, quòd plures radii solares ad idem spacium cadunt, eò intensiorem ibidem producant calorem, & vicissim quò pauciores cadunt radii ad idem spacium, eò remissiorem ibidem producant calorem. Hanc notitiam benè demon-

monstrat Optica, dum per collectionem radiorum Solis res combustibiles accendit, siue hæc collectio fiat per specula siue per vitra sphericè elaborata. Quapropter propositum theorema pro indubitato habeo, & pro principio demonstrationis assumo.

THEOREMA II.


Pro manifesto habeo, quòd duo radii solares ad idem spacium cadentes in duplo maiorem producant effectum, quàm si unus tantum cadat, similiter in triplo maiorem producent calorem, si tres cadant radii ad idem spacium, quàm si unus tantum cadat. Denique universaliter calorem proportionally ad copiam vel paucitatem radiorum in idem spacium cadentium intendi aut remitti pro indubitato habeo.


THEOREMA III.

Causa ejusdem energiae, & eodem modò disposita semper eodem modò, & æquè multum operatur.

His præmissis ad demonstrationem progredior, pro quâ intelligenda, vide Figuram III.

- N. 1. Sic linea horizontalis LK, hujus medium sit punctum C, circa quod descriptus sit circulus verticalis LBAK. Punctum A Zenith, & centrum Solis ibidem existens. B centrum Solis extra Zenith existentis.
- N. 2. Connectantur AC, & quia ABL est quadrans circuli, idcirco fient anguli ACG & ACH recti.
- N. 3. Connectantur B & C, & quia B est extra Zenith, idcirco arcus BL est quadrante minor, adeoque angulus BCZ fiet acutus.
- N. 4. à centro Solis A eleuetur (per Prop. II. lib. I. Euclid.) perpendicularis AM ad ipsam AC, item ab eodem puncto A eleuetur versus alteram partem perpendicularis AN ad eandem AC, quæ perpendiculares
seca-





secabunt peripheriam Solis in N & M, fientque anguli MAC & NAC recti.

- N. 5. à centro Solis B eleventur (per Prop. II. lib. I. Euclid.) perpendiculares BO & BP ad ipsam BC, quæ perpendiculares secabunt peripheriam Solis in O & P, fientque anguli OBC & PBC recti.
- N. 6. Per Prop. II. lib. I. Euclidis elevetur perpendicularis NG à puncto N ad ipsam NA, item à puncto M elevetur pariter perpendicularis MH ad ipsam AM, fientque anguli GNA & HMA recti.
- N. 7. Per Prop. II. lib. I. Euclidis elevetur perpendicularis OD à puncto O ad ipsam OB, item à puncto P elevetur pariter perpendicularis PE, fientque anguli BOD & BPE recti.
- N. 8. Extendantur rectæ OD & PE indefinitè versus I & T.
- N. 9. Per Prop. II. lib. I. Euclidis elevetur à puncto C perpendicularis CD ad rectam BC, item ab eodem puncto C elevetur perpendicularis CE versus alteram partem ad rectam BC, fientque anguli BCD & BCE recti.
- N. 10. Per Prop. II. lib. I. Euclidis cadat à puncto B ad rectam LK perpendicularis BZ, quæ sinus erit anguli BCZ.

Dico Calor, qui producit in spacio GH à Sole existente in A, habet eandem proportionem ad calorem, qui in eodem spacio GH producit à Sole existente in B, quam proportionem habet recta AC ad rectam BZ.

Quoniam anguli GNA, NAC & ACG (per n. 6. 4. & 2.) sunt recti. Ergo (per Prop. 21. supplement. in Euclid.) spacium NACG est parallelogrammum rectangulum, item quia anguli HMA, MAC & ACH (per n. 6. 4. & 2.) sunt recti. Ergo pariter (per Prop. 21. supplement. in Euclid.) spacium HMA C est parallelogrammum rectangulum; habent

bent autem hoc & præcedens parallelogrammum bases NA AM , utpote semidiametros Solis æquales, item communem altitudinem AC . Ergo (per Prop. 26. suppl. in Euclid.) erunt præfata parallelogramma æqualia similiter, & consequenter GC & CH sunt æquales, item anguli NGC & MHC propter rectos oppositos (per Prop. 34. lib. I. Euclidis) recti erunt. (α)

Intelligatur figura $EPOD$ superponi super figuram $GNMH$, & quia CB & CA utpote radii ejusdem circuli sunt æquales, idcirco sibi mutuò congruent, cadetque C supra se ipsum & B supra A , item quia OBC est angulus rectus (per n. 5.) similiter MAC est rectus (per n. 4.) idcirco sibi mutuò congruent cadetque BO super AM , quæ utpote semidiametri Solis æquales pariter sibi mutuò congruent, cadetque punctum O ad punctum M , item quia BOD & AMH sunt recti (per num. 7. & 6.) pariter sibi mutuò congruent, item ACH & BCD sunt recti (per n. 2. & 9.) adeoque sibi mutuò congruent. Quapropter (per Prop. 30. suppl. in Euclid.) totum spacium $CBOD$ & parallelogrammum $CAMH$ sibi mutuò congruent, eruntque similiter æqualia. Rursus anguli CAN & CBP utpote (per n. 4. & 5.) recti sibi mutuò congruent cadetque BP super AN , quæ utpote semidiametri Solis æquales sibi pariter mutuò congruent cadetque punctum P super punctum N , item anguli ANG & BPE utpote (per n. 6. & 7.) recti sibi mutuò congruent, item anguli ACG & BCE utpote (per n. 2. & 9.) recti sibi mutuò congruent. Quapropter (per Proposit. 30. suppl. in Euclid.) totum spacium $EPBC$ & parallelogrammum $GNAC$ sibi mutuò congruent eruntque similiter æqualia, & consequenter $EPOD$ erit similiter æquale ipsi spacio $GNMH$, eruntque lineæ GC & EC æquales; item CD & CH , eritque etiam ED recta eo quod GH sit recta: item quia GC est æqualis ipsi CH (per α) pariter EC æqualis erit CD , item quia NGC est rectus (per α) etiam

etiam PEC rectus est. Similiter quia CHM est rectus (per α) etiam CDO & CDI recti erunt, & pariter BC & OD parallelæ erunt, sicut & BC & PE parallelæ sunt. (β)

LK secat unam parallelam BC in C (per n. 1.) Ergo (per Prop. 12. suppl. in Euclid.) & reliquas parallelas PE & OD secabit in punctis F & I , facietque (per Prop. 29. lib. I. Euclid.) angulos BCZ & DIZ æquales. (γ)

In puncto B est idem Sol, qui est in puncto A (per n. 1.) & lineæ PE & OD eodem modò sunt limbis Solis P & O applicatæ, sicut NG & MH applicatæ sunt limbis Solis M & N , suntque PE & OD respectu Solis B eodem modò sitæ, quemadmodum situm habent NG & MH respectu Solis A (per β) Ergo (per theorema 3.) Sol existens in puncto B non potest plures nec pauciores radios projicere intra parallelas PE & OD , quam projicere potest existens in A intra parallelas NG & MH . (δ)

FI secat & consequenter claudit lineas PE & OD (per γ) & GH secat & consequenter claudit lineas NG & MH (per α) Projicit autem Sol existens in B tot radios intra lineas PE & OD , quot projicit existens in A intra lineas NG & MH (per δ) habetque FI & GH à centro Solis quoad punctum medium C eandem distantiam (per n. 1.) Ergo Sole existente in B tot radii intra lineas PE & OD cadentes recipiuntur in spacio FI , quot radii Sole existente in A intra lineas NG & MH cadentes recipiuntur in spacio GH . (ϵ)

Linea FI (per Prop. 9. lib. 6. Euclidis) concipiatur divisa in tot partes, quot radios solares (Sole in B existente) recipit, unde quia singulis partibus singuli correspondent radii, idcirco (Sole existente in B) radii recepti in GH , erunt æquæ pars vel partes radorum (Sole pariter in B existente) receptorum in FI . Quemadmodum pars vel partes est GH ipsius FI , & consequenter (secundum definitionem proportionalitatis) radii recepti in GH (Sole in B existente) eandem habent proportionem ad radios (Sole in B existente)

receptos in FI, quam proportionem habet ipsa linea GH ad FI. (2)

Tot radii solares (Sole existente in B) recipiuntur in FI, quot radii solares (Sole existente in A) recipiuntur in GH (per ε) Ergo (per Prop. 7. lib. 5. Euclidis) radii solares (Sole existente in B) recepti in GH eandem habent proportionem ad radios solares (Sole existente in A) receptos in GH, quam proportionem habent iidem radii solares (Sole existente in B) recepti in GH, ad radios solares (Sole existente in B) receptos in FI. Atqui radii solares (Sole existente in B) recepti in GH, eandem habent proportionem ad radios solares (Sole in B existente) receptos in FI, quam proportionem habet ipsa linea GH ad FI (per ζ) Ergo (per Prop. II. lib. 5. Euclid.) radii solares (Sole existente in B) recepti in GH, eandem habent proportionem ad radios solares (Sole existente in A) receptos in GH, quam habet linea GH ad lineam FI. (η)

Per theorema 2. proportio caloris unius à radiis solaribus producti, respectu caloris alterius à radiis solaribus producti est eadem, quæ est radiorum in uno eodemque loco receptorum calorem priorem producentium, respectu radiorum in eodem loco receptorum calorem posteriorem producentium. Habent autem radii solares (Sole existente in B) recepti in GH, eandem proportionem ad radios solares (Sole existente in A) receptos in eadem linea GH, quam habet linea GH ad lineam FI (per η) Ergo (per Prop. II. lib. 5. Euclid.) Calor à Sole existente in B producitur in spacio GH, habet eandem proportionem ad calorem à Sole existente in A productum in eodem spacio GH, quam habet linea GH ad FI. (θ)

In triangulis FEC & IDC sunt bases EC & CD æquales (per β) item anguli DCI & FCE ad verticem sunt æquales (per Prop. 15. lib. I. Euclid.) item anguli CDI & CEF sunt æquales eò quòd sint recti (per β) Ergo (per Prop. 5. suppl.

suppl. in Euclid.) tota triangula sunt similiter æqualia, & consequenter latera æqualibus angulis opposita æqualia sunt: idcirco FC æquale erit CI, & consequenter FI duplum erit ipsius CI; sicuti & duplum est GH ipsius CH eò quòd (per α) GC & CH sint æquales. Quapropter cùm FI sit duplum ipsius CI, sicuti duplum est GH ipsius CH, erit CI ipsius FI æquè pars, quemadmodum CH ipsius GH pars est, & consequenter CI ad FI eandem habet proportionem, quam habet CH ad GH. Habent autem CD & CH utpote (per β) æquales eandem proportionem ad CI (per Prop. 7. lib. 5. Euclid.) Ergo (per Prop. II. lib. 5. Euclid.) CI ad FI eandem habet proportionem, quam habet CD ad GH, & consequenter (si fiat permutatio terminorum secundum Prop. 16. lib. 5. Eucl.) habebit CI ad CD eandem proportionem, quam habet FI ad GH. (i)

In triangulis ZBC, & DCI, sunt anguli BZC & CDI æquales, eò quòd prior sit rectus (per n. 9.) posterior verò (per β) rectus est, item æquales anguli sunt BCZ & DIC (per γ) & consequenter anguli ZBC & DCI (per Proposit. 32. lib. I. Euclid.) æquales sunt. Ergo (per Proposit. 4. lib. 6. Euclid.) sunt præfata triangula similia, quapropter latera circum æquales angulos sunt proportionalia, & homologa sunt, quæ æqualibus angulis subtenduntur, eritque proportio CI ad CD eadem, quæ est BC ad BZ. Quia autem proportio CI ad CD est eadem, quæ ipsius FI ad GH (per i) Ergo (per Prop. II. lib. 5. Euclid.) proportio BC ad BZ est eadem, quæ ipsius FI ad GH. (ii)

BC & AC utpote (per num. i.) æquales eandem habent proportionem ad BZ (per Prop. 7. lib. 5. Euclid.) habet autem BC ad BZ eandem proportionem, quam habet FI ad GH (per ii) Ergo (per Prop. II. lib. 5. Euclid.) AC ad BZ eandem habet proportionem, quam habet FI ad GH, & consequenter (invertendo secundum Prop. 4. lib. 5. Euclid.) BZ ad AC eandem habet proportionem, quam habet GH

* H 3 ad

ad FI. Habet autem calor à Sole in B existente productus in spacio GH eandem proportionem ad calorem à Sole existente in A productum in eodem spacio GH, quam habet linea CH ad FI (per §) Ergo (per Prop. II. lib. 5. Euclid.) calor à Sole in B existente productus in spacio GH eandem proportionem habet, ad calorem à Sole existente in A productum in eodem spacio GH, quam habet BZ ad AC, & consequenter (invertendo secundum Prop. 4. lib. 5. Euclid.) calor, qui producitur in spacio GH à Sole existente in A, habet eandem proportionem ad calorem, qui in eodem spacio GH producitur à Sole existente in B, quam proportionem habet recta AC ad BZ, quod erat ostendendum.

Secundò, si fuerint duæ elevationes horizontales diversæ Solis extra Zenith, v.g. BL & SL, quarum sinus sint BZ & SR. Dico calor, qui producitur à Sole existente in B, habet eandem proportionem ad calorem, qui producitur à Sole existente in S, quam habet BZ ad SR.

Per conclusionem præcedentem habet calor, qui producitur à Sole existente in A eandem proportionem ad calorem, qui producitur à Sole existente in S, quam habet AC ad SR. Ergo (per Prop. 4. Euclid.) calor, qui producitur à Sole existente in S habet calorem, qui producitur à Sole existente in A eandem proportionem, quam habet SR ad AC. Atqui per conclusionem præcedentem calor Sole existente in A habet eandem proportionem, ad calorem Sole existente in B, quam habet AC ad BZ. Ergo (per ordinatam proportionum compositionem secundum Proposit. 22. lib. 5. Euclid.) calor Sole existente in S ad calorem Sole existente in B eandem habet proportionem, quam habet SR ad BZ, & consequenter (invertendo secundum Proposit. 4. lib. 5. Euclid.) calor Sole existente in B ad calorem Sole existente in S eandem habet proportionem, quam habet BZ ad SR, quod erat secundò ostendendum.

Modus autem concipiendi fit talis : Linea FC concipiat-
 tur passuum paucorum, & quia Sol major est quàm terra, cer-
 tum est, lineam PF à puncto F ad limbum Solis inferiorem
 ductam cum BC concurrere in aliquo puncto, à quo puncto
 concurrentiæ si ducatur rursus recta ad limbum superiorem,
 secabitur ZK in puncto I, postea concipiantur NG & MH
 similiter convergentes, quemadmodum PE & OD conver-
 gentes conceptæ sunt, fietque GH æqualis ipsi ED. His
 positis triangula FCE & CDI, modicè variabunt, quàm si
 lineæ PE & OD parallelæ fuissent, quæ variatio ob parvita-
 tem in calculo trigonometrico non est attendenda, si tamen
 quis calculo trigonometrico inquirere præfatam exiguam dif-
 ferentiam cuperet, facillimè poterit, nam angulus FCE est
 complementum ipsius BCL. Angulus FEC ferè 16. mi-
 nutis primis est major quàm rectus, unde ope trigonometriæ
 innotescit EC talium partium, qualium est FC, rursus in
 triangulo CDI notus est angulus DCI, quia est æqualis
 ipsi FCE, item notus est angulus CDI, quia est æqualis ipsi
 CEF, item notum est latus CD, quia est æquale ipsi EC, un-
 de invenitur CI talium partium, qualium est CD, seu FC.
 Quapropter patet, quòd proportio caloris alio modo calcu-
 lo trigonometrico subjici possit, per quem præcedens exami-
 nari potest.

Quamvis per modò dicta omnis difficultas ablata sit, ni-
 hilominus tamen ad majorem confirmationem. Dico ab-
 solutè non requiri ad proportionem demonstrandam, ut in
 linea FI radii solares æqualiter distribuuntur, nam propor-
 tio caloris inquiritur respectu puncti C & non respectu pun-
 cti F aut I. Unde sufficit, quòd proportio caloris à parte rei
 sic se habeat respectu puncti C, qualiter calculo trigonometri-
 co demonstratur. Ut autem hoc demonstrem prius ex sup-
 plementis in Euclidem, sequens propositio cum sua demon-
 stratione intelligenda est.

PROPOSITIO.

Si à duobus punctis in basi trianguli existentibus (quorum unum ab una extremitate basis eandem habuerit distantiam, quam habet alterum ab altera extremitate basis) eleventur duæ rectæ inter se & alterutri lateri parallelæ, secantes alterum latus trianguli, tunc pars trianguli inter parallelas intercepra ad totum triangulum, habet eandem proportionem, quam habet linea à punctis illis intercepta (à quibus præfatæ parallelæ elevatæ sunt) ad ipsam basin trianguli.

Videatur Figura IV: Sit triangulum AFI, cujus basis FI, distet punctum G ab extremitate basis F, æquali distantia, quia punctum H distat ab extremitate basis I, sintque à punctis G & H ductæ rectæ GB, & HD inter se, & lateri AF parallelæ, secantes alterum latus AI in punctis D & B. Dico superficies BGHD, habet eandem proportionem ad superficiem totius trianguli AFI, quam habet linea GH ad lineam FI.

Dividatur FI per medium in C, ducatur parallela CK ipsi AF secans AI in K, ducatur per K parallela OM ipsi FI, secans AF in O, & BG in N, ducatur IM parallela ipsi AF, secans OM in M, extendatur HD, donec secet OM in L.

Quoniam OM & FI sunt parallelæ, item OF & IM. Ergo OMIF est parallelogrammum: rursus NL & GH sunt parallelæ, item NG & LH. Ergo NDEL est parallelogrammum, & quidem habens æqualem altitudinem cum priore. Ergo (per Prop. I. lib. 6. Euclid.) superficies NGHIL habet eandem proportionem ad superficiem OFIM, quam habet GH ad FI. (α)

CK est parallela ipsi FA. Ergo (per Prop. 2. lib. 6. Eucl.) secat latera FI & AI proportionaliter, est autem FC æqualis ipsi CI ex hypothesi. Ergo & KI & AK æquales sunt. (ε)

Dec. II. Annus VII.

* I

In

In parallelogrammo $KCIM$ sunt latera opposita KM & CI æqualia; item in parallelogrammo $OKCF$ sunt latera opposita OK & FC æqualia, sunt autem FC & CI æquales lineæ ex constructione. Ergo & OK & KM sunt æquales lineæ. (2)

In triangulis AKO & KIM sunt AK & KI æquales lineæ (per β) item OK & KM sunt æquales lineæ (per 2) & anguli AKO & IKM ad verticem sunt æquales (per Proposit. 15. lib. I. Euclid.) Ergo (per Prop. 4. lib. I. Euclid.) tota triangula AKO , & KIM sunt æqualia, & consequenter si addatur cuilibet superficies communis $OKDIF$, evadet triangulum AFI ipsi parallelogrammo $OMIF$ æquale. (3)

In parallelogrammo $NKCG$ & $KCHL$ sunt GC & CH æquales (quia sunt residuæ æqualium FC & CI , à quibus lineæ FG & HI æquales ablatae sunt.) Ergo & latera opposita NK & KL æqualia sunt. (4)

In triangulis BNK & KLD sunt anguli alterni BNK & KLD æquales, item anguli BKN & LKD ad verticem, item bases NK & KL (per 4) Ergo tota triangula sunt æqualia, & consequenter si cuilibet triangulo addatur superficies communis $NKDHG$ evadet superficies $BGHD$ æqualis ipsi parallelogrammo $NGHL$. Unde cum (per 2) superficies $NGHL$ ad superficiem $OFIM$ eandem habeat proportionem, quam habet GH ad FI . Ergo (per Prop. 7. lib. 5. Euclid.) superficies $BGHD$ æqualis ipsi $NGHL$ habebit eandem proportionem ad triangulum AFI æqualem ipsi superficiem $OMIF$, quemadmodum habet GH ad FI , quod erat ostendendum.

Redeamus nunc ad nostrum propositum, concipiamus radios solares in Figura prima taliter esse in linea FI distributos, ut circa I sint pauciores, & circa F plures hâc lege, ut numerus semper proportionaliter crescat ab I versus F , tunc certum est, quod radii inæqualiter distributi sint, sicut superficies trianguli in secunda figura inæqualiter super basin susten-

sustentatur, nimirum major portio circa F quàm circa I, & sicut manet eadem proportio superficiei BGHD ad totum triangulum, quæ est lineæ GH ad FI; sic in prima figura (cùm F à G & I ab H æquè remotum sit) eadem proportio radiorum in GH receptorum ad radios in FI receptos erit, quæ est lineæ GH ad lineam FI, licèt plures radii recipiantur circa F quàm circa punctum I.

Ex dictis colligi potest, quòd omnis difficultas, quæ moveri potest, proveniat ex hoc, quod Sol sit corpus valdè magnum, projiciatque radios à partibus singulis seorsim in totam lineam FI, ita ut circa F & circa I radii recipiantur projecti ex partibus Solis circa limbum superiorem existentibus, idem dicendum de reliquis partibus singulis. Quare patet, cùm partes inferiores Solis non tantam habeant altitudinem, quantam habent superiores, necessariò ab illis minorem produci calorem, quàm ab istis. Si Sol omnes radios tanquam ex uno puncto projiceret, clarissima propositi Theorematis posset fieri demonstratio. Hinc cogitavi non ineptum esse, si Sol in plurimas partes divisus concipiatur, & singulis applicaretur demonstratio theorematis, nam tali modò plurimæ abscinderentur difficultates. Inspiciatur Figura V, in qua lineam FI sit passuum paucorum, ab F ducatur ad O utpote limbum inferiorem Solis extra Zenith existentis recta FO, & postea ab I ducatur parallela IYP ipsi OF, abscindens partem Solis OPY, postea secetur corpus Solis in partes per lineas QX, RV, ST &c. & sic consequenter donec de corpore Solis nihil ampliùs restet; debet autem quælibet linea à sua vicina tantam habere distantiam, quantam habet YI ab OF. Rursus per similiter distantes lineas dividatur Sol in Zenith existens in partes. His factis, quia FI est linea paucorum passuum, hinc in illa radii ex solâ parte Solis PYO cadentes æqualiter distributi concipi possunt, & consequenter demonstratio theorematis, quæ in prima figura toti corpori Solis in B & A existentis applicatur, modò parti OPY, &

ABK applicanda est excutiendo timorem ex parallelis convergentibus ortum. Rursus eadem demonstratio partibus PQXY & BCLK applicari potest, veluti in Figura V. patet, & consequenter simili modò omnibus partibus corporis Solis seorsim præfata demonstratio applicari potest. Et cum manifestum sit, quòd radii singularum partium Solis extra Zenith, cum radiis singularum partium Solis in Zenith, eandem habeant proportionem, quam habet sinus elevationis Solis horizontalis extra Zenith ad sinum totum. Ergo (per Prop. 18. lib. 5. Euclid.) omnes radii simul Sole extra Zenith existente cum omnibus radiis simul, Sole in Zenith existente similem veleandem proportionem habent. Unde patet propositum.

Sed dicis verum quidem esse, quod dictum est, modò à parte rei omnes partes Solis eandem haberent elevationem horizontalem. Nam manifestum est, partes Solis extra Zenith existentis circa limbum superiorem habere maiorem elevationem horizontalem, quàm partes circa limbum inferiorem habent, similiter Sol existens in Zenith unicò puncto elevationem requisitam habet, eò quòd cæteræ partes extra Zenith existant, quapropter cum ultima explicatio requirat has condiciones, non videtur omni difficultati satisfacere. Respondeo quoad primum, licèt major sit elevatio partium superiorum Solis extra Zenith existentis, quàm partium inferiorum, quia autem calculus trigonometricus dirigitur ad elevationem centri Solis, idcirco recompensatur per excedentem elevationem partium superiorum, quod negligitur per deficientem elevationem partium inferiorum. Quòd autem hæc recompensatio assumi possit, patet, quia sinus elevationis limbi superioris additus ad sinum limbi elevationis inferioris, dat summam, quæ per medium divisa dat quotientem ferè æqualem sinui elevationis centri solaris. Quoad secundum respondeo, licèt tantum centrum Solis sit in Zenith, quia autem sinus elevationum reliquarum partium, vix à sinu toto differunt,

Fig. V.
 appendicis.

ad pag. 67.





Fig. VI.



e.

[Faint, illegible text, possibly bleed-through from the reverse side of the page]

runt, idcirco in calculo trigonometrico nulla orietur difficultas, siquidem tales minutias trigonometria negligit.

Objicies subindè in maxima elevatione est exiguus calor, & in parva elevatione est magnus calor, nam tempore pluvioso in maxima elevatione est satis frigidum, & tempore serenò in parva elevatione Solis est satis calidum. Ergo theorema propositum repugnat experientiæ. Respondeo, demonstratio proposita tantum theorema allatum verum esse cæteris paribus asserit, quapropter comparitio caloris cum calore ubique tempore serenò instituenda est. Similiter dicendum est, si objectio fiat ratione apogæi & perigæi, item ratione signorum, in quorum unò Sol majorem potentiam, quàm in altero habet.

Objicies secundò per refractiones radiorum in elevatione Solis humiliori tollitur veritas theorematis, nam refractione efficit apparenter Solem altiorem, quàm in re sit, & consequenter radii non tam obliquè cadunt, & idcirco calor erit major, quàm calculus trigonometricus monstrat. Secundò per refractionem magis concentrantur radii solares ad locum angustiores, siquidem Sol major apparet, & idcirco calor etiam ex hac ratione major erit. Respondeo quoad primum, quòd elevatio ob refractionem apparens major possit calculo inquiri, siquidem tabulæ in similes usus extant. Quoad secundum respondeo, quòd augmentum caloris ob concentrationem radiorum facillimè inquiri possit, si habeatur diameter Solis apparens, tam per refractionem aucta, quàm prout extra refractionem existit. Et tunc calor auctus ob refractionem habebit eandem proportionem duplicatam ad calorem, qui foret, si nulla refractione in rerum natura esset, quam proportionem habet simplicem diameter per refractionem aucta ad diametrum extra refractionem.

Objicies tertio horâ decimâ ante meridiem, & horâ secundâ post meridiem est eadem Solis elevatio, & tamen major calor est post meridiem, quàm ante meridiem, ergo theorema

rema fallit. Respondeo, concedo antecedens, nego consequentiam, nam theorema demonstrat, quantus calor à Sole producat, tam horâ decimâ ante meridiem, quàm horâ secundâ post meridiem, non autem quantus calor sit in rerum naturâ utrâque horâ, nam calor in meridie productus à Sole valdè alto, horâ secundâ post meridiem adhuc aliquantulum perdurat, unde necessariò horâ secundâ post meridiem calor major erit, quàm horâ decimâ ante meridiem, quamvis eadem actio Solis sit pro utrâque horâ.

Præterea observandum est, quòd licet in figura prima FI sit linea, nulla sequatur difficultas, si super FI tanquam basi in plano horizontali concipiatur parallelogrammum, rectangulum ædificatum, cujus altitudo sit exigua, v. g. unius passus, nam hâc ratione parallelogrammum rectangulum æquè altum super GH ædificatum habebit eandem proportionem ad parallelogrammum super FI, quam habet linea GH ad lineam FI.

Præter propositas objectiones & difficultates, si adhuc aliquid moveri posset, facile ex dictis solvi poterit, & licet plerisque demonstratio allata obscura videatur, spero tamen, quòd à Mathematicis doctis intelligetur, siquidem demonstrationes Euclidis libri quinti longè obscuriores esse, illas legentes fatebuntur. Si autem vitiò typographicò præter spem error obscuracionem inducens contigerit, quod facillimè in hac materia fieri potest, sequenti annò illum DEO dante detegere propono.

Quæret etiam Benevolus Lector, qualia sint supplementa in Euclidem, quæ sæpius in demonstratione citata sunt. Ad hoc respondeo, quòd præfata supplementa sint mea, quæ consistunt in centum & viginti aliquot propositionibus, quæ neque in Euclide, neque aliis authoribus continentur, inserui autem præfata supplementa demonstrationibus valdè benè, primò, quia multa ex illis compendiosè demonstrantur, secundò, quia multa absque illis demonstrari non possunt.

Unde

Unde si nasutus Momus mihi objecerit, quòd ex Euclidis elementis facile mea supplementa demonstrari possint, & idcirco ego frustraneum quid superaddiderim. Huic impono, ut ex elementis Euclidis, aliisque authoribus deducat & demonstret: qualiter geometricè describi debeant duo cubi æquales duobus segmentis coni, si conus sectus fuerit per ellipsin, item qualiter describi debeant duo cubi æquales duobus segmentis sphaeræ qualitercunque per planum sectæ. Postquam hæc deduxerit, libenter mea supplementa nihil valere fatebor. Taceo, quod librum quintum Euclidis, in quem plerique Mathematici tanquam in scopulum inciderunt, totaliter reformaverim & ad clariorem formam reduxerim, siquidem ostendo, quòd in libro quinto Euclides ob defectum principiorum evidentium, in quantitatibus incommensurabilibus à viâ demonstrativa deviaverit. Et hoc obiter propter Momos insinuasæ sufficiat.

Objicies ultimò, hoc theorema est contra communem Philosophiam, quæ docet, quòd ideò calor in altiore elevatione Solis sit major, quàm in humiliore, quia in illâ angulus incidentiæ radiorum solarium in planum horizontale est major, quàm in ista, sed in hac demonstratione deducitur ex copia majori radiorum in idem spaciū cadentium, major calor, & ex copia minori minor calor. Ergò hæc sententia deflectit à communi Philosophia. Respondeo, hanc sententiam tantum esse contra miseros rixatores, non autem contra Philosophos. Sufficit, quòd scientificè ostenderim aliud, ubi illi nec umbram alicujus probationis afferunt.

[A. 1689. M. Jan. Noribergam missa.]

D. ROSINI LENTILII
NOTABILIA,

De
VENÆ SECTIONE ET URINA.

De Venæ Sectione.

A *Nn. II. Dec. II. Observ. 154. Ephemeridum nostrarum,* Viri à me facta mentio, cui non, nisi motu corporis insigni præviô, sanguis è pertusa vena profluxit; nunc plura circa Venæsectionem notabilia, hisce temporibus à me observata adducere non pigebit. Tinctor nostràs, Vir obesus tam habuit angustas & profundas in utroque brachio venas, ut sæpè jam pertusæ, atq; adeò callosæ, Sanguinem denique fundere recusârint; hic autem spleneticus & dolore lienis sæpè laborans, ut solet vulgus, omnem spem in pertusione venæ spleneticæ sinistri brachii, hepaticæ dextri oppositæ, collocavit; suasi proinde jam ante annum, ut corpus ante basilicæ, & usque ad sudorem moveret, quam Cheirurgum accerferet, sed irritô consiliô; nam vena, tametsi saucia, vix guttatim sanguinem ploravit: permisimus tamen longâ morâ, ut uncia circiter duæ exstillarent; hinc suasi, ut mediana dextri brachii secaretur, unde præterpropter sex uncia exhaustæ. E duabus his venis unum sanguinem collocavi seorsim, visurus, numquid esset inter utrumque differentia. Pomeridiè, cum redirem, qui guttatim è sinistra plaga stillavit sanguis, floridissimus, absque sero, aut hoc sanè paucissimo, repertus: E mediana dextri brachii proruens, ferè, nil nisi serum, & exigua concreti cruoris pars, crusta è viridi cœrulescente tenacissima (bilem vocant Rasores) obducta, Cheirurgo magis, quàm mihi, miraculo fuit.

Idem

Idem Tinctor ante biennium obductum tali crustâ sanguinem, cum multo sero, exhibuit. Post, cum me suasore, *balneis Bollenfibus, Ducatus Württembergici* uteretur, inde vegetior longè rediens, exhibuit nobis sub autumni initium, sanguinem satis laudabilem. In antiquos autem errores diætæ lapsus, idem denuò sanguinis vitium sibi accivit. Quoties autem venas manuum aut pedum aperuit, heic, uti mos est, impositis aquæ calenti artubus, ubi per pauca minuta sanguis in vase constitisset, mirum dictu! hujus ne guttam in eo reperisses, sed in aqua loturæ carnis æmula, natantem gelatinam albicantem, pellucidam, scissilem, quales solent esse gelatinæ pedum quorumlibet, aut ossium, sine croco paratæ. Hic præteritâ æstate balneas prælaudatas equidem repetiit, sed ita, ut singulis diebus, etiam cum jam balnearet, ad tres nonnunquam quatuor mensuras generosissimi Neccarini exantlaret. Inde reversus ascito-tympanitem incurrit. Ulus autem est ope vicini cujusdam, ejusque famosi, nunc equidem ingratiss Præctici, quondam Carnificis, qui iteratis, alternis diebus, purgantibus *dragmōis*, eundem ad internecionem excarnificavit. Senator hujus urbis, Vir torosis lacertis & vultu roseo intuentium oculis ablandiens, ante hos annos Venæsectione profudit sanguinem, qui concretioni expositus, intra duas vel tres horas, locò feri, lac merum, consistentia, colore, sapore separavit, elegantissimâ cruoris & lactis confusione. Suasi, ut *acidus Göppingenses* biberet, quod effectu haut equidem contemnendo, ab ipso præstitum. Cum tamen rediisset, cucurbitulas scarificatas patitur, postridièque innatantes cruori guttas propemodùm lacteas, non sine terrore vidit, mihi quæ conspiciendas præbuit. Jussi, esset bonò animò, alicunde has guttas esse derivandas. Sub initium enim autumnii, vulneratâ brachii sinistri venâ, sanguinem eructavit, cujus serum, equidem pallore quòdam lactis serum, neutiquam verò lac ipsum æmulabatur. Attamen vere præteritò, cum iterum venam aperiret, rursus albicantius serum repertum, sed,

iteratis *acidis Göppingensibus*, auctumnus pallidius vice secundâ exhibuit. Quid porro sit futurum, ignoramus.

Circa Venæsectionis administrationem cum primis notanda quinque veniunt: 1. *an?* 2. *cui?* 3. *quomodo?* 4. *quantum?* 5. *quando?*

I. Qui Venæsectionem omninò non, & nusquam admittunt, ii næ faciunt intelligendo, ut nihil intelligant. Sunt autem illi vel Antiqui vel moderni, utrique magni nominis Auctores. Illos, quidpe ficulneos Adversarios referre, quid attinet? Sunt autem *Erasistratus* & *Asclepiades* *Apæmantes*, *Strato*, &c. quorum ratiunculas ipse *Galenus* refutare non est dignatus, ridiculas eas meritò jure censens *lib. de Venæsect. contra Erasistr. c. 2.* Id autem laboris per sanè doctè in sese susceperunt, Excellentissimi Viri *D. Maur. Hofmannus*, *disp. pecul. de Venæsectionis necessitate An. 1661. Altdorfi habita*, & *Frid. Hofmannus Meth. Med. l. 2. c. 13. p. 202. seqq.* quos, qui volet, adire potest. Fatentibus autem his ipsis Viris, majoris sunt roboris & ingenii, quæ *Helmontius* passim, in odium Venæsectionis, evomit, ne scilicet (prioris *Hofmanni* elogiò) quid inausum intentatumq; relinqueret, quod *Academiarum* & *nationum consensu probatum cerneret*. Sed reverà, si rem omnem oculis mentis intueamur, & ejusdem *Helmontii*, ejusque *Mimi*, *Gremisii*, argumenta, tanti ponderis minimè sunt, ut proptereà remedium utile debeat exulare. Vanus essem, si in omnibus refutandis occuparer, ut, quod feliciter satis, locò dictò, bini *Hofmanni* fuerint exsequuti. Verùm, ut pauca quædam addamus: Quisquis cum *Helmontio* statuit, plethoram ad vires in homine nullam, nec etiam, si quædam adesset, eam nocituram, cum sanguis & vires sint correlata, hæ autem, etiam in *Mathusalem*, non abundare queant, is, dico, grandem reverà & inexcusabilem errorem errat. Cur enim *Natura* sæpè febres, aliosque ex ὀρυσμός sanguinis dependulos morbos, hæmorrhagia critica solvit? Cur tantum, in hæmorrhoidibus ritè fluentibus, præsidii positum, ni sanguis abun-

abundare posset, eaque sui abundantia naturæ vim inferre? Sed verò, quid subest impediementi, quò minus abundare sui copiâ viribusque sanguis queat? Num ergò non huic datum, quod reliquis humoribus? Quoties in lactantibus lac abundat, ut inde distendantur mammæ, ut ipsum vel effluat copiosè, vel coaguletur in mammis, & malorum cohortes procreet? Immò, cur abundat serum, sanguinis frater genuinus? Siccine nec hoc per sudores & diuresin eliminandum, per fonticulos & alia? Certè, ex voluntate *Helmontii*, per legitimam consequentiam, evacuationes istæ deberent è Medico apparatu exulare: Nam, quid privilegii præ sero sanguis habeat, & evacuatio una præ altera? quin & seri vitia vel copiam præcipitatione solâ corrigemus? In salacioribus abundat semen, excernitur spontaneâ pollutione, cur non & sanguis abundare possit? Sed in sanguine vita hospitatur. Quid tum? numquid exsiliet vita per venæ hiatus? atqui fortè & in sero vita latefcit, ut sit metus, ne cum sudore eadem exauriatur. Si sanguis abundare non potest, cur in feminis abundat? immò, cur aliquæ parcam sanguinis menstrui profusionem patiuntur, aliquæ ad octiduum, & quod excedit, largissimam, utraq; perinde sanæ? nonne in his ultimis major est sanguinis probi, quàm in primis, copia? nam sanguinem menstruum esse aut alio per se impuriorem, aut planè venenatum, hodiè vix credimus. Quum itaque ex laudabilis nutrimenti copiâ posse sanguinem plus augeri nimio, nil quidquam prohibeat, inde quoque sequitur isthanc copiam haut parum quidem sanitati adferre detrimenti. Nam, quum venis determinata sua capacitas è trinitate dimensionum obtigerit, numquid hæ non à sanguinis mole distendantur? at, quid ex illa vasorum distensione nimia, nisi è vitiato sanguinis motu orta anxietas, cordis palpitatio, suffocationis metus? quod autem hi promptius auxilium, quàm sanguinis subtractio, solâ venæsectione & analogis, perficienda? Igitur, cum probatum sit, sanguinem copia peccare posse, & proinde dari plethoram, illicò

licò per se *Merodensia* fundamenta corruunt. Sed & sanguis qualitate peccans Venæsectione corrigitur. Hic rursùm *igneus Philosophus*: Quòd si musca aut aranea incideret in cyathum vini, quis adeò demens esset, ut, relictâ in vino muscâ aut araneâ, illud effunderet? aut vinum simul cum musca pessumdaret? annon convenientiùs, solam muscam aut araneam, intactò vinò, ex vasculo exterminare? Largimur Tibi, *Helmonti*, ambabus manibus, priùs fore stultum, si quis id faceret, cùm muscam sine vini dispendio eximere datum est. Sed, en Tibi exemplum aliud? Si vinum tuum muscarium fluctuaret in vitro angustissimi & longioris colli, v.g. in phiola, pellicano &c. quid cum esses factururus? Numquid sanguis in humano corpore, ceu cupâ cerevisiariâ, natat? num in eo impuritates muscarum & aranearum adinstar vehuntur, ut liberum sit cuiquam, eas forcipe comprehensas eliminare? adeò hoc simile non est tantùm dissimile, adeò non tantùm claudicat, sed omninò catalepticum decumbit. Quum igitur, e.g. in febribus, ex nimio Sulphure per Salia exsuscitato in sanguine oritur ebullitio, quâ, per expansionem sanguinis, venæ distentæ, anxietates pariunt, non video, quæ Venæsectionio cum emolumento adhiberi non queat. Demptò enim sic sanguine, non tantùm, qui in venis restat, spatium sibi liberiùs adipiscitur, sed & effera maximè sanguinis pars, per mobilitatem suam, quâ datâ portâ, tunc proruit, pacatiore & minùs fermentabili relictâ, cum ægri levamine grandi. Qui balnea justò calidiora ingrediuntur, hiant ore, quasi suffocandi, cum anxietate plus satis affligente. Quæ, amabo, causa? Quòd ex Aëre per calorem subtiliato, & inspirato, sanguis in ebullitionem, suiq̃ue expansionem, cietur, unde venæ distentæ & cor conquassatum, sanguinis motum ordinarium depravant, hinc anxietas? cùm quis exit balneò, illicò quieta omnia. Succus nutritius etiam in vegetabilium genere haut rarò abundat? Hinc in aliquibus locis, ne justò lætiùs ex pingui succo frumenti grana succrescant, & mole propria

priâ corruant, oves depascuntur culmina, vel ipsa falcibus demetuntur, quod vocant, frumento scarificare (den Saamen schreyffen.) Sic ex nimia succi abundantia non rarò sterilescunt & prorsus emoriuntur arbores, quod, cùm futurum hortulani suspicantur, cultrò corticem fauciant, ductò per truncum & ramos insigniores vulnere perpendiculari, ut latici detur illinc egressus, quam ipsam operationem, analogicè Venæsectionem appellitant, (den Bäumen lassen.) Adeò non verum est, succum nutritium, nec posse sui copiâ detrimentum afferre, necesse propterea minuendum. Sed obijciunt nobis *Helmontius* & *Adseclæ*, dari alia quædam arcana medicamenta, quibus longè promptius morbi, Venæsectione curari soliti, sine exhaustionem sanguinis, tolli queant: Rogo, quænam ista sunt arcana? per amorem Dei, cur ista non propalatis? Cur vos, & ejusmodi farinæ sodales, estis tam invidi arcanorum vestrorum celatores, (Germ. vocant, *Tuffmäuser*) qui vobiscum sepeliri vultis arcana, si qua habetis, ut certè rarò habetis? Sed habeatis sanè! Vehementer tamen ego, cum *Fr. Hofmanno*, l. c. dubito, num ea sint virtutis tantæ, ut Venæsectionis esse vicaria queant? Atque, si maximè vos habetis, nos tamen, quia iis destituimur, cogimur istis uti remediis, quibus nos esse profuturos confidimus. Interea quemlibet Arcanistam in arenam provoco, veniat, si vir est, & suis arcanis, sive Corallinis, sive margaritinis, idem, quòd ego unicâ Venæsectione, in certis affectibus, efficiat! Populos Septentrionales quod attinet, fateor equidem, eos rariùs uti Venæsectione, & satis esse vivaces: Sed 1. Coelum eorum frigidius est, & inclementius, quàm, ut sanguis tam promptè effervescat, ideoque & rariores apud eos febres malignæ, & omnes morbi, à vicio sanguinis plus justo sulphurei, oriundi, crebriores serosi & salini; hinc, quum Venæsectione non adeò indigeant, cur eam admittant? Secùs se res habet in Climatibus calidioribus, id quod expertus loquor, qui Medicinam in *Curlandia* feci.

2. Isti populi non sunt adeò luxui dediti, sed utuntur victu

simpliciore, propterea nobis in genere vegetiores. Reliqua *Helmontii* & *Poterii* vide locis *Hofmannianis* refutata. Sed & sunt plures alii Venæsectionis in se saluberrimæ insectatores, inter quos primus prodeat *M. Kergerus*, tr. de ferment. Sect. 3. cap. 3. Hic enim in omnibus febrium generibus, nisi plethora urgeat, Venæsectionem damnat, & quamvis *Helmontio* mitior sit, ut qui plethoram agnoscat, in eo tamen præmodum videtur rigorosus, quod Venæsectionem in omnibus febribus exulare jubeat, nisi, ubi ipsa plethora adest; cujus prope-modum ternas adfert rationes: 1. Consideremus, inquit, annon sufficiens indicium inutiliter administrati tam generosi remedii sit, quod paroxysmus Venæsectionem sequens non minuatur, sed omnium sit vehementissimus, teste *Sennert. de febb. c. 13. p. 271.* Resp. *Sennertum* loqui de febribus intermittentibus, non continuis, malignis &c. quò in casu plures magni nominis Practicos sibi consentientes habet, quin & me, omnium minimum, in *disp. inaug. de febre tertiana*: immò ipsam rerum Magistram experientiam. Nec deest ratio, ubi notandum, non æquè subsequum calorem esse atrociorē, sed frigus potius, seu horrorem. Dum enim causa febrium intermittentium non primariò latet in sanguine, sed in chyli visciditate, qui propter Salium puriorum, acidi lymphatici & alkali chylosi effervescentiam, in lumbis primò, post, ob ductum thoracicum, dorso, denique totò corpore, frigoris sensum excitat: quis non videt, necessario, demtò sanguine, frigus seu paroxysmum vehementiorem excitari, cum sanguis, sulphure suò depauperatus, jam debilior est, ut isti frigori resistat, sed victas quasi manus dare cogitur. Quomodo infusò denique chylò in venas subclavias & cor, excitetur post frigus calor, vid. fusiùs in *dicta disput. mea.* Distinguendum igitur inter febres continuas & intermittentes: in illis utique, in his rarò Venæsectionem admiserimus. 2. Cur laticem illum pretiosissimum studiò exantlamus, qui à febre, (quem febris) heu nimium! depascitur? ut planè in febribus absumtum fuisse,

fuisse, observatione constet. Resp. Observationum illarum
circumstantias ego non novi, quibus ignotis de causa depasti
sanguinis iudicium ferre non licet. Quod autem latex ille,
utcumque pretiosus, in malignarum & ardd. febrium ini-
tio, non exantletur, sed minuatur, fit (α) ne cor, focus ca-
loris, à sanguine ebulliente, non plus nimio obrutum, statio-
ne sua deiciatur, cum vitæ periculo: cum satius sit, illud
paucum, eumque bonum sanguinem continere, quam fu-
riosò cruoris impetu in opere suo sufflaminari. (β) Ut san-
guinis & spirituum ferocia mitigetur, & in pacatiorem statum
omnia redigantur. (γ) Ut Salibus illis volatilibus, fermenti-
scibilibus, detur exitus, & tamen aliqua in recessu maneant,
ea tamen tantam naturæ vim inferre non queant amplius,
quàm sui copiâ poterant. Natura quippe (dicant alii Ari-
starchus;) quò debiliores experitur suos hostes, eò promptius iis
resistere valet. Non statuo, cum vulgo, solum sanguinem
impurum à Natura per plagam tusæ venæ extrudi; sed inte-
rim spiritus ferocientes non confertim, unâ cum sanguine,
quâ datâ portâ, ob mobilitatem suam erumpere posse, & ra-
tione suæ naturæ actu erumpere, quis negabit? Nos sæpè illu-
dimus rasoribus, quum suadent, in affectibus cumprimis pe-
ctoris flatulentis, asthma comitem habentibus, minimam san-
guinis portionem emittendam (*man soll eine Luftlässe thun*) sed
non prorsus esse de nihilo, qui rationi jungunt experientiam,
Practici testabuntur, & qui vel tantillum sanguinis emittunt,
illicò spirare liberiùs, ego plus vice simplici sum expertus,
quidnî enim flatus, factò per plagam exitu, prouant cum
ægri levamine? 3. Crebra sanguinis missio, homines febr-
aptores reddit, *Willisò teste cap. 9. p. m. 75.* Resp. *Willisus*
ibi hanc opinionem, ceu vulgi, videtur adduxisse, & nescio
sanè, num rationes ibi adductæ punctum omne ferant; sed
his missis. quis non videt, *Willisum* loqui de Venæsectionibus
præservatoriis, non curatoria in febre; scilicet eos dici ad fe-
bres proclives, qui singulis annis, bis vel amplius, vernò &
autu-

autumnali temporibus, vigore consuetudinis, sanguinem profundunt? quæ res, quam huc minimè quadret, est in aprico. Nostere quidem *Arion in Ephem. Dec. II. An. IV. append.* Veteranum cujusdam exemplum profert, qui, quoties venam secaret, corripere tertianâ; sed hoc rursum nihil ad nos, quia tertiana est intermittens. Porro audio, adesse remedia, & præsentiora, & jucundiora & tutiora, quæ sanguinis fermentationi sedandæ dicata. Resp. Posito, quod ejusmodi remedia dentur, at esse præsentiora, vix concesserim; siquidem unâ Venæsectione in momento, sed tempori, peractâ, plus effecero, quàm senis pulveribus præcipitantibus; ideoque, dum inducias malum non patitur, tantisper Venæsectione sanguinis tumultum sistere licebit, ne sit in mora periculum. Videamus autem, quænam celebrentur præsentia illa, jucunda tutaque remedia? Commendatur itaque *humiditatis subtractio* è massa sanguinis, quam scilicet pressò pede sequatur defervescencia; hanc Veteres peregerunt (*a*) *abstinentia*. Resp. Abstinentia in febribus per sanè multum valeat; sed est ea vel cibi, vel potus: Cibi abstinentiam maximæ febricitantium, cohorti imperare superfluum est, dum ab ipso statim initio morbi, dejectò appetitu, sine Medici imperio satis abstinent; Dum autem interiùs uruntur ægroti, eos à potu arcere, minimum abest à latrocinio. Quur enim feri depastio non faciat potu, & cur ægri nimîa siti fatiscant? Cur ignis ille internus non debilitetur accessu humidi? Et, si maximè valeret abstinentia, Medicus hodiè tota Germania exigeretur, si ægris suis abstinentia quadraginta circiter dierum (sic enim antiqui solebant) mederi vellet. (*β*) *Per diuretica & sudorifera*. Et hæc quidem est via curandi febres tritissima, ab omni tempore magni habita, eò, quod malignitas, sub vehiculo feri, tunc eliminari per vesicam aut corporis peripheriam crederetur, id quod non est adeò veritati dissentaneum, siquidem Salia solvuntur in sero: Et sudorifera sanè locum sibi vendicârunt in intermittentibus, quia & exanthematibus non-

nun-

nunquam : Sed, ne quid nimis ! Nonne quis oggesserit, quod *Helmontius* venam secantibus facit, nempe serum utile unà cum *Salium* *μίσμασι* protrudi, quum fortè medicamenta dentur, quæ *Salia* ista, sine feri depauperatione, suppressere queant ? Et, cum sanguis in continuis (de quibus semper loquor) sit fervidissimus, cur eidem subducimus serum, ejus refrigeriò tam necessarium ? Cur *Sulphur* sanguinis hòc modò exaltatur, ut eò lubentius ardere queat ? Cur perpetuis sudoribus ægri exhauriuntur ? Certè mihi non parùm suspectos esse sudores, in quacumque sanguinis *ζέσσι* universali, liberrimè fateor, qui, cum aliis, expertus sum, sanguinem in malignis è vena secta eductum, quò minus est serosus, eò majus ægro periculum portendi, eò quòd ab Igne interno serum jam sit protenus absumentum; item, multum spei affulgere, si cutis semper sit subuvida, parùm, si arida, ob eundem feri defectum. Proinde nec *Diuretica*, nec *Sudorifera*, tutum nobis, ob feri exhaustiorem, auxilium suppeditarint. Meliùs longè *Kergerus* eruditus videtur sentire, de *excessu humidi*, febres quasi suffocante, dum per idem fermentatio sistitur, & proinde frigida potum, tempestivè adhibitum, è *Galeno* commendat. Sed tamen in præcipitantibus anchoram spei fundavit omnem, quum ita infit: Ego ab anno 1649. in hunc diem, per integros quatuordecim annos, ultra mille febricitantes, sine *Venæsectione*, sine purgatione, sine sudoriferis, sine diureticis, sine alterantibus, sine corroborantibus, sine topicis, & si quid prætereà, *unicò ferè medicamento præcipitante* curavi &c. quas febres, tametsi maximam partem intermittentes fuisse judico, attamen & continuas cum *Vir Excell.* recenseat, eum verè felicem existimo, me verò infelicem, qui sine *Venæsectione* vix unam aut alteram continuam tam promptè debellare novi: Dico, tam promptè, nam, ubi jam per dies aliquot febris duraret, coactus, intermissâ *Venæsectione*, ad alia confugere, utcumq; iis medicatus sum. Sed pace omnium modernorum dixerim, me vehementer dubitare, an cuncta

ista alkalia, terrea, fixa, quæ præcipitandi fine, in febribus præcipuè, tum & aliis affectibus propinquantur, sui quod est officii, *præcipitando* magis, *an contemperando & dulcificando Salia effera*, exsequantur? Nemo non hodiè *præcipitantia*, *præcipitantia*, loquitur, & plures eum in finem, ne videantur *Galenici*: Sed, quis ejusmodi præcipationem, qualis est Chymica, in vasis, præcipuè sanguifluis, comminiscatur? In præcipationibus Chymicis, quod præcipitatur & ad fundum subsidet, procul dubio est magma crassius, seu pulveris, seu resinæ facie, quàm ipse liquor, ex quo præcipitatum erat: jam, si talis est fecum salinarum in venis præcipitatio, quorsum deponitur istud magisterium (liceat ita loqui) morbosum? Certè, si quid tale præcipitaretur, venas procul dubio infarciret, non sine secutura grandi noxa, quòd in podagricâ tophorum præcipatione videmus. Quod igitur præcipitantia facere perhibentur, id ego magis adscripserim *dulcificationi & mitigationi Salium*, unde fermentatio cessat. Objiciat aliquis, siue præcipitantia, siue dulcificantia vocentur ista medicamenta, perinde est, modò febris absque Venæsectione tollatur: Huic ego respondeo: Febres istiusmodi quidem posse sine Venæsectione tolli, sed non commodè; & cum statuo mitigatione & dulcificatione Salium fermentantium ebullitionem sanguinis esse tollendam, me requirere non tam illos pulveres præcipitantes communes, quàm alios quosdam huic scopo magis aptos jam recensendos. Itaque de febribus continuis ita statuo: Indicationes primariæ sunt (1.) *Effervescencia humorum sedanda*: (2.) *Æstus compescendus*. Primum scopum duplici ratione attingimus, & quidem *Venæsectione*, quâ tantisper utemur, dum *Helmontiani* arcana sua nobis aperiant; hæc administranda ab initio, inque succulentis larga vel duplex: postea *medicamentis sedativis demulcentibus*, qualia sunt blandè adstringentia, & absorbentia, ut *Spec. Diacret. Pub. Hepat. r. absorb. Wedel. Cinnabarina, Martialia, Lap. hamat. &c.* Ego tali pulvere uti soleo: R. *Spec. Diacret. Myns.* (quæ

(quæ simul tonum ventriculi respiciunt) *℞. Vitrioli, Martis, Cinnab. nativ. āā. gr. v. Lap. Prunell. ℞. M. F. Pulv. propinandum bis in die. Secundum scopum attingimus humectantibus & refrigerantibus: decoctis variis cum sero lactis, emulsionibus, papaveraceis, Sirupo de papav. simpl. cum Aqua Malv. hausto & similibus, quin & epicerasticis & incrassantibus: Obstructioni medemur largiori potatione; siquidem ex sola intestinorum siccitate dependet, quæ humectationem indicat, aut, si cedere nolit, Clysteribus simplicissimis, non omissis etiam convenientibus externis. Et sic dimissō Excell. D. Kergero, aliqua adhuc respondere cogimur egregio Tackio, qui in illustri tractatu *Chrysogonia animalis & mineralis*, Venæsectioni haut suave encomium occinit, cum p. m. 111. ita loquitur: (1.) *Sinarum populi in Nanking longè vivaciores nobis sunt, & Medici ibidem Venæsectionem gravissimum meritò autumant errorem; unde jejunio potius, aliisque refrigerantibus sanguinem ad debitam temperiem reducunt, quàm sanguinis depletionem, dicuntque, non idèò, quòd ferveat in olla, effundendum jusculum, sed, si compescere velis, ignem subducendum. Resp. Isti Sinarum populi, ut sint nobis vivaciores, fortassè ipsorum diætæ magis, quàm intermissæ Venæsectioni adscribendum. Simile jusculi in olla ferventis eòdem locò poni meretur, atque superiùs Helmontianum: Ignem tam promptè sanguini subducere non licet, affusò refrigerio, ac ollæ; interim Patiens intereat, dum id fiat successivè. Hodie vix est Regio super Terram, quantumvis barbara, quæ Venæsectionem non administret; hinc una Sinarum Regio nobis (liceat hoc uti verbò) non præjudicat; quamvis nec Sinos hanc omninò abhorreere infra probaturi simus ex Itinerario Saarii. In Regno Tunquin Venæsectionis usum non esse, ceu mirabile quidpiam Tavernier descript. illius Regni cap. 10. notat, quod non facturum erat Ulysses ille Gallicus, si eam plures Orientales plagæ respuerent. (2.) Sanguis est humor ille, in quo defertur Spiritus vitalis. Concedo: Sed hîc unà cum sanguine potest**

peccare copia, & efferari quoque, hinc subducendum non nihil. (3.) Ante inventam phlebotomiam per aliquot milleanos homines salubriori constitutione vitam exegerunt, nostrâque ætate rustici & *Westphali* vitam, ad cervorum panem ætatem vegeti prorogant: Noti sunt mihi (*Tackio*) ætatis decrepitæ senes octuagenarii & ultra, qui nunquam Venæsectione usi sunt, vegetiores aliis quinquagenariis, eò quod vitales spiritus non minuerint, calidumque innatum & humidum radicale unâ cum sanguine non emisserint. Resp. Sunt fallaciæ secundum non causam ut causam: Ante aliquot millenarios tantus non erat hominum luxus, hinc illi vivaciores, distinguendum itaque inter tunc & nunc. Plurimum medicaminum apud Veteres non erat usus, quæ hodiè saluberrima experimur, cujus causâ moderni feliciores eramus prædicandi. Rustici nostrates, tantum abest, ut Venæsectionem negligant, ut potius sui sint sanguinis plus satis prodigi, nihilominus infumatis illis *Westphalis* vivaces, quos venam non secare in dubio relinquo. Sint octuagenarii Venæsectionis contemtores quinquagenariis vegetiores, ego in contrarium producere possim exempla octuagenariorum, qui Venæsectione in ipsâ hac provecta ætate maximò suò commodò uterentur. (4.) Hippopotamus, unicum animal, nos Venæsectionem docuit, cum alia hoc animante vegetiora dentur animalia, sanguinem non profundentia. Resp. Ibis Ægyptiaca Clysteres monstravit, quæ non propterea deterioris sunt conditionis, licet aliæ aves Guttur inferius hæc methodò non eluant. (5.) Vitis aliæque arbores, ad radices vulneratæ, emissò succò in Naturam suam convertendo, multum deperdunt. Resp. Radix est cor arboris; nemo cor vulnerat, ut inde sanguinem educat; rami fauciati nil incommodi arboribus adferunt: præciduntur vites, ne succus luxurians officiat fructui, quod argumentum pro nobis militat. Vid. quæ supra paullò de arborum Venæsectione sunt dicta. Postremò, quum *G. Hornius in sua Arca Moysis præfatione* dicit: Vires humanas male-

maledictâ Venæsectione & adhuc pestilentiori purgatione exhauriri, eam ego quidem opinionem longè pestilentissimam censeo. Quidquid sit, ut maximè nullâ ratione Venæsectionis usus probari posset, experientia tamen totò die reclamat, quæ melior est mille rationibus. Quot apoplectici, quot catarrhis suffocativis enecandi, quot ex asthmate suffocandi, quot hæmorrhagiis nimis per nares, hæmorrhoides, uterum, plagas interimendi, longè saluberrimam Venæsectionis opem senserunt? Hanc, quoties in uteri hæmorrhagia, lochiisque ad exanimationem usque profluentibus, insigni cum successu, administravit summus noster *Aræteus*, cujus in *Dec. II. Cent. I.* observationes utilissimæ prostant? In febribus malignis, petechialibus, præteritâ hyeme grassantibus, qui ab initio & maturè Venæsectione essent usi, nulli periëre, reliqui verò sanis urinâ & pulsibus, propemodùm omnes. Profectò, si nulla superesset ratio, fidem mihi tamen, ratione potior, experientia faceret. Hinc laniones & sanguisugæ non sunt, qui Venæsectionibus utuntur moderatè; qui secùs passim, sine urgente necessitate, venas exhauriunt ad libras & animi deliquium, ii quidem & mihi culpantur. Ergo demonstravimus: *Venam esse secandam.*

II. In quæstione, *Cui?* breviores erimus, ubi primò *Ætas* occurrit, &, quum formidetur Venæsectio in minoribus 13. annis & majoribus 60. illicò hîc occurrit quæstio, *num & infantibus & pueris vena sit aperienda?* Inclinat *Excell. Fr. Hofmannus l.c.* in sequiorem partem: Huic autem meritò rationem, quam ille mox in adferenda senum, etiam decrepitorum, Venæsectione attulit, oppono, & hæc est: Si graves & acutos morbos possunt experiri senes, omninò etiam illorum remedia ferre possunt: quidni hoc etiam ad infantes & pueros applicari queat? Venæsectio itaque prudenter adhibita, in tenella ista ætate nil formidanda, cùm & hæc sanguineis fermentationibus sit subjecta; ubi proinde indicatio, ibi & indicatum, cùm, præter metum, contraindicans nihil videam.

deam. Immo cum refractarii sint plurimum pueri in sorbendis pharmacis, Venæsectione præsentius utemur, ut tamen id fiat prudenter. Quum examen *Altdorfi* sustinerem, *Exc. Maur. Hofmannus* inter alia quæsiuit: quid essem factururus, ubi infantem profusione sanguinis opus habere cernerem? Quam ipse quæstionem ita solvit: *Nasi radicem esse millefolio recenti fricandam, & vi hamagogâ, secuturam hæmorrhagiam*: ergo nonnunquam opus habent sanguinis missione infantes. Faciendum est in nostris urbibus cautè procedendum, eò quòd res sit hæcenus insueta, venas infantibus pertundere, quod si fieret inauspicatò, in Medicum faba cuderetur. De senibus hodiè nemo dubitat, progredior itaque ad *sexum*. Occurrunt hîc *gravida, num & quando missione sanguinis indigeant?* Hîc iterum videatur *Fr. Hofmannus* controversiam hanc doctè dirimens, quibus insuper hoc addo: (1.) Inplethoricis utique venam esse tundendam, nec id aliquando semel sufficere, sed opus esse, ut sub terminum partûs iteretur. (2.) In iis, quæ menstrua post conceptionem patiuntur, quales dantur complures, & quidem copia sat larga, necessariam esse primis mensibus Venæsectionem. (3.) In iis, quæ appropinquante mensium fluxu concipiunt. Hîc per transennam quasi noto, mulieres aliquas interdum totò gravidationis tempore, vivere sanissimas, nil passas aut vomitionis, aut prostrati appetitûs, aut aliorum symptomatum, gravidis alioqui negotium facessentium, easdemque mulieres, secundâ, tertiâ vice concipientes his malis plus latis affligi: Rationem esse hanc arbitror: Mulieres, quæ aut instantibus mensibus, aut iis suppressis, insuper concipiunt, à motu sanguinis inhibito, per totum gravidationis tempus, longè pejus illis habere, quæ statim post mensium fluxum concipiunt. Illæ igitur primis statim à conceptione mensibus Venæsectione summopere videntur opus habere, nimirum, ut alia, sanguini circa uterum stagnanti, porta aperiatur. Nobilis Matrona in vicinia aliquoties abortum est passâ, cum imprægnata denuò Venæsectione

ctione uteretur, foetum est enixa vegetum. In feminis debilibus, laxis, serosis, tenuibus, præstat illam omittere, quam celebrare, ut enim in prioribus præcavetur abortus, ita in his promovetur. Eleganter in hanc rem commentatur *Excell. D. Bruno in Jessen. de judicio sanguinis è Venâ sectâ missi, p. 154. f.* In quibus autem affectibus tundenda sit Vena rursum *Fr. Hofmannus loc. sæpè cit.* docet, ubi monendum nihil habeo, nisi quòd in genere morbis sanguineis, sulphureis &c. conveniat, minus morbis serosis, in quibus sæpè repetita Venæsectio ad hydropem disponit.

III. Progressum facimus ad quæstionem *quomodo? quibus è venis & quibus instrumentis.* Consideremus primùm, curiositatis gratiâ, nationes quasdam exteras: *Jac. Sponius Itin. sui curiosi l. 4. p. 94.* depingit instrumentum phlebotomis Græcis usuale, quod instar teli cum arcu ex ossibus balænæ fabricatò per syringam exploditur, quasi certissimâ & utilissimâ encheiresi, in venam. Ibidem addit, in *Alepenfi* districtu Turcas lanceolæ locò, uti frustò vitri acuato (*geschliffen*) & cum smirite præparatò. Alius est modus & nobis vix imitandus, *Chinensium in Batavia Javana*, de quo *Saar Itin. Ind. Orient. c. p. 2. p. 24.* Quum ægrotare *Chinenses* occipiunt, eorumq; Medici, (Viri experienciâ commendabiles) Venæsectionem, suadent, prehensi hominis & ligati collum fasciâ constringunt, & primum concutiunt, quasi suffocaturi, ut tota facies, turgente in venis sanguine livescat, hinc venam frontalem gladiolò incidunt, impositò desuper bombacinò spleniò, vulnus deligant; quamvis eorum plures etiam brachiales venas, idque unò sæpiùs annò, aperiant. In nostris regionibus utimur instrumentò duplici, quorum alterum communiter vocatur *ferrum venæsectorium* (*ein Lapeisen*) quod rursum duplici modò applicatur, vel enim unâ manu prehensò, & acie venæ applicata, alterâ manu talitrum impingunt, vel balistæ applicatum (*einem Schnäppertein*) in venam, quasi sclopus, explodunt. Tutior & præsentior est *gladiolus vel lanceola*,
quâ

quâ quippe mediante, dum alterâ quasi manu venam, ne ictum scalpelli subterfugiat, comprehendere licet, tutissimè eam scindimus. Verùm Rustici nostrates malunt uti priori instrumentô, ut cui sunt magis adsueta, quàm lanceolâ, à quâ malè sibi metuunt: Novi Cheirurgum noviter ex peregrinatione reversum, qui lanceolâ utens, suos, ne redirent, absteruit; cùm alter alterum dehortaretur, ne huic novitio se crederet, ut qui venas cultrô plicatili (mit einem Taschenmesser) dividere consueverat. Sed nec taceo, ridiculam me Venæsectionem in Rustico prope *Lipsiam* observâsse, qui sumtuum scilicet facturus compendium, ipsi sibi venam pedis pertundere sustinuit; ac malum sibi, veluti turdus, cacavit: Subulam enim venæ applicans, adactô desuper malleô, totum pedem, imminente jam gangrænâ, pertudit. Nunc *venarum delectus* excutiendus, quem verbis non meis, sed *Cl. Hornii in Microtechnes p. 210.* definiam: Cùm *Anglorum Herophilo* statuamus, nullum esse venarum, sibi invicem proximè adsiturum delectum habendum, cùm promiscuè hauriant liquorem è communi arteriâ: Sed, si quis venam parti affectæ proximam invenire posset, operam in secando non luderet. Nimirum superstitiosi sunt, nostrates etiam Cheirurgi & Balneatores, in delectu venarum. Hinc, ubi post Venæsectionem non satis benè habent, caussantur venam affectui minùs accommodam esse pertusam. Sic Tinctor noster, salutis sibi proram in salvatellæ vulnere sitam firmiter persuasus erat. Sed, numquid non venarum delectus hâc ipsâ Tinctoris observatione probatur? Cur sanguis è brachii sinistri venâ guttatim exstillans floridus fuit, minimè serosus, alter è dextrô brachiô prorumpens ferè nil nisi serum? cùm tamen ejusdem horæ quadrante pertunderentur ambæ? Cheirurgus, cùm hoc vidisset, ego, inquit, in eâ fui, cum modernis, opinione, sanguinem in omnibus venis esse eundem, nec propterea ullum harum delectum habendum, sed, hâc observatione victus, antiquorum stationi rursus accedere cogor: subridens

dens ego, longè diversum sensi. Ita nempe sese res habet: Serum in hoc Tinctore perquam erat viscidum & glutinosum (id quod ex aliis Venæsectionibus concretò sanguine comparuit, quin eventus ostendit, quum hòc annò interiret ascirico-tympaniticus) ob callum autem violatæ sæpiùs venæ (quod octies interdum unò in annò, & me & Cheirurgo, dissuadentibus, factum) grande satis vulnus fieri non potuit, hinc relictò serò viscidò, guttatim solus exstillavit sanguis, adeò floridissimus, seròque suò viduatus: In altero brachio cutis, quæ nondum occalluerat, latiore plagam admisit, è quâ, cum sanguine, serum absque remora profluens, aliam longè concreto cruori faciem induit. Sanguinem autem solum, sine comite sero, posse per venarum aperturas angustiores exstillare, docent & scarificationes, & narium hæmorrhagiæ, & leves artuum incisiones, ut quorum concretus sanguis, parum feri aut nihil exhibet, eò quòd venarum apertura, capillarium sero, etiam fluidiori, exitum non concedat. In prælargis hæmorrhagiis denique effluxo sanguini serum succedit, unde propè colligitur, magnam esse feri dignitatem, cum vivere queant exhausto, pænè ad guttam, omni sanguine. Confer, quæ *Ann. II. Dec. II. Observat. 154.* in hanc vel analogam sententiam commentatus sum. Mirum sanè fuit, hujus Tinctoris sanguinem ferè nil nisi serum extitisse, & quidem tam promptè coagulabile; id quod Venæsectiones pedum docuere, ubi aqua, in ferè instanti, non nisi carnis loturam referebat, reliqua erant gelatina. Hydropem autem sibi, non parum, iteratis toties in corpore pituitoso sanguinis missionibus, accelerasse hunc virum, nemo facilè negaverit. Aliam rationem qui comminisci potest, ei quidem lubens auscultabor, hanc, quam protuli, hætenus crediturus. Hinc memorata Tinctoris Venæsectio antiquum venarum delectum non asserit. In pleuritide profecto delectum esse nihili *Dominicanus Frater Americana regionis Paria* testatum facit, de cujus salute, cum desperasset Medicus, quòd vena, quam exoptabat,

reperiri non posset, vespertilio vernacula (dantur autem ibi columbis majores) noctu advolans, partem pedis nudam, morfu petiit, & tantum inde sanguinis exfluxit, quantum pro restituendo bono Fratre sufficeret, referente ex Gomara Francisci, im Blumenbusche L. 1. cap. 9.

IV. Sed quantum sanguinis est emittendum? Quæstio hæc definitur utraque, continuâ scilicet & discretâ quantitate. Illam quod attinet, peccatur heic in excessu & defectu: In excessu mihi peccare videntur, qui, antiquorum more, adhuc hodiernum, ad animi usque deliquium, sanguinem exhauriunt, & hos verè Excell. Kergerus laniones & sanguisugas nuncupavit. Non enim tantum corpus unâ vice vitali thesaurò depauperatur, sed insuper periculosum est, tot evocare simul spiritus, qui magna copia cum sanguine, libertatis amatores, erumpunt. Quemadmodum enim, Hippocratis elogiò, Sect. 6. Aph. 27. quicunque empyrici aut hydropici uruntur aut secantur, si pus aut aqua universim effluerit, omninò moriuntur: Ita sani esse non possunt, qui tantum sanguinis unâ vice profundunt, par enim utrorumque est ratio, scilicet spirituum simultanea dissipatio, quæ homines debilitat, viscerum tonum laxat, sensus torpere facit, ad cachexiam & hydropem disponit. Errant itaque sæpenumero Rasores nostri, quum tamdiu sanguinem effluere patiuntur, donec floridior colore atque dilutior exeat. Præstat repetitis vicibus, ubi opus est, mittere sanguinem, quam eadem vice nimium exhaurire. Hic autem rursus distinguendæ sunt complexionēs & climata: Sic in locis calidioribus facilius ferunt, minùs in Septentrionalioribus. In defectu peccant, qui sunt adeò meticulosi, ut vix 3ß. vel 3j. mittant, in subjectis etiam sat robustis. Ad quid enim conducant tantillæ sanguinis guttulæ? movere hoc est, non promovere. Quantitatem discretam quod concernit, rursus in excessu & defectu hic peccatur. In excessu, ubi, animi ferè gratia, quod Rustici nostrates, immò & Opifices, cum uxoribus & familia, solent, scilicet ut oriri & lur-

cari liceat, non semel in anno, non bis, sed sexies & ultra venas pertundunt, ipsorum quidem barbitonforum consiliò, quò sibi magis lucroque suo, quàm proximo, consulunt. Item, qui toties in uno morbo cruorem proliciunt, quod intra biduum vel decies Galli & Itali faciunt. Vel qui nunc binas, nunc tres venas simul aperiri volunt, scilicet, ut confusissimus inde reddatur sanguinis motus. In *Franconia* Rusticorum ferè nemo solum sibi brachium sauciari cupit, sed plerumque unà saphænam pedis. In *Nesocomio Goa, India Orientalis Colonia*, certò morbi genere correptis vel trigesies aut quadragies mittunt sanguinem, usque dum saniosus profuere desinat, quò scaturiente floridò nec purulentò ægri convalescunt, quod ipsi *Tavernierio*, cùm *Suratta* degeret, conrigit: vid. *ejus Itin. Ind. l. 1. cap. 13.* In genere autem Suevi nostri & Francones non putant, se per annum victuros, nisi bis ad minimum, vere scilicet atque auctumnò sanguinem sudent, qui grandis mihi, extra necessitatis casum, Venæsectionis abusus jure censetur. In defectu Plethorici peccant, qui nimis meticulosi tantum per annum id semel concedunt, cùm vel quatuor vices interdum non suffecerint. Hæc autem omnia non à barbitonforum, sed Physicorum arbitriò pendeant. Sed surdis fabulam!

V. *Quando vena est secanda?* Resp. Si indicatio est curatoria, pro necessitatis gradu vel ipsa noctis meridie operatio est administranda; sin præservatoria, præstat, omnium Medicorum elogiò, primò vernum, hinc autumnale tempus, in sanguineis temperaturis decrescente, in serosis crescente Lunâ, non in ipsa quadratura, posthabitis aliis adspectibus, aut ridicula vulgi tabula, sesquihora circiter ante prandium, die serenò. Quos Planetarum reliqui aspectus, aut etiam Zodiaci signa juvant, adeant *Excell. Fr. Hofmannum loc. sæpè cit.* Ego parum illis tribuere soleo, ut ingenuè fatear, vel, quòd reverà sint illi influxus imaginarii, vel, quòd non satis hanc rem intelligam. In *Festo S. Stephani* superstitiosè satis equis

vena secatur, sed, quid hæc ad hominem? Illud verò magis olet superstitionem, quod *Buxtorfus ex Thalmudo* refert, *Synag. cap. 15. p. 353*, quum infir: Regula Medicinalis Thalmudica est: Illò die, qui nebulosus est, & illò, quò subsolanus fiat, neque est circumcisio, neque Venæsectio administranda: Volunt igitur Judæi ad hanc operationem expectandum esse boream, cùm, cò non spirante, vulnera omnia magis periculosa deprehendantur. Iidem Judæi *vespere Pentecostes* Venæsectione non utuntur, etenim & in *Thalmudo* & *Mirrham* suò scribunt, quòd Festi hujus tempore vespertinò, ventus quidam & noxius & malus *Fabhoach*, latro vel excoricator appellatus, spiraverit, qui populum Israëliticum universum perimere debuerit, si legem, quam DEUS illi die proximò dederat, animò lubenti promptoque suscipere noluis-
sent.

Ut denique videāmus, quid sibi lacteum nostri Senatoris velit serum, primò intuitu mihi ventriculum fuisse vehementer suspectum, nec adeò felix prognosticum, fateor. Sed pen-
sitatis accuratè omnibus circumstantiis, metum inanem deposui, præcipuè, cùm *Immortalis Ettmülleri* scripta volutāssem, qui in *Collegii Pract. MSti. cap. 15. de obesitate* ita: Causa proxima obesitatis est succus nutritius copiosus, laudabilis & pinguis, ad quem, tanquam causæ remotæ, efficiendum concurrunt, adsumta naturæ temperatæ, & copiosum pinguem-
que chylum ministrantia, ut *passula, lacticia, amygdala dulces* &c. laudabile ventriculi fermentum, vita curis & meditationibus libera, tranquilla & sine exercitiis corporis. Abundare verò in corpulentis hominibus ejusmodi succum nutritium pinguem, inde probari potest, quòd serum in illorum sanguine emissò lacteum quasi appareat, & idem à sanguine decantatum, ex instillato Spiritu Nitri totum instar casei liquidioris coaguletur, quòd scilicet nil aliud sit, quàm chylus, sanguini nondum assimilatus. Hinc in cura, inter alia, *chalybeata, diuretica, tartarea*, etiam acida crebrius assumpta, ut *oxymel* &c.
com-

commendantur. Hucusq; adcuratissimus *Etmüllerus*. Quid etiam *acida Göppingenses* in nostro præstiterint, ex historia patet, cui & hoc addendum erat, quòd ejus urina semper in superficie cuticulâ pingui, citra ullam noxam sic obducta. Mentionem quidem Amicus noster insignis *D. D. Gründelin*, tum in *Ephem. Curios. Dec. 11. Ann. IV. Observ. 165. & Roitschorenes elegantissima cap. 47. p. 255. f.* historiæ parallelæ fecit. Sed, quum inclinârit ille vir ad hecticam & atrophiam, noster autem sit pinguis & succulentus, hæc diversè judicari debent. Quæ autem ad *Appendicem brevior. rer. memorab. noster Arion observ. 7. p. 191.* retulit, ea non serum lacteum, sed sanguinis locò lac merum loquuntur, cujus judicium super ea historia est adcuratum. In scarificatione cutis est alia longè res, siquidem ibi ferè in habitiq; guttæ quædam lactæ sanguini frigefacto innatant, quæ, meò quidem judiciò, sunt particulæ pinguedinis in hominibus proximè sub cute coëxistentæ, quæ à calore liquatæ unâ cum sanguine extrahuntur, & frigore condensantur in quandam albedinem; sicut & jusscula carnis proptereâ oculata dicuntur, quòd pinguedo innatans, cum aqua agrè miscibilis, guttarum forma fluctuet, quæ guttæ, frigefacto jussculò, cum condensantur, albescunt.

Possent equidem è nostra historia quæstiones curiosæ plures elici: e. g. *De judicio sinistro Cheirurgorum de Sanguine per Venam sectam ducto: De usu balnearum Bollenfium: De noxa Venesectionis in dispositione hydropica: De maleficio Medicariorum Carnificum: De noxa purgantium sæpius in hydrope: De usu seri alimentariò: De usu acidularum Göppingensium: item plura circa Venesectionem notabilia.* Sed ne in tractatum excrescat observatio, filum abrumpens, heic pedem sisto, non quòd ultra progredi non liceat, sed quòd non libeat.

*Circa Urinas sanorum similes, in febribus malignis,
petechialibus, Notabilia quaedam.*

Est hæc Sententia, cui multis modis contradicatur, etiam à Practicis magni Nominis, quorum aliquos aut nominare, aut eorum rationes refellere, quam iis debeo, reverentia prohibet. Sufficit, non me aut alios, sed ipsammet experientiam, omni exceptione maiorem, contrarium totò die docere. Sub finem Anni 1685. & initium Anni 1686. in hac nostra *Rhetia*, cheu! plus satis, & nostro cum damno harum urinarum malitiam sumus experti, quidpe febres malignæ petechiales, eam tunc populantes, ubi sanam urinam sanumque pulsum exhiberent, ut plurimum de medicaminibus, etiam generosisimis victoriam reportarunt. Immò, quò propius ad sanitatem urina pulsusque accederent, eò propior interitus triste Medicos prognosticon docebat. Sic, quem *Ephemer. Anni IV. Dec. II. Observ. 156. Speciebus diacreta* liberatum à singultu, malignæ febris symptomate scripseram, eundem ob diætæ vitia in recidivam prolapsum, urinam pulsuque bonis interisse indicavi. Fateor ego, me, antequam his meis oculis urinas ejusmodi, plus vice simplici, essem intuitus, vix potuisse capere, quò pacto succumbens malignitati Natura, munia, integræ sanitatis æmula, posset exsequi. Sed postquam intensius in urinam naturalem in sua *κύσις* genesin inspexi, rationes quoque hanc leviculas eruisse me mihi visus sum, quæ modum harum generandarum declararent. Sunt autem anni propè duodecim, ex quo cœpi substantiam vesicæ & usum, ex intimioribus Naturæ penetralibus eruere, & *Urocystologiam* quandam conscribere, quæ adhuc inter meas quiescit schedas, indigna, quæ lucem adeat. Non autem credo, quemquam Nostrorum offensum iri, si, quod ibi sum de urinae genesi commentus, heic summatim complectar, expectaturus Excell. Dn. Collegarum iudicia, si fortè dignam censeant *Urocystologiam*, quæ propaleatur.

Parecbasis de Urinae generatione.

Vesicam urinariam voco viscus membranaceo glandulosum, pyriforme, in infima abdominis regione, inter inguinatum, urina, fermentationis ope generanda, & quoad excernatur, adservanda dicatum. Voco eam Viscus, quod, commentante Servio ad lib. 1. *Aeneid. vers. 215.* viscera non tantum dicantur intestina, sed, quidquid sub corio est; immo visceris nimis stricta Anatomicorum definitio, vix ipsi cerebro comperat. Substantiam agnoscit ventriculi & vesicae felleae planè similem, tunicaque triplici, extimâ, mediâ, & intimâ, gaudet. *Extima* sit nobis epidermis vesicae, tota membranosa, tenuis, densa, valida, à media, nisi vi, non separabilis. Hanc à peritonæo natam, qui volet, credat; ego novi, viscera ista omnia generari vel formari à Natura ante formatum peritonæum, & propterea hanc sententiam communem Anatomicorum vix posse stare judico. *Media* non est musculus, quod quibusdam videtur, sed tota est glandulosa. Fibræ, aliis putatæ, mihi sunt arteriolarum venularumque inglandularum acinos radicata capillamenta. Sunt istæ glandulae innumeræ seminum ad instar milii, cavernulis quibusdam, atque columnis, instar columnarum cordis, distinctæ, tum maximè conspectui se præbentes, quando vesica parum inflata, per maximum arteriæ hypogastricæ in vesicam implantatæ ramum, liquor aliquis coloratus siphone injicitur, tinguntur enim injecto liquore, qui, si fuerit subflavi coloris, jurares, te milii grana mera conspiciari. In vesica cocta, tum tunicae melius separari, tum istæ glandulae miliares exactius oculis usurpari possunt. Eadem est ventriculi vesicaeque biliaris substantia, circa illam vid. *Cornel. Consentinum Frogyrn. Phys. 6. p. m. 233.* circa hanc *Swammerdam. de respirat. p. 89.* quos utrosque vera scripsisse me docuerunt experimenta. *Intima* tunica rursus est membranosa, tenuissima, ægrè separabilis, minutissimis fibrillis intertexta, foraminu-

minulis innumeris pertusa, per quæ liquori, in mediæ tuni-
cæ glandulis generato, in vesicæ cavitatem introitus conce-
datur. Hanc excipit *peristroma seu mucago*, per omnem in-
ternam vesicæ superficiem extensa, qualis etiam reperitur in
interiori & intestinorum & ventriculi & vesicæ felleæ substan-
tia. Exterius, cum primis ad cervicem, est *copiosa pinguedo*,
matrem agnoscens sulphuream oleosam urinæ & vasorum
sanguiferorum exhalationem, in corpus pingue condensatam,
ad modum, quò flores lactis ab hoc separantur, aut aphro-
nitrum parietibus uvidis affigitur. Vasa contingere quintu-
plicia. (1.) *Vena ab hypogastricis*, quæ, ubi vesicam adierunt,
in innumera capillamenta, sub ejus extima tunica, ramifican-
tur, injecta in vivis ligatura conspicua. (2.) *Arteria rursus ab*
hypogastricis, eodem modò sub extima tunica disseminatæ, &
glandularum vesicalium acinis implantatæ, eadem ligaturâ
conspicuæ. (3.) *Nervi*, tum à sexto pari, tum ossæ sacræ nu-
merosissimi. (4.) *Vasa lymphatica*, tunc equidem, ubi in vivi
animalis sectione vasorum omnium trunci ligantur, intume-
scentia, & transparente crystallinò humore internoscenda:
quæ vasa pleraque, ob neglectam olim vivorum sectionem,
pro fibris habita. (5.) *Quintum vasorum genus ureteres consti-
tuunt*: circa horum substantiam mihi nihil est controversiæ:
videantur, quæ habet *Illustr. Borrichius Anat. Med. Hafn. vo-
lum. 1. observ. 54.* *Arteria umbilicales & Urachus* ad institu-
tum nostrum nihil faciunt. Hæc urinariæ vesicæ structura,
aliud mihi usum, quàm qui est hucusque creditus, persua-
det, præsertim, cum urinam, qualis quidem excernitur, à re-
nibus segregari posse, multa prohibere videantur, petita,
tum ab incongrua renum fabrica, de qua perdoctè *Laur. Bel-
linus*, tum ipsis urinæ contentis variis. Elementa verò uri-
næ manuducens *B. Mæbius*, talia nobis exhibuit: Prodit in
urinæ destillatione materia (1.) *serosa seu aquosa multa*, parti-
culis quibusdam sulphureis & salinis mista. (2.) *Spiritus vi-
nosus* seu austerus, subtilissimus, in parca quantitate. (3.) *Aqua*
impense

impensè penetrans, vulgo *Spiritus urina vocata*, Sali volatili duplici, acidò altero, alterò lixivio ebria. In fundo Cucurbitæ Tartarus remanet nigricans & subpinguis, qui sub Vulcani quæstionem datus, præbet (4.) *Oleum sulphureum*. Terra verò residua albicans, monstrat (5.) *Sal fixum*, quò elixiviato remanet (6.) *Caput mortuum inutile*. Liquorem ejusmodi contentis prægnantem & prorsus heterogeneousum, renes à sanguine separare non possunt, neque per modum (a) *Colationis*, quia, detectâ per *Bellinum* vera renum substantiâ, cadit *benedictum* illud *cribrum*, foraminulis, ceu hyperici folia, pertusum, & per consequens ipsa tralatitia transcolatio; ut taceam, ea tantùm transcolari posse, quorum particulae sunt confusae tantùm, non intimè mistae: sic enim Salia filtrum non transirent, quod falsum: sunt autem, quæ suprà memoravimus, non confusa sanguini & urinæ, sed intimiùs mista, hinc secretionis alia ratio comminiscenda, quàm ea, quæ est Colatio. Vid. *Sennert. de febb. l. 2. cap. 7. p. 115*. Neque (β) *Coctionis*, quæ cavitatem sufficientem requirit, renibus à Natura vix ad capacitatem unius fabæ concessam; quin & urinæ secretio est actio continua, certo tempori non alligata, qualis est coctio, solius caloris opus. Quum aliqui dicunt, *peculiari modò* heic renes *coquere*, eò ipsò modum secretionis semet ignorare fatentur. Quorsum etiam spectat (γ) *peculiaris renum vis attractiva*, accensâ face hodiernâ fortè nemini credibilis. (δ) Fallitur autem *Hoboken. Cogn. Med. Physiol. p. m. 258*. ubi modum secretionis per se satis in-
clarefcere putans, ejusdem semet penitus considerationi subducit. (ε) *Sylvianus* modus per *præcipationem*, eadem ratione ruit, quâ Ipse est usus contra præcipationem bilis in jecore, *disp. 6. §. 22*. Nam in præcipatione requiritur, primò, liquor particulis heterogeneousis constans, dein fermentum aliquod præcipitans: Hic autem, ut prior liquor heterogeneousus in sanguine existat, alter tamen præcipitans

deficit. *Weslingio* enim, in renibus succenturiatis illum quærenti, non credimus. Vid. *Bellin. loc. cit.* Cum *irradiatione & odore fermenti Helmontiano* (cui tamen, acutus cætera, *Tackius phas. 2. pag. 13. 14.* adstipulari videtur) mihi prorsus nihil est negotii. (ζ) Ipsum autem *Bellinum loc. cit. Cartesianæ mollecularis hypothesis, à Borello* hausta, parum juvat, quâ statuitur, separari à sanguine arterioso urinam, ob mollecularum seu atomorum seri convenientiam, quam cum si-phunculis renalibus habent; siquidem hoc de solo sero, sanguini non intimè misto, concedimus, non de urina particulis multò magis heterogeneis, præ sero falsidulo, prædicta. (η) Per *Destillationem* urinæ in renibus à sanguine non separatur, quippe, quæ præsupponit & resolutionem materiæ destillandæ in vapores, & medium frigidum, per quod denuò vapores condensari debent, quorum hic neutrum visitur. Non igitur superest ullus modus, nisi, qui fit per (θ) *Fermentationem*, ad quam (α) neque in renibus pro fermentali turgescentia spatium est liberum (β) nec tempus debitum seu mora (γ) nec ullum fermentum, quod suprâ demonstratum. Quis ergò tandem est renum usus? Resp. Serum à sanguine segregare, eumque à nimis aquositatibus depurare. Modum docet *Bellinus*. Serum enim tam intimè sanguini conjunctum non est, atque sunt urinæ contenta, ideoque faciliùs est separabile: nimirum est ὀχνηὰ τῆς τροφῆς, vehiculum balsamici istius liquoris, qui in partium nutrimentum cessurus est, quod sanguis è vena secta, ceu confusum, non mistum, brevi è complexibus dimittit. Alii renum usus, si qui sunt, nihil ad nos attinent, qui solam hîc quarimus inter serum & urinam, quæ sunt disparata, differentiam. Superest *urina solam & veram officinam, non esse renes, sed vesicam, in qua fermentationis ope paratur.* E vasis quintuplicibus ante memoratis, materiam pro generatione urinæ in vesicam inferri oportet: Venis & vasis lymphaticis nil tale concessum, sanguinis circulus probat,

bat, per quem hæ contenta sua à circumferentia ad centrum, retrogrado motu, ducere, proinde non invehere, sed evehere, constat. Superfunt itaque vasorum tria genera, arteriæ puta, nervi & ureteres. De his, quandoquidem potiore urinæ materiam advehunt, omnium primò sciendum, eos non urinam ipsam, sed serum sanguinis (nullatenus vitiosum, nisi quod superfluum) advehere. In brutorum sectione renes & ureteres discissi, nil urinosi sapiunt; In sectione vivorum ligati ureteres, successu temporis, ubi eis ligaturam intumescunt, humorem præbent, nec sapore lixiviosò, nec aureo colore urinam referentem, sed purum putum serum salfidulum, quale est sanguinis omne serum, quos proinde *ωρπντῆρες*, quàm *εργτῆρες* vocari convenientius esset. Salsidulum dico, quia hospitatur in eo Sal lixiviosus volatilis, cujus ope sanguis à coagulatione sui redditur immunis, quemadmodum Spiritus lienis acidulus sanguinem aliquò modò constringendo, à nimia fluiditate cohibet. Sanguis enim ratione partium oleosarum, sulphurearum & fibrosarum facile coiret, nî Sal feri volatile coagulum impediret: *Sal quidpe est feri, sulphur autem sanguinis strictè sic dicti.* Sequuntur arteriæ, quas aliquid vesicæ invehere, nemo negarit, desumpta ratione ex multitudine arteriolarum vesicalium, quantò vasorum apparatu exile viscus & membraneum, pro sui nutritione non indiget: Adferunt ergò superfluum quid, quum earum capillamenta in glandularum vesicalium acinos implantantur, quod præter rem fieret, nisi illuc aliquid deportarent. Secetur canis vivus, arteriæ & nervi circa insertionem ligentur, tota vesica exprimatur per urethram, elapsò temporis intervallò dissecta vesica humorem exhibet, quem sui parte maximâ ex arteriis hausit: Injiciatur liquor cyaneus syringâ quâdam, & acini coerulescent. Immissò per tubulum flatu negotium non procedit, siquidem arteriæ non immediatè in vesicam exonerantur, sed in acinos vel glandulas.

Vehunt igitur arteriæ. Sed quid? Partes sanguinis acidiores, oleosis sulphureis mixtas, superfluas nempe, è corpore eliminandas. Acidum occultum inesse sanguini arterioso, & quidem tantò magis, quantò magis est sulphureus, ejus effusi instantanea in grumos concretio, ostiumque ab aneurismate propinquo caries demonstrant, nec hodiè quisquam facilè negaverit. Neque enim id debet gustu deprehendi. Vid. *S. Pauli Quadr. Bot. histor. Chelidonii*, cujus decoctum à Sale suo volatili falsum redditur; item *Tack. Phas. 2. p. m. 21. seq.* Nec est arterioso sanguini nocivum, quia non manifestum, sed aliis *ὑδαρσι* implicatum, huc refer decantatissimum *Hippocratis* locum de *vet. Medic.* Sed, quò pactò secernuntur istæ particulæ acidæ à sanguine? Resp. ope glandularum; siquidem omnis secretio, depuratioque succi, seu excrementitii, seu proficui, è sanguinis massa, solis glandulis debetur, verè scribente *Malpigh. Tetrad. Epist. anat.* Glandulis autem miliaribus scatere mediam vesicæ tunicam, suprà probatum: Igitur hæ, quocumque demùm id modò fiat, forrè ob pororum, & atomorum symbolum, arteriosi sanguinis acidiores particulas imbibunt, & segregant, sanguine ab his liberatò per venas vesicales refluò. Nunc ad nervos, quorum notabilis copia, pro sensu & motu vesicæ, quò tantò viscus membraneum opus non habet (cùm cordi & musculis motu perpetuò occupatis, vix unus & alter nervus sit datus) exuberat. Adferunt igitur, vel auferunt. Auferre nervorum motui contrarium. Ergò adferunt, (non succum nutritium, quem in nervis nidulari, nondum mihi *Britanni* persuaserunt, tametsi spiritus animales ad nutritionem haut parùm conferre, characterizando quasi succum nutritium, censeam) quamvis fatear admodùm paucum, lympham, puta, superfluam, Sale volatili turgidam, & Salivæ maximè æmulam. Ejusmodi lympham quoque nervos in maxillares glandulas pro augenda Salivæ materia, deponere, alibi probavi, qui lympham,

pham, inter alios usus, vehiculum spirituum animalium credo, cum ferè contigua sint nervis vasa lymphatica, ut venæ arteriis, unde concludere liceat, quemadmodum arteriosus sanguis, viribus exhaustus, per venas refluit, ita spiritum animale, post peracta sui munia, in lympham quasi fixatum, per vasa lymphatica retrocedere. Sic nervos vesicales aliquid superflua lymphæ, cum spiritu volatili, in vesicam deportare suspicor, & ita semet exonerare, ne superfluitas nimia naturæ molestiam creet. *Omnes enim humores in corpore sano abundare, curiosè observandum*, quod inter alia probat sanguis menstruus, bilis in suo folliculo, semen in suis vesiculis &c. adservata, prudenti naturæ consiliò, ne scilicet in magnis conatibus, ubi copia humorum & spirituum absumitur, penus illius exhauriatur. Ubi superfluitatibus nulla data receptacula, ibi peculiaria vasa id ipsum superfluum revehunt, quod in venis & vasis lymphaticis conspicamur. Igitur accedit vesicæ per ureteres, cum sero, Sal volatile lixiviosum, per arterias spiritus acidus, itidem satis copiosus, per nervos item spiritus volatilis in parca quantitate, qui est quasi de natura armoniacali. Ex his in vesicæ *εὐρυχωρία* concurrentibus, accedente insuper fermentò, non potest non blanda Naturæque amica oriri *effervescentia*, seu *fermentatio*, quæ mihi non, nisi secundum magis & minùs differunt, cujus fusissimam probationem alii loco reservo. Et blanda quidem oritur, quò major est feri per ureteres advecti copia, cujus compedibus vincta Salia, non adeò usque tumultuantur, quàm ubi datur ea pura confundi. Hinc, ubi serum deficit, urinae intensius rubescunt, ut in febribus ardentibus, *in quibus proinde potum negare, est occidere*. Fermentationis autem vesicalis processus talis est: Salis acidi volatilis arteriosi partes acuminatæ atque cubicæ, Salis volatilis lixivi serosi & armoniacalis atomos concavas & fissas rodunt, hæ verò illas rursus absorbent, & tandem post mutuam actionem & reactionem,

nem, cum reliquis portionibus oleosis & phlegmaticis abeunt in urinam, quæ magis de alkalium, quàm acidorum Natura est, quia particulæ lixivæ plures ad vesicam portantur, quàm acidæ: quemadmodum in ventriculo chylus (si talis nominandus) magis acorem, ob fermentum stomachale subacidum, spirare deprehendimus. Jam, inquis, Lector, quod si salinæ *subdumet* suis vinculis ligatæ sunt, quò pacto expediuntur, ut concurrere queant, & dimicare? Resp. Est opus fermentò symbolicò. Ubi illud in vesica? Resp. *Est peristroma seu mucago interioribus vesicæ parietibus affixa.* Hanc enim à natura datam, ut vesicæ substantia ab urinæ contentæ acrimonia ne lædatur vel arrodatur, quis credat? Siquidem ejusmodi peristroma, nec renibus nec ureteribus datum, quæ tamen juxta vulgarem, urinam & segregant & provehunt. Dicis urinam non ibi morari! Dicam ego, continuò affluxu moram illam compensari.

Gutta cavat lapidem, non vi, sed sæpè cadendo.

Compactior est vesicæ substantia, quàm, ut arrosionem urinæ patiatur, quæ arefacta spiritibus acidissimis coërcendis par est. Quin urina est in suo loco natali, ubi non exspectanda erosio. Tithymali succus causticus, plantam teneram non arrodit: Venena brutorum bestias suas non interimunt: Coryza nares arrodit, locum peregrinum, natalia cerebri vascula non rodit: Oculus ex lacryma, licet salsa, non dolet, *Helmont. teste de febb. cap. 7. §. 8.* est enim oculo familiaris & cognata, simplex aqua, quin aliud quodlibet, oculo, ceu peregrina, molestiam afferunt. Sic urina salsa, vesicam non mordet, decocta blandissima per catheterem immissa, dolorem cient. Vid. *Tack. Phas. 2. p. m. 71.* In scorbuticis, & omnibus iis, in quibus serum nimiam peccat acrimoniâ, urinæ subinde acerrimæ & lintea corroderes, vesicam non lædunt, cum successu temporis, mucaginem illam solvi necesse sit, si urinæ acrimonia quocumque modò vesicæ molesta sit. Idem igitur est muca-

mucaginis vesicalis usus, qui mucaginis stomachalis, intestinalis & vesiculæ felleæ, scilicet, ut, ceu fermentum, Salia urinæ implexa & impedita compedibus liberet, ut eò facilius congregi, & pugnam fermentationis inire queant. Notandum, quòd hæc mucago cum spiritu acido confusa effervescat. Est itaque nihil aliud, quàm reliquiæ fermentationis vesicalis, quæ, utpote minùs cum reliquo urinoso latice unibiles aut solubiles, vesicæ lateribus adglutinantur. Adfunt hîc omnia fermentationis requisita (1.) *Spatium liberum*, expansioni fermentali aptum. (2.) *Massa seu humor ex partibus heterogeneis constans*. (3.) *Tempus atque mora*. Nil nisi purissimum in transitu fermentatur: impuriora moram, quod suprâ dictum, postulant: illa dicimus effervesce, hæc fermentari. (4.) *Fermentum*, stimulus ille mucaginosus modò descriptus. (5.) *Calor*, tum intrinsecus, à particulis oleosis sulphureis excitatus, tum partium adjacentium externus, qui, licet non efficiat fermentationem, tamen suscitatur. Vid. *Helmont. tr. Calor non digerit &c.* & *Tack. Phas. 2. p. 12. & 185.* (6.) *Motus externus*, qui nec est ipse de fermentationis essentia, eam tamen summoperè adjuvat. In magnis corporis motionibus urina tinctior & calidior. (7.) *Halitibus datur exitus*, Gas foetido. Nonnunquam flatus è genitalibus erumpere visi, iiq̃ue sæpè cum, sæpè sine urina. Vid. *Excell. Herculem Act. Med. Hafn. volum. 2. observat. 84.* Structura testium repugnat, illinc flatu exisse, exisse è vesica, historiæ circumstantiæ omnes docent. (8.) *De humido debito*, quis dubitet? cum urina nil, nisi humor sit? Denique bruta viva secta, fermentationem illam oculis secantium exponunt; quin urina recens emissâ, gravi odore nares ferit, & bullas generat, intestini motus testes. *An urina hoc modo fermentata purum putum est excrementum, an alium prætereà in humano corpore usum habet?* Quid hîc concludam, dum experimenta me deficiunt? Suspiciari licet, non asserere, si fortè aliquid adhuc, quo-

quocumque modò corpori proficuum in urina contineatur, id per vasa lymphatica, venasque revehi, ac identidem sanguini incorporari: Quin lympham à sero fortassis acuari, ad meliorem in corde effervescentiam vitalem subeundam, vel sanguinem venosum lixivis quibusdam particulis ob eandem causam imbui. Plura nescio. Hoc scio, vel ipsi intestino recto, paucissimas licet, datas lacteas, ut vel excrementa alvi, nil, quod adhuc usui possit esse, impunè suffurentur. Dices, ubi jam contenta urinæ superius recensita? Resp. Pars serosa & aquosa, Spiritus acidus, & Sal volatile lixiviosum ostensa, unà cum Sulphure seu Oleo in arteriali acore latitante; restat igitur, ut in Capite mortuo Sal fixum ostendamus. Illud, quod attinet, arbitror ego, cum pluribus, *fixum Sal ex Capite mortuo urina elixiviatum, urina non esse nativum, sed adscititium*, ut alia omnia herbarum alkalia fixa. Sunt enim Sal volatile propter exhalationem particularum sulphurearum, per combustionem, fixatum; hinc in plantis, destillatò & extractò Sale volatili, Caput mortuum nulum Sal fixum largitur, teste Magnifico Hercule, *Experim. Chim. nov. de Sale plant. volatil. cap. 3. p. 30.* Vide etiam elegantissimè de horum Salium Genesi novà differentem *Tackium, Phas. 3. p. 23.* Caput mortuum, suò Sale cassum, ab adsumtis alimentis arcessendum, quæ omnia abundant terrâ. Postremò nostra hypothesis est longè aptissima, multis, circa urinam, difficultatibus expediendis. Heic enim apparet (1.) *Materiam urina non sola potulenta præbere*, ejusque proinde quantitatem juxta potulenta nil quidquam esse mensurandam. (2.) *Quid de Uromantia sit judicandum*, patet: nimirum, quàm ea sit fallax, & quàm minimè deceat Medicum prudentem, soli huic diagnosi inhærere. Quandoquidem enim urina per fermentationem, paratur, ab errore levissimò, tum ejus turbare consistentia, tum color etiam in deterrimum verti potest, ut ita, reliquis non consentientibus, vix de urina nigra, quòd sit lethalis, pro-

pronunciare liceat. Immo, urinæ ex hac hypothefi, non est
semper, nec esse debet eadem, etiam in eodem subjecto, con-
sistentia, ob adsumptorum quotidie nunc variantium diver-
sitatem, excretionem nunc maturam, nunc tardam, corporis
motum, aëris intemperiem, & quæ sunt alia, sicuti doctè Ho-
boken. *Physiol. p. m. 256.* Idem quoad colorem prorsus obti-
net, quem esse debere aureum vulgò statuitur, natalesque suos
debere Sulphuri à Salibus urinæ explicato, quorum ope &
ipsa existat pellucida. Nam, pro circumstantiarum ratione,
urina singulis diebus, quin momentis, etiam in corpore sa-
no, faciem aliam induere potest. *Quid enim ipsò colore fuga-
cius, quid mutabilius?* Quò major est Salium volatilium copia,
eò fugacior color: Hinc rosarum odor & color, ob Salis vo-
lilitatem mox evanescit, Pœoniæ color non idem, quia Sal,
quod continet, est fixius: Urina maximè abundat Sale vola-
tili, color ejus ergò fugax & mutabilis, ex quolibet accidenti,
etiam nonnaturali. Quò pactò colores in instanti queant
oppidò mutari, vid. *apud Boyle elegantissimò de coloribus tra-
ctatu*; item *Elsholt. destillator. curios.* quæ omnia transcri-
bere non juvat. Exemplo sint pauca: Sir. violar. purpureus
instillatione Spiritus Vitrioli viridè rubescit, superadditò Tar-
tari oleo, viridescit, qui viror, rursus instillatò Spiritu Vi-
trioli, illicò perit. Sirupus Flor. Pœoniæ, additò Sale Vitrioli
nigrescit. Solutio Saturni cum Aceto destill. est pellucida, ad-
dito Tartari oleo limpidissimò, lactescit. Lac virginis elegan-
ter rubescens & transparent, Aquam simplicem puram in lac
convertit. Lignum acanthinum Brasilianum, Aquæ com-
muni infusum, vini rubelli colorem æmulum efficit; infusò
Acetò dest. liquor fit limpidus: Oleo Tartari, purpureus: Spi-
ritus Vitrioli, pallidè flavescens: Oleo Saturni deliquato, la-
tescens. Vitrioli solutio cum infusò gallarum confusa dant
atramentum extemporaneum: superadditò Spiritu Vitrioli
nigredo clarescit: Oleum Tartari spadiceum efficit, cui affu-
sus denuò Vitrioli Spiritus omnia serenat. *Quis ergò fidat*

urinae coloribus? quem ferè quævis assumpta variare queunt, alteratis hinc humoribus; quem itidem assumpta medicamenta, cumprimis, quæ dicuntur præcipitantia. Nec verò repudium dico *Uroscopia*, quam Praxis me docuit, esse frequenter necessariam & utilissimam: Sed agendum cautè moneo: Medicus, ubi morbi typum ex aliis sibi signis formavit, si urina non consentiat, propterea semet ab opinione seduci non patiatur. *Quid igitur de Urina sanorum simili in febribus malignis?* nondumne credis talem dari posse? Unius rei plures sunt causæ, colorum plures & variæ mutationes, colorum itidem variæ causæ: *Sic laudabilis urina coloris potest etiam esse præternaturalis causæ.* Nam, quoniam est humorum in omni febre fermentatio, ideoque tunc fermenta peregrina, seu præternaturalia in sanguine delitescunt, hæ febrium malignarum urinae ab istis *fermentis spuris*, non autem naturaliter in sanguine & sero contentis, cum Sale volatili, cum Spiritu acidò, tinguntur. Dantur enim, inquit *Burrhus apud Tack. Phas. 2. p. m. 158.* aliquando species quorundam morborum, quæ opitulari videntur aliis incommoditatibus valetudinis, ut v. g. stomachi firmus appetitus, qui, & si fortè laudatur ab ægroto, nihilominus esse semper suspectus debet Medico, quia ex illis spuris (scilicet Spiritibus inspiratis, uti paullò ante philosophatum) erit, qui ab inspiratâ aliquâ acidâ putredine, proventus sibi adquirat &c. Igitur, quemadmodum apud ægrotos persæpè appetitus augetur, non à fermento, naturaliter suò acore præditò, sed aliunde ventriculò per morbidas, (modò sint acidæ) exhalationes inspiratò, ita fieri potest in morbis summè malignis, ubi non tam in humorum, quàm Spirituum tumultu cardo vertitur, ut Sal volatile peregrinum, cum eodem Spiritu arterioso acido, sed ipsò quoque spurio, in vesica concurrant, & urinam colore laudabilem efficiant, & quidem eò saniores, quò magis evehuntur ista Salia, hinc ægri sanissimâ ad sensum urinâ moriuntur. Ut enim color viridis, ruber, niger, variè acquiritur, nec unò modò confi-

conficitur, qui tamen colores in videntis oculô nil discrepant:
 uti e. g. Tinct. Lunæ tralatitia, solutio Salis Armoniaci in pelvi
 aeneâ, Tinct. Florum Cyani, cum Aqua instillatô Vitrioli Spi-
 ritu extracta, omnia sunt æquè cœrulea, quantumvis diversis-
 simæ mixtionis. (Sic ego ex vesica antiqua, stannô suô, quô
 obducta intus erat, orbata, Aquam Flor. Sambuci totam sap-
 phirinam, sed eximiè foetentem, destillavi.) Uti Flores Bor-
 raginis & Napelli sunt utrique cœrulei, Flores Chelidonii mi-
 noris & Aconiti hiemalis utrique aurei; & nihilominus illi
 primi Flores salutare, hi ultimi deleterii: Ita nihil vetat, et-
 iam aliâ ratione, quam vulgari, posse urinam colore sanô ge-
 nerari, vel etiam dari morbosa Salia & Sulphura, quæ urinam
 sano similem reddere valeant, subjectô nihilominus summè
 ægrotô. Sic Sal arteriosum summè acidum, & feri summè
 lixiviosum, urinas reddit nigras, quæ singulis diebus ad ali-
 quot libras exire visæ. (3.) Ex hac hypothefi *urina fetida*,
stillicidium, *mixtio pultacea*, *diabetes*, *generatio calculi*, omnium
 istorum, inquam, causæ, ei, qui saltem curatius attendit,
 longè promptius eruuntur, quàm juxta vulgarem, quod
 ostendere sustinui, in dicta *Urocystologia*; siquidem ejus *quina*
sectiones findebantur, prima *physiologica*, altera *pathologica*,
 de vesicæ affectibus, hinc *semiotice*, ubi de Uromantia; mox
dietetica, denique *pharmaceutica*, ubi de variis ex urina
 paratis, tum in-tum externis medicaminibus. Sed adeò
 mihi non placet iste meus foetus, ut audeam eum eniti: Sal-
 tem hæc excerpere placuit è sectione prima, ad illustrandam
 observationem, de urinis sanorum similibus, in febribus ma-
 lignis & petechialibus. Coronidis locô circa urinam adhuc
 sequentia notavi. In *India Orientali*, & cumprimis *Nesoco-*
mio Goa, ex morbo convalescentibus, præcipuè per nimias
 Venæsectiones exhaustis, ut colorem & vires recuperent, im-
 perant per duodecim dies, quotidie mane, pomeridie & ve-
 speri, *potum Cyathi urinâ vaccinâ pleni*, cum successu, teste
Tavernieriô Itin. Ind. lib. 1. cap. 14. Idem lib. 3. cap. 9. notat,

in Regno *Coromandel* moribundos sub anum vaccinum re-
 supinari, vaccam autem adstantes, caudam ejus motitando,
 ad mingendum irritare, cujus urina, cum per moribundi fa-
 ciem defluit, oppidò lætari, quasi jam, depurata ab omni la-
 be anima, beatissimè obierit; sin autem vacca, ægro intereà
 moriente, nolit mingere, vehementer tristari. Practicus ma-
 gni nominis adseveravit, in urina jumentorum *cerumen hu-*
manum subsidere, in humana supernatare, indeq; se posse
 fraudem, Medicos jumentorum urinis frivole ten-
 tantium, certissimè deprehendere.



CHRISTIANI FRANCISCI
PAULLINI
OBSERVATIONUM
MEDICO-PHYSICARUM
DECADES DUÆ.

NORIMBERGÆ
ANNO M DC LXXXIX.

VIRIS
VIRTUTE, DOCTRINA, ET GLORIA
EMINENTISSIMIS,
DOMINO
JOBO LUDOLFO,

Jcto, Sacrae Caesareae Majest. & Sereniss. Saxoniae
Ducum Consiliario splendidissimo &c.

DOMINO
GOTTFRIED-WILHELM.
LEIBNIZ,

Jcto, Sereniss. Ducis Brunsv. & Lyneb. Con-
siliario gravissimo &c.

DOMINO
GEORGIO CONRADO
BÜTTNERN,

Jcto, Illustrissimae Aulae Schwartzburgico-Arnsta-
diensis Consiliario celeberrimo &c.

Dominis & Patronis suis sanctè ve-
nerandis,

Tertium hunc Observationum manipulum.
bonâ mente
offert

C. F. Paullini.

OBSERVATIONUM MEDICO-PHYSICARUM

DECAS I.

I.

Astihulfius, nobilis Dynasta ab Ilefeld,
Nosologiæ animatæ venusta
Synopsis.

Vixit olim sub *Ludolfo*, Abbate Corbeiaë Saxoniae XII, (qui ab anno 964. usque ad annum 989. sedit,) nobilis adolescens *Astihulfius* ab *Hilifeld*. Quæ familia quondam inter Dynastas seu Comites Saxoniae florentissima, ut constat è libello de monast. *Bigawiens.* à Cl. *Madero* edit. pag. 16. Et *Chronic. Lauterberg.* ad annum M C LXXX. expressè vocat nobiles Viros de *Waltingerohde*, de *Scartfeld*, de *Dannenberg*, & de *Ilefeld* &c. Hic, notante *Meinharto* à *Lüchtringen*, etiam nobili cœnobita Corbeienfi, (qui vixit sub *Wittekindo*, nobile *Spiegelio*, Abbate XXX. A. C. 1200; excessit verò sub *Hugoldo* circa annum 1219.) in *fragment. rerum mirabil.* ad annum DCCCC LXXVII. ob reliquias *Crispi* & *Crispiniani*, miserè periit. Accepi, inquit, à PP. nostris, sub *Luidolfo* *Astihulfium* de *Hilefeldt* cum sacris *Crispi* & *Crispiniani* reliquiis ad suos profectum. Cumq; omnium profanorum manibus aliquando irreverenter & minus devotè tractari permetteret, in miserabilem lapsus est morbum, quem denuò fidâ manu posteris hîc transcribam.

Astholf de *Ylefeld*, noster olim confrater, sub pio *Luidolfo*, qui etiam multis inclaruit miraculis, domum cum venia iturus, sanctas S. *Crispi* & *Crispiniani* reliquias, à Rege nobis datas, sine venia secum duxit. Sua enim custodia & cura (nam custos erat

erat Ecclesia) erant commissa. Et quia in itinere & apud suos non satis religiosè venerabatur sacra officula, ab aliis etiam conspurcari sineret, supremum Numen hoc non inultum esse voluit. Febriculâ primùm pessundatus, multas postea noctes sine somno, cum magnis capitis tormentis, transegit miserrimè, rotatus interdum vertigine, mox phreneticus, mox in rabiem actus erat, saltabat, & nullibi poterat quiescere: mox risit, mox flevit, jam tacuit, jam cum stridore dentium alios invadens. Mox horrore & rigore perculsus, omnia membra summâ violentiâ sursum deorsum jactitabat, mox trunci instar immotus jacebat. Modò brachia ad pedes, & pedes iterum ad superiora, vi traherantur; jam dicebat, pectori aliquid incumbere, à quo metueret suffocationem: mox fixis oculis planè immobilis quasi meditundus omnia intuebatur, & loquebatur insolita. Aliquando oculi, aures dentesq; summè dolebant, cadentibus de capite catarrhis falsis; mox convulsiones associabantur, & surdaster erat; jam lingua tumebat, & deglutitionem impediēbat, mox conquestus de constrictione colli, in quo tumor erupit magnus, brevè evanescens. Totus emaciatuſ erat, & cum tussi spuebat cruorem, cum singulari laterum dolore. Cor palpitabat perpetuò, manifestus dolor & tumor ventris, appetitus nullus, sed vomitus & nausea, & mirabilis sæpè sudor. Ante mortem tamen ingens fames, & variarum rerum appetentia: hodiè fluxus alvi, cras ejus obstructio, in lumbis quoq; tormina, calculum dicebant: urina impedita, in pedibus & alibi putida & morsicantia passim ulcera & tumores. Paulò ante obitum per os & alium locum multos terribiles ejecit vermes, qui etiam ex cadavere ejus prorepère: Corbiga ad Wisaraha annò Domini M XXXIX. in vigil. S. Scholastica. Dithmarus, Episcopus Merseburgicus, Comes Walbeccensis (non Summeringensis, ut Fabritius vult L. II. Orig. Saxonie.) Sigfridi, Episcopi Monasteriensis XIII. & Brunonis II, Episcopi Ferdensis XXI. frater uterinus, (ut ipse fateatur L. IV. Chronic. pag. 77. & L. VI. p. 157. & L. VII. p. 205.) etiam meminit hujus historiæ, quam sis vide L. IV. Chronic.

p. 49. Tetigit eandem *Alexander*, Comes de *Insula*, ad A. C. 1180. inquit: *Astihulf* insolito morbi genere periit. Nihil addo, nihil demo fidei hujus narrationis. Omnium una vox, *Astihulfium* plexum esse ob reliquias parum modestè & religiosè tractatas, quæ calculum suum addit *Mauritius à Lohren*, Monachus Benedictinus, qui vixit circa annum 1239. Sic enim de eo:

*Dum sacra Sanctorum haud sanctè Astihulfius ossa
æstimat, à Summo pleetitur ille DEO.
Quàm miserè expirat! visu & mirabile dictu est!
mors Crispinus ei & Crispinianus erat.*

Et *Daniel Ruffus*, Monachus Reinshufanus, ita de eodem:

*Quàm justè cecidit! quis? Astihulfius: oja!
Sanctorum ossa quid is irreverenter habet?
Quisquis es, obtestor, noli tu temnere Divos,
illorum vindex officulum esse potest.*

Hæc illi. Verùm si altiùs expendam relationem hanc, & singula ejus momenta ad rationis & experientiæ lancem sobriè trutinavero, parum sanè de reliquiis seu *Crispini* aut *Crispiani*, earumque reverentia vel irreverentia, ego hic sollicitus, stupebo potius miserabilem, voce *Meinharti*, seu *insolentum* *Astihulfi* morbum, ut *Insulanus* vocat. Quàm miserè enim expirat! visu & mirabile dictu est, clamat *Lobrenius*. Panditur heic augustum Patho-seu Nosologiæ animatæ theatrum. Omnes siquidem questus, quos prolixè contexuit membrana, ego à *vermibus*, ceu fonte & scaturigine suâ derivō. Quod ne ἀνίστορ καὶ παγάδοζορ videatur, agè, fideliter illustrabo, miseriæ lethique mei, talia ruminans, piè memor. Totum mundum qui dixerit *verminosum*, è tripode fatus est. Monstravimus nuper vermes in omni elemento, in omni planta, fructu, cibo & animalibus &c. in *Cynograph. curios. Sect. ult. c. 3.* Est in India spurcum foetidumque animal, quod cum excrementis nil quàm colubros emitit. *Nierenberg.*

Dec. II. Annus VII.

* P

L. VI.

L. VI. c. 9. Nos sanè (quorsum diffitebimur?) longè foediora ac foetidiora animalia, quæ excrementa, seu seminia verminosa, omni cibò aspersa, avidè quotidie ingerimus ac egerimus, colubris aliquando longè pejora. Sic *dulcedo nostra Vermes. Job. XXIV. 20.* Omnis homo *verminosus*. Ab hac lue nemo excipitur, Tros Rutulusve fuit! Sic ergò omnium æquè pauperum tabernis ac Regum turribus hoc oraculum Jobæum *c. XXV. 6.* *Adam PUTREDO, & filius hominis VERMIS*, ceu perpetuum veritatis mnemosynon, aureis literis inscriptum; quod *Athanasius Kircherus*, fautor meus, dum vixit, æstimatissimus, ita interpretatur *Lib. de Peste Sect. II. c. 4. p. 240.* & *L. XII. Mund. subterr. Sect. II. c. 7.* Omnis homo tam vivus, quàm mortuus, innumeris, licèt insensibilibus, *vermiculis scatet, omnesq; morbi, tam in-quàm externi, vermibus obnoxii sunt.* Næ hepar hominis, & cætera parenchymata, oculatissimus *Kerckringius observ. 93. p. 178.* ope microscopii, infinitis scatere vidit animalculis minutissimis, quæ perpetuò ea consumunt, ut cinea, *Job. IV. 19.* Nam qui nos comedunt, non dormiunt, *cap. XXX. 17.* Adeò caro nostra putredine induta est, *cap. VII. 5.* ut nemo non dicat putredini: tu es pater meus; mater mea & soror mea vermibus, *cap. XVI. 14.* Etsi expendas cum Excell. D. D. *Hannemann*o, Prof. in inclyta Kiloniensi celeberrimò, Curiosorum Nestore II. Fautore, Collegâ & Amicò honoratissimò, in *Decur. II. Ephem. Curios. Ann. V. Observ. 85.* contextum carnis, qui ut est filamentalis, quot igitur filamenta hunc contextum absolvunt, tot *vermiculos* ex carne generari tibi persuasissimum habebis. Sicque exiguum frustulum carnis aliquot legiones *vermiculorum* ex se gignet. Memorabilis sanè, quam ibi attexit, historia Sincerus Observationum mearum encomiastes, de homine, febre purpureâ defuncto, cujus vultum domestici stanneò vasè obtexerant, quò remotò, eidem innumeri *vermiculi* adhærebant. *Hui! homunculi quanti sumus! Plaut. in Prolog. Capt. v. 51.* Quàm pulcher, quàm sanus, quàm integer

teger homo ante mali istius mali esum, à quo omnia mala, fuerit, & quàm foedus contrà, quàm ruinosus, quàm *verminosus*, quàm abominabilis nunc post lapsum sit ex maledictione divina, dixi in *Jobo* meo *verminoso*, ut verissimè *Democrit.* apud *Hippocrat. in epist. ad Damaget.* clamer: ὅλος ἀνθρώπος ἐν γυναικὶ νεκρὸς ἐστίν, omnem miseriam dixeris, si hominem dixeris, explicat *Plinius*, ut non amplius mereat speciosum *Adami* nomen, quod nil aliud, quàm *formosum & jucundum* denotat, teste *Illustri Ludolfò*, *Consil. intimo Cæs. & Saxonico*, Fautore meo candidissimo, *L. I. Hist. Æthiop. c. 15.* Aureò asteriscò digna aureola prorsus & rarissima historia *Faschiana*, quam in *Programmate* quodam academico anno 1685. allegat, quæque omnium vicem supplebit. Scilicet de matrona honestissima marito suo spem faciente prolis certissimam, quam confirmabant mulierculæ omnes expectantes filiolum, futurum parentis gaudium. Verùm enim verò, quamvis ex variis signis, præcipuè nisi imminentis puerperii spes fuerit facta ab adstantibus, omniaque parata steterint, nihilominus tamen spe cecidère suâ omnes; siquidem ad sextum idem permansit status mensem. Tandem verò, post usum pharmacorum, propulsis veræ ingravitationis signis, exclusâ succedentibus diebus est amplissima foetura *lumbricorum*, per secessum partim liberorum, partim membraneis involucris ad ovi gallinacei magnitudinem inclusorum, ut jurâset, aliquot millia rejecta fuisse per vices *verminosa* sobolis agmina. Alia, mihi nota (quâ de *Decur. I. Eph. Curios. Ann. VII. Observ. 234.*) elapsò post partum octiduò, varia & insolita patiebatur symptomata, quod Medicus, dum crederet, à partûs difficultate provenisse, electis ad hanc rem medicamentis compescere fideliter studuit, sed frustrâ. Ipsa tandem aliud quasi agens emeticum sumsit, à quo per biduum vel mille *erucas* & diversi coloris vermiculos evomuit, omni questu sublatò. Ecce! *Astihulum* nostrum, amplissimum *Nosologia animata* theatrum, & augustum vivæ mortis compendium. Multos enim & terribiles

biles ἀνὰ τὴν νάρην ejecit vermes, qui etiam ex *cadavere* prorepsère. Prudenti pauca! Prodrumus morbi fuit febricula, cujus comites *vigilia perpetua*, & *pertinax capitis dolor*. Singula verba singula rerum pondera! Dubio sine primùm invaserit eum horror, seu rigor, non adeò gravis, qui verò augmentum sumens ac vires, molestissimas demùm vigiliis, & exquisitissima capitis tormenta peperit. Quàm blandò nomine *febriculam* appellat, ne nescias, fuisse intermittentem, addo: *Verminosam*, ex quacunque etiam classe fuerit. In *quotidiana* vermes. Mulier latum *vermem* miræ longitudinis palpitantem egressit. Donat. L. IV. c. 26. p. 480. In *tertiana* vermes. Quadragenaria ante paroxysmum magnam *saburram bilis*, cumque ea tres *vermes*, figurâ, colore & magnitudine *erucis* similes, subatriores tamen, evomuit, qui integros octo dies sine ullo alimento vixère. Schenck. Sect. I. Lib. III. Observ. 81. Alius, præter multa liquida & corrupta, longam seriem *vermium cucurbitinorum* invicem cohærentium egressit. Donat. l. c. p. 480. Et valdè memorabilis *Amati Lusitani* historia C. I. curat. 56. Adde Dec. I. Ephem. Curios. Ann. VI. Observ. 104. In *quartana* vermes, & quidem cum molestissimo alvi fluxu in puella duodecim annorum. Vid. River. C. I. Observ. 16. 28. & 91. & C. II. Observ. 16. ac II. à D. Jacotz communicat. pag. 340. Conf. Fascicul. I. Observ. mear. Medico-Phys. num. 22. ejusque rei exemplum nuper mecum communicavit Amicus meus *Kellnerus*. Alius *quartanarius*, post usum pulveris *asari* cum Spec. Diaturbit. permixti, *vermem* satis longum ἀνὰ rejecit. Greg. Horst. Sect. XVIII. epist. I. In febre *continua* vermes. Amat. Lusitan. C. V. curat. 7. In febribus *petechialibus* aliisq; *malignis* innumeri vermes. Anno 1659. in obsidione *Hafniensi* multi, de dolore ventriculi, qui conquesti erant, concitatò vomitu, *vermes* spithamam longos revomuerunt, subsequatâ sanitate, notante etiam *Paynkingio*. Pluscula hujus rei exempla dabunt Thom. Bartholin. C. VI. hist. anat. 29. Sachs. in Ocean. Macro-microcosm. §. 140.

Rubeus

Rubeus in exercit. IX. p. m. 122. in Schol. Hippocrates L. IV. Epid. 23. Smetius L. X. Miscellan. p. 563. Borellus C. III. Observ. 4. Binninger. C. V. Observ. 16. Jeremias Martius in Observ. Med. 67. Lotich. L. I. c. 3. Observ. 1. Salmut C. III. Observ. 54. Aug. Hauptmann de therm. Wolckensteinens. pag. 199. & 249. Panarol. Pent. I. Observ. 41. & Pent. V. Observ. 15. Heurn. de morb. capit. p. 55. Greg. Horst. Sect. XVIII. epist. 1. seq. Hochstetter. Dec. I. Observat. p. 62. Bellin. de febb. proposit. 27. pag. 410. edit. Lips. Tiling. Rhabarbarol. curios. Part. IV. c. 7. p. 499. seq. P. à Castro in pulcherrimo suo de febribus puncticularibus libello S. I. §. 15. & complures alii. Febrim. Astihulfianam subito excepit molestissima vigilia. Num apriorem finxeris causam, quàm colluviem animatam? Puerulus singulis noctibus vigiliis molestissimis afflictus, totam viciniam ejulatu complebat. Variis ultra annum frustra adhibitis, multisque purgationibus repetitis, tamen Velschius noster tandem insignem lumbricorum copiam expulit, & puer ejulare desit. Dec. I. Ephem. Curios. Ann. VIII. Observat. 36. Successere magna capitis tormenta. Nolo abstrusioris hujusmodi doloris exempla verminosa benè multa, vel è Sect. ult. Cynograph. meæ c. 7. §. 1. seq. vel ex Observ. mear. Fascic. I. num. 39. & 101. recoquere: quæ verò ibi omissa, subnecto. Quidam apud Beniven. de abdit. cap. 100. cum acuto capitis dolore, mentis alienatione, caligine oculorum, & aliis pravis symptomatibus afflictus, septimò die adventante, cum jam mors esset in propinquo, vi tandem robustioris Naturæ, vermem ex dextra nare palmo longiorem emisit, omni languore cessante. Matronæ post vehementissimos & acutissimos & diuturnos capitis dolores, dissecta calvaria magnam vim putredinis ostendit circa substantiam cerebri, & inter meninges tum vermiculorum, tum cimicum copiam incredibilem. Cornet. Gemma L. II. Cosmog. c. 4. Adde Cl. Bartholin. C. II. epist. 74. Dec. I. Ephem. Curios. Ann. III. Obs. 266. Binninger. C. I. Observat. 34. & C. V. Observ. 56. Verzasch. C. I. Observ. 6. Hercul.

Saxon. L. I. Med. pract. c. 2. Forest. LIX. Observ. 2. in Schol. & L. XXI. Observ. 28. Sabina Ysenhardtin / venusta puella tredecim annorum, contumacissimâ cephalæâ tertiam usque in septimanam excruciata, tota tandem contabuit. Propinârat Medicus Syrupos, Julepos, & sexcenta alia, sine levamine, sine ulla spe sanitatis. Sagax mater obtestata Senioremem istum, ut contra *vermes* pugnaret. Hos enim subesse, sibi persuaserat Affaniæ, barriebat morosum istud animal, quid tibi cum vermibus? biliosi humores sunt, prætereâ nihil. Puella interim moritur, prodeuntibus ex auribus naribusque, aliisque corporis partibus, *vermibus* diversæ figuræ, coloris & magnitudinis, quos adolescentulus adhuc in Franconia his oculis vidi. Sincerè: crebrius aliquando hallucinamur in indagandis morborum causis. Celeberrimus ille quondam Professor *D. Nicol. Stenonis*, postea Episcopus Titiopolitanus, & Vicarius Apostolicus, (cujus transitum Ars nostra adhuc luget,) Amicus meus, dum viveret, singularis, in solenni quadam anatome publicè retulit, Italum quendam Medicum de gravissimo lienis dolore questum fuisse, spleni que omnia sua applicuisse remedia. Apertò demùm cadavere, lienem abs omni parte sanum repertum, & contrà in rene ejusdem lateris, & quidem in ipsa substantia, copiosissimas *arenulas*, omnis doloris causas. De humoribus acris & flatibus falsò pro *vermibus* habitis, vide *Dec. I. Ephem. Curios. Ann. II. Observ. 173.* Conf. *Höchstetter. Decad. VI. Observ. p. 705.* Puella sexdecim annorum menstruata primùm purgabatur *νάρω*. Parens aliud quid subesse rens, ad partes vocat musteum Doctorem, qui *dysentericam* proclamat, datisque validioribus adstringentibus optimam puellam brevî occidit. Novi aliam septendecim annorum, quæ menses aliquando *ἀνὰ* rejiciens, curabatur à Licentiato pro simplici *hamoptoica*. Sed & illa decessit. Adolescens totus emaciatus, ut sceletri formam haberet, à duobus Medicis pro consummato *phthisico* diu curatus, tandem aliis extorsit consilium. Qui visis & expensis, quæ isti

isti adhibuerant, remediis, ægro in deteriore statum subindè lapsò, mutavit sententiam suam, & de *affectu hypochondriaco* paulò altius cogitare, heparque & lienem cum vicinia penitiùs examinare coepit. Sic Natura prostrata caput elevavit, hostemque sibi ingratum eliminavit, juvene adhuc superstitè, & sua agente feliciter. Sequitur vertigo. *Rotatus interdum vertigine.* Et hæc à *vermibus*. Vide, quæ de ea, aliisque symptomatibus rarioribus, à *lumbricis* ortis, habet *Binninger. C. V. Observat. 33. Idem C. IV. Observ. 28.* uxorem sistit à plurimis annis, quæ ardorem in interioribus pedum plantis & manuum volis senserat, verriginosa & epileptica tandem concidit; deturbatis verò *lumbricis* plurimis, sanitatem diutissimè perditam brevissimè & facillimè recuperavit. *Mox phreneticus, mox in rabiem actus saltabat.* Cuncta à *vermibus*. Quod vix credes, nisi exempla afferam. De phrenitide *verminosa* Paracels. *L. II. §. 2.* Rusticus quidam à somno sub arbore expergefactus per medium annum maniacus fit, sed acceptâ tabaci uncia, & concitatò vehementissimò stertutamentò, prodiit *eruca* nigra, pilosa & longa, illeque subito convaluit. *Dec. I. Ephem. Curios. Ann. IV. Observat. 37.* Adde *Fascic. I. Observ. mear. Medico-Physicar. num. 123.* *Mox in rabiem actus.* Puto, esse formulam exaggerandi. Cæterum quæ sint meæ de *rabie* meditationes, in *Cynograph. Sect. ult. cap. XI.* placidæ Eruditorum censuræ modestè exposui, easque *Fascic. II. Observ. mear. num. 60.* historiâ caninâ confirmavi. *Saltabat*; non ibo inficias, aliquando speciem tarantismi, seu choreæ S. Viti periodicam accessisse. Ad illam quoque, & quidem lunaticam, à *vermibus* notavimus in *Fascic. I. Observat. num. 8.* Et nullibi poterat quiescere: Quidam semper hinc inde temerariò motu & inordinatò impetu ferebatur, ut etiam stare volens iterum titubaret & caderet, Medicis judicantibus, hujus mali causam distentionem cum saltu esse, conjectura facta ex quodam tumore, in quem paucis diebus puer incidisse dicebatur. *Beniven. autem de abdi-*

his cap. 92. larvam detraxit, expulsisque multis *vermibus* puerum in integrum restituit. Nobilis puer quotidie circa tertiam pomeridianam prehendebatur inquietudine, anxietate cordis, ut lectum petere cogeretur, insignique melancholiâ, quæ symptomata durabant per integram horam, ejectis verò lumbricis bellè convaluit, notante *D. Mollerô*, Medicò Cùstrensi, *Dec. II. Ephemer. Curios. Ann. V. Observat. 27.* Conf. *Amat. Lusitan. C. II. curat. 40.* *Mox risit, mox flevit, jam tacuit, jam cum stridore dentium alios invadens.* Mira symptomata verminosa! Mulier propè Northusam in delirio perpetuò garriens ridensque, *αὐτὴ καὶ κάτω* multos rejecit *vermes.* *ἄφροντα* vide apud *Zacut. prax. admir. L. II. Observat. 36.* De cæca & muta à *vermibus* *Decur. II. Ephemer. Curios. Ann. V. Observat. 170.* Puellus septem annorum visu, auditu, aliisque sensibus privatus, torpidus, somnolentus, imò in supremo agone constitutus, expulsis *lumbricis* ocyùs & bellè convaluit. *Binninger. C. IV. Observat. 32.* Puer semper circa Lunæ occasum difficultate loquelæ laborabat, ut parens metuerit obmutescentiam, rejectis autem *lumbricis*, omnia erant salva. *Dec. II. Ephemer. Curios. Ann. V. Observat. 27. in Schol.* Novi ego adhuc puerum decennem, carbonarii filium, qui, canis instar, perpetuò in angulo quodam sub scamno jacet, mox gannit, mox ringitur. Si quis propiùs accedit, invadit, & latrat, & mordet. Et omne istud à *vermibus.* *Mox horrore & rigore percussus.* Lucem afflat observatio *Pollucis* nostri *Dec. I. Ephemer. Curios. Ann. I. num. 104.* & *Dolaana* illa *L. VI. Encyclop. Med. c. 10. p. 1013.* Puella à morbillis redempta & pristinae sanitati restituta, de totius corporis tremore, sed interpolato, conqueritur, quem sequenti die tam vehemens universi corporis excepit motus, omnes in medio & infimo ventre contentas partes quasi divulsurus, singulis diebus ter vel quater affligens, sed absque notabili dolore, & ratione salvâ ac illæsâ manente. Durante paroxysmò, per duas horas se extendente, decumbebat cum horrenda hinc illucque jactatione, omnia tamen

tamen benè intelligens. Tandem variis, sed frustrà, tentatis, infusum contra *Vermes* dedit Medicus, & innumeri excreti sunt, tam horrendo symptomate penitus cessante. *Omnia membra summâ violentiâ sursum deorsum jactitabat.* Puellæ octennis caput, brachia sursum deorsumque agitabantur, ad eò, ut neuter pes ullibi permanserit fixus. Verùm oblatò aliquoties haustu aquæ stillatitiæ raphani rust. aliis aquis, ob acrimoniam, temperatæ, undecim ejecit *vermes*, & motûs convulsivi brevî cessârunt D. D. Strommann apud Bonet. L. I. Med. Septentr. Sect. XV. c. 5. Mulier per duos ferè annos miris & capitis & brachiorum, imò totius corporis convulsioni- bus, seu potiùs gesticulationibus, in stuporem omnium tentata, post mortem tota *verminosa* inventa est. Puella similibus concussionibus spasmodicis ultrà tres menses indefinenter agitabatur, quæ tandem, sumtò emeticò, ultrà manipulum granorum triticeorum, cum multa stercoreum albican- tium saburra, *ἀνακαταρτή* rejecit, & sic penitus liberata est. Postea verò iisdem symptomatibus vexata denuò, exhibitò emeticò, longissimam *taniam*, cessante affectu, excrevit. Eadem fortè *tania* prioris tragoediæ fabra, forsân etiam tunc cum saburra ista exclusa, licet non animadverterint adstantes. Idem Bonet. L. III. Sect. XVI. c. 4. SchenckI filiolus triennis à *lumbrico* acuto, sanguineo & rostrato terribilem spasmus pas- sus. L. I. Observat. 217. Lanio spasmò scorbuticò crudeliter excruciatu, obtinuit à splenetico Doctore Cl. Dravvizio tract. de scorbut. tit. 2. p. 126. seq. purgantia, quæ inter Jalappa, quam speciosè commendat, *taniâq;* expulsâ, *ὀρεζαδιος* sibi redditus ille. Et P. Forestus L. X. Observat. 117. puerum à spasmò *ver- minoso* redemit semine Zedoariæ, umbilicò verò oleò Aloës inunctò, spina dorsi oleò liliorum. Mox trunci instar immo- tus jacebat. De paralyfi *verminosa* legatur Salmut C. I. Obser- vat. 44. Bonet. L. III. Sect. XVI. cap. 15. & Fascic. I. Observ. mear. num. 19. Modò brachia ad pedes, & pedes iterum ad brachia vi trahebantur. Adjunge curiosam Toneri observationem.

L. II. p. 94. & Dec. II. *Ephem. Curios. Ann. I. Observ. 120.* Jam dicebat, pectori aliquid incumbere, à quo suffocationem metueret. De incubo à vermibus vide Sennert. L. I. *Prax. P. II. c. 29.* Mox fixis oculis planè immobilis quasi meditabundus omnia intuebatur. Ecce catalepseos specimen. Et illa à Vermibus, Schenck. L. I. *Observ. 107.* Et loquebatur insolita. De Italo verminoso perfectè germanicè loquente, quod tamen nunquam didicerat, vid. Cardan. L. VIII. *de Variet. rer. c. 43.* Conf. Zacut. *Lusitan. L. III. Prax. admirand. Observat. 222.* & eruditam. ARG I nostri dissertationem *de linguis peregrinis*, habitam Heydelbergæ anno 1675. Puella tredecim annorum variis symptomatibus, & catalepseos specie laborans, tribus idiomatibus peregrinis, cum primis gallico, quod tunc non adèò perfectè callebat, sine hæsitatione loquebatur. Verme autem mirandæ formæ exclusò, omnia celsârunt symptomata. Vid. *analect. ad Decur. I. Ephem. Curios. Ann. IV. p. 303.* Aliquando oculi, aures, dentesque summè dolebant. Casp. Wendland puero bienni vermiculum album è palpebra extraxit, cujus cuticula parùm duriuscula erat, magnitudinis erucæ, consumsitque vivendo quatuor dies amygdalas duas dulces: circa oculum pueri tumor insignis cum rubedine apparebat, palpebraque clausa non sine summo dolore manebat, extractò autem vermiculò puer postea bellè valuit. Dec. I. *Ephem. Curios. Ann. II. Observ. 24.* Aurium dolorem consignavit Pannarol. *Pent. IV. Observat. 27.* & Stadlender locò jam citatò. Nobilis puer de ingenti dolore & morsibus auris sinistrae ob vermiculum, qui dormienti irrepsérat, conquestus à Gruling. C. I. *Observ. 79.* ocyùs restitutus est, guttis quinque aceti bezoardici, aurì instillatis. Alius immani odontalgia ac periodica vexatus, sensit in dente aliquando saliens quid. Abrasâ demùm carie dentis in vasculum subjectum vermem expuit, qui, capite ad caudam reflexò, saltûs varios reiteravit. D. D. Jacobæus, Prof. Hafniens. *Tom. V. Act. Hafniens. Observat. 108.* exquæ iis Bonet, L. II. *Med. Septentr. Sect. IV. c. 13.* Adde Sal-

mut.

mut. C. III. Observat. 32. & Dec. II. Ephem. Curios. Ann. V. Observat. 192. Cadentibus de capite catarrhis salis. Fatur hic ore priscum. Rectius verò Schneider. Lib. de osse cribriformi, cujus vestigia calcat Celebris Rolfincius L. VI. Dissert. anat. c. 56. p. 1251. seq. Optimus Wormius, gloria Septentrionis, post febriculam vexatus à molesto catarrho, cum frequenti dolore capitis, post cibum sumtum ingravescente; at emunctio è naribus vermiculo egregiè sibi redditus. Thom. Bartholin. C. I. hist. 64. Cumque catarrhos salios dicat, suspicor, scorbutum subfuisse. Et in hoc vermiculi. Vide sputum verminosum apud Doleum L. II. Med. Septentr. Bonet. Sect. II. c. 3. & in breviar. rer. memorabil. Isibord. ab Amlunxen num. 14. Pastor iste scorbutico-cachecticus apud Timaum L. III. cas. 38. plures quotidie vermiculos albos minxit cum pruritu in cervice vesicæ & meatu urinariò. Mox convulsiones associabantur. Epilepsiæ verminosa exempla prostant apud Bartholin. C. VI. hist. 20. Zac. Lusitan. L. II. M. P. H. c. 17. Nic. Pison. L. I. de morb. cognit. & curat. c. 19. Forest. L. X. Observ. 65. Grüling. C. III. Observ. 74. Mœb. L. II. Instit. Medic. P. II. c. 12. Rhod. C. I. Observ. 59. Hauptmann in epist. ad Kircher. Verzasch. C. I. Observ. 30. Bonet. L. III. Med. Septentr. Sect. XVI. cap. 7. & complures alios. Et surdaster erat. De lumbricis putridis cum surditate, febre, & variis aliis symptomatibus Binning. C. III. Observ. 67. Jam lingua tumebat, & deglutitionem impediabat. Vide Dec. I. Ephem. Curios. Ann. VIII. Observ. 100. Sic stabulario cuidam tumor in amygdalis excrevit. Quò apertò, cum pure per vomitum fortè supervenientem vermis minimi digiti ferè crassitie exspuitur, ulnam cum quadrante longus. Post paulò alii subsecuti quàm plurimi, sed minores; quæis excretis, ulcereque consolidatò, convaleuit. Bartholin. C. II. hist. 23. & Avicenna difficultatem deglutiendi à vermibus habent. Mox questus de constrictione colli. Alius apud Salmut. C. II. Observat. 40. de constrictione gulæ & suffocatione conquerens, sumtis pilulis, evomuit

vermes, & sibi redditus est. In quo tumor erupit magnus brevi evanescens. Struma equidem animata non fuerit, qua de in Fascic. I. Observat. mear. num. 4. Totus emaciatus erat; pabulo à consalinis ei furtim surrepto. Vid. Cynograph. mea Sect. ult. c. 8. §. 6. Dec. II. Ephem. Curios. Ann. III. Observ. 60. Borell. C. I. Observ. 5. De cachexia ex eruca in ventriculo insignis Helvigiæ observatio 80. cum Scholio Celsi. Et cum tussi exspuebat cruorem. Tussim verminosam dabunt Thom. à Veiga Comment. ad L. I. Gal. de loc. affect. c. 5. Beniven. c. 77. de abdit. Schenck. L. II. Observat. 51. Rolsinc. de tussi pag. 85. Mæbius L. II. Instit. Med. P. II. c. 10. Hæmoptysin à vermibus notavimus ipsi. Sic quadriduanam hæmorrhagiam, cum qua vermis hirudini similis profluxit, Bonet. L. I. Sect. XXIV. c. 16. D. Ernst. in Dec. II. Ephem. Curios. Ann. I. Observ. 99. Nobilis matronæ stupendam, eamque verminosam, narium hæmorrhagiam narrat Schenck. L. VII. p. 468. seq. quâ intra anni spatium 400. maculas terreas compleverat, ne dicam de hoc, qui uero rejectus est, sanguine, & venæsectionibus, quas quinquaginta sustinuerat, ut computus sit 1000. librarum sanguinis excreti. Cum copiosissimo sanguine sæpius unâ quoque lumbrici ejeti, iiq̃ue 1200, digiti plerunque longitudine, etiam longiores, & æq̃. Potuit etiam phthiā laborasse; & in hac vermes, notante Timæo L. II. epist. 5. Cum singulari laterum dolore. De pleuritide verminosa lege Schenck. L. II. Observat. 92. Rhod. C. II. Observ. 12. Gesner. L. III. epist. 94. Quercet. in demonstrat. Hermet. c. 5. River. C. I. Observat. 75. Bonet. L. II. Med. Sept. Sect. XII. c. 7. & Fascic. I. Observ. mear. num. 68. Cor palpitabat perpetuò. Adde Forest. L. XXI. Observat. 26. in Schol. Paræum L. XIX. c. 3. Syncopen verminosam vide apud Zacut. Lusitan. L. II. Prax. admirand. Observat. 40. Panarol. Pent. IV. Observ. 29. Schenck. L. III. Sect. XVI. cap. 4. p. 627. Manifestus dolor & tumor ventris. Conf. Wier. L. IV. de præstig. Dæmon. c. 16. Bartholin. C. II. hist. 23. Schenck. L. III. Observ. 78. River. C. I. Observ. 5. Dodon. ad cap. 85. Beniven.

niven. Zacut. Lusit. L. II. Prax. admir. Observ. 31. Toner. L. III. Observ. p. 189. seqq. Dec. II. Ephem. Curios. Ann. III. Observ. 142. Forest. L. XXI. Observat. 26. in Schol. Salmut. C. I. Observat. 45. Bonet. L. III. Sect. XVI. c. 6. & 12. Cynograph. mea Sect. ult. c. 8. §. 9. Rusticus tumidum ventriculum habebat, assumpta statim revomens, circumgyrationes in eo percipiens, continuò dentium stupore, ac si sylvestria poma acerbissima comedisset, laborabat, vacillantes eos habere visus, qui obfirmari nullo modò vel jungi invicem possent: à pravorum humorum aciditate, à liene in ventriculum transfusæ, & membranæ interioris continuitate ipsos dentium alveolos gingivasque afficiente. Insomnis erat, pallidus, omni appetitu destitutus, contremiscens interdum, & dum dormiret, exclamans: vertiginosus, sonos antè se editos, à tergo excitatos esse judicabat, magnum oris foetorem percipiens, & ingentes lumbricos interdum evomens, cum vel leviter humeros onerabat, vel baculum illis imponebat, formicationes in digitis manûs percipiebat, edere & bibere metuebat; cumque sibi vomendum esset, excitatis vermibus & pravorum humorum corruptela, instar mortui evadebat. Binning. C. IV. Observ. 7. Ventriculi dolor triennis, deturbato per inferiora limace vivo, evanuit. Idem C. V. Observat. 63. De tumore universali rarò & subito à lumbricis in puero ostenni. Idem C. III. Observat. 53. Appetitus nullus. Avogéziæ exempla collegit Mæb. Fund. Med. Phys. c. XII. p. 205. Helvvig. Observ. 95. cum Schol. Schröckiano. Sed vomitus & nausea. Vide Bartholin. C. I. hist. 47. Mæbium L. II. Instit. Med. P. II. c. 5. p. 183. Lemn. L. II. O. N. c. 4. De stupendo vomitu cruento verminoso Rumler in Observat. num. 100. Dec. II. Ephem. Curios. Ann. I. Observ. 7. Et mirabilis sæpè sudor. Num quoque verminosus? qualem stitimus in Decur. I. Ephem. Curios. Ann. VI. Observ. 3. inque Breviar. Isibordiano num. 4. & in Fascic. I. Observ. num. 84. Adde Decur. I. Ephem. Curios. Ann. VIII. Observat. 85. Mirabilem tantùm vocat. Utrum verò viridis Borell. C. II. Observ. 56, Fascic. II.

Observat. mear. num. 17. seu ater, Hodges. Lib. de Peste Londinens. Zacut. L. III. Prax. admir. Observat. 73. Borrich. Volum. I. Aët. Hafniens. Observ. 80. Dec. I. Ephemer. Curios. An. VI. Observ. 10. vel melleus, Rhod. C. III. Observ. 68. Fascicul. I. Observ. mear. num. 25. aut Cerevisiarius, Salmut. C. II. Observ. 28. Fascic. II. Observ. mear. num. 15. seu violaceus, Fascic. I. Observ. mear. num. 17. vel urinaceus, Salmut. C. II. Observ. 82. & Fascic. II. Observ. mear. num. 15. lacteusve, Fascic. I. Observ. mear. num. 18. aut croceus, Hild. C. VI. Observ. 77. Dec. I. Ephemer. Curios. Ann. VI. Observ. 77. Mæb. Instit. Med. L. IV. P. II. c. 8. p. 511. seu demùm cæruleus fuerit, Dec. I. Eph. Cur. Ann. VI. Observ. 67. nescio. Ante mortem tamen ingens & variarum rerum appetentia. Famem caninam à vermibus ortam recensabit Alex. Trallian. L. VII. cap. 6. Donat. L. IV. H. M. c. 2. Forest. L. XXI. Observ. 28. in Schol. Decur. II. Ephemer. Curios. Anni VI. Observ. 33. Fridericus Henkhufius, Monachus coetûs Benedictini, & Sub-Prior in Illustri ad Visurgim Corbeia, Vir simplex & rectus, Amicus, dum viveret, amandus, longâ phthisi tandem planè consumptus, cum multis abhinc diebus omnem cibum potumque averfatus esset, tribus ante excessum horis, de appetitu sibi blandiens, rogavit; num sibi liceret carne vervecinâ cum rapis vesci? annuo, lecto assidens, Tanto cum appetitu edit bonus iste Henkhufius, sensibus adhuc integris, ut ipsemet mirarer. Tertiâ post horâ placidissimè expirabat. Hodie fluxus alvi, cras ejus obstructio. Illum à vermibus notavit River. C. I. Observat. 28. Bonet. L. III. Sect. XVI. c. 8. & cum aliis symptomatibus gravibus Binninger. C. I. Observat. 91. & C. III. Observ. 67. hanc verò D. Henric. à Moynichen Observat. 16. Thom. Bartholin. transmiss. In lumbis quoque tormina, calculum dicebant, & urina impedita. Renum dolorem à vermibus dabit River. in Observ. communicat. p. 302. Sennert. L. III. Prax. P. VII. Sect. I. c. 7. Sûs- & iquglar Schenk. L. III. Sect. post. Observ. 305. seqq. Bonet. L. III. Med. Septentr. Sect. XXI. c. 33. Dec. II. Ephemer. Curios. Ann. VI. Observ.

31. Notabile, quod Cl. Blasius Part. V. Observat. Med. II. de puero duodecenni, cui per sectionem calculus sat magnus ablatu, à quo tempore, spatio sex septimanarum, lumbricos excrevit plus quàm centum. In pedibus & alibi putida & morficantia passim ulcera & tumores. Conf. Cynograph. mea Sect. ult. c. 8. §. 16. Adde Decur. II. Ephemer. Curios. Ann. III. Observ. 55. & 141. Ann. V. Obs. 10. Bonet. L. III. Sect. XVI. c. 12. Ex ulcere dextri pedis Conradi Hansens / rustici Vördensis, quinque erucas vivas extraxit Joh. Georg. Purgold, Chirurgus noster veteranus. Paulò ante obitum per os & alium locum multos terribiles ejecit vermes. Hinc ultima linea rerum, Nam ex cadavere quoq; prorepserunt. Cordatè & seriò: Cum ipso lacte materno mortem animatam imbibimus. Milleformia enim insectorum seminia in lacte aliisque alimentis latent, quæ non tantùm in ventriculo non rectè alterantur, sed & viciosum subministrant alimentum, unde serum redditur crassius, quò dein diutius stagnante, & per insensibilem transpirationem haud foràs emissò, necessariò corrumpitur, & sic occulta antè & oppressa penitùs principia seminalia in sero latentia, sui juris facta, in viva transeunt animalcula, ceu catè judicat Excell. Andromach. L. VI. Encyclop. Med. c. XI. p. 1020. Flebilis & terroris plena historia, quam Hannemannus noster Vol. III. Act. Med. Hafniens. Observat. XI. de opilione recitat. Hic decennium & ultrà tantos sustinuerat cruciatus, ut vix dici queat. Deinde maxima vermium caterva, ipsò vel instructo decumbente, vel sedente, vel ambulante, vel aliud quid agente, ordinarià vià, non admittis aliis excrementis, ex corpore ejus prodiit. Et hi vermes parvi admodùm toti albi fuère, magnitudine aciculam æquantes, ultrò exitum quærentes. Sed postea sumtâ catharsi quâdam, rubrò nigròque capite, majores tamen, quàm modò dicti, unà cum urina, exierunt. Hosce successu temporis omnium maximi secuti, instar magnæ & oblongæ admodùm scuticæ, qui catervatim numero xv. & plures, intricati & quasi concatenati, usu pulveris

veris cathartici, interdum etiam Allii, & lactis equini, magis vi, quàm arte, ejecti. Hinc non dubitarem asserere, maximam hominum partem à condito homine à *vermibus* esse sublatam. Lege & stupe historiam valdè memorabilem. Refert *Cl. Sebizius L.V. de alim. facult. quæst. 90. p. 1442.* de populari Hungariæ morbo, quò annò 1549. in multorum hominum corporibus *serpentes & lacerta* reperti sunt, qui, sævis-
simis excitatis doloribus, *tria millia* è vivis sustulerunt. Ad-
do aliam. Initiò hyemis 1663. in universo districtu domini
Veneti morbus quidam malignus & epidemicus fuit grassatus,
quò plusquam *sexaginta millia* hominum cum horrore & fe-
bri correpti sunt. Horum nonnulli citò interierunt, cæteri
brevi evaserunt. Sectione cadaverum institutà, mira & vix
credibilis *vermiculorum* minimorum copia apparuit, cau-
samque, quæ vel experientissimis nondum in mentem vene-
rat, manifestavit. Civis quidam Augustanus, ex illis locis
redux, quamprimùm apud Augustanos appulit, malè habe-
re cœpit, sibi que propterea metuens, ne simili morbo de-
cumbere cogeretur, *Velschium* consuluit. Hic purgandum
censuit, juravitque, se plus quàm *bis mille vermiculos* vivos
excrevisse. Vivamus lethi memores! Turpissima enim igno-
rantia, cum homo se hominem (seu *vermem*) esse obliviscit-
tur. Vide *Hecatost. II. Obs. 59. D. D. Velschii.*

H.

Verbera imminentis apoplexiæ remora.

DE insigni *flagrorum* usu in Arte saluberrima, eruditè
differuit olim è Πάρι Thomas Bartholinus, specialiter in
suscitanda Venere è Χαρίεσσας Meibomius in singulari li-
bello, in debellanda febre Curiosus noster Oribasius,
Amicus colendus, in *addend. ad Dec. II. Ephem. Germ. Curios.*
Ann. III. Observ. 93. & in emendanda *dysuria* ego ante bien-
nium in *Fascic. I. Obs. mear. num. 26.* Cyriacus Schönthau |
Vir

Vir athletici prorsus habitûs, facetus insuper & eruditus, tunc castra sequens, de summa lassitudine & torpore universi corporis, dolore capitis periodicò, & vertigine, Medico suo ordinario longas decantans lamentationes, jubetur venam incidi, ut præcaveret, qui familiæ suæ communis erat, morbum attonicum. At ille maluit salutis suæ omniumque bonorum jacturam facere, quàm saluberrimò hòc præfidiò uti. Adeò horruit istud, ex terrore à matre in utero incusso. Interim Medicus suæ opinioni tenaciter inhæret, & *Cyriacus* etiam suæ. Qui illius tandem pertæsus ad alium cucurrit, qui eandem repetens cantilenam, vel pereundum sibi, vel parendum, adeoque extimum in mora periculum, seriò pronunciavit. Ille sacrum inter & saxa stans, vitæ longioris cupidus, tandem nihil interesse ratus, quâcunque arte, seu instrumentò, vel quâcunque viâ, sanguis sibi molestior ejiceretur, *monumenta bubula* (Plaut. *Stich. a. I. Sc. II. v. 6.*) seu *consensionem bubulam* (Aulular. *a. IV. Sc. I. v. 15.*) suâ sponte substituit. Abdens igitur se in eremum domesticam, *cottabos bubulos* (Trin. *a. IV. Sc. III. v. 4.*) insigniter in se crepare & sævire sivit. Quò exercitiò, motu, & excandescentiâ sanguis non modò ex dorso prorupit, sed etiam nares reseratae ad horam & quadrantem ferè eundem largiùs fuderunt, summâ cum *εὐφορίᾳ* optatòque levamine, ut nequaquam dubitârit, asperum hoc remedium ultrò repetiisse. Veniens deinde Hirschfeldiam ad Patrem, meum, civem suum, inventum hoc speciosiùs commendavit. Rogatus, cur duram & valdè dolorificam istam selegerit cruentationem? erras, inquit, amice; rectrix mundi opinio. Ecce Capuccinos, aliosve strictioris observantiæ Monachos, qui se ad sanguinem usque injussi aliquando flagellant, & ego, obtantum lucrum, quod sanitas est, mortuum bovem formidem?

Scorpius atque fabæ nostra fuere salus.

Intelligens scilicet per *scorpiones* flagella, quæ taxilli, uncinuli & aculei ferrei innectebantur, aliis *hamata* dicta, (vide *Dio-*
Dec. II. Annus VII. * R nys.

mys. Gothofred. not. ad Leg. 2. ff. de pœn. C. de exaction. Tribut. L. 40. C. de Decurion.) Junio & Vatablo *aculeata*, Lipsiò *L. II. de cruce cap. 11. taxillata*, de quibus post alios Excell. Viri Dn. D. Saubertus, & Helmstadiensis & Aldorsinæ Academiæ decus & gloria, in aureola & judiciosissima sua exercitatione academica de *Vulneribus Christi* §. 124. *seqq.* & Dn. D. Cass. *Sagittarius*, in inclyta Salana Hist. Prof. insignissimus, Amicus honorandus, in venusto suo de *cruciatibus Martyrum* libello *cap. V. §. 15.* & in dissertatione de *flagellatione Christi* *cap. I. §. 12.* Horum etiam meminit ipse DEI Spiritus *1. Reg. XII. 14.* ubi Rehabeam subditos suos his minis terret: *Pater meus castigavit vos flagellis, sed ego vos castigabo scorpionibus: Mein Vater hat euch mit Peitschen gezüchtigt / ich aber will euch mit Scorpionen züchtigen / vertunt Luch. & Piscator.* Per fabas verò dubio sine innuere voluit Terentianas istas *Evnuch. a. II. Sc. III. v. 89.* quas Cl. Taubmann. in *Comment. ad Capt. a. II. Sc. I. v. 7.* nervosè & optimè explicuit, inquiens: *Scutica erat quadam corrigia habens in summitate nodos quosdam in modum fabæ, similes ferè castuum. Et erat pœna servilis.*

III.

Urina pedicularis.

Sudorem pedicularem dedimus in *Fascic. II. Observ. Medico-Physic. num. 1.* Vesiculas pediculus farras & ventriculo humano annexas monstrat Cl. Heurnius *cap. VI. de morb. capit.* Lanarius in tumore dorsi steatomatis instar concreto, ovi columbini magnitudine, & pruritu vehementer laceffente quàm plurimos pediculos albos, parvos pariter & magnos, diu fovit. *Decur. II. Ephem. Curios. Germ. Ann. IV. Observat. 13.* Alius cùm longò tempore strumam in collo habuisset, neque Chirurgus aliquis curare potuisset, ferrò tandem casu apertus innumeros effudit pediculos. *Forest. L. VIII. Observat. 15. in Schol.* De abscessu in gibbo puellæ *pediculis*

culis referto , *Idem l.c.* Alius per totum dorsum enormem pruritus senserat, vestibis demum rejectis ad Vulcanum sedet , & ecce! vesiculas à calore ignis excitatas , quæ incisis & apertis innumeri *pediculi* visi sunt. *Ibid.* De cadavere Studiosi undiquaque *pediculis* scatente *Möllenbrock. de arthritide vaga scorbut. c. III. §. 19. p. 36.* quod de *Ansovino* etiam narrat *Zacch. T. III. quest. med. legal. consil. 74. p. 117.* De pene cum scroto à *pediculis* corroso & consumto , vide , si placet , memorabilem historiam in *Fascicul. I. Observat. mear. num. 42.* De monstrosæ magnitudinis *pediculorum* globulo in ventriculo pueri *ictero* laborantis reperto *Dn.D. Hannæus in Med. Septentr. collatit. Boneti L. III. Sect. XXI. cap. 9. p. 680.* Adde *Fascic. I. Observat. mear. num. 60.* Scripsit mihi nuper ex Imperiali Nordhusæ Practicus ibi felicissimus *Dn.D. Kellner*, Archiater Saxonicus & *Stollbergiacus*, Amicus optatissimus, de urina *pediculari* abs delirante rustica *Uflerungen*si sibi ostensa, (cujus etiam meminit *Andromachus* noster in *epist. II. ad Priamum p. 15.*) hærens tamen, an verè sic effuderit, seu dolò vel casu inciderint. Quicquid sit, ego, quod scio, subnectam. *Ludovicus Wiesentlee* Vir extremè cachecticus, annò ætatis suæ 56. circa tempus vernale de torpore & lassitudine totius corporis conquerens, aliquot diebus, præsertim in aurora, cum urina limosa, citra molestiam, excrevit animalcula cineritii coloris, & planè *pediculiformia*, sex *pediculis* instructa. Purgatò autem corpore per *iniquam* antimonialibus & mercurialibus pullulago ista disparuit, quod ex ore *D. Johan. Georg. Schmidii*, Practici haud ignobilis, Amici mei sinceri, refero. Sic memini, *Magdalenam*, *Opilionis* in *Lengerôden* propè *Crucisburgum* conjugem, contra *arthritidem vagam*, consiliò barbitonsoris, aliquot auroris septem *pediculos ovinos*, eosque vivos, cum lacte calido, sumsisse, cum aliquali dolorum pausa. Postea verò animalcula hæc partim frustillatim cum urina rejecta notavit, ut ipsamet seriò quondam narravit. Puella mel aliquando avidiùs devorans, in quod miculæ aliquæ

V.

Epilepsia à plumis passerum.

CUm passeret noxiæ aves sint, & fruges consumere natæ, lege cautum est in nonnullis Westfalix locis. ut quilibet paganus, ad imminuendam eorum turbam, certò anni tempore certum occisorum numerum Sculteto suo offerat. Quod cum fieret alicubi, ipsas aves assatas voravit Prætor, conjux verò ejus vittam infantis sui plumis earum farfit, ut mollius cubaret, & à frigore defenderetur. At quàm terribiles inde convulsionet epilepticæ! Multis frustra adhibitis, vittam pusiunculo adversam notârunt alii. Quâ demùm rejectâ, solò *stercore vacca nigra* calcinato, inque aqua florum tilix propinato, DEO miserante, ab interitu redemptus est. De caduco ex *cerebro passerum* vide *Dec. II. Ephem. Curios. Ann. III. Obs. 190.*

VI.

Caducus dysenterix averruncus.

FEbrem ab epilepsia curatam & contrâ diximus in *Fascicul. I. Observat. nostrar. num. 29.* cui jungas velim *Thom. Bartholini C. II. hist. anat. 68.* Nobilis puellus à *Bilow*, quadriennis ferè, *dysenteria* nuper correptus, summò cum horrore & extremò fastidiò remedia admittens, aliquando adeò excanduit, ut in terribilem ceciderit *epilepsiam*, & omnes jam actum & consummatum clamarent. Verùm, cessantibus convulsionibus, pusio etiam abs dysenteria omninò liberatus, in hunc usque diem bellè vivit, notante D. *Kellnero.* *Paralysin* solâ irâ curatam novimus, & *contracturam* eodem affectu sublatam meminit *Marcell. Donat. hist. mirabil. L. VI. c. 5. p. 640.* De magno splene, post quartanam ab *ictero* su-

* R 3

per-

perveniente feliciter curato, D. Thom. Bartholin. C. IV. epist. med. 14. p. 54.

VII.

Gangræna à pîso.

NAres in puello *pîso* obstructas habet Cl. Blasius Part. II. Observat. Med. 8. & surditatem à *pîso* D. Dorstenius in Decur. II. Ephem. Curios. Ann. III. Observat. 62. De *pîsis* in abscessu Borell. C. II. Observat. 86. Nobilis Cœnobita foniculum in dextro pede habebat, quem aliquando inter preces matutinas ille mundaturus, & devotioni fortè intensior, *pîsum*, quod ob amplitudinem foraminis jam altius penetrârat, visum ejus effugiens, in pede reliquit, aliudque huic superaddidit. Priùs ab ambiente & affluente humiditate intumuit valdè, doloresque primò obtusos, deinde prurientes & pungitivos, cum magna inflammatione peperit. Hanc excepit *gangræna*, quam tamen barbitonfor cataplasmate ex solis pomis putridis, cum stercore vaccino recente mistis, feliciter pepulit.

VIII.

Sudor verè stercoreus.

JUvenis rusticus è Præfectura *Saltzungen* superiori æstate ex contagio febri malignâ correptus, obtinuit à me Diaphoreticum ex Diascord. Fracastor. cum Aqua Theriacal Augustan. dilutum. Mater ex urbe in villam suam reversa offendit filium sudore jam diffluentem. Quæ naturam jutura, ocyùs partem dimidiam potiunculæ ei infundit. Largius inde sudor profluxit cum *fatore* prorsus *stercoreo*, ut credidissent inquilini, aliquot rusticos sordibus alvinis (sic honos auribus!) cubiculum replèsse. Tantum de se sparsit foetorem juvenis iste. Es noch tausend Schock Haar / als wenn ein Zech

Zech Bauern die Stuben gedünge hätten / aiebat ipse pater ægro-
tantis. Eòdem die extinctus.

IX.

Icterus mammarum.

ADduxit aliquot abhinc annis mulier *Hamelensis* filiam
suam sexdecim ferè annorum ad me, rogans, ut mo-
lestum pruritus, quem puella jam ultrà mensem cir-
ca mammas senserat, convenienti pharmaco tolle-
rem. Do ei Cholagogum ex solo Elect. de Tamarind. cum
Fol. Senn. Horst. in jusculo propinandum, unà cum Diapho-
retico. Alterò die, sumtò laxante, cujus operatio ex voto,
circa vesperum denuò me accessit, mira referens de insigni
flavedine utriusque mamme cum vicinia, *quasi crocò essent*
conspersa, ut ipsa loquebatur, reliquò corpore nitorem suum
servante, imminutò tamen pruritus. Ne perturberis, dixi,
sudor, quem imperavi, colorem istum facile absterget, uti fa-
ctum. Notabile tamen, materiam istam biliosam, circa
mammas tantùm collectam, crocè colore eas tinxisse ac pinxisse,
reliquò corpore intactò.

X.

Scybala alvina per vulvam rejecta.

Consultissimus & candidissimus D. *Ernest. Stage* | JC.
curiosissimus Europæ & Indiarum perlustrator, Ami-
cus, dum viveret, dexterrimus, sanctissimè mihi af-
firmavit, se vidisse mulierem valdè cholericam, quæ,
post superatam tertianam, ad extremam maciem devenerat,
& semper de intolerabili acrimonia & intenso urinæ calore ac
fecum alvinarum, quoties emitteret, conquerebatur, ut etiam
ad cohibenda excrementa & præcavendos dolores, omni ferè
cibò

cibô potuq̃ue famelica abstineret. Tandem supervenit diarrhœa, quam cùm intempestivè reprimeret, irritata natura omnem impuritatem, *utro* aliàs eliminandam, magnô impetu per *pudenda* eructavit. Tertiô die decessit. Similem ferè narrationem habet *Amat. Lusitan. C. II. curat. medicin. 10.* de nobili Matrona, quæ cùm per quatuor annos, citra dolorem & molestiam, cum lotio & stercore sanguinem emisisset, tandem corrosis perforatisq̃ue intestinis, multis annis excrementa per *vulvam* rejecit. Conf. *Schenck. L. III. Observ. 258.* & *Bartholin. C. II. hist. anat. 63.*

OBSERVATIONUM MEDICO-PHYSICARUM

DECAS II.

I.

Vulgi experimenta non semper deliramenta.

C Plin. *Secund. L. XXIV. Hist. nat. c. 1.* cùm latiùs recensuisset medicamenta domestica, quæ sola Naturæ placuerat esse remedia parata vulgò, inventu facilia, ac sine impendio; addit: *Fraudes hominum & ingeniorum captura officinas invenère istas, in quibus sua cuiq̃ homini venalis promittitur vita. Statim compositiones & mistura inexplicabiles decantantur. Arabia atq̃ India in medio æstimantur, ulceriq̃ parvo medicina à rubro mari imputatur, cùm remedia vera quotidie pauperrimus quisq̃ cænet. Et Platoni medicina quò simplicior, eò melior erat. Non enim qui multa pomposa & exotica, sed qui utilia & morbo appropriata tibi dede-*

dederit, plaustum meruit & Æsculapii gallum. Huc laudabile studium suum contulit D. *Daniel Ludovici*, Aulæ Saxo-Gothanæ Medicus, Amicus, dum viveret, sincerus, in judiciosissimis & aureolis dissertationibus de *Pharmacia moderno seculo applicanda*, quæ candorem spirant & experientiam Viri. Quid non præstant aliquando simplicissimæ animæ; quas sola necessitas, & curta domi supellex, optimam edocuit Artem? Ecce historias! Villica *Megafurrhensis* hanc ipsâ ætate unâ cum filia graviter *dysenteria* decumbens, veterem fumosamque *tabaci* fistulam in subtilem pulverem redegit, eumque cum recente lacte calido hausit, à quo utraque in integrum restituta, notante *Kellnero* nostro. Idem *difficilem auditum* solâ pinguedine *anguilla*, cum felle ejus remissa, & gossypio parti affectæ applicata, intra triduum in puella Northusana emendavit, ut promptè & acutè jam audiat. Puellus biennis *araneum* mediocris magnitudinis, peni ejus fortè insidentem, manu comprimit. Ex quo membrum pusionis subito inflammatum, ad crassitiem quatuor digitorum intumuit, ex fusco rubicundum, exceptò eò locò, quò hæserat aranea, qui canduit, humiditate aliquâ exstillante. Vocatus in consilium *Kellnerus*, jussit folia *plantaginis* in aceto non admodum acriter cocta imponi. Ob dolorem verò, quem creârat, parentes ocyùs removère, & contra solò jusculò, seu decoctò, (cùm intumescerentiam inde diminutam cernerent,) locum affectum crebriùs foverunt, sicque intra triduum pusio ab omni questu & dolore liberatus est. Alius miris symptomatibus mirè cruciatus, imò à plebe pro *fascinato* habitus, solò lacte *caprinò*, in quo *allium* ebullierat, sumtò, ultra octoginta excrevit vermes, bellè adhuc valens. Civis *Isenacensis* in regione hepatis diu gestârat *tumorem* valdè *dolorificum*, magnitudine ovum anserinum superantem, quem crudo & recenti ovi vitello, adjectò pugillò salis culinæ, sustulit. Idem experimentum in simili casu faustè crebriùs usurpatum probatumque novimus. Honesta femina in gravi *tumore*, & flammante

mammarum dolore, nec non *lacte coagulato*, multis frustra adhibitis, sequenti cataplasmate omnia pepulit symptomata: R. Sterc Vaccin. recent. Album. Ovi, Fuligin. & Fl. Chamomill. F. Cataplasma. Alius, urgente dirâ fame, cum socio suo integram amphoram *cucumerum crudorum* plenam aliquando comedens, lympham superbibendo, nihil doloris, nihil incommodi sensit, sedali verò in funestam *cholera* truso, quam solâ placenta è *Rosis rubris*, *Absinthio*, & *Mentha crispa* confectâ, acetoque aspersâ demulsit. Alterò die prandium parabant *austera pyra silvestria*, quæ flebilem circa vesperum parturiere *colicam*, quam tamen villica solâ *Chamomillâ* vulgari, non in vino, (ut doctissimus *Paulli* commendat in *Bot. quadrip. class. III. p. m. 253.*) sed lacte cocta, & calidè propinata feliciter abegit, alvo egregiè soluta, & flatibus catervatim explosis. Alius in *icterum flavum* incidens, cinere *galguli* cum decocto *buxi* cum absterfit. Num avi seu buxo bonum istud factum imputabimus? de posteriori fidem mihi facit *Forest. L. XIX. Observ. 19.* ubi cognata ejus, sine aliis remediis, solò istò decocto, in sero lactis sumto, ab hoc affectu redempta est. Addo meæ simplicitatis specimen. Venit superiori vere ad me rusticus *Eichsfeldiacus*, *Petrus Schäfer*/ Vir viginti octo annorum, ex inveterata *quartana* in incipientem *hydropem ascitem* lapsus. Visò primùm homine, & conjunctò istò Medicorum scandalò catiùs expensò, vix aliquid spei superesse rebar, singulari tamen boni Viri in me fiduciâ commotus, & raræ faustæque curationis *ARGI* nostri, Fautoris & Amici honoratissimi, *Dec. II. Ephem. Curios. ann. III. Observat. 110.* memor, præmissò laxante, diebus intermissionis manè ac vesperi de *Spiritu Salis coagulati Mynsichti* cum Aqua Absinth. Agrim. & Spiritu Fl. Samb. gr. xij. dedi: ipsò autem accessione die, novem decemve ante paroxysmum horis, ex sola *Jalappa* cum Cryst. Tartari & Tart. Vitriolat. pulvisculum, à quo largiter & cum *inopela* evacuatus. Unâ verò ante insultum febrilem horâ sumsit remedium meum antiquartanarium, sim-

simplex, tutum & certum. Et tertiâ vice hâc repetitô, febris cessit, hydrope etiam postea, inquilinis maximè auxiliis, DEI gratiâ, profligatô. Magna salutis spes in *purgantibus*, ipsô accessionis die, experienciâ *Amat. Lusitani C. I. curat. 8.* & insignis *Timai à Guldentlee L. VIII. cas. med. 19.* circumspectè datis, (temeritatem enim, seu excessum, quis laudaverit, quâ de *Borell. C. IV. Observat. 33.*) ut mirer, *Frid. Hofmann. L. I. M. M. c. XIX. p. 374.* è *Willif. Lib. de febr. c. IV. p. 149.* apertè scripsisse; *ne hilum ea valere.* Ego sanè in omni quartana (multas autem, crede mihi, curavi feliciter,) ex voto semper purgantibus usus sum. Sartor quidam ex scorbuto *paralyticus*, consiliô Ecclesiasticis (qui id ex *Botan. citat. Paulli Class. II. p. 157. seq. aut Decur. I. Eph. Germ. Curios. Ann. IV. Observ. 123.* hausserit,) solô infusô, ex Fol. Melissæ, Trifolii fibrini & baccis Juniperinis parato, ac per tres hebdomadas, ter in die, usurpato, integrè sibi restitutus, quod ex ore ejus recitô. Villica nobili feminae nuper ad expellendam *secundinam* præsentaneô cum effectu dedit vinum, in quo folia Pulegii & Artemisiæ ebullierant, adjectô tantillô croci. Suborta puerperæ in læva mammilla *verruca*, quæ sensim ad magnitudinem & crassitiem cerasi creverat. Hanc vetula solô cinere *Corticum Salicis* in aceto maceratô & impositô brevî sustulit. Matronæ alii alvum in *sextum & decimum* diem insigni cum molestia suppressam Ludimoderator paganus solô *serô lactis caprini* liberaliùs datô ex voto reclusit. Portenti instar hanc alvi pigritiem habuit turba nostra, nesciens, in *quartum & vigesimum*, in *quadagesimum quintum* usque diem, *Rhod. C. II. Observat. 81. Salmuth. C. III. Observ. 26. Donat. L. IV. c. 10. in tertium Pannarol. Pentec. I. Observat. 1. & sextum mensem, Salmut. C. II. Observat. 98. imò sesquiannum Salmut. C. I. Observat. 24.* pausam aliquando fecisse. Serum verò *caprinum* in tali casu optimum, quô optatô cum successu etiam usus est *Donadonns*, teste *D. Moinichen in Fascic. Observat. Medic. num. 5.* Dederat nuper *Medicasterculus* honesto Viro *pilulas cephalicas* à pastu ve-

spercino, quæ cum cibis, quos corruperant, commistæ, officii
 sui oblitæ, pertinacem creabant *colicam*. Vocatus Licentia-
 rus aliquis, adhibuit clysmata, & alia multa sine effectû. Ad-
 venit tandem decrepita anus, quæ solô *stercore anserino*, in Spi-
 ritu vini adusti maceratô, & propinatô, bonum civem ex or-
 co redemit. Vilissimum quidem, at egregium, remedium,
 & omni ferè Medicorum pompæ hoc in casu præferendum,
 teste etiam *Purmanno P. IV. des wahrhaftigen Geldscheerers*
cap. XIV. p. 297. Nuper *podagricus* dolores suos solô pulvere
alabastrino compescuit, quod etiam *Kellnerus* meus duobus ex-
 emplis confirmavit. Rustica Thuringa in encæniis anniver-
 sariis hospites & amicos, more Majorum, benignè exceptura,
 pridie in urbe ollas, & carnem coëmerat. Circa vesperum in
 villam reversa, fercula in olla macerat, & linteô operta in arca
 domûs reponit. Alterô die in eadem aqua coquit, & suô tem-
 pore mensæ infert. Vorant rustici cupidè de omni periculo
 securi. Mox verô alter tormina ventris sentiens, alter seces-
 sum quærens, tertius de vertigine, lipothymia, & dolore ca-
 pitis conquerens, carnem hospitamque omnibus diris devo-
 vent, festivitate pagana mirè turbatâ. Illa nihil sibi conscia,
 vicinas aliquot convocat, quæ eundem emerant vervecem.
 Hæ salubritatem carnis prædicantes, abstrusiorē causam sub-
 esse unô ore clamitant. Interim puella novem annorum in
 concionem prodit, seq̃ue heri *lacertam* propè ollam conspe-
 xissè affirmat. Tunc scivêre, unde istæ profluxerint lachry-
 mæ! Quis enim dubitet, bestiolam istam carnem polluisse,
 unicam tragœdiæ hujus fundatricem. Balneator, qui tunc
 præstô erat in pago, datô singulis emeticô, decoctum fecit ex
Radicibus Plantaginis, Allio, Absinthio, Card. bened. & Veroni-
ca. Quô sudor propulsus, ipsique servati sunt. Adde luctuo-
 sam catastrophē, quam *ὁ ἀδανύσιος Kircher. de Peste Sect. II. c. 2.*
p. m. 207. refert de Monachis, intra viginti quatuor horas ad
 unum extinctis omnibus, incuriâ coci, qui carnes coxerat in
 lebetes immundo, in quem *buso*, pinguedini inhians, noctu
 irre-

irrepterat, suôque venenô infecerat. Dabat mulier Crucisburgica liberis suis lac pro jentaculo, quod *cattus* antea hâlicu suô perniciosissimô conspurcârat, idque prægustârat, at quàm varia inde symptomata, ut puerulus adhuc notavi. Sic *Matthiolus Comment. in Dioscorid. Lib. VI. c. 25.* scribit: In Monasterio quodam, ubi permulti *catti* familiariter alebantur, & in coenaculis cubiculisque & lectis frequentes erant, adeo plerosque infectos esse, ut brevî nec missa, nec vespera in eo amplius decantaretur. Sed manus erendum est, non totô sacco. Interim æqui bonique consules, Amice Lector, hanc dissertatiunculam nostram, & certò mihi credes, in nulla re curiosius & sublimius ostendi posse ingenium, quàm in scrutinio Medicinæ domesticæ, in qua præsentissimum DEI digitum & mysteria Naturæ, omni hymno majora, in piâ simplicitate miraberis. Nec pigeat aliquando (ipsò monente *Hippocrate*) ab idiotis requirere, quod usui esse potest. Interdum enim & olitor opportunè locutus est.

II.

Mammæ ad phases Lunæ auctæ & minutæ.

Cerebrum adolescente Lunâ augeri, senescente minui, multorum opinatio est, quam *Philipp. Salmut. C. I. Observ. 72.* exemplò declarat. At vix credibile videtur *Cl. Mæbio Fund. Med. Physiol. cap. XXI. p. 591.* Sanguinem verò Lunâ plenâ vel nonnihil augeri, vel spirituosiores fieri, ut vasâ magis repleantur, ac distendantur, & per ista cerebrum magis intumescat, nullum dubium est. Luna quippe humorum rectrix. Honestæ, formosæ & robustæ Virgini A. T. S. quoties ante plenilunium ordinariè fluxus manabat menstruus, *mamma* notabiliter flaccescentes detumescebant. Cessante verò flumine istô, manifestè rursus attollebantur in justam suam molem & tumorem. Mater, faceta matrona,

sæpius dicebat: Die Dütchen hebben die Ebbe und Fluth/ i. e. Euripi instar crescunt & decrescunt.

III.

A cochleis ἀμωδία.

PAtres comederunt omphacem, & dentes filiorum obstupère, est questus sancti Vatis Ezech. XVIII. 2. quò de dissertationem inauguralem suam Jenæ habuit D. Philipp. Müller / Theolog. ibid. PP. Honestus civis Crucisburgensis filium suum novennem, quem unicum habebat, manuduxit in vineam, ut pro lubitu & ad satietatem uvas decerperet. Transactis aliquot diebus puer de gravitate, etiam rosione, stomachi queri coepit, succedente cibi fastidiò & vomitu crebriori maximè acidò, quem tantus ἀμωδίασμός, cum perpetuo algore & stridore dentium, excepit, ut nullum omninò cibum commasticare quiverit, sed lachrymas inter & suspiria, ultra duas hebdomadas famelicus in angulo sederit. Tandem pater ei dedit Pulv. Rhabarb. gr. xxiv. A quo solo quinque cochleas minores (kleine bunte Schnecken) quarum duæ, testis suis versicoloribus adhuc inclusæ, unà cum multa sentina phlegmatica acida fracidaque ἀρρ rejecit, ἀμωδία pedetentim cum algore & stridore declinante. Quis dubitat, puerum hunc simul, ex jure hæreditario, mali hypochondriaci fuisse stipendiarium. Talibus autem stupor iste familiaris, teste Binningero Cent. IV. Obs. 7.

IV.

Thuringia Scorbutica.

Ad Amicum.

NOn semel indignatus sum Thuringis meis, quòd singuli ferè de Scorbuto, qui totam vexat patriam, prolixissimas nectant querelas, & tamen vexatio ista non dede-

dederit intellectum, quò versutissimum hostem, etiam cùm possint, effugiant, aptisve præsiidiis, domi passim obviis, & meliori consuetudine impetum ejus frangant. Sic nemo lædicitur, nisi à se ipso. Infans autem est, qui vetustissimos monstri *πεντηκοντακεφάλυ* natales vel nescit, vel negat. Siquidem Venerandus Senex noster modò sub *magnis splenibus*, modò sub *εἰλέω αἱματίτη* accuratissimè & luculentissimè descripsit, ceu pater ex *L. II. prædict. c. 42. t. 1. seq. Lib. de intern. affect. c. 34. t. 1. seq. & c. 49. t. 5. seq.* Arabia *ἐπιχώριον* fuisse, testatur *Strabo Lib. XV. Geograph.* qui expressè *σομακάκης & σκελετύρης* meminit, quarum illa circa os, hæc verò circa crura resolutio quædam est, *ἐκ τε τῶν ὑδρείων καὶ τῶν βοτανῶν.* In Germania trans Rhenum (infit *Plin. L. XXV. c. 3.*) castris à Germanico Cesare promotis, maritimò tractu fons erat aqua dulcis solus, quâ potâ intra biennium dentes deciderent, compagesq; in genibus solverentur. Stomacacen Medici vocabant & Scelotyrben ea mala. Et *Paulus Aegineta* socium hunc satis depinxisse mihi videtur *L. III. c. 49.* Quid? quod etiam in sacro Volumine haud obscura ejus vestigia cernes, in puero scilicet, seu filio isto Centurionis Capernaïtici *Matth. VIII. 6.* Hunc enim non simplici paralyti, quâ cæteri apud *Matth. IX. 2. Marc. II. 3. Luc. V. 18.* cùm doloris expers sit, sed *scorbuticâ* cruciatum fuisse, ipsi questus Centurionis evincunt, agentis: *ὁ παῖς μὲ βέβληται ἐν τῇ ἐκίᾳ παραλυτικός, δεινῶς βασανίζομενος,* und hat grosse Qual / vertic *Luth. ὁμόληπον* habeo *V. Cl. Möllenvroccium* in *proæm. tract. de arthritide vaga scorbutica p. 6. seq.* Nec *Bartholinus* noster dormitavit, cùm Jobum quoque *scorbutô* affectum scriberet in *tract. de morb. biblic. c. VII. pag. 50.* ut certum sit, antiquissimum morbum esse scorbutum. Nec *χθὲς καὶ παρῶν* hoc malum è Septentrione, & locis, quæ mare lambit Balthicum, ad nos migravit, sed, si credimus *Cyriaco Spangenbergio Chron. Saxonie. cap. 343.* & *Johan. Binharto Chron. Thuringiae. L. III. p. m. 25.* circa An. 1486. Canicula (ut apologus habet apud *Epitomatorem Trogi Lib. XLIII. cap. 4.*) partu gravida locum à pa-

à pastoribus aliquando precariò petit , in quo pareret ; quò
 obtentò , iteratò petit , ut sibi educare eodem in loco catu-
 los liceret : ad postremum adultis illis fultam domestico præ-
 sidio proprietatem loci sibi vindicavit. Non aliter *scorbutus*,
 advena olim & peregrinus , nemini adeò molestus , mox in-
 quilius , nunc verè germanus noster , imò flagellum provin-
 ciæ factus , virus suum longè latèque evomit , nulli ætati , nul-
 li sexui , nulli ordini parcens. Hic Vertumnus tam callidè
 scenæ servit , ut integras aliquando ædes populetur , nec ta-
 men Medentes nec languentes præsentiam ejus suspicentur.
 Næ nullus ferè nascitur morbus , cui fermentum suum non
 aspergat volubilis iste Proteus. Hinc nisi præsidia antiscorbu-
 tica tu simul innectas , vix quenquam feliciter expugnabis.
 Idè Joh. Freitag C. I. *Observat.* 99. ex mille Medicis ne ternos
 quidem inveniri putat scorbuti sat gnaros , utut se fingant
 Æsculapios. Ergo , censurâ Ejus , *tanta agrotorum strages*,
tanta mortalitas, *tanta Archiatorum*, *nèdum gregariorum*, *er-
 rata.* Et Cl. Winklerus , Electoral. Med. Brandenburg. Fau-
 tor & Collega Curiosus , Dec. I. *Ephem. Germ. Curios. Ann. VI.*
Observat. 99. Medici nomine hunc indignum prorsus judi-
 cat , cui in praxi sua negotium non fecerit ingratisissimus iste
 hospes. Quem licèt furcâ expuleris , tamen usque recurrerit.
 Sed unde , rogas , istæ lachrymæ ? monstrabo tibi fontem. In-
 duimus eheu ! hanc maledictionem sicut vestimentum , quò
 operi sumus : intravit in interiora nostratum sicut aqua.
 Quod si diffiteberis , ecce ! pusiones nostros , spem , decus , &
 futurum patriæ robur. Annon ex vitioso & lue scorbuticâ
 maximè corrupto utriusque parentis semine plerique conci-
 piuntur & nascuntur ? annon tam in , quàm extra uteri car-
 ceres , lambunt spurcitiem istam ? annon cum lacte materno
 imbibunt virus hoc exitiale ? quod pari rivulò in pauperum
 tabernas Principumque turre dimanat , & scepra ligonibus
 æquat. Paucas mihi dabis nutrices , abs hac labe prorsus ex-
 emtas , utut facies speciosè mentiatur , & adhuc rosas ac lilila
 spiret.

spiret. Fronti nulla fides. Ergo ne crede colori! Cæterùm grande cordolium & sudes mihi in oculis, si matres, à plebe remotiores, pietatis & officii sui oblitæ, optima viscera sua vel meretricibus, urbium purgamentis, vel (si catiores esse velint,) rugosæ muliercularum turbæ tutò committant, in quarum amplexibus & fœdò contuberniò halitu, contactu, osculis & concubitu pestis hæc omni momentò in tenella corpuscula diffunditur. Quæ ut citiùs adolescat, egregiè se patràsse autumat Collegium istud anilitatis, & spartâ suâ fideliter functum, si alumnulis suis cibos præmansos, & jam salivâ scorbuticâ insigniter fermentatos, tetramque mephitim spirantes, invitis etiam, & averso nonnunquam vertice, ac manantibus genis sentinam hanc averfantibus, (horrendum visû!) manu infarciat, ex quo ἱλίας κακῶν, vix cruentis lachrymis extinguenda. Adultiores demùm inter perpetua corumpuntur contagia, paucis id seriò animadvertentibus. At quid de scortis fabor aut aniculis? ipsæ matres, parvæ & amplæ, in eodem luto hærent, & similia patrant. Sic seculum est! Ἐνδύμιος hodiè Thuringiæ scorbutus, quid ampliùs requiris? cùm nascimur, fimus ejus stipendiarii. Quid frontem corrugas, Amice? Utinam verò & millies ò utinam frugalitatem, optimam tam longæ, quàm tranquillæ vitæ, genitricem & conservatricem, civibus meis instillare quirem, vah! quam lauream, seu quem currum triumphalem ego cum hac gloria commutarem? Ingluvies omnium morborum matrix & nutrix, & elegans vitæ brevioris compendium. Adde ciborum copiam, & varietatem, ac longiorem ad mensam accubitum, quò ut nihil hodiè familiarius, sic nihil pestilentius. Hoc otium scorbuti pulvinar est, quò an gratius quid ipsi fecerimus, ambigo, sed cum interitu nostro. Speculare rusticos & milites, pugiliter plerumque viventes. Unde hoc privilegium? potissimùm à brevi frugaliq̃ue diætâ, quam res domi angusta iis imperat, & improbò, qui omnia vincit, labore. E tripode *Plinius L. XII. cap. 53.* *Simplex, ait, cibus ho-*

mini utilissimus, acervatio saporum pestifera, & condimenta perniciosiora. Hinc Antiphanes Delius Medicus apud Clement. Alexandrin. L. I. Pedag. c. 1. varietatem ciborum (diversæ putâ substantiæ) vel unicam morborum causam rectissimè proclamat. Prisca, quam auream diximus, ætas, ob victûs simplicitatem, ad sanos, robustos & multos surrexit annos. Benè igitur Vates Bilbili natus L. X. epigr. 47. inter subsidia vitæ beatoris refert convictum facilem, & sine arte mensam. Si in unam eandemque ollam simul conjiciam bubulam, suillam, agninam, vitulinam, cervinamque carnem, lucios, caneros, butyrum, caseum, poma, vinum, cerevisiam, dicens: Venite, vos Studiosi culinæ; videte & gustate! quàm suavia hæc sunt miscellanea! quàm delicata fercula! Quid vos ad hæc? alter, credo, spueret in me, alter pelvim posceret. Omnes crucem mihi figerent. Talis latrina ventriculus simplicitatis nescius. Vah! quàm bella animalecula nascuntur ex ingluvie! vade modò in aulas Principum, & videbis integrum nosocomium, cachecticis, hydropicis, arthriticis, nephriticis, & ejusmodi tumuli Candidatis, repletum, ob solam intemperantiam, & stultum simplicitatis fastidium, tantis cruciatibus plexis, à quibus tenuioris fortunæ homunculi, quæis paternum in tenui mensa splendet salinum, & quibus DEUS parcâ, quod satis est, dedit manu, perpetuò, seu tamen plerumque, immunes sunt. Memorabiles hujus rei historias dabit Thom. Bartholinus C. V. hist. 28. & Petr. Laurenberg. C. I. Acerr. philolog. hist. 57. ut sexcentas alias transiliam. Sic de Essenis scribit Joseph. L. II. de bello Judaico c. 7. eos, ob simplicem victûs rationem vitamque benè ordinatam, longissimam vixisse vitam. τὰ ἀνόμοια & ἀσάφη, ait-Cous, dissimilia cient tumultum, h. e. interprete Venusinò Poëtâ L. II. Sat. 2.

— — — — — varia res

*ut noceant homini, credas, memor illius esca,
quæ simplex olim tibi sederit: at simul assis
miscueris elixa, simul conchyliâ turdis,*

dulcia

*dulcia se in bilem vertent, stomachoq; tumultum
lenta feret pituita. Vides, ut pallidus omnis
cœnâ desurgat dubiâ, quia corpus onustum
hesternis vitiis animum quoq; praegravat unâ,
atq; affigit humo divina particulam aura.*

Syracides cap. XXXVIII. v. 33. seq. ita : Viel Gessen macht
franc / und ein unsättiger Graß kriegt das Grimmen. Viele
haben sich zu tode gefressen / wer aber mässig / lebt desto län-
ger. Adde cap. XXXI. v. 23. seq. Cur verò splendida inter
& primarias patriæ consuetudines hodiè referimus in una ea-
demq; mensâ *piscium* & *carnium* mixturam? catius sanè actum
foret, si cum Monachis, aut priscis Borealibus, alios dies car-
nibus, alios piscibus dicaremus. Non benè enim conveniunt,
nec citra noxam, in uno stomacho simul morantur. Sub-
olfacientes hunc scopulum delicatuli, vinum Rhenanum,
strenuè superbibunt, rentes, tunc se omnes composuisse flu-
ctûs. At ex Charybdi labuntur in Scyllam. Vinum istud
vim habet diureticam, idèo cibos nondum perfectè coctos,
pisciumq; particulas crudiores, ad vias urinarias ocyùs deducit,
unde pertinaces obstructions. Doctissimus *Sachsus*,
Fautor meus, dum vixit, sincerus, L. II. *Ampelograph. Sect. VI.*
Membr. II. pag. 312. ob eandem vim publicè ea commendat,
scilicet quòd tartaream expurgent saburram. Si suò tempo-
re id fiat cum *ἰσχυρὰ*, cum Cl. *Hofmanno* L. I. *Meth. medend.*
c. XII. p. 181. maximè probo, aliàs incidit istud *Syracid. XXXIV.*
21. unus edificans & unus destruens, quid prodest illis, nisi labor?
Peccant etiam, qui post cœnam aquas generosiores, quas
κατ' ἐξοχὴν *vite* appellamus, seu spiritum vini, pro coctione
duriorum ciborum, bibunt, eandem ob rationem, ut doctissi-
mus *Primerosius* L. II. c. 13. praxin hanc meritò inter *errores*
vulgi retulerit. Sordida etiam & perniciofa consuetudo,
quòd ex uno cantharo, plerumque stanneo, seu urceo, vel
poculo, singuli bibamus. Non commodiùs propagâris
μίασμα scorbuticum, quàm mediante halitu & salivâ, quæ sem-

per vasi adhæret, & in orbem lingitur. Consultius & pulcrius suum cuique dare scyphum vitreum, eumque sapius lymphâ eluere. Unde verò hic profluxerit ritus, quod *butyrum* demùm in ultima apponamus mensa, ariolari nequeo. Rectius & salubrius ab eo principium. Cùm enim læviget, lubricet, abstergat, laxet ventriculum, faciatque, ut citra molestiam extendi queat, jure primâ occupet subsellia. In fine pastûs, stomachus constringendus est, ut rem suam agat feliciter. Contra rationem igitur, nec cum sanitatis custodia contrarium sequimur. Butyrum enim, in fine prandii cœnæve ingestum, laxando ventriculum, vaporum elevationem promoveret, & concoctionem, seu fermentationem, notabiliter turbat & impedit. Hinc regula Moebiana *L. II. Instit. Medic. P. II. c. IV. p. 107. Ventriculo imbecilliori præditi butyrum aliâque pinguis, in principio cœna vel prandii, non in fine, sumant.* Eandem ob rationem placuit mihi Borealium mos, qui assata sua butyro perfusa in principio apponunt, nunquam in fine. Hæreo etiam, an sanitati expediant crebriora juscula, à quibus ferè semper ordimur prandium. Et ista à coquis & matribus familiâs halitu suô foedè conspurcata sunt. Vitiosa & scorbutica ventriculi constitutio semper madorem aliquem stillat, quem ut toties industriâ augeas, num tibi videtur consultum? idcirco *assos* potius, quàm elixos, pisces, semper probavi cum Heroibus istis Homericis, cum quibus ipse fecit Salvator *Joh. XXI. 9. Luc. XXIV. 42.* Apage verò dulce istud Sal, quod saccharum vocant. In scorias enim non solum ab it salibus affines, in scorbuticorum corporibus latitantes, sed & lieni inimicum est, humores fermentat, bilem movet & auget, multasque obstructions gignit. Quid ergo tanti poenitere emis? nec syropos, nec conservas, ex eodem conflatos, tutò exhibebis scorbutico. Præstant *cælestia dona, IV. Georg. v. 1. seu nectar* istud dulce *I. Æneid. v. 437.* mel saluberrimum, seu alimenta spectes, seu medicamenta. Rینگentur equidem nostrates talia legentes, cùm & apud ipsos in pro-

proverbium abierit : nihil saccharô fieri deterius. At, crede mihi, latet anguis in herba. Oprimum & universale condimentum nostrum, quô putredinem castigamus, *Sal*, τὸ θείον, istud Homericum, teste *Plutarcho Lib. IV. Conviv. quest. 4.* καὶ τὸ φιλόστονον illud Platicum. Sole enim & Sale nihil in mundo magis proficuum est. *Plin. L. XXXI. 9.* Reliqua aromata largiuntur horti & campi nostri, e.g. Salviam, Thymum, Majoranam, Hyssopum, Rorismarinum, Petroselinum, Sinapi, Baccas Juniperi, Semen Carvi, Foeniculi &c. quæ prudenti sufficiunt, utpote palato sanitatiq̃ nostræ gratissima. Exotica inflammant, non nutriunt, & temperiei nostræ è diametro adversantur. Nec *tritium* ego facîle præferam secali, cùm illud viscositate suâ obstructions in mesenterio pariat, & augeat, ideoque hypochondriacis hostile sit, inprimis si placentæ, aliave gulæ irritamenta, ex eo fingantur, additis ovis, lacte, butyro. Quantus inde ventriculo tumultus! dulcia quippe in bilem, acida & frigida in pituitam, crassa terrenaq̃ in melancholiam transeunt. Prudenti pauca! Ut verò ciborum, sic quoque medicamentorum simplicitatem constanter probo, omnibusq̃ sanitatis amasiis seriò commendo. Ἡ ἀρχαία ἰατρικὴ, ut Homeri ἁολιαστὴς innuit, ἐν βοτάνῃς ἦν: *medicina quondam paucarum herbarum scientia erat*, explicat Seneca. His prisce vivebant contenti, gloriosi morborum suorum averrunci, ut de Ægyptiis refert *Conringius L. I. Hermet. Medic. c. 2. edit. prim.* & de Borealibus suis cordatissimus ac æquissimus domesticarum rerum censor. *Thom. Bartholinus*, Præceptor desideratissimus, qui sæpiùs optavit cum Empirico Fioravantio se Papam, vel Imperatorem, ut interdicto publico exoticarum herbarum prohiberet commercia. Sincerè & seriò: nostra nobis fert omnia tellus. Omnia, dixi, nec unquam hoc mutabo verbum. Finge enim mihi, si potes, aliquid, quod vel ad tuendam, seu restaurandam sanitatem utile ac necessarium judicent æqui & prudentes, idq̃ non abundè fertilissima Germania (ferè di-

xerim quælibet ejus provincia) bonâ fide & officiosâ manu subministret. Desiderat fortè hoc istudve tua, seu aliorum, vesania? agè, substitue aliud æquè salutare, & catè supplèsti defectum, citra injuriam saluberrimæ Artis, citra dispendium sanitatis, cum eximio nominis tui magmento.

— — *Huc parvi properemus & ampli,*

si patria volumus, si nobis vivere cari. Horat. l. epist. 3.

Pudeat nos cariosa Orientis spolia, & putres Ægypti quisquiliæ, tantò labore, tantò periculò, tantò sumtu advehere. Quòcunque oculos torseris, amplissimum occurret pharmacopolium in montibus & vallibus, in sylvis & dumetis, in pascuis & pratis, in agris & campis, in terra & aqua, in hortis & vineis, in stabulis & fimetis. O ter & ampliùs felices nos, modo *αυτάγειαν* & *φιλοποσίαν* arctiùs complecteremur! Hæ enim sunt ansæ pacis ac salutis nostræ. Utinam sciremus bona nostra domi nata trium vastissimorum Regnorum Domini. Quid quærimus ultra? Amabò, si calceos meos, seu charatam, vel oleum, quod perdo, ex Indorum Goa, seu novâ Bataviâ, afferri curarem, cùm proximus mihi vendat vicus, annon plebs cum cachinno? hic est! *ἀφρων*. Ecceur tibi verò, ô bone, minor cura valetudinis quàm calceorum? Fac periculum, si placet, & porta fumariam nostram, trifolium fibrinum, acetosam &c. in insulam Coum aut Pergamum, peream, si non publico edicto ocyùs & longiùs exesse jubearis, cùm plantæ istæ à natura incolarum & morborum istorum prorsus abhorreant, iisquæ inimicæ sint. Totò cœlò aberrat, qui languores nostros, ritu Orientalium, Grajorum, imò Romanorum, curaverit. Alia eorum vivendi ratio, alii morbi, aliud temperamentum, aliud clima, aliæ consuetudines, & cuncta diversa. Si quis tamen è peregrinis, quos tutò sequatur, eligere velit, ei commendo veteres *Boreales*, quos puduit declinasse à rigore vitæ suæ. Eadem enim illis, ut Majoribus nostris, indoles. Cibi simplices sine apparatu, sine blandimentis expulère famem, Tacit. de German. cap. 23. Et vinum

ad

ad se omnino importari non sinebant, quod eâ re ad laborem ferendum remollescere homines atque effeminari arbitrabantur, teste Cæsare L. IV. de bello Gallico c. 2. Medicina verò eorum simplex & recta; experimenta ut rariora, sic certiora. Hem! ogganniet alius, *Borealis*? ita, Amice. Cum enim eosdem cum illis pariamur manes in communione scorbuti, quidni idem vitæ genus, eademque eligamus præsidia, domesticis ubique prælatis exoticis. *Domesticis*, inſto, *prælatis*. Etenim impius in *Deum*, impius in *patriam*, impius in *posteritatem*, impius in *proximum*, impius in *semetipsum*, qui almam nostram matrem, è cujus gremio, & in cujus gremium gressus & regressus noster, quotidie calcât & temnit. Cui bono tot saluberrima remedia è singulis Amplissimæ Naturæ regnis, nisi cum *ἡμετέρας* uti velis? parturiunt nobis, Deo sic iubente, supera, media, infima, visibilia & invisibilia, & vix angulus, vix rimula superest, quæ non prægnantem ostendet uterum. Nos tamen, summò *ἀχαιεύς* crimine infames, ex fastu & amentia innumera Dei dona fastidimus & pedibus conculcamus. Quid mirâre ergò, si, ex æqua talionis lege, malum de domo tua non recesserit? Quid commeruit optima patria, ut omnibus barbaris deteriore censeas? diu noctuque ancillatur tibi fidissima mater, gignit, alit, fovet, tuc-tur spirantem & extinctum, tu tamen, ô læva mens, vel ob pustulam & ulcusculum exterorum subsidia imploras? quàm ingratus hospes! Sera, si quam speraveris adhuc, posteritas ferio execrabitur dementiam nostram, quòd ista nobis pejor corpus fragilius rarioremque senectam per traducem à nobis acceperit, ut bellè hûc quadret istud Flacci III. *carm.* 6.

Damnosa quid non imminuit dies? atas parentum pejor avis tulit nos nequiores, mox daturos progeniem vitiosorem. Quanta crimina furtum & homicidium! Quisquis proximo effœta, rancida, temporis diuturnitate & tempestatis injuriâ corrupta & adulterata, ac dubiæ fidei exotica, spretis inquilinis, tam caro pretio obtruserit, vendiderit, commendârit, videat,

videat, ne coram summo tribunali furti ac homicidii reus sit. Hunc traxero istud *Ezech. XI. 6. Plurimos occidistis in hac urbe, & implēstis vias ejus interfectis.* Aurea prorsus verba, quæ *Cl. Zuvölferus* in *append. ad animadvers. p. m. 53.* facit. Magno, inquit, consilio nobis sit, prout sæpius mentionem feci, ut, simplicitate in re medica contenti, in congestione tot tantarumq; rerum diversarum inutili labore supersedeamus, & parciores nos prabeamus, atq; vel **UNO SIMPLICI**, simpliciter ad quod à **DEO** conditum est, vel saltem paucioribus, inter se tum manifestè tum occultè non contrariantibus, medicinam faciamus, prout pauperes & rustici, quibus non rarò à summo Medico, ex mera commiseratione, remedia saluberrima revelantur, quibus magna in magnis præstant morbus, quandoq; in opprobrium Medicorum. Hinc quoq; facile adducor, ut credam, si à tot seculis elapsis, à quo Medicina instituta est, vel Medicorum innumeri unum saltem subiectum Medicum, aut simplex, intimè magis & penitiùs explorassent, prout Veneranda egit Antiquitas, jampridem ars Medica perfectionis culmen attigisset longè faciliùs, quàm compilatione tot tamq; diversarum rerum & compositorum indistinctâ farragine. At forte ingratitudo nostra non mereatur, ut tanta Natura miracula nobis pandantur & in aperto maneant, (quæ saltem pauperibus divinitus inspirantur) sed vel invidiâ occultentur, telluri illa tandem sepeliendo, vel incongrua aliarum rerum additione denuò obliterentur, cum nemo doctus habeatur Medicus à vulgo, qui, ubi uno aut duobus saltem, vel tribus rem totam benè concludere posset. Simplicibus, morbo cuidam sufficienter oppositis, ducenta vel plura nesciat coagmentare omnis generis Vegetabilia, animalia & mineralia, quorum discordia tamen evidens non rarò affert nocumentum. Quò etiam fit, ut nil certi ab effectu plurimorum compositorum nobis promittere possimus, & tum patiens, tum Medicus ambo spe suâ frustrentur, ille insuper quandoq; in vitæ discrimen ac sanitatis dispendium conjiciatur, hic verò vulgi ludibrio exponatur, ut etiam ipsa Medicina merè audiat conjecturalis.

Deni-

Denique impius in semetipsum exoticarum rerum simia, quoad corpus & facultates, dubia pro certis, noxia pro salubribus, falsò jactata pro specificis turpiter permutans, & tanti poenitere sibi emens. Quàm magna res est sapere! Sed heus tu bone Vir, clamat alius, quænam sunt ista præsidia domestica tantoperè abs te commendata? dislere, aut caudam trahes. Parebo, tu verò, si placet, attende.

E regno *vegetabili* densò agmine ultrò ruunt in auxilium & solamen patriæ

Abies, absinthium, acetosa, acetosella, acorus, agaricus, agrimonia, althæa, anagallis aquatica, anethum, anisum, angelica, apium, aquilegia, armoracia, aristolochia utraque, arum, asarum, asparagus.

Bardana, beccabunga, betonica, betula, berberis, borrago, buglossa, bryonia.

Calamintha, caprifolium, carduus benedictus & Mariæ, carum, caryophyllata, centaurium minus, chamædris, chamæpitis, chamomilla, chærefolium, chelidonium majus & minus, cichorium, cochlearia, cuscuta, cuminum.

Ebulus, elleborus niger, endivia, epatica nobilis & stellata, eryngium, erysimon, esula.

Filix, fœniculum, fraxinus, frangula, fumaria.

Genista, gentiana, glycyrrhiza, gramen.

Hedera terrestris, helenium, hyosciamus, hypericum, hyssopus.

Iris nostrâs, juniperus.

Linaria, lupulus.

Majorana, malva, marrubium, melilotus, melissa.

Nasturtium aquaticum & hortense, nicotiana, nummularia.

Ononis, origanum, oxylapathum.

Dec. II. Annus VII.

* U

Pa-

Papaver erraticum, petasitis, petroselinum, pentaphyllum, pimpinella, pinus, polypodium, pulegium.

Raphanus hortensis & rusticus, rosmarinus, rubia tinctorum, rubus Idæus, ruta hortensis & muraria, rhabarb. Monachorum.

Salvia, sambucus, scolopendrium, scordium, sinapi, spina cervina, symphitum.

Tamariscus, taraxicum, thymus, trifolium fibrinum, & reliqua.

Veronica, verbena, vermicularis, Valeriana, Vincetoxicum.

Ex regno *animali* nominabo tantum

Viperas & serpentes nostros, cervum & gammaros, lumbricos terrestres & talpam, conchas, quarum testæ in ripis Ocræ, Albis, Vierræ, Visurgis &c. collectæ præstantissimæ. Lac & serum caprinum, quod saluberrimum: stercus anserinum, quod sanè omni lapide bezoardico, seu Oriens, seu Occidens mihi dederit, efficacius & nobilius, ut multa alia hîc silentiô præteream.

E regno *minerali* opem spondeo

Mars, tartarus, Vitriolum, sulfur, Mercurius, antimonium, succinum, terra sigillata Silesiaca.

Quid dicam de *acidulis* & *thermis*, quæ optima Germania meritò præ aliis superbit? & quamvis deficerent istæ, Ars tamen, Naturæ Simia, volenti eas promitteret.

Ex omnibus hisce peritus artifex faciliè parabit omnis generis remedia, internè & externè usurpanda, decocta, aquas, vina, mixturas, spiritus, essentias, tincturas, elixiria, syrupos, conservas, pulveres, electuaria, extracta, magisteria, salia, morsulos, cataplasmata, unguenta, emplastra &c. præparantia, purgantia, mitiora & fortiora, diaphoretica, diuretica, confortantia, anodyna, verbo: integram officinam. Et sic, DEO benedicente, boni medentis officium, quod est

citò,

ciò, tutò & jucundè curare, dextrè & gloriosè tueri poteris. Sed ita consuevimus, cantillat alius. Magna consuetudinis potentia! Cùm autem bonis passim consuetudinibus deteriores successerint, quidnì pravis istis meliores nunc substituantur? nihil enim commune habemus cum carnifice isto Wittenbergico, qui, perceptò in pharmacopolio aromatum odore, in gravem syncopen lapsus, non potuit priùs ad se redire, quàm ad assuetum cloacæ odorem delatus esset. Sal-muth. C. III. Observat. 71. Justa & rationabilis consuetudo laudanda, toleranda, imitanda. Quod si verò rectæ rationi & honestati adverfetur aliquid, neutiquam consuetudo, sed potius abusus & corruptela dicendum erit. Sic corrumpi & corrumpere seculum vocatur. Tacit. de German. c. 19. Quæ verba Cl. Bernegger. quest. miscellan. ex Tacit. num. 107. egregiâ paraphrasi illustrat. Prudenter & ad rem Seneca epist. 123. 7. Inter causas malorum nostrorum est, quòd vivimus ad exempla, nec ratione componimur, sed consuetudine abducimur. Quod, si pauci facerent, nolemus imitari, cùm plures facere cæperunt, quasi honestius sit, quia frequentius, sequimur: & recti apud nos locum tenet error, ubi publicus factus est. Verùm Horatius mihi in aurem L. I. Sat. 3.

*Omibus hoc vitium est cantoribus, inter amicos
ut nunquam inducant animum cantare rogati,
injusti nunquam desistant.*

Tu autem, Amice, vale, lege, censè!

V.

Vitulus in utero putrefactus per os &
vulvam frustillatim rejectus.

EXempla foetûs humani in utero mortui, corrupti, & per
ἐν τῇ μήτρῃ tam *κατὰ* quàm aliâ viâ, educi compilavit
Marcellus Donatus Lib. IV. Hist. med. mirabil. cap. 22. &
* U 2 Schenck.

*Schenck. L. IV. Observ. 179. seq. de sceleto vituli in vulva vac-
cæ reperti Optimus Bartholinus C. II. Hist. anat. 2. & de alio
sceleto vitulino unâ cum vivo vitulo excluso Schenck. L. IV.
Observ. 184. ut de veritate rubri nostri minimè dubitandum
sit. Narrabo autem historiolum. Villicus in Stormaria ale-
bat vaccam, ultra decimum quintum mensem nunc præ-
gnantem; quæ tandem, post varios languores, inutile uteri
sui pondus, totum putrefactum, non sine magno cruciatu, &
abominabili foetore, partim per vulvam, partim per os, fru-
stillatim, & per intervalla, intra quattriduum scilicet, rejecit.
Hoc saltem miror, quî Natura per os colluviem istam exant-
laverit? domestici enim id manifestè notârunt, imò particu-
las ossium & alia ex ore traxerant. Quàm mirabiles DEI &
Naturæ viæ! At ecce! per quas vias abortus iste avp rejectus,
quo de inauguralem suam disputationem habuit D. Maroldus,
Civis & condiscipulus olim meus in Illustri Gymnasio Erne-
stino? vid. Decur. I. Ephem. Curios. Ann. I. Observat. 108. quî
felis per os peperit, qua de Summus Bartholinus C. III. epist. 8.
p. 37. & C. V. hist. anat. 98. quomodo gallina in Dania sex
pultos benè conformatos vivos unô partu exclusit, quam in-
auditam, verissimam tamen, historiam primùm consignavit
Michaël Lyserus in Fascic. Observat. suar. Thomæ Bartholino
transmiss. num. VI. ecquî piscis ille fuit viviparus, quo de
Joh. Euseb. Nierenberg. L. VI. de mirac. Natur. in Europ. cap. 41.
& quî demùm corvus ille pullos suos peperit vivos? Vid. Bre-
viar. rer. memorabil. Isibord. ab Amelunxen num. 28. Dixerim
Lectori meo, quod Plinius olim Licinio Suræ L. IV. epist. ult.
Scrutare tu causas, potes enim, quæ tanta miracula efficiunt. Mi-
hi abundè est, si satis expressi, quod efficitur.*

VI.

Vomitum cum dysuria post coitum
ordinarius.

R Ara profectò historia, quam de *Vomitu Venereo* Matronæ cujusdam in Moravia notavit Cl. *Hertodius in Decur. I. Ephemer. Nat. Curios. Ann. I. Observat. 4.* cui similem ferè sociabimus. Vir quidam eruditus, (cujus ore loquor,) quoties ex debito conjugali castam exercet Venerem, toties paulò post, & nunquam aliàs, copiosam materiam phlegmatico-biliosam *ava* rejicit, subsequente eòdem die *dysuriâ* aliquâ non tamen adeò molestâ. Multa in auxilium vocata remedia, nullum tamen adhuc inventum, quod rariorem istum affectum sustulisset; sanus alioquin Vir optimus, vegetus, & ad omnia munia sua dexterrimè promptus.

VII.

Menstruus aurium foetor.

Alius Vir excellenter doctus, Amicus meus à triginta annis fidelissimus, ab ipsa infantia sua, occlusâ saltem digitò aure sinistra, totus fit surdaster; id tamen beneficii à Natura obtinuit, ut quolibet mense, Lunâ decrecente, per tres quatuorve dies è dextra aure, summo cum levamine, copiosè effluat materia tenuis & acris,* planè *crocea*, & *maximè fetida*, adeò ut etiam, durante hòc fluxu, vix in publicum prodire audeat ob molestissimum foetorem, quem tamen aliàs vix senties. Temptis perpetuò diætæ legibus, rarissimè pharmacis utitur, *ἐγδοῦ ἀθῖος* tamen & officio suo strenuè fungens.

VIII.

Dysenteria animata cum vertigine
nocturna.

COrdatè de illa differuit Cl. D. Paul. Brand, Medicus Dacus, in *Act. Med. Hafniens. T. IV. Observat. 31.* è quibus in Medicinam suam Septentrionalem collatitiam transtulit Excell. Bonet. L. III. Sect. X. c. 17. p. 567. seq. Dixit mihi olim Generosus & piè eruditus Baro Cassp. Sigmund. ab F. qui in celebri Germaniæ Academia gradu *Baccalaureatus* publicè ornatus erat, se superiori bello germanico omnibus bonis, omniq; parentum solatiò ab impio milite exutum, diu ex villa in oppidum pauperculum meàsle κοσμοπολίτην, tandem in dysenteriam lapsus, primò statim die *lumbricos* duos *ἀντὶ* rejecisse. Sequenti die κατὰ aliquis exclusus monstrosæ formæ *vermis*, cum multo sanguine & ineffabili cruciatu. Caput ingens & rotundum, cornua bina, brevia quidem, sed ramosa, curva & acutissima: pedes octo, subtilissimis unguiculis, seu potiùs uncinulis, armati, corpus hirtum & totum pilosum, imò ferè aculeatum, caudæ locò traxit furcellam tricuspidem. Hoc monstrum ex excrementis protractum exsiccatumq; curiositatis ergo pluribus monstravit miscellus iste tunc Baro. Puellus nuper Northusanus lue istâ etiam correptus, statim in initio morbi *vermem multipedem pilosum, & acutò rostrò caudâq; instructum*, coloris fusci excrevit, at paulò post decessit. Plerunque mortem portendunt ingrati isti hospites. Baro tamen noster solò lacte modò vaccinò, modò ovillò, in quo soleæ equorum ferreæ ignitæ extinctæ fuerant, & cui semen plantaginis inspererat, Dei misericordiâ, ægerimè tandem servatus est. Qui postea, *nocturnò tantum tempore*, crebriùs ingenti corripiebatur *vertigine*, etiam in lecto jacens, ut omnia cum eo in gyrum agitari rotariq; viderentur, affectu hoc ad integram horam aliquando durante, quem

quem Medicus solò pulvere bezoardicò pepulit. Adde sis, quæ de cæcorum vertigine (suò more) curiosè & accuratè scribit *Hercules noster Salanus in Decur. I. Ephem. Curios. Germ. An. VI. Observ. 121.* Singulare & laudabile quid in Illustri persona, gradus putà *Baccalaureatus*. Equè hunc de regalibus esse, ac superiores alios, Ampliss. Dn. *Joh. Christian. Itterus*, U. J. L. Amicus honorandus, in elegantissimo suo de *Gradibus Academicis* librò cap. IV. p. 48. seq. optimè censuit. Apud *Chinenses* adhuc, unà cum aliis, & studio Philosophiæ, excellenter floret hic gradus. Illi enim nec probum, nec justum esse posse aurumant, qui *Philosophiam* non didicerit, ut proinde *litteras amare & bonum esse* pro iisdem prorsus habeant, ut ex aliis refert probatq; Pl. Rev. & Excell. Dn. *L. Joach. Fellerus*, in alma *Lipsiensi Poës. PP. & Bibliothecæ Paulinæ Custos*, Amicus meus sincerissimus, in *Programmate* quodam Magistrali An. 1688. Mens. Januar. edit. Et testantur annales, alios Magnates etiam hunc gradum ambiisse & obtinuisse. *Albertus* enim IV. Dux *Bojariæ*, Acad. *Ingolstad.* Autor, non tantum ipse adolescens primi hujus gradus laurum *Lutetia* sumsit, sed etiam insignia, quæ *Baccalaureos* ab aliis ordinibus distinguunt, publicè per plateas gestavit. Et *Sigismundus* L. B. ab *Herberstein* inter omnes dignitates & honores primos deculit titulo *Baccalaurei*, utpote quem non generis & Principum blandimentis, sed solis ingenij viribus in Acad. *Viennensi* sibi comparasset. Vid. *M. Joh. Frieder. Gerhardi* elegantem disp. Historico-Polit. posterior. de *Academia thes. IX.* Et Cl. Vir *Joh. Friedrich*, Prof. *Lips.* in *Panegyri seculari de origine increment. & fortun. Acad. Lips.* quam Pl. Rev. & Excell. Dn. *L. Adam Rechenberg* / Utr. Lingu. & Hist. PP. Amicus colendissimus, nuper *Davidis Peiferi Lipsiæ* annexuit pag. 40. ita: non tantum *Juvenès* præcipuæ nobilitatis magnò numero priori illo dignitatis scholastica gradu, qui *Baccalaureorum* est, (ne quid de cæteris dicam) oriri voluerunt in hac Acad. sed etiam *Comites*, *Barones*, imò *Illustres Imperii Principes*, exemplò *Joannis II. Anhaltini*, *Comitis*

mitis Afcaniae, qui An. 1448. *Baccal. Philos. & AA. LL.* publicè renunciatus est, & postea Canonicus Magdeburg. & Halberstad. factus. *D. Sagittar. in Histor. Anhaltin. cap. XVII. §. 8. pag. 97.*

IX.

Quædam vulvâ clausâ, spontè tamen ruptâ, concipiens & pariens.

DE amico suo refert *Borell. C. IV. Observ. 26.* eum, sine *intromissione penis*, externâ tantùm seminis ejaculatione in vulvam puellæ, illam imprægnâsse. De equabus, ferreis annulis infibulatis, & tamen gravidis, vid. *Incompar. Harvei exerc. de partu p. m. 369. & Borell. loco jam cit.* Puella Romana à primo ortu *clausâ*, nisi quòd exiguum esset foramen, vix pisum capiens, pro *urina ac menstruorum* egressu, assiduis amasiæ precibus commota ipsius libidini nimium dedit, rata, nullum conceptionis periculum futurum, quippe cujus *vulva* labia à nativitate conjuncta & unita penem non admittebant. At illa, *vulvâ* ante ferrò apertâ, debitò tempore filium peperit, notante Excell. D. à *Moinichen*, Aulæ Regiæ in Dania Medico, in *Observationib. suis num. 13.* Similem prorsus historiam habet *D. Sorbait*, Prof. Vindobonnensis, in *Dec. I. Ephemer. Nat. Curios. Ann. III. Observat. 273.* de puella octenni in carbones lapsâ, totamque perinæi, *vulva* & pubis regionem comburente, àque Chirurgò adeò negligenter curata, ut integra *vulva* labia firmâ cicatrice sibi conjungere, & relictis tantùm duobus foraminibus, unò infra *os pubis*, alterò propè *anum*, in perinæo coalescere permiserit. Quæ postea ad pubertatem veniens, à proco per contactum sine *membri intromissione* ingravidata fuit, *vulvâ*, instante partu, similiter à Chirurgo apertâ, licèt per foramen ano proximum foetus prodierit. Scripsit mihi superiori vere *Panormò* Siculorum *D. Eusebius Hieronymus Sellmann* / Amicus integerri-

mus,


mus, se novisse puellam sexdecim annorum, eximiae formae, cui ob genitalia, à natali clausa, menses & urina ordinariè modò solitariè, modò cum cæteris fecibus, per alvum sine molestia fluebant. Cùmq; ad matrimonium inepta videretur, in cœnobium deducere volebant Parentes, quam eremum tamen ipsa declinavit. Interim nescio à quo Jurium perito amata & vitiata sit, semine virili tantùm extra pudendum virgineum adpersò, & aurâ spirituosiori attractâ. Gratae hæ titillationes crebriorem fecêre admissionem. Tandem bonæ puellæ ventriter intumuit, ipsaq; ab omnibus renunciatur prægnans. Rogata rigorosius, acta & facta Parenti recensuit; qui verò hoc modò puellam imprægnasse pro impossibili habuit. Intereâ ob calorem inordinatum, pruritusque periodicum, quem circa *vulvam* ipsa senserat, *lacte asininò* claustrum suum frequentius lavit fovitque. Quod laxatum spontè tandem noctu in somno disruptum hiatus fecit sat amplum, & exodum tandem suò tempore præbuit infanti. Sic *Fellmannus*. Adde, quæ de spontanea apertione clausæ *vulvæ* consignavit *Th. Bartholin. C.V. hist. 43.* Certè causas, seu obices, quos ibi adducit Vir Clarissimus, in nostra etiam fuisse, haud diffitebimur; membrana scilicet non adeò crassa, quæ crebriori attactu, imaginatione continuâ, auctòq; calore & subsequente pruritu, à lacte etiam laxata magisque emollita, in insomnio Venereo facilè rumpi potuit. Mirum verò, à rigore membri antea non fuisse pertusam. Liceat suspicari, crassiorē tunc fuisse, ut *JCrum* illum ferre potuerit.

X.

Sterilitas, adeoq; omnis appetitus venereus, auribus abscissis, perpetuò extinctus.

Vltus *Zacharias Hall* miles Westfalus, salax, robustus, & fœcundus, trium liberorum Pater, annò ætatis suæ trigessimò, ob varia delicta, jure & more bellicò, *am-*
Dec. II. Annus VII. * X *pu-*

putatis auribus, iisq; patibulo affixis, cum infamia urbe ejicitur. Oberrans igitur in terra aliena, stipem colligebat ostiatim, quam cum à me etiam in Imperiali *Brema* peteret, simulq; abs aliis intellexisset, Medicum me esse, latius cuncta exposuit, serio addens: ab illo die tribulationis omnem *fœcunditatem*, adeoq; omnem appetitum *Venereum* in se fuisse extinctum, ut nec vellet nec posset aut semen ejaculari, aut rem habere cum uxore sua, membrò prorsus flaccidò, rugosò, adque omnia officia sua ineptò. Meretricibus equidem olim aures pœnæ locò abscindebantur, ut lascivia earum castigaretur, & vis procreatio- nis, simulque pessimorum hominum posteritas tolleretur. Scythæ etiam sectis retrò aures venis steriles facti, de quibus post *Hippocrat.* fusissimè in utramq; partem disceptant *Vallesius* L. II. *controv. Med. & Philos.* c. 8. *Andr. Laurent.* L. VIII. *anat. quest.* 4. *Nathan. Higmor. disquisit. anatom.* L. III. Part. II. c. 6. *Steph. Roder. à Castro* in opusculo quæ ex quibus Lib. IV. c. 5. *Sennert.* L. III. *Prax.* P. IX, *Seç.* 2. c. 1. *quest.* 1. *Cass. à Reyes* in campo *elysio jucundarum question. num.* 56. Rectè *Cous* L. de *genitura*, *Maxima* siquidem, inquit, *seminis pars è capite secundùm aures in spinalem medullam fertur.* Ipse autem *meatus sectione, cicatrice obducta, consolidatur, & ita seminalis transitus aboletur*, quod doctissimus *D. Sorbait* in *Decur. I. Ephem. Natur. Cur. Ann.* II. *Observat.* 104. memorabili rarâq; historiâ de impotentia ex vulnere capitis eximiè illustrat. Vera enim *Platonis* opinio docentis; Semen à cerebro etiam & medulla spinali decidere,



EXERCITATIO
HISTORICO-PHYSICA
De
CORNU HAMMONIS,
quod Veteres vocârunt,
AGRI BRUNSHUSANI ET GAN-
DERSHEIMENSIS LAPIDE,
quem vulgo Drakenstein nominant,
conscripta
ab
M. JOHANNE REISKIO.

ANNO M DC LXXXIX.

VIRO
NOBILISSIMO EXPERIENTISSIMO
AMPLISSIMO
DN. JULIO GEORGIO
BEHRENS,
SERENISSIMORUM DUCUM
BRUNSUIG. ET LUNEBURGENS. IN AULA
WOLFFENBÜTTELENSI ARCHIATRO
ET CONSILIARIO GRAVISSIMO.

VIRO
EXCELLENTISSIMO AM-
PLISSIMO
DN. CASPARI POSNERO
PROFESSORI PHYSICES IN ALMA
SALANA CELEBERRIMO.

PATRONIS ET FAUTORIBUS
MEIS VENERANDIS,
S. P. D.

M. JOH. REISKIUS.

Offero heic vobis lapidem in agro Saxónico prognatum, aut cornu lapideum, non Amaltheæ quidem Poëtis decantatissimum, sed vetustô Jovis Hammonis nomine insignitum, ac inter Veteres quantivis pretii: Hoc meum tamen ne pretiô ullo, sed promptâ voluntate animôq; gratô metiamini, omnem in modum diligentissimè rogo. Summus autem vester, quô bonas literas complectimini, amor efficiet, (ita confido) ut ne repulsam patiar, sed preces meæ ac munus, quod dicavi, tenue locum reperiant. Ex quo enim tempore primùm heic loci, nobilissime BEHRENS, te cognovisse, ac tecum aliquoties verba fecisse licuit, perspexi planè doctrinam tuam & humanitatem neq; fortunâ tuâ neq; dignitate maximâ inferiorem. Hinc igitur factum est, ut amplitudinem tuam singulari observantiâ prosequer, & cogitationes meas ad publicum, hujus documentum intenderem. Sed quod præsens cum ferat occasio, hoc exiguum, cui suppetias è tua Bibliotheca locupletissima tu

listi, scriptum eò benigniori accipies manu. Nec dedignaberis illud aut aspernaberis, quæ spes mea fuit, excellentissime POSNERE, vel ideò quòd tibi Doctori meo Fautoriq̃ue meritissimo debeatur. Non equidem mihi ante hoc tempus contigit, ut redigerem in memoriam tibi summa tua, quibus me olim Jenæ ornâsti, merita, aut dignis ea laudibus prædicarem: Hæsit tamen in animo meo perpetua illorum recordatio, fecitq̃ue, ne dubitarem, quin vestigium pristini tui erga me affectûs retineas. Quare votis meis nihil nunc malè ominor: DEUM autem precibus implo-ro assiduis, ut Te, nobilissime BEHRENS, inclutæ Wolffenbütteleni aulæ Medicum & Sospitatore, tuæq̃; familiæ ornamentum; Te POSNERE excellentissime, publicum Salanæ decus, & pubis studiosæ Doctorem celeberrimum diu tueatur! Valete! Scrib. Wolffenbütt. Eid. Febr. A. MDC LXXXIX.

p. 267. Anni 7. D. 2.

CAPUT I.

I. Occasio scripti hujus ex lapide quodam Brunshufano, quem Auctor pro cornu Hammonis habuit 2. Cornu metaphoricè sic dictò, unde ad propriè dictum abducimur 3. è Servio, quem Ambrosius sequitur 4. ex Hygino, qui causam recenset duplicem 5. è Diod. Siculo verisimilior, quam Vossius nec ita benè probat, & Herodoto 6. Cornu Hammonis originatione Græca, Romanos etiam fefellit 7. Ægyptia, Græcos Kircherumq; 8. Hebraica utriq; præfertur à Chamo Noachi filio, à quo Ammonia & Chemia Ægyptus in sacris quoq; literis 9. terra urbesq; in Africa & Asia plures, & Jupiter Ammon, uti Chamus ex rad. חמון h.e. fervendo,

I.

Cum Gloso-petras Luneburgicas commentatione quâdam epistolicâ persequeretur, cum verò sub finem incideret in Draconitem, agri Gandersheimensis & Brunshufani lapidem, quem sermone vernaculò Drachenstein nuncupant. Censui hoc nomen non ita conveniens, neque ipsum lapidem Draconitæ Pliniano & antiquo similem: Quippe qui Draconis minimè, sed cornu potiùs incurvi & arietini speciem exhibeat: Ideoque mihi non aliud videri, quàm eum, quem veteres novique Scriptores cornu Hammonis vocitant. Equidem hæc cogitationes aut conjecturæ velut subitanæ statim mihi venerunt in mentem, simul ut ab amico quodam meo plurimum colendo, lapides hujus generis duo hûc ad me missi fuerant: Attramen re ipsâ diutiùs excussâ, & lapidibus iis, quos utrosque adhuc inter mea mecum habeo, ad libros Fossilium plures, & sententiâ doctissimorum Virorum optima expensis, non muto neque depono primam sententiam, sed adhuc lapides ita incurvos omnes, quicunq; corneam similitudinem figurâ suâ referunt, Ammonis cornua inter preciosos novosq; celebrata statuo.

II. Quan-

II. Quandoquidem verò si hos lapides cernamus, vel primò intuitu sub oculos cadit figura cornu alicujus elegantissima, nulla tamen hujus substantia & natura: Nomen istud per metaphoram lapidibus attributum, vix erit inter sanos, qui dubitet. Hoc ergò cornu Metaphoricum ad aliud propriè dictum abducit, & ab impropria significatione ad propriam, quæcunque illa sit, nos avocat: Quam quia historiæ potissimum Græcæ nobis explicant, ab iis hûc in usum nostrum erit mutuò desumenda. Sed cave sis, Lector benivole, ut veram ex idoneis & fide dignis auctoribus causam vel originem ubique desideres, aut tibi promittas: Hoc enim quicquid est, historia plerunque mythica seu fabulosa & à Poëtis veteribus conficta suppeditat. Neq; ideò tamen damnabis omnia aut repudiabis; Eò quòd sub isto fabulæ involucro verissimarum rerum antiquarum historia delitescat.

III. Hinc Barthol. Ambrosinus in Museo Ulys. Aldrovandi, Patricii Bononiensis, ubi ad lapides ab auro denominationem nactos devenit, Ammochryson videlicet Chrysammonque, huic unam speciem subjungit Ammonis cornu, ejusque causam omnem ex historia poëtica, Serviique ad Virgilium commentario arcessit. Dum enim (*Lib. I. p. 53.*) Poëta Hiarbam Regem Ammone satum, & Nympha Garamantide rapta invisum memorat, ille Servius Maurus Honoratus ex historia Bacchi commentationem texuit: *Liber*, inquit, *quum Indos peteret, & per Libyam exercitum duceret, fatigatus siti, Jovis sui patris imploravit auxilium, & statim visò ariete fons secutus est ab arenis: Unde factum est Jovi Ammoni ab arenis dicto simulachrum cum arietino capite.* ἄμμος enim Græcè arenam dicitur, quod ideò fingitur, quia satis involuta sunt ejus responsa. Hæc quum (*Lib. IV.*) ille Grammaticus obscuris involverit verbis, Ambrosinus effert clarioribus, & copiosè circumloquitur, nec ab Servii sententia, hujusque derivatione Græcula recedit.

IV. Sed quid Servium citemus, qui veteres Poëtas Græcos Romanosque, horumque communem interpretem, Hyginum, Augusti Cæsaris libertum, ab ævo antiquiori adducere heic possumus? Refert autem ex Hermippo, Atheniensi Comico, Bacchum sive Liberum, quo tempore oppugnârit Africam, cum exercitu in locum devenisse, qui ab multitudine pulveris Ammodes appellatus fuerat. Ibi cum in maximum periculum & aquæ penuriam incidisset, milites defectionem parasse: Postea conspecto ariete viam, quò is aufugerat, eò fecisse, & magnam aquarum obtinuisse copiam, duce suo nec amplius viso: Bacchum porrò cum suis omnibus huc contendisse, ac Jovi Ammoni templum pariter atque simulachrum cornibus arietinis præditum constituisse, ipsò ariete inter prima sidera collocato. Hæc ita Librò secundò in Poëticiis Astro-nomicis copiosius ex editione Jo. Schefferi (*n. XX.*) correctissima recenset. Denique subdit, quæ Leon, vetus rerum Ægyptiacarum auctor prodiderat, prioribus aut inæqualia aut repugnantia. Nempe tum temporis quum Liber Ægyptia pluraque finitima regna teneret, Ammonem quendam ex Africa venisse, ac pecoris multitudinem adduxisse: Huic pro beneficio agrum, qui est contra Thebas Ægyptias, concessum, & simulachra cornuto capite fuisse posita, ut posteri tenerent animò, quis primus rem docuerit pecuariam. Postremò ex aliorum sensu pauca subjicit satis obscurata, quæ adhuc interpretem, qualis nec eruditissimus Schefferus esse voluit, desiderant.

V. Interim quem ex Leonte Ammonem protulit Hyginus, hunc Diodorus Siculus (*Lib. III. XVII.*) regem Libyæ descripsit, Rhea Coeli filia uxore, & Amalthea præter hanc adamata, & Baccho seu Dionysio suscepto filiò, & rebus gestis inclytum. Qui pater ac filius uterque cum in bello cornutam galeam gestarint, inde factum esse refert, ut cornuti etiam effingerentur. Idque Vossius in Theologia gentilium interpretatur, uti velit, pellem capitis bubuli (*Lib. I. c. 27.*) cum cornibus

bus pro galea habuisse: At pellem capitis arietini cum cornibus ut interpreter, facit caput Ammonis arietino simile, cornuaque prorsus conformia. Nam vetustissimi quique galeas è pellibus canum, arietum, bouum, luporum, leonum, murorumque animantium conformârunt; postea pro pelliceis quidem ferreas amârunt aut æneas, figuram tamen animantis aut saltem capitis in illo expresserunt tegmine. Herodotus autem in Euterpe aliud habet: Jovem (*Lib. II.*) cùm ab Hercule cerni noller, exoratum denique ita statuisse, ut amputatò arietis alicujus capite, ac pelle villosâ, quam ipsi detraxerat, indutâ, sese conspicuum daret: Hinc apud Ægyptios Jovis effigiem arietinò capite confictam, & ad Ammonios porrò traductam. Eustathius quoque in suis ad Dionysium Periegetam commentariis Herodoto adsensum præbet; Rectius fortassè Diodoro Siculo præbuisset, qui ad verum propius accessit.

VI. Ast quid inter devia & incerta diu hærebimus? De nomine Hammonis & cornutô ejus capite quicquid veritati simillimum videbitur, hoc asserendum erit. Triplex ergò nominis origiatio succurrit, Græca nimirum, Ægyptia, & Hebraica. Græca illa inter Græculos reperta Romanos Historicos atque Grammaticos fefellit: Quin Plinium ipsum, quando in Historia naturali nomen Ammonis oraculô ab arenis impositum ibi tradit, ubi (*Lib. XII.*) de arbore Ammoniaco exponit. Quid Servius ex illo fonte in Latium derivet, supra vidimus. Unum è Criticis adhuc Romanis Sext. Pompeium, qui voces librô peculiari adspiratas explicat, (*Lib. VIII.*) audiemus: *Hammo*, ait, *cognominatus, quia in arena putatur inventus, quæ Græcè hoc nomine ἄμμος appellatur. Cui cornua affiguntur arietis, à genere pecoris, inter quod inventus est.* Sed bonus ille Grammaticus Græcorum fabulis eò abreptus fuit, unde non potuit referre pedem, nec causam dare, cur litera prima fiat sub initio aspirata, qualis primitivo deest vocabulo. Patenires igitur Sacerdos Saiticus, cujus apud Platonem Pro-

clumque fit mentio, rectè judicabat, Græcos semper esse pue-
ros, nec unquam in ultima historia senes: Unde quoties de re-
bus vetustissimis loquuntur, ad fabulas ruunt, aliosque secum
abripiunt.

VII. Ægyptia Græcæ multum præstat originitio in no-
mine, quod antiqui Historici & hodierni Critici Ægyptiacum
agnoscunt. Nam Herodotus in Euterpe, ubi Ammonios ab
Ammonē dictos commemorat: Ἀμμὼν Αἰγύπτιοι καλέουσι τὸν Δία:
Ammonem, inquit, *Ægyptii Jovem vocant*. Plutarchus in
Iside sua confirmat, Ἰδίας παρ' Αἰγυπτίοις ὄνομα τῷ Διὸς εἶναι τὸν Ἀμ-
μὼν, *proprium apud Ægyptios Jovis nomen esse Ammonem*. Sed ne-
que sic tota res in promptu est, cum nemo antiquus vocem
originariam, unde Ammon deduci possit, nemo recens Phi-
lologus aperiat. Quid? quod de nominis hujus Ægyptii signi-
ficatione inter præcos haud conveniat. Manethon quippe
Sebennita Ἀμμὼν κεκρυμμένος, h. e. *absconditum* interpretatur:
Hecataeus verò Abderita narrat: Τέτω καὶ πρὸς ἄλλήλους τῶ ῥήματι
ἄλλοι τὰς Αἰγυπτίους, ὅταν προσκαλῶνται. προσκλητικὴν γὰρ εἶναι τὴν φωνήν.
Ægyptios hoc ad sese invicem verbò uti, quando quemquam evocant aut appellant: Appellativam enim vocem esse. Kircherus
equidem in Tomo Oedipi Ægyptiaci primo (cap. VI.) vult,
hanc vocem ab Hecataeo Deos invocantium propriam dici;
verba tamen citata, quæ omisit ipse, istum non stabiliunt sen-
sum, neque lectoribus declarant. Satius ergò est, hæc in eam
accipi sententiam, ut dicat Abderita, Ægyptios hæc voce usos
in mutuis congressibus, quoties alter alterum appellârit co-
mitter, & colloquium exordiretur. Ita Fullerus (Lib. II. c. 4.)
in sacris Miscellaneis accepit, rectèque monuit, apud gentes
plerasque cum salutationibus divina crebrò adhiberi nomina.
Kircherus interim ex Jamblichò dictitat, *hoc nomen in Ægy-
ptia lingua nil aliud significare, nisi vim quandam Duminis, ar-
canas latentium rationum vires in lucem agentem*. Adeò sunt
abstrusa & recondita, quæ profert, ut vix Viri mentem capias,
neq; locum ex Jamblichò, quem velit, citatum videas.

de cornibus, nihil de cornuto Ammonis capite Vir ingeniosissimus divinat.

CAPUT II.

1. *Hammonis caput cornutum ex historia Diod. Siculi atque Nimrodī, & à galea quidem deducitur* 2. *ab Sole Hebr. חמון qui Jupiter Macrobo. cornutus ab radiis* 3. *ab oraculis involutis sive arietinis. Cornua verò non bubula Gor. sed arietina* 4. *Ammonis effigies è Kircherò varia, non satis certa: Uti nec Hama Hammonis Saxonum Deus.* 5. *E Strabone, Curtio, Arriano; sed deniq; jacuit neglecta* 6. *Ammon corniger in hieroglyphicis numisq; Romanis Consularibus* 7. *Cæsarumq; Imperatoriis.* 8. *Alexander M. quoque in statuis & numismatibus; Item Rex Lysimachus.* 9. *Hinc Alexander Arabibus bicornis, & Mahumedis familia insertus. De Attila & Rege Antogilensium cornuto.*

I.

CHamum è Noachi progenie, Ammun ex Ægyptia, & Ammonem sive Hammonem non è Græca solum, sed Romana quoque historia sive Reges sive Deos, uti confido, satis conciliavimus: Quid de cornibus Hammonis, & cornutò hujus capite fiet? Id unum adhuc relinquitur nobis, ut cum divina sive Mosaica componamus historia & conciliemus. Diodorum ergò Siculum heic sequar, & Ammonem Libyæ Regem, hujusque filium Bacchum seu Dionysium in præsentia rursus deducam. Libya est vasta pars Africæ, quæ tota in Colonias Chamo sive Ammoni cesserat: Filius huic tribuitur Bacchus sive Bar-Chus h. e. Chusi filius (*Gen. X. 9.*) Nimrodus נִמְרוֹד robustus ille coram Domino venator. Bacchus quippe ζαχρὸς ῥῆτ' ἐστὶ παῖν ἀχρῆων, uti Etymologicon habet, seu venator ubiq; captans in fabulis; in Anthologia Epigrammatum vetusta νεβρώδης νεβελόπεπλος, quasi pelle hinnuli vestitus dicitur, utroque ad historiam

Nimro-

Nimrodi accommodatô vocabulô, quod (*cap. 2.*) Bochartus in Geograph. sacræ librô primô planissimum fecit. Equidem Nimrodus inter Chami nepotes aut posteros, Chusi que filius fuit: Attamen è familia & stirpe Chami editus hunc patrem communem habuit. Quoniam verò uterque pater & filius, Ammon & Bacchus inter bellandum galeis cornutis usus legitur, sive hâc figurâ fabricatæ, sive arietinis cornibus instructæ illæ fuerint: Quidnî hinc Ammoni cornua enata dicamus & addita? Illud si quicquam ex antiquis historiis, verò est proximum & simillimum. Namq; Græculi nugantur, qui vel ab ariete inter medias arenas visô, vel à delubro inter loca Libyæ arenosa conditô arietina cornua Jovi Ammoni que suo veteri deducunt.

II. Sed aliam de Cornibus Ammonis rationem ex Macrobio Fullerus iniit, eam que Vossius (*l. cit.*) in Theologiæ Gentilium libro secundo, & Steph. Loydus (*cap. XII.*) in Dictionario Car. Stephani recensito (*p. 73.*) comprobat. Nimirum Chamo ex radice חמ ח. e. ab incallescendo aut mens ignea & mirus animi fervor, aut color fuscus nigro que propior, aut terra, quæ progeniei hujus & familiæ parebat, per historicam prolepsin, uti vocant, nomen indidit. Amplius ex una eademque radice seu primitivô istô vocabulô Hebræi Solem חמח tanquam præcipuum æstus caloris que auctorem & ferventissimum sidus nuncupant, in ipsius quidem sacri codicis locô non unô, quem Concordantiæ Bibliorum Buxtorffianæ indicant. Quoniam verò idem Sol est, qui Jupiter, docente (*Lib. I. c. 24.*) Macrobio in Saturnalibus: *Ideò & Ammonem, quem DEUM Solem occidentem Libyes existimant, arietinis cornibus fingunt, quibus maxime id animal volet, sicut radius Solis eodem alibi censente. (c. 21.)* Radii quippe lucidissimi, quotquot à Sole prodeunt, rectorum cornuum speciem præ se ferunt. Ut vel ideò inter imagines Deorum Dearum que ab Vincent. Cartario, & Fr. Swertio Sol radiatus & cornutus quasi, nec non à Car. Patino & Mediobarbo in Græcis Romanisq;

num-

Regum, Imperatorum, Principum & illustrium Virorum imaginibus restaurandis inserviant, Ez. Spanhemius librò egregiò declaravit. Occurrunt autem in Romanis Fulv. Ursini familiis numi eidemque denari, Jove cornigerò insignes: Antiquissimus quidem in Cornuficia gente primus, qui Ammonem veterem capillatum, gravi vultu venerabilem, barbatum, & cornibus ad tempora intus retortis sive arietinis præditum singulari expressit artificiò, eumque solùm nec literis adjectis, unâ parte: Altera Cornuficium & Junonem Sospitam Lanuvinam cum Epigraphe Romana: Q. CORNUFICI. AUG. IMP. Q. Cornuficius Augur lituum insignis sacerdotii habitumque gestat: Juno cum pelle caprina, scutulò, hastâ, & calceolis repandis coronam Cornuficio impositam. Qui Ciceronis antea in Auguratu collega, & in consulatu competitor æmulus, Imperatoris nomen ex Africa, cui præerat, provincia, simulque Jovis Ammonis imaginem suscepit. Nec alius sed idem planè vultu, barbâ, cornibus arietinis Jupiter ad gentem Antoniam Pinariamque spectat cum inscriptione ANTO. COS. III. IMP. IIII. Pars cujus averfa Victoriâ alatam, ejusque manu dexterâ coronam, sinistrâ frondem palmeam ostendit, ut inscriptus adpareat SCARPUS IMP. ANTONIO AUG. Qui de stirpe Pinaria partes Antonii secutus, Africæ præfecturam, & Ammonem ex illa obtinuit. Eundem quoque gens Lolliâ ostendit Jovem cornigerum una; parteque alterâ sellam curulem coronâ exiguâ ornatam, & Græcis ΛΟΛΛΙΟΥ characteribus. Hic M. Lollius Palikanus Ædilis procul dubio Curulis fuit, cùm Jovi hunc denarium sacrâset.

VII. Idem Jupiter apud Salmasium (p. 1025.) in Exercitationibus Solino additis barbatam faciem caputque ostendit cornigerum, tanquam *πάλιος θεός καὶ κροκέριος*, h. e. *canus Deus & more arietis cornutus*; qualem antiquior isque anonymus vitæ Alexandri Magni Scriptor nuncupat, & Vir ille magnus numiscomprobat. Unde numismata Cæsarum, qui-

bus Ammon excuditur, unam & vetustam effigiem religiosissimè conservant: Utpote argenteus Denarius victoriatus, quò unum latus Jupiter, alterumque alata Victoria manu coronam porrigens complet cum inscriptione: IMP. CÆS. DIVIF. Ad Augustum ergò pertinet, tum fortassè cusus, quum Alexandria capta, Ægyptus in provinciam redigeretur. Jovem illum nec mutatâ facie numus Neronis æneus repræsentat, margini adscripta COL. JUL. AUG. CASSANDREN. h. e. *Colonia Julia Augusta Cassandrensi*, quæ in Isthmo Macedonico juxta mare sita suum Cæsari obsequium probavit. Jovem quoque cornigerum numus Trajani duplex, unus argenteus & alter æneus refert, Gracâ inscriptione additâ: ΑΥΤ. ΚΑΙC. ΝΕΡ. ΤΡΑΙΑΝΟCΕΒ. ΓΕΡΜ. ΔΗΜΑΡΧ. ΕΕ ΥΠΙΑΤ. Γ. *Aug. Cæs. Trajanus venerabilis, Germanicus, Tribunitia potestatis annò tertio*; Ut à Car. Patino Cyrenæis tribuatur, qui Ammonem in numismatibus cum laserpitio seu silphio herba sibi propria conjunxerunt, & materiam disputandi acerrimam Medicis atque Philologis dederunt. Insuper numus Antonini Pii æneus Ammonem cornutum juxta cum calathò, coronâ radiatâ, & serpente in baculum intortò quasi Serapidem, Solem, Æsculapium, Plutonem exhibet, quem Seguinus, celebris Gallorum Antiquarius, illustravit: Huicque par planè unus inter numos M. Aurelii Veri à Patino sistitur elegantissimè. Omittam in præsentia, quòd duo numi, alter Elagabali, & Philippi Arabis alter ipsum arietem coronæ laureæ inclusum non sine jucundo spectaculo contineant.

VIII. Nec solus Jupiter sese Ammon arietinis cornibus effert, si antiqua lustrentur numismata; Sed Alexander Magnus etiam sibi adsumsit cornua, certè ab aliis tributa non respuit, ut patrem, à quo natus haberi voluit, Hammonem capite suò referret. Hinc ipse in conviviis vestes sacras purpuream scilicet Hammonis ex ambitu divisam, & cornua gestâsse, apud Athenæum in Dipnosophist. (*Lib. XII. c. 9.*) ex Ephippo dicitur: Apud Clementem Alexandrinum in Protreptico statua-

statuariis id negotii dedisse, ut cornutum sese fingerent. Quare marmora hodièque per Italiam & per Europam numismata passim exstant, in quibus Alexander Ammonis superbit cornibus, sive illa pone aures reflexa, sive ad aurium pinnam à fronte processerint: Illud frequentius numi apud Salmasium in Solin. Exercit. Zamoseium in Analectis antiquæ Daciæ, Patinum, & Med. Biragum in libris numariis (c. 52.) contestantur: Hoc rariùs unò declarat numismate (c. 11.) Thom. Bartholinus in novis de Unicornu observationibus; ac (c. 27.) recusò in tabella ænean non dissimile proponit alterum Jo. Rhodii, idque argenteum, ut tamen in utroque non parum dubii resideat. Certius exstat in Lachmundi Oryctographia, Hildesienfi numisma, (cap. 12.) quod Lyfimachum cornutum anticâ parte, postica eandem Deæ alicujus cum scuto puelloque alato effigiem, quæ numi est à Bartholino exhibiti, & perspicuam inscriptionem continet ΒΑΣΙΛΕΥΣ ΑΥΣΙΜΑΧΟΥ, h. e. *Regis Lyfimachi*. Sicut enim Successores Alexandri Reges Macedones cornua galeis gestasse, Lazius librò Græcarum rerum elegantissimò (Lib. I.) adstruxit: Sic Lyfimachus in Thracia successor caput Domini sui cornutum adhibet.

IX. Ammonis igitur & Alexandri cornua neque posteritas deposuit, nec ulla Orientalium ætas delevit. Nam Alexander adhuc apud Arabes solenni nomine Dulkarnain h. e. *bicornis* audit, in Alcorano pariter atque Arabica Elmacini, Kessæi & Eutychiei Patricidæ historia. Scriptores quidem Arabici, & interpretes Alcoranici Beidavus de Jovæ Ammone ac hujus cornibus nullam faciunt mentionem; Sive id fiat ex ignorantia historiæ Græcæ, sive ex aliquo Mahumedis cultu, cujus absurdissimæ genalogiæ ipsum Alexandrum inserunt, quod Historia Orientalis Hottingeri (Lib. I. c. 3.) ad oculum demonstrat: Elmacinus tamen in Historia, quam collegit, Arabicâ refert, esse alios, qui à tumore capitis morbofo Alexandrum dici bicornem voluerint; alios inde, quod occupavit cornua Solis ab Oriente ejus ad Occidentem, uti loquitur, h. e.

plagas orbis duas, Orientalem & Occidentalem suo imperio conjunxerit. Alia neque Kessaus Arabs, neque Beidavus in suo commentario refert, nisi quod hic ultimus à cirris duobus, corona bicorni, & fortitudine summâ ratiunculam quærat: Quamcunque verò Arabes undecunque deducant, hæc in Græcis & verioribus quidem monumentis nullum fundamentum reperit. De cornuto Attila, Hunnorum Rege, qualem in numis Bosianis vidisse quondam memini, hircinisque, qualia præ se fert, cornibus: Itemque de Antogilensi Rege, quem duo cornua capiti affixa pro quodam ornatu regio gestare ex Indica Hulsii navigatione liquet, nunc non differam. Quid? quod ipsi Jovi cornutorum principi apud Lucianum cornua vertantur vitio, dum ita Momus ad Deastrum in Dialogo, cui titulus est: τῆς τῶν θεῶν ἐκκλησίας, i. e. *Deorum Concilii*. Σὺ ᾧ Ζεῦ, πῶς φέρεται, ἰπεὶ δὲν καὶ κέρατα φύσῃ σοι; *Tu Jupiter, quò fers modò, postquam arietis cornua tibi produxerunt?* Historiam de Cornutis Vir nobilissimus Georg. Francus Med. D. Prof. Heidelb. & Amicus ex Musis Jenensium mihi summoperè colendus in Tractatu Philologico-Medico præbebit.

CAPUT III.

1. Cornu Ammonis fessile inter gemmas à Plinio refertur. 2. An erravit ille, uti Bartholino visum est? Cardanus tamen aberrat, quoniam hæc gemma nostris & Æthiopibus ignota.
3. ab Solino Plinii exscriptore inter lapides Africanos. 4. Hinc & nomen ab Ammone inditum, uti ab Adaclo Venereq; lapidi.
5. Cornu illud ex Ammochrysurum genere. 6. An divina somnia representarit? Quenam illa fuerint?
7. Dii Daq; somniales. Incubatio ad eorum fana, Jovisq; Hammonis, lapide capiti subjecto.
8. Cornu Hammonis, illud non fuit Garamanticus lapis contra Vossium.

I.

Sic verò ex antiqua Historia, Græca pariter atque Romana cornu Ammonis primò & propriè sic dictum pro nostro instituto apertè docuimus. Ideoque ordo, quem sequi-

sequimur, ad cornu impropriè aut metaphoricè dictum nos revocat, Cornu illud foffile, vetuftis & recentibus fcriptis decantatum. Plinius enim Secundus (*Lib. XXXVII. c. 10.*) in *Historia naturali*, & librò quidem ultimò, ubi gemmas literarum ordine commemorandas aggreditur: *Hammonis cornu*, ait, *inter facratiffimas Æthiopia gemmas, aureò colore, arietini cornu effigiem reddens, promittitur prædivina fomnia repræfentare.* Quæ fi merebuntur fidem, uti à Plinio relata funt, Ammonis cornui locus inter gemmas Æthiopiæ religiofiffimas erit, neque cum noftro, quod in Europa fupereft, fimilitudo aliqua, five colorem aureum, five in divinis fomniis virtutem, five pretium cogitemus. Neque id conftat, cujus Æthiopiæ, num Africanæ, num Afaticæ? Quam utramque veteres tradunt Geographi, & hodierni cum Bocharto, Scriptore accuratiffimò, (*Lib. IV. c. 31.*) agnofcunt. Cùm autem Plinius in libro fuo de gemmis ultimò ad auctores antiquiffimos Græcos Romanosque, Jubam Regem, Xenocratem, Calliftratum, Alexandrum, Sotacum, Varronem, Cornelium Bacchum, & Acta triumphorum publicorum domeftica provocârit; Nihil mendacii aut falſi fuo ex ingenio finxiſſe, inter æquos arbitros exiſtimabitur.

II. Quid fi Plinius auctoritate Scriptoris veteris captus, errârit? Sanè Thomas Bartholinus, Danorum Æſculapius, in *Obſervationibus* (*cap. 37.*) de Unicornu editis errâſſe illum acutè cenſuit. *Vel enim lapidem non vidit, inquit, vel oculos aliqua nubecula faſcinavit.* Equidem errare non poſſe, nunquam cuiquam auctorum contigit, quia majus hoc eſt, quàm ut convenire in humanam fragilitatem queat: Plinius tamen haud ita graviter aberrâſſe pronunciabitur, qui ſub finem capitis proximè ſequentis, ubi gemmas ab animalibus cognominatas enumerat, ſibi deſenſionem ipſe prudenter conſtituit: (*cap. 11.*) *Sunt multò plures, inquit, magisque monſtrificæ, quibus barbari dedere nomen, confeſſi lapides eſſe.* *Nobis ſatis erit, in his coarguiſſe dira mendacia.* Sed graviore aliquò

aliquò errore Cardanus labitur, qui Hammonium lapidem cornibus arietis similem ad gemmas rarissimas in libro de iis conscripto retulit, neque tamen sibi ullum visum, neque figura expressum addidit. Ergo hæc gemma inter rarissimas aut incognitas jacebit, donec fortassis ex orbe novo in posterum allata fuerit: Ab Æthiopibus ut expectetur, nihil est, (*Lib. I. c. 7.*) quippe illa terra paucissimas hucusque gignit, & regio diademati adulterinas gemmas insitas nobilissimus Ludolfus in Historia Æthiopica scribit. Ergo citius fortassis aquam à pumice, quam ab Æthiopibus hodiernis cornu istud gemmeum requires.

III. Interim quicumque sit in Plinio error, omnis tollitur facile, dummodò C. Jul. Solinum è Polyhistore aut Collectaneis rerum memorabilium adhibeamus. Nam ille horum capite XXVII. si Salmasii, aut cap. XL. si Camertis & aliorum vulgatissimam sequamur editionem, ubi Africæ gentes urbesque percensuit, ad Cyrenas & templum Ammonis proximum progrediens: *Illic & lapis legitur (inquit) Ammonis cornu vocant. Nam ita tortuosus est & inflexus, ut effigiem reddat cornu arietini. Fulgore aureo est; prædivina somnia representare dicitur, subjectus capiti incubantium.* Solinus itaque, qui post Plinium sesquiseculo & amplius inter Latinos Historicos vixisse Vossio videtur, ceu in pluribus locis verba Pliniana, sic in præsentī etiam exscripsit; ut tamen pro suo sensu hæc interpolaret alicubi aut emendaret. Siquidem cornu Ammonis haud inter gemmas, sed inter lapides numeravit; nec in Æthiopia nasci, sed in Africa, & quidem hujus parte Cyrenaicâ seu Ammoniâ templum Ammonis proximè legi ait. Quæ quamvis Plinio juniora sint & posteriora; propius tamen ab veritate absunt, ut conjectem meritò, Solini tempore in Africanam Historiam plus perspicuitatis, quàm Plinii ævo illatum fuisse: Maximè cùm plura Historicorum scripta suppeterent, defectumque, quò præci laboraverant, supplerent.

IV. Ita-

IV. Itaque si cum Plinio hunc Scriptorem sequimur, cornu Ammonis lapis vocabitur Africanus, inflexus adeò & tortuosus, ut cornu arietini effigiem reddat, colore aureò, superstitionis prædivina somnia repræsentans. Hunc lapidem Africanum dico, in Africa ex arenis ibi frequentissimis & Cyrenaica prognatum. Etenim cum ibi templum Ammonis sacratissimum floreret, naturaque lapides arietinò cornu similes procrearet, his ab Jove ipso nomen impositum quis neget? Sic in Historia lapidum gemmarumque apud Græcos Ἀδάδι νεφρός, ὀφθαλμός, δάκτυλος, h. e. *Adadi, ren, oculus ac digitus*, à Deo inter Syros Phrygesque celebri; Ἀφροδίτης πλόκαμος καὶ ὀμφαλός, h. e. *Veneris crines & umbilicus*; Beli oculus ac Jovis quoque gemma apud Plinium occurrunt. Sic à cornu Ammonis arietino inter Ammonios & Cyrenæos novum reperiunt vocabulum quis non videat? Causa enim denominationis sub oculos cadit, similitudo nempe quâ cornu arietini effigiem, uti Plinio sic Solino, reddidisse dicitur. Sed mirum est, cur Solinus Pliniana inverterit verba, & pro colore aureum fulgorem posuerit: Fulgor quippe gemmis, lapidibus verò communibus color inter Physicos attribui solet. Cum ergò lapidem describat in Polyhistore suo, cur fulgorem illi aureum, non colorem cum auctore suo, quem sequebatur, addidit? Siccine fortassis noluit exscripta videri, ac latere quantenus aut tegi, quæ à Plinio in usum adsumserat suum? Utunque res habeat sese, coloris nomen pro fulgore convenientius adhibuisset.

V. Attamen color iste fulgorque aureus in cornu Ammonis lapideo me inducit, ut hoc inter Ammochrysi aut Chrysammi genera reponam. Ammochrysus enim sive Chrysammus Græcò nomine (Ἀμμόχρυσος ἢ χρυσάμμος) lapis vocatur, qui ex arena aurea compactus colorem refert aureum, ac resolutus in pulveres scripturæ postea conspersionis aut ficandis literis inservit. Libya nempe ac hujus pars Cyrenaica vastis solitudinibus & arenarum mobilium quasi fluctibus ex-

asperata, fabulum ubicunque miscebat aurarium, è quo Chrysammi faciliùs concrefcere potuerunt. Quum Æthiopia quoque in fluminum ramentis, arborumque radicibus, & summâ telluris superficiei aurum quandoque largiter suppeditet, uti apud Ludolfum antea laudatum (*l. cit.*) legimus: Pro Plinio stabit, quisquis contenderit, in illa Chrysammos sive lapides coloris aurei progeneratos. Certè Ambrosinus in Museo superius citato speciem Ammochrysi facit lapidem, quem cornu Ammonis nuncupant, & figura exprimit non una. Ut vel ideò hujus in naturalibus versatissimi Viri sententia parùm ab mea discrepet, meq; ab illa vix iterum dimoveri faciat.

VI. Cornu igitur Ammonis vetus ex Ammochrysi genere posthac censebitur: Id quia plurimum religionis ex Ammone habuit, hinc erat, cur prædivina somnia repræsentare supersticiosi dixerint. Hæc verba quò apud Plinium sensu exstant, eodem Solinus ne mutata quidem repetit illa, ut vim doceret mirificam, quam veteres in divinis somniis huic lapidi attribuerunt, tum maximè, quum incubantium capiti subjectus esset. Somnia prædivina illa Græcis θεοὶ ἢ δαιμόνιοι ὄνειροι καὶ σημαντικοί, h. e. à Dijs Deabusve immissa somnia & præsaga dicebantur, tanquam quæ suò eventu non careant; Uti apud Artemidorum in Onerocriticis (*Lib. I.*) & Macrobiū in spisso ad somnium Scipionis commentario exstat. Potiùs δαιμόνιοι ὄνειροι, h. e. à Demone immissa somnia illa dicenda sunt meritò, quòd anxio labore captarentur, nec nisi votis atque sacrificiis idololatricis impetrata objicerentur hominibus, qui solenniter prius lustrati, horum excipiendorum ergo ad aras Deorum fanaque incubuerant. Hanc enim viguisse olim è somniis captatam divinationem Græcè δειγματοποιεῖν καὶ ὀνειρομαντῆαν, Peucerus in Commentario de divinationum generibus doctissimò, (*p. 425.*) & Vossius in Theologia Gentil. librò tertiò (*c. 35.*) perspicuè demonstrant.

VII. Nem.

VII. Nempe apud veteres ea quondam invaluit religio, ut petitori à Diis opem ad fana procumberent, tanquam responsum ab iis inter vigiliis aut inter somnia expectaturi. Unde Dii Deæq; *ὀνειρόπομπτοι* Græcè, h. e. *immittentes somnia*, Latinè somniales etiam vocabantur; horumque princeps velut Hercules somnialis, quem antiqua apud Salmasium inscriptio in Solin. Exercitat. (*ad cap. XXVII. Class. X. n. 4.*) & Reinesium in Opere divulgato edocet, sequentibus concepta verbis: V. F. CULTORES HERCULIS SOMNIALIS DECURIA. I. Hæc prima nempe decuria religiosi Corporis aut Sodaliū sacrorum vota fecit Herculi, ut somnia prædivina de præteritis, futuris, ac præsentibus, immitteret, quippe somniali seu Deo *ἀλεξινάτω καὶ ὀνειροπέμπτω*, h. e. *malorum propulsatori & somnia immittenti*. Quin Lucianus in Hephæst. tres divinitatis notas, somnia nempe curationes, & oracula facit, omisiss, quas debuisset addere *ἐπιφανεῖαις*, seu apparitionibus. Ut vel inde Jovem Hammonem suis cultoribus inspirasse somnia, vel impressisse credam, iis maximè, qui fano incubabant suo, lapidemq; hunc nostrum capiti subjecerant. *Nam incubare dicuntur proprie ii, qui dormiunt ad accipienda responsa.* Unde est: *Ille incubat, i. e. dormit in Capitolio, ut responsa possit accipere.* Sic Servius ad VII. (v. 87.) scribit, illudq; Plauti respicit in Curculione:

Namq; incubare te satius fuerat Jovi.

Quare velut Jovi Capitolino inter Romanos, Pasiphaæ inter Lacedæmonios; Amphiarao apud Oropios; ad Canopum in templo Serapidis; in Narbata apud Hyrcanos; ad aram Ardali apud Trœzenios; ad Pergamum Æsculapio incubabatur; ita in delubro Jovis Ammonii, ut somniarent, recubuisse homines, lapidemque seu cornu istud lapideum, supposuisse capiti, ut inde colligas, in proclivi (arbitror) erit.

VIII. Sed cur incubationem in fanis Deorum heic copiosè persequar, quam excellentissimus Meibomius Exercitatio-

ne Philologico-Medica dudum accuratius, uti solet omnia, declaravit, & Anton. van Dale Med.D. secunda de Oraculis Ethnicorum dissertatione obiter illustrat. Cur tantam, in divinis somniis virtutem lapidi, Chrysammo vindicem? Vanissimi nempe nugarum institores Onerocritici fuerunt veteres, quicunque fuerint, sive Sacerdotes, sive reliqui; Artemidorus etiam Vir alioqui multâ doctrinâ celebris, nec non Cardanus, ingeniô summus, nisi quod illud hâc re nimis futili occupavit. Ast capite tandem sequenti hanc lapidis virtutem paulisper excutiam: Nunc Vossio satis faciendum erit, qui cornu Ammonis sive lapidem hunc nostrum in Libro Theologiæ Gentilium secundo (cap.2.) pro gemmailla vendidat, quam Silius Italicus (*Lib. XV.*) Garamantidem vocat, ipsè Plinius Garamanticum & Carchedonium. Sed neque Silius Poëta in Punicis, neque Plinius in Historia, quod Vossio probatur, comprobatur. Plinius enim capite Carbunculos exponit septimô: *Horumq; genera sunt (ait) Indici & Garamantici, quos Carchedonios vocant, propter opulentiam Carthaginis magna.* Hæc ad cornu Ammonis nihil attinent, neque possunt eò torqueri, nisi vim faciamus Plinio, qui expositis per genera colorum principalium gemmis reliquas subjungit capite decimô, & inter eas quoq; cornu nostrum lapideum. Silius verò quum de gemma Garamantide quandam in Punicis, de cornu Ammonis nullam fecerit mentionem, nihil ex mente Vossii confirmabit.

CAPUT IV.

1. De cornu Ammonis analytica commentatio secundum Aristotelem: An sit, quodq; sit? 2. Cur sit, quidq; sit, juxta eundem Analytica magistrum optimum. 3. Materia hujus ex qua, nempe terra in agro Brunshusano aut lenta aut macra. 4. Ubi de Cœnobio Brunshusano, ejusq; conditore Ludolpho, Saxonum Duce. 5. Causa efficiens, eaq; aut universalis aut particularis: Et hæc quidem vel remota, vel proxima.

ma. 6. Forma quidem substantialis, nullatamen ex animabus, nempe *καταλιδουδης*. 7. Finis duplex aut ultimus, aut intermedius: Et quidem alius verus, aliusq; falsus in somniis divinis ex Aristotele contra Vossium defenso.

I.

DE cornu Ammonis veteri apud Plinium Solinumque commemoratō satis habebimus per tria priora commentationem historicam texuisse capita: Nunc philosophicam & analyticam de cornu Ammonis hodiernō aut physicam pertexemus. In hac verō nullus, quem sequar, occurrit in antiquis alius, nisi Aristoteles Stagirita, optimus doctrinæ Analyticæ dictator: Hic secundō Analyticorum posteriorum librō sub initium, ut solet plurima, præclare: *Τὰ ζητήματα ἔστιν ἴσα τὸν ἀριθμὸν, ὅσων ἐπιστάμεθα· Ζητῶμεν δὲ τίτα, καὶ ποῦ, καὶ διότι, καὶ ἔστι, τί ἔστι.* *Quæstiones sunt æquales numero iis, quæcunq; scimus: Querimus autem quatuor, quod sit, cur sit, an sit, quidq; sit?* Huc ergō prior mea convertetur demonstratio, ut constet manifestissimè, an sit, & quod fiet cornu Ammonis hodièq; lapideum? Id utrumque quoniam in sensum perspicuè incurrit, vix esse puto, cur operosius demonstrarem. Sive lapidis naturam, sive proprias hujus affectiones, sive figuram & accidentia communia requiras, nihil in hoc cornu desiderabitur, sed reperietur omne, quicquid pro natura, propriis, attributis, figura, & accidentibus à te ipso dabitur. An res enim sint existantq;e, illud duobus cognoscitur modis, *ἢ κατὰ συμβεβηκός ἢ κατ' αὐτὸ, h. e. vel per accidens ex accidentibus nempe, quæ sub sensum ipsa cadunt; vel per se, h. e. ex rerum essentia naturaque, aut propriis earum affectionibus.* Quas quoniam in hoc cornu & naturam lapidis alicujus deprehendere nullo negotio licet, quid dubitabitur diu, an illud hodièq; extet in Europa, Germania, & hac nostra, quam habitamus omnes, Saxonia?

II. Quæstiones autem reliquæ duæ , cur sit , & quidnam sit illud , de quo disquiritur , cornu plus negotii faceſſent , & nunquam expedientur , niſi ad cauſas veras primasque con-
fugeris. Quæ ipſa methodus demonſtrativa extat aut analy-
tica , & antiquis Philoſophis , præſertim Ariſtoteli recepta , &
tam ſolerter tradita , ut Cartefiani hodierni , eorum maximè
anteſignanus Anton. Grandis in Logica ſua (*Artic. XIX*) com-
probârint illam , neque tamen evidentè ſatis expoſuerint.
Habet quippe ut in ætatibus auctoritatem ſenectus , ſic in do-
ctrinis antiquitas , eaque apud cordatos plurimum ſemper va-
lebit , quanquam apud homines novitatis ſtudioſos jaceat.
Audiemus igitur Doctorem è Peripato vetuſtum , qui primò
poſt. Analyt. librò (*cap. 2.*) graviter in hanc rem : *Ἐπίσταται δὲ*
οἰόμεθα ἕκαστον ἀπλῶς , ἀλλὰ μὴ τὸν σοφιστικὸν τρόπον τὸν κατὰ συμβεβηκός ,
ὅταν τ' αἰτίαν οἰόμεθα γινώσκειν , δι' ἣν τὸ πρῶτον ἔστιν , ὅτι ἐκείνῃ ἀντίᾳ ἐστὶ ,
καὶ μὴ ἀδέχεσθαι τῷ ἄλλῳ ἔχειν . Scire putamus unamquamque rem
ſimpliciter ſeu abſolutè , non ſophiſticò modò ex accidente , quum
putamus , cauſam cognoscere , propter quam res eſt , quodq; illius rei
cauſa ſit , nec poſſe ſeſe illam aliter habere. Huic ſi methodo
fideliter inſiſtemus , & cauſas externas pariter atque internas ,
quas Philoſophi vocant , indagabimus , tum ad demonſtratio-
nem & ſcientiam analyticam pervenietur.

III. Quandoquidem ergò cornu ſive corpus lapideum
in quæſtionem venit , de materia hujus , quænam aut qualis ea
ſit , primum explicabitur , tanquam de paſſivo principio , è
quo utri producitur , ita productum poſteà conſiſtit. Hanc
nemo aliam deprehendet , niſi terram in agro , quaquà illa pa-
tet , Brunſhufano & multam & copioſiſſimam : Quæ cùm
alibi lenta , tenax & viſcida ad naturam argillæ propius acce-
dat , alibi macra inter montes & rarior , plus ſabuli , calcis , la-
pillorumque contineat ; in utroque hujus cornu materiam
agnoscimus , & viſu , ſiquidem eò teſte opus fuerit , noſtrò
percipimus. Illa quidem ſolutior humoribus aut ſubterra-
neis aut pluviis fermentata facilè concreſcit ; hæc autem ſpiſ-
ſior

fior subacta humido difficilius in naturam lapideam coalescit. Utraque tamen aut fluxu, aut quâcunque percolatione, aut aliâ quâdam ratione. Ita Theophrastus, Aristotelis in Peripato dignissimus successor, ex libro de Lapidibus peculiari sub initium docet, ubi aquam metallis, terramq; lapidibus pro materia tribuerat. ἅπαντα ἐν ταῦτα γὰρ νομίζεν, ὡς ἀπλῶς ἱπεῖν, ἐκ κατὰ τινος, ἢ ὁμαλῆς ὕλης, εἴτε ῥοῆς εἴτε διηθήσεως διὰ τινος γινομένης, εἴτε κατ' ἄλλον τρόπον ἐκκεκευμένης. *Omnia ergò heic putandum est, ut simpliciter dicatur, è pura quadam atq; aquabili materia concrevisse, sive per fluxum sive quandam percolationem facta, sive per modum alium concreta.* Hanc æquabilem puramque ac homogeneam deprehendes materiam, si cornu Ammonis illud dissolutum comminueris, aut malleo contusum in partes divideris minutas. Nam istæ particulæ ortum indicabunt suum, terramque testabuntur aut argillaceam, unde concreverunt, aut calcariam.

IV. Hæc ipsa cornu hujus lapidosi materiam, terra nempe in agro Brunshusano frequens, ad istud, unde nomen accepit, Cœnobium Brunshusanum avocat, Ducatus nostri Brunswicensis antiquissimum. Ludolfus enim patre Walberto, avo Wigberto, & Witekindo proavo, Saxonum aut Rege aut Duce prognatus, idemque Saxonix Dux Anno DCCCLIII. in honorem Johannis Baptistæ ac Stephani Protomartyris, & Monialium habitationem illud condidit, tum Odæ conjugis dilectæ suasu, tum Ludovici Imp. Rom. invictissimi, ac Papæ Rom. Sergii consensu: Sic habet prima fundatio, quam Heinr. Meibomius, Historix quondam nostræ Saxonix assertor celeberrimus ibi protulit, ubi demonstrat, Duces Saxonibus ex ætate Caroli M. & Francicorum Impp. ultimâ præfuisse. Consentiunt Sigebertus in Chronographia, (ad A. 860.) Auctor anonymus de fundatione quarundam Germanix Ecclesiarum à B. Madero inter Antiquitates Brunswicenses editus; Albertus Stadensis (p. 162.) in suo Chronico; Martinus Prædic. Monachus in MSto, (ad A. 787.) quod

quod Luneburgi exstat, Chronicò, & Witekindi quidem historia; Gobelinus Persona in Cosmodromio, (ad A. 1014.) & Theod. Engelhusius ab laudato antea Madero editus. Hunc unum præ cæteris è Chronico suo (cap. 42.) audire nunc juvat: *Ludolfus iste, ait, Dux Saxonum Romam causâ devotionis profectus, reliquias SS. Præsulorum Anastasii & Innocentii, impetratas à Papa Sergio III. detulit in Saxoniam; in quorum honorem primò Cænobium sanctimonialium in Brunshusen, postea verò quartò annò construxit in Ganderssem, hæreditate suâ illic attributa, & filia sua Hadamode Abbatissa Dominarum secularium constituta: Ecclesiam illam dotavit XI. millibus mensis, juxta numerum XI. millium SS. Virginum.* Literæ Ludolfi Ducis Saxonie foundationis & dotationis Ecclesiæ à se Anno DCCCLIII. in Brunshusen conditæ & hinc ad fluvium Gande translata adhuc superstites hæ sunt, *qua sequuntur*: Quia scriptum est, pretium animæ viri, divitiæ ejus. Idcirco ego Ludolfus, Dux Saxonie, notum esse cupio omnibus Christi fidelibus, tam præsentibus quàm futuris: Quod ego post inchoationem Monasterii puellarum, quod divinâ inspiratione commonitus, simulque dilectæ conjugis meæ Odæ suadelâ inductus, in honorem Præcursoris, Stephaniq; Protomartyris, in Brunteshusen ædificare cœpi, literis Domini nostri Ludovici, Romanorum Regis invictissimi, ad sanctissimum Sergium Papam acceptis, cum prædicta conjugē meā An. Domini DCCCLIII. Indictione primâ, Romam ivi, & in præsentia ipsius Summi Pontificis prænominati Monasterium, & omnem proprietatem hæreditatis meæ, quam habui, videlicet Gandershemie marcæ, & Dengdie marcæ, & Laachindorp marcæ, & alia loca plurima cum tamulis utriusq; sexûs, Apostolorum Principi, pro remedio animæ meæ, & eorum simul, quibus debitor extiti, & jus & proprietatem integraliter tradidi. Sanctorum etiam Romanorum Pontificum Anastasii & Innocentii pignora gloriosa nobiscum deportanda piæ nobis charitatis affectu tradens petiit & accepit à nobis promissum, Eccle-

Ecclesiam in honorem prædictorum Confessorum fabricandam, & lumen ante ipsorum pignora indeficienter administrandum. Ut autem hæc omnia per succedentia sibi secula firma & indissolubilia persistant, Privilegium plenæ & perpetuæ libertatis in papyro conscriptum, ubi omnia prædicta continentur, Monasterio nostro liberè utendum tradidit. Nos etiam in continenti duas stolas albas XXX. aureis intertextas eidem beato Sergio Papæ tradidimus, statuentes, ut Abbatissâ, quæ pro tempore fuerit, eundem censum sanctæ Romanæ Ecclesiæ in signum libertatis singulis annis persolvat. Cùm autem divinâ cooperante gratiâ prosperè domum rediissemus, gratanter à S. Collegio recepti, eundem locum sacro puellarum cœtui videntes nimis angustum, in quadam sylva hæreditatis nostræ, juxta fluvium Grande, qui aliò nomine Eterna nuncupatur, Anno ab Incarnatione Domini M DCCC LVI. Indictione quartâ, Ecclesiam in honorem dictorum Confessorum non longè à priori loco celebriori ædificio construximus. Precamur igitur vos legentes vel audientes hujus nostræ donationis paginam, ut cœlestis regni clavigerum pro nobis suppliciter oretis, quatenus post funera carnis nostræ Paradyssi januas traditâ sibi potestate nobis aperiat, atque in extremo examine ante tribunal æterni Judicis supplex pro nobis advocatus existat. Satis de Coenobio & agro Brunteshusano, ad quem heic digrediendum paulisper fuerat.

V. Revertam igitur ad causas, unam præsertim ex omnibus efficientem, unde principium est motus sive generationis in hoc cornu lapideo procreando. Hæc efficiens causa, è Scholis Physicis duplex occurrit: Altera quidem universalis, altera quæ particularis: In illa nempe universali mecum omnes convenient, seu de prima, DEO scilicet, cunctorum lapidum Auctore maximò; seu de secunda, astris videlicet Planetisquæ dixero. *Deus quippe omnium rerum seminator est atq; sator, Tullio nostro: (Lib. II. de nat. Deor.)* Cœlestia verò

Dec. II. Annus VII.

* Bb

astra,

astra, Solem, Lunam, & reliquos Planetas in lapidum generatione suam conferre partem, quis est, qui nesciat? Benè Manilius: (*Lib. I.*)

Astra movent terras, Deus hac movet ipse supremus.

De particulari quædam sententiarum fortassè varietas erit: Ast removebitur illa, quæcunque sit, certè minuetur, si duas dixerim, in uno hoc cornu concurrere, unam remotam, proximamque alteram: Remota caloris & frigoris erit, à quo utroque ad fermentationem & concretionem terra sive materia jamdum rectè disposita redigetur. Ita Theophrastus in libello de lapidibus citatò antea docet: ἡ δὲ πῆξις τοῖς μὲν ἀπὸ θερμῆς, τοῖς δ' ἀπὸ ψυχρῆς γίνεται· κωλύει γὰρ ἴσως εἶδέν, εἴηα γέννη λίθων ὑφ' ἐκείνων συνίστασθαι τέτωρ. *Coagmentatio autem his quidem à calido, illis autem à frigido fit: Nihil tamen prohibet, quædam genera lapidum ab utroque horum concrefcere.* Proxima inter causas particulares efficiens mihi esto principium κερατολιθοποιόν, h. e. *lapidi ad cornu similitudinem inflectendo congruum*; sive quis illud potentiam, sive vim & virtutem cornei lapidis effectricem, sive spiritum è Kircherò novisque Scriptoribus lapidificum appellet. Scio quidem hæc noviter reperta nomina inter Grammaticos non ferri, nec in Lexicis reperiri: Inter Philosophos tamen ut ferantur, necessitas facit, & veterum æquè atq; recentiorum auctoritas. Unde Kircherus in mundo subterraneo (*Lib VIII. c. 3.*) magnetismum, vim lapidificam, & spiritum architectonicum seu plasticum efformat, ubi causam lapidibus efficientem asserit.

VI. Ita nimirum hæc quam κερατολιθοποιόν dixi, causa efficiens in materiam efficaciter agit, ex illaque formam educit substantialem, educamque cornu Ammonis lapideò relinquit, ut inde differentiam specificam & propriam ultimo consequatur: Hoc munus formæ substantiali apud Philosophos iungitur. Quæ tandem illa fiet, aut unde sumatur, heic in quæstionem veniet? Hic Rhodus, hinc salta, ut in proverbio dicunt vetusto. Democritus omnes formas à figura, situ,

ficu, & atomorum ordine, h. e. quantitate & qualitate sumi voluit: Sed cur non ex reliquis categoriis depromantur? Ut enim res sunt, ita formam specificam illis convenire, quis non videat? ἰδιότητες δὲ πλείους εἰσὶν ἐν τοῖς λίθοις. ἐν γὰρ τῇ γῇ χρώμασι τε καὶ γλιχρότητι καὶ λειότητι καὶ πυκνότητι, καὶ τοῖς τοιούτοις αἱ ῥαὶ διαφοραὶ καὶ δὲ ἄλλα σπάνιον. *Lapidum autem plures sunt proprietates. In terra enim coloribus & tenacitate & lavore differunt, fluxus & densitate ac similibus; secundum alia verò vari:* Theophrastus in libello antea citato ait. Quare si lapideam in hoc cornu essentiam, si scabram, tortuosam & infuscatam aut subcinericiam superficiem, si corneam in eo similitudinem aut figuram attulero, quidni sufficiant? Quidni formam dabunt κερατολιθοειδὴ ἢ κερατολιθόμορφον, quam Græcò rotundiùs sermone, Latinò incommodiùs paulùm, nec sine ambitu verbosò exprimere vix licet? Cùm hæc autem forma lapidi corneo & substantiæ inanimatæ aut corpori vitalis actionis experti debeat, substantialis quidem ipsa est atque corporea, nulla tamen ex animabus, quas vegetativam, sensitivam & rationalem Philosophi constituunt. Adeoque forma huic Cornu fossili nihil vitæ conferet; Natura verò rerum Dædala, qualem Lucretius (*Lib. V.*) vocat, jucundum indidit spectaculum, nempe figuram corneam ab ariete aut animali quadrupede adsumtam. Videlicet natura Lithogenetica Kircherò (*c. 8.*) Geometram sese, Astronomam, Opticam, Picticem, & in lapidibus cunctis divinam ferè artificem probat.

VII. Finis superest, cujus gratiâ hoc cornu in fossilibus habetur, idemque duplex: Unus respectu DEI ultimus, alterque humani generis respectu intermedius aut proximus. Ultimus ille divina est gloria, quam cornu lapideum nullò sermone, sed suò artificiosò extollit schemate augetque. Quorsum enim universa naturæ fabrica & compages, & cunctorum corporum lapidumque infinita varietas & multitudo pertinet, nisi ad gloriam DEO Ter Optimo asserendam? Intermedius ergò respectu humani generis proximusque finis aut

cifica primum à colore duplici. 4. Secundò ab loco natali seu agro Brunshufano, qui ab Schazfeldensi, Hildesienfi, alio distinguitur. 5. Tertio à partibus duabus, apice nimirum ac mucrone. 6. Armatura veluti pars in definitione omittitur, ad Hoplites pertinens. 7. Quarto à forma seu figura, eaq. aut simplici aut multiplici contra Ferr. Imperatum.

I.

ITa causas externas pariter atque internas more philosophico, nisi fallor, tradidi, omnesque breviter, quantum proposito meo inservit, percurri. An denique ad definitionem transeundum heic erit? Sic fortasse iis videbitur, qui pro inveterata scholarum consuetudine in definiendo sunt nimii aut plane superstitioni. Equidem nosse causas ad scientiam analyticam satis est: Quum tamen definitio quoque ad demonstrationes multum conferat, neque ab illa in presenti penitus abstinere. Cornu Ammonis itaque, de quo loquor, est lapis, aut nigricans aut albens, ex agro Brunshufano progenitus, & ab apice nodoso rugosus in mucronem tortuosum, acutum striatumque, ad instar cornu arietini desinens. Genus meæ definitionis lapidem feci, quem natura, generatio & sensus ipse faciunt, possuntque. Nam in eo nihil aliud, nisi corpus terreum, durum, friabile, nec liquabile tamen habebis, h. e. lapideam, quam Physici Aristotelici & Cartesiani definiunt, essentiam aut naturam. Ut omnes cæterum doctissimi Viri in errorem aut credulitatem incidant, quicumque hunc lapidem pro cornu animalis in corpus lapideum mutato venditant aut existimant. Ita Ol. Wormius (cap. XIII.) ex Melita Insula sub nomine cornu arietini petrefacti ad sese hunc allatum in Museo commemorat, Hammonis cornui, quod apud alios depingitur, æqualem. Ipse nobilissimus Bartholinus de unicornu hæsitat secum, nec aperte pronunciat, quid velit in hoc dubio argumento.

* Bb 3

II. Andr

II. Andr. Cæsalpinus autem librò secundò (cap. 44.) de metallicis, ubi ad figuratos lapides devenerat, multis contendit rationibus, *corpora hujusmodi non pauca, sed multa imò innumerabilia eandem prorsus configurationem cum viventibus habentia, viventia exstitisse, sed postea aut spontè, aut ob aliquem succum lapidescentem concrevisse in lapideam substantiam:* Idque pati frequentius putat ostrearum & similium testas, & ossa animalium, & ligna quædam diu condita, ut propter substantiam, quæ in ipsis est, terream lapidescant. Sic lapidem Judaicum, Belemnitem, Glossopetras è conchyliis concrevisse ait. De cornu quidem nostro nihil attigit: Si tamen argumenta Viri clarissimi valebunt, pro cornu arietino in lapidem mutato habebitur. Namque cum eadem figura in multis reperiatur, non casu sed aliquâ ratione configurationem hujusmodi factam urget: Omnia verò quæ casu fiunt, non in multis, nec frequenter, sed in paucis eadem & rarò contingere, ut in gemmis & marmoribus nonnullis imagines. Ratio autem vel ex fine habetur in figuris nempe partium, quas habent animalia, organicarum, vel ex arte, vel ex necessitate, ut in crystallo sexangulo; Vel ex loco, quò corpora continentur. Ita nempe rationes ille continuas unâ connectit. Quidni rationem aliquam à necessitate aut locò hujus lapidis petamus, dicamusque, non alium nisi figura cornea generari potuisse? Quidni verò principium *κερατολιθουποιον*, quod supra constituimus, & finis duplex pro ratione valeat? Finis quidem ab inanimatis lapidibus ipse agnosci & appeti nequit: Attamen ab superiori aliquo agente, natura Deoque satis cognoscitur. Quare argumenta Cæsalpini haud illud faciunt, ut lapis noster pro cornu in lapidem converso habeatur. Huic insuper Cæsalpini, qui que cum ipso faciunt, Fab. Columnæ ac Nic. Stenonis sententiæ contrarium exemplum idque manifestissimum Acta Philosophica Anglicana M. Jan. An. 1687. Num. 155. pag. 463. Eruditorumque Lipsiensium M. Aug. An. 1685. pag. 371. in Conchis præbent fossilibus, & qui-

quidem ex *Observatione sequenti Griff. Hatleji*: Cum in Comitatu Cantii propè Huntoniense oppidum in loco, quartâ milliaris parte à flumine Medway dislito, piscina amplificanda esset, inter fodiendum argilla primùm reperta est trium pedum profunditate; inde marga coerulea optima trium pedum cum dimidio; dein stratum durum ex conchis, seu conchiformibus lapidibus satis densè coagmentatis, quorum interstitia itidem margâ replebantur. Stratum hoc pollicis saltem crassitie ac ita planum, ut in eo commodè ambulari posset, procurrebat, quemadmodum solent venæ silicis in terrâ cretacea; ac sub eo rursus marga pedis circiter profunditate deprehendebatur. Concharum istarum pleræque ex turbinatarum, reliquæ ex bivalvium classe erant; ex his tamen posterioribus nullæ ambabus valvis invicem cohærentibus repertæ, sed non nisi singulæ seu separatæ. Ac turbinatas quidem seu contortas quod attinet, crassities earum erat à viciâ ad avellanam; figura omnium eadem, nisi quod in nonnullis latera nonnihil depressa essent: color, abluta marga seu terra lapidosa, lapidi Bezoar similis apparebat: coctæ tamen albescebant & cretacei quid in digitis tangentis relinquebant; quò ipsò à cochleis fricatione ablatò, subtilissimæ striæ nigricantes extrorsum emergebant. Observatum quoque conchas has in aceto fortiter & cum bullis effervesce. Ex bivalvibus pleræque non excedebant crassitiem phaseoli, paucae fabam majorem latitudine æquabant: valvæ tamen adeò erant tenues, ut consimilibus animalium exuviis multum hac in parte cederent. Color idem, qui turbinatarum, nisi quod in paucis lineæ oblongæ, circulariter ad commissuram, quâ valvæ jungi solent, tendentes observatæ. Una tamen inter reliquas reperta ex distinctis quasi lamellis composita, cujus convexa facies pulcherrimò nigrore splendebat, interiore margaritæ colorem referente. Ex bivalvularibus hisce multæ imperfectæ apparebant, & ut scholæ loquuntur, in fieri; non quantum ad figuram, sed quantum ad crassitiem & duri-

duritiem: & in aliquibus velut prima stamina, in aliis quasi gradus & profectus varii ad perfectam figurationem.

Ex hac ipsa jam imperfecta in nonnullis formatione, ut & in jam completis valvarum singularitate arguit Hatlejus, conchas istas nunquam exuvias animalium fuisse; præsertim cum non auditum fuerit, exundans flumen eousque unquam pertigisse, aut locum istum antea fuisse detectum. Quin potius existimat, eas esse lapides sui generis, tales scilicet ex quibus Conchites, ut vocari solet, constat. Confirmat hoc ex eo, quod frustra prædicti concreti dissimularis, ubi marga induruit, per quam similes appareant vulgari isti marmor, quod circa Pluckley in Cantia effossum adhiberi solet viis sternendis; Nam & hoc non aliud credit esse quam coagmentationem ejusmodi lapidum conchiformium, quibus interfusa marga firmam soliditatem ac duritiem adquisiverit: Unde & fieri ait, quod marmor istud aëri expositum sensim exiguas ostendere cavitates incipiat, interjectis scilicet margæ portionibus, tanquam minus duris, per temporis tractum erosis. Pro alio adhuc suæ opinionis argumento allegat Hatlejus, quod non longè à loco illo priori in agro Huntoniensi, & quidem profunditate eidem horizontaliter parallela ex quadam margæ fodina effossum fuerit marmoris frustum, quod tessellatò quasi opere distinctum appareat lapidibus ejusmodi conchiformibus; quòdquæ adeò verisimiliter eadem cum composito antea descripto principia agnoscat.

III. Differentiam definitioni addo (1.) à colore, qualitate, ceu vocant, patibili ac nostro primùm visui subjecta. Color autem cornuum, quotquot mihi oculis & manibus tractasse licuit, duplex hætenus offertur: Unus quidem nigricans & fusco propior; alter autem paululùm albens, cinereoque proximus. Utrumque Itali & Germani rerum fossilium Scriptores (*U. cit.*) annotant: Fer. Imperatus subruffum; Wormius in Museo griseum aut griseò æqualem addit. Ambrosinus cornua hæc ad ferreum, plumbeum, vel aureum quandoque

doque colorem vergere scribit: Ferrei aut plumbei coloris quæ sunt, ea cum nostro convenient: Quæcunque aurei & flavi multum habent, ea Chrysammonites sive potius Ammochrysos aliquos præbunt. Quare cornu Ammonis idem ille doctissimus Auctor Chrysammonitarum generi accenset merito, si nempe coloris sabulique sit aurei: Sin plumbei aut ferrei hoc fuerit, tum classi Ammochryforum haud ita commodè inferetur. Utcunque fuerit, nostrum è colore suam, quam expressimus, differentiam servabit. Falluntur enim, Scholastici, & in ipsum Aristotelem peccant, quicunque substantiarum definitionibus nullas, nisi ex substantiæ prædicamento differentias permittunt. *Τελεία γὰρ διαφορά ἐναντίους ἐστίν.* *Perfecta differentia est contrarietas*, inquit Philosophus in Metaphysicis suis. (*Lib. X. c. 1.*) Quæ verò quoniam in substantiis earumque categoria non potest constitui; cur ex alio prædicamento in substantiarum definitionibus differentias non ferunt? Interea tamen ab sese Philosophiam Aristotelicam doceri volunt creduntque.

IV. Addo ampliùs differentiam (2.) *ab loconatali*, qui ager Brunshufanus est, Gandersheimensi contiguus, & sylvâ & montibus, & pratis irriguis, & campis, & pascuò, & antiquo Cœnobio jucundus. Terra enim, quæ ibi exstat tum argillacea tum calcaria & lapidosa quam non difficulter in naturam lapideam indurescere soleat, hæc inflexa cornua, pluresque figuris aliis signati lapides contestantur: Puta trochitæ, entrochi, asteritæ, sive stellati, chiromorphi (*χειρόμορφοι*) seu manu humanâ præditi, *ξυσμολίθοι*, h. e. lapides, qui ramenta æquent lignea, xyfsmolithi, alii que, quos agricolis, fossoribus, dum aliud agunt, & viatoribus fortuna ne quidem opinantibus offert. Quin videas eminere hoc cornu ad extremam superficiem innatum lapidi prægrandi, ut frustrâ sit, quisquis hoc separare laboraverit. Plura verò lapidum figuratorum genera Schazfeldensis inter juga Harzica situs ager, specuque Baumannianum in Stolbergenfi Comitatu celebre

suppeditat (Baumanns-Hölle Germani nuncupant, neq; Baumanns-Hölle / uti Kircherus, Tollius & Wormius vocarunt.) Unde osteocolla, dentes gigantei, quos vulgus existimat, Belemnitæ ac Stiriac nitrosæ mihi huc ex dono Viri Clarissimi Heinr. Georg. Neufii, Rectoris in schola Blankenburgica meritissimi sunt allatæ. Neque cornu Ammonis lapideum agro Hildesheimensi deesse. Agricola & Gesnerus (*l. cit.*) referunt: Lachmundus in Oryctographia sua (*cap. 12.*) nonnullis schematibus declarat, & nomine, quò cluit, Germanicò ein Sieberhorn oder Scherhorn: Quod & Agricola & Tollius in Notis ad Boëtium (*l. cit.*) planè idem recitaverant. Ut non dicam de agro Würtembergici Ducatus ad Bollenfè Balneum jacente, ubi hoc cornu frequentius, Bauhino teste, reperitur. Maltha Insula, & in locis pluribus Italia, Sicilia, Dania & Anglia illud itidem progenerare apud Wormium, Bartholinum, Imperatum, Ambrosinum, cæterosq; legitur. Ut clariùs hinc pateat, quandam ex loco natali differentiam nostro, quod definivimus, cornu obtingere.

V. Insuper (3.) à partibus, quas natura discrevit, & anfractu aliquò convolvit elegantissimè, duabus: Una est nodosa rugosaque, nodis veluti rugisq; pluribus distincta, quam apicem voco, h. e. summitatem anteriorem, digitis ferè tribus latam, & flexo magis magisque ambitu coarctatam: Altera est mucro interior, idemque striatus, tortuosus, adeò & patulus, ut foramen medium seu concavum relinquat. Velut enim cornu animalium quodque duas complectitur partes basin ac mucronem extimum; Illaque basi ad cranium caputve nascitur & hæret, hæc verò mucrone in extremitatem cavam solidamve definit: Sic duas in hoc lapideo κατ' ἀναλογίαν partes facio, easdemque tueor, quas natura suò artificiò aut ordine discrevit. Nec aliàs à Phycis fossilium Scriptoribus (*l. cit.*) agnosci aut discerni hucusque video. Ita Wormius in Museo cornu Ammonis exprimit contortum & acutum, longitudine unciarum trium, crassitiæ pollicis, acutò apice, crustâ
levi

lævi & marmoreâ, rugis per transversum coeuntibus, colore cinereô luteôque: Ut lineas minutas striasque per longitudinem, & juxta basin è centro in circumferentiam notet. Huic alterum adjecit ex Anglia sibi allatum, quatuor circumvolutionibus in se revolutis, perpetuis striis & articulationibus dotatum, colore subnigrô, substantiâ siliceâ, & quibusdam in locis armatura aurea splendens, ut in ambitu quinque pollices, duosque in diametro contineat. Ita Jo. de Laët. (*Lib. II. c. 22.*) in nobis ad Boëtium producit, quod verrucis, tuberculis & quasi rugis quibusdam variegatum fuerat. Bauhinus autem in Historia (*Lib. IV.*) fontis balnei que Bollenfis cornu hoc multiplex, nec unô exhibet exemplô, nec iisdem ferè partibus; helicoides puta, hoplites, cristatum insuper atque pertusum. At si exempla probè omnia expendes, nullô patebit negotiô, Conchitem, Strombiten, Ostraciten aut alium nonnunquam pro cornu Ammonis aliquô exhiberi. Quis enim pro cornu habeat Conchas lapideas, limaces & serpentes faxeos, quales Bohemia quoque profert tam affabrè factos, ut viatoribus horrorem incuriant? Ita Joh. Balbinus in Miscellaneis Regni Bohemiæ Historicis (*cap. 51.*) commemoravit.

VI. Quid de armatura fiet, cujus ex Wormio mentionem supra fecimus? Nonne illa inter partes collocabitur? Omnino ita sentio, si quidem nostris ex agro Brunshusano editis adhereret illa: Sed cum desit, non est sanè, cur ad eas referri debeat. (*Lib. IV.*) Cornua scilicet Ammonis, quæ plerunque armatura ferri politî colorem referente obducuntur, succo aluminis infecta aurei coloris sunt; In libris de ortu subterraneorum, Agricola dicit. Armaturam verò metallici vocant (Germanicè Harnisch) quodd ferri politî aut æris aut alius generis similitudinem gerat. Neutrum tamen non modò metallum est, sed ne tantillum quidem illius ex eo potest confici: Ut hoc Viro (*Lib. V.*) iudice sit potiùs naturæ rudimentum, metalla facere discentis: Lapisque, qui hanc armaturâ indutus fuerit,

Hoplites Græcè dici queat. Ambrosinus autem in Musco superius citatò Chrysammos & lapides, inquit, aliquando materiâ quâdam armari, quæ ad colorem ferreum, plumbeum, vel aureum vergat. Hoc ut exemplis comprobet, (*loc. cit.*) Ostreum petrificatum & armaturâ coloris aurei conspicuum, atque Chrysammonites figuris variis, quosdam armaturâ præditos designat. Imperatus denique observat, Ammonis cornua, si fortassè in marcasitam inciderint, tunicâ vestiri metallicâ, sive armaturâ, quam communiter vocent (*vestite di color metallico, il che chiamano armatura.*) Nec ab Laëtio, nec à Tollo in suis ad Boëtium additamentis aliud proferri videas. Ambrosinus (*Lib. IV. c. 15.*) igitur Ammonis cornua & lapides, quicumque crusta polita instar ferri elaborati seu armaturâ metallicâ circumdantur, Hoplitis accensuit, nomenque ὀπλιτῶν ἀπὸ τῶν ὀπλῶν, i. e. ab armis, uti debuerat, derivavit. Bartholinus autem laudatus (*l. cit.*) antea observat, non in solo cornu, sed in matrice ipsâ ejusmodi armaturam conspici frequentem, & ab sese cum Petro Castello, Medicò Messanensi, erucam ex ea collis parte, quâ hortus in altum publicus adsurgit. Quoniam ergò hæc armaturæ cornibus Ammonis quandoque obtigit, nostris verò de quibus dissertur, nulla; Hanc sanè inter partes collocare non possumus, nec debemus.

VII. Denique (4.) à forma sive figura, quâ lapis noster in cornu arietinum definit, nomenque Ammonis apud veteres impositum adhuc meritò tuetur. Cùm autem natura pro suo, quem armis animalium exercet, lusu cornua in anfractum convoluta dederit arietum petulco generi; Hunc quoque lapidem pro miro, quod subterraneis demonstrat, artificio non in simplicem ubique sed in anfractum quandoque multiplicem convolvit. Wormius enim (*ll. cit.*) quatuor circumvolutiones in uno; Ambrosinus, Bauhinusque tres in aliis; Agricola duas deprehendit. Mirari ergò subiit, cur Imperatus hosce lapides instar cornu bovini descripserit involutos:

lutos: Curque illos, qui parum torquentur, teretesque sunt, cornua dici, eos vero qui gyrauntur & in spiram contorquentur, serpentibus assimilari scribat. Fateor quidem esse generis hujus nonnullos, qui cum laeves sint, & nodis tuberculisque careant, serpentem aut cochleam aquaticam referri videantur, uti est ab Laetio (*l. cit.*) non male observatum: At tamen quotquot sunt Ammonis cornua, non bovini, sed potius arietini cornu effigiem reddunt. Spirae serpentum etiam, si quae lapidibus impressae appareant, ad cornu tortuosum, quale in arietibus est, accedunt proximè, quin ab multis Auctoribus eò referuntur. Hinc Wormius quoque Ammonis cornui lapidem subjecit, qui sceleton serpentinum exhibeat, grandem adeò, ut pedes fermè quatuor pluresque spiras ambitu, & mediâ sive centrali foramen patulum completatur. Forma ergò in cornibus Ammonis (si tamen ex horum genere sint, quae describuntur, omnia) aut simplex erit aut multiplex: Simplex quidem unâ aut duplici anfractu seu circumvolutione; Multiplex spiris pluribus aut inflexionibus constabit. Hæc si placuerint, ad definitionem, hujusque differentiam dicta sufficiunt. Formæ naturales enim, ut plurimum in se suâque naturâ sunt accidentia; Differentias autem específicas ἐκ τῆς πρὸς ὑποκειµένον ἕξτεως, i. e. ex habitudine ad subjectum constituunt, eique suam in certo genere perfectionem aut finem à natura præfixum adferunt: Quod præclare Aristoteles in suis Analyticis, & Zeidlerus in doctissimo ad illa Commentario (*c. 12.*) explicavit.

CAPUT VI.

1. Cornu Ammonis inanimatum est, nec habet ullam è tribus animam. 2. Cardanus tamen lapides omnes animatos voluit vivosque: Idemque Chymici nonnulli & Philosophi volunt. 3. Cartesiani vero animam lapidibus, plantis & animalibus demunt omnem, vitamque tripliciter distinguunt. 4. Vita triplex Aristoteli pro plantis animantibus & hominibus.

* Cc 3

s. Vita

5. *Vita ex Helmontio novisq; Philosophis triplex, & lapidum & omnium communis, & contradictionibus plena.*
 6. *Rationes pro vita lapidum animaq; diluuntur.* 7. *An cornu Ammonis ab animali principio fiat? Neg. contra Ferr. Imperatum, Chymicosq; novos.* 8. *An cornua boum Indica augeantur ab eo crescantq;.*

I.

Superius in quarto capite Ammonis cornui seu substantiæ inanimatæ, formam substantialem atque corpoream sive materialem tribui, omnemque iis ex animabus, quas vegetativam, sensitivam, & rationalem nuncupant, ademi, & adimendam planè statui. Nulla enim vis animæ, nulla potestas, ab hoc cornu & lapide unquam prodiit, aut prodire videbitur, si animam eò, quò inter Philosophos receptum fuit, significatu accipias. Cornu quippe istud lapideum nec ab interno generatur principiò, nec augetur, nec potentiam generandi sibi simile aut facultatem habet: Ergo vegetativa carebit anima. Idem cornu quia nec sensum, nec motum localem, nec appetitum, nec rationem exserit ullam, sensitivâ & rationali quin destituatur animâ, nemo sanus erit, qui dubitet. Quamvis verò formâ suâ substantiali gaudeat; hæc tamen nihil vitæ, nihil operationis vitalis conferet, aut conferre videbitur, nisi animata corpora cum inanimatis confundere audeamus. Quare cornu aliud animatum est, & quibusdam animantibus concessum, aliud inanimatum, & lapidibus per quandam similitudinem commune: Ubi Aristoteles in Libro de partibus animalium, dum tractat cornua, tertio ipse distinxit: (c. i.) ἔχει δὲ ἑδὲν μὴ ζωόγονον καὶ ὁμοιότητα δὲ καὶ μεταφορὰς λέγεται καὶ ἐτέρων τινῶν κέρατα. ἀλλ' ἑδὲν αὐτῶν ἔργα τὰ κέρατος ὑπάρχει. Nullum verò habet nisi viviparum; per similitudinem & translationem quorundam aliorum dicuntur cornua, sed nulli operationes cornuum insunt.

II. Sed

II. Sed uti fert communissima Philosophorum dissensio, mirum dictu est, quàm hodiè que de vita lapidum inter sese dissideant. Cardanus enim magni nominis sive Mathematicus sive Medicus, inter subtilitates, quas tenues quandoque necit, eò abripitur, ut cunctis lapidibus vitam animamque suam tribuat. Nec aliter potest ingenii prodigiosi homo, qui omnia omninò vivere, suâque constare vult animâ, tum communi tum propriâ. Hunc autem Jul. Cæsar Scaliger in suis Exercitationibus probè castigavit, animamque non mundo solum universo, sed lapidibus evertit, quàm multis ille rationibus adstruxerat. (*Exerc. VII.*) *Omninò verò, inquit, tu nugatus fueris. Siquidem omnia dicis vivere: Quam opinionem Thaleti tribuit Philosophus. Non jam formam & animam, sed animas duas congestione quâdam infarcies in unoquoque, alteram propriam, alteram communem.* Deinde Fallopius in Tractatu de fossilibus inscripto (*cap. 8.*) singulas Cardani rationes eruditissimè discussit, quæque à Scaligero prætermissa fuerat responsio, hanc iis solidam subiecit: Ut pateat, *Cardanum interdum plus homine sapere, in pluribus minus pueris intelligere, quæ Thuani, Scriptoris gravissimi, de Viro sententia fuit. (Lib. LXII.)* An ex veteribus hanc doctrinam hauserit, ipse nusquam indicat; nec mihi succurrit ex lectione philosophicâ locus, unde planum istud faciam: Democritus tamen apud Fallopium animata putasse omnia, & lapidibus animam vegetativam propriam dedisse legitur. Denique mihi succurrebat locus è Diog. Laërtio, & vita quidem Thaletis, unde pateat, quis Philosophorum primus lapides & metalla vivere putârit. *Θάλης πρῶτος τοῖς ἀψύχοις μεταδίδοναι ψυχὰς λέγεται, τεκμαιρόμενον ἐκ τῆς λίθου τῆς μαγνήτιδος καὶ τῆς ἡλεκτρῆος.* *Thales primus inanimatis animas tribuisse dicitur, conjectans ex magnete lapide ac electrò.* Ad quem locum ubi J. Gerh. Vossius in Physiologia Christiana (*Lib. VI. c. I.*) devenerat, pro invicto ipsi contra Thaletem è Peripateticis argumento est, si animam habeant vegetativam lapides, instrumenta etiam

etiam habere organica, quibus nutriantur, & generent sibi simile: At neutrum dici posse. Nam augeri quidem; verum non sicuti plantas & animalia, quorum singulis partibus à calore intus calefactis nova materies addatur, inque poros accepta corpori agglutinetur, ut propterea majori spatio sit opus; prout idem supra dixerat. (*Lib. III. c. 21.*) Metalla autem fossiliaque crescere per appositionem externam, non mutatio interius eò, cui quid apponitur, sed illò, quod exterius attrahitur, agglutinatio, similemque in substantiam converso ejus, cui illud apponitur. Fossilia porro carere seminibus, nec unum ex altero nasci. Hæc ita Vossius rectè: Quibus tamen expositis non vult cum eo contendere, qui quadruplicem esse animam dicat: *Unam, quæ qualemcumque vitam vim largiatur; alteram, quæ nutrimentum præstet & generandi facultatem; tertiam, à qua fuerit sensus & motus; quartam eorum, qui ratione utuntur.* Quomodo vita latius patebit vi nutriendi & generandi; hæc latius sensu motuque; motus ratione. Miror autem summopere, cur ita fluctuet ipse, tantumque Thaleti Philosopho, & duobus ab eo in medium allatis exemplis, magneti scilicet succinoque attribuat. Paullò post tamen mutatus denuò & quasi alter, si nomen animæ displiceat, hanc vim formatricem dici posse spiritum putat, eoque inclinat, ut ab Moïse per Spiritum DEI aquis incubantem non tertia SS. Trinitatis persona intelligatur, sed spiritus primò die creatus, ac postea fossilibus, cæterisque, quæ inanima dicuntur, inditus. Sed illum spiritum Vir doctissimus nimis deformat, suamque ita sententiam involvit, ut sui dememinisse, aut libris Physiologiæ Christianæ posterioribus manum ultimam non admovisse videatur. Lectoris heic judicium depono, & ipsum appello arbitrum in eo, an Thaleris, Cardani & Campanellæ, num Aristotelis & complurium antiquorum sententia præstet. Addo unum, idque recentius observatum, quod capiti fortasse quinto congruet: Nempe cornu Ammonis ad extremam alicubi superficiem, & prægrandi

grandi lapidi connatum eminare , ut hinc separari nequeat. Tale cornu saxei hujus exemplar pagus Gremfenas , à Brunshufano cœnobio non procul situs continet. Utcunque de antiquis fuerit, constat, multos Chymicorum cum Helmontio , novosque plures Philosophos idem quod Cardano placuit , docere , ac suas animas lapidibus , metallis , cunctisque quotquot sunt , corporibus asserere : Ut ideò mundus universus , & cuncta hujus ambitu comprehensâ corpora suam animam vitamque his Philosophis acceptam referre debeant.

III. Omnibus iis resistunt acriter Cartesiani, & ipsi de novitia secta prognati Philosophi, qui formas substantiales tota exturbant Physica, neque in plantis animas, neque in animantibus ullas ferunt, sed unâ partium temperaturâ, situ, & dispositione vitam metiuntur: Nisi quòd hominem hujusq; mentem seu animum excipiant. Unus instar omnium heic erit Anton. Grandis, qui parte septimâ Instit. Philos. (Art. 1.) hoc unum agit, ut corpora viventia seu viva, qualia & plantas & animantia esse fateatur, à non viventibus, metallis puta, lapidibus cunctis, & fossilibus distinguat; formas tamen substantiales animasque classi viventium & non viventium utrique destruat: Interea dum in eo est, *vitam pro notione triplici dissepit, ut simplicis existentia unam, alteram existentia actuosam, tertiam coexistentiam seu durationis nuncupet*: Primam illam cunctorum, quotquot existunt, entium communem facit, & locum Aristotelis ex Libro secundo de anima huc incommodè trahit: Alteram inanimatis sive non viventibus, & animatis sive vivis attribuit: Tertiam in unione duarum substantiarum, aut substantiæ unius & accidentis conjunctione positam homini adscribit, & unò hujus exemplò explicat. Ergo Cartesianus ille dum formas substantiales viventibus demit, eademque à non viventibus secernit, vitam utrisque actuosam aut existentiam actuosam unam vindicat. Quid ergò fuit, cur vitam ex

citur energia seu operatio animæ, quæ actiones in suo genere perfectissimas exercet, mineralium sive fossilium, plantarum & animantium communis: Media verò energia operationibus quidem suis, sed non vitalibus instructa, ad quas tamen ei regressus dari potest, per quandam scilicet in plantis mineralibus, & animantibus resuscitationem, uti vocant, Chymicam aliamve artificiosam: Ultima describi solet energia cujusdam animæ, operationibus quidem suis, sed non vitalibus instructa, ad quas neque regressus ei datur, in oleis nempe, spiritibus & chymicis, quas vocant, essentiis, pinguedine animalium & axungiâ, herbarum seminibus, ovisque contusis aut coctis, itemque animalium seminibus refrigeratis. Itaque quod vitam operatione omnem absolvunt, hoc antiqui Philosophi Medicique, Hippocrates, Aristoteles & Galenus comprobant: Quod verò animam fossilibus & inanimatis corporibus intrudunt, illud ex sensu novitatis cupido reperi- tum dogma, veteres ignorant. Deinde quantis contradic- tionibus vita, quam appellabant, media & ultima implicatur? Vitam enim operatione omnem definiunt, sed mediam ulti- mamque operationibus non vitalibus instructam volunt. Sic- cine vita non vitalis erit, aut operationes non vitales exseret? Siccine à privatione vitalium operationum ad eas per natu- ram dabitur regressus? quippe ubi operationes non vitales ad- sunt, ibi vitalium erit privatio & defectus: Ut vel ideò no- va hæc sententia domesticis Auctorum contradictionibus evertatur.

VI. Age videamus argumenta, quæ in aciem pro anima cornu hujus lapidei, lapidumque omnium producant. Primò quidem agmine illud prodibit:

Quodcumque corpus generatur, vivit.

Lapides & mineralia generantur.

Ergo lapides & mineralia vivunt. Major propositio

per se clara nec probationis indiga disputantibus videtur: Minorem ipsi cum rationibus tum experimentis, quæ ars &

natura suppeditat, multis confirmant. Sed major probatione opus habuit, non minor propositio: Hanc ergò solidam si dabunt, tum verò plus momenti conclusio habebit. Interim unâ distinctione aut limitatione additâ totum hoc argumentum concidet, si dicas:

*Quodcunque corpus generatur ab interno, essentiali activôq;
principiô, illud vivit.*

*Lapides & mineralia generantur ab interno, essentiali activôq;
principiô.* E. Hæc minor utpote falsa novam efflagitat confirmationem, eamque nec artium compages, nec naturæ totius fabrica præbebunt. Insuper neque illud omittam, quod majori propositione servatâ de meteoris igneis, aqueis, & aëreis, de pluvia, nive, grandine, vento, deque terris, igne ipsô, aëre, aquis, fontibus, & cunctis sublunaribus eandem consequentiam formare possumus. Siccine vitam consequenter omnia? Siccine aquas vivas, argentum vivum, ignemque vivacem propriè dicemus? Atqui hæc impropriè aut æquivocè dici, apud omnes hactenus in confesso fuit: Aliiter apud novos homines nunc obtinet, qui elementis ipsis, & omnibus, quotquot ex eorum mixtione oriuntur, corporibus vitam propriè dictam & vitalem animam obtrudunt, invita etiam natura; modò exiguæ in quandam speciem auctoritates & ratiuncule conquirantur. Neque desunt inter novos Philosophos, qui dictum Apollonii Thyanæi ex epistola ad Valerium scripta depromunt, & mortem rebus naturalibus exterminant: θάνατος ἐστὶς ἐδεῖς, ἢ μόνον ἐμφάνει. *Mors nulla est rei nullius, nisi apparenter.* Sed Apollonius ille Pythagoræus quin Magus fuerit sacerrimus, non erit, cur dubitetur, ob antiquum Euphratis Tyrii & Mæragenis testimonium; quod Huetius in Demonstratione Evangelica (Prop. IX. c. 147.) citat.

VII. Itaque hoc cornu Ammonis lapideum, & omnes lapides suo inanimatorum generi posthac inferentur. Id superest, ut disquiramus, annè cornu istud ab animali principio fiat?

Sic

Sic enius Ferr. Imperato, (*l. cit.*) quum de cornu Ammonis edisserit, in Historia naturali videbitur: *Dunq, le derte & altre simili sono forme tutte dipendenti da principio animale, che succedendo l' humor petrigno sia nel corso di tempo impetrato.* Ejusmodi & similes figuræ dependent ab animali principio; cui succedit humor lapidificus, & temporis successu in lapidem concrefcit. Sed Imperatus ille suam non ita fideliter expressit mentem, neque dixit, quodnam principium animale, an extrinsecum velit, an internum, an coeleste, an terrestre aliquod. Utrum intelligat, illô ne opus quidem erit ad corneam figuram lapidi huic imprimendam. Principium quippe internum externumque, quod suprà statuimus, huic sufficet negotio, nec ullum animale subornabitur. Nonnulli tamen Chymici cum Jo. Langio coeleste huc principium ab intelligentiis trahunt: Alii ab influxu siderum astrorumque communissimô: Alii ab mente mundanâque animâ id petunt. Verum intelligentiæ veterum à Philosophis sepultæ jaceant, nec amplius resuscitentur: Anima mundi totius tota quoniam dudum exspiravit, maneat extincta, neque in posterum reviviscat: Influxus verò astrorum & siderum quicunque sit, causam universalem dabit, minimèque particularem aut proximum, unde cornea hujus lapidis figura proveniat, principium. Ergo nostrum cornu lapideum omni carebit animâ, sive hujus essentiam, sive generationem curatiori oculô perlustremus.

VIII. An verò ab rebus Indicis arcessent, unde principium animale huic cornu subterraneo confirmetur? Hugo enim Linschottus in navigatione Indicâ (*cap. 61.*) refert, quod portento similis videatur. Nempe ab Indis Goæ Insulæ sessoribus boum & animantium aliorum cornua terris mandari: Hæc defossa si aliquandiu latuerint, radices mittere, ac spithama longius super terram excrescere, ut conatu evellantur maximô. Rem paulò aliter in sua peregrinatione socii Arthus & de Bry, nec non nobilissimus Mandelslo apud Olearium.

commemorant: Hic enim ita ex aliorum relatu: Man hat mir sagen wollen/ daß in Indien ein Ort sey/ da die Hörner der Thiere/ als von Ochsen/ Kühen und Ziegenböcken/ wenn sie auf das Erdreich geworffen würden/ wachsen/ und Wurkeln in die Erde sehen solten/ daß sie so steiff stünden/ als wenn sie aus der Erde gewachsen wären/ und kan man solche mit Gewalt kaum heraus ziehen. Id, nisi relatio fallit, plus monstri aluit; quod injecta terris cornua neque defossa radicem fecerint. Utcunque sit, causa hujus insolitæ accretionis Goënsi solo, certoque hujus agro debetur: Nec aliud exemplum in orbe, quod sciam, toto superest. Interea cornuum illorum Goënsium planè alia fuit natura & ratio, quàm lapideorum, de quibus heic disquiritur. Nam illa excussa animalibus terræ inferuntur, & suam substantiam servant: Hæc verò ex ipsa terra in subterraneis meatibus progenerantur, neque ab ullis radicibus naturam lapideam adsumunt.

CAPUT VII.

1. *An cornu Ammonis pro Draconite, ac in veneficio lactis remedium haberi debeat?* 2. *Draconites veterum è Plinio aut Dracontias.* 3. *E Solino Plinii exscriptore non satis bono.* 4. *E Philostrato Græco.* 5. *Marsil. Ficinus in Dracontia eò falsus accepit Asteriam.* 6. *Falsus etiam Casalpinus cornu hoc nostrum aut Chrysammoniten.* 7. *An vis ejus aliqua sit in veneficio?* Duae hinc quæstiones expediuntur. *Lac sanguineum è causis naturalibus oriri posse contenditur.* 8. *Veneficio tamen corrumpi eripiç, auctoritatibus docetur.* 9. *Exemplisq.* 10. *An stercore humano contra istud mæfistium vis insit?* 11. *An huic Ammonis cornu lapideò per qualitatem aliquam occultam?* 12. *Num per quandam ἀντιπάθειαν aut συμπαθειαν? num ab atomis?* 13. *Num ἀναγτιολόγητόν τι subsit? Num ab veneficis draconis? an Dracone volatili? Causas rerum omnium nôsse, non est hominis.*

I. Ita

I.

ITa cornu Ammonis ex viventium aut animatorum genere rursus exclusi: Unum superest, ut declarem, an pro Draconite illud haberi debeat. Sic enim Germanicum inter Agricolas Brunshufanos nomen obtinet, quò Drachenstein vulgariter appellant, & lingua efferunt vernacula. Sic communis illa fert persuasio, quâ huic lapidi virtutem in veneficio removendo singularem tribuunt: Tum maximè, quum vaccis per incantationem lac suum deficit omninò, aut ab veneficiis ereptum creditur. Id si accadat, tum jubent pro eâ, quâ sunt opinione, hunc immitti mulstro lapidem, ut priscum lac redeat, copiaque suppetat priori. Hæc autem ex ingenio meo ne videar hausisse, testes citabo literas, quas fide dignissimus amicus nuper ad me dedit: Ubi hunc in sensum breviter ac nervosè: Man hält ins gemein dafür / daß dieser Drachenstein sonderbare Krafft bey Hererey habe / sonderlich wenn die Kühe ihre Milch nicht geben / oder von Hexen durch Satans Betrug ausgemolcken werden. Alsdann wird in Melckpot dieser Stein gelegt / und darauf die vorige Milch bey der Kuh verhoffet / wie sie denn sich wieder einfindet / &c. Siccine cornu illud in Draconiten transmutabitur? Siccine adversus veneficia præsens remedium dabit?

II. Videbimus ergò primum, quem Draconiten in Historia naturali Plinius (Lib. XXXVIII. c. 10.) designet. *Draconites* sive *Dracontia* è cerebro fit draconum, sed nisi viventibus abscissò nunquam gemmescit, invidia animalis mori se sentientis: Igitur dormientibus amputant. Sotacus, qui visam eam gemmam sibi apud Regem scripsit, bigis vehi quarentes tradit, & visò dracone spargere somnifica medicamenta, atq; ita pracidere: Esse autem candore translucido, nec postea poliri, aut artem admittere. Hæc optimus Historiæ inter Romanos Physicæ Auctor è Græcis potissimùm monumentis retulit. Nam utrumque nomen Græcum est *αγαυόβρις* ἢ *αγαυόβρις*; & alterum quidem nullò

nullò sphalmate, quod frustra Salmasius notavit; alterum unò laborat, in editionibus quoque recentissimis, ubi Dracontias pro Dracontia substituendus erit. Oritur autem à Dracone majori serpentum genere, quod per varias Græcorum, Latinorum & Arabum descriptiones adeò distrahitur, ut vix membris omnibus iisdemque cohæreat: Sive pedatos & apodes, sive alatos & alis omnibus carentes, sive barbatos & imberbes, sive virulentos & veneni penitus expertes dracones prodiderint, occurrent dubia, neque dissolventur, quamvis Jonstonum de serpentibus, Bochartum in Hierozoico (*Lib. II. tit. 1.*) aliosque consulas. Illud nobis de Draconite veterum (*Lib. III. c. 14.*) liquet, gemmam fuisse candidam naturâ translucidamque, nullius expolitionis aut artis indigam.

III. Plinio Solinum exscriptorem aut simium adjungamus: Ita verò capite Salmas. edit. XXX. vulgaris XLIII. *Exciditur, inquit, ex cerebris draconum Dracontias lapis; sed lapis non est, nisi detrahatur viventibus. Nam si obeat prius serpens, cum anima simul evanescit durities soluta. Usu ejus Orientis Reges præcipuè gloriantur, quamquam nullum lenocinium artis admittat soliditate: Et quidquid in eo nobile est, non manus faciant; nec alterius quàm natura candor sit, quò reluceat. Auctor Sothacus gemmam hanc etiam sibi visam scribit, & quibus intercipiatur modis, edocet. Præstantissimi audaciâ viri explorant anguium foveas & receptus: Inde præstolati ad pastum exeuntes, prætervectiq; percitis curribus objiciunt gramina medicata, quantum potest ad incitandum soporem. Ita somnò obsopitis è capitibus exsecant lapides, & de manubiis præcipitis ausi prædam revehunt temeritatis. Hæc omnia exscripta quis non intelligat, assutaque denuò nonnulla? Salmasius (*l. cit.*) ergò in Solinum heic invehitur, quòd ab Auctore, quem sequi voluit, data discedat opera, & de suo inferciat, quæ vix apud veteres legisse potuerit. Quid enim est, nisi detrahatur viventibus, non esse lapidem, sed evanescere duritiem solutam, si prius*

prius serpens obierit? Hæc in Exercitationibus paradoxa Salmasio videntur, & supra captum posita. Plinius certè planiora & multò expeditiora refert, unde non augurari, sed persentiscere, quid velit, liceat. An Sotacum è Græcis Auctoribus antiquum Solinus pervolverit ipse, non dico: In plura exemplaria, quæcunque vidi, edita, falsum Sothaci nomen irrepsit. Nam Apollonius in Admirandis, quæ scripserat, Græcè Σώτακον vocavit eundem, qui Plinio citatur, hominem & scriptorem.

IV. Romanis de Historia naturali Auctoribus Græcum, qui Athenis sub Nerone Imp. floruit, Philostratum associabimus. Nam in suo Lithognomico tradit ille, quæ ad hanc rem pertinent. Προσπίσόντες ἔν οι Ἰνδοὶ κειμένα πελέκει ἀναγάτῃσι, καὶ τὴν κεφαλὴν, ἀποτεμόντες ληΐζονται. Λίθοι δὲ τέτοις ἀπόκεινται, τὸ μὲν εἶδος αἰδύραϊ, καὶ πάντα ἀπαυγάζουσι χήματα. *Procidentes igitur Indi (scilicet ad draconem) securi contundunt, & caput resecantes de-
pradantur. Lapidēs verò his manent quoad speciem rubei aut sandarachini, & mercibus cunctis præfulgentes.* Ita heic verito, quæ Salmasius omisit: Et de colore quidem fluctuo, neque quicquam certi apud Lexicographos constitutum video, neque Salmasius, qui valebat multum oculis, vidit. Intereà ex hoc loco patefit, Indis hanc gemmam draconibus ereptam, fulgore alias superasse plures. Ab Sotaco, quod promittam, nihil est, quamvis uterque Plinius & Solinus unum hunc Græcum appellaverint: Hujus enim libri per temporis injuriam perierunt, nec in ulla, quod sciam, Bibliotheca MSci. amplius supersunt, nec unquam editi prodierunt publicè.

V. Quia igitur de prisco Draconite inter antiquos non ita convenit; neque mirum est, de hodierno inter nostros admodum discordari. Marsilius enim Ficinus hunc lapidem allatum ex India, & sibi Florentiæ visum ait, lupini magnitudine, stellis quàm plurimis naturaliter insignitum: Eumque, si aceto imponatur, in rectum & obliquum ferri, donec vapor omnis exhalaverit. Sed Marsilio ita fuit impositum, ut

lapidem stellarem sive Asteriam & Astroiten pro Dracontia æstimaret. Astroites quippe aut Asterias lapis est, stellis duabus, tribus, pluribusve, ac eâ virtute insignior, ut in aquam coniectus, bullas attollere, aut sese aliquando commovere soleat: Qualem Ambrosinus in Museo (*l. cit.*) varium depinxit, & ipse duos ex agri Brunshusani vicinia mihi submissos heic retineo. Sed quantum Dracontias & Draconites ab hoc Asteria distet, ex antiquis perspicuè imò ad oculum patet, si minera, unde ortum habuit, terraque curatiùs pervideatur: Siquidem in promptu erit, è cerebro draconis hunc lapidem nasci nunquam potuisse. Ficino (*Lib. IV. c. 65.*) itaque id fuisse fraudi, Ambrosinus, Boëtius, & Jo. de Laët in suis observationibus notârunt, (*Lib. II. c. 172.*)

VI. An Cæsarpinus quoque fallacia circumveniri potuit? Librò enim secundò de metallicis refert, sibi fuisse Draconiten, effigie corniculi, abscissâ cuspide, colore partim nigrò, partim flavescente, splendidò neque pellucidò. *Qui mihi tradidit* (sic ille) *affirmabat esse linguam serpentis magni in Germania, ac ictum inferre letalem.* An fides verò penes Auctorem heic esse debeat, uti à Boëtio (*l. cit.*) pronunciatur? An nova impostoris alicujus captio, quæ tum suberat, aperiri & patefieri? Sanè aut error quispiam aut dolus latuit in Germanico Draconite. Si locus dabitur conjecturæ, illud Ammonis cornu, quod descripsimus, aut Chrysammoniten pro Dracontia heic suppositum fuisse dixerim. Lapis enim corniculi ejusdam effigie niger, flavescent, & splendidus ad duos illos, de quibus conjeci, proximè accedit. Cornu Ammonis etiam sæpè octo digitos latum est, & tres libras pondere aliquando superat: Nonnunquam ita exiguum est, ut nucis magnitudinem non excedat, teste Tollo in suis ad Boëtium notis. (*l. cit.*) An non hoc nostrum corniculum sive cornu Dracontias vocatur, & ab Agricolis vulgò habetur? Cæsarpinus quidem è Plinio Albertoque M. repetit, quæ ad Draconiten pertinent: Illa tamen non suo congruebant lapidi,

pidi, quem planus aut deceptor ille pro lingua serpentis alicujus noxia venditabat. Dracontias enim non ex lingua, sed è cerebro draconum & amputatò capite sumebatur.

VII. Ergo Draconites veterum nusquam in orbe nostro ampliùs reperietur. Neque mirum est, Brunshufanos agricolas hoc in fraudem nomine delabi: Cùm duo Viri summi & naturæ peritissimi falsum in eo lapillo admiserint. Quid de virtute adversus veneficium singulari judicabitur? Hanc sanè communis agricolarum opinio, eventusque in agro Brunshufano multiplex comprobabit, ubi toties constat, hòc ipsò lapide in mulctrum coniectò, vaccis lac purius restitui, & de sanguineo ad album redigi colorem. Sed duo in quæstionem heic venient: Unum de lacte sanguineo crudoque, an non illud è causis oriri naturalibus queat? Alterum de virtute, quam lapidi suo agricolæ attribuunt, num illa per naturam aut qualitatem hujus propriam efficiatur? Prius illud, quod in quæstione relinquitur, ut primò expediam, liquet sanè ac testatur experientia, sæpiùs ad maleficium, incantationes, & sagarum artes pessimas referri, quæ per naturam fiunt, & à causis naturalibus pendent. Cùm enim vaccæ morbò afficiuntur aliquò, aut pabulò fruuntur noxiò, aut stomacho laborant, neque ad excoquendum lac sibi sufficiunt; Quid aliud, nisi crudus & cum sanguine mistus humor iis emulgebitur? Nam sanguinem hujusque serum pro materia lactis proxima esse, nemo negabit, nisi qui nutritionis in lactario animantium genere, aut modi quò lac bubulum generatur, inter Physicos demonstrati & certissimi experts erit. Addo, quod ex muliercularum rusticarum sententia lac rubrum contrahat colorem & sanguineum, si hirundo subter ventrem vaccæ aliqua volitâr: Quamvis non assequor, quæ sit hujus volatus tanquam causæ cum effectu aut lacte in sanguinem vergente connexio vel comparatio. Liquet autem ex manifestis rationibus, vaccas maleficiò affectas credi, tum sæpiùs, cùm causæ naturales suberant. Ita Wierus in libro de præsti-

giis Dæmonum quartô (cap. 11.) commemorat, lac ductile & filatum siccius è Comitatu Marcensi ad Cancellariam Clivensem ab inepta muliere allatum, quæ lacti eam formam ex incantamentis à sua vicina redditam asseveravit: Quum igitur titionem ollæ, in qua lac coquebatur, subditum hæc abstulisset, quô ignem domi exstrueret. Lac enim si vetustate nonnihil subacescere inceperit, & tum coquatur, mox dissolutus caseus cum butyro coit, ut admodum lini ductilis filamentô tenacissimô deduci possit, & facilius ad siccitatem redigi.

VIII. Neque tamen repugnabo temerè, si quis γαλακτολευσίαν ab maleficio profectam affirmaverit, contendatque, lac sagas ex uberibus vaccarum suffurari posse non minùs quàm solere. Nam valet in hoc argumento, & valere apud omnes meritò debet gravissima Theologorum, Jurisconsultorum, Medicorumque auctoritas: Valent etiam tot tamque crebra lactis erepti per veneficium exempla. Balduinus igitur in Casibus Conscientiæ, quos libris egregiis tractat, & libri quidem tertii capite quintô, (cas. 5.) ubi ad magos veneficasque progreditur, hanc γαλακτολευσίαν ita explicat, ut affirmet, Diabolum non lac tantummodò, sed aurum argentumque, fruges ex agro, & bona alia posse furari aliis, si DEUS huic nocendi potestatem permiserit: Hunc postea sagarum operam adhibere, non quasi eâ indigeat, aut ipsæ quicquam efficiant, sed ut in devotione suâ credulas retineat: Jubere interim, ut varia usurpent media ex cultris, clavis, forcipe, colo & similibus instrumentis lac emulgeant: Illud quanquam effluere videatur, esse tamen Diaboli ludibrium, qui lac aliunde adducat, & mirâ celeritate furtô subtrahat, vetulisque persuadeat, ipsas emulsisse. Hinc Arerius in Problemat. de Fascinat. *Accedit experientia manifestior, quam ut negari possit; fascinantur à veneficis infantes, ut contabescant, vacca, ut lac non reddant.* Ita Grillandus JCtus Italus in libro de Sortilegiis: (quæst. VI. n. 13.) *Quadam veneficia, inquit, fiunt ad desiccandum*

dum totum lac unius gregis, vel fecundi armenti vaccarum, adeò ut nihil casei penitus reddant, quamvis antea in maxima abundantia reddidissent. Idem suo consensu approbant Gödelmannus in Tractatu de Magis, Veneficis, Lamiisque doctissimò, (Lib. I. cap. 7.) & Bened. Carpzovius, summus Jctus, in Practica nova rerum Criminalium, pluribusque sententiis Scabinorum Lipsiensium illustrat, quid in magica γαλακτοκλῆσι passim contigerit. Idem etiam Mart. Delrio in Disquisitionibus Magicis (part. I. qv. 50.) confirmat, aitque factum vel epistomiò, vel cultrò in domi parietem impactò, vel utribus coriaceis: Hos enim maleficas ad anatis similitudinem è corio consuere, consutos primùm sponte suâ ire vacuos, mox emulcò lacte plenos redire domum, dicique apud Belgas Litelaten communiter. Vide sis Lib. II. quest. 12. §. 2. Lib. III. p. I. qv. 4. sect. 3. Lib. VI. c. 2. sect. 1. qv. 3. §. 2.

IX. Unicum heic producarn exemplum evidentiùs ex libro Germanico, quem Heinr. Ximphoff/ Verdensis Ecclesiæ Minister, titulò Dracken Königs additò emisit, & de saga quadam execrabilem tragœdiam designat. (A. 1647. p. 43.) Sic enim ille Auctor ex manifestissima puellæ cujusdam confessione de ligulis quatuor ad postes affixis, & lacte ab iis emulcò: So hatte die alte Wobbecke von Steffan Gauß gelaufft vier Senckel/ welche das Mägdlein hat holen müssen: Welche sie in einen Stenner in die Stube geschlagen / und dann Milch daraus gemolcken / und darnach ausgesiegen: Das Mägdlein vermahnet/ sie solle auch kommen und melcken; Milch solte sie immer gnug haben. Aliud præbet Joh. Agricola, Palatinus, Medicus, dum vixit, Wratislaviensis in Tractatu parvæ, quam edidit, Chirurgiæ quintò, (p. 650.) ubi mirum magicæ lactis suffurationi remedium opponit: Illud in præsentî, ut proferam, quibus exprimitur verbis, nihil video, quòd veter. Und solches siehet man an den Zauberern / welche das Vieh bezaubern/ daß sie/ an statt der Milch / Blut geben; So man in solche gemolckene blutige Milch salvò honore hoficret/ und setzet es zum Feuer / so wird der Zauberin

notationibus ad N. Testamentum doctissimis observatur. Id-
eone stercorarius Dæmon humano cedit stercore, suasq; illo
injurias aut noxas luet? Certè lepidum in maleficio lactis
prohibito remedium Mart. Delrio recenset; Ubi saga lac suf-
furatura cultrumque vicini ostio impactura, cùm recitasset
formulam, ab hero audiente plagis excipitur benè, ac fustibus
mulctatur. (*Lib. III. l. cit.*)

XI. An verò virtus in magica lactis suffuratione aut ve-
neficiò tollendo huic, de quo disputamus, lapidi per naturam
obtigit? Hoc ut disquiratur, ille, quem constitui, ordo nunc
facit: Sed formula, quâ Romani Senatores causam extraxe-
runt dubiam, usus, fateor mihi non liquere. Effectus equi-
dem de causa testatur, & arguit, hòc lapide in mulctrum inje-
ctò maleficia, si quæ subsint, prohiberi, lacque integrum ex
voto uberibus restitui: Virtus tamen ea num materiæ, num
formæ lapidis debeat, hoc obscurum relinquitur dubium-
que. Siccine ad occultas qualitates confugiam cum nonnul-
lis arcanorum sectatoribus, qui eas in ore sinuque ferunt per-
petuò? Absit autem, ut in leges philosophicas ita turpiter
peccem, aut occultum quid surrogem in demonstratione, ubi
notius & prius ex methòdo legitima desiderabatur. Gravi-
ter Galenus, Criticorum non minùs quàm Medicorum prin-
ceps ille (*in præfat. Athen.*) Casaubono in libro secundo (*cap. 5.*)
de præsagiis è pulsu: Δίπλος ἐστὶ τῶν μηδὲν διδασκόντων ὁ τρόπος, ἐνίων
μὴ εἰς ἰδιότητα καταφυγόντων ἄρρητον, ἐνίων δὲ λαγόντων μὴ ὀνόματα,
μήτε δ' ἂν σημαίνει, φυλατόντων, μηδ' ὃ βλέπονται σημαίνει, ἐρμηνευόντων.
*Duplex est hominum nihil docentium modus: Alter eorum, qui
ad proprietatem ineffabilem confugiunt; Alter eorum, qui pro-
ferunt quidem nomina, neq; tamen quid significant, observant,
neq; quid significare velint, interpretantur. Itaque cùm ni-
hil doceatur, nihil ex occultis qualitatibus eruatur, ecquid ad
hoc ignorantiae asyllum sese recipiunt multi, & sub eo veluti
obsuro latent tegmine?*

XII. Num deniq; cum pluribus ad quandam ἀντιπάθειαν delabar, h. e. ad eam repugnantiam, quā lapis noster veneficio per proprietates contrarias resistit, aut resistere videtur? Num ad συμπαθειαν h. e. consensum aut convenientiam nostri lapidis cum lacte bubulo, puroque ad ubera reducendo? Sed valdè vereor, ne utraque deficiat cadatve, non aliter, quamsi Democritus aut Cartesius ab atomis heterogeneis & homogeneis causam hujus remedii ullam deducere conetur. Nec minùs metuo, ne idem judicium cordatus Physicus de hac utraque ferat, quod Plutarchus in Libro Symposiaco secundo de Philosophis, qui antipathias jactitant, olim tulisse legitur: Maximè quum disquirunt, cur elephas furens conspectò ariete insaniam deponat; Cur vipera sistatur, faginò contacta termitè; Cur taurus alligatus ficui quiescat; Cur succinum ad sese trahat universa levìa, præter ocymum, oleoque imbuta corpuscula; Cur magnes allio inunctus ferrum non attrahat. De his omnibus antipathia veterum exemplis acutissimè Charoneus ille Philosophus: Εὗω δὲ τὸτο μᾶλλον ἔφην ἀπόφασιν εἶναι, τῆς ἐρωτήσεως μᾶλλον, ἢ τῆς αἰτίας ἀπόδοσιν. Σκοπῶμεν δὲ (εἶπον) ὅτι πολλὰ συμπτώματα ἔχοντα ἐπακολέθησιν, αἰτίων λομβάνει δόξαν ἐν ὁρῶσι. Ego verò dico, hoc negationem potius disquisitionis, quàm causæ redditionem esse. Id autem consideremus (inquiebam) multa accidentia esse, quæ non rectè pro causis tamen habentur. Nam sicuti nihil rationis aut parùm dicunt redduntque, qui occultas in demonstrationibus qualitates crepant: Ita paululùm ratiocinando proficiunt, qui antipathias & sympathias demonstrationi allinunt, ut quicquam tamen dixisse videantur, ubi nihil, quod ad rem pertinuit, dicebant.

XIII. Siccine inter ἀνατιολόγητα referetur, quam huic lapidi eventus comprobatur, & agricolæ attribuunt, virtus in veneficio tollendo? ἀνατιολόγητον πάθος autem Dioscorides & Alexander Aphrodisæus illam nuncupant proprietatem, cujus causa aut nulla excogitari, aut si quæpiam excogitetur, difficillimè, uti sufficiat, reddi potest. Itaque fatebor ἐπι-

εἴμην τῷ ὅτι, ἀλλ' ἔδαμῶς τῷ ὁρί, h. e. illam scientiam, quā tenetur, quòd res ita sit, non eam, quā liquet, cur res ita sit, in hoc argumento ambiguo suppetere. Fatebor etiam nec invitus, ἀναγκασθέντων hunc eventum, quò accidit, ut cornu Ammonis lapideò in mulctrum inditò aut γαλακτοκλεψία magicā removeatur, aut lac bubulum suo colori reddatur integrum. Hæc duo ut lubens profitear, methodus jubet demonstrativa, quā cavetur meritò, ne causas omnium rerum capremus. Benè Philosophus noster in libro Metaphysicorum, quartò (cap. 4.) Ἔστιν ἀπαφυσία, τὸ μὴ γινώσκειν, τίνων δὲ ζητεῖν ἀποδείξιν, καὶ τίνων ἔδει. *Est inscitia, haud nōsse, quorum oporteat quæri demonstratio, & quorum non oporteat.* Hinc Alexander Aphrodisæus in præfatione libri primi Problematum agnoscit quæstiones philosophicas, quæ modum humani ingenii prorsus excedant, Deoque soli rerum omnium auctori pateant. Num hæc nostra ex illarum erit numerò? Sic mihi videbitur; nec lubet divinare curiosius, aut probabiliter conjectare, num à Draconitis nomine, quò hunc lapidem insigniunt, ad remedium veneficis seu draconis vetulis opponendum plebeji processerint? Noto enim est notius, communiter sagas nostra vernacula draconas (Dracken oder Dracken-Weiber) ignominiosius appellari. An à Dracone, cui serviunt, volatili, cujus speciem noctu Dæmon repræsentare dicitur, quòd affirmem, nihil habeo. Quare non excusiam hanc de nostro lapide agricolis opinionem, neque negabo, sæpius contigisse, aut contingere posthac posse, ut eventus opinioni respondeat: Doctioribus tamen relinquam, si que fas fuerit, hanc commendabo quæstionem difficillimam, ut ipsi dispiciant, quæ causâ naturalis in hoc lapide, quæve virtus subsiet. Uti Scaligero in Exercitationibus contra Cardanum, ita mihi hætenus *humana sapientia pars fuit, quadam nescire velle. Exercit. CCCVII. sect. 29. Plus enim scire velle, quàm satis est, intemperantie genus est, inquit Seneca Epist. LXXXVIII.*

Epigramma.

Est hominis, causas cognoscere velle, sed omnes
 nōsse, DEUM solum laus ea sola manet.
 Ergo erit & quadam nescire scientia; nemo
 quum bene perscrutans omnia nōsse queat.



Vos verò
 Viator, Civis, Advena
 quicumq; fuas
 Lector Spectatorq;
 Vos ad unum omneis
 cō, quod Heracliti Ephesii fuit, alloquiō
 excipiam, dimittam.
Introite: Nam & heic Dii sunt!
 Subite mecum quāso
 has obscuras terræ latebras
 has cavernas undique lapidosas
 Nam & heic Dii veterum supersunt
 Joves Ammones
 agnoscite, si vultis, resciscite
 caput ex lapide unō cornutum idq; Ammonium
 caput Ægyptiis, Græcis, Romanis, Libycis divinum
 &
 superstitionem, quæ suberat, crassissimam
 ingemiscite, indolescite.
 Sed
 prodite paullulū collectis animis
 obstupefcite, pertimescite
 ipsum DEUM in lapidibus præsentem
 DEUM ter optimum ter maximum
 mirabilem tanti artificii auctorem

ut

cornu ex lapide arietinum

inque illô

non basin tantum rugosam, sed mucronem etiam tortuosum
admirari scrutarique liceat.

Igitur vel ex hoc ipso

lapide corneo aut cornu lapideo

nisi vobis sit cornea fibra

ad laudes DEO ter optimo nuncupandas prædicandas
mecum facile permovebimini

Vos

quotquot adestis

Viator, Civis, Advena

Lector Spectatorq;

Vos

abite fausto admodum gradu

Ubicunque ibitis, & ibi DEUS est!

D. V. E.



THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
Cambridge, Mass.

RECEIVED
JAN 10 1897
LIBRARY
MUSEUM OF COMPARATIVE ZOOLOGY
HARVARD UNIVERSITY
CAMBRIDGE, MASS.

SINGULARIBUS
IN PATRIAM REMQUE LITERARIAM
MERITIS
CELEBERRIMO VIRO,
**HENRICO
VOLGNADIO,**

DOCTISSIMO FIDELISSIMOQUE
VRATISLAVIENSIVM MEDICO,
QUEM

NATURÆ CURIOSORVM
IN SACRO ROMANO IMPERIO
ACADEMIA
COLLEGAM ET ADJUNCTVM,
COGNOMINE SIRIVM,

HABUIT:

ANNO M. DC. LXXXII. DIE JANUARIJ III.

SUPREMVM FATVM

REBUS HUMANIS EXEMIT:

IUSTA SOLVIT

MARTINVS HANKIVS,
VRATISLAVIENSIVM SCHOLARVM INSPECTOR,
GYMNASII ELISABETANI RECTOR
ET PROFESSOR.

ANNO M DC LXXXIX.

LECTORI BENEVOLO

S. D.

ACADEMICI CURIOSI VRATISLAVIENSES.

MEmoriam VOLLGNADIANAM integrò demùm septenniò à B. Viri excessu planè elapsò luci publica exponi à nobis, certò scimus, miraturos esse multos, qui Eiusdem fame, nostra cum Eo culta familiaritati, legibus Academia Curiosa, & Historia litteraria convenientius fuisse judicant, ut citius huic editioni invigilavissemus. Quamvis autem culpam istam, non omni tamen ex parte nostram, non inficiemur, excusatione illam non indigere prolixè putamus apud Eos, qui humanarum vicissitudinum memores rebus sapissimè tentatis, & susceptus plures objici posse remoras non nesciunt. Illud verò praesertim vitio ne vertatur nobis, precamur, quòd, more hactenus consuetò, Ipsi manum operi non admoverimus, relictà hanc scribendi provincià Viro quidem Celeberrimo, extra Societatis tamen Leopoldina communionem degenti. Cum enim B. VOLLGNADIUS, qui aliorum, quàm propria fama erat studiosior, paucissima quadam Vita sua periodos cernentia in chartam conjecisset, nobis, unde defectus iste salvà veritate suppleri posset, nesciùs opellam isthanc mancā, mutilamq; exarare non placuit, & inviti quidem, satius tamen fore arbitrati sumus, si negotium calamo Amici à primis statim serperastris ad extremum usq; halitum conjunctissimi, adeoq; vita decenter peracta Testis optimè conscii expediendum committeremus. Parùm enim referre putamus, utrum nostro, vel aliùs obstetricante manu prodeat hic fœtus, modò lucem aspiciat genuinus: & hoc non obstante in nostrum omnium pectoribus constans vigeat eò magis Defuncti memoria, quò intimior cum Viro nobis intercessit

Amicitia. Vale!

Intra

* * * * *

INtra Decennium, quod Annus M. DC. LXXII. incepit, M. DC. LXXXII. absolvit, felix NATURÆ CURIOSORUM ACADEMIA, quæ raris Observationibus, Inventisque salutaribus ROMANUM GERMANORUM IMPERIUM nobilitat, universumque Literarium Regnum ad subtiliorem Philosophicarum, maximè Physicarum Medicarumque Rerum Intelligentiam excitat, subinde notabiles Vicissitudines infelix obiit. Nam hoc exigui Temporis Decursu, quot quantosque Viros, & Societatis tam ingeniosæ Statores, & Peritiæ tam exquisitæ Propagatores, in præproperæ Mortis Fugam natos, Prædam Mortis præposteram vidit? Ut aliarum Provinciarum Filios Silentio transmittam: quid de SILESIIS, quid de VRATISLAVIENSIBUS memorem? In horum Numero tres amisit, quorum Solertia multis, Industria plerisque, si non præripuit, tamen dubiam fecit Palmæ Gloriam, Medicos excellentissimos, *Philippum Jacobum Sachsum*, serenissimum PHOSPHORUM: *Joachimum Georgium Elsnerum*, fidelissimum TELAMONEM: &, quem Illustris ARGO GERMANICA novissimis Naufragii Periculis agitata perdidit, *Henricum Volgnadium*, efficacissimum SILIUM.

Omniū Eruditorum interest, ne quis, supra cæteros Literis Meritisque clarus, à posteris turpem Oblivionis Umbram Injuriamque patiatur. Nam si potioribus denegatur, ecquod mediocribus, ecquod postremis inter doctos supererit post Cineres Nomen? Certè, Juris naturalis est, tum quemque, pro suis in Publicum Studiis, aliquod à Publico reportare Bonum, tum in primis eos, qui per singulares in humanam, Communicatam Actiones vulgarem benefaciendi Modum longè transcenderunt, &, quod in præsentia, simul in futura contulerunt, prosequi Præmiis, non fugitivis, sed manentibus. His autem, qui, cum desierunt esse, non desierunt prodesse, quid, cum jacent, in Gratiā referendam præstare possu-

possumus, nisi Memoriae Continuationem, quâ semper velut erigantur & reviviscant? Accedit, quod plures, hodiernô Temporum Geniô ductos, ad Imitationem invitet in Exemplis magnis, non tam præviis Laboris Fervor, quàm Honor Virtutis postumus. Quô magis iniquum est, ut quisquam Sæculi, quod coluit & ornavit, primum Oculis, post Animis quoque paulatim ereptus, tandem sublati omnibus, quos Præstantiæ suæ commodos Indices habebat, bis moriatur.

Exoptatissimos Actorum Scriptorumque suorum Præcones invenerunt, *Sachsus* quidem *Johannem Danielem Majorem*, celebrem Kiloniensem in Holsatia Professore, Ingenii fecundi, promptissimi que Styli Polyhistorem: *Elsnerus* autem *Adamum Ezlerum*, illum Oris suavissimi doctissimi que Chrysostomum Breslicum. Hactenus, à quô Justa consequeretur, expectavit noster VOLGNADIUS: non, quod careret idoneis Æstimatoribus, sed, quod hanc Parentationis Personam diuturnior eorum Consensus, à quibus feliciore pronioreque Successu geri potuisset, ob singularem cum Defuncto Familiaritatem, à teneris ad extremum Vitæ Momentum continuatam, Humeris meis imponendam reservaverit. Proinde simul optimo, simul eruditissimo Viro, ne Manus omnis in Commendationem promeritam longius desit, accommodare Calamum ipsa me tandem jubet Necessitas. Sed Monumento, quod Beato statuere sustineo, si Lector copiosum, magnificum, & quale summas in Laudes omnia convertit, Eloquentium pollicetur, errat. Sanè, tam speciosum dicendi Genus, nec affectant nostri Mores, neque Manes inusitata Modestia communem Fastum redarguentis exigunt: & parum circumspecti Laudatores arripiunt, quos vel Argumenti Sterilitas commovet, ut Verborum Abundantiâ Tenuitatem Materialium extendant, vel Supercilii Temeritas provocat, ut Figurarum Luxuriâ Gloriam Oratorum venentur. De Rebus Amici, non ut Amicus, sed ut Historicus, agam: in quo præcipi-

cupitem Charitatis Libertatem ad Verecundiæ Cancellis revo-
cat integra Veritatis Honestas. Sapientioribus, per se laudabi-
lia, simplici Narratione factis laudantur.

Hanc, quam amissuri nanciscimur, Vitam pauciores ho-
norabiliter ingrediuntur, paucissimi decenter peragunt, ple-
rique difficulter relinquunt. Itaque consummatam Homi-
nis Felicitatem obtinuit *Henricus Volgnadius* noster, in quem
plena Divinæ Gratix Magnitudo cecidit. Nam in Terris
Ætatem propensioribus Fatis inchoatam, eximiis Laboribus
consumtam, Desideriis optimis finit: Exemplo memorabi-
li, cujus Bonitatem primam secunda, secundam tertia supe-
ravit: quam excepit, non tribus, sed omnibus Numeris perfe-
cta Beatitudo.

BRESLAM, Silesiæ Caput, sortitus est Patriam: cui de-
bent Ortum præcellentes Ingeniô Viri, tum alii, tum etiam
Medici: quam potissimum ex his celebrem fecerunt illustres
Scriptores, *Antonius Niger, Andreas Aurifaber, Carolus Osle-
vius, Johannes Crato, Petrus Monavius, Joachimus Baudisus,
Laurentius Scholtzius, Lucas Pollio, Elias Bonvinus, Johannes
Hennemannus Reysinchius, Daniel Bucretius, Caspar Cunradus,
Daniel Sennertus, Petrus Kirstenius, Michaël Dæringius, Phi-
lippus Jacobus Sachsus, Johannes Daniel Major, Paulus Amman-
nus*. Ibi natus est Stirpe non tantum honestâ, verum etiam
nobili: seu paternos, seu maternos Generis Conditores respi-
cias. Id VOLGNADIORUM, à quibus Noster & Spiritum,
& Splendorem accepit, Natales singulariter illustrat, quod
horum in Celsissimam Potentissimamque Domum Austria-
cam Merita RUDOLPHUS II. Imperator Indulgentissimus
venerabili Judicio decoraverit: Gloriosissimus Cæsar MAT-
THIAS, cum Annus à CHRISTO nato M. DC. XII. de-
curreret, conspectiore Dignitatis Augmento remuneranda
censuerit. Habuit Proavum JOHANNEM, Avum JO-
HANNEM, Patrem PHILIPPUM VOLGNADIUM: Ma-
trem CATHARINAM, Sebaldi LAURERI Filiam. Ad

Dec. II. Annus VII.

* Gg

horum

horum Decus maximè stabilendum facit ea Virtus, quæ Principum Civiumque bonorum Virtutes omnes complectitur, solida Pietas, quò rarior, eò major: ideò summa, quòd DEO, DEUMque colentibus pretiosissima judicetur. Hæc VOLGNADIIS, per Temporum, quibus vixerunt, incorruptum Candorem, tum alibi, tum in primis Vratislaviæ, quàm spectatissimis Familiis suis auctiorem honoratioremque reddiderunt, tam insignem, tam durabilem excitavit Famam, ut, non ex privatis tantùm Indigiis, etiam è Documentis publicis agnita, sinceris Cultores in Admirationem convertere nondum desinat. Tam egregii Sanguinis, tam ingenui Moris, per quem solum vetus Integritatis Germanicæ Laus & retinetur, & extenditur, novum Propagatorem nostrum in primam Lucis Usuram edebat, post recuperatam humani Generis Salutem, Annus M. DC. XXXIV, postridie Nonas Maji.

Sed quid Originis Felicitas ad Educationis Salubritatem, ex quâ totius Ævi dependet Prosperitas, Ecquis enim Saculi peritus ignorat, multos, ex amplissimis æstimatissimisque Profapiis genitos, à Vestigiis Majorum Consanguineorumque suorum præviis longè digressos, Gentilitiis Ornamentis adeò nihil addere Fulgoris, ut potius tantò plus Nitore auferant, quantò magis, cum in Adolescentiæ nobilissimam Formam componendi sunt, aut noxiis, aut vanis Oblectamentis Animos devoent. Qui, dum optimo Regimini, quod incautam Juventutem per Rationes prudentissimas in faciendis fugiendisque salutariter disponere laborat, audacissimum in Modum repugnant: neminem mirari subeat, si luxuriantibus Affectibus, Magistris pessimis, obsecuti, Cogitationes neque priores in Temeritatem revocari, neque posteriores in Emendationem erigi patiantur. Quamobrem VOLGNADIUS noster habuit, quod simul iustis aliorum Imperiis, simul promptis Obsequiis suis acceptum referret. Actionum suarum Moderatores, & pios, & doctos, & cordatos, magnò Salutis

Salutis Incrementô, fuit adeptus. Domi Patrem, & Patrum Augustum VOLGNADIUM, Exempla Virtutum pulcherri-
ma, continenter intruebatur. His enim quos antiquæ Con-
suetudinis Existimationisque retinentissimos avitus Genius
efficiebat, tum Experientiam Maturitas Senectutis perficie-
bat. Publicè Doctores in Elisabetano Patriæ Gymnasio fide-
liter audiebat: quorum Præceptis Monitisque non ferreus,
sed cereus ad ea, quæ Fundamentis Literarum Morumque fir-
miter decenterque formandis serviunt, se non trahit, sed duci
permittebat. Quô Pactô fiebat, ut per Linguas & Artes In-
genio Sapientiæ studioso necessarias feliciter progressus ad
maiores Disciplinas Scientiasque complectendas, cum in su-
preum Auditorium ascendisset, consequeretur Duces, ad
eruditam beatamque Vitam exercitatissimos, *Johannem Geb-
hardum*, *Johannem Fechnerum*, *Christophorum Colerum*, &
Eliam Majorem, in Rem literariam civilemque magnis mul-
tisque Meritis clarissimos Viros. His præter accuratam Ro-
mani Græciæque Sermonis Notitiam, plurimis, iisque selectis-
simis Antiquitatibus refertam, illas Humanitatis Delicias,
Oratoriam Dictionis Vim, Elegantiamque Compositionis
Poëticam debebat: debebat etiam potiores Philosophiæ Par-
tes, in quibus Rerum naturalium Cognitionem, Scopis Stu-
diorum Academico præ cæteris applicabilem, Conatu majore
diligebat. Neque posthabebat sacra Theologiæ Christianæ
Capita: quæ sibi, quantum plebejo sufficit, familiaria reddi-
disse, non satis habebat: ideoque suis è Principiis non tantum
ad pleniorum approbantium Intelligentiam demonstrata, sed
etiam ab ingeniosis dissentientium Erroribus vindicata, soli-
citus avidusque nunquam non capiebat. Tantum aberat, ut
immaturo importunumque Juventutis temerariæ Judicium
secutus, collectis Doctrinarum quibusdam Fragmentis con-
tentus, aut etiam elatus, non satis componeret expoliretque
semel arrepta, vel multò perversior, Sapientiam cœlestem fa-
stidiret: quam supra Vulgus discere, non Medicorum, non

Jctorum, non Politicorum, non aliorum, nisi Theologorum futurorum esse, protervior an imprudentior dicam, Adolescentia somniat. Caterum, ita se Professoribus omnibus probabat, ut Commilitonibus ob Industriam constantem anteponebant plurimis, ob peculiarem Modestiam optimis annumerarent. Accedebant in Suscitamentum per se fortiter ad præfixam Metam procurrentis Sodales meliores, quos Spatiis Profectuum conspectioribus se partim antegredi, partim subsequi deprehendebat: illos, si non vincere, tamen æquare contendens: hos, nisi parvis Æmulationis cupidos, longius à Tergo-relicturus. Etenim haud paucos, ex iisdem Diligentia Sociis, in eodem Lyceo florentibus, cum quibus tum Cogitationes Curasque literarias miscebat, post etiam in subtilioribus Physicarum Medicarumque Rerum & Meditationibus, & Experimentis, aut Præcursores, aut Imitatores habuit. Inter quos Galenis suis adscripsit intra Silesiam Vratislavia, *Fridericum Ortlobium, Sebaldum Scholtzium, Johannem Cornelium Weberum, Johannem Janisium*: Lignicium *Israëlem Volckmannum*: Olsna *Christianum Agricolam*: Strela *Johannem Libetantzium*: in Holsatia Kilonium *Johannem Danielem Majorem, Hamburgum Michaëlem Daringium*. Ex his maximè *Johannem Danielem Majorem*, ex cæteris *Theodorum Jacobi, Johannemq; Daringium*, quos egregiis Provinciis suscipiendis Jurisprudentia fecit habiles, Indoli suæ consimillimos, in singulare Consortium, id est, Eruditionis & Virtutis quotidianum Exercitium assumebat. De quorum Amicitia sincerâ perpetuâque, non pauciores Utilitates, quàm Jucunditates complexâ, me parcius loqui decet, ne, quicquid ad selectissimorum Familiarium Conjunctionem, cujus Pars fui, pertinet, si laudavero, simul in meum Decus addidisse videar. Hâc Lege fiebat, ut à teneris ad recta flecti facillimus, Ætatem primam & compositis Moribus, & Literis præclaris exornaret.

Satis Laboribus Academicis pręparatus , Lipsiense tam Emporium, quàm Athenęum celebre, nobilissimas sibi Merces Conatibus indefessis emturus, Anno M. DC. LV, sextò Calendas Majas, intrabat. Ibi Tempora sic disponebat , ut primùm ea , quibus in Gymnasiò patriò Mentem applicuerat, destinatis Horis repeteret, Accessionibusque crebris amplissima redderet ; itaque fideliter & augeret , & acueret Instrumenta Peritię, cui se potissimùm erat consecraturus: deinde, quicquid ad capiendam Artis Medicę Notitiam consummationem inter Initia requiritur , intentiore Curâ peruestigaret. Hunc in Finem sapiùs audiebat excellentes Humanitatis , Sapientię Prudentięque Professores , *Andream Rivinum* , *Johannem Ittigium* , *Gothofredum Sluterum* , *Fridericum Rappoltum* , *Christianum Fridericum Franckensteinium* , *Jacobum Thomasiũ* , *Johannem Kuhnium* , *Johannem Sigismundum Schvvenckium* : quorum Cathedris, pręter Elegantiam Sermonis , non tantùm Copiam Ingenii pleniorẽ , sed etiam Acumen Judicii subtilius in acceptis referebat. Tum ceteris , tum maximè Corporum naturalium Contemplationibus, quantum satis, immoratus: ad ipsam demùm accedebat Medicinam : cujus Partes Ordine, quò decet, tractabat, circumspēctos exercitatosque Monitores secutus. Totius Hominis Structuram, in Membris etiam tenuissimis, perspectam excipiebant ea, quibus retineri solet Incolumitas, seu per Alimenta Vires instauremus consumtas , seu per Motum Torpori Putredinem subtrahamus imminentem, seu per Quietem Defatigationi Pausam indulgeamus necessariam. Ab his ad innumerabiles Morborum Formas digrediebatur , qui naturalem Valetudinis Statum, & in Partibus , & in Universitate minoris hujus Mundi , cujus Gratiã Mundus ille magnus est excitatus, imminuere vel destruere consueverunt. Hinc in ampliora Spatia procedebat , ubi reperitur , quicquid providentissimus benignissimusque Conditor Mortalibus in Vitę prorogandę Subsidium produxit. Ibi verò, quemadmo-

dum Natura dives in tribus, iisque maximis Fossilium, Vegetabilium, Animaliumque Regnis Thesauros incredibiles nobis exhibet, quos nemo perscrutatus, nemo perscrutaturus est omnes: sic Speculator noster insatiabili Cupiditate, quam Subtilitas admirabilis comitabatur, hactenus adauctos Animi Nervos non tam in obvia, quam in occulta Rerum creatarum Miracula penitus intuenda convertebat. In his occupandæ Cognitionis salutaris supra discientium Vulgus Incrementis, ad Exemplum & in Auxilium sibi commendatissimos habebat insignes stabiliendæ revocandæque Sanitatis Doctores, quorum Artibus eò Tempore Lipsia præcellentes Tirones Medicos elaborabat, *Johannem Michaëls, Gothofredum Welschium, Johannem Hoppium, Christianum Langium, Polycarpum Heilandum, Arnoldum Mengerium*. Per hos & alios jam sibi comparatis parùm contentus, quod plures impetraverat, eò plures appetebat Seientiarum Opes, semper avarior.

Notaverat, ex præstantissimis præstantissima non posse, nisi per Artificium, cui potissimum & Ignis & Liquor servit, extrahi, componi, permutarique feliciter, ut Ægrimoniis Abitum tempestivum accelerent, atque laborantibus opportunò Levamentò succurrant. Id etiam intelligebat, non Cathedrarium Auditoribus, sed Practicum Spectatoribus Hippocratem daturus, acquisitam Medicinalis Eruditionis Copiam, nisi, per multiplicem Usus, distinctiores Notitias, tuiusque Curas produceret, majores afferre Possessoribus Delectationes, quam Amatoribus Utilitates. Quamobrem, utrumque prosecuturus Institutum, transactò Lipsiæ Quinquenniò, sub Anni M. DC. LIX. Terminum, inveniebat exoptatum alibi Magistrum, qui Perfectionem ampliorem affectantis, simul in Chemicis, simul in Therapeuticis, Manum Operamque dirigeret. Is erat *Christophorus Ausfeldius*, Altenburgensium experientissimus felicissimusque Poliater: in cuius Domicilium VOLGNADIUS receptus, quicquid à Patre

Filius

Filius in arcanis sperare potest, id ab Hospite suo, quem Eruditione, Pietate, Suavitateque totum possidebat, obtinuit. Ab eò, mox eliciendis per Calorem Humoremque Succis, Salibus, aliisque coctorum exustorumque pretiosis Reliquiis adhibebatur: mox agrotis, servatò Graduum Ordine, primum nulli, deinde modicò, tandem ultimò Vitæ Periculò, (quantum ex Causis Circumstantiisque patebat) obnoxii ad Sublevamentum destinatus, in Consilii, Solitudinis, & Laboris Partem assumebatur. Hunc proficiendi constantissimum Ardorem, quem extinguere non poterat, non nihil inhibebat supremum PHILIPPI VOLGNADII Genitoris Fatum, quem humanis Rebus valedicere placidum piumque Senem Annus CHRISTI M. DC. LX, Ætatis LXXVIII, quartus Calendas Quintilis, jusserat. Tum enim ad Suos Vratislaviam revocatus, cum à Negotiis Hæreditatem spectantibus, quò poterat, brevissimò Spatiò se liberavisset, à Silesiis ad Bohemos, ubi Res maximè Pragenfes Oculis subiciebat, transgressus, ad Misnenses Altenburgum redibat, cœpta continuaturus. Ibi, quantâ Solertiâ, quantò Successu, VOLGNADIUS in privatò Studiis suis consuluisse, nemo rectius ad extremum in publicò, quàm *Ausfeldius* ipse patefaciebat: qui, cum graves mortiferasque Valetudinis Vices experiretur, &, superante Fortitudinem Animi strenuam Languore Corporis nimio, defatigatus, jam sibi deesse Medicus inciperet, VOLGNADIO Salutem suam committere nihil dubitabat. Et fiebat, ut nec *Ausfeldium* Fiduciæ, nec VOLGNADIUM Operæ poeniteret. Nam VOLGNADIUS quidem *Ausfeldio*, quem ab Ægrimoniâ Præsidiis efficacissimis vindicans, memorabili Præmiò remuneraverat, illustre Specimen in Medicum cadentium, & Profectuum maximorum, & Morum optimorum edebat: *Ausfeldius* autem VOLGNADIO, quem ex hoc Documento, velut ex Ungue Leonem, agnoverat, Altenburgicæ tum Aulæ, tum Civitati, potentior in Modum commendabat, eam conciliabat Existima-

tio-

tionem, quam meretur bonus, & tantò melior futurus, quantò pluribus Opem afferre didicit, depellendarum Ægri-
tudinum Artifex.

Jam ea Noster affecutus erat, quæ divisa doctum, conjuncta nobilem ostendere Sanitatis Restitutorem Conservatoremque poterant: sed major aliis, quàm sibi, nondum satisfecerat Desideriis suis: quibus duo restabant, cum Altenburgum relinqueret, Testimonium publicum, & longinquum Iter. Priùs intendebat, non, ut eò spectabilem Eruditioni suæ Dignitatem attraheret, sed, ut Consuetudinis Legem secutus, citra Plebis Dubitationem aut Timorem, Medelis suis justam & Integritatem, & Libertatem assereret. Urbem Witebergensem Anno M. DC. LXII, septimò Calendas Majas, (quò Die Lipsiensem ante Brumas octo primùm viderat) ingressus, ab Academicis Collegii Medici Professoribus, id, quod ex meritò concupiscebat, ex facili consequabatur. His enim sanandi peritissimis Doctõribus, quicquid attulerat, partim invitatus Occasione, partim Necessitate compulsus, tam luculenter exposuerat, ut eum, ordinariis Candidatorum Documentis feliciter editis cum Applausu defunctum, Decano *Michaële, Danielis Filio, Sennerto, Conradus Victor Schneiderus*, eodem Anno, XXIV. Calendas Decembris, cum Medicinæ Doctorem Solennitate consuetâ renunciaret, licet absentem, admodum honorificis prosequeretur Elogiis.

Witebergâ sub Æstatis Exitum, eodem Anno, digressus, ubi veterem cum *Johanne Daniele Majore* Familiaritatem exoptabili Consortiò redintegraverat, in Altenburgensem Urbem, ad *Ausfeldium* suum revertebatur: posterius etiam, quod respiciebat, exsecuturus. Sic enim apud Animum suum statuebat: nihil intentatum, nihil inausum relinquendum, unde partis Experientiæ Copiis aliquid addi queat: cum Exteris amicam frequentemque Consuetudinem multum ad Mentes in verò confirmandas, & à falsò retrahendas

das facere, si, quò liberius, eò prudentius omnia peragantur: præ cæteris, in re Medica nullum inveniri doctum revera, nedum singulariter doctum, seu Collegium, seu Vium, à quò diuturnis Experimentis ad Excellentiam provectò, (nisi domesticæ Gloriæ prorsus Invidia postponat omnem Prosperitatem communem) peculiare quiddam non reportari possit, si pandere secreta commodò stimulò jubeatur: adeunda proinde Loca, quæ Principatum in selectiores delicatioresque Corporum naturalium Investigationes sibi vindicant: earumque Roseios peregrinis Auribus Oculisque non inaniter ostentare gaudent. Quare nactus in Viæ Societatem, *Johannem Libetantzum*, olim Condiscipulum, Artis convalescendi Cultorem, Honoribus, quos VOLGNADIUS jam obtinuerat, acquirendis intentum, Altenburgensibus Anno M. DC. LXXII, nono Calendas Octobris, valedicebat.

Chemnicium, Misnensium Urbem, transierat, cum Annæbergam intraret. Ibi copiosâ metallicæ Naturæ Scientiâ ductus, non tantum extra Fodinas, quicquid notabile patebat, curiosis Perlustrationibus excipiebat, sed etiam Operas Machinasque Fossorum cæterorumque Ministrorum in ipsis Fodinis aspecturus, in Cuniculum omnium maximum, cujus Profunditas in ulnas MCC. descendebat, non citra Periculum, (in quò Metum & Cupiditas & Spes vincebat) Audaciâ si non laudabili, tamen excusabili, submittebatur. Per Vallem Joachimicam Thermasque Carolinas concedebat Egram. Ex Bohemia per superiorem Palatinatum in Franconiâ pergebat. Hinc perlustratis Norinbergensium Antiquitatibus, Augustam Vindelicorum in Suevia, Monachium in Bavaria, cum Oeniponte Tridentum in Tirolinensium, Terris contemplabatur. Tandem, quò dixerat Iter, in decantatissimam Venetorum Academiam Patavinam, veram Medicorum quasi Patriam, octavo Calendas Novembris, accede-

cedebat. Inveniebat ibi Doctores eminentissimos, quorum Placita, cum in publicis Auditoriis, cum etiam in Colloquiis privatis, acutò Judiciò perpendebat: ideoque Cogitationes crebrò miscebat cum *Hieronymo Vergerio*, *Petro Marchettio*, *Joanne Bonardo*; maximè cum *Antonio Molinetto*, (cujus & Dexteritatem promptam, & raram Solertiam singulariter admirabatur) intelligentissimis Rerum Medicinalium Censoribus: quibus per Horas succisivas, in Conversationis Oblatamentum, addebat Oratorem Historicumque summum, *Octavium Ferrarium*, Romanas potissimùm Literas Observationibus Explicationibusque luculentis eleganter illustrantem. Monumenta præcipua, quibus Ingenium arrexerat, apud Patavinos assecutus, Anno M. DC. LXIII. mediò, plures Italorum Urbes Aspectui Considerationique subiciebat. Venetiis, Vicentiæ, Veronæ, Mantuæ, Mediolani, quò plus notabilium inveniebat, eò diuturniorem agebat Hospitem.

In Germaniam reversus, Lindaviam Constantiamque Suevorum, Helvetiorum Schaffhusium & Basileam, ubi *Johannem Bauhinum* & *Johannem Henricum Glaeserum* compellavit, perlustrabat. Hinc ad Rhenum nobilissimas Urbes, Brisacum, Argentoratum, Spiram, Manheimium, Wormatiam, Moguntium, Coloniàm intrabat. Cùm Juliacenses, Limburgenses, Leodienses, Namurcenses & Hannonicas Terras peragrasset: in Flandria Duacum, Tornacum, Insulas, Ipras, Dixmudam, Neoportum, Dunkerkam, Ostendam, Brugam: in Brabantia Gandavum, Bruxellas, Lovanium, (ubi *Vopisco Fortunato Plempio*, celeberrimo Medico, se commendabat) Machliniam, Antverpiam: in Zelandia Flissingam & Middelburgum adibat. Vix attigerat Batavorum Oras, cùm Occasionis Opportunitatem, quam Gravesandum offerebat, arripiendam ratus, in Angliam Ventis secundis trajiceret. Ibi totius Regni Caput, pulcherrimumque Compendium, Londinum, in Commodà sua convergebat, non tantum

tum antiquissimorum rarissimorumq; Monumentorum Spectator, sed etiam Rerum naturalium artificialiumque Scrutator, in primis curiosissimorum subtilissimorumque Medicorum Salutator: quorum Comitatu retulit acceptum, quicquid in Solennitate sacrâ conspexerat, cum Potentissimus Britannorum Rex, CAROLUS II, multorum sanandorum Genas Dextera tangeret, CXX. sanatorum Collis niveum Filum sericum, ex quo Nummus aureus pendebat, applicaret: posteaque Convivio, cui JACOBUS II, post CAROLI II. Fratris, in Paternis Regnis Successor, nunc exul, aderat, defungeretur.

Perquisitis in eadem magnâ Peninsulâ nobilioribus Civitatibus aliis, in Belgium redux, Lugdunum Batavorum ingrediebatur, Quietem Corpori justam, novam Delectationem Animo daturus. Hoc enim Loco, quem Academia doctissima nobilem facit, incidebat in Medicos excellentissimos, *Johannem Antonidem Lindanum & Franciscum Boeum Sylvium*: quibus in Nosocomio publico, cum partim sanandi Rationem in variis ægrotantium Generibus, partim moriendi Necessitatem in apertis extinctorum Corporibus demonstrarent, assiduus Comes aderat. E Cathedra *Joannem Hornium, Adolphum Vorstium* in Horto peculiare Observationes proponentem audiebat. Nec, humaniorum immemor, quorum à teneris Amator fuerat, negligebat prorsus Historias & Antiquitates, quas *Antonius Thysius, Georgius Hornius*, in primis *Joannes Fredericus Gronovius* exponebant. Non igitur inde vacuus commigrabat Harlemum, Hagam Comitum, Delphos, Roterodamum, Dordracum. Apud Amstelodamenses *Gerardum Blasium* conveniebat: apud Ultrajectenses, tum *Isbrande Diemerbræki*, tum etiam *Henrico Regio* se monstrabat. Hinc Daventriam Geldrorum, Grœningam Frisiorum perveniebat.

Utrumque, cùm Regium, tum foederatum Belgium, cuius præcipuas, & mutas & loquentes Bibliothecas inspexerat, egressus, Hamburgi cum *Petro Kirstenio*, Medico Professoreque clarissimo, si spectes Originem, Moravo; si cures Educationem, Silesio, dudum initam renovabat redintegrabatque Colloquiis diuturnis Amicitiam, ex eò tam constanter, tam fideliter cultum, ut nihil, nisi Mors, valeret dissolvere. Visus ad Mare Balthicum vicinis Urbibus, Lubecâ Berolinum in Marchiam, & Altenburgum in Misniam tendebat. In eâ VOLGNADIO statim patebat subsistendi Locus, ubi se notio-riorem hæctenus, quàm domi fecerat. Sed, ut erat in Modestiam propensissimus, invecundum arbitrabatur, inconsultâ Patriâ, cui potiora deberet, parta consecrare Solo peregrino. Quare Vratislaviam repetebat sub Anni M. DC. LXIV. præcipientem Autumnum. Ibi verò tam Suis exoptatus, tam charus aliis erat, ut apud eos Sedem figendi Propositum denique firmissimum caperet: à quò se per Misnensis nec Urbis, nec Aulæ, quamvis sponte suâ Provincias insignes offerentium blandam Sollicitudinem dimoveri patiebatur.

Tum ad Metam Oculò Sapientiæ directo, quicquid hæctenus & Doctrinarum & Experimentorum collegerat, vel nullum, vel exiguum, nisi commune fieret, Bonum esse ratus: expetitur seu confirmandæ, seu reparandæ Valeitudinis Consilium nemini denegabat: ægrotantiumque, sicut Corporibus Peritiâ Providentiâque justissimâ, sic Mentibus Comitæ Facilitateque suavissimâ consulebat. Hoc Pacto fiebat, ut subinde plures morbidorum clinicorumque prostratas Spes, quas erigere, quas implere posset, in se converteret, Annorumque paucorum Spatiis eò Famæ progrediretur, ut Artificibus medendi potioribus adscriberetur.

At uni Civitati servire, parùm habebat. Ideò maiorem crescentis Eruditionis Utilitatem in universam, non Silesiam, sed Germaniam, quin Europam, extendere conabatur. His
Cogi-

Cogitationibus, non Animum subito transvolantibus, sed eīdem firmiter impressis, ad altiora semper ascendentibus, semper ad ampliora procurrentibus, Viam monstrabat Dux egregius, consimili Scopō delectatus, *Jacobus Philippus Sachsus*, Vratislaviensium Poliater, in præcellentissimis doctus, circumspēctus, ingenuus: ipse jam inter hos receptus, à quibus nequam vulgaria Sæculum expectabat.

Nam, post instauratam in Imperio Romano Pacem, quam tricenis Annis Bellum interruperat, intra Germaniam, in Francorum Terris, apud Suinfurtanos, Anno M. DC. LII, sub Expeditionis Argonauticæ Titulo, privatis Auspiciis excitata, Suffragiis publicis intenta Societas, Ingeniis Naturæ curiosis opportuna, cū sub Initium (quod maximis etiam Rebus parvum esse consuevit) Assēclas teneret paucissimos, in Augmentum suum Viros invitabat, qui supra cæteros eminebant. Collegis proinde suis, Anno M. DC. LVIII, *Sachsium*, magnā selectioris Scientiæ, tum Varietate, tum Elegantiā spectatissimum, addebat: cui Locum inter Adjunctos Præsidi proximos honorabilem assignabat, splendidumque PHOSPHORI Cognomentum inter Naturæ Curiosos imponebat. Is, cū Annus M. DC. LV. Inventorem Antistitemque Societatis hujus primum, *Johannem Laurentium Bauschium*, Suinfurtensem, Patriæ Physicum, ARGONAUTARUM JASONEM, exstinxisset: iisque supra Modum fatalis Annus M. DC. LXI, *Gregorium Horstium*, Ulmensē, Patriæ Physicum: *Conradum Theodorum Lunckerum*, Marpurgensem, Patriæ Physicum: *Andream Wolfium*, Jenensem, Smalcaldiæ Physicum: & *Jonam Deutschlanderum*, Fraustadiensē, non Patriæ tantū, etiam Polonorum Regis Medicum, ex Merito celeberrimos Viros, eripuisset: ne pateretur ARGO Naufragium, Remis Velisque contendebat. Nam eodem Anno, macutinam Fulgoris sui Gratiam, ut PHOSPHORUS, in Orbe literario patefacturus, inter tot nobiles Labores, quorum

nihil emiserat, primos, non Vini, sed Ingenii Copiâ Spirituque plenus, de Vini Lucubrationes, cordatis Æstimatoribus ad auxiliatrices ARGONAUTIS Dexteras porrigendas, Invitamenta Vini dulciora propinabat. Et, ne quisquam à Pelagi, quem Societas intraverat, Fluctibus abhorreret, Oceanum magnum à parvo, quem Homo quisque mobilem in Venis suis experitur, nisi Mole, nihil aut parum distare, luculenter Anno M. DC. LXIV. docebat. Et, ne quenquam de Præsidiis Vitæ necessariis Sollicitudo retraheret, Anno M. DC. LXV, cuivis, ut prius Sitim per Vinum levaverat, sic postea per Cancros Famem solabatur. Ita cum amœniùs effecisset ARGONAUTARUM GERMANICORUM per se jucundum Consortium, exquisitis & Operibus ingens, & Elogiis felix *Sachsus*, Familiarem suum, cum quò Secreta sapè miscuerat, VOLGNADIUM nostrum, & Studiis & Moribus suis respondentem, & Publico destinatis habilem, in Naturæ Curiosorum Collegium censebat recipiendum. Id VOLGNADIUS Anno M. DC. LXIX, Præside *Joanne Michaële Febrio*, Kittingano, Suinfurtenfium Physico, desiderabilis Absynthii, quod Lectoribus nihil Fellis, Mellis plurimum exhibet, Autore, cui de Notâ meliore commendatus erat, ingressus, primum COLLEGÆ, mox ADJUNCTI Personam, Cognomentumque SIRII consequebatur. Post illa PHOSPHORUS SIRIUSque sic conspirabant, ut in commune Bonum Radiis Ope mutuâ collineantibus producerent maximè salutarem effectum.

Haftenus solitariis Collegarum Opusculis in Lucem editis laboriosa Curiosorum Societas inclaruerat. Tum ea Consilium de componendis in posterum, ad prævia vicinorum Populorum, Anglorum, Gallorum, Italarum Exempla, Germanicis Ephemeridibus approbabat: in quibus Naturarum innumerabiles Dotes, admirabilia Monstra, secretas Vires, Morborum inusitatas Formas, Medelas raras: Inventorum

vete-

veteres recentesque Species, seu recipiendas, seu rejiciendas; & quicquid ad rerum creatarum, distinctius interiusque cognitarum, Historiam quocunque Modo pertinet, cuivis exponere liceret. Hoc multiplicis Varietatis, Delectationis, Utilitatis arduum Opus, quod singulis Annis, tanquam in Naturæ quodam Novo Theatro Materias exquisitissimas, antea vel nunquam, vel perperam, vel obiter in medium prolatas, Curiosis repræsentaret inspiciendas, examinandas, dijudicandas, & Caleulis seu nigris, seu candidis, quibus Ratio Pondus, non pretium Numerus conciliet, notandas, Vratislaviensibus Silesiorum Duumviris, *Sachsio* VOLGNADIOq; colligendum, dirigendum, edendumq; committebatur.

Quid Naturæ Curiosorum Academia per hos Procuratores, quorum Humanitas singularis, Autoritas spectabilis, incredibilis Industria fuit, apud Italos, Hispanos, Anglos, Hungaros, Polonos, Suecos, Danos, Bohemos, non Germanos tantum, potuerit, illi cunctorum Oculis atque Judiciis expositi Codices, qui Germanorum Epemerides audiunt, satis loquuntur. Certè, non exigui Negotii, neque vulgaris Prudentiæ fuit, ei Structuræ, cujus Moles jam in Annum XVII, excurrit, solida ponere Fundamenta: quibus deinde Successores, quicquid cuperent, commodum in Modum adjicere valerent. Quia ita Votis respondit Eventus, ut hic illa superaret. Etenim Sacrum Imperii Romani Caput, LEOPOLDUM, feliciorum AUGUSTO, TRAJANO meliorem, utriusque pronis in Literas & Literatos Affectibus Documentis non tam Imitatorem, quam Victorem, Silesiis Indulgentissimum, quem sibi Maximum Optimumque Patronum, in Naturæ Curiosorum Tutelam & Gloriam, expetebat Ephemeridum Germanicarum Annus primus, CHRISTI M. DC. LXX, adeo sentiebat propitium, ut inde novus ARGONAUTIS universis exoreretur SOL, qui progressuris perpetuam Serenitatem, secundos Ventos, innoxium Mare spondebat.

debat. Alter harum Ephemeridum Annus , CHRISTI M. DC. LXXI, subsecuturis Annis parem Fortunam pollicitus , Operam disparem augurabatur. Tum enim & catenatis Curis , & Morbis contumacissimis jam fractus *Sachsus*, tertio Mense post , cum Annus CHRISTI M. DC. LXXII. Septimum Diem ageret , Rebus Mortalium valedicens , omnem Continuationis Laborem soli VOLGNADIO relinquebat.

Hic, quoniam tot & tantis expediendis, quæ majus Incrementum editis addere debebant, unus impar erat, in Auxilii Partem acceperat Collegas, sub Initium *Johannem Janisum*, Vratislaviensem Poliatrum, hodiè Phisicum, inter Naturæ Curiosos ARCTURUM, Familiaritatis veteris, Affinitatis recentis Jure sibi conjunctissimum: ejusque postea non amplius his Laboribus, quos alii sufflaminabant, vacantis lectissimos Successores, Breslenses Medicos, *Gothofredum Schultzium*, Naturæ Curioforum ÆGINETAM Primum, & *Johannem Bur-gum*, Eorundem MESUEN.

Sed nihilo secius, (ut erat in ea, quæ toto Pectore concupiscebat, propemodum immobilis,) quò subtilioris Roboris, eò plenioris Alacritatis, Constantiæque longioris, non modò primarias, sed etiam plurimas Res exsequebatur: itaque Sollicitudines potiores, Molestias crebriores sustinebat, invictus Hercules. Is ad publicum Bonum Accessiones provehendi Conatus privatus, quantam in perpendendis Circumspectionem, in disponendis Patientiam, in procurandis Promittitudinem requisiverit, in omnibus Moram Temporis consumserit: facilius assequi Cogitationes ingeniosæ, quàm disertæ Voces eloqui possunt. Sanè difficillimum, idque satis etiam exercitato magnum Negotium erat, Literario Regno semel à Germanis destinata Monumenta fideliter colligere, sapienter æstimare, feliciter publicare: cum Viris per Europam celeberrimis, quanquam maximè supra cæteros Medicinam

aman-

amantibus, aut etiam docentibus facientibusque, continuum scribendi rescribendiq; commercium habere.

Ne quicquam in hoc ultra fidem, supra verum, dixisse videar: quos singularem Propensionem VOLGNADIO nostro, Placita Collegii sui curiosa diligenter curaturo, declaravisse constat, non recensebo prolixè, cum Eorum Nomina, functionesque tot, quot ipse edidit, Ephemeridum Tomi, qui ab omnium manibus teruntur, ab oblivionis labe vindicaverint.

Intra Provinciam Patriam, quibus noster VOLGNADIUS in Pretiò fuerit habitus, cui non in Silesia constat, cuius ille Famam longè latèque diffudit? Præterquam enim, quod omnes, maximè communem aut Originis, aut Muneris Sedem nactos, indefelsâ Comitatus fuit amplexus. Ex iis, ut solos enumerem Medicos, fuerunt inter BREGENSES, *Gothofredus Schubartus*: *Gothofredus Christianus Wincklerus*, tandem Octoviri Brandenburgici Consiliarius & Medicus. Inter SUIDNICENSES: *Sigismundus Grassius*: Inter GRUNBERGENSES, *Samuel Ledelius*: inter ipsos VRATISLAVIENSES, præter alios, ante laudatos, *Gothofredus Thilesius*, *Fridericus Ortlobius*, Physici, *Franciscus Adamus Kessius*, *Sebalus Scultetus*, *Johannes Cornelius Weberus*, *Caspar Feldnerus*, *Johannes Emericus*, *Joachimus Georgius Elsnerus*, *Gothofredus Schulzcius*, *Johannes Burgus*, *Maximilianus Preussius*, *Johannes Christianus Trallesius*.

Cæteris enumerandis non sum: quos Memoria, per longiores Moras pluresque Curas impedita, nobis denegavit: & vereor, ne quosdam ipsa Multitudo mihi subduxerit, quorum Nomina quidem non exstinxerit Oblivio, sed non suggererit Promitudo. Non igitur præteritos afficiet Omissio: neque concitabit recensitos Simplicitas, quæ justum Narratoris Officium impletura nulla Præconium adjecit debitum. Ple-risque Scripta Nomen, ipsis etiam in Ephemeridibus Ger-

manicis, vel admirabile, vel æstimabile reddiderunt: reliquis aliunde Laus publicè constat. Et Lumen addere clarissimis, an non est eorum diffidere Claritudini? Per hos autem simul Naturæ, simul Curæ subtiliter intentos Amatores VOLGNADIUS multis prætereà, non Germanis solùm, etiam Gallis, Britannis, Suecis, Danis aliisq; novas Rerum Inventiones Observationesq; singulariter appetentibus, & sui fecit, & in eorum pervenit Notitiam.

Cæterùm, quem semet omnibus demonstraverit, apprehendere, non exprimere sustineo. Nam tot satisfacere doctissimis, iisq; dissimillimis Capitibus, cùm non sit, nisi præcellentis Ingenii, quod unum se plurimis Ingeniis accommodare potest, & pro Temporum Habitu, cuique suam & Honoris & Amoris Notam formare didicit: ecquis vel ex eò non agnoscat VOLGNADIANAM & Solertiam & Prudentiam? Inde fiebat, ut apud omnes ingentem & iniret Gratiam, & acquireret Existimationem: cum iis verò, quorum Genios suo pares animadverterat, & honestam, & utilem, & dulcem Amicitiam contraheret: quod ab eo partim editi Codices, partim reservatæ Literæ produnt, in quibus miræ tum acceptas, tum etiam redditas Humanitatis Tesseræ invenire datur. Horum nihil ad Gloriam referebat: quam adeò non affectabat, ut potius, quantum poterat, vel declinaret, vel opprimeret: rectè factis, tanquam optimis Bonis, intra solam Conscientiam lætus: nullum Famæ, nullum Invidiæ Pabulum daturus.

Id VOLGNADII nostri cum tam numerosis, tam delectis Ingeniis, per epistolare commercium, inita Societas obtinere satis habebat, ut ex totius Collegii, non tam Laudibus, quàm Fructibus, Salubritatem Dulcedinemque suam ad Eruditos omnes transmittentibus, quilibet Assecla purum innoxiumque Gaudium consequeretur. Eò direxit à se publicatas plusquam mille Physicarum, Mathematicarum, Medicarumque

que Meditationum Delicias : quales , non ut *Gellii* Scripta, NOCTES, nec ut *Hesiodi* Carmina , DIES: sed , quia MEN- SIBUS etiam præferendæ sunt, ANNOS vocare par est. Accedit VOLGNADII nostri pro Collegio , cui Nomen suum adscripserat , in amplius Decus evehendo , sincera Fides, Co- natus perpetuus , præsertim ille , quò Fautores in Aula Cæsæ- rea potentes , variis Benevolentia Nutriments allectos , non tam sibi , quàm universæ Societati suæ propensissimos aut re- tinuit , aut reddidit : per quos AUGUSTO nostro , cùm de- votissimum in Modum consecratas EPHEMERIDES quot- annis opportunè porrigerent , totius Operis Autores omnes , non tantùm Procuratores , se non mediocriter commenda- verunt. Nam utrisque Munimentum firmum , summum, Ornamentum LEOPOLDUS Imperator Optimus Maxi- mus , ut est tam Literis indulgens , quam felix Armis , Præ- mium rependit Magnitudine suâ dignum , id est , Illustrissi- mum. NATURÆ CURIOSORUM ACADEMIAM Uni- versam & confirmavit & condecoravit : cujus & Autoritati Suam , hoc est , Publicam addidit : & Legibus subscripsit : & Titulo , qui SACRUM ROMANUM IMPERIUM præ se fert , annuit Anno M. DC. LXXVII: postquam , ex ipsis EPHEMERIDUM EDITORIBUS , nostrum VOLGNA- DIUM & *Johannem Janisium* , in Cæsareæ Liberalitatis & Hu- manitatis peculiare Documentum , aureâ simul Torque , simul Imagine suâ , clementissimum in Modum , An. M. DC. LXXV , statuerat honorandos.

Nimirum VOLGNADIUS noster , ut erat æstimatissimi *Sachsi* , neque Successor degener , neque dispar Imitator : ita non tantùm ex Augusto Palatio , sed ab omnibus Locis , ubi Cultores eruditæ pariter & curiosæ Diligentia solertiores in- veniuntur , consimilem Favorem aut reportavit , aut pro- meruit. Non equidem in Vita concordēs , post Mortem , tan- quam discordēs , committam Viros excellentes : in iis tamen ,

quorum & Integritatis, & Sedulitatis, & Sagacitatis Convenientiam agnosco, quandam Inæqualitatem reperio: quæ subtiliorem Judicem dubium facere possit, utri gravius Meritorum Pondus attribuere debeat. *Sachsus* omnium primam, VOLGNADIUS magis diuturnam Opusculis Collegii sui proferendis Operam impendit: quorum ille quidem duos, hic autem octo publicavit Annos: quasi de clarissimo Decennio feliciter implendo Pactum in Conditiones dissimiles rotundum iniissent: PHOSPHORUS audentiore, SIRIUS ardentiore Conatu: PHOSPHORUS Noctem ordinariâ, SIRIUS & ordinariâ Noctem, & Diem extraordinariâ Luce collustrat. Decetero SIRIUS noster quemadmodum Splendorem suum, quando cum PHOSPHORI nostri Lumine contendendi patitur, adeò non imminuit, ut potiùs vel adæquet, vel adaugeat: sic, quod Radios suos nec altiùs emiseric, nec latiùs diffuderit, id neque Facultati, neque Voluntati, sed Necessitati, quæ Mortales alios citiùs, alios tardiùs manet, imputandum. Erat revera, quò Naturæ Curiosum Societas censeret cupit, NUNQUAM OTIOSUS: ideoque SIRIO semper moveri solito par, eòque non nunquam aliis, nunquam sibi, nocente melior: quod, aliis serviendo, seipsum consumeret. Quanquam verò semper, quod ageret, non quærebat, sed accipiebat, operosissimus: tamen, in plura distractus, quæ conceperat, se Judice, quin propemodùm Accusatore (Vitam brevem Arti longæ non respondere conquestus) non tantùm præstare poterat, quantum cupiebat. Sanè VOLGNADIUS, quod Arcanorum, in quibus occupabatur, conscius Fide bonâ testor) eas, præsertim in Chemicis, Res moliebatur, quas si per catenatas Expeditiones alias, ipsamque tandem sinistram Valetudinem, tam celeriter elaborare, quàm feliciter invenire potuisset, utique majora publicis Rebus Incrementa contulisset, conspectioremq; Nomini suo Claritatem circumdedit.

Aliud,

Aliud, idque multò sublimiùs Gloriæ Culmen attigit: vel ideò Viris maximis, non civili Temporum Sensu, sed cœlesti Numinis Judiciò, censendis adscribendus. Nam ita quidem est: Laudem suam meretur, & Ingenii subtilissimum, Acumen, & Memoriae promptissima Tenacitas, & Scientiæ copiosissima Supellex: quibus, per se speciosis, evidentiùs accreſcit Pretium, si communis Utilitatis Succellus in Testimonium, & Famæ singularis Applausus in Ornamentum accedat. Sed hæc, quanta quanta videantur esse, tamen, si destituantur uno, quod cæteris, cum adest, Gratiâ summam confert; & cum deest, summam Bonitatem adimit: hoc est, si Pietate careant: vel mediocria, vel parva, vel nulla sunt. Nam qui supra Mundum attollit Mentis Oculos, ad Unum omnia referenda videt, à quo descendunt omnia. Quod cum sola Pietas, eaque solida, quæ Christianos & decet, & bear, præstet: absit, ut citra Bonorum hanc Genitricem fecundissimam, Nutricem benignissimam, quicquam in Mortalibus magnum judicemus. Quare nobis est, cur VOLGNADIUM, à teneris traditum Pietati, cui rotam Vitam consecravit, etiam iis anteponamus, quos Vulgus inter doctos, extra Pietatem, Vanitati studentes, quanquam eminentes, tantum non pro Miraculis habet. Hanc principem Virtutem, Ævi nostri cum in Terris, tum etiam in Cœlis præcipuum Decus, quod à Brutis Homines, quod à paganis Christianos maximè distinguit, quod in nobis optimum Divinitatis Simulacrum est, ita VOLGNADIUS convertebat in suum, ut simul in aliorum converteret Commodum. Nam, quod verè Sapientis est, à mutabilibus & perituris ad constantia perenniaque progredi solebat: sæpiùsque curiosas Cogitationes, non intra creatarum Rerum debilem Circulum hæere passus, iis involvebat, quorum tenuem Umbram in abjectioribus, in excelsioribus elegantem Imaginem nobis repræsentat universus Naturæ Complexus. Hinc non in aliò, quàm in

cō , qui Desideriis humanis solus omnibus satisfacere potest , supra cæteras Bonorum Species defixus , semper firmâ tenebat Fiduciâ , quicquid ille Potentiâ firmissimâ tenet : adeoquæ Possessiones mansuras deserendis præferens , omnia possidebat , quia possidebat omnia possidentem : quam integer Cultor publicè privatimquæ sibi reddebatur proprium.

Per hunc Felicitatis omnis & Autorem & Conservatorem , quanquam ter quaterque beatus , sibi tamen Numeris omnibus felix non esse videbatur , nisi DEO servire consuevit , iis etiam , quoad posset , serviret , quibus servientes ipsi DEO serviunt. Sic enim philosophabatur : quemadmodum DEUS etiam ideò felicissimus est , quod per eum sint alii felices , quicunque felices sunt : ita quemque tantò magis esse felicem , quantò magis per eum fiunt alii felices. Non igitur Facultates , etsi tales , unde sibi plus Quietis & Commoditatis attrahere posset , obstare patiebatur , quod minus expetenti cuique salutarem Scientiam suam impenderet. In eâ diversissimis ægrotantium Generibus efficaciter applicandâ tam circumspectus & ingeniosus erat , ut simul alienæ Valetudini , simul Conscientiæ suæ consulere. Unam Circumstantiam toti laborantis Statui novam excitare Formam , Experienciâ doctus Magistrâ , Vices omnes sollicitò speculabatur Studiò , mutatisquæ Consilium accommodabat mutatum. Pertinacibus Morbis pertinaciores Curas opponere solitus , necessariam Medelæ Tarditatem optatiore compensabat Effectu. Succurrentis neque Celeritas Periculis , nec Humanitas Doloribus , neque Facilitas Desideriis (quorum Conditio vel Sublevamentum , vel Oblectamentum , non Detrimentum suggererat) deerat. Ita sapius & Animorum & Corporum Medicus , omnes Meritorum Partes implebat , quæ possunt ab exercitatissimis providentissimisquæ Sanitatis Autoribus expectari. Quò Nomine , cum amabilis , tum etiam venerabilis Civitati Provinciæquæ potissimum Vratislaviensi , supremis annumerabatur inter sui Temporis Æsculapios.

Quic-

Quicquid Honorum & promeritus & consecutus erat, non permittebat Indolem corrumpi modestissimam : quam omnibus Vitæ Gradibus sic confirmaverat, ut sibi nunquam non consimilis, parem ubique monstraret Amœnitatis Speciem, Humanitate conspicuam. Accedebat huic Virtutum Purpuræ niveus Animi Candor, rarissimus Sæculi nostri Color, quod, dum sincerum & justum videri, non esse, studet, (quale per miras Simulationis & Dissimulationis Artes publico delicatiorum Populorum Genio placet) omnes in Vanitatem argutam Nervos dirigit, talesque suorum Temporum Magistros, & inprimis veneratur, & certatim æmulatur, qui blandis & astutis, sed inanibus noxiisque Modis, tantò felicius Ingenia circumveniunt, & in Verborum Rerumque Laqueos inexplicabiles adigunt, quantò peritius, seu Ludibria, seu Damna, speciosis Bonorum Commodorumque Titulis obtegunt : quorum Frontes osculantur, eorum Terga feriunt, nec se prius Amicis Hostes, quàm Victores monstrant. Ejusmodi cum Sodalium, tum Patronorum Scenicorum pertractatus, quorum se Conversationi subtrahere non poterat, Familiaritatem effugere didicerat : in quam & paucos & fidos recipiebat, plerosque pares : inter quos, ut major Fides, sic plenior Libertas, tutiorque Jucunditas.

In perpetuum Vitæ Solatium, An. CHRISTI M. DC. LXV, decimò tertio Die Mensis Octobris, ad conjugalem Amicitiam sibi copulaverat exoptabilem Virginem ROSINAM : spectatissimis Parentibus, quorum Familias potissimum Vratislavia Nissaque clarissimis annumerat. *Jeremia Schæpsio, Rosinæq, Germersheimeria*, progenitam. Hanc magis ob Animæ Dotes, quàm ob Fortunæ Facultates, amabilem, non poterat non in Deliciis tantò firmitus habere, quantò plus Pietatis, Castimonie, Mansuetudinis, Concordiæ, Prudentiæ, Charitatis alere, quotidianis è Documentis cognoscebat. Illa proinde cum familiaris Rei Negotiis justum in Modum defungeretur : ipse

Curas

Curas nobiliores partim securior, partim expeditior sustinebat: in Consortium, sed & in Auxilium, Conjuge potitus. Neq; carebat Effectu sanctus inter ipsos Amor: quem, etiam inter Ærumnas, quibus Pii, seu frequentius, seu vehementius, exerceri solent, comitabatur perennis Felicitas, sequebatur constans Fœcunditas. Hanc ostenderunt quinque Filii, *Samuel*, *Philippus*, *Jeremias*, *Henricus*, *Gothofredus*, *Philippus*: duæ Filia, *Susanna* primùm, deinde *Catharina*. Sed, ut mœsta lætis crebrò miscere Thalamus amat, Funeribus acerbis, iisque pluribus Fortitudinem suam impendere jubebatur. Nam Anno M. DC. LXXIII, *Susannam* nondum quatuor: Anno M. DC. LXXVIII, *Philippum* nondum duobus Mensibus, superstites amisit: & iisdem Diebus, quibus susceperat, *Samuelem* An. M. DC. LXVII: *Philippum*, *Jeremiam*, An. M. DC. LXVIII, decedere videbat: itaque cum ipse caduca sempiternis permutavit, è progenitis non nisi duos, *Henricum* & *Catharinam*, in Nominis Generisque sui Stabilimentum Posteris reliquit, Paternæ simul & Maternæ Virtutis Imagines futuras.

Nimirum, quanquam Mortis, quàm & in suis, & in aliis, sæpiùs instantem depulerat, nunquam expulerat præsentem, continuâ Meditatione satis per se memor erat: tamen etiam domesticis, hoc est, omnium efficacissimis Experimentis, (quorum Numerum, Anno M. DC. LXXIII, quinquagenaria Socrus: Anno M. DC. LXXVIII, septuagenarius Socer adauxerunt) frequenter admonebatur, in Ætate nullâ, Consiliis nullis, nullis Remediis exstingui posse, quod ipsos etiam Medicos tandem opprimit, Fatum. Id adeò non exhorrescebat, ut, quamvis nondum Senectutis Annos ingressus, nunquam deprecari sustineret. Unde, cum ad extremum in Corpore, quod gracilius & debilius Natura composuerat, Cura siccius & tenuius reddiderat, magis magisque Valetudinem frangi sentiret: sibi, non vanus Augur, imminere Diem supremum prænunciabat: Res suas, pro Temporis Statu, benè disponebat, & in

& in æternæ Salutis Datorem totus ardentissimis Votis erectus, æquissimô placidissimôque Mentis Habitû, quicquid hætenus, tanquam summum Christianæ Vitæ Scopum, & optaverat, & speraverat, assequi complectique gaudebat. Sicut autem non internum Animæ Robur à lentô Virium Excessu dissolvi patiebatur: ita ne poterat quidem ultimus Ægrimonix Conatus Vigorem in Membris omnem prostrernere, quô ductus, tribus Mensibus adhuc Pedes Officium suum agere lætabatur: exceptis duobus inter postremos Diebus: per quos, se Jacentibus adjuncturus, jacebat. Tum quoque prorsus integrô Sensuum Usû, nec impeditâ vel Memorix, vel Linguæ Potentiâ, singulare Fortitudinis cœlestis Exemplum, crebrô Pietatis Exercitiô defunctus, Conjugi, Liberis, Amicis Nomen, DEO Spiritum suum committebat, & obdormiscebat, Annos XXXXVII, Menses VII, Dies XXVI. natus.

Sic Anni Christiani M. DC. LXXXII. tertius Januarii Dies VOLGNADIO nostro, cûm eriperet mortalem, immortalem afferebat Vitam. Sic cum eô decedebat exquisitissima Peritiæ literariæ Supellex, quam Ingenium penetrabile, Judicium acutum, Speculatio longa repererat & accumulaverat: etiam illa Secretorum Cognitio, quæ Scriptis duraturis tradi meruisset; & fuisset tradita, nisi multorum Medicorum Spem, plurimorumque Clinicorum Elevationem immaturus VOLGNADII Casus intercepisset. Superest, ut, post CATHARINAM, duobus Mensibus ab optimi Patris Excessu Gaudiis supernis additam, solus è septem Liberis superstes HENRICUS, Indole bonus, capax Ingeniô, Conatu strenuus Adolescens, in quô prima Literarum Morumque Fundamenta feliciter posita subinde conspectiores Accessiones recipiunt, non tantûm Nominis, sed etiam Eruditionis & Honoris Hæres, Genitorem suum Posteritati reddat, Annis Meritisque, si non superiorem, certè parem HENRICUM VOLGNADIUM.

Jam quis VOLGNADIUM nostrum non beatissimis annumeret: quem Filius redivivum pollicetur: qui Testes Ævi benè transacti pulcherrimos, & intus, & foris, exhibet, Conscientiam putam DEO, MUNDO Famam bonam? Numquid Mortalium non omne Punctum is culit, cui Mortalitatem exuenti, cum ad Immortalitatem transfertur, accedit, ut DEO MUNDOque, dum hic doctos, ille pios æstimabit, charus; inter utrosque vivat, quò magis clarus, eò magis felix? Nemo Christianus, satis cordatus, quantumcunque Fulgorem suum, etsi vel SIRIO, vel etiam PHOSPHORO parem in Terra possideat, præferre potest Nitoni, quem æternis Sæculorum Ætatibus SOLE majorem possidebunt repræsentanturi meliora SIDERA, splendidius COELUM.



OBITUM
VIRI

Nobilissimi, Amplissimi, & Excellentissimi

DN. HENRICI
VOLGNADII,

Phil. & Med. D. & Practici Vratislaviensis,

SACRI ROMANI IMPERII
ACADEMIÆ NATURÆ-
CURIOSORUM

ADJUNCTI

SIRII Cognomine

& EPHEMERIDUM COLLECTIONE

Celeberrimi,

COLLEGÆ sui Desideratissimi

Ipso exequiarum Ejus die,

8. Januar. 1682.

debito honore prosequuntur

NATURÆ-CURIOSI VRATIS-
LAVIENSES.

* * * * * * *

J *Asonida Socii*, quos Mens & cura virilis
Diffusum Phyeos navi sulcare profundum
Jussit, & arcanas ex imo promere merces,
Triste Celeusma sonat, vestràque crepatur ab **ARGO**;
SIRIUS extinctus lethilibus abditur umbris,
Assidui scopulis proram defendite Nautæ!
Infelix obitus præclari Luminis, Astri,
Quò vix candidius fixarum splendet in Axe,
Quid, nisi nimborum densos prænuntiat imbres,
Austrinosque dies, & cassas lumine noctes,
Atque tenebrosâ squalens caligine Coelum?
Jacturam pensate, **VIRI**, pensate receptam:
Bis modo quina redit revolutis bruma diebus,
Navigii quando Lux lugebatur ademta,
Lux radio illustri trepidis solamen in undis,
Ambiguumq; Pharos per iter, planctusq; citatos
Immani fremitu perculsum reddidit æquor:
PHOSPHORE, redde diem, quò Te modò, PHOSPHORE,
condis?

SIRIUS Hunc sequitur, conjuratisque coruscum
Aufert Remigibus Caput atrò syrmate tectus.
Mensem, Jane, tuum nigrò carbone notemus,
Nec capiant memores posthàc tua nomina Fasti,
Occasu properò qui splendida sidera merfas.
SIRIUS ereptus justissima causa doloris
Sidus erat fervens, nulli fervore molestum,
Non nocuisse studens, multis prodesse paratum.
Ut primùm innatos emittere cœperat ignes,
Congenitumque pari nisu monstrare vigorem,
Quò fulvi audiret soboles genuina Leonis,

Helluo naturæ totam stricbat abyssum;
 Sic fontes, puteos, vada, flumina, stagna, paludes
 Attentâ lustrans acie, radioque sagaci,
 Sordibus omissis illimes imbibit amnes,
 Hôc magis æthereo fervori pabula subdens,
 Quò magis ardorem fluctu restinguere tentat.
 Labitur annorum series, accrescit in æstu
 SIRIUS, atque sibi non ignea signa Leonis
 Ampliùs, aut proprium perpendens sufficere Orbem;
 Fontem, seu Pelagum propiùs petit Ille caloris,
 Et Soli comes ire parat: Lux crescit eundo,
 Ac geminata vibrat radiantis spicula vultus;
 Nec fluvios saltim, sed nunc mare combibit ipsum,
 Quaque patent terræ reclusa repagula Soli,
 Oceani spectes seu fundum, sive cavernas,
 Unde petuntur opes, & magnis pharmaca morbis;
 Huc penetrare simul studet irrevocabilis ardor:
 Altius evectus qui Solem vincere tentat,
 Corporis humani, quò non pertingere Phœbi
 Lux valet, interiora oculo scrutatus acuto.
 SIRIUS hinc lætum mortalibus extitit Astrum,
 Influxuque suò morbos discussit obortos,
 In dubiisque facem potuit succendere rebus.
 Accidit, ut tumidis concredita fluctibus ARGO
 JASONIS auspiciò BAUSCHI veheretur in altum,
 Ubere Teutonicus quò fœnore Portus abundet;
 Eminus egregium Sidus lætata ferire
 LUCIFERO sociatum oculos, & lumine blando
 Auriferæ classi faustum promittere fatum,
 Talia *Nauc lerum* fecit profundere verba:
 SIRIUS ut nostram comitetur in æquore Puppim,
 Optamus, *Socii*, nebulas dispellere promptus,

Et tempestatis prænuntia Stella serenæ.
 Annuit hūic voto radiis vibrantibus Astrum,
 Adstat & usque rati, motuque movetur alacri,
 Fervet opus cœptum, perflant aplustria venti,
 Otia cura fugit, nec tædia longa recusat,
 Et cumulata novis ditescit mercibus ARGO,
Annalesq; suos complet studiosa quotannis,
 Queis donec pretium doctō statueretur in Orbe,
 SIRIUS & laudes, nomenq; merebitur ingens.
 Et meruit, dum Stella fuit, non fixa, sed amplā
 Utilitate ferax, ad commoda publica natus,
 Pro quibus haud piguit vigiles insumere noctes.
 Hic ubi *Cæsaream* rumor pervenit in *Aulam*,
 Suscepit nixus placido *Clementia* vultu,
 SIRIUS ingenti cumulo mactatur honorum,
 Totus & auratō perfusus ab imbre nitescit.
 Ast velut absumptā cerā candela fatiscit,
 Expiransque levis tacitō sub schemate fumi
 Ignis abit, lucisque suæ vix signa relinquit;
 Ac velut illunis per amica silentia noctis
 Sidera stricturis emungi celsa videntur,
 Interitusque sui vestigia prodere clara:
 Sic quoq; perpetuō motu, fervoreq; tritus
 Lentā rabe perit famosum, SIRIUS, Astrum,
 Nec nisi Nomen inane, & pauca favilla supersunt.
 Nos, quos acceptæ surreptō fidere cladi
 Indoluisse decet, demtum lugemus AMICUM,
 Et sociæ quondam commercia suavia Vitæ,
 Quam semper memores recolemus mente fideli,
 Exusto cineri, ceu fas, bona fata precantes!
 Lux quondam veniet, veniet Lux illa suprema,
 Quā nec erit Cœlum, nec cœli, sidera, gemmæ,

SIRIUS at noster renovati luminis hæres
 Et Solem, & Lunam nitidô superabit amictu.
 At Vos, *Jasônios Heroas* & *Astra* relictâ,
 Quos inopina ferit jactura, gravisque procella,
 Servet inocciduâ virtute & luce coruscâ
 Provida cœlestis Clementia Numinis ævo,
 Naufraga ne pereat decumanis fluctibus ARGO!








Joh. Tscherning sculpsit. 1685.


HENRICUS VOLGNAD. VRATISLAVIENSIS, MEDICINÆ
DOCTOR ET PRACTICUS, S. R. IMPERII ACADEMIÆ
NATURÆ-CURIOSORUM ADIUNCTUS, & SIRIUS.



MEMORIA
ALLMACHE-
RIANA.

MEMORIA
ALL'IMACHE
RIANA





Natus 1648.

Denatus 1686.

IOH. FRIDERICUS ALLMACHER,
Meissenheim: Acad. Nat. Cur. Adjunctus.
Quem Mors eripuit nobis hoc ere perennat,
Ipse sua vivens Virtute perennior ere.

Nob. Acad. Leop. Imp. Adj. Mem. Mort. Lucas Schröcker: Arch. Cæs. Direct. Acad. N. C.





ILLUSTRISSIMÆ
NATURÆ CURIOSORUM
ACADEMIÆ

Perennitatem vovet

MICH. BERNHARDUS VALENTINI!

DE VALERIO POBLICOLA referunt Historici, quòd singulari in defunctos pietate ductus Bruti Collegæ sui corpus non solum splendide ornatum Populo in concionem vocato proposuerit, sed consensò in- simul suggestu in ejusdem laudes epicedia cecinerit, ut Dionysius Halicarn. Plutarchus & alii contestantur. Utinam & ego sim VALERIUS, *VIRI PER-ILLUSTRES*, utinam, inquam VALERIUS sim! qui non Brutum quendam, sed Trigam Amicorum conjunctissimorum infelici triennii cursu proh dolorem! perdidit. Recenti enim vulnere usque luget Academia SCHEFFERUM: Luget ALLMACHERUM: Luget Hassia mea STRAUSSUM, Antecessorem meum Desideratissimum; quò tripliti sanè infortuniò ita sauciatus sum, ut parùm absit, quin Beatorum Manibus heic lugubria dicturus prorsus obmutescam. Sed obdurandus est animus ad infortunia, nec ingrato silentiò memoria illorum recondenda est. Adeò enim Virorum de Publicò benè meritum fama tacenda non est, ut in cineribus excitandi sint laudum igniculi, quò latius spargantur disseminenturque virtutum radii. Vivat post funera virtus, quò mortuorum servetur vita, hæcque viventibus in exemplum concedat. Jube id antiqua XII. Tabularum lex, dum: *Honoratorum*, inquit, *Virorum laudes in concione memorantur, easq; cantus ad tibicinem prosequuntur.* Jube id natura omni-

bus insita eiꝛue sororians consuetudo , quæ & in mediâ Barbariâ viventibus ad Amicorum exitum tristem exprimit ululatum. Quicquid enim apud Nos demortuis honoris ac elogi parentationibus, campanis, cantibus persolvitur, id omne Gentiles olim ritibus de rostro dicendo ac præficarum fletibus urnas implendo peragebant. Adeo nempe grata fuit ab omni ævo demortuorum recordatio, cum primis qui uspiam in celebritate vixere, ut non ad vitam & mores tantum, sed & naturam ipsam jus hoc accommodatum deprædicent. Unde non *CHRISTIANIS* usitatum istum recordationis morem tantummodò præscripsit Religionis Christianæ amor, pietas in defunctos atque charitas, sed à longis retro seculis id omninò observatum esse Antiquorum monumenta habent. *JUDÆIS* sanè haud insolens olim erat laudes ac præconia dicere Viris arte Marteque claris. Sic Abnero, Duce inter exercitus militares Saulis præstrenuò, manu sicariâ ac funestâ Joabi interemptò, quid Davidis luctus vehemens expressit? quàm laudes supremas egregio Duci superaddidit, dum dixit: *Nequaquam ut mori solent ignavi mortuus est Abner; Manus Tux ligatæ non sunt, & pedes Tui compedibus non aggravati &c.* Num ignoratis, quòd hodiè Princeps & Maximus ceciderit in Israël? Sic Jonathanem de turba Maccabæorum egregiè meritum non solùm universus planxit populus, laudes & facinora ejus decantando, sed & frater Simon in cedrum immortalis laudis & perennantis gloriæ Mausolæum splendidum erexerat, positis columnis magnis, armis ad illas in memoriam æviternam suspensis. Penes *ROMANOS* non minùs inoleverat consuetudo funeralibus hujusmodi honorare defunctos, quod tamen maribus tantum honorationibus primùm competebar, utut paulò post ad foeminas similiter cultiores honos ille devolutus sit. Posteaquam enim à Gal-
lis Romani in angustias redacti, nesciebant pecuniæ subsidia colligere ad amovendas hostium fatigationes, Romanæ Ma-
cronæ

trona monilibus, clinodiis & quicquid ornamenti erat pretiosi spontè in Curia collectis juvabant Rempublicam pressam, hinc & obtinuerunt, ut post fata Matronis Nobilioribus honos iste conferretur. Sic Quintus Filius pietate erga Matrem Pompiliam ductus, hunc laudandi morem observavit. Memorabile quoque est exemplum, quò ipsum etiam Octavium Augustum duodecim annorum Puerum in laudandâ Juliâ Avia sua secutum Suetonius autor est. Competebat autem supremum hoc officium iis, qui mortuum sanguine proximè attingebant, teste Polybio, unde non tantum à filiis defuncti factitatum fuit, sed & ab ipsis Parentibus, docente exemplò Fabii Maximi, qui ob amissum filium dolorem moderatissimè ferens Orationem funebrem stando recitavit in foro, quod est apud Plutarchum in Fabio. Postmodum tamen & aliis extra consanguinitatis vincula constitutis id concessum est, sicut in plerisque Europæ Academiis id omninò moris est, ut in Collegarum defunctorum laudem & memoriam publicè cuidam verba facienda sint, reliquis simul lugubri vestitu comparentibus, ut in Nostrâ Ludovicianâ hòc vertente annò observari solet. Quod pietatis genus ut omninò Christianum est, ita Legibus æquè ac receptâ usque Observantiâ debebatur iis, qui de S. R. I. *Academia Naturæ Curiosorum* unquam benè meruerunt. Quos inter, cum haud infimi quondam ordinis esset *Collega Beatissimus*,

DN. JOHANNES FRIDERICUS
Ullmacher/

Med. D. Diversorum Imp. Statuum Archiater atq, S. R. I. Acad. Nat. Cur. Adjunctus Meritissimus; hinc & Ejus modò Manibus à Tenuitate mea justa persolvenda sunt, eòq; magis, quòd & Venerabilis Nostri Præsidis authoritas illud urgeat & devinctissima, quæ cum Amicissimo quondam Collega mihi intercessit necessitudo spontè quasi exigat; id quod in causâ est,

ut quæ de Vita ejus atque indole relaturus sum , eâ , quâ in medium adferuntur facilitate atque fide acceptanda esse confidam.

Dum verò ab ovò , quod dicitur , rem exordior , gloriosius esse duco , si ALLMACHERUM Nostrium suis potiùs , quàm ex familiæ generisquæ picturis & insignibus mutuatis coloribus depingam.

*Nam genus & proavos & quæ non fecimus ipsi
Vix ea nostra puto,*

parumquæ in eò quidem situm dixero, quo quis sanguine descenderit, cùm omnes (quæ summa est mortalium conditio) DEI quoddam genus simus, ut ex Arato Paulus habet. Nihilominus tamen minùs & hîc ALLMACHERUS habet , de quò ipsi gratulemur, cùm ex honestissimâ familiâ suos natales duxerit. Patre enim usus est Præclaro & in arte suâ versatissimo DN. Johanne Friderico Allmachero , Chirurgo quondam felicissimo: Matre verò Elisabetha Catharina, ex egregiò Schauliorum genere prognata. Quibus utrobique Parentibus Meisenhemii (quod Palatinatûs inferioris Oppidum est) ex legitimò thorò in lucem edebatur Anno 1648. die 5. Decembris, ubi paulò post Sacro baptismatis fonte ablutus, eòdem, quò Parens gaudebat nomine, vitæ libro est inscriptus. Verùm uti vegetabilium semina , nisi fertili terræ mandata , facile à pristina suâ naturâ degenerant, ita in naturâ ferè accidere solet humana, ut vel optimis quibusve geniti nisi maturè excolantur , à pristinâ suâ origine deflectant. Quapropter Sapientissimus Parens iis eundem doctrinis, quibus puerilis ætas impertiri debet , in Scholâ Triviali, quæ S. Goarii est, erudiri curavit. Erat autem in Puerò præter docilitatem ingenii summa suavitas oris ac vocis , ut non solùm celeriter arriperet , quæ tradebantur , sed etiam excellenter pronuntiaret. Quâ ex re in pueritiâ nobilis inter æquales ferebatur , clariusquæ exsplendescibat , quàm generosi condiscipuli , animò æquò ferre possent. Paulò post, cùm Parentes relictò primò domi-

domiciliò *Darmstadium* concederent , *Gymnasio* illius loci *Principali* est commissus, ubi prima in *Humanioribus* , ut vocant, literis fundamenta jecit haud pœnitenda. Interim sublimius erat juvenis ingenium , quàm ut solis Scholarum ergastulis inhæreret. Quare ad altiora jam contendens innatâ quâdam animi propensione *Arti Medicæ* se devovit, ad quam stimulum illi subjecisse poterat egregia , quâ Pater inclarescebat dexteritas & in curando felicitas, quam vix ex ephebis excedens laudabili quodam fervore æmulabatur. Commodissimam hîc occasionem suggerebat manuctio Beatissimi DN. D. TACKII, *Archiatrî Hasso-Darmstatini & Prof. Giessensis Primarii*, qui tunc in Aula *Principali* versabatur, ipsique ad submissam Parentum exorationem per integrum anni cursum selectiora *Physices & Artis Chymicæ* principia instillavit haud vulgaria, quibus & in *Theoriâ & in Praxi Medicâ* semper utebatur felicissimè. Jactis ita solidè fundamentis ad *Academias* properabat , ut cœpta jam studia urgeret & ad maturitatem altius eveheret. Primò quidem nomen dedit *Inclytæ Giessennæ* , quam eam præ aliis ob causam eligebat, quòd in *Vestibulo Artis Medicæ* locatus faciliorem hîc ad interiora aditum observârit, cùm in *Anatomicis, Botanicis & Institutionibus* addiscendis largam hîc occasionem nactus esset. Eòdem enim tempore *Lipsia* Nobis concedebat MICH. HEILANDUM, *Anatomicum Exercitatissimum*, Ulma verò B. LAURENTIUM STRAUSSUM , qui cum RÔTELIO pariter Doctissimo prima eruditionis suæ specimina in ALLMACHERO nostro comprobârunt. Sub oculis adhuc versari mihi videris, Pectus quondam dilectissimum! quum ne diè quidem abierit , quin Hortum *Academiæ* solertia tua fatigaveris! Tuò adhuc sudore madent tot plantarum myriades, in quibus conquirendis olim erastotus! Tuò, inquam, sudore madet Theatrum *Anatomicum*, in quo perpetim intima brutorum viscera scrutabâre! Tuò & sudore madent erudita Doctorum subsellia , quos ad publicas & privatas horas comita-

baris

baris indefessò. Cæterùm neque sic angustum erat augustum ALLMACHERI Nostri ingenium, ut soli Patriæ solo adhæresceret; quin exactò sesquienniò in Illustri Ludoviciana, Celebres Saxoniae Academiæ visitabat, quas inter Jenam pro ulteriores studiorum matre seligebat. Ad *Praxin* enim addiscendam animus proclivis erat, cujus methodum haurire poterat à Felicissimo quondam & in Academiis non minùs, quàm Magnatum aulis Celeberrimò GUERNERO ROLFINCIO, quò Ductore *Generaliora Præceps futura monita* adeò sibi reddidit percognita, ut ad τὸ τέχνημα devenurus talem se gerere potuisset, qualem decet Medicum religionè plenum. Assine hoc quidem sine præviâ manu ductione tutò & impunè attemptari posse sibi persuadebat, cum occasio præceps sit & experientia fallax. Adeò quidem, ut

In Cathedrâ multos dicant curarier egros

Ad lectum paucos convalescere malo.

Ut ergò hâc quoque in parte sibi consuleret, allectus famâ & virtute Inclyti Medici, DN. FRANCISCI de le Bœe SYLVII Lugdunum in Bataviam contendit, quem cum spissâ Comilitonum catervâ ad populosissimum, quod istic locorum est, nosocomium indies comitatus *Praxin Clinicam* ad ægri lectum observare, genuinas morborum causas indagare methodoque haud vulgari selectissima quævis pharmacorum genera adhibere non tam vidit, quàm perdidicit. Quæ quidem solertia ita feliciter illi cessit, ut habita XXI Junii Anno 1672. publicè Disputatione Graduali de *Morbis Castrensibus* omnium & Procerum & Civium Academicorum applausu summis in Arre Medica honoribus & Privilegiis donatus & in DOCTOREM Medicinæ more Majorum proclamatus, vitæ suæ Academicæ ultimum colophonem imposuerit. Jam benevolo cujusvis judicio relinquo, utrum concinniori unquam methodo arduum Artis Nostræ stadium pertransiri possit, cujus admirandum in ALLMACHERO Nostro videas compendium. Sicut enim ars longa, vita brevis, ita sola metho-

methodus utrobique certum est remedium. Sola, inquam, methodus est, quâ per compendium ire & intricata Artis præcepta solidè discernere licet. Methodus est, quæ saluberrimum pharmacorum selectum instituere: Methodus est, quæ morbos incurabilibus adscriptos citò, tutò & jucundè sublevare docet. Huic ergò toto studiorum cursu salutariter inhærens ALL-MACHERUS Noster, non potuit non Praxin sibi felicissimam inde promississe, quam bonis quoque avibus in *Imperiali Francofurto* primùm auspicatus est, quò Parentes Ejus dilectissimi paulò antè abierant. Ita enim in primò statim Praxeos exitu sese gessit, ut ob Ejus in gerendis rebus agilitatem & medendo felicitatem Officium Medici Ordinarii, seu, ut loquuntur, *Physicatus Aschaffenburgicus* illi spontè sit delatus, quò integrò biennii tractu laudabiliter est defunctus. Cæterum hoc adhuc in illò desiderari videbatur, quòd conjugalis unionis vinculo solutus dulci Vitæ Medicæ adjutorio destitutus esset. Ut enim fert hominum verecundia, sequior ferè sexus, (qui Medicorum messis est) Practicis Junioribus, in cœlibatu viventibus ægrè sæpè se concedere solet. Ast huic pariter incommodo facilè obviam ibatur, dum in Patriam reversus Anno 1675. die 29. Septembris Nobilissimam & omni Virtutum genere decoratissimam Virginem ANNAM ELISABETHAM ex honestâ PETTMANNIORUM familiâ oriundam legitimo sibi matrimonio junxit, quacum XI. annorum spatio honorificè & ut Maritum Christianum decet, pacificè agens VI. Liberorum Parens est redditus, trium Filiorum scilicet, totidemque Filiarum, è quibus unicus usque Filiolus, binæque Puellæ adhuc sunt in vivis, reliquis DEO in primis ætatis incunabulis statim redditis. Vix coeptò hóc conjugio altera illi vocatio obtingebat, quâ in *Archiatrum Illustrissimorum Comitum in Wertheim* hujusque Civitatis *Physicum* Ordinarium adsciscebatur. Quò quidem officio per integrum decennium ita laudabiliter est defunctus, ut Magnatum gratiam, Civium admirationem omnium denique applausum brevî sit lucratus,

tus, quem fufis etiam lachrymis fatis comprobârunt, cùm trienniô jam elapsô Franconiâ excederet, & aliorum defideriis Francofurtum revocatus Wertheimensibus fuis valediceret. Quum enim navali hinc itinere abiturus Moenum conscenderet, agmine factô cives concurrebant, gemitibus aëra, lachrymis navigia, votis verò inclytam Medici familiam ad eò replebant, ut reciprocis utrobique fufpiriis summum exinde dolorem confeftati fint. Quamprimùm verò ad Francofurtenses fuos rediit, Praxi ftatim diffufiffimâ & infolitâ tantùm non obrutus, tantâ illic dexteritate ufus eft, ut non Civium modò, fed & diverforum S. R. I. Principum, aliorumque Magnatum animos caperet, quorum lateribus indies affixus hæfit. Erat enim in illô pietas fincera, candor infucatus, humanitas & comitas inconfueta, quâ non parùm modò amicitiam, fed & Magnatum gratiam facilè merebatur. Recuperaverat fic in ALLMACHERO Illufte Francofurtum, quod in Divini jam SCHEFFERI obitu perdiderat, cujus veftigiis in Praxi æquè ac communi vitâ infiftebat ita, ut dubitaveris, uter alterutrum pietate & candore fuperârît. Recuperaverat in eò S. R. I. Academia Naturæ Curioforum (in cujus confortium jam Anno 1679. receptus erat) quem in B. SCHEFFERI locum pro Adjuncto renunciaret: Quô quidem officiô adeò nihil prius habuit, ut omnem ad ejusdem incrementa lapidem moveret. DEUS immortalis! quàm cordatus erat & quàm expeditus, cùm paulò ante obitum, Totius Academiæ Curiofæ nomine coram *Eminentiffimo* atq; *Reverendiffimo Principe Electore* DN. FRANCISCO ANSHELMO, *Archi-Epifcopo & Electore Moguntino* &c. &c. compareret & fubjectiffimâ devotione Cellitudinem ejus & Clementiam in totius Collegii partes exoraret. Quod adeò feliciter illi ceflit, ut non univerfa modò Academia, fed & aliquot in fpecie membra *Eminentiffimi Protectoris noſtri* Gratiâ reapfe funt experti, quam fubjectiffimâ modò gratitudine deveneror. Non dicam de aliis à Beatiffimo Collega præſtitis

stis officiis. Loquantur hîc *Observationes* ejus in *Miscellaneis* conspicuæ? Loquantur commercia literaria cum benè multis Academiae membris instituta, è quibus filiali prorsus amore deperibat Præsidentem Nostrum Per-Illustrem DN. D. VOLCKAMERUM, cujus tantò flagrabat desiderio, ut ejus videndi gratiâ peculiare iter Noribergam versus meditatus fuerit, cùm votis secundis tristem simul viduitatis solitudinem illic permutandi animus hæreret. Ast ô spes hominum fragiles! ô fallacia consilia! Hæc enim tunc maximè cogitantem morbus gravis & malignus occupavit & quidem eò ipsò, quò Conjugem suam ex simili affectu surreptam deplorabat annò. Quò autem ille animò morbum sævientem, quò mortem certam jam & imminentem tulit! quot quantasque moribundus animi verè Christiani significationes dedit? Quâ submissione animi peccata sua confessus eorum sibi veniam à DEO dari petiit? Quâ veneratione Sacrosanctam Eucharistiam excepit! Quibus omnibus jam armatus & munitus, cùm totò morbi tempore mentis suæ compos fuerit, nihilq; aliud quàm Christum, Christum DEUM suum in ore perpetuò habuerit, ad eum quem sperabat unum, cui fidebat uni, ut quidem speramus ac cupimus, in medio ætatis vigore, anno scil. XXXVIII. evolavit. Sed quid Academia Nostra, cui Te tanquam maritus uxori desponderas Anima Beatissima? Quid pupilli Parentibus orbatî? Quid tot ægrorum myriades, qui Te tanquam Phœbum tutelarem venerabantur? Quid amici quos mœstos reliquisti atque tristabundos? O desideratissimum omnium bonorum pectus ad Nos redi, si fieri potest, redi.

Ast quid ego hac votis plusquam puerilibus opto

Quæ nullus nobis fertq; feretq; dies.

Scilicet illuc abiit, unde negant redire quemquam. Ferenda igitur sunt animò pacatò, quæ mutari nequeunt. Hoc unum adhuc superest, ut TE, Virorum decus lugeamus, non quòd malè Tibi evenerit, cùm abiisti: Beati enim, qui in Dominò

moriuntur, requiescunt namque à laboribus suis & operaeorum insequuntur Eos; sed quod nos tam anxie excruciat & quidem meritò, quòd Tua in morte tantum amicitiae naufragium patiamur, quam gratà tamen memorià recolimus

— — *dum spiritus hos reget artus!*

Vale, Collega Coniunctissime, Medicorum Coriphæ! Vale decus Academiae, Civium desiderium, Collegarum deliciae, ægrorum solamen, humanitatis exemplum! Vale & in Domino requiesce! Vos autem, *PROCERES ACADEMIÆ*, in medium consulite, quòd tanti Viri iactura tempestivè refarciri, factaque conservari possit Societas DEO Proximoque Sacra, cui prosperos rerum successus, incrementum atque perennitatem voveo sempiternam! D. *Gissa-Hassorum* Calendis Septembris Anno 1682.

EPICEDIA.

I.

Non omnis morior, cum Christo quippe resurgo,
In coelum comite hoc me præeunte feror.
Nil Libitina valet, pars corporis optima coelum
Occupat æternà quâ fruitur, requie.

Sic

ALLMACHERUS ex tumulo,

In cujus memoriam hæc scripsit

JOH. GEORG. VOLCKAMER M.D.

Archiater Cæsareus, Comes Palatinus, S. R. I.

Nobilis, Acad. Leop. Imperialis Præses, Coll.

Med. Norib. Senior perpetuus.

II. *Omnes*

II.

O *Mnes Naturæ Mystæ tua funera ZETHES,*
Plangunt ô! nostri stella corusca Chori.
Exactè poteras Naturæ pandere vires,
Præbens artifici pharmaca scita manu.
Hinc TE urbis procures, cives, plebs omnis amabat,
Hoc quoq; Principibus nomine charus eras.
Occidis Ipse quidem ast famâ super æthera notâ,
Æternùm vivis, letus in arce Poli.

D. JOH. MICH. FEHR. S.R.I. Acad. Nat.
 Cur. Ex-Præses d. Argonauta, Med. Cæs.



III.

S *CHEFFERUS* periit (vah nomen amabile quon-
 dam!)
SCHEFFERUS Phœbi Gloria summa mei;
Quò non candidior, quò nemo fidelior unquam,
Doctrinæ Medicæ Lux, & in Arte potens;
Dimidium cordis, mea consolatio sola
Occidit! Heu paucis: Summus Amicus erat!
Hujus jacturam mihi compensare volebant,
Atque ALLMACHERUM substituere Dii.
Quàm brevis hæc fuerit, Dii testes este, voluptas,
Vix annus periit, tunc mihi & Ipse peris,

* Mm 3

ALL-

ALLMACHERE, mei gratissima portio cordis,
 Cui dederatq; suos Ipsus APOLLO vices!
 Vah non una olim TE mansit ovatio, quando
 TU de morte satis multa tropæa dabas.
 Nunc TIBI non profunt, quæ quondam pluribus, artes,
 Dum TE dira febris corripit, atque necat.
 Vah quoties medicabaris præsentibus herbis,
 Atque ægris præsens TU Deus Ipsus eras.
 Nunc Ars muta jacet, nunc alma scientia cessat,
 Artificisq; manum mors inopina ligat:
 Parte tamen meliore Tui super alta perennis
 Astra volas, venies in gremiumq; DEI;
 Clio laude Virum dignum vetat esse sepultum,
 Quin vocat è tumbis, & super astra locat.
 TUq; VALENTINI prælustris adorea Phoebi
 Non omnem pateris dexteritate mori.
 SCHEFFERI manes ornâsti, nunc quoq; summum
 ALLMACHERO offers officium atq; fidem:
 Per TE cùm vivi vivant & mortui Amici,
 Æternum Titan vivere TE faciet!

m. f.

GEORGIUS FRANCUS, D. P. Prim. &
 Universit. Heidelberg. ProCancellar. Ali-
 quot S. R. I. Elect. & Principp. Consil.
 & Archiater.

IV.

DUm parat ad vota ALLMACHER transire secunda,
 Et matrem soboli quærit ubiq; bonam:
 Huc ades! huc! Salvator ait; Tibi Sponsus ero ipse,
 Quid Tibi cum Sponsa? Sponsus ego ipse Tuus.
 Dixit, & in coelos Medicum perduxit ovantem,
 Mixtus ubi Superis gaudia mille capit:
 Gaudia mille capit, nec morbum sentit atrocem,
 Nec premit aut luctus, vel dolor ullus eum:
 Perpes ubi requies illi, atque æterna voluptas,
 Perpetuus splendor, gloria, risus, amor.

Nobilissimo D. D. ALLMACHERO, Medico, dum viveret, felicissimo καὶ χαρισάτω, Prædecessori, Collegæ, Amico desideratissimo ultimi honoris monumentum paucis hæc Imq; ponere voluit, debuit

Τ' ἀντίγραφο καλλίω

JUSTUS FRIDERICUS DILLENIIUS,
 Med. Lic. Ejusdemq; in Illustri Ludoviciana
 Profess. Publ. Ord. & Academicus
 Naturæ-Curiosus,

~~~~~

V.

**H**Eu mihi quæ refero! quàm triste Academia fatum  
 Luger & egregias naufraga perdit opes!  
 Vix dum bis steterat glaciatus frigore Mœnus  
 Quod Tua SCHEFFERI gloria funus erat.  
 Mox struit insidias vitæ exitiosa malignas  
 ALLMACHERE Tuæ dira calore febris.

Vah




Vah quàm vera nimis simul ac fera dicta Poëtæ  
 Quisquis & ille fuit: Vis sine febre mori.  
 Vis sine febre mori quondam Celeberrime PERSEU  
 Fulgida Teutonici Stella beata Chori?  
 Vis sine febre mori cunctis dulcissime ZETHES,  
 Cui prior emeritum cesserat ante locum?  
 Scilicet astutâ caditis febre ambo malignâ  
 Quæ quondam Vestrâ sæpè fugata manu.  
 Non juvat hîc venas vivô spoliâsse cruore,  
 Non valet alkermes nec panacea juvat.  
 O curas hominum! quantum est in rebus inane,  
 Ipse perit Medicus dum famulando juvat.  
 Ast quid iniqua cano? quâ dicam fronte perire  
 Quem vitæ requies, quem DEUS ipse manet?  
 Non perit in Christo quisquis valedixerit Orbi,  
 Hoc sine discedens qui perit, ille perit.  
 Tu Christi vitam, Christi Tu castra secutus  
 ALLMACHERE Dei vivis in arce poli.  
 Vivis in arce poli, quò nulla molestia mundi  
 Pervolat: Hâc felix terque quaterque vale!

l.mq<sub>3</sub>

MICHAEL BERNHARDUS VALENTINI,  
 Med. D. S. R. I. Acad. Nat. Cur. Collega  
 & in Illustri Gissena Profefs. Phy-  
 sices Ordin.





# INDEX

Ephemeridum Imperialis Academiae

LEOPOLDINÆ

Naturæ Curiosorum

DECUR. II. ANNI VII.

A.

**A** *Bdominis* sonitus *Viperæ* instar  
clamosus. 23  
*Abietum* & pinorum florentium cro-  
cus pluviarum sulphurea-  
rum causa. 369  
*Abortus* certò tempore & septimanâ  
sæpè accidens. 348  
præcautio. 171  
*Absorbentia* alvum quandoq; laxant.  
242  
*Abusus* Aquæ Reginae Ungariæ. 296  
*Acicula* ab anserè & anate deglutita  
in ventriculo reperta. 64  
à puella deglutita & per al-  
vum rejecta. 169  
ventriculum perforans. 143  
*Aër* in eò animalia & vegetabilia ge-  
nerari negatur. 32. App.  
palustris febris intermittens  
causa. 414  
ratio. 415. seqq.  
*Aëris* vulgaris & fulminei differentia. 8  
Dec. II. Annus VII.

*Ætitarum* species rariores. 3  
*Alimenti* nativi inopia famem exci-  
tat. 39  
*Aluminis* usus adversus lumbricos.  
358  
*Alvi* excrementa & cum illis materia  
trophacea rejecta. 349  
per vulvam rejecta. 135. App.  
fluxus triplex differentia. 180  
obstructio ab intestini recti coa-  
litu. 266  
decocto caparum soluta. 96  
cum colica, sacculo, suillo  
stercore repleto & in aqua  
cocto, curata. 97  
smegmate aqua calida soluto,  
referata. 97  
*Alvum* laxant quandoque absorben-  
tia. 242  
solicitantia remedia varia. 96  
*Alvus* & per eum Calculi rejecti. 262.  
379. 460  
\* Nn  
Am-



*Index Rerum.*

|                                                                                  |                                                                                       |
|----------------------------------------------------------------------------------|---------------------------------------------------------------------------------------|
| <i>Ammonis</i> Cornu ex agro Brunshufenno & Gandersheimensi descriptum, 163. App | <i>Anatome</i> Hydropicæ post paracenthesin. 353. 356                                 |
| <i>Amuleta</i> quomodo operationes suas perficiant. 86                           | Hydropicorum. 146. 265.                                                               |
| <i>Amuletum</i> contra veneficia. 85                                             | 275                                                                                   |
| <i>Anasarca</i> decocto radicum Vincetoxicici curata, 195                        | Lienum. 60                                                                            |
| <i>Anatome</i> Asthmatici. 22                                                    | Mollitiæ & dislocatione ossium laborantis foeminae. 449                               |
| calculi vesicæ signis, sine tamen calculo defuncti. 284                          | morbidi canis. 74                                                                     |
| canis verminoso ventriculi tumore laborantis. 261                                | morbosorum non omni caret usu. 36                                                     |
| caponis inedia enecti. 36                                                        | Ovillorum uterorum, embryis intus sceletis. 42                                        |
| caprea, quæ ex haustu lixivii diarrhoea occubuit. 47                             | pancreate spoliati canis. 246                                                         |
| Carduelis fame peremptæ. 39                                                      | partu difficili mortuæ canis. 76                                                      |
| Cardialgia periodica vernali extinctæ foeminae. 12                               | picis glandariæ epilepsia enectæ. 77                                                  |
| Diarrhoea afflictae canis. 40                                                    | renum & partium adjacentium non rectè se habentium. 48                                |
| Empyemate defuncti canis. 232. 233                                               | scirrhorum. 67                                                                        |
| Epilepticæ fringillæ. 78                                                         | sonitum in abdomine viperæ instar clamorū sentientis Vinitoris. 23                    |
| feces per umbilicum excurrentis puellæ. 25                                       | suppressione mensium laborantis hydropicæ. 265                                        |
| Gallinæ Iliacæ. 64                                                               | tumorem supra pubem durum & dolentem cum suppressione mensium sentientis mulieris. 15 |
| Glandiorum. 58                                                                   | turturis pinguedine suffocata. 69                                                     |
| Gravidæ mulieris. 381                                                            | ventriculi Siluri piscis. 80                                                          |
| Gruis pinguedine suffocata. 71                                                   | ventriculorum intus latentibus aciculis. 63                                           |
| Hermaphrodita creditæ porcellæ. 61                                               | trophis intus concretis. 47                                                           |
| vitulæ. 62                                                                       | <i>Ana-</i>                                                                           |
| Herniosæ gallinæ. 79                                                             |                                                                                       |

*Index Rerum.*

|                                                                             |                |                                                                                    |                 |
|-----------------------------------------------------------------------------|----------------|------------------------------------------------------------------------------------|-----------------|
| <i>Anatome</i> vesicæ monstruosa.                                           | 79             | <i>Apoplexia</i> imminentis remora, verbera.                                       | 128. App.       |
| vesicularum fellis & partium adjacentium non rectè se habentium.            | 54             | <i>Apri</i> cerebrum antipodagricum.                                               | 151             |
| urinæ suppressione extincta.                                                | 12. 150        | <i>Aqua</i> frigida febris ardens feliciter curata.                                | 130             |
| uteri suilli foetibus disparis magnitudinis.                                | 68             | <i>Aqua</i> fortis usus externus in Cephalalgia salutaris & noxius.                | 406             |
| <i>Anethum</i> evporiston antivenereum.                                     | 288            | Reginæ Hungariæ abusus.                                                            | 296             |
| <i>Aneurisma</i> curatum.                                                   | 390            | <i>Aquosus</i> uteri fluxus, cum quadam hydropis specie.                           | 187             |
| magnum, nullis remediis cedens, sponte tamen evanescens.                    | 385            | <i>Aranea</i> inq; illis curiosa quædam observata.                                 | 112             |
| <i>Animalia</i> in aëre generari negatur.                                   | 32. App.       | exuvias serpentum instar deponunt, & à narcotico opii foetore exanimatæ concidunt. | 112             |
| <i>Animata</i> Nosologiae venusta Synopsis.                                 | 111. App.      | <i>Ardor</i> urinæ immensus & diuturnus.                                           | 93              |
| <i>Animi</i> deliquii causâ unguentum rannunculare.                         | 157            | <i>Arenula</i> per alvum excreta.                                                  | 379             |
| <i>Annona</i> pluvia in Curonia.                                            | 19. seqq. App. | <i>Armoniacus</i> spiritus ad ℥iij. pro una dosi salutariter assumtus.             | 405             |
| <i>Anomala</i> febris.                                                      | 411. seqq.     | <i>Armorum</i> impenetrabilitatis veritas & vanitas.                               | 307             |
| <i>Antimonii</i> sulphur quomodo ex eo parari possit Lap. Bezoar mineralis. | 426            | <i>Arteria</i> emulgentes geminæ in unico rene.                                    | 50              |
| <i>Antinephriticus</i> Jaspis, ejusque effectus probatus.                   | 4              | <i>Arterioso</i> sanguini occultum inest acidum.                                   | 100. seqq. App. |
| <i>Antipathia</i> fabulosa inter vitem & brassicam.                         |                | <i>Arthritis</i> à vacca collecta.                                                 | 363             |
| virginis cum baccis cynosbatirarissima.                                     | 292            | <i>Ascites</i> in muliere septuagenaria curatus.                                   | 105             |
| <i>Anus</i> hircissans.                                                     | 452            | <i>Asthma</i> capite & pectore terram versus inclinato, mitigatum.                 | 23              |
| occlusus.                                                                   | 13. & 111      | convulsivum & flatulentum.                                                         | 199. 202. seqq. |
| <i>Aphonia</i> totalis semestris in Asthmatico-scorbutico-hysterica.        | 251            | ejus causæ.                                                                        | 223. 224        |
| ratio.                                                                      | 256            | hereditarium toti familiæ.                                                         | 252             |
|                                                                             |                | * Nn 2                                                                             | <i>Asthma</i>   |



*Index Rerum.*

- Asthma* periodicum optimo successu curatum. 238  
 scorbutico-hystericum. 249  
 ejus causa. 249. 252. 256.  
 feqq.  
 curatio. 257  
 suffocativum mirandum. 153  
*Auri* oleum in febb. petechialibus & putridis admirandi effectus. 85  
*Aurum* menstruus foetor. 157. App. tinnitus & surditatis curatio. 163  
*Aurum* solvens spiritus ex sale fixo lapidis hæmatitidis. 424  
 spiritus salis marini volatilis. 168
- B.**
- B** *Aliensium* Insularum rota de curru quod ajunt, Lunæ magna tempestate de cœlo lapsa. 6  
*Balsami* de Tolu præstantia. 455  
*Bezoar* mineralis ex sulphure antimonii. 426  
*Bezoardica* Theriaca descripta. 270  
*Biliarium* ductum in bobus & ovibus sæpè replent vermes. 31  
*Biliarius* calculus argillæ molliæ in vacca Epileptica. 55  
 ductus crusta tartarea in vacca Epileptica obductus. 55  
*Biliosi* calculi per alvum rejeçti. 460  
*Bilis* in quavis corporis parte ex cruditate generatur. 41  
 tartarea quomodo Epilepsiæ possit esse causa. 56  
*Bistorta* radice virtus antifebrilis. 366
- Bombardarum* prohibitio & vera & vana. 310  
*Brassicam* inter & vitem antipathia fabulosa. 113  
*Brutorum* contagiosi morbi invadunt etiam homines & contra. 364  
*Bubonocela* etiam sexus sequior est obnoxius. 61  
*Bubonum* fistula. 23  
*Bufones* toxici sui vim ad oculos anterioresque capitis partes convocare possunt. 323
- C.**
- C** *Achexia* cum pleuritide sæpius recurrente. 417  
 rationes & causæ. 418. feqq.  
*Cadaver* vivum. 265  
*Caducus* dysenterix averruncus. 133. App.  
*Calculi* per alvum excreti. 262. 349. 379. 460  
 biliosi per alvum excreti. 460  
 catulos parvos referentes in liene vetulæ reperti. 263  
 colicæ causa. 350  
 cum mensibus per umbilicum exeuntes. 431  
 in pene subsistentis, felix per suctionem extractio. 127  
 per tussim & vomitum reddit. 262  
 vesicæ signa sine calculo. 282  
*Calculo* afflicti puerulus quadrienis. 241  
*Calculorum* generatio unde & quomodo fiat? 95  
 Cal-

# Index Rerum.

|                                              |     |                                              |     |
|----------------------------------------------|-----|----------------------------------------------|-----|
| <i>Calculus</i> solvens remedium.            | 263 | <i>Carnis</i> structuram an veteres ritè co- |     |
| <i>Calculus</i> biliaris argillæ mollitiæ in |     | gnoverint.                                   | 38  |
| vacca epileptica.                            | 55  | <i>Carnosa</i> excrescentia supra carneam    |     |
| casei figura.                                | 263 | oculi tunicam.                               | 385 |
| clavatus.                                    | 150 | <i>Casei</i> figuram referens calculus.      | 263 |
| vesicæ lethalis.                             | 94  | <i>Castratus</i> Cervus.                     | 323 |
| sine Lithotomo prodi-                        |     | <i>Cataracta</i> depositio in utroque oculo  |     |
| ens.                                         | 108 | feliciter celebrata.                         | 433 |
| <i>Canis</i> arterias emulgentes geminas in  |     | <i>Catechu</i> seu terræ Japonicæ tinctura   |     |
| uno rene habens.                             | 50  | in gelatinam sponte con-                     |     |
| diarrhœa afflicti anatome.                   | 40  | tracta.                                      | 377 |
| morbida anatome.                             | 74  | <i>Catulos</i> parvos referentes calculi.    | 263 |
| in partu mortuæ anatome.                     | 74  | <i>Caudatus</i> puer.                        | 230 |
| pancreate spoliati anatome.                  | 246 | <i>Cautela</i> in vesicatoriis adhibenda.    |     |
| rabidi morsus.                               | 113 |                                              | 264 |
| morsu inductum vene-                         |     | <i>Cauterium</i> actuale mortem inducens.    |     |
| num post octo annos ex-                      |     |                                              | 91  |
| citatum.                                     | 380 | <i>Ceparum</i> decoctum in obstructione al-  |     |
| verminoso ventriculi tumore la-              |     | vi salutariter adhibitum.                    |     |
| borantis anatome.                            | 26  |                                              | 94  |
| <i>Cantharides</i> Diabetis lethalis causa.  | 149 | <i>Cephalalgia</i> bimestris accedente auris |     |
| etiam externè si appli-                      |     | dolore intolerabili post                     |     |
| cantur, mictum cruen-                        |     | ruptum abscessum eva-                        |     |
| tum & stranguriam ex-                        |     | nescens.                                     | 235 |
| citant.                                      | 264 | corrosivo formicarum li-                     |     |
| <i>Cantharidum</i> sumtarum noxa.            | 450 | quore curata.                                | 144 |
| <i>Capillitium</i> viride.                   | 298 | per tonsuram curata.                         | 294 |
| <i>Capillorum</i> lusus varius.              | 299 | <i>Cera</i> usus internus cum malo cydonio   |     |
| <i>Caponis</i> inedia enecti anatome.        | 36  | in dysenteria.                               | 183 |
| <i>Capra</i> pariens foetum humano analo-    |     | <i>Ceraunia</i> metallica.                   | 5   |
| gum mortuum & simul ca-                      |     | <i>Ceraunei</i> lapides eorumq; figurarum    |     |
| prum.                                        | 328 | varietas unde?                               | 6   |
| <i>Cardialgia</i> periodica vernalis.        | 12  | generantur in nubibus.                       | 7   |
| ejus causa rarior.                           | 13  | glandibus plumbeis admixti                   |     |
| <i>Carduelis</i> fame peremptæ anatome.      | 39  | omnia perforare credun-                      |     |
| <i>Carnis</i> nausea ob discissum gallum o-  |     | tur arma.                                    | 8   |
| viparum.                                     | 88  | <i>Cerebrum</i> apri antipodagricum.         | 151 |



*Index Rerum.*

|                                                                                               |                                                                                                 |
|-----------------------------------------------------------------------------------------------|-------------------------------------------------------------------------------------------------|
| <i>Cervinis</i> pedibus præditus vitulus<br>hermaphroditus. 395                               | <i>Colubros</i> cum excrementis emittens<br>animal. 113. App.                                   |
| <i>Cervus</i> castratus in venatione lethali-<br>liter globulo transfixus. 323                | <i>Concionator</i> & Cantor epilepticus. 285                                                    |
| venatorem modo subitaneo &<br>raro occidens. 345                                              | <i>Conserua</i> spagyricæ virtus in Tympani-<br>te. 102                                         |
| <i>Chalazæ</i> alterius in ovo figura singu-<br>lari. 460                                     | <i>Contagium</i> brutorum transit etiam in<br>homines & vice versa. 364                         |
| <i>China</i> Chinæ alia substitui posse puta-<br>tur. 361                                     | <i>Convulsiones</i> epilepticæ mirabiles. 260                                                   |
| <i>Chronicos</i> morbos radicitus tollens<br>Panacæa sub forma pilu-<br>lari. 84              | puerperiosolutæ. 176                                                                            |
| <i>Chylosus</i> & albus ferè sanguis sine sa-<br>nitatis damno aliquot an-<br>nis durans. 326 | ratio. 177. seqq.                                                                               |
| <i>Chymica</i> experimenta. 424                                                               | à purgante resinoso ex-<br>citata. 313                                                          |
| remedia non omnibus pro-<br>miscuè sunt utilia. 97                                            | <i>Cor</i> suillum ultra viginti glandiis ob-<br>litum. 58                                      |
| <i>Cinnabaris</i> nativæ & antimonialis vis<br>dejectoria. 306                                | <i>Cordis</i> pinguedo per totum ejus pa-<br>renchyma granulatim in-<br>asthmatico dispersa. 22 |
| <i>Coccos</i> nucis germinatio. 467                                                           | <i>Cornu</i> Ammonis Gandersheimense &<br>Brunshusanum descriptum. 163. App.                    |
| <i>Cochleæ</i> hæmodias causa. 141. App.                                                      | <i>Corona</i> serpentum. 129                                                                    |
| <i>Cæcitas</i> aliqualis ex barbæ & pilorum<br>tonsura. 294. 295                              | <i>Corrosivo</i> formicarum liquore curata<br>Cephalalgia. 144                                  |
| subitanea Epilepsiæ prodro-<br>mus. 311                                                       | <i>Cortici</i> Chinæ Chinæ alia substitui pos-<br>se putantur. 361                              |
| <i>Coitus</i> , & post eum Vomitus cum dy-<br>suria ordinarius. 157. App.                     | <i>Crapula</i> & vomitus non nisi eadem<br>numero horâ desinens, quâ<br>crapula coeperat. 396.  |
| <i>Colica</i> cum alvi obstructione, stercore<br>suillo exterius applicato, cu-<br>ratur. 97  | <i>Crocus</i> Martis per præcipitationem<br>paratus. 424                                        |
| ex calculis. 350                                                                              | <i>Crystalli</i> Nitri. 316                                                                     |
| <i>Colorum</i> immutationem concernen-<br>tia experimenta varia. 105.                         | <i>Crystallinus</i> humor in oculo canis ve-<br>natici à sede sua pulsus<br>& uveæ accretus. 29 |
| App.                                                                                          | <i>Cuculi</i> pullorum exclusio vera. 330                                                       |
|                                                                                               | <i>Cumi</i>                                                                                     |

*Index Rerum.*

*Cumi* Gummi planta Japanensium. 133  
*Curiosa* verè Curiosa. 84  
*Cutis* versicolor & exulcerata, à men-  
 sibus retentis. 145  
*Cydonii* mali cerà adimpleti usus in  
 dysenteria. 183  
*Cynosbati* baccae & cum illis antipa-  
 thia Virginis rarissima. 292

**D.**

**D**æmoniacy quomodo ab Epilepti-  
 cis aliisq; naturaliter æ-  
 grotantibus dignoscendi. 165  
*Dæmoniacos* in Evangeliiis, multi cre-  
 dunt Epilepticos. 165  
*Decocto* Radicum Vincetoxici Ana-  
 sarca curata. 105  
*Dejectoria* absorbentium virtus. 242  
 Cinnabaris nativæ & anti-  
 monialis vis. 306  
*Deliquium* animi ab unguento ranun-  
 culari. 157  
*Dentes* maxillares à nimio stridore in  
 Epileptica contracti. 176  
*Dentium* stupor à cochleis. 142. App.  
*Diabetes* le. halis ab usu canthari-  
 dum externo. 149  
*Diata* brevioris frugaliorisque noxæ.  
 145. seqq. App.  
*Diarrhœa* afflictae canis anatome. 40  
*Difficilis* partus medicamentis felici-  
 ter facilitatus. 154  
*Dulcia* singularem viperæ instar soni-  
 tum clamosum & motum in  
 Vinitore causantes. 23

*Dysenteria* animata cum vertigine  
 nocturna. 158. App.  
 biennis epidemica. 178  
 ejus causa & curandi me-  
 thodus. 181. seqq.  
 Epilepsia curata. 133. App.  
*Dysenteria* cura. 137. 297  
 desperatae cura. 149  
*Dystocia* à pomis. 132. App.  
*Dysuria* cum vomitu post coitum or-  
 dinaria. 154. App.

**E.**

**E**ffigies sudans. 331  
*Elementorum* artificiosa præpara-  
 tio. 439  
*Elephantum* ossa subterranea. 446  
*Embryonum* sceleta in utero ovillo  
 reperta. 42  
*Empyema* ex intermissa paracenthesi  
 lethale. 232  
*Emulgentes* arteriæ geminæ in cane. 50  
*Ephemeridum* lectionis utilitas. 482  
*Epidemicorum* morborum procrea-  
 tio. 178. 193  
*Epilepsia* cum dentium fractura ob  
 nimium stridorem. 176  
 curat dysenteriam. 133. App.  
 enectæ fringillæ anatome. 78  
 picis glandariæ ana-  
 tome. 77  
 à plumis passerum. 133. App.  
 pulvere Rad. Valerianæ cu-  
 rata. 142  
 quomodo à tartarea oriatur  
 bile. 56  
 Epi-



*Index Rerum.*

|                                                                                          |                                                                         |
|------------------------------------------------------------------------------------------|-------------------------------------------------------------------------|
| <i>Epilepsia</i> prodromus cœcitas subitanea. 311                                        | <i>Famem</i> inopia alimenti nativi causat. 32                          |
| species rarior. 374                                                                      | <i>Febre</i> epidemicâ laborans malè tractata in phthisin prolapsa. 191 |
| <i>Epilepsiam</i> excitantes lumbrici. 357                                               | <i>Febres</i> ardentes, in iis potum negare idem est ac occidere. 101.  |
| à tabaci fumo foveri exemplum notabile. 373                                              | App.                                                                    |
| ratio. 374                                                                               | intermittentes à vermibus. 216.                                         |
| <i>Epileptica</i> convulsiones à purgante resinoso excitatæ. 313                         | App.                                                                    |
| <i>Epileptica</i> vaccæ pori biliarii crustâ tartareâ obducti. 55                        | <i>Febricitantium</i> sanguis verminosus. 32                            |
| <i>Epilepticus</i> Concionator & Cantor. 288                                             | <i>Febrifuga</i> radicum bistortæ & tormentillæ virtus. 362             |
| <i>Errores</i> in Medicina quandoq; singulares. 404                                      | <i>Febrifugi</i> Limacum lapilli. 465. seqq.                            |
| <i>Exanthematibus</i> præsentibus in febb. epidemicis, an venæ sectio administranda. 198 | <i>Febris</i> anomala. 411. seqq.                                       |
| <i>Excreſcentia</i> carnosa super corneam oculi tunicam. 335                             | ardens ejusq; mira per frigidam cura. 130                               |
| <i>Exotica</i> præsidia domesticis non sunt præferenda. 150. App.                        | in eo venæ sectio salutaris & noxia. 197                                |
| <i>Experimenta</i> circa pancreas nova confirmata. 243                                   | Hungarica Phantasiæ corruptæ causa. 162                                 |
| vulgi non semper sunt deliramenta. 136. App.                                             | intermittens ab aëre palustri inducta. 414                              |
| <i>Exſanguis</i> corpus. 24                                                              | cum convulsionibus mirandis. 176                                        |
| <i>Exſanguis</i> in Vinitore venæ. 24                                                    | ratio & causæ. 177                                                      |
|                                                                                          | lactea. 161                                                             |
|                                                                                          | tertiana duplex. 407                                                    |
|                                                                                          | immodico mensium fluxu curata. 399                                      |
| <b>F.</b>                                                                                | <i>Feggo</i> Planta Japanensium. 135                                    |
| <b>F</b> æces per umbilicum lethaliter prodeuntes. 24                                    | <i>Fermentationis</i> requisita. 103. seqq.                             |
| <i>Fagus</i> & in eo fur è patibulo pendulus naturæ penicillo depictus. 453              | <i>Fermentum</i> urinæ symbolicum quale. 102. seqq.                     |
| <i>Fame</i> enecti caponis anatome. 36                                                   | <i>Ferrea</i> Nux juglans, formationis ejus probabilis ratio. V 2       |
| carduelis anatome. 39                                                                    | Oſirea. I                                                               |
|                                                                                          | <i>Ferrea</i>                                                           |

*Index Rerum.*

|                                                         |             |                                                                            |              |
|---------------------------------------------------------|-------------|----------------------------------------------------------------------------|--------------|
| <i>Ferrea</i> duritiei lignum.                          | 132         | <i>Fungi</i> calyciformes seminiferi.                                      | 303          |
| <i>Sest</i> machen ist wahr und falsch.                 | 307.        | querni singulares.                                                         | 100          |
| <i>Ficofax</i> Planta Japonica.                         | 310         | <i>Fur</i> è patibulo pendulus in fago natura penicillo depictus.          | 453          |
| <i>Fistula</i> circa bubones.                           | 134         | <i>Furiosus</i> tabaci fumo curatus.                                       | 92           |
| <i>Flexibilitas</i> & mollities ossium.                 | 23          |                                                                            |              |
| <i>Flores</i> nitri.                                    | 397         |                                                                            |              |
| <i>Fluoris</i> albi regurgitatio.                       | 306         |                                                                            |              |
| <i>Fecunditatis</i> menstruum vegetabile                | 170         |                                                                            |              |
| nix.                                                    | 132         |                                                                            |              |
| <i>Fœniculi</i> aquatici usus salutaris in hydropse.    | 147         |                                                                            |              |
| <i>Fœtum</i> humano analogum pariens capra.             | 328         |                                                                            |              |
| etiam nutritii succi copia obruit.                      | 172         |                                                                            |              |
| per os nutriri in utero, exemplum singulare.            | 394         |                                                                            |              |
| <i>Fœtus</i> intra abdomen rupto utero exclusus.        | 16. 17. 450 |                                                                            |              |
| absque funiculo umbilicali natus.                       | 392         |                                                                            |              |
| leporini extra uterum reperti.                          | 45          |                                                                            |              |
| monstrosus.                                             | 237. 429    |                                                                            |              |
| quasi mortui per suctionem in vitam restitutio.         | 125         |                                                                            |              |
| vitulinus per os & vulvam frustillatim exclusus.        | 155. App.   |                                                                            |              |
| in utero mortuus vi quasi expulsus.                     | 320         |                                                                            |              |
| <i>Fons</i> Polzinensis miraculosus.                    | 138. & 483  |                                                                            |              |
| <i>Formicarum</i> corrosivo liquore curata Cephalalgia. | 144         |                                                                            |              |
| <i>Fringilla</i> Epileptica anatome.                    | 78          |                                                                            |              |
| <i>Fumi</i> tabacini noxa.                              | 373         |                                                                            |              |
| utilitas.                                               | 92          |                                                                            |              |
| <i>Dec. II. Annus VII.</i>                              |             |                                                                            |              |
|                                                         |             | <i>G.</i>                                                                  |              |
|                                                         |             | <i>G</i> <i>Allina</i> herniosæ anatome.                                   | 79           |
|                                                         |             | iliacæ anatome.                                                            | 64           |
|                                                         |             | <i>Gallus</i> oviparus nausæ carnis causa.                                 | 88           |
|                                                         |             | <i>Gangrena</i> à piso.                                                    | 134          |
|                                                         |             | <i>Gelatina</i> Sabinæ ejusq; usus.                                        | 146          |
|                                                         |             | <i>Gemini</i> eorumq; rara animi & corporum similitudo.                    | 334          |
|                                                         |             | <i>Generatio</i> animalium mineralium & vegetabilium in aëre.              | 1. App.      |
|                                                         |             | qualis ex ejus consideratione sperandus usus.                              | 50. App.     |
|                                                         |             | <i>Geodis</i> species rarior.                                              | 3            |
|                                                         |             | <i>Germinatio</i> Nucis coccos.                                            | 467          |
|                                                         |             | Pistaciæ.                                                                  | 371          |
|                                                         |             | <i>Gewehr</i> versagend zu machen/ ist wahr und falsch.                    | 310          |
|                                                         |             | <i>Glandia</i> in Lepore reperta.                                          | 58           |
|                                                         |             | piscibus reperta.                                                          | 58           |
|                                                         |             | quid?                                                                      | 59           |
|                                                         |             | <i>Glandiorum</i> anatome.                                                 | 58           |
|                                                         |             | <i>Glandulosus</i> ab omento dependens tumor herniam vel bubonem mentiens. | 21. 23       |
|                                                         |             | uteri tumor adnatus externus.                                              | 15           |
|                                                         |             | <i>Glans</i> imperforata.                                                  | 13. 14       |
|                                                         |             | <i>Glaucoma</i> apparenter tale in cane venatico.                          | 29. 35       |
|                                                         |             | * Oo                                                                       | <i>Glau-</i> |



*Index Rerum.*

|                                                                                   |                                                                                            |
|-----------------------------------------------------------------------------------|--------------------------------------------------------------------------------------------|
| <i>Glaucoma</i> apparet nonnunquam in optimè videntibus. 35                       | <i>Hæctica</i> species. 216                                                                |
| <i>Globus</i> lapideus materiâ pingui repletus in sepulchro repertus. 473         | ejus cura. 217                                                                             |
| vitulinus. 47                                                                     | <i>Hemicrania</i> cum hæctica curata. 168                                                  |
| ejus generationis ratio. 48                                                       | <i>Hepatis</i> boum, ovium & murium, in convexo sæpè reperti tumores lumbricis gravidi. 31 |
| <i>Grana</i> tilli numero centum in uno die adolescenti propinata. 426            | <i>Mustelæ</i> usus in suffusione. 335                                                     |
| <i>Gravida</i> mulieris anatome. 381                                              | <i>Hepatocèle.</i> 11                                                                      |
| <i>Gruus</i> pinguedine suffocata anatome. 71                                     | <i>Hermaphrodita</i> creditæ porcellæ anatome. 61                                          |
| <i>Grylli</i> tympanorum tubarumq; sonitu enecati. 90                             | vitulæ anatome. 62                                                                         |
| <i>Gutta</i> serenæ primordia ex variolis. 161                                    | <i>Hermaphroditi</i> perfecti non reperiuntur. 62                                          |
| <b>H.</b>                                                                         | <i>Hermaphroditus</i> vitulus pedibus ceruinis. 395                                        |
| <b>H</b> æmatitidis sal fixum ejusq; spiritus solvunt aurum. 424                  | <i>Hernia</i> & variæ circa eas conjectura & notamina. 18                                  |
| <i>Hamodia</i> à cochleis. 141. App.                                              | quomodo facilius reponendæ. 19                                                             |
| <i>Hæmorrhagia</i> narium vapore styptico Aëtii curata. 145                       | <i>Herniosa</i> gallinæ anatome. 79                                                        |
| umbilicalium vasorum. in recens natis lethalis. 365                               | porcellæ anatome. 61                                                                       |
| <i>Hæmorrhagia</i> in fœmina frequentes, post mensium suppressionem rariores. 199 | <i>Hircissans</i> anus. 452                                                                |
| ratio & causa. 201. 202. seqq.                                                    | <i>Homines</i> caudati. 230. 231                                                           |
| spontanæ internæ & externæ notabile exemplum. 376                                 | <i>Humidi</i> nativi inopia sitis causa. 39                                                |
| <i>Hæreditaria</i> phthiseos curatio. 430                                         | <i>Hungariæ</i> Reginæ aquæ abusus. 296                                                    |
| <i>Hæctica</i> cum <i>Hemicrania</i> curata. 168                                  | <i>Hydatides</i> venarum. 385                                                              |
|                                                                                   | <i>Hydropica</i> magnam corporis molem præ se ferentis anatome. 146                        |
|                                                                                   | post paracentesin anatome. 353                                                             |
|                                                                                   | ex suppressione mensium anatome. 265                                                       |
|                                                                                   | <i>Hydropicorum</i> liquor ferè corrosivus. 277                                            |
|                                                                                   | <i>Hydrops</i>                                                                             |

# Index Rerum.

|                                                                                             |                                                                                                       |
|---------------------------------------------------------------------------------------------|-------------------------------------------------------------------------------------------------------|
| <i>Hydrops</i> abdominis saccatus cum vesicæ & uteri defectu. 274                           | alterum intrusione causatur. 65                                                                       |
| ejus generationis ratio. 277. seqq.                                                         | <i>Iliaca</i> passio repentinæ mortis causa. 462                                                      |
| foeniculo aquatico feliciter curatus. 147                                                   | <i>Iliaca</i> gallinæ anatome. 64                                                                     |
| in ea paracentesis frustra tentata. 355                                                     | passionis causa rarior. 21                                                                            |
| <i>Hypercatharsis</i> à nimia Jalappæ resina excitata. 24. 183                              | <i>Impenetrabilitatis</i> armorum veritas & vanitas. 307                                              |
| ratio. 186                                                                                  | <i>Inedia</i> enecti caponis anatome. 36                                                              |
| <i>Hypochondrii</i> sinistri dolor periodicus feliciter curatus. 239                        | sanguis absimitur. 40                                                                                 |
| <i>Hysterica</i> passione mulieres laborant fluxu mensium etiam naturaliter se habente. 254 | Vide <i>Fames</i> .                                                                                   |
| pro obsessa malè habita. 159                                                                | <i>Inguinis</i> tumor gelatinosus in puero pro hernia habitus. 20                                     |
| <i>Hystericarum</i> passionum causæ. 160. 253. seqq.                                        | <i>Intemperies</i> ventriculi vaga lethalis. 289                                                      |
| <i>Hysteric</i> -Scorbuticum Asthma. 249                                                    | <i>Intestina</i> quædam à cervo lethaliter læsa, illæsâ cute. 346                                     |
| ejus causa. 249. 252. 256                                                                   | peritonæo & abdominis musculis peculiari membranâ in puella fæces per umbilicum excernente adnata. 25 |
| curatio. 257                                                                                | <i>Intestini</i> recti coalitus alvi constipationis causa. 266                                        |
| <b>J.</b>                                                                                   | <i>Intestinorum</i> tenuium valvulæ conniventes. 42                                                   |
| <i>Jalappa</i> radices in nimia dosi exhibitæ noxa. 24. 183                                 | <i>Intestinum</i> jejunum, lumbricorum latorum in cane domicilium. 74                                 |
| cur facillè hypercatharsin excitent? 186                                                    | <i>Isnoaky</i> Japanensis planta. 132                                                                 |
| <i>Jaspis</i> antinephriticus ejusq; effectus singularis. 4                                 | <b>K.</b>                                                                                             |
| <i>Icterus</i> manimarum. 135. App. niger cum scabiæ sicca. 108                             | <i>K</i> <i>Trama</i> planta Japanensium. 134                                                         |
| <i>Idiosyncrasia</i> inter uxorem & maritum singularis. 403                                 | <b>L.</b>                                                                                             |
| <i>Iliaca</i> passio curata. 214                                                            | <i>L</i> <i>Ac</i> cum sanguine unâ vice è mammis effluens, sine ulla alterius commixtione. 89        |
| non solum à contorsione, sed & unius intestini in                                           |                                                                                                       |



*Index Rerum.*

*Lactea* febris. 161  
*Lactei* tubuli ad mammas tendentes  
Hippocrati non fuerint igno-  
ti. 161  
*Lapides* Ceraunei. Vide *Ceraunei*.  
*Lapideum* prunum exsiccatum. 1  
*Lapilli* Limacum. 465  
*Lapis* Bononiensis lucifer, pruno ex-  
siccato similis. 3  
globosus, materiâ pingui reple-  
tus in sepulchro repertus. 473  
*Leporina* mumia. 45  
*Leporini* foetus extra uterum reperti. 45  
*Lepus* glandiis laborans. 54  
*Lienum* anatome. 60  
*Lienis* calculi catulos referentes. 263  
mutilatio indemnis. 293  
*Ligatura*, an venenum ascendens in-  
tercipiat? 272  
*Lignum* ferrei duritiei. 132  
*Limacum* lapilli. 465  
*Lingua* tumor insignis. 95  
*Lochia* nimia. 158  
*Lumbrici* epilepsiam excitantes. 357  
novum adversus eos reme-  
dium. 454  
per umbilicum lethaliter  
prodeuntes. 25  
*Luna* juxta mutationes, mammae &  
auctae & imminutae. 141. App.  
*Lupulus* remedium insigne anthelmin-  
ticum. 454  
*Lymphatica* vasa à sima hepatis parte  
ad glandulas conglo-  
batas ducere inq; illis  
se exonerare experi-  
mento probatur. 248

*Lymphaticorum* vasorum nova in te-  
stibus communi-  
catio. 432

*M.*

**M** *Agneticum* emplastrum à mul-  
tis tantoperè laudatum  
in hernia frustra appli-  
catum. 19  
*Malacia* in puella bimula. 143  
*Maleficia* suffitu curata. 152  
*Maleficiati* pueri casus memorabilis. 258  
*Mamma* mentulata. 228  
*Mamma* & ex illis lactis loco sanguis  
exsuctus, mortis causa. 89  
ad phases Lunæ auctae & im-  
minutae. 141. App.  
*Mammarum* icterus. 135. App.  
*Martis* crocus per præcipitationem  
paratus. 424  
*Solaris Tincturæ* quibusdam  
in morbis effectus salutaris. 359  
*Materia* tophacea cum alvi excre-  
mentis ejecta. 349  
*Mathematico* - *Physica* theorematum. 55. seqq. App.  
*Maxilla* superior in utroque latere in  
foetu monstroso fissâ. 237  
*Meatus* urinarius extra-ordinarius. 13. 14  
*Medicamenta* extranea domesticis  
non sunt præferen-  
da. 150. seqq. App.  
simplicia optima. 152.  
App.  
*Melan-*

*Index Rerum.*

|                                                                           |     |                                                                                                          |                 |
|---------------------------------------------------------------------------|-----|----------------------------------------------------------------------------------------------------------|-----------------|
| <i>Melancholia</i> uterina feliciter curata.                              | 165 | <i>Metallorum</i> Mercurius copiosè & facile obtinendus.                                                 | 339             |
| <i>Melissa</i> liquor & sal volatile.                                     | 463 | vitricatio.                                                                                              | 115             |
| <i>Menses</i> & cum eo calculi per umbilicum prodeuntes.                  | 431 | <i>Meteororum</i> contemplatio, an spectet ad Medicos.                                                   | 50. App.        |
| <i>Mensium</i> fluxus immodicus febre tertianâ curatus.                   | 399 | <i>Miaco Bana</i> planta Japanensium.                                                                    | 133             |
| fluxu ordinario existente nihilominus mulieres esse possunt hystericæ.    | 254 | <i>Microscopicum</i> Rorismarini examen.                                                                 | 294             |
| retentio cutem versicolore & exulceratam reddens.                         | 145 | Salviæ examen.                                                                                           | 468             |
| Gelatina Sabinæ curata.                                                   | 146 | <i>Microscopii</i> Tortoniani fabrica.                                                                   | 442             |
| gravissimorum morborum mater.                                             | 171 | <i>Mola</i> carnosâ in utero hydropicâ.                                                                  | 147. 265        |
| <i>Mentulata</i> mamma.                                                   | 228 | <i>Mollities</i> & flexibilitas ossium.                                                                  | 397. 447        |
| <i>Mercurio</i> corrente Ileos feliciter curatus.                         | 214 | <i>Mominoky</i> planta Japanensis.                                                                       | 133             |
| <i>Mercurius</i> metallorum copiosè & facile obtinendus.                  | 339 | <i>Mons</i> Insulæ Serou terræ motu & igne disruptus.                                                    | 6               |
| <i>Metalla</i> & quædam circa solutionem & præcipationem eorum notanda.   | 425 | <i>Monstrosus</i> foetus.                                                                                | 237. 429        |
| in nube fulminea possunt generari.                                        | 6   | <i>Morbillorum</i> cura.                                                                                 | 137             |
| <i>Metallica</i> Ceraunia.                                                | 5   | <i>Morborum</i> variorum evporista vulgi salutaria.                                                      | 137. App.       |
| rota ex nubibus magnâ tempestate in Insulis Baliensibus delapsa.          | 6   | <i>Mors</i> ob sanguinem è mammis exsuctum.                                                              | 89              |
| spatula summo palmæ Indicæ fastigio fulmine immissa.                      | 7   | <i>Morsu</i> canis rabidi inductum venenum post octo annos excitatum.                                    | 386             |
| <i>Metallicum</i> dolium in Insula Serou cum tonitru ex nubibus delapsum. | 6   | <i>Morsus</i> canis rabidi serpentis curatus.                                                            | 153. 266. seqq. |
|                                                                           |     | <i>Motus</i> vitalis in ventriculo Siluri à reliquis visceribus soluti, ultra unius diei spatium durans. | 81              |
|                                                                           |     | <i>Mumia</i> leporina.                                                                                   | 45              |
|                                                                           |     | <i>Mus</i> in vertiginem actus.                                                                          | 378             |
|                                                                           |     | <i>Mustela</i> hepatis usus in suffusione.                                                               | 315             |
|                                                                           |     | <i>Mutilatio</i> lienis indemnâ.                                                                         | 293             |



Index Rerum.

| N.                                                                     |                                                    |                                                                                                                              |
|------------------------------------------------------------------------|----------------------------------------------------|------------------------------------------------------------------------------------------------------------------------------|
| <b>N</b>                                                               | <b>Ævus</b> maternus equi forma & pi-<br>fcis. 428 | <b>Oculi</b> super corneam excreſcentia car-<br>noſa. 335                                                                    |
| <i>Napelli</i> antidota. 158                                           |                                                    | <b>Oculi</b> pupilla anguloſa in cane, ejusq;<br>cauſa. 29                                                                   |
| <i>Narcotica</i> natura præditus vermis.<br>436                        |                                                    | cataraſtæ depoſitionem<br>non admittit. 34                                                                                   |
| <i>Narcotico</i> ab opii odore exanimis ara-<br>neæ concidunt. 112     |                                                    | tophus in fringilla epileptica.<br>78                                                                                        |
| <i>Natura</i> decrementum alterius incre-<br>mento alterius penſat. 52 |                                                    | tumor juxta iridem feliciter cu-<br>ratus. 435                                                                               |
| multa facit cum ratione quo-<br>rum nos non capimus ratio-<br>nem. 48  |                                                    | <i>Odontalgia</i> ranunculo nemoroſo cu-<br>rata. 351                                                                        |
| <i>Nauſea</i> carnis ob diſciſſum gallum o-<br>viparum. 88             |                                                    | <i>Odontalgia</i> violentæ cauſa, vermis<br>dentis inquilinus. 332                                                           |
| <i>Nautilus</i> velificans & remigans. 8                               |                                                    | <i>Oleum</i> Auri in febb. petechialibus ad-<br>mirandi effectus. 85                                                         |
| <i>Necroſis</i> tibiæ & totius ſubitanea. 225                          |                                                    | <i>Omentum</i> in aſcite deſuncto inte-<br>grum. 22                                                                          |
| <i>Niſun Schin Srogas</i> planta Japanenſis.<br>135                    |                                                    | in hydropica corruptum,<br>peneq; conſumtum. 356                                                                             |
| <i>Nitri</i> flores & cryſtalli. 306                                   |                                                    | intestino ileo adnatum &<br>quodammodo ſphacelo-<br>ſum, Iliaci morbi & tenſi-<br>vorum circa præcordia<br>dolorum cauſa. 21 |
| <i>Nix</i> fœcunditatis eſt vegetabile men-<br>ſtrum. 132              |                                                    | <i>Omina</i> non ſemper ſunt nuda nomina.<br>87                                                                              |
| <i>Nummus</i> à puero biennali deglutitus<br>feliciter excretus. 164   |                                                    | <i>Ophthalmia</i> phthiſeos cauſa. 114                                                                                       |
| Pruſſicus in capræ ventricu-<br>lo repertus. 47                        |                                                    | <i>Opii</i> fœtor, ab eo araneæ concidunt ex-<br>animis. 112                                                                 |
| <i>Nutritii</i> ſacci copia fœtum etiam in<br>utero obruit. 172        |                                                    | <i>Orificium</i> uteri in ove concretum, par-<br>tus negati cauſa. 44                                                        |
| <i>Nutritionis</i> fœtus in utero per os ex-<br>emplum ſingulare. 394  |                                                    | <i>Orthopnæa</i> . 218                                                                                                       |
| <i>Nux</i> juglans ferrea. 1                                           |                                                    | ejus cauſæ. 219. 222. 224                                                                                                    |
| ejus formationis probabilis<br>ratio. 2                                |                                                    | cura. 221                                                                                                                    |
| O.                                                                     |                                                    | <i>Oſcheocele</i> horrenda, cum hydropo<br>aſcite. 455                                                                       |
| <b>O</b>                                                               | <i>Beſſa</i> falſo credita, hyſterica.<br>159      | <i>Oſſa</i>                                                                                                                  |

*Index Rerum.*

|                                               |      |                                               |           |
|-----------------------------------------------|------|-----------------------------------------------|-----------|
| <i>Ossa</i> elephantum.                       | 446  | <i>Paralysis</i> causarum ratione varia cu-   |           |
| microcosmi calcinata, & spectri-              |      | rationis methodus.                            | 173       |
| formis exinde apparitio.                      | 315  | à stanno.                                     | 156       |
| <i>Ossea</i> laminæ, ductus ureterici.        | 49.  | <i>Partu</i> difficili mortuæ canis anatome.  | 76        |
|                                               | 52   |                                               |           |
| <i>Osseum</i> periosteum.                     | 384  | <i>Partus</i> difficilis medicamentis felici- |           |
| <i>Ossium</i> mollities & flexibilitas.       | 397. | ter facilitatus.                              | 154       |
|                                               | 447  | in obesio persæpè causa est pin-              |           |
| pubis cartilago media mollis                  |      | guedo                                         | 76        |
| & spongiosa in primipara.                     |      | vesica turgida.                               | 76        |
|                                               | 461  | humani via insolita.                          | 450       |
| vincula in gravida laxa &                     |      | <i>Passerum</i> plumæ epilepsiæ causa.        | 133.      |
| remissa.                                      | 384  | App.                                          |           |
| <i>Ostrea</i> ferrea.                         | 1    | <i>Pediculares</i> morbi.                     | 130. App. |
| <i>Ovilli</i> embryi intus sceletis anatome.  |      | <i>Pedicularis</i> urina.                     | 130. App. |
|                                               | 42   | <i>Pericardium</i> carnosum.                  | 22        |
| <i>Oviparus</i> gallus dissectus, nausea car- |      | <i>Periodica</i> cardialgia vernalis.         | 12        |
| nis in foemina causa.                         | 88   | tussis curata.                                | 291       |
| <i>Ovum</i> & in eo Chalazæ alterius figura   |      | <i>Periosteum</i> osseum.                     | 384       |
| singularis.                                   | 460  | <i>Phalena</i> maxima.                        | 475       |
|                                               |      | <i>Phantasia</i> corrupta post febrem Hun-    |           |
|                                               |      | garicam.                                      | 162       |
|                                               |      | ratio.                                        | ibid.     |
|                                               |      | <i>Phthisis</i> ex febre Epidemica malè cu-   |           |
|                                               |      | rata.                                         | 191       |
|                                               |      | hæreditaria curata.                           | 430       |
|                                               |      | ex ophthalmia.                                | 114       |
|                                               |      | <i>Pica</i> feliciter curata.                 | 421       |
|                                               |      | ejus causæ.                                   | 423       |
|                                               |      | in puella bimula.                             | 143       |
|                                               |      | <i>Pica</i> glandariæ Epilepsiæ enectæ ana-   |           |
|                                               |      | tome.                                         | 77        |
|                                               |      | <i>Pinguedine</i> repletus tumor pro hernia   |           |
|                                               |      | falsò habitus.                                | 21        |
|                                               |      | suffocataë gruis anatome.                     | 71        |
|                                               |      | turturis anatome.                             | 69        |
|                                               |      |                                               | Pin-      |

**P.**

|                                                 |     |
|-------------------------------------------------|-----|
| <b>P</b> <i>Alma</i> Indica ejus summo fastigio |     |
| fulmen spatulam impegit                         |     |
| æneam.                                          | 7   |
| <i>Panacæa</i> in forma pilulari omnes mor-     |     |
| bos radicitus tollens.                          | 84  |
| ejus materia & præparatio.                      | 85  |
| <i>Pancreas</i> & nova circa illud experi-      |     |
| menta confirmata.                               | 243 |
| <i>Pancreate</i> spoliati canis anatome.        | 246 |
| <i>Paracentesis</i> in hydrope frustra ten-     |     |
| tata.                                           | 355 |
| <i>Paralysis</i> cum macie & doloribus.         | 172 |



*Index Rerum.*

|                                                                                                  |                                                                                   |
|--------------------------------------------------------------------------------------------------|-----------------------------------------------------------------------------------|
| <i>Pinguedo</i> per totum cordis parenchy-<br>ma granulatim quasi in-<br>asthmatico dispersa. 22 | <i>Potum</i> in febribus ardentibus negare<br>idem est ac occidere. 101.          |
| in obesitatis difficilis partus cau-<br>sa. 76                                                   | <i>Præputium</i> largius retractum incre-<br>spatum. 14                           |
| sine sanitatis damno aliquot<br>annis per urinam & vomitum<br>excreta. 346                       | <i>Procidencia</i> uteri excisæ felix even-<br>tus. 98                            |
| <i>Pinorum</i> & abietum florentium cro-<br>cus, pluviarum sulphu-<br>rearum causa. 369          | <i>Prodigiosa</i> pluviae. s. App.                                                |
| <i>Pisa</i> in abscessu. 134. App.                                                               | <i>Prohibitio</i> tormentorum bellicorum<br>& vera & vana. 310                    |
| <i>Pisces</i> laborant glandiis. 58                                                              | <i>Prunum</i> exsiccatum lapideum. 1                                              |
| <i>Pisces</i> referens nævus maternus.<br>428                                                    | <i>Pubis</i> media cartilago in primipara<br>mollis & spongiosa. 461              |
| <i>Pistacia</i> germinatio. 371                                                                  | offium ligamenta in gravida la-<br>xa & remissa. 384                              |
| <i>Pisum</i> gangrænæ causa. 134. App.                                                           | <i>Pudendo</i> suillo urinæ incontinentia<br>curata. 148                          |
| <i>Pleuritis</i> ejusq; causæ. 410                                                               | <i>Puerulus</i> quatuor annorum calculo<br>afflictus. 241                         |
| sæpè recurrens in Cachecti-<br>ca. 417. seqq.                                                    | <i>Pulorum</i> cuculi exclusio vera. 330                                          |
| <i>Pluvia</i> in Curonia annonæ & bractææ<br>singularis. 19. App.                                | <i>Pulmonum</i> scirrhus. 356                                                     |
| sulphurea. 367                                                                                   | <i>Pulsus</i> debitus investigandi locus.<br>342                                  |
| ejus causa & materia. ibid.<br>seqq.                                                             | <i>Pulsus</i> per triginta sex horas ante obi-<br>tum cessatio. 343               |
| <i>Pluvia</i> prodigiosæ & quid de iis fen-<br>tiendum. s. App.                                  | <i>Pulveris</i> sclopetantis præparatio. 104                                      |
| vegetabilium causæ. 27. seqq.<br>App.                                                            | <i>Pupilla</i> in cane venatico non exactè<br>rotunda, ejusq; causa rarior.<br>29 |
| <i>Podagricum</i> dolorem demulcentiare-<br>media varia. 151                                     | oculi si angulosa est, cataractæ<br>depositio non est tentanda.<br>34             |
| <i>Polzinensis</i> fons miraculosus. 138                                                         | <i>Purgans</i> resinofum convulsionum epi-<br>lepticarum causa. 313               |
| <i>Pomum dysentericæ</i> causa. 132. App.                                                        | <i>Purgantium</i> remediorum diversitas.<br>96                                    |
| <i>Porcella</i> herniosa. 61                                                                     | <i>Puru-</i>                                                                      |
| <i>Porcella</i> hermaphroditæ creditæ ana-<br>tome. 61                                           |                                                                                   |
| <i>Potulenta</i> non solum præbent urinæ<br>materiam. 104. App.                                  |                                                                                   |

*Index Rerum.*

|                                                                        |         |                                                                                                                   |           |
|------------------------------------------------------------------------|---------|-------------------------------------------------------------------------------------------------------------------|-----------|
| <i>Purulenta</i> variolarum materia per urinam criticè excreta.        | 344     | <i>Risus</i> involuntarius plurium annorum innoxius, tandem lethalis.                                             | 317       |
| <i>Pustula</i> manuum singulares gangrænam minantes.                   | 10      | <i>Roris marini</i> fabrica sub microscopio examinata.                                                            | 294       |
| <b>Q.</b>                                                              |         | <i>Rotula</i> sclopetaria naturâ sic efformata.                                                                   | I         |
| <b>Q</b> uadrifolium trifolium.                                        | 327     | <b>S.</b>                                                                                                         |           |
| <i>Querni</i> fungi singulares.                                        | 100     | <i>Sabina</i> Gelatina ejusque in obstructione mensium usus.                                                      | 146       |
| <b>R.</b>                                                              |         | <i>Sacculus</i> sero limpidorepletus sub testiculo in Nobili pro herenioso falsò habito, post sectionem repertus. | 20        |
| <b>R</b> abidi canis morfu excitatum venenum per octo annos excitatum. | 380     | <i>Sal</i> Tartari volatile.                                                                                      | 426       |
| morsus.                                                                | 153     | <i>Salamandra</i> in igne viva & mortua.                                                                          | 439.441   |
| Lupi morsus.                                                           | 209     | <i>Salis</i> marini spiritus volatilis solvit aurum.                                                              | 168       |
| variorum exinde symptomatum analysis.                                  | 211     | <i>Salivatio</i> diuturna cum metu gangrænae.                                                                     | 9         |
| quomodo methodicè tractandus.                                          | 213     | <i>Salvia</i> glandiferæ folium sub Microscopio examinatum.                                                       | 468       |
| <i>Radici</i> Jalappæ in nimia dosi exhibitæ noxa.                     | 24      | <i>Sanguis</i> chylosus & albus sine sanitatis damno aliquot annis durans.                                        | 326       |
| <i>Ranunculare</i> unguentum animi deliqui causa.                      | 157     | concoquitur etiâ extra vasa in corpore optimè valente.                                                            | 67        |
| <i>Ranunculo</i> nemoroso curata Odontalgia.                           | 351     | <i>Sanguis</i> crustosus è vena secta, & quid de eo sentiendum.                                                   | 72. seqq. |
| <i>Regiones</i> cur privatos suos habeant morbos.                      | 415     | App.                                                                                                              |           |
| <i>Regurgitatio</i> fluoris albi.                                      | 170     | per inediam absumitur.                                                                                            | 40        |
| <i>Renes</i> in ove solito majores & minores.                          | 50      | <i>Sanguis</i> cum lacte unâ vice effluens sine ulla alterius commixtione.                                        | 89        |
| succenturiati gemini renum alteri annexi.                              | 49      | è mammis exsuctus, mortis causa.                                                                                  | 89        |
| <i>Renum</i> in canibus conformatio rarior.                            | 48      | reliquas partes dum deserit, cur in ventriculolum solum se exoneret?                                              | 40        |
| usus verus in quo consistat.                                           | 98.     | * Pp                                                                                                              | Sapo      |
| seqq. App.                                                             |         |                                                                                                                   |           |
| <i>Respirationis</i> difficilis causa.                                 | 254.255 |                                                                                                                   |           |
| <i>Risus</i> Sardonijs ejusq; causa.                                   | 318     |                                                                                                                   |           |
| <i>Dec. II. Annus VII.</i>                                             |         |                                                                                                                   |           |



*Index Rerum.*

|                                              |               |                                                |           |
|----------------------------------------------|---------------|------------------------------------------------|-----------|
| <i>Sapo</i> vide <i>Smegma</i> .             |               | <i>Sonitus</i> tympanorum funestus.            | 90        |
| <i>Sardonius</i> risus ejusq; causa.         | 318           | <i>Spastica</i> symptomata uterina.            | 159       |
| involuntarius plurium                        |               | <i>Spatula</i> ænea quam fulmen impegit in     |           |
| annorum innoxius, tan-                       |               | summum palmæ Indicæ fa-                        |           |
| dem lethalis.                                | 317           | stigium.                                       | 7         |
| <i>Scabies</i> sicca cum ictero nigro.       | 108           | <i>Speculorum</i> confectio.                   | 340       |
| <i>Scirrhorum</i> anatome.                   | 67            | <i>Spectriformis</i> apparitio ex ossibus Mi-  |           |
| <i>Scirrhus</i> pulmonum.                    | 356           | crococsmi calcinatis.                          | 315       |
| <i>Sclopetantis</i> pulveris præparatio.     | 104           | <i>Sphacelata</i> vesica.                      | 284       |
| <i>Sclopetaria</i> rotula naturâ sic forma-  | 1             | <i>Sphacelus</i> tibiæ & totius.               | 225       |
| ta.                                          |               | <i>Spina</i> ventriculû perforans.             | 143       |
| <i>Scorbuti</i> Thuringiæ hæreditaria cau-   |               | <i>Spina</i> ventosæ constitutio rarior, am-   |           |
| sa.                                          | 142. App.     | putatione feliciter curata.                    | 280       |
| <i>Scorbutico-hystericum</i> Asthma.         | 249           | <i>Spiritus</i> Salis Armoniaci ad Scrup. qua- |           |
| ejus causæ.                                  | 249. 252. 256 | tuor feliciter pro una dosi                    |           |
| curatio.                                     | 257           | assumptus.                                     | 405       |
| <i>Secundinarum</i> temerè abjectarum no-    |               | volatiles pingues ex capite                    |           |
| xa.                                          | 152           | mortuò C.C. & Sale Aceti                       |           |
| <i>Seminiferi</i> fungi calyciformes.        | 303           | albo.                                          | 425       |
| <i>Seminiferorum</i> & lymphaticorum         |               | urinæ, & quædam circa destil-                  |           |
| vasorum in testibus                          |               | lationem ejus notanda.                         | 425       |
| nova communica-                              |               | <i>Sputi</i> rejectio matutina copiosa à Ta-   |           |
| tio.                                         | 432           | baco.                                          | 375       |
| <i>Serpentes</i> cum excrementis emittens    |               | ratio.                                         | ibid.     |
| animal.                                      | 113. App.     | <i>Stannum</i> paralyseos causa.               | 156       |
| <i>Serpentis</i> morsus curatus.             | 266. seqq.    | <i>Stenotomicus</i> abdominis tumor in-        |           |
| <i>Serpentum</i> coronæ.                     | 129           | puerulo nondum tri-                            |           |
| instar araneæ exuvias suas                   |               | enni, rarus & admi-                            |           |
| deponunt.                                    | 112           | randus.                                        | 470       |
| <i>Serum</i> ubi à sanguine separatur.       | 98.           | <i>Stercoreus</i> sudor.                       | 134. App. |
| seqq. App.                                   |               | <i>Stercus</i> vaccæ nigræ Epilepsiæ reme-     |           |
| <i>Siluri</i> piscis, ventriculi anatome.    | 80            | dium.                                          | 133. App. |
| <i>Similitudo</i> corporis & animi rara in   |               | <i>Sterilitas</i> ab auribus abscissis.        | 161. App. |
| geminis.                                     | 334           | <i>Sterilitatis</i> causæ variæ.               | 166       |
| <i>Sitis</i> causa inopia alimenti humidique |               | cura in foemina Bernensi.                      | 166       |
| nativi.                                      | 29            | <i>Stomacacen</i> à vacca collectum.           | 363       |
| <i>Smegmate</i> aqua calida soluto alyus du- |               | <i>Stran-</i>                                  |           |
| rissima soluta.                              | 97            |                                                |           |
| <i>Sonitus</i> abdominis viperæ instar cla-  |               |                                                |           |
| morus.                                       | 23            |                                                |           |

*Index Rerum.*

|                                              |           |                                             |               |
|----------------------------------------------|-----------|---------------------------------------------|---------------|
| <i>Stranguria</i> à cantharidibus excitata.  | 264       | <i>Tabacum</i> sputi rejectionis matutinæ   |               |
|                                              |           | copiosæ causa.                              | 373           |
| <i>Stupefactiva</i> animalium quorundam      |           | ratio.                                      | ibid.         |
| vis.                                         | 436. 437  | <i>Tela</i> singularis pluvia in Curonia.   | 19.           |
| <i>Suctionis</i> ope foetus quasi mortuus in |           |                                             | App.          |
| vitam restitutus.                            | 125       | quid de illa sentiendum,                    | 42. App.      |
| usus in extrahendo è pene                    |           | <i>Tenesmi</i> causa & cura.                | 107           |
| calculo.                                     | 127       | <i>Tenia</i> ascendit supra colon.          | 42            |
| in vulneribus.                               | 127       | in intestinis canis diarrhoeâ af-           |               |
| <i>Sudans</i> effigies.                      | 331       | flictæ reperta.                             | 41            |
| <i>Sudor</i> stercoreus.                     | 134. App. | <i>Tensivorum</i> circa præcordia dolorum   |               |
| <i>Suffitu</i> curata maleficia.             | 152       | causa rarior.                               | 21            |
| <i>Suffocativum</i> asthma mirandum.         | 153       | <i>Termites</i> per urinam excreti.         | 478           |
| periodicum curatum.                          | 238       | in puella bimula.                           | 143           |
| <i>Suillo</i> pudendo urinæ incontinentia    |           | <i>Terra</i> catechu tinctura spontè in ge- |               |
| curata.                                      | 148       | latinam concreta.                           | 377           |
| stercore colica cum alvi adstri-             |           | <i>Testium</i> tumor.                       | 457           |
| ctione feliciter curata.                     | 97        | <i>Thea</i> Chinensis Icon.                 | 486           |
| <i>Sulphur</i> anodynum verum.               | 426       | alia substitui posse simplicia pu-          |               |
| antimonii, quomodo ex eo                     |           | tatur.                                      | 362           |
| lapis Bezoar mineralis pa-                   |           | <i>Theoremata</i> Physico - Mathematica.    |               |
| randus.                                      | 426       |                                             | 55. App.      |
| <i>Sulphurea</i> pluvia.                     | 367       | <i>Theriaca</i> Bezoardica descripta.       | 270           |
| ejus causa & materia.                        | ibid.     | <i>Theriaca</i> in morbis venenatis excel-  |               |
|                                              | seqq.     | lens usus.                                  | 269. seqq.    |
| <i>Superfatationes.</i>                      | 319       | <i>Thuringia</i> scorbutica.                | 142. App.     |
| <i>Surditas</i> aurium curata.               | 163       | <i>Tibia</i> & totius necrosis subitanea.   | 225           |
| <i>Surditatis</i> causæ.                     | 164       | <i>Tilli grana</i> numero centum in uno     |               |
| <i>Sympathia</i> singularis duarum gemel-    |           | die adolescenti propina-                    |               |
| larum.                                       | 334       | ta.                                         | 426           |
| inter maritum ejusque ux-                    |           | <i>Tinctura</i> Martis solaris in quibusdam |               |
| rem.                                         | 409       | affectibus effectus singu-                  |               |
| <i>Symptomata</i> uteri spastica.            | 159       | laris.                                      | 359           |
| <b>T.</b>                                    |           | <i>Tinnitus</i> aurium curatus.             | 163           |
| <b>T</b> abaci fumo Epilepsiam foveri,       |           | <i>Tonsura</i> & per eam cephalalgia cura-  |               |
| exemplo probatur no-                         |           | tio.                                        | 294. 295      |
| tabili.                                      | 373       | <i>Tophacea</i> materia cum alvi excre-     |               |
| <i>Tabacini</i> fumi utilitas.               | 92        | mentis ejecta.                              | 349           |
|                                              |           | <i>Tophi</i> quadrati pecudi lethales.      | 48            |
|                                              |           | * P p 2                                     | <i>Tophus</i> |



*Index Rerum.*

- Tophus* oculi fringillæ epilepticæ. 78  
     vaccinus inter excrementa re-  
     pertus. 45  
     vitulinus. 47  
     ejus generationis ratio. 48  
*Tormentilla* radice virtus antifebri-  
     lis. 362  
*Tormentorum* bellicorum prohibitio  
     vera & vana. 310  
*Trifolium* quadrifolium. 327  
*Tumor* glandulosus ab omento depen-  
     dens, herniam aut bubonem  
     mentiens. 21. 23  
     inguinis gelatinosus in puero  
     pro hernia habitus. 20  
     pro hernia falso habitus,  
     pinguedine repletus. 21  
     linguæ insignis. 95  
*Tumor* oculi juxta iridem, feliciter cu-  
     ratus. 435  
     singularis Sarcocoele falso cre-  
     ditus. 20  
     steatomaticus in puero non-  
     dum trienni, rarus & admi-  
     randus. 470  
*Tumor* testium. 457  
     ventriculi verminosus cum  
     folliculo. 26, seqq.  
     uteri glandulosus adnatus ex-  
     ternus. 15  
*Tumores* cum folliculo inter rariores  
     numerantur. 29  
     in hepatis convexo murium,  
     ovium & boum reperti. 31  
     lumbricis gravidi. 31  
     nervis carent. 34  
     nutriuntur à sanguine arte-  
     rioso. 30  
     an vegetabilis, animalis, aut  
     mixtæ sint naturæ. 30
- Turturis* pinguedine suffocata anatome. 69  
*Tussis* & cum eo calculi rejectione. 262  
     periodica curata. 291  
*Tympanitis* & in eo salutaris conservæ  
     spagyricæ effectus. 102  
*Tympanorum* sonitus funestus. 90  
*Tympanum* metallicum ex nubibus  
     in Insula Serou cum  
     tonitru delapsum. 6  
*Tzumaky* Japonensis Planta. 132
- V.*
- Vacca* epileptica & varia circa ejus  
     vesiculam felleam notatu  
     digna. 55  
*Vacca* nigra stercus Epilepsiæ reme-  
     dium. 133. App.  
*Vaccinus* tophus inter excrementa re-  
     pertus. 45  
     singulare ægrè partu-  
     rientibus prabet re-  
     medium. 45  
*Vagitus* uterinus infastus. 86  
*Valeriana* radice admirandus in Epi-  
     lepsia usus. 142  
*Valvula* conniventes intestinorum  
     tenuium. 41. 42  
     geminæ in vena emulgente,  
     quarum hiatus alter versus  
     cavam, alter versus renem  
     spectabat. 49. 51  
*Variola*, guttæ serenæ incipientis cau-  
     sa. 162  
*Variolarum* materia purulenta, cri-  
     ticè per urinam excre-  
     ta. 344  
*Vasa* an, & quomodo dispereant. 51. 52  
*Vegetabilia* in aëre generari negatur.  
     32. App.  
     *Vege.*

*Index Rerum.*

|                                                                                            |                                                                            |
|--------------------------------------------------------------------------------------------|----------------------------------------------------------------------------|
| <i>Vegetabilium</i> pluviarum causa. 27.                                                   | <i>Venerem</i> arcet crebrior anethi usus. 288                             |
| App.                                                                                       |                                                                            |
| <i>Vena</i> an sit secanda. 74. seqq. App.                                                 | <i>Venerem</i> appetitus auribus abscissis                                 |
| cui sit secanda. 85. seqq. App.                                                            | penitus extinctus, 161                                                     |
| quando sit secanda. 91. seqq. App.                                                         | <i>Ventriculi</i> intemperies vaga lethalis. 289                           |
| quantum sit sanguinis emittendum. 90. seqq. App.                                           | Siluri piscis anatome. 80                                                  |
| quomodo sit secanda. 87. seqq. App.                                                        | tumor verminosus in cane. 26                                               |
| <i>Vena</i> ab omni sanguine vacuæ. 24                                                     | <i>Ventriculum</i> perforans spina & acicula. 143                          |
| <i>Venasectio</i> in febre Epidemica & salutaris & noxia. 197                              | <i>Ventriculus</i> Siluri extra corpus ultra diei spatium vitam trahit. 81 |
| an in febribus conveniat. 78. seqq. App.                                                   | ab eo totum œconomia animalis dependet negotium. 423                       |
| an in malignis præsentibus exanthematibus conveniat. 198                                   | <i>Verbera</i> imminentis apoplexiæ remota. 128                            |
| qui eam nunquam admittant, & quid de argumentis huc facientibus sentiendum. 74. seqq. App. | <i>Vermes</i> in ductu bilioso boum & ovium reperti. 31                    |
| & quæ circa illam notanda. 74. seqq. App.                                                  | februm causa. 116                                                          |
| <i>Venasectionis</i> in morbis malignis utilitas. 408                                      | lati, in canis intestino jejuno reperti. 74                                |
| varia notabilia. 72. App.                                                                  | multorum morborum causæ. 111. seqq. App.                                   |
| <i>Venenum</i> per annum in corpore latens, feliciter expulsum. 84                         | in sanguine febricitantium. 32                                             |
| bufones ad oculos anterioresq; capitis partes convocare possunt. 323                       | non solis victitant sordibus, 33                                           |
| bufonum. 322                                                                               | per umbilicum lethaliter prodeuntes. 25                                    |
| an ligatura facta non ulterius ascendat. 267. 272                                          | <i>Verminosus</i> ventriculi tumor cum folliculo. 26                       |
| morfu canis rabidi inducitur, post octo annos excitatur. 380                               | <i>Vermis</i> dentis inquilinus, odontalgia violentæ causa. 332            |
|                                                                                            | <i>Vermis</i> narcoticâ virtute præditus. 456                              |
|                                                                                            | ex naribus puerperæ infelicis, post mortem erumpens. 17                    |
|                                                                                            | quadratus. 480                                                             |



*Index Rerum.*

|                                                  |           |                                               |            |
|--------------------------------------------------|-----------|-----------------------------------------------|------------|
| <i>Vermium</i> in tumoribus cum folliculo        |           | <i>Viride</i> capillitium.                    | 298        |
| reptorum generationis                            |           | <i>Visus</i> debilitas ex barbæ & pilorum.    |            |
| ratio.                                           | 32        | tonfura.                                      | 29. 295    |
| <i>Vertiginosus</i> mus.                         | 378       | <i>Vitam</i> ventriculus Siluri piscis ultra  |            |
| <i>Vesica</i> liquore lacteo repleta in vitu-    |           | unius diei spatium ex corpore                 |            |
| lo.                                              | 79        | extractum trahit.                             | 81         |
| sphaælata.                                       | 284       | <i>Vitem</i> inter & brassicam antipathia     |            |
| <i>Vesica</i> turgida partum reddere potest      |           | fabulosa.                                     | 113        |
| difficiliorem.                                   | 76        | <i>Vitrificatio</i> metallorum.               | 115        |
| <i>Vesica</i> calculi signa sine calculo.        | 282       | <i>Vitula</i> hermaphroditæ creditæ ana-      |            |
| calculus lethalis.                               | 94        | tome.                                         | 62         |
| coalitio.                                        | 79        | <i>Vitulus</i> hermaphroditus, cervinis pe-   |            |
| defectus in hydropica.                           | 274. 276  | dibus.                                        | 395        |
| fermentum symbolicum qua-                        |           | nullius generis.                              | 62         |
| le?                                              | 102. App. | in utero putrefactus per os &                 |            |
| monstrosæ anatome.                               | 79        | vulvam ejectus.                               | 155. seqq. |
| omnia insunt fermentationis                      |           | App.                                          |            |
| requisita.                                       | 103. App. | <i>Umbilicalia</i> vasa, & de iis varia mu-   |            |
| <i>Vescatoria</i> & in iis adhibendæ caute-      |           | lierum deliramenta.                           |            |
| læ.                                              | 264       |                                               | 392        |
| <i>Vesicula</i> fellis non nisi per accidens est |           | <i>Umbilicalis</i> funiculi defectus in foetu |            |
| necessaria.                                      | 56        | humano.                                       | 392        |
| <i>Vesicula</i> fellis in epate ovillo defectus. |           | <i>Umbilicalium</i> vasorum hæmorrhagia       |            |
|                                                  | 55        | in recens natis lethali-                      |            |
| suillo defectus.                                 | 54        | lis.                                          | 365        |
| <i>Veteres</i> an carnis structuram ritè co-     |           | <i>Umbilicus</i> , & per eum calculi ac men-  |            |
| gnoverint.                                       | 38        | ses prodeuntes.                               | 431        |
| <i>Vexillum</i> , Turcis post derelictam Vi-     |           | feces lethaliter pro-                         |            |
| ennam ereptum, mortem                            |           | deuntes                                       | 24         |
| raptoris sui indicans.                           | 87        | <i>Unguentum</i> ranunculare animi deli-      |            |
| <i>Vincetoxici</i> radicis decoctio Anasarca     |           | quæ causa.                                    | 157        |
| curata.                                          | 105       | <i>Vomitus</i> & cum eo calculi rejecti.      | 262        |
| <i>Vini</i> spiritus nimius usus, hydropis       |           | & crapula non desinentes, ni-                 |            |
| causa.                                           | 225       | si hac numero hora, quæ                       |            |
| <i>Vinum</i> Franconicum in febre pete-          |           | crapula inceperat.                            | 396        |
| chiali innocuum.                                 | 287       | diuturni causa.                               | 136        |
| optimum animi deliquit reme-                     |           | diuturnus lethalis.                           | 83. 205    |
| dium.                                            | 207       | & dysuria post coitum ordi-                   |            |
| à quibus parcius bibendum.                       |           | narius.                                       | 157. App.  |
|                                                  | 209       | <i>Vomi-</i>                                  |            |

*Index Rerum.*

|                                                                                     |                                                                                                                  |
|-------------------------------------------------------------------------------------|------------------------------------------------------------------------------------------------------------------|
| <i>Vomitus</i> & cum eo pinguedo aliquot annis sine sanitatis damno excreta. 346    | <i>Urina</i> spiritus, & quædam circa destillationem ejus notanda. 425<br>suppressione extincti anatome. 12. 150 |
| <i>Ureter</i> inq; illo Laminæ ossæ reperi-<br>ta, 49. 52                           | <i>Urinaria</i> vesicæ usus alius, quàm hucusq; creditus. 96. App.                                               |
| <i>Urina</i> cruenta à cantharidibus excitata. 264                                  | <i>Uromantia</i> & quid de illa sentiendum. 104. seqq. App.                                                      |
| pedicularis. 130. seqq. App.                                                        | <i>Uteri</i> aquosus fluxus cum quadam hydropis specie. 187                                                      |
| & cum ea pinguedo aliquot annis sine sanitatis damno excreta. 346                   | defectus in hydropica. 274. 276                                                                                  |
| & cum ea termites excreti. 143. 478                                                 | glandulosus tumor externus adnatus. 15                                                                           |
| & per eam variolarum materia criticè excreta. 344                                   | orificium in ore concretum, partus negati causa. 44                                                              |
| <i>Urina</i> ardor imensus & diuturnus. 93                                          | ovilli embryis intus sceletis anatome. 42                                                                        |
| elementa. 96. seqq. App.                                                            | procidentia excisæ felix eventus. 98                                                                             |
| generationis modus. 98. seqq. App.                                                  | <i>Uteri</i> suilli foetibus disparis magnitudinis anatome. 68                                                   |
| parecbasis. 95                                                                      | <i>Uterina</i> melancholia curata. 165                                                                           |
| seqq. App.                                                                          | symptomata spastica. 159                                                                                         |
| ad eam facientia vasa. 96. 98.                                                      | <i>Uterinus</i> vagitus infautus. 86                                                                             |
| seqq. App.                                                                          | <i>Utero</i> rupto foetus intra abdomen exclusus. 16. 17                                                         |
| incontinentia pudendo suillo curata. 148                                            | <i>Uterus</i> & extra illum reperti foetus leporini. 45                                                          |
| inspectio, & quid de illa sentiendum. 104. seqq. App.                               | <i>Vulva</i> clausa spontè rupta concipiens & pariens. 160. App.                                                 |
| materiam non solapræbent potulenta. 104. App.                                       | & per illam excrementa alvi re-<br>jecta. 135. App.                                                              |
| meatus extraordinarius. 13. 14                                                      | <i>Vulva</i> non animadversa amissio eamq; concomitantia incommoda. 400                                          |
| Officina vera non sunt renes sed vesica. 98. seqq. App.                             |                                                                                                                  |
| cur rubescant intensius. 101. seqq. App.                                            |                                                                                                                  |
| sanorum similes & quid de his in febb. malignis sentiendū. 94. seqq. App. 106. App. |                                                                                                                  |

F I N I S.



*Errata in Anno VII. Dec. II. Eph. Nat. Cur.*

**P**Ag. 6 lin. 2. pro puncto ponatur comma. p. 6. l. 8. leg. Euronothum. p. 6. l. 14. tonitru. & l. 31. foramen. p. 7. l. 15. fulmineo. p. 10. l. 27. antimoniat. p. 23. antepenult. rugitem. p. 24. antep. quetta. p. 28. l. 17. iste. p. 32. l. 26. ovulis. p. 42. l. 27. dissectis. p. 44. l. 16. quoad. p. 45. l. 23. quoad. ad. p. 46. l. 12. secretoria. p. 62. penult. del. punctum. p. 77. l. 14. vasis. p. 80. l. 17. immersum. p. 81. l. 9. parenchymati. p. 93. l. 15. describam: ad urinam creberrimè. p. 101. l. 15. amittunt. p. 109. l. 5. fragar. p. 110. l. 16. flaved. p. 127. l. 15. sapiusculè. & l. 19. fota. p. 153. l. 7. compare. p. 162. l. 5. ortam. p. 162. l. 7. elati. p. 166. l. 21. symphyfis. p. 167. l. 6. sperata. p. 167. l. 12. applicet. p. 173. l. 20. admittunt. p. 175. l. 32. fusoria. p. 177. l. 4. cessatio. p. 179. l. 6. multos adseriretur. p. 179. l. 10. fortes. p. 182. l. 8. dejectio, propter. p. 184. l. 10. eff. p. 188. l. 26. del. ut. p. 194. l. 14. fibrillis, turgens. p. 196. l. 29. augebat. p. 202. l. 2. calores. p. 205. l. pen. aliquod. p. 213. l. 6. Cum enim. p. 214. l. 6. rabiei. p. 214. l. 12. aa. p. 218. l. 23. nodulo. p. 221. l. 19. aurum. p. 222. l. 9. cogere. p. 227. l. 6. usque. p. 237. l. 11. quidem. p. 260. l. 28. transilirent. p. 271. l. 5. corr. 3vj. del. vel. p. 276. l. 29. figuram. p. 306. l. 8. quas. p. 306. l. 9. allegatas. p. 306. l. 11. eas. p. 308. l. 18. incuteret. p. 313. l. 17. insequerantur. p. 347. l. 9. charis. p. 356. l. 31. pro ovi: leg. qvæ. p. 362. l. 17. datus. p. 367. l. 22. Non. p. 372. l. 15. patronis. p. 377. l. 12. externæ. p. 390. l. 15. interdicebatur. p. 403. l. 13. post: Bartholini del. comma. p. 405. l. 15. assumturam. p. 411. l. 26. Galliis. p. 411. l. ult. spirituum. p. 422. l. 16. pro puncto fiat comma. p. 422. l. 23. avis. p. 423. l. 17. variæ figuræ. p. 404. l. penult. ab. p. 438. l. antepen. sufferimus. p. 443. l. 16. post: G. H. add. Unde etiam objectum A. B. majus & propius apparet, quasi extensum esset & collocatum in G. H. p. 445. l. 16. eisdem. p. 469. l. 2. ovulorum. p. 469. l. 29. ovalis. p. 470. l. 14. verè.

*In Appendice.*


**P**Ag. 8. lin. 31. carnes. p. 21. l. 9. quoad. p. 59. l. 7. DIC. p. 59. l. 29. del. comma. p. 62. l. 4. GH. p. 62. l. 21. Prop. 4. add. lib. 5. p. 62. l. 22. ad calorem. p. 63. l. 9. figura tertia. p. 64. l. penult. del. comma. p. 66. l. 30. tertia. p. 66. l. ult. quarta. p. 67. l. 3. tertia. & pen. tertia. p. 68. l. 3. sexta. p. 70. l. tertia. p. 73. l. 15. tres. p. 73. l. 16. Neccarini vini. p. 80. l. 12. quàm. p. 85. l. 13. leg. Ann. I. p. 97. l. 3. lixivioso. p. 99. l. 10. cis. p. 105. l. 31. spiritu. p. 105. l. 32. dar. p. 117. l. 32. Cornel. p. 118. l. 8. post: persuaserat add. punctum. p. 130. l. penult. aperta. p. 137. l. 9. ætate. p. 138. l. 31. gt. p. 144. l. ult. lilia. p. 152. l. 27. del. punctum. p. 205. l. 18. uno. p. 213. l. 5. petrigno. p. 220. l. 10. ad modum. p. 241. l. antepen. direxerat. p. 247. l. 19. Ephemerides.

*In Progressu.*


Pag. 2. 2. lin. 5. leg. catenis. P. 2. 3. lin. 28. Collectionis. P. 4. lin. 8. Augustâ. P. b. 3. lin. 21. efficiem. P. b. 4. lin. 2. Directoratum. P. c. 2. l. 5. S. R. I.


*Bericht an den Buchbinder.*

Benzelegte 3. unpaginirte Kupffer werden eingebunden; Das erste / als das Wappen der Academia Nat. Cur. zu Anfang des Progressus: Das andere / die effigies Vollgnadii, zu dessen Memoria ad paginam 228. Die Allmacheri memoria ad paginam 264. in Appendice.











2016-S332



مفرد



